

P. T. de la Salle

v. 24

23802

TRADITIO CATHOLICA.

SÆCULA IV-V. ANNI 387-430.

SANCTI AURELII

AUGUSTINI,

HIPPONENSIS EPISCOPI,

OPERA OMNIA,

POST LOVANIENSIMUM THEOLOGORUM RECENSIONEM

CASTIGATA DENUO AD MANUSCRIPTOS CODICES GALLOCOS, VATICANOS, HELGICOS, ETC.,

NECNON AD EDITIONES ANTIQUORES ET CASTIGATIONES,

OPERA ET STUDIO

MONACHORUM ORDINIS SANCTI BENEDICTI

E CONGREGATIONE S. MAURI.

EDITIO NOVISSIMA, EMENDATA ET AUCTIOR,

ACCURANTE J.-P. MIGNE,
BIBLIOTHECA CLERI UNIVERSÆ,

SIVE

CURSUM COMPLETORUM IN SINGULOS SCIENTIAS ECCLESIASTICAS RAMOS EDITORE.

TOMUS TERTIUS.

PARS PRIOR.

VENIT 15 FR. GALLICIS.

EXCUBEBAT ET VENIT APUD J.-P. MIGNE EDITOREM,
IN VIA DICTA THIBAUT, OLIM D'AMBOISE, PROPE PORTAM LUTETIAE PARISORUM VULGO
D'ENFER NOMINATAM, SEU PETIT-MONTROUGE, NUNC VERO INTRA MOenia PARISINA.

1865

TRADITIO CATHOLICA.

SÆCULA IV-V. ANNI 387-430.

ELENCHUS

AUCTORUM ET OPERUM QUI IN HOC TOMO XXXIV CONTINENTUR.

S. AUGUSTINUS, HIPPONENSIS EPISCOPUS.

	Pag.
De Doctrina Christiana libri IV.	16
De Vera Religione liber unus.	121
De Genesi contra Manichæos libri II.	173
De Genesi ad Litteram imperfectus liber.	219
De Genesi ad Litteram libri XII.	215
Scripturæ sacræ Locutionum libri VII.	485
Quæstionum in Pentateuchum libri VII.	547
Annotationum in Job liber unus.	825
De Scriptura sacra Speculum.	887
De Consensu Evangelistarum libri IV.	1041
De Sermone Domini in monte libri II.	1229

IN TERTIUM TOMUM

Præfatio.

Cum scientiam sanctorum Scripturarum, ceu castas animæ sue delicias (*Confess. lib. 11, c. 2*), ab inito maxime sacerdotio unam excoluerit Augustinus; operæ pretium erat, ut ab ipso statim limine primis ejus scriptis et epistolis succederent sacrae ipsius commentationes, et recto quidem ac naturali ordine disponerentur. Nam, si libros polemicos, qui adversus Manichæos, Donatistas, Pelagianos, aliosque hereticos ab eo conscripti sunt, in unani classem editores studiosorum gratia digesserunt; idem sane in Exegeticis præstandum erat, quod in recensendis Patribus, Ambrosio, Gregorio, aliiisque nuper factum est. Id enim non modo argumenti dignitas, sed etiam piorum lectorum causa, qui Augustinum de sanctis Litteris disserente in auctoritate amant, postulare videbatur; ut dispositis ex ordine Scripturis, continuas sancti Doctoris expositiones in promptu haberent. Hinc est quod cum istæ antehac in quasdam veluti lacinias inconcinne divulgæ, ac dispersæ extarent per varios hinc inde tomos; eas in unum demum adducere visum est, ne illa pars quæ potiores sibi curas, majoremque religionem merito vindictabat, tanquam minus a nobis curata haberetur, si perturbatum et confusum superiorum editionum ordinem retineremus.

Quapropter, quæ Augustini in sacras Litteras lucubrationes in tertio, quarto ac nono tomo distractæ erant, eas in hoc volumen pro serie Veteris ac Novi Testamenti ordinate conjecimus; præmissis in fronte libris de Doctrina Christiana, quæ veluti clavis atque ars est recte interpretandi rationis, quam adhibuit Augustinus, et post eum catholici commentatores. Hunc autem ordinem nulla sane singularitatis affectatione instituimus, sed virorum eruditorum consilio, atque animo juvandi lectores christianos, qui reconditos Scripturarum sensus ex Patrum traditione depromere ac discere malunt, quam ex libris recentiorum auctorum, rati plus latenter efficacia coelestisque virtutis illis inesse, qui ad ipsos fontes proprius accedunt, non solum tempore, sed etiam sanctitate.

Cum enim Scripturæ sacræ expositio in duabus maxime partibus consistat, nimirum in vero germanoque sensu elicendo, et in excitandis ad pietatem lectorum animis; ita comparati sunt piorum doctorumque simul hominum plerique, ut non solum plus valent apud eos veterum quam recentiorum auctoritas, sed etiam longe amplius in Dei cultum et amorem ex illorum lectione accendantur: sive id oriatur ex insita veneratione majorum, sive ex cœlesti quadam virtute eorum libris infusa, atque ex quodam genuinæ sanctitatis succo et gusto, qui ex eorum scriptis percipitur. Etsi porro in explicando sensu litterali seu grammatical nonnulla felicius assecuti sint recentiores quidam, quam veteres; magis tamen ad roborandam fidem conducunt hi quam illi: at si reconditæ pietatis sensum in utrisque compares, in novis pene emarcida et languens jacet intelligentia Scripturarum; in antiquis sacro charitatis igne succensa animos legentium foveat ac recreat. Id sane experiri licet præcipue in Augustino, imo experti sunt quicumque sedulam ejus commentarii ac scriptis navarunt operam. Nam, si docendi sunt lectores, *sicut sol in lumine excedit omnes planetas, ita Augustinus omnes excessit in exponendo sacras Scripturas*, inquit Remigius Autissiodorensis (*Comment. in 11 Cor.*). Si commovendi et excitandi sunt legentium affectus, nullus id suavius et efficacius præstat quam Augustinus. Probavit hoc jam olim Fulgentius tanti Magistri discipulus, qui *ubi omnia quæ sibi dura videbantur expertus, adjutorio gratiae spiritualis voluntari suæ sensit suppetere facultatem; beati Augustini exponentis trigesimum sextum Psalmum disputatione commonitus et compunctus, publicare suum statuit volum* (*In vita S. Fulg. cap. 5*) quod de monastico instituto conceperat.

Hæc autem sancti Doctoris in exponendis Scripturis dotes ita suspoxere non modo posteri, verum etiam ejus æquales, ut ad ipsum in obscuris ac dubiis locis, tanquam ad cœleste oraculum, missis epistolis consugerint Simplicianus Mediolanensis, Paulinus Nolensis, Evodius Uzalensis antistites: imo ad eumdem Orosius presbyter, ab ultima Hispania, solo sanctorum Scripturarum ardore inflammatus advenerit (*August. epist. 169, n. 13*). Hinc Augustinum Audax Oraculum legis appellat (*Epist. inter Augst. 260*); asseritque Volusianus legi deesse, quidquid contigerit ab eo ignorari (*Ibid. 135, n. 2*). Sed illud in primis commendatione dignum quod non tantum privati doctissimi quique homines, sed ipsa Concilia, scilicet Numidias et Carthaginis, sanctissimo Doctori, tanquam canonico interpreti, sacras Scripturas exponendi curam et provinciam commiserint (*Epist. 213, n. 4*), ut quod jam divina providentia ipsi creditum fuerat, etiam suffragante ac postulante Ecclesia exsequeretur.

Ad eam vero sacrorum Librorum intelligentiam pervenerat Vir sanctissimus imprimita vita integritate ac puritate. Unde Paulinus ad ipsum: *Lucere non dubito sanctæ animæ tue, quæ de interioris oculi puritate meruit illuminationem Spiritus sancti, per quem scrutari et inspicere possit alta Dei.* (*Epist. inter Aug. 121, n. 18*). Deinde quæ ipsius erat in sacram Scripturam religio et reverentia, tantum ejus animo venerationis incusat.

PATROL. XXXIV.

(UNE.)

serat, ut perpetuo miraretur profunditatem eloquiorum divinorum, et ipsi horror esset intendere in eam (*Confess. lib. 12, c. 14*). Unde, quemadmodum temerarius Scripturarum scrutator opprimitur a gloria (*Prov. xxv, 27*); sic e contrario ejus splendore ipse religiosus admirator totus illustrabatur. His accessit servens et indefessum Augustini in easdem Scripturas studium, adeo ut totus inardesceret meditari in lege Dei, nolleque in aliud horas diffluere, quas a vita necessitatibus liberas inveniebat (*Confess. lib. 2, c. 2*). Ideo cum ad extremam vitæ periodum pervenisset, successorem sibi substitui curavit, quo pastoralibus curis expeditus, totus in eam meditationem intenderet animum (*Epist. 213, n. 4*); quasi non aliam, universæ Ecclesiae magis utilem necessariamque operam navare posset.

Sed huic intelligentiae cumulum imposuisse videntur ejus charitas et modestia. Modestia quippe modo imperitiam atque insecitiam suam proficitur, modo expositiones suas timide pro conjecturis proponit: tum alios ad meliores inveniendas hortatur; et si quid ipse profecerit, non suæ ipsius industria, sed aliorum meritis et orationibus ascribit. Denique charitas efficit, ut in varias sese formas componat, et ad res minutissimas demittat, qualis est numerorum expositio, ut sæculi sui genio ac studiis sese accommodet. Quæ res tantum abest ut minorem de ejus commentariis opinionem generare, quin ex adverso majorem eis gratiam conciliare debeat; quo magis accedit ad illam sapientiae divine formam, que rudium et imperitorum hominum causa quodammodo puerascere non erubuit. Non ergo audiendi sunt quidam minus religiosi censores, qui in sacris Libris nonnisi grammaticalia fere elementa pensitantes, in sanctissimo Doctore carpere ausi sunt humilem interpretandi modum, qui ad regulas artis divinae totus compositus est, non ad humanæ illius, quam isti tam studiose consequuntur, humanæ eloquentiae pompani.

Neque quemquam offendere debent allegoriae, quibus aliquando Vir sanctus usus est in explanando præcipue Veteri Testamento. Hac enim religione in ejusmodi rebus agere solebat, ut illum ex teris expositorum præferret, qui omnia quæ dicta sunt, secundum litteram acciperet, dummodo posset evitare blasphemias (*D: Genesi contra Manich. lib. 2, c. 2*); id est indignum Deo sensum. Sin minus, ad allegoricum sensum confundendum esse docebat exemplo Apostolorum, qui eo sensu non semel usi sunt. Et certe quoniam Scriptura vetus rationem habet historicæ, prophetæ atque legis; pro triplici ista ratione triplex sensus a sacris interpretibus merito usurpatus est; litteralis qui historicæ, allegoricus qui prophetæ, moralis qui legi respondet. Itaque, etsi sensus ille mysticus ad finienda et stabienda Ecclesiae dogmata solus non sufficiat, nisi in sacris Litteris contineatur; utilissimus tamen est, ubi promovendæ legis perfectioni inservit, scilicet charitati; et ubi dicit ad Christum, qui finis est legis ac charitatis. Duplicem hunc scopum, ceu duplarem regulam, sibi proponit Augustinus in commentariis suis: unde sit ut nihil spirare videantur, nisi Christum; nihil inspirare, nisi charitatem. Accedit quod prudenter admodum hunc sensum inducit, eumque plurimum elicit ex litterali; nec ad eum facilius confugit, etiam in illis libris quos edidit adversus Manichæos (præterquam in primo suo super Genesim opere); tametsi opportuna ejus scopo hæc ratio videretur ad explicanda quædam veterum Patrum facta, quibus haeretici illi abutebantur. Sicubi vero Doctor sapientissimus unicum profert allegoricum sensum; id facit vel quia literalem sibi obscurum ignotumve confitetur; vel quia litteralis ipse per sese ita dilucidus est, ut explicatione non egeat; vel denique quod aliis in locis eum exposuerit. Illoc enim pertinet ad prudenteriam catholici Doctoris, ut non quavis occasione litteralem, ne vilescat, inculcat; sed aliquando præferat mysticam ac spiritualem, ubi auditorum studia et affectus id postulare videbuntur; imo etiam ipsa res, cum sensus allegorius litteralis gerit vicem.

Hic fortasse occurrentum esset censuræ quorumdam hominum levis auctoritatis, qui verbis inverecundis Augustino exprobare ausi sunt imperitiam linguarum, ex quarum ignoratione lapsus sit aliquando, ut mollius reddamus cuiusdam neoterici dictum, quod atroci et impudenti vocabulo expressit. Sed ejusmodi convicia in auctorem ipsum recidunt, constatque apud æquos rerum æstimatores, Augustinum ad intelligentiam Novi Testamenti subsidio græcae linguae, ad quam omnes latine editiones conditæ sunt, satis instructum fuisse, ut probant variae Lectiones ex græcis fontibus deducantur, quas Vir sanctus in locis dubiis aut mendosis adhibuit. Fatetur quidem in Confessionibus suis Vir modestissimus se, cum puerulus latinas litteras adamaret, græcas odisse (*Confess. lib. 1, c. 15*); sed jam episcopus, jam senex, ait Erasmus, *ad puero sibi fastiditas græcas litteras reversus est*. Qua in re egregium dedit specimen suæ in sacras Scripturas sedulitatis et reverentiae, qui jam senex, tot negotiis distractus, ad elementa græca descendere non gravatus est, ut ad sacrarum Litterarum intelligentiæ textum esset instructior.

Quod attinet ad Vetus Testamentum, in eo exponendo Vir sanctus præ oculis habuit versionem Septuaginta interpretum, quæ sola tunc in auctoritate erat jam inde ab Apostolorum temporibus: sed eam ita secutus est, ut in nullum inductus sit grave erratum; tametsi ubiores fortasse et locupletiores fuissent ipsius commentarii, si in hebraicas litteras penetrasset. Porro græcus contextus Septuaginta ab eo receptus, ille ipse est quem recensuit Nobilis; cuius pleræque variantes ex Augustino lectiones oriuntur ex editionum vitiis, quæ subsidio veterum librorum in hac editione sustulimus. Eam autem interpretationem credimus illam esse, quam ipse U'sitatem appellat (*De Consensu Evang. lib. 2, c. 66*), Hieronymus Veterem et Vulgatam (*Lib. de Optimo genere interpret. et in Eccl. 1, 7, seq.*), eandem fortasse quam ceteris præfert Augustinus, nempe Italam, ab ipso laudatam in libro secundo de Doctrina Christiana, capite decimo quinto, tanquam verborum tenaciorem

cum perspicuitate sententiae : si tamen Italica haec aliud complectebatur quam Novum Testamentum ; quod ex Augustini verbis non penitus exploratum est. Ceterum in libris Locutionum et Questionum in Heptateuchum, quos composuit iam senex, versionem ex hebreis fontibus proxime derivatam consulere solet, vulgari nostrae convenientem ; forsitan quae auctore Hieronymo prodierat, quam versione Septuaginta tandem accuratiorem agnoscit in libro quarto de Doctrina Christiana (Cap. 7, n. 15), scripto per id tempus, quo retractandis opusculis suis incumbebat. Paulo post, id est, sub finem vitæ suæ, hanc versionem adhibuit in condendo Speculo, quod ex Scripturæ centonibus ad usum vulgi tum meditabatur : sicutque factum est ut haec in manus populi ab Augustino tradita, evaserit vulgaris ac receptissima, versione Septuaginta interim quamdam retinente auctoritatem etiam in Ecclesia Romana, ut sancti Gregorii ad Leandrum Hispalensem super Jobi expositionem epistola contestatur.

Denique si nostram in recensendis istis Augustini libris operam commemorare juvat ; summa cum ubiq[ue] cura et fide, tum maxime ubi in sacro textu mutandum aliquid vel tantillum fuit, agendum esse duximus. Quapropter cum in nonnullis Scripturæ testimoniis varietatem apud Augustinum nostrum deprehendet lector, atque unam eamdemque sententiam non constanter a nobis in integrum ubique, sed certis quibusdam in locis restitutam ; id minime tribuet negligenter aut temeritati, sed religioni et sinceræ fiduci nostræ. Nam ea in re secuti sumus veterum codicum fidem, sicutabi quid vel castigandum erat, vel retinendum : ne si pro arbitrio unam eamdemque sententiam, quam aliquando corrigendam esse docebant melioris notæ codices, in aliis locis diversam absque suffragio codicum similiter emendaremus ; excideret non levis, qui ex variis Augustini scriptis percipitur fructus, nempe ut ex variantibus ejus lectionibus argumenta deducantur tum ad restituendam Bibliorum quæ modo in Ecclesia leguntur integritatem, tum ad eorum auctoritatem stabilendam.

ADMONITIO

IN LIBROS DE DOCTRINA CHRISTIANA.

Exegeticis opusculis, quæ tomus hic tertius complectitur, præfigendos curavimus libros de Doctrina Christiana, quorum videlicet argumentum eo pertinet, ut ad sacrarum Scripturarum intelligentiam et tractationem necessariis quibusdam documentis et præceptis imbuamur. Opus pro rei dignitate studiose elaboratum, nec profecto indignum, cui locus in Bibliorum limine cum Hieronymianis præfationibus concedatur. Id susceptio non ita pridem episcopatu[m], sicut ex Retractionum serie intelligimus, id est, sub Christi annum trecentorum nonagesimum septimum inchoaverat Augustinus, et cum ad eam duntaxat libri tertii partem, cui numerica nota 36 nunc præfigitur, perduxisset, impeditre non potuit quo minus continuo prodiret in publicum : quandoquidem in libris contra Faustum, circiter annum quadringentesimum conscriptis, locum ex eo quemdam de Ægyptis per Hebreos Dei iussu expoliatis commemorat in haec verba : *Quid præfiguraberit, jam in quibusdam libris, quos de Doctrina Christiana prænotavi, quantum mihi tunc occurrit, me recolo posuisse* (Lib. 22, cont. Faust. c. 91). Postmodum vero recognoscens opuscula sua, cum imperfectum illud compumperisset, prius absolvere voluit, quam ad alia retractanda gradum saceret : tuncque non modo librum tertium complevit, sed etiam quartum adjicit, anno a sua in Mauritaniam Cæsareensem professione circiter octavo, id est Christi 426, aut 427, quemadmodum hic ad ejusdem quarti libri caput vigesimum quartum observamus.

Librorum autem argumenta haec sunt. In primo quidem libro facta operis partitione, suscipitur tractatio de rebus : quibus explicatis, docetur Legis et omnium divinarum Scripturarum plenitudinem ac finem esse dilectionem rei qua fruendum est, et rei quæ nobis cum ea re frui potest, id est Dei et proximi.

In secundo libro de signis verbisque Scripturæ sacræ disputatur. Quoniam vero hujus sensus plerumque aut præ signorum ignorantia, aut præ eorum ambiguitate non percipitur ; ideo prolatio in primis divinorum Librorum canone, declarare pergit Augustinus quarumnam potissimum linguarum peritia, quænamve disciplina ac scientia conferant ad illam signorum ignorantiam removendam. Ubi, data occasione, de repudiandis superstitionis artibus agit. Quemadmodum etiam animo comparatus is esse debeat, qui operam studio Scripturarum levatur sit, declarat sub initium et ad finem libri.

In tertio libro transit S. Doctor ad considerationem ambiguitatis, quæ cum in propriis, tum in translatis signis occurtere potest : discutit sedulo quibus ex fontibus oriatur isthæ ambiguitas, quave ratiōne possit auferri. Illic tradit regulas quibus dignoscatur an locutio figurata sit ; et si quidem figurata, quo pacto debeat explicari. Tum ipsius Tichonii septem Regulas singulatim expendit.

Hacenus de investigando Scripturæ sensu. Jam autem in quarto libro tractat de disserendo, ibique partes et officia christiani oratoris persecutur ; cui sacrarum Litterarum auctores et doctores ecclesiasticos imitandos proponit, ex eorum scriptis sanæ eloquentiae exempla in vario dicendi genere subjiciens. Postremo ipsum ec-

vieslasten hortatur, ut in primis orationi det operam; et quod verbis docet alios, id omnino vita et moribus exhibeat.

Hoc ipsum opus olim Angilbertus Corbeiæ Abbas in usum Ludovici Francorum Regis, fratri Carolomani, describi curavit, uti contestantur versus in Corbeiensis codicis fronte præfixi, in quibus hi præter alios lo-

guntur :

Hunc Abbas humilis jussit fabricare libellum

Angilbertus enim vilius et exiguum :

Quem daret ille pio cœlesti numine fulto

Hlodoico Regi, qui est pius atque humilis.

Vide lib. 2 Retractationum, cap. 4, col. 631–632, a verbis, *Libros de Doctrina Christiana*, usque ad verba, *Præcepta quædam*. M.

S. AURELII AUGUSTINI HIPPONENSIS EPISCOPI DE DOCTRINA CHRISTIANA LIBRI QUATUOR^(a).

Prologus.

Doctrinam de Scriptura tractanda haud superfluo tradi.

1. Sunt præcepta quædam tractandarum Scripturarum, quæ studiosis earum video non incommodè posse tradi; ut non solum legendo alios qui divinarum Litterarum opera aperuerunt, sed et aliis ipsi apriendo proficiant. Hæc tradere institui volentibus et valentibus discere, si Deus ac Dominus noster ea quæ de hac re cogitanti solet suggerere, etiam scribenti mihi non deneget. Quod antequam exordiar, videtur mihi respondendum esse his qui hæc reprehensuri sunt, aut reprehensuri essent, si eos non ante placarentur. Quod si nonnulli etiam post ista reprehendebrent, salem alios non movebunt, nec ab utili studio ad imperitiae pigritiam revocabunt, quos movere possent, nisi præmunitos præparatosque invenirent.

2. Quidam enim reprehensuri sunt hoc opus nostrum, cum ea quæ præcepturi sumus nou intellexerint. Quidam vero cum intellectis uti voluerint, conatique fuerint Scripturas divinas secundum hæc præcepta tractare, neque valuerint aperire atque explicare quod cupiunt, inaniter me laborasse arbitrabuntur; et quia ipsi non adjuvabuntur hoc opere,

nullum adjuvari posse censemunt. Tertium genus est reprehensorum, qui divinas Scripturas vel revera bene tractant, vel bene tractare sibi videntur: qui quoniam nullis hujusmodi observationibus lecti, quales nunc tradere institui, facultatem exponendorum sanctorum Librorum se assecutos vel vident, vel putant, nemini esse ista præcepta necessaria, sed potius totum quod de illarum Litterarum obscuritatibus laudabiliter aperitur, divino munere fieri posse claimabunt.

3. Quibus omnibus breviter respondens, illis qui hæc quæ scribimus non intelligent, hoc dico: me ita non esse reprehendendum, quia hæc non intelligent; tanquam si lunam veterem vel novam, sidusve aliquod minime clarum vellent videre, quod ego intento digito demonstrarem; illis autem nec ad ipsum digitum meum videndum sufficiens esset acies oculorum, non propterea mihi successere deberent. Illi vero qui etiam istis præceptis cognitis atque perceptis, ea quæ in divinis Scripturis obscura sunt intueri nequierint, arbitrentur se digitum quidem meum videre posse.

ADMONITIO PP. BENEDICTINORUM.

De Doctrina Christiana Libri quatuor recogniti sunt de novo ad codices manuscriptos triginta, scilicet ad Vaticanos tres, ad Corbeienses duos, quorum alter optimæ nota et ante annos circiter mille descriptus videtur; ad unum e Bibliotheca Regia, unum e Thuanea et unum e Germanensi nostra. Alios supeditarunt Collegium Navarricum et Sorbonicum, PP. Franciscani majoris conventus Parisiensis, PP. Dominicani via Jacobæ, PP. Augustiniani ad sequanæ ripam, D. de Vion d'Heouval, D. Eigo, Cisterciensis item Abbatis Floriacensis, Vindocinensis, Gemmeticensis, Beccensis, Pratellensis, Lyrensis, S. Arnulfi Metensis, S. Albini Andegavensis, S. Audoeni Rotomagensis, S. Martialis Lemovicensis, S. Michaelis in Periculo maris, S. Remigii Rémensis, S. Theoderici prope Remos et Casalis Benedicti. Præterea, libris iisdem emendandis addibitæ sunt variantes lectiones, quas olim ex Belgicis sex MSS. collegerunt Lovanienses Theologi: collatae etiam fuerunt antiquiores et posteriores editiones, Bad. id est quæ Jodoci Radii Ascensii studio recognita, atque Joannis parvi typis excusa est Parisiis, an. 1502; Am. quæ ex Joannis Amerbachii officina prodidit Basilea, an. 1506; Et. quam scilicet Desiderius Erasmus a se receperitam et emendalam curavil Frobeniano prelo excludi Basilea, an. 1528; et Lov. id est, quam Lovaniensem Theologorum opera castigatiorem ceteris hactenus habebamus, ex Plantiniana typographia pro'ectam an. 1576.

Comparavimus præterea eas omnes editiones initio Retr. et Confess., t. 1, memoratas, et insuper Lov. 1586, id est alteram Lovaniensem, datam Parisiis anno 1586, necnon Helm., id est, quam Georgius Calixtus juris publici fecit Helmestadti, anno 1653. M.

(a) Inchoati circiter Christi annum 307 absoluti sub an. 428.

sidera vero quibus demonstrandis intenditur, videre non posse. Et illi ergo, et isti me reprehendere desinant, et lumen oculorum divinitus sibi praebeti deprecentur. Non enim si possum membrum meum ad aliquid demonstrandum movere, possum etiam oculos accendere, quibus vel ipsa demonstratio mea, vel etiam illud quod volo demonstrare, cernatur.

4. Jamvero eorum qui divino munere exsultant, et sine talibus praeceptis, qualia nunc tradere institui, se sanctos Libros intelligere atque tractare gloriantur, et propterea superflua voluisse me scribere existimant, sic est lenienda commotio, ut quamvis magno Dei dono jure ketentur, recordentur se tamen per homines didicisse vel litteras; nec propterea sibi ab Antonio sancto et perfecto viro Aegyptio monacho insultari debere, qui sine ulla scientia litterarum Scripturas divinas et memoriter audiendo tenuisse, et prudenter cogitando intellexisse prædicatur; aut ab illo servo Barbaro christiano¹, de quo a gravissimis fideque dignissimis viris nuper accepimus, qui litteras quoque ipsas nullo docente homine, in plenam notitiam orando ut sibi revelarentur, accepit triduanis precibus impetrans ut etiam codicem oblatum, stupentibus qui aderant, legendo percurreret.

5. Aut² si haec quisque falsa esse arbitratur, non ago pugnaciter. Certe enim quoniam cum Christianis nobis res est, qui se Scripturas sanctas sine duce homine gaudent nosse, et si ita est, vero et non mediocri gaudent bono; concedant necesse est unumquemque nostrum et ab ineunte pueritia consuetudine audiendi lingnam suam didicisse, et aliam aliquam vel græcam vel hebream vel quælibet exterarum, aut similiter audiendo, aut per hominem præceptorem accepisse. Jam ergo si placet, moneamus omnes fratres, ne parvulos suos ista doceant, quia momento uno temporis adveniente Spiritu sancto, repleti Apostoli omnium gentium linguis locuti sunt; aut cui talia non provenerint, non se arbitretur esse christianum, aut Spiritum sanctum accepisse se dubitet. Imo vero et quod per hominem discendum est, sine superbia discat; et per quem docetur alius, sine superbia et sine invidia tradat quod accepit: neque tentemus eum cui credidimus, ne talibus inimici versutiis et perversitate decepti, ad ipsum quoque audiendum Evangelium atque discendum nolimus ire in ecclesiis, aut codicem legere, aut legentem prædicantemque hominem audire; et exspectemus rapi usque in tertium cœlum, sive in corpore, sive extra corpus, sicut dicit Apostolus, et ibi audire ineffabilia verba, quæ non licet homini loqui (II Cor. XII, 2-4), aut ibi videre Dominum Jesum Christum, et ab illo potius quam ab hominibus audire Evangelium.

6. Caveamus tales tentationes superbissimas et periculosissimas, magisque cogitemus et ipsum apostolum Paulum, licet divina et cœlesti voce prostratum et instru-

¹ MSS. e Vaticanis duo, Barbarico Macario: quod servi illas nomen in aliis codicibus et apud Cassiodorum Senatores, qui id miraculi profert in prælatione ad Institutum Libros, frustra quæsivimus.

² sic MSS. Edili vero, et si haec.

ctum, ad hominem tamen missum esse, ut sacramenta perciperet, atque copularetur Ecclesiae (Act. IX, 3-7): et centurionem Cornelium quamvis exauditas orationes ejus, eleemosynasqne respectas ei angelus nuntiaverit, Petro tamen traditum imbuendum; per quem non solum sacramenta perciperet, sed etiam quid credendum, quid sperandum, quid diligendum esset, audiret (Id. X, 1-6). Et poterant utique omnia per angelum fieri, sed abjecta esset humana conditio, si per homines hominibus Deus verbum suum ministrare nolle videretur. Quomodo enim verum esset quod dictum est, *Templum enim Dei sanctum est, quod estis vos* (I Cor. III, 17); si Deus de humano templo responsa non redderet, et totum quod discendum hominibus tradi vellet, de cœlo atque per Angelos personaret? Deinde ipsa charitas, quæ sibi invicem homines nodo unitatis astringit, non haberet aditum refundendorum et quasi miscendorum sibimet animorum, si homines per homines nihil discerent.

7. Et certe spadonem illum qui Isaiam prophetam legens non intelligebat, neque ad angelum apostolus misit, nec ei per angelum id quod non intelligebat expositum, aut divinitus in mente sine hominis ministerio revelatum est; sed potius suggestione divina missus est ad eum, seditque cum eo Philippus, qui uerat Isaiam prophetam, eique humanis verbis et lingua quod in Scriptura illa tectum erat, aperuit (Act. VIII, 27-35). Nonne cum Moyse Deus loquatur, et tamen consilium regendi atque administrandi tam magni populi a socero suo, alienigena scilicet homine, et maxime providus et minime superbus accepit (Exod. XVIII, 14-26)? Noverat enim ille vir, ex quacumque anima verum consilium processisset, non ei, sed illi qui est veritas, incommutabili Deo tribuendum esse.

8. Postremo quisquis se nullis præceptis instrutum divino munere quæcumque in Scripturis obscura sunt intelligere gloriatur, bene quidem credit, et verum est, non esse illam suam facultatem quasi a seipso existentem, sed divinitus traditam; ita enim Dei gloriam querit et non suam: sed cum legit, et nullo sibi hominum exponente intelligit, cur ipse aliis affectat exponere, ac non potius eos remittit Deo, ut ipsi quoque non per hominem, sed illo intus docente intelligent? Sed videlicet timet ne audiat a Domino, *Serve nequam, dares pecuniam meam nummulari* (Math. XXV, 26, 27). Sicut ergo hi ea quæ intelligunt, produnt ceteris vel loquendo vel scribendo; ita ego quoque si non solum ea quæ intelligent³, sed etiam intelligendo ea quæ observent, prodidero, culpari ab eis profecto non debo: quanquam nemo debet aliquid sic habere quasi suum proprium, nisi forte mendacium. Nam omne verum ab illo est, qui ait: *Ego sum veritas* (Joan. XIV, 6). Quid enim habemus quod non accepimus? Quod si accepimus, quid gloriamur quasi non accepimus (I Cor. IV, 7)?

9. Qui legit audientibus litteras, utique quas agnoscat enuntiat; qui autem ipsas litteras tradit, hoc agit

³ MSS. viginti tres, intelligo.

ut alii quoque legere noverint: uterque tamen id insinuat quod accepit. Sic etiam qui ea quae in Scripturis intelligit, exponit audientibus, tanquam literas quas agnoscit pronuntiat lectoris officio; qui autem præcipit quomodo intelligendum sit, similis est tradenti litteras, hoc est præcipienti quomodo sit legendum: ut quomodo ille qui legere novit, alio lectore non indiget, cum codicem invenerit, a quo audiat quid ibi scriptum sit; sic iste qui præcepta quae connamur tradere acceperit, cum in libris aliquid obscuritatis invenerit, quasdam regulas veluti litteras te-

nens intellectorem alium non requirat, per quem sibi quod opertum est retegatur; sed quibusdam vestigis indagatis ad occultum sensum sine ullo errore ipse perveniat, aut certe in absurditatem præce sententiae non incidat. Quapropter, quanquam et in ipso opere satis apparere possit huic officioso labore nostro non recte aliquem contradicere; tamen, si hujusmodi procemio quibuslibet obstantibus convenienter videatur esse responsum, hujus viæ quam in hoc libro ingredi volumus, tale nobis occurrit exordium

LIBER PRIMUS.

Principio fit partitio totius operis, quo Scripturam studiosus cum ad earum investigandum sensum, tum ad edendum instituatur. Mox observata eorum de quibus doctrina tradenda est distinctione in res et signa, suscipitur in hocce priore libro tractatio de rebus. Res porro alias esse quibus frui, alias quibus non nisi uti nobis licet: et quidem Deo soli fructu inhaerendum esse, eoque nos ipsius incarnatione Verbi et rebus ab ipso temporaliter gestis, atque traditis Ecclesiæ clavibus promovet; inter eas vero res quae in usum veniunt, nonnullas esse quibus dilectio jure impenditur, sed in Deum relata. Quibus explicatis docetur totius Scripturæ sacrae plenitudinem et finem esse geminam charitatem, Dei propter seipsum, ac proximi propter Deum.



CAPUT PRIMUM. — *Inventione et enuntiatione nitiatur Scripturæ tractatio; quæ cum Dei auxilio suscipienda.*

1. Duae sunt res quibus nitiatur omnis tractatio Scripturarum; modus inveniendi que intelligenda sunt, et modus proferendi quæ intellecta sunt. De inveniendo prius, de proferendo postea disseremus. Magnum opus¹ et arduum, et si ad sustinendum difficile, vercor ne ad suscipiendum temerarium. Ita sane si de nobis ipsis presumemus: nunc vero cum in illo sit spes peragendi hujus operis, a quo nobis in cogitatione multa de hac re iam tradita tenemus, non est metuendum ne dare desinat cetera, cum ea quae data sunt cœperimus impendere. Omnis enim res quæ dando non deficit, dum habetur et non datur, nondum habetur quomodo habenda est. Ille autem ait: *Qui habet, dabit ei* (*Matth. xiii, 12*). Dabit ergo habentibus, id est, cum benignitate utentibus eo quod acceperunt, adimplebit atque cumulabit quod dedit. Illi quinque et illi septem erant panes, antequam inciperent dari esurientibus; quod ubi fieri cœpit, copiosos et sportas satiatis tot hominum nullibus impleverunt (*Id. xiv, 17-21; et xv, 34-58*). Sicut ergo ille panis dum frangeretur accredit, sic ea quae ad hoc opus aggrediendum jam Dominus præbuit, cum dispensari cœperint, eo ipso suggestente multiplicabuntur, ut in ipso hoc nostro ministerio, non solum nullam patiamur inopiam, sed de mirabili etiam abundantia gaudeamus.

CAPUT II. — *Quid res, quid signa.*

2. Omnis doctrina vel rerum est vel signorum, sed res per signa discuntur. Proprie autem nunc res appellavi, que non ad significandum aliquid adhibentur, sicuti est lignum, lapis, pocus, atque hujusmodi cetera. Sed non illud lignum quoq; in aquas amaras Moysen misisse legimus, ut amaritudine carerent (*Exod. xv, 25*); neque ille lapis quem Jacob sibi ad

¹ AIA. Er. et MSS. quinque, onus.

caput posuerat (*Genes. xxviii, 11*); neque illud pecus quod pro filio immolavit Abraham (*Id. xxii, 13*). Ita namque ita res sunt, ut aliarum etiam signa sint rerum. Sunt autem alia signa quorum omnis usus in significando est, sicuti sunt verba. Nemo enim utitur verbis, nisi aliquid significandi gratia. Ex quo intelligitur quid appellen signa; res eas videlicet quæ ad significandum aliquid adhibentur. Quamobrem omne signum etiam res aliqua est; quod enim nulla res est, omnino nihil est: non autem omnis res etiam signum est. Et ideo in hac divisione rerum atque signorum, cum de rebus loquemur, ita loquemur ut etiam signum aliquæ adhiberi ad significandum possint, non impedian partitionem, qua prius de rebus, postea de signis disseremus; memoriterque teneamus id nunc in rebus considerandum esse quod sunt, non quod aliud etiam praeter seipsas significant.

CAPUT III. — *Rerum divisio.*

3. Res ergo aliae sunt quibus fruendum est, aliae quibus utendum, aliae que fruuntur et utuntur. Ille quibus fruendum est, beatos nos faciunt. Iste quibus utendum est, tendentes ad beatitudinem adjuvamur, et quasi adminiculamur, ut ad illas que nos beatos faciunt, pervenire, atque his inhærere possimus. Nos vero qui fruimur et utimur, inter utrasque constituti, si eis quibus utendum est frui voluerimus, impeditur cursus noster, et aliquando etiam deflectitur, ut ab his rebus quibus fruendum est obtinendis vel retardemur, vel etiam revocemur, inferiorum amore præpediti.

CAPUT IV. — *Frui et uti, quid sit.*

4. Frui enim est amore alicui rei inhærere propter seipsam. Uti autem, quod in usum venerit ad id quod amas obtinendum referre, si tamen amandum est. Nam usus illicitus, abusus potius vel abusio nominandus est. Quomodo ergo, si essemus peregrini, qui beate vivere nisi in patria non possemus, eaque peregrinatione utique miseri et miseriam finire cupientes;

in patriam redire vellamus, opus esset vel terrestribus vel marinis vehiculis quibus utendum esset ut ad patriam, qua fruendum erat, pervenire valeremus; quod si amoenitates itineris, et ipsa gestatio vehicularum nos delectaret, et conversi ad fruendum his quibus uti debuimus, nollemus cito viam finire, et perversa suavitate implicati alienaremur a patria, cujus suavitas ficeret beatos: sic in hujus mortalitatis vita peregrinantes a Domino (II Cor. v, 6), si redire in patriam volumus, ubi beati esse possimus, utendum est hoc mundo, non fruendum; ut invisibilia Dei, per ea quae facta sunt, intellecta conspiciantur (Rom. i, 20), hoc est, ut de corporalibus temporalibusque rebus aeterna et spiritualia capiamus.

CAPUT V. — Deus Trinitas, res qua fruendum.

5. Res igitur quibus fruendum est, Pater et Filius et Spiritus sanctus, eademque Trinitas, una quedam summa res, communisque omnibus fruentibus ea; si tamen res et non rerum omnium causa sit, si tamen et causa. Non enim facile nomen quod tantæ excellentiae conveniat potest inveniri, nisi quod melius ita dicitur Trinitas haec, unus Deus ex quo omnia, per quem omnia, in quo omnia (Rom. xi, 36). Ita Pater et Filius et Spiritus sanctus, et singulus quisque horum Deus, et simul omnes unus Deus; et singulus quisque horum plena substantia, et simul omnes una substantia. Pater nec Filius est nec Spiritus sanctus, Filius nec Pater est nec Spiritus sanctus, Spiritus sanctus nec Pater est nec Filius; sed Pater tantum Pater, et Filius tantum Filius, et Spiritus sanctus tantum Spiritus sanctus. Eademi tribus aeternitas, eadem incommutabilitas, eadem majestas, eadem potestas. In Patre unitas, in Filio æqualitas, in Spiritu sancto unitatis æqualitatisque concordia: et tria haec unum omnia propter Patrem, æqualia omnia propter Filium, connexa omnia propter Spiritum sanctum.

CAPUT VI. — Deus ineffabilis, quomodo.

6. Diximusne aliquid et sonuimus aliquid dignum Deo? Imo vero nihil me aliud quam dicere voluisse sentio: si autem dixi, non hoc est quod dicere volui. Hoc unde scio, nisi quia Deus ineffabilis est; quod autem a me dictum est, si ineffabile esset, dictum non esset? Ac per hoc ne ineffabilis quidem dicendus est Deus, quia et hoc cum dicitur, aliquid dicitur. Et fit nescio quae pugna verborum, quoniam si illud est ineffabile, quod dici non potest, non est ineffabile quod vel ineffabile dici potest. Quae pugna verborum silentio cavenda potius quam voce pacanda est. Et tamen Deus, cum de illo nihil digne dici possit, admisit humanæ vocis obsequium, et verbis nostris in laude sua gaudere nos voluit. Nam inde est et quod dicitur Deus. Non enim revera in strepitu istarum duarum syllabarum ipse cognoscitur; sed tamen omnes latine linguae scios¹, cum aures coruni sonus iste tetigerit, movet ad cogitandam excellentissimam quamdam immortalis naturam.

¹ Atud. A.M. Fr. et MSS. septuaginta, sorios.

CAPUT VII. — Deum omnes intelligunt in quo nihil melius.

7. Nam cum ille unus cogitatur deorum Deus, ab his etiam qui alios et suspicantur et vocant et colunt deos sive in caelo sive in terra, ita cogitatur, ut aliquid quo nihil melius sit atque sublimius illa cogitatio conetur attingere. Sane quoniam diversis moventur bonis, partim eis quæ ad corporis sensum, partim eis quæ ad animi intelligentiam pertinent; illi qui dediti sunt corporis sensibus, aut ipsum caelum, aut quod in caelo fulgentissimum vident, aut ipsum mundum, Deum deorum esse arbitrantur: aut, si extramundum ire contendunt, aliquid lucidum imaginantur, idque vel infinitum, vel ea fornia quæ optima videntur, inani suspicione constituant, aut ~~humani corporis~~ figuram cogitant, si eam cæteris anteponunt. Quod si unum Deum deorum esse non putant, et potius multos aut innumerabiles æqualis ordinis deos; etiam eos tamen prout cuique aliquid corporis videtur excellere, ita figuratos animo tenent. Illi autem qui per intelligentiam pergunt videre quod Deus est, omnibus eum naturis visibilibus et corporalibus, intelligentibus etiam et spiritualibus, omnibus mutabilibus præferunt. Omnes tamen certatim pro excellentia Dei dicunt; nec quisquam inveniri potest qui hoc Deum credit esse quo melius aliquid est. Itaque hoc omnes Deum consentiunt esse, quod cæteris rebus omnibus anteponunt.

CAPUT VIII. — Deus cum sit sapientia incommutabilis, rebus omnibus anteponendus.

8. Et quoniam omnes qui de Deo cogitant, vivunt aliquid cogitant, illi soli possunt non absurdâ et indignâ existimare de Deo, qui vitam ipsam cogitant, et quæcumque illis forma occurrit corporis, eam vita vivere vel non vivere statuunt, et viventem non viventi anteponunt; eamque ipsam viventem corporis formam, quantalibet luce præfulgeat, quantalibet magnitudine præmineat, quantalibet pulchritudine ornatur, aliud esse ipsam, aliud vitam qua vegetatur intelligent, eamque illi moli quæ ab illa vegetatur et animatur, dignitate incomparabili præferunt. Deinde ipsam vitam pergunt inspicere, et si eam sine sensu vegetantem invenerint, qualis est arborum, præponunt eis sentientem, qualis est pecorum; et huic rursus intelligentem, qualis est hominum. Quam cum adhuc mutabilem viderint, etiam huic aliquam incommutabilem coguntur præponere, illam scilicet vitam quæ non aliquando desipit, aliquando sapit, sed est potius ipsa Sapientia. Sapiens enim mens, id est, accepta sapientiam, antequam adipisceretur non erat sapiens; at vero ipsa Sapientia nec fuit unquam insipiens, nec esse unquam potest. Quam si nou videre, nullo modo plena fiducia vitam incommutabiliter sapientem commutabili vitæ anteponenter. Ipsam quippe regulam veritatis, qua illam clamant esse meliorem, incommutabilem vident; nec uspiam nisi supra suam

¹ Editi, sic eam. At MSS. prope canes, si can

² Ita in MSS. literisque, ubi in editis habetur, Ipsam quæ.

naturam vident, quandoquidem se vident mutabiles.

CAPUT IX. — Sapientiam immutabilem mutabiliter præferendam esse omnes norunt.

9. Nemo est enim tam impudenter¹ insulsus qui dicat: Unde scis incommutabilitatem sapientem vitam mutabili esse præferendam? Id ipsum enim quod interrogat, unde sciām, omnibus ad contemplandum communiter atque incommutabilitate prästo est. Et hoc qui non videt, ita est quasi cæcus in sole, cui nihil prodest ipsis locis oculorum ejus tam claræ ac presentis lucis fulgor infusus. Qui autem videt et refugit, consuetudine umbrarum carnalium invalidam mentis aciem gerit. Pravorum igitur morum quasi contrariis flatibus ab ipsa patria repercutiuntur homines; posteriora atque inferiora sectantes, quam illud quod esse melius atque præstantius consitentur.

CAPUT X. — Ad videndum Deum purgandus animus.

10. Quapropter, cum illa veritate perfruendum sit, quæ incommutabilitate vivit, et in ea Trinitas Deus, auctor et conditor universitatis, rebus quas condidit consulat; purgandus est animus, ut et perspicere illum lucem valeat, et inhærere perspectæ². Quam purgationem quasi ambulationem quamdam, et quasi navigationem ad patriam esse arbitremur. Non enim ad eum qui ubique præsens est, locis movemur, sed bono studio bonisque moribus.

CAPUT XI. — Purgandi animi exemplum Sapientia incarnata.

11. Quod non possemus, nisi ipsa Sapientia tantam nostræ infirmitati congruere dignaretur, et vivendi nobis præberet exemplum, non aliter quam in homine, quoniam et nos homines sumus. Sed quia nos cum ad illum venimus, sapienter facimus; ipsa cum ad nos venit, ab hominibus superbis quasi stulte fecisse putata est. Et quoniam nos cum ad illum venimus; convalescimus; ipsa cum ad nos venit, quasi infirma existimata est. Sed quod stultum est Dei, sapientius est hominibus; et quod infirmum est Dei, fortius est hominibus (*I Cor. 1, 25*). Cum ergo ipsa sit patria, viam se quoque nobis sociit ad patriam.

CAPUT XII. — Quomodo Sapientia Dei ad nos venit.

Et cum sano et puro interiori oculo ubique sit præsens, corum qui oculum illum infirmum immundumque habent, oculis etiam carneis apparere dignata est. Quia enim in Sapientia Dei non poterat mundus per Sapientiam cognoscere Deum, placuit Deo per stultitiam prædicationis salvos facere credentes (*I Cor. 1, 21*).

12. Non igitur per locorum spatia veniendo, sed in carne mortali mortalibus apprendo, venisse ad nos dicitur. Illuc ergo venit ubi erat, quia in hoc mundo erat, et mundus per eam factus est. Sed quoniam cupiditate fruendi pro ipso Creatore creature, homines configurati huic mundo, et mundi nomine congruentissime vocati, non eam cognoverunt, propterea dixit Evangelista: *Et mundus eum non cognovit*.

¹ In excusis, tam imprudenter. In MSS. tredecim, tam imprudenter.

² Editio, inhærere perfecte. Elegantius MSS., perspectæ.

vit (*Joan. 1, 10*). Itaque in Sapientia Dei non poterat mundus per Sapientiam cognoscere Deum. Cur ergo venit cum hic esset, nisi quia placuit Deo per stultitiam prædicationis salvos facere credentes?

CAPUT XIII. — Verbum caro factum est.

Quomodo venit, nisi quod Verbum caro factum est, et habitavit in nobis (*Joan. 1, 14*)? Sicut cum loquimur, ut id quod animo gerimus, in audientis animum per aures carneas illabatur, sic sonus verbū quod corde gestamus, et locutio vocatur; nec tamen in eundem sonum cogitatio nostra convertitur, sed apud se manens integra, formam vocis qua se insinuat auribus, sine aliqua labe suæ mutationis³ assumit: ita Verbum Dei non commutatum, caro tamen factum est, ut habitat in nobis.

CAPUT XIV. — Hominem quomodo sanabit Dei Sapientia.

13. Sicut autem curatio via est ad sanitatem, sic ista curatio peccatores sanandos reficiendosque suscepit. Et quemadmodum medici cum alligant vulnera, non incomposite, sed apte id faciunt, ut vinculi utilitatem quedam pulchritudo etiam consequatur: sic medicina Sapientiae per hominis suspicionem nostris est accommodata vulneribus; de quibusdam contrariis curans, et de quibusdam similibus. Sicut etiam ille qui medetur vulneri corporis, adhibet quedam contraria, sicut frigidum calido, vel humidum sicco, vel si quid aliud hujusmodi; adhibet etiam quedam similia, sicut linteolum vel rotundo vulneri rotundum, vel oblongum oblongo, ligaturamque ipsam non eamdem membris omnibus, sed similem similibus coaptat: sic sapientia Dei hominem curans, seipsam exhibuit ad sanandum, ipsa medicus, ipsa medicina. Quia ergo per superbiam homo lapsus est, humilitatem adhibuit ad sanandum. Serpentis sapientia decepti sumus, Dei stultitia liberarum. Quemadmodum autem illa Sapientia vocabatur, erat autem stultitia contentientibus Deum; sic ista quæ vocatur stultitia, Sapientia est vincentibus diabolum. Nos immortalitate male usus sumus, ut moreremur; Christus mortalitate bene usus est, ut viveremus. Corrupto animo feminæ ingressus est morbus; integro corpore feminæ processit salus. Ad eadem contraria pertinet, quod etiam exemplo virtutum ejus via nostra curantur. Jamvero similia quasi ligamenta membris et vulneribus nostris adhibita, illa sunt, quod per feminam deceptos per feminam natus, homo homines, mortalis mortales, morte mortuos liberavit. Multa quoque alia diligentius considerantibus quos instituti operis peragendi necessitas non rapit, vel a contrariis, vel a similibus medicinæ christiane apparelt instructio.

CAPUT XV. — Resurrectione et ascensione Christi fulcit fidem, excitatur iudicio.

14. Jamvero credita Domini a mortuis resurrectio, et in celum ascensio, magna spe fulcit fidem nostram. Multum enim ostendit quam voluntarie pro nobis animam posuerit, qui eam sic habuit in potestate resumere. Quanta ergo se fiducia spes creditum con-

³ Am. et Fr.: *Sine aliqua labe, sine mutatione.*

solutur, considerans quantus quanta pro nondum credentibus passus sit? Cum vero iudex vivorum atque mortuorum expectatur e celo, magnum timorem incutit negligentibus, ut se ad diligentiam¹ convertant, eumque magis bene agendo desiderent, quam male agendo formident. Quibus autem verbis dici, aut qua cogitatione capi potest praeium, quod ille in fine daturus est; quando ad consolationem hujus itineris de Spiritu suo tantum dedit, quo in adversis vite hujus fiduciam charitatemque tantam ejus, quem nondum videamus, habeamus, et dona² unicuique propria ad instructionem Ecclesie sue, ut id quod ostendit esse faciendum, non solum sine murmure, sed etiam cum delectatione³ faciamus?

CAPUT XVI. — *Ecclesia Christi corpus et conjux medicinalibus molestiis ab ipso purgatur.*

15. Est enim Ecclesia corpus ejus, sicut apostolica doctrina commendat (*Ephes.* 1, 23), quae etiam conjux ejus dicitur. Corpus ergo suum multis membris diversa officia gerentibus (*Rom.* xii, 4), nodo unitatis et charitatis tanquam sanitatis astringit. Exercet autem hoc tempore et purgat medicinalibus quibusdam molestiis, ut erutam de hoc saeculo, in eternum sibi copulet conjugem Ecclesiam, non habentem maculam aut rugam, aut aliquid bujusmodi (*Ephes.* v, 23-32).

CAPUT XVII. — *Christus donando peccata viam aperuit ad patriam.*

16. Porro quoniam in via sumus, nec via ista locorum est, sed affectuum, quam intercludebat, quasi septa quedam spinosa, praeceptorum malitia⁴ peccatorum; quid liberalius et misericordius facere potuit, qui seipsum nobis, qua⁵ rediremus, substernere voluit, nisi ut omnia donaret peccata conversis, et graviter fixa interdicta reditus nostri pro nobis crucifixus evelleret?

CAPUT XVIII. — *Claves traditae Ecclesiae.*

17. Has igitur claves dedit Ecclesiae sue, ut quae solveret in terra, soluta essent in celo; quae ligaret in terra, ligata essent et in celo (*Matth.* xvi, 19): scilicet ut quisquis in Ecclesia ejus dimitti sibi peccata non crederet, non ei dimitterentur; quisquis autem crederet, seque ab his correctus averteret, in ejusdem Ecclesiae gremio constitutus, eadem fide atque correctione sanaretur. Quisquis enim non credit dimitti sibi posse peccata, sit deterior desperando, quasi nihil illi melius quam malum esse remaneat, ubi de fructu sue conversionis insidus est.

CAPUT XIX. — *Corporis et animi mors atque resurrectio.*

18. Jamvero sicut animi quedam mors est, vita prioris morumque relictio⁶; quae sit poenitendo; sic etiam corporis mors est animationis pristinæ resolu-

¹ Bad. Am. et Er., *indulgentiam*. Melius ceteri codices, *diligentiam*.

² Lov., *dona*. Substitutimus *dona*, ex Am. Er. et MSS. plerisque melioris notæ.

³ MSS. quinque, cum dilectione.

⁴ Editi, *intercludebant.... malitia*: pro quo MSS. magno consensu, *intercludebat... malitia*.

⁵ Editi, *quo rediremus*. At MSS. septendecim, *qua*: præter quinque alios, qui habent, *ri.m qua*.

⁶ Am. et Er., *rejectione*.

tio: et quomodo animus post poenitentiam, qua priores mores perditos intererit, reformatur in melius; sic etiam corpus post istam mortem, quam vincula peccati omnes debemus, credendum et sperandum est resurrectionis tempore in melius commutari, ut non caro et sanguis regnum Dei possideant, quod fieri non potest; sed corruptibile hoc induat incorruptionem, et mortale hoc induat immortalitatem (*1 Cor.* xv, 50. 53), nullamque faciens molestiam, quia nullam patietur indigentiam, a beata perfectaque anima cum summa quiete vegetetur.

CAPUT XX. — *Qui non ad vitam sed ad supplicia renascantur.*

19. Cujus autem animus non moritur huic saeculo, neque incipit configurari veritati, in graviorem mortem morte corporis trahitur; neque ad commutacionem⁷ celestis habitudinis, sed ad luenda supplicia reviviscet.

CAPUT XXI. — *Rurans corporis de resurrectione.*

Hoc itaque fides habet, atque ita se rem habere credendum est, neque animum, neque corpus humandum omnino modum interitum pati; sed impios resurgere ad poenas inestimabiles, pios autem ad vitam eternam.

CAPUT XXII. — *Solo Deo fruendum.*

20. In his igitur omnibus rebus illæ tantum sunt quibus fruendum est, quas eternas atque incommutabiles commemoravimus: ceteris autem utendum est, ut ad illarum perfruptionem pervenire possimus. Nos itaque qui fruimur et utimur aliis rebus, res aliqua sumus. Magna enim quedam res est homo, lacitus ad imaginem et similitudinem Dei, non in quantum mortali corpore includitur, sed in quantum bestias rationalis animæ honore procedit⁸. Itaque magna quæstio est utrum frui se homines debeant, an uti, an utrumque. Preceptum est enim nobis ut diligamus invicem; sed queritur utrum propter se homo ab homine diligendus sit, an propter aliud. Si enim propter se, fruimur eo; si propter aliud, utimur eo. Videtur autem mihi propter aliud diligendus. Quod enim propter se diligendum est, in eo constituitur vita beata; cuius etiam non nondum res, tamen spes ejus nos hoc tempore consolatur. Maledictus autem qui spem suam ponit in homine (*Jerem.* xvii, 5).

21. Sed nec seipso quisquam frui debet, si liquido advertas; quia nec scipsum debet propter scipsum diligere, sed propter illum quo fruendum est. Tunc est quippe optimus homo, cum tota vita sua pergit⁹ in incommutabilem vitam, et toto affectu inheret illi: si autem se propter se diligit, non se refert ad Dicum; sed ad scipsum conversus, non ad incommutabile aliquid convertitur. Et propterea jam cum defectu aliquo se fruitur; quia melior est cum totus haeret

⁷ Tres et Vat. MSS., *ad communicationem*. Alius Vat., *ad communionem*. Illic Erasmus consentit; sed libri ceteri ferunt, *ad communionem*: maxime in MSS. prope omnibus legebamus, *celestis habitudinis*; pro quo apud Am., *habituationis*, et apud Er. et Lov., *beatitudinis*.

⁸ sic undecim MSS. [præcellit].

⁹ Am. et Er., *peragitur*.

atque constringitur incommutabili bono, quam cum inde vel ad seipsum relaxatur. Si ergo triplex non propter te debes diligere, sed propter illum ubi dilectionis tuae rectissimus finis est, non succenseat alius homo, si etiam ipsum propter Deum diligis. Haec enim regula dilectionis divinitus constituta est : *Diliges; inquit, proximum tuum sicut te ipsum; Deum vero ex toto corde, et ex tota anima et ex tota mente* (*Levit. xix, 18; Deut. vi, 5; et Matth. xxii, 37, 39*) ; ut omnes cogitationes tuas et omnem vitam et omnem intellectum in illum conferas, a quo habes ea ipsa quae confers. Cum autem ait, *toto corde, tota anima, tota mente, nullam vitæ nostræ partem reliquit, quæ vacare debeat et quasi locum dare ut alia re velit frui*; sed quidquid aliud diligendum venerit in animum, illuc rapiatur, quo totus dilectionis impetus currit. Quisquis ergo recte proximum diligit, hoc cum eo debet agere, ut etiam ipse toto corde, tota anima, tota mente diligit Deum. Sic enim eum diligens tanquam scipsum, totam dilectionem sui et illius resert in illam dilectionem Dei, quæ nullum a se rivulum duci extra patitur, cuius derivatione minuatur.

CAPUT XXIII. — *Homini præcepto non opus est, ut se et suum corpus diligat. Prava sui dilectio.*

22. Non autem omnia quibus utendum est, diligenda sunt, sed ea sola quæ aut nobiscum societate quadam referuntur in Deum, sicuti est homo, vel angelus; aut ad nos relata, beneficio Dei per nos indigent, sicuti est corpus. Nam utique martyres non dilexerunt scelus persequentium se, quo tamen usi sunt ad præmerendum Deum. Cum ergo quatuor sint diligenda, unum quod supra nos est, alterum quod nos sumus, tertium quod juxta nos est, quartum quod infra nos est; de secundo et quarto nulla præcepta danda erant. Quantumlibet enim homo excidat a veritate, remanet illi dilectio sui et dilectio corporis sui. Fugax enim animus ab incommutabili lumine omnium regnato, id agit ut ipse sibi regnet et corpori suo; et ideo non potest nisi et se et corpus suum diligere.

23. Magnum autem aliquid adeptum se putat, si etiam sociis, id est aliis hominibus, dominari potuerit. Inest enim vitiioso animo id magis appetere, et sibi tanquam debitum vindicare, quod uni proprio debetur Deo. Talis autem sui dilectio melius odium vocatur. Iniquum est enim, quia vult sibi servire quod infra se est, cum ipse servire superiori nolit; rectissimeque dictum est, *Qui diligit iniquitatem, odit animam suam* (*Psal. x, 6*) : et ideo sit infirmus animus, et de mortali corpore cruciatur. Necesse est enim ut illud diligat, et ejus corruptione prægravetur. Immortalitas enim et incorruptionis corporis de sanitate animi existit; sanitas autem animi est firmissime inherere potiori, hoc est incommutabili Deo. Cum vero etiam eis qui sibi naturaliter pares sunt, hoc est, hominibus, dominari affectat, intolerabilis omnino superbia est.

CAPUT XXIV. — *Nemo carnem suam odit, nequidem illi qui in eam insurgunt.*

24. Nemo ergo se odit. Et hinc quidem nulla cum

aliqua secta quæstio fuit¹. Sed neque corpus suum quisquam odit: verum est enim quod ait Apostolus, *Nemo unquam carnem suam odio habuit* (*Ephes. v, 29*). Et quod nonnulli dicunt, male se omnino esse sine corpore, omnino salientur: non enim corpus suum, sed corruptiones ejus et pondus oderunt. Non itaque nullum corpus, sed incorruptum et celerrimum² corpus volunt habere: sed putant nullum corpus esse si tale fuerit, quia tale aliquid esse animam putant. Quod autem continentia quadam et laboribus quasi persequi videntur corpora sua; qui hoc recte faciunt, non id agunt ut non habeant corpus, sed ut habeant subjugatum et paratum ad opera necessaria. Libidines enim male utentes corpore, id est consuetudines et inclinationes³ animæ ad fruendum inferioribus, per ipsius corporis laboriosam quamdam militiam extingue affectant. Nam non se interimunt, sed curam sue valetudinis gerunt.

25. Qui autem perverse id agunt, quasi naturaliter inimico suo corpori bellum ingerunt. In quo fallit eos quod legunt: *Caro concupiscit adversus spiritum, et spiritus adversus carnem; haec enim sibi invicem adversantur* (*Galat. v, 17*). Dictum est enim hoc propter indomitam carnalem consuetudinem, adversus quam spiritus concupiscit; non ut interinat corpus, sed ut concupiscentia ejus, id est consuetudine mala edomita, faciat spiritui subjugatum⁴, quod naturalis ordo desiderat. Quia enim hoc erit post resurrectionem, ut corpus omnimodo cum quiete summa spiritui subditum immortaliter vigeat, hoc etiam in hac vita meditandum est, ut consuetudo carnalis mutetur in melius, nec inordinatis motibus resistat spiritui. Quod donec fiat, caro concupiscit adversus spiritum, et spiritus adversus carnem: non per odium resistat spiritui, sed per principatum; quia magis quod diligit vult subditum esse meliori: nec per odium resistente carne, sed per consuetudinis vinculum, quod a parentum etiam propagine inveteratum naturæ lege inolevit. Id ergo agit spiritus in domanda carne, ut solvat male consuetudinis quasi pacta perversa, et fiat pax consuetudinis honeste. Tamen nec isti qui falsa opinione depravati corpora sua detestantur, parati essent unum oculum vel sine sensu doloris amittere, etiamsi in altero tantus cernendi sensus remaneret, quantus erat in duobus, nisi aliqua res quæ præponenda esset, ingeret. Isto atque hujusmodi documento satis ostenditur eis qui sine pertinacia verum requirunt, quam certa sententia sit Apostoli, ubi ait: *Nemo enim unquam carnem suam odio habuit*. Addidit etiam: *Sed nutrit et foret eam, sicut Christus Ecclesiam.*

CAPUT XXV. — *Etsi aliquid amplius diligitur quam corpus, non tamen corpus odio habetur.*

26. Modus ergo diligendi præcipiendum est homini,

¹ Bad. Am. et Fr.: *Et hinc quidem cum aliqua secta nonnulla quæstio fuit.*

² Bad. Am. et Fr., uno tantum suffragante Ms., *integerissimum.*

³ quatuor mellioris notæ MSS., *inclinationis.*

⁴ Editi hactenus: *Sed ut concupiscentiam ejus, id est consuetudinem male dominatam faciat spiritui subjugatum.* (ei) lectio prestat longe ea quam ex MSS. restituimus.

id est, quomodo se diligat ut proposit sibi. Quin autem se diligat et prōdēsse sibi velit, dubitare dementis est. Præcipiendum etiam quomodo corpus suum diligat, ut ei ordinate prudenterque consulat. Nam quod diligat etiam corpus suum, idque salvum habere atque integrum velit, æque manifestum est. Aliquid itaque amplius diligere aliquis potest, quam salutem atque integritatem corporis sui. Nam multi et dolores et amissiones nonnullorum membrorum voluntarias suscepisse inveniuntur, sed ut alia quæ amplius diligebant, consequerentur. Non ergo propterea quisquam dicendus est non diligere salutem atque incolumentem corporis sui, quia plus aliquid diligit. Nam et avarus quamvis pecuniam diligat, tamen emit sibi panem: quod cum facit, dat pecuniam quam multum diligit et angere desiderat; sed quia pluris estimat salutem corporis sui, quæ illo pane fulcitur. Supervacaneum est diutius de re manifestissima disputare, quod tamen plerumque nos facere cogit error impiorum.

CAPUT XXVI. — *Præceptum de Deo et proximo, immo et de seipso diligendo datum est.*

27. Ergo, quoniam præceptio non opus est ut se quisque et corpus suum diligat, id est, quoniam id quod sumus, et id quod infra nos est, ad nos tamen pertinet, inconcussa naturæ lege diligimus, quæ in bestias etiam promulgata est (nam et bestiæ se atque corpora sua diligunt); restabat ut et de illo quod supra nos est, et de illo quod juxta nos est, præcepta sumeremus. *Diliges*, inquit, *Dominum Deum tuum ex toto corde tuo, et ex tota anima tua, et ex tota mente tua, et diliges proximum tuum tanquam te ipsum. In his duobus præceptis tota Lex pendet et Prophetæ* (*Matth. xxii, 37-40*). Finis itaque præcepti est dilectio (*I Tim. 1, 5*), et ea gemina, id est Dei et proximi. Quod si te totum intelligas, id est animum et corpus tuum, et proximum totum, id est animum et corpus ejus (homo enim ex animo constat et corpore), nullum rerum diligendarum genus in his duobus præceptis prætermissem est. Cum enim præcurrat dilectio Dei, ejusque dilectionis modus præscriptus appareat, ita ut cetera in illum confluant, de dilectione tua nihil dictum videtur; sed cum dictum est, *Diliges proximum tuum tanquam te ipsum*, simul et tui abs te dilectio non prætermissa est.

CAPUT XXVII. — *Ordo dilectionis.*

28. Ille autem justus et sancte vivit, qui rerum integer aestimator est: ipse est autem qui ordinatam dilectionem habet, ne aut diligat quod non est diligendum, aut non diligat quod est diligendum, aut amplius diligat quod minus est diligendum, aut æque diligat quod vel minus vel amplius diligendum est, aut minus vel amplius quod æque diligendum est. Omnis peccator in quantum peccator est, non est diligendus; et omnis homo in quantum homo est, diligendus est propter Deum, Deus vero propter seipsum. Et si Deus omni homine amplius diligendus est, amplius quisque debet Deum diligere quam seipsum. Item amplius aliis homo diligendus est quam corpus nostrum: quia propter Deum omnia ista diligenda

sunt, et potest nobiscum aliis homo Deo perfici, quod non potest corpus; quia corpus per animam vivit qua fruimur Deo.

CAPUT XXVIII. — *Cui succurrendum, quando succurrere omnibus, vel duobus non possis.*

29. Omnes autem æque diligendi sunt: sed cum omnibus prōdēsse non possis, his potissimum consulendum est, qui pro locorum et temporum vel quarumlibet rerum opportunitatibus, constrictius tibi quasi quadam sorte junguntur. Sicut enim, si tibi abundaret aliquid, quod dari oportet ei qui non haberet, nec duobus dari posset, si tibi occurrerent duo, quorum neuter alium vel indigentia, vel erga te aliqua necessitudine superaret; nihil justus faceres quam ut sorte legeres, cui dandum esset quod dari utrique non posset: sic in hominibus quibus omnibus consulere nequeas, pro sorte habendum est, prout quisque tibi temporaliter colligatus adhærere potuerit.

CAPUT XXIX. — *Optandum et agendum ut omnes Deum diligant.*

30. Omnium autem qui nobiscum frui possunt Deo, partim eos diligimus¹ quos ipsi adjuvamus, partim eos a quibus adjuvamur, partim quorum et indigemus adjutorio, et indigentiae subvenimus; partim quibus nec ipsi conferimus aliquid commodi, nec ab eis ut nobis conferatur attendimus. Velle tamen debemus ut omnes nobiscum diligent Deum, et totum quod vel eos adjuvamus vel adjuvamur ab eis, ad unum illum referendum est. Si enim in theatris nequitie qui aliquem diligat histrionem, et tanquam magno vel etiam summo bono ejus arte perficitur, omnes diligit qui eum diligunt secum, non propter illos, sed propter eum quem pariter diligunt; et quanto est in ejus anore serventior, tanto agit quibus potest modis, ut a pluribus diligatur, et tanto pluribus eum cupit ostendere; et quem frigidorem videt, excitat eum quantum potest laudibus illius; si autem contravenientem invenerit, odit in illo vehementer odium dilecti sui, et quibus modis valet, instat ut auferat: quid nos in societate dilectionis Dei agere convenit, quo perfici, beate vivere est; et a quo habent omnes qui eum diligunt, et quod sunt, et quod eum diligunt; de quo nihil metuimus, ne cuiquam possit cognitus displicere; et qui se vult diligi, non ut sibi aliqui, sed ut eis qui diligunt, æternum præmium conseruantur, hoc est ipse quem diligunt? Hinc efficitur ut inimicos etiam nostros diligamus: non enim eos timemus, quia nobis quod diligimus auferre non possunt; sed miseremur potius, quia tanto magis nos oderunt, quanto ab illo quem diligimus separati sunt. Ad quem si consensi fuerint, et illum tanquam beatificum bonum, et nos tanquam socios tanti boni necesse est ut diligent.

CAPUT XXX. — *Proximi nostri, omnes homines, et ipsi Angeli.*

31. Oritur autem hoc loco de Angelis nounulla quaestio. Illo enim fruentes, etiam ipsi beati sunt, quo

¹ Editi, diligamus. At. Nss., excepto uno, diligimus.

et nos hui desideramus : et quanto in hac vita fruimur vel per speculum vel in aenigmate (I Cor. xiii, 12), tanto nostram peregrinationem et tolerabilius sustinemus, et ardenter finire cupimus. Sed utrum ad illa duo praecepta etiam dilectio pertineat Angelorum, non irrationaliter queri potest. Nam quod nullum hominum exceperit qui praecepit ut proximum diligamus, et ipse in Evangelio Dominus ostendit, et Paulus apostolus. Namque ille cui duo ipsa praecepta praeulerat, atque in eis pendere totam Legem Prophetasque dixerat, cum interrogaret eum dicens, *Et quis est meus proximus?*¹ hominem quendam proposuit descendente ab Jerusalem in Jericho, incidisse in latrones, et ab eis graviter vulneratum, saucium et semivivum esse derelictum ; cui proximum esse non docuit, nisi qui erga illum recreandum atque curandum misericors exstiterit, ita ut hoc qui interrogaverat, interrogatus ipse fateretur. Cui Dominus ait, *Vade, et tu fac similiter* (Luc. x, 27, 37) ; ut videlicet eum esse proximum intelligamus, cui vel exhibendum est officium misericordiae, si indiget, vel exhibendum esset, si indigeret. Ex quo est jam consequens ut etiam ille a quo nobis hoc vicissim exhibendum est, proximus sit noster. Proximi enim nomen ad aliquid est, nec quisquam esse proximus nisi proximo potest. Nullum autem exceptum esse cui misericordiae denegetur officium, quis non videat, quando usque ad inimicos etiam porrectum est, eodem Domino dicente: *Dilecite inimicos vestros, benefacite iis qui oderunt vos* (Matth. v, 44) ?

52. Ita quoque Paulus apostolus docet, cum dicit: *Nam non adulterabis, non homicidium facies, non furaberis, non concupiscas, et si quod est aliud mandatum, in hoc sermone recapitulatur: Diliges proximum tuum tanquam te ipsum. Dilectio proximi malum non operatur* (Rom. xiii, 9, 10). Quisquis ergo arbitratur non de omni homine Apostolum praecepisse, cogitur fateri, quod absurdissimum et sceleratissimum est, fuisse visum Apostolo non esse peccatum si quis aut non christiani, aut inimici adulteraverit uxorem, aut eum occiderit, aut ejus rem conciperit : quod si dementis est dicere, manifestum est omnem hominem proximum esse deputandum, quia erga neminem operandum est malum.

53. Jamvero si vel cui præbendum est, vel a quo nobis præbendum est officium misericordiae, recte proximus dicitur ; manifestum est hoc præcepto quo jubemur diligere proximum, etiam sanctos Angelos contineri, a quibus tanta nobis misericordiae impenduntur officia, quanta multis divinarum Scripturarum locis animadvertere facile est. Ex quo et ipse Deus et Dominus noster proximum se nostrum dici voluit. Nam et seipsum significat Dominus Jesus Christus opitulatum esse semivivo jacenti in via afflito et reflecto a latronibus. Et propheta in oratione ait: *Sicut proximum, sicut fratrem nostrum, ita complacebam* (Psal. xxxiv, 14). Sed quoniam excellentior ac supra nostram naturam est divina substantia, præceptum

¹ Omnes prope MSS., et quis est mihi proximus?

quo diligamus Deum, a proximi dilectione distinctum est². Ille enim nobis praebet misericordiam propter suam bonitatem, nos autem nobis invicem propter illum: id est, ille nostri miseretur, ut se perfruamur; nos vero invicem nostri miseremur, ut illo perfruamur.

CAPUT XXXI. — *Deus nobis non fruatur, sed uitur.*

34. Quapropter adhuc ambiguum esse videtur, cum dicimus ea re nos perfrui, quam diligimus propter seipsam, et ea re nobis fruendum esse tantum, qua efficimur beati, ceteris vero utendum. Diligit enim nos Dens, et multum nobis dilectionem ejus erga nos divina Scriptura commendat : quomodo ergo diligit? ut nobis uitatur, an ut fruatur? Sed si fruatur, eget bono nostro, quod nemo sanus dixerit. Omne enim bonum nostrum vel ipse, vel ab ipso est : cui autem obscurum vel dubium est, non egere lucem rerum harum nitore quas ipsa illustraverit? Dicit etiam apertissime propheta: *Dixi Domino, Deus meus es tu, quoniam bonorum meorum non eges* (Psal. xv, 2). Non ergo fruatur nobis, sed uitur. Nam si neque fruatur neque uitatur, non invenio quemadmodum diligat.

CAPUT XXXII. — *Deus homine quomodo uitatur.*

35. Sed neque sic uitatur ut nos : nam nos res quibus utimur ad id referimus, ut Dei bonitate perfruamur ; Deus vero ad suam bonitatem usum nostrum refert. Quia enim bonus est, sumus ; et in quantum sumus, boni sumus. Porro autem quia etiam justus est, non impunè sumus mali ; et in quantum mali sumus, in tantum etiam minus sumus. Ille enim summo ac primitus est, qui omnino incommutabilis est, et qui plenissime dicere potuit: *Ego sum qui sum*; et, *Dices eis, Qui est, misit me ad vos* (Exod. iii, 14). Ut cetera que sunt, et nisi ab illo esse non possint, et in tantum bona sint³, in quantum acceperunt ut sint. Ille igitur usus qui dicitur Dei, quo nobis uitatur, non ad ejus, sed ad nostram utilitatem refertur, ad ejus autem tantummodo bonitatem. Cujus autem nos miseremur, et cui consulimus, ad ejus quidem utilitatem id facimus, tamque intuemur ; sed nescio quonodo etiam nostra fit⁴ consequens, cum eam misericordiam quam impendimus agenti, sine mercede non relinquit Deus. Haec autem merces summa est ut ipso perfruamur, et omnes qui eo fruimur, nobis etiam invicem in ipso perfruamur.

CAPUT XXXIII. — *Quomodo homine frui conveniat.*

36. Nam si in nobis id facimus, remanemus in via, et spem beatitudinis nostræ in homine vel in angelo collocamus. Quod et homo superbus et angelus superbus arrogant sibi, atque in se aliorum spem gaudent constitui. Sanctus autem homo et sanctus angelus etiam fessos nos atque in se acquiescere et remanere cupientes, reficiunt potius, aut eo sumptu quem propter nos, aut illo etiam quem propter se

¹ Addunt hic MSS. Vaticani duo: *Nos vero quia natura æquales sumus, et remota jactantia nihil aliud omnes quam homines sumus, præceptum quo diligamus proximum a nostra dilectione distinctum non est.*

² Excus: *At cetera que sunt, et nisi ab illo esse non possunt, et in tantum bona sunt. Non male; melior tamen visa est locatio MSS.*

³ Idit, sít. At MSS., fit.

aceperunt, acceperunt tamen; atque ita refectos in illum ire compellunt, quo fruentes pariter beati sumus. Nam et Apostolus clamat: *Numquid Paulus crucifixus est pro vobis? aut in nomine Pauli baptizati estis* (I Cor. 1, 13)? et, *Neque qui plantat est aliquid, neque qui rigat, sed qui incrementum dat Deus* (Id. iii, 7). Et angelus hominem se adorantem monet ut potius illum adoret, sub quo ei Domino etiam ipse conservus est (Apoc. xix, 10).

37. Cum autem homine in Deo frueris, Deo potius quam homine frueris. Illo enim frueris quo officieris beatus; et ad eum te pervenisse letaberis, in quo spem ponis ut venias. Inde ad Philemonem Paulus: *Ita, frater, inquit, ego te fruar in Domino* (Philem. 20). Quod si non addidisset, in *Domino*, et te fruar tantum dixisset, in eo constituisset spem beatitudinis suæ. Quanquam etiam vicinissime dicitur frui, cum delectatione uti¹. Cum enim adest quod diligitur, etiam delectationem secum necesse est gerat: per quam si transieris, eamque ad illud ubi permanendum est, retuleris; uteis ea, et abusive, non proprie, diceris frui. Si vero inhæseris atque permaneris, finem in ea ponens letitiae tue, tunc vere et proprie frui dicendus es: quod non faciendum est nisi in illa Trinitate, id est summo et incommutabili bono.

CAPUT XXXIV. — *Prima ad Deum via, Christus.*

38. Vide quemadmodum cum ipsa Veritas, et Verbum per quod facta sunt omnia, caro factum esset, ut habitaret in nobis (Joan. iii, 3, 14), tamen ait Apostolus: *Et si novramus Christum secundum carnem, sed jam non novimus* (II Cor. 5, 16). Ille quippe qui non solum pervenientibus possessionem, sed etiam viam præbere se voluit venientibus ad principium viarum², voluit carnem assumere: unde est etiam illud, *Dominus creavit me in principio viarum suarum* (Prov. viii, 22); ut inde inciperent, qui vellet venire. Apostolus igitur quanvis adhuc ambularet in via, et ad palмam superna vocationis sequetur vocantem Deum, tamen ea quæ retro sunt oblivious, et in ea quæ ante sunt extensus (Philipp. iii, 12-14), jam principium viarum transierat; hoc est, eo non indigebat, a quo tamen aggrediendum et exordiendum iter est omnibus qui ad veritatem pervenire, et in vita æterna permanere desiderant. Sic enim ait, *Ego sum via, et veritas, et vita* (Joan. xiv, 6); hoc est, per me venitur, ad me pervenitur, in me permanet. Cum enim ad ipsum pervenitur, etiam ad Patrem pervenitur; quia per æqualem ille cui est æqualis agnoscatur; vinciente et tanquam agglutinante nos Spiritu sancto, quo in summo atque incommutabili bono permanere possimus. Ex quo intelligitur quam nulla res³ in via tenere nos debeat, quando nec ipse Dominus, in quantum via nostra esse dignatus est, tenere nos voluerit, sed transire; ne rebus temporalibus, quanvis ab illo pro salute nostra susceptis et gestis, hæreamus insirmite, sed per eas potius curramus alacriter, ut

¹ Veteres codices, *cum dilectione uti*.

² Am. Er. et Ms. Theodericensis, *ad se principium viarum*.

³ Editi, qndā. At MSS. melioris note, *quam nulla res*.

ad eum ipsum, qui nostram naturam a temporalibus liberavit, et collocavit ad dexteram Patris, provehi atque pervehi mereamur.

CAPUT XXXV. — *Scripturæ plenitudo, finisque, amor Dei et proximi.*

39. Omnium igitur quæ dicta sunt, ex quo de robustis tractamus, hæc summa est, ut intelligatur Legis et omnium divinarum Scripturarum plenitudo et finis esse dilectio (Rom. xiii, 10; et I Tim. i, 5) rei qua fruendum est, et rei que nobiscum ea re frui potest; quia ut se quisque diligit, præcepto non opus est. Hoc ergo ut noscemos atque possemus, facta est tota pro salute nostra per divinam providentiam dispensatio temporalis, qua debemus uti, non quasi mansoria quadam dilectione atque delectatione, sed transitoria potius, tanquam viæ, tanquam vehiculorum, vel aliorum quorumlibet instrumentorum, aut si quid congruentius dici potest; ut ea quibus serimur, proper illud ad quod serimur, diligamus.

CAPUT XXXVI. — *Interpretatio Scripturæ licet vitiosa, non est mendax nec perniciose fallax, si modo utilis sit ædificandæ charitati. Corrigendus tamen interpres qui sic fallitur.*

40. Quisquis igitur Scripturas divinas vel quamlibet earum partem intellexisse sibi videtur, ita ut eo intellectu non ædificet istam geminam charitatem Dei et proximi, nondum intellexit. Quisquis vero talis inde sententiam duxerit⁴, ut huic ædificandæ charitati sit utilis, nec tamen hoc dixerit quod ille quem legit eo loco sensisse probabitur, non perniciose fallitur, nec omnino mentitur. Inest quippe in mentiente voluntas falsa dicendi: et ideo multos invenimus, qui mentiri velint; qui autem falli, neminem. Cum igitur hoc sciens homo faciat, illud nesciens patiatur, satis in una eademque re apparet illum qui fallitur, eo qui mentitur esse meliorem; quandoquidem pati melius est iniquitatem, quam facere: omnis autem qui mentitur, iniquitatem facit⁵; et si cuiquam videtur utile aliquando esse mendacium, potest videri utile aliquando esse iniquitatem. Nemo enim mentiens, in eo quod mentitur, servat fidem; nam hoc utique vult, ut cui mentitur fidem sibi habeat, quam tamen ei mentiendo non servat: omnis autem fidei violator, iniquus est. Aut igitur iniqutitas aliquando utilis est, quod fieri non potest; aut mendacium semper inutile est.

41. Sed quisquis in Scripturis aliud sentit quam ille qui scripsit, illis non mentientibus fallitur: sed tamen, ut dicere cœperam, si ea sententia fallitur, qua ædificet charitatem, quæ finis præcepti est, ita fallitur, ac si quisquam errore deserens viam, eo tamen per agrum perget, quo etiam via illa perducit. Corrigendus est tamen, et quam sit utilis viam non deserere demonstrandum est, ne conuetudine deviandi etiam in transversum aut perversum ire cogatur

⁴ In Vulgatis, *pervenire*; cuius loco in MSS., *perrehi*.

⁵ Am. et undecim MSS., *dixerit*.

⁶ Octodecim MSS., *qui mentitur inique facit*. Unus minus.

CAPUT XXXVII. — *Multum inest periculi in hac interpretatione vitiosa.*

Aserendo enim temere quod ille non sensit quem legit, plerumque incurrit in alia quæ illi sententiae contexere nequeat: quæ si vera et certa esse consentit, illud non possit verum esse quod senserat; sive in eo, nescio quomodo, ut amando sententiam suam, Scripturæ incipiat offensior esse quam sibi. Quod malum si serpere siverit, evertetur ex eo. Per fidem enim ambulamus, non per speciem (*Il Cor. v, 7*); titubabit autem fides, si divinarum Scripturarum vacillat auctoritas: porro fide titubante, charitas etiam ipsa languescit. Nam si a fide quisque cediderit, a charitate etiam necesse est cadat; non enim potest diligere quod esse non credit: porro si et credit et diligit, bene agendo et præceptis morum bonorum obtemperando efficit, ut etiam speret se ad id quod diligit esse venturum. Itaque tria hæc sunt, quibus et scientia omnis et propheta militat, fides, spes, charitas.

CAPUT XXXVIII. — *Charitas perpetuo manet.*

42. Sed fidei succedit species¹, quam videbimus; et spei succedit beatitudo ipsa, ad quam perventuri sumus: charitas autem etiam istis decedentibus augebitur potius. Si enim credendo diligimus quod nondum videmus, quanto magis cum videre coepimus? et si sperando diligimus quo nondum pervenimus, quanto magis cum pervenerimus? Inter temporalia quippe atque æterna hoc interest, quod temporale aliquid plus diligitur antequam habeatur, vilescit autem cum advenerit; non enim satiat animam, cui vera est et certa sedes æternitas: æternum autem ardenter, diligitur adeptum, quam desideratum: nulli enim desideranti conceditur plus de illo existimare quam se habet, ut ei vilescat cum minus inventerit; sed quantum quisque veniens existimare po-

¹ Sic MSS. tredecim. Editi vero, *succedit spes*: prave, ut intelligitur ex sequentibus verbis, *quam videbimus*.

tuerit, plus perveniens inventurus est.

CAPUT XXXIX. — *Scripturis non indiget homo fide, spe et charitate instructus.*

43. Homo itaque fide, spe et charitate subinxus, eaque inconcusse retinens, non indiget Scripturis nisi ad alios instruendos. Itaque multi per haec tria etiam in solitudine sine codicibus vivunt. Unde in illis arbitror jam impletum esse quod dictum est: *Sive prophetiarum evacuabuntur, sive linguae cessabunt, sive scientia evanescerunt.* Quibus tamen quasi machinis tanta fidei et spei et charitatis in eis surrexit instructio, ut perfectum aliquid tenentes, ea quæ sunt ex parte non querant: perfectum sane, quantum in hac vita potest; nam in comparatione futuræ vitae nullius justi et sancti est vita ista perfecta. Ideo manent, inquit, *fides, spes, charitas*; *tria hæc: major autem horum est charitas* (*I Cor. XIII, 8, 13*); quia et cum quisque ad æterna pervenerit, duobus istis decedentibus charitas auctior et certior permanebit.

CAPUT XL. — *Qualem lectorem Scriptura postulet.*

44. Quapropter, cum quisque cognoverit finem præcepti esse charitatem, *de corde puro, et conscientia bona, et fide non ficta* (*I Tim. 1, 5*), omnem intellectum divinarum Scripturarum ad ista tria relaturus, ad tractationem illorum Librorum securus accedat. Cum enim diceret, *charitas*, addidit, *de corde puro*, ut nihil aliud quam id quod diligendum est, diligatur. *Conscientiam vero bonam* conjunxit propter spem: ille enim se ad id quod credit et diligit perventurum esse desperat, cui malæ conscientiæ scrupulus inest. Tertio, *et fide, inquit, non ficta*. Si enim fides nostra mendacio caruerit, tunc et non diligimus quod non est diligendum, et recte vivendo id speramus, ut nullo modo spes nostra fallatur. Propterea de rebus continentibus fidem, quantum pro tempore satis esse arbitratus sum, dicere volui, quia in aliis voluminibus, sive per alios sive per nos multa jam dicta sunt. Modus itaque sit iste libri hujus. Cætera de signis, quantum Dominus dederit, disseremus.

LIBER SECUNDUS.

Jam de signis verbisque Scripturæ sacrae sermonem instituit Augustinus, ostenditque hujus germanum sensum plerumque ideo non percipi, quia signa illa aut ignota sunt, aut ambigua. Quapropter prolatio in primis divinorum Librorum caæone, declarare pergit quarum potissimum linguarum peritia, quænamque disciplina ac scientiæ conferant ad illam signorum ignorantiam removendam. Ubi data occasione de repudiandis superstitionis artibus et doctrinæ strictum, sed profunde disputat. Quemadmodum etiam animo comparatus is esse debeat, qui operam studio Scripturarum navaturus sit, declarat sub initium et ad finem libri.

CAPUT PRIMUM. — *Signum quid et quotuplex.*

4. Quoniam de rebus cum scriberem, premisi commonens ne quis in eis attenderet nisi quod sunt, non etiam si quid aliud præter se significant; vicissim de signis disserens hoc dico, ne quis in eis attendat quod sunt, sed potius quod signa sunt, id est, quod significant. Signum est enim res, præter speciem quam ingerit sensibus, aliud aliud ex se faciens in cognitionem venire: sicut vestigio viso, transisse animal cuius vestigium est, cogitamus; et fumo viso, ignem subesse cognoscimus; et voce animantis auditu, affectionem animi ejus advertimus; et tuba sonante, milites vel progredi se¹, vel regredi, et si quid aliud

pugna postulat, oportere noverunt.

2. Signorum igitur alia sunt naturalia, alia data. Naturalia sunt, quæ sine voluntate atque ullo appetitu significandi, præter se aliud aliud ex se cognosci faciunt, sicut est sumus significans ignem. Non enim volens significare id facit, sed rerum expertarum animadversione et notatione cognoscitur ignem subesse, etiam si sumus solus appareat. Sed et vestigium transuentis animalis ad hoc genus pertinet: et vultus irati seu tristis affectionem animi significat, etiam nulla ejus voluntate qui aut iratus aut tristis est; aut si quis alius

¹ Am. Er. Lugd. Ven. Lov. Helm. ferunt, *vel progredi vel regredi*, nec habent se. M.

motus animi *vultu* indice proditur, etiam nobis non id agentibus ut prodatur. Sed de hoc toto genere nunc disserere non est propositum. Quoniam tamen incidit in partitionem nostram, prateriri omnino non potuit; atque id hactenus notatum esse sussecerit.

CAPUT II. — *De quo signorum genere hic tractandum.*

3. Data vero signa sunt, quae sibi quoque viventia invicem dant ad demonstrandos, quantum possunt, motus animi sui, vel sensa, aut intellecta qualibet. Nec ulla causa est nobis significandi, id est signi dandi, nisi ad deppromendum et traciendum in alterius animum id quod animo gerit is qui signum dat. Horum igitur signorum genus, quantum ad homines attinet, considerare atque tractare statuimus; quia et signa divinitus data, que in Scripturis sanctis continentur, per homines nobis indicata sunt, qui ea conscripserunt. Habent etiam bestie quedam inter se signa, quibus produnt appetitum animi sui. Nam et gallus gallinaceus reperto cibo, dat signum vocis gallinæ ut accurrit; et columbus gemitu columbam vocat, vel ab ea vicissim vocatur; et multa hujusmodi animadvertisi solent. Quæ utrum, sicut vultus aut dolentis clamor, sine significandi voluntate sequantur motum animi, an vere ad significandum dentur, alia quæstio est, et ad rem quæ agitur non pertinet: quam partem ab hoc opere tanquam non necessariam removemus.

CAPUT III. — *Inter signa principatum obtinent verba.*

4. Signorum igitur quibus inter se homines sua sensa communicant, quedam pertinent ad oculorum sensum, pleraque ad aurium, paucissima ad cæteros sensus. Nam cum innuimus, non damus signum nisi oculis ejus quem volumus per hoc signum voluntatis nostræ participem facere. Et quidam motu¹ manuum pleraque significant: et histriones omnium membrorum motibus dant signa quedam scientibus, et cum oculis eorum quasi fabulantur; et vexilla draconesque militares per oculos insinuant voluntatem ducunt: et sunt hæc omnia quasi quedam verba visibilia. Ad aures autem quæ pertinent, ut dixi, plura sunt, in verbis maxime. Nam et tuba, et tibia, et cithara, dant plerumque non solum suavem, sed etiam significantem sonum. Sed hæc omnia signa verbis comparata paucissima sunt. Verba enim prorsus inter homines obtinuerunt principatum significandi quæcumque animo concipiuntur, si ea quisque prodere velit. Nam et odore unguenti Dominus, quo persusi sunt pedes ejus, signum aliquod dedit (*Joan. xii, 3 et 7*); et Sacramento corporis et sanguinis sui prægustato², significavit quod voluit (*Luc. xxii, 19, 20*); et cum mulier tangendo simbriam vestimenti ejus, salva facta est, nonnihil significat (*Matth. ix, 21*): sed innumerablem multitudinem signorum, quibus suas cogitationes

¹ Editi pluresque MSS., et quidam motus. Melius MSS. alii, *per motus*; vel, *mo u.*

² Sic Editi, quibus suffragantur MSS. perpauci; cum plurimi habeant, *per gustato*; et alii quinque optimè notæ, *per gustatum*: in quam lectionem incidit altera, que trium MSS. est, *per gustum*; quippe in antiquis codicibus passim reperiuntur *est gustatum*, loco *gustum*.

homines exerunt, in verbis constituta est. Nam illa signa omnia quorum genera breviter attigi, potui verbis enuntiare; verba vero illis signis nullo modo possem.

CAPUT IV. — *Unde litteræ.*

5. Sed quia verberat acre statim transenunt, nec diutius manent quam sonant, instituta sunt per litteras signa verborum. Ita voces oculis ostenduntur, non per scipsas, sed per signa quedam sua. Ista igitur signa non potuerunt communia esse omnibus gentibus, peccato quedam dissensionis humanae, cum ad se quisque principatum rapit. Cujus superbie signum est erecta illa torris in cœlum, ubi homines impii non solum animos, sed etiam voces dissonas babere meruerint (*Gen. xi, 1-9*).

CAPUT V. — *Diversitas linguarum.*

6. Ex quo factum est ut etiam Scriptura divina, qua tantis morbis humanarum voluntatum subveniatur, ab una lingua profecta, qua³ opportune potuit per orbem terrarum disseminari, per varias interpretum linguas longe latèque diffusa innotesceret gentibus ad salutem: quam legentes nihil aliud appetunt quam cogitationes voluntatemque illorum a quibus conscripta est, invenire, et per illas voluntatem Dei, secundum quam tales homines locutos credimus.

CAPUT VI. — *Obscuritas Scripturæ in tropis et figuris quorum utilis.*

7. Sed multis et multiplicibus obscuritatibus, et ambiguitatibus decipiuntur qui temere legunt, aliud pro alio sentientes; quibusdam autem locis quid vel falso suspicentur non inveniunt, ita obscure quedam dicta densissimam caliginem obducunt. Quod totum provisum divinitus esse non dubito, ad edendum labore superbiam, et intellectum a fastidio revocandum⁴, cui facile investigata plerumque vilescent. Quid enim est, queso, quod si quisquam dicat sanctos esse homines atque perfectos, quorum vita et moribus Christi Ecclesia de quibuslibet superstitionibus praecidit eos qui ad se veniunt, et imitatione bonorum sibimet quodammodo incorporat; qui boni fideles et veri⁵ Dei servi, deponentes onera sæculi, ad sanctum Baptismi lavacrum venerunt, atque inde ascendentis conceptione sancti Spiritus fructum dant geminæ charitatis, id est, Dei et proximi: quid est ergo quod si hæc quisque dicat, minus delectat audiensem, quam si ad eundem sensum locum illum exponat de Canticis canticorum, ubi dictum est Ecclesie, cum tanquam pulchra quedam femina laudaretur, *Dentes tui sicut gress detonsarum, ascendens de lavacro, quæ omnes geminos creant, et non est sterilis in eis* (*Cant. iv, 2*)? Num aliud homo discit, quam cum illud planissimis verbis, sine similitudinis hujus miniculo audiret? Et tamen nescio quomodo suavis intueor sanctos, cum eos quasi dentes Ecclesie video praecidere ab erroribus homines, atque in ejus corpus, emollita duritia, quasi demorsos manusque

⁴ Bad. Am. Er. et aliquot MSS., *q:æx.*

⁵ Lov. nonnullique MSS., *renovandum*. Alii, cum Am. et Er., *revocandum*. In duobus MSS., *terti*. In aliis tribus, *vere*.

transferre. Oves etiam jucundisime agnosco detonsas, onerios sacerularibus tanquam velleribus positis, et ascendentis de lavaero, id est de Baptismate, creare omnes geminos, id est duo præcepta dilectionis, et nullam esse ab isto sancto fructu sterilem video.

8. Sed quare suavius videam, quam si nulla de divinis Libris talis similitudo proineretur, cum res eadem sit eademque cognitio, difficile est dicere, et alia quæstio est. Nunc tamen nemo ambigit, et per similitudines libentius quæque cognosci, et cum aliqua difficultate quæsita multo gratius inveniri. Qui enim prorsus non inveniunt quod querunt, fame laborant; qui autem non querunt, quia in promptu habent, fastidio saepe marcescunt: in utroque autem languor cavendus est. Magnifice igitur et salubriter Spiritus sanctus ita Scripturas sanctas modis erat, ut locis apertioribus fami occurreret, obscurioribus autem fastidia detergeret. Nihil enim fere de illis obscuritatibus erutor, quod non planissime dictum alibi reperiatur.

CAPUT VII. — Gradus ad sapientiam: primus, timor; secundus, pietas; tertius, scientia; quartus, fortitudo; quintus, consilium; sextus, purgatio cordis; septimus gradus seu finis, sapientia.

9. Ante omnia igitur opus est Dei timore converti ad cognoscendam ejus voluntatem, quid nobis appetendum fugiendumque præcipiat. Timor autem iste cogitationem de nostra mortalitate et de futura morte necesse est inieciat, et quasi clavatis carnibus omnes superbiæ motus ligno crucis affligat. Deinde mitescere opus est pietate, neque contradicere divinae Scripturaræ sive intellectæ, si aliqua via nostra percudit; sive non intellectæ, quasi nos melius sapere meliusque præcipere possimus: sed cogitare potius et credere id esse melius et verius quod ibi scriptum est, etiam si lateat, quam id quod nos per nosmetipos sapere possumus.

10. Post istos duos gradus timoris atque pietatis ad tertium venitur scientiae gradum, de quo nunc agere institui. Nam in eo se exercet omnis divinarum Scripturarum studiosus, nihil in eis aliud inventurus quam diligendum esse Deum propter Deum, et proximum propter Deum: et illum quidem ex toto corde, ex tota anima, ex tota mente diligere; proximum vero tanquam seipsum (*Matth. xxii, 37 et 39*), id est, ut tota proximi, sicut etiam nostri, dilectio referatur in Deum. De quibus duobus præceptis, cum de rebus ageremus, libro superiore tractavimus. Necesse est ergo, ut primo se quisque in Scripturis inveniat amore hujus sæculi, hoc est, temporalium rerum, implicatum, longe sejunctum esse a tanto amore Dei et tanto amore proximi, quantum Scriptura ipsa præscribit. Tum vero ille timor quo cogitat de judicio Dei, et illa pietas qua non potest nisi credere et cedere auctoritati sanctorum Librorum, cogit eum seipsum lugere. Nam ista scientia bonæ spei hominem non se jactantem, sed lamentantem facit: quo affectu impetrat sedulis precibus consolationem divini adjutorii, ne desperatione frangatur, et esse incipit in quarto gradu, hoc est fortitudinis, quo esuritur et sstitut justitia. Illoc enim affectu ab omni-

mortifera jucunditate rerum transeuntium sese extrahit, et inde se avertens convertit ad dilectionem aeternorum, incommutabilem scilicet unitatem eamdemque Trinitatem.

11. Quam ubi aspicerit, quantum potest, in longinqua radiantem, suique aspectus infirmitate sustinere se illam lucem non posse persenserit; in quinto gradu, hoc est in consilio misericordiae, purgat animam tumultuantem quodanmodo atque obstrepentem sibi de appetitu inferiorum conceptis sordibus. Hic vero se in dilectione proximi graviter exercet, in eaque perficitur; et spe jam plenus atque integer viribus, cum pervenerit usque ad inimici dilectionem, ascendit in sextum gradum, ubi jam ipsum oculum purgat, quo videri Deus potest, quantum potest ab iis qui huic saeculo moriuntur quantum possunt. Nam in tantum vident, in quantum moriuntur huic saeculo; in quantum autem huic vivunt, non vident. Et ideo quanvis jam certior, et non solum tolerabilius, sed etiam jucundior species lucis illius incipiat apparere; in enigmate adhuc tamen et per speculum videri dicatur (*1 Cor. xiii, 12*), quia magis per fidem quam per speciem ambulatur, cum in hac vita peregrinamur (*II Cor. v, 6, 7*), quanvis conversationem habeamus in cœlis (*Philipp. iii, 20*). In hoc autem gradu ita purgat oculum cordis, ut veritati ne ipsum quidem preferat aut conferat proximum; ergo nec seipsum, quia nec illum quem diligit sicut seipsum. Erit ergo iste sanctus tam simplici eorde atque mundato, ut neque hominibus placidu studio detorqueatur a vero, nec respectu devitandorum quorumlibet incommodorum suorum, quae adversantur huic vitae. Talis filius ascendit ad sapientiam, quæ ultima et septima est, quæ pacatus tranquillusque perfruitur. Initum enim sapientiae timor Domini (*Psal. cx, 10, et Eccli. 1, 46*). Ab illo enim usque ad ipsam per hos gradus tenduntur, et venitur.

CAPUT VIII. — Libri canonici.

12. Sed nos ad tertium illum gradum considerationem referamus, de quo disserere quod Dominus suggesserit, atque tractare instituimus. Erit igitur divinarum Scripturarum solertissimus indagator, qui primo totas legerit, notasque habuerit, et si nondum intellectu, jam tamen lectione, duntaxat eas quæ appellantur canonice. Nam cæteras securius leget fide veritatis instructus, ne præoccupent imbecillem animum, et periculis mendaciis atque phantasmatibus eludentes præjudicent, aliquid contra sanam intelligentiam. In canonice autem Scripturis, Ecclesiæ catholicarum quamplurium auctoritatem sequatur; inter quas sane illæ sint, quæ apostolicas Sedes habere et Epistolas accipere meruerunt. Tenebit igitur hunc modum in Scripturis canonice, ut eas quæ ab omnibus accipiuntur Ecclesiæ catholicæ, præponat eis quas quedam non accipiunt: in eis vero quæ non accipiuntur ab omnibus, præponat eas quas plures gravioresque accipiunt, eis quas pauciores minorisque auctoritatis Ecclesiæ tenent. Si autem alias invenerit a pluribus, alias a gravioribus haberi, quanquam hoc

* Am et quatuor MSS., *percipere*.

facile iuvenire non possit, æqualis tamen auctoritatis eas habendas puto.

13. Toton autem canon Scripturarum, ist quo istam considerationem versandam dicimus, his libris continetur (a) : Quinque Moyseos, id est Genesi, Exodo, Levitico, Numeris, Deuteronomio; et uno libro Iesu Nave, uno Judicum, uno libello qui appellatur Ruth, qui magis ad Regnorum principium¹ videtur pertinere; deinde quatuor Regnorum, et duobus Paralipomenon, non consequentibus, sed quasi a latere adjunctis simulque pergentibus. Haec est historia, quæ sibimet annexa tempora continet, atque ordinem rerum : sunt aliae tanquam ex diverso ordine, quæ neque huic ordini, neque inter se connectuntur, sicut est Job, et Tobias, et Esther, et Judith, et Machabæorum libri duo, et Esdræ duo, qui magis subsequi videntur ordinatam illam historiam usque ad Regnorum vel Paralipomenon terminatam : deinde Prophetæ, in quibus David unus liber Psalmorum ; et Salomonis tres, Proverbiorum, Cantica canticorum, et Ecclesiastes. Nam illi. duo libri, unus qui Sapientia, et alias qui Ecclesiasticus inscribitur, de quadam similitudine Salomonis esse dicuntur : nam Jesus Sirach eos conscripsisse constantissime prohibetur (b), qui tamen quoniam in auctoritatem recipi meruerunt, inter propheticos numerandi sunt. Reliqui sunt eorum libri, qui proprie Prophetæ appellantur, duodecim Prophetarum libri singuli, qui connexi sibimet, quoniam nunquam se-juncti sunt, pro uno habentur : quorum Prophetarum nonina sunt hæc, Osee, Joel, Amos, Abdias, Jonas, Michæas, Nahum, Habacuc, Sophonias, Aggæus, Zachiarias, Malachias : deinde quatuor Prophetæ sunt majorum voluminum, Isaias, Jeremias, Daniel, Ezechiel. His quadragesima quatuor libris Testamenti Veteris terminatur auctoritas (c) : Novi autem, quatuor libris² Evangelii, secundum Matthæum, secundum Marcum, secundum Lucam, secundum Joannem; quatuordecim Epistolis Pauli apostoli, ad Romanos, ad Corinthios duabus, ad Galatas, ad Ephesios, ad Philippenses, ad Thessalonicenses duabus, ad Colossenses, ad Timotheum duabus, ad Titum, ad Philemonem, ad Hebreos; Petri duabus; tribus Joannis; una Judæ, et una Jacobi; Actibus Apostolorum libro uno, et Apocalypsi Joannis libro uno.

¹ Sic MSS. At editi, *principia*.

(a) Confer Hippon. concil. an 393, can. 38; et Carthag. 3, an. 397, can. 47.

(b) Quod attinget ad Sapientiam librum, non esse ejus auctorem Jesum filium Sirach didicit postea Augustinus, uti in lib. 2 Retract., cap. 4, n. 2, admonet. Salomonis nomine laudat auctor, quisquis est, operis de Symbolo ad Catechumenos, lib. 2, c. 2; Imo et Cyprianus in lib. de Mortalitate, Basilius in lib. 5 contra Eunomium, et passim Ambrosius. At Augustinus non hic tantum, sed etiam in admonitione ad Speculum de libro Sapientiae, Salomoni tributum existimat, « propter quamdam eloquii similitudinem. Nam Salomonis non esse, inquit, nihil dubitant quique doctiores : » additique, illius quismam sit auctor non ap̄parere. Hieronymus librum eundem, cui jam olim titulus erat, Sapientia Salomonis, *pseudepigraphon* appellat, et dicit Philoni Judeo ascriptum a veteribus, atque ipsius stilum græcam eloquentiam redolere. Sunt iam nonnulli qui velint sententias quidem ex Salomone, ex Philone autem earum collectionem phrasimque græcam prodisse.

(c) Retract. lib. 2, c. 4, n. 9

PATROL. XXXIV.

CAPUT IX. — *Qua ratione vacandum studio Scripturæ.*

14. In his omnibus libris timentes Deum et pietate mansueti, querunt voluntatem Dei. Cujus operis et laboris prima observatio est, ut diximus, nosse istos libros, etsi nondum ad intellectum, legendo tamen vel mandare memorie, vel omniō incognitos non habere. Deinde illa quæ in eis aperte posita sunt, vel præcepta vivendi, vel regulæ credendi, solertia diligentiusque investiganda sunt: quæ tanto quiske plura invenit, quanto est intelligentia³ capacior. In iis enim quæ aperte in Scripturis posita sunt, inveniuntur illa omnia quæ continent fidem, moresque vivendi, spem scilicet atque charitatem, de quibus libro superiore tractavimus. Tum vero, facta quadam familiaritate cum ipsa lingua divinarum Scripturarum, in ea quæ obscura sunt aperienda et discutienda pergendum est, ut ad obscuriores locutiones illustrandas de manifestioribus sumantur exempla, et quædam certarum sententiarum testimonia dubitationem incertis aferant. In qua re memoria valet plurimum : quæ si defuerit, non potest his præceptis dari.

CAPUT X. — *Scripturam contingit non intelligi ob ignota signa vel ambigua.*

15. Duabus autem causis non intelliguntur quæ scripta sunt, si aut ignotis, aut ambiguis signis obtenguntur. Sunt autem signa vel propria, vel translata. Propria dicuntur, cum his rebus significandis adhibentur, propter quas sunt instituta; sicut dicimus bovem, cum intelligimus pecus⁴, quod omnes nobiscum latine linguae homines hoc nomine vocant. Translata sunt, cum et ipsæ res quas propriis verbis significamus, ad aliud aliquid significandum usurpantur : sicut dicimus bovem, et per has duas syllabas intelligimus pecus quod isto nomine appellari solet; sed rursus per illud pecus intelligimus evangelistam, quem significavit Scriptura, interpretante Apostolo, dicens, *Bovem triturantem non infrenabis* (1 Cor. ix, 9).

CAPUT XI. — *Ut ignorantia signorum tollatur, necessaria est linguarum cognitio, ac præserim græcas et hebraeas.*

16. Contra ignota signa propria magnum remedium est linguarum cognitio. Et latine quidem linguae homines, quos nunc instruendos suscepimus, duabus aliis ad Scripturarum divinarum cognitionem opus habent, hebraea scilicet et græca; ut ad exemplaria præcedentia recurratur, si quam dubitationem attulerit latinorum interpretum infinita varietas. Quanquam et hebraea verba non interpretata sœpe inveniamus in libris, sicut Amen, et Alleluia, et Racha, et Hosanna, et si qua sunt alia: quorum partim propter sanctorem auctoritatem, quamvis interpretari potuissent, servata est antiquitas, sicut est Amen, et Alleluia; partim vero in aliam linguam transferri non potuisse dicuntur, sicut alia duo quæ posuimus. Sunt enim quædam verba certarum linguarum, quæ in usum al-

¹ Editi, intelligentia. MSS. aliquot, intelligentia.

² Editi: *Sicut cum dicimus bovem, intelligimus pecus.* Aliquot MSS.: *sicut dicimus bovem, et pecus intelligimus.* Alii: *sicut dicimus bovem, cum intelligimus pecus.*

terius linguae per interpretationem transire non possint. Et hoc maxime interjectionibus accidit, quæ verba motum animi significant potius, quam sententiae conceptæ¹ ullam particulam; nam et hæc duo talia esse perhibentur: dicunt enim Racha indignantis esse vocem, Hosanna lætantis. Sed non propter hæc pauca, quæ notare atque interrogare facillimum est, sed propter diversitates, ut dictum est, interpretationum, illarum linguarum est cognitio necessaria. Qui enim Scripturas ex hebreæ lingua in græcom vertierunt, numerari possunt; latini autem interpres nullo modo. Ut enim cuique primis fidei temporibus manus venit codex græcus, et aliquantulum facultatis sibi utriusque linguae habere videbatur, ausus est interpretari.

CAPUT XII. — *Diversitas interpretationum utilis. Ex verborum ambiguitate ut accidit error interpretum.*

17. Quæ quidem res plus adjuvit intelligentiam, quam impedit, si modo legentes non sint negligentes. Nam nonnullas obscuriores sententias plurium codicum saepe manifestavit inspectio, sicut illud Isaiae prophetæ unus interpres ait, *Et domesticos seminis tui ne despiceris; alias autem ait, Et carnem tuam ne despiceris* (*Isai. LVIII, 7*): uterque sibi metu invicem attestatus est. Namque alter ex altero exponitur, quia et caro posset accipi proprie, ut corpus suum quisque ne despiceret, se putaret admonitus; et domestici seminis translate, Christiani possent intelligi, ex eodem verbi semine nobiscum spiritualiter nati: nunc autem collato interpretationem sensu, probabilior occurrit sententia proprie de consanguineis non despiciendis esse præceptum, quoniam domesticos seminis cum ad carnem retuleris, consanguinei potissimum occurront; unde esse arbitror illud Apostoli quod ait, *Si quo modo ad emulacionem adducere potuero carnem meam, ut salvos faciam aliquos ex illis* (*Rom. XI, 14*); id est, ut emulando eos qui crediderant, et ipsi crederent. Carnem enim suam dixit Iudeus, propter consanguinitatem. Item illud ejusdem Isaiae prophetæ, *Nisi credideritis, non intelligetis;* alias interpretatus est, *Nisi credidicritis, non permanebitis* (*Isai. VII, 9*): quis horum verba² secutus sit, nisi exemplaria linguae præcedentis legantur, incertum est. Sed tamen ex utroque magnum aliquid insinuatur scienter legentibus. Difficile est enim ita diversos a se interpres fieri, ut non se aliqua vicinitate contingant. Ergo, quoniam intellectus in specie sempiterna est, fides vero in rerum temporalium quibusdam cunabulis quasi lacte nabit parvulos; nunc autem per fidem ambulamus, non per speciem (*II Cor. V, 7*); nisi autem per fidem ambulaverimus, ad speciem pervenire non poterimus quæ non transit, sed permanet, per intellectum purgatum nobis coherentibus veritati: propterea ille ait, *Nisi credideritis, non permanebitis;* ille vero, *Nisi credideritis, non intelligetis.*

18. Et ex ambiguo linguae præcedentis plerumque interpres fallitur, cui non bene nota sententia est, et eam significationem transfert, quæ a sensu scriptoris

¹ MSS. tres contextæ.

² sic tres MSS. Alii cum editis, vero.

penitus aliena est: sicut quidam codices habent, *Acuti pedes eorum ad effundendum sanguinem;* ὄφες enim et acutum apud Græcos, et velocem significat. Ille ergo vidit sententiam, qui transtulit, *Veloce pedes eorum ad effundendum sanguinem* (*Psal. XIII, 3*); ille autem aliis anticipi signo in aliam partem raptus erravit. Et talia quidem non obscura, sed falsa sunt: quorum alia conditio est; non enim intelligendos, sed emendandos tales codices potius præcipiendum est. Hinc est etiam illud, quoniam μόσχος græce vitulus dicitur, μοσχίματα quidam non intellexerunt esse plantationes, et vitulamina interpretati sunt: qui error tam multos codices præoccupavit, ut vix inveniatur aliter scriptum; et tamen sententia manifestissima est, quia clarescit consequentibus verbis: namque, *Adulterinæ plantationes non dubunt radiees altas* (*Sap. IV, 3*), convenientius dicitur quam, *vitulamina,* quæ pedibus in terra graduntur, et non hærent radicibus. Hanc translationem in eo loco etiam cætera contexta custodiunt.

CAPUT XIII. — *Interpretationis vitium unde emendari possit.*

19. Sed quoniam et quæ sit ipsa sententia, quam plures interpres pro sua quisque facultate atque iudicio conantur eloqui, non appareat, nisi in ea lingua inspiciatur quam interpretantur; et plerumque a sensu auctoris devius aberrat interpres, si non sit doctissimus: aut linguarum illarum, ex quibus in latinam Scriptura pervenit, petenda cognitio est; aut habendæ interpretationes corum qui se verbis nimis obstrinxerunt; non quia sufficiunt, sed ut ex eis veritas vel error detegatur aliorum¹, qui non magis verba quam sententias interpretando sequi maluerunt. Nam non solum verba singula, sed etiam locutiones saepe transferuntur, quæ omnino in latinaræ linguae usum, si quis consuetudinem veterum qui latine locuti sunt, tenere voluerit, transire non possunt. Quæ aliquando intellectui nihil adimunt, sed offendunt tamen eos qui plus delectantur rebus, cum etiam in earum signis sua quædam servatur integritas. Nam solœcismus qui dicitur, nihil aliud est quam cum verba non ea legi sibi coaptantur, qua coaptaverunt qui priores nobis non sine auctoritate aliqua locuti sunt. Utrum enim Inter homines, an, Inter hominibus dicatur, ad rerum non pertinet cognitorem. Item barbarismus quid aliud est, nisi verbum non eis litteris vel sono enuntiatum, quo ab eis qui latine ante nos locuti sunt, enuntiari solet? Utrum enim Ignoscere producta an correpta tertia syllaba dicatur, non multum curat qui peccatis suis Deum ut ignoscat petit, quolibet modo illud verbum sonare potuerit. Quid est ergo integritas locutionis, nisi alienæ² consuetudinis conservatio, loquentium veterum auctoritate firmata.

20. Sed tamen eo magis inde offenduntur homines, quo infirmiores sunt; et eo sunt infirmiores, quo doctiores videri volunt, non rerum scientia qua ædifici-

¹ Editi: *Libertas vel error dirigatur aliorum.* Reposuimus ex undecim MSS. fide, *veritas;* moxque ex conjectura, *detegatur:* cui conjecturæ unicus faveat Floriacensis codex in quo legere est, *deligatur.*

² Sic MSS. Ilerique. At editi, nisi latinaræ consuetudinis.

camur, sed signorum qua non inflari omnino difficile est, cum et ipsa rerum scientia saepe cervicem erigat, nisi dominico reprimatur jugo. Quid enim obest intellectori, quod ita scriptum est : *Quae est terra in qua isti insidunt super eam, si bona est an nequam; et quae sunt civitates in quibus ipsi inhabitant in ipsis* (*Num. xiii, 20*)? Quam locutionem magis alienæ linguae esse arbitror, quam sensum aliquem altiorem. Illud etiam quod jam auferre non possumus de ore cantantium populorum, *Super ipsum autem floriet sanctificatio mea* (*Psal. cxxxii, 18*), nihil profecto sententiae detrahit: auditor tamen peritior mallet hoc corrigi, ut non *floriet*, sed *floret* dicatur; nec quidquam impedit correctionem, nisi consuetudo cantantium. Ista ergo facile etiam contemni possunt, si quis ea cavere noluerit, quæ sano intellectui nihil detrahunt. At vero illud quod ait Apostolus, *Quod stultum est Dei, sapientius est hominibus; et quod infirmum est Dei, fortius est hominibus* (*I Cor. i, 25*): si quis in eo grecam locutionem servare voluisse, ut diceret, *Quod stultum est Dei, sapientius est hominum; et quod infirmum est Dei, fortius est hominum*; ict quidem vigilantis lectoris intentio in sententiae veritatem, sed tamen aliquis tardior aut non intelligeret, aut etiam perverse intelligeret. Non enim tantum vitiosa locutio est in latīna lingua talis, verum et in ambiguitatem cadit; ut quasi hominum stultum vel hominum infirmum sapientius vel fortius videatur esse quam Dei. Quanquam et illud, *sapientius est hominibus*, non caret ambiguo, etiamsi solcēcismo caret. Utrum enim his *hominibus* ab eo quod est, *Huic homini*; an his *hominibus* ab eo quod est, *Ab hoc homine*, dictum sit, non apparet nisi illuminatione sententiae. Melius itaque dicitur, *Sapientius est quam homines, et fortius est quam homines*.

CAPUT XIV. — Ignoti verbi et ignotæ locutionis unde eruenda cognitio.

21. De ambiguis autem signis post loquemur; nunc de incognitis agimus, quorum duæ formæ sunt, quantum ad verba pertinet. Namque aut ignotum verbum facit hærcere lectorem, aut ignota locutio. Quæ si ex alienis linguis veniunt, aut quærenda sunt ab earum linguarum hominibus, aut eadem linguae, si et otium est et ingenium, ediscendæ, aut plurium interpretum consulenda collatio est. Si autem ipsius linguae nostræ aliqua verba locutionesque ignoramus, legendi consuetudine audiendi que innescunt. Nulla sane sunt magis mandanda memoriae, quam illa verborum locutionumque genera quæ ignoramus; ut cum vel peritior occurrerit de quo queri possint, vel talis lectio quæ vel ex præcedentibus vel consequentibus vel utrisque ostendat quam vim habeat, quidve significet quod ignoramus, facile adjuvante memoria possimus advertere et discerere. Quanquam tanta est vis consuetudinis etiam ad discendum, ut qui in Scripturis sanctis quodammodo nutriti educative sunt, magis alias locutiones mirentur, easque minus latinas putent, quam illas quas in Scripturis didicrunt, neque in latīna lingue auctoribus reperiuntur. Plurimum hic quo-

que juvat interpretum numerositas collatis codicibus inspecta atque discussa; tantum absit falsitas: nam codicibus emendandis primitus debet invigilare solertia eorum qui Scripturas divinas nosse desiderant, ut emendatis non emendati cedant, ex uno duntaxat interpretationis genere venientes.

CAPUT XV. — Commendatur Itala versio latina, et græca Septuaginta interpretum.

22. In ipsis autem interpretationibus, Itala ceteris præferatur; nam est verborum tenacior cum perspicuitate sententiae. Et latīnis quibuslibet emendandis, græci adhibeantur, in quibus Septuaginta interpretum, quod ad Vetus Testamentum attinet, excellit auctoritas (*a*); qui jam per omnes peritiiores Ecclesias tanta præsentia sancti Spiritus interpretati esse dicuntur, ut os unum tot hominum fuerit. Qui si, ut fertur, multi que non indigni fide prædicant (*b*), singuli cellis etiam singulis separati cum interpretati essent, nihil in aliquo eorum codice inventum est quod non iisdem verbis eodemque verborum ordine inveniretur in ceteris; quis huic auctoritati conferre aliquid, nedum præferre audeat? Si autem contulerunt ut una omnium communi tractatu judicioque vox fieret, nec sic quidem quemquam unum hominem qualibet peritia, ad emendandum tot seniorum doctorumque consensum aspirare oportet aut decet. Quamobrem, etiamsi aliquid aliter in hebræis exemplaribus invenitur quam isti posuerunt, cedendum esse arbitror divinæ dispensationi quæ per eos facta est, ut libri quos gens Judea ceteris populis, vel religione vel invidia prodere nollebat, credituris per Dominum Gentibus ministra regis Ptolemaei potestate tanto ante proderentur. Itaque fieri potest ut sic illi interpretati sint, quemadmodum congruere Gentibus ille qui eos agebat, et qui unum os omnibus fecerat, Spiritus sanctus judicavit. Sed tamen, ut superius dixi, horum quoque interpretum qui verbis tenacius inhæserunt, collatio non est inutilis ad explanandam saepe sententiam. Latini ergo, ut dicere coeparam, codices Veteris Testamenti, si necesse fuerit, græcorum auctoritate emendandi sunt, et eorum potissimum qui cum Septuaginta essent, ore uno interpretati esse perhibentur. Libros autem Novi Testamenti, si quid in latīnis varietatibus titubat, græcis cedere oportere non dubium est, et maxime qui apud Ecclesias doctiores et diligentiores reperiuntur.

CAPUT XVI. — Ut translatæ signa intelligantur jux at tum linguarum notitia, tum rerum.

23. In translatiis vero signis si qua forte ignota

(*a*) *De Civit. Dei*, lib. 18, c. 43.

(*b*) Inter eos Ireneus, lib. 3, c. 23; Clemens Alexandrinus, lib. 1 *Stromatum*; Cyrilus Jerusalymitanus, *Catechesis* 4; Tilarius, in *Psal. 2*, etc.; sed ante hos Justinus martv., qui in oratione ad Gentes, *cellularum* in quibus LXX interpretes Ptolemaei jussu Scripturis vertendis seorsim vacaverunt, vestigia quædam Alexandriæ se conspexisse profertur. Verumtamen Hieronymus in *præfatione* in *Pentateuchum* nescire se ait, « quis primus auctor septuaginta celulas Alexandria mendacio suo extruxerit, quibus divisi eadem scriptitarint: quippe cum Aristea Ptolemaei « *uperaspistés*, et multo post tempore Josephus nitid « tale retulerint, sed in una basilica congregatos contulisse « scribant, non prophetasse. »

cogunt hærente lectorem, partim linguarum notitiam, partim rerum, investiganda sunt. Aliquid enim ad similitudinem valet, et procul dubio secretum quiddam insinuat Siloa piscina, ubi faciem lavare jussus est cui oculos Dominus luto de sputo facto inunxerat (*Joan. ix, 7*): quod tamen nonen linguae incognitæ, nisi Evangelista interpretatus esset, tam magnus intellectus latet. Sic etiam multa, quæ ab auctoribus eorumdem Librorum interpretata non sunt, nomina hebræa, non est dubitandum habere non parvam vim atque adiutorium ad solvenda ænigmata Scripturarum, si quis ea possit interpretari: quod nonnulli ejusdem linguae periti viri, non sane parvum beneficium posteris contulerunt, qui separata de Scripturis eadem omnia verba interpretati sunt; et quid sit Adam, quid Eva, quid Abraham, quid Moyses; sive etiam locorum nomina, quid sit Jerusalem, vel Sion, vel Jericho, vel Sina, vel Libanus, vel Jordanis; vel quæcumque alia in illa lingua nobis sunt incognita nomina: quibus apertis et interpretatis, multæ in Scripturis figuratae locutiones manifestantur.

24. Rerum autem ignorantia facit obscuras figuratas locutiones, cum ignoramus vel animantium, vel lapidum, vel herbarum naturas, aliarumve rerum, quæ plerumque in Scripturis similitudinis alicujus gratia ponuntur. Nam et de serpente quod notum est, totum corpus cum pro capite objicere ferientibus, quantum illustrat sensum illum, quo Dominus jubet astutos nos esse sicut serpentes (*Matth. x, 16*); ut scilicet pro capite nostro, quod est Christus, corpus potius consequentibus offeramus, ne fides christiana tanquam necetur in nobis, si parcentes corpori negemus Deum! vel illud, quod per cavernæ angustias coarctatus, deposita veteri tunica vires novas accipere dicitur, quantum concinit ad imitandam ipsam serpentis astutiam, exuendumque ipsum veterem hominem, sicut Apostolus dicit, ut induamur novo (*Ephes. iv, 22, 24; Coloss. iii, 9, 10*); et exuendum per angustias, dicente Domino, *Intrate per angustum portam!* (*Matth. vii, 13*)! Ut ergo notitia naturæ serpantis illustrat multas similitudines quas de hoc animante dare Scriptura consuevit; sic ignorantia nonnullorum animalium quæ non minus per similitudines commemorat, impedit plurimum intellectorem¹. Sic lapidum, sic herbarum, vel quæcumque tenentur radicibus. Nam et carbunculi notitia, quod lucet in tenebris, multa illuminat etiam obscura librorum, ubicumque propter similitudinem ponitur; et ignorantia berylli vel adamantis claudit plerumque intelligentiae fores. Nec aliad ob causam facile est intelligere pacem perpetuam significari olea ramusculo, quem rediens ad arcum columba pertulit (*Gen. viii, 11*), nisi quia novimus et olei lenem contactum non facile alieno humore corrumpi, et arborem ipsam frondere perenniter. Multi autem propter ignorantiam hyssopi, dum nesciunt quam vim habeat, vel ad purgandum pulmonem, vel, ut dicitur, ad saxa radicibus

penetranda, cum sit herba brevis atque humili, omnino invenire non possunt quare sit dictum, *Asperges me hyssopo, et mundabor* (*Psal. l, 9*).

25. Numerorum etiam imperitia multa facit non intelligi, translate ac mystice posita in Scripturis. Ingenium quippe, ut ita dixerim, ingenuum non potest non moveri quid sibi velit quod et Moyses, et Elias, et ipse Dominus quadraginta diebus jejunaverunt (*Exod. xxiv, 18*; *III Reg. xix, 8*; et *Matth. iv, 2*). Cujus actionis figuratus quid nodus, nisi hujus numeri cognitione et consideratione, non solvitur. Habet enim denarium quater, tanquam cognitionem omnium rerum intextam temporibus. Quaternario namque numero et diurna et annua curricula peraguntur: diurna matutinis, meridianis, vespertinis, nocturnisque horarum spatiis; annua vernis, aestivis, autumnalibus, hiemalibusque mensibus. A temporum autem delectatione dum in temporibus vivimus, propter æternitatem in qua vivere volumus, abstinentiam et jejunandum est: quamvis temporum cursibus ipsa nobis insinuetur doctrina contemnendorum temporum et appetendorum æternorum. Porro autem denarius numerus Creatoris atque creaturæ significat scientiam: nam trinitas Creatoris est, septenarius autem numerus creaturam indicat, propter vitam et corpus. Nam in illa tria sunt, unde etiam toto corde, tota anima, tota mente diligendus est Deus (*Id. xxii, 37*); in corpore autem quatuor manifestissima apparent, quibus constat, elementa. In hoc ergo denario dum temporaliter nobis insinuantur, id est, quater ducitur, caste et continent, a temporum delectatione vivere, hoc est quadraginta diebus jejunare monemur. Hoc Lex, cuius persona est in Moyse, hoc Prophetia, cuius personam gerit Elias, hoc ipse Dominus monet; qui tanquam testimonium habens ex Lege et Prophetis, medius inter illos in monte, tribus discipulis videntibus atque stupentibus, claruit (*Id., xvii, 2, 3*). Deinde ita queritur quomodo quinquagenarius de quadragenario numero existat, qui non mediocriter in nostra religione sacratus est propter Pentecosten (*Act. ii*), et quomodo ter ductus propter tria tempora, ante Legem, sub Lege, sub Gratia, vel propter nomen Patris, et Filii, et Spiritus sancti, adjuncta eminentius ipsa Trinitate, ad purgatissimæ Ecclesie mysterium referatur, perenniatque ad centum quinquaginta tres pisces, quos retia post resurrectionem Domini in dexteram partem missa ceperunt (*Joan. xxi, 11*). Ita multis aliis atque aliis numerorum formis quædam similitudinem in sanctis Libris secreta ponuntur, quæ propter numerorum imperitiam legentibus clausa sunt.

26. Non pauca etiam claudit atque obtagit nonnullarum rerum musicarum ignorantia. Nam et de psalterii et citharæ differentia, quidam non inconcinne aliquas rerum figuræ aperuit: et decem chordarum psalterium (*Psal. xxxii, 2*; et *Psal. xcii, 4*), non importune inter doctos queritur utrum habeat aliquam musicæ legem, quæ ad tantum nervorum numerum cogat; an vero, si non habet, eo ipso magis sacrate accipiendus sit ipse numerus, vel propter dekalogum

¹ Edili addunt hic, *caput*; quæ vox abest ab omnibus his.

In vulgatis, *lectorem*. At in MSS., *intellectorem*.

Legis, de quo item numero si queratur, nonnisi ad Creatorem creaturamque referendus est, vel propter superius expositum ipsum denarium. Et ille numerus adificationis templi, qui commemoratur in Evangelio, quadraginta scilicet et sex annorum (*Joan.* ii, 20), nescio quid musicum sonat; et relatus ad fabricam Dominici corporis, propter quam templi mentio facta est, cogit nonnullos haereticos confiteri Filium Dei non falso, sed vero et humano corpore induitum: et ✓ numerum quippe et musicam plerisque locis in sanctis Scripturis honorabiliter posita invenimus.

CAPUT XVII. — *Origo fabulae Musarum novem.*

27. Non enim audiendi sunt errores gentilium superstitionum, qui novem Musas Jovis et Memoriae filias esse finixerunt. Resellit eos Varro, quo nescio utrum apud eos quisquam talium rerum doctior vel curiosior esse possit. Dicit enim civitatem nescio quam, non enim nomen recolo, locasse apud tres artifices terna simulacra Musarum, quod in templo Apollinis donum poneret, ut quisquis artificum pulchriora formasset, ab illo potissimum electa emeret. Itaque configisse ut opera sua quoque illi artifices atque pulchra explicarent, et placuisse civitati omnes novem, atque omnes esse emptas, ut in Apollinis templo dedicarentur; quibus postea dicit Hesiodum poetam impossuisse vocabula. Non ergo Jupiter novem Musas genuit, sed tres fabri ternas creaverunt. Tres autem non propterea illa civitas locaverat, quia in somnis eas viderat, aut tot se cujusquam illorum oculis demonstraverant; sed quia facile erat animadvertere omnem sonum, quae materies cantilenarum est, triformem esse natura. Aut enim voce editur, sicuti eorum est qui faucibus sine organo canunt; aut flatu, sicut tubarum et tibiarum; aut pulsu, sicut in citharis et tympanis, et quibuslibet aliis quae percutiendo canora sunt.

CAPUT XVIII. — *Profani si quid bene dixerunt, non aspernandum.*

28. Sed sive ita se habeat quod Varro retulit, sive non ita; nos tamen non propter superstitionem profanorum debemus musicam fugere, si quid inde utile ad intelligendas sanctas Scripturas rapere potuerimus; nec ad illorum theatraicas nugas converti, si aliquid de citharis et de organis, quod ad spiritualia capienda valeat, disputemus. Neque enim et litteras discere non debuinus, quia earum repertorem² dicunt esse Mercurium; aut quia justitiae virtutique tempa dedicarunt, et que corde gestanda sunt in lapidibus adorare maluerunt, propterea nobis justitia virtusque fugienda est: inno vero quisquis bonus verusque christianus est, Domini sui esse intelligat, ubi cumque invenerit veritatem, quam confitens³ et agnoscens, etiam in Litteris sacris superstitiosa fragmenta repudiet; doleatque homines atque caveat, qui cognoscentes Deum, non ut Deum glorificaverunt, aut gra-

Mss. duo e vaticinis, *Minervae*. Alii, omnes codices, *Memoriae*. Sic vero etiam ia lib. 2 de Ordine, cap. 14, n. 41.

² MSS. prope omnes, *eurum Deum dicunt.*

³ MSS. plusquam viginti, *confitens*: consentit editio Am.

tias egerunt, sed evanescunt in cogitationibus suis, et obscuratum est cor insipiens eorum: dicentes enim se esse sapientes, stulti faci sunt, et immutaverunt gloriam incorruptibilis Dei in similitudinem imaginis corruptibilis hominis, et volucrum, et quadrupedum, et serpentium (*Rom.* i, 21;sqq.).

CAPUT XIX. — *Doctrinarum genera duo reperta apud Ethnicos.*

29. Sed ut totum istum locum, nam est maxime necessarius, diligentius explicemus; duo sunt genera doctrinarum, quae in gentilibus etiam moribus exercentur. Unum earum rerum quas instituerunt homines; alterum earum quas animadverterunt jam perfectas aut divinitus institutas. Illud quod est secundum institutiones hominum, partim superstitosum est, partim non est.

CAPUT XX. — *Scientiae quas homines instiuerunt aliquae superstitionum plenæ. Catonis dictum lepidum.*

30. Superstitosum est quidquid institutum est ab hominibus ad facienda et colenda idola pertinens, vel ad colendam sicuti Deum creaturam partemve ullam creaturarum; vel ad consultationes et pacta quædam significationum cum daemonibus placita atque stœderata, qualia sunt molimina magicarum artium, quæ quidem commemorare potius quam docere assolent poetæ. Ex quo genere sunt, sed quasi licentiore vanitate, aruspicum et augurum libri. Ad hoc genus pertinent omnes etiam ligaturæ atque remedia, quæ medicorum quoque disciplina condemnat, sive in presentationibus, sive in quibusdam notis quos characteres vocant, sive in quibusque rebus suspendendis atque illigandis, vel etiam aptandis⁴ quodammodo, non ad temperationem corporum, sed ad quasdam significationes aut occultas, aut etiam manifestas; quæ nitiore nomine physica vocant, ut quasi non superstitione implicare, sed natura prodesse videantur: sicut sunt inaures in sunmo aurium singularum, aut de struthiorum ossibus ansulae in digitis, aut cum tibi dicitur singultienti, ut dextera manu sinistrum pollucem teneas.

31. His adjunguntur millia inanissimarum observationum, si membrum aliquod salierit, si junctum ambulantibus amicis lapis, aut canis, aut puer medius intervenerit: atque illud quod lapidem calcant, tanquam diremptorem amicitiae, minus molestum est, quam quod innocentem purum colapho percutiunt, si pariter ambulantibus intercurrat. Sed bellum est quod aliquando pueri vindicantur a canibus: nam plerumque tam superstitosi sunt quidam, ut etiam canem qui medius intervenerit, ferire audeant, non impune; namque a vano remedio cito ille interdum percussorem suum ad verum medicum mittit. Hinc sunt etiam illa, limen calcare cum ante domum suam transit; redire ad lectum, si quis dum se calceat sternutaverit; redire domum, si procedens offenderit; cum vestis a soricibus roditur, plus tremere suspicio-

⁴ Codices editi et MSS., *saltandis quodammodo*: excepto uno Remigiano, cuius auctoritate restituumus, *aptandis*.

ne' futuri mali, quam praesens damnum dolere. Unde illud eleganter dictum est Catonis, qui cum esset consultus a quodam, qui sibi a soricibus erosas caligas diceret; respondit non esse illud monstrum, sed vere monstrum habendum fuisse, si sorices a caligis roderentur.

CAPUT XXI. — *Supersticio mathematicorum.*

32. Neque illi ab hoc genere perniciosæ superstitionis segregandi sunt, qui genethliaci, propter natum dierum considerationes, nunc autem vulgo mathematici vocantur. Nam et ipsi quamvis veram stellarum positionem, cum quisque nascitur, consequuntur, et aliquando etiam perversitant; tamen quod inde conantur vel actiones nostras vel actionum eventa praedicere, nimis errant, et vendunt imperitis hominibus miserabilem servitutem. Nam quisque liber ad hujusmodi mathematicum cum ingressus fuerit, dat pecuniam ut servus inde exeat aut Martis, aut Veneris, vel potius omnium siderum; quibus illi qui primi erraverunt, erroremque posteris propinaverunt, vel bestiarum propter similitudinem, vel hominum ad ipsos homines honorandos imposuerunt vocabula. Non enim mirandum est, cum etiam prioribus recentioribusque temporibus, sidus quod appellamus Luciferum, honori et nomini Cæsaris Romani dicare conatus (a). Et fortasse factum esset atqueisset in vetustatem, nisi avia ejus Venus preoccupasset hoc nominis prædium; neque jure ullo ad haeredes trajiceret, quod nunquam viva possederat aut possidendum petiverat. Nam ubi vacabat locus, neque alicius priorum mortuorum honore tenebatur, factum est quod in rebus talibus fieri solet. Pro quintili enim et sextili mensibus, Julium atque Augustum vocamus, de honoribus hominum Julii Cæsaris et Augusti Cæsaris nuncupatos; ut facile qui voluerit intelligat etiam illa side: a prius sine his nominibus cœlo vagata esse: mortuis autem illis quorum honorare memoriam vel coacti sunt homines regia potestate, vel placuit humana vanitate, nomina eorum imponentes sideribus, eos ipsos sibi mortuos in cœlum levare videbantur. Sed quodlibet vocentur ab hominibus, sunt tamen sidera, quæ Deus instituit et ordinavit ut voluit; et est certus motus illorum, quo tempora distinguuntur atque variantur. Quem motum notare, cum quisque nascitur, quomodo se habeat, facile est, per eorum inventas conscriptas regulas, quos sancta Scriptura condemnat, dicens: *Si enim tantum potuerunt scire, ut possent austimare sæculum, quomodo ejus Dominum non facilius invenerunt* (*Sap. XIII, 9*)?

CAPUT XXII. — *Observatio siderum ad cognoscendam vitæ seriem vana.*

33. Sed ex ea notatione velle nascentium mores, actus, eventa praedicere, magnus error et magna dementia est. Et apud eos quidem qui talia dediscenda didicerunt, sine ulla dubitatione refellitur hæc supersticio. Constellationes enim quas vocant, notatio

^a Sic MSS. melioris notæ. At editi, tñtere suspicionem

^(a) sic Virg. Ecl. 9 :
Ecce Iionæ processit Cæsaris astrum.

est siderum, quomodo se habebant cum ille nascetur, de quo isti miserunt a miserioribus consuluntur. Fieri autem potest, ut aliqui gemini tam sequaciter fundantur ex utero, ut intervallum temporis inter eos nullum possit apprehendendi, et constellationum numeris annotari. Unde necesse est nonnullos geminos easdem habere constellationes, cum paria rerum, vel quas agunt vel quas patiuntur, eventa non habeant, sed plerumque ita disparia, ut alius felicissimus, alius infelicissimus vival: sicut Esau et Jacob geminos accepimus natos, ita ut Jacob, qui posterior nascetur, manu plantam præcedentis fratris tenens inveniretur (*Gen. xxv, 25*). Horum certe dies atque hora nascentium aliter notari non posset, nisi ut amborum constellatio esset una; quantum autem intersit inter amborum mores, facta, labores atque successus, Scriptura testis est, jam ore omnium gentium pervagata¹.

34. Neque enim ad rem pertinet, quod dicunt ipsum momentum minimum atque angustissimum temporis, quod geminorum partum distinxerat, multum valere in rerum natura atque cœlestium corporum rapidissima velocitate. Etsi enim concedam ut plurimum valeat, tamen in constellationibus a mathematico inveniri non potest, quibus inspectis se fata dicere proficitur. Quod ergo in constellationibus non invenit, quas necesse est unas inspiciat, sive de Jacob, sive de ejus fratre consulatur; quid ei prodest si distat in cœlo quod temere securus infamat, et non distat² in tabula quam frustra sollicitus intuetur? Quare istæ quoque opiniones quibusdam rerum signis humana presumptione institutis, ad eadem illa quasi quedam cum dæmonibus pacta et conventa referendas sunt.

CAPUT XXIII. — *Cur repudianda genethliacorum scientia.*

35. Hinc enim sit ut occulto quodam judicio divino, cupidi malarum rerum homines tradantur illudendi et decipiendi pro meritis voluntatum suarum, illudentibus eos atque decipientibus prævaricatoribus angelis; quibus ista mundi pars insima, secundum pulcherrimum ordinem rerum, divine providentiae lege subiecta est. Quibus illusionibus et deceptionibus evenit, ut istis superstitionis et perniciosis divinationum generibus multa præterita et futura dicantur, nec aliter accidunt, quam dicuntur; multaque observationibus secundum observationes suas eveniant, quibus implicati curiosiores siant, et sese magis magisque inserant multiplicibus laqueis perniciosissimi erroris. Hoc genus fornicationis animæ salubriter divina Scriptura non tacuit; neque ab ea sic deterruit animam, ut propterea talia negaret esse sectanda quia falsa dicuntur a professoribus eorum, sed etiam si dixerint vobis, inquit, et ita evenerit, ne credatis eis (*Deut. XIII, 1-3*). Non enim quia imago Samuelis mortui Sauli regi

¹ MSS., tres perulgata.

² In excusis hactenus, si distat in cœlo..... et non distat in tabula. Sed incunctanter ex MSS. reponendum utroque loco distat: quandoquidem id confutatur, quod Mathematici gariunt, momentum vel minimum quo geminorum partus distinxerat, in tanta cœlestium corporum velocitate valeare iuriuum.

vera prænuntiavit (*I Reg. xxviii, 14-20; Eccli. xlvi, 23*), propterea talia sacrilegia, quibus imago illa præsentata est, minus execranda sunt: aut quia in Actibus Apostolorum ventriloqua¹ femina verum testimonium perhibuit Apostolis Domini, idcirco Paulus apostolus pepercit illi spiritui, ac non potius feminam illius dæmonii correptione atque exclusione mundavit (*Act. xvi, 16-18*).

36. Omnes igitur artes hujusmodi vel nugatoriae vel noxiæ superstitionis, ex quadam pestifera societate hominum et dæmonum, quasi pacta quædam infidelis et dolosæ amicitiae constituta, penitus sunt repudianda et fugienda christiano: *Non quod idolum sit aliquid, ait Apostolus, sed quia quæ immolant, dæmonii immolant, et non Deo; nolo autem vos socios dæmoniorum fieri* (*I Cor. x, 19, 20*). Quod autem de idolis, et de immolationibus, quæ honori eorum exhibentur, dixit Apostolus, hoc de omnibus imaginariis signis sentiendum est, quæ vel ad cultum idolorum, vel ad creaturam ejusque partes tanquam Deum collendas trahunt, vel ad remediorum aliarumque observationum curam pertinent; quæ non sunt divinitus ad dilectionem Dei et proximi tanquam publice constituta, sed per privatas appetitiones rerum temporaliū corda dissipant miserorum. In omnibus ergo istis doctrinis societas dæmonum formidanda atque vitanda est, qui nihil cum principe suo diabolo nisi redditum nostrum claudere atque obserare conantur. Sicut autem de stellis, quas condidit et ordinavit Deus, humanæ et deceptoriae conjecturæ ab hominibus institutæ sunt; sic etiam de quibusque nascentibus vel quoquo modo divinæ providentie administratione existentibus rebus, multi multa humanis suspicionibus, quasi regulariter conjectata², litteris mandaverunt, si forte insolite acciderint, tanquam si mula pariat, aut fulmine aliquid percutiatur.

CAPUT XXIV. — *Societas et pactum cum dæmonibus in superstiliose rerum usu.*

37. Quæ omnia tantum valent, quantum præsumptione animorum quasi communi quadam lingua cum dæmonibus fœderata sunt. Quæ tamen plena sunt omnia pestiferæ curiositatis, cruciantis sollicitudinis, mortiferæ servitutis. Non enim quia valebant, animadversa sunt; sed animadvertingo atque signando factum est ut valerent. Et ideo diversis diverse proveniunt secundum cogitationes et præsumptiones suas. Illi enim spiritus qui decipere volunt, talia procurant cuique, qualibus eum irretitum per suspiciones et consensiones ejus vident. Sicut enim, verbi gratia,

¹ MSS. tres, *ventriloqua*. Verius alii, *ventriloqua*. Græce, *engastrimuthos*, uti Pythonissa mulier, *I Reg. xxvii, 7*, vocatur apud LXX Interpretates, qui hanc vocem passionis adhibent; eamque Basilius in *lsai. viii, 19*, interpretatur ad hec verba, *zélésate engastrimuthous*, «Hoc est, ait, qui in «Pythone futura prædictum, per ventrem obssessi, ipso sp̄itu ritu loquente, qui et de terra loquuntur, inania quædam et efflenties.» Annotaverat hic Erasmus ad oram libri, fuisse suo etiam tempore apud Italos divinatorum genus, qui sic dicti sunt, quod ore non edeget sonum, per ventrem loqui visi sunt.

² Editi, *conjecta litteris*. At MSS., *conjectata*.

³ MSS. quinque, *servando*.

una figura litteræ X quæ decussatim notatur, aliud apud Græcos, aliud apud Latinos valet, non natura, sed placito et consensione significandi; et ideo qui utramque linguam novit, si homini Græco velit aliquid significare scribendo, non in ea significatione ponit banc litteram, in qua eam ponit cum homini sribit Latino: et Beta uno eodemque sono, apud Græcos litteræ, apud Latinos oleris nomen est; et cum dico, Lege, in his duabus syllabis, aliud Græcus, aliud Latinus intelligit: sicut ergo hæ omnes significationes pro suæ cuiusque societatis consensione animos movent, et quia diversa consensio est, diverse movent; nec ideo consenserunt in eas homines, quia jam valebant ad significationem, sed ideo valent, quia consenserunt in eas: sic etiam illa signa, quibus perniciosa dæmonum societas comparatur, pro cujusque observationibus valent. Quod manifestissime ostendit ritus augurum, qui et antequam obseruent, et posteaquam observata signa tenuerint, id agunt ne videant volatus, aut audiant voces avium; quia nulla ista signa sunt, nisi consensus observantis accedat.

CAPUT XXV. — *In institutis humanis non superstitionis quædam superflua, quædam commoda et necessaria.*

38. Quibus amputatis atque eradicatis ab animo christiano, deinceps videndæ sunt institutiones hominum non superstitiones, id est, non cum dæmonibus, sed cum ipsis hominibus institute. Namque omnia quæ ideo valent inter homines, quia placuit inter eos ut valeant, instituta hominum sunt: quorun partim superflua luxuriosaque instituta sunt, partim commoda et necessaria. Illa enim signa quæ saltando faciunt histriones, si natura, non instituto et consensione hominum valerent; non primis temporibus, saltante pantomimo (*a*), præco prouinctiaret populis Carthaginis quid saltator vellet intelligi. Quod adhuc multi meminerunt senes, quorum relatu hæc solemus audienc. Quod ideo credendum est, quia nunc quoque si quis theatrum talium nugarum imperitus intraverit, nisi ei dicatur ab altero quid illi motus significant, frustra totus intentus est. Appetunt tamen omnes quamdam similitudinem in significando, ut ipsa signa, in quantum possunt, rebus quæ significantur similia sint. Sed quia multis modis simile aliquid alicui potest esse, non constant talia signa inter homines, nisi consensus accedat.

39. In picturis vero et statuis, cæterisque hujusmodi simulatis operibus, maxime peritorum artificum, nemo errat cum similia viderit, ut agnoscat quibus sint rebus similia. Et hoc totum genus inter superflua hominum instituta numerandum est, nisi cum interest quid eorum, quia de causa, et ubi, et quando, et cuius auctoritate fiat. Millia denique fictarum fabularum et falsitatum, quarum mendacis homines delectantur, humana instituta sunt. Et nulla magis hominum propria, quæ a seipsis habent, existimanda sunt, quam quæque falsa atque mendacia. Commoda vero et necessaria

^a *Pantomimos*, qui quoslibet gestus moresque exprimit.

hominum cum hominibus instituta sunt, quæcumque in habitu et cultu corporis ad sexus vel honores discernendos differentia placuit; et innumerabilia genera significacionum sine quibus humana societas, aut non omnino, aut minus commode geritur; quæque in ponderibus atque *mersuris*, et nummorum impressionibus vel estimationibus, sua cuique civitati et populo sunt propria; et cætera hujusmodi, quæ nisi hominum instituta essent, non per diversos populos varia essent, nec in ipsis singulis populis pro arbitrio suorum principum mutarentur.

40. Sed hæc tota pars humanorum institutorum, quæ ad usum vitæ necessarium proficiunt, nequaquam est fugienda christiano; imo etiam quantum satis est, intuenda, memoriaque retinenda.

CAPUT XXVI. — *Quæ hominum instituta fugienda, et quæ amplectenda sint.*

Adumbrata enim quædam et naturalibus utcumque similia hominum instituta sunt. Quorum ea quæ ad societatem, ut dictum est, dæmonum pertinent, penitus repudianda sunt et detestanda: ea vero quæ homines cum hominibus habent, assumenda, in quantum non sunt luxuriosa atque superflua; et maxime litterarum signaræ, sine quibus legere non possumus, linguarumque varietas quantum satis est, de qua superius disputavimus. Ex eo genere sunt etiam notæ, quas qui dicerunt proprie jam notari appellantur. Utilia sunt ista, nec discuntur illicite, nec superstitione implicant, nec luxu enervant, si tantum occupent, ut majoribus rebus, ad quas adipiscendas servire debent, non sint impedimento.

CAPUT XXVII. — *Scientiarum quas homines non instituerunt, aliquæ juvant ad intelligentiam Scripturarum.*

41. Jamvero illa quæ non instituendo, sed aut transacta temporibus, aut divinitus instituta, investigando homines prodiderunt, ubicumque discantur, non sunt hominum instituta existimanda. Quorum alia sunt ad sensum corporis, alia vero ad rationem animi pertinentia. Sed illa quæ sensu corporis attinguntur, vel narrata credimus, vel demonstrata sentimus, vel experta conjicimus.

CAPUT XXVIII. — *Historia quatenus juvet.*

42. Quidquid igitur de ordine temporum transactorum indicat ea quæ appellatur historia, plurimum nos adjuvat ad sanctos Libros intelligendos, etiamsi præter Ecclesiastem puerili eruditione discatur. Nam et per Olympiadæ, et per Consulum nomina multa sœpe queruntur a nobis; et ignorantia consulatus, quo natus est Dominus, et quo passus est, nonnullos coagit errare, ut putarent quadraginta sex annorum ætate passum esse Dominum, quia per tot annos ædificatum templum esse dictum est a Judæis, quod imaginem dominici corporis habebat. Et annorum quidem fere triginta baptizatum esse retinemus auctoritate evangelica (*Luc. iii, 23*): sed postea quot annos in hac vita gerit, quanquam textu ipso actionum ejus animadvertisse possit; tamen ne aliunde caligo dubitationis oriatur, de historia gentium collata cum Evangelio, liqui-

dus certiusque colligitur. Tunc enim videbitur non frustra esse dictum, quod quadraginta sex annis templum ædificatum sit, ut cum referri iste numerus ad ætatem Domini non potuerit, ad secretiorem instructionem humani corporis referatur, quo indu propter nos non dignatus est unicus Dei Filius, per quem facta sunt omnia.

43. De utilitate autem historiæ, ut omittam Grecos, quantam noster Ambrosius quæstionem solvit, calumniantibus Platonis lectoribus et dilectoribus; qui dicere ausi sunt omnes Domini nostri Iesu Christi sententias, quas mirari et prædicare coguntur, de Platonis libris cum didicisse, quoniam longe ante humanum adventum Domini Platonem fuisse, negari non potest! Nonne memoratus episcopus, considerata historia gentium, cum reperisset Platonem Jeremiæ temporibus profectum fuisse in Aegyptum, ubi propheta ille tunc erat (*a*), probabilius esse ostendit quod Plato potius nostris Litteris per Jeremiæ fuerit imbutus, ut illa posset docere vel scribere quæ jure laudantur? Ante Litteras enim gentis Hebreorum, in qua unius Dei cultus emicuit, ex qua secundum carnem venit Dominus noster, nec ipse quidem Pythagoras fuit, a cuius posteris Platonem theologiam didicisse isti asserunt. Ita consideratis temporibus fit multo credibilis istos potius de Litteris nostris habuisse quæcumque bona et vera dixerunt, quam de Platonis Dominum Iesum Christum, quod dementissimum est credere.

44. Narratione autem historica cum præterita etiam hominum instituta narrantur, non inter humana instituta ipsa historia numeranda est; quia jam quæ transierunt, nec infecta fieri possunt, in ordine temporum habenda sunt, quorum est conditor et administrator Deus. Aliud est enim facta narrare, aliud docere scienda. Historia facta narrat fideliter atque utiliter; libri autem aruspicum, et quæque similes litteræ, scienda vel observanda intendunt docere, monitoris audacia, non indicis ¹ side.

CAPUT XXIX. — *Ad Scripturarum intelligentiam quatenus conducat animalium, herbarum, etc., præsertim que siderum cognitione.*

45. Est etiam narratio demonstrationi similis, qua non præterita, sed præsentia indicantur iguaris. In quo genere sunt quæcumque de locorum situ, naturisque animalium, lignorum, herbarum, lapidum, aliorumve corporum scripta sunt. De quo genere superius egimus, eamque cognitionem valere ad ænigmatâ Scripturarum solvenda docuimus: non ut pro quibusdam signis adhibeantur, tanquam ad remedia vel machinamenta superstitionis alicujus; nam et illud genus jam distinctum ab hoc licito et libero separavimus. Aliud est enim dicere, Tritam istam herbam si biberis, venter non dolebit; et aliud est dicere, Istam herbam collo si suspenderis, venter non dolebit. Ibi enim probatur contemporatio salubris, hic significatio superstitionis damnatur. Quanquam ubi præcantationes,

¹ Editi, judicis. Patet legendum cum melioris notæ MSS., indicis.

(a) II Retract. cap. 4, n. 2.

et invocationes, et characteres non sunt, plerumque dubium est utrum res quæ alligatur, aut quoquo modo adjungitur sanando corpori, ut naturæ valeat, quæ libere adhibendum est, an significativa quadam obligatione proveniat, quod tanto prudentius oportet cavere christianum, quanto efficacius prodesse videbitur. Sed ubi latet qua causa quid valeat, quo animo quisque utatur interest, duntaxat in sanandis vel temperandis corporibus, sive in medicina, sive in agricultura.

46. Siderum autem cognoscendorum non narratio, sed demonstratio est, quorum perpaucæ Scriptura commemorat. Sicut autem plurimis notus est luna cursus, qui etiam ad passionem Domini anniversarie celebrandam solemniter adhibetur; sic paucissimis cæterorum quoque siderum vel ortus, vel occasus, vel alia quælibet momenta sine ullo sunt errore notissima. Quæ per seipsam cogitio, quanquam superstitione non alliget, non multum tamen ac prope nihil adjuvat tractationem divinarum Scripturarum, et infructuosa intentione plus impedit; et quia familiaris est perniciosissimo errori fatua fata cantantium, commodius honestiusque contemnitur. Habet autem præter demonstrationem præsentium, etiam præteriorum narrationi simile aliiquid, quod a præsenti positione, motuque siderum, et in præterita eorum vestigia regulatiter licet recurrere. Habet etiam futurorum regulares conjecturas, non suspiciosas et ominosas, sed ratis et certas; non ut ex eis aliiquid trahere in nostra facta⁴ et eventa tentemus, qualia genethliacorum deliramenta sunt, sed quantum ad ipsa pertinet sidera. Nam sicut is qui computat lunam, cum hodie inspexerit quota sit, et ante quotlibet annos quota fuerit, et post quotlibet annos quota futura sit potest dicere; sic de uno quoque siderum, qui ea perite computant, respondere consueverunt. De qua tota cognitione, quantum ad usum ejus attinet, quid mihi videretur aperui.

CAPUT XXX. — Quid eodem conferant artes mechanicae.

47. Artium etiam cæterarum, quibus aliiquid fabricatur, vel quod remaneat post operationem artificis ab illo effectum, sicut domus, et scannum, et vas aliquod, atque alia hujuscemodi; vel quæ ministerium quadam exhibent operanti Deo, sicut medicina, et agricultura, et gubernatio; vel quarum omnis effectus est actio, sicut saltationum et cursonum et luctaminum: barum ergo cunctarum artium de præteritis experimenta faciunt etiam futura conjici; nam nullus earum artifex membra mouet in operando, nisi præteriorum memoriam cum futurorum exspectatione contexat. Harum autem cognitio tenuiter in ipsa humana vita cursimque usurpanda est, non ad operandum, nisi forte officium aliiquid cogat, de quo nunc non agimus; sed ad judicandum, ne omnino nesciamus quid Scriptura velit insinuare, cum de his artibus aliquas figuratas locutiones inserit.

CAPUT XXXI. — Quid juvet dialectica. Sophismata.

E 48. Restant ea quæ non ad corporis sensus, sed ad rationem animi pertinent, ubi disciplina regnat

Bad. Ann. Fr. et MSS. sex, in nostra fata.

disputationis et numeri. Sed disputationis disciplina ad omnia genera questionum, quæ in Litteris sanctis sunt penetranda et dissolvenda, plurimum valet: tantum ibi cavenda est libido rixandi, et puerilis quædam ostentatio decipie adversarium. Sunt enim multa quæ appellantur sophismata, falsæ conclusiones, rationum, et plerumque ita veras imitantes, ut non solum tardos, sed ingeniosos etiam minus diligenter attentos decipient. Proposuit enim quidam, dicens eum quo loquebatur: Quod ego sum, tu non es. At ille consensit: verum enim erat ex parte, vel eo ipso quod iste insidiosus, ille simplex erat. Tunc iste addidit: Ego autem homo sum. Hoc quoque cum ab illo accepisset, conclusit dicens: Tu igitur non es homo (a). Quod genus captiosarum conclusionum Scriptura, quantum existimo, detestatur illo loco, ubi dictum est: Qui sophistice loquitur, odibilis est (Eccl. xxxvii, 23). Quanquam etiam sermo non captiosus, sed tamen abundantius quam gravitatem decet, verborum ornamenta consecutans, sophisticus dicitur.

49. Sunt etiam veræ connexiones ratiocinationis falsas habentes sententias, quæ consequuntur errorem illius cum quo agitur: quæ tamen ad hoc inferuntur a bono et docto homine, ut in iis erubescens ille cuius errorem consequuntur, eumdem relinquit errorem; quia si in eodem manere voluerit, necesse est etiam illa quæ damnat, tenere cogatur. Non enim vera inferebat Apostolus, cum diceret, Neque Christus resurrexit; et illa alia, Inanis est prædicatio nostra, inanis est et fides vestra (1 Cor. xv, 14); et deinceps alia quæ omnino falsa sunt, quia et Christus resurrexit, et non erat inanis prædicatio eorum qui hoc annuntiabant, nec fides eorum qui hoc crediderant: sed ista falsa verissime connectebantur illi sententia quæ dicebatur non esse resurrectionem mortuorum. Istis autem falsis repudiatis, quoniam vera erant si mortui non resurgent, consequens erit resurrectio mortuorum. Cum ergo sint veræ connexiones, non solum verarum, sed etiam falsarum sententiarum, facile est veritatem connexionum etiam in scholis illis discere, quæ præter Ecclesiam sunt. Sententiarum autem veritas in sanctis Libris ecclesiasticis investiganda est.

CAPUT XXXII. — Veritas connexionum non ab hominibus instituta est, sed tantum observata.

50. Ipsa tamen veritas connexionum non instituta, sed animadversa est ab hominibus et notata, ut eam possint vel discere vel docere: nam est in rerum ratione perpetua et divinitus instituta. Sicut enim qui narrat ordinem temporum, non eum ipse componit; et locorum situs, aut naturas animalium vel stirpium vel lapidum qui ostendit, non res ostendit ab hominibus institutas; et ille qui demonstrat sidera eorumque motus, non a se vel ab homine aliquo rem institutam demonstrat: sic etiam qui dicit, Cum falsum est quod consequitur, necesse est ut falsum sit quod præcedit; verissime dicit, neque ipse facit ut ita sit, sed tantum ita esse demonstrat. Ex

(a) Hoc syllogismo quidam aduersus Diogenem, ipse facta a Diogene conversione captus deridetur.

hac regula illud est quod de apostolo Paulo co^mmemoravimus : praeedit enim non esse resurrectionem in mortuorum , quod dicebant illi quorum errorem destruere volebat Apostolus . Porro illam sententiam praecedentem , qua dicebant non esse resurrectionem mortuorum , necessario sequitur , *Neque Christus resurrexit* ; hoc autem quod sequitur , falsum est ; Christus enim resurrexit : falsum est ergo et quod praeedit ; praeedit autem , non esse resurrectionem mortuorum : est igitur resurrectio mortuorum . *Quod tamen breviter* ita dicitur : Si non est resurrectio mortuorum , neque Christus resurrexit , Christus autem resurrexit : est igitur resurrectio mortuorum . Hoc ergo , ut consequenti ablatu afferatur etiam necessario quod praeedit , non instituerunt homines , sed ostenderunt . Et hæc regula pertinet ad veritatem connexionum , non ad veritatem sententiarum .

CAPUT XXXIII. — *In falsis sententiis conclusiones verae esse possunt , et in veris falsæ .*

51. Sed in hoc loco de resurrectione cum agetur , et regula connexionis vera est , et ipsa in conclusione sententia . In falsis autem sententiis , connexionis veritas est isto modo : faciamus aliquem concessisse , Si animal est cochlea , vocem habet ; hoc concessso , cum probatum fuerit vocem cochleam non habere , quoniam consequenti ablatu illud quod praeedit auferunt , concluditur non esse animal cochleam . Quæ sententia falsa est , sed ex concessso falso vera est conclusionis connexio . Veritas itaque sententiae per scipsam valet ; veritas autem connexionis ex ejus cum quo agitur , opinione vel concessione consistit . Ideo autem , ut supra diximus , insertur vera connexione quod falsum est , ut eum cuius errorem corrigere voluntus , pœnitentia concessisse præcedentia , quorum consequentia videt esse respuenda . Jam hinc intelligere facile est , sicut in falsis sententiis veras , sic in veris sententiis falsas conclusiones esse posse . Fac enim aliquem proposuisse , Si justus est ille , bonus est , et esse concessum ; deinde assumpsisse , Non est autem justus ; quo item concessso , intulisse conclusionem , Non est igitur bonus . Quæ tamen etsi vera sint omnia , non est tamen vera regula conclusionis . Non enim sicut ablatu consequenti auferunt necessario quod praeedit , ita etiam ablatu præcedenti auferunt necessario quod consequitur . Quia verum est , cum dicimus , Si orator est , homo est : ex qua propositione si assumamus , Non est autem orator ; non erit consequens cum intuleris , Non est igitur homo .

CAPUT XXXIV. — *Aliud est nosse leges conclusionum , aliud veritatem sententiarum .*

52. Quapropter aliud est nosse regulas connexionum , aliud sententiarum veritatem . In illis discitur quid sit consequens , quid non consequens , quid repugnans . Consequens est , Si orator est , homo est : inconsequens , Si homo est , orator est : repugnans , Si homo est , quadrupes est . Hic ergo de ipsa connexione judicatur . In veritate autem sententiarum ipsæ per se sententiae , non earum connexioni consideranda est ; sed veris certisque sententiis , cum incertæ

vera connexione junguntur , etiam ipsæ certæ fiunt necesse est . Quidam autem sic se jactant , cum veritatem connexionum didicerint , quasi sententiarum ipsa sit veritas . Et rursus : quidam plerumque retinentes veram sententiam , male se contemnunt , quia leges conclusionis ignorant ; cum melior sit qui novit esse resurrectionem mortuorum , quam ille qui novit consequens esse , ut si resurrectio mortuorum non est , neque Christus resurrexerit .

CAPUT XXXV. — *Scientia definiendi et dividendi non est falsa etiamsi falsis adhibeatur . Falsum quid .*

53. Item scientia definiendi , dividendi , atque partiendi , quanquam etiam rebus falsis plerumque adhibeatur , ipsa tamen falsa non est , neque ab hominibus instituta , sed in rerum ratione comperta . Non enim quia et fabulis suis eam poetæ , et opinionibus erroris sui vel falsi philosophi , vel etiam heretici , hoc est , falsi christiani adhibere consueverunt , propterea falsum est neque in definiendo , neque in dividendo aut partiendo , aliquid complectendum esse quod ad rem ipsam non pertinet , aut aliquid quod pertinet prætereundum . Hoc verum est , etiamsi ea quæ definiuntur aut distribuuntur , vera non sint . Nam et ipsum falsum definitur , cum dicimus falsum esse significationem rei non ita se habentis ut significator , sive alio modo : quæ definitio vera est , quamvis falsum verum esse non possit . Possumus etiam dividere , dicentes , duo esse genera falsi : unum eorum quæ omnino esse non possunt ; alterum eorum quæ non sunt , quamvis esse possint . Nam qui dicit septem et tria undecim esse , id dicit quod omnino esse non potest : qui autem dicit calendis , verbi gratia , januariis pluisse , tamenetsi factum non sit , id tamen dicit quod fieri potuerit . Definitio igitur et divisione falsorum potest esse verissima , quamvis falsa ipsa utique vera non sint .

CAPUT XXXVI. — *Eloquentiae præcepta vera sunt , quamvis eis interdum falsa persuadeantur .*

54. Sunt etiam quædam præcepta uberioris disputationis , quæ jam eloquentia nominatur , quæ nibilominus vera sunt , quamvis eis possint etiam falsa persuaderi : sed quia et vera possunt , non est facultas ipsa culpabilis , sed ea male utentium perversitas . Nam neque hoc ab hominibus institutum est , ut charitatis expressio conciliat auditorem , aut ut facile , quod intendit , insinuat brevis et aperta narratio , et varietas ejus sine fastidio teneat intentos ; et exteriores hujusmodi observationes , quæ sive in falsis sive in veris causis , vere sunt tamen , in quantum vel sciri vel credi aliquid faciunt , aut ad expetendum fugiendumve animos movent , et inventæ potius quod ita se habeant , quam ut ita se haberent institutæ .

CAPUT XXXVII. — *Quæ utilitas rhetorica et dialectica .*

55. Sed hæc pars ³ cum discitur , magis ut profer-

¹ Editi , vera esse possunt . MSS. , vera possunt ; supple , persuaderi .

² Editi , veritatis expressio . At MSS. octodecim , charitatis .

³ Unicus Ms. , hæc ars . Mox editiones Bad . Am . Er . et no-

mus ea quæ intellecta sunt, quam ut intelligamus, adhibenda est. Illa vero conclusionum et definitionum et distributionum, plurimum intellectorem adjuvat: tantum absit error, quo videntur homines sibi ipsam beatæ vitæ veritatem didicisse, cum ista didicerint. Quanquam plerumque accidat ut facilius homines res eas assequantur, propter quas assequendas ista discuntur, quam talium præceptorum nodosissimas et spinosissimas disciplinas. Tanquam si quispiam dare volens præcepta ambulandi, moneat non esse levandum posteriorem pedem, nisi cum posueris priorem, deinde minutatim quemadmodum articulorum et poplitum cardines oporteat movere, describat. Vera enim dicit, nec aliter ambulari potest; sed facilius homines hæc faciendo ambulant, quam animadvertiscum faciunt, aut intelligunt cum audiunt. Qui autem ambulare non possunt, multo minus ea curant, quæ nec experiendo possunt attendere. Ita plerumque cœlius ingeniosus videt non esse ratam conclusionem, quam præcepta ejus capit; tardus autem non eam videt; sed multo minus quod de illa præcipitur: magisque in his omnibus ipsa spectacula veritatis sepe delecent, quam ex eis in dispetando aut judicando adjuvantur; nisi forte quod exercitatione reddunt ingenia, si etiam maligniora aut inflationiora non reddit, hoc est, ut aut decipere verisimili sermone atque interrogationibus ament, aut aliquid magnum, quo se bonis atque innocentibus anteponant, se assecutus putent qui ista didicerunt.

CAPUT XXXVIII. — *Numerorum scientia non ex hominum instituto, sed ex rerum natura est ab hominibus adiuxta.*

56. Jamvero numeri disciplina cuilibet tardissimo claram est quod non sitab hominibus instituta, sed potius indagata atque inventa. Non enim sicut primam syllabam italicæ, quam brevem pronuntiaverunt veteres, voluit Virgilius, et longa facta est; ita quisquam potest efficere cum voluerit, ut ter terna aut non sint novem, aut non possint efficere quadratam figuram, aut non ad ternarium numerum tripla sint, ad senarium sesequa, ad nullum dupla, quia intelligibiles numeri semissen non habent. Sive ergo in seipsis considerentur, sive ad figurarum aut ad sonorum aliarum e motionum leges numeri adhibeantur, incommutabiles regulas habent, neque ullo modo ab hominibus institutas, sed ingeniosorum sagacitate compertas.

57. Quæ tamen omnia quisquis ita dilexit, ut jatne se inter imperitos velit, et non potius querere nde sint vera, que tantummodo vera esse persensebit; et unde quedam non solum vera sed etiam incommutabilia, que incommutabilia esse comprehendenterit; ac sic a specie corporum usque ad humanam mentem perveniens, cum et ipsam mutabilem inventerit, quod nunc docta, nunc indocta sit, constituta tamen inter incommutabilem supra se veritatem, et mutabilia infra se cetera, ad unius Dei laudem atque

^{tem} MSS., cum discitur: alii decem codices, cum dicitur. At Lov., cum discutitur.

dilectionem cuncta convertere, a quo cuncta esse cognoscit; doctus videri potest, esse autem sapiens nullo modo.

CAPUT XXXIX. — *Quibus ex supra notatis disciplinis quove animo danda opera. Leges humanæ.*

58. Quamobrem videtur mihi studiosis et ingeniosis adolescentibus, et timentibus Deum, beatamque vitam querentibus, salubriter præcipi ut nullas doctrinas que præter Ecclesiam Christi exercentur, tanquam ad beatam vitam capessendam securè sequi audeant, sed eas sobrie diligenterque dijudicent: et si quas invenerint ab hominibus institutas, varias propter diversam voluntatem constituentia, et ignotas propter suspiciones errantium, maxime si habent etiam cum demonibus initam societatem per quarundam significationum quasi quedam pacta atque conventa; repudient penitus et detestentur; alienent etiam studium a superfluis et luxuriosis hominum in-titutis. Illa vero instituta hominum, quæ ad societatem convivientium valent, pro ipsa hujus vitæ necessitate non negligant. In ceteris autem doctrinis, quæ apud gentes inventiuntur, præter historiam rerum, vel præteriti temporis vel præsentis, ad sensus corporis pertinentium, quibus etiam utilium artiu corporalium experimenta et conjectura annumerantur, et præter rationem disputationis et numeri, nihil utile esse arbitror. In quibus omnibus tenendum est,

Ne quid nimis;
(Terent. in Andr., act. 1, scen. 1.)

et maxime in iis quæ ad corporis sensus pertinentia, volvuntur temporibus, et continentur locis.

59. Sicut autem quidam de verbis omnibus et nominibus hebreis, et syris, et ægyptiis, vel si qua alia lingua in Scripturis sanctis inveniri potest, quæ in eis sine interpretatione sunt posita, fecerunt, ut ea separatim interpretarentur; et quod Eusebius fecit de temporum historia propter divinorum Librorum questiones, quæ usum ejus flagitauit: quod ergo hi fecerunt de his rebus, ut non sit necesse christiano in multis propter pauca laborare; sic video posse fieri, si quem eorum qui possunt, benignam sane operam fraternali utilitati delectet impendere, ut quoscumque terrarum locos, queve animalia vel herbas atque arbores sive lapides vel metalla incognita, speciesque quaslibet Scriptura commemorat, ea generatim digerens, sola exposita litteris mandet. Potest etiam de numeris fieri, ut eorum tantummodo numerorum expressa ratio conscribatur, quos divina Scriptura meminit. Quorum aliqua aut omnia forte jam facta sunt, sicut multa quæ a bonis doctisque christianis elaborata atque conscripta non arbitrabamur, invenimus¹; sed sive propter turbas negligentium, sive propter invalidorum occultationes latent. Quod utrum de ratione disputandi fieri possit, ignoro: et videtur mihi non posse, quia per totum textum Scripturarum colligata est nervorum vice; et ideo magis ad ambigua solvenda

¹ Er. et Lov., convenientium: pro quo Rad. Am. et ² MSS. convenientium.

² sic novemdecim MSS. At vulgati habent: *Atque conscripta artitur, non inventus.*

et explicanda, de quibus post loquemur, legentes adjuvat, quam ad incognita signa, de quibus nunc agimus, cognoscenda.

CAPUT XL. — *Ab Ethnicis si quid recte dictum, in nostrum usum est convertendum.*

60. Philosophi autem qui vocantur, si qua forte vera et fidei nostræ accommodata dixerunt, maxime Platonici, non solum formidanda non sunt, sed ab eis etiam tanquam injustis possessoribus in usum nostrum vindicanda. Sicut enim Ægyptii non solum idola habebant et onera gravia, quæ populus Israel detestaretur et fugeret, sed etiam vasa atque ornamenta de auro et argento, et vestem, quæ ille populus exiens de Ægypto, sibi potius tanquam ad usum meliorem clanculo vindicavit; non auctoritate propria, sed præcepto Dei, ipsis Ægyptiis nescienter commodantibus ea, quibus non bene utebantur (*Exod. iii, 22, et xii, 35*) : sic doctrinæ omnes Gentilium non solum simulata et superstitiosa figmenta gravesque sarcinas supervacanei laboris habent, quæ unusquisque nostrum, duce Christo, de societate Gentilium exiens, debet abominari atque deritare; sed etiam liberates disciplinas usui veritatis aptiores, et quædam morum præcepta utilissima continent, deque ipso uno Deo colendo nonnulla vera inveniuntur apud eos; quod eorum tanquam aurum et argentum, quod non ipsi instituerunt, sed de quibusdam quasi metallis divine providentia, quæ ubique infusa est, erucrunt, et quo perverse atque injuriose ad obsequia dæmonum abutuntur, cum ab eorum misera societate sese animo separat, debet ab eis auferre christianus ad usum justum prædicandi Evangelii. Vestem quoque illorum, id est, hominum quidem instituta, sed tamen accommodata humanae societati, qua in hac vita carere non possumus, accipere atque habere licuerit in usum convertenda christianum.

61. Nam quid alind fecerunt multi boni fideles nostri? Nonne aspicimus quanto auro et argento et veste suffarcinatus exierit de Ægypto Cyprianus doctor suavissimus et martyr beatissimus? quanto Lactantius? quanto Victorinus, Optatus, Hilarius, ut de vivis taccam? quanto innumerabiles Græci? Quod prior ipse fidelissimus Dei famulus Moyses fecerat, de quo scriptum est quod eruditus fuerit omni sapientia Ægyptiorum (*Act. vii, 22*). Quibus omnibus viris superstitionis Gentium consuetudo, et maxime illis temporibus, cum Christi recutiens jugum Christianos persequebatur, disciplinas quas utiles habebat, nunquam commodaret, si eas in usum colendi unius Dei, quo vanus idolorum cultus excinderetur, conversum iri suspicaretur: sed dederunt aurum, et argentum, et vestem suam exeunti populo Dei de Ægypto, nescientes quemadmodum illa quæ dabant, in Christi obsequium cederent. Illud enim in Exodo factum, sine dubio figuratum est, ut hoc præsignaret; quod sine præjudicio alterius, aut paris, aut melioris intelligentie dixerim.

CAPUT XLII. — *Studium Scripturæ sacræ, qualem animam requirat. Hyssopi proprietates.*

62. Sed hoc modo instructus divinarum Scripturarum studiosus, cum ad eas perscrutandas accedere cœperit, illud apostolicum cogitare non cesseret: *Scientia inflat, charitas ædificat* (*1 Cor. viii, 1*). Ita enim sentiet, quamvis de Ægypto dives exeat, tamen nisi Pascha egerit, salvum se esse non posse. Pascha autem nostrum immolatus est Christus (*Id. v, 7*), nihilque magis immolatio Christi nos docet, quam illud quod ipse clamat, tanquam ad eos quos in Ægypto sub Pharaone videt laborare: *Venite ad me, qui laboratis et onerati estis, et ego reficiam vos. Tollite jugum meum super vos, et discite a me quia mitis sum et humilis corde; et invenietis requiem animabus vestris. Jugum enim meum lene est, et sarcina mea levis est* (*Matth. xi, 28-30*): quibus, nisi mitibus et humilibus corde, quos non inflat scientia, sed charitas ædificat? Meminerint ergo corum qui Pascha illo tempore per umbrarum imaginaria celebrabant¹, cum signari postes sanguine agni juberentur, hyssopo fuisse signatos (*Exod. xii, 22*). Herba hæc mitis et humili est, et nihil fortius et penetrabilis ejus radicibus: ut in claritate radiati et fundati possimus comprehendere cum omnibus sanctis, quæ sit latitudo, et longitudo, et altitudo, et profundum, id est, crucem Domini; cuius latitudo dicitur in transverso ligne, quo extenduntur manus; longitudo, a terra usque ad ipsam latitudinem, quo a manibus et infra totum corpus affigitur; altitudo, a latitudine sursum usque ad summum, cui adhæret caput²; profundum vero, quod terræ infixum absconditur. Quo signo crucis, omnis actio christiana describitur, bene operari in Christo, et ei pérseveranter inhærente, sperare coelestia, sacramenta non profanare (*a*). Per hanc actionem purgati valebimus cognoscere etiam supereminenter scientiæ charitatem Christi³, qua æqualis est Patri, per quem facta sunt omnia, ut impleamur in omnem plenitudinem Dei (*Ephes. iii, 17-19*). Est etiam in hyssopo vis purgatoria ne, inflante scientia de divitiis ab Ægypto ablatis, superbe aliiquid pulmo tumidus anhelet: *Asperges me, inquit, hyssopo et mundabor; lavabis me, et super nivem dealbabor. Auditui mèo dabis exultationem et lætitiam.* Deinde consequenter annexit ut ostendat purgationem a superbia significari hyssopo, *Et exultabunt ossa humiliata* (*Psal. l, 9, 10*).

CAPUT XLIII. — *Sacrae Scripturæ cum profana comparatio.*

63. Quantum autem minor est auri, argenti vestisque copia, quam de Ægypto secum ille populus abs-

¹ Bad. Am. et Er., *per umbram imaginariam celebrabant*.
² Bad. Am. Er. et plerique MSS., *ad summum quo adhæret caput*.

³ Editi: *Supereminentem scientiam charitatis Christi*. At plures et melioris notæ MSS., *scientiæ charitatem*.

(a) Legendum videtur, *propalare*, quo stet analogia ad superiora isthæc verba: *Profundum vero quod terræ infixum absconditur*. Sic in epist. 55, ad Januarium, cap. 14, n. 25, ubi dominice crucis partes, eumdenique Apostoli ad Ephes. 3 locutus ad christianos mores itidem transfert Augustinus, *Profundum, ait, quod terræ infixum est secretum sacramenti præfigurati.*

tulit, in comparatione divitiarum quas postea Jerosolymæ consecutus est, quæ maxime in Salomone rege ostenduntur (III Rég. x, 14-25); tanta sit cuncta scientia, quæ quidem est utilis, collecta de libris Gentium, si divinarum Scripturarum scientiæ comparetur. Nam quidquid homo extra didicerit, si noxiū est, ibi damnatur; si utile est, ibi invenitur. Et cum ibi quisque invenerit omnia quæ utiliter alibi didicit, multo abundantius ibi inveniet ea quæ nusquam omnino alibi, sed in illarum tantummodo Scripturarum mirabili altitudine et mirabili humilitate di-

scuntur. Hac igitur instructione præditure cum signa incognita lectorem non impediunt, mitem et humilem corde, subjugatum leniter Christo, et oneratum sarcina levi, fundatum et radicatum et adificatum in charitate, quem¹ scientia inflare non possit, accedat ad ambigua signa in Scripturis consideranda et discutienda, de quibus jam tertio volumine dicere aggrediar, quod Dominus donare dignabitur.

¹ Editi: *m. charitate, quam scientia inflare.* Plerique MSS., quem.

LIBER TERTIUS.

Postquam egit in superiore libro de removenda signorum ignorantia, transit nunc s. Doctor ad considerationem ambiguatis, quæ cum in propriis tum in translati signis occurrit. In propriis quidem ex interpunctione vocum, ex earum pronuntiatione, ex ancipi significatu: quod genus ambiguatis ex contextu sermonis, et collatione interpretum, aut ejus linguae unde Scriptura translata est inspectione resoli ostendit. In translati vero signis ambiguitas contingit, cum ipsa dictio non ad litteræ sensum ponitur in Scripturis: qua de re operiosus disputat, traditque regulas quibus dignoscatur an locutio figurata sit, et si quidem figurata, quo pacto debeat explicari. Ad extreum ipsius Tichonii septem regulas singulatim expendit.



CAPUT PRIMUM. — *Sunima superiorum librorum, et scopus sequentis.*

1. Homo timens Deum, voluntatem ejus in Scripturis sanctis diligenter inquirit. Et ne amet certamina, pietate mansuetus; præmunitus etiam scientia linguarum, ne in verbis locutionibusque ignotis læreat; præmunitus etiam cognitione quarumdam rerum necessariarum, ne vim naturam earum quæ propter similitudinem adhibentur, ignoret; adjuvante etiam codicum veritate, quam solers emendationis diligentia procuravit: veniat ita instructus ad ambigua Scripturarum discutienda atque solvenda. Ut autem signis ambiguis non decipiatur, quantum per nos instrui potest¹; fieri autem potest ut istas vias quas ostendere volumus, tanquam pueriles vel magnitudine ingenii, vel majoris illuminationis claritate derideat: sed tanien, ut coeparam dicere, quantum per nos instrui potest, qui eo loco animi est, ut per nos instrui valeat, sciat ambiguitatem Scripturæ aut in verbis propriis esse, aut in translati; que genera in secundo libro demonstravimus.

CAPUT II. — *Ambiguitas ex verborum distinctione quo modo tollenda.*

2. Sed cum verba propria faciunt ambiguam Scripturam, primo videndum est ne male distinxerimus, aut pronuntiaverimus. Cum ergo adhibita intentio incertum esse pviderit quomodo distinguendum aut quomodo pronuntiandum sit, consultat regulam fidei, quam de Scripturarum planioribus locis et Ecclesiæ auctoritate percepit; de qua satis egimus, cum de rebus in primo libro loqueremur. Quod si ambae vel etiam omnes, si plures fuerint partes, ambiguam secundum fidem sonuerint, textus ipse sermonis a precedentibus et consequentibus partibus, quæ

ambiguitatem illam in medio posuerunt, restat consulendus, ut videamus cuinam sententia, de pluribus quæ se ostendunt, ferat suffragium, eamque sibi contexi patiatur.

3. Jam nunc exempla considera. Illa heretica distinctione, *In principio erat Verbum, et Verbum erat apud Deum, et Deus erat*, ut alius sensus sit, *Verbum hoc erat in principio apud Deum*, non vult Verbum Deum consisteri. Sed hoc regula fidei refellendum est, qua nobis de Trinitatis æqualitate prescribitur ut dicamus, *Et Deus erat Verbum; dcinde subjungamus, Hoc erat in principio apud Deum (Joan. i, 1, 2).*

4. Illa vero distinctionis ambiguitas neutra parte resistit fidei, et ideo textu ipso sermonis dijudicanda est, ubi ait Apostolus: *Et quid eligam ignorare: compellor autem ex duobus; concupiscentiam habens dissolvi, et esse cum Christo;* multo enim magis optimum: manere in carne necessarium propter vos (Philipp. 1, 23, 24). Incertum enim est utrum ex duobus concupiscentiam habens, an compellor autem ex duobus, ut illud adjungatur, *concupiscentiam habens dissolvi, et esse cum Christo.* Sed quoniam ita sequitur, multo enim magis optimum, appareat cum ejus optimi dicere se habere concupiscentiam, ut cum ex duobus compellatur, alterius tamen habeat concupiscentiam, alterius necessitatem; concupiscentiam scilicet esse cum Christo, necessitatem manere in carne. Quæ ambiguitas uno consequenti verbo dijudicatur, quod positum est, enim: quam particulam qui abstulerunt interpres, illa potius sententia ducti sunt, ut non solum compelli ex duobus, sed etiam duorum habere concupiscentiam videretur. Sic ergo distinguendum est: *Et quid eligam ignorare: compellor autem ex duobus; quam distinctionem sequitur, concupiscentiam habens dissolvi, et esse cum Christo.* Et tanquam quæreretur quare hujus rei potius habeat concupiscentiam; multo enim magis optimum, inquit. Cur ergo ex duobus compellitur? Quia est manendi necessitas,

¹ Ms. Remig. Theoderic. et Cisterc. hic addunt: *Juvante Domino, haec demonstrare totus noster conatus est. Floriacensis vero unicum interpolavit verbum, explicabo: utrumque ineptum glossema.*

quam ita subiecit, *Manere in carne necessarium propter vos.*

5. Ubi autem neque prescripto fidei, neque ipsius sermonis textu ambiguitas explicari potest, nihil obstat secundum quamlibet carum quae ostenduntur, sententiam distinguere. Veluti est illa ad Corinthios, *Hus ergo promissiones habentes, charissimi, mundemus nos ab omni coquinatione carnis et spiritus, perficientes sanctificationem in timore Dei. Capite nos. Nemini nocuimus* (II Cor. vii, 1, 2). Dubium est quippe utrum, *Mundemus nos ab omni coquinatione carnis et spiritus*, secundum illam sententiam, *Ut sit sancta et corpore et spiritu* (I Cor. vii, 31); an, *Mundemus nos ab omni coquinatione carnis*, ut alias sit sensus, *Et spiritus perficientes sanctificationem in timore Dei capite nos.* Tales igitur distinctionum ambiguitates in potestate legentis sunt.

CAPUT III.—*Qua ratione expediatur ambiguitas ex pronuntiatione. Percontatio et interrogatio quo different.*

6. Quaecumque autem de ambiguis distinctionibus diximus, eadem observanda sunt et in ambiguis pronuntiationibus. Nam et ipsae nisi lectoris nimia vitientur incuria, aut regulis fidei corriguntur, aut praecedentis vel consequentis contextione sermonis; aut si neutrū horum adhibetur ad correctionem, nihilominus dubiae remanebunt, ut qualibet modo lector pronuntiaverit, non sit in culpa. Nisi enim fides revocet, qua credimus Deum non accusaturum electos suos, et Christum non condemnaturum electos suos, potest illud sic pronuntiari, *Quis accusabit adversus electos Dei?* ut hanc interrogationem quasi responsio subsequatur, *Deus qui justificat.* Et iterum interrogetur, *Quis est qui condemnat?* et respondeatur, *Christus Jesus qui mortuus est.* Quod credere quia dementissimum est, ita pronuntiabitur, ut praecedat percontatio, sequatur interrogatio. Inter percontationem autem et interrogationem hoc veteres interesse dixerunt, quod ad percontationem multa responderi possunt; ad interrogationem vero, aut Non, aut Etiā. Pronuntiabitur ergo ita, ut post percontationem qua dieimus, *Quis accusabit adversus electos Dei?* illud quod sequitur sono interrogantis enuntietur, *Deus qui justificat?* ut tacite respondeatur, Non: et item percontemur, *Quis est qui condemnat?* rursusque interrogemus, *Christus Jesus qui mortuus est, magis autem qui resurrexit, qui est in dextera Dei, qui et interpellat pro nobis* (Rom. viii, 33, 54)? ut ubique tacite respondeatur, Non. At vero illo loco ubi ait, *Quid ergo dicemus? Quia gentes qua non sectabantur justitiam, apprehenderunt justitiam* (Rom. ix, 30); nisi post percontationem qua dictum est, *Quid ergo dicemus? responsio subjiciatur, Quia gentes qua non sectabantur justitiam, apprehenderunt justitiam*, textus consequens non coheredit. Qualibet autem voce pronuntiatur illud quod Nathanael dixit, *A Nazareth potest aliquid boni esse* (Jean. i, 46), sive affirmantis, ut illud solum ad interrogationem pertineat quod ait, *A Nazareth?* sive totum cum dubitatione interrogantis; non video quomodo discernatur: uterque autem sen-

sus fidem non impedit.

7. Est etiam ambiguitas in sono dubio syllabarum, et haec utique ad pronuntiationem pertinet. Nam quod scriptum est, *Non est absconditum a te os meum, quod fecisti in abscondito* (Psal. cxxxviii, 15), non eluet legenti utrum correpta littera os pronuntiat, an producta. Si enim corripiat, ab eo quod sunt ossa; si autem producat, ab eo quod sunt ora, intelligitur numerus singularis. Sed talia lingue praecedentis inspectione dijudicantur: nam ip̄ Græco non στόμα, sed στόμα possum⁹ est. Unde plerunque loquendi consuetudo vulgaris utilior est significandis rebus, quam integritas litterata. Mallem quippe cum barbarismo dici, *Non est absconditum a te ossum meum, quoniam ut ideo esset minus apertum, quia magis latinum est.* Sed aliquando dubius syllabe sonus etiam vicin⁹ verbo ad eamdem sententiam pertinente dijudicatur: sicut est illud Apostoli, *Quæ prædico vobis, sicut prædixi, quouiam qui tali⁹ agunt, regnum Dei non possidebunt* (Galat. v, 21). Si tantummodo dixisset, *Quæ prædico vobis*, neque subjunxisset, *sicut prædixi*, non nisi ad codicem praecedentis lingua recurrentem esset, ut cognosceremus utrum in eo quod dixit, *prædico*, producenda an corripienda esset media syllaba: nunc autem manifestum est producendam esse; non enim ait, *Sicut prædicavi*, sed *sicut prædixi*.

CAPUT IV.—*Ambiguitas dictionis qua ratione expediatur.*

8. Non solum autem istæ, sed etiam illæ ambiguitates quæ non ad distinctionem vel ad pronuntiationem pertinent, similiter considerandæ sunt: qualis illa est ad Thessalonicenses, *Propterea consolati sumus, fratres, in vobis* (I Thess. iii, 7). Dubium est enim utrum, *O fratres;* an, *Ilos fratres:* neutrum autem horum est contra fidem; sed græca lingua hos casus pares non habet, et ideo illæ inspecta renuntiantur vocativus, id est, *O fratres.* Quod si voluisset interpres dicere, *Propterea consolationem habuimus, fratres, in vobis;* minus servitum esset verbis, sed minus de sententia dubitaretur: aut certe si adderetur, *Nostri,* nemo fere ambigeret vocativum esse casum, cum audiaret, *Propterea consolati sumus, fratres nostri, in vobis.* Sed jam hoc periculosius permittitur. Ita factum est in illa ad Corinthios, cum ait Apostolus: *Quotidie morior, per vestram gloriam, fratres, quam habeo in Christo Jesu* (I Cor. xv, 31). Ait enim quidam interpres, *Quotidie morior, per vestram juro gloriam;* quia in græco vox jurantis (νη) manifesta est sine ambiguo sono. Rarissime igitur et difficillime inveniri potest ambiguitas in propriis verbis, quantum ad libros divinarum Scripturarum spectat, quam non aut circumstantia ipsa sermonis qua cognoscitur scriptorum intentio, aut interpretum collatio, aut praecedentis linguae solvat inspectio.

CAPUT V.—*Scripturæ figuratas locutiones ad litteram accipere servitus miserabilis.*

9. Sed verborum translatorum ambiguitates, de quibus deinceps loquendum est, non mediocrem curam industriamque desiderant. Nam in principio ca-

vendum est ne figuratam locutionem ad litteram accipiias. Et ad hoc enim pertinet quod ait Apostolus : *Littera occidit, spiritus autem vivificat* (II Cor. iii, 6). Cum enim figurata dictum sic accipitur, tanquam proprie dictum sit, carnaliter sapitur. Neque ullam mors animæ congruentius appellatur, quam cum id etiam quod in ea bestiis antecellit, hoc est, intelligentia-carni subjicitur sequendo litteram. Qui euim sequitur litteram, translata verba sicut propria tenet, neque illud quod proprio verbo significatur, refert ad aliam significationem : sed si Sabbatum audierit, verbi gratia, non intelligit nisi unum diem de septem, qui continuo volumine repetuntur; et cum audierit Sacrificium, non excedit cogitatione illud quod fieri de victimis pecorum terrenisque fructibus solet. Ea demum est miserabilis animæ servitus, signa pro rebus accipere; et supra creaturam corpoream, oculum mentis ad hauriendum æternum lumen levare non posse.

CAPUT VI.—*Judeorum servitus sub signis utilibus.*

10. Quæ tamen servitus in Judeo populo longe a ceterarum gentium more¹ distabat; quandoquidem rebus temporalibus ita subjugati erant, ut unus eis in omnibus commendaretur Deus. Et quanquam signa rerum spiritualium pro ipsis rebus observarent, nescientes quo referrentur, id tamen insitum habebant, quod tali servitute uni omnium, quem non videbant, placerent Deo. Quam custodiā tanquam sub pædagogo parvolorum fuisse scribit Apostolus (*Galat.* iii, 24). Et ideo qui talibus signis pertinaciter inhæserunt, contemnentem ista Dominum, cum jam tempus revelationis eorum venisset, ferre non potuerunt (*Mauth.* xii, 2); atque inde calumnias, quod sabbato curaret, moliti sunt principes eorum (*Luc.* vi, 7); populusque signis illis tanquam rebus adstrictus, non credebat Deum esse, vel a Deo venisse, qui ea sicut a Judæis observabantur, nollet attendere. Sed qui crediderunt, ex quibus facta est prima Ecclesia Ierosolymitana, satis ostenderunt quanta utilitas fuerit eo modo sub pædagogo custodiri, ut signa quæ temporaliter imposta erant servientibus, ad unius Dei cultum, qui fecit cœlum et terram, opinionem observantium religarent. Namque illi quia proximi spiritualibus fuerunt (in ipsis enim temporalibus et carnalibus votis² atque signis, quamvis quomodo spiritualiter essent intelligenda nescirent, unum tamen didicerant venerari æternum Deum), tam capaces extiterunt Spiritus sancti, ut omnia sua venderent, eorumque pretium indigentibus distribuendum, ante Apostolum pedes ponerent (*Act.* iv, 34), seque totos dedicarent Deo tanquam templum novum, cuius terrena imagini, hoc est, templo veteri, serviebant.

11. Non enim hoc illas ecclesias Gentium fecisse scriptum est, quia non tam prope inventi erant, qui simulacra manufacta deos habebant.

¹ Vetus codex Corb., morte.

² Am., vocis : pro quo Erasmus haud feliciter substituit, rotibus. Sic etiam Lov. At Bad. et MSS. magno consensu furent, rotis. id est, oblationibus.

CAPUT VII.—*Servitus gentium sub signis inutilibus.*

Et si quando aliqui eorum illa tanquam signa interpretari conabantur, ad creaturam coleundam venerandamque reserrebant. Quid enim mihi prodest simulacrum, verbi gratia, Neptuni non ipsum habendum Deum, sed eo significari universum mare, vel etiam omnes aquas ceteras, quæ fontibus prorunt? sicut a quodam poeta illorum describitur, si bene recolo, ita dicente :

Tu, Neptune pater, cui tempora cana crepanti
Cincta salo resonant, magnus cui perpetuus
Profluit oceanus, et flumina criminibus errant.

Hæc siliqua intra dulce tectorium sonantes lapillos quatit ; non est autem hominum, sed porcorum cibus. Novit quid dicam, qui Evangelium novit (*Luc.* xv, 16). Quid ergo mihi prodest quod Neptuni simulacrum ad illam significationem referatur, nisi forte ut neutrum colam? tam enim mihi statua quælibet, quam mare universum, non est Deus. Fateor tamen altius demersos esse, qui opera hominum deos putant, quam qui opera Dei sed nobis unus diligendus et colendus Deus præcipitur (*Deut.* vi, 5), qui fecit hæc omnia, quorum illi simulacra venerantur, vel tanquam deos, vel tanquam signa et imagines deorum. Si ergo signum utiliter institutum pro ipsa re sequi, cui significandum institutum est, carnis est servitus ; quanto magis inutilium rerum signa instituta pro rebus accipere? Quæ si retuleris ad ea ipsa quæ his significantur, eis que colendis animum obligaveris, nihilominus servili carnalique onere atque velamine non carebis.

CAPUT VIII.—*Aliter Judæi a signorum servitute liberati, aliter Gentiles.*

12. Quamobrem christiana libertas eos quos inventit sub signis utilibus, tanquam prope inventos, interpretatis signis quibus subditæ erant, elevatos ad eas res quarum illa signa sunt, liberavit : ex his factæ sunt Ecclesiæ sanctorum Israhitarum. Quos autem inventit sub signis inutilibus, non solum servilem operationem sub talibus signis, sed etiam ipsa signa frustravit removitque omnia : ut a corruptione multitudinis simulatorum deorum, quam sepe ac proprie Scriptura fornicationem vocat, ad unius Dei cultum Gentes converterentur ; nec sub ipsis iam signis utilibus servitæ, sed exercitaturæ potius animum in eorum intelligentia spirituali.

CAPUT IX.—*Quis signorum servitute premitur, quis non. Baptismus. Eucharistia.*

13. Sub signo enim servit qui operatur aut veneratur aliquam rem significantem, nesciens quid significet : qui vero aut operatur, aut veneratur utile signum divinitus institutum, cuius vim significationemque intelligit, non hoc veneratur quod videtur et transit, sed illud potius quo talia cuncta referenda sunt. Talis autem homo spiritualis et liber est, etiam tempore servitutis, quo carnalibus animis nondum oportet signa illa revelari, quorum jugo edomandi sunt.

Tales autem spirituales erant Patriarchæ ac Prophetæ, omnesque in populo Israel per quos nobis Spiritus sanctus ipsa Scripturarum et auxilia et solalia ministriavit. Hec vero tempore posteaquam resurrectione Domini nostri manifestissimum indicium nostræ libertatis illuxit, nec eorum quidem signorum, quæ jam intelligimus, operatione gravi onerati sumus; sed quædam pauca pro multis, eademque factu facilissima, et intellectu augustinissima, et observatione castissima ipse Dominus et apostolica tradidit disciplina: sicuti est Baptismi sacramentum, et celebratio corporis et sanguinis Domini. Quæ unusquisque cum percipit, quo referantur imbutus agnoscit, ut ea non carnali servitute, sed spirituali potius libertate veneretur. Ut autem litteram sequi, et signa pro rebus quæ iis significantur accipere, servilis infirmitatis est; ita inutiliter signa interpretari, male vagantis erroris est. Qui autem non intelligit quid significet signum, et tamen signum esse intelligit, nec ipse premitur servitute. Melius est autem vel premi incognitus, sed utilibus signis, quam inutiliter ea interpretando, a jugo servitutis eductam cervicem laqueis erroris inserere.

CAPUT X. — Unde dignoscatur an figurata sit locutio. Regula generalis. Churitas. Cupiditas. Flagitium. Facinus. Utilitas. Beneficentia.

14. Illic autem observationi qua cavemus figuratam locutionem, id est, translatam quasi propriam sequi; adjungenda etiam illa est, ne propriam quasi figuratam velimus accipere. Demonstrandus est igitur prius modus inveniendæ locutionis, proprieane an figurata sit. Et iste omnino modus est, ut quidquid in sermone divino neque ad morum honestatem, neque ad fidem veritatem proprie referri potest, figuratum esse cognoscas. Morum honestas ad diligendum Deum et proximum, fidei veritas ad cognoscendum Deum et proximum pertinet. Spes autem sua cuique est in conscientia propria; quemadmodum se sentit ad dilectionem Dei et proximi, cognitionemque proficere. De quibus omnibus primo libro dictum est.

15. Sed quoniam proclive est humanum genus non ex momentis ipsis libidinis, sed potius sue consuetudinis aestimare peccata, fit plerumque ut quisque hominum ea tantum culpanda arbitretur, quæ sue regionis et temporis homines vituperare atque damnare consueverunt; et ea tantum probanda atque laudanda, quæ consuetudo eorum cum quibus vivit, admittit: eoque contingit ut si quid Scriptura vel præceperit quod abhorret a consuetudine audientium, vel quod non abhorret culpaverit, si animum eorum jam verbi vinxit auctoritas, figuratam locutionem putent. Non autem præcipit Scriptura nisi charitatem, nec culpat nisi cupiditatem; et eo modo informat mores hominum. Item si animum præoccupavit alicujus erroris opinio, quidquid aliter asseruerit Scriptura, figuratum homines arbitrantur. Non autem asserit nisi catholican fidem, rebus præteritis, et futuris, et præsentibus. Præteriorum narratio est, futurorum prænuntiatio, præsentium demonstratio: sed omnia hæc ad eamdem

charitatem nutriendam atque corroborandam, et cupiditatem vincendam atque extinguidam valent.

16. Charitatem voco motum animi ad fruendum Deo propter ipsum, et se atque proximo propter Deum: cupiditatem autem, motum animi ad fruendum se et proximo et quolibet corpore non propter Deum. Quod autem agit indomita cupiditas ad corrumpendum animum et corpus suum, flagitium vocatur: quod autem agit ut alteri noceat, facinus dicitur. Et hæc sunt duo genera omnium peccatorum; sed flagitia priora sunt. Quæ cum exinaniverint animum, et ad quamdam egestatem perduxerint, in facinora prosilitur, quo removeantur impedimenta flagitorum, aut adjumenta querantur. Item quod agit charitas quo sibi prosit, utilitas est: quod autem agit ut prosit proximo, beneficentia nominatur. Et hic præcedit utilitas; quia nemo potest ex eo quod non habet, prodesse alteri. Quanto autem magis regnum cupiditatis destruitur, tanto charitatis augeatur.

CAPUT XI. — Regula de iis quæ sævitium redolent, referunturque nihilominus ex persona Dei vel sanctorum.

17. Quidquid ergo asperum et quasi scævum factu dictuque in sanctis Scripturis legitur ex persona Dei vel sanctorum ejus, ad cupiditatis regnum destruendum valet. Quod si perspicue sonat, non est ad aliud referendum quasi figurate dictum sit. Sicuti est illud Apostoli: *Thesaurizas tibi iram in die iræ et revelationis justi judicij Dei, qui reddet unicuique secundum opera sua: iis quidem qui secundum sustinentiam boni operis, gloriam et honorem et incorruptionem querentibus, vitam æternam; iis autem qui ex contentione sunt, et diffidunt veritati, credunt autem iniiquitati, ira et indignatio. Tribulatio et angustia in omnem animam hominis operantis malum, Judæi primum et Græci (Rom. ii, 5-9).* Sed hoc ad eos, cum quibus evertitur ipsa cupiditas, qui eam vincere noluerunt. Cum autem in homine cui dominabatur, regna cupiditatis subvertuntur, illa est aperta locutio: *Qui autem Iesu Christi sunt, carnem suam crucifixérunt cum passionibus¹ et concupiscentiis (Galat. v, 24).* Nisi quia et hic quædam verba translata tractantur, sicuti est, *ira Dei*, et, *crucifixérunt*: sed non tam multa sunt, vel ita posita, ut obtegant sensum, et allegoriam vel ænigma faciant, quam propriæ figuratam locutionem voco. Quod autem Jeremie dicitur, *Ecce constitui te hodie super gentes et regna, ut eellas, et destruas, et disperdas, et dissipes (Jerem. 1, 10)*; non dubium quin figurata locutio tota sit, ad eum finem referenda quem diximus.

CAPUT XII. — Regula de dictis et factis quasi flagitiis imperitorum judicio, que Deo vel sanctis viris tribuuntur. Facta judicantur ex circumstantiis.

18. Quæ autem quasi flagitiosa imperitis videntur, sive tantum dicta, sive etiam facta sunt, vel ex Dei

¹ *Editi, virtus; pro quo MSS., passionibus.* Hanc vocem reddit passim Augustinus pro græca, *tois patemasi*.

persona, vel ex hominum quorum nobis sanctitas commendatur, tota figurata sunt : quorum ad charitatis pastum enucleanda secreta sunt. Quisquis autem rebus prætereuntibus restrictius utitur, quam sese habent mores eorum cum quibus vivit, aut temperans aut supersticiosus est : quisquis vero sic eis utitur, ut metas consuetudinis bonorum inter quos versatur, excedat, aut aliquid significat, aut flagitiosus est. In omnibus enim talibus non usus rerum, sed libido utentis in culpa est. Neque ullo modo quisquam sobrios crediderit, Domini pedes ita unguento pretioso a muliere perfusos (*Joan. XII, 3*), ut luxuriosorum et nequam hominum solent, quorum talia convivia detestamur. Odor enim bonus, fama bona est, quam quisquis bonæ vitæ operibus habuerit, dum vestigia Christi sequitur, quasi pedes ejus pretiosissimo odore perfundit. Ita quod in aliis personis plerumque flagitium est, in divina vel prophética persona magnæ cuiusdam rei signum est. Alia est quippe in perditis moribus, alia in Osee prophetae vaticinatione conjunctio meretricis (*Osee 1, 2*) : nec, si flagitiosi in conviviis temulentorum et lasciviorum nudantur corpora; propterea in balneis nudum esse flagitium est.

19. Quid igitur locis et temporibus personisque conveniat, diligenter attendendum est, ne temere flagitia reprehendamus. Fieri enim potest ut sine aliquo vicio cupidie¹ vel voracitatis, pretiosissimo cibo sapiens utatur; insipiens autem foedissima gulæ flamma in vilissimum ardescat. Et sanus² quisque maluerit more Domini pisce vesci (*Luc. xxiv, 43*), quam lenticula more Esau nepotis Abraham (*Gen. xxv, 34*), aut hordeo more jumentorum. Non enim propterea continentiores nobis sunt plerique bestiae, quia vilioribus aluntur escis. Nam in omnibus hujuscemodi rebus, non ex earum rerum natura quibus utimur, sed ex causa utendi et modo appetendi vel probandum est, vel improbadum quod facimus.

20. Regno terreno veteres justi cœlestis regnum imaginabantur, et prænuntiabant. Sufficienda³ prolis causa erat uxorum plurium simul uni viro habendarum inculpabilis consuetudo (*Id. XVI, 3, XXV, 4; et II Reg. V, 13*); et ideo unam feminam maritos habere plurimos honestum non erat: non enim mulier eo est secundior, sed meretricia potius turpitudo est, vel quæstum vel liberos vulgo querere. In hujusmodi moribus quidquid illorum temporum sancti non libidinose faciebant, quamvis ea facerent quæ hoc tempore nisi per libidinem fieri non possunt, non culpat Scriptura. Et quidquid ibi tale narratur, non solum historice ac proprie, sed etiam figurate ac prophetice acceptum, interpretandum est usque in finem illum charitatis, sive Dei, sive proximi, sive utriusque.

¹ Editi, *vicio cupiditatis*; vel, *cupidins*. At MSS., *vicio cupidie*, id est vicio ciborum laetiorumque appetitu.

² Editi, *et sanus quisque*. MSS., *sanus*.

³ MSS. aliquot, *Sufficienda*. Alii cum editis, *Sufficienda*; quod Virgilianum est, Georg. lib. 3, v. 63: *Allam ex alia generando suffice possem.*

PATROL. XXXIV.

Sicut enim talares et manicas tunicas habere apud Romanos veteres flagitium erat; nunc autem honesto loco natis, cum tunicati sunt, non eas habere flagitium est: sic animadvertisendum est, in cætero quoque usu rerum abesse oportere libidinem, quæ non solum ipsa eorum, inter quos vivit, consuetudine nequiter abutitur; sed etiam sæpe fines ejus egressa, foeditatem suam, quæ inter claustra morum solemnum latitabat, flagitiosissima eruptione manifestat.

CAPUT XIII. — *Continuatio ejusdem argumenti.*

21. Quidquid autem congruit consuetudini eorum cum quibus vita ista degenda vel necessitate imponitur, vel officio suscipitur, a bonis et magnis hominibus ad utilitatem et beneficentiam referendum est; vel proprie, sicut et nos debemus, vel etiam figurate, sicut Prophetis licet.

CAPUT XIV. — *Error opinantium nullam esse justitiam per seipsem.*

22. In quæ facta legenda cum incurruunt indocti alterius consuetudinis, nisi auctoritate reprimantur, flagitia putant; nec possunt animadvertere totam conversationem suam, vel in conjugiis, vel in conviviis, vel in vestitu, cæteroque humano victu atque cultu, aliis gentibus et aliis temporibus flagitiosam videri. Qua varietate innumerabilium consuetudinum commoti quidam dormitantes, ut ita dicam, qui neque alto somno stultitiae sopiebantur, nec in sapientiæ lucem poterant evigilare, putaverunt nullam esse justitiam per seipsum, sed unicuique genti consuetudinem suam justam videri: quæ cum sit diversa omnibus gentibus, debeat autem incommutabilis manere justitia, fieri manifestum nullam usquam esse justitiam. Non intellexerunt, ne multa commemorem, *Quod tibi fieri non vis, alii ne feceris* (*Tobias IV, 16; Matth. VII, 12*), nullo modo posse ulla eorum gentili diversitate variari. Quæ sententia cum refertur ad dilectionem Dei, omnia flagitia moriuntur; cum ad proximi, omnia facinora. Nemo enim vult corrumpi habitaculum suum: non ergo debet corrumpere habitaculum Dei, seipsum scilicet. Et nemo vult sibi a quoquam noceri: nec ipse igitur cuiquam nocuerit.

CAPUT XV. — *Regula in figuratis locutionibus servanda.*

23. Sic eversa tyrannide cupiditatis, charitas regnat justissimis legibus dilectionis Dei propter Deum, sui et proximi propter Deum. Servabitur ergo in locutionibus figuratis regula hujusmodi, ut tam diu veretur diligenti consideratione quod legitur, donec ad regnum charitatis interpretatio perducatur. Si autem hoc jam proprio sonat, nulla putetur figurata locutio.

CAPUT XVI. — *Regula de locutionibus præceptivis.*

24. Si præceptiva locutio est aut flagitium aut facinus vetans, aut utilitatem aut beneficentiam jubens, non est figurata. Si autem flagitium aut facinus videatur jubere, aut utilitatem aut beneficentiam vetare, figurata est. *Nisi manducaveritis, inquit, carnem filii hominis, et sanguinem biberitis, non habebitis vitam in vobis* (*Joan. VI, 54*). Facinus vel flagitium videtur ja-

(Trois.)

here : figura est ergo , præcipiens passioni dominice communicandum, et suaviter atque utiliter recondendum in memoria quod pro nobis caro ejus crucifixa et vulnerata sit. Ait Scriptura : *Si esurierit inimicus tuus, ciba illum; si sitit, potum da illi.* Hic nullo dubitate beneficentiam præcipit : sed quod sequitur , *Hoc enim faciens carbones ignis congeres super caput ejus* (*Prov. xxv, 21, 22; Rom. xii, 20*) ; malevolentiae facinus putes juberi : ne igitur dubitaveris figurate dictum, et cum possit dupliciter interpretari, uno modo ad nocendum, altero ad præstandum; ad beneficentiam te potius charitas revocet, ut intelligas carbones ignis esse urentes poenitentiae gemitus, quibus superbia sanatur ejus qui dolet se inimicum suis hominis , a quo ejus miserie subvenitur. Item cum ait Dominus , *Qui amat animam suam, perdet eam* (*Joan. xii, 25*), non utilitatem vetare putandus est, qua debet quisque conservare animam suam ; sed figurate dictum , *perdat animam*, id est, perimat atque amittat usum ejus, quem nunc habet, perversum scilicet atque præposterum, quo inclinatur temporalibus, ut aeterna non querat. Scriptum est : *Da misericordi, et ne suscipias peccatorem* (*Eccli. xn, 4*). Posterior pars hujus sententia videtur vetare beneficentiam ; ait enim, *Ne suscipias peccatorem* : intelligas ergo figurate positum pro peccato peccatorem, ut peccatum ejus non suscipias.

CAPUT XVII. — *Alia omnibus communiter, alia singulis seorsim præcipi.*

25. Sæpe autem accidit ut quisquis in meliori gradu spiritualis vitae vel est, vel esse se putat, figurate dicta esse arbitretur, quæ inferioribus gradibus præcipiuntur : ut verbi gratia, si exlibem amplexus est vitam, et se castravit propter regnum celorum (*Matth. xix, 12*), quidquid de uxore diligenda et regenda sancti Libri præcipiunt, non proprie sed translate accipi oportere contendat ; et si quis statuit servare innuptam virginem suam, tanquam figuratam locutionem conetur interpretari qua dictum est , *Trade filiam, et grande opus perfeceris* (*Eccli. vii, 27*). Erit igitur etiam hoc in observationibus intelligendarum Scripturarum, ut sciamus alia omnibus communiter præcipi, alia singulis quibusque generibus personarum ; ut non solum ad universum statum valetudinis , sed etiam ad suam cujusque membra propriam infirmitatem medicina pertineat¹. In suo quippe genere curandum est, quod ad melius genus non potest erigi.

CAPUT XVIII. — *Quo tempore quid præceptum vel licitum sit, considerandum.*

26. Item cavendum est ne forte quod in Scripturis veteribus pro illorum temporum conditione, etiam si non figurate, sed proprie intelligatur, non est flagitium neque facinus, ad ista etiam tempora quis putet in usum vitae posse transferri. Quod nisi dominante cupiditate, et ipsarum quoque Scripturarum, quibus everlenda est, satellitum querente, non faciet ; nec intelligit miser ad hanc utilitatem illa sic esse posita,

¹ MSS. duodecim, perreniat.

ut spei bona homines salubriter videant et consuetudinem quam aspernantur posse habere usum bonum, et eam quam amplexantur esse posse damnabilem , si et ibi charitas utentium, et hic cupiditas attenuatur.

27. Nam si multis uxoribus caste uti quisquam pro tempore potuit, potest aliis una libidinose. Magis enim probo multarum secunditate utentem propter aliud, quam unius carne fruentem propter ipsam. Ibi enim queritur utilitas temporum opportunitatibus congrua, hic satiatur cupiditas temporalibus voluptatibus implicata : inferiorisque gradus ad Deum sunt, quibus secundum veniam concedit Apostolus carnalem cum singulis conjugibus consuetudinem propter intemperantiam eorum (*1 Cor. vii, 2*), quam illi qui plures singuli cum haberent, sicut sapiens in cibo et potu nonnisi salutem corporis, sic in concubitu nonnisi procreationem filiorum intuebantur. Itaque si eos in hac vita invenisset Domini adventus, cum jam non mittendi, sed colligendi lapides tempus esset (*Eccle. iii, 5*), statim seipso castrarent propter regnum celorum : non enim est in carendo difficultas, nisi cum est in habendo cupiditas. Noverant quippe illi homines etiam in ipsis conjugibus luxuriam esse abutendi intemperantiam : quod Tobie testatur oratio, quando est copulatus uxori. Ait enim : *Benedictus es, Domine, Deus patrum nostrorum ; et benedictum nomen tuum in omnia saecula saeculorum. Benedic te celi et omnis creatura tua. Tu fecisti Adam, et dedisti illi adjutorium Eum : et nunc, Domine, tu sis quoniam non luxurie causa accipio sororem meam, sed ipsa veritate, ut miserearis nostri, Domine* (*Tob. viii, 7-9*).

CAPUT XIX. — *Mali alias de suo aestimant ingenio.*

28. Sed qui effrenata libidine, vel per multa stupra disfluentes evagantur, vel in ipsa una conjugi, non soluim excedunt ad liberorum procreationem pertinenter modum, sed etiam inhumanioris intemperantiae sordes invercunda omnino licentia servilis cuiusdam libertatis accumulant, non credunt fieri potuisse ut temperanter multis feminis antiqui ute-rentur viri, nihil servantes in usu illo nisi congruum temporis propaganda prolis officium ; et quod ipsi laqueis libidinis obstricti, vel in una non faciunt, nullo modo in multis fieri posse arbitrantur.

29. Sed isti possunt dicere nec honorari quidem atque laudari oportere viros bonos et sanctos, quia ipsi cum honorantur atque laudantur, intumescunt superbia ; tanto avidores inanissimæ gloriae, quanto eos frequentius atque latius lingua blandior ventilaverit ; qua ita leves flunt, ut eos rumoris aura, sive quæ prospera, sive quæ adversa existimatur, in quaslibet invehat voragini flagitorum, aut in facinorum etiam saxa collidat. Videant ergo quam sibi arduum sit atque difficile nec laudis esca illici, nec contumeliarum aculeis penetrari, et non ex se alios metiantur.

CAPUT XX. — *In quavis vivendi ratione boni sui sunt similes.*

Credant potius Apostolos nostros nec cum suspi-

¹ MSS. octo, inhumanioris.

cerentur al. hominibus, inflatos fuisse; nec cum despicerentur, elisos. Neutra quippe tentatio defuit illis viris: nam et credentium celebrabantur præconio, et persequentium maledictis infamabantur. Sicut ergo isti pro tempore utebantur his omnibus, et non corrumpebantur; sic illi veteres, usum seminarum ad sui temporis convenientiam referentes, non patiebantur eam dominationem libidinis, cui serviunt qui ista non credunt.

30. Et ideo isti sese nullo modo cohiberent ab inexpiabili odio filiorum, a quibus vel uxores vel concubinas suas attentatas, aut attractatas esse cognoscerent, si eis forte tale aliquid accidisset.

CAPUT XXI. — *David quanquam in adulterium lapsus, longe fuit a libidinosorum intemperantia.*

Rex autem David cum hoc ab impio atque immanni filio passus esset, non solum ferocientem toleravit, sed etiam planxit extinctum (Il Reg. xviii, 33). Non enim carnali zelo irretitus tenebatur, quem nullo modo injuriae suæ, sed peccata filii commovebant. Nam ideo, si vinceretur, eum occidi prohibuerat, ut edomito servaretur pœnitendi locus: et quia non potuit, non orbitatem doluit in ejus interitu, sed novarit in quas poenas tam impie adultera¹ et parricidalis anima raperetur. Namque alio prius filio qui innocens erat, pro quo ægrotante affligebatur, moriente latitus est.

31. Ex hoc maxime apparet qua moderatione ac temperantia illi viri feminis utebantur, quod cum in unam illicite irruisset rex idem, astu quodam astatim et temporalium rerum prosperitatibus abreptus, cuius etiam maritum occidendum præceperat; accusatus est per prophetam: qui cum ad eum venisset convincentium de peccato, proposuit ei similitudinem de paupere qui habebat ovem unam, cuius vicinus cum haberet multas, ad adventum hospitis sui unicam potius vicini sui pauperis ovi culam exhibuit epulandam. In quem commotus David occidi eum jussit, et quadruplicari ovem pauperi; ut se nesciens condemnaret, qui peccaverat sciens. Quod cum ei manifestatum esset, et divinitus denuntiata vindicta, diluit penitendo peccatum (Il Reg. xii, 1-14). Sed tamen in hac similitudine stuprum tantummodo designatum est de ove vicini pauperis; de marito autem mulieris interempto, hoc est, de ipso paupere, qui unam habebat ovem, occiso, non est per similitudinem interrogatus David, ut in solum adulterium diceret² sententiam damnationis suæ. Ex quo intelligitur quanta temperantia multas mulieres habuerit, quando de una in qua excessit modum, a seipso puniri coactus est. Sed in isto viro inmoderatae hujus libidinis non perinansio, sed transitus fuit: propterea etiam ab argente Propheta ille illicitus appetitus hospes vocatus est. Non enim dixit eum regi suo, sed hospiti suo vicini pauperis ovem ad epulandum exhibuisse. At vero in ejus filio Salomone, non quasi hospes transitum ha-

buit, sed regnum ista libido possedit: de quo Scriptura non tacuit, culpans eum fuisse amatorem mulierum (III Reg. xi, 1). Cujus tamen initia desiderio sapientiae flagraverant (II Paralip. i, 7-12); quam cum amore spirituali adeptus esset, amore carnali amisit.

CAPUT XXII. — *Regula de Scripturæ locis, ubi laudantur facta quædam bonorum hodie moribus contraria.*

32. Ergo, quanquam omnia vel pene omnia quæ in Veteris Testamenti libris gesta continentur, non solum proprie, sed etiam figurate accipienda sint: tamen etiam illa quæ proprie lector acceperit, si laudati sunt illi qui ea fecerunt, sed ea tamen abhorrent a consuetudine bonorum, qui post adventum Domini divina præcepta custodiunt; figuram ad intelligentiam referat, factum vero ipsum ad mores non transferat. Multa enim sunt quæ modo nisi libidinose fieri non possunt.

CAPUT XXIII. — *Regula de locis ubi magnorum virorum peccata referuntur.*

Si qua vero peccata magnorum virorum legerit, tametsi aliquam in eis figuram rerum futurarum animadvertere atque indagare potuerit; rei tamen gestæ proprietatem ad hunc usum assumat, ut se nequam recte factis suis jactare audeat, et præ sua justitia cæteros tanquam peccatores contemnat, cum videat tantorum virorum et cavendas tempestates, et flenda naufragia. Ad hoc enim etiam peccata illorum hominum scripta sunt, ut Apostolica illa sententia ubique tremenda sit, qua ait: *Quapropter qui videtur stare, videat, nec cadat* (I Cor. x, 12). Nulla enim fere pagina est sanctorum Librorum, in qua non sonet quod Deus superbis resistit, humilibus autem dat gratiam.

CAPUT XXIV. — *Ante omnia considerandum genus locutionis.*

34. Maxime itaque investigandum est utrum propria sit, an figurata locutio, quam intelligere conamus. Nam comperto quod figurata sit, adhibitis regulis rerum quas in primo libro digessimus, facile est eam versare omnibus modis, donec perveniamus ad sententiam veritatis, præsertim cum usus accesserit pietatis exercitatione roboratus. Invenimus autem utrum propria sit, an figurata locutio, illa intuentes quæ supra dicta sunt.

CAPUT XXV. — *Idem verbum non idem significat ubique.*

Quod cum apparuerit, verba quibus continetur, aut a similibus rebus ducta invenientur, aut ab aliqua vicinitate attingentibus.

35. Sed quoniam multis modis res similes rebus apparent, non putemus esse præscriptum ut quod in aliquo loco res aliqua per similitudinem significaverit, hoc eam semper significare credamus. Nam et in vituperatione fermentum posuit Dominus, cum dicebat, *Cavete a fermento Phariseorum* (Matth. xvi, 11); et in laude, cum diceret, *Simile est regnum cælorum mulieri quæ abscondit fermentum in tribus mensuris farinæ, donec fermentaretur totum* (Luc. xiii, 21).

¹ Ann. Er. et MSS. septem, *tam impia et adultera*. Bad., *tam impia adultera*.

² Sic MSS.; editi vero, *in solo adulterio diceret*.

36. (a) Ilujus igitur varietatis observatio duas habet formas. Sic enim aliud atque aliud res quæque significant, ut aut contraria, aut tantummodo diversa significant. Contraria scilicet, cum alias in bono, alias in malo res eadem per similitudinem ponitur, sicut hoc est quod de fermento supra diximus. Tale est etiam quod leo significat Christum, ubi dicitur, *Vicit leo de tribu Juda* (Apoc. v, 5); significat et dia-bolum, ubi scriptum est, *Adversarius vester diabolus tanquam leo rugiens circuit, querens quem devoret* (I Petr. v, 8). Ita serpens in bono est, *Astuti ut serpentes* (Matth. x, 16); in malo autem, *Serpens Evans seduxit in astutia sua* (II Cor. xi, 3). In bono panis, *Ego sum panis vivus, qui de caelo descendit* (Joan. vi, 51); in malo, *Panes occulti libenter edite* (Prov. ix, 17): sic et alia plurima. Et hæc quidem quæ commemo-ravi, minime dubiam significationem gerunt, quia exempli gratia commemorari nonnisi manifesta debuerunt. Sunt autem quæ incertum sit in quam par-tem accipi debeant, sicut, *Calix in manu Domini vini meri plenus est mixto*. Incertum est enim utrum iram Dei significet non usque ad novissimam poenam, id est usque ad faciem; an potius gratiam Scripturarum a Judæis ad Gentes transeuntem, quia *inclinavit ex hoc in hoc*, remanentibus apud Judæos observationibus quas carnaliter sapiunt, quia *fax ejus non est exinanita* (Psal. LXXIV, 9). Cum vero res eadem non in contraria, sed tantum in diversa significatione ponitur, illud est in exemplum, quod aqua et populum si-gnificat, sicut in Apocalypsi legimus (Apoc. xvii, 15, et xix, 6); et Spiritum sanctum, unde est illud, *Flu-mina aquæ vivæ fluent de ventre ejus* (Joan. vii, 38); et si quid alind atque aliud, pro locis in quibus ponitur, aqua significare intelligitur.

37. Sic et aliae res non singulæ, sed unaquæque earum, non solum duo aliqua diversa, sed etiam non-nunquam multa significat, pro loco sententiae, sicut posita reperitur.

CAPUT XXVI. — Obscura ex locis apertioribus expli-canda.

Ubi autem apertius ponuntur, ibi discendum est quomodo in locis intelligentur obscuris. Neque enim melius potest intelligi quod dictum est Deo, *Apprehende arma et scutum, et exsurge in adjutorium mihi* (Psal. XXXIV, 2), quam ex illo loco ubi legitur, *Domi-ne, ut scuto bone voluntatis tue coronasti nos* (Psal. v, 15). Nec tamen ita ut jam ubicumque scutum pro aliquo munimento legerimus positum, non accipiamus nisi bonam voluntatem Dei: dictum est enim et *scutum fidei, in quo possitis*, inquit, *omnes sagittas malig-ni ignitas extinguere* (Ephes. vi, 16). Nec rursum ideo debemus in armis hujuscemodi spiritualibus scuto tantummodo fidem tribuere, cum alio loco etiam lorica dicta sit fidei: *Induū, inquit, loricam fidei et charitatis* (I Thess. v, 8).

(a) Reliquum hujus libri, totumque librum quartum adjectum Augustinus, quando hoc opus suo ordine recognovit, ex lib. 2 retract., cap. 4.

CAPUT XXVII. — Eundem locum varie intelligi nihil prohibet.

38. Quando autem ex eisdem Scripturæ verbis, non unum aliquid, sed duo vel plura sentiuntur, etiam si latet quid senserit ille qui scripsit, nibil periculi est, si quodlibet eorum congruere veritati ex aliis locis sanctorum Scripturarum doceri potest: id tamen eo conante qui divina scrutatur eloquia, ut ad volun-tatem perveniat auctoris, per quem Scripturam illam sanctus operatus est Spiritus; sive hoc assequatur, sive aliam sententiam de illis verbis, quæ sidei rectæ non refragatur, excusat, testimonium habens a quocumque alio loco divinorum eloquiorum. Ille quippe auctor in eisdem verbis quæ intelligere volu-nus, et ipsam sententiam forsitan vidit; et certe Dei Spiritus, qui per eum hæc operatus est, etiam ipsam occursum lectori vel auditori, sine dubitatione prævidit; imo ut occurreret, quia et ipsa est veritate subnixa, providit. Nam quid in divinis eloquiis largius et uberior potuit divinitus provideri, quam ut eadem verba pluribus intelligentur modis, quos alia non minus divina contestantia faciant approbari?

CAPUT XXVIII. — Locus incertus tutius per alios Scripturæ locos, quam per rationem manifestatur.

39. Ubi autem talis sensus eruitur, cuius incer-tum certis sanctorum Scripturarum testimoniosis non possit aperiri, restat ut ratione redditâ manifestus appareat, etiam si ille cuius verba intelligere querimus, eum forte non sensit. Sed hæc consuetudo peri-culosa est: per Scripturas enim divinas multo tutius ambulatur; quas verbis translatis opacatas cum seru-tari volumus, aut hoc inde exeat quod non habeat controversiam; aut, si habet, ex eadem Scriptura ubicumque inventis atque adhibitis testibus termi-netur.

CAPUT XXIX. — Troporum cognitio necessaria.

40. Sciant autem litterati, modis omnibus locutio-nis, quos grammatici græco nomine tropos vocant, auctores nostros usos fuisse, et multiplicius atque copiosius, quam possunt existimare vel credere qui nesciunt eos, et in aliis ista didicerunt. Quos tamen tropos qui neverunt, agnoscent in Litteris sanctis, eorumque scientia ad eas intelligendas aliquantum adjuvantur. Sed hic eos ignoraris tradere non decet, ne arte grammaticam docere videamur. Extra sane ut discantur admoneo, quamvis jam superius id ad-monuerim, id est, in secundo libro, ubi de linguarum necessaria cognitione disserui. Nam litteræ, a quibus ipsa grammatica nomen accepit, Γράμματα enim Græci litteras vocant, signa utique sunt sonorum ad articula-tam vocem qua loquimur pertinentium. Istorum autem troporum non solum exempla, sicut omnium, sed quorumdam etiam nomina in divinis Libris leguntur, sicut allegoria, ænigma, parabola. Quamvis penes omnes ii tropi, qui liberali dicuntur arte cognosci, etiam in eorum reperiantur loqueli, qui nullos gram-maticos audierunt, et eo quo vulgus utitur sermone contenti sunt. Quis enim non dicit, *Sic floreas?* qui tropus metaphora vocatur. Quis non dicit piscinam etiam

quæ non habet pisces, nec facta est propter pisces, et tamen a piscibus nomen accepit? qui tropus catachresis dicitur.

41. Longum est isto modo cæteros persequi: nam usque ad illos pervenit vulgi locutio, qui propterea mirabiliores sunt, quia contra quam dicitur significant, sicut est quæ appellatur ironia vel antiphasis. Sed ironia pronuntiatione indicat quid velit intelligi, ut cum dicimus homini mala facienti, Res bona facis: antiphasis vero ut contraria significet, non voce pronuntiantis efficitur, sed aut verba habet sua, quorum origo e contrario est, sicut appellatur lucis, quod minime luceat; aut consuevit aliquid ita dici, quamvis dicatur etiam non e contrario, veluti cum querimus accipere quod ibi non est, et respondetur nobis, Abundat; aut adjunctis verbis facimus ut a contrario intelligatur quod loquimur, veluti si dicamus, Cave illum, quia bonus homo est. Et quis talia non dicit indoctus, nec omnino sciens qui sint, vel quid vocentur hi tropi? Quorum cognitio propterea Scripturarum ambiguibus dissolvendis est necessaria, quia cum sensus, ad proprietatem verborum si accipiatur, absurdus est, quærendum est utique ne forte illo vel illo tropo dictum sit quod non intelligimus; et sic pleraque inventa sunt quæ latebant.

CAPUT XXX. — *Regulae Tichonii donatistaræ expenduntur.*

42. Tichonius quidam qui contra Donatistas invictissime scripsit, cum fuerit donatista, et illic inventar absurdissimi cordis, ubi eos non omni ex parte reliquere voluit, fecit librum quem Regularum vocavit (a), quia in eo quasdam septem regulas executus est, quibus quasi clavibus divinarum Scripturarum aperirentur occulta. Quarum primam ponit, De Domino et ejus corpore; secundam, De Domini corpore bipartito; tertiam, De promissis et Lege; quartam, De specie et genere; quintam, De temporibus; sextam, De recapitulatione; septimam, De diabolo et ejus corpore. Quæ quidem consideratæ, sicut ab illo aperiuntur, non parum adjuvant ad penetranda quætecta sunt divinorum eloquiorum: nec tamen omnia quæ ita scripta sunt ut non facile intelligantur, possunt his regulis inveniri, sed aliis modis pluribus, quos hoc numero septenario usque adeo non est iste complexus, ut idem ipse multa exponat obscura, in quibus harum regularum adhibet nullam, quoniam nec opus est. Neque enim aliquid illuc tale versatur aut quæritur, sicut in Apocalypsi Joannis quærit, quemadmodum intelligendi sint angeli Ecclesiarum septem, quibus scribere jubetur, et ratiocinatur multipliciter, et ad hoc pervenit ut ipsos angelos intelligamus Ecclesiæ (Apoc. 1, 20). In qua copiosissima disputatione nihil istarum est regularum, et utique res illuc obscurissima quæritur; quod exempli gratia satis dictum sit: nam colligere omnia, nimis longum et nimis operosum est, quæ ita obscura sunt in Scripturis canoniceis, ut nihil istarum septem ibi requirendum sit.

(a) Exstat in Bibliotheca Patrum, tom. 15, edit. Colon. an. 1622; et in Lugdun. an. 1677, tom. 6.

43. Iste autem cum has velut regulas commendaret, tantum eis tribuit, quasi omnia quæ in Lege, id est, in divinis Libris obscure posita invenerimus, his bene cognitis atque adhibitis intelligere valeamus. Ita quippe exorsus est eumdem librum ut diceret: *Necessarium duxi ante omnia, quæ mihi ridentur. libellum Regularum scribere, et secretorum Legis veluti claves et luminaria fabricare. Sunt enim quædam regulæ mysticæ, quæ universæ Legis recessus obtinent, et veritatis thesauros aliquibus invisibilis visibiles faciunt. Quarum si ratio regularum sine invidia, ut communicamus, accepta fuerit; clausa quæque patefient, et obscura dilucidabuntur; ut quis prophetæ immensam silvam perambulans, his regulis quodammodo lucis tramibis deductus ab errore defendatur.* Hic si dixisset, Sunt enim quædam regulæ mysticæ, quæ nonnullos Legis recessus obtinent, aut certe, quæ Legis magnos recessus obtinent; non autem quod ait, *universæ Legis recessus*: neque dixisset, *Clausa quæque patefient, sed, clausa multa patefient;* verum dixisset, nec tam elaborato atque utili operi suo plusquam res ipsa postulat dando, in speni falsam lectorem ejus cognitoremque misisset. Quod ideo dicendum putavi, ut liber ipse et legatur a studiosis, quia plurimum adjuvat ad Scripturas intelligendas, et non de illo speretur tantum quantum non habet. Cautè sane legendus est, non solum propter quædam in quibus ut homo erravit; sed maxime propter illa quæ sicut donatista hereticus loquitur. Quid autem doceant vel admoneant istæ septem regulæ, breviter ostendam.

CAPUT XXXI. — *Regula prima Tichonii.*

44. Prima de Domino et ejus corpore est; in quæscientes aliquando capit is et corporis, id est, Christi et Ecclesiæ unam personam nobis intimari (neque enim frustra dictum est fidelibus, *Ergo Abraham semetipsum [Galat. 3, 29]*, cum sit unum semen Abrahæ, quod est Christus), non haesitemus quando a capite ad corpus, vel a corpore transiit ad caput, et tamen non receditur ab una eademque persona. Una enim persona loquitur dicens, *sicut sponso imposuit mihi mitram, et sicut sponsam ornavit me ornamento* (*Isai. 61, 10*); et tamen quid horum duorum capiti, quid corpori, id est, quid Christo, quid Ecclesiæ conveniat, utique intelligendum est.

CAPUT XXXII. — *Regula secunda Tichonii.*

Secunda est de Domini corpore bipartito, quod quidem non ita debuit appellari; non enim revera Domini corpus est, quod cum illo non erit in æternum: sed dicendum fuit, De Domini corpore vero atque permixto, aut, vero atque simulato, vel quid aliud; quia non solum in æternum, verum etiam nunc hypocritæ non cum illo esse dicendi sunt, quamvis in ejus esse videantur Ecclesia. Unde poterat ista regula et sic appellari, ut diceretur de permixta Ecclesia. Quæ regula lectorem vigilantem requirit, quando Scriptura cum ad alios jam loquatur, tanquam ad eos ipsos ad quos loquebatur, videtur loqui; vel de ipsis, cum de aliis jam loquatur; tanquam uniuersus sit utrorumque corpus, propter temporalem commixtionem et communionem

Sacramentorum. Ad hoc pertinet in Canticis cantorum, *Fusca sum et speciosa ut tabernacula Cedar, ut pelles Salomonis* (*Cant. i. 5*). Non enim ait, Fusca sunt tabernacula Cedar, et speciosa sum ut pelles Salomonis; sed utrumque se esse dixit, propter temporalem unitatem intra una retia piscium bonorum et malorum (*Matth. xiii, 48*). Tabernacula enim Cedar ad Ismaelem pertinent, qui non erit haeres cum filio liberæ (*Gen. xxi, 10*; *Galat. iv, 30*). Itaque cum de bona parte Deus dicat, *Ducam cæcos in viam quam non noverunt, et semitas quas non noverunt calcabunt; et faciam illis tenebras in lucem, et prava in directum: hæc verba faciam, et non derelinquam eos*: mox de alia parte, quæ male permixta est, dicit, *Ipsi autem conversi sunt retro* (*Isai. xlII, 16, 17*), quanvis alii jam significantur his verbis. Sed quoniam nunc in uno sunt, tanquam de ipsis loquitur de quibus loquebatur: non tamen semper in uno erunt. Ipse est quippe ille servus commemoratus in Evangelio, cuius dominus cum venerit, dividet eum, et partem ejus cum hypocritis ponet (*Matth. xxiv, 51*).

CAPUT XXXIII. — Regula tertia Tichonii. Liber de Spiritu et Littera.

46. Tertia regula est de Promissis et Lege, quæ alio modo dici potest de spiritu et littera, sicut nos eam appellavimus, cum de hac re librum scriberemus (*a*). Potest etiam sic dici, de gratia et mandato. Hæc autem magis mihi videtur magna quæstio quam regula, quæ solvendis quæstionibus adhibenda est. Hæc est quam non intelligentes Pelagiani, vel considerunt suam haeresim, vel auxerunt. Laboravit in ea dissolvenda ¹ Tichonius bene, sed non plene. Disputans enim de fide et operibus, opera nobis dixit a Deo dari merito fidei; ipsam vero fidem sic esse a nobis, ut nobis non sit a Deo. Nec attendit Apostolum dicentem, *Pax fratribus et charitas cum fide a Deo Patre et Domino Iesu Christo* (*Ephes. vi, 23*). Sed non erat expertus hanc haeresim, quæ nostro tempore exorta, multum nos, ut gratiam Dei quæ per Dominum nostrum Jesum Christum est, adversus eam defendemus, exercuit; et secundum id quod ait Apostolus, *Oportet haereses esse, ut probati manifesti fiant in robis* (*I Cor. xi, 19*), inulto vigilantiores diligentioresque reddidit, ut adverteremus in Scripturis sanctis, quod istum Tichonium minus attentum, minusque sine hoste sollicitum fugit, etiam ipsam scilicet fidem donum illius esse qui ejus mensuram uniuersique partitur (*Rom. xii, 5*). Ex qua sententia quibusdam dictum est, *Vobis donatum est pro Christo, non solum ut in eum creditatis, verum etiam ut pro eo patiamini* (*Philipp. i, 29*). Unde quis dubitet utrumque esse Dei donum, qui si deliter atque intelligenter audit utrumque donatum? Plura sunt et alia testimonia quibus id ostenditur: sed hoc nunc non agimus; alibi autem atque alibi superissime ista egimus.

CAPUT XXXIV. — Regula quarta Tichonii.

47. Quarta Tichonii regula est de specie et genere.

¹ mss. novem, disserenda.

(a) Liber de spiritu et littera.

Sic enim eam vocat, volens intelligi speciem partem, genus autem totum, cuius ea pars est quam nuncupat speciem, sicut unaquæque civitas pars est utique universitatis gentium: hanc ille vocat speciem; genus autem omnes gentes. Neque hic ea discernendi ¹ subtilitas adhibenda est, quæ a dialecticis traditur qui, inter partem et speciem quid intersit acutissime disputant. Eadem ratio est, si non de unaquæque civitate, sed de unaquæque provincia vel gente vel regno tale aliiquid in divinis reperiatur eloquiis. Non solum enim, verbi gratia, de Jerusalem, vel de aliqua gentium civitate, sive Tyro, sive Babylon, sive alia qualibet dicitur aliiquid in Scripturis sanctis, quod modum ejus excedat, et conveniat potius omnibus gentibus: verum etiam de Judea, de Egypto, de Assyria, et quacumque alia gente, in qua sunt plurimæ civitates, non tamen totus orbis, sed pars ejus est, dicitur quod transeat ejus modum, et congruat potius universo, cuius hæc pars est; vel sicut iste appellat, generi, cuius hæc species est. Unde et in notitiâ vulgi verba ista venerunt, ut etiam idiotæ intelligent quid specia- liter, quid generaliter in quocumque præcepto imperiali sit constitutum. Fit hoc etiam de hominibus; sicut ea quæ de Salomonē dicuntur, excedunt ejus modum, et potius ad Christum vel Ecclesiam, cuius ille pars est, relata clarescant.

48. Nec species semper exceditur; sœpe enim talia dicuntur quæ vel ei quoque, vel ei fortasse tantummodo apertissime congruant: sed cum a specie transitur ad genus, quasi adhuc de specie loquente Scriptura, ibi vigilare debet lectoris intentio, ne querat in specie quod in genere potest melius et certius invenire. Facile quippe est illud quod ait propheta Ezechiel, *Domus Israel habitavit in terra, et polluerunt illam in via sua, et in idolis suis, et peccatis suis; secundum immunditiam menstruæ facta est via eorum ante faciem meam. Et effudi iram meam super eos, et dispersi illos inter nationes, et venitari eos in regiones; secundum rias eorum et secundum peccata eorum judicavi eos* (*Ezech. xxxvi, 17-19*): facile est, inquam, hoc intelligere de illa domo Israel, de qua dicit Apostolus, *Vide te Israel secundum carnem* (*I Cor. x, 18*); quia hæc omnia carnalis populus Israel et fecit, et passus est. Alia etiam quæ sequuntur, eidem intelliguntur populo convenire: sed cum cœperit dicere, *Et sanctificabo nomen meum sanctum illud magnum, quod pollutum est inter nationes, quod pol- luitis in medio carum; et scient gentes quia ego sum Dominus;* jam intentus debet esse, qui legit, quemadmodum species excedatur, et adjungatur genus. Sequitur enim et dicit: *Et dum sanctificabor in robis ante oculos corum, et accipiam vos de gentibus, et congregabo vos ex omnibus terris, et inducam vos in terram restram; et aspergam vos aqua munda, et mundabitini ab omnibus simulacris vestris, et mundabo vos: et dabo vobis cor norum, et Spiritum novum dabo in vos; et auferam cor lapideum de carne vestra, et dabo vobis cor carneum, et Spiritum meum dabo in vos: et faciam ut in justitiâ*

¹ mss. undecim, disserendi.

meis ambuletis, et iudicia mea custodiatis, et faciatis : et habitabit in terra, quam dedi patribus vestris; et eritis nigli in populum, et ego ero vobis in Deum; et mundabo vos ex omnibus immunditiis vestris (*Ezech. xxxvi, 23-29*). Hoc de Novo Testamento esse prophetatum, ad quod pertinet non solum una gens illa in reliquiis suis, ne quibus alibi scriptum est, *Si fuerit numerus filiorum Israel sicut arena maris, reliquiae salvae fient* (*Isai. x, 22*), verum etiam cæteræ gentes, quæ promissæ sunt patribus eorum, qui etiam nostri sunt; non ambigit quisquis intuetur et lavacrum regenerationis hic esse promissum, quod nunc videmus omnibus gentibus redditum: et illud quod ait Apostolus, cum Novi Testamenti gratiam commendaret, ut in comparatione Veteris emineret, *Epistola nostra vos estis, scripta non atramento, sed Spiritu Dei rivi; non in tabulis lapideis, sed in tabulis cordis carnalibus* (*II Cor. iii, 2, 3*), hinc esse respicit et perspicit ductum ubi iste propheta dicit, *Et dabo vobis cor novum, et Spiritum novum dabo in vos; et auferam cor lapidem de carne vestra, et dabo vobis cor carneum*. Cor quippe carneum, unde ait Apostolus, *tabulis cordis carnalibus*, a corde lapideo voluit vita sentiente discerni, et per vitam sentientem significavit intelligentem. Sic fit Israel spiritualis, non unius gentis, sed omnium quæ promissæ sunt patribus in eorum semine, quod est Christus.

49. Hic ergo Israel spiritualis ab illo Israele carnali, ni est unius gentis, novitate gracie, non nobilitate atriæ, et mente non gente distinguitur: sed altitudo prophetica dum de illo vel ad illum loquitur, latenter transit ad hunc; et cum jam de isto vel ad istum loquatur, adhuc de illo vel ad illum loqui videtur; non intellectum Scripturarum nobis quasi hostiliter inviens, sed exercens medicinaliter nostrum. Unde et illud quod ait, *Et inducam vos in terram restraint*; et aulo post, tanquam id ipsum repetens, *Et habitabit, inquit, in terra quam dedi patribus vestris;* omni carnaliter sicut carnis Israel, sed spiritualiter sicut spiritualis debemus accipere. Ecclesia quippe in macula et ruga (*Ephes. v, 27*) ex omnibus gentibus congregata, atque in æternum regnatura cum Christo, ipsa est terra beatorum, terra viventium (*Psalm. xxvi, 13*); ipsa intelligenda est patribus data, quando eis certa et incomparabili Dei voluntate promissa est: quoniam ipsa promissionis vel prædestinationis firmitate jam data est, quæ danda suo tempore a patribus credita est; sicut de ipsa gratia quæ sanctis datur, scribens ad Timotheum Apostolus ait, *Non secundum opera nostra, sed secundum suum proutum et gratiam, quæ data est nobis in Christo Iesu ante sæcula æterna, manifestata autem nunc per adventum Salvatoris nostri* (*II Tim. i, 9, 10*). Datam dixit gratiam, quando nec erant adhuc quibus daretur; quoniam in dispositione ac prædestinatione Dei jam factum erat quod suo tempore futurum erat, quod ipse dicit manu estatuum. Quamvis haec possint intelligi et de terra futuri sæculi, quando erit cœlum novum et terra nova (*Apoc. xxi, 1*), in qua injusti habitare non poterunt. Et ideo recte dicitur piis quod ipsa sit terra

eorum, quæ ultra ex parte non erit impiorum; quia et ipsa similiter data est, quando danda firmata est.

CAPUT XXXV. — *Regula quinta Tichonii.*

50. Quintam Tichonius regulam ponit, quam De temporibus appellat: qua regula plerumque inveniri vel conjici possit latens in Scripturis sanctis quantitas temporum. Duobus autem modis vigere dicit hanc regulam; aut tropo synecdoche, aut legitimis numeris. Tropus synecdoche, aut a parte totum, aut a toto partem facit intelligi: sicut unus evangelista post dies octo factum dicit, quod alias post dies sex, quando in monte discipulis tantum tribus præsentibus facies Domini fulsit ut sol, et vestimenta ejus sicut nix (*Luc. ix, 28; Matth. xvii, 1, 2; Marc. ix, 1, 2*). Utrumque enim verum esse non posset, quod de numero dierum dictum est, nisi ille qui dixit, *post dies octo*, intelligatur partem novissimam diei ex quo id Christus prædictum futurum, et partem primam diei quo id ostendit impletum, pro totis diebus duobus atque integris posuisse; is vero qui dixit, *post dies sex*, integros omnes et totos, sed solos medios computasse. Hoc modo locutionis, quo significatur a parte totum, etiam illa de resurrectione Christi solvit quæstio. Pars enim novissima diei quo passus est, nisi pro toto die accipiatur, id est, adjuncta etiam nocte præterita; et nox in cuius parte ultima resurrexit, nisi totus dies accipiatur, adjuncta scilicet die illucescente-dominico, non possunt esse tres dies et tres noctes, quibus se in corde terre prædictum futurum (*Matth. xii, 40*).

51. Legitimos autem numeros dicit, quos eminentius divina Scriptura commendat, sicut septenarium, vel denarium, vel duodenarium, et quicumque alii sunt, quos legendo studiosi libenter agnoscent. Plerumque enim hujusmodi numeri pro universo tempore ponuntur: sicut, *Sepies in die laudabote* (*Psalm. cxviii, 164*), nihil est aliud quam, *Semper laus ejus in ore meo* (*Psalm. xxxiii, 2*). Tantumdem valent et cum multiplieantur, sive per denarium, sicut septuaginta et septingenti; unde possunt et septuaginta anni Jeremie (*Jerem. xxv, 11*) pro universo tempore spiritualiter accipi, quo est apud alienos Ecclesia: sive per seipso, sicut decem per decem, centum sunt; et duodecim per duodecim, centum quadraginta quatuor; quo numero significatur universitas sanctorum in Apocalypsi (*Apoc. vii, 4*). Unde apparet non solas temporum quæstiones istis numeris esse solvendas, sed latius patere significationes eorum, et in multa prospere. Neque enim numerus iste in Apocalypsi ad tempora pertinet, sed ad homines.

CAPUT XXXVI. — *Regula sexta Tichonii.*

52. Sextam regulam Tichonius Recapitulationem vocat, in obscuritate Scripturarum satis vigilanter inventam. Sic enim dicuntur quædam quasi sequantur in ordine temporis, vel rerum continuatione narrantur, cum ad priora quæ prætermissa fuerant, latenter narratio revocetur: quod nisi ex hac regula intelligatur, erratur. Sicut in Genesi, *Et plantavit*, inquit, *Doninus Deus paradisum in Eden ad orientem, et posuit ibi hominem quem formavit; et produxit Deus adhuc de*

terra omne lignum speciosum, et bonum in escam; ita videtur dictum tanquam id factum sit posteaquam factum posuit Deus hominem in paradyso: cum breviter utroque commemorato, id est, quod plantavit Deus paradysum, et posuit ibi hominem quem formavit, recapitulando redeat et dicat quod prætermiserat, quomodo scilicet paradysus fuerit plantatus, quia produxit Deus adhuc de terra omne lignum speciosum et bonum in escam. Denique secutus adjunxit: Et lignum vitæ in medio paradysi, et lignum scientie boni et mali. Deinde flumen, quo paradysus irrigaretur, divisum in quatuor principia fluviorum quatuor, explicatur; quod totum pertinet ad institutionem paradysi. Quod ubi terminavit, repetivit illud quod jam dixerat, et revera hoc sequebatur, atque ait: Et sumpsit Dominus Deus hominem quem finxit, et posuit eum in paradyso (Gen. ii, 8, 9), etc. Post ista enim facta ibi est positus homo, sicut nunc ordo ipse demonstrat: non post hominem ibi positum facta sunt ista, sicut prius dictum putari potest, nisi recapitulatio illic vigilanter intelligatur, qua reditur ad ea quæ fuerant prætermissa.

53. Itemque in eodem libro, cum commemorarentur generationes filiorum Noe, dictum est: *Huius filii Cham in tribubus suis, secundum linguas suas in regionibus suis¹ et in gentibus suis.* Enumeratis quoque filiis Scm dicitur: *Huius filii Sem in tribubus suis, secundum linguas suas in regionibus suis et in gentibus suis.* Et annexitur de omnibus: *Hæc tribus filiorum Noe, secundum generationes eorum et secundum gentes eorum. Ab his dispersæ sunt insulæ gentium super terram post diluvium.* Et erat omnis terra labium unum, et vox una omnibus (Id. x, 20, 31, 32, et xi, 1). Hoc itaque quod adjunctum est, *Et erat omnis terra labium unum, et vox una omnibus,* id est, una lingua omnium, ita dictum videtur tanquam eo jam tempore, quo dispersi fuerant super terram etiam secundum insulas gentium, una fuerit omnibus lingua communis; quod procul dubio repugnat superioribus verbis, ubi dictum est, *In tribubus suis secundum linguas suas.* Neque enim dicerentur habuisse jam linguas suas singulæ tribus, quæ gentes singulas fecerant, quando erat omnibus una communis. Ac per hoc recapitulando adjunctum est, *Et erat omnis terra labium unum, et vox una omnibus,* latenter narratione redeunte, ut dicere tur quo modo factum sit, ut ex una omnium lingua fuerint divisi per multas: et continuo de illa turris ædificatione narratur, ubi hæc eis judicio divino ingesta est poena superbie; post quod factum dispersi sunt super terram secundum linguas suas.

54. Fit ista recapitulatio etiam obscurius: sicut in Evangelio Dominus dicit, *Die quo exiit Loth a Sodomis, pluit ignem de cælo, et perdidit omnes: secundum hæc erit dies Filii hominis, quo revelabitur. Illa hora, qui erit in tecto, et vasa ejus in domo, non descendat tollere illa; et qui in agro, similiter non revertatur retro: meminerit uxoris Loth (Luc. xvii, 29-32; Gen. xix, 26).* Numquid cum Dominus fuerit revelatus,

¹ MSS. quatuor, in generationibus. Cæteri codices, in regionibus; juxta versionem LXX, in tuis choros.

tunc sunt ista servanda, ne quisque retro respiciat, id est, vitam præteritam cui renuntiavit, inquirat; e' non potius isto tempore, ut cum Dominus fuerit revolutus, retributionem pro eis quæ quisque servavit vel contempsit, inveniat? Et tamen quia dictum est, *In illa hora, tunc putantur ista servanda, cum fuerit Dominus revelatus,* nisi ad intelligendam recapitulationem, sensus legentis invigilat, adjuvante alia Scriptura quæ ipsorum Apostolorum adhuc tempore clamat, *Filiæ, novissima hora est (I Joan. ii, 18).* Tempus ergo ipsum quo Evangelium prædicatur, quoque Dominus reveletur, hora est in qua oportet ista servari; quia et ipsa revelatio Domini ad eamdem horam pertinet, quæ die judicii terminabitur (Rom. ii, 5, et xiii, 11).

CAPUT XXXVII. — *Regula septima Tichonii.*

55. Septima Tichonii regula est, eademque postrema, De diabolo et ejus corpore. Est enim et ipse caput impiorum, qui sunt ejus quodammodo corpus, ituri cum illo in supplicium ignis æterni (Math. xxv, 41): sicut Christus caput est Ecclesiæ, quod est corpus ejus, futurum cum illo in regno et gloria sempiterna (Ephes. i, 22). Sicut ergo in prima regula, quam vocat de Domino et ejus corpore, vigilandum est ut intelligatur, cum de una eademque persona Scriptura loquitur, quid conveniat capiti, quid corpori; sic et in ista novissima, aliquando in diabolum dicitur quod non in ipso, sed potius in ejus corpore possit agnosciri, quod habet non solum in eis qui manifestissime foris sunt, sed in eis etiam qui cum ad ipsum pertineant, tamen ad tempus miscentur Ecclesiæ, donec unusquisque de hac vita exeat, vel a frumento palea ventilabro ultimo separetur (Luc. vii, 17). Quod enim scriptum est apud Isaiam, *Quomodo cecidit de cælo Lucifer mane oriens (Isai. xiv, 12), et cætera, quæ sub figura regis Babylonie de eadem persona, vel ad eamdem personam dicta sunt in ipsa contextione sermonis, de diabolo utique intelliguntur;* et tamen quod ibi dictum est, *Contritus est in terra, qui mittit ad omnes gentes,* non totum ipsi capiti congruit. Nam etsi mittit ad omnes gentes diabolus angelos suos, tamen in terra corpus ejus, non ipse, conteritur; nisi quia ipse est in corpore suo, quod contritum fit ut pulvis, quem proicit ventus a facie terræ (Psal. i, 4).

56. Hæc autem omnes regule, excepta una, quæ vocatur De promissis et Lege, aliud ex alio faciunt intelligi, quod est proprium tropicæ locutionis, quæ latius patet quam ut possit, ut mihi videtur, ab aliquo universa comprehendendi. Nam ubicumque velut aliud dicitur ut aliud intelligatur, etsi nomen ipsius tropi in loquendi arte non invenitur, tropica locutio est. Quæ cum fit ubi fieri solet, sine labore sequitur intellectus: cum vero ubi non solet, laboratur ut intelligatur, ab aliis magis, ab aliis minus, sicut magis minusve dona Dei sunt in ingenii hominum, vel adjutoria tribuantur. Proinde sicut in verbis propriis, de quibus superioris disputavimus, ubi res ut dicuntur intelligendæ sunt; sic in translatis quæ faciunt tropicas locutiones, ubi aliud ex alio intelligendum est, de quibus luc-

usque quantum visum est, satis egimus; non solum admonendi sunt studiosi venerabilium Litterarum, ut in Scripturis sanctis genera locutionum scient, et quomodo apud eas aliquid dici soleat, vigilanter advertant, memoriterque retineant; verum etiam, quod est præcipuum et maxime necessarium, orent ut intelligant. In eis quippe Litteris, quarum studiosi sunt,

legunt quoniam *Dominus dat sapientiam, et a facie ejus scientia et intellectus.* (*Prov. ii, 6*); a quo et ipsum studium, si pietate præditum est, acceperunt. Sed haec satis etiam de signis, quantum ad verba pertinet dicta sint. Restat ut de proferendis eis quæ sentimus, sequenti volumine, quæ Dominus donaverit, disseramus.

LIBER QUARTUS.

Hactenus de investigando Scriptura sensu, nunc demum agitur de disserendo. Et quidem rhetorice artis præcepta ad hujus libri institutum pertinere non vult Augustinus; sed tamen summa diligentia christiani oratoris partes persequitur: cui sacrarum Litterarum autores et doctores ecclesiasticos dicendi saientia, ino et eloquentia longe præstantissimos imitandos proponit, ex eorum scriptis elocutionis exempla in vario dicendi generc subjiciens. Postremo ipsum ecclesiasten hortatur, ut in primis orationi det operam; et quod verbis docet alios, id omnino vita et moribus præstet.



CAPUT PRIMUM. — Rhetorice præcepta tradere non est hujus instituti.

1. Hoc opus nostrum quod inscribitur de Doctrina Christiana, in duo quædam fueram prima distributione partitus. Nam post proœmium, quo respondi eis qui hoc fuerant reprehensuri: *Duae sunt res, inquam, quibus nascitur omnis tractatio Scripturarum; modus inventiendi quæ intelligenda sunt, et modus proferendi quæ intellecta sunt.* De inveniendo prius, de proferendo postea disseremus. Quia ergo de inveniendo multa jam diximus, et tria de hac una parte volumina absolvimus, Domino adjuvante, de proferendo pauca dicemus; ut, si fieri potuerit, uno libro cuncta claudamus, totumque hoc opus quatuor voluminibus terminetur.

2. Primo itaque expectationem legentium, qui forte me putant rhetorica daturum esse præcepta quæ in scholis sacerularibus et didici et docui, ista prælocutione cohibeo, atque ut a me non exspectentur, admoneo: non quod nihil habeant utilitatis; sed quod, si quid habent, seorsum discendum est, si cui fortassis bono viro etiam hæc vacat discere, non autem a me vel in hoc opere, vel in aliquo alio requirendum.

CAPUT II. — Rhetorica facultate christianum doctorem uti convenit.

3. Nam cum per artem rhetorican et vera suadeantur et falsa, quis audeat dicere, adversus mendacium in defensoribus suis inermem debere consistere veritatem, ut videlicet illi qui res falsas persuadere conantur, noverint auditorem vel benevolum, vel intentum, vel docilem proœmio facere; isti autem non noverint? illi falsa breviter, aperte, verisimiliter; et isti vera sic narrent, ut audire tñdeat, intelligere non pateat, credere postremo non libeat? illi fallacibus argumentis veritatem oppugnant, asserant falsitatem; isti nec vera defendere, nec falsa valcent refutare? illi animos audientium in errorem moventes impellentesque dicendo terreat, contristent, exhibarent, exhortentur ardenter; isti pro veritate, lenti frigidique dormitent? Quis ita desipiat, ut hoc sapiat? Cum ergo sit in medio posita facultas eloquii, quæ ad persuadenda seu prava seu recta valet plurimum; cur non

bonorum studio comparatur, ut militet veritati, si eam mali ad obtinendas perversas vanasque causas in usus iniquitatis et erroris usurpant?

CAPUT III. — Rhetorice præcepta qua ætate, quave ratione disci possunt.

4. Sed quæcumque sunt de hac re observationes atque præcepta, quibus cum accedit in verbis plurimis ornamentisque verborum exercitatoris lingue soler-tissima consuetudo, sit illa quæ facundia vel eloquentia nominatur; extra istas litteras nostras, seposito ad hoc congruo temporis spatio, apta et convenienti ætate discenda sunt eis qui hoc celeriter possunt. Nam et ipsos Romanæ principes eloquentiae non piguit dicere quod hanc artem nisi quis cito possit, nunquam omnino possit perdiscre (Cicero, *de Oratore*). Quod utrum verum sit, quid opus est querere? Non enim, etiam si possint hæc a tardioribus tandem aliquando perdisci, nos ea tanti pendimus, ut eis discendis jam maturas vel etiam graves hominum ætates velimus impendi. Satis est ut adolescentolorum ista sit cura; nec ipsorum omnium quos utilitati ecclesiastice cupimus erudiri, sed eorum quos nondum magis urgens, et huic rei sine dubio præponenda necessitas occupavit. Quoniam si acutum et servens adsit ingenium, facilius adhæret eloquentia legentibus et audientibus eloquentes, quam eloquentiae præcepta sectantibus. Nec desunt ecclesiastice litteræ, etiam præter canonem in auctoritatis arce salubriter collatum, quas legendo homo capax, etsi id non agat, sed tantummodo rebus quæ ibi dicuntur intentus sit, etiam eloquio quo dicuntur, dum in his versatur, imbibitur; accidente vel maxime exercitatione sive scribendi, sive dictandi, postremo etiam dicendi, quæ secundum pietatis ac fidei regulam sentit. Si autem tale desit ingenium, nec illa rhetorica præcepta capiuntur; nec, si magno labore inculcata quantulacumque ex parte capiantur, aliquid prosunt. Quandoquidem etiam ipsi qui ea dicuntur, et copiose ornatae dicunt, non omnes ut secundum ipsa dicant, possunt ea cogitare cum dicunt, si non de his disputant: ino vero vix ullos eorum esse existim, qui utrumque possint, et dicere bene, et ad hoc faciendum præcepta illa dicendi cogitare cum dicunt. Cavendum est enim ne fugiant ex animo quæ dicenda sunt, dum attenditur

ut arte dicantur. Et tamen in sermonibus atque dicti-
nibus eloquentium, impleta reperiuntur præcepta elo-
quentiae, de quibus illi ut eloquerentur, vel cum elo-
querentur, non cogitaverunt, sive illa didicissent,
sive ne attigissent quidem. Implet quippe illa, quia
eloquentes sunt; non adhibent, ut sint eloquentes.

5. Quapropter, cum ex infantibus loquentes non
flant, nisi locutiones discendo loquentium; cur elo-
quentes fieri non possint, nulla eloquendi arte tradita,
sed elocutiones eloquentium legendo et audiendo, et
quantum assequi conceditur, imitando? Quid, quod ita
fieri ipsis quoque experiri exemplis? Nam sine præ-
ceptis rhetorici novimus plurimos eloquentiores plu-
rimis qui illa didicerunt; sine lectis vero et auditis
eloquentium disputationibus vel dictionibus, nemini-
nem. Nam neque ipsa arte grammatica, qua discitur
locutionis integritas, indigerent pueri, si eis inter ho-
mines, qui integre loquerentur, crescere daretur et
vivere. Nescientes quippe illa nomina vitiiorum, quid-
quid vitiosum cuiusquam ore loquentis audirent, sana
sua consuetudine reprehenderent et caverent; sic-
ut rusticos urbani reprehendunt, etiam qui litteras
nesciunt.

CAPUT IV. — *Officium doctoris christiani.*

6. Debet igitur divinarum Scripturarum tractator et
doctor, defensor recte fidei ac debellator erroris, et
bona docere, et mala dedocere; atque in hoc opere
sermonis conciliare adversos¹, remissos erigere,
nescientibus quid agatur, quid exspectare debeant in-
timare. Ubi autem benevolos, intentos, dociles aut
invenerit, aut ipse fecerit, cætera peragenda sunt, sic
ut postulat causa. Si docendi sunt qui audiunt, nar-
ratione faciendum est, si tamen indigeant, ut res de
qua agitur innotescat. Ut autem quæ dubia sunt certa
llant, documentis adhibitis ratiocinandum est. Si vero
qui audiunt movendi sunt potius quam docendi, ut in
eo quod jam sciunt, agendo non torpeant, et rebus
assensum, quas veras esse fatentur, accommodent,
majoribus dicendi viribus opus est. Ibi obsecrations
et increpationes, concitationes et coercitiones, et quæ-
cumque alia valent ad commovendos animos, sunt
necessaria.

7. Et hæc quidem cuncta quæ dixi, omnes sere ho-
mines in iis quæ eloquendo agunt², facere non quie-
scunt:

CAPUT V. — *Interest magis ut sapienter dicat chris- tianus orator, quam ut eloquenter. Unde consequi id valeat.*

Sed cum alii faciant obtuse, deformiter, frigide;
alii acute, ornate, vehementer; illum ad hoc opus
unde agimus, jam oportet accedere, qui potest disputare
vel dicere sapienter, etiamsi non potest eloquenter,
ut pro sit audientibus, etiamsi minus quam prodesse,
si et eloquenter posset dicere. Qui vero afflit insipienti eloquentia, tanto magis cavendus est, quanto
magis ab eo in iis quæ audire inutile est, delectatur
auditor, et eum quoniam diserte dicere audit, etiam

vere dicere existimat. Hæc autem sententia nec illos
fugit, qui artem rhetoricam docendam putarunt: fassi
sunt enim sapientiam sine eloquentia parum prodesse
civitatibus³; eloquentiam vero sine sapientia nimium
obesse plerumque, prodesse nunquam (*Cicero, lib. 1
de Inventione*). Si ergo hoc illi qui præcepta eloquentiae
tradiderunt, in eisdem libris in quibus id egerunt,
veritate instigante coacti sunt confiteri, veram, hoc
est, supernam quæ a Patre luminum descendit, sa-
pientiam nescientes; quanto magis nos non aliud sen-
tire debemus, qui hujus sapientiæ filii et ministri su-
mus? Sapienter autem dicit homo tanto magis vel
minus, quanto in Scripturis sanctis magis minusve
prosecit. Non dico in eis multum legendis memorie-
que mandandis, sed bene intelligendis, et diligenter
earum sensibus indagandis. Sunt enim qui eas legunt,
et negligunt; legunt ut teneant, negligunt ne intelligant.
Quibus longe sine dubio præferendi sunt qui
verba earum minus tenent, et cor earum sui cordis
oculis vident. Sed utrisque ille melior, qui et cum
volet eas dicit, et sicut oportet intelligit.

8. Huic ergo qui sapienter debet dicere, etiam quod
non potest eloquenter, verba Scripturarum tenere
maxime necessarium est. Quanto enim se pauperio-
rem cernit in suis, tanto enim oportet in istis esse di-
tiorem; ut quod dixerit suis verbis, probet ex illis;
et qui propriis verbis minor erat, magnorum⁴ testi-
monio quodammodo crescat. Probando enim delectat,
qui minus potest delectare dicendo. Porro qui non
solum sapienter, verum etiam eloquenter vult dicere,
quoniam profecto plus proderit, si utrumque potuerit;
ad legendos vel audiendos et exercitatione imitandos
eloquentes eum mitto libentius, quam magistris artis
rhetoricae vacare præcipio: si tamen ii qui leguntur
et audiuntur, non solum eloquenter, sed etiam sa-
pienter dixisse vel dicere veraci prædicatione laudan-
tur. Qui enim eloquenter dicunt, suaviter; qui sa-
pienter, salubriter audiuntur. Propter quod non ait
Scriptura, *Multitudo eloquentium*; sed, *Multitudo sa-
pientium sanitas est orbis terrarum* (*Sap. vi, 26*). Sicut
autem saepe sumenda sunt et amara salubria, ita
semper vita est perniciosa dulcedo. Sed salubri
suavitate, vel suavi salubritate quid melius? Quanto
enim magis illie appetitur suavitas, tanto facilius sa-
lubritas prodest. Sunt ergo ecclesiastici viri qui divina
eloquia non solum sapienter, sed eloquenter etiam
tractaverunt: quibus legendis magis non sufficit tem-
pus, quam deesse ipsi studentibus et vacantibus
possunt.

CAPUT VI. *Sapientia juncta cum eloquentia in sacris auctoribus.*

9. Hic aliquis forsitan querit utrum auctores nostri,
quorum scripta divinitus inspirata canonem nobis sa-
luberrima auctoritate fecerunt, sapientes tantummodo,
an eloquentes etiam nuncupandi sint. Quæ
quidem quæstio apud meipsum, et apud eos qui me-
cum quod dico sentiunt, facillime solvitur. Nam

¹ *Bad. Ann. Fr. et septem MSS., adversos.*

² *Duo MSS., quæ loquendo argunt.*

³ *Lov., civibus. Alii editi et MSS., civitatibus.*

⁴ *MSS. duo e Vatic., majorum.*

ubi eos intelligo, non solum nihil eis sapientius, verum etiam nihil eloquentius mihi videri potest. Et audeo dicere, omnes qui recte intelligent quod illi loquuntur, simul intelligere non eos aliter loqui debuisse. Sicut est enim quædam eloquentia quæ magis aitatem juvenilem decet, est quæ senilem; nec iam dicenda est eloquentia, si personæ non congruat eloquentis: ita est quædam, quæ viros summa auctoritate dignissimos planeque divinos decet. Ilac illi locuti sunt, nec ipsos decet alia, nec alios ipsa: ipsis enim congruit; alios autem, quanto videtur humilior, tanto altius non ventositate, sed soliditate transcendent. Ubi vero non eos intelligo, minus quidem mihi appetet eorum eloquentia, sed eam tamen non dubito esse tamem, qualis est ubi intelligo. Ipsa quoque obscuritas divinorum salubriumque dictorum tali eloquentiae miscenda fuerat, in qua proscire noster intellectus, non solum inventione, verum etiam exercitatione deberet.

10. Possem quidem, si vacaret, omnes virtutes et ornamenta eloquentiae, de quibus inflantur isti qui linguam suam nostrorum auctorum linguae, non magnitudine, sed tumore præponunt, ostendere in istorum Litteris sacris, quos nobis erudiendis, et ab hoc saeculo pravo in beatum saeculum transferendis, providentia divina providit. Sed non ipsa me plus quam dici potest in illa eloquentia delectant, quæ sunt his viris cum oratoribus Gentilium poetis communia: illud magis admiror et stupeo, quod ista nostra eloquentia ita usi sunt per alteram quædam eloquentiam suam, ut nec decesset eis, nec emineret in eis: quia eam nec improbari ab illis, nec ostentari oportebat; quorum alterum sicut, si vilaretur; alterum putari posset, si facile agnosceretur. Et in quibus forte locis agnoscitur a doctis, tales res dicuntur, ut verba quibus dicuntur, non a dicente adhibita, sed ipsis rebus velut sponte subjuncta videantur: quasi sapientiam de domo sua, id est, pectore sapientis procedere intelligas, et tanquam inseparabilem famulam etiam non vocatam sequi eloquentiam.

CAPUT VII. — *Pulchre docet, adductis exemplis, in sacris Litteris inesse germanam eloquentiam, quæ sapientiae adhæret velut inseparabilis comes. Exempla ponuntur ex Epistolis Pauli, et ex Amos propheta. Exemplum aliud sanæ eloquentiae ex Amos 6, 1.*

11. Quis enim non videat quid voluerit dicere, et quam sapienter dixerit Apostolus: Gloriamur in tribulationibus, scientes quia tribulatio patientiam operatur, patientia autem probationem, probatio vero spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis (Rom. v, 3-5)? Hic si quis, ut ita dixerit, imperite peritus, artis eloquentiae præcepta Apostolum secutum fuisse contendat, nonne a Christianis doctis indoctisque ridebitur? Et tamen agnoscitur hic figura, quæ κλίμαξ græce, latine vero a quibusdam est appellata gradatio, quoniam scalain dicere noluerunt, cum verba vel sensa connectuntur alterum ex altero; sicut hic, ex tribulatione patientiam, ex patientia proba-

tionem, ex probatione spem connexam videmus. Agnoscitur et aliud decus, quoniam post aliqua pronuntiationis voce singula finita, quæ nostri membra et cæsa, Græci autem κῶνες et κόμματα vocant, sequitur ambitus sive circuitus, quem περιόδος illi appellant, cujus membra suspenduntur voce dicentis, donec ultimo flaniatur. Nam eorum quæ præcedunt circuitum, membrum illud est primum, quoniam tribulatio patientiam operatur; secundum, patientia autem probationem; tertium, probatio vero spem. Deinde subjungitur ipse circuitus, qui tribus peragitur membris, quorum primum est, spes autem non confundit; secundum, quia charitas Dei diffusa est in cordibus nostris; tertium, per Spiritum sanctum qui datus est nobis. At hæc atque hujuscemodi in elocutionis arte traduntur. Sicut ergo Apostolum præcepta eloquentiae seculum suis non dicimus, ita quod ejus sapientiam secuta sit eloquentia, non negamus.

12. Scribens ad Corinthios, in secunda Epistola redarguit quosdam, qui erant ex Judæis pseudoapostoli, eique detrahebant: et quoniam seipsum prædicare compellitur, hanc sibi velut insipientiam tribuens, quam sapienter dicit, quamque eloquenter? sed comes sapientiae, dux eloquentiae; illam sequens, istam præcedens et sequentem non respuens. Iterum dico, inquit, ne quis me existimet insipientem esse; alioquin velut insipientem suscipite me, ut et ego modicum quid glorier. Quod loquor, non loquor secundum Deum, sed quasi in stultitia, in hac substantia gloriæ. Quoniam quidem multi gloriabantur secundum carnem, et ego gloriabor. Libenter enim sustinetis insipientes, cum sitis ipsi sapientes. Toleratis enim si quis vos in servitatem redigit, si quis derorat, si quis accipit, si quis extollitur, si quis in faciem vos cædit. Secundum ignobilitatem dico, quasi nos infirmati simus. In quo autem quis audet (in insipientia dico), audeo et ego. Hebrai sunt? et ego. Israelitæ sunt? et ego. Semen Abrahæ sunt? et ego. Ministri Christi sunt? (insipientia dico) super ego¹. In laboribus plurimum, in carceribus abundantius, in plagiis supra modum, in mortibus sæpius. A Judæis quinques, quadraginta una minus accepi. Ter virgis cæsus sum, semel lapidatus sum, ter naufragium feci: nocte et die in profundo maris sui; in itineribus sæpe, periculis fluminum, periculis latronum, periculis ex genere, periculis ex genitibus, periculis in civitate, periculis in deserto, periculis in mari, periculis in falsis fratribus: in labore et arerunna, in vigiliis sæpius, in fame et siti, in jejuniis sæpius, in frigore et nuditate: præter illa quæ extrinsecus sunt, incursus in me quotidianus, sollicitudo omnium Ecclesiarum. Quis infirmatur, et ego non infirmor? quis scandalizatur, et ego non uror? Si gloriari oportet, in iis quæ infirmitatis meæ sunt, gloriabor (1 Cor. xi, 16-30). Quanta sapientia ista sint dicta vigilantes vident. Quanto vero etiam eloquentiae concurrerint flumine, et qui stertit advertit.

13. Porro autem qui novit, agnoscit quod ea cæsa

¹ MSS. duo, plus ego. At alii omnes cum editis, super ego. Græce, *huper egō*. ubi interpres verba magis reddidit quam sententiam.

quæ *κόμματα* Græci vocant, et membra, et circuitus, de quibus paulo ante disserui, cum decentissima varietate interponerentur, totam istam speciem dictio- nis, et quasi ejus vultum, quo etiam indocti delectan- tur moventurque, fecerunt. Nam unde cœpimus hunc locum inserere, circuitus sunt : primus minimus, hoc est bimembris ; minus enim quam duo membra circuitus habere non possunt, plura vero possunt : ergo ille primus est, *Iterum dico, ne quis me existimet insipientem esse.* Sequitur alius trimembris, *Alioquin velut insipientem suscipe me, ut et ego modicum quid glorier.* Tertius qui sequitur membra habet quatuor, *Quod loquor, non loquor secundum Deum, sed quasi in stulti- tia, in hac substantia gloria.* Quartus duo habet, *Quandoquidem multi gloriabantur secundum carnem, et ego gloriabor.* Et quintus habet duo, *Libenter enim sustine- tis insipientes, cum sitis ipsi sapientes.* Etiam sextus bimembris est, *Toleratis enim, si quis vos in servitatem redigit.* Sequuntur tria cæsa, *Si quis devorat, si quis accipit, si quis extollitur.* Deinde tria membra, *Si quis in faciem vos cædi, secundum ignobilitatem dico, quasi nos infirmati simus.* Additur trimembris circuitus, *In quo autem quis audet (in insipientia dico), audeo et ego.* Hinc jam singulis quibusque cæsis interrogando positi, singula itidem cæsa responsione redduntur, tria tribus, *Hebræi sunt? et ego. Israelitæ sunt? et ego. Se- men Abrahæ sunt? et ego.* Quarto autem cæso simili interrogatione posito, non alterius cæsi, sed membra oppositione respondet, *Ministri Christi sunt? (insipientis dico) super ego.* Jam cæsa quatuor sequentia, remota decentissime interrogatione funduntur, *In laboribus plurimum, in carceribus abundantius, in plagiis supra modum, in mortibus sæpius.* Deinde interponitur brevis circuitus, quoniam suspensa pronuntiatione distingendum est¹, *A Judæis quinques, ut hoc sit unum membrum, cui connectitur alterum, quadraginta una minus accepi.* Inde redditur ad cæsa, et ponuntur tria, *Ter virgis cæsus sum, semel lapidatus sum, ter naufragium feci.* Sequitur membrum : *Nocte ac die in pro- fundo maris sui.* Deinde quatuordecim cæsa decentissimo impetu proflunni, *In itineribus sæpe, periculis flu- minum, periculis latronum, periculis ex genere, periculis ex gentibus, periculis in civitate, periculis in deserto, periculis in mari, periculis in falsis fratribus : in labore et ærumnâ, in vigiliis sæpius, in fame et siti, in jejuniis sæpius, in frigore et nuditate.* Post hæc interponit trimembrem circuitum, *Præter illa quæ extrinsecus sunt, incursus in me quotidianus, sollicitudo omnium Ecclesiarum.* Et huic duo membra percontatione subjungit, *Quis infirmatur, et ego non infirmor? quis scandalizatur, et ego non uror?* Postremo totus iste quasi anhelans locus, bimembri circuitu terminatur, *Si gloriari oportet, in iis quæ infirmitatis meæ sunt gloriabor.* Quod vero post hunc impetum interposita narratiuncula quodammodo requiescit, et requiescere facit auditorem, quid decoris, quid delectationis habeat, satis dici non potest. Sequitur enim dicens : *Deus et Pater Domini*

¹ MSS. quatuor, qui suspensa pronuntiatione di-tingen- dus est.

nostri Jesu Christi scit, qui est benedictus in secula, quod non mentior (II Cor. xi, 31). Ac deinde quomodo periclitatus fuerit, et quomodo evaserit, brevissime narrat.

14. Longum est cætera persequi, vel in aliis sanctarum Scripturarum locis ista monstrare. Quid, si etiam figuræ locutionis quæ illa arte traduntur, in iis saltem quæ de Apostoli eloquio commemoravi, ostendere voluissem? nonne facilius graves homines me nimis, quam quisquam studiosorum sibi sufficientem putarent? Hæc omnia quando a magistris docentur, pro magnō habentur, magnō emuntur pretio, magna jactatione venduntur. Quam jactationem etiam ego redolere vereor, dum ista sic dissero. Sed male doctis hominibus respondendum fuit, qui nostros auctores contemnebudos putant, non quia non habent, sed quia non ostentant, quam nimis isti diligunt, eloquentiam.

15. Sed forte quis putat, tanquam eloquentem nostrum elegisse me apostolum Paulum. Videlur enim ubi ait, *Etsi imperitus sermone, sed non scientia (Ibid., 6),* quasi concedendo obtrectatoribus sic locutus, non tanquam id verum agnosceret, confitendo. Si autem dixisset, *Imperitus quidem sermone, sed non scientia*¹, nullo modo aliud posset intelligi. Scientiam plane non cunctatus est profiteri, sine qua esse doctor Gentium non valeret. Certe si quid ejus proferimus ad exemplum eloquentiæ, ex illis Epistolis utique proferimus, quas etiam ipsi obtrectatores ejus, qui sermonem præsentis contemptibilem putari volebant, graves et fortes esse confessi sunt (*Ibid. x, 10*). Dicendum ergo mihi aliiquid esse video et de eloquentia Prophetarum, ubi per tropologiam multa obteguntur. Quæ quanto magis translati verbis videntur operiri, tanto magis cum fuerint aperta dulcescunt. Sed hoc loco tale aliiquid commemorare debeo, ubi quæ dicta sunt non cogar exponere, sed commendem tantum quomodo dicta sint. Et ex illius prophetæ libro potissimum hoc faciam, qui se pastorem vel armentarium suisse dicit, atque inde divinitus ablatum atque missum, ut Dei populo prophetaret (*Amos vii, 14, 15*). Non autem secundum Septuaginta interpretes, qui etiam ipsi divino Spiritu interpretati, ob hoc alter videntur nonnulla dixisse, ut ad spiritualem sensum scrutandum magis admoneretur lectoris intentio; unde etiam obscuriora nonnulla, quia magis tropica, sunt eorum : sed sicut ex hebreo in latinum eloquium, presbytero Hieronymo utriusque linguae perito interpretante, translata sunt.

16. Cum igitur argueret impios, superbos, luxuriosos, et fratnæ ideo negligentissimos charitatis, rusticus vel ex rustico iste propheta exclamavit, dicens : *Væ qui opulentis estis in Sion, et confiditis in monte Samariae, optimates capita populorum, ingredien- tes pompatice domum Israel! Transite in Chalanne, et videte, et ite inde in Emath magnam, et descendite in Geth Palæstinorum, et ad optima quæque regna horum, si latior terminus eorum termino vestro est. Qui sepa-*

¹ Sic Rad. Am. Er. et MSS. At Lov., et non addidisset, sed non scientia.

rati estis in diem malum, et appropinquatis solo iniqutatis. Qui dormitis in lectis eburneis, et lascivitis in stratis vestris : qui comeditis agnum de grege, et vitulos de medio armenti : qui canitis ad vocem Psalterii. Sicut David putaverunt se habere vasa cantici, bibentes in phialis vinum, et optimo unguento delibuti : et nihil patiebantur super contritione Joseph (Amos vi, 16). Numquidnam isti, qui Prophetas nostros tanquam ineruditus et elocutionis ignaros veluti docti disertique contemnunt, si aliquid eis tale vel in tales dicendum fuisse, aliter se voluissent dicere, qui tamen eorum insanire nolissent?

17. Quid enim est quod isto eloquio aures sobrie plus desiderent? Primo ipsa invectio, quasi opotis sensibus ut evigilarent, quo fremitu illisa est? *Vae qui opulentis estis in Sion, et confiditis in monte Samariae, optimates capita popularum, ingredientes pompatice domum Israel!* Deinde ut beneficis Dei, qui eis ampla spatia regni dedit, ostendat ingratos, quoniam considerabant in monte Samariae, ubi utique idola colebantur, *Transite, inquit, in Chalanne, et videite, et ite inde in Emath magnam, et descendite in Geth Palæstinorum, et ad optima queaque regna horum, si latior terminus eorum termino vestro est.* Simil etiam cum ista dicuntur, locorum nominibus tanquam lumenibus ornatur eloquium, que sunt Sion, Samaria, Chalanne, Emath magna, et Geth Palæstinorum. Deinde verba quæ his adjunguntur locis, decentissime variantur: *Opulentis estis, confiditis, transite, ite, descendite.*

18. Consequenter denontiatur futura sub iniquo rege appropinquare captivitas, cum adjungitur, *Qui separati estis in diem malum, et appropinquatis solo iniqutatis.* Tunc subjiciuntur merita luxuriae, *Qui dormitis in lectis eburneis, et lascivitis in stratis vestris : qui comeditis agnum de grege, et vitulos de medio armenti.* Ista sex membra tres bimembres circuitus ediderunt. Non enim ait, *Qui separati estis in diem malum, qui appropinquatis solo iniqutatis, qui dormitis in lectis eburneis, qui lascivitis in stratis vestris, qui comeditis agnum de grege, et vitulos de medio armenti;* si ita dicereatur, esset quidem et hoc pulchruin, ut ab uno pronomine repetito singula sex membra decurrent, et pronuntiantis voce singula finirentur: sed pulchrius factum est, ut eidem pronomini essent bina subnexa, quæ tres sententias explicarent; unam ad captivitatis prænuntiationem, *Qui separati estis in diem malum, et appropinquatis solo iniqutatis;* alteram ad libidinem, *Qui dormitis in lectis eburneis, et lascivitis in stratis vestris;* ad voracitatem vero tertiam pertinente, *Qui comeditis agnum de grege, et vitulos de medio armenti:* ut in potestate sit pronuntiantis, utrum singula finiat, et membra sint sex, an primum et tertium et quintum voce suspendat, et secundum priuino, quartum tertio, sextum quinto connectendo, tres bimembres circuitus decentissime faciat; unum quo calamitas imminens, alterum quo lectus impurus, tertium quo prodiga mensa monstretur.

19. Deinde luxuriosam remordet aurium voluptatem. Ubi cum dixisset, *Qui canitis ad vocem psalterii,*

quoniam potest exerceri sapienter a sapientibus musica, mirabili decore dicendi, invectionis impetu relaxato, et non ad illos, sed de illis jam loquens, ut nos musicam sapientis a musica luxuriantis distinguere commoneret, non ait, *Qui canitis ad vocem psalterii,* et sicut David putatis vos habere vasa cantici: sed cum illud ad illos dixisset, quod luxuriosi audire deberent, *Qui canitis ad vocem psalterii, imperitiam quoque eorum aliis quodammodo indicavit, adjungens, Sic ut David putaverunt se habere vasa cantici, bibentes in phialis vinum, et optimo unguento delibuti.* Tria haec melius pronuntiantur, si suspensia duobus prioribus membris circuitus, tertio finiantur.

20. Jam vero quod his omnibus adjicitur, *Et nihil patiebantur super contritione Joseph,* sive continuatim dicatur ut unum sit membrum, sive decentius suspendatur, et nihil patiebantur, et post hanc distinctionem inferatur, *super contritione Joseph,* atque sit binembris circuitus; miro decore non dictum est, Nihil patiebantur super contritione fratris, sed positus est pro fratre, *Joseph,* ut quicumque frater proprio significaretur ejus nomine, cuius ex fratribus fama præclara est, vel in malis quæ pendit, vel in bonis quæ rependit. Iste certe tropus ubi Joseph quemcumque fratrem facit intelligi, nescio utrum illa quam dicimus et docuimus, arte tradatur. Quam sit tamen pulcher, et quemadmodum afficiat legentes atque intelligentes, non opus est cuiquam dici, si ipse non sentit.

21. Et plura quidem, quæ pertinent ad præcepta eloquentiae, in hoc ipso loco, quem pro exemplo possumus, possunt reperiri. Sed bonum auditorem, non tam si diligenter discutiatur, instruit, quam si ardenter pronuntietur, accedit. Neque enim haec humana industria composita, sed divina mente sunt fusa et sapienter et eloquenter; non intenta in eloquentiam sapientia, sed a sapientia non recedente eloquentia. Si enim, sicut quidam disertissimi atque acutissimi viri videre ac dicere potuerunt, ea quæ velut oratoria arte discuntur, non observarentur et notarentur, et in hanc doctrinam non redigerentur, nisi prius in oratorum invenirentur ingenii; quid mirum si et in istis inventiuntur, quos ille misit qui facit ingenia? Quapropter et eloquentes quidem, non solum sapientes, canonicos nostros auctores doctoresque fateamur, tali eloquentia¹, qualis personis ejusmodi congrubat.

CAPUT VIII. — Obscuritas sacrorum auctorum licet eloquens, non imitanda a doctoribus christianis.

22. Sed nos etsi de litteris eorum, quæ sine difficultate intelliguntur nonnulla sumimus elocutionis exempla; nequaquam tamen putare debemus imitandos eos nobis esse in iis quæ ad exercendas et eliminandas quodammodo mentes legentium, et ad rumpenda fastidia atque acuenda studia discere volentium, celandos² quoque, sive ut ad pietatem convertantur, sive ut a mysteriis secludantur, animos impiorum, utili ac salubri obscuritate dixerunt. Sic quippe illi lo-

¹ Bad. Am. Er. et MSS. septem, tali eloquentia usus.

² MSS. tres, zelandos. Sic etiam Bad. Am. et Er.

cuti sunt, ut posteriores qui eos recte intelligerent et exponerent, alteram gratiam, disparem quidem, verumtamen subsequentem in Dei Ecclesia reperirent. Non ergo expositores eorum ita loqui debent, tanquam se ipsi exponendos simili auctoritate proponant; sed in omnibus sermonibus suis primitus ac maxime ut intelligantur elaborent, ea quantum possunt perspicuitate dicendi, ut aut multum tardus sit qui non intelligat, aut in rerum quas explicare atque ostendere volumus difficultate ac subtilitate, non in nostra locutione sit causa quo minus tardiusve quod dicimus possit intelligi.

CAPUT IX. — *Difficilia intellectu apud quos et quomodo tractanda.*

23. Sunt enim quedam quæ vi sua non intelliguntur, aut vix intelliguntur, quantolibet et quantumlibet, quamvis planissime, dicentis versentur eloquio; quæ in populi audientiam, vel raro, si aliquid urget, vel nunquam omninomittenda sunt. In libris autem, qui ita scribuntur ut ipsi sibi quodammodo lectorem teneant cum intelliguntur, cum autem non intelliguntur molesti non sint molentibus legere, et in aliquorum collocutionibus¹, non est hoc officium deserendum, ut vera, quamvis difficillima ad intelligendum, quæ ipsi jam percepimus, cum quantocumque labore disputationis ad aliorum intelligentiam perducamus, si tenet auditorem vel collocutorem discendi cupiditas, nec mentis capacitas desit, quæ quoquo modo intimata possit accipere; non curante illo qui docet, quanta eloquentia doceat, sed quanta evidensia.

CAPUT X. — *Perspicuitatis in dicendo studium.*

24. Cujus evidentiæ diligens appetitus aliquando negligit verba cultiora, nec curat quid bene sonet, sed quid bene indicet atque intimet quod ostendere intendit. Unde ait quidam, cum de tali genere locutionis ageret, esse in ea quamdam diligentem negligentiam (*Cicerio, in Oratore*). Hæc tamen sic detrahit ornatum, ut sordes non contrahat. Quamvis in bonis doctoribus tanta docendi cura sit, vel esse debeat, ut verbum quod nisi obscurum sit vel ambiguum, latinum esse non potest, vulgi autem more sic dicitur ut ambiguitas obscuritasque vitetur, non sic dicatur ut a doctis, sed potius ut ab indoctis dici solet. Si enim non piguit dicere interpretes nostros, *Non congregabo conventicula eorum de sanguinibus* (*Psal. xv, 4*), quoniam senserunt ad rem pertinere, ut eo loco pluraliter enunciaretur hoc nomen, quod in latina lingua tantummodo singulariter dicitur; cur pietatis doctorem pigrat imperitis loquentem, osum potius quam os dicere, ne ista syllaba non ab eo quod sunt ossa, sed ab eo quod sunt ora intelligatur, ubi Afræ aures de correptione vocalium vel productione non iudicant? Quid enim prodest locutionis integritas, quam non sequitur intellectus audientis, cum loquendi omnino

¹ In prius editis, cum intelliguntur, molesti non sint molentibus legere: cum autem non intelliguntur, molesti non sint molentibus legere. Et in aliquorum, etc. Hunc locum MSS. subsidio liberavimus ab inepto glossemate, et a prava interpretatione, quæ a se iuvicem distrahebat partes propositionis hujus: *In libris autem.... non est hoc officium deserendum.*

nulla sit causa, si quod loquimur non intelligunt, propter quos ut intelligent loquimur? Qui ergo docet, vitabit omnia verba quæ non docent; et si pro eis alia integra, quæ intelligentur, potest dicere, id magis eliget: si autem non potest, sive quia non sunt, sive quia in præsentia non occurruunt, uletur etiam verbis minus integris, dum tamen res ipsa doccatur atque discatur integre.

25. Et hoc quidem non solum in collocutionibus, sive fiant cum aliquo uno, sive cum pluribus; verum etiam multo magis in populis quando sermo promittur, ut intelligamur instandum est. Quia in collocutionibus est cuique interrogandi potestas: ubi autem omnes tacent ut audiatur unus, et in eum intenta ora convertunt, ibi ut requirat quisque quod non intellexerit, nec moris est nec decoris; ac per hoc debet maxime tacenti subvenire cura dicentis. Solet autem motu suo significare utrum intellexerit cognoscendi avida multitudo: quod donec significet, versandum est quod agitur, multimoda varietate dicendi; quod in potestate non habent, qui præparata et ad verbum memoriter retenta pronuntiant. Mox autem ut intellectum esse constituerit, aut sermo finiendus, aut in alia transcurrundum est. Sicut enim gratus est qui cognoscenda enumeralit; sic onerosus est qui cognita inculcat, eis duntaxat quorum tota exspectatio in dissolvenda eorum, quæ panduntur, difficultate pendebat. Nam delectandi gratia etiam nota dicuntur; ubi non ipsa, sed modus quo dicuntur attenditur. Quod si et ipse jam notus est, atque auditoribus placet, pene nihil interest utrum is

qui dicit, dictor vel lector sit. Solent enim et ea quæ commode scripta sunt, non solum ab iis quibus primitus innotescunt, jucunde legi; verum ab iis etiam quibus jam nota sunt, neque adhuc illa de memoria delevit oblivio, non sine jucunditate relegi, vel ab utrisque libenter audiri. Quæ autem quisque jam oblitus est, cum commonetur, docetur. Sed de modo delectandi nunc non ago; de modo quo docendi sunt qui discere desiderant, loquor. Is autem est optimus, quo sit ut qui audit, verum audiat, et quod audit intelligat. Ad quem finem cum ventum fuerit, nihil tunc amplius de ipsa re tanquam diutius docenda laborandum est, sed forte de commendanda ut in corde figatur: quod si faciendum videbitur, ita modeste faciendum est, ne perveniat ad tedium.

CAPUT XI. — *Quare conanti docere dicendum perspicue, non tamen insuaviter.*

26. Prorsus hæc est in docendo eloquentia, qua sit dicendo, non ut libeat quod horrebat, aut ut fiat quod pigebat, sed ut appareat quod latebat. Quod tamen si fiat insuaviter, ad paucos quidem studiosissimos suus pervenit fructus, qui ea quæ discenda sunt, quamvis abjecte inuiteque dicantur, scire desiderant. Quod cum adepti fuerint, ipsa delectabiliter veritate perscuntur: bonorumque ingeniorum insignis est indeoles, in verbis verum amare, non verba. Quid enim prodest clavis aurea, si aperire quod volumus non potest? Aut quid obest lignea, si hoc potest? quando nihil querimus nisi patere quod clausum est. Sed

quoniam inter se habent nonnullam similitudinem vescentes atque discentes, propter fastidia plurimorum, etiam ipsa sine quibus vivi non potest, alimenta condienda sunt.

CAPUT XII. — *Oratoris est docere, delectare, flectere, ex Cicerone, de Oratore. Quo modo haec tria præstare debet.*

27. Dixit ergo quidam eloquens, et verum dixit, ita dicere debere eloquentem, ut doceat, ut delectet, ut flectat. Deinde addidit: *Docere necessitas est, delectare suavitatis, flectere Victoriae* (Cicero, *de Oratore*). Horum trium quod primo loco positum est, hoc est docendi necessitas, in rebus est constituta quas dicimus; reliqua duo, in modo quo dicimus. Qui ergo dicit cum docere vult, quamdiu non intelligitur, nondum se existimet dixisse quod vult ei quem vult docere. Quia etsi dixit quod ipse intelligit, nondum illi dixisse putandus est, a quo intellectus non est: si vero intellectus est, quocumque modo dixerit, dixit. Quod si etiam delectare vult eum cui dicit, aut flectere, non quocumque modo dixerit, faciet; sed interest quomodo dicat, ut faciat. Sicut est autem, ut teneatur ad audiendum, delectandus auditor; ita flectendus, ut moveatur ad agendum. Et sicut delectatur, si suaviter loquaris; ita flectitur, si amet quod polliceris, tineat quod minaris, oderit quod arguis, quod commendas amplectatur, quod dolendum exageras doleat; cum quid letandum prædictas gaudeat, misereatur eorum quos miserandos ante oculos dicendo constituis, fugiat eos quos caverdos terrendo proponis; et quidquid aliud grandi eloquentia fieri potest ad commovendos animos auditorum, non quid agendum sit ut sciunt, sed ut agant quod agendum esse jam sciunt.

28. Si autem adhuc nesciunt, prius utique docendi sunt quam movendi. Et fortasse rebus ipsis cognitis ita movebuntur, ut eos non opus sit majoribus eloquentiae viribus jam moveri. Quod tamen cum opus est, faciendum est: tunc autem opus est, quando cum scierint quid agendum sit, non agunt. Ac per hoc docere necessitas est. Possunt enim homines et agere et non agere quod sciunt. Quis autem dixerit eos agere debere quod nesciunt? Et ideo flectere necessitas non est, quia non semper opus est, si tantum docenti vel etiam delectanti consentit auditor. Ideo autem Victoria est flectere, quia fieri potest ut doceatur et delectetur, et non assentiatur. Quid autem illa duo prodierunt, si desit hoc tertium? Sed neque delectare necessitas est: quandoquidem cum dicendo vera monstrantur, quod ad officium docendi pertinet, non eloquio agitur, neque hoc attenditur, ut vel ipsa vel ipsum delectet eloquium, sed per seipsa, quoniam vera sunt, manifestata delectant. Unde plerumque delectant etiam falsa patefacta atque convicta. Neque enim delectant, quia falsa sunt; sed quia falsa esse verum est, delectat et dictio qua hoc verum esse monstratum est.

CAPUT XIII. — *Dicendo demum flectendi animi.*

29. Propter eos autem quibus fastidientibus non

placet veritas, si alio quocumque modo, nisi eo modo dicatur, ut placeat et sermo dicentis, datus est in eloquentia non parvus etiam delectationi locus. Que tamen addita non sufficit duris, quos nec intellexisse, nec docentis elocutione delectatos esse profuerit. Quid enim haec duo conferunt homini, qui et constitutus verum, et collaudat eloquium, nec inclinat assensum, propter quem solum, cum aliquid suadet, rebus quæ dicuntur invigilat dicentis intentio? Si enim talia docentur quæ credere vel nosse sufficiat, nihil est aliud eis consentire, nisi confiteri vera esse. Cum vero id docetur quod agendum est, et ideo docetur ut agatur, frustra persuadetur verum esse quod dicitur, frustra placet modus ipse quo dicitur, si non ita discitur ut agatur. Oportet igitur eloquentem ecclesiasticum, quando suadet aliquid quod agendum est, non solum docere ut instruat, et delectare ut teneat, verum etiam flectere ut vincat. Ipse quippe jam remanet ad consensionem flectendus eloquentiae granditate, in quo id non egit usque ad ejus confessionem demonstrata veritas, adjuncta etiam suavitatem dictionis.

CAPUT XIV. — *Dictionis suavitas pro ratione argumenti procuranda est.*

30. Cui suavitati tantum operæ impensum est ab hominibus, ut non solum non facienda, verum etiam fugienda ac detestanda tot et tanta mala atque turpia, quæ malis et turpibus disertissime persuasa sunt, non ut eis consentiantur, sed sola delectationis gratia, lecentur. Avertat autem Deus ab Ecclesia sua quod de synagoga Iudeorum Jeremias propheta commemorat dicens: *Pavor et horrenda facta sunt super terram: Prophetæ prophetabant iniqua, et sacerdotes plausum dederunt manibus suis, et plebs mea dilexit sic. Et quid facietis in futurum* (Jerem. v, 30, 31)? O eloquentia tanto terribilior, quanto purior; et quanto solidior, tanto vehementior! O vere securis concidens petras! huic enim rei simile esse verbum suum, quod per sanctos Prophetas fecit, per hunc ipsum prophetam Deus ipse dixit (*Id. xlvi, 22*). Absit itaque, absit a nobis, ut sacerdotes plaudant iniqua dicentibus, et plebs Dei diligat sic. Absit a nobis, inquam, tanta dementia: nam quid faciemus in futurum? Et certe minus intelligentur, minus placeant, minus moveant quæ dicuntur; verumtamen dicantur; et justa¹, non iniqua libenter audiantur: quod utique non fieret, nisi suaviter dicerentur.

31. In populo autem gravi, de quo dictum est Deo, *In populo gravi laudabo te* (Psal. xxxiv, 18), nec illa suavitatis delectabilis est, qua non quidem iniqua dicuntur, sed exigua et fragilia bona spumeo verborum ambitu ornantur, quali nec magna atque stabilia decenter et graviter ornarentur. Est tale aliquid in epistola beatissimi Cypriani, quod ideo puto vel accidisse, vel consulto factum esse, ut sciretur a posterioris, quam linguam doctrinæ christianæ sanitas ab ista redundantia revocaverit, et ad eloquentiam graviorem modestioremque restrinxerit; qualis in ejus conse-

¹ Sic MSS. melloris notæ. At editi, vera lamen dicantur et justa.

mentibus litteris secure amatur, religiose appetitur, sed difficilime impletur. Ait ergo quodam loco : *Pelannus hanc sedem : dant sacerdotum vicina secreta ; ubi dum erratici palmitum latus pendulis nezibus per arundines bajulas repunt, viteam porticum frondea testa fecerunt* (Cypr., Epist. 1 ad Donatum). Non dicuntur ista nisi mirabiliter affluentissima secunditate facundiae, sed profusione nimia gravitati dispergent. Qui vero haec amant, profectio eos qui non ita dicunt, sed castigatius eloquuntur, non posse ita eloqui existimant, non iudicio ista devitare. Quapropter iste vir sanctus et posse se ostendit sic dicere, quia dixit alicubi, et nolle, quoniam postmodum nusquam.

CAPUT XV. — *Orandus Deus doctori ecclesiastico ante concionem.*

32. Agit itaque noster iste eloquens, cum et justa et sancta et bona dicit, neque enim alia debet dicere; agit ergo quantum potest cum ista dicit, ut intelligenter, ut libenter, ut obedienter audiatur : et haec se posse, si potuerit, et in quantum potuerit, pietate magis orationum, quam oratorum facultate non dubitet; ut orando pro se, ac pro illis quos est allocuturus, sit orator antequam dictor. Ipsa hora jam ut dicat accedens, priusquam exserat proferentem linguum, ad Deum levet animam silentem, ut eructet quod biberit, vel quod impleverit fundat. Cum enim de unaquaque re, quae secundum fidem dilectionemque tractanda sunt, multa sint quae dicantur, et multi modi quibus dicantur ab eis qui haec sciunt; quis novit quid ad praesens tempus, vel nobis dicere, vel per nos expediat audiri, nisi qui corda omnium videt? et quis facit ut quod oportet, et quemadmodum oportet, dicatur a nobis, nisi in cuius manu sunt et nos et sermones nostri (Sap. vii, 16)? Ac per hoc, diseat quidem omnia quae docenda sunt, qui et nosse vult et docere; facilitatemque dicendi, ut decet virum ecclesiasticum, comparet : ad horam vero ipsius dilectionis, illud potius bonae menti cogite convenire quod Dominus ait, *Nolite cogitare quomodo aut quid loquamini; dabitur enim vobis in illa hora quid loquamini : non enim vos estis qui loquimini, sed Spiritus Patris vestri qui loquitur in vobis* (Math. x, 19, 20). Si ergo loquitur in eis Spiritus sanctus, qui perseverantibus traduntur pro Christo, cur non et in eis qui tradunt dissentibus Christum?

CAPUT XVI. — *Docendi præcepta non superfluo dantur ab homine, tametsi doctores officia Deus.*

33. Quisquis autem dicit non esse hominibus principiendum quid, vel quemadmodum doceant, si doctores sanctus efficit Spiritus, potest dicere nec orandum nobis esse, quia Dominus ait, *Scit pater vester quid vobis necessarium sit, prius quam petatis ab eo* (Id. vi, 8); aut apostolum Paulum Timotheo et Tito non debuisse præcipere quid, vel quemadmodum præciperent aliis. Quas tres apostolicas Epistolulas ante oculos habere debet, cui est in Ecclesia doctoris persona imposita. Nonne in prima ad Timotheum le-

¹ Editi, delectationemque. MSS. potiores, dilectionemque.

gitur: *Annuntia haec et doce* (I Tim. iv, 11)? quæ autem sint, supra dictum est. Nonne ibi est : *Seniores increpaveris, sed obsecra ut patrem* (Id. v, 1)? Nonne in secunda ei dicitur : *Formam habe verborum sanctorum, quæ a me audisti* (II Tim. 1, 13)? Nonne ibi ei dicitur : *Satis age, te ipsum probabilem operarium exhibens Deo, non erubescere, verbum veritatis recte tractanden* (Id. ii, 15)? Ibi est et illud : *Prædicta verbum, insta opportune, importune; argue, obsecra, increpa in omni longanimitate et doctrina* (II Tim. iv, 2). Itemque ad Titum, nonne dicit episcopum juxta doctrinam fidelis verbi perseverantem esse debere, ut potens sit in doctrina sana et contradicentes redarguere (Tit. 1, 9)? Ibi etiam dicit : *Tu vero loquere quæ decent sanum doctrinam, senes sobrios esse* (Id. ii, 1, 2), et quæ sequuntur. Ibi et illud : *Hac loquere, et exhortare, et increpa cum omni imperio. Nemo te contempnali* (Ibid. 15). Admone illos principibus et potestatibus subditos esse (Id. iii, 1), etc. Quid ergo putamus? Numquid contra scipsum sentit Apostolus, qui cum dicat doctores operatione fieri Spiritus sancti, ipse illis præcipit quid et quemadmodum doceant? An intelligendum est, et hominum officia ipso sancto Spiritu largiente, in docendis etiam ipsis doctoribus non debere cessare; et tamen neque qui plantat esse aliquid, neque qui rigat, sed Deum qui incrementum dat (I Cor. iii, 7)? Unde ipsis quoque ministris sanctis hominibus, vel etiam sanctis Angelis operantibus, nemo recte discit quæ pertinent ad vivendum cum Deo, nisi fiat a Deo docilis Deo¹, cui dicitur in Psalmo : *Doce me facere voluntatem tuam, quoniam tu es Deus meus* (Psal. cxlii, 40). Unde et ipsi Timotheo idem dicit apostolus, loquens utique ad discipulum doctor : *Tu autem persevera in iis quæ didicisti, et credita sunt tibi, sciens a quo didiceris* (II Tim. iii, 14). Sicut enim corporis medicamenta, quæ hominibus ab hominibus adhibentur, nonnisi eis prosunt quibus Deus operatur salutem, qui et sine illis mederi potest, cum sine ipso illa non possint, et tamen adhibentur; et si hoc officiose fiat, inter opera misericordiae vel beneficentiae deputatur : ita et adjumenta doctrinæ tunc prosunt animæ adhibita per hominem, cum Deus operatur ut prosint, qui potuit Evangelium dare homini, etiam non ab hominibus, neque per hominem.

CAPUT XVII. — *Ad docendum delectandum et flectendum pertinet triplex dicendi genus.*

34. Qui ergo nititur dicendo persuadere quod bonus est, nihil horum trium spurnens, ut scilicet doceat, ut delectet, ut flectat; oret atque agat, ut quemadmodum supra diximus, intelligenter, libenter, obedienterque audiatur. Quod cum apte et convenienter facit, non immerito eloquens dici potest, etsi non eum sequatur auditoris assensus. Ad haec enim tria, id est ut doceat, ut delectet, ut flectat, etiam tria illa videtur pertinere voluisse idem ipse Romani auctor eloqui, cum itidem dixit, *Is igitur erit eloquens, qui poterit parva submissæ, modica temperate, magna gran-*

¹ Hic vulgati omitunt, *Deo*; quod MSS. habent, nec superfluo.

dixer dicere (Cicero, de Oratore) : tanquam si adderet illa etiam tria, et sic explicaret unam eamdemque sententiam dicens, Is erit igitur eloquens, qui ut doceat, poterit parva submisse; ut delectet, modica temperate; ut flectat, magna granditer dicere.

CAPUT XVIII. — Ecclesiasticus orator in materia grandi semper versatur.

35. Hac autem tria ille, sicut ab eo dicta sunt, in causis forensibus posset ostendere; non autem hic, hoc est in ecclesiasticis questionibus, in quibus hujusmodi, quem volumus informare, sermo versatur. In illis enim ea parva dicuntur, ubi de rebus pecuniaris judicandum est; ea magna, ubi de salute ac de capite hominum: ea vero ubi nihil horum judicandum est, nihilque agitur ut agat sive decernat, sed tantummodo ut delectetur auditor, inter utrumque quasi media, et ob hoc modica, hoc est moderata dixerunt. Modicis enim modus nomen imposuit: nam modica pro parvis abusive, non proprie dicimus. In istis autem nostris, quandoquidem omnia, maxime quae de loco superiore populis dicimus, ad hominum salutem, nec temporariam, sed aeternam referre debemus; ubi etiam cavendum est aeternus interitus, omnia magna sunt quae dicimus; usque adeo ut nec de ipsis pecuniariis rebus vel acquirendis vel amittendis parva videri debeant, quae doctor ecclesiasticus dicit, sive sit illa magna, sive parva pecunia. Neque enim parva est justitia, quam profecto et in parva pecunia custodire debemus, dicente Domino: *Qui in minimo fidelis est, et in magno fidelis est* (Luc. xvi, 10). Quod ergo minimum est, minimum est; sed in minimo fidem esse, magnum est. Nam sicut ratio rotunditatis, id est ut a puncto medio omnes linea pares in extrema ducentur, eadem est in magno disco, quae in nummulo exiguo; ita ubi parva juste geruntur, non minuitur justitiae magnitudo.

36. De judiciis denique saecularibus (quibus utique nisi pecuniaris?) cum loqueretur Apostolus: *Audet quisquam vestrum, inquit, adversus alterum habens negotium, judicari ab iniquis, et non apud sanctos? An nescitis quia sancti mundum judicabunt? Et si in vobis judicabitur mundus, indigni estis qui de minimis judicetis? Nescitis quia Angelos judicabimus, nedum saecularia? Saecularia igitur judicia si habueritis, eos qui contemptibiles sunt in Ecclesia, hos constituite ad judicandum¹. Ad reverentiam vobis dico. Sic non est inter vos quisquam sapiens, qui possit inter fratrem suum judicare? Sed frater cum fratre judicatur, et hoc apud infideles. Jam quidem omnino delictum est, quia judicia habeatis vobiscum. Quare non magis iniuriam patimini? quare non potius fraudamini? Sed vos iniuriam facitis, et fraudatis, et hoc fratres². An nescitis quia injusti regnum Dei non hereditabunt (1 Cor. vi, 1-9)? Quid est quod sic indignatur Apostolus, sic corripit, sic exprobrat, sic increpat, sic minatur? quid est quod sui ani-*

¹ MSS., collocare; et prope omnes omittant, ad judicandum: quod etiam abest a greco textu Apostoli.

² MSS. quinque, et hoc apud fratres. Alii tres, et hoc fratribus.

PATROL. XXXIV.

mi affectum tam crebra et tam aspera vocis mutatione testatur? quid est postremo quod de rebus minimis tam granditer dici? Tantumne de illo negotio saecularia meruerunt? Absit. Sed hoc facit propter justitiam, charitatem, pietatem, quae, nulla sobria mente dubitate, etiam in rebus quamlibet parvulis magna sunt.

57. Sane si moneremus homines quemadmodum ipsa negotia saecularia vel pro se vel pro suis apud ecclesiasticos judices agere deberent, recte admonemus ut agerent tanquam parva submisse: cum vero de illius viri disseramus eloquio, quem volumus earum rerum esse doctorem, quibus liberamur ab aeternis malis, atque ad aeterna pervenimus bona; ubicunque agantur haec, sive ad populum sive privatum, sive ad unum sive ad plures, sive ad amicos sive ad inimicos, sive in perpetua dictione sive in colloquione, sive in tractatibus sive in libris, sive in epistolis vel longissimis vel brevissimis, magna sunt. Nisi forte quoniama calix aquae frigidae, res minima atque vilissima est, ideo minimum aliquid atque vilissimum Dominus ait, quod eum qui dederit discipulo ejus, non perdet mercedem suam (Matth. x, 42): aut vero quando iste doctor in Ecclesia facit inde sermonem, parvum aliquid debet existimare se dicere; et ideo non temperate, non granditer, sed submisse sibi esse dicendum. Nonne quando accidit ut de hac re loqueremur ad populum, et Deus adsuit ut non incongrue dicermus; tanquam de illa aqua frigida quedam flamma surrexit (Il Mact. i, 52), que etiam frigida hominum pectora, ad misericordiae opera facienda, spe coelestis mercedis accenderet?

CAPUT XIX. — Alias alio utendum dicendi generc.

38. Et tamen cum doctor iste debeat rerum dictor esse magnarum, non semper eas debet granditer dicere, sed submisse, cum aliquid docetur; temperate, cum aliquid vituperatur sive laudatur: cum vero aliquid agendum est, et ad eos loquimur, qui hoc agero debent, nec tamen volunt, tunc ea quae magna sunt, dicenda sunt granditer, et ad flectendos animos congruerter. Et aliquando de una eademque re magna, et submisse dicitur, si docetur; et temperate, si praedicator; et granditer, si aversus inde animus ut convertatur impellitur. Quid enim Deo ipso majus est? Numquid ideo non discitur³? Aut qui docet unitatem Trinitatis, debet nisi submissa disputatione agere, ut res ad dignoscendum difficultis, quantum datur, possit intelligi? Numquid hic ornamenta, et non documenta queruntur? numquid ut aliquid agat est flectendus auditor, et non potius ut discat instruendus? Porro cum laudatur Deus sive de seipso, sive de operibus suis, quanta facies pulchrae ac splendidæ dictionis oboritur ei qui potest quantum potest laudare, quem nemo convenienter laudat, nemo quomodocumque non laudat! At si non colatur, aut cum illo vel etiam praet illo colantur idola, sive daemonia, sive quacumque creatura; quantum hoc malum sit, atque ut ab

³ Editi, dicitur. Sed concianus vss., discitur.

(Quatre.)

hoc malo avertantur homines, debet utique granditer dici.

CAPUT XX.— *Exempla ex sacris Litteris, primum, dictionis submissa; deinde temperata; postremo, grandis: hæc tria ex Epistolis Pauli.*

39. Submissæ dictionis exemplum est apud apostolum Paulum, ut planius aliquid comminorem, ubi ait: *Dicte mihi, sub Lege volentes esse, Legem non audistis? Scriptum est enim, quod Abraham duos filios habuit, unum de ancilla, et unum de libera: sed ille qui de ancilla, secundum carnem natus est; qui autem de libera, per reprobationem: quæ sunt in allegoria. Hæc enim sunt duo Testamenta: unum quidem a monte Sina in servitutem generans, quæ est Agar. Sina enim mons est in Arabia, qui conjunctus¹ est huic quæ nunc est Jerusalem, et servit cum filii suis. Quæ autem sursum est Jerusalem, libra est, quæ est mater nostra (Galat. iv, 21-26), etc. Itemque ubi ratiocinatur, et dicit: *Fratres, secundum hominem dico, tamen hominis confirmatum testamentum. nemo irritum facit, aut superordinat. Abraham dictæ sunt promissiones et semini ejus. Non dicit, Et seminibus, tanquam in multis, sed tanquam in uno, Et semini tuo, quod est Christus. Hoc autem dico, testamentum confirmatum a Deo, qua post quadragesima et triginta annos facta est Lex, non infirmat ad evacandas promissiones. Si enim ex Lege hereditas, jam non ex promissione. Abraham autem per reprobationem donavit Deus. Et quia occurrere poterat auditentis cogitationi, Utquid ergo Lex dala est, si ex illa non est hereditas? ipse sibi hoc objecit, atque ait velut interrogans: Quid ergo Lex? Deinde respondit: Transgressionis gratia proposita est, donec veniret semen cui promissum est, disposita² per Angelos in manu mediatoris. Mediator autem unus non est, Deus vero unus est. Et hic occurrebat, quod sibi ipse proposuit, Lex ergo adversus promissa Dei? Et respondit, Absit: reddiditque rationem, dicens, Si enim data esset Lex quæ vosset vivificare, omnino ex Lege esset justitia. Sed conclusit Scriptura omnia sub peccato, ut promissio ex fide Iesu Christi daretur credentibus, etc. (Galat. iii, 15-22); vel si quid ejusmodi est. Pertinet ergo ad docendi curam non solum aperire clausa, et nodos solvere quæstionum; sed etiam dum hoc agitur, aliis quæstionibus, que fortassis incidentur, ne id quod dicimus improbetur per illas aut refellatur, occurre: si tamen et ipsa earum solutio pariter occurrit, ne moveamus quod auferre non possumus. Fit autem ut cum incidentes quæstioni aliae quæstiones, et aliae rursus incidentibus incidentes pertractantur atque solvuntur, in eam longitudinem ratiocinationis extendatur intentio, ut nisi memoria plurimum valeat atque vigeat, ad caput unde agebatur disputator redire non possit. Valde autem bonum est ut quidquid contradici potest, si occurrit, refutetur; ne ibi occurrat, ubi non erit qui respondeat; aut præsenti quidem, sed tacenti occurrat, et minus sanatus abcedat.**

40. In illis autem apostolicis verbis dictio tempe-

¹ In MSS. fere omnibus, quæ conjuncta est.

² In MSS. plerisque, dispositum.

rata est: Seniorem ne increpaveris, sed obsecra ut patrem, juniores ut fratres, anus ut matres, adolescentulas ut sorores (1 Tim. v, 1, 2). Et in illis: *Obsecro autem vos, fratres, per miserationem Dei, ut exhibeatis corpora vestra hostiam vivam, sanctam, Deo placentem. Et totus fere ipsius exhortationis locus temperatum habet elocutionis genus: ubi illa pulchriora sunt, in quibus propria propriis tanquam debita redditæ decenter excurrunt, sicuti est, Habentes dona diversa secundum gratiam quæ data est nobis; sive prophetiam, secundum regulam fidei; sive ministerium, in ministrando; sive qui docet, in doctrina; sive qui exhortatur, in exhortatione; qui tribuit, in simplicitate; qui prætest, in sollicitudine; qui miseretur, in hiluritate. Dilectio sine similitatione; odio habentes malum, adhaerentes bono: charitate fraternitatis invicem diligentes, honore mutuo prævenientes, studio non pigri, spiritu serventes, Domino servientes, spe gaudentes, in tribulatione patientes, orationi instantes, necessitatibus sanctorum communicaentes, hospitalitatem sectantes. Benedicite perseverentibus vos; benedicite, et nolite maledicere. Gaudere cum gaudientibus, flere cum flentibus: id ipsum invicem sentientes (Rom. xii, 4, 6-16).* Et quam pulchre ista omnia sic effusa, bimembri circuitu terminantur, *Non alta sapientes, sed humilibus consentientes!* Et aliquanto post: *In hoc ipso, inquit, perseverantes, reddite omnibus debita: cui tributum, tributum; cui rectigal, rectigal; cui timorem, timorem; cui honorem, honorem.* Quæ membratim fusa clauduntur etiam ipsa circuitu, quem duo membra contextunt: *Nemini quidquam beatissimus, nisi ut invicem diligatis.* Et post paululum: *Noz præcessit, inquit, dies autem appropinquavit. Abjicimus itaque opera tenebrarum, et induamus arma lucis: sicut in die honeste ambulemus; non in comeditionibus et ebrietatibus, non in cubilibus et impudicitiis, non in contentione et æmulatione; sed induite Dominum Iesum Christum, et carnis providentiam ne feceritis in concupiscentiis (Id. xiii, 6-8, 12-14).* Quod si quisquam ita diceret, Et carnis providentiam ne in concupiscentiis feceritis; sine dubio aures clausula numerosiore mulceret: sed gravior interpres ei:iam ordinem maluit tenere verborum. Quomodo autem hoc in greco eloquio sonet, quo est locutus Apostolus, viderint ejus eloquii usque ad ista doctiores: mihi tamen quod nobis eodem verborum ordine interpretatum est, nec ibi videtur currere numerose.

41. Sane hunc elocutionis ornatum, qui numerosis fit clausulis, deesse fatendum est anctoribus nostris. Quod utrum per interpres factum sit, an (quod magis arbitror) consulto illi hæc plausibilia devolverint, affirmare non audeo, quoniam me fateor ignorare. Illud tamen scio, quod si quisquam hujus numerositatis peritus illorum clausulas corumdem numerorum lege componat, quod facilime fit mutatis quibusdam verbis, quæ tantumdem significatione valent, vel mutato eorum quæ invenerit ordine; nihil illorum quæ velut magna in scholis grammaticorum aut rhetorum didicit, illis divinis viris desuisse cognoscere.

scet : et multa reperiet locutionis genera tanti decoris, que quidem et in nostra, sed maxime in sua lingua decora sunt, quorum nullum in eis. quibus isti inflantur, litteris invenitur. Sed cavendum est ne divinis gravibusque sententiis, dum additur numerus, pondus detrahatur. Nam illa musica disciplina, ubi numerus iste plenissime discitur, usque adeo non desuit Prophetis nostris, ut vir doctissimus Hieronymus quorundam etiam metra commemoret, in hebreorum duntaxat lingua (*Hieron. in prologo super Job*) : cuius ut veritatem servaret in verbis, haec inde non transtulit. Ego autem ut de sensu meo loquar, qui mihi quam aliis et quam aliorum est utique notior, sicut in meo eloquio, quantum modeste fieri arbitror, non prætermitto istos numeros clausularum ; ita in auctoribus nostris hoc mihi plus placet, quod ibi eos rarissime invenio.

42. Grande autem dicendi genus hoc maxime distat ab isto genere temperato, quod non tam verborum ornatibus comptum est, quam violentum animi affectibus. Nam capit etiam illa ornamenta pene omnia ; sed ea si non habuerit, non requirit. Fertur quippe impetu suo, et elocutionis pulchritudinem, si occurserit, vi rerum rapit, non cura decoris assumit. Satis enim est ei propter quod agitur, ut verba congruentia, non oris elegantia industria, sed pectoris sequantur ardorem. Nam si aurato gemmatoque ferro vir fortis armetur, intentissimus pugnae agit quidem illis armis quod agit, non quia pretiosa, sed quia arma sunt : idem ipse est tamen, et valet plurimum, etiam cum rimanti telum ira facit¹. Agit Apostolus, ut pro evangelico ministerio patienter mala hujus temporis, eum solatio donorum Dei, omnia tolerentur. Magna res est, et granditer agitur, nec desunt ornamenta diœundi : *Ecce*, inquit, *nunc tempus acceptabile, ecce nunc dies salutis. Nullam in quoquam dantes offendissem, ut non reprehendatur ministerium nostrum : sed in omnibus commendantes nosmetipos ut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in benignitate, in Spiritu sancto, in charitate non ficta, in verbo veritatis, in virtute Dei : per arma justitiae a dextris et a sinistris², per gloriam et ignobilitatem, per infamiam et bonam famam; ut seductores, et veraces; ut qui ignoramus, et cognoscimur; quasi morientes, et ecce vivimus : ut coerciti, et non mortificati; ut tristes, semper autem gaudentes; sicut egeni, multos autem ditantes; tanquam nihil habentes, et omnia possidentes.* Vide adhuc ardenter, *Ois nostrum patet ad vos, o Corinthii; cor nostrum dilatum est* (II Cor. vi, 2-11), et cetera, quæ persecuti longum est.

¹ Lov., *rimanti telo mira facit*. sed verius alias editiones et vss., *rimanti telum ira facit*. Quod usurpatum est ex Virgilio, Aeneid. 7 :

Tunc torre armatus obnito,

Stipitis hic gravidi nodis : quod cuique reportum
Rimanti telum iga facit.

² MSS. aliquot optimis note, *arma justitiae dextra et sinistra*.

43. Itemque ad Romanos agit, ut persecutions hujus mundi charitate vincantur, spe certa in adiutorio Dei. Agit autem et granditer et ornate : *Scimus*, inquit, *quoniam diligentibus Deum omnia cooperantur in bonum, iis qui secundum propositum vocati sunt*³. *Quoniam quos ante praescivit, et praedestinavit conformes imaginis Filii sui, ut sit ipse primogenitus in multis fratribus. Quos autem praedestinavit, illos et vocavit; et quos vocavit, ipsos et justificavit; quos autem justificavit, illos et glorificavit. Quid ergo dicemus ad haec? Si Deus pro nobis, quis contra nos? Qui proprio Filio non percipit, sed pro nobis omnibus tradidit illum, quomodo non etiam cum illo nobis omnia donavit? Quis accusabit adversus electos Dei? Deus qui justificat? Quis est qui condemnat? Christus Jesus qui mortuus est, magis autem qui resurrexit, qui est in dextera Dei, qui et interpellat pro nobis? Quis nos separabit a charitate Christi? Tribulatio? an angustia? an persecutio? an fames? an nuditas? an periculum? an gladius? Sicut scriptum est, *Quoniam propter te mortificamur tota die, estimati sumus ut oves occisionis* (Psal. xlvi, 22). Sed in his omnibus supervincimus per eum qui dilexit nos. *Certus sum enim quia neque mors, neque vita, neque Angeli, neque principatus, neque presentia, neque futura, neque virtus, neque altitudo, neque profundum, neque creatura alia poterit nos separare a charitate Dei, quæ est in Christo Iesu Domino nostro* (Rom. viii, 28-59).*

44. Ad Galatas autem quamvis tota ipsa Epistola submissa dicendi genere scripta sit, nisi in extremis partibus ubi est eloquium temperatum; tamen interponit quemdam locum eo motu animi, ut sine ullis quidem talibus ornamentis, qualia sunt in iis quæ modo posuimus, non posset tamen nisi granditer dici. *Dies*, inquit, *observatis, et menses, et annos, et tempora. Timeo vos, ne forte sine causa laboraverim in vos*⁴. *Estote sicut et ego, quoniam et ego sicut vos: fratres, precor vos; nihil me læsistis. Scitis quia per infirmitatem carnis jampridem evangelizavi vobis, et tentationes vestras⁵ in carne mea non sprevistis, neque respusistis; sed sicut angelum Dei exceptistis me, sicut Christum Iesum. Quæ ergo fuit beatitudo vestra? Testimonium vobis perhibeo, quoniam si fieri posset, oculos vestros eruisseis et dedisscetis mihi. Ergo inimicus factus sum vobis verum prædicans? Æmulantur vos non bene; sed excludere vos volunt, ut eos amulemini. Bonum est autem in bono amulare semper, et non solum cum præsens sum apud vos. Filioli mei, quos iterum parturio donec formetur Christus in vobis. Vellemi autem nunc adesse apud vos, et mutare vocem meam, quia confundor in vobis* (Gal. iv, 10-20). Numquid hic aut contraria contrariais verba sunt redditia, aut aliqua gradatione sibi subnexa sunt, aut cesa et membra circuitusve sonnacunt? et tamen non ideo tepuit grandis affectus, quo eloquium servere sentimus.

¹ Editi, *vocati sunt sancti*. Et paulo post., *conformes fieri*. At vss. carent vocibus, *sancti et fieri*; quæ prætermitti solent ab Augustin., et a greco textu absunt.

² Editi, *in vobis*. At MS., *pi vos*: *juxta græcum, cis nigris*.

³ vss. *plerique habent, et temptationem restrain*.

CAPUT XXI. — *Exempla triplicis hujus generis dictio-
nis ex doctoribus ecclesiasticis, nempe Cypriano et
Ambrosio desumuntur.*

45. Sed apostolica ista sic clara sunt, ut et profunda sint; atque ita conscripta memoriaeque mandata, ut non solum lectore vel auditore, verum etiam expositore opus habeant, si quis in eis non superficie contentus altitudinem querat. Quapropter videamus ista genera dicendi in eis qui istorum lectione ad rerum divinarum atque salubrium scientiam prosecerant, canique Ecclesie ministrarunt. Beatus Cyprianus submisso dicendi genere utitur in eo libro ubi de Sacramento calicis disputat. Solvit quippe ibi questio, in qua queritur utrum calix dominicus aquam solam, an eam vino mixtam debeat habere. Sed exempli gratia aliquid inde ponendum est. Post principium ergo epistolae, jam solvere incipiens propositam questionem: *Admonitos autem nos scias, inquit, ut in calice offerendo dominica traditio servetur, neque aliud fiat a nobis, quam quod pro nobis Dominus prior fecit, ut calix qui in commemorationem ejus offertur, vino mixtus offeratur. Nam cum dicat Christus, « Ego sum vitis vera » (Ioan. xv, 5); sanguis Christi, non aqua est utique, sed vinum; nec potest videri sanguis ejus, quo redempti et vivificati sumus, esse in calice, quando vinum desit calici, quo Christi sanguis ostenditur; qui Scripturarum omnium sacramento ac testimonio praedicatur. Invenimus enim in Genesi circa sacramentum Noe idem praecucurrisse, et figuram dominicae passionis illic exstitisse, quod vinum bibil, quod inebriator est, quod in domo sua nudatus est, quod fuit recubans nudis et patentibus seminibus; quod nuditas illa patris a medio filio denotata est; a majore vero et minore conlecta (Gen. ix, 20-25), et cetera quae necesse non est exequi, cum satis sit hoc solum complecti, quod Noe typum futuræ veritatis ostendens, non aquam sed vinum biberit; et sic imaginem dominicae passionis expresserit. Item in sacerdote Melchisedech dominicum Sacramen-
tum praefiguratum videntur¹, secundum quod Scriptura divina testatur, et dicit: « Et Melchisedech rex Salem protulit panem et vinum. Fuit autem sacerdos Dei summi, et benedixit Abraham » (Id. xiv, 18). Quod autem Melchisedech typum Christi portaret, declarat in Psalmis Spiritus sanctus, ex persona Patris ad Filium dicens: « Ante Luciferum genui te. Tu es sacerdos in aeternum secundum ordinem Melchisedech » (Psul. cix, 4). Ille et alia quae sequuntur hujus epistolæ (Cypr. Epist. 65, ad Caecilium, de Sacramento calicis), submissæ dictionis modum servant, quod facile est explorare legentibus.*

46. Sanctus quoque Ambrosius cum agat rem magnam de Spiritu sancto, ut eum Patri et Filio demonstret aqualem, submisso tamen dicendi genere utitur; quoniam res suscepit non ornamenti verborum, aut ad flectendos animos commotionis affectum, sed rerum documenta desiderat. Ergo inter cetera,

in principio hujus operis ait: *Commotus oraculo Ge-
deon, cum audisset quod deficientibus licet populorum
millibus, in uno viro Dominus plebem suam ab hostibus
liberaret, obtulit haedum caprarum, cuius carnem se-
cundum præceptum angeli, et azyma supra petram
posuit, et ea jure perfudit: quæ simul ut virgæ cacu-
mine, quam gerebat, angelus Dei contigit, de petra ignis
erupit, atque ita sacrificium quod offerebatur absumptum.
est (Jud. vi, 11-21). Quo indicio declaratum videtur,
quod petra illa typum habuerit corporis Christi; quia
scriptum est, « Bibebant de consequenti petra, petra
autem erat Christus » (1 Cor. x, 4). Quod utique non ad
divinitatem ejus, sed ad carnem relatum est, quæ sitien-
tium corda populorum perenni rivo sui sanguinis inun-
davit. Jam tunc igitur in mysterio declaratum est, quia
Dominus Jesus in carne sua, totius mundi peccata cru-
cis suis aboleret, nec solum delicta factorum, sed etiam
cupiditates animorum. Caro enim hædi ad culpam faci-
re fertur; jus ad illecebras cupiditatum, sicut scriptum
est, « Quia concupivit populus cupiditatem pessimam, et
dixerunt, Quis nos cibabit carne » (Num. xi, 4)? Quod
igitur extendit angelus virgam, et teligit petram, de qua
ignis exiit, ostendit quod caro Domini Spiritu repleta
divino, peccata omnia humanæ conditionis exureret. Unde
et Dominus ait, « Ignem veni mittere in terram » (Luc.
xii, 49); et cetera, in quibus rei docendæ ac probandæ maxime incumbit (Ambros. lib. I de Spiritu
sancto, in prologo).*

47. De genere temperato est apud Cyprianum vir-
ginitatis illa laudatio: *Nunc nobis ad virgines sermo
est, quarum quo sublimior gloria est, major et cura. Flos
est ille ecclesiastici germinis, decus atque ornamentum
gratiae spiritualis, lucta indoles laudis et honoris, opus
integrum atque incorruptum, Dei imago respondens ad
sanctimoniam Domini, illustrior portio gregis Christi.
Gaudet per ipsas, atque in illis largiter floret Ecclesia
matris gloria secunditas: quantoque plus gloria
virginitas numero suo addit, tanto plus gaudium ma-
tris augescit. Et alio loco in fine epistole: Quomodo
portavimus, inquit, imaginem ejus qui de limo est,
sic portemus et imaginem ejus qui de caelo est (1 Cor.
xv, 49). Hanc imaginem virginitas portat, portat inte-
gritas, sanctitas portat et veritas; portant discipline Dei
memores, justitiam cum religione retinentes, stabiles in
fide, humiles in timore, ad omnem tolerantiam fortes,
ad sustinendas injurias mites, ad faciendam misericordiam
faciles, fraterna pace unanimes atque concordes.
Quæ vos singula, o bonæ virgines, observare, diligere,
implere debetis, quæ Deo et Christo vacantes, ad Domi-
num cui vos dicatis, majore et meliore parte præceditis.
Proiectæ annis, junioribus facile magisterium; minores
natu, præbete majoribus ministerium, comparibus inci-
tamentum; hortamentis vos mutuis excitate, æmulis de-
tirtute documentis ad gloriam provocate; durate fortiter,
spiritualiter pergite, pervenite feliciter: tantum memen-
to tunc nostri, cum incipiet in vobis virginitas honorari
(Cypr. Tract. de disciplina et habitu Virginum).*

48. Ambrosius etiam genere dicens temperato et

¹ Apud Cyprianum, copiosa; in Floriacensi Ms., generosa.

¹ Sic in MSS. At in prius editis, dominici Sacramentum praefiguratum videntur mysterium. Apud Cyprianum vero, sacri-
ficium dominici Sacramentum.

ornato professis virginibus proponit, tanquam sub exempli forma, quod moribus imitantur, et dicit: *Virgo erat, non solum corpore, sed etiam mente, quæ nullo doli ambitu sincerum adulteraret affectum: corde bunilis, verbis gravis, animi prudens, loquendi parcior, legendi studiosior; non in incerto divitiarum, sed in prece pauperis spem reponens; intenta operi, verecunda sermoni; arbitrum mentis solita non hominem, sed Deum querere; nullum laedere, bene velle omnibus; assurges majoribus natu, aequalibus non invidere; fugere jactantiam, rationem sequi, amare virtutem. Quando ista vel vultu lœsit parentes? quando dissensit a propinquis? quando fastidivit humilem? quando risit debilem? quando vitavit inopem? Eos solos solita cœtus virorum inviseret, quos misericordia non erubesceret, neque præteriret verecundia. Nihil torvum in oculis, nihil in verbis provocax, nihil in actu inverecundum; non gestus fractior, non incessus solutor, non vox petulantior, ut ipsa corporis species simulacrum fuerit mentis, et figura probitatis. Bona quippe donus in ipso vestibulo debet agnosciri, ac primo prætentat ingressu nihil intus latere tenebrarum, tanquam lucernæ lux intus posita, foris luceat. Quid ego exsequar ciborum parcimoniam, officiorum redundantiam; alterum ultra naturam superfuisse, alterum ipsi naturæ pene defuisse? Illic nulla intermissa tempora, hic congerinati jejuno dies; et si quando reficiendi successisset voluntas, cibus plerumque obvius qui mortem arceret, non delicias ministraret (Ambros. de Virginibus, lib. 2, in princip.), etc.* Hæc autem propterea in exemplo hujus temperati generis posui, quia non hic agit ut virginitatem voveant quæ nondum vorerunt; sed quales esse debeant quæ jam votæ sunt. Nam ut aggrediatur animus tantum ac tale propositionum, grandi utique dicendi genere debet excitari et accendi. Sed martyr Cyprianus de habitu virginum, non de suscipiendo virginitatis proposito scripsit. Iste vero episcopus etiam ad hoc eas magno accedit eloquio.

49. Verum ex eo quod ambo egerunt, dictionis grandis exempla memorabo. Ambo quippe inventi sunt in eas quæ formam pigmentis colorant, vel potius decolorant: quorum prior ille cum hoc ageret, ait inter cetera: *Si quis pingendi artifex vultum alienus et speciem, et corporis qualitatem æmulo colore signasset; et signato jam consummatoque simulacro, manus alius inferret, ut jam formata, jam picta quasi peritior reformaret, gravis prioris artificis injuria et justa indignatio videretur. Tu te existimas impune latram tam improbae temeritatis audaciam, Dei artificis offendam? Ut enim impudica circa homines, et incesta fucus lenocinantibus non sis, corruptis violatisque quæ Dei sunt, pejor adultera detineris. Quod ornari te putas, quod putas comi, impugnatio est ista divini operis, prævaricatio est veritatis. Monitus Apostoli vox est: «Ex purgate vetus fermentum, ut sitis nova conspersio, sicut estis azymi. Etenim Pascha nostrum immolatus est Christus. Itaque festa celebremus, non in fermento veteri, neque in fermento malitiæ et nequitias, sed in azymis sinceritatis et veritatis» (I Cor. v, 7, 8). Num sinceritas perseverat et veritas, quando quæ sincera sunt polluntur?*

tur, et colorum adulterii, et medicaminum¹ fucis in mendacium vera mutantur? Dominus tuus dicit, « Non potes facere capillum unum album aut nigrum» (Matth. v, 36); et tu ad vincendam Domini tui vocem vis te esse potiorem. Audaci conatu et sacrilego contemptu crines tuos inficis; malo præsagio futurorum capillos jam tibi flammœ auspicaris (Cypr. Tract. de disciplina et habitu Virginum). Longum est inscrere omnia quæ sequuntur.

50. Ille vero posterior ut in tales diceret: *Hinc illa, inquit, nascuntur incentiva vitiorum, ut quæsitis coloribus ora depingant, dum viris displicere formidant, et de adulterio vultus meditentur adulterium castitatis. Quanta hæc amentia, effigiem mutare naturæ, picturam querere, et dum verentur maritale judicium, prodere² suum? Prior enim de se pronuntiat, quæ cupit mutare quod natu est: ita dum alii studet placere, prius ipsa sibi dispicet. Quem judicem, mulier, veriorem requiri mus deformitatis tuæ, quam teipsam, quæ videri times? Si pulchra es, cur absconderis? si deformis, cur te formosam esse mentiris, nec tue conscientia, nec alieni gratiam erroris habitura? Ille enim alteram diligit, tu alteram placere: et irasceris si amet alteram, qui adulterare in te docetur. Mala magistra es injuryæ tuæ. Lenocinari enim refugit, etiam quæ est passa lenonem; ac licet vilis mulier, non alteri tamen, sed sibi peccat. Tolerabiliora propemodum in adulterio crimina sunt: ibi enim pudicitia, hic natura adulteratur (Ambros. de Virginibus, lib. 1).* Satis, ut existimo, appareat feminas ne suam fucis adulterent formam, et ad pudorem et ad timorem hac facundia vehementer impelli. Proinde neque submissum neque temperatum, sed grande omnino genus hoc elocutionis agnoscamus. Et in his autem quos duos ex omnibus proponere volui, et in aliis ecclesiasticis viris et bona, et bene, id est sicut res postulat, acute, ornate, ardenterque dicentibus, per multa eorum scripta vel dicta possunt hæc tria genera reperiri, et assidua lectione vel auditione, admixta etiam exercitatione, studentibus inolescere.

CAPUT XXII. — *Omnibus generibus dictio varianda est.*

51. Nec quisquam præter disciplinam esse existimet ista miscere: imo quantum congrue scrii potest, omnibus generibus dictio varianda est. Nam quando prolixa est in uno genere, minus detinet auditorem. Cum vero sit in aliud ab alio transitus, etiamsi longius eat, decentius procedit oratio: quamvis habeant et singula genera varietates suas in sermone eloquentium, quibus non sinuntur in eorum qui audiunt, frigescere vel tepescere sensibus. Verumtamen facilius submissum solum, quam solum grande diutius tolerari potest. Commotio quippe animi quanto magis excitanda est, ut nobis assentiatur auditor, tanto minus in ea diu teneri potest, cum fuerit quantum satis est excitata. Et ideo cavendum est, ne dum volumus altius erigere quod erectum est, etiam inde decidat, quo fuerat ex-

¹ Editi et MSS. apud Augustinum, et colorum adulterini medicaminum. Castigamus ex Cypriani libro, et colorum adulterii, et medicaminum.

² Ita apud Ambrosium. At in Augustinianis codicibus aliquot, perdere. In aliis, perdidere, aut, perdidere.

citatione perductum. Interpositis vero quæ sunt di-
cenda submissius, bene reddit ad ea quæ opus est
granditer dici, ut dictionis impetus sicut maris aestus
alternet. Ex quo sit ut grande dicendi genus, si diu-
tius est dicendum, non debeat esse solum, sed alio-
rum generum interpositione varietur: ei tamen genere
dictio tota tribuitur, cuius copia prævaluerit.

CAPUT XXIII. — *Quomodo intermisca dictio-*
genera.

52. Interest enim quod genus cui generi interpo-
natur, vel adhibetur, certis et necessariis locis. Nam
et in grandi genere semper aut pene semper tempe-
rata decet esse principia. Et in potestate est eloquentis
ut dicantur nonnulla submissae, etiam quæ possent
granditer dici; ut ea quæ dicuntur granditer, ex illo-
rum siant comparatione grandiora, et eorum tanquam
unbris luminosiora reddantur. In quocumque autem
genere aliqua quæstionum vincula solvenda sunt, acu-
mine opus est, quod sibi submissum genus proprie-
vindicat. Ac per hoc eo genere utendum est et in
aliis duobus generibus, quando eis ista incident: sic
ut laudandum aliud vel vituperandum, ubi nec
damnatio cuiusquam nec liberatio, nec ad actionem
quamlibet assensio requiritur, in quocumque alio ge-
nere occurrit, genus adhibendum et interponendum
est temperatum. In grandi ergo genere inveniunt lo-
cos suos duo cætera, et in submisso similiter. Tem-
peratum autem genus non quidem semper, sed tamen
aliquando submisso indiget, si, ut dixi, questio cuius
nodus est solvendus, incurrat; vel quando nonnulla
quæ ornari possent, ideo non ornantur, sed submisso
sermone dicuntur, ut quibusdam quasi toris orna-
mentorum præbeant eminentiorem locum. Grande
autem genus temperata dictio non requirit: ad de-
lectandos quippe animos, non ad movendos ipsa
suscipitur.

CAPUT XXIV. — *Sublime dicendi genus quid efficiat.*

53. Non sane si dicenti crebrius et vehementius ac-
clametur, ideo granditer putandus est dicere: hoc
enim et acumina submissi generis, et ornamenta fa-
ciunt temperati. Grande autem genus plerumque pondere
suo voces premit, sed lacrymas exprimit. Deni-
que cum apud Cæsaream Mauritanie populo dissua-
derem pugnam civilem, vel potius plus quam civilem,
quam *Catervam* vocabant; neque enim cives tantummodo,
verum etiam propinqui, fratres, postremo pa-
rentes ac filii lapidibus inter se in duas partes divisi,
per aliquot dies continuos, certo tempore anni sole-
mpter dimicabant, et quisque ut quemque poterat occi-
debat: egi quidem granditer, quantum valui, ut tam
crudele atque inveteratum malum de cordibus et mo-
ribus eorum avellerem, pelleremque dicendo; non
tamen egisse aliquid me putavi, cum eos audirem
acclamantes, sed cum flentes viderem. Acclamationi-
bus quippe se doceri et delectari, fleti autem lacrymis
indicabant. Quas ubi aspexi, immanem illam consue-
tudinem a patribus et avis, longeque a majoribus
traditam, quæ pectora eorum hostiliter obsidebat,
vel potius possidebat, devictam, antequam re ipsa id

ostenderent, credidi. Moxque sermone finito ad agen-
das Deo gratias corda atque ora converti. Et ecce jam
ferme octo vel amplius anni sunt, propitio Christo,
ex quo illuc nihil tale tentatum est (*a*). Sunt et alia
multa experimenta quibus didicimus, homines, quid
in eis fecerit sapientis granditas dictionis, non clা-
more potius quam gemitu, aliquando etiam lacrymis,
postremo vita mutatione monstrasse.

54. Submisso etiam dicendi genere sunt plerique
mutati: sed ut quod nesciebant, scirent, aut quod eis
videbatur incredibile, crederent; non autem ut age-
rent quod agendum jam noverant, et agere noblebant.
Ad hujusmodi namque duritiam flectendam, debet
granditer dici. Nam et laudes et vituperationes quando
eloquenter dicuntur, cum sint in genere temperato,
sic afficiunt quosdam, ut non solum in laudibus et
vituperationibus eloquentia delectentur, verum et ipsi
laudabiliter appetant, fugiantque vituperabiliter vi-
vere. Sed numquid omnes qui delectantur, mutantur¹,
sicut in grandi genere omnes qui flectuntur, agunt;
et in submisso genere omnes qui docentur, sciunt,
aut credunt verum esse quod nesciunt?

CAPUT XXV. — *Temperatum dicendi genus quem
in finem referri decet.*

55. Unde colligitur illa duo genera quod efficere
intendunt, hoc eis esse maxime necessarium, qui sa-
pienter et eloquenter volunt dicere. Illud vero quod
agit genere temperato, id est, ut eloquentia ipsa de-
lectet, non est propter seipsum usurpandum; sed ut
rebus que utiliter honesteque dicuntur, si nec docente
indigent eloquio nec movente, quia et scientes et fa-
ventes auditores habent, aliquanto promptius ex de-
lectatione ipsa elocutionis, accedat vel tenacius ad-
harescat assensus. Nam cum eloquentia sit univer-
salis officium, in quocumque istorum trium generum,
dicere apte ad persuasionem; finis autem, id quod
intenderis, persuadere dicendo: in quocumque istorum
trium generum dicit quidem eloquens apte ad
persuasionem, sed nisi persuadeat, ad finem non per-
venit eloquentia. Persuadet autem in submisso ge-
nere vera esse quæ dicit; persuadet in grandi, ut
agantur quæ agenda esse jam sciuntur, nec aguntur;
persuadet in genere temperato, pulchre ornateque se
dicere: quo sine nobis quid opus est? Appetant eum
qui lingua gloriantur, et se in panegyricis talibusque
dictionibus jactant, ubi nec docendus, nec ad aliud
agendum movendus, sed tantummodo est delectandus
auditor. Nos vero istum finem referamus ad alterum
finem, ut scilicet quod efficere volumus, cum granditer
dicimus, hoc etiam isto velimus, id est, ut bona
morum diligentur, vel devitentur mala; si ab hoc
actione non sic alieni sunt homines, ut ad eam grandi
genere dictionis urgendi videantur: aut, si jam id
agunt, ut agant studiosius, atque in eo firmiter perse-

¹ MSS. *quatuor, imitantur.*

(a) Hic itaque liber perfectus fuit sub annum 426. Nam Augustini in Mauritanian Cæsareensem protectio pertinet ad annum 418, ex epist. 190, et 193, n. 1. Atque apud Cæsaream, ubi se conciuenit illam ante octo vel amplius annos habuisse memorat, agebat S. Doctor næuse septembri ejusdem anni 418, ex lib. de Gestis cum Emerito,

verent. Ita fit ut etiam temperati generis ornatu, non jactanter, sed prudenter utamur : non ejus sine contenti, quo tantummodo delectatur auditor; sed hoc potius agentes, ut etiam ipso ad bonum quod persuadere volumus, adjuvetur.

CAPUT XXVI. — *In unoquoque dicendi genere intendere debet orator, ut intelligenter, libenter et obedientier audiatur.*

56. Illa itaque tria, quæ supra posuimus, eum qui sapienter dicit, si etiam eloquenter vult dicere, id agere debere, ut intelligenter, ut libenter, ut obedientier audiatur, non sic accipienda sunt tanquam singula illis tribus dicendi generibus ita tribuantur, ut ad submissum intelligenter, ad temperatum libenter, ad grande pertineat obedientier audiri ; sed sic potius ut hæc tria semper intendat, et quantum potest agat, etiam cum in illorum singulo quoque versatur. Nolumus enim fastidiri, etiam quod submissæ dicimus ; ac per hoc volumus non solum intelligenter, verum etiam libenter audiri. Quid autem agimus, divinis testimoniis docendo quod dicimus, nisi ut obedientier audiatur, id est ut credatur eis, opitulante illo cui dictum est, *Testimonia tua credita¹ facta sunt valde* (*Psal. xcii*, 5)? Quid etiam cupit nisi credi, qui aliquid, licet submissæ eloquio, dissentibus narrat? et quis eum velit audire, nisi auditorem nonnulla etiam suavitate delineat? Nam si non intelligatur, quis nesciat nec libenter eum posse, nec obedientier audiri? Plerumque autem dictio ipsa submissa, dum solvit² difficillimas quæstiones, et inopinata manifestatione demonstrat; dum sententias acutissimas de nescio quibus quasi cavernis, unde non sperabatur, eruit, et ostendit; dum adversarii convincit errorem, et docet falsum esse quod ab illo dici videbatur invictum; maxime quando adeat ei quoddam decus non appetit, sed quodammodo naturale, et nonnulla, non jactanticula, sed quasi necessaria, atque, ut ita dicam, ipsis rebus extorta³ numerositas clausularum; tantas acclamations excitat, ut vix intelligatur esse submissa. Non enim quia neque incedit ornata, neque armata, sed tanquam nuda congridetur, ideo non adversarium nervis lacertisque collidit; et obsistentem subruit ac destruit membris forissimis falsitatem. Unde autem crebro et multum acclamatur ita dicentibus, nisi quia veritas sic demonstrata, sic defensa, sic invicta delectat? Et in hoc igitur genere submisso iste noster doctor et dictor id agere debet, ut non solum intelligenter, verum etiam libenter et obedientier audiatur.

57. Illa quoque eloquentia generis temperati apud eloquentem ecclesiasticum, nec inornata relinquitur, nec indecenter ornatur : nec solum hoc appetit ut delectet, quod solum apud alios proficitur; verum etiam in iis quæ laudat, sive vituperat, istis appetendis vel firmius tenendis, illis autem devitandis vel respon-

dis, vult utique obedientier audiri. Si autem non auditur intelligenter, nec libenter potest. Proinde illa tria, ut intelligent qui audiunt, ut delectentur, ut obedientiant, etiam in hoc genere agendum est, ubi tenet delectatio principatum.

58. Jam vero ubi movere et flectere grandi genere opus est auditorem (quod tunc est opus, quando et veraciter dici et suaviter confitetur, et tamen non vult facere quod dicitur), dicendum est procul dubio granditer. Sed quis movetur, si nescit quod dicitur? aut quis tenetur ut audiat, si non delectatur? Unde et in isto genere, ubi ad obedientiam cor durum dictio- nis granditate flectendum est, nisi et intelligenter et libenter qui dicit audiatur, non potest obedientier audi- diri.

CAPUT XXVII. — *Obedientius audiiri cujus vita dictio- nis respondet.*

59. Habet autem ut obedientier audiatur, quan- cumque granditate dictio- nis majus pondus vita dicen- tis. Nam qui sapienter et eloquenter dicit, vivit autem nequiter, erudit quidem multos discendi studiosos, quamvis animæ suæ sit inutilis (*Eccli. xxxvii*, 22), sicut scriptum est⁴. Unde ait et Apostolus : *Sive occa- sione, sive veritate, Christus annuntietur* (*Philip. i*, 18). Christus autem veritas est, et tamen etiam non veritate annuntiari veritas potest; id est, ut pravo et fallaci corde, quæ recta et vera sunt, prædicentur. Sic quippe annuntiatur Jesus Christus ab eis qui sua querunt, non quæ Jesu Christi. Sed quoniam boni fideles non quemlibet hominum, sed ipsum Dominum obedientier audiunt, qui ait, *Quæ dicunt, facite; quæ autem faciunt, facere nolite: dicunt enim, et non faciunt;* ideo audiuntur utiliter, qui etiam utiliter non agunt. Sua enim querere student, sed sua docere non au- dent, de loco scilicet superiore sedis ecclesiastice, quam sana doctrina constituit. Propter quod ipse Do- minus priusquam de talibus, quod commemoravi, diceret, præmisit, *Super cathedram Moysi sederunt* (*Matth. xxiii*, 2, 3). Illa ergo cathedra, non eorum sed Moysi, cogebat eos bona dicere, etiam non bona facientes. Agebant ergo sua in vita sua; docere autem sua, cathedra illos non permittebat aliena.

60. Multis itaque prosunt dicendo quæ non faciunt; sed longe pluribus prædissent faciendo quæ dicunt. Abundant enim qui malæ vite suæ defensionem ex ipsis suis præpositis et doctoribus querant, respon- dentes corde suo, aut etiam si ad hoc erumpunt, ore suo, atque dicentes : *Quod mihi præcipis, cur ipse non facis?* Ita fit ut eum non obedientier audiant, qui se ipse non audit, et Dei verbum quod eis prædicatur,

¹ Editi, credibilita. At MSS., credita. Sic passim Augusti- nus, juxta græcam versionem LXX, epistolæthesan.

² In vulgaris, dissolvit: ac paulo infra, et quando nonnulla non jactanticula. Hic vero particula, quando, abest a MSS. et sane redundant, si superioris legatur, dum solvit, uti re ipsa erunt MSS. omnes.

³ MSS. plures, exorta.

⁴ Editi: *Sicut scriptum est, Scribe et pharisæi in cathe- dra Moysi sederunt. Quæ dicunt, facite; quæ autem faciunt, facere nolite: dicunt enim, et non faciunt.* Abest ab omnibus MSS. hæc scrituræ sententia, hunc in locum, opinabilem, immissa propter clausulam, *sicut scriptum est*, qua referenda fuerat ad præcedentia verba ex Eccli. xxxvii, 22, ubi legitur, *Esti vir astutus multorum cruditor, et animæ suæ inutilis est: in antiqua lectione græca, quæ nunc existat, achrestos estin*, pro quo latiniæ versionis vulgata auctor legebat, *chréstos*: quandoquidem reddidit, *suavis est*, quæ una erat lectio in viss. nostris Bibliis, ubi jam in excusis ultraque conjunctim reperiuntur.

simul cum ipso prædicatore contemnunt. Denique Apostolus scribebat ad Timotheum, cum dixisset, *Nemo adolescentiam tuam contemnat*; subiecit unde non contemneretur, atque ait: *Sed forma esto fidelium in sermone, in conversatione, in dilectione, in fide, in castitate* (I Tim. iv, 12).

CAPUT XXVIII. — *Veritati potius quam verbis studendum. Verbis contendere quid sit.*

61. Talis doctor ut obediens audiatur, non impudenter non solum submisso ac temperate, verum etiam granditer dicit, quia non contemptibiliter vivit. Sic namque eligit bonam vitam, ut etiam bonam non negligat famam, sed provideat bona coram Deo et hominibus (II Cor. viii, 21), quantum potest, illum timendo, his consulendo. In ipso etiam sermone malit rebus placere quam verbis; nec aestimet dici melius, nisi quod dicitur verius; nec doctor verbis serviat, sed verba doctori. Hoc est enim quod Apostolus ait: *Non in sapientia verbi, ne evacuetur crux Christi* (I Cor. i, 17). Ad hoc valet etiam quod ait ad Timotheum: *Noli verbis contendere; ad nihil enim utile est, nisi ad subversionem audientium* (II Tim. ii, 14). Neque enim loc ideo dictum est, ut adversariis oppugnantibus veritatem, nihil nos pro veritate dicamus. Et ubi erit quod cum ostenderet qualis esse episcopus debeat, ait inter cætera: *Ut potens sit in doctrina sana et contradicentes redargueret* (Tit. i, 9)? Verbis enim contendere, est non curare quomodo error veritate vincatur, sed quomodo tua dictio dictioni præferatur alterius. Porro qui non verbis cohtendit, sive submisso, sive temperate, sive granditer dicat, id agit verbis ut veritas patet, veritas placeat, veritas moveat; quoniam nec ipsa, quæ præcepti finis et plenitudo Legis est charitas (I Tim. i, 5; et Rom. xiii, 10), ullo modo recta esse potest, si ea quæ diliguntur, non vera, sed falsa sunt. Sicut autem cuius pulchrum corpus et deformis est animus, magis dolendus est, quam si deforme haberet et corpus; ita qui eloquenter ea quæ falsa sunt dicunt, magis miserandi sunt, quam si talia deformiter dicent. Quid est ergo non solum eloquenter, verum etiam sapienter dicere, nisi verba in submisso genere sufficientia, in temperato splendentia, in grandi venerationia, veris tamen rebus, quas audiri oporteat, adhibere? Sed qui utrumque non potest, dicat sapienter quod non dicit eloquenter, potius quam dicat eloquenter quod dicit insipienter.

CAPUT XXIX. — *Non culpandus ecclesiastes, qui a peritiore sumit conscriptum eloquium, quod ad populum proferat.*

Si autem ne hoc quidem potest, ita conversetur, ut non solum sibi præmium comparet, sed etiam præbeat aliis exemplum, et sit ejus quasi copia dicendi forma vivendi.

62. Sunt sane quidam qui bene pronuntiare possunt, quid autem pronuntient, excogitare non possunt. Quod si ab aliis sumant eloquenter sapienterque conscriptum, memoræque commendent, atque ad populum proferant; si eam personam gerunt, non improbe faciunt. Sic enim, quod profecto utile est, multi

prædictores veritatis sunt, nec multi magistri, si unius veri magistri id ipsum dicant omnes, et non sint in eis schismata (I Cor. i, 10). Nec deterrendi sunt isti voce Jeremie prophete, per quem Deus arguit eos qui furantur verba ejus, *unusquisque a proximo suo* (Jerem. xxiii, 30). Qui enim furantur, alienum auferunt; verbum autem Dei non est ab eis alienum, qui obtemperant ei: potiusque ille dicit aliena, qui cum dicat bene, vivit male. Quæcumque enim bona dicit, ejus excogitari videntur ingenio, sed ab ejus moribus aliena sunt. Eos itaque dixit Deus furari verba sua, qui boni volunt videri, loquendo quæ Dei sunt; cum mali sint, faciendo quæ sua sunt. Nec sane ipsi dicunt bona quæ dicunt, si diligenter attendas. Quomodo enim dicunt verbis, quod negant factis? Non enim frustra de talibus ait Apostolus: *Confiterunt se nos esse Deum, factis autem negant* (Tit. i, 16). Modo ergo quodammodo ipsi dicunt, et rursus allo modo non ipsi dicunt, quoniam utrumque verum est quod Veritas ait. De talibus evim loquens, *Quæ dicunt, inquit, facite; quæ autem faciunt, facere nolite*; hoc est, Quod ex ore illorum auditis, facite; quod in opere videtis, facere nolite: *dicunt enim, inquit, et non faciunt* (Matth. xxi, 3). Ergo quamvis non faciant, dicunt tamen. Sed alio loco tales arguens: *Hypocrita*, inquit, *quomodo potestis bona loqui, cum sitis mali* (Id. xii, 34)? Ac per hoc et ea quæ dicunt, quando bona dicunt, non ipsi dicunt, voluntate scilicet atque opere negando quod dicunt. Unde contingit ut homo disertus et malus, sermonem quo veritas prædicetur, dicendum ab alio non diserto sed bono, ipse componat; quod cum sit, ipse a seipso tradit alienum, ille ab alieno accipit suum. Cum vero boni fideles bonis fidelibus hanc operam commodant, utrique sua dicunt: quia et Deus ipsorum est, cujus sunt illa quæ dicunt; et ea sua faciunt, quæ non ipsi componere potuerunt, qui secundum illa composite vivunt.

CAPUT XXX. — *Concionator præmittat orationem ad Deum.*

63. Sive autem apud populum vel apud quoslibet jamjamque dicturus, sive quod apud populum dicendum vel ab eis qui voluerint aut potuerint legendum, est dictatus; oret ut Deus sermonem bonum det in os ejus. Si enim regina oravit Esther, pro suæ gentis temporaria salute locutura apud regem, ut in os ejus Deus congruum sermonem daret (Esther. xiv, 13); quanto magis orare debet, ut tale munus accipiat, qui pro æterna hominum salute in verbo et doctrina laborat? Illi vero qui ea dicturi sunt quæ ab aliis acceperunt, et antequam accipiunt, orent pro eis a quibus accipiunt, ut eis detur quod per eos accipere volunt; et cum acceperint, orent ut bene et ipsi proferant, et illi ad quos proferunt sumant; et de prospéro exitu dictionis eidem gratias agant, a quo id se accepisse non dubitant: ut qui gloriatur, in illo glorietur, in cuius manu sunt et nos et sermones nostri (Sap. vii, 16).

CAPUT XXXI — *Excusat prolixitatem libri..*

64. Longior evasit liber hic quam volebam, quamque putaveram. Sed legenti vel audienti, cui *gratus est*, longus non est : cui autem longus est, per partes eum legat, qui habere vult cognitum; quem vero cognitionis ejus piget, de longitudine non queratur.

Ego tamen Deo nostro gratias ago, quod in his quatuor libris non qualis ego essem, cui multa desunt, sed qualis esse debeat, qui in doctrina sana, id est christiana, non solum sibi, sed etiam aliis laborare studet, quantulacumque potui facultate disserui.

ADMONITIO

DE SEQUENTE LIBRO DE VERA RELIGIONE (a).

Inter opuscula quæ S. Augustinus nondum presbyter (quam dignitatem anno 391 adeptus est) emisit in lucem, postremum in Retractionibus locum assignat libro de vera Religione; quem idcirco ad annum 390 referendum censemus. Jam ante annos aliquot hujus argumenti tractationem Romanianum civi suo et Mæcenati pollicitus erat, uti ineminit capite septimo, numero duodecimo. Id vero in se receperat scribens anno 388 contra Academicos, libro secundo, capite tertio, numero octavo. Porro in epistola decima quinta, ad Romanianum, numero primo, confectum a se opus memorat, ipsi propediem transmittendum.

Evidum postea de existentia Dei dubia quedam proponentem ad huncce librum remittit in epistola centesima sexagesima secunda, numero secundo; patetque ex epistola vigesima septima, numero quarto, ad Paulinum, eundem librum unum esse ex quinque illis, quos *Pentateuchum contra Manichæos* appellat Paulinus, qui eos ab Alypio dono accepérat, et quorum occasione in laudem Augustini sic exclamat in epistola vigesima quinta, numero primo : *O vere sal terra, quo præcordia nostra, ne possint sæculi vanescere errore, condiuntur! O lucerna digne supra candelabrum Ecclesiæ posita, quæ late catholicis urbibus de septiformi lycno pastum oleo lætitiae lumen effundens, densas licet hæreticorum caligines discutis, et lucem veritatis a confusione tenebrarum, splendor clarifici sermonis enubilas!* etc. Certe liber de vera Religione, si quis alias, hoc elogium Augustino demebatur. Etsi enim recens sum, cum eum scriptis, in veræ religionis partes perductus esset, nec alio quam christiani catholici nomine prædictus; eo tamen sublimi modo christianæ religionis sacramenta exponit, oppositorumque dogmatum in primis Manichæorum revellit fundamenta, ut jam tum absolutissimi doctoris et strenuissimi episcopi vices impleverit.

Vide lib. 1, cap. 13, Retractionum, col. 602, a verbis, Tunc etiam de Vera Religione, n. 1, usque ad col. 603, n. 9, verbis, Vitæ bonæ ac beatæ via. M.

(a) In B., librum de Morib[us] Manichæorum sequitur liber de Vera Religione. Melius hic adaptari videtur, utpote naturale libri de Doctrina Christiana complementum. M.

S. AURELII AUGUSTINI HIPPONENSIS EPISCOPI DE VERA RELIGIONE

Liber unus (a).

Præmisso veram religionem non reperiri apud Paganos, neque in secta ulla, præterquam in catbolica Ecclesia; mox divinæ œconomie erga humanam salutem historia (quod quidem christianæ religionis ea, ut ac undamentum est) sic explicatur, ut Manicheorum de duabus præsertim naturis seu de malo origine et natura errores revincantur. Agitur de duplice via qua Deus hominibus consulit, auctoritate credentes ad salutem vocas, intelligentes ratione. Quippe ratione subduxus homo ex rebus inferioribus ad Deum evenhit: imo ad ipsum prosequendum admonetur ex ipsis vitis, de quorum triplici genere prolixum hic sermonem instituit Augustinus; qui denique unum verum Deum, id est, Trinitatem, patrem, et Filium, et spiritum sanctum vera religione colendum esse concludit.



CAPUT PRIMUM. — *Philosophi de religione aliud in scholis docebant, aliud in templis profitebantur.*

I. Cum omnijs vita bonæ ac beatæ via in vera religione

sit constituta, qua unus Deus colitur, et purgatissima p[er]petuæ cognoscitur principium naturarum omnium, a quo universitas et inchoatur et perficitur et continue-

ADMONITIO PP. BENEDICTINORUM.

In hujus libri recensione consuluimus MSS. Thuaneum, Regium, Navarricum, Sorbonicum, Victorinum, Cassensem Corbeiensem, Gemmeliensem, Audiensem, Beccensem, Germanensem, et Bibliotheca Remensis ecclesie unum; lectio-nes ad nos missas MSS. Cisterciensis, Arnulfiensis, Vaticanæ, et lectiones Belgicorum quinque apud Lov.; editiones denique Bod. Er. Lov. et Arnaldi.

Comparavimus præterea eas omnes editiones initio Retr. et Confess., t. 1, memoratas. M.

(a) scriptus circiter an. Christi 390.

tur : hinc evidentius error deprehenditur eorum populorum, qui multos deos colere, quam unum verum Deum et Dominum omnium maluerunt, quod eorum sapientes, quos philosophos vocant, scholas habebant dissentientes et tempora communia. Non enim vel populos vel sacerdotes latebat, de ipsorum deorum natura quam diversa sentirent, cum suam quisque opinionem publice profiteri non formidaret, atque omnibus, si posset, persuadere moliretur ; omnes tamen cum sectatoribus suis diversa et adversa sentientibus, ad sacra communia nullo prohibente veniebant. Non nunc agitur, quis eorum verius senserit; sed certe illud satis, quantum mihi videtur, appareat, aliud eis in religione suscepisse cum populo, et aliud eodem ipso populo audiente defendisse privatim.

CAPUT II. — *De diis quid Socrates senserit. Mundus hic pro Deo habitus.*

2. Socrates tamen audacior ceteri, suisse perhibetur jurando per canem quemlibet, et lapidem quemlibet, et quidquid juraturo esset in promptu, et quasi ad manum occurrisset. Credo, intelligebat qualiacumque opera naturae, quæ administrante divina providentia gignerentur, multo quam hominum et quorumlibet opificium esse meliora, et ideo divinis honoribus digniora, quam ea quæ in templis colebantur. Non quod vere lapis et canis essent colenda sapientibus, sed ut hoc modo intelligerent qui possent, tanta superstitione deinarsos esse homines, ut emergentibus hic esset tam turpis demonstrandus gradus, ad quem venire si puderet, viderent quanto magis pudendum esset in turpiore consistere. Simul et illos qui mundum istum visibilem, summum Deum esse opinabantur, admonebat turpitudinis sue, docens esse consequens ut quilibet lapis tanquam summi Dei particula jure coleretur. Quod si execrarentur, mutarent sententiam, et unum Deum quererent¹, quem solum supra mentes nostras esse, et a quo omnem animam et totum istum mundum fabricatum esse constaret. Postea suavius ad legendum, quam potentius ad persuadendum scripsit Plato. Non enim sic isti nati erant, ut populorum suorum opinionem ad verum cultum veri Dei, a simulacrorum superstitione atque ab hujus mundi vanitate converterent. Itaque et ipse Socrates cum populo simulacra venerabatur, et post ejus damnationem mortemque, nemo ausus est jurare per canem, nec appellare quemcumque lapideum Jovem, sed hæc tantummodo memoria litterisque mandare. Quod utrum timore severitatis², an aliqua cognitione temporum fecerint, judicare non est meum.

CAPUT III. — *Vera religio christiana, quæ hominibus persuasit, quod illis persuaderi posse Plato non creditit.*

3. Illud tamen sidentissime dixerim, pace horum omnium, qui eorum libros pervicaciter diligunt, christianis temporibus quenam religio potissimum tenenda sit, et quæ ad veritatem ac beatitudinem via est, non esse dubitandum. Si enim Plato ipse viveret, et me in-

terrogantem non aspernaretur, vel potius, si quis ejus discipulus eo ipso tempore quo vivebat, eum interrogaret, cum sibi ab illo persuaderetur, non corporeis oculis, sed pura mente veritatem videri; cui quæ cumque anima inhæsisset, eam beatam fieri atque perfectam : ad quam percipiendam nihil magis impediare, quam vitam libidinibus deditam et falsas imagines rerum sensibilium, quæ nobis ab hoc sensibili mundo per corpus impressæ, varias opiniones erroresque generarent; quonobrem sanandum esse animum ad intuendam incommutabilem rerum formam, et eodem modo semper se habentem atque undique similem pulchritudinem, nec distentam locis, nec tempore variatam, sed unum atque idem omni ex parte servantem, quam non credentes esse homines, cum ipsa vere summeque sit : cetera nasci, occidere, fluere, labi; et tamen in quantum sunt, ab illo aeterno Deo per ejus veritatem fabricata constare : in quibus animæ tantum rationali et intellectuali datum est, ut ejus aeternitatis contemplatione persuatur, atque affectu orneturque ex ea, aeternamque vitam possit meieri; sed dum nascentium atque transeuntium rerum amore ac dolore sauciatur, et dedita consuetudini hujus vita atque sensibus corporis, inanibus evanescit imaginibus, irridet eos, qui dicunt esse aliquid, quod nec istis videatur oculis, nec ullo phantasmate cogitur, sed mente sola et intelligentia cerni queat : cum haec ergo a magistro sibi persuaderentur, si ex coquereret ille discipulus, utrum si quisquam existeret vir magnus atque divinus, qui talia populis persuaderet credenda saltem, si percipere non valerent, aut si qui possent percipere, non pravis opinionibus multitudinis implicati, vulgaribus obruerentur erroribus; eum divinis honoribus dignum judicaret : responderet, credo, ille, non posse hoc ab homine fieri, nisi quem forte ipsa Dei Virtus atque Sapientia ab ipsa rerum natura exceptum, nec hominum magisterio, sed intima illuminatione ab incunabulis illustratum, tanta honestaret gratia, tanta firmitate roboraret, tanta denique majestate subvehceret, ut omnia contempnendo quæ pravi homines cupiunt, et omnia perpetiendo quæ horrescant, et omnia faciendo quæ mirantur, genus humanum ad tam salubrem fidem summo amore atque auctoritate converteret. De honoribus vero ejus frustra se consuli, cum facile possit existimari quanti honores debeantur Sapientia Dei, qua gestante et gubernante ille pro vera salute generis humani, magnum aliquid proprium, et quod supra homines esset, mereatur.

4. Quæ si facta sunt, si litteris monumentisque celebrantur, si ab una regione terrarum, in qua sola unus colebatur Deus, et ubi talem nasci oportebat, per totum orbem terrarum missi electi viri, virtutibus atque sermonibus divini amoris incendia concitarent; si confirmata saluberrima disciplina, illuminatas terras posteris reliquerunt; et, ne de præteritis loquar, quæ potest quisque non credere, si hodie per gentes populosque prædicatur : *In principio erat Verbum, et Verbum erat apud Deum, et Deus erat Verbum : hoc*

¹ MSS. sexdecim, ut unum Deum quererent.

² MSS. novem omittunt, severitatis; e quibus Cemmet. ita prosequitur, an alia cognitione, etc.

erat in principio apud Deum. Omnia per ipsum facta sunt, et sine ipso factum est nihil (Joan. i, 1-3). Si ad hoc percipiendum, diligendum, perfruendum ut anima saneter, et tantæ luci hauriendæ mentis acies convalescat, dicitur avaris, *Nolite vobis condere thesauros in terra, ubi tinea et ærugo exterminant, et ubi fures effodiunt et furantur; sed thesaurizate vobis thesauros in cœlo, ubi neque tinea neque rubigo exterminant, neque fures effodiunt, neque furantur: ubi enim est thesaurus tuus, ibi est et cor tuum (Matth. vi, 19-21):* dicitur luxuriosis, *Qui seminat in carne, de carne metet corruptionem: qui seminat in spiritu, de spiritu metet vitam æternam (Galat. vi, 8):* dicitur superbis, *Qui se exultat, humiliabitur; et qui se humiliat, exaltabitur (Luc. xiv, 11):* dicitur iracundis, *Accipisti alapanam, para alteram maxillam (Matth. v, 39):* dicitur discordiosis, *Diligite inimicos vestros (Ibid. 44):* dicitur superstitionis, *Regnum Dei intra vos est (Luc. xvii, 21):* dicitur curiosis, *Nolite querere quæ videntur, sed quæ non videntur. Quæ enim videntur, temporalia sunt: quæ autem non videntur, æterna sunt (II Cor. iv, 18):* postreino dicitur omnibus, *Nolite diligere mundum, neque ea quæ in mundo sunt: quoniam omne quod in mundo est, concupiscentia carnis est, et concupiscentia oculorum, et ambitio sæculi (I Joan. ii, 15, 16).*

5. Si haec per totum orbem jam populis leguntur, et cum veneratione libentissime audiuntur. Si post tantum sanguinem, tantos ignes, tot cruces martyrum, tanto fertilius et uberior usque ad barbaras nationes Ecclesie pullularunt. Si tot juvenum et virginum milia contemnentium nuptias casteque viventium jam nemo miratur: quid cum fecisset Plato, usque adeo perversam temporum suorum timuit opinionem, ut perhibeat sacrificasse naturæ¹, ut tanquam peccatum illud aboleretur. Si haec sic accipiuntur, ut quomodo antea talia disputare, sic nunc contra disputare monstruosum sit. Si tali pollicitationi atque sponsioni per omnes terrarum partes quas homines incolunt, sacra christiana traduntur. Si haec quotidie leguntur in ecclesiis, et a sacerdotibus exponuntur. Si tundunt pectora qui conantur haec implere; si tam innumerabiles aggrediuntur hanc viam, ut desertis divitiis et honoribus hujus mundi ex omni hominum genere uni Deo summo totam vitam dicare volentium, desertæ quondam insulæ ac multarum terrarum solitudo compleatur. Si denique per urbæ atque oppida, castella, vicos et agros etiam, villasque privatas in tantum aperte persuadetur et appetitur a terrenis aversio, et in unum Denim verunque conversio, ut quotidie per universum orbem humanum genus una pene voce respondeat, *surgum corda se habere ad Dominum (Ex can. Missæ):* quid adhuc oscitamus crapulam hester-nam, et in mortuis peccubibus divina eloquia perscrutamur; si quando autem ad disputationem venitur, Platonico nomine ora crepantia, quam pectus vero plenum, magis habere gestimus?

¹ In MSS. septem, sacrificasse naturæ naturam execratus, ut tanquam, etc.

CAPUT IV. — Philosophi qui sensibilibus toti hæren-ti contempnendi.

6. Qui ergo sensibilem istum mundum contempnere et animam virtute purgandam, summio Deo subiecere atque subjugare, vanum aut malum putant, alia ratione refellendi sunt: si tamen cum his dignum est disputare. Qui autem bonum et appetendum fatentur, cognoscent Deum et cedant Deo, per quem populis jam omnibus haec credenda persuasa sunt. Quod utique ab ipsis fieret, si tantum valerent: aut si non fieret, crimen inadvertitè vitare non possent. Ergo cedant ei a quo factum est, nec curiositate aut inani jactantia impediunt quominus agnoscant, quid intersit inter paucorum timidas¹ conjecturas, et manifestam salutem correptionemque populorum. Illi enim si reviviscerent, quorum isti nominibus glorian-tur, et invenirent referatas ecclesias, templaque deserta, et a cupiditate bonorum temporalium et fluentium ad spem vitæ æternæ et bona spiritualia et intelligibilia vocari et currere humanum genus; dicerent fortasse (si latentes essent, quales fuisse memorantur): Haec sunt quæ nos persuadere populis non ausi sumus, et eorum potius consuetudini cessimus, quam illos in nostram fidem voluntatemque traduximus.

7. Itaque si hanc vitam illi viri nobiscum rursum agere potuissent, viderent profecto cuius auctoritate facilius consuleretur hominibus, et paucis mutatis verbis atque sententiis christiani fierent, sicut plerique recentiorum nostrorumque temporum Platonici fecerunt. Aut si hoc non faterentur neque facerent, in superbia et invidia remanentes, nescio utrum posse ad ea ipsa quæ appetenda et desideranda esse dixerant, cum ipsis sordibus viscoque revolare. Nam tertio vitio curiositatis in percunetandis dæmonibus, quo isti maxime, cum quibus nunc agitur, Pagani a christiana salute revocantur, quia nimis puerile est, nescio utrum tales illi prepedirentur viri.

CAPUT V. — In quibus sectis vera religio. Manus di- vini. Spiritus sanctus.

8. Sed quoquo modo se habeat philosophorum jactantia, illud cuivis intelligere facile est, religione in ab eis non esse querendam, qui eadem sacra suscipiebant cum populis, et de suorum deorum natura ac summo bono, diversas contrariasque sententias in scholis suis, eadem teste multitudine, personabant. Quod si hoc unum tantum vitium christiana disciplina sanatum videremus, ineffabili laude prædicandam esse, neminem negare oporteret. Hæreses namque tam innumerabiles a regula Christianitatis aversæ, testes sunt non admitti ad communicanda Sacraenta eos qui de Patre Deo, et Sapientia ejus, et Munere divino aliorum sentiunt et hominibus persuadere conantur, quam veritas postulat. Sic enim creditur et docetur, quod est humanæ salutis caput, non aliam esse philosophiam, id est sapientiae studium, et aliam religionem, cum ii quorum doctrinam non approbamus, nec Sacraenta nobiscum communicant.

9. Quod in illis minus mirandum est, qui eorum

¹ Sic in MSS. melioris notæ. At in vulg. legitur, tantulas

quoque Sacramentorum ritu dispare esse voluerunt, sicut nescio qui Serpentini qui appellantur (*a*), sicut¹ Manichæi, sicut alii nonnulli. Sed in illis magis animadvertisendum hoc magisque prædicandum, qui paria Sacraenta celebrantes, tamen quia sententia dispare sunt, et errores suos animosius defendere, quam cautius corrigere maluerunt, exclusi a catholica communione, et a participatione quāvis parium Sacramentorum, propria vocabula propriosque conventus, non in sermone tantum, sed etiam in superstitione meruerunt: ut Photiniani, Ariani, multique præterea. Num de iis qui schismata fecerunt, alia quæstio est. Posset enim eos area dominica usque ad tempus ultime ventilationis velut paleas sustinere (*Matth.* iii, 12), nisi vento superbie nimia levitate cessissent, et sese a nobis ulro separassent. Judæi vero quamvis uni omnipotenti Deo supplicant, sola tamen temporalia et visibilia bona de illo expectantes, rudimenta novi populi ab humilitate surgentia, in ipsis suis Scripturis nimia securitate noluerunt advertere, atque ita in veteri homine remanserunt. Quæcum ita sint, neque in confusione Paganorum, neque in purgamentis hereticorum, neque in languore schismaticorum, neque in exercitate Judæorum querenda est religio, sed apud eos solos qui Christiani catholici, vel orthodoxy nominantur, id est integratissimis custodes, et recta sectantes.

CAPUT VI. — *Vera religio in sola Ecclesia catholica, quæ omnibus errantibus utitur ad provectus suos. Boni nonnunquam ex Ecclesia per seditiosos expulsi.*

10. Ille enim Ecclesia catholica per totum orbem valide lateque diffusa, omnibus errantibus utitur ad provectus suos, et ad eorum correctionem, cum evigilare voluerint. Utitur enim Gentibus ad materiam operationis suæ, hereticis ad probationem doctrinæ suæ, schismaticis ad documentum stabilitatis suæ, Judæis ad comparationem pulchritudinis suæ. Alios ergo invitat, alios excludit, alios relinquit, alios antecedit: omnibus tamen gratiæ Dei participandæ dat potestatem; sive illi formandi sint adhuc², sive reformati, sive recolligendi, sive admittendi. Carnales autem suos, id est viventes aut sentientes carnaliter, tanquam paleas tolerat, quibus in area frumenta tutiora sunt, donec talibus tegminibus exuantur. Sed quia in hac area pro voluntate quisque vel palea, vel frumentum est, tamdiu sustinetur peccatum aut error cuiuslibet, donec aut accusatorem inveneriat, aut pravam opinionem pertinaci animositate defendat. Exclusi autem aut poenitendo redeunt, aut in nequitiam male liberi defluunt, ad admonitionem nostræ diligentiae; aut schisma faciunt, ad exercitationem nostræ patientie; aut heresim aliquam gignunt, ad examen sive occasionem nostræ intelligentie. Hui sunt exitus Christianorum carnalium qui non potuerunt corrigi aut sustineri.

¹ In excusis omittitur *sicut*, quam vocem in plerisque MSS. repertam restituimus, quia Serpentinos a Manichæis non obscurè secernit Augustinus in lib. 2 de Genesi contra Manichæos, cap. 26, et clarius in libro de Heresibus.

² Editi, sive illi informandi sint adhuc. Sed sincerius MSS., formandi.

(a) Ophitze.

11. Sepe etiam sinit divina providentia, per nonnullas nimium turbulentas carnalium hominum seditiones expelli de congregatione christiana, etiam bonos viros. Quam contumeliam vel injuriam suam cum patientissime pro Ecclesiæ pace tulerint, neque ullas novitates vel schismatis vel heresis moliti fuerint, docebunt homines quam vero affectu, et quanta sinceritate charitatis Deo serviendum sit. Talium ergo virorum propositum est, aut sedatis remeare turbib; aut si id non sinantur, vel eadem tempestate perseverante, vel ne suo reditu talis aut sc̄vior oriantur; tenent voluntatem consulendi etiam eis ipsis quorum motibus perturbationibusque cesserunt, sine ulla conventiculorum segregatione usque ad mortem defendentes, et testimonio juvantes eam fidem quam in Ecclesia catholica prædicari sciunt. Hos coronat in occulto Pater, in occulto videns. Rarum hoc videatur genus, sed tamen exempla non desunt: imo plura sunt quam credi potest. Ita omnibus generibus hominum et exemplorum ad animarum curationem, et ad institutionem spiritualis populi, utitur divina providentia.

CAPUT VII. — *Catholica Ecclesiæ religio amplectenda. Quid illa profiteatur.*

12. Quamobrem, cum ante paucos annos promiserim tibi scribere, charissime mihi Romaniane, quid de vera religione sentirem (*Lib. 2 contra Academicos, cap. 3, n. 8*), tempus nunc esse arbitratus sum³, postquam tuas acerrimas interrogations, sino ullo certo sine fluctuare, ea charitate qua tibi obstrictus sum, diutius sustinere non possem. Repudiatis igitur omnibus qui neque in sacris philosophantur, nec in philosophia consecrantur; et iis qui vel prava opinione, vel aliqua similitate superbientes, a regula et communione Ecclesiæ catheolice deviarunt; et iis qui sanctarum Scripturarum lumen, et spiritualis populi gratiam, quod Novum Testamentum vocatur, habere noluerunt, quos quanta potui brevitate perstrixi: tenenda est nobis christiana religio, et ejus Ecclesiæ communicatio quæ catholica est, et catholica nominatur, non solum a suis, verum etiam ab omnibus inimicis. Velint nolint enim ipsi quoque heretici, et schismatum alumni, quando non cum suis, sed cum extraneis loquuntur, Catholicam nihil aliud quam Catholicam vocant. Non enim possunt intelligi, nisi hoc eam nomine discernant, quo ab universo orbe nuncupatur.

13. Hujus religionis sectandæ caput est historia et prophetia dispensationis temporalis divinæ providentie, pro salute generis humani in eternam vitam reformati atque reparandi. Quæcum credita fuerit, mentem purgabit vitæ modus divinis præceptis conciliatus, et idoneam faciet spiritualibus percipiendis, quæ nec præterita sunt, nec futura, sed eodem modo semper manentia, nulli mutabilitati obnoxia; id est, unum ipsum Deum Patrem et Filium et Spiritum sanctum: qua Trinitate quantum in hac vita datum est

³ Sic juxta Er. Lugd. Ven. Lov. in B., nunc esse arbitratus postquam, etc. M.

cognita, omnis intellectualis et animalis et corporalis creatura, ab eadem Trinitate creatrice esse in quantum est, et speciem suam habere¹, et ordinatissime administrari, sine ulla dubitatione perspicitur; non ut aliam partem totius creaturæ fecisse intelligatur Pater, et aliam Filius, et aliam Spiritus sanctus, sed et simul omnia et unamquamque naturam Patrem fecisse per Filium in dono Spiritus sancti. Omnis enim res, vel substantia, vel essentia, vel natura, vel si quo alio verbo melius enuntiatur, simul haec tria habet; ut et unum aliquid sit, et specie propria discernatur a cæteris, et rerum ordinem non excedat.

CAPUT VIII.—*Quæ primo auctoritate ducti credimus, postmodum ratione intelligimus. Hæretici præsunt Ecclesia.*

14. Quo cognito, satis apparebit quantum homo assequi potest, quam necessariis et invictis et justis legibus, Deo et Domino suo cuncta subjecta sint: ex quo illa omnia, quæ primo eredidimus, nihil nisi auctoritatem secuti, partim sic intelliguntur, ut videamus esse certissima; partim sic, ut videamus fieri posse, atque ita fieri oportuisse, doleamusque illos huc non credentes, qui nos anteā credentes irridere, quam nobiscum credere maluerunt. Non enim jam illa hominis sacrosancta susceptio, et Virginis partus, et mors Filii Dei pro nobis, et resurrectio a mortuis, et in coelum ascensio, et consessus ad dexteram Patris, et peccatorum abolitio, et judicii dies, et corporum resuscitatio, cognita æternitate Trinitatis et mutabilitate creaturæ, creduntur tantum, et non etiam judicantur ad summi Dei misericordiam, quam generi humano exhibet, pertinere.

15. Sed quoniam verissime dictum est, *Oportet multas hæreses esse, ut probati manifesti fiant inter vos* (*I Cor. xi, 19*); utamur etiam isto divinæ providentiae beneficio. Ex his enim hominibus hæretici sunt, qui etiamsi essent in Ecclesia, nihilominus errarent. Cum autem foris sunt, plurimum prosunt, non verum docendo, quod nesciunt; sed ad verum quærendum carnales, et ad verum aperiendum spirituales catholicos excitando. Sunt enim innumerabiles in Ecclesia sancta Deo probati viri, sed manifesti non sunt inter nos, quanidu imperitiæ nostræ tenebris delectati dormire malumus, quædam lucem veritatis intueri. Quapropter multi, ut diem Dei videant et gaudeant, per hæreticos de somno excitantur. Utamur ergo etiam hæreticis non ut eorum approbemus errores, sed ut catholicam disciplinam adversus eorum insidias asserentes, vigilantes et cautores simus, etiamsi eos ad salutem revocare non possumus.

CAPUT IX.—*Manichæorum error de duobus principiis et duabus animabus.*

16. Credo autem affuturum Deum, ut ista scriptura, precedente pietate, legentibus bonis, non adversus unam aliquam, sed adversus omnes pravas et falsas opiniones possit valere. Contra eos tamen potissimum

¹ *Mss. undecim carent his verbis, et speciem suam habere; quæ tamen hic a prime convenient propter secundum Trinitatis personam.*

est instituta, qui duas naturas vel substantias singulis principiis adversus invicem rebellis esse arbitrantur. Offensi enim quibusdam rebus, et rursus quibusdam delectati, non earum quibus offenduntur, sed earum quibus delectantur, volunt esse auctorem Deum. Et cum consuetudinem suam vincere nequeunt, jam carnalibus laqueis irretiti, duas animas esse in uno corpore existimant: unam de Deo, quæ naturaliter hoc sit quod ipse; alteram de gente tenebrarum, quam Deus nec genuerit, nec fecerit, nec protulerit, nec abjecerit; sed que suam vitam, suam terram, suos fetus et animalia, suum postremo regnum habuerit, ingenitumque principium; sed quodam tempore adversus Deum rebellasse, Deum autem cum aliud quod faceret non haberet, et quomodo alter posset hosti resistere non inveniret, necessitate oppressum misisse hue animam bonam, et quamdam particulam sue substantiae, cujus commixtione atque miscela² hostem temperatum esse somniant, et mundum fabricatum.

17. Neque nunc opiniones eorum refellimus, quod partim jam fecimus, partim quantum Deus siverit faciemus: sed in hoc opere quomodo adversus eos fides catholica tuta sit, et quomodo non perturbent animum ea quibus commoti homines in eorum cedunt sententiam, rationibus quas Dominus dare dignatur, quantum possumus demonstramus. Illud sane in primis tenere te volo, qui bene nosti animum meum, non hoc me fugienda arrogante gratia quasi solemniter dicere, quidquid in his litteris erroris inveniri poterit, hoc solum mihi esse tribuendum; quidquid autem verum et convenienter expositum, uni omnium bonorum numerum largitor Deo.

CAPUT X.—*Historiam divinæ œconomie erga nostram salutem narraturus, ostendit primum unde error in religione contingat, et quomodo perfecta religio Deo subveniente instauretur.*

18. Quomodo sit tibi manifestum atque perceptum, nullum errorem in religione esse potuisse, si anima pro Deo suo non coleret animam, aut corpus, aut phantasmata sua (^a), aut horum aliqua duo conjuncta, aut certe simul omnia: sed in hac vita societati generis humani sine dolo temporaliter congruens, æterna meditaretur, nnum Deum colens; qui nisi permaneret incommutabilis, nulla mutabilis natura remaneret. Mutari autem animam posse, non quidem localiter, sed tamen temporaliter, suis affectionibus quisque cognoscit. Corpus vero et temporibus et locis esse mutabile, cuivis advertore facile est. Phantasmata porro nihil sunt aliud quam de specie corporis corporeo sensu attracta figura: quæ memorie mandare ut accepta sunt, vel partiri, vel multiplicare, vel contrahere, vel distendere, vel ordinare, vel perturbare, vel quolibet modo figurare cogitando facilissimum est, sed cum verum queritur, cavere et vitare difficile.

² *Mss. novemdecim, atque miseria. Ita etiam Bed. et Kr.*
(a) *I Retract. cap. 13, n. 2.*

19. Non ergo creature potius quam Creatori serviamus, nec evanescamus in cogitationibus nostris, et perfecta religio est (*a*). *Aeterno enim Creatori adhaerentes, et nos aeternitate afficiamur nece-se est.* Sed quia hoc anima peccatis suis obruta et implicata, per seipsam videre ac tenere non posset, nullo in rebus humanis ad divina capessenda interposito gradu, per quem ad Dei similitudinem a terrena vita homo niteretur, ineffabili misericordia Dei temporali dispensatione per creaturam mutabilem, sed tamen aeternis legibus servientem, ad commemorationem prime sue perfectaeque naturae, partim singulis hominibus, partim vero ipsi hominum generi subvenitur. Ea est nostris temporibus christiana religio, quam cognoscere ac sequi, securissima ac certissima salus est (*b*).

20. Defendi autem adversus loquaces, et aperiri querentibus, multis modis potest; omnipotente ipso Deo per seipsum demonstrante quae vera sunt, et ad hunc intuenda et percipienda bona voluntate per bonos Angelos et quoslibet homines adjuvante. Eo modo autem quisque utitur, quem videt congruere iis cum quibus agit. Ego itaque diu multumque considerans quales oblatantes, et quales querentes expertus sum, vel qualis ipse, sive eum latrarem, sive cum querentem, fuerim; hoc modo nihil utendum putavi. Quae vera esse perspexeris, tene, et Ecclesie catholice tribue; que falsa, respue, et mili qui hominum sum ignoscere; que dubia, crede, donec aut responda esse, aut vera esse, aut semper credenda esse, vel ratio doceat, vel praecipiat auctoritas. Intende igitur in hac qua sequuntur, diligenter et pie, quantum potes: tales omnia adjuvat Deus (*c*).

CAPUT XI. — *Omnis vita a Deo. Mors animæ, nequitia.*

21. Nulla vita est quae non sit ex Deo, quia Deus utique summa vita est et ipse sibi vita, nec aliqua vita in quantum vita est, in malum est, sed in quantum veritatem ad mortem: mors autem vita non est, nisi nequitia, quae ab eo quod ne quidquam sit, dicta est; et ideo nequissimi homines, nihil homines appellantur. Vita ergo voluntario defectu deficiens ab eo qui eam fecit, et cuius essentia fruebatur, et volens contra Dei legem frui corporibus, quibus eam Deus praefecit, vergit ad nihilum; et huc est nequitia: non quia corpus jam nihilum est. Nam et ipsum habet aliquam concordiam partium suarum, sine qua omnino esse non posset. Ergo ab eo factum est et corpus, qui omnis concordie caput est. Habet corpus quamdam pacem sue formæ, sine qua prouersus nihil esset. Ergo ille est et corporis conditor, a quo pax omnis est, et qui forma est infabricata, atque omnium formosissima. Habet aliquam speciem, sine qua corpus non est corpus. Si ergo queritur quis instituerit corpus, ille queratur qui est omnium speciosissimus. Omnis enim species ab illo est. Quis est autem hic, nisi unus Deus, una veritas, una salus omnium, et prima

(*a*) *I Retract. cap. 15, n. 2.*

(*b*) *Ibid., n. 3.*

(*c*) *Ibid., n. 4.*

atque summa essentia, ex qua est omne quidquid est, in quantum est; quia in quantum est quidquid est, bonum est.

22. Et ideo ex Deo non est mors. *Non enim Deus mortem fecit, nec lætatur in perditione vivorum (Sap. 1, 15):* quoniam summa essentia esse facit omne quod est, unde et essentia dicitur. Mors autem non esse cogit quidquid moritur, in quantum moritur. Nam si ea que moriuntur, penitus morerentur, ad nihilum sine dubio pervenirent; sed tantum moriuntur, quantum minus essentiæ participant: quod brevius ita dici potest: tanto magis moriuntur, quanto minus sunt. Corpus autem minus est quam vita quælibet; quoniam quantulumcumque inanet in specie, per vitam manet, sive qua unumquodque animal, sive qua universa mundi natura administratur. Corpus ergo magis subiacet morti, et ideo vicinus est nihil: quapropter vita, quæ fructu corporis delectata negligit Deum, in celo natura ad nihilum, et ista est nequitia.

CAPUT XII. — *Lapsus et reparatio totius hominis.*

23. Hoc autem pacto vita carnalis et terrena efficitur, et ob hoc etiam caro et terra nominatur; et quamdiu ita est, regnum Dei non possidebit, et eripitur ei quod amat. Id enim amat quod et minus est quam vita, quia corpus est; et propter ipsum peccatum, quod amatur fit corruptibile, ut fluendo deserat amatorem suum, quia et ille hoc amando deseruit Deum. Precepta enim ejus neglexit dicentes: *Hoc manduca, et hoc noli (Gen. 11, 16, 17).* Trahitur ergo ad poenas: quia diligendo inferiora, in egestate voluntatum suarum et in doloribus apud inferos ordinatur. Quid est enim dolor, qui dicitur corporis, nisi corruptio repentina salutis ejus rei quam male utendo anima corruptioni obnoxiat? Quid autem dolor, qui dicitur animi, nisi carcere mutabilibus rebus, quibus fruebatur, aut frui se posse speraverat? Et hoc est totum quod dicitur malum, id est, peccatum, et poena peccati.

24. Si autem dum in hoc stadio vitæ humanae anima degit, vincat eas quas adversum se nutrit cupiditates fruendo mortalibus, et ad eas vincendas gratia Dei se adjuvari credat, mente illi serviens et bona voluntate; sine dubitatione reparabitur, et a multis mutabilibus ad unum incommutabile revertetur, reformata per Sapientiam non formatam, sed per quam formantur universa, fructusque Deo per Spiritum sanctum, quod est Dominum Dei. Ita fit homo spiritualis omnia judicans, ut ipse a nemine judicetur (*I Cor. 11, 15*), diligens Dominum Deum suum in toto corde suo, in tota anima, in tota mente, et diligens proximum suum non carnaliter, sed tanquam se ipsum. Se autem spiritualiter diligit, qui ex toto, quod in eo vivit, Deum diligit. In his enim duabus preceptis tota Lex pendet, et Prophetæ (*Math. xx 1, 37-40*).

25. Inde jam erit consequens ut post mortem corporalem, quam debemus primo peccato, tempore suo atque ordine suo hoc corpus restituantur pristinæ

¹ Sic MSS. operas. At Edd. habent, *secu observiam.*

stabilitati (a), quam non per se habebit, sed per animam stabilitam in Deo. Quae rursus non per se stabilitur, sed per Deum quo fruatur; ideoque amplius quam corpus vigebit: corpus enim per ipsam vigebit, et ipsa per incommutabilem veritatem, qui Filius Dei unicus est; atque ita et corpus per ipsum Filium Dei vigebit, quia omnia per ipsum. Dono etiam ejus, quod animæ datur, id est sancto Spiritu, non solum anima, cui datur, salva et pacata et sancta sit, sed ipsum etiam corpus vivificabitur, eritque in natura sua mundissimum. Ipse enim dixit: *Mundate quæ intus sunt, et quæ foris sunt munda erunt* (*Matth. xxiii, 25*). Dicit et Apostolus: *Virificabit et mortalia corpora vestra propter Spiritum manentem in vobis* (*Rom. viii, 11*). Ablato ergo peccato, auferetur et poena peccati: et ubi est malum? *Ubi est, mors, contentio tua? ubi est, mors, aculeus tuus?* Vincit enim essentia nihilum, et sic absorbetur mors in victoriam (*I Cor. xv, 54, 55*).

CAPUT XIII. — Angelorum differentia.

26. Nec aliquid sanctificatis malus angelus obterit, qui diabolus dicitur; quia et ipse, in quantum angelus est, non est malus, sed in quantum perversus est propria voluntate. Fatendum est enim, et Angelos natura esse mutabiles, si solus Deus est incommutabilis: sed ea voluntate qua magis Deum quam se diligunt, firmi et stabiles manent in illo, et frumentur maiestate ipsius, ei uni libentissime subditi. Ille autem angelus magis seipsum quam Deum diligendo, subditus ei esse noluit, et intumuit per superbiam, et a summa essentia defecit, et lapsus est: et ob hoc minus est quam fuit, quia eo quod minus erat frui voluit, cum magis voluit sua potentia frui, quam Dei. Quanquam enim non summe, tamen amplius erat, quando eo quod summe est, fructbatur, quoniam Deus solus summe est. Quidquid autem minus est quam erat, non in quantum est, sed in quantum minus est, malum est. Eo enim, quo minus est quam erat, tendit ad mortem. Quid autem mirum si ex defectu inopia, et ex inopia inadvertia, qua diabolus utique diabolus est?

CAPUT XIV. — A libero arbitrio peccatum.

27. Defectus autem iste quod peccatum vocatur, si tanquam febris invitum occuparet, recte injusta poena videretur, quæ peccantem consequitur, et que damnatio nuncupatur. Nunc vero usque adeo peccatum voluntarium est malum, ut nullo modo sit peccatum, si non sit voluntarium (b); et hoc quidem ita manifestum est, ut nulla hinc doctorum paucitas, nulla indoctorum turba dissentiat. Quare aut negandum est peccatum committi, aut fatendum est voluntate committi. Non autem recte negat peccasse animam, qui et penitendo eam corrigi facietur, et veniam penitenti dari, et perseverante in peccatis justa lege Dei damnari. Postremo, si non voluntate male facimus, nemo oligurgandus est omnino, aut monendus: quibus sublati Christiana lex et disciplina omnis re-

ligionis auferatur necesse est. Voluntate ergo peccatur. Et quoniam peccari non dubium est, ne hoc quidem dubitandum video, habere animas liberum voluntatis arbitrium. Tales enim servos suos meliores esse Deus judicavit, si ei servirent liberaliter: quod nullo modo fieri posset, si non voluntate, sed necessitate servirent.

28. Liberaliter igitur Deo Angeli servient, neque hoc Deo, sed ipsis prodest. Deus enim bono alterius non indiget, quoniam a seipso est. Quod autem ab eo genitum est, id ipsum est; quia non est factum, sed genitum. Illa vero quæ facta sunt, ejus bono indigent, summo scilicet bono, id est summa essentia. Minus autem sunt quam erant, cum per animæ peccatum minus ad illum moventur: nec tamen penitus separantur; nam omnino nulla essent. Quod autem affectibus contingit animæ, hoc locis corpori: nam illa movetur voluntate, corpus autem spatio. Quod autem homini a perverso angelo persuasum dicitur, etiam ad hoc utique voluntate consensit. Nam si necessitate id fecisset, nullo peccati criminе teneretur.

CAPUT XV. — Poena ipsa peccati ad resipiscendum eruditur.

29. Quod vero corpus hominis, cum ante peccatum esset in suo genere optimum, post peccatum factum est imbecillum¹ et morti destinatum, quanquam justa vindicta peccati sit, plus tamen clementiae Domini quam severitatis ostendit. Ita enim nobis suadetur a corporis voluptatibus, ad aeternam essentiam veritatis amorem nostrum oportere converti. Et est in titie pulchritudo cum benignitatis gratia concordans, ut quoniam bonorum inferiorum dulcedine decepti sunnus, amaritudine poenarum erudiamur. Nam ita etiam nostra supplicia divina providentia moderata est, ut et in hoc corpore tam corruptibili ad justitiam tendere licet, et deposita omni superbia uni Deo vero collum subdere, nihil de seipso sidere, illi uni se regendum tenendumque committere. Ita ipso duce homo bone voluntatis molestias hujus vitæ in usum fortitudinis vertit: in copia vero voluptatum prosperisque successibus temporalium, temperantiam suam probat et roborat; acuit in temptationibus prudentialium, ut non solum in eas non inducatur, sed flat etiam vigilantior, et in amorem veritatis, quæ sola non fallit, ardenter.

CAPUT XVI. — Incarnato Verbo beneficentius homini consultum est.

30. Sed cum omnibus modis medeatür animis Deus pro temporali opportunitatibus, quæ mira sapientia ejus ordinantur, de quibus aut non est tractandum, aut interpios perfectosque tractandum est; nullo modo beneficentius consuluit generi humano, quam cum ipsa Sapientia Dei, id est unicus Filius consubstantialis Patri et coeternus, totum hominem suscipere dignatus est, et Verbum caro factum est, et habitavit in nobis (*Joan. i, 14*). Ita enim demonstravit carnalibus, et non valentibus intueri mente veri-

(a) *I Retract. cap. 13, n. 4.*
(b) *Ibid. n. 3.*

¹ Fr. Lov. et Arn., *imbecillum*; pro quo Bad. et Nass., *imbecillorum*.

tatem, corporeisque sensibus deditis, quam excelsum locum inter creaturas habeat humana natura, quod non solum visibiliter (nam id poterat et in aliquo se theore corpore ad nostrorum aspectum tolerantiam temperato), sed hominibus in vero homine apparuit: ipsa enim natura suscipienda erat quae liberanda. Et ne quis forte sexus a suo Creatore se contemptum putaret, virum suscepit, natus ex semina.

31. Nihil egit vi, sed omnia suadendo et molliendo (a). Veteri quippe servitute transacta, tempus libertatis illuxerat, et opportune jam homini suadebatur atque salubriter, quam libero esset creatus arbitrio. Miraculis conciliavit fidem Deo qui erat¹, passione homini quem gerebat. Ita loquens ad turbas ut Deus, nuntiatam sibi matrem negavit (*Mauth.* xii, 48): et tamen, ut *Evangelium Iohannese*, puer parentibus subditus erat (*Luc.* ii, 51). Doctrina enim Deus apparebat, et statibus homo. Item aquam in vinum conversurus ut Deus, dicit, *Recede a me, mulier: nihil et tibi quid est? Noudum venit hora mea* (*Joan.* ii, 4). Cum autem venisset hora, qua ut homo moreretur, de cruce cognitam matrem commendavit discipulo, quem praeceteris diligebat (*Id.* xix, 26, 27). Satellites voluptatum divitias perniciose populi appetebant: pauper esse voluit. Honoribus et imperiis inhibabant: rex fieri noluit. Carnales filios magnum bonum putabant: tale conjugium prolemque contempsit. Contumelias superbissime horrebat: omne genus contumeliarum sustinuit. Injurias intolerabiles esse arbitrabantur: que major injuria quam justum innocentemque damnari? Dolores corporis exscerabunt: flagellatus atque cruciatus est. Mori metuebant: morte multatus est. Ignominiosissimum mortis genus crucem putabant: crucifixus est. Omnia que habere cupientes non recte vivebamus, carendo viles fecit². Omnia que vitare cupientes a studio deviabamus veritatis³, perpetiendo dejecit. Non enim ullum peccatum committi potest, nisi aut dum appetuntur ea que ille contempsit, aut fngiuntur que ille sustinuit.

32. Tota itaque vita ejus in terris, per hominem quem suscipere dignatus est, disciplina morum fuit. Resurrectio vero ejus a mortuis, nihil hominis perire naturae, cum omnia salva sunt Deo, satis indicavit, et quemadmodum cuncta serviant Creatori suo, sive ad vindictam peccatorum, sive ad hominis liberationem, quamque facile corpus animae serviat, cum ipsa subjicitur Deo. Quibus perfectis non solum nulla substantia malum est, quod fieri nuquam potest; sed etiam nullo malo afficitur, quod fieri per peccatum et vindictam potuit. Et haec est disciplina naturalis^(b),

¹ *Bad. et Er., qui in eo erat.* Paulo post *Mss.* tres optimae note habent, *homini quem regebat*. Alii cum *Edd.*, *gerebat*. Utique lectio recepta Augustino, qui superius cap. 3, n. 3, *suscipitum hominem Scientiam Dei gestante et gubernante meruisse* dicit.

² *Ita in MSS. At in Edd., vilia fecit.*

³ *Mss. non habent vocem veritatis.* — Quidam critici putant vocem hanc a librariis additam, et eorundem vitio vocem *studia pro studio* obrepisse. M.

^(a) *I Retract. cap. 13, n. 6.*

^(b) Alludit ad antiquam philosophiae partitionem in natu-

Christianis minus intelligentibus plena fide digna, intelligentibus autem omni errore purgata.

CAPUT XVII. — *Doctrinæ ratio in vera religione quam optima, seu Vetus seu Novum Testamentum spectetur.*

33. Jamvero ipse totius doctrinæ modus, partim apertissimus¹, partim similitudinibus, in dictis, in factis, in sacramentis, ad omnem animæ instructionem exercitationemque accommodatus, quid aliud quam rationalis disciplinæ regulam implevit? Nam et mysteriorum expositio ad ea dirigitur, quæ aperitissime dicta sunt. Et si ea tantum essent quæ facilime intelliguntur, nec studiose quereretur, nec suaviter inveniretur veritas. Neque si essent in Scripturis sacramenta², et in sacramentis non essent signacula veritatis, satis cum cognitione actio conveniret. Nunc vero quoniam pietas timore inchoatur, charitate persicitor; populus timore constrictus tempore servitus in veteri Lege multis Sacramentis onerabatur. Hoc enim talibus utile erat ad desiderandam gratiam Dei, quæ per Prophetas ventura canebatur. Quia ubi venit, ab ipsa Dei Sapientia homine assumpto, a quo in libertatem vocati sumus³, pauca Sacra menta saluberrima constituta sunt, quæ societatem christianæ populi, hoc est sub uno Deo liberae multitudinis, continerent. Multa vero quæ populo Hebreo, hoc est sub eodem uno Deo compeditæ multitudini imposita erant, ab actione remota sunt, in fide atque interpretatione manserunt. Ita nunc nec serviliter alligant, et excent liberaliter animum.

34. Quisquis autem ideo negat utrumque Testamentum ab uno Deo esse posse, quia non eidem sacramentis tenetur populus noster, quibus Iudei tenebantur vel adhuc tenentur; potest dicere non posse fieri ut unus paterfamilias justissimus aliud imperet eis quibus servitutem duriorem utilem judicat, aliud eis quos in filiorum gradum adoptare dignatur. Si autem præcepta vite movent, quod in veteri Lege minoria sunt, in Evangelio majora, et ideo putatur non ad unum Deum utraque pertinere; potest qui hoc patet perturbari, si unus medicus alia per ministros suos imbecillioribus, alia per seipsum valentioribus præcipiat ad reparandam, vel obtinendam salutem. Ut enim ars medicinae, cum eadem maneat, neque ulla pacto ipsa mutetur, mutat tamen præcepta languentibus, quia mutabilis est nostra valetudo: ita divina providentia, cum sit ipsa omnino incommutabilis, mutabili tamen creaturæ varie subvenit, et pro diversitate morborum alias alia jubet aut vetat; ut à vitio unde mors incipit, et ab ipsa morte, ad naturam suam et essentiam, ea quæ deficiunt, id est ad nihilum tendunt, reducat et firmet.

¹ Sic *Mss.* septemdecim et *Arn.* At *Bad.* *Er.* et *Lov.* habent, partim apertissimis rationibus, partim similitudinibus, etc.

² Abest vox, *sacramento*, a *Mss.* Germanensi, Gemmetiensi, et aliquot aliis non deterioris note.

³ Plerique *Mss.*, *homine assumpto, et in libertatem vocati suntus.*

ralem, moralem et rationalem. Moralem supra commemoravit, cum ait vitam Christi disciplinam morum fuisse: hic porro, naturalem; mox in sequenti capite, rationalem.

CAPUT XVIII. — *Creaturæ quare mutabiles.*

55. Sed dicas mihi : Quare deficiunt ? Quia mutabilia sunt. Quare mutabilia sunt ? Quia non summe sunt. Quare non summe sunt ? Quia inferiora sunt eo a quo facta sunt. Quis ea fecit ? Qui summe est. Quis hic est ? Deus incommutabilis Trinitas , quoniam et per summam Sapientiam ea fecit, et summa benignitate conservat. Cur ea fecit ? Ut essent. Ipsum enim quantumcumque esse , bonum est ; quia summum bonum est summe esse. Unde fecit ? Ex nihilo. Quoniam quidquid est, quantulacumque specie sit necesse est¹ ; ita etsi minimum bonum , tamen bonum erit, et ex Deo erit. Nam quoniam summa species sumnum honum est , minima species minimum bonum est. Omne autem bonum, aut Deus, aut ex Deo est. Ergo ex Deo est etiam minima species. Sane quod de specie, hoc etiam de forma dici potest. Neque enim frustra tam speciosissimum, quam etiam formosissimum in laude ponitur. Id ergo est, unde fecit Deus omnia, quod nullam speciem habet , nullamque formam ; quod nihil est aliud quam nihil. Nam illud quod in comparatione perfectorum informe dicitur, si habet aliquid formæ, quamvis exiguum, quamvis inchoatum, nondum est nihil, ac per hoc id quoque in quantum est, non est nisi ex Deo.

56. Quapropter etiam si de aliqua informi materia factus est mundus, hæc ipsa facta est omnino de nihilo. Nam et quod nondum formatum est, tamen aliquo modo ut formari possit ineboatum est, Dei beneficio formabile est : bonum est enim esse formatum. Nonnullum ergo bonum est et capacitas formæ : et ideo bonorum omnium auctor, qui præstitit formam, ipse fecit etiam posse formari. Ita omne quod est, in quantum est ; et omne quod nondum est, in quantum esse potest, ex Deo habet. Quod alio modo sic dicitur : Omne formatum, in quantum formatum est; et omne quod nondum formatum est, in quantum formari potest, ex Deo habet. Nulla autem res obtinet integratatem naturæ sive, nisi in suo genere salva sit. Ab eo autem est omnis salus, a quo est omne bonum ; at omne bonum ex Deo : salus igitur omnis ex Deo.

CAPUT XIX. — *Bona sunt, sed non summa bona, quæ vitiari possunt.*

57. Hinc jam cui oculi mentis patent, nec pernicioso studio vanæ victoriarum caligant atque turbantur, facile intelligit, omnia quæ vitianur et moriuntur, bona esse, quanquam ipsum vitium, et ipsa mors, malum sit. Nisi enim salute aliqua privarentur, non eis noceret vitium vel mors : sed si non noceret vitium, nullo modo esset vitium. Si ergo saluti adversatur vitium, et nullo dubitante salus bonum est; bona omnia sunt, quibus adversatur vitium ; quibus autem adversatur vitium, ipsa vitiantur : bona sunt ergo quæ vitiantur; sed ideo vitiantur, quia non summa bona sunt. Quia igitur bona sunt, ex Deo sunt : quia non summa bona sunt, non sunt Deus. Bonum ergo quod vitiari non potest, Deus est. Cetera autem omnia bona

¹ Mas. septem, quantulacumque species sit, necesse est, etc.
Nec mundus bene.

PATROL XXXIV.

ex ipso sunt, quæ per seipsa possunt vitiari, quia per seipsa nihil sunt : per ipsum autem partim non vitiantur, partim vitiata sanantur¹.

CAPUT XX. — *Unde animæ vitium.*

58. Est autem vitium primum animæ rationalis, voluntas ea faciendi quæ vetat summa et intima veritas. Ita homo de paradiiso in hoc seculum expulsus est, id est ab æternis ad temporalia, a copiosis ad egena, a firmitate ad infirma : non ergo a bono substantiali ad malum实质的, quia nulla substantia malum est; sed a bono æterno ad bonum temporale, a bono spirituali ad bonum carnale, a bono intelligibili ad bonum sensibile, a bono summo ad bonum insimum. Est igitur quoddam bonum, quod si diligit anima rationalis, peccat; quia infra illam ordinatum est : quare ipsum peccatum malum est, non ea substantia quæ peccando diligitur. Non ergo arbor illa malum est, quæ in medio paradiiso plantata scribitur, sed divini precepti transgressio. Quæ cum consequentem habet justam damnationem, contingit ex illa arbore, quæ contra vultur tacta est, digoscentia boni et mali : quia cum suo peccato anima fuerit implicata, luendo poenas, discit quid intersit inter præceptum quod custodiare noluit, et peccatum quod fecit; atque hoc modo malum, quod cavendo non didicit, disceit sentiendo ; et bonum quod non obtemperando² minus diligebat, ardenter diligit comparando.

59. Vitium ergo animæ est quod fecit, et difficultas ex vitio poena est quam patitur; et hoc est totum malum. Facere autem et pati non est substantia : quapropter substantia non est malum. Sic enim nec aqua malum est, nec animal quod vivit in aere ; nam istæ substantiae sunt : sed malum est voluntaria præcipitatio in aquam, et suffocatio quam mersus patitur. Stilus ferreus alia parte qua scribamus, alia qua deleamus, assabre factus est, et in suo genere pulcher, et ad usum nostrum accommodatus. At si quispiam ea parte scribere qua delictur, et ea velit delere qua scribitur, nullo modo stilum malum fecerit , cum ipsum factum jure vituperetur : quod si corrigat, ubi erit malum? Si quis repente meridianum solem intueatur, repercussi oculi turbabuntur : num ideo aut sol malum erit aut oculi? Nullo modo; sunt enim substantiae : sed malum est inordinatus aspectus, et ipsa quæ consequitur perturbatio; quod malum non erit, cum oculi fuerint recreati, et lucem suam congruenter aspicerint. Neque cum eadem lux quæ ad oculos pertinet, pro luce sapientiae quæ ad mentem pertinet, colitur, ipsa sit malum : sed superstitione malum est, qua creaturæ potius quam Creatori servitur; quod malum omnino nullum erit, cum anima recognito Creatore, ipsis uni se subjecerit, et cetera per cum subjecta sibi esse persenserit.

40. Ita omnis corporea creatura, si tantummodo possideatur ab anima quæ diligit Deum, bonum est insimum, et in genere suo pulchrum ; quoniam forma

¹ In Cisterciensi Ms. habetur : *partim non vitiantur, ut Angelii ; partim vitiata sanantur, ut homines.*

² Iste. nonnulli, quod in obtemperando. Alii, quod obtemperant.

(Cinq.)

et specie continetur: si autem diligatur ab anima quæ neglit Deum, ne sic quidem malum sit ipsa; sed quoniam peccatum malum est, quo ita diligitur, sit pœnalis dilectori suo, et eum implicat ærumnis, et pascit fallacibus voluptatibus: quia neque permanent, neque satiant, sed torquent doloribus. Quia cum ordinem suum peragit pulchra mutabilitas temporum, deserit amantem species concupita, et per cruciatum sentientis discèdit a sensibus, et erroribus agitat; ut hanc esse primam speciem putet, quæ omnium infima est, naturæ scilicet corporeæ¹, quam per lubricos sensus caro male delectata nuntiaverit², ut cum aliquid cogitat, intelligere se credit, umbris illusus phantasmatum. Si quando autem non tenens integrum diuinæ providentiae disciplinam, sed tenere se arbitrans, carni resistere conatur; usque ad visibilium rerum imagines pervenit, et lucis hujus quam certis terminis circumscripsum videt, immensa spatha cogitatione format inaniter: et hanc speciem³ sibi future habitatio- nis pollicetur; nesciens oculorum concupiscentiam se trahere, et cum hoc mundo ire velle extra mundum; quem propterea ipsum esse non putat, quia ejus clariorum partem per infinitum falsa cogitatione distendit. Quod non solum de hac luce, sed etiam de aqua, postrimo de vino, de melle, de auro, de argento, de ipsis denique pulpis, vel sanguine, vel ossibus quorumlibet animalium, et cæteris hujusmodi rebus facilime fieri potest. Nihil enim est corporis, quod non vel unum visum possit innumerabiliter cogitari, vel in parvo spatio visum possit eadem imaginandi facultate per infinita diffundi. Sed facillimum est exsecrari carnem, difficillimum autem non carnaliter sapere.

CAPUT XXI.—*Anima seducitur, dum fugaces corporum pulchritudines consecutatur.*

41. Hac ergo perversitate animæ, quæ contingit peccato atque suppicio, sit omnis natura corporea illud quod per Salomonem dicitur: *Vanitas vanitantum, et omnia vanitas. Quæ abundantia homini in omni labore ejus, quo ipse laborat sub sole (Eccle. 1, 2, 5)?* Neque enim frustra est additum, vanitantum, quia si vanitantes detrahias, qui tanquam prima sectantur extrema, non erit corpus vanitas; sed in suo genere, quamvis extremam, pulchritudinem sine ullo errore monstrabit. Temporalium enim specierum multisformitas ab unitate Dei hominem lapsum per carnales sensus diverberavit, et mutabili varietate multiplicavit ejus affectum: ita facta est abundantia laboriosa, et, si dici potest, copiosa egestas, dum aliud et aliud sequitur, et nihil cum eo permanet. Sic a tempore frumenti, vini et olei sui multiplicatus est, ut non inveniat idipsum (*Psal. iv, 8, 9*), id est naturam incommutabilem et singularem, quam secutus non erret, et assecutus non doleat. Ilabebit enim etiam consequentem redemptionem corporis sui (*Rom. viii, 25*), quod

¹ Editi: *Natura scilicet corporea.* At MSS. decem, *naturæ scilicet corporeæ.*

² Editi, *male dilecta nuntiaverat.* MSS. octo, *maledicta nuntiaverit.* Alii duo, *male docta;* unus, *male ducta;* aliquot alii, *male delectata nuntiaverit.*

³ Lov. et Arn., *spem.* Sed melius antiquæ editiones et MSS., *speciem.*

jam non corruptetur. Nunc vero corpus quod corruptitur aggravat animam, et deprimit terrena inhabitatione sensum multa cogitante (*Sap. ix, 15*), quia rapitur in ordinem successionis extrema corporum pulchritudo. Nam ideo extrema est, quia simul non potest habere omnia; sed dum alia cedunt atque succedunt, temporalium formarum numerum in unam pulchritudinem complent¹.

CAPUT XXII.—*Rerum transeuntium administratio solis impiis displicet.*

42. Et hoc totum non propterea malum, quia transit. Sic enim et versus in suo genere pulcher est, quamvis duæ syllabæ simul dici nullo modo possint. Nec enim secunda enuntiatur, nisi prima transierit; atque ita per ordinem pervenitur ad finem, ut cum sola ultima sonat, non secum sonantibus superioribus, formam tamen et decus metrum cum præteritis contexta perficiat. Nec ideo tamen ars ipsa qua versus fabricatur, sic temporis obnoxia est, ut pulchritudo ejus per mensuras morarum digeratur: sed simul habet omnia, quibus efficit versum non simul habentem omnia, sed posterioribus priora tollentem; propterea tamen pulchrum, quia extrema vestigia illius pulchritudinis ostentat, quam constanter atque incommutabiliter ars ipsa custodit.

43. Itaque, ut nonnulli perversi magis amant versus, quam artem ipsam qua conficitur versus, quia plus se auribus quam intelligentiæ dediderunt: ita multi temporalia diligent, conditricem vero ac moderatricem temporum divinam providentiam non requirunt; atque in ipsa dilectione temporalium nolunt transire quod amant, et tam sunt absurdæ, quam si quisquam in recitatione præclari carminis unam aliquam syllabam solam perpetuo vellet audire. Sed tales auditores carminum non inveniuntur; talibus autem rerum estimatoribus plena sunt omnia; propterea quia nemo est, qui non facile non modo totum versum, sed etiam totum carmen possit audire; totum autem ordinem sæculorum sentire nullus hominum potest. Ille accedit quod carminis non sunt partes, sæculorum vero partes damnatione facti sumus. Illud ergo canitur sub iudicio nostro, ista peraguntur de labore nostro. Nulli autem victo ludi agonistici placent, sed tamen cum ejus dedecore decori sunt: et hæc enim quædam imitatio veritatis est. Nec ob aliud a talibus prohibemur spectaculis, nisi ne umbris rerum decepti, ab ipsis rebus quarum illæ umbræ sunt, aberremus. Ita universitatis hujus conditio atque administratio, solis impiis animis damnatisque non placet; sed etiam cum miseria earum², multis vel in terra vetricibus, vel in cœlo sine periculo spectantibus placet: nihil enim justum displicet justo.

CAPUT XXIII.—*Omnis substantia bona.*

44. Quocirca, cum omnis anima rationalis aut pec-

¹ Sic MSS. plerique. At Er. Lov. et Arn., *numero in pulchritudinem complent.*

² Er. et MS. Casalensis: *sed etiam animalibus sanctis cum miseria earum.* Lov., *sed etiam animalibus sanctis cum,* etc. Locus interpolatus, quem MSS. plerique necnon editiones Bad. et Arn. sic exhibent: *sed etiam cum miseria,* etc.

catis suis misera sit, aut recte factis beata; omnis autem irrationalis aut cedat potentiori, aut pareat meliori, aut comparetur æquali, aut certantem¹ exercent², aut damnato noceat; et omne corpus suæ animæ serviat, quantum pro ejus meritis, et pro rerum ordine sinitur: nullum malum est naturæ universæ, sed sua cuique culpa sit malum. Porro cum anima per Dei gratiam regenerata, et in integrum restituta, et illi subdita uni a quo est creata, instaurato etiam corpore in pristinam firmitatem, non cum mundo possideri, sed mundum possidere cœperit, nullum ei malum erit: quia ista infima pulchritudo temporalium vicissitudinum, quæ cum ipsa peragebatur, sub ipsa peragetur; et erit, ut scriptum est, *Cælum novum et terra nova* (*Isai. lxx, 17, et Apoc. xxI, 1*), non in parte laborantibus animis, sed in universitate regnantibus. *Omnia enim vestra*, inquit Apostolus, *vos autem Christi, Christus autem Dei* (*I Cor. iii, 22*): et, *Caput mulieris vir, caput viri Christus; caput autem Christi Deus* (*Id. xi, 3*). Quoniam igitur vitium animæ non natura ejus, sed contra naturam ejus est, nihilque aliud est quam peccatum et pœna peccati; inde intelligitur nullam naturam, vel, si melius ita dicitur, nullam substantiam sive essentiam malum esse. Neque de peccatis pœnisque ejus animæ efficitur, ut universitas ulla deformitate turpetur. Quia rationalis substantia, quæ ab omni peccato munda est, Deo subjecta, subjectis sibi ex alteris dominatur. Ea vero quæ peccavit, ibi ordinata est, ubi esse tales decet, ut Deo conditore atque rectore universitatis decora sint omnia. Et est pulchritudo universæ creaturæ per hæc tria inculpabilis; damnationem peccatorum, exercitationem justorum, perfectionem beatorum.

CAPUT XXIV. — *Duplici via saluti hominis consultatur, auctoritate et ratione: ac primo de auctoritalis subsidio agitur usque ad caput 29.*

43. Quamobrem ipsa quoque animæ medicina, quæ divina providentia et ineffabili beneficentia geritur, gradatim distineteque pulcherrima est. Distribuitur enim in auctoritatem atque rationem. Auctoritas fidem flagitat, et rationi præparat hominem. Ratio ad intellectum cognitionemque perducit. Quanquam neque auctoritatem ratio penitus deserit, cum consideratur cui sit credendum; et certe summa est ipsius jam cognitæ atque perspicuae veritatis auctoritas. Sed quia in temporalia devenimus, et eorum amore ab æternis impedimur, quedam temporalis medicina, quæ non scientes, sed credentes ad salutem vocat, non naturæ et excellentiæ³, sed ipsius temporis ordine prior est. Nam in quem locum quisque ceciderebit, ibi debet incumbere ut surget. Ergo ipsis carnalibus formis, quibus detinemur, nitendum est, ad eas cognoscendas quas caro non nuntiat. Eas enim carnales voco, quæ per carnem sentiri queunt, id est per oculos, per aures, ceterosque corporis sensus. His ergo carnalibus vel corporalibus formis influerere

¹ Lov. et Arn., certamen. Sed concinnius Bad. Fr. et MSS. octo, certamen.

² MSS. quamplures, non naturæ excellentia.

amore pueros necesse est; adolescentes vero prope necesse est; hinc jam procedente ætate non est necesse.

CAPUT XXV. — *Quorum hominum seu librorum auctorati de Dei cultu credendum.*

46. Quoniam igitur divina providentia, non solum singulis hominibus quasi privatim, sed universo genere humano tanquam publice consulit; quid cum singulis agatur, Deus qui agit atque ipsi cum quibus agitur sciunt. Quid autem agatur cum genere humano, per historiam commendari voluit, et per prophetiam. Temporalium autem rerum fides, sive præteritarum, sive futurarum, magis credendo quam intelligendo valet. Sed nostrum est considerare, quibus vel hominibus vel libris credendum sit ad colendum recte Deum, quæ una salus est. Hujus rei prima disceptatio est, utrum iis potius credamus, qui ad multos deos, an iis qui ad unum Deum colendum nos vocant. Quis dubitet eos potissimum sequendos qui ad unum vocant, præsertim cum illi multorum cultores, de hoc uno Domino cunctorum et rectore consentiant? et certe ab uno incipit numerus. Prius ergo isti sequendi sunt, qui unum Deum summum solum verum Deum, et solum colendum esse dicunt. Si apud hos veritas non eluxerit, tum denum migrandum est (*a*). Sicut enim in ipsa rerum natura major est auctoritas unius ad unum omnia redigentis, nec in genere humano multitudinis ulla potentia est nisi consentientis, id est, unum sentientis: ita in religione qui ad unum vocant, eorum major et fide dignior esse debet auctoritas.

47. Altera consideratio est dissensionis ejus quæ de unius Dei cultu inter homines orta est. Sed acceptimus, maiores nostros eo gradu fidei⁴, quo a temporalibus ad æterna concidunt, visibilia miracula (non enim aliter poterant) secutos esse: per quos id actum est, ut necessaria non essent posteris. Cum enim Ecclesia catholica per totum orbem diffusa atque fundata sit, nec miracula illa in nostra tempora durare permitta sunt, ne animus semper visibilia quereret, et corum consuetudine frigesceret genus humanum, quorum novitate flagravit (*b*): nec jam nobis dubium esse oportet iis esse credendum, qui cum ea prædicarent quæ pauci assequuntur, se tamen sequendos populis persuadere potuerunt. Nunc enim agitur quibus credendum sit, antequam quisque sit idoneus ineundæ rationi de divinis et invisibilibus rebus; nam ipsi rationi purgatoris animæ, quæ ad perspicuum veritatem pervenit, nullo modo auctoritas humana præponitur: sed ad hanc nulla superbia perducit⁵. Quæ si non esset, non essent haereticæ, neque schismatici, nec carne circumcisæ, nee creature simulacrorumque cultores. Illi autem si non essent ante perfectionem populi, quæ promittitur, multo prius veritas quereretur.

¹ Abest fidei a MSS. quindecim, necnon a Bad. et Fr.

² Editi, nulla superbia humana perducit. Abest humana a MSS.

³ (*a*) *i Retract. cap. 43, n. 6.*

⁴ (*b*) *ibid. n. 7.*

CAPUT XXVI. — *Divina providentia erga nostram salutem ad sex ætates hominis veteris ac novi.*

48. Dispensatio ergo temporalis, et medicina divinæ providentiae, erga illos qui peccato mortalitatem muerunt, sic traditur. Primo unius ejuslibet hominis nascentis natura, et eruditio cogitatur. Prima hujus ætas infantia in nutrimentis corporalibus agitur, penitus obliviouscenda crescenti. Eam pueritia sequitur, unde incipimus aliquid meminisse. Huic succedit adolescentia, cui jam propagationem prolixi natura permittit, et patrem facit. Porro adolescentiam juventus excipit, jam exercenda muneribus publicis, et domanda sub legibus; in qua vehementior prohibitio peccatorum, et poena peccantium serviliter coercens, carnalibus animis atrociores impetus libidinis gignit, et omnia commissa congeminat. Non enim simplex peccatum est, non solum malum, sed etiam vetitum admittere. Post labores autem juventutis, seniori pax nonnulla conceditur. Inde usque ad mortem deterior ætas ac decolor, et morbis subjectior debilisque perducit. Ille est vita hominis viventis ex corpore, et cupiditatibus rerum temporalium colligati. Hic dicitur *vetus homo*, et exterior, et terrenus, etiamsi obtineat eam quam vulgus vocat felicitatem, in bene constituta terrena civitate, sive sub regibus, sive sub principibus, sive sub legibus, sive sub his omnibus: aliter enim bene constitui populus non potest, etiam qui terrena sectatur; habet quippe et ipse modum quendam pulchritudinis suæ.

49. Hunc autem hominem, quem veterem et exteriorem et terrenum descripsimus, sive in suo genere moderatum, sive etiam servilis justitiae modum exceedentem, nonnulli agunt totum ab istius vitæ ortu usque ad occasum. Nonnulli autem istam vitam necessario ab illo incipiunt, sed renascuntur interior, et cæteras ejus partes suo labore spirituali et incrementis sapientiae corrumpunt et necant, et in cœlestes leges, donec post visibilem mortem totum instauretur, adstringunt. Iste dicitur *novus homo*, et interior, et cœlestis, habens et ipse proportione, non annis, sed proiectibus distinctas quasdam spirituales ætates suas. Primam in uberioribus utilis historiæ, quæ nutrit exemplis. Secundam jam obliviouscentem humana, et ad divina tendentem, in qua non auctoritatis humanæ sinu continetur, sed ad summanu et incommutabilem legem passibus rationis innititur. Tertiam jam fiduciorem, et carnalem appetitum rationis robore maritatem, gaudentemque intrinsecus in quadam dulcedine conjugali, cum anima menti copulatur, et velamento pudoris obnubitur, ut jam recte vivere non cogatur, sed etiamsi omnes concéderant, peccare non libeat. Quartam jam id ipsum multo firmius ordinatusque facientem et emicantem in virum perfectum, atque aptam et idoneam omnibus et persecutionibus, et mundi hujus tempestatibus ac fluctibus sustinendis atque frangendis. Quintam pacatam atque ex omni parte tranquillam, viventem in opibus et abundantia incommutabilis regni summa atque ineffabilis sapientia. Sextam omnimodæ mutationis in æternam vitam,

et usque ad totam oblivionem vitæ temporalis transiunt in perfectam formam, quæ facta est ad imaginem et similitudinem Dei. Septima enim jam quies æterna est, et nullis ætatibus distinguenda beatitudo perpetua. Ut enim finis veteris hominis mors est, sic finis novi hominis vita æterna. Ille namque homo peccati est, iste justitiae.

CAPUT XXVII. — *Utriusque hominis decursus in universo hominum genere.*

50. Sicut autem isti ambo nullo dubitante ita sunt, ut unum eorum, id est, veterem atque terrenum, possit in hac tota vita unus homo agere, novum vero et cœlestem nemo in hac vita possit nisi cum vetere; nam et ab ipso incipiat necesse est, et usque ad visibilem mortem cum illo, quamvis eo deficiente, se proficiente, perdurat: sic proportione universum genus humanum, cuius tanquam unius hominis vita est ab Adam usque ad finem hujus sæculi, ita sub divinæ providentiae legibus administratur, ut in duo genera distributum appareat. Quorum in uno est turba impiorum, terreni hominis imaginem ab initio sæculi usque ad finem gerentium. In altero, series populi uni Deo dediti, sed ab Adam usque ad Joannem Baptistam terreni hominis vitam gerentis servili quadam justitia: cuius historia *Vetus Testamentum* vocatur, quasi terrenum pollicens regnum; quæ tota nihil aliud est quam imago novi populi, et *Novi Testamenti* pollicentis regnum cœlorum. Cujus populi vita interim temporalis incipit a Domini adventu in humilitate, usque ad diem judicii, quando in claritate venturus est. Post quod judicium, vetero homine extincto, erit illa mutatio quæ angelicam vitam pollicetur: *Omnis enim resurgemus, sed non omnes immutabimur* (*I Cor. xv, 51*). Resurget ergo pius populus, ut veteris hominis sui reliquias transformet in novum. Resurget autem impius populus, qui ab initio usque ad finem veterem hominem gessit, ut in secundam mortem præcipitur. Et statim articulos, qui diligenter legunt, inveniunt; nec zizania nec paleas perhorrescant. Impius namque pio vivit, et peccator justo, ut eorum comparatione alacrius, donec perficiatur, assurgat.

CAPUT XXVIII. — *Quæ, quibus et quo pacto tradenda.*

51. Quisquis autem populi terreni temporibus usque ad illuminationem interioris hominis meruit pervenire, genus humanum pro tempore adjuvit, exhibens ei quod ætas illa poscebat, et per prophetiam intimans id quod exhibere opportunum non erat: quales Patriarchæ ac Prophetae inveniuntur ab iis qui non præstiterunt insiliunt (*a*), sed pie diligenterque pertractant divinarum et humanarum rerum tam bonum, et tam grande secretum. Quod etiam temporibus novi populi, a magnis et spiritualibus viris Ecclesiæ catholice alumnis video cantissime provideri: ne quid populariter agant, quod nondum esse temporis, ut cum populo agatur, intelligunt; alimenta lactea large avidis infirmioribus pluribus atque instanter infundunt, validioribus autem cibis cum sapientibus paucis ve-

(a) Ut Manichæi.

scuntur. Sapientiam enim loquantur inter perfectos, carnalibus vero et animalibus, quamvis novis hominibus, adhuc tamen parvulis, nonnulla obtegunt, sed nulla mentiuntur. Non enim honoribus suis vanis consulunt et inanibus laudibus; sed utilitati eorum cum quibus societatem vitae hujus inire meruerunt. Hec enim lex est divinæ providentiae, ut nemo a superioribus adjuvetur ad cognoscendam et percipiendam gratiam Dei, qui non ad eamdem puro affectu inferiores adjuverit. Ita de peccato nostro, quod in homine peccatore ipsa natura nostra commisit, et genus humanum factum est magnum decus ornamentumque terrarum, et tam decenter divinæ providentiae procurratione administratur, ut ars ineffabilis medicinæ ipsam vitiorum fœditatem in nescio quam sui generis pulchritudinem vertat.

CAPUT XXIX. — *De altero salutis subsidio, scilicet ratione; quomodo hac duce ad Deum homo evehitur: haec primum sensibus praestare deprehenditur.*

52. Et quoniam de auctoritatis beneficentia, quantum in praesentia satis visum est, locuti sumus; videamus quatenus ratio possit progredi a visibilibus ad invisibilia, et a temporalibus ad æterna descendens. Non enim frustra et inaniter intueri oportet pulchritudinem cœli, ordinem siderum, candorem lucis, diem et noctum vicissitudines, lunæ menstrua curricula, anni quadrisariam temperationem, quadripartitis elementis congruentem, tantam vim seminum species numerosque giguentium, et omnia in suo genere modum proprium naturamque servantia. In quorum consideratione non vana et peritura curiositas exercenda est, sed gradus ad immortalia et semper manentia faciendus. Proximum enim est, attendere quæ ista sit natura vitalis, quæ cuncta ista sentit: que profecto quoniam vitam dat corpori, præstantior eo sit necesse est. Non enim qualiscumque moles, quamquam ista visibili luce præfulgeat, si vita caret, magni aestimanda est. Quælibet namque viva substantia cuilibet non vivæ substantiæ, naturæ lege preponitur (a).

53. Sed quia irrationalia quoque animantia vivere atque sentire nemo ambigit, illud in animo humano præstantissimum est, non quo sentit sensibilia, sed quo judicat de sensibilibus. Nam et vident acutius, et cæteris corporis sensibus acrius corpora attingunt pleræque bestiæ quam homines: sed judicare de corporibus non sentientis tantum vita, sed etiam ratione, scilicet sentire cum rectus sit, et cur ita per oculos sentiri necesse sit: nam ipse aspectus oculorum renuntiare id potest, judicare autem nullo modo. Quare manifestum est, ut sensualem vitam corpori, ita rationalem utrique prestare.

CAPUT XXX. — *At ratione præstantior lex immutabilis, scilicet veritas secundum quam judicat.*

54. Itaque si rationalis vita secundum seipsam ju-

(a) Consulte lib. 2 de Libero Arbitrio, cap. 3 et seqq.

dicat, nulla jam est natura præstantior. Sed quia clarum est eam esse mutabilem, quando nunc perita, nunc imperita invenitur; tanto autem melius judicat, quanto est peritior; et tanto est peritior, quanto alicujus artis vel disciplinæ vel sapientiæ particeps est: ipsius artis natura querenda est. Neque nunc cartem intelligi volo, quæ notatur experiendo, sed quæ ratiocinando indagatur. Quid enim præclarum novit, qui novit ea impensa quæ calce et arena consistit, tenacius lapides cohædere, quam luto? aut qui tam eleganter adiicit, ut quæ plura sunt, paria paribus respondeant; quæ autem singula, medium locum teneant? quanquam iste sensus jam sit rationi veritatique vicinior. Sed certe quærendum est cur nos offendat, si duabus fenestris non super invicem, sed juxta invicem locatis, una earum major minorve sit, cum æquales esse potuerint: si vero super invicem fuerint, ambæque dimidio¹ quamvis impares, non ita offendat illa inæqualitas; et cur non multum curemus, quanto sit una earum aut major aut minor, quia duæ sunt. In tribus autem sensus ipse videtur expetere ut aut impares non sint, aut inter maximam et minimam ita sit media, ut tanto precedat minorem, quanto a majore præceditur. Ita enim primo quasi natura ipsa consultur quid probet. Ubi potissimum notandum est, quemadmodum quod solum inspectum minus displicerit, in melioris comparatione respuatur. Ita reperitur nihil esse aliud artem vulgarem, nisi rerum expertarum placitarumque memoriam, usu quodam corporis atque operationis adjuncto: quo si careas, judicare de operibus possis, quod multo est excellentius, quamvis operari artificiosa non possis.

55. Sed cum in omnibus artibus convenientia placeat, qua una salva et pulchra sunt omnia; ipsa vero convenientia æqualitatem unitatemque appetat, vel similitudine parium partium, vel gradatione disparium: quis est qui summam æqualitatem vel similitudinem in corporibus inveniat, audeatque dicere, cum diligenter consideraverit quodlibet corpus vere ac simpliciter unum esse; cum omnia vel de specie in speciem, vel de loco in locum transundo mutentur, et partibus constant sua loca obtinentibus, per quæ in spatia diversa dividuntur? Porro ipsa vera æqualitas ac similitudo, atque ipsa vera et prima unitas, non oculis carneis, neque ullo tali sensu, sed mente intellecta conspicitur. Unde enim qualiscumque in corporibus appetetur æqualitas, aut unde convinceretur, longe plurimum differre a perfecta, nisi ea quæ perfecta est, mente videretur? si tamen quæ facta non est, perfecta dicenda est.

56. Et cum omnia quæ sensibiliter pulchra sunt, sive natura edita, sive artibus elaborata, locis et temporibus sint pulchra, ut corpus et corporis motus; illa æqualitas et unitas menti tantummodo cognita, secundum quam de corporeo pulchritudine sensu internuntio judicatur, nec loco tumida est, nec instabilis tempore. Non enim recte dici potest secundum eam judicari rotundum canthum, et non secundum

¹ Sic præstantiores MSS. At Edd. habent, *de medio*.

eam rotundum vasculum; aut secundum eam rotundum vasculum, et non secundum eam rotundum denarium. Similiter in temporibus atque in motibus corporum, ridicule dicitur secundum eam judicari æquales annos, et non secundum eam æquales menses; aut secundum eam æquales menses, et non secundum eam æquales dies. Sed sive per hæc spatia, sive per horas, sive per breviora momenta convenienter moveatur aliquid, eadem una et incommutabili æqualitate judicatur. Quod si minora et majora spatia figurarum atque motionum secundum eandem legem parilitatis, vel similitudinis, vel congruentiae judicantur, ipsa lex major est his omnibus, sed potentia. Cæterum spatio aut loci aut temporis, nec major nec minor: quia si major esset, non secundum totam judicaremus minora; si autem minor esset, non secundum eam judicaremus majora¹. Nunc vero cum secundum totam quadraturæ legem judicetur et forum quadratum, et lapis quadratus, et tabella et gemma quadrata; rursus secundum totam æqualitatis legem judicentur convenire sibi motus pedum currentis formice, et secundum eam gradientis elephanti: quis eam dubitet locorum intervallis ac temporum, nec majorem esse, nec minorem, cum potentia superet omnia? Hæc autem lex omnium artium cum sit omnino incommutabilis, mens vero humana cui tallem legem videre concessum est, mutabilitatem pati possit erroris, satis appetat supra mentem nostram esse legem, quæ veritas dicitur.

CAPUT XXXI. — *Deus summa ista lex est secundum quam ratio judicial, sed quam judicare non licet.*

57. Nec jam illud ambigendum est, incommutabilem naturam, quæ supra rationalem animam sit, Deum esse; et ibi esse primam vitam et primam essentiam, ubi est prima sapientia. Nam hæc est illa incommutabilis veritas, quæ lex omnium artium recte dicitur, et ars omnipotentis artificis. Itaque cum se anima sentiat nec corporum speciem motumque judicare secundum seipsam, simul oportet agnoscat præstare suam naturam ei naturæ de qua judicat, præstare autem sibi eam naturam, secundum quam judicat, et de qua judicare nullo modo potest. Possum enim dicere quare similia sibi ex utraque parte respondere membra cujusque corporis debeant; quia summa æqualitate deictor, quam' non oculis corporis, sed mentis contueor: quapropter tanto meliora esse judico quæ oculis cerno, quanto pro sua natura viciniora sunt iis quæ animo intelligo. Quare autem illa ita sint, nullus potest dicere: nec ita debere esse quisquam sobrie dixerit, quasi possint esse non ita.

58. Quare autem nobis placeant, et cur ea, quando melius sapimus, vehementissime diligamus, ne id quidem quisquam, si ea rite intelligit, dicere audebit. Ut enim nos et omnes animæ rationales, secundum veritatem de inferioribus recte judicamus; sic de nobis, quando eidem cohæremus, sola ipsa Veritas judicat.

¹ Editi: *Non secundum eam judicaremus majora. Melius MSS., non secundum totam.*

De ipsa vero nec Pater, non enim minor est quam ipse¹, et ideo quæ Pater judicat, per ipsam judicat. Omnia enim quæ appetunt unitatem, hanc habent regulam, vel formam, vel exemplum, vel si quo alio verbo dici se sinit; quoniam sola ejus similitudinem a quo esse accepit, implevit: si tamen, accepit, non incongrue dicitur, pro ea significatione, qua Filius appellatur, quia non de seipso est, sed de primo summoque principio, qui Pater dicitur; *ex quo omnis paternitas in cœlo et in terra nominatur* (*Ephes. iii, 15*). Pater ergo non judicat quemquam, sed omne judicium dedit Filio (*Joan. v, 22*): et, *spiritualis homo judicat omnia, ipse autem a nemine judicatur* (*I Cor. xi, 15*), id est a nullo homine, sed a sola ipsa lege secundum quam judicat omnia; quoniam et illud verissime dictum est, *Oportet nos omnes exhiberi ante tribunal Christi* (*II Cor. v, 10*). Omnia ergo judicat, quia super omnia est, quando cum Deo est. Cum illo autem est, quando purissime intelligit, et tota charitate, quod intelligit, diligit. Ita etiam, quantum potest, lex ipsa etiam ipse fit, secundum quam judicat omnia, et de qua judicare nullus potest. Sicut in istis temporalibus legibus, quanquam de his homines judicent cum eas instituant, tamen cum fuerint institutæ atque firmatae, non licebit judici de ipsis judicare, sed secundum ipsas. Conditor tamen legum temporalium, si vir bonus est et sapiens, illam ipsam consulit æternam, de qua nulli animæ judicare datum est; ut secundum ejus incommutabiles regulas, quid sit pro tempore jubendum vetandumque discernat. Æternam igitur legem mundis animis fas est cognoscere, judicare non fas est. Hoc autem interest, quod ad cognoscendum satis est ut videamus ita esse aliquid vel non ita: ad judicandum vero addimus aliquid quo significemus posse esse et aliter; velut cum dicimus, Ita esse debet, aut, ita esse debuit, aut, ita esse debet; ut in suis operibus artifices faciunt.

CAPUT XXXII. — *Unitatis in corporibus est vestigium, sed ipsa unitas non nisi mente conspicitur.*

59. Sed multis finis est humana delectatio, nec volunt tendere ad superiora, ut judicent cur ista visibilia placeant. Itaque si queram ab artifice, uno arcu constructo, cur alterum parem contra in altera parte moliatur; respondebit, credo, ut paria paribus ædificii membra respondant. Porro si pergam querere, Id ipsum cur eligat; dicet hoc decere, hoc esse pulchrum, hoc delectare cernentes: nihil audebit amplius. Inclinatus enim recumbit oculis, et unde pendeat non intelligit. At ego virum intrinsecus oculatum, et invisibiliter videntem non desinam commonere cur ista placeant, ut judex esse audeat ipsius delectationis humanae. Ita enim superfertur illi, nec ab ea tenetur, dum non secundum ipsam, sed ipsam judicat. Et prius queram utrum ideo pulchra sint, quia delectant; an ideo delectent, quia pulchra sunt. Hic milii sine dubitatione respondebitur, ideo delectare quia pulchra sunt. Quærant ergo deinceps, quare sint pulchra; et si titubabitur, subjiciam, utrum ideo quia similes sibi par-

¹ MSS. duodecim habent: *Non enim minor est quam ipse.*

tes sunt, et aliqua copulatione ad unam convenientiam rediguntur.

60. Quod cum ita esse compererit, interrogabo utrum hanc ipsam unitatem, quam convincuntur appetere, summe impleant, an longe infra jaceant, et eam quodammodo mentiantur. Quod si ita est (nam quis non admonitus videat, neque ullam speciem, neque ullum omnino esse corpus quod non habeat unitatis qualemcumque vestigium; neque quantumvis pulcherrimum corpus, cum intervallis locorum necessario aliud alibi habeat, posse assequi eam quam sequitur unitatem?) : quare si hoc ita est, flagitabo ut respondeat, ubi videat ipse unitatem hanc, aut unde videat: quoniam si non videret, unde cognosceret et quid imitetur corporum species, et quid implere non posset? Nunc vero cum dicit corporibus, Vos quidem nisi aliqua unitas contineret, nihil essetis, sed rursus si vos essetis ipsa unitas, corpora non essetis; recte illi dicitur, Unde illam nosti unitatem, secundum quam judicas corpora, quam nisi videres, judicare non posses quod eam non impleat: si autem his corporeis oculis eam videres, non vere dices, quanquam ejus vestigio teneantur, longe tamen ab ea distare? nam istis oculis corporeis non nisi corporalia vides: mente igitur eam videmus. Sed ubi videmus? Si hoc loco esset ubi corpus nostrum est, non eam videret qui hoc modo in Oriente de corporibus judicat. Non ergo ista continetur loco; et cum adest ubicumque judicanti, nusquam est per spatia locorum, et per potentiam nusquam non est.

CAPUT XXXIII. — *Non corpora, nec sensus corporis, sed judicium mentitur. Differunt mentiens et fallens.*

61. Quod si eam corpora mentiuntur, non est credendum mentientibus, ne incidamus in vanitates vanitantium: sed querendum potius est, cum ideo mentiantur, quia eam videntur ostendere oculis carneis, cum illa mente pura videatur, utrum in tantum mentiantur, in quantum ei similia sunt, an in quantum eam non assequuntur. Nam si assequerentur, quod imitantur implerent. Si autem implerent, omnino essent similia. Si omnino essent similia, nihil inter illam naturam et istam interesset. Quod si ita esset, non eam mentirentur: id enim essent quod illa est. Nec tamen mentiuntur diligentius considerantibus: quia ille mentitur qui vult videri id quod non est; quod autem non volens aliud putatur quam est, non mentitur, sed fallit tantum. Nam ita discernitur mentiens a fallente, quod inest omni mentienti voluntas fallendi, etiamsi non ei credatur: fallens autem esse non potest, qui non fallit. Ergo corporea species, quia nullam voluntatem habet, non mentitur: si vero etiam non putetur esse quod non est, nec fallit.

62. Sed ne ipsi quidem oculi fallunt; non enim renuntiare possunt animo nisi affectionem suam. Quod si non solum ipsi, sed etiam omnes corporis sensus ita renuntiant ut afficiuntur; quid ab eis amplius exigere debeamus ignoro. Tolle itaque vanitantes, et nulla erit vanitas. Si quis remum frangi in aqua opinatur, et cum inde auferatur integrari; non malum habet interruntium, sed malus est judex. Nam ille pro-

sua natura non potuit aliter in aqua sentire, nec aliter debuit: si enim aliud est aer, aliud aqua, justum est ut aliter in aere, aliter in aqua sentiatur. Quare oculus recte; ad hoc enim factus est ut tantum videat: sed animus perverse, cui ad contemplandam summam pulchritudinem mens, non oculus factus est. Ille autem vult mentem convertere ad corpora, oculos ad Deum. Quærerit enim intelligere carnalia, et videre spiritualia; quod fieri non potest.

CAPUT XXXIV. — *Conficta phantasmata quomodo judicentur.*

63. Quare ista perversitas corrigenda est, quia nisi fecerit quod sursum est deorsum, et quod deorsum est sursum, regno coelorum aptus non erit. Non ergo summa queramus in insimis, nec ipsis insimis inhæramus¹. Judicemus ea, ne cum ipsis judicemur; id est, tantum eis tribuamus, quantum species meretur extrema, ne cum in novissimis prima querimus, a primis inter novissima numeremur. Quod nihil ipsis novissimis obest, sed nobis plurimum. Nec ideo divinæ providentiae administratio minus decora sit; quia et injusti juste, et fœdi pulchre ordinantur. Et si propterea nos fallit rerum visibilium pulchritudo, quia unitate continetur, et non implet unitatem; intelligamus, si possumus, non ex eo quod est nos falli, sed ex eo quod non est. Omne quippe corpus verum corpus est, sed falsa unitas. Non enim summe unum est, aut in tantum id imitatur ut implet: et tamen nec corpus ipsum esset, nisi utcumque unum esset. Porro utcumque unum esse non posset, nisi ab eo quod summe unum est, id haberet.

64. O animæ pervicaces (a), date mihi qui videat sine ulla imaginatione visorum carnalium. Date mihi qui videat omnis unius principium non esse, nisi unum solum a quo sit omne unum, sive illud implet, sive non implet. Qui videat date, non qui litiget, non qui videri velit se videre quod non videt. Date qui resistat sensibus carnis, et plagis quibus per illos in anima vapulavit: qui resistat consuetudini hominum, resistat laudibus hominum, qui compungatur in cubili suo, qui resculpat suum spiritum, qui non foris diligit vanitates, et querat mendacia (*Psal. iv, 5, 4*); qui jam sibi noverit dicere: Si una Roma est, quam circa Tiberim nescio quis Romulus dicitur condidisse, falsa est ista quam cogitans singo: non enim est ipsa, nec ibi sum animo²; nam quid ibi agatur modo, utique scirem. Si unus est sol, falsus est iste quem cogitans singo: nam ille curricula sua certis locis et temporibus peragit; istum ego ubi volo, et quando volo constituo. Si unus est ille amicus meus, falsus est iste quem cogitans singo: nam ille ubi sit nescio; iste ibi singitur, ubi volo. Ego ipse certe unus sum, et hoc loco esse sentio corpus meum; et tamen figmento cogitationis pergo quo libet, loquor cum quo libet. Falsa sunt haec; nec quisquam intelligit falsa. Non ergo intelligo, cum ista contemplor, et istis credo; quia ve-

¹ MSS. duodecim, *invideamus*.

² Bad. Lov. et Arn., *nec ibi sum modo*. sed preferenda visa est lectio Er. et MSS. decem, *nec ibi sum animo*.

(a) Manichæi phantasmatis addicti, lib. 3 Confess., c. 6, et lib. 9, c. 4.

rum esse oportet quod intellectu contemplor : numquid forte sunt ista quæ phantasmata dici solent ? Unde ergo impleta est anima mea illusionibus ? Ubi est verum, quod mente conspicitur ? Ita cogitanti jam dici potest : Illa lux vera est qua hæc non esse vera cognoscis. Per hanc illud unum vides, quo judicas unum esse quidquid aliud vides, nec tamen hoc esse quod illud est, quidquid mutabile vides.

CAPUT XXXV. — *Vacandum ut Deus cognoscatur.*

65. Quod si hæc intueri palpitat mentis aspectus, quiescite ; nolite certare, nisi cum consuetudine corporum : ipsam vincite, et vieta erunt omnia. Unum certe querimus, quo simplicius nihil est. Ergo in simplicitate cordis queramus illum. *Agite otium*, inquit, *et agnosceris quia ego sum Dominus* (*Psal. XLV, 11*) : non otium desidiae, sed otium cogitationis, ut a locis et temporibus vacet. Hæc enim phantasmata tumoris et volubilitatis, constantem unitatem videre non sinit. Loca offerunt quod amamus, tempora surripiunt quod amamus, et relinquunt in anima turbasphantasmatum, quibus in aliud atque aliud cupiditas incitetur. Ita fit inquietus et æruginosus animus, frustra tenere a quibus tenetur, exoptans. Vocatur ergo ad otium, id est, ut ista non diligit, quæ diligi sine labore non possunt. Sic enim eis dominabitur, sic non tenebitur, sed tenebit. *Jugum meum*, inquit, *leve est* (*Math. XI, 30*). Huic jugo qui subjectus est, subjecta habet cætera. Non ergo laborabit ; non enim resistit quod subjectum est. Sed miseri amici hujus inundi, cuius dominii erunt, si filii Dei esse voluerint, quoniam dedit eis potestatem filios Dei fieri (*Joan. I, 12*) ; amici ergo hujus mundi tam timent ab ejus amplexu separari, ut nihil eis sit laboriosius, quam non laborare.

CAPUT XXXVI. — *Verbum Dei ipsa est veritas, quia omnino implet id a quo principio unum est quidquid est unum. Falsitas non ex rebus, sed ex peccatis.*

66. Sed cui saltem illud manifestum est, falsitatem esse, qua id putatur esse quod non est, intelligit eam esse veritatem, quæ ostendit id quod est. At si corpora in tantum fallunt, in quantum non implent illud unum quod convincuntur imitari, a quo Principio unum est quidquid est, ad cuius similitudinem quidquid nititur, naturaliter approbamus ; quia naturaliter improbamus quidquid ab unitate discedit, atque in ejus dissimilitudinem tendit : datur intelligi esse aliquid, quod illius unius solius, a quo Principio unum est quidquid aliquo modo unum est, ita simile sit ut hoc omnino implet ac sit id ipsum ; et hæc est Veritas et Verbum in Principio, et Verbum Deus apud Deum. Si enim falsitas ex iis est quæ imitantur unum, non in quantum id imitantur, sed in quantum implere non possunt ; illa est Veritas quæ id implere potuit, et id esse quod est illud ; ipsa est quæ illud ostendit sicut est : unde et Verbum ejus et Lux ejus rectissime dicitur (*Joan. I, 9*). Cætera illius unius similia dici possunt in quantum sunt, in tantum enim et vera sunt : hæc est autem ipsa ejus similitudo, et ideo Veritas. Ut enim veritate sunt vera, quæ vera sunt ; ita similitudine similia sunt, quæcumque similia sunt. Ut ergo

veritas forma verorum est, ita similitudo forma similiū est. Quapropter vera quoniam in tantum vera sunt, in quantum sunt ; in tantum autem sunt, in quantum principialis unius similia sunt : ea forma est omnium quæ sunt, quæ est summa similitudo Principiū ; et Veritas est, quia sine ulla dissimilitudine est.

67. Unde falsitas oritur, non rebus fallentibus, quæ nihil aliud ostendunt sentienti quam speciem suam, quam pro suæ pulchritudinis acceperunt gradu ; neque ipsis sensibus fallentibus, qui pro natura sui corporis affecti, non aliud quam suas affectiones præsidenti animo nuntiant : sed peccata animas fallunt, cum verum querunt, relicta et neglecta veritate. Nam quoniam opera magis quam artificem atque ipsam artem dilexerunt, hoc errore puniuntur, ut in operibus artificem artemque conquerant ; et cum invenire nequierint (Deus enim nou corporalibus sensibus subjetat, sed ipsi menti supereminet), ipsa opera existent esse et artem et artificem.

CAPUT XXXVII. — *Impietas idolatriæ multiplicis orta ex amore creaturæ.*

68. Hinc oritur omnis impietas, non modo peccatum, sed etiam damnatorum pro peccatis suis. Non enim tantum scrutari creaturam contra præceptum Dei, et ea frui potius quam ipsa lege et veritate volunt, quod primi hominis peccatum deprehenditur, male utentis libero arbitrio ; sed hoc quoque in ipsa damnatione addunt, ut non modo diligent, sed etiam serviant creaturæ potius quam Creatori (*Rom. I, 25*), et eam colant per partes ejus, a summis usque ad imaverientes. Sed aliqui se in hoc tenent, ut pro summo Deo animam colant, et primam intellectualem creaturam, quam per Veritatem Pater fabricavit, ad ipsam Veritatem semper intuendam, et se per ipsam¹, quia omni modo ei simillima est. Deinde veniunt ad vitam genitalem, per quam creaturam visibilia et temporalia dignentia Deus aeternus et incommutabilis operatur. Hinc ad animalia, et inde ad ipsa corpora colenda dilabuntur ; et in his primo eligunt pulchriora, in quibus celestia maxime excellunt. Ergo in primis solis corpus occurrit, et in eo nonnulli remanent. Aliqui et lunæ splendore religione dignum putant : est enim nobis, ut prohibetur, propinquior ; unde vicinorem speciem habere sentitur. Alii etiam cæterorum siderum corpora adjungunt, et totum cœlum cum stellis suis. Alii cœlo æthereo copulant aerem, et istis duobus superioribus elementis corporeis subjiciunt animas suas. Sed inter hos illi sibi videntur religiosissimi, qui universam simul creaturam, id est mundum totum cum omnibus quæ in eo sunt, et vitam qua spiratur et animatur, quam quidam corpoream, quidam incorpoream esse crediderunt : hoc ergo totum simul unum Deum magnum esse arbitrantur, cuius partes sint cæteræ. Non enim universæ creaturæ auctorem conditoremque noverunt. Inde in simulacra præcipitantur, et ab operibus Dei usque in opera sua degurguntur, quæ tamen adhuc visibilia sunt.

¹ Lov., et per seipsum. Sed legendum ut in aliis editiōnibus et in omnibus MSS. habetur, et se per ipsam.

CAPUT XXXVIII. — *Aliud idolatriæ genus, quo peccator triplici cupiditati servit.*

69. Est enim alius deterior et inferior cultus simulacrorum, quo phantasmata sua colunt, et quidquid animo errante cum superbia vel tumore cogitando imaginati fuerint, religionis nomine observant, donec fiat in anima nihil omnino colendum esse, et errare homines qui superstitioni se involvunt, et misera se implicant servitate. Sed frustra hoc sentiunt: non enim efficiunt ut non serviant; remanent quippe ipsa vitia; quibus ut ipsa colenda opinarentur attracti sunt. Serviunt enim cupiditati triplici, vel voluptatis, vel excellentiae, vel spectaculi. Nego esse quemquam istorum qui nihil colendum existimant, qui non aut carnalibus gaudiis subditus sit, aut potentiam vanam soveat, aut aliquo spectaculo delectatus insaniat. Ita nescientes diligunt temporalia, ut inde beatitudinem exspectent. His autem rebus quibus quisque beatus vult effici, serviat necesse est, velit nolit. Nam quocumque duxerint, sequitur; et quisquis ea visus fuerit auferre posse, metuitur. Possunt autem auferre ista, et scintilla ignis et aliqua parva bestiola. Postremo, ut omnium innumerabiles adversitates, tempus ipsum auferat necesse est omnia transeuntia. Itaque cum omnia temporalia mundus iste concludat, omnibus mundi partibus serviunt, qui propterea putant nihil colendum esse ne servant.

70. Verumtamen quanquam in hac rerum extremitate miseri jaceant, ut vitia sua sibi dominari patiantur, vel libidine, vel superbia, vel curiositate damnati, vel duobus horum, vel omnibus: quamdiu sunt in hoc stadio vitae humanae, licet eis congregeti et vincere, si prius credant quod intelligere nondum valent, et non diligent mundum; *quoniam omne quod in mundo est*, sicut divinitus dictum est, *concupiscentia carnis est*, et *concupiscentia oculorum, et ambitio sæculi* (*I Joan. ii, 16*). Hoc modo tria illa sunt notata: nam concupiscentia carnis, voluptatis infimæ amatores significat; concupiscentia oculorum, curiosos; ambitio sæculi, superbos.

71. Triplex etiam tentatio in homine, quem Veritas ipsa suscepit, cavenda monstrata est. *Dic*, inquit tentator, *lapidibus istis, ut panes fiant*. At ille unus et solus magister: *Non*, inquit, *in solo pane vivit homo, sed in omni verbo Dei*. Ita enim dominat docuit esse oportere cupiditatem voluptatis, ut nec fami cedendum sit. Sed forte dominationis temporalis fastu decipi poterat, qui carnis voluptate non potuit; omnia ergo mundi regna monstrata sunt, et dictum est: *Omnia tibi dabo, si prostratus adoraveris me*. Cui responsum est: *Dominum Deum tuum adorabis, et illi soli servis*. Ita calcata est superbia. Subjecta est autem extrema etiam curiositatibus illecebra: non enim ut se de fastigio templi precipitare urget, nisi causa tantum aliquid experiendi. Sed neque hic victus est, et ideo sic respondit, ut intelligeremus non opus esse ad cognoscendum Deum, tentationibus visibiliter divina explorare molientibus: *Non tentabis*, inquit, *Dominum Deum tuum* (*Matth. iv, 1-10*, et *Luc. iv, 3-12*). Quamobrem quisquis intus verbo Dei pascitur,

non querit in ista eremo voluptatem. Qui uni Deo tantum subjectus est, non querit in monte, id est in terrena elatione jactantiam. Quisquis eterno spectaculo incommutabilis veritatis adhaerescit, non per fastigium hujus corporis, id est per hos oculos præcipitatur, ut temporalia et inferiora cognoscat.

CAPUT XXXIX. — *Ex ipsis vitis suis animam admoneri ut primam pulchritudinem requirat: quod primo de virtutis voluptatis ostenditur usque ad caput 43.*

72. Quid igitur restat, unde non possit anima recordari primam pulchritudinem quam reliqui, quando de ipsis suis vitis potest? Ita enim Sapientia Dei pertinet a fine usque ad finem fortiter (*Sap. viii, 1*). Ita per hanc summum ille artifex opera sua in unum finem decoris ordinata contexit. Ita illa bonitas a summo usque ad extremum nulli pulchritudini, quæ ab ipso solo esse posset, invidit; ut nemo ab ipsa veritate dejiciatur, qui non excipiatur ab aliqua effigie veritatis. Quere in corporis voluptate quid teneat, nihil aliud invenies quam convenientiam: nam si resistentia pariant dolorem, convenientia pariunt voluptatem. Recognosce igitur quæ sit summa convenientia. Noli foras ire, in te ipsum redi; in interiore homine habitat veritas; et si tuam naturam mutabilem inveniris, transcede et te ipsum. Sed memento cum te transcedis, ratiocinante animam te transcedere. Illuc ergo tende, unde ipsum lumen rationis accenditur. Quo enim pervenit omnis bonus ratiocinator, nisi ad veritatem? cum ad seipsam veritas non utique ratiocinari perveniat, sed quod ratiocinantes appetunt, ipsa sit. Vide ibi convenientiam qua superior esse non possit, et ipse conveni cum ea. Confitere te non esse quod ipsa est: siquidem se ipsa non querit; tu autem ad ipsam querendo venisti, non locorum spatio, sed mentis affectu, ut ipse interior homo cum suo habitatore, non infima et carnali, sed summa et spirituali voluptate¹ convenientias.

73. Aut si non cernis quæ dico, et an vera sint dubitas, cerne saltem utrum te de iis dubitare non dubites; et si certum est te esse dubitarem, quære unde sit certum: non illic tibi, non omnino solis hujus lumen occurret², sed lumen verum quod illuminat omnem hominem venientem in hunc mundum (*Juan. i, 9*). Quod his oculis videri non potest; nec illis quibus phantasmata cogitantur, per eosdem oculos animæ impacta; sed illis quibus ipsis phantasmatis dicitur: Non estis vos quod ego quero, neque illud estis unde ego vos ordino; et quod mihi inter vos sedū occurrit, improbo; quod pulchrum, approbo; cum pulchrius sit illud unde improbo et approbo: quare hoc ipsum magis approbo, et non solum vobis, sed illis omnibus corporibus unde vos hausit, antepono. Deinde regulam ipsam quam vides, conceipe hoc modo: Omnis qui se dubitarem intelligit, verum intelligit, et de hac re quam intelligit certus

¹ Lov. et Arn., *voluntate*; pro quo Bad. Er. et MSS. septem, *toluptate*.

² Ven. Lov. sic legunt hunc locum: *Non illic tibi omnino solis hujus lumen occurret.* M.

est : de vero igitur certus est. Omnis igitur qui utrum sit veritas dubitat, in seipso habet verum unde non dubitet ; nec ullum verum nisi veritate verum est. Non itaque oportet eum de veritate dubitare, qui potuit undecumque dubitare. Ubi videntur haec, ibi est lumen sine spatio locorum et temporum, et sine ullo spatiorum talium phantasmate. Numquid ista ex aliqua parte corrumpi possunt, etiamsi omnis ratiocinator intereat, aut apud carnales inferos veterascat ? Non enim ratiocinatio talia facit, sed invenit. Ergo antequam inveniantur, in se manent, et cum inveniuntur, nos innovant.

CAPUT XL. — *De pulchritudine corporum carnisque voluptate, et de peccantium poena.*

74. Ita renascitur interior homo, et exterior corruptitur de die in diem (II Cor. iv, 16). Sed interior exteriorem respicit, et in sua comparatione foedum videt ; in proprio tamen genere pulchrum et corporum convenientia latentem, et corruptem quod in bonum suum convertit, alimenta scilicet carnis : quae tamen corrupta, id est amittentia formam suam, in membrorum istorum fabricam migrant, et corrupta reficiunt, in aliam formam per convenientiam trans-euntia ; et per vitalem motum dijudicantur quodammodo, ut ex eis in structuram hujus visibilis pulchri quae apta sunt assumantur, non apta vero per con-gruos¹ meatus ejiciantur. Quorum aliud faculentissimum redditur terrae ad alias formas assumendas, aliud per totum corpus exhalat, aliud totius animalis latentes numeros accipit, et inchoatur in prolem, et sive convenientia duorum corporum, sive tali aliquo phantasmate commotum, per genitales vias ab ipso vertice defluit in insima voluptate². Jamvero in matre per certos numeros temporum in locorum numerorum coaptatur, ut suas regiones quæque membra occupent ; et si modum parilitatis servaverint, luce coloris adjuncta, nascitur corpus quod formosum vocatur, et a suis dilectoribus amatetur acerrime : non tamen in eo plus placet forma quæ movetur, quam vita quæ movet. Nam illud animal si nos amet, alicit violentiis : si oderit autem, succensemus, et ferre non possumus, etiamsi formam ipsam præbeat fruenti. Hoc totum est voluptatis regnum, et ima pulchritudo ; subjacet enim corruptioni : quod si non esset, summa putaretur.

75. Sed adest divina providentia, quæ hanc ostendat et non malam, propter tam manifesta vestigia primorum numerorum, in quibus sapientia Dei non est numerus ; et extremam tamen esse, miscens ei dolores et morbos et distortiones membrorum, et nebras coloris, et animorum similitates ac dissensiones, ut ex his admoneamus incommutabile aliquid esse querendum. Et hoc facit per insima ministeria³,

¹ Iov. et nonnulli MSS., incongruos. Sed verius Bad. Er. Arn. et MSS. alii duodecim, congruos. Quippe hic describitur exterioris hominis pulchritudo, in cuius structura nihil incongruum.

² MSS. octo, defluit infinita voluptate.

³ In excusis, per insima ministeria eorum quibus, etc. At a MSS. absit vox, eorum. Unde intelligimus non officia quædam hinc verbis denotari, sed iros angelos malos, qui

quibus id agere voluptatis est ; quos exterminatores et angelos iracundie, divinae Scriptura nominant, quanvis ipsi nesciant quid de se agatur boni. His similares sunt homines qui gaudent miseriis alienis, et risus sibi ac ludicra spectacula exhibent, vel exhiberi volunt eversionibus et erroribus aliorum (a). Atque ita in his omnibus boni admonentur, et excentur, et vincunt, et triumphant, et regnant. Mali vero decipiuntur, cruciantur, vincuntur, damnantur, et serviunt ; non uni omnium summo Domino, sed ultimis servis, illis videlicet angelis, qui doloribus et miseriae damnatorum pascuntur, et pro ista malevolentia bonorum liberatione torquentur.

76. Ita ordinantur omnes officiis et finibus suis in pulchritudinem universitatis, ut quod horremus in parte, si cum toto consideremus, plurimum placeat : quia nec in aedificio judicando unum tantum angulum considerare debemus, nec in homine pulchro solos capillos, nec in bene pronuntiante solum digitorum motum, nec in lunæ cu:su aliquas tridui tantum figuræ. Ista enim, quæ propterea sunt insima, quia partibus imperfectis tota perfecta sunt, sive in statu, sive in motu pulchra sentiantur, tota consideranda sunt, si recte volumus judicare. Verum enim nostrum judicium, sive de toto, sive de parte judicet, pulchritudo est : universo quippe mundo superfertur, nec alicui parti ejus, in quantum verum judicamus, adhæremus. Error autem noster parti adhærens ejus, ipse per se foedus est. Sed sicut niger color in pictura cum toto sit pulcher ; sic totum istum agonem decenter edit incommutabilis divina providentia, aliud victis, aliud certantibus, aliud victoribus, aliud spectatoribus, aliud quietis et solum Deum contemplantibus tribuens : cum in his omnibus non sit malum nisi peccatum, et poena peccati, hoc est defectus voluntarius a summa essentia, et labor in ultima non voluntarius ; quod alio modo sic dici potest, libertas a justitia, et servitus sub peccato.

CAPUT XLI. — *In peccantis animæ poena pulchritudo.*

77. Corruptitur autem homo exterior aut profectu interioris, aut defectu suo. Sed profectu interioris ita corruptitur, ut totus in melius reformatur, et restituatur in integrum in novissima tuba, ut jam non corruptatur neque corruptat. Defectu autem suo in pulchritudines corruptibiliores, id est pœnaru[m] ordinem præcipitatur. Nec miremur quod adhuc pulchritudines nomino : nihil enim est ordinatum, quod non sit pulchrum ; et, sicut ait Apostolus (b), *omnis ordo à Deo est* (Rom. xiii, 1). Necesse est autem fateamur meliorem esse hominem plorantem, quam latentem vermiculum : et tamen vermiculi laudem sine ullo mendacio copiose possum dicere, considerans nitorem coloris, figuram teretem corporis, priora cum mediis, media cum posterioribus congruentia, et unitatis appetentiam pro suæ naturæ humilitate ser-

mox appellantur, *ulti[m]i servi* : contra vero boni Angeli inferius, cap. 55, *excellen[ti]ssima*, et *sanc[t]a Dei ministra*.

(a) I Confess. cap. 3, n. 6.

(b) I Retract. cap. 13, n. 7.

vantia; nihil ex una parte formatum, quod non ex altera parili dimensione respondeat. Quid jam de anima ipsa dicam vegetante modulum corporis sui, quomodo cum numero moveat, quomodo appetat convenientia, quomodo vincat aut caveat obsistentia quantum potest, et ad unum sensum incolumentis referens omnia, unitatem illam conditricem naturarum omnium, multo evidenter quam corpus insinuat? loquor de vermiculo animante qualicumque. Cineris et stercoris laudem verissime atque uberrime plerique dixerunt (*Cato apud Ciceronem, in Catone majore*). Quid ergo mirum est, si hominis animam, quæ ubicunque sit et qualiscumque sit, omni corpore est melior, dicam pulchre ordinari, et de pœnis ejus alias pulchritudines fieri, cum ibi non sit quando misera est, ubi beatos esse decet, sed ibi sit ubi esse miseros decet?

78. Prorsus nemo nos fallat. Quidquid recte virtuperatur, in melioris comparatione respuitur (a). Omnis autem natura quamvis extrema, quamvis insima, in comparatione nihil jure laudatur. Et tunc cuique non est bene, si melius esse potest. Quare si nobis potest bene esse cum ipsa veritate, male sumus cum quolibet vestigio veritatis: multo ergo deterius eum extremitate vestigii, quando carnis voluptatibus adhucemus. Vincamus ergo hujus cupiditatis vel blanditias vel molestias; subjugemus nobis hanc seminam, si viri sumus. Nobis ducibus et ipsa erit melior, nec jam cupiditas, sed temperantia nominabitur. Nam eum ipsa dicit, nos autem sequimur, cupiditas illa et libido, nos vero temeritas et stultitia nuncupamur. Sequamur Christum caput nostrum, ut et nos sequatur cui caput sumus. Hoc et seminis præcipi potest, non maritali, sed fraterno jure; quo jure in Christo nec masculus nec femina sumus. Habent enim et illæ virile quiddam unde feminine subjungent voluptates, unde Christo serviant, et imperent cupiditati. Quod in multis viduis et virginibus Dei, in multis etiam maritali, sed jam fraterne conjugalia jura servantibus, christiani populi dispensatione manifestum est. Quod si ab ea parte cui dominari Deus nos jubet, atque ut in nostram possessionem restituamur, et hortatur et opitulatur: si ergo ab hac parte per negligentiam et impietatem vir subditus fuerit, id est mens et ratio, erit quidem homo turpis et miser; sed destinatur in hac vita, et post hanc vitam ordinatur, quo eum destinari et ubi ordinari summus ille rector et Dominus judicat. Nulla itaque seditate universa creatura materiali permititur.

CAPUT XLII. — *Voluptas carnis admonet ut numeros indivisibiles queramus. An tales in sint in aliquo vitali motu.*

79. Ambulemus ergo dum diem habemus, id est, dum ratione uti possumus, ut ad Deum conversi, Verbo ejus, quod verum lumen est illustrari, mereamur, ne nos tenebræ comprehendant (*Joan. XII, 55*). Dies est enim præsentia illius lumenis quod illuminat omnem hominem venientem in hunc mundum (*Id. I, 9*).

(a) *I Retract. cap. 13, n. 8.*

Hominem dixit, quia ratione uti potest¹, et ubi occidit, ibi incumbere ut surgat. Si ergo voluptas carnis diligetur, ea ipsa diligentius consideretur; et cum ibi recognita fuerint quorumdam vestigia numerorum, querendum est ubi sine tumore sint. Ibi enim magis unum est quod est. Et si tales sunt in ipsa motione vitali, quæ in seminibus operatur, magis ibi mirandi sunt quam in corpore. Si enim numeri seminum sicut ipsa semina timerent, de dimidio grano fici, arbor dimidia nasceretur, neque de animalium seminibus etiam non totis, animalia tota et integra gignerentur, neque tantillum et unum semen vim haberet sui jusque generis innumerabilem. De uno quippe secundum suam naturam possunt, vel segetes segetum, vel silvæ silvarum, vel greges gregum, vel populi populorum per secula propagari, ut nullum solium sit, vel nullus pilus per tam numerosam successionem, cuius non ratio in illo primo et uno semine fuerit. Deinde illud cogitandum est, quam numerosas, quam suaves sonorum pulchritudines verberatus aer trajiciat cantante luscinia, quas illius aviculæ anima non tam libere², cum liberet, fabricaretur, nisi vitali motu incorporaliter haberet impressas. Hoc et in cæteris animalibus, quæ ratione parentia, sensu tamen non parent, animadverti potest. Nullum enim horum est, quod non vel in sono vocis, vel in cætero motu aliqua operatione membrorum, numerosum aliquid et in suo genere moderatum gerat, non aliqua scientia, sed tamen intimis naturæ terminis, ab illa incommutabili numerorum lege modulatis.

CAPUT XLIII. — *In homine vis judicandi de corporum et temporum proportione. Qui in perpetua vertate modus ordinis.*

80. Redeamus ad nos, et omittamus ea quæ cum arbustis et bestiis habemus communia. Uno namque modo hirundo nidificat, et unumquodque avium genus uno aliquo suo modo. Quid est ergo in nobis, quo et de illis omnibus judicamus, quas figuræ appetant, et quatenus impleant, et nos in ædificiis aliisque corporis operibus, tanquam domini omnium talium figuraram, innumerabilia machinamur? Quid est in nobis, quod intus intelligit has ipsas visibilis corporum moles proportione magnas esse, vel parvas; et omne corpus habere dimidium, quantulumcumque sit; et si dimidium, innumerabiles partes: itaque omne granum milii sue parti tantæ, quantum in hoc mundo nostrum corpus tenet, tam magnum esse quam mundus est nobis, totumque istum mundum figurarum ratione pulchrum esse, non mole; magnum autem videri, non pro sua quantitate, sed pro brevitate nostra, id est animalium quibus est plenus; quæ rursus cum habeant infinitatem divisionis, non ipsa per se, sed in aliorum, et maxime ipsius universi comparatione tam parva sunt? Nec in spatio temporum alia ratio est; quia ut omnis loci, sic omnis temporis longitudo habet dimidium sui: quamvis enim sit brevissima, et

¹ Editi, quia ratione uti potest; et paulo post Lov. et Arn., incumbere debet ut surgat. At MSS. habent, quia ratione, etc. et altero loco parentia voce debet, quæ etiam abest a Bad. et Er.

² In MSS. non est, tam libere.

incipit, et progreditur, et desinit. Itaque non potest nisi habere dimidium, dum ibi dividitur qua transit ad finem. Ac per hoc et brevis syllabæ tempus in comparatione longioris breve, et hora brumalis æstivæ horæ comparata minor est (*a*). Sic mora unius horæ ad diem, et diei ad mensem, et mensis ad annum, et anni ad lustrum, et lustri ad maiores circuitus, et ipsi ad universum tempus relati breves sunt; cum illa ipsa numerosa successio, et quedam gradatio, sive localium, sive temporalium spatiorum, non tumore vel mora, sed ordinata convenientia pulchra judicetur.

81. Ipse autem ordinis modus vivit in veritate perpetua, nec mole vastus, nec protractione volubilis; sed potentia supra omnes locos magnus, æternitate super omnia tempora immobilitas: sine quo tamen nec ullius molis vastitas in unum redigi, nec ullius temporis productio potest ab errore cohiberi, et aliquid esse vel corpus ut corpus sit, vel motus ut motus sit. Ipsum est unum principale, nec per finitum nec per infinitum crassum, nec per finitum nec per infinitum inutile. Non enim habet aliud hic, aliud alibi; aut aliud nunc, aliud postea: quia summe unus est Pater Veritatis, Pater suæ Sapientiae, quæ nulla ex parte dissimilis, similitudo ejus dicta est et imago, quia de ipso est. Itaque etiam Filius recte dicitur ex ipso, cetera per ipsum. Praecessit enim forma omnium summe implens unum de quo est, ut cetera quæ sunt, in quantum sunt uni similia, per eam formam fierent.

CAPUT XLIV. — *Dea imago Filius, ad quam facta quædam.*

82. Horum alia sic sunt per ipsam, ut ad ipsam etiam sint, ut omnis rationalis et intellectualis creatura, in qua homo rectissime dicitur factus ad imaginem et similitudinem Dei: non enim aliter incomparabilem veritatem posset mente conspicere. Alia vero ita sunt per ipsam facta, ut non sint ad ipsam. Et ideo rationalis anima si Creatori suo serviat, a quo facta est, per quem facta est, et ad quem facta est, cuncta ei cetera servient: et vita ultima, quæ tam vicina illi est, et est adjutorium ejus, per quod imperat corpori; et ipsum corpus, extrema natura et essentia, cui omni modo cedenti ad arbitrium dominabitur, nullam de illo sentiens molestiam; quia iam non ex illo, nec per illud queret beatitudinem, sed ex Deo per seipsam percipiet. Reformatum ergo corpus ac sanctificatum, sine detrimento corruptionis, et sine onere difficultatis administrabit. In resurrectione enim neque nubent, neque nubentur, sed erunt sicut Angeli in cælis (*Matth. xxii, 50*). *Esca vero ventri, et venter escis: Deus autem et hunc et illas destruet* (*I Cor. vi, 13*); quoniam non est regnum Dei esca et potus, sed justitia et pax et gaudium (*Rom. xiv, 17*).

CAPUT XLV. — *Voluptatis imbecillitas protrudit nos ad sublimiora. De superbie vitio, usque ad cap. 49: quomodo per hoc admonemur ad amplectendam virtutem.*

83. Quapropter, etiam in ista corporis voluptate in-

(a) Ex eorum consuetudine qui ab ortu solis ad occasum duodecim horas constanter numerabant, hieme breviores, estate longiores.

venimus unde commoneamur eam contemnere; non quia malum est natura corporis, sed quia in extremi boni dilectione turpiter voluntatur, cui primis inherere fruique concessum est. Cum trahitur auriga, et suæ temeritatis dat poenæ, quidquid illud est quo utebatur, accusat: sed imploret auxilium, jubeat Dominus rerum, obsistatur equis, alia jam spectacula de illius precipitatione facientibus, et nisi subveniatur de morte facturis, restituatur in locum, super rotas collocetur, habenarum jura reddantur, regat cautius obtemperantes, et edomitias bestias; tunc sentiet quam bene currus, et tota illa junctio fabricata sit, quæ ruina ejus, et ipsum affligebat, et cursum decentissimæ moderationis amiserat: quia et huic corpori imbecillitatem peperit animæ male¹ utentis aviditas in paradiiso, usurpans vetitum cibum contra medici disciplinam, qua sempiterna continetur salus.

84. Si ergo in ista ipsa visibilis carnis imbecillitate, ubi beata vita esse non potest, invenitur admonitio beatæ vita propter speciem de summo usque² ad ima venientem; quanto magis in appetitione nobilitatis et excellentiæ, et in omni superbia vanaque pompe hujus mundi? Quid enim aliud in ea homo appetit, nisi solus esse, si fieri possit, cui cuncta subjecta sint, perversa scilicet imitatione omnipotentis Dei? Quem si subditus imitaretur, secundum præcepta ejus vivendo, per eum haberet subdita cetera, nec ad tantam desormitatem veniret, ut bestiolam timeret, qui vult hominibus imperare. Habet ergo et superbìa quenamdam appetitum unitatis et omnipotentiæ; sed in rerum temporalium principatu, quæ omnia transeunt tanquam umbra.

85. Invicti esse volumus, et recte; habet enim hoc animi nostri natura post Deum a quo ad ejus imaginem factus est: sed ejus præcepta erant servanda, quibus servatis nemo nos vinceret. Nunc vero, dum ipsa cuius verbis turpiter consensimus, dominatur dolore parandi, et nos in terra laboramus, et cum magno dedecore superaramur ab omnibus quæ nos commovere ac perturbare potuerint. Itaque nolumus ab hominibus vinci, et iram non possumus vincere. Qua turpitudine quid execrabilius dici potest? Fatemur hominem hoc esse quod nos sumus, qui tamen etsi habeat vitia, non est tamen ipse vitium. Quanto igitur honestius homo nos vincit, quam vitium? Quis autem dubitet immane vitium esse inadvertiam, qua necesse est torqueatur et subjiciatur qui non vult in rebus temporalibus vinci? Melius est ergo ut homo nos vincat, quam inadvertia vel quodlibet aliud vitium.

CAPUT XLVI. — *Invictus qui id solum amat quod amat eripi non potest, id est Deum ex toto corde et proximum sicut seipsum.*

86. Sed nec ab hominib[us] vinci potest, qui vitia sua vicerit. Non enim vincitur, nisi cui eripitur ab adversario quod amat. Qui ergo amat id solum quod amat eripi non potest, ille indubitanter invictus est, nec

¹ In B., *malæ*. Restituimus, *male*, ex Er. Ven. et Lov. Par. M.

² Editi: *De summo bono usque*, etc. At abest *bono a MSS.*

ula cruciatu*s* invidia. Id enim diligit, ad quo*l* diligendum et percipiendum quanto plures venerint, tanto eis uberius gratulatur. Diligit enim Deum ex toto corde, et ex tota anima, et ex tota mente; et diligit proximum tanquam seipsum. Non ergo illi invidet, ut sit quod ipse est; imo adjuvat etiam quantum potest. Nec potest amittere proximum, quem diligit tanquam seipsum; quia neque in seipso ea diligit quae oculis subjacent, aut ullis aliis corporis sensibus. Ergo apud scipsum habet quem diligit tanquam seipsum.

87. Ea autem est regula dilectionis, ut quae sibi vult bona provenire, et illi velit; et quae accidere sibi mala non vult, et illi nolit (*Tob.* iv, 16): hanc voluntatem erga omnes homines servat. Nam erga neminem operandum est malum: et *dilectio proximi malum non operatur* (*Rom.* xiii, 10). Diligamus ergo, ut praeceptum est, etiam inimicos nostros (*Math.* v, 44), si vere invicti esse volumus. Non enim per seipsum quisquam hominum invictus est; sed per illam incommutabilem legem, cui quicunque serviant, soli sunt liberi. Sic enim eis quod diligit auferri non potest: quae res una invictos facit et perfectos viros. Nam si vel ipsum hominem homo dilexerit, non tanquam seipsum, sed tanquam jumentum, aut balneas, aut aviculam pictam vel garrulam, id est, ut ex eo aliquid temporalis voluptatis aut commodi capiat; serviat necesse est, non homini, sed, quod est turpius, tam foedo et detestabili vitio, quo non amat hominem sicut homo amandus est. Quo vitio dominante, usque ad extremam vitam, vel potius mortem perducitur.

88. Sed nec sic quidem ab homine homo diligendus est, ut diliguntur carnales fratres, vel filii, vel conjuges, vel quique cognati, vel affines aut cives. Nam et dilectio ista temporalis est. Non enim ulla tales necessitudines haberemus, quae nascendo et moriendo contingunt, si natura nostra in praeceptis, et imagine Dei manens, in istam corruptionem non relegaretur (a). Itaque ad pristinam perfectamque naturam nos ipsa Veritas vocans, præcipit ut carnali consuetudini resistamus, docens neminem aptum esse regno Dei, qui non istas carnales necessitudines oderit (*Luc.* ix, 60, 62, et *xiv.* 26). Neque hoc cuiquam inhumanum videri debet. Magis enim est inhumanum, non amare in homine quod homo est, sed amare quod filius est¹: hoc est enim non in eo amare illud quod ad Deum pertinet, sed amare illud quod ad se pertinet. Quid ergo mirum si ad regnum non pervenit, qui non communem, sed privatam rem diligit? Imo utrumque, ait

¹ *Lov.* et *Arn.*, *quod filius est*. At *Bad.* *Er.* et *Mss.* magno consensu habent, *quod filius est*. Quae lectio magis prætendatur, quia subiicit Augustinus, *amare hoc, esse amare illud quod ad se pertinet*: utiturque simil modo loquendi in lib. I de Sermone Domini in monte, ubi rursus de necessitudinum ejusmodi temporalium odio disserens, postquam explicuit quodnam amoris odijque genus uxori vir impendere debeat. Hoc est, inquit, diligere in ea quod homo est, odisse quod uxor est; tum addit hoc et de patre et de matre et ceteris vinculis carnis intelligendum esse, ut in eis oderimus quod genus humanum nascendo et moriendo sortitum est; diligamus autem quod nobiscum potest ad illa regna perduci, ubi nemo dicit, *Pater meus*; sed omnes unum Deo, *Pater noster*.

a) *I Retract.* cap. 13, n. 8.

quispiam: Imo illud unum, dicit Deus. Dicit enim verissime Veritas: *Nemo potest duobus dominis servire* (*Math.* vi, 24). Nemo enim potest perfecte diligere quo vocamur, nisi oderit unde revocamur. Vocamur autem ad perfectam naturam humanam, quam autem peccatum nostrum Deus fecit: revocamur autem ab eius dilectione, quam peccando incurruimus. Quare oderimus oportet, unde ut liberemur optimus.

89. Oderimus ergo temporales necessitudines, si determinatis charitate flagramus. Diligt homo proximum tanquam seipsum. Certe enim sibi ipsi nemo est pater, aut filius, aut affinis, aut aliquid hujusmodi, sed tantum homo: qui ergo diligit aliquem tanquam seipsum, hoc in eo debet diligere, quod sibi ipse est. Corpora vero non sunt quod nos sumus: non ergo in homine corpus est expectandum aut desiderandum. Valet enim ad hoc etiam quod præceptum est: *Ne concupiscas rem proximi tui* (*Exod.* 20, 17). Quapropter quisquis in proximo aliud diligit quam sibi ipse est, non cum diligit tanquam seipsum. Ipsa igitur natura humana sine carnali conditione diligenda est, sive sit persicienda sive perfecta. Omnes sub uno Deo patre cognati sunt, qui eum diligunt et faciunt voluntatem ipsius. Et invicem sibi sunt, et patres cum sibi consulunt, et filii cum sibi obtemperant, et fratres maxime, quia eos unus Pater testamento suo ad unam hereditatem vocat.

CAPUT XLVII. — *Vera proximi dilectio, quam qui impendit invictus est.*

90. Quapropter, cur iste non invictus sit hominem diligendo, cum in eo nihil præter hominem diligat, id est creaturam Dei ad ejus imaginem factam, nec ei possit deesse perfecta natura quam diligit, cum ipse perfectus est? Sicut enim, verbi gratia, si quisquam diligat bene cantantem, non *Munc* aut illum, sed tantum bene cantantem quendlibet, cum sit cantator ipse perfectus; ita vult omnes tales esse, ut tamen ei non desit quod diligit, quia ipse bene cantat. Nam si cuiquam invidet bene cantanti, non jam illud diligit, sed aut laudem, aut aliquid aliud, quo bene cantando vult pervenire; et potest ei minui vel auferri, si et aliis bene cantaverit. Qui ergo invidet bene cantanti, non amat bene cantantem: sed rursus qui eo indiget, non bene cantat. Quod multo accommodatus de bene vivente dici potest, quia invidere nulli potest: quo enim pervenient bene viventes, tantumdem est omnibus, nec minus sit cum plures habuerint. Et potest esse tempus quo bonus cantator cantare non decenter queat, et indiget voce alterius, qua sibi exhibetur quod diligit; tanquam si alicubi convivet, ubi eum cantare turpe sit, sed deceat audire cantantem: bene autem vivere semper decet. Quare quisquis hoc et diligit et facit, non solum non invidet imitantibus, sed et his se præbet libertissime atque humanissime quantum potest; nec tamen eis indiget. Nam quod in illis diligit, in seipso habet totum atque perfectum. Ita cum diligit proximum tanquam seipsum, non invidet ei, quia nec sibi ipsi præstat ei quod potest, quia et sibi ipsi; non eo indiget, quia nec seipso: tan-

tum Deo indiget, cui adhærendo *beatus* est. Nemo autem illi eripit Deum. Ille ergo verissime atque certissime *invictus homo* est qui cohaeret Deo, non ut ab eo aliquid boni extra mereatur, sed cui nihil aliud quam ipsum hærere Deo bonum est.

91. Ilic vir quamdiu est in hac vita, utitur amico ad rependendam gratiam, utitur inimico ad patientiam, utitur quibus potest ad beneficentiam, utitur omnibus ad benevolentiam. Et quanquam temporalia non diligit, ipse recte utitur temporalibus, et pro eorum sorte hominibus consulit, si æqualiter non potest omnibus. Quare si aliquem familiarium suorum promptius quam quemlibet alloquitur, non eum magis diligit, sed ad eum habet majorem fiduciam, et apertiorem temporis januam. Tractat enim tempori deditos tanto melius, quanto minus ipse obligatus est tempori. Cum itaque omnibus, quos pariter diligit, prodesse non possit, nisi conjunctioribus prodesse malit, injustus est. Animi autem conjunctio major est, quam locorum aut temporum quibus in hoc corpore gignimur¹; sed ea maxima est quæ omnibus prevalet. Non ergo iste affligit morte cujusquam, quoniam qui toto animo Deum diligit, novit nec sibi perire quod Deo non perit. Deus autem dominus est et vivorum et mortuorum. Non cujusquam miseria miser est, quia nec cujusquam justitia justus est². Et ut nemo illi justitiam et Deum, sic nemo aufert beatitudinem. Et si aliquando forte alicujus periculo, vel errore, vel dolore commovetur; usque ad illius auxilium, aut correctionem, aut consolationem, non usque ad suam subversionem valere patitur.

92. In omnibus autem officiosis laboribus, futuræ quietis certa exspectatione, non frangitur. Quid enim ei nocebit, qui bene uti etiam inimico potest? Ejus enim præsidio atque munimento inimicitias non pertimescit, cuius præcepto et dono diligit inimicos. Huic viro in tribulationibus parum est non contristari, nisi etiam gaudeat, sciens quod *tribulatio patientium operatur, patientia probationem, probatio spem, spes autem non confundit: quoniam charitas Dei diffusa est in cordibus nostris per Spiritum sanctum, qui datus est nobis* (Rom. v, 3-5). Quis huic nocebit? Quis hunc subjugabit? Homo qui prosperis rebus prolicit, asperis quid profecerit discit. Cum enim mutabilium bonorum adest copia, non eis considit; sed cum subtrahuntur, agnoscit utrum eum non ceperint: quia plerumque cum adsunt nobis, putamus quod non ea diligamus; sed cum abesse coeperint, invenimus qui simus. Hoc enim sine amore nostro aderat, quod sine dolore discedit. Videatur ergo vincere, cum vincatur, qui superando ad id pervenit, quod cum dolore amissurus est: et vincit cum vinci videatur, quisquis cedendo ad id pervenit, quod non amittit invitus.

CAPUT XLVIII. — *Quæ sit perfecta justitia.*

93. Quem ergo delectat libertas, ab amore mutabilium rerum liber esse appetat; et quem regnare

¹ Lov. et Arn., *junguntur*. Bad. et Er., *junguntur*. At MSS. undecim, *gignantur*.

² MSS. septem, *nec cujusquam injustitia sit injustus*.

delectat, uni omnium reguatori Deo subditus hæreat, plus eum diligendo quam seipsum. Et hæc est perfecta justitia, qua potius potiora, et minus minoria diligimus. Sapientem animam atque perfectam talem diligit, qualem illam videt; stultam non talem, sed quia esse perfecta et sapiens potest: quia nec scipsum debet stultum diligere. Nam qui se diligit stultum, non proficiet ad sapientiam; nec si quisquis qualis cupit esse, nisi se oderit qualis est. Sed donec ad sapientiam perfectionemque veniatur, eo animo ferat stultitiam proximi, quo suam ferret, si stultus esset, et amaret sapientiam. Quapropter si et ipsa superbia veræ libertatis et veri regni umbra est, etiam per ipsam nos commemorat divina providentia quid significemus vitiosi, et quo debeamus redire correcti.

CAPUT XLIX. — *De curiositate deinceps, ut hoc vitio admoneatur ad contemplandam veritatem.*

94. Jam vero cuncta spectacula, et omnis illa quæ appellatur curiositas, quid aliud querit quam de rerum cognitione luctiam? Quid ergo admirabilius, quid speciosius ipsa veritate, ad quam omnis spectator pervenire se cupere consetetur, cum vehementer ne fallatur invigilat, et inde se jactat si quid acutius cæteris, et vivacius in spectando cognoscat et judicet? Ipsum denique præstigiarem, nihil aliud quam fallaciam profitentem, diligenter intuentur, et cautissime observant; et si eliduntur, quia sua non possunt, illius delectantur scientia qui eos eludit. Nam si et ille nesciret quibus causis fallantur intuentes, vel ne scire crederetur, pariter erranti nullus plauderet. Si quis autem de populo unus eum deprehenderit, maiorem illo laudem se mereri putat, non ob aliud, nisi quia decipi fallique non potuit. Si autem multis aper-tus sit, non ille laudatur; sed irridetur cæteri qui talia deprehendere nequeunt. Ita omnis palma cognitioni datur, et artificio, et comprehensioni veritatis: ad quam nullo modo perveniunt qui foris eam querent.

95. Itaque in tantas nugas et turpitudines mersi sumus, ut cum interrogati quid sit melius, verum an falsum, ore uno respondeamus, verum esse, melius; jocis et ludis tamen, ubi nos utique non vera, sed ficta delectant, multo propensiæ quam præceptis ipsius veritatis hæreamus. Ita nostro judicio et ore punimur, aliud ratione approbantes, aliud vanitate sectantes. Tamdiu autem est ludicum et joculare aliquid, quamdiu novimus in cuius veri comparatione rideatur. Sed diligendo talia excidimus a vero, et non jam inventimus quarum rerum imitamenta sint, quibus tanquam primis pulchris inhiamus, et ab eis recedentes amplexamur nostra phantasmata. Nam redeuntibus nobis ad investigandam veritatem, ipsa in itinere occurront, et nos transire non sinunt, nullis viribus, sed magis insidiis latrocinitia, non intelligentibus quam late pateat quod dictum est: *Cavete a simulacris* (I. Jean. v, 21).

96. Itaque alii per innumerabiles mundos vagæ cogitatione volutati sunt. Alii Deum esse non posse, nisi corpus igneum putaverunt. Alii candorem lucis immense per infinita spatia usquequaque porrectum,

ex una tamen parte quasi nigro quodam cuneo fissum, duo adversa regna opinantes, et talia rebus constitutae principia, cum suis phantasmatis fabulati sunt. Quos si jurare cogam utrum haec vera esse sciant, fortasse non audeant, sed vicissim dicant: Tu igitur ostende quid verum sit. Quibus si nihil responderem, nisi ut illam lucem querant, qua eis apparat et certum est aliud esse credere, aliud intelligere; jurarent et ipsi, nec oculis videri posse istam lucem, nec cum aliqua locorum vastitate cogitari, et nusquam non praesto esse querentibus, et nihil ea certius atque serenius inveniri.

97. Quæ rursus omnia, quæ de hac luce mentis nunc a me dicta sunt, nulla alia quam eadem luce manifesta sunt. Per hanc enim intelligo vera esse quæ dicta sunt, et haec me intelligere per hanc rursus intelligo. Et hoc rursus et rursus cum quisque se aliquid intelligere intelligit, et id ipsum rursus intelligit, in infinitum pergere intelligo, et nulla hic esse spatia cuiusquam tumoris aut volubilitatis intelligo: intelligo etiam non me posse intelligere, nisi vivam, et me vivaciorem intelligendo fieri, certius intelligo. Aeterna enim vita vitam temporalem vivacitatem ipsa superat: nec quid sit aeternitas, nisi intelligendo conspicio. Mentis quippe aspectu omnem mutabilitatem ab aeternitate sejungo, et in ipsa aeternitate nulla spatia temporis cerno; quia spatia temporis præteritis et futuris rerum motibus constant. Nihil autem præterit in aeterno, et nihil futurum est; quia et quod præterit, esse desinit, et quod futurum est, nondum esse coepit: aeternitas autem, tantummodo est; nec fuit, quasi jam non sit; nec erit, quasi adhuc nou sit. Quare sola ipsa verissime dicere potuit humanæ menti, *Ego sum qui sum*; et de illa verissime dici potuit, *Misi te, qui es* (*Exod. iii, 14*).

CAPUT L. — Scripturarum et interpretationum ratio.

Allegoria quadruplex.

98. Cui si nondum possumus inhaerere, objurgemus saltem nostra phantasmata, et tam nugatorios et deceptorios ludos de spectaculo mentis ejiciamus. Utamur gradibus quos nobis divina providentia fabricare dignata est. Cum enim segmentis iudicris nimium delectati evanesceremus in cogitationibus nostris, et totam vitam in quedam vana somnia verteremus; rationali creatura¹ serviente legibus suis, per sonos ac litteras, ignem, fumum, nubem, columnam, quasi quedam verba visibilia, cum infantia nostra parabolis ac similitudinibus quodammodo ludere, et interiores oculos nostros luto hujuscemodi curare non aspernata est ineffabilis misericordia Dei.

99. Distinguamus ergo quam fidem debeamus historiae, quam fidem debeamus intelligentie, quid man-

¹ Eruditio viro visum erat legendum esse, *irrationali*. Sed MSS. omnes et Edd. ferunt, *rationali* creatura: quibus verbis, nisi fallimur, intelligendi veniunt Angeli, ut intra n. 99, in fine, et in lib. 3 de Libero Arbitrio, cap. 10, n. 30. Qui, per deum per Angelos loquebatur antiqui Patribus, coruique ministerio exhibebat sonos, litteras, ignem, fumum, nubem, columnam, et similia portenta, quæ in sacris Libris narrantur. Sic autem prosequuntur MSS. plerique, *serviente de legibus suis*, etc.

demos memorie, verum esse nescientes, sed credentes tamen. Et ubi sit verum, quod non venit et transit, sed semper eodem modo manet. Qui sit modus interpretandæ allegoriæ, quæ per sapientiam dicta creditur in Spiritu sancto: utrum a visibilibus antiquioribus ad visibilia recentiora eam perducere sufficiat; an usque ad animæ affectiones atque naturam, an usque ad incommutabilem æternitatem: an aliæ significant gesta visibilia, aliæ motus animorum, aliæ legem æternitatis; an aliquæ inveniantur, in quibus haec omnia vestiganda sint. Et quæ sit stabilis fides, sive historica et temporalis, sive spiritualis et æterna, ad quam omnis interpretatio auctoritatis dirigenda sit. Et quid prosit ad intelligenda et obtinenda æterna, ubi finis est omnium bonarum actionum, fides rerum temporalium. Et quid intersit inter allegoriam historiæ, et allegoriam facti, et allegoriam sermonis, et allegoriam sacramenti. Et quomodo ipsa locutio divinarum Scripturarum secundum cujusque linguae proprietatem accipienda sit. Habet enim omnis lingua sua quedam propria genera locutionum, quæ cum in alieni linguam transferuntur, videntur absurdâ. Quid prosit tanta loquendi humilitas, ut non solum ira Dei, et tristitia, et a somno exasperatio, et memoria, et oblivio, et alia nonnulla quæ in bonos homines cadere possunt, sed etiam poenitentia, zeli, crapulæ nomina, et alia hujusmodi in sacris Libris inveniantur. Et utrum oculi Dei, et manus, et pedes, et alia hujus generis membra, quæ in Scripturis nominantur, ad visibilem formam humani corporis referenda sint; an ad significaciones intelligibilium et spiritualium potentiarum, sicut galea, et scutum, et gladius, et cingulum, et cetera talia. Et quod maxime querendum est, quid prosit generi humano, quod sic nobiscum per rationalem, et genitalem, et corporalem creaturam sibi servientem divina providentia locuta est. Quo uno cognito, omnis ab animis protervitas (*a*) puerilis excluditur, et introduceitur sacrosancta religio.

CAPUT LI. — Scripturarum perscrutatio in curiositatibus medelum.

100. Omissis igitur et repudiatis nugis theatricis et poeticis, divinarum Scripturarum consideratione et tractatione pascamus animum atque potemus vanæ curiositatis fame ac siti fessum et æstuantem, et inanibus phantasmatis, tanquam pictis epulis, frustra refici satiarique cupientem: hoc vere liberali, et ingenuo ludo salubriter erudiamur. Si nos miracula spectaculorum, et pulchritudo delectant, illam desideremus videre Sapientiam, que pertendit a fine usque ad finem fortiter, et disponit omnia suaviter (*Sap. vi, 1*). Quid enim mirabilius, vi incorporeo mundum corporum fabricante et administrante? aut quid pulchrius ordinante et ornante?

CAPUT LII. — Et curiositas et alia vita sunt occasio ad virtutem.

101. Si autem omnes fatentur per corpus ista sentiri, et animum meliorem esse quam corpus, nihilne per se animus ipse conspiciet, aut quod conspiciet

(a) Nempe Manichæorum in *Vetus Testamentum*.

potest esse, nisi multo excellentius longeque præstantis? Imo vero commemorati¹ ab iis quæ judicamus, intueri quid sit secundum quod judicamus, et ab operibus artium conversi ad legem artium, eam sp̄ciam mente contuebinur, cuius comparatione foeda sunt quæ ipsius benignitate sunt pulchra. *Invisibilia enim Dei, a creatura mundi, per ea quæ facta sunt, intellecta conspiciuntur, et sempiterna ejus virtus et divinitas* (*Rom. i, 20*). Hæc est a temporalibus ad æterna regressio, et ex vita veteris hominis in novum hominem reformatio. Quid est autem unde homo commemorari non possit ad virtutes capessendas, quando de ipsis vitiis potest? Quid enim appetit curiositas nisi cognitionem, quæ certa esse non potest, nisi rerum æteriarum et eodem modo se semper habentium? Quid appetit superbia nisi potentiam, quæ refertur ad agendi facilitatem, quam non invenit anima perfecta nisi Deo subdita², et ad ejus regnum summa charitate conversa? Quid appetit voluptas corporis nisi quietem, quæ non est nisi ubi nulla est indigentia et nulla corruptio? Cavendi sunt ergo inferiores inferi, id est post hanc vitam poenæ graviores, ubi nulla potest esse commemoratio veritatis, quia nulla ratiocinatio: ideo nulla ratiocinatio, quia non eam perfundit lumen verum, quod illuminat omnem hominem venientem in hunc mundum (*Joan. i, 9*). Quare festinemus, et ambulemus cum dies praesto est, ne nos tenebræ comprehendant (*Id. xii, 35*). Festinemus a secunda morte liberari (*Apoc. xx, 6, 14, et xxi, 8*), ubi nemo est qui memor Dei sit, et ab inferno, ubi nemo confitebitur Deo (*Psal. vi, 6*).

CAPUT LIII. — Scopi stultorum ac sapientium diversi.

402. Sed miseri homines, quibus cognita vilescent, et novitatibus gaudent, libentius discunt quam norunt, cum cognitione sit finis discendi. Et quibus vilis est facilitas actionis, libentius certant quam vincunt, cum victoria sit finis certandi. Et quibus vilis est corporis salus, malunt vesti quam satiari, et malunt frui genitalibus membris quam nullam talem commotionem pati; inveniuntur etiam qui malunt dormire quam non dormitare: cum omnis illius voluptatis sit finis, non esurire ac sitire, et non desiderare concubitum, et non esse corpore fatigato.

403. Quare qui fines ipsos desiderant, prius curiositate carent, cognoscentes eam esse certam cognitionem quæ intus est, et ea persuientes quantum in hac vita queunt. Deinde accipiunt actionis facilitatem periecia posita, scientes majorem esse facilioremque victoram, non resistere animositatì cuiusquam; et hoc, quantum in hac vita queunt, sentiunt: postremo, etiam quietem corporis, abstinendo ab iis rebus sine quibus agi hæc vita potest; ita gustant quam suavis est Dominus. Nec erit dubium³ quid post hanc vitam

¹ MSS. duo, commoniti. Alli omnes commemorati; et paulo infra habent, commemorari. Hoc verbo frequens utitur Augustinus pro commeneri, quod hic in edd. fuerat substitutum.

² Editu, nisi anima perfecta et Deo subdita. At MSS. probæ note, anima perfecta nisi Deo subdita.

³ Er. Lov., nec e:it eis dubium. M.

futurum sit; et perfectionis sue-fide, spe, charitate nutriuntur. Post hanc autem vitam et cognitio perficietur; quia ex parte nunc scimus, cum autem venerit quod perfectum est, non erit ex parte (*I Cor. xiii, 9, 10*): et pax omnis aderit; nunc enim alia lex in membris meis repugnat legi mentis meæ, sed liberabit nos de corpore mortis hujus gratia Dci per Jesum Christum Dominum nostrum (*Rom. vii, 23-25*); quia ex magna parte concordamus cum adversario, dum cum illo sumus in via: et tota sanitas, et nulla indigentia, et nulla fatigatio aderit corpori; quia corruptibile hoc, tempore atque ordine suo quo resurrectio carnis futura est, induetur incorruptione (*I Cor. xv, 53*). Non mirum autem, si hoc dabitur iis qui in cognitione solam veritatem amant, et in actione solam pacem, et in corpore solam sanitatem. Hoc enim in eis perficietur post hanc vitam, quod in hac vita plus diligunt.

CAPUT LIV. — *Supplicia damnatorum quam habeant rationem ad eorum vitia.*

404. Qui ergo male utuntur tanto mentis bono, ut extra eam visibilia magis appetant, quibus ad conspiencia⁴ et diligenda intelligibilia commemorari debuerunt, dabuntur eis exteriores tenebrae. Harum quippe initium est carnis prudentia, et sensuum corporeorum imbecillitas. Et qui certaminibus delectantur, alienabuntur a pace, et summis difficultatibus implicabuntur. Initium enim summarum difficultatis est bellum atque contentio. Et hoc significare arbitror, quod ligantur ei manus et pedes, id est, facilitas omnis auferatur operandi. Et qui sitiare et esurire volunt, et in libidine ardescere et defatigari, ut libenter edant, et bibant, et concubant, et dormiant, amant indigentiam, quod est initium summorum dolorum. Perficietur ergo in eis quod amant, ut ibi sint ubi eis sit ploratus⁵ et stridor dentium (*Math. xxii, 13*).

405. Plures enim sunt qui hæc omnia simul vitia diligunt, et quorum vita est spectare, contendere, manducare, bibere, concubere, dormire, et in cogitatione sua nihil aliud quam phantasmata, quæ de tali vita colligunt, amplexari; et ex eorum fallacia, superstitionis vel impietatis regulas ligere, quibus decipiuntur, et quibus inherēt, etiam si ab illecebris carnis se abstinere conentur. Quia non bene utuntur talento sibi commisso, id est mentis acie, qua videntur omnes, qui docti aut urbani aut faceti nominantur, excellere. Sed habent eam in sudario ligatam, aut in terra obrutam, id est delicatis et superfluis rebus, aut terrenis cupiditatibus involutam et oppressam. Ligabuntur ergo his manus et pedes, et mittentur in tenebras exteriores; ibi erit ploratus et stridor dentium. Non quia ipsa dilexerunt; (quis enim hæc diligit?) sed quia illa quæ dilexerunt, initia sunt istorum, et necessario dilectores suos ad ista perducunt. Qui enim magis amant ire quam redire aut pervenire, in longinquiora mittendi sunt; quoniam caro sunt, et spiritus ambulans et non revertens.

406. Qui vero bene utitur vel ipsis quinque sensibus

⁴ Ita MSS. At excusi habent, ad concupiscenda.

⁵ In MSS. plerisque, ut eis ibi sit ploratus, etc.

corporis ad credenda et praedicanda opera Dei, et nutriendam charitatem ipsius, vel actione vel cognitione ad pacificandam naturam suam, et cognoscendum Deum, intrat in gaudium Domini sui. Propterea talentum quod male utenti auferitur, illi datur qui talentis quinque bene usus est (*Math. xxv, 14-30, et Luc. xix, 15-26*) : non quia transferri potest acumen intelligentiae, sed ita significatum est posse hoc amittere negligentes et impios ingeniosos, et ad eam pervenire diligentes et pios, quamvis ingenio tardiores. Non enim datum est illud talentum ei qui acceperat duo; habet enim et hoc, qui jam in actione et cognitione bene vivit; sed ei qui acceperat quinque. Nondum enim habet ad æterna contemplanda idoneam mentis aciem, qui visibilibus tantum, id est temporalibus credit: sed habere potest, qui horum omnium sensibilium Deum artificem laudat, et eum persuadet sive, et exspectat spe, et querit charitate.

CAPUT LV. — *Epilogus exhortans ad veram religionem, et a falsa deterrens. Qualis erat Manicheorum religio. Opiniones falsæ de diis. Vera religio.*

107. Quæ cum ita sint, hortor vos, homines charissimi et proximi mei, meque ipsum hortor vobiscum, ut ad id quo nos per sapientiam suam Deus hortatur, quanta possumus celeritate curramus. Non diligamus mundum, quoniam omnia quæ in mundo sunt, concupiscentia carnis, et concupiscentia oculorum est, et ambitio sæculi (*I Joan. ii, 15, 16*). Non diligamus per earum voluptatem corrumpere atque corrumphi, ne ad miserabiliorum corruptionem dolorum tormentorumque veniamus. Non diligamus certamina, ne angelis qui talibus gaudent, in potestatem deinur, humiliandi, vinciendi, verberandi. Non diligamus visibilia spectacula, ne ab ipsa veritate aberrando et amando umbras, in tenebras projiciamur.

108. Non sit nobis religio in phantasmatis nostris. Melius est enim qualecumque verum, quam omne quidquid pro arbitrio singi potest; et tamen animam ipsam, quamvis anima vera sit cum falsa imaginatur, colere non debemus. Melior est vera stipula, quam lux inani cogitatione pro suspicantis voluntate formata; et tamen stipulam, quam sentimus et tangimus, dementis est credere colendam. Non sit nobis religio humanorum operum cultus. Meliores enim sunt ipsi artifices qui talia fabricantur, quos tamen colere non debemus. Non sit nobis religio cultus hominum mortuorum: quia si pie vixerunt, non sic habentur ut tales querant honores; sed illum a nobis coli volunt, quo illuminante lætantur meriti sui nos ease consortes¹. Honorandi ergo sunt propter imitationem, non adorandi propter religionem. Si autem male vixerunt, ubicumque sint non sunt colendi. Non sit nobis religio cultus dæmonum; quia omnis supersticio cum sit magna poena hominum, et periculosis turpitudo, honor est ac triumphus illorum.

109. Non sit nobis religio terrarum cultus et aquæ plures e Mis. et Er., conservos.

PATRCL. XXXIV.

rum; quia istis purior et lucidior est aer, etiam caliginosus, quem tamen colere non debemus. Non sit nobis religio etiam purioris aeris et serenioris cultus: quia luce absente inumbratur; et purior illo est fulgor ignis etiam hujus, quem tamen, quoniam pro voluntate accendimus et extinguimus, colere utique non debemus. Non sit nobis religio cultus corporum æthereorum atque cœlestium, quæ quamvis omnibus cœtris corporibus recte præponantur, melior tamen ipsis est quamcumque vita. Quapropter si animata sunt, melior est quamvis anima per seipsam, quam corpus quodlibet animatum; et tamen animam vitiosam nemo collendam esse censuerit. Non sit nobis religio cultus illius vitae, qua dicuntur arbores vivere: quoniam nullus sensus in illa est; et ex eo genere est ista qua nostri etiam corporis numerositas agitur, qua etiam capilli et ossa vivunt, qua sine sensu præcinduntur: bac autem melior est vita sentiens; et tamen vitam bestiarum colere non debemus.

110. Non sit nobis religio vel ipsa perfecta et sapiens anima rationalis, sive in ministerio universitatis, sive in ministerio partium stabilita, sive quæ in summis hominibus exspectat commutationem reformationemque portionis suæ; quoniam omnis vita rationalis si perfecta est, incommutabili veritati secum intrinsecus sine strepitu loquenti obtemperat, non obtemperans autem vitiosa fit. Non ergo per se excellit, sed per illam cui libenter obtemperat. Quod ergo colit summus angelus, id colendum est etiam ab homine ultimo, quia ipsa hominis natura id non colendo facta est ultima. Non enim aliunde sapiens angelus, aliunde homo; aliunde ille verax, aliunde homo; sed ab una incommutabili sapientia et veritate. Nam id ipsum actum est temporali dispensatione ad salutem nostram, ut naturam humanam ipsa Dei Virtus, et Dei Sapientia incommutabilis, et consubstantialis Patri et coæterna, suscipere dignaretur, per quam nos doceret id esse homini colendum, quod ab omni creatura intellectuali et rationali colendum est. Hoc etiam ipsos optimos Angelos, et excellentissima Dei ministeria velle credamus, ut unum cum ipsis colamus Deum, cuius contemplatione beati sunt. Neque enim et nos videndo angelum beati sumus; sed videndo veritatem, qua etiam ipsos diligimus Angelos, et his congratulamur. Nec invidemus quod ea paratores, vel nullis molestiis interpedientibus perfruuntur: sed magis eos diligimus, quoniam et nos tale aliquid sperare a communi Domino jussi sumus. Quare honoramus eos charitate, non servitute. Nec eis templa construimus: nolunt enim se sic honorari a nobis; quia nos ipos cum boni sumus, templo summi Dei esse neverunt. Recte itaque scribitur, hominem ab angelo prohibitum ne se adoraret, sed unum Dominum sub quo ei esset et ille conservus (*Apoc. xxii, 9*).

111. Qui autem nos invitant ut sibi serviamus, et tanquam deos colamus, similes sunt superbis hominibus, quibus si liceat, similiter coli volunt: sed istos homines perpeti minus, illos vero colere magis periculosum est. Omnis enim hominum dominatus in ho-

(Six.)

mines, aut dominantium aut servientium morte finitur : servitus autem sub angelorum malorum superbia, propter ipsum tempus quod est post mortem magis metuenda est. Illud etiam cuivis cognoscere facile est, quod sub homine dominante liberas cogitationes habere concessum est : illos autem dominos in mentibus ipsis formidamus, qui unus est oculus intuendae ac percipiendae veritatis. Quare si omnibus potestatibus, quæ dantur hominibus ad regendam rem publicam, pro nostro vinculo subditum sumus, reddentes Cæsari quod Cæsaris est, et Deo quod Dei est (*Matth. xxii.*, 21), non est metuendum ne hoc post mortem nostram aliquis exigat. Et aliud est servitus animæ, aliud servitus corporis. Justi autem homines, et in uno Deo habentes omnia gaudia sua, quando per eorum facta Deus benedicitur, congratulanter laudantibus : cum vero ipsi tanquam ipsi laudantur, corrigit errantes quos possunt ; quos autem non possunt, non eis gravitationaliter, et ab illo vitio corrigi volunt. Quibus si similares, vel etiam mundiores atque sanctiores sunt boni Angeli, et omnia sancta Dei ministeria ; quid metuimus ne aliquem illorum offendamus, si non superstitionis fuerimus, cum ipsis adjuvantibus ad unum Deum tendentes, et ei uni religantes animas nostras, unde religio dicta creditur, omni superstitione careamus (a) ?

412. Ecce unum Deum colo, unum omnium Principium, et Sapientiam qua sapiens est quæcumque anima sapiens est, et ipsum Munus quo beata sunt quæcumque beata sunt. Quisquis Angelorum diligit hunc Deum, certus sum quod etiam me diligit. Quisquis in illo manet, et potest humanas preces sentire, in illo me exaudit. Quisquis ipsum habet bonum suum, in ipso me adjuvat, nec mihi ejus participationem potest invisidere. Dicant ergo mihi adoratores, aut adulatores partium mundi, quem non optimum sibi conciliet, qui hoc unum colit, quod omnis optimus diligit, et cuius cognitione gaudet, et ad quod principium recurrendo sit optimus. Quisquis vero angelus excessus suos diligit, et veritati esse subditus non vult, et privato suo ketari cupiens a communi omnium bono et vera bea-

(a) *I Retract. cap. 13, n. 9.*

titudine lapsus est¹, cui omnes mali subjungandi et premendi, nullus autem bonus nisi exercendus in potestatem datur ; nullo dubitante non est colendus ; cuius latitia est nostra miseria et cuius damnum est nostra reversio.

413. Religet ergo nos religio uni omnipotenti Deo ; quia inter mentem nostram qua illum intelligimus Patrem, et veritatem, id est lucem interiorum per quam illum intelligimus, nulla interposita creatura est. Quare ipsam quoque Veritatem nulla ex parte dissimilem in ipso, et cum ipso veneremur, quæ forma est omnium, quæ ab uno facta sunt, et ad unum nituntur. Unde apparet spiritualibus animis, per haec formam esse facta omnia, quæ sola implet quod appetunt omnia. Quæ tamen omnia neque fierent a Patre per Filium, neque suis finibus salva essent, nisi Deus summe bonus esset : quiet et nulli naturæ, quæ ab ipso bona esse posset, invidit ; et in bono ipso alia quantum vellent, alia quantum possent, ut manerent dedit. Quare ipsum Donum Dei cum Patre et Filio æquè incommutabile colere et tenere nos convenit : unius substantiæ Trinitatem, unum Deum a quo sumus, per quem sumus, in quo sumus : a quo discessimus, cui dissimiles facti sumus, a quo perire non permissi sumus : principium ad quod recurrimus, et formam quam sequimur, et gratiam qua reconciliamur : unum Deum quo auctore conditi sumus, et similitudinem ejus per quam ad unitatem formamur², et pacem qua unitati adhæremus : Deum qui dixit, *Fiat* (*Gen. 1*) ; et Verbum per quod factum est omne quod substantialiter et naturaliter factum est ; et Donum benignitatis ejus, quo placuit et conciliatum est auctori suo, ut non interiret quidquid ab eo per Verbum factum est : unum Deum quo creatore vivimus, per quem reformati sapienter vivimus, quem diligentes et quo fruentes beate vivimus : unum Deum ex quo omnia, per quem omnia, in quo omnia, ipsi gloria in sæcula sæculorum. Amen (*Rom. xi. 56*).

¹ MSS. quatuordecim, *communi omnium bonorum et vera beatitudine lapsus est*, etc.

² Ita in MSS. At in excusis legitur : *per quem ad unitatem reformamur.*

DE SEQUENTIBUS DUOBUS LIBRIS

DE GENESI CONTRA MANICHÆOS^(a).

S. AUGUSTINUS IN LIB. VIII DE GENESI AD LITT., CAP. II.

Contra Manichæos, qui has litteras Veteris Testamenti non aliter quam oportet accipiendo errant, sed omnino non accipiendo et detestando blasphemant, duos conscripti libros recenti tempore conversionis meæ ; cito volens eorum vel confutare deliramenta, vel erigere intentionem ad querendam in Litteris quas oderunt, christianam et evangelicam fidem. Et quia non mihi tunc occurrebant omnia quemadmodum proprie possent accipi, magisque non posse accipi videbantur, aut vix posse aut difficile ; ne retardarer, quid figurate significant ea, quæ ad litteram non potui invenire, quanta valui brevitate et perspicuitate explicavi, ne vel multa lectione vel disputationis obscuritate deterri, in manus ea sumere non curarent.

Vide præterea librum 1, cap. 10, *Retractationum*, tom. 1, col. 599, n. 1, *a verbis*, Jam vero in Africa, usque ad col. 600, n. 3, *verbis*, *Manichæi* quos deciperent. M.

(a) Hi duo libri de *Genesi contra Manichæos* tres de *Libero arbitrio* libros in editione Benedictina sequuntur. Huc translati sunt ob paritatem argumenti. M.

S. AURELII AUGUSTINI

HIPPONENSIS EPISCOPI

DE GENESI

CONTRA MANICHÆOS

LIBRI DUO ^(a).

LIBER PRIMUS.

In quo a Manichæorum calumniis vindicatur initium Geneseos, scilicet ab hocce versiculo, cap. 1 : *In principio creavit Deus cœlum et terram*, usque ad versiculum 2, cap. 2, quo Deus septimo Die requievisse dicitur.

CAPUT PRIMUM. — *In veteris Legis defensionem contra Manichæos scripturus est stilo ad imperitorum captiūnā demisso.*

1. Si eligerent Manichæi quos deciperent, eligere mus et nos verba quibus eis responderemus : cum vero illi et doctos litteris, et indoctos errore suo persequantur, et cum promittunt veritatem, a veritate conentur avertere ; non ornato politoque sermone, sed rebus manifestis convincenda est vanitas eorum. Placuit enim mihi quorundam vere christianorum sententia, qui cum sint eruditi liberalibus litteris, tamē alios libros nostros, quos adversus Manichæos edidimus, cum legissent, viderunt eos ab imperitoribus, aut non aut difficile intelligi, et me benevolentiōe monuerunt ut communem loquendi consuetudinem non desererem, si errores illos tam pernicio-sos ab animis etiam imperitorum expellere cogitarem. Hunc enim sermonem usitatum et simplicem etiam docti intelligunt, illum autem indocti non intelligunt.

2. Solent ergo Manichæi Scripturas Veteris Testamenti, quas non noverunt, vituperare, et ea vituperatione infirmos et parvulos nostros, non invenientes quomodo sibi respondeant, irridere atque decipere : quia nulla Scriptura est, que non apud eos qui illam non intelligunt, facile possit reprehendi. Sed ideo di-vina providentia multos diversi erroris hæreticos esse permittit, ut cum insultant nobis, et interrogant nos ea quae nescimus, vel sic excutiamus pigritiam, et di-vinas Scripturas nosse cupiamus. Propterea et Apostolus dicit : *Oportet hæreses esse*¹, *ut probati mani-festi fiant inter vos* (1 Cor. xi, 19). Illi enim Deo probati sunt, qui bene possunt docere : sed manifesti hominibus esse non possunt, nisi cum docent; docere autem nolunt, nisi eos qui doceri querunt². Sed muli-

ad querendum pigri sunt, nisi per molestias et insul-tationes hæreticorum quasi de somno excitentur, et de imperitia sua erubescant sibi, et de illa imperitia sua periclitari se sentiant. Qui homines si bona sunt fidei, non cedunt hæreticis³, sed quid eis respon-deant diligenter inquirunt. Nec eos deserit Deus, ut petentes accipiunt, et querentes inveniant, et pul-santibus aperiatur (*Math. vii, 7*). Qui autem despo-rant se posse in catholica disciplina invenire quod querunt, atteruntur erroribus ; et si perseveranter inquirunt, ad ipsos fontes a quibus aberraverunt, post magnos labores fatigati atque sitiens, et pene mor-tui revertuntur.

CAPUT II. — *Vericulus 1, cap. 1 Geneseos, vindicatur contra obrectantes, quid faceret Deus ante mundi crea-tionem et unde subito placuerit ei mundum creare.*

3. Primum ergo librum Veteris Testamenti, qui inscribitur *Genesis*, sic solent Manichæi reprehendere. Quod scriptum est, *In principio fecit Deus cœlum et terram*, querunt, in quo principio ; et dicunt : Si in principio aliquo temporis fecit Deus cœlum et terram, quid agebat antequam faceret cœlum et terram ? et quid ei subito placuit facere, quod nunquam antea fe-cerat per tempora alterna ? His respondemus, Deum in principio fecisse cœlum et terram, non in prin-cipio temporis, sed in Christo, cum Verbum esset apud Patrem, per quod facta et in quo facta sunt omnia (*Joan. i, 1, 3*). Dominus enim noster Jesus Christus, cum eum Iudei interrogassent quis esset, respondit, *Principium, quia et loquor vobis* (*Id. viii, 25*). Sed etsi in principio temporis Deum fecisse cœlum et terram credamus, debemus utique intelligere quod ante prin-cipium temporis non erat tempus. Deus enim fecit et tempora : et ideo antequam faceret tempora, non

ADMONITIO PP. BENEDICTINORUM.

Castigati sunt (bi duo libri) ad Regium codicem an. fere 1000, et ad optimæ notæ MSS. Theodericensem, Gemmatischeensem, Martinensem, Audiensem, Pratellensem, Casalensem, Arnulfensem, Cisterciensem, Regio-Montensem, duos Victorinos, Sorbonicum, Christinænum, Vedastinum, Vaticanum; ad lectiones ex duabus Belgicis Lovaniensium cura collectas; et ad editiones Am. Er. et Lov.

Comparavimus præterea omnes eas editiones initio Retr. et Confess., t. 1, memoratas. M.

¹ MSS. tredecim, oportet multas hæreses esse.

² MSS. plerique, nisi eos qui querunt; omisso, doceri.

(a) scripsi circiter annum Christi 380.

¹ Er., credunt hæreticis. Lov., concedunt hæreticis. M

erant tempora. Non ergo possumus dicere fuisse ali- quod tempus quando Deus nondum aliquid fecerat. Quomodo enim erat tempus quod Deus non fecerat, cum omnium temporum ipse sit fabricator? Et si tempus cum cœlo et terra esse cœpit, non potest inveniri tempus quo Deus nondum fecerat cœlum et terram. Cum autem dicitur, Quid ei placuit subito, sic dicitur, quasi aliqua tempora transierint, quibus Deus nihil operatus est. Non enim transire poterat tempus, quod nondum fecerat Deus; quia non potest esse operator temporum, nisi qui est ante tempora. Certe et ipsi Manichæi legunt apostolum Paulum, et laudant et honorant; et ejus Epistolas male interpretando multos decipiunt. Dicant ergo nobis quid dixerit apostolus Paulus, *Agnitionem veritatis quæ est secundum pietatem Dei in spem vitæ æternæ, quam promisit non mendax Deus ante tempora æterna* (*Tit. 1, 1, 2*): æterna enim tempora quid ante se habere potuerunt? Hoc ergo cogantur exp̄nere, ut intelligant se non intelligere, cum temere volunt reprehendere quod diligenter querere debuerunt.

4. Si autem non dicunt, Quid placuit Deo subito facere cœlum et terram, sed tollunt inde, subito; et hoc tantum dicunt, Quid placuit Deo facere cœlum et terram? Non enim coævum Deo mundum istum dicimus, quia non ejus æternitatis est hic mundus, cuius æternitatis est Deus: mundum quippe fecit Deus, et sic cum ipsa creatura quam Deus fecit, tempora esse coeperunt; et ideo dicuntur tempora æterna. Non tamen sic sunt æterna tempora quomodo æternus est Deus, quia Deus est ante tempora, qui fabricator est temporum: sicut omnia quæ fecit Deus bona sunt valde, sed non sic bona sunt, quomodo bonus est Deus, quia ille fecit, hæc autem facta sunt: nec ea genuit de scipso, ut hoc essent quod ipse est; sed ea fecit de nihilo, ut non essent aequalia, nec ei a quo facta sunt; nec Filio ejus per quem facta sunt; justum est enim¹. Si ergo isti dixerint, Quid placuit Deo facere cœlum et terram? respondendum est eis, ut prius discant vim voluntatis humanæ, qui voluntatem Dei nosse desiderant. Causas enim voluntatis Dei scire querunt, cum voluntas Dei omnium quæ sunt, ipsa sit causa. Si enim habet causam voluntas Dei, est aliquid quod antecedat voluntatem Dei, quod nefas est credere. Qui ergo dicit, Quare fecit Deus cœlum et terram? respondendum est ei, Quia voluit. Voluntas enim Dei causa est cœli et terræ, et ideo major est voluntas Dei quam cœlum et terra. Qui autem dicit, Quare voluit facere cœlum et terram? majus aliquid querit quam est voluntas Dei: nihil autem magis inveniri potest. Compescat ergo se humana temeritas, et id quod non est hoc querat, ne id quod est non inveniat. Et si voluntatem Dei nosse quisquam desiderat, fiat amicus Deo: quia si voluntatem hominis nosse quisquam vellet, cuius amicus non esset, omnes ejus impudentiam ac stultitiam deriderent. Non autem quisquam efficitur amicus Dei, nisi purgatissimis moribus, et illo fine præcepti de quo Apostolus

¹ Editio, *fustus est enim*. MSS. quatuor.

dicit, *Finis autem præcepti est caritas de corde puro, et conscientia bona, et fide non ficta* (*1 Tim. 1, 5*): quod isti si haberent, non essent hæretici.

CAPUT III. — *Defenditur vers. 2.*

5. Quod autem sequitur in libro Geneseos, *Terra autem erat invisibilis et incomposita*, sic reprehendunt Manichæi, ut dicant: Quomodo fecit Deus in principio cœlum et terram, si jam et terra erat invisibilis et incomposita? ha, cum volunt Scripturas divinas prius vituperare quam nosse, etiam res aperi- tissimas non intelligunt. Quid enim manifestius dici potuit, quam hoc dictum est, *In principio fecit Deus cœlum et terram; terra autem erat invisibilis et incomposita*; id est, In principio fecit Deus cœlum et terram; terra autem ipsa quam fecit Deus, invisibilis erat et incomposita, antequam Deus omnium rerum formas locis et sedibus suis ordinata distinctione disposeret: antequam diceret, *Fiat lux*, et, *Fiat firmamentum*, et, *Congregentur aquæ*, et, *Appareat arida*, et cetera quæ in eodem libro sic exponuntur per ordinem, quemadmodum possint ea parvuli capere? Quæ omnia continent tam magna mysteria, ut quisquis ea didicerit, omnium hæreticorum vanitatem vel doleat quia homines sunt, vel derideat quia superbi sunt.

6. Sequitur in eodem libro, *Et tenebræ erant super abyssum*. Quod Manichæi reprehendunt dicentes: In tenebris ergo erat Deus, antequam faceret lucem? Vere ipsi sunt in tenebris ignorantiae, et ideo non intelligunt lucem, in qua Deus erat antequam faceret istam lucem. Non enim norunt isti lucem, nisi quam carneis oculis vident. Et ideo istum solem, quem pariter non solum cum bestiis majoribus, sed etiam cum muscis et vermiculis cernimus, illi sic colunt ut particulam dicant esse lucis illius in qua habitat Deus. Sed nos intelligamus aliam lucem esse in qua Deus habitat, unde est illud lumen de quo in Evangelio legitur, *Erat lumen verum, quod illuminat omnem hominem venientem in hunc mundum* (*Joan. 1, 9*). Nam solidis istius lumen non illuminat omnem hominem, sed corpus hominis et mortales oculos, in quibus nos vivemus aquilarum oculi, qui solem istum multo melius quam nos dicuntur aspicere. Illud autem lumen non irrationalium avium¹ oculos pascit, sed pura corda eorum qui Deo credunt, et ab amore visibilium rerum et temporalium se ad ejus præcepta implenda converunt. Quod omnes homines possunt si velint (*a*), quia illud lumen omnem hominem illuminat venientem in hunc mundum. Ergo tenebræ erant super abyssum antequam lux ista fieret: de qua consequenter hoc loco dicitur.

CAPUT IV. — *In defensionem vers. 3 ostenditur tenebræ nihil esse.*

7. *Et dixit Deus, Fiat lux*. Quia ubi lux non est, tenebræ sunt, non quia aliquid sunt tenebræ, sed ipsa lucis absentia tenebræ dicuntur. Sicut silentium non aliqua res est, sed ubi sonus non est, silentium

¹ Editio, *animalium*. Sed MSS., *avium*, scilicet aquilarum.
(a) *I Retract. cap. 10, n. 2.*

dicitur. Et nuditas aliqua res non est, sed in corpore ubi tegumentum non est, nuditas dicitur. Et inanitas non est aliquid, sed locus ubi corpus non est, inanis dicitur. Sic tenebræ non aliquid sunt, sed ubi lux non est, tenebræ dicuntur. Hoc ideo dicimus, quia solent dicere: Unde erant ipse tenebræ super abyssum, antequam ficeret Deus lucem? quis illas fecerat vel genuerat? aut si nemo fecerat vel genuerat eas, æternæ erant tenebræ. Quasi aliquid sint tenebræ: sed, ut dictum est, lucis absentia hoc nomen accepit. Sed quia ipsi fabulis suis decepti crediderunt gentem esse tenebrarum, in qua et corpora et formas et animas in illis corporibus fuisse arbitrantur, ideo putant quod tenebræ aliquid sint: et non intelligunt non sentiri tenebras, nisi quando non videmus, sicut non sentitur silentium, nisi quando non audimus. Sicut autem silentium nihil est, sic et tenebræ nihil sunt. Sicut autem isti dicunt gentem tenebrarum contra lucem Dei pugnasse; sic potest et alias similiter vanus dicere, gentem silentiorum contra vocem Dei pugnasse. Sed illas vanitates modo non suscepimus refellere atque convincere. Nunc enim ea quæ reprehendunt in Veteri Testamento, statuimus defendere quantum vires Dominus præstare dignatur, et in eis ostendere contra veritatem Dei nihil valere hominum exortatatem.

CAPUT V. — *Ut intelligendum quod Spiritus Dei superferebatur super aquas juxta vers. 2.*

8. Quod autem scriptum est, *Et Spiritus Dei superferebatur super aquam*, sic solent Manichæi reprehendere, ut dicant: Aqua ergo erat habitaculum Spiritus Dei, et ipsa continebat Spiritum Dei? Totum conantur perversa mente pervertere, et excæcantur malitia sua. Cum enim dicimus, Sol superfertur super terram, numquid hoc intelligi volumus, quod in terra habitat sol, et terra solem contineat? Et tamen non sic Spiritus Dei superferebatur super aquam, sicut ut superfertur sol super terram; sed alio modo quem pauci intelligunt. Non enim per spatia locorum superferebatur aquæ ille Spiritus, sicut sol terræ superfertur; sed per potentiam invisibilis sublimitatis suæ. Dicant autem nobis isti, quomodo iis rebus quæ fabricandæ sunt, superferatur voluntas fabri. Quod si hæc humana et quotidiana non comprehendunt, timeant Deum, et simplici corde quod non intelligent quærant, ne cum volunt verbis sacrilegis concidere veritatem quam videre non possunt, redeat illis securis in crura. Nam illa concidi non potest quæ incommutabilis manet; sed quæcumque plague in illam emissæ fuerint reperiuntur, et majore ictu redeunt in eos qui cædere audent, quod credere deberent, ut intelligere mererentur.

9. Deinde querunt, et insultando interrogant: Unde erat ipsa aqua super quam ferebatur Spiritus Dei? numquid enim superius scriptum est quod Deus aquam fecerit? Hoc si pie quererent, invenirent quenamadmodum intelligendum esset. Non enim aqua sic appellata est hoc loco, ut hæc a nobis intelligatur quam videre jam possumus et tangere: quomodo nec

terra quæ incomposita et invisibilis dicta est, talis erat qualis ista quæ jam videri et tractari potest. Sed illud quod dictum est, *In principio fecit Deus cælum et terram*, cœli et terræ nomine universa creatura significata est, quam fecit et condidit Deus. Ideo autem nominibus visibilium rerum hæc appellata sunt, propter parvulum insirmatatem, qui minus idonei sunt invisibilia comprehendere. Primo ergo materia facta est confusa et informis, unde omnia fierent quæ distincta atque formata sunt, quod credo a Græcis chaos appellari. Sic enim et alio loco legimus dictum in laudibus Dei, *Qui fecisti mundum de materia informi* (*Sap. xi, 18*): quod aliqui codices habent, *de materia invisa*.

CAPUT VI. — *Materies informis ex nihilo, et ex illa omnia.*

10. Et ideo Deus rectissime creditur omnia de nihilo fecisse, quia etiamsi omnia formata de ista materia facta sunt, hæc ipsa materia tamen de omnino nihilo facta est. Non enim debemus esse similes istis qui omnipotenter Deum non credunt aliquid de nihilo facere potuisse, cum considerant fabros et quoslibet opifices non posse aliquid fabricare, nisi habuerint unde fabricent. Et ligna enim adjuvant fabrum, et argentum adjuvat argentario, et aurum aurisicem, et terra sigillum adjuvat ut possit perficere opera sua. Si enim non adjuventur ea materia unde aliquid faciunt, nihil possunt facere, cum materiam ipsam ipsi non faciant. Non enim faber lignum facit, sed de ligno facit aliquid: sic et cæteri omnes hujusmodi opifices. Omnipotens autem Deus nulla re adjuvandus erat, quam ipse non fecerat, ut quod volebat efficeret. Si enim ad eas res quas facere volebat, adjuvabat eum aliqua res quam ipse non fecerat, non erat omnipotens: quod sacrilegum est credere.

CAPUT VII. — *Informis materia variis nominibus designata.*

11. Informis ergo illa materia quam de nihilo Deus fecit, appellata est primo cœlum et terra, et dictum est, *In principio fecit Deus cœlum et terram*; non quia jam hoc erat, sed quia hœc esse poterat: nam et cœlum scribitur postea factum. Quemadmodum si semen arboris considerantes, dicamus ibi esse radices, et robur, et ramos, et fructus, et folia; non quia jam sunt, sed quia inde futura sunt: sic dictum est, *In principio fecit Deus cœlum et terram*, quasi semen cœli et terræ, cum in confuso adhuc esset cœli et terræ materia; sed quia certum erat inde futurum esse cœlum et terram, jam et ipsa materia cœlum et terra appellata est. Isto genere locutionis etiam Dominus loquitur, cum dicit, *Jam non dicam vos servos, quia servus nescit quid facial dominus ejus. Vos autem dixi amicos; quia omnia quæ audiui a Patre meo, nota feci vobis* (*Joan. xv, 15*): non quia jam factum erat; sed quia certissime futurum erat. Nam post paululum dicit illis: *Adhuc multa habeo vobis dicere, sed non potestis portare modo* (*Id. xvi, 12*). Utquid ergo dixerat; *Omnia quæ audiui a Patre meo, nota feci vobis*; nisi quia se sciebat hoc esse facturum? Sic etiam cœlum

et terra potuit dei materia unde nondum erat factum cælum et terra, sed tamen non erat aliunde faciendum. Innumerabiles tales locutiones in Scripturis divinis inveniuntur. Sicut in consuetudine sermonis nostri, cum id quod certissime speramus futurum dicimus. Jam factum puta.

42. Hanc autem adhuc informem materiam, etiam terram invisibilem atque incompositam voluit appellare, quia inter omnia elementa mundi terra videtur minus speciosa quam cætera. Invisibilem autem dixit, propter obscuritatem; et incompositam, propter informitatem. Eamdem ipsam materiam etiam aquam appellavit, super quam ferebatur Spiritus Dei, sicut superficietur rebus fabricandis voluntas artificis. Quod etiæ patitorum intelligentia potest attingere, humanis tamen verbis, nescio utrum vel a paucis hominibus, possit exponi. Propterea vero non absurde etiam aqua dicta est ista materia, quia omnia quæ in terra nascuntur, sive animalia, sive arbores vel herbae, et si qua similia, ab humore incipiunt formari atque nutriti. Haec ergo nomina omnia, sive cœlum et terra, sive terra invisibilis et incomposita et abyssus cum tenebris, sive aqua super quam Spiritus ferebatur, nomina sunt informis materiae: ut res ignota notis vocabulis insinuaretur imperitioribus; et non uno vocabulo, sed multis, ne si unum esset, hoc putarentur esse quod consueverant homines in illo vocabulo intelligere. Dictum est ergo cœlum et terra, quia inde futurum erat cœlum et terra. Dicta est terra invisibilis et incomposita et tenebrae super abyssum, quia informis erat, et nulla specie cerni aut tractari poterat, etiamsi esset homo qui videret atque tractaret. Dicta est aqua, quia facilis et ductilis subjacebat operanti, ut de illa omnia formarentur. Sed sub his omnibus nominibus materia erat invisa et informis, de qua Deus condidit mundum.

CAPUT VIII. — Reprimitur Manichæorum calumnia
de vers. 4.

43. *Et dixit Deus, Fiat lux. Et facta est lux. Hoc non solent reprehendere Manichæi, sed illud quod sequitur, Et vidit Deus lucem quia bona est. Dicunt enim: Ergo non noverat Deus lucem, aut non noverat bonum. Miseri homines, quibus displicet, quod Deo placherunt opera sua, cum videant etiam hominem artificem, verbi gratia, lignarium fabrum, quamvis in comparatione sapientiae et potentiae Dei pene nullus sit, tamen tam diu lignum cedere atque tractare dolando, asciendo, planando, vel tornando alio poliondo quoisque ad artis regulas perducat, quantum potest, et placeat artifici suo. Numquid ergo quia placet ei quod fecit, ideo non noverat bonum? Prorsus noverat intus in animo, ubi ars ipsa pulchrior est, quam illa quæ arte fabricantur. Sed quod videt artifex intus in arte, hoc foris probat in opere, et hoc est perfectum quod artifici suo placeat. Vidi ergo Deus lucem quia bona est: quibus verbis non ostenditur eluisse Deo insolitus bonum, sed placuisse perfectum.*

44. Quid si dictum esset, Miratus est Deus lucem

quia bona est? quantum clamarent? quantum litigarent? Admiratio enim revera de rebus insuperitis nasci solet, et tamen legunt isti, et laudent Dominum nostrum Jesum Christum in Evangelio admiratum esse fidem credentium (*Matth. viii, 10*). Quis autem in illis fecerat ipsam fidem, nisi ipse qui eam mirabatur? Quod si et alius eam fecisset, utquid miraretur, qui præciosus erat? Si solvunt Manichæi quæstionem istam, videant quia et illa solvi potest. Si autem non solvunt, quid ista reprehendunt quæ ad se nolunt pertinere, cum illa quæ ad se pertinere dicunt, non noverint? Quod enim miratur Dominus noster, nobis mirandum esse significat, quibus adhuc est opus sic moveri. Omnes ergo tales motus ejus non perturbati animi sunt signa, sed docentis magistri. Sic sunt et verba Veteris Testamenti, quæ non Deum infirmum docent, sed nostræ infirmitati blandiuntur. Nihil enim de Deo digne dici potest. Nobis tamen ut nutriamur¹, et ad ea perveniamus quæ nullo humano sermone dici possunt, ea dicuntur quæ capere possumus.

CAPUT IX. — Agitur pro altera parte ejusdem vers.
et pro prima parte vers. sequentis.

45. *Et divisit Deus inter lucem et tenebras, et vocavit Deus diem lucem, et tenebras vocavit noctem. Hic non dictum est, Fecit Deus tenebras; quia tenebrae, sicut superius dictum est, lucis absentia est: distinctio tamen facta est inter lucem et tenebras. Quemadmodum nos clamando vocem facimus; silentium autem non sonando facimus, quia cessatio vocis silentium est: distinguimus tamen sensu quodam inter vocem et silentium, et illud vocamus vocem, illud silentium; quemadmodum ergo recte dicimur facere silentium, sic recte multis divinarum Scripturarum locis Deus dicitur facere tenebras, quia lucem quibus vult temporibus et locis vel non dat, vel detrahit. Hoc autem totum ad intellectum nostrum dictum est. Qua enim lingua vocavit Deus diem lucem, et tenebras noctem? utrum hebræa, an græca, an latina, an aliqua alia? et sic omnia quæ vocavit, queri potest qua lingua vocaverit. Sed apud Deum purus intellectus est, sine strepitu et diversitate linguarum. Vocavit autem dictum est, vocari fecit; quia sic distinxit omnia, et ordinavit, ut et discerni possent, et nomina accipere. Sed postea suo loco requiremus, utrum vere sic est accipendum, quia vocavit Deus; quoniam quantum accedimus in Scripturis et in eis assuescimus, tantum nobis locutiones earum innotescunt. Sic enim dicimus, Ille paters familias ædificavit domum istam, id est ædificari fecit, et multa talia per omnes libros divinarum Scripturarum inveniuntur.*

CAPUT X. — Ut recte intelligitur capisse et transisse dies unus juxta vers. 5.

46. *Et facta est vespera², et factum est mane dies unus. Et hic calumniantur Manichæi, dum putant ita dictum esse, quasi a vespera dies cooperit. Non intelligunt operationem illam quæ lux facta est, et di-*

¹ Edit, et subtractor fides. At Regius codex perpetuatus et optime note, aliquæ decem MSS. tenunt, ut nutriamur.

² In editis, Et factum est respere. In MSS. constantier, Et facta est respeta.

sum est inter lucem et tenebras, et vocata est lux dies, et tenebrae nox; hanc ergo totam operationem non intelligunt ad diem pertinere: post hanc autem operationem tanquam finito die facta est vespera. Sed quia etiam nox ad diem suum pertinet, non dicitur transisse dies unus, nisi etiam nocte transacta cum factum est mane: sic deinceps reliqui dies computantur a mane usque in mane. Nunc enim cum factum est mane, et transactus est unus dies, incipit operatio, quæ sequitur ab ipso mane quod jam factum est, et post ipsam operationem fit vespera, deinde mane, et transit alter dies: atque ita deinceps cæteri dies transeunt.

CAPUT XI. — Aquæ ut firmamento divisæ: vers. 6-8.

17. *Et dixit Deus, Fiat firmamentum in medio aquæ, et sit divisio inter aquam et aquam; et sic factum est. Et fecit Deus firmamentum, et divisit Deus inter aquam quæ est super firmamentum, et inter aquam quæ est sub firmamento, et vocavit Deus firmamentum cœlum: et vidit Deus quia bonum est.* Hæc non memini Manichæos reprehendere solere: tamen quod divisæ sunt aquæ ut aliae essent super firmamentum, et aliae sub firmamento, quoniam materiam illam dicebamus nomine aquæ appellatam, credo firmamento cœli¹ materiam corporalem rerum visibilium ab illa incorporali rerum invisibilium fuisse discretam. Cum enim cœlum sit corpus pulcherrimum, omnis invisibilis creatura excedit etiam pulchritudinem cœli; et ideo fortasse super cœlum esse dicuntur aquæ invisibles, quæ a paucis intelliguntur non locorum sedibus, sed dignitate naturæ superare cœlum: quanquam de hac re nihil temere affirmandum est; obscura est enim, et remota a sensibus hominum: sed quoquo modo se habeat, antequam intelligatur, credenda est. *Et facta est vespera, et factum est mane dies secundus.* Jam omnia hæc quæ repetuntur, sicut superius intelligenda atque tractanda sunt.

CAPUT XII. — Aquarum congregatio de qua vers. 9 et 10, est ipsa earum formatio.

18. *Et dixit Deus, Congregetur aqua, quæ est sub cœlo, in congregationem unam, et appareat arida; et sic factum est. Et congregata est aqua, quæ erat sub cœlo, in congregationem unam, et apparuit arida. Et vocavit Deus aridam, terram; et congregationem aquæ vocavit mare. Et vidit Deus quia bonum est.* In isto loco Manichæi dicunt: Si totum aquis plenum erat, quomodo poterant aquæ congregari in unum? Sed jam superius dictum est, nomine aquarum materiam illam appellatam super quam serebatur Spiritus Dei, unde erat Deus omnia formaturus. Nunc vero cum dicitur, *Congregetur aqua, quæ est sub cœlo, in congregationem unam;* hoc dicitur ut illa materia corporalis formetur in eam speciem quam habent aquæ istæ visibles. Ipsa enim congregatio in unum, ipsa est aquarum istarum formatio, quas videmus et tangimus. Omnis enim forma ad unitatis regulam cogitur. Et quod dicitur, *Appareat arida, quid aliud dici intelligendum est, nisi*

¹ *Fili, credo sub firmamento cœli. At MSS. carent partibus, sub.*

ut illa materies acceperat viabilem formam, quam nunc habet terra ista quam videmus et tangimus? Superius ergo quod nominabatur terra invisibilis et incomposita, materia confusio et obscuritas nominabatur; et quod nominabatur aqua super quam serebatur Spiritus Dei, eadem rursus materia nominabatur. Nunc vero aqua ista et terra formantur ex illa materia, quæ ipsis nominibus appellabatur, antequam formas istas, quas nunc videmus, acciperet. Sane dicitur, in hebreæ, locutione omnem aquarum congregationem, sive salarum sive dulcium, mare appellari.

CAPUT XIII. — Exploditur conquestio circa vers. 14-15, scilicet, infrugifera et noxia quare gignit tellus.

19 *Et dixit Deus, Germet terra herbam pabuliferentem semen secundum suum genus et similitudinem, et lignum fructiferum faciens fructum, cuius semen sit in se secundum suam similitudinem. Et sic est factum. Et ejecit terra herbam pabuli, screntem semen secundum suum genus, et lignum fructiferum faciens fructum, cuius semen est in se secundum suam similitudinem, secundum suum genus super terram. Et vidit Deus quia bonum est. Et facta est vespera, et factum est mane dies tertius (Gen. iii, 17-19).* Hic solent dicere: Si Deus jussit nasci de terra herbam pabuli, et lignum fructiferum, quis jussit nasci tantas herbas vel spinosas vel venenosas, quæ ad pabulum non proficiunt, et tam multa ligna quæ nullum fructum ferunt? Quibus sic respondendum est, ut nulla indignis aperiantur mysteria, neque ostendatur in qua figura futurorum ista sic dicta sint. Ergo dicendum est, quod per peccatum hominis terra maledicta sit, ut spinas pareret: non ut ipsa poenas sentiret, quæ sine sensu est, sed ut peccati humani crimen semper hominibus ante oculos poneret, quo admonerentur aliquando averti a peccatis, et ad Dei precepta converti. Herbae autem venenosæ ad poenam, vel ad exercitationem mortalium creatæ sunt; et hoc totum propter peccatum, quia mortales post peccatum facti sunus. Per infructuosas vero arbores insultatur hominibus, ut intelligent quam sit erubescendum sine fructu bonorum operum esse in agro Dei, hoc est in Ecclesia; et timeant ne deserat eos Deus, quia et ipsi in agris suis infructuosas arbores deserunt, nec aliquam culturam eis adhibent. Ante peccatum ergo hominis non est scriptum, quod terra aliud protulerit nisi herbam pabuli et ligna fructuosa: post peccatum autem videmus multa horrida et infructuosa de terra nasci, credo propter eam causam quam diximus. Sic enim dicitur ad primum hominem posteaquam peccavit: *Maledicta erit terra tibi in omnibus operibus tuis; in tristitia et gemitu edes ex ea omnibus diebus viæ tuæ: Spinas et tribulos ejiciet tibi, et edes pabulum agri tui; in sudore vultus tui edes panem tuum, donec revertaris in terram, de qua sumpus es; quia terra es, et in terram ibis.*

CAPUT XIV. — Resolvuntur difficultates circa vers. 14-19.

20. *Et dixit Deus, Fiant sidera in firmamento cœli, sic ut luceant super terram, et dividant inter diem et noctem, et sint in signa, et in tempora, et in dies, et in*

annos; et sint in splendorem in firmamento cœli, sic ut luceant super terram. Et sic est factum. Et fecit Deus duo luminaria, majus et minus: luminare majus in inchoationem diei, et luminare minus in inchoationem noctis, et stellas. Et posuit illas Deus in firmamento cœli, sic ut luceant super terram, et præsint diei et nocti, et dividant inter diem et noctem. Et vidit Deus quia bonum est. Et facta est vespera, et factum est mane dies quartus. Hic primo querunt quomodo quarto die facta sint sidera, id est sol, et luna, et stellæ. Tres enim dies superiores quomodo esse sine sole potuerunt, cum videamus nunc solis ortu et occasu diem transigi, noctem vero nobis fieri solis absentia, cum ab alia parte mundi ad orientem reddit? Quibus respondemus, potuisse fieri ut tres superiores dies singuli per tantam moram temporis computarentur, per quantam moram circumit sol, ex quo procedit ab oriente quoque rursus ad orientem revertitur. Hanc enim moram et longitudinem temporis possent sentire homines etiam in speluncis habitarent, ubi orientem et occidentem solem videre non possent. Atque ita sentitur potuisse istam moram fieri etiam sine sole antequam sol factus esset, atque ipsam moram in illo triduo per dies singulos computatam. Hoc ergo responderemus, nisi nos revocaret quod ibi dicitur, *Et facta est vespera, et factum est mane*, quod nunc sine solis cursu videntur fieri non posse. Restat ergo ut intelligamus, in ipsa quidem mora temporis ipsas distinctiones operum sic appellatas, vesperam propter transactionem consummati operis, et mane propter inchoationem futuri operis; de similitudine scilicet humanorum operum, quia plerumque a mane incipiunt, et ad vesperam desinunt. Habent enim consuetudinem divinae Scripturæ de rebus humanis ad divinas res verba transferre.

21. Deinde querunt utquid dictum sit de sideribus: *Et sint in signa et in tempora.* Numquid enim, aiunt, tres illi dies sine temporibus esse potuerunt, aut ad temporis spatia non pertinent? Sed, *in signa et tempora* dictum est, ut per hæc sidera tempora distinguantur, et ab hominibus dignoscantur: quia si currant tempora, et nullis distinguantur articulis, qui articuli per siderum cursus notantur, possunt quidem currere tempora atque præterire; sed intelligi et discerni ab hominibus non possunt. Sicut horæ quando nubilus dies est, transeunt quidem, et sua spatia peragunt; sed distingui a nobis et notari non possunt.

22. Quod autem dictum est, *Et fecit Deus duo luminaria; luminare majus in inchoationem diei, et luminare minus in inchoationem noctis*, pro eo dictum est ac si diceretur, in principatum diei et in principatum noctis. Non enim sol tantummodo inchoat diem, et non etiam peragit et finit: luna vero aliquando media nocte vel in fine noctis ad nos procedit; si ergo illæ noctes, quibus hoc facit, non ab ista inchoantur, quomodo in inchoationem noctis facta est? Si autem per inchoationem principium intelligas, et per principium principatum, manifestum est, quia per diem sol principatum tenet; luna vero per noctem, quia etsi cætera

sidera tunc apparent, illa tamen suo fulgore superat omnia, et ideo princeps eorum rectissime dicitur.

23. Quod autem dictum est, *Et dividant inter diem et noctem*; potest hic fieri calunnia, ut dicatur: Quomođ jam Deus diviserat superius inter diem et noctem, si hoc, quarto die, sidera faciunt? Sic igitur hic dictum est, *Dividant inter diem et noctem*, tanquam si diceretur, Sic inter se diem dividant et noctem, ut soli dies detur, nox autem lunæ et sideribus ceteris. Que duo jam divisa erant, sed nondum inter sidera, ut jam certum esset de siderum numero, quid per diem, et quid per noctem appareret hominibus.

CAPUT XV. — *Aerem nebulosum aquæ nomine designari vers. 20, etc.*

24. *Et dixit Deus, Ejiciant aquæ reptilia animalium vivarum, et volatilia volantia super terram sub firmamento cœli.* Et sic factum est. Et fecit Deus celos magnos, et omnem animam animalium et repellentem quæ ejecerunt aquæ secundum uniuscujusque genus, et omne genus volatile pennatum secundum genus. Et vidit Deus quia bona sunt; et benedixit illa Deus dicens: Crescite et multiplicamini, et replete aquas maris, et volatilia multiplicentur super terram. Et facta est vespera, et factum est mane dies quintus. Hic solent reprehendere, quærentes vel potius calumniantes, quare animalia non solum ea quæ in aquis vivunt, sed etiam ea quæ in aere volitant, et oīnnia pennata de aquis nata scriptum sit. Sed sciant omnes quos hæc movent, istum aerem nebulosum et humidum, in quo aves volant, a doctissimis hominibus qui hæc diligenter inquirunt, cum aquis solere deputari. Concrevit enim et crassus efficitur exhalationibus et quasi vaporibus maris et terræ, et de ipso humore pingueſcit quodammodo ut volatus avium portare possit. Ideo per noctes serchas etiam rorat, cujus roris guttae mane in herbis inveniuntur. Nam mons ille Macedoniae, qui Olympus vocatur, tantæ altitudinis esse dicitur, ut in ejus cacumine nec ventus sentiatur, nec nubes se colligant, quia excedit altitudine sua totum istum aerem humidum in quo aves volant, et ideo nec aves ibi volare asseverantur. Quod ab eis proditum dicitur, qui per singulos annos solebant, nescio quorum sacrificiorum causa, memorati montis cacumen ascendere, et alias notas in pulvere scribere, quas alio anno integras inveniebant: quod fieri non posset, si ventum aut pluviam locus ille pateretur. Deinde quia tenuitas aeris illius qui ibi est, non eos inspirabat, durare ibi non poterant, nisi spongias humectas naribus applicarent, unde crassiores et consuetum spiritum ducerent: hi ergo indicaverunt se etiam nullam avem in eo loco aliquando vidiſſe. Non itaque immiterio non solum pisces et cætera quæ in aquis sunt animalia, sed etiam aves de aquis natas esse, fidelissima Scriptura commemorat; quia per istum aerem volare possunt, qui de maris et terræ humoribus surgit.

CAPUT XVI. — *Perniciosa animantia cur creata.*

25. *Et dixit Deus, Ejiciat terra animam vivam secundum unumquodque genus quadrupedum et serpantium*

*et bestiarum terræ. Et sic est factum. Et fecit Deus bestias terræ secundum genus, et pecora secundum genus, et omnia repentina terræ secundum genus. Et vidit Deus quia bona sunt. Solent etiam istam Manichæi mouere quæstionem ut dicant: Quid opus erat ut tam multa animalia Deus ficeret, sive in aquis, sive in terra, quæ hominibus non sunt necessaria? multa etiam perniciosa sunt et timenda. Sed cum ista dicunt, non intelligent quemadmodum omnia pulchra sunt conditori et artifici suo, qui omnibus uititur ad gubernationem universitatis, cui summa lege dominatur. Si enim in alicujus opificis officinam imperitus intraverit, videt ibi multa instrumenta quorum causas ignorat, et si multum est insipiens, superflua putat. Jamvero si in fornacem incautus ceciderit, aut ferramento aliquo acuto, cum id male tractat, seipsum vulneraverit, etiam perniciosa et noxia existimat ibi esse multa. Quorum tamen usum quoniā novit artifex, insipientiam ejus irridet, et verba inepta non curans, officinam suam instanter exercet. Et tamen tam stulti sunt homines, ut apud artificem hominem non audiant vituperare que ignorant, sed cum ea viderint credant esse necessaria, et propter usus aliquos instituta: in hoc autem mundo cuius conditor et administrator predicator Deus, audent multa reprehendere quorum causas non vident, et in operibus atque instrumentis omnipotentis artificis volunt se videri scire quod ne-
sciunt.*

26. Ego vero fateor me nescire mures et ranæ quare creatæ sint, aut muscae aut vermiculi: video tamen omnia in suo genere pulchra esse, quamvis propter peccata nostra multa nobis videantur adversa. Non enim animalis alicujus corpus et membra considero, ubi non mensuras et numeros et ordinem inveniam ad unitatem concordiae pertinere. Quæ omnia unde veniant non intelligo, nisi a summa mensura et numero et ordine, quæ in ipsa Dei sublimitate incomparabili atque æterna consistunt. Quod si cogitarent isti loquacissimi et ineptissimi, non nobis tedium facerent, sed ipsi considerando omnes pulchritudines et summas et infimas, Deum artificem ubique laudarent; et quoniam nusquam offenditur ratio, sicubi forte sensus carnalis offenditur, non rerum ipsarum vitio, sed nostræ mortalitatis meritis imputarent. Et certe omnia animalia aut utilia nobis sunt, aut perniciosa, aut superflua. Adversus utilia non habent quid dicant. De perniciiosis autem vel punimur, vel exercemur, vel terremur, ut non vitam istam multis periculis et laboribus subditam, sed aliam meliorem, ubi securitas summa est, diligamus et desideremus, et eam nobis pietatis meritis comparemus. De superfluis vero quid nobis est querere? Si tibi displicet quod non prosunt, placeat quod non obsunt; quia etsi domui nostræ non sunt necessaria, eis tamen completur hujus universitatis integritas, quæ multo major est quam domus nostra et multo melior. Hanc enim multo melius administrat Deus, quam unusquisque nostrum dominum suum. Usurpa ergo utilia, cave perniciosa, relinque superflua. In omnibus tamen cum mensuras et nume-

ros et ordinem vides, artificem quære. Nec alium invenies, nisi ubi summa mensura, et summus numerus, et summus ordo est, id est Deum, de quo verissime dictum est, quod omnia in mensura, et numero, et pondere disposuerit (Sap. xi, 21). Sic fortasse uberiorum capies fructum, cum Deum laudas in humilitate formicæ, quam cum transis fluvium in alienus jumenti altitudine.

CAPUT XVII. — *Ut intelligitur ad imaginem Dei factus homo, juxta vers. 26.*

27. Et dixit Deus: Faciamus hominem ad imaginem et similitudinem nostram; et habeat potestatem piscium maris et volatilium cœli, et omnium pecorum et ferarum, et omnis terræ, et omnium reptilium, quæ super terram repunt, et cætera usque ad vesperam et mane quo completur dies sextus. Istam maxime quæstionem solent Manichæi loquaciter agitare, et insultare nobis quod hominem credamus factum ad imaginem et similitudinem Dei. Attendant enim figuram corporis nostri, et infeliciter querunt utrum habeat Deus nares et dentes et barbam, et membra etiam interiora, et cætera quæ in nobis sunt necessaria. In Deo autem talia ridiculum est, imo impium credere, et ideo negant hominem factum esse ad imaginem et similitudinem Dei. Quibus respondemus, membra quidem ista in Scripturis plerumque nominari, cum Deus insinuat audientibus parvulis; et hoc non solum in Veteris Testamenti libris, sed etiam in Novi. Nam et oculi Dei commemorantur, et aures, et labia¹, et pedes, et ad dexteram Dei Patris sedere evangelizatur Filius. Et ipse Dominus dicit: Nolite per cœlum jurare, quia sedes Dei est; neque per terram, quia scabellum pedum ejus est (Matth. v, 34, 35). Item ipse dicit quod in digito Dei ejiciebat demonia (Luc. xi, 20). Sed omnes qui spiritualiter intelligent Scripturas, non membra corporea per ista nomina, sed spirituales potentias accipere didicerunt, sicut galeas, et scutum, et gladium (Ephes. vi, 16, 17), et alia multa. Primo ergo istis hæreticis dicendum est, qua impudentia de talibus verbis Veteri Testamento calumniantur, cum etiam in Novo hæc posita videant, aut fortasse non videant, sed cum litigant excœcentur.

28. Sed tamen noverint in catholica disciplina spirituales fideles non credere Deum forma corpora definitum; et quod homo ad imaginem Dei factus dicitur, secundum interiorem hominem dici, ubi est ratio et intellectus: unde etiam habet potestatem piscium maris, et volatilium cœli, et omnium pecorum et ferarum, et omnis terræ, et omnium repentium quæ repunt super terram. Cum enim dixisset, Faciamus hominem ad imaginem et similitudinem nostram; addidit continuo, Et habeat potestatem piscium maris et volatilium cœli, et cætera: ut intelligeremus non propter corpus dici hominem factum ad imaginem Dei, sed propter eam potestatem qua omnia pecora superat. Omnia enim animalia cætera subjecta sunt homini, non propter corpus, sed propter intellectum, quem nos habemus, et illa non habent: quamvis

¹ *Editi, et labia et dentes et pedes, etc.; sed a Mass. abest, et dentes.*

etiam corpus nostrum sic fabricatum sit, ut indicet nos meliores esse quam bestias, et propterea Deo similes. Omnim enim animalium corpora, sive quæ in aquis, sive quæ in terra vivunt, sive quæ in aere volitant, inclinata sunt ad terram, et non sunt erecta sicut hominis corpus. Quo significatur, etiam animum nostrum in superna sua¹, id est in æterna spiritualia, erectum esse debere. Ita intelligitur per animum maxime, attestante etiam erecta corporis forma, homo factus ad imaginem et similitudinem Dei.

CAPUT XVIII. — *Potestas hominis in bestias.*

29. Aliquando etiam solent dicere : Quomodo acceptit homo potestatem piscium maris et volatilium caeli et omnium pecorum et ferarum, cum videamus a multis feris homines occidi, et a multis volatilibus nobis noceri, quæ volumus vel vitare vel capere et plerumque non possumus ? quomodo ergo in hæc accipimus potestatem ? Illic illis primo dicendum est quod multum errant qui post peccatum considerant hominem, cum in hujus vita mortalitatem damnatus est, et amisit perfectionem illam qua factus est ad imaginem Dei. Sed si damnatio² ejus tantum valet, ut tam multis pecoribus imperet : quamvis enim a multis feris propter fragilitatem corporis possit occidi, a multis tamen domari potest, cum ipse tam multas et prope omnes domet : si ergo hæc hominis damnatio tantum valet, quid de regno ejus cogitandum est, quod ei renovato et liberato divina voce promittitur ?

CAPUT XIX. — *Ut spiritualiier accipiendo vers. 28.*

50. Quod autem scriptum est, *Masculum et feminam fecit illos ; et benedixit eos Deus dicens, Crescite et multiplicamini, et generate, et replete terram* ; rectissime queritur quemadmodum accipienda sit conjunctio masculi et feminæ ante peccatum, et ista benedictio quæ dictum est, *Crescite et multiplicamini, et generate, et replete terram* : utrum carnaliter, an spiritualiter accipienda sit. Licet enim nobis eam etiam spiritualiter accipere, ut in carnalem secunditatem post peccatum conversa esse credatur (a). Erat enim prius casta conjunctio masculi et feminæ ; hujus ad regendum, illius ad obtemperandum accommodata : et spiritualis fetus intelligibilium et immortalium gaudiorum replens terram, id est, vivificans corpus, et dominans ejus ; id est, ita subjectum habens, ut nullam ex eo adversitatem, nullam molestiam pateretur. Quod ideo sic credendum est, quia nondum erant filii sæculi hujus antequam peccarent. Filii enim sæculi hujus generant et generantur, sicut Dominus dicit, cum in comparatione futuræ vitæ quæ nobis promittitur, carnalem istam generationem contempnendam esse demonstrat (Luc. xx, 34-36).

CAPUT XX. — *Bestiis dominari, per allegoriam.*

31. Et quod eis dictum est, *Habete potestatem piscium maris, et volatilium caeli, et repenti omnium quæ repunt super terram* : salvo quidem intellectu, quo maiestum est omnibus his animalibus hominem ra-

¹ Huc revocavimus, sua, ex duodecim MSS., quæ vox in vulgaris omissa est.

² Editu hic et paulo post, *dominatio* : prætereaque Lov. habet, *dominari*. Sed corrigendum ad MSS. codices, *damnatio* et *dominari*.

(a) i Retract. cap. 10, n. 2.

tione dominari ; recte tamen intelligitur etiam spiritualiter, ut omnes affectiones et motus animi, quos habemus istis animalibus similes, subditos habemus, et eorum dominaremur per temperantiam et modestiam. Cum enim non reguntur isti motus, erumpunt et pergit in fœdissimas consuetudines, et per diversas perniciosasque delectationes nos rapiunt, et faciunt similes omni generi bestiarum. Cum autem reguntur et subjiciuntur, omnino mansuescant et nobiscum concorditer vivunt. Non enim a nobis alieni sunt motus animi nostri. Pascentur etiam nobiscum cognitione rationum et morum optimorum, et vitae æternæ, tanquam herbis seminalibus et lignis fructiferis et herbis viridis. Et hæc est hominis vita beata atque tranquilla, cum omnes motus ejus rationi veritatiique consentiunt ; et vocantur gaudia, et amores sancti, et casti et boni. Si autem non consentiunt, nihilominus¹ dum negligenter geruntur, concludunt et dissident animum, et faciunt vitam miserrimam ; et vocantur perturbationes, et libidines, et concupiscentiae malæ. De quibus jam nobis præcipitur, ut eas cum quanto possumus labore crucifigamus in nobis, donec absorbeatur mors in victoriam (I Cor., xv, 54). Dicit enim Apostolus : *Qui autem Iesu Christi sunt, carnem suam crucifixerunt cum perturbationibus et concupiscentiis* (Galat. v, 24). Vel hinc enim quisvis admoneri debet non carnaliter hæc esse intelligenda, quia herbæ virides et ligna fructifera omni generi bestiarum, et omnibus volatilibus et omnibus serpentibus in Genesi dantur ad cibum, cum videamus leones, et accipitres, et milvos, et aquilas non pasci nisi carnibus, et interfectione aliorum animalium. Quod etiam de nonnullis serpentibus credo, qui sunt in arenosis et desertis locis, ubi nec lignum nec herba nascitur (a).

CAPUT XXI. — *In vers. 31, cur dicitur, Bona valde.*

32. Sane non est negligenter prætereundum quod dictum est, *Et vidit Deus omnia quæcumque fecit, esse bona valde.* Cum enim de singulis ageret, dicebat tantum, *Vidit Deus quia bonum est* : cum autem de omnibus diceretur, parum fuit dicere *bona*, nisi adderetur et *valde*. Si enim singula opera Dei cum considerantur a prudentibus, inveniuntur habere laudabiles mensuras et numeros et ordines in suo quæque genere constituta ; quanto magis omnia simul, id est ipsa universitas, quæ istis singulis in unum collectis impletur ? Omnis enim pulchritudo quæ partibus constat, multo est laudabilior in toto quam in parte : sicut in corpore humano, si laudamus oculos solos, si nasum solum, si solas genas, aut solum caput, aut solas manus, aut solos pedes, et cetera si pulchra singula et sola laudamus ; quanto magis totum corpus, cui omnia membra, quæ singula pulchra sunt, conferunt pulchritudinem suam : ita ut manus pulchra, quæ etiam sola laudabatur in corpore, si separetur a corpore, et ipsa amittat gratiam suam, et cetera sine illa inhonesta sint ? Tanta est vis et potentia integratis et unitatis, ut etiam quæ multa sunt bona

¹ MSS. septem non habent, *nihilominus*. Et alii tres paulo post pro *geruntur*, substituunt, *reguntur*.

(a) i Retract. cap. 10, n. 2.

tunc placeant¹, cum in universum aliquid conveniunt atque concurrunt. Universum autem ab unitate nomen accepit. Quod si Manichæi considerarent, laudarent universitatis auctorem et conditorem Deum; et quod eos propter conditionem nostræ mortalitatis in parte offendit, redigerent ad universi pulchritudinem, et viderent quemadmodum Deus fecerit omnia non solum bona, sed etiam bona valde. Quia etiam in sermone aliquo ornato atque composito si consideremus singulas syllabas, vel etiam singulas litteras, que cum sonuerint statim transeunt, non in eis inventimus quid delectet atque laudandum sit. Tots enim ille sermo non de singulis syllabis aut litteris, sed de omnibus pulcher est.

CAPUT XXII. — *Requies diei septimi per allegoriam:*
cap. 2, vers. 1-3.

33. Jam nunc videamus etiam illud, quod solent majore impudentia, quam imperitia deridere, quod scriptum est, Deum consummato cœlo et terra et omnibus quæ fecit, requievisse die septimo ab omnibus operibus suis, et benedixisse diem septimum, et sanctificasse eum, quia requievit ab operibus suis. Dicunt enim: Quid opus erat ut Deus requiesceret? an forte operibus sex dierum fatigatus et lassatus erat? Addunt etiam Domini testimonium, ubi ait, *Pater meus usque nunc operatur* (*Joan. v, 17*); et hinc multos imperitos decipiunt, quibus persuadere co[n]tantur Novum Testamentum Veteri Testamento adversari. Sed sicut illi quibus Dominus dicit, *Pater meus usque nunc operatur*, carnaliter opinabantur requiem Dei, et carnaliter sabbatum observantes non videbant quid illius diei significatio figuraret; sic et isti diversa quidem voluntate, pariter tamen non intelligunt sabbati sacramentum. Et illi enim carnaliter observando, et isti carnaliter execrando, sabbatum non neverunt. Transeat ergo unusquisque ad Christum ut auferatur velamen, sicut Apostolus dicit (*Il Cor. iii, 16*). Velamen enim auferatur, quando similitudinis et allegoriarum cooperimento ablato, veritas nudatur, ut possit videri.

34. Primo ergo hujus locutionis regula in multis divinarum Scripturarum locis animadvertisca atque discenda est². Quid enim aliud significat, quod dicitur Deus requievisse ab omnibus operibus suis, quæ fecit bona valde, nisi requiem nostram, quam nobis daturus est ab omnibus operibus nostris, si et nos bona opera fecerimus? Secundum ipsam figuram locutionis dicit et Apostolus: *Quid enim oremus, sicut oportet, nescimus; sed ipse Spiritus postulat pro nobis gemitibus inenarrabilibus* (*Rom. viii, 26*). Non enim Spiritus sanctus gemit, quasi indigeat aut angustias patiatur, qui secundum Deum interpellat pro sanctis: sed quia ipse nos movet ad orandum cum gemimus, quod ipso movente nos facimus, ipse facere dictus est. Sic dicitur etiam illud: *Tental vos Dominus Deus reuerter, ut sciat si diligitis eum* (*Deut. xiii, 3*). Non enim

ut sciat ipse quem nihil latet, sed ut scire nos faciat, quantum in ejus dilectione prosectorimus, tentari nos permittit. Secundum ipsam locutionem dicit et Dominus noster, nescire se diem et horam de fine saeculi (*Math. xxiv, 36*). Quid enim potest esse quod ille nesciat? Sed quia hoc utiliter occultabat discipulis, nescientem se esse dixit, quia illos nescientes occultando faciebat. Secundum hanc figuram etiam Patrem solum dixit scire diem ipsum, quia eumdem Filium scire faceret. Ex hac figura multæ quæstiones in divinis Scripturis, eis qui jam genus locutionis hujus neverunt, sine ulla difficultate solvuntur. Talibus locutionibus etiam abundat nostra consuetudo, cum dicimus lœtum diem, quia nos lœtos facit; et pigrum frigus, quia nos pigras facit; et fossam caccam, quia nos eam non videmus; et linguam politam, quia verba polita facit: postremo etiam quietum ab omnibus molestiis tempus dicimus, in quo nos ab omnibus molestiis quieti sumus. Sed et Deus requievisse dictus est ab omnibus operibus suis, quæ fecit bona valde, quia in illo requiescemos ab omnibus operibus nostris, si opera bona fecerimus: quia et ipsa bona opera nostra illi tribuenda sunt qui vocat, qui præcipit, qui viam veritatis ostendit, qui ut et velimus invitat, et vires implendi ea quæ imperat, subministrat.

CAPUT XXIII. — *Septem dies, et septem ætates mundi.*

35. 1^a ÆTAS. Sed quare septimo die³ requies ista tribuatur, diligentius considerandum arbitror. Video enim per totum textum divinarum Scripturarum sex quasdam ætates operosas, certis quasi limitibus suis esse distinctas, ut in septima speretur requies; et easdem sex ætates habere similitudinem istorum sex dierum, in quibus ea facta sunt quæ Deum fecisse Scriptura commemorat. Primordia enim generis humani, in quibus ista luce frui coepit, bene comparantur primo diei quo fecit Deus lucem. Hæc ætas tanquam infans deputanda est ipsius universi saeculi, quod tanquam unum hominem proportione magnitudinis suæ cogitare debemus: quia unusquisque homo cum primo nascitur, et exit ad lucem, primam ætatem agit infantiā. Hæc tenditur ab Adam usque ad Noe generationibus decem. Quasi vespera hujus diei fit diluvium⁴; quia et infans nostra tanquam oblivionis diluvio deletur.

36. 2^a ÆTAS. Et incipit mane a temporibus Noe secunda ætas tanquam pueritia, et tenditur hæc ætas usque ad Abraham aliis generationibus decem. Et bene comparatur secundo diei quo factum est firmamentum inter aquam et aquam; quia et arca in qua erat Noe cum suis, firmamentum erat inter aquas inferiores in quibus natabat, et superiores quibus compluebatur. Hæc ætas non diluvio delectur, quia et pueritia nostra non obliuione tergitur de memoria. Menimimus enim nos suis pueros, infantes autem non meminimus. Hujus vespera est confusio linguarum in eis qui tur-

¹ sic MSS. At editi habent: *Ut quæ bona sunt, tunc nullum etiam placeant.*

² MSS. quinque, discernenda est.

³ MSS. septem habent, *septimo diei.*

⁴ MSS. septem, *in diluvio.*

rem faciebat, et sit mane ab Abraham. Sed nec ista ætas secunda generavit populum Dei, quia nec pueritia apta est ad generandum.

37. 3^a ÆTAS. Mane ergo sit ab Abrah., et succedit ætas tertia similis adolescentiae. Et bene comparatur diei tertio, quo ab aquis terra separata est. Ab omnibus enim gentibus, quarum error instabilis et vanis simulariorum doctrinis tanquam ventis omnibus mobilis, maris nomine bene significatur; ab hac ergo gentium vanitate et hujus saeculi fluctibus separatus est populus Dei per Abraham, tanquam terra cum apparuit arida, id est, sitiens imbreu cœlestem divinorum mandatorum: qui populus unum Deum colendo, tanquam irrigata terra, ut fructus utiles posset afferre, sanctas Scripturas et Prophetias ¹ accepit. Hæc enim ætas potuit jam generare populum Deo, quia et tertia ætas, id est adolescentia filios habere jam potest. Et ideo ad Abraham dictum est: *Patrem multarum gentium posui te*², et augeam te nimis valde, et ponam te in gentes, et reges de te exient. Et ponam testamentum meum inter me et te, et inter semen tuum post te, in generationes eorum in testamentum æternum; ut sim tibi Deus, et semini tuo post te: et dabo tibi et semini tuo post te terram in qua habitas, omnem terram Chanaan in possessionem æternam, et ero illis Deus (Gen. xvii, 5-8). Hæc ætas porrigitur ab Abraham usque ad David quatuordecim generationibus. Hujus vespera est in populi peccatis, quibus divina manda præteribant, usque ad malitiam pessimi regis Saul.

38. 4^a ÆTAS. Et inde sit mane regnum David. Hæc ætas similis juventutis est. Et revera inter omnes ætates regnat juventus, et ipsa est firmum ornamentum ³ omnium ætatum: et ideo bene comparatur quarto diei, quo facta sunt sidera in firmamento coeli. Quid enim evidenter significat splendorem regni, quam solis excellentia? Et plebem obtemperantem regno splendor lunæ ostendit, tanquam synagogam ipsam, et stellæ principes ejus, et omnia tanquam in firmamento in regni stabilitate fundata. Hujus quasi vespera est in peccatis regum, quibus illa gens meruit captivari atque servire.

39. 5^a ÆTAS. Et sit mane transmigratio in Babyloniam, cum in ea captivitate populus leniter in peregrino otio collocatus est. Et porrigitur hæc ætas usque ad adventum Domini nostri Jesu Christi, id est quinta ætas, scilicet declinatio a juventute ad senectutem, nondum senectus, sed jam non juventus: quæ senioris ætas est, quem Græci πρεσβύτης vocant. Nam senex apud eos non πρεσβύτης, sed γέρων dicitur. Et revera sic ista ætas a regni robore inclinata et fracta est in populo Judæorum, quemadmodum homo a juventute

¹ Regius codex et alii quinque: *Ut possit fructus utiles afferre sanctorum Scripturarum et Prophetarum.*

² In prius vulgatis Am. Er. et Lov. post, posui te, hæc interseruntur: *Ante Deum cui credidisti, qui vivificat mortuos, et vocal ea quæ non sunt, tanquam ea quæ sunt. Qui contra spem in spem credidit, ut fieret pater multarum gentium, secundum quod dictum est: Sic erit semen tuum:* que omnia a MSS. absunt.

³ Editi: *Firmamentum et ornancementum.* At MSS., *firmum ornamentum*; atque ex iis nonnulli paulo post habent, et *plebem obtemperantem regi.*

sit senior. Et bene comparatur illi Jœi quinto, quo facta sunt in aquis animalia, et volatilia coeli, posteaquam illi homines inter gentes, tanquam in mari, vivere creperunt, et habere incertam sedem et instabilem, sicut volantes aves. Sed plane erant ibi etiam ceti magni, id est illi magni homines qui magis dominari fluctibus saeculi, quam servire in illa captivitate potuerunt. Non enim ad cultum idolorum aliquo terrore depravati sunt. Ubi sane animadvertisendum est quod benedixit Deus illa animalia, dicens, *Crescite et multiplicamini, et implete aquas maris, et volatilia multiplicentur super terram*: quia revera gens Judæorum, ex quo dispersa est per gentes, valde multiplicata est. Hujus diei, hoc est hujus ætatis, quasi vespera est multiplicatio peccatorum in populo Judæorum, quia sic execrati sunt, ut etiam Dominum Iesum Christum non possent agnoscere.

40. 6^a ÆTAS. Mane autem sit ex prædicatione Evang. per Dominum nostrum Iesum Christum, et finitur dies quintus: incipit sextus, in quo senectus veteris hominis appetit. Hac enim ætate illud carnale regnum vehementer attritum est, quando et templum dejectum est, et sacrificia ipsa cessaverunt; et nunc ea gens quantum ad regni sui vires attinet, quasi extremam vitam trahit. In ista tamen ætate tanquam in senectute veteris hominis, homo novus nascitur, qui jam spiritualiter vivit. Sexta enī die dictum erat: *Producat terra animam vivam.* Nam quinto die dictum erat: *Producant aquæ, non animam vivam, sed reptilia animalium vivarum;* quoniam corpora sunt reptilia, et adhuc corporali circumcisione et sacrificiis tanquam in mari Gentium populus ille serviebat Legi (a). Istam vero animam vivam dicit, qua vita jam incipiunt æterna desiderari ¹. Serpentes ergo et pecora qua terra producit, gentes significant jam stabiliter Evangelio credituras. De quibus dicitur in illo vase quod Petro demonstratum est in Actibus Apostolorum: *Macia, et manduca.* Et cum ille immunda diceret, responsum est ei: *Quæ Deus mundavit, tu ne immunda dixeris* (Act. x, 13-15). Tunc sit homo ad imaginem et similitudinem Dei, sicut in ista sexta ætate nascitur in carne Dominus noster, de quo dictum est per prophetam, *Et homo est, et quis agnosceret eum?* Et quemadmodum in illo die masculus et femina, sic et in ista ætate Christus et Ecclesia. Et præponitur homo in illo die pecoribus et serpentibus et volatilibus coeli, sicut in ista ætate Christus regit animas obtemperantes sibi, quæ ad Ecclesiam ejus, partim de Gentibus, partim de populo Judæorum venerunt; ut ab eo domarentur atque mansuescerent homines, vel carnali concupiscentiae dediti sicut pecora, vel tenebrosa curiositate obscurati quasi serpentes, vel elati superbia quasi aves. Et sicut in illo die pascitur homo et animalia, quæ cum ipso sunt, herbis seminalibus et lignis fructiferis et herbis viridibus; sic ista ætate spiritualis homo quicumque bonus minister est Christi, et eum bene quantum potest imitatur, cum ipso populo spi-

¹ Sic MSS. At prius vulgati habent: *Qua vitam incipiunt æternam desiderare.*

(a) I Retract. cap. 10, n. 5.

ritualiter pascitur sanctorum Scripturarum alimentis et lege divina : partim ad concipiendam secunditatem rationum atque sermonum, tanquam herbis seminalibus; partim ad utilitatem morum conversationis humanae, tanquam lignis fructiferis; partim ad vigorem fidei, spei et charitatis in vitam æternam, tanquam herbis viridibus, id est vigentibus, quæ nullo astu tribulationum possint arescere. Sed spiritualis sic istis alimentis pascitur, ut multa intelligat ; carnalis autem, id est parvulus in Christo, tanquam pecus Dei, ut multa credit quæ intelligere nondum potest : tamen eosdem cibos omnes habent.

41. 7^a ETATIS. Hujus autem ætatis quasi vespera, quæ utinam nos non inveniat, si tamen nondum coepit, illa est de qua Dominus dicit : *Putas cum veniet Filius hominis, inveniet fidem super terram* (*Luc. xviii, 8*) ? Post istam vesperam fiet mane, cum ipse Dominus in claritate venturus est : tunc requiescent cum Christo ab omnibus operibus suis ii quibus dictum est, *Estate perfecti, sicut Pater vester qui in cœlis est* (*Math. v, 48*). Tales enim faciunt opera bona valde. Post enim talia opera speranda est requies in die septimo, qui vesperam non habet. Nullo ergo modo verbis dici potest quemadmodum Deus fecerit, et condiderit cœlum et terram et omnem creaturam quam condidit : sed ista expositio per ordinem dierum sic indicat tanquam historiam rerum factarum, ut prædicationem futurorum maxime observet.

CAPUT XXIV.—Ætates mundi quare inæquales.

42. Si autem aliquem movet quod in istis ætatisbus sæculi duas ætates primas denis generationibus advertemus explicari, tres autem consequentes singulæ quatuordecim generationibus contexuntur, sexta vero ista nullo generationum numero definita est (*Math. i, 1*) ; facile est videre, etiam in unoquoqué homine duas primas ætates, infantiam et pueritiam, corporis sensibus inhærere. Qui sensus corporis quinque sunt, visus, auditus, olfactus, gustus et tactus : quinarius autem numerus duplicatus, quoniam duplex est sexus humanus, unde generationes tales existunt, masculinus et femininus; quinarius ergo, ut dixi, duplicatus denarium numerum facit. Jamvero ab adolescentia et deinceps, ubi ratio jam incipit in homine prævalere, accedit quinque sensibus cognitio et actio, quibus vita regitur et administratur, ut jam septenarius numerus incipiat esse : qui similiter duplicatus, propter duplicitem sexum, in quatuordecim generationibus eminent et apparebant, quas habent tres ætates consequentes, tanquam adolescentis, et juvenis, et senioris. Senectutis vero ætas sicut in nobis nullo statuto annorum tempore definitur, sed post quinque illas ætates quantum quisque vixerit, senectuti deputatur : sic et in ista ætate sæculi non apparent generationes, ut etiam occultus sit ultimus dies, quem utiliter Dominus latere oportere demonstravit (*Id. xxiv, 36*).

CAPUT XXV.—Septem dierum altior allegoria.

43. Habet etiam unusquisque nostrum in bonis

operibus et recta vita tanquam distinctos istos sex dies, post quos debet quietem sperare. Primo die lucem fidei, quando prius visibilibus credit¹, propter quam fidem Dominus visibiliter apparere dignatus est. Secundo die tanquam firmamentum disciplinæ, quo discernit inter carnalia et spiritualia, sicut inter aquas inferiores et superiores. Tertio die, quo mentem suam ad serendos honorum operum fructus, a labe et fluctibus tentationum carnaliū, tanquam aridam terram a perturbationibus maris secernit, ut jam possit dicere, *Mente servio legi Dei, carne autem legi peccati* (*Rom. vii, 25*). Quarto die, quo jam in illo firmamento disciplinæ spirituales intelligentias operatur atque distinguit, videt quæ sit incommutabilis veritas, quæ tanquam sol fulget in anima; et quemadmodum anima ipsius veritatis particeps fiat, et corpori ordinem et pulchritudinem præstet, tanquam luna illuminans noctem ; et quemadmodum stellæ omnes, scilicet intelligentiæ spirituales, in hujus vitæ obscuritate tanquam in nocte micent et fulgeant. Quarum rerum notitia fortior effectus incipiat quinto die in actionibus turbulentissimi sæculi, tanquam in aquis maris operari, propter utilitatem fraternalę societatis ; et de corporalibus actionibus², quæ ad ipsum mare pertinent, id est ad hanc vitam, producere animarum vivarum reptilia, id est opera quæ pro sint animis vivis ; et cetos magnos, id est fortissimas actiones, quibus fluctus sæculi dirumpuntur et contempnuntur, et volatilia cœli, id est voces cœlestia prædicantes. Sexto autem die producat de terra animam vivam, id est de ipsa stabilitate mentis suæ ubi spirituales habent fructus, id est bonas cogitationes, motus omnes animi sui regat, ut sit in illo anima viva, id est rationi et iustitiae serviens, non temeritati atque peccato. Ita fiat etiam homo ad imaginem et similitudinem Dei, masculus et femina, id est intellectus et actio, quorum copulatione spiritualis fetus terram implet, id est carnem subiectat, et cetera quæ jam in hominis perfectione superius dicta sunt. In istis autem tanquam diebus vespera est in ipsa perfectione singulorum operum, et mane in inchoatione consequentium. Post istorum quasi sex dierum opera bona valde, spret homo quietem perpetuam, et intelligat quid sit, *Requievit Deus septimo die ab omnibus operibus suis* : quia et ipse in nobis hæc bona operatur, qui ut operemur jubet ; et ipse recte requiescere dicitur, quia post hæc omnia opera requiem nobis ipse præstabit. Quomodo enim recte dicitur paternostoris aedificare domum, cum hoc non opere suo faciat, sed eorum quibus servientibus imperat ; sic recte dicitur et ab operibus requiescere, cum post perfectionem fabricæ, illis quibus imperabat permittit ut vacent, et jucundo otio perfruantur.

¹ Lov., *invisibilibus credit*. Sed melius Erasmus, Regius codex, et alii MSS. decem, *visibilibus credunt*.

² MSS. tres, *agnitionibus*. Pauloque post habent, *fortissimas agitiones*.

LIBER SECUNDUS.

Persequitur expositionem Geneseos ab hoc vers. 4 cap. 2: *Hic liber creaturæ cœli et terræ, etc., usque ad illum quo Adam et Eva de Paradiso ejiciuntur. Ad extremum, Ecclesie dogmata cum Manichæorum erroribus conciliet*

CAPUT PRIMUM. — Recitatio secundi et tertii capitis Geneseos.

1. Post enumerationem et expositionem dierum septem, interposita est quasi quædam conclusio, et appellatus est liber creaturæ cœli et terræ, quidquid superioris dictum est, cum sit parva pars libri: sed ideo sic meruit vocari, quia universi sœculi a capite usque ad finem quasi brevis quædam imago in his diebus septem figurata est. Deinde incipit de homine diligentius narrari. Quæ omnis narratio non aperte, sed figurate explicatur, ut exerceat mentes quærentium veritatem, et spirituali negotio a negotiis carnalibus avocet. Sic enim se continet: *Hic est liber creaturæ cœli et terræ, cum factus esset dies quo fecit Deus cœlum et terram, et omnia virdia agri, antequam essent super terram, et omne pabulum agri, antequam germinaret. Nondum enim pluerat Deus super terram, nec erat homo qui operaretur in ea. Fons autem ascendebat de terra, et irrigabat omnem faciem terræ. Et tunc fixxit Deus hominem de limo terræ, et insufflavit in faciem ejus fatum vitæ, et factus est homo in animam viventem. Et tunc plantavit Deus paradisum in Eden ad orientem, et posuit ibi hominem quem fixxerat. Et produxit adhuc Deus de terra omne lignum formosum ad aspectum, et bonum ad escam: et lignum vitæ plantavit in medio paradisi, et lignum scientiæ boni et mali. Flumen autem prodibat ex Eden, et irrigabat paradisum: quod inde dividitur in quatuor partes. Nomen uni Phison; hoc est quod circuit totam terram Eridath, ibi est aurum, aurum autem terræ illius optimum¹; ibi est carbunculus et lapis prasinus. Et nomen secundi fluminis Geon; hoc circuit totam terram Æthiopiarum. Et flumen tertium Tigris; hoc est quod vadit contra Assyrios. Et flumen quartum dicitur Euphrates. Et sumpsit Dominus Deus hominem quem fecerat, et posuit eum in paradiso, ut operaretur ibi, et custodiret eum. Et præcepit Dominus Deus Adæ, dicens: *Ex omni signo quod est in paradiso, edes ad escam; de ligno autem scientiæ boni et mali non edetis ab eo: qua die enim ederitis ab illo, morte moriemini. Et dixit Dominus Deus: Non est bonum esse hominem solum, faciamus ei adjutorium simile sibi. Et quæcumque fixxerat Deus ex omni genere pecorum, et ex omni genere bestiarum agri, et ex omni genere volatilium volantium sub cœlo, perduxit ea ad Adam, ut videret quid ea vocaret: et quod vocavit ea omnia Adam animam vivam, hoc est nomen ejus. Et post hæc vocavit Adam nomina omnium pecorum, et omnium animalium cœli, et omnium bestiarum agri; et secundum quod vocavit ea Adam, hoc est nomen eorum usque in hodiernum diem. Ipsi autem Adæ nondum fuit adjutorium simile illi. Et immisit Deus soporem in Adam, et obdormivit: et sumpsit**

¹ *Vñss. At Am. Er. et Lov. habent: ubi aurum nascitur, et aurum terræ, etc.*

Deus unam de costis ejus, et implevit locum ejus carne, et formarit Deus costam quam accepit ab Adam in mulierem. Et adduxit illam ad Adam, ut videret quid eam vocaret. Et dixit Adam, Hoc nunc os ex ossibus meis, et caro de carne mea: hæc vocabitur mulier, quoniam de viro suo sumpta est²; et hæc erit mihi adjutorium. Propter hoc relinquet homo patrem et matrem, et adjungetur³ uxori sue; et erunt duo in carne una. Et erant ambo nudi, Adam et mulier ejus, et non confundebantur.

2. *Serpens autem erat sapientior omnium bestiarum, quæ erant super terram, quas fecerat Dominus Deus. Et dixit serpens ad mulierem: Quare dixit Deus ne edatis ab omni ligno quod est in paradyso? Et dixit mulier ad serpentem: Ex omni ligno quod est in paradyso edamus; a fructu autem ligni quod est in medio paradyso, dixit Deus ne edamus, sed neque tangamus, ne moriamur. Et dixit serpens mulieri: Non morte moriemini; sciebat enim Deus quia qua die manducaveritis ex illo, aperientur oculi vestri, et eritis sicut dñi, scientes bonum et malum. Et vidit mulier quia bonum est lignum in escam, et quia bonum est oculis ad videndum et cognoscendum; et sumpset fructum de ligno illo, et manducavit, et dedit viro suo; et accepit Adam, et manducavit: et aperti sunt oculi eorum, et tunc scierunt quia nudi erant; et sumpserunt sibi folia fici, et fecerunt sibi succinctoria. Et cum audissent vocem Domini deambulantis in paradyso ad vesperam, absconderunt se Adam et mulier ejus ab ante faciem Domini Dei⁴, ad illam arborem quæ erat in medio paradyso. Et vocavit Dominus Deus Adam, et dixit illi: Adam, ubi es? Et dixit ille: Vocem tuam audivi, Domine, in paradyso, et timui, et abscondi me, quia nudus sum. Et dixit Dominus Deus: Quis nuntiavit tibi, quia nudus es, nisi quia ab illa arbore de qua dixeram tibi ex illa sola non manducare, ex illa manducasti? Et dixit Adam: Mulier quam dedisti mihi⁵, dedit ut ederem, et manducavi. Et dixit Deus mulieri: Quid hoc fecisti? Et dixit mulier: Serpens seduxit me, et manducavi. Et dixit Dominus Deus serpentem: Quia hoc fecisti, maledictus tu ab omni pecore, et omni genere bestiarum. Pectore et ventre repes, et terram manducabis omnibus diebus vitæ tuæ. Et inimicitiam ponam inter te et mulierem, et inter semen tuum, et inter semen illius. Ipsa tuum observabit caput, et tu ejus calcaneum. Et mulieri dixit: Multiplicans multiplicabo dolores tuos, et suspiria tua, et in doloribus partes filios tuos; et ad virum tuum conversio tua, et ille tui dominabitur. Et tunc dixit Deus ad*

¹ *Omititur suo, in editione Lov., quæ vox in MSS. Am. et Er., nec non in græco textu LXX continetur et loß andros autēs.*

² *Editi, adhaerbit; pro quo MSS. habent, adjungetur.*

³ *Am. Er. et Lov., Domini Dei sui. At MSS. careat voce, sui.—Pro, ab ante faciem, Er. et Ven. habent, a facie; Lov., ante faciem. M.*

⁴ *Hic in excusis additur sociam, quæ vox abest a MSS.*

Adam : *Quia audisti vocem mulieris tuæ, et manducasti de ligno de quo præceperam tibi, ex illo solo ne ederes, maledicta terra erit tibi in omnibus operibus tuis, et in tristitia et gemitu tuo manducabis ex ea omnibus diebus vitæ tuæ. Spinas et tribulos germinabit tibi, et edes pabulum agri tui. In sudore vultus tui edes panem tuum, donec revertaris in terram, de qua sumptus es; quia terra es, et in terram ibis. Et tunc Adam imposuit nomine uxori suæ, Vita; quia mater est omnium virorum. Et tunc fecit Dominus Deus Adæ et mulieri ejus tunicas pelliceas, et induit illos. Et dixit: Ecce Adam factus est tanquam unus ex nobis, ad scientiam cognoscendi bonum et malum. Et tunc ne porrigeret manum suam Adam ad arborem vitæ et sumeret sibi inde, et ederet et viveret in æternum, dimisit eum Dominus Deus de paradiso suaritatis, ut operaretur terram de qua et sumptus fuerat. Et ejectus foras de paradiso, moratus est contra paradisum voluptatis. Et Cherubim et illam flammeam frameam quæ versatur, posuit Deus ad custodiendam viam arboris vite.*

CAPUT II. — Genesis ad litteram ubique non potest exponi.

3. Hæc secreta verborum si non reprobententes et accusantes, sed querentes et reverentes Manichæi mallent discutere, non essent utique Manichæi; sed daretur potentibus, et querentes invenirent, et pulsantibus aperiretur. Plures enim questiones in hoc sermone proponunt, qui diligentia pia querunt, quæ isti miseri atque inipi: sed hoc interest, quod illi querunt ut inveniant, isti nihil laborant, nisi non invenire quod querunt. Hic ergo totus sermo prius secundum bistoriam discutiendus est, deinde secundum prophetiam. Secundum historiam facta narrantur, secundum prophetiam futura prænuntiantur. Sane quisquis voluerit omnia quæ dicta sunt, secundum litteram accipere, id est non aliter intelligere quam littera sonat, et potuerit evitare blasphemias, et omnia congruentia fidei catholicæ prædicare, non solum ei non est invidendum, sed præcipius multumque laudabilis intellector babendus est. Si autem nullus exitus datur, ut pie et digne Deo quæ scripta sunt intelligantur, nisi figurate atque in ænigmatibus proposita ista credamus; habentes auctoritatem apostolicam, a quibus tam multa de libris Veteris Testamenti solvuntur ænigmata, modum quem intendimus teneamus, adjuvante illo qui nos petere, querere et pulsare adhortatur (*Math. vii, 7*); ut omnes istas figuræ rerum secundum catholicam fidem, sive quæ ad historiam, sive quæ ad prophetiam pertinent, explicemus, non præjudicantes meliori diligentiorique tractatui, sive per nos, sive per alios quibus Dominus revelare dignatur.

CAPUT III. — Viride agri quid designat, vers. 5, cap 2.

4. *Factus est ergo dies, quo die fecit Deus cælum et terram, et omne viride agri, antequam essent super terram¹, et omne pabulum agri. Superius septem dies numerantur, nunc unus dicitur dies, quo die fecit Deus cælum et terram, et omne viride agri, et omne pabu-*

¹ *Ven. : antequam esset super terram. M.*

lum, cuius dici nomine omne tempus significari bene intelligitur. Fecit enī Deus omne tempus simul cum omnibus creaturis temporalibus, quæ creaturæ visibles coeli et terræ nomine significantur. Movere autem nos debet ad quærendum, quod cum diem, qui factus est, et cœlum, et terram nominasset¹ adjectit etiam, viride agri, et omne pabulum. Non enim quando dictum est, *In principio fecit Deus cælum et terram*, tunc dictum est, factum esse omne viride agri et pabulum: manifeste enim legitur, quod tertio die factum est omne viride et pabulum agri. Quod autem dictum est, *In principio fecit Deus cælum et terram*, non pertinet ad aliquem dierum ex illis septem diebus. Adbuc enim vel materiam ipsam unde facta sunt omnia, coeli et terræ nomine nuncupabat: vel certe prius totam creaturam, coeli et terræ nomine proposuerat dicendo, *In principio fecit Deus cælum et terram*; et postea particulatim per ordinem dierum sicut oportebat, propter prophetiam, quam in primo libro commemoravimus, Dei opera executus exposuit. Quid sibi ergo vult quod nunc nominato cœlo et terra, addidit, *viride agri et pabulum*, et lacuit cætera tam multa, quæ sunt in cœlo et in terra, vel etiam in mari; nisi quia viride agri invisibilem creaturam vult intelligi, sicut est anima? Ager enim solet in Scripturis figurate mundus appellari. Nam et ipse Dominus, *Ager est hic*, inquit, *mundus* (*Math. xii, 38*), cum illam parabolam exponeret, ubi lōno semini sunt commixta zizania. Viride ergo agri spiritualem atque invisibilem creaturam dicit, propter vigorem vitæ, et nomine pabuli utique propter vitam bene hoc ipsum interpretamur (a).

5. Deinde quod addidit, *antequam essent super terram*, intelligitur antequam anima peccaret. Terrenis enim cupiditatibus sordidata, tanquam super terram nata, vel super terram esse, recte dicitur: ideoque addidit, *Nondum enim pluerat Deus supra terram*.

CAPUT IV. — Quid sit, Nondum pluerat super terram, vers. 5.

Quia et nunc viride agri Deus facit, sed pluendo super terram, id est, facit animas revirescere per verbum suum; sed de nubibus eas irrigat, id est de Scripturis Prophetarum et Apostolorum. Recte autem appellantur nubes, quia verba ista quæ sonant et percusso aere transeunt, addita etiam obscuritate allegoriarum quasi aliqua caligine obducta, velut nubes sunt: quæ dum tractando exprimuntur, bene intelligentibus tanquam imber veritatis infunditur. Sed hoc nondum erat antequam anima peccaret; id est, antequam viride agri esset super terram. *Nondum enim pluerat Deus super terram, nec erat homo qui operaretur in ea*. Laboranti enim homini in terra imber de nubibus est necessarius, de quibus nubibus jam dictum est. Post peccatum autem homo laborare coepit in terra, et necessarias habere illas nubes. Ante peccatum vero, cum viride agri et pabulum fecisset Deus, quo nomine invisibilem creaturam significari diximus, irrigabat

¹ *Editi: Cum diem quo factum est cælum et terra nominasset. At MSS. magno consensu ferunt: Cum diem qui factus est, et cœlum et terram nominasset.*

(a) *I Retract. cap. 10, n. 3.*

eama fonte interiore, loquens in intellectum ejus : ut non extrinsecus verba exciperet, tanquam ex supradictis nubibus pluviam ; sed fonte suo, hoc est de intimis suis manante veritate, satiaretur.

CAPUT V.— *Fons irrigans terram allegorice. Superbia quid sit.*

6. *Fons enim ascendebat, inquit, de terra, et irrigabat omnem faciem terræ.* De terra scilicet de qua dicitur : *Spes mea es tu, portio mea in terra viventium* (*Psal. cxli, 6*). Quando autem anima tali fonte irrigabatur, nondum per superbiam projecterat intima sua. *Initium enim superbiae hominis apostatare a Deo.* Et quoniam in exteriora per superbiam luminescens coepit non irrigari fonte intimo, bene insultatur illi verbis propheticiis (*a*), et dicitur : *Quid superbii terra et cinis? Quoniam in vita sua projectit intima sua* (*Eccli. x, 14, 9, 10*). Quid est enim superbia aliud, nisi de seruo secretario¹ conscientie foris videri velle quod non est? Et ideo laborans jam in terra necessariam habet pluviam de nubibus, id est doctrinam de humanis verbis, ut etiam hoc modo possit ab illa ariditate revirescere, et iterum fieri viride agri. Sed utinam vel pluviam veritatis de ipsis nubibus libenter excipiat. Nam propter illam Dominus noster nubilum carnis nostræ dignatus assumere, imbre sancti Evangelii largissimum infudit, promittens etiam quod si quis biberit de aqua ejus, rediet ad illum intimum fontem, ut forinsecus non querat pluviam. Dicit enim : *Fies in eo fons aqua salientis in vitam æternam* (*Joan. iv, 14*). Iste, credo, fons ante peccatum ascendebat de terra, et irrigabat omnem faciem terræ, quia interior erat, et nubium non desiderabat auxilium : *Nondum enim pluerat Deus super terram, nec erat homo qui operaretur in ea.* Cum enim dixisset, *Nondum enim pluerat Deus super terram, subiecit et causam quare nondum pluerat* : quia non erat homo qui operaretur in ea. Tunc autem homo coepit operari in terra, cum post peccatum de beata vita dimissus est, qua in paradiiso fruebatur. Sic enim scriptum est : *Et dimisit eum Dominus Deus de paradiiso suavitatis, ut operaretur terram de qua et sumptus fuerat* : unde suo loco requiriemus (*Infra, cap. 22*). Quod nunc ad hoc commemoravi, ut intelligeremus laboranti homini in terra, id est in peccatorum ariditate constituto, necessariam esse de humanis verbis divinam doctrinam, tanquam de nubibus pluviam. Talis autem scientia destructur. Videamus enim nunc in ænigmate, tanquam in nubilo saginam querentes : tunc autem facie ad faciem (*I Cor. xiii, 8, 12*), quando universa facies terræ nostræ interiore fonte aquæ salientis irrigabitur. Nam si fontem aliquem hujus visibilis aquæ voluerimus intelligere, de quo dictum est, *Fons autem ascendebat de terra, et irrigabat omnem faciem terræ*; non est verisimile quod cum tam multi fontes perennes, sive rivo-rum, sive fluviorum per universam terram inveniantur, solus ille siccaverit², qui irrigabat omnem faciem terræ.

¹ *Editu, secreto.* MSS. duodecim, *secretario.*

² *Juxta Er. et Lov., siccuerit.* M.

(a) *I Retract. cap. 10. n. 3.*

CAPUT VI.— *Invisibilia quibus vocabulis signantur.*

7. Sub his ergo paucis verbis universa creatura nubis insinuata est ante peccatum animæ. Nomine enim cœli et terræ universa visibilis creatura significata est; et nomine diei, universum tempus; et nomine viridum et pabuli agri, creatura invisibilis; et nomine fontis ascendentis et irrigantis omnem faciem terræ, inundatio veritatis animam satians ante peccatum. Dies autem iste, cuius nomine universum tempus significari diximus, insinuat nobis non solum visibilem, sed etiam invisibilem creaturam tempus posse sentire : quod de anima nobis manifestatur, quæ tanta varietate affectionum suarum, et ipso lapsu quo misera facta est, et reparatione qua rursus in beatitudinem reddit, tempore mutari posse convincitur. Et ideo non dictum est, *Cum factus esset dies, quo die fecit Deus cœlum et terram, tantum*; quibus nominibus visibilis creatura intimatur : sed additum est etiam, *viride, et pabulum agri*; quo nomine invisibilem creaturam, propter vigorem et vitam, significari diximus, sicuti est anima. Et ita dictum est, *Cum factus esset dies, quo die fecit Deus cœlum et terram, et omne viride, et pabulum agri*: ut sic intelligeremus non solum visibilem, sed etiam invisibilem creaturam pertinere ad tempus, propter mutabilitatem; quia solus Deus incommutabilis est, qui est ante tempora.

CAPUT VII.— *Limus quid habeat mysterii.*

8. Nunc videamus post universæ creaturæ insinuationem tam visibilis quam invisibilis, et universale beneficium divini fontis erga invisibilem creaturam, quid de homine specialiter intimetur, quod ad nos maxime pertinet. Primo enim quod de limo terræ Deus hominem finxit, solet habere questionem qualis ille limus fuerit, vel quæ materia nomine limi significata sit. Illi autem inimici veterum Librorum, omnia carnaliter intuentes, et propterea semper errantes, etiam hoc reprehendere mordaciter solent, quod de limo Deus hominem finxit. Dicunt enim : *Quare de limo fecit Deus hominem?* an defuerat ei melior et coelestis materia, unde hominem ficeret, ut de labe terrena tam fragilem mortalemque formaret? Non intelligentes primo quam multis significationibus vel terra vel aqua in Scripturis ponatur : limus enim aquæ et terræ conmixtio est. Dicimus enim tabidum et fragile et morti destinatum corpus humanum post peccatum esse coepisse. Non enim in nostro corpore isti exhorrescent nisi mortalitatem, quam damnatione meruimus. Quid autem mirum, aut difficile Deo, etiamsi de limo istius terræ hominem fecit, tale tamen corpus ejus efficere, quod corruptioni non subjaceret, si homo præceptum Dei custodiens peccare noluisset? Si enim speciem cœli ipsius de nihilo, vel de informi materia dicimus factam, quia omnipotentem artificem credimus; quid mirum si corpus, quod de limo qualicumque factum est, potuit ab omnipotenti artifice tale fieri, ut nulla molestia, nulla indigentia cruciaret hominem ante peccatum, et nulla corruptione tabesceret?

9. Itaque superflue queritur unde hominis corpus Deus fecerit; si tamen nunc de corporis formatione

dicitur. Sic enim nonnullos nostros intelligere accepi, qui dicunt, posteaquam dictum est, *Fixit Deus hominem de limo terrae*; propterea non additum, Ad imaginem et similitudinem suam, quoniam nunc de corporis formatione dicitur. Tunc autem homo interior significabatur, quando dictum est: *Fecit Deus hominem ad imaginem et similitudinem Dei* (a). Sed etiam si nunc quoque hominem ex corpore et anima factum intelligamus, ut non alicuius novi operis inchoatio, sed superius breviter insinuati diligentior retractatio isto sermone explicetur; si ergo, ut dixi, hominem hoc loco ex corpore et anima factum intelligamus, non absurde ipsa commixtione limi nomen accepit. Sicut enim aqua terram colligit, et conglutinat, et continet, quando ejus commixtione limus ejus efficitur; sic anima corporis materiam vivificando in unitatem concordem conformat, et non permittit labi et resolvi.

CAPUT VIII. — Insufflatio spiritus quid. Quid in Scripturis dicatur spiritus hominis.

10. Quod autem scriptum est, *Et insufflavit in eum spiritum vitae, et factus est homo in animam viventem*: si adhuc corpus solum erat, animam adjunctam corpori hoc loco intelligere debemus; sive quæ jam facta erat, sed tanquam in ore Dei erat, id est in ejus veritate vel sapientia, unde tamen non recessit quasi locis separata, quando insufflata est; non enim Deus loco continentur, sed ubique præsens est: sive tunc anima facta est, quando in illud segmentum Deus insufflavit spiritum vitæ, ut illa insufflatio ipsam operationem Dei significet, qua fecit animam in homine Spiritu potentiae sue. Si autem homo ille qui factus erat, jam corpus et anima erat; ipsi animæ sensus est additus ista insufflatione, cum factus est homo in animam viventem: non quia illa insufflatio conversa est in animam viventem, sed operata est in animam viventem. Nondum tamen spiritualem hominem debemus intelligere, qui factus est in animam viventem, sed adhuc animalem. Tunc enim spiritualis effectus est, cum in paradiſo, hoc est in beata vita constitutus, præcepit etiam perfectionis accepit, ut verbo Dei consummaretur. Itaque postquam peccavit, recedens a præcepto Dei, et dimissus est de paradiſo, in hoc remansit ut animalis esset. Et ideo animalem hominem prius agimus omnes (b), qui de illo post peccatum nati sumus, donec assequamur spiritualem Adam, id est Dominum nostrum Jesum Christum, qui peccatum non fecit (I Petr. ii, 22); et ab illo recreati et vivificati, restituamur in paradiſum, ubi latro ille cùm ipso eo die meruit esse, quo vitam istam finivit (Luc. xxiii, 45). Sic enim Apostolus dicit: *Sed non prius quod spirituale est, sed quod animale, sicut scriptum est: Factus est primus Adam in animam viventem, novisimus Adam in spiritum vivificantem* (I Cor. xv, 44 - 46).

11. Sic ergo debemus intelligere hunc locum, ut rierique codices, *commixtio*. Pratellensis Ms., *commixtio*.

(a) sic intelligunt Tertullianus lib. de Resurrect. carnis, cap. 5, et Hilarius in Psal. cxviii.

(b) i Retract. cap. 10, n. 3.

non quia dictum est, *Insufflavit in eum spiritum vitæ, et factus est homo in animam viventem*, credamus illam veluti partem naturæ Dei in animam hominis fuisse conversam, et cogamur dicere naturam Dei esse mutabilem: in quo errore maxime istos Manichæos veritas premit. Sic enim est mater omnium hereticorum superbia, ausi sunt dicere quod natura Dei sit anima. Et hinc urgentur a nobis, cum eis dicimus, Ergo natura Dei errat et misera est, et vitorum labi corruptitur et peccat; aut etiam, ut vos dicitis, naturæ contrariæ sordibus inquinatur: et cetera talia quæ de natura Dei nefas est credere. Nam factam esse animam ab omnipotente Deo, et ideo non illam esse partem Dei vel naturam Dei, manifeste alio loco scriptum est, diceente propheta, *Et qui fixit spiritum omnibus, ipse fecit omnia* (Psal. xxxii, 15): et alio loco, *Qui fixit spiritum hominis in ipso* (Zach. xii, 1). Ergo factum esse spiritum hominis, manifeste his testimoniis approbat. Spiritus autem hominis in Scripturis dicitur ipsius animæ potentia rationalis, qua distat a pecoribus, et eis naturæ lege dominatur. De quo dicit Apostolus: *Nemo scit quæ sunt hominis, nisi spiritus hominis qui in ipso est* (I Cor. ii, 11). Ne forte si probaretur his testimoniis animam factam esse, non decessent qui dicenter spiritum hominis non esse factum, et ipsum arbitrarentur esse naturam Dei, et in ipsum dicent partem Dei esse conversam, cum illa insufflatio Dei facta est. Quod sana doctrina similiter respuit, quia et ipse spiritus hominis cum aliquando errat, et aliquando prudenter sapit, mutabilem se esse clamat: quod nullo modo de natura Dei fas est credere. Non autem potest majus signum esse superbiam, quam ut dicat se humana anima hoc esse quod Deus est, cum adhuc sub tantis vitiis et miseriis molibus gemat.

CAPUT IX. — Paradisi deliciæ quid allegorice.

12. Nunc jam videamus ipsam beatitudinem hominis, que paradisi nomine significatur: nam quoniam in memoribus deliciosa quies hominum esse solet, et corporeis sensibus nostris de oriente lumen oritur, cœlunque consurgit, quod superius corpus est nostro corpore atque excellentius; propterea his verbis etiam spirituales deliciæ, quas habet beata vita, figurate explicitur, et ad orientem paradisus plantatur. Intelligamus autem nostra gaudia spiritualia significare omne lignum formosum ad aspectum intelligentiarum, et bonum ad escam quæ non corruptitur, quæ beatæ animæ pascuntur: nam et Dominus dicit, *Operamini escam quæ non corruptitur* (Joan. vi, 27); ut est omnis ratio, quæ cibus est animæ. Ad orientem, lucem sapientie in Eden, id est in deliciis immortalibus et intelligibiliis. Nam delicia, vel voluptas, vel epulum hoc verbo significari dicitur, si ex hebreo in latinum interpretetur. Positum est autem sic sine interpretatione, ut aliquem locum significare videatur, magis que figuratum faciat locutionem. Productum autem ex terra omne illud lignum accipimusonne illud ga-

¹ Lov., si non probaretur. At Am. Fr. et Ms. quatuordecim, e quibus Regius codex optimæ notæ, negatione erant.

dium spirituale; id est, supereminere terræ, et non involvi atque obrui terrenarum cupiditatum implacamentis. Lignum autem vitæ plantatum in medio paradisi, sapientiam illam significat, qua oportet ut intelligat anima, in meditullio quodam rerum se esse ordinatam, ut quamvis subjectam sibi habeat omnem naturam corpoream, supra se tamen esse intelligat naturam Dei: et neque in dexteram declinet, sibi arrogando quod non est; neque ad sinistram, per negligentiam contemnendo quod est: et hoc est lignum vitæ plantatum in medio paradisi. Ligno autem scientiæ boni et mali, ipsa item medietas animæ et ordinata integritas significatur: nam et ipsum lignum in medio paradisi plantatum est; et ideo lignum dignoscendi boni et mali dicitur, quia si anima quæ debet in ea quæ anteriora sunt se extendere, id est in Deum, et ea quæ posteriora sunt obivisci (*Philipp.* iii, 13), id est corporeas voluptates, ad seipsam deserto Deo conversa fuerit, et sua potentia tanquam sine Deo frui voluerit, intumescit superbia, quod est initium omnis peccati. Et cum hoc ejus peccatum pœna fuerit consecuta, experiendo discit quid intersit inter bonum quod deseruit, et malum in quod cecidit. Et hoc ei erit gustasse de fructu arboris dignoscendi boni et mali. Præcipitur ergo illi ut de omni ligno quod est in paradiso edat, ex ligno autem in quo est dignoscendia boni et mali non edat; id est, non sic eo fruatur, ut ipsam ordinatam integritatem naturæ suæ, quasi manducando violet atque corrumpat.

CAPUT X. — *Flumina quatuor quid notent.*

13. Flumen autem quod procedebat ex Eden, id est ex deliciis et voluptate et epulis, quod flumen a propheta significatur in Psalmis, eum dicit, *Torrente voluptatis tuae potabis eos* (*Psalm. xxxv*, 9); hoc est enim Eden, quod latine voluptas dicitur: dividitur in quatuor partes, et quatuor virtutes significat, prudentiam, fortitudinem, temperantiam, justitiam. Dicitur autem Phison ipse esse Ganges, Geon autem Nilus, quod etiam in Jeremia propheta animadvertis potest: nunc aliis nominibus appellantur. Sicut nunc Tiberis dicitur fluvius, qui prius Albula dicebatur. Tigris vero et Euphrates etiam nunc eadem nomina tenent: quibus tamen nominibus virtutes, ut dixi, spirituales significantur; quod etiam ipsorum nominum interpretatio docet, si quis hebræam linguam vel syram consideret. Sicut Jerusalem quamvis sit visibilis et terrenus locus, significat tamen civitatem pacis spiritualiter: et Sion quamvis sit mons in terra, speculationem tamen significat; et hoc nomen in Scripturarum allegoriis ad spiritualia intelligenda sœpe transfertur: et ille qui descendebat ab Jerusalem in Jericho, sicut Dominus dicit, et in via vulneratus, sauciis et semivibus relicitus est a latronibus (*Luc. x, 30*), utique locos istos terrarum, quamvis secundum historiam in terra inveniantur, spiritualiter cogit intelligi.

14. Prudentia ergo, quæ significat ipsam contemplationem veritatis ab omni ore humano alienam, quia est ineffabilis, quam si eloqui velis, parturis eam po-

tius quam paris, quia ibi audivit et Apostolus ineffabilia verba quæ non licet homini loqui (*II Cor. XII, 4*): hæc ergo prudentia terram circumvit, quæ habet aurum, et carbunculum, et lapidem prasinum, id est disciplinam vivendi, quæ ab omnibus terrenis sordibus, quasi decocta nitescit, sicut aurum optimum; et veritatem, quam nulla falsitas vincit¹, sicut carbunculi fulgor nocte non vincitur; et vitam æternam, quæ viriditate lapidis prasinum significatur, propter vigorem qui non arescit. Fluvius autem ille qui circuit terram Æthiopiam multum calidam atque ferventem, significat fortitudinem calore actionis alacrem atque impigram. Tertius autem Tigris vadit contra Assyrios, et significat temperantiam, quæ resistit libidini, multum adversanti consiliis prudentiæ: unde plerumque in Scripturis Assyrii adversariorum loco ponuntur. Quartus fluvius non dictum est contra quid vadat, aut quam terram circumeat: justitia enim ad omnes partes animæ pertinet, quia ipsa ordo et æquitas animæ est, qua sibi ista tria concorditer copulantur; prima, prudentia; secunda, fortitudo; tertia, temperantia; et in ista tota copulatione atque ordinatione justitia².

CAPUT XI. — *Opera hominis in paradiſo: mulier in adjutorium facta.*

15. Quod autem ita constitutus est homo in paradiſo, ut operaretur et custodiret; operatio illa laudabilior laboriosa non erat. Alia est namque in paradiſo operatio, et alia in terra, quo post peccatum damnatus est. Ex eo autem quod additum est, et custodiret; significatum est qualis illa operatio erat. Namque in tranquillitate beatæ vitæ, ubi mors non est, omnis opera est custodiare quod tenes. Accipit etiam præceptum, de quo superiorius jam tractavimus (*Supra, c. 9*). Quod præceptum, quoniam sic concluditur, ut non ad unum loquatur; sic enim dicit, *Qua die autem manducaveritis, morte moriemini*; incipit exponi quomodo sit facta femina: et facta dicitur in adjutorium viri, ut copulatione spirituali spirituales fetus ederet, id est bona opera divinæ laudis; dum ille regit, haec obtemperat; ille a sapientia regitur, haec a viro. Caput enim viri Christus, et caput mulieris vir (*I Cor. XI, 3*). Ideoque dicitur: *Non est bonum solum hominem esse.* Adhuc enim erat³, quod fieret, ut non solum anima corpori dominaretur, quia corpus servilem locum obtinet, sed etiam virilis ratio subjugaret sibi animalem partem suam, per quod adjutorium imperaret corpori. Ad hujus rei exemplum femina facta est, quam rerum ordo subjugat viro; ut quod in duobus hominibus evidentius appareat, id est in masculo et femina, etiam in uno homine considerari possit: ut appetitum animæ, per quem de membris corporis operamur, habeat mens interior tanquam virilis ratio subjugatum, et justa lege modum imponat adjutorio suo, sicut vir debet feminam regere, nec eam permit-

¹ Editi: *Sicut aurum optimum et verum quod nulla falsitas vincit.* At MSS. melioris notæ: *Sicut aurum optimum; et veritatem, etc.; quæ lectio planior est.*

² Editi sic habent: *Atque ordinatione perficiunt justitiam.* MSS. vero, *Atque ordinatione justitia.* Supple, consistit.

³ Ita melioris notæ MSS. cum Am. et Er., ubi Lov. habet *ad hoc enim erat.*

tere dominari in virum ; quod ubi contingit, perversa et misera domus est. ·

46. Primo ergo demonstravit Deus homini quanto melior esset pecoribus, et omnibus irrationabilibus animantibus : et hoc significat quod dictum est, adducta esse ad illum omnia animantia, ut videret quid ea vocaret; et eis nomina imponeret. Ex hoc enim apparet ipsa ratione hominem meliorem esse quam pecora, quod distingue et nominatim ea discernere, nonnisi ratio potest, quæ de ipsis judicat. Sed hæc facilis ratio est; cito enim homo intelligit se meliorem esse pecoribus : illa est difficilis ratio, qua intelligit in seipso aliud esse rationale quod regit, aliud animale quod regitur.

CAPUT XII. — *Sopito Adæ juncta Eva. Quid sibi velit.*

Et quoniam hæc secretiore sapientia videt, ipsam visionem secretam nomine soporis significari arbitror, quem immisit Deus in Adam, quando ei mulier facta est. Ut enim hoc videatur, non est opus oculis istis corporeis, sed quanto quisque ab istis visibilibus rebus in interiora intelligentiae successerit (hoc est autem quasi obdormiscere), tanto melius et sincerius illud videt. Ipsa enim cognitio, qua intelligitur in nobis aliud esse quod ratione dominetur, aliud quod rationi obtemperet; ipsa ergo cognitio veluti effectio mulieris est de costa viri, propter conjunctionem significantiam. Deinde, ut quisque huic suæ parti recte dominetur, et fiat quasi conjugalis in seipso, ut caro non concupiscat adversus spiritum, sed spiritui subjungatur, id est concupiscentia carnalis non aduersetur rationi, sed potius obtemperando desinat esse carnalis, opus habet perfecta sapientia. Cujus contemplatio quia interior est et secretior, et ab omni sensu corporis remotissima, convenienter etiam ista soporis nomine intelligi potest. Tunc enim ordinatissime caput mulieris vir est, cum caput viri est Christus, qui Sapientia est Dei.

47. Sane in locum illius costæ carnem adimplevit, ut hoc nomine insinuaretur dilectionis affectus, quo diligit unusquisque animam suam, et non est durus ut eam contemnat; quod diligit quisque cui prætest. Non enim sic nominata est caro isto loco, ut carnalem concupiscentiam significet; sed isto modo potius quo propheta dicit auferri populo cor lapideum, et dari cor carneum (*Ezech. xi, 19*). Illoc modo enim dicit etiam Apostolus: *Non in tabulis lapideis, sed in tabulis cordis carnalibus* (*II Cor. iii, 3*). Aliud est quippe propria locutio, aliud figurata, qualis ista est quam tractamus modo. Quapropter etsi visibilis femina secundum historiam de corpore viri primo facta est a Domino Deo, non utique sine causa ita facta est, nisi ut aliquod secretum intimaret. Num enim aut linus defuit unde femina formaretur? aut, si vellet Dominus, homini vigilanti costam sine dolore detrahere non posset? Sive ergo ista figurata dicta sint, sive etiam figurata facta sint, non frustra hoc modo dicta vel facta sunt; sed sunt plane mysteria et sacramenta,

* sequitur Fr. Ven. et Lov. B., quæ. M.

sive hoc modo quo tenuitas nostra conatur, sive aliquo alio meliore, secundum sanam tamen fidem sunt interpretanda et intelligenda.

CAPUT XIII. — *Spirituale conjugium in homine.*

48. Vocavit ergo mulierem suam vir, tanquam posterior infiorem, et dixit: *Hoc nunc os de ossibus meis, et caro de carne mea. Os de ossibus*, fortasse propter fortitudinem; et *caro de carne*, propter temperantiam. Hæc namque duæ virtutes ad infiorem animi partem, quam prudentia rationalis regit, docentur pertinere. Quod autem dictum est, *Hæc vocabitur mulier, quoniam de viro suo sumpta est*; ista origo nominis, et interpretatio in lingua latina non appetit. Quid enim simile habeat mulieris nomen ad viri nomen, non inventur. Sed in hebræa locutione dicitur sic sonare, quasi dictum sit: *Hæc vocabitur virago*, quoniam de viro suo sumpta est. Nam virago vel virgo potius habet aliquam similitudinem cum viro nomine; mulier autem non habet: sed hoc, ut dixi, linguae diversitas facit.

49. Quod autem additum est, *Relinquet homo patrem et matrem, et adhæredit uxori suæ; et erunt duo in carne una*, quomodo referatur ad historiam non inventio, nisi quod plerumque in genere humano ista contingunt; sed tota prophetia est, cuius Apostolus meminit, dicens: *Propter hoc relinquat homo patrem et matrem, et adhæredit uxori suæ; et erunt duo in carne una. Sacramentum hoc magnum est: ego autem dico in Christo et in Ecclesia* (*Ephes. v, 31, 32*). Quod Manichæi si non cæci legerent, qui per Epistolæ apostolicas multos decipiunt, intelligerent quomodo accipientes sint Veteris Testamenti Scripturæ, nec tam sacrilega voce auderent accusare quod nesciunt. Quod autem nudi erant Adam et mulier ejus, et non confundebantur, simplicitatem animæ castitatemque significat. Nam et Apostolus ita dicit: *Aptavi vos uni viro virginem castam exhibere Christo: timeo autem ne sicut serpens Eram fæsellii versutia sua, ita corrumpanter mentes vestræ a simplicitate et castitate, quæ est in Christo* (*II Cor. xi, 2, 3*).

CAPUT XIV. — *Serpens diabolus, Eva affectus.*

20. Serpens autem significat diabolum, qui sane non erat simplex. Quod enim dicitur sapientior omnibus bestiis, figurate insinuatur ejus versutia. Non autem dictum est quod in paradiso erat serpens, sed erat serpens inter bestias quas fecit Deus. Paradiſus namque beatam vitam, ut superius dixi, significat (*Supra, cap. 9*), in qua jam non erat serpens, quia jam diabolus erat; et de sua beatitudine ceciderat, quia in veritate non stetit. Nec mirandum est quomodo mulieri loqui potuerit, cum illa esset in paradiſo, et ille non esset; non enim aut illa secundum locum erat in paradiſo, sed potius secundum beatitudinis affectum: aut etiamsi locus est talis qui paradiſus vocetur, in quo corporaliter Adam et mulier habitabant, etiam diaboli accessum corporaliter intelligere debemus? Non utique, sed spiritualiter, sicut Apostolus dicit, *Secundum principem potestatis acris, spiritus qui*

nunc operatur in filiis diffidentie (*Ephes.* ii, 2). Num quid ergo visibiliter eis appareat, aut quasi corporeis locis accedit ad eos in quibus operatur? Non utique, sed miris modis per cogitationes suggestit quidquid potest. Quibus suggestionibus resistunt, qui vere dicunt, quod item dicit Apostolus: *Non enim ignoramus astutias ejus* (*II Cor.* ii, 11). Quomodo enim accessit ad Judam, quando ei persuasit ut Dominum traderet? numquid in locis, aut per hos oculos ei visus est? Sed utique, ut dictum est, intravit in cor ejus (*Luc.* xxii, 5). Repellit autem illum homo, si paradisum custodiat. Posuit enim Deus hominem in paradiſo, ut operaretur et custodiret: quia sic de Ecclesia ¹ dicitur in Canticis canticorum, *Hortus conclusus, fons signatus* (*Cant.* iv, 12); quo utique non admittitur perversitatis ille persuasor. Sed tamen per mulierem decipit: non enim etiam ratio nostra deduci ad consensionem peccati potest, nisi cum delectatio mota fuerit in illa parte animi, quæ debet obtemperare rationi tanquam rectori viro.

21. Etiam nunc in unoquoque nostrum nihil aliud agitur, cuni ad peccatum quisque delabitur, quam tunc actum est in illis tribus, serpente, muliere, et viro. Nam primo sit suggestio sive per cogitationem, sive per sensus corporis, vel videndo, vel tangendo, vel audiendo, vel gustando, vel olfaciendo: quæ suggestio cum facta fuerit, si cupiditas nostra non movebitur ad peccandum, excludetur serpentis astutia; si autem mota fuerit, quasi mulieri jam persuasum erit. Sed aliquando ratio viriliter etiam commotam cupiditatem refrenat atque compescit. Quod cum sit, non labimur in peccatum, sed cum aliquanta luctatione coronamur. Si autem ratio consentiat, et quod libido commoverit, faciendum esse decernat, ab omni vita beata tanquam de paradiſo expellitur homo. Jam enim peccatum imputatur, etiamsi non subsequatur factum; quoniam rea tenet in consensione conscientia.

CAPUT XV. — *Tentatio quomodo deicit.*

22. Quo autem modo serpens ille peccatum persuaserit, diligenter considerandum est; pertinet enim maxime ad nostram salutem: nam ideo hæc scripta sunt ut jam talia caveamus. Nam cum interrogata mulier respondisset quid eis præceptum esset; ait ille: *Non morte moriemini: sciebat enim Deus quoniam qua die manducaveritis ex illo, aperientur oculi vestri, et eritis sicut dii, scientes bonum et malum.* Videmus his verbis per superbiam peccatum esse persuasum: ad hoc enim valet quod dictum est, *Eritis sicut dii.* Sicut etiam hoc quod dictum est, *Sciebat enim Deus quoniam qua die manducaveritis ex eo, aperientur oculi vestri,* quid hic intelligitur, nisi persuasum esse ut sub Deo esse nollent, sed in sua potestate potius sine Domino, ut legem ejus non observarent, quasi invidentis sibi ne se ipsi regerent, non indigentes illius interno lumine, sed utentes propria providentia, quasi oculis suis, ad cognoscendum bonum et malum, quod ille prohibuisset? Hoc est ergo quod persuasum est, ut

suam potestatem nimis amarent, et cum Deo esse paravellent, illa medietate, per quam Deo subjecti erant, et corpora subiecta habebant, tanquam fructu arboris constitutæ in medio paradiſi, male uterentur, id est contra legem Dei; atque ita quod acceperant amitterent, dum id quod non acceperant, usurpare voluerunt. Non enim accepit hominis natura, ut per suam potestatem Deo non regente beata sit; quia nullo regente, per suam potestatem beatus esse solus Deus potest.

23. *Et vidit, inquit, mulier quia bonum est lignum ad escam; et quia bonum est oculis ad videndum, et cognoscendum.* Quomodo videbat, si clausi erant oculi? Sed hoc dictum est, ut intelligeremus eos oculos esse apertos, posteaquam de fructu illo acceperunt, quibus se nudos videbant, et displicebant sibi, id est oculos astutiæ, quibus simplicitas displicet. Cum enim quisque ceciderit ab illa intima et secretissima luce veritatis, nihil est unde velit placere superbia, nisi fraudulentis simulationibus. Hinc enim et hypocrisis nascitur, in qua multum sibi videntur cordati, qui potuerint fallere et decipere quem voluerint. Dedit enim mulier viro suo, et manducaverunt, et aperti sunt oculi eorum, de quibus jam dictum est; et tunc viderunt quod nudi essent, sed oculis perversis, quibus illa simplicitas quæ nuditatis nomine significata est, erubescenda videbatur. Itaque ut jam non essent simplices, fecerunt de foliis sici sibi succinctoria, tanquam tegentes pudenda sua, id est occultantes simplicitatem, de qua jam erubescerebatur astuta superbia. Folia vero sici pruritum queñdam significant, si hoc bene in rebus incorporeis dicitur, quem miris modis animus patitur cupiditate, et delectatione mentiendi. Unde etiam latine salsi dicuntur, qui jocari amant. In jocis autem utique simulatio principiatum tenet.

CAPUT XVI. — *Absconsio, ambulatio, percontatio quid signent.*

24. Itaque cum deambularet Deus in paradiſo ad vesperam, id est cum ad eos jam judicandos veniret, adhuc ante poenam eorum, deambulabat in paradiſo, id est, quasi movebatur in eis præsentia Dei, quando jam ipsi stabiles in ejus præcepto non erant; et bene ad vesperam, id est cum jam ab eis sol occideret, id est auferretur ab eis lux illa interior veritatis: audierunt vocem ejus, et absconderunt se a conspectu ejus. Quis se abscondit a conspectu Dei, nisi qui deserto ipso incipit jam amare quod suum est? Jam enim habebant cooperimenta mendacii: qui autem loquitur mendacium, de suo loquitur (*Joan.* viii, 44). Et ideo ad arborem se dicuntur abscondere, quæ erat in medio paradiſi, id est ad seipsum, qui in medio rerum infra Deum et supra corpora ordinati erant. Ergo ad seipsum absconderunt se, ut conturbarentur miseris erroribus, relieto lumine veritatis, quod ipsi non erant. Particeps enim veritatis potest esse anima humana: ipsa autem veritas Deus est incommutabilis supra illam. Ab ea ergo veritate quisquis aversus est, et ad seipsum conversus, et non de rectore atque illustratore Deo, sed de suis motibus quasi liberis exultat, tenebratur mendacio: quoniam qui loquitur mendacium, de suo

¹ In Er. Ven. Lov., sic et Ecclesiæ. M.

² Lov. hic et infra, scit. M.

loquitur; atque ita turbatur, et vocem illam prophete manifestat, qua dictum est, *Ad me ipsum anima nra turbata est* (*Psal. xlI, 7*). Itaque jam interrogatur Adam, non Deo nesciente ubi esset, sed cogente ad confessionem peccati: non enim et Dominus Jesus Christus tam multa quæ interrogabat, nesciebat. Respondit autem, voce ejus audita, abscondisse se, quoniam nudus esset. Jam miserrimo errore respondit, quasi Deo posset displicere nudus, sicut eum ipse fecerat. Est autem hoc erroris proprium, ut quod cuique displicet, hoc etiam Deo displicere arbitretur. Illud autem sublimiter intelligendum est quod Dominus ait: *Quis nuntiavit tibi quod nudus essem, nisi quia ab illa arbore de qua dixeram tibi, ex illa sola ne manducares, ex illa manducasti?* Nudus enim erat a simulatione, sed vestiebatur luce divina. Unde aversus et ad seipsum conversus, quod significat de illa arbore manducasse, nuditatem suam vidi, et displicuit sibi ex eo quod non habebat aliquid proprium.

CAPUT XVII. — *Rejectione culpæ et serpentis pœna.*

25. Deinde jam more superbiæ in se non accusat quod consensit mulieri, sed in mulierem refundit culpam suam; et sic subtiliter quasi de astutia quam miser conceperat, voluit ad ipsum Deum pertinere quod peccavit. Non enim ait, *Mulier dedit mihi*; sed addidit dicens, *Mulier quam dedisti mihi.* Nihil est autem tam familiare peccantibus, quam tribuere Deo velle undecumque accusantur: et hoc de illa vena superbiæ, ut quoniam sic homo peccavit cum vult esse par Deo, id est liber esse ab ejus dominio, sicut ille ab omni dominio liber est, quoniam ipse est Dominus omnium; quoniam in majestate par illi esse non potuit, jam lapsus et jacens in peccato suo, parem sibi eum facere conetur. Vcl potius illum vult ostendere peccasse, se autem esse innocentem. Et mulier interrogata refert culpam in serpentem: quasi aut ille sic accepérat uxorem ut ei obtemperaret, et non potius ut ipsam sibi obtemperare faceret; aut illa non poterat Dei præceptum potius custodire, quam verba serpentis admittere.

26. Jam serpens non interrogatur, sed prior exceptit pœnam, quia nec confiteri peccatum potest, nec habet omnino unde se excusat. Non autem nunc ea damnatio diaboli dicitur, quæ ultimo judicio reservatur, de qua loquitur Dominus cum dicit, *Ite in ignem æternum, qui præparatus est diabolo et angelis ejus* (*Matth. xxv, 41*); sed ea poena ejus dicitur, qua nobis cavendus est. Poena enim ejus est, ut in potestate habeat eos qui Dei præcepta contemnunt. Hoc enim explicatur his verbis, quibus in eum profertur sententia: et inde major pœna est, quia de hac tam infelici potestate latetur, qui solebat antequam caderet, de sublimi veritate gaudere in qua non stetit. Et ideo illi etiam pecora præponuntur, non in potestate, sed in conservatione¹ naturæ suæ: quia pecora non amiserunt beatitudinem aliquam cœlestem, quam nunquam

¹ Editi Am. Er. et duo MSS., *conversione*. Lov., aliquot etiam suffraganibus MSS., *conversione*. Sed melius Regius codex aliisque duo, *conservatione*.

habuerunt, sed in sua natura quam acceperunt per agunt vitam. Dicitur ergo huic: *Pectore et ventre repes.* Quod quidem et in colubro animadvertisit, et ex illo animante visibili ad hunc invisibilem inimicum nostrum locutio figuratur. Nomine enim pectoris, significatur superbia, quia ibi dominatur impetus animi: nomine autem ventris, significatur carnale desiderium, quia hæc pars mollior sentitur in corpore. Et quia his rebus ille serpit ad eos quos vult decipere; propterea dictum est, *Pectore et ventre repes.*

CAPUT XVIII. — *Serpentis cum Eva inimicitia.*

27. Et terram, inquit, manducabis omnibus diebus vita tuæ: id est omnibus diebus quibus agis hanc protestatem, ante illam ultimam pœnam judicii; hæc enim vita ejus videtur, de qua gaudet atque gloriatur. Terram ergo manducabis, duobus modis intelligi potest: vel ad te pertinebunt, quos terrena cupiditate deceperis, id est peccatores, qui terræ nomine significantur; vel certe genus tertium tentationis his verbis figuratur, quod est curiositas. Terram enim qui manducat, profunda et tenebrosa penetrat, et tamen temporalia atque terrena.

28. Non autem inimicitiae ponuntur inter ipsum et virum, sed inter ipsum et mulierem. Namquid quia viros non decipit et tentat? Sed manifestum est quod decipit. An quia ipsum Adam non decepit, sed mulierem ejus? Sed numquid propterea non est inimicus ejus, ad quem pervenit per mulierem suam illa deceptio, maxime quia de futuro jam dicitur, *Inimicitias ponam inter te et mulierem?* Si autem quod non deinceps decepit Adam, nec ipsam Eam deinceps decepit. Quare ergo ita dicitur, nisi quia hic manifeste ostenditur non posse nos a diabolo tentari, nisi per illam animalem partem, quæ quasi mulieris imaginem vel exemplum in uno ipso homine ostendit, de qua superioris jam multa diximus? Quod autem etiam inter semen diaboli, et semen mulieris ponuntur inimicitiae, significatur semine diaboli perversa suggestio; semine autem mulieris, fructus boni operis, quo perverse suggestioni resistit. Et ideo observat ipse plantam mulieris, ut si quando in illicita labitur delectatio¹, tunc illam capiat: et illa observat caput ejus, ut eum in ipso initio malæ suasionis excludat.

CAPUT XIX. — *De pœnis mulieri infictis.*

29. Jam de pœna mulieris nulla quæstio est: manifeste enim multiplicatos dolores habet, atque suspiria in hujus vita calamitatibus; et quod in doloribus pariat filios, quamvis et in ista visibili muliere compleatur, tamen ad illam secretiorem consideratio revocanda est. Nam et in pecoribus feminæ cum dolore pariunt filios, et hæc est in illis mortalitatis conditio potius quam pœna peccati. Potest ergo fieri ut etiam in feminis hominibus mortalium corporum sit ista conditio. Sed hoc est magnum supplicium, quod ad istam corporum mortalitatem ex illa immortalitate venerunt. Verumtamen magnum sacramentum

¹ MSS. non pauci habent: *Si quando illicita elabitur delectatio.*

est hujus sententia, quod nulla abstinencia sit a voluntate carnali, quae non habeat in exordio dolorem, donec in meliorem partem consuetudini flectatur. Quod cum provenerit, quasi natus est filius, id est ad bonum opus paratus est affectus per consuetudinem bonam. Quae consuetudo ut nasceretur, cum dolore reluctatum est consuetudini male. Nam et illud quod post partum dictum est¹, *Erit tibi conversio ad virum tuum, et ipse tui dominabitur*; nonne multæ ac prope omnes mulieres absentibus viris suis pariunt, et post partum se ad illos non convertunt? Quæ autem superbæ sunt mulieres, et dominantur viris, numquid post partum carent hoc vitio, ut viri earum dominantur? Imo quasi dignitatem sibi additam credunt, quod matres sunt, et plerumque superbiores existunt. Quid sibi ergo vult, quod posteaquam dictum est, *In doloribus paries filios, additum est, et erit tibi conversio ad virum tuum, et ipse tui dominabitur; nisi quia illa pars animæ, que carnibus gaudiis tenetur, cum aliquam malam consuetudinem volens vincere, passa fuerit difficultatem ac dolorem, atque ita pepererit consuetudinem bonam, cautius jam et diligentius rationi obtemperat tanquam viro; et ipsis quasi erudita doloribus convertitur ad rationem, et libenter servit jubenti, ne iterum in aliquam perniciosa consuetudinem defluat?* Ista ergo que videntur maledicta, præcepta sunt, si non carnaliter spiritualia legamus. Lex enim spiritualis est (*Rom. vii, 14*).

CAPUT XX. — *De viri pœna.*

50. Item de sententia ista quæ prolata est in ipsum virum, quid dicemus? Numquid forte divites, quibus provenit facillimus victus, neque in terra operantur, evasisse istam pœnam existimandi sunt, qua dicitur: *Maledicta terra erit tibi in omnibus operibus tuis; in tristitia et gemitu tuo manducabis ex ea omnibus diebus vitæ tuæ. Spinas et tribulos pariet tibi, et edes pabulum agri tui: in sudore vultus tui edes panem tuum, donec revertaris in terram, ex qua sumptus es; quia terra es, et in terram ibis?* Sed certe illud manifestum est, quod nemo evadat istam sententiam. Hoc ipsum enim² quod in hac vita quisque natus, difficultatem inveniendæ veritatis habet ex corruptibili corpore (sicut enim Salomon dicit, *Corpus quod corruptitur aggravat animam, et deprimit terrena inhabitationem sensum multa cogitantem* [*Sap. ix, 15*]), ipsi sunt labores et tristitia quas habet homo ex terra; et spinæ ac tribuli sunt punctiones tortuosarum quæstionum, aut cogitationes de provisione hujus vitæ: quæ pleruinque, nisi extirpenatur et de agro Dei præjiciantur, suffocant verbum, ne fructificet in homine, sicut Dominus in Evangelio dicit (*Marc. iv, 18, 19*). Et quoniam necessitate jam per hos oculos et per has aures de ipsa veritate admonemur, et difficile est resistere phantasmatisbus quæ per istos sensus intrant in animam, quamvis per illos intret etiam ipsa admonitio

¹ Sic Am. Er. et MSS. potiores. At Lov. habet: *Quod post de partu dictum est. MSS. sex, quod de partu, etc.*

² Lov.: *Hoc ipsum enim erit ei timendum, quod in hac vita, etc.* Removenda curavimus haec verba, *erit ei timendum, quibus antiquiores editiones et MSS. undecim carent.*

veritatis; in ista ergo perplexitate, cuius vultus non sudet ut manducet panem suum? quod omnibus diebus vita nostræ passuri sumus, id est hujus vita quæ transitura est. Et hoc illi dictum est, qui coluerit agrum suum, quia ista patitur donec revertatur in terram, ex qua sumptus est, id est, donec finiat vitam istam. Qui enim coluerit agrum istum interius, et ad panem suum quamvis cum labore pervenerit, potest usque ad finem vitæ hujus hunc labore pati: post hanc autem vitam non est necesse ut patiatur. Sed qui forte agrum non coluerit, et spinis eum opprimi permiserit, habet in hac vita maledictionem terræ suæ in omnibus operibus suis, et post hanc vitam habebit, vel ignem purgationis vel pœnam æternam. Ita nemo evadit istam sententiam: sed agendum est ut saltiem in hac tantum vita sentiatur.

CAPUT XXI. — *Quare post transgressionem Adam vitam vocaverit ipsam Eam: et de pellicearum tunicarum significatione.*

51. Quem autem non moveat, quod post peccatum et sententiam judicis Dei vocat Adam mulierem suam, Vitam, quia vivorum ipsa sit mater, posteaquam meruit mortem, et mortales fetus parere destinata est; nisi quia illos fetus attendit Scriptura, quos cum in doloribus pepererit, sicut illi conversio ad virum suum, et ejus ipse dominabitur? De quibus fetibus superioris dictum est. Sic enim est illa vita materque vivorum. Nam vita quæ in peccatis est, mors appellari in Scripturis solet, sicut Apostolus dicit mortuam esse viduam quæ in deliciis vivit (*I Tim. v, 6*): et mortui nomine peccatum ipsum significari legimus, ubi dictum est, *Qui baptizatur a mortuo, et iterum tangit illum, quid proficit in lavacro suo?* Sic et qui jejunal super peccata sua, et iterum ambulans hæc eadem facit (*Eccli. xxxiv, 30, 31*). Pro peccato enim mortuum posuit, abstinentiam vero jejuniūque a peccato, tanquam baptismum, hoc est mundationem³ a mortuo: iterum autem redire ad peccatum, tanquam iterum tangere mortuum. Quare ergo non animalis illa pars nostra, que tanquam viro debet obtemperare rationi, cum per ipsam rationem de verbo vitæ recte vivendi sarcinam conceperit, appelletur vita; et cum parturitione abstinentia, quamvis cum doloribus atque gemitibus, male consuetudini resistens, bonam consuetudinem ad recte facta pepererit, mater vivorum vocetur, id est recte factorum; quibus contraria sunt peccata, quæ nomine mortuorum significari posse docuimus⁴?

52. Nam illa mors, quam omnes qui ex Adavati sunt, corporis debere naturæ, quam minatus est Deus, cum præceptum daret ne arboris fructus ille ederetur; illa ergo mors in tunicis pellicéis signata est. Ipsi enim sibi fecerunt præcinctoria de foliis fici, et Deus illis fecit tunicas pelliceas: id est, ipsi appetiverunt mentiendi libidinem relicta facie veri-

³ Edili, inundationem; sed maluimus uti est in MSS. decem, mundationem.

⁴ Apud Er.: *Quare animalis... concepit, appellatur vita.. peperit, mater vivorum vocatur... docuimus. M.*

tatis, et Deus corpora eorum in istam mortalitatem carnis mutavit, ubi latent corda mendacia. Neque enim in illis corporibus cœlestibus sic latere posse cogitationes credendum est, quemadmodum in his corporibus latent: sed sicut nonnulli motus animorum apparent in vulto, et maxime in oculis, sic in illa perspicuitate ac simplicitate cœlestium corporum omnes omnino motus animi latere non arbitror. Itaque illi merebuntur habitationem illam et commutationem in angelicam formam, qui etiam in hac vita cum possint sub tunicis pelliceis occultare mendacia, oderunt tamen ea et cavent flagrantissimo amore veritatis, et hoc solum tegunt, quod ii qui audiunt, ferre non possunt; sed nulla mentiuntur. Veniet enim tempus ut nihil etiam contegatur: nihil est enim occultum quod non manifestabitur (*Matt. x, 26*). Tamdiu autem in paradiſo fuerunt isti, quamvis jam sub sententia damnantis Dei, donec ventum esset ad pelliceas tunicas, id est ad hujus vitæ mortalitatem. Quo enim majore indicio potuit significari mors quam sentimus in corpore, quam pellibus quæ mortuis percoribus detrahi solent? Itaque cum contra præceptum, non imitatione legitima, sed illicita superbia, Deus esse appetit homo, usque ad belluarum mortalitatem dejectus est.

33. Ideo sic illi lex divina insultat ore Dei; qua insultatione nos admonemur quantum possumus caveri superbiā.

CAPUT XXXII. — *Expulsio Adæ quid allegorice.*

Ecce Adam factus est tanquam unus ex nobis ad scientiam cognoscendi bonum et malum. Quæ ambigua locutio figuram facit: nam, factus est tanquam unus ex nobis, duplíciter intelligi potest: vel unus ex nobis quasi et ipse Deus, quod pertinet ad insultationem; sicut dicitur, unus ex senatoribus, utique senator: aut certe, quia et ipse deus esset, quamvis Creatoris sui beneficio, non natura, si sub ejus potestate manere voluisset, sic dictum est, ex nobis; quomodo dicitur, ex consulibus; aut, pro consulibus, qui jam non est. Sed ad quam rem factus est tanquam unus ex nobis? Ad scientiam scilicet cognoscendi boni et mali, ut iste per experimentum disceret dum sentit malum, quod Deus per sapientiam novit; et protestat illam Omnipotentis quam pati noluit beatus atque consentiens, pena sua discat esse inevitabilem.

34. *Et tunc ne porrigeret Adam manum suam ad arborem vitæ, et viveret in aeternum, dimisit illum Deus de paradiſo.* Bene dictum est, dimisit, non, exclusit; ut ipso peccatorum suorum pondere tanquam in locum sibi congruum videretur urgeri. Quod patitur plerumque malus homo cum inter bonos vivere coepit, si se in melius commutare noluerit: ex illa bonorum congregatione, pondere malec suac consuetudinis pellitur; et illi eum non excludunt reluctantem, sed dimittunt cūpientem. Quod autem dictum est, *Ne porrigeret Adam manum suam ad arborem vitæ*, etiam hæc ambigua locutio est. Loquimur enim sic, cum dicimus, ideo te moneo, ne iterum facias quod fecisti, volentes utique ut non faciat: et iterum sic, ideo te moneo,

ne forte sis bonus, volentes utique ut sit; id est, moneo te, non desperans quod bonus possis esse. Sic ut loquitur Apostolus, cum dicit: *Ne forte det illis Deus paenitentiam ad cognoscendam veritatem* (*Il Tim. ii, 25*), Potest ergo videri propterea homo in labores hujus vitæ esse dimissus, ut aliquando manum porrigit ad arborem vitæ, et vivat in aeternum. Manus autem porrectio bene significat crucem, per quam vita aeterna recuperatur. Quamvis etiam si illo modo intelligamus, *ne manum porrigit, et vivat in aeternum*, non injusta poena est post peccatum interclusum esse adiutum ad sapientiam, donec Dei misericordia mensuris temporum reviviscat qui mortuus est, et inveniatur qui perierat. Dimissus est ergo de paradiſo suavitatis, ut operaretur terram de qua sumptus erat; id est, ut in corpore isto laboraret, et ibi si posset collucaret sibi meritum redeundi. Moratus est autem contra paradiſum in miseria: quæ utique beatæ vitæ contraria est. Nam beatam vitam paradiſi nomine significatam existimo.

CAPUT XXXIII. — *Cherubim et flamea versatilis quid notent.*

35. *Posuit autem Deus Cherubim et flammeam flameam quæ versatur, quæ uno nomine versatilis dici potest, ad custodiendam viam arboris vitæ.* Sicut illi volunt qui hebreæ verba in Scripturis interpretati sunt, Cherubim latine Scientiæ plenitudo esse dicitur. Flamma vero flamea versatilis, temporales pœnae intelliguntur, quoniam tempora volubilitate versantur. Propterea ei flamma dicitur, quia urit quodammodo omnis tribulatio. Sed aliud est uri ad consumptionem, et aliud est uri ad purgationem. Nam et Apostolus dicit: *Quis scandalizatur, et ego non uror* (*Il Cor. xi, 29*)? Sed iste affectus purgabat eum magis, quia de charitate veniebat. Et illæ tribulationes quas justi patientur, ad istam pertinent flammeam flameam: *Quoniam in igne probatur aurum et argentum, et homines acceptabiles in camino humilationis* (*Eccli. ii, 5*). Et iterum: *Vasa figuli probat fornax, et homines iustos tentatio tribulationis* (*Id. xxvii, 6*). Quoniam ergo quem diligit Deus, corripit; et flagellat omnem filium quem recipit (*Hebr. xii, 6*); sicut dicit Apostolus, *Scientes quoniam tribulatio patientiam operatur, patientia autem probationem* (*Rom. v, 3, 4*), et legimus et audimus, et credendum est arborem vitæ, plenitudinem scientiæ et flammae flameam custodire¹. Nemo ergo potest pervenire ad arborem vitæ, nisi per hos duas, id est per tolerantiam molestiarum, et scientiæ plenitudinem.

36. Sed tolerantia molestiarum omnibus sere in hac vita subeunda est, tendentibus ad arborem vitæ: plenitudo autem scientiæ videtur paucioribus provenire; ut quasi non omnes qui perveniant ad arborem vitæ, per scientiæ plenitudinem veniant, quamvis omnes tolerantiam molestiarum, id est flammam flameam versatilem, sentiant. Sed si attenda-

¹ Lov., plenitudinem esse scientiæ, et flammae flameam custodiri. Sic etiam antiquiores editiones, nisi quod omitunt, esse. Sed ipsa orationis series probat legendum cum MSS., plenitudinem scientiæ, et flammae flameam custodire.

tur quod Apostolus dicit, *Plenitudo autem Legis, charitas* (*Rom. xiii, 10*) ; et videamus eamdem charitatem precepto illo gemino contineri, *Diliges Dominum Deum tuum ex toto corde tuo, et ex tota anima tua, et ex tota mente tua*; et, *Diliges proximum tanquam te ipsum*; in quibus duobus preceptis tota *Lex pendet*, et *Prophetæ* (*Matth. xxii, 37-40*): sine dubitatione intelligimus ad arborēm vitæ non solum per flammeā frameam versatilem, id est per tolerantiam temporalium molestiarum, sed etiam per plenitudinem scientiæ, id est per charitatem veniri; quia si charitatem, inquit, non habeam, nihil sum (*1 Cor. xiii, 2*).

CAPUT XXIV. — Adam Christus, Eva Ecclesia.

37. Sed in hoc sermone pollicitus sum considerationem rerum factarum, quam puto explicatam: et deinde considerationem prophetarum, quæ remanet explicanda jam breviter. Posito enim tanquam signo quodam manifesto quo cætera dirigantur, non diu nos, quantum arbitror, ista consideratio detinebit. Dicit enim Apostolus sacramentum magnum esse, quod dictum est, *Propter hoc relinquet homo patrem et matrem, et adhæredit uxori suæ; et erunt duo in carne una*: quod ipse interpretatur subjiciendo, *Ego autem dico in Christo et in Ecclesia* (*Ephes. v, 31, 32*). Ergo quod per historiam impletum est in Adam, per prophetiam significat Christum, qui reliquit patrem, cum dixit: *Ego a patre exivi, et veni in hunc mundum* (*Joan. xv, 28*). Non loco reliquit, quia Deus loco non continetur, neque aversione peccati, sicut apostatae relinquunt Deum; sed apprendo hominibus in homine, cum Verbum caro factum est, et habitavit in nobis (*Id. i, 14*). Quod ipsum non commutationem naturæ Dei significat, sed susceptionem nature inferioris personæ, id est humanae¹. Ad hoc valet etiam quod dicitur, *Semetipsum exinanivit* (*Philipp. ii, 7*); quia non in ea dignitate apparuit hominibus in qua est apud Patrem, blandiens eorum infirmitati, qui cor mundum nondum habebant, unde videretur Verbum in principio Deus apud Deum (*Joan. i, 1*). Quid est ergo quod diximus, reliquit Patrem, nisi, reliquit apparere hominibus sicut est apud Patrem? Hem reliquit et matrem, id est Synagogæ veterem atque carnalem observationem, quæ illi mater erat ex semine David secundum carnem, et adhæsit uxori suæ,

¹ Sic vulgati, quibus MSS. vix aliqui suffragantur. Nam Arnulfensis et Victorini duo vocem, personæ, omittunt: alii novem melioris note, et quibus est Theodericensis, Genniticensis, Pratellensis, Regio-Montensis, S. Audoeni Rothomagensis, Sorbonicus, unus S. Martini de Campis, et qui annos circiter mille prefert, quicque clime Veronensis ecclesiæ luit Regius codex, omisso verbo, naturæ, sic habent: *Sed susceptionem inferioris personæ, id est humanae*. Ita etiam tributa Bede collectio, ad cap. 5 Epist. ad Ephesios, tum in excusis, tum in Corbelensi codice sub nomine Flori manu descripto. Quod locutionis genus ea lege intelligentum, qua illud cum veteres dicunt Verbum suscepisse hominem, susceptione videlicet, ut Theologi aiunt, terminata ad hoc, ut Verbum ipsum suscipiens existat homo si jusque hominis, quæ est humana persona. Nam alias naturam hominis in persona unitatem a Verbo susceptam fuisse docet constanter Augustinus, cuius celebrior est illa sententia ex epist. 5, ad Volusianum: «Ita inter Deum et homines mediator apparuit, ut in unitate personæ copulans utramque naturam, et solita sublimaret insolitus, et insolita solitus temperaret.»

id est Ecclesiæ, ut sint duo in carne una. Dicit enim Apostolus ipsum esse caput Ecclesiæ, et Ecclesiam corpus ejus (*Coloss. i, 18*). Ergo et ipse soporatus est dormitione passionis, ut ei conjux Ecclesia formaretur, quam dormitionem cantat per prophetam dicens: *Ego dormiri, et somnum cepi; et exsurrexi, quoniam Dominus suscepit me* (*Psal. iii, 6*). Formata est ergo ei conjux Ecclesia de latere ejus, id est de fide passionis et Baptismi. Nam percussum latus ejus lancea, sanguinem et aquam profudit (*Joan. xix, 34*). *Factus autem, ut supra dixi, ex semine David secundum carnem*, sicut Apostolus dicit (*Rom. i, 5*), id est tanquam de limo terræ, cum homo non esset qui operaretur in terra, quia nullus homo operatus est in Virgine, de qua natus est Christus. *Fons autem ascendebat de terra, et irrigabat omnem faciem terræ*. Facies terræ, id est dignitas terræ, mater Domini virgo Maria rectissime accipitur, quam irrigavit Spiritus sanctus, qui fontis et aquæ nomine in Evangelio significatur (*Joan. vii, 38, 39*); ut quasi de limo tali homo ille fieret², qui constitutus est in paradyso, ut operaretur et custodiret, id est in voluntate Patris, ut eam impletatque servaret.

CAPUT XXV. — Hæretici et Manichæi maxime, per serpentem designati.

38. Nam preceptum quod accepit, nos accepimus in illo, quia unusquisque christianus non incongrue sustinet personam Christi, dicente ipso Domino: *Quod fecistis uni ex minimis meis, mihi fecistis* (*Matth. xxv, 40*). Atque utinam frueremur, sicut est preceptum, omni ligno paradisi, quod significat spirituales delicias; *Fructus autem spiritus est, charitas, gaudium, pax, longanimitas, benignitas, bonitus, fides, mansuetudo, continentia*, sicut Apostolus dicit (*Galat. v, 22, 23*): et non tangeremus lignum in medio paradisi plantatum scientiæ boni et mali, id est non vellemus superbire de natura nostra, quæ, sicut iam diximus, media est, ut decepti experiremur quid intersit inter simplicem fidem catholicam, et fallacias hæreticorum! ita enim pervenimus ad conscientiam boni et mali. *Nam oportet, inquit, etiam hæreses esse, ut probuti manifesti fiant inter vos* (*1 Cor. xi, 19*). Etenim serpens ille secundum prophetiam, hæreticorum venena significat, et maxime istorum Manichæorum, et qui-cumque Veteri Testamento adversantur. Non enim aliquid manifestius prænuntiatum arbitror, quam istos in illo serpente, vel potius illum in ipsis esse vitandum. Nulli enim loquacius atque jactantius proumittunt scientiam boni et mali; et in ipso homine, tanquam in arbore quæ plantata est in medio paradisi, eam conscientiam demonstraturos se esse presument. Et etiam illud quod dictum est, *Eritis sicut dei*, qui alii magis dicunt quam isti, qui per suam superbiam vanitatem, eamdem superbiam persuadere co[n]antes, affirmant animam naturaliter hoc esse quod Deus est? Et ad quos magis pertinet apertio carnarium oculorum, quam ad istos qui relicta interiore

² Ita MSS. At excusi habent, ut qualis de limo terræ, talis homo ille fieret.

ssipientiae luce solem istum, qui pertinet ad oculos corporis, adorare compeliunt? Et omnes quidem haeretici generaliter scientie pollicitatione decipiunt, et reprehendunt eos quos simpliciter credentes invenerint; et quia omnino carnalia persuadent, quasi ad carnalium oculorum apertio[n]em conantur adducere, ut interior oculus exaceretur.

CAPUT XXVI. — Serpens haereticus Manichaeus.

Sed istis etiam corpora sua displicant, non propter paenalem mortalitatem, quam peccando meruimus; sed ita ut negent Deum esse corporum conditorem, tanquam aperi[t]is oculis carneis nuditas ista displiceat.

39. Sed nihil vehementius istos designat et notat, quam quod dicit serpens: *Non morte moriemini: sciebat enim Deus quoniam qua die ederitis, aperientur oculi vestri.* Sic enim isti credunt, quod serpens ille Christus fuerit, et deum nescio quem gentis tenebrarum, sicuti affirmant, illud praeceptum dedisse consingunt, tanquam invidiceret hominibus scientiam boni et mali. Ex ista opinione etiam nescio quos serpentinos natos esse arbitror, qui serpentem pro Christo colere dicuntur(a), nec attendunt Apostolum qui ait: *Meluo ne sicut serpens Evans seduxit astutia sua, sic et sensus vestri corruptantur* (II Cor. xi, 3). Hos ergo per istam prophetiam praesiguratos esse existimo. Seducitur autem verbis hujus serpentis carnalis nostra concupiscentia, et per illam decipitur Adam, non Christus, sed Christianus: qui si praeceptum Dei servare vellet, et ex fide perseveranter viveret, donec idoneus fieret intelligentiae veritatis, id est, si operaretur in paradiſo, et custodiret quod accepit; non veniret in illam deformitatem, ut cum sibi displiceret caro quasi nuditas sua, carnalia magis tegumenta mendaciorum, tanquam folia fici colligeret, quibus sibi facheret succinctorium. Illoc enim isti faciunt, cum de Christo mentiuntur, et ipsum mentitum esse prædicant; et tanquam abscondunt se a facie Dei, ad sua mendacia ab illius veritate conversi, sicut Apostolus dicit: *Et a veritate quidem auditum suum avertent, ad fabulas autem convertentur* (II Tim. iv, 4).

40. Et ille quidem serpens, id est ille error haereticorum, qui tentat Ecclesiam, contra quem incantat¹ Apostolus, cum dicit, *Meluo ne sicut serpens Evans seduxit astutia sua, sic et sensus vestri corruptantur;* ille ergo error pectore et ventre serpit, et terram manducat. Non enim decipit, nisi aut superbos, qui sibi arrogantes quod non sunt, cito credunt quod summi Dei et animæ humanæ una eademque natura sit; aut desiderios carnalibus implicatos, qui libenter audiunt quod quidquid lascive faciunt, non ipsi faciunt, sed gens tenebrarum; aut curiosos, qui terrena sapient, et spiritualia terreno oculo inquirunt. Erunt autem inimicities inter istum et mulierem, et inter semen ejus, et semen mulieris, si pariat ista filios quamvis cum doloribus, et se ad virum suum convertat, ut ejus ipse dominetur. Tunc enim potest cognosci non aliam

partem in nobis pertinere ad auctorem Deum, et aliam ad gentem tenebrarum, sicut isti dicunt; sed potius et illud quod regendi habet potestatem in homine, et illud inferius quod regendum est, ex Deo esse, sicut dicit Apostolus: *Vir quidem non debet velare caput, cum sit imago et gloria Dei; mulier autem gloria viri est. Non enim vir ex muliere, sed mulier ex viro: ceterum non creatus est vir propter mulierem, sed mulier propter virum; propterea debet habere velamen mulier super caput, propter Angelos.* Verumtamen neque mulier sine viro, neque vir sine muliere in Domino: *sicut enim mulier ex viro, ita et vir per mulierem; omnia autem ex Deo* (I Cor. xi, 7-12).

CAPUT XXVII. — Adæ lapsus et pœna allegorice.

41. Laboret jam Adam in agro suo, et quod spinas et tribulos ei parit terra, intelligat non naturæ esse, sed pœnæ; et hoc non nescio cui genti tenebrarum, sed divino iudicio tribuat: quia moderum iustitia est sua cuique tribuere. Ipse det mulieri escam coelestem, quam accepit a capite suo, qui est Christus: non ab illa accipiat vetitum cibum, id est haereticorum fallaciam cum magna pollicitatione scientię, et quasi secretorum adapertio[n]em, quo fiat ad decipiendum error ipse conditior. Haereticorum quippe superba et curiosa cupiditas in libro Proverbiorum clamat sub mulieris imagine, et dicit, *Qui stultus est, divertat ad me: et inopes sensu exhortatur, dicens, Panes occultos edite libenter, et aquam dulcem furtivam bibite* (Prov. ix, 16, 17). Et necesse est tamen, cum et illa quisque crediderit, precedente libidine mentiendi, qua Christum mentitum esse credit, accipiat etiam tunicam pelliceam divino iudicio. Quo nomine mihi videtur in prophetia significari non corporis mortalitas, quæ significatur in historia, de qua jam tractatum est; sed de carnalibus sensibus attracta phantasma, quæ carnaliter mentiente divina lege consequuntur et contingunt: atque ita de paradiſo, id est de catholica fide et veritate, dimittitur, habitaturus contra paradiſum, id est eidem fidei contradicturus. Qui si aliquando se ad Deum converterit per flammeam frameam, id est per temporales tribulationes, sua peccata cognoscendo et gemendo, et non jam extraneam naturam, quæ nulla est, sed seipsum accusando, ut ipse veniam mereatur¹; et per plenitudinem scientiarum, quæ est charitas, diligendo Deum, qui supra omnia est incomparabilis, et diligendo ex toto corde, et ex tota anima, et ex tota mente; et diligendo proximum tanquam seipsum, perveniet ad arborem vitæ, et vivet in aeternum.

CAPUT XXVIII. — Per epilogum singulas refellit Manichæorum calumnias.

42. Quid habent ergo isti, quod in his litteris Veteris Testamenti reprehendant? Interrogent secundum morem suum, et respondeamus sicut Dominus donare dignatur. Quare fecit Deus hominem, inquit, quem peccaturum sciebat? Quia et de peccante multa bona facere poterat, ordinans eum secundum moderam*ca*

¹ Editi, clamat; pro quo ex MSS. restituimus *incantat.*
(a) Ophitæ.

¹ Editi, per conversionem veniam, etc. At MSS. non habent, per conversionem.

justitiae suae, et quia nihil operat Dominus peccatum ejus: et sive non peccaret, mors nulla esset; sive quia peccavit, alii mortales de peccato ejus corriguntur. Nihil enim sic revocat homines a peccato, quemadmodum imminentis mortis cogitatio¹. Sic eum faceret, inquiunt, ut non peccaret. Imo ipse hoc faceret; sic enim factus est, ut si noluisset, non peccaret. Non admitteretur, inquiunt, diabolus ad ejus mulierem. Imo ipsa ad se diabolum non admitteret; sic enim facta est, ut si noluisset, non admitteret. Non fieret, inquiunt, mulier. Hoc est dicere, non fieret bonum: quia et ipsa utique aliquod bonum est, et tantum bonum, ut Apostolus eam gloriam viri esse dicat; et omnia ex Deo. Iterum dicunt: Quis fecit diabolum? Se ipse; non enim natura, sed peccando diabolus factus est. Vel ipsum, aiunt, non faceret Deus, si eum peccaturum esse sciebat. Imo, quare non faceret, cum per suam justitiam et providentiam multos de malitia diaboli corrigit? An forte non audistis apostolum Paulum dicentem, *Quos tradidi Satanae, ut discant non blasphemare* (*I Tim. i, 20*)? et de seipso dicit, *Et ne magnitudine revelationum extollerat, datus est mihi stimulus carnis, angelus Satanae qui me colaphizet* (*II Cor. xii, 7*). Ergo, inquiunt, bonus est diabolus, quia utilis est? Imo malus in quantum diabolus est; sed bonus et omnipotens Deus est, qui etiam de malitia ejus multa iusta ei bona operatur. Non enim diabolo imputatur, nisi voluntas sua, qua conatur facere male, non Dei providentia, quae de illo bene facit.

CAPUT XXIX. — *Confert Ecclesiae dogmata cum Manichaeorum erroribus.*

43. Postremo, quoniam cum Manicheis nobis de religione quæstio est, quæstio autem religionis est, quid de Deo pie sentiatur, quoniam negare non possunt in miseria peccatorum esse genus humanum; illi dicunt naturam Dei esse in miseria: nos negamus, sed dicimus eam naturam esse in miseria, quam de

¹ In Regio codice et sex aliis melioris notæ deest hæc sententia: *Nihil enim sic revocat homines a peccato, quemadmodum imminentis mortis cogitatio.*

nihilo fecit Deus, et ad hoc venisse non coactam, sed voluntate peccandi. Illi dicunt naturam Dei cogi ab ipso Deo ad pœnitentiam peccatorum: nos negamus, sed dicimus eam naturam quam Deus fecit de nihilo, posteaquam peccavit cogi ad pœnitentiam peccatorum. Illi dicunt naturam Dei ab ipso Deo accipere veniam: nos negamus, sed dicimus eam naturam quam fecit Deus de nihilo, si se a peccatis suis ad Deum suum converterit, accipere veniam peccatorum. Illi dicunt naturam Dei necessitate esse mutabilem: nos negamus, sed dicimus eam naturam quam Deus fecit de nihilo, voluntate esse mutatam. Illi dicunt naturæ Dei nocere aliena peccata: nos negamus, sed dicimus nulli naturæ nocere peccata, nisi sua (a); et Deum dicimus tantæ bonitatis esse, tantæ justitiae, tantæ incorruptionis, ut neque peccet, neque ipse alicui noceat, qui peccare noluerit, nec ipsi aliquis qui peccare voluerit. Illi dicunt esse naturam mali cui Deus coactus est naturæ suæ partem dare cruciandum: nos dicimus nullum malum esse naturale¹ (b), sed omnes naturas bonas esse, et ipsum Deum summam esse naturam, cæteras ex ipso esse naturas: et omnes bonas in quantum sunt, quoniam fecit Deus omnibus bona valde, sed distinctionis gradibus ordinata, ut sit aliud alio melius; atque ita omni genere bonorum universitas ista compleatur, quæ quibusdam perfectis, quibusdam imperfectis, tota perfecta est, quam Deus effector conditorque ejus justo moderamine administrare non cessat; qui omnia bona facit voluntate, nihil mali patitur necessitate. Cujus enim voluntas superat omnia, nulla ex parte quidquam sentit invitus. Cum ergo illa illi, et nos ista dicimus, unusquisque eligat quid sequatur. Ego enim, quod bona side coram Deo dixerim, sine ullo studio contentionis, sine aliqua dubitatione veritatis, et sine aliquo præjudicio diligentioris tractationis, quæ mihi videbantur exposui.

¹ Editi, *malum esse naturæ*. Porro MSS. hic et in libro primo Retractionum, cap. 10, n. 3, habent, *naturale*.

(a) I Retract. cap. 10, n. 3.

(b) Ibid.

De subseciente libro vide lib. 1, cap. 18, Retractionum, col. 613, a verbis, Cum de Genesi, usque ad col. 614, verbis, Quærendo tractandum est. M.

S. AURELII AUGUSTINI HIPPONENSIS EPISCOPI DE GENESI AD LITTERAM IMPERFECTUS LIBER^(a).

~~~~~

Tractatur initium Geneseos usque ad hunc versiculum 26: *Faciamus hominem ad imaginem, etc.*

CAPUT PRIMUM. — 1. De obscuris naturalium rerum, quæ omnipotente Deo artifice facta sentimus,

ADMONITIO PP. BENEDICTINORUM.

Hunc librum jam halles suis, quibus ante scatebat, mendis purgatum ope Vaticani MS., præter quem etiam in hanc rem exhibuit editiones Am. Er. et Lov.

*Comparavimus præterea eas omnes editiones initio Retr. et Confess., t. 1, memoratas. M.*

(a) Hunc librum anno fere 393 adscriendum putamus, propter quod ab Augustino in Retractionibus collocatum proxime post opusculum sive sermonem, quæ de fide et symbolo habuit in Hipponensi concilio predicti anni 393.

tas, in quibus temeritas asserendæ incertæ dubiaque opinionis, difficile sacrilegli crimen evitat: ea tamen querendi dubitatio catholica fidei metas non debet excedere. Et quoniam multi haeretici ad suam sententiam, quæ præter fidem est catholicæ disciplinæ, expositionem Scripturarum divinarum trahere conseruerant; ante tractationem hujus libri catholica fides breviter explicanda est.

2. Est autem hæc: Deum Patrem omnipotentem universam creaturam fecisse atque constituisse per Filium suum unigenitum, id est Sapientiam et Virtutem suam consubstantialem sibi et coeternam, in unitate Spiritus sancti, et ipsius consubstantialis et coeterni. Hanc ergo Trinitatem dici unum Deum, eumque fecisse et creasse omnia quæ sunt, in quantum sunt, catholica disciplina credi jubet; ita ut creatura omnis sive intellectualis sive corporalis, vel quod brevius dici potest secundum verba divinarum Scripturarum, sive invisibilis sive visibilis, non de Dei natura<sup>1</sup>, sed a Deo sit facta de nihilo: nihilque in ea esse quod ad Trinitatem pertineat, nisi quod Trinitas condidit, ista condita est. Quapropter creaturam universam neque consubstantialem Deo, neque coeternam fas est dicere aut credere.

3. Ecce autem omnia quæ fecit Deus, bona valde: mala vero non esse naturalia; sed omne quod dicitur malum, aut peccatum esse, aut pœnam peccati. Nec esse peccatum nisi pravum liberæ voluntatis assensum, cum inclinamur ad ea quæ justitia vetat, et unde liberum est abstinere; id est, non in rebus istis, sed in usu earum non legitimo. Usus autem rerum est legitimus, ut anima in lege Dei maneat, et uni Deo plenissima dilectione subjecta sit, et cætera sibi subjecta sine cupiditate aut libidine ministret, id est secundum præceptum Dei. Ita enim sine difficultate et miseria, et cum summa facilitate et beatitudine administrabit. Pœna vero peccati est, cum ipsis creaturis non sibi servientibus cruciatur anima, cum Deo ipsa non servit: quæ creatura illi obtemperabat, cum ipsa obtemperabat Deo. Itaque non esse ignem malum, quia creatura Dei est; sed tamen ulti eo imbecillitatem nostram ex merito peccati. Dici autem peccata naturalia, quæ necesse est committi ante misericordiam Dei, postquam in hanc vitam per peccatum liberi arbitrii lapsi sumus.

4. Renovari autem hominem per Jesum Christum Dominum nostrum, cum ipsa ineffabilis ac incommutabilis Dei Sapientia plenum totumque hominem suscipere dignata est, et nasci de Spiritu sancto et virginie Maria; crucifigi, sepeliri, et resurgere, et ascendere in cœlum, quod jam factum est; et venire ad judicandos vivos et mortuos in fine sæculi, et resurrectionem mortuorum in carne, quod adhuc futurum prædicator. Datum esse Spiritum sanctum creditibus in eum. Constitutam ab illo matrem Ecclesiam, quæ Catholica dicitur, ex eo quia universaliter perfecta est, et in nullo claudicat, et per totum orbem diffusa est. Remissa esse pœnitentibus priora peccata, et vi-

<sup>1</sup> Ms. Vatic., non de Deo natâ.

tam æternam cœlorumque regnum promissum.

CAPU' II. — 5. Secundum hanc fidem quæ possunt in hoc libro quereri et disputari, considerandum est. In principio fecit Deus cœlum et terram. Quatuor modi a quibusdam Scripturarum tractatoribus traduntur Legis exponendæ, quorum vocabula enuntiari græce possunt, latine autem definiri et explicari<sup>1</sup>: secundum historiam, secundum allegoriam, secundum analogiam, secundum ætiologiam. Historia est, cum sive divinitus, sive humanitus res gesta commemoratur. Allegoria, cum figurate dicta intelliguntur. Analogia, cum Veteris et Novi Testamentorum congruentia demonstratur. Ætiologia, cum dictorum factorumque cause redduntur.

CAPUT III. — 6. Illoc ergo quod scriptum est, In principio fecit Deus cœlum et terram, queri potest utrum tantummodo secundum historiam accipendum sit, an etiam figurate aliquid significet, et quomodo congruat Evangelio, et qua causa liber iste sic inchoatus sit. Secundum historiam autem queritur quid sit In principio, id est, utrum in principio temporis, an in principio in ipsa Sapientia Dei, quia et ipse Dei Filius principium se dixit, quando ei dictum est, Tu quis es; et dixit, Principium quod et loquor vobis (Joan. VIII, 25). Est enim Principium sine principio, et est Principium cum alio principio. Principium sine principio solus Pater est, ideo ex uno principio esse omnia credimus: Filius autem ita Principium est, ut de Patre sit. Ipsa etiam prima creatura intellectualis potest dici principium iis quibus caput est, quæ fecit Deus. Cum enim recte appelletur principium caput, in illa gradatione Apostolus mulierem tamen non dixit caput alicujus. Nam et virum dixit caput mulieris, et caput viri Christum, et caput Christi Deum (I Cor. xi, 3): ita Creatori creatura subiectur.

7. An ideo In principio dictum est, quoniam primum factum est? An non potuit inter creaturas primum fieri cœlum et terra, si Angeli et omnes intellectuales Potestates primum factæ sunt? Quia et Angelos creaturam Dei, et ab eo factos credamus necesse est. Nam et Angelos enumeravit propheta in centesimo quadragesimo octavo psalmo cum dixit: Ipse jussit, et facta sunt; ipse mandavit, et creata sunt (Psal. cxlviii, 5). Sed si primum facti sunt Angelii, quæ i potest utrum in tempore facti sunt, an ante omne tempus, an in exordio temporis. Si in tempore, jam erat tempus antequam Angeli fierent; et quoniam etiam tempus ipsum creatura est, incipit necesse esse ut aliquid priusquam Angelos factum accipiamus. Si autem in exordio temporis factos dicimus, ut cum ipsis cœperit tempus, dicendum est falsum esse quod quidam volunt, cum cœlo et terra<sup>2</sup> tempus esse cœpisse.

8. Si autem prius quam tempus, Angeli facti sunt, querendum est quomodo dictum sit in consequentiis: Et dixit Deus, Fiant luminaria in firmamento

<sup>1</sup> Aliquot hic verba restituuntur, aliisque passim redintegrant loci ope Vaticanani codicis; quod uniuersum exemplarum huius operis manu exaratum nancisci potuitinus.

<sup>2</sup> Sic Ms. Vatic. At vulgati, ante cœlum et terram.

*cœli, ut luceant super terram, et dividant inter noctem et diem; et sint in signa, et tempora, et dies, et annos.* Illic enim potest videri tunc coepita esse tempora, cum cœlum et luminaria cœli ordinatis itineribus currere cœpissent: quod si verum est, quomodo potuerunt dies esse antequam tempus esset, si a cursu luminarium tempus exorsum est, quæ quarto die dicuntur esse facta? An ista dierum digestio secundum consuetudinem humanæ fragilitatis ordinata est lege narrandi et humilibus humiliiter insinuandi sublimia, qua et ipse sermo narrantis non potest nisi aliqua habere et prima et media et ultima? An in temporibus istis dictum est ut essent luminaria, quæ tempora homines intervallis morarum in corporis motione metiuntur? Hæc enim tempora, si nullus motus corporum esset, nulla essent, et ipsa sunt hominibus manifestiora. Quod si admittiimus, querendum est utrum præter motum corporum possit esse tempus in motu incorporeæ creaturæ, veluti est anima vel ipsa mens; quæ utique in cogitationibus movetur, et ipso motu aliud habet prius, aliud posterius, quod sine intervallo temporis intelligi non potest. Quod si accipimus, etiam ante cœlum et terram potest intelligi tempus fuisse, si ante cœlum et terram facti sunt Angeli. Erat enim jam creatura quæ motibus incorporeis tempus ageret: et recte intelligitur cum illa etiam tempus esse, ut in anima quæ per corporeos sensus corporeis motibus assuefacta est. Sed fortasse non est in principiis et creaturis supremoentibus. Sed quoquo modo hoc se habeat (res enim secretissima est, et humanis conjecturis impenetrabilis), illud certe accipiendum est in fide, etiamsi modum nostræ cogitationis excedit, omnem creaturam habere initium; non ipiusque ipsum creaturam esse, ac per hoc ipsum habere initium, nec coeterum esse Creatori.

9. Potest etiam cœlum et terra pro universa creatura positum videri, ut et hoc visibile æthereum firmamentum, cœlum appellatum sit, et illa creatura invisibilis supereninentium Potestatum; rursusque terra, omnis inferior pars mundi, cum animalibus quibus inhabitatur. An cœlum omnis creatura sublimis atque invisibilis dicta est, terra vero omne visibile, ut etiam sic possit hoc quod dictum est, *In principio fecit Deus cœlum et terram*, universa creatura intelligi? Fortasse quippe non incongrue in comparatione invisibilis creaturæ, omne visibile terra dicitur, ut illa cœli nomine nuncupetur. Quoniam et anima quæ invisibilis est, cum rerum visibilium amore tumesceret, et earum adceptione extolleretur, terra dicta est, sicut scriptum est. *Quid superbit terra et cœlis* (*Ecli. x, 9*)?

10. Sed quæri potest utrum jam distincta et composita omnia dixerit cœlum et terram, an ipsam primo informem universitatis materiem, quæ in has formatas et speciosas naturas Deo ineffabiliter jubente digesta est, cœli et terræ nomine nuncupaverit. Quanquam enim scriptum legerimus, *Qui fecisti mundum de informi materia* (*Sap. xi, 18*); tamen etiam ipsam materiam cuiusmodicunque sit, non possumus dicere

non ab eo factam, ex quo omnia constemur et credimus: ut etiam ipsa digestio et ordinatio singularum quarumque rerum formatarum et distinctarum mundus vocetur; ipsa vero materies cœlum et terra, veluti semen cœli et terræ appellata sit; et cœlum et terra quasi confusum atque permixtum ab artifice Deo accipiendois formis idoneum. Hactenus de hoc quæsitum sit quod dictum est, *In principio fecit Deus cœlum et terram*: nihil enim horum temere affirmare oportuit.

CAPUT IV.—11. *Terra autem erat invisibilis et incomposita, et tenebrae erant super abyssum; et Spiritus Dei serebatur super aquam.* Ab hereticis (a) qui Veteri Testamento adversantur, moveri calunnia huic loco solet, cum dicunt, Quoniodo in principio fecit Deus cœlum et terram, si jam terra erat? non intelligentes hoc esse subiectum, ut exponeretur qualis terra fuerit, de qua jam dictum est, *fecit Deus cœlum et terram*. Sic ergo accipiendum est: In principio fecit Deus cœlum et terram; hæc autem terra quam Deus fecit, invisibilis erat et incomposita, donec ab eodem ipso discerneretur, et ex confusione in rerum certo ordine constitueretur. An sic melius intelligitur, ut in hac executione rursus eadem rerum materies commendaretur, quæ superius cœli et terræ nomine nuncupata est, ut iste sit sensus: In principio fecit Deus cœlum et terram; hoc autem quod cœlum et terra dictum est, terra erat invisibilis et incomposita, et tenebrae super abyssum; id est, quod cœlum et terra appellatum est, materies erat confusa quedam, de qua mundus, qui duabus maximis <sup>1</sup> partibus, cœlo scilicet et terra constat, digestis elementis et accepta forma fabricaretur? Quæ confusio materie sic potuit insinuari populari intelligentiæ, si diceretur terra invisibilis et incomposita, vel inordinata, vel imparata, et tenebrae super abyssum, id est super profunditatem vastissimam: quæ rursus profunditas ex eo fortasse nominata est, quia nullius intelligentia propter ipsam informitatem penetrari potest.

12. *Et tenebrae erant super abyssum.* Utrum subterrænus erat et supra tenebrae, quasi jam loca distincta essent? An quoniam materie adhuc confusio exponitur, quod etiam χαος græco dicitur, ideo dictum est, *tenebrae erant super abyssum*, quia lux non erat: quæ si esset, utique supra esset, quia esset eminentior, et ea quæ sibi subjacta erant, illuminaret? Et revera qui diligenter considerat quid sint tenebrae, nihil aliud invenit quam lucis absentiam. Ita igitur dictum est, *Tenebrae erant super abyssum*, ac si dictum esset, Non erat lux super abyssum. Quapropter hæc materies quæ consequenti operatione Dei, in rerum formas ordinata distinguuntur, appellata est terra invisibilis et incomposita, et profunditas carens luce; quæ appellata est superius nomine cœli et terræ, veluti semen, ut jam dictum est, cœli et terræ. Si tamen non cœlum et terram dicendo, universitatem prius proponere voluit, ut postea, insinuata materia, mundi partes exsequeretur.

<sup>1</sup> Ita Ms. Vatic. At editi, *maxime*.  
(a) Manichæis.

**43.** *Et Spiritus Dei superserebatur super aquam.* Nusquam dixerat, Deus aquam fecit; nec tamen ullo modo credendum est aquam Deum non fecisse, et eam jam fuisse antequam ille aliquid constituisset. Etenim ille est *ex quo omnia, per quem omnia, in quo omnia*, sicut Apostolus dicit (*Rom. xi, 56*). Ergo et aquam Deus fecit, et aliter credere magnus error est. Cur igitur non dictum est quod aquam Deus fecerit? An rursus eamdem materiam, quam vel cœli et terræ, vel terræ invisibilis et incompositæ atque abyssi nomine nuncupaverat, etiam aquam voluit appellare? Cur enim non et aqua appellaretur, si terra potuit, cum adhuc neque aqua distincta atque formata neque terra esset, neque aliquid aliud? Sed primo fortasse cœlum et terra appellata est, secundo terra incomposita et abyssus carens luce, tertio aqua non incongrue: ut primo ipsius universitatis, propter quam facta est de omnino nihilo, materies, cœli et terræ nomine vocaretur; secundo terræ incomposite atque abyssi nomine insinuaretur informitas, quia inter omnia elementa terra est informior, et minus relucens quam cœtera; tertio aquæ nomine significaretur materia subjecta operi artificis, aqua enim mobilior est quam terra; et ideo propter operandi facilitatem et motum faciliorem, subjecta materies artifici, aqua magis vocanda erat quam terra.

**44.** Et aer quidem mobilior est quam aqua; æther autem mobilior ipso aere non absurde creditur, aut sentitur: sed aeris vel ætheris nomine minus convenienter appellaretur materies. Magis enim hæc clementia vini creduntur habere faciendi, terra vero et aqua patiendi. Quod si occultum est, illud certe aperiissimum puto, quod aquam ventus movet, et nonnulla terrena; ventus autem est aer motus et quasi fluctuans. Ergo cum aer aquam moveat manifeste, unde autem ipse moveatur ut sit ventus, occultum sit; quis dubitet congruentius aquæ nomine materiam vocari quia movetur, quam aeris qui movet? Moveri autem pati est, movere facere. Huc accedit quod ea que terra gignit, aqua irrigantur, ut nasci et perfici possint, ita ut prope videatur in hac ipsa nascentia eadem aqua converti. Quocirca congruentius aquæ nomine appellaretur materies, cum subdita operi artificis insinuaretur propter mobilitatem et conversiōnēm in quæque nascentia corpora, quam nomine aeris in quo sola mobilitas posset animadvertisse, cetera vero quibus materia expressius significaretur, desuissent; ut totus iste sit sensus: *In principio fecit Deus cœlum et terram, id est materiam quæ cœli et terræ formam capere posset; quæ materia terra invisibilis et incomposita erat, id est informis et luce carens profunditas: quæ tamen quoniam moventi et operanti artifici subdita esset, propter hoc ipsum quod cedit operanti, aqua etiam nominata est.*

**45.** In hac igitur materie significatione prius insinuatus est finis ejus, id est propter quid facta sit; secundo ipsa informitas, tertio servitus sub artifice atque subjectio. Itaque primo cœlum et terra, propter hoc enim facta materies; secundo terra invisibilis et

incomposita, et tenebræ super abyssum, id est ipsa informitas sine lumine, unde etiam terra invisibilis dicta est; tertio aqua subjecta spiritui ad habitum formasque capiendas: ideo super aquam serebatur Spiritus Dei, ut Spiritum operantem, aquam vero unde operaretur intelligamus, id est materialm fabricabilem. Cum enim ista tria dicimus unius rei nomina, materia mundi, materia informis, materia fabricabilis, horum primo nomini bene adjungitur cœlum et terra; secundo obscuritas, confusio, profunditas, tenebræ; tertio cedendi facilitas, cui jam ad operandum Spiritus superfertur artificis.

**46.** *Et Spiritus Dei superserebatur super aquam.* Non ita superserebatur sicut oleum aquæ, vel aqua terre, id est, quasi continetur; sed, si ad hoc de visibilibus exempla capienda sunt, sicut superfertur lux ista solis aut luce his corporibus, quæ illuminat in terra: non enim continetur illis; sed cum cœlo continetur, istis superfertur. Item cavendum est ne quasi locorum spatis Dei Spiritum superferrari materie poteremus, sed vi quadam effectoria et fabricatoria, ut illud cui superfertur efficiatur, et fabricetur; sicut superfertur voluntas artificis ligno, vel cuique rei subjectæ ad operandum, vel etiam ipsis membris corporis sui, quæ ad operandum inovet. Et hæc similitudo cum jam sit omni corpore excellentior, parva est tamen, et prope nihil ad intelligendam superlationem Spiritus Dei, subjecta sibi ad operandum mundi materia: sed non invenimus evidenter similitudinem et propinquiorem rei de qua loquimur, in iis rebus quæ ab hominibus quomodocumque capi possunt. Quapropter in hujusmodi cogitatione optime illud præceptum tenebitur, quod scriptum est: *Benedicentes Deum, exalte illum quantumcumque potueritis, superaberit et adhuc (Eccl. xlvi, 33).* Hoc autem dictum sit, si hoc loco Spiritus Dei Spiritus sanctus, quem in ipsa ineffabili et incommutabili Trinitate veneramur, accipitur.

**47.** Potest autem et aliter intelligi, ut spiritum Dei, vitalem creaturam, qua universus iste visibilis mundus atque omnia corporea<sup>1</sup> continentur et mouentur, intelligamus; cui Deus omnipotens tribuit vim quandam sibi serviendi ad operandum in iis quæ gigantur. Qui spiritus cum sit omni corpore æthereo melior, quia omnem visibilem creaturam omnis invisibilis creatura antecedit, non absurde spiritus Dei dicitur. Quid enim non est Dei ex iis quæ condidit, cum etiam de ipsa terra dictum sit, *Domini est terra et plenitudo ejus (Psal. xxiiii, 1)*; et illud<sup>2</sup> universalis complexione quod scriptum est, *Quoniam tua sunt omnia, Domine, qui animas amas (Sap. xi, 27)*? Sed tunc potest iste spiritus sic intelligi, si quod dictum est, *In principio fecit Deus cœlum et terram, tantum de visibili creatura dictum sentiamus; ut super materiam rerum visibilium in exordio fabricationis earum superferretur invisibilis spiritus, qui tamen etiam ipse creatura esset, id est non Deus, sed a Deo facta al-*

<sup>1</sup> Ms. vatic., *corpora.*

<sup>2</sup> Ms. vatic., *illa.*

que instituta natura. Si autem universæ creaturæ, id est et intellectualis et animalis et corporalis, materia creditur illo aquæ vocabulo enuntiata, nullo modo hoc loco Spiritus Dei potest nisi ille incommutabilis et sanctus intelligi, qui ferebatur super materiam omnium rerum, quas fecit et condidit Deus.

18. Tertia opinio de hoc spiritu oriri potest, ut credatur spiritus nomine, aeris elementum enuntiatum; ut ita quatuor elementa insinuata sint, quibus mundus iste visibilis surgit; cœlum scilicet, et terra, et aqua, et aer: non quia jam erant distincta et ordinata; sed quia in illius materiæ quamvis informi confusione, tamen exortura præsignabantur: quæ informis confusio tenebrarum et abyssi nomine commendata est. Sed quælibet sententiarum istarum vera sit, omnium rerum quæ ortæ sunt, quæ videntur, et quæ non videntur, non quantum ad vitia quæ contra naturam sunt, sed quantum ad ipsas naturas attinet, Deum esse auctorem et conditorem credendum est; nullamque omnino esse creaturam, quæ non ab ipso initium perfectionemque habeat generis et substantiæ suæ.

CAPUT V. — 19. *Et dixit Deus, Fiat lux; et facta est lux.* Deum dixisse, *Fiat lux*, non voce de pulmonibus edita, nec lingua et dentibus, accipere debemus. Carnalium sunt istæ cogitationes: secundum autem carnem sapere, mors est (*Rom. viii, 6*). Sed ineffabiliter dictum est, *Fiat lux*. Utrum autem hoc quod dictum est, Filio unigenito dictum est, an id ipsum quod dictum est, Filius unigenitus est, quod dictum Dei verbum dicitur, per quod facta sunt omnia (*Joan. i, 1, 3*), queri potest: dum tamen illa absit impietas, ut<sup>1</sup> Verbum Dei unigenitum Filium quasi vocem prolatam sicut a nobis sit, esse credamus. Verbum autem Dei, per quod facta sunt omnia, nec cœpit esse, nec desinet; sed sine inchoatione natum, Patri coeterum est. Quare hoc quod dictum est, *Fiat lux*, si et cœpit et destitit dici, magis Filio dictum est hoc verbum, quam ipsum est Filius. Et tamen etiam hoc ineffabiliter; nec carnis imago subrepatur in animum, et intellectum pium spirituale conturbet. Quia et incipere aliquid et desinere in natura Dei, si proprie accipiatur, temeraria et præceps opinio est: carnibus tamen et parvulis, non tanquam in ea mansuris, sed tanquam inde surrecturis humanissime concedenda est. Quidquid enim incipere et desinere Deus dicitur, nullo modo in ipsius natura, sed in ejus creatura, quæ illi miris modis obtemperat, intelligendum est.

20. *Et dixit Deus, Fiat lux.* Utrum ea lux quæ his carnibus oculis patet, an aliqua occulta, quam nobis per hoc corpus videre non datum est? Et si occulta, utrum corporea, quæ per locorum spatia tenditur fortasse in sublimibus partibus mundi; an incorporea, qualis in anima est, ad quam vitandi et appetendi refertur examen a sensibus corporis, qua non carent etiam animæ bestiarum, an ea quæ superior ratiocinando apparent, ex qua incipit omne quod creatum

est? Quamlibet enim lucem significet, factam tamen et creatam debemus accipere: non illam qua fulget ipsa Dei Sapientia, quæ non creata est, sed nata; ne sine luce Deus suisse putetur priusquam istam, de qua nunc agitur, condidisset. De hac enim, sicut ipsa verba satis docent, hoc commendatur quod facta sit, *Et dicit, inquit, Fiat lux; et facta est lux.* Alia est lux de Deo nata, et alia lux quam fecit Deus: nata de Deo lux, est ipsa Dei Sapientia; facta vero lux, est quælibet mutabilis sive corporea sive incorporea.

21. Movere autem solet quomodo lux corporea esse potuerit antequam cœlum esset et coeli lumina-ria, quæ post istam exponuntur: quasi vero facile hoc ab homine percipi potest, aut omnino ullo modo potest, utrum sit aliqua lux præter cœlum; quæ tamen spatiis locorum distincta atque diffusa sit, mundumque amplectatur. Sed cum liceat hic et incorpoream lucem intelligere, si non visibilem tantum creaturam in hoc libro, sed omnem creaturam expositam dicimus, quid opus est in hac controversia remorari? Et fortasse quod querunt homines, quando Angeli facti sunt, ipsi significantur hac luce, brevissime quidem, sed tamen convenientissime et decentissime.

22. *Et vidit Deus lucem, quia bona est.* Ista sententia non quasi insoliti boni lætitiam<sup>1</sup>, sed approbationem operis significari, oportet intelligi. Quid enim convenientius de Deo dicitur, quantum inter homines dici potest, quam cum ita ponitur, *Dixit, factum est, placuit*: ita ut in eo quod dixit, imperium ejus intelligatur; in eo quod factum est, potentia; in eo quod placuit, benignitas: sicut ista ineffabilia per hominem hominibus, ita ut omnibus prodesse possent, dici debuerunt.

23. *Et divisit Deus inter lucem et tenebras.* Hinc intelligi licet quanta divini operis facilitate ista di-cantur effecta. Non enim quisquam est qui sic existimet lucem factam, ut esset confusa cum tenebris, et ob hoc postea separationis indigeret; sed eo ipso quo lux facta est, consecuta est etiam divisio inter lucem et tenebras. Quæ enim societas lucis cum tenebris (*Il Cor. vi, 14*)? Deus ergo divisit inter lucem et tenebras, quia lucem fecit, cuius absentia tenebrae vo-cantur. Interest autem inter lucem et tenebras, sicut interest inter vestimentum et nuditatem, aut plenum et inane, et similia.

24. Jam quot modis possit intelligi lux, supra dictum est, quibus contrariae privationes possunt tenebrae nominari. Alia est enim lux quæ videtur his oculis corporeis, etiam ipsa corporea; ut solis, et lunæ, et stellarum, et si quid hujusmodi est, cui contrariae sunt tenebrae, cum aliquis locus ea luce caret. Alia item lux est vita sentiens, et valens discernere quæ per corpus ad animæ judicium referuntur, id est alba et nigra, canora et rauca, suaveolentia et graveolentia, dulcia et amara, calida et frigida, et cætera hujusmodi. Alia est enim lux quæ sentitur oculis, alia qua per oculos agitur ut sentiatur. Illa enim in corpore, hæc autem quamvis per corpus ea quæ sentit

<sup>1</sup> Ms. Vatic., ne.

<sup>1</sup> Sic Ms. Vatic. At Am. Er. et Lov., *insoliti benerolentiam*.

percipiat, in anima est tamen. Iluic contrariæ sunt tenebræ, insensibilitas quædam, vel si melius insensibilitas dicitur, id est non sentire, quamvis inferantur quæ sentiri possent, si esset in illa vita lux ista unde sentitur. Neque hoc cum ministeria desunt corporis, sicut in cæcis aut surdis: nam in istorum animis est ista lux, de qua nunc agimus; sed instrumenta corporis desunt. Neque illo modo, quo modo in silentio vox non auditur, cum et ista lux est in anima, et ad-sunt corporis instrumenta, sed nihil quod sentiatur insertur. Non ergo qui iis causis non sentit, caret ista luce; sed cum talis potentia non est in anima, quæ jam nec anima dici solet, sed tantum vita, qualis per-hibetur esse vitis et arboris, et quarumcumque stir-pium: si tamen eas vel talēm habere persuaderi ullo modo potest, quas nonnulli nimis errantes hæretici (a), non solum sentire per corpus, id est videre, audire, et calorem ignemque discernere; sed etiam intelligere rationem, et cogitationes nostras nosse arbitrantur: sed de his alia quæstio est. Insensibilitas ergo tenebræ hujus lucis, qua quidquid sentitur, cum ipsam vim sentiendi non habet vita quælibet. Convenienter autem lucem hanc dici concedit, quisquis concedit recte dici lucem, qua res quæque manifesta est. Cum autem dicimus, Manifestum est hoc canorum esse, manifestum est hoc dulce esse, manifestum est hoc frigidum esse, et quod forte hujus generis per corporales sensus attingimus; hæc lux qua ista manifesta sunt, utique intus in anima est, quamvis per corpus inferantur quæ ita sentiuntur. Tertium lucis genus in creaturis intelligi potest, quo ratiocinamur. Iluic contrariæ tenebræ sunt irrationalitas, sicut sunt animæ bestiarum.

25. Sive ergo lucem ætheream, sive sensualem cuius animalia participant, sive rationalem quam Angeli et homines habent, a Deo factam: primitus in rerum natura hæc sententia vult intelligi; divisisse Deum inter lucem et tenebras, eo ipso quo lux facta est, oportet accipi, quod aliud est lux, aliud illæ privationes lucis, quas in contrariis tenebris ordinavit Deus. Non enim Deum fecisse tenebras dictum est: quoniam species ipsas Deus fecit, non privationes quæ ad nihilum pertinent, unde ab artifice Deo facta sunt omnia; quas tamen ab eo ordinatas intelligimus, cum dicitur, *Et divisit Deus inter lucem et tenebras*, ne vel ipsæ privationes non haberent ordinem suum, Deo cuncta regente atque administrante. Sic et in cantando interpositiones silentiorum certis moderatisque intervallis, quamvis vocum privationes sint, bene tamen ordinantur ab iis qui cantare sciunt, et suavitati universæ cantilenæ aliquid conferunt. Et umbræ in picturis eminentiora quæque distinguunt, ac non specie, sed ordine placent. Nam et vitiiorum nostrorum non est auctor Deus; sed tamen ordinator est, cum eo loco peccatores constituit, et ea perpetui cogit quæ merentur. Ad hoc valet quod oves ponuntur ad dexteram, hædi autem ad sinistram (*Mauth. xxv, 33*). Quædam ergo et facit Deus, et ordinat; quædam vero tantum

(a) Manichæi.

ordinat. Justos et facit, et ordinat; peccatores autem in quantum peccatores sunt, non facit, sed ordinat tantum. Quippe cum illos ad dexteram, illos ad sinistram constituit, et quod in ignem æternum jubet ire, ad meritorum ordinem valeat. Ita species naturasque ipsas et facit, et ordinat; privationes autem specierum defectusque naturarum non facit, sed ordinat tantum. Dixit itaque, *Fiat lux; et facta est lux*. Non dixit, Fiant tenebræ; et factæ sunt tenebræ. Horum ergo unum fecit, alterum non fecit, utrumque tamen ordinavit, cum divisit Deus inter lucem et tenebras. Ita et ipso faciente pulchra sunt singula, et ipso ordinante pulchra sunt omnia.

CAPUT VI. — 26. *Et vocavit Deus lucem diem, et tenebras vocavit noctem*. Cum et lux nomen sit alienius rei, et dies rursum, et tenebræ et nox utrumque sit nomen, utrumque ita dici oportuit, nomina rebus imposita esse, ut illa res cui nomen impositum est, utique alio quoque nomine, non enim aliter poterat enuntiare<sup>1</sup>. Et ita dictum est, *Vocavit Deus lucem diem*, ut indifferenter etiam dici converse posset, *Vocavit Deus diem lucem*, et *vocavit noctem tenebras*. Quid ei respondebimus, si quis a nobis ita querit: *Luci nomen impositum est dies, an diei nomen impositum est lux?* quia hæc duo utique, in quantum ad res significandas articulata voce enuntiantur, nomina sunt. Hoc modo etiam de aliis duobus quereri potest: *Tenebris nomen impositum est nox, an nocti impositum est nomen tenebræ?* Et quidem, ut Scriptura describit, manifestum est lucis nomen dictum esse diem, et tenebrarum nomen dictum esse noctem. Quia cum diceret, Deus fecit lucem, et divisit inter lucem et tenebras, nondum de vocabulis agebatur: postea adhibitis sunt vocabula, dies et nox; cum et illa sine dubio vocabula sint, lux et tenebræ, res aliquas significantia, sicut dies et nox. Ergo hoc ita accipendum est, quia enuntiari aliter non posset res quæ nomen accepit, nisi aliquo nomine; an potius ista vocatio accipienda est ipsa distinctio? Non enim omnis lux dies, aut omnes tenebræ nox; sed lux et tenebræ certis inter se vicibus ordinatae atque distinctæ, diei et noctis nominibus appellantur. Omne quippe vocabulum ad distinctionem valet. Unde etiam nomen quod rem notet, appellatum est, quasi notamen. Notet autem, id est distinguat et doctitauerit ad discernendum adjuvet. Fortasse ergo ipsum divisisse inter lucem et tenebras, hoc est vocasse lucem diem, et tenebras noctem, ut hoc sit ordinasse ista quod vocasse. An ista vocabula significare nobis volunt quam lucem dixerit, et quas tenebras; tñquam si diceret, *Fecit Deus lucem*, et *divisit inter lucem et tenebras*; lucem autem dico diem, et tenebras dico noctem: ne aliquam aliam lucem intelligas, quæ non sit dies; et ne aliquas alias tenebras intelligas, quæ non sint nox? Nam si omnis

<sup>1</sup> Ms. Vaticanus omittit *quoque*: et paulo post habet, *poterat enuntiare*, ubi editi habuerunt, *poterat enumerare*. Locus profecto a librariis foedatus, atque expunctus hisce verbis, *nomina rebus imposita esse*, que haud dubie e margine irreperserunt, emendandus hunc in modum: *utrumque ita dici oportuit, ut illa res cui nomen impositum est, utique alio nomine (non enim aliter poterat) enuntiaretur*.

lux dies possit intelligi, et omnes tenebre noctis nomine censerentur, fortasse non opus esset dicere, *Et vocavit Deus lucem diem, et tenebras vocavit noctem.*

27. Item queri potest quem diem dicat, et quam noctem. Si istum diem vult accipi quem solis ortus inchoat, et claudit occasus, et istam noctem quae a solis occasu usque in ortum tenditur; non invenio quomodo esse potuerint, antequam coeli luminaria facta essent. An ipsa spatia horarum et temporum, etiam sine discriminis fulgoris atque umbræ, jam ita vocari potuerunt? Et quomodo in illam lucem rationalem, si haec significata est, aut sensualem cadit haec vicissitudo, quae nomine diei et noctis significatur? An non secundum quod evenit, sed secundum quod potest evenire, ista insinuata sunt; quia et rationi potest error succedere, et sensui quædam stoliditas?

CAPUT VII. — 28. *Et facta est vespera, et factum est mane dies unus.* Non eodem modo nunc appellatur dies, quo cum diceretur, *Et vocavit Deus lucem diem;* sed eo modo quo dicimus, verbi gratia, triginta dies habere mensem: hoc enim nomine diei noctes quoque includimus; superius autem ita dictus est dies, ut a nocte sejungerecur. Itaque cum illa operatio diei per lucem gesta insinuaretur, consequenter factam dicitur esse vesperam, et factum esse mane diem unum; ut scilicet sit unus dies a ceptio die usque ad ceptum diem, id est a mane usque ad mane, quales dies annumeratis, ut dixi, noctibus appellamus. Sed quomodo facta est vespera, et factum est mane? An tanta mora temporis fecit lucem Deus, et divisit inter lucem et tenebras, quanta mora tenditur dies licens, id est non annumerata nocte? Et ubi est quod scriptum est, *Subest enim tibi, cum voles posse* (*Sap. xi, 18*), si opus est Deo productione temporis, ut aliquid perficiat? An omnia quidem tanquam in arte atque ratione perfecta sunt Deo, non in productione temporis, sed in ipsa vi qua illas etiam res, quas non stare, sed transire cernimus, stabiliter efficit? Non enim et in sermone nostro cum verba alia transeant, et alia succedant, credibile est ita fieri in ipsa arte, qua operante stabiliter artificiosa occurrit oratio. Quanquam ergo sine productione temporis faciat Deus, cui subest posse cum volet; ipsæ tamen naturæ temporales motus suos temporaliter peragunt. Ita ergo fortasse dictum est, *Et facta est vespera, et factum est mane dies unus,* sicut ratione prospicitur ita fieri debere aut posse, non ita ut sit temporalibus tractatibus. Nam in ipsa ratione operationem contemplatus est<sup>1</sup> in Spiritu sancto, qui dixit, *Qui manet in æternum creavit omnia simul* (*Eccli. xviii, 1*): sed commodissime in illo libro, quasi morarum per intervalla factarum a Deo rerum digesta narratio est, ut ipsa dispositio, quæ ab insinuoribus animis contemplatione stabili videri non poterat, per hujusmodi ordinem sermonis exposita quasi istis oculis cerneretur.

CAPUT VIII. — 29. *Et dixit Deus, Fiat firmamentum in medio aquæ, et sit dividens inter aquam et aquam.*

<sup>1</sup> Ms. vatic., temporis tractibus. Non ipsam rationem operationum contemplatus est, etc.

*Et sic factum est. Et fecit Deus firmamentum, et divisit inter aquam quæ erat sub firmamento, et inter aquam quæ erat supra firmamentum.* Utrum aquæ tales sint supra firmamentum, quales sub firmamento istæ visibles? an quia illam aquam videtur significare, supra quam Spiritus cerebatur, et eam intelligebamus esse ipsam mundi materiam, hec etiam hoc loco firmamento interposito discreta credenda est, ut inferior sit materia corporalis, superior animalis? Illoc enim firmamentum dicit, quod cœlum postea vocat. Cœlesti autem corpore nihil est in corporibus alia melius. Alia quippe corpora cœlestia, et terrestria; et utique cœlestia meliora: quorum naturam quidquid transit, nescio quemadmodum corpus possit vocari; sed est fortasse vis quædam subjecta rationi, qua ratione Deus veritasque cognoscitur: quæ natura, quia formabilis est virtute atque prudentia, cujus vigore cibabitur ejus fluctuatio atque constringitur, et ob hoc<sup>2</sup> quasi materialis apparet, recte aqua divinitus appellata est; non locorum spatio, sed merito naturæ incorporeæ cœli corporei<sup>3</sup> ambitum excedens. Et quoniam cœlum firmamentum vocavit, non absurde intellegitur quidquid infra æthereum cœlum est, in quo pacata atque firmata<sup>4</sup> sunt omnia, mutabilis esse et dissolubilis. Quod genus corporalis materie ante acceptam speciem distinctionemque formatum, a qua firmamentum nominatum est, fuerunt qui crederent has visibles aquas et frigidas superficiem cœli superamplecti. Et documentum adlibere conati sunt de tarditate stellæ unius de septem vagantibus, quæ superior est ceteris, et a Gracis Φενεώ dicitur, et triginta annis peragit signiferum circulum, ut ob hoc tarda sit, quia est frigidis aquis vicinior, que supra cœlum sunt. Quæ opinio nescio quemadmodum possit apud eos defendi, qui subtilissime ista quæsierunt. Nihil autem horum temere affirmandum, sed caute omnia modesteque sunt tractanda.

50. *Et dixit Deus, Fiat firmamentum in medio aquæ et sit dividens inter aquam et aquam.* Et sic factum est. Postquam dixit, sic factum est, quid opus erat rursum addere, *Et fecit Deus firmamentum, et divisit inter aquam quæ erat sub firmamento, et aquam quæ erat supra firmamentum?* Nam cum dixisset superior, *Et dixit Deus, Fiat lux;* et facta est lux; non addidit rursum, *Et fecit Deus lucem:* hic autem posteaquam dixit, *Et dixit Deus, Fiat;* et sic factum est, additum est, et fecit Deus. An hinc apparet non oportere lucem illam intelligi corporalem, ne eam anqua creatura interposita fecisse Deus videatur (Deum autem Trinitatem dico): hoc vero firmamentum cœli, quia corporeum est, per incorpoream creaturam accepisse speciem formamque creditur, ut prius incorporeæ nature rationabiliter a veritate impressum sit quod corporaliter imprimetur, ut cœli fieret firmamentum: et ideo positum est, *Et dixit Deus, Fiat;* et sic factum

<sup>2</sup> Editi, et objectio. Sed melius Ms. vatic., et ob hoc.

<sup>3</sup> Sic einendanus ad Ms. Vatic. Nam in editis legebatur, naturæ in corpore cœli incorporei.

<sup>4</sup> Ms. Vatic., et Roma.

*est; in ipsa rationali natura prius factum est fortasse unde imprimetur corpori species.*

CAPUT IX. — Cum autem additum est, *Et fecit Deus firmamentum, et divisit inter aquam quae erat sub firmamento, et aquam quae erat supra firmamentum;* et ipsa cooperatio<sup>1</sup> in illa materia, ut corpus cœli fieret, significatur? An forte varietatis causa, ut textus sermonis in fastidium non veniret, supra non est positum quod infra positum est, et non oportet scrupulose omnia rimari<sup>2</sup>? Eligat quis quod potest: tantum ne aliquid temere atque incognitum pro cognito asserat; memineritque se hominem de divinis operibus quantum permittitur querere.

31. *Et vocavit Deus firmamentum cœlum.* Quod de vocatione superiorius tractatum est, hic quoque considerari potest: non enim omne firmamentum cœlum est. *Et vidit Deus quod bonum est.* Et de hoc superiorius quod tractatum est, retractaretur, nisi quod non eundem ordinem video. Nam superiorius, *Et vidit Deus lucem quia bona est;* et post deinde subjicitur, *Divisit Deus inter lucem et tenebras;* et vocavit Deus lucem diem, et tenebras vocavit noctem: hic autem postquam factum enarratum est, quod factum dicebatur, et postea quan vocatum est firmamentum cœlum, tum dicitur, *Et vidit Deus quia bonum est.* Quod si non fastidii evitandi gratia ita variatum est, illud certe intelligere cogimur quod dictum est. *Et fecit Deus omnia simul.* Quare enim primo ibi vidit quia bonum est, et postea nomen imposuit; hic autem primo nomen imposuit, et postea vidit quia bonum est; nisi quia illa differentia significat morarum intervalla non esse in operatione Dei, quamvis in ipsis inveniantur operibus? Secundum autem morarum intervallum prius aliquid et postea efficitur, sine quibus narratio factorum esse non potest quamvis sine his Deus ista efficere potuerit. *Et facta est vespera, et factum est mane dies secundus.* Jam hinc superiorius tractatum est, et easdem rationes hic quoque valere arbitror.

CAPUT X. — 32. *Et dixit Deus, Congregentur aquæ quæ sub cœlo sunt, in congregationem unam, et appareat arida.* Et sic factum est. Hinc probabilius credi potest aquam dictam esse superiorius, sicut arbitrabamur, ipsam mundi materiam. Nam si universum aqua oppletum erat, unde vel quo potuit congregari? Si enim quamdam confusionem materialem aquæ nomine appellaverat, hæc congregatio<sup>3</sup> accipienda est ipsa formatio, ut talis esset aquæ species, qualem nunc esse cernimus. Et ipsum, *appareat arida,* quod positum est, terræ formatio intelligi potest, ut hanc haberet speciem terra, quam cernimus. Invisibilis enim et incomposita dicta erat, cum adhuc materie species deesset. Dixit ergo Deus, *Congregetur aqua quæ sub cœlo est;* id est in formam redigatur materies corporalis, ut aqua ista sit, quam sentimus. *In congregationem unam:* vis ipsa formæ commendatur nomine unitatis. Hoc est enim vere formari, in unum aliquid

<sup>1</sup> *sic in Ms. vatic. Edit., facta est.*

<sup>2</sup> *scilicet Am. ad marginem. In textu autem cum aliis editiobibus habet, cooperatio. Ms. Vatic., operatio.*

<sup>3</sup> *Ms. Vatic., numerare: nec minus apte.*

PATROL. XXXIV.

redigi; quoniam summe unum est omnis formæ principium. *Et appareat arida:* id est, speciem visibilem accipiat, atque a confusione distinctam. Et bene aqua congregatur, ut appareat arida; id est, cohibetur quod fluital mare, ut quod obscurum est illustretur. *Et sic factum est:* etiam hoc fortasse in rationalibus intellectualis naturæ prius factum est, ut postea quod dicitur, *Et congregata est aqua in congregationem unam,* et apparuit arida, non superfluo additum videatur, cum jam dictum esset, *Et sic factum est;* sed ut post rationalem et incorpoream operationem intelligeremus etiam corporalem secutam.

33. *Et vocavit Deus aridam terram, et congregacionem aquæ mare vocavit.* Adbuc nobiscum facit illa causa vocabulorum: non enim omnis aqua, mare; aut omne aridum, terra. Ergo quæ aqua esset, et quæ arida, vocabulig segregandum suit. Ipsam autem distinctionem atque formationem fuisse vocationem Dei, non absurde adhuc intelligi potest. *Et vidit Deus quia bonum est.* Et hic ipse ordo servatus est: quare huic etiam illa quæ jam tractata sunt, conferantur.

CAPUT XI.—34. *Et dixit Deus, Germinet terra herbam pabuli, ferentem semen secundum genus suum et similitudinem, et lignum fructiferum faciens fructum, cuius semen sit in se secundum suam similitudinem.* Postquam facta sunt terra et mare, et vocata et approbata, quod sæpe diximus non morarum intervallis accipendum esse, ne ineffabilem operantis Dei facultatem tarditas aliqua consequatur; non statim, sicut duabus diebus præcedentibus, subjicitur, *Facta est vespera, et factum est mane dies tertius:* sed adjungitur alia operatio, *Ut germet terra herbam pabuli ferentem semen secundum genus suum et similitudinem, et lignum fructiferum faciens fructum, cuius semen sit in se secundum suam similitudinem.* Quod de luce illa, et firmamento, et aquis, et arida dictum non est; non enim babet lux successio propaginem, aut cœlum de alio cœlo nascitur, aut terra aut mare alia maria et alias terras gignunt, quæ succedant. Hic ergo dicendum fuit, ferentem semen secundum genus suum et similitudinem, et cuius semen sit in se secundum suam similitudinem, ubi similitudo nascentium prettereuntis similitudinem servat.

35. Hæc autem omnia ita supra terram sunt, ut ipsi terræ radicibus cohærent, et ei continuenter, et rursum quodammodo separantur: propterea hujus naturæ significationem in ista narratione servatam arbitror; quia et eodem die facta sunt, quo terra apparuit: et tamen iterum dixit Deus, *ut terra germinaret;* et iterum dictum est, *Et sic factum est;* deinde secundum superiori regulam, postquam dictum est, *Et sic factum est,* subjungitur ipsa exsecutio, *Et dedit terra herbam pabuli, ferentem semen secundum genus suum, et lignum fructiferum faciens fructum, cuius semen in se secundum suam similitudinem.* Et iterum dicit, *Vidit Deus quia bonum est.* Itaque et uno die ista junguntur, et iteratis Dei verbis distinguuntur ab invicem. Quod de terra et mari propterea puto non esse factum, quia magis harum rerum est discernenda natura, quæ

(Huit.)

cum orientur et occidant, seminis successione propagantur. An quia terra et mare simul fieri potuerint, non solum in rationibus creaturæ spiritualis, ubi simul omnia facta sunt, sed etiam in ipsa corporali motione; arbores vero et quæque stirpes nasci non possent, nisi terra in qua germinarent, præcessisset: propterea et repetendum erat jussum Dic, ut facta significarentur distantia, tamen non alio die facienda, propter quod radicibus terræ affliguntur et continuantur? Sed quæri potest cur istis Deus non imposuerit nomina: an prætermisso est, quia multitudo eorum non sinehat? Verum hæc questio melius postea considerabitur, cum animadvertemus alia quæ non vocavit Deus, sicut vocavit lucem, et cœlum, et terram, et mare. *Et factum est vespera, et factum est mane dies tertius.*

CAPUT XII. — 36. *Et dixit Deus, Fiant luminaria in firmamento cœli, ut luceant super terram, et dividant inter diem et noctem; et sint in signis et temporibus, et in diebus, et annis; et sint in splendore in firmamento cœli, ut luceant super terram.* Quarto die luminaria facta sunt, de quibus dicitur, *et sint in diebus:* quid ergo volunt tres dies transacti sine luminaribus? aut cur ista erunt in diebus, si etiam sine istis dies esse potuerunt? An quia evidentius productio illa temporis et morarum intervallum motu istorum luminarium distingui ab hominibus potest? An ista dierum et noctium enumeratio ad distinctionem valet inter illam naturam quæ facta non est, et eas quæ factæ sunt: ut *mane* nominaretur propter earum speciem factarum; *vespera* vero propter privationem? Quia quantum attinet ad illum a quo facta sunt, speciosa atque formosa sunt: quantum autem in ipsis est, possunt testificare, quia de nihilo facta sunt; et in quantum non deficiunt, non est eorum materia, quæ ex nihilo est, sed ejus qui summe est, et illa facit esse in genere et ordine suo.

37. *Et dixit Deus, Fiant in firmamento cœli luminaria ut luceant: utrum de sixis tantum dictum est sideribus, an etiam de vagis?* Sed duo luminaria majus et minus inter vaga sidera numerantur: quomodo ergo in firmamento facta sunt omnia, cum singulos suos vel globos vel circulos vaga singula quæque possideant? An quoniam in Scripturis et cœlos multos legimus et cœlum, sicuti in hoc loco cum dicitur firmamentum cœlum<sup>1</sup>, intelligendum est omnem istam ætheream machinam dici quæ omnia sidera continet<sup>2</sup>; sub qua puri et tranquilli aeris serenitas viget, sub qua item iste aer turbulentus et procellosus agitatatur? *Ut luceant super terram, et dividant inter diem et noctem.* Nonne jam Deus divisorat inter lucem et tenebras, et vocaverat lucem diem, et tenebras vocaverat noctem? ex quo appareat eum inter diem et noctem divisisse: quid sibi nunc vult quod dicitur de luminaribus, *et dividant inter diem et noctem?* An ita nunc sit ista divisio per luminaria, ut hominibus nota sit etiam solis carnalibus oculis ad rerum istarum contempla-

tionem utentibus; ita vero Deus eam fecit ante circuitum luminarium, ut videri nisi a paucis sano spiritu et serena ratione non possit? An inter alium diem et aliam noctem divisit Deus, id est inter speciem quam imprimebat illi informitati, et informitatem quæ adhuc formanda restabat; alias vero est iste dies et alia nox, quorum volente cœlo vicissitudo animadvertisitur, quæ fieri non posset nisi solis ortu et occasu?

CAPUT XIII. — 38. *Et sint in signis et temporibus, et in diebus, et in annis.* Videtur mihi hoc quod dixit, *in signis*, planum fecisse illud quod dixit, *et in temporibus;* ne aliud acciperentur signa, et aliud tempora. Hæc enim nunc dixit tempora, quæ intervallorum distinctione æternitatem incommutabilem supra se manere significant, ut signum, id est quasi vestigium æternitatis tempus appareat. Item cum adjungit, *et in diebus, et in annis,* ostendit quæ dixerit tempora, ut dies fiant conversione fixorum siderum; anni vero manifesti, cum sol signiferum circum peragat; obscuriores autem cum id unumquodque vagorum siderum in suis orbibus facit. Non enim dixit, Et mensibus, quia fortasse mensis annus est lunæ; sicut duodecim lunæ anni, annus est ejus sideris quod Φατερα Græci vocant, et triginta solis anni annus est ejus sideris quod Φατερα dicitur. Et fortasse ita cum omnia sidera ad idem redierint, annus magnus peragitur, de quo multi multa dixerunt. An *in signis* dixit, quibus certum iter significatur navigandi: *in temporibus* autem, velut est vernum tempus, et æstas, et autumnus, et hiems; quia et ista circumactu siderum variantur, suasque vices atque ordinem servant: *in diebus* autem *et in annis*, sicut expositum jam est, accipiendum?

39. *Et sint in splendore in firmamento cœli ut luceant super terram.* Supra jam dictum erat, *Fiant luminaria in firmamento cœli, ut luceant super terram;* cur putamus esse repetitum? An quemadmodum dictum est de stirpibus, ut ferant semen, et sit in eis semen, secundum genus suum et similitudinem; ita hic e contrario dictum est de luminaribus, *Fiant et sint, id est fiant et non gignant, sed ipsa sint.* *Et sic factum est.* Ordo ille servatur.

40. *Et fecit Deus duo luminaria; luminare majus initium diei, et luminare minus initium noctis, et stellas.* Quid dicat initium diei, et initium noctis, mox apparabit. *Et stellas* vero quod addidit, utrum pertineant ad initium noctis annon, ambiguum est. Quidam autem volunt hic significari lunam plenam esse primus factam, quod plena luna initio noctis assurgit, id est mox post solis occasum. Sed illud absurdum est, ut non a prima, sed a sexta decima vel quinta decima numerandi sumamus exordium. Nec illud moveat, quod perfectum fieri debuerit luminare quod factum est. Omnia enim die perfecta est; sed ejus perfectio ab hominibus non videtur, nisi cum ex contraria parte soli opposita fuerit. Nam etiam cum illo constituta, quoniam sub illo est, videtur finiri: sed etiam tunc plena est; quia ex alia parte illustratur, nec videri potest ab iis qui subter sunt, id est terram incolunt. Quod non paucis verbis,

<sup>1</sup> ms. Vatic., *cœlum et firmamentum.*

<sup>2</sup> Sic in Ms. Vatic. At in editiis, *substantia continet.*

*sed subtilibus dissertationibus et quarundam figurarum visibilium demonstratione doceri potest.*

41. *Et posuit illa Deus in firmamento cœli, ut luceant super terram.* Quomodo dixit, *Fiant in firmamento;* et quomodo nunc dicit, *Fecit Deus luminaria, et posuit in firmamento;* quasi extra sint facta, et post ibi posita, cum jam dictum sit ut ibi fierent? An hinc etiam atque etiam significatur, non ita Deum fecisse ut homines solent, sed ita narratum ut hominibus potuit: scilicet ut apud homines aliud sit, fecit; aliud, posuit: apud Deum autem utrumque idem sit, qui faciendo ponit, et ponendo facit?

42. *Et præsent diei ac nocti, et dividant inter diem et noctem.* Dictum erat initium diei, et initium noctis, quod hic exponit dicendo, *præsent diei et nocti.* Ergo initium illud, principatum intelligere debemus, quia et in die nihil est inter illa quæ videntur sole excellentius, et in nocte nihil luna vel stellis. Unde etiam illa ambiguitas jam non moveat, et credamus stellas sic positas, ut ad initium noctis, id est principatum pertineant. *Et vidit Deus quia bonum est.* Idem ordo servatur. Meminerimus sane quod etiam ista Deus non vocaverit, cum dici potuerit. Et vocavit Deus luminaria sidera; quia non omne luminare sidus est.

43. *Et facta est vespera, et factum est mane dies quartus.* Si dies istos consideres, quos ortus solis occasusque distinguit, non iste quartus, sed fortasse primus est dies; ut eo tempore putemus ortum esse solem, quo factus est, et donec cætera sidera fierent, occidisse. Sed qui intelligit et solem alibi esse, cum apud nos nox est, et noctem alibi esse, cum sol apud nos est, dierum istorum enumerationem sublimius indagabit.

CAPUT XIV. — 44. *Et dixit Deus, Ejiciant aquæ reptilia animalium vivarum, et volatilia voluntia super terram sub firmamento cœli.* Et sic factum est. Ea quæ natantia sunt animalia, reptilia sunt appellata; quia pedibus non ambulant. An quia sunt alia quæ sub aqua in terra repunt? An sunt pennata in aquis, sicut pisces qui squamas habent, vel alii qui non habent, sed tamen pennis nituntur? Qui utrum inter volatilia hoc loco numerandi sint, dubitari potest. Nam et ipsa volatilia cur aquis tribuerit, non aeri, nonnulla quæstio est. Non enim has aves tantum hic accipere possumus, quibus aquæ familiares sunt, quales mergi, et anates, et quæcumque hujusmodi. Nam si de his tantum dixisset, non prætermitteret alio loco de aliis avibus dicere, inter quas nonnullæ usque adeo ab aquis remotæ sunt, ut ne bibant quidem. Nisi forte istum aerem terris contiguum, quoniam se humidum etiam serenissimis noctibus rore testatur, aquam vocavit, quia et in nubem cogitur. Nubes autem aqua est, quod omnes sentiunt quibus contingit in montibus inter nubila, vel etiam in campis inter nebulas ambulare. In hoc quippe acre volare aves dicuntur. Nam in illo sublimiore atque puriore, qui vere aer ab omnibus appellatus est, nequeunt: non enim earum pondus tenuitate sua sustinet. In illo autem neque nubes concrescere asseruntur, neque aliquid procellosum existere: quippe

ubi ventus adeo nullus est, ut in vertice Olympi montis, qui spatia hujus bumidi aeris excedere dicitur, quedam litteræ in pulvere solere fieri prohibeantur, et post annum integræ atque illæsæ inveniri ab iis qui solemniter memoratum montem ascendebant.

45. Quapropter non absurde existimari potest firmamentum cœli in divinis Scripturis usque ad hoc spatio vocari, ut et ille aer tranquillissimus et sincerissimus ad firmamentum pertinere credatur. Hoc enim nomine firmamenti, ipsa tranquillitas et magna pars rerum significari potest. Unde etiam illud dici pluribus in Psalmis existimo: *Et veritas tua usque ad nubes* (Psal. xxxv, 6; et LVI, 11). Nihil est enim firmius et serenius veritate. Nubes autem sub ista sincerissimi aeris regione concrescunt. Quod quanquam figurata dictum accipiatur, ex his tamen rebus scriptum est, quæ habent ad hæc quamdam similitudinem; ut corporea creatura constantior et purior, quæ a summitate cœli usque ad nubes est, veritatis figuram recte habere videatur, id est usque ad aeren caliginosum et procellosum et humidum. Ergo volatilia voluntia super terram sub firmamento cœli, convenienter sunt aquis attributa; quia non inconvenienter aer iste aqua nominatur. Hinc etiam intelligi datur de aere nihil dictum esse, quomodo vel quando sit factus, quia iste aer nomine aquarum tenetur, ille autem nomine firmamenti; atque ita nullum elementum prætermisso est.

46. Sed fortasse quis dicat, Si eo quod dictum est, Congregetur aqua, intelligimus aquam esse factam ex illa confusione materiæ, hanc autem congregationem mare appellavit Deus; quomodo ibi possimus hunc aarem intelligere factum, quod mare non dicitur, etiam si aqua dici potest? Quamobrem mihi videtur in eo quod dictum est, appareat arida, non solum speciem terræ, sed etiam hujus aeris crassioris esse insinuatam. Per hunc enim terra illuminatur, ut perspicua nobis sit. In uno ergo verbo, quo dictum est, appareat, intimata sunt omnia sine quibus apparere non posset; id est et species ejus, et nudatio ab aquis, et aeris superfusio, per quem in ea lumen a superiori mundi parte transmittitur. An potius in eo quod scriptum est, Congregetur aqua, species hujus aeris commendatur, quia cum iste aer condensatur, hanc aquam videtur efficiere? Coactionem itaque in densitatem, congregationem aquæ fortasse appellavit, ut mare fieret; ut id quod non congregatum, id est non spissatum superfertur, aqua sit, quæ aves volantes possit sustinere, utriquaque nomini accommodata, ut vocari possit et aqua subtilior, et aer crassior. Sed quando queritur cur sit iste factus, non dicitur. An forte verum est, quod quidam volunt, humidis exhalationibus maris et terre has auras effici ita crassiores aere illo superiore ac liquido, ut gestandis volatibus avium sint accommodate; ita porro teneriores iis aquis, quibus corpus abluitur, ut earum comparatione sicce atque acriæ sentiantur? Et quia de terra et mari jam dictum erat, quid opus erat dicere de exhalationibus carum, id est aquis avium, cum illum aerem purissimum et tranquillissimum fir-

mamente attributum intellexeris.

47. Nam neque de fontibus et fluminibus dictum est quomodo facta sint. Qui enim scrupulosius ista querunt et disserunt, æthereo superlapsu de mari dulcem invisibiliter dicunt extrahi vaporem, his vide-licet ascensionibus quas nullo modo sentire possumus: inde congregatæ nubes; atque ita terram imbribus maledictam antris occultioribus instillare atque insudare tantum, quantum coactum et per diversos tramites lapsum erumpat in fontes, sive parvos, sive gignendis fluminibus idoneos. Cujus rei documenta esse volunt, quod marinorum aquarum decoctarum vapor sinuato cooperculo exceptus, humorem dulcem gustantibus exhibet. Et omnibus fere manifestum est diminutus fontes inopiam sentire pluviarum. Attestatur et divina historia, cum Elias tempore ariditatis imbre posceret: jussit enim, cum ipse oraret, ut puer suus ad mare attenderet; unde cum videret oriri perparvam nubeculam, pluviam Regi<sup>1</sup> sollicito adesse nuntiavit, qua mox etiam fugiens irrigatus est (III Reg. xviii, 43, 44). Et David dicit: Domine, qui ad vocas aquam maris, et effundis eam super faciem terræ (Ex Amos v, 8, et ix, 6). Quapropter mari nominato, de aliis aquis superflue diceret, sive istis roriferis, quæ tenuitate auras volantibus avibus præbent, sive fontium ac fluminum; si et illæ exhalationibus fiunt, et istæ reciprocis imbribus, quos terra sorbet, emanant.

CAPUT XV. — 48. Ejiciunt aquæ reptilia animalium vivarum. Cur additum est vivarum? An possunt esse animæ, nisi vivant? An istam manifestiorem vitam commendare voluit, quæ inest animalibus sentientibus, quoniam stirpes<sup>2</sup> ea carent? Et volatilia voluntia super terram sub firmamento cœli. Si volatilia non volant in illo purissimo aere, ubi nulla nubila oriuntur, hinc manifestum est ad firmamentum eum pertinere; quia sub firmamento cœli dictum est volatilia volare super terram. Et sic factum est. Ordo ille servatur. Ideoque subjungitur sicut in cæteris, excepta luce, quæ prior facta est.

49. Et fecit Deus cetos magnos, et omnem animam animalium repentiū, quæ ejecerunt aquas secundum genus eorum, et omne volatile pennatum secundum genus suum. Meminerimus sane secundum suum genus, de iis creaturis dici, quæ seminali propagine reparantur: nam de herbis jam hoc, et de arboribus dictum est. Et omne volatile pennatum. Cur additum est pennatum? An potest esse volatile quod pennas non habeat? sed si potest, numquid hoc genus fecit Deus; quandoquidem non invenitur ubi sit factum? an omnino potest quidquam volare sine pennis? Nam et vespertilioes, et locustæ, et muscæ, et si quid hujusmodi est quod plumis careat, pennis non caret. Sed pennatum additum est, ne solas aves intelligemus; quoniam pisces pennati sunt, et super terram volant infra aquas: ideo non dictum est, aves; sed, voluntia generaliter et volatile pennatum. Et vidit Deus

<sup>1</sup> Sic Ms. Vatic. At editi, ei sollicito.

<sup>2</sup> Sic Ms. Vatic. At editi, stipites.

quia bonum est. Et hic sicut in cæteris locis intelligendum.

50. Et benedixit ea, dicens: Crescite, et multiplicamini, et replete aquas maris; et volatilia multiplicentur super terram. Benedictionem ad secunditatem valere voluit, quæ in successione proliis appetat, ut ea benedictione, quia infirma et mortalia creata sunt, genus suum nascendo custodian. Sed cum etiam stirpes nascendo teneant similitudinem prætereuntium, cur eas non benedixit? An quia sensu carent, qui rationi vicinus est? Non enim vacat fortasse, quod secunda persona utitur Deus in benedicendo, ut haec animantia compellat quodammodo tanquam audientia dicendo, Crescite, et multiplicamini, et implete aquas maris; nec tamen in eadem persona usque ad finem benedictionis venitur: sequitur enim, Et volatilia multiplicentur super terram; non dicit, Multiplicamini super terram. Nisi forte hoc ipso significatur sensum animalium non adeo vicinum esse rationi, ut perfecte possit accipere compellantem, sicut quæ intelligent, atque ut ratione possunt.

51. Et factum est sic. Illic plane quivis tardus jam evigilare debet, ut intelligat quales isti dies enumerauntur. Cum enim certos seminum numeros Deus animalibus dederit, servantes miram certio ordine<sup>3</sup> constantiam, ut certo dicrum numero, pro suo quoque genere, et concepta utero gerant, et edita ova calefaciant; cujus naturæ institutio Dei sapientia conservatur, quæ tendit a fine usque ad finem fortiter, et disponit omnia suaviter (Sap. viii, 1): quomodo uno die potuerunt et concipere, et utero gravescere, et parta vaporare<sup>4</sup> atque nutritre, et implete aquas maris, et multiplicari super terram? Ita enim subjurgitur, Et sic factum est; ante vesperæ adventum. Sed nimirum cum dicit, Facta est vespera; materiam informem coenamemorat: cum autem dicit, Factum est mane; speciem, quæ ipsa operatione impressa est materia: mane<sup>5</sup> enim post operationem transactum diem concludit. Non tamen dixit Deus, Fiat vespera, vel, fiat mane: commemoratione est enim rerum factarum brevissima, significatis per vesperam et mane materia et specie, quæ utique Deum fecisse jam dictum erat: cum ipsum defectum tamen, id est cum de specie ad materiam et ad nihilum tenditur, si hoc noctis nomine recte insinuatum putamus, non dixerit factum, sed tamen ordinatum a Deo, cum ait superiorius, Divisit Deus inter lucem et tenebras: ut vesperæ vocabulo significetur informis materia, quæ quamvis ex nihilo facta est, est<sup>6</sup> tamen et habet capacitatem specierum atque formarum. Accipi etiam potest tenebrarum nomine ipsum omnino nihilum, quod non fecit Deus, et unde fecit quæcumque facere pro sua ineffabili bonitate dignatus est, cum sit omnipotens, qui etiam de nihilo tanta fecit.

52. Et facta est vespera, et factum est mane dies

<sup>1</sup> Ms. Vatic., certa ordinatione.

<sup>2</sup> Editi, fovere. Ms. vaporare, id est calefacere, ut apud Ambr., lib. 4 Hex., capp. 3 et 5.

<sup>3</sup> Ms. vatic., ita enim, omissa voce, mane.

<sup>4</sup> Ms. Vatic., facta est tamen; nec habetur secundo, est.

*quintus.* Hic postquam dixit, *Et sic factum est*, non subdidit sicuti solet exsecutionem, quasi iterum facta sint; jam enim superius dictum erat. Nec ea benedictione, quæ ad gignendam prolem pertinet, aliqua nova natura fabricabatur; sed quæ facta erant per successionem, conservabantur. Et ideo nec illud dictum est, *Et vidit Deus quia bonum est: jam enim res ipsa placuerat, quæ tantum servanda erat in fetibus.* Nihil hic itaque repetitum est, nisi quod ait, *Et factum est sic;* statimque subjectum de vespera et mane: quibus nominatis, transacta opera de informi materia et specie quæ imponitur, significari dictum est. Nisi forte aliquid melius atque sublimius occurrit quærentibus.

53. *Et dicit Deus, Ejicial terra animam vivam secundum suum genus; quadrupedum, et serpentium, et bestiarum terræ secundum genus, et pecora secundum genus.* *Et factum est sic.* Cum dictum fuerit animam, cur additum sit *vivam*; et quid sit *secundum genus*; et de solita conclusione qua dicitur, *et factum est sic*, sicut superius tractatum est, consideranda et accipienda sunt. Cum autem in latina lingua nomine bestiarum omne irrationale animal generaliter significetur; hic tamen distinguendæ sunt species, ut quadrupedes accipiamus omnia jumenta; serpentes, omnia repentia; bestias vel feras, omnia quadrupedia indomita; pecora vero, quadrupedia quæ non operando adjuvant, sed dant aliquem fructum pascenibus.

CAPUT XVI. — 54. *Et fecit Deus bestias terræ secundum genus, et pecora secundum genus, et omnia serpentina terræ secundum genus.* Hæc iteratio quod dictum est, *Et fecit Deus*, cum jam dictum esset, *Et factum est sic;* secundum superiorem regulam consideretur. Sane hic pecorum nomine omnia puto significata esse quadrupedia quæ sub cura hominum vivunt. *Et vidit Deus quia bonum est:* solite accipendum.

55. *Et dicit Deus, Faciamus hominem ad imaginem et similitudinem nostram.* Et hic animadvertisca quædam et conjunctio, et discretio animantium. Nam eodem die factum hominem dicit, quo bestias. Sunt enim simul omnia terrena animantia; et tamen propter excellentiam rationis, secundum quam ad imaginem Dei et similitudinem efficitur homo, separatim de illo dicitur, postquam de cæteris terrenis animantibus solite conclusum est, dicendo, *Et vidit Deus quia bonum est.*

56. Considerandum etiam illud, quod in cæteris non dixit Deus, *Faciamus*; ut hoc quoque modo voluerit Spiritus sanctus humanæ naturæ insinuare præstantiam. Cui autem nunc dictum est, *Faciamus*, nisi cui dicebatur in cæteris, *Fiat?* Omnia enim per ipsum facta sunt, et sine ipso factum est nihil (*Joan. i, 3.*). Sed quid putamus alter dictum esse, *Fiat*, nisi ut ipse faceret jussu Patris; et aliter, *Faciamus*, nisi ut ambo pariter facerent? An omnia quæ facit Pater, per Filium facit, et ideo nunc *Faciamus* dictum est, ut ipsi homini, propter quem Scriptura ipsa facta est,

ita in seipso demonstraretur ea quæ Filius dicente Patre facit, etiam ipsum Patrem facere; ut quod in cæteris dicebatur, *Fiat, et factum est*, hic exponatur, non separatim suisce dictionem et separatim effectu, sed utrumque simul, cum hic dicitur, *Faciamus?*

57. *Et dicit Deus, Faciamus hominem ad imaginem et similitudinem nostram.* Omnis imago similis est ei cuius imago est; nec tamen omne quod simile est alicui, etiam imago est ejus: sicut in speculo et pictura, quia imagines sunt, etiam similes sunt; tamen si alter ex altero natus non est, nullus eorum imago alterius dici potest. Imago enim tunc est, cum de aliquo exprimitur. Cur ergo, cum dictum esset, *ad imaginem*, additum est, *et similitudinem*; quasi possit esse imago dissimilis? Sufficeret ergo *ad imaginem* dicere. An aliud est simile, aliud similitudo; sicut aliud est castus, aliud castitas; aliud fortis, aliud fortitudo: ut quemadmodum quæcumque sunt fortia, fortitudine sunt fortia; et quæcumque sunt casta, castitate sunt casta: ita quæcumque sunt similia, similitudine sunt similia? Non autem imago nostra satis proprie dicitur similitudo nostra esse, cum tamen proprie dicatur similis nobis esse: ut ibi sit ea similitudo, qua similia sunt quæcumque similla, ubi est et castitas, qua casta sunt quæcumque sunt casta. Castitas autem nullius participatione casta est, sed ejus participatione sunt casta quæcumque casta sunt. Quæ utique in Deo est, ubi est etiam illa sapientia, quæ non participando sapiens est, sed cuius participatione sapiens est anima quæcumque sapiens est. Quapropter etiam similitudo Dei, per quam facta sunt omnia, proprie dicitur similitudo; quia non participatione alicujus similitudinis similis est, sed ipsa est prima similitudo, cuius participatione similia sunt, quæcumque per illam fecit Deus.

58. Expositio ergo fortasse est, quod additum est *ad similitudinem*, cum jam dictum esset, *ad imaginem*; ut ostenderetur eam quæ imago dicta est, non ita simile esse Deo, quasi alicujus similitudinis participantem, sed hanc ipsam esse similitudinem, cuius participantem omnia quæ dicuntur esse similia. Sicut ipsa est et castitas, cuius participatione castæ sunt animæ; et sapientia, cuius participatione sapientes sunt animæ; et pulchritudo, cuius participatione pulchra sunt quæcumque pulchra sunt. Si enim tantum similitudinem diceret, non significaret ab ipso esse genitam: si autem tantummodo imaginem diceret, significaret ab ipso quidem genitam, sed non significaret ita similem, ut non tantum similis, sed ipsa similitudo esset. Ut autem nihil castius ipsa castitate, et nihil sapientius ipsa sapientia, et nihil pulchrior ipsa pulchritudine; ita nihil similius ipsa similitudine dici, aut cogitari, aut esse omnino potest. Unde intelligitur ita Patri esse similem similitudinem suam, ut ejus naturam plenissime perfectissimeque implet:

59. Quantum autem ad speciem rebus imponendam valeat Dei similitudo, per quam facta sunt omnia, quanquam humanas cogitationes altissime superet,

licet tamen utcumque arbitrari; si consideremus omnem naturam, sive quæ sentientibus, sive quæ ratiocinantibus occurrit, similibus inter se partibus servare unitatis<sup>1</sup> esfigiem. Nam ex sapientia Dei sapientes vocantur animæ rationales, et ulterius hoc nomen non porrigitur: nam neque ulla pecora, et multo minus arbores, aut ignem, vel aerem, vel aquam, vel terram sapientem possumus dicere, quanquam per ipsam Dei sapientiam sint etiam omnia hæc in quantum sunt. At vero similes inter se et lapides dicimus, et animalia, et homines, et Angelos. Jam vero in singulis rebus, et terram, eo quod similes inter se habeat partes suas, fieri ut terra sit; et aquam qualibet quoque parte similem esse cæteris partibus, nec aliter aquam esse potuisse; et quantumlibet aeris, si cætero esset dissimile, nullo pacto aerem esse potuisse; et ignis lucisve particulam, eo quod non sit dissimilis reliquis partibus, fieri ut sit quod est<sup>2</sup>: ita de unoquoque lapidum vel arborum vel corpore cuiuslibet animantis discerni et intelligi potest, quod non solum cum aliis sui generis rebus, sed in seipsis singulis non essent, nisi partes inter se similes haberent. Et tanto est pulchrius corpus, quanto similioribus inter se partibus suis constat. Jam porro animarum, non solum aliarum cum aliis amicitia similibus<sup>3</sup> moribus eouult; sed etiam in unaquaque anima similes actiones atque virtutes, sine quibus constantia esse non potest, beatam vitam indicant. Similia vero omnia hæc, non autem ipsam similitudinem possumus dicere. Quapropter, si rebus inter se similibus universitas constat, et singulæ sint quidquid sunt, et omnes ipsam universitatem compleant, quam Deus et condidit et gubernat; per similitudinem ejus profecto, qui condidit omnia, supereminenter atque incommutabilem et incontaminabilem<sup>4</sup> talia facta sunt, ut similibus inter se partibus pulchra sint, ad ipsam tamen similitudinem omnia non facta sint, sed sola substantia rationalis: quare omnia per ipsam, sed ad ipsam non nisi anima<sup>5</sup>.

60. Rationalis itaque substantia et per ipsam facta est, et ad ipsam: non enim est ulla natura interposita. Quandoquidem mens humana (quod non sentit, nisi cum purissima et beatissima est) nulli cohæret nisi ipsi veritati, quæ similitudo et imago Patris et sapientia dicitur. Recte igitur secundum hoc quod interioris et principale hominis est, id est secundum mentem, accipitur, *Faciamus hominem ad imaginem et similitudinem nostram*. Ex illo enim quod in homine principatum tenet, quod eum disjungit a belluis, totus est homo cœstivandus. Cætera in eo quanquam in suo genere pulchra sint, tamen cum pecoribus communia sunt, ac per hoc in homine parvipendenda. Nisi forte quod ad intuendum cœlum figura humani corporis erecta est, valet aliquid etiam ut corpus ipsum

ad similitudinem Dei factum credatur; ut quemadmodum a Patre illa similitudo non avertitur, ita corpus humanum a cœlo non sit aversum, sicut aliorum corpora animalium aversa sunt, quia prona in alcum prosternuntur. Sed tamen hoc non omni modo accipiendum est: nam corpus nostrum a cœlo plurimum differt; in illa vero similitudine, que Filius est, non potest quidquam esse dissimile illi cui similis est. Quoniam similia quæcumque alia sunt, inter se etiam dissimilia ex aliqua parte sunt: ipsa vero similitudo non est aliqua ex parte dissimilis. Pater tamen Pater est, nec Filius aliud est quam Filius: quia et cum dicitur similitudo Patris, quanquam ostendat nullam intervenire dissimilitudinem, non tamen solus est Pater, si habet<sup>6</sup> similitudinem (a).

61. *Et dixit Deus, Faciamus hominem ad imaginem et similitudinem nostram.* Satis quidem quæ superius dicta sunt, secundum id exponunt hæc verba Scripturæ, in quibus legimus dixisse Deum, *Faciamus hominem ad imaginem et similitudinem nostram*, ut similitudo Dei ad quam factus est homo, ipsum Dei Verbum, hoc est unigenitus Filius accipi possit: non utique ut ipse sit eadem imago et similitudo æqualis Patri. Est tamen et homo imago Dei, sicut aperte ostendit Apostolus dicens: *Vir quidem non debet velare caput, cum sit imago et gloria Dei* (I Cor. xi, 7). Sed hæc imago ad imaginem Dei facta, non est æqualis et coæterna illi cuius imago est; nec esset, etiam si nunquam omnino peccasset. Ille autem sensus est potius in his divinis verbis eligendus, ut ideo non dictum intelligamus singulariter, sed pluraliter, *Faciamus hominem ad imaginem et similitudinem nostram*; quia non ad solius Patris, aut solius Filii, aut solius Spiritus sancti, sed ad ipsius Trinitatis imaginem factus est homo. Quæ Trinitas ita est Trinitas, ut unus Deus sit; ita est unus Deus, ut Trinitas sit. Non enim ait Filio loquens, *Faciamus hominem ad imaginem tuam*; aut, ad imaginem meam: sed pluraliter ait, *ad imaginem et similitudinem nostram*: a qua pluralitate Spiritum sanctum separare quis audeat? Quæ pluralitas, quoniam non tres dii, sed unus est Deus, ideo intelligendum est postea Scripturam singulariter intulisse, atque dixisse, *Et fecit Deus hominem ad imaginem Dei*; ut non sic accipiatur, tanquam Deus Pater ad imaginem Dei, hoc est Filii sui: alioquin quomodo verum est, quod dictum est, *ad imaginem nostram*, si ad Filii solius imaginem factus est homo? Ac per hoc quia verum est quod ait Deus, *ad imaginem nostram*; ita dictum est, *Fecit Deus hominem ad imaginem Dei*, tanquam diceretur ad imaginem suam, quod est ipsa Trinitas.

62. Nonnulli autem putant idco non repetitam similitudinem, neque dictum. *Et fecit Deus hominem ad imaginem et similitudinem Dei*, quia tunc tantummodo ad imaginem factus est; similitudo autem illi

<sup>1</sup> Ms. Vatic., *universitatis*.  
<sup>2</sup> Editi, *quod non est*. Abest non a Ms. Vatic.

<sup>3</sup> Ms. Vatic., *quæ similibus*.

<sup>4</sup> Sic Ms. Vatic. At excusi habent: *Qua condidit omnia supereminenter, atque incommutabiliter, et incontaminabiliter*.

<sup>5</sup> Ms. Vatic., *sed ad ipsam non omnia*.

<sup>6</sup> Editi, *sed habet*. At Ms. Vatic. aliisque in I Retract., cap 18, si habet.

(a) Reliquum adjectit Augustinus multis post annis, cum Retractionum libros ederet, ex I Retract., cap. 18.

postea servabatur in resurrectione mortuorum : quasi posset esse imago aliqua , in qua similitudo non sit . Si enim omnia similes non est , procul dubio nec imago est . Verumtamen ut non sola ratione id agere

videamur , et auctoritas Jacobi apostoli adhibenda est , qui cum de lingua hominis loqueretur , ait : *In ipsa benedicimus Deum , et in ipsa maledicimus homines , qui ad similitudinem Dei facti sunt* (Jacobi iii, 9).

## ADMONITIO

IN SUBSEQUENTES LIBROS.

Ecce jam tertiam in Genesim , vel quartam expositionem Augustini . Huic tractando sive tunc contra Manichaeos libro , recenti adhuc tempore conversionis suæ manum admoverat : sed in difficultibus quibusque locis allegoricum sensum subjecisse contentus , prætermiserat litteralem ; quem postea presbyter perscrutari aggressus , cum vires suas huic labori impares compensisset , opus imperfectum reliquit . Hinc sub annum quadragesimum idem argumentum tractandum recepit episcopus : prius quidem secundum allegoriam in postremis tribus Confessionum libris ; deinde vero ad litteram hoc in opere , deque ea re subsequentes duodecim libros confecit .

In iis historiam Geneseos ab exordio ad eum usque versiculum quo Adamus de Paradiso dimissus fuit , enarrans , non præterit ullum apicem , nihil quod non omni ratione verset penitusque rimetur , nisi quod mysteria figurarum involucris obiecta explicare nequaquam studet : quippe qui nunc opere pretium in eo totum reponat , uti demonstret nibil Genesis historia contineri , quod ad litteram verum esse non possit , nihil quod rationi aut naturæ rerum aduersetur ; ac si quid veluti superfluum et incongruum appareat , id mysticum credi oportere altiusque referri . Quædam autem obiter in libro secundo , adversus Genethliacos ; in libro quarto , de senarii numeri perfectione ; in libro quinto , de scientia et providentia Dei ; in libro sexto , de Adami corpore ; in libro septimo , de anima , de qua rursum in libro decimo . Tum de casu angelorum , in libro undecimo ; de Paradiso et de multiplie visionum genere in libro duodecimo , deque aliis rebus passim agit , ea quæ certa sunt asserens et defendens , de incertis quæstiones et dubia movens . Opus impendio laudat Cassiodorus senator , in libro primo Institutionum , capite primo ; Basiliique et Ambrosii in Genesim commentariis longe sublimius dicit .

Hilisce libris in Retractionibus post opuscula quædam sub annum quadragesimum elaborata locum dedit Augustinus , ordine , ut ait , quo eos coepit , non quo perfecit . Nam illos quamvis esflagitarent amici , diu tamen apud se retinuit , ut ad limam identidem revocaret , ex epistola centesima quadragesima tertia , ad Marcellinum , versus finem anni quadragesimi duodecimi data . Duodecimum librum citat in epistola centesima quinquagesima nona , ad Evodium , quam anno circiter quadragesimo decimo quarto adscripsimus , ibique se totius operis emendationem , quo illud quam primum publici juris faciat , maturare significat : nondum tamen ediderat cum alteram ad Evodium , scilicet epistolam centesimam sexagesimam secundam scripsit , uti testatur numero secundo .

Vide lib . 2 , cap . 24 , Retractionum , col . 640 , a verbis . Per idem tempus de Genesi , usque ad verba , Bipartita est . M.

# S. AURELII AUGUSTINI HIPPONENSIS EPISCOPI DE GENESI AD LITTERAM LIBRI DUODECIM <sup>(a)</sup>.



## LIBER PRIMUS.

*Expenditur initium Geneseos , cap . 1 , vers . 1 : In principio fecit Deus caelum et terram : usque ad vers . 5 : Et vocavit Deus lucem diem , etc.*

**CAPUT PRIMUM . —** *In Scriptura quid considerandum .* id quod Dominus significavit , dicens , scribam eruditum in regno Dei similem esse patrifamilias proferenti

ADMONITIO PP. BENEDICTINORUM.

Bos libros cum viginti sex MSS. contulimus , scilicet cum Vaticanis tribus , PP. Augustinianorum majoris conventus Parisiensibus duobus , Navarrici Collegii et Thuanearum bibliothecæ totidem , cum uno e bibliotheca Laudunensis Ecclesiæ , uno Abbatiae S. Martini de Campis apud Parisios , cum Sorbonico , Colbertino , Bigotiano , Cisterciensi , Albinensi , Audiensem , Culturense , Gemmaticensi , Germanensi , Lyrense , Michaelino , Remigiano , Theodericensi , Vindocinensi , et uno Abbatiae B. Marie de Josaphat Carnutensis . Consultuimus insuper variantes lectiones Belgicorum sex codicum per Lovanienses Theologos excerptas : necnon antiquiores editiones Am. Er. et Lov.

*Comparavimus præterea eas omnes editiones initio Retr. et Confess. , t. 1 , memoratas . M.*

*(a) Incubuit circiter annum 401 , absoluti sub anno 415.*

de thesauro suo nova et vetera (*Math. xiii*, 52), quæ duo etiam Testamenta dicuntur. In Libris autem omnibus sanctis intueri oportet quæ ibi æterna intimentur, quæ facta narrentur, quæ futura prænuntientur, quæ agenda præcipiantur vel moneantur. In narratione ergo rerum factarum quæritur utrum omnia secundum figuratum<sup>1</sup> tantummodo intellectum accipiuntur, an etiam secundum fidem rerum gestarum asserenda et defendenda sint. Nam non esse accipienda figuraliter, nullus christianus dicere audebit, attendens Apostolum dicentem, *Omnia autem haec in figura contingebant illis* (*I Cor. x*, 11) : et illud quod in Genesi scriptum est, *Et erunt duo in carne una* (*Gen. ii*, 24), magnum sacramentum commendantem in Christo et in Ecclesia (*Ephes. v*, 52).

2. Si ergo utroque modo illa Scriptura scrutanda est, quæramus quomodo dictum est præter allegoricam significationem, *In principio fecit Deus cœlum et terram* : utrum in principio temporis; an quia primo omnium facta sint; an in principio, quod est Verbum Dei unigenitus Filius. Et quomodo possit ostendi Deum sine ulla sui commutatione operari mutabilia et temporalia. Et quid significetur nomine cœli et terræ; utrum spiritualis corporalisque creatura cœli et terre vocabulum acceperit, an tantummodo corporalis: ut in hoc libro de spirituali tacuisse intelligatur, atque ita dixisse cœlum et terram, ut omnem creaturam corpoream superiorem atque inferiorem significare voluerit. An utriusque informis materia dicta est cœlum et terra: spiritualis videlicet vita, sicuti esse potest in se, non conversa ad Creatorem; tali enim conversione formatur atque perficitur; si autem non convertatur, informis est: corporalis autem si possit intelligi per privationem omnis corporalium qualitatis, quæ appetit in materia formata, cum jam sunt species corporum, sive visu, sive alio quolibet sensu corporis perceptibiles.

3. An cœlum intelligendum est creatura spiritualis, ab exordio quo facta est, perfecta illa et beata semper: terra vero, corporalis materies adhuc imperfecta; quia terra, inquit, *erat invisibilis et incomposita, et tenebræ erant super abyssum*; quibus verbis videtur informitatem significare substantiam corporalis? An utriusque informitas his etiam posterioribus verbis significatur: corporalis quidem eo quod dictum est, *Terra erat invisibilis et incomposita*: spiritualis autem eo quod dictum est, *Tenebræ erant super abyssum*; ut translatu verbo tenebrosam abyssum intelligamus natum rite informem, nisi convertatur ad Creatorem: quo solo modo formari potest, ut non sit abyssus; et illuminari, ut non sit tenebrosa? Et quomodo dictum est, *Tenebræ erant super abyssum*? an quia non erat lux? quæ si esset, utique superesset, et tanquam superfunderetur: quod tunc sit in creatura spirituali, cum convertitur ad incommutabile atque incorporale<sup>2</sup> lumen, quod Deus est.

<sup>1</sup> Ficti, *figuratum*. At MSS. vix ullo excepto, *figurarum*.

<sup>2</sup> Sic MSS. aliquot opinione note. At editi, *incomparabile*.

CAPUT II. — *Quomodo dixit Deus, Fiat lux; an per creaturam, an per æternum Verbum.*

4. Et quomodo dixit Deus, *Fiat lux?* utrum temporaliter, an in Verbi æternitate? Et si temporaliter, utique mutabiliter; quomodo ergo possit intelligi hoc dicere Deus, nisi per creaturam; ipse quippe est incommutabilis? Et si per creaturam dixit Deus, *Fiat lux*; quomodo est prima creatura lux, si erat jam creatura, per quam Deus diceret, *Fiat lux*? An non est lux prima creatura; quia jam dictum erat, *In principio fecit Deus cœlum et terram*; et poterat per coelestem creaturam vox fieri temporaliter atque mutabiliter, qua diceretur, *Fiat lux*? Quod si ita est, corporalis lux facta est ista, quam corporeis oculis cernimus, dicente Deo per creaturam spiritualem<sup>1</sup>, quam Deus jam fecerat, cum in principio fecit Deus cœlum et terram, *Fiat lux*; eo modo quo per talis creaturæ interiorem et occultum motum divinitus dici potuit, *Fiat lux*.

5. An etiam corporaliter sonuit vox dicentis Dei, *Fiat lux*; sicut corporaliter sonuit vox dicentis Dei, *Tu es Filius meus dilectus* (*Math. iii*, 17): et hoc per creaturam corporalem, quam fecerat Deus, cum in principio fecit cœlum et terram, antequam fieret lux, quæ in hac sonante voce facta est? Et si ita est, quæ lingua sonuit ista vox, dicente Deo, *Fiat lux*; quia nondum erat linguarum diversitas, quæ postea facta est in ædificatione turris post diluvium (*Gen. xi*, 7)? Quænam lingua erat una et sola, qua Deus locutus est, *Fiat lux*? et quis erat quem oportebat audire, atque intelligere, ad quem vox hujusmodi proferretur? An hæc absurdâ carnalis cogitatio est atque suspicio?

6. Quid ergo dicemus? An id quod intelligitur in sono vocis, cum dicitur, *Fiat lux*, non autem ipse corporeus sonus, hoc bene accipitur esse vox Dei? et utrum hoc ipsum ad naturam pertineat Verbi ejus, de quo dicitur, *In principio erat Verbum, et Verbum erat apud Deum, et Deus erat Verbum*? Cum enim de illo dicitur, *Omnia per ipsum facta sunt* (*Joan. i*, 1, 3); satis ostenditur et lux per ipsum facta, cum dixit Deus, *Fiat lux*. Quod si ita est, æternum est quod dixit Deus, *Fiat lux*; quia Verbum Dei Deus apud Deum, Filius unicus Dei, Patri coæternus est: quamvis Deo hoc in æterno Verbo dicente creatura temporalis facta sit. Cum enim verba sint temporis, cum dicimus, Quando, et aliquando; æternum tamen est in Verbo Dei, quando fieri aliquid debeat: et tunc fit quando fieri debuisse in illo Verbo est, in quo non est quando et aliquando, quoniam totum illud Verbum æternum est.

CAPUT III. — *Quid sit lux illa. Curve non distum, Fiat cœlum, etc., sicut, Fiat lux. Responsio prima.*

7. Et quid est lux ipsa quæ facta est? utrum spirituale quid, an corporale? Si enim spirituale, potest ipsa esse prima creatura, jam hoc dicto perfecta, quæ primo cœlum appellata est, cum dictum est, *In principio fecit Deus cœlum et terram*: ut quod dixit Deus, *Fiat lux*; et facta est lux, eam revocante ad se Creatore,

conversio ejus facta atque illuminata intelligatur.

8. Et cur ita dictum est, *In principio fecit Deus cælum et terram*; et non dictum est, *In principio dixit Deus, Fiat cælum et terra*; et facta sunt cælum et terra : sicut de luce narratur, *Dixit Deus, Fiat lux*; et facta est lux? Utrum prius universaliter nomine cœli et terræ comprehendendum erat et commendandum quod fecit Deus; et deinde per partes exsequendum, quomodo fecit, cum per singula dicitur, *Dixit Deus*; id est, quia per Verbum suum fecit, quidquid fecit?

#### CAPUT IV. — Altera responsio ad superiorem questionem.

9. An cum prius siebat informitas materiæ sive spiritualis sive corporalis, non erat dicendum, *Dixit Deus, Fiat*; quia formam Verbi semper Patri cohærentis, quo sempiterne dicit Deus omnia, neque sono vocis neque cogitatione tempora sonorum volente, sed coetera sibi luce a se genitæ Sapientiæ, non imitatur imperfectio, cum dissimilis ab eo quod summe ac primitus est, informitate quadam tendit ad nihilum; sed tunc imitatur Verbi formam, semper atque incommutabiliter Patri cohærentem, cum et ipse pro sui generis conversione ad id quod vere ac semper est, id est ad creatorem suæ substancialis, formam capit, et sit perfecta creatura: ut in eo quod Scriptura narrat, *Dixit Deus, Fiat*, intelligamus Dei dictum incorporeum in natura Verbi ejus coeterni revocantis ad se imperfectionem creaturæ, ut non sit informis, sed formetur secundum singula quæ per ordinem exequitur? In qua conversione et formatione, quia pro suo modo imitatur Deum Verbum, hoc est Dei Filium semper Patri cohærentem, plena similitudine et essentia pari, qua ipse et Pater unum sunt (*Joan. x, 30*); non autem imitatur hanc Verbi formam, si aversa a Creatore, informis et imperfecta remaneat: propterea Filii commemoratio non ita sit quia Verbum, sed tantum<sup>1</sup> quia principium est, cum dicitur, *In principio fecit Deus cælum et terram*; exordium quippe creaturæ insinuatur adhuc in informitate imperfectionis: sit autem Filii commemoratio, quod etiam Verbum est, eo quod scriptum est, *Dixit Deus, Fiat*; ut per id quod principium est, insinuet exordium creaturæ existentis ab illo adhuc imperfectæ; per id autem quod Verbum est, insinuet perfectionem creaturæ revocatæ ad eum, ut formaretur inhærendo Creatori, et pro suo genere imitando formam sempiterne atque incommutabiliter inhærentem Patri, a quo statim hoc est quod ille.

#### CAPUT V. — Informem esse creaturam intellectualis, nisi perficiatur conversa ad divinum Verbum. *Spiritus sanctus cur super aquam ferri dictus est antequam narraretur dicens Deum, Fiat lux.*

10. Non enim habet informem vitam Verbum Filius, cui non solum hoc est esse quod vivere, sed etiam hoc est vivere, quod est sapienter ac beatæ vivere. Creatura vero, quanquam spiritualis et intellectualis vel rationalis, quæ videtur esse illi

<sup>1</sup> In prius editis, sed etiam. In MSS., sed tantum.

Verbo propinquior, potest habere informem vitam; quia non sicut hoc est ei esse quod vivere, ita hoc vivere quod sapienter ac beatæ vivere. Aversa enim a Sapientia incommutabili, stulte ac misere vivit, quæ informitas ejus est. Formatur autem conversa ad incommutabile lumen Sapientiæ, Verbum Dei. A quo enim exstitit ut sit utcumque ac vivat, ad illum convertitur ut sapienter ac beatæ vivat. Principium quippe creaturæ intellectualis est aeterna Sapientia; quod principium manens in se incommutabiliter, nullo modo cessat<sup>2</sup> occulta inspiratione vocationis loqui ei creaturæ cui principium est, ut convertatur ad id ex quo est, quod aliter formata ac perfecta esse non possit. Ideoque interrogatus quis esset, respondit: *Principium, quia et loquor vobis* (*Joan. viii, 25*).

11. Quod autem Filius loquitur, Pater loquitur, quia Patre loquente dicitur Verbum, quod Filius est, aeterno more, si more dicendum est, loquente Deo Verbum coeternum (*a*). Inest enim Deo benignitas summa, et sancta et justa; et quidem<sup>3</sup> non ex indigentia, sed ex beneficentia veniens amor in opera sua. Propterea priusquam scriberetur, *Dixit Deus, Fiat lux*; præcessit Scriptura dicens, *Et Spiritus Dei superserebatur super aquam*. Quia sive aquæ nomine appellare voluit totam corporalem materiam, ut eo modo insinuaret unde facta et formata sint omnia, quæ in suis generibus jam dignoscere possumus, appellans aquam, quia ex humida natura videmus omnia in terra per species varias formari atque concrescere; sive spiritualem vitam quamdam ante formam conversionis quasi fluitantem: superserebatur utique Spiritus Dei; quia subjacebat scilicet bonæ voluntati Creatoris, quidquid illud erat quod formandum perficiendumque inchoaverat: ut dicente Deo in Verbo suo, *Fiat lux*; in bona voluntate, hoc est in beneplacito ejus pro modulo sui generis maneret quod factum est; et ideo rectum est<sup>4</sup>, quod placuerit Deo, Scriptura dicente, *Et facta est lux; et vidit Deus lucem quia bona est.*

#### CAPUT VI. — Trinitas insinuata cum in inchoatione, tum in perfectione creaturæ.

12. Ut quemadmodum in ipso exordio inchoatæ creaturæ, quæ cœli et terræ nomine, propter id quod de illa perficiendum erat, commemorata est, Trinitas

<sup>1</sup> Editi: *Quia sicut non hoc est ei esse quod vivere, ita nec hoc vivere quod, etc.* At MSS. magno consensu feruntur: *Non sicut hoc est ei esse quod vivere, ita hoc vivere, etc.* Et verius in Augustini doctrina, qui in lib. de immortalitate animæ, cap. 8, n. 15, animum nisi vivat esse non posse dicit; moxque cap. 9: « Nulla res, inquit, scijsa caret. Est autem tamen animus vita quædam. »

<sup>2</sup> Sic Lov. At Am. et Er., cessabit. MSS. decem, cessabat. Colbertinus codex aliquie duodecim melioris notæ, cessaret. Et consequenter omnes prope MSS. sic prosequuntur: *Ut converteretur ad id ex quo esset, quod aliter... esse non posset.*

<sup>3</sup> Lov., quidam. At MSS. prope omnes, quidem

<sup>4</sup> MSS. sex, et ideo lectum est. Vindocinensis codex, et ideo dictum est. At ceteri MSS. et editi hic et in libro ad Dulcit. habent, rectum est. Paulo post in editis caput 6 incipiebat, *Et quemadmodum*; atque infra legebatur, *uta et in conversione... insinuatur*: quibus locis sequimur MSS.

(a) Quæ sequuntur, usque ad finem cap. 7, translata sunt in librum dæ octo Dulciti questionibus, respons. ad quest. 8, nn. 2 et 5.

Insinuatur Creatoris (nam dicente Scriptura, *In principio fecit Deus cælum et terram*; intelligimus Patrem in Dei nomine, et Filium in principii nomine, qui non Patri, sed per seipsum creatæ primitus ac potissimum spirituali creaturæ, et consequenter etiam universæ creaturæ principium est: dicente autem Scriptura, *Et Spiritus Dei ferebatur super aquam*, completam commemorationem Trinitatis agnoscimus); ita et in conversione atque perfectione creature, ut rerum species digerantur, eadem Trinitas insinuetur: Verbum Dei scilicet, et Verbi generator, cum dicitur, *Dixit Deus*; et sancta bonitas, in qua Deo placet quidquid ei pro suæ naturæ modulo perfectum placet, cum dicitur, *Vidit Deus quia bonum est.*

CAPUT VII. — *Spiritus Dei cur dictus est superferri super aquam.*

13. Sed cur commemorata prius quamvis imperfecta creatura, postea commemoratur Spiritus Dei, prius dicente Scriptura, *Terra autem erat invisibilis et incomposita, et tenebræ erant super abyssum*<sup>1</sup>; ac deinde inferente, *Et Spiritus Dei superferebatur super aquam?* An quoniam egenus atque indigus amor ita diligit, ut rebus quas diligit, subjiciatur; propterea cum commemoraretur Spiritus Dei, in quo sancta ejus benevolentia dilectione intelligitur, superferri dictus est, ne facienda<sup>2</sup> opera sua per indigentia necessitatem potius quam per abundantiam beneficentia Deus anflare putaretur? Cujus rei memor Apostolus dicturus de charitate, super eminentem viam demonstraturum se ait (*I Cor. XII, 31*): et in alio loco, *Supereminenter, inquit, scientia charitatem Christi (Ephes. III, 19)*. Cum ergo sic oportet insinuari Spiritum Dei, ut superferri diceretur, commodius factum est ut prius insinuarebatur aliquid inchoatum, cui superferri diceretur; non enim loco, sed omnia superante ac præcellente potentia.

CAPUT VIII. — *Dei amor in creaturas præstat eis ut sint, et ut maneant.*

14. Ita etiam rebus ex illa inchoatione perfectis atque formatis, *vidit Deus quia bonum est*: placuit enim quod factum est, in ea benignitate qua placuit ut fieret. Duo quippe sunt propter quæ amat Deus creaturam suam; ut sit, et ut maneat. Ut esset ergo quod maneret, *Spiritus Dei superferebatur super aquam*; ut autem maneret, *Vidit Deus quia bonum est*. Et quod de luce dictum est, hoc de omnibus. Manent enim quædam supergressa omnem temporalem volubilitatem in amplissima sanctitate sub Deo; quædam vero secundum sui temporis modos, dum per decessionem successionemque rerum sæculorum pulchritudo contexitur.

CAPUT IX. — *Utrum in tempore dictum sit, Fiat lux, an sine tempore.*

15. Quod ergo dixit Deus, *Fiat lux*; et facta est lux, in aliquo die dixit, an ante omnem diem? Si enim Verbo sibi coæterno dixit, hoc utique intempo-

raliter dixit: si vero temporaliter dixit, non Verbo sibi coæterno, sed per aliquam dixit creaturam temporalem; ac per hoc non erit prima creatura lux, quia jam erat per quam temporaliter diceretur, *Fiat lux*. Atque illud ante omnem diem fecisse intelligitur, quod dictum est, *In principio fecit Deus cælum et terram*; ut cœli nomine intelligatur spiritualis jam facta et formata creatura, tanquam cœlum cœli hujus, quod in corporibus summum est. Secundo enim die factum est firmamentum, quod rursus cœlum appellavit. Terra autem nomine invisibilis et incompositæ, ac tenebrosa abyso, imperfectio corporalis substantiae significata est, unde temporalia illa fuerint, quorum prima esset lux.

16. Quomodo autem per creaturam, quam fecit ante tempora, dici potuit temporaliter, *Fiat lux*, inventre difficile est. Sono enim vocis non intelligimus dictum: nam quidquid tale est, corporeum est. An ex illa imperfectione substantiae corporalis fecit aliquam vocem corpoream, per quam sonaret, *Fiat lux?* Ergo aliquod vocale corpus ante lucem creatum atque formatum est. Sed si ita est, jam erat tempus, per quod vox curreret, sonorumque spatia sibi succendentia<sup>3</sup> præterirent. Quod si jam erat tempus antequam fieret lux, in quo tempore fieret vox quæ resonaret, *Fiat lux*; ad quem diem pertinebat illud tempus? Unus enim dies, idemque primus ille numerari incipit, quo facta est lux. An ad ipsum diem pertinet totum spatium temporis, et quo factum est vocale corpus, per quod sonaret, *Fiat lux*, et quo facta est ipsa lux? Sed omnis talis vox propter audientis corporalem sensum a loquente profertur; ita enim factus est, ut percutto aere sentiat<sup>4</sup>. Numquid itaque tales habebat auditum illud quidquid erat invisibile et incompositum, cui sic Deus personaret ac diceret, *Fiat lux?* Abscedat itaque haec ab animo cogitantis absurditas.

17. Utrum ergo spiritualis motus, sed tamen temporalis erat, quo dictum intelligimus, *Fiat lux*, expressus ab æterno Deo per Verbum coæternum in creatura spirituali, quam jam fecerat, cum dictum est, *In principio fecit Deus cælum et terram*, id est in illo cœlo cœli? an et ista locutio non tantum sine aliquo sono, sed etiam sine ullo temporali motu spiritualis creature, in ejus mente atque ratione fixa quodammodo a Verbo Patri coæterno, et quodammodo impressa intelligitur, secundum quam moveretur, et ad speciem converteretur inferior illa tenebrosa imperfectio naturæ corporeæ, et fieret lux? Sed multum est ac difficillimum capere quomodo dicatur, Deo non temporaliter jubente, neque id temporaliter audiente creatura, quæ contemplatione veritatis omnia tempora excedit, sed intellectualiter sibimet impressas ab incommutabili Dei Sapientia rationes, tanquam intelligibles locutiones, in ea quæ infra sunt transmittente, fieri temporales motus in rebus temporalibus vel formandis vel administrandis. Si autem lux, quæ primum dicta est ut fiat, et facta est, etiam primatum creaturæ

<sup>1</sup> Sic MSS. juxta græc. LXX. At editi, et tenebræ erant super sursum abyssi.

<sup>2</sup> Ediu faciendo. MSS., facienda.

<sup>3</sup> MSS. plerique, succendentium.

<sup>4</sup> In vulgaris, facta est ut percutto aere sentiat. Sed versus in MSS., factus est, ut.... scitiat, scilicet auditus.

**tercere intelligenda est, ipsa est intellectualis vita; quæ nisi ad Creatorem illuminanda converteretur, fluitaret informiter. Cum autem conversa et illuminata est, factum est quod in Verbo Dei dictum est, *Fiat lux.***

**CAPUT X. — Quomodo dies unus peractus fuit, sive in creatione sive post creationem lucis. Primus explicandi modus improbat. Secundus dicendi modus difficultatibus implicatur.**

18. Verumtamen quemadmodum sine tempore dictum est, quia in Verbum Patri coæternum non cadit tempus; utrum ita etiam sine tempore factum sit, quisquam forsitan querat. Sed quomodo potest hoc intelligi, cum facta luce et divisa a tenebris, et inditis diei noctisque vocabulis, dicat Scriptura, *Facta est vespera, et factum est mane dies unus?* Unde videtur illud opus Dei factum per spatum diei, quo peractio ad vesperam ventum est, quod est noctis initium. Itemque peracto nocturno spatio completus est totus dies, ut mane fieret in alterum diem, in quo die Deus aliud consequenter operaretur.

19. Imo vero idipsum permirabile est, cum Deus nullo spatio syllabarum æterna Verbi sui ratione dixerit, *Fiat lux;* cur tanta mora facta sit lux, donec diel spatium præteriret, et vespera fieret. An forte cito quidem lux facta est, sed mora diurni temporis in eo consumi potuit, cum discerneretur a tenebris, atque atrumque discretum suis vocabulis signaretur? Mirum si et hoc vel tanta mora fieri potuit a Deo, quanta dicitur a nobis. Discretio quippe lucis et tenebrarum in ipso utique opere, cum lux fieret, consecuta est: non enim lux esse potuit, nisi discerneretur a tenebris.

20. Quod autem vocavit Deus lucem diem, et tenebras noctem, quanta mora fieri poterat, etiam si hoc syllabatim per sonum vocis egisset, nisi quanta et a nobis dicitur, Lux vocetur dies, et tenebrae vocentur nox? nisi forte quis ita desipiatur, ut quia super omnia magnus est Deus, pulet ore Dei prolatas, quamvis paucissimas syllabas, per totum diei spatium potuisse distendi. Huc accedit, quia Verbo sibi coæterno, id est incommutabilis Sapientiae internis æternisque rationibus, non corporali sono vocis, vocavit Deus lucem diem, et tenebras noctem. Rursum enim queritur, si verbis quibus utimur vocavit, qua lingua vocaverit; et quid opus erat sonis transeuntibus, ubi cujusquam non erat corporalis ullus auditus: et non invenitur.

21. An dicendum est, quod cum cito peractum esset hoc opus Dei, tamdiu stetit lux non succidente nocte, donee diurnum spatium perageretur; et tamdiu manet nox luci succedens, donec spatium nocturni temporis præteriret, et mane fieret diei sequentis, uno primoque transacto? Sed si hoc dixero, vereor ne deridear et ab iis qui certissime cognoverunt, et ab iis qui possunt facilissime advertere quod eo tempore quo nox apud nos est, eas partes mundi præsentia lucis illustrat, per quas sol ab occasu in ortum reddit; ac per huc omnibus viginti quatuor horis non dcesse per circuitum gyri totius, alibi diem, alibi noctem. Numquidam ergo in parte aliqua posituri sumus Deum

ubi ei vespera fieret, cum ab ea parte in aliam partem lux abscederet? Nam et in libro qui appellatur Ecclesiastes, ita scriptum est: *Et ortitur sol, et occidit sol, et in locum suum ducitur*<sup>1</sup>; hoc est, in eum locum unde ortus est. Sequitur enim, et dicit: *Ipsæ oriens illuc vadit ad austrum, et circuit ad aquilonem* (*Eccle.* 1, 5, 6). Australis ergo pars cum habet solem, nobis dies est: cum autem ad aquilonis partem circumviens pervenit, nobis nox est; non tamen in alia parte non est dies, ubi præsentia solis est: nisi forte poeticis figuris cor inclinandum est, ut credamus solem mari se immergere, atque inde lotum ex alia parte mane surgere. Quanquam si ita esset, abyssus ipsa præsentia solis illustraretur, atque ibi esset dies. Posset enim et aquas illuminare, quando ab eis non posset extingui. Sed hoc monstruosum est suspicari. Quid quod etiam sol nondum erat?

22. Quapropter si spiritualis lux primo die facta est, numquidnam oecidit, ut ei succederet nox? Si autem corporalis, quænam illa lux est, quam post occasum solis videre non possumus, quia nec luna erat adhuc, nec aliquæ stellæ? Aut si semper in ea parte cœli est, in qua sol, ut non sit solis lux, sed quasi comes ejus, eidem ita conjuncta, ut discerni dignoscique non possit, ad eamdem reditur difficultatem solvendæ hujus questionis: quia et ista lux eodem modo quo sol, tanquam comes ejus, ab occasu in ortum circumviens redit; et est in alia parte mundi, quo tempore pars ista in qua sumus, tenebrescit<sup>2</sup> in noctem. Ex quo cogit, quod absit, in una parte credere Deum fuisse, quam partem lux ista desereret, ut posset ei vespera fieri. An forte in ea parte lucem fecerat, in qua facturus erat hominem; et ideo cum ab ipsa parte lux discessisset, vespera facta dicitur, etiam cum in alia parte lux illa esset, quæ inde discesserat, mane exortura peracto circuitu?

**CAPUT XI. — De solis officio nova difficultas in superiori modo dicendi.**

23. Utquid ergo factus est sol in potestatem diei (*Psal. cxxxv*, 8), qui luceret super terram, si lux illa diei faciendo sufficerat, quæ dies etiam vocata est? An illa prior regiones superiores a terra longinquas illustrabat, ut sentiri non posset in terris; atque ita oportebat solem fieri, per quem dies inferioribus mundi partibus appareret? Potest et hoc dici, auctum esse fulgorem dici sole addito, ut per illam lucem minus fulgens dies quam nunc est, fuisse credatur. Etiam hoc a quadam dictum scio, primum naturam lucis inductam in opere Creatoris, cum dictum est, *Fiat lux, et facta est lux;* postea vero cum de luminaribus dicitur, quid ex ipsa luce factum sit fuisse commemoratum, ordine dierum, quo visum est Creatori cuncta esse facienda: quæ natura lucis quo transierit facta vespera, ut vicissim nox perageretur, nec ille dixit, nec facile inveniri posse arbitror. Neque enim existimat esse credendum est, ut nocturnæ tenebrae

<sup>1</sup> Ms. Colbertinus tresque alii optimæ notæ, dicit. Ita eundem locum refert Hieronymus, qui vulgatam editionem sui temporis se secutum testatur.

<sup>2</sup> MSS. constanter, *tenebrescit.*

succederent; et rursus accessam, ut mane fieret, antequam hoc solis officio gereretur; quod a quarto die coepisse fieri, eadem Scriptura testatur.

**CAPUT XII. — Alia difficultas de successione trium dierum et noctium ante solis creationem. Congregatio aquarum quomodo facta.**

24. Quod antequam fieret, quo circuitu sibi potuerint tres dies noctesque succedere, lucis quæ primo facta est permanente natura, si lux corporalis tunc facta intelligenda est, et invenire et explicare difficile est. Nisi forte molem terrenam et aquosam, antequam esset ab alterutro utrumque discretum, quod tertio die factum scribitur, tenebras Deum appellasse quis dixerit, propter crassiores corpulentiam, quam lux penetrare non poterat, vel propter obscurissimam umbram tantæ molis, quam necesse est ut ex altera parte habeat corpus, si ex aliqua parte lux fuerit. Ad quem locum enim cuiuslibet corporis moles lucem pervenire non sinit, in eo loco umbra est: quoniam locus carens ea luce, qua illustraretur, nisi impediret corpus oppositum, hoc totum est quod umbra dicitur. Quæ si pro mole corporis tam magna fuerit, ut occupet spatium terræ, quantum ex altera parte dies occupat, nox vocatur. Neque enim omnes tenebrae nox. Nam et in speluncis amplis, in quarum abdita lux irrumpere per oppositam molem non sinitur, sunt utique tenebrae; quia lux non est ibi, totumque spatium illud locus est carens luce: nec tamen tales tenebrae acceperunt vocabulum noctis, sed illæ quæ in eam partem terræ succedunt, unde renovetur dies. Sicut non omnis lux dies appellatur; nam et lunæ lux est, et siderum, et lucernarum, et coruscationum, et quarumque rerum ita fulgentium: sed illa lux appellatur dies, cui nox præcedenti recententique succedit.

25. Sed si primaria lux illa undique terræ molem circumfusa contexerat, sive staret, sive circumiret, non erat ex qua parte admitteret noctem sibi succedere; quia nusquam ipsa discedebat, ut ei faceret locum. An ex una parte facta erat, ut ipsa circumiens, etiam noctem ex alia parte consequenter circumiret? Cum enim totam terram adhuc aqua teggeret, nihil impediebat ut aquosa et globosa<sup>1</sup> moles ex una parte faceret diem lucis præsentia, ex alia noctem lucis absentia, quæ in eam partem succederet a tempore vespertino, ex qua lux in aliam declinaret.

26. Quo ergo congregatae sunt aquæ, si totam terram prius occupaverant? illæ scilicet quæ detractæ sunt, ut terra nudaretur, in quam partem congregatae sunt? Si enim erat aliquid nudum terræ, quo congregarentur, jam apparebat arida, nec totum abyssus occupabat. Si autem totum texerant, quis erat locus quo colligerentur, ut terræ ariditas appareret? Numquidnam in altum congregatae sunt, sicut fit cum ad ventilandum in area messis trita subrigitur, et congesta in aggerem nudat locum quem diffusa contexerat? Quis hoc dixerit, cum viderat usquequa campos maris æquabiliter fusos, qui etiam cum aquæ fluctuantis quidam velut montes eriguntur, sedatis rursus

tempestibus complanantur? Et si qua littora nudantur latius, non potest dici nulla esse alia terrarum spatiæ, quo accedat id quod aliunde decedit, unde in eum locum ex quo recesserat, iterum accedat. Cum autem totam omnino terram undosa natura cooperaret, quo cederet, ut nudaret alias partes? An forte riarior aqua velut nebula terras tegebat, quæ congreagatione spissa est, ut ex multis eas partibus, in quibus arida posset apparere, nudaret? Quanquam et terra longe lateque subsidens, potuit alias partes præbere concavas, quibus confluentes et corruentes aquæ reciperentur, et appareret arida ex his partibus, unde humor abscederet.

27. Non est autem informis omni modo materies, ubi etiam nebula species appareret:

**CAPUT XIII. — Aqua et terra quando creatae.**

Et ideo quæri adhuc potest, quando Deus istas conspicuas aquarum terrarumque species qualitatesque creaverit; in nullo enim sex dierum hoc inventur. Itaque si hoc ante omnem diem fecit, sicut ante istorum primorum dierum commemorationem scriptum est, *In principio fecit Deus cælum et terram*; ut in terra vocabulo intelligamus jam formatam terrænam speciem superfusis aquis ista jam visibili specie sni generis declaratis: ut in eo quod sequitur Scriptura dicens, *Terra autem erat invisibilis et incomposita, et tenebrae erant super abyssum: et Spiritus Dei superferebatur super aquas*, nullam opinemur informitatem materiæ, sed terram et aquam sine luce, quæ nondum erat facta, suis jam notissimis qualitatibus conditas: ut ideo terra invisibilis dicta intelligatur, quod aquis cooperta non posset videri, etiamsi esset qui posset videre; ideo vero incomposita, quia nondum a mari distincta, et cincta littoribus, et suis fetibus animalibusque decorata: si ergo ita est, cur istæ species, quæ procul dubio corporales sunt, ante omnem diem factæ sunt? Cur non scriptum est, *Dixit Deus, Fiat terra, et facta est terra; item, Dixit Deus, Fiat aqua; et facta est aqua; vel utrumque communiter, si una quasi lege loci insimi continentur, Dixit Deus, Fiat terra et aqua, et sic factum est?*

**CAPUT IV.—Ratio cur in primo versiculo Genesios subintelligatur materia informis.**

Cur non dictum est, cum hoc factum esset, Videl Deus, quia bonum est?

28. Hæc enim consideratio suasit (quoniam manifestum est omne mutabile ex aliqua informitate formari) simulque illud et catholica fides præscribit, et certissima ratio docet, nullarum naturarum materiam esse potuisse, nisi ab omnium rerum non solum formatarum, sed etiam formabilium inchoatore Deo atque creatore, de qua etiam dicit ei quædam Scriptura, *Qui fecisti mundum ex materia informi* [Sap. xi, 18] hanc materiam illis verbis, quibus pro spirituali prudentia tardioribus etiam lectoribus vel auditoribus congrueret<sup>1</sup>, suisce commemoratam, quibus ante diem enumerationem dictum est, *In principio fecit Deus cælum et terram*, etc., donec diceretur. *Et dixit*

<sup>1</sup> MSS. plures, *congrueretur*.

<sup>1</sup> MSS. aliquot, *glebosa*.

*Dens, ut deinceps formatarum rerum ordo consequeretur.*

**CAPUT XV. — Materia origine, non tempore formam præcedit.**

29. Non quia informis materia formatis rebus tempore prior est, cum sit utrumque simul concreatum, et unde factum est, et quod factum est. Sicut enim vox **materia** est verborum, verba vero formatam vocem indicant; non autem qui loquitur, prius emitit informem vocem, quam possit postea colligere, atque in verba formare: ita creator Deus non priore tempore fecit informem materiam, et eam postea per ordinem quarumque naturarum, quasi secunda consideratione formavit; formatam quippe creavit materiam. Sed quia illud unde sit aliquid, etsi non tempore, tamen quadam origine prius est, quam illud quod inde sit; potuit dividere Scriptura loquendi temporibus, quod Deus faciendi temporibus non divisit. Si enim queratur utrum vocem de verbis an de voce verba faciamus; non facile quisquam ita tardo ingenio reperitur, qui non potius verba fieri de voce respondeat: ita quamvis utrumque simul qui loquitur facial, quid unde faciat, naturali attentione satis appetet. Quamobrem, cum simul utrumque Deus fecerit, et materiam quam formavit, et res in quas eam formavit, et utrumque ab Scriptura dici oportuerit, nec simul utrumque dici potuerit; prius illud unde aliquid factum est, quam illud quod inde factum est, dici debuisse quis dubitet? Quia etiam cum dicimus materiam et formam, utrumque simul esse intelligimus, nec utrumque simul possumus enuntiare. Sicut autem in brevitate temporis contingit, cum duo ista verba proferimus, ut alterum ante alterum proferamus: ita in prolixitate narrationis alterum prius quam alterum narrandum fuit, quamvis utrumque, ut dictum est, simul fecerit Deus; ut quod sola origine prius est in faciendo, etiam tempore prius sit in narrando: quia duas res, quarum etiam altera nullo modo prior est, nominari simul non possunt; quanto minus simul narrari? Non itaque dubitandum est ita esse uteumque istam informem materiam prope nihil, ut non sit facta nisi a Deo, et rebus quae de illa factae sunt simul concreata sit.

. 30. Sed si credibiliter dicitur eam significari illis verbis, *Terra autem erat invisibilis et incomposita, et tenebrae erant super abyssum: et Spiritus Dei superferebatur super aquam;* ut excepto quod ibi positum est de Spiritu Dei, cætera rerum quidem visibilium vocabula, sed ad illam informitatem, ut tardioribus poterat, insinuandam dicta intelligamus; quia haec duo elementa, id est terra et aqua, ad aliquid faciendum operantium manibus tractabiliora sunt cæteris, et ideo congruentius istis nominibus illa insinuabatur informitas.

**CAPUT XVI. — Alia ratio explicandi quomodo dies et nox facta fuerit, emissione scilicet et contractione lucis, non probatur.**

Si hoc ergo probabiliter dicitur, non erat aliqua formatâ mole, quam lux ex una parte illustrans, ex

altera facret tenebras, unde posset nox die discente succedere.

31. Emissionem vero contractionemque lucis illius si velinius diem noctemque intelligere, nec causam videmus cur ita fieret. Non enim jam erant animalia, quibus vicissitudo salubriter exhiberetur, et quibus postinodum exortis per circuitum solis cernimus exhiberi. Nec ullum occurrit exemplum, quo istam emissionem contractionemque lucis, ut diei noctisque vicissitudines fierent, probare possimus. Jactus enim radiorum ex oculis nostris, cuiusdam lucis quidem est jactus<sup>1</sup>; et contrahi potest, cum aerem, qui est oculis nostris proximus, intuemur; et emitti, cum ad eamdem rectitudinem, quæ sunt longe posita attendimus: nec sane cum contrahitur, omnino cernere quæ longe sunt desinit; sed certe obscurius, quam cum in ea obtutus emittitur. Sed tamen ea lux quæ in sensu videntis est, tam exigua docetur<sup>2</sup>, ut nisi adjuvemur extranea luce, nihil videre possimus; et quoniam discerni ab ea non potest, quo exemplo demonstrari possit emissio in diem, et contractione lucis in noctem, sicut dixi, reperi difficile est.

**CAPUT XVII.—De spirituali luce difficultas, quomodo in ea sit vespera et mane, divisioneque a tenebris.**

32. Si autem spiritualis lux facta est, cum dixit Deus, *Fiat lux;* non illa vera Patri coæterna intelligenda est, per quam facta sunt omnia, et quæ illuminat omnem hominem; sed illa de qua dici potuit, *Prior omnium creata est sapientia* (*Eccli. 1, 4*). Cum enim æterna illa et incommutabilis, quæ non est facta, sed genita Sapientia, in spirituales atque rationales creaturas, sicut in animas sanctas se transfert (*Sap. vii, 27*), ut illuminatæ lucere possint; sit in eis quædam luculentæ rationis affectio, quæ potest accipi facta lux, cum diceret Deus, *Fiat lux:* si jam erat creatura spiritualis, quæ nomine cœli significata est, in eo quod scriptum est, *In principio fecit Deus cælum et terram;* non corporeum cælum, sed cœlum incorporeum cœli corporei<sup>3</sup>, hoc est, super omne corpus, non locorum gradibus, sed naturæ sublimitate præpositum. Quo autem modo simul fieri potuit et quod illuminaretur, et ipsa illuminatio, ac diverso tempore narranda fuerit, paulo ante diximus, cum de materia tractaremus.

33. Sed huic luci succendentem noctem, ut vespera fieret, quo pacto intellecturi sumus? A tenebris vero qualibus talis lux dividi potuit, dicente Scriptura, *Et divisit Deus inter lucem ac tenebras?* Numquid jam erant peccatores et stulti decadentes à lumine veritatis, inter quos et in eadem luce permanentes divideret Deus, tanquam inter lucem ac tenebras; et<sup>4</sup> lucem

<sup>1</sup> Excusi, *lucis evidens est jactus.* Dissentunt MSS. omnes; pars habet, *lucis quidem est jactus;* alii, prætermissa media voce, *lucis est jactus.*

<sup>2</sup> Editi, *tum exigua videtur.* MSS., *docetur:* postque sex ex iis loco adjuvemur, habent, *adjuvetur.*

<sup>3</sup> In editis, *cœlis corporeis.* At nulli dubitamus veriore esse hanc MSS. prope omnium lectionem, *sed cœlum incorporeum cœli corporei;* ubi Augustinus more suo ad illud *Psalm. cxm, 16,* alludit, *cœlum cœli Domino.* Confer supra, nn. 15 et 17, nec non lib. 12 Confess., cap. p. 2, 8 et 9.

<sup>4</sup> Sic in omnibus MSS. At apud Am. Er. et Iov. annota hinc

vocans diem , ac tenebras noctem, ostenderet se non operatorem peccatorum , sed ordinatorem distributione meritorum ? An hic dies totius temporis nomen est , et omnia volumina sacerdotiorum hoc vocabulo includit ; ideoque non dictus est primus, sed unus dies ? *Et facta est enim vespera , et factum est , inquit , mane dies unus :* ut per hoc quod facta est vespera , peccatum rationalis creaturæ ; quod autem factum est mane , renovatio ejus significata videatur .

34. Sed hæc allegoriæ propheticæ disputatio est , quam non isto sermone suscepimus. Instituimus enim de Scripturis nunc loqui secundum proprietatem rerum gestarum, non secundum ænigmata figurarum <sup>1</sup>. Ergo ad rationem factarum conditarumque naturarum , quomodo invenimus vesperam et mane in luce spirituali ? An divisio quidem lucis a tenebris , distinctio est jam rei formatæ ab informi ; appellatio vero diei et noctis , insinuatio distributionis <sup>2</sup> est , qua significatur nihil Deum inordinatum relinquere , atque ipsam informitatem , per quam res de specie in speciem modo quodam transcendo mutantur , non esse indispositam ; neque defectus profectusque creature , quibus sibi met temporalia quæque succedunt , sine supplemento esse decoris universi ? Nox enim ordinatæ sunt tenebrae .

35. Propterea vero cum facta esset lux , dictum est , *Vidit Deus lucem , quia bona est ;* cum hoc posset post omnia ejusdem diei dicere , id e-t , ut cum explicasset <sup>3</sup> , *Dixit Deus , Fiat lux ; et facta est lux ; Et divisit Deus inter lucem et tenebras ; Et vocavit Deus lucem diem , et tenebras vocavit noctem ;* tunc diceret , *Et vidit Deus quia bonum est ;* et deinceps annexeret , *Et facta est vespera , et factum est mane ;* sicut in aliis operibus facit , quibus vocabula imponit. Illic ergo propterea non ita fecit , quoniam a formata re ad hoc distincta est illa informitas , ut non in ea finis esset , sed adhuc formanda restaret per creature cæteras jam corporales. Itaque si posteaquam distincta essent illa divisione et vocabulis , tunc diceretur , *Vidit Deus quia bonum est ;* hæc facta acciperemus significari , quibus jam in suo genere nihil esset addendum. Quia vero lucem solam ita perfecerat ; *Vidit Deus , inquit , lucem , quia bona est ,* et divisione ac nominibus discrevit a tenebris. Neque tunc dixit , *Vidit Deus quia bonum est ;* ad hoc enim erat informitas illa discreta , ut adhuc inde alia formarentur. Namque ista nox quæ nobis notissima est (facit enim eam super terras solis circuitus) , quando per luminarium distributionem a die dividitur , post ipsam divisionem diei et noctis dicitur , *Vidit Deus quia bonum est .* Non enim hæc nox informis aliqua substantia erat , unde adhuc alia formarentur , sed spatium loci plenum aere , carens lumine diurno ; cui utique nocti jam nihil addendum

fuerat particula , et , insertaque proxime ante vocem , ostendret : pauloque post in iisdem legebatur , distributionem , pro quo in multis MSS. , distributione ; at in aliis , distributionem meritorum .

<sup>1</sup> MSS. septem , futurarian.

<sup>2</sup> MSS. sex , distinctionis.

<sup>3</sup> In excusis , ut cum cœlum explicasset . Redundat vox , cœlum ; abestque a MSS.

easet in genere suo , quo esset speciosior sive distinctior. Vespera autem in toto illo triduo , antequam flerent luminaria , consummati operis terminus non absurde fortasse intelligitur ; mane vero , tanquam futuræ operationis significatio .

#### CAPUT XVIII. — *Quomodo Deus operatur.*

36. Sed ante omnia meminerimus , unde jam multa diximus , non temporalibus quasi animi sui aut corporis motibus operari Deum , sicut operatur homo vel angelus ; sed æternis atque incommutabilibus et stabilibus rationibus coæterni sibi Verbi sui , et quodam , ut ita dixerim , fotu <sup>1</sup> pariter coæterni sancti Spiritus sui. Nam et illud quod per græcam et latinam lingua dictum est de Spiritu Dei , quod *superferebatur super aquas* , secundum syræ lingue intellectum , quæ vicina est hebrææ , (nam hoc a quodam docto christiano syro fertur expositum) non *superferebatur* , sed *fovebat* potius intelligi perhibetur. Nec sicut foventur tumores aut vulnera in corpore aquis vel frigidis vel calore congruo temperatis ; sed sicut ova foventur ab alitibus , ubi calor ille materni corporis etiam formandis pullis quodammodo adminiculatur , per quemdam in suo genere dilectionis affectum. Non itaque per singulos dies istorum operum divinorum tanquam temporales voces Dei carnaliter cogitemus. Non enim ad hoc ipsa Dei Sapientia nostra infirmitate suscepta venit ad colligendos sub alias suas filios Ierusalem , quemadmodum gallina pullos suos (*Matth. xxiii , 37*) ut semper parvuli simus ; sed ut malitia infantes , mente pueri esse desinamus (*I Cor. xiv , 20*).

37. Et in rebus obscuris atque a nostris oculis remotissimis , si qua inde scripta etiam divina legeriūnus , quæ possint salva side qua imbuiuntur , alias atque alias parere sententias ; in nullam earum nos precipiti affirmatione ita projiciamus , ut si forte diligentius discussa veritas eam recte labefactaverit , corruamus : non pro sententia divinarum Scripturarum , sed pro nostra ita dimicantes , ut eam velimus Scripturarum esse , quæ nostra est ; cum potius eam quæ Scripturarum est , nostram esse velle debeamus .

#### CAPUT XIX. — *In obscuris Scripturæ locis nihil tenere asserendum.*

38. Ponamus enim in eo quod scriptum est , *Dixit Deus , Fiat lux ; et facta est lux ;* alium sensisse lucem corporalem factam , et alium spiritualem. Esse spiritualem lucem in creatura spirituali , fides nostra non dubitat <sup>2</sup> : esse autem lucem corporalem coelestem , aut etiam supra cœlum , vel ante cœlum , cui succedere nox potuerit , tamdiu non est contra fidem , donec veritate certissima refellatur. Quod si factum fuerit , non hoc habebat divina Scriptura , sed hoc senserat humana ignorantia. Si autem hoc verum esse certa ratio demonstraverit , adhuc incertum erit utrum hoc in illis verbis sanctorum Librorum scriptor sentiri

<sup>1</sup> Editi , flatu. At MSS. melioris notæ fotu. Concinnius ad illam interpretandi rationem Syri cujusdam , quam hic laudat Augustinus , post Basilius in homilia 2 in Hexam .

<sup>2</sup> Sic ad melioris notæ MSS. emendamus , cum in prius editis legeretur : *Alium sensisse lucem corporalem factam , et alium spiritualem esse lucem in creatura spirituali , quod nostra fides non dubitat.*

vulerit, an aliud aliquid non minus verum. Quod si cætera contextio sermonis non hoc eum voluisse probaverit, non ideo falsum erit aliud, quod ipse intelligi voluit; sed et verum, et quod utilius cognoscatur. Si autem contextio Scripturæ hoc voluisse intelligi scriptorem non repugnaverit, adhuc restabit querere utrum et aliud non potuerit. Quod si et aliud potuisse invenerimus, incertum erit quidnam eorum ille voluerit: et utrumque sentiri voluisse, non inconvenienter creditur, si utriusque sententiae certa circumstantia suffragatur.

39. Plerumque enim accidit ut aliquid de terra, de cœlo, de cæteris mundi hujus elementis, de motu et conversione vel etiam magnitudine et intervallis siderum, de certis defectibus solis ac lunæ, de circuitibus annorum et temporum, de naturis animalium, fruticum, lapidum, atque hujusmodi cæteris, etiam non christianus ita moverit, ut certissima ratione vel experientia teneat. Turpe est autem nimis et perniciosum ac maxime cavendum, ut christianum de his rebus quasi secundum christianas Litteras loquentem, ita delirare quilibet infidelis audiat, ut, quemadmodum dicitur, toto cœlo errare consciens, risum tenere vix possit. Et non tam molestum est, quod errans homo deridetur, sed quod auctores nostri ab eis qui foris sunt, talia sensisse creduntur, et cum magno eorum exitio de quorum salute satagimus, tanquam indocti reprehenduntur atque respununt. Cum enim quemquam de numero Christianorum in ea re quam optime norunt, errare deprehenderint, et vanam sententiam suam de nostris Libris asserere; quo pacto illis Libris credituri sunt, de resurrectione mortuorum, et de spe vitæ æternæ, regnoque cœlorum, quando de his rebus quas jam experiri, vel indubitate numeris percipere potuerunt, fallaciter pulaverint esse conscriptos? Quid enim molestia tristitiaque ingerant prudentibus fratribus temerarii præsumptores, satis dici non potest, cum si quando de prava et falsa opinione sua reprehendi, et convinci coeperint ab eis qui nostrorum Librorum auctoritate non tenentur, ad defendantum id quod levissima temeritate et aper-tissima falsitate dixerunt, eosdem Libros sanctos, unde id probent, proferre conantur, vel etiam memoriter, quæ ad testimonium valere arbitrantur, multa inde verba pronuntiant, non intelligentes neque quæ loquuntur, neque de quibus affirmant (*I Tim. 1, 7.*).

CAPUT XX. — *Genesim cur interpretetur sententias varias proferendo, non aliquam unam asserendo.*

40. Ad hoc enim considerandum et observandum, librum <sup>1</sup> Geneseos multipliciter, quantum potui, enucleavi, protulique sententias de verbis ad exercitationem nostram obscure positis; non aliquid unum temere affirmans cum præjudicio alterius expositionis fortasse melioris, ut pro suo modulo eligat quisque quod capere possit: ubi autem intelligere non potest, Scripturæ Dei det honorem, sibi timorem. Sed cum

tam multis exitibus verba Scripturæ quæ tractavimus, exponantur, cohibeant se tandem qui litteris inflati sacerdotalibus hæc ita posita, ut omnia pia corda nutritant, velut imperitum atque impolitum aliquid exigitant; sine pennis in terra reptantes, et volatu ranarum <sup>2</sup> avium nidos irridentes. Periculosius autem errant quidam infirmi fratres, qui cum istos impios de coelestium corporum numeris, vel de quibuslibet elementorum mundi hujus quæstionibus subtiliter et copiose disserere audiunt, evanescunt; et eos sibi cum suspirio præponentes, et magnos putantes, saluberrimæ pietatis Libros cum fastidio repetunt et quos dulciter haurire deberent, vix patienter attingunt; a segetis asperitate abhorrentes, et spinarum floribus inhiantes. Non enim vacant videre quam suavis est Dominus (*Psal. xxxiii, 9*), nec in sabbato esuriunt; atque ideo pigri sunt, potestate a Domino sabbati accepta, vellere spicas, et tamdiu versari manibus, contritasque purgare, donec ad escam perveniant (*Matth. xii, 1*).

CAPUT XXI. — *Quis fructus hujusmodi interpretationis, qua nihil temere asseritur.*

41. Dicet aliquis: Quid tu tanta tritura dissertationis hujus, quid granorum existi? quid eventilasti? Cur propedium in quæstionibus adhuc latent omnia? Affirma aliquid eorum quæ multa posse intelligi disputasti. Cui respondeo, ad eum ipsum me cibum suaviter pervenisse, quo didici non haerere homini in respondendo secundum fidem, quod respondendum est hominibus qui calumniari Libris nostræ salutis affectant; ut quidquid ipsi de natura rerum veracibus documentis demonstrare potuerint, ostendamus nostris Litteris non esse contrarium. Quidquid autem de quibuslibet suis voluminibus his nostris Litteris, id est catholicæ fidei contrarium protulerint, aut aliqua etiam facultate ostendamus, aut nulla dubitatione credamus esse falsissimum: atque ita teneamus Mediatorum nostrum, in quo sunt omnes thesauri sapientie atque scientiarum absconditi (*Coloss. ii, 3*), ut neque falsæ philosophiae loquacitate seducamur, neque falsæ religionis superstitione terreamur. Et cum divinos Libros legimus in tanta multitudine verorum intellectuum, qui de paucis verbis eruuntur, et sanitatem catholicæ fidei muniuntur, id potissimum deligamus, quod certum apparuerit eum sensisse quem legimus; si autem hoc latet, id certe quod circumstantia Scripturæ non impedit, et cum sana fide concordat: si autem et Scripturæ circumstantia perirractari ne discuti non potest, saltem id solum quod fides sana præscribit. Aliud est enim quid potissimum scriptor senserit non dignoscere, aliud autem a regula pietatis errare. Si utrumque vitetur, perfecte se habet fructus legentis: si vero utrumque vitari non potest, etiam si voluntas scriptoris incerta sit sancte fidei congruam non inutile est eruisse <sup>3</sup> sententiam.

<sup>1</sup> Lov., volvaturarum. Et aliæ ediuones et magna pars MSS. habent, volvut ranarum.

<sup>2</sup> Sic MSS. At editi, tenuisse.

<sup>3</sup> In B., libri; cæteri editi, librum, concinnius.

## LIBER SECUNDUS

De eo quod scriptum est cap. 1, vers. 6: *Et dixit Deus, Fiat firmamentum, etc.*, usque ad vers. 19: *Et factum est vesper, etc.* Nonnulla in fine contra Genethliacos.

**CAPUT PRIMUM.** — *Firmamentum in medio aquarum quid. Aquas supra sidereum cœlum esse quidam negant.*

1. *Et dixit Deus, Fiat firmamentum in medio aquarum, et sit dividens inter aquam et aquam : et sic est factum. Et fecit Deus firmamentum, et divisit Deus inter aquam qua erat infra firmamentum, et inter aquam qua erat super firmamentum. Et vocavit Deus firmamentum cœlum. Et vidit Deus quia bonum est. Et facta est vespera, et factum est mane dies secundus.* De verbo Dei quo dixit, *Fiat firmamentum, etc.*, et de placito ejus, quo vidit quia bonum est, et de vespera et mane, non opus est hic iterum similiterque disserere; atque ita deinceps quotiescumque ista repetuntur, secundum superiorum inquisitionem interim consideranda esse admonemus. Utrum autem nunc illud cœlum fiat, quod excedit aeris omnia spatia, ejusque omnem altitudinem, ubi etiam luminaria stellæque constituantur quarto die; an ipse aer vocetur firmamentum, queri merito potest.

2. Multi enim asserunt istarum aquarum naturam super sidereum cœlum esse non posse, quod sic habeant ordinatum pondus suum, ut vel super terram flument, vel in aere terris proximo vaporaliter ferantur. Neque quisquam istos debet ita refellere, ut dicat secundum omnipotentiam Dei, cui cuncta possibilia sunt, oportere nos credere, aquas etiam tam graves, quam novimus atque sentimus, cœlesti corpori, in quo sunt sidera, superfusas. Nunc enim quemadmodum Deus instituerit naturas rerum, secundum Scripturas ejus nos convenit quærere; non quid in eis vel ex eis ad miraculum potentiae sue velit operari. Neque enim si vellet Deus sub aqua oleum aliquando manere, non fieret; non ex eo tamen olei natura nobis esset incognita, quod ita facta sit, ut appetende suum locum, etiam si subterfusa fuerit, perrumpat aquas, eisque se superpositam collocet. Nunc ergo quærimus utrum conditor rerum, qui omnia in mensura et numero et pondere dispositus (*Sap. xi, 21*), non unum locum proprium ponderi aquarum circa terram tribuerit, sed et super cœlum quod ultra limitem aeris circumfusum atque solidatum est.

3. Quod qui negant esse credendum, de ponderibus elementorum argumentantur, negantes ullo modo ita desuper quasi quodam pavimento solidatum esse cœlum, ut possit aquarum pondera sustinere; quod talis soliditas nisi terris esse non possit, et quidquid tale est, non cœlum sed terra sit. Non enim tantum locis, sed etiam qualitatibus propriis elementa distingui<sup>1</sup>, ut pro qualitatibus propriis etiam loca propria

<sup>1</sup> *Ediu, distinguuntur.* At MSS., *distinguiri*: supple, contendunt illi qui de elementorum ponderibus argumentantur.

sortirentur: aqua scilicet super terram, quæ etiam si sub terra stat aut labitur, sicut in antris cavernisque abditis, non tamen ea terræ parte quam supra, sed ea quam infra se habet, continetur. Nam si ex parte superiori fuerit pars ulla terræ delapsa, non manet super aquam, sed ea perrupta demergitur et pergit ad terram; quo veniens conquiescit, tanquam in loco suo, ut supra sit aqua, subtus autem terra. Unde cognoscitur quod etiam super aquas cum esset, non ipsis aquis portabatur, sed compage terræ tenebatur, sicut sese habent camerae speluncarum.

4. Hic occurrit admonere cavendum errorem, quem in libro primo cavendum admonui, ne forte quia scriptum est in Psalmis, *Fundavit terram super aquam*; arbitretur aliquis nostrum, adversus istos de ponderibus elementorum subtiliter disserentes, isto testimonio Scripturarum esse nitendum: quia illi non revertenti auctoritate Litterarum nostrarum, et nescientes quemadmodum dictum sit, Libros sanctos facilius irridebunt, quam illud repudiabunt, quod vel certis rationibus percepérunt, vel experimentis manifestissimis probaverunt. Illud namque in Psalmis, aut figurata dictum recte accipi potest: ut quoniam coeli et terræ nomine sc̄pe in Ecclesia spirituales carnalesque significantur, cœlos ostenderit pertinere ad serenam intelligentiam veritatis, dicens, *Qui fecit cœlos in intelligentia* (*Psal. cxxxv, 6, 5*); terram vero ad fidem simplicem parvolorum, non fabulosis opinionibus incertam atque fallacem, sed prophetica et evangelica prædicatione firmissinam, quæ per Baptismum solidatur, et ideo subjecerit, dicens, *Fundavit terram super aquam*. Aut si ad litteram quisquam cogit intelligi, non incongruenter vel sublimia terrarum sive continentium, sive insularum accipiuntur, quæ superiora sunt aquis; vel ipsa tegmina speluncarum, quæ super aquas pendula soliditate firmata sunt. Quocirca nec ad litteram quisquam potest sic intelligere, quod dictum est, *Fundavit terram super aquam*; ut aquarum pondus terreno ponderi supportando naturali eridine quasi subjectum esse arbitretur.

### CAPUT II. — Aer terra superior.

5. Aerem vero aquis esse superiorum, quamvis propter ampliora sui spatia etiam aridam contegat; hinc intelligitur, quod nullum vas ab ore impressum repleri aquis potest: unde satis indicat aeris naturam locum petere superiorum. Videtur enim vas inane, sed aere plenum probatur, cum ore imo in aquam deprimitur; quia enim per superiorum partem non invenit emandi locum, nec deorsum versus irruptis aquis subter eas ire natura sinitur, plenitudine sua repellit eas, et in vas non permittit intrare. Cum autem vas ita collocatur, ut os non habeat deorsum,

<sup>1</sup> *Lov., eruptis.* Ceteri codices, *eruptus*.

sed in latus inclinatum, intrat aqua inferius, exente aere superioris. Itemque si vasis erecti os patcat in colum, cum infundis aquam, evadit aer sursum versus, ex aliis partibus qua non infundis, et sit locus aquae deorsum versus intrandi. Quod si vi majore vas deprimitur, ut vel ex latere vel desuper aquae repente influant, et undique os vasis obtegant, disrumpit eas aer sursum nitens, ut eis ad ima locum faciat; et ipsa disruptio singultus vasorum est, dum partibus fugit, quia lotus tam cito non potest, propter illius oris angustias. Ita si aer super aquas ire cogitur, etiam confluentes eas disjicit<sup>1</sup>, cum exsilientes impetu ejus impulsæ ebulliunt, et eum builis crepantes emittunt in sua properantem, atque illis ad ima decidendi aditum dantem. Si autem sub aquas ire cogitur ex vase, ut illo cedente vas ab ore in ima presso repleri velis, facilius undis undique versum cooperatur, quam per os ejus ab inferiore parte intrandi gutta exigua reperit locum.

#### CAPUT III. — Ignis superior aere.

6. Jam vero ignem ad superna emicantem etiam ipsius aeris naturam velle transcendere, quis non sentiat? quandoquidem si ardenter faculam capite deorsum quisque teneat, nihilominus flammæ crinis ad superiora contendit. Sed quoniam circumfusi ac superfusi aeris præpollenti constipatione subinde ignis extinguitur, et in ejus qualitatem per abundantiam superatus subinde commutatur ac vertitur, ad universam ejus altitudinem transiliendam non potest perdurare. Itaque super aerem purus ignis esse dicitur cœlum, unde etiam sidera atque luminaria facta conjectant, illius videlicet igneæ lucis in eas formas quas in cœlo cernimus, conglobata dispositaque natura: ac per hoc, sicut terrarum ponderibus et aer et aqua cedit, ut ad terram perveniant; sic aquarum ponderi, et ipse aer cedit, ut vel ad terram vel ad aquam perveniat. Unde intelligi volunt, hoc modo necesse fuisse ut aer quoque, si quis ejus particulam in spatiis illis sublimibus cœli posset dimittere, pondere suo caderet, donec ad aeria subter spatia perveniret. Quapropter colligunt multo minus esse posse aquis supra illud igneum cœlum aliquid loci, cum illic aer multo aquis levior manere non possit.

#### CAPUT IV. — Aquæ supra cœlum aereum quod firmamentum appellari quidam observavit.

7. Talibus eorum disputationibus cedens, laudabiliter conatus est quidam demonstrare aquas super cœlos, ut ex ipsis visibilibus conspicisque naturis assereret Scripturæ fidem. Et prius quidem, quod facillimum fuit, ostendit et hunc aerem cœlum appellari, non solum sermone communi, secundum quem dicimus serenum vel nubilum cœlum, sed etiam nostrorum ipsarum consuetudine Scripturarum, cum dicuntur volatilia cœli (*Matth. vi, 28*), cum aves in hoc acre volare manifestum sit: et Dominus cum de nubibus loqueretur, *Faciem, inquit, cœli potestis probare* (*Id. xvi, 4*). Nubes autem etiam per proximum terris aerei

conglobari sœpe cernimus, cum per declivia jugorum ita recumbunt, ut plerumque excedantur etiam eacum in montibus. Cum ergo prohasset ei hunc aerem cœlum dici, nulla alia causa etiam firmamentum appellatum voluit existimari, nisi quia intervallum ejus dividit inter quosdam vapores aquarum, et istas aquas quæ corpulentius<sup>1</sup> in terris fluitant. Et nubes quippe, sicut experti sunt qui inter eas in montibus ambulaverunt, congregatione et conglobatione minutissimarum guttarum talē speciem reddunt: quæ si spissantur amplius, ut conjugantur in unam grandem plures guttæ minimæ, non tam patitur aer apud se teneri, sed ejus ponderi ad ima dat locum; et haec est pluvia. Ergo ex aere, qui est inter vapores humidos, unde superiorius nubila conglobantur, et maria subterfusa, ostendere ille voluit esse cœlum inter aquam et aquam. Hanc ergo diligentiam considerationemque laude dignissimam judico. Quod enim dixit, neque contra fidem est, et in promptu positu documento credi potest.

8. Quanquam possit videri, non impedire propria pondera elementorum, quominus etiam super illud subline cœlum possint esse aquæ per illas minutias, per quas etiam super hoc spatium aeris esse potuerunt: qui quamvis gravior et inferior summo cœlo subjaceat, procul dubio levior est aquis, et tamen ut super cum sint vapores illi, nullo pondere prohibentur. Sic ergo et super illud cœlum potest minutioribus guttis levior halitus humoris extendi, qui pondere cadere non cogatur. Ipsi quippe subtilissima ratione persuadent, nullum esse quamlibet exiguum corpusculum in quo divisio finiatur, sed infinito omnia dividi; quia omnis pars corporis corpus est, et omne corpus habeat necesse est dimidium quantitatis suæ. Ac per hoc si potest aqua, sicut videmus, ad tantas guttarum minutias pervenire, ut super istum aerem vaporaliter feratur, qui natura levior est aquis; cur non possit et super illud levius cœlum minutioribus guttis et levioribus immanere vaporibus?

#### CAPUT V. — Aquæ supra cœlum etiam siderum.

9. Quidam etiam nostri, istos negantes propriam pondera elementorum aquas esse posse super cœlum siderum, de ipsis siderum qualitatibus et meatus convincere moluntur. Idem namque asserunt stellam quam Saturni appellant, esse frigidissimam, eamque per annos triginta signiferum peragere circum, eo quod superior, ac per hoc ampliore ambitu graditur. Nam sol eundem circulum per annum compleat, et luna per mensem; tanto, ut dicunt, brevius, quanto inferius, ut spatio loci spatium temporis congruat. Quæritur itaque ab eis, unde illa stella sit frigida, quæ tanto ardenter esse deberet, quanto sublimiore cœlo rapitur. Nam procul dubio cum rotunda moles circulari motu agitur, interiora ejus tardius eunt, exteriora celerius, ut majora spatia cum brevioribus ad eodem gyros pariter occurrant quæ autem

<sup>1</sup> In excusis, dissecat; pro quo in veteribus codicibus quibusdam, disjicit; in aliis probæ notæ, dissicu.

celerius, utique ferventius. Proinde memorata stella magis debuit calida esse quam frigida: quanvis enim suo motu, quoniam grande spatium est, triginta annis totum ambitum permeat, tamen cœli motu in contrarium rotata velocius, quod quotidie necesse est patitur (quoniam, sicut dicunt, cœli singulæ conversiones, dies singulos explicant), calorem majorem debuit cœlo concitatiore concipere. Nimur ergo eam frigidam facit aquarum super cœlum constitutrum illa vicinitas, quam nolunt credere, qui hæc, quæ breviter dixi, de motu cœli et siderum disputant. His quidam nostri conjecturis agunt adversus eos qui nolunt aquas super cœlum credere, et volunt eamstellam esse frigidam, quæ juxta summum cœlum circuit; ut ex hoc cogantur aquarum naturam<sup>1</sup>, non jam illuc vaporali tenuitate, sed glaciali soliditate pendere. Quoquo modo autem et qualeslibet aquæ ibi sint, esse eas ibi minime dubitemus: major est quippe Scriptura hujus auctoritas, quam omnis humani ingenii capacitas.

CAPUT VI. — *De eo quod additum est, Et fecit Deus, etc., an eo declaretur Filii Dei persona.*

40. Sed animadversum est a quibusdam, quod nec ego dissimulandum puto, non frustra cum dixisset Deus, *Fiat firmamentum in medio aquarum, et sit divisio inter aquam et aquam;* parum visum esse subiungere, *Et sic est factum,* nisi addicretur, *Et fecit Deus firmamentum, et divisit Deus inter aquam quæ erat super firmamentum, et inter aquam quæ erat sub firmamento:* quod quidem sic intelligunt, ut personam Patris declaratam esse dicant, in eo quod scriptum est, *Et dixit Deus, Fiat firmamentum in medio aquarum, et sit divisio inter aquam et aquam: et sic est factum.* Ac deinde ut intelligatur Filius fecisse quod a Patre dictum est ut fieret, arbitrantur esse subnexum, *Et fecit Deus firmamentum, et divisit Deus,* etc.

41. Sed cum antea legitur, *Et sic est factum;* a quo intelligimus factum? Si a Filio, quid opus erat jam dicere, *Et fecit Deus,* et quæ sequuntur? Si autem quod scriptum est, *Et sic est factum,* a Patre intellexerimus factum; non jam Pater dicit, et Filius facit: et potest aliquid Pater facere sine Filio, ut deinde Filius non hoc, sed aliud similiter faciat; quod est contra catholicam fidem. Si autem illud de quo dieitur, *Et sic est factum,* hoc idem sit cum itidem dicitur, *Et fecit Deus;* quid prohibet eundem intelligere facere quod dixit, qui dixit ut fieret? An etiam excepto eo quod scriptum est, *Et sic est factum,* tantummodo in his verbis, quibus dicitur, *Et dixit Deus; Fiat,* et postea dicitur, *Et fecit Deus;* Patris ei Filii personam volunt intelligi?

42. Sed queri adhuc potest, utrum quasi jussisse Filio Patrem debeamus accipere in eo quod scriptum est, *Et dixit Deus, Fiat?* Sed cur Scriptura non curavit ostendere etiam personam Spiritus sancti? An ita Trinitas intelligitur, *Et dixit Deus Fiat, Et fecit Deus, Et vidit Deus quia bonum est?* Sed non convenit

<sup>1</sup> Post, cogantur aquarum naturam, in editis additum fuit, creare: quod verbum abest a MSS., et abesse debet, si pendere quod in fine sententiae est, non a pendo, sed a pendendo accipiatur pro aestimare.

unitati Trinitatis, ut Filius quasi jussus fecisse intelligatur, Spiritus autem sanctus nullo sibi jubente libere vidisse bonum esse quod factum est. Quibus enim verbis jubaret Filio Pater ut ficeret, cum ipse sit principale Verbum Patris, per quod facta sunt omnia? Ab eo ipso quod scriptum est, *Fiat firmamentum,* haec ipsa dictio Verbum est Patris, unigenitus Filius, in quo sunt omnia quæ creantur, etiam antequam creantur, et quidquid in illo est, vita est<sup>1</sup>; quia quidquid per eum factum est, in ipso vita est, et vita utique creatrix, sub illo autem creature? Aliter ergo in illo sunt ea quæ per illum facta sunt, quia regit et continet ea; aliter autem in illo sunt ea quæ ipse est. Ipse enim vita est, quæ ita in illo est ut ipse sit, quoniam ipse vita est lux hominum (*Joan. 1, 3, 4*). Quia ergo nihil creari posset sive ante tempora, quod quidem non est Creatori coeterum, sive ab exordio temporum, sive in aliquo tempore, cuius creandi ratio, si tamen ratio recte dicitur, non in Dei Verbo Patri coetero coetera vita viveret; propterea Scriptura priusquam insinuat unamquamque creaturem, ex ordine quo conditam dicit, respicit ad Dei Verbum, prius ponens, *Et dixit Deus, Fiat illud.* Non enim inventit ullam causam rei creandæ, quam in Verbo Dei non inventit creari debuisse.

43. Non ergo Deus toties dixit, *Fiat illa vel illa creature,* quoties in hoc libro repetitur, *Et dixit Deus.* Unum quippe Verbum ille genuit, in quo dixit omnia, priusquam facta sunt singula: sed eloquium scribentis descendens ad parvolorum capacitatem, dum insinuat singulatim genera creaturarum, per singula respicit unusquisque generis æternam rationem in Verbo Dei; nec illa repetita, ille tamen repetit, *Et Dixit Deus.* Si enim vellet prius dicere, *Factum est firmamentum in medio aquarum, ut esset divisio inter aquam et aquam;* si quis ab eo quereret, quomodo factum esset, recte responderet, *Dixit Deus, Fiat:* id est, in Verbo Dei æterno erat ut fieret. Inde ergo incipit narrare unumquodque factum, quod etiam post facti narrationem, querenti quomodo factum sit, in reddenda ratione respondere deberet.

44. Cum ergo audimus, *Et dixit Deus, Fiat;* intelligimus quod in Verbo Dei erat ut fieret. Cum vero audimus, *Et sic est factum;* intelligimus factam creaturam non excessisse præscriptos in Verbo Dei terminos generis sui. Cum vero audimus, *Et vidit Deus quia bonum est,* intelligimus in benignitate Spiritus ejus non quasi cognitum posteaquam factum est placuisse, sed potius in ea honestate placuisse ut maneret factum, ubi placebat ut fieret.

CAPUT VII. — *De eadem re.*

45. Ac per hoc manet adhuc causa requirendi, cur posteaquam dixit, *Et sic est factum,* ubi perfectio operis jam indicatur; addidit, *Et fecit Deus:* cum eo ipso quod ait, *Et dixit Deus, Fiat illud,* *Et sic est factum,* jam intelligatur id Deum dixisse in Verbo suo, et factum esse per Verbum ejus; atque ibi jam non solum

<sup>1</sup> Editi hic interponunt, et rita unique creature; quæ absunt a MSS.

Patris, sed etiam Filii possit apparere persona. Nam si propter ostendendam Filii personam repetitur, ac dicitur, *Et fecit Deus*; numquid ergo non per Filium congregavit aquam tertio die ut appareret arida, quia ibi non dicitur, *Et fecit Deus congregari aquam*, aut congregavit Deus aquam? Sed tamen etiam ibi posteaquam dixit, *Et factum est sic*; tunc repetivit, dicens, *Et congregata est aqua, quae est sub cælo*. Numquid etiam lux non per Filium facta est, ubi prorsus nullo modo repetivit? Potuit enim et illic ita dicere, *Et dixit Deus, fiat lux*, etsic est factum; et fecit Deus lucem; et vidit quia bona est: aut certe sicut in aquarum congregatiōne, ut non diceret, *Et fecit Deus, sed tantum iterum repeteret*? *Et dixit Deus, fiat lux*, et sic est factum; et facta est lux; et vidit Deus lucem, quia bona est. Sed nullo modo repetens posteaquam proposuit, *Et dixit Deus, Fiat lux*; nihil aliud intulit nisi, *Et facta est lux*; ac deinceps de placita luce et divisa a tenebris, et utroque appellato nominibus suis, sine ulla repetitione narravit.

CAPUT VIII. — *De luce cur non additum. Et fecit Deus, sicut solet de aliis creaturis dici.*

16. Quid sibi ergo vult in cæteris illa repetitio? An eo modo demonstratur primo die, quo lux facta est, conditionem spiritualis et intellectualis creaturæ lucis appellatione intimari; in qua natura intelliguntur omnes Angeli sancti atque Virtutes: et propterea non repetivit factum posteaquam dixit, *Facta est lux*; quia non primo cognovit rationalis creatura conformatiōnem suam, ac deinde formata est; sed in ipsa sua conformatiōne cognovit, hoc est illustratione veritatis, ad quam conversa formata est: cætera vero quæ infra sunt ita creantur, ut prius siant in cognitione<sup>1</sup> rationalis creaturæ, ac deinde in genere suo? Quapropter lucis conditio prius est in Verbo Dei secundum rationem, qua condita est, hoc est in coæterna Patri Sapientia; ac deinde in ipsa lucis conditione secundum naturam, qua condita est: illic non facta, sed genita; hic vero facta, quia ex informitate formata: et ideo dixit Deus, *Fiat lux, et facta est lux*; ut quod ibi erat in Verbo, hic esset in opere. Conditio vero cœli prius erat in Verbo Dei secundum genitam Sapientiam; deinde facta est in creatura spirituali, hoc est in cognitione Angelorum secundum creatam in illis sapientiam: deinde cœlum factum est, ut esset etiam ipsa cœli creatura in genere proprio. Sic et discretio vel species aquarum atque terrarum, sic naturæ lignorum et herbarum, sic luminaria cœli, sic animantia orta ex aquis ac terra.

17. Neque enim sicut pecora, solo sensu corporis, vident Angeli hæc sensibilia; sed si quo sensu tali utuntur, agnoscent ea potius, quæ melius noverunt interius in ipso Dei Verbo, a quo illuminantur ut sapienter vivant: cum sit in eis lux quæ primo facta est, si lucem spiritualem in illo die factam intelligamus. Quemadmodum ergo ratio qua creatura conditur, prior est in Verbo Dei quam ipsa creatura quæ conditur:

<sup>1</sup> In plerisque MSS., sed tamen iterum repeteret.

<sup>2</sup> Editi, cogitatione. Nelius MSS., cognitione.

sic et ejusdem rationis cognitio prius fit in creatura intellectuali, quæ peccato tenebrata non est; ac deinde ipsa conditio creature<sup>2</sup>. Neque enim sicut nos ad percipiendam sapientiam prosciebant Angeli, ut invisiabilia Dei, per ea quæ facta sunt, intellecta conspicerent (*Rom. 1, 20*), qui ex quo creati sunt, ipsa Verbi æternitatem sancta et pia contemplatione perfruuntur; atque inde ista despicientes, secundum id quod intus vident, vel recte facta approbant, vel peccata improbant.

18. Nec mirum est quod sanctis Angelis suis, in prima lucis conditione formati, prius Deus ostendebat quod erat deinceps creaturus. Neque enim intellectum Dei nossent, nisi quantum ipse monstrasset. Quis enim cognovit intellectum Domini? Aut quis consiliarius ejus fuit? Aut quis prior dedit illi, et retribueret ei? Quoniam ex ipso, et per ipsum, et in ipso sunt omnia (*Id. xi, 54-56*). Ex ipso ergo discebant Angeli, cum in eis fieret cognitio creaturæ deinceps faciendæ, ac deinde fieret in genere proprio.

19. Quapropter, jam luce facta, in qua intelligimus ab æterna luce formatam rationalem creaturam, cum in cæteris creandis rebus audimus, *Et dixit Deus, Fiat*; intelligamus ad æternitatem Verbi Dei recurrentem Scripturæ intentionem. Cum vero audimus, *Et sic est factum*; intelligamus in creatura intellectuali factam cognitionem rationis, quæ in Verbo Dei est, condendæ<sup>3</sup> creaturæ, ut in ea natura prius quodam modo facta sit, quæ anteriore quodam motu in ipso Dei Verbo prior faciendam esse cognovit: ut postremo, cum audiimus repeti ac dici quod *Fecit Deus*, jam intelligamus in suo genere fieri ipsam creaturam. Porro cum audiimus, *Et vidit Deus quia bonum est*, intelligamus benititati Dei placuisse quod factum est, ut pro modo sui generis maneret quod placuit ut fieret, cum *Spiritus Dei superferebatur super aquam*.

CAPUT IX. — *De figura cœli.*

20. Quæri etiam solet quæ forma et figura cœli esse credenda sit secundum Scripturas nostras. Multi enim multum disputant de iis rebus, quas majore prudentia nostri auctores omiserunt, ad beatam vitam non profuturas dissentibus; et occupantes, quod pejus est, multum pretiosa, et rebus salubribus impendenda temporum spatia. Quid enim ad me pertinet, utrum cœlum sicut sphæra undique concludat terram in media mundi mole librata, an eam ex una parte desuper velut discus operiat? Sed quia de fide agitur Scripturarum, propter illam causam, quoniam non semel commemoravi, ne quisquam eloquia divina non intelligens, cum de his rebus tale aliquid vel invenerit in Libris nostris, vel ex illis audierit, quod perceptis a se rationibus<sup>4</sup> adversari videatur, nullo modo eis cœtera utilia monentibus, vel narrantibus, vel pronuntiantibus credat; breviter dicendum est de figura cœli hoc scisse auctores nostros quod veritas habet; sed Spiritum Dei, qui per ipsos loquebatur, noluisse ista docere homines nulli saluti profutura.

<sup>1</sup> In excusis ad vocem creaturæ addebatur, postea in genere proprio; quod abest ab omnibus MSS.

<sup>2</sup> Plures MSS., conditæ.

<sup>3</sup> Sic MSS. At editi, assertionibus.

21. Sed, ait aliquis, quomodo non est contrarium iis qui figuram sphæræ cœlo tribuant, quod scriptum est in Litteris nostris, *Qui extendit cœlum sicut pellim* (*Psal. ciii, 2*)? Sit sane contrarium, si falsum est quod illi dicunt: hoc enim verum est quod divina dicit auctoritas, potius quam illud quod humana infirmitas conjicit. Sed si forte illud talibus illi documentis probare potuerint, ut dubitari inde non debeat; demonstrandum est hoc quod apud nos de pelle dictum est, veris illis rationibus non esse contrarium: alioquin contrarium erit etiam ipsis in alio loco Scripturis nostris, ubi cœlum dicitur velut camera esse suspensum (*Isai. xl, 22, sec. LXX*). Quid enim tam diversum et sibimet adversum, quam plana pellis extensio, et camera curva convexio? Quod si oportet, sicuti oportet, haec duo sic intelligere, ut concordare utrumque, nec sibimet repugnare inveniatur; ita oportet etiam utrumlibet horum illis non adversari disputationibus, si eas forte veras certa ratio declaraverit, quibus docetur cœlum sphæræ figura undique esse convexum, si tamen probatur.

22. Et illa quidem apud nos cameræ similitudo, etiam secundum litteram accepta, non impedit eos cui sphærā dicunt. Bene quippe creditur secundum eam partem, qua super nos est, de cœli figura Scripturam loqui voluisse. Si ergo sphœra non est, ex una parte camera est, ex qua parte cœlum terram contegit: si autem sphœra est, undique camera est. Sed illud quod de pelle dictum est, magis urget, ne non sphœra, quod humanum est forte commentum, sed ipsi nostræ cameræ adversum sit. Quid autem hinc allegorice senserim, *Confessionum* nostrarum liber tertius decimus habet (*Cap. 15*). Sive igitur ita ut ibi posui, sive aliquo alio modo intelligendum sit cœlum sicut pellis extensem; propter molestos et nimios exactores expositionis ad litteram, hoc dico, quod, sicut arbitror, omnium sensibus patet: utrumque enim fortasse, id est et pellis et camera, figurate intelligi potest; utrumque autem ad litteram quomodo possit, videndum est. Si enim camera non solum curva, sed etiam plana recte dicitur; profecto et pellis non solum in planum, verum etiam in rotundum sinum extenditur. Nam et utes sicut et vesica, pellis est.

#### CAPUT X. — *De cœli motu.*

23. De motu etiam cœli nounulli fratres quæstionem movent, utrum stet, an moveatur. Quia si moveretur, inquiunt, quomodo firmamentum est? Si autem stat, quomodo sidera quæ in illo fixa creduntur, ab oriente usque ad occidentem circumveunt, septentrionibus breviores gyros juxta cardinem peragentibus; ut cœlum, si est aliis nobis occultus cardo ex alio vertice, sicut sphœra, si autem nullus alias cardo est, velut discus rotari videatur. Quibus respondeo, mulum subtilibus et laboriosis rationibus ista perquiri, ut vere percipiatur utrum ita an non ita sit; quibus ineundis atque tractandis nec jam mihi tempus est, nec illis esse debet, quos ad salutem suam et sanctæ Ecclesiæ necessariam utilitatem cupimus informari. Hoc sane noverint, nec nomen firmamenti cogere ut

stare cœlum potemus (firmamentum enim non propter stationem, sed propter firmitatem, aut propter intransgressibilem terminum superiorum et inferiorum aquarum, vocatum intelligere licet); nec, si veritas cœlum stare persuaserit, impediri nos circuitu siderum ne hoc intelligere possimus. Et ab ipsis quippe qui hæc curiosissime et otiosissime quæsierunt, inventum est, etiam cœlo non moto, si sola sidera vicerentur<sup>1</sup>, fieri potuisse omnia quæ in ipsis siderum conversionibus animadversa atque comprehensa sunt.

CAPUT XI. — *De vers. 9 et 10, ubi explicat quid de terræ informitate intelligendum sit.*

24. *Et dixit Deus, Congregetur aqua quæ sub cœlo est in congregationem unam, et appareat arida. Et factum est sic; et congregata est aqua quæ sub cœlo est in congregationem unam, et apparuit arida. Et vocavit Deus aridam terram, et congregations aquarum vocavit mare. Et vidit Deus quia bonum est.* Jam de hoc opere Dei propter alterius rei quærendæ necessitatem, in primo nostro volumine satis tractavimus (*Lib. 1, cc. 12, et 15*). Hic itaque breviter admonemus, ut quem forte non movet quærere quando species aquarum terrarumque creata sit, accipiat isto die non esse factum, nisi ut secererentur hæc duo elementa inferiora. Quem vero movet cur in diebus facta sit lux et cœlum, extra dies autem vel ante omnes dies aqua et terra; et cur ad Dei verbum facta sint illa, dicente Deo, *Fiat*; hæc autem dicente quidem Deo discreta, non autem Deo dicente facta inveniantur: habet quod salva fide intelligat, scilicet id quod dictum est ante dierum enumerationem, *Terra erat invisibilis et incomposita*, cum commendaret Scriptura ejusmodi terram fecerat Deus, quia prædixerat, *In principio fecit Deus cœlum et terram*; nihil aliud his verbis quam materiae corporalis informitatem insinuare voluisse, eligens eam usitatius appellare quam obscurius. Si tamen tardo intellectui non subrepatur ut materiali et speciem, quia verbis Scriptura separat, conetur duo hæc etiam tempore separare, tanquam prius fuerit materia, et ei, temporis intervallo interposito, postea sit addita species; cum Deus hæc simul creaverit, materialisque formatam instituerit, cuius informitatem usitato, ut dixi, vocabulo vel terra vel aquæ Scriptura prædictit. Terra enim et aqua etiam suis qualitatibus id existentia quod videmus, tamen propter facilem corruptionem propinquiora sunt eidem informitati quam cœlestia corpora. Et quoniam per enumerationem dierum jam ex informi quæque formata numerantur, et ex ista corporali materia jam factum cœlum narraverat, cuius inultum distat species a terris; jam quod ex ea formandum in rerum infima parte restabat, noluit<sup>2</sup> sub his verbis in rerum creatarum ordinem inserere, ut diceretur, *Fiat*; non acceptura ista residua informitate talem speciem, qua-

<sup>1</sup> MSS. duodecim, *moverentur*.

<sup>2</sup> Editi, *volut*. MSS. omnes, *noluit*. Amplexum: ratio quippe redditur, cur aquæ ac terræ formationem non retulerit Genesis scriptor sub his verbis, ut diceretur, *Fiat aqua*, *Fiat terra*, sicuti de cœlo dictum narravit, *Fiat firmamentum*. Confer superioris libri caput 15.

lenti acceperat coolum, sed jam inferiorem et infra-  
rem atque informitati proximam : ut his potius verbis,  
cum dicitar, Congregentur aquæ, et, appareat arida,  
acceperint hæc duo species proprias istas notissimas  
nobisque tractabiles, aqua mobilem, terra immobi-  
lem : et ideo de illa dictum est, congregetur ; de hac  
autem, appareat : aqua enim est labiliter fluxa, terra  
stabiliter fixa.

CAPUT XII. — *De vers. 11, 12 et 13, quare seorsum  
de herbis et lignis dictum sit.* Et factum est sic, etc.

25. *Et dixit Deus, Germinet terra herbam pabuli,*  
serentem semen secundum genus et secundum similitudinem;  
*et lignum fructiferum faciens fructum, cuius se-*  
*men sit in ipso secundum similitudinem suam super*  
*terram.* Et factum est sic. Et produxit terra herbam  
pabuli, semen habentem secundum genus, et secundum  
similitudinem, et lignum fructiferum faciens fructum,  
cuius semen ejus in eo sit secundum genus super terram.  
Et vidit Deus quia bonum est. Et facta est vespera, et  
factum est mane dies tertius. Ilic moderamen ordinata-  
ris advertendum est, ut quoniam distincta quædam  
creatura est herbarum atque lignorum ab specie ter-  
rarum et aquarum, ut in elementis numerari non  
possint, seorsum de illis diceretur ut exirent de terra;  
et seorsum illis redderentur illa solita, ut diceretur.  
Et factum est sic; ac deinde repeteretur quod factum  
est : seorsum quoque indicaretur Deum vidisse quia  
bonum est; tamen quia fixa radicibus continuantur  
terris et connectuntur, ista quoque ad eumdem diem  
pertinere voluerit.

CAPUT XIII. — *De vers. 14, 15, etc., cur luminaria  
die quarto condita.*

26. *Et dixit Deus, Fiant luminaria in firmamento*  
*cœli*<sup>1</sup>, *ut luceant super terram, in inchoationem diei et*  
*noctis, et ut dividant inter diem et noctem;* et sint in  
*signa et tempora, et in dies, et in annos, et sint in*  
*splendorem in firmamento cœli, ut luceant super terram.*  
Et factum est sic. Et fecit Deus duo luminaria magna;  
luminare majus in inchoationem diei, et luminare minus  
in inchoationem noctis; et stellas : et posuit ea <sup>2</sup> Deus  
in firmamento cœli, ut luceant super terram, et ut sint  
in inchoationem diei et noctis, et ut dividant inter lucem  
et tenebras. Et vidit Deus quia bonum est. Et facta est  
vespera, et factum est mane dies quartus. In hoc quarto  
die quærendum est, quid sibi velit ista ordinatio, ut  
prius vel fierent, vel secernerentur aqua et terra,  
priusque terra germinaret, quam in cœlo sidera fie-  
rent. Neque enim possumus dicere electa esse quæque  
meliora, quibus dierum series ita distingueretur, ut  
finis et medium maxime ornatus eminerent : septem  
quippe dierum medius quartus est. Occurrit enim  
illud quia septimo die non est facta ulla creatura. An  
forte lux primi diei magis respondet ad quietem diei  
septimi, ut eo modo concidentibus finibus iste ordo  
texatur, eminentibus d. meo luminibus cœli? Sed  
si primus dies septimo concinit, debet ergo et secun-  
dus sexto concinere. Quid autem simile habet firma-

<sup>1</sup> Magua pars MSS. hic et infra constanter habet, in firma-  
mento cœli, sic ut luceant.

<sup>2</sup> Sic MSS. At in editis, eas.

mentum cœli cum homine facto ad imaginem Dei? An  
quia cœlum totam superiore mundi partem occupat,  
et homini in totam inferiorem potestas dominandi  
tributa est? Sed quid agimus de pecoribus et do-  
bestiis, quas ipso die sexto in suo genere terra pro-  
duxit? quæ illis cum cœlo potest esse collatio?

27. An potius, quoniam primo facta intelligitur lu-  
cis nomine spiritualis creaturæ formatio, consequens  
erat ut corporalis quoque creatura, id est mundus iste  
visibilis fieret; qui factus est biduo propter duas par-  
tes suas maximas, quibus constat universus, cœlum  
scilicet et terram, secundum hanc rationis collatio-  
nem, qua et ipsa universa creatura spiritualis et cor-  
poralis sepe cœlum et terra nominatur: ita ut glo-  
bus quoque iste turbulentioris aeris terrenæ parti de-  
putetur; exhalationibus quippe humidis corporascit:  
si quid vero tranquilli aeris est, ubi ventosi atque pro-  
cellosi motus non possunt existere, ad cœlestem par-  
tem pertineat: post hanc universitatem molis corporeæ  
fabricatam, quæ uno loco tota est, quo collocatus est  
mundus, consequens erat ut impleretur partibus intra  
universum, quæ de loco in locum congruis motibus  
agerentur? Cujus generis herbæ atque arbores non  
sunt. Radicibus quippe ista fixa sunt terre: et quam-  
vis habeant motus incrementorum suorum, de locis  
tamen propriis non moventur nisi bus suis; sed ubi  
fixa sunt, ibi aluntur et crescunt: propterea magis  
pertinent ad terram, quam ad genera rerum quæ in  
aquis et terris moventur. Quia ergo visibili mundo  
constituendo, hoc est cœlo et terræ, duo sunt attri-  
buti dies, restat ut his mobilibus et visilibus parti-  
bus, quæ creantur intra illum, tres dies reliqui de-  
putentur. Et quia sicut prius cœlum factum est, ita  
prius est ornandum hujusmodi partibus suis; quarto  
die sunt sidera, quibus super terram lucentibus ha-  
bitatio quoque illustretur inferior, ne habitatores ejus  
in habitationem tenebrosam inducantur. Et ideo, quia  
infirma corpora inferiorum habitatorum, succedente  
motibus quiete reparantur, factum est ut circumuento  
sole, dici noctisque vicissitudine, propter vicissitu-  
dinem dormiendi et vigilandi potirentur: nox vero  
illa non indecora remaneret, sed lumen ac siderum  
luce, et ipsos consolaretur homines, quibus plerumque  
operandi est etiam nocturna necessitas; et quibusdam  
animalibus, quæ lucem solis ferre non pos-  
sunt, ad sufficientiam temperaretur.

CAPUT XIV. — *Quomodo luminaria sint in signa et  
tempora, in dies et annos.*

28. Illud autem quod dictum est, *Et sint in signa et*  
*tempora, et in dies, et in annos,* quis non videat quam  
obscure positum sit, quarto die cœpisse tempora,  
quasi superiorius triduum sine tempore præterire potue-  
rit? Quis ergo animo penetral quomodo illi tres dies  
transierint, antequam inciperent tempora, quæ quarto  
die dicuntur incipere; vel utrum omnino transierint  
dies illi? An circa speciem factæ rei dies appellatus  
sit, et circa privationem nox: ut nōdum specie for-  
mata materia nox dicta sit, unde formanda erant cœ-  
tera; sicut potest quamvis in rebus formatis, intelligi

tamen in ipsa mutabilitate informitas materiae : non enim spatii vel locorum quasi remotior, vel temporum quasi anterior, discerni potest ? An potius in ipsa re facta atque formata eadem mutabilitas, hoc est deficiendi, ut ita dixerim, possibilitas, nox appellata sit ; quia inest rebus factis, etiamsi non mutentur, posse mutari ? Vespera autem et mane non quasi per temporis præteritionem et adventum, sed per quemdam terminum, quo intelligitur quousque sit naturæ proprius<sup>1</sup> modus, et unde sit naturæ alterius consequenter exordium : an aliqua alia ratio sit horum verborum diligentius vestiganda ?

29. Quis in tantum secretum facile irrumpat, et quæ signa dicat, cum dicit de sideribus, *Et sint in signa?* Neque enim illa dicit quæ observare vanitatis est; sed utique utilia, et hujus vitæ usibus necessaria, quæ vel nautæ observant in gubernando, vel omnes homines ad prævidendas aeris qualitates per æstatem et hiemem, et autumnalem vernalemque temperiem. Et nimirum hæc vocat tempora, quæ per sidera sunt, non spatia morarum, sed vicissitudines affectionum cœli hujus. Nam si aliquis vel corporalis vel spiritualis motus conditionem istorum luminarium præcessit, ut aliquid a futura exspectatione per præsens in præteritum trajiceret, sine tempore esse non potuit. Et quis obtineat non fuisse nisi ab exordio siderum conditorum ? Sed certæ horæ, et dies, et anni, quos usitate novimus, non fierent nisi motibus siderum. Itaque si hoc modo intelligamus tempora, dies et annos, ut tempora articulos quosdam<sup>2</sup> quos per horologia computamus, vel in cœlo notissimos, cum ab oriente usque in meridianam altitudinem sol insurgit, atque inde rursus usque in occidentem vergit ; ut possit deinceps adverteri vel luna vel aliquod sidus ab oriente statim post occasum solis emergere ; quod item cum ad medium cœli venerit altitudinem, medium noctis indicet, tunc scilicet occasum cum sole redeunte fit mane : dies autem totos solis ab oriente usque ad orientem<sup>3</sup> circuitus : annos vero vel istos usitatos solis anfractus, non cum ad orientem, quod quotidie facit, sed cum ad eadem loca siderum reddit, quod non facit nisi peractis trecentis sexaginta quinque diebus et sex horis, id est, quadrante totius diei, quæ pars quater ducta, cogit interponi unum diem, quod Romani bissexturn vocant, ut ad eundem circuitum redeatur ; vel etiam majores et occultiores annos : nam completis aliorum siderum spatiis, majores anni fieri dicuntur : si ergo ita intelligamus tempora, dies et annos, nemo dubitat hæc sideribus et luminaribus fieri. Ita enim positum est, ut incertum sit utrum ad omnia sidera pertineat quod dictum est, *Sint in signa et tempora, et in dies, et in annos ; an signa et tempora ad cetera, dies vero et anni ad solem tantummodo.*

#### CAPUT XV. — *Luna qualis creata fuerit.*

30. Qualis etiam luna facta sit, multi loquacissime

<sup>1</sup> MSS. prope omnes, *propriez.*

<sup>2</sup> Lov., *ut articulos quosdam*; omissa, *tempora*, quod in ceteris libris reperitur.

<sup>3</sup> Editi, *ad occidentem*. Sed melius MSS., *ad orientem*.

inquirunt ; atque utinam inquirentes loquantur, ac non potius docere conantes ! Dicunt enim ideo plenam factam, quia non decebat ut Deus imperfectum aliquid illo die saceret in sideribus, quo scriptum est quod facta sint sidera. Qui autem resistunt, dicunt : Ipsa ergo debuit prima luna dici, non quarta decima ; quis enim incipit ita enumerare ? Ego autem medius inter istos ita sum, ut neutrum asseram ; sed plane dicam, sive primam sive plenam lunam Deus fecerit, fecisse perfectam. Ipsarum enim naturarum est Deus auctor et conditor. Omnis autem res quidquid progressu naturali per tempora congrua quodammodo prodit atque explicat, etiam ante continebat occultum, etsi non specie vel mole corporis sui, tamen ratione naturæ<sup>1</sup>. Nisi forte arbor quæ per hieinem pomis vacua foliisque nudata est, tunc imperfecta dicenda est ; aut vero in primordiis etiam suis, cum adhuc nullum fructum dedisset, imperfecta erat illa natura. Quod non tantum de arbore, sed nec de ipso ejus semine recte dicetur, ubi omnia quæ progressu temporis quodammodo procedunt, modis invisibilibus latent. Quanquam si aliquid Deus imperfectum fecisse diceretur, quod deinde ipse perficeret, quid reprehensionis haberet ista sententia ? Jure autem displiceret, si id quod ab illo inchoatum esset, ab alio diceretur esse perfectum.

31. Qui ergo de terra non queruntur, quam fecit Deus, cum in principio fecit Deus cœlum et terram, quia invisibilis erat et incomposita, et postea tertio die conspiciua redditur atque componitur ; quid sibi de luna tenebras faciunt quæstionum ? Aut si quod de terra dictum est, non temporis intervallo, cum simul Deus materiam rebus concreaverit<sup>2</sup>, sed narrationis distributione intelligunt dictum ; cur in hoc quod etiam oculis videri potest, non intuentur integrum corpus habere lunam, et tota sua rotunditate perfectum, etiam cum lumine corniculato, sive incipiens ad terras lucere, sive desinens fulget ? Si ergo lumen in ea crescit, vel perficitur, vel minuitur ; non luminare ipsum, sed illud quod accenditur variatur : si autem ex una sphærule suæ parte semper lucet, sed dum eam partem convertit ad terram, donec totam convertat, quod a prima usque ad quartam decimam sit, crescere videtur ; semper est plena, sed terræ habitatoribus non semper appareat. Hæc eadem ratio est, et si solis radiis illustratur. Non enim potest etiam sic, cum soli proxima est, nisi lucidis cornibus apparere ; quia cætera pars, quæ tota in orbem illustratur, non est ad terras ut videri possit, nisi cum soli contraria est, ut totum terris appareat quod ejus illuminatur.

32. Non desunt tamen qui non eo se arbitrari dicunt lunam primitus a Deo quartam decimam factam, quia plena facta credenda est ; sed quia in Scripturis Dei verba sic habent, *lunam factam in inchoationem noctis* ; tunc autem noctis exordio videtur, cum plena est : alias vero et per diem incipit videri ante plenitudinem, et in progressu noctis tanto ampliore quanto minuitur. Sed qui per inchoationem noctis non intelligit nisi

<sup>1</sup> MSS. tres, *corporis, vi tamen et ratione naturæ.*

<sup>2</sup> Sic MSS. At editi, *Deus res concreaverit.*

principatum (nam et græcum verbum hoc magis indicat, cum dictum est ἀπὸν· et in Psalmis apertius scriptum est, *Solem in potestatem diei, lunam et stellas in potestatem noctis* [Psal. cxxxv, 8, 9]), non cogit a quarta decima numerare, et credere lunam factam primum esse non primam.

#### CAPUT XVI. — *An sidera æqualiter fulgeant.*

33. Quæri etiam solet utrum cœli luminaria ista conspicua, id est sol et luna et stellæ, æqualiter fulgeant; sed quod diversis intervallis distent a terra, propterea diversa claritate magis minusque nostris oculis apparent. Et de luna quidem qui hæc dicunt, non dubitant minus eam lucere quam solem, a quo etiam perhibent illustrari. Multas autem stellas vel æquales soli, vel etiam majores audent dicere, sed longius positas parvas videri. Et nobis quidem potest fortasse sufficere, quoquo modo se ista res habeat, artifice Deo condita sidera. Quanquam teneamus auctoritate apostolica dictum, *Alia gloria solis, alia gloria lunæ, et alia gloria stellarum: stella enim ab stella differt in gloria* (1 Cor. xv, 41). Sed quia possunt adhuc dicere, etiamsi non resistant Apostolo: Differunt quidem in gloria, sed ad oculos terrenorum; aut, quia hoc propter resurgentium similitudinem dicebat Apostolus, qui non utique ad oculos aliter erunt et in se aliter, differunt quidem et in seipsis sidera in gloria, sed tamen nonnulla sunt etiam sole majora: ipsi viderint quemadmodum soli tam magnum tribuant principatum, ut eum radiis suis quasdam stellas, et eas quidem principales, quibus amplius isti quam ceteris supplicant, et tenere dicant, et retro agere a cursu proprio. Non enim fit verisimile, majores aut etiam æquales violentia radiorum ejus posse superari. Aut si superiores signoru[m] stellas vel septentrionum majores esse asserunt, quæ nihil tale a sole patiuntur; cur ista per signa circumeuntes amplius venerantur? cur eas signorum dominas perhibent? Etsi enim regadationes illas siderum, vel fortasse tarditates, non a sole fieri quisque contendat, sed aliis occultioribus causis; soli tamen istos in suis deliramentis, quibus vim fatorum a veritate devii suspicantur, præcipuum tribuere potestatem ex libris eorum certe manifestum est.

34. Sed dicant quod volunt de cœlo, alieni a Patre qui est in cœlis: nobis autem de intervallis et magnitudine siderum subtilius aliquid querere, talique inquisitioni rebus gravioribus et melioribus necessarium tempus impendere, nec expedit, nec congruit. Et neilius credimus ea esse ceteris majora luminaria, quæ sancta Scriptura ita commendat, *Et fecit Deus duo luminaria magna: quæ tamen non sunt æqualia. Nam cœlestes dicit, cum ea ceteris præposuerit, inter seipsa differre.* Ait enim, *Luminare majus in inchoationem diei, et luninare minus in inchoationem noctis.* Certe enim vel hoc concedent oculis nostris, ut ea manifestum sit amplius ceteris lucere super terram, nec diem clarere nisi luce solis, nec noctem tot stellis apparentibus ita lucere si luna desit, quemadmodum prescutia illius illustratur.

#### CAPUT XVII. — *In Genethliacos.*

35. De fatis autem siderum qualeslibet eorum ar- gutias, et quasi de mathesi documentorum experimen-ta, quæ illi ἀποτελεῖσθαι vocant, omnino a nostræ fidet sanitate respuanus: talibus enim disputatiōnibus etiam orandi causas nobis auferre conantur, et impia perversitate in malis factis, que rectissime reprehenduntur, ingerunt accusandum potius Deum auctorem siderum, quam hominem scelerum<sup>1</sup>. Sed quod ani-mæ nostræ non sint natura corporibus ne quidein cœlestibus subditæ, audiant et philosophos suos: quia vero terrenis corporibus illa corpora superiora non ad-ea quæ ipsi tractant potentiora sunt, vel hinc aliquando cognoscant, quia cum multa corpora diversorum generum, vel animantium, vel herbarum et arbusto-rum, uno simul puncto temporis seminentur, unoque puncto temporis innumerabiliter multa nascantur, non tantum diversis, sed etiam iisdem terrarum lo-cis, tantæ sunt varietates in progressibus, in actibus et passionibus eorum, ut vere isti, sicut dicitur, per-dant sidera, si ista considerant.

36. Quid autem insulsius et hebetius, quam cum istis rebus convincuntur, dicere ad solos homines si-bi subjiciendo fatalē stellarum pertinere rationem? In quibus tamen etiam ipsi de geminis convincuntur, quorum diverse viventum, diverse felicium vel infeli-cium, diverseque morientium, easdem plerumque con-stellationes accipiunt. Quia etsi interfuit aliquid cum de utero funderentur, in nonnullis tamen tantum in-terest, quantum ab istis comprehendi computatione non possit. Manus sequentis Jacob, dum nascerentur, inventa est pedem fratris præcedentis tenens; usque adeo sic nati sunt quasi unus infans in duplum pro-lilio nasci videretur (Gen. xxv, 25). Ilorum certe constellationes, quas appellant, nullo modo dispare-sse potuerunt. Quid ergo vanius, quam ut illas con-stellationes intuens mathematicus, ad eundem horo-scopum, ad eamdem lunam, diceret unum eorum a matre dilectum, alterum non dilectum? Si evum aliud diceret, falsum profecto diceret; si autem hoc diceret, verum quidem, sed non secundum suorum librorum ineptas cantuunculas dicaret. Quod si huic historia, quia de nostris profertur, nolunt credere, numquid et naturam rerum delere possunt? Cum ergo se mi-nime falli dicant, si horam conceptionis invenerint, saltem sicut homines non dedignantur conceptum considerare geminorum.

37. Ideoque fatendum est, quando ab istis vera di-cuntur, instinctu quodam occultissimo dici, quen-nescentes humanae mentes patiuntur. Quod cum ad decipiendos homines fit, spirituum seductorum ope-ratio est: quibus quedam vera de temporalibus rebus nosse permititur, partim quia subtilioris sensus acu-mine, partim quia corporibus subtilioribus vigent, par-tim experientia callidiore propter tam magnam longi-tudinem vite; partim sanctis Angelis quod ipsi ab omnipotente Deo discunt, etiam jussu ejus sibi re-vealantibus, qui merita humanae occultissimæ justitiae sin-

<sup>1</sup> Ediu, nominum sclera. MSS., koniūm scelerua

ceritate distribuit. Aliquando autem iidem nefandi spiritus etiam quæ ipsi facturi sunt, velut divinando prædicunt. Quapropter bono christiano, sive mathematici, sive quilibet impie divinantur, maxime dicentes vera, cavendi sunt, ne consortio daemoniorum animam deceptam, pacto quedam societatis irretiant.

**CAPUT XVIII.** — *Difficultas de sideribus, an per spiritus regantur et animalentur.*

38. Solet etiam quæri, utrum cœli luminaria ista conspicua corpora sola sint, an habeant rectores quosdam spiritus suos : et si habent, utrum ab eis etiam vitaliter inspirantur, sicut animantur carnes per animas animalium, an sola sine ulla permixtione præ-

sentia. Quod licet in præsenti non facile comprehendi possit ; arbitror tamen in processu tractandarum Scripturarum opportuniora loca posse occurrere, ubi nobis de bac re, secundum sanctæ auctoritatis regulas, etsi non ostendere certum aliquid, tamen credere ticebit. Nunc autem servata semper moderatione pœ gravitatis, nihil credere de re obscura temere debemus ; ne forte quod postea veritas patescet, quamvis libris sanctis sive Testamenti Veteris sive Novi nullo modo esse possit aduersum, tamen propter amorem nostri erroris oderimus. Nunc ad librum operis nostri jam tertium transeamus.

## LIBER TERTIUS.

De vers. 20 : *Et dixit Deus, Educant aquæ, et reliquis usque ad primi capituli finem.*



**CAPUT PRIMUM.** — *Animalium ex aquis eductio prius narratur quam quæ de terra; quod aqua aeri, aer cœlo proximum elementum sit.*

1. *Et dixit Deus, Educant aquæ reptilia animalium vitarum, et volatilia super terram, secundum firmamentum cœli. Et factum est sic. Et fecit Deus celos magnos et omne animal reptilium, quæ eduxerunt aquæ secundum genus eorum; et omne volatile pennatum secundum genus. Et vidit Deus quia bona sunt, et benedixit ea Deus dicens : Crescite et multiplicamini, et replete aquas in mari, et volatilia multiplicentur super terram. Et facta est vespera, et factum est mane dies quintus. Nunc in inferiore parte mundi, ex quæ spiritu vita moventur, sunt, et primum aquarum, quod aeris qualitati proximum elementum est; quia huic cœlo, in quo sunt luminaria, ita vicinus est aer, ut et ipse cœli nomen accepit; sed nescio utrum etiam firmamentum possit vocari. Dicuntur autem cœli pluraliter in una eademque re, quæ dicitur unum cœlum. Nam cum in hoc libro singulari numero dicatur cœlum, quod dividit inter aquas quæ supra, et eas quæ infra sunt; in illo tamen psalmo, *Et aquæ, inquit, quæ super cœlos sunt, laudent nomen Domini.* Et cœlos cœlorum si bene intelligimus sidereos aeriorum, tanquam superiores inferiorum, et hos in eodem psalmo accipimus, ubi dictum est, *Laudate eum, cœli cœlorum* (*Psal. cxlviii, 4, 5*). Satis appetet hunc aerem, non solum cœlum, sed etiam cœlos dici : sicut dicuntur et terræ, nec aliud significatur, quam illa quæ singulariter terra dicitur, quando dicimus orbem terrarum, et orbem terræ.*

**CAPUT II.** — *Cœlos diluvio periisse, et aerem in aquæ naturam transisse.*

2. Illos etiam arios cœlos quondam periisse diluvio in quadam earum quæ canonice appellantur, Epistola legimus (*II Pet. i, 6*). Neque enim humida illa natura, quæ ita concreverat, ut cubitis quindecim altissimorum montium transcendenteret vertices (*Gen. vii, 20*), potuit ad sidera pervenire. Sed quia hujus aeris humidioris, in quo aves volitant, vel tota vel prope tota spatio com-

pleverat, periisse qui fuerant cœlos in illa Epistola scribitur. Quod nescio quemadmodum possit intelligi, nisi in aquarum naturam pinguisioris hujus aeris qualitate conversa : alioquin non perierunt tunc isti cœli, sed sublimius erecti sunt, cum locum eorum aqua occupaverat. Itaque facilius eos secundum illius Epistole auctoritatem periisse credimus, et alios, sicut ibi scribitur, repositos (*II Petr. iii, 5-7*), extenuatis vide-licet exhalationibus, quam sic erectos, ut eis superiores cœli natura loco suo cederent.

3. Oportebat itaque ut in creandis habitatoribus inferioris hujus mundi partis, quæ sepe terre nomine tota commemoratur, prius producerentur ex aquis animalia, postea vero de terra : quod ita sit aeri aqua similis, ut ejus exhalationibus pinguescere probetur, ut et spiritum procellæ faciat, id est ventum, et nubila contrahat, et possit volatus avium sustinere. Quapropter etiamsi verum dixit quidam secularium poetarum, *Nubes excedit Olympus, et, Pacem summa tenent* (*Lucanus, lib. 2*) ; quia perhibetur in Olympi vertice aer esse tam tenuis, ut neque nubibus obumbretur, neque turbetur vento, neque sustentare alites possit, neque ipsos qui forte ascenderint homines, crassioris auræ spiritu alere, sicut in isto aere consueverunt : tamen et ipse aer est, unde aquis vicina qualitate disfunditur, et propterea ipse quoque in humidam naturam conversus diluvii tempore creditur. Neque enim arbitrandum est aliquid de spatiis siderei cœli usurpare, cum omnes etiam altissimos montes aqua transcederat.

**CAPUT III.** — *De elementorum commutatione sententiae. Aer in Genesis historia non prætermisssus.*

4. Quanquam de conversione elementorum, etiam inter ipsos qui hæc otiosa cura subtilissime perscrutati sunt, non parva quæstio est. Alii enim dicunt omnia in omnia posse mutari, atque converti : alii vero esse aliquid omnino proprium singulis perhibent elementis, quod in alterius elementi qualitatem nullo modo vertatur. Unde fortassis suo loco, si Dominus

<sup>1</sup> MSS. fere omnes, extents.

voluerit, diligenter disputabimus: nunc autem quod ad presentem sermonem attinet, haec commemoranda existimavi, ut intelligamus servatum esse ordinem rerum quo prius oportuit aquarum animalia quam terrarum narrari creata.

5. Nec ulla modo arbitrandum est praetermissum esse in hac Scriptura ullum mundi hujus elementum, cum quatuor notissimis eum constare persuasum sit, quia videtur hic cœlum, et aqua, et terra commemorari, de aere autem taceri. Consuetudo quippe nostrarum Scripturarum est, aut cœli et terræ nomine mundum appellare, aut interdum addere et mare. Aer itaque vel ad cœlum pertinere intelligitur, si quia sunt in ejus superioribus partibus tranquillissima et pacatissima spatha; vel ad terram propter hunc turbulentum et caliginosum locum, qui humida exhalatione pinguescit, quamvis et ipse sèpius cœli nomine nuncupetur: ac per hoc non scriptum est, Producant aquæ reptilia animarum vivarum, et producat aer volatilia volantia super terram; sed utrumque hoc animalium genus ex aquis productum esse narratur. Quidquid ergo aquarum sive labiliter undosum et fluidum est, sive vaporaliter tenuatum atque suspensum, ut illud reptilibus animarum vivarum, hoc volatilibus appearat distributum, utrumque tamen humidæ naturæ depuratur.

CAPUT IV. — *Quinque sensus ad quatuor elementa referri.*

6. Ideoque sunt etiam qui subtilissima consideratione quinque istos manifestissimos corporis sensus secundum quatuor usitata elementa ita distinguant, ut oculos ad ignem, aures ad aerem dicant pertinere. Olfaciendi autem gustandique sensum naturæ humidæ attribuunt: et olfactum quidem istis exhalationibus humidis, quibus crassatur hoc spatium, in quo aves volant; gustatum vero istis fluxibilibus et corpulentis humoribus. Nam quæcumque in ore sapiunt, ipsius oris humor commiscentur ut sapient, etiamsi arida cum acciperentur fuisse videantur. Ignis tamen omnia penetrat, ut motum in eis faciat. Nam et humor privatione caloris congelascit, et cum possint fervescere cetera elementa, ignis frigescere non potest: facilius quippe extinguitur, ut ignis non sit, quam frigidus maneat, aut sit alicuius frigidi contactu tepidior. Tactus autem, qui est quintus in sensibus, terreno elemento magis congruit: proinde per totum corpus animalis, quod maxime ex terra est, quæque tacta sentiuntur. Dicunt etiam nec videri sine igne posse aliquid, nec tangi sine terra. Ac per hoc elementa omnia in omnibus inesse; sed unumquodque eorum ex eo quod amplius habet accepisse vocabulum. Ideo autem caloris privatione, cum corpus nimis frigescit, obtundi sensum, quia motus pigrescit, qui ex calore inest corpori, dum ignis aerem, et aer humidam, et humor terrena quæque afficit, subtilioribus scilicet crassiora penetrantibus.

7. Quanto autem quidque subtilius est in natura corporali, tanto est vicinius naturæ spirituali; quam-

<sup>1</sup> Editi, frigescere. At MSS. plerique, fervescere.

vis longe distante genere, quandoquidem illud corpus est, illud non est.

CAPUT V. — *Ut ad quatuor elementa varie se habet sentiendi vis in quinque sensibus.*

Ac per hoc quoniam sentire non est corporia, sed animæ per corpus, licet acute disserratur secundum diversitatem corporeorum elementorum sensus esse corporis distributos; anima tamen cui sentiendi vis inest, cum corporea non sit, per subtilius corpus agitat vigorem sentiendi. Inchoat itaque motum in omnibus sensibus a subtilitate ignis, sed non in omnibus ad idem pervenit. In visu enim pervenit represso calore usque ad ejus lucem. In auditu usque ad liquidorem aerem calore ignis penetrat. In olfactu autem transit aerem purum, et pervenit ad humidam exhalationem, unde crassior haec aura subsistit. In gustatu et hanc transit, et pervenit usque ad humorem copulentiorem: quo etiam penetrato atque trajeccio, cum ad terrenam gravitatem pervenit, tangendi ultimum sensum agit.

CAPUT VI. — *Aeris elementum non esse praetermissum a scriptore Genesis.*

8. Non igitur ignorabat naturas elementorum eoruinque ordinem, qui cum visibilium, quæ intra mundum in clementis natura moventur, conditionem introduceret, prius coelestia luminaria, deinde aquarum animantia, terrarum autem postrema narravit: non quod aerem prætermiserit, sed quod purissimi et quietissimi aeris, ubi volare aves non posse dicuntur, si qua sunt spatha, cœlo superiori conjunguntur, et cœli nuncupatione in Scripturis ad superiorem mundi partem pertinere intelliguntur: ut terræ nomine universaliter hoc totum significetur, ex quo incipit decorum versus, *Ignis, grando, nix, glacies, spiritus tempestatis, et omnes abyssi*, donec perveniat ad aridam quæ proprio nomine terra dicitur. Aer itaque ille superior, sive quod ad coelestem mundi pertinet partem, sive quod nullum habet visibilem habitatorem, de qualibus nunc sermo narrantis est, neque prætermisssus est cœlo nominato, neque annumeratus in creandis animalibus: iste vero inferior qui excipit exhalationes humidas maris ac terræ, et ad sustinendas aves quodammodo crassatur, nonnisi ex aquis accipit animalia. Quod enim ejus humidum est, hoc portat alitum corpora, quæ ita nituntur pennis volantes, quemadmodum pisces quibusdam suis alis natantes.

CAPUT VII. — *Volatilia ex aquis non inmerito dicuntur creata.*

9. Proinde scienter latquam Spiritus Dei, qui scribenti aderat, ex aquis dicit producta volatilia. Quorum natura<sup>1</sup> bipartitum locum sortita est; inferiorem scilicet in unda labili, superiorem vero in aura flabili: illum deputatum natantibus, istum volantibus. Sicut huic elemento congruos duos etiam sensus animalibus datos videmus; olfactum explorandis vaporibus, gustatum explorandis liquoribus. Quod enun et tactu aquas ventosque sentimus, hoc est quod terræ

<sup>1</sup> MSS. quinque, aquarum enim natura. Sic etiam Aia. et Er.

solidum <sup>1</sup> omnibus admisetur elementis : sed in his crassioribus sentitur amplius, ita ut etiam tangendo contrectari valeant. Ideoque et ista in duabus maxime mundi partibus generaliter terræ nomine complectuntur : sicut ille psalmus ostendit, omnia superiora ab illo principio enumerans, *Laudate Dominum de cælis*; omniaque inferiora ab alio principio, *Laudate Dominum de terra*; ubi et spiritus tempestatis et omnes abyssi nonnuntur, et ignis iste qui urit tangentem (*Psal. cxlviii, 4-8*), quia de terrenis et humidis motibus ita existit, ut subinde vertatur in aliud elementum. Et quanvis naturæ suæ sursum nitendo indicet appetitum, in cœlestem tamen superiorem tranquillitatem non potest evadere ; quia multo aere superatus et in eum conversus extinguitur : ac per hoc in ista rerum parte corruptibiliore atque pigriore turbulentis motibus agitat ad temperandum ejus rigorem, et ad usus terroresque mortalium.

10. Quia ergo etiam tactu, qui ad terram proprie pertinet, sentiri possunt et fluctus undarum, et fatus aurarum, propterea ipsa quoque aquatilium animalium corpora et terrenis vescuntur, et maxime aves ; in terra etiam requiescent, fetusque propagant : pars enim humoris que vaporaliter exhalatur, etiam super terras extenditur. Ideoque cum dixisset Scriptura, *Educant aquæ reptilia animarum vivarum, et volatilia, inquit, super terram* ; addidit sane, dicens, *secundum firmamentum cæli*, in quo potest aliquanto manifestius apparere illud quod antea videbatur obscurum. Non enim ait, In firmamento cœli, sicut de luminaribus ; sed, *volantia*, inquit, *super terram, secundum firmamentum cæli*, id est juxta firmamentum cœli : quia videlicet hoc caliginosum et humidum spatum, in quo aves volant, illi spatio contiguum est, ubi volare non possunt, quod jam merito tranquillitatis et quietis pertinet ad firmamentum cœli. In cœlo ergo volant aves, sed in isto, quod ille psalmus etiam terræ nomine includit ; propter quod cœlum vocantur multis locis volatilia cœli : non tamen in firmamento, sed secundum firmamentum.

CAPUT VIII. — *Reptilia animarum vivarum pisces cur appellati.*

11. Nonnulli putant propter sensus tarditatem non animam vivam, sed *reptilia animarum vivarum* appellata. Sed si propterea sic appellarentur, avibus daretur nomen animæ vivæ. Cum vero et ipsa volatilia dicta sunt, sicut illa, reptilia, ut subaudiatur animarum vivarum ; fatendum est, ut arbitror, ita dictum, ac si diceretur, Quæ sunt in animabus vivis reptilia vel volatilia : sicut dici posset, Ignobilia hominum, ut intelligerentius, quicunque sunt in hominibus ignobiles. Quauquain enim sunt et animalia terrestria quæ repunt super terram ; tamen ex multo majore numero pedibus moventur, et tam pauca fortasse in terris repunt, quam pauca in aquis graduntur.

12. Nonnulli autem putaverunt propterea non animam vivam, sed *reptilia animarum vivarum* pisces esse appellatos, quod eis memoria nulla sit, nec ali-

<sup>1</sup> Sic MSS. At editi, *terra solida*.

qua vita velut rationi vicinior. Sed saitis eos experientia minor. Nam quidam scriperunt, quæ animadvertere potuerunt in vivariis piscium, multa miranda. Sed etiamsi forte falsa scriperunt, memoriam tamen pisces habere certissimum est. Quod ipse sum expertus, et experiantur qui possunt et volunt. Nam fons quidam magnus Bullensium-regiorum, fere plenus est piscium. Solent autem homines desuper intuentes eis aliquid jacere, quod sibi vel præripiant confluentes, vel inter se diripient concertantes. Quo pastu assuei, deambulantibus super oram fontis hominibus, ipsi quoque cum eis congregatim natando eunt et redeunt, exspectantes unde aliquid jacent, quorum præsentiam sentiunt. Non itaque frustra nihil videtur aquarum animalia sic appellata reptilia, quemadmodum aves volatilia : nam si vel nulla memoria, vel sensus tardior, animæ vivæ nomen repulisset a piscibus, volatilibus certe adhiberetur, quorum vita in oculis nostris est et memor et garrula <sup>1</sup>, et in nidis construendis educandisque fetibus solertissima.

CAPUT IX. — *Quod quidam philosophi cuique elemento sua animalia tribuerunt.*

13. Nec ignoro, ita quosdam philosophos sua cujusque elementi distribuisse animalia, ut terrena esse dicentes, non tantum quæ in terra repunt atque graduntur, sed aves etiam quod et ipsæ in terra requietant, volando fatigatae : aeria vero animalia dæmones esse ; cœlestia, deos ; quorum quidem nos partim luminaria, partim Angelos dicimus. Idem tamen aquis pisces et sui generis bellugas attribuunt, ut nullum elementum suis animalibus vacet : quasi vero sub aquis terra non sit, aut probare possint pisces non in ea requiescere ac reparare natandi vires, sicut volandi aves ; et si forte rarius pisces id faciunt, quod ad gestanda corpora sit unda quam aura validior, ita ut terrena quoque animalia natantia ferat, sive usu docta, ut homines, sive natura, ut quadrupedia vel serpentes. Aut si propterea non putant, quia non insunt pedes piscibus ; nec phocæ aquarum sunt, nec colubri cochlearaque terrarum : nam et illæ pedes habent, et hæc genera sine ulla pedibus, non dico, requiescent in terra, sed ab ea vix aut nunquam recessunt. Dracones autem sine pedibus et in speluncis requiescere, et in aerem sustollì perhibentur : qui quanquam non facile noti sint, litteræ tamen, non tantum nostræ, sed etiam Gentilium, nequaquam de istorum animantium genere tacuerunt.

CAPUT X. — *Concesso dæmones esse aeria animalia, nihil detrahitur Scripturæ docenti producta suis ex aquis volatilia. Venti, tonitrua, nubes, pluvia, nix, grando, serenitas.*

14. Quapropter, etsi dæmones aeria sunt animalia, quoniam corporum aeriorum natura vigent ; et propterea morte non dissolvuntur ; quia prævalet in eis elementum, quod ad faciendum quam ad patiendum est aptius ; duobus subterpositis, aqua scilicet et terra, uno autem superposito, id est igne sidereo : distribuuntur enim elementa ad patiendum duo,

<sup>1</sup> MSS. aliquot, est memoratu garrula.

humor et humus; ad faciendum autem alia duo, aer et ignis: si ergo haec ita sunt, non impedit ista distin-  
ctio nostram Scripturam, quæ non ex aere, sed ex  
aquis producta indicat volatilia; quia subtilioris qui-  
dem et in auras exhalati atque distent, sed tamen  
humoris locus volatilibus datus est. Aer autem a con-  
finio luminosi colli usque ad aquarum fluida et nuda  
terrarum pervenit. Non tamen totum spatium ejus  
exhalationes humidæ infusant, sed usque ad eum  
finem, unde incipit etiam terra nominari, secundum  
illum psalmum ubi dicitur, *Laudate Dominum de terra* (*Psal. cxlviii, 7*). Superior vero pars aeris, propter pu-  
ram tranquillitatem, cœlo cui collimitatur, communi  
pace conjungitur, et ejus vocabulo nuncupatur. In qua  
fortassis parte si fuerunt ante transgressionem suan-  
transgressores angeli cum principe suo, nunc diabolo,  
tunc archangelo (nam nonnulli nostri, non eos putant  
cœlestes vel supercœlestes angelos fuisse), non mi-  
rum si post peccatum in istam sunt detrusi caliginem;  
ubi tamen et aer sit, et humore tenui contexatur, qui  
commotus ventos, et vehementius concitatus etiam  
ignes et tonitrua, et contractus nubila, et conspissatus  
pluviam, et congelantibus nubilis nivem, et turbulen-  
tius congelantibus densioribus nubilis grandinem, et  
distentus serenum facil, occultis imperii et opere  
Dei, a summis ad insima universa quæ creavit admini-  
nistrantis. Unde in illo psalmo cum commemorata  
essent, *ignis, grando, nix, glacies, spiritus tempestatis*; ne  
talia sine divina providentia fieri moverique putaren-  
tur, continuo subjecit, *Quæ faciunt verbum ejus* (*Id. 8*).

15. Si autem transgressores illi antequam trans-  
gredentur, cœlestia corpora gercabant, neque hoc  
mirum est, si conversa sunt ex poena in aeriam qua-  
litatem, ut iam possint ab igne, id est ab elemento  
naturæ superioris aliquid pati: nec aeris saltem spatia  
superiora atque puriora, sed ista caliginosa tenere  
permissi sunt, qui eis pro suo genere quidam quasi  
cancer est, usque ad tempus judicii. Et si quid de his  
transgressoribus angelis diligentius requirendum est, aliis erit accommodatior Scripturæ locus. Proinde  
quod nunc satis est, si haec spatia turbida et procel-  
losa, propter aeris naturam usque ad undas terrasque  
porrectam<sup>1</sup>, possunt aeria corpora sustinere; possunt  
et avium quæ producta sunt ex aquis, propter aqua-  
rum tenues halitus: qui scilicet eidem aeri juxta undas  
et terras circumfuso, atque ob hoc insimæ ac terrenæ  
parti deputato, vaporaliter inseruntur, et auras inten-  
xunt, quæ nocturni rigoribus aggravatae sereno etiam  
rōe distillant; si autem vehementius frigus est, etiam  
gelu candidius inalbescunt.

CAPUT XI. — Tractatur vers. 24 et 25, ubi de variis  
animantium generibus creatis de terra.

16. *Et dixit Deus, Educat terra animam vivam se-  
cundum genus: quadrupedia, et reptilia, et bestias terræ  
secundum genus, et pecora secundum genus. Et factum  
est sic. Et fecit Deus bestias terræ secundum genus, et  
pecora secundum genus, et omnia reptilia terræ secun-*

*dum genus. Et vidit Deus quia bona sunt. Jam nunc  
consequens erat ut alteram partem, quæ proprie terra  
dicitur, insimæ hujus loci, quem totum cum omnibus  
abyssis et nebuloso aere universaliter vocabulo terre  
alibi Scriptura complectitur, ornaret animalibus suis.  
Et manifesta quidem sunt animalium genera, quæ in  
verbo Dei terra produxit. Sed quia sepe nomine peco-  
rum vel nomine bestiarum, animalia omnia rationis  
expertia solent intelligi, merito queritur quas nunc  
proprie bestias, et que pecora dicat. Et repentina qui-  
dem sive reptilia terrena, non est dubitandum quod  
omnes serpentes<sup>2</sup> intelligi voluit; quanquam et bestias  
dici possint: pecorum autem nomen non usitate ser-  
pentibus convenit. Rursum leonibus, et pardis, et ti-  
gridibus, et lupis, et vulpibus, canibus etiam et  
simiis, atque id genus cœteris usitate convenit voca-  
bulum bestiarum. Pecorum autem nomen his anima-  
libus accommodatius aptari solet, quæ sunt in usu  
hominum: sive adjuvandis laboribus, ut boves et  
equi, et si qua talia; sive ad lanisicium<sup>3</sup>, vel ad ves-  
cendum, ut oves et sues.*

17. Quid ergo sunt quadrupedia? Quanquam enim  
haec omnia, præter quendam serpentem, quatuor pedi-  
bus gradiantur, nisi tamen hoc nomine proprie quæ-  
dam vellit intelligi, non utique hic etiam quadrupedia  
nominaret, quamvis de his in repetitione tacuerit. An  
cervi, et damulæ, et onagri, et apri (quia neque illis  
bestiis ubi leones sunt, conjungi possunt; similes  
enim sunt illis pecoribus, neque tamen sub humana  
cura sunt) proprie quadrupedia nuncupata sunt;  
quasi reliqua essent haec animalia, quibus ista appellatio  
generalis quidem cum multis propter numerum  
pedum, sed tamen speciali significatione tribueretur?  
An quia ter dixit, secundum genus, tria quædam ge-  
nera nos invitat attendere? Primo, secundum genus  
quadrupedia et reptilia; ubi arbitror significatum quæ  
quadrupedia dixerit, scilicet quæ in genere sunt re-  
ptilia, sicut sunt lacerti, stelliones, et si quid hu-  
jusmodi est. Ideoque in repetitione quadrupedum no-  
men non iteravit, quia reptiliū vocabulo fortasse  
complexus est: unde ibi non simpliciter ait, reptilia;  
sed addit, *omnia reptilia terræ*. Ideo *terra*, quia sunt  
et aquarum; et ideo *omnia*, ut illic intelligantur quæ  
quatuor etiam pedibus nituntur, quæ superius qua-  
drupedum nomine proprie significata sunt. Bestias  
autem, de quibus item ait, secundum genus, quidquid  
ore aut etiam unguibus saevit, exceptis serpentibus.  
Pecora vero de quibus tertio ait, secundum genus, quæ  
neutra vi lacerant, sed aut cornibus, aut ne haec qui-  
dem. Prædicti enim et quadrupedum nomen quam late  
pateat, ipso pedum numero facile agnosci, et nomine  
pecorum vel bestiarum omne irrationale animal ali-  
quando comprehendendi. Sed etiam ferarum vocabulum  
solet in latina lingua tantumdem valere: non ideo  
tamen negligenda fuit consideratio, quomodo possint  
haec nomina, quæ non frustra in hoc Scripturarum  
loco posita sunt, etiam speciali distinctione discerni,

<sup>1</sup> Plures e MSS., *porrecta*.

<sup>2</sup> In MSS. prope omnibus, *lanicium*.

quod in usu loquendi quotidiano facile animadverti potest.

**CAPUT XII.** — *Quid secundum genus, quid de quibusdam creaturis, non de homine dicitur.*

18. Non frustra etiam lectorem movet utrumne passim et quasi fortuito an aliqua ratione dicatur, *secundum genus*, tanquam fuerint et antea, cum primo creata narrentur<sup>1</sup>: an genus eorum in superioribus rationibus intelligendum est, utique spiritualibus, *secundum genus* quas creantur inferius. Sed si ita esset, hoc de luce, hoc de celo, hoc de aquis et terris, hoc de cœli luminaribus diceretur. Quid enim eorum est, cuius non æterna et incommutabilis ratio in ipsa Dei Sapientia vigeat, quæ attingit a fine usque ad finem fortiter, et disponit omnia suaviter? (*Sap. viii, 1.*) Incipit autem hoc dici de herbis et lignis, usque ad hæc terrena animalia. Nam et in eis quæ ex aquis creata sunt, quamvis in prima commemoratione dictum non sit; in illa tamen iteratione dictum est, *Et fecit Deus ceteros magnos et omnem animam animalium reptilium, quæ eduxerunt aquæ secundum genus eorum; et omne volatile pennatum secundum genus.*

19. An quia hæc ita exorta sunt, ut ex eis alia nascerentur, et originis formam successione servarent, ideo dicuntur *secundum genus*, propter propagationem prolis, quæ permanensa creabantur? Sed cur de herbis et lignis non solum dicitur, *secundum genus*, verum etiam *secundum similitudinem*, cum et animalia sive aquarum sive terrarum secundum similitudinem suam generent? An, quia genus sequitur similitudo, noluit eam ubique repetere? Nam et semen non ubique repetivit; cum tam herbis et lignis insit, quam animalibus, etsi non omnibus. Observatum est enim quædam ita nasci ex aquis vel terra, ut sexus eis nullus sit; et ideo semen eorum non sit in eis, sed in clementis ex quibus oriuntur. Hoc est ergo *secundum genus*, ubi et seminum vis et similitudo intelligitur succendentium decadentibus<sup>2</sup>; quia nihil eorum ita creatum est, ut semel existeret, vel permansurum, vel nullo succedente decessurum.

20. Cur ergo et de homine non ita dictum est, Facionius hominem ad imaginem et similitudinem nostram, secundum genus, cum et hominis propagatio manifesta sit? An quia non ita Deus fecerat hominem ut moreretur, si præceptum servare voluisse, et ideo non erat necessarius decessori successor: sed post peccatum comparatus est pecoribus insensatis, et similis factus est eis (*Psalm. xlvi, 13.*); ut jam filii seculi hujus generent et generentur, quo possit mortalium genus servata successione subsistere? Quid sibi ergo vult post hominem factum illa benedictio, *Crescite et multiplicamini, et implete terram*; quod utique fieri posset generando? An nihil hinc temere dicendum, donec ad eum Scripturæ locum perveniamus, ubi diligentius ista requirenda atque tractanda sunt? Potest enim nunc fortasse sufficere, propterea de homine non dictum esse, *secundum genus*, quia unus flebat,

de quo etiam femina facta est. Non enim multa genera hominum, sicut herbarum, lignorum, piscium, volatilium, serpentium, pecorum, bestiarum: ut sic dictum accipianus, *secundum genus*, ac si diceretur generatim, ut inter se similia atque ad unam originem seminis pertinentia distinguenter a cæteris.

**CAPUT XIII.** — *Benedictio cur solis aquatilibus sicut homini impedita. Officium gignendi.*

21. Item queritur quid tantum aquarum animalia de Creatore meruerint, ut sola benedicerentur, sicut homines. Nam et ipsa benedixit Deus, dicens: *Crescite et multiplicamini, et implete aquas maris, et volatilia multiplicentur super terram.* An in uno creature genere dicendum fuit, ut in ceteris consequenter intellegeretur, quæ generationibus crescent? Prius ergo diceretur in eo quod primum tale creatum est, in herba scilicet atque ligno. An forte quæ nullum haberent propaganda prolixi affectum, ac sine ullo sensu generarent, indigna judicavit illis benedictionis verbis, *Crescite et multiplicamini*: ubi autem talis inesset affectus, ibi primum hoc dixit, ut in terrenis animalibus etiam non dictum intelligeretur? Necessarium autem fuit hoc in homine repetere, ne quisquam diceret in officio gignendi filios ullum esse peccatum, sicut est in libidine, sive fornicandi, sive ipso conjugio immoderatus abutendi.

**CAPUT XIV.** — *De insectorum creatione.*

22. Nonnulla etiam de quibusdam minutissimis animalibus quæstio est, utrum in primis rerum conditionibus creata sint, an ex consequentibus rerum mortalium corruptionibus? Nam pleraque eorum aut de vivorum corporum vitiis, vel purgamentis, vel exhalationibus aut cadaverum tabe gignuntur; quædam etiam de corruptione lignorum et herbarum, quædam de corruptionibus fructuum: quorum omnium non possumus recte dicere Deum non esse creatorem. Inest enim omnibus quoddam naturæ sui generis deus, sic ut in his major sit admiratio bene considerantis, et laus uberior omnipotentis artificis; qui omnia in sapientia fecit (*Psalm. cxii, 24.*), quæ a fine usque ad finem pertendens, et suaviter cuncta disponens (*Sap. viii, 1.*), nec ea ipsa rerum novissima, quæ pro sui generis ordine dissolvuntur, et quarum dissolutionem ex poena nostræ mortalitatis horremus, relinquit informia: sed creat minima corpore, acuta sensu, animantia; ut majore attentione stupeamus agilitatem musce volantis, quam magnitudinem jumenti gradientis, ampliusque miremur opera formularum, quam onera camelorum.

23. Sed utrum in primis, ut dixi, rerum coniunctionibus, quæ isto sex dierum ordine create narrantur, haec quoque minima instituta credamus, an postea consequentibus corruptibilium corporum solutionibus, hoc queratur. Et potest quidem dici ea minutissima, quæ ex aquis vel terris oriuntur, tunc creata: in quibus etiam illa non absurde intelliguntur, quæ nascuntur ex iis quæ terra germinante orta sunt; et quæ

<sup>1</sup> In plurimis et optimis notæ MSS., narrantur.

<sup>2</sup> MSS. tredecim, succendentium de succendentibus.

<sup>1</sup> Lov., rerum mortalium. Absit mortalium ab aliis libriss.

præcesserant conditionem, non solum animalium, sed etiam luminarium; et quia terræ continuantur per radicum connexionem, unde illo die quo apparuit arida, exorta sunt, ut potius ad supplementum habitationis, quam ad numerum habitatorum pertinere intelligantur. Cœtera vero quæ de animalium gignuntur corporibus, et maxime mortuorum, absurdissimum est dicere tunc creata, cum animalia ipsa creata sunt: nisi quia inerat jam omnibus animatis corporibus vis quadam naturalis, et quasi præseminata et quodammodo liciata primordia futurorum animalium, quæ de corruptionibus talium corporum pro suo quæque genere ac differentiis erant exortura, per administrationem ineffabilem omnia movente incommutabili Creatore.

#### CAPUT XV. — *De creatione animalium venenatorum.*

24. De generibus quoque animalium venenosis et perniciosis quæri solet, utrum post peccatum hominis ad vindictam creata sint; an potius cum jam creata essent innoxia, nonnisi postea peccatoribus nocere coeperint. Neque hoc mirum est, quandoquidem etiam temporibus hujus vite laboriose atque ærumnosæ, cum ita sit nemo justus ut perfectum se audeat dicere, fideliter attestante Apostolo et dicente, *Non quia jam acceperim, aut etiam perfectus sim* (*Philipp. iii, 12*); cumque adhuc exercendæ atque in infirmitate perficiendæ virtuti necessariæ sint tentationes et molestiae corporales, eodem rursus Apostolo manifestante qui ait, in magnitudine revelationum ne extolleretur, datum sibi esse stimulum carnis, angelum satanae, ut eum colaphizaret, rogatumque a se Dominum tertio, ut discederet ab eo, respondisse sibi, *Sufficit tibi gratia mea; nam virtus in infirmitate perficitur* (*II Cor. xii, 7-9*): tamen et sanctus Daniel inter leones salvus atque intrepidus vixit (*Dan. vi, 22; et xiv, 38*), qui non utique Deo mentiens in oratione, non tantum peccata populi sui, sed etiam sua fatetur (*Id. ix, 4-19*); et in ipsis Apostoli manu mortisera vipera inhœsit, nec lucis (*Act. xxviii, 5*). Potuerunt ergo ista etiam creata nihil nocere, si causa non exstitisset vel terrororum puniendorumque vitiorum, vel probandæ perficiendæque virtutis: quia et exempla sunt demonstranda patientia, ad profectum cœterorum; et ipso sibi homo in temptationibus certius innotescit; et iuste salus illa perpetua, quæ turpiter amissa est per voluntatem<sup>4</sup>, fortiter recipitur per dolorem.

#### CAPUT XVI. — *Bestie invicem nocentes cur creatae.*

25. Diceat aliquis: Cur ergo invicem bestie nocent, quibus nec peccata ulla sunt, ut vindicta ista dicatur, nec ullam recipient tali exercitatione virtutem? Ideo nimis, quia scilicet aliae cibi sunt aliarum. Nec recte possumus dicere: Non essent aliae quibus aliae

<sup>4</sup> Er. et Lov.: *Præseminata materia, et quodammodo initia primaordia.* Ms. vero carent voce, *materia*: proque *initia*, habent *liciata*; ut etiam editio Am. Quod vocabulum intelliges ex lib. 22 de Civitate Dei, cap. 14; ubi membra omnia esse latenter in semine, et nascentes perfectionis modum, non in mole, sed in ratione jam habere docet Augustinus: « In qua ratione, ait, uniuscujusque materia in corporali jam quodammodo, ut ita dicam, liciatum videtur, quod nondum est, imo quod latet, sed accessu temporis erit, vel potius apparebit. »

<sup>5</sup> In editis, *per voluntatem*. At in MSS.,

vescerentur. Habent enim omnia, quamdiu sunt, mensuras, numeros, ordines suos; quæ cuncta merito considerata laudantur, nec sine occulta pro suo genere moderatione pulchritudinis temporalis, etiam ex alio in aliud transeundo, mutantur. Quod etsi stultos latet, sublucet proficiensibus, clarumque perfectis est. Et certe omnibus talibus inferioris creature motibus præbentur homini salubres admonitiones, ut videat quantum sibi satagendum sit pro salute spirituali et sempiterna, qua omnibus irrationalibus animantibus antecellit: cum illa videat a maximis elephanticis usque ad minimos vermiculos pro salute corporali et temporali, quam pro sui generis inferiore ordinatione sortita sunt, sive resistendo, sive cavendo, agere quidquid valent: quod non appetat, nisi cum quedam refectionem corporis sui ex aliorum corporibus querunt; alia se vel repugnandi viribus, vel fuge præsidio, vel latebrarum munimine tacentur. Nam et ipse corporis dolor in quolibet animante magna et mirabilis animæ vis est, quæ illam compagem ineffabiliter permixtione vitaliter contact, et in quamdam sui moduli redigit unitatem, cum eam non indifferenter, sed, ut ita dicam, indignanter, patitur corrumpti atque dissolvit.

#### CAPUT XVII. — *Scrupulus de corporibus mortuorum devoratis.*

26. Illud etiam fortasse aliquem moveat, si animalia noxia vivos homines aut paucaliter ledunt, aut salubriter exercent, aut utiliter probant, aut ignoranter docent, cur in escas suas dilacerant etiam corpora hominum mortuorum? Quasi vero quidquam intersit ad nostram utilitatem, ista caro jam examinis in naturæ profunda secreta per quos transitus eat, unde mirabili omnipotentia Creatoris reformanda rursus eruantur. Quanquam et hinc fiat quedam prudentibus admonitio, ut se ita commendent fidei Creatori, omnia maxima et minima occulto nutu administranti, cui nostri etiam capilli numerati sunt (*Luc. xii, 7*), ne propter inanes curas examinatorum corporum suorum ulla genera mortuum perhorrescant, sed pice fortitudinis nervos ad omnia præparare non dubitent.

#### CAPUT XVIII. — *Spinæ et tribuli lignaque infructuosa cur et quando creatae.*

27. Talis etiam questio de spinis et tribulis solet oboriri, et do quibusdam lignis infructuosis, vel cur vel quando creata sint, cum Deus dixerit, *Producat terra herbam pabuli seminantem semen, et lignum fractiferum faciens fructum.* Sed qui ita moventur, non intelligunt saltem de usitatis formulis humani juris, quemadmodum appelletur ususfructus. Utilitas enim quedam fruentium in fructus nomine consideratur. Quantæ autem sint utilitates, sive manifestæ, sive occultæ, omnium quæ terra gigiens radicibus alit, et ipsi quedam intueantur, et ab expertis cartera inquirant.

28. Et de spinis quidom ac tribulis absolutior potest esse responsio, quia post peccatum dictum est homini de terra, *Spinæ et tribulos paries tibi* (*Gen. iii, 18*). Nec tamen facile dicendum est tunc cœpisse ista oriri ex terra. Fortassis enim quoniam in ipsis

quoque generibus seminum multæ reperiuntur utilitates, poterant habere locum suum sine ulla poena hominis. Sed ut in agris in quibus jam pœnaliter laborabat, etiam ista nascerentur, hoc ad cumulum pœnæ valere credi potest, cum possent alibi nasci, vel ad avium pecorumque pastus, vel ad ipsorum hominum aliquos usus. Quanquam et ille sensus non abhorret ab his verbis, quo ita intelligitur dictum *Spinas et tribulos pariet tibi*; ut hæc etiam antea terra pariens, non tamen homini pareret ad laborem, sed cujuscemodi animalibus convenientem cibum; sunt enim quæ his genribus, et mollioribus et aridioribus commode suavitèque vescantur: tunc autem cœperit ista homini parere ad ærumnosum negotium, cum post peccatum coepit in terra laborare. Non quod alii locis hæc antea nascerentur, et post in agris quos homo ad capiendas fruges coleret; sed et prius et postea in eisdem locis: prius tamen non homini, post autem homini; ut hoc significetur quod additum est, *tibi*: quia non est dictum, *Spinas et tribulos pariet, sed, pariet tibi*; id est ut tibi iam ista nasci incipiant ad laborem, quæ ad pastum tantummodo aliis animalibus antea nascabantur.

CAPUT XIX.—*De vers. 26, 27, etc. Cur in solius hominis creatione dictum, Faciamus.*

29. *Et dixit Deus: Faciamus hominem ad imaginem et similitudinem nostram; et dominetur piscium maris et volatilium cœli, et omnium pecorum, et omnis terræ, et omnium reptilium repentium super terram.* Et fecit Deus hominem, *ad imaginem Dei fecit eum: masculum et seminam fecit eos.* Et benedixit eos Deus dicens: *Crescite, et multiplicamini, et implete terram, et dominamini ejus, et principiamini piscium maris, et volatilium cœli, et omnium pecorum, et omnis terræ, et omnium reptilium repentium super terram.* Et dixit Deus, *Ecce dedi vobis omne pabulum seminale, seminans semen quod est super omnem terram, et omne lignum quod habet in se fructum seminis seminalis; vobis erit ad escam, et omnibus bestiis terræ, et omnibus volatilibus cœli, et omni reptili repenti super terram, quod habet in se spiritum vitæ; et omne pabulum viride in escam.* Et factum est sic. Et vidit Deus omnia quæ fecit, et ecce bona valde. *Et facta est vespera, et factum est mane dies sextus.* Etiam atque etiam de natura hominis post erit uberior considerandi et diligentius disserendi locus. Nunc tamen, ut opera sex dierum nostra inquisitio per tractatioque concludat, hoc primum breviter dicimus, non indifferenter accipiendum quod in aliis operibus dicitur, *Dixit Deus, Fiat;* hic autem, *Dixit Deus, Faciamus hominem ad imaginem et similitudinem nostram:* ad insinuandam scilicet, ut ita dicam, pluralitatem personarum propter Patrem, et Filium, et Spiritum sanctum. Quam tamen deitatis unitatem intelligendam statim admonet, dicens, *Et fecit Deus hominem ad imaginem Dei;* non quasi Pater ad imaginem Filii, aut Filius ad imaginem Patris; alioquin non vere dictum est, *ad imaginem nostram;* si ad Patris solius, aut Filii solius imaginem factus est homo: sed ita dictum est, *fecit Deus ad imaginem Dei:* tanquam diceretur,

fecit Deus ad imaginem suam. Cum autem nunc dicitur, *ad imaginem Dei,* cum superius dictum sit, *ad imaginem nostram;* significatur quod non id agat illa pluralitas personarum, ut plures deos vel dicamus, vel credamus, vel intelligamus, sed Patrem et Filium et Spiritum sanctum, propter quam Trinitatem dictum est *ad imaginem nostram,* unum Deum accipiamus, propter quod dictum est, *ad imaginem Dei.*

CAPUT XX.—*In quo homo factus sit ad imaginem Dei. Cur de hominis creatione non dicitur, Et sic est factum.*

30. Hic etiam illud non est prætereundum, quia cum dixisset, *ad imaginem nostram;* statim subjunxit, *et habeat potestatem piscium maris et volatilium cœli,* et ceterorum animalium rationis expertum: ut videlicet intelligamus in eo factum hominem ad imaginem Dei, in quo irrationalibus animalibus antecellit. Id autem est ipsa ratio, vel mens, vel intelligentia, vel si quo alio vocabulo commodius appellatur. Unde et Apostolus dicit, *Renovamini in spiritu mentis vestre, et induite novum hominem (Ephes. iv, 23, 24),* qui renovatur in agnitione Dei, secundum imaginem ejus qui creavit eum (*Coloss. iii, 10*); satis ostendens ubi sit homo creatus ad imaginem Dei, quia non corporeis linamentis, sed quadam forma intelligibili mentis illuminata.

31. Ac per hoc sicut in illa prima luce, si eo nomine recte intelligitur facta lux intellectualis particeps aeternæ atque incommutabilis sapientie Dei, non dictum est, Et sic est factum, ut deinde repeteretur, *Et fecit Deus: quia sicut jam, quantum potuimus, disse ruimus, non siebat cognitio aliqua Verbi Dei in prima creatura, ut post eam cognitionem inferius crearetur, quod in eo Verbo creabatur; sed ipsa prima creabatur lux, in qua fieret cognitio Verbi Dei, per quod creabatur, atque ipsa cognitio illi esset ab informitate sua converti ad formantem Deum, et creari, atque formari: postea vero in ceteris creaturis dicitur, Et sic est factum; ubi significatur in illa luce, hoc est in intellectuali creatura, prius facta Verbi cognitio; ac deinde cum dicitur, *Et fecit Deus, ipsius creaturæ genus fieri demonstratur, quod in Verbo Dei dictum erat ut fieret: hoc et in hominis conditione servatur.* Dixit enim Deus, *Faciamus hominem ad imaginem et similitudinem nostram, etc.* Ac deinde non dicitur, *Et sic est factum;* sed jam subinseritur, *Et fecit Deus hominem ad imaginem Dei:* quia et ipsa natura scilicet intellectualis est, sicut illa lux, et propterea hoc est ei fieri, quod est agnoscere Verbum Dei per quod fit.*

32. Nam si diceretur, *Et sic est factum,* et postea subinseretur, *Et fecit Deus;* quasi prius factum inteligeretur in cognitione rationalis creaturæ, ac deinde in aliqua creatura quæ rationalis non esset: quia vera et ipsa rationalis creatura est, et ipsa eadem cognitione perfecta est. Sicut enim post lapsum peccati homo in agnitione Dei renovatur, secundum imaginem ejus qui creavit eum; ita in ipsa agnitione creatus est, antequam delicto veteraseret, unde rursum in eadem agnitione renovaretur. Quæ autem non in ea cogni-

tione creata sunt, quia sive corpora sive irrationales animæ creabantur, primo facta est in creatura intellectuali cognitione eorum a Verbo, quo dictum est ut fierent: propter quam cognitionem primo dicebatur, *Et sic est factum: ut ostenderetur facta ipsa cognitione in ea natura, quæ hoc in Verbo Dei ante cognoscere poterat; ac deinde siebant ipsæ corporales et irrationales creature. propter quod deinceps addebat, Et fecit Deus.*

CAPUT XXI. — *De hominis immortalitate difficultas ex cibo ipsi præstio.*

33. Quomodo autem homo immortalis factus sit, et acceperit escam cum aliis animalibus, herbam pabulifera tem semen, et lignum fructiferum, et herbam viridem, difficile est dicere. Si enim peccato mortalis effectus est, utique ante peccatum non indigebat talibus cibis. Neque enim posset corpus illud fame corrumpi. Nam illud quod dictum est, *Crescite et multiplicamini, et implete terram, quanquam nisi per concubitum maris et feminæ fieri non posse videatur; unde hinc quoque mortali corporum existit indicium: potest tamen dici, alium modum esse potuisse in corporibus immortalibus, ut solo piaæ charitatis affectu, nulla corruptionis concupiscentia filii nascerentur, nec mortuis parentibus successuri, nec ipsi morituri; donec terra immortalibus hominibus impleretur, ac sic instituto justo et sancto populo, qualem post resurrectionem futurum credimus, nascendi etiam modus fieret: potest quidem dici, et quomodo dicatur, alia consideratio est; sed non etiam hoc quisquam dicere audebit, ciborum indigentiam quibus reficiantur, nisi mortalibus corporibus esse posse*<sup>1</sup>.

CAPUT XXII. — *Opinio quorundam animæ creationem signari his verbis, Et fecit, etc., corporis vero istis, Et finxit Deus, etc.*

34. Nonnulli autem etiam hoc suspicati sunt, nunc interiorem hominem factum, corpus autem hominis postea, cum ait Scriptura, *Et finxit Deus hominem de limo terræ: ut quod dictum est, fecit, ad spiritum pertineat; quod autem, finxit, ad corpus.* Nec attendunt masculum et feminam nonnisi secundum corpus fieri potuisse. Licet enim subtilissime disseratur, ipsam mentem hominis in qua factus est ad imaginem Dei, quandam scilicet rationalem vitam, distribui in æternæ contemplationis veritatem, et in rerum temporalium administrationem<sup>2</sup>; atque ita fieri quasi masculum et feminam, illa parte consulente, hac obtemperante: in hac tamen distributione non recte dicitur *imago Dei*, nisi illud quod inhæret contemplandæ incomparabili veritati. In cuius rei figura Paulus apostolus viatum tantum dicit imaginem et gloriam Dei: *Mulier autem, inquit, gloria viri est* (*I Cor. xi, 7*). Itaque quamvis hoc in duobus hominibus diversi sexus exteriorius secundum corpus figuratum sit, quod etiam in una hominis interiori mente intelligitur; tamen et feminæ que est corpore feminæ, renovatur etiam ipsa in spi-

<sup>1</sup> In excisis habebatur: *quibus reficiebantur, nisi mortalibus corporibus esse non posse.* Verior MSS. lectio, quam in textu exhibemus.

<sup>2</sup> Edili: et in quoniam... administrationem. Abest quoniam a MSS.

ritu mentis suæ in agnitione Dei secundum imaginem ejus qui creavit, ubi non est masculus et feminæ. Sic ut autem ab hac gratia renovationis, et reformatione imaginis Dei, non separantur feminæ, quamvis in sexu corporis earum aliud figuratum sit, propter quod vir solus dicitur esse imago et gloria Dei; sic et in ipsa prima conditione hominis, secundum id quod et feminæ homo erat, habebat utique mentem suam eamdemque rationalem, secundum quam ipsa quoque facta est ad imaginem Dei. Sed propter unitatem conjunctionis, *Fecit Deus*, inquit, *hominem ad imaginem Dei.* Ac ne quisquam putaret solum spiritum hominis factum, quamvis secundum solum spiritum fieret ad imaginem Dei, *Fecit illum*, inquit, *masculum et feminam*, ut jam etiam corpus factum intelligatur. Rursum ne quisquam arbitraretur ita factum, ut in homine singulari uterque sexus exprimeretur, sicut interdum nascuntur, quos androgynos vocant; ostendit se singularem numerum propter conjunctionis unitatem posuisse, et quod de viro mulier facta est, sicut postea manifestabitur, cum id quod hic breviter dictum est, diligentius coepit explicari: et ideo plarem numerum continuo subjecit, dicens, *Fecit eos, et benedixit eos.* Sed, ut jam dixi, diligentius in consequenti Scriptura de hominis creatione requiremus.

CAPUT XXIII. — *Quo spectet illud vers. 30, Et sic est factum.*

35. Nunc advertendum est, quod posteaquam dixit, *Et sic factum est;* statim subjecit, *Et vidit Deus omnia quæ fecit, et ecce bona valde:* ubi intelligitur potestas et facultas ipsa data naturæ humanae sumendi ad escam pabulum agri et fructus ligni. Ad hoc enim intulit, *Et sic est factum,* quod ab illo loco inchoaverat, ubi ait, *Et dixit Deus, Ecce dedi robis pabulum seminale,* etc. Nam si ad omnia quæ supra dicta sunt retulerimus quod ait, *Et sic est factum;* consequens erit ut consteamur etiam creuisse illos jam, et multiplicatos implevisse terram in eodem sexto die; quod eadem Scriptura testante post multos annos factum invenimus. Quapropter, cum data esset hæc facultas edendi, et hoc Deo dicente homo cognovisset, dicitur, *Et sic est factum;* in hoc utique quod Deo dicente homo cognovit. Nam si id etiam tunc egisset, id est in escam illa quæ data sunt etiam vescendo assumpsisset, servaretur illa consuetudo Scriptura, ut posteaquam dictum est, *Et sic est factum,* quod ad exprimendam præcedentem cognitionem pertinet, deinde inferretur etiam ipsa operatio, ac diceretur, *Et accepérunt et ederunt.* Poterat enim ita dici, etiam si non rursus nominaretur Deus. Sicut in illo loco posteaquam dictum est, *Congregetur aqua quæ sub caelo est in congregationem unam, et appareat arida; subinfertur,* *Et sic est factum:* ac deinde non dicitur, *Et fecit Deus;* sed tamen ita repetitur, *Et congregata est aqua in congregationes suas,* etc.

CAPUT XXIV. — *Cur de homine non singulatim, ut de cæteris, dictum sit, Vidi Deus quia bonum est.*

36. Quod autem non singulatim, ut in cæteris, etiam de humana creatura dixit, *Et vidit Deus quia*

*bonum est*; sed post hominem factum, datamque illi potestate vel dominandi vel edendi, subiungit de omnibus, *Et vidit Deus omnia quæ fecit, et ecce bona valde*, merito quare potest. Potuit enim primo reddi homini singulatum, quod singulatum ceteris quae antea facta sunt redditum est; tum demum de omnibus dici quae fecit Deus, *Ecce bona valde*. An forte quia sexto die perficiuntur omnia, propterea de omnibus dicendum fuit, *Vidit Deus omnia quæ fecit, et ecce bona valde*; non singillatum de iis quae ipso die facta sunt? Cur ergo de pecoribus et bestiis et reptilibus terræ dictum est, quae ad eundem diem sextum pertinent? nisi forte illa et singillatum in suo genere, et cum ceteris universaliter dici bona meruerunt; et homo factus ad imaginem Dei, nonnisi cum ceteris hoc dici meruit. An quia perfectus nondum erat, quia nondum erat in paradiſo constitutus? quasi vero poste aquam ibi constitutus est, dictum sit quod hic prætermissum est.

37. Quid ergo dicemus? An quia præsciebat Deus hominem peccatum, nec in sue imaginis perfectione mansurum, non singillatum, sed cum ceteris eum dicere voluit bonum, velut intimans quid esset futurum? Quia cum ea quae facta sunt, in eo quod facta sunt, quantum acceperunt, manent, sicut vel illa quae non pecca-

verunt, vel illa quae peccare non possunt; et singula bona, et in universo bona valde sunt. Non enim frustra est additum, *valde*; quia et corporis membra si etiam singula pulchra sunt, multo sunt tamen in universi corporis compage omnia pulchriora. Quia oculum, verbi gratia, placitum atque laudatum, tamen si separatum a corpore videremus, non diceremus tam pulchrum, quam in illa connexione membrorum, cum loco suo positus in universo corpore cerneretur. Ea vero quae peccando amittunt decus proprium, nullo tamen modo efficiunt ut non etiam ipsa recte ordinata, cum toto atque universo bona sint. Homo igitur ante peccatum et in suo utique genere bonus erat; sed Scriptura prætermisit hoc dicere, ut illud potius diceret quod futurum aliquid prænuntiaret. Non enim falsum de illo dictum est. Qui enim singillatum bonus est, magis utique cum omnibus bonus est. Non autem quando cum omnibus bonus est, sequitur ut etiam singillatum bonus sit. Moderatum est itaque ut id diceretur, quod in præsenti verum esset, et præscientiam significaret futuri. Deus enim naturarum optimus conditor, peccantium vero justissimus ordinator est; ut etiam si qua singillatum sunt delinquentia deformia, somper tamen cum eis universitas pulchra sit. Sed jam ea quae sequuntur in sequenti volumine pertractemus.

## LIBER QUARTUS.

Tractatur uitium cap. 2 Genesios. Postque nonnulla de senarii numeri perfectione, movetur questio rursum, circa vers. 5 cap. 1, quomodo scilicet creata luce, facta sit vespera et factum mane, sive dies numerati usque ad sextum et septimum.



### CAPUT PRIMUM. — *Dies sex quomodo accipiendi.*

1. *Et consummata sunt cælum et terra, et omnis ornatus eorum. Et consummavit Deus in die sexto opera sua quæ fecit; et requievit Deus in die septimo ab omnibus operibus suis quæ fecit. Et benedixit Deus diem septimum, et sanctificavit eum; quia in ipso requievit ab omnibus operibus suis quæ inchoavit Deus facere.* Arduum quidem atque difficillimum est viribus intentionis nostre, voluntatem scriptoris in istis sex diebus, mentis vivacitate penetrare, utrum preterierint dies illi, et addito septimo, nunc per volumina temporum, non re, sed nomine repeatantur. In toto enim tempore multi dies veniunt præteritis similes, nullus autem idem redit. Utrum ergo præterierint dies illi; an istis qui eorum vocabulis et numero censentur, in temporum ordine quotidie transcurrentibus, illi in ipsis rerum conditionibus maneant: ut non solum in illis tribus antequam fierent luminaria, sed etiam in reliquis item tribus, dici nomen intelligamus in specie rei quae creata est, noctemque ejus in privatione vel defectu, vel si quo alio nomine melius significatur, cum amittitur species, aliqua mutatione a forma ad informitatem declinante atque vergente: quæ mutatio in omni creatura sive possibilitate inest, etiamsi desit effectu, sicut in cœlestibus superioribus; sive ad impletandam in infimis rebus pulchritudinem temporalem, per ordinatas vices quorumque mutabilium decessio-

nibus<sup>1</sup> successionibusque peragitur, sicut manifestum est in rebus terrenis atque mortalibus: vespera vero in omnibus perfectæ conditionis quasi quidam terminus sit: mane autem incipientis exordium; omnis enim creata natura certis suis initii et finibus continetur: indagare difficile est. Sed sive hoc, sive illud, sive aliquid etiam tertium probabilius, quod dicatur, possit inveniri, quod in progressu disputationis forsitan apparet, quemadmodum in illis diebus et nox et vespera et mane intelligatur: non est tamen abs re, ut consideremus senarii numeri perfectionem in ipsa interiori natura numerorum; quam mente intuentes, ea quæ sensibus etiam corporis adjacent. numeramus, numeroseque disponimus.

### CAPUT II. — *De senarii numeri perfectione.*

2. Invenimus ergo senarium numerum primum esse perfectum, ea ratione quod suis partibus compleatur. Sunt enim et alii numeri aliis causis rationibusque perfecti. Proinde istum senarium ea ratione perfectum diximus, quod suis partibus compleatur, talibus duntaxat partibus, quæ multiplicatae possint consummare numerorum cuius partes sunt. Talis enim pars numeri dici potest quota sit. Nam ternarius numerus potest dici pars, non tantum senarii, cuius dimidia est, sed omnium ampliorum quam est ipse ternarius. Nam et quaternarii et quinarii pars major

<sup>1</sup> MSS., cessionibus.

ternarius est : potest enim dividi et quaternarius in tria et unum , et quinarius in tria et duo . Et septenarius et octonarius et novenarius , et quidquid ultra est numerorum , pars est ternarius , non major vel dimidia , sed minor . Nam septenarius quoque dividi potest in tria et quatuor , et octonarius in tria et quinque , et novenarius in tria et sex : sed nullius horum potest dici ternarius quota sit pars , nisi tantum novenarius , cujus pars tertia est , sicut senarius dimidia . Itaque horum omnium quos commemoravi , nullus consummatur ex aliquot ternariis , nisi senarius et novenarius . Nam ille constat ex duobus ternariis , iste autem ex tribus .

3. Senarius ergo numerus , ut dicere coeparam , partibus suis connumeratis et in summam ductis , in se compleatur . Alii namque sunt numeri , quorum partes simul ductæ minorem summam faciunt , alii vero ampliorem : certis vero intervallorum rationibus pauciores inveniuntur , qui suis partibus compleantur , quarum summa nec citra insistat , nec ultra excrescat , sed ad tantum occurrat , quantus est ipse numerus cujus partes sunt . Ilorum primus senarius est . Nam unius in numeris nullæ partes sunt . Sic enim dicitur unum in numeris quibus numeramus , ut non habeat dimidium vel aliquam partem , sed vere ac pure et simpliciter unum sit . Duorum autem pars unum est , et ea dimidia , nec ulla altera . Ternarius vero duas habet , unam que dici possit quota sit , quod est unum , nam tercia ejus est ; et aliam majorem que non possit dici quota sit , id est duo : nec hujus ergo partes computari possunt illæ , de quibus agimus , id est que dici possunt quota sint . Porro quaternarius duas habet tales : nam unum , quarta ejus est ; duo , dimidia ; sed ambae in summam ductæ , id est unum et duo simul , ternarium faciunt , non quaternarium . Non ergo eum complent partes suæ , quia in summa minore consistunt . Quinarius non habet talē nisi unam , id est ipsum unum , que quinta pars ejus est : nam et duo quamvis pars ejus minor sit et tria major ; neutra tamen earum dici potest quota pars ejus sit . Senarius vero tres partes tales habet , sextam , tertiam , dimidiā : sexta ejus , unum est ; tertia , duo , dimidia , tria . Haec autem partes in summam ductæ , id est unum et duo et tria , simul eundem consummant perficiuntque senarium .

4. Jam septenarius non habet talē partem nisi septimam , quod est unum . Octonarius tres , octavam , quartam , dimidiā , id est unum , duo et quatuor : sed haec simul ductæ septenarium faciunt infra inconsistentem , non ergo complent eundem octonarium . Novenarius duas habet , nonam , quod est unum ; et tertiam , quod est tria : haec autem simul , quaternarium faciunt longe novenario minorem . Denarius tres habet tales partes ; unum decimam , duo quintam , quinque dimidiā , qui numeri simul ducti ad octonarium perveniunt , non ad denarium . Undenarius non habet nisi solam undecimam , sicut septenarius solam septimam , et quinarius solam quintam , et ternarius solam tertiam , et binarius solam dimidiā ,

PATROL. XXXIV.

quod in omnibus unum est . Duodenarius vero partibus suis talibus simul ductis , non ipse consummatur , sed exceditur ; ampliorem quippe duodenario numerum faciunt : nam usque ad sexdecim perveniunt . Habet enim eas quinque , duodecimam , sextam , quartam , tertiam , dimidiā : nam duodecima ejus unum est ; sexta , duo ; quarta , tria ; tertia , quatuor ; dimidia , sex : unum autem , et duo , et tria , et quatuor , et sex , in summam ducta sexdecim sunt .

5. Et ne multis morer , in infinita serie numerorum plures numeri reperiuntur , qui tales partes aut non habent nisi singulas , sicut ternarius , et quinarius , et ceteri ejusmodi ; aut ita plures habent tales partes , ut in unum ductæ atque in summam redactæ vel citra insistant , sicut est octonarius , et novenarius et alii plurimi , vel ultra excedant , sicut duodecimus et duodevigesimalis , et multi tales . Plures ergo reperiuntur quilibet horum , quam illi qui perfecti vocantur , eo quod suis simul ductis talibus partibus compleantur . Nam post senarium duodetrigesimus invenitur , qui similiter suis talibus partibus constat : habet enim eas quinque vigesimam octavam , quartamdecimam , septimam , quartam , dimidiā ; id est unum , et duo , et quatuor , et septem , et quatuordecim ; que simul ductæ eundem duodetrigesimum complent : sunt enim viginti octo . Et quanto numerorum ordo procedit , tanto productoribus pro rata portione <sup>1</sup> intervallis reperiuntur hi numeri , qui suis talibus partibus in summam redactis , ad seipsos occurunt , dicunturque perfecti . Quorum enim numerorum tales partes simul ductæ non implet eosdem numeros quorum partes sunt , imperfecti nominantur : quorum autem etiam excedunt , plus quam perfecti appellantur .

6. Perfecto ergo numero dierum , hoc est senario , perfectit Deus opera sua que fecit . Ita enim scriptum est : *Et consummavit Deus in die sexto <sup>2</sup> opera sua que fecit* . Magis autem in istum numerum intentus fio , cum considero etiam ordinem operum ipsorum . Sicut enim idem numerus gradatim partibus suis in trigonum surgit ; nam ita sequuntur unum , duo , tria , ut nullus alias interponi possit , que singulæ senarii partes sunt quibus constat ; unum , sexta ; duo , tertia ; tria , dimidia : ita upo die facta est lux , duobus autem sequentibus fabrica mundi hujus ; uno superior pars , id est firmamentum , altero inferior , id est mare et terra : sed partem superiore nullis alimentorum corporalium generibus implevit , quia non ibi erat positurus corpora tali refectione indigentia ; at inferiorem , quam sibi congruentibus animalibus ornatus erat , necessariis eorum indigentiae cibis ante ditavit . Reliquis ergo tribus diebus ea creata sunt , que intra mundum , id est intra istam universitatem visibilem ex elementis omnibus facta , visibilia suis et congruis motibus agerentur : primo in firmamento luminaria , quia prius erat factum firmamentum ; deinde in inse-

<sup>1</sup> Sic plures ac melioris notæ MSS. At editi , pro rata pro portione .

<sup>2</sup> In excusis , septimo , juxta versionem vulgatam . At in MSS. , sexto , juxta lxx , quos sequitur Augustinus supra , n. 2 , et passim proiert , in die sexto .

(Dicit.)

riore animantia, sicut ordo ipse poscebat, uno die, aquarum; alio, terrarum. Nec quisquam ita demens est, ut audeat dicere non potuisse Deum facere uno die cuncta, si vellet; aut si vellet biduo, uno die spiritualem creaturam, et alio corporalem; sive uno die cœlum cum omnibus pertinentibus, et alio terram cum omnibus quæ in ea sunt; et omnino quando vellet, quamdiu vellet, et quomodo vellet: quis est qui dicat voluntati ejus aliquid potuisse resistere?

**CAPUT III.** — *De eo quod scriptum est Sap. xi, 21,  
Omnia in mensura, etc.*

7. Quapropter cum eum legimus sex diebus omnia perfecisse, et senarium numerum considerantes, invenimus esse perfectum, atque ita creaturarum ordinem currere, ut etiam ipsarum partium, quibus iste numerus perficitur, appareat quasi gradata distinctio; veniat etiam illud in mentem, quod alio loco Scripturarum ei dicitur, *Omnia in mensura, et numero, et pondere dispositi* (Sap. xi, 21); atque ita cogitet anima, quæ potest, invocato in auxilium Deo, et impertiente atque inspirante vires, utrum hæc tria, mensura, numerus, pondus, in quibus Deum dispositus omnia scriptum est, erant alicubi antequam crearetur universa creatura, an etiam ipsa creata sunt; et si erant antea, ubi erant. Neque enim ante creaturam erat aliquid nisi creator. In ipso ergo erant. Sed quomodo? nam et ista quæ creata sunt, in ipso esse legimus (Rom. xi, 36): an illa sicut ipse, ista vero sicut in illo a quo reguntur et gubernantur? Et quomodo illa ipse? Neque enim Deus mensura est, aut numerus, aut pondus, aut ista omnia. An secundum id quod novimus mensuram in eis quæ metimur, et numerum in eis quæ numeramus, et pondus in eis quæ appendimus, non est Deus ista: secundum id vero quod mensura omni rei modum præfigit, et numerus omni rei speciem præbet, et pondus omnem rem ad quietem ac stabilitatem trahit, ille primitus et veraciter et singulariter ista est, qui terminat omnia et format omnia, et ordinat omnia; nihilque aliud dictum intelligitur, quomodo per cor et linguam humanam potuit, *Omnia in mensura, et numero, et pondere dispositi*, nisi, Omnia in te dispositi?

8. Magnum est paucisque concessum, excedere omnia quæ metiri possunt, ut videatur mensura sine mensura; excedere omnia quæ numerari possunt, ut videatur numerus sine numero; excedere omnia quæ appendi possunt, ut videatur pondus sine pondere.

**CAPUT IV.** — *In Deo esse mensuram sine mensura,  
numerum sine numero, et pondus sine pondere.*

Neque enim mensura et numerus et pondus in lapidibus tantummodo et lignis atque hujusmodi molibus, et quantiscumque corporalibus vel terrestribus vel cœlestibus animadverti et cogitari potest. Est etiam mensura aliquid agendi, ne sit irrevocabilis et immoderata progressio; et est numerus et affectionum animi et virtutum, quo ab stultitiae deformitate, ad sapientiae formam decusque colligitur; et est pondus voluntatis et amoris, ubi appetitum quanti quidque in appetendo, fugiendo, præponendo, postponendoque

pendatur: sed hæc animorum atque mentium et mensura alia mensura cohibetur, et numerus alio numero formatur, et pondus alio pondere rapitur. Mensura autem sine mensura est, cui æquatur quod de illa est, nec aliunde ipsa est: numerus sine numero est, quo formantur omnia, nec formatur ipse: pondus sine pondere est, quo referuntur ut quiescant, quorū quies purum gaudium est, nec illud jam refertur ad aliud.

9. Sed nomina mensuræ et numeri et ponderis, quisquis nonnisi visibiliter novit, serviliter novit. Transcendat itaque omne quod ita novit, aut si nondum potest, nec ipsis nominibus hæreat, de quibus cogitare nisi sordide non potest. Tanto enim magis cuique ista in superioribus chara sunt, quanto ipse minus est in inferioribus caro. Quod si non vult aliquis ea vocabula, quæ in rebus insimis et abjectissimis didicit, transferre ad illa sublimia, quibus intuendis mentem serenare conatur, non est urgendum ut faciat. Dum enim hoc intelligatur quod intelligendum est, non magnopere curandum est quid vocetur. Scire oportet tamen cujusmodi similitudo est inferiorum ad superiora. Non enim aliter recte hinc illuc ratio tendit, et nititur.

10. Jam vero si quisquam dicit creatam esse mensuram et numerum et pondus, in quibus Deum omnia dispositus Scriptura testatur; si in illis omnia dispositi, eadem ipsa ubi dispositi? si in aliis, quomodo ergo in ipsis omnia, quando ipsa in aliis? Non itaque dubitandum est illa esse extra ea quæ disposita sunt, in quibus omnia disposita sunt.

**CAPUT V.** — *In Deo ipso exstat ratio mensuræ, numeri et ponderis, ad quam disposita sunt omnia.*

11. An forte putabimus ita dictum esse, *Omnia in mensura, et numero, et pondere dispositi*, ac si diceretur, Omnia sic dispositi, ut haberent mensuram, et numerum, et pondus? Quia et si diceretur, Omnia corpora in coloribus dispositi; non hinc esset consequens ut ipsa Dei Sapientia, per quam facta sunt omnia, colores in se prius habuisse intelligeretur, in quibus faceret corpora: sed ita acciperetur, Omnia corpora in coloribus dispositi, ac si diceretur, Omnia corpora sic dispositi, ut haberent colores. Quasi vero a creatore Deo disposita in coloribus corpora, id est ita disposita ut colorata essent, possit aliter intelligi, nisi aliqua ratio colorum singulis corporum generibus distribuendorum in ipsa disponentis sapientia non defuisse intelligatur, etsi color ibi non appellatur. Hoc est enim quod dixi: dum res cognoscitur non esse de vocabulis laborandum.

12. Faciamus ergo ita dictum esse, *Omnia in mensura, et numero, et pondere dispositi*, tanquam dictum esset, ita disposita ut haberent proprias mensuras suas, et proprios numeros, et proprium pondus, quæ in eis pro sui cujusque generis mutabilitate mutantur, augmentis et diminutionibus, multitudine et paucitate, levitate et gravitate, secundum dispositiōnem Iei: numquid sicut ista mutantur, ita ipsum

<sup>1</sup> Editi, fateamur. MSS. vero, faciamus.

Dei consilium, in quo ea disposuit, mutabile dicimus ?  
Averterit ipse tantam dementiam.

CAPUT VI. — *Ubi cernebat Deus unde omnia disponeret.*

Cum ergo hæc ita disponerentur, ut haberent mensuras, et numeros, et pondera sua, ubi ea cernebat ipse disponens ? Neque enim extra seipsum, sicut cernimus oculis corpora ; quæ utique nondum erant, cum disponerentur ut fierent. Nec intra seipsum ista cernebat, sicut animo cernimus phantasias corporum, quæ non præsto sunt oculis, sed ea quæ vidimus, vel ex eis quæ vidimus imaginando cogitamus. Quo modo ergo ista cernebat, ut ita disponeret ? Quo, nisi eo quo solus potest ?

13. Verum etiam nos mortales et peccatores, quorum animas aggravant corpora corruptibilia, et quorum sensum multa cogitantem terrena deprimit habitatio (*Sap. ix, 15*) ; quanquam etsi corda mundissima et mentes simplicissimas gereremus, sanctisque Angelis jam essemus aquales, non utique nobis ita nota esset divina substantia sicut ipsa sibi.

CAPUT VII. — *Senarii numeri perfectionem quomodo cernamus.*

Tamen istam senarii numeri perfectionem, nec extranos ipsos cernimus, sicut oculis corpora ; nec ita intra nosmetipos, quemadmodum corporum phantasias, et visibilium imagines rerum, sed alio quodam longe differenti modo. Quamvis enim se objectent mentis aspectui quasi corpusculorum quedam simulacra, cum senarii numeri compositio vel ordo vel partitio cogitatur : tamen validior et præpotentior desuper ratio non eis annuit, interiusque numeri vim contuetur ; per quem contutum sidenter dicit, id quod dicitur unum in numeris, in nullas partes dividiri posse ; nulla autem corpora nisi in partes innumerabiles dividi ; et facilius cœlum et terram transire, quæ secundum senarium numerum fabricata sunt, quam effici posse ut senarius numerus non suis partibus compleatur. Gratias itaque Creatori semper agat animus humanus, a quo ita creatus est, ut hoc possit videre, quod avium nulla, nulla bestiarum, quæ tamen nobiscum vident et cœlum, et terram, et lumenaria, et mare, et aridam, et omnia quæ in eis sunt.

14. Quonobrem non possumus dicere, propterea senarium numerum esse perfectum, quia sex diebus perfecit Deus omnia opera sua ; sed propterea Deum sex diebus perfecisse opera sua, quia senarius numerus perfectus est. Itaque, etiam si ista non essent, perfectus ille esset ; nisi autem ille perfectus esset, ista secundum eum perfecta non fierent.

CAPUT VIII. — *Quies Dei in die septimo ut intelligenda.*

15. Jamvero quod scriptum est, requievisse Deum in die septimo ab omnibus operibus suis quæ fecit ; et ideo eumdem diem benedixisse, et sanctificasse, quia in ipso requievit ; ut quomodo possumus, quantum ab ipso adjuti fuerimus, intellectu conemur attingere, prius de hoc carnales hominum suspiciones a nostris

<sup>1</sup> *Vss.. veruntamen.*

mentibus abigamus. Numquid enim dici vel credi fas est Deum laborasse in operando, cum ea quæ supra scripta sunt condidit, quando dicebat, et siebant ? Ita quippe nec homo laborat, si aliquid faciendum, mox ut dixerit, fiat. Quamvis enim humana verba sonis adminiculata ita proferantur, ut sermo diurnus satiget : tamen cum tam pauca sunt, quam pauca legimus in eo quod scriptum est, cum Deus dixit, *Fiat lux, Fiat firmamentum*, et cetera usque in finem operum, quæ sexto die consumivit ; nimis absurdum deliramenti est, istum vel hominis, nedum Dei, laborem putare.

16. An forte quis dixerit, dicendo quidem ut fierent, quæ continuo facta sunt, Deum non laborasse, sed forte cogitando quid fieri debuisse ; qua cura velut liberatus rerum perfectione requieverit, et eo merito diem quo primo factus est ab hac animi intentione securus, benedicere, et sanctificare voluerit ? Quod si hæc sapere, multum desipere est (rerum enim condendarum tam facultas, quam facilitas incomparabilis atque ineffabilis est apud Deum),

CAPUT IX. — *Quo sensu Deus requiescere dicitur. Tristitia laudabilis.*

Quid restat ut intelligamus, nisi forte creaturæ rationali, in qua et hominem creavit, in seipso requiem præbuisse, post ejus perfectionem, per donum Spiritus sancti, per quem diffunditur charitas in cordibus nostris (*Rom. v, 5*) ut illuc feramur appetitu desiderii, quo cum pervenerimus requiescamus, id est nihil amplius requiramus ? Sicut enim recte dicitur Deus facere, quidquid ipso in nobis operante fecerimus ; ita recte dicitur Deus requiescere, cum ejus munere requiescimus.

17. Illoc quidem recte intelligimus ; quia et verum est, et non magnæ intentionis indiget, ut videamus ita dici requiescere Deum, cum requiescere nos facit, sicut dicitur cognoscere, cum efficit ut cognoscamus. Neque enim Deus temporaliter cognoscit quod antea non noverat ; et tamen dicit ad Abraham, *Nunc cognovi quoniam times Deum* (*Gen. xxii, 12*) : ubi quid aliud accipimus, nisi, Nunc feci ut cognosceretur ? His locutionum modis, cum ea quæ non accident Deo tanquam illi accident loquimur, eum facere agnoscamus ut nobis accident ; ea duntaxat quæ laudabilia sunt : et hæc quantum Scripturarum usus admittit. Neque enim nos temere aliquid tale de Deo dicere debenius, quod in Scriptura ejus non legimus.

18. Ex hoc locutionis modo arbitror dictum illud ab Apostolo : *Nolite contristare Spiritum sanctum Dei in quo signati estis in die redemptionis* (*Ephes. iv, 30*). Neque enim ipsa Spiritus sancti, qua est quidquid ipse est, substantia contristari potest ; cum habeat aeternam atque incommutabilem beatitudinem, magisque sit ipsa aeterna et incommutabilis beatitudo. Sed quia ita in sanctis habitat, ut eos impleat charitate, qua necesse est ut homines ex tempore gaudent profectu fideliū et bonis operibus ; et ideo necesse est etiam contristentur lapsi vel peccatis eorum, de quorum fide ac pietate gaudebant ; quæ tristitia laudabilis est, quia venit ex dilectione quam Spiritus sanctus insun-

**dit :** præterea ipse Spiritus dicitur contristari ab eis qui sic agunt, ut eorum factis contrastentur sancti, non ob aliud nisi quia Spiritum sanctum habent; quo dono tam boni sunt, ut eos mali molestificent, hi maxime quos bonos fuisse sive neverant sive crediderunt. Quæ profecto tristitia non solum non culpanda, verum etiam præcipue laudanda ac prædicanda est.

19. Hoc genere locutionis rursus idem apostolus mirabiliter usus est, ubi ait : *Nunc autem cognoscentes Deum, imo cognitum a Deo* (*Galat. iv, 9*). Neque enim tunc eos cognoverat Deus, præcognitos videlicet ante constitutionem mundi (*I Petr. i, 10*); sed quia tunc ipsi eum illius munere, non suo merito vel facultate cognoverant, maluit tropice loqui, ut tunc ab illo cognitos diceret, cum eis cognoscendum se præstitit, et verbum corrigere, quasi hoc minus recte dixerit, quod proprie dixerat, quam sincere ut hoc sibi arrogarent se potuisse, quod eis posse ille donaverat.

**CAPUT X.** — *Quæstio an ipse Deus proprie requieceret potuerit.*

20. Hic ergo intellectus, in eo quod positum est requievisse Deum ab omnibus operibus suis, quæ fecit bona valde, quia ipse nos facit requiescere, cum bona opera fecerimus, quibusdam forte susfecerit: sed nos hujus sententiæ Scripturarum consideratione suscepta, urgemur querere quoniammodo et ipse requiescere potuerit; quamvis requie sua nobis insinuata, sperare admonuerit in se requiem nostram futuram. Sicut enim ipse fecit cœlum et terram, et ea quæ in eis sunt, et omnia sexto die consummavit; nec in eis aliquid dici potest nos creasse, illo donante ut crearemus, et ideo dictum esse, *Consummavit Deus in die sexto opera sua quæ fecit*, quia ut a nobis consumarentur ipse præstitit: ita et quod dictum est, *Requievit Deus in die septimo ab omnibus operibus suis quæ fecit*, non utique nostram requiem, quam concedente ipso adepturi sumus, sed ipsius primitus intelligere debemus, qua in septimo die requievit, consummatis operibus; ut prius omnia quæ scripta sunt facta monstrentur, et deinde si opus est, etiam aliquid significasse doceantur. Recite quippe dicitur, sicut Deus post opera sua bona requievit, ita et nos post opera nostra bona requieturos. Sed ob hoc etiam recte flagitatur, ut quemadmodum disputatum est de operibus Dei, quæ ipsius esse satis appetit; ita de requie Dei satis disseratur, quæ propria<sup>1</sup> ipsius demonstretur.

**CAPUT XI.** — *Quomodo utrumque constat, Deum in die septimo requievisse, et nunc usque operari.*

21. Quapropter justissima ratione compellimur indagare, si valeamus, atque eloqui, quomodo utrumque sit verum, et quod hic scriptum est, in septimo die requievisse Deum ab operibus suis, quæ fecit; et quod in Evangelio dicit ipse, per quem facta sunt omnia, *Pater meus usque nunc operatur, et ego operor* (*Joan. v, 17*). Eis enim hoc respondit, qui propter requiem Dei Scripturæ hujus auctoritate antiquitus commendatum sabbatum, ab eo non observari quere-

*Mss. plerique, proprie.*

bantur. Et dici quidem probabiliter potest, observandum sabbatum Judæis fuisse præceptum in umbra futuri, quæ spiritualem requiem figuraret, quam Deus exemplo hujus quietis sue fidelibus bona opera facientibus arcana significazione pollicebatur. Cujus quietis et ipse Dominus Christus, qui nonnisi quando voluit passus est, etiam sepultura sua mysterium confirmavit. Ipso<sup>1</sup> quippe die sabbati requievit in sepulcro, eumque totum diem habuit sanctæ cujusdam vacacionis, posteaquam sexto die, id est paraseeve, quam dicit sextam sabbati, consummavit omnia opera sua, cum de illo quæ scripta sunt, in ipso crucis patibulo completerentur. Nam et hoc verbo usus est quando ait : *Consummatum est; et inclinato capite tradidit spiritum* (*Joan. xix, 30*). Quid ergo mirum si Deus istum diem, quo erat Christus in sepultura quieturus, volens etiam hoc modo prænuntiare, ab operibus suis in uno die requievit, deinceps operatus ordinem seculorum, ut et illud vere diceretur, *Pater meus usque nunc operatur?*

**CAPUT XII.** — *Alia ratio conciliandi Scripturam de requie et de continua operatione Dei.*

22. Potest etiam intelligi Deum requievisse a condendis generibus creaturæ, quia ultra jam non condidit aliqua genera nova: deinceps autem usque nunc et ultra operari eorumdem generum administrationer, quæ tunc instituta sunt; noui ut ipso saltem die septime potentia ejus a cœli et terræ, omniumque rerum quas considerat, gubernatione cessaret, alioquin continuo dilaberentur. Creatoris namque potentia, et omnipotentis atque omnitenentis virtus, causa subsistendi est omni creaturæ: quæ virtus ab eis quæ creata sunt regendis, si aliquando cessaret, simul et illorum cessaret species, omnisque natura concideret. Neque enim, sicut structor ædium cum fabricaverit, abscedit, atque illo cessante atque abscedente stat opus ejus; ita mundus vel ictu oculi stare poterit, si ei Deus regimen sui subtraxerit.

23. Proinde et quod Dominus ait, *Pater meus usque nunc operatur*, continuationem quamdam operis ejus, qua universam creaturam continet atque administrat, ostendit. Alter enim posset intelligi si diceret, Et nunc operatur, ubi non esset necessæ ut operis continuationem acciperemus: alter autem cogit intelligi cum ait, *Usque nunc*, ex illo scilicet quo cuncta cum conderet operatus est. Et quod scriptum est de sapientia ejus, *Pertingit a fine usque ad finem fortiter, et disponit omnia suaviter* (*Sap. viii, 1*); de qua item scriptum est, quod motus ejus agilior celeriorque sit omnibus motibus (*Ibid. vii, 24*): satis appetit recte intuitibus, hunc ipsum incomparabilem et ineffabilem, et si possit intelligi, stabilem motum suum, rebus eam præbere suaviter disponendis; quo utique subtractione, si ab hac operatione cessaverit, eas continuo perituras. Et illud quod ait Apostolus cum Deum Atheniensibus prædicaret, *In illo vivimus, et movemur et sumus* (*Act. xvii, 28*), lique cogitatum quantum humana mens valet, adjuvat hanc sententiam, qua

*Lov., ideo quippe. At alias editiones et MSS., ipso.*

credimus et dicimus Deum in iis quæ creavit, indesinenter operari. Neque enim tanquam substantia ejus sic in illo sumus, quemadmodum dictum est, quod habeat vitam in semetipso (*Joan. v, 26*): sed utique cum aliud simus quam ipse, non ob aliud in illo sumus, nisi quia id operatur, et hoc est opus ejus, quo continet omnia, et quo ejus *sapientia pertendit a fine usque ad finem fortiter, et disponit omnia suaviter; per quam dispositionem in illo vivimus, et morem, et sumus*. Unde colligitur quod si hoc opus suum rebus substraxerit, nec vivemus, nec movobimur, nec erimus. Claret igitur ne uno quidem die cessasse Deum ab opere regendi quæ creavit, ne motus suos naturales quibus aguntur atque vegetantur, ut omnino naturæ sint, et in eo quod sunt pro suo quæque genere maneat, illoco amitterent, et esse aliquid omnino desinerent, si eis subtraheretur motus ille Sapientie Dei, quo disponit omnia suaviter. Quapropter sic accipiens Deum requievisse ab omnibus operibus suis quæ fecit, ut jam novam naturam ulterius nullam conderet; non ut ea quæ considerat, continere et gubernare cessaret. Unde et illud verum est, quod *in seplimo die requievit Deus; et illud, quod usque nunc operatur.*

#### CAPUT XIII. — *De Sabbati observatione. Sabbatum christianum.*

24. Et opera quidem ejus videmus bona; quietem vero ejus post bona opera nostra videbimus. Ob quain significandam mandavit Hebreo populo unum diem observandum (*Erod. xx, 8*): quod tam carnaliter agebant, ut eo die salutem nostram Dominum videntes operari criminarentur, ac si cis de opere Patris rectissime responderet, cum quo et ipse operabatur æqualiter, non solum creaturæ universæ administrationem, sed etiam ipsam nostram salutem. Jam vero tempore gratiae revelatæ, observatio illa sabbati, quæ unius diei vacatione figurabatur, ablata est ab observatione fidelium. In ea quippe gratia perpetuum sabbatum jam observat, qui spe futuræ quietis operatur quidquid boni operatur, nec in ipsis bonis operibus suis, quasi habens bonum quod non acceperit, gloriatur: ita enim tanquam diem sabbati, hoc est Dominicæ cessationis in sepultura, suscipiens atque intelligens Baptismi sacramentum, quiescit a pristinis operibus suis; ut jam in novitate vite ambulans (*Rom. vi, 4*), Deum in se operari cognoscat, qui simul et operatur, et quiescit, et creaturæ præbens congruam gubernationem, et apud se habens æternam tranquillitatem.

#### CAPUT XIV.—*Cur Deus sanctificaverit diem quietis sue.*

25. Denique ipse nec cum creavit defessus, nec cum cessavit refectus est; sed nos voluit per Scripturam suam ad quietis exhortari desiderium, intimando nobis eum diem se sanctificasse, in quo quievit ab omnibus operibus suis. Nam nusquam omnium sexierum quibus creata sunt omnia, legitur aliquid sanctificasse, nec ante ipsos sex dies ubi scriptum est, *In principio fecit Deus cælum et terram* (*Gen. i, 1*), additum est, Et sanctificavit: sed diem istum, in quo requievit ab omnibus operibus suis quæ fecit, voluit

sanctificare, tanquam et apud ipsum, qui nihil in opere suo laborat, plus quies quam operatio valeat. Hoc quidem in hominibus Evangelium nobis intimat, ubi Salvator noster meliorem partem dicit Mariæ, quod sedens ad pedes ejus requiescebat in verbo ejus, quam Marthæ, quamvis propter obsequium quo ei ministrabat circa multa occupatæ, et licet bonum opus operantis (*Luc. x, 39-42*). Verum hoc in Deo quomodo sit vel intelligatur, difficile dictum est, etiam si cogitatu aliquantulum attingi potest, cur Deus sanctificaverit diem quietis sue, qui nullum sanctificaverit operis sui, nec ipsum sextum quo et hominem fecit, et cuncta perfecit. Ac primum ipsum requiescere Dei quale sit, cuius humanae mentis acies assenti potest? Quod tamen nisi esset, hoc omnino ista Scriptura non ponret. Dicam sane quod sentio, hæc duo indubitate præloquens, nec Deum, velut post laborem desideratum ve negotii sui finem, temporali quadam requie delectatum; nec has Litteras auctoritate tanta merito præminent, frustra falsoque dixisse quod Deus ab omnibus operibus suis quæ fecit, in septimo die requieverit, eaque causa eundem diem sanctificaverit.

#### CAPUT XV. — *Solvitur quæstio superius proposita.*

26. Numirum ergo quia vitium est et infirmitas animæ, ita suis operibus delectari, ut potius in eis, quam in se requiescat ab eis; cum procul dubio melius aliquid in illa sit quo ea facta sunt, quam ipsa quæ facta sunt: insinuatur nobis Deus per hanc Scripturam, qua dicitur requievisse ab omnibus operibus suis quæ fecit, nullo opere suo sic delectatus, quasi faciendi ejus eguerit, vel minor futurus nisi fecisset, vel beatior cum fecisset. Quia enim ex illo ita est quidquid ex illo est, ut ei debeat quod est, ipse autem nulli quod ex ipso est, debeat quod beatus est; se rebus quas fecit diligendo præposuit: non sanctificans diem quo ea facienda inchoavit, nec illum quo ea perfecit, ne illis vel faciendis vel factis auctum ejus gaudium videretur; sed eum quo ab ipsis in seipso requievit. Et ipse quidem nunquam ista requie caruit, sed nobis eam per diem septimum ostendit: hinc etiam significans non percipi requiem suam nisi a perfectis, cum ad eam intimandam non deputavit diem, nisi qui perfectionem rerum omnium sequebatur. Nam qui semper est quietus, tunc nobis requievit, cum se requievisse monstravit.

#### CAPUT XVI.—*Dei requies ab operibus suis in seplimo die.*

27. Illud quoque attendendum est, quod Dei requiem, qua de seipso beatus est, nobis insinuari oportebat, ut intelligamus quomodo dicatur etiam requiescere in nobis; quod non dicitur, nisi cum in se requiem præstat et nobis. Requies igitur Dei recte intelligentibus ea est, qua nullius indiger bono: et ideo certa et nobis in illo est, quia et nos beatificamur bono quod ipse est, non ipse bono quod nos sumus. Nam et nos aliquod bonum ab illo sumus, qui fecit omnia bona valde, in quibus fecit et nos. Porro alia res bona præter ipsum nulla est, quam ipse non fecit; ac per hoc nullo præter se alio

bono eget, qui bono quod fecit non eget. Hæc est ejus requies ab omnibus operibus suis quæ fecit. Quibus autem bonis laudabiliter non egeret, si nulla secesset? Nam etiam sic dici posset nullis egens bonis, non a factis in seipso requiescendo, verum omnino nulla faciendo. Sed bona facere si non posset, nulla esset potentia: si autem posset nec faceret, magna esset inadvertia. Quia ergo est omnipotens et bonus, omnia valde bona fecit: quia vero seipso bono perfecte beatus est, a bonis quæ fecit, in seipso requievit, ea scilicet requie a qua nunquam recessit. Sed si diceretur requievisse a faciendis, nihil aliud quam non fecisse intelligeretur. Nisi autem diceretur requievisse a factis, non eis egere quæ fecit minus commendaretur.

28. Quo itaque die hoc commendari oportuisset, nisi septimo? Quod sane intelligit quisquis senarii numeri perfectione in dea supra locuti sumus, perfectioni creature congruenter adhibitam recolit. Si enim senario numero perficienda fuerat creatura, sicuti perfecta est, eaque requies Dei erat nobis commendanda, qua demonstraretur nec perfectis beatificari creaturis; procul dubio dies erat in hac commendatione sanctificandus qui sequitur sextum, quo erigeremur ad hanc requiem concupiscendam, ut et nos in illo requiescamus.

#### CAPUT XVII. — *Quies nostra in Deo.*

29. Neque enim similitudo pia est, si velimus ita similes esse Deo, ut et nos ab operibus nostris requiescamus in nobis, sicut ipse requievit in se ab operibus suis. In quodam quippe incommutabili bono requiescere debemus, quod ille nobis est qui nos fecit. Hæc erit igitur summa, minimeque superba, et vere pia requies nostra, ut sicut ipse requievit ab omnibus operibus suis, quia non ei opera sua, sed ipse sibi bonum est, quo beatus est: ita et nos ab omnibus operibus, non tantum nostris, verum etiam ipsius, nonnisi in illo requieturos nos esse speremus; idque desideremus post bona opera nostra, quæ in nobis agnoscimus illius potius esse quam nostra: ut etiam sic post bona opera sua ipse requiescat<sup>1</sup>, cum post bona opera quæ ab illo justificati ficerimus, in se nobis requiem præstat. Magnum est enim nobis ab illo exstississe, sed majus erit in illo requievisse. Sicut ipse non ideo beatus est, quia hæc fecit; sed quia etiam factis non egens, in se potius quam in ipsis requievit. Unde non operis, sed quietis diem sanctificavit; quia non hæc faciendo, sed eis quæ fecit non egendo, se beatum intimavit.

30. Quid ergo tam humile ac facile effatu, et quid tam sublige atque arduum cogitat, quam Deus requiescens ab omnibus operibus suis quæ fecit? Et ubi requiescens nisi in seipso, quia beatus nonnisi seipso? Quando, nisi semper? In diebus autem quibus rerum quæ condidit consummatio narratur, et ab eis quietis Dei ordo distinguitur, quando, nisi in septimo die, qui earum sequitur perfectionem? A perfectis enim

<sup>1</sup> Editi zidunt, in nobis; quod abest a ms.

requiescit, qui nec perfectis eget, quo beatior esse possit.

CAPUT XVIII.—*Septimus dies cur mane habuerit, non vesperam.*

31. Et quod apud illum quidem, quieti ejus nec mane nec vespera est; quia nec aperitur initio, nec clauditur fine: perfectis autem operibus ejus mane habet et vesperam non habet; perfecta quippe creatura habet quoddam initium suæ conversionis ad quietem Creatoris sui, sed illa non habet finem quasi terminum perfectionis sive, sicut ea quæ facta sunt. Ac per hoc requies Dei non ipsi Deo, sed rerum ab eo conditarum perfectioni inchoatur, ut in illo incipiat requiescere quod ab illo perficitur, et in eo habere mane; in suo enim genere tanquam vespera terminatum est: sed in Deo vesperam habere jam non potest, quia non erit aliquid illa perfectione perfectius.

32. In illis enim diebus quibus omnia creabantur, vesperam terminum conditæ creature; mane autem initium condendæ alterius accipiebamus. Ac per hoc quinti diei vespera terminus est conditæ quinto die creature: mane autem quod post ipsam vesperam factum est, initium est condendæ sexto die creature; qua condita tanquam ejus terminus facta est vespera. Et quia nihil aliud condendum restiterat, ita post illam vesperam mane factum est, ut non esset initium condendæ alterius creature, sed initium quietis universæ creature in requie Creatoris. Neque enim cœlum et terra et omnia quæ in eis sunt, universa scilicet spiritualis corporalisque creatura in seipsa manet; sed utique in illo de quo dictum est, *In illo enim vivimus, et movemur, et sumus* (*Act. xvii, 28*). Quia etsi unaquaque pars potest esse in toto cuius pars est; ipsum tamen totum non est nisi in illo a quo conditum est. Et ideo non absurde intelligitur sexto die completo post ejus vesperam factum mane, non quo significaretur initium condendæ alterius creature, sicut in ceteris; sed quo significaretur initium manendi et quiescendi totius quod conditum est, in illius quiete qui condidit. Quæ quies Deo<sup>1</sup> nec initium habet nec terminum: creature autem habet initium, sed non habet terminum; et ideo septimus dies eidem creature cœpit a mane, sed nullo vespere terminatur.

33. Nam si in ceteris diebus vespera et mane talium temporum vices significant, qualia nunc per hæc quotidiana spatia peraguntur; non video quid prohibuerit et septimum diem vespera, noctemque ejusdem mane concludere, ut similiter diceretur. Et facta est vespera, et factum est mane dies septimus: quandoquidem et ipse unus est dierum, qui omnes septem sunt, quorum repetitione menses et anni et sæcula peraguntur; ut mane quod poneretur post vesperam septimi, hoc esset initium octavi diei, de quo jam deinceps silentum fuit, quia idem primus est aliquid redditur, a quo rursus hebdomadis series ordiatur<sup>2</sup>.

<sup>1</sup> Editi, Dei. At Ms., Deo. Et mox Lov. pro, creature autem, habet, creatura, refragantibus ceteris codicibus.

<sup>2</sup> Ms. octo, ordinatur.

Unde probabilius est istos quidem septem dies, illorum nominibus et numero, alias atque alias sibimet succedentes currendo temporalia peragere spatia: illos autem primos sex dies inexperta nobis atque inusitata specie in ipsis rerum conditionibus explicatos; in quibus et vespera et mane sicut ipsa lux et tenebre, id est dies et nox, non eam vicissitudinem præbuerunt, quam præbent isti per solis circuitus: quod certe de illis tribus fateri cogimur, qui ante condita luminaria commemorati atque numerati sunt.

34. Ac per hoc qualiscumque in eis vespera et mane fuerit, nullo modo tamen opinandum est, eo mane quod post sexti dici vesperam factum est, initium accepisse requiem Dei; ne temporale aliquod honum illi æternitati et incommutabilitati accidisse vanitate temeraria suspicemur: sed illam quidem requiem Dei, qua in seipso requiescit, eoque bono beatus est quod ipse sibi est, nec initium eidem ipsi habere nec terminum; consummatæ autem creaturæ habere initium, eamdem requiem Dei. Quoniam rei cujusque perfectio, non tam in universo cujus pars est, quam in eo a quo est; in quo et ipsum universum est, pro sui generis modulo stabilitur ut quiescat, id est, ut sui momenti ordinem teneat. Ac per hoc ipsa universitas creaturæ, quæ sex diebus consummata est, aliud habet in sua natura<sup>1</sup>, aliud in ordine quo in Deo est, non sicut Deus, sed tamen ita ut ei quies proprie stabilitatis non sit, nisi in illius quiete qui nihil præter se appetit, quo adepto requiescat. Et ideo dum ipse manet in se, quidquid ex illo est retrahet ad se; ut omnis creatura in se habeat naturæ suæ terminum, quo non sit quod ipse est; in illo autem quietis locum, quo servet quod ipsa est. Scio quod non proprie dixerim locum; nam proprie dicitur in spatiis quæ corporibus occupantur: sed quia et ipsa corpora non manent in loco, nisi quo sui ponderis tanquam appetitu pervenient, ut eo comperto requiescant; ideo non incongruenter a corporalibus ad spiritualia verbū transfertur, ut dicatur locus, cum res ipsa plurimum distet.

35. Initium ergo creaturæ in quiete Creatoris illo mane significatum arbitror, quod factum est post vesperam sexti diei; non enim posset in illo nisi perfecta requiescere: proinde sexto die consummatis omnibus, factaque vespera, factum est et mane, quo inciperet consummata creatura in illo a quo facta est requiescere. Quo initio Dcum in seipso requiescentem, ubi et ipsa requiescere posset invenit, tanto stabilius atque firmius, quanto ipsa illius, non ille hujus eguit ad quietem suam. Sed quoniam quidquid erit universa creatura quibuslibet mutationibus suis, non utique nihil erit, ideo creatura universa in Creatore suo semper manebit; ac per hoc post illud mane nulla deinde vespera fuit.

36. Hoc diximus<sup>2</sup>, cur septimus dies, in quo requie-

vit Deus ab omnibus operibus suis, mane habuerit post vesperam sexti, vesperam vero non habuerit.

CAPUT XIX. — *Alia ratio qua intelligitur septimus dies habuisse mane sine vespa.*

Est aliud quod de hac re magis proprie atque melius possit, quantum existimo, intelligi, sed aliquanto difficultius explicari; ut non creaturæ, sed etiam sibi requies Dei septimo die<sup>3</sup> mane habucrit sine vespera, id est initium sine termino. Si enim ita diceretur, Requievit Deus in die septimo, nec adderetur, Ab omnibus operibus suis quæ fecit, frustra hujus quietis initium quereremus. Non enim incipit Deus requiescere, cuius requies sine initio, sine termino semiperna est. Sed quoniam ab omnibus operibus suis quæ fecit, eis non egendo, requievit, intelligitur requies quidem Dei nec cœpta nec terminata; requies autem ejus ab omnibus operibus suis quæ fecit, ex eo cœpta est ex quo illa perfecit. Neque enim operibus suis non egendo requievisset, prius quam essent, quibus nec perfectis egisset; et quia eis omnino nunquam egit, nec ista beatitudo qua non eis eget, tanquam proficiendo perficietur, ideo septimo diei nulla vespera accessit.

CAPUT XX. — *Dies septimus an creatus.*

37. Sed plane queri potest, dignaque consideratione movet, quomodo intelligatur in seipso Deus requiescere ab omnibus operibus suis quæ fecit; cum scriptum sit, *Et requievit Deus in die septimo.* Non enim dictum est, In seipso; sed, *in die septimo.* Quid est ergo dies septimus? utrum creatura est aliqua, an temporis tantummodo spatium? Sed etiam temporis spatium creaturæ temporali concreatum est; ac per hoc et ipsum sine dubio creatura est. Neque enim ulla tempora vel sunt, vel esse potuerunt, vel poterunt, quorum Deus non sit creator: ac per hoc et istum septimum diem, si tempus est, quis creavit, nisi omnium temporum creator? Sed illi sex dies cum quibus vel in quibus creaturis creati sint, superior Scripturæ sancte sermo indicat. Quocirca in his diebus septem, quorum species nota nobis est, qui re quidem ipsa prætereunt, sed aliis succendentibus nomina sua quodammodo tradunt, ut illi sex dies nominentur; novimus eorum primi quando creati sunt: septimum autem diem, qui nomine sabbati nuncupatur, quando Deus creaverit, non videntur. In ipso quippe die non fecit aliquid, imo ab eis quæ sex diebus fecerat, in codem septimo requievit. Quomodo ergo requievit in die quem non creavit? Aut quomodo eum post sex dies continuo creavit, cum sexto die consummaverit omenia quæ creavit, nec aliquid septimo die creaverit, sed in eo potius ab omnibus quæ creaverat, requieverit? An unum tantummodo diem creavit Deus, ut ejus repetitione multi, qui dicuntur dies, præterirent atque transcurrerent; nec opus erat ut septimum diem crearet, quia illius quem creaverat, septima repetitio hunc utique faciebat? Lucem quippe de qua scriptum est, *Et dixit*

<sup>1</sup> MSS. *quatuor, consummata est in natura sua, aliud habet in natura sua.*

<sup>2</sup> Editi, i est, *diximus*, addunt, ut intelligatur; quæ verba omittunt MSS. omnes.

<sup>3</sup> Sic MSS. At excusi, prætermissa voce *Dei*, ferunt, *requies septimi dicit.*

*Deus, Fiat lux; et facta est lux* (*Gen. 1, 3*), discrevit a tenebris, eamque vocavit diem, et tenebras vocavit noctem. Tunc itaque Deus diem fecit, cuius repetitionem Scriptura appellat secundum diem, deinde tertium, et usque ad sextum, quo consummavit Deus opera sua: atque inde illius dici primitus creati septima repetitio septimi diei nomen accepit, in quo requievit Deus. Ac per hoc nulla creatura est septimus dies, nisi eadem ipsa septies rediens, quae condita est, quando vocavit Deus lucem diem, et tenebras vocavit noctem.

CAPUT XXI. — *De luce quæ ante luminaria fuit ad vicissitudinem diei et noctis.*

38. Rursus ergo ad eam quæstionem relabimur, de qua in primo libro exiisse videbamur; ut item quæramus quomodo circuire potuerit lux ad exhibendam diurnam nocturnamque vicissitudinem, non solum antequam cœli luminaria, sed antequam ipsum cœlum quod firmamentum appellatum est, factum esset, antequam denique ulla species terræ vel maris, quæ circuitum lucis admitteret, sequente nocte unde illa transisset. Cujus quæstionis difficultate compulsi, ausi sumus disceptationem nostram quasi ad hanc terminare sententiam, ut diceremus illam lucem quæ primitus facta est, conformatiōnem esse creaturæ spiritualis; noctem vero, adhuc formandam in reliquis operibus rerum materiem, quæ fuerat instituta, cum in principio fecit Deus cœlum et terram, antequam verbo faceret diem<sup>1</sup>. Sed nunc diei septimi consideratione commoniti, facilius est ut nos ignorare fateamur, quod remotum est a sensibus nostris, quoniam modo lux illa quæ dies appellata est, vel circuitu suo, vel contractione et emissione, si corporalis est, vices diurnas nocturnasque peregerit, vel si spiritualis est, condens creaturis omnibus præsentata sit, suaque ipsa præsentia diem, noctem vero absentia, vesperam initio absentia, mane initio præsentia fecerit; quam ut in re aperta contra divinæ Scripturæ verba conemor, dicendo aliud esse diem septimum, quam illius diei quem fecit Deus septimam repetitionem. Alioquin aut non creavit Deus septimum diem, aut aliquid creavit post illos sex dies, id est ipsum diem septimum; falsumque erit quod scriptum est, in sexto die consummasse omnia opera sua, et in septimo requievisse ab omnibus operibus suis. Quod utique quoniam falsum esse non potest, restat ut præsentia lucis illius, quem diem Deus fecit, per omnia opera ejus repetita sit, quoties dies nominatus est, et in ipso septimo in quo requievit ab operibus suis.

CAPUT XXII. — *Lux spiritualis quomodo dici et noctis vicissitudinem exhibuisse intelligitur.*

39. Sed quoniam lux corporalis, antequam fieret cœlum, quod firmamentum vocatur, in quo etiam luminaria facta sunt, quo circuitu vel quo processu et recessu vices diei et noctis exhibere potuerit, non invenimus; istam quæstionem relinquere non debemus sine aliqua nostræ prolatione sententia: ut si lux illa quæ primitus creata est, non corporalis sed spiritualis est, sicut post tenebras facta est ubi intelligitur a

<sup>1</sup> Editi addunt hic, in quo requierit; quod abest a MSS.

sua quadam informitate ad Creatorem conversa atque formata; ita et post vesperam fiat mane, cum post cognitionem sue propriæ naturæ, qua non est quod Deus, referat se ad laudandam lucem, quod ipse Deus est, cuius contemplatione formatur. Et quia cæteræ creature, quæ infra ipsam fiunt, sine cognitione ejus non fiunt, propterea nimurum idem dies ubique repetitur, ut ejus repetitione fiant tot dies, quoties distinguuntur rerum genera creatarum, perfectione senarii numeri terminanda: ut vespera primi diei sit etiam sui cognitionis<sup>1</sup>, non se esse quod Deus est; mane autem post hanc vesperam, quo concluditur dies unus, et inchoatur secundus, conversio sit ejus, qua id quod creata est, ad laudem referat Creatoris, et percipiat de Verbo Dei cognitionem creature que post ipsam fit, hoc est firmamenti: quod in ejus cognitione fit prius cum dicitur, *Et sic est factum*; deinde in natura ipsius firmamenti, quod conditur, cum additur etiam postea, jam dicto, *Et sic est factum, Et fecit Deus firmamentum*. Deinde fit vespera illius lucis, cum ipsum firmamentum, non in Verbo Dei sicut ante, sed in ipsa ejus natura cognoscit: quæ cognitionis quoniam minor est, recte vespera nomine significatur. Postquam fit mane, quo concluditur secundus dies, et incipit tertius: in quo itidem mane conversio est lucis hujus, id est diei hujus ad laudandum Deum, quod operatus sit firmamentum, et percipiendam de Verbo ejus cognitionem creature, que condenda est post firmamentum. Ac per hoc cum dicit Deus, *Congregatur aqua quæ est sub cælo, in collectionem unam et appareat arida*, cognoscit hoc illa lux in Verbo Dei quo id dicitur; et ideo sequitur, *Et sic est factum*, hec est in ejus cognitione ex Verbo Dei: deinde cum additur, *Et congregata est aqua*, etc. (*Gen. 1, 9, 10*), cum iam dictum esset, *Et sic factum est*, in suo genere ipsa creatura fit; que item cum in suo genere facta cognoscitur ab ea luce, que jam in Verbo Dei faciendam cognoverat, fit tertio vespera: et inde hoc modo cætera usque ad mane post vesperam sexti diei.

CAPUT XXIII. — *Cognitionis rerum in verbo Dei et in seipsis.*

40. Multum quippe interest inter cognitionem rei cujusque in Verbo Dei, et cognitionem ejus in natura ejus: ut illud merito ad diem pertineat, hoc ad vesperam. In comparatione enim lucis illius quæ in Verbo Dei conspicitur, omnis cognitionis qua creaturam quamlibet in seipsa novimus, non immerito nox dici potest: quæ rursus tantum differt ab errore vel ignorantia eorum qui nec ipsam creaturam sciunt, ut in ejus comparatione non incongrue dicatur dies. Sicut ipsa vita fidelium quæ in hac carne atque in hoc sæculo ducitur, in comparatione vitæ infidelis atque impiorum non irrationaliter lux et dies appellatur, dicente Apostolo, *Fuistis aliquando tenebræ, nunc autem lux in Domino* (*Ephes. 5, 8*); et illud, *Abjiciamus opera tenebrarum, et induamus nos arma lucis; sicut in die honeste ambulemus* (*Rom. xiii, 12, 13*): qui tamen

<sup>1</sup> Locus ad MSS. emendatus; in quo scilicet excusi habuerunt, cognitione, pauloque post, conversio fit ejus.

dies nisi rursus in comparatione illius diei quo æquales Angelis facti videbimus Deum sicuti est, ipse quoque nox esset; non hic prophetæ lucerna indigemus: unde apostolus Petrus dicit, *Habemus certiorum propheticum sermonem, cui bene facitis intendentis sicut lucernæ lucenti<sup>1</sup> in obscuro loco, donec dies luceat, et lucifer oriatur in cordibus vestris* (II Petr. 1, 19).

#### CAPUT XXIV. — *Scientia Angelorum.*

41. Quapropter cum sancti Angeli, quibus post resurrectionem coæquabimur (*Matth. xxii, 30*), si viam (quod nobis Christus factus est) usque in fine tenuerimus, semper videant faciem Dei, Verboque ejus unigenito Filio sicut Patri æqualis est persuulantur, in quibus prima omnium creata est sapientia; procul dubio universam creaturam, in qua ipsi sunt principaliiter conditi, in ipso Verbo Dei prius neverunt, in quo sunt omnia, etiam que temporaliter facta sunt, æternæ rationes, tanquam in eo per quod facta sunt omnia: ac deinde in ipsa creatura, quam sic neverunt tanquam infra despicientes, eamque referentes ad illius laudem, in cuius incommutabili veritate rationes secundum quas facta est, principaliter vident. Ibi ergo tanquam per diem, unde et concordissima unitas eorum ejusdem veritatis participatione dies est primitus creatus; hic autem tanquam per vesperam: sed continuo sit mane (quod in omnibus sex diebus animadvertisse potest), quia non remanet angelica scientia in eo quod creatum est, quin hoc continuo referat ad ejus laudem atque charitatem<sup>2</sup>, in quo id non factum esse, sed faciendum fuisse cognoscitur; in qua veritate stando dies est. Nam si vel ad seipsum natura angelica converteretur, seque amplius delectaretur, quam illo cuius participatione beata est; intumescens superbia caderet, sicut diabolus: de quo suo loco loquendum est, cum de serpente hominis seductore sermo debitus flagitabitur.

#### CAPUT XXV. — *Cur sex diebus non addatur nox.*

42. Quia ergo Angeli creaturam in ea ipsa creatura sic sciunt, ut ei scientiar electione ac dilectione præponant quod eam sciunt in Veritate, per quam facta sunt omnia, participes ejus effecti; ideo per omnes sex dies non nominatur nox, sed post vesperam et mane dies unus: item post vesperam et mane dies secundus; deinde post vesperam et mane dies tertius: ac sic usque in mane sexti diei, unde incipit septimus quietis Dei, quamvis cum suis noctibus, dies tamen non noctes narrantur. Tunc enim nox ad diem pertinet, non dies ad noctem, cum sublimes et sancti Angeli id quod creaturam in ipsa creatura neverunt, referunt ad illius honorem et amorem, in quo æternas rationes quibus creata est contemplantur; eaque cordissima contemplatione sunt unus dies, quem fecit Dominus, cui conjungetur Ecclesia de hac peregrinatione liberata, ut et nos exultemus et jucundemur in eo (*Psal. cxvi, 24*).

<sup>1</sup> MSS. omittunt, *lucenti.*

<sup>2</sup> In editis, *claritatem*. In quinque MSS., *charitatem*: hanc lectiosem confirmat quod rursum, n. 42 dicitur, *referunt ad illius honorem et amorem.*

#### CAPUT XXVI. — *Numerus dierum quomodo accipiendus.*

43. Illejus ergo diei, cuius et vespera et mane secundum supra dictam rationem accipi potest, sexta repetitione consummata est universa creatura; scilicet quae est mane, quo finiretur sextus dies; et unde inciperet septimus vesperam non habiturus, quia Dei requies non est creatura: quæ cum per dies cæteros conderetur, aliter in seipsa facta cognoscebatur, quam in illo in eius veritate facienda videbatur, cuius cognitionis quasi decolor species vesperam faciebat. Non itaque jam forma ipsius operis dies, et terminus vespera, et alterius operis initium mane, in hac rerum conditarum narratione debet intelligi; ne cogamur contra Scripturam dicere, præter sex dies conditam, diei septimi creaturam, aut ipsum diem septimum nullam esse creaturam: sed dies ille quem fecit Deus, per opera ejus ipse repetitur, non circuitu corporali, sed cognitione spirituali, cum beata illa societas Angelorum et primitus contemplatur in Verbo Dei, quo dicit Deus, *Fiat*; atque ideo prius in ejus cognitione fit, cum dicitur, *Et sic est factum*; et postea rem ipsam factam, in ea ipsa cognoscit, quod significatur facta vespera; et eam deinde cognitionem rei factæ ad illius veritatis laudem refert, ubi rationem viderat faciendæ, quod significatur factio mane. Ac sic per omnes illos dies unus est dies, non istorum dierum consuetudine intelligendus, quos videmus solis circuitu determinari atque numerari; sed alio quodam modo, a quo et illi tres dies, qui ante conditionem istorum luminarium commemorati sunt, alieni esse non possunt. Is enim modus non usque ad diem quartum, ut inde jam istos usitatos cogitaremus, sed usque ad sextum septuimque perdactus est; ut longe aliter accipiens sit dies et nox, inter quæ duo divisit Deus, et aliter iste dies et nox, inter quæ dixit ut dividant lumina quæ creavit, cum ait, *Et dividant inter diem et noctem* (*Gen. 1, 14*). Tunc enim hunc diem condidit, cum condidit solem, cuius præsentia eumdem exhibet diem: ille autem dies primitus conditus jam triduum peregerat, cum haec lumina illius diei quarta repetitione creata sunt.

#### CAPUT XXVII. — *Usitati dies hebdomadae longe disparenes septem diebus Geneseos.*

44. Quapropter quod illum diem vel illos dies, qui ejus repetitione numerati sunt, in hac nostra mortalitate terrena experiri ac sentire non possumus, et si quid ad eos intelligendos conari possumus, non debemus temporariam præcipitare sententiam, tanquam de his aliud sentiri congruentius probabilisque non possit; istos septem dies, qui pro illis agunt hebdomadam, cuius cursu et recursu tempora rapiuntur, in qua dies unus est a solis ortu usque in ortum circuitus, sic illorum vicem quamdam exhibere credamus, ut non eos illis similes, sed multum impares minime dubitemus.

#### CAPUT XXVIII. — *Interpretatio data de luce et die spirituali non existimetur improposita et figurata.*

45. Nec quisquam arbitretur, illud quod dixi de

luce spirituali, et de condito die spirituali et angelica creatura, et de contemplatione quam habet in Verbo Dei, et de cognitione qua in seipsa creatura cognoscitur, ejusque relatione ad laudem incommutabilis veritatis, ubi prius ratio videbatur rei facienda, quæ cognita est facta; non jam proprie, sed quasi figurata atque allegorice convenire ad intelligendum diem et vesperam et mane: sed aliter quidem quam in hac consuetudine quotidiana lucis hujus et corporalis; non tamen tanquam hic proprie, ibi figurata. Ubi enim melior et certior lux, ibi verior etiam dies: cur ergo non et verior vespera et verius mane? Nam si in ipsis diebus habet quandam declinationem suam lux in occasum, quam vespere nomine nuncupamus, et ad ortum iterum redditum, quod mane dicimus; cur et illuc vesperam non dicamus, cum a contemplatione Creatoris creatura despiciatur<sup>1</sup>, et mane cum a cognitione creature in laudem Creatoris aseurgitur? Neque enim et Christus sic dicitur lux (*Joan. viii, 12*), quomodo dicitur lapis (*Act. iv, 11*); sed illud proprie, hoc utique figurata. Quisquis ergo non eam quam pro nostro modulo vel indagare vel putare potuimus, sed aliam requirit in illorum dierum enumeratione sententiam, quæ non in prophetia figurata, sed in hac creaturarum conditione proprie meliusque possit intelligi; querat, et divinitus adjutus inveniat. Fieri enim potest ut etiam ego aliam his divine Scripture verbis congruentiore fortassis inveniam. Neque enim ita hanc confirmo, ut aliam quæ præponenda sit, inveniri non posse contendam, sicut confirmo requiem Dei Scripturam sanctam, non quasi post lassitudinem vel curæ molestiam, nobis insinuare voluisse.

CAPUT XXIX. — *In angelica cognitione dies, vespera et mane.*

46. Quamobrem potest aliquis fortasse mecum disputando certare, ut dicat sublimium cœlorum Angelos non alternatim contueri, primo rationes creaturarum incommutabiliter in Verbi Dei incommutabili veritate, ac deinde ipsas creaturas, et tertio earum etiam in seipsis cognitionem ad laudem referre Creatoris; sed eorum mentem mirabili facilitate hæc omnia simul posse. Numquid tamen dicet, aut si quisquam dixerit audiendus est, illam cœlestem in Angelorum millibus civitatem, aut non contemplari Creatoris aeternitatem, aut mutabilitatem ignorare creature, aut ex ejus quoque inferiore quadam cognitione non laudare Creatorem? Simul hoc totum possint, simul hoc totum faciant; possunt tamen et faciunt. Simul ergo habent et diem, et vesperam, et mane.

CAPUT XXX. — *Nihilo ignobilior angelica scientia, licet in hac sit vespera et mane.*

47. Neque enim verendum est ne forte qui est idoneus jam illa sentire, ideo non putet hoc ibi posse fieri, quia in his diebus, qui solis hujus circuitu peraguntur, fieri non potest. Et hoc quidem non potest eisdem partibus terræ: universum autem mundum

<sup>1</sup> *Bigotianus codex, dispicitur. Alii, despiciunt;* quasi deorsum aspiciunt, uti usurpat Augustinus supra, n. 41, et lib. 2, n. 17; et Virgil. *Aned lib. 1, v. 228:*

*Desiciens mare velivolum, terrasque jacentes.*

quis non videat, si attendere velit, et diem ubi sol est, et noctem ubi non est, et vesperam unde discedit, et mane quo accedit, simul habere? Sed nos plane in terris haec omnia simul habere non possumus: nec ideo tamen istam terrenam conditionem lucisque corporeæ temporalem localemque circuitum illi patræ spirituali coæquare debemus, ubi semper est dies in contemplatione incommutabilis veritatis, semper vespera in cognitione in seipsa creature, semper mane etiam ex hac cognitione in laude Creatoris. Quia non ibi abcessu lucis superioris, sed inferioris cognitionis distinctione sit vespera; nec mane tanquam nocti ignorantie scientia matutina succedit, sed quod vespertinam etiam cognitionem in gloriam conditoris attollat. Denique et ille, nocte non nominata, *Vespere*, inquit, et mane, et meridie enarrabo et annuntiabo; et exaudiens vocem meam (*Psal. LIV, 18*): hic fortasse per temporum vices, sed tamen, quantum puto, significans quid sine temporum vicibus ageretur in patria, cui ejus peregrinatio suspirabat.

CAPUT XXXI. — *Initio creationis rerum quomodo non simul dies, vespera et mane in angelica cognitione.*

48. Sed numquid si jam nunc simul ista omnia gerit atque habet angelica illa societas et unitas diei, quem primitus condidit Deus, tunc etiam cum hac conderentur simul hæc habuit? Nonne per omnes sex dies, cum ea quæ per singulos Deo condere placuit, conderentur, primo hæc accipiebat in Verbo Dei, ut in ejus notitia primitus fierent, cum dicebatur, *Et sic est factum;* deinde cum facta essent, in sua propria natura qua sunt, Deoque plauissent quia bona sunt, tunc itidem ea cognoscebat alia quadam inferiore cognitione, quæ nomine vesperæ significata est; ac deinde facta vespera siebat mane, cum de suo Deus opere laudaretur, et alterius creaturæ quæ deinceps facienda erat, ex Dei Verbo notitia, priusquam fieret, acciperetur? Non ergo tunc simul omnia, et dies et vespera et mane; sed singillatim, per ordinem quem Scriptura commemorat.

CAPUT XXXII. — *Si tunc ista omnia simul in Angelorum scientia, saltem non sine quadam ordine fuerunt.*

49. An etiam tunc simul omnia, quia non secundum temporum moras, sicut sunt dies isti, cum oritur et occidit sol, et in locum suum reddit, ut rursus oriatur; sed secundum potentiam spiritualem mentis angelicæ, cuncta quæ voluerit simul notitia facillima comprehendentem? Nec ideo tamen sine ordine, quo appareat connexion præcedentium sequentiumque causarum. Neque enim cognitione fieri potest, nisi cognoscenda præcedant; quæ item priora sunt in Verbo, per quod facta sunt omnia, quam in iis quæ facta sunt omnibus. Mens itaque humana prius hæc quæ facta sunt, per sensus corporis experitur, eorumque notitiam pro infirmitatis humanæ modulo capit: et deinde querit eorum causas, si quo modo possit ad eas pervenire principaliter atque incommutabiliter manentes in Verbo Dei, ac sic invisibilita ejus, per ea

que facta sunt, intellecta conspicere (*Rom. i, 20*). Quod quanta tarditate ac difficultate agat, et quanta temporis mora propter corpus corruptibile quod aggrauat animam (*Sap. ix, 15*), etiam quæ serventissimo studio rapitur ut instanter ac perseveranter hoc agat, quis ignorat? Mens vero angelica pura charitate inhærens Verbo Dei, posteaquam illo ordine creata est, ut præcederet cætera, prius ea vidit in Verbo Dei facienda, quam facta sunt; ac sic prius in ejus siebant cognitione, cum Deus dicebat ut fierent, quam in sua propria natura: que itidem facta in eis ipsis etiam cognovit, minore utique notitia, que vespera dicta est. Quam notitiam sane præcedebant quæ siebant; quia præcedit cognitionem quidquid cognosci potest. Nisi enim prius sit quod cognoscatur, cognosci non potest. Post hoc si eo modo sibi placeret, ut amplius seipsa quam Creatore suo delectaretur, non fieret mane, id est non de sua cognitione in laudem Creatoris assureretur. Cum vero factum est mane<sup>1</sup>, faciendum erat aliud et cognoscendum Deo dicente, *Fiat*; ut prius itidem fieret in cognitione mentis angelice, et posset rursus dici, *Et sic est factum*; ac deinde in natura propria, ubi subsequente vespera nosceretur.

50. Ac per hoc etiamsi nulla hic morarum temporalium sint intervalla, præcessit tamen ratio condendæ creaturæ in Verbo Dei, cum dixit, *Fiat lux*; et secuta est ipsa lux qua angelica mens formata est, atque in sua natura facta est, non autem alibi sequebatur ut fieret: et ideo non prius dictum est, *Et sic est factum*, et postea dictum, *Et fecit Deus lucem*; sed continuo post Verbum Dei facta est lux, adhucque creanti luci lux creata, videns illam et se in illa, id est rationem qua facta est. Videlicet etiam se in se, id est, distante<sup>2</sup> quod factum est ab eo qui fecit. Et ideo cum placuisset Deo factum, videnti quia bonum est, et divisa esset lux a tenebris, et vocata lux dies, et tenebre nox; facta est et vespera: quia necessaria erat et ista cognitio, qua distingueretur a Creatore creatura, aliter in seipsa cognita quam in illo; atque inde mane ad aliud præcognoscendum, quod fuerat Verbo Dei faciendum, prius in cognitione mentis angelicæ, deinde in natura ipsius firmamenti. Et ideo dixit Deus, *Fiat firmamentum*; et sic est factum, in cognitione creaturæ spiritualis, hoc priusquam fieret in eo ipso prænoscentis. Deinde fecit Deus firmamentum; jam utique ipsam firmamenti naturam, cuius minor esset tanquam vespertina cognitio: ac sic usque ad omnium operum finem, et usque ad requiem Dei, quæ non habet vesperam, quia non est facta sicut creatura, ut posset etiam ipsius geminari cognitio, tanquam prior et major in Verbo Dei sicut in die, et posterior ac minor in seipsa sicut in vespera.

#### CAPUT XXXIII. — An simul omnia, an per intervalla dierum condita fuerint.

51. Sed si omnia mens simul angelica potest, quæ singillatim per ordinem connexarum causarum sermo

distinguit; numquid etiam que siebant, velut ipsum firmamentum, velut aquarum congregatio, speciesque terrarum nudata, velut fruticum et arborum germinatio, luminarium et siderum conformatio, aquatilia terrestriaque animantia simul omnia facta sunt? annon potius per intervalla temporum secundum praefinitos dies? An forte non sicut ea secundum motus eorum naturales nunc experimur, ita etiam cum primus instituta sunt cogitare debemus; sed secundum mirabilem atque ineffabilem virtutem Sapientie Dei, quæ attingit a fine usque ad finem fortiter, et disponit omnia suaviter (*Sap. viii, 1*)? Neque enim et ipsa gradibus attingit, aut tanquam gressibus pervenit. Quapropter quam facilis ei efficacissimus motus est, tam facile Deus condidit omnia; quoniam per illam sunt condita: ut hoc quod nunc videmus temporalibus intervallis ea moveri ad peragenda que suo cuique generi competunt, ex illis insitis rationibus veniat, quas tanquam seminaliter sparsit Deus in ictu condendi, cum dixit, et facta sunt; mandavit, et creata sunt (*Psal. xxxii, 9*).

52. Non itaque tarde institutum est, ut essent tarda quæ tarda sunt; nec ea mora condita sunt sæcula, qua transcurrunt. Illos enim numeros tempora peragunt, quos cum crearentur, non temporaliter acceperunt. Alioquin si rerum naturales motiones, dierumque istorum, quos novimus, usitata spatia, cum hac primus Verbo Dei facta sunt, cogitemus; non uno die opus erat, sed pluribus, ut ea que radicibus pululant, terramque vestiunt, subter primus germinarent; deinde certo numero dierum pro suo quaque genere in auras erumperent, etiam si hoc usque fieret, quod de creata natura eorum die uno, id est tertio, factum Scriptura narravit. Deinde quot diebus opus erat, ut aves volarent, si a suis primordiis existentes, ad plumas et pennas per naturæ suæ numeros pervenerunt? An forte ova tantum creata erant, cum quinto die dictum est quod ejacerint aquæ omne volatile pennatum secundum suum genus? Aut si proterea recte hoc dici potuit, quia in illo humore ovoidum jam erant omnia, quæ per numeros certos dierum coalescunt, et explicantur quadammodo, quia inerant jam ipsæ numerosæ rationes incorporaliter corporeis rebus intextæ; cur non et ante ova idipsum recte dici potuerit, cum jam eadem rationes in elemento humido fierent, quibus alites per temporales sui cuiusque generis moras oriiri et perfici possent? De quo enim Creatore Scriptura ista narravit, quod sex diebus consummaverit omnia opera sua, de illo alibi non utique dissonanter scriptum est, quod creaverit omnia simul (*Ecli. xviii, 1*). Ac per hoc et istos dies sex vel septem, vel potius unum sexies septies repetitum simul fecit, qui fecit omnia simul. Quid ergo opus erat sex dies tam distincte dispositaque narrari? Quia scilicet ii qui non possunt videre quod dictum est. *Creavit omnia simul*, nisi cum eis sermo tardius incedat; ad id quo eos dicit, pervenire non possunt.

<sup>1</sup> Abest, mane, a plerisque et melioris notæ MSS.  
<sup>2</sup> Sorbonicus Ms., distar.

CAPUT XXXIV. — *Omnia et simul facta, et nihilominus per sex dies facta.*

53. Quomodo ergo dicimus sexies repetitam lucis illius praesentiam per angelicam cognitionem a vespere ad mane; cum ipsa tria simul, id est et diem et vesperam et mane, semel ei habere suffecerit: cum simul universam creaturam, sicut simul facta est, et in primis atque incommutabilibus rationibus, per quas condita est, contemplaretur propter diem, et in ejus ipsius natura cognosceret propter vesperam, et Creatorem ex ipsa etiam inferiore cognitione propter mane laudaret? Aut quomodo præcedebat mane, ut in Verbo cognosceret quid esset Deo postea faciendum, id ipsum etiam consequenter vespere cognitura, si prius et posterius nihil factum est, quia simul omnia facta sunt? Imo vero et prius atque posterius per sex dies quæ commemorata sunt facta sunt, et simul omnia facta sunt: quia et hæc Scriptura, que per inmemoratos dies narrat opera Dei, et illa que simul eum dicit fecisse omnia, verax est; et utraque una est, quia uno Spiritu veritatis inspirante conscripta est.

54. Sed in his rebus, in quibus quid prius sit vel posterius, intervala temporum non demonstrant, quamvis utrumque dici possit, id est simul, et prius et posterius, facilius tamen intelligitur quod dicitur simul, quam quod prius atque posterius: velut cum solem intuemur orientem, certo manifestum est quod ad eum acies nostra pervenire non posset, nisi transiret totum aeris coelique spatium, quod inter nos et ipsum est; hoc autem cuius longinquitatis sit, quis estimare sufficiat? Nec utique perveniret eadem acies vel radius oculorum nostrorum ad transeundum aereum qui est super mare, nisi prius transisset eum qui est super terram, in qualibet mediterranea regione simus, ab eo loco ubi sumus usque ad littus maris. Deinde si ad eamdem lineam contutus nostri adhuc post mare terræ adjacent, eum quoque aereum qui super illas transmarinas terras est, transire acies nostra non potest, nisi prius peracto spatio aeris illius qui super mare quod prius occurrit, extenditur. Faciamus jam post illas transmarinas terras nonnisi Oceanum remanere; numquid et aereum qui super Oceanum diffunditur, potest transire acies nostra, nisi prius transierit quidquid aeris citra Oceanum supra terram est? Oceani autem magnitudo incomparabilis perhibetur; sed quantacumque sit, prius oportet aereum qui supra est, transeat radii nostrorum oculorum; et postea quidquid ultra est; tum demum ad solem perveniant, quem videmus. Num igitur quia toutes hic diximus, Prius, et postea, ideo non simul omnia uno ictu transit noster obtutus? Si enim clausis oculis faciem contra visuri solem ponamus, nonne mox ut eos aperuerimus, ibi potius aciem nostram nos invenimmo, quam illuc eam perduxisse putabimus;

ita ut nec ipsi oculi prius aperti fuisse videantur, quam illa quo intenderat pervenisse<sup>1</sup>? Et certe iste corporeæ lucis est radius, emicans ex oculis nostris, et tam longe posita tanta celeritate contingens, ut testimoni compararique non possit. Nempe hic et illa omnia tam ampla immensaque spatia simul uno ictu transiri manifestum est, et quod prius posteriusque transeatur, nihil minus certum est.

55. Merito resurrectionis nostræ celeritatem cum exprimere vellet Apostolus, in ictu oculi dixit fieri (*1 Cor. xv. 52*). Neque enim aliud in rerum corporearum motibus vel ictibus potest celerius inveniri. Quod si oculorum carnalium acies celeritate tantum potest, quid mentis acies vel humanæ? quanto magis angelice? Quid jam de ipsis summae Dei Sapientie celeritate dicatur, quæ attingit ubique propter suam munditatem, et nihil inquinatum in eam incurrit (*Sap. viii. 24*)? In his ergo quæ simul facta sunt, nemo videt quid prius posteriusve fieri debuerit, nisi in illa Sapientia, per quam facta sunt omnia per ordinem simul.

CAPUT XXXV. — *Conclusio de diebus Genesios.*

56. Dies ergo ille quem Deus primitus fecit, si spiritualis rationalisque creatura est, id est Angelorum supercoelestium atque Virtutum, praesentatus est omnibus operibus Dei hoc ordine praesentia, quo ordine scientiae<sup>2</sup>, qua et in Verbo Dei facienda prænosceret, et in creatura facta cognosceret, non per intervallorum temporalium moras, sed prius et posterius habens in connexione creaturarum, in efficacia vero Creatoris omnia simul. Sic enim fecit quæ futura essent, ut non temporaliter faceret temporalia, sed ab eo facta currerent tempora. Ac per hoc isti dies septem, quos lux corporis cœlestis circumeundo explicat atque replicat, secundum quamdam umbram significationis admonent nos querre illos dies, in quibus lux creata spiritualis omnibus operibus Dei per senariam numeri perfectionem praesentari potuerit; atque inde septimam<sup>3</sup> requiem Dei manc habere, et vesperram non habere: ut non sit hoc Deo requievisse in die septimo, tanquam ipso die septimo eguerit ad requiem suam; sed quod in conspectu Angelorum suorum requieverit ab omnibus operibus suis quæ fecit, non utique nisi in seipso, qui factus non est; id est, ut creatura ejus angelica, quæ cognoscendis omnibus operibus ejus in ipso et in illis, tanquam dies cum vesperra praesentata est, nihil post omnia valde bona opera ejus melius cognosceret, quam illum ab omnibus in seipso requiescere, nullo eorum egentea quo sit beatior.

<sup>1</sup> Am. et Er., *quam illo quo intenderant pervenisse. Lov.*, *pervenissent. At Ms., quam illa quo intenderat (scilicet oculorum acies) pervenisse.*

<sup>2</sup> MSS. aliquot, *præscientiae.*

<sup>3</sup> MSS. non lauci, *inde in septimum. Unus aut alter, inde in septima.*

## LIBER QUINTUS.

*De eo quod scriptum est in cap. 2 Genesios, vers. 4 : Hic est liber creaturæ cœli, etc., usque ad illud, vers. 6 : Fons autem ascendebat de terra, etc.*



**CAPUT PRIMUM.** — *Sex vel septem Genesis dies unius diei repetitione numerari potuisse.*

1. *Hic est liber creaturæ cœli et terræ, cum factus est dies, fecit Deus cœlum et terram, et omne viride agri, antequam esset super terram, et omne senum agri, antequam exortum est. Non enim pluerat super terram Deus : et homo non erat qui operaretur terram. Fons autem ascendebat de terra, et irrigabat omnem faciem terræ. Nunc certe firmior sit illa sententia qua intelligitur unum diem fecisse Deum, unde jam illi sex vel septem dies unius hujus repetitione numerari potuerint ; quandoquidem apertius sancta Scriptura jam dicit, concludens quodammodo cuncta quæ ab initio usque ad hunc locum dixerat, atque infert, *Hic est liber creaturæ vel facturæ cœli et terræ, cum factus est dies.* Neque enim quisquam dicturus est cœlum et terram hic ita commemorata, sicut dictum erat antequam conditus insinuaretur dies, *In principio fecit Deus cœlum et terram* (Gen. 1, 1). Illud enim si eo modo intelligitur, ut aliquid Deus fecerit sine die, priusquam ficeret diem, qua ratione id possit accipi, suo loco dixi, quod dicendum putavi, nulli intercludens melius intelligendi licentiam. Nunc autem, *Hic est*, inquit, *liber creaturæ cœli et terræ, cum factus est dies :* satis, ut opinor, ostendens, non hic se ita commemorasse cœlum et terram, sicut in principio antequam fieret dies, cum tenebra essent super abyssum ; sed quomodo factum est cœlum et terra, cum factus est dies, id est jām formatis atque distinctis partibus et generibus rerum, quibus universa creatura disposita atque composita reddit hanc speciem quæ mundus vocatur.*

2. Illud hic ergo cœlum commemoratum est, quod cum creasset Deus, firmamentum vocavit, cum omnibus quæ in illo sunt ; et ea terra, quæ cum abysso imum obtinet locum, cum omnibus quæ in ea sunt. Sequitur enim et adjungit, *Fecit Deus cœlum et terram* ; ut cœli et terræ nomine et præmisso antequam factum diem commemoraret, et repetito cum commemoasset, non sinat suspicari, ita se nunc cœlum et terram nominasse, sicut in principio antequam esset creatus dies. Sic enim verba contextuit, *Hic est liber creaturæ cœli et terræ, cum factus est dies, fecit Deus cœlum et terram* : ut si quisquam velit sic intelligere quod superius positum est, *liber creaturæ cœli et terræ, quemadmodum dictum est, In principio fecit Deus cœlum et terram*, priusquam conderet diem, quia prius et hic commemorata sunt cœlum et terra, et postea factus dies ; corrigatur subsequentibus verbis : quia et post commemoratum factum diem, rursus cœli et terræ nomen adjunctum est.

3. Quaquam et hoc quod positum est, *cum*, et sic adjunctum, *factus est dies*, cuivis contentioso extor-

queat alium esse intellectum non posse. Si enim illa esset interpositum, ut diceretur, *Hic est liber creaturæ cœli et terræ*, factus est dies, fecit Deus *cœlum et terram* ; quisquam forte arbitraretur librum creaturæ cœli et terræ sic appellatum, quomodo appellatum est in principio cœlum et terra, ante conditum diem ; ac deinde subjunctum, *factus est dies*, sicut ibi postea narratum est, quod Deus fecerit diem : inde continuo rursus dictum, *Fecit Deus cœlum et terram*, tanquam sic jam quemadmodum hæc facta sunt post conditum diem. Sed quia ita interpositum est ut diceretur, *cum factus est dies* ; sive hoc superioribus verbis connectas, ut sit una sententia, *Hic est liber creaturæ cœli et terræ cum factus est dies* ; sive inferioribus, ut item hoc modo sit plena sententia, *Cum factus est dies, fecit Deus cœlum et terram* : procul dubio cogit eo modo se intelligi cœlum et terram commemorasse, quomodo facta sunt, cum factus est dies. Deinde cum dictum esset, *Fecit Deus cœlum et terram* ; additum est, *et omne viride agri* : quæ certe manifestum est tertio die facta. Unde liquidius apparet cumdem illum esse unum diem quem fecit Deus, quo repetito, factus est et secundus, et tertius, et cæteri usque ad septimum diem.

**CAPUT II.** — *Viride agri cur additum.*

4. Cum autem nomine cœli et terræ, usitato more Scripturarē, nunc universam creaturam voluerit accipi, queri potest cur addiderit, *et omne viride agri* ; quod mihi videtur ideo posuisse, ut significantius intimaret quem diem commendaverit, quod ait, *cum factus est dies*. Cito enim quisquam putaret hanc diem lucis corporæ commendatum, quo circumante nobis vicissitudo diurni nocturnique temporis exhibetur. Sed cum creaturarum conditarum ordinem recolimus, et invenimus omne viride agri tertio die creatum, antequam sol fieret, qui quarto die factus est, cuius presentia dies iste quotidianus usitatusque peragitur ; quando audimus, *Cum factus est dies, fecit Deus cœlum et terram, et omne viride agri* ; admonemur de ipso die cogitare, quem sive corporalem nescio qua luce nobis incognita, sive spiritualem in societate unitatis angelicæ, non tamē talem qualē hic novimus, intellectu vestigare conemur.

**CAPUT III.** — *Ex narrationis ordine intelligitur omnia simul creata fuisse.*

5. Illud etiam non ab re fuerit intueri, quod cum posset dicere, *Hic est liber creaturæ cœli et terræ*, cum fecit Deus cœlum et terram ; ut in cœlo et terra intelligeremus quidquid in eis est, sicut loqui divina. Scriptura consuevit, ut nomine cœli et terræ saepissime, interdum addito et maris, universam insinuet creaturam, aliquando adjungens et dicens, *Et quæ sunt in eis* (Psal. cxlv, 6) : ut quidquid horum dice-.

ret, ibi intelligeremus et diem, sive quem primitus condidit, sive istum quem praesentia solis fecit: non ita dixit, sed interposuit diem, dicens, *Cum factus est dies.* Nec ita locutus est ut diceret, *Hic est liber creature diei et cœli et terræ;* tanquam hoc ordine, quo facta narrantur: nec ita, *Hic est liber creature cœli et terræ,* cum factus est dies et cœlum et terra, cum fecit Deus cœlum et terram, et omne viride agri: nec ita, *Hic est liber creature cœli et terræ,* cum fecit Deus diem, et cœlum et terram, et omne viride agri: hos enim magis locutionis modos loquendi consuetudo poscebat. Sed ait, *Hic est liber creature cœli et terræ, cum factus est dies, fecit Deus cœlum et terram, et omne viride agri:* tanquam illud insinuans, cum factus est dies, tunc fecisse Deum cœlum et terram, et omne viride agri.

6. Porro autem superior narratio factum diem primitus iudicat, eunque unum diem deputat; post quem secundum annumerat, quo factum est firmamentum; et tertium, quo species terræ marisque digestæ sunt, et lignum atque herbam terra produxit. An forte hoc illud est, quod in libro superiori moliebamur ostendere, simul Deum fecisse omnia, quandoquidem narrationis illa contextio, cum sex dierum ordine creata cuncta et consummata memorasset, nunc ad unum diem omnia rediguntur nomine cœli et terræ, adjuncto etiam fruticum genere? Nimirum propter quod supra dixi, ut si fortassis ex hac nostra consuetudine intelligeretur dies, corrigeretur lector, cum recoleret viride agri ante istum solarem diem Deum dixisse ut terra produceret. Ita jam non ex alio Scripturæ sancte libro profertur testimonium quod omnia simul Deus creaverit (*Ecli. xviii, 1*); sed vicina testificatio paginæ consequentis ex hac re nos admonet, dicens, *Cum factus est dies, fecit Deus cœlum et terram, et omne viride agri:* ut istum diem et septies intelligas repetitum, ut fierent septem dies; et cum audis tunc facta omnia, cum factus est dies, illam senariam vel septenariam repetitionem sine intervallis morarum spatiorumque temporalium factam, si possis, apprehendas; si nondum possis, hæc reliquias conspicienda valentibus: tu autem cum Scriptura non deserente insirmatatem tuam, et materno incessu tecum tardius ambulante proficias; quæ sic loquitur, ut altitudine superbos irrideat, profunditate attentos terreat, veritate magnos pascat<sup>1</sup>, affabilitate parvulos nutriat.

#### CAPUT IV. — *Cur fenum antequam exoriretur factum fuisse dicitur.*

7. Quid sibi ergo vult etiam quod sequitur: nam ita sermo contexitur, *Cum factus est dies, fecit Deus cœlum et terram, et omne viride agri, antequam esset super terram, et omne fenum agri, antequam exortum est?* Quid est hoc? Nonne querendum est ubi ea fecerit, antequam essent super terram, et antequam exorta sunt? Quis enim non proclivius crederet, tunc ea Deum fecisse, *cum exorta sunt, non antequam exorta sunt, nisi admoniceretur hoc divino eloquio, ista*

<sup>1</sup> Veteres codices optimæ note, *agnos pascat.*

Deum fecisse antequam exorirentur, ut si ubi facta sint, invenire non possit, credit tamen ante facta quam exorta, quisquis huic Scripturæ pie credit; impie quippe non credit.

8. Quid ergo dicemus? An quod nonnulli putaverunt, in ipso Verbo Dei facta omnia, antequam exorirentur in terra? Sed si hoc modo facta sunt, non cum factus est dies, sed antequam fieret dies, facta sunt: aperte autem Scriptura dicit, *Cum factus est dies, fecit Deus cœlum et terram, et omne viride agri antequam esset super terram, et omne fenum antequam exoriretur.* Si ergo cum factus est dies, non utique antequam fieret dies: ac per hoc non in Verbo, quod Patri coeternum est antequam dies, antequam omnino aliiquid fieret; sed cum factus est dies. Nam illa quæ in Verbo Dei ante omnem creaturam sunt, non utique facta sunt<sup>2</sup>: hæc autem facta sunt, cum factus est dies, sicut Scriptura verba declarant; sed tamen antequam essent super terram, antequam exorirentur; quod de viridibus et feno agri dictum est.

9. Ubi ergo? An in ipsa terra causaliter et rationabiliter; sicut in seminibus jam sunt omnia, antequam evolant quodammodo, atque explicit incrementa et species suas per numeros temporum? Sed ista semina, quæ videmus, jam super terram sunt, jam exorta sunt: annon erant super terram, sed infra terram; et ideo antequam exorta sunt, facta sunt, quia tunc exorta sunt, cum semina germinarunt, et accessu incrementorum in auras eruperunt, quod per moras temporum nunc fieri videmus suo cuique generi distributas? Num ergo semina tunc facta sunt, cum factus est dies, et in ipsis erat omne viride agri, et omne fenum, nondum ea specie qua sunt super terram jam exorta, sed ea vi qua sunt in rationibus seminum? Semina ergo primum terra produxit? Sed non ita Scriptura loquebatur, cum diceret, *Et produxit terra herbam pabuli, vel herbam feni, seminatum semen secundum genus, et secundum similitudinem; et lignum fructuosum faciens fructum, cuius semen suum in se secundum genus super terram.* Ilis enim verbis magis apparet semina esse orta ex herbis et lignis; non autem illa ex seminibus, sed ex terra: præsertim quia et ipsa verba Dei sic se habent. Non enim ait, *Germinet semina in terra herbam feni, et lignum fructuosum;* sed ait, *Germinet terra herbam feni seminatum semen;* ut semen ex herba, non herbam insinuaret ex semine. *Et sic est factum, et produxit terra* (*Gen. i, 11, 12*); id est, prius sic est factum in cognitione illius diei, et produxit terra jam, ut hoc fieret etiam in ipsa creatura, quæ condita est.

10. Quomodo ergo antequam essent super terram, et antequam exorirentur: quasi aliud eis fuerit fieri cum cœlo et terra, quando factus est dies ille inusitatus atque incognitus nobis, quem primum Deus fecit; aliud autem exoriri super terram, quod non sit nisi per hos dies, quos circuitus solis facit per temporum moras suo cuique generi accommodatas? Quod

<sup>1</sup> Lev., non utique cum factus est dies facta sunt. M.

<sup>2</sup> MSS. constanter habent, *semianas.*

si ita est, diesque ille societas atque unitas super celestium Angelorum atque Virtutum est; procul dubio longe aliter nota est Angelis creatura Dei, aliter nobis: excepto quod eam in Verbo Dei neverunt, per quod facta sunt omnia; etiam in seipsa dico longe aliter notam eis esse quam nobis. Illis enim primordialiter, ut ita dicam, vel originaliter, sicut eam Deus primitus condidit, et post eam conditionem a suis operibus requievit, non condendo aliquid amplius: nobis autem secundum rerum antea conditarum administrationem, jam per ordines temporum, secundum quam Deus jam illis rebus per senariam perfectionem consummatis, usque modo operatur.

11. Causaliter ergo tunc dictum est produxisse terram herbam et lignum, id est producendi acceperisse virtutem. In ea quippe jam tanquam in radicibus, ut ita dixerim, temporum facta erant, quae per tempora futura erant. Nam utique postea plantavit Deus paradisum juxta orientem, et ejecit ibi de terra omne lignum speciosum ad aspectum, et bonum ad escam (*Gen. ii, 8, 9*): nec tamen dicendum est, eum aliquid tunc addidisse creaturæ, quod ante non fecerat, quod velut illi perfectioni, qua omnia bona valde sexto die consummavit, post esset addendum; sed quia jam omnes naturæ fruticum atque lignorum in prima conditione factæ fuerant, a qua conditione Deus requievit, movens deinde administransque per temporales cursus illa ipsa quæ condidit, et a quibus conditis requievit, non solum tunc plantavit paradisum, sed etiam nunc omnia que nascuntur. Quis enim alias etiam nunc ista creat, nisi qui usque nunc operatur? Sed creat hæc modo ex iis quæ jam sunt: tunc autem ab illo, cum omnino nulla essent, creatæ sunt, cum factus est dies ille, qui etiam ipse omnino non erat<sup>1</sup>, spiritualis videlicet atque intellectualis creatura.

#### CAPUT V. — *Ordo creationis rerum per sex dies, non intervallis temporum, sed connexione causarum.*

12. Factæ itaque creature motibus cœperunt currere tempora: unde ante creaturam frustra tempora requiruntur, quasi possint inveniri ante tempora tempora<sup>2</sup>. Motus enim si nullus esset vel spiritualis vel corporalis creaturæ, quo per præsens præteritis futura succederent, nullum esset tempus omnino. Moveri autem creatura non utique posset, si non esset. Potius ergo tempus a creatura, quam creatura cœpit a tempore; utrumque autem ex Deo. Ex ipso epim, et per ipsum, et in ipso sunt omnia (*Rom. xi, 36*). Nec sic accipiatur quod dictum est, Tempus a creatura cœpit, quasi tempus creatura non sit; cum sit creaturæ motus ex alio in aliud, consequentibus rebus secundum ordinationem administrantis Dei cuncta quæ creavit. Quapropter cum primam conditionem creaturarum cogitamus, a quibus operibus suis Deus in die septimo requievit; nec illos dies sicut istos solares, nec ipsam operationem ita cogitare debemus, quemadmodum nunc aliquid Deus operatur in tempore: sed quemadmodum operatus est unde in-

<sup>1</sup> Editi, omnino erat spiritualis; omissa negante particula, quam huc ex MSS. revocamus.

<sup>2</sup> Sic MSS. et Am. At Er. et Lov., ante creaturam tempora.

ciperent tempora, quemadmodum operatus est omnia simul, præstans eis etiam ordinem, non intervallis temporum, sed connexione causarum, ut ea quæ simul facta sunt, senario quoque illius diei numero præsentato perficerentur.

13. Non itaque temporali, sed causali ordine prius facta est informis formabilisque materies, et spiritualis et corporalis, de qua fieret quod faciendum esset, cum et ipsa priusquam instituta est, non fuisset: nec instituta est nisi ab illo utique summo Deo et vero, ex quo sunt omnia; sive cœli et terræ nomine significata sit, que in principio fecit Deus ante unum illum diem quem condidit, propterea jam sic appellata, quia inde facta sunt cœlum et terra; sive nomine terræ invisibilis et incompositæ atque abyssi tenebrosæ, ut jam in primo libro tractatum est.

14. In his vero quæ jam ex informitate formata sunt, evidentiusque appellantur creata, vel facta, vel condita, primum factus est dics. Oportebat enim ut primatum creaturæ obtineret illa natura, quæ creaturam per Creatorem, non Creatorem per creaturam posset agnoscere. Secundo, firmamentum unde corporeus incipit mundus. Tertio, species maris et terræ, atque in terra potentialiter, ut ita dicam, natura herbarium atque lignorum. Sic enim terra ad Dei verbum ea produxit, antequam exorta essent, accipiens omnes numeros eorum quos per tempora exsereret secundum suum genus. Deinde, posteaquam hæc velut habitatio rerum condita est, quarto die luminaria et sidera creata sunt, ut prius pars mundi superior, robus quæ intra mundum moventur visilibus ornaretur. Quinto, aquarum natura, quia cœlo aeriique conjungitur, produxit ad Dei verbum indigenas suos, omnia scilicet natatilia et volatilia; et hæc potentialiter in numeris, qui per congruos temporum motus exsererentur. Sexto, terrestria similiter animalia, tanquam ex ultimo elemento mundi ultima; nihilominus potentialiter, quorum numeros tempus postea visibiliter explicaret.

15. Hunc omnem ordinem creaturæ ordinatae dies ille cognovit; et per hanc cognitionem sexies quodammodo præsentatus tanquam sex dies exhibuit, cum sit unus dies, ea quæ facta sunt, in Creatore primitus, et in ipsis consequenter agnoscens, nec in ipsis remanens, sed eorum etiam cognitionem posteriorem ad Dei referens dilectionem, vesperam et mane et meridiem in omnibus præbuit; non per motas temporum, sed propter ordinem conditorum. Postremo, quietis sui Creatoris, qua in se requiescit ab omnibus operibus suis, notitiam repräsentans, in qua non habet vesperam, benedici et sanctificari ob hoc meruit. Unde ipsum septenarium numerum sancto Spiritui quodammodo dedicatum, commendat Scriptura (*Isai. xi, 2, 3*), et novit Ecclesia.

16. Hic est ergo liber creaturæ cœli et terræ, quia in principio fecit Deus cœlum et terram, secundum materię quamdam, ut ita dicam, formabilitatem, quæ consequenter verbo ejus formanda fuerat, præcedens formationem suam, non tempore, sed origine. Nam utique cum formaretur, primum factus est dies

cum factus est dies, fecit Deus cœlum et terram, et omne viride agri antequam esset super terram, et omne fenum agri antequam exortum est, sicut tractavimus; vel si quid liquidius et congruentius videri et dici potuit aut potuerit.

CAPUT VI. — *De versiculo, Non enim pluerat, etc.*

*An inde intelligendum omnia simul creata esse.*

17. Quod autem sequitur, *Non enim pluerat Deus super terram, et homo non erat qui operaretur terram;* quo pertineat, et quid nobis insinuet, indagare difficile est. Tanquam ideo antequam exortum est, fecit Deus fenum agri, quia nondum pluerat super terram: si enim post pluviam fenum fecisset, pluvia magis exortum quam factum ab eo videretur. Quid enim? quasi post pluviam exortur, ab alio sit nisi ab eodem Deo? Cur autem non erat homo qui operaretur terram? Nonne jam sexto die fecerat hominem, et septimo requieverat ab omnibus operibus suis? An hoc recapitulando commemorat, quoniam quando fecit Deus omne viride agri, et omne fenum, nondum pluerat super terram, et nondum erat homo? Tertio quippe die fecit ista, hominem autem sexto. Sed cum fecit Deus omne viride atque omne fenum agri antequam exortum est super terram, non solum homo non erat qui operaretur terram, sed nec ipsum fenum erat super terram, quod utique ante dicit factum quam exortum. An ideo die tertio fecit Deus ista, quia nondum erat homo qui operando terram faceret ea? Quasi vero tam multa ligna et tam multa genera herbárum, non sine ulla opera hominum nascantur ex terra.

18. An ob hoc utrumque positum est, et quia nondum pluerat super terram, et quia nondum erat homo qui operaretur terram? Ubi enim opera humana non est, per pluviam ista nascuntur. Sunt etiam quedam quae per pluviam non nascuntur, nisi humana opera accedat. Ideo nunc utrumque adjutorium necessarium est, ut cuncta nascantur: tunc autem utrumque deficit; ideo fecit Deus hæc potentia Verbi sui sine pluvia, sine opere humano. Nam etiam nunc ipse facit, sed jam per pluviam et per hominum manus; quamvis neque qui plantat sit aliquid, neque qui rigat, sed qui incrementum dat Deus (*I Cor. iii, 7*).

19. Quid est ergo quod adjungit, *Fons autem ascendebat de terra, et irrigabat omnem faciem terra?* Ille quippe fons tanta largitate manans, sicut Nilus Ægypto, posset universæ terre esse pro pluvia. Quid itaque pro magno commendatum est, antequam plueret fecisse Deum illa gignentia, cum quantum posset adjuvare pluvia, tantum fons irrigans terram? Verum et si aliquid minus, minora illa fortasse, non tamen nulla nascerentur. An hinc etiam more suo Scriptura tanquam infirmis infirmiter loquitur, et tamen innuit aliquid quod intelligat qui valuerit? Nimurum enim sicut isto die, paulo superius commemorato, significavit unum diem factum a Deo, et tunc Deum fecisse cœlum et terram, cum factus est dies; ut quomodo possemus cogitaremus simul omnia Deum fecisse, quamvis superior sex dierum enumeratio vel temporum intervalla ostendisse videretur: ita cum

dixisset, cum cœlo et terra Deum fecisse omne viride agri antequam esset super terram, et omne fenum agri antequam exortum est, addidit, *Nondum enim pluerat Deus super terram, nec erat homo qui operaretur terram;* tanquam diceret, Non ea sic fecit Deus, quemadmodum facit nunc talia, cum pluit, et cum operantur homines. Hæc enim jam per moras temporum sunt, quæ tunc non erant, cum fecit omnia simul, unde etiam tempora inciperent.

CAPUT VII.—*De fonte qui rigabat totam terram, etc.*

20. Quod autem sequitur, *Fons autem ascendebat de terra, et irrigabat omnem faciem terra;* hinc jam, quantum arbitror, intimatur quæ siant secundum intervalia temporum ex prima illa conditione creaturarum, ubi facta sunt omnia simul. Et recte ab eo cœpit elementum, ex quo cuncta genera nascuntur vel animalium, vel herbarum atque lignorum, ut agant temporales numeros suos naturis propriis distributos. Omnia quippe primordia seminum, sive unde omnis caro, sive unde omnia fructu gignuntur, humida sunt, et ex humore concrescunt. Insunt autem illis efficacissimi numeri, trahentes secum sequaces potentias ex illis perfectis operibus Dei, a quibus in die septimo requiet.

21. Verumtamen quis iste sit fons ad irrigandam faciem terræ omnis idonens, merito queritur. Si enim fuit, et obstrusus est vel siccatus, causa querenda est. Nunc enim videmus nullum esse fontem, quo irrigetur omnis facies terre. Fortassis ergo peccatum hominum hanc etiam poenam commeruit, ut tanta illius fontis repressa largitas facilissimam terris auferret secunditatem, ut incolentium augeretur labor. Posset hoc, quamvis nulla id Scriptura narraverit, affirmare humana suspicio, nisi illud occurreret, quod peccatum hominum, cui poena laboris imposita est, post paradisi delicias exstitit: paradisus autem habebat prægrandem fontem suum, de quo post diligentius suo loco loquendum est; ex cuius uno capite quatuor magna flumina et nota gentibus manare narrantur. Ubi ergo erat fons iste aut ista flumina, quando ille unus maximus ascendebat de terra, et irrigabat omnem faciem terre? Certe enim tunc non Geon, qui dicitur Nilus, unus ex illis quatuor, rigabat Ægyptum, quando fons ascendebat de terra, et non Ægyptum tantum, sed omnem faciem terre satiabat.

22. An primo Deum voluisse credendum est in o fonte maximo irrigare omnem terram, ut illa quæ in ea principaliter considerat, accepto humoris adjutorio, jam etiam per temporalia spatia gignerentur, pro suorum generum diversitate etiam diversis numeris dierum; et postea plantato paradiso repressisse illum fontem, multisque fontibus, sicut jam nunc videmus, implevisse terram; de paradiſi autem uno fonte quatuor ingentia flumina divisisse; ut et terra certa creaturarum suarum plena generibus, congruos numeros suorum temporum agentibus, fontes etiam suos haberet ac fluvios; et paradiſus loco electiore planatus, quatuor illa flumina ex capite sui fontis emiseret? aut ex ipso uno fonte paradiſi multo largius exi-

dante, prius totam irrigasse terram, atque ad parienda per temporum numeros genera, quae in ea sine intervallis temporum creaverat, secundasse; ac postea repressisse in eo loco aquarum eruptionem vastissimam, ut de diversis per omnem terram capitibus fluminum ac fontium jam manarent; ac deinde in regione illius fontis, non jam universam terram rigantis, sed memorabiles solos illos quatuor fluvios emitentes, plantasse paradisum, ubi hominem quem fecerat collocaret?

CAPUT VIII. — *Quæ Scriptura retinet, qualenus conjectando proferre juvat.*

23. Quia enim non omnia scripta sunt, quemadmodum post illam primam rerum conditionem tempora eucurrerint, seque secutæ sint administrationes creaturarum, quæ primitus factæ sextoque illo die consummate sunt, sed quantum satis judicavit Spiritus, qui inerat scribenti ea quæ non solum ad factarum rerum notitiam, sed etiam ad futurorum præfiguratiōnē valerent; nescientes conjectamus quid fieri potuerit, quod ille non nesciens prætermisit; tantum id conantes pro modulo nostro, quantum adjuvamur, efficere, ne aliqua absurditas vel repugnantia putetur esse in Scripturis sanctis, quæ opinionem lectoris offendat, et dum existimat fieri non potuisse quæ facta esse Scriptura commemorat, vel resiliat a fide, vel non accedat ad fidem.

CAPUT IX. — *Dificultas de fonte terræ universam irrigante.*

24. Proinde cum de isto fonte querimus, quomodo id quod dictum est, *Ascendebat de terra, et irrigabat omnem faciem terræ*, non impossibile videatur; si ea quæ diximus, impossibilia cuiquam videantur, quæ rat ipse aliud, quo tamen verax ista Scriptura monstretur, quæ procul dubio verax est, etiamsi non monstretur. Nam si argumentari voluerit, quo eam falsam esse convineat; aut ipse nulla vera de creaturarum conditione atque administratione dicturus est; aut si vera dixerit, istam non intelligendo falsam putabit: velut si contendat ideo non potuisse uno quantolibet fonte omnem terræ faciem irrigari; quia si montes non irrigabat, non omnem terræ faciem irrigabat: si autem etiam montes rigabat, non erat jam imperitio saginae, sed diluvii inundatio; quod si terra tunc sic erat, totum mare erat, et nondum discreta erat arida.

CAPUT X. — *Fons ille terram totam rigans ut intelligendus.*

25. Cui responderetur, quia hoc vicibus temporum posset, sicut certo tempore per plana Ægypti Nilus restagnat, et alio tempore ad ripas suas redit: aut si iste nescio cuius ignotæ ac longinquo partis mundi aquis et pruinis hiemalibus anniversaria creditur incrementa colligere; quid de Oceani alternis aestibus, quid de quibusdam littoribus, quæ late nudantur fluctibus, vicissimque operiuntur, dici potest? ut omittam quod de quorundam fontium mira vicissitudine perhibetur, certo annorum intervallo sic eos inundare, ut totam illam regionem rigent, cui alio tempore vix ex altis putcis ad potandum sufficientem præbent

PATROL. XXXIV.

aquam. Cur ergo sit incredibile, si ex uno abyssi eripe alterna inundatione fluente atque refluente, tunc universa terra rigata est? Quod si ipsius abyssi magnitudinem, ea parte excepta quod mare dicitur et evidenti amplitudine atque amaris fluctibus<sup>1</sup> terras ambit, in ea sola parte quam reconditis sinibus terra continet, unde se omnes fontes amnesque diversis tractibus venisque distribuant, et suis quique locis erumpunt, fontem voluit appellare Scriptura, non fontes, propter naturæ unitatem; eumque per innumerabiles vias antrorum atque rimarum ascendentem de terra et ubique dispergitis quasi crinibus irrigantem omnem faciem terræ, non continua specie tanquam maris aut stagni, sed sicut videmus ire aquas per alveos fluminum flexusque rivorum, et eorum excessu vicina perfundere: quis non accipiat, nisi qui contentioso spiritu laborat? Potest quippe etiam ita dicta intelligi omnis terræ facies irrigata, quemadmodum dicitur, omnis vestis facies colorata, etiamsi non continuatim, sed maculatim fiat: præsertim quia tunc in novitate terrarum, etsi non omnia, plura tamen plana fuisse credibile est, quo latius possent erumpentia fluentia dispergi atque distendi.

26. Quapropter de istius fontis magnitudine vel multitudine, qui sive unam habuit alicunde eruptiōnem, sive propter aliquam in terræ occultis sinibus unitatem, unde omnes aquæ super terram scētētiū omnium fontium magnorum atque parvorum, unus fons dictus est, per omnes dispartitiones suas ascendens de terra et irrigans omnem faciem terræ: sive etiam, quod est credibilius, quia non ait, Unus fons ascendebat, sed ait, *Fons autem ascendebat de terra*, pro numero plurali posuit singularem; ut sic intelligamus fontes multos per universam terram loca vel regiones proprias irrigantes, sicut dicitur miles, et multi intelliguntur, sicut dicta est locusta et rana in plagis (*Psal. civ. 54*), quibus Ægyptii pereussi sunt, cum esset innumerabilis locistarum numerus et ranarum; jam non diutius laborenius.

CAPUT XI. — *Rerum creationem primam factam esse sine temporis mora: administrationem non ita.*

27. Sed illud etiam atque etiam consideremus, utrum possit nobis per omnia constare sententia quæ dicebamus, aliter operatum Deum omnes creaturas prima conditione, a quibus operibus in die septimo requievit; aliter istam earum administrationem, qua usque nunc operatur: id est, tunc omnia simul sine ullis temporalium morarum intervallis; nunc autem per temporum moras, quibus videmus sidera moveri ab ortu ad occasum, cœlum mutari ab æstate ad blemem, germina certis dierum momentis pullulare, grandescere, virescere, arescere. Animalia quoque statutis temporum metis et cursibus et concipi, et perfici, et nasci, et per æstates usque in senium mortemque decurrere, et cetera hujusmodi temporalia. Quis enim operatur ista nisi Deus, etiam sine ullo tali su-

<sup>1</sup> Editi, aquæ maris fluctibus, etc. Paulus post, fontes et omnes aquæ diversis tractibus: quibus locis Miss. lectionem representamus.

(Onze.)

motu? non enim et ipsi accidit tempus. Inter illa ergo opera Dei, a quibus requievit in die septimo, et ista quæ usque nunc operatur, quemadmodum Scriptura interponens suæ narrationis articulum, commendavit se illa explicasse, et cœpit jam ista contexere. Illorum explicatorum commendatio sic facta est : *Hic est liber creaturæ cœli et terræ, cum factus est dies, fecit Deus cœlum et terram, et omne viride agri antequam esset super terram, et omne fenum agri antequam exoriretur. Non enim pluerat Deus super terram, nec erat homo qui operaretur terram.* Istorum autem contextio sic cœpit : *Fons autem ascendebat de terra, et irrigabat omnem faciem terræ.* Ab hac commemoratione fontis hujus et deinceps ea quæ narrantur, per moras temporum facta sunt, non omnia simul.

#### CAPUT XII. — *Opera Dei sub triplici consideratione.*

28. Cum ergo aliter se habeant omnium creaturæ rationes incommutabiles in Verbo Dei, aliter illa ejus opera a quibus in die septimo requievit, aliter ista quæ ex illis usque nunc operatur; horum trium hoc quod exterrimum posui, nobis utcumque notum est per corporis sensus, et hujus consuetudinem vita. Duo vero illa remota a sensibus, et ab usu cogitationis humanæ, prius ex divina auctoritate credenda sunt; deinde per hæc quæ nota sunt, utcumque noscenda, quanto quisque magis minusve potuerit pro sua capacitatis modo, divinitus adjutus internis æternisque rationibus<sup>1</sup> ut possit.

#### CAPUT XIII. — *Omnia antequam fierent, in Sapientia Dei.*

29. De primis ergo illis divinis incommutabilibus æternisque rationibus, quoniam ipsa Dei Sapientia, per quam facta sunt omnia, priusquam fierent canoverat, sic Scriptura testatur : *In principio erat Verbum, et Verbum erat apud Deum, et Deus erat Verbum; hoc erat in principio apud Deum. Omnia per ipsum facta sunt, et sine ipso factum est nihil (Joan. i, 1-3).* Quis ergo tam sit demens, ut dicat non ea Deum fecisse quæ noverat? Porro si noverat, ubi nisi apud ipsum, apud quem Verbum erat, per quod facta sunt omnia? Nam si extra seipsum ea noverat, quis eum docuerat? Quis enim cognovit sensum Domini? aut quis consiliarius ejus fuit? Aut quis prior dedit illi, et retribuet ei? Quoniam ex ipso, et per ipsum, et in ipso sunt omnia (*Rom. xi, 34-36*).

30. Quanquam et ea quæ sequuntur in Evangelio, satis asserant istam sententiam: adjungit enim Evangelista et dicit, *Quod factum est, in illo vita est, et vita erat lux hominum (Joan. i, 4).* Quia scilicet rationales mentes, in quo genere homo factus est ad imaginem Dei, non habent veram lucem suam nisi ipsum Verbum Dei, per quod facta sunt omnia, cuius participes esse poterunt ab omni iniuitate et errore mundatae.

#### CAPUT XIV.—*Illud ex Joanne, Quod factum est, etc., quomodo distinguendum.*

31. Non ergo ita pronuntiari oportet, *Quod factum*

<sup>1</sup> Sic editi. At MSS. optime notæ carent hisce verbis, *terris æternisque rationibus*; quæ quidem salvo sensu expungi possunt.

*est in illo, vita est, ut subdistinguamus, Quod factum est in illo, et deinde inferamus, vita est. Quid enim non in illo factum est, cuin commemoratis multis etiam terrenis creaturis, dicatur in Psalmo, *Omnia in Sapientia fecisti (Psal. cii, 24)*; dicat et Apostolus, *Quoniam in ipso condita sunt omnia in cœlo et in terra, visibilia et invisibilia (Coloss. i, 16)*. Consequens ergo erit, si ita distinxerimus, ut et ipsa terra, et quæcumque in ea sunt, vita sint. Quæ cum absurde dicantur omnia vivere, quanto absurdius ut etiam vita sint? præsertim quia distinguit de quali vita loquatur, cum addit, *Et vita erat lux hominum.* Sic ergo distinguendum est, ut cum dixerimus, *Quod factum est*, deinde inferamus, *in illo rita est*: non in se scilicet, hoc est in sua natura, qua factum est ut conditio creaturæ sit; sed in illo vita est, quia omnia quæ per ipsum facta sunt, noverat antequam fierent; ac per hoc non sicut creatura quam fecit, sed sicut vita et lux hominum, quod est ipsa Sapientia, et ipsum Verbum unigenitus Dei Filius. Eo modo ergo in illo vita est quod factum est, quonodo dictum est, *Sicut habet Pater vitam in semetipso, sic dedit Filio habere vitam in semetipso (Joan. v, 26)*.*

32. Nec prætermittendum est, quod emendatores codices habent, *Quod factum est, in illo vita erat*, ut sic intelligatur, *vita erat*, quomodo *In principio erat Verbum*<sup>2</sup>, et *Verbum erat apud Deum, et Deus erat Verbum.* *Quod ergo factum est, jam vita erat in illo*, et *vita non qualiscumque*; nam et pecora dicuntur vivere, quæ frui non possunt participatione sapientiae; sed *vita erat lux hominum.* Mentes quippe rationales purgatae gratia ejus, possunt pervenire ad ejusmodi visionem, qua nec superius quidquam sit, nec beatitudo.

#### CAPUT XV. — *Omnia qualis vita sunt in Deo.*

33. Sed etiam si hoc legamus et intelligamus, *Quod factum est, in illo vita est*; manet<sup>3</sup> ista sententia, ut id quod per ipsum factum est, vita esse in illo intelligatur, in qua vita vidit omnia, quando fecit; et sicut vidit, ita fecit: non præter seipsum videns, sed in seipso ita enumeravit omnia quæ fecit. Nec alia visio ipsius et Patris, sed una, sicut una substantia. Nam et in libro Job ita ipsa Sapientia, per quam facta sunt omnia, prædicatur: *Sapientia vero, inquit, unde inventa est? vel quis sit locus scientia? Ignorat mortalis viam ejus, nec invenietur in hominibus.* Et paulo post: *Audivimus, inquit, ejus gloriam; Dominus commendavit viam ejus, et ipse novit locum ejus. Ipse enim omne quod est sub cœlo perfecit, et novit quæ sunt in terra, omnia quæ fecit: ventorum libramenta, aquæ mensuram quando fecit, sicut vidit enumeravit (Job. xxviii, 12, 22-25).* His atque hujusmodi testimoniorum probatur quod hæc omnia, priusquam fierent, erant in notitia

<sup>1</sup> Lov., ac per hoc in illo erat. Istud, in illo erat, abest ab antiquioribus editiis, Am. Er. et a sincerioribus MSS., cuius glossematis loco subaudiendum, in illo vita est.

<sup>2</sup> MSS. optimè notæ et plerique: in illo vita erat, quomodo in principio erat; neque habent, ut sic intelligatur vita erat.

<sup>3</sup> Viz. aliquot, moret; alii, monet; ceteri cum odkis, manet.

ficiens. Et utique ibi meliora, ubi veriora, ubi æterna et incommutabilia. Quanquam sufficere debeat ut quisque noverit, vel inconcussæ credat quod Deus hæc omnia fecerit; non opinor eum esse tam excordem, ut Deum quæ non noverat fecisse arbitretur. Porro, si noverat ea, priusquam ficeret ea; profecto priusquam fierent, apud illum erant eo modo nota, quo sempiterne atque incommutabiliter vivunt, et vita sunt: facta autem eo modo, quo unaquæque creatura in genere suo est.

CAPUT XVI. — *Deum facilius mente percipimus quam creaturas.*

34. Quamvis ergo illa æterna incommutabilis que natura, quod Deus est, habens in se ut sit, sicut Moysi dictum est, *Ego sum qui sum* (*Exod. iii, 14*); longe scilicet aliter quam sunt ista quæ facta sunt: quoniam illud vere ac primitus est, quod eodem modo semper est, nec solum non commutatur, sed commutari omnino non potest; nihil horum quæ fecit existens, et omnia primitus habens, sicut ipse est: neque enim ea ficeret, nisi ea nosset antequam ficeret; nec nosset, nisi videret; nec videret, nisi haberet; nec haberet ea quæ nondum facta erant, nisi quemadmodum est ipse non factus: quamvis, inquam, illa substantia ineffabilis sit, nec dici utcumque homini per hominem possit, nisi usurpatis quibusdam locorum ac temporum verbis, cum sit ante omnia tempora et ante omnes locos; tamen propinquior nobis est qui fecit, quam multa quæ facta sunt. In illo enim vivimus, et moveimur, et sumus (*Act. xvii, 28*): istorum autem pleraque remota sunt a mente nostra propter dissimilitudinem sui generis, quoniam corporalia sunt; nec idonea est ipsa mens nostra, in ipsis rationibus quibus facta sunt, ea videre apud Deum, ut per hoc sciamus quot et quanta qualiaque sint, etiam si non ea videamus per corporis sensus. Remota quippe sunt et a sensibus corporis nostri, quoniam longe sunt, vel interpositis aut oppositis aliis a nostro contuitu tactuque separantur. Ex quo fit ut major ad illa invenienda sit labor, quam ad illum a quo facta sunt, cum sit incomparabili felicitate præstantius illum ex quantulacumque particula pia mente sentire, quam illa universa comprehendere. Unde recte culpantur in libro Sapientiae inquisitores hujus saeculi: *Si enim tantum, inquit, potuerunt valere, ut possent aestimare saeculum;* quomodo ejus Dominum non facilius invenerunt (*Sap. xiii, 9*)? Ignota enim sunt fundamenta terræ oculis nostris, et qui fundavit terram, propinquat mentibus nostris.

CAPUT XVII. — *Ante saecula, a saeculo, in saeculo.*

35. Jam nunc consideremus ea quæ fecit Deus omnia simul, a quibus in die sexto consummatis requievit in septimo, postea consideratur opera ejus, in quibus usque nunc operatur. Ipse enim ante saecula: a saeculo autem ea dicimus, ex quo coepit saeculum, sicut ipsum mundum; in saeculo autem, sicut ea quæ nascuntur in mundo. Cum ergo Scriptura dixisset, *Omnia per ipsum facta sunt, et sine ipso factum est*

*nihil*; paulo post ait, *In hoc mundo erat, et mundus per ipsum factus est* (*Joan. i, 3, 10*). De hoc opere Dei alio loco scriptum est: *Qui fecisti mundum de materia informi* (*Sap. xi, 18*). Ille mundus plerumque cœli et terræ nomine nuncupatur, sicut jam cominemuravimus, quæ Scriptura dicit Deum fecisse, cum factus est dies: de quibus verbis jam, quantum visum est, disputavimus, quemadmodum congruat conditio mundi hujus, et quod sex diebus consummatus est cum omnibus quæ in eo sunt, et quod tunc factus, cum factus est dies, ut et illud congruat quod creavit omnia simul (*Eccli. xviii. 1*).

CAPUT XVIII. — *Creaturæ plures nobis ignotæ. Qua ratione a Deo et ab Angelis noscuntur. Cognitio matutina et vespertina.*

36. Hujus universæ Dei creaturæ multa non novimus, sive quæ in cœlis sunt altius, quam ut noster sensus ea possit attingere; sive quæ in regionibus terrarum fortassis inhabitabilibus; sive quæ dorsum latent, vel in profundo abyssi, vel in occultis sinibus terræ. Haec igitur antequam fierent, utique non erant. Quomodo ergo Deo nota erant quæ non erant? Et rursus quomodo ea ficeret quæ sibi nota non erant? Non enim quidquam fecit ignorans. Nota ergo fecit, non facta cognovit. Proinde, antequam fierent, et erant, et non erant: erant in Dei scientia, nou erant in sua natura. Ac per hoc factus est dies ille, cui utroque modo innescerent, et in Deo et in seipsis: illa velut matutina sive diurna cognitione, hac vero velut vespertina. Ipsi autem Deo non audeo dicere alio modo innouisce, cum ea fecisset, quam illo quo ea noverat ut ficeret, apud quem non est commutatio, nec momenti obumbratio (*Jacobi i, 17*).

CAPUT XIX. — *Angeli Dei nuntii mysterium regni cœlorum noverunt a saeculis.*

37. Non sane propter inferiorum scientiam nuntiis indiget, quasi per eos fiat scientior; sed illo simplici ac mirabili modo novit omnia stabiliter atque incommutabiliter. Habet autem nuntios propter nos et propter ipsos; quia illo modo Deo parere et assistere, ut eum de inferioribus consulant, ejusque supernis præceptis et jussis obtemperent, bonum est eis in ordine propriæ naturæ atque substantiæ. Nuntii autem græce ἀγγελοι dicuntur; quo nomine generali universa illa superna civitas nuncupatur, quem primum diem conditum existimamus.

38. Nam nec illud eos latuit mysterium regni cœlorum, quod opportuno tempore revelatum est pro salute nostra, quod ex hac peregrinatione liberati, eorum cœtui conjungamur. Neque enim hoc ignorant; quandoquidem ipsum semen, quod opportuno tempore advenit (*a*), per ipsos dispositum est in manu mediatoris (*Galat. iii, 19*), id est in ejus potestate qui Dominus eorum est, et in forma Dei, et in forma servi. Dicit item Apostolus: *Mihi minimo omnium sanctorum data est gratia hæc, annuntiare in gentibus investigabiles divitias Christi, et illuminare quæ sit dispensatio sacra-*

<sup>1</sup> Mas. sere omnes, actaque.

<sup>1</sup> Sic Mas. At editi, quo.

(a) II Retract. cap. 21, n. 2.

meni quod fuit absconditum a saeculis in Deo, qui univer-  
sita creavit; ut innotesceret Principibus et Potestatibus  
in caelestibus per Ecclesiam multiformis sapientia Dei,  
secundum propositum saeculorum, quam fecit in Christo  
Iesu Domino nostro (Ephes. iii. 8 11). Sic ergo fuit  
hoc absconditum a saeculis in Deo, ut tamen innotesceret  
Principibus et Potestatibus in caelestibus per Ecclesiam multiformis sapientia Dei; quia ibi primus  
Ecclesia, quo post resurrectionem et ista Ecclesia  
congreganda est, ut simus aequales Angelis Dei (Matth.  
xxii. 30). His ergo a saeculis innotuit; quia omnis  
creatura non ante saecula, sed a saeculis. Ab ipsa enim  
exorta sunt saecula, et ipsa a saeculis; quoniam initium  
eius initium saeculorum est: Unigenitus autem  
ante saecula, per quem facta sunt saecula (Hebr. 1, 2).  
Ideoque ex persona Sapientiae, Ante saecula, inquit,  
fundavit me (Prov. viii. 23, sec. LXX); ut in ea fa-  
ceret omnia, cui dictum est, Omnia in Sapientia fecisti  
(Psal. ciii. 24).

59. Quod autem non in Deo tantum innotescit An-  
gelis quod absconditum est, verum etiam hic eis ap-  
paret, cum efficitur atque propalatur, idem apostolus  
ita testis est: *Et sine dubio, inquit, magnum est pietatis sacramentum, quod manifestatum est in carne, justificatum est in spiritu, apparuit Angelis, praedicatum est in gentibus, creditum est in mundo, assumptum est in gloria* (1 Tim. iii. 16). Et, nisi fallor, mirum est si non  
quaeratur dicitur Deus tanquam ad praesens tempus  
cognoscere, ideo dicitur, quia cognosci facit, sive ab  
Angelis, sive ab hominibus. Modus quippe iste locutionis  
cum per efficientem id quod efficitur significatur,  
creber est in Scripturis sanctis; maxime cum de  
Deo aliiquid dicitur, quod ei ad proprietatem locutionis  
non convenire praesidens mentibus nostris ipsa  
veritas clamat.

#### CAPUT XX. — *Deum adhuc operari.*

40. Jam nunc ergo discernamus opera Dei, quae usque nunc operantur, ab illis operibus a quibus in die septimo requievit. Sunt enim qui arbitrentur <sup>1</sup> tanquammodo mundum ipsum factum a Deo, cætera jam fieri ab ipso mundo, sicut ille ordinavit et jussit; Deum autem ipsum nihil operari. Contra quos proferatur illa sententia Domini: *Pater meus usque nunc operatur.* Et ne quisquam putaret apud se illum aliquid operari, non in hœc mundo: *Pater in me manens, inquit, facit opera sua; et sicut Pater suscitat mortuos et vivificat, sic et Filius quos vult vivificat* (Joan. v. 17, 20, 21). Deinde, quia non solum magna atque præcipua, verum etiam ista terrena et extrema ipse operantur, ita dicit Apostolus: *Stulte, tu quod seminas non vivificantur, nisi moriantur; et quod seminas, non corpus quod futurum est seminas, sed nudum granum fere tritici, aut ulicujus cæterorum; Deus autem dat illi corpus quoniam voluerit, et unicuique seminum proprium corpus* (1 Cor. xv. 36 38). Sic ergo credamus, vel, si possumus, etiam intelligamus usque nunc operari Deum, ut si conditis ab eo rebus operatio ejus subtrahatur, intercidant.

<sup>1</sup> Ep. Iugd. Ven. Lov. habent, *arbitrantur.* M.

41. Sed plane, si aliquam creaturam sic eum nunc  
instituere putaverimus, ut genus ejus primæ illi sunt  
conditioni non inseruerit, aperte contradicimus di-  
centi Scripturæ, quod consummaverit omnia opera  
sua in die sexto (Gen. ii. 2). Secundum illa enim ge-  
nera rerum quæ primum condidit, nova eum multa  
facere, quæ tunc non fecit, manifestum est. Novum  
autem genus instituere credi recte non potest, quo-  
niam tunc omnia consuminavit. Movet itaque occulta  
potentia universam creaturam suam, eoque motu illa  
versata, dum Angeli jussa perficiunt, dum circumcurrent  
sidera, dum alternant venti, dum abyssus aquarum  
lapsibus et diversis etiam per aërem conglabationibus  
agitatur, dum vireta <sup>1</sup> pullulant, suaque semina evolu-  
vunt, dum animalia gignuntur, varioque appetitu pro-  
prias vitas agunt, dum iniqui justos exercere permit-  
tuntur, explicat saecula, quæ illi, cum primum condita  
est, tanquam plicita <sup>2</sup> indiderat: quæ tamen in suos  
cursus non explicarentur, si ea ille qui condidit, pro-  
viduo motu administrare cessaret.

#### CAPUT XXI. — *Omnia gubernari divina providentia.*

42. Admoneri autem nos oportet iis quæ in tem-  
pore formantur atque nascuntur, quomodo ista consi-  
derare debeamus. Non enim frustra de Sapientia scri-  
ptum est, quod amatoribus suis ostendit *se in viis hilariter, et in omni providentia occurrit illis* (Sap. vi. 17). Nec omnino audiendi sunt qui putaverunt subli-  
mes quidem mundi partes, id est a confinio corpulentioris aeris hujus et supra, divina providentia gubernari; hanc autem imam partem terrenam et humidam,  
acrisque hujus vicinioris qui terrarum et aquarum  
exhalationibus humescit, in quo venti nubesque  
consurgunt, casibus potius et fortuitis motibus agitari.  
Contra hos enim loquitur Psalmus, qui cum explicas-  
set laudem cœlestium, se etiam ad ista inferiora con-  
vertit, dicens: *Laudate Dominum de terra, dracones et omnes abyssi; ignis, grando, nix, glacies, spiritus tempestatis, quæ faciunt verbum ejus* (Psal. cxlviii, 7, 8). Nihil enim tam videtur casibus volvi, quam omnes  
istæ procellosæ ac turbulentæ qualitates, quibus cœli  
hujus inferioris, quod non immerito etiam terræ no-  
mine deputatum est, facies variatur et vertitur. Sed  
cum addidit, *Quæ faciunt verbum ejus*, satis ostendit  
earum quoque rerum ordinem divino subditum impe-  
rio, latere nos potius, quam universitatis dcessus na-  
turæ. Quid autem? ore suo Salvator, cum dicit unum  
passerem non cadere in terram sine Dei voluntate  
(Matth. x. 29), et quod senum agri post paululum  
mittendum in elibanum, ipse tamen vestiat (Id. vi. 50); nonne confirmat non solum totam istam mundi  
partem rebus mortalibus et corruptilibus deputatam,  
verum etiam vilissimas ejus abjectissimasque particu-  
las divina providentia regi?

<sup>1</sup> In antiquis codicibus constanter scriptum, *vireta.*

<sup>2</sup> Editū, *condita sunt tanquam implicita.* At Mas. omnes,  
*condita est;* scilicet universa creatura. Tum alii prose-  
quuntur, *tanquam placita;* sed alii *sincerius, plicita;* a  
verbo plico.

CAPUT XXII. — *Argumenta divinæ providentiae.*

43. Et certe isti qui hoc negant, nec sanctis eloquii tante auctoritatis acquiescent, si in hac mundi parte, quam putant fortuitis motibus perturbari, potius quam sapientia divinæ summitatis regi, et ut hoc quasi probent gemino abutuntur argumento, vel quod supra commemoravi de inconstantia tempestatum, vel de felicitatibus atque infelicitatibus hominum, quod non pro vita meritis accident; viderent tantum ordinem, quantus in membris carnis cuiuslibet animantis apparet, non dico medicis, qui haec propter artis sue necessitatem diligenter patefacta et dinumerata rimatis sunt, sed cuivis mediocris cordis et considerationis bonum; nonne clamarent, ne puncto quidem temporis Deum, a quo est omnis mensurarum modus, omnis paritas numerorum, omnis ordo ponderum, ab ejus gubernatione cessare? Quid ergo absurdius, quid insulsius sentiri potest, quam eam totam esse vacuam ntu et regimine providentiae, cuius extrema et exigua videas tanta dispositione formari, ut aliquanto attentius cogitata ineffabilem incutiant admirationis horrorem? Et cum animæ natura naturæ corporis antecellat, quid est dementius quam putare nullum esse divinæ providentiae judicium de moribus hominum, cum in eorum carne tanta ejus solertia clareant et demonstrentur indicia? Sed quia haec minima in promptu sunt sensibus nostris, et ea facile investigamus, elucet in eis ordo rerum: at illa quorum ordinem videre non possumus, inordinata arbitrantur qui esse non putant, nisi quod videre possunt, aut si putant, tale aliiquid putant, quale videre consueverunt.

CAPUT XXIII. — *Quomodo Deus omnia simul creaverit, et nunc usque operetur.*

44. Nos autem, quorum gressus, ne in illam perterritatem incidamus, eadem divina providentia per sanctam Scripturam regit, ex ipsis quoque operibus Dei eodem adjuvante indagare conemur ubi haec simul creaverit, cum a consummatis suis operibus requievit, quorum species per ordinem temporum usque nunc operatur. Consideremus ergo cuiuslibet arboris pulchritudinem in robore, ramis, frondibus, pomis: hec species non utique repente tanta ac talis est exorta, sed quo etiam ordine novimus. Surrexit enim a radice, quam terræ primum germen infixit; atque inde omnia illa formata et distincta creverunt. Porro illud germe ex semine: in semine ergo illa omnia fuerunt primitus, non mole corporeæ magnitudinis, sed vi potentiaque causali. Nam illa magnitudo, copia terra humorisque congesta est. Sed illa in exiguo grano mirabilior præstantiorque vis est, qua voluit adjacens humor commixtus terre tanquam materies verti in ligni illius qualitatem, in ramorum diffusio nem, in foliorum viriditatem ac figuram, in fructuum formam et opulentiam, omniumque ordinatissimam

distinctionem. Quid enī ex arbore illa surgit aut pendet, quod non ex quadam occulto thesauro semi nis illius extractum atque depromptum est? At illud semen ex arbore, licet non illa sed altera, atque illa rursus ex altero semine. Ali quando autem et arbor ex arbore, cum surculus demitur atque plantatur. Ergo et semen ex arbore, et arbor ex semine, et arbor ex arbore. Semen autem ex semine nullo modo, nisi arbor interveniat prius. Arbor vero ex arbore, etiam si semen non interveniat. Alternis igitur successionibus alterum ex altero, sed utrumque ex terra, nec ex ipsis terra: prior igitur eorum parens terra. Sic et animalia, potest incertum esse utrum ex ipsis semina, an ipsa ex seminibus: quodlibet tamen horum prius, ex terra esse certissimum est.

45. Sicut autem in ipso grano invisibiliter erant omnia simul quæ per tempora in arborem surgerent; ita ipse mundus cogitandus est, cum Deus simul omnia creavit, habuisse simul omnia quæ in illo et cum illo facta sunt, quando factus est dies: non solum cælum cum sole et luna et sideribus, quorū species manet motu rotabili, et terram et abyssos, quæ velut inconstantes motus patiuntur, atque inferius adjuncta partem alteram mundo conferunt; sed etiam illa quæ aqua et terra produxit potentialiter atque causaliter, priusquam per temporum moras ita exorirentur, quomodo nobis jam nota sunt in eis operibus, quæ Deus usque nunc operatur.

46. Quæ cum ita sint, *Hic est liber creaturæ cœli et terræ, cum factus est dies, fecit Deus cœlum et terram, et omne viride agri antequam esset super terram, et omne senum agri antequam exortum est:* non sic quomodo facit opere quo nunc usque operatur per pluviam et hominum agriculturam; ad hoc enim adjunctum est, *Non enim pluerat Deus super terram, nec erat homo qui operaretur terram:* sed illo modo quo creavit omnia simul, senarioque dierum numero consummavit, cum diem quem fecit, eis quæ fecit sexies præsentavit, non alterante spatio temporaliter, sed ordinata cognitione causaliter. A quibus operibus in die septimo requievit, etiam suam requiem ejusdem diei notitiae gaudioque præbere dignatus: et ideo non eum in quolibet opere suo, sed in sua requie benedixit et sanctificavit. Unde nullam ulterius creaturam instituens, sed ea quæ omnia simul fecit, administratorio actu gubernans et movens, sine cessatione operatur, simul et requiescens et operans, sicut iam ista tractata sunt. Quorum operum ejus quæ usque nunc operatur, per volumina temporum explicandorum, velut exordium narrandi sumens, ait Scriptura, *Fons autem ascendebat de terra, et irrigabat omnem faciem terræ.* De quo fonte quia diximus quod dicendum putavimus, ea quæ sequuntur ab alio consideremus exordio.

## LIBER · SEXTUS.

*In vers. 7 cap. 2 Genesios, Et fixit Deus hominem pulverem de terra, etc., quomodo seu quando de limo formatus fuerit homo inquiritur: tum, dilata tantisper consideratione animæ, dicitur de corpore Adami.*



**CAPUT PRIMUM.** — *An istud, Et fixit Deus, etc., de prima hominis formatione facta die sexto, an de altera posteriori et per temporis moram facta intelligendum.*

1. *Et fixit Deus hominem pulverem de terra, et insufflavit in faciem ejus statum vitæ; et factus est homo in animam viventem.* Hic primo videndum est utrum ista recapitulatio sit, ut nunc dicatur quomodo factus sit homo quem sexto illo die factum legimus; an vero tunc quidem cum fecit omnia simul, in his etiam latenter hominem fecit, sicut fenum terræ antequam esset exortum: ut eo modo et ipse cum jam esset in secreto quodam naturæ aliter factus, sicut illa quæ simul creavit cum factus est dies, accessu temporis etiam isto modo fieret, quo in hac perspicua forma vitam gerit, vel male vel bene; sicut fenum quo factum est antequam exoriretur super terram, accessente jam tempore et fontis illius irrigatione exortum est, ut esset super terram.

2. Prius ergo secundum recapitulationem id concinuit accipere. Fortassis quippe ita homo factus sit in die sexto, sicut dies ipse primitus factus est, sicut firmamentum, sicut terra et mare. Neque enim hæc dicenda sunt ante in quibusdam primordiis jam facta latuisse, ac deinde in hanc faciem qua mundus exstructus est, accessu temporis tanquam exorta clariusse; sed ab exordio seculi, cum factus est dies, conditum mundum, in cuius clementis simul sunt condita, quæ post accessu temporis orirerentur, vel fructeta, vel animalia quæque secundum suum genus. Nam nec ipsa sidera credendum est in elementis mundi primitus facta atque recondita, accessu postea temporis exstitisse, atque in has enitus formas quæ cœlitus fulgent; sed illo senario perfectionis numero creata simul omnia, cum factus est dies. Utrum ergo sic et homo ista jam specie qua in sua natura vivit, et agit sive bonum sive malum? an et ipse in occulto sicut fenum agri antequam exortum est, ut hoc ei post esset accessu temporis exoriri, quod de pulvere factus est?

**CAPUT II.** — *Res exploratur ex contextu Scripturæ.*

3. Accipiamus ergo eum sexto ipso die in hac perspicua visibilique forma de limo factum<sup>1</sup>, sed tunc non commemoratum quod nunc recapitulando insinuat, et videamus utrum nobiscum ipsa Scriptura concordet. Sic certe scriptum est, cum adhuc diei sexti opera narrarentur: *Et dixit Deus, Faciamus hominem ad imaginem et similitudinem nostram; et habeat potestatem piscium maris et volatilium cœli, et omnium pecorum, et omnis terræ, et omnium reptilium repentium quæ respiciunt super terram.* *Et fecit Deus hominem, ad imaginem*

*Dei fecit eum; masculum et feminam fecit eos, et benedixit eos Deus, dicens: Crescite et multiplicamini, et implete terram, et dominamini ejus; et habete potestatem piscium maris, et volatilium cœli, et omnium pecorum, et omnis terræ, et omnium reptilium repentium super terram* (Gen. 1, 26-28). Jam ergo de limo formatus erat, et illi jam soporato mulier ex latere jam facta erat, sed hoc tunc commemoratum non erat, quod nunc recapitulando commemoratum est. Neque enim sexto die factus est masculus, et accessu temporis postea facta semina; sed *fecit eum*, inquit; *masculum et feminam fecit eos, et benedixit eos.* Quomodo ergo jam homine in paradyso constituto mulier ei facta est? An et hoc prætermissum Scriptura recoluit? Nam sexto illo die etiam paradisus plantatus est, et ibi homo collocatus est, et soporatus est ut Eva formaretur, et ea formata evigilavit, eique nomen imposuit. Sed hæc nisi per temporales moras fieri non possent. Non itaque ita facta sunt, sicut creata sunt omnia simul.

**CAPUT III.** — *Eadem quæstio ex aliis locis Scripturæ discutitur.*

4. Quantilibet enim homo cogitet facilitatem quæ Deus etiam hæc simul cum cæteris fecit, verba certe hominis novimus, nisi per temporales morulas emitti voce non posse. Cum ergo verba hominis audimus, vel cum animaptibus, vel cum mulieri nomen imposuit, vel cum secutus etiam dixit, *Propter hoc relinquet homo patrem suum et matrem, et conjungetur uxori suæ; et erunt duo in carne una* (Gen. ii, 24); quibuslibet syllabis ista sonuerint, nec duæ quæcumque in his verbis syllabæ simul sonare potuerunt: quanto minus hæc omnia cum iis quæ simul creata sunt, simul fieri? Ac per hoc, aut et illa omnia non simul ab ipso summo exordio seculorum, sed per moras atque intervalla temporum facta sunt, diesque ille non spirituali sed corporali substantia primum conditus, vel circuitu lucis nescio quomodo, vel emissione et contractione, mane ac vesperam faciebat: aut si consideratis quæ superioribus sermonibus retractata sunt, probabilis ratio persuasit, illum diemi spiritualem sublimiter ac primitus conditum lucem quamdam sapientem esse diem, cuius præsentia per ordinatam cognitionem conditioni rerum in numero senario præberetur; atque huic sententiæ Scripturæ verba congruere quod ait postea, *Cum factus est dies, fecit Deus cœlum et terram, et omne viride agri antequam esset super terram, et omne fenum agri antequam exoriretur* (Ibid., 4, 5); attestari etiam quod alibi scriptum est, *Qui vivit in æternum, creavit omnia simul* (Eccli. xviii, 1): non est dubium

<sup>1</sup> Ex. Lugd. Ven. Lov. hic et passim, factum. M.

<sup>1</sup> MSS. prope omnes, et erant ambo.

hoc quod homo de limo terræ finctus est, eique formata uxor ex latere, jam non ad conditionem qua simul omnia facta sunt, pertinere, quibus perfectis requievit Deus; sed ad eam operationem, quæ sit jam per volumina sacerdorum, qua usque nunc operatur.

5. Huc accedit quod ipsa etiam verba quibus narratur quomodo Deus paradisum plantaverit, in eoque hominem quem fecerat collocarit, ad eumque adduverit animalia, quibus nomina imponeret, in quibus cum adjutorium simile illi non fuisset inventum, tunc ei mulierem costa ejus detracta formaverit, satis nos admonent hæc non ad illam operationem Dei pertinere, unde requievit in die septimo, sed ad istam potius qua per temporum cursus usque nunc operatur. Cum enim paradiſus plantaretur, ita narrat: *Et plantavit Deus paradiſum in Eden ad orientem, et posuit ibi hominem quem finxerat. Et ejecit Deus adhuc de terra omne lignum pulchrum ad aspectum, et bonum ad escam* (Gen. ii, 8, 9).

#### CAPUT IV. — *Idem expenditur ad Gen. ii, 8, 9.*

Cum dicit ergo, *Ejecit adhuc de terra omne lignum pulchrum ad aspectum*; manifestat utique quod aliter nunc ejecerit de terra lignum, aliter tunc cum tertio die produxit terra herbam pabuli, se in tantum semen secundum genus suum, et lignum fructuosum secundum suum genus. Illoc est enim, *Ejecit adhuc*, super illud scilicet quod jam ejecerat: tunc utique potentialiter et causaliter in opere pertinente ad creanda omnia simul, a quibus consummatis in die septimo requievit; nunc autem visibiliter in opere pertinente ad temporum cursum, sicut usque nunc operatur.

6. Nisi forte quis dicat non omne ligni genus tertio die creatum, sed dilatum aliquid quod sexto crearetur, cum homo factus est atque in paradiſo constitutus. Sed quæ sexto die creata sunt, apertissime Scriptura declarat; anima viva scilicet secundum unumquodque genus, quadrupedum et repentium et bestiarum, et ipso homo ad imaginem Dei masculus et femina. Proinde potuit prætermittere quomodo sit homo factus, quem tamen ipso die factum esse narravit, ut re-capitulando postea, quemadmodum etiam factus fuerit intimaret, hoc est de terræ pulvere, et mulier illi de latere; non tamen aliquod creaturæ genus prætermittere, vel in eo quod dixit Deus, *Fiat*, sive, *Faciamus*, vel in eo quod dicitur, *Sic est factum*, sive, *Fecit Deus*. Alioquin frustra per singulos dies tam diligenter distincta sunt omnia, si permixtionis dierum potest ulla suspicio residere, ut cum herba et lignum dici tertio sit attributum, aliqua ligna etiam sexto die creata esse credamus, quæ ipso sexto die Scriptura tacuerit.

#### CAPUT V. — *De eadem re.*

7. Postremo quid respondebimus de bestiis agri, et volatilibus cœli, quæ adduxit Deus ad Adam, ut videret quid ea vocaret? Quod ita scriptum est: *Et dixit Dominus Deus; Non est bonum esse hominem solum; faciamus illi adjutorium secundum ipsum. Et finxit Deus adhuc de terra omnes bestias agri, et omnia volatilia cœli*, et adduxit illa ad Adam, ut videret quid

vocaret illa: et onine quodcumque illud vocavit Adam animam vivam, hoc nomen est illius. Et vocavit Adam nomina omnibus pecoribus et omnibus volatilibus cœli, et omnibus bestiis agri. Adæ autem non est inventus adjutor similis ipsi. Et injectus Deus mentis alienationem super Adam, et obdormivit, et sumpit unam de costis ejus, et adimplevit carnem in locum ejus, et redificavit Dominus Deus costam, quam sumpit de Adam, in mulicrem (Cen. ii, 18-22). Si ergo consequenter, cum in pecoribus et bestiis agri et volatilibus cœli non esset inventum adjutorium simile homini, fecit ei Deus adjutorium simile de costa lateris ejus; hoc autem factum est cum easdem bestias agri et volatilia cœli adhuc de terra finxisset, et ad illum adduxisset: quomodo sexto die factum hoc potest intelligi, quandoquidem illo die produxit terra animam vivam secundum verbum Dei; volatilia vero quinto die produixerunt aquæ similiiter secundum verbum Dei? Non itaque hic diceretur, *Et finxit Deus adhuc de terra omnes bestias agri, et omnia volatilia cœli*, nisi quia jam terra produxerat omnes bestias agri sexto die, et aqua omnia volatilia cœli quinto die. Aliter ergo tunc, id est potentialiter atque causaliter, sicut illi operi competebat, quo creavit omnia simul, a quibus in die septimo requievit: aliter autem nunc, sicut ea videmus, quæ per temporalia spatia creat, sicut usque nunc operatur. Ac per hoc jam per istos notissimos lucis corporalis dies, qui circuitu solis sunt, Eva facta est de latere viri sui. Tunc enim Deus adhuc finxit de terra bestias et volatilia, in quibus cum adjutorium simile ipsi Adam non esset inventum, illa formata est. In talibus ergo diebus etiam ipsum de limo finxit Deus.

8. Neque enim dicendum est, masculum quidem sexto die factum, feminam vero posterioribus diebus; cum ipso sexto die apertissime dictum sit, *Masculum et feminam fecit eos, et benedixit eos*, et cetera, quæ de ambobus et ad ambos dicuntur. Aliter ergo tunc ambo, et nunc aliter ambo: tunc scilicet secundum potentiam per verbum Dei tanquam seminaliter mundo inditam, cum creavit omnia simul, a quibus in die septimo requievit, ex quibus omnia suis queque temporibus jam per sacerdorum ordinem fierent; nunc autem secundum operationem præbendam temporibus, qua usque nunc operatur, et oportebat jam tempore suo fieri Adam de limo terræ, ejusque mulicrem ex viri latere.

#### CAPUT VI. — *Sententiam suam liquidius explicat, ne male intelligatur.*

9. In qua distributione operum Dei, partim ad illos dies invisibles pertinentium, quibus creavit omnia simul, partim ad istos appositos, in quibus operatur quotidie quidquid ex illis tanquam involucris primordialibus in tempore evolvitur, si non importune atque absurde Scripturæ verba secuti sumus, quæ nos ad hæc distinguenda duxerunt; cavendum est ne propter ipsarum rerum aliquanto difficilem perceptionem, quam tardiores assequi non sufficiunt, putemur aliquid sentire ac dicere, quod scimus nos nec sentire

**nec dicere.** Quanquam enim præcedentibus sermonibus, quantum potuerim, lectorem præstruxerim; plures tamen arbitror caligare in his locis, et putare ita fuisse prius hominem in illo Dei opere, quo cuncta simul creata sunt, ut aliquam vitam duceret, ut Dei locutionem ad se directam, cum dixit Deus, *Ecce dodi vobis omne pabulum seminale*, discerneret, crederet, intelligeret. Noverit ergo qui hoc putat, non hoc me sensisse, neque dixisse.

**10. Sed rursus**, si dixerim non ita fuisse hominem in illa prima rerum conditione, qua creavit Deus omnia simul, sicuti est non tantum perfectæ ætatis homo, sed ne infans quidem, nec tantum infans, sed ne puerperium quidem in utero matris, nec tantum hoc, sed nec semen quidem visibile hominis; putabit omnino non fuisse. Redeat ergo ad Scripturam; inveniet sexto die hominem factum ad imaginem Dei, factos autem masculum et feminam. Item querat quando facta sit femina; inveniet extra illos sex dies: tunc enim facta est, quando Deus de terra finxit adhuc bestias agri et volatilia coeli; non quando volatilia produxerunt aquæ, et animam vivam, in qua et bestiæ sunt, produxit terra. Tunc autem factus est homo et masculus et femina: ergo et tunc et postea. Neque enim tunc, et non postea; aut vero postea, et non tunc: nec alii postea, sed iidem ipsi aliter tunc, aliter postea. Quæret ex me quomodo. Respondebo, Postea visibiliter, sicut species humanæ constitutionis nota nobis est; non tamen parentibus generantibus, sed ille de limo, illa de costa ejus. Quæret tunc quomodo. Respondebo, Invisibiliter, potentialiter, causaliter, quomodo sicut futura non facta.

**11. Ilic forte non intelliget.** Subtrahuntur enim ei cuncta quæ novit, usque ad ipsam seminum corpulentiam. Neque enim vel tale aliquid homo jam erat, cum in prima illa sex dierum conditione factus erat. Datur quidem de seminibus ad hanc rem nonnulla similitudo, propter illa quæ in eis futura conserta sunt; verumtamen ante omnia visibilia semina sunt illæ causæ: sed non intelligit. Quid ergo faciam, nisi, quantum possum, salubriter moneam ut Scripturæ Dei credat et tunc factum hominem, quando Dens, cum factus est dies, fecit cœlum et terram, de quo alibi Scriptura dicit, *Qui vivit in æternum, creavit omnia simul* (*Ecli. xviii, 1*); et tunc quando jam non simul, sed suis quæque temporibus creans, finxit eum de limo terræ, et ex ejus osse mulierem? nam nec isto modo eos illo sexto die factos, nec tamen eos illo sexto die non factos intelligere Scriptura permittit.

#### CAPUT VII. — *Dici non posse animas prius creatas quam corpora.*

**12. Forte ergo animæ eorum sexto die illo factæ erant**, ubi et ipsa imago Dei recte intelligitur in spiritu mentis eorum, ut postea corpora formarentur? Sed neque hoc credere eadem Scriptura permituit. Primo propter illam operum consummationem; quæ non video quomodo possit intelligi, si definit aliquid tunc non causaliter conditum, quod postea visibiliter conderetur. Deinde quia sexus ipse masculi et feminæ

nisi in corporibus esse non potest. Quod si quisquam secundum intellectum et actionem tanquam utrumque sexum in una anima accipendum putaverit; quid faciet de his quæ ad escam Deus ipso die dedit de lignorum fructibus, quæ nisi homini habenti corpus non utique congrua est? Nam si et banc escam figure accipere quisquam voluerit, recordet a proprietate rerum gestarum, quæ primitus in hujusmedio narrationibus omni observatione fundanda est.

#### CAPUT VIII. — *Difficultas de voce Dei ad hominem sexto die directa.*

**13. Quomodo ergo loquebatur**, inquit, eis qui nondum audiebant, nec intelligebant; quia nec erant qui verba perciperent? Possem respondere sic eos allocutum Deum, quemadmodum Christus nos nondum natos, etiam longe post futuros, nec tantum nos, sed etiam eos omnes qui futuri sunt post nos. Omnibus enim dicebat, quos suos futuros videbat, *Ecce ego vobiscum sum usque in consummationem sæculi* (*Matth. xxviii, 20*): sicut Deo notus erat propheta cui dixit, *Priusquam te formarem in utero, novi te* (*Jerem. i, 5*); sicut decimatus est Levi cum esset in lumbis Abraham (*Hebr. vii, 9, 10*). Cur enim non ita et ipse Abraham in Adam, et ipse Adam in primis operibus mundi, quæ Deus creavit omnia simul? Sed verba Domini per os carnis ejus, et verba Dei per ora Prophetarum temporali corporis voce proferuntur, et omnibus syllabis suis congruas temporum moras sumunt, atque consumunt: cum vero Deus dicebat, *Faciamus hominem ad imaginem et similitudinem nostram, et habeat potestatem piscium maris et volatilium cœli, et omnium pecorum, et omnis terræ, et omnium reptilium quæ repunt super terram*; et, *Crescite, et multiplicamini, et replete terram, et dominamini ejus; et habete potestatem piscium maris, et volatilium cœli, et omnium pecorum, et omnis terræ, et omnium serpentum quæ repunt super terram*; et, *Ecce dedi vobis omne pabulum seminale, seminans semen quod est super omnem terram, et omne lignum fructiferum, quod habet in se fructum seminis seminalis, quod erit vobis ad escam* (*Gen. i, 26-29*); ipse sermo ejus ante omnem aeris sonum, ante omnem carnis et nubis vocem, in illa summa ejus Sapientia, per quam facta sunt omnia, non quasi humanis auribus instrepebat, sed rebus factis rerum faciendarum causas inscrebat, et omnipotenti potentia futura faciebat, hominemque suo tempore formandum, in temporum tanquam semine vel tanquam radice condebat, quando condebat unde inciperent sæcula, ab illo condita qui est ante sæcula. Creature quippe aliæ creature alias, quædam tempore, quædam causis præcedunt: ille autem omnia quæ fecit, non solum excellentia, qua etiam causarum effector est, verum etiam æternitate præcedit. Sed de hoc opportunitioribus deinde Scripturarum locis fortassis plenius disserendum est.

#### CAPUT IX. — *Jeremias quomodo Deo notus antequam formatus. Merita nondum natorum.*

**14. Nunc de homine quod cœptum est terminetur, ea moderatione servata**, ut in profundo Scripturæ

sensu magis praestemus diligentiam requirendi, quam affirmandi temeritatem. Quia enim noverat Jeremiam Deus priusquam cum formaret in utero, dubitare fas non est : apertissime quippe dicit, *Priusquam te formarem in utero, novi te.* Ubi autem illum nosset antequam ita formasset, etsi nostre infirmitati assequiri vel difficile vel impossibile est ; utrum in aliquibus propinquioribus causis, sicut Levi in lumbis Abraham decimatus est ; an in ipso Adam, in quo genus humani tanquam radicaliter institutum est ; et in eo ipso utrum jam cum de limo formatus esset, an cum causaliter in his operibus factus que creavit omnia simul ; an vero ante omnem potius creaturam, sicut elegit et prædestinavit sanctos suos ante mundi constitutionem (*Ephes. 1, 4*) ; an potius in omnibus precedentibus causis, sive quas commemoravi, sive quas non commemoravi, priusquam in utero formaretur ; non arbitror scrupulosius queri oportere, dummodo Jeremiam constet, ex quo est in hac luce a parentibus editus, ex illo egisse vitam propriam, qua grandescens aetatis accessu, posset vivere sive male sive bene ; antea vero nullo modo, non solum priusquam in utero formaretur, sed nec jam ibi formatus, antequam natus. Neque enim habet ullam cunctationem apostolica illa sententia de geminis in Rebeccae utero nondum agentibus aliquid boni aut mali (*Rom. ix, 41*).

45. Nec tamen frustra scriptum est, nec infantem mundum esse a peccato, cuius est unius diei vita super terram (*Job. xiv, 4, sec. LXX*) ; et illud in Psalmo, *Ego in iniquitatibus conceptus sum, et in peccatis mater mea* (*Psal. l, 7*) me in utero aluit ; et quod in Adam omnes moriuntur, in quo omnes peccaverunt (*Rom. v, 12*). Nunc autem liquido tencamus, qualibet parentum merita traiociantur in prolem, quicumque gratia Dei, antequam nascatur, quemque sanctificet, nec iniquitatem esse apud Deum, nec boni male agere quemquam quod ad propriam personam pertineat, antequam natus est : illamque sententiam qua non nulli putant alibi peccasse magis minusque animas, et pro diversorum meritis peccatorum in diversa corpora esse detrusas, apostolice non convenire sententiae ; cum apertissime dictum sit, nihil egisse nondum natos seu boni seu mali.

46. Ac per hoc aliqua quæstio est suo loco retractanda, quid de peccato primorum parentum, qui duo sibi fuerunt, generis humani contraxerit universa conspersio<sup>1</sup> : nihil tamen talium meritorum habere potuisse hominem antequam de terræ pulvere fucus esset, antequam suo tempore viveret, nulla quæstio est. Sicut enim Esau et Jacob, quos nondum natos dixit Apostolus nihil egisse boni aut mali (*Id. ix, 41*), non possemus dicere traxisse aliquid meriti de parentibus, si nec ipsi parentes egissent aliquid boni aut mali ; nec genus humanum peccasse in Adam, si ipse non peccasset Adam ; non autem peccasset Adam, nisi jam suo tempore viveret, quo posset vivere sive bene sive male : ita frustra peccatum ejus, seu recte factum requiritur, cum adhuc in rebus simul creatus

causaliter conditus, nec vita propria jam vivebat, nec in parentibus sic viventibus erat. In illa enim prima conditione mundi, cum Deus omnia simul creavit, homo factus est qui esset futurus, ratio creandi hominis, non actio creandi.

#### CAPUT X. — *Res rariis modis existentes.*

47. Sed hæc aliter in Verbo Dei, ubi ista non facta, sed æterna sunt ; aliter in elementis mundi, ubi omnia simul facta futura sunt ; aliter in rebus quæ secundum causas simul creatas, non jam simul sed suo quæque tempore creaturæ, in quibus Adam jam formatus ex limo, et Dei statu animatus, sicut senum exortum ; aliter in seminibus, in quibus iversus quasi primordiales causæ repetuntur, de rebus ductæ quæ secundum causas, quas primum condidit, exsisterunt, velut herba ex terra, semen ex herba. In quibus omnibus ea jam facta modis et actus sui temporis accepérunt, quæ ex occultis atque invisibilibus rationibus, quæ in creature causaliter latent, in manifestas formas naturasque prodierunt : sicut herba exorta super terram, et homo factus in animam vivam, et cætera hujusmodi, sive fructa sive animantia, ad illam operationem Dei pertinentia, quæ usque nunc operatur. Sed etiam ista secum gerunt tanquam iterum scipsa invisibiliter in occultâ quadam vi generandi, quam extrarerunt de illis primordiis causarum suarum, in quibus creato mundo cum factus est dies, antequam in manifestam speciem sui generis exorirentur, inserita sunt.

#### CAPUT XI. — *Opera creationis die sexto quomodo et jam consummata, et adhuc inchoata.*

48. Si enim prima illa opera Dei, cum simul omnia creavit, in suo modo perfecta non essent, ea procul dubio post adderentur quæ illis perficiendis defuisserint ; ut quedam universitatis perfectio ex utrisque constaret singulis quasi semijs, velut alicuius totius partes essent, quarum conjunctione ipsum totum eujus partes fuerant, completeretur. Rursus, si ita essent illa perfecta, sicut perficiuntur, cum suis quæque temporibus in manifestas formas actusque procreantur ; profecto aut nihil ex eis postea per tempora fieret, aut hoc fieret, quod ex istis quæ suo quæque jam tempore oriuntur, Deus nou cessat operari. Nunc autem quia jam et consummata quodammodo, et quodammodo inchoata sunt ea ipsa quæ consequentibus evolvenda temporibus primitus Deus omnia simul creavit, cum faceret mundum : consummata quidem quia nihil habent illa in naturis propriis, quibus suorum temporum cursus agunt, quod non in istis causaliter factum sit ; inchoata vero, quoniam quædam erant quæ semina futurorum, per seculi tractum ex occulto in manifestum locis congruis exscrenda : ipsius etiam Scriptura verba satis ad hoc admonendum insinuerit vigent, si quis in eis evigilet. Nam et consummata ea dicit et inchoata : nisi enim consummata essent, non scriptum esset, *Et consummata sunt cælum et terra, et omnis composicio illorum : et consummavit Deus in die sexto opera sua, quæ fecit : et requievit Deus in die septimo ab omnibus operibus suis, quæ fecit : et*

<sup>1</sup> Er. Lugd. Ven. et Lov. legunt, *conspersio.* M.

*benedit Deus diem septimum, et sanctificavit eum; rursusque nisi inchoata essent, non ita sequeretur, quia illa die requierit ab omnibus operibus suis quae inchoavit Deus facere.*

19. Ille igitur si quis inquirat quomodo consummavit et quomodo inchoavit: neque enim alia consummavit, alia inchoavit, sed eadem ipsa utique a quibus in die septimo requievit, ex iis quae supra diximus clarum est. Consummasse quippe ista intelligimus Deum, cum creavit omnia simul ita perfecte, ut nihil ei adhuc in ordine temporum creandum esset, quod non hic ab eo iam in ordine causarum creatum esset: inchoasse autem, ut quod hic praefixerat causis, post impleret effectis. Proinde formavit Deus hominem pulvorem terræ, vel limum terræ, hoc est de pulvere vel limo terræ; et inspiravit sive insufflavit in ejus faciem spiritum vitæ, et factus est homo in animam vivam. Non tunc prædestinatus; hoc enim ante sæculum in præscientia Creatoris: neque tunc causaliter vel consummate inchoatus, vel inchoate consummatus; hoc enim a sæculo in rationibus primordialibus, cum simul omnia crearentur: sed creatus in tempore suo, visibiliter in corpore, invisibiliter in anima, constans ex anima et corpore.

#### CAPUT XII. — *Corpus hominis an singulari modo a Deo formatum.*

20. Jam ergo videamus quomodo eum fecerit Deus, primum de terra corpus ejus; post etiam de anima videbimus, si quid valebimus. Quod enim manibus corporalibus Deus de limo fixerit hominem, nimium puerilis cogitatio est, ita ut si hoc Scriptura dixisset, magis eum qui serpsit translato verbo usum credere deberemus, quam Deum talibus membrorum lineamentis determinatum qualia videmus in corporibus nostris. Dicitum est enim, *Manus tua gentes disperdidit* (Psal. xliii, 3); et, *Eduxisti populum tuum in manu forti et brachio excelso* (Psal. cxxxv, 11, 12); sed pro potestate et virtute Dei positum hujus membra non quis usque adeo desipit, ut non intelligat?

21. Nec illud audiendum est, quod nonnulli putant, ideo præcipuum Dei opus esse hominem, quia cætera dixit, et facta sunt; hunc autem ipse fecit: sed ideo potius, quia hunc ad imaginem suam fecit. Nam illa quae dixit et facta sunt, ideo sic scriptum est (Psal. cxlviii, 5), quia per Verbum ejus facta sunt, sicut per hominem hominibus dici potuit verbis, quæ temporaliter cogitantur, et voce proferuntur. Non sic autem loquitur Deus, nisi cum per corporalem creaturam loquitur, sicut Abrahæ, sicut Moysi, sicut per nubem de Filio suo. Ante vero omnem creaturam, ut esset ipsa creatura, eo Verbo dictum est, quod in principio erat Deus apud Deum: et quia omnia per ipsum facta sunt, et sine ipso factum est nihil (Joan. i, 4, 3), utique et homo per ipsum factus est. Certe enim cœlum verbo fecit, quia dixit et factum est: scriptum est tamen, *Et opera manuum tuarum sunt cœli* (Psal. ci, 26). Et de hoc in quo quasi fundo mundi scriptum est: *Quoniam ipsis est mare, et ipsè fecit illud, et aridam manus ejus fixerunt* (Psal. xciv, 5).

Non igitur hoc in honorem hominis deputetur, velut cetera Deus dixerit, et facta sint, hunc autem ipso fecerit; aut verbo cætera, hunc autem manibus fecerit. Sed hoc excellit in homine, quia Deus ad imaginem suam hominem fecit, propter hoc quod ei dedit mentem intellectualem, qua præstat pecoribus; unde jam superiore loco discerimus. In quo honore positus, si non intellexerit, ut bene agat, eisdem ipsis pecoribus quibus prælatus est comparabitur. Sic etenim scriptum est: *Homo in honore positus non intellexit; comparatus est pecoribus insensatis, et similis factus est eis* (Psal. xlvi, 13). Nam et pecora Deus fecit, sed non ad imaginem suam.

22. Nec dicendum est, Hominem ipse fecit, pecora vero jussit, et facta sunt: et hunc enim et illa per Verbum suum fecit, per quod facta sunt omnia (Joan. i, 3). Sed quia idem Verbum et Sapientia et Virtus ejus est; dicitur et manus ejus, non visibile membrum, sed efficiendi potentia. Nam hæc eadem Scriptura que dicit quod Deus hominem de limo terræ fixerit, dicit etiam quod bestias agri de terra fixerit, quando eas cum volatilibus cœli ad Adam adduxit, ut videret quid ea vocaret. Sic enim scriptum est: *Et finxit Deus adhuc de terra omnes bestias* (Gen. i, 25). Si ergo et hominem de terra et bestias de terra ipse formavit, quid habet homo excellentius in hac re, nisi quod ipse ad imaginem Dei creatus est? Nec tamen hoc secundum corpus, sed secundum intellectum mentis, de quo post loquemur. Quanquam et in ipso corpore habeat quamdam proprietatem quæ hoc indicet, quod erecta statura factus est, ut hoc ipso admoneretur non sibi terrena esse sectanda, velut pecora, quoruim voluptas omnis ex terra est, unde in alvum cuncta prona atque prostrata sunt. Congruit ergo et corpus ejus animæ rationali, non secundum lineamenta figuratasque membrorum, sed potius secundum id quod in cœlum erectum est, ad intuenda quæ in corpore ipsius mundi superna sunt: sicut anima rationalis in ea debet erigi, quæ in spiritualibus natura maxime excellunt, ut quæ sursum sunt sapiat, non quæ super terram (Coloss. iii, 2).

#### CAPUT XIII. — *Qua ætate aut statura conditus fuerit Adam.*

23. Sed quomodo fecit eum Deus de limo terræ; utrum repente in ætate perfecta, hoc est virili atque juvenili, an sicut nunc usque format in uteris matrum? Neque enim alias hæc facit, quam ille qui dixit, *Priusquam te formarem in utero, novi te* (Jerem. i, 5): ut illud tantum proprium habuerit Adam, quod non ex parentibus natus est, sed factus ex terra; eo tamen modo ut in hoc perficiendo, et per ætates augendo hi temporum numeri completerentur, quos naturæ humanæ generis attributos videremus. An potius hoc non est requirendum? Utrumlibet enim fecerit, hoc fecit quod Deum et omnipotentem et sapientem posse ac facere congruebat. Ita enim certas temporum leges generibus qualitatibusque rerum in manifestum ex abditis producendis attribuit, ut ejus voluntas sit super omnia.

Potentia quippe sua numeros creaturæ dedit, non ipsam potentiam eisdem numeris alligavit. Nam Spiritus ejus ita faciendo mundo superferebatur (*Gen. i, 2*), ut et facto superferatur, non corporalibus locis, sed excellentia potestatis.

24. Quis enim nescit aquam concretam terræ, cum ad radices vitis venerit, duci in saginam ligni illius, atque in eo sumere qualitatem, qua in uvam procedat paulatim erumpentem; atque in ea grandescente vinum fiat, maturumque dulcescat, quod adhuc fervescat expressum, et quadam vetustate firmatum ad usum bibendi utilius jucundiusque perveniat? Num ideo Dominus lignum quæsivit aut terram, aut has temporum moras, cum aquam in uno compendio convertit in vinum, et tale vinum quod ebrios etiam conviva laudaret (*Joan. ii, 9, 10*)? Numquid adjutorio temporis eguit conditor temporis? Nonne certis dierum numeris suo cuique generi accommodatis, omnis natura serpentium coalescit, formatur, nascitur, robatur? Num exspectati sunt hi dies, ut in draconem virga converteretur de manu Moysi et Aaron (*Exod. vii, 10*)? Nec ista cum flunt, contra naturam flunt, nisi nobis quibus aliter naturæ cursus innotuit; non autem Deo, cui hoc est natura quod fecerit.

CAPUT XIV. — *Rationes causales mundo primum inditæ, cujus generis fuerint.*

25. Quæri autem merito potest, causales illæ rationes, quas mundo indidit, cum primum simul omnia creavit, quomodo sint institute: utrum ut, quemadmodum videmus cuncta nascentia vel fruticum vel animalium in suis conformatiōnibus atque incrementis, sua pro diversitate generum diversa spatia peragerent temporum? an ut, quemadmodum creditur factis Adam sine ullo progressu incrementorum virili aetate, continuo conformarentur? Sed cur non utrumque illas credimus habuisse, ut hoc ex eis futurum esset, quod factori placuisse? Si enim illo modo dicerimus, incipiet contra ipsas factum videri, non solum etiam illud de aqua vinum, sed et omnia miracula quæ contra naturæ usitatum cursum flunt: si autem isto modo, multo erit absurdius ipsas istas quotidianas naturæ formas et species contra illas primarias omnium nascentium causales rationes suorum temporum peragere spatiā. Restat ergo ut ad utrumque modum habiles creatæ sint; sive ad istum quo usitatissime temporalia transcurrunt, sive ad illum quo rara et mirabilia flunt, sicut Deo facere placuerit quod tempori congruat.

CAPUT XV. — *Primus homo non aliter quam primordiales causæ haberent, formatus fuit.*

26. Verumtamen sic factus est homo, quemadmodum illæ primæ causæ habebant ut fieret primus homo, quem non ex parentibus nasci, qui nulli precesserant, sed de limo formari oportebat, secundum causalem rationem, in qua primitus factus erat. Nam si aliter factus est, non enim Deus in illorum sex diecum operibus fecerat: in quibus cum dicitur factus, ipsam causam utique fecerat Deus, qua erat suo tempore homo futurus, et secundum quam fuerat ab illo

ficiendus, qui simul et consummaverat inchoata propter perfectionem causalium rationum, et inchoaverat consummanda propter ordinem temporum<sup>1</sup>. Si ergo in illis primis rerum causis, quas mundo primus Creator inseruit, non tantum posuit quod de limo formaturus erat hominem, sed etiam quemadmodum formaturus, utrum sicut in matris utero, an in forma juvenili; procul dubio sic fecit, ut illie praefixerat; neque enim contra dispositionem suam ficeret: si autem vim tantum ibi posuit possibilitatis, ut homo fieret quoquo modo fieret, ut et sic et sic posset, id est ut id quoque ibi esset<sup>2</sup>, quia et sic et sic posset; unum autem ipsum modum quo erat fakturus in sua voluntate servavit, non mundi constitutioni contexuit: manifestum est etiam sic non factum esse hominem contra quam erat in illa prima conditione causarum; quia ibi erat etiam sic fieri posse, quoniam non ibi erat ita fieri necesse esse: hoc enim non erat in conditione creaturæ, sed in placito Creatoris, cuius voluntas rerum necessitas est.

CAPUT XVI. — *In rei natura est, ut quid esse possit; ut futurum sit, non nisi in Dei voluntate.*

27. Nam et nos pro captu infirmitatis humanæ jam in ipsis rebus tempore exortis possumus nosse quid in eiusque natura sit, quod experimento perceperimus; sed utrum etiam futurum sit ignoramus. Est quippe in natura hujus, verbi gratia, juvenis ut senescat; sed utrum hoc etiam sit in Dei voluntate, necimus. Sed nec in natura esset, nisi in Dei voluntate prius fuisse, qui condidit omnia. Et utique occulta ratio est senectutis in corpore juvenili, vel juventutis in corpore puerili: neque enim oculis cernitur, sicut ipsa in pueri pueritia, sicut juventus in juvēte; sed alia quædam notitia colligitur inesse in natura quiddam latens, quo educantur in promptu numeri occulti, vel juventutis a pueritia, vel senectutis a juventute. Occulta est ergo ista ratio, qua sit ut hoc esse possit, sed oculis: menti autem non est occulta: utrum autem hoc etiam necesse sit, omnino nescimus. Et illam quidem quæ sit ut esse possit, esse in natura ipsius corporis novimus: illam vero qua sit ut necesse sit, manifestum est illic non esse.

CAPUT XVII. — *Ex futuris quænam vere futura.*

28. Sed fortassis in mundo est, ut necesse sit istum hominem senescere. Si autem nec in mundo est, in Deo est. Hoc enim necessario futurum est quod ille vult, et ea vere futura sunt quæ ille præscivit. Nam multa secundum inferiores causas futura sunt; sed si ita sunt et in præscientia Dei, vere futura sunt: si autem ibi aliter sunt, ita potius futura sunt, sicut ibi sunt, ubi qui præscit<sup>3</sup>, falli non potest. Nam futura

<sup>1</sup> Sic in omnibus MSS. At in excusis, cum insigni glōssate habetur: *Qui simul et consummaverat, has perspicuas species producens, inchoata propter perfectionem causalium rationum; et inchoaverat, rationes causales fieri, quod imprimens, consummanda propter ordinem temporum.*

<sup>2</sup> Editi: *t t homo fieret quoquomodo, ut et sic posset, id est ut ideo quoque ibi esset: scilicet post, in sua voluntate servavit, cum mundi constitutionem contexuit. Quos locos ad MSS. redintegravimus.*

<sup>3</sup> Lov., quæ præsit. Melius editiones Am. Er. Et MSS., qui præscit.

dicitur senectus in juvente, sed tamen futura non est, si ante morituru*s* est: hoc autem ita erit, sicut se habent aliae caus*e*, sive mundo context*e*, sive in Dei prae*s*cientia reservata. Nam secundum quasdam futu*r*orum causas morituru*s* erat Ezechias, cui Deus addidit quindecim annos ad vitam (*Isai. xxxiii*, 5); id utique faciens quod ante constitutionem mundi se facturu*s* esse prae*s*criebat, et in sua voluntate servabat. Non ergo id fecit quod futuru*s* non erat: hoc enim magis erat futuru*s*, quod se facturu*s* esse prae*s*criebat. Nec tamen illi anni additi recte dicerentur, nisi aliquid adderetur<sup>1</sup>, quod se aliter in aliis causis habuerat. Secundum aliquas igitur causas inferiores jam vitam finierat: secundum illas autem quae sunt in voluntate et prae*s*cientia Dei, qui ex aeternitate noverat quid illo tempore facturus erat (et hoc vere futuru*s* erat), tunc erat finiturus vitam quando finivit vitam. Quia etsi oranti concessum est, etiam sic eum oraturum ut tali orationi concedi oporteret ille utique prae*s*criebat, cuius prae*s*cientia falli non poterat: et ideo quod prae*s*criebat, necessario futuru*s* erat.

**CAPUT XVIII.** — *Colligitur Adamum non formatum*

*fuisse contra quam erat in primordialibus causis institutum.*

29. Quapropter, si omnium futu*r*orum caus*e* mundo sunt insit*e*, cum ille factus est dies, quando Deus creavit omnia simul; non aliter Adam factus est, cum de limo formatus est, sicut est credibilius iam perfecte virilitatis, quam erat in illis causis, ubi Deus hominem in sex dierum operibus fecit. Ibi enim erat non solum ut ita fieri posset, verum etiam ut ita eum fieri necesse esset. Tam enim non fecit Deus contra causam, quam sine dubio volens prae*s*tinuit, quam contra voluntatem suam non facit. Si autem non omnes causas in creatura primitus condita pre*s*fixit, sed aliquas in sua voluntate servavit; non sunt quidem illae quas in sua voluntate servavit, ex istarum quas creavit necessitate pendentes: non tamen possunt esse contrariae quas in sua voluntate servavit, illis quas sua voluntate instituit; quia Dei voluntas non potest sibi esse contraria. Ista ergo sic condidit, ut ex illis esse illud, cuius cause sunt, possit; sed non necesse sit: illas autem sic abscondit, ut ex eis esse necesse sit hoc, quod ex istis fecit ut esse possit.

**CAPUT XIX.** — *Adamo non spirituale sed animale corpus a Deo formatum esse.*

30. Solet item queri, utrum animale corpus prius homini formatum sit e limo, quale nunc habemus, an spirituale, quale resurgentes habebimus. Quanquam enim hoc in illud mutabitur; seminatur enim corpus animale, surget corpus spirituale: tamen quid prius homini factum sit, ideo disceptatur, quia si animale factum est, non hoc recipiemus, quod in illo perdiderimus, sed tanto melius quanto spirituale animali pre*p*onendum est, quando erimus aequales Angelis Dei (*Matth. xxii*, 50). Sed Angeli possunt aliis et iustitia praeponi; numquid et Domino? De quo tamen dictum est: *Minorasti eum paulo minus ab Angelis* (*Psal.*

<sup>1</sup> MSS. plures prob*e* not*e*, nisi ad aliquid adderentur.

viii, 6). Unde, nisi propter carnis infirmitatem quae sumpsit ex Virgine, formam servi accipiens (*Philipp. ii*, 7), in qua moriens nos a servitute redimeret? Seo quid hinc diutius disseramus? Non enim obscura est Apostoli sententia de hac re; qui cum voluisset adhibere testimonium, quo probaret esse corpus animale, non tam de suo vel de eiusquam hominis corpore, quod in praesenti videbatur, quam de hoc ipso Scripturae huic loco recoluit et adhibuit, dicens: *Si est corpus animale, est et spirituale; sic etenim scriptum est: Factus est primus homo Adam in animam viventem; novissinus Adam in spiritum vivificantem. Sed non primum quod spirituale est, sed quod animale; postea, spirituale. Primus homo de terra, terrenus; secundus homo de celo, caelestis. Qualis terrenus, tales et terreni; et qualis caelestis, tales et caelestes.* Et quomodo induimus imaginem terreni, induamus et imaginem ejus qui de celo est (*I Cor. xv*, 44-49). Quid ad hoc dici potest? Imaginem ergo caelestis hominis nunc ex fide portamus, habituri in resurrectione quod credimus: imaginem autem terreni hominis ab ipso exordio humanae generationis induimus.

**CAPUT XX.** — *Difficultas contra superiore*m* sententiam. Opinio corpus Adami prius animale, postea spirituale factum fuisse in paradiiso.*

31. Hie occurrit alia quæstio, quomodo renovemur, si non ad hoc per Christum revocamur, quod in Adam prius eramus. Quanquam enim multa non in pristinum, sed in melius renoventur, ab inferiore tamen statu, quam quo erant antea, removantur. Unde ergo ille filius mortuus erat, et revixit; perierat, et inventus est (*Luc. xv*, 32): unde illi profertur stola prima, si non immortalitatem recipit, quam perdidit Adam? Quomodo autem perdidit immortalitatem, si corpus habuit animale? Neque enim animale corpus, sed spirituale erit, cum corruptibile hoc induerit incorruptionem, et mortale hoc induerit immortalitatem (*I Cor. xv*, 53). Nonnulli his angustiis coactati, ut et illa constet sententia qua exemplum de animali corpore hinc datum est, ut diceretur, *Factus est primus homo Adam in animam viventem, novissinus Adam in spiritum vivificantem*; et ista renovatio receptioque immortalitatis, non absurde dicatur in pristinum futura, in illud scilicet quod Adam perdidit: putaverunt prius quidem hominem fuisse corporis animalis; sed dum in paradiiso constitutus est, eum fuisse mutatum, sicut nos quoque resurrectione mutabimur. Hoc quidem liber Geneseos non commemorat; sed ut possint ultra*m* testimonia Scripturarum inter se consentire, sive illud quod de animali corpore dictum est, sive illa que de renovatione nostra plurima in sanctis litteris reperiuntur, hoc tanquam necessario consequi crediderunt.

**CAPUT XXI.** — *Exploditur illa opinio.*

32. Sed si ita est, frustra conamur paradisum et illas arbores earumque fructus, praeter figuratam significationem, prius accipere ad rerum gestarum proprietatem. quis enim credit jam illius modi cibos ex arborum pomis immortalibus et spiritualibus corporibus necessarios esse potuisse? Verumtamen si aliud non potest

inveniri, melius eligimus paradisum spiritualiter intelligere, quam vel putare non renovari hominem, cum toties hoc Scriptura commemoret; vel eum existimare recipere quod non ostenditur amisisse. Iluc accedit quod et ipsa mors hominis, quam eum peccato commeruisse, multa divina testimonia colloquuntur, indicant eum sine morte futurum fuisse, nisi peccasset. Quomodo ergo sine morte mortalitatem aut quomodo non mortalitatem, si corpus animale?

**CAPUT XXII.** — *Adamum peccato mortem animae, non corporis meruisse, quidam non recte arbitrantur.*

33. Unde quidam non cum mortem corporis peccato meruisse arbitrantur, sed mortem animae, quam fecit iniurias. Nam credunt eum, propter corpus animale, exiturum fuisse de hoc corpore, ad requiem scilicet quam nunc habent sancti qui jam dormierunt, et in fine saeculi eadem membra immortaliter recepturum; ut videlicet mors corporis non de peccato accidisse videatur, sed naturaliter, ut animalium ceterorum. Verum his rursus Apostolus occurrit et dicit: *Corpus quidem mortuum est propter peccatum, spiritus autem vita est propter justitiam. Si autem Spiritus ejus qui suscitavit Christum a mortuis habitat in vobis; qui suscitavit Christum a mortuis, vivificabit et mortalia corpora vestra per inhabitantem Spiritum ejus in vobis* (Rom. viii, 10, 11). Ac per hoc mors etiam corporis de peccato est. Si ergo non peccasset Adam, nec corpore moretur; ideoque immortale haberet et corpus. Quomodo ergo immortale, si animale?

**CAPUT XXIII.** — *In eos qui dicunt Adae corpus ex animali spirituale factum in paradiiso.*

34. Sed rursus non vident, qui ejus corpus in paradiso mutatum putant, ut ex animali ficeret spirituale, nihil impedire, si non peccasset, ut post paradisi vitam, quam juste obediens que vixisset, acciperet eamdem corporis mutationem in vita eterna, ubi jam cibis corporalibus non egeret. Quid ergo necesse est propter hoc jam cogi figurate, non proprie paradiisum intelligere, quia non posset mori corpus nisi peccato? Verum est quidem quod non moreretur etiam corpore, nisi peccasset; aperte quippe dicit Apostolus, *Corpus mortuum propter peccatum: animale tamen posset esse ante peccatum, et post vitam justitiae, cum Deus velit, fieri spirituale.*

**CAPUT XXIV.** — *In renovatione quomodo id recipimus, quod Adam perdidit.*

35. Quomodo ergo, inquiunt, renovari dicimus, si non hoc recipimus, quod perdidit primus homo, in quo omnes moriuntur? Hoc plane recipimus secundum quemdam modum, et non hoc recipimus secundum quemdam modum. Non itaque immortalitatem spiritualis corporis recipimus, quam nondum habuit homo; sed recipimus justitiam, ex qua per peccatum lapsus est homo. Renovabimur ergo a vetustate peccati, non in pristinum corpus animale, in quo fuit Adam, sed in melius, id est in corpus spirituale, cum efficiemur aequales Angelis Dei (Math. xxii, 50), apti coelesti habitationi, ubi esca qua corrumpitur non egebitur. Renovamur ergo spiritu

<sup>1</sup> In editis, recepturi. Reponimus ex MSS., recepturum.

mentis nostrae (*Ephes. iv, 23*) secundum imaginem ejus qui creavit nos, quam peccando Adam perdidit. Renovabimur autem etiam carne, cum hoc corruptibile induetur incorruptione, ut sit spirituale corpus; in quod nondum mutatus, sed mutandus erat Adam, nisi mortem etiam corporis animalis peccando meruisset.

36. Denique non ait Apostolus, *Corpus quidem mortale propter peccatum; sed, Corpus mortuum propter peccatum.*

**CAPUT XXV.** — *Adae corpus mortale simul et immortale.*

Illiud quippe ante peccatum, et mortale secundum aliam, et immortale secundum aliam causam dici poterat: id est mortale, quia poterat mori; immortale, quia poterat non mori. Aliud est enim non posse mori, sicut quasdam naturas immortales crevit Deus: aliud est autem posse non mori, secundum quem modum primus creatus est homo immortalis; quod ei praestabatur de ligno vitae, non de constitutione naturae: a quo ligno separatus est cum peccasset, ut posset mori, qui nisi peccasset posset non mori. Mortalis ergo erat conditione corporis animalis, immortalis autem beneficio Conditoris. Si enim corpus animale, utique mortale, quia et mori poterat; quamvis et immortale, ideo quia et non mori poterat. Neque enim immortale quod mori omnino non possit, erit nisi spirituale, quod nobis futurum in resurrectione promittitur. Ac per hoc illud animale et ob hoc mortale, quod propter justitiam spirituale fieret et ob hoc omni modo immortale<sup>1</sup>, factum est propter peccatum non mortale, quod et antea erat, sed mortuum, quod posset non fieri, si homo non peccasset.

**CAPUT XXVI.** — *Corpus Adae et nostrum diversa.*

37. Quomodo ergo corpus nostrum dicit Apostolus, cum adhuc de viventibus loqueretur, nisi quia jam ipsa conditio moriendi ex peccato parentum habet in prole? Animale est enim et hoc corpus, sicut et primi hominis fuit; sed hoc jam in ipso animalis genere multo est deterius: habet enim necessitatem moriendi, quod illud non habuit. Quamvis enim restabat adhuc ut immutaretur, et spirituale factum plenam immortalitatem perciperet, ubi cibo corruptibili non egeret; tamen si juste viveret homo, et in spiritualem habitudinem corpus ejus mutaretur, non iret in mortem. In nobis autem etiam juste viventibus, corpus moritum est; propter quam necessitatem, ex illius primi hominis peccato venientem, non mortale, sed mortuum corpus nostrum dixit Apostolus, quia omnes in Adam moriuntur (Rom. v, 12; et I Cor. xv, 22). Item dicit: *Sicut est veritas in Jesus, deponere vos secundum priorem conversationem hominem veterem; eum qui corrumpitur secundum concupiscentias deceptionis; hoc est, factus Adam per peccatum. Vide ergo quid sequatur: Renovamini autem spiritu mentis vestre, et induite novum hominem; eum qui secundum Deum creatus est, in justitia et sanctitate veritatis* (*Ephes. iv, 21-24*): ecce quod perdidit Adam per peccatum.

<sup>1</sup> Editi habuerunt hic, mortale, cum hacce interpunctione vocum: spirituale fieret: et ob hoc mortale omnimodo factum est propter peccatum. Emendavimus ad MSS. fidem.

**CAPUT XXVII.** — *Quomodo mente et corpore ad id renovamur, quod Adam perdidit.*

In hoc ergo renovamur, secundum id quod amisit Adam, id est secundum spiritum mentis nostrum: secundum autem corpus quod seminatur animale, et resurget spirituale, in melius renovabimur, quod nondum fuit Adam.

38. Dicit item Apostolus: *Exsoliante vos veterem hominem cum actibus ejus, induite novum qui renovatur in agnitionem Dei, secundum imaginem ejus qui creavit eum* (*Coloss. iii, 9, 10*). Hanc imaginem in spiritu mentis impressam perdidit Adam per peccatum (*a*); quam recipimus per gratiam justitiae; non spirituale atque immortale corpus, in quo ille nondum fuit, et in quo erunt omnes sancti resurgentia a mortuis: hoc enim primum est illius meriti, quod amisit. Proinde illa stola prima (*Luc. xv, 22*), aut ipsa justitia est unde lapsus est; aut, si indumentum corporalis immortalitatis significat, etiam hanc ille sic amisit, cum propter peccatum ad eam pervenire non potuit. Dicitur enim et amisisse uxorem, et amisisse honorem, qui speratum non accepit, illo a quo sperabat offeso.

**CAPUT XXVIII.** — *Adam licet spiritualis mente, corpore fuit animalis etiam in paradiſo.*

39. Secundum hanc ergo sententiam corpus animale habuit Adam, non tantum ante paradisum, sed etiam in paradiſo constitutus: quamvis in interiore homine fuerit spiritualis, secundum imaginem ejus qui creavit eum; quod amisit peccando, meruitque etiam corporis mortem, qui non peccando mereretur et in corpus spirituale commutationem. Nam si et interius animaliter vixit, non possumus dici ad hoc ipsius renovari. Quibus enim

(a) *II Retract. cap. 24, n. 2.*

dicitur, *Renovamini spiritu mentis restræ, hoc eis dicitur, ut spirituales siant: quod si ille nec in ipsa mente fuit, quomodo nos renovamur ad id quod homo nunquam fuit?* Apostoli autem et omnes justi animale utique corpus adhuc habebant, sed tamen spiritualiter interius vivebant; renovati scilicet in agnitionem Dei, secundum imaginem ejus qui creavit eos: non ideo tamen jam peccare non poterant, si consentirent iniurias. Nam et spirituales posse cadere in tentatione<sup>1</sup> peccati, ostendit Apostolus, ubi ait, *Frates, si preoccupatus fuerit homo in aliquo delicto, vos qui spirituales estis, instruite hujusmodi in spiritu lenitatis, intendens te ipsum, ne et tu teneris* (*Galat. vi, 1*). Hoc dixi, ne cuiquam impossibile videatur quod peccavit Adam, si spiritualis erat mente, quamvis animalis esset corpore. Quæ cum ita sint, nihil tamen adhuc prepropre confirmamus, sed exspectamus potius utrum etiam cætera Scriptura hunc intellectum non impedit.

**CAPUT XXIX.** — *De anima tractandum in sequenti libro.*


40. Sequitur enim quæſtio de anima valde difficultis, in qua multi laboraverunt, nobisque ubi laboremus reliquerunt. Sive enim quia non omnium omnia legere potui, qui de hac re secundum Scripturarum nostrarum veritatem ad aliquid liquidum minimeque dubium pervenire potuerunt; sive quia tanta quæſtio est, ut etiam qui eam veraciter solvunt, non facile intelligantur a talibus, qualis ipse sum: fateor neminem adhuc mibi persuasisse quod sic habeam de anima, ut nihil amplius querendum putem. Utrum autem nunc certum aliquid inventurus sim et definiturus, ignoro. Quod autem potuero, si conatum meum Dominus adjuverit, sequenti volumine explicare curabo<sup>2</sup>.

<sup>1</sup> MSS. aliquot, in *tentationem*.

<sup>2</sup> sic MSS. At editi, *conabor*.

## LIBER SEPTIMUS.

In quo illud Geneseos, cap. 2, vers. 7: *Et flavit in faciem ejus flatum vitæ, etc.*, illustratur uberrima tractatione de anima.



**CAPUT PRIMUM.** — *De anima tractatio suscipitur.*

1. *Et finxit Deus hominem pulverem de terra, et flavit in faciem ejus flatum vitæ, et factus est homo in animam viventem.* Hæc verba Scriptura nobis et in principio superioris libri consideranda proposuimus, et de ipso homine facto, maximeque de ejus corpore, quantum satis duximus, quod secundum Scripturas visum est, disserimus. Sed quia de anima humana non parva quæſtio est, ad hunc eam librū differendam putavimus, nescientes quantum nos Dominus adjutorius esset recte loqui cupidos; illud tamen scientes, nisi quantum ipse adjuvaret, recte non esse locuturos. Recte est autem veraciter atque congruenter, nihil audacter refellendo, nihil temere affirmando, dum adhuc dubium est, verum falsum sit, sive fiduci, sive scientiæ christianæ; quod autem doceri potest vel rerum ratione apertissima, vel Scripturarum auctoritate certissima, sine cunctatione asserendo.

2. Ac primum illud videamus, quod scriptum est, *Flavit, vel, Sufflavit in faciem ejus flatum vitæ.* Nonnulli enim codices habent, *Spiravit, vel, Inspiravit in faciem ejus.* Sed cum Græci habeant *Expiavit*, non dubitatur *flavit* vel *sufflavit* esse dicendum. Quærebamus autem in superiori sermone de manibus Dei, cum homo de limo formatus cogitaretur: quid ergo nunc dicendum est in eo quod scriptum est. *Sufflavit Deus*, nisi quia sicut non manibus corporis finxit, ita nec fauibus labiisque sufflavit?

3. Verumtamen hoc verbo Scriptura in quæſtione difficillima plurimum nos, quantum opinor, adjuvat.

**CAPUT II.** — *Animam non esse ejusdem naturæ cum Deo, ex proposito Scripture loco arguitur.*

Nam cum quidam ex hoc verbo crediderint aliqui esse animam de ipsa substantia Dei, id est, ejusdem naturæ cuius ille est, hoc ideo putantes, quia cum bono sufflat, aliquid de scipso ejicit in statu; hinc potius ad-

monendi sumus, hanc inimicam fidei catholice reprobare sententiam. Nos enim credimus Dei naturam atque substantiam, quæ in Trinitate creditur a multis, intelligitur a paucis, omnino esse incommutabilem. Porro autem animæ naturam vel in deterius vel in melius commutari posse, quis ambigit? Ac per hoc sacrilega opinio est, eam et Deum credere unius esse substantię. Quid enim hoc modo aliud quam et ille commutabilis creditor? Credendum itaque est, et intelligendum, neque ullo modo dubitandum, quod recta fides habet, animam sic esse a Deo tanquam rem quam fecerit, non tanquam de natura cujus est ipse, sive genuerit, sive quoquo modo protulerit.

#### CAPUT III. — Urgetur idem argumentum.

4. Et quomodo, inquiunt, scriptum est, *Sufflat in faciem ejus, et factus est homo in animam viram*; si non anima Dei pars est, vel Dei omnino substantia? Imo vero ex hoc verbo satis appetat ita non esse. Cum enim homo sufflat, anima utique ipsa subjacentem sibi naturam corporis movet, et de illa, non de seipsa flatum facit. Nisi isti forte tam tardi sunt, ut nesciant isto reciproco balitu, quem de hoc aere circumfuso ducimus et reddimus, fieri etiam flatum, cum voluntate sufflamus. Quod si etiam non ex hoc aere, qui fornicatus adjacet, accepto et redditio, sed ex ipsis nostri corporis natura qua constat, sufflando aliquid ejicemus, non eadem natura est corporis et animæ; quod et ipsi utique consentiunt. Quapropter etiam sic aliud est animæ substantia, quæ corpus regit et movet; aliud flatus, quem regendo vel movendo facit de corpore sibi subdito, non de seipsa cui corpus est subditum. Cum itaque longe quidem incomparabili modo, sed tamen anima regat subditum corpus, et Deus subditam creaturam, cur non potius intelligatur de subiecta sibi creatura fecisse Deus animam in eo quod sufflasse dictus est; quandoquidem ipsa anima, quamvis corpori suo non ita dominetur, ut Deus universitati quam condidit, tamen ejus motu, non de sua substantia flatum facit?

5. Possemus quidem dicere nec ipsum Dei flatum esse animam hominis, sed Deum sufflando fecisse animam in homine: sed ne putentur meliora quæ fecit verbo, quam quod fecit flatu, quia et in nobis melius est verbum quam flatus; nihil est interim secundum supradictam rationem, cur animam ipsam Dei flatum dicere dubitemus, dum intelligatur non esse Dei natura atque substantia, sed hoc ipsum esse sufflare, quod est flatum facere; quod autem flatum facere, hoc animam facere. Cui sententiae congruit quod per Isaiam dicit Deus: *Spiritus enim a me procedet, et flatum omnem ego feci*. Nam non quemlibet flatum corporeum cum dicere, sequentia docent. Cum enim dixisset, *Omnem flatum ego feci; Et propter peccatum, inquit, pusillum quid contristavi eum, et percussi eum* (*Ies. LVII, 16, 17, sec. LXX*). Quid ergo dicit flatum, nisi animam, quæ propter peccatum percussa et contristata est? Quid igitur est, *Omnem flatum ego feci*, nisi, *Omnem animam ego feci*?

#### CAPUT IV. — *Dcum sufflando non fecisse de seipso animam, nec de elementis.*

6. Si ergo Deum diceremus tanquam corporei mundi hujus animam, cui mundus ipse esset tanquam corpus unius animantis, recte non eum diceremus sufflando fecisse animam hominis, nisi corpoream, de isto aere sufflante sibi ex corpore suo: non tamen quod fecisset dedissetque sufflando, de seipso dedisse putare deberemus, sed ita de sibi subiectio acre corporis sui, sicut anima de hujusmodi re similiter adiacente, hoc est de corpore, non de seipso flatum facit. Nunc vero quia non tantummodo mundi corpus Deo esse subditum dicimus, sed illun. esse supra omnem creaturam sive corporalem sive spiritualem; nec de seipso, nec de corporeis elementis credendus est animam fecisse sufflando.

#### CAPUT V. — *An anima ex nihilo.*

7. Utrum antem ex eo quod omnino non erat, id est ex nihilo; an ex aliqua re, quæ jam ab illo facta spiritualiter erat, sed anima nondum erat, merito queri potest. Si enim Deum adhuc aliquid ex nihilo creare non credimus, posteaquam creavit omnia simul, et ob hoc a<sup>1</sup> consummatis omnibus operibus requiesce credimus, quæ inchoavit facere, ut quidquid deinde faceret, ex his faceret; non video quemadmodum intelligamus, adhuc eum ex nihilo animas facere. An dicendum est, eum in illis quidem operibus primorum sex dierum fecisse illum diem occultum, ac si hoc potius credi oportet, spiritualem atque intellectualem naturam, scilicet unitatis angelicæ, et mundum, id est cœlum et terram; atque in illis jam existantibus naturis rationes creasse futurarum aliarum, non ipsas naturas: alioquin si jam ibi creatæ essent sicut erant futuræ, non adhuc essent futuræ? Quod si ita est, nondum erat in conditis rebus animæ humanae ulla natura, et tunc esse cœpit, cum eam Deus sufflando fecit, atque indidit homini.

8. Sed non ideo questio sublata est, qua queritur adhuc utrum eam naturam, quæ anima dicitur, et antea non erat, ex nihilo creaverit, tanquam ipse flatus ejus non ex aliqua substantia subjacente factus sit, sicut de flatu dicebamus, quem facit anima ex corpore suo; sed omnino ex nihilo tunc factus sit flatus, cum Deusflare voluit, idemque hominis anima factus sit: an vero jam erat aliquid spirituale, quainvis hoc quidquid erat, nondum animæ natura erat, atque ex hoc factus sit flatus Dei quæ natura esset animæ; sicut nec corporis humani natura jam erat, antequam Deus eam de limo terræ vel pulvere formasset. Non enim caro humana erat pulvis aut limus; sed tamen aliquid erat unde illa fieret, quæ nondum erat.

#### CAPUT VI. — *An ut corporis, ita et animæ præcesserit aliqua materies.*

9. Num ergo credibile est, in primis illis sex dierum operibus Deum condidisse, non solum futuri corporis humani causalem rationem, verum etiam materiem

<sup>1</sup> In editis: *Et ob hoc consummatis, expuncta præpositio a, quæ exstat in omnibus MSS.*

de qua fieret, id est terram, de cuius limo vel pulvere fingeretur, animæ autem solam ibi condidisse rationem, secundum quam fieret, non etiam quamdam pro suo genere materiam, de qua fieret? Si enim quiddam incommutabile esset anima, nullo modo ejus quasi materiam querere deberemus: nunc autem mutabilitas ejus satis indicat eam interim vitiis atque fallaciis deformem reddi, formari autem virtutibus veritatisque doctrina, sed in sua jam natura qua est anima; sicut etiam caro in sua natura qua jam caro est, et salute decoratur, et morbis vulneribusque foedatur. Sed sicut hæc, excepto quod jam caro est in qua natura vel proficit ut pulchra, vel deficit ut deformis sit, habuit etiam materiem, id est terram, de qua fieret, ut omnino caro esset: sic fortasse potuit et anima, antequam ea ipsa natura fieret, quæ anima dicitur, cuius vel pulchritudo virtus, vel deformitas vitium est, habere aliquam materiam pro suo genere spiritualem, quæ nondum esset anima; sicut terra de qua caro facta est, jam erat aliquid, quævis non erat caro.

10. Sed enim jam terra implebat mundi insimani partem, antequam de illa corpus hominis fieret, conferens universo totum suum, ut etiamsi nulla ex ea caro fieret animalis cuiusquam, specie tamen sua mundi fabricam molemque compleret, secundum quam dicitur mundus cœlum et terra.

CAPUT VII. — *Dici non posse qualis fuisse illa materies animæ.*

At vero illa spiritualis materies, si fuit ulla unde anima fieret, vel si est ulla unde animæ sunt, quid ipsa est? quod nomen, quam speciem, quem usum in rebus conditis tenet? Vivit, an non? Si vivit, quid agit? quid confert universitatis effectibus? Beatamne vitam gerit, an miseram, an neutram? Vivificat aliquid? an ab hoc etiam opere vacat, et in quodam secreto universitatis otiosa requiescit, sine vigili sensu tantuque vitali? Si enim nulla prorsus adhuc vita erat, quomodo esset vita futura quedam incorporea nec viva materies? Aut falsum est, aut nimis latet. Si autem jam vivebat nec beate nec misere, quomodo rationalis erat? Quod si tunc rationalis facta est, cum ex illa materia natura humanae animæ facta est; irrationalis ergo vita materies erat animæ rationalis, id est humanae? Quid ergo inter illam pecorisque distabat? An rationalis erat jam possibilitate, nondum facultate? Si enim videmus infantilem animam, jam utique hominis animam, nondum coepisse uti ratione, et tamen eam rationalem dicimus; cur non credatur sic in illa materia, de qua facta est anima, quietum fuisse motum etiam sentiendi, sicut in ista infantili, quæ jam certa anima est hominis, quietus est adhuc motus ratiocinandi?

CAPUT VIII. — *Beata fuisse materiem illam admitti non potest.*

11. Nam si jam beata erat vita, de qua facta est hominis anima; deterius ergo facta est: et ideo non jam illa materies hujus, sed illius ista defluxio est. Nam materies aliqua cum formatur, præsentim a Deo, in melius sine dubitatione formatur. Sed etiam si cu-

jusquam in aliqua beatitudine facta a Deo vite defluxio anima humana posset intelligi, nec sic credenda erat esse coepisse in aliquo actu meritorum suorum, nisi ex quo propriam corporis agere vitam, dum anima facta est animans carnem, et ejus sensibus velut numeris utens, atque in seipsa se vivere sentiens sua voluntate, intellectu, memoria. Si enim est aliquid, unde istam defluxionem formatæ carni Deus inspiraret, tanquam susflando animam faciens, idemque beatum est; nullo modo moveretur, aut mutatur, aut amittit aliquid, cum hoc ab eo defluit, unde anima sit.

CAPUT IX. — *Neque illam materiem esse quamdam irrationalē animam.*

Non est enim corpus, ut tanquam exhalando minuatur.

12. Si autem anima irrationalis, materies est quodammodo, de qua sit anima rationalis, id est humana, rursus queritur etiam ipsa irrationalis unde sit; quia et ipsam non facit nisi creator omnium naturarum. An illa de materie corporali? Cur non ergo et ista? Nisi forte quod velut gradatim fieri conceditur, compendio posse Deum facere quisquam negabit. Proinde qualibet adhibeat interpositio, si corpus est materies animæ irrationalis, et anima irrationalis est materies animæ rationalis, procul dubio corpus est materies animæ rationalis. Quod neminem unquam scio ausum esse sentire, nisi qui et ipsam animam nonnisi in genere alicujus corporis ponit.

13. Deinde cavendum est ne quædam translatio animæ fieri a pecore in hominem posse credatur (quod veritati fidei catholice omnino contrarium est), si concesserimus irrationalē animam veluti materiem subjacere, unde rationalis anima sit. Sic enim sit, ut si hæc in melius commutata, erit hominis; illa quoque in deterius commutata, sit pecoris. De quo ludibrio quorundam philosophorum etiam eorum posteri erubuerunt, nec eos hoc sensisse, sed non recte intellectos esse dixerunt. Et credo ita esse, velut si quisquam etiam de Scripturis nostris hoc sentiat, ubi dictum est, *Homo in honore positus non intellexit; comparatus est pecoribus insensatis, et similis factus est eis* (*Psal. XLVIII, 13*): aut ubi item legitur, *Ne tradideris bestiis animam confidentem tibi* (*Psal. LXXXIII, 19*). Neque enim non omnes hæretici Scripturas catholicas legunt; nec ob aliud sunt hæretici, nisi quod eas non recte intelligentes, suas falsas opiniones contra earum veritatem pervicaciter asserunt. Sed quoquo modo se habeat vel non habeat opinio philosophorum de revolutionibus animalium, catholice tamen fidei non convenit credere animas pecorum in homines, aut hominum in pecora transmigrare.

CAPUT X. — *Ex morum similitudine non effici ut anima hominis in pecus transeat.*

14. Fieri sane homines vite genere pecoribus similes, et ipsæ res humanae clamant, et Scripturæ testimoniatur. Unde est illud quod commemoravi, *Homo in honore positus non intellexit; comparatus est jumentis insensatis, et similis factus est eis*: sed in hac vita usque, non post mortem. Proinde vel talibus bestiis ne-

lebat in potestate dñi animali suam, qui dicebat, *Ne tradideris bestiis animam confidentem ubi;* quales cævendos Dominus significat, ubi dicit eos induces vestitu ovium, intus autem esse lupos rapaces (*Math. vii. 15*): vel ipsi diabolo et angelis ejus; nam et filius dictus est leo et draco (*Psal. xc. 13*).

15. Quid enim afferunt argumenti philosophi qui putant hominum animas in pecora, vel pecorum in homines post mortem posse transferri? Hoc certe, quod morum similitudo ad id trahat, velut avaros in formicas, rapaces in milvos, saevos ac superbos in leones, sectatores immundæ voluptatis in suis: et si qua similia. Hec quippe afferunt, nec attendunt per hanc rationem nullo modo fieri posse, ut pecoris anima post mortem in hominem transferatur. Nullo modo enim porcus similior erit homini quam porco; et cum mansuescent leones, canibus vel etiam ovibus sint similiores quam hominibus. Cum igitur a pecorum moribus pecora non recedunt, et que aliquantulum cateris dissimilia sint, similiora sunt tamen suo generi quam humano, longeque plus ab hominibus quam a pecoribus differunt: nunquam erunt hominum animæ istæ, si ea que similiora sint trahunt. Si autem hoc argumentum falsum est, quomodo erit illa vera opinio; quandoquidem nihil aliud afferunt, quo etiam non vera, saltem verisimilis habeatur? Unde proclivius et ipse crediderim, quod etiam eorum posteri sectatores, illos homines qui haec primitus in suis libris posuerunt, in hac vita potius intelligi voluisse, quadam perversitate morum ac turpitudine homines pecorum similes fieri, ac sic quodammodo in pecora conmutari, ut hoc dedecore objecto, eos a cupiditatum pravitate revoarent.

CAPUT XI. — *Fictiæ quarundam animalium transmigrationes. Manichæorum deterior quam philosophorum opinio.*

16. Nam illa que feruntur accidisse, ut quidam quasi recordarentur in quorum animalium corporibus fuerint, aut falsa narrantur, aut ludificationibus demonum hoc in eorum animis factum est. Si enim contingit in somnis, ut fallaci memoria quasi recordetur se homo fuisse quod non fuit, aut egiisse quod non egit; quid mirum si quodam Dei justo occultoque judicio, sinuntur demones in cordibus etiam vigilantium tale aliquid posse?

17. Manichæi autem qui se christianos vel putant, vel putari volunt, in hac opinione translationis vel revolutionis animalium eo sunt illis Gentium philosophis, vel si qui alii vani homines hoc putent, deteriores et detestabiliores, quod illi animæ naturam a Dei natura discernunt, isti autem cum aliud nihil dicant esse animam quam ipsam Dei substantiam, atque id omnino quod Deus est, non trepidant eam tam turpiter conmutabilem dicere, ut nullum sit herbæ seu verniculi genus, ubi eam non esse permixtam, vel quo revolvit non posse mirabiliter opinentur insanis. Qui tamen si remotis ab animo suo rerum obscurissimum questionibus, quas carnali corde versantes, necesse est ut in opiniones falsas, noxias monstruosasque

PATROL. XXXIV.

labantur et provolvantur, unum illud firmissime teinant, quod omni animæ rationali sine ullius disputationis ambagibus naturaliter et veraciter insitum est, esse omnino incommutabilem et incorruptibilem Deum; tota eorum mille formis fabula repente dilabitur, quam in suis vanis ac sacrilegis mentibus, non nisi de Dei turpissima mutabilitate fixerunt.

18. Non est igitur materies animæ humanæ, anima irrationalis.

CAPUT XII. — *Anima non est ex corpore elemento.*

Quid est ergo, unde anima statu Dei facta est? An corpus aliquod erat terrenum quidem et humidum? Nullo modo: hic enim potius caro facta est. Nam quid aliud est limus quam terra humida? Nec de humore solo<sup>1</sup> anima facta credenda est, quasi caro de terra et anima de aqua. Nemis enim absurdum est, inde factam putare animam hominis, unde facta est caro piscis et volucris.

19. Ergo fortassis ex aere? Huic enim elemento etiam fatus competit; sed noster, non Dei. Unde supra diximus hoc potuisse congruenter putari, si animam mundi tanquam onus maximæ animantis Deum crederemus, ut ita eam flaverit de aere corporis sui, sicut flat nostra de sui. Cum vere Deum esse constet supra omne mundi corpus, et supra omnem spiritum quem creavit, incomparabili omnino distantia; quomodo id recte dici potest? An forte quanto magis Deus universæ sue creaturæ præsens est omnipotentia singulari, tanto magis potuit ex aere statum facere, que anima hominis esset? Sed cum anima non sit corpora, quidquid autem ex mundi corporeis elementis sit, corporeum sit necesse est, inque mundi elementis etiam aer iste numeretur; nec si de puri illius coelestisque ignis elemento facta anima diceretur, credi oporteret. Omne quippe corpus in omne corpus posse mutari, non defuerunt qui assereront. Corpus autem aliquod sive terrenum sive coeleste, converti in animam, fierique naturam incorpoream, nec quemquam sensisse scio, nec fides hoc habet.

CAPUT XIII. — *Medicorum sententia de corpore humano.*

20. Deinde si non est contemnendum quod medici non tantum dicunt, verum etiam probare se affirmant, quamvis omnis caro terrenam soliditatem in promptu gerat, habet tamen in se et aeris aliquid, quod et pulmonibus continetur, et a corde per venas, quas arterias vocant, diffunditur; et ignis non solum fervidam qualitatem, cuius sedes in jecore<sup>2</sup> est, verum etiam luculentam, quam velut cliquari ac subvolare ostendunt in excelsum cerebri locum, tanquam in cœlum corporis nostri; unde et radii emicant oculorum, et de cuius medio velut centro quodam, non solum ad oculos, sed etiam ad sensus cæteros tenues fistulas deducuntur, ad aures scilicet, ad nares, ad palatum, propter audiendum, olfaciendum, atque gustandum;

<sup>1</sup> Sic MSS. In editis, sola.

<sup>2</sup> In excusis additur, et in cerebro; quod abest a MSS.

(Douze.)

ipsumque tangendi sensum qui per totum corpus est, ab eodem cerebro dirigi dicunt per medullam cervicis, et eam quæ continetur ossibus, quibus dorsi spina conseritur, ut inde se tenuissimi quidam rivuli, qui tangendi sensum faciunt, per cuncta membra diffundant.

#### CAPUT XIV. — *Animam non esse ex elementis.*

Cum igitur his quasi nuntiis accipiat anima quidquid eam corporalium non latet, ipsa vero usque adeo aliud quiddam sit, ut cum vult intelligere, vel divina, vel Deum, vel omnino etiam seipsam, suasque considerare virtutes, ut aliquid veri certique comprehendant, ab hac ipsorum quoque oculorum luce se avertat, eamque ad hoc negotium, non tantum nullo adjumento, verum etiam nonnullo impedimento esse sentiens, se in obtutum mentis attolet, quonodo ex eo genere aliquid est, cum ejusdem generis summum non sit nisi lumen, quod ex oculis emicat, quo illa non adjuvatur nisi ad corporeas formas coloresque sentiendas; habetque ipsa innumerabilia longe dissimilia cuncto generi corporum, quæ nonnisi intellectu atque ratione conspiciat, quo nullus carnis sensus aspirat.

#### CAPUT XV. — *Animæ incorporea.*

21. Quapropter non est quidein humanæ animæ natura, nec de terra, nec de aqua, nec de aere, nec de igne quilibet; sed tamen crassioris corporis sui inateria, hoc est, humidam quandam terram, quæ in carnis versa est qualitatem, per subtilioris naturam corporis administrat, id est per lucem et aerem. Nullus enim sine his duobus vel sensus in corpore est, vel ab anima spontaneus corporis motus. Sicut autem prius esse debet nosse quam facere, ita prius est sentire quam movere. Anima ergo quoniam res est incorporeæ, corpus quod incorporeo vicinum est, sicut est ignis, vel potius lux et aer, primitus agit, et per haec extera quæ crassiora sunt corporis, sicuti humor et terra, uide carnis corpulentia solidatur, quæ magis sunt ad patientem subdita, quam prædicta ad faciendum.

#### CAPUT XVI. — *Cur dictum sit, Factus est homo in animam vivam.*

22. Non mihi ergo videtur dictum, *Factus est homo in animam vivam*, nisi quia sentire coepit in corpore; quod est animatæ viventisque carnis certissimum indicium. Nam moventur et arbusta, non tantum vi extrinsecus impellente, veluti cum ventis agitantur, sed illo motu quo intrinsecus agitur quidquid ad incrementum speciemque arboris pertinet, quo ducitur succus in radicem, vertiturque in ea quibus constat herbæ natura vel ligni: nihil enim horum sine interno motu. Sed iste motus non est spontaneus, qualis ille qui sensui copulatur ad corporis administrationem, sicut in omnium animalium genere, quam vocat Scriptura *animam vivam* (*Gen. 1, 21*). Nam et nobis nisi inesset etiam ille motus, nec crescerent nostra corpora, nec ungues capillosque producissent. Sed si hoc solum esset in nobis sine sensu motuque illo spontaneo, non diceretur homo *factus in animam vivam*.

#### CAPUT XVII. — *In faciem hominis cur dicitur Deus sufflasse.*

23. Proinde quoniam pars cerebri anterior, unde sensus omnes distribuuntur, ad frontem collocata est, atque in facie sunt ipsa velut organa sentiendi, excepto tangendi sensu qui per totum corpus diffunditur; qui tamen etiam ipse ab eadem anteriori parte cerebri ostenditur habere viam suam, quæ retrorsus per verticem atque cervicem ad medullam spinæ, de qua loquebamur paulo ante, deducitur, unde habet utique sensum in tangendo et facies, sicut totum corpus, exceptis sensibus videndi, audiendi, olfaciendi, gustandi, qui in sola facie prælocati sunt: ideo scriptum arbitror, quod in faciem *Deus sufflaverit homini flatum vitæ*, cum *factus est in animam vivam*. Anterior quippe pars posteriori merito præponitur; quia et ista duci, illa sequitur, et ab ista sensus, ab illa motus est, sic ut consilium præcedit actionem.

#### CAPUT XVIII. — *Tres ventriculi cerebri.*

24. Et quoniam corporalis motus, qui sensum sequitur, sine intervallis temporum nullus est, agere autem intervalla temporum spontaneo motu nisi per adjutorium memorie non valens; ideo tres tanquam ventriculi cerebri demonstrantur: unus anterior ad faciem, a quo sensus omnis; alter posterior ad cervicem, a quo motus omnis; tertius inter utrumque, in quo memoriam vigere demonstrant, ne eum sensum sequitur motus, non connectat homo quod faciendum est, si fuerit quod fecit oblitus. Hæc illi certis indiciis probata esse dicunt, quando et ipse partes aliquo affecte morbo vel vicio, cum defecissent officia vel sentiendi, vel movendi membra, vel motus corporis reminiscendi, satis quid valerent singulæ declararunt, eisque adhibita curatio cui rei reparandæ prosectori exploratum est. Sed anima in istis tanquam in organis agit; nihil horum est ipsa: sed vivificat et regit omnia, et per haec corpori consulit, et huic vitæ, in qua factus est homo in animam vivam.

#### CAPUT XIX. — *Animæ præstantia supra res corporeas.*

25. Unde ergo sit ipsa, id est, de qua velut materie Deus hunc flatum fecerit, quæ anima dicitur, dum queritur, nihil corporeum debet occurtere. Sicut enim Deus omnem creaturam, sic anima omnem corpoream creaturam naturæ dignitate præcellit. Per lucem tamen et aerem, quæ in ipso quoque mundo præcellentia sunt corpora, magisque habent faciendi præstantiam, quam patienti corporulentiam sicut humor et terra, tanquam per ea quæ spiritui similiora sunt, corpus administrat. Nuntiat enim aliquid lux corporeæ: cui autem nuntiat, non hoc est quod illa; et hæc est anima cui nuntiat, non illa quæ nuntiat. Et cum afflictiones corporis moleste sentit, actionem suam, qua illi regendo adest, turbato ejus temperamento impediti offenditur, et hæc offendit dolor vocatur. Et aer qui nervis infusus est, paret voluntati ut membra moveant, non autem ipse voluntas est. Et illa pars media motum membrorum nuntiat, ut memoria teneatur<sup>1</sup>, non

<sup>1</sup> Sic MSS. At editi, memorata teneantur.

ipsa memoria est. Denique dum hæc ejus tanquam ministeria vitio quolibet seu perturbatione omni modo deficiunt, desistentibus nuntiis sentiendi et ministris movendi, tanquam non habens cur adsit, abscedit. Si autem non ita deficiunt, ut in morte assolet, turbatur ejus intentio, tanquam conantis redintegrare labentia, nec valentis. Et in rebus quibus turbatur, inde cognoscitur quæ pars ministeriorum in causa sit, ut si potuerit, medicina succurrat.

CAPUT XX. — *Aliud anima, aliud organa corporis.*

26. Namque aliud esse ipsam, aliud hæc ejus corporalia ministeria, vel vasa, vel organa, vel si quid aptius dici possunt, hinc evidenter elucet, quod plerumque se vehementi cogitationis intentione avertit ab omnibus, ut præ oculis patentibus recteque valentibus multa posita nesciat; et si major intentio est, dum ambulabat, repente subsistat, avertens utique imperandi nutum a ministerio motionis qua pedes agebantur: si autem non tanta est cogitationis intentio, ut ligat ambularem loco, sed tamen tanta est ut partem illam cerebri medium nuntiantem corporis motus non vacet advertere; obliviscitur aliquando et unde veniat, et quo eat, et transit imprudens villam quo tendebat, natura sui corporis sana, sed sua<sup>1</sup> in aliud avocata. Quapropter istas corporei cœli corporreas quasdam particulas, id est, lucis et aeris, quæ primæ excipiunt nutus animæ vivificantis, eo quod incorporeæ nature propinquiores sunt quam humor et terra, ut ad earum proximum ministerium tota moles administretur, utrum. Deus de hoc circumfuso et superfuso cœlo corpori viventis miscuerit, aut adjunxit, an et ipsas de limo sicut carnem fecerit, non est ad rem pertinens questio. Omne quippe corpus in emae corpus mutari posse, credibile est: quodlibet autem corpus mutari posse in animam, credere absurdum est.

CAPUT XXI. — *Anima neque ullo ex corpore, neque ullum corpus est.*

27. Quamobrem nec illud audiendum est, quod quidam putaverunt, quintum quoddam esse corpus unde sit anima<sup>2</sup>, quod nec terra, nec aqua sit, nec aer, nec ignis, sive iste turbulentior atque terrenus, sive ille carlestis purus et lucidus; sed nescio quid aliud quod caret usitato nomine, sed tamen corpus sit (Cic. lib. I Tusc. quæst.). Si enim qui hoc sentiunt, hoc dicunt corpus quod et nos, id est, naturam quamlibet longitudine, latitudine, altitudine, spatiū loci occupantem, neque hoc est anima, neque inde facta credenda est. Quidquid enim tale est, ut multa non dicam, in qua cumque sui parte lineis dividi vel circumscribi potest: quod anima si pateretur, nullo modo nosse posset tales lineas, quæ per longum secari non queunt, quales in corpore non posse inveniri nihilominus novit.

28. Nec ipsa sibi tale aliquid occurrit, cum se nescire non possit, etiam quando se ut cognoscat inquirit. Cum enim se querit, novit quod se querat; quod nosse non posset, si se non nosset. Neque enim

aliunde se querit, quam a seipsa. Cum ergo querentem se novit, se utique novit; et omne quod novit tota novit: cum itaque se querentem novit, tota se novit, ergo et totam se novit: neque enim aliquid aliud, sed seipsam tota novit<sup>3</sup>. Quid ergo adhuc se querit, si querentem se novit? Neque enim si nesciret se, posset querentem se scire se: sed hec in praesenti; quod autem de se querit, quid antea fuerit, vel quid futura sit querit. Desinat ergo nunc interim suspicari se esse corpus; quia si aliquid tale esset, talem se nosset, quæ magis se novit quam cœlum et terram, quæ per sui corporis oculos novit.

29. Omitto dicere quia illud ejus quod etiam pecora habere intelliguntur, vel cœli volatilia cum habitacula sua seu nidos repetunt, quo capiuntur imagines omnium rerum corporalium, nullo modo cuiquam corpori simile est; et utique hoc potius corpori simile esse deberet, ubi corporearum rerum similitudines continentur. At si hoc corpus non est, quia certum est, eas similitudines corporum illuc non solum memoriter detineri, verum etiam innumerabiles pro arbitrio figurari; quanto minus alia qualibet vi sua corpori esse anima similis potest?

30. Si autem corpus esse dicunt alia qualibet notione omne quod est, id est, omnem naturam atque substantiam; non quidem admittenda est ista locutio, ne non inveniamus quomodo loquentes, ea quæ corpora non sunt, à corporibus distinguamus: non tamen nimis est de nomine laborandum. Nam et nos dicimus, quidquid anima est, non esse horum quatuor notissimorum elementorum, quæ manifesta sunt corpora; sed neque hoc esse quod Deus est. Quid sit autem, non dicitur melius quam anima vel spiritus vita. Ideo enim additur, vita, quia et iste aer plerumque dicitur spiritus. Quanquam et animam eundem acrem appellaverunt, ut jam non possit inveniri nomen, quo proprie distinguatur ista natura, quæ nec corpus, nec Deus est, nec vita sine sensu, qualis potest credi in arboribus, nec vita sine rationali mente, qualis est in pecoribus; sed vita nunc minor quam Angelorum, et futura quod Angelorum, si ex precepto sui creatoris hic vixerit.

31. Unde sit autem, id est, de qua velut materia facta sit, vel de qua perfecta beataque natura defluxerit, vel utrum omnino ex nihilo facta sit, etiam si dubitatur, et queritur; illud tamen minime dubitandum est, et si aliquid antea fuit, a Deo factum esse quod fuit, et eam nunc a Deo factam, ut anima viva sit: aut enim nihil fuit, aut hoc quod est non fuit. Sed illam partem, qua quereremus quasi ejus materiem unde facta sit jam satis tractavimus.

CAPUT XXII. — *An causalis ratio animæ fuerit condita in diebus Geneseos.*

32. Nunc, si omnino non fuit, querendum est quomodo possit intelligi quod causalis ejus ratio suisse dicebatur in primis sex dierum operibus Dei, quando fecit Deus hominem ad imaginem suam, quod nisi

<sup>1</sup> In MSS. paucis, sed seipsam totum novit: quod, opinatur, erratum est.

<sup>2</sup> MSS. plerique, unde sibi animæ.

secundum animam non recte intelligitur. Verendum est autem, ne cum dicimus non ipsas tunc naturas atque substantias quæ futuræ fuerant, Denim creasse, dum crearet omnia simul, sed earum futurarum causales quasdam rationes, putemus inaniam quædam dicere. Quæ sunt enim istæ causales rationes, secundum quas posset jam dici Deus fecisse hominem ad imaginem suam, cuius corpus nondum de limo finixerat, cui nondum animam afflando fecerat? Et corporis quidem humani etiam siuit aliqua occulta ratio, qua futurum erat ut formaretur, erat et materies de qua formaretur, id est terra, in qua videri potest illa ratio velut in semine latuisse: animæ autem facienda, id est fatus faciendo, qui esset anima hominis, quæ ibi ratio causalis primitus condita est, cum diceret Deus, *Faciamus hominem ad imaginem et similitudinem nostram* (quod nisi secundum animam recte intelligi non potest), si nulla erat natura ubi<sup>1</sup> conderetur?

33. Si enim hæc ratio in Deo erat, non in creatura; nondum ergo erat condita: quomodo ergo dictum est, *Facit Deus hominem ad imaginem Dei* (*Gen. 1, 26, 27*)? Si autem jam in creatura erat, hoc est, in iis quæ simul omnia creaverat Deus, in qua creatura erat? utrum spirituali, an corporali? Si spirituali, agebatne aliquid in corporibus mundi, seu coelestibus, seu terrestribus? An in ea erat hæc vacans antequam homo in sua natura propria conderetur, sicut in ipso homine jam propriam ducente vitam latenter otioseque inest ratio generandi, quæ non operatur, nisi per concubitum atque conceptum? An et illa natura creature spiritualis<sup>2</sup>, in qua latente erat hæc ratio, nihil agehat sui operis? Et utquid creata erat? An ut contineret rationem futuræ animæ humanæ, vel futurarum animarum, tanquam in scipsis esse non possent, sed in aliqua creatura propria vita jam vivente, sicut generandi ratio non potest esse nisi in aliquibus jam existentibus perfectisque naturis? Prens ergo animæ instituta est aliqua creatura spiritualis, in qua sit ratio futuræ animæ, quæ non inde existat, nisi cum eam Deus homini inspirandam facit. Neque enim et ex homine fetum vel seminis vel ipsius jam proliis creat et format nisi Deus, per Sapientiam attingentem ubique propter suam munditiam, ita ut nihil inquinatum in eam incurrat (*Sap. vii, 24 et 25*), dum pertendit a fine usque ad finem fortiter, et disponit omnia suaviter (*Id. viii, 1*). Sed nescio quem admodum possit intelligi, ad hoc tantum creatam nescio quam creaturam spiritualem, quæ in Dei conditionibus per illos sex dies factis non commemoraretur, cum Deus hominem sexto die fecisse dicitur est, quem nondum in propria natura fecerat, sed adhuc ratione causaliter in illa creatura quæ commemorata non est. Magis enim debuit ipsa commemorari, quæ sic consummata erat, ut non adhuc esset secundum suæ causæ præcedentem rationem facienda.

<sup>1</sup> Er. et Lov., unde. At Am. et MSS., ubi.

<sup>2</sup> Editi: *An illa creatura spiritualis. Prætulimus hic letationem MSS. consensione firmatam.*

34. An forte in illius diei natura, quem primitus condidit, si spiritus intellectualis dies ille recte accipitur, hanc faciendæ animæ causalem rationem Deus inseruit, cum sexto die fecit hominem ad imaginem suam; causam scilicet rationemque præfigens secundum quam eum post illos septem dies ficeret; ut videlicet corporis ejus causalem rationem in natura terræ, animæ autem in natura illius diei creasse credatur? Sed quid aliud dicitur, cum hoc dicatur, nisi angelicum spiritum quasi parentem esse animæ humanae, si sic in illo inest animæ humanæ creandæ præcondita ratio, sicut in homine futuræ prolixi: ut corporum quidem humanorum parentes homines sint, animarum autem Angeli, creator vero et animarum et corporum Deus, sed corporum ex hominibus, animarum ex Angelis; aut prioris corporis ex terra, et prioris animæ ex angelica natura, ubi rationes eorum causales præfixerat, quando primitus fecit hominem in iis que simul omnia creavit; deinceps vero jam homines ex hominibus, corpus ex corpore, animam ex anima? Durum est hoc, Angeli aut Angelorum similiam dicere esse animam: sed multo durius, cœli corporei; quanto magis ergo, maris et terræ? Multo minus igitur in aliqua corporali creatura, causaliter animæ ratio præcondita est, cum faceret Deus hominem ad imaginem suam, antequam eum suo tempore de limo formatum flatu animaret, si absurde creditur animam causaliter in natura angelica condidisse.

35. Illud ergo videamus, utrum forsitan verum esse possit, quod certe humanæ opinioni tolerabilius mihi videtur, Deum in illis primis operibus que simul omnia creavit, animam etiam humanam creasse, quam suo tempore membris ex limo formati corporis inspiraret, cuius corporis in illis simul conditis rebus rationem creasset causaliter, secundum quam fieret, cum faciendum esset, corpus humanum. Nam neque illud quod dictum est, *ad imaginem suam*, nisi in anima; neque illud quod dictum est, *masculum et feminam*, nisi in corpore recte intelligimus. Credatur ergo, si nulla Scripturarum auctoritas seu veritatis ratio contradicit, hominem ita factum sexto die, ut corporis quidem humani ratio causalis in elementis mundi; anima vero jam ipsa crearetur, sicut primitus conditus est dies, et creata lateret in operibus Dei, donec eam suo tempore susflando, hoc est inspirando, formato ex limo corpori insereret.

36. Sed hic rursus non spernenda oritur quæstio. Si enim jam facta erat anima, et latebat, ubi ei posset esse melius quam ibi? Quid ergo fuit causæ ut anima innocenter vivens insereretur vite hujus carnis, in qua peccando, ipsum qui eam creavit offendiceret; unde eam merito sequeretur laboris æratura

damnationisque cruciatus? An illud dicendum est, quod ad corpus administrandum voluntate propria fuerit inclinata, in qua vita corporis, quoniam et justa et inique vivi potest, quod eligeret hoc haberet, vel premium de justitia, vel de iniustitate supplicium, ut nec illi apostolicæ sententiae sit contrarium, qua dicit nondum natos nihil egisse boni seu mali (*Rom. ix, 11*)? Illa quippe inclinatio voluntatis ad corpus, nondum est actio vel justitiae vel iniustitiae, de qua ratio reddenda est in judicio Dei, recepturo unoquoque secundum ea quæ per corpus gessit, sive bonum, sive malum (*Il Cor. v, 10*). Cur ergo non jam et illud credatur, quod Dei nutu ad corpus venerit; ubi si vellet secundum præceptum ejus agere, mercedem acciperet vitæ æternæ, atque Angelorum societatis<sup>1</sup>: si autem contemneret, poenas justissimas lueret, sive laboris diuturni, sive ignis æterni? An quia hoc ipsum, Deo volenti obtemperasse, jam utique actio bona est, et erit contrarium nondum natos nihil egisse vel boni vel mali?

CAPUT XXVI. — *Anima si proprio nutu corpori inserita, non fuit præscia futuri. Liberum arbitrium.*

37. Quæ si ita sunt, fatebimur etiam non in eo rerum genere animam primitus creatam, ut esset præscia futuri operis sui, vel justi, vel iniqui. Nimis quippe incredibile est eam potuisse propria voluntate inclinari ad corporis vitam, si se ita in quibusdam peccatarum præsciret, ut juste supplicio perpetuo puniretur. Juste sane Creator laudatur in omnibus quæ fecit omnia bona valde. Neque enim ex iis tantum laudandus est, quibus præscientiam dedit; cum recte laudetur etiam quia pecora creavit, quibus est natura humana præstantior etiam in ipsis peccantibus. Natura quippe hominis ex Deo est, non iniquitas, quæ se ipse involvit male utendo libero arbitrio: quod tamen si non haberet, in natura rerum minus excelleret. Cogitandus quippe est homo juste vivens etiam non præscius futurorum, et ibi videndum est, excellētia voluntatis bonæ quam non impediatur ad recte vivendum et Deo placendum, quod ignarus futuri vivit ex fide. Hujusmodi ergo creaturam quisquis esse nolleat in rebus, contradicit Dei bonitati. Quisquis autem poenas eam non vult luere pro peccatis, iniunctus est æquitati.

CAPUT XXVII. — *Animam naturals appetitu ferri in corpus.*

38. Sed si ad hoc sit anima, ut mittatur in corpus, queri potest utrum, si noluerit, compellatur. Sed melius creditur hoc naturaliter velle, id est, in ea natura cœari ut vellit, sicut naturale nobis est velle vivere: male autem vivere jam non est naturæ, sed perversæ voluntatis quam justæ poena consequitur.

39. Frusta ergo jam queritur ex qua veluti materie facta sit anima, si recte intelligi potest in primis illis operibus facta, cum factus est dies. Sicut enim illa quæ non erant, facta sunt, sic et hæc inter illa. Quod si et materies aliqua formabilis fuit, et corpo-

ralis et spiritualis, non tamen et ipsa instituta nisi a Deo, ex quo sunt omnia, quæ quidem formationem suam non tempore, sed origine præcederet, sicut vox cantum; quid nisi de materia spirituali facta anima congruentius creditur?

CAPUT XXVIII. — *Difficultates, cum dicitur animam Adæ non prius creatam quam ejus corpori inspiratam fuisse.*

40. Si autem aliquis non vult eam existimare factam, nisi cum jam formato corpori est inspirata, videat quid respondeat, cum quæratur unde facta sit. Aut enim ex nihilo dicturus est Deum aliquid fecisse vel facere post illam consummationem operum suorum; et debet intueri quomodo explicit sexto die factum hominem ad imaginem Dei (quod nisi secundum animam recte intelligi non potest), id est, in qua natura causalis ratio facta fuerit ejus rei quæ nondum fuit: aut non de nihilo, sed de aliquo jam existente factam dicet animam; et laborabit inquirendo quænam illa natura sit, an corporalis, an spiritualis, secundum eas quæstiones quas superius versavimus; manente illa quoque molestia, ut adhuc quæratur in qua substantia creaturarum in sex diebus primitus conditarum, causalem illam rationem fecerit animæ, quam nondum de nihilo, vel de aliquo fecerat.

41. Quam si eo modo devitare voluerit, ut dicat, sexto die etiam de ligno factum esse hominem, sed hoc recapitulando postea commemoratum; videat de muliere quid dicat, quia *masculum et feminam, dixit, fecit eos, et benedixit eos* (*Gen. i, 27, 28*). Quod si et ipsam eo die factam esse de viri osse responderit, attendat quomodo asserat sexto die facta volatilia, quæ adducta sunt ad Adam, cum Scriptura omne genus volatilium quinto die creatum ex aquis insinuet; item sexto die ligna etiam quæ in paradyso plantata sunt, cum eadem Scriptura hoc creature genus tertio dici tribuerit. Ipsa etiam verba consideret quid sit, *Ejecit adhuc de terra omne lignum pulchrum ad aspectum, et bonum ad escam; tanquam illa quæ tertio die terra ejecerat, non erant pulchra ad aspectum et bona ad escam,* cum in his essent operibus quæ fecit Deus omnia bona valde: quid sit etiam, *Finxit Deus adhuc de terra omnes bestias agri, et omnia volatilia cœli* (*Id. ii, 19*); tanquam illa non fuerint omnia, quæ primo producta erant, vel potius nulla ante producta erant. Neque enim dictum est, *Et finxit Deus adhuc de terra cæteras bestias agri, et cætera volatilia cœli, quasi quæ minus vel terra sexto, vel aqua quinto die produxerit; sed, omnes bestias, inquit, et omnia volatilia.* Necnon et illud cogitet, quemadmodum Deus et sex diebus fecerit omnia; primo, ipsum diem; secundo, firmamentum; tertio, speciem maris et terræ, atque ex terra herbam et ligna; quarto, luminaria et sidera; quinto, aquarum animalia; sexto, terræ; et postea dicatur, *Cum factus est dies, fecit Deus cœlum et terram, et omne viridé agri: quandoquidem cum factus est dies, non fecit nisi ipsum diem.* Quomodo etiam omne viride agri fecerit antequam esset super terram, et senum

<sup>1</sup> Editū, *societatem*: cuius loco MSS., *societalis*.

onne antequam exoriretur (*Gen. ii, 4, 5*). Tunc enim factum cum exortum est, non antequam exoriretur, quis non diceret, nisi Scriptura verba revocarent? Meminerit etiam scriptum esse, *Qui vivit in æternum, creavit omnia simul* (*Ecli. xviii, 4*); et videat quemadmodum simul creata dici possint, quorum creatio spatius temporalibus distat, non horarum tantum, sed etiam dierum. Curet quoque ostendere quomodo utrumque sit verum, quod contrarium videri potest, et Deum in die septimo ob omnibus operibus suis requiesce, quod Geneseos liber dicit (*Gen. ii, 2*), et usque nunc eum operari, quod Dominus dicit (*Joan. v, 17*). Respiciat etiam quæ dicta sunt consummata, quomodo eadem dicta sint inchoata.

42. His enim omnibus divinæ Scripture testimoniis, quam esse veracem nemo dubitat nisi infidelis aut impius, ad illam sententiam ducti sumus, ut dicemus Deum ab exordio sæculi primum simul omnia creavisse, quædam conditis iam ipsis naturis, quædam præ conditis causis; sicut non solum præsencia, verum etiam futura fecit <sup>1</sup> omnipotens, et ab eis factis requievit, ut eorum deinceps administratione a que regiunine crearet etiam ordines temporum et temporalium: qui et consummaverat ea propter omnium generum terminationem, et inchoaverat propter sæculorum propagationem, ut propter con-

<sup>1</sup> Ita veteres codices. At vulgati ferunt, sic ut non solam præsencia, verum etiam futura fecerit. I'auloque post, requeverit et earum deinceps, etc.

summata requiesceret, et propter inchoata usque nunc operetur. Sed si possunt hæc melius intelligi, non solum non resisto, verum etiam faveo.

43. Nunc tamen de anima, quam Deus inspiravit homini sußlando in ejus faciem, nihil confirmo, nisi quia ex Deo sic est, ut non sit substantia Dei; et sit incorpore, id est, non sit corpus<sup>1</sup>, sed spiritus; non de substantia Dei genitus, nec de substantia Dei procedens, sed factus a Deo; nec ita factus ut in ejus naturam natura ulla corporis vel irrationalis animæ verteretur; ac per hoc, de nihilo: et quod sit immortalis secundum quemdam vitæ modum, quem nullo modo potest amittere; secundum quamdam vero mutabilitatem, qua potest vel deterior vel melior fieri, non immortale etiam mortalibus possit intelligi; quoniam veram immortalitatem solus ille habet, de quo proprie dictum est, *Qui solus habet immortalitatem* (*I Tim. vi, 16*). Cætera quæ in hoc libro disceptando locutus sum, ad hoc valeant legenti, ut aut noverit quemadmodum sine affirmandi temeritate quærenda sint quæ non aperte Scriptura loquitur; aut, si ei querendus modus iste non placet, quemadmodum ipse quæsiverim sciat, ut si me potest docere non abnuat, si autem non potest, a quo ambo discamus mecum requirat.

<sup>1</sup> Hæbent excusi: Ut non sit substantia Dei, et sic incorpore, ut non sit corpus. At MSS., ut non sit substantia Dei, et sit incorpore, id est, non sit corpus.

## LIBER OCTAVUS.

De eo quod legitur Gen. 2, vers. 8: *Et plantavit Deus paradisum in Eden, etc.*, usque ad illud, vers. 17: *De ligno autem cognoscendi bonum et malum non manducabitis de illo, etc.*



### CAPUT PRIMUM. — *Paradisus in Eden plantatus et proprie et figurate accipendus.*

1. *Et plantavit Deus paradisum in Eden ad orientem, et posuit ibi hominem quem finxit.* Non ignoro de paradiſo multos multa dixisse; tres tamen de hac re quasi generales sunt sententiae. Una eorum qui tantummodo corporaliter paradisum intelligi volunt: alia eorum qui spiritualiter tantum; tercia eorum qui utroque modo paradisum accipiunt; alias corporaliter, alias autem spiritualiter. Breviter ergo ut dicam, tertiam mihi fateor placere sententiam. Secundum hanc suscepit nunc loqui de paradiſo, quod Dominus donare dignabitur, ut homo factus e limo, quod utique corpus humanum est, in paradiſo corporali collocatus intelligatur: ut quemadmodum ipse Adam, etsi aliquid aliud significat secundum id quod eum formam futuri dixit esse Apostolus (*Rom. v, 14*), homo tamen in natura propria expressus accipitur, qui vixit certo numero annorum, et propagata numerosa prole mortuus est, sicut moriuntur cæteri homines, etsi non sicut cæteri ex parentibus natus, sed sicut primitus oportebat ex terra factus est; ita et paradiſus, in quo cum collocauit Deus, nihil aliud quam locus quidam intelligatur, terra scilicet ubi habitaret homo terrenus.

2. Narratio quippe in his libris non genere locutionis figuratarum rerum est, sicut in Cantico cantorum, sed omnino gestarum, sicut in Regnorum libris et hujuscemodi ceteris. Sed quia illic ea dicuntur quæ vitæ humanae usus notissimus habet, non difficile, imo promptissime primitus accipiuntur ad litteram, ut deinde ex illis quid etiam futurorum res ipsæ gestæ significaverint, exsciscipatur: hic autem quia ea dicuntur quæ usitatum naturæ cursum intuentibus non occurraut, nolunt ea quidam proprie, sed figurate dicta intelligi; atque ex illo loco volunt incipere historiam, id est, rerum proprie gestarum narrationem, ex quo dimissi de paradiſo Adam et Eva convenerunt atque genuerunt. Quasi vero usitatum nobis sit, vel quod tot annos vixerunt, vel quod Enoch translatus est, vel quod et grandæva et sterilis peperit, et cætera hujusmodi.

3. Sed alia est, inquiunt, narratio factorum mirabilium, alia institutarum creaturarum. Illic enim ea ipsa insolita ostendunt alios esse tanquam naturales modos rerum, alios miraculorum, quæ magnalia nominantur; hic autem ipsa insinuantur institutio naturarum. Quibus respondetur, Sed ideo insolita et ipsa, quia prima. Nam quid tam sine exemplo, et sine pari

facto in rerum mundanarum constitutione quam mundus? Num ideo credendum non est Deum fecisse mundum, quia jam non facit mundos; aut non fecisse solem, quia jam non facit soles? Et hoc quidem non de paradiſo, sed de ipso homine permotis debuit responderi: nunc vero cum ipsum sic credant a Deo factum, sicut alius nullus factus est, eur paradisum nolunt ita factum credere, quemadmodum nunc vident silvas fieri?

4. Ad eos quippe loquor, qui auctoritatem harum Litterarum sequuntur: eorum enim quidam non proprie, sed figurate paradiſum intelligi volunt. Nam qui omnino adversantur his litteris, alias cum eis atque aliter egimus (*Lib. de Gen. cont. Manich.*): quanquam et haec in hoc ipso opere nostro, quantum valemus, ita defendamus ad litteram, ut qui non rationabiliter moti, propter animum pervicacem vel hebetem, credere ista detrectant, nullam tamen inveniant rationem unde falsa esse convineant. Verum isti nostri qui fidem habent his divinis Libris, et nolunt paradiſum ad proprietatem litterarum intelligi, locum scilicet amoenissimum fructuosis nemoribus opacatum, eundemque magnum et magno fonte fundum, cum videant nulla humana opera tot ac tanta vireta silvescere occulto opere Dei, miror quemadmodum credunt ipsum hominem ita factum, quemadmodum nunquam videbunt. Aut si et ipse figurare intelligentus est, quis genuit Cain, et Abel, et Seth? An et ipsi figurare tantum fuerunt, non etiam homines ex hominibus nati? De proximo ergo attendant istam presumptionem quotent, et conentur nobiscum cuncta primitus quae gesta narrantur in expressionem proprietatis accipere. Quis enim eis postea non faveat intelligentibus quid ista etiam figurata significatione commoneant, sive ipsarum spiritualium naturarum vel affectionum, sive rerum etiam futurarum? Sane si nullo modo possent salva fide veritatis ea, quae corporaliter hic nominata sunt, corporaliter etiam accipi, quid aliud remaneret, nisi ut ea potius figurate dicta intelligeremus, quam Scripturam sanctam impie culparemus? Porro autem si non solum non impediunt, verum etiam solidius asserunt divini eloquii narrationem haec etiam corporaliter intellecta; nemo erit, ut opinor, tam infideliter pertinax, qui cum ea secundum regulam fidei exposita proprie viderit, malit in pristina remanere sententia, si forte illi visa fuerant, nonnisi figurata posse accipi.

CAPUT II. — *Genesim alias contra Manichæos cur secundum allegoriam exposuerit.*

5. Nam et ego contra Manichæos, qui has litteras Veteris Testimenti non aliter quam oportet accipiendo errant, sed omnino non accipiendo et detestando blasphemant, duos conscripsi libros recenti tempore conversionis meæ; cito volens eorum vel confutare deliramenta, vel erigere intentionem ad quærendam in Litteris quas oderunt, christianam et evangelicam fidem. Et quia non mihi tunc occurroabant omnia quemadmodum proprie possent accipi, magisque non posse

<sup>1</sup> MSS. nonnulli, figuræ.

accipi videbantur, aut vix posse aut difficile; ne retardarer, quid figurate significarent ea que ad littoram non potui invenire, quanta valui brevitatem et perspicuitatem explicavi, ne vel multa lectione vel disputationis obscuritate deterriti, in manus ea sumere non curarent. Memor tamen quid maxime voluerim nec potuerim, ut non figurate sed proprie primitus cuncta intelligerentur, nec omnino desperans etiam sic posse intelligi, id ipsum in prima parte secundi libri ita posui. Sane, inquam, quisquis voluerit omnia quæ dicta sunt, secundum litteram accipere, id est, non aliter intelligere quam littera sonat, et potest evitare blasphemias, et omnia congruentia fidei catholicæ praedicare; non solum et non est invidendum, sed præcipuus multumque laudabilis intellector habendus est. Si autem nullus exitus datur, ut pie et digne Deo quæ scripta sunt intelligantur, nisi figurate atque in enigmatis proposita ista credamus; habentes auctoritatem apostolicam, a quibus tam multa de libris Veteris Testimenti solvuntur enigmata, modum qucm intendimus tencamus, adjuvante illo qui nos petere, querere et pulsare adhortatur (*Matth. vii, 7*): ut omnes istas figuræ rerum secundum catholicam fidem, sive quæ ad historiam, sive quæ ad prophetiam pertinent, explicemus; non præjudicantes meliori diligentiorique tractatui, sive per nos, sive per alios, quibus Dominus revelare dignatur (*De Gen. contra Manich. lib. 2, cap. 2*). Haec tunc dixi. Nunc autem quia voluit Dominus ut ea diligentius inservient atque considerans, non frustra, quantum opinor, extimarem etiam per me posse secundum propriam, non secundum allegoricam locutionem haec scripta esse monstrari, sicut ea quæ superiori valimus ostendere, sic etiam quæ sequuntur de paradiſo perscrutemur.

CAPUT III. — *De vers. 8 et 9, ubi rursus de creatione ligni.*

6. Plantavit ergo Deus paradiſum in deliciis (hoc est enim in Eden) ad orientem, et posuit ibi hominem qucm fixerat. Sic enim scriptum est, quia sic factum est. Deinde recapitulat, ut hoc ipsum quod breviter posuit, ostendat quemadmodum factum sit; hoc est, quemadmodum paradiſum Deus plantaverit, et illic hominem, quem fixerat, constituerit. Sic enim sequitur: *Et ejecit adhuc Deus de terra omne lignum pulchrum ad aspectum, et bonum ad escam.* Non dixit, *Et ejecit de terra Deus aliud lignum vel cæterum lignum;* sed, *Ejecit, inquit, adhuc de terra omne lignum pulchrum ad aspectum, et bonum ad escam.* Jam ergo tunc produixerat terra omne lignum et pulchrum ad aspectum, et bonum ad escam, hoc est tertio die: nam sexto die dixerat, *Ecce dedi vobis omne pabulum seminale, seminans semen, quod est super omnem terram;* et omne lignum fructiferum, quod habet in se fructum seminis seminalis, quod erit vobis ad escam (*Gen. i, 29*). Num ergo aliud eis tunc dedit, aliud nunc dare voluit? Non opinor: sed cum ex his generibus sint ista ligna instituta in paradiſo, quæ jam terra tertio die produixerat, adhuc ea produxit in tempore suo: quia tunc scilicet, quod scriptum est, ea produxisse

terram, causaliter factum erat in terra; hoc est, quia tunc ea producendi virtutem latenter accepere, quia virtute fit ut etiam nunc talia terra progignat in manifesto atque in tempore suo.

7. Verba ergo Dei sexto die dicentis, *Ecce dedit nobis omne pabulum seminale seminans semen, quod est super omnem terram*, et cetera, non sonibili vel temporali voce prolati verba sunt, sed sicut in ejus Verbo est creandi potentia. Dici autem hominibus, quid sine temporalibus sonis Deus dixerit, non nisi per temporales sonos potuit. Futurum enim erat ut homo jam de limo formatus, et datum ejus animatus, et quidquid ex illo humani generis existisset, uteretur eis ad escam, quae super terram exortura erant ex illa virtute generandi, quam terra jam accepere. Cujus futuri causales rationes in creatura condens, tanquam jam existisset, loquebatur interna atque intima veritate, quam nec oculus vidit, nec auris audivit, sed Spiritus ejus scribeni utique revelavit.

CAPUT IV. — *De altera parte vers. 9, lignum vitae et vere creatum esse, et sapientiam figurasse.*

8. Illud plane quod sequitur, *Et lignum vitae in medio paradisi, et lignum scientiarum cognoscendi bonum et malum*, diligentius considerandum est, ne cogat in allegoriam, ut non ista ligna fuerint, sed aliud aliquid nomine ligni significant. Dictum est enim de sapientia: *Lignum vitae est omnibus amplectentibus eam* (*Prov. iii, 18*). Verumtamen cum sit Jerusalem aeterna in caelis, etiam in terra civitas quam illa significaretur, condita est; et Sara et Agar quamvis duo Testamenta significantur, erant tamen quedam etiam mulieres domini (*Galat. iv, 24-26*); et cum Christus per ligui passionem fluento spirituali nos irriget, erat tamen et petra, quae aquam sipienti populo ligno percussa manavit, de qua diceretur, *Petra autem erat Christus* (*1 Cor. x, 4*). Aliud quam erant illa omnia significaverunt, sed tamen etiam ipsa corporaliter fuerunt. Et quando a narrante commemorata sunt, non erat illa figurata locutio, sed earum rerum expressa narratio, quarum erat figurata processio. Erat ergo et lignum vitae, quemadmodum petra Christus: nec sive mysteriis rerum spiritualium corporaliter presentatis voluit hominem Deus in paradiiso vivere. Erat ei ergo in lignis ceteris alimentum, in illo autem sacramentum; quid significans, nisi sapientiam, de qua dictum est, *Lignum vitae est amplectentibus eam*: quemadmodum de Christo diceretur, *Petra manans est sientibus eam?* Recte quippe appellatur quod ad eum significandum processit. Ipse est ovis quae immolatur in Pascha; tamen et illud non tantum dicendo figurabatur, sed etiam faciendo. Neque enim ovis illa non erat ovis; plane ovis erat, et occidebatur, et manducabatur (*Exod. xii, 3-11*): et tamen eo vero facto, aliud etiam quiddam figurabatur. Non sicut ille vitulus saginatus, qui minori filio revertenti in epulas crescebat est (*Luc. xv, 23*). Ibi quippe ipsa narratio figurarum est, non rerum figurata significatio gestarum. Non enim hoc evangelista, sed Dominus ipse narravit: evangelista vero hoc Domini-

nun narrasse narravit. Proinde quod narravit evangelista, etiam factum est; Dominum scilicet talia locutum fuisse: ipsius autem Domini narratio parabola fuit, de qua nunquam exigitur ut etiam ad litteram facta monstrarentur, quae sermone proferuntur. Christus est et lapis unctus a Jacob (*Gen. xxvii, 18*), et lapis reprobatus ab aedificantibus, qui factus est in caput anguli (*Psal. cxvii, 22*): sed illud etiam in rebus gestis factum est, hoc autem tantum in figuris praedictum. Illud quippe scriptis narrator rerum praeteritarum, hoc prænuntiator tantummodo futurarum.

CAPUT V. — *De eodem ligno vite, ipsum et figuram et nihilominus rem veram fuisse.*

9. Sic et Sapientia, idem ipse Christus, lignum vite est in paradiiso spirituali, quo misit de cruce latronem (*Luc. xxiii, 43*): *creatum*<sup>1</sup> est autem, quod eam significaret, lignum vitae etiam in paradiiso corporali; quia hoc illa Scriptura dixit, que res suis temporibus gestas narrans, et hominem corporaliter factum, et in corpore viventem ibi constitutum esse narravit. Aut si quisquam putat animas, cum a corpore excesserint, locis corporaliter visibilibus contineri, cum sint sine corpore, asserat sententiam suam: non deerunt qui sic faveant, ut illum etiam divitem sientem in loco utique corporali fuisse contendant, ipsamque animam omnino esse corpoream, propter arenem linguam et stillam aquæ de Lazari digito concupitam (*Id. xvi, 24*), prænuntiare non dubitent, cum quibus ego de tam magna questione nulla temeritate configlio. Melius est enim dubitare de occultis, quam litigare de incertis. Illum quippe divitem in ardore poenarum et illum pauperem in refrigerio gaudiorum intelligendos esse non dubito. Sed quomodo intelligenda sit illa flamma inferni, ille sinus Abrahæ, illa lingua divitis, ille digitus pauperis, illa sitis tormenti, illa stilla refrigerii, vix fortasse a mansueti querentibus, a contentiose autem certantibus nunquam invenitur. Cito sane respondendum est, ne nos profunda ista questio, et multis sermonibus indigens tardet. Si corporalibus locis animalia continentur, etiam exutæ corporibus; potuit illi latro in eum introduci paradiiso, ubi fuerat corpus primi hominis; ut aptiore Scripturarum loco, si ulta necessitas flagitaverit, etiam de hac re quid vel queramus vel arbitremur, utcumque promamus.

10. Nunc vero, quod sapientia non sit corpus, et ideo nec lignum, nec dubito, nec dubitari a quoquamputo: potuisse autem per lignum, id est, per corpoream creaturam, tanquam sacramento quodam significari sapientiam in paradiiso corporali, ille credendum non existimat, qui vel tam multa in Scripturis rerum spiritualium corporalia sacramenta non videt, vel hominem primum cum ejusmodi aliquo sacramento vivere non debuisse contendit; cum Apostolus dicat etiam hoc quod de muliere dixit, quem ei factam esse de latere credimus, *Propter hoc reliquet homo patrem et matrem, et adhaerabit uxori sua; et erunt duo in carne una* (*Gen. ii, 24*); *sacramentum magnum esse in Christo et in Ecclesia* (*Ephes. v, 31, 32*). Mirum est autem,

<sup>1</sup> Editi, certior. At MSS. decem, creaturæ.

et vix serendum, quemadmodum velint homines paradisum figurare dictum, et nolint etiam figurare factum. Quod si concedunt sicut de Agar et Sara, sicut de Ismael et Isaac, hæc quoque et facta, et tamen etiam figurata; cur non admittant etiam lignum virtutæ, et vere aliquod lignum fuisse, et tamen sapientiam figurasse, non video.

11. Illud quoque addo, quanquam corporalem cibum, tamē illam arborem præstisset, quo corpus hominis sanitatem stabili simparetur, non sicut ex alio cibo, sed nonnulla inspiratione salubritatis occulta. Profecto enim licet usitatus p̄p̄is, aliquid tamen amplius habuit, cuius una collyride (a) hominem Deus ab indigentia famis dierum quadraginta spatio viadicavit (III Reg. xix, 8). Au forte credere dubitabimus, per alicujus arboris cibum, cuiusdam altioris significationis gratia, homini Deum præstisset ne corpus ejus vel infirmitate vel aetate in deterioris mutaretur, aut in occasu etiam laberetur; qui ipsi cibo humano præstisset tam mirabilem statum, ut in sictilibus va sculis farina et oleum deficiente resiceret, nec desceret (Id. xvii, 16)? Jam hic de genere contentiosorum quisquam existat, et dicat Deum in terris nostris miracula talia facere debuisse, in paradiſo autem non debuisse: quasi vero non vel de pulvere hominem, vel de latere viri mulierem, magis ibi miraculum fecit, quam quod hic mortuos suscitavit.

CAPUT VI. — *Lignum scientie boni et mali arbor vera et innoxia. Obedientia. Inobedientia.*

12. Sequitur ut videamus de ligno scientie dignoscendi bonum et malum. Prorsus et hoc lignum erat visibile ac corporale, sicut arbores ceteræ. Quod ergo lignum esset, non est dubitandum; sed cur hoc nomen acceperit, requirendum. Mibi autem etiam atque etiam consideranti dici non potest quantum placeat illa sententia, non fuisse illam arborem cibo noxiæ; neque eam qui fecerat omnia bona volde (Gen. i, 31), in paradiſo instituerat aliquid mali: sed malum fuisse homini transgressionem præcepti. Oportebat autem ut homo sub Domino Deo poenitus alicunde prohiberetur, ut ei prementi Dominum suum virtus esset ipsa obedientia, quam possum verissime dicere solim esse virtutem omni creature rationali agenti sub Dei potestate; primunque esse et maximum vitium tumoris ad ruinam sua potestate velle uti, cuius vitii nomen est inobedientia. Non esset ergo unde se homo Dominum habere cogitaret atque sentiret, nisi aliquid ei juberetur. Arbor itaque illa non erat mala, sed appellata est scientie dignoscendi bonum et malum, quia si post prohibitionem ex illa homo ederet, in illa erat præcepti futura transgressio, in qua homo per experimentum poenæ disceret, quid interesset inter obedientiae bonum, et inobedientiae malum. Proinde et hoc non in figura dictum, sed quoddam vere lignum accipiendum est; cui non de fructu vel pomo quod inde nasceretur, sed ex ipsa re nomen imponsum est, quæ illo contra velutum tacto fuerat secutura.

(a) Collyride pane subcinericio, quem aliò nomine collurant vocant.

CAPUT VII. — *De vers. 10, 11, 13 et 14: illuc accipienda esse vera flumina. Tiberis prius Abula. Nilus, qui prius Geon. Ganges, qui prius Phison.*

13. Flumen autem exiit de Eden, quod irrigabat paradiſum, et inde divisum est in quatuor partes. Ex his uni nomen est Phison; hoc est quod circuit totam terram Evilath, ubi est aurum: aurum autem terre illius bonum, et ibi est carbunculus, et lapis prasinus. Et nomen fluminis secundo Geon; hoc est quod circuit totam terram Æthiopias. Flumen autem tertium Tigris; hoc est quod fluit contra Assyrios. Flumen autem quartum Euphrates. De his autem fluminibus quid amplius satagam confirmare quod vera sint flumina, nec figurata dicta quæ non sint, quasi tantummodo aliquid nomina ipsa significant, cum et regionibus per quas fluunt notisima sint, et omnibus fere gentibus diffinata? Quinimo ex his, quoniam constat ea prorsus esse (nam duobus eorum nomina vetustas mutavit, sicut Tiberis dicitur fluvius qui prius Alibula vocabatur; Geon quippe ipse est, qui nunc dicitur Nilus; Phison autem ille dicebatur, quem nunc Gangen appellant; duo vero cetera, Tigris et Euphrates, antiqua etiam nomina tenerunt), nos admonevi oportet cetera quoque primitus ad proprietatem litteræ accipere, non in eis figurata locutionem putare, sed res ipsas quæ ita narrantur et esse, et aliquid etiam figurare. Non quia non posset parabola locutionis assumero aliquid de re quam non propriæ quoque esse constaret, sicut de illo Dominus loquitur, qui descendebat ab Jerusalem in Jericho, et incidit in latrones (Luc. x, 30): quis enim non sentiat et plane videat esse parabolam, locutionemque illam totam esse figuratam? verum duæ civitates quæ ibi nominatae sunt, hodieque in locis propriis demonstrantur. Sed hoc modo acciperemus et quatuor haec flumina, si cetera quæ de paradiſo narrantur, non proprie sed figurata accipere ulla necessitas cogeret: at nunc cum primis proprie res ipsas intelligere ratio nulla prohibeat, cur non potius auctoritatem Scriptura simpliciter sequimur in narratione rerum gestarum, res vere gestas prius intelligentes, tum demum quidquid aliud significant perscrutantes?

14. Ad eo movebimur, quod de his fluminibus dicitur, aliorum esse fontes notos, aliorum autem prorsus incognitos, et ideo non posse accipi ad litteram, quod ex uno paradiſi flumine dividuntur? cum potius credendum sit, quoniam locus ipse paradiſi a cognitione hominum est remotissimus, inde quatuor aquarum portes dividi, sicut fidelissima Scriptura testatur; sed ea flumina, quorum fontes noti esse dicuntur, aliquid h̄isse sub terras, et post tractus prolixarum regionum locis aliis erupisse, ubi tanquam in suis fontibus nota esse perlibentur. Nam hoc solere nonnullas aquas facere, quis ignorat? Sed ibi hoc scitur, ubi non diu sub terris currunt. Exibat ergo flumen de Eden, id est de loco deliciarum, et irrigabat paradiſum, id est ligna omnia pulchra atque fructuosa, quæ omnem terram regionis illius opacabant.

\* Abest non ab Fr. M.

CAPUT VIII. — *D<sub>2</sub> vers. 15; an homo positus in paradiſo ut agriculturæ operam daret.*

15. *Et sumpsit Dominus Deus hominem quem fecit, et posuit eum in paradiſo, ut operaretur et custodiret. Et præcepit Dominus Deus Adie, dicens: Ab omni ligno quod est in paradiſo esca edes<sup>1</sup>; de ligno autem cognoscendi bonum et malum, non manducabis de illo. Quo die autem ederitis ab eo, morte moriemini. Cum superius breviter dixerit Deum plantasse paradiſum, et constituisse ibi hominem quem finxerat, recapitulavit ut narraret quomodo sit paradiſus constitutus. Nunc ergo et illud recapitulando commemoravit quomodo ibi Deus poscerit hominem quem fecit. Videamus itaque quid sit quod dictum est, ut operaretur et custodiret. Quid operaretur, et quid custodiret? Numquid forte agriculturam Dominus voluit operari prium hominem? An non est credibile quod eum ante peccatum damnaverit ad laborem? Ita sane arbitraremur, nisi videremus cum tanta voluptate animi agricolari quosdam, ut eis magna poena sit inde ad aliud avocari. Quidquid ergo deliciarum habet agricultura, tunc utique longe amplius erat, quando nihil accidebat adversi, vel terra vel cœlo. Non enim erat laboris afflictio, sed exhilaratio voluntatis, cum ea quae Deus creaverat, humani operis adjutorio ketius feraciusque provenirent; unde Creator ipse uberior laudaretur, qui animæ in corpore animali constitutæ rationem dedisset operandi, ac facultatem, quantum animo volenti satis esset, non quantum invitum indigentia corporis coheret.*

16. *Quod enim majus mirabiliusque spectaculum est, aut ubi magis cum rerum natura humana ratio quodammodo loqui potest, quam cum positis seminibus, plantatis surculis, translatiſ arbuculis, insitis malleolis, tanquam interrogatur quæque vis radicis et germinis quid possit, quidve non possit; unde possit, unde non possit; quid in ea valeat numerorum invisibilis interiorque potentia, quid extrinsecus adhibita diligentia: in quo ipsa consideratione perspicere, quia neque qui plantat est aliquid, neque qui rigat, sed qui incrementum dat Deus (1 Cor. iii, 7); quia et illud operis quod accedit extrinsecus, per illum accedit, quem nihilominus creavit, et quem regit atque ordinat invisibiliter Deus?*

CAPUT IX. — *Agriculturæ opus allegorice.*

17. *Hinc jam in ipsum mundum, velut in quædam magnam arborem rerum, oculus cogitationis attollitur; atque in ipso quoque gemina operatio providentia reperitur, partim naturalis, partim voluntaria. Naturalis quidem per occultam Dei administrationem, qua etiam lignis et herbis dat incrementum; voluntaria vero, per Angelorum opera et hominum. Secundum illam primam cœlestia superius ordinari, inferiusque terrestria; luminaria sideraque fulgere, diei noctisque vices agitari, aquis terram fundatam interlui atque circumlui, aerem altius supersundi, arbusta et animalia concipi et*

<sup>1</sup> Hic et paulo post omnes Lov. MSS. ferunt, *escam edes. Et contra Fr. Lugd. Ven. nunc legunt, escam edes, nunc, escam edes nunc, edes ad escam.* M.

nasci, crescere et senescere, occidere, et quidquid aliud in rebus interiore naturalique motu geritur. In hac autem altera signa dari, doceri et disci<sup>1</sup>, agros colli, societas administrari, artes exerceri, et quæque alia sive in superna societate aguntur, sive in hac terrena atque mortali, ita ut bonis consulatur et per ne-scientes malos. Inque ipso homine eamdem geminam providentia vigere potentiam: primo erga corpus naturale, scilicet eo motu quo fit, quo crescit, quo se-nescit; voluntariam vero, quo illi ad victimum, tegumentum, curationemque consultur. Similiter erga animam naturaliter agitur ut vivat, ut sentiat; voluntarie re-ro ut discat, ut consentiat.

18. *Sicut autem in arbore id agit agricultura fo-rinsecus, ut illud proficiat quod geritur intrinsecus; sic in homine secundum corpus, ei quod intrinsecus agit natura, servit extrinsecus medicina: itemque secundum animam, ut natura beatificetur intrinsecus, doctrina ministratur extrinsecus. Quod autem ad ar-borem colendi negligentia, hoc ad corpus medendi incuria, hoc ad animam discedendi segnitia: et quod ad arborem humor inutilis, hoc ad corpus victimus exi-tiabilis, hoc ad animam persuasio iniquitatis. Deus itaque super omnia, qui condidit omnia, et regit omnia, omnes naturas bonus creat, omnes voluntates justus ordinat. Quid ergo abhorret a vero, si creda-mus hominem ita in paradiſo constitutum, ut opera-retur agriculturam, non labore servi, sed honesta animi voluptate? Quid enim hoc opere innocentius vacantibus, et quid plenius magna consideratione prudentibus?*

CAPUT X. — *Quid sit, Ut operaretur et custodiret.*

19. *Ut custodiret autem, quid? An ipsum paradiſum? Contra quos? Nullus certe vicinus metuebatur invasor, nullus limitis perturbator, nullus fur, nullus aggressor. Quomodo ergo intellecturi sumus corpo-ram paradiſum potuisse ab homine corporaliter cu-stodiri? Sed neque Scriptura dixit, Ut operaretur et custodiret paradiſum; dixit autem, Ut operaretur et cu-stodiret. Quanquam si de græco diligentius ad verbum exprinatur, ita scriptum est, *Et accepit Dominus Deus hominem quem fecit, et posuit eum in paradiſo operari eum et custodire.* Sed utrum ipsum hominem posuit operari, hoc enim sensit qui interpretatus est, ut ope-raretur; an eundem paradiſum operari, id est, ut ho-mo paradiſum operaretur, ambigue sonat: et videtur magis exigere locutio, ut non dicatur, Operaretur paradiſum; sed, in paradiſo.*

20. *Verumtamen ne forte sic dictum sit, Ut opera-retur paradiſum, sicut superius dictum est, Nec erat homo qui operaretur terram (eadem quippe locutio est, operari terram, quæ operari paradiſum); ambiguum sententiam ad utrumque tractemus. Si enim non est necesse ut accipiamus, Paradiſum custodire, sed, in paradiſo; quid ergo in paradiſo custodire? Nam quid operari in paradiſo, jam ut visum est disseruimus. An ut quod operaretur in terra per agriculturam, in seipso custodiret per disciplinam; id est, ut sicut ei*

<sup>1</sup> Justa Fr. Lugd. Ven. Lov., *discere.* M.

ager obtemperaret colenti se, ita et ipse praeipienti Dominu suo, ut sumpto praecepto obedientiae fructum, non spinas inobedientiae redderet? Denique quoniam similitudinem a se culti paradisi in seipso custodire subditus noluit, similem sibi agrum damnatus accepit: *Spinas, inquit, et tribulos pariet tibi* (*Gen. iii, 18.*)

21. Quod si et illud intelligamus, ut paradiſum operaretur, et paradiſum custodiret, operari quidem paradiſum posset, sicut supra diximus, per agriculturam; custodire autem non adversus improbos aut inimicos, qui nulli erant, sed fortassis adversus bestias. Quomodo istud? aut quare? Numquid enim bestiae jam in hominem saevisabant, quod nisi peccato non fieret? Ipse quippe bestiis omnibus ad se adductis, sicut post commemoratur, nomina imposuit: ipse etiam sexto die lege verbi Dei cum omnibus communes cibos accepit. Aut si erat jam quod timeretur in bestiis, quoniam pacto posset unus homo illum munire paradiſum? Neque enim exiguis locus erat, quem tantus fons irrigabat. Custodire quidem ille deberet, si posset paradiſum tali et tanta inaeraria communire, ut eo serpens non posset intrare: sed mirum si priusquam communiret, omnes serpentes inde posset excludere.

22. Proinde intellectum ante oculos cur praetermissimus? Positus est quippe homo in paradiſo, ut operaretur eumdem paradiſum, sicut supra disputatum est, per agriculturam non laboriosam, sed deliciosa, et mentem prudentis magna atque utilia commonentem: custodiret autem eumdem paradiſum ipsi sibi; ne aliquid admireret, quare inde merebatur expelli. Denique accepit et praeceptum, ut sit per quod sibi custodiat paradiſum, id est, quo conservato non inde projiciatur. Recte enim quisque dicitur non custodisse rem suam, qui sic egit ut amitteret eam, etiamsi alteri salva sit, qui eam vel inventit vel accipere meruit.

23. Est aliud in his verbis sensus, quem puto non immerito praeponendum, ut ipsum hominem operaretur Deus et custodiret (*a*). Sicut enim operatur homo terram, non ut eam faciat esse terram, sed ut cultam atque fructuosam: sic Deus hominem multo magis, quem ipse creavit ut homo sit, eum ipse operatur ut justus sit, si homo ab illo per superbiam non abscedat; hoc est enim apostatare a Deo, quod initium superbiae Scriptura dicit: *Initium, inquit, superbiae hominis apostatare a Deo* (*Ecli. i, 14.*). Quia ergo Deus est incommutabile bonum, homo autem et secundum animam et secundum corpus mutabilis res est; nisi ad incommutabile bonum, quod est Deus, conversus substiterit, formari ut justus beatusque sit, non potest. Ac per hoc Deus idem qui creat hominem, ut homo sit, ipse operatur hominem atque custodit, ut etiam bonus beatusque sit. Quapropter qua locutione dicitur homo operari terram, quae iam terra erat, ut ornata atque secunda sit, ea locutione

(*a*) Altera tamen expositio aptius congruit hebreo, in quo pronomen *eum*, referuntur ad *paradiſum*, genere feminino cum ista voce conveniens.

dicitur Deus operari hominem, qui jam homo erat, ut pius sapiensque sit, eumque custodire, quod homo sua potestate in se, quam illius supra se delectatus, dominationemque ejus contemnens latus esse non possit.

#### CAPUT XI. — *Cur hic addita dictio, Dominus.*

*Dominus verus.*

24. Proinde nullo modo vacare arbitror, sed nos aliquid, et magnum aliquid admonere, quod ab ipso divini libri hujus exordio, ex quo ita coepit est, *In principio fecit Deus celum et terram, usque ad hunc locum, nusquam positum est, Dominus Deus; sed tantum modo, Deus: nunc vero ubi ad id ventum est, ut hominem in paradiſo constitueret, eumque per praeceptum operaretur et custodiret, ita Scriptura locuta est, Et sumpsit Dominus Deus hominem quem fecit, et posuit eum in paradiſo operari eum et custodire: non quod supra dictarum creaturarum Dominus non esset Deus; sed quia hoc nec propter Angelos, nec propter alia quae creata sunt, sed propter hominem scribebatur, ad eum adinonendum quantum ei expediat habere Dominum Deum, hoc est, sub ejus dominatione obedienter vivere, quam licentiose abuti propria potestate, nusquam hoc prius ponere voluit, nisi ubi per ventum est ad eum in paradiſo collocandum, operandum et custodiendum: ut non dicaret sicut et cetera omnia superius, Et sumpsit Deus hominem quem fecit; sed diceret, *Et sumpsit Dominus Deus hominem, quem fecit, et posuit eum in paradiſo operari eum*, ut justus esset, et custodire, ut tuus esset, ipsa utique dominatione sua, quae non est illi sed nobis utilis. Ille quippe nostra servitute non indiget; nos vero dominatione illius indigemus, ut operetur et custodiat nos; et ideo verus solus est Dominus, quia non illi ad suam, sed ad nostram utilitatem salutemque servimus. Nam si nobis indigeret, eo ipso non verus Dominus esset, cum per nos ejus adjuvaretur necessitas, sub qua et ipse serviret. Merito ille in Psalmo: *Dixi, inquit, Domino, Deus meus es tu; quoniam bonorum meorum non eges* (*Psal. xv, 2.*) Nec ita sentiendum est quod diximus, nos illi ad utilitatem nostram salutemque servire, tanquam aliud aliquid ab illo expectemus quam eum ipsum, qui summa utilitas et salus nostra est. Sic enim eum gratis secundum illam vocem diligimus: *Mihi autem adhaerere Deo bonum est* (*Psal. lxxii, 28.*)*

#### CAPUT XII. — *Hominem non posse quidquam boni agere sine Deo. Discussus a Deo.*

25. Neque enim tale aliquid est homo, ut factus, deserente eo qui fecit, possit aliquid agere bene tanquam ex seipso; sed tota ejus actio bona, est converti ad eum a quo factus est, et ab eo justus, pius, sapiens, beatusque semper fieri: non fieri et redire, sicut a corporis medico sanari et abire: quia medicus corporis operarius fuit extrinsecus, serviens naturae intrinsecus operanti sub Deo, qui operatur omnem salutem gemino illo opere providentiae, de quo supra locuti sumus (*Cap. 9.*) Non ergo ita se debet homo ad Dominum convertere, ut cum ab eo factus fuerit ju-

stus abscedat, sed ita ut ab illo semper fiat. **Eo** quippe ipso enim ab illo non discedit, ejus ipse presentia justificatur, et illuminatur, et beatificatur, operante et custodiente Deo, dum obedienti subjectoque dominatur.

**26.** Neque enim, ut dicebamus, sicut operatur homo terram, ut culta atque secunda sit, qui cum fuerit operatus abscedit, relinquens eam vel aratam, vel satam, vel rigatam, vel si quid aliud, manente opere quod factum est, cum operator abscesserit, ita Deus operator hominem justum, id est justificando eum, ut si abscesserit, maueat in abscedente quod fecit: sed potius sicut aer præsente lumine non factus est lucidus, sed sit; quia si factus esset, non autem fieret, etiam absente lumine lucidus maneret; sic homo Deo sibi præsente illuminatur, absente autem continuo tenebratur; a quo non locorum intervallis, sed voluntatis aversione disceditur.

**27.** Ille itaque operetur hominem bonum atque custodiat, qui incommutabiliter bonus est. Semper ab illo fieri, semperque perfici debemus, inhærentes ei, et in ea conversione quæ ad illum est permanentes, de quo dicitur, *Mihi autem adhærere Deo bonum est*; et cui dicitur, *Fortitudinem meam ad te custodiam* (*Psal. lxxviii, 10*). Ipsius enim sumus figmentum, non tantum ad hoc ut homines simus, sed ad hoc etiam ut boni simus. Nam et Apostolus cum fidelibus ab impietate conversis, gratiam qua salvi facti sumus, commendaret (*Ephes. ii, 8-10*): *Gratia enim, inquit, salvi facti estis per fidem; et hoc non ex vobis, sed Dei bonum est; non ex operibus, ne forte quis extollatur.* *Ipsius enim sumus figmentum creati in Christo Jesu, in operibus bonis quæ præparavit Deus, ut in illis ambulemus.* Et alibi cum dixisset, *Cum timore et tremore vestram ipsorum salutem operamini; ne sibi putarent tribuendum, tanquam ipsi se facerent justos et bonos, continuo subjecit: Deus enim est qui operatur in vobis* (*Philipp. ii, 12, 13*). *Sumpsit ergo Dominus Deus hominem quem fecit, et posuit eum in paradyso operari eum,* hoc est, operari in eo, et custodiare eum.

**CAPUT XIII.** — *Cur homo prohibitus a ligno scientiae boni et malii.*

**28.** *Et præcepit Dominus Deus Adæ, dicens: Ab omni ligno quod est in paradyso, edes ad escam; de ligno autem cognoscendi bonum et malum, non manducabis de illo. Qua die autem ederis ab eo, morte morieris.* Si aliquid mali esset lignum illud, unde prohibuit hominem Deus, ejus ipsius mali natura venenatus videatur ad mortem. Quia vero ligna omnia in paradyso bona plantaverat (*Gen. i, 12*), qui fecit omnia bona valde, nec ulla ibi natura mali erat, quia nusquam est mali ulla natura (quod diligentius, si Dominus voluerit, disseremus, cum de illo serpente dicere cœperimus); ab eo ligno quod malum non erat prohibitus est, ut ipsa per se præcepti conservatio bonum illi esset, et transgressio malum.

**29.** Nec potuit melius et diligentius commendari quantum malum sit sola inobedientia, cum ideo reus iniquitatis factus est homo, quia eam rem tetigit contra præhibitionem, quam si non prohibitus tetigisset,

non utique peccasset. Nam qui dicit, verbi gratia, *Noli tangere hanc herbam, si forte venenosa est mortemque prænuntiat, si tetigerit, sequitur quidem mors contemptorem præcepti;* sed etiam si nemo prohibuisset, atque ille tetigisset, nibilominus utique moreretur. Illa quippe res contraria saluti viteque ejus esset, sive inde vetaretur, sive non vetaretur. Item eum quisque prohibet eam rem tangi, que non quidem tangent, sed illi qui prohibuit obesset, velut si quisquam in alienam pecuniam misisset manum, prohibitus ab eo cuius erat pecunia illa; ideo esset prohibito peccatum, quia prohibenti poterat esse damnosum. Cum vero illud tangitur, quod nec tangent obesset si non prohiberetur, nec cuiquam alteri quilibet tangeretur; quare prohibitu*m* est, nisi ut ipsius per se bonum obedientiæ, et ipsius per se malum inobedientiæ monstraretur?

**30.** Denique a peccante nihil aliud appetitum est, nisi non esse sub dominatione Dei, quando illud ad missum est, in quo ne admitteretur, sola deberet jussio dominantis attendi. Quæ si sola attenderetur, quid aliud quam Dei voluntas attenderetur? quid aliud quam Dei voluntas amaretur? quid aliud quam Dei voluntas humanæ voluntati præponeretur? Dominus quidem cur jusserrit, viderit; faciendum est a servienti quod jussit, et tunc forte videndum est a promerente cur jusserrit. Sed tamen ut causam jussionis hujus noratius requiramus, si hæc ipsa magna est utilitas homini quod Deo servit, jubendo Deus utile facit quidquid jubere voluerit, de quo metuendum non est, ne jubere quod inutile est possit.

**CAPUT XIV.** — *Ex divini præcepti contemptu experientia mali.*

**34.** Nec fieri potest ut voluntas propria non grandi ruine pondere super hominem cadat, si eam voluntati superioris extollendo præponat. Hoc expertus est homo contemnens præceptum Dei, et hoc experimento didicit quid interesset inter bonum et malum, bonum scilicet obedientiæ, malum autem inobedientiæ, id est, superbizæ et contumacizæ, perversæ imitationis Dei et noxiæ libertatis. Hoc autem in quo ligno accidere potuit, ex ipsa re, ut jam supra dictum est, nomen accepit (*Cap. 6*). Malum enim nisi experimento non sentiremus, quia nullum esset, si non fecissemus. Neque enim ulla natura mali est, sed amissio boni hoc nomine accepit. Bonum quippe incommutabile Deus est: homo autem quantum ad ejus naturam, in qua eum Deus condidit, pertinet, bonum est quidem, sed non incommutabile ut Deus. Mutabile autem bonum, quod est post incommutabile bonum, melius bonum fit, cum bono incommutabili adheserit, amando atque serviendo rationali et propria voluntate. Ideo quippe et hæc magni boni natura est, quia et hoc accepit, ut possit summi boni adhærere natura. Quod si noluerit, bono se privat, et hoc ei malum est, unde per justitiam Dei etiam cruciatus consequitur. Quid enim tam iniquum, quam ut bene sit desertori boni? Neque ullo modo fieri potest ut ita sit: sed aliquando amissi superioris boni non sentitur malum, cum habetur quod

amatum est inferius bonum. Sed divina justitia est ut qui voluntate amisit quod amare debuit, amittat cum dolore quod amavit, dum naturarum creator ubique laudetur. Adhuc enim est bonum quod dolet amissum bonum : nam nisi aliquod bonum remansisset in natura, nullus boni amissi dolor esset in poena.

32. Cui autem sine mali experimento placet bonum, id est, ut antequam boni amissionem sentiat, eligat tenere ne amittat, super omnes homines praedicandus est. Sed hoc nisi cuiusdam singularis laudis esset, non illi puer tribueretur, qui ex genere Israel factus Emmanuel nobiscum Deus (*Math. i, 23*), reconciliavit nos Deo, hominum et Dei homo mediator (*1 Tim. ii, 5*), Verbum apud Deum, caro apud nos (*Joan. i, 1, 14*), Verbum caro inter Deum et nos. De illo quippe propheta dicit, *Priusquam sciat puer bonum aut malum, contemnet malitiam, ut eligat bonum* (*Isai. vii, 16, sec. LXX*). Quomodo quod nescit, aut contemnit aut eligit, nisi quia huc duo sciuntur aliter per prudentiam boni, aliter per experientiam mali? Per prudentiam boni malum scitur, etsi non sentitur. Tenetur enim bonum, ne amissione ejus sentiatur malum. Item per experientiam mali scitur bonum; quoniam quid amiserit, sentit, cui de bono amiso male fuerit. Priusquam sciret ergo puer per experientiam, aut bonum quo carceret, aut malum quod boni amissione sentiret, contemptus malum ut eligeret bonum, id est, noluit amittere quod habebat, ne sentiret amittendo quod amittere non debebat. Singulare exemplum obedientiae; quippe qui non venit facere voluntatem suam, sed ejus voluntatem a quo missus est (*Joan. vi, 38*): non sicut ille qui elegit facere voluntatem suam, non ejus a quo factus est. Merito sicut per unius inobedientiam peccatores constituti sunt multi, ita per unius obedientiam justi constituantur multi (*Rom. v, 19*); quia sicut in Adam omnes moriuntur, sic et in Christo omnes viviscabuntur (*I Cor. xv, 22*).

#### CAPUT XV. — *Lignum scientiae boni et mali cur sia appellatum.*

33. Frustra autem nonnulli acute obtusi sunt<sup>1</sup>, cum requirunt quomodo potuerit appellari lignum dignoscientiae boni et mali, antequam in eo transgressus esset homo praeceptum, atque ipsa experientia dignoscet quid interesset inter bonum quod amisit, et malum quod admisit. Lignum enim tale nomen accepit, ut eo secundum prohibitionem non t'cio caventer, quod eo contra prohibitionem tacto sentiretur. Neque enim quia inde contra praeceptum manducaverunt, ideo factum est illud lignum dignoscientiae boni et mali; sed utique etiam si obedientes essent, et nihil inde contra praeceptum usurpassent, id recte vocaretur, quod ibi eis accideret, si usurpassent. Quemadmodum si vocaretur arbor saturitatis, quod inde possent homines saturari; numquid si nemo accessisset, ideo nomen illud esset incongruum? quandoquidem cum accederent et saturarentur, tunc probarent quam loco recte arbor illa vocaretur.

#### CAPUT XVI. — *Hominem ante mali experimentum potuisse intelligere quid esset malum.*

34. Et quomodo, inquit, intelligeret homo quod ei dicebatur lignum dignoscientiae boni et mali, quando ipsum malum quid esset omnino nesciebat? Hoc qui sapiunt parum attendunt quemadmodum a contrariis notis sic pleraque intelligantur ignota, ut etiam verba rerum quae non sunt, cum in loquendo interponuntur, nullus caliget auditor. Hoc enim quod omnino non est, nihil vocatur; et has duas syllabas nemo non intelligit, qui latine audit et loquitur. Unde, nisi cum sensus intuetur id quod est, et ejus privatione quid etiam non sit agnoscat? Sic et inane cum dicitur, intuitendo corporis plenitudinem, privatione ejus tanquam contraria, quid dicatur inane intelliginus; sicut audiendi sensu non solum de vocibus, verum etiam de silentio judicamus: sic ex vita quae inerat homini, posset ejus cavere contrarium, id est, vita privationem quae mors vocatur; et ipsam causam qua perderet quod amabat, id est quodlibet factum sumum quo fieret ut amitteret vitam, quibuslibet syllabis appellaretur, quemadmodum latine cum dicitur peccatum vel malum, tanquam signum ejus intelligeret, quod mente discerneret. Nos enim quomodo intelligimus, cum dicitur resurrectio, quam nunquam experti sumus? Nonne quia sentimus quid sit vivere, et ejus rei privationem vocamus mortem, unde redditum ad id quod sentimus, resurrectionem appellaunus? et si quo alio nomine in quacumque lingua idipsum appellatur, menti utique signum insinuator in voce loquentium, quo sonante agnoscat quod etiam sine signo cogitaret. Mirum est enim quemadmodum rerum quas habet amissionem, etiam inexperta natura devit. Quid enim pecora docuit deviationem mortis, nisi sensus vitae? quis parvulum puerum adhærescere bajulo suo, si eum fuerit ex alto jacere minitatus? quod ex quodam tempore incipit, sed tamen antequam aliquid hujusmodi expertus sit.

35. Sic ergo illis primis hominibus jam vita erat dulcis, quam profecto amittere devitabant; idque ipsum quibuscumque modis vel sonis significantem Deum intelligere poterant: nec aliter eis posset persuaderi peccatum, nisi prius persuaderetur eos ex illo facto non esse morituros, id est, illud quod habebant et se habere gaudebant, non amissuros; unde suo loco loquendum est. Advertant itaque, si quos movet, quomodo potuerint intelligere inexperta nominantem vel minantem Deum; et videant nos omnium inexperience nomina, nonnisi ex contrariis quae jam novimus, si privationum sunt, aut ex similibus, si specierum sunt, sine ullo aestu dubitationis agnoscere. Nisi forte aliquem movet quemadmodum loqui potuerint, vel loquente intelligere, qui non didicerant vel crescendo inter loquentes, vel aliquo magisterio: quasi magnum fuerit Deo loqui eos docere, quos ita fecerat, ut hoc possent etiam ab hominibus discere, si essent a quibus.

<sup>1</sup> Antiqui codices, constanter, obtusi sunt: ut et in *Ib. 4 de Doctrina Christi*, n. 7, obtuse.

**CAPUT XVII.** — *An utriusque, Adamo et Eræ, datum sit præceptum.*

36. Merito sane queritur utrum hoc præceptum viro tantum dederit Deus, an etiam femine? Sed nondum narratum est quemadmodum facta sit femina. An forte jam erat facta? sed hoc quemadmodum gestum sit quod prius erat gestum, postea recapitulando narratum est. Verba enim Scripturæ sic se habent: *Et præcepit Dominus Deus Adæ, dicens; non dixit, præcepit eis: deinde sequitur, Ab omni ligno quod est in paradiſo esca edes; non dixit, edetis. Deinde adiungit, De ligno autem cognoscendi bonum et malum, non manducabilitis de illo: jam hic tanquam ad ambos pluraliter loquitur, et pluraliter præceptum terminat dicens, Qua die autem ederitis ab eo, morte moriemini.* An sciens quod ei factorus erat mulierem, ita præcepit ordinatissime, ut per virum præceptum Domini ad feminam perveniret? Quam disciplinam in Ecclesia servat Apostolus, dicens: *Si quid autem discere volunt, domi viros suos interrogant* (I Cor. xiv, 35).

**CAPUT XVIII.** — *Quomodo Deus locutus sit homini.*

37. Item queri potest quomodo nunc Deus locutus sit ad hominem quem fecit, jam certe sensu ac mente præditum, ut audire et intelligere loquentem valeret? Neque enim aliter præceptum posset accipere, quo transgresso reus<sup>1</sup> e-set, nisi hoc acceptum intelligeret. Quomodo ergo illi locutus est Deus? Utrum intus in mente secundum intellectum, id est, ut sapienter intelligeret voluntatem ac præceptum Dei sine ullis corporalibus sonis vel corporalium similitudinibus rerum? Sed non sic existimo primo homini locutum Deum. Talia quippe Scriptura narrat, ut potius credamus sic esse Deum locutum homini in paradiſo, sicut etiam postea locutus est Patribus, sicut Abrahæ, sicut Moysi, id est in aliqua specie corporali. Hinc est enim quod audierunt ejus vocem ambulantis in paradiſo ad vesperam, et absconderunt se (Gen. iii, 8).

**CAPUT XIX.** — *Ut intelligatur operatio Dei in creaturis, quid in primis de ipso sentendum.*

38. Locus itaque magnus neque prætereundus ponitur, ut intueamur quantum possumus, quantum ipse adjuvare et donare dignatur, opus divinæ prævidentiae bipartitum, quod superius cum de agricultura loqueremur, transitoria quadam occasione perstrinximus, ut inde jam inciperet legentis animus hoc assuescere contueri, quod adjuvat plurimum, ne quid indignum de ipsa Dei substantia sentiamus. Dicimus itaque ipsum summum, verum, unum ac solum Deum, Patrem et Filium, et Spiritum sanctum, id est, Deum Verbumque ejus et utriusque Spiritum, Trinitatem ipsam, neque confusam, neque separatam, Deum qui solus habet immortalitatem, et lucem habitat inaccessibilem, quem nemo hominum vidit, nec videre potest (I Tim. vi, 16), nec locorum vel finito vel infinito spatio contineri nec temporum vel finito vel infinito volumine variari. Neque enim est in ejus substantia qua Deus est, quod brevius sit in parte quam in toto, sicut necesse est esse quæ in locis

<sup>1</sup> Sic MSS. At editi, quo transgressor ejus.

immoto cardine moveatur: sic tota palma ab articulo sunt; aut sicut in ejus substantia quod jam non est, vel erit quod nondum est, sicut in naturis quæ possunt temporis mutabilitatem pati.

**CAPUT XX.** — *Creatura corporalis loco et tempore, spiritualis tempore tantum, Creator ipse neutrò modo mutabilis.*

39. Hic ergo incommutabili æternitate vivens crèvit omnia simul, ex quibus current tempora, et implentur loca, temporalibusque et localibus rerum motibus sæcula volverentur. In quibus rebus quædam spiritualia, quædam corporalia condidit, formans materialiam quam nec alias nec nullus, sed omnino ipse informem ac formabilem instituit, ut formationem suam non tempore, sed origine præveniret. Spirituali autem creaturam corporali præposuit; quod spiritualis tantummodo per tempora mutari posset, corporalis autem per tempora et loca. Exempli enim gratia, per tempus movetur animus, vel reminiscendo quod oblitus erat, vel discendo quod nesciebat, vel volendo quod nolebat: per loca autem corpus, vel a terra in cœlum, vel a cœlo in terram, vel ab oriente in occidentem, vel si quo alio simili modo. Omne autem quod movetur per locum, non potest nisi et per tempus simul moveri: at non omne quod movetur per tempus, necesse est etiam per locum moveri. Sicut ergo substantiam quæ movetur per tempus et locum, præcedit substantia quæ tantum per tempus: ita ipsam præcedit illa quæ nec per locum nec per tempus. Ac per hoc sicut per tempus et locum movet corpus ipse tantum per tempus motus conditus spiritus; ita per tempus movet conditum spiritum ipse nec per tempus nec per locum motus conditor Spiritus: sed spiritus creatus movet seipsum per tempus, et per tempus ac locum corpus; Spiritus autem creator movet seipsum sine tempore ac loco, movet conditum spiritum per tempus sine loco, movet corpus per tempus et locum.

**CAPUT XXI.** — *Quomodo Deus immotus moveat creaturas, exemplo animæ deprehendi.*

40. Quocirca quisquis intelligere conatur quemadmodum vere æternus et vere immortalis atque incommutabilis Deus, ipse nec per tempus nec per locum motus moveat temporaliter et localiter creaturam suam; non eum puto posse assequi, nisi prius intellexerit quemadmodum anima, hoc est spiritus creatus, non per locum, sed tantum per tempus motus, moveat corpus per tempus et locum. Si enim quod in seipso agitur capere nondum potest, quanto minus illud quod supra est?

41. Affecta quippe anima carnalium sensuum consuetudine, etiam seipsum cum corpore per locum moveri putat, dum id per locum movet. Quæ si posset diligenter inspicere, tanquam cardines membrorum corporis sui, quemadmodum articulatum dispositi sunt, a quibus initia motionum nitantur; inveniet ea quæ per spatia locorum moventur, nisi ab eis quæ loco fixa sunt, non moveri. Non enim movetur solus digitus, nisi manus fixa sit, a cuius articulo relata

cubiti, sic cubitus ab articulo humeri, humerus ab scapula cum moveatur, stantibus utique cardinibus quibus motio nitatur, it per loci spatum quod moveatur. Sic plantae in tali est articulus, quo stante moveatur; sic cruris in genu et totius pedis in coxa: et nullius membra motus omnino est, quem voluntas movet, nisi ab aliquo articuli<sup>1</sup> cardine, quem nutus ejusdem voluntatis primitus fit, ut ab eo quod loci spatio non moveatur, agi valeat quod moveatur. Denique nec in ambulando pes levatur, nisi aliud fixus totum corpus ferat, donec ille qui motus est a loco nudo fertur, ad locum quo fertur, immoto articulo sibi cardinis innitatur.

42. Porro, si in corpore nullum membrum per locum voluntas moveat, nisi ab eo membra articulo quem non moveat, cum et illa pars corporis quae moveatur, et illa qua fixa sit ut moveatur, corporeas habeant quantitates suas, quibus occupent spatia locorum suorum; quanto magis ipse animae nutus, cui membra deserviunt, ut quod placuerit figuratur, unde id quod moveendum est innitatur; cum anima non sit natura corporea, nec locali spatio corpus impletat, sicut aqua utrum sive spongiam; sed miris modis ipso incorporeo nutu commixta sit vivificando corpori, quo et imperat corpori, quadam intentione non mole: quanto magis, inquam, nutus ipse voluntatis ejus non per locum moveatur, ut corpus per locum moveat, quando totum per partes moveat, nec alias loco moveat nisi per illas quas loco non moveat?

CAPUT XXII. — *Quomodo Deus moveat, quomodo anima.*

43. Quod si intelligere difficile est, utrumque credatur, et quod creatura spiritualis non per locum mota moveat corpus per locum, et quod Deus non per tempus motus moveat creaturam spiritualem per tempus. Quod si de anima quisque non vult hoc credere, quod quidem sine dubio non solum crederet, verum etiam intelligeret, si eam posset, sicuti est, incorpoream cogitare: cui enim non facile occurrat, quod per locum non moveatur quod per loci spatio non distenditur? quidquid autem per loci spatio distenditur corpus est; ac per hoc consequens est ut anima per locum moveri non paretur, si corpus non esse credatur: sed, ut dicere cōperam, si de anima hoc quisque non vult credere, non nimis urgendus est. Substantiam vero Dei nisi credit nec per tempus nec per locum moveri, nondum perfecte incomutabilem credit.

CAPUT XXIII. — *Deus semper quietus, omnia tamen agens.*

44. Verum quia omnino incomutabilis est illa natura Trinitatis, et ob hoc ita aeterna, ut ei aliquid coeterum esse non possit, ipsa apud seipsum et in seipso sine ullo tempore ac loco, moveat tamen per tempus et locum sibi subditam creaturam, naturas creans bonitate, voluntates ordinans potestate: ut in naturis nulla sit, quae non ab illo sit; in voluntatibus

autem nulla bona sit, cui non praesit, nulla mala sit, qua bene uti non possit. Sed quia non omnibus naturis dedit voluntatis arbitrium, illae autem quibus dedit, potentiores ac superiores sunt; illae naturae quae non habent voluntatem, subditae sint necesse est illis quae habent, et hoc ordinatione Creatoris, qui nunquam ita punit voluntatem malam, ut naturae permittat dignitatem. Cum igitur omne corpus et omnis anima irrationalis non babeat voluntatis arbitrium, subdita ista sunt eis naturis quae praeditae sunt arbitrio voluntatis; nec omnibus omnia, sed sicut distribuit justitia Creatoris. Ergo Dei providentia regens atque administrans universam creaturam, et naturas et voluntates, naturas ut sint, voluntates autem ut nec infructuosae bonae, nec impunicae mala sint; subdit primus omnia sibi, deinde creaturam corporalem creaturam spirituali, irrationalem rationali, terrestrem coelesti, femineam masculinam, minus valentem valentiori, indigentiori copiosiori. In voluntatibus autem, bonas sibi, ceteras vero ipsis servientibus sibi; ut hoc patiatur voluntas mala, quod ex jussu Dei fecerit bona, sive per seipsum, sive per malam, in rebus duntaxat quae naturaliter sunt etiam mala voluntatibus subditae, id est in corporibus. Nam in seipsis mala voluntates habent interiorum poenam suam, eamdem ipsam iniquitatem suam.

CAPUT XXIV. — *Quænam beatis Angelis subditæ creature.*

45. Ac per hoc sublimibus Angelis Deo subdit frumentibus, et Deo beate servientibus, subdita est omnis natura corporea, omnis irrationalis vita, omnis voluntas vel infirma vel prava; ut hoc de subditis vel cum subditis agant, quod naturae ordo poscit in omnibus, jubente illo cui subjecta sunt omnia. Proinde illi in illo veritatem incomutabilem vident, et secundum eam suas dirigunt voluntates. Fiunt ergo illi participes aeternitatis, veritatis, voluntatis ejus semper<sup>1</sup>, sine tempore et loco. Moveantur autem ejus imperio etiam temporaliter, illo non temporaliter moto. Nec ita ut ab ejus contemplatione resiliant aut defluant; sed simul et illum sine loco ac tempore contemplantur, et ejus in inferioribus jussa perficiunt, moventes se per tempus, corpus autem per tempus et locum, quantum eorum congruit actioni. Et ideo Deus bipartito providentiae sue operæ praest universæ creaturæ; naturis, ut sicut; voluntatibus autem, ut sine suo jussu vel permissu nihil faciant.

CAPUT XXV. — *Natura universitatis, partesque ejus quomodo a Deo administrantur.*

46. Natura igitur universitatis corporalis non adjuvatur extrinsecus corporaliter. Neque enim est extra eam ullum corpus, alioquin non est universitas. Intrinsecus autem adjuvatur incorporaliter, Deo id agente ut omnino natura sit; quoniam ex ipso et per ipsum et in ipso sunt omnia (Rom. xi, 36). Partes vero ejusdem universitatis et intrinsecus incorporaliter adjuvantur, vel potius fiunt, ut naturae sint; et extrinsecus corporaliter, quo se melius habent, sicut

<sup>1</sup> Edū, articulat. Nas., atriculi.

<sup>2</sup> Sic MSS. At editi, voluntatem ejus semper facientes.

alimentis, agricultura, medicina, et quaecumque etiam ad ornatum sunt, ut non solum salve ac secundiores, verum etiam decentiores sint.

47. Spiritualis autem creata natura si perfecta atque beata est, sicut Angelorum sanctorum, quantum attinet ad seipsam, quo sit, sapiensque sit, nonnisi intrinsecus incorporaliter adjuvatur. Intus ei quippe loquitur Deus miro et ineffabili modo, neque per scripturam corporalibus instrumentis affixam, neque per voces corporalibus auribus insonantes, neque per corporum similitudines, quales in spiritu imaginatim interius sunt, sicut in somnis, vel in aliquo excessu spiritus, quod grecce dicitur *extasis*, et nos eo verbo jam utimur pro latino : quia et hoc genus visionum, quamvis interius sunt quam sunt ea quae animo per sensus corporis nuntiantur; tamen quia simile est eis, ita ut cum sit, discerni ab eis aut omnino non possit, aut certe vix et rarissime possit, et quia exterioris est quam illud quod in ipsa incommutabili veritate mens rationalis et intellectualis intuetur, eaque luce de his omnibus judicat; inter illa que extrinsecus sunt arbitror esse deputandum. Creatura ergo spiritualis et intellectualis perfecta et beata, qualis Angelorum est, sicut dixi, quantum attinet ad seipsam quo sit, sapiensque ac beata sit, nonnisi intrinsecus adjuvatur aeternitate, veritate, charitate Creatoris. Extrinsecus vero si adjuvari dicenda est, eo fortasse solo adjuvatur, quod invicem vident, et de sua societate gaudent in Deo, et quod perspectis etiam in eis ipsis omnibus creaturis, undique gratias agit laudatque Creatorem. Quod autem attinet ad creaturam angelicam actionem, per quam universarum rerum generibus, maximeque humano providentia Dei prospicitur; ipsa extrinsecus adjuvat, et per illa visa quae similia sunt corporalibus, et per ipsa corpora quae angelicæ subjacent potestati.

CAPUT XXVI. — *Deus semper idem et immotus administrat omnia.*

48. Quae cum ita sint, cum Deus omnipotens et omnitenens, incommutabili aeternitate, veritate, voluntate semper idem, non per tempus nec per locum motus, movet per tempus creaturam spiritualem, movet etiam per tempus et locum creaturam corporalem; ut eo motu naturas quas intrinsecus substituit, etiam extrinsecus<sup>1</sup> administret, et per voluntates sibi subditas, quas per tempus, et per corpora sibi atque illis voluntatibus subdita, que per tempus et locum movet, eo tempore ac loco cuius ratio in ipso Deo vita est sine tempore ac loco : cum ergo tale aliquid Deus agit, non debemus opinari ejus substantiam qua Deus est, temporibus locisque mutabilem, aut per tempora et loca mobilem, sed in opere divinæ prouidencie ista cognoscere; non in illo opere quo naturas creat, sed in illo quo extrinsecus creates etiam extrinsecus administrat, cum sit ipse, nullo locorum vel intervallo vel spatio, incommutabili excellentique potentia et interior omni re, quia in ipso sunt omnia, et exterior omni re, quia ipse est super omnia. Item

<sup>1</sup> MSS. aliquot hic et paulo infra, etiam intrinsecus.

nullo tempore vel intervallo vel spatio, incommutabili aeternitate et antiquior est omnibus, quia ipse est ante omnia, et novior omnibus, quia idem ipse post omnia.

CAPUT XXVII. — *Quomodo locutus sit Deus Adae.*

49. Quapropter cum audimus Scripturam dicentem, *Et præcepit Dominus Deus Adæ, dicens: Ab omni ligno quod est in paradiſo esca edes; de ligno autem cognoscendi bonum et malum, non manducabis de illo. Qra die autem ederis ne eo, morte morieris;* si modum querimus quomodo ista locutus sit Deus, modus quidem ipse a nobis propriè comprehendendi non potest: certissime tamen tenere debemus, Deum aut per suam substantiam loqui, aut per sibi subditam creaturam; sed per substantiam suam non loqui nisi ad creandas omnes naturas, ad spirituales vero atque intellectuales non solum creandas, sed etiam illuminandas, enī jam possunt capere locutionem ejus, qualis est in Verbo ejus quod in principio erat apud Deum, et Deus erat Verbum, per quod facta sunt omnia (*Ioan. i, 1-3*). Illig autem qui eam capere non possunt, cum loquitur Deus, nonnisi per creaturam loquitur, aut tantummodo spiritualem, sive in somnis, sive in ecstasi in similitudine rerum corporalium; aut etiam per ipsam corporalem, dum sensibus corporis vel aliqua species appetet, vel insonant voces.

50. Si ergo Adam talis erat, ut posset capere illam locutionem Dei, quam mentibus angelicis per suam præbet substantiam; non dubitandum est quod ejus mentem per tempus moverit miro et ineffabili modo, non motus ipse per tempus, eique utile ac salubre præceptum veritatis impresserit, et que transgressorū poena deberetur, ea ipsa ineffabiliter veritate instraverit: sicut audiuntur vel videntur omnia bona præcepta in ipsa incommutabili Sapientia, que in animas sanctas se transfert (*Sap. vii, 27*) ex aliquo tempore, cum ipsis nullus sit motus in tempore. Si autem ad eum modum Adam justus erat, ut ei adhuc opus esset alterius creaturæ sanctioris et sapientioris auctoritas, per quam cognosceret Dei voluntatem atque jussionem, sicut nobis Prophetæ, sicut ipsis Angeli; cur ambigimus per aliquani hujusmodi creaturam ei esse locutum Deum, talibus vocum signis que intelligere posset? Illud enim quod postea scriptum est, cum peccassent eos audisse vocem Domini Dei ambulantis in paradiſo (*Gen. iii, 8*), quia non per ipsam Dei substantiam, sed per subditam ei creaturam factum est, nullo modo dubitat qui fidem catholicam sapit. Ad hoc enim et aliquanto latius de hac re disserere volui, quia nonnulli heretici (*a*) putant substantiam Filii Dei nullo assumpto corpore per seipsam esse visibilem, et ideo antequam ex Virgine corpus acciperet, ipsum visum esse Patribus oportebat, tanquam de solo Deo Patre dictum sit, *Quem nemo hominum vidit, nec videre potest* (*I Tim. vi, 16*); quia Filius visus sit ante acceptam servi formam, etiam per ipsam substantiam suam: que impietas

(a) Ariani.

procul a catholicis mentibus repellenda est. Sed de hoc plenius alias, si Domino placuerit, disseremus: nunc terminato isto volumine, id quod sequitur,

quomodo sit mulier ex viri sui latere creata, in consequentibus parandum est.

## LIBER NONUS.

de eo quod legitur, Gen. cap. 2, vers. 18: *Et dixit Dominus Deus: Non est bonum hominem esse solum, etc., unque ad illud, vers. 24: Et erunt duo in carne una.*

**CAPUT PRIMUM.** — *Cur dictum sit, Et finxit Deus adhuc de terrâ, etc. De Terræ vocabulo.*

1. *Et dixit Dominus Deus: Non bonum est hominem esse solum; faciamus ei adiutorium secundum ipsum. Et finxit Deus adhuc de terra omnes bestias agri, et omnia volatilia cœli, et adduxit illa ad Adam, ut videret quid vocaret illa. Et omne quodcumque vocavit illud Adam animam vivam, hoc est nomen ejus. Et vocavit Adam nomina omnibus pecoribus, et omnibus volatilibus cœli, et omnibus bestiis agri. Ipsi autem Adam non est inventus adiutor similis ei. Et immisit Deus ecstasim in Adam, et obdormivit. Et accepit unam costarum ejus, et adimplevit carnem in loco ejus: et adflicavit Dominus Deus costam, quam accepit de Adam, in mulierem; et adduxit eam ad Adam. Et dixit Adam: Hoc nunc os ex ossibus meis, et caro de carne mea; hæc vocabitur mulier, quoniam ex viro suo sumpta est. Et propter hoc relinquit homo patrem et matrem, et conglutinabit uxori suæ; et erunt duo in carne una. Si aliquid adjuvant lectorem, quæ in libris superioribus considerata atque conscripta sunt, non debemus in hoc diutius immorari, quod finxit adhuc Deus de terra omnes bestias agri, et omnia volatilia cœli: cur enim dictum sit, adhuc, id est, proprie<sup>1</sup> primam conditionem creaturarum sex dicibus consummatam, in qua causaliter perfecta sunt omnia simul et inchoata, ut deinde ad effectus suos causæ perducerentur, jam quantum potius, in precedentibus intimavimus (Lib. 6, cap. 5). Et si quis hoc aliter enodandum putat, tantum diligenter attendat illa omnia, quæ ut hoc sentiremus attendimus; et si probabiliorem inde potuerit enucleare sententiam, non solum resistere non debemus, sed debemus etiam gratulari.*

2. *Si quem autem movet quia non dixit, Finxit Deus adhuc de terra omnes bestias agri, et de aquis omnia volatilia cœli, sed tanquam utraque genera de terra finxerit, Et finxit, inquit, Deus adhuc de terra omnes bestias agri, et omnia volatilia cœli; videat duobus modis esse intelligendum: aut lacuisse nunc unde finixerit volatilia cœli, quia et tacitum posset occurere, ut non de terra utrumque accipiatur Deum finxisse, sed tantummodo bestias agri; ut volatilia cœli etiam taceat Scriptura intelligamus unde finixerit, velut qui sciamus in prima causalium rationum conditione ex aquis ea esse producta: aut terram universaliter sic appellatam simul cum aquis, quemad-*

modum appellata est in illo psalmo, ubi coelestium laudibus terminatis, ad terram facta est conversio sermonis, et dictum, *Laudate Dominum de terra, dracones et omnes abyssi, etc. (Psalm. cxlviii, 7)*, nec postea dictum est, *Laudate Dominum de aquis. Ibi enim sunt omnes abyssi, quæ tamen de terra laudent Dominum: ibi etiam reptilia et volatilia pennata, quæ nihilominus de terra laudent Dominum. Secundum istam universalem appellationem terræ, secundum quam etiam de toto mundo dicitur, Deus qui fecit cœlum et terram, sive de arida sive de aquis quæcumque creata sunt, de terra creata veraciter intelliguntur.*

**CAPUT II.** — *Quomodo id locutus sit Deus: Non est bonum, etc.*

3. Nunc jam videamus quomodo accipendum sit quod dixit Deus, *Non est bonum esse hominem solum; faciamus ei adiutorium secundum ipsum: utrum temporaliter vocibus ac syllabis editis hoc dixerit Deus; an ipsa ratio commemorata est, quæ in Verbo Dei principaliter erat, ut sic semina fieret: quam rationem suscipiebat etiam tunc Scriptura cum dicaret, Et dixit Deus, Fiat hoc aut illud, quando primitus omnia condabantur. An forte in mente ipsius hominis hoc dixit Deus, sicut loquitur quibusdam servis suis in ipsis servis suis? Ex quo genere servorum ejus erat etiam ille qui dixit in Psalmo: *Audiam quid loquatur in me Dominus Deus (Psalm. lxxxiv, 9).* An aliqua de hac re ipsi homini in ipso homine per angelum est facta revelatio in similitudinibus vocum corporalium, quamvis lacuerit Scriptura utrum in somnis, an in ecstasi; ita enim fieri hæc solent: an aliquo alio modo, sicut revelatur Prophetis; unde illud est, Et dixit mihi angelus qui loquebatur in me (Zach. ii, 3): an per corporalem creaturam vox ipsa sonuerit, sicut de nube, *Hic est Filius meus (Matthew. iii, 17).* Quid ergo ex his omnibus factum sit, ad liquidum comprehendere non valemus; verumtamen certissime teneamus et dixisse hoc Deum, et si corporali voce vel temporaliter expressa similitudine corporis dixit, non eum per substantiam suam, sed per aliquam imperio suo subditam dixisse creaturam, sicut in libro praecedente tractavimus (Cap. 27).*

4. Nam visus est Deus etiam postea sanctis viris, alias capite albo sicut lana, alias inferiore parte corporis sicut aurichalcum (Apoc. i, 14, 15), alias aliter atque aliter: non tamen illas visiones hominibus per substantiam quæ ipse est, sed per sibi subditas quæ creavit, cum præbuisse, et per similitudines formarum vocum corporallum, quod voluit ostendisse ac

(Treize.)

<sup>1</sup> Legebatur in editis, præter At in MSS., proprie<sup>1</sup>, quod in eundem sensum reddit.

dixisse, certissimum est eis qui substantiam Trinitatis incommutabiliter aeternam, nec per tempus nec per locum moveri, et per tempus et per locum mouere vel fideliter credunt, vel etiam excellenter intelligunt. Non ergo jam quæramus quomodo istud dixerit, sed potius intelligamus quid dixerit. Adjutorium quippe homini secundum ipsum suisse faciendum, aeterna ipsa veritas habet, per quam creata sunt omnia; et in illa hoc audit qui potest in ea cognoscere quid quare creatum sit.

CAPUT III. — *Mulier in adjutorium propter sobolem facta.*

5. Si autem quæritur, ad quam rem fieri oportuerit hoc adjutorium, nihil aliud probabiliter occurrit, quam propter filios procreandos, sicut adjutorium semini terra est, ut virgultum ex utroque nascatur: hoc enim et in prima rerum conditione dictum erat, *Masculum et feminam fecit eos, et benedixit eos Deus, dicens: Crescite, et multiplicamini, et implete terram, et dominamini ejus* (Gen. i, 27, 28). Quæ ratio conditionis et conjunctionis masculi et feminæ atque benedictio, nec post peccatum hominis pœnamque defecit. Ipsa enim est secundum quam nunc terra hominibus plena est dominantibus ejus.

6. Quanquam enim jam emissi de paradiſo conuenisse et genuisse commemoarentur; tamem non video quid prohibere potuerit, ut essent eis etiam in paradiſo honorabiles nuptiæ, et torus immaculatus (*Hebr. xiii, 4*): hoc Deo præstante fideliter justeque viventibus, eisque obedientier sancteque servientibus, ut sine ullo inquieto ardore libidinis, sine ullo labore ac dolore pariendi, fetus ex corum semine gignerentur; non ut morientibus parentibus filii succederent, sed ut illis qui genuissent in aliquo formæ statu manentibus, et ex ligno vitæ, quod ibi plantatum erat, corporalem vigorem sumentibus, et illi qui gignerentur ad eumdem perducerent statum, donec certo numero impleto, si juste omnes obedientierque viverent, tunc fieret illa commutatio, ut sine ulla morte animalia corpora conversa in aliam qualitatem, eo quod ad omnem nutum regenti se spiritui deservirent, et solo spiritu vivificante sine ullis alimentorum corporalium sustentaculis viverent, spiritualia vocarentur. Potuit hoc fieri, si non præcepti transgressio mortis supplicium miceretur.

7. Qui enim hoc fieri potuisse non credunt, nihil aliud quam consuetudinem naturæ jam post peccatum pœnamque humanam sic currentis attendunt: non autem in corum genere nos esse debemus, qui non credunt nisi quod videre consueverunt. Quis enim dubitet homini obedienter et pie viventi præstari potuisse quod diximus, qui non dubitat vestibus Israelitarum imperium casæ quemdam in suo genere statum, ut per annos quadraginta nulla vetustatis detrimenta paterneretur (*Deut. xxix, 5*)?

CAPUT IV. — *Quare non coierint primi parentes in paradiſo.*

8. Cur ergo non coierunt, nisi cum exiissent de paradiſo? Cito responderi potest, Quia mox creata mulie-

re, prius quam coirent, facta est illa transgressio, cuius merito in mortem destinati, etiam de loco illius felicitatis exierunt. Non enim Scriptura tempus expressi, quantum interfuerit inter eos factos, et ex eis natum Cain. Potest etiam dici quia nondum Deus jusserset ut coirent. Cur enim non ad hanc rem divina exspectaret auctoritas, ubi nulla concupiscentia tanquam stimulus inobedientis carnis urgebat? Ideo autem hoc non jusserset Deus, quia secundum suam præscientiam disponebat omnia, in qua et eorum casum procul dubio præsciebat, unde jam mortale genus propagandum esset humanum.

CAPUT V. — *Mulier facta in adjutorium non alia quam sobolis causa.*

9. Aut si ad hoc adjutorium gignendi filios, non est facta mulier viro, ad quod ergo adjutorium facta est? Si quæ simul operaretur terram; nondum erat labor ut adjumento indigeret, et si opus esset, melius adjutorium masculus fieret: hoc et de solatio dici potest, si solitudinis fortasse tñdebat. Quanto enim congruentius ad convivendum et colloquendum duo amici pariter quam vir et mulier habitarent? Quod si oportebat alium jubendo, alium obsequendo pariter vive-re, ne contrarie voluntates pacem cohabitantium perturbarent; nec ad hoc retinendum ordo defuisse, quo prior uous, alter posterior, maxime si posterior ex priore crearetur, sicut semina creata est. An aliquis dixerit de costa hominis Deum feminam tantum, non etiam masculum, si hoc vellet, facere potuisse? Quapropter non invenio ad quod adjutorium facta sit mulier viro, si pariendi causa subtrahitur.

CAPUT VI. — *Filiorum successio qualis si Adam non peccasset.*

10. Nam si parentes filiis suis cedere ex hac vita oportebat, ut ita omne humanum genus per decessiones et successiones certa numerositate impleretur, potuerunt etiam homines genitis filiis, perfectaque humani officii justitia, hinc ad meliora transferri, non per mortem, sed per aliquam commutationem, aut illam summam qua receptis corporibus flent sancti sicut Angeli in cœlis (*Math. xxii, 30*); aut si illam dari non oportet, nisi omnibus simul in seculi fine, aliquam inferiorem quam illa erit: quæ tamen haberet meliorem statum, quam vel hoc corpus habet, vel illa etiam quæ primus facta sunt, viri ex limo terræ, mulieris ex viri carne.

11. Neque enim arbitrandum est Eliam vel sic esse jam sicut erunt sancti, quando peracto operis die decanum pariter accepturi sunt (*Id. xx, 10*); vel sic quemadmodum sunt homines qui ex ista vita nondum emigrarunt, de qua ille tamen non morte, sed translatione migravit (*IV Reg. ii, 11*). Jam itaque aliquid melius habet, quam in hac vita posset; quamvis nondum habeat quod ex hac vita recte gesta in fine habiturus est: pro nobis enim meliora providerunt<sup>4</sup>, ne sine nobis perfecti perficerentur (*Hebr. xi, 40*). Aut si quisquam putat hoc Eliam mereri non potuisse, si

<sup>4</sup> *Mas. tres, provisa sunt. Alii, prorid: sunt: uti passum Augustinus ex Hebr. ii, ad quem locum hic alludit.*

daxisset uxorem, filiosque procreasset (creditur enim non habuisse, quia hoc Scripturā non dixit, quamvis et de celibatu ejus nihil dixerit); quid de Enoch respondebit, qui filiis genitis Deo placens non mortuus, sed translatus est<sup>1</sup> (*Gen. v, 24*)? Cur ergo et Adam et Eva, si juste viventes caste filios procreassent, non eis possent translatione, non morte, succedentibus cedere? Nam si Enoch et Elias in Adam mortui, mortisque propaginem in carne gestantes, quod debitum ut solvant, creduntur etiam reddituri ad hanc vitam, et, quod tamdiu dilatum est, morituri (*Malach. iv, 5*; et *Apoc. xi, 3-7*), nunc tamen in alia vita sunt, ubi ante resurrectionem carnis, antequam animale corpus in spirituale mutetur, nec morbo nec senectute deficiunt: quanto justius atque probabilius primis illis hominibus præstaretur, sine ullo suo parentumve peccato viventibus, ut in meliorem aliquem statum filiis genitis cederent, unde saeculo finito cum omni posteritate sanctorum, in angelicam formam, non per carnis mortem, sed per Dei virtutem multo felicius mutarentur?

CAPUT VII. — *Mulier pariendi causa. Unde laudabilitas virginitas et nuptiæ. Matrimonii triplex bonum.*

12. Non itaque video ad quod aliud adjutorium mulier facta sit viro, si generandi causa subtrahitur: quæ nihilominus quare subtrahatur ignoro. Unde enim magnum magnique honoris meritum apud Deum fidelis et pia virginitas habet, nisi quia isto jam tempore contineendi ab amplexu cum ex omnibus gentibus ad implendum sanctorum numerum largissima suppetat copia, percipiendæ sordidæ voluptatis libido non sibi vindicat quod jam sufficiendæ prolis necessitudo non postulat? Denique utriusque sexus infirmitas propendens in ruinam turpitudinis, recte excipitur honestate nuptiarum, ut quod sanis esse posset officium, sit ægrotis remedium. Neque enim quia incontinentia malum est, ideo connubium, vel quo incontinentes copulantur, non est bonum: imo vero non propter illud malum culpabile est hoc bonum, sed propter hoc bonum veniale est illud malum; quoniam id quod bonum habent nuptiæ, et quo bona sunt nuptiæ peccatum esse nunquam potest. Hoc autem tripartitum est; fides, proles, sacramentum. In fide attenditur ne præter vinculum conjugale, cum altera vel altero concumbaratur: in prole, ut amanter suscipiantur, benigne nutritiatur, religiose educetur: in sacramento autem, ut conjugium non separetur, et dimissus aut dimissa nec causa prolis alteri conjungatur. Hæc est tanquam regula nuptiarum, qua vel naturæ decoratur secunditas, vel incontinentia regitur præfatas. Unde quia satis disserimus in eo libro quem de Bono Conjugali nuper edidimus, ubi et continentiam vidualem et excellentiā virginalem pro suorum graduum dignitate distinximus, diutius hic noster stilus non est occupandus.

CAPUT VIII. — *Fuga vitiiorum in contraria.*

13. Nunc enim querimus cui adjutorio mulier facta sit viro, si eis ad gignendos filios misceri sibimet in paradiſo non licebat. Qui enim hoc sentiunt, forte

peccatum esse omnem concubitum putant. Difficile est namque, ut dum perverse homines vitia devitant, non in eorum contraria perniciter currant. Etenim sicut exhorrens avaritiam, sit profusus; aut exhorrens luxuriam, sit avarus; aut inquietus sit, cuius pigritiam reprehenderis; aut cuius inquietudinem, piger; aut qui reprehensus odise cœperit audaciam suam, ad timiditatem fugit; aut qui timidus non esse conatur, tanquam abrupto vinculo sit temerarius, dum non ratione, sed opinione crimina metiuntur: ita dum nesciunt homines quid in adulteriis et fornicationibus divino iure damnetur, etiam causa procreandi conjngalem concubitum detestantur.

CAPUT IX. — *Mulier propter gignendos filios, etiamsi ex peccato non fuisset necessitas moriendi.*

14. Quod qui non faciunt, sed tamen fecunditatem carnis propter successionem mortalitatis divinitus datum sentiunt; nec ipsi putant primos illos homines potuisse concubere, nisi, propter peccatum quod admirerant morituri, gignendo requirent successores: nec attendunt, si recte potuerunt successores quæri morituri, multo rectius socios quæri potuisse victuris. Impleta enim terra genere humano, recte proles nonnisi quæ morientibus succederet, quærceretur: ut autem per duos homines terra impleretur, quomodo ipsi, nisi gignendo, osculum societatis implerent? An vero ita quis excus est mente, ut non certat quanto terris ornamento sit genus humanum, etiam cum a paucis recte laudabiliterque vivatur; quantumque valeat ordo reipublicæ, in cujusdam pacis terrenæ vinculum coercens etiam peccatores? Neque enim tantum depravati sunt homines, ut non etiam tales pecoribus et volatilibus antecillant; quorum tamen omnium generibus hanc infirmam mundi partem pro sui loci sorte decoratam, quem non considerare delectet? Quis autem ita sit excors, ut putet minus cam ornari potuisse, si justis non morientibus impleretur?

15. Nam quia numerosissima est superna civitas Angelorum, ideo non recte connubio copularentur, nisi morerentur. Hanc quippe numerositatem perfectam etiam in resurrectione sanctorum Angelis sociandam Dominus præsciens ait, *In resurrectione neque nubent, neque uxores ducent; non enim incipient mori, sed erunt æquales Angelis Dei* (*Matth. xxii, 30*): hic vero cum implenda esset hominibus terra, et eam, propter cognationis arciorem necessitudinem et unitatis vinculum maxime commendandum, ex uno oportet impleri; propter quid aliud secundum ipsum quæsusus est semineus sexus adjutor, nisi ut serentem genus humanum natura muliebris, tanquam terre secunditas, adjuvaret?

CAPUT X. — *Libidinis morbus ex peccato.*

16. Quamvis honestius meliusque credatur, ita suisce tunc illorum hominum corpus animale constitutorum in paradiso, nondum mortis lege damnatum, ut non haberent appetitum carnalis voluptatis, qualis nunc habent ista corpora, quæ jam ex mortis propagatione ducta sunt. Neque enim nihil est in eis factum, cum de ligno prohibito edissent: quandoquidem Deus

<sup>1</sup> Editi, sed virus translatus est. Abest virus a MSS.

*dixerat, non. Si ederitis, morte moriemini; sed, Quod die ederitis, morte moriemini (Gen. ii, 17) : ut hoc ipsum in eis illa saceret dies, quod Apostolus gemit dicens, Condelector legi Dei secundum interiorem hominem; video autem aliam legem in membris meis, repugnantem legi mentis meae, et captivitatem me in lege peccati, que est in membris meis. Infelix ego homo, quis me liberabit de corpore mortis hujus? Gratia Dei per Jesum Christum Dominum nostrum (Rom. vii, 22, 25). Non enim sufficeret ei, si diceret, Quis me liberabit de hoc mortali corpore? sed, de corpore, inquit, mortis hujus. Sicut etiam illud, Corpus quidem, inquit, mortuum est propter peccatum (Id. viii, 10) : nec ibi ait mortale, sed mortuum; quamvis utique et mortale, quia moriturum. Non ita credendum est suis illa corpora, sed licet animalia, nondum spiritualia, non tamen mortua, id est, quae necesse esset ut morerentur: quod eo die factum est, quo lignum contra vetitum<sup>1</sup> tetigerunt.*

47. *Sicut in ipsis nostris corporibus quedam pro suo modo sanitas dicitur, quae si perturbata sic fuerit, ut letalis morbus jam viscera depascatur, quo inspecto, medici mortem immunere pronuntient; mortale utique corpus etiam tunc dicitur, sed aliter quam cum esset sanum, quamvis quandoque sine dubio moritum: ita illi homines animalia quidem corpora gerentes, sed non moritura nisi peccassent, acceptura autem angelicam formam coelestemque qualitatem, mox ubi praeceptum transgressi sunt, eorum membris velet aliqua agitudo letalis, mors ipsa concepta est; mutavitque illam qualitatem, qua corpori sic dominabantur, ut non dicarent, Video aliam legem in membris meis, repugnantem legi mentis meae; quia etsi nondum spirituale, sed animale corpus erat, nondum tamen erat mortis hujus, de qua et cum qua nati sumus. Quid enim aliud, non dicam nati, sed omnino concepi, nisi aegritudinem quamdam inchoavimus, qua sumus necessario morituri? Neque enim tam necesse est eum ipso morbo mori, qui hydrops, vel dysentericus, vel elephantiosus factus fuerit, quam eum qui hoc corpus habere cœperit, in quo omnes homines natura sunt illi iræ (Ephes. ii, 3), quia hoc non fecit nisi pœna peccati.*

48. *Quæcum ita sint, cur non credamus illos homines ante peccatum ita genitalibus membris ad procreandos filios imperare posuisse, sicut cœteris, quæ in quolibet opere anima sine ulla molestia, et quasi pruritu voluptatis movet? Si enim Creator omnipotens ineffabiliterque laudandus, qui et in minimis suis operibus magnus est, apibus donavit ut sic operentur generationem filiorum, quemadmodum ceræ speciem liquoremque nelli; cur incredibile videatur primis hominibus talia fecisse corpora, ut si non peccassent, et morbum quendam quo morerentur, continuo non conceperissent, eo natus imperarent membris quibus fetus exoritur, quo pedibus cum ambulatur, ut neque cum ardore seminaretur, neque cum dolore pareretur. Nunc vero transgrediendo praeceptum, motum legis illius, quæ repugnat legi mentis, in membris conce-*

<sup>1</sup> sic Mus. In editio, quo lignum vetitum.

plæ mortis habere meruerunt; quem nuptiæ ordinant, continentia cohibet et refrenat, ut quemadmodum de peccato factum est supplicium, sic de supplicio fiat meritum.

CAPUT XI. — *Femineus sexus conformatus propter sobolem, non tamen cum libidine, nisi homo peccasset, procreandam. Obedientia.*

49. Factam itaque feminam viro, in eo sexu, in ea forma et distinctione membrorum, qua feminæ notæ sunt; quæ peperit Cain et Abel, et omnes fratres eorum, ex quibus omnes homines nascerentur, in quibus peperit etiam Seth (Gen. iv, 1 et 25), per quem venit ad Abraham et ad populum Israel, gentemque omnibus jam notissimam gentibus, et per Noë filios omnes gentes; quisquis dubitaverit, omnia cogit nutare quæ credimus, longeque a fideliū mentibus repellendus est. Cum ergo queritur ad quod adjutorium factus sit ille sexus viro, diligenter, quantum valeo, cuncta consideranti, nonnisi causa prolis occurrit, ut per eorum stirpem terra impleretur; sed non eo modo procreatam, quo nunc procreatūr homines, cum inest peccati lex in membris repugnans legi mentis, etiamsi per Dei gratiam virtute superatur: hoc enim esse non potuisse credendum est, nisi in corpore mortis hujus, quod corpus mortuum est propter peccatum. Et quid hac pena justius, quam ut non ad omnem nutum serviat corpus, id est, suus famulus animæ, sicut Domino suo detrectavit ipsa servire; sive utrumque ex parentibus creet Deus, corpus ex corpore, animam ex anima; sive alio modo faciat animas: non utique ad opus impossibile nec mercede parva, ut cum anima pietate Deo subdita legem istam peccati, que est in membris corporis mortis hujus, quam primus homo accepit in pœnam, vicerit ipsa per gratiam, præmium coeleste percipiat majore gloria, demonstrans quanta sit laus obedientiæ, quæ alienæ inobedientiæ pœnam potuit virtute superare?

CAPUT XII. — *Animalia vere adducta esse ad Adam, ut iis nomina imponeret: sed huc re gesta aliquid figurari.*

20. Sed quoniam cui adjutorio femina facta sit viro, satis, quantum existimo, requisitum est; illud jam videamus quare sit factum, quod adductæ sunt ad Adam omnes bestiæ agri, et omnia volatilia cœli, ut eis nomina imponeret; alque ita velut necessitas oriretur creandi ei feminam ex ejus latere, cum inter illa animalia simile illi adjutorium non fuisset inventum. Videtur enim mihi propter aliquam significationem propheticam factum, sed tamen factum, ut re gesta confirmata figuræ interpretatio libera relinquatur. Quid est enim hoc ipsum quod volatilis terrestribusque animalibus, non etiam piscibus atque omnibus naturalibus Adam nomina imposuit? : i enim linguae humane consuluntur, sic appellantur haec omnia, quæ admodum eis homines loquendo nomina imposuerunt. Non solum haec quæ sunt in aquis et terris, verum etiam ipsa terra, et aqua, et cœlum, et quæ videntur in cœlo, et quæ non videntur, sed creduntur, pro diversitate linguarum gentium, diversis nominibus ap-

pellantur. Unam sane linguam primitus fuisse didicimus, antequam superbia turris illius post diluvium fabricatae, in diversos signorum sonos humanam divideret societatem (*Gen. xi, 1-8*). Quæcumque autem illa lingua fuerit, quid attinet querere? Illa certe tunc loquebatur Adam, et in ea lingua, si adhuc usque permanet, sunt istæ voces articulatæ, quibus primus homo animalibus terrestribus et volatilibus nomina imposuit. Num igitur ullo modo credibile est, in eadem lingua nomina piscium non ab homine, sed divinitus instituta, quæ Deo docente homo postea diseret? Quod si ita etiam factum esset, quare ita factum esset, procul dubio mystica significatio resonaret. Sed credendum est, paullatim cognitis piscium generibus nomina imposita: tunc autem cum pecora, et bestiæ, et volatilia ad hominem adducta sunt, ut eis ad se congregatis, generatimque distinctis, nomina imponeret, quibus etiam ipsis paullatim, et multo citius quam piscibus, si hoc factum non esset, posset nomina imponere; quid fuit causæ, nisi ratio aliquid significandi, quod ad prænuntiationem futurorum valereret? Cui rei maxime ordo narrationis hujus invigilat.

21. Deinde, numquid ignorabat Deus, nihil tale se creasse in naturis animalium, quod simile adjutorium posset esse homini? An opus erat ut hoc etiam ipse homo cognosceret, et eo commendatiorem haberet uxorem suam, quod in omni carne creata sub cœlo, et de hoc aere sicut ipse vivente, nihil ejus simile invenierit? Mirum si hoc scire non posset, nisi omnibus ad se adductis atque perspectis. Si enim Deo credebat, posset hoc illi eo modo dicere, quomodo et præceptum dedit, quomodo et peccantem interrogavit, atque judicavit. Si autem non credebat, profecto neque hoc scire poterat, utrum ad eum omnia ille, cui non credebat, adduxerit; an forte in aliquibus ab illo remotoribus terræ partibus aliqua ei similiæ, quæ non demonstrasset, absconderit. Non itaque arbitror dubitandum hoc alicujus propheticæ significationis gratia factum, sed tamen factum.

22. Neque hoc opere suscepimus prophetica ænigmata perscrutari, sed rerum gestarum fidem ad proprietatem historiæ commendare, ut quod impossibile videri vanis atque incredulis potest, aut ipsi auctorati sanctæ Scripturæ velut testificatione contraria repugnare, id pro meis viribus, quantum Deus adjuvat, disserendo demonstrem, neque impossibile esse, neque contrarium; quod autem possibile quidem apparet, nec habet ullam speciem repugnantiae, sed tamen quasi superfluum, vel etiam stultum quibusdam videri potest, hoc ipsum disputando demonstrem, quod ideo non<sup>1</sup> tanquam rerum gestarum naturali vel usitato ordine factum est, ut cordibus nostris fidelissima sanctorum Scripturarum auctoritate prædata, quia stultum esse non potest, mysticum esse creditur, quamvis ejus expositionem vel inquisitionem aut alibi jam exhibuerimus, aut in tempus aliud differamus.

<sup>1</sup> Negationem hic restituimus ex MSS.; quæ quidem in excessu innumerito rejecta fuerat ad marginem.

CAPUT XIII. — *Formatio mulieris eo modo quo nascitur facta est, ut quidpiam prænuntiareetur.*

23. Quid ergo sibi vult etiam illud, quod mulier viri de latere facta est? Verum esto propter ipsius conjunctionis vim commendandam hoc ita fieri oportuisse credamus; numquid etiam ut dormienti fieret, eadem ratio vel necessitas flagiabat; ut denique osso detracto, in cuius locum caro suppleretur? Num enim non potuit ipsa caro detrahi, ut inde congruentius, quod sit sexus infirmior, mulier formaretur? An vero tam multis additis, costam Deus adficare potuit in mulierem, et carnem pulpamve non potuit, qui de pulvere ipsum hominem fecit? Aut si jam costa fuerat detrahenda, cur non altera pro ea costa reposita est? Cur etiam non dictum est, Finxit, aut, fecit sicut in omnibus supra operibus; sed, ædificavit, inquit, *Dominus Deus illam costam*, non tanquam corpus humanum, sed tanquam domum? Non est itaque dubitandum, quoniam hæc facta sunt et stulta esse non possunt, ob aliquid significandum esse facta, fructum futuri sæculi ab ipso jam primordio generis humani Deo præscio in ipsis suis operibus misericorditer prædicante; ut certo tempore servis suis, sive per hominum successiones, sive per suum Spiritum vel Angelorum ministerium revelata atque conscripta, et promittendis rebus futuris et recognoscendis impletis testimonium perhiberent: quod magis magisque in consequentibus apparebit.

CAPUT XIV. — *Quomodo animalia adducta ad Adam.*

24. Videamus ergo, quod isto opere suscepimus, non secundum præfigurationem rerum futurarum, sed secundum rerum gestarum non allegoricam, sed propriam significationem, quemadmodum hæc accipi possint: *Et finxit Deus*, inquit, *adhuc de terra onques bestias agri, et omnia volatilia cœli;* unde jam quod visum est, et quantum visum est, disseruimus. *Et adduxit omnia ea ad Adam*, ut videret quid ea vocaret. Quomodo hæc adduxerit Deus ad Adam, ne carnaliter sapiamus, adjuvare nos debet quod de bipartito opere divinæ providentie in libro superiori tractavimus (*Cap. 9, 19-26*). Neque enim sicut indagant atque adiungunt venantes vel aucupantes ad retia, quæcumque animantia capiunt, ita hoc factum esse credendum est; aut vox aliqua jussionis de nube facta est eis verbis, quæ rationales animæ audientes, intelligere, atque obedire assolent. Non enim hoc acceperunt ut possint bestiæ, vel aves: in suo tamen genere obtemperant Deo; non rationali voluntatis arbitrio, sed sicut movet ille omnia temporibus opportunis, non ipse temporaliter motus, per angelica ministeria, quæ capiunt in verbo ejus quid quo tempore fieri debat: et illo non temporaliter moto, moventur ipsa temporaliter ut in iis quæ sibi subjecta sunt, jussa ejus efficiant.

25. Omnis enim anima viva, non solum rationalis, sicut in hominibus, verum etiam irrationalis, sicut in pecoribus, et volatilibus, et piscibus, visis movetur. Sed anima rationalis voluntatis arbitrio vel consentit visis, vel non consentit: irrationalis autem non ha-

bet hoc judicium ; pro suo tamen genere atque natura viso aliquo tacta propellitur. Nec in potestate ullius <sup>1</sup> animæ est, quæ illi visa veniant, sive in sensum corporis, sive in ipsum spiritum interius : quibus visis appetitus moveatur cuiuslibet animantis. Ac sic cum ea visa per Angelorum obedientiam desuper ministrantur, pervenit jussio Dei non solum ad homines, nec solum ad aves et pecora, verum etiam ad ea quæ sub aquis latent, sicut ad cetum qui glutivit Jonam (*Jonæ. ii, 1*) : nec solum ad ista majora, verum etiam ad vermiculum; nam et huic legimus divinitus jussum, ut radicem cucurbitæ roderet, sub cuius umbraculo Propheta requieverat (*Id. iv, 6, 7*). Si enim homini donavit Deus, sic eum instituens, ut etiam carnem peccati portans, possit non solum pecora et jumenta suis usibus subdita, nec tantum domesticas aves, sed etiam libere volitantes <sup>2</sup> quaslibet etiam sævas feras et capere, et mansuetas facere, et eis mirabiliter imperare potentia rationis, non corporis; cum earum appetitus et dolores captans, paulatimque illectando, premendo, laxandoque moderans, agresti eas exuit consuetudine, et tanquam humanis moribus induit : quanto magis Angeli hoc possunt, qui jussione Dei in ipsa ejus, quam sempiterne intentur, incommutabili veritate perspecta, moventes se per tempus, et corpora sibi subdita per tempus <sup>3</sup> et locum, agilitate mirabili, et visa quibus moveantur <sup>4</sup>, et appetitum carnalis indigentæ, valent efficiere omni animæ vivæ, ut quo eam venire opus est, nesciens adducatur ?

#### CAPUT XV. — *Formatio mulieris non per aliud quam Dcum.*

26. Jam ergo videamus, ipsa mulieris formatio, que mystice etiam ædificatio dicta est, quemadmodum facta sit. Natura quippe mulieris creata est, quamvis ex virili, quæ jam erat, non aliquo motu <sup>5</sup> jam existentium naturarum. Angeli autem nullam omnino possunt creare naturam : solus enim unus cuiuslibet naturæ, seu magnæ seu minimæ, creator est Deus, id est ipsa Trinitas, Pater et Filius et Spiritus sanctus. Aliter ergo quæritur, quemadmodum sit soporatus Adam, costaque ejus sine ullo doloris sensu a corporis compage detracta sit. Hæc enim fortasse dicantur potuisse per Angelos fieri; formare autem vel ædificare costam, ut mulier esset, usque adeo non potuit nisi Deus, a quo universa natura subsistit, ut ne illud quidem carnis supplementum in corpore viri, quod in illius costæ successit locum, ab Angelis factum esse crediderim, sicut nec ipsum hominem de terræ pulvere : non quod nulla sit Angelorum opera, ut aliquid creetur, sed non ideo creatores sunt ; quia nec agricultoribus creatoribus segetum atque arborum dicimus. Non enim qui plantat est aliquid, ne-

<sup>1</sup> Sic MSS. In editis, *illius*.

<sup>2</sup> Sic MSS. At editi, *liberas voluntatis*.

<sup>3</sup> Apud Lov. desunt hæc verba, et corpora sibi subdita per tempus, quæ exstant in ceteris codicibus.

<sup>4</sup> Editi, et jussa quibus moveantur. MSS. non omnes, visa ; sed omnes, moveantur, scilicet anima viva.

<sup>5</sup> Hic MSS. magno consensu ferunt, non aliqui motus. An forte subtillellum est, erant ?

que qui rigat, sed qui incrementum dat Deus (*1 Cor. iii, 7*). Ad hoc incrementum pertinet etiam in corpore humano, quod osse dempto, locus carne suppletus est, illo scilicet opere Dei, quo naturas substituit ut sint, quo ipsos quoque Angelos creavit.

27. Opus itaque agricultæ est ut aquam ducat cura rigat : non autem opus ejus est ut aqua per declivia prolabatur; sed illius qui omnia in mensura, et numero, et pondere dispositi (*Sap. xi, 21*). Item opus agricultæ est ut surculus avellatur ex arbore, terraque mandetur : at non opus ejus est ut succum imbibat, ut germen emittat, ut aliud ejus solo figura, quo radicem stabiliat, aliud in auras promoveat, quo robur nutriat, ramosque diffundat ; sed illius qui dat incrementum. Medicus etiam agro corpori alimentum adhibet, et vulnerato medicamentum : primum non de rebus quas creavit, sed quas creatas opere Creatoris invenit : deinde cibum vel potum preparare potuit et ministrare, emplastrum formare et medicamentum illatum <sup>1</sup> apponere; num etiam ex iis quæ adhibet, operari et creare vires vel carnem potest ? Natura id agit interiori motu, nobisque occultissimo. Cui tamen si Deus subtrahat operationem intiniam, qua eam substituit et facit, continuo tanquam extincta, nulla remanebit.

28. Quapropter cum Deus universam creaturam suam bipartito quodammodo opere providenter, de quo in superiore libro locuti sumus (*Cap. 9, 19-26*), et in naturalibus et in voluntariis motibus administret, creare naturam tam nullus angelus potest, quam nec seipsum. Voluntas vero angelica obedienter Deo subdita, ejusque exsecuta jussionem, naturalibus motibus de rebus subjectis tanquam materiam ministrare, ut secundum illas principales in Verbo Dei non creatas, vel secundum illas in primis sex dierum operibus causaliter creatas rationes aliquid in tempore creetur, more agricultandi vel medendi potest. Quale itaque ministerium Deo exhibuerint Angeli in illa mulieris formatione, quis audeat affirmare ? Certissime tamen dixerim, supplementum illud carnis in costæ locum, ipsiusque feminæ corpus et animam conformatio[n]emque membrorum, omnia viscera, sensus omnes, et quidquid erat quo illa et creature et homo et femina erat, nonnisi in illo opere Dei factum, quod Deus non per Angelos, sed per semetipsum, non operatus est et dimisit, sed ita continuanter operatur, ut nec ularum aliarum rerum, nec ipsorum Angelorum natura subsistat, si non operetur.

#### CAPUT XVI. — *Tarditas ingenii humani non assequitur opera Dei.*

29. Sed quoniam carnem animatam atque sentientem, quantum naturam rerum pro humano captu experiri potuimus, non novimus nasci, nisi aut ex istis tanquam materialibus elementis, hoc est aqua et terra, aut ex fruticibus vel lignorum fructibus, vel etiam ex carnibus animalium, sicut innumerabilia genera vernium sive reptilium, aut certe ex concubitu parentum, nullam autem carnem natam scimus ex

<sup>1</sup> Editi, medicamenta illico. At MSS., medicamenta illatum.

carne cuiuslibet animantis, que tam esset ei similis, ut sexu tantum discerneretur; quarimus in rebus creationis hujus similitudinem, qua mulier de viri latere facta est, nec possumus invenire: non ob aliud, nisi quia homines quemadmodum operentur in hac terra novimus; quemadmodum autem Angeli in hoc mundo quodammodo agricolen tur, non utique novimus. Nam profecto si renota hominum industria fructum genus naturae cursus operaretur, nihil aliud nossemus quam ex terra nasci arbores et herbas, et ex eorum seminibus, ab eis itidem in terram cadentibus: numquid innotesceret nobis quid valeret insitio, ut alterius generis lignum radice propria, poma portaret aliena, et, coalescente unitate, jam sua? Haec per agricolarum opera didicimus, cum ipsi creatores arborum nullo modo essent, sed naturae cursum Deo creanti suum quoddam officium ministeriumque praeberent. Nequaquam enim quidquam per eorum opera existaret, si hoc in Dei opere intima naturae ratio non haberet. Quid ergo mirum si hominem ex os hominis factam non novimus, quando creanti Deo quemadmodum Angeli serviant ignoramus; qui nec arborem ex arboris surculo in robore alieno factam nosse possemus, si et ista Deo creanti quemadmodum agricultorë serviant, similiter nesciremus?

30. Nullo modo tamen dubitamus et hominum et arborum nonnisi Denim esse creatorem, fideliterque eredimus factam feminam ex viro, nullo interveniente concubitu, etiamsi forte costa hominis ministrata sit per Angelos in opere Creatoris: sicut fideliter credimus etiam virum factum ex femina nullo interveniente concubitu, cum semen Abrahæ dispositum est (*a*) per Angelos in manu mediatoris (*Galat. iii, 19*). Utrumque infidelibus incredibile est; infidelibus autem cur ad rei gestæ proprietatem quod de Christo factum est, et tantum ad figuratam significationem quod de Eva scriptum est, credibile videatur<sup>1</sup>? An vero sine cuiusquam concubitu vir ex femina fieri potuit, femina ex viro non potuit? et virginalis uterus unde vir fieret habebat, virile autem latus unde femina fieret non habebat, cum hic Dominus de famula nascetur, ibi de servo famula formaretur? Poterat et Dominus carnem suam de costa vel de aliquo membro Virginis creare; sed qui posset ostendere in corpore suo hoc se iterum fecisse quod factum est, utilius in matris corpore ostendit nihil pudendum esse quod castum est.

**CAPUT XVII — Mulieris formandæ ratio an in hominis causalit conditione ad sextum diem pertinere præexistebat.**

31. Quod si queritur, quomodo s' habeat causalis illa conditio, in qua primum hominem Deus fecit ad imaginem ac similitudinem suam (ibi quippe et hoc dictum est, *Masculum et feminam fecit eos [Gen. i, 27]*): utrum jam illa ratio, quam mundi primis operibus concreavit, atque concrevit Deus, id habebat, ut secundum eam jam necesse esset ex viri latere feminam

fieri: an hoc tantum habebat ut fieri posset, ut autem ita fieri necesse esset, non ibi jam conditum, sed in Deo erat absconditum: si hoc ergo queritur, dicam quid mihi videatur sine affirmandi temeritate; quod tamen cum dixero, fortasse prudenter ista considerantes, quos jam christiana fides imbuat, etiam si nunc primitus ista cognoscunt, non esse dubitandum, judicabunt.

32. Omnis iste naturæ usitatissimus cursus habet quasdam naturales leges suas, secundum quas et spiritus vite, qui creatura est, habet quasdam appetitus suos determinatos quodammodo, quos etiam mala voluntas non possit exceedere. Et clementia mundi hujus corporei habent definitam vim qualitatemque suam, quid unumquodque valeat vel non valeat, quid de quo fieri possit vel non possit. Ex his velut primordiis rerum, omnia quæ gignuntur, suo quoque tempore exortus processusque sumunt, finesque et decessiones sui cuiusque generis. Unde sit ut de grano tritici non nascatur faba, vel de faba triticum, vel de pecore homo, vel de homine pecus. Super hunc autem motum<sup>1</sup> cursumque rerum naturalem, potestas Creatoris habet apud se posse de his omnibus facere aliud, quam eorum quasi seminales rationes habent, non tamen id quod non in eis posuit ut de his fieri vel ab ipso possit<sup>2</sup>. Neque enim potentia temeraria, sed sapientiae virtute omnipotens est; et hoc de unaquaque re in tempore suo facit, quod ante in ea fecit ut possit. Alius ergo est rerum modus quo illa herba sic germinat, illa sic; illa actæ parit, illa non parit; homo loqui potest, pecus non potest. Horum et talium modorum rationes non tantum in Deo sunt, sed ab illo etiam rebus creatis inditæ atque concretae<sup>3</sup>. Ut autem lignum de terra excisum, aridum, perpolitum, sine radice ulla, sine terra et aqua repente floreat, et fructum gignat (*Num. xvii, 8*), ut per juventam sterili semina in senecta pariat (*Gen. xviii, 11, et xxi, 2*), ut asina loquatur (*Num. xxii, 28*), et si quid ejusmodi est, dedij quidem naturis, quas creavit, ut ex eis et hæc fieri possent (neque enim ex eis vel ille faceret quod ex eis fieri non posse ipse presigere, quoniam seipso non est nec ipse potentior): verumtamen alio modo dedit, ut non hæc haberent in motu naturali, sed in eo quo ita creata essent, ut eorum natura voluntati potentiori amplius subjaceret.

**CAPUT XVIII. — Mulieris formandæ ratio sic præexistebat ut era Mysterio conveniens.**

33. Habet ergo Deus in seipso absconditas quorundam factorum causas, quas rebus conditis non inseruit; easque implet non illo opere providentiae, quonaturas substituit ut sint, sed illo quo eas administrat ut voluerit, quas ut voluit condidit. Ibi est et gratia, per quam salvi sunt peccatores. Nam quod attinet ad naturam iniqa sua voluntate depravatam, recursum per semetipsam non habet, sed per Dei gratiam, qua

<sup>1</sup> MSS. sex, modum.

<sup>2</sup> Sic MSS. omnes. At excusi sublata negatione perperam ferent: *Quod in eis posuit, ut de his fieri vel absque ipsa possit.*

<sup>3</sup> MSS., concretae.

<sup>1</sup> In editis, non rideatur. Absit non a MSS.

(a) II Retract. c. 24, n. 3.

adjuvatur et instauratur. Neque enim desperandi sunt homines in illa sententia, in qua scriptum est: *Omnis qui ambulant in ea, non revertentur* (*Prov. ii, 19*). Dictum est enim secundum pondus iniquitatis suæ, ut quod revertitur, qui revertitur, non sibi tribuat, sed gratie Dei, non ex operibus, ne forte extolatur (*Ephes. ii, 9*).

34. Propterea mysterium gratiæ hujus Apostolus absconditum dixit, non in mundo, in quo sunt absconditæ causales rationes omnium rerum naturaliter oriturarum, sicut absconditus erat Levi in lumbis Abrahæ, quando et ipse decimatus est (*Hebr. vii, 9, 10*); sed in Deo, qui universa creavit. Quamobrem omnia etiam quæ ad hanc gratiam significandam, non naturali motu rerum, sed mirabiliter facta sunt, eorum etiam absconditæ cause in Deo fuerant: quorum etiam si unum erat<sup>1</sup>, quod ita mulier facta est de latere viri, et hoc dormientis, quæ per ipsum firma facta est, tanquam ejus osse firmata, ille autem propter ipsam infirmus, quia in locum costæ non consta sed caro suppleta est; non habuit hoc prima rerum conditio, quando sexto die dictum est, *Masculum et feminam fecit eos*, ut femina omnino sic fieret; sed tantum hoc habuit, quia et sic fieri posset, ne contra causas quas voluntate instituit, mutabili voluntate aliquid fieret. Quid autem fieret, ut omnino aliud futurum non esset, absconditum erat in Deo, qui universa creavit.

35. Sed quoniam sic dixit absconditum, ut innoviceret principibus et potestatibus in celestibus per Ecclesiam multiformis sapientia Dei (*Ephes. iii, 9, 10*); probabiliter creditur, sicut illud semen cui promissum est, dispositum est per Angelos in manu mediatoris, sic omnia quæ ad ipsius seminis adventum vel prænuntiandum vel annuntiandum in rerum natura,

<sup>1</sup> Sic MSS. Editi vero habent, *etiam summum erat*.

præter usitatum naturæ cursum mirabiliter facta sunt, ministrantibus Angelis esse facta: ut tamen ubique creator vel reparator creaturarum non sit, nisi qui plantatore et rigatore quolibet solus incrementum dat Deus (*I Cor. iii, 7*).

#### CAPUT XIX. — Ecstasis Adæ.

36. Ac per hoc etiam illa ecstasis quam Deus immisit in Adam, ut soporatus obdormiret, recte intelligitur ad hoc immissa, ut et ipsius mens per ecstasim particeps fieret tanquam angelicæ curiæ, et intrans in sanctuarium Dei intelligeret in novissima<sup>2</sup> (*Psal. LXXII, 17*). Denique evigilans tanquam prophetæ plenus, cum ad se adductam costam<sup>3</sup>, mulierem suam videret, eructavit continuo, quod magnum sacramentum commendat Apostolus (*Ephes. v, 31, 32*): *Hoc nunc os ex ossibus meis, et caro de carne mea. Hæc vocabitur mulier, quoniam de viro suo sumpta est: et propter hoc relinquet homo patrem suum et matrem, et adhaerabit uxori sue; et erunt duo in carne una.* Quæ verba cum primi hominis fuisse Scriptura ipsa testetur, Dominus tamen in Evangelio Deum dixisse declaravit. Ait enim, *Non legistis quia qui fecit<sup>4</sup> ab initio, masculum et feminam fecit eos: et dixit, Propter hoc dimittet homo patrem et matrem, et adhaerabit uxori sue; et erunt duo in carne una* (*Math. xix, 4*)? ut hinc intelligeremus propter ecstasim quæ præcesserat in Adam, hoc eum divinitus tanquam prophetam dicere potuisse. Sed jam iste hujus libri terminus placet, ut ea quæ sequuntur, ab alio exordio renovent intentiō nem legentium.

<sup>2</sup> Editi, intelligeret novissima. At MSS., in novissima: uti passim Augustinus in *Psal. LXXII, 17*, juxta græc. interpr. *LXX*, *sunt eis ta eschata*.

<sup>3</sup> Nonnulli codices omitunt, *costam*. Et paulo post MSS. pervertunt scriptum habent, *eructuavit*.

<sup>4</sup> Vulgata versio in Evangelio addit hic, *hominem*: quæ vox abest a græco textu, imo et a latino in Germanensibus Bibliis MSS., necnon ab omnibus libris in hoc opere Augustini.

## LIBER DECIMUS.

In quo tractatur de animalium origine.



#### CAPUT PRIMUM. — Animam mulieris ex anima viri faciam esse quorundam opinio.

1. Jam quidem ordo ipse videtur exposcere ut de peccato primi hominis disseramus; sed quia de carne mulieris, quemadmodum facta sit, Scriptura narravit, tacuit autem de anima, multo magis nos fecit intentos, ut de hoc diligentius inquiramus, quoniam modo refelli possint, sive non possint, qui credunt animam de anima hominis, sicut carnem de carne fieri, a parentibus in filios utriusque rei transfusis seminibus. Hinc enim primitus ad hoc moventur, ut dicant quod unam animam Deus fecerit, sufflando in faciem hominis, quem de pulvere fixerat, ut ex illa jam cæteræ crearentur animæ hominum, sicut ex ilius carne omnis etiam caro hominum. Quoniam primo Adam formatus est, deinde Eva: et ille quidem

unde habuerit corpus, unde animam, dictum est; corpus videlicet pulverem terræ, animam vero flatum Dei: at illa de illius latere cum facta dicatur, non dicitur quod eam Deus flando similiter animaverit, tanquam utrumque de illo ductum sit, qui jam fuerat animatus. Aut enim taceri oportuit, inquit, etiam de anima viri, ut eam, sicut possemus, datam divinitus vel intelligeremus, vel certe crederemus: aut si hoc propterea Scriptura non tacuit, ne animam quoque sicut carnem hominis de terra factam esse putaremus, debuit et de mulieris anima non taceri, ne putaretur ex traduce, si hoc verum non est. Quapropter ideo tacitum est, inquit, quod in ejus faciem flaverit Deus, quia illud verum est, quod et anima ex homine propagata est.

2. Huic suspicioni facile occurritur. Si enim pro-

pterea putant animam mulieris ex anima viri factam, quia non scriptum est quod in mulieris faciem flaverit Deus; cur credunt ex viro animatam feminam, quando ne id quidem scriptum est? Unde si Deus omnes animas hominum nascentium, sicut primam, facit, propterea Scriptura de aliis tacuit, quoniam posset quod in una factum commemoratum est, etiam de cæteris prudenter intelligi. Itaque si oportuit nos per hanc Scripturam de hac re aliquid admoneri, magis si aliquid aliud siebat in femina, quod in viro factum non erat, ut ex carne animata ejus anima duceretur, non sicut viri ejus aliunde corpus, aliunde anima; hoc ipsum quod alio modo siebat, Scriptura potius tacere non debuit, ne hoc itidem factum putaremus quod jam de illo didiceramus. Proinde quia non dixit ex anima viri factam esse animam mulieris, convenientius creditur eo ipso nos admonere voluisse, nihil hic aliud putare, quam de viri anima neverainus, id est, similiter datum esse mulieri: cum præsertim esset evidentissima occasiois locus, ut si non tunc quando formata est, postea certo diceretur, ubi ait Adam, *Hoc nunc os ex ossibus meis, et caro de carne mea* (*Gen. 11, 23*). Quanto enim charius amantiusque diceret, Et anima de anima mea? Non tamen hinc tam magna quæstio jam soluta est, ut unum horum manifestum certumque teneamus.

**CAPUT II.—Quid in superioribus libris investigatum  
circa originem animæ.**

3. Quamobrem primum videndum est, utrum sancta Scriptura libri hujus, ab ejus exordio pertractata, hinc nos dubitare permittat: tunc recte fortasse requiremus, aut quænam sententia potius eligenda sit, aut in rei hujus incerto quem modum tenere debeamus. Certe enim sexto die fecit Deus hominem ad imaginem suam; ubi etiam dictum est, *Masculum et feminam fecit eos* (*Gen. 1, 27*). Quorum illud superius, ubi imago Dei commemorata est, secundum animam; hoc autem, ubi sexus differentia, secundum carnem accipicimus (*Lib. 6 et 7*). Et quoniam tot ac tanta testimonia, quæ ibi considerata atque tractata sunt, nos non sinebant eodem ipso sexto die etiam formatum de limo hominem mulieremque de latere ejus accipere, sed hoc postea factum esse post illa primitus opera Dei, in quibus creavit omnia simul (*Eccli. xviii, 1*); quæsivimus quid de hominis anima crederemus, discussisque omnibus disceptationis nostræ partibus, illud credibilius vel tolerabilius dici visum est, quod ipsa hominis anima in illis operibus facta est, corporis vero ejus in mundo corporeo tanquam in semine ratio: ne cogeremur contra verba Scripturæ aut sexto die totum factum dicere, id est, et de limo virum, et de ejus latere feminam; aut in illis sex dierum operibus nullo modo esse factum hominem; aut corporis humani causalem rationem tantummodo factam, animæ autem nullam, cum potius secundum ipsam sit homo ad imaginem Dei: aut certe etsi non contra verba Scripturæ aperte posita, tamen dure atque intolerabiliter diceremus, vel in ea creatura spirituali, quæ ad hoc tantummodo creata esset, factam suisse ani-

mæ humanæ rationem, cum ipsa creatura, in qua ista ratio facta diceretur, non commemoraretur in operibus Dei; vel in aliqua creatura, quæ in illis commemoraretur operibus, factam rationem animæ, velut in hominibus qui jam sunt, facta ratio<sup>1</sup> latet generorum filiorum: ac sic eam vel Angelorum filiam, vel, quod est intollerabilius, alicujus elementi corporei crederemus.

**CAPUT III.—Originis animarum triplex modus.**

4. Sed nunc si ob hoc mulier non de viro, sed similiter ut ille, a Deo factam animam asseritur acceptisse, quia singulas singulis Deus facit, non erat facta in illis primis operibus anima feminæ: aut si generalis omnium animarum ratio facta fuerat, sicut in hominibus ratio gignendi, redditur ad illud durum ac molestum, ut vel Angelorum, vel, quod indignissimum est, cœli corporei, vel alicujus etiam inferioris elementi filias animas hominum esse dicamus. Ac per hoc videndum est, etsi latet quid verum sit, quid saltem tolerabilius dici possit: utrum hoc quod modo dixi, an in illis primis Dei operibus unam animam primi hominis factam, de cujus propagine omnes hominum animæ crearentur; an novas subinde animas fieri, quarum nulla vel ratio facta præcesserit in primis illis sex dierum operibus Dei. Horum autem trium duo priora non repugnant primis illis conditionibus, ubi simul omnia creata sunt. Sive enim in aliqua creatura tanquam in parente ratio animæ facta sit, ut omnes animæ ab illa generentur, a Deo autem creantur, quando singulis hominibus dantur, sicut a parentibus corpora; sive non ratio animæ velut in parente ratio prolis, sed ipsa omnino cum factus est dies facta sit anima, sicut ipse dies, sicut cœlum et terra, et luminaria cœli; congruenter dictum est, *Fecit Deus hominem ad imaginem suam*.

5. Hoc vero tertium quomodo non repugnet ei sententiæ quæ et sexto die factus accipitur homo ad imaginem Dei, et post diem septimum visibiliter creatus, non tam facile videri potest. Novas quippe animas fieri, quæ neque ipsæ, neque ratio earum, tanquam in parente prolis, sexto illo die facta sit cum his operibus, a quibus consummatis, et inchoatis Deus in die septimo requievit; si dixerimus, cavendum est ne frustra tam diligenter Scriptura commendet sex diebus consummatis Deum omnia opera sua, quæ fecit bona valde, si aliquas adhuc naturas fuerat creature, quas nec ipsas nec earum ibi rationes causaliter fecerit: nisi intelligatur, rationem quidem singillatim faciendarum animarum nascentibus quibusque dandarum in scipso habere, non in creatura aliqua condidisse; sed quia non alterius generis creatura est anima, quam illius secundum quam sexto die factus est homo ad imaginem Dei, non recte dici<sup>2</sup> Deum eam facere nunc, quæ tunc non consummavit. Jam enim tunc animam fecerat, quales et nunc facit; et ideo non aliquid novum creaturæ genus nunc facit, quod tunc in suis consummatis operibus non creavit: nec con-

<sup>1</sup> Editi: *Velut in omnibus, qui jam sunt facti, ratio. Melius MSS., velut in hominibus qui jam sunt, facta ratio.*

<sup>2</sup> Editi, dicimus; sed concinnius MSS., dici.

tra illas causales rationes rerum futurarum, quas universitati tunc indidit, haec ejus operatio est, sed potius secundum ipsas; quandoquidem corporibus humanis, quorum ex illis primis operibus propagatio continua successione protenditur, tales congruit animas inseri, quales nunc facit atque inserit.

6. Quapropter jam nihil timentes, ne contra verba libri hujus, quæ de prima illa sex dierum conditione conscripta sunt, quælibet harum trium sententiarum probabilitas vicerit, sentire videamur; suscipiamus diligentiores quæstionis hujus pertractionem, quantum adjuvat Deus: ne forte fieri possit ut si non liquidam, de qua dubitari ultra non debeat, tam certe acceptabilem de hac re sententiam nanciscamur, ut eam tenere donec certum aliquid elucescat, non sit absurdum. Quod si ne hoc quidem potuerimus, documentorum momentis undique pariterque nutantibus, saltem non videbitur nostra dubitatio laborem devitasse querendi, sed affirmandi temeritatem: ut me, si quis recte jam certus est, docere dignetur; si quem vero nec divini eloquii, nec perspicua rationis auctoritas, sed sua presumptio certum fecerat, dubitare mecum non dedignetur.

#### CAPUT IV. — *De animæ natura et origine quid certum.*

7. Ac primum illud firmissime teneamus, animæ naturam nec in naturam corporis converti, ut quæ jam fuit anima, fiat corpus; nec in naturam animæ irrationalis, ut quæ fuit anima hominis, fiat pecoris; nec in naturam Dei, ut quæ fuit anima, fiat quod est Deus: atque ita vicissim nec corpus, nec animam irrationalem, nec substantiam quæ Deus est, converti et fieri animam humanam. Illud etiam non minus certum esse debet, animam non esse nisi creaturam Dei. Quapropter si neque de corpore, neque de anima irrationali, neque de seipso Deus animam hominis fecit, restat ut aut de nihilo eam faciat, aut de aliqua spirituali, tamen rationali creatura. Sed de nihilo fieri aliquid consummatis operibus, quibus creavit omnia simul, violentum est velle monstrare; et utrum perspicuis documentis obtineri possit, ignoro. Nec exigendum est a nobis quod vel comprehendere honio non yalet; vel si jam valeat, mirum si persuadere cuiquam potest, nisi tali, qui etiam nullo homine docere conante, potest etiam ipse tale aliquid intelligere. Tuttius est igitur de hujusmodi rebus non humanis agere conjecturis, sed divina testimonia perscrutari.

#### CAPUT V. — *Anima nec ex Angelis, nec ex elementis, nec ex Dei substantia.*

8. Quod ergo ex Angelis, tanquam parentibus Deus creet animas, nulla mihi de canonice Libris occurrit auctoritas. Multo minus itaque ex mundi corporeis elementis: nisi forte illud movet, quod apud Ezechielem prophetam cum demonstratur resurrectio mortuorum, redintegratis corporibus, ex quatuor ventis cœli advocatur spiritus, quo perflante vivificantur, ut surgant. Sic enim scriptum est: *Et dixit mihi Dominus, Propheta super spiritum; propheta, fili hominis, et dic ad spiritum, Hoc dicit Dominus, A quatuor partibus*

*vectorum cœli veni, et inspira in mortuos hos, et vivant. Et prophetavi, sicut præcepit mihi Donanus, et introivit spiritus vitæ in eos, et revixerunt, et steterunt super pedes suos, congregatio multa valde (Ezech. xxxvii, 9. 10).* Ubi mihi videtur propheticæ significatum, non ex illo tantum campo ubi res ipsa demonstrabatur, sed ex toto orbe terrarum resurrectos homines, et hoc per flatum quatuor mundi partium suisse figuratum. Neque enim etiam fatus ille ex corpore Domini, substantia erat Spiritus sancti, quando sufflavit et ait, *Accipite Spiritum sanctum (Joan. xx, 22);* sed utique significatum est, sic etiam ab ipso procedere Spiritum sanctum, quomodo ab ejus corpore fatus ille processit. Sed quia mundus non ita Deo coaptatur ad unitatem personæ, sicut caro illa Verbo ejus unigenito Filio; non possumus dicere ita esse animam de substantia Dei, quemadmodum fatus ille a quatuor ventis de natura mundi factus est: sed tamen aliud eum suisse, aliud significasse puto; quod exemplo fatus ex corpore Domini procedentis recte intelligi potest: etiam si Ezechiel propheta illo loco non resurrectionem carnis, qualis proprie futura est, sed inopinatam desperatū populi reparationem per Spiritum Domini, qui replevit orbem terrarum (*Sap. 1, 7;*) figurata revelatione prævidit.

#### CAPUT VI. — *Opiniones de anima duæ ad Scripturas testimonia expendenda.*

9. Illud ergo jam videamus, cuinam potius sententiae divina testimonia suffragentur: cine qua dicitur animam unam Deum fecisse, et dedisse priuno homini, unde cæteras saceret, sicut ex ejus corpore cætera hominum corpora; an ei qua dicitur singulas singulis facere, sicut illi unam, non ex illa cæteras. Illud enim quod per Isaiam dicit, *Omnem fatus ego feci (Isai. lvii, 16),* cum hoc eum de anima dicere, quæ sequuntur satis ostendant, ad utrumque accipi potest. Nam sive ex una primi hominis anima, sive ex aliquo suo secreto, omnes procul dubio animas ipse facit.

10. Et illud quod scriptum est, *Qui finxit singillatim corda eorum (Psal. xxxii, 15),* si nomine cordium voluerimus animas intelligere, neque hoc repugnat cuiquam duorum de quibus nunc ambigimus. Sive enim ex una illa quam flavit in faciem primi hominis, ipse utique singulas singlit, sicut etiam corpora; sive singulas vel singat et mittat, vel in eis ipsis quibus misericit, eas singlat: quanquam hoc non mihi videatur dictum, nisi ex eo quod per gratiam nostræ animæ ad imaginem Dei renovatione formantur. Unde dicit Apostolus: *Gratia enim salvi facti estis per fidem, et hoc non ex vobis, sed donum Dei est; non ex operibus, ne forte quis extollatur. Ipsius enim sumus figuratum, creatum in Christo Jesu in operibus bonis (Ephes. ii, 8-10).* Non enim per hanc gratiam fidei corpora nostra creata vel facta possumus intelligere, sed sicut in Psalmo dictum est, *Cor mundum crea in me, Deus (Psal. l, 12).*

11. Illic etiam illud esse puto, *Qui finxit spiritum hominis in ipso (Zach. xii, 1);* tanquam aliud sit factam animam mittere, aliud in ipso homine facere,

*id est, resicere ac renovare. Sed etiam hoc si non de gratia, in qua renovamur, sed de natura, in qua nascimur, intelligamus, ad utramque sententiam duci potest: quia vel ex una illa primi hominis tanquam semen animæ attractum ipse singit in homine, ut vivificet corpus; sive spiritum vitæ, non ex illa propagine, sed aliunde corpori infusum, ipse itidem singit per mortales sensus carnis, ut fiat homo in animam vivam.*

CAPUT VII. — *Utri opinioni faveat illud, Sortitus sum animam bonam, etc.*

12. Illud sane de libro Sapientiæ, ubi ait, *Sortitus sum animam bonam, et cum essem magis bonus, veni ad corpus incoquinatum* (*Sap. viii, 19, 20*); diligentiores considerationem flagitat. Magis enim videtur attestari opinioni qua non ex una propagari, sed desuper animæ venire creduntur ad corpora. Verumtanen quid est, *Sortitus sum animam bonam?* quasi aut in illo animarum fonte, si ullus est, aliae sint animæ bonæ, aliae non bonæ, quæ sorte quadam exeant, quænam cui homini tribuatur; aut alias Deus ad hominum conceptorum vel nascentium faciat bonas, alias non bonas, quarum quisque habeat sorte, quæ acciderit. Mirum si hoc eos saltem adjuvat, qui credunt animas alibi factas, singillatim mitti a Deo singulis quibusque corporibus hominum, ac non illos potius, qui pro meritis operum, quæ ante corpus egerunt, in corpora mitti animas dicunt. Secundum quid enim aliae bonæ, aliae non bonæ venire ad corpora possunt putari, nisi secundum opera sua? Neque enim secundum naturam, in qua sunt ab illo qui omnes naturas bonas facit. Sed absit ut contradicamus Apostolo, qui dicit nondum natos nihil egisse boni aut mali, unde confirmat non potuisse ex operibus dici, sed ex vocante, *Major serviet minori*; cum de geminis ageret adhuc in Rebeccæ utero constitutis (*Rom. ix, 10-13*). Sequestremus ergo paululum hoc de libro Sapientiæ testimonium: neque enim negligendi sunt, seu errant, seu verum sapiant, qui hoc specialiter et singulariter de anima illa dictum putant mediatoris Dei et hominum hominis Christi Jesu. Quod, si necesse fuerit, quale sit postea considerabimus, ut si Christo convenire non potuerit, queramus quemadmodum id accipere debeamus, ne contra apostolicam veniamus fidem, putantes habere animas aliqua merita operum suorum, priusquam incipient in corporibus vivere.

CAPUT VIII. — *Neuti sententiae adversari illud, Auseres spiritum, etc.*

13. Nunc illud videamus, quemadmodum dictum sit, *Auseres spiritum eorum, et deficient, et in pulvere suum convertentur. Emisses spiritum tuum, et creabuntur; et innovabis faciem terræ* (*Psal. ciii, 29, 30*). Pro illis enim qui arbitrantur animas ex parentibus sicut corpora creari, hoc videtur sonare, cum sic intelligatur, ut spiritum eorum propterea dixerit, quod eum homines ex hominibus acceperint: qui cum mortui fuerint, non eis poterit ab hominibus reddi, ut resurgent; quia non rursus, quemadmodum quando nati sunt, a parentibus ducitur, sed Deus eum reddet, qui

resuscitat mortuos (*II Machab. vii, 23*). Ac per hoc eumdem spiritum dixit eorum cum moriuntur, Dei autem cum resurgent. Quod possunt illi, qui non ex parentibus, sed Deo mittente, animas venire asserunt, pro sua opinione sic intelligere, ut eorum dixerit spiritum cum moriuntur, quia in eis erat, et ab eis exit; Dei autem cum resurgent, quod ab ipso mittitur, ab ipso redditur: proinde hoc etiam testimonium neutris eorum adversatur.

14. Ego vero arbitror melius intelligi hoc dictum de gratia Dei, qua interius renovamur. Omnia enim superbiorum secundum terrenum hominem viventium, et de sua vanitate presumantium, quodammodo assertur spiritus proprius, cum exunt se veterem hominem, et infirmitur, ut perficiantur expulsa superbia, dicentes Dominino per humilem confessionem, *Memento<sup>1</sup> quia pulvis sumus* (*Psal. cii, 14*): quibus dictum erat, *Quid superbit terra et cinis* (*Ecli. x, 9*)? Per oculum quippe fidei contuentes Dei justitiam, ut non velint constituere suam (*Rom. x, 5*), semetipsos despiciunt, sicut Job dicit, et distabescunt, et aestimant se terram et cinerem: hoc est enim, *Et in pulvere suum convertentur*. Accepto autem Spiritu Dei, dicunt: *Vivo autem jam non ego, vivit autem in me Christus* (*Galat. ii, 20*). Sic innovatur facies terræ, per Novi Testamenti gratiam, nuberositate saeporum.

CAPUT IX. — *Item illud, Et convertatur, etc., inter utramque opinionem consistere.*

15. Illud etiam quod apud Ecclesiasten scriptum est, *Et convertatur pulvis in terram, sicut fuit, et spiritus revertatur ad Deum qui dedit eum* (*Ecli. xn, 7*), neutri sententiæ contra alteram suffragatur, sed inter utramque consistit. Cum enim isti dixerint hinc probari non a parentibus, sed a Deo animam dari, quod converso pulvere in terram suam, id est carne, quæ de pulvere facta est, revertetur spiritus ad Deum qui dedit illum; respondent illi: Utique ita est. Redit enim spiritus ad Deum, qui eum dedit homini primo, quando in ejus faciem sufflavit (*Gen. ii, 7*), converso pulvere, id est humano corpore, in terram, unde primus factum est (*Id. iii, 19*). Neque enim ad parentes erat spiritus redditurus, quamvis inde sit creatus ex illo uno qui homini primo datus est; sicut nec ipsa caro post mortem ad parentes revertitur, a quibus eam certe constat esse propagatam. Quemadmodum ergo caro non reddit ad homines ex quibus creata est, sed ad terram unde primo homini formata est; ita et spiritus non reddit ad homines a quibus transfusus est, sed ad Deum a quo primæ illi carni datus est.

16. Quo testimonio sane satis admonemur, ex nihilo Deum fecisse animam quam primo homini dedit, non ex aliqua jam facta creatura, sicut corpus ex terra: et ideo cum reddit, non habet quo redeat, nisi ad auctorem qui eam dedit; non ad eam creaturam ex qua facta est, sicut corpus ad terram. Nulla est enim creatura ex qua facta est, quia ex nibili facta

<sup>1</sup> *Juxta græcum μνεσθέti. Sic etiam vetus Psalterium et Romanum, itemque Arabicum et Ἀθιοπicum. At Vulgata, recordatus est.*

est; ac per nos ad factorem reddit quæ reddit, a quo ex nihilo facta est. Non enim omnes redeunt, quoniam sunt de quibus dicitur, *Spiritus ambulans, et non revertens* (*Psal. lxxvii*, 30).

CAPUT X. — *Quæstio de anima non facile solvitur ex Scripturis.*

17. Quocirca difficile est quidem omnia de hac re Scripturarum sanctorum testimonia colligere; quod etsi fieri possit, ut non solum commemoretur sed etiam pertractentur, in magnam sermonis longitudinem pergit: sed tamen nisi aliquid tam certum proferatur, quam certa proferuntur quibus ostenditur quod Deus animam fecerit, vel quod eam primo homini dederit, quoniam modo per divini eloquii testimonium ista quæstio solvatur ignoro. Si enim scriptum esset quod similiter sussurraverit Deus in faciem formatæ mulieris, et facta fuerit in animam vivam; jam quidem plurimum lucis accederet, qua cuique formatæ carni hominis non ex parentibus dari animam crederemus: adhuc tamen exspectaretur quid proprie teneretur in prole, qui nobis modus usitatus est hominis ex homine. Prima vero mulier aliter facta est, et ideo adhuc dici posset animam propterea non ex Adam divinitus Evæ datam, quia non ex illo tanquam proles orta est. Si autem homini qui primus ex illis natus est, commemoraret Scriptura non ex parentibus ductam, sed desuper animam datam, illud jam in exteris, etiam tacente Scriptura, oporteret intelligi.

CAPUT XI. — *An utrique sententiae possit accommodari illud, Per unum hominem, etc. Baptismus instantium.*

18. Nunc itaque et illud consideremus, utrum neutram confirmet sententiam, sed utrique possit accommodari, quod scriptum est, *Per unum hominem peccatum in hunc mundum intravit, et per peccatum mors, et ita in omnes homines pertransiit, in quo omnes peccaverunt*: et paulo post, *Sicut per unius delictum in omnes homines ad condemnationem, ita et per unius justificationem in omnes homines ad justificationem vitæ.* *Sicut enim per inobedientiam unius hominis peccatores constituti sunt multi, ita et per unius obedientiam justi constituentur multi* (*Rom. v, 12, 18, 19*). Ex his enim verbis Apostoli, qui defendant animarum propaginem, sententiam suam sic astruere moluntur: Si secundum solam carnem, inquiunt, potest intelligi peccatum vel peccator, non cogimur in his verbis ex parentibus animam credere; si autem quamvis per illecebram carnis, non tamen peccat nisi anima, quoniam accipiendum est quod dictum est, *in quo omnes peccaverunt*, si non ex Adam etiam anima, *sicut caro, propagata est?* aut quomodo per illius inobedientiam peccatores constituti sunt, si tantum secundum carnem in illo, non etiam secundum animam fuerunt?

19. Cavendum est enim ne vel Deus videatur auctor esse peccati, si dat animam carni, in qua eam peccare necesse sit; vel possit esse anima, præter ipsius Christi, cui liberandæ a peccato non sit christiana gratia necessaria, quia non peccavit in Adam,

si omnes in eo peccasse secundum carnem tantum quæ de illo creata est, non etiam secundum animam dictum est: quod usque adeo contrarium est ecclesiastice fidei, ut parentes ad percipiendam gratiam sancti Baptismi etiam cum parvulis atque infantibus currant; in quibus si hoc vinculum peccati solvitur quod tantummodo carnis, non etiam quod animæ est, merito queritur quid eis obesset, si in illa aetate de corpore sine Baptismo exirent. Si enim per hoc Sacramentum corpori eorum consultitur, non et animæ, deberent et mortui baptizari: at cum videamus hoc universaliter Ecclesiam retinere, ut cum viventibus curratur, et viventibus succurratur, ne cum mortui fuerint nihil possit fieri quod prospicit; non videmus quid aliud possit intelligi, nisi unumquemque parvulum non esse nisi Adam et corpore et anima, et ideo illi Christi gratiam necessariam. Atas quippe illa in seipsa nihil egit vel boni vel mali; proinde ibi anima innocentissima est, si ex Adam propagata non est: unde quomodo possit juste ire in condemnationem, si de corpore sine Baptismo exierit, quisquis istam sententiam de anima tenens potuerit demonstrare, mirandus est.

CAPUT XII. — *Carnalis concupiscentiae causam non in carne sola, sed etiam in anima esse.*

20. Verissime quippe ac veracissime scriptum est, *Caro concupiscit adversus spiritum, et spiritus adversus carnem* (*Galat. v, 17*): sed tamen carnem sine anima concupiscere nihil posse, puto quod omnis doctus indoctusque non dubitet. Ac per hoc ipsius concupiscentiae carnis causa non est in anima sola, sed multo minus est in carne sola. Ex utroque enim fit: ex anima scilicet, quod sine illa delectatio nulla sentitur; ex carne autem, quod sine illa carnis delectatio non sentitur. Carnem itaque concupiscentem adversus spiritum dicit Apostolus carnalem procul dubio delectationem, quam de carne et cum carne spiritus habet adversus delectationem, quam solus habet. Solus quippe habet, nisi fallor, illud desiderium, non cum carnis voluptate, vel carnalium rerum cupiditate commixtum, quo desiderat et deficit anima in atria Domini (*Psal. lxxxiii*, 3). Solus habet etiam illud, de quo ei dicitur, *Concupisti sapientiam; serva mandatum, et Dominus præbet illam tibi* (*Ecli. i, 33*). Nam cum spiritus imperat membris corporis, ut huic desiderio serviant, quo solus aceceditur, velut cum assumitur codex, cum aliquid scribitur, legitur, disputatur, auditur, cum denique panis frangitur esurienti, et cetera humanitatis ac misericordiae præstantur officia; obedientiam caro exhibit, non concupiscentiam movet. His atque hujusmodi bonis desideriis quibus sola anima concupiscit, cum adversatur aliquid quod eamdem animam secundum carnem delectat, tunc dicitur caro concupiscere adversus spiritum, et spiritus adversus carnem.

21. Sic enim dicta est caro in eo quod secundum ipsam facit anima, cum ait, *Caro concupiscit; quemadmodum dictum est, Auris audit, et oculus videt.* Quis enim nescit quod anima potius et per aurem au-

dial, et per oculum videat? Ita loquimur et cum dicimus, Manus tua subvenit homini; cum aliquid porrecta manu datur, quo cuiquam subveniatur. Quod si de ipso etiam fidei oculo, ad quem pertinet credere quæ per carnem non videntur, dictum est. *Videbit omnis caro salutare Dei* (*Luc. iii, 6*); non utique nisi de anima, qua vivit caro, cum etiam per ipsam carnem nostram Christum pie videre, id est, formam qua induitus est propter nos, non pertineat ad concupiscentiam, sed ad ministerium carnis, ne forte aliquis ita velit accipere quod dictum est, *Videbit omnis caro salutare Dei*: quanto congruentius dicitur caro concupiscere, quando anima non solum carni animali vitam præbet, verum etiam secundum ipsam carnem aliquid concupiscit; quod in potestate non est ne concupiscat, quamdiu inest peccatum in membris, id est, violenta quedam carnis illecebra in corpore mortis hujus, veniens de vindicta illius peccati, unde propaginem ducimus, secundum quam omnes ante gratiam filii sunt iræ (*Ephes. ii, 3*). Contra quod peccatum militant sub gratia constituti, non ut non sit in eorum corpore, quamdiu ita mortale est, ut et mortuum jure dicitur, sed ut non regnet. Non autem regnat, cum desideriis ejus, id est, his quæ secundum carnem contra spiritum concupiscentur, non obeditur. Proinde Apostolus numquid ait, Non sit peccatum in vestro mortali corpore (sciebat quippe inesse peccati deletionem, quam peccatum vocat, depravata scilicet ex prima transgressione natura)? sed, *Non, inquit, regnet peccatum in vestro mortali corpore ad obediendum desideriis ejus; nec exhibeat membra vestra arma iniquitatis peccato* (*Rom. vi, 12, 13*).

**CAPUT XIII. — Illa sententia de concupiscentia carnis, quam sit expedita. Peccata puerorum.**

22. Secundum hanc sententiam, nec rem absurdissimam dicimus, quod caro sine anima concupiscat; nec Manicheis consentimus, qui cum viderent non posse carnem sine anima concupiscere, aliam quamdam animam suam ex alia natura Deo contraria carnem habere putaverunt, unde concupiscat adversus spiritum. Nec alicui animæ non esse necessariam Christi gratiam dicere cogimur, cum dicitur nobis: Quid meruit anima infantis, unde illi perniciosum sit non percepto christiani Baptismi sacramento exire de corpore, si nec proprium aliud peccatum commisit, nec ex illa est quæ in Adam prima peccavit?

23. Non enim de pueris grandiusculis agimus, quibus quidem peccatum proprium nolunt attribuere quidam, nisi ab anni quarti decimi articulo, cum puerescere coepirint. Quod merito crederemus, si nulla essent peccata, nisi quæ membris genitalibus admittuntur: quis vero audeat affirmare, furta, mendacia, perjuria, non esse peccata, nisi qui talia vult impune committere? At his plena est puerilis ætas, quamvis in eis non ita ut in majoribus punienda videantur, quod sperentur annis accedentibus, quibus ratio convalescat, posse præcepta salutaria melius intelligere, eisque libentius obediare. Sed nunc de pueris non agimus, quorum carnalem ac puerilem voluptatem vel

corporis vel animi si veritas et æquitas oppugnaverit, quibus possunt viribus dictorum atque factorum repugnant; pro qua, nisi pro falsitate et iniquitate, quæ suffragari videbitur eis, vel ad percipienda quæ alliciunt, vel ad vitanda quæ offendunt? De infantibus loquimur, non quia nascuntur plerunque de adulteriis<sup>1</sup> (neque enim in pravis moribus naturæ dona culpanda sunt; aut propterea non debuerunt germinare frumenta, quod ea severit furantis manus: aut vero ipsis parentibus obsutura sit iniquitas sua, si se ad Deum convertendo corixerint; quanto minus filiis, si recte vixerint?).

**CAPUT XIV. — Argumentum pro opinione animarum ex traduce, desumptum ex reatu et baptismo parvorum, discutitur.**

Sed illa ætas hic vehementem quæstionem movet, cuius anima cum peccatum nullum habeat de proprio voluntatis arbitrio, quæritur quomodo possit justificari per illius unius hominis obedientiam, si per alterius unius inobedientiam rea non est? Hæc vox eorum est, qui animas hominum ex hominibus parentibus creatas volunt, non quidem nisi a creatori Deo, sed sicut etiam corpora. Non enim et hæc parentes creant, ac non ille qui ait: *Priusquam te formarem in utero, novi te* (*Jerem. i, 5*).

24. Quibus respondetur, animas quidem corporibus hominum Deum novas singillatim dare, ad hoc ut in carne peccati de originali peccato veniente recte vivendo, carnalesque concupiscentias sub Dei gratia subigendo, meritum comparent, quo cum ipso corpore in melius transferantur tempore resurrectionis, et in Christo in æternum cum Angelis vivant. Sed necesse esse ut<sup>2</sup>, cum membris terrenis atque mortalibus, maximeque de peccati carne propagatis, miro modo coaptantur, ut ea primitus vivificare, post etiam ætatis accessu regere possint, tanquam oblitione prægraventur. Quæ si esset quodammodo indigestibilis, Creatori tribueretur: cum vero paulatim ab hujus oblivionis torpore anima resipiscens possit converti ad Deum suum, ejusque misericordiam et veritatem primo ipsa pietate conversionis, deinde servandi præcepti ejus perseverantia promereri; quid ei obest illo velut somno paululum immersi, unde paulatim evigilans in lucem intelligentiae, propter quam rationalis anima facta est; potest per voluntatem bonam eligere vitam bonam? quod quidem non poterit, nisi adjuverit gratia Dei per Mediatorem. Hoc si neglexerit homo, non tantum secundum carnem, verum etiam secundum spiritum erit Adam: si autem curaverit, erit Adam secundum carnem tantummodo; secundum spiritum autem recte vivens, illud etiam quod de Adam culpabile tractum est, mundatum a labe peccati recipere merebitur illa commutatione quam sanctis resurrectio pollicetur.

25. Sed antequam per ætatem possit secundum spiritum vivere, necessarium habet Mediatoris Sacramentum, ut quod per ejus fidem nondum potest, per

<sup>1</sup> In plurimis MSS., *de adulteriis*.

<sup>2</sup> Lov. cum omnibus MSS. omittunt, ut. M.

eorum qui eum diligunt fiat. Ejus enim Sacramento solvitur etiam in aetate infantili originalis poena peccati; a quo nisi adjutus, etiam juvenis, carnalem concupiscentiam non domabit; nec ea subjugata aeternae vitae meritum apprehendet, nisi ejus dono, quem promereri studet. Ideo vivus oportet etiam infans baptizetur, ne obsit animae societas carnis peccati, qua participata sit ut nihil possit anima infantis secundam spiritum sapere. Ipsa quippe affectio gravat etiam corpore exutam, nisi cum in corpore est, per unicum sacrificium Mediatoris<sup>1</sup> veri sacerdotis expicitur.

CAPUT XV. — *Idem argumentum penitus examinatur.*

26. Quid ergo, ait aliquis, si hoc non curaverint sui, vel infidelitate, vel negligentia? Hoc quidem etiam de majoribus dici potest. Possunt enim vel repente emori, vel apud eos aegrotare, ubi eis quo baptizentur, nemo subveniat. Sed illi, inquit, habent etiam propria peccata, quorum indigeant remissione, que si dimissa non fuerint, nemo eos recte dicet immerito plecti pro iis que in sua vita sua voluntate commiscent: illa vero anima, cui quedam contagio tracta de carne peccati, si de illa prima anima peccatrice non creata est, nullo modo imputari potest (neque enim ullo peccato, sed natura qua sic facta est, et Deo dante carni data est); cur alienabitur ab aeterna vita, si baptizando infanti nemo subvenierit? Au forte nihil obert? Quid ergo prodest ei cui subvenitur, si nihil obest cui non subvenitur?

27. Ille pro sua causa quid respondere possint, qui secundum Scripturas sanctas, vel quod apud eas inveniatur, vel quod eis non aduersetur, conantur asserere animas novas non de parentibus tractas corporibus dari; nondum me audisse, vel uspiam legisse fateor. Non ideo sane absentium negotium deserendum est, si quid mihi, quo adjuvari videatur, ocurrerit. Possunt enim adhuc dicere, Deum praescium quomodo quæque anima victura esset, si diutius in corpore viveret, ei procurare lavacri salutaris ministracionem, cuius futuram fuisse prævidet pietatem, cum ad annos fidei capaces veniret, si non eum oportret propter aliquam occultam causam morte præveniri. Occultum itaque est, atque ab humano, vel certe ab ingenio meo remotissimum, cur nascatur infans, vel continuo vel cito moriturus: sed hoc ita occultum est, ut neutros adjuvet, de quorum nunc sententiis disceptamus. Illa enim explosa opinione qua putantur animæ pro anteactæ vitæ meritis in corpora detрудi, ut ea citius solvi meruisse videatur, quæ non multa peccaverat, ne contradicamus Apostolo, nihil nondum natos boni vel mali egisse testanti (*Rom. ix, 11*); nec illi qui animæ traducem affirmant, possunt pro se ostendere cur aliorum mors acceleretur, retardetur aliorum, nec qui eas dari novas volunt singulis singulas. Occulta ergo ista causa est, et utrisque pariter, quantum existimo, nec suffragatur, nec adversatur.

<sup>1</sup> Abest vox, *Mediatoris*, a plerisque Nss. et ab editis Am. et Er.

CAPUT XVI. — *De eodem argumento.*

28. Proinde qui de infantium mortibus urgebantur, cur omnibus sit necessarium Baptismi sacramentum, quorum animæ non ex illa ductæ sunt, cuius inobedientia peccatores constituti sunt multi; cum respondent, peccatores quidem omnes constitui secundum carnem, secundum animam vero nonnisi eos qui eo tempore male vixerunt, quo et bene potuissent; omnes autem animas, hoc est et infantum, ideo habere necessarium Baptismi sacramentum, sine quo ex hac vita etiam in illa aetate emigrare non expedit, quia contagio peccati ex carne peccati, qua obruitur anima, euni his inseritur membris, obert ei post mortem, nisi cum adhuc in ipsa carne est, Sacramento Mediatoris expicitur; eique divinitus hoc auxilium procurari, quam Deus praescit, si usque ad annos fidei congruos hic viveret, pie fuisse victuram, quam propter aliquid quod ipse novit, et nasci voluit in corpore, et cito extraxit e corpore: cum ergo haec respondent, quid eis contradici potest, nisi incertos nos eorum salutis fieri, qui hac vita bene gesta, in Ecclesiæ pace defuncti sunt; si non solum secundum id quod quisque vixit, verum etiam secundum id quod victurus esset, si amplius vivere potuisset, quisque judicandus est? quandoquidem valent apud Deum merita mala, non tantum preteritorum, sed futurorum etiam delictorum, a quorum reatu nec mors liberat, si antequam fuerint commissa provenerit; nec aliquid ei præstitum est, qui raptus est ne malitia mutaret intellectum ejus (*Sup. iv, 11*). Deus enim praescius illius futuræ malitiae, cur non eum secundum ipsam potius judicatur est, si morituræ animæ infantis, ne obesset ei ex corpore peccati participata colluvies, ideo subveniendum judicavit per Baptismum, quia præscivit eam, si viveret, pie fideliterque fuisse victuram?

29. An ideo potius refelli hoc inventum potest, quia meum est: illi autem qui de hac sententia certos se esse confirmant, alia fortasse proferunt vel testimonia Scripturarum, vel documenta rationum, quibus hanc auferant ambiguitatem, vel certe ostendant, non esse contra id quod sentiunt illud Apostoli, quo gratiam qua salvi efficiuntur, magna intentione commendans, ait, *Sicut in Adam omnes moriuntur, sic et in Christo omnes vivificabuntur* (*1 Cor. xv, 22*); et, *Sicut per inobedientiam unius hominis peccatores constituti sunt multi, sic per obedientiam unius hominis justi constituentur multi*; eosdemque multos peccatores, non quibusdam exceptis, sed omnes intelligi volens, superius ait de Adam, *In quo omnes peccaverunt*: (*Rom. v, 13, 12*): unde utique infantum animas non posse secerni, et eo quod dictum est, *omnes*, et eo quod eis per Baptismum subvenitur, non absurde credunt, qui animas ex unius traduce sapiunt, nisi aliqua manifesta et liquida vel ratione, quæ Scripturis sanctis non repugnet, vel earum ipsarum Scripturarum auctoritate redarguantur?

CAPUT XVII. — *Testimonium ex libro Sapientie in utramque partem tractatur.*

30. Jam itaque videamus, quantum suscepti hujus operis necessitas patitur, quale etiam illud sit, quod

paulo ante distulimus. Scriptum est enim in libro Sapientiae : *Puer autem eram ingeniosus, et sortitus sum animam bonam ; et cum essem magis bonus, veni ad corpus incoquinatum* (*Sap. viii, 19, 20*). Cum enim videatur illos adjuvare hoc testimonium, qui non ex parentibus creari, sed venire ad corpus vel descendere Deo natiante animas dicunt; rursus hoc impedit eorum sententiam, quod ait, *Sortitus sum animam bonam*: cum procul dubio vel ex uno fonte manare quodammodo tanquam rivulos, vel pari natura fieri animas credant, quas Deus natiuit in corpora; non autem alias bonas vel magis bonas, et alias non bonas vel minus bonas. Unde enim bonae aut magis bonae, seu non bonae aut minus bonae animae, nisi vel moribus secundum liberum voluntatis arbitrium, vel differentia temperaturae corporum, dum aliæ magis, aliæ minus gravantur corpore, quod corruptitur et aggravat animam (*Id. ix, 15*)? Sed neque actio erat aliqua singularum quarumque animarum, qua earum mores discernerentur, antequam venirent ad corpora; nec ex corpore minus gravante potuit iste dicere animam suam bonam, qui ait, *Sortitus sum animam bonam*; et cum essem magis bonus, veni ad corpus incoquinatum. Accessisse enim dixit bonitati qua bonus erat, sortitus videlicet animam bonam, ut etiam ad corpus incoquinatum veniret. Aliunde ergo bonus antequam veniret ad corpus: sed utique non differentia morum, quia nullum antea vita gestæ meritum; non differentia corporis, quia prius bonus quam veniret ad corpus. Unde igitur?

31. Hoc autem illis qui ex traduce animæ illius prævaricatrixis animas creari asserunt, quamvis pro eis sonare non videatur, quod dictum est, *Veni ad corpus*, tamen in ceteris non incongrue coaptatur; ut cum dixisset, *Puer autem eram ingeniosus*, idipsum explicans quibus causis ingeniosus esset, continuo subjunget, *Et sortitus sum animam bonam*, videlicet ex paterno ingenio vel corporali temperamento. Deinde, *Cum essem*, inquit, *magis bonus, veni ad corpus incoquinatum*: quod si maternum intelligatur, ne hoc quidem quod dictum est, *Veni ad corpus*, huic opinioni refragabitur, cum ex anima et corpore paterno venisse ad maternum corpus accipitur incoquinatum, videlicet vel a cruento menstruo; dicuntur enim ex hoc ingenia gravari; vel a contaminatione adulterina. Ita et hæc verba libri hujus aut magis eis farent, qui animarum traducem loquuntur; aut si et isti ea possunt pro se interpretari, inter utrosque alternant.

**CAPUT XVIII.—*De anima Christi: an possit in ipsum convenire illud***, Puer autem ingeniosus eram, etc.

32. Quæ si de Domino secundum humanam, quæ a Verbo assumpta est, creaturam velimus accipere, sunt quidem in eadem circumstantia lectionis, quæ illi excellentiae non convenient; maxime illud, quia idem ipse qui hæc in eodem libro loquitur, aliquanto superiorius quam ista verba, de quibus nunc agimus, dicet, confessus est se ex semine viri in sanguine coagulatum (*Sap. vii, 2*): a quo nascendi modo utique

alienus est Virginis partus, quam non ex semine viri carnem concepisse Christi, nullus ambigit christianus. Sed quia est in Psalmis, ubi ait, *Foderunt manus meas et pedes, dinumeraverunt omnia ossa mea*; ipsi vero consideraverunt et conspergerunt me: diviserunt sibi vestimenta mea, et super vestem meam miserunt sortem, quæ proprie illi uni congruunt; ibi etiam dixit, *Deus, Deus meus, respice in me, utquid me dereliquisti? longe a salute mea verba delictorum meorum* (*Psal. xxi, 17, 18, 19, 2*), quæ rursus ei non convenient, nisi transfiguranti in se corpus humilitatis nostræ, quoniam membra sumus corporis ejus: et quia in ipso Evangelio, *puer proficiebat ostate, et sapientia*: si possunt <sup>1</sup> etiam ista, que circum hanc sententiam in libro Sapientiae leguntur, propter humilem formam servi et unitatem corporis Ecclesiæ cum capite suo, eidem ipsi Domino coaptari; quid ingeniosus illo puer, cuius in annis duodecim seniores sapientiam mirabantur (*Luc. ii, 42-52*)? et quid illa anima melius, quæ, etiamsi vincant non certando, sed probando, qui animarum traducem affirment, non erit consequens ut etiam ipsa ex illius prævaricatoris traduce venisse credenda sit; ne per illius hominis inobedientiam etiam ipse peccator constituantur, per cujus unius obedientiam ab illo reatu liberati, justi constituuntur multi? et quid incoquinatus illo utero Virginis, cuius caro etiamsi de peccati propagine venit, non tamen de peccati propagine concepit; ut ne ipsum quidem corpus Christi ea lex severit in utero Mariæ, quæ in membris posita corporis mortis, repugnat legi mentis? quam sancti patres conjugati refrenantes, non quidem nisi quousque licebat in concubitu relaxarunt; nec tamen tantummodo quousque licebat, ejus impetum pertulerunt. Proinde corpus Christi quamvis ex carne feminæ assumptum est, quæ de illa carnis peccati propagine concepta fuerat, tamen quia non sic in ea conceptum est, quomodo fuerat illa concepta, nec ipsa erat caro peccati, sed similitudo carnis peccati. Non enim accepit inde reatum motiendi, qui appetit in motu carnis non voluntario, quamvis voluntate superando, adversus quem spiritus concupiscit (*Galat. v, 17*): sed accepit inde, non quod contagioni prævaricationis, sed quod exsolvendæ indebitæ morti, et ostendendæ promissæ resurrectioni sufficeret; quorum unum nobis ad non timendum, alterum ad sperandum valeret.

33. Denique si a me quæratur unde acceperit animam Jesus Christus, mallem quidem hinc audire meliores atque doctiores: sed tamen pro meo captu liberaliter responderim, unde Adam <sup>2</sup>, quam de Adam. Si enim pulvis assumptus ex terra, in qua nullus hominum fuerat operatus, meruit divinitus animari; quanto magis corpus assumptum ex carne, in qua itidem nullus hominum fuerat operatus, sortitum est animam bonam, cum illic erigeretur casurus, hic descendenter levaturus? Et fortasse ideo ait, *Sortitus sum animam bonam* (si tamen hoc de illo oportet intellegi), quia solent quæ sorte dantur, divinitus dari: aut,

<sup>1</sup> Sic omnes MSS. In editis, et sapientia, sic possunt.

<sup>2</sup> Editi, non de adam. At omnes MSS., unde adam.

quod fidenter dicendum est, ne vel illa anima aliquibus operibus præcedentibus ad tantum apicem subiecta putaretur, ut cum ea Verbum caro fieret, et habitaret in nobis (*Joan. 1, 44*), ad auferendam suspicionem præcedentium meritorum sortis nomen accessit.

CAPUT XIX.— *Anima Christi non fuit in lumbis Abraham, ideoque non est ex traduce.*

34. Est in Epistola quæ inscribitur ad Hebræos, locus quidam diligenter consideratione dignissimus. Cum enim per Melchisedech, in quo hujus rei futuræ figura præcesserat, discerneret sacerdotium Christi a sacerdotio Levi, *Videte ergo, inquit, qualis hic est, cui et decimam partem Abraham dedit de primitiis patriarcha. Et ii quidem qui de filiis sunt Levi, sacerdotium accipientes, mandatum habent a decimis populi secundum Legem, hoc est a fratribus suis, quamvis et ipsi ex lumbis Abraham exierint: qui autem non est ex genere eorum, decimavit Abraham, et habentem promissionem benedixit. Sine ulla autem contradictione, qui minor est a majore benedicitur: et hic quidem decimas morientes homines accipiunt; ibi autem qui testificatur se vivere, et sicut oportet dicere, propter Abraham, et Levi accipiens decimam decimatus est: adhuc enim in lumbis patris sui fuit (Hebr. vii, 4-10).* Si ergo etiam hoc valet ad istam distantiam, quantum præmineat sacerdotio Levitico sacerdotium Christi, quod sacerdos Christus per illum præfiguratus est, qui decimavit Abraham, in quo et ipse Levi decimatus est, profecto Christus ab eo non est decimatus. At si propterea decimatus est Levi, quia erat in lumbis Abraham; propterea non est decimatus Christus, quia non erat in lumbis Abraham. Porro autem si non secundum animam, sed tantum secundum carnem accipimus Levi fuisse in Abraham; ibi erat et Christus, quia et Christus secundum carnem ex semine est Abraham; et ipse itaque decimatus est. Quid est ergo quod affertur pro magna differentia sacerdotii Christi a sacerdotio Levi, quod Levi decimatus est a Melchisedech, cum esset in lumbis Abraham, ubi et Christus erat, unde pariter decimati sunt; nisi quia necesse est intelligamus, secundum aliquem modum ibi Christum non fuisse? Quis autem neget eum secundum carnem ibi fuisse? Ergo secundum animam ibi non fuit. Non est igitur anima Christi de traduce prævaricationis Adæ, alioquin etiam ipsa ibi fuisse.

CAPUT XX.— *Ad argumentum nunc allatum quid respondendum pro defendantibus animarum traducem.*

35. Hic existunt illi qui traducem animarum defendunt, et dicunt confirmatam esse sententiam suam, si Levi constat etiam secundum animam fuisse in lumbis Abraham secundum carnem fuit, restat ut secundum animam ibi non fuerit, et ideo sit consequens ut ibi Levi secundum animam fuerit. Illoc ad me non multum attinet, qui utrumque collationem adhuc audire sum parior, quam utrumlibet jam confirmare

sententiam. Interim Christi animam ab origine hujus traducis per hoc testimonium secernere volui. Invenient isti qui eis pro cæteris fortasse respondeant, et dicant, quod etiam me non parum movet, quamvis nullius hominis anima sit in lumbis patris sui, secundum carnem tamen in lumbis Abraham constitutum Levi decimatum, et ibi constitutum secundum carnem Christum non decimatum. Secundum rationem quippe illam seminalem ibi fuit Levi, qua ratione per concubitum venturus erat in matrem, secundum quam rationem non ibi erat Christi caro, quamvis secundum ipsam ibi fuerit Mariæ caro. Quapropter nec Levi, nec Christus in lumbis Abraham secundum animam: secundum carnem vero et Levi, et Christus; sed Levi secundum concupiscentiam carnalem, Christus autem secundum solam substantiam corporalem. Cum enim sit in semine et visibilis corpulentia, et invisibilis ratio, utrumque cucurrit ex Abraham, vel etiam ex ipso Adam usque ad corpus Mariæ; quia et ipsum eo modo conceptum et exortum est: Christus autem visibilem carnis substantiam de carne Virginis sumpsit; ratio vero conceptionis ejus non a semine virili, sed longe aliter ac desuper venit. Proinde secundum hoc quod de matre accepit, etiam in lumbis Abraham fuit.

36. Ille est igitur decimatus in Abraham, qui licet secundum carnem tantum, sic tamen fuit in lumbis ejus, quemadmodum in sui patris etiam ipse Abraham; id est, qui sic est natus de patre Abraham, quemadmodum de suo patre natus est Abraham, per legein scilicet in membris repugnantem legi mentis et invisibilis concupiscentiam, quamvis eam casta et bona jura nuptiarum non sinant valere, nisi quantum ex ea possunt generi substitendo prospicere: non autem et ille ibi decimatus est, cuius caro inde non fervorem vulneris, sed materiam medicamentis traxit. Nam cum ipsa decimatio ad præfigurandam medicinam pertinuerit, illud in Abraham carne decimabatur quod curabatur, non illud unde curabatur. Eadem namque caro non Abraham tantum, sed ipsius primi terrenique hominis, simul habebat et vulnus prævaricationis et medicamentum vulneris: vulnus prævaricationis in lege membrorum repugnante legi mentis, quæ per omuem inde propagatam carnem seminali ratione quasi transcribitur; medicamentum autem vulneris in eo, quod inde sine opere concupiscentiali, in sola materia corporali, per divinam conceptionis formationisque rationem de Virgine assumptum est, propter mortis sine iniquitate consortium, et sine falsitate resurrectionis exemplum. Quapropter quod anima Christi non sit ex traduce animæ illius primæ prævaricatrixis, puto quod etiam ipsi qui animarum traducem defendant, consentiant; per semen quippe concubentis patris transfundi etiam semen animæ volunt, a quo genere conceptionis Christus alienus est: et quod in Abraham si secundum animam fuisse, etiam ipse decimatus esset; non esse autem decimatum, Scriptura testatur, quæ hinc quoque sacerdotium ejus a Levitico sacerdotio distinguunt.

<sup>1</sup> Er. Lugd. Ven. Iov. ferunt, *Hinc. M.*

**CAPUT XXI.** — *Christum, si in Abrahamo secundum animam fuisset, non potuisse non decimari.*

37. An forte dicent : Sicut potuit ibi esse secundum carnem et non decimari, cur non etiam secundum animam sine decimatione potuerit : hic respondetur, Quia utique simplicem animæ substantiam incrementis augeri corporalibus, nec illi putaverunt qui tam corpus existimant, quorum in parte sunt maxime qui eam ex parentibus creari opinantur. Proinde in corporis semine potest esse vis invisibilis, quæ incorporaliter numeros agit, non oculis sed intellectu discernenda ab ea corpulentia, quæ visu tactuque sentitur : et ipsa quantitas corporis humani, quæ utique modulum semipis incomparabiliter excedit, satis ostendit posse inde aliquid sumi, quod non habeat illam vim seminalem, sed tantum corporalem substantiam, quæ divinitus, non de propagine concubentium, in carnem Christi assumpta atque formata est. Hoc autem de anima quis valeat affirmare, quod utrumque habeat, et materiam seminis manifestam, et rationem seminis occultam ? Sed quid laborem in re quæ persuaderi verbis nemini forsitan potest, nisi tantum ac tale ingenium sit, quod possit loquentis prævolare conatum, nec totum exspectare a sermone ? Breviter itaque colligan : si potuit et de anima fieri (quod cum de carne diceremus, forsitan intellectum sit), ita est de traduce anima Christi, ut non secum laborem prævaricationis attraxerit, si autem sine isto reatu non posset inde esse, non est inde. Jam de ceterarum animalium adventu, utrum ex parentibus an desuper sit, vident qui potuerint : ego adhuc inter utrosque ambigo, et moveor, aliquando sic, aliquando autem sic, salvo eo duntaxat, ut vel corpus esse animam, vel aliquam corpoream qualitatem sive coaptationem, si ita dicenda est, quam Græci *apeiron* vocant, non credam, nec quolibet ista garniente me crediturum esse considam, adjuvante Deo mentem micam.

**CAPUT XXII.** — *Utrique opinioni de animæ origine accommodatur locus ille Joannis : Quod natum, etc.*

38. Est aliud testimonium non negligendum quod pro se possunt proferre, qui venire desuper animas credunt, dicente ipso Domino : *Quod natum est ex carne, caro est; et quod natum est ex spiritu, spiritus est* (*Joan. iii, 6*). Quid hac, inquit, sententia determinatius, non posse ex carne animam nasci ? Quid est enim aliud anima, quam spiritus vitæ, creatus utique, non creator ? Contra quos illi alii : Quid enim, inquit, nos aliud sentimus, qui dicimus carnem ex carne, animam ex anima ? Nam ex utroque constat homo, de quo etrumque venire sentimus, carnem de carne operantis, spiritum de spiritu concupiscentis : ut interim omittatur, quod illud Dominus non de carnali generatione, sed de spirituali regeneratione dicebat.

**CAPUT XXIII.** — *Ex duabus de anima sententiis quoniam præponderet. Consuetudo Ecclesie in Baptismo parvorum.*

39. His igitur quantum pro tempore potuimus  
PATROL. XXXIV.

pertractatis, omnia paria vel pene patria ex utroque latere, rationum testimoniorumque momenta pronuntiarem, nisi eorum sententia qui animas ex parentibus creari putant, de baptismo parvolorum præponderaret. De quibus quid eis responderi possit, nondum mihi interim occurrit : si quid forte postea Deus dederit, si quam etiam scribendi concesserit facultatem studiosis talium, non gravabor. Nunc tamen non esse contemendum testimonium parvolorum, ut quasi refelli, si veritas contra est, negligatur, ante denuntio. Aut enim de hac re nihil querendum est, ut sufficiat fidei nostræ scire nos quo pie vivendo venturi sumus, etsi nesciamus unde venerimus : aut si non impudenter aestuat anima rationalis etiam hoc nosse de seipsa, absit pervicacia contendendi, adsit diligentia requirendi, humilitas petendi, perseverantia pulsandi ; ut si nobis hoc expedire novit, qui melius quam nos quid nobis expediat utique novit, dicit etiam hoc, qui dat bona data filiis suis (*Matth. vii, 7, 11*). Consuetudo tamen matris Ecclesie in baptizandis parvulis nequaquam spernenda est, neque ullo modo superflua deputanda, nec omnino credenda nisi apostolica esset traditio. Habet enim et illa parvatas magnum testimonii pondus, quæ prima pro Christo meruit sanguinem fundere.

**CAPUT XXIV.** — *Quid cavendum his qui opinantur animas esse ex traduce.*

40. Adinoneo sane, quantum valeo, si quos ista præoccupavit opinio, ut animas ex parentibus credant propagari, quantum possunt seipsos considerent, et interim sapient corpora non esse animas suas. Nulla enim propior natura est, qua diligenter inspecta, possit etiam Deus, qui supra omnem creaturam suam incommutabilis permanet, incorporaliter cogitari, quam ea quæ ad ipsius imaginem facta est : et nihil vicinus, aut fortasse nihil tam consequens, quam ut credito quod anima corpus sit, etiam Deus corpus esse creditur. Propter hoc enim corporalibus assuefacti et affecti sensibus, nolunt animani credere aliud esse quam corpus, ne si corpus non fuerit, nihil sit : ac per hoc tanto magis timent etiam de Deo credere quod corpus non sit, quanto magis timent Deum credere nihil esse. Ita enim seruntur in phantasias vel phantasmata imaginum, quæ cogitatio de corporibus versat, ut his subtractis tanquam per inane percundum sit, reformident. Ita necesse est ut et justitiam et sapientiam pingant quodammodo in cordibus suis cum formis et coloribus, quas non possunt incorporeas cogitare : nec tamen dicunt, quando justitia vel sapientia moventur, ut vel laudent eas, vel secundum eas aliquid agant, quem colorem, quam staturam, quam lineamenta vel quales formas conspexerint. Sed de his alias et multa jam diximus, et si Deus voluerit, ubi res videbitur postulare, dicimus. Nunc quod dicere cooperamus, si de traduce animalium a parentibus vel non dubitant quidam ita sit, vel dubitant an ita sit, animam tamen corpus esse non audeant credere aut dicere ; maxime propter quod (Quatorze.)

dixi, ne Deum quoque ipsum nibil aliud opinentur esse quam corpus, etsi excellentissimum; etsi naturæ cujusdam proprieæ cætera supergreditur, corpus tamen.

CAPUT XXV. — *Tertulliani error de anima.*

41. Denique Tertullianus, quia corpus esse animam credidit, non ob aliud nisi quod eam incorpoream cogitare non potuit, et ideo timuit ne nihil esset, si corpus non esset, nec de Deo valuit aliter sapere: qui sane quoniam acutus est, interdum contra opinionem suam visa veritate superatur. Quid enim verius dicere potuit, quam id quod ait quodam loeo, *Omne corporale passibile est* (*Tertull. in lib. de Anima, cap. 7*)? Debuit ergo mutare sententiam, qua paulo superius dixerat etiam Deum corpus esse. Neque enim arbitror eum ita desipuisse, ut etiam Dei naturam passibilem crederet, ut jam Christus non in carne tantum, neque in carne et anima, sed in ipso Verbo per quod facta sunt omnia, passibilis et commutabilis esse credatur: quod absit a corde christiano. Item cum animæ etiam colorem daret acrium ac lucidum, ventum est ad sensus quibus eam membratum quasi corpus instruere conatus est, et ait: *Hic erit homo interior, atius exterior, dupliciter unus, habens et ille oculos et aures suas, quibus populus Dominum audire et videre debuerat; habens et cæteros artus, per quos et in cogitationibus utitur, et in somnis fungitur* (*Ibid., cap. 9*).

42. Ecce quibus auribus et quibus oculis debuit audire et videre Deum populus, quibus anima in somnis fungitur: cum si ipsum Tertullianum quisquam videret in somnis, nunquam se diceret ab eo visum, et cum eo loculum, quem vicissim ipse non vidisset. Postremo, si anima seipsam videt in somnis, cum, jacentibus utique uno loco membris corporis sui, ipsa per varias imagines evagatur, quas videt; quis eam vidit aliquando in somnis aerii coloris ac lucidi, nisi forte ut cætera quæ similiiter falso videt? Nam et hoc potest videre: sed absit ut eam talem, cum vigilaverit, credit; alioquin quando se alter viderit, quod magis crebrum est, aut mutata erit anima ejus, aut nec tunc animæ videtur substantia, sed imago corporis incorporeæ, quæ miro modo sicut in cogitatione formatur. Quis enim Æthiops non pene semper nigrum se vidit in somnis; aut si in alio colore se vidit, non magis miratus est, si fuit cum illo memoria? Aerio tamen colore ac lucido nescio utrum se unquam vidisset, si nunquam istum legisset, vel audisset.

43. Quid, quod ducuntur homines talibus visis, et de Scripturis nobis volunt prescribere, tale aliquid esse, non animam, sed ipsum Deum, qualis figuraliter sanctorum spiritibus demonstratus est, qualis etiam in sermone allegoricæ ponitur? similia quippe sunt illa visa talibus dictis. Ac sic errant, constituentes in corde suo simulacula vanæ opinionis, nec intelligentes ita sanctos de suis visis talibus judicasse, qualiter iudicarent si talia divinitus in figuris dicta legerent, vel audirent: sicut septem spicæ et septem boves, septem anui sunt (*Gen. xli, 26*); sicut linteum quatuor lineis

alligatum, velut discus plenus variis animalibus, orbis terrarum est cum omnibus gentibus (*Act. x, 11*): sic omnia cætera, et multo magis quæ de rebus incorporeis, corporalibus significantur non rebus, sed imaginibus.

CAPUT XXVI. — *De animæ incrementis quid Tertulliano visum.*

44. Noluit tamen Tertullianus animam crescere substantia sicut corpus; afferens etiam timoris sui causam: *Ne etiam decrecere substantia dicatur, inquit, atque ita et defecitura credatur.* Et tamen quia per corpus eam localiter tendit, non iuvenit exitum incrementorum ejus, quam vult de semine exiguo æquari corporis quantitatì; et ait: *Sed vis ejus in quo<sup>1</sup> naturalia peculia consita retinentur, salvo substantiae modulo, quo a primordio inflata est, paulatim cum carne producitur<sup>2</sup>.* Hoc forte non intelligeremus, nisi adhibita similitudine eorum quæ videmus, planum facaret quod dicendat. *Constitue*, inquit, certum pondus auri vel argenti rudem adhuc massam: collectus habitus est illi, et futuro interim minor, tamen continens intra hanc moduli totum quod natura est auri vel argenti: dehinc cum in laminam massa laxatur, major efficitur initio suo, per dilatationem ponderis certi, non per adhesionem, dum extenditur, non dum augetur; etsi sic quoque augetur, dum extenditur. *Licet enim et habitu augeri, cum statu non licet.* Tunc et splendor ipse provehitur auri vel argenti, qui prius fuerat quidem et in massa, sed obscurior, non tamen nullus: tunc et alii atque alii habitus accedunt pro facilitate materiae, qua duxerit eam qui agit, nihil consereculo modulo nisi efficiunt. Ita et animæ incrementa reputanda non substantiva, sed provocativa (*Lib. de Anima, cap. 37*).


45. Quis hunc crederet, cum isto corde tam disertum esse potuisse? sed tremenda ista sunt, non ridenda. Ad hoc enim numquid cogeretur, si aliquid cogitare posset, quod et sit, et corpus non sit? Quid autem absurdius, quam putare massam cuiuspiam metalli ex aliqua parte crescere posse dum tunditur, nisi decrescat ex altera; vel augeri latitudine, nisi crassitudine minuatur? aut ullum esse corpus manente naturæ suæ quantitate, quod undique crescat, nisi rarescat? Quomodo igitur implebit anima ex illa stilla seminis magnitudinem corporis, quod animat, si et ipsa corpus est, cuius substantia nullo accessu crescat? Quomodo, inquam, implebit carnem, quam, viviscat, nisi tanto rario fuerit, quanto grandius quod animaverit? Timuit videlicet ne desiceret etiam minuendo, si cresceret; et non timuit ne desiceret rarescendo, cum cresceret. Sed quid amplius immorer, quando et sermo pergit in prolixiorum modum, quam petit terminandi necessitas, et sententia mea jam satis sit nota, vel quid certum teneam, vel unde adhuc dubitem, et quare dubitem? Proinde et hoc volumen jam concludatur, ut quæ sequuntur deinde videamus.

<sup>1</sup> Apud Tertullianum, in qua.

<sup>2</sup> Editi hic addunt, in membris; quod a Mas. et a Tertulliano abest.

# LIBER UNDECIMUS.

In illud cap. 2 Genesios, vers. 23 : *Et erant nudi*, etc., et in totum eas. 3, cuius illustrandi causa dicitur de conditione et casu diaboli.



**CAPUT PRIMUM.** — Recitato textu Geneseos explicatur vers. 25 cap. 2.

1. *Et erant nudi ambo Adam et mulier eius, et non pudebat illos.* Serpens autem erat prudentissimus omnium bestiarum quae sunt super terram, quas fecit Dominus Deus. *Et dixit serpens mulieri, Quid, quia dixit Deus, Non edetis ab oxyli ligno paradisi?* *Et dixit mulier serpentis, A fructu ligni quod est in paradyso edemus, de fructu autem ligni quod est in medio paradyso, dixit Deus, Non edetis ex eo, neque tangetis illud, ne moriamini.* *Et dixit serpens mulieri, Non morte moriemini : scibat enim Deus, quoniam qua die manducaveritis de eo, aperientur vobis oculi, et eritis tanquam dei, scientes bonum et malum.* *Et vidit mulier quia bonum lignum ad escam, et quia placet oculis videre, et decorum est cognoscere.* *Et sunens de fructu ejus edidit, et dedit viro suo secum, et ederunt.* *Et aperi sunt oculi amborum, et aguocerunt quia nudi erant, et consuerunt folia fici, et secerunt sibi campestria.* *Et audierunt vocem Domini Dei deambulantis in paradyso ad vesperam, et absconderunt se Adam et mulier eius a facie Domini Dei, in medio ligni paradyso.* *Et vocavit Dominus Deus Adam, et dixit illi, Ubi es? Et dixit ei, Vocem tuam audivi deambulantis in paradyso, et timui, quia nudus sum, et abscondi me.* *Et dixit illi, Quis nuntiavit tibi quia nudus es, nisi a ligno quod præceperam tibi tantum ne ex eo manducares, ab eo edisti?* *Et dixit Adam, Mulier quam dedisti mecum, haec mihi dedit de ligno, et edi.* *Et dixit Dominus Deus mulieri, Quid hoc fecisti?* *Et dixit mulier, Serpens seduxit me, et manducavi.* *Et dixit Dominus Deus serpentis, Quia fecisti hoc, maledictus tu ab omnibus pecoribus, et ab omnibus bestiis, quae sunt super terram.* *Super pectus tuum et ventrem tuum ambulabis, et terram edes omnes dies vitæ tuæ.* *Et inimicities ponam inter te et inter mulierem, et inter semen tuum et semen ejus : ipsa tibi servabit caput, et tu servabis ejus calcaneum.* *Et mulieri dixit, Multiplicabo tristitia tuas et genitum tuum.* *In tristitiis paries filios, et ad virum tuum conversio tua, et ipse tui dominabitur.* *Adæ autem dixit, Quia audisti vocem mulieris tuæ, et edisti de ligno, de quo præceperam tibi de eo solo non edere, maledicta terra in operibus tuis : in tristitiis edes illam omnes dies vitæ tuæ ; spinas et tribulos germinabit ibi, et edes fenum agri.* *In sudore faciei tuæ edes panem tuum, donec convertaris in terram, ex qua sumptus es ; quia terra es, et in terram ibis.* *Et vocavit Adam nomen mulieris suæ, Vita<sup>1</sup>, quoniam haec est mater omnium viventium.* *Et fecit Dominus Deus Adam*

*et mulieri ejus tunicas petiticas, et induit eos.* *Et dixit Dominus Deus, Ecco Adam factus est tanquam unus ex nobis in cognoscendo bonum et malum.* *Et nunc ne aliquando extendat manum suam, et sumat de ligno vitae, et edat, et rivat in æternum.* *Et dimisit illum Dominus Deus de paradyso voluptatis operari terram, ex qua sumptus est.* *Et ejecit Adam, et collocavit eum contra paradysum voluptatis : et ordinavit Cherubim, et flammeam rhomphaeam quae vertitur, custodire viam ligni vite.*

2. Antequam hujus propositæ Scripture textum ex ordine pertractemus, admonendum arbitror, quod jam me et alibi in hoc opere memini prælocutum, illud a nobis esse flagitandum, ut ad proprietatem litteræ defendatur quod gestum narrat ipse qui scripsit. Si autem in verbis Dei, vel enjusquam personæ in officium propheticum assumpcta, dicitur aliquid quod ad litteram nisi absurde non possit intelligi, procul dubio figurare dictum ob aliquam significationem accipi debet; dictum tamen esse dubitare fas non est : hoc enim a side narratoris, et pollicitatione expositoris exigitur (*Lib. 8, c. 1-7*).

3. *Erant ergo ambo nudi :* verum est, omnino nuda erant corpora duorum hominum in paradyso converstantium. *Nec pudebat eos :* quid enim puderet, quando nullam legem senserant in membris suis repugnarem legi mentis suæ (*Rom. vii, 23*) ? quæ illos poena peccati post perpetrationem prævaricationis secta est, usurpante inobedientia prohibitum, et justitia puniente commissum. Quod antequam fieret, nudi erant ut dictum est, et non confundebantur : nullus erat motus in corpore, cui verecundia deberetur; nihil putabant velandum, quia nihil senserant refrendandum. Quemadmodum propagatur essent filios, jam antea disputatum est (*Supra, lib. 9, c. 3-11*) : non tamen eo modo credendum est, quo propagaverunt posteaquam crimen admissum prædicta ultio consecuta est; cum priusquam morentur, jam in corpore inobedientium hominum justissimo reciprocata inobedientium membrorum tumultum mox concepta versaret. Nondum erant tales Adam et Eva, cum ambo nudi essent, et non confundebantur.

**CAPUT II.** — *Serpentis sapientia qualis, et unde.*

4. *Serpens autem erat ibi prudentissimus* quidem, sed omnium bestiarum quae erant super terram, quas fecerat Dominus Deus. Translato enim verbo dictum est, *prudentissimus*, vel sicut plures latini codices habent, *sapientissimus*, non proprio quo in bonum accipi solet sapientia vel Dei, vel Angelorum, vel animæ rationalis; tanquam si sapientes apes etiam formicæisque dicamus, propter opera velut imitantia sapientiam. Quoniam iste serpens non irrationali anima

<sup>1</sup> Editi, illo. At MSS. ut in sacris Bibliis, *omni*.

<sup>2</sup> Editi, *nomen mulieris* suræ Eva, id est, *Vita*. At MSS. omnes careant his verbis, *Eva*, id est : que nec leguntur apud Interpretes LXX.

*sua, sed alieno jam spiritu, id est diabolico, posset sapientissimus dici omnium bestiarum.* Quantumlibet enim prævaricatores angeli de supernis sedibus suæ perversitatis et superbiae merito dejecti sint, natura tamen excellentiores sunt omnibus bestiis propter rationis eminentiam. Quid ergo mirum si suo instinctu diabolus jam implens serpentem, eique spiritum suum miscens, eo more quo vates dæmoniorum implere solet<sup>1</sup>, sapientissimum eum reddiderat omnium bestiarum secundum animam vivam irrationalemque viventium? Abusione quippe nominis ita sapientia dicitur in malo, quemadmodum in bono astutia; cum proprie magisque usitate in latina duntaxat lingua sapientes laudabiliter appellantur, astuti autem male cordali intelligentur. Unde nonnulli, sicut in plerisque codicibus invenimus, ad usum latine locutionis, non verbum, sed potius sententiam transferentes, astutiorem omnibus bestiis istum serpentem, quam sapientiorem dicere maluerunt. Quid autem habeat hebræa proprietas, utrum illic in malo, non abusive, sed proprie possint dici et intelligi sapientes, viderint qui eam probe neverunt. *Nos tamen aperte legimus* alio Scripturarum sanctorum loco sapientes ad malum, non ad bonum (*Jerem. iv, 22*); et Dominus dicit sapientiores esse filios sæculi filii lucis, ad consulendum sibimet in posterum quamvis fraude, non jure (*Luc. xvi, 8*).

CAPUT III.—*Diabolus nonnisi per serpentem tentare permisus.*

5. Nec sane debemus opinari quod serpentem sibi, per quem tentaret persuaderetque peccatum, diabolus elegerit; sed cum esset in illo propter perversam et invidam voluntatem decipiendi cupiditas, nonnisi per illud animal potuit, per quod posse permisus est. Necessarii enim voluntas potest esse a suo quoque animo prava; non est autem potestas nisi a Deo, et hoc abdita altaque justitia, quoniam non est iniqüitas apud Deum.

CAPUT IV.—*Tentatio hominis quare permissa.*

6. Si ergo queritur cur Deus tentari permiserit hominem, quem tentatori consensurum esse præsciebat; altitudinem quidem consilii ejus penetrare non possum, et longe supra vires meas hoc esse confiteor. Et ergo aliqua causa fortassis occultior, quæ melioribus sanctioribusque reservatur, illius gratia potius quam meritis eorum: sed tamen quantum vel donat sapere, vel sinit dicere, non mihi videtur magna laudis futurum fuisse hominem, si propterea posset bene vivere, quia nemo male vivere suaderet; cum et in natura posse, et in potestate haberet<sup>2</sup> velle non consentire suadenti, adjuvante tamen illo qui superbis resistit, humiliibus autem dat gratiam (*Jacobi iv, 6*). Cur itaque tentari non sineret, quem consensurum esse præsciebat, cum id facturus esset propria voluntate per culpam, et ordinandus esset illius æquitate per punam:

<sup>1</sup> *la plerisque vass., impleri solent.*

<sup>2</sup> *Mss. nonnulli, habere. Tum quidam prosecuntur, si velle non consentire. Alii iherique, habeat velle non consentire. Sic etiam Am. et Er. At Lov., haddat velle et non consentire.*

ut etiam sic ostenderet animas superbæ ad crudelitatem futurorum sanctorum, quam recte ipse uteretur animarum voluntatibus etiam malis, cum illæ perverso uterentur naturis bonis?

CAPUT V.—*Homo a tentatore dejectus, quia superbus.*

7. Nec arbitrandum est quod esset hominem dejeturus iste tentator, nisi processisset in anima hominis quedam elatio comprimenda, ut per humilationem peccati, quam de se falso præsumperit, disceret. Verissime quippe dictum est: *Ante ruinam exaltatur cor, et ante gloriam humiliatur* (*Pror. xvi, 18*). Et hujus forte hominis vox est in Psalmo: *Ego dixi in abundantia mea, Non movebor in aeternum*<sup>3</sup>. Deinde jam expertus quid mali habeat superba præsumptio propriæ potestatis, et quid boni adjutorium gratia Dei: *Dominus, inquit, in voluntate tua præstisisti decori meo virtutem; avertisti autem faciem tuam, et factus sum confutatus* (*Psal. xxix, 7, 8*). Sed sive illud de hoc homine, sive de alio dictum sit, extollenti se tamen animæ, et nimium tanquam de propria virtute præfidenti, etiam experimento pœnæ fuerat demonstrandum quam non bene se habeat facta natura, si a sciente recesserit. Hinc enim etiam maxime commendatur quale bonum sit Deus, quando nulli ab eo recedenti bene est: quia et qui gaudent in mortiferis voluptatibus, esse sine dolorum timore non possunt; et qui ommino malum desertionis suæ majore superbiam stupore non sentiunt, aliis qui haec discernere noverunt, miseriores prorsus apparent; ut si nolunt recipere medicinam talia devitandi, valeant ad exemplum, quo possint talia devitari. Sicut enim apostolus Jacobus dicit, *Unusquisque tentatur a concupiscentia sua abstractus et illectus: deinde concupiscentia cum conceperit, pari peccatum; peccatum autem cum consummatum fuerit, generat mortem* (*Jacobi i, 14, 15*). Unde sanato superbiam tumore resurgitur, si voluntas que ante experimentum defuit, ut permaneretur cum Deo, saltem post experimentum adsit, ut redeatur ad Deum.

CAPUT VI.—*Cur Deus permiserit hominem tentari.*

8. Sic autem quidam moventur de hac primi hominis tentatione, quod eam fieri permiserit Deus, quasi nunc non videant universum genus humanum diaboli insidiis sine cessatione tentari. Cur et hoc permittit Deus? An quia probatur et exercetur virtus, et est palma gloriose non consensisse tentatum, quam non potuisse tentari: cum etiam ipsi qui deserto Creatore eunt post tentatorem, magis magisque tentent eos qui in verbo Dei permanent, præbantque illis contra cupiditatem deviationis exemplum, et ineulant contra superbiam timorem pium? Unde dicit Apostolus: *Intendens te ipsum, ne et tu tenteris* (*Galat. vi, 1*). Mirum est enim quantum ista humilitas, qua subditur Creatori, ne tanquam ejus adjutorio non egentes de nostris viribus præsumamus, per Scripturas omnes diuinæ cura continua commendatur. Cum ergo etiam per injustos justi, ac per impios pii proficiant, frustra

<sup>3</sup> *Veteres codices, in sæculum. Sic interdum Augustinus, propter ambiguitatem lectionis græce apud LXX, citaciona.*

dicitur: Non crearet Deus, quos præsciebat malos futuros. Cur enim non crearet quos præsciebat bonis profuturos, ut et utiles eorum bonis voluntatibus exercendis admonendisque nascantur, et juste pro sua mala voluntate puniantur?

CAPUT VII. — *Cur homo non talis creatus qui nollet unquam peccare.*

9. Talem, inquiunt, faceret hominem, qui nollet omnino peccare. Ecce nos concedimus meliorem esse naturam quæ omnino peccare nolit; concedant et ipsi non esse malam naturam quæ sic facta est, ut posset non peccare si nollet, et justam esse sententiam qua punita est, quæ voluntate non necessitate peccavit. Sicut ergo ratio vera docet meliorem esse naturam quam prorsus nihil delectat illicitum; ita ratio vera nihilominus docet etiam illam bonam esse quæ habet in potestate illicitam delectationem, si extiterit, ita cohibere, ut non solum de ceteris licitis recteque factis, verum etiam de ipsius prævaricationis coibitione lætetur. Cum ergo hæc natura bona sit, illa melior, cur illam solam, et non utramque potius faceret Deus? Ac per hoc qui parati erant<sup>1</sup> de illa sola Deum laudare, uberiorum cum debent laudare de utraque. Illa quippe est in sanctis Angelis, hæc in sanctis hominibus. Qui autem sibi partes iniquitatis elegerunt, laudabilemque naturam culpabili voluntate depravarunt, non quia præsciti sunt, ideo creari minime debuerunt, Habent enim et ipsi locum suum, quem in rebus implant pro utilitate sanctorum. Nam Deus nec justitia cuiusquam recti hominis eget; quanto minus iniquitate perversi?

CAPUT VIII. — *Quare creati qui præsciebantur futuri mali.*

10. Quis autem sobria consideratione dicat: Melius non crearet quem præsciebat ex alterius iniquitate posse corrigi, quam crearet etiam quem præsciebat pro sua iniquitate debere damnari? Hoc est enim dicere, melius non esse qui alterius malo bene utendo misericorditer coronaretur, quam esse etiam malum qui pro suo merito juste puniretur. Cum enim ratio certa demonstrat duo quedam non æqualia bona, sed unum superius, alterum inferius; non intelligunt tardi corde, cum dicunt, Utrumque tale esset; nihil se aliud dicere quam, Solum illud esset. Ac sic cum æquare volunt genera bonorum, numerum minuant; et immoderate augendo unum genus, alterum tollent. Quis autem hos audiret, si dicerent: Quoniam excellentior sensus est videndi quam audiendi, quatuor oculi essent, et aures non essent? Ita, si excellentior est creatura illa rationalis, quæ sine ullius poenæ comparatione, sine ulla superbia Deo subditur; aliqua vero in hominibus ita creata est, ut in se Dei beneficium non possit agnoscere, nisi alterius videndo supplicium, ut non altum sapiat, sed timeat (*Rom. xi, 20*), id est non de se præsidat, sed confidat in Deum: quis recte intelligens dicat, Talis esset ista qualis illa; nec videat se nihil aliud dicere quam, Non esset ista, sed sola esset illa? Quod si ineruditæ atque insipienter dicitur,

<sup>1</sup> *Mss. paraverant.*

cur ergo non crearet Deus etiam quos malos futuros esse præsciebat, volens ostendere iram et demonstrare potentiam suam, et ob hoc sustinens in multa patientia vasa iræ, quæ perfecta sunt in perditionem, ut notas faceret divitias gloriæ suæ in vasa misericordiæ, quæ præparavit in gloriam (*Id. ix, 22, 23*)? Sic enim qui gloriatur, nonnisi in Domino gloriatur (*II Cor. x, 17*), cum cognoscit non suum, sed illius esse, non solum ut sit, verum etiam ut nonnisi ab illo bene sibi sit, a quo habet ut sit.

11. Nimis itaque importune dicitur: Non essent quibus Deus tantam beneficentiam misericordiæ suæ tribueret, si aliter esse non possent, nisi essent et in quibus vindictæ justitiam demonstraret.

CAPUT IX. — *De eadem difficultate.*

Cur enim non utrique potius essent, quando in utrisque et bonitas Dei et æquitas iure prædicatur?

12. At enim si Deus vellet, etiam isti boni essent. Quanto melius hoc Deus voluit, ut quod vellent essent: sed boni infructuose, mali autem impune non essent, et in eo ipso aliis utilies essent? Sed præsciebat quod corum futura esset<sup>1</sup> voluntas mala. Præsciebat sane, et quia falli non potest ejus præscientia, idoo non ipsius, sed eorum est voluntas mala. Cur ergo eos creavit, quos tales futuros esse præsciebat? Quia sicut prævidit quid mali essent facturi, sic etiam prævidit de malis factis eorum quid boni esset ipse facturus. Sic enim eos fecit, ut eis relinqueret unde et ipsi aliquid facerent, quo quidquid etiam culpabiliter eligerent, illum de se laudabiliter operantem invenirent. A se quippe habent voluntatem malam, ab illo autem et naturam bonam, et justam poenam; sibi debitum locum, aliis exercitationis adminiculum et timoris exemplum.

CAPUT X. — *Malorum voluntatem in bonum convertere potest Deus: quare non faciat.*

13. Sed posset, inquiunt, etiam ipsorum voluntatem in bonum convertere, quoniam omnipotens est. Posset plane. Cur ergo non fecit? Quia noluit. Cur noluerit, penes ipsum est. Debemus enim non plus sapere quam oportet sapere (*Rom. xii, 3*). Puto autem paulo ante satis nos ostendisse non parvi boni essè rationalem creaturam, etiam istam quæ malorum comparatione cavet malum: quod genus bonæ creature utique non esset, si omnium malas voluntates in bonum Deus convertisset, et nulli iniquitati poenam debitam infligeret; ac sic non esset nisi solum illud genus, quod nulla vel peccati vel supplicii malorum comparatione proficeret. Ita velut aucta numerositate excellentioris generis, ipsorum generum bonorum numerus minueretur.

CAPUT XI. — *Malorum poenis non indiget Deus, sed ex eis consulti bonorum saluti.*

14. Ergo, inquiunt, est aliquid in opribus Dei, quod alterius malo indigeat, quo proficiat ad bonum? Itane obsurderunt et excusat sunt homines, nescio quo studio contentionis, ut non audiant vel videant, quibusdam punitis, quam plurimi corriganter? Quis

<sup>1</sup> *Sic Mss. At editi, quid eorum factura esset.*

enim paganus, quis *Judeus*, quis hæreticus non hoc in domo sua quotidie probet? Verum cum venitur ad disputationem iquisitionemque veritatis, nolunt advertere sensus suos homines, ex quo opere divinitate providentiae in eos veniat imponendæ commotio disciplina; ut si non corriguntur qui puniuntur, eorum tamen exemplo cæteri metuant, valeatque ad eorum salutem justa pernicias aliorum. Num enim malitia eorum vel nequitia Deus auctor est, de quorum justa pena consulti, quibus hoc modo consulendum esse constituit? Non utique: sed cum eos vitiis propriis malos futuros esse præsciret, non eos tamen creare destitit; utilitati deputans eorum, quos in hoc genere creavit, ut ad bonum proficere, nisi iudiciorum comparatione<sup>1</sup>, non possent. Si enim non essent, nulli rei utique prodessent. Parumne boni est actum ut sint, qui certe illi generi utiles sunt; quod genus quisquis non vult ut sit, nihil aliud agit, nisi ut ipse in eo non sit?

15. Magna opera Domini; exquisita in omnes voluntates ejus (*Psal. cx, 2*): prævidet bonos futuros, et creat; prævidet malos futuros, et creat: seipsum ad fruendum præbens bonis, multa munera suorum largiens et malis, misericorditer ignoscens: juste ulciscens; itemque misericorditer ulciscens, juste ignoscens: nihil metuens de cuiusquam malitia, nihil indigens de cuiusquam justitia; nihil sibi consulens nec de operibus honorum, et bonis consulens etiam de pœnis malorum. Cur ergo non permitteret tentari hominem illa tentatione probandum<sup>2</sup>, convincendum, puniendum, cum superba concepcionis propriae potestatis quod conceperat pareret, suoque feta confunderetur, justoque suppicio a superbiae atque inobedientiae malo posteros deterreret, quibus ea conscribenda et annuntianda parabantur?

#### CAPUT XII.—Cur tentatio per serpentem fieri permitta.

16. Si autem queritur cur potissimum per serpentem diabolus tentare permisssus sit; jam hoc significandi gratia factum esse, quem non admoneat Scriptura tantæ auctoritatis, tantis divinitatis documentis agens in prophetando, quamvis effectis jam mundus impletus est? Non quod diabolus aliquid ad instructiōnem nostram significare voluerit, sed cum accedere ad tentandum non posset nisi permisus, num per aliud posset, nisi per quod permittebatur accedere? Quidquid igitur serpens ille significavit, ei providentiae tribendum est, sub qua et ipse diabolus suam quidem habet cupiditatem nocendi; facultatem autem nonnisi quæ datur, vel ad subvertenda ac perdenda vasa iræ, vel ad humilianda sive probanda vasa misericordiæ. Natura itaque serpentis unde sit, novimus: produxit enim terra in verbo Dei omnia pecora, et bestias, et serpentes; quæ universa creatura habens in se animam vivam irrationalem, universæ rationali creature sive bonæ sive malæ voluntatis, lege divini ordinis subdita est (*Gen. i, 20-26*). Quid ergo mirum si per serpentem aliquid agere permisssus est diabolus, cum dæmonia in porcos intrare Christus ipse permiserit (*Matt. viii, 32*)?

<sup>1</sup> Editi hic, *cooperatione*. MSS. *constantier, comparatione*.

<sup>2</sup> In MSS. *probæ notæ, prodendum*.

#### CAPUT XIII.—In Manichæos qui diabolum in creaturis Dei censi nolunt.

17. Magis de ipsa natura diaboli scrupulosius queri solet, quam totam quidam hæretici, offensi molestia malæ voluntatis ejus, alienare conantur a creatura summi et veri Dei, et alterum ei dare principium, quod sit contra Deum. Non enim valent intelligere, omne quod est, in quantum aliqua substantia est, et bonum esse, et nisi ab illo vero Deo, a quo omne bonum est, esse non posse: malam vero voluntatem inordinate moveri, bona inferiora superioribus præponendo; atque ita factum esse ut rationalis creature spiritus, sua potestate propter excellentiam delectatus, tumesceret superbia, per quam caderet a beatitudine spiritualis paradisi, et invidentia contabesceret. In quo tamen bonum est hoc ipsum quod vivit, et vivificat corpus, sive aerium, sicut ipsius diaboli vel dæmonum spiritus, sive terrenum, sicut hominis anima, cuiusvis etiam maligni atque perversi. Ita dum nolunt aliiquid, quod Deus fecerit, propria voluntate peccare, ipsius Dei substantiam dicunt primo necessitate, et post inexpliabiliter voluntate corruptam atque perversam. Sed de istorum dementissimo errore alias jam diximus multa.

#### ✓ CAPUT XIV.—Causa ruinæ angelicæ. Superbia, invidia.

18. In hoc autem opere querendum est secundum sanctam Scripturam, quid de diabolo dicendum sit. Primo, utrum ab initio ipsius mundi sua potestate delectatus abstiterit ab illa societate et charitate, qua beati sunt Angeli qui fruuntur Deo; an aliquo tempore in sancto cœtu fuerit Anglorum, etiam ipse pariter justus, et pariter beatus. Nonnulli enim dicunt ipsum ei fuisse casum a supernis sedibus, quod inviderit homini facto ad imaginem Dei. Porro autem invidia sequitur superbiam, non præcedit: non enim causa superbiedi est invidia, sed causa invidendi superbia. Cum igitur superbia sit amor excellentiæ propriæ, invidia vero sit odium felicitatis alienæ, quid unde nascatur satis in promptu est. Amando enim quisque excellentiam suam, vel paribus individet, quod ei coæquentur; vel inferioribus, ne sibi coæquentur; vel superioribus, quod cis non coæquetur. Superbiendo igitur invidus, non invidendo quisque superbis est.

#### CAPUT XV.—Superbia et amor privatus fontes malorum. Amores duo. Civitates duæ. Opus de Civitate Dei pollicetur.

19. Merito initium omnis peccati superbiam Scriptura destinavit, dicens: *Initium omnis peccati superbia* (*Ecli. x, 15*). Cui testimonio non inconvenienter aptatur etiam illud quod Apostolus ait, *Radix omnium malorum est avaritia* (*1 Tim. vi, 10*); si avaritiam generalem intelligamus, qua quisque appetit aliquid amplius quam oportet, propter excellentiam suam, ei quemdam propriæ rei amorem: cui sapienter nomen latina lingua indidit, cum appellavit privatum, quod potius a detimento quam ab incremento dictum eluet. Omnis enim privatio minuit. Unde itaque vult enunciare superbia, inde in angustias egestatemque

contrudit, cum ex communi ad proprium damnosus sui amore redigitur. Specialis est autem avaritia, quae usitatus appellatur amor pecuniae. Cujus nomine Apostolus per speciem genus significans, universalem avaritiam volebat intelligi dicendo, *Radix omnium malorum est avaritia*. Ilac enim et diabolus cecidit, qui utique non amavit pecuniam, sed propriam potestatem. Proinde perversus sui amor privat sancta societate turgidum spiritum, cumque coaretat miseria jam per iniuriam satiari cupientem. Hinc alio loco cum dixisset, *Erunt enim homines seipsos amantes; continuo subjecit, amatores pecunias* (Il Tim. iii, 2), ab illa generali avaritia cuius superbia caput est, ad hanc specialem descendens quae propria hominum est. Neque enim essent etiam homines amatores pecuniae, nisi eo se putarent excellentiores, quo diiores. Cui morbo contraria charitas non querit quae sua sunt, id est non privata excellentia laetatur: merito ergo et non inflatur (I Cor. xiii, 5, 4).

20. Hi duo amores, quorum alter sanctus est, alter immundus; alter socialis, alter privatus; alter communis; utilitati consulens propter supernam societatem, alter etiam rem communem in potestatem propriam redicens propter arrogantem dominationem; alter subditus, alter temulus Deo; alter tranquillus, alter turbulentus; alter pacificus, alter seditiosus; alter veritatem laudibus errantium preferens, alter quoquo modo laudis avidus; alter amicialis<sup>1</sup>, alter invidus; alter hoc volens proximo quod sibi, alter subjicere proximum sibi; alter propter proximi utilitatem regens proximum, alter propter suam: præcesserunt in Angelis; alter in bonis, alter in malis; et distinxerunt conditas in genere humano civitates duas, sub admirabili et ineffabili providentia Dei, cuncta que creata sunt administrantis et ordinantis, alteram justorum, alteram iniquorum. Quarum etiam quadam temporali commixtione pergitur seculum, donec ultimo iudicio separantur, et altera conjuncta Angelis bonis in rege suo vitam consequatur æternam, altera conjuncta angelis malis in ignem-cum rege suo mittatur æternum. De quibus duabus civitatibus latius fortasse alio loco, si Dominus voluerit, disseremus.

#### CAPUT XVI. — *Diabolus quandonam lapsus sit.*

21. Quando ergo dejecterit superbiam diabolum, ut naturam suam bonam prava voluntate perverteret, Scriptura non dicit: ante tamen factum fuisse, et ex hac eum homini invidisse, ratio manifesta declarat. In promptu est enim omnibus hæc intuentibus, non ex invidentia superbiam nasci, sed ex superbia potius invidentiam. Non autem frustra putari potest, ab initio temporis diabolum superbiam cecidisse, nec fuisse aliquum antea tempus quo cum Angelis sanctis pacatis vixerit et beatus, sed ab ipso primordio creature a suo creatore apostatasse; ut illud quod Dominus ait, *Ille homicida erat ab initio, et in veritate non stetit* (Joan. viii, 44), utrumque ab initio intelligamus, non solum quod homicida fuit, sed etiam quia in veritate

<sup>1</sup> Er. et Iov., amicialis; pro quo am. et Mss., amicialis.

non stetit. Et homicida quidem ab illo initio ex quo homo potuit occidi; non autem potuit occidi, antequam esset qui occideretur. Ab initio ergo homicida diabolus, quia ipse occidit hominem primum, ante quem nullus hominum fuit. In veritate autem non stetit, et hoc ab initio ex quo ipse creatus est, qui staret si stare voluisse.

#### CAPUT XVII. — *An beatus fuerit diabolus ante peccatum.*

22. Quomodo enim duxisse etiam vitam beatam inter beatos Angelos credi potest, qui futuri sui peccati atque supplicii, id est desertionis et ignis æterni, præscius non fuit? Si præscius non fuit, merito queritur cur non fuerit<sup>1</sup>. Neque enim sancti Angeli æternæ vitae ac beatitudinis incerti sunt. Nam quomodo beati, si incerti? An dicemus hoc Deum diabolo revelare noluisse, cum adhuc esset angelus bonus, vel quid facturus, vel quid passurus esset; cæteris vero hoc revelasse quod essent in æternum in ejus veritate mansuri? Quod si ita est, ideo jam non æqualiter beatus, imo jam nec plane beatus fuit, quandoquidem plane beati de sua beatitudine certi sunt, ut eam nullus perturbet metus. Quo autem malo merito ita discernebatur a ceteris, ut ei Deus nec ea quæ ad ipsum pertinerent, futura revelaret? Numquid ille prius ultius, quam iste peccator? Absit: neque enim Deus damnat innocentes. An forte ex alio genere angelorum fuit, quibus Deus non dedit vel de seipso præscientiam futurorum? qui quoniam modo beati possint esse non video, quibus incerta est ipsa sua beatitudo. Nam et hoc quidam senserunt, non fuisse diabolum in illa sublimi natura Angelorum, quæ supercoelestis est; sed in eorum qui aliquando inferius in mundo facti sunt, et per sua officia distributi. Tales enim fortasse posset aliquid etiam illicitum delectare: quam tamen delectationem si peccare nollent, libero arbitrio cohiberent; sicut homo, maxime ille primus, qui peccati poenam nondum habebat in membris, quandoquidem et ipsa a sanctis viris Deo subditis per ejus gratiam pietate superatur.

#### CAPUT XVIII. — *Homo ante peccatum quomodo beatus fuerit.*

23. Porro ista quæstio de beata vita, utrum eam quisquam jam habere dicendus sit, cui incertum est? utrum secum permansura sit, an ei miseria quandoque succedat, potest et de ipso primo homine oriri. Nam si futuri sui peccati præscius erat divinaeque vindictæ, beatus esse unde poterat? Ergo erat in paradiiso non beatus. Sed enim non erat futuri peccati sui præscius? Ergo per hanc ignorantiam aut ejusdem beatitudinis incertus; et quomodo jam vere beatus? aut falsa spe certus, non scientia; et quomodo non stultus?

24. Sed tamen hominis adhuc in corpore animali constituti, cui obedienter viventi dandum adhuc esset Angelorum consortium, et mutatio corporis ex animali in spirituale, possumus intelligere beatam vitam secundum quendam modum, etiamsi non erat præ-

<sup>1</sup> Fr. lugd. Ven. legunt, id est desertionis et ignis æterni si præscius non fuit, merito queritur cur non fierit. M.

<sup>2</sup> Mss., cuius tacitus est utrum, etc.

scimus futuri sui peccati. Neque enim et illi praescii fuerunt, quibus Apostolus dicit, *Vos qui spirituales estis, instruite hujusmodi in spiritu lenitatis, intendens te ipsum, ne et tu tenteris (Galat. vi, 4)*; non absurde tamen nec improbe dicimus, beatos jam fuisse hoc ipso quod spirituales essent, non corpore, sed justitia fidei, spe gaudentes, in tribulatione patientes (*Rom. xii, 12*). Quanto magis ergo, et ampliore modo beatus erat homo in paradyso ante peccatum, quamvis incertus futuri sui casus, qui spe ita gaudebat propter premium futurae commutationis, ut nulla esset tribulatio cui tolerandae patientia militaret? Quamvis enim non vana presumptione de incerto certus velut stultus, sed spe non infidelis; antequam apprehenderet illam vitam, ubi certissimus ipsius æternæ vite suæ futurus esset, posset exultare, quemadmodum scriptum est, *cum tremore (Psal. ii, 11)*; et hac exultatione, multo abundantius in paradyso, quam sancti in his terris, beatus esse, modo quodam inferiore quam in illa vita æterna sanctorum supercœlestiumque Angelorum, non tamen nullo.

#### CAPUT XIX. — *Angelorum condito.*

25. Dicere autem de aliquibus angelis quod in suo quodam genere beati esse possint, futuræ suæ iniquitatis et damnationis, vel certe perpetuae salutis inverti, quibus nec spes subcesset quod aliquando et ipsi aliqua in melius mutatione certi de hac re futuri essent, vix ferenda presumptione est: nisi forte et hoc dicatur, ita creatos istos angelos mundanis ministeriis distributos sub aliis sublimioribus et beatioribus, ut pro recte gestis præpositoris suis accipiant illam vitam beatam ac sublimiorem, de qua possint esse certissimi, cuius utique spe gaudiientes possint non incongrue dici jam beati. Ex quorum numero si diabolus cecidit cum sociis iniquitatis suæ, simile est hoc ei quod cadunt a justitia fidei etiam homines, simili superbia prævaricati, vel seipso seducentes, vel illi seductorri consentientes.

26. Sed asserant hæc duo genera bonorum Angelorum qui potuerint, unum supercœlestium, in quibus nunquam fuit qui cadendo diabolus factus est; alterum autem mundanorum, in quibus fuit: mihi autem, fateor, unde hoc secundum Scripturas asseram, non interim occurrit; sed coarctatus quæstione illa, qua queritur utrum sui casus praescius, antequam caderet, fucrit, ne suæ beatitudinis incertos esse vel aliquando fuisse Angelos dicerem, non sine causa putari posse dixi, diabolum ab ipso creaturæ, hoc est ab ipso vel temporis vel suæ conditionis initio cecidisse, nec aliquando in veritate stetisse.

#### CAPUT XX. — *Opinio de diabolo creato in malitia.*

27. Unde nonnulli eum non in hanc malitiam libero voluntatis arbitrio esse deflexum, sed in hac omnino creatum putant, quamvis a Domino Deo summo et vero naturarum omnium creatore: adhibentque testimonium de libro Job, quoniam ibi scriptum est, eum de illo sermo esset, *Hoc est initium figmenti Domini, quod fecit ut illudatur ab Angelis ejus (Job. xl, 18, sec. LXX)*: cui sententia congruit quod in Psalmo

scriptum est, *Draco hic quem finxisti ad illudendum ei (Psal. cxii, 26)*; nisi quod hic, quem finxisti, dixit; non autem sicut ibi, *Hoc est initium figmenti Domini: tanquam in initio eum ita finxisset, ut malus, ut invidus, ut seductor, ut omnino diabolus esset, non voluntate depravatus, sed ita creatus.*

#### CAPUT XXI. — *Refellitur hæc opinio.*

28. Hæc opinio quomodo non sit adversa ei, quod scriptum est, *Fecit Deus omnia bona valde! (Gen. i, 31)*. quamvis conentur ostendere; nec insulse etiam vel ineruditæ asseratur, non tantum conditione prima, sed etiam nunc depravatis tot voluntatibus, in summa tamen omnia quæ creata sunt, id est universam omnino creaturam bonam esse valde, non quod boni sint in ea mali, sed quod non efficiant malitia sua ut sub Dei administratoris imperio, virtute, sapientia, decus et ordo universitatis aliqua ex parte turpetur sive turbetur; cum suis quibusque voluntatibus, etiam malis, tribuantur certi et congrui limites potestatum et pondera meritorum, ut etiam cum ipsis convenienter juste ordinatis universitas pulchra sit: tamen quia quilibet occurrit, et verum est atque manifestum, justitiae ipsi esse contrarium ut nullo praecedente merito, hoc ipsum in quoquam Deus damnet quod in eo ipse creaverit, certaque et evidens damnatio diaboli et angelorum ejus ex Evangelio recitat, ubi se dictur Dominus prænuntiavit eis qui a sinistris sunt, *Ite in ignem æternum, qui præparatus est diabolus et angelus ejus (Matth. xxv, 41)*; nullo modo in eo naturam quam Deus creavit, sed malam propriam voluntatem poena ignis æterni plectendam esse credendum est.

#### CAPUT XXII. — *Opinio de diabolo creato in malitia.*

29. Nec ejus naturam esse significatam quod dictum est, *Hoc est initium figmenti Domini, quod fecit ut illudatur ab Angelis ejus*: sed vel corpus aerium, quod tali voluntati congruenter aptavit; vel ipsam ordinationem, in qua eum fecit etiam nolentem utilem bonis; vel quod præsciens eum propria voluntate malum futurum, fecit eum tamen, non abstinentis bonitatem suam in præbenda vita atque substantia futura etiam noxice voluntati<sup>1</sup>, simul prævidens quanta de illo bona esset sua mirabilis bonitate ac potestate facturus. *Initium autem figmenti Domini dictus est, quod fecit ut illudatur ab Angelis ejus*, non quia ipsum primitus condidit, vel initio malum condidit; sed quia cum sciret eum ad hoc propria voluntate malum futurum ut bonis noceret, creavit eum ad hoc ut de illo bonis ipse prodesset. Hoc est enim, *ut illudatur ab Angelis ejus*; quoniam sic illuditur, cum sanctis prorsus tentationes ejus, quibus eos depravare conatur, ut malitia, in qua ipse esse voluit, eo nolente sit utilis servis Dei; quia hoc prævidens eum finxit. Idco

<sup>1</sup> Codices editi et MSS. post, *bona valde*, addunt: *ut be-creatur diabolus non propria voluntate depravatus, sed ab ipso Domino Deo factus malus valde*; quod glossæna esse censor quidam nec imprudens nec recens annotavit in Colbertino Ms. Moz in editis legebatur: *Quoniam conentur voluntare ut tristes: at in MSS., nec insulse.*

<sup>2</sup> MSS. aliquæ, volumatatis.

Initium ad illudendum, quia et mali homines vasa ejusdem diaboli, et tanquam capitum corpus, quos nihilominus Deus malos futuros previdens, creavit tamen ad utilitatem sanctorum, similiter illuduntur, cum et ipsis nocere volentibus, praestatur sanctis ex eorum comparatione cautela, et pia sub Deo humilitas et intelligentia gratiae<sup>1</sup>, et exercitatio ad tolerandos malos, et probatio ad diligendos inimicos. Sed ille est initium figuranti, quod sic illuditur, quia praecedit istos et temporis antiquitate, et principatu malitiae. Hoc autem illi Deus per sanctos Angelos facit, illo opere providentiae, quo creates naturas administrat, subdens videlicet angelos malos Angelis bonis, ut ma'orum improbitas, non quantum nititur, sed quantum sinitur possit: nec tantum angelorum malorum, verum et hominum, donec etiam ista justitia, qua vivitur ex fide (*Rom. i, 17*), quae nunc patienter in hominibus exercetur, convertatur in judicium (*Psalm. xciii, 15*), ut possint et ipsi non solum duodecim tribus Israel (*Math. xix, 28*), sed etiam angelos judicare (*I Cor. vi, 5*).

CAPUT XXIII. — *Ut intelligendum est diabolum in veritate nunquam stetisse.*

30. Quod ergo putatur nunquam diabolus in veritate stetisse, nunquam cum Angelis beatam duxisse vitam, sed ab ipso sua conditionis initio cecidisse, non sic accipiendo est, ut non propria voluntate depravatus, sed malus a bono Deo creatus putetur; alioquin non ab initio cecidisse diceretur: neque enim cecidit, si talis est factus. Sed factus continuo se a luce veritatis avertit, superbia tumidus, et proprie potestatis delectatione corruptus: unde beatæ atque angelicæ vitae dulcedinem non gustavit, quam non utique acceptam fastidivit, sed nolendo accipere deseruit, et amisit. Proinde nec sui casus præscius esse potuit; quoniam sapientia pietatis est fructus. Ille autem continuo impius, consequenter et mente cæcus, non ex eo quod acceperat cecidit, sed ex eo quod accepit, si subdi voluisse Deo: quod profecto quia noluit, et ab eo quod accepterat erat cecidit, et potestatem illius sub quo esse noluit, non evasit; factumque in illo est pondere meritorum, ut nec justitiae possit lumine delectari, nec ab ejus sententia liberari.

CAPUT XXIV. — *De corpore mystico diaboli intelligendum esse illud.* Quomodo cecidit, etc.

31. Quod ergo per Isaiam prophetam in eum dicitur, *Quomodo cecidit de caelo Lucifer mane oriens? contritus est in terram, qui mittebat ad omnes gentes?* Tu autem dixisti sensu tuo, *In celum ascendam, super sidera caeli ponam thronum meum, sedebo in monte excelso super montes excelsos qui sunt ad aquilonem, ascendam super nubes, ero similis Altissimo: nunc autem ad inferos descendes* (*Isai. xiv, 12-14*); et cætera, quæ in figura regis velut Babylonis in diabolum dicta intelliguntur, plura in ejus corpus convenient, quod etiam de humano genere congregat; et in eos maxime qui ei per superbiam coherent, apostatando a mandatis

<sup>1</sup> Sic plerique et optimæ note MSS. At excusi habent, humiliatis et intelligentia gratia.

Dei. Sicut enim qui erat diabolus, homo dictus est, ut in Evangelio, *Inimicus homo hoc fecit* (*Math. xiii, 28*); ita qui homo erat, diabolus dictus est, ut rursus in Evangelio, *Nonne ego vos duodecim elegi, et unus et solis diabolus est* (*Joan. vi, 71*)? Et sicut corpus Christi quod est Ecclesia, dicitur Christus, sicut illud est, *Vos Abraham semen estis*, cum paulo superius dixisset, *Abrahae dictæ sunt promissiones et semini ejus: non dicit, Et seminibus, tanquam in multis; sed tanquam in uno, Et semini tuo, quod est Christus* (*Galat. iii, 29, 16*); et iterum, *Sicut enim corpus unum est, et membra habet multa, omnia autem membra corporis cum sint multa, unum est corpus; ita et Christus* (*1 Cor. xii, 12*): eo modo etiam corpus diaboli, cui caput est diabolus, id est ipsa impiorum multitudo, maximeque eorum qui a Christo vel de Ecclesia sicut de caelo decidunt, dicitur diabolus, et in ipsum corpus figurate multa dicuntur, quæ non tam capiti quam corpori membrisque convenient. Itaque Lucifer qui mane oriebatur et cecidit, potest intelligi apostatarum genus vel a Christo vel ab Ecclesia; quod ita convertitur ad tenebras amissa luce, quam portabat, quemadmodum qui convertuntur ad Deum, a tenebris ad lucem transeunt, id est, qui fuerunt tenebræ lux sunt.

CAPUT XXV. — *De eodem corpore diaboli dictum esse illud.* Tu es signaculum, etc. Paradisus Ecclesia.

32. Item in figura principis Tyri per Ezechielem prophetam in diabolum dicta intelliguntur, *Tu es signaculum similitudinis et corona decoris; in deliciis paradisi Dei fuisti, omni lapide pretioso ornatus es* (*Ezech. xxviii, 12, 13*); et cætera, quæ non tam in ipsum principem spiritum nequit, quam in corpus ejus dicta convenient. Paradisus enim dicta est Ecclesia, sicut legitur in Cantico canticorum, *Hortus conclusus, fons signatus, puteus aquæ vivæ, paradiſus cum fructu pomorum* (*Cant. iv, 12, 13*). Inde ceciderunt vel aperta et corporali separatione omnes haeretici; vel occulta et spirituali, quamvis in ea corporaliter esse videantur, omnes conversi ad vomitum suum, cum post remissionem omnium peccatorum paululum ambulassent in via justitiae, in quibus facta sunt posteriora deteriora prioribus, et quibus expediebat non cognoscere viam justitiae, quam cognoscentibus retrorsum reflecti a tradito sibi sancto mandato (*Prov. xxvi, 11; et II Petr. ii, 21, 22*). Ilane pessimam generationem Dominus describit, cum dicit spiritum nequam exire ab homine, et cum aliis septem redire, et in domo quam mundatam jam invenerat, inhabitare, ut sint novissima hominis illius pejora prioribus (*Math. xii, 43-45*). Tali enim generi hominum, quod jam factum est corpus diaboli, possunt hæc verba congruere, *A die qua creatus es tu cum cherub, id est cum sede Dei, quæ interpretatur, Multiplicata scientia, et posuit te in monte sancto Dei, hoc est in Ecclesia; unde est, Et exaudiuit me de monte sancto suo* (*Psalm. iii, 5*). *Fuisti in medio lapidum flammeorum, id est sanctorum spiritu ferventium, lapidum vivorum: ambulasti sine ritio tu in diebus tuis, ex quo die creatus es tu donec inventa sunt delicta tua in te* (*Ezech. xxviii, 14, 15*).

Possunt diligen ins ista tractari, ut fortassis ostendatur non solum et hunc intellectum esse in his verbis posse, sed omnino alium esse non posse.

CAPUT XXVI. — *Conclusio de diaboli conditione et lapsu.*

33. Verum quia longum est, et alium sermonem exigit eidem tantum questioni deputatum; nunc sufficiat ista complexio, aut ab initio conditionis suæ diabolum a beatitudine, quam si voluisset percepturus fuerat, impia superbìa cecidisse, aut alios esse angelos inferioris ministerii in hoc mundo, inter quos secundum eorum quamdam non præsciam beatitudinem vixerat, et a quorum societate cum sibi subditis angelis suis tanquam archangelus cecidit per superbiam impietatem; si hoc ullo modo asseri potest, quod mirum si potest<sup>1</sup>: aut certe ratione in requirendam, quemadmodum omnes sancti Angeli, si inter illos aliquando pariter beatus cum suis angelis diabolus vixit, nondum habuerint etiam ipsi certam præscientiam perpetuae felicitatis suæ, sed eam post casum ejus accepérunt; aut quo merito ante suum peccatum diabolus cum sociis suis a ceteris Angelis discretus fuerit, ut ipse sui casus futuri esset ignarus, illi autem certi permansionis suæ: dum tamen et peccatores angelos minime dubitemus detrusos tanquam in carcere calamitis hujus aeris circa terras, secundum apostolicam fidem, in judicio puniendos servari (II Petr. II, 4); et in ilia superna beatitudine sanctorum Angelorum non esse incertam vitam æternam, nec nobis secundum Dei misericordiam et gratiam et fidelissimam pollicitationem incertam futuram, cum fuerimus eis post resurrectionem et istorum mutationem corporum copulati. Ad hanc enim spem vivimus, et ejus promissionis gratia recreamur. Quidquid autem etiam de diabolo dici potest, cur cum Deus creaverit, cum talis præciret futurum, et cur omnipotens ejus voluntatem non convertat in bonum, secundum ea quæ disserimus cum de malis hominibus similiter quereremus, sive intelligatur, sive credatur, sive quid melius inveniri potest, inveniatur.

CAPUT XXVII. — *De tentatione diaboli per serpentem.*

34. Ab illo ergo cuius super omnia quæ creavit, summa potestas est, per Angelos sanctos a quibus iudicatur diabolus, cum et de ipsis malevolentia consolitur Ecclesia Dei, non est permissus tentare seminarum nisi per serpentem, nec virum nisi per seminarum: sed in serpente ipse locutus est, utens eo velut organo, movensque ejus naturam eo modo quo movere ille, et moveri illa potuit, ad exprimendos verborum sonos et signa corporalia, per quæ mulier suadentis intelligeret voluntatem. In ipsa vero muliere, quia illa rationalis creatura erat, quæ motu suo posset uti ad verba facienda, non ipse locutus est, sed ejus operatio atque persuasio; quamvis occulto instinctu adjuvaret interior, quod exterior egerat per serpentem. Quod quidem si

<sup>1</sup> Er. et Lov., per superbiam impietatem: sed hoc nullo modo asseri potest, illud mirum si potest. Visum est restituere lectionem Nss.

<sup>2</sup> Lov., consolantur. Alii codices, consulatur; vel, consuatur.

solo instinctu occultius ageret, sicut egit in Iuda ut traderet Christum (Joan. XIII, 2), posset efficiere in anima superbo amore suæ potestatis inducta: sed, sicut jam dixi, tentandi voluntatem habet diabolus, in potestate autem nec ut faciat habet, nec quomodo faciat. Quia permisus est ergo, tentavit; et quomodo permisus est, ita tentavit: cui autem generi hominum prodasset quod faciebat, neque sciebat, neque volebat, et eo ipso illudebatur ab Angelis.

CAPUT XXVIII. — *An serpens verba prolata intellexerit.*

35. Non itaque serpens verborum sonos intelligebat, qui ex illo siebant ad mulierem. Neque enim conversa credenda est anima ejus in naturam rationalem; quandoquidem nec ipsi homines, quorum rationalis natura est, cum dæmon in eis loquitur ea passione cui exorcista requiritur, sciunt quid loquantur; quanto minus ille intelligeret verborum sonos, quos per eum et ex eo diabolus illo modo faciebat, qui hominem loquentem non intelligeret, si eum a diabolica passione immunis audiret? Nam et quod putantur audire et intelligere serpentes verba Marsorum, ut eis incantantibus prosiliant plerumque de latebris, etiam illuc diabolica vis operatur, ad cognoscendam ubique providentiam, quam rem cui rei naturali ordine subjiciat, et quid etiam voluntibus malis sapientissima potestate permittat, ut hoc magis habeat usus, serpentes moveri carminibus hominum, quam aliud genus animantium. Etiam hæc enim non parva testatio est, naturam primitus humanam serpentis seductam esse colloquio. Gaudent enim dæmones hanc sibi potestatem dari, ut ad incantationem hominum serpentes moveant, ut quolibet modo fallant quos possunt. Hoc autem permittuntur ad primi facti memoriam commendandam, quod sit eis quedam cum hoc genere familiaritas. Porro ipsum primum factum ad hoc permisus est, ut per naturam serpentis significaretur generi hominum, cui erudiendo hæc gesta conscribi oportebat, omnis diabolica temptationis similitudo: quod apparebit, cum in serpentem proferri coepit divina sententia.

CAPUT XXIX. — *Serpens cur dictus prudentissimus.*

36. Proinde *prudentissimus omnium bestiarum*, hoc est, astutissimus, ita dictus est serpens propter astutiam diaboli, quæ in illo et de illo agebat dolum; quemadmodum dicitur prudens vel astuta lingua, quam prudens vel astutus movet ad aliquid prudenter astuteque suadendum. Non enim est hæc vis seu virtus membra corporalis quod vocatur lingua, sed utique mentis quæ utitur ea. Ita etiam dictus est stilius mendax scribarum: neque enim esse mendacem pertinet, nisi ad viventem atque sentientem; sed stilius mendax dictus est, quod per eum mendax mendaciter operetur; quemadmodum si et iste serpens mendax dicereatur, quod eo diabolus tanquam stilo mendaciter uteatur.

37. Hoc ideo commendandum putavi, ne quisquam existimat animantia rationalis expertia humanum habere intellectum, vel in animal rationale repente mu-

iari, seducatur in illam opinionem ridiculam et noxiā revolutionis animatum vel hominū in bestias, vel in homines bestiarum. Sic ergo locutus est serpens homini, sicut asina in qua sedebat Balaam, locuta est homini (*Nam. xxii, 28*), nisi quod illud fuit opus diabolicum, hoc angelicum. Habent enim quedam boni et mali angeli opera similia, sicut Moyses et magi Pharaonis (*Exod. viii, 10, 11*). Verum in his etiam boni Angeli potentiores sunt, nec mali angeli etiam talium op̄rum quidquam possunt, nisi quod per bonos Angelos permisit Deus, ut retributur unicuique secundum cor ejus, vel secundum gratiam Dei; utrumque juste ac benigne per altitudinem divitiarum sapientiae Dei (*Rom. xi, 33*).

CAPUT XXX.—*Colloquium serpentis cum muliere.*

38. *Dixit ergo serpens mulieri, Quid, quia dixit Deus, Non edetis ab omni ligno paradisi? Et dixit mulier serpenti, A fructu ligni quod est in paradiſo edemus: de fructu autem ligni, quod est in medio paradiſi, dixit Deus, Non edetis ex eo, neque tangatis illud, ne moriamini. Ideo prius interrogavit serpens, et respondit hoc mulier, ut prævaricatio esset inexcusabilis, neque ullo modo dici posset, id quod præceperat Deus oblitam fuisse mulierem. Quanquam et obliuio præcepti, maxime unius et tam necessarii, ad maximam culpam damnabilis negligēt perineret: verum tamen evidenter ejus transgressio est, cum memoria retinetur, et tamquam in illo Deus assistens presensque contemnitur. Unde necessarium fuit, cum in Psalmo dicetur, Et memoria retainentibus mandata ejus, addere, ut faciant ea (*Psal. cx, 18*). Multi enim retainent memoria, ut contemnant ea, prævaricationis majore peccato, ubi oblivionis nulla est excusatio.*

39. *Dixit ergo serpens mulieri, Non morte moriemini. Sciebat enim Deus, quoniam quo die manducaveritis de eo, adaperientur vobis oculi, et eritis sicut dei, cognoscentes bonum et malum. Quando his verbis crederet mulier a bona atque utili re divinitus se fuisse prohibites, nisi jam inesse menti amor ille proprias potestatis, et quedam de se superba præsumptio, que per illum tentationem fuerat convincenda et humilianda? Denique verbis non contenta serpentis consideravit lignum, viditque bonum ad escam, et decorum ad aspectum, et non credens posse inde se mori, arbitror quod putaverit Deum alicujus significationis causa dixisse, Si manducaveritis, morte moriemini: atque ideo sumpsit de fructu ejus, et manducavit, et dedit eam viro suo secum; fortassis etiam cum verbo suasio, quod Scriptura tacens intelligendum relinquit. An forte nec suaderi jam opus erat viro, quando illum eo cibo mortuum non esse cernebat?*

CAPUT XXXI.—*Ad quid aperti oculi Adami et Eve.*

40. Ergo ederunt, et aperti sunt oculi amborum. Quo<sup>1</sup>, nisi ad invicem concupiscendum, ad peccati poenam carnis ipsius morte conceptam; ut jam esset corpus non animale tantum, quod poterat, si obedientiam conservarent, in meliorem spiritualemque habitum sine morte mutari, sed jam corpus mortis, in quo lex

<sup>1</sup> Edili, quomodo. At *Mss.*, Quo.

in membris repugnaret legi mentis (*Rom. vii, 23*)? Neque enim clausis oculis facti erant, et in paradiſo deliciarum execi palpantesque oberrabant, ut vetitum lignum etiam nescientes attingerent, palpantesque fructus prohibitos ignorando decerpserent. Quomodo autem animalia et volatilia adducta sunt ad Adam, ut videret quid ea vocaret, si non videbat? et quomodo ipsa mulier ad virum adducta est, quando facta est, ut de illa quam non videbat diceret, *Hoc nunc os de ossibus meis, et caro de carne mea, etc.* (*Gen. ii, 19, 22, 25*)? Postremo, quomodo vidi mulier quia bonum est lignum in escam, et quia placet oculis ad videndum, et decorum est cognoscere, si eorum clausi erant oculi?

41. Nec tamen ideo propter unius verbi translationem totum figurare accipiendum est. Viderit enim quemadmodum dixerit serpens, *Aperientur vobis oculi.* Hoc enim cum scriptor libri dixisse narravit; in qua vero significazione vel sententia dixerit, lectori considerare permisit. Hoc autem quod scriptum est, *Et aperti sunt oculi eorum, et cognoverant quia nudi erant,* ita scriptum est, quemadmodum omnia quae gesta narrantur; nec tamen ideo in allegoriam narrationem nos debent ducere. Neque enim et evangelista narrator dicta cujusquam figurata ex ejus persona inscrebat, ac non ex persona sua quae fuerant gesta narrabat, cum diceret de illis duobus, quorum unus erat Cleophas, quod cum fregisset eis Dominus panem, *aperti sunt oculi eorum, et cognoverunt eum, quem per viam non cognoverant* (*Luc. xxiv, 35-31*); non utique clausis oculis ambulantes, sed cum cognoscere non valentibus. Sicut ergo ibi, sic nec isto loco narratio figurata est, quainvis translato verbo Scriptura usa sit, ut apertos diceret oculos, qui et antea patebant: apertos utique ad aliquid intuendum et cogitandum, quod antea nunquam adverterant. Ubi enim ad transgrediendum præceptum audax curiositas mota est, avida experiri latentia, quidnam tacto vetito sequeretur, et noxia libertate habenas prohibitionis rumpere delectata, probabilius existimans non esse mortem, quam timuerant, securoram: tale quippe ponum credendum est fuisse in illa arbore, cuius generis ponia jam in aliis arboribus innoxia senserant; unde magis crediderunt Deum posse peccantibus facile ignorare, quam patienter tolerant' non cognoscere quidnam esset, vel cur eos inde cibum sumero vellissent: mox ut ergo præceptum transgressi sunt, intrinsecus gratia deserente omnino nudati, quam typho quodam et superbo amore sue potestatis offendiderant, in sua membra oculos injeccerunt, eaque motu eo quem non neverant, concupiverunt. Ad hoc ergo aperti sunt oculi, ad quod antea non patebant, quamvis ad alia paternerent.

CAPUT XXXII.—*Mortalitatis et libidinis origo. Ficulnea succinctoria.*

42. Haec mors ea die accidit, qua factum est quod Deus vexit. Amisso quippe statu mirabili, corpus

<sup>1</sup> Sic *Mss.* At *Am.*, quam patienter tolerat. Er., quam patienter toleravit. Lov., quod patienter tolerant.

Ipsum cui status etiam de ligno vita virtute mystica praebebatur, per quem nec morbo tentari, nec mutari volebat, ut hoc in eorum carne, quamvis adhuc animali et in melius postea commutanda, jam tamen significaretur per escam ligni vita, quod ex ipso spirituali alimento sapientiae, cuius sacramentum illud lignum erat, sit in Angelis per aeternitatis participationem, ut in deteriori non mutantur: hoc ergo amissi statu, corpus eorum duxit morbidam et mortiferam qualitatem, quae inest etiam pecorum carni, ac per hoc etiam eundem motum quo sit in pecoribus concubandi appetitus, ut succedant nascentia mortentibus: sed tamen etiam in ipsa jam poena sua generositas index anima rationalis bestiale motum in membris sua carnis erubuit, eique incussit pudorem, non solum quia hoc ibi sentiebat, ubi nunquam antea tale aliquid senserat, verum etiam quod ille pudendum motus de praecipi transgressione veniebat. Ibi enim sensit, quia prius gratia vestiretur, quando in sua nuditate nihil indecens patiebatur. Ibi completum est, Domine, in voluntate tua praestitisti decori meo virtutem; avertisti autem faciem tuam<sup>1</sup>, et factus sum conturbatus (*Psal. xxix*, 8). Denique illa conturbatione ad folia sicolnea cucurrerunt, succinctoria consuerunt, et quia glorianda deseruerant, pudenda texerunt. Nec arbitror eos cogitasse aliquid in illis foliis, quod talibus congrueret contegi jam membra prurientia; sed occulto instinctu ad hoc illa conturbatione compulsi sunt, et etiam talis poena sua significatio a nescientibus fieret, quae peccatorem facta convinceret, et doceret scripta lectorem<sup>2</sup>.

#### CAPUT XXXIII. Vox Dei ambulantis in paradiſo.

43. Et audierunt vocem Domini Dei ambulantis in paradiſo ad vesperam. Ea quippe hora tales jam convenerat visitare, qui defecerant a luce veritatis. Fortassis enim aliis intrinsecus vel effabilibus vel ineffabilibus modis Deus cum illis antea loquebatur, sicut etiam cum Angelis loquitur ipsa incomparabili veritate illustrans mentes eorum, ubi est intellectus nosse simul quæcumque etiam per tempora non sunt simul. Forte, inquam, sic cum eis loquebatur, etsi non tanta participatione divine sapientiae, quantam capiunt Angeli; tamen pro humano modulo, quantumlibet minus, sed ipso genere visitationis et locutionis; fortassis etiam illo qui sit per creaturam, sive in ecstasi spiritus corporalibus imaginibus, sive ipsis sensibus corporis aliqua specie presentata vel ad videndum, vel ad audiendum, sicut in Angelis suis solet videri Deus vel sonare per nubem. Nunc tamen quod audierunt vocem Dei ambulantis in paradiſo ad vesperam, non nisi per creaturam visibiliter factum est, ne substantia illa invisibilis et ubique tota, quæ Patris et Filii est et Spiritus sancti, corporalibus eorum sensibus locali et temporali motu apparuisse credatur.

#### 44. Et abeconderunt se Adam et mulier ejus a facie

<sup>1</sup> Am. et Er., *vindex anima*. Lov., *vindex animæ*. At MSS. magno consensu, *index anima*.

<sup>2</sup> Editi addunt, *a me*; quod abest a MSS. et a versione LXX.

<sup>3</sup> Ita in MSS. ubi in excusis legebatur, quæ peccatorem factum convinceret, et doceret scriptura lectorem.

Domini in medio ligno quod est in paradiſo. Cum Deus avertit intrinsecus faciem suam, et sit homo conturbatus; non miremur hæc fieri, quæ similia sunt dementiae, per nimium pudorem ac timorem; illo quoque occulto instinctu non quiescente, ut ea nescientes facerent, quæ aliquid significarent, quandoque scituris posteris, propter quos ista conscripta sunt.

#### CAPUT XXXIV. — Adam ob nuditatem sess abscondens interrogatur a Deo.

45. Et vocavit Dominus Deus Adam, et dixit illi, *Ubi es?* Increpantis vox est, non ignorantis. Et hoc sane ad aliquam pertinet significationem, quod sicut praeceptum viro datum est, per quem perveniret ad feminam, ita vir prior interrogatur. Praeceptum enim a Domino per virum usque ad feminam: peccatum autem a diabolo per feminam usque ad virum. Hæc mysticis significationibus plena sunt, non id agentibus in quibus facta sunt, sed de his id agente potentissima sapientia Dei. Non autem nunc significata reservamus, sed gesta defendimus.

46. Respondit ergo Adam: *Vocem tuam audivi in paradiſo, et tinui, quia nudus sum, et abscondi me.* Satis probabile est, solere Deum per creaturam tali actioni congruam in forma humana primis illis hominibus apparere: quos tamen nunquam permisit advertere nuditatem suam, eorum intentionem in superna sustollens, nisi cuni post peccatum pudendum in membris motum poenali membrorum lege sensissent. Sic ergo affecti sunt, ut solent affici homines sub oculis hominum; et talis affectio de peccati poena erat, eum latere velle quem latere nihil potest, et ab eo carnem occultare, qui cordis inspector est. Sed quid mirum si superbi<sup>1</sup> volentes esse sicut dii, evanuerunt in cogitationibus suis, et obscuratum est insipiens cor eorum? Se quippe dixerunt esse sapientes in abundantia sua, et illo avertente faciem, stulti facti sunt (*Rom. i*, 21, 22). Quod enim jam ipsos pudebat erga seipson, unde sibi et succinctoria fecerant, multo vehementius ab illo etiam sic succincti videri verebantur, qui tanquam familiari temperamento ad eos videndos per creaturam visibilem velut humanos oculos afferebat. Si enim propterea sic apparebat, ut homines tanquam cum homine loquerentur, quemadmodum Abraham ad querum Mambre (*Gen. xviii*, 1), illa ipsa prope amicitia pudore onerabat post peccatum, quæ fiduciam dabat ante peccatum; nec jam illam nuditatem audebant ostendere talibus oculis, quæ displicebat et suis.

#### CAPUT XXXV. — Excusationes Adami et Eovæ.

47. Dominus ergo volens jam peccatores more justitiae interrogatos punire amplius quam erat illa poena, de qua jam cogebantur erubescere: *Quis nuntiavit, inquit, tibi quia nudus es, nisi a ligno quod praeceperam tibi tantum ne ex eo mandares, ab eo edisti?* Hinc enim mors concepta, propter Dei sententiam, qui sic fuerat communatus, fecit adverte concupiscentialiter membra ubi dicti sunt aperti oculi, et secutum

<sup>1</sup> MSS., *superbe*.

est quod puderet. *Et dixit Adam, Mulier quam dedisti mecum, hæc mihi dedit a ligno, et edi.* Eia superbia! Numquid dixit, Peccavi?<sup>1</sup> Habet confusio[n]is deformitatem, et non habet confessionis humilitatem. Ad hoc ista conscripta sunt, quia et ipse interrogations nimirum ad hoc factæ sunt, ut et veraciter et utiliter scriberentur; quia si mendaciter, non utique utiliter: ut advertamus, quo morbo superbie laborent homines hodie, nonnisi in Creatore[m] conantes referre si quid egerint mali, eum sibi velint tribui si quid egerint boni. *Mulier,* inquit, *quam dedisti mecum,* id est quam dedisti ut esset mecum, *hæc mihi dedit a ligno, et edi:* quasi ad hoc data sit, ut non ipsa potius obdiret viro, et ambo Deo.

**48. Et dixit Dominus Deus mulieri,** *Quid hoc fecisti?* *Et dixit mulier,* *Serpens seduxit me, et manducavi.* Nec ista confitetur peccatum, sed in alterum refert, impari sexu, pari fastu. Ex his tamen natus est, nec eos imitatus est, sed plane pluribus malis exercitatus, qui dixit, et dicet usque ad terminum seculi: *Ego dixi, Domine, miserere mei; sana animam meam, quia peccavi tibi* (*Psal. xl.*, 5). Quanto melius sic et isti? Sed adhuc cervices peccatorum non conciderat Dominus (*Psal. cxxviii.*, 4). Restabant labores, dolores mortis, et omnis contritio sæculi, et gratia Dei qua tempore opportuno subvenit hominibus, quos afflictos docuit non de seipsis debere præsumere. *Serpens,* inquit, *seduxit me, et manducavi:* quasi ejus qui suus asocio precepto Dei debuerit anteponi.

#### CAPUT XXXVI. — Maledictio serpentis.

**49. Et dixit Dominus Deus serpenti,** *Quia fecisti tu hoc, maledictus tu ab omnibus pecoribus, et ab omnibus bestiis quæ sunt super terram. Super pectus tuum et ventrem tuum ambulabis, et terram edes omnes dies vita tuae.* *Et inimicities ponam inter te et mulierem, et inter semen tuum et semen illius.* *Ipsa tibi servabit caput, et tu servabis ejus calcaneum.* Tota ista sententia figurata est, nec aliud debet ei scriptoris fides narrationisque veritas, nisi ne illam dictam fuisse dubitemus. Quod enim positum est, *Et dixit Dominus Deus serpenti,* verba sola scribentis sunt; hæc<sup>2</sup> exigenda sunt per proprietatem. Hoc ergo verum est, dictum est serpentis. Jam cetera verba Dei sunt, quæ libero lectoris intellectu relinquuntur utrum propriæ an figuratae accipi debeant, sicut in exordio voluminis hujus nostri prælocuti sumus. Proinde quod serpens, cur hoc fecerit non est interrogatus, potest videri quod non ipse utique id in sua natura et voluntate fecerat; sed diabolus de illo et per illum et in illo fuerat operatus, qui jam ex peccato impietatis ac superbie suæ igni destinatus fuerat sempiterno. Nunc ergo quod serpentis dicitur, et ad cum qui per serpentem operatus est utique refertur, procul dubio figuratum est: nam in his verbis tentator ille describitur, qualis generi humano futurus esset; quod genus humanum propagari tunc coepit, quando hæc in diabolum est tanquam

<sup>1</sup> Sic in probæ notæ MSS. In aliis vero codicibus, et edi. *Numquid dixit, Peccavi?* superbiæ habet.

<sup>2</sup> Er. Iugd. ven. lov. feruat, et hæc: et inferius, hoc ergo ver. est dictum s. r. penti. 31.

in serpentem protata sententia. Hæc itaque verba quomodo figuris expositis accipienda sint, et in illis duobus adversus Manichæos editis libris de Genesi, quantum potuimus disseruimus, et si quid diligenter et congruentius alias potuerimus, Deus aderit ut efficiamus: nunc tamen nostra intentio in aliud quam suscepimus, nullo exigente avertenda est.

#### CAPUT XXXVII. — Pœna mulieris.

**50. Et mulieri dixit,** *Multiplicans multiplicabo tristitias tuas et gemitum tuum: in tristitiis paries filios, et ad virum tuum conversio tua, et ipse tui-dominabitur.* Hæc quoque in mulierem Dei verba, figuratae ac prophetice multo commodius intelliguntur: verumtamen quia nondum pepererat feminæ, nec dolor et gemitus parientis nisi ex corpore mortis est, que illa praecetti transgressione concepta est, animalibus quidem etiam tunc membris, sed si homo non peccasset, non utique morituris, et alio quodam statu felicioro victuris, donec post vitam bene gestam in melius mutari mererentur, sicut jami supra pluribus locis insinuavimus, refertur hæc pœna et ad proprietatem litteræ; nisi quia id quod dictum est, *Et ad virum tuum conversio tua, et ipse dominabitur tui,* videndum est quemadmodum proprie possit accipi. Neque enim et ante peccatum, aliter factam suis decet credere mulierem, nisi ut vir ei dominaretur, et ad eum ipsa serviendo converteretur. Sed recte accipi potest hanc servitudinem significatam, quæ cuiusdam conditionis est potius quam dilectionis, ut etiam ipsa talis servitus, qua homines hominibus postea esse servi cœperunt, de pœna peccati reperiatur exorta. Dicit quidem Apostolus, *Per charitatem servite invicem* (*Gulat. v. 13*); sed nequaquam diceret, Invicem dominamini. Possunt itaque conjuges per charitatem servire invicem; sed mulierem non permittit Apostolus dominari in virum (*I Tim. ii. 12*). Hoc enim viro potius Dei sententia detulit, et maritum habere dominum meruit mulieris non natura, sed culpa: quod tamen nisi servetur, depravabitur amplius natura, et augebitur culpa.

#### CAPUT XXXVIII. — Pœna Adami et nomen mulieris impositum.

**51. Dixit ergo et ad virum ejus:** *Quia audisti vocem mulieris tuae, et edisti de ligno, de quo præceperam tibi de eo solo non edere; maledicta terra in operibus tuis: in tristitiis edes illam omnes dies vita tuae; spinas et tribulos edet tibi, et edes fenum agri. In sudore faciei tuae edes panem tuum, donec convertaris in terram, ex qua sumptus es; quia terra es, et in terram ibis.* Hoc esse in terra labores humani generis, quis ignorat? Et quia non essent, si felicitas quæ in paradiso fuerat, tenetur, non est utique dubitandum; ac per hoc etiam proprie verba hæc primitus accipere ne pigeat. Servanda tamen est et exspectanda significatio prophetæ, quam maxime hic intuetur Dei loquentis intentio. Neque enim frustra et ipse Adam miro quodam instinctu tunc vocavit nomen mulieris sue *Vitam*; subjiciens etiam, quoniam ista est mater omnium viventium. Nam et hæc non scriptoris narrantis vel affirmantis, sed

ipsius primi hominis verba intelligenda sunt, ut dicere, quoniam hæc est mater omnium viventium, tanquam nominis a se impositi causam inferens, cur eam vocaverit, Vitam.

CAPUT XXXIX. — *Tunicæ pelliceæ. Exproratio superbie.*

52. *Et fecit Dominus Deus Adam et mulieri ejus tunicas pelliceas, et induit eos.* Et hoc significationis gratia factum est, sed tamen factum; sicut illa quæ significationis gratia dicta sunt, sed tamen dicta sunt. Hoc enim, quod sedixi, nec me sc̄pius piget dicere, a narratore rerum proprie gestarum exigendum est, ut ea narret facta esse quæ facta sunt, et dicta esse quæ dicta sunt. Sicut autem in factis queritur quid factum sit, et quid significet; ita in verbis et quid dictum sit, et quid significet. Sive enim figurate, sive proprie dictum sit, quod dictum esse narratur, dictum tamen esse non debet putari figuratum.

53. *Et dixit Deus, Ecce Adam factus est tanquam unus ex nobis in cognoscendo bonum et malum. Quoniam hoc, per quodlibet et quomodo libet dictum sit, Deus tamen dixit, non aliter intelligendum est quod ait, unus ex nobis, nisi propter Trinitatem numerus pluralis accipiatur; sicut dictum erat, Faciamus hominem (Gen. 1, 26); sicut etiam Dominus de se et de Patre, Venienus ad eum, et mansionem apud eum faciemus (Joan. xiv, 23). Replicatum est igitur in caput superbii, quo exitu concepiverit quod a serpente suggestum est, Eritis sicut dii: Ecce, inquit, Adam factus est tanquam unus ex nobis.* Verba enim sunt hec Dei, non tam buic insultantis, quam ceteros ne ita superbiant deterrentis, propter quos ista conscripta sunt. *Factus est, inquit, tanquam unus ex nobis in cognoscendo bonum et malum.* Quid aliud intelligendum, nisi exemplum timoris incutiendi esse propositum, quod non solum non fuerit factus qualis fieri voluit, sed nec illud quod factus fuerat, conservavit?

CAPUT XL. — *Expulsio e paradiſo. Excommunicatio.*

54. *Et nunc, inquit Deus, ne aliquando extendat manum, et sunat de ligno vitæ, et edat, et rival in eternum. Et dimisit illum Dominus Deus de paradiſo voluptatis operari terram, ex qua sumptus est.* Superiora verba Dei sunt; hoc autem factum propter ipsa verba secutum est. Alienatus enim a vita, non solum quam fuerat, si præceptum servasset, cum Angelis accepturus, sed ab illa etiam quam ducebatur in paradiſo, felici quodam corporis statu, separari utique debuit a ligno vitæ: sive quod ex ipso illi subsisteret felix ille ipse status corporis, ex re visibili, virtute invisibili, sive quod in eo esset et sacramentum visibile invisibilis sapientiae; alienandus inde utique fuerat, vel jam morturus, vel etiam tanquam excommunicatus: sicut etiam in hoc paradiſo, id est Ecclesia, solent a Sacramentis altaris visilibus homines disciplina ecclesiastica removeri.

55. *Et ejecit Adam, et collocavit eum contra paradiſum voluptatis.* Et hoc significandi gratia factum est, sed tamen factum, ut contra paradiſum, quo beata

vita etiam spiritualiter significabatur, habitaret peccator utique in miseria. *Et ordinavit Cherubim, et flammam romphæam quæ vertitur, custodire viam ligi vitæ.* Hoc per cœlestes utique potestates etiam in paradiſo visibili factum esse credendum est, ut per angelicum ministerium esset illic ignea quedam custodia: non tamen frustra factum esse, nisi quia significat aliquid etiam de paradiſo spirituali, non est utique dubitandum.

CAPUT XLI. — *Opiniones de hominis peccato, quale fuerit.*

56. Non autem ignoro quibusdam esse visum, festinatione prævertisse illos homines appetitum scientiam boni et mali, et immatuore tempore percipere voluisse quod eis dilatum opportunius servabatur; inque egisse tentatorem, ut præoccupando quod nondum talibus congruebat, offendiceret Deum, et ab ejus rei utilitate alienarentur exclusi atque dannati, ad quam si suo tempore, sicut Deus volebat, accederent, possent ea salubriter perfui. Hoc, si forte lignum illud non ad proprietatem ut verum lignum et vera poma ejus, sed ad figuram velint accipere, habeat exitum aliquo recte fidei veritatique probabilem.

57. Visum est et quibusdam, duos illos primos homines nuptias suas fuisse furatos, et ante mixtos esse concubitu, quam eos qui creaverat copulasset; quam rem nomine ligni fuisse significatam, unde prohibiti erant, donec opportuno tempore jungerentur. Quasi vero in ea actato facti esse credendi sint, ut exspectanda esset matritas pubertatis; aut non illud tunc legitimum esset, cum primum fieri potuisset, cum autem non potuisset, non utique fieret: nisi forte sponsa erat a patre tradenda, et exspectanda erat votorum solemnitas, et convivii celebritas, et dolis astimatio, et conscriptio tabularum. Bidiculum istud est; præter quod a rerum gestarum proprietate discedit. quam suscepimus asserendum, et quantum Deus donare voluit asseruimus.

CAPUT XLII. — *An Adam crediderit serpenti, quæ ratione ad peccandum inductus sit.*

58. Illud magis inovet, si jam spiritualis erat Adam, quamvis mente, non corpore, quomodo credere potuerit quod per serpentem dictum est, ideo Deum prohibuisse ne fructu ligni illius vescerentur, quia sciebat eos, si fecissent, futuros ut deos propter dignoscientiam boni et mali, tanquam hoc tantum bonum creaturæ sue Creator inviderit: hoc mirum si homo spirituali mente prædictus credere potuisset. An quis hoc credere ipse non posset, propterea mulier addita est<sup>1</sup>, que parvi intellectus esset, et adhuc fortasse secundum sensum earum, non secundum spiritum mentis viveret, et hoc est quod ei Apostolus non tribuit imaginem Dei? Sic enim ait: *Vir quidem non debet relare caput, cum sit imago et gloria Dei; mulier autem gloria viri est (1 Cor. xi, 7).* Non quod mens feminæ

<sup>1</sup> MSS. plerique, præcorpendo.

<sup>2</sup> Libri omnes, addita est: excepto Remigiano codice, in quo a prima manu scriptum fuerat, adita est; non canonicale, si subaudias, a seriente.

enamēm imaginem capere non possit, eum in illa gratia nos dicat nec masculum esse nec feminam (*Galat. iii, 27, 28*) ; sed quod fortassis illa hoc nondum percepit quod sit in agnitione Dei, et viro regente ac dispensante paulatim fuerat perceptura. Neque enim frustra est illud quod Apostolus ait, *Adam enim prius formatus est, deinde Eva : et Adam non est seductus, mulier autem seducta in prævaricatione<sup>1</sup> facta est* (*I Tim. ii, 15, 14*) ; id est, ut per illam etiam vir prævaricaretur. Nam et ipsum dicit prævaricatorem, ubi ait : *In similitudinem prævaricationis Adæ, qui est forma futuri* (*Rom. v, 14*). Seductum tamen negat. Nam et interrogatus non ait, *Mulier quam dedisti mecum, seduxit me, et manducavi*; sed, *ipsa mihi, inquit, dedit a ligno, et manducavi*. Illa vero, *Serpens, inquit, seduxit me*.

59. Ita Salomon vir tantæ sapientie, numquidnam credendum est quod in simulacrorum cultu credidit esse aliquid utilitatis? Sed mulierum amori ad hoc malum trahenti resistere non evaluit, faciens quod sciebat non esse faciendum, ne suas, quibus desperabat atque disfluebat, mortiferas delicias contristaret (*III Reg. xi, 4*). Ita et Adam, posteaquam de ligno prohibito seducta mulier manducavit, cique dedit ut simul ederent, noluit eam contristare, quam credebat

<sup>1</sup> Vss. aliquot, in *prævaricationem*. Haud inepit, si ratio interpretationis proxime subsequentis habeatur : altamen A*postoli* textus græcus habet, *en parabasei*, quod receptam ceterorum cod. cum lectionem retinere cogit.

posse sine suo solatio contabescere, si ab ejus alienatur animo, et omnino illa interire discordia. Non quidem carnis virtus concupiscentia, quam nondum senserat in resistente lege membrorum legi mentis suæ; sed amicali quadam benevolentia, qua plerunque sit ut offendatur Deus, ne homo ex amico fiat iniurious : quod eum facere non debuisse, divinae sententiae justus exitus indicavit.

60. Ergo alio modo quodam etiam ipse deceptus est ; sed dolo illo serpentino, quo mulier seducta est, nullo modo illum arbitror potuisse seduci in illo modo quo illa potuit. Hanc autem proprie seductionem appellavit Apostolus, qua id quod suadebatur, eum falsum esset, verum putatum est ; id est, quod Deus ideo liguum illud tangere prohibuerit, quod sciebat eos, si tetigissent, velut deos futuros, tanquam eis divinitatem invidenter, qui eos homines fecerat. Sed etiam si virum propter aliquam mentis elationem, quæ Deum internorum scrutatorem latere non poterat, sollicitavit aliqua experienti cupiditas, cum mulierem videret accepta illa esca non esse mortuam, secundum ea quæ superius tractavimus ; non tamen eum arbitror, si jam spirituali mente praeditus erat, ullo modo credere potuisse quod eos Deus ab esca illius ligni inviendo retinueret. Sed quid plura? Persuasum est illud peccatum sicut persuaderi talibus posset : conscriptum est autem sicut legi ab omnibus oportoret, etsi a paucis hæc intelligerentur sicut oporteret.

## LIBER DUODECIMUS.

In quo de paradiso et tertio cœlo quo raptus est Paulus, deque multiplici visionum genere disputatur.

CAPUT PRIMUM. — *De paradiso locus Apostoli estimandus.*

1. Ab exordio Scripturæ sanctæ, quæ inscribitur *Genesis*, donec homo primus de paradiso dimissus est, undecim libris sive asserendo atque defendendo que certa nobis sunt, sive inquirendo<sup>1</sup> et ambigendo de incertis, quæ potuimus, et sicut potuimus, disservimus atque conscripsimus; non tam præscribentes de rebus obscursis unicuique quid sentiat, quam nos docendos in quibus dubitavimus ostendentes, temeritatemque affirmandi amoventes a lectore, ubi non valuimus præbere sententiae firmitatem<sup>2</sup> : iste autem duodecimus liber ea jam cura expeditus, qua nos pertractandus textus sacrarum Litterarum occupabat, liberius atque prolixius versabit de paradiso quæstionem; ne putemur evitasse, quod videtur Apostolus in tertio cœlo insinuare paradisum, ubi ait : *Scio hominem in Christo ante annos quatuordecim, sive in corpore nescio, sive extra corpus nescio, Deus sit, raptum ejusmodi usque in tertium cœlum : et ecce ejusmodi hominem sive in corpore sive extra corpus nescio, Deus scit, quia raptus est in paradisum, et audiuit*

<sup>1</sup> MSS. plures, inq. trendo, arbitrando et ambigendo.

<sup>2</sup> In MSS. plerisque, scientie firmatatem.

*ineffabilita verba, quæ non licet homini loqui* (*II Cor. XII, 2-4*).

2. In his verbis primum queri solet, quid dicat tertium cœlum : deinde, utrum illic intelligi voluerit paradisum, an posteaquam raptus est in tertium cœlum, raptum esse et in paradisum, ubicumque sit paradisus; non ut hoc suerit rapi in tertium cœlum quod in paradisum, sed prius in tertium cœlum, et post inde in paradisum. Et hoc sic ambiguum est, ut non mihi videatur posse dissolvi, nisi aliquis non ex præsentibus Apostoli verbis, sed ex aliis forte Scripturarum locis, vel ratione perspicua, inveniat aliquid, quo doceat sive in tertio cœlo esse paradisum, sive non esse; eum et ipsum tertium cœlum quid sit non liquido appareat, utrum in rebus corporalibus, an forte in spiritualibus intelligendum sit. Posset quidem dici nonnisi in locum aliquem corporalem hominem rapi potuisse cum corpore; sed quia et hoc ita posuit ut nescire se dixerit, utrum in corpore, an extra corpus raptus sit, quis audeat dicere se scire quod se nescire Apostolus dixit? Verumtamen si neque spiritus sine corpore ad loca corporalia rapi potest, nec corpus ad spiritualia, hæc ipsa dubitatio ejus velut cogit intelligi (siquidem de seipso hoc eum

scripsisse nemo ambiguīt), tale fuisse illud quo raptus est, quod utrum corporale an spirituale esset, dignosci discernique non posset.

**CAPUT II. — Apostolum potuisse nescire an extra corpus paradisum viderit, si vidit in ecstasi.**

3. Cum enim vel in somnis, vel in ecstasi, corporum exprimuntur imagines, non discernuntur omnino a corporibus, nisi cum homo redditus sensibus corporis, recognoscit se in illis fuisse imaginibus, quas non per sensum corporis hauriebat. Quis enim cum a somno evigilaverit, non continuo sentiat imaginaria fuisse quae videbat, quamvis cum ea videret dormiens, a vigilantium corporalibus visis discernere non valebat? Quanquam mihi accidisse scio, et ob hoc etiam aliis accidere potuisse vel posse non dubito, ut in somnis videns, in somnis me videre sentirem; illasque imagines, quae ipsam nostram consensionem<sup>1</sup> iudicare consueverunt, non esse vera corpora, sed in somnis eas praesentari firmissime, etiam dormiens, tenere in aliquid sentirem. Hoc tamen fallebar aliquando, quod amico meo, quem similiter in somnis videbam, idipsum persuadere conabar, non esse illa corpora, quae videbamus, sed esse imagines somniantium, cum et ipse utique inter illa sic mihi appareret quomodo illa: cui et hoc dicebam, neque id verum esse quod pariter loqueremur, sed etiam ipsum tunc aliud aliquid vide dormientem, et utrum ista ego viderem omnino non scire; verum cum eidem ipsi persuadere moliebar quod ipse non esset, adducebar ex parte etiam ipsum putare esse, cui profecto non loquerer, si omni modo sic afficeret quod ipse non esset. Ita non poterat, quamvis mirabiliter vigilans, anima dormientis, nisi duci imaginibus corporum, ac si corpora ipsa essent.

4. In ecstasi autem unum audire potui, et eum rusticum vix valentem quod sentiebat exprimere, qui et vigilare se sciret, et videre quiddam non oculis corporis. Nam ut ejus verbis utar, quantum recolere possum: Anima mea, inquit, videbat eum, non oculi mei. Non tamen sciebat utrum corpus esset, an imago corporis. Non enim erat talis, ut ista discerneret, verum tam simpliciter fidelis, ut cura sic audirem, ac si illud quod se vidiisse narrabat, ipse vidisem.

5. Ac per hoc si paradisum Paulus ita vidi, ut apparuit Petro ille discus submissus e cœlo (*Act. x, 11*), ut Joanni quidquid in Apocalysi se vidiisse conscripsit (*Apoc. 1, 12, etc.*), ut Ezechiel campus ille cum ossibus mortuorum et illa eorum resurrectio (*Ezech. xxxvii, 1-10*), ut Isaia sedens Deus, et in conspectu ejus Seraphim, et ara unde carbo assimilatus Prophetæ labia mundavit (*Isai. vi, 1-7*); manifestum est eum ignorare potuisse utrum in corpore, an extra corpus ea viderit.

**CAPUT III. — Apostolus certus se vidiisse tertium cœlum, incertus quonodo viderit.**

6. Sed si extra corpus visa sunt, et corpora non fuerunt, adhuc queri potest utrum imaginis corporum fuerint, an ea substantia quae nullam corporis

<sup>1</sup> Editio, *consuetudinem*: pro quo *vss.*, *consensionem*.

similitudinem gerit, sicut Deus, sicut ipsa mens hominis, vel intelligentia, vel ratio, sicut virtutes, prudentialia, justitia, castitas, charitas, pietas, et quecumque alias sunt, quas intelligendo atque cogitando enumeramus, discernimus, definimus, non utique intuentes lineamenta carum vel colores, aut quomodo sonent, aut quid oleant, aut quid in ore sapiant, aut quid contrectantibus de calore seu frigore, mollitudine seu duritia, lenitate seu asperitate renuntient; sed alia quadam visione, alia luce, alia rerum evidencia, et ea longe exeteris præstantiore atque certiore.

7. Rursus igitur ad eadem ipsa Apostoli verba redeamus, et ea diligentius perscrutemur, hoc sine dubitatione primus constituto, multo magis alique incomparabiliter amplius Apostolum scisse, quod de incorporeo corporeaque natura nos ut ciamus utcumque, concursum. Si ergo sciebat, spiritualia per corpus, corporalia extra corpus videri omnino non posse; cur non per ea ipsa quae vidit, quomodo etiam potuerit videre, discrevit? Si enim certus erat illa esse spiritualia, cur non consequenter extra corpus ea se vidiisse certus nihilominus erat? Si autem corporalia esse neverat, nonnisi per corpus videri potuisse: cur non etiam neverat? Unde ergo dubitat utrum in corpore an extra corpus ea viderit, nisi forte ita etiam dubitat utrum illa corpora an similitudines corporum fuerint? Prius itaque videamus quid sit in verborum istorum contextione unde non dubitet, atque ita cum remanserit unde dubitet, fortassis ex his de quibus non dubitat, quomodo etiam illud dubitet apparabit.

8. *Scio, inquit, hominem in Christo ante annos quatuordecim, sive in corpore nescio, sive extra corpus nescio, Deus scit, raptum ejusmodi usque in tertium cœlum.* Scit ergo ante annos quatuordecim in Christo raptum hominem usque ad tertium cœlum, hoc omnino non dubitat; nec nos ergo dubitemus: sed utrum in corpore an extra corpus, dubitat; unde illo dubitante, quis nostrum certus esse audeat? Num iorto hinc etiam illud consequens erit ut tertium cœlum fuisse dubitemus, quo raptum hominem dixit? Si enim res ipsa demonstrata est, tertium cœlum demonstratum est: si autem imago aliqua corporalium similis facta est, non erat illud tertium cœlum, sed illa ostensio sic ordinata est, ut videretur sibi ascendere primum cœlum, super quod videret alterum, quo rursus ascendens iterum alterum videret superius, quo cum pervenisset, posset dicere se in tertium cœlum raptum. Sed illud quod tertium cœlum esset, quo raptus est, neque dubitavit, neque dubitare nos voluit: ad hoc enim premisit, *Scio*, et inde cœpit, ut id quod se scire Apostolus dicit, solus ille non credit verum esse, qui non credit Apostolo.

**CAPUT IV. — Vere tertium cœlum fuisse illud quo raptus est Apostolus. Difficultas quonodo Apostolus certus sit de cœlo viso, et incertus de modo quo visum fuit.**

9. Scit ergo hominem raptum esse usque in ter-

tiū cōlūm : proinde illud quo raptus est , vere ter-  
tiū cōlūm est ; non signum aliquod corporale , quod  
cum ostenderetur Moysi , usque adeo sentiebat aliud  
esse ipsam Dei substantiam , aliud visibilem creatu-  
ram , in qua se Deus humanis et corporalibus sensi-  
bus p̄s̄entabat , ut diceret , *Ostende mihi temetipsum*  
(Exod. xxxiii , 13) ; nec aliqua imago rei corporalis ,  
quam cum Joannes videret in spiritu , quārebat quid  
esset , eique respondebatur , vel , *Civitas est , vel , Po-*  
*p̄uli sunt , vel aliquid aliud , cum videret ille bestiam ,*  
*sive mulierem , sive aquas , sive quid ejusmodi* (Apoc.  
xiiii , 1 , et xvii , 15 , 18) : sed , *Scio , inquit , hominem in*  
*raptum usque in tertium cōlūm.*

10. Quod si spiritualem imaginem corporali similem  
cōlūm appellare voluisset , sic erat etiā imago cor-  
poris ejus , in qua illuc raptus ascenderat : sic ergo et  
suum corpus appellaret , quamvis imaginem corporis ,  
quomodo illud cōlūm , quamvis imaginem cōlī ; neque  
curaret discernere quid sciret , et quid nesciret , id est  
quia sciret raptum hominem usque ad tertium cōlūm ,  
nesciret autem utrum in corpore an extra corpus ;  
sed simpliciter narraret visionem , earum rerum no-  
minibus appellans illa quae vidit , quarum erant simili-  
lia. Nam et nos dicimus , cum somnia nostra narra-  
mus vel aliquam in eis revelationem , Vidi montem ,  
vidi fluvium , vidi tres homines , et si quid ejusmodi ;  
ea nomina tribuentes illis imaginibus , quae habent  
res ipse quarum similes erant : Apostolus autem ,  
illud , inquit , *scio , illud nescio.*

11. At si utrumque imaginaliter apparuit ; utrumque  
pariter scitur , pariterve nescitur : si autem proprie  
cōlūm , et ideo scitur ; quomodo potuit imaginaliter  
corpus illius hominis apparere ?

12. Nam si cōlūm corporeum videbatur , quare  
latebat utrum corporeis oculis videretur ? Si autem  
incertum erat utrum oculis corporeis an spiritu vide-  
retur , et ideo dictum est , *Sive in corpore , sive extra*  
*corpus , nescio* ; quomodo non incertum erat et illud ,  
utrum vere cōlūm corporeum videretur , an imaginaliter  
ostenderetur ? Itemque si substantia iucorporea  
videbatur , non in aliqua imagine corporis , sed sicut  
videtur justitia , sapientia , et si quid ejusmodi , et hoc  
erat cōlūm ; id quoque manifestum est , oculis hujus  
corporis videri aliquid tale non posse : ac per hoc si  
aliquid tale se vidisse sciebat , non per corpus se vi-  
disse dubitare non poterat. *Scio , inquit , hominem in*  
*Christo ante annos quatuordecim : hoc scio , nemo dubi-*  
*tet qui inibi credit ; sed utrum in corpore an extra*  
*corpus , nescio , Deus scit.*

#### CAPUT V. — Eadem difficultas enodatur.

13. Quid ergo scis , quod discernis ab eo quod ne-  
scis , ne credentes fallantur ? *Raptum , inquit , euādem*  
*hominem usque in tertium cōlūm.* At illud cōlūm aut  
corpus erat , aut spiritus : si corpus erat , et corporeis  
oculis visum est ; cur illud cōlūm esse scitur , et in  
corpore visum esse nescitur ? Si autem spiritus erat ;  
aut corporis imaginem præbuit , et tam incertum est  
utrum corpus fuerit , quam incertum est utrum in cor-  
pore visum sit ; aut sic visum est , quomodo videtur

#### PATROL. XXXIV.

mente sapientia , sine ullis imaginibus corporum , et  
nihilominus certum est videri non potuisse per corpus :  
aut ergo utrumque certum est , aut utrumque incer-  
tum ; aut quomodo eertum quod visum est , incertum  
autem per quod visum est ? Manifestum est enim incor-  
poream naturam ab eo videri non potuisse per corpus .  
Corpora vero etiam si possunt videri sine corpore ,  
non utique sic videntur per corpus , sed longe ille  
dispar modus est si quis est ; unde mirum si posset  
Apostolum tanquam simillimus fallere , aut ad dubita-  
tionem cogere , ut si corporeum cōlūm non corporeis  
oculis vidit , incertum sibi esse diceret utrum in cor-  
pore an extra corpus id viderit.

14. Restat ergo fortasse ut quoniam mentiri non  
posset Apostolus , qui tanta cura egit , ut discerneret  
quid sciret , et quid nesciret , hoc ipsum eum intelli-  
gamus ignorasse , utrum quando in tertium cōlūm  
raptus est , in corpore fuerit , quomodo est anima in  
corpore , cum corpus vivere dicitur , sive vigilantis ,  
sive dormientis , sive in ecstasi a sensibus corporis  
alienata ; an omnino de corpore exierit , ut mortuum  
corpus jaceret , donec peracta illa demonstratione  
membris mortuis anima redderetur , et non quasi dor-  
miens evigilaret , aut ecstasi alienatus deinceps rediret  
in sensus , sed mortuus omnino revivisceret. Proinde  
quod vidit raptus usque in tertium cōlūm , quod  
etiam se scire confirmat , proprie vidit , nou imaginari-  
liter. Sed quia ipsa a corpore alienata , utrum omnino  
mortuum corpus reliquerit , an secundum modum  
quemdam viventis corporis ibi anima fuerit , sed mens  
ejus ad videnda vel audienda ineffabilia illius visionis  
arrepta sit , hoc incertum erat , ideo forsitan dixit ,  
*Sive in corpore sive extra corpus , nescio , Deus scit.*

#### CAPUT VI. — Visionum genera tria.

15. Quod autem non imaginaliter , sed proprie vi-  
detur , et non per corpus videtur , hoc ea visione vide-  
tur , quae omnes ceteras superat. Harum species at-  
que differentias , quantum me Dominus adjuverit ,  
explicare curabo. Ecce in hoc uno precepto cum le-  
gitur , *Diliges proximum tuum tanquam te ipsum* (Matth.  
xxii , 39) , tria genera visionum occurunt : unum  
per oculos , quibus ipse litteræ videntur ; alterum  
per spiritum hominis quo proximus et absens cogitatur ;  
tertium per contum mentis , quo ipsa dilectio intellecta conspicitur. In his tribus generibus ,  
illud primum manifestum est omnibus : in hoc enim  
videtur cōlūm et terra , et omnia quae in eis conspi-  
cua sunt oculis nostris. Nec illud alterum , quo absen-  
tia corporalia cogitantur , iusinquare difficile est :  
ipsum quippe cōlūm et terram , et ea quae in eis  
videre possumus , etiam in tenebris constituti cogita-  
mus ; ubi nihil videntes oculis corporis , animo tamen  
corporales imagines intuemur , seu veras , sicut ipsa  
corpora videmus , et memoria retinemus ; seu fictas ,  
sicut cogitatio fornare <sup>1</sup> potuerit. Aliter enim cogita-  
mus Carthaginem quam novimus , aliter Alexandriam  
quam non novimus. Tertium vero illud quo dilectio  
intellecta conspicitur , eas res continet , quae non ha-

<sup>1</sup> Sic in vss. Editi, imaginari.

bent imagines sui similes, quae non suut quod ipsæ. Nam homio vel arbor vel sol, et quæcumque alia corpora, sive coelestia sive terrestria, et præsentia videntur in suis formis, et absentia cogitantur imaginibus animo impressis; et faciunt duo genera visorum: unum per corporis sensus, alterum per spiritum, quo illæ imagines continentur. Dilectio autem nunquid aliter videtur præsens in specie qua est, et aliter absens in aliqua imagine sui simili? Non utique; sed quantum mente cerni potest, ab alio magis, ab alio minus ipsa cernitur: si autem aliquid corporalis imaginis cogitatur, non ipsa cernitur.

**CAPUT VII. — Genera visionum: corporale, spirituale, intellectuale. Corporale proprie et translate. Spirituale pluribus modis.**

16. Ilæ sunt tria genera visionum, de quibus et in superioribus libris aliquid diximus, sicut res postulare videbatur, non tamen eorum numerum commemoravimus; et nunc breviter eis insinuatis, quoniam suscepta questio flagitat ut de his aliquanto uberior disseramus, debemus ea certis et congruis signare nominibus, ne assidue circumloquendo moras faciamus. Primum ergo appellemus corporale, quia per corpus percipitur et corporis sensibus exhibetur. Secundum spirituale; quidquid enim corpus non est et tamen aliquid est, jam recte spiritus dicitur: et utique non est corpus, quamvis corpori similis sit, imago abestis corporis, nec ille ipse obtutus quo cernitur. Tertium vero intellectuale, ab intellectu; quia mentale, a mente, ipsa vocabuli novitate nimis absurdum est, ut dicamus.

17. Florum vocabulorum rationem si subtilius reddam, et prolixior et perplexior sermo erit, cum hoc vel nulla, vel certe non tanta necessitas exigat. Satis est ergo scire corporale aliquid vel proprie dici, cum de corporibus agitur, vel etiam translato vocabulo, sicut dictum est, *Quia in ipso inhabitat omnis plenitudo divinitatis corporaliter*. Neque enim divinitas corpus est, sed quia sacramenta Veteris Testamenti appellat umbras futuri, propter umbrarum comparationem corporaliter dixit habitare in Christo plenitudinem divinitatis, quod in illo impleantur omnia, quæ in illis umbris figurata sunt, ac sic quodammodo umbrarum illarum ipse sit corpus (*Coloss. ii, 9, 17*), hoc est figurarum et significacionum illarum ipse sit veritas. Sicut ergo ipsæ figuræ significative, translato utique vocabulo, non proprie dicitur sunt umbræ; ita et quod ait plenitudinem divinitatis corporaliter habitare, translato verbo usus est.

18. Spirituale autem pluribus modis dicitur. Nam et corpus, quod futurum est in resurrectione sanctorum, spirituale appellat Apostolus, ubi ait, *Seminatur corpus animale, resurget corpus spirituale* (*I Cor. xv, 44*); eo quod miris modis ad omnem facilitatem et incorruptionem spiritui subdatur, et sine ulla indigenzia corporalium alimentorum solo viviscetur spiritu, non quod incorpoream substantiam sit habiturum: neque enim et hoc corpus, quale nunc habemus, animæ habet substantiam, et hoc est quod anima, quia

dictum est animale. Item spiritus dicitur, vel aer iste, vel fatus ejus, id est motus ejus, sicut dictum est: *Ignis, grando, nix, glacies, spiritus tempestatis* (*Psal. cxlviii, 8*). Dicitur etiam spiritus anima, sive pecoris, sive hominis, sicut scriptum est: *Et quis scit, spiritus filiorum hominis si ascendat ipse sursum, et spiritus pecoris si descendat ipse deorsum in terram* (*Eccle. iii, 21*)? Dicitur spiritus et ipsa mens rationalis, ubi est quidam tanquam oculus animæ, ad quem pertinet imago et agnitus Dei. Unde dicit Apostolus, *Renovamini spiritu mentis vestre, et induite novum hominem, qui secundum Deum creatus est* (*Ephes. iv, 23, 24*); cum et alibi dicat de interiore homine, *Qui renovatur in agnitione Dei, secundum imaginem ejus qui creavit eum* (*Coloss. iii, 10*). Item cum dixisset, *Igitur ipse ego mente servio legi Dei, carne autem legi peccati* (*Rom. vii, 25*); alio loco eamdem sententiam commemorans, *Caro, inquit, concupiscit adversus spiritum, et spiritus adversus carnem, ut non ea quæ vultus facilius* (*Galat. v, 17*), quani dixit mentem, hanc etiam spiritum appellavit. Dicitur spiritus etiam Deus, sicut ait Dominus in Evangelio: *Spiritus est Deus, et eos qui adorant eum, in spiritu et veritate oportet adorare* (*Joan. iv, 24*).

**CAPUT VIII. — Unde spirituale dicitur visionum genus secundum.**

19. Ex his omnibus modis, quos commemoravimus, quibus appellatur spiritus, non traximus hoc vocabulum, quo appellavimus spirituale hoc visionis genus de quo nunc agimus; sed ex illo uno modo quem invenimus in Epistola ad Corinthios, quo spiritus a mente distinguitur evidentissimo testimonio. *Si enim oravero, inquit, lingua, spiritus meus orat, mens autem mea infruictuosa est*. Cum ergo linguam<sup>1</sup> intelligatur hoc loco dicere obscuras et mysticas significationes, a quibus si intellectum mentis removeas, nemo adificatur, audiendo quod non intelligit; unde etiam dicit, *Qui enim loquitur lingua, non hominibus loquitur, sed Deo; nemo enim audit, spiritus autem loquitur mysteria: satis indicat eam se linguam hoc loco appellare, ubi sunt significationes velut imagines rerum ac similitudines, quæ ut intelligantur, indigent mentis obtutu*. Cum autem non intelliguntur, in spiritu eas dicit esse, non in mente: unde apertius ait, *Si benediceris spiritu; qui supplet locum idiotæ, quomodo dicet, Amen, super tuam benedictionem, quandoquidem nescit quid dicas?* Quia ergo etiam lingua, id est membro corporis quod movemus in ore cum loquimur, signa utique rerum dantur, non res ipsæ proferuntur; propterea translato verbo linguam appelavit quamlibet signorum prolationem priusquam intelligantur: quo cum intellectus accesserit, qui mentis est proprius, sit revelatio, vel agnitus, vel prophétia, vel doctrina. Proinde ait, *Si venero ad vos linguis loquens, quid vobis prodicer, nisi loquar vobis in revelatione, aut in agnitione, aut in prophétia, aut in doctrina* (*I Cor. xiv, 14, 2, 16, 6*)? id est cum signis; hoc est, linguae accesserit intel-

<sup>1</sup> Atq[ue] Fr. Lugd. Ven. Lov. legitur, *lingua. M.*

lectus, ut non spiritu tantum, sed etiam mente agatur quod agitur.

**CAPUT IX. — Prophetani ad mentem pertinere.**

20. Proinde, quibus signa per alias rerum corporalium similitudines demonstrabantur in spiritu, nisi accessisset mentis ostium, ut etiam intelligerentur, nondum erat prophetia; magisque propheta erat, qui interpretabatur quod alius vidisset, quam ipse qui vidisset. Unde apparet magis ad mentem pertinere prophetiam, quam ad istum spiritum, qui modo quodam proprio vocatur spiritus, vis animae quedam mente inferior, ubi corporalium rerum similitudines exprimuntur. Itaque magis Joseph propheta, qui intellectus quid significarent septem spicæ et septem boves, quam Pharaon qui eas vidit in somnis (*Gen. xli, 1-32*). Illius enim spiritus informatus est, ut videret; hujus mens illuminata, ut intelligeret. Ac per hoc in illo erat lingua, in isto prophetia; quia in illo rerum imaginatio, in isto imaginationum interpretatio. Minus ergo propheta, qui rerum quæ significantur, sola ipsa signa in spiritu per rerum corporalium imagines videt; et magis propheta, qui solo earum intellectu praeditus est: sed et maxime propheta, qui utroque precellit, ut et videat in spiritu corporalium rerum significativas similitudines, et eas vivacitate mentis intelligat, sicut Danielis excellentia tentata est et probata, qui regi et somnium quod viderat dixit, et quid significaret aperuit (*Dan. ii, 27-45, et iv, 16-24*). Et ipsæ quippe imagines corporales in spiritu ejus expressæ sunt, et earum intellectus revelatus in mente. Ex hoc ergo modo quo appellatur in ista distinctione spiritus, secundum quem dixit Apostolus, *Orabo spiritu, orabo autem et mente* (*I Cor. xiv, 15*), ut et signa rerum formarentur in spiritu, et eorum resplueret intellectus in mente; secundum hanc, inquam, distinctionem spirituale nunc appellavimus tale genus visorum, quali etiam corporum absentium imagines cogitamus.

**CAPUT X. — Intellectualis genus visionis.**

21. Intellectualis autem illud excellentius, quod mentis est proprium. Nec mihi occurrit omnino, ita pluribus modis dici posse intellectum, sicut spiritum in multis modis appellatum esse comperimus. Sive autem intellectualis dicamus, sive intelligibile, hoc idem significamus. Quanquam nonnihil interesse nonnulli voluerunt, ut intelligibilis sit res ipsa, que solo intellectu percipi potest; intellectualis autem, mens quæ intelligit: sed esse aliquam rem quæ solo intellectu cerni possit, ac non etiam intelligat, magna et difficultus questio est. Esse autem rem quæ intellectu percipiat, et non etiam intellectu percipi possit, non arbitror quemquam vel putare, vel dicere; mens quippe non videtur nisi mente. Quia ergo videri potest, intelligibilis; quia et videre, intellectualis est, secundum illam distinctionem. Quapropter sequentia illa difficultissima questione, utrum sit aliquid quod tantum intelligatur nec intelligat, nunc intellectualis et intelligibile sub eadem significatione appellamus.

**CAPUT XI. — Corporalem visionem referri ad spiritualem, hanc vero ad intellectualis.**

22. Tria igitur ista genera visionum, corporale, spirituale, et intellectuale, singillatim consideranda sunt, ut ab inferioribus ratio ad superiora condescendat. Jam quidem superius exemplum proposuimus, quo in una sententia omnia tria videantur genera. Cum enim legitur, *Diliges proximum tuum tanquam te ipsum* (*Math. xxii, 39*), corporaliter litteræ videntur, spiritualiter proximus cogitatur, intellectualiter dilectio conspicitur. Sed et litteræ absentes possunt spiritualiter cogitari, et proximus præseus potest corporaliter videri; dilectio autem nec per substantiam suam potest oculis corporis cerni, nec per imaginem corporis similem spiritu cogitari, sed sola mente, id est intellectu, cognosci et percipi. Corporalis sane visio nulli horum generi præsedit, sed quod per eam sentitur, illi spirituali tanquam præsidenti nuntiatur. Nam cum aliquid oculis cernitur, continuo fit imago ejus in spiritu; sed non dignoscitur facta, nisi eum ablatis oculis ab eo quod per oculos videbamus, imaginem ejus in animo invenerimus. Et siquidem spiritus irrationalis est, veluti pecoris, hoc usque oculi nuntiant. Si autem anima rationalis est, etiam intellectui nuntiatur, qui et spiritui præsedit, ut si illud quod hauserunt oculi, atque id spiritui, ut ejus illic imago fieret, nuntiaverunt, alicujus rei signum est, aut intelligatur continuo quid significet, aut quaratur; quoniam nec intelligi nec requiri nisi officio mentis potest.

23. Vedit rex Balthasar articulos manus scribentis in pariete, continuoque per corporis sensum imago rei corporaliter factæ spiritui ejus impressa est, atque ipso viso facto ac præterito, illa in cogitatione permansit: videbatur in spiritu, et nondum intelligebatur, nec tunc intellectum erat hoc signum, cum corporaliter fieret atque oculis corporalibus appareret; jam tamen signum esse intelligebatur, id habens ex mentis officio. Et quia requirebatur quid significaret, etiam ipsam inquisitionem utique mens agebat. Quo non comperto Daniel accessit, et spiritu prophetico mente illustrata, perturbato regi quid illo signum portenderetur aperuit (*Dan. v, 5-28*); ipse postea propheta per hoc genus visionis, quod mentis est proprium, quam ille qui et signum corporaliter factum corporaliter viderat, et transacti ejus imaginem in spiritu cogitando cernebat, nec aliquid intellectu poterat, nisi nosse signum esse, et quid significaret inquirere.

24. Vedit Petrus in alienatione mentis vas quatuor lineis alligatum submitti de celo plenum variis animalibus, cum audivit et vocem, *Macta, et mactuca*. Qui cum redditus sensibus de visu disceperaret, ecce quos Cornelius miserat, nuntiavit ei spiritus dicens: *Ecce vi vi querunt te; sed surge, descende, et vade cum illis, quia ego misi eos*. Qui cum venisset ad Cornelium, quid in illa visione intellexerit, ubi audierat, *Quæ Deus mundavit, tu ne communia dixeris*, ipse indicavit dicer s: *Sed mihi Deus ostendit neminem communem aut immunit-*

*dum hominem dicere* (Act. x, 10-28). Cum ergo illum discum videret alienatus a corporis sensibus, et illas voces, *Macta, et manduca, et, Quæ Deus mundavit, tu communia ne dixeris*, in spiritu audiebat. Redditus autem corporis sensibus, id ipsum quod visum atque auditum memoria tenuerat, in eodem spiritu cogitando cernebat. Quæ omnia non corporalia, sed corporalium imagines erant, sive cum primum in ipsa alienatione vise sunt, sive cum postea recordatæ atque cogitatæ. Cum vero disceptabatur, et requirebatur ut illa signa intelligerentur, mentis erat actio conantis, sed deerat effectus<sup>1</sup> donec nuntiati sunt qui venerant a Cornelio; hac vero corporali etiam accidente visione, cum et Spiritus sanctus rursus in spiritu ei diceret, *Vade cum eis*, ubi et illud signum ostenderat, et impresserat voces, adjuta divinitus mens intellexit quid illis signis omnibus ageretur. His atque hujusmodi rebus diligenter consideratis, satis appetit corporalem visionem referri ad spiritualem, eamque spiritualem referri ad intellectualem.

#### CAPUT XII. — *Corporalis et spiritualis visio.*

25. Sed cum vigilantes, neque mente a sensibus corporis alienata, in visione corporali sumus, discernimus ab ea visionem spiritualem, qua corpora absentia imaginaliter cogitamus, sive memoriter recordantes quæ novimus, sive quæ non novimus et tamen sunt, in ipsa spiritus cogitatione utcumque formantes, sive quæ omnino nusquam sunt, pro arbitrio vel opinione *singentes*. Ab his omnibus ita discernimus illa corporalia quæ videmus, et in quibus praesentibus sunt sensus corporis nostri, ut non dubitemus haec esse corpora, illas vero imagines corporum. Cum autem vei nimia cogitationis intentione, vel aliqua vi morbi, ut phreneticis per febrem accidere solet, vel commixtione cuiusquam alterius spiritus seu mali seu boni, ita corporalium rerum in spiritu exprimuntur imagines, tanquam ipsis corporis sensibus corpora praesententur, manente tamen etiam in sensibus corporis intentione; sic videntur quæ in spiritu sunt imagines corporum, quemadmodum corpora ipsa per corpus; illa ut simul cernatur et homo aliquis praesens oculis, et absens alius spiritu tanquam oculis. Nam experti sumus sic affectos et cum eis locutos qui vere aderant, et cum aliis qui non aderant, tanquam adessent. Resipiscentes autem aliqui referunt quod vidissent, aliqui non possunt. Sic enim et somnia quidam obliviscuntur, quidam meminerunt. Quando autem penitus avertitur atque abripitur animi intentio a sensibus corporis, tunc magis ecstasy dici solet. Tunc omnino quæcumque sint praesentia corpora, etiam patentibus oculis non videntur, nec ullæ voces prorsus audiuntur: totus animi contutus aut in corporum imaginibus est per spiritualem, aut in rebus incorporis nulla corporis imagine figuratis per intellectualem visionem.

<sup>1</sup> *Mss. magno consensu, affectus*: forte melius, eo vi delicit significatu, quo postea n. 26, *affectionis* vocabulum usurpatur.

26. Sed cum spiritualis visio, penitus alienato a sensibus corporis animo, imaginibus corporalium detinetur, sive in somnis sive in ecstasi, si nihil significant quæ videntur, ipsius animæ sunt imaginationes: sicut etiam vigilantes et sani, et nulla alienatione moti, multorum corporum quæ non adsunt sensibus corporis, cogitatione imagines versant. Verum hoc interest, quod eas a praesentibus verisque corporibus constanti affectione discernunt. Si autem aliquid significant, sive dormientibus exhibeantur, sive vigilantibus, cum et oculis vident praesentia corpora, et absentium imagines cernunt spiritu, tanquam oculis praesto sint, sive illa quæ ecstasy dicitur, alienato prorsus animo a sensibus corporis; mirus modus est: sed commixtione<sup>1</sup> alterius spiritus fieri potest ut ea quæ ipse scit, per hujusmodi imagines ei cui miscetur ostendat, sive intelligenti, sive ut ab alio intellecta pandantur. Si enim demonstrantur haec, nec utique a corpore demonstrari possunt, quid restat nisi ut ab aliquo spiritu demonstrentur?

#### CAPUT XIII. — *An insit in anima vis divinationis.*

27. Nonnulli quidem volunt animam humanam habere vim quamdam divinationis in seipsa. Sed si ita est, cur non semper potest, cum semper velit? An quia non semper adjuvatur ut possit? Cum ergo adjuvatur, numquid a nullo, aut a corpore ad hoc adjuvari potest? Proinde restat ut a spiritu adjuvetur. Deinde quomodo adjuvatur? Utrum in corpore sit aliquid, ut inde quasi relaxetur et emicet ejus intentio, quo in id veniat, ubi in seipsa videat significantes similitudines, quæ ibi jam erant, nec videbantur, sicut multa habemus et in memoria, quæ non semper intuemur? An sunt illuc, quæ ante non fuerant, vel in aliquo spiritu sunt, quo illa erumpens et emergens ibi eas videat? Sed si jam in illa erant quasi proprie, cur eas non etiam consequenter intelligit? Aliquando enim, imo plerumque non intelligit. An sicut spiritus ejus adiutus est, ut eas in se videret, ita et mens nisi adjuvetur, ea quæ habet spiritus, intelligere non potest? An forte non corporea removentur, vel quasi relaxantur impedimenta, ut suo impetu anima in ea quæ videnta sunt, exseratur; sed ipsa prorsus in haec assumentur, sive tantum spiritualiter cernenda, sive etiam intellectualiter cognoscenda? An aliquando in seipsa videt ista, aliquando per alterius spiritus commixtio nem? Quidquid horum est, temere affirmari non oportet. Illud tamen dubium esse non debet, corporales imagines, quæ spiritu cernuntur, non semper signa esse aliarum rerum, sive in vigilantibus, sive in dormientibus, sive in ægrotantibus: mirum est autem, si aliquando ecstasy fieri potest, ut non illæ corporalium rerum similitudines aliquid significant.

28. Non sane mirum est si et dæmonium habentes aliquando vera dicunt, quæ absunt a praesentium sensibus; quod certe nescio qua occulta mixtura ejusdem spiritus sit, ut tanquam unus sit patientis atque vexan-

<sup>1</sup> *Editi, si commixtione, etc.* Ita etiam *Mss.* excepto Martinensi, cuius auctoritate reponimus, *et cetera*.

tis. Cum autem spiritus bonus in hæc visa humanum spiritum assumit aut rapit, nullo modo illas imagines signa rerum aliarum esse dubitandum est, et earum quas nosse utile est: Dei enim munus est. Discretio sane difficultima est, cum spiritus malignus quasi tranquillus agit, ac sine aliqua vexatione corporis assumpto humano spiritu dicit quod potest; quando etiam vera dicit, et utilia prædicat, transfigurans se, sicut scriptum est, *velut angelum lucis* (II Cor. xi, 14), ad hoc ut cum illi in manifestis bonis creditum fuerit, seducat ad sua. Hunc discerni non arbitror, nisi dono illo de quo ait Apostolus, cum de diversis Dei munieribus loqueretur, *Alii dijudicatio spirituum* (I Cor. xii, 10).

**CAPUT XIV.** — *Intellectualis visio non fallit. In aliis fallit non semper est perniciosum.*

Non enim magnum est, tunc eum dignoscere, cum ad aliqua pervenerit vel perduxerit, quæ sunt contra bonos mores vel regulam fidei: tunc enim a multis discernitur. Illo autem dono, in ipso primordio quo multis adhuc bonus appetet, continuo dijudicatur an malus sit.

29. Tamen et per corporalem visionem, et per imagines corporalium quæ demonstrantur in spiritu, et boni instruunt, et mali fallunt. Intellectualis autem visio non fallitur. Aut enim non intelligit, qui aliud opinatur quam est; aut si intelligit, continuo verum est. Quid enim faciant oculi non habent, cum simile corpus viderint, quod ab alio discernere non possint: aut quid faciat animi intentio, cum in spiritu facta fuerit corporis similitudo, quam non valeat distingue-re a corpore? Sed adhibetur intellectus, quærens quid illa significant vel utile doceant; et aut inveniens ad fructum suum pervenit, aut non inveniens in disceptatione se tenet, ne aliqua perniciosa temeritate prolabatur in exitiabilem errorem.

30. Judicat autem sobrius intellectus divinitus adjutus, quæ vel quanta sint, in quibus etiam aliud putare quam est, non sit animæ perniciosum. Nec enim putantium periculo, et non potius exitio suo, quisque a bonis putatur bonus, etiamsi occultus sit malus, si in rebus ipsis, id est in ipso bono quo sit, quisque bonus, non erretur: aut aliiquid obest omnibus hominibus, quod cum dormiunt, vera corpora esse arbitrantur, quorum similitudines in somnis vident: aut aliiquid obsnuit Petro, quod, soluto a vinculis seque angelo deducente, factum est repentinum miraculo ut putaret se visum videre (Act. xi, 7-9): vel cum in illa ecstasi respondit, *Nequaquam, Domine, quia nunquam manducavi omne commune et immundum*; putans ea ipsa quæ in disco demonstrabantur, tanquam vera animalia (Id. x, 11-14). Hæc quando aliter inventa fuerint, quam putata sunt, cum viderentur, non nos poenitet ita nobis fuisse visa, si non arguatur vel infidelitas dura, vel opinatio vana sive sacrilega. Quapropter et cum visis corporalibus diabolus fallit, nihil obest quod ludiscantur oculi, si non erratur in veritate fidei, et intelligentiæ sanitate, qua docet Deus subjectos sibi. Aut si ludiscet animam spirituali visione imaginis-

bus corporum, ut putet corpus esse quod non est, non aliiquid obest animæ si perniciosa suasioni non consentiat.

**CAPUT XV.** — *Somnia venerea sine peccato contingere.*

31. Unde aliquando sit quæstio de consensionibus somniantium, cum etiam concubere sibi videntur, vel contra propositum suum, vel contra etiam licitos mores. Quod non contingit, nisi cum ea quæ vigilantes etiam cogitamus, non cum placito consensionis, sed sicut etiam talia propter aliiquid loquimur, sic admoveatur in somnis, et exprimuntur, ut eis naturaliter etiam caro moveatur, et quod naturaliter colligit, per genitales vias emittat; sicut hoc ipsum dicere utique non possem, nisi etiam cogitarem. Porro imagines rerum corporalium, quas necessario cogitavi, ut hoc dicarem, si tanta expressione præsentarentur in somnis, quanta præsentantur corpora vigilantibus, fieret illud quod sine peccato fieri a vigilante non posset. Quis enim vel cum loquitur, et, postulante necessitate sermonis, de suo concubitu aliiquid dicit, possit non cogitare quod dicit? Porro ipsa phantasia, quæ sit in cogitatione sermocinantis, cum ita expressa fuerit in visione somniantis, ut inter illam et veram commixtionem corporum non discernatur, continuo moveatur caro, et sequitur quod eum motum sequi solet, cum hoc tam sine peccato fiat, quam sine peccato a vigilante dicitur, quod ut diceretur, sine dubio cogitatum est. Verumtamen propter animæ affectionem bonam, quæ desiderio meliore mundata multas interficit cupiditates, quæ ad naturalem carnis motum non pertinent; quem casti vigilantes cobibent et refrenant, dormientes autem ideo non possunt, quia non habent in potestate quæ admoveatur expressio corporalis imaginis, quæ discerni non possit a corpore: propter illam ergo affectionem animæ bonam, etiam in somnis quedam ejus merita clarent. Nam etiam dormiens Salomon sapientiam præposuit omnibus rebus, eamque, neglectis cæteris, est precatus a Domino: et sicut Scriptura testatur, placuit hoc coram Domino, nec distulit retributionem bonam pro desiderio bono (III. Reg. iii, 5-15).

**CAPUT XVI.** — *Corporalium similitudines a spiritu in seipso formari.*

32. Quæ cum ita sint, pertinet corporis sensus ad visa corporalia, qui per quinque quasi rivulos distanter valentes distribuitur: cum illud quod est sublissimum in corpore, et ob hoc animæ vicinus quam cetera, id est lux, primum per oculos sola diffunditur, emicatque in radiis oculorum ad visibilia contuenda; deinde mixtura quadam, primum cum aere puro, secundo cum aere caliginoso atque nebuloso, tertio cum corpulentiore humore, quarto cum terrena crassitudine, quinque sensus cum ipso, ubi sola excellit, oculorum sensu efficit: sicut in libro quarto, itemque in septimo disseruisse me recolo. Est autem hoc cœlum oculis conspicuum, unde luminaria et sidera effulgent, excellentius utique omnibus corporeis elementis, sicut oculorum sensus excellit in corpore. Quia vero spiritus omnis omni est corpore sine dubi-

tatione præstantior, sequitur ut non loci positione, sed naturæ dignitate præstantior sit natura spiritualis isto corporeo cœlo, etiam illa ubi rerum corporalium exprimuntur imagines.

35. Hic existit quiddam mirabile, ut cum prior sit corpore spiritus, et posterior corporis imago quam corpus, tamen quia illud quod tempore posterius est, sit in eo quod natura prius est, præstantior sit imago corporis in spiritu, quam ipsum corpus in substantia sua. Nec sane putandum est facere aliquid corpus in spiritu, tanquam spiritus corpori facienti, materia vice subdatur. Omni enim modo præstantior est qui facit, ea re de qua aliquid facit; neque ullo modo spiritu præstantius est corpus; imo perspicuo modo spiritus corpore. Quamvis ergo prius videamus aliud corpus, quod antea non videramus, atque inde incipiat imago ejus esse in spiritu nostro, quo illud eum absens fuerit recordemur: tamen eamdem ejus imaginem non corpus in spiritu, sed ipse spiritus in seipso facit celeritate mirabili, quæ inessibiliter longe est a corporis tarditate; cuius imago mox ut oculis visum fuerit, in spiritu videntis nullius puncti temporalis interpositione formatur. Itemque in auditu, nisi auribus perceptæ vocis imaginem continuo spiritus in scipso formaret, ac memoria retineret, ignoraretur secunda syllaba utrum secunda esset, cum jam prima utique nulla esset, quæ percussa aure transiisset: ac sic omnis locutionis usus, omnis cantandi suavitas, omnis postremo in actibus nostris corporalis motus dilapsus occideret; neque ullum progressum nauisceretur, si transactos corporis motus memoriter spiritus non teneret, quibus consequentes in agendo connecteret. Quos utique non tenet, nisi imaginaliter a se factos in se. Ipsorum etiam futuram motionum imagines præveniunt fines actuum nostrorum. Quid enim agimus per corpus, quod non cogitando præoccupaverit spiritus, omniumque visibilium operum similitudines in scipso primitus viderit, et quodammodo disposuerit?

CAPUT XVII. — *Similitudines animo expressæ unde innescant dæmonibus. Visiones quadam miræ. Phrenetici. Puer ægrotans.*

34. Quæ spirituales corporalium similitudines in animo nostro, quemadmodum innescant spiritibus etiam in mundis, vel quid obstaculi patiatur anima nostra ex isto terreno corpore, ut eas invicem in nostro spiritu videre nequeamus, inventare et explicare difficile est. Certissimis tamen indiciis apud nos constitit enuntiata a dæmonibus cogitationes hominum (*a*), qui tamen si virtutum internam speciem possent in hominibus cernere, non tentarent: sicut illam in Job nobilem ac mirabilem patientiam prœcul dubio, si posset diabolus cernere, nollet a tentato utique superari. Cæterum alienhi longe jam facta quod numiant, quæ post aliquot dies vera esse firmentur, non est mirandum. Possunt enim hoc efficere, non solum acribona cernendi etiam corporalia incomparabiliter præstantiore quam nostra est, sed etiam corporum

(a) Lib. I cont. Academicos, capp. 6 et 7.

ipsorum, longe utique subtiliorum, mira velocitate.

35. Comperimus etiam in domo constitutum patientem spiritum immundum, dicere solere quando ad eum venire cœpisse: ex duodecim millibus presbyter, et per omnia loca itineris ubi esset, et quam propinquaret, et quando ingredieretur et fundum et domum et cubiculum, donec in conspectu ejus astaret. Quæ omnia etsi non oculis patiens ille cernebat, tamen nisi aliquo modo cerneret, non tam veraciter enunciaret. Erat autem iste febriens, et tanquam in plenæsi ista dicebat. Et forte revera phreneticus erat, sed propter ista dæmonium pati putabatur. Nullum refectionis cibum accipiebat a suis, sed a solo presbytero. Resistebat etiam suis violenter quantum valebat; illo solo presbytero veniente quiescebat, illi tantum subditus erat, et subdite respondebat. Nec tamen eidem saltem presbytero illa cessit mentis alienatio sive dæmonium, nisi cum sanus esset a febribus, sicut phrenetici sanari solent; nec aliquando postea tale aliquid passus est.

36. Novimus etiam sine dubitatione phreneticum futuram mortem cuiusdam feminæ predixisse; non sane specie divinandi, sed tanquam factum ac præteritum recolentem. Nam cum ejus apud eum commemoratio fieret, Mortua est, inquit, ego eam vidi efferti, hac cum ejus corpore transferunt; cum illa in columis viveret: post paucos autem dies repente defuncta, et per eum locum elata est, qua ille predixerat.

37. Fuit item apud nos puer, qui in exordio pubertatis dolorem acerrimum genitalium patiebatur, medicis nequaquam valentibus quid illud esset agnoscere, nisi quod nervus ipse introrsum reconditus erat, ita ut nec præcisio præputiæ, quod immoderata longitudine propendebat, apparere potuerit, sed postea vix esset inventus. Humor autem viscosus et acer exsudans testes et inguina urebat. Sed acutum dolorem non continuum patiebatur, et cum patiebatur, ejulabat vehementer cum jactatione membrorum mente sanissima, sicut in cruciatibus corporalium dolorum fieri solet. Deinde inter voces suas abripiebatur ab omnibus sensibus, et jacebat patentibus oculis neminem circumstantium videns, ad nullam vellelationem se movens. Post aliquantum tanquam evigilans, nec jam dolens, quæ videret indicabat. Tum interpositis paucis diebus eadem patiebatur. In omnibus sane vel pene omnibus visionibus suis, duos se dicebat videre, unum proiectoris rotatis, alterum puerum, a quibus ei vel dicebantur, vel demonstrabantur, quæ se audisse et vidisse narrabat.

38. Vedit quodam die chorum piorum psallentium, latantium in luce mirabili, et impiorum in tenebris diversas et atrocissimas poenas; illis ducentibus et ostendentibus, et felicitatis aliorum, aliorumque infelicitatis meritum insinuantibus. Hoc autem vedit die dominico Paschæ, cum per totam Quadragesimam nihil doluisse, cui vix intervallo tridui antea parcebatur. Viderat autem in ipso ingressu Quadragesimæ illos promittentes sibi quod per quadraginta dies nullum sensurus esset dolorem; postea ipsi ei dederunt;

tanquam medicinale consilium, ut ei propterit longitudo præcideretur, quo facto diu non doluit. Cum vero iterum similiter doleret, et similia videre cœpisset, accepit ab eis rursus consilium, ut in mare pubes tenus intraret, ac post aliquantam moram inde discederet, promittentibus sane quod jam deinceps vehementem illum dolorem non esset passurus, sed solius illius viscosi humoris molestiam: atque ita secutum est; nec unquam talam aliquam postea passus est aversionem mentis a sensibus, nec tale aliquid vidi quale antea cum in mediis doloribus et horrendis vocibus repente obmutescens abriperetur. Postea tamen medicis cœtera eurantibus et sanantibus, non permansit in proposito sanctitatis.

#### CAPUT XVIII. — *De visionum causis.*

39. Istarum visionum et divinationum causas et modos vestigare si quis potest, certoque comprehendere, cum magis audire vellem, quam de me experiri ut ipse dissererem. Quid tamen putem, ita ut nec docti me tanquam confirmantem deridant, nec indocti tanquam docentem accipiant, sed utrique disceptantem et querentem potius quam scientem, non occultabo. Ego visa ista omnia visis comparo somniantum. Sicut enim aliquando et hæc falsa, aliquando autem vera sunt, aliquando perturbata, aliquando tranquilla; ipsa autem vera, aliquando futuri omnino similia, vel aperte dicta, aliquando obscuris significacionibus et quasi figuratis locutionibus prenuntiata: sic etiam illa omnia. Sed amant homines inexperta timari, et causas insolitorum requirere, cum quotidiana plerumque talia sæpe etiam latenter originis nosse non curent. Nam quemadmodum in vocibus, hoc est signis quibus loquendo utimur, auditio verbo inusitate, querunt primo quid sit, hoc est quid significet; quo cognito deinde querunt unde ita dictum sit, cum tam multa sine cura nesciant, quæ in usu sermonis habent, unde ita sint dicta: sic cum aliquid inusitatum in rebus acciderit, sive corporalibus, sive spiritualibus, causas rationemque sollicite inquirunt, et sibi reddi a doctoribus flagitant.

40. Soleo autem cum me quisque interrogat, verbi gratia, quid sit catus, et respondeo, Prudens vel acutus, nec ei sufficit, sed pergit querere unde dictus sit catus, vicissim referre et querere unde dictus sit acutus, quod nihilominus utique ignorabat, sed quia usitatum nomen erat, patienter ejus originem nesciebat: quod autem novum insonuit auribus, parum putat nosse quid significando valeat, nisi etiam unde dicatur exquirat. Quisquis ergo ex me quererit unde visa corporalibus similia in ecstasi appareant, quæ raro accidit aperte, vicissim quero, unde appareant dormientibus, quæ quotidianè sentit anima, et nemo iudicat non multum curat inquirere. Quasi vero ideo minus mira sit talium natura visorum, quia quotidiana est; aut ideo minus curanda, quia omnium est; aut si recte faciunt qui ista non querunt, non rectius fecerint si nec in illa curiosi sint. Ego vero multo amplius admiror, multoque maxime stupefactus celeritate ac facilitate in se anima fabricetur

imagines corporum, quæ per corporis oculos viderit, quam somniantum vel etiam in ecstasi visiones. Quocunque tamen illa natura visorum est, procul dubio corpus non est. Hoc nosse cui non sufficit, unde etiam existant, inquirat ab aliis; me ignorare conatur.

#### CAPUT XIX. — *Unde nascantur visiones.*

41. Illud plane exemplorum experimentis colligi datur, sicut corporum pallor, rubor, tremor, vel etiam morbus aliquando a corpore habet causas, aliquando ab anima; et a corpore quidem, cum vel humor sussunditur, vel cibus vel aliquid aliud corpori injectum extrinsecus; ab anima vero, cum vel timore turbatur, vel pudore confunditur, vel irascitur, vel amat, vel si quid ejusmodi; nec immerito, si id quod animat et regit, etiam cum vehementius movetur, vehementius exagit: ita et ipsi animæ ut in ea visa perget, quæ non ei per sensus corporis nuntiantur, sed per incorporalem substantiam, et ita perget ut non discernat utrum corpora sint an similitudines corporum, aliquando a corpore accident, aliquando a spiritu: et a corpore quidem, sive naturali vicissitudine, ut sunt visa somniantum, dormire quippe a corpore est homini; sive aliqua mala valetudine sensibus perturbatis, ut cum a phreneticis simul et corpora videntur, et visa similia corporibus tanquam et ipsa præ oculis adsint: aut penitus interclusis, sicut sæpe male affecti morbo aliquo ingravescente, praesente corpore diu absentes, deinde hominibus redditū, multa se vidisse dixerunt: a spiritu vero, cum omnino sano atque integro corpore in alienationem rapiuntur, sive ita ut et per sensus corporis corpora videant, et in spiritu quedam similia quæ a corporibus non discernant; sive penitus avertantur a sensibus carnis, et nihil per eos omnino sentientes, illa-spirituali visione habitent in similitudinibus corporum. Sed cum malus in hæc arripit spiritus, aut dæmoniacos facit, aut arreptitos, aut falsos prophetas: cum autem bonus, fideles mysteria loquentes, aut accidente etiam intelligentia veros prophetas, aut ad tempus quod per eos oportet ostendi, videntes atque narrantes.

#### CAPUT XX. — *Visa quæ a corpore occasionem habent, non tamen exhiberi a corpore.*

42. Sed cum a corpore causa est ut talia visa continentur, non ea corpus exhibet; neque enim habet cam vim, ut formet aliquid spirituale: sed sopito, aut perturbato, aut etiam intercluso itinere intentionis a cerebro, qua dirigitur sentiendi motus, anima ipsa quæ motu proprio cessare ab hoc opere non potest, quia per corpus non sinitur, vel non plene sinitur corporalia sentire, vel ad corporalia vim suæ intentionis dirigere, spiritu corporalium similitudines agit, aut intuetur objectas. Et si quidem eas ipsa agit, phantasiae tantum sunt; si autem objectas intuetur, ostensiones sunt, quia non est causa in sede cerebri, unde ipsa dirigitur intentio sentiendi, non sunt hujusmodi visiones, quamvis cernendis corporalibus obstaculim

existat a corpore. Magis enim cœci aliquid dormientes quam vigilantes vident. Dormientibus quippe in cerebro consopitur via sentiendi, quæ intentionem ad oculos dicit, ideoque ipsa intentio in aliud aversa, cernit visa somniorum tanquam species corporales adsint, ut sibi dormiens vigilare videatur, et non similia corporibus, sed ipsa corpora intueri se putet: cum autem vigilant cœci, ducitur per illa itinera intentionis cernendi, quæ cum ad loca venerit oculorum, non exseritur fors, sed ibi remanet, ut vigilare se sentiant, potiusque esse in tenebris vigilando etiam per diem, quam dormiendo, sive per diem sive per noctem. Nam et qui cœci non sunt, plerique patentibus oculis dormiunt nihil per eos videntes, sed non ideo nihil videntes, cum spiritu cernant visa somniorum: si autem clausis oculis vigilent, neque dormientium præsto sunt visionibus neque vigilantium. Tantum tamen valet, quod usque ad oculos eorum nec sopita nec perturbata nec interclusa pervenit a cerebro via sentiendi, et animæ intentionem usque ad ipsas quamvis clausas fores corporis dicit, ut cogitentur quidem imagines corporum, sed nullo modo pro eis habeantur corporibus quæ per oculos sentiuntur.

43. Tantum interest, ubi fiat impedimentum sentiendi corporalia, cum sit in corpore. Si enim non sit nisi in ipsis aditibus, et quasi januis sensuum, velut in oculis, in auribus, ceterisque sensibus corporalibus, sola impeditur perceptio corporalium; non autem animæ intentionis in aliud sic avertitur, ut pro corporibus habeat imagines corporum: si autem causa est intus in cerebro, unde diriguntur viæ ad ea quæ foris sunt, sentienda; ipsius intentionis vasa sopiuntur, vel turbantur, vel intercluduntur, quibus nittitur anima in ea quæ foris sunt, intuenda vel sentienda. Quem nisum quoniam non amittit, tanta expressione format similia, ut imagines corporalium a corporibus discernere non valens, utrum in illis an in ipsis sit nesciat; et cum scit, longe alio modo sciat, quam dum in cogitando versantur sive occurruunt similitudines corporum. Qui modus nisi ab expertis capi utcumque non potest. Illic enim erat, quod me dormiens in somnis videre sciebam, nec tamen illas corporalium rerum similitudines quas videbam, sic ab ipsis corporalibus discernebam, quemadmodum eas cogitantes etiam clausis oculis vel in tenebris constituti discernere solemus. Tantum valet ipsa animi intentio utrum perducatur usque ad sensus licet clausos, an in ipso cerebro, unde in hac nittitur, aliqua causa existente in aliud avertatur, ut quamvis aliquando se neverit non corpora, sed corporum similitudines cerneret, vel minus crudita etiam ipsa esse corpora existimans, sentiat se non ea corpore, sed spiritu videre. Longe sit tamen ab affectione qua suo corpori præsentatur: unde se norunt et cœci vigilare, cum similitudines corporum cogitatas a corporibus, quæ videre non possunt, certa notione discernunt.

CAPUT XXI. — *Visa corporalibus similia in quæ anima rapitur, non ideo esse naturæ diversæ.*

44. Cum autem sano corpore, nec somno sensibus consopitis, aliquo occulto opere spirituali in ea visa quæ similia sunt corporalibus anima rapitur, non quia modus diversus est, ideo est etiam diversa natura visorum; cum et in illis causis quæ de corpore existunt, sit utique differentia, et aliquando a contrario. Nam phrenetici non dormiendo potius perturbatas habent sentiendi vias in capite, ut talia videant, qualia somniantes vident, quorum dormiendo avertitur intentionis a sensu vigilandi, et in ea videnda converitur. Cum ergo illud sit non dormiendo, hoc autem dormiendo, non tamen ea quæ videntur ex alio genere sunt, quam ex natura spiritus, de quo vel in quo sunt similitudines corporum. Ita quamvis diversa sit causa intentionis alienata, quando sano corpore vigilantis occulta quadam vi spirituali anima rapitur, ut vice corporum expressas corporalium rerum similitudines in spiritu videat, eadem tamen est natura visorum. Neque enim dici potest, cum causa in corpore est, tunc animam sine ulla præsensione futurorum ex seipsa versare imagines corporum, sicut etiam cogitando eas solet; cum vero in ea videnda spiritu assumitur, divinitus hæc demonstrari: quandoquidem aperie Scriptura dicit, *Effundam de spiritu meo super omnem carnem, et juvenes visa videbunt, et senes sonnia somniabunt* (*Joel. ii, 28*), divinæ operationi utrumque tribuens; et, *Angelus Domini apparuit Joseph in somnis dicens, Noli timere accipere Mariam conjugem tuam; et iterum, Tolle puerum, et vade in Ægyptum* (*Matth. i, 20*; et *ii, 13*).

CAPUT XXII. — *Quomodo contingant visa illa, ex quibus divinationes occulto instinctu seu casu factæ.*

45. Itaque bono quidem spiritu assumi spiritum hominis ad has videndas imagines, nisi aliquid significant, non puto: cum vero in corpore causa est, ut in eas expressius intuendas humanus intendatur spiritus, non semper aliquid significare credendum est; sed tunc significant, cum inspirantur a demonstrante spiritu, sive dormienti, sive aliquid aliud ex corpore, ut a carnis sensibus alienaretur, patienti. Vigilantibus etiam neque ullo morbo afflictis nec furore exagitatis, occulto quodam instinctu ingestas esse cogitationes quas promendo divinarent, non solum aliud agentes, sicut Caiphas pontifex prophetavit (*Joan. xi, 51*), cum ejus intentio non haberet voluntatem prophetandi, verum etiam id suscipientes, ut divinandi modo aliquid dicerent, novimus.

46. Nam quidam juvenes jocando ut fallerent, ubi peregrini iter agebant, mathematicos se esse finixerunt, ignorantes omnino utrum duodecim signa dicerentur. Qui cum hospitem suum mirari cernerent quæ dicebant, et attestari esse verissima, audacius in plura progressi sunt. At ille attestans ad omnia mirabatur. Postremo ab eis de filii salute quæsivit, quem diu abscentem desiderabat, et quod inopinate tardaret, ne quid ei accidisset sollicitus erat. At illi non curantes quid post eorum abscessum veri cognosceretur, dum

tamen in praesentia letum hominem redderent, mox profecturi responderunt salvum ac propinquantem, et eo ipso die quo haec loquebantur, esse venturum: neque enim metuebant, ne cum totus dies peractus esset, eos ille redarguendos postridie sequeretur. Quid multa? dum jam abire disponerent, ecce subito adhuc eis illuc positis venit.

47. Item aliis ante symphoniacum saltabat, ubi erant multa idola per quamdam Paganorum solemnitatem, non aliquo spiritu arreptus, sed imitatione ludicra arreptitos aemulatus, scientibus circumstantibus et spectantibus. Moris enim erat ut ante prandium peractis sacrificiis agitatisque fanaticis, si qui adolescentes post prandium vellent eo more ludere, nullus proliberetur. Ille ergo inter saltandum, facto sibi silentio, jocabundus, et ridente multitudine circumseptus, ea nocte quæ impendebat, in ea silva quæ juxta erat, hominem a leone interemptum iri, ad cuius cadaver spectandum illucescente die confluxaram turbam, et illius solemnitatis locum deserturam, praedixit. Et factum est; cum satis cunctis qui aderant in omnibus ejus motibus clarisset, hoc eum ludendo et jocando nusquam perturbata vel alienata menterit, quanto magis nosset quo id animo atque ore protulerit.

48. Quoniam modo haec visa in spiritum hominis veniant, utrum ibi primitus formentur, an formata ingerantur, et quadam conjunctione cernantur, ut sic hominibus angeli ostendant cogitationes suas, et corporalium rerum similitudines, quas in suo spiritu futurorum cognitione praeformant, quemadmodum et ipsi nostras cogitationes, non utique oculis, quia non corpore, sed spiritu vident; verum hoc intersit, quod illi nostras, etiam si nolimus, neverunt, nos autem ipsorum, nisi ostendantur, nosse non possumus; quia sic eas, ut opinor, habent in potestate occultare spiritualibus modis, quemadmodum nos quibusdam interjectis obstaculis, nostra corpora ne aliorum oculis videantur, abscondimus: et quid fiat in spiritu nostro, ut aliquando cernantur tantummodo significantes imagines, et utrum aliquid significant ignoretur; aliquando autem aliquid significare sentiantur, sed quid significant nesciatur; aliquando vero tanquam pleniore demonstratione anima humana et spiritu ipsas et mente quid significant videat; et scire difficillimum est, et si jam sciamus, disserere atque explicare operosissimum.

CAPUT XXIII.—*Spirituali naturam, ubi tam multis carnis similitudines corporalium formentur, in nobis existere.*

49. Quod autem nunc insinuare satis arbitror, certum est esse spiritualem quamdam naturam in nobis, ubi corporalium rerum formantur similitudines; sive cum aliquod corpus sensu corporis tangimus, et continuo formatur ejus similitudo in spiritu, memoriaque reconditur; sive cum absentia corpora jam nota cogitamus, ut ex eis formetur quidam spiritualis aspectus, quae jam erant in spiritu et antequam ea cogitamus; sive cum eorum corporum quae non novimus, sed tamen esse non dubitamus, similitudines, non ita

ut sunt illa, sed ut occurrit, intuerimur; sive cum alia, quæ vel non sunt, vel esse nesciuntur, pro arbitrio vel opinione cogitamus; sive unde unde, neque id agentibus, neque volentibus nobis varie forme corporalium similitudinum versantur in animo; sive cum aliquid corporaliter acturi, ea ipsa disponimus quæ in illa actione futura sunt, et omnia cogitatione antecedimus; sive iam in ipso actu, vel cum loquimur, vel cum facimus, omnes corporales motus, ut exseri possint, praeveniuntur similitudinibus suis intus in spiritu; neque enim ulla vel brevissima syllaba in ordine suo nisi prospecta sonuisse: sive cum a dormientibus somnia videntur, vel nihil vel aliquid significantia; sive cum valetudine corporali turbatis intrinsecus itineribus sentiendi, imagines corporum spiritus veris corporibus ita miscet, ut internosci vel vix possint, vel omnino non possint; et aut significant aliquid, aut sine ulla significatione oboriantur; sive prorsus ingravescente aliquo morbo vel dolore corporis, et intercludente intus vias quibus animæ, ut per carnem sentiret, exserebatur ac nitebatur intentio, altius quam somno absentato spiritu, corporalium rerum existunt aut monstrantur imagines, vel significantes aliquid vel sine ulla significatione apparentes; sive nulla ex corpore causa existente, sed assumpte atque rapiente aliquo spiritu tollitur anima in hujusmodi videndas similitudines corporum, miscens eis visa corporalia, cum simul etiam corporis sensibus utitur; sive ita spiritu assumente alienatur ab omni corporis sensu, et avertitur, ut solis similitudinibus corporum spirituali visione teneatur, ubi nescio utrum possint aliqua nihil significantia videri.

CAPUT XXIV.—*Visionem intellectualem spirituali, spirituali corporali praestare.*

50. Haec igitur natura spiritualis, in qua non corpora, sed corporum similitudines exprimuntur, inferioris generis visiones habet, quam illud mentis atque intelligentiae lumen, quo et ista inferiora dijudicantur, et ea cernuntur quæ neque sunt corpora, neque ulla gerunt formas similes corporum; velut ipsa mens et omnis animæ affectio bona, cui contraria sunt ejus via, que recte culpantur atque damnantur in hominibus. Quo enim alio modo ipse intellectus nisi intelligendo conspicitur? Ita et charitas, gaudium, pax, longanimitas, benignitas, bonitas, fides, mansuetudo, continentia, et cetera hujusmodi, quibus propinquatur Deo (*Galat. v, 22, 23*): et ipse Deus, ex quo omnia, per quem omnia, in quo omnia (*Rom. xi, 36*).

51. Quanquam itaque in eadem anima siant visiones, sive quæ sentiuntur per corpus, sicut hoc corporum cœlum, terra, et quæcumque in eis nota esse possunt, quemadmodum possunt; sive quæ spiritu videntur similia corporum, de quibus multa jam diximus; sive cum mente intelliguntur, quæ nec corpora sunt, nec similitudines corporum; habent utique ordinem suum, et est aliud alio præcellentius. Præstantior est enim visio spiritualis quam corporalis, et rursus præstantior intellectualis quam spiritualis. Corporalis enim sine spirituali esse non potest; quandoquidem mo-

mento codem quo *corpus sensu corporis tangitur*, sit etiam in animo tale aliquid, non quod hoc sit, sed quod simile sit; quod si non fieret, nec sensus ille esset, quo ea quæ extrinsecus adjacent, sentiuntur. Neque enim corpus sentit, sed anima per corpus, quo velut nuntio utitur ad formandum in seipsa quod extrinsecus nuntiatur. Non potest itaque fieri visio corporalis, nisi etiam spiritualis simul fiat: sed non discernitur, nisi cum fuerit sensus ablatus a corpore, ut id quod per corpus videbatur, inveniatur in spiritu. At vero spiritualis visio etiam sine corporali fieri potest, cum absentium corporum similitudines in spiritu apparent, et singuntur multæ pro arbitrio, vel præter arbitrium demonstrantur. Item spiritualis visio indiget intellectuali ut dijudicetur, intellectualis autem ista spirituali inferiore non indiget; ac per hoc spirituali corporalis, intellectuali autem utraque subjecta est. Cum ergo legimus, *Spiritualis omnia judicat, ipse autem a nemine difudi-  
catur* (*1 Cor. ii, 15*); non secundum spiritum, a quo mens discernitur, sicut illud quod dictum est, *Orabo spiritu,  
orabo et mente* (*Id. xiv, 15*), sed ex illa notione debe-  
mus accipere qua dictum est, *Renovamini autem spir-  
tu mentis vestre* (*Eph. iv, 23*). Jam enim supra do-  
cuimus alio modo et ipsam mentem spiritum dici, secundum quam spiritualis omnia dijudicat. Quapropter non absurde neque inconvenienter arbitror spirituali visionem inter intellectualem et corporalem tanquam medietatem quamdam obtinere. Puto enim non incongrueret medium dici, quod corpus quidem non est, sed simile est corporis, inter illud quod vere corpus est, et illud quod nec corpus est, nec simile corporis.

**CAPUT XXV.** — *Solam intellectualem visionem non fallere.*

52. Illuditur autem anima similitudinibus rerum, non earum vizio, sed opinionis suæ, cum approbat quæ similia sunt pro iis quibus similia sunt, ab intelligentia deficiens. Fallitur ergo in visione corporali, cum in ipsis corporibus fieri putat quod sit in corporis sensibus; sicut navigantibus videntur in terra moveri quæ stant, et intuentibus cœlum stare sidera quæ moventur, et divaricatis radiis oculorum duas lucernæ species apparere, et in aqua renus infractus, et multa hujusmodi: aut cum putat aliquid hoc esse, quod similiter coloratum est, vel similiter sonat, vel olet, vel sapit, vel tangitur; hinc enim et medicamentum aliquod ceratum coctum in cæcabo putatur legumen, et sonitus transeuntis vehiculi putatur ex tonitruo, et si nullis aliis sensibus exploretur, sed soli adjaceat olfactui, citrium putatur herba quæ vocatur apiaria, et cibus aliquo dulciculo succo affectus putatur melle conditus; et ignotus annulus contrectatus in tenebris, putatur aureus, cum sit æreus aut argenteus. aut cum repentinis inopacitatisque corporalibus visis anima turbata vel in somnis videare se putat, vel aliquo iniusmodi spirituali viso affici: unde in omnibus corporibus visis, et aliorum sensuum contestatio, et maxime ipsius mentis atque rationis adhibetur, ut

quod in hoc rerum genere verum est, inveniatur quantum inveniri potest. In visione autem spirituali, id est in corporum similitudinibus, quæ spiritu videntur, fallitur anima, cum ea quæ sic videt, ipsa corpora esse arbitratur; vel quod sibi suspicione falsaque conjectura sinxerit, hoc etiam in corporibus putat, quæ non visa conjectat. At vero in illis intellectualibus visis non fallitur: aut enim intelligit, et verum est; aut si verum non est, non intelligit: unde aliud est in his errare quæ videt, aliud ideo errare quia non videt.

**CAPUT XXVI.** — *Raptus animæ duplex, spirituali vi-  
sione et intellectuali.*

53. Quapropter cum rapitur anima in ea visa quæ spiritu cernuntur similia corporalibus, ita ut omnino a sensibus corporis avertatur amplius quam in somno solet, sed minus quam in morte; jam divinæ admonitionis est et adjutorii, ut se non corpora, sed visa corporum similia spiritualiter noverit cernere, sicuti quæ se in somnis videre, etiam antequam evigilant, sciunt. Ibi si etiam videntur futura, ita ut omnino futura noscantur, quorum imagines praesentes videntur, sive ipsa hominis mente divinitus adjuta, sive aliquo inter ipsa visa quid significant exponente, sicut in Apocalypsi Joanni exponebatur (*Apoc. i, 10 sqq.*), magna revelatio est: etiamsi forte ignoret ille cui hæc demonstrantur, utrum e corpore exierit, an adhuc sit in corpore, sed spiritu a sensibus corporis alienato ista videat; potest enim sic raptus id ignorare, si ei et hoc non ostendatur.

54. Porro autem, si quemadmodum raptus est a sensibus corporis, ut esset in istis similitudinibus corporum, quæ spiritu videntur, ita et ab ipsis rapiatur, ut in illam quasi regionem intellectualium vel intelligibilium subvehatur, ubi sine ulla corporis similitudine perspicua veritas cernitur; nullis opinionum falsarum nebulis offuscatur: ibi virtutes animæ non sunt operose ac laboriosæ. Neque enim opere temperantiae libido frenatur, aut opere fortitudinis tolerantur adversa, aut opere justitiae iniqua puniuntur, aut opere prudentiae mala devitantur. Una ibi et tota virtus est amare quod videoas, et summa felicitas habere quod amas. Ibi enim beata vita in fonte suo bibitur, inde aspergitur aliquid huic humanae vita, ut in temptationibus hujus sæculi, temperanter, fortiter, juste, prudenterque vivatur. Propter illud quippe adipiscendum, ubi secura quies erit et ineffabilis visio veritatis, labor suscipitur, et continendi a volupitate, et sustinendi adversitates, et subveniendi indigentibus, et resistendi decipientibus. Ibi videtur claritas Domini, non per visionem significantem, sive corporalem, sicut visa est in monte Sina (*Exod. xix, 18*), sive spirituali, sicut videt Isaïas (*Isai. vi, 1*), vel Joannes in Apocalypsi: sed per speciem, non per enigmata, quantum eam capere mens humana potest, secundum assumentis Dei gratiam, ut os ad os loquatur ei quem dignum tali Deus colloquio fecerit; non os corporis, sed mentis,

**CAPUT XXVII. — Quo genere visionis Deus a Moyse visus.**

Sicut intelligentium arbitror quod de Moyses scriptum est (*Num. xii, 8*).

55. Concipiverat enim, sicut in *Exodo* legimus, videre Deum; non utique sicut viderat in monte, nec sicut videbat in tabernaculo (*Exod. xix, 18 et xxxiii, 9*), sed in ea substantia qua Deus est, nulla assumpta corporali creatura, que mortalis carnis sensibus praesentetur: neque in spiritu figuratis similitudinibus corporum; sed per speciem suam, quantum eam capere creatura rationalis et intellectualis potest, sevocata ab omni corporis sensu, et ab omni significativo ænigmate spiritus. Sic enim scriptum est, *Si ergo inveni gratiam in conspectu tuo, ostende mihi temetipsum manifeste, ut videam te;* cum paulo superius legatur locutus Dominus ad Moysen facie ad faciem, sicut quis loquitur ad amicum suum. Sentiebat ergo quid videbat, et quod non videbat desiderabat. Nam et paulo post, cum dixisset ei Deus, *Invenisti enim gratiam in conspectu meo, et scio te præ omnibus;* respondit ei, *Ostende mihi claritatem tuam.* Et tunc quidem responsum accepit a Domino figuratum, de quo nunc longum est disputare, quando ei dixit: *Non poteris videre faciem meam, et vivere.* Non enim videbit homo faciem meam, et vivet. Deinde subjecit et ait illi: *Ecce locus penes me, et stabis super petram, statim ut transiet mea majestas, et ponam te in spelunca petra, et tegam manu mea super te donec transeam; et auferam manum, et tunc videbis posteriora mea: nam facies mea non apparebit tibi* (*Id. xxxiii, 11-23*). Nec tamen secuta Scriptura hoc etiam corporaliter factum esse narravit, satisque per hoc demonstratum est figurata dictum esse in Ecclesiæ significatione. Ipse est enim locus penes Dominum, quia Ecclesia est templum ejus et ipsa rediscata est super petram, et cetera quæ ibi dicta sunt, eidem intelligentiae congruunt. Nisi tamen concipitam et desideratam Dei claritatem Moyses videre meruisset, non in libro Numerorum diceret Deus ad Aaron et Mariam fratres ejus: *Audite verba mea, Si fuerit propheta inter vos Dominus, in visione illi cognoscari*<sup>1</sup>, *et in sonno loquar illi; non ita quomodo famulus meus Moyses in tota domo mea fidelis est. Os ad os loquar ad illum in specie, et non per ænigmata, et claritatem Domini vidit* (*Num. xii, 6-8*). Neque enim hoc secundum substantialiam corporis, quæ carnis sensibus praesentatur, intelligentium est; nam utique sic loquebatur ad Moysen facie ad faciem, contra in contra, quando tamen dixit ei, *Ostende mihi temetipsum;* et nunc etiam ad ipsos quos objurgat, et quibus Moysi meritum ita præferebat, sic loquebatur per creaturam corporalem praesentatam sensibus carnis. Illo ergo modo, in illa specie qua Deus est, longe ineffabiliter secretius et presentius loquitur locutione ineffabili, ubi cum nemo videns vivet<sup>2</sup> vita ista, qua mortaliter vivitur in ipsis sensibus corporis: sed nisi ab hac vita quisque

quodammodo moriatur, sive omnino exiens de corpore, sive ita aversus et alienatus a carnalibus sensibus, ut merito nesciat, sicut Apostolus ait, utrum in corpore an extra corpus sit (*Il Cor. xii, 3*), cum in illam rapitur et subvehitur visionem.

**CAPUT XXVIII. — Tertium cœlum et paradisum de quo Apostolus, posse intelligi tertium genus visionis.**

56. Quapropter si hoc tertium visionis genus, quod superioris est, non solum omni corporali, quo per corporis sensus corpora sentiuntur, verum etiam omni illo spirituali, quo similitudines corporum spiritu et non mente cernuntur, tertium cœlum appellavit Apostolus; in hoc videtur claritas Dei, cui videndæ corda mundantur, unde dictum est, *Beati mundo corde, quia ipsi Deum videbunt* (*Math. v, 8*): non per aliquam corporaliter vel spiritualiter figuratam significationem tanquam per speculum in ænigmate, sed facie ad faciem (*I Cor. xiii, 12*), quod de Moyse dictum est, *os ad os;* per speciem scilicet qua est Deus quidquid est, quantulumcumque eum mens, quæ non est quod ipse, etiam ab omni terrena labe mundata, et ab omni corpore et similitudine corporis alienata et abrepta capere potest: a quo peregrinamus mortali et corruptibili onere gravati, quamdiu per fidem ambulamus, non per speciem (*Il Cor. v, 6, 7*), et cum hic juste vivimus. Cur autem non credamus, quod tanto Apostolo doctori Gentium, rapio usque ad istam excellentissimam visionem, voluerit Deus demonstrare vitam, in qua post hanc vitam vivendum est in æternum? Et cur non dicatur iste paradisus, excepto illo in quo corporaliter vixit Adam inter ligna nemorosa atque fructuosa? Quandoquidem et Ecclesia, quæ nos congregat in charitatis sinum, *paradisus dicta est cum fructu pomorum* (*Cant. iv, 13*). Sed hoc figurata dictum est, tanquam illo paradi, ubi proprie fuit Adam, Ecclesia significata sit per formam futuri. Quanquam diligentius considerantibus fortassis occurrat illo paradi corporali, in quo Adam corporaliter fuit, et istam vitam sanctorum significatam, quæ nunc agitur in Ecclesia, et illam quæ post hanc erit in æternum: sicut Jerusalem, quæ interpretatur Visio pacis, et tamen quedam terrena civitas demonstratur, significat Jerusalem matrem nostram æternam in cœlis, sive in iis qui spe salvi facti sunt, et quod non vident sperantes per patientiam exspectant (*Rom. viii, 24, 25*), secundum quos multi filii deserterunt, magis quam ejus quæ habet virum (*Galat. iv, 26, 27*); sive in ipsis Angelis sanctis per Ecclesiam multiformis sapientie Dei (*Ephes. iii, 10*), cum quibus post hanc peregrinationem sine labore et sine fine vivendum est.

**CAPUT XXIX. — An ut plures cœli, ita in spirituali et intellectuali visione plures gradus.**

57. Si autem sic accipimus tertium cœlum quo Apostolus rapitus est, ut quartum etiam, et aliquot ultra superioris cœlos esse credamus, infra quos est hec tertium cœlum, sicut eos alii septem, alii octo, alii novem vel etiam decem perhibent, et in ipso uno quod dicitur firmamentum, multos gradatus esse

<sup>1</sup> MSS. aliquot probæ notæ, si fuerit propheta rester, in visione illi Dominus cognoscari.

<sup>2</sup> In plerisque MSS., rirens ridet.

confirmant; ac per hoc corporeos esse vel ratiocinantur vel opinantur, de quorum ratione sive opinione nunc disserere longum est: potest etiam<sup>1</sup> fieri, ut etiam in spiritualibus vel intellectualibus multos quosdam gradus quisquam esse contendat, aut si possit ostendat, eosque distinctos juxta aliquem proiectum magis minusve illustrum revelationum. Sed utcumque se ista habeant, et accipiantur ut libet, ab alio sic, ab alio autem sic; ego visorum vel visionum praeter ista tria genera, aut corpore, aut spiritu, aut mente, usque adhuc vel nosse vel docere non possum. Sed quot et quantæ singulorum generum sint differentiae, ut in unoquoque aliud alio gradatim superferatur, ignorare me fateor.

CAPUT XXX.—*In spirituali genere visionis alia visa quasi divina, alia humana.*

58. Sicut autem in ista luce corporea est cœlum, quod super terras suspicimus, unde luminaria clarent et sidera, quæ corpora longe sunt meliora terrestribus: sic in illo genere spirituali, in quo videntur corporum similitudines luce quadam incorporali ac sua, sunt quedam excellentia et merito divina, quæ demonstrant Angeli miris modis; utrum visa sua facili quadam et præpotenti junctione vel commixtione etiam nostra esse facientes, an scientes nescio quomodo nostram in spiritu nostro informare visionem, difficilis perceptu, et difficilior dictu res est. Sunt autem alia visa usitata et humana, quæ sive ex ipso spiritu nostro multipliciter existunt, sive ex corpore spiritui quodammodo suggestur, sicut fuerimus affecti vel carne vel animo. Non solum enim vigilantes homines curas suas cogitando versant in similitudinibus corporum, verum etiam dormientes hoc sœpe somniant, quo indigent: nam et negotia sua gerunt ex animi cupiditate, et epulis poculisque inhibantes insistunt, si forte esurientes sientesque dormierunt. Quæ omnia puto comparata illis angelicis demonstrationibus sic habenda, ac si in ista natura corporum terrena cœlestibus comparentur.

CAPUT XXXI.—*In intellectuali visione alia sunt quæ in anima videntur, aliud lumen quo ipsa illustratur. Lumen animæ Deus.*

59. Sic etiam in illo genere intellectualium visorum alia sunt, quæ in ipsa anima videntur, velut virtutes quibus vitia sunt contraria; sive permansuræ, ut pietas; sive utilites huic vita, et postea non futuræ, sicut fides qua credimus ea quæ nondum videmus, et spes qua futura cum patientia exspectamus, et ipsa patientia qua omnia toleramus adversa, donec quo volumus veniamus. Iste quippe et hujusmodi virtutes, quæ nunc propter transigendam istam peregrinationem valde necessariae sunt; non erunt in illa vita, propter quam adipiscendam sunt necessariae: et tamen etiam ipse intellectualiter videntur; neque enim aut corpora sunt, aut species habent similes corporum. Aliud autem est ipsum lumen, quo illustratur anima, ut omnia vel in se vel in illo veraciter intellecta conspiciat: nam illud jam ipse Deus est, hec autem

<sup>1</sup> In Fr. Lugd. Ven. Lov. autem. M.

creatura, quamvis rationalis et intellectualis ad ejus imaginem facta, quæ cum conatur lumen illud intueri, palpitat infirmitate, et minus valet. Inde est tamen quidquid intelligit sicut valet. Cum ergo illuc rapitur, et a carnibus subtracta sensibus, illi visioni expressius presentatur non spatiis localibus, sed modo quodam suo, etiam supra se videt illud, quo adjuta videt quidquid etiam in se intelligendo videt.

CAPUT XXXII.—*Anima corpore exuta quo seratur.*

60. Si autem queritur, cum anima de corpore exierit, utrum ad aliqua loca corporalia feratur, an ad incorporalia corporalibus similia, an vero nec ad ipsa, sed ad illud quod et corporibus et similitudinibus corporum est excellentius; cito quidem responderim, ad corporalia loca eam vel non ferri nisi cum aliquo corpore, vel non localiter ferri. Jam utrum habeat aliquod corpus, cum de hoc corpore exierit, ostendat qui potest; ego autem non puto: spiritualem enim arbitror esse, non corporalem<sup>1</sup>. Ad spiritualia vero pro meritis fertur, aut ad loca poenalia similia corporibus: qualia sœpe demonstrata sunt iis qui rapti sunt a corporis sensibus, et mortuis similes jacuerunt, et infernales poenas viderunt, cum et ipsi in seipsis gererent quandam similitudinem corporis sui, per quam possent ad illa ferri, et talia similitudinibus sensuum experiri. Neque enim video cur habeat anima similitudinem corporis sui, cum, jacente sine sensu ipso corpore, nondum tamen penitus mortuo, videt talia, qualia multi ex illa subductione vivis redditii narraverunt; et non habeat, cum perfecta morte penitus de corpore exierit. Aut ergo ad illa fertur poenalia, aut ad illa itidem similia corporalibus, nec tamen poenarum, sed quietis atque gaudiorum.

61. Neque enim recte dici potest, vel illas falsas esse poenas, vel illam falsam requiem atque lætitiam: tunc enim hæc falsa sunt, quando per opinationis errorem alia pro aliis putantur. Nam Petrus non solum cum discum illum videbat, et in eo non similitudines corporum, sed corpora putabat (*Act. x, 11, 12*), in hoc utique fallebatur; verum etiam cum alio tempore ab angelo solitus e vinculis ibat in corpore ambulans, et præsentatus corporalibus formis, et putabat se visum videre (*Id. xii, 7-9*), nihilominus falliebatur. Nam et illæ in disco erant spirituales formæ corporalibus similes; et ista corporalis expressio soluti de vinculis, propter miraculum spirituali similis erat. Fallebatur autem anima in utrisque, nonnisi cum alia pro aliis approbaret. Quamvis ergo non sint corporalia, sed similia corporalibus, quibus animæ corporibus exutæ afficiuntur, seu bene seu male, cum et ipsæ corporibus suis similes sibi metuere apparent; sunt tamen et vera lætitia et vera molestia facta de substantia spirituali. Nam et in somnis magni interest utrum in lætis an in tristibus simus. Unde quidam in rebus quas concupiverant constituti, se evigilasse do-

<sup>1</sup> MSS. aliquot optime notæ carent his verbis, *spiritualē enim arbitror esse, non corporalem*, quæ rursus habentur in fine n. 61, quo forte ex loco hoc translata sunt: nam et in pluribus MSS. insignis hic transpositio versuum fere 50, commissa est.

luerunt; et rursus gravibus terroribus atque cruciati-  
bus exagitati atque vexati, cum expergesfacti essent,  
dormire timuerunt, ne in eadem mala revocarentur.  
Et utique dubitandum non est quod expressiora sint  
illa quæ inferna dicuntur, atque ob hoc vehementius  
sentiantur. Nam et qui subtracti sunt sensibus corpo-  
ris, minus quidem quam si omni modo morerentur,  
sed tamen amplius quam si dormirent, expressiora se  
vidisse narraverunt, quam si somnia narravissent.  
Est ergo prorsus inferorum substantia, sed eam spi-  
ritualem arbitror esse, non corporalem.

**CAPUT XXXIII.— De inferis quæstio. Animam esse incorpoream Sinus Abrahæ.**

62. Nec audiendi sunt, qui affirmant inferos in hac vi-  
ta explicari, nec esse post mortem. Viderint enim  
quemadmodum poetica figura interpretentur; nos  
ab auctoritate divinarum Scripturarum, quibus solis de  
hac re fides habenda est, recedere non debemus.  
Quanquam possimus ostendere illorum quoque sa-  
pientes de inferorum substantia minime dubitasse,  
quæ post hanc vitam excipit animas mortuorum. Un-  
de autem sub terris esse dicantur inferi, si corporalia  
loca non sunt, aut unde inferi appellantur, si sub ter-  
ris non sunt, merito queritur (a). Animam vero non  
esse corpoream non me putare, sed plane scire, au-  
dio profiteri: tamen habere posse similitudinem cor-  
poris et corporalium omnino membrorum quisquis  
negat, potest negare animam esse, quæ in somnis vi-  
det vel se ambulare, vel sedere, vel hac atque illac  
gressu aut etiam volatu ferri ac referri, quod sine  
quadam similitudine corporis non sit. Proinde si  
hanc similitudinem etiam apud inferos gerit, non cor-  
poralem, sed corpori similem; ita etiam in locis vide-  
tur esse non corporalibus, sed corporalium similibus,  
sive in requie, sive in doloribus.

63. Quanquam et illud me nondum invenisse con-  
fiteor, inferos appellatos, ubi justorum animæ re-  
quiescent. Et Christi quidem animam venisse usque  
ad ea loca in quibus peccatores cruciantur, ut eos  
solveret a tormentis quos esse solvendos occulta no-  
bis sua justitia judicabat, non immerito creditur.  
Quonodo enim aliter accipendum sit quod dictum  
est, *Quem Deus suscitavit ex mortuis, solutis dol-  
ribus inferorum, quia non poterat tenaci ab eis* (Act.  
ii, 24), non video nisi ut quorundam dolores  
apud inferos cum solvisse accipiamus, ea po-  
testate qua Dominus est, cui omne genu flectitur,  
coelestium, terrestrium, et iuvernorum (*Philipp.*  
ii, 10), per quam potestatem etiam illis doloribus,  
quos solvit, non potuit attineri. Neque enim Abraham,  
vel ille pauper in sinu ejus, hoc est in secreto quietis  
ejus, in doloribus erat, inter quorum requiem et illa  
inferni tormenta<sup>1</sup> legimus magnum chaos<sup>2</sup> firmatum:  
sed nec apud inferos esse dicti sunt. Contigit enim,  
inquit, mori inopem illum, et auferri ab Angelis in sinum  
Abrahæ: *mortuus est autem et dives, et sepultus est;* et

*cum apud inferos in tormentis esset* (*Luc. xvi, 22-26*),  
et cetera. Videmus itaque inferorum mentionem non  
esse factam in requie pauperis, sed in supplicio  
divitis.

64. Illud etiam quod Jacob dicit ad filios suos,  
*Deducetis senectam meam cum tristitia ad inferos* (*Gen.*  
xlv, 29), videtur hoc magis timuisse, ne nimia tri-  
stitia sic perturbaretur, ut non ad requiem beatorum  
ire, sed ad inferos peccatorum. Neque enim parvum  
animæ malum est tristitia, cum et Apostolus cuidam  
tam solliciti timuerit, ne majore tristitia absorberet  
(*Il Cor. ii, 7*). Proinde, ut dixi, nondum inveni,  
et adhuc quero, nec mihi occurrit inferos alicubi in  
bono posuisse Scripturam duntaxat canonican: nou-  
autem in bono accipendum sinum Abrahæ, et illam  
requiem quo ab Angelis pius pauper ablatus est,  
nescio utrum quisquam possit audire; et ideo quo-  
modo eam<sup>1</sup> apud inferos credamus esse, non video.  
**CAPUT XXXIV.— De Paradiso et tertio cœlo quo  
raptus est Paulus.**

65. Verum dum querimus, et aut invenimus,  
aut non invenimus, urget nos longitudi libri hujus  
cum aliquando concludere. Quapropter quoniam de  
paradiso sermonem instituimus, propter illud quod  
Apostolus ait, scire se raptum hominem usque in ter-  
tium cœlum, nescire autem sive in corpore sive extra  
corpus, et quia raptus est in paradisum, et audivit  
ineffabilia verba, quæ non licet homini loqui; non tem-  
tere affirmamus, utrum in tertio cœlo sit paradisus,  
an etiam in tertium cœlum, et inde rursus in paradi-  
sum raptus sit. Si enim propriæ quidem nemorosus  
locus, translato autem verbo, omnis etiam spiritualis  
quasi regio, ubi animæ bene est, merito paradisus dici  
potest; non solum tertium cœli, quidquid illud est,  
quod profecto magnum sublimiterque præclarum est,  
verum etiam in ipso homine lætitia quædam bona  
conscientiae paradisus est. Unde et Ecclesia in sanctis  
temperante et juste et pie viventibus paradisus recte  
dicitur (*Ecli. xl, 28*), pollens affluentia gratiarum,  
castisque deliciis: quandoquidem et in tribulationibus  
gloriatur de ipsa patientia plurimum gaudens, quia se-  
cundum multitudinem dolorum in corde consolationes  
Dei jucundant animam ejus (*Psal. xciii, 19*). Quanto  
magis ergo post hanc vitam etiam sinus ille Abrahæ  
paradisus dici potest, ubi jam nulla tentatio, ubi tanta  
requies post omnes dolores vita hujus? Neque enim  
et lux ibi non est propria quædam et sui generis, et  
profecto magna, quam dives ille de tormentis et tene-  
bris inferorum, tam utique de longinquio, cum ma-  
gnum chasma esset in medio, sic tamen vidit, ut ibi  
illum quondam contemptum pauperem agnosceret.

66. Quæ si ita sunt, ideo sub terris dicuntur inferi  
vel creduntur, quia congruenter in spiritu per illas  
corporalium rerum similitudines sic demonstrantur,  
ut quoniam defunctorum animæ inferis dignæ, carnis  
amore peccaverunt, hoc eis per illas corporalium si-  
militudines exhibentur, quod ipsi carni mortuæ scilicet,

<sup>1</sup> MSS. magno consensu: *Et illa inferna tormenta.*

<sup>2</sup> MSS. plerique, *chasma.*

(a) II Retract. c. 24, n. 2,

<sup>1</sup> Editi, cum. At omnes nostri MSS., *cam*, quod a*l regnæ*  
resurgent.

ut sub terram recessent. Denique inferi eo quod infra sunt, latine appellantur: sicut autem secundum corpus si ponderis sui ordinem teneant, inferiora sunt omnia graviora; ita secundum spiritum inferiora sunt omnia tristiora: unde et in græca lingua origo nominis quo appellantur inferi, ex eo quod nihil suave habent, resonare prohibetur. Nec ipsam tamen rerum partem noster Salvator mortuus pro nobis visitare contempsit, ut inde solveret quos esse solvendos secundum divinam secretamque justitiam ignorare non potuit. Quapropter animæ illius latronis cui dixit, *Hodie mecum eris in paradiſo* (*Luc. xxiii, 43*), non utique inferos præstítit, ubi peccatorum sunt: sed aut illum requiem sinus Abrahæ; non enim alicubi non est Christus, cum ipse sit Sapientia Dei attingens ubique propter suam munditiam (*Sap. vii, 24*); aut illum paradiſum, sive in tertio cœlo, sive ubicumque alibi est, quo post tertium cœlum est raptus Apostolus: si tamen non aliud uolum est diversis nominibus appellatum, ubi sunt animæ beatorum.

67. Si ergo cœlum primum recte accipimus hoc omne corporeum generali nomine quidquid est super aquas et terram; secundum autem, in similitudine corporali quod spiritu cernitur, sicut illud unde animalibus plenus in ecclasi Petro discus ille submissus est (*Act. x, 10-12*); tertium vero, quod mente consideratur ita secreta et remota et omnino abrepta a sensibus carnis atque mundata, ut ea quæ in illo cœlo sunt, et ipsam Dei substantiam, Verbumque Deum per quod facta sunt omnia, in charitate Spiritus sancti incessabiliter valeat videre et audire: non incongruenter arbitramur, et illuc esse Apostolum raptum (*II Cor. xii, 2-4*), et ibi fortassis esse paradiſum omnibus meliorem, et si dici oportet, paradiſum paradiſorum. Si enim animæ bone letitia in rebus bonis est in omni creatura, quid ea letitia præstantius quæ in Verbo Dei est per quod facta sunt omnia?

CAPUT XXXV. — *Resurrectio corporum ad perfectam beatitudinem animæ cur sit necessaria.*

68. Sed si quem movet, quid opus sit spiritibus defunctorum corpora sua in resurrectione recipere, si potest eis etiam sine corporibus summa illa beatitudo præberi; difficilior quidem questio est, quam ut perfecte possit hoc sermone finiri: sed tamen minime dubitandum est, et raptum hominis a carnis sensibus mentem, et post mortem ipsa carne deposita, transensis etiam similitudinibus corporalium, non sic videre posse incommutabilem substantiam, ut sancti Angeli vident; sive alia latenter causa, sive ideo quia inest ei naturalis quidam appetitus corpus administrandi; quo appetitu retardatur quodammodo ne tota intentione perget in illud summum cœlum, quādū non subest corpus, cuius administratione appetitus ille conq̄uescat. Porro autem si tale sit corpus, cujus sit difficultas et gravis administratio, sicut hæc caro que corrumperit, et aggravat animam (*Sap. ix, 15*), de propagatione transgressionis existens, multo magis avertitur mens ab illa visione summi cœli: unde necessario abripienda erat ab eisdem carnis sensibus,

ut ei, quomodo capere posset, illud ostenderetur. Proinde cum hoc corpus jam non animale, sed per futuram commutationem spirituale receperit Angelis coæquata, perfectum habebit naturæ sue modum, obediens et imperans, vivificata et vivificans, tam ineffabili facilitate, ut sit ei glorie quod sarcinge fuit.

CAPUT XXXVI. — *Tria visionum genera quomodo erunt in beatis.*

69. Niunirum enim erunt et tunc ista tria genera visionum, sed nulla falsitate aliud pro alio approbarbitur, nec in corporalibus, nec in spiritualibus visis; multo minus in intellectualibus, quibus ita præsentatis et perspicuis præfruetur<sup>1</sup> ut longe minore evidētia nunc nobis adjaceant istæ species corporales, quas sensu carnis attingimus, et eis multi ita sunt dediti, ut solas esse arbitrentur, et quidquid tale non est, putent omnino non esse. Sapientes autem ita sunt in his corporalibus visis, ut quamvis ea præsentiora videantur, certiores sint tamen in illis quæ præter corporis speciem præterque corporis similitudinem intelligendo utcumque perspiciant; quamvis ea non valeant ita mente conspicere, ut hæc sensu corporis intuentur. Sancti vero Angeli et his corporalibus judicandis atque administrandis præsunt, nec eis tanquam præsentioribus familiarius inclinantur; et eorum significativas similitudines in spiritu ita discernunt, et tanta potentia quodammodo tractant, ut eas possint etiam hominum spiritibus revelando miscere; et illam incommutabilem substantiam Creatoris ita conspiciunt, ut visione atque amore et eam præponant omnibus, et secundum eam judicent de omnibus, et in eam dirigantur ut agantur, et ex ea dirigant quidquid agunt. Denique quamvis abrepto Apostolo a carnis sensibus in tertium cœlum et paradiſum, hoc ipsum certe desuit ad plenam perfectamque cognitionem rerum, quæ Angelis inest, quod sive in corpore sive extra corpus esset, nesciebat. Hoc utique non deerit, cum receptis corporibus in resurrectione mortuorum corruptibile hoc induetur incorruptione, et mortale hoc induetur immortalitate (*I Cor. xv, 53*). Omnia enim evidētia erunt sine ulla falsitate, sine ulla ignorantia, suis ordinibus distributa et corporalia et spiritualia et intellectualia, in natura integra et beatitate perfecta.

CAPUT XXXVII. — *Sententia quorundam de tertio cœlo.*

70. Scio quidem nouunulos eorum qui Scripturas sanctas ante nos in fide catholica tractasse laudantur, etiam sic exposuisse quod ait Apostolus, tertium cœlum, ut corporalis et animalis et spiritualis hominis hic differentias accipi vellent, atque ad illud incorporarum rerum genus excellenti evidētia contemplandum esse Apostolum raptum: quod genus etiam: i.e. hac vita spirituales homines præ ceteris rebus diligunt, eoque perfrui concupiscunt. Ego autem cur maluerim spirituale et intellectuale dicere, quod illi fortassis animale et spirituale dixerunt, ut earamdem rerum alia tantummodo nomina ponerem, jam in primis bujus libri partibus me disseruisse sufficerit. Quæ si rite

<sup>1</sup> Editi, perfruetur. At MSS. omnes, perfruuntur.

pro modulo nostro disputavimus, aut spiritualis lector  
haec approbat, aut etiam ut sit spiritualis, adjuvante  
Spiritu sancto, aliquid ex ista lectione proficiet. Sed

jam universum hoc opus, quod duodecim volumi-  
bus continetur, isto tandem sine concludimus.

## DE SUBSEQUENTI LOCUTIONUM OPERE.



### LIBRI II RETRACTATIONUM CAPUT LIV.

Septem libros de septem libris divinarum Scripturarum, id est Moysi quinque, et uno Iesu Nave, et altero Iudicum feci, notatis locutionibus singulorum quæ minus usitatæ sunt linguae nostræ: quas parum advertendo sensum querunt, qui legunt, divinorum eloquiorum, cum sit locutionis genus, et nonnunquam exculpant aliquid quod a veritate quidem non abhorreat; non tamen id sensisse auctor a quo hoc scriptum est invenitur, sed genere locutionis hoc dixisse credibilius apparet. Multa autem in Scripturis sanctis obscura, cognito locutionis genere diluecentur. Propter quod cognoscenda sunt eadem genera locutionum ubi sententiae patent; ut etiam ubi latent cognitione ipsa succurrat, easque intentioni legentis aperiat. Ilujus operis titulus est, Locutiones de Genesi; atque ita de singulis libris. Quod autem in libro primo posui scriptum esse: *Et fecit Noe omnia verba quæcumque præcepit illi Dominus, sic fecit (Locut. in Gen. vi, 22)*, eamque locutionem dixi esse similem ei, quod in conditione creaturæ posteaquam dicitur, *Et sic est factum, additur, et fecit Deus (Gen. i)*; non omni modo simile hoc eidem mihi videtur. Denique ibi etiam sensus latet; hic sola locutio est. Hoc opus sic incipit: *Locutiones Scripturarum*.

# S. AURELII AUGUSTINI HIPPONENSIS EPISCOPI In Heptateuchum LOCUTIONUM LIBRI SEPTEM <sup>(a)</sup>.



## LIBER PRIMUS.

Locutiones de Genesi.



**Locutiones Scripturarum**, quæ videntur secundum proprietates, quæ idiomata græce vocantur, linguae hebraicæ vel græco.

[GEN. cap. 1, ¶ 14.] *Et dividavit inter medium diei, et inter medium noctis.*

[Ib. 20, 26.] *Volatilia volantia super terram secundum firmamentum caeli.* Quæratur quomodo accipiendum sit, secundum firmamentum. Sic etiam, *Faciamus hominem secundum imaginem et secundum similitudinem*: quod multi latini codices habent, *ad imaginem et similitudinem*.

[Ib. 28.] *Implete terram, et dominamini ejus: lati. a enim locutio est, Dominamini ei.*

[Ib. 11, 5.] *Et homo non erat operari terram: quod latini codices habent, qui operaretur terram.*

[Ib. 8.] *Plantavit Deus paradisum secundum orientem: quod latini habent, ad orientem.*

[Ib. 9.] *Quod habent multi latini codices, Et lignum sciendi bonum et malum, vel, lignum scientiæ boni et mali, vel, lignum sciendi boni et mali;* et si quæ sunt aliæ varietates de hac re interpretum, græcus habet, *et lignum ad sciendum cognoscibile boni et mali:* quod

A'DMONITIO PP. BENEDICTINORVM.

Castigati sunt de novo (hi septem libri) ad MSS. Victorinos duos, ad Vaticanum, Sorbonicum, Cisterciensem, Beccense, Michaelium, PP. Bernardinorum collegii Parisiensis unum, ad Corbeieusem velutissimum et optimæ note, ad variantes Lovaniensium lectiones ex quatuor Belgicis: et demum ad editiones Am. Er. et Lov.

*Comparavimus præterea eas omnes editiones initio Retr. et Confess., t. 1, memoratas. M.*

(a) Hoc opus ad annum circiter 419 referre idcirco visum est, quia in Retractionibus locum habet proximum post libros de Nuptiis et Concupiscentia, quos eo fere tempore scriptos suisse liquet.

nescio utrum locutionis sit, et non magis certum sensum aliquem insinuet.

[lb. 16.] Quod habent latini codices, *Ex omni ligno quod est in paradiſo, escae edes*: non, *in paradiſo escae*, distinguendum est; sed, *escae edes*: nam *esca edes* dici admittit latina locutio, quoniam pro dativo casu græco, ablativum vel quem appellant septimum, in hujusmodi locutionibus solent ponere. Aut certe ordo verborum est, *Ex omni ligno escae*.

[lb. iii, 1.] *Serpens erat prudentissimus omnium bestiarum*, quod multi latini habent; in græco scriptum est *προνιμώτας*<sup>1</sup>, non *σερπότας*.

[lb. 7.] Quod scriptum est de Adam et Eva, *Aperti sunt oculi eorum*; cum absurde credatur eos in paradiſo cœcos, vel oculis clausis prius oberrasse, locutionis est, qua etiam de Agar scriptum est, *Aperuit oculos suos, et vidit puteum* (*Gen. xxi, 19*); neque enim clausis prius oculis scdebat: et quod in fractione panis aperti sunt oculi eorum qui cognoverunt Dominum post resurrectionem (*Luc. xxiv, 31*); neque enim per viam cum illo clausis oculis ambulabant.

[lb. 15.] Quod habent multi codices, *Inimicitiam ponam inter te et mulierem*; græci habent, *in medio tui et in medio mulieris*: quod locutionis est; nam tantumdem valet quantum cum dicitur, *inter te et mulierem*: hoc et in eo quod sequitur, *in medio seminis tui, et in medio seminis ejus*.

[lb. 17.] Quod habent multi latini codices, *Quia audisti vocem mulieris tuæ, et edisti de ligno de quo præceperam tibi, de eo solo non edere*; græci habent, *edisti de ligno de quo præceperam tibi, eo solo non edere ex eo*: alii autem interpres græci habent, *manducasti, vel edisti*; ut ita sit sensus secundum ipsos, *Quia audisti vocem mulieris tuæ, et edisti de ligno de quo præceperam tibi eo solo non edere, ex eo edisti*.

[lb. iv, 2.] *Et apposuit parere fratrem ejus Abel*: locutio est frequens in Scripturis, *apposuit dicere*.

[lb. 8.] *Et factum est, dum essent in campo, insurrexit Cain super Abel, et occidit eum*: locutio est; nam etsi non haberet, *Et factum est, posset integer sensus esse, et cum essent in campo*.

[lb. vi, 6.] Quod scriptum est in quibusdam latinis codicibus, *Et pœnituit, et dixit Deus, Deleteam hominem, quem feci a facie terræ*; in græco invenitur *ἀπέκριθη*, quod magis *recogitavit*, quam *pœnituit*, significare perhibetur: quod verbum etiam nonnulli latini codices habent.

[lb. 14.] Quod habent latini codices plurimi, *Nidos facies in arcam*; cum latina locutio sit non *In arcam*, sed *In arca*: græci nec *In arcam*, nec *In arca* habent; sed, *Nidos facies arcam*; quod intelligitur, ut ipsa arca nidi essent.

[lb. 16.] Quod habent plerique codices, *Facies ostium arcæ a latere*; nonnulli habent, *ex transverso*: sic enim voluerunt interpretari quod græce dicitur, *ἐκ πλαγῶν*.

[lb. vii, 4.] Quod scriptum est, *Adhuc enim septem dies, ego inducam diluvium aquæ super terram*, quod

<sup>1</sup> Omnes MSS., *scriptum est, sophistatos*.

nonnulli latini codices habent, in græco invenitur, *ego inducam pluviam super terram*: græca locutio genitivum casum habet, non accusativum, ut si hoc in latini exprimamus, ita dicatur, Adhuc enim septem dierum inducam pluviam super terram.

[lb. 5.] Quod scriptum est, *Et fecit Noe omnia quæcumque præcepit illi Dominus Deus, sic fecit*, locutio est similis ei quod in conditione creaturæ posteaquam dicitur, *Et sic est factum, additur, Et fecit Deus*.

[lb. 4.] Quod scriptum est, *Delebo omnem suscitationem*, non creationem dictam notandum est: *ἀνάστασι* enim græce scriptum est, quod nomen etiam resurrectionis assidue ponitur in scripturis græcis, cum posset *ἀνάστασις* dici, ut suscitatio sit *ἀνάστασις*, *resurreccio* *ἀνάστασις*. Quo verbo et Apostolus usus est, *Si quo modo occurram in resurrectionem mortuorum* (*Philipp. iii, 11*): ibi enim Græci non *ἀνάστασις*, sed *ἀνάστασις* habent.

[lb. 14.] Quod scriptum est, *Et omnes bestiae secundum genus, et omnia pecora secundum genus, et omne repens quod movetur super terram secundum genus, et omne volatile secundum genus intrarunt ad Noe in arcam*, bina ab omni carne in quo est spiritus vite; non resertur in quo, nisi genus subaudias, id est, in quo genere: nam si *carne* subaudiremus, In qua fuerat dicendum; quod solus interpres Symmachus dixit.

[lb. 23.] Quod iterum scriptum est, *Et deleta est omnis suscitatio*, notandum locutionis esse, pro eo ac si diceret, conditionem vel creaturam carnis. Cum dixisset, *Et deleta est omnis suscitatio quæ erat super faciem omnis terræ, ab humine usque ad pecudem*<sup>1</sup> et *repentium et volatilium cœli*, deinde addidit, *Et deleta sunt de terra*; locutionem illam esse repetitionis, qua familiariter utitur<sup>2</sup> Scriptura, notandum est.

[lb. viii, 6, 7.] Quod scriptum est, *Dimisit corvum videre si cessavit aqua, et exiens reversus non est, donec siccaret aqua a terra*, locutio est usitata in Scripturis, quæ jam nunc incipiat aderti: non enim postea reversus est, quia dictum est non reversum donec siccavit aqua.

[lb. 9.] Quod scriptum est, *Et extendit manum suam, accepit eam, et induxit eam ad semetipsum in arcum*, locutio est, quam propterea hebræam puto, quia et punicea lingua familiarissima est, in qua multa invenimus hebræis verbis consonantia: nam utique sufficeret, *Et extendit manum, etsi non adderet, suam*. Tale est etiam quod paulo post dicit, *Habebat oliva folia, surculum in ore suo*.

[lb. 12.] *Et non apposuit reverti ad eum amplius*: locutio est familiarissima in Scripturis.

[lb. 21.] Quod scriptum est, *Et non adjiciam adhuc maledicere super terram, simile est superiori*, *Et non apposuit reverti ad eum*.

[lb. 21.] *Et non adjiciam percutere omnem carnem vivam*: ipsa locutio est.

[lb. ix, 5.] *Etenim sanguinem vestrum animalium ve-*

<sup>1</sup> Editi, pecudem. At MSS., *pecudem*: juxta græc. lxx, eos *κτήνους*.

<sup>2</sup> Sequimur Lugd. Ven. Lov. B. habent, utatur. M.

etrarum; cum sufficeret aut sanguinem vestrum, aut sanguinem animarum vestrarum.

[lb. 12.] *Hoc signum testamenti quod ego ponam inter medium meum et vestrum; quod est, inter me et vos.*

[lb. x, 9.] *Hic erat gigas<sup>1</sup> venator contra Dominum Deum; incertum est utrum possit accipi, coram Domino Deo; quia et sic solet intelligi quod græce dicitur, τετράς.*

[lb. 14.] *Unde exiit inde Philisthium; cum sufficeret, Unde exiit Philisthium.*

[lb. xi, 1.] *Et erat omnis terra labium unum; quod usitate nos dicimus, lingua una. Et erat omnis terra labium unum; notandum, omnem terram appellatam omnes homines qui tunc erant, quamvis nondum in omni terra.*

[lb. 3.] *Et facti sunt illis lateres pro lapide: græcus habet, Et facti sunt illis lateres in lapidem; quod si latine diceretur, locutio minus intelligeretur.*

[lb. 4.] *Venite, ædificemus nobis civitatem et turrim, cuius caput erit usque ad cœlum; secundum hyperbolæ dictum est, si locutionis genus hic accipendum est: si autem, usque ad cœlum, proprie dictum accipitur, inter quæstiones consideretur.*

[lb. 10.] *Quod quidam latini codices habent, Sem filius Noe erat annorum centum cum genuit Arphaxad; græci habent, Sem filius centum annorum cum genuit Arphaxad: ubi ellipsis est, quia deest erat. Sed quod non habent filius Noe, sed filius tantum, nova locutio est.*

[lb. 50.] *Et erat Sara sterilis, et non generabat; cum posset sufficere, Et erat Sara sterilis.*

[lb. xii, 12.] *Erit ergo cum te viderint Ægyptii, dicent, Quia uxor illius hæc: genere locutionis adjumentum est, Quia; nam sufficeret potuit, uxor illius hæc.*

[lb. 14.] *Quod ait Scriptura, Factum est autem statim ut intravit Abram in Ægyptum; sufficeret, Statim autem ut intravit Abram in Ægyptum.*

[lb. 18.] *Quid hoc fecisti mihi, quia non annuntiasti mihi quia uxor tua est? cum sufficeret, non annuntiasti. Et ipsum, annuntiasti, more Scripturarum dictum est; nam latini habent plerique, non dixisti.*

[lb. xiii, 1.] *Ascendit autem Abram de Ægypto, ipse et uxor ejus et omnia ejus, et Loth cum eo in desertum; subauditur, ascenderunt: nec tamen proprie dicitur ascendisse cum eo quod habebat examine, sicut aurum et argentum et omnis supellex; ac per hoc intelligitur hic locutio, quæ vocatur græce ζεύγμα κατ' Ὀλεύφη.*

[lb. 7.] *Et facta est rixa inter medium pastorum pecorum Abram et pecorum Loth: unde latini codices pene omnes non translulerunt istam locutionem, sed ita loquantur ut consuetudo nostra habet, et nobis deinceps eam notare non placuit; ipsa est enim per omnia in græca scriptura, ubi tale aliquid dicitur.*

[lb. 8.] *Quoniam homines fratres nos sumus, Abram dixit ad Loth: unde intelligitur morem esse Scripturæ ha loqui, ut fratres appellantur unius cognationis,*

<sup>1</sup> In antiquis codicibus constanter, *gigas*

etiamsi gradu sanguinis differant, ut alter sit in superiori, alter in inferiore, sicut hoc loco; nam patruus ejus<sup>1</sup> erat Abram.

[lb. xiv, 1.] *Factum est autem in regno Amarphal regis Sennaar; secundum nostræ locutionis consuetudinem sic incipere sufficeret, in regno autem Amarphal: ergo quod ait Scriptura, Factum est autem, more suo locuta est.*

[lb. 5.] *Quarto decimo autem anno Chodollogomor et reges qui cum eo; subauditur, erant: unde a quibusdam latinis etiam additum est.*

[lb. 6.] *I. t Chorræos qui in montibus Seir; subauditur, erant.*

[lb. 13.] *Adveniens autem eorum qui evaserunt quidam, nuntiavit Abram transfluviali, ipse autem habitabat ad quercum Mambre, Amorrhæi fratri Eschol, et fratri Aunan; qui erant conjurati Abram; obscurum hyperbaton: ordo est enim, Adveniens eorum qui evaserunt quidam Amorrhæi fratri Eschol et fratri Aunan, qui erant conjurati, nuntiavit Abram transfluviali; ipse autem habitabat ad quercum. Hoc hyperbaton obscurius fit etiam per ellipsin: cum enim dictum esset, quidam Amorrhæi fratri Aunan; non dictum est, quid fratri, sed intelligitur, filius: sicut cum dicitur Jacobus Alphei, quamvis non dicatur filius, nihil aliud intelligitur; et multæ sunt tales locutio[n]es Scripturarum ubi filius facetur et intelligitur.*

[lb. 22.] *Quod habent quidam latini codices, Et dixit Abram ad regem Sodomorum, Extendo manum meam ad Deum altissimum, qui creavit cœlum et terram, si a spato usque ad corrigiam calceamenti; sesellit interpretem, quod græcus habet στραπτον, quod latine silium intelligitur, ut ista Scripturarum locutio sit, Extendo manum meam ad Deum altissimum, qui creavit cœlum et terram, si accipiam de omnibus tuis: si enim pro eo dixit, Extendo manum meam ad Deum altissimum, ac si diceret, juro, non est in latino usitata locutio, nisi ita dicatur, Extendo manum meam ad Deum altissimum, me non accipere de omnibus tuis.*

[lb. xv, 13.] *Sciendo scies quia peregrinum erit semen tuum in terra: locutio quidem Scripturarum est usitissima; sed græci habent, Sciens scies, quod penatantumdem est.*

[lb. xvi, 3.] *Et dedit eam Abram viro suo ipsi uxori: plus habet, ipsi.*

[lb. 4.] *Cum autem vidit se conceptum habere, spreta sum coram illa: græci habent hoc loco participium, quod latina lingua non habet, hoc est ιδοῦσσα: sed tanquam si diceretur, Videns autem se conceptum habere, spreta sum coram illa; quasi solœcismus sonat: sic etiam per illud participium quod dictum est, ιδοῦσσα, pro quo nos dicimus, Videns.*

[lb. xvii, 6.] *Quod latini habent, Augeam te nimis valde; græci habent, valde valde.*

[lb. 8.] *Et dabo tibi et semini tuo post te terram in qua habitas, omnem terram Chanaan in possessionem æternam: videndum utrum locutio sit quod dicit, æternam, græci habent αἰώνιον: et quod ait, et semini tuo*

<sup>1</sup> In editis omissum fuerat, ejus: quod ex Corbeiosi aliquis optime nota MSS. restitutus.

*post te*; ibi enim voluit intelligi quod dixerat, tibi.

[lb. xvii, 9.] *Tu autem testamentum meum conservabis, et semen tuum post te in progenies suas: conservabis, pro, conserva; promissivum pro imperativo modo posuit.*

[lb. 12.] *Et puer octo dierum circumcidetur, omne masculinum: pro, omnis masculus; quasi posset circumcidere nisi masculus.*

[lb. 17.] *Et procedit Abraham in faciem, et dixit in animo suo dicens, Si mihi centum annos habentur nascitur, et si Sara annorum nonaginta pariet? Admirantis esse istam locutionem, non dubiantis, dubitandum non est.*

[lb. 24.] *Abraham autem erat annorum nonaginta novem cum circumcisus est carnem præputii sui: non dixit, Carne; aut, in carne.*

[lb. xviii, 7.] *Et in boves accucurrit Abraham: non dixit, Ad boves.*

[lb. 11.] *Abraham autem et Sara seniores progressi in diebus: quod græci habent, progressi dierum.*

[lb. 20.] *Dixit autem Dominus, Clamor Sodomorum et Gomorrhae impletus est, et delicta eorum magna valde. Clamorem Scriptura solet ponere pro tanta impudenteria et libertate iniquitatis, ut nec verecundia, nec timore abscondatur.*

[lb. 28.] *Et dixit, Quia non perdam si invenero ibi quadraginta quinque: superfluum videtur, quia, et ideo in codicibus nonnullis latinis non legitur.*

[lb. 30.] *Numquid, Domine, si loquar: subauditur, irasceris, aut aliquid hujusmodi.*

[lb. xix, 29.] *Cum everteret Dominus civitates, in quibus habitabat in eis<sup>1</sup>.*

[lb. xx, 13.] *In omni loco ubi intraverimus ibi.*

[lb. xi, 19.] *Et aperuit Deus oculos ejus, et vidit puluum aquæ viræ: locutio est, non enim clausis oculis erat; unde jam in principio libri locuti sumus, ubi scriptum est, *Et aperi sunt oculi eorum.**

[lb. 23.] *Et terra quam inhabitasti in ea.*

[lb. 27.] *Et disposuerunt ambo testamentum, vel testati sunt ambo: amat Scriptura testimenti nomine pactum appellare.*

[lb. xxn, 2.] *Accipe filium tuum dilectum: illa locutione dictum est, Accipe, qua etiam ad Agar de filio ejus.*

[lb. 4.] *Et respiciens Abraham oculis; cum sufficeret, respiciens.*

[lb. 16.] *Per memetipsum jurari, nisi benedicens benedicam te: ac si diceret, Per memetipsum juravi quod benedicens benedicam te; aut nullo verbo addito simpliciter, Per memetipsum juravi, benedicens benedicam te.*

[lb. 17.] *Et multiplicans multiplicabo semen tuum; cum sufficerem posset, multiplicabo.*

[lb. 20.] *Et nuntiatum est Abrahæ, dicentes; cum consuetudo loquendi habeat, Nuntiaverunt Abrahæ dicentes, aut, nuntiatum est a dicentibus.*

[lb. xxiii, 3, 4.] *Et surrexit Abraham a mortuo suo: non dixit, a mortua sua. Et iterum de eadem: Et se-*

<sup>1</sup> Editi, habitabant in eis. *Mos. vero, habitabat: scilicet ab, juria græcum,*

*peliam, inquit, mortuum meum: quod non neutro quasi corpus mortuum, sed masculino genere dictum graeca scriptura demonstrat.*

[lb. xxiv, 3.] *Et adjurabo te per Dominum Deum cœli et Deum terræ: græci non habent, per, sed, adjurabo Dominum Deum cœli.*

[lb. 3.] *Cum quibus ego habito in eis.*

[In 5.] *Ne quando noluerit mulier ire tecum: mulierem feminam appellare proprium est illius lingue.*

[lb. 5.] *In terram de qua existi inde.*

[lb. 6.] *Attende tibi ne revokes filium meum illuc: his verbis solet comminatio declarari.*

[lb. 9, 8.] *Et posuit puer manum suam sub seniore Abraham, et juravit ei de verbo hoc: ergo locutio est qua dixerat Abraham, adjuro te, ac si dixisset, jura mihi; non autem solemus sic loqui, sed observandum est utrum sint in Scripturis alias similes locutiones: nam quod dixit Abraham, Si noluerit mulier venire tecum, purus eris a juramento hoc; manifestavit ita se dixisse, adjuro te, tanquam diceret, jura mihi.*

[lb. 16.] *Quod scriptum est de Rebecca, Virgo autem erat speciosa valde, virgo erat, vir non cognoverat eam, ista repetitio commendationem virginitatis insinuat. Sed cur additum sit, vir non cognoverat eam, nisi locutionis sit, mirum si possit ita accipi ut virgo nomen sit ætatis, non integratatis. Græci autem non habent, cognoverat, sed cognovit; quod videtur inconsequens.*

[lb. 26.] *Adoravit Domino: quod nobis usitatum est dicere, Adoravit Dominum.*

[lb. 27.] *Quoniam non dereliquit justitiam et veritatem a Domino meo: id est justitiam et veritatem quæ est a Domino meo, ac si diceret, quam fecit Dominus meus.*

[lb. 28.] *Et currens puella nuntiavit in domum matris suæ: quasi non ipsa esset et patris domus.*

[lb. 32.] *Et aquam lavare pedibus ipsis, et pedibus virorum qui cum eo erant.*

[lb. 40.] *Dominus cui placui ante ipsum, ipse mittet angelum suum tecum; quasi non sufficeret, cui placui: an poterat ei placere nisi ante ipsum?*

[lb. 42.] *Si tu prosperas viam meam, qua ego nunc ingredior in eam.*

[lb. 43, 44.] *Cum verba sua narraret servus Abrahæ, quæ dixit accessurus ad fontem, ita narravit: Et erit virgo cui ego dixerim, Da mihi bibere pusillum aquæ de hydria tua, et dicet mihi, Et tu bibe, et camelis tuis hauriam: haec mulier est quam paravit Dominus famulo suo Isaac. Quibus verbis satis evidenter expressum est, etiam mulieres appellatas locutione hebraica, quæ virgines essent.*

[lb. 48.] *Et benedixi Dominum Deum domini mei Abraham: honorificuisse locutio est, et familiarissima Scripturis, sicut Deus Heliae.*

[lb. 49.] *Renuntiate mihi ut redeam in dextram aut sinistram. Per dextram prosperitatem, per sinistram adversitatem significavit; id est dextram, si concesserint; sinistram, si non concesserint; nam utique ea via redditurus fuerat qua venerat: quam locutionem*

Scripturarum etiam cætera earum loca indicabunt; quia dextra nominatur in omnibus bonis, sinistra in malis, sive felicitas et infelicitas, sive justitia et iniquitas, et aliquando dextra in æternis, sinistra in temporalibus.

[lb. xxv, 13.] *Hæc sunt nomina filiorum Ismael secundum nomina generationum eorum: tanquam dixisset, secundum quæ nomina generationes eorum appellatæ sunt.*

[lb. 20.] *Accipit Rebæcam filiam Bathuel Syri de Mesopotamia, sororem Laban Syri, sibi in uxorem: cum posset dici tantummodo, uxorem; aut, sibi uxorem.*

[lb. 24.] *Et ei erant gemini in utero ejus; cum posset non addi quod dictum est, ejus.*

[lb. 27.] *Creverunt autem juvenes. Est talis locutio et apud auctores sacerulares, sicuti est, Et scuta latentia condunt (Virg. Æneid. lib. 3, v. 257): id est, condendo latentia faciunt. Sic et hic, Creverunt juvenes, cum infantes essent, intelligitur, crescendo facti sunt juvenes.*

[lb. 31.] *Jacob ad Esau, Vende mihi hodie primogenitura tua mihi: sic enim habent codices græci.*

[lb. xxvi, 28.] *Videntes vidimus quia est Dominus tecum.*

[lb. 28.] *Et disponemus tecum testamentum: amant Scripturæ pro pacto ponere testamentum, id est διαθήκην. Quod latini habent, Et disponemus tecum testamentum ne facias nobiscum malum: tanquam dicetur, ut paciscaris non facere nobiscum malum.*

[lb. xxvii, 4.] *Et vocavit filium suum seniorem Esau, et dixit: hoc loco senioris nomen non significat aetatem gravem, sed ex comparatione majorem.*

[lb. 3.] *Nunc ergo sume vas tuum pharetramque et arcum: non dixit vasa, sed vas: quod autem intelligi voluit, non appareat, nisi forte locutio est, ut vas pharetram voluerit intelligi, et exponendo quid dixerit vas, adjunxerit pharetramque et arcum, tanquam dixerit, sume vas tuum et pharetram; veluti si diceret, sume vas tuum, id est pharetram: deinde aliud, et arcum, quod non ad illud vas pertineret quod est pharetra: aut certe pharetram et arcum vas voluit appellare, singularem ponens numerum pro plurali; tanquam si diceret, accipe vestem tuam, quo nomine intelligeremus plures vestes, sicuti intelligimus militem pro militibus, et multa sunt talia.*

[lb. 3.] *Exi in campum, et venare mihi venationem.*

[lb. 9.] *Et vade ad oves, et sume mihi duos haedos teneros et bonos: nomine ovium utriusque pecoris genus significavit, quod in eisdem pascuis simul erant.*

[lb. xxviii, 4.] *Et det tibi benedictionem patris mei Abraham: Isaac dicit filio suo de avo ejus patre suo.*

[lb. 5.] *Et exit in Mesopotamiam Syriæ: quasi Mesopotamia dicatur nisl Syriæ, quamvis hoc Septuaginta non habere perhibeat Syriæ, sed cum asterisco scriptum est.*

[lb. 15.] *Deus ad Jacob, Non derelinquam te, donec faciam omnia quæ tecum locutus sum: quasi dimissu-*

*rus, cum fecerit; non utique, sed locutio est.*

[lb. xxviii, 16.] *Surrexit Jacob de somno suo, et dixit, Quia est Dominus in loco hoc, ego autem ignorabam: plenus sensus est, etsi non habeat, quia. Est Dominus in loco hoc; ac si diceret, est hic demonstratio Domini: non enim Dominus in loco est.*

[lb. xxix, 5.] *Jacob interrogans quod ait, Nostis Laban filium Nachor? cum esset filius Bathuel; intelligentium est nobiliorum fuisse Nachor, et merito dignitatis ejus factum esse ut de ipso interrogaret. Filium autem dici et avi et proavi et ultra majoris alij cujus cum qui ex illo propagatur, usitatissime locutionis est. Hinc est quod et Isaac patrem filii sui appellavit Abraham, sicut paulo ante commemoravi.*

[lb. 7.] *Adhuc est dies multa, nondum est hora congregandi pccora.*

[lb. xxx, 4.] *Et dedit illi Ballam ancillam suam ipsi uxorem: plenum esset, etsi ipsi non adderetur.*

[lb. 27.] *Si inveni gratiam ante te, auguratus essem; benedixit enim me Deus in introitu tuo: non videtur consequens; quia hic dicendum fuit, Si invenissem gratiam ante te, auguratus essem; nunc autem Si inveni: ordo est, Si inveni gratiam ante te, permitte me augurari; ita enim dixit, auguratus essem, tanquam diceret, o si auguratus essem! id est, ad bonum augurium te in domo mea haberem.*

[lb. 33.] *Et exaudiet me justitia mea in die crastino: id est, exaudiri me faciet.*

[lb. xxxi, 2.] *Et vidit Jacob faciem Laban, et cœca non erat ad eum sicut hesterna et nudistertiana die: familiarissima in Scripturis locutio, hesterna et nudistertiana die, pro tempore præterito posuit.*

[lb. 10.] *Et vidi oculis meis in sonno; cum clausi sint in sonno oculi corporis.*

[lb. 13.] *Ego sum Deus, qui apparui tibi in loco Dei, locutio est: an Deus in loco Dei sic accipiendum est, quomodo, Plu't Dominus a Domino (Gen. xix, 24). Filius a Patre?*

[lb. 31.] *Respondens autem Jacob dixit ad Laban, Dixa enim ne forte auferas filias tuas a me, et omnia mea.*

[lb. 53.] *Intravit autem Laban et inscrutatus est in domo Liei: advertendum est quomodo dicatur domus uxoris, cum in itinere comprehensi sint a Laban; nisi forte consuetudo Scripturarum dicit domum pro cubiculo vel tentorio, quomodo etiam ancillarum domos dicit.*

[lb. 57.] *Jacob dicit ad Laban, Quia scrutatus es omnia casa domus mee: mince unam domum dicit, enjus membra erant domus uxorum ejus et concubinarum; ut intelligatur domos appellatas, cum essent cubicula aut tentoria, quos etiam papilioves vocant.*

[lb. 42.] *Nisi Deus patris mei Abram et timor Isaac adfringat nisl: patrem suum appellat avum suum, sicut ei dixerat Isaac pater ejus.*

[lb. xxxii, 3-5.] *Misit autem Jacob nuntios ante se*

<sup>1</sup> In MSS., esset; juxta græc. LXX, en nos.

*ad Esau fratrem suum in terram Seir in regionem Edom, mandavit illis dicens, Sic dicetis domino meo Esau, Sic dicit puer tuus Jacob, cum Laban habitavi et demoratus sum usque modo, et facti sunt mihi boves et asini et oves et pueri et puellæ, et misi nuntiare domino meo Esau : non dixit, nisi nuntiare tibi.*

[lb. xxxii, 17.] *Si interrogaverit te Esau dicens, Cujus es? et quo vadis? et cuius haec quæ antecedunt te? et dices, Pueri tui Jacob : plenum esset et integrum, etiam si et non haberet.*

[lb. 18.] *Munera misit domino meo Esau, et ecce ipse post nos : dicendum autem fuerat usitata locutione, domino meo tibi, aut, domino suo tibi.*

[lb. 22.] *Surrexit autem eadem nocte, et accepit uxores duas et duas ancillas : hic distinguuntur ab uxoriibus, quas prius uxores Scriptura dixerat. Et accepit duas uxores et duas ancillas : notandum est quemadmodum dicatur consuetudine Scripturarum, accepit; non enim tunc eas duxit, aut tunc a socero accepit.*

[lb. xxxiii, 13.] *Quod habent latini codices, Et oves et boves selantur; græci habent, selantur super me : quod ea significatione dictum est, ut intelligatur, super sollicitudinem vel curam meam; quomodo solemus loqui, cum dicimus super caput nostrum esse aliquid, cuius maximam curam gerimus.*

[lb. xxxiv, 7.] *Et filii Jacob venerunt de campo, et cum audissent, compuncti sunt viri, et triste erat illis valde quod turpe fecerat in Israel, quod dormisset cum filia Jacob, et non sic erit : difficile talis locutio repetitur in Scripturis, non inducta persona loquentium scriptorem verba eorum interposuisse : non enim ait, et dixerunt; sed hoc tacito verba dixit eorum : nam qui alii dicere potuerunt, et non sic erit, nisi qui graviter indignati vindictam moliebantur?*

[lb. 8.] *Notandum quod Emmor loquens de Dina ad Jacob et filios ejus, filiam dicit vestram; non dicit, filiam tuam, sororem istorum.*

[lb. 15, 16.] *In hoc similes erimus vobis, et habebimus in vobis : id est, inter vos.*

[lb. 19.] *Appositus enim erat filia Jacob : id est, amat eam.*

[lb. 26.] *Et filium ejus Sichem interfecerunt in ore gladii : ac si diceret, gladio.*

[lb. 28, 29.] *Quæ abstulerunt filii Jacob de civitate Sichimorum Salem, cum eam expugnassent, sic enimerantur : Oves eorum, et boves eorum, et asinos eorum, quæcumque erant in civitate, et quæcumque erant in campô tulerunt; et omnia corpora eorum captivaverunt, et diripuerunt quæcumque erant in civitate, et quæcumque erant in domibus. Inter hæc omnia non satis intelligitur quid dixit, et corpora eorum : neque enim suspicendum est, quod corpora abstulerunt peremptorum; sed rerum intelligenda sunt, quæ corporaliter possidentur : ut eorum sit execusio quod sequitur, et supellectilem, et cætera, sicut in jure dicitur traditio corporum; quanquam græci εργάτες servos appellant usitatissima locutione, sed quia non εργάτες, sed εργάτæ hic dictum est, non est temere con-*

*siderandum, servos significatos : fieri tamen potest, ut hoc magis sit.*

[lb. xxxvi, 40.] *Cum gentem Edom, id est Idumæorum, commemoret Scriptura, et qui in ea regnassent, postea dicit, Hæc nomina principum Esau, secundum loca eorum in regionibus eorum, et in gentibus eorum : gentes appellans unius gentis, propter familiarium multiplicatas generationes, cum etiam ipse Edom vocaretur ; unde et gens quam propagavit cognominata est, cujus utique pater fuit.*

[lb. xxxvii, 21.] *Cum audisset autem Ruben, liberavit eum de manibus eorum, et dixit, Non serianus eum in animam. Non ergo liberavit eum, et inde hoc dixit; sed hoc dicendo eum liberavit. Prius ergo dixit, liberavit eum, et deinde brevi recapitulatione quomodo eum liberaverit, insinuat.*

[lb. 22.] *Non serianus eum in animam : hoc loco nomine animæ vitam corporis animati significat, per efficientem id quod efficitur. Secundum hoc videri potest etiam ad diabolum dictum esse de Job, Animam ejus ne tangas (Job ii, 6); id est, ne occidas eum. Nam secundum illam significationem qua natura animæ commemoratur, illud a Domino dicitur : Nolite timere eos qui corpus occidunt, animam autem non possunt occidere (Matth. x, 28).*

[lb. 27.] *Quod Judas dicit, Manus autem nostræ non sint super eum, hoc est quod dici a nobis solet, Manus ei non inferamus.*

[lb. 27.] *Quoniam frater noster et caro nostra est : non aliud, sed bis hoc idem dictum est, tanquam exponendo quid sit frater noster, id est caro nostra, quod ex eadem carne fuerant procreati.*

[lb. 31.] *Occiderunt hædum caprarum : sic solet loqui Scriptura, quemadmodum in Psalmo, Sicut agni orium (Psal. cxiii, 4). quasi possit esse aut hædus nisi caprarium, aut agni nisi ovium.*

[lb. xxxviii, 13.] *Et nuntiatum est nurui ejus Thamar dicentes : dicendum autem fuit, Nuntiaverunt dicentes.*

[lb. 14.] *Et depositis vestimentis viduitatis suæ a se : quid minus esset, si non adderetur, a se?*

[lb. 26.] *Et non apposuit amplius scire eam : pro eo quod est misceri ei.*

[lb. xxxix, 4.] *Et invenit Joseph gratiam in conspectu domini sui : hec locutio nulli est ignota in Scripturis.*

[lb. 6.] *Et nesciebat quæ circa eum erant nihil<sup>1</sup> : apud Græcos usitata est vulgo locutio, apud nos recte non est; sed, nesciebat aliquid, dicimus.*

[lb. 6.] *Præter panem quem ipse edebat : per panem utique omnia intelligi voluit ad victimum ejus pertinentia ; unde pro quotidiano victu, panis solus positus intelligitur in oratione Dominica (Matth. vi, 11).*

[lb. 7.] *Et misit uxor Domini ejus oculos suos in Joseph : solet et apud nos vulgo esse usitata locutio, pro eo quod est, Amavit eum.*

<sup>1</sup> Editi : *Quæ circa eum erant*; nec addunt, *nihil*, quod reponimus ex MSS. quippe cum hujus vocis causa locutionem illam communem agnoscimus Augustinus.

[Ib. xxxix, 7.] *Et ait, Dormi tecum : et ista usitata est locutio, pro eo quod est, Concumbe tecum.*

[Ib. 22.] *Et dedit carceris custos carcerem per manum Joseph : pro eo quod est, In manus Joseph; per quod significat, in potestate.*

[Ib. xl, 8.] *Et dixerunt, Somnium vidimus, et non est qui interpretetur illud : cum somnium suum unusquisque vidisset, non dixerunt, Somnia vidimus ; sed, Somnium vidimus.*

[Ib. 12.] *Tres fundi, tres dies sunt : non dixit, tres dies significant. Et multum haec locutio notanda est, ubi aliqua significantia, earum rerum quas significant, nomine appellantur : inde est quod ait Apostolus, Petra autem erat Christus (1 Cor. x, 4); non ait, Petra significabat Christum.*

[Ib. 13.] *Et dabitis calicem Pharaoni in manum ejus ; cum plenum esset, etiam si non haberet, in manum ejus.*

[Ib. 19.] *Et auferet Pharaon caput tuum abs te : plenum esset, etiam si non haberet, abs te.*

[Ib. 19.] *Et manducabunt aves caeli carnes tuas abs te : similis superiori locutioni.*

[Ib. xli, 1.] *Et factum est post biennium dierum : quid minus esset si non haberet, dierum ?*

[Ib. 7.] *Surrexit autem Pharaon, et erat somnium : amant Scripturam sic loqui de somniis, cum fuerit evigilatum, tanquam redditum homini veritate vigilantium, tunc illud appareat somnium, quod cum videretur, quasi veritas fuit.*

[Ib. 9.] *Peccatum meum recordor hodie. Pharaon iratus fuit pueris suis, et posuit nos in carcere : illi loquebatur tanquam de altero.*

[Ib. 11.] *Et vidimus somnium ambo nocte una, ego et ille : quasi non sufficeret, quod ambo dixerat. Deinde et hic, vidimus somnium dicit; non, vidimus somnia : tanquam unum ambo vidissent.*

[Ib. 13.] *Factum est autem sicut comparavit nobis, ita et contigit. Factum est autem ; sic solet Scriptura ponere : nam plenum esset, sicut enim comparavit nobis, ita et contigit.*

[Ib. 19.] *Quales nunquam vidi tales in tota terra Aegypti turpiores : dici autem posset more nostro, quibus nunquam vidi turpiores ; aut, quales nunquam vidi ; aut, nunquam vidi tales. Exsurgens autem dormivit : exsurgens ait, pro expurgiscens.*

[Ib. 25.] *Quanta Deus facit, ostendit Pharaoni : cum illi loqueretur, tanquam de altero dicit.*

[Ib. 30.] *Et consumet famas terram : pro, homines qui sunt in terra.*

[Ib. 33.] *Nunc ergo vide hominem prudentem et intelligentem, et constitue eum super terram Aegypti ; et faciat Pharaon et constituant locorum principes super terram : quasi alius sit cui dixit, Provide hominem prudentem, et alius de quo dixit, constituant Pharaon.*

[Ib. 35.] *Et congregetur triticum sub manu Pharaonis : id est, sub potestate.*

[Ib. 40.] *Tamen thronum praecedam tui ego : sic se habent verba in greco, quae dixit Pharaon ad Joseph. Sed praecedam tui, usitata est apud Graecos locutio,*

apud nos autem dicitur, praecedam te : illud vero, praecedam te thronum, nec apud Graecos usitata prohibetur sed, praecedam te throno, id est honore sedis; quod intelligitur, praecedam te regno, hoc enim illi et postea dicit.

[Ib. xli, 44.] *Ego Pharaon ; sine te nemo extollebit manum suam super omnem terram Aegypti : tanquam dicere, ego sum rex, tu autem princeps vel praepositus Aegypti. Pharaon quippe non hominis nomen est, sed regie potestatis.*

[Ib. xlii, 1, 2.] *Videns autem Jacob quia est venditio in Aegypto, dixit filii suis, Quare segnes estis? Ecce audiri quod est venditio in Aegypto : notandum quia id quod audisse se dicit, vides eum Scriptura dixerat.*

[Ib. 2.] *Emitte nobis pusillas escas, ut vivamus, et non moriamur : unum horum sufficeret, aut, vivamus, aut, non moriamur.*

[Ib. 11.] *Pacati sumus ; non sunt pueri tui exploratores : quasi de aliis dixerint, non sunt pueri tui exploratores, cum possent dicere, non sumus : honoriscentiae autem more maxime ita loquebantur.*

[Ib. 13.] *Duodecimi sumus pueri tui fratres in terra Chanaan : cum posterius dicant, quod unus eorum non sit, ipsum scilicet Joseph non esse existimantes, id est, periisse. Hac locutione dictum est etiam illud, Hi filii Jacob qui facti sunt in Mesopotamia (Gen. xxxv, 26) ; cum ibi non fuerit natus Benjamin. Quod autem dixerunt, sumus in terra Chanaan, cum eo tempore quo loquebantur, in Aegypto essent, sumus dictum est, pro habitamus : inde enim venerant illico redituri, ibi commorantes.*

[Ib. 14.] *Hoc est quod dixi vobis, dicens quod exploratores estis : quid deesset, etiam si non adderet, dicens?*

[Ib. 19.] *Ipsi vero ite et ducite emptionem tritici vestri : ducite, pro eo quod est, ferti ; quia enim ducuntur jumenta in quibus fertur, etiam hoc duci dictum est.*

[Ib. 22.] *Nonne locutus sum vobis, dicens, Ne nocteatis puer, et non exaudistis me? Notandum exauditionem non eam solam dici qua exaudit Deus.*

[Ib. 23.] *Ipsi autem ignorabant quia audit Joseph : audit, pro intelligit ; nam voces audit utique aure etiam qui non intelligit linguam. Repetitur illa locutio quando narrant patri suo quid eis acciderit in Aegypto, et quid dixerint ad Joseph.*

[Ib. 32.] *Duodecim sumus fratres filii patris nostri : unus non est, pusillus autem cum patre nostro hodie in terra Chanaan. Multa in his paucis verbis genera locutionum sunt, et illud quod paulo ante memoravi, duodecim sumus, cum ipsi dicant, unus non est : et, filii sumus patris nostri, quasi possent esse filii non patris sui. Pusillus autem cum patre nostro hodie in terra Chanaan, nec dixerunt, est, aut aliquid hujusmodi. Deinde notandum est, quod maxime necessarium vindetur propter Evangelistarum narrationes, quomodo cum ea quae dicta sunt, dicta esse narrantur, non omnino codem modo repetuntur, cum tamen in diver-*

sitate verborum nihil sententie depereat veritatis. Nam quod dixerunt dictum sibi esse a Joseph, *et in terra mercumini*, non invenitur ab illo dictum. Sine mendacio autem dixerunt, quod ex verbis quae dixerat, in ejus voluntate cognoverant: neque enim verba sunt necessaria nisi ad expromediam, et in audiendum notitiam perferendam, quantum possumus, voluntatem.

[Ib. xlvi, 35.] *Et erat uniuscujusque attigatura argenti in sacco eorum: non dixit, in sacco ejus, aut, in sacris eorum, sed quasi unus saccus omnium esset.*

[Ib. 36.] *Super me facta sunt omnia haec: id est, me miseria onerant.*

[Ib. xlvi, 3.] *Ait autem illi Judas, dicens: potuit plenum esse, etsi non haberet, dicens.*

[Ib. 3.] *Interrogans interrogavit nos homo: assidua est talis locutio in Scripturis, interrogans interrogavit nos homo; aut, interrogando interrogavit, et si qua similia.*

[Ib. 46.] *Mecum enim manducabunt homines panes meridie: numquid panes tantum? sed ab eo quod excellit et cetera est complexa locutio. Mecum enim manducabunt homines panes meridie: quod dicit meridie, prandium significat quod fit medio die, hoc est enim meridies.*

[Ib. 18.] *Ut accipias nos in seruos et asinos nostros: non utique subauditur, seruos; nam quod latini codices seruos habent, in græcis παιδες legitur, quod nullo modo asini possunt esse. Ergo asinos nostros tantummodo accipias subauditur.*

[Ib. 21.] *Aperiūmus saccos nostros, et hoc argentum uniuscujusque in sacco suo: non addidit, inventum est; aut, apparuit; aut, erat, aut aliquid hujusmodi.*

[Ib. 23.] *Propitius vobis, nolite timere: in his verbis quibus dictum est, Propitius vobis, duo verba sunt quæ subaudiuntur, et sit, et Deus. Plenum est enim, Propitius sit vobis Deus, quod omnino in græco usitatissimum est.*

[Ib. 28.] *Salvus est puer tuus pater noster, adhuc vivit: hic expressius ostenditur pueri nomine servum solere significari; non enim in illo sene posset hoc esse nomen ætatis.*

[Ib. 32.] *Non enim poterant Ægyptii manducare cum Hebreis panes: abominatio est enim Ægyptiis. Illa locutio frequentatur, ut in panibus omnes escae intelligentur.*

[Ib. 34.] *Magnificata facta est autem pars Benjamin præ partibus omnium quincupliciter ad illorum: jam quia dictum erat, præ partibus omnium, potuit non dici, ad illorum.*

[Ib. xlvi, 6, 7.] *Inveniens autem eos, dixit secundum verba haec: potuit dicere, dixit eis verba haec. An forte non locutionis genus est, sed interest etiam sententiae? Aliud enim est ipsa verba dicere, aliud secundum ipsa, ut quæcumque alia dicta fuerint, eadem sententia teneatur quæ illis verbis comprehensa est: hoc est, secundum ipsa, etiamsi non ipsa. Sed quia sequitur illis respondentibus, Ut quid loquitur dominus secundum verba haec? qui utique dicere debuerunt usi-*

tata more, Ut quid loquitur dominus verba haec? constat esse locutionis genus.

[Ib. xlvi, 7.] *Absit a pueris tuis facere secundum verbum hoc: potuerunt dicere, Absit a nobis; sed illa honoriscentia est usitata in Scripturis sic dicere, tanquam de aliis: pueris autem, pro servis dictum est.*

[Ib. 9.] *Et nos autem erimus servi domino nostro. Etiam hic παιδες, græci habent, hoc est pueri, quod tam assidue Scriptura pro servis ponit, ut difficile inveniatur non isto nomine appellare servos.*

[Ib. 34.] *Quomodo autem ascendam ad patrem, cum puer non sit nobiscum, ut non videam mala quæ invenient patrem meum? Magis consuetudo loquendi exigit dici, Ut videam mala quæ invenient patrem meum<sup>1</sup>; hoc est, Quomodo ascendam ut videam? Novo itaque loquendi more id quod dixit, pro eo dixit ac si dixisset, non. Sic enim usitatus ordo iste verborum est: Non ascendam ad Patrem, cum puer non sit nobiscum, ut non videam mala quæ invenient patrem meum.*

[Ib. xlvi, 2, 4.] *Quando flevit Joseph, cum recognoscetur a fratribus suis, ait Scriptura, Audierunt autem omnes Ægyptii, et auditum est in domo Pharaonis. Deinde sequitur quod narrabat, *Dixit autem Joseph ad fratres suos: prius itaque Scriptura dixit quod postea factum est; hoc enim famæ celebritate accidit, ut omnibus Ægyptiis notum fieret; et postea reversa est narratio ad id quod dicebatur brevi recapitulatione.**

[Ib. 16.] *Et divulgata est vox in domo Pharaonis, dicens, Venerunt fratres Joseph: dicentes, posuit prodicentium; vox enim dicentium divulgata est, Venerunt fratres Joseph.*

[Ib. xlvi, 2.] *At ille respondit, Quid est, dicens? Ordo est, At ille respondit dicens, Quid est?*

[Ib. 4.] *Deus ad Jacob dicit, Ego descendam tecum in Ægyptum, et ego ascendere te faciam in finem: sic habent græci, quod latini habent, et ego deducam te in finem.*

[Ib. 28.] *Judam autem misit ante se ad Joseph, ut reniret sibi obviam juxta Heroum civitatem: nescio utrum Heroum nomen facile in Scripturis reperiatur.*

[Ib. 31, 32.] *In verbis Joseph, quibus ait ad fratres suos, Ascendens nuntiabo Pharaoni et dicam ei, Fratres mei et domus patris mei qui erant in terra Chanaan, venerunt ad me: viri autem sunt pastores (viri enim pecorum nutritores erant), et jumenta et oves et omnia sua adduxerunt, quod interpositum est, viri enim pecorum nutritores erant, ex persona sua scriptor interposuit, et reddit ad verba Joseph, adjungendo, et jumenta et omnia sua adduxerunt, ut ordo sit in verbis Joseph. Viri autem sunt pastores, et jumenta et oves et omnia sua adduxerunt.*

[Ib. xlvi, 8.] *Dixit autem Pharao ad Jacob, Quot anni dierum vitæ tuae? subauditur, sunt.*

[Ib. 9.] *Pusilli et mali fuerunt dies annorum vitæ meæ. Pusilli, pro paucis, positum est: neque enim vita*

<sup>1</sup> In excusis omnissimum fuerat: Magis consuetudo loquendi exigit dici, ut vicuum malum quæ invenient patrem meum. Restituitur locus ex Nss.

alicujus quam cæteroru*m* dies possunt esse horarum spatio breviores. Illoc autem Jacob ex comparatione dixit vitæ majorum suorum : nam utique centum triga*n*ta annos , quos ille jam agebat , nemo nunc vivit.

[Ib. xlvi, 12.] *Triticum secundum corpus* : id est, secundum numerum corporum. Per corpus etenim, numerum corporum ; per numerum corporum, numerum hominum significat.

[Ib. 13.] *Invaluerat autem famæ valde, et defecit terra Ægypti : terram posuit pro hominibus qui erant in terra.*

[Ib. 15.] *Venerunt autem omnes Ægyptii ad Joseph dicentes, Da nobis panes : per panes triticum significat, locutione per id quod efficitur, id quod efficit.*

[Ib. 20.] *Et facta est terra Pharaoni : non ait, Pharaonis. Amat sic loqui Scriptura, sicut in Psalmo dictum est, Et custodivi legem tuam ; hac facta est mihi, quia justificationes tuas exquisivi (Psal. cxviii, 55, 56) : de lege Dei dixit, hac facta est mihi, id est, in meam utilitatem.*

[Ib. 22.] *Præter terram sacerdotum tantum non possedit Joscph : quasi dixisset, Præter terram sacerdotum tantum , omnem terram possedit Joseph.*

[Ib. 26.] *Et posuit illis Joseph in præceptum usque in hodiernum diem in terra Ægypti, ut præstent quintas Pharaoni : hinc intelligitur Pharaonis nomen potestatis suis regalis, quod dixit usque in hodiernum diem. Non enim illi qui tunc sunt, præstare poterant Ægyptii usque ad illum diem, quo ista scribabantur, quando ille jam non vivebat.*

[Ib. 28.] *Et fuerunt dies Jacob annorum vitæ ejus : dies annorum saepe dicit Scriptura, cum semel posset annos dicere.*

[Ib. xlviii, 1.] Quod scriptum est, *Nuntiatum est Joseph, quia pater tuus turbatur : aliqui codices habent vexatur, aliqui astuatur, et aliud alii, sicut interpretari Latinî potuerunt, quod græce scriptum est ἐνοχεῖται. Ideo autem turbatur, accomodatius dici videtur, quia hoc dici solet de iis qui afflictione corporis mortis propinquante jactantur. Et ex hoc etiam turba ζχλος dicitur : est enim turba , multitudine inordinata , non sicut populus, quod δῆμος dicitur, nec sicut plebs, quod λαός dicitur, sed sicut ζχλος, quod turba dicitur.*

[Ib. 16.] Jacob benedicens nepotes suis filios Joseph, ait inter cetera, *Et invocabitur in his nomen meum, et nomen patrum meorum : unde notandum est, non solum exauditionem, sed etiam invocationem dici aliquando quæ non Dei, sed hominum sit.*

[Ib. 18.] *Hic enim primitivus : minus habet, est, secundum codices græcos.*

[Ib. xl ix, 24.] In benedictione Joseph ait inter cetera Jacob, *Inde qui confortavit Israel : mirum si non subauditur, est, ut plenum sit, Inde est qui confortavit Israel.*

[Ib. l, 2, 3.] Quod scriptum est, *Dixit Joseph servis suis sepulcribus, ut sepelirent patrem ejus ; non inventa lingua latina quemadmodum appellaret ἡταπιεῖται : non enim ipsi sepeliunt, id est, terræ mandant corpora mortuorum, quod non est græce ἡταπιεῖται, sed θάψει. Illi ergo ἡταπιεῖται id agunt quod exhibetur corporibus humanis, vel condendo vel siccando vel involvendo et alligando, in quo opere maxime Ægyptiorum cura præcellit. Quod ergo dicit, *Etiam sepelirunt ; curaverunt, intelligere debemus. Et quod dicit, quadraginta dies sepulcræ, ipsius curationis accipiendi sunt. Sepultus enim ille non est, nisi ubi se mandaverat sepeliri.**

[Ib. 4.] *Loquimini in aures Pharaonis : locutio est usitata in Scripturis.*

[Ib. 6.] *Et dixit Pharao ad Joseph, Descende et sepeli patrem tuum : etiam si per potentes illos per quos Joseph mandaverat, Pharao dixit quod perferrent ad Joseph, non utique dixit nisi ipsi Joseph. Unde illud est in Evangelio, quod unus Evangelistarum dicit, centurionem venisse ad Dominum et dixisse illi, *Puer meus jacet in domo paralyticus (Matth. viii, 5, 6) : alius autem totum diligentius narrans, amicos eum ad Dominum misisse commemorat , qui hoc ei dicerebant (Luc. vii, 3) ; in quibus amicis utique ipse venit, cuius in eis voluntas præscens fuit : unde est, Qui vos recipit, me recipit ; et qui me recipit, recipit eum qui me misit. (Matth. x, 40).**

[Ib. 10.] *Planixerunt cum planctum magnum et validum : planixerunt planetum, non planixerunt planetu : locutio est in latina lingua non ignota, sicut dicitur, servitutem servivit, militiam militavit, et similia.*

[Ib. 15.] *Et redditione reddet nobis omnia mala quæ ostendimus ei. Ex hac locutione ait et Apostolus, Alexander ærarius multa mala mihi ostendit (1 Timoth. iv, 14) : ostendimus enim dictum est, vel ostendit, præ eo quod est, fecimus, vel fecit.*

[Ib. 17.] *Accipe iniuriam servorum Dei patris tui : nova locutio est, Accipe iniuriam, pro ignosce , aut remitte , aut obliviscere ; sed puto inde esse dictum Accipe, ac si dicerebatur, æquo animo accipere, hoc est, noli indigne ferre.*

[Ib. 18.] *Et venientes ad eum dixerunt : non iterum venerunt, sed quod dictum fuit iterum dictum est : solet hoc facere Scriptura.*

## LIBER SECUNDUS.

Locutiones de Exodo.



[Exod. cap. 1, §. 7-12.] *Et invalescebant valde valde.*

[Ib. 21.] Quid est quod dictum est de obstetricibus, *Et fecerunt sibi domos, quoniam timuerunt Deum ? Predictum est enim, Benefaciebat Deus cum obstetricibus.*

Et ad hoc videtur pertinere, quod fecerunt sibi domos timendo Deum, tanquam beneficia Dei ad hoc eis profuerint ut facerent sibi domos. Numquid antea non eas habuisse domos intelligendum est? An ad divitias

hoc verbum pertinet, vel potius ad aliquas rei familiares idoneas facultates? Huic enim simile videtur, quod ait etiam Jacob post quatuordecim annos servitutis suæ socero suo volenti eum adhuc apud se tenere: *Nunc ergo quando faciam et ego mihi domum?* Dixerat enim quod creverint pecora Laban sub illo; sicut et ipse Laban confessus fuerat dicens, *Benedixit me Deus in introitu tuo* (*Gen. xxx, 29-31*): cum ergo dicit, *quando faciam et ego mihi domum?* subintelligitur, sicut et tu. Hoc videtur enim valere quod ait, *et ego*, ut ad ipsam domum faciendam videatur pertinere quod consequenter ad Laban merces ipsa statuenda proponitur.

[Ib. 1, 22.] *Et omne femininum vivificate illud:* sic enim habent græci; latini non habent, *illud*.

[Ib. II, 1.] *Erat autem quidam de tribu Levi, et sumpsit sibi de filiabus Levi:* intelligitur uxorem, quod quidam latini interpres etiam addendum putaverunt; sequitur autem, *Et habuit eam, et concepit.*

[Ib. 3.] Quid sit *thibin*, ideo difficile est nosse, quia nec græcus interpres ex hebræo, nec latinus ex græco vertit hoc nomen, sed sic translatis ut invenit.

[Ib. 14.] *Timuit autem Moyses et dixit, Si sic divulgatum est verbum hoc.* Duo sunt in hac locutione attendenda: primo, quia pendet sententia, et sic dimissa est; deinde, quia verbum pro facto posuit.

[Ib. 25.] *Et respexit filios Israel, et innotuit illis:* pro eo positum est *innotuit*, quod egit in eis, quibus Dei curam erga se inteligerent.

[Ib. III, 7.] *Videns vidi vexationem populi mei, qui est in Ægypto.*

[Ib. 11, 12.] *Et dixit Moyses ad Deum, Quis sum, quia ibo ad Pharaonem regem Ægypti, et quia educam filios Israel de terra Ægypti?* *Dixit autem, Quoniam ero tecum:* sic habet græcus; latinus autem, *Et quis ego, dixit: et non dixit, quia ibo, et quia educam;* sed, *ut eam, et educam.* Et quod in græco habet, *Dixit autem, quia ero tecum,* intelligitur utique quod dixerit ad Moysen: totum autem hoc latinus addidit, et ait, *Dixit autem Deus ad Moysen.*

[Ib. 16.] Deus dicit quod dicat Moyses filiis Israel, *Visitans visitavi vos, et quemque contigerunt vobis in Ægypto:* græcus habet, *Visitatione visitavi vos.*

[Ib. 18.] Deus dicit ad Moysen de filiis Israel, *Et audiunt vocem tuam:* græcus habet, *Et exaudient vocem tuam, quia et exauditus dicitur hominis.*

[Ib. 22.] Quod habet latinus, *Poscet mulier a vicina, et ab inquilina sua vasa argentea et aurea et vestem;* græcus habet *a cohabitatrice sua,* hoc est *ovox;you<sup>1</sup>,* quod latini aliqui interpretati sunt, *a concellaria sua.*

[Ib. IV, 1.] Moyses dicit, *Quid si non crediderint mihi, neque exaudierint vocem meam:* quod latinus, audierint interpretatus est.

[Ib. 4.] *Extende manum, et apprehende caudam,* græcus habet: latinus autem, *manum tuam et caudam ejus,* interpretatus est. *Et extendens manum apprehendit caudam,* et *facta est virga in manu ejus.*

[Ib. 5.] *Et dixit illi:* *Ut credant tibi quoniam appa-*

<sup>1</sup> *Editi, sunoikou.* At MSS. uti apud LXX. *suskenou.*

*ruit tibi Dominus Deus patrum ipsorum: græcus non habet, Et dixit illi;* sed continuo adjunxit, *ut credant tibi;* id est, verba Dei, post illud factum miraculum: tanquam adhuc loqueretur, et modo sententiam verborum impleverit. Nam ordo est verborum, Extende manum et apprehende caudam, ut credant tibi: sed interposita est facili narratio, et postea redditum, *ut credant tibi.*

[Ib. IV, 6.] *Quod latinus habet, Et facta est manus ejus leprosa tanquam nix;* græcus non habet *leprosa,* sed tantum, *facta est tanquam nix.*

[Ib. 8.] *Quod si non audierint vocem signi primi;* græcus sic habet: latinus autem, *vocem tuam signi primi;* sic et sequitur, *credent tibi in voce signi sequentis.*

[Ib. 9.] *Et erit aqua, quam sumes de flumine, sanguis super aridam:* vel potius *super aridum,* id est, *super id quod aridum est;* quod latinus dixit, *sanguis super terram.*

[Ib. 10.] Moyses dicit: *Precor, Domine, non sum eloquens ante hesternam et nudius tertianam diem.*

[Ib. 17.] *Et virgam hanc sumes in manum tuam, in qua facies in ea signa;* cum dici posset, *in qua facies signa;* aut certe, *Virgam hanc sumes in manum tuam,* et *facies in ea signa:* nunc vero utrumque dictum est solita locutione Scripturarum.

[Ib. 18, 19.] *Post dies autem illos multos, mortuus est rex Ægypti:* dixit autem Dominus ad Moysen in *Madian, Vade, perge in Ægyptum,* mortui sunt enim omnes qui quærebant animam tuam. Multa in his verbis genera locutionum notanda sunt: primo, *Vade, perge in Ægyptum,* tanquam non sufficeret tantum *Vade,* vel tantum *perge;* deinde, *mortui sunt omnes qui quærebant animam tuam,* cum solum regem Ægypti Scriptura dixerit mortuum, et de solo antea dictum fuerit quod Moysen quærebat occidere. An ipse post alios inimicos ultimus mortuus est? Quod si ita est, non locutio, sed sensus est. Item, *qui quærebant animam tuam,* non in malo tantum, sed etiam in bono dici solet in Scripturis: nam sicut hic, in malo dictum est etiam in Psalmis, *Confundantur et reverantur qui quærunt animam meam* (*Psal. xxxix, 15*); in bono, *Perit fuga a me, et non est qui requirat animam meam* (*Psal. cxli, 5*): nisi forte aliquid distare dicitur inter quærentes et requirentes, ut illud in malo, hoc in bono intelligendum sit.

[Ib. v, 10.] *Et dicebant ad populum dicentes, Hæc dicit Pharaon: quam locutionem piguit latinum interpretari.*

[Ib. 21.] *Videat Deus vos et judicet, quoniam execrabilis fecistis odorem nostrum palam Pharaone, et palam servis ejus, dare gladium in manus ejus, ut occidat nos;* sic enim habet græcus: latinus autem ait, *quem pro optimo legebamus, ut daretis gladium in manibus ejus;* qui solœcismus, nulla interpretationis necessitate factus est, quia in græco non est.

[Ib. vi, 4.] *Statui testamentum meum ad illos, ita ut darem illis terram Chananæorum, et terram quam incoluerunt, in qua et incoluerunt in ea:* sic enim habet

græcus, quod utique et in græca lingua absurde videatur sonare; et tamen Septuaginta interpretum auctoritas tanta est, quos ita loqui non piguit. Quid enim? et sensus hic latet? Quod si nullus est, ipsa locutio notanda est, ne alibi inventa sensum impedit, vel aliquid querere ubi querendum non est, compellat.

[lb. vi, 5.] Quod habet latinus, *Exaudi vi gemitum filiorum Israel, quemadmodum Ægyptii affligerent eos*; græcus habet *καταδουλοῦνται*, quod interpretari posset, in servitatem redigunt eos: nam uno verbo non potest.

[lb. 9.] *Et locutus est Moyses sic ad filios Israel, et non exaudierunt Moysen a defectione animi et ab operibus duris: exaudierunt ait, non, audierunt.*

[lb. 12.] *Ego enim ineloquens sum, quod ait Moyses ad Dominum, ἀλογος dixit græcus, non, imperitus, quasi ἀμαθῆς vel ἀπατδευτός.*

[lb. 26.] *Hi sunt Aaron et Moyses, quibus dixit eis Deus ut educant filios Israel de terra Ægypti: sic enim habet græcus.*

[lb. 30.] *Ecce ego gracili voce sum, et quomodo exaudiet me Pharaeo? Notandum quod exaudiet dixit, non, audiet.*

[lb. vii, 6.] *Fecit autem Moyses et Aaron, sicut præcepit illis Dominus; ita fecerunt: quid decisset, si non diceretur, ita fecerunt?*

[lb. 9.] *Si loqueretur vobis Pharaeo dicens, Date nobis signum aut portentum, et dices Aaron fratri tuo, Sume virgam: noune locutionis nostræ consuetudo poscebat et quedam ejus integritas, ut ita diceretur, Si loqueretur vobis Pharaeo dicens, Date nobis signum aut portentum, dices Aaron fratri tuo, Sume virgam? quid ergo ibi additum est, et, nisi aliqua proprietate locutionis hebraicæ? nam neque græca esse perhibetur.*

[lb. 11.] Non mihi videntur satis commode interpretati latini *σοφιστας* Pharaonis, ut dicent *sapientes*: *σοφοι* enim *sapientes* dicuntur. Potuit enim latinus interpres sophistas dicere, quoniam non est quemadmodum id latine dicatur; et ideo isto verbo jam utimur pro latino, sicut philosophiam dicimus non solum græce, verum etiam latine: sophistas appellantur<sup>1</sup> latinorum litterarum eloquentissimi auctores.

[lb. 12.] *Et absorbuit virga Aaron virgas illarum: ac si diceret, draco Aaron.*

[lb. 15.] *Quod dictum est de Pharaone, Ecce ipse exiit ad aquam; græcus habet, super aquam.*

[lb. 16.] *Dimitte populum meum ut serviat mihi in deserto, et ecce non exaudisti usque adhuc: quoties dicitur exaudisti, cum homini dicatur?*

[lb. 22.] *Fecerunt autem similiter et incantatores Ægyptiorum beneficiis suis. Et induratum est cor Pharaonis, et non exaudivit eos, sicut dixit Dominus: quia in usu Scriptura est, exaudivit, cum etiam de homine loquitur.*

[lb. viii, 1.] *Dimitte populum meum ut serviant mihi; non, ut serviat: qui loquendi modus non fere inventitur nisi ubi res ipsa singularis pluribus constat. Populus enim singulari nomine dicitur, sed constat ex multis. Sic etiam est, Omnis terra adorent te (Psal.*

<sup>1</sup> Sic MSS. At editi, *sophistæ* autem appellantur.

*lxv, 4): quia omnis terra dictum est, pro hominibus qui sunt in terra.*

[lb. viii, 2.] *Ecce ego serio omnes fines tuos ranis: sic enim habet græcus elegantissima locutione, ut ranæ ipsæ, plaga intelligatur, qua feritur terra Ægypti.*

[lb. 3, 4.] *Et eructabit flumen ranas, et ascendentibz intrabunt in domos tuas et in promptuaria cubiculorum tuorum super lectos tuos, et in domos servorum tuorum, et populi tui, et in conspersis tuis, et in clibanis tuis; et super te et super populum tuum et super servos tuos ascendent ranæ. Notandum quod in domos, etc. cum dixisset, accusativum casum tenuit; et super lectos, etc., ubi dixit, *super*, accusativum similiter servavit; in conspersis autem et in clibanis ad ablativum se transtulit: nam et græcus mutavit præpositionem, quam non mutat latinus. Ille enim habet *εἰς τὰς οἰκους*, in domos; in conspersis autem *τοῖς πυράμισι*: ubi mirum si non etiam sensus est, non locutio, ut in conspersoribus et in clibanis exortas ranas, forsitan velit intelligi, non extrinsecus ascendisse vel irruisse, et quia eas fluvium eructaturum prædictum, inde implero omnia.*

[lb. 6.] *Et extendit Aaron manum super aquas Ægypti et eduxit ranas, et educta est rana et operuit terram: repetitio a plurali ad singularem numerum trajecta est; nam utique rana, pro multitudine ranarum positum est; nescio quo autem modo per loquendi consuetudinem imbutis sensibus hominum, sæpe plus videtur quod singulariter, quam quod pluraliter dicitur: nam plus accipitur cum dicitur, verbi causa, est illic miles, quam sunt illic milites; est illic piscis, quam sunt illic pisces.*

[lb. 14.] *Et colligeabant eas aceros aceros: haec repetitio multitudinem acervorum significat, et Scripturis est familiaris.*

[lb. 16.] *Quod habent latini, *Extende manu virgam tuam, et percute terra*; non, percute terram: græcus habet *aggerem terræ*, si tamen hoc verbo recte interpretatur quod dictum est *τὸ χθύα τῇ γῆς*.*

[lb. 18.] *Fecerunt autem similiter et incantatores neficiis suis, ut educerent cyniphes, et non poterant. Notandum est, fecerunt dictum pro eo quod est, conati sunt facere. Nam utique si fecerunt similiter, procul dubio eduxerunt cyniphes: sed quia sequitur, ut educerent, et non poterant; non ergo similiter fecerunt, sed similiter facere conati sunt. Aut si forte et ipsi quainvis beneficiis agerent, eadem tamen agendi specie virgam extenderant, quod Scriptura non expressit, ad hoc referendum est, fecerunt similiter.*

[lb. 21, 22.] *Et in terram super quam sunt super eam. Et gloriosam faciam in die illa terram Gessen, in qua populus meus inest super eam.*

[lb. 29.] *Et dixit Moyses, Ego exeam a te, et orabo ad Deum, et exhibet cynomyia a Pharaone et a servis ejus: quasi alteri diceret et *exeam a te*, et de altero Pharaone subsequeretur a quo esset exitura cynomyia.*

[lb. ix, 4.] *Dimitte populum meum ut mihi serviant.*

[lb. 18, 24.] *Ecce ego pluam hanc horam crastinum*

*diem grandinem multum. Grando autem multa valde  
vadet.*

[Ib. ix, 29, 28.] *Et desinent voces et grando.* Notandum est Scripturam, *voces* solere appellare tonitrua, quas voces Dei etiam Pharaon superius appellavit dicens, *Crate pro me ad Dominum, ut desinant fieri voces Dei :* ubi et illa locutio est quod dixit, *desinant fieri voces.*

[Ib. x, 2] *Ut narretis in aures filii vestris, et filii  
filiorum vestrorum quæcumque illius Ægyptiis : notan-  
dum quemadmodum dicatur illius, ne forte ita sit di-  
ctum, Draco hic quem finxisti ad illudendum ei* (Psal.  
ciii, 26), *et illud in Job, Hoc est initium figimenti  
Domini quod fecit ad illudendum ab Anglis ejus* (Job xl, 14).

[Ib. 4.] *Ecce ego induco hanc horam crastino die lo-  
custam multam.* Ecce quemadmodum superius dixit ranam, ubi diximus plerumque plus intelligi cum ali-  
quod hujusmodi singulariter dicitur, quam si pluraliter diceretur. Manifestum est enim plus sonare, *locu-  
stam multam*, quam si diceret, locustas multas.

[Ib. 8.] *Qui autem et qui sunt qui ibunt?* quotidie dicimus consuetudine familiariore, *Quam qui et qui  
ibunt?*

[Ib. 15.] *Non est relictum viride nihil in lignis :* dicen-  
dum fuit more locutionis nostræ, *Non est relictum vi-  
ride aliquid in lignis.*

[Ib. 16, 17.] Pharaon ad Moysen, *Pecavi ante Domi-  
num Deum restrum et in vobis; suscipite ergo delictum  
meum :* hac locutione et ad Joseph usi sunt fratres  
ejus ubi dixerunt, *Accipe iniuriam servorum Dei pa-  
tris tui* (Gen. l, 47).

[Ib. 23.] Quod latini habent, *Et nemo vidit fratrem  
suum tribus diebus; græcus habet, Et non vidit nemo  
fratrem suum :* notandum etiam fratrem hominis  
quemlibet hominem dici.

[Ib. 24.] Pharaon dicit ad Moysen et Aaron, *Ite et  
servite Domino Deo vestro, præter oves et boves, relin-  
quite;* sic enim habet græcus : valde inusitata locutio  
est, nisi post distinctionem inferatur, *relinquite,* et  
subaudiatur, ista; ut sit sensus, *Ite præter oves et  
boves, et relinquite ista :* solet enim talis ellipsis fieri  
crebro in locutionibus Scripturarum.

[Ib. 26.] *Et non relinquemus ungulam;* quasi abdu-  
ctis pecoribus, posset ungula remanere: quid est enim  
aliud *non relinquemus ungulam,* nisi, nec ungulam  
relinquemus?

[Ib. 28.] Pharaon ad Moysen, *Attende tibi ultra appo-  
nere videre faciem meam :* pro eo quod est, attende  
tibi ne ultra video faciem meam.

[Ib. xi, 2.] *Et petat unusquisque a proximo suo, et mu-  
lier a proxima vase argentea et aurea et vestem :* notan-  
dum et Ægyptios Hebreis proximos dictos.

[Ib. 6, 7.] *Hic erit clamor magnus per omnem terram  
Ægypti, qualis non fuit, et talis non adhuc apponetur :*  
*in filiis autem Israel non mutiet canis lingua sua ab  
homine usque ad pecus.* Elegantissima locutio est: per  
canem quippe extremum significavit vel hominum vel  
pecorum, ita commendans quanta in Hebreis quies  
futura esset, Ægyptiis acerba orbitate clamantibus.

[Ib. xn, 3.] *Accipiant singuli ovem per domos patria-  
rum.* Quas dicat patrias, non facile est intelligere;  
utrum civitates in quibus commanebant, an potius  
numerosas famulas a conjugue velut paternitate pro-  
pagatas: hoc enim magis in græco significari per-  
hibetur.

[Ib. 4.] *Si autem pauci sint qui in domo, ita ut non  
sint idonei ad ovem,* id est, ut ipsa paucitas non sit  
idonea ad ovem consumendam, *assumet secum vicinum  
proximum suum,* hoc est ipsa domus assumet vicinum:  
hominem proximum pro homine posuit, singularem  
autem pro plurali; non enim unum, sed quot suffici-  
ent: cum de ove consumenda Scriptura loqueretur,  
*secundum numerum,* inquit, *animarum unusquisque  
quod sufficiat;* animas pro hominibus, a parte totum.

[Ib. 7.] *Sument a sanguine, et ponent super duos  
postes, et super limen in dominibus in quibus manduca-  
bunt illas in eis.* Cum dixerit, *in quibus, dixit etiam,  
in eis,* more usitatissimo: sed manducabunt illas, que-  
ritur quas, et intelligitur carnes; hoc enim sequitur,  
*Et manducabunt carnes hac nocte assatas igni;* quod  
habent latini codices, *qui manducabant carnem, græci  
autem habent κρέας;* id est carnem, sed genere neu-  
tro; ideo in græco est, *in dominibus, in quibus mandu-  
cabunt illa in eis.* Est vero illa locutio, ut prius dice-  
ret illas, quam prædicaret quid in consequentibus in-  
telligeretur quas dixerit, similis ei locutioni quam de  
filio Moysi exposuimus (Lib. II *Quæstionum de Exodo,*  
*qæst. 11), cum eum vellet angelus occidere, et exem-  
plum adhibuimus de Psalmo, Fundamenta ejus in  
montibus sanctis; diligit Dominus portas Sion (Psal.  
LXXXVI, 1, 2): cuius enim fundamenta non intelligi-  
mus, nisi ex consequentibus; sic et hic, *in quibus  
manducabunt illas in eis,* id est in quibus dominibus  
manducabunt illas, intelligitur carnes, de quibus con-  
sequenter loquitur.*

[Ib. 22.] *Sumetis autem vobis fasciculum hyssopi, et  
tingetis ex sanguine qui est juxta ostium, et linietis su-  
per limen et super ambos postes de sanguine.* Etiam hic  
fasciculus hyssopi plures utique fasciculos significat,  
sicut rana plures ranas, et locusta plures locustas:  
tropus autem iste quando sit in rebus quæ a nobis  
non ita solent, obscuritatem facit.

[Ib. 26, 27.] *Et erit cum dicent ad vos filii restri,  
Quæ est serritus ista? Et dicitis eis, Immolatio pascha  
hoc Domino: etiam si non haberet, et, plenum esset,  
dicetis eis.*

[Ib. 28.] *Et advenientes fecerunt filii Israel sicut pre-  
cepit Dominus Moysi et Aaron;* ita fecerunt: non ad-  
dererit, ita fecerunt, nisi mos esset Scripturarum.

[Ib. 51.] *Et factum est, in die illa eduxit Dominus  
filios Israel de terra Ægypti.*

[Ib. XIII, 1.] *Ait autem Dominus ad Moysen dicens.*

[Ib. 12.] *Omne adaperiens vulvam, masculina :* plura-  
lem numerum intulit singulari, quia ipsum quod  
dictum est, *omne adaperiens,* non utique in uno, sed  
in multis accipitur. Similis est locutio, *Attendite,  
popule meus* (Psal. LXXXVII, 1). Tale est et quod paulo  
post sequitur, *Omne quod adaperit vulvam de armenis*

*et de pecoribus, quæcumque tibi nata erant : omne quæcumque tibi nata erunt, ipse modus est locutionis.*

[lb. xiii, 13.] *Omne adaperiens vulvam asinæ : græcus habet, asini ; modo illo locutionis, quem jam in Genesi notavimus, ubi masculinum pro feminino positum est, de morte Saræ dicente Scriptura, Surgens Abraham a mortuo, et, Sepeliam mortuum meum (Gen. xxiii, 3, 4) ; et talia ibi saepè dicuntur de mortua.*

[lb. 13.] *Propter hoc ego immolo Domino omne quod aperit vulvam, masculina : similis locutio superiori.*

[lb. 16.] *Et erit in signum super manum tuam : id est, super opera tua ; ubi magis sensus est forsitan quam locutio.*

[lb. xiv, 27.] *Et excussit Dominus Ægyptios in medium maris : græcus habet, Et excussit Dominus Ægyptios medium maris.*

[lb. 51.] *Vidit autem Israel manum magnam, quæ fecit Dominus Ægyptiis.*

[lb. xv, 1.] *Tunc cantavit Moyses et filii Israel can-  
ticum hoc Domino, et dixerunt dicere : sic enim habet  
græcus, καὶ ἔτενε λύτρον.*

[lb. 22.] *Et non inveniebant aquam, ut biberent : poterat non habere, ut biberent.*

[lb. 21.] *Et murmuravit populus adversus Moysen dicentes : non, dicens ; sed, dicentes : ex pluribus enim populus constat.*

[lb. xvi, 1.] *Et venerunt omnis synagoga filiorum Israël in erenum : non dixit, venit, quia synagoga ex pluribus constat.*

[lb. 2.] *Murmurabant omnis synagoga filiorum Israël  
adversus Moysen et Aaron : eadem est ista locutio.*

[lb. 4.] *Dixit autem Dominus ad Moysen, Ecce ego pluam vobis panes de cœlo. Manna pluiturus, panes promisi : locutio est qua panis pro alimento ponitur ; amat autem Scriptura pluraliter magis panes, quam singulariter dicere.*

[lb. 7.] *Mane videbilis, inquit, gloriam, dum exaudiet murmurationem vestram super Deum : id est, quia murmuratis super Deum, quod tantum valet ac si diceret, adversus Deum. Deinde notandum novo modo hic exauditionem dictam non precantium, sed murmurantium, cum reprehendat utique Scriptura murmurationem : tanquam hoc dixerit, quod cognoverit Deus murmurationem eorum, et ipsam Dei cognitionem dixit exauditionem.*

[lb. 9, 12.] *Accedite ante Deum ; exaudivit enim murmur vestrum : iterum exauditionem, non precum significat et petitionum, sed etiam murmuris malorum ; hoc et postea dicit Deus, Exaudi vi murmur filiorum Israël.*

[lb. 14.] *Et ecce in facie eremi minutum tanquam coriandrum. Cum toties Deus dicat, faciem terræ, sicut hic faciem eremi, mirum est unde homines ita errant cum faciem audierint, ut aliquid tale opinentur, qualis hominis facies est, vel alicujus animantis.*

[lb. 16.] *Secundum numerum animarum vestrarum unusquisque cum commanentibus vobis colligite. Quam saepè Scriptura animas, homines appellat, a parte totum : non facile autem carnes pro hominibus, sed*

*carnem, sicuti est, Non timebo quid mihi faciat caro, quod apertius in eodem psalmo ait, Quid mihi faciet homo (Psal. lv, 5, 11). Non autem diceret, secundum numerum carnium vestrarum, sicut dixit, secundum numerum animarum vestrarum.*

[lb. xvi, 21.] *Et collegerunt illud mane mane : quomodo puteos puteos, acervos acervos, sic dictum est mane mane.*

[lb. 29.] *Nullus vestrum egreditur unusquisque de loco suo die septimo : quod interpositum est, unusquisque, potuit et non dici.*

[lb. xvii, 4.] *Non erat autem populo aqua bibere : id est ad bibendum.*

[lb. 2.] *Et maledicebat populus ad Moysen : id est, maledicti agebat Moysen ; hoc est, maledicebant illi : nam hoc in consequentibus ipse dixit, Quid maledicis mihi ?*

[lb. 5.] *Et murmuravit populus ad Moysen dicentes.*

[lb. 5.] *Et virgam in qua percussisti flumen accipe in manu tua : in qua percussisti, dixit pro eo quod dicimus, de qua percussisti ; et est ita locutio ereberima in Scripturis.*

[lb. xviii, 12.] *Et sumpsit Jothor sacer Moysi holocausta et sacrificia Dœ : sumpsit, pro eo quod est obtulit. An forte sensus est, non locutio, ut ea sumpsisse intelligatur, quæ Moyses obtulisset? quanquam Moyses non legatur superius sacrificasse, nec Aaron nec quisquam Hebræorum qui educti sunt de terra Ægypti ; sed tantum superius scriptum est, quod altare constituerit Moyses, et appellaverit illud, Dominus meum refugium (Exod. xvi, 15). Istum autem Jothor legimus sacerdotem suisse Madian, id est gentis Madian. Mirum est autem, si ejus adventu coepit sacrificare Moyses, et non potius ipse Jothor qui jam sacerdos erat.*

[lb. 18.] *Grave tibi verbum hoc : subauditum, est.*

[lb. 20.] *Et demonstrabis illis vias, in quibus ambulabunt in eis.*

[lb. 26.] *Verbum autem grave referebant super Moysen : sic enim habet græcus, quod latini interpretati sunt, ad Moysen. Illa sane locutione ipsa etiam cura significatur, qua dictum est, super Moysen ; velut onus ei significaretur impositum. Verbum autem grave dictum est, pro questione gravi : unde sequitur, Omne autem verbum leve judicabunt ipsi.*

[lb. xix, 24.] *Quod græcus habet θυσιῶν, super nominavero aut annominavero expressius dicitur, quod usitatus cognominavero nonnulli interpretati sunt ; sed non habet necessariam significationem cognominavero : propinquius autem dicitur cognominavero, quam nominavero ; nam et hoc aliqui interpretes dixerunt.*

[lb. 24.] *Et veniam ad te, et benedic te : cum superius pluraliter loqueretur, facietis et immolabitis, dicit, veniam ad te, tanquam ipsi Israël, id est, populo.*

[lb. xxi, 1.] *Et haec justificationes quas pones coram illis. Si emeris servum Hebræum, etc. Notanda locutio, quemadmodum cum illud dictum sit ad Moysen, hoc est, haec sunt justificationes quas appones coram illis :*

jam ad populum ipsum cetera dicuntur quasi ad Moysen, *Si emeris servum Hebraeum*. Non enim hoc Moysi dictum est, sed quod populo diceret, tantum ipsi populo dicebat.

[Ib. 21, 6.] *Pertundet ei Dominus auriculam de subula, et serviet ei in sempiternum, vel in aeternum: quod grecus habet, εἰς τὸν αἰώνα. Ecce quemadmodum Scriptura multis locis dicit secundum hoc verbum graecum, sempiternum; vel aeternum. Ubi non intelligitur aeternitas illa, secundum quam nobis aeterna promittuntur, vel secundum quam a contrario igne aeterno mali cremabantur: neque enim servus iste qui vivere in aeternum non posset, posset servire in aeternum; sed intelligitur aeternum dictum, cuius temporis finis non est; aut certe aliquid hoc sacramento significatur aeternum.*

[Ib. 23.] *Dabo tibi locum, in quem fugiat ibi qui occiderit.*

[Ib. 20.] *Si quis percusserit servum suum aut ancillam suam in virga: quod est, de virga.*

[Ib. 28.] *Lapidibus lapidabitur taurus: quasi possit lapidari nisi lapidibus. Differt aliquid ista locutio ab illa qua diceret more Scripturarum, lapidatione lapidabitur, sed tamen similis est.*

[Ib. 29.] *Si autem taurus cornupeta erat ante hesternam et nudiusterianam: pro tempore praeterito posuit partem pro toto, quantumcumque illud fuisse, more Scripturarum.*

[Ib. 33.] *Si quis autem aperuerit lacum, aut exciderit lacum, et non operuerit eum, et ceciderit illuc vitulus aut asinus, dominus laci reddet. Et haec locutio a parte totum intelligenda est: non enim si equus ceciderit in lacum aut ovis, ideo non reddet, quia hoc scriptum non est.*

[Ib. 34.] *Quod autem mortuum fuerit, ipsi erit: pro, ipsius erit.*

[Ib. 32, 5.] *Si autem depaverit quis agrum aut vineam, et admiserit pecus suum depascere agrum alium; id est, alienum.*

[Ib. 26.] *Si autem pignus acceperis vestem proximi, ante solis occasum reddes ei: genus pro specie posuit; sic enim dictum est, ac si de omni ueste pignus derit, cum de illo specialiter se dicere ex consequentibus Scriptura testetur, qui non habet nisi eam uestem unde se nocte cooperiat.*

[Ib. xxiii, 20, 21.] *Ecce ego mitti angelum meum ante faciem tuam, ut servet te in via, et inducat te in terram quam paravi tibi. Ante te ibit<sup>1</sup>, et exaudi eum. Angelum suum jubet Deus exaudiri a populo, non utique potenter, sed jubentem.*

[Ib. 28.] *Et mittam vespas ante te, et ejiciet Amorrhæos: a plurali ad singularem numerum se convertit. Intelligitur autem, Ejiciet Amorrhæos vespa, sicut rana, sicut locusta, non quod una sit, sed quod per singularem pluralis numerus intelligatur.*

[Ib. 30.] *Per partes ejiciam illos a te.*

<sup>1</sup> *vetus codex Corbeiensis optimæ note, ante ibi: forte interpres in graeco legerat, pro ekei. Nunc porro a iud LXX habetur, pro seche sei. *Io* Attende tibi. In Vulgata, Observa eum.*

[lb. xxiii, 32, 33.] *Non dispones illis et diis eorum pacatum; et non consentient in terra tua, ne peccare te faciant ad me: non dixit, in me, idem tamen significat.*

[In xxiv, 3.] *Respondit autem omnis populus voce una, dicentes.*

[Ib. 10.] *Et viderunt locum ubi steterat ibi Deus Israel: ubi steterat, posset sufficere, sed hebraicæ dicuntur istæ locutiones.*

[Ib. xxv, 13.] *Et inaurabis illa auro: similis est locutio, lapidibus lapidabitur.*

[Ib. 29.] *Cyathos in quibus hinc molabunt in eis.*

[Ib. xxvi, 19.] *Duas bases columnæ uni in ambas partes ejus, et duas bases columnæ uni in ambas partes ejus. Ne de omnibus diceret, de duabus dicit more suo geminando: sicut puteos puteos, acervos acervos, generationes et generationes, et similia.*

[Ib. 29.] *Et columnas inaurabis auro, et inaurabis seras auro.*

[Ib. xxvii, 6.] *Et inaurabis ea aëramento: talis locutio est, inaurabis auro.*

[Ib. 21.] *Extra velum, quod est super testamentum: de lucerna accendenda cum diceret, hoc ait, id est quod foris accenderetur ubi est sanctum, non intra velamen quod est super testamentum, hoc est Sanctum sanctorum. Ergo super non sic ait, tanquam est tectum, vel camera, vel firmamentum cœli, vel arcæ coperculum; sed etiam quod vice parietis oppositum esset, super dixit: sicut dicimus superiorem discubere aut stare, non utique alterum portari ab altero.*

[Ib. 21.] *Legitimum sempiternum in progenies vestras: eo modo sempiternum, quo multa superius diximus.*

[Ib. xxviii, 22 (a).] *Et sumet Aaron nomina filiorum Israel super rationale judicii super pectus introeunti sanctum<sup>2</sup>. Consequens erat ut diceret, introiens in sanctum, hoc est sumet Aarōn introiens, quod aliqui latini, solœcismum vitantes, interpretati sunt. Sed quia et graecus introeunti habet, et latini aliqui consonant, locutionem potius notandam credidi, quam corrigendam.*

[Ib. 24 (b).] *Et pones super rationale judicii fimbrias catenata. Et hic latini nonnulli solœcismum caventes, fimbrias catenatas, interpretati sunt; graecus autem habet, τοὺς κρωσσούς τὰ ἀλυτόδωρά. Hanc solemus dicere absolutam locutionem, cum generi masculino vel feminino neutrū infertur; quemadmodum si dicamus, Justitiae terrenæ non sunt stabilia.*

[Ib. 35.] *Et Aaron cum cœperit fungi sacerdotio, audierit vox ejus intranti in sanctum in conspectu Domini, et exeunti. Vocem ejus ex tintinnabulis dixit, qui magis sonus est ejus. Intranti et exeuntis, pro intrantis et exeuntis, posuit dativum pro genitivo.*

[Ib. xxix, 13.] *Et duos renes et adipem quæ super eos; subauditur, est, quod nonnulli interpretes addiderunt.*

[Ib. 26.] *Et separabis illud separatione.*

[Ib. xxx, 8.] *Et cum accenderet Aaron lucernas, sero*

<sup>1</sup> Sic melioris nota MSS. At excusi, introeunti in sanctum, hoc est, etc.

(a) Apud LXX. In Vulgata v. 29.

(b) Apud LXX. In Vulgata v. 30.

*incendet super illud : sero dixit pro vespere , et ideo notanda locutio est ; & quippe græcus habet. Serò autem proprie non solet dici , nisi cum tempus transierit quo fieri debuit , quod serò dicitur factum.*

[lb. xxx, 12, 13.] *Si acceperis computationem filiorum Israel in visitatione eorum , et dabunt singuli redemptionem animæ suæ Domino , et non erit in eis ruina in visitatione eorum , et hoc est quod dabunt tibi. Pendet ista locutio , quia interposita est conjunctio copulativa , que si non interponeretur , non penderet. Tribus autem locis est posita quorum undeliberat detracia , plenari facit esse sententiam. Rursus ubi dictum est , Si acceperis computationem filiorum Israel in visitatione eorum , et dabunt singuli redemptionem animæ suæ Domino : si enim non dixisset , et dabunt , sed tantummodo dixisset , dabunt , finiretur sententia nec penderet ; ita enim diceretur . Si acceperis computationem filiorum Israel in visitatione eorum , dabunt singuli redemptionem animæ suæ Domino . Si autem hic ponitur hæc conjunctio , deorsum tollenda est , ut ita dicatur , Si acceperis computationem filiorum Israel in visitatione eorum , et dabunt singuli redemptionem animæ suæ Domino , et non erit in eis ruina in visitatione eorum , hoc est quod dabunt . Aut certe in medio ubi dictum est , et non erit in eis ruina , si detrahias conjunctionem , non pendebit sententia : erit enim sensus , Si acceperis computationem filiorum Israel in visitatione eorum , et dabunt singuli redemptionem animæ suæ Domino , non erit in eis ruina . Cum vero ubique posita est eadem conjunctio , pendere facit locutionem : ideo eam notandum putavimus.*

[lb. xxxii, 1.] *Consurrexit populus in Aaron , et dixerunt ei : usitata locutio est , quia ex multis populus constat. Deinde notandum , totum pro parte positum. Apostolus enim , sicut revera erat , quosdam eorum dixit hoc fecisse , non totum populum , ubi ait , Neque idolis serviamus , sicut quidam illorum (I Cor. x, 7).*

[lb. 4.] *Surge , et sac nobis deos qui nos precedant. Sedenti loquebantur ? an potius locutio est notanda , propter quod sèpe dicitur , Exsurge , Domine (Psal. XLII, 26) ; aut , Surge , Deus , judica terram (Psal. LXXXI, 8) ?*

[lb. 10.] *Et nunc sine me , et iratus ira ; quomodo , morte morietur : & mat ita loqui Scriptura.*

[lb. 24.] *Cui sunt aurea demite : non dixit quid aurea , unde latini interpretes dixerunt , qui habet aurum demat.*

[lb. 26.] *Quis ad Dominum , veniat ad me.*

[lb. 51.] *Fecerunt sibi deos aureos : de uno vitulo ; pluralem numerum pro singulari posuit. Inde est et illud , *Hi dii tui Israel qui eduxerunt te de terra Ægypti* . Non sane locutiones istæ reperiuntur ubi pluralis pro singulari ponitur , nisi in eo rerum genere in quo etiam de pluribus fieri vel intelligi potest. Non enim quia unus ille vitulus erat , ideo non et plures fieri poterant , aut ideo non multis idolis similis fuerat. Hac locutione dictum est latrones insultasse Dominum (Matth. xxvii, 44) , cum hoc unum fecisse Scriptura testetur (Luc. xxiii, 39) , sed non solus fuerat*

latro. Quin etiam cum ista locutio sit per nomina propria , qualiter eam in Scripturis factam nondum comprehendimus , plures illic intelliguntur , sicut Phædras et Medeas quidam dixerunt , cum fuerit una Phædra et una Medea , sed Phædras et Medeas appellaverunt omnes similes Phædræ et Medeæ. Ita non sine causa nec utcumque ac passim sicut ab imperitis vitiouse sit , sed certo modo certisque regulis istæ locutiones interponuntur.

[lb. xxxiii, 1.] *Vade , ascende hinc tu , et populus tuus , quos eduxisti de terra Ægypti : non , quem eduxisti , quod ita usitatum est ut rarius aliter dicatur.*

[lb. 5.] *Et dixit Dominus , Deponite stolas gloriarum vestrarum et cultum , et ostendam que facturus sum tibi. A plurali ad singularem numerum locutionem terminavit , quia multierant et populus erat , sicut eis dixerat , Vos populus dura cervice : non dixit , tu populus , sed , Vos populus , cum vos , numeri sit pluralis , populus autem numeri singularis.*

[lb. xxxiv, 9.] *Si inveni gratiam in conspectu tuo , simul ambulet Dominus meus nobiscum : tanquam de alio dicat. Assidue sunt hæc locutiones , sed cum dicitur ad Deum , putatur Patri dici de Filio. Cum autem talia dicerentur ad Pharaonem et ad Joseph et ad alios multis locis , genus locutionis intelligebatur.*

[lb. 15.] *Nequando ponas testamentum iis qui sedent super terram : ac si diceret , sedes habent , quod est , habitant.*

[lb. 17.] *Et deos fusiles ne feceris tibi : locutio est a parte totum significans ; non enim quia fusiles tantummodo nominavit , fieri sculptiles , ductiles , flectiles que permisit , vel ullum genus simulacrorum , aut qualiumcumque factitiorum déorum.*

[lb. 19.] *Omne adaperiens vulvam , masculina : id est , omne adaperiens vulvam mihi erit , ex iis quæ sunt masculina.*

[lb. 20.] *Primitivum subjugalis redimes ove : et hoc a parte totum est ; neque enim si subjugale non sit jumentum quodlibet , cuius caro tanquam inimunda respuitur , ideo non est redimendum , aut alio quam ove redimendum.*

[lb. 25.] *Non occides super fermentum sanguinem immolatorum meorum : locutio est utique , occides sanguinem , pro eo quod est , occidendo effundes.*

[lb. 25.] *Et non dormiet usque in mane immolatio solemnitatis Paschæ : dormiet dixit , manebit ; nam caro pecudis occisa et coctæ quomodo dormict ? Quod ergo dicitur , Quare obdormis , Domine (Psal. XLIII, 34) , hoc genere locutionis dicitur , et intelligitur , Quare cessas , id est , non vindicas.*

[lb. 28.] *De quadraginta dierum jejunio Moysi Scriptura sic loquitur , Panem non manducarit , et aquam non bibit : a parte totum , pane omnem cibum , et aqua omnem potum significans.*

[lb. 4.] *Excide tibi duas tabulas , sicut et primæ . subauditur , fuerunt ; unde hoc verbum nostri interpretes etiam abdendum putaverunt , quoniam inusitata est in lingua latina talis ellipsis.*

[lb. xxxv, 4.] *Et ait Moyses ad omnem synagogam*

*filiorum Israel, dicens: plenum esset, et si non haberet, dicens.*

[Ib. xxxv, 21.] *Et attulerunt unusquisque quod affrebat cor eorum: poterat usitatis dici, Et attulit unusquisque quod affrebat cor ejus.*

[Ib. 21.] *Et quibus visum est animae eorum, attulerunt demptionem<sup>1</sup> Domino: non dixit, et sicut visum est anime eorum.*

[Ib. 23.] *Et omnis cui inventum est apud eum coria arietum rubricata: quod diceretur usitate, omnes apud quos inventa sunt coria arietum rubricata.*

[Ib. 24.] *Omnis afferens demptionem, argentum et as attulerunt demptiones Domino: usitatus diceretur, omnis attulit, quam, omnis attulerunt.*

[Ib. 24.] *Et apud quos inventa sunt apud eos ligna imputribilia: apud eos more Scripturarum additum est, nam sine hoc esset plena sententia.*

[Ib. 25.] *Et omnis mulier sapiens mente, manibus nere; quasi nere posset non manibus: et sapiens nere, elegans atque inusitata locutio est. Deinde, Omnis mulier attulerunt: more superiorum plurae concluditur singularis, quia, omnis mulier attulit, usitatus diceretur.*

[Ib. 26.] *Et omnes mulieres quibus visum est sensu suo, in sapientia nerunt pilos caprinos: notandum sapientiam in his artibus saepe appellare Scripturam, id est copiar.*

[Ib. 28.] *Et compositiones et oleum unctionis et compositionem incensi: non compositiones aliquas extra debemus intelligere; sed cum dictum esset, et compositiones, per conjunctionem copulativam non aliud alijunxit, sed quod dixerat exposuit, ut sciremus quas compositiones, et oleum, inquit, unctionis et compositionem incensi: compositiones autem vocat, quia ex multis ista confecta sunt.*

[Ib. 29.] *Et omnis vir et mulier quorum afferebat sensus eorum, ut intrarent, et facerent omne opus quodcum-*

<sup>1</sup> Editi hic et intra, redemptionem: pro quo vss. constanter, demptionem, juxta græc. LXX, aphairema.

*que præcepit Dominus fieri illud per Moysen, attulerunt filii Israel demptionem Domino. Ergo omnis vir et mulier, intelliguntur filii Israel. Ceteræ locutiones similis superioribus.*

[Ib. 52, 53.] *Facere aurum et argentum et as: pro eo quod est facere ex auro et argento et tere; non enim aurum faciebant, sed ex auro. Tale est etiam quod paulo post dicit, Et operari ligna; hoc est, ex lignis.*

[Ib. 53.] *Facere omnia opera sancti textilia, et varia texere coco et byso, facere omne opus architectonicum varietatis. Ecce et in rebus textilibus architectonicum opus appellat: mirum mihi propterea, quia tabernaculum siebat, quod aedificii simile fuit, et tanquam domus erigebatur. Quid autem dicat opera sancti, non evidenter appetet, utrum sancti sacerdotis, quoniam et de stola vel de stolis ejus haec dicuntur; an sancti Dei, in eius cultum haec sibabant; an opera sancti, sicut dicebatur Sanctum et Sanctum sanctorum.*

[Ib. xxxvi, 8 (a).] *Humeralia continentia ex utrisque partibus ejus: non dixit ex utrisque partibus eorum, quamvis illa humeralia, non humerale dixisset, sicut solet humerale dicere; ipsum enim appellavit pluraliter humeralia, sicut stolam et easdem stolas.*

[Ib. 57 (b).] *Et Eliab filius Achisamach de tribu Dan, qui architectonus est textilia et consutilia, et diversicoloria, texere de coco et byso. Novo more dicuntur architectonari textilia. Etiam illud a parte totum intelligentum est quod ait, texere coco et byso: ex his enim et cetera intelligimus, id est, purpuram et hyacinthum.*

[Ib. xxxix, 51.] *Et fecerunt filii Israel sicut præcepit Dominus Moysi, ita fecerunt: plenum esset, etiam si non adducere, ita fecerunt:*

[Ib. xl, 14.] *Et fecit Moyses omnia quæ præcepit ei Dominus, ita fecit: similiter ut dictum est de filiis Israel.*

(a) Apud LXX.

(b) Apud LXX: At in vulgata cap. 38, v. 23.

## LIBER TERTIUS.

Locutiones de Levitico.

¶ < 33 > ¶

(a) [LEVIT. cap. 1, § 2.] *Nomo ex vobis si obtulerit dona Domino a pecoribus, a boibus et ab ovibus offeretis: hoc est, si a pecoribus offeretis, a boibus, ab ovibus offeretis. Oviuin nomine etiam caprarum genus inclusit, sicut in aliis locis solet.*

[Ib. ii, 6.] *Et confringes ea fragmenta: id est, constringendo facies ea fragmenta.*

[Ib. iv, 23.] *Et cognitum ei fuerit peccatum quod peccavit in eo. Duo modi locutionis hic notandi sunt, et peccatum peccavit, et quod addidit, in eo. In quo enim nisi in ipso, id est peccato?*

[Ib. v, 1.] *Si autem anima peccaverit, et audierit vo-*

(a) Vss. aliquot et omnes hactenus editi carent prioribus bice 31 locutionibus; que ex Cisterciensi codice, necnon ex Corbeleensi optime note etante 800 annos conscripto nomine primaria vulgaritur.

*cem jurationis, et ipse testis fuerit, aut viderit, aut conscientius fuerit, si non nuntiaverit, et accipiet peccatum: plus videtur habere, et; nam eo dempto integre sequitur, accipiet peccatum.*

[Ib. 1.] *Si autem anima peccaverit, et audierit vocem jurationis, et ipse testis fuerit, aut viderit, aut conscientius fuerit non nuntiaverit: et positum est, pro id est: nam sic dici possit nostræ locutionis consuetudine. Si autem anima peccaverit, id est audierit vocem jurationis, et cetera.*

[Ib. 3.] *Aut tetigerit ab immunditia hominis, ab omni immunditia ejus, quam si tetigerit inquinetur, et latuit eum, post hoc autem cognoverit et deliquerit; cuin recto ordine dicendum esset, et deliquerit, post hoc autem cognoverit.*

[Ib. xv, 16.] *Anima si latuerit eum oblivione, et peccaverit nolens*: non ait, si latuerit eam, quoniam animam pro homine ponit, sicut facit et in aliis, ubi animam prius dicit, quæ generis feminini est, postea masculinum insert genus ad hominem referens. Sed hic multo est hæc locutio pressior, quoniam continuatim utrumque genus positum est, ut dicatur, *Anima si latuerit eum*. Hæc locutio terruit interpretes latinos, et noluerunt eam transferre, sed ita posuerunt: *Anima si qua latuerit, et peccaverit non volens*, cum aliud sit utique si anima lateat, aliud si animam lateat: hoc autem Scriptura dicit, *si lateat eam*; non, *si ipsa lateat*. In græco autem alio invenimus, *Animam si latuerit ea obliuione*; sed etiam ipse in consequentibus masculinum intulit dicens, *Sacerdos exorabit pro eo, et dimittetur illi*, quod ibi habet αὐτῷ. Unde apparet scriptorem timuisse solœcismum, nec tamen perseverare potuisse in genere feminino victimum evidenter Scripturæ consequentis.

[Ib. vi, 9.] *Ista holocaustos super incensionem ejus super altare totam noctem usque in mane, et ignis altaris ardebit super illud*: potuit non habere et, atque ita dici, *totam noctem usque in mane ignis altaris ardebit*. Sed addita ista conjunctio facit obscuritatem his qui in talibus Scripturarum locutionibus non assuefacti sunt.

[Ib. 14.] *Ista lex sacrificii, quod offerrent illud filii Aaron, sacerdotes ante Dominum*: nihil deesset si non haberet, *illud*.

[Ib. 17.] *Sancta sanctorum est*. Sic habet et græcus, sed græca locutio est, quam nostri quidam transferre nolentes dixerunt, *Sancta sanctorum sunt*.

[Ib. 52 (a).] *Occident arietem qui pro delicto ante Dominum*. Latini interpretes addiderunt, *est*, et dixerunt, *qui pro delicto est*, quod græcus non habet.

[Ib. vii, 6 (b).] *Et si votum aut voluntarium sacrificaverit donum suum, quacumque die obtulerit sacrificium, edetur crasina die*: pro eo quod est, postera die; unde alii, *altera die*, interpretati sunt.

[Ib. viii, 31.] *Coquite carnes in atrio tabernaculi testimoniū in loco sancto, et ibi edetis eas, et panes qui sunt in canistro consummationis, quomodo præceptum est mihi dicens, Aaron et filii ejus edent eam*. Hanc locutionem quidam transferre nolentes dixerunt *quomodo præcepit mihi dicens*; quia hoc videtur consequens, ille autem in nostræ locutionis consuetudine solœcismus est.

[Ib. 55.] *Et ad ostium tabernaculi testimonii sedebitis septem dies, die et nocte*: pro eo quod est, habitatibus.

[Ib. ix, 7.] *Et ait Moyses ad Aaron, Accede ad altare, et fac quod pro peccato tuo, et holocaustum: et exora pro te et domo tua, et fac dona populi, et exora pro eis quomodo præcepit Dominus Moysi*. Non ait, *Quomodo præcepit Dominus mihi*; sed ita locutus est, quasi fuisse alter Moyses cui Dominus præcepit, et alter ille qui hoc ad Aaron loquebatur.

<sup>1</sup> Sic vetus codex Corbeiensis. At Cisterciensis, *vixit*.  
(a) Apud LXX: at in Vulgata, cap. 7, v. 2.  
(b) Apud LXX: at in Vulgata, v. 16.

[Ib. x, 8, 9.] *Et locutus est Dominus ad Aaron dicens, Vinum et siceram non bibetis, et cætera*. Quam locutionem Domini ita concludit, *Omnia legitima quæ locutus est Dominus ad eos per manum Moysei*: cum Dominus loqueretur, non ait, *Quæ locutus sum ad eos per manum Moysi*; sed ea locutione usus est quæ superius ipse Moyses.

[Ib. 9.] *Legitimum æternum in progenies vestras distinguere inter medium mundorum et contaminatorum, et cætera*. Notandum quemadmodum dicat, *æternum*, quod utique non erit sine fine.

[Ib. 14.] Moyses loquens ad Aaron, Eleazar et Ithamar filios ejus, inter cætera etiam hoc ait, *A sacrificiis salutarium filiorum Israel brachium ablationis et pectusculum segregationis super hostias adipum offerent, segregationem segregare ante Deum*. Et erit tibi et filii tuis et filiabus tuis tecum legitimum æternum; cum hoc totum sanguinem fuisse habiturum.

[Ib. xi, 9.] Cum de animantibus quæ in aquis sunt præcipere, quæ sint eorum munda vel immunda, *In aquis, inquit, et in mari, et in torrentibus*. Sed in mari latini codices habent, quia nimis insolens fuit pluralem numerum transferre de græco, et non dicere *in mari*, sed *in maribus*, maxime propter ambiguitatem, ne non maria, sed mares intelligerentur, id est masculi: nam nihilo minus insolens est, sed tamen interpretatum est de sanguinibus, quia latina lingua sanguinis numerum pluralem non recipit, vel in ipso nominativo casu. Nam etsi ab eo quod est mare nemor dicit maribus, dicuntur tamen maria, cum sanguines non dicantur, et tamen scriptum est, *Libera me a sanguinibus* (Psal. L, 16); et, *Non congregabo conventicula eorum de sanguinibus* (Psal. xv, 4). Ergo et maribus ita dici posset nisi, ut dixi, ambiguitas vitaretur. Torrentes vero isto loco pro fluminibus posuit Scriptura, cum torrentes proprie dicantur hiemales fluvii qui siccantur aestate, et ideo pisces habere non possunt. Unde nonnulli interpretes nostri non torrentes interpretari, sed flumina maluerunt. Poni autem in Scripturis torrentes pro fluminibus locus ille Psalmi satis ostendit ubi legitur, *Et torrente voluptatis tuæ potabis eos*. Non enim tale aliquid intelligi voluit nomine torrentis quod ad tempus fluere, ac deinde siccaretur, cum sequatur et dicat, *Quoniam apud te est fons vitaæ* (Psal. xxxv, 9, 10); quæ utique æterna est et indecessiva.

[Ib. 21.] *Sed hæc edetis a repertibus volatilibus, quæ ambulant super quatuor, quæ habent crura superiora pedum ejus*: non dixit, pedum suorum.

[Ib. 44.] *Et eritis sancti, quoniam sanctus ego*: subauditur sum; unde plerique nostri interpretati sunt, *quoniam sanctus sum ego*.

[Ib. xii, 1.] *Et locutus est Dominus ad Moysen dicens*. Hæc usitatissima locutio est et creberrima in Scripturis, *locutus est dicens*. Sed ea quæ sequitur, rarius reperitur, et latini sermonis coarctat iuiciam: græcus enim habet, *καὶ ἐπει τὸ πρᾶγμα αὐτοῦ λέγων*, quod latine exprimi posset, et dices ad eos dicens; minus autem ostendit, si dicas, et inquires ad eos dicens; et simili-

519

lius est græco, quia et ille non dixit, λέπεις πρόδης αὐτοῦς λέγειν, sed, λέπεις πρόδης αὐτοῦς λέγειν.

[Ib. xii, 2.] *Mulier quæcumque semen receperit et pepererit masculum, et immunda erit septem dies: nostri plerique noluerunt transferre, sed ita dixerunt, Mulier quæcumque semen receperit et pepererit masculum, immunda erit septem dies. Illa ergo locutio quoniam et græco eloquio inusitata est, posset nec in græco transferri: quia vero eam Græcos transferre non piguit, eur Latinos pigerit, ignoro.*

[Ib. 4.] *Triginta et tres dies<sup>1</sup> sedebit in sanguine mundo suo. Similiter et de illa quæ seminam peperit, dictum est, sedebit in sanguine mundo suo, sed duplicatis eisdem diebus, id est, sexaginta sex diebus. Sedebit ergo dictum est manebit, non enim per tot dies de sella ei surgere non licebat.*

[Ib. xiii, 2.] *Homini si cui facta fuerit in cute corporis ejus cicatrix signi lucida. Notandum cicatricem dicere Scripturam non vulneris, sed etiam solius coloris nota.*

[Ib. 2.] *Et fuerit in cute coloris ejus tactus lepræ: tactum dicit ipsam maculam, quod ipse homo leprosit tactus.*

[Ib. 3.] *Et videbit eum sacerdos, et inquinabit eum: pro eo quod est, inquinatum pronuntiabit.*

[Ib. 3.] *Et pilus qui est in tactu convertatur albus: id est, convertatur in album.*

[Ib. 6.] *Et purgabit eum sacerdos; signum enim est: purgatum pronuntiabit; sicut, inquinabit, quod supra dixit, inquinatum pronuntiabit.*

[Ib. 7, 8.] *Et viderit eum sacerdos, et ecce commutata est significatio in cute, et inquinabit illum sacerdos: plus habet, et; nam ea conjugione detracta integer sensus est hoc modo, Si autem conversa fuerit significatio in cute, posteaquam vidit eum sacerdos, ut purget illum, et risus fuerit denuo sacerdoti, et viderit eum sacerdos, et ecce commutata est significatio in cute, inquinabit illum sacerdos.*

[Ib. 9, 10.] *Et tactus lepræ, si fuerit in homine, veniet ad sacerdotem, et videbit sacerdos, et ecce cicatrix alba in cute, et hac mutavit pilum album, et a sano carnis vivæ in cicatrice: id est, mutavit pilum in album colorem in cicatricem, mutavit autem a sano carnis vivæ, id est, quia non talem pilum habet, quod sanum est in carne vivat.*

[Ib. 45, 46 (a).] *De leproso cum loqueretur, ait, Et immundus immundus vocabitur; quasi non satis esset semel dicere, immundus vocabitur. Quanquam nonnulli codices ita habeant, in alio græco ita invenimus sensu dictum, immundus vocabitur. Item paulo post dicit, Cum sit immundus, immundus erit; quod in latinum de græco non sicut positum est exprimi potuit: ait enim Græcus, ἀκαλαπτος δι' ἀκαλαπτος τοτε: quasi dice-ret, immundus existens, immundus erit: sed non hoc est existens, quod græcus dicit δι', sed si dici pos-*

<sup>1</sup> MSS., sex dies. Sed liquet legendum hic juxta LXX, tres dies.

(a) Hinc liber tertius incipit in prius editis.

set, essens, ab eo quod est esse, non ab eo quod est existere.

[Ib. xiii, 47.] *Et vestimento si fuerit in eo tactus lepræ: potuit usitate ita dicere, Et in vestimento si fuerit tactus lepræ.*

[Ib. 51.] *Aut in omni vase pellico, in quocunque fuerit in eo tactus: poterat satis esse, in quocunque fuerit tactus.*

[Ib. 55.] *Et ecce non commutavit tactus aspectum suum: id est colore in quem aspicitur; non enim aspectum quo ipse aspicit: tactum quippe ipsam maculam dicit.*

[Ib. xiv, 15.] *Et accipiens sacerdos de hemina olei, supersundet in manum sacerdotis sinistram: non dixit, in manum suam sinistram, cum utique in suam faciet.*

[Ib. xv, 2.] *Viro, viro cuicunque fuerit fluor.*

[Ib. 16.] *Et homo cuicunque exierit ex eo concubitus secundis.*

[Ib. 21.] *Et omne super quodcumque dormit super illud: et omne super quod sederit super illud, immundum erit.*

[Ib. xvi, 21.] *Et emittet in manu hominis parati in erenum: id est, emittet in erenum in manu hominis ad hoc parati; de hirco emissario loquebatur cum hoc diceret: notandum est autem quomodo dicat Scriptura, in manu.*

[Ib. xvii, 3.] *Homo, homo filiorum Israel: id est, ex filii Isracl; ista autem repetitio quemlibet hominem videtur significare, id est, ille aut ille.*

[Ib. xviii, 7.] *Turpitudinem patris tui et turpitudinem matris tuæ non revelabis: hac locutione concubatum vetuit cum his personis.*

[Ib. 14.] *Turpitudinem fratris patris tui non revelabis, et ad uxorem ejus non introbis: propinqua enim tua est: et posuit, pro id est; hanc enim dicit turpitudinem fratris patris ejus, id est, turpitudinem patrui, pendenda uxor patrui.*

[Ib. 25.] *Et exhorruit terra eos qui insident super eam: id est, sedes habent, quod est habitant.*

[Ib. xix, 9.] *Et permetentibus vobis messem terræ vestræ, non perficietis messem vestram agri tui permettere. Hoc quod a plurali cœpit, et ad singularem numerum terminavit, plerique latini interpretari noluerunt, sed dixerunt, agri vestri, ubi dictum est agri tui, quasi græcus hoc non posset dicere: magis ergo locutio notanda fuit quam emendanda.*

[Ib. xx, 17.] *Quicumque accepert sororem suam ex patre suo aut ex matre sua, et viderit turpitudinem ejus, et ipsa viderit turpitudinem ejus, turpitudinem sororis suæ revelavit, peccatum suum accipient: peccatum posuit pro poena peccati.*

[Ib. 25.] *Et segregabis vosmetipos inter medium pecorum mundorum, et inter medium pecorum immundorum, et inter medium volucrum mundarum et immundarum. Segregabis vosmetipos, dixit, inter medium mundorum et immundorum, quoniam segregantur munda ab immundis, vel a mundis immunda: nova est omnino locutio. Aliud est enim, Segregabis inter me-*

d'un eorum mundorum, et inter medium pecorum immundorum, sicut serpissime loqui solet; aliud est quod modo ait, *Segregabis vosmetipos, tanquam illa ab alterutris segregantes, scipios segregent ab utrisque, tanquam judicando inter utraque.*

[ib. xxi, 1.] *Dic sacerdotibus filii Aaron, et dices ad eos, In animabus non inquinabuntur in gente eorum, nisi in propinquio qui proximus est eis: in lucu dicit qui debetur animabus defunctorum; ideo enim lugetur, quia excesserunt.*

[ib. 5.] *Et calvum non rademini super mortuum, et super carnes suas non secabunt sectiones: usitata esset locutio, carnos suas non secabant sectionibus.*

[ib. 7, 8.] *Mulierem fornicariam et profanam non accipient, et mulierem ejectam a viro suo; quoniam sanctus est Domino Deo suo: non dixit, quoniam sancti sunt, sed tanquam de uno loqueretur, cum coperit a plurali. Deinde sequitur singulariter, Sanctificabit<sup>1</sup> eum, dona Domini Dei vestri iste offeret; sanctus est, quoniam sanctus ego Dominus qui sanctifico eos: rursus ad pluralem conclusit.*

[ib. xxii, 11.] *Si autem sacerdos possederit animam emptam pecunia, hic edet de panibus ejus: non dixit, haec edet, cum animam dixerit, quae generis est feminini; sed potius ad illud respexit quod per animam significare voluit, id est hominem.*

[ib. 12.] *Et filia hominis sacerdotis si fuerit viro alienigenæ: id est, si nupserit viro alienigenæ.*

[ib. 26, 27.] *Et locutus est Dominus ad Moysen dicens, Vitulum aut ovem aut capram, cum natum fuerit, et erit septem dies sub matre sua: plus videtur habere, et, secundum usitatissimas locutiones in Scripturis, quas latini plerique transferre noluerant.*

[ib. 32.] *Et sanctificabor in medio filiorum Israel: quod est, sanctus habebor; neque enim Dominus etiam præter filios Israel non est sanctus. Eo sensu dictum est et in oratione dominica, Sanctificetur nomen tuum (Math. vi, 9), id est, sanctum habeatur ab omnibus.*

<sup>1</sup> Editi, *Sanctificari. MSS., Sanctificabit. Apud LXX, Hagia-sis, Sanctificabes.*

[ib. xxiii, 2.] *Loquere ad filios Israel, et dices ad eos, Solemnia Domini quæ vocabitis vocata sancta, ista sunt solemnia mea: sex diebus facies opera: cum ad plures loquendum dixerit, tanquam ad unum postea loquitur.*

[ib. 15 et 16.] *Et numerabis tobis a die crastino sabbati qua obtulerit gremium superpositionis, septem septimanas integras numerabis: non dixit, numerabitis, cum ad plures superius loqueretur.*

[ib. xxiv, 11.] *Et cum nominasset filius mulieris Israe-liidis, nomen maledixit: cum hic non addiderit, Dei, manifestum est tamen nomen Dei esse intelligendum cui maledixit.*

[ib. 18.] *Homo, homo si maledixerit Deum, suum peccatum accipiet. Ecce ubi satis appetat locutionis esse, cum dicatur, Homo, homo, tanquam dicat, homo ille aut ille, hoc est quicumque homo: non sicut quidam putaverunt, Homo, homo ita dici, tanquam laudabiliter nuncupetur, ac si diceretur, Homo, sed homo; id est, non qualiscumque velut similis pecori, sed qui vere sit homo: quem sensum non esse verum, sed locutionis hoc esse Scripturarum, aperte hic ostenditur, cum in eo dicitur qui culpatur, non qui laudatur.*

[ib. xxv, 46.] *Cum de servis ageret, quos liceret habere Israelitis, Et erunt vobis, inquit, in possessionem in æternum: cum utique æterni moriendo esse non possent vel domini vel servi; æternum ergo dixit, ubi non est temporis præstitutus modus quo usque serviant sicut constitutus est eis, quos in remissione dimitti jubet libertati sue.*

[ib. xxvi, 3.] *Si in præceptis meis ambulaveritis, et mandata mea observaveritis, et feceritis ea, et dabo pluviam vobis in tempore suo: superfluum est, et, conuenienti locutionis nostræ, sed more Scripturarum additum; sequebatur enim, dabo vobis.*

[ib. 18.] *Et si usque adhuc non obedieritis mihi, et apponam castigare vos septies in peccatis vestris: etiam hic superfluum est, et; sequebatur enim, apponam castigare vos: quod autem ait, septies, pro omni numero accipiendum est.*

## LIBER QUARTUS.

Locutiones de Numeris.



[Num. cap. i, § 4.] *Et vobiscum erunt unusquisque secundum caput uniuscujusque principium.*

[ib. 22, 20.] *Filiis Simeon secundum propinquitates eorum, secundum populos eorum, secundum dotos familiarum eorum, secundum numerum nominum eorum, secundum caput eorum, omnia masculina, a viginti annis et supra, omnia que procedunt in virtute, recognitio eorum. Ille locutio quod non dicit, filii Simeon, vel, ex filiis Simeon, sed, filii Simeon, dativo easin, et hoc servat denotare in ceteris tribibus, non est translata ab interpretibus latinis quos inspicere potuimus. In sola autem tribu Ruben, quæ prima numerata est, non est*

PATROL. XXXIV.

ista locutio: non enim ait, Filiis Ruben secundum propinquitates eorum, etc., sed ait, *Et fuerunt filii Ruben primogeniti Israelis secundum propinquitates eorum;* et deinde similiter ut in ceteris.

[ib. 54.] *Et fecerunt filii Israel secundum omnia quæ mandavit Dominus Moysi et Aaron; ita fecerunt.*

[ib. iii, 3.] *Sacerdotes qui uncti sunt, quorum consueta uerunt manus eorum sacerdotio fungi.*

[ib. iv, 14.] *Et imponent super illud omnia vasa ejus, quibus ministerant in ipsis.*

[ib. v, 7.] *Et reddet cui deliquerit ei: quidam locutio nem Islam transferre nolentes, emendato ordine*

(Dix-sept.)

*verba transtulerunt, dicentes, Et redde: ei cui deliquit.*

[lb. 6.] *Vir aut mulier quicumque fecerit ab omnibus peccatis humanis: non ait, quemcumque fecerit; sed locutio est, ubi sexus masculinus pronomen vindicavit, quamvis posterius femininus sit positus, quem locutio usitata non est.*

[lb. 12.] *Viri viri, si pravaricata fuerit uxor ejus: non solum quia geminavit nothen, ut diceret. Viri, viri, sed etiam quia addidit, ejus, notanda locutio est.*

[lb. 14.] *Si superveniet illi spiritus zelandi, illa autem non fuerit inquinata, et adducet homo uxorem suam ad sacerdotem: superfluum est, et, sed Scripturis usitata locutio.*

[lb. 18.] *Erit aqua argutionis, quae maledicitur haec: hanc locutionem inusitatam fecit ordo verborum; posset enim usitate ita dici, Erit aqua argutionis haec quae maledicitur, aut, Erit haec aqua argutionis quae maledicitur, vel si quid aliud usitata verba ordinando dici potest.*

[lb. 19.] *Innocens sto ab aqua argutionis, quae maledicitur haec. In hac locutione non solus verborum ordo inusitate sonat, sed etiam casus mutatus est: esset enim integrum et usitatum, Innocens esto ab hac aqua argutionis, quae maledicitur; aut, ab aqua argutionis haec, quae maledicitur.*

[lb. 27.] *Et inflabitur ventrem; pro, inflabitur ventre: haec locutio et apud latinos auctores frequenteratur; sed interpretes nostri qui eam transferre noluerunt, dixerunt, Et inflabitur venter ejus.*

[lb. vi, 2.] *Vir vel mulier quicumque magne roveris rotum: non dixit, quemcumque.*

[lb. 9.] *Et radetur caput suum, talis locutio est qualis superius, inflabitur ventrem.*

[lb. vii, 3.] *Sex rehricula tecta et duodecim boves, rehriculum a duobus principibus, et ritulum a singulis: in hac locutione notandum putavi eosdem dictos vitulos quos boves dixerat; sed hoc etiam græcum idiomma esse perhibetur.*

[lb. 11.] *Princeps unus quotidie, princeps quotidie offerent dona sua: pro eo ut diceret, singulis diebus singuli principes.*

[lb. 15.] *Vitulum unum pro bobus, et hircum ex capris unum.*

[lb. viii, 19.] *Et non erit in filiis Israel accedens filiorum Israel ad sancta: videtur potuisse sufficere, Et non erit in filiis Israel accedens ad sancta; aut certe, non erit filiorum Israel accedens ad sancta.*

[lb. 20.] *Et fecit Moyses et Aaron et omnis synagoga filiorum Israel Levitis secundum que præcepit Dominus Moysi de Levitis; ita fecerunt eis filii Israel.*

[lb. ix, 15.] *Et homo, homo quicumque mundus fuerit, et in riam longinquam non est, et deseruit facere pascha, exterminabitur anima illa de populo suo: ergo homo, homo, locutio est, ac si diceret, quicumque homo, ille vel ille.*

[lb. 17.] *Et cum ascendisset nubes a tabernaculo, et postea promovebant filii Israel: poterat plenum esse, Et cum ascendisset nubes a tabernaculo, promovebant filii Israel.*

[lb. x, 14.] *Et promovebunt ordo castrorum filiorum Juda primi.*

[lb. 17.] *Et promovebunt filii Gerson et filii Merari: futuri temporis verbum posuit, cum rem gestam praeteritam narret, sicut in superioribus cum de nube loqueretur, ad cuius motum vel stationem castra promovebant vel consistebant (Exod. xii, 21, 22), atque ita deinceps in plurim promotionibus hoc verbo utitur.*

[lb. 29.] *Et dixit Moyses Obeth filio Raguel Madianitæ genero Moysi: non ait, genero suo.*

[lb. 30.] *Et dixit ad eum, Non ibo, sed ad terram meam et ad progeniem meam: subauditur, ibo.*

[lb. xi, 4.] *Et promiscuus qui erat in eis, concupiverrunt concupiscentiam: singularem posuit pro plurali, ut promiscuus dicaret, non promiscui; et tamen pluralem reddidit, cum ait, concupiverunt.*

[lb. 6.] *Nunc autem anima nostra arida, nihil praeter in manna oculi nostri: desunt verba, est et sunt; plenum quippe esset, Anima nostra arida est, nihil praeter in manna sunt oculi nostri: nam quidam interpres ita transtulerunt, et addiderunt verba quae non sunt in greco.*

[lb. 8.] *Et molebant illud in mola.*

[lb. 21.] *Sexcenta millia peditum, in quibus sum in eis.*

[lb. 25.] *Et abstulit de spiritu qui super ipsum: subauditur, aut erat, aut erit. Sed hanc locutionem, quae dicitur ellipsis, græco eloquio familiarissimam, et, quantum puto, etiam hebreo, latinos interpretes transferre piguit, cum et in latina lingua frequenteretur, quamvis minus quam in græca.*

[lb. 33.] *Et percussit Dominus plagam magnam valde: notandum fuit locutio, percussit plagam; non, percusserat plaga, quod est usitatum.*

[lb. xii, 3.] *Et homo Moyses lenis valde: subauditur, erat.*

[lb. 9.] *Et ira animationis Domini super eos: subauditur, facta est.*

[lb. 10.] *Et ecce Maria leprosa sicut nix: et hic subauditur, facta est.*

[lb. xiii, 20.] *Et quæ terra, in qua isti insident super eam; et quæ civitates, in quibus isti habitant in ipsis.*

[lb. 25.] *Locum ipsum quem nominaverunt vallem Botri<sup>1</sup>; cum superius dixisset, Venerunt in vallem Botri; dictum est ergo per anticipationem, non quia ianu vocabatur quando venerunt, sed cum scriberetur hic liber, jam vocabatur.*

[lb. 52.] *Quoniam fortior nobis est magis: usitata esset locutio si non haberet, magis.*

[lb. 33.] *Et protulerunt pavorem terræ, quam extolleraverunt eam.*

[lb. 33.] *Terram quam transivimus eam explorare, terra comedens qui habitant super eam est: dicendum autem fuit usitata. Terra quam transivimus explorare.*

[lb. xiv, 7.] *Terra quam exploravimus eum, bona est valde valde.*

[lb. 10.] *Et atti omnis synagoga lapidare eos in lapidibus: non dictum est, lapidibus; cum ipsum lapidare, posset usitata locutione sufficere.*

<sup>1</sup> MSA. constanter, Botri.

[lb. 41.] *Et quousque non crederunt mihi in omnibus signis, quibus feci in ipsis? non ait, quae feci in ipsis.*

[lb. 24.] *Puer autem meus Chaleb, quoniam spiritus alius in eo, et assecutus est me, et inducam eum in terram: usitatum esset, si non haberet, et.*

[lb. 24.] *Et inducam eum in terram, in quam intravit illuc: sufficeret usitata locutione, in quam intravit.*

[lb. 26.] *Et ait Dominus ad Moysen et Aaron, dicens: hoc illatum est, cum Dominus et superius loqueretur. Facit hoc saepe Scriptura, cum aliquid aliud vult dicere, iterum inducit loquenter, qui jam loquebatur.*

[lb. 29.] *Quotquot murmuraverunt super me: non ait, de me, aut adversus me.*

[lb. 31.] *Et hereditate possidebunt terram, quam vos abscessistis ab ea: usitatum esset, a qua vos abscessistis; nunc vero, et quam abscessistis dictum est novo more, et additum est, ab ea, sicut Scripturæ loqui solent: sicut est, *Penitusque sonantes accetgis scopulos*, id est, accessistis scopulos, non ait, ad scopulos; et, *Devenire locos* (*Aeneid. lib. I, vv. 200, 201; et lib. 6 v. 638*), non ait, ad locos: ita et quam abscessistis, non ait, a qua abscessistis.*

[lb. 35.] *Ego Dominus locutus sum, nisi ita fecero synagogæ malignæ isti. Querendum est sane quid sit quod græcè positum est ἢ μὴν<sup>1</sup> nostri enim interpres hoc pene ubique interpretati sunt, nisi.*

[lb. xv, 18.] *In terram in quam ego induco vos illuc.*

[lb. 27, 28.] *Si autem anima una peccaverit non sponte, offeret capram unam anniculam pro peccato, et exorabit sacerdos pro anima invita, et quæ peccaverit nolenter ante Dominum, exorare pro eo; et remittetur ei. In hac sententia, et illa locutio notanda erat, quod ait, exorabit sacerdos, et postea dixit, exorare, utrumque enim simul ita dici possit, exorabit exorare. Et illa, quod a feminino genere incipiens ad masculinum clausit. Cum enim dixisset, *Si anima una peccaverit*; conclusit dicens, *exorare pro eo*: ubi intelligitur, pro eo homine: nam et quod adjunxit, *et dimittetur ei*, in latino quidem non appareat, quia hoc pronomen generis omnis est; sed in græco masculinum eluet, ubi habet αὐτῷ, quod hic positum est, *ei*. Quod vero hic dictum est, *pro anima invita*, intelligitur quæ invita peccaverit, non quod nolit pro se offerri. Hoc enim etiam consequenter exposuit, cum ait, *et quæ peccaverit nolenter*. Et ideo *invita* positum est, quia latine non potuit exprimi quod græcè dictum est ἀκονειασθενς, non enim potuit dici nolentata, vel quid aliud ab eo quod nolens fecerit.*

[lb. 30.] *Et anima quacumque fecerit in manu superbie; subauditor peccatum: notandum etiam quod ait, manu superbie, manum ponens pro opere sive protestate.*

[lb. 33.] *Morte moriatur homo; lapidate eum lapidisbus, omnis synagoga: et morte moriatur, et lapidate lapidisbus, et lapidate, omnis synagoga, locutiones sunt inimicatae nobis.*

[lb. xvi, 17.] *Et accipite singuli thuribulum suum.*

<sup>1</sup> *Fatu, ekel. At MSS. fere uti apud LXX, & mēn., quod Num. cap. 28 et 35, aliisque locis vertitur, nisi.*

[lb. 33.] *Et descendenter ipsi et omnia quæ sunt eis: præsens posuit pro præterito, sunt pro erant vel fuerunt.*

[lb. 34.] *Et omnis Israel qui in circuitu eorum, fegerunt a voce eorum: subanditnr erat; id est, omnis Israel qui erat in circuitu eorum.*

[lb. 37.] *Quoniam sanctificaverunt thuribula peccatorum horum in animabus suis: non dixit, quia sanctificaverunt thuribula peccatores hi in animabus suis; sed quasi quereretur quorum thuribula pro eo ut diceret sua, dixit, *peccatorum horum*. Qui autem sanctificaverint, intelligendum reliquit, id est, quia ipsi.*

[lb. xvii, 8.] *Et ecce germinavit virga Aaron in domo Levi: latina consuetudo, in domo Levi exigeret dicit.*

[lb. xviii, 6.] *Et ego accepi fratres vestros Levitas de medio filiorum Israel dationem datum Domino: haec locutio in latinum necessitate ita translata est. Nam græcus habet δόμα, διδομένω, quod si quisquam latine velit exprimere, dicturus est, datum datum, quia et δόμα datum est, secundum quod dicit Apostolus, *Non quia quārō datum, sed requiro fructum* (*Philipp. 1, 17*), quod in græco δόμα scriptum est: et in Genesi, *Dedit Abraham data filiis suis* (*Gen. xxv, 6*); græcus habet, δόματα: et in Evangelio, *Nostis bona data dare filiis vestris* (*Math. vii, 11*); δόματα est in græco: et διδομένω, datum est, non nomen, sed participium. Ac per hoc datum datum diei posset, tanquam datum quod datur, nisi ambiguitas vitanda esset. Haec ambiguitatem quidam nostri interpres vitare conantes, *donum datum* dixerunt; sed donum, græcè δόμα, dicitur, non δόμα: unde hoc loco non recte diceretur, quia non sibi hoc donatum a filiis Israel dicit Deus, sed pro primogenitis sibi debitum redditum: unde et quæ redduntur et quæ donantur, data dici possunt; et ideo omne donum etiam datum est, non omne datum etiam donum est: quia non omne quod datur continuo etiam donatur.*

[lb. xviii, 12.] *Omnis primitia olei, et omnis primitia vini et tritici, primitia eorum quacumque dederint Domino, tibi dedi ea. Non dixit, omnem primitivum tibi dedi eum; sed cum dixisset, *omnis primitia*, et enumeraret de quibus rebus esset, intulit, *tibi dedi ea*: nec saltem, tibi dedi eam, aut, tibi dedi eas, id est primicias; sed neutrum genus intulit, quod quidem fieri absoluta locutione etiam in latina lingua solet. Neque hoc quod dictum est, *primitia*, latinum videtur: primitiae quippe numeri tantum pluralis dicit solent. Sed si potuerunt interpres nostri transferre quod in græco invenerunt, *Non congregabo conventicula eorum de sanguinibus* (*Psal. xv, 4*); et alio loco, *Virum sanguinum et dolosum abominabitur Dominus* (*Psal. v, 7*); cum sanguis in latina lingua numeri sit tantum singularis; cur etiam hic pigeret singularem numerum *primitia*, sicut habet græcæ, exprimere? Aliqui tamen interpres primicias translulerunt, et per accusativum casum, ut dicentes, *omnes primicias tibi dabo*. Ita utrumque locutionem nobis inusitatam, quomodo in græco inventa est, transferre noluerunt.*

[lb. xix, 2.] *Loquere filii Israel, et accipiant a te juventam rufam: pro eo ac si diceret, adducant ad te;*

aut certe utrumque usitate diceretur, accipiant et ad-  
dicant ad te juvencam rufam.

[Ib. 7.] *Et lavabit corpus suum aqua*: hoc intellige-  
retur etiamsi non haberet, *aqua*.

[Ib. 9.] *Et ponet extra castra in locum mundum*: non  
in loco mundo dixit, quod latine locutionis est.

[Ib. 15.] *Omne vas apertum quaecumque non habent  
alligaturam alligatam super ea*.

[Ib. xx, 9.] *Et accepit Moyses virgam quae ante Do-  
minus*: subauditur, erat.

[Ib. 12.] *Quia non credidistis sanctificare me in con-  
spectu filiorum Israhel*: id est, sanctitatem meam de-  
clarare. Secundum istam locutionem dictum est, *Et pro eis sanctifico meipsum* (*Joan. xvii, 19*): et in ora-  
tione Dominica, *Sanctificetur nomen tuum* (*Math. vi, 9*).

[Ib. 15.] *Et incolae fuitius in Aegypto dies plures*:  
pro, annis multis.

[Ib. 18.] *Et dixit ad eum Edom*: hoc est gens ipsa;  
non enim adhuc vivebat Edom qui erat Esau: sicut  
ipsi qui nuntios miserunt, Israel vocabantur, quod  
primum nomen unius hominis erat.

[Ib. 19.] *Et dicunt ei filii Israel, Juxta montem trans-  
ibimus*: si autem de aqua tua bibemus ego et pecora  
mea, dabo pretium tibi: satis eleganter a plurali transit  
ad singularem numerum, tanquam Israel diceret, cum  
dixisset, *filiis Israel*, et a verbis copisset numeri plu-  
ralis, quod est, *transibimus* et *biberimus*.

[Ib. 30.] *Et vidit omnis synagoga quia dimissus est  
Auron*: non facile hoc verbum reperitur in Scripturis,  
dimissus, pro eo quod est mortuus; hoc et in Evan-  
gelio est, ubi ait Simeon, *Nunc dimittis servum tuum  
in pace* (*Luc. ii, 29*): verum tamen ἀπόλυτον habet in  
græco, quod magis a resolutione quam a dimissione  
dictum sonat; non enim dicit *ἀπουσία*, quod sine dubio  
est, dimittis.

[Ib. 30.] *Et flaverunt Aaron triginta dies omnis do-  
minus Israel*: non dixit, flevit; nec dixit, tota vel uni-  
versa, sed *omnis*, quasi plures essent; sicuti est,  
omnis homo, quod de omnibus dicitur, longe utique  
aliud quam totus homo, quod de uno dicitur: sed as-  
sidue ponit Scriptura omne pro toto.

[Ib. xx, 5.] *Et detrahebat populus ad Deum et ad-  
versus Moysen*: non dixit, de Deo; sed, *ad Deum*. Quamvis  
hanc locutionem quidam transferre nolentes, de-  
trahebant de Deo, transtulerunt.

[Ib. 7.] *Ora ergo ad Deum ut auferat a nobis serpen-  
tem*: sicut et in Exodo dictum est, ranam (*Exod. viii,*  
*6*), singulare pro plurali.

[Ib. xx, 8.] *Et factum est quando monordit serpens  
hominem*, et aspergit in ænrum serpentem, et vivebat:  
non solum hoc habet ista locutio quod vertit modum  
verbi, et a specie perfecta præteriti temporis ad im-  
perfectam clausit, sed etiam quod plus habet, et.

[Ib. 11.] *Et elecentes ex Oboia*, cæstra collocaverunt  
in Achalgai trans in eremo: hoc est, in interiore eremo.

[Ib. xx, 23.] *Et percussit animam in virga*: non dixit,  
virga, sed, *in virga*.

[Ib. xxii, 16.] *In maledictionem inimicorum meorum  
vocari te*, et ecce benedixisti benedictionem: non dixit,

benedictione, sed tanquam diceret, ecce dixisti bene-  
dictionem.

[Ib. 12.] *Quæcumque miserit Deus in os meum, hoc  
observabo loqui*: non dixit, hæc observabo.

[Ib. 13.] *Veni tecum adhuc in locum alium, de quo  
non ridebis eum inde*.

[Ib. xxv, 4.] *Et ait Dominus ad Moysen, Accipe du-  
ces populi, et ostenta eos Domino contra solem, et averte-  
tur ira animationis Domini ab Israel*: cum Dominus  
loqueretur; non dixit, et ostenta eos mihi, et avertetur  
ira mea ab Israel.

[Ib. 15.] *Domus familiaris est Madian*: de muliere hoc  
dixit, que cum adultero Israelita percussa est; quibus  
verbis, quantum puto, intelligi voluit nobilem fuisse,  
ut diceret eam, *domus familias*, sicut jam vulgo ad insi-  
gne divitiarum et paterfamilias et materfamilias dicitur.

[Ib. xxvi, 1.] *Et locutus est Dominus ad Moysen et  
ad Eleazar sacerdotem dicens, Accipe principium totius  
synagogæ filiorum Israel a viginti annis et supra*: no-  
tandum quid appellaverit principium, robur scilicet  
ætatis in populo.

[Ib. xxvii, 20 et 21.] *Ut exaudiant eum filii Israel*:  
et, *In ore ejus exibunt*; et, *In ore ejus introibunt*, id est,  
cum jusserit.

[Ib. 22.] *Et fecit Moyses secundum quæ præcepit illi  
Dominus*; et assumens Jesum statuit eum ante Eleasa-  
rum sacerdotem, etc., ubi hoc notandum fuit, quia cum  
jam dixisset, *Et fecit Moyses secundum quæ præcepit  
illi Dominus*, eadem ipsa repetit.

[Ib. 23.] *Et commendavit eum secundum quæ præcep-  
pit Dominus Moysi*: non ait, secundum quæ præcepit  
illi Dominus.

[Ib. xxviii, 13.] *Decimam decimam similaginis conspar-  
sam in oleo agno uni*: id est singulas decimas singulis  
agnis; quod enim ait, *Decimam decimam*, significavit  
quod repetendie sint decimæ per singulos agnos.

[Ib. 16 et 17.] *Et in mense primo quarta decima mœ-  
sis hujus dies festus, septem dies azyma edetis*: notan-  
dum diem festum per plures dies celebrari; et tamen  
diem festum dici, non dies festos, ipsius festivitatis  
celebrationem, quotquot dies tenerit.

[Ib. xxix, 1.] *Et mense septimo una mensis*. Secun-  
dum hanc locutionem dictum est in Genesi, *Et facta  
est vespera, et factum est mane dies unus* (*Gen. i, 5*):  
nam et ibi sicut hic græcus habet ἡμέρα μία, unde  
quidam hic interpretantes *prima die mensis*, nece-  
ssaria in locutionem prætermiserunt, quamvis a sententia  
verborum non recesserint.

[Ib. 2.] *Vitulum unum ex bobus, arietem unum*: non  
ait, ex ovibus, sicut illud ex bobus, cum et illud si de-  
asset, plenum esset.

[Ib. 2.] *Agnos anniculos sine vitio septem*: hoc quod  
in agnis posuit, *sine vitio*, per omnia subauditur, et  
in vitulo scilicet, et in ariete.

[In 4.] *Decima decima agno uni, septem agnis*: id est,  
singula singulis.

[Ib. 39.] *Exceptis rotis vestris, et voluntaria vestra, et  
holocausta vestra, sacrificia vestra, et libaniua ve-  
stra, et salutaria vestra*. Hanc locutionem, si vel græca

essel, non notarem : non enim ait, Exceptis votis vestris et voluntariis vestris, et cætera, ut ceperat; sed neque, Excepta vota vestra, ut ab ipso velut solœciso inciperet : sed cum prius recte usitata locutione dixisset, Exceptis votis vestris; ea deinde adjunxit per alium casum, ubi subaudiri non possit, exceptis, sed, excepta; quod non admittit nec græca nec latina locutio.

[lb. xxx, 3.] *Homo, homo quicunque uoverit votum Domino* : pro eo quod est, omnis homo.

[lb. 4.] *Cum autem mulier uoverit votum Domino*, aut definierit definitione in domo patris sui in juventute sua. Hic mulierem feminam dicit etiamsi virgo sit, more Scripturæ : unde etiam de Christo est, quod ait Apostolus, *Factum ex muliere* (*Galat. iv, 4*).

[lb. 4.] *Et quidcirca pater ejus vota ejus et definitiones ejus, quas definivit. Definitiones definitivæ, locutio est.*

[lb. 4.] *Definitivæ adversus animam suam* : id est, adversus delectationes animæ suse.

[lb. 4.] *Et tacuerit pater ejus, et stabunt omnia vota ejus* : hic plus habet, et; nam integer sensus est, *Si audiuerit et tacuerit pater ejus, stabunt omnia vota ejus.*

[lb. 7.] *Si autem facta fuerit viro* : intelligitur, nuperit; Scriptura sic loquitur.

[lb. 7.] *Et vota ejus super eam* : subauditur, sunt, quod nonnulli interpres etiam addiderunt.

[lb. 13.] *Omnia quæcumque exierint ex labiis ejus secundum vota ejus, et secundum definitiones quæ adversus animam ejus, non manet ei, et cum exspectaretur numerus pluralis, ut dicere, non manent ei*; nam ita nonnulli interpretati sunt, vitantes istum quasi solœcum.

[lb. xxxi, 4.] *Mille ex tribu, et mille ex tribu, ex omnibus tribubus Israel*. Numquid duodecies dixit mille? Et tamen repetitio ista milles significat.

[lb. 8.] *Interfecerunt in gladio* : quod usitate dicetur, interfecerunt gladio.

[lb. 10.] *Et omnes civitates eorum, quæ in habitacionibus eorum* : subauditur, erant.

[lb. 10.] *Et villas eorum succederunt in igni* : quod usitate dicetur, succederunt igni.

[lb. 18.] *Et omnem multitudinem mulierum, quæ non novit concubitum masculi, vivificate*. Nusquam certius apparebit hebreæ locutione mulieres etiam dici virgines solere.

[lb. 28 et 29.] *Et a dimidia parte eorum accipietis, et dabis ea Eleazar sacerdoti primitias Domini* : non dixit, dabis.

[lb. 33.] *Et animæ hominum a mulieribus, quæ non cognoverunt concubitum viri, omnis anima duo et triginta millia* : et hic superior locutio consternata est, mulieres dici etiam quæ non cognoverunt concubitum viri, id est virgines.

[lb. 54.] *Et accepit Moyses et Eleazar sacerdos aurum a chitarchis et a centurionibus, et intulit ea in tabernaculum testimonii. Videtur dicere debuisse, et intulit illam in tabernaculum testimonii*; quoniam aurum acceptum esse prædixerat, et plerique latini codices sic

habent : sed ideo pluraliter videtur illatum ut diceret, *intulit ea*, quia multa vasa fuerant superius commemo- rata, in quibus erat hoc aurum.

[lb. xxxii, 1.] *Et pecora, multitudo erat filii Ruben et filii Gad, multitudo copiosa valde* : non dixit, et pecorū multitudo erat.

[lb. 4.] *Et viderunt regionem Jaser et regionem Galaad, et erat locus, locus pecoribus* : non jungendum est in pronuntiatione quod bis dicit locus; sed subdivi- guendum, et erat locus, et deinde inferendum, locus pecoribus. Quasi enim exspectaretur qualis locus, ita repetitio eleganter illata est.

[lb. 2.] *Et accedentes filii Ruben et filii Gad, dixerunt ad Moysen et Eleazar sacerdotem, et ad principes synagogarum, dicentes* : non est ista vel græca vel latina locutio, dixerunt dicentes, sed hebræa videtur.

[lb. 3.] *Detur terra ista famulis tuis in possessionem* : quasi de aliis dicerent, cum sibi peterent.

[lb. 12.] *Non enim seculi sunt post me, præter Chaleb filius Jephone*. Videtur dicere debuisse, præter Chaleb filium Jephone; sed nominative intulit, qui processit, seculi sunt. Est autem ista locutio etiam latina, sed rara.

[lb. 13.] *Donec consumeretur omnis generatio facien- tes maligna in conspectu Domini* : non dixit, faciens maligna; neque, facientium maligna.

[lb. 16.] *Et accesserunt ei, et dixerunt* : non ait quod usitatum est, accesserunt ad eum.

[lb. 24.] *Et ædificabilis vobis ipsis civitates impedi- mentis vestris* : ac si diceret, ædificabilis vobis ipsis civitates propter impedimenta vestra.

[lb. 26, 27.] *Impedimenta nostra et uxores nostræ et omnia pecora nostra erunt in civitatibus Galaad, pueri autem tui transibunt omnes armati* : non dixerunt, nos autem transibimus omnes armati, sed tanquam de aliis dicerent.

[lb. 28.] *Et commendavit eis Moyses Eleazar sacerdo- tem et Jesum filium Nave, et principes familiarum tri- buum Israel*. Non ait, commendavit eos Moyses Eleazar sacerdoti, quod utique ordo locutionis usitata exigebat : per hos enim introducti sunt in terram, quam petebant : unde magis illi istis a quibus intro- ducebantur in terram postulatam, quam isti qui in- ducebant, illis quos introducebant, commendati vi- dentur.

[lb. 30.] *Si autem non transierint armati vobiscum in bellum in conspectu Domini, et transferre impedimenta eorum* : plus habet, et.

[lb. 33.] *Et dedit eis Moyses filii Gad et filii Ruben* : plus habet, eis.

[lb. xxxiii, 14.] *Et non ibi erat aqua populo, bi- bere* : pro eo quod est, ad bibendum.

[lb. 51.] *Loquere filii Israel, et dices a eos* : suffi- cere videtur, loquere filii Israel.

[lb. 52.] *Et omnia idola fusilia eorum perdetis ea* : plus habet, ea.

[lb. xxxiv, 6.] *Hoc erit vobis fines maris* : non dixit, hi erunt vobis.

[Ib. 7.] *Et hoc erit vobis fines ad Aquilonem : cadem repetita locutio est.*

[Ib. xxxv, 3.] *Et erunt civitates eis habitare : pro eo quod dici solet, ad habitandum.*

[Ib. 11.] *Refugia erunt vobis fugere illo homicidam : quod usitate dici potest, ut fugiat illo homicida.*

[Ib. 15.] *Et incolae qui in vobis, istas civitates in refugium : singulari numero positum est incolae ; id est, huic incolae qui in vobis, quoniam minus habet, est : non enim ait, qui in vobis est, notissima locutione, sed raro in lingua latina quam in greca.*

## LIBER QUINTUS.

Locutiones de Deuteronomio.

~♦♦♦♦~

[DEUTER. cap. 1, § 7.] *Usque ad flumen magnum, flumen Euphrat : non dixit, usque ad flumen magnum Euphrat.*

[Ib. 17.] *Et iudicium quod durum fuerit a vobis, affretis illud ad me : non dixit, quod durum fuerit vobis, sed, a vobis ; id est, ita durum, ut a vobis iudicari non possit.*

[Ib. 35.] *Si ridebit aliquis virorum istorum terram optimam hanc, quam juravi patribus eorum, praeter Chaleb filius Jephone, hic videbit eam : et in libro Numerorum istam locutionem notavimus, quia non dixit, praeter Chaleb filium Jephone ; sed, filius.*

[Ib. II, 7.] *Dominus enim Deus vester benedixit te in omni opere manuum tuarum : non ait, benedixit vos in omni opere mannum vestrarum, cum prædixisset, vester, non, tuus.*

[Ib. 21.] *Nunc ergo surgite, et promovete, et pertransite vos vallem Arnon ; ecce tradidi in manus tuas Seon regem Ezebon : non dixit, in manus vestras, sed a plurali ad singularem transiit.*

[Ib. IV, 7.] *Quoniam quæ est gens magna, cui est ei Deus appropians illis : duo sunt hic notanda ; vel quod ait, cui est ei, vel quod non ait, appropians illi, sed, appropians illis.*

[Ib. 12.] *Et similitudinem non vidisis, sed vocem : cum vox non posset videri, sed generaliter hoc verbum posuit, tanquam ad omnem corporis sensum videre pertinet.*

[Ib. 5 et 14.] *In quam vos ingredimini illo, haereditare eam : plenum esset etiamsi non additum esset, illo.*

[Ib. 20.] *Et eduxit vos de fornace ferrea ex Ægypto : fornacem ferream, duram tribulationem intelligi volebit : secundum hoc et de Joseph dictum est in Psalmis, Ferrum pertransiit animam ejus (Psalm. civ, 18).*

[Ib. 22.] *Et non transeo Jordanem hunc ; quasi et alius sit Jordanis : ex hac locutione arbitror sæpe dici etiam hunc mundum, quasi alius sit.*

[Ib. 25.] *Si autem genueris filios et filios filiorum tuorum : notanda locutio est, ubi et avos nepotes dicit gignere.*

[Ib. 29.] *Et queretis ibi Dominum Deum vestrum ; et invenietis eum, quando exquireritis eum ex toto corde tuo, et ex tota anima tua in tribulatione tua : non dixit, in toto corde vestro, et in tota anima vestra, in tribulatione vestra.*

[Ib. 32.] *Interrogate dies priores, qui fuerunt priores te : non dies, sed homines intelligendum est. Similiter et hoc notandum quod etiam superius cum dixerit, Interrogate pluraliter, priores te intulit singulariter ; non, priores vobis.*

[Ib. 34.] *Si et tentavit Deus ingressus accipere sibi gentem de media gente : tentavit, pro eo quod est voluit, positum est, aut quid aliud : quod autem ait, de media gente, de mediis gentibus intelligendum est, singulari posito pro plurali ; sicut serpentem, ranam, et locustam, pro serpentibus ; ranis et locustis, scriptum legimus.*

[Ib. 34.] *Secundum omnia quæ fecit Dominus Deus vester in Ægypto coram te vidente : nihil minus est, etsi non addatur, vidente.*

[Ib. V, 5.] *Et ego stabam inter Dominum et vos in tempore illo, annuntiare robis verba Domini ; quoniam timuistis a facie ignis, et non ascendistis in montem, dicens, Ego sum Dominus Deus tuus, etc. Dicens posuit pro, cum diceret.*

[Ib. 14.] *Et advena qui incolit in te : populo dictum accipiendo est, non quasi uni homini, quia in populo incolit advena.*

[Ib. 15.] *Propter hoc constituit tibi Dominus Deus tuus, ut observes diem sabbati, et sanctificare eum : si, et, non haberet, non videretur inusitata locutio, ut observes diem sabbati sanctificare eum ; aut certe si ita esset, ut observes diem sabbati et sanctificares eum ; aut ita, propter hoc constituit tibi Dominus Deus tuus observare diem sabbati et sanctificare eum : nunc vero, ut observes diem sabbati, et sanctificare eum, inusitata et notanda locutio est.*

[Ib. VI, 13.] *Attende tibi, ne dilatetur cor tuum, et obliviscaris Domini Dei tui : notandum etiam in malo dici posse dilatationem cordis ; exultatio quippe in dilatatione intelligitur, cui contrariae sunt angustiae, id est tristitia : utrumque autem potest et in bono et in malo accipi.*

[Ib. 20.] *Et erit cum interrogaverit te filius tuus cras dicens : cras posuit, pro futuro quoconque tempore.*

[Ib. viii, 1.] *Septem gentes magnas et multas : quoniam ergo multas, si septem? sed multas dixit multitudinem habentes.*

[Ib. 2.] *Non dispones ad eos testamentum ; cum de gentibus diceret : testamentum ergo pro pacto posuit*

[lb. 3 et 4.] *Et filiam ejus non sumies filio tuo ; discedere enim faciet filium tuum a me , et serviet diis aliis , et iracuerit indignatione Dominus in vos : non ait , irascar , sed tanquam de alio diceret.*

[lb. ix, 1.] *Civitates magnas et muratas usque in cœlum : hyperbolice dictum.*

[lb. 4.] *Ne dicas in corde tuo , cum consumperit Dominus Deus tuus gentes istas ante faciem tuam , dicens , Proprius justias meas induxit me Dominus hereditare terram bonam istam : ordo est , Ne dicas in corde tuo dicens .*

[lb. 28.] *Ne quando dicant inhabitantes terram , unde eduxisti nos inde : more Scripturæ additum est , inde.*

[lb. xi, 3.] *Quæ fecit virtutem Ægyptiorum : hoc interpres quidam latini minus intelligentes noluerunt dicere virtutem , sed virtuti , vel exercitui ; quoniam id quod ait Græcus δύναμις , nonnulli exercitum intellexerunt . Sed elegans locutio est , Quæ fecit virtutem eorum ; intelligendum est quid eam fecit ; quoniam ad nihil eam redigit : sed quia pluraliter dictum est , ideo subobscurum est .*

[lb. 6.] *Quos aperiens terra os suum deglutivit eos , et domos eorum , et tabernacula eorum : duæ locutiones hic notandæ sunt , quod et additum est , eos , cum sufficere posset quod ait superius , quos , et domos eorum cum dixisset , addidit et tabernacula eorum , quasi alias in eremo haberent domos nisi tabernacula . Sed nimis domus intelligi voluit homines ad eos pertinentes , sicut ipsi populo dicitur , Et nunc tu , domus Jacob (Isai. ii, 5). Nec ista locutio aliena est a latina lingua : nam et Romani dicti sunt domus Assaraci (Æneid. lib 1, v. 284) , quod ex Assaraco Trojano originem ducerent .*

[lb. 7.] *Quoniam oculi vestri viderunt omnia opera Domini magna , quæ fecit in vobis hodie : cum de his operibus diceret , quæ per erenum facta sunt eo tempore quo ibi circumducebantur per quadraginta annos ; tamen hodie dixit , quod intelligi voluit hoc tempore , quotquot ibi annos idem tempus habere potuisse .*

[lb. 9.] *Terram quam juravit Dominus patribus vestris dare eis , seminique eorum post eos : tanquam diceret , id est semini eorum post eos ; non enim et ipsis dedit , sed ita ipsis dedit , cum semini eorum dedit .*

[lb. 13.] *Si autem auditu audieritis omnia manda ejus , quæ ego mando tibi hodie ; auditu videtur superfluum , sed locutio est Scripturæ sanctæ familiarissima .*

[lb. 14.] *Et dabit pluviam terræ tue in tempore suo matutinum et serotinum <sup>1</sup>. Cum matutinum tempus dies dicatur , numquid hinc intelligi voluit tempus anni primum ? Serotonin vero minus latitum est ; sed non potuit magis proprie de græco exprimi , quod illi dicunt ηερων : tamen etiam in latina lingua vulgo usitatum est ; ut dicatur serotonin , sed quod tardius quam oporteat factum est ; hic vero tempus anni potius intelligi voluit .*

<sup>1</sup> MSS. quinque hic tantum , matutinum et serotoninam .

[lb. 15 et 16.] *Et cum comederas , et satiatus fueris , attende tibi ipsi ne dilatetur cor tuum , et prævaricemini et serviatis diis aliis . Jam superius tales locutiones notavimus , sive quod a singulari ad pluralem transit , sive quod in malo voluit intelligi dilatetur , ubi uoxiam prosperitatem significavit .*

[lb. 24.] *Et flumen magnum flumen Euphratem , repetitiones istæ usitatæ sunt in Scripturis , et rem decenter commendant .*

[lb. 25.] *Timorem vestrum et tremorem vestrum imponet Dominus Deus vester super faciem universæ terre : non timorem et tremorem quo ipsi timent et tremunt , sed quo timentur et alios tremere faciunt .*

[lb. xii, 17.] *Non poteris manducare in civitatibus tuis decimationem frumenti tui : pro eo quod est , non debebis .*

[lb. xiii, 16.] *Et incendes civitatem in igni : nos usurati diceremus , igni .*

[lb. xiv, 24.] *Si autem longe fuerit via a te : ac si diceret , longa via fuerit ; adverbium posuit pro nomine .*

[lb. xv, 6.] *Et fenerabis gentes multas . Fenerationem Scriptura dicit mutuo datam pecuniam , etiamsi usus non accipientur : unde est et illud in Psalmo , Beatus qui miseretur et commodat (Psal. cxii, 5). Hoc enim maluerunt interpretari nostri , qui sententiam potius quam verba sequenda putaverunt : nam in græco habet δικαιοσύνη , quod est feneratur .*

[lb. 6.] *Et principaberis gentium multarum ; tu autem non principabuntur : tanquam diceret , tibi non dominabuntur , hoc est gentes : genitivus enim casus est singularis hujus pronominis quod ait tui , cuius dativus est tibi ; non pluralis nominativus , cuius genitivus est tuorum .*

[lb. 7.] *Si autem fuerit in te egenus in fratribus tuis ; non uni homini , sed populo dicitur , ideo in te .*

[lb. 7, 8.] *Si autem fuerit in te egenus in fratribus tuis in una civitatum tuarum , in terra quam Dominus Deus tuus dat tibi , non avertes cor tuum , neque constringes manum tuam a fratre tuo egente : aperiens aperies manus tuas ei , senus fenerabis ei quantumcumque postulat , et quantum eget . Hic certe cum opera misericordiae præcipiat , non usque usurarum crudelitas suscipienda est : unde apparet quod ait , senus fenerabis ei , mutuo dandum quod postularet , intelligi voluisse . Quod autem ait , aperiens aperies manus tuas , tale est et quod sequitur , senus fenerabis , usitata locutio est in Scripturis sanctis .*

[lb. 17.] *Cum de aure pertundenda servi præcepisset , Et ancillam , inquit , tuam facies similiter : accusativum pro dativo ponens ; non ait , ancillæ tue facies , quod locutionis nostræ consuetudo poscebat .*

[lb. 21.] *Si autem fuerit in eo vitium , claudum aut cæcum , vel omne vitium malum : non ait , claudicatio aut cæcitas , ipsa enim sunt vitia ; sed claudum , et cæcum , quod sunt non vitia , sed animalia quæ habent vitia . Hoc quoque notandum est quod ait , vitium malum , quæsi posset esse vitium bonum .*

[lb. xvi, 4.] *Et non dormiet de carnis , de quibus*

*immolaueritis vespere die primo usque in manu : pro eo quod est, non remanebit ea nocte, non dormiet dictum est.*

[Ib. xvii, 4.] *Non offeres Domino Deo tuo ritulum vel ovem, in quo est in ipso vitium : usitata locutio esset, in quo est vitium ; sed ista Scripturis est usitator.*

[Ib. 5.] *Et lapidabis eos in lapidibus, et morientur : quod ex nostra consuetudine diceretur, lapidibus, non in lapidibus.*

[Ib. 16.] *Non multiplicabit sibi equum : pro equis vel pro equitatu, equum posuit ; unde nonnulli equitatum interpretati sunt.*

[Ib. 15.] *Non poteris constituere super te hominem alienum, quia non est frater tuus : Non poteris, dictum est pro, non debebis.*

[Ib. xviii, 16.] *Secundum omnia quae petiisti a Domino Deo tuo in Horeb, in die convocationis, dicentes : cum dixerit superioris petiisti, diceutes subiecit, non, dicens.*

[Ib. xx, 4.] *Quoniam Dominus Deus noster, qui praeedit vobis : non dixit, vos.*

[Ib. xxii, 6.] *Si occurreris nido avis ante faciem tuam in via. Notandum quod occurreris dixit etiam non ambulanti.*

[Ib. 8.] *Si autem aedificaveris domum novam, facies coronam solario tua, et non facies homicidium in domo tua, si cadat qui cecidit ab eo : id est, a solario cadat qui cecidit; nimis innuitata locutio est.*

[Ib. xxiv, 2 et 3.] *Et abiens fuerit viro alteri, et oderit eam vir novissimus. Notandum ex duobus posteriorem novissimum dici : talis locutio est et in Evangelio, quando queritur ex duobus fratibus quis eorum fecerit voluntatem patris, et responderetur novissimus, cum duo fuerint (Matth. xxi, 31).*

[Ib. 6.] *Non pignerabis molam, neque superiorē lapidem molæ, quia animam iste pignerat : pro eo quod est, quia animam pigneras, si feceris. Deinde notandum animam dixisse, pro ea vita quam habet anima in corpore : ex qua locutione et illud est in Evangelio, *Nonne anima plus est quam esca* (Matth. vi, 25) ?*

[Ib. 7.] *Si autem deprehendatur homo surans animam ex fratribus suis filiis Israel : animam pro homine posuit. Denique sequitur, et opprimens eum vendiderit; quæ non minus notanda est locutio : noluit enim dicere, eam, quod esset magis consequens, quoniam animam dixerat; sed eum, id est hominem, in cuius significatione dixerat animam.*

[Ib. 10.] *Si debitum fuerit in proxima tuo, debitum quodcumque : repetitio verbi locutionem notandum facit.*

[Ib. xxv, 7.] *Si autem ugluerit homo accipere uxorem fratris qui, et ascendat mulier in porta ad senatum et dicet, Non uult frater viri mei suscitare nomen fratris sui in Israel, noluit frater viri mei. Quatavisi verborum repetitiones amet Scriptura, inusitator est tamen repetitio hæc : sed elegantius querelæ ostenta affectum.*

[Ib. xxvii, 21.] *Maledictus omnis qui dormierit cum*

*omni pecore : pro eo quod est, concubuerit. Deinde cum omni pecore, pro eo quod est, cum qualibet pecore.*

[Ib. xxviii, 48.] *Et servies inimicis tuis, quos immittet Dominus Deus tuus super te. Græcus habet λατρεύειν, ubi latinus interpretatus est, servies : solet autem hoc verbum in ea servitute Scriptura ponere, quæ debetur Deo ; unde idololatræ appellantur, qui ea servitute idolis serviant : ergo hic inusitate positum est hoc verbum. Quanquam possit etiam hunc sensum habere, quod tam graviter multa dixerit, ut inimicis suis nimium superbiciatis tanquam diis servisse cogantur.*

[Ib. 49.] *Gentem cuius non audies vocem ejus : et hoc notandum est, quod et cuius dixit, et ejus, sicut loqui Scripturæ solent ; et in quod ait, cuius non audies vocem, pro eo quod est, cuius linguam non intelliges.*

[Ib. 54 et 55.] *Mollis in te et tenera valde fascinabit oculo suo fratrem suum, et uxorem quæ est in sinu ejus, et qui reliqui sunt filii quicumque relicti fuerint illi ; ita ut det uni ex eis a carnibus filiorum suorum de quibuscumque edet, eo quod non derelictum sit ei quidquam in angustia et tribulatione, qua tribulabunt te inimici tui in omnibus civitatibus tuis. Notandum est quemadmodum hic dictum sit fascinabit, pro invidebit, et tanquam ad hoc derelicto, ut necesse sit ei dare de carnibus filiorum, quas cogit necessitas in cibum sumi a parentibus. Nam et in Proverbis quod latini codices habent, *Non cœnabis cum vira invidio* (Prov. xxiii, 6) ; græcus habet, ἀνδρὶ βασικά· φίλοναν αὐτομ fascinus dicitur.*

[Ib. 63.] *Et erit sicut latitus est Dominus in vobis, benefacere vobis. Græcus habet, benefacere vos, nec videtur esse saltem græca locutio : accusativus tamen pro dativo positus intelligitur ; unde maluerunt latini interpretes dicere vobis, quam vos.*

[Ib. xxix, 2.] *Vos vidistis omnia quæ fecit Dominus Deus vester in terra Ægypti, coram vobis, Pharaoni et servis ejus omnibus et omni terræ illius, tentationes magnas, quas viderunt oculi tui : notandum illas plagas etiam tentationes vocari.*

[Ib. xxx, 4.] *Si fuerit dispersio tua a summo cœli usque ad summum cœli, inde congregabit te Dominus Deus tuus. Mirum si non hoc dicit, a summo cœli usque ad summum cœli, quod solet etiam dicere, a summo terræ usque ad summum terræ : fortasse propterea quia secundum id quod et iste aer cœlum dicitur, coniungitur terræ.*

[Ib. 12 et 13.] *Non in cœlo est, dicens, Quis ascendet in cœlum, et accipiet nobis illud, et audientes illud faciemus? Neque trans mare est, dicens, Quis transfrerabit nobis trans mare, et accipiet nobis illud, et audientes illud faciemus? dicens pro eo posuit quod est, ut dicas : nova locutio.*

[Ib. xxxi, 8.] *Et Dominus qui comitatur tibi tecum.*

[Ib. 16.] *Et dixit Dominus ad Moysen, Ecce tu dormies cum patribus tuis : hoc verbo ejus mortem significavit.*

[Ib. 27.] *Amaricantes eratis quæ ad Deum : id est, amaricabatis ea quæ Dei sunt.*

[Ib. 29.] *Scio enim quia post obitum meum, iniquitate iniquitatem faciei : uno verbo autem græce dicitur, iniquitatem facietis, quod est ἀρνητε.*

[Ib. 29.] *Et occurrit vobis mala novissimum dierum : sic enim habet græcus, pro in novissimis diebus, aut in novissimo dierum.*

[Ib. xxxii, 6.] *Nonne hic ipse pater tuus possedit te, et fecit te, et creavit te? ordo notandus est; prius enim videtur dicere debuisse, creavit te et fecit te, et deinde, possedit te. Quomodo enim intelligitur posse possideri qui non est?*

[Ib. 44.] *Cum adipè renūm tritici. Hæc metaphora nimis inusitata est, ut renes tritici intelligantur velut interiora tritici, unde farina ejicitur : hoc enim et adipem dixit; nam hoc nomine etiam farinam solent Græci dicere : hoc enim habet græcus in Exodo, ubi scriptum est, *Elevantes farinam super humeros suos* (Exod. xii, 34); græcus quippe interpres ὑπέρτατο posuit, quod sunt adipes.*

[Ib. 20.] *Filiī in quibus non est fides in eis : usitata Scripturis locutio.*

[Ib. 36.] *Quoniam judicabit Dominus populum suum, et in servis suis consolabitur : pro, servos suos consolabitur ; nisi forte ipsum consolari dicit translate verbo, velut ab indignatione et offensione, qua eura offendunt malii. Sic autem ejus consolatio accipienda est, non ex more hominum, sicut nec ira et zelus, et cetera talia.*

[Ib. 37.] *Ubi sunt dñi eorum, in quibus fidebant in ipsis : plenum esset et sine, in ipsis.*

[Ib. 40.] *Et jurabo dexteram meam : id est, per dexteram meam.*

[Ib. 42 (a).] *Lætamini cœli simul cum eo, et adorent eum omnes Angeli Dei : alii codices habent, et adorent eum omnes filii Dei. Filios autem Dei dictos, qui Angeli sunt in cœlis, non facile in Scripturis sanctis invenitur.*

(a) Apud LXX.

## LIBER SEXTUS.

Locutiones de Jesu Nave.



[Jos. cap. i, § 14.] *Vos autem transibiis expeditiones fratribus vestris, omnis fortis : id est, omnis quicumque in vobis fortis est.*

[Ib. iii, 4.] *Ut scias viam, quam ibitis eam : plenum esset, etiam si non haberet, eam.*

[Ib. v, 13.] *Et factum est, cum esset Jesus in Jericho : notanda locutio est ; nondum quippe erant in eadem civitate, cujus portæ contra illos clausæ fuerant, unde factum est ut in eam intrare non possent, nisi muri ejus cedidissent circumacta arca Domini : ergo in Jericho dictum est, in terra quæ pertineret ad Jericho.*

[Ib. vi, 1.] *De Jericho dictum est cum clausa esset, Nec quisquam ex illa prodibat, neque introibat : utique in illam subauditur, non ex illa ; hoc appellatur græce Στήριξ ταχίνης.*

[In 21.] Dominus dicit ad Jesum : *Ecce ego tradidi subjugatam Jericho, et regem ejus qui est in ea, potentes fortitudine. Mirandum quod non hic posuit conjunctionem copulativam ut diceret, et potentes fortitudine, quam solet Scriptura tam assidue ponere, ut etiam ibi inveniatur ubi sensum solitæ locutionis impedit : an et Jericho et rex ejus dicti sunt potentes fortitudine?*

[Ib. 25, et iv, 9.] *Et Raab meretricem et domum paternam ejus vivificavit Jesus, et commorata est in Israel usque in hodiernum diem. Notandum est quemadmodum dicat Scriptura, usque in hodiernum diem, quod assidue dicit ; nam et de lapidibus illis duodecim qui positi sunt ubi Jordani ex ima parte deflexerat, et ex parte superiori constituerat, arca transiente vel populo, ita dictum est, quod essent ibi usque in hodiernum diem : quod videtur ita sonare, tanquam post plurimum temporis per hanc Scriptu-*

*ram ista narrentur, nec eo tempore ii libri conscripti fuerint quo erant hæc recentissima. Quisquis autem putat hoc, quid de ista meretrice dicturus est, quæ utique quantum est actas unius hominis vixit, et tamen dicitur, usque in hodiernum diem ? De his itaque rebus hoc dicitur, quæ non ita constitutæ sunt, ut postea mutarentur ab eis qui constituerunt : quomodo dicitur aliquis in exsilium perpetuum missus, quia non ad tempus praefinitum hoc suppicio plectitur ; non quia quisquam potest esse perpetuus in exilio, cum homo ipse non possit esse perpetuus. Sic ergo et ista meretrice non est præcepta ad tempus habitare in Israel ; ideo dictum est, usque in hodiernum diem.*

[Ib. vii, 41.] *Dominus dicit ad Jesum : Peccavit populus, et transgressus est testamentum meum, quod disposui ad eos. Notandum quemadmodum testamentum appeleret hoc quod præceperat, ut anathema esset Jericho, et nemo sibi iude aliiquid usurparet.*

[Ib. viii, 1 et 2.] *Dominus loquens ad Jesum ait inter cetera : Ecce dedi in manus tuas regem Gai et terram ipsius, et facies Gai sicut fecisti Jericho et regi ejus, et prædam pecorum prædaberis tibi. Præcipue notanda locutio est, non solum quia prædaberis tibi dixit, tanquam unius futura esset illa præda, cum omnium esset futura ; nam tales locutiones usitatissimæ sunt, cum Deus tanquam ad unum loquitur, que ad populum loquitur : sed hoc novum est hic, quia prædicta Scriptura, Et dixit Dominus ad Jesum, quem constat unum hominem suis ; quod tamen dixit prædaberis tibi, non utique ita dictum est, ut præda illa hujus unius hominis esse præcepta sit, sed universi populi.*

[Ib. 12.] *Et insidiae erant civitati a mari. Qui nescit, putat istam civitatem maritimam. Consuetudinis est*

autem Scripturarum, ut occidentalem partem, a mari appellat, vel ad mare; quia ex ipsa parte terra ubi haec agebantur, proprius habet mare quam a ceteris partibus.

[Ib. 18.] *Extende manum tuam in gæso, quod est in manu tua, contra civitatem.* Ista locutio notanda non esset, nisi propter nomen quod obscurum est eis, in quorum consuetudine non est. Quid enim dicat gæson, non facile intelligitur: hoc interpres Symmachus scutum appellasse perhibetur. Septuaginta autem interpres, secundum quos ista tractamus, qui posuerunt gæson, miror si et in græca lingua hastam vel lanceam gallicanam intelligi voluerunt: ea quippe dicuntur gresa, quorum et Virgilius meminit, ubi ait de Gallis in scuto Aeneæ pictis, *Duo quaque Alpina coruscant gæsa manu* (*Aeneid. lib. 8, vv. 661, 662*).

[Ib. 22.] *Et facti sunt inter medium castrorum, hi hinc et hi hinc.* Duo notanda sunt in hac locutione: unum, quod cum hostes qui vincabantur, in medio essent, tanquam de his dictum est, quod hi essent hinc et hi hinc, cum potius ita Israelite fuerint, qui eos in medio posuerant persecutendos; alterum, quod inter medium castrorum eos factos esse dicit Scriptura, castra appellans etiam productas acies in prælio constitutas, cum castra non soleant appellari, nisi ubi exercitus ad manendum consistit: nisi forte ideo castra appellata sunt, quia cum omnibus suis ibant.

[Ib. 27.] *Exceptis pecoribus et spoliis, quæ erant in civitate, prædati sunt filii Israel secundum præceptum Domini, quemadmodum constituit Dominus Jesu:* ita dictum est *Exceptis pecoribus et spoliis, prædati sunt*, quasi ipsa non fuerint prædati, cum potius ipsa prædati sint, et excepta ideo dicta sint, quia haec illo prælio sola consumpta non sunt.

[Ib. ix, 7.] Israelite respondentes Gabonitis dixerunt: *Vide ne in me habites.* Et quomodo disponam tibi testamentum? Jam et superius tales locutiones notavimus: hoc est enim *Vide ne in me habites*, quod est, apud me, id est in terra quam eis promiserat Deus. Et hic tanquam ad unum hominem videntur locuti, cum legatus ad eos non unus venerit: sed more suo genti et populo responsa reddentes, singulari numero loquuntur, sicut plerisque et ad ipsos Deus vel ductor ipsorum. Notandum etiam quod pactum pacis testamentum vocat Scriptura, more quidem suo; nam ex eo ita loquitur.

[Ib. x, 17.] *Et nuntiatum est Ieclu dicentes, Inventi sunt quinque reges absconditi in spelunca: pro eo quod est, nuntiaverunt dicentes.*

[Ib. 25.] *Ita faciet Dominus omnibus inimicis vestris, quos vos debellabitis eos: nihil minus esset huic sententiae, et si non haberet, eos.*

[Ib. xi, 19 et 20.] *Et omnes cepit in bello, quia per Dominum factum est confortari cor eorum, ut obviam irent ad bellum ad Israel, ut exterminarentur: notandum est, confortari cor, non semper in hono accipendum.*

[Ib. xiv, 6.] *Tu scis verbum, quod locutus est Domi-*

*nus ad Moysen hominem Dei de me et te: nom dixit, hominem suum.*

[Ib. xvii, 16.] *Et dixerunt filii Joseph, Non sufficit nobis mons et equus electus, et ferrum Chananæo qui habitat in Bethsan: equum electum dixit, pro equis electis, quod usitatum in nostro sermone non est; unde nonnulli latini interpres noluerunt equum interpretari, sed equitatum. Sic autem dictum est, equus electus, pro equis, sicut in nostra consuetudine dicitur miles, pro militibus.*

[Ib. xix, 33 et 34.] *Et facti sunt exitus illorum Jordani, et revertentur fines ad mare: non dixit, reversi sunt, aut saltem, revertuntur, sicut solet de finibus dici; sed, revertentur, tanquam adhuc futurum sit, cum preteritorum sit ista narratio: et in omnibus fere ipsis terrarum divisionibus, per singulas quasque tribus ita loquitur Scriptura, ut futuri temporis verbis utatur.*

[Ib. xx, 9.] *Refugere illuc qui percusserit animam nolens:* hic animam, vel hominem intelligere debemus, vel vitam carnis quæ fit per animam; qua locutione et illud dictum est a fratribus Joseph, *Non percutiamus ejus animam* (*Gen. xxxvii, 22*), id est, non eum occidamus. Nam si anima posset ab interfactorum percuti, non diceret Dominus, *Nolite timere eos qui corpus occidunt, animam autem occidere non possunt* (*Matth. x, 28*).

[Ib. xi, 2.] *Mandavit Dominus in manu Moysi: locutio familiarissima Scripturis; ita enim dicitur, Verbum quod factum est in manu illius vel illius prophetæ, hoc est in potestate dicendi datum.*

[Ib. 40 (a).] *Et accepit Jesus cultros petrinos, in quibus circumciderat filios Israel:* non dixit, quibus circumciderat, sed in quibus.

[Ib. xxii, 7.] *Et ubi dimisit eos Jesus in domos suas, et benedixit eos dicens: plus videtur hic copulativa conjunctio, id est, et; nam ita dici posset, Et ubi dimisit eos in domos suas, benedixit eos dicens.*

[Ib. 8.] Item alia locutio notanda est, quod cum dixisset Scriptura, *Et benedixit eos Jesus dicens, atque his verbis intentos fecisset audire quid benedicendo dixit Jesus; hoc solum subjecit, In divitiis multis abiurunt in domos suas, et pecora multa valde, et argenteum et aurum et vestem multam valde, divisorunt prædam inimicorum suorum cum fratribus suis:* quod magis esse narrantis quam benedicentis appareat.

[Ib. 10.] *Ædificaverunt ibi aram super Jordanem, aram magnam videre:* ista locutio etiam in sermone latino nota est.

[Ib. 11.] *Et audierunt filii Israel dicentium: non ait, dicentem, vel dicentes.*

[Ib. 27.] *Servire servitutem Domini:* in qua locutione duo notanda sunt, et servire servitutem, quæ etiam latina locutio reperitur; et servitutem Domini, id est quæ debetur vel exhibetur Domino.

[Ib. 30.] *Et audientes Phinees sacerdos et omnes principes synagogæ qui erant cum illo, verba quæ locuti sunt filii Ruben et filii Gad et dimidium tribus Manasses, et placuerunt illis: audientes pro audierunt positum est;*

(a) Apud LXX.

aut plus est hic, et: nam plenus est sensus, *audientes verba hæc, placuerunt illis*: nec tamen sine inconscientia; quia, cum audissent, dicendum fuit.

[lb. xxvii, 4.] *Et Jesus senior provectus diebus*: hoc de Abraham dictum notavimus, seniorem in Scripturis non solum illum appellari qui est infra ætatem senis, sed etiam valido senem. Unde non omnis se-

nior senex, omnis autem senex senior dicit potest.

[lb. xxiv, 7.] *Et induxit super illos mare, et operuit super illos*: non ait, operuit illos, quamvis nonnulli interpretes hoc maluerunt dicere.

[lb. 17.] *In omnibus gentibus quas transivimus per ipsas*: usitate in Scripturis sunt istæ locutiones, nec tam crebro notandæ quam crebro intercurrunt.

## LIBER SEPTIMUS.

Locutiones de Judicil. us.



[Jude. cap. 1, § 1.] *Et factum est postquam defunctus est Jesus, interrogabant filii Israel in Domino*: non ait, Dominum, quod sermonis nostri consuetudo poscebat.

[lb. 3.] *Et bellemus in Chananæo*: non dixit, adversus Chananæum, aut contra Chananæum, aut saltem, in Chananæum.

[lb. ii, 8.] *Et mortuus est Jesus filius Nave servus Domini, filius centum decem annorum*. Isla repetitio quod cum dixisset filius Nave, repetivit filius, et deinde addidit, centum decem annorum, inusitata est; ut potius filius centum decem annorum diceret, quam homo centum decem annorum: sed tamen et alibi reperitur.

[lb. 10.] *Et omnis generatio appositi sunt ad patres suos*: notanda locutio est, quod non ait, apposita est, quia plures erant.

[lb. 14.] *Tradidit eos in manu prædantium*: non dixit, in manu; quod videtur latina locutio postulare.

[lb. 18.] *Et cum suscitarit Dominus eis judices, et erat Dominus cum judge*: solita locutione plus est hic, et; nam plenum esset, *Et cum suscitarit Dominus eis judices, erat Dominus cum judge*. Notandum est etiam hoc, quod a plurali ad singularem transiens, non ait, cum judicibus, sed, *cum judge*, id est, cum quoque judice.

[lb. 19.] *Et factum est, cum moreretur judeæ, et revertebantur, et iterum corrumpebant super patres suos*. Recta locutio esse ita potrat secundum consuetudinem sermonis nostri, Et siebat cum moreretur judeæ, et revertebantur, et iterum corrumpebant super patres suos. Si, et, non haberet, plenum esset, cum moreretur judeæ, revertebantur, et iterum corrumpebant super patres suos, id est plusquam patres eorum.

[lb. 20.] *Propter quod tanta dereliquit gens hæc testamentum meum*: tanta dixit, pro tantum, id est tamen multum nomen pro adverbio, quod etiam in latinis locutionibus maxime poeticis invenitur.

[lb. 20.] *Et non obaudierunt vocis meæ*: greca magis locutio est.

[lb. iii, 10.] *Factus est super eum Spiritus Domini*: cum Spiritus Domini utique factus non sit; sed super eum factus est, ita dictum est ac si diceretur, factum est ut esset super eum. Ex qua locutione et in Evangelio legitur. *Ante me factus est* (Joan. i, 27); id est,

factum est ut esset ante me: quod alio modo dicetur, prælatus est mihi.

[lb. 21.] *Et sumpsit Aioth gladium de super femore suo dextro*: sic interpretari potuit quod græcus habet: καὶ ἀπὸ ποδὸς, nam locutio minus latina est.

[lb. 17.] *Erat autem Eglo vir exilis valde*: hoc καὶ ἀριστερὸς dictum, id est locutione contraria, sequentia indicant; quando enim percussus est, dictum est quod conculserunt adipes vulnus, quia non eductus est gladius de ventre ejus.

[lb. 31.] *Et percussit alienigenas in sexcentos viros*: non ait, alienigenarum sexcentos viros, aut certe alienigas in sexcentis viris.

[lb. iv, 6.] *Nonne præcepit Dominus Deus Israel tibi, et perges in montem Thabor?* Non ait, ut pergas, quod videtur esse consequens; sed inusitata locutio, *Nonne præcepit tibi, et perges*, ut subaudiamus verbum quod supra positum est, et sit, *Nonne perges?* aut solita locutione plus habet, et; nam ista conjunctione detracta sensus currit, *Nonne mandavit Dominus Deus Israel tibi, Perges in montem Thabor, et accipies tecum decem millia virorum?* etc.

[lb. 8.] *Quoniam nescio diem in quo Dominus prosperat angelum mecum*: utrum prosperat actus angeli ejus qui meeum est? an prospera mihi facit per angelum?

[lb. 13.] *Omnes currus suos, nongentos currus ferreos*. Ubilibet distinguitur, elegans repetitio: utrum *omnes currus suos*, et deinde sequatur *nongentos currus ferreos*; an *omnes currus suos nongentes*, et deinde inferatur *currus ferreos*.

[lb. 15.] *Et parefecit Dominus Sisaram, et omnes currus ejus, et omnia castra ejus, in ore gladii in conspectu Barach*. Quomodo pavefecit currus, nisi eos intelligas qui erant in curribus? *Et pavefecit Dominus Sisaram, et omnes currus ejus, et omnia castra ejus, in ore gladii in conspectu Barach*. Pavfecit in ore gladii, ac si diceret, interfecit in ore gladii: pavfecit ergo, cum caderentur gladio.

[lb. 16.] *Et descendit Sisara desuper curru suo*: ita dici latine potuit, quod est grecæ καὶ ἀπὸ ποδὸς.

[lb. 18.] *Et cooperavit eum in pelle sua*: non dixit, pelle, aut de pelle; sic enim habet græcus καὶ τῇ διβεντυρᾷ.

[lb. 20.] *Et erit, si quis venerit ad te, et dixerit, Est hic vir?* et dices, *Non est*. Detracta conjunctione consequentem habet sensum, *Si quis venerit ad te, et dixerit, Est hic vir?* dices, *Non est*.

[lb. 24.] *Et pergebat manus filiorum Israel pergens : solita et frequentata locutio est.*

[lb. 24.] *Et indurabatur in Jabin regem Chanaan : novo modo positum est hoc verbum, indurabatur, pro eo quod est, fortis efficiebatur et prævalidus.*

[lb. v, 26.] *Perforavit caput ejus, et percussit : id est, percussit caput ejus, et perforavit.*

[lb. 51.] *Sic pereant omnes inimici tui, Domine ; et diligentes eum sicut ortus solis in potentia ejus : non dixit, diligentes te, cum utique de Domino intelligi vellet.*

[lb. vi, 3.] *Et factum est, quando seminavit vir Israel : non unum hominem significat, sed ipsam gentem.*

[lb. 3.] *Ascendebat Midian et Amalech et filii Orientis, et ascendebat super eum : ista repetitio verbi non videtur habere solitam elegantiam vel affectum.*

[lb. 9.] *Et liberavi vos de manu Aegypti : per manum, potestatem significat ; per Aegyptum, Aegyptios.*

[lb. 13.] *Et dixit ad eum Gedeon, In me, Domine mi : subintelligitur, intende, hoc est, In me intende ; et est ista locutio Scripturis familiarissima.*

[lb. 15.] *Et si est Dominus nobiscum, et utquid invenerunt nos omnia mala ista ? Plùs habet conjunctionem, et, sicut solet loqui Scriptura, que si detrahatur, plena sententia est, Et si est Dominus nobiscum, utquid invenerunt nos omnia mala ista ? Quamvis et superior conjunctio possit salva sententia detrahi, ut cum dixisset, In me, Domine mi ; deinde subsequatur, si est Dominus nobiscum, utquid invenerunt nos omnia mala ista : magis enim hoc exigit nostræ locutionis consuetudo.*

[lb. 25.] *Et vitulum annorum septem. Ilic manifestum est quomodo vitulos appetit Scriptura : bos enim annorum septem, secundum consuetudinem locutionis nostræ, non est utique vitulus. Secundum hanc ergo locutionem dictum est de Samægar<sup>1</sup>, quod occiderit sexcentos viros præter vitulos boum (Jud. iii, 31), hoc est præter boves.*

[lb. 34.] *Et cecinit in cornea : subauditur tuba ; græcus enim non habet, tuba, sed tantum cornea.*

[lb. vii, 12.] *Camelis eorum non erat numerus, et erant sicut arena que est ad labium maris. In multitudine constat ὅπερελογος dictum. Hac autem translatio, ubi labium maris posuit pro littore, assidua est in Scripturis, sed rara est in latinis codicibus, quia plerique littus interpretationi sunt, magis quid significaret labium volentes ponere, quam ipsum labium. Nam littus si vellent Septuaginta interpretes dicere, non decasset linguae græcae quod dicerent.*

[lb. 46.] *Et divisit trecentos viros per tria principia : pro partibus principia posuit.*

[lb. viii, 1.] *Et dixerunt ad Gedeon viri Ephraim : id est vires de tribu Ephraim.*

[lb. 4.] *Quid verbum hoc fecisti nobis, ut non vocares nos cum exires pugnare in Midian ? verbum pro facto posuit.*

[lb. ix, 4.] *Et dederunt septuaginta argenti : subauditur, pondo, vel tale aliquid : interpretatio ex hebreo, septuaginta pondo habet.*

<sup>1</sup> In MSS., sagemar.

[lb. 4.] *Et conduxit in ipsis Abimelech viros : in ipsis dixit, pro ex ipsis, id est ex argenti pondo septuaginta conduxit viros.*

[lb. 4.] *Viros inanes et perturbatos : inanes posuit pro levibus, quibus sunt contrarii graves ; unde dicitur, In populo gravi laudabo te (Psal. xxxiv, 18).*

[lb. 5.] *Et intravit in domum patris sui in Ephratha, et interfecit fratres suos filios Jerobaal septuaginta viros super lapidem unum : quia jam superius septuaginta dixerat filios Jerobaal, id est Gedeon ; et nunc eos septuaginta dicit occisos : quamvis minus occisi fuerint duo ; id est, ipse qui occidit, et Joatham junior qui latuit, de quo adjungens dicit, et remansit Joatham filius Jerobaal junior, quoniam abscondit se : ac per hoc universum numerum posuit pro pene universo.*

[lb. 23.] *Et spreverunt vihi Sichinorum in domo Abimelech : non dixit, spreverunt dominum Abimelech.*

[lb. 34.] *Et insidiati sunt super Sichimani quatuor principia : id est, quatuor partes : iam istam locutionem superius etiam notavimus.*

[lb. 43.] *Et accepit populum, et divisit eum in tria principia : accepit, dixit de illo populo qui cum illo erat ; et hic tria principia pro tribus partibus posuit.*

[lb. 55.] *Et abierunt vihi locum suum : id est, unusquisque.*

[lb. xi, 8.] *Et eris nobis in caput omnibus habitantibus Galaad : non dixit, eris nobis caput ; sic enim solet loqui Scriptura : unde est, Esto mili in Deum protectorem et in domum refugii (Psal. xxx, 3), et multa bujusmodi.*

[lb. 34.] *Et haec unica ei, et non est præter ipsam filius aut filia : hoc est quod dictum est, unica ei ; sed propter affectum repetita sententia est. Et non est ei præter ipsam filius aut filia : non est ei, pro nou erat ci dictum est ; præterita quippe narrantur.*

[lb. xiii, 2.] *Et uxor ejus sterilis, et non pariebat : cum potuisset sufficere quod dictum est, sterilis.*

[lb. 8.] *Et precatus est Manue Dominum et dixit, In me, Domine ; homo Dei quem misisti, veniat nunc iterum ad nos : In me ita dictum est ut subaudiatur, intende.*

[lb. xv, 8.] *Et percussit eos tibiam super femur : haec locutio inusitata est, tamen locutio est, non aliquis in corpore vulneris locus, sicut in Questionibus exposuit ; hoc est, percussit eos ad admirationem, ad stuporem (Quæst. in Jud. quæst. 55).*

[lb. 10.] *Et dixerunt viri Iuda, Quare ascendiatis super nos : singularem posuit pro plurali, dixerunt enim viri Iuda, non unus vir.*

[lb. 12.] *Ne forte occurritis in me vos : pro eo quod est, occidatis me ; et haec locutio in Questionibus exposta est (Id quæst. 56).*

[lb. 15.] *Et reduxerunt cum de petra, et venit usque ad Muxillam : locus est sic appellatus postea ex eo facto quod ibi gessit ipse Samson, quando maxilla asini pugnans, mille prostravit : hoc ergo per prolepsim dictum est, quia post illa omnia gesta, haec historia conscripta est.*

[lb. 14.] *Sicut stupa cum oleficerit ignem : metaplera*

ab animali ad inanimale; non enim stupa sensum habet olfactus: sed ita dictum est, ac si diceretur, cum iugum senserit; quamvis et hoc quod dixi, senserit, ad eamdem metaphoram pertineat, sed ad celeritatem intelligentiam pertinet quod dictum est, oleficerit.

[Ib. 15.] *Et extendit manum suam, et accepit eam: et si non diceret extendit manum suam, utique extensa manu acceptam intelligeremus.*

[Ib. xvi, 2.] *Et nuntiatum est Gazaies, dicentes: non sit, nuntiaverunt dicentes, aut nuntiatum est a dicentibus.*

[Ib. 7.] *Si ligaverint me in septem nervis humidis nondum siccatis: non ait, septem nervis, sed in septem nervis.*

[Ib. 7.] *Si ligaverint me in septem nervis humidis nondum siccatis, et infirmabor: plenum esset, et si non haberet, et.*

[Ib. 9.] *Et insidiae ei sedebant in cubiculo: quod non-*

nulli interpretati sunt, *obsidebant*, sed græcus ἔχθρος, hoc est sedebat, quia insidie singulari numero græco dicuntur, nec potest latine dici insidia: locutio autem notanda erat, quia dictum est, *insidiae sedebant*, pro iis qui insidiabantur; ipsi enim sedebant.

[Ib. 10.] *Nunc ergo indica mihi in quo ligaberis: non ait, quo ligaberis, aut unde ligaberis.*

[Ib. 11.] *Si ligaverint me in funib[us] novis: non dixit, funibus.*

[Ib. 11.] Item, *Si ligaverint me in funiculis novis, in quibus non est factum opus, et infirmabor: plenum esset, et si non preponeretur, et.*

[Ib. 15.] *Et hoc tertium fecellisti me: tertium, posuit pro tertio, sive ter, nomen scilicet pro adverbio, quod et in latinis locutionibus eleganter fieri solet.*

[Ib. 26.] *Dimittite me, et palpabo columnas, super quas domus confirmata est super eas.*

## DE SUBSEQUENTI QUÆSTIONUM OPERE.

### LIB. II. RETRACT. CAPUT LV.

1. *Eodem tempore (a) scripsi etiam libros Quæstionum de Libris eisdem divinis septem, quos ideo appellare sic volui, quia ea quæ ibi disputantur, magis querenda proposui, quam quæsita dissolvi; quamvis multo plura in eis nati videantur ita pertractata, ut possint etiam soluta et exposita non immerito judicari. Regnorum quoque libros eodem modo jam considerare cœperamus; sed non multum progressi, in alia quæ magis urgebant, animum intendimus. In primo autem libro, ubi agitur de virgis variatis, quas ponebat Jacob in aqua, ut in conceptu positæ oves eas viderent cum biberent, et varios fetus parerent (Quæst. 93); non bene a nobis exposita est causa, cur iterum concipientibus non ponebat, id est cum alios fetus conciperent, sed in priore conceptu. Nam quæstionis alterius expositio (Id. 95), ubi queritur cur dixerit socero suo Jacob, « Et decepisti mercedem meam decem agnibus » (Gen. xxxi, 41), satis veraciter enodata, demonstrat istam sicut solvi debuit non solutam.*

2. *In tertio quoque libro ubi de summo agitur sacerdote, quomodo crebat filios, cum haberet necessitatem bis in die ingredi in Sancta sanctorum, ubi erat altare incensi, ad offerendum incensum mane et vespera (Exod. xxx, 7, 8), quo non possit, sicut Lex dicit, immundus intrare; et eadem Lex dicat, immundum fieri hominem etiam ex concubitu conjugali, quem jubet quidem lavari aqua, sed et lotum dicit immundum esse usque ad vesperam (Levit. xv, 16); unde dixi, « Consequens fuisse, ut aut continens esset, aut diebus aliquibus intermitteretur incensum » (Quæst. 82): non vidi non fuisse consequens. Potest enim sic intelligi quod scriptum est, « Immundus erit usque ad vesperam, ut per ipsam vesperam jam non esset immundus, sed usque ad ipsam, ut vespertino jam tempore incensum mundus offerret, cum propter creandos filios post matutinum incensum mixtus esset uxori. Itemque ubi quæsitum est, quomodo prohibitus esset super funus patris sacerdos summus intrare (Levit. xxii, 11), cum eum fieri sacerdotem (quando unus erat) nisi post mortem sacerdotis patris non oportet; dixi, « Propter hoc necesse fuisse, nondum sepulto patre statim post ejus mortem, filium ejus constitui, qui succederet patri; propter etiam continuationis incensum, quod bis in die necesse erat offerri » (Quæst. 83); qui sacerdos super mortem nondum sepulti patris prohibetur intrare. Sed parum attendi, potuisse hoc præcipi magis propter illos, qui futuri fuerant summi sacerdotes non patribus summis sacerdotibus succedentes, sed tamen ex filiis, id est ex posteris Aaron, si forte suminus sacerdos, aut filios non haberet, aut ita reprobos haberet ut nullus eorum patri deberet succedere: sicut Samuel summo sacerdoti Heli successit (1 Reg. 1); cum sacerdotis filius ipse non esset sed tamen ex filiis, hoc est, ex posteris esset Aaron.*

3. *De latrone etiam cui dictum est, « Hodie tecum eris in paradiso » (Luc. xxiii, 43), quod non fuerit visibiliter baptizatus, quasi certum posui (Quæst. 84), cum sit incertum, magisque illum baptizatum fuisse credendum sit, sicut ego quoque alibi postea disputavi. Item quod in quinto libro dixi, ubi commemorantur matres in generationibus evangelicis, « non eas positas nisi cum putribus » (14. 46), verum est quidem, sed ad rem de qua agebatur non*

(a) Quo nimur tempore superiore Locutionum collectionem, quæ in lib. II retractationum cap. 54 recensita est, comparabat eodem ipso s. Doctor subsequentes Quæstionum in Heptatechum, uti in antiquis codicibus inscribuntur, libro per eccl: nisi quod Quæstiones primum, deinde tum Locutiones de fidei libris divinis dictasse intelligitur ex Locutionibus de Exodo, cap. 12, v. 7, et Locutionibus de Iudicibus, cap. 15, vv., 8 et 12; tametsi in Retractionibus priorem locum dicit Locutionum collectioni, forte quia eam hoc ordine sive dictare corporat, sive legi volbat.

cataractas cœli, et detentam pluviam de cœlo; quæritur utrum post centum quinquaginta dies hæc facta sint, an per recapitulationem omnia commemorata sint, quæ post quadraginta dies pluviae fieri cœperunt: ut hoc solum ad centum quinquaginta dies pertineat, quod usque ad ipsos aqua exaltata est, aut de fontibus abyssi cessante jam pluvia, aut quia mansit in altitudine sua, dum nullo spiritu<sup>1</sup> siccaretur; cetera vero quæ dicta sunt, non post centum quinquaginta dies omnia facta sint, sed commemorata sint omnia, quæ ex fine quadraginta dierum fieri cœperunt.

XIII. [lb. viii, 6-9.] Quod scriptum est, dimissum esse corvum, nec rediisse; et dimissam post eum columbam, et ipsam rediisse, quod non invenisset requiem pedibus suis: quæstio solet oboriri, utrum corvus mortuus sit, an aliquo modo vivere potuerit? quia utique si fuit terra ubi requiesceret, etiam columba requiem potuit invenire pedibus suis. Unde conjectur a multis quod cadaveri potuerit corvus insidere, quod columba naturaliter refugit.

XIV. [lb. viii, 9.] Item quæstio est quomodo columba non invenerit ubi resideret, si iam, sicut narrationis ordo contexitur, nudata fuerant cacumina montium. Quæ videtur quæstio aut per recapitulationem posse dissolvi, ut ea posterius narrata intelligantur, quæ prius facta sunt; aut potius quia nondum siccata fuerant.

XV. [lb. viii, 21.] Quid sibi vult quod Dominus dicit, *Non adjiciam adhuc maledicere super terram propter opera hominum; quia apposita est mens hominis ad maligna a juventute<sup>2</sup>.* Non adjiciam ergo adhuc perutere omnem carnem vivam, quemadmodum feci; et deinde adjungit quæ secundum largitatem bonitatis sue donat hominibus indignis? Utrum hic Testamenti Novi indulgentia figurata sit, et præterita ultiæ ad Vetus pertineat Testamentum: hoc est, illud ad Legis severitatem, hoc ad gratiæ bonitatem<sup>3</sup>?

XVI. [lb. ix, 5.] Quid est, *Et de manu hominis fratris exquiram animam hominis?* An omnem hominem fratrem omnis hominis<sup>4</sup> intelligi voluit, secundum cognitionem ex uno ductam?

XVII. [lb. ix, 25.] Quare peccans Cham in patris offensa, non in seipso, sed in filio suo Chanaan maledicitur; nisi quia prophetatum est quodammodo terram Chanaan, ejus in Chananæis et debellatis, accepturos fuisse filios Israel, qui venirent de semine Sem?

XVIII. [lb. x, 8.] Quæritur quomodo dictum sit de Nembrothi, *Hic cœpit esse gigas super terram;* cum gigantes et antea natos Scriptura commemoraret. An forte quia post diluvium novitas generis humani reparandi denuo commemoratur, in qua novitate hic cœpit esse gigas super terram?

<sup>1</sup> Am. Er. et Lov., *dum in illo spi itu.* At Rat. et omnes MSS., *dum nullo spiritu.*

<sup>2</sup> Editi, *ad malitiam a juventute.* At MSS. Corbeiensis et Eusebii duo, *ad maligna:* juxta græc. LXX, *ta ponera.*

<sup>3</sup> Vetus codex Corbeiensis, *veritate.*

<sup>4</sup> Editi, *hominis nomine intelligi.* Abest, *nomine,* a MSS. e quibus duo ejus loco habent, vel *hominis.*

XIX. [lb. x, 25.] Quæritur quid sit, *Et Heber nati sunt filii duo; nomen unius Phalech, quia in diebus ejus divisa est terra:* nisi forte in diebus ejus linguarum illa diversitas exsisterit, per quam factum est ut gentes dividerentur.

XX. [lb. xi, 1.] *Et erat omnis terra labium unum:* quomodo hoc potest intelligi, quando superius dictum est quod filii Noe, vel filiorum ejus distributi essent per terram secundum tribus et secundum gentes, et secundum linguas suas, nisi quia per recapitulationem postea commemorat quod prius erat? sed obscuritatem facit quod eo genere locutionis ista contexit, quasi narratio de iis quæ postea facta sunt, consequatur.

XXI. [lb. xi, 4.] *Venite ædificemus nobis civitatem, et terram cuius caput erit usque in cœlum.* Si hoc se posse crediderunt, nimis stulta audacia et impietas deprehenditur. Et quia ob hoc Dei vindicta secuta est, ut eorum linguae dividerentur, non absurde hoc cogitasse creduntur.

XXII. [lb. xi, 7.] *Venite descendamus, et confundamus ibi lingua eorum<sup>1</sup>, ne audiat unusquisque vocem proximi:* utrum ad Angelos Dominus hoc dixisse intelligitur? an secundum illud accipiendum est, quod in exordio libri legitur, *Faciamus hominem ad imaginem et similitudinem nostram* (Gen. 1, 26)? Nam et quomodo postea dicitur singulari numero, *quia ibi confudit Dominus tabia terræ:* sic et illic cum dictum esset, *Faciamus ad imaginem nostram;* in consequentibus tamen non dictum est. Fecerunt, sed, *Fecit Deus.*

XXIII. [lb. xi, 12, 13.] Quod scriptum est, *Et erat Arphaxad annorum centum triginta quinque, cum genuit Chainan;* et vixit Arphaxad postquam genuit Chainan annos quadragesitos, vel, sicut in græco invenimus, annos trecentos; quæritur quomodo dixerit Deus ad Noe, *Erunt anni vite eorum centum viginti.* Nondum enim natus erat Arphaxad quando dixit hoc Deus, nec fuit in arca cum parentibus suis: quomodo ergo intelliguntur deinceps anni vite humanæ prædicti centum viginti, cum inveniatur homo vixisse amplius quadragesitis annis? Nisi quia intelligitur, ante viginti annos quam inciperet arca fieri, quæ centum annis facta reperitur, hoc Deum dixisse ad Noe, cum jam prævniariet facturu se esse diluvium, nec vite humanæ deinceps futuræ in iis qui post diluvium nascerentur spatium prædixisse, sed vite hominum quos fuerat diluvio deleturus.

XXIV. [lb. x, 21.] Quæritur quare scriptum sit, *Sem erat pater omnium filiorum Heber;* cum inveniatur Heber quintus a Sem filio Noe: utrum quia ex illo Hebrei dicuntur appellati? per illum enim generatio transit ad Abraham. Quid ergo probabilius sit, Hebreos tanquam Hebreos dictos, an tanquam Abraham, merito quæritur (a).

<sup>1</sup> Editi, *linguas eorum.* Et paulo infra, *confudit dominus labium terræ.* Nos juxta græcum, primo ad Corbeiensem codicem reponimus, *confundamus ibi lingua eorum;* deinde ad alios cum eodem septem, *labia terræ.*

(a) Vid. lib. 16 de Civit. Dei, cap. 3; et lib. 2 Re却, cap. 10.

XXV. [lb. xi, 26.] 1. Quomodo accipendum sit, quod cum esset Tharra<sup>1</sup> pater Abrahæ annorum septuaginta, genuit Abraham, et postea cum suis omnibus mansit in Charran, et vixit annos ducentos quinque in Charran, et mortuus est : et dixit Dominus ad Abraham ut exiret de Charran, et exiit inde, cum esset idem Abraham septuaginta quinque annorum ? Nisi quia per recapitulationem ostenditur, vivo Tharra locutum esse Dominum ; et Abraham vivo patre suo secundum præceptum Domini, exiisse de Charran, cum esset septuaginta quinque annorum, centesimo et quadragesimo quinto anno vitæ patris sui, si dies vite patris sui anni ducenti quinque fuerunt : ut ideo scriptum sit, *Fuerunt anni vitæ Tharræ ducenti quinque in Charran*, quia ibi complevit omnes annos totius vitæ suæ. Solvitur ergo quæstio per recapitulationem, que indissolubilis remanceret, si post mortem Tharræ acciperemus locutum esse Dominum ad Abraham ut exiret de Charran, quia non poterat esse adhuc annorum septuaginta quinque cum pater ejus jam mortuus esset, qui eum septuagesimo ætatis suæ anno generaverat ; ut Abraham post mortem patris sui annorum esset centum triginta quinque, si omnes anni patris ejus ducenti quinque fuerint. Recapitulatio itaque ista, si advertatur in Scripturis, multas quæstiones solvit, quæ indissolubiles possunt videri secundum etiam superiorum quætionum expositionem, per eamdem recapitulationem factam.

2. Quanquam et aliter ista quæstio a quibusdam solvatur, ex illo computari annos ætatis Abrahæ, ex quo liberatus est de igne Chaldaeorum, in quem missus ut arderet, quia eundem ignem superstitione Chaldaeorum colere noluit, liberatus inde, etsi in Scripturis non legitur, Judaica tamen narratione traditur. Potest et sic solvi, quoniam Scriptura quæ dixit, *Cum esset Tharra annorum septuaginta, genuit Abraham et Nachor et Arran* ; non utique hoc intelligi voluit, quia eodem anno septuagesimo ætatis suæ omnes tres genuit, sed ex quo anno generare cœpit, eum annum commemoravit Scriptura. Fieri autem potest ut posterior sit generatus Abraham, sed merito excellentiæ, qua in Scripturis valde commendatur, prior fuerit nominatus : sicut propheta priorem nominavit minorem, *Jacob dilexi, Esau autem odio habui* (*Malach. i, 2, 3*) ; et in Paralipomenon cum sit quartus nascendi ordine Judas, prior est conimmemoratus (*I Paral. iv, 1*), a quo Judaicæ genti nomen est, propter tribum regiam. Commodius autem plures exitus inveniuntur, quibus quæstiones difficiles dissolvantur.

3. Consideranda est sane narratio Stephani de hac re, cui magis harum expositionum non repugnet. Et illud quidem cogit ut non sicut narrari videtur in Genesi (*Gen. xii, 1*), post mortem Tharræ locutus sit Deus ad Abraham, ut exiret de cognitione sua et de domo patris sui ; sed cum esset in Mesopotamia priusquam habitaret in Charran, jani utique egressus de terra Chaldaeorum, ut in illo itinere intelligatur ei lo-

cutus Deus. Sed quod Stephanus postea sic narrat, *Tunc Abraham egressus de terra Chaldaeorum habitavit in Charran ; et inde, postquam mortuus est pater ejus, collocavit eum in terra hac* (*Act. vii, 4*) ; non parvas assert angustias huic expositioni, quæ sit per recapitulationem. Videtur enim habuisse imperium Domini, quo ei fuerat locutus in itinere Mesopotamiae, egresso de terra Chaldaeorum, et eunti in Charran, et hoc imperium post mortem patris sui obediens implesse, cum dicatur, *Et habitavit in Charran ; et inde, postquam mortuus est pater ejus, collocavit illum in terra hac*. Ac per hoc manet quæstio, si septuaginta quinque annorum (sicut evidenter Scriptura Geneseos loquitur) sunt, quando egressus est de Charran, quomodo esse possit hoc verum, nisi forte quod ait Stephanus, *Tunc Abraham egressus est de terra Chaldaeorum et habitavit in Charran*, non sic accipiatur, Tunc egressus est posteaquam ei locutus est Dominus ; jam enim erat in Mesopotamia, sicut supra dictum est, quando illud audita a Domino : sed ipsa regula recapitulationis contexere voluit Stephanus, et simul dicere, unde egressus, ubi habitaverit, cum ait, *Tunc Abraham egressus est de Terra Chaldaeorum, et habitavit in Charran*. In medio autem, id est, inter egressum de terra Chaldaeorum, et habitationem in Charran, locutus est ei Deus. Postea vero quod adjungit Stephanus, *Et inde, postquam mortuus est pater ejus, collocavit illum in terra hac* ; intuendum est, quia non dixit, Et postquam mortuus est pater ejus, egressus est de Charran ; sed, *Inde collocavit eum Deus in terra hac* : ut post habitationem in Charran collocaretur in terra Chanaan, non post mortem patris egressus, sed post mortem patris collocatus in terra Chanaan, ut ordo verborum sit, *Habitavit in Charran, et inde collocavit illum in terra hac*, postquam mortuus est pater ejus ; ut tunc intelligamus collocatum vel constitutum Abraham in terra Chanaan, quando illic eum nepotem suscepit, cuius universum semen illic fuerat regnatum, ex promisso Dei hæreditate donata. Nam ex ipso Abraham natus est Ismael de Agar, nati et alii ex Cethura, ad quos illius terræ non pertineret hæreditas. Et ex Isaac natus est Esan, qui similiter ab illa hæreditate alienatus est. Ex Jacob autem filio Isaac, quotquot filii nati sunt, id est universum semen ejus, ad illam hæreditatem pertinuit. Sic ergo collocatus et constitutus in illa terra Abraham, quoniam vixit usque ad nativitatem Jacob, si recte intelligitur ; soluta quæstio est secundum recapitulationem ; quoniamvis et aliæ solutiones non sunt contempnendæ.

XXVI. [lb. xii, 12, 14.] Erit ergo cum te viderint *Ægyptii*, dicent quia uxor illius hæc. Factum est autem statim ut intravit Abraham in *Ægyptum*, videntes *Ægyptii* mulierem quia speciosa erat valde. Quomodo accipiatur, quod Abraham veniens in *Ægyptum* celare voluit uxori suam esse Sarram<sup>1</sup>, secundum omnia quæ de hac re scripta sunt, utrum hoc convenerit tam sancto viro, an subdœctio<sup>2</sup> fidei ejus intelligatur,

<sup>1</sup> MSS. constanter cum genina rr, ut apud lxx, Sarra. <sup>2</sup> Editi, sub defectione fidei. Legendum cuic MSS., subdœctione fidei ; uti rursus postea lib. 6, quest. 50.

Dix-huit.

<sup>1</sup> In excusis, *Thare*. At in MSS. constanter, *Thara*, vel *Tharra* ; et sic in græco.

sicut nonnulli arbitrii sunt ; jam quidem et contra Faustum de hac re disputavi (*Contra Faustum, lib. 22, cap. 33 et 34*) ; et diligentius a presbytero Hieronymo expositum est, quare non sit consequens ut cum aliquot dies apud regem *Ægypti* Sara fuerit, etiam ejus concubitu credatur esse polluta (*Hieron. lib. Quæstionum in Gen.*) ; quoniam mos erat regius, vicibus ad se admittere mulieres suas, et nisi lomentis<sup>1</sup> et unguentis diu prius accurato corpore, nulla intrabat ad regem. Quæ dum fierent, afflitus est Pharao manu Dei, ut viro redhiberet intactam, quam ipsi Deo maritus commiserat, tacens quod uxor esset, sed non mentiens quod soror esset : ut caveret quod poterat, quantum homo poterat, et Deo commendaret quod caverere non poterat ; ne si et illa quæ<sup>2</sup> caverere poterat, Deo tantum dimitteret, non in Deum credere, sed Deum tentare potius inveniretur.

**XXVII.** [Ib. xiii, 10.] Quod terra Sodomorum et Gomorræ, antequam deleretur, comparatur paradi-  
so Dei, eo quod erat irrigua, et terræ *Ægypti*<sup>3</sup> quam Nilus irrigat ; satis, ut opinor, ostenditur quomodo intelligi debeat ille paradisus quem plantavit Deus, ubi constituit Adam. Quis enim aliis intelligatur paradi-  
sus Dei, non video. Et utique si arbores fructifere in paradyso virtutes animi accipienda essent, sicut nonnulli existimant, nullo corporali in terra paradyso veris lignorum generibus instituto, non diceretur de ista terra, *sicut paradisus Dei*.

**XXVIII.** [Ib. xiii, 14.] *Respiciens oculis tuis, vide a loco in quo nunc tu es ad Aquilonem et Africum et Orientem et mare, quia omnem terram quam tu vides, tibi dabo eam et semini tuo usque in saeculum.* Quæritur hic quomodo intelligatur tantum terræ promissum esse Abrahæ et semini ejus, quantum poterat oculus circumspicere per quatuor cardines mundi. Quantum est enim quod ad terram conspiciendam acies corporalis visus possit attingere ? Sed nulla est quæstio, si advertamus non hoc solum esse promissum : non enim dictum est, Tantum terræ dabo tibi quantum vides ; sed, *Tibi dabo terram quam vides.* Cum enim et ulterior undique dabatur, profecto hæc præcipue quæ videbatur dabatur. Deinde attendendum est quod sequitur ; quoniam ne putaret etiam ipse Abraham hoc solum promitti terræ quod aspicere vel circumspicere posset, *Surge, inquit, et perambula terram in longitudine ejus et latitudine, quia tibi dabo eam :* ut perambulando perveniret ad eam, quam oculis uno loco stans videre non posset. Significatur autem ea terra quam prius<sup>4</sup> populus accepit Israel, sème Abrahæ secundum carnem ; non illud latius semen secundum fidem, quod ne taceretur, dictum est ei futurum sicut arena maris, secundum hyperbolæ quidem, sed tamen tantum quod numerare nullus posset.

<sup>1</sup> Editi, *fomentis* : pro quo MSS., *lomentis*.

<sup>2</sup> Sic in MSS. At in editionibus Am. Er. et Lov., ne si et illa quæ. In editione autem Rat. (id est quæ ex Augustini Ratifi-  
sionis recensione an. 497, vulgata est) legitur, ne si et illæ quæ.

<sup>3</sup> Editi, *ut terra Ægypti.* MSS. vero, *et terra Ægyptus* : sup-  
ple, comparatur.

<sup>4</sup> *Vetus codex Corbeiensis, primus.*

**XXIX.** [Ib. xiv, 13.] *Et nuntiavit Abraham transfluviali.* Transfluvialem Abraham appellatum etiam græca exemplaria satis indicant : sed cur ita appellatus sit, hæc videtur causa, quod ex Mesopotamia veniens, transitio flumine Euphrate, sedes constituit in terra Chanaan, et transfluvialis appellatus est ex ea regione unde venerat. Unde Jesus Nave dicit Israëlitis : *Quid? vultis servire diis patrum vestrorum qui sunt trans flumen?* (*Josue xxiv, 15*.)

**XXX.** [Ib. xv, 12.] De eo quod scriptum est, *Cir-  
ca solis autem occasum pavor irruit super Abraham, et  
ecce timor magnus incidit ei ; tractanda est ista quæstio,* propter eos qui contendunt perturbationes istas non cadere in animum sapientis : utrum tale aliquid sit quale Agellius<sup>5</sup> commemorat in libris Noctium Atticarum, quemdam philosophum in magna maris tempestate turbatum, cum esset in navi et animadversum a quodam luxurioso adolescente ; qui cum ei post transactum periculum insultaret, quod philosophus cito perturbatus esset, cum ipse neque timuerit neque palluerit ; respondit, ideo illum non perturbatum, quia nequissime animæ sua nihil timere deberet, quod nec digna esset pro qua aliquid timeretur (*Agell. lib. 19, c. 4. De Civit. Dei, lib. 9, c. 4*). Cæteris autem studiosis, qui in navi fuerant, exspectantibus protulit librum quemdam Epicteti stoici, ubi legebatur non ita placuisse Stoicis, nullam talē perturbationem cadere in animum sapientis, quasi nihil tale in eorum appareret affectibus, sed perturbationem ab eis definiiri, cum ratio talibus motibus cederet ; cum autem non cederet, non dicendam perturbationem. Sed considerandum est quemadmodum hoc dicat Agellius, et diligenter inserendum<sup>6</sup>.

**XXXI.** [Ib. xvii, 8.] *Dabo tibi et semini tuo post te  
terram in qua habitat, omnem terram cultam<sup>7</sup> in posses-  
sionem æternam.* Quæstio est quomodo dixerit æternam, cum Israëlitis temporaliter data sit : utrum secundum hoc sæculum dicta sit æterna, ut ab eo quod est ἀλώρια, quod sæculum significat, dictum sit ἀλώριον, tanquam si latine dici posset sæculare : an ex hoc aliquid secundum spiritualem promissionem hic intelligere cogamur, ut æternum dictum sit, ideo quia hinc æternum aliquid significatur : an potius locutionis est Scripturarum, ut æternum appellant, cuius rei finis non constituitur ; aut non ita sit ut deinceps non sit faciendum, quantum pertinet ad eam vel potestatem facientis ; sicut ait Horatius,

serviet æternum, qui parvo nesciet uti.  
(*Horat., lib. 1, epist. 10.*)

Non enim potest in æternum servire, ejus ipsa vita, qua servit, æterna esse non potest. Quod testimoniū non adhiberem, nisi locutionis esset. Verborum quippe illi sunt nobis auctores, non rerum vel sententiæ. Si autem defenduntur Scripturæ secundum

<sup>5</sup> In excusis, *Aulus Cellius.* At in MSS. optime notæ ubique, *Agellius* : uti passim restitutum eunt viri literati.

<sup>6</sup> Am. Er. et Lov., et diligenter disserrandum. Editio Rat., ut diligenter miserendus. At MSS. duodecim, et diligenter inserendum

<sup>7</sup> Apud LXX et in Vulgata, *terram Chanaan.* In Ms. Corb., *terram incultam.*

locutiones proprias, quae idiomata vocantur. quanto magis secundum eas quas cum aliis linguis communes habent?

XXXII. [Ib. xviii, 16.] Quæritur quomodo dictum sit ad Abramam de filio ejus, *Et reges gentium ex illo erunt*: utrum quia non provenit secundum regna terrena, secundum Ecclesiam accipi debeat; an propter Esau etiam ad litteram contigit.

XXXIII. [Ib. xviii, 2.] *Et videns procurvrit in ob-tiam illis ab ostio tabernaculi sui, et adoravit super terram, et dixit: Domine, si inveni gratiam ante te, ne prætereras servum tuum.* Quæritur cum tres viri essent qui ei apparuerant, quomodo singulariter Dominum appellebant, dicens, *Domine, si inveni gratiam ante te*: an intelligebat unum ex eis Dominum, et alios angelos: an potius in angelis Dominum sentiens, Domino potius quam angelis loqui elegit: quia uno ex tribus cum ipso Abraham postea remanente, duo mittuntur in Sodomam, et illis sic loquitur Loth tanquam Domino.

XXXIV. [Ib. xviii, 4.] *Sumatur aqua, et laveni pedes vestros, et refrigerate sub arbore, et sumam panem, et manducate.* Quarritur si angelos intelligebat, quomodo potuerit ad hanc humanitatem invitare; quoniam refectio mortali carni<sup>1</sup> necessaria est, non immortallitati Angelorum.

XXXV. [Ib. xviii, 11.] *Abraham autem et Sara seniores, progressi in diebus: defecerant autem Sara fieri muliebria.* Seniorum aetas minor est quam secundum, quamvis et senes appellentur seniores. Unde si vera sunt quæ a nonnullis medicis asseruntur, quoniam senior vir cum muliere seniore filios facere non potest, etiamsi adhuc feminæ muliebria veniant; secundum hoc admiratum Abramam de promissione filii (Gen. xvi, 17), et miraculum posuisse Apostolum, accipere possumus, ubi dixit *emortuum corpus* Abramæ (Rom. iv, 19). *Emortuum* quippe corpus non ita intelligendum est, ac si omnino nullam vim generandi habere posset, si mulier juvenilis<sup>2</sup> aetatis esset; sed secundum hoc emortuum, ut etiam de proiectioris aetatis muliere non posset. Nam ideo de Cethura potuit, quia et juvenilis illam invenit aetatis. Sic enim medici tradunt, quoniam cuius corpus viri secundum hoc jam defecit, ut cum semina proiectioris aetatis, quamvis menstrua adhuc patiatur, generare non possit, de juvencula potest. Et rursus mulier quæ jam proiecta aetatis est, quamvis adhuc menstrua fluant, ut de seniore parere non possit, de juvencu potest. Illud itaque ideo miraculum fuit, quia secundum id quod diximus, emortuo corpore viri, femina quoque proiectæ aetatis fuit, ut ei destitissent fieri muliebria. Nam si quod ait Apostolus, *corpus emortuum*, verbo quis premat, quia dixit *emortuum*; jam ergo nec animam habuisse, sed cadaver fuisse intelligi debet; quod absurdissimæ falsitatis est. Sic itaque solvit ista questio. Alioquin merito movit quomodo cum esset Abram prope medice aetatis, secundum quam homi-

nes tunc vivebant, et postea filios de Cethura fecerit, dicatur ab Apostolo, corpore emortuo, et pro miraculo, quia genuit, praedicetur?

XXXVI. [Ib. xviii, 15.] *Et dixit Dominus ad Abraham, Quare risit Sara in semetipsa dicens, Ergo vere pariam<sup>3</sup> ego autem servui.* Quæritur quare istam redarguat Dominus, cum et Abraham riserit, nisi quia illius risus admirationis et laetitiae fuit, Saræ autem dubitationis; et ab illo hoc dijudicari potuit, qui corda hominum novit.

XXXVII. [Ib. xviii, 15.] *Negavit Sara dicens, Non risi: timuit enim.* Quomodo intelligebant Deum esse qui loquebatur, cum etiam negare ausa sit Saræ quoniam riserit, tanquam hoc ille posset ignorare: nisi forte Saræ homines eos putabat, Abraham vero Deum intelligebat? Sed etiam ipse illa humanitatis officia præbendo, de quibus supra dixi, quæ necessaria nisi infirmæ carni esse non possent, mirum nisi homines prius esse arbitratus est: sed fortassis in quibus Deum loqui intellexit, quibusdam divinæ majestatis existentibus et apparentibus signis, sicut in hominibus Dei<sup>4</sup> saepè apparuisse Scriptura testatur. Sed rursus quaeritur, si ita est, unde angelos fuisse postea cognoverint, nisi forte cum eis videntibus in cœlum iissent.

XXXVIII. [Ib. xviii, 19.] *Scio enim, quia constituet filii suis, et domui sue post se, et custodient vias Domini, et facere<sup>5</sup> justitiam et judicium, ut adducat Dominus in Abraham omnia, quæ locutus est ad illum.* Ecce ubi promittit Dominus Abramæ non solum præmia, sed etiam obedientiam justitiae filiorum ejus, ut circa eos etiam præmia promissa compleantur.

XXXIX. [Ib. xviii, 21.] *Descendens ergo videbo si secundum clamorem ipsorum venientem ad me consummantur, si autem non, ut sciam.* Verba hæc si non dubitantis quid duorum potius eventurum sit, sed irascientis et minantis accipiantur, nulla questio est. More quippe humano Deus in Scripturis ad homines loquitur, et ejus iram noverunt sine perturbatione ejus intelligere, qui noverunt. Solemus autem etiam sic minaciter loqui, Videamus si non tibi facio, aut, Videamus si non illi fecero, et, si non potuero tibi facere; vel, Sciam, id est, hoc ipsum experibor, utrum non possim: quod cum miando non ignorando dicitur, irati appareat affectus; sed perturbatio non cadit in Deum. Mos autem humanæ locutionis et usitatus est, ut humanæ infirmitati congruat<sup>6</sup>, cui Deus coaptat locutionem suam.

XL. [Ib. xviii, 32.] Quæri solet utrum quod de Sodomis dixit Deus, non se perdere locum, si invenirentur illic vel decem justi, speciali quadam sententia, de illa civitate, an de omnibus intelligendum sit generaliter, parcere Deum loco, in quocumque vel deceu justi fuerint. In qua questione non est quidem necessæ ut hoc de omni loco accipere compellamus: verumtamen de Sodomis potuit et sic dici, quia sciebat Deus

<sup>1</sup> Sic MSS. juxta græcum. Editi vero, *ego vero parum*.

<sup>2</sup> Editi, *Deum. At MSS., Dei.*

<sup>3</sup> Sic MSS. juxta græc. LXX. At editi habent, *ut custodiant vias Domini, et faciant.*

<sup>4</sup> MSS., *congruat.*

<sup>5</sup> Ms. incloris notæ, *que refactioni mortalis carnis.*  
<sup>6</sup> In antiquis codicibus constanter scriptum, *juvenalis.*

Ibi non esse vel decem; et ideo sic respondebatur Abraham, ut significaretur nec tot ibi posse inveniri, ad exaggerationem iniquitatis illorum. Non enim necessere erat Deo tam sceleratis hominibus parcere, ne cum illis perderet justos; cum posset, justis inde liberatis, reddere impiis digna supplicia: sed, ut dixi, ad ostendendam malignitatem multitudinis illius, dicit, *Si decem ibi invenero, parcam universæ civitati; tanquam si diceret, Certe possum nec pios cum impiis perdere, nec tamen propterea impiis parcere quia liberalis et separatis inde piis, possum impiis digna rependere; et tamen si ibi inveniantur, parco; hoc est, quia nec tot ibi possent inveniri.* Tale aliquid est apud Jeremiam, ubi ait, *Circuite vias Jerusalem, et videte, et quærite in plateis ejus, et cognoscite si inventietis hominem facientem justitiam et quærantem fidem, et propitius ero peccatis eorum* (*Jerem. v, 1*): id est, invenite vel unum, et parco ceteris; ad exaggerandum et demonstrandum quod nec unus ibi posset inveniri.

**XLI.** [lb. xix, 1.] Quod occurrit Loth angelis, et adoravit in faciem, videtur intellexisse quod angeli essent; sed rursus cum eos ad refectionem corporis invitat, quae mortalibus necessaria est, videtur putasse quod homines essent: ergo quæstio similiter solvitur, ut soluta est in tribus qui venerunt ad Abraham, ut aliquibus signis appareret eos divinitus missos, qui tamen homines crederentur. Nam hoc et in Epistola quæ est ad Hebreos, cum de hospitalitate bono Scriptura loqueretur, ait: *Per hanc enim quidam nescientes hospitio receperunt angelos* (*Hebr. xiii, 2*).

**XLII.** [lb. xix, 8.] Quod ait Sodomitis Loth, *Sunt mihi duas filias quæ nondum noverunt viros, producam illas ad vos; utinam illis quomodo placuerit vobis, tantum in viros istos ne faciat iniquum;* quoniam prostituere volebat filias suas hac compensatione, ut viri hospites ejus nihil a Sodomitis tale parentur: utrum admittenda sit compensatio flagitorum vel quorumque peccatorum, ut nos faciamus mali aliquid, ne alias gravius malum faciat; an potius perturbationi Loth, non consilio tribendum sit quia hoc dixerit, merito queritur. Et ninirum periculosissime admittitur hæc compensatio: si autem perturbationi humanæ tribuitur, et menti tanto malo permotæ, nullo modo imitanda est.

**XLIII.** [lb. xix, 11.] *Viros vero qui erant ad ostium domus percusserunt cæcitate.* Græci habent, ἀφαντε, quod magis significat, si dici posset, avidentia, quæ faciat non videri, non omnia, sed quod non opus est. Nam merito moveat quomodo potuerunt desicere querendo ostium, si tali erant cæcitate percussi, ut omnino nihil viderent. Hoc enim modo sua calamitate turbati, ulterius ostium non requirent. Hac ἀφαντε et illi percussi sunt, qui querabant Elisem (*IV Reg. vi, 18*). Hanc et illi habuerunt, qui Dominum post resurrectionem cum illo ambulantes in via non cognoverunt (*Luc. xxiv, 16*); quamvis ibi non sit hoc verbum positum, sed res ipsa intelligatur.

**XLIV.** [lb. xix, 18, 19.] *Dixit autem Loth ad illos: Oro, Domine, quia invenit puer tuus miseri-*

*cordiam ante te, et magnificasti justitiam tuam, quam facis in me, ut vici anima mea; ego autem non possum salvus fieri in monte, ne forte comprehendant me mala et moriar.* Haec perturbatione timoris non credebat ipsi Domino, quem in angelis cognoscebat, qua etiam illud de filiabus suis prostituendis dixerat: ut intelligamus non pro auctoritate habendum quod dixit de turpitudine filiarum: non enim et hoc pro auctoritate habendum est, Deo non esse credendum.

**XLV.** [lb. xix, 29.] *Et recordatus est Deus Abraham, et exemit Loth de medio eversionis.* Comendet Scriptura meritum magis Abramæ liberatum esse Loth, ut intelligamus justum Loth dictum secundum quemdam modum, maxime quod unum verum Deum colebat, et propter comparationem scelerum Sodomorum, inter quos vivens ad vitam similem non potuit inclinari.

**XLVI.** [lb. xix, 30.] *Ascendit autem Loth de Segor, et sedebat in monte.* Mirum nisi ipse mons est, in quem sponte ascendit, quo admonente Domino ascendere noluit: aut enim nullus est aliis, aut non appetet.

**XLVII.** [lb. xix, 30.] *Timuit enim habitare in Segor.* Infirmitati ejus Dominus et timori concesserat civitatem quam Loth ipse delegerat, et in ea promiserat ei securitatem, quod propter illum parceret civitati: tamen etiam ibi esse timuit; ita fides ejus non magni roboris fuit.

**XLVIII.** [lb. xx, 2.] *Dixit autem Abraham de Sara uxore sua, Soror mea est.* Timuit enim dicere, *Uxor mea est, ne forte occiderent eum viri civitatis propter illum.* Quæri solet quomodo adhuc in illa ætate pro Saræ pulchritudine Abraham periclitari metuebat. Sed magis formæ illius vis miranda est, quæ adhuc amari poterat, quam quæstio difficilis putanda.

**XLIX.** [lb. xx, 6.] Quod ait Deus ad Abimelech, propter Saram, *Et pepercisti tibi ut non peccares in me,* quando eum admonuit uxorem Abramæ esse, quam putabat sororem: advertendum est et notandum, in Deum peccari, quando talia committuntur quæ putant homines leviter habenda, tanquam in carne peccata. Quod autem dixit ei, *Ecce tu morieris:* etiam hoc notandum est, quomodo dicat Deus tanquam prædicens sine dubio futurum quod admonendo dicit, ut a peccato abstinendo caveatur.

**L.** [lb. xxi, 8.] Merito queritur cur Abraham nec die quo natus est ei filius, nec die quo circumcisus est, sed die quo ablactatus est, epulum fecerit. Quod nisi ad aliquam spiritualem significationem referatur, nulla solutio quæstionis est; tunc scilicet esse debere magnum gaudium spiritualis ætatis, quando fuerit factus homo novus spiritualis, id est, non talis qualibus dicit Apostolus, *Lac vobis potum dedi, non escam; nondum enim poteratis: sed nec adhuc potestis: adhuc enim estis carnales* (*1 Cor. iii, 2*).

**LI.** [lb. xxi, 10.] Quæritur Sara dicente, *Ejice ancillam et filium ejus, non enim erit hæres filius ancillæ cum filio meo Isaac,* quare contristatus sit Abraham,

cum ista fuerit prophetia , quam utique magis debuit nosse ipse quam Sara. Sed intelligendum est, vel ex revelatione hoc dixisse Saram , quia prius illi fuerat revelatum ; illum vero quem de hac postea Dominus instruit , paterno affectu pro filio fuisse commotum ; vel ambos prius nescisse quidnam illud esset , et per Saram nescientem hoc prophetice dictum esse , cum illa mota esset muliebri animo propter ancillæ superbiam.

LII. [Ib. xxi, 13.] Notandum quod et Ismael dictus sit a Deo semen Abrahæ, propter illud quod sic accipendum docet Apostolus quod dictum est, *In Isaac vocabitur tibi semen ; id est , non filii carnis , sed filii promissionis deputantur in semine (Rom. ix , 7 , 8) :* ut hoc proprie pertineat ad Isaac , qui non fuit filius carnis , sed filius promissionis , ubi promissio sit de omnibus gentibus.

LIII. [Ib. xxi, 14.] Surrexit autem Abraham mane , et sumpsit panes et utrem aquæ , et dedit Agar , et imposuit in humeros , et puerum , et dimisit illam . Fieri quæstio solet quomodo imposuerit in humeros et puerum tam grandem. Nam qui fuerat antea quam natus esset Isaac , tredecim annorum circumeitus , cum esset Abraham nonaginta novem , et natus sit Isaac centenario patre , ludebat autem Ismael cum Isaac quando Sara commota est , utique cum grandiusculo , qui jam fuerat ablactatus ; profecto annorum fuit Ismael , quando cum matre sua de domo patris expulsus est , amplius sexdecim. Sed ut hoc quod cum parvulo lusit , per recapitulationem dictum accipiamus , antequam ablactaretur Isaac ; profecto etiam sic amplius quam tredecim annorum puer in humeros matris , cum utre et panibus , nimis absurdum est ut impositus esse credatur. Quam facile autem solvit quæstio , si non subaudiamus , imposuit ; sed , dedit. Dedit enim Abraham , sicut scriptum est , matri ejus panes et utrem , quæ illa imposuit in huineros suos. Cum autem adjunctum et dictum est et puerum , subaudimus dedit , qui panes et utrem dederat ; non , in humeros imposuit.

LIV. [Ib. xxi , 15-18.] Desecit autem aqua de utre , et projectit puerum sub unam abiemet , et discessit , et sedere coepit contra illum longe quantum arcus mittit ; dixit enim , Non videbo mortem filii mei : et sedit contra eum . Exclamans autem puer ploravit ; et exaudiuit Deus vocem pueri de loco ubi erat : et vocavit angelus Dei Agar de caelo , et dixit ei , Quid est , Agar ? Noli timere , exaudiuit enim Deus vocem filii tui de loco in quo est . Surge , et accipe puerum , et tene illum in manu tua : in magnam enim gentem faciam illum . Solet queri quomodo , cum puer esset annorum amplius quindecim , projicerit eum mater sub arborem , et icir longe quantum arcus mittit , ne videret eum morientem ; quasi enim quem portabat projicerit , ita videatur sonare quod dicitur , maxime quia sequitur , *Flevit puer*. Sed intelligendum est projectum esse non a portante , sed ut sit , ab animo , tanquam moriturum. Neque enim quod scriptum est , *Projectus sum a facie oculorum tuorum (Psal. xxx , 23)* , portabatur qui

hoc dixit. Et est in quotidiano loquendi usu , cum projici dicunt aliquis ab aliquo cum quo erat , ne ab illo videatur aut cum illo maneatur. Intelligendum est autem quod Scriptura tacuit , ita discessisse matrem a filio , ut puer ignoraret quo mater abierit , et eam in silvestribus stirpibus latuisse , ne filium siti deficientem videret. Ille autem etiam illa ætate , quid mirum si matre diutius non visa et tanquam perdita , eo loco , ubi solus remanserat , flevit ? Quod ergo postea dicitur , *Accipe puerum* , non ut eum de terra velut jaccentem tolleret , dictum est , sed ut ei coniungeretur , et eum manu teneret deinceps comitem , sicut erat : quod plerumque faciunt simul ambulantes cunuslibet ætatis .

LV. [Ib. xxi, 22.] Factum est autem in tempore illo , et dixit Abimelech , etc. Quæri potest , quando cum isto Abimelech pactum fecit Abraham , et appellatus est puteus quem fodit , Puteus jurationis , quomodo congruat veritati. Agar enim de Abrahæ domo expulsa cum filio , juxta puteum , sicuti dictum est , jurationis errabat , qui valde postea dicitur factus ab Abraham : ibi enim Abimelech et Abram juraverunt , quod nondum utique factum erat , cum de domo Abrahæ Agar cum filio fuisset expulsa. Quomodo ergo errabat juxta puteum jurationis ? Au factum jam fuisse intelligendum est , et per recapitulationem postea commemoratum quod egit Abraham cum Abimelech ? Nisi forte qui longe postea librum scripsit , ex nomine putei jurationis appellavit regionem , in qua cum filio mater errabat , tanquam diceret , Errabat in illa regione , ubi puteus jurationis factus est : quamvis puteus postea sit factus , sed longe ante ætatem scriptoris ; sic autem appellabatur puteus cum liber scriberetur , nomen tenens antiquum , quod Abraham imposuerat. Si autem ipse est puteus , quem apertis oculis vidit Agar , nihil restat nisi ut per recapitulationem quæstio dissolvatur. Nec movere debet quomodo puteum , quem foderat Abraham , nesciebat Agar si ante est ille fossus quam illa expulsa. Valde enim fieri potuit ut pecorum suorum causa , longe a domo in qua cum suis habitabat , puteum foderet , quem illa nesciret.

LVI. [Ib. xxi, 33.] Quæri potest quomodo ad puteum juramenti agrum <sup>1</sup> plantaverat Abraham , si in terra illa , quemadmodum Stephanus dicit , non accepérat hæreditatem , nec spatiū pedis (Act. vii , 5). Sed ea est intelligenda hæreditas quam Deus munera suo fuerat datus , non empta pretio. Intelligitur autem spatiū circa puteum ad illud emptionis pactum pertinere , in quo fuerant agnæ septem date , quando Abimelech et Abraham sibi etiam juraverunt.

LVII. [Ib. xxii, 1.] Et tentavit Deus Abraham. Quæri solet quomodo hoc verum sit , cum dicat in Epistola sua Jacobus quod Deus neminem tentat (Jacobi , 1 , 13) : nisi quia locutione Scripturarum solet dici , tentat , pro eo quod est probat. Tentatio vero illa de qua Jacobus dicit , non intelligitur nisi qua quisque peccato implicatur. Unde Apostolus dicit : *Ne forte ten-*

<sup>1</sup> MSS. Beccensis et Michaelinus , nemus.

tarent vos is qui tentat (I Thess. iii, 5). Nam et alibi scriptum est, *Tentat vos Dominus Deus vester, ut sciat si diligitis eum* (Deut. xiii, 5) : etiam hoc genere locutionis, ut sciat, dictum est, ac si diceretur, ut scire vos faciat; quoniam vires dilectionis sue hominem latent, nisi divino experimento etiam eidem innotescant.

LVIII. [lb. xxii, 12.] Vox angelii de cœlo ad Abraham, *Ne injicias manum in puerum, neque facias ei quidquam. Modo enim cognori, quoniam timeas Deum tu*; etiam ista quæstio simili locutione solvitur: hoc est enim, *Nunc cognovi, quoniam timeas Deum tu*, quod significat, Nunc te feci cognoscere. In consequentiis autem hoc genus locutionis evidenter appareat, ubi dicitur, *Et vocavit Abraham nomen loci illius, Dominus vidit; ut dicant hodie, In monte Dominus apparet. Vidi*, pro eo quod est apparuit, hoc est vidit, pro eo quod est videri fecit; significans per efficiendum id quod efficitur, sicut frigus pigrum quod pigros facit.

LIX. [lb. xxii, 12.] *Et non pepercisti filio tuo dilecto propter me.* Numquid Abraham propter Angelum non pepercit filio suo, et non propter Deum? Aut ergo angeli nomine Dominus Christus significatus est, qui sine dubio Deus est, et manifeste a propheta dictus est, *magni consilii Angelus* (Isai. ix, 6, sec. LXX); aut quod Deus erat in angelo, et ex persona Dei angelus loquebatur, sicut in Prophetis etiam solet. Nam in consequentiis hoc magis videtur apparere ubi legitur, *Et vocavit angelus Domini Abraham iterum de cœlo, dicens, Per memet ipsum juravi, dicit Dominus.* Non facile enim invenitur Dominus Christus Patrem Dominum dicere tanquam sunni Dominum, illo præsertim tempore antequam sumeret carnem. Nam secundum id quod formam servi accepit, non incongruenter hoc dici videtur. Nam secundum hujus rei futuræ prophetiam illud est in Psalmo, *Dominus dixit ad me, Filius meus es tu* (Psal. ii, 7). Nam neque in ipso Evangelio facile invenimus a Christo Deum Patrem Dominum appellatum, quod Dominus ejus esset; quamvis Deum inveniamus in illo loco, ubi ait, *Vado ad Patrem meum et Patrem vestrum, Deum meum et Deum vestrum* (Joan. xx, 17). Quod autem scriptum est, *Dixit Dominus Domino meo* (Psal. cix, 1), ad ipsum qui loquebatur referuntur, id est, *Dixit Dominus Domino meo*, Pater scilicet Filio: et, *Pluit Dominus a Domino*, qui scribebat dixit (Gen. xix, 24); ut Dominus ejus a Domino ejus, id est, Dominus noster a Domino nostro pluisse intelligatur, *Filius a Patre*.

LX. [lb. xxii, 21.] Quod in his quos nuntiaverunt Abraham natos esse filios Melchæ, nominatur et Chamael pater Syrorum, non utique illi qui nuntiaverunt, nuntiare patrem Syrorum potuerunt: ex origine quippe illius Syrorum genus longe postea propagatum est. Sed dictum est a persona sribentis, qui post omnia illa tempora hac scribendo narravit; quemadmodum supra diximus de puto jurationis (Sup. quæst. 55).

LXI. [lb. xxiii, 7.] *Easurgens autem Abraham ada-*

*ravit populum terræ. Quærerit quomodo scriptum sit, Dominum Deum tuum adorabis, et illi soli servies* (Deut. vi, 13; x, 20); cum Abraham sic honoraverit populum quemdam gentium, ut etiam adoraret. Sed animadvertendum est in eodem præcepto, non dictum, Dominum Deum tuum solum adorabis, sicut dictum est, *Et illi soli servies*, quod est græco *κατέπεντες*. Talis enim servitus nonnisi Deo debetur. Unde damnantur idololatræ, id est, ejusmodi servitutem exhibentes idolis, quæ debetur Deo. Nec moveat quod alio loco in quadam Scriptura prohibet angelus hominem adorare se, et adinonet ut Dominus potius adoretur (Apoc. xix, 10). Talis enim apparuerat angelus ut pro Deo posset adorari; et ideo fuerat corrigendus adorator.

LXII. [lb. xxiv, 5.] Quod Abram jubet pueru suo ut manum suam ponat sub ejus femore, et sic eum adjurat per Dominum Deum cœli, et Dominum terræ, solet imperitos movere; non attendentes magnam istam de Christo extitisse prophetiam, quod ipse Dominus Deus cœli et Dominus terræ in ea carne venturus esset, quæ de illo femore propagata est.

LXIII. [lb. xxiv, 12-14.] Quærendum quo differant augurations illicite ab illa petitione signi, qua petivit servus Abrahæ ut ei Deus ostenderet ipsam esse futuram uxorem domini sui Isaac, a qua cum petivisset ut biberet, diceretur illi, *Bibe et tu, et ad aquabo camelos tuos quoadusque bibere desinent*. Aliud est enim, mirum aliquid petere quod ipso miraculo signum sit; aliud ea observare, quæ ita sunt ut mira non sint, sed a conjectoribus superstitione vanitate interpretentur. Sed hoc ipsum etiam quod mirum aliquid postulatur, quo significetur quod quisque vult nosse, utrum audendum sit, non parva quæstio est. Eo namque pertinet, quod dicuntur qui hoc non recte faciunt, tentare Dominum. Nam ipse Dominus cum a diabolo tentaretur, testimonium de Scripturis adhibuit, *Non tentabis Dominum Deum tuum* (Deut. vi, 16; Matth. iv, 7). Suggerebatur enim tanquam homini ut signo aliquo exploraret ipse quantus esset, id est, quam multum apud Deum posset; quod vitiouse fit, cum sit. Ab hoc autem discernitur quod Gedeon fecit pugnæ imminentे periculo (Jud. vi, 17): consultatio quippe illa magis quam tentatio Dei fuit. Unde et Achaz apud Isaiam timet signum petere, ne Deum tentare videatur, cum hoc eum Dominus admoneat per prophetam (Isai. vi, 11, 12); credo, existimans quod ab ipso propheta exploraretur utrum præcepti memori esset, quo tentare Deum prohibemur.

LXIV. [lb. xxiv, 37, 58.] Servus Abrahæ narrans quæ sibi mandata fuerant a domino suo, dicit cum sibi dixisse, *Non sumes uxorem filio meo a filiabus Chananeorum, inter quos ego habito in terra eorum, sed in domum patris mei ibis, et in tribum meam, et sumes uxorem filio meo inde*: et cætera si legantur quemadmodum illi mandata sint, sententia eadem reperitur; verba vero non omnia, vel ipsa, vel ita dicta sunt. Quod adinonendum putavi propter stultos et indoctos homines, qui Evangelistis hinc calumniantur, quod in aliquibus verbis non omni modo conve-

nunt, quamvis rebus atque sententiis omnino non discrepent. Certe enim istum librum unus homo scripsit, qui ea quæ supra dixit cum mandaret Abraham, vel relecta sic ponere potuit, si ad rem pertinere judicaret, cum veritas narrationis exigitur<sup>1</sup>, nisi ut rerum sententiarumque sit, quibus voluntas, propter quam intimaudam verba fiunt, satis appareat.

LXV. [lb. xxiv, 41.] Quod habent latini codices, narrante servo Abrahæ quæ sibi mandaverat dominus ejus, *Tunc innocens eris a juramento meo, vel, juratione mea; græci habent, a maledicto meo: Έρως enim dicitur juratio, ἀπὸ maledictum; unde et κατάρας maledictus vel ἀπικατάρας dicitur.* Proinde oritur quæstio, quomodo illa juratio maledictum possit intelligi; nisi quia maledictus est qui contra jurationem lacerit.

LXVI. [lb. xxiv, 49.] *Si ergo facitis misericordiam et justitiam ad dominum meum, renuntiate mihi.* Duo illa quæ assidue ponuntur in aliis sanctis Scripturis, et maxime in Psalmis, misericordia, et justitia, tandem enim valet misericordia et veritas, hinc jam apparet cœperunt.

LXVII. [lb. xxiv, 51.] *Ecce Rebecca in prospectu tuo; accipiens recurre, et sit uxor filii domini tui, quemadmodum locutus est Dominus.* Quaritur quando locutus sit Dominus, nisi quia vel prophetam esse Abraham noverant, et prophetice a Domino dictum quod per illum dictum fuerat, agnoscebant: aut signum illud quod sibi datum servus ejus narravit, locutionem Domini appellaverunt; hoc enim magis de Rebecca expressum est. Nam quod Abraham dixerat, non de Rebecca dixerat, sed de aliqua semina ex tribu vel cognitione sua; et hoc ad utrumque, ut immunis esset a juramento servus, si non impetrasset: quod utique non dicitur, cum aliquid prophetatur. Certam enim decet esse prophetiam.

LXVIII. [lb. xxiv, 60.] Quod Rebeccæ dixerunt fratres ejus profiscisci, *Soror nostra es, esto in milia milium, et hereditatem obtineat semen tuum, civitates adversariorum:* non prophetæ fuerunt, aut vanitate tam magna optaverunt; sed eos quæ promiserat Deus Abrahæ latere non potuit.

LXIX. [lb. xxiv, 63.] Quod scriptum est, *Et exiit Isaac exercari in campo meridie;* qui verbum de hac re græcum nesciunt, exercitationem corporis putant. Scriptum est autem græce ἀδολεσχία: ἀδολεσχέν vero ad animi exercitationem pertinet, et sæpe vitio depunitur; more tamen Scripturarum plerumque in bono ponitur. Pro isto verbo quidam interpretati sunt exercitationem, quidam garrulitatem, quasi verbositatem, quæ in bono, quantum ad latinum eloquium pertinet, vix aut nunquam invenitur; sed, ut dixi, in Scripturis plerumque in bono dicitur: et videtur mihi significare animi affectum studiosissime aliquid cogitantis cum delectatione cogitationis; nisi aliud sentiunt quæ

haec verba græca melius intelligunt.

LXX. [In xv, 4.] *Adjiciens autem Abraham sumpsit uxorem nomine Cethuram.* Quæstio hæc esset, si peccatum esset, maxime in antiquis dantibus operari propagandæ proli. Quodlibet enim hic quam incontinentia suspicanda est tanti viri, in illa præsertim jam ætate. Cur autem de hac filios fecerit, qui cum miraculo de Sara fecerat, supra dictum est (*Quest. 35*): quanquam nonnulli donum quod accepit Abraham velut reviviscentis corporis ad filios procreandos, diu permansisse asserant, ita ut posset et alios procreare. Sed multo est absolutius de adolescentula potuisse seniorem, quod senior de seniore non posset, nisi Deus illuc miraculum præstisset, maxime propter Saræ non solum ætatem, verum etiam sterilitatem. Sane etiam grandioris ætatis, et sicut Scriptura loquitur, plenum dierum posse dici seniorem, hoc est presbyterum, hinc intelligi potest, quia hoc Abraham appellatus est quando mortuus est. Proinde omnis senex etiam presbyter, non omnis presbyter etiam senex; quia plerumque est hoc nomen ætatis quæ infra senectutem senectuti vicina est, et ex hoc etiam ipsa a senectute nomen accepit in latina lingua, ut presbyter senior appelletur. Apud Græcos autem, maxime sicut Scriptura loquitur, πρεσβύτεροι et νεώτεροι dicuntur, etiamsi ætates juvenum comparentur; quod dicimus nos majorem atque juniores. Verumtamen hoc factum Abrahæ, quod post mortem Saræ de Cethura filios procreavit, non sic accipierendum est, quasi humana consuetudine et cogitatione tantummodo substituendæ numerosioris prolis hoc factum sit. Sic enim possent accipere homines etiam quod de Agar factum est, nisi Apostolus admoneret illa suis facta prophetice, ut in utrisque personis mulierum earumque filiorum duo Testamenta ad futurorum prænuntiationem allegorica significatio figuraret (*Galat. iv, 22-24*). Unde in isto quoque Abrahæ facto aliquid tale querendum est; etsi non facile occurrat, ego interim quod occurrit: munera quæ acceperunt filii concubinarum, vindicentur mihi significare quedam Dei dona, vel in sacramentis vel in quibusque signis, etiam carnali populo Iudaicorum et hereticis data, velut filii concubinarum; cum hereditatis munus, quod est charitas et vita æterna, non nisi ad Isaac pertinet, hoc est, ad filios promissionis.

LXXI. [lb. xxv, 13.] Quid sibi vult quod scriptum est, *Hæc sunt nomina filiorum Ismael secundum nomina generationum eorum?* Non enim satis eluet cur additum sit, secundum nomina generationum eorum; cum i soli nominentur quos ille genuit, non etiam qui ab ipsis geniti sunt. Nisi forte quia nationes ex illis propagatae eorum nominibus appellantur, hoc significatum sit, cum dictum est, secundum nomina generationum eorum: quamvis hoc modo illæ rationes sint potius secundum nomina istorum, non ista nomina secundum illas nationes; quia illæ posterius extiterunt. Unde notanda locutio est, quia et postea de illis dicitur, duodecim principes secundum gentes eorum.

LXXII. [lb. xxv, 22.] Quod de Rebecca scriptum

<sup>1</sup> Editi, non exigitur. Abest negatio a MSS. quæ hic propter subsequentem particularē nisi, i. scilicet ut; sed perferam, cum detracta illa perelegans sit iste dicendi modus, si ad rem pertinere judicaret, nisi ut rerum sententiarumque sit eritas, quæ in narratione exigitur.

est, quia venit interrogare Dominum cum getarent puerperia in utero ejus, queritur quo ierit. Non enim erant tunc prophetae, aut sacerdotes secundum ordinem tabernaculi vel templi Domini. Quo ergo ierit, merito movet, nisi forte ad locum ubi aram constituerat Abraham. Sed illuc quomodo responsa audierit<sup>1</sup>, omnino facit Scriptura; utrum per aliquem sacerdotem, quo*l* incredibile est, si erat, non fuisse nominatum, et nullam ibi omnino sacerdotum aliquorum factam esse mentionem. An forte ibi cum orando allegassent desideria sua, dormiebant in loco, ut per somnum monerentur? An adhuc vivebat Melchisedech, cuius tanta fuit excellentia, ut a nonnullis dubitetur, utrum homo, an angelus fuerit? An erant aliqui tales etiam illo tempore homines Dei, in quibus posset Deus interrogari? Quidquid horum est, et si quid aliud quod me forte, ne commemorarem, præterierit, mentiri tamen Scriptura non potest, que dixit Rebeccam iisse ad interrogandum Dominum, eique Dominum respondisse.

LXXXIII. [lb. xxv, 23.] In eo quod Dominus respondit Rebeccæ, *Duae gentes in utero tuo sunt, et duo populi de ventre tuo separabuntur, et populus populum superabit, et major serviet minori*, spirituali intelligentia carnales in populo Dei significantur per majorem filium, et spirituales per minorem: quia sicut dicit Apostolus, *Non prius quod spirituale, sed quod animale; postea, spirituale* (1 Cor. xv, 46). Solet et sic intelligi hoc quod dictum est, ut in Esau figuratus sit major populus Dei, hoc est Israeliticus secundum carnem: per Jacob autem figuratus sit ipse Jacob secundum spiritualem progeniem. Sed etiam historicæ proprietate hoc responsum invenitur esse completum, ubi populus Israel, hoc est Jacob minor filius, superavit Iudeos, hoc est gentem quam propagavit Esau, eosque fecit tributarios per David: quod diu fuerunt, usque ad regem [scilicet Joram<sup>2</sup>] sub quo Idumæi rebellaverunt, et jugum Israelitarum Idumæi a cervice sua deposuerunt, secundum prophetiam ipsius Isaac quando minorem pro maiore benedixit; hoc enim dixit eidem majori, cum et ipsum postea benediceret (Gen. xxvii, 40).

LXXXIV. [lb. xxv, 27.] *Jacob autem erat homo simplex habitans domum.* Quod græce dicitur *ἀπαρτος*, hoc latini simplicem interpretati sunt. Proprie autem *ἀπαρτος* non fictus; unde aliqui latini interpretes, sine dolo, interpretati sunt, dicentes, *Erat Jacob sine dolo habitans in domo*: ut magna sit quæstio, quomodo per dolum accepit benedictionem qui erat sine dolo. Sed ad significandum magnum aliquid hoc Scriptura præmisit<sup>3</sup>. Hinc enim maxime cogimur ad intelligenda illo loco spiritualia, quia sine dolo erat qui dolum fecit. Unde quid sentiremus, in sermone quodam ad populum habito satis diximus (Serm. 4, n. 16-24).

<sup>1</sup> Sic in MSS. Beccensi et Michaelino. In ceteris, *responsa deruntur.*

<sup>2</sup> Id abest a MSS.

<sup>3</sup> Am. Er. et Lov., *aliquid quod scriptura præmisit.* *hat.*, *aliquid quod scriptura præmisit.* Longe melius MSS. quos hoc loco sequinur.

LXXV. [lb. xxvi, 1.] In eo quod scriptum est, *Facta est autem famæ super terram, præter famam quæ ante facta est in tempore Abraham: abiit autem Isaac ad Abimelech regem Philistinorum in Gerara;* queritur hoc quando sit factum: utrum posteaquam Esau vendidit primo genita sua cibo lenticulae; post illam quippe narrationem hoc narrari incipit: an, ut fieri solet, per recapitulationem narrator ad ea reversus sit, cum progressus de filiis ejus ad eum locum pervenisset, qui de lenticula commemoratus est. Movet autem, quia ipse invenitur Abimelech, qui etiam Saram concupiverat: ipsius enim paronymphus et princeps militiae, qui ibi commemorati sunt, etiam hic commemorantur, utrum vel vivere potuerint. Quando enim factus est amicus Abraham, nondum natus erat Isaac, sed jam promissus. Ponamus ante annum quam nasceretur<sup>1</sup> Isaac, illud fuisse factum: deinde Isaac suscepit filios, cum esset annorum sexaginta; illi autem juvenes erant quando vendidit Esau primogenita sua: ponamus etiam ipso circa viginti annos fuisse; fiunt anni ætatis Isaac usque ad illud factum filiorum ejus, circiter octoginta: adolescentem accipiamus fuisse Abimelech, quando matrem ipsius concupivit, et Abraham amicus est factus; potuit ergo jam esse quasi centenarius, si post illud factum filiorum suorum perrexerit in illam terram famis necessitate Isaac. Non ergo ex hoc cogit ulla necessitas, per recapitulationem putare narratam professionem Isaac in Gerara. Sed quia ibi diuturno tempore fuisse Isaac scribitur, et puteos sodisse, et de his contendisse, et ditatum fuisse pecunia; mirum nisi recapitulando ista commemorantur, quæ ideo fuerant prætermissa, ut primum de filiis ejus usque ad illum locum de lenticula narratio perveniret.

LXXVI. [lb. xxvi, 12, 13.] Ideo quod scriptum est de Isaac, *Benedixit autem eum Dominus, et exaltatus est homo, et procedens major siebat, quoadusque magnus factus est valde*, secundum terrenam felicitatem dictum sequentia docent. Exsequitur enim narrator easdem ejus divitias, quibus magnus factus est; et hinc motus Abimelech, timuit illum ibi esse, ne potentia ejus sibi esset infesta. Quanquam ergo aliquid spirituale ista significant, tamen secundum id quod contigerunt, ideo præmissum est, *Benedixit eum Dominus*, ut sana fide intelligamus etiam ista temporalia dona, nec dari posse, nec sperari debere, etiam cum ab infirmioribus appetuntur, nisi ab uno Deo: ut qui in minimis fidelis est, etiam in magnis fidelis sit; et qui in mammona iniquo fidelis inventus est, etiam verum accipere mereatur, sicut Dominus in Evangelio loquitur (Luc. xvi, 10). Talia etiam de Abraham dicta sunt, quod ei munere Dei provenerint. Unde non parum adfleat sanam fidem pie intelligentibus ista narratio, etiamsi de his rebus allegorica significatio nulla posset excupi<sup>2</sup>.

LXXVII. [lb. xxvi, 28.] *Fiat execratio inter nos et inter te;* id est, juratio que maledictis obstringit, que accident ei qui pejeraverit: secundum quam consider-

<sup>1</sup> Sic MSS. At editi, *antequam nasceretur.*

<sup>2</sup> MSS. tres probœ notie, excludit.

randum est quod et servus Abrahæ commemoravit, narrans eis a quibus accepit uxorem domino suo Isaac.

LXXXVIII. [lb. xxvi, 32.] Quid est quod scriptum est, quod cum venissent pueri Isaac et dixissent, *Fondimus puteum, et non invenimus aquam;* appellavit eundem puteum Isaac juramentum? An quamvis factum sit, in aliquam significationem sine dubio ducentum est spiritualem; quoniam nihil habet convenientiae secundum litteram, ut ideo juramentum appellaverit puteum, quod ibi aqua non sit inventa? Quanquam alii interpres pueros Isaac inventam potius aquam nuntiasse dixerunt: sed etiam sic quare juramentum appellatum est, ubi nulla fuerat facta iuratio?

LXXIX. [lb. xxvii, 1-17.] Quoniam tantus patriarcha Isaac, antequam moriatur, quererit a filio suo venationem et escam, qualem amat, pro magno beneficio, et promittit benedictionem, nullo modo vacare arbitramur a significatione prophetica: maxime quoniam festinat uxor ejus ut illam benedictionem minor accipiat, quem ipsa diligebat, et cetera in eadem narratione multum movent ad majora intelligenda vel requirenda.

LXXX. [lb. xxvii, 33.] Quod habent latini codices, *Exparit autem Isaac pavore magno valde,* græci habent, ἐγένετο δὲ Ἰσαὰκ ἔκπληξ τρόμῳ, ubi tanta commotio intelligitur, ut quedam mentis alienatio sequeretur. Ipsa enim proprie dicitur ecstasy. Et quia solet in magnarum rerum revelationibus fieri, in hac intelligendum est factam esse spiritualem admonitionem, ut confirmaret benedictionem suam filio minori, cui potius irascendum fuit quod sefellerit patrem. Sic et de Adam cum prophetatur hoc sacramentum magnum, quod dicit Apostolus in Christo et in Ecclesia, *Eranūt duo in carne una,* dicitur quod ecstasy processerit (Gen. ii, 21-24, et Ephes. v, 31, 32).

LXXXI. [lb. xxvii, 42.] Quomodo annuntiata vel renuntiata sunt verba Esau Rebeccæ, quibus communitatus est occidere fratrem suum, cum Scriptura dicat hoc eum in sua cogitatione dixisse; nisi quia hinc nobis datur intelligere, quod divinitus eis revelabantur omnia? Unde ad magnum mysterium pertinet, quod filium suum minorem pro maiore voluit benedici.

LXXXII. [lb. 28, 2.] Quod habent latini codices, Isaac dicente filio suo, *Vade in Mesopotamiam, in dominum Bathuel patris matris tuæ, et sume inde tibi uxorem;* græci codices non habent *Vade,* sed *fuge:* hoc est, ἀκέδεσθι. Unde intelligitur etiam Isaac cognovisse quod filius ejus Esau de fratre suo in cogitatione sua dixerit.

LXXXIII. [lb. xxviii, 16, 17.] *Et surrexit Jacob de somno suo, et dixit, Quia est Dominus in loco hoc, ego autem nesciebam: et timuit, et dixit, Quam terribilis locus hic! hoc non est nisi dominus Dei; et haec porta est caeli.* Haec verba ad prophetiam pertinent, quia ibi futurum erat tabernaculum, quod constituit Dominus

<sup>1</sup> Κατί : *Nic non est nisi dominus Dei.* Miss. vero, *hoc, quod in græco est totto.*

in hominibus in primo populo suo. Portam ecclæ autem sic intelligere debemus, tanquam inde fiat aditus credentibus ad capessendum regnum cœlorum.

LXXXIV. [lb. xxviii, 18.] Quod statuit lapidem Jacob, quem sibi ad caput posuerat, et constituit eum titulum, et perfudit illum oleo, non aliquid idolatriæ simile fecit; non enim vel tunc vel postea frequentavit lapidem adorando, vel ei sacrificando: sed signum fuit in prophetia evidentissima constitutum, quæ pertinet ad unctionem, unde Christi nomen a chrismate est.

LXXXV. [lb. xxviii, 19.] *Et vocavit Jacob nomen loci illius Domus Dei, et Ulamnaus erat nomen civitati ante.* Juxta civitatem dormisse si intelligatur, nulla quæstio est; si autem in civitate, mirum videtur quomodo portuerit illum titulum constituere. Quod autem vovit votum si prosperaretur eundo et redeundo, decimasque promisit domui Dei futura in loco illo, prophetia est domus Dei, ubi et ipse rediens Deo sacrificavit; non illum lapidem Deum appellans, sed domum Dei, id est, quia in illo loco futura erat domus Dei.

LXXXVI. [lb. xxix, 10.] Quod venit Rachel cum ovibus patris sui, et dicit Scriptura quod cum vidisset Jacob Rachel filiam Laban fratris matris suæ, accessit et revolvit lapidem ab ore putei; magis notandum est, aliquid Scripturam prætermittere quod intelligere debemus, quam ulla quæstio commovenda. Intelligitur enim quod illi, cum quibus primo loquebatur Jacob, interrogati quæ esset quæ veniebat cum ovibus, ipsi dixerunt filiam esse Laban, quam utique Jacob non noverat; sed illius interrogationem responsionemque illorum, Scriptura prætermittens, intelligi voluit.

LXXXVII. [lb. xxix, 11, 12.] Quod scriptum est, *Osculatus est Jacob Rachel, et exclamans voce sua flevit; et indicavit ei quia frater est ejus, et quia filius Rebeccæ est.* Consuetudinis quidem fuit, maxime in illa simplicitate antiquorum, ut propinqui propinquas oscularentur, et hoc hodie sit in multis locis: sed queri potest quomodo ab incognito illa osculum accepit, si postea indicavit Jacob propinquitatem suam. Ergo intelligendum est, aut illum qui jam audierat quæ illa esset, siderenter in ejus osculum irruisse; aut postea Scripturam narrasse per recapitulationem quod primo factum erat, id est, quod indicaverit Jacob quis esset. Sicut de paradiso postea dicitur, quomodo Deus eum instituerit, cum jam dictum esset quod plantavit Deus paradisum, et posuerit illic hominem quem finixerat: et multa alia per recapitulationem dicta intelliguntur.

LXXXVIII. [lb. xxix, 20.] Quod scriptum est, *Et servivit Jacob pro Rachel annis septem; et erant in conspectu ejus velut pauci dies, eo quod diligebat illam,* querendum quomodo dictum sit, cum magis etiam breve tempus longum esse soleat amantibus. Dictum est ergo propter laborem servitutis, quem facilem et levem amor faciebat.

LXXXIX. [lb. xxix, 27-31.] Si parum advertatur rei hujus narratio, putabitur quod posteaquam Liam Jacob duxit uxorem, deinde servivit alios septem annos

pro Rachel, et tunc eam duxit. Verum autem non ita est, sed Laban ei dixit, *Consumma itaque septimanam<sup>1</sup> istius, et dabo tibi et hanc pro opere quod operaberis apud me adhuc septem annos alios.* Quod itaque ait, *Consumma septimanam istius*, ad nuptiarum celebrationem pertinet, que septem diebus celebrari solent. Illoc itaque ait, Imple dies nuptiarum septem pertinentes ad istam quam duxisti, et dabo tibi et hanc pro eo quod operaberis apud me adhuc septem annos alios. Deinde sequitur, *Fecit autem Jacob sic, et implevit septimanam ejus*, id est, sepiem dies nuptiarum Lia, et dedit illi Laban Rachel filiam suam ipsi uxorem. Dedit autem Laban Rachel filiae sue Balam<sup>2</sup> ancillum suum ci ancillam, et intravit ad Rachel. Dilexit autem Rachel magis quam Liam, et servivit illi septem annos alios. Utique appareat quia posteaquam duxit Rachel, tunc servivit pro ea septem annos alios. Nimis enim durum et valde iniquum fuit, ut deceptum adhuc differret alios annos septem, et tunc eam traderet quam primo debuit. Septem autem diebus solere nuptias celebrari, etiam liber Judicum ostendit in Samson, quando fecit potum<sup>3</sup> septem diebus (*Jud. xiv, 10*). Et addidit Scriptura, quod sic solerent facere juvenes: fecit autem hoc propter nuptias suas.

XC. [lb. xxx, 3, 9.] Non facile dignoscitur, quas concubinas appellet Scriptura, quas uxores; quandoquidem et Agar dicta est uxor, que postea dicitur concubina, et Cethura (*Gen. xvi, 3, et xxv, 1, 6*), et ancille quas dederunt Rachel et Lia viro suo (*Id. xxx, 3, 4, 9*). Nisi forte onnis concubina uxor, non autem onnis uxor concubina more loquendi Scripturarum appellatur: id est, ut Sara et Rebecca et Lia et Rachel concubina dici non possint; Agar vero et Cethura et Bala et Zefsa, et uxores et concubinae.

XCI. [lb. xxx, 11.] Quod latini habent, nato filio Li<sup>o</sup> de Zefsa, quod dixerit, *Beata vel Felix facta sum, greci habent, ἀνέγνη*, quod magis bonam fortunam significat. Unde videtur occasio non bene intelligentibus dari, tamen illi homines fortunam coluerint, aut hoc verbum divinarum Scripturarum auctoritas in usu receperit. Sed aut fortuna intelligenda est pro his rebus que fortuito videntur accidere, non quia numen aliquod sit, cum haec ipsa tamen que fortuita videntur, causis occultis divinitus dentur; unde etiam verba, que nemo potest auferre a consuetudine loquendi, parata sunt, id est, forte, et fortasse, et forsitan, et fortuito; unde videtur et in greca lingua resonare, quod dicunt τέχα, velut ab eo quod est τύχη: aut certe Lia propterea sic locuta est, quod adhuc gentilitatis consuetudinem retinebat. Non enim hoc Jacob dixit, ut ex hoc data huic verbo putetur auctoritas.

XCI. [lb. xxx, 30.] Quod Jacob dicit, *Et benedixit te Dominus in pede meo*; satis advertendus est et notandus Scripturarum sensus, ne cum ita quisque locu-

<sup>1</sup> MSS. Novem constanter habent, *septima*. Sic etiam Am. et Rat.

<sup>2</sup> In editis, *Balam*. At in MSS. cum gemina II scribitur *Balam*, ut in greco.

<sup>3</sup> Lov., *contrivit*, pro quo Rat. Am. Fr. et MSS., *potum*; que vox usurpata est ex libro Judic., cap. 14, v. 10, ubi LXX verterunt, *époise poton*.

tus fuerit, quasi augurari videatur. Multum enim interest quod adjecit, *Benedixit te Dominus in pede meo*: in ingressu enim meo voluit intelligi, gratias hinc agens Deus.

XCII. [lb. xxx, 37, 42.] In facto Jacob cum virgas excorticavit, detrahens viride, ut album varie appareret, et sic in conceptu fetus pecorum variarentur, cum matres in alveis aquarum biberent, et visis virgis illam varietatem conspicerent; multa dicuntur similiiter fieri in animalium fetibus: sed et mulieri accidente traditur, et scriptum reperitur in libris antiquissimi et pertissimi medici Hippocratis, quod suspicione adulterii fuerat punienda, cum puerum pulcherum peperisset utriusque parenti generique dissimilem, nisi memoratus medicus solvisset questionem, illis admonitis querere ne forte aliqua talis pictura esset in cubiculo; qua inventa mulier a suspicione liberata est. Sed ad hanc rem quam fecit Jacob, virgarum ex diversis arboribus trium copulatio quid contulerit utilitas, quod attinet ad varias pecudes multiplicandas, non appareat omnino; nec aliud ad hoc commodum interest, utrum ex unius generis ligno varientur virgæ, an plura sint lignorum genera, cum sola queratur lignorum varietas: ac per hoc cogit inquireti propheticam, et aliquam signifikatam significationem res ista, quam sine dubio ut propheta fecit Jacob; et ideo nec fraudis arguendus est. Non enim tale aliiquid, nisi revelatione spirituali, cum fecisse credendum est. Quod autem ad justitiam pertinebat, sicut alii interpretari apertius hoc narrant, non ponebat virgas in secundo conceptu ovium: quod tanto obscurius, quanto brevius a Septuaginta dictum est, *Quia cum peperissent, non ponebat*; quod intelligitur cum primum peperissent: ut jam non solere ponere intelligatur, cum secundo parturie essent, ne ipse auferret omnes fetus, quod iniquum fuit (a).

XCV. [lb. xxxi, 30.] Quod Laban dicit, *Quare furatus es deos meos?* hinc est illud fortasse, quod et augurari se dixerat, et ejus filia bonam fortunam nominaverat. Et notandum est, quod a principio libri nunc primum iavenerimus deos gentium: superioribus quippe Scripturæ locis Deum nominabant.

XCV. [lb. xxxi, 41, 7.] Quid est quod dicit Jacob socero suo, *Et decepisti mercedem meam decem agnibus?* Hoc enim quando et quomodo factum sit, Scriptura non narrat: sed utique factum est quod iste commemorat; nam dixit hoc et uxoribus suis, quando eas vocavit in campum. Conquerens enim de patre illarum, ait inter cetera, *Et mulier mercedem meam decem agnorum*. Intelligitur ergo per singula tempora partus ovium, cum videret Laban tales fetus esse natos, quales placuerat ut ad Jacob pertinerent, pactum fraude mutasse, et dixisse ut futuro fetu alios pecudum colores haberet in mercede Jacob. Tunc autem ille virgas varias non supponebat, et non naseebantur varii, sed unius coloris, quæ Jacob ex novo pacto auferebat. Quod cum vidisset Laban, rursus pactum fraude mutabat, ut ad Jacob varia pertinerent: tunc

(a) II Retract. cap. 53, n. 1.

iliarum suppositione virgarum varia nascebantur. Ergo quod ait Jacob uxoribus suis, *Mutavit mercedem meam decem agnorum*, et postea ipsi Laban, *Decepisti mercudem meam decem agnibus*, non ita dixit quasi provenerit socero ejus ipsa fraus; ut enim non ei proveniret, Deum sibi dixit adversus illum adfuisse: decem vero agnos vel decem agnas, pro decem temporibus posuit, quibus oves suas pascebat per sexenium pepererunt. Bis quippe pariebant in anno: conigerat autem ut primo anno, quo inter se pacti sunt, et ad eas pascendas placito hujus mercedis accessit, semel parerent in fine anni, quia cum accessit, jam semel pepererant; rursumque sexto anno, id est ultimo, cum semel peperissent, exorta necessitate profectio- nis, prius recederet, quam iterum parerent: ac per hoc cum primus annus atque ultimus duos ovium partus sub illo haberent, hoc est, singulos, medii vero quatuor anni binos, sunt omnes decem. Nec mirum quod haec decem tempora nomine agnorum appellavit, qui eisdem temporibus nascebantur; velut si quisquam dicat, Per tot vindemias, aut, Per tot mes- ses, quibus numerus intelligatur annorum: unde ait quidam, *Post aliquot aristas* (*Virgil. in Bucol., Eclog. I., v. 70*); per aristas videlicet messes, et per messes annos significans. Pecudum autem illius regionis fe- cunditas, sicut Italarum, tanta fertur, ut bis in anno pariant (a).

**XCVI.** [lb. xxxi, 45.] *Sunipsit autem Jacob lapidem, et constituit eum titulum.* Diligenter animadvertisendum est, quomodo istos titulos in rei cuiusque testimonio constituebant; non ut eos pro diis colerent, sed ut eis aliquid significarent.

**XCVII.** [lb. xxxi, 47, 48.] Quod accervum lapidem, quem inter se constituerant Laban et Jacob, cum ali- quanta diversitate appellaverunt, ut eum vocaret La- ban *Acervum testimonii*, Jacob *Acervum testem*; traditur ab eis qui et syram et hebream linguam no- verunt, propter proprietatem sue cuiusque linguæ factum. Fieri enim solet, ut alia lingua non dicatur uno verbo, quod alia dicitur, et vicinitate significa- tionis quidque appelletur. Nam postea dicitur, *Propter hoc appellatum est nomen, Acervus testatur.* Hoc enim medie positum est, quod utrique conveniret, et ei qui dixerat, *Acervus testimonii*, et ei qui dixerat, *Acervus testis*.

**XCVIII.** [lb. xxxi, 48, 49.] Quid est quod loquendo Laban ad Jacob dicit, *Testatur acervus hic*, et *testatur titulus hic.* Propter hoc appellatur nomen, *Acervus te- statur.* Et visio quam dixit, *Respiciat Deus inter me et te?* Nisi forte ordo est, *Et visio quam dixit Deus, Re- spiciat inter me et te,* Deus quippe illi dixerat in vi- sione, ne laderet Jacob.

**XCIX.** [lb. xxxi, 50.] Quid est quod dicit in conse- quentiibus Laban, *Vide, nemo nobiscum est?* nisi forte nemo extraneorum, aut propter testificationem Dei, quem ita habere deberent, tanquam nemo cum eis esset, quem testimonio ejus adjungerent.

**C.** [lb. xxxi, 53, 42.] *Et juravit Jacob per timorem* (a) *et retract. cap. 53, n. 1.*

*patris sui Isaac. Per timorem utique quo timebat Deum, quem timorem etiam superius commendavit. cum diceret, Deus patris mei Abraham, et timor patris mei Isaac.*

**Cl.** [lb. xxxii, 2.] *Castra Dei quæ vidit Jacob in iti- nere, nulla dubitatio est quod Angelorum fuerit mul- titudo : ea quippe in Scripturis militia cœli nomina- tur.*

**CII.** [lb. xxxii, 6-42.] *Nuntiato sibi fratre suo Jacob veniente obviam ei cum quadringentis viris, turbatus est quidem et mente confusus, quoniam timuit valde; et ut visum est homini perturbato, divisam multitu- dinem suam in duo castra dispositus. Ubi queri po- test, quomodo haberit fidem promissis Dei, quando- quidem dixit, *Si venerit ad castra prima frater meus, et exciderit ea, erunt secunda in salutem.* Sed etiam hoc fieri potuit, ut everteret castra ejus Esau, et tamen Deus post illam afflictionem adesset, et liberaret eum, et que promisit impleret. Et admonendi suinus hoc exemplo, ut quamvis credamus in Deum, faciamus tamen quæ facienda sunt ab hominibus in præsidium salutis, ne prætermittentes ea, Deum tentare videa- mur. Denique post haec, quæ verba dicat idem Jacob, considerandum est : *Deus, inquit, patris mei Abraham, et Deus patris mei Isaac, Domine, qui dixisti mihi, Re- currere in terram generationis tuæ, et bene tibi faciam, ideo- neus es mihi ab omni justitia et ab omni veritate, quæ fecisti puero tuo. In virga enim mea ista transi Jordani- nem nunc, nunc autem factus sum in duo castra : erue me de manu fratris mei, de manu Esau ; quia ego timeo illum, ne cum venerit feriat me et matres super filios.* - Tu autem dixisti, *Benefaciam tibi, et ponam semen tuum tanquam arenam maris, quæ non dinumerabitur præ multitudine.* Satis in his verbis et humana insi- mitas, et fides pietatis appareat.*

**CIII.** [lb. xxxii, 20.] Quod latini codices habent de Jacob, *Dixit enim, Placabo vultum ejus, in muneribus præcedentibus eum;* scriptor libri qui narrans ait de Jacob, *Dixit enim, Placabo vultum ejus,* huc usque verba Jacob dixisse intelligitur, cetera vero sua intulisse quod ait, *in muneribus præcedentibus eum :* tanquam diceret, In muneribus quæ præcedebant Jacob, placabo vultum fratris mei. Ordo est ergo verborum Jacob, *Placabo vultum ejus, et post hoc videbo faciem ejus ; forsitan enim suscipiet faciem meam.* Interposita autem sunt verba scriptoris, *in muneribus præcedentibus eum.*

**CIV.** [lb. xxxii, 26.] Quod ab illo angelo desiderat Jacob benedici, cui luctando prævaluit, magna est de Christo prophetia. Nam eo ipso admonet mysticum aliquid sapere, quia omnis homo a majore vult benedici. Quomodo ergo ab eo benedici iste voluit, quem luctando superavit? Prævaluit enim Jacob Christo, vel potius prævalere visus est, per eos Israelitas a quibus crucifixus est Christus; et ab eo tamen benedicatur in eis Israelitis qui crediderunt in Christum, ex quibus erat qui dicebat, *Nam et ego Israelita sum ex semine Abrahæ, de tribu Benjamin* (*Rom. xi, 1*).

<sup>1</sup> MSS. et editiones lat. Am. et Fr., ex genere.

Unus ergo atque idem Jacob et claudus et benedictus : claudus in latitudine semoris, tanquam in multitudine generis, de quibus dictum est, *Et claudicaverunt a semitis suis* (Psal. xvii, 46) ; benedictus autem in eis de quibus dictum est, *Reliquæ per electionem gratiæ salvæ factæ sunt* (Rom. xi, 5).

**CV.** [lb. xxxiii, 10.] Quid sibi vult quod Jacob ait fratri suo, *Propter hoc vidi faciem tuam, quemadmodum cum videt alius faciem Dei?* utrum parentis et perturbati animi verba usque in hanc adulationem proruperunt? an secundum aliquem intellectum sine peccato dicta accipi possunt? Fortassis enim quia dicti sunt et Gentium dii, quæ sunt dæmonia, non præjudicetur ex his verbis homini Dei. Non enim dixit. Quemadmodum si viderem faciem Dei, sed, *Cum videt alius;* ipse autem alius, quem significare possit, incertum est: atque ita fortasse temperata sunt verba, ut et ipse Esau sibi delatum tantum honorem grata acciperet, et qui haec etiam aliter<sup>1</sup> intelligere possunt, eum a quo dicta sunt nullo crimine impietatis arguerent. Quod etsi benigno animo dicta haec verba fraterna sunt, quoniam et post bonam susceptionem metus ipse transierat; potuit sic dici, quemadmodum et Moyses Pharaonis deus dictus est (*Exod. vii, 1*), secundum quod dicit Apostolus, *Etsi sunt qui dicuntur dii, sive in cœlo, sive in terra, quemadmodum sunt dii multi, et domini multi* (*I Cor. viii, 5*): maxime quia sine articulo, in græco dictum est; quo articulo evidentissime solet veri Dei unius fieri significatio. Non enim dixit, πρόσωπο τοῦ Θεοῦ, sed dixit, πρόσωπον θεοῦ: facile autem hoc intelligunt qua distantia dicatur, qui Græcorum eloquium audire atque intelligere solent.

**CVI.** [lb. xxxiii, 14.] Quæritur utrum mendaciter promiserit Jacob fratri suo, quod sequens pedes suorum, in itinere propter quos si<sup>2</sup> moraretur, venturus esset ad eum in Seir: hoc enim, sicut Scriptura deinde narrat, non fecit, sed eo perrexit itinere quod dirigebat ad suos. An forte veraci animo promiserat, sed aliud postea cogitando delegit?

**CVII.** [lb. xxxiv, 2, 3.] Quomodo Scriptura dicit quod vidit Sichem filius Emmor Evar<sup>3</sup>, princeps terræ, Dinam filiam Jacob, et accepit eam, et dormivit cum ea, et humiliavit eam: et intendit animo Dinæ filie Jacob, et adamavit virginem, et locutus est secundum sensum virginis ipsi<sup>4</sup>? Quomodo virgo appellatur, si jam cum illa dormierat, eamque humiliaverat? Nisi forte virgo nomen ætatis est secundum hebræum eloquium: an potius per recapitulationem postea commemoratur quod primo factum est? Prius enim potuit intendere animæ ipsius et amare virginem, et loqui secundum sensum virginis, et deinde cum illa dormire, eamque humiliare.

**CVIII.** [lb. xxxiii, 5, et xxxiv, 25.] Cum paulo ante

<sup>1</sup> Dæo MSS., etiam rite intelligere.

<sup>2</sup> In Lov., propter quos sic moraretur. M.

<sup>3</sup> MSS. octo, Emmor Choræus princeps terra.

<sup>4</sup> Ann. Fr. et Lov., ipsius. At Rat. et melioris note MSS., ipsi: juxta interpretationem LXX., autem.

loquens Jacob cum fratre suo Esau infantes filios suos esse significet, qui græce dicuntur παῖδες, queri potest quomodo potuerunt facere tantam stragem direptionemque civitatis, interfectis quamvis in dolore circumisionis constitutis pro sorore sua Dina. Sed intelligendum est, diu illic habitasse Jacob, donec ei filia ejus virgo fieret, et filii juvenes. Nam ita scriptum est: *Et venit Jacob in Salem in civitatem Sichimorum, quæ est in terra Chanaan, cum advenit de Mesopotamia Syriæ, et applicuit ad faciem civitatis; et cùm partem agri, in quo statuit illic tabernaculum suum, ab Emmor patre Sichem<sup>1</sup> centum agnis; et statuit ibi aram, et invocavit Deum Israel. Exiit autem Dina filia Liæ, quam peperit ipsi Jacob, ut condisceret filias regionis ejus* (*Gen. xxxiii, 18-20, et xxxiv, 1*), et cætera. Apparet ergo his verbis non transeuntem, sicut viator solet, illic manuisse Jacob, sed agrum emisse, tabernaculum constituisse, aram instruxisse, ac per hoc diutius habitasse: filiam vero ejus cum ad eam venisset aitatem, ut amicas habere jam posset, condiscere voluisse filias civium loci; atque ita factam esse pro illa cruentissimam cædem et deprædationem, quæ jam, ut puto, quæstionem non habet. Multitudo enim non parva erat cum Jacob, qui plurimum ditatus fuit; sed filii ejus in hoc facto nominantur, quia ejusdem facti principes atque auctores fuerunt.

**CIX.** [lb. xxxiv, 30.] Quod ait Jacob, timens bella finitimarum apud civitatem Salem, quam expugnarebant filii ejus, *Ego autem exiguis sum numero, et convenientes super me occident me;* propter bella plurium, quæ consurgere poterant, se dixit numero exiguum, non quod minus multos haberet, quam possent sufficere expugnationi illius civitatis, cum suos in itinere in bina castra divisit.

**CX.** [lb. xxxv, 1.] *Dixit autem Deus ad Jacob, Surge, et ascendé in locum Bethel, et habita ibi; et fac ibi aram Deo, qui apparuit tibi, cum fugeres a facie Esau fratris tui.* Quid est quod non dixit, *Et fac ibi aram mihi, qui apparui tibi;* sed Deus dicit, *Fac ibi aram Deo qui apparuit tibi?* utrum Filius ibi apparuit, et Deus Pater hoc dicit? an in aliquo genere locutionis annunierandum?

**CXI.** [lb. xxxv, 2.] Quod Jacob ascensusus Bethel, ubi jussus est aram facere, dicit domini suæ et omnibus qui cum illo erant, *Tollite deos alienos, qui roboscum sunt, de medio vestrum, etc.;* deinde dicitur, *Et dererunt Jacob deos alienos, qui erant in manibus eorum, et in aures quæ erant in auribus eorum:* quæritur quare et in aures, quæ si ornamenti erant, ad idololatriam non pertinebant, nisi quia intelligendum est phylacteria suis deorum alienorum. Nam Rebeccam a servo Abrahæ in aures accepisse Scriptura testatur; quod non fieret, si eis in aures habere ornamenti gratia non licet. Ergo ille in aures quæ cum idolis date sunt, ut dictum est, idolorum phylacteria fuerunt.

**CXII.** [lb. xxxv, 5.] *Et factus est timor Dei in cœlitibus quæ circa illos erant, et non sunt consecuti post filios*

<sup>1</sup> Quinque melioris note MSS., tabernaculum suum ad Emmor patrem Sichem. Et sic latina editio versionis græca LXX.

*Israel.* Incipiamus animadvertere quemadmodum Deus operetur in hominum mentibus. A quo enim timor Dei factus est in illis civitatibus, nisi ab illo qui sua promissa in Jacob filiusque tuebatur?

CXIII. [Ib. xxxv, 6.] *Venit autem Jacob in Luza, quae est in terra Chanaan, quae est Bethel.* Animadvertemus est tria iam nomina hujus civitatis commemorata; *Ulammaus*, quod dictum est eata prius vocatam, cum illuc prius peregens in Mesopotamiam venisset Jacob (Gen. xxviii, 19); et *Bethel*, quod nomen ipse impo-  
suit (*Id.* xxxv, 15), et interpretatur Domus Dei; et *Luza*, quod modo commemoratum est. Nec mirum debet videri: multis enim locis hoc accidit, et in civi-  
tatibus, et in fluminibus, et in quibusque terrarum, ut ex aliis atque aliis causis vel adderentur, vel muta-  
rentur vocabula, sicut etiam ipsis hominibus.

CXIV. [Ib. xxxv, 9, 10.] Iterum in *Luza*-apparuit Deus Jacob, et dixit ei: *Nomen tuum jam non vocabitur Jacob, sed Israel erit nomen tuum.* Hoc ei dicit ecce iterum Deus in benedictione, quae repetitio confirmat magnum promissum in hoc nomine. Nam hoc mirum est, quibus etiam semel dictum est, amplius eos non vocari quod vocabantur, sed quod eis novum nomen imponeretur, omnino amplius aliquid non vocatos nisi quod eis impositum sit: istum autem per totam vitam suam et deinceps post vitam suam appellatum esse Jacob, cui non semel<sup>1</sup> Deus dixerat, *Non jam vocaberis Jacob, sed Israel erit nomen tuum* (*Id.* xxxii, 28). Ni-  
mirum ergo nomen hoc ad illam recte intelligitur pertinere prouissionem, ubi sic videbitur Deus, quomodo non est antea Patribus visus. Ibi non erit nomen vetus, quia nihil remanebit vel in ipso corpore vetustatis, et Dei visio summum erit præmium.

CXV. [Ib. xxxv, 11.] In prouissionis Jacob dicitur, *Gentes et congregations gentium erunt ex te: quærerit utrum gentes secundum carnem, congregations autem gentium secundum fidem*, an utrumque propter fidem gentium dictum est, si gentes appellari non pos-  
sunt una gens *Israel* secundum carnem.

CXVI. [Ib. xxxv, 13-15.] *Ascendit autem Deus ab eo loco, ubi locutus est cum eo; et statuit Jacob titulum in loco in quo locutus est cum eo, titulum lapideum; et libavit super eum libamen, et infudit super eum oleum; et vocavit Jacob nomen loci, in quo locutus est cum eo illie Deus, Bethel.* Iterum factum est hoc loco, quod factum fuerat? an iterum commemoratum est? Sed quodlibet horum sit, super lapidem libavit Jacob, non lapidi libavit. Non ergo sicut idololatræ solent aras ante lapides constituere, et tanquam diis libare lapidibus.

CXVII. [Ib. xxxv, 26.] 1. Quod duodecim filii com-  
putantur *Israel*, qui nati sunt ei, et dicitur, *Hil sunt filii Israel, qui nati sunt ei in Mesopotamia*, cum Benjamin longe postea natus sit, cum jam transiisset Bethel, et appropinquaret Bethlehem: frustra quidam conantes istam solvere quæstionem, dixerunt non legendum, *nati sunt*, sicut latini plerique codices habent; sed, *facti sunt*; græce enim scriptum est *εγένετο*: ita

<sup>1</sup> Sic habet Er., et melius, ut probat contextus series. In *¶, cui semel*, adjuncta hac nota in margine: « Fortasse, non sem. l. v. 11 »

volentes intelligi etiam Benjamin, quamvis ibi natus non fuerit, ibi factum tamen; quia jam fuerat in utero seminatus, ut prægnans inde Rachel exiisse credatur. Hoc autem modo etiamsi, *nati sunt*, legeretur, possent dicere, jam in utero natus erat, quia conceptus erat: sicut de sancta Maria dictum est ad Joseph, *Quod enim in ea natum est, de Spiritu sancto est* (*Matth.* 1, 20).

2. Sed aliud est quod impedit hanc solutionem quæ-  
stionis hujus; quia si iam ibi Benjamin conceptus erat, qui filii Jacob grandes inde exierunt, vix annorum duodecim esse potuerunt. Viginti namque annos illuc explevit, quorum primis septem sine conjugio fuit, donec serviendo id adipisceretur<sup>1</sup>. Ut ergo primo anno, quo duxit uxorem, ei filius nascetur, duodecim annorum esse potuit primitivus, cum inde profectus est. Proinde si jam conceptus fuerat Benjamin, intra decem menses illa omnis via peracta est, et quidquid in itinere scriptum est de Jacob. Unde sequitur ut filii ejus tam parvuli pro sorore sua Dina tantam stragem fecerint, tot homines trucidaverint, ita expugnauerint civitatem: in quibus Simeon et Levi, qui primi gladiis accincti intraverunt ad illos homines eosque peremerunt, undecim unus, alter autem decem annorum suis reperiatur etiamsi per singulos annos sine intermissione illa pepererat: quod utique incredibile est, ab illius aetatis pueris illa omnia fieri potuisse; quando et ipsa Dina vix adhuc sex annorum fuit.

3. Proinde aliter solvenda quæstio est, ut ideo in-  
telligatur dictum, commemoratis duodecim filiis, *Hil sunt filii Jacob, qui facti sunt ei in Mesopotamia Syria*, quia inter omnes qui tam multi erant, unus tantum erat non ibi natus, qui tamen inde habuit nascendi causam, quod ibi mater ejus patri copulata est. Sed solutio ista quæstionis aliquo exemplo similis locutionis firmando est<sup>2</sup>.

4. Nulla tamen est facilior solutio quæstionis hujus, quam ut per synecochen dictum accipiatur. Ubi enim pars major est, aut potior, solet ejus nomine etiam illud comprehendendi quod ad ipsum nomen non pertinet. Sicut ad duodecim Apostolos jam non pertinebat Judas, qui etiam mortuus fuit cum Dominus resurrexit a mortuis, et tamen ipsius duodenarii numeri nomen Apostolus in Epistola sua tenuit, ubi ait, eum apparuisse illis duodecim (*1Cor. xv, 5*). Cum articulo enim hoc græci codices habent (a), ut non possint in-  
telligi quicunque duodecim; sed illi in eo numero insigiles. Eo modo locutionis puto et illud a Domino dictum, *Nonne ego vos duodecim elegi, et unus ex vobis*

<sup>1</sup> Am. Er. et Lov., *donec serviendo Isa ei despontaretur.* At MSS. lavente Lat. *serviendo, id adipisceretur*: scilicet, conjugium.

<sup>2</sup> Post, *firmanda est*, habet vetustissimum codex Corbeiensis in mediocontextu, *Ab hinc scribendum*. Ex quo in-  
telligere est istum codicem forte descripsum fuisse ad exemplar illud, in quo Eugyptius, qui hunc locum excepit, id sua manu annotaverat: et conjecturam augeri quod solet cum Eugyptii excerptis in variantibus lectionibus convenire.

(a) Græc., *tous dodeca.* At Vulgata, *undecim.*

*aizibolus est (Joan. vi, 74)? ut non ad electionem etiam ipse pertinere videatur. Non enim facile inveniuntur electorum nomen in malo, nisi quando mali eliguntur a malis. Quod si putaverimus et illum electum, ut per ejus traditionem Domini passio completeretur, id est malitiam ejus ad aliquid electam, bene utente Deo etiam malis; aliud attendamus ubi ait, *Non de omnibus vobis dico; ego scio quos elegi (Id. xiii, 18)*: ubi declarat ad electionem non pertinere nisi bonos. Ac per hoc illud quod dictum est, *Ego vos duodecim elegi*, per syncedothen dictum est, ut nomine majoris meliorisque partis, etiam illud completeretur, quod ad ipsum nomen non pertinet.*

5. Hic modus est in hoc eodem libro, ubi Eymor pro filio suo Sichem, ut acciperet Dinam filiam Jacob, exiit loqui cum eodem Jacob, et venerunt etiam filii ejus qui absentes erant, et ad oves dicit Eymor: *Sichem filius meus elegit animo filiam vestram; date ergo illi eam uxorem (Gen. xxxiv, 6-8)*. Quia enim potior erat patris persona, per syncedothen filiam vestram dicens, etiam fratres tenuit hoc nomine, quorum non erat filia. Hinc est et illud, *Curre ad oves, et accipe inde mihi duos haedos (Id. xxvii, 9)*: simul enim pascebantur oves et haedi; et quia potiores sunt oves, earum nomine etiam caprinum pecus complexus est. Sic quia potior erat numerus undecim filiorum Jacob, qui nati fuerant in Mesopotamia, ipsorum commemoratione Scriptura complexa est etiam Benjamin, qui non erat ibi natus, et dictum est, *Hic sunt filii Jacob, qui facti sunt ei in Mesopotamia Syria*.

CXVIII. [lb. xxxvi, 1.] Quod post narrationem mortis Isaac narratur quas uxores Esau accepit, et quos creaverit, recapitulatio intelligenda est. Neque enim post mortem Isaac fieri coepit, cum jam essent Esau et Jacob centum viginti annorum. Nam eos sexagenarius suscepit, et vixit omnes annos vite sue centum octoginta.

CXIX. [lb. xxxvi, 6, 7.] Quæstio est, quomodo Scriptura dicat, post mortem Isaac patris sui Esau abscessisse de terra Chanaan, et habitasse in monte Seir; cum veniente de Mesopotamia Jacob fratre ejus, legatur quod jam illic habitabat. Proinde quid fieri potuerit ut Scriptura falli vel fallere non credatur, in promptu est cogitare; quod scilicet Esau posteaquam in Mesopotamiam frater ejus abscessit, moluit habitare cum parentibus suis, sive ex illa commotione qua dolebat se benedictione fraudatum, sive aliqua causa vel uxorum suarum, quas odiosas videbat esse parentibus, vel qualibet alia: et coepit habitare in monte Seir. Deinde post redditum Jacob fratri sui, facta inter eos concordia, reversus est et ipse ad parentes, et cum mortuum patrem simul sepelissent, quia eos in plurimum ditatos terra illa, sicut scriptum est, minime capiebat, abscessit rursus in Seir, et ibi propagavit gentem Idumæorum.

CXX. [lb. xxxvi, 21.] Quod scriptum est, *Hic principes Chorrei filii Seir in terra Edom*; secundum tempus quo vivebat, scriptor commemorat. Cum autem Seir habitaret qui istos genuit, nondum veniente in

illam terram Esau, nondum utique appellabatur terra Edom. Non enim nomen nisi ab ipso Esau inditum est terre, quoniam idem ipse et Esau et Edom vocabatur, de quo propagati sunt Idumæi, hoc est gens Edom.

CXXI. [lb. xxxvi, 31, 52.] Quod scriptum est, *Ehi reges qui regnaverunt in Edom, antequam regnaret rex in Israel*, non sic accipiendum est, tanquam omnes reges nominati sint usque ad ea tempora, quibus cœperunt reges Israel, quorum primus fuit Saül. Multi enim fuerunt in Edom usque ad tempora Saül, temporibus etiam Judicum, quorum tempora fuerunt ante reges: sed ex his multis eos solos potuit commemorare Moyses, qui fuerunt antequam ipse moreretur. Nec mirum est quod numerantibus ab Abraham per Esau patrem gentis Edom, atque per Raguel filium Esau, et Zara filium Raguel, et Jobab filium Zara, cui Jobah successit in regno Balac, qui primus in terra Edom rex fuisse commemoratur, usque ad ultimum regem quem potuit nominare Moyses, plures generationes inveniuntur quam numerantur ab Abraham p. r. Jacob usque ad Moysen. Nam illic inveniuntur fore duodecim, hic autem usque ad Moysen ferme septem. Fieri enim potuit ut ideo ibi plures nominarentur, quia citius moriendo plures alter alteri successerunt. Sic etiam contigit ut alium ordinem sequens Matthæus, ab Abraham usque ad Joseph quadraginta duas generationes numeraret (*Matth. i, 1-17*): Lucas autem in ordine alio numerans generationes non per Salomonem, sicut ille, sed per Nathan, ab Abraham usque ad Joseph quinquaginta quinque commenoret (*Luc. iii, 23-58*). In illo quippe ordine ubi plures numerantur, citius mortui sunt, quam hic ubi pauciores. Ne forte autem moveat aliquem, quod inter reges Edom commemoratur Balac filius Beor, et de similitudine nominis existimet illum esse Balac, qui restitut Moysi ducenti populum Israel: sciat illum Balac Moabitam fuisse, non Idumæum, eumque fuisse filium Sephor, non filium Beor; sed fuisse etiam ibi tunc filium Beor Balaam, non Balac, quem Balaam conducterat idem Balac ad maledicendum populum Israel (*Num. xxii, 2-6*).

CXXII. [lb. xxxv, 29, et xxxvii, 2.] Quomodo potuerit mors Isaac, decim et septem annorum invenire Joseph ejus nepotem, sicut videtur tanquam ex ordine Scriptura narrare, quocumque se quisque convertat, invenire difficile est. Nolo enim dicere, non posse inveniri, ne forte me fugiat quod alium non fugit. Si enim post mortem avi sui Isaac, decim et septem annorum fuit Joseph quando eum fratres in Aegyptum vendiderunt, procul dubio et pater ejus Jacob septimo decimo anno filii sui Joseph centum viginti annorum fuit. Genuit enim eos Isaac, cum esset annorum sexaginta, sicut scriptum est (*Gen. xxv, 26*): vixit ergo Isaac postea centum viginti, quia centesimo octogesimo mortuus est; idcirco dimisit filios centum viginti annos habentes, et Joseph decim et septem. Joseph autem quoniam triginta annorum fuit, quando apparuit in conspectu Pharaonis, secuti sunt autem

septem anni ubertatis et duo famis, donec ad eum pater cum fratribus venit; triginta novem profecto annos agebat Joseph quando Jacob intravit in Aegyptum. Tunc autem idem Jacob, quod ore suo Pharaoni dicit, centesimum et trigesimum annum agebat ætatis (*Gen. xlvi*, 9); centum autem et viginti Jacob, quando erat decem et septem Joseph: quod verum esse nullo modo potest. Si enim septimo decimo anno vita Joseph, Jacob centum viginti ageret, procul dubio trigesimo et nono anno Joseph, non centum trigesinta, sed centum quadraginta et duos annos agere inveniretur Jacob. Si autem die mortis Isaac, nondum erat annorum decem et septem Joseph, sed aliquantulo tempore post mortem avi sui ad septimum decimum pervenit annum, quo anno Scriptura testante, in Aegyptum est a fratribus venditus, plurum etiam quam centum quadraginta duum annorum esse debuit pater ejus, quando est filium in Aegyptum consequentus. Scriptura quippe posteaquam narravit annum vita ultimum Isaac centesimum et octogesimum, et ejus mortem ac sepulturam (*Id. xxxv*, 28, 29), deinde commemoravit quemadmodum digressus esset Esau a fratre suo de terra Chanaan in montem Seir, et contextuit commemorationem regum et principum gentis ipsius, in qua se constituit, vel quam propagavit Esau; post haec, narrationem de Joseph sic intulit (*Id. xxxvi*, 6-43): *Hababat autem Jacob in terra Chanaan. Hæ autem procreaturæ Jacob. Joseph autem decem et septem annorum erat pascens cum fratribus oves.* Deinde narratur causa somniorum quemadmodum odiosus fratribus sit factus, et venditus (*Id. xxxvii*, 1-28). Aut ergo eodem anno septimo decimo, aut etiam aliquanto major venit in Aegyptum: ac per hoc utrolibet modo permanet quæstio. Si enim decem et septem annorum fuit post mortem avi sui, quando pater ejus centum viginti fuit; profecto anno ejus trigesimo et nono, quando Jacob venit in Aegyptum, centum quadraginta duos annos idem Jacob agere debuit: fuit autem tunc Jacob centum trigesinta; ac per hoc si decem et septem annorum Joseph in Aegyptum est venditus, ante duodecim annos quam moreretur avus ejus, venditus invenitur. Decem enim et septem annorum esse non potuit, nisi ante duodecim annos mortis Isaac, centesimo et octavo anno vita patris sui Jacob. His enim cum adjecterimus viginti duos annos quibus Joseph usque ad adventum patris sui fuit in Aegyptio, sicut etiam anni Joseph trigesima novem, et Jacob centum trigesinta, et nulla erit quæstio. Sed quoniam Scriptura post mortem Isaac ista narravit, putatur Joseph post ejusdem avi sui mortem decem et septem annorum fuisse. Quapropter intelligamus de vita Isaac, tanquam multum decrepiti senis, tacuisse Scripturam, cum jam de Jacob et ejus filiis loqueretur: vivo tamen Isaac, decem et septem annorum esse coepit Joseph.

CXIII. [Ib. xxxvii, 10.] Quod dicit Jacob ad Joseph, *Quod est somnium hoc quod somniasti? Numquid veniens veniens ego et mater tua et fratres tui adorare te super terram? nisi in aliquo mysterio dictum accipiatur,*

quomodo intelligitur de matre Joseph, quæ jam erat mortua? Unde non in Aegyptio, cum sublimaretur, putandum est hoc esse completem; quia nec pater eum adoravit, quando ad eum venit in Aegyptum, nec mater olim defuncta potuit. In Christi ergo persona facile intelligi potest etiam de mortuis, secundum illud quod dicit Apostolus, quia donavit ei nomen quod est super omne nomen, ut in nomine Jesu omne genus reflectatur, cœlestium, terrestrium, et infernorum (*Philipp. ii*, 9, 10).

CXXIV. [Ib. xxxvii, 28.] Quæritur quare Ismaelitas Scriptura, quibus a fratribus venditus est Joseph, etiam Madianitas vocet, cum Ismael sit de Agar filius Abraham, Madianitæ vero de Cethura? An quia Scriptura dixerat de Abraham, quod munera dederit filiis concubinarum suarum, Agar scilicet et Cethuræ, et dimiserit eos ab Isaac filio suo in terram Orientis (*Gen. xxv*, 6), unam gentem fecisse intelligendi sunt?

CXXV. [In xxxvii, 35.] De Jacob scriptum est, cum lugeret Joseph, *Congregati sunt autem omnes filii ejus et filiae, et venerunt consolari eum.* Quæ filiae præter Diham? An filios et filias dicit connumeratis nepotibus et neptibus? jam enim majores filii ejus filios habere potuerunt.

CXXVI. [Ib. xxxvii, 35.] *Et noluit consolari, dicens, Quoniam descendam ad filium meum lugens in infernum.* Solet esse magna quæstio, quomodo intelligatur infernus; utrum illuc mali tantum, an etiam boni mortui descendere soleant. Si ergo tantum mali, quomodo iste ad filium suum se dicit lugentem velle descendere? Non enim in poenis inferni eum esse credit. An perturbati et dolentis verba sunt, mala sua etiam hinc exaggerantis?

CXXVII. [Ib. xxxvii, 36.] *Et vendiderunt Joseph in Aegyptum Petephre spadoni, præposito coquorum.* Nolunt quidam præpositum coquorum interpretari, qui græce ἀρχιμάγος dicitur; sed præpositum militiae, cui esset potestas occidendi. Nam sic appellatus est etiam ille quem Nabuchodonosor misit, penes quem potius invenitur primatus fuisse militare.

CXXVIII. [Ib. xxxviii, 1-3.] *Factum est autem in tempore illo descendit Judas a fratribus suis ad honorem quemdam Odollamitam, cui nomen Iras: et vidit illuc Judas filiam hominis Chananaei nomine Savam<sup>1</sup>, et accepit eam, et introivit ad eam. et concepit, et peperit filium, et cetera.* Quæritur quando ista fieri potuerunt. Si enim posteaquam Joseph devenir in Aegyptum, quomodo intra viginti ferme et duos annos (nam post tantum temporis colligitur eos venisse ad eumdem Joseph fratrem suum in Aegyptum cum patre suo) fieri potuerit ut Judæ filii ejus etiam omnes possent ducere uxores? Nam Thamar nurum suum, mortuo primogenito suo, alteri filio dedit: quo etiam mortuo, exspectavit ut cresceret tertius; et cum crevisset, nec illi eam dedit, timens ne et ipse moreretur: unde factum est ut eidem socero suo se illa

<sup>1</sup> Tres MSS., divisit. Alii codices, dimis rit: hoc nempe acceptum est ex LXX, exapesteilen, illud concordat cum Vulgata, separavit.

<sup>2</sup> Sic MSS. juxta LXX. At editi, ut in Vulgata, sue.

supponeret. Quomodo ergo hæc omnia intra tam paucos annos fieri potuerint, merito movet, nisi, ut forte solet, Scriptura per recapitulationem aliquot annos ante venditum Josephi hoc fieri cœpisse intelligi velit; quoniam sic positum est, ut diceretur, *Factum est autem in illo tempore: ubi tamen queritur, si decem et septem annorum erat Joseph quando venditus est, quot annorum esse Judas potuerit quartus filius Jacob, quandoquidem ipse primogenitus Ruben ut plurimum fratrem suum Joseph quinque aut sex annos potuerit ætate præcedere.* Evidenter autem Scriptura dicit triginta annorum fuisse Joseph, quando innovit Pharaoni (*Gen. xli, 46*). Cum ergo ipse anno septimo decimo ætatis sue venditus fuisse credatur, tredecim annos peregerat in Ægypto ignotus Pharaoni; ad hos autem tredecim annos accesserunt septem anni ubertatis, et facti sunt anni viginti; his adduntur duo, quia secundo anno famis intravit Jacob in Ægyptum cum filiis suis, et inveniuntur viginti duo anni, quibus absuit Joseph a patre et a fratribus suis: quo medio tempore, quomodo fieri potuerint de uxore et filiis et nuru Judæ omnia quæ narrantur, indagare difficile est: nisi forte ut credamus (et hoc enim fieri potuit), mox ut adolescere Judas cœpit, eum incidisse in amorem ejus quam duxit uxorem, nondum vendio Joseph in Ægyptum.

CXXIX. [lb. xxxviii, 14.] *Et depositis vestimentis viduitatis suaæ a se.* Hinc insinuatur et temporibus Patriarcharum certa et sua fuisse vestimenta viduarum, non utique talia qualia conjugatarum.

XXX. [lb. xxxix, 1.] Quod iterum dicitur, *Joseph autem depositus est in Ægyptum, et possedit eum Petephres spado Pharaonis,* ad ordinem redit Scriptura unde recesserat, ut illa narraret que supra digesta sunt.

XXXI. [lb. xl, 16.] Quod aliqui codices latini habent, *tria canistra alicæ, cum graci habeant χονδρίτων,* quod interpretantur qui usum ejusdem lingue habent, panes esse cibarios. Sed illud movet, quomodo panem cibarium potuerit Pharaon habere in escis. Dicit enim in superiori canistro fuisse omnia ex quibus edebat Pharaon, opus pistorum<sup>1</sup>. Sed intelligendum est etiam in sum canistrum habuisse panes cibarios, quia dictum est, *tria canistra χονδρίτων,* et desuper fuisse illa ex omni genere operis pistoris in eodem canistro superiore.

XXXII. [lb. xli, 1.] Quod putabat se stare Pharaon super flumen, quemadmodum servus Abrahæ dixit, *Ecce ego sto super fontem aquæ* (*Id. xxiv, 13*) (nam et ibi græcus ἐπὶ τῷ πηγῇ dixit quemadmodum hic ἐπὶ τῷ πηγασῷ): hæc locutio si intelligatur in Psalmo ubi scriptum est, *Qui fundavit terram super aquam* (*Psal. xxii, 2*); non coguntur homines putare sicut navem natare terram super aquam. Secundum hanc enim locutionem recte intelligitur quod altior sit terra quam aqua; altius quippe ab aquis sustollitur, ubi habitent terrena animalia.

XXXIII. [lb. xli, 50.] Quod scriptum est, *Oblivi-*

<sup>1</sup> Ms. Corb. *opus pistorium;* et paulo infra, *operis visio II.*

*centur ubertatis futurae in tota terra Ægypti, non futuræ illis qui famem patientur, tanquam postea veniat illis ubertas; sed futura erat tunc quando loquebatur, tanquam diceret, Ubertatis hujus, quam futuram significarunt boves bonæ et spicæ bonæ, obliscentur homines in ea fame, quam significaverunt boves et spicæ malæ.*

CXXXIV. [lb. xli, 38.] *Nunquid inveniemus hominem tam, qui habeat Spiritum Dei in se?* Ecce Jain, nisi fallor, tertio insinuatur nobis in hoc libro Spiritus sanctus, id est, Spiritus Dei. Primo ubi dictum est, *Et Spiritus Dei ferebatur super aquam* (*Gen. i, 2*): secundo ubi dicit Deus, *Non permanebit Spiritus meus in hominibus istis, propter quod carnes sunt*<sup>1</sup> (*Id. vi, 3*): et tertio nunc, quod Pharaon dicit de Joseph, esse in illo Spiritum Dei; nondum tamen legimus Spiritum sanctum.

CXXXV. [lb. xli, 45.] *Et imposuit Pharaon nomen Joseph Psonthomphanech:* hoc nomen interpretari dicitur, *Occulta revelavit;* ex illo utique quod somnia regi aperit: Ægyptia vero lingua Salvatorem mundi perhibent appellatum isto nomine.

CXXXVI. [lb. xli, 45.] *Et dedit ei Aseneth, filiam Petephrae sacerdotis Solis civitatis, ipsi uxorem.* Quæri solet cuius Petephra, utrum illius cuius servus fuit, an alterius: sed credibilis aestimatur alterius. Nam de illo cur non credatur, multa sunt quæ moveant. Primum, quia Scriptura non commemoravit, cum videatur hoc non potuisse præterire, quod ad illius juvenis non parvam gloriam pertinebat, ut ejus filiam duceret, cuius famulus fuit. Deinde quomodo spado filiam habere potuerit? Sed respondeatur, Quomodo uxorem: postea quippe creditur abscissus, vel casu vulneris, vel propria voluntate. Et quod honor ejus, non ipse commemoratur qui solet, id est, quod ἀπεκτέπει fuerit, quem principem coquorum latini interpres posuerunt, principem autem militiæ quidam intelligi volunt. Sed etiam hic respondeatur, duos illum honores habuisse; et sacerdotium Solis, et militiæ principatum: congruenter autem alibi ille honor ejus commemoratus est, qui talibus actibus congruebat; hic vero, posteaquam in Joseph apparuit non parva divinitas, ipse honor debuit nominari socii ejus, qui pertineret ad divinitatem non parvam, secundum opinionem Ægyptiorum in sacerdotio<sup>2</sup> Solis. Verum in his omnibus, quia et præpositus fuit custodiarum carceris, nimis incredibile est huic præpositum officio sacerdotem<sup>3</sup>. Deinde non simpliciter dictum est, quod sacerdos Solis esset; sed civitatis Solis, quæ vocatur Heliopolis: abesse autem dicitur amplius quam viginti millibus a civitate Memphi, ubi Pharaones, id est, reges maxime commanebant. Quomodo ergo deserteret officio sacerdotii sui potuit strenue regi servire in militiæ principatu? Accedit etiam quod Ægyptii sacerdotes perhibentur non servisse semper, nisi templo

<sup>1</sup> In excusis, *caro sunt.* At in melioris notæ vss. hic et infra in lib. 2, quæst. 53, *carnes sunt.* Sic apud LXX.

<sup>2</sup> Editi, in sacerdote: pro quo vss., in sacerdotio.

<sup>3</sup> Sic vss. et lat. At Am. Er. et Lov., *hunc fuisse præpositum officio sacerdotum.*

deorum suorum, nec aliud aliquid officii gessisse: sed si forte tunc aliter fuit, credat quisque quod placet; non est tamen quæstio cuius exitus clausus sit, sive unus fuerit Petephres, sive duo: quodlibet enim horum quisque existimet, non est fidei periculosum, nec contrarium veritati Scripturarum Dei.

CXXXVII. [lb. xli, 49.] *Et congregavit Joseph triticum, sicut arenam maris multum valde, quoadusque non potuit numerari; non enim erat numerus: pro eo dictum est, non enim erat numerus, quod nomen numeri omnis usitati excederet illa copia, et quonodo appellaretur non inveniebatur. Nam unde fieri potest ut quantumlibet magnæ, finitæ tamen multitudinis, numerus non sit? Quamvis hoc potuerit etiam secundum hyperbolam dici.*

CXXXVIII. [lb. xlii, 9.] *Et commemoratus est Joseph somniorum suorum, quæ vidit ipse: adoraverant enim eum fratres sui. Sed aliquid in illis sonniis excelsius inquirendum est. Non enim potest eo modo de patre ejus ac matre compleri, quæ jam mortua fuerat, quod de sole et luna cum vidisset, a patre increpante audierat (Gen. xxxvii, 10), qui vivebat<sup>1</sup>.*

CXXXIX. [lb. xlii, 15, 16.] Quid est quod Joseph vir tam sapiens, atque ita non solum hominum inter quos vivebat testimonio, sed ipsa etiam Scriptura teste laudatus, ita jurat per salutem Pharaonis, non exituros de Ægypto fratres suos, nisi frater eorum junior veniret? An etiam bono et fidei viro viliis fuerat salus Pharaonis, cui fidem sicut primitus domino suo servabat in omnibus? quanto enim magis ipsi, qui eum in tanto honore locaverat, si illi servavit, qui eum servum emptitum possidebat? Quod si non curabat Pharaonis salutem, numquid et perjurium pro cuiuslibet hominis salute vitare non debuit? An non est perjurium? Tenuit enim unum eorum donec veniret Benjamin, et verum factum est quod dixerat: *Non exhibitis hinc, nisi venerit frater vester.* Ad omnes enim non potuit pertinere quod dictum est; nam quomodo et ille venturus esset, nisi ad eum adducendum aliqui rediissent? Sed quod sequitur magis urget questionem, ubi iterum juravit dicens, *Mittite ex vobis unum, et adducite fratrem vestrum; vos autem ducemini<sup>2</sup>, quoadusque manifesta sint verba vestra, si vera dicili, an non: si autem, per salutem Pharaonis, exploratores estis; id est, si non vera dicitis, exploratores estis.* Huius sententiae interposuit jurationem, quia si vera non dixissent, exploratores essent, id est, exploratorum poena digni essent; quos tamen vera dicere sciebat. Neque enim perjurus est quisque, si ei quem castissimum novit, dicat, Si hoc adulterium de quo argueris commisisti, damnat te Deus, et his verbis adhibeat jurationem; verum omnino jurat: ibi est enim conditio qua dixit, Si fecisti, quem tamen non fecisse certum habet. Sed ait aliquis, Verum est quia si fecit adulterium, damnat illum Deus: hoc autem quomodo

verum est, Si non verum dicitis, exploratores estis, cum etiam si mentiantur, non sint exploratores? Sed hoc est quod dixi, ita dictum esse, *exploratores estis*, tanquam si dictum esset, exploratorum poena digni estis, hoc est exploratores deputabimini merito mendacii vestri. *Estis autem potuisse dici, pro habebitamini et deputabimini, innumeræ similes locutiones docent.* Unde est illa Eliæ, *Quicumque exandierit in igne, ipse erit Deus* (III Reg. xviii, 24). Non enim tunc erit, sed tunc habebitur.

CXL. [lb. xlii, 25.] Quid est quod cum inter se pœnitentes filii Israel loquerentur de fratre suo Joseph, quod cum illo male egere int, et hoc eis divino iudicio redderetur, quod se periclitari videbant, adjungit Scriptura et dicit, *Ipsi ignorabant quia audiebat Joseph: interpres enim inter illos erat.* Hoc scilicet intelligendum est, ideo eos putasse quia ille non audiret, quod videbant interpretem qui inter illos erat, nihil ei dicere eorum quæ loquebantur; nec ob aliud adhibitum putabant interpretem, nisi quod eorum linguam ille nesciret; nec cura erat interpretis ea dicere illi, a quo positus fuerat, quæ non ad illum, sed inter se loquebantur.

CXLI. [lb. xlii, 24.] *Et iterum accessit ad eos, et dicit illis: nec adjungit quid illis dixerit. Unde intelligitur haec eadem dixisse quæ dixerat.*

CXLII. [lb. xlii, 58.] *Et deducetis senectam meam cum tristitia ad infernum. Utrum ideo ad infernum, quia cum tristitia? an etiam abesse tristitia, tanquam ad infernum moriendo descensurus haec loquitur? De inferno enim magna quæstio est, et quid inde Scriptura sentiat, locis omnibus, ubi forte hoc commemoratum fuerit, observandum est.*

CXLIII. [lb. xliii, 28.] Quod a proposito domus audiunt, *Deus vester et Deus patrum vestrorum dedit vobis thesauros in ecclesi vestris; argentum autem vestrum probatum habeo, mendacium videtur, sed aliquid significare credendum est.* Argentum enim quod et datur, et non minuitur, quia et probatum appellatum est, nimis illud intelligitur de quo alibi legimus, *Eloquia Domini, eloquia casta, argentum ignis examinationum, probatum terræ, purgatum septuplum* (Psal. xi, 7), id est perfecte.

CXLIV. [lb. xliii, 34.] *Biberunt autem, et inebriasi sunt cum eo.* Solent hinc ebriosi adhibere testimonii patrocinium; non propter illos filios Israel, sed propter Joseph, qui valde sapiens commendatur: sed hoc verbum et pro satietate solere poni in Scripturis, qui diligenter adverterit, multis in locis inveniet. Unde est illud, *Visitasti terram et inebrasti eam, multiplicasti ditare eam* (Psal. lxiv, 10): eo quod in laude benedictionis hoc positum est, et donum Dei commemoratur, apparet hac ebrietate saturitatem significari. Nam ita ineibriari ut inebriantur ebriosi, nec ipsi terra utile est, quoniam majore quam satietati sufficit, humore corruptitur; sicut vita ebriosorum, qui non satietate se replent, sed mergunt diluvio.

CXLV. [lb. xliiv, 45.] Quod ait fratribus suis Joseph,

<sup>1</sup> Ilic MSS. omnes, *probum. Græc. LXX, eudokionum.*

(Dix-neuf.)

<sup>1</sup> MSS. duo, *qua ruderat.*

<sup>2</sup> Editi, non educemini. At MSS. absque negatione habent, *ducemini*; supple, in carcerem: quod in Vulgata sic enuntiatur, eritis in vinculis. Apud LXX, *humets de apachtheite.*

*Nesciebatis quia augurio auguratur homo qualis ego ; de hoc augurio etiam mandavit eis dicendum per hominem suum ; quid sibi velit, queri solet ; an quia non serio, sed joco dictum est, ut exitus docuit, non est habendum mendacium ? Mendacia enim a mendacibus serio aguntur, non joco : cum autem que non sunt, tanquam joco dicuntur, non deputantur mendacia. Sed magis inovet quid sibi velit ista actio Joseph, quia fratres suos, donec eis aperiret quis esset, toties iudicavit, et tanta exspectatione suspendit : quod licet tanto sit suavius cum legitur, quanto illis fit inopinatus cum quibus agitur, tamen sapientiae illius gravitate, nisi magnum aliquid isto quasi ludo significaretur, nec ab illo fieret, nec ea Scriptura contineretur, in qua est tanta , sanctitatis auctoritas et prophetandorum tanta intentio futurorum; quam modo exequi exponendo non suscepimus, sed admonere tantum voluimus, quid hic oporteat inquire. Nam nec illud vacare arbitror, quod non ait, auguror ego, sed auguratur homo qualis ego. Quod si locutionis genus est, in Scripturæ corpore simile aliquid reperiendum est.*

CXLVI. [lb. XLIV.] Non negligenter considerandum puto, tantam miseriam in hac perturbatione fratrum suorum quomodo Joseph quamdiu voluit tenuit, et quanta voluit mora produxit : non eos utique faciens calamitosos, quando tantæ etiam ipsorum futuræ letitiae exitum cogitabat ; et totum hoc quod agebat, ut eorum gaudium differretur, ad hoc agebat, ut eadem dilatione cumularetur : tanquam non essent condigne passiones coru in toto illo tempore quo turbabantur, ad futuram gloriam exultationis, quæ in eis fuerat revelanda , fratre cognito, quem a se perditum esse arbitrabantur.

CXLVII. [lb. XLIV, 19.] Multa in narratione Iudei alter dicta sunt, quam cum illis egerat Joseph, quamvis apud eum loqueretur, ut omnino de illa insimulatione quod exploratores essent, nihil diceretur. Quod utrum consulto tacitum sit, an et id fecerit perturbationis oblivio, non appareat. Nam et illud quod dixerunt, se ab ipso Joseph interrogatos de patre et fratre suo, se autem illa interroganti indicasse, mirum si vel ad sententiam potest ista pervenire narratio, ut eam constet esse veracem. Quanquam etsi aliqua falsa in ea sunt, falli potius per oblivionem potuit, quam audere mentiri ; apud eum præsertim, cui non sicut nescient, sed etiam illa que noverat eum scire, ad fletentiam ejus misericordiam narrationi suæ inserebat.

CXLVIII. [lb. XLV, 7.] Quid est quod dicit Joseph, *Misi enim me Deus ante vos, remanere vestrum reliquias super terram, et enutrire vestrum reliquiarium magnum* <sup>1</sup>? Hoc enim non usquequaque consonat, ut reliquias vel reliquiarium accipiamus Jacob et filios ejus,

<sup>1</sup> MSS. septem, *tanta*.

<sup>2</sup> Editiones Fr. et Lov., et emutrire vestrum reliquias. *Misit enim me hoc enim, etc. Itat. et Am., vestrum reliquiarum missum est. Hoc enim, etc. Vaticani MSS., enutrire vestrum reliquiarum magnam semen. Hoc eram, etc. Thuanus, Benignus, aliqui veteres cod. optima notæ ferunt, vestrum reliquiarium magnum; juxta LXX, humanum katalepsin megulen.*

cum omnes sint incolumes. An forte illud significat alto secretoque mysterio, quod ait Apostolus, *Reliquiae per electionem gratiae salve factæ sunt* (Rom. xi, 5) ; quia propheta predixerat, *Etsi fuerit numerus filiorum Israel sicut arena maris, reliquiae salve fieri* (Isai. x, 22). Ad hoc enim occisus est Christus a Judeis, et traditus Gentibus tanquam Joseph Ægyptiis a fratribus, ut et reliquiae Israel salvæ fierent. Unde dicit Apostolus, *Nam et ego Israelita sum : et, Ut plenitudo gentium intraret, et sic omnis Israel salvus fieret* (Rom. xi, 1 et 25) ; id est, ex reliquiis Israel secundum carnem, et plenitudine gentium quæ in fide Christi secundum spiritum sunt Israel. Aut si et genti illi Israëlitæ restat fidei plenitudo, ex qua erant reliquiae, in quibus reliquiis tunc et Apostoli salvi facti sunt, hoc significatur ea plenitudine liberationis Israel, qua per Moysen ex Ægypto liberati sunt.

CXLIX. [lb. XLVI, 6, 7.] *Intrarunt in Ægyptum Jacob et omne semen ejus, filii et filii filiorum ejus, filiae et filiae filiarum ejus cum eo. Quærendum quomodo dicat filias et filias filiarum ejus cum eo, cum filiam unam legatur habuisse. Superius autem filias ejus dixeramus accipi posse neptes ejus, sicut filii Israel omnes dicuntur etiam universus populus ab illo propagatus. Sed nunc cum dicit, filias filiarum, propter unam Dinam, pluralis numerus pro singulari positus e.t, sicut etiam pro plurali singularis solet : nisi nubes ejus quisque asserat filias ejus potuisse appellari.*

CL. [lb. XLVI, 15.] Quod dicit Scriptura tot animas peperisse Liam, vel tot aut tot animas exiisse de progenibus Jacob ; videndum est quid hinc respondeatur eis qui hoc testimonio confirmare nituntur, a parentibus simul animas cum corporibus propagari. Animas enim dictas pro hominibus, a parte totum significante locutione, nullus ambigit. Sed quomodo ipsam partem, ex qua totum commemoratum est, hoc est animam, cuius nomine totus homo significatus est, alienemus ab eo quod dictum est, *exierunt de seminibus ejus*, ut carnes tantum ex illo natæ, quamvis sole animæ nominentur, accipiamus ; quærendi sunt locutionis modi secundum Scripturas.

CL.I. [lb. XLVI, 15.] *Hi filii Liæ, quos peperit ipsi Jacob in Mesopotamia Syriæ, et Dinam filiam ejus, omnes animæ filii et filiae ejus triginta tres. Nunquid istæ omnes triginta tres animæ ex Lia in Mesopotamia Syriæ natæ sunt ? Sex<sup>1</sup> utique filii et una filia, ex quibus nepotes commemorati sunt. Si ergo de uno Benjamin quæstio nata fuerat, quando numeratis duodecim filiis Jacob et nominatim commemoratis dictum est, *Hi filii Jacob qui facti sunt ei in Mesopotamia Syriæ* (Sura, quæst. 417) : quanto major nunc quæstio est, quomodo triginta tres animæ ex Lia in Mesopotamia Syriæ natæ sunt ; nisi quia illa locutione confirmatur, tanquam ibi omnes orti sunt, quorum parentes ibi orti sunt ? Deinde et illud jam non dubium est, in Errandi occasio libraris fuit vox, *reliquiarium* : quæ, licet barbara voce, haud illibenter post Scripturam sacram usus fuit Augustinus in lib. 5 con ess., cap. 8, n. 15.*

<sup>1</sup> Libri omnes, sed *utique* filii ; excepto uno e vatic. Ms. qui habet *ex. Melius*, Scriptura suffragante *[sed utique filii]*.

una filia filias nominari, plurali numero pro singulari posito.

CLII. [lb. XLVI, 26, 27.] Quod legitur sexaginta sex animas intrasse cum Jacob in Ægyptum, exceptis videlicet filiis Joseph, et deinde illis annumeratis infertur, *Septuaginta quinque animæ erant, cum quibus Jacob intravit in Ægyptum*; sic accipiendum est, qui erant in domo Jacob, quando intravit in Ægyptum. Nam utique quos ibi invenit, non cum eis intravit. Sed quoniam diligentius discussa veritate reperiuntur duo nati jam fuisse cum intravit, Ephraem et Manasses, quod non solum hoc loco hebrei codices habere dicunt, verum etiam ipsa secundum Septuaginta interpretatio in Exodo declarat; nec Septuaginta interpres mihi in hoc videntur errasse, qui propter aliquam mysticam significationem quadam velut prophethica libertate hunc numerum completere voluerunt, si adhuc vivente Jacob illi ex duobus filiis Manasse et Ephraem propagati sunt, quos eidem numero dominus Jacob aggregandos judicaverunt. Sed quia inventitur Jacob decem et septem annos vixisse in Ægypto (Gen. XLVII, 28), quomodo potuerunt filii Joseph illo vivo etiam nepotes habere, non invenitur. Ingressus est enim Ægyptum Jacob secundo anno famis (Id. XLV, 6); nati sunt autem filii Joseph in annis abundantiae (Id. XLI, 50): quibuslibet annis ubertatis natū existimentur, a primo anno ubertatis usque ad secundum annum famis, quo ingressus est Jacob in Ægyptum, novem anni sunt; hic additis decem et septem quibus ibi vixit Jacob, viginti sex anni reperiuntur. Quomodo ergo minus quam viginti et sex annorum juvenes etiam nepotes habere potuerunt? Sed neque ulla hebraica veritate ista solvit quæstio. Quemadmodum enim impleri potuit, ut tot nepotes susciperet Jacob antequam intraret in Ægyptum, etiam de Benjamin qui illa ætate venit ad fratrem? Non solum autem Scriptura eum filios habuisse commemorat, sed et nepotes et pronepotem, qui omnes annumerantur sexagiuta sex hominibus, cum quibus Jacob in Ægyptum, etiam secundum hebraicam veritatem perhibetur intrasse. Videndum est etiam, quid sibi velit, quod cum Joseph et filii ejus non amplius quam octo commemoretur, Benjamin vero et ejus filii simul undecim reperiantur, non decem et novem omnes sicut sunt octo et undecim, sed decem et octo referantur in summam: et postea Joseph cum filiis suis, non animæ octo, sed novem fuisse dicantur, cum octo inveniantur (Id. XLVI, 21, 22, 27). Hæc omnia, quæ indiscretibilia videntur, magnam continent sine dubitatione rationem; sed nescio utrum possint cuncta ad litteram convenire, præcipue in numeris, quos in Scripturis esse sacratissimos et mysteriorum plenissimos, ex quibusdam quos inde nosse potuimus, dignissime credimus.

CLIII. [lb. XLVI, 32.] Commendatur in Patriarchis, quod pecorum nutritores erant a pueritia sua et a parentibus suis. Et merito, nam hæc est sine ulla dubitatione justa servitus et justa dominatio, cum pecora homini serviant, et homo pecoribus dominatur. Sic

enim dictum est, cum crearetur: *Faciamus hominem ad imaginem et similitudinem nostram, et habeat potestatem piscium maris et volatilium cœli, et omnium peccorum quæ sunt super terram* (Gen. 1, 26). Ubi insinuat rationem debere dominari irrationali vita. Servum autem hominem homini, vel iniqitas vel adversitas fecit<sup>1</sup>: iniqitas quidem, sicut dictum est, *Maledictus Chanaan, erit servus fratribus suis* (Id. IX, 25); adversitas vero, sicut accidit ipsi Joseph, ut venditus a fratribus servus alienigenæ fieret (Id. XXXVII, 28, 56). Itaque primos servos, quibus hoc nomen in latina lingua inditum est, bella fecerunt. Qui enim homo ab homine superatus jure belli posset occidi, quia servatus est, servus est appellatus: inde et mancipia, quia manu capta sunt. Est etiam ordo naturalis in hominibus, ut serviant feminæ viris, et filii parentibus: quia et illic hæc justitia est ut infirmior ratio serviat fortiori. Hæc igitur in dominationibus et servitutibus clara justitia est, ut qui excellunt ratione, excellant dominatione: quod cum in hoc saculo per iniqüitatem hominum perturbatur, vel per naturarum carnalium diversitatem, ferunt justi temporalem perversitatem, in fine habituri ordinatissimam et sempiternam felicitatem.

CLIV. [lb. XLVI, 34.] *Abominatio est enim Ægyptiis omnis pastor orium.* Merito Ægyptiis, in quibus figura est praesentis saeculi, in quo abundat iniqitas, abominatio est omnis pastor pecorum: abominatio est enim iniquo vir justus.

CLV. [lb. XLVII, 5, 6.] *Venerunt autem in Ægyptum ad Joseph Jacob et filii ejus: et audivit Pharaon rex Ægypti, et ait Pharaon ad Joseph dicens, Pater tuus et fratres tui venerunt ad te: ecce terra Ægypti ante te est, in terra optima colloca patrem tuum et fratres tuos.* Hæc repetitio non prætermittit rei, ad quam sc̄e observe per recapitulationem redditur, sed omnino aperia est. Jam enim dixerat Scriptura quomodo venerint ad Pharaonem fratres Joseph, et quid eis dixerit, vel ab eis audierit (Id. XLV, 16-20); sed hoc nunc velut ab initio repetitivit, ut inde concreter narrationem ap̄bis verbis, quæ soli Joseph Pharaon dixit: quorum omnium in codicibus græcis, qui a diligentioribus conscripti sunt, quedam obeliscos habent, et significant ea quæ in hebræo non inveniuntur, et in Septuaginta inveniuntur; quedam asteriscos, quibus ea significantur quæ habent hebræi, nec habent Septuaginta.

CLVI. [lb. XLVII, 9.] Quid est quod dixit Jacob Pharaoni, *Dies annorum ritæ meæ, quos incole?* Sic enim habent græci, quod latini habent, ago, vel habeo, vel si quid aliud. Utrum ergo ideo dixit, *quos incole*, quia in terra natus est, quam nondum populus divina promissione hereditatis accepérat; et ibi vitam ducens, utique in aliena terra erat, non solum quando peregrinabatur, sicut in Mesopotamia, verum etiam quando ibi erat ubi natus est? An potius secundum id accipendum est, quod ait Apostolus, *Quamdiu sumus in corpore, peregrinamur a Domino* (II Cor. v, 6)?

<sup>1</sup> Am. Er. et Lov., *dominari fecit. Abest dominari ab omnibus MSS. et ab editione Rat.*

Sæcundum hoc et illud in Psalmo dictum intelligitur, *Inquilonus ego sum in terra, et peregrinus sicut omnes patres mei* (*Psal. xxxviii*, 13). Nam iterum dicit de ipsis diebus vitæ suæ, *Non pervenerunt in dies annorum vitæ patrum meorum, quos dies incoluerunt*. Non enim hic aliud voluit intelligi, quam id quod latini codices habent, *vicerunt*; ac per hoc significavit hanc vitam incolatum esse super terram, id est peregrinationis habitationem. Sed credo sanctis hoc convenire, quibus aliam patriam æternam Dominus pollicetur. Unde videndum est quemadmodum dictum est de impiis, *Incolent et abscondent, ipsi calcaneum meum observabunt* (*Psal. lv*, 7). De his enim convenientius accipitur, qui ut abscondant incolunt; id est, ut insidentur filii, non manent in domo in æternum.

CLVII. [lb. xlvi, 11.] *Et dedit eis possessionem in terra optima, in terra Ramessem, sicut præcepit Pharaon.* Querendum est utrum terra Ramessem ipsa sit Gessen. Ipsam enim petierant, et ipsam eis Pharaon dari præceperat.

CLVIII. [lb. xlvi, 12.] *Et metiebatur triticum patri suo Joseph;* et tamen eum pater nec quando vidit adoravit, nec quando ab illo triticum accipiebat: quomodo ergo somnum Joseph modo impletum putabimus (*Gen. xxxvii*, 9), et non potius majoris rei continere prophetiam?

CLIX. [lb. xlvi, 14.] *Et intulit Joseph omnem pecuniam in domum Pharaonis.* Pertinet ad Scripturam in hac etiam re commendare fidem famuli Dei<sup>1</sup>.

CLX. [lb. xlvi, 16, 4.] *Dixit autem illis Joseph, Adducite pecora vestra, et dabo vobis panes pro pecoribus vestris, si defecit<sup>2</sup> argentum.* Quæri potest, cum Joseph frumenta collegerit unde homines viverent, pecora unde vivebant, cum tanta famæ invalesceret: maxime quia fratres Joseph Pharaoni dixerant, *Non sunt enim pascua pecoribus puerorum tuorum; invaliuit enim famæ in terra Chanaan;* et propter hanc etiam inopiam pascuorum se venisse commemoraverant. Proinde si ea fame pascua defecerant in terra Chanaan, cur in Ægypto non defecerant, cadem tunc fame ubique invalesceat? An sicut perhibetur ab eis qui loca sciunt, in multis Ægypti paludibus poterant pascua non deesse, etiam cum famæ esset frumentorum, quæ soient Nili fluminis inundatione provenire? Magis enim dicuntur paludes illæ feracia<sup>3</sup> pascua gignere, quando aqua Nili minus excrescit.

CLXI. [lb. xlvi, 29.] Moriturus Jacob filio suo Joseph dicit: *Si inveni gratiam in conspectu tuo, subiice manum tuam sub femore meo, et facies in me misericordiam et veritatem.* Ea filium juratione constringit, qua servum constrinxit Abraham (*Gen. xxiv*, 2); ille mandans unde uxor ducatur filio suo, iste sepulturam commendans corporis sui. In utraque tamen causa nominata sunt duo illa, quæ magni habenda atque pendenda sunt in Scripturis omnibus, quæcumque di-

spersim leguntur, misericordia et justitia, vel misericordia et judicium, vel misericordia et veritas, quandoquidem in quadam loco scriptum est, *Universæ riae Domini misericordia et veritas* (*Psal. xxiv*, 10). Ita hæc duo multum commendata multum consideranda sunt. Servus autem Abrahæ dixerat, *Si facitis in dominum meum misericordiam et justitiam* (*Gen. xxiv*, 49); sicut et iste filio suo dicit, *Ut facias in me misericordiam et veritatem.* Quid sibi autem velit a tanto viro tam sollicita corporis commendatio, ut non in Ægypto sepeliatur, sed in terra Chanaan juxta patres suos, mirum videtur, et quasi absurdum, nec conveniens tantæ excellentiæ mentis propheticæ, si hoc ex hominum consuetudine metiamur. Si autem in his omnibus sacramenta querantur, majoris admirationis gaudium ipsi qui invenerit oriatur. Cadaveribus quippe mortuorum peccata significari in Lege, non dubium est, cum jubentur homines post eorum contrectationem, sive qualemcumque contactum, tanquam ab immunditia purificari. Et hinc illa sententia ducta est, *Qui baptizatur a mortuo, et iterum tangit illum, quid proficit lavatio ejus?* Sic et qui jejunat super peccata sua, et iterum ambulans hæc eadem facit (*Eccli. xxxiv*, 30, 31). Sepultura ergo mortuorum remissionem significat peccatorum, eo pertinens quod dictum est, *Beati quorum remissæ sunt iniquitates, et quorum tecta sunt peccata* (*Psal. xxxi*, 1). Ubi ergo sepelienda erant hoc significantia cadavera Patriarcharum, nisi in ea terra ubi ille crucifixus est, cuius sanguine facta est remissio peccatorum? Mortibus enim Patriarcharum peccata hominum figurata sunt. Dicitur autem ab eo loco, quod Abrahamicum vocatur, ubi sunt ista corpora, abesse locum ubi crucifixus est Dominus fere triginta milibus, ut etiam ipse numerus eum significare intelligatur, qui in baptismo apparuit fere triginta annorum: et si quid aliud de re tanta, vel hoc modo vel sublimius intelligi potest, dum tamen non frustra arbitremur tales ac tantos homines Dei tantam cessisse curam pro sepeliendis corporibus suis; cum sit atque esse debeat fidelium ista securitas, quod ubicumque corpora eorum sepeliantur vel insepulta etiam per inimicorum rabiem relinquuntur, aut pro eorum libidine dilacerata absumantur, non ideo vel minus integrum, vel minus gloriosam eorum resurrectionem futuram.

CLXII. [lb. xlvi, 31.] Quod habent latini codices, *Et adoravit super caput virgæ ejus; nonnulli codices emendatius habent, Adoravit super caput virgæ suæ,* vel in capite virgæ suæ, sive in cacumine<sup>4</sup>, vel super cacumen. Fallit eos enim verbum græcum, quod eisdem litteris scribitur, sive ejus, sive suæ: sed accentus disparates sunt, et ab eis qui ista noverunt, in codicibus non contemnuntur; valent enim ad magnam discretionem. Quamvis et unam plus litteram habere posset, si esset suæ, ut non esset æterō, sed ἀετροῦ. Ac per hoc merito queritur quid sit quod dictum est. Nam facile intelligeretur senem, qui virgam ferebat eo more, quo illa actas baculum solet, ut se inclinavit ad Deum adorandum, id utique fecisse super cacumine

<sup>1</sup> Vetus codex Corbeiensis, *familis dei.*

<sup>2</sup> Edit. *deficit.* MSS. vero, *juxta græcum, deficit.*

<sup>3</sup> MSS. *quædecius, feracias*

<sup>4</sup> Plerique MSS., sive in cacumen; pro, in cacumine.

virgæ suæ, quam sic cerebat, ut super eam caput inclinando adoraret Deum. Quid est ergo, *Adoravit super cacumen virgæ ejus*, id est filii sui Joseph? An forte tulerat ab eo virginem, quando ei jurabat idem filius, et dum eam tenet, post verba jurantis, nondum illa redditæ mox adoravit Deum? Non enim pudebat eum ferre tantisper insigne potestatis filii sui, ubi figura magnæ rei futuræ præsignabatur: quamvis in hebræo facillima bujus quæstionis absolutio esse dicatur, ubi scriptum perhibent, *Et adoravit Israel ad caput lecti*, in quo utique senex jacebat, et sic positum habebat, ut in eo sine labore, quando vellet, oraret; nec ideo tamen quod Septuaginta interpretati sunt, nullum vel levem sensum habere putandum est.

**CLXIII.** [lb. XLVIII, 4.] Etiam hic commemorans Jacob promissiones Dei erga se factas, dicit sibi dictum, *Faciam te in congregaciones gentium*: quibus verbis magis fidelium vocationem significat, quam carinalis generis propagationem.

**CLXIV.** [lb. XLVIII, 5, 6.] Quod scriptum est, dicente Jacob de Ephræm et Manasse, *Nunc ergo filii tui duo, qui facti sunt tibi in terra Ægypti priusquam ad te venirem in Ægyptum, mei sunt, Ephræm et Manasse, tanquam Ruben et Simeon erunt mihi (natos autem si genueris postea, tibi erunt); in nomine fratrum suorum appellabuntur in sortibus eorum: fallit legentes aliquando, ut existimant ita dictum, tanquam si alios genuisset Joseph, istorum nominibus eos Jacob appellari præcipieret; quod non ita est. Verborum quippe ordo contextitur, *Nunc ergo filii tui duo, qui facti sunt tibi in terra Ægypti priusquam ad te venirem in Ægyptum, mei sunt Ephræm, et Manasse, tanquam Ruben et Simeon erunt mihi; in nomine fratrum suorum appellabuntur in sortibus eorum*; hoc est, simul hæreditatem capient cum fratribus suis, ut simul vocentur filii Israel. Duæ quippe ipsæ tribus adjunctæ sunt, ut excepta tribu Levi, quæ sacerdotalis fuit, duodecim essent quæ terram dividerent, et decimas præberent. Illud autem interpositum est, quod de aliis filiis Joseph si nascerentur dixit.*

**CLXV.** [lb. XLVIII, 7.] Quod Jacob filio suo Joseph tanquam nescienti voluit indicare, ubi et quando se pelierit matrem ejus, cum et ipse simul fuerit cum fratribus suis; sed etsi erat tam parvus ætate, ut illud vel curare vel animo retinere non posset, quæ res compulit modo dici? nisi forte ad rem pertinuit commemorare ibi sepultam matrem Joseph, ubi Christus fuit at nasciturus.

**CLXVI.** [lb. XLVIII, 14, 19.] Quod ita benedit nepotes suos Israel, ut dexteram manum minori imponat, majori autem sinistram, et hoc filio suo Joseph volenti corrigerem quasi errantem atque nescientem, ita respondet, *Scio, fili, scio, et hic erit in populum, et hic exaltabitur; sed frater ejus junior major illo erit, et semen ejus erit in multitudinem gentium*: hactenus de Christo accipiendum est, quatenus etiam de ipso Jacob et fratre ejus dictum est, *Quia major serviet minori* (Gen. xxv, 23). Secundum hoc enim significavit aliquid prophetice hoc faciendo Israel, quod populus posterior

per Christum futurus generatione spirituali, superatus erat populum priorē de carnali patrum generatione gloriantem.

**CLXVII.** [lb. XLVIII, 22.] Quod dicit Jacob Sichimam se præcipuum dare filio suo Joseph, et addit quod eam possederit in gladio suo et arcu, queri potest quemadmodum valeat ad litteram convenire. Emit enim centum agnis possessionem illam (Gen. xxxiii, 19), non cepit jure victorie bellicæ. An quia Salem civitatem Sichimorum filii ejus expugnaverunt (Id. xxxiv, 25), et jure belli potuit ejus fieri, ut justum bellum cum eis gestum videatur, qui tantam priores injuriam fecerunt in ejus filia contaminanda? Cur non ergo illis illam terram dedit, qui hoc perpetraverunt, hoc est, majoribus filiis suis? Deinde si modo ex illa victoria glorians, dat eam terram filio suo Joseph, cur ei dispuuerunt tunc filii qui hoc commiserunt? Cur denique etiam nunc, cum eos benediceret, exprobrando id commemoravit in factis eorum (Id. xlvi, 5)? Procul dubio ergo aliquod hic latet propheticum sacramentum: quia et Joseph quadam præcipua significatione Christum præfiguravit, et ei datur illa terra, ubi disperdiderat obruendo deos alienos Jacob; ut Christus intelligatur possessurus gentes diis patrum suorum renuntiantes, et credentes in eum.

**CLXVIII.** [lb. XLIX, 32.] Videndum quomodo dicant Scripturæ, quod assidue dicunt de mortuis, *Et appositus est ad patres suos: vel, Appositus est ad populum suum*. Ecce enim de Jacob dicitur, jam quidem mortuo, sed nondum sepulto; et ad quem populum apponatur, non in promptu est videre. Ex illo enim populus prior nascitur, qui dictus est populus Israel: qui vero eum præcesserunt, tam pauci justi nominantur, ut eos populum appellare cunctemur. Nam si dictum esset, Appositus est ad patres suos, nulla quæstio fieret. Ali forte populus est, non solum hominum sanctorum, verum et Angelorum, populus civitatis illius, unde dicitur ad Hebreos, *Sed accessisti ad montem Sion, et ad civitatem Dei Jerusalem, et ad millia Angelorum exsultantium* (Heb. xii, 22)? Illic populo apponuntur qui hanc vitam placentes Deo finiunt<sup>1</sup>. Tunc enim dicuntur apponi, quando nulla jam remanet sollicitudo tentationum, et periculum peccatorum. Quod intuens ait Scriptura: *Ante mortem ne laudes hominem quemquam* (Eccli. xi, 50).

**CLXIX.** [lb. L, 3.] Quadraginta dies sepulture, quos commemorat Scriptura, forte significant aliiquid pœnitentiae, qua peccata sepeliuntur. Non enim frustra etiam quadraginta dies jejunioru sunt constituti, quibus Moyses (Exod. xxxiv, 28) et Elias (III Reg. xix, 8), et ipse Dominus jejunavit (Math. iv, 2): et Ecclesia præcipuum observationem jejuniorum Quadragesimam vocat. Unde et in hebræo de Ninivitis apud Jonam prophetam scriptum perhibent, *Quadraginta dies et Ninive evertetur* (Jonæ iii, 4): ut per tot dies, accommodatos videlicet humiliationi pœnitentium, intelli-

<sup>1</sup> Editi, qui post hanc vitam placentes Deo sunt. Hunc locum emendamus auctoritate MSS. quibus Eugypti abbatis collectio cum in excusis, tum in duobus Corbeiensibus MSS. suffragatur.

gantur in jejuniis sua deflevisse peccata, et impetrassesse misericordiam Dei. Nec tamen putandum est istum numerum luctui penitentium tantummodo convenire: alioquin non quadraginta dies fecisset Dominus cum discipulis suis post resurrectionem, intrans cum eis et exiens, manducans et bibens; qui dies utique magna letitiae fuerunt. Nec Septuaginta interpres, quos legere consuevit Ecclesia, errasse credendi sunt, ut ostendicarent, *Quadraginta dies*, sed *Triduum et Ninive evertetur*. Majore quippe auctoritate praediti quam interpretationum officium est, propheticō spiritu, quo etiam ore uno in suis interpretationibus, quod magnum miraculum fuit, consonuisse firmantur, *Triduum posuerunt*, quamvis non ignorarent quod dies quadraginta in hebreis codicibus legerentur; ut in Domini Iesu Christi clarificatione intelligerentur dissolvi abolerique peccata; de quo dictum est, *Qui traditus est propter delicta nostra, et resurrexit propter justificationem nostram* (*Rom. iv, 25*). Clarificatio autem Domini in resurrectione et in cœlum ascensione cognoscitur. Unde et his numero, quamvis unum et eundem, Spiritum sanctum dedit: primo, posteaquam resurrexit (*Joan. xx, 22*); iterum, posteaquam ascendit in cœlum (*Act. ii, 2-4*). Et quoniam post triduum resurrexit, post quadraginta autem dies ascendit; unum horum, quod posterius factum est, per numerum dierum codices hebræi significant: alterum autem de triduo, quod ad eamdem etiam rem pertineret, Septuaginta commemorare, non interpretationis servitute, sed prophetæ auctoritate voluerunt. Non ergo dicamus unum horum falsum esse, et pro aliis interpretationibus adversus alios litigemus, cum et illi qui ex hebreo interpretantur; prohabet nobis hoc scriptum esse quod interpretantur; et Septuaginta interpretationem auctoritas, quæ tanto etiam divinitus facto miraculo commendatur, tanta in Ecclesiis vetustate firmetur.

CLXX. [lb. L, 5.] Quod mandavit Joseph ad potentes Ægypti, ut dicerent Pharaoni nomine ejus, *Pater meus adjuravit me, dicens, In monumento quod ego fodii mihi in terra Chanaan, ibi me sepelies*, queri potest quomodo verum sit; cum hæc verba patris ejus, quando de sua sepultura mandavit, non legantur. Sed ad sententiam verba referre debemus, sicut in aliis supra similiter iteratis verbis vel narrationibus admonuimus. Voluntati enim enuntiandæ, et in notitiam perferendæ, oportet verba servire. Fodisse autem sibi Jacob sepulcrum, nusquam superius in Scripturis legitur. Sed nisi fieret, cum in eisdem terris esset, modo non diceretur.

CLXXI. [lb. L, 10.] Quid sibi vult quod cum pergerent ad sepeliendum Jacob, Scriptura dicit, *Et advenierrunt ad aream Atad, quæ est trans Jordanem?* Prætergressi sunt enim locum in quo erat mortuus sepelendus, millia (sicut perhibent qui noverunt) plusquam quinquaginta: tantum quippe spatii est, plus minus, ab eo loco ubi sepulti sunt Patriarchæ, in quibus et Jacob, usque ad hunc locum, quo eos advenisse narratur. Nam post factum ibi luctum et planctum magnum redierunt ad locum quem præterierant, rursus

Jordane transacto. Nisi forte quis dicat, aliquorum hostium vitandorum causa per eremum eos venisse cum corpore, qua etiam populus Israel ductus est per Moysen ab Ægypto liberatus. Illo quippe itinere et plurimum circuitur, et per Jordanem veniunt ad Abramium<sup>1</sup>, ubi sunt corpora Patriarcharum, id est, ad terram Chanaan. Sed quoquo modo factum sit, ut trans illa loca ad orientem versus tantum iretur, et inde ad ea per Jordanem veniretur, significationis causa factum esse credendum est, quod per Jordanem venturus erat ad eas terras postea Israel in filiis suis.

CLXXII. [lb. L, 10, 5.] *Et fecit luctum patri suo septem dies.* Nescio utrum inveniatur alicui sanctorum in Scripturis celebratum esse luctum novem dies, quod apud Latinos Novemdiū<sup>2</sup> appellant. Unde mihi videatur ab hac consuetudine prohibendi, si qui Christianorum istum in mortuis suis numerum servant, qui magis est in Gentilium consuetudine. Septimus vero dies auctoritate in Scripturis habet: unde alio loco scriptum est, *Luctus mortui septem dierum; fatui autem omnes dies vita ejus* (*Ecli. xxii, 13*). Septenarius autem numerus propter sabbati sacramentum precipue quietis indicium est; unde merito mortuis tanquam reque-scentibus exhibetur. Quem tamen numerum in lucta Jacob decuplaverunt Ægyptii, qui eum septuaginta diebus luxerunt.

CLXXIII. [lb. L, 22.] *Et vixit Joseph annos centum decem, et vidit Joseph Ephræm filios usque ad tertiam generationem, et filii Machir filii Manasse nati sunt super feminam Joseph.* Cum hos filios filiorum, vel nepotes filiorum dicit Scriptura Joseph vivendo vidiisse, quomodo eos jungit illis septuaginta quinque hominibus, cum quibus Jacob Ægyptum dicit intrasse (*Gen. xlvi, 27*): quandoquidem Joseph senescendo pervenit ut eos natos videret; Jacob autem cum ingressus est in Ægyptum, juvenis erat Joseph, et eum pater moriens quinquagesimum et sextum sere atatis annum agentem reliquit? Unde constat certi mysterii causa illum numerum, id est, septuagenarium et quinarium Scripturarum commendare voluisse. Si autem quisquam exigit, quomodo etiam secundum historiæ fidem verum sit, Jacob cum septuaginta quinque animabus in Ægyptum intrasse; non illi uno die quo venit, ejus ingressum oportet intelligi, sed quia in filiis suis plerumque appellatur Jacob, hoc est in posteris suis, et per Joseph eum constat in Ægyptum intrasse; introitus ejus accipiens est quamdiu vixit Joseph, per quem factum est ut intraret. Toto quippe illo tempore nasci et vivere potuerunt omnes qui commemorantur, ut septuaginta quinque animæ complecantur usque ad nepotes Benjamini. Sicut enim dicit, *Hi filii Liæ, quos peperit ipsa Jacob in Mesopotamia Syriae* (*Ibid. 15*), loquens etiam de iis qui non erant nati; quia illie parentes eorum ex quibus nati sunt, pepererat, ibi eos perhibens natos, quoniam causa qua nascerentur ibi nata

<sup>1</sup> Rat., ad Abrahamum. Am. Er. et Lov. ad Mambram. Legendum cum MSS., ad Abrahamum, ut supra, in quest. 761.

<sup>2</sup> Pugyli collectio MSS., Vorcmnditia.

est, Id est parentes eorum, quos ibi Lia poperit: ita quoniam causam intrandi in Aegyptum Jacob in Joseph habuit, totum tempus quo in Aegypto visit Jo-

seph, ingressio erat Jacob in Aegyptum per suam progeniem, quae illo vivo propagabatur, per quem factum est ut ingredieretur.

## LIBER SECUNDUS.

Quæstiones in Exodum, et in fine descriptio Tabernaculi.



**QUEST. I.** [Exod. cap. 1, §§. 19, 20.] De obstetricum mendacio, quo sefellerunt Pharaonem, ne occiderent masculos Israelitas quando nascebantur, dicentes non ite parere mulieres Hebreas sicut pariebant Aegyptiae; quæri solet utrum talia mendacia approbata sint auctoritate divina, quandoquidem scriptum est Deum bene fecisse obstetricibus: sed utrum pro misericordia ignoscet mendacio; an et ipsum mendacium dignum præmio judicabat, ineertum est. Aliud enim faciebant obstetrices vivificando infantes parvulos, aliud Pharaoni mentiendo: nam in illis viviscandis opus misericordiae fuit; mendacio vero illo pro se utebantur, ne noceret illis Pharaon, quod potuit non ad laudem, sed ad veniam pertinere. Neque hinc auctoritatem ad mentendum esse propositam mihi videtur *cis* de quibus dictum est, *Et non est inventum in ore eorum mendacium* (Apoc. xiv, 5.) Quorundam enim vita longe inferior a professione sanctorum, si habeat ista mendaciorum peccata, proiecto ipso et indole seruntur, præsertim si beneficia divina nondum norunt exspectare cœlestia, sed circa terrena occupantur. Qui autem ita vivunt, ut eorum conversatio, sicut dicit Apostolus, in cœlis sit (Philipp. iii, 20), non eos existimo linguæ sue modum, quantum ad veritatem promendam attinet falsitatemque vitandam, exemplo illo obstetricum debere formare. Sed diligenterius de hac quæstione disserendum est, propter alia exempla quæ in Scripturis reperiuntur.

**II.** [Ib. ii, 12.] De facto Moysi, cum occidit Aegyptum ad defendendos fratres suos, satis disputavimus in illo opere quod de vita Patriarcharum adversus Faustum scripsimus: utrum indeoles in eo laudabilis fuerit, qua hoc peccatum admiserit, sicut solet ubertate, etiam ante utilia semina, quadam herbarum quamvis inutilium feracitate laudari; an omnino ipsum factum justificandum sit (*Contra Faustum lib. 22, cc. 60, sqq.*). Quod ideo non videtur, quia nullam adhuc legitimam potestatem gerebat, nec acceptam divinitus, nec humana societate ordinatam. Tamen, sicut Stephanus dicit in Actibus Apostolorum, putabat intelligere fratres suos, quod per eum Deus daret illis salutem (Act. vii, 25): ut per hoc testimonium videatur Moyses iam divinitus admonitus (quod Scriptura eo loco facit) hoc audere potuisse.

**III.** [Ib. iii, 4.] *Clamavit illum<sup>1</sup> Dominus de rubo.* Dominus in angelo? an Dominus, angelus ille qui dicitur est, *Magni consilii angelus* (Isai. ix, 6), et intelligitur Christus? Supra enim dixit, *Apparuit illi angelus Domini in flamma ignis de rubo.*

<sup>1</sup> Rediti, *Clamavit ad illum*. MSS., *Clamavit illum*: si est, regavit, uti habetur in Vulgata. Apud LXX, ekalesen autem.

**IV.** [Ib. iii, 8.] *Educere illos de terra illa in terram bonam et multam, in terram fluentem lac et mel:* utrum terram fluentem lac et mel spiritualiter accipere debemus; quia secundum proprietatem non hoc erat illa quæ data est populo Israel? an locutionis est, qua id ad laudem ubertatis et suavitatis referatur?

**V.** [Ib. iii, 9.] *E: nunc ecce clamor filiorum Israel venit ad me:* non sicut clamor Sodomorum (Gen. xviii, 20), quo iniquitas sine timore et sine verecundia significatur.

**VI.** [Ib. iii, 22.] Quod mandavit Dominus Hebreis per Moysen, ut acciperent ab Aegyptiis vasa aurea et argentea et vestem, atque addidit, *Et prædabitini eos:* mandati hujus non potest injustum esse iudicium. Mandatum enim Dei est, de quo non iudicandum, sed ei obtemperandum fuit. Ille enim novit quam justa mandaverit: ad servum autem pertinet obedienter facere quod mandavit.

**VII.** [Ib. iv, 10.] Quod ait Moyses ad Dominum, *Precor, Domine, non sum eloquens ante hesternum, neque ante nudiustertianum diem, neque ex quo cœpisti loqui famulo tuo,* intelligitur credere posse se fieri Dei voluntate subito eloquentem, cum dicit, *neque ex quo cœpisti loqui famulo tuo:* tanquam ostendens fieri potuisse ut ante hesternum et nudiustertianum diem qui eloquens non fuisset, repente fieret, ex quo cum illo Dominus loqui cœpit.

**VIII.** [Ib. iv, 11.] *Quis fecit mutum et audientem, ridentem et cœcum:* nonne ego Dominus Deus? Sunt qui Deo calumniantur, vel Scripturae potius Veteris Testamenti, quia dixerit Deus quod ipse fecerit cœcum et mutum. Quid ergo dicunt de Domino Christo aperito in Evangelio dicente, *Ego veni ut qui non vident, rideant; et qui vident, cœci fiant* (Joan. ix, 39)? Quis autem nisi insipiens crediderit aliquid homini secundum vitia corporalia posse accidere, quod Deus nolit? Sed eum juste totum velle nemo ambigit.

**IX.** [Ib. iv, 12.] Quod Dominus dicit ad Moysen, *Sed nunc vade, et ego aperiam os tuum, et instruam te quæ locuturus es;* satis hic appetet non tantum instructionem oris, sed ipsam etiam apertitionem ad Dei voluntatem et gratiam pertinere. Non enim ait, *Tu aperi os tuum, et ego instruam te;* sed utrumque ipse promisit, *Aperiam, et instruam.* Alibi autem dicit in Psalmo, *Dilata os tuum, et adimplebo illud* (Psal. lxxx, 11). Ubi significat in homine voluntatem accipiendi quod Deus donat volenti: ut ad voluntatis exordium pertineat, *Dilata os tuum;* ad Dei autem gratiam, *Et adimplebo illud.* Hic vero, *Et aperiam os tuum, et instruam te.*

**X.** [Ib. iv, 14-16.] *Et iratus iracundia Dominus dixit*

Quemadmodum possit intelligi irascens Deus, quia non sicut homo per irrationalis perturbationem, per omnia tenendum est, ubi tale aliquid Scriptura dicit, ne de hoc eadem sœpe dicenda sint. Sed merito queritur cur hic iratus de fratre Moysi dixerit, quod ipse illi loqueretur ad populum: videtur enim tanquam dissidenti non dedisse plenissimam facultatem, quam datus erat; et per duos agi voluisse, quod et per unum posset, si credidisset. Verumtamen eadem verba omnia diligentius considerata, non significant iratum Dominum pro vindicta dedisse Aaron. Sic enim dicit, *Nonne ecce Aaron frater tuus Levites? scio quia loquens loquetur ipse*<sup>1</sup>. Quibus verbis ostenditur Deus increpasse potius eum, qui timeret ire quod ipse esset minus idoneus, cum haberet fratrem per quem posset ad populum loqui quod vellet; quoniam erat ipse gracilis vocis, et lingue tardioris: quanquam de Deo totum sperare deleret. Deinde eadem ipsa quæ paulo ante promiserat, et posteaquam iratus est, dicit. Dixerat enim, *Aperiam os tuum, et instruam te;* nunc autem dicit, *Aperiam os tuum et os ejus, et instruam vos quæ faciat*: sed quoniam addidit, *Et loquetur ipse tibi ad populum*, videtur oris apertio praestata, propter quod dicit Moyses lingue se tardioris. De vocis autem gracilitate nihil ei præstare Dominus voluit, sed propter hoc adjutorium fratris adjunxit, qui posset ea uti voce, quæ populo docendo sufficeret. Quod ergo ait, *Et dabis verba mea in os ejus*, ostendit quod ea loquenda esset datus: nam si tantummodo audienda, sicut populo, in aures diceret. Deinde quod paulo post ait, *Et loquetur ipse tibi ad populum, et ipse erit tuum os*, et hic subauditur, ad populum. Et cum dicit, *Tibi loquetur ad populum*; satis indicat in Moyse principatum, in Aaron ministerium. Deinde quod ait, *Tu autem illi eris quæ ad Deum*<sup>2</sup>, magnum hic fortassis perscrutandum est sacramentum, cuius figuram gerat, veluti medius Moyses inter Deum et Aaron, et medius Aaron inter Moysen et populum.

XI. [lb. iv, 24-25.] In eo quod scriptum est, *Et factum est, in via ad refectionem obviavit ei angelus, et quererebat eum occidere: et assumpto Sephora calculo, circumcidit præputium filii sui; et procidit ad pedes ejus, et dixit, Stetit sanguis circumcisionis infantis mei. Et recessit ab eo; propter quod dixit, Desiit sanguis circumcisionis; primum quaritur, quem volebat angelus occidere, utrum Moysen, quia dictum est, occurrit ei angelus, et quererebat eum occidere. Nam cui putabatur occurrisse, nisi illi qui universo suorum comitatui præfuit, et a quo ceteri ducabantur? An puerum quererebat occidere, cui mater circumcidendo subvenit; ut ob hoc intelligatur occidere voluisse infantem, quia non erat circumcisus, atque ita sancire præceptum circumcisionis, severitate vindictæ? Quod si ita est, incertum est prius de quo dixerit, quererebat eum occidere; quia ignoratur quem, nisi ex consequentibus*

<sup>1</sup> sic MSS. juxta LXX, hoti latén latései autos. At editi, quia eloquens est, loquetur ipse.

<sup>2</sup> sic MSS. locutione græca, εστι τα προ τον Θεον: quam locutionem alias retinuerunt in excusis, alias mutaverunt hanc in modum, ερις in ἵς quæ ad Deum.

reperiatur: mira sane locutione et inusitata, ut prius diceret, *occurrit ei, et quererebat cum occidere*, de quo nihil antea dixerat. Sed talis est in Psalmo: *Fundamenta ejus in montibus sanctis; diligit Dominus portas Sion* (*Psal. lxxxvi, 1, 2*). Inde enim Psalmus incipit, nec aliquid de illo vel de illa dixerat, cuius fundamenta intelligi voluit, dicens, *Fundamenta ejus in montibus sanctis*. Sed quia sequitur, *diligit Dominus portas Sion*; ergo fundamenta vel Domini vel Sion, et ad faciliores sensum magis Sion, ut fundamenta civitatis accipiuntur. Sed quia in hoc pronomine, quod est, *ejus*, genus ambiguum est (omnis enim generis est hoc pronomen, id est et masculini, et feminini, et neutri), in græco autem in feminino genere dicitur αὐτῆς, masculino et neutro αὐτῷ, et habet codex græcus, αὐτῷ; cogit intelligere non fundamenta Sion, sed fundamenta Domini, id est, que constituit Dominus, de quo dictum est, *Ædificans Jerusalem Dominus* (*Psal. cxlvii, 2*). Nec Sion tamen, nec Dominum antea nominaverat, cum diceret, *Fundamenta ejus in montibus sanctis*: sic et hic nondum nominato infante dictum est, *occurrit ei, et quererebat cum occidere*; ut de quo dixerit, in consequentibus agnoscamus. Quanquam etsi de Moyse accipere quisquam voluerit, non est magnopere resistendum. Illud potius quod sequitur, si fieri potest, intelligatur, quid sibi velit ideo recessisse angelum ab intersectione eujuslibet eorum, quia dixit mulier, *Stetit sanguis circumcisionis infantis*. Non enim ait, Recessit ab eo, propter quod circumcidit infante: sed quia stetit sanguis circumcisionis; non quia cucurrit, sed quia stetit: magno, nisi fallor, sacramento.

XII. [lb. iv, 20.] Quod superius dictum est, quod Moyses uxorem et infantes suos imposuit vehiculis, ut cum eis in Ægyptum pergeret, postea vero Jethro<sup>3</sup> socius ejus illi cum eis occurrit, posteaquam eduxit populum ex Ægypto (*Exod. xviii, 1-5*); queri potest quomodo utrumque sit verum. Sed intelligendum est, post illam, quæ ab angelo futura erat, intersectionem Moysi vel infantis, reversam fuisse cum parvulis. Nam quidam putaverunt propter hoc angelum terruisse, ne ad impedimentum ministerii, quod divinitus impostum Moyses gerebat, semineus sexus comitaretur.

XIII. [lb. v, 1-3.] Queritur quomodo populo dicatur, quod mandavit Deus ejecturum se eos de Ægypto in terram Chanaan; Pharaoni autem dicatur, quod triunzierum iter exire vellent in desertum immolare Deo suo ex mandato ejus. Sed intelligendum est, quavis Deus sciret quid esset facturus, quoniam prescribat non consensurum. Pharaonem ad populum dimittendum, illud primo dictum esse, quod etiam primus fieret, si ille dimitteret. Ut enim sic fierent omnia quemadmodum consequens Scriptura testatur, Pharaonis contumacia meruit et suorum. Neque enim mendaciter Deus jubet quod scit non facturum cui jubetur, ut justum judicium consequatur.

XIV. [lb. v, 22, 23.] Verba quæ dicit Moyses ad Dominum, *Quare afflixisti populum hunc? et utquid me*

<sup>3</sup> In editis, Jethro. At in MSS. uti apud LXX, Jothor.

*ministi? Ex quo enim intravi ad Pharaonem loqui in tuo nomine, in hunc populum; et non liberasti populum tuum; non contumacie verba sunt vel indignationis, sed inquisitionis et orationis: quod ex his appareat, quae illi Dominus respondit. Non enim arguit infidelitatem ejus, sed quid sit facturus aperuit.*

XV. [Ib. vi, 14-28.] *Sacramenti locum esse dubium non est, quod Scriptura volens originem Moy-si demonstrare, quoniam ejus actio jam expetebat, a primogenito Jacob, id est Ruben, progenies coepit, inde ad Simeon, inde ad Levi; ultra progressa non est, quoniam ex Levi Moyses. Illi autem commemorantur, qui jam commemorati fuerant in illis septuaginta quinque, in quibus Israel intravit in Aegyptum: non enim primam neque secundam, sed tertiam tribum, id est Leviticam Deus esse voluit sacerdotalem.*

XVI. [Ib. vi, 30.] *Quod Moyses dicit, Ecce ego graci-  
li roce sum, et quomodo exaudiet me Pharaon? non  
videtur tantum propter magnitudinem populi excusare  
de vocis gracilitate, verum etiam propter unum ho-  
minem. Mirum si tam gracilis vocis fuit, ut nec ab  
uno homine posset audiri: an forte regius fastus  
non eos permittebat de proximo loqui? Dicitur autem  
illi: Ecce dedi te deum Pharaoni, et Aaron frater tuus  
erit tuus propheta (Exod. vii, 1).*

XVII. [Ib. iv, 16.] *Notandum quod cum ad populum mitteretur, non ei dictum est, Ecce dedi te deum populo, et frater tuus erit tuus propheta; sed frater tuus, inquit, loquetur tibi ad populum. Dictum etiam est, Erit os tuum, et tu illi quae ad Deum: non dictum est, Tu illi deus. Pharaoni autem dicitur Moyses datus densus, et secundum analogiam propheta Moy-si Aaron, sed ad Pharaonem. Illic insinuatitur nobis, ea loqui prophetas Dei quae audiunt ab eo, nihilque aliud esse prophetam Dei, nisi enuntiatorem verborum Dei hominibus, qui Deum vel non possunt vel non merentur audire.*

XVIII. [Ib. vii, 5.] *Assidue Deus dicit, Indurabo cor Pharaonis: et velut causam insertur hoc faciat, Indurabo, inquit, cor Pharaonis, et implebo signa mea et portenta mea in Aegypto; tanquam necessaria fuerit obduratio cordis Pharaonis, ut signa Dei multiplicarentur vel implerentur in Aegypto. Utitur ergo Deus bene cordibus malis, ad id quod vult ostendere bonis, vel quod facturus est bonis<sup>1</sup>. Et quamvis uniuscunusque cordis in malitia qualitas, id est, quale cor habeat ad malum, suo fiat vitio, quod inolevit ex arbitrio voluntatis; ea tamen qualitate mala ut hoc vel illuc moveatur, cum sive hue sive illuc male moveatur, causis sit quibus animus propellitur: quae causae non existant vel non existant, non est in hominis potestate; sed veniunt ex occulta providentia, justissima plane et sapientissima, universum quod creavit disponentes et administrantis Dei. Ut ergo tale cor haberet Pharaon, quod patientia Dei non moveretur ad pietatem, sed potius ad impietatem, vitii proprii fuit: quod vero ea facta sunt, quibus cor suo vitio tan-*

*malignum resisteret jussionibus Dei (hoc est enim quod dicitur induratum, quia non flexibiliter consentiebat, sed inflexibiliter resistebat), dispensatio fuit divinae, qua tali cordi non solum justa, sed evidenter justa poena parabatur, qua timentes Deum corrigerentur. Proposito quippe lucro, verbi gratia, propter quod homicidium committatur, aliter avarus, aliter pecuniae contemptor movetur; ille scilicet ad facinus perpetrandum, ille ad evanescendum: ipsius tamen lucri propositio in alicujus illorum non fuit potestate. Ita causae veniunt hominibus malis, qua non sunt quidem in eorum potestate, sed hoc de illis faciunt, quales eos invenerint jam factos propriis vitiis ex praterita voluntate. Videndum sane est, utrum etiam sic accipi possit, Ego indurabo, tanquam dicere. Quam durum sit demonstrabo.*

XIX. [Ib. vii, 9.] *Si loquetur vobis Pharaon dicens, Date nobis signum aut portentum: et dices Aaron fratri tuo, Sume virgam, et projice illam palam Pharaone et palam servis ejus; et erit draco. Illic certe non ministerio vocis opus erat, cui videbatur velut ex necessitate datus Aaron propter gracilitatem vocis Moy-si; sed virga erat projicienda ut draco fieret: cur hoc ergo Moyses ipse non fecit, nisi quia ista mediatio ipsius Aaron inter Moysen et Pharaonem alicujus magna rei figuram gerit?*

XX. [Ib. vii, 10.] *Etiam hoc notandum, quod cum signum palam Pharaone fieret, scriptum est, Et pro-jecit Aaron virgam suam: cum forte si dixisset, Pro-jectit virginem, nulla esset questio; quod vero addidit, suam, cum eam Moyses dederit, non frustra forsitan dictum est. An erat utrique illa virga communis, ut cuiuslibet eorum diceretur, verum diceretur?*

XXI. [Ib. vii, 12.] *Et absorbuit virga Aaron virgas illorum. Si dictum esset, Absorbuit draco Aaron virgas illorum, intelligeretur verus draco Aaron phanta-stica illa figura non absorbuisse, sed virgas. Hoc enim potuit absorbere quod erant, non quod essa videbantur et non erant. Sed quoniam dixit, Absorbuit virga Aaron virgas illorum; draco utique potuit virgas absorbere, non virga. Sed ea nomine appellata res est unde versa est, non in quod versa est, quia in id etiam reversa est: et ideo hoc vocari debebat quod principaliter erat. Quid ergo dicendum est de virgis magorum? utrum et ipsae veri dracones facti fuerant, sed ea ratione virgæ appellatae sunt, qua et virga Aaron? an potius videbantur esse quod non erant, iudicatione venefica? Cur ergo ex utraque parte et virga dicuntur et dracones, ut de figuris illis nihil differat loquendi modus? Sed demonstrare difficile est quomodo etiam si veri dracones facti sunt ex virgis magorum, non fuerint tame: creatores draconum, nec magi, nec angeli mali quibus ministris illa operabantur. Insunt enim corporis rebus per omnia elementa mundi quedam occultæ seminarie rationes, quibus cum data fuerit opportunitas temporalis atque causalis, prorumpunt in species debitas suis modis et finibus. Et sic non dicuntur angeli, qui ista faciunt, animalium creatores; sicut nec agricultæ segetum vel*

<sup>1</sup> *Vetus codex Corbeiensis, et Egypti collectio induobus Ms., vel quos facturus est bonos.*

arborum vel quorumque in terra gignentium cretores dicendi sunt, quamvis noverint præbere quasdam visibiles opportunitates et causas, ut illa nascantur. Quod autem isti faciunt visibiliter, hoc angeli invisibiliter; Deus vero solus <sup>1</sup> verus creator est, qui causas ipsas et rationes seminarias rebus inseruit. Res breviter dicta est, que si exemplis et copiosa disputatione explicatur, ut facilius intelligatur, longo sermone opus est, a quo se ratio nostræ festinationis excusat.

XXII. [lb. vii, 22.] Fecerunt autem similiter et incantatores Ægyptorum beneficiis suis: et induratum est cor Pharaonis, et non exaudivit eos, sicut dixit Dominus. Cum haec dicuntur, videatur propterea cor Pharaonis induratum fuisse, quia et incantatores Ægyptiorum similia fecerunt: sed consequentia docebunt quanta fuerit illa obduratio, etiam cum incantatores defecerunt.

XXIII. [lb. viii, 7.] Fecerunt autem similiter et incantatores Ægyptiorum beneficiis suis; et eduxerunt ranas super terram Ægypti. Quæritur unde, si iam ubique factum erat. Sed similis quaestio est, unde et aquam in sanguinem verterint, si tota aqua Ægypti in sanguinem conversa jam fuerat. Proinde intelligentium est regionem, ubi filii Israel habitabant, plagis talibus non fuisse percussam: et inde potuerunt incantatores vel aquam baurire, quam in sanguinem verterent, vel alias ranas educere ad solam demonstrationem magice potentiae. Quanquam potuerunt etiam, posteaquam illa compressa sunt, facere: sed Scriptura cito narrando conjunxit quod etiam postea fieri potuit.

XXIV. [lb. viii, 15.] Et vidit Pharaon quoniam facta est refrigeratio, et ingravatum est cor ejus, et non exaudivit eos, sicut dixerat Dominus. Illic apparet non illas tantum fuisse causas obdurations cordis Pharaonis, quod incantatores ejus similia faciebant; verum etiam ipsam Dei patientiam, qua parcerat. Patientia Dei secundum corda hominum, quibusdam utilis ad penitendum, quibusdam inutilis, ad resistendum Deo et in malo perseverandum: non tamen per se ipsa inutilis est, sed secundum eorū malum, sicut iam diximus. Hoc et Apostolus dicit: *Ignorans quia patientia Dei ad paenitentiam te adducit?* Secundum autem duritium cordis tui et impaenitens cor, thesaurizas tibi iram in die iræ et revelationis justi judicij Dei, qui reddet unicuique secundum opera ejus. (Rom. ii, 4-6). Nam et alibi cum diceret, Christi bonus odor sumus in omni loco; etiam illud adjunxit, *Et in iis qui salvi sunt, et in iis qui pereunt* (II Cor. ii, 15). Non dixit Christi bonum se odorem esse iis qui salvi sunt, malum autem iis qui pereunt; sed tantum bonum odorem se dixit. Illi vero tales sunt, ut et bono odore pereant secundum sui cordis, ut sapere dictum est, qualitatem, quæ mutanda est bona voluntate in Dei gratia, ut incipiant ei prodesse judicia Dei, quæ malis cordibus nocent. Unde ille mutato in melius corde cantabat, *Vivet anima mea, et laudabit te; et judicia tua adjuvabunt me* (Psal. cxviii, 175). Non dixit, *Munera tua, vel, præmia tua;* sed, *judicia tua.* Multum est autem ut sincera fiducia

dici possit, *Proba me, Domine, et tenta me; ure renas meos ei cor meum.* Et ne sibi aliquid ex suis viribus tribuisse videretur, continuo addidit: *Quoniam misericordia tua ante oculos meos est, et complacui in veritate tua* (Psal. xxv, 2, 3). Factam erga se commemorat misericordiam, ut complacere posset in veritate: quoniam universæ viae Domini misericordia et veritas (Psal. xxiv, 10).

XXV. [lb. viii, 19.] Quod dixerunt magi ad Pharaonem, *Digitus Dei est hoc*<sup>1</sup>, quoniam non potuerunt educere scyniphes; senserunt profecto, cum artuum suarum nefariarum scirent potentiam, non talibus artibus, velut potentior in eis esset Moyses, suos conatus fuisse frustratos, ut non possent educere scyniphes, sed digito Dei, qui utique operabatur per Moysen. Digitus autem Dei, sicut Evangelium manifestissime loquitur, Spiritus sanctus intelligitur. Namque uno evangelista ita narrante verba Domini, ut diceret, *Si ego in digito Dei ejicio dæmonia* (Luc. xi, 20); alius evangelista idipsum narrans expondere voluit quid sit digitus Dei, et ait, *Si ego in Spiritu Dei ejicio dæmonia* (Math. xii, 28). Cum itaque magi faterentur, quorum Pharaon potentia praefidebat, digitum Dei esse in Moyse, in quo superabantur, et eorum veneficia frustrabantur; tamen induratum est cor Pharaonis nunc mirabili omnino duritia. Cur autem in tertia ista plaga magi defecerint (nam plaga cœperunt ex quo aqua in sanguinem versa est), et sentire et explicare difficile est. Poterant enim et in primo signo deficere, ubi in serpente virga conversa est; et in prima plaga, ubi aqua in sanguinem commutata est; et in secunda de ranis, si hoc voluisset digitus Dei, id est Spiritus Dei. Quis enim dementissimus dixerit digitum Dei in hoc signo potuisse conatus magorum impedire, et in superioribus nequivisse? Omnino ergo certa causa est quare illa facere hue usque permissi sunt. Commendatur enim fortasse Trinitas, et quod verum est, summi philosophi gentium, quantum in eorum litteris indagatur, sine Spiritu sancto philosophi sunt, quanvis de Patre et Filio non lauerint, quod etiam Didymus in libro suo meminit, quem scriptis de Spiritu sancto (Didymus in lib. I de Spiritu sancto).

XXVI. [lb. viii, 21-23.] Ecce ego mitto in te, et in seruos tuos, et in populum tuum, et in domos tuas cynomyiam, et implebuntur domus Ægyptiorum cynomyiam; ut scias quoniam ego sum Dominus Deus omnis terræ: et dabo intervallum inter populum meum et inter populum tuum. Quod hic Scriptura aperuit, ne ubique diceret, intelligere debemus et in posterioribus et in prioribus signis factum esse, ut terra in qua habitabat populus Dei, nullis plagis talibus vexaretur. Opportunum autem fuit ut ibi hoc aperte poneretur, unde jam incipiunt signa quibus magi similia nec conati sunt facere: procul dubio enim quia ubique fuerant scyniphes in regno Pharaonis, non autem fuerant in terra Gessen, ibi conati sunt magi similiter facere. et minime potuerunt. Quousque ergo deficerent, nihil

<sup>1</sup> sic MSS. juxta græcam interpretationem LXX. At editio est hic.

<sup>1</sup> MSS. quia decim, unus.

de illius terrae segregate ione dictum est; sed ex quo cooperunt ea fieri, ubi jam illi similia facere nec co[n]nari auderent.

**XXVII.** [Ib. viii, 25.] Quod latini habent, *Euntes immolate Domino Deo vestro in terra*<sup>1</sup>, græcus habet, *Venientes (a) immolate Domino Deo vestro in terra*. Nolebat enim eos ire quo dicebant, sed ut illuc in Ægypto immolarent, volebat. Hoc ostendunt verba Moysi quæ sequuntur, ubi dicit non posse fieri propter abominationes Ægyptiorum.

**XXVIII.** [Ib. viii, 26.] Quod ait Moyses, *Non potest fieri sic: abominationes enim Ægyptiorum immolabimus Domino Deo nostro*: id est, haec immolaturi sumus quæ abominantur Ægyptii, et propterea in Ægypto non possumus: hoc manifestant verba quæ adjungit et dicit, *Si enim immolaverimus abominationes Ægyptiorum palam ipsis, lapidabimur*. Illoc non intelligentes quidam interpres nostri, sic interpretati sunt, ut dicere, *Non potest fieri sic: numquid abominationes Ægyptiorum immolabimus Domino Deo nostro?* Cum magis hoc Scriptura dixerit, quia Ægyptiorum abominationes immolaturi sunt. Alii vero latini sic habent, *Non potest fieri sic, quoniam abominationes Ægyptiorum non immolabimus Domino Deo nostro*. Contrarium sensum facit addita particula negativa, cum Moyses dixerit, *Non potest fieri sic: abominationes enim Ægyptiorum immolabimus Domino Deo nostro*: et ideo in eremum dicebant se ire velle, ubi Ægyptii non viderent abominationes suas. Illoc autem intelligendum est mystice significari, quod etiam de pastoribus dicimus, qui erant Ægyptiis abominabiles (*Gen. xlvi, 34*); et ideo separatam terram Israelitæ acceperunt, cum venerunt in Ægyptum. Sic enim et sacrificia Israelitarum abominationes sunt Ægyptiis, sicut iniquis vita justorum.

**XXIX.** [Ib. viii, 32.] Cum ablata esset locusta, dictum est de Pharaone, *Et ingravavit Pharao cor suum etiam in hoc tempore, et noluit dimittere populum*. Certe nunc non dictum est, Ingravatum est cor Pharaonis; sed, *ingravavit Pharao cor suum*. Sic utique in omnibus plagiis. A voluntate quippe hominis est origo vitiorum: moventur autem causis corda hominum, talia sic, talia vero sic, etiam non diversis causis saepè diverso modo, secundum proprias qualitates, quæ ex voluntatibus veniunt.

**XXX.** [Ib. ix, 7.] *Videns autem Pharao quia non est mortuum de pecoribus filiorum Israel ullum, ingravatum est cor Pharaonis*. Quomodo ex contrariis causis facta est haec ingravatio cordis Pharaonis? Si enim et pecora Israelitarum morerentur, tunc videtur causa competens quæ e[st] in ejus ingravaretur ad contemendum Deum, tanquam si et magi ejus pecora Israelitarum fecissent mori: nunc vero unde debuit ad timendum vel credendum moveri, videns nullum pecus mortuum ex pecoribus Hebreorum, hinc ingrava-

<sup>1</sup> Edili, in *terra h[ab]et*. Abest demonstrativa particula a Ms., ales quoque ab interpretatione LXX, quo sit ut Augusti, non noui ligat illustrare hunc locum.

(a) Ethicæ.

tum est: id est, illa ingravatio etiam hue usque progressa est.

**XXXI.** [Ib. ix, 8.] Quid est quod dicit Deus ad Aaron et Moysen, *Sumite vobis plena manus favillæ de fornace, et aspergat Moyses in cælum coram Pharaone et coram servis ejus, et fiat pulvis in universa terra Ægypti?* Signa enim superiora, virga flabant, quam non Moyses, sed Aaron vel extendebat super aquam, vel ea terram percutiebat: nunc vero interpositis duobus signis de cynomyia et pccorum mortibus, ubi nec Aaron nec Moyses aliquid manu operati sunt, dicitur ut Moyses favillam spargat in cælum de fornace, et hanc ambo sumere jubentur, sed ille spargere non in terram, sed in cælum: tanquam Aaron qui datus erat ad populum, terram percutere deberet, vel in terram sive in aquam manu extendere; Moyses vero, de quo dictum est, *Erit tibi (a) quæ ad Deum (Exod. iv, 16)*, in cælum jubetur favillam spargere. Quid duo illa superiora signa, ubi nec Moyses nec Aaron manu aliquid operantur? Quid sibi vult ista diversitas? neque enim nihil.

**XXXII.** [Ib. ix, 16.] *Et propter hoc ipsum conservatus es, ut ostendam in te virtutem meam, et ut annuntietur nomen meum in universa terra*. Illoc Scriptura verba et Apostolus posuit, cum in eodem loco perdiscili versaretur. Ibi autem et hoc ait: *Si autem volens Deus ostendere iram, et demonstrare potentiam suam, attulit in multa patientia vasa iræ: parcendo utique iis quos malos futuros esse prescierat; quæ vasa dicit perfecta in perditionem*. *Et ut notas, inquit, sufficiet divitias gloriæ sue in vasa misericordiæ (Rom. ix, 22, 23)*. Unde vasorum misericordiæ vox est in Psalmis: *Deus meus, misericordia ejus præveniet me; Deus mens demonstravit mihi in inimicis meis (Psal. lxxxviii, 11, 12)*. Novit ergo Deus bene uti malis, in quibus tamen humanam naturam non ad malitiam creat, sed perfert eos patienter quousque scit oportere; non inaniter, sed ut eas ad admonitionem vel exercitationem bonorum. Ecce enim ut annuntiaretur nomen Dei in universa terra, vasis misericordiæ utique prodest. Ad eorum itaque utilitatem Pharao servatus est, sicut et Scriptura testatur, et exitus docet.

**XXXIII.** [Ib. ix, 19, 6, 20.] Quid est quod mandavit Deus Pharaoni, cum se facturum magnam grandinem minaretur, ut festinet congregare pecora sua, et quemque illi essent in campo, ne grandine intereat? hoc cuius non tam indignanter quam misericorditer videtur admonere. Sed hoc non facit quæstionem, quando Deus etiam irascens temperat poenam. Illud est quod merito movet, quibus nunc pecoribus consultatur, si omnia mortua fuerant plaga superiore, ubi scriptum est quod discrevit Deus inter pecora Hebreorum et Ægyptiorum, ita ut illinc nullum moreretur, omnia vero Ægyptiorum pecora morerentur. An eo solvitur quæstio, quod prædixerat ei moritura quæ in campo fuissent, ut haec accipiantur omnia; intelligantur autem evasisse quæ in domibus erant, quæ potuerunt etiam a dubitatis colligi, et in domo teneri, ne forte verum esset quod Moyses Dominum facturum

(a) Vulgata: *Eris ei in his.*

esse prædixerat : et ex his esse in campis iterum poterant, quæ modo admonet congregari in domos, ne grandine pereant; maxime, quia sequitur Scriptura et dicit, *Qui timuit verbum Domini servorum Pharaonis, congregavit pecora sua in domos : qui autem non intendit mente in verbum Domini, dimisit pecora sua in campo?* Ille ergo fieri potuit, quando etiam mortem pecorum minatus est Deus, quamvis id Scriptura tacuerit.

XXXIV. [lb. ix, 22.] *Et dixit Dominus ad Moysen, Extende manum tuam in cælum, et erit grande in omni terra Ægypti.* Ecce iterum Moyses non in terram, sed in cælum manum jubetur extendere, sicut superius de favilla.

XXXV. [lb. ix, 27, 30.] Cum fragore cœli, qui vehementer erat in grandine, Pharaon territus rogaret Moysen ut oraret pro illo, consitens iniquitatem suam et populi sui, Moyses ei dixit : *Et tu et servi tui scio quod nondum timetis Dominum.* Qualem timorem quererabat, cui timor iste nondum erat Domini timor? Facile est enim pœnam timere, sed non hoc est Deum timere, illo scilicet timore pietatis, quem commemorat Jacob, ubi dicit : *Nisi Deus patris mei Abraham, et timor Isaac adesset<sup>1</sup> mihi, nunc me inanem dimisisses* (Gen. xxxi, 42).

XXXVI. [lb. x, 1.] *Dixit Dominus ad Moysen, Intra ad Pharaonem : ego enim gravavi cor ejus et servorum ejus, ut ordine superveniant signa mea hac super eos<sup>2</sup>,* tanquam opus habeat Deus enjusquam malitia. Sed sic intelligendum est, ac si diceret, Ego enim patiens fui super eum et servos ejus, ut non eos auferrem, ut ordine superveniant signa mea super eos. Quia enim patientia Dei obstinatio siebat malus animus, ideo pro eo quod est, Patiens in eum fui, dicitur, *gravavi cor ejus.*

XXXVII. [lb. x, 19.] *Et non est reicta locusta una in omni terra Ægypti : et induravit Dominus cor Pharaonis.* Beneficium certe Dei commemoravit Scriptura, quo abstulit locustas; et secuta, dixit indurasse Dominum cor Pharaonis, beneficio utique suo, et patientia sua, qua ille siebat obstinatio, dum ei parceretur: sicut omnia mala corda hominum, patientia Dei male utendo durescent.

XXXVIII. [lb. x, 21, 12.] Tertio dicitur ad Moysen, *Extende manum tuam in cælum, ut fieret etiam plaga fœnestrarum.* Nunquam autem dictum est ad fratrem ejus Aaron, ut extenderet manum in cælum. Quod ergo dictum est ad Moysen, *Extende manum tuam super terram Ægypti, et ascendat locusta super terram,* credo id significatum, etiam minus posse qui plus potest; non autem continuo cui minora conceduntur, posse majora.

XXXIX. [lb. xi, 2.] *Deus ad Moysen : Loquere ergo secreto in aures populi, et petat unusquisque a proximo, et mulier a proxima, vasa aurea et argentea et vestem.* Non hinc quisque sumendum exemplum putare debet ad expoliandum isto modo proximum. Hoc enim Deus ius-it, qui neverat quid quemque pati oporteret: nec

<sup>1</sup> Septem melioris nota vss., esset; juxta græcum, ἐν μοι.

<sup>2</sup> Post, super eos, in ms. corbeensi additur. *... dicit, ego enim gravavi cor ejus ut ordine superveniant signa mea hac super eos.*

Israëlitæ furtum fecerunt, sed Deo jubenti ministerium præbuerunt. Quemadmodum cum minister judicis occidit eum quem judex jussit occidi, profecto si id sponte faciat, homicida est, etiamsi cum occidat, quæ sit occidi a judge debuisse. Est etiam ista nonnulla questione, si seorsum habitabant Hebrei in terra Gessen, ubi nec plagi siebant quibus regnum Pharaonis affligebatur, quomodo petit quisque a proximo vel a proxima, aurum, argentum, et vestem; præsertim quia ubi primum hoc mandatur per Moysen, sic positum est, et mulier a vicina sua et concellaria, vel concellanea (si ita dicendum est), vel cohabitatrice sua (a). Unde intelligendum est, etiam in terra Gessen non solos Hebreos habuisse, sed eis aliquos Ægyptios in illa terra cohabitatores fuisse, ad quos potuerunt merito Hebreorum etiam illa divina beneficia pervenire, ut hinc eos et diligenter iidem Ægyptii cohabitatores, et quod petebant facile commodarent: nec tamen Deus judicavit ita illos alienos fuisse ab injuriis et contritionibus quas populus Dei pertulit, ut nec isto damniferentur, qui plagi illis propterea quod terræ illi parcebatur, percussi non erant.

XL. [lb. xi, 9.] *Dixit autem Dominus ad Moysen, Non exaudiet vos Pharaon, ut multiplicem signa mea et portenta mea in terra Ægypti :* tanquam opus fuerit ejus inobedientia, ut signa illa multiplicarentur, quæ utiliter siebant ad terrendum populum Dei, atque ipsa discretione ad pietatem informandum. Sed hoc Dei fuit, malitia cordis illius bene utentis; non Pharaonis, Dei patientia male abutentis.

XL1. [lb. xii, 10, 46.] *Quæ autem superaverint ab eo in mane, igne concremabitis.* Quæri potest, quomodo aliquid superabat, cum hoc præmoniti fuerint, ut si dominus non habuerit consumiendo peccori idoneam multitudinem, vicini assumantur. Sed intelligitur quoniam dictum est, *Os non conteretis ab eo, remansura utique fuisse ossa, quæ igne cremarentur.*

XLI1. [lb. xii, 5.] *Agnus perfectus, masculus, arcuatus erit vobis.* Movere potest ista locutio, quasi agnus possit esse non masculus, nescientem qua necessitate ita sit translatum. Ovis enim transferri debuit, quæ græcus πριβατος habet; sed πριβατος in græca lingua generis neutri est, et potauerunt quæ sequuntur omnia convenire, tanquam si diceret, Pecus perfectum, masculum, anniculum erit vobis. Potuit enim latine dici, masculum pecus, quomodo dicuntur mascula thura, genere neutro: ovis autem masculus dici non posset, quia feminini generis est ovis. Item ovis mascula si diceretur, esset absurdius. Pecus vero si poneretur, etiam aliud intelligeretur; nec servaretur sacramentum, quod cum Scriptura de ove loquatur, post dicit, *ab agnis et hædis accipietis illud.* Quia in re Christus significari merito accipitur. Quid enim opus erat ova vel agnum ab agnis et hædis accipientium moneri, nisi ille figuraretur, cujus caro non solum ex justis, verum etiam ex peccatoribus propagata est? Quangnam conenerit Iudei etiam hædum intelligere accipientium ad celebrandum Pascha, et hoc esse dictum putant, ab

(...) in græco, para gitonos kai suskēnou autēs.

*agnis et hædis accipere, tanquam diceret, vel ab agnis agnum, vel ab hædis hædum, si illud desit, sumi oportere: appareat tamen in Christo rebus impletis quid illo præcepto fuerit figuratum.*

XLIII. [Ib. xii, 14.] *Quod scriptum est, Et facietis diem hanc in progenies vestras legitimum æternum vel æternalem, quod græce dicitur ἀλόγονον, non sic accipierendum est, tanquam possit istorum prætereuntium dies esse ullus æternus; sed illud æternum est, quod iste significat dies: velut cum dicimus ipsum Deum æternum, non utique istas duas syllabas æternas dicimus, sed quod significant. Quanquam diligenter scrupulam sit quomodo appellare Scriptura soleat æternum, ne forte ita dixerit solemniter æternum, quem nefas habeant prætermittere, aut sua sponte mutare. Aliud est enim quod præcipitur quoque fiat, sicut præceptum est ut septies muros Jericho circumiret arca (Josue vi, 3, 4): aliud, cum præcipitur sic observari aliquid, ut nullus terminus præficiatur observationis, sive quotidie, sive per menses, sive per annos solemniter, sive per multorum vel aliquorum annorum certa intervalla. Aut ergo sic appellavit æternum, quod non sua sponte audeant desinere celebrare; aut, sicut dixi, ut non ipsa signa rerum, sed res quæ lis significantur æternæ intelligantur.*

XLIV. [Ib. xii, 30.] *Et factus est clamor magnus in terra Ægypti. Non enim erat domus in qua non erat in ea mortuus. Nonne potuit esse aliqua domus quæ primogenitum non haberet? Cum ergo primogeniti tantummodo morerentur, quomodo nulla erat quæ non haberet mortuum? An et hoc divinitus præscentia Dei fuerat procuratum, ut in omnibus omnino essent dominibus primogeniti, in quibus percuterentur Ægyptii? Ab hac sane plaga non putandi sunt immunes fuisse Ægyptii qui habitabant in terra Gessen; hominum quippe erat, vel animalium, non terræ: id est, homines et animalia primogenita moriebantur occulto et angelico percussu, non aliquid in terra vel in cœlo factum erat, sicut rana, vel locusta, vel tenebrae, unde qui habitabant, affligerentur. A talibus enim plagiis cum terra Gessen fuisse aliena, procul dubio perveniebat beneficium ad eos Ægyptios qui in eadem terra cum Hebræis morabantur: hac vero primogeniti eorum omnes percussi sunt.*

XLV. [Ib. xii, 35, 36.] *Filiī autem Israel fecerunt sicuti præceperat illis Moyses, et petierunt ab Ægyptiis sua aurea et argentea et vestem; et Dominus dedit gratiam populo suo coram Ægyptiis, et commodaverunt illis, et prædati sunt Ægyptios. Jam hoc factum fuerat ante mortes primogenitorum Ægyptiorum; sed nunc per recapitulationem repetitur. Nam narratum est quando factum est. Modo enim fieri quomodo posset, ut in tanto luctu ex mortibus suorum accommodarent ista filii Israel? Nisi forte quis dicat etiam ista plaga non fuisse percussos Ægyptios qui cum Hebræis inhabitaerant terram Gessen.*

XLVI. [Ib. xii, 22.] *Quid est quod ait, Accipietis autem fasciculum hyssopi, et lingentes ex sanguine qui est juxta ostium, linietis super limen et super ambo*

*postes? Quæritur enim quem sanguinem dicat juxta ostium, cum illius agni utique velit intelligi sanguinem, cuius immolatione fit Pascha. An eo modo consequenter præcipit, quamvis hoc tacuerit, ut idem agnus juxta ostium occidatur? An, quod est credibilius, ideo dixit ex sanguine qui est juxta ostium, quia utique ille qui liniturus est super limen et postes, vas ipsum in quo sanguinem exceptit, juxta ostium positurus est, ut ad manum habeat quando tingit?*

XLVII. [Ib. xii, 37, 40.] *Sustulerunt autem filii Israel de Ransesse in Socchoth, in sexenta millia peditum viri, præter instructum, vel censem; si isto modo potest recte interpretari quod græcus habet ἀποσκευήν, quo verbo non solum mobilia, verum etiam moventia significari indicat Scriptura, ubi Judas loquens ad patrem suum dicit: Mitte puerum mecum, et surgentes ibimus ut vivamus, et non moriamur et nos, et tu, et substantia nostra (Gen. xlvi, 8). Ibi enim græcus ἀποσκευήν habet, ubi substantiam latinus interpretatus est; quod aliquando censem interpretantur nostri: sicut nunc instructum dicere voluiimus, dum tamen eo nomine et homines et jumenta vel omnia pecora intelligentur. Ubi etiam utrum et uxores possint intelligi, nescio. Sexenta tamen millia peditum cum Scriptura commenoret, addens et dicens, Excepto instructu, vel censu, vel substantia, vel si quo alio verbo melius interpretatur ἀποσκευή, manifestum est et homines significatos, sive in servis, sive in mulieribus, sive in his ætatibus quæ militiae non essent idoneæ, ut sexcenta millia peditum in eis solis intelligamus, qui possent militari agnæ armari.*

Quæri autem solet utrum ad tantum numerum Hebræi pervenire potuerint per eos annos in Ægypto, quos ostendere consideratus in Scripturis numerus potest: qui primum anni quot fuerint non parva quæstio est. Dicit enim Deus ad Abraham cum factum esset illud sacrificium de vacca triuna, et capra, et ariete, et turture, et columba, antequam non solum Isaac, sed nec Ismael quidem natus esset: *Sciendo scias*<sup>1</sup>, quia peregrinum erit semen tuum in terra non propria; et in servitutem redigent eos, et nocebunt illis quadringtonos annos (Gen. xv, 13). Si ergo quadringtonos annos sic acceperimus, ut in servitute sub Ægyptiis intelligentur, non parvum spatium temporis fuit, quo ita populus multiplicaretur. Sed tamen annos non fuisse, apertissimo indicio Scriptura testatur.

Quidam enim putant quadringtonos triginta annos accipi debere, ex quo Jacob intravit in Ægyptum, donec inde populus per Moysen liberatus est, quoniam in Exodo scriptum est: *Incolatus autem filiorum Israel, quem incoluerunt in terra Ægypti et in terra Chanaan, ipsi et patres eorum, anni quadringtoni triginta. Servitutis autem eorum volunt esse annos quadringtonos; propterea quod scriptum est in Genesi: Sciendo scias, quia peregrinum erit semen tuum in terra non sua; et in servitutem redigent eos, et no-*

<sup>1</sup> Sic MSS. hoc loco: at inferioris constanter habent, Sciendo scies.

**C**unt illis quadringtonos annos. Sed quoniam servitutis anni post mortem Joseph computantur (illo enim vivo, non solum ibi non servierunt, verum etiam regnaverunt), non est quemadmodum computentur quadringtoni triginta in Aegypto. Ingressus est enim Jacob anno filii sui trigesimo et nono : quoniam triginta annorum erat Joseph, cum apparuit in conspectu Pharaonis (*Gen. xli, 46*), et regnare coepit sub illo; transactis autem septem annis ubertatis, secundo anno famis ingressus est Jacob in Aegyptum cum aliis filiis suis (*Id. xlvi, 6*); ac per hoc tunc agebat Joseph triginta et novem annos, qui impletis vite sue annis centum et decem, mortuus est (*Id. l, 22, 23*): vixit ergo in Aegypto post ingressum ad se patris sui, septuaginta et unum annos; quos si detraxerimus a quadringtonis triginta annis, remanebunt servitutis anni, id est post mortem Joseph, non quadringtoni, sed trecenti et quinquaginta novem anni. Quod si ex illo putabimus nos computare debere, ex quo Joseph sub Pharaone regnare coepit, ut tunc quodammodo intelligatur intrasse Israel in Aegyptum, quando ibi filius ejus tanta potestate sublimatus est, etiam sic trecenti quinquaginta erunt, quos Tychonius vult accipi quadringtonos, ut a toto pars intelligatur, id est a toto centenario pars quinquagenaria, et probat hac loquendi regula solere uti Scripturam (*Tychonius, in Regular. lib. 5*). Si autem, quod aliquanto probabilius dici potest, tunc habeamus intrasse Israel in Aegyptum, quando illic Joseph esse venditus coepit, detracturi sumus adhuc annos tredecim, ut trecentos triginta septem annos pro quadringtonis accipiamus. Sed cum Scriptura commemoret Caath filium Levi avum Moysi cum avo suo Jacob intrasse in Aegyptum (*Gen. xlvi, 11*); dicat autem eum vixisse annos centum triginta (*Exod. vi, 18, 20*) (a); filium vero ejus patrem Moysi Ambram<sup>1</sup> centum triginta septem; Moysen vero dicat octoginta annorum fuisse cum de Aegypto populum liberavit (*Id. vii, 7*): etiam si tunc genuisset Caath patrem Moysi, quo anno mortuus est, ille quoque Ambram ultimo vite sua anno genuisset Moysen; computati anni centum triginta et centum triginta septem et octoginta, trecentos et quadraginta septem annos faciunt, non quadringtoni triginta. Quod si quis dicat extremo anno vite Joseph natum esse Caath filium Levi; septuaginta ferme anni possunt accedere illi summae, quia septuaginta unum annos vixit in Aegypto Joseph post ingressum patris sui. Quapropter etiam sic septuaginta anni vite Joseph ab ingressu Jacob in Aegyptum usque ad nativitatem Caath, si tunc natus asseratur, et centum triginta anni ipsius Caath, et centum triginta septem filii ejus Ambram patris Moysi, et octoginta ipsius Moysi,

quadringtonos decim et septem annos faciunt, non quadringtonos triginta.

Proinde illa minirum computatio, quam seculas est Eusebius in historia sua Chronica, perspicua veritate submixa est. Ab illa enim promissione computat quadringtonos triginta annos, qua vocavit Deus Abraham, ut exiret de terra sua in terram Chanaan (*Eusebius in Chron. ad mundi an. 3260*): quia et Apostolus cum Abraham laudaret et commendaret fidem, in ea promissione qua Christum vult intelligi prophetatum, id est qua pronisit Deus Abraham quod benedicerentur in eo omnes tribus terrae, *Hoc autem dico, inquit, quia testamentum confirmatum a Deo, post quadringtonos et triginta annos facta Lex non infirmat ad evacandas promissiones (Galat. iii, 17)*. Ex illa ergo promissione qua vocatus est Abraham et credidit Deo, post quadringtonos et triginta annos factam Legem dicit Apostolus, non ex tempore quo Jacob intravit in Aegyptum. Deinde etiam ipsa Scriptura Exodi satis hoc significavit: non enim dixit, *Incolatus filiorum Israel, quem incoluerunt in terra Aegypto*, anni quadringtoni triginta; sed aperie dixit, *quem incoluerunt in terra Aegypto et in terra Chanaan, ipsi et patres eorum*. Ac per hoc manifestum est computandum esse tempus etiam Patriarcharum Abraham, Isaac, et Jacob, ex quo peregrinari coepit Abraham in terra Chanaan; id est ex illa promissione in qua ejus fidem laudat Apostolus, usque ad illud tempus quo ingressus est Israel in Aegyptum. Toto quippe isto tempore peregrinati sunt patres in terra Chanaan, et deinde semen Israel in Aegypto; ac sic completi sunt quadringtoni triginta anni a promissione usque ad exitum Israel ex Aegypto, quando facta est Lex in monte Sina, quae non infirmat testamentum ad evacandas promissiones.

Septuagesimo ergo et quinto anno vite sue Abraham, sicut Scriptura dicit, egressus est in terram Chanaan (*Gen. xii, 4*), et genuit Isaac cum esset annorum centum (*Id. xxii, 5*). Funt itaque anni vigintiquinque ex promissione usque ad natum Isaac. His adduntur omnes anni vite Isaac, id est centum octoginta (*Id. xxxv, 28*), sunt ducenti quinque: tunc erat Jacob annorum centum viginti; nati sunt enim sexagenario patre gemini, ipse et Esau (*Id. xxv, 26*): post decem autem annos intravit Jacob in Aegyptum, cum esset annorum centum triginta (*Id. xlvi, 9*). Joseph autem esset triginta novem. Funt proinde anni a promissione usque ad ingressum Jacob in Aegyptum, ducenti quindecim. Joseph autem ab illo trigesimo et nono anno aetatis sue, in quo eum pater in Aegypto uenit, vixit septuaginta et unum annos; quia omnes aetatis ejus anni centum decem fuerunt (*Id. l, 22*). Cum itaque ad ducentos quindecim annos accesserint septuaginta unus, sunt anni ducenti octoginta sex. Restant centum quadraginta quatuor vel quinque, quibus intelligitur servisse in Aegypto populus Israel post mortem Joseph. His annis quantum multiplicari potuerint, si secunditas hominis consideretur, adjuvante illo qui eos voluit valde multiplicari, reperitur non esse numerum quod in sexcentis millibus peditum egressus est

<sup>a</sup> In editis, *Caath*, *Ambram*. At in MSS. constanter scriptum est *Caath*, *Ambram*. Græc. I.XX habent, *Ambram*, non *Caath*, quod quidem sic exstat *Gen. 46*; sed *Exod. 6*, cum genuit a Etigitur, *Caath*.

<sup>1</sup> In editis, *vite Jacob*. Legendum cum optimis vss., *vite Joseph*.

(a) Nunc tamen *Exod. vi, 18*, Caath centum triginta tres annos vixisse referunt, tum in *Vulgata*, tum apud LXX.

populus ex Aegypto, excepto certero apparatu, ubi et servitiae erant, et sexus muliebris et imbellis atas.

Quod ergo dixit Deus ad Abraham, *Sciendo scias, quia peregrinum erit semen tuum in terra non propria; et in servitatem redigent eos, et nocebunt illis quadragesitos annos, non sic accipiendum est, tanquam in illa durissima servitute quadragecentos annos Dei populus fuerit: sed quia scriptum est, In Isaac vocabitur tibi semen* (*Id. xxi, 12*); ex anno nativitatis Isaac usque ad annum egressionis ex Aegypto computantur anni quadragecenti quinque. Cum ergo de quadragecentis trigesinta detraxeris viginti quinque qui sunt a promissione usque ad natum Isaac, non mirum est si quadragecentos et quinque annos summa solida quadragecentos voluit appellare Scriptura, quae solet tempora ita nomenpare, ut quod de summa perfectionis numeri paululum excrescit aut infra est, non computetur. Non itaque quod ait, *In servitatem redigent eos, et nocebunt illis, ad quadragecentos annos referendum est, tanquam per tot annos eos habuerint in servitatem; sed referendam quadragecenti anni ad id quod dictum est, Peregrinum erit semen tuum in terra non propria: quia sive in terra Chanaan, sive in Aegypto, peregrinum erat illud semen, antequam hereditatem sumerent terram ex promissione Dei; quod factum est posteaquam ex Aegypto liberati sunt: ut hyperbaton hic intelligatur, et ordo verborum sit, Sciendo scias, quia peregrinum erit semen tuum in terra non propria quadragecentis annis; illud autem interpositum intelligatur, Et in servitatem redigent eos, et nocebunt illis; ita ut ad quadragecentos annos ista interpositio non pertineat. In extrema enim parte annorum summae hujus, hoc est, post mortem Joseph, factum est ut in Aegypto populus Dei duram perageret servitatem.*

**XLVIII.** [Ib. xiii, 9.] Quid est quod ait, cum de Pascha præciparet, *Erit tibi in signum super manum tuam?* an intelligitur super opera tua, id est, quod præferre debicas operibus tuis? Pertinet enim Pascha propter occisionem ovis ad fidem Christi, et sanguinem quo redempti sumus. Ille autem fides operibus præponenda est, ut sit quodammodo super manum, aduersus illos qui in operibus Legis gloriabantur: de qua re Apostolus loquitur, et multum agit<sup>1</sup>; qui fidem operibus sic vult anteponi, ut ex illa pendent opera bona, atque ab ea præveniantur, non ut ipsa velut meritis honorum operum retribui videatur (*Galat. iii, et Hebr. xi*). Illa enim ad gratiam pertinet: *si autem gratia, jam non ex operibus; alioquin gratia jam non est gratia* (*Rom. xi, 6*).

**XLIX.** [Ib. xiii, 17.] Cum autem dimisit Pharao populum, non deducit eos Deus viam<sup>2</sup> terræ Philistium, quia prope erat. Dicit enim Deus, Nequando paeniteat populum cum viderit præium, et revertatur in Aegy-

<sup>1</sup> Sie MSS. At prius excusi, et nullum ali posse Deo placere sine fide, qvi, etc. Pauloque post Am. Er. et Lov. posuerant, pertinet, pro pertinet, quod profecto fidem special, debuit esse per nos restitui auctoritate MSS. quibus consentit editio Ratisponensis.

<sup>2</sup> Editio, per viam. Abest, per, a MSS. et a grec. LXX. Non Am. Er. et Lov., quae prope erat. At MSS. et Rat., quia; junta LXX, hoti eggus en.

ptum. Ille ostenditur omnia fieri debere<sup>3</sup>, quae consilio recte fieri possunt, ad devitanda quæ adversa sunt, etiam cum Deus apertissime adjutor est.

**L.** [Ib. xiii, 18.] *Quinta autem progenie ascenderunt filii Israel de terra Aegypti.* Utrum progeniem in centum annis vult computari, et ideo quinta progenie, quia post quadragecentos triginta annos? an per hominum generationes hoc potius intelligendum est, ab ipso Jacob qui intravit in Aegyptum, usque ad Moysen qui cum populo egressus est? Jacob enim primus, secundus Levi, tertius Caath, quartus Ambram, quintus Moyses inventur. Has autem dicit progenies latini interpres, quas γενεας Graeci vocant, que in Evangelio *generationes* appellantur, nec numerantur nisi per successiones hominum, non per numerum annorum.

**Lt.** [Ib. xiv, 13.] Dixit autem Moyses: *Confidite, et state<sup>4</sup>, et videat salutem quae est a Domino, quam faciet vobis hodie. Sicut enim vidistis Aegyptios hodie, non apponitis amplius videre eos in aeternum tempus.* Quomodo accipienda sunt haec verba, cum viderint postea Israelite Aegyptios? An quia isti qui tunc videbant, non eos ulterius viderunt; quia et illi sunt mortui qui consequerantur, et isti omnes quisque die mortis sue? nam posteri eorum viderunt posteros illorum. An, Non eos videbitis sicut hodie, intelligendum est, non sicut hodie persequentes et inimicos, et tanto post vos agmine venientes; ut omnino nulla sit questio, nec de aeterno tempore quod hic posuit; quia etsi videbunt se utrique tempore resurrectionis, non sic utique videbunt ut hodie?

**LII.** [Ib. xiv, 15.] Quid est quod dixit Dominus ad Moysen, *Quid tu clamas ad me?* cum Scriptura non dixerit aliquid de Moysi vocibus, nec eum orantem commemoraverit; nisi quia intelligi voluit, hoc eum egisse vocis silentio, ut corde clamaret.

**LIII.** [Ib. xiv, 16]. *Et tu eleva virgam tuam, et extende manum tuam super mare.* Ille est illa virga, in qua siebant mirabilia, quae modo dicitur esse Moysi: tunc autem fratris ejus suis dicebatur, quando per illam ipse operabatur.

**LIV.** [In xv, 12.] *Extendisti dexteram tuam<sup>5</sup>, transvoravit eos terra.* Terram pro aqua non mirum est positam. Tota quippe pars ista extrema vel insima mundi, terræ nomine censetur; secundum id quod saepe dicitur, Deus qui fecit cœlum et terram: et illius psalmi distributione commemoratis cœlestibus, *Laudate, inquit, Dominum de terra;* et ea exequitur in lande, quae etiam ad aquas pertineant (*Ps. xl. 7*).

**LV.** [Ib. xv, 10, 8.] *Misisti Spiritum tuum, et cooperavit eos mare.* Ecce jam quinto commemoratur Spiritus Dei, ut in hoc numero accipiamus et quod dictum est.

<sup>3</sup> Lov., fieri debere consilio, quae consilio, etc. Alice editio et melioris notæ MSS. non habent, consilio, nisi in posteriori loco.

<sup>4</sup> Vaticani MSS., *Confidite, state*: omisso, et, quod etiam a grecis adest.

<sup>5</sup> Editio, manum tuam. MSS. dexteram tuam; juxta LXX, tñ dexter sou: neque ante transvoravit, habetur partibus, et, quæ addita fuit in excusis.

*Digitus Dei est hoc* (*Exod.* viii, 19). Primo, ubi Scriptum est, *Spiritus Dei superferebatur super aquas* (*Gen.* i, 2) : secundo, ubi dicitur, *Non permaneuit in ipsis hominibus Spiritus meus, quoniam carnis sunt* (*Id.* vi, 5) : tertio, ubi Pharaon dicit ad Joseph, *Quoniam Spiritus Dei est in te* (*Id.* xli, 38) : quarto, ubi incantatores *Ægyptiorum dicunt, Digitus Dei est hoc* : quinto, in hoc canticu, *Misisti Spiritum tuum, et cooperuit eos mare*. Meminerimus autem Spiritum Dei non solum ad beneficia, verum etiam ad vindictam commemorari. Nam quid aliud etiam supra dixit, *Per Spiritum irae tuæ divisa est aqua?* Iste itaque Spiritus Dei in *Ægyptios*, Spiritus iræ ejus fuit<sup>1</sup>, quibus nocuit aquarum divisio, ut intrantes possent aquis redeuntibus obrui: filii vero Israel quibus profuit quod aqua divisa est, non fuit ille Spiritus iræ Dei. Unde significatur propter diversas operationes et effectus Spiritum Dei dissimiliter appellari, cum sit unus atque idem ille dominus, qui etiam Spiritus sanctus in unitate Trinitatis accipitur. Proinde non arbitror alium quam enudem significari, ubi dicit *Apostolus*, *Non enim accipistis Spiritum servitutis iterum in timore<sup>2</sup>; sed accipistis Spiritum adoptionis in quo clamamus, Abba, Pater* (*Rom.* viii, 15) : quia eodem Spiritu Dei, id est, digito Dei, quo Lex in tabulis lapideis conscripta est (*Exod.* xxxi, 18), timor incussus est eis qui gratiam nondum intelligebant, ut de sua infirmitate atque peccatis per Legem conuincerentur, et Lex illis fieret pädagogus, a quo perducerentur ad gratiam quæ est in fide Jesu Christi (*Galat.* iii, 22-26). De hoc autem Spiritu adoptionis et gratiae, id est de hoc opere Spiritus Dei, quo impertitur gratia et regeneratio in vitam aeternam, dicitur, *Spiritus autem vivificat; cum supra diceatur Littera occidit* (*II Cor.* iii, 6), id est, Lex conscripta, tantummodo jubens, sine adjutorio gratiae<sup>3</sup>.

**LVI.** [*Ib.* xv, 23, 24.] *Venerunt autem in Merra, et non poterant bibere de Merra<sup>4</sup>; amara enīa erat. Si propter hoc appellatum est nomen loci ejus amaritudo, quia non potuerunt ibi aquam bibere, quod amara esset* (*Merra* enim interpretatur Amaritudo); quomodo venerunt in Merra, nisi quia eo nomine locum Scriptura appellavit, in quem venerunt, quo jam appellabatur cum hæc scriberentur? Posterior enim utique scripta sunt, quam illa contigerunt.

**LVII.** [*Ib.* xv, 25.] *Et ostendit ei Dominus lignum, et misit illud in aquam, et facta est aqua dulcis. Genus ligni erat istam habens vim, an quolibet ligno id facere poterat Deus, qui tanta mirabilia faciebat? Hoc tamen videtur significare quod dictum est, ostendit ei,*

<sup>1</sup> Am. Fr. et Lov., *quoniam caro sunt*. At editio ratisponensis, subragantibus nostris MSS., *carnes*; plurali numero, ut est in græco LXX.

<sup>2</sup> Florique MSS., *Iste itaque spiritus regni in Ægyptios: nam spiritus iræ ejus quibus nocuit*. Id adiatur, nam; et videntur, fuit.

<sup>3</sup> MSS. optimæ note, in timorem; juxta græc., *ei phobon*: quæ etiam lectio erat Vulgatae versionis in antiquis Cordebenisibus Bibliae.

<sup>4</sup> Vss. aliquot, *Lex conscripta tantummodo, sine adjutorio gratiae*.

<sup>5</sup> Editi, *libere aquam de Merra*. At MSS., *libere de Merra*. Sic etiam LXX.

tanquam tale iam lignum esset, quo posset hoc fieri: nisi forte locus erat ubi ligna omnino non inveniebantur, ut hoc ipsum esset divini adjutorii, quod ei lignum Dominus ostendit, ubi nullum erat, et per lignum aquas dulces fecit, præfigurans gloriam et gratiam crucis: sed in tali etiam natura ligni, quis nisi creator et demonstrator laudandus est?

**LVIII.** [*Ib.* xvi, 4.] *Dixit autem Dominus ad Moysen, Ecce ego pluam vobis panes de cœlo: et exierit populus et colliget unius diei in diem, ut tentem illos si ambulant in lege mea, an non.* Tentatio ista probatio est, non ad peccatum seductio: nec ideo probatio ut Deus noverit, sed ut ipsos<sup>6</sup> ipsis hominibus ostendat, quo humiliores fiant ad petendum adjutorium et agnoscendam Dei gratiam.

**LIX.** [*Ib.* xvi, 8.] *Moyses et Aaron dicunt ad populum inter cetera: Propter quod exaudivit Dominus mormurationem vestram, quam vos mormuratis adversum nos. Nos autem quid sumus? Non enim adversum nos murmur vestrum est, sed adversus Deum.* Non ex hoc tantum se valere voluerunt quantum Deus: direxerunt enim, *Quid sumus nos?* ut illi adversus illum se scirent mormurassem, qui istos miserat, et qui per istos operabatur. Nec talis illa est sententia, ubi Petrus dicit Ananiz: *Ausus es mentiri Spiritui sancto? non hominibus mentitus es, sed Deo* (*Act* v, 3, 4). Non enim ait, Ausus es mentiri mihi? non mihi mentitus es, sed Deo: quod si dixisset, simile fuisset. Neque ita dixit, Ausus es mentiri Spiritui sancto? non Spiritui sancto mentitus es, sed Deo: ita enim loquens, negaret Deum esse Spiritum sanctum. Nunc vero cum dixisset, *Ausus es mentiri Spiritui sancto?* cum ille se putaret hominibus fuisse mentitum, ipse Spiritum sanctum Deum esse monstravit subjungens, *Non hominibus mentitus es, sed Deo*.

**LX.** [*Ib.* xvi, 12.] *Deus mandat per Moysen populo, Ad resperam edetis carnes, et mane replebitimi panibus. Ecce non pro omni alimento panes nominantur. Nam isto nomine et carnes complectentur, quia et ipse alimenta sunt: nec tamen panes eos modo dicit, qui sunt ex frumentis; ipsos enim proprie panes appellare consuevimus: manna autem panum nomine appellat. Non autem vacat quod dicit ad vesperam carnes et mane panes se daturum. Tale quippe aliquid etiam in Elia significatum est, cum ei alimenta corvus afferret (*III Reg.* xvii, 6). An forte carnis ad vesperam et mane panibus ille significatur, qui traditus est propter delicta nostra, et resurrexit propter justificationem nostram (*Rom.* iv, 25)? Ad vesperam quippe mortuus ex infirmitate sepultus est, mane autem apparuit discipulis, qui resurrexerat in virtute.*

**LXI.** [*Ib.* xvi, 33.] *Et dixit Moyses ad Aaron, Accipe vas aureum unum, et mitte illud plenum gomor manna, et repones illud ante Deum, ut seruetur in progenies, quemadmodum præcepit Dominus. Quæri potest, ubi Aaron poneret ante Deum, quando nec ullum simulacrum,*

<sup>1</sup> In editis, *si ambulent*. In MSS., *si ambulabunt*. At apud LXX, *ei porourentur*.

<sup>2</sup> Editi, *sed ut ipse ipsis*. Melius MSS., *ipsos ipsas*.

erum fuit, nec arca testamenti jam fuerat instituta. An forte ideo de futuro dixit, *repones*, ut intelligeretur tunc ante Deum posse reponi, quando futura erat arca? En potius, *ante Deum*, dictum est quod sit ipsa devotione offerendi, in quoquinque loco pomeretur? ubi enim non est Deus? Sed illud quod adjungit, *Et reposuit Aaron ante testimonium ad reservandum*, priorem magis sensum asserit. Hoc enim modo Scriptura dixit per prolepsim, quod postea factum est, cum esse coepit tabernaculum testimonii.

LXXI. [lb. xvi, 35.] *Filiū autem Israel ederunt manna annis quadraginta, quoadusque venirent in terram quæ inhabitatur. Manna ederunt quoadusque venirent in partem Phœnicis.* Significavit Scriptura per prolepsim, id est, hoc loco commemorando quod etiam postea factum est, non edisse filios Israel in cremo nisi manna. Hoc est enim quod ait, *usque ad terram quæ inhabitatur*, id est, quæ jam non est eremus: non quia continuo ut venerunt ad terram habitabilem destiterunt vesci manna, sed quia non ante. Trajecto enim Jordane significatur in manna cessasse, ubi panes terræ manducaverunt: quando ergo ingressi sunt habitabilem terram, antequam transirent Jordanem, vel tantum manna vesci, vel utroque cibo potuerunt; hoc quippe intelligi potest, quando cessasse manna non dicitur nisi Jordane trajecto. Cur autem in illa eremi inopia etiam carnes desideraverint, quando de Ægypto cum suis valde multis pecoribus exierunt, magna quæstio est. Nisi forte dicatur, cum per erenum pascua tanta non essent, et ex eo minor futura videretur secunditas pecorum, pepercisse illos pecoribus, ne omnibus deficientibus, etiam sacrificiis necessaria defuisserent, vel si quid aliud dici potest, unde quæstio ista solvatur. Congruentius tamen creditur non eos carnes desiderasse, quas de pecoribus habere poterant; sed eas que deerant, ex aquis videlicet. Ipsas quippe in illa eremo non inveniebant: unde et illis ortygometra data est, id est, aves, quas coturnices multi latine interpretati sunt, cum sit aliud genus avium ortygometra, quamvis coturnicibus non usquequaque dissimile. Noverat enim Deus quid desiderarent, et desiderium eorum quo carnis genere satiaret. Sed quia Scriptura concupivisse illos carnes dixerat, nec expresserat cujusmodi carnes, ideo quæstio facta est.

LXXXII. [lb. xvi, 35.] *Manna ederunt quoadusque venirent in partem Phœnicis.* Jam dixerat, *quoadusque venirent ad terram quæ inhabitatur*; sed quia non expresserat proprie quam diceret, repetitione videtur quamdam proprietatem expressisse, dicendo, *in partem Phœnicis.* Sed tunc illam terram sic credendum est appellatam; modo enim hoc non vocatur nomine. Alia quippe est quæ Phœnices appellatur regio Tyri et Sidonis, qua illos transisse non legitur. Quanquam Scriptura fortasse potuerit terram Phœnicis appellare, ubi palmarum arbores jam esse coeperant post eremis vastitatem; quoniam palma græce sic appellatur. Initio enim profectionis suæ invenerunt locum, ubi septuaginta palmarum arbores fuerant, et duodecim fontes: sed postea eos exceptit eremis prolixitas, ubi

PATROL. XXXIV.

tales aliquid; non sicut, quounque venirent ad loca quæ colebantur. Verum ille sensus est probabilius, ut credamus sic appellatam tunc suisse terram. Multarum enim terrarum et locorum, sicut fluminum et urbium, nomina certis existentibus causis antiquitate mutata sunt.

LXIV. [lb. xvii, 5.] *Et dixit Dominus ad Moysen, Antecedere populum; sume autem tecum de senioribus populi; et virgam in qua percussisti flumen, accipe in manu tua.* Flumen Aaron legitur, non Moyses, virga percussisse. Nam Moyses eadem virga inare divisit, non flumen: quid sibi ergo vult, *Accipe virgam in qua percussisti flumen?* An forte mare appellavit flumen? quærendum exemplum locutionis hujus, si ita est. An quod Aaron fecit, Moysi potius tributum est, quia per Moysen Deus jubebat, quæ faceret Aaron; et in Moyse auctoritas, in illo autem ministerium fuit: quandoquidem et primis suis verbis Deus hoc illi ait de fratre suo, *Erit tibi ad populum, tu illi quæ ad Deum* (*Exod. iv, 16*)?

LXV. [lb. xvii, 9.] *Et ecce ego sto super cacumen collis, et virga Dei in manu mea,* dicit Moyses ad Iesum Nave, cum præcipiteret pugnari adversus Amalech. Nunc ergo virga Dei dicitur, quæ primum dicta est virga Aaron, postea vero virga Moysi: sicut dicitur spiritus Eliae qui est Spiritus Dei (*Luc. i, 17*), cuius particeps factus est Elias; sic illa potuit dici. Dicitur etiam Dei justitia, quæ nostra est, sed donata a Deo: de qua loquens Apostolus, *Judæos arguit dicens, Ignorantes Dei justitiam, et suam justitiam voluntates constituere* (*Rom. x, 3*), id est, tanquam a se sibi paratam; contra quales dicit, *Quid enim habes quod non accepisti* (*I Cor. iv, 7*)?

LXVI. [lb. xviii, 12.] *Venit autem et Aaron et omnes seniores Israel manducare panem cum socero Moysi ante Deum*, vel, sicut alii codices habent, *coram Deo;* quod græce scriptum est *ἐπρεπέον τῷ Θεῷ.* Quæritur ubi ante Deum, quando nec tabernaculum fuit, nec arca testamenti, quæ postea sunt instituta. Neque enim et hic de futuro dictum accipere possumus, sicut dictum est de manna quod positum est in vase aureo (*Supra, quæst. 61*). Ergo ante Deum id accipere debemus factum, quod in honorem Dei factum est: ubi enim non Deus?

LXVII. [lb. xviii, 15.] *Moyses socero dixit: Quia venit ad me populus inquirere judicium a Deo; cum eis contigerit disceptatio, et venerint ad me, judico unumquemque, et moneo eos præcepta Dei et legem ejus.* Quæri potest quomodo ista Moyses dixerit, cum lex Dei adhuc nulla conscripta esset: nisi quia lex Dei semper intera est, quam consulunt omnes pia mentes, ut quod in ea invenient, vel faciant, vel jubeant, vel vetent, secundum quod illa incommutabili veritate præcepit<sup>1</sup>. Numquid enim Moyses, quamvis cum illo Deus loqueretur, per singula credendum est quod consulere solet Deum, si quid

<sup>1</sup> Editi, secundum quod illa incomutabili veritate percepit: excepta editione Ratisponensi, quæcum nostris Ms. habet, *Uta... præcepit.*

(Vingt.)

esset in disceptationibus tantæ multitudinis, quæ illum in hoc judicandi negotio a mane usque ad vesperam detinebat? Et tamen nisi suæ menti præsidentem Dominum consuleret, legemque ejus æternam sapienter attenderet, quid justissimum judicare inter disceptantes posset, non inveniret.

LXVIII. [lb. xviii, 18, 19.] In eo quod Jothor consilium dat genero suo Moysi, ne occupatus judiciis populi et ipse et populus consumeretur consumptione intolerabili; prima quæstio est, cur hoc Deus famulum suum, cum quo ipse tanta et talia loquebatur, ab alienigena passus est admoneri. In quo Scriptura nos admonet, per quemlibet hominem detur consilium veritatis, non debere contemni. Videndum etiam ne forte ibi voluerit Deus ab alienigena admoneri Moy-sen, ubi et ipsum posset tentare superbia: scdebat enim judicaria sublimitate solus, universo populo stante. Nam hunc sensum indicat, cum ipse Jothor eos eligi jussit ad judicandas causas populi, qui odissent superbiam. Deinde quam sit observandum quod alibi Scriptura dicit, *Fili, ne in multis sint actus tui.* (Eccli. xi, 10); satis et hic appareat. Deinde verba Jothor dantis consilium Moysi consideranda sunt: dicit enim, *Nunc itaque audi me, et consilium dabo tibi, et erit Deus tecum.* Ubi mihi videtur significari, nimis intentum humanis actionibus animaum, Deo quodammodo vacuari, quo sit tanto plenior, quanto in superna atque æterna liberius extenditur.

LXIX. [lb. xviii, 19, 20.] Quod vero adjungit et dicit, *Esto tu populo quæ ad Deum, et referes verba corum ad Deum: et testaberis illis præcepta Dei et legem ejus; et demonstrabis illis vias in quibus ambulabunt in eis, et opera quæ facient;* cum populo universo haec agenda esse demonstrat. Non onim ait, *Uninsecundusque verba referes ad Deum, sed verba corum,* cum supra dixisset, *Esto tu populo quæ ad Deum sunt.* Post haec admonet ne singulorum negotia, quæ inter se habent, descrantur, electis videlicet potentibus viris Deum colentibus, justis, et qui oderint superbiam, quos constitutus super milenos, alias super centenos, alias super quinquagenos, alias super denos. Sic et ab ipso Moyse removit graves et periculosa occupationes, nec istos gravavit. Quandoquidem ipsi miles haberent unum super se, et sub illo haberent, alias decem, et sub eis alias viginti, et sub his alias centum, ut vix aliquid ad singulos quosque præpositos perveniret, quod judicare necesse haberent. Insinuator hic etiam humilitatis exemplum, quod Moyses, cum quo loquebatur Deus, non fastidivit, neque contempsit alienigenæ socii sui consilium. Quanquam et ipse Jothor, cum Israelita non fuisset, utrum inter viros Deum verum colentes religioseque sapientes habendus sit, quemadmodum et Job, cum ex ipso populo non fuisset, merito queratur: imo credibilius habetur. Ambigue quippe posita sunt verba, vel utrum sacrificaverit Deo vero in populo ejus, quando vidi generum suum, vel utrum eum adoraverit ipse Moyses: quanquam de adoratione etiam si expresse positum esset, honor vide-

retur socero redditus, eo modo quo solet hominibus honoriscentie causa exhiberi a Patribus; sicut de Abraham scriptum est, quod adoraverit filios Chet (Gen. xxiii, 7). Quos autem dicat ~~ηερματοειδεις~~; post decuriones, non facile sciri potest; quoniam hoc nomen in nullo usu habemus, vel officiorum, vel magisteriorum. Nam quidam *doctores* interpretati sunt, ut intelligantur utique litterarum, qui introducant in litteras, sicut resonat græcum vocabulum. Hic sane significatur quod ante Legem datam habuerint Hebrei litteras: quæ quando cœperint esse, nescio utrum valeat indagari. Nonnullis enim videtur a primis hominibus eas cœpisse, et perductas esse ad Noe, atque inde ad parentes Abrahæ, et inde ad populum Israel: sed unde hoc probari possit, ignoro.

LXX. [lb. xix, 1-11.] Mensis autem tertii exitus filiorum Israel de terra Ægypti hac die venerunt in eremum Sina, et profecti sunt ex Raphidin, et venerunt in eremum Sina, et applicuit Israel ibi contra montem, et Moyses ascendit in montem Dei, et vocavit eum Dominus de monte dicens, *Hæc dices domini Jacob, et nuntiabis filiis Israel,* et cetera. Deinde paulo post: *Descede, et testare populo, et purifica illos hodie et cras, et lavent vestimenta, et sint parati in diem tertium.* Tertia enim die descendet Dominus in montem Sina coram omni populo. Hoc die reperitur data Lex, quæ in tabulis lapideis scripta est digito Dei, sicut consequentia docent (Exod. xxxi, 18). Dies autem iste tertius appetit tertii mensis ab exitu Israel ex Ægypto. Ex die ergo quo Pascha fecerunt, id est, agnum immolaverunt et ederunt, qui fuit quartus decimus primi mensis (Id. xi, 6.), usque ad istum quo Lex datur, dies quinquaginta numerantur: decem et septem scilicet primi mensis, reliqui ab ipso quarto decimo; deinde omnes triginta secundi mensis, qui sunt quadraginta septem; et tertius tertii menses, qui est a solemnitate occisi agni quinquagesimus. Ac per hoc in ista umbra futuri, secundum agni immolati diem festum, sicut quinquagesimo die Lex data est, quæ conscripta est digito Dei: ita in ipsa veritate Novi Testamenti a festivitate agni inmaculati Christi Jesu quinquaginta dies numerantur, ut Spiritus sanctus <sup>1</sup> de altissimis datus est (Act. ii, 2, 4). Digitum Dei autem esse Spiritum sanctum, et supra jam diximus teste Evangelio (*Supra, quest. 25.*)

LXXI. [lb. xx, 1-17.] Quæritur, decem præcepta Legis quemadmodum dividenda sint: utrum quatuor sint usque ad præceptum de sabbato, quæ ad ipsum Deum pertinent; sex autem reliqua, quorum primum est, *Honora patrem et matrem,* quæ ad hominem pertinent: an potius illa tria sint, et ista septem. Qui enim dicunt illa quatuor esse, separant quod dictum est, *Non erunt tibi dñi alii præter me;* ut aliud præceptum sit, *Non facies tibi idolum,* etc. ubi figura colenda prohibentur. Unum autem volant esse, *Non concupisces uxorem proximi tui,* *Non concupisces do-*

<sup>1</sup> Apud Er. Lov. habetur, quando spiritus sanctus. Nonne melius legeretur, et? Fulcitur hæc nostra conjectura altero S. Augustini loco, nempe Serm. 8, n. 13, 14, in quo hæc ipsa repetuntur. M.

*proximi tui*, et omnia usque in finem. Qui vero illa tria esse dicunt, et ista septem, unum volunt esse, quidquid de uno colendo Deo præcipitur, ne aliquid aliud præter illum pro Deo colatur : hæc autem extrema in duo dividunt ; ut aliud sit, *Non concupisces uxorem proximi tui*, aliud, *Non concupisces domum proximi tui*. Decem tamen esse præcepta neutri ambigunt, quoniam hoc Scriptura testatur.

Mihi tamen videtur congruentius accipi tria illa, et ista septem, quia et Trinitatem videntur illa quæ ad Deum pertinent insinuare diligentius intuentibus. Et revera quod dictum est, *Non erunt tibi dñi alii præter me*, hoc ipsum perfectius explicatur cum prohibentur colenda ligamenta. Concupiscentia porro uxoris alienæ, et concupiscentia domus alienæ, tantum in peccando differunt, ut illi quod dictum est, *Non concupisces domum proximi tui*, adjuncta sint et alia dicente Scriptura, *neque agrum ejus, neque serrum ejus, neque ancillam ejus, neque bœvem ejus, neque subjugale ejus, neque omnē pecus ejus, neque quæcumque proximi tui sunt*. Discrevisse autem videtur concupiscentiam uxoris alienæ a concupiscentia cuiuslibet rei alienæ, quando utrumque sic cœpit, *Non concupisces uxorem proximi tui, Non concupisces domum proximi tui*, et huic cœpit cætera adjungere. Non autem cum dixisset, *Non concupisces uxorem proximi tui*, huic connexuit alia dicens, *neque domum ejus, neque agrum ejus, neque servum ejus, et cætera* : sed omnino apparent hæc esse conjuncta quæ uno præcepto videntur contineri, et discreta ab illo ubi uxor nominata est. Illud autem ubi dictum est, *Non erunt tibi dñi alii præter me*, apparet hujus rei diligentiore exsecutionem esse in iis quæ subjecta sunt. Quo enim pertinet, *Non facies tibi idolum, neque ullum simulacrum, quæcumque in caelo sunt sursum, et quæcumque in terra deorsum, et quæcumque in aqua sub terra; non adorabis ea, neque seruos illis*, nisi ad id quod dictum est, *Non erunt tibi dñi alii præter me?*

Sed rursum queritur quo differat, *Non furtum facies*, ab eo quod paulo post de nos concupiscendis proximi rebus præcipitur. Non quidem omnis qui rem proximi sui concupiscit, furatur : sed si omnis qui furatur, rem proximi concupiscit, poterat in illa generalitate, ubi de non concupiscenda re proximi præcipitur, etiam illud quod ad furtum pertinet contineri. Similiter etiam queritur, quo differat quod dictum est, *Non mœchaberis*, ab eo quod paulo post dicitur, *Non concupisces uxorem proximi tui*. In eo quippe quod dictum est, *Non mœchaberis*, poterat et illud intelligi. Nisi forte in illis duobus præceptis, non mœchandi et non furandi, ipsa opera notata sunt ; in his vero extremis ipsa concupiscentia : quæ tantum differunt, ut aliquando mœchetur, qui non concupiscit uxorem proximi, cum alia aliqua causa illi miscetur ; aliquando autem concupiscat, nec ei misceatur, pœnam timens : et hoc fortasse Lex ostendere voluit, quod utraque peccata sint.

Item quari solet utrum mœchiæ nomine etiam fornicatio teneatur. Hoc enim græcum verbum est, quo

jam Scriptura utitur pro latino. Mœchos tamen Græci nonnisi adulteros dicunt. Sed utique ista Lex non solis viris in populo, verum etiam feminis data est. Nequa enim quia dictum est, *Non concupisces uxorem proximi tui*, nihil hic sibi præceptum debet putare semina, et tanquam licite concupiscere virum proximæ sure. Si ergo hic ex illo quod viro dictum est, intelligitur, quamvis non dictum sit, quod etiam ad seminam pertineat ; quanto magis eo quod dictum est, *Non mœchaberis*, uterque sexus astringitur, cum et ipsum præceptum potest referri ad utrumque, sicut, *Non occides, Non furaberis*, et quæ alia similiter non expresso uno sexu utrique videntur sonare communiter ? Tamen ubi unus exprimitur, honoratior utique exprimitur, id est masculinus, ut ex hoc intelligat etiam semina quid sibi præceptum sit. Ac per hoc si semina mœcha est, habens virum, concubendo cum eo qui vir ejus non est, etiamsi ille non habeat uxorem ; profecto mœchus est et vir habens uxorem, concubendo cum ea quæ uxor ejus non est, etiamsi illa non habeat virum. Sed utrum, si faciat qui uxorem non habet, cum semina quæ virum non habet, ambo præcepti hujus transgressione teneantur, merito queritur. Si enim non tenentur, non est prohibita in Decalogo fornicatio, sed sola mœchia, id est, adulterium : quamvis omnis mœchia etiam fornicatio esse intelligitur, sicut loquuntur Scripturæ. Dominus enim dicit in Evangelio : *Quicumque dimiserit uxorem suam, excepta causa fornicationis, facil eam mœchari* (*Matth. v 32*). Hic utique fornicationem appellavit, si cum alio percet quæ virum habet, quod est mœchia, id est, adulterium. Omnis ergo mœchia etiam fornicatio in Scripturis dicitur. Sed utrum etiam omnis fornicatio mœchia dici possit, in eisdem Scripturis non mihi interim occurrit locutionis exemplum. Sed si non omnis fornicatio etiam mœchia dici potest, ubi sit in Decalogo prohibita illa fornicatio, quam faciunt viri qui uxores non habent, cum feminis quæ maritos non habent, utrum ipveniri possit, ignoro. Sed si furti nomine bene intelligitur omnis illicita usurpatio rei alienæ (non enim rapinam permisit qui furtum prohibuit ; sed utique a parte totum intelligi voluit, quidquid illicite rerum proximi anseritur) ; profecto et nomine mœchiæ omnis illicitus concubitus, atque illorum membrorum non legitimus usus prohibitus debet intelligi.

Et quod dictum est, *Non occides*, non putandum est fieri contra hoc præceptum, quando lex occidit, vel occidi aliquem Deus jubet. Ille enim facit qui jubet, quando ministerium negare non licet.

In eo etiam quod dictum est, *Falsum testimonium non dices adversus proximum tuum*, queri solet utrum prohibitum sit omne mendacium : ne forte non sit hoc præceptum adversus eos qui dicunt tunc esse mentendum quando id mendacium prodest alicui, et nihil obest ei cui mentiris. Tale quippe non est *adversus proximum tuum*, ut ideo videatur hoc addidisse Scriptura, quæ posset breviter dicere, *Falsum testimonium non dices*, sicut dixit, *Non occides, Non mœ-*

*chaberis, Non suraberis.* Sed hinc magna quæstio est, nec a festinatibus commode explicari potest, quomodo accipiendum sit, *Perdes omnes qui loquuntur mendacium* (*Psal. v, 7*); et, *Noli velle mentiri omnime mendacium* (*Eccl. vii, 14*); et cetera hujusmodi.

LXXII. [lb. xx, 18.] *Et omnis populus videbat vocem, et lampadas, et vocem tubæ, et montem fumantem.* Solet quæri quomodo populus videbat vocem, cum vox non ad visum, sed potius ad auditum pertinere videatur. Sed sicut modo dixi, Videatur, de omnibus quæ a me dicta sunt; sic, videre solet pro generali sensu ponit, non solum corporis, verum etiam animi: unde et illud est, *Cum vidisset Jacob quia sunt escae in Ægypto* (*Gen. xlii, 1, sec. LXX*); unde utique absens erat. Quanquam nonnulli videre vocem nihil aliud esse arbitrati sunt quam intelligere, qui visus mentis est. Cum vero hic breviter dicendum esset quod populus videbat vocem et lampadas, et vocem tubæ ac montem fumantem, quæstio major oriretur quomodo audiebat lampadas et montem fumantem, quod pertinet ad sensum videndi. Nisi quis dicat, nec tam breviter dicendum suisse; sed, ut totum diceretur, audiebat vocem, et videbat lampadas, et audiebat vocem tubæ, et videbat montem fumantem. Duo quippe genera vocis erant, et de nubibus, sicut tonitrua, et de tuba; si tamen ipsam dixit vocem quæ de nubibus edebatur. Ac per hoc melius in iis quæ ad sensum audiendi pertinebant, generalis sensus est positus, hoc est, videnti, cum breviter totum vellet Scriptura complecti, quam ut in iis quæ pertinent ad videndi sensum, subintelligeretur auditus: quo more loqui non solemus. Nam, Vide quid sonet, solemus dicere; Audi quid luceat, non solemus.

LXXIII. [lb. xx, 19.] *Loquere tu nobis, et non loquatur ad nos Deus, ne quando moriamur.* Multum et solide significatur, ad Vetus Testamentum timorem potius pertinere, sicut ad Novum dilectionem: quanquam et in Vetere Novum lateat, et in Novo Vetus pateat. Quomodo autem tali populo tribuatur videre vocem Dei, si hoc accipiendum est intelligere, cum sibi loqui Deum timeant ne moriantur, non satis eluet.

LXXIV. [lb. xx, 20.] *Et dixit eis Moses, Constantes estote: propterea enim venit Deus ad vos, tentare vos ut sit timor ejus in vobis, ne peccatis.* Sic illi cohibendi fuerant a peccatis, utique timendo ne poenas sensibilis paterentur; quia nondum paterant amare justitiam: et in hoc erat illis tentatio a Domino, qua probabantur, ut appareret cuiusmodi essent; non ut Deo noti fierent, quem non latebant qualescumque essent, sed ut inter se ac sibimet. Multum tamen istis terroribus Testamenti Veteris differentia commendatur, quod etiam in Epistola ad Hebreos aperi-  
tissime dictum est (*Hebr. xii, 24-28*).

LXXV. [lb. xx, 21.] *Moses autem intravit in nebula, ubi erat Deus:* id est, ubi expressiora siebant signa, quibus cognosceretur Deus. Nam quomodo in nebula erat, cui cœli cœlorum non sufficiunt; nisi quemadmodum nusquam non est, qui in loco nullo est?<sup>1</sup>

<sup>1</sup> *Editi, deest: pro quo omnes MSS., cst.*

LXXVI. [lb. xx, 23.] *Non facietis vobis deos argenteos, et deos aureos non facietis vobis ipsis.* Repetitur quod in primo præcepto inculcatum est; et ex diis argenteis et aureis utique omnia simulacra intelliguntur, sicut in illo etiam psalmo, *Idola gentium argentum et aurum* (*Psal. cxiii, 4, et cxxxiv, 15*).

LXXVII. [lb. xxi, 2.] *Quæ de servo Hebreo præcipiuntur, ut sex annos serviat, et dimittatur liber gratiæ, ne servi Christiani hoc flagitarent a dominis suis, apostolica auctoritas jubet servos dominis suis esse subditos, ne nomen Dei et doctrina blasphemetur* (*Ephes. vi, 5, et I Tim. vi, 1*). Illud enim ex hoc satis constat in mysterio præceptum, quia et pertundi subula ejus aurem ad postem præcepit Deus, qui libertatem illam recusasset.

LXXVIII. [lb. xxi, 7-11.] *Si quis autem vendideris filiam tuam famulam<sup>1</sup>, non abibit ita ut recessunt ancillæ.* Quod si non placuerit domino suo, quam non annominavit eam, remunerabit eam. Genti autem exteræ non est dominus vendere illam, quoniam sprevit in ea. *Quod si filio annominaverit eam, secundum justificationem filiarum faciet ei.* Quod si filium accipiet ei, quæ opus sunt, et vestem, et conversationem ejus non fraudabit. Si autem tria hæc non fecerit ei, exhibit gratis sine pretio. Obscurissimum istum locum inusitata verba locutionesque fecerunt, ita ut interpretes nostri quemadmodum eum explicarent, pene non invenirent. In ipso quoque græco eloquio multum obscurum est quod hic dicitur. Tamen quid videatur, ut potero, aperiam.

*Si quis autem, inquit, vendiderit filiam tuam famulam, id est ut sit famula, quam cœteri Græci vocant: non abibit ita ut recessunt ancillæ, intelligendum est, non sic recedet, quomodo recessunt ancillæ Hebreæ post sex annos. Eam quippe oportet etiam in feminâ Hebreæ legem datum intelligi, quæ servatur in mariibus. Cur ergo ista non ita recedet, nisi quia in illo famulatu intelligitur humiliata, quod ei se dominus miscuerit? Hoc quippe in consequentibus utcumque clarescit. Sequitur enim et dicit, Quod si non placuerit domino suo, quam non annominavit eam, id est non eam fecit uxorem: remunerabit eam, hoc est, quod supra dixit, non abibit ita ut recessunt ancillæ. Justum est quippe aliquid accipere pro eo quod humiliata est; quia non ei se ita miscuit, ut facaret uxorem, id est, ut annominaret eam sibi. Illoc autem quod diximus, remunerabit eam, quidam interpretes dixerunt, redimet eam. Quod si in græco dictum esset ἀπολυτρώσει, scriptum esset sicut scriptum est, Et ipse redimet Israel (*Psal. cxxix, 8*); nam et ἀπολυτρώσει scriptum est. In hoc autem loco ἀπολυτρώσει legitur, ubi intelligitur quod accipit magis aliquid, quam pro ea datur ut redimatur. Cui enim dabit dominus ejus, ut redimat quam ipse famulam possidet? Genti autem exteræ non est dominus vendere illam, quia sprevit in ea: id est, non quia sprevit in ea, ideo dominus est vendere illam, id est in tantum ei dominabitur, ut*

<sup>1</sup> Sic MSS. constanter, juxta LXX. At editi, in *famulam*.

<sup>2</sup> MSS., fissa cst.

etiam exteræ genti eam licite vendat. Hoc est autem sp̄revit in ea, quod est sp̄revit in eam : sp̄revit eam antem, hoc est humiliavit eam, id est concubendo nec uxorem faciendo. Dicit autem græce ἀθετεῖν, quod nos diximus sp̄revit, quo verbo Scriptura nuntiat apud Jeremiam, *Sicut spernit mulier eum cui committetur* (Jerem. iii, 20).

Deinde sequitur et dicit, *Quod si filio annominaverit eam, secundum justificationem filiarum faciet ei.* Hic jam apparere incipit quemadmodum supra dixerit, *quam non annominaverit.* Nam quid est aliud, si filio annominaverit eam, nisi filio conjunxerit eam uxorem? quandoquidem dicit, *secundum justificationem filiarum faciet ei*, id est, ut sic tradat tanquam filiam, dotem scilicet apponens ei. Deinde adjungit, *Quod si aliam accipiet ei*, id est non istam deputaverit uxorem filio suo, sed ei aliam accipiat : *que opus sunt, et testem et conversationem ejus non fraudabit;* dabit ei simili lege, quæ competunt, quoniam non mansit uxor filio ejus, quemadmodum ei daret, si eam sibi non annominasset, et tamen concubendo humiliasset. Quod autem nos diximus, *conversationem non fraudabit,* græcus habet ἀπάλλαξις, id est, locationem, quo nomine intelligitur Scriptura honestius appellare concubitum. Quid est autem, Concubitum non fraudabit, nisi pro concubitu mercedem dabit? Namque apud Danielem contra Susannam falsum testimonium dicentes seniores, *Venit, inquiunt, ad eam adolescens, qui erat in latenti absconditus, et concubuit cum ea.* Daniel autem de hoc ipso interrogans, ait, *Sub qua arbore vidisti eos colloquentes :* quod illi dixerant, concubuit cum ea. Deinde alterum arguens atque convincens dixit, *Semen Chanaan, et non Juda, species delectavit te, et illa concupiscentia evertit cor tuum : sic enim faciebatis filiabus Israel, sed illæ timentes acquiescebant vobis* (Dan. xiii, 57, 54-58). Græcus autem habet ὡμιλίαν ὑπὲρ, quod posset latine verbum e verbo dici, Loquebantur vobis : quo significaretur concubitus. Nam ubi dicitur, *Sub qua arbore comprehendistis eos,* græcus habet, Comprehendistis eos colloquentes invicem : et illic significatur concubitus.

Quod ergo de hac de qua agitur adjungit Scriptura, et dicit, *Si autem tria hæc non fecerit ei, exhibit gratis,* hoc intelligitur, *Si eam ipse concubitu non humiliaverit, neque filio suo conjunxerit, neque alia a filio suo ducta istam ejecerit, abibit gratis,* id est sufficiet ei non teneri in servitute. Abibit enim nihil accipiens, ut servus Hebræus. Non enim licet domino ejus copulare illam viro non Hebræo, quam non licet exteræ genti tradi. Si autem servo Hebræo eam copulaverit, hoc utique intelligitur, quod cum eo gratis exhibet, nequam a marito separata.

LXXXIX. [Ib. xxi, 12, 13.] *Si quis percusserit aliquem,* et mortuus fuerit, morte moriatur. Qui autem nolens, sed Deus tradidit in manus ejus, dabo tibi locum in quem fugiatur. Quæritur hoc quomodo dictum sit, *Si autem nolens, sed Deus tradidit in manus ejus ;* quasi etsi volens occiderit, posset occidere, nisi Deus traderet in manus ejus. Intelligitur ergo, tantummodo Deum fe-

cisse, cum quisque occiditur a nolente : et pro hoc quod tantummodo Deus id fecit, dictum est, *sed Deus tradidit in manus ejus.* Cum vero volens occidit, et ipse occidit, et Deus tradidit in manus ejus. Hoc ergo interest, quod illuc tantum Deus fecit : hic autem et Deus et homo, propter voluntatem facientis ; sed non sicut Deus homo. Deus enim non nisi justus, homo autem pœna dignus : non quia illum occidit quem Deus nollet occidi, sed quia per iniuriam. Non enim ministerium Deo jubenti præbuit, sed suæ malignæ cupiditati servivit. In uno igitur codemque facto et Deus de occulta æquitate laudatur, et homo de propria iniuritate punitur. Non enim quia Deus proprio Filio non pepercit, sed pro nobis omnibus tradidit illum (Rom. viii, 32), ideo Judas excusatus est, qui cumdem ad mortem tradidit Christum. (Matth. xxvi, 48).

LXXX. [Ib. xxi, 22-25.] Si autem litigabut duo viri, et percusserint mulierem in utero habentem<sup>1</sup>, et exierit infans ejus nondum formatus; detrimentum patietur, quantum indixerit vir mulieris, et dabit cum postulatione. Mihi videtur significationis alieujus causa dici hæc, magis quam Scripturam circa hujusmodi facta occupatam. Nam si illud attenderet, ne prægnans mulier percussa in abortum compelleretur, non poneret duos litigantes viros, cum possit et ab uno hoc admitti, qui cum ipsa muliere litigaverit, vel etiam non litigaverit, sed alienæ posteritati nocere volendo id fecerit. Quod vero non formatum puerperium noluit ad homicidium pertinere, profecto nec hominem deputavit quod tale in utero geritur. Hic de anima questio solet agitari, utrum quod formatum non est, ne animatum quidem possit intelligi, et ideo non sit homicidium, quia nec examinatum dici potest, si adhuc animam non habebat. Sequitur enim et dicit, *Si autem formatum fuerit, dabit animam pro anima.* Ubi quid aliud intelligitur, nisi ; et ipse morietur? Nam hoc et in cæteris ex hac occasione iam præcipit, *Oculum pro oculo, dentem pro dente, manum pro manu, pedem pro pede, combustionem pro combustione, vulnus pro vulnere, livorem pro livore :* talionis videlicet requitare. Quæ Lex ideo constituit, ut demonstraret quæ vindicta debeatur. Nisi enim per Legem sciretur quid vindictæ deberetur, unde sciretur quid venia relaxaret, ut dici posset, *Dimitte nobis debita nostra, sicut et nos dimittimus debitoribus nostris.* (Id. vi, 12.) Debtores igitur Lege monstrantur, ut quando ignoscitur appareat quid dimittatur. Neque enim debita dimitteremus, nisi quid nobis deberetur Lege indice disceremus. Si ergo illud informe puerperium jam quidem fuerit, sed adhuc quodammodo informiter animatum (quoniam magna de anima questio non est præcipitanda indiscussæ temeritate sententia), ideo Lex noluit ad homicidium pertinere, quia nondum dici potest anima viva in eo corpore quod sensu caret, si talis est in carne nondum formatæ, et ideo nondum sensibus prædicta. Quod autem dixit, *Et dabit cum postulatione quod maritus mulieris, informi ex-*

<sup>1</sup> Ita melioris notæ MSS. juxta LXX, et syriacam, chaldaicam, samaritanam atque arabicam versionem. At editi ferunt, et percusserit quis mulierem factum in utero habentem.

cluso, dandum constituerit, non est in promptu intelligere : ἀξιωματικῶς quippe, quod græcus habet, pluribus modis intelligitur, et tolerabilius cum postulatione dictum est, quam si aliud diceretur. Fortassis enim postulabit ut det, ut eo modo<sup>1</sup> satis Deo faciat, etiamsi maritus mulierve non expetat.

LXXXI. [lb. xxi, 28.] Si autem cornu percusserit taurus virum aut mulierem, et mortuus fuerit, lapidibus lapidabitur taurus, et non manducabuntur carnes ejus; dominus autem tauri innocens erit. Ad justitiam pertinet ut animal hominibus noxiū perimatur, et quod de tāro positum est, a parte totum intelligendum est, quidquid in pecoribus usui humano subditis infestum est hominibus. Sed si necesse est occidi, numquid lapidari? Quid interest enim animal, quod auferendum est, qua morte auferatur? Deinde quod addidit, carnibus ejus non esse vescendum, quo pertinet, nisi omnia ista significant aliquid, quod Scriptura maxime solet intueri?

LXXXII. [lb. xxi, 35.] Si autem cornu percusserit alicuius taurus taurum proximi, et mortuus fuerit, vendent taurum vivum, et partientur pretium ejus, et taurum qui mortuus fuerit disperuentur. Numquid in solo tauro hæc justificatio servanda est, et non de omni pecori in tali casu? Poinde a parte totum et hoc intelligendum est: sed hoc de carnibus occisi pecoris fieri non potest, quæ non vescuntur.

LXXXIII. [lb. xxii, 1.] Quæ justificatio est ut pro vitulo uno quinque reddantur, pro ove autem quatuor, nisi aliquid significare intelligatur?

LXXXIV. [lb. xxii, 2.] Si autem perfodiens inventus fuerit fur, et percussus mortuus fuerit, non est illi homicidium. Si autem orietur sol super eum, reus est; pro morte morietur<sup>2</sup>. Intelligitur ergo tunc non pertinere ad homicidium, si fur nocturnus occiditur: si autem diurnus, pertinere. Hoc est enim quod ait, si orietur sol super eum. Poterat quippe discerni quod ad furandum, non ad occidendum venisset, et ideo non deberet occidi. Hoc et in legibus antiquis (*a*) sacerularibus, quibus tamen ista est antiquior, invenitur, impune occidi nocturnum furem quoquo modo, diurnum autem si se telo defenderit: jam enim plus est quam fur.

LXXXV. [lb. xxii, 9.] Quid est, qui convictus fuerit per Deum, restituat duplo; nisi quia vult Deus aliquando signo dato prodere pojerantem?

LXXXVI. [lb. xxii, 28.] Deos non maledices. Quæruntur quos dixerit deos; utrum principes qui judicant populum, sicut dictum est de Moyse, quod datus fuerat deus Pharaoni (*Exod. viii, 1*): ut por expositionem sit dictum quod sequitur, velut ostendendo quos dixerit deos, ubi ait, Et principem populi tui non maledices: quod græcus habet, non dices male. An secundum illud

<sup>1</sup> Editiones Am. Er. et Lov., postulabit ut de eo modo. Rat. et septem MSS., postularit ut det eo modo. Alii quinque MSS. probæ notæ, postulabit ut det, ut eo modo. Forte legendum, postulabit judez ut eo modo. Au potius negatione præfixa, non postulabit ut det, ut eo modo, etc.?

<sup>2</sup> In excusis, et morte mortetur. In MSS., pro morte morietur: id est vicissim juxta græc. LXX, antapothanetai.

(a) scilicet in xii Tabulis, e quibus hæc ipsa lex profertur a Cleerone in Orat. pro nullo.

accipierendum est, quod Apostolus ait, Nam eti sunt qui dicuntur dñi, sive in caelo, sive in terra, sicuti sunt dñi multi et domini multi (*1 Cor. viii, 5*); addendo enim, sicuti sunt, deos intelligi voluit, qui digne etiam dicuntur: ita sane ut λαρπαζ quæ dicitur græce, et interpretatur latine servitus, sed ea quæ ad religionem pertinere intelligitur, non debeatur nisi uni Deo vero, qui nobis est Deus? Illi autem qui dicuntur dñi, etiam si qui sunt qui merito dicuntur, prohibiti sunt maledici, neque jussi sunt sacrificiis vel ullis latræ obsequiis honorari.

LXXXVII. [lb. xxiii, 2.] Non eris cum pluribus in malitia. Ne se inde quisquam defendat, quia cum pluribus fecit, aut ideo putet non esse peccatum.

LXXXVIII. [lb. xxiii, 3.] Et pauperis non misereberis in iudicio. Nisi addidisset, in iudicio, magna esset quæstio. Sed intelligendum esset, etiam si scriptum non esset. Supra enim dixerat, Non apponeris cum multitudo, declinare cum pluribus, ut declines iudicium: ac per hoc, Et pauperis non misereberis, possit intelligi, in iudicio. Sed cum additum est, nulla quæstio est hoc esse præceptum, ne forte cum iudicamus, videamus justitiam esse pro divite contra pauperem, et nobis recte facere videamur si contra justitiam pauperi faveamus causa misericordie. Bona est ergo misericordia, sed non debet esse contra iudicium. Judicium sane illud appellat Scriptura, quod justum est. Ne quis autem propter istam sententiam Deum putaret misericordiam prohibere, quod sequitur, opportunissime sequitur: Si autem obviaveris oīri inimici tui, aut subjugali ejus, errantibus, reducens rediles ei: ut scias non te prohibitum facere misericordiam, fac etiam erga inimicos tuos, cum potestas est a iudicando libera; non enim cum reducis errantem bovem inimici tui et reddit, inter aliquos iudex residcs.

LXXXIX. [lb. xxiii, 10, 11.] Sex annis seminabis terram tuam, et colliges fructum ejus; septimo autem anno remissionem facies, et requiem dabis illi: et eden pauperes gentis tue; quæ autem superabunt edent ferre bestiæ. Sic facies vineam tuam et olivetum tuum. Quæ potest quid colligant pauperes, si septimo anno ita parcit terræ, ut nec seminetur quidem. Non enim ad vineam et olivetum pertinet quod dictum est, Eden pauperes gentis tue; quia de terra non seminata nihil possunt sumere, ubi segetes nasci non possunt: de vinea enim et oliveto postea dieit similiter esse faciendum; ac per hoc illud de arvis intelligitur, quæ frumentis serviunt. An sic accipiendo, Sex annis seminabis terram tuam, et colliges fructus ejus, hoc est, Sex annis seminabis, et colliges; septimo vero non colliges, ut intelligatur seminabis, etiamsi dictum non est: ut ad sex annos seminare et colligere pertineat, ad septimum vero dimittere quod fuerit seminatum? Nam quid inde habebunt pauperes, quorum residuum etiam feri bestiæ dedit, eis videlicet quæ illis frugibus vesci possint, sicut sunt apri, et cervi, et si quid hujusmodi? Quod tamen non diceretur, nisi aliquis significationis grata. Nam si quod attinet ad præceptum quæ hominibus data sunt, de bobus cura non est Deo (*Id. ix, 9*); quod non sic intelligitur, tanquam non

ipse pascat ea quæ nec seminant, nec metunt, neque congregant in horreum, sed quia ei curæ non est præcepto monere hominem, quomodo bovi suo consulat: quanto minus ei cura est de feris bestiis præcipere, quomodo illis ab hominibus consulatur, cum eas ipse pascat diuitiis naturæ usquequoque fructiferæ, qui eas etiam per alios sex annos pascit, cum colliguntur quæ seminantur?

**XC.** [Ib. xxiii, 19.] *Non coques agnum in lacte matris suæ.* Quomodo intelligatur ad verborum proprietatem nescio utrum possit reperiri. Si enim alicuius significationis causa prohibitum accepimus agnum in lacte coqui, nullus usus est ita coquendi. Si autem in diebus quibus lactatur, quis hoc habuit unquam Iudeorum in observatione, ut agnum non coqueret, nisi cum desisteret sugere? Quid est autem in lacte matris suæ; quasi posset, etiamsi hoc intelligeretur, sine hujus præcepti transgressione coqui, si eo nato mortua matre ejus, ab ove alia lactaretur? cum alicuius profecto rei significandæ causa esse præceptum nemo ambigat. Sed etiam illa quæ possunt observantia factari, non sine causa ita præcepta sunt; significant enim aliquid. Ille vero quomodo observetur ad proprietatem verborum aut non est, aut non eluet. Intellexum tamen de Christo approbo, quod hac prophetia prædictus est non occidens a Iudeis infans, quando Herodes querens eum ut occideret, non invenit (Matth. ii, 13-16); ut coquas quod dictum est, pertineat ad ignem passionis, hoc est, tribulationem. Unde dicitur: *Vasa figuli probat fornax, et homines justos tentatio tribulationis* (Eccli. xxvii, 6). Quia ergo non est tunc infans passus, cum querente Herode hujusmodi periculum imminere videretur, prædictum est his verbis, *Non coquas agnum in lacte matris suæ.* Illud quoque forsitan non absurdum est, quod alii dicunt, id esse præceptum per Prophetam, ne se boni Israëlitæ sociarent malis Iudeis, a quibus Christus passus est tanquam agnus in lacte matris suæ, id est, eo tempore quo conceptus est. Dicuntur enim feminæ ex quo conceperint, lac colligere: illo autem mense conceptum et passum esse Christum, et Paschæ observatio, et dies Ecclesiis notissimus nativitatis ejus ostendit. Qui enim mense nono natus est octavo calendis januarias, profecto mense primo conceptus est circa octavum calendas aprilis, quod tempus etiam passionis ejus fuit in lacte matris suæ, hoc est, in diebus matris sue<sup>1</sup>.

<sup>1</sup> Acedit alia expositio in Questionum codice Corbeiensi late annis circiter octingentos scripto reperta his verbis: *Ei aliis census facilius, Non coquas agnum in lacte matris sue; parvulos adhuc et lactentes, qualibus dicit apostolus, lac nobis potius dedi non escam, non mites in præproperam passionem, tanquam Christo sit dictum, qui talibus adhuc discipulis pepercit, pro quibus se offerens ait, si ergo me queritis, sinite hos abiire. Atque ut intelligeretur adhuc eos brevidos et minus idoneos fuisse passionem tanquam agnos in luce matris, secutus aut Evangelista: Et impleretur sermo quem dixerat, quos dedisti mihi non perdidisti ex eis quenquam. Iude apparet eos, si tunc patenterunt, fuisse periturae. Hoc enim tunc non passi sunt, quod postea passi sunt, non adhuc agnū in lacte, sed jam arietes in grege.* Sunt et alia quedam ad hanc expositionem præmissa in eodem capitulo, sed omnia profecto e margine in contextum per agnauensem translata. Nam absunt prorsus a ceteris que-

**XCI.** [Ib. xxiii, 20, 21.] *Ecce ego mittó angelum meum ante faciem tuam, ut servet te in via, ut inducat te in terram quam paravi tibi. Attende tibi, et exaudi eum, ne non credas illi: nichil enim subtrahet tibi; nomen enim meum est super eum.* Ille de illo nimis intelligitur, cui nomen inutatum est, ut Jesus<sup>2</sup> vocatur: ipse quippe introduxit populum in terram promissionis.

**XCII.** [Ib. xxiii, 25-27.] *Et serries Domino Deo tuo; et benedicam panem tuum, et vinum tuum, et aquam tuam, et avertam infirmitatem a vobis. Non erit qui non generet, neque sterilis super terram tuam.* Numerum dicrum tuorum replebo. *Et timorem mittam qui te antecedat; et amentes faciam omnes gentes in quas tu intrabis,* etc. Quavis iste promissiones possint et spiritualiter intelligi, tamen cum secundum temporalem hominum felicitatem intelliguntur, ad Vetus Testamentum pertinent: ubi quæcumque præcepta, exceptis his quæ in sacramento aliquid significant, eadem ad mores bonos pertinentia reperiantur, promissiones tamen carnales atque terrene sunt. Unde in psalmo septuagesimo secundo pene lapsos et effusos gressus suos homo Dei dicit, cum zelaret in peccatoribus pacem peccatorum intuens. Ea quippe cernebat abundare impiis, quæ ipse secundum Testamentum Vetus exspectabat a Domino Deo, cui hac mercede serviebat. Et cum hinc ei subrepere ceperisset sensus impius, quod Deum non curare existimaret humana, corruptum se dicit, dum auctoritatem sanctorum non est ausus improbare, et incepit cognoscere, et ait, *Hoc labor est ante me, donec introeam in sanctuarium Dei, et intelligam in novissima* (Psal. lxxii, 2-17). Ibi enim premia dabuntur ad Novum pertinentia Testamentum, quæ impiorum non accipient: et poenæ tunc futuræ sunt impiorum, quas nullus piorum sensurus est.

**XCIII.** [Ib. xxiii, 28.] *Et mittam vespas ante te, et ejiciet Amorrhæos, Evæos, Chananæos, et Chettæos a te.* Quæritur de his vespis quid intelligendum sit. Nam et promittit hoc Deus, et liber Sapientiae dicit implerum, ubi ait: *Et misit antecessores exercitus sui respas* (Sap. xi, 8). Non autem legitimus factum, neque Moysi temporibus, neque sub Iesu Nave, neque sub judicibus, neque sub regibus. Ac per hoc vespæ istæ aculei timoris intelligendi sunt fortasse, quibus agitabantur memoratae gentes, ut cederent filiis Israhel. Deus enim loquitur, in cuius sermone si figurate aliquid dicatur,

stionum codicibus: exstant vero in duabus nostris MSS. collectionis Eusebii, in uno quidem continua serie, at in altero cum ejusmodi præmonitione, *Hinc iam ex alio opere S. Augustini quæ sequuntur adjecta sunt.* Itaque suspicamur Questionum exemplarum illud, quo usus est scriptor codicis Corbeiensis primo laudati, habuisse ea quæ Eusebius abbas, etate Augustino prope equalis sua manu annotaverat. Sic enim in lib. 1, super Genes., quest. 117, n. 5, ante illa verba, *Nulla timor est facilius, etc.* descripsit illi in medio contextu, *Ab hinc scribendum;* quæ fuerat, uti oī in animo, annotatione Eusebii, in præcipientis exscribi sequentia, quæ hodie in ipsius collectione reperiuntur.

<sup>1</sup> Am. Fr. et Iov., Israel sed verius MSS. et Rat., Iesus: is est Josue.

<sup>2</sup> Cr. et Iov., ejiciam; pro quo MSS. nection Rat. et Am., ejiciet, scilicet, vespa: ubi a plurali numero fit transitus ad singulari, quemadmodum explicatur in Locutionum lib. 2. locut. 107.

quod ad proprietatem non sit impletum, non impedit historiæ fidem, in qua perspicitur veritas narrationis. Sicut nec Evangelistarum narratio secundum proprietatem impeditur, si aliquid a Christo dicitur figurate.

XCVI. [Ib. xxiii, 33.] *Si servieris diis eorum, erunt tibi offendiculum. Hic græcus δουλεύεις habet, non λατρεύεις.* Unde intelligitur, quia et δολεῖα debetur Deo tanquam Domino, λατρεῖα vero non nisi Deo tanquam Deo.

XCV. [Ib. xxiv, 1-3.] *Et Moysi dixit, Ascende ad Dominum tu, et Aaron, et Nadab, et Abiud, et septuaginta seniorum Israel : et adorabunt a longe Dominum ; et accedet Moyses solus ad Dominum, ipsi autem non accedent : populus autem non assendet cum illis. Introit introit Moyses, et narravit populo omnia verba Dei et justificationes. Respondit autem omnis populus voce una dicentes, Omnia verba quæ locutus est Dominus, faciemus, et audiemus.* Usque ad hunc locum Scripturæ justificationes intelliguntur quæ date sunt populo ad observandum. Incipiunt autem quantum ipsa verba Scripturæ indicant, unde hoc nomen justificationum exorsum est ab illo servo Ilebraeo cui auris ad postem pertunditur. In quibus omnibus justificationibus considerandum est, que inde ad agendam vitam et munus bonorum conservationem duci possint. Multa quippe in eis sunt sacramenta significantia potius aliquid, quam vitam nostram instruentia. Justifications sane latini interpres eas esse dixerunt, quæ græci δικαιώματα appellant.

XCVI. [Ib. xxiv, 3.] Notandum est quod iterum populus ita respondet, *Omnia verba quæ locutus est Dominus faciemus, et audiemus*; cum videatur ordo postulare ut diceretur, audiemus, et faciemus. Sed mirum nisi aliquis sensus hic latet. Nam si audiemus, pro eo positum est quod est intelligimus, prius oportet verbis Dei reddere faciendi servitutem, ut ad intelligentiam earum rerum quæ ipso præcipiente fiunt, merito devotionis, qua non contemptæ, sed factæ sunt, ipse perducat. Sed videndum est, utrum iste populus illi filio similis inveniatur qui patri jubenti dixit, *Ibo in vineam, et non iit* (Matth. xxi, 30). Gentes enim quæ Dominum penitus contempserunt, postea per unius obedientiam justificatae, quæ non sectabantur justitiam, apprebenderunt justitiam (Rom. ix, 30).

XCVII. [Ib. xxiv, 4.] Notandum quod *Moyses ædificavit altare sub monte, et duodecim lapides in duodecim tribus Israel.* Intelligitur enim ex duodecim lapidibus altare ædificatum, significasse ipsum populum esse altare Dei, sicut est templum Dei (II Cor. vi, 16.)

XCVIII. [Ib. xxiv, 5.] *Et immolaverunt hostiam salutaris Deo.* Non dixit, hostiam salutarem, sed, *hostiam salutaris*; quod græcus habet ὁμοηπλοῦ. Unde in Psalmo, *Calicem*, inquit, *salutaris accipiam* (Psal. cxv, 15) : non dixit, calicem salutarem. Ubi videndum est, ne forte ille significetur, de quo dixit Simeon, *Quoniam iverunt oculi mei salutare tuum* (Luc. ii, 30). Hunc enim et Psalmus commendat ubi legitur, *Bene nuntiate diem ex die salutare ejus* (Psal. xcvi, 2). Quid est

enim aliud, si diligenter attendamus, quod ait *diem ex die*, nisi lumen ex lumine, hoc est Deus ex Deo, quod est unigenitus Filius ?

XCIX. [Ib. xxiv, 6, 7.] *Sumens autem Moyses dimidiavit partem sanguinis, infudit in craterem, et parte reliquam sanguinis affudit ad altare : et accipiens librum Testamenti recitat in aures populi.* Notandum est, nunc primum sacrificasse Moysen evidenter Scripturam dicere, ex quo ex Ægypto eductus est populus. Primo enim de Jothor dictum erat socero ejus, quamvis cum aliqua ambiguitate, quod immolaverit Deo (Exod. xviii, 12). Et advertendum librum Testamenti cum sanguine hostiac recitari, in quo libro illas justificationes conscriptas debemus accipere. Nam decalogum Legis in tabulis lapideis suis conscriptum postea manifestum est.

C. [Ib. xxiv, 7.] *Et dixerunt, Omnia quæcumque locutus est Dominus, faciemus, et audiemus.* Non aliter respondent ecce jam tertio.

CI. [Ib. xxiv, 9.] *Et ascendit Moyses, et Aaron, et Nadab, et Abiud, et septuaginta seniorum Israei : et viderunt locum ubi steterat ibi Deus Israel.* Constat inter eos qui recte intelligunt, nullo Deum continxerit loco, nec aliquo velut situ corporis membra ponere, sicut est nostri corporis, sedere, jacere, stare, et si quid hujusmodi est. Haec enim non sunt nisi corporum, Deus autem spiritus est (Joan. iv, 24). Quod ergo se ostendit specie corporali vel signis corporaliter expressis, non substantia ejus appetet, qua est ipse quod est, sed assumptio formarum visibilium ejus omnipotentiae subjet.

CII. [Ib. xxiv, 11, 10.] *Et de electis Israel non dissonauit nec unus : et apparuerunt in loco Dei, et manducaverunt, et biberunt.* Quis dubitet illos quos nominatim expressit, et septuaginta seniores, nunc appellatos electos Israei ? qui procul dubio personam gerebant eorum qui electi sunt in populo Dei. Non enim omnium est fides (II Thess. iii, 2) : et novit Dominus qui sunt ejus. In magna autem domo sunt alia vasa in honorem, alia in contumeliam (II Tim. ii, 19, 20). Quoniam ergo quos ante præscivit, et prædestinavit; quos autem prædestinavit, illos et vocavit; quos autem vocavit, ipsos et justificavit; quos autem justificavit, ipsos et glorificavit (Rom. viii, 30) : profecto de electis Israeli non dissonuit nec unus. Significantur autem quaternario numero in Moyse et Aaron et Nadab et Abiud, propter quatuor Evangelia, et totius orbis, qui in quatuor partes dividitur, promissionem : et septuaginta de senioribus Israeli, numero scilicet septenario decuplato, qui pertinet ad significandum Spiritum sanctum. Sapphiro autem significatur vita cœlestis, maxime quia dictum est, *sicut aspectus firmamentum.* Firmamentum autem cœlum appellari quis nesciat ? Et forma lateris in eodem sapphiro quadraturam ipsam, vel stabilitatem, vel ejusdem quaternarii numeri sacramentum figurat. Quod autem manducant et bibunt in loco Dei, suavitatem saturitatemque significat in illo regno æternitatis. Beati enim qui esuriunt et sitiunt justitiam ; quoniam ipsi saturabuntur (Matth.

**v. 6).** Unde et Dominus dicit venturos multos (quos utique, nisi electos, præscitos, prædestinatos, vocatos, justificatos, glorificatos?), et recubituros cum Abraham et Isaac et Jacob in regno cœlorum (*Matth. viii, 11*). Nam et alio loco ipse hoc promittit fidelibus suis, quod faciat eos recumbere, et transeat, et ministret eis (*Lue. xii, 37*).

**CIII.** [Ib. xxiv, 13.] Quid sibi vult quod Jesus Nave, non commemoratus in illis quatuor, subito cum Moyse apparet, et eum illo ascendit in montem ad accipendas tabulas Legis; et subito rursus idem Jesus absconditur, id est tacetur; et Moyses accepit Legem in duabus tabulis, et cum eo iterum appareret? An forte significat Novum Testamentum nomine Jesu, et abscindit esse in Lege, et aliquando apparere intelligentibus? Quod vero Jesus jam vocatur, cum in libro Numerorum quando id nomen acceperit Scriptura testetur, cum jam prope esset ut terram promissionis intrarent (*Num. xiii, 17*), per prolepsim, hoc est per præoccupationem anticipat Scriptura quod postea factum est. Omnia quippe ista posteaquam facta sunt, scripta sunt; ac per hoc quando factum est quod modo commemoratur, nondum vocabatur Jesus, sed quando scriptum est jam hoc vocabatur.

**CIV.** [Ib. xxv, 11, 12.] *Et facies in ea cymatia aurea versatilia in circuitu.* Cymatia dixit, que in quadratura exstant per quatuor partes, sicut mensæ quadræ fieri solent. Nec quod ait *versatilia*, mobilia debemus accipere. Fixa sunt enim, sicut dixi mensas habere solidas: sed *versatilia* dixit, tortilia, que græce vocantur ἀττεπτά; vel canalibus, sicut sunt columnæ tortiles; aut implicatis duabus virgulis in modum restis, sicut etiam torques fieri solent. Quod autem ait, *Et fabricabis illi quatuor annulos aureos, et impones super quatuor latera: duos annulos in latus unum, et duos annulos in latus secundum;* ad quatuor angulos occurunt quatuor annuli singuli in singulis, et per angulorum numerum sit ut quod in duobus lateribus ponitur, in omnibus quatuor ponatur. Unus enim angulus duobus lateribus communis est: alioquin non occurrit ut bini annuli ponantur per quatuor latera, cum sint quatuor annuli; octo quippe esse debuerunt, si aliter intelligimus, quam quod dixi fieri numero angulorum. Ad hoc enim annuli in angulis ponuntur, quo inducantur subportatoria vel gestatoria, quibus area a quatuor hominibus hinc atque inde portetur.

**CV.** [Ib. xxv, 17.] Propitiatorium quid dicat superimponendum super arcam, quæri solet: sed cum aureum fieri jubeat, ejusque longitudinem et latitudinem tantam exprimat, quanta et ipsius arcæ dicta est, procul dubio velut tabulam auream tante formæ fieri præcipit, qua tegetur arca; ita ut in ipso propitiatorio essent duo Cherubim, hinc atque inde alterutrum attentes, ita ut vultus eorum in propitiatoriū essent, et pennis suis obumbrarent propitiatorium: quod magnum est sacramentum. Aurum quippe significat sapientiam, arca significat secretum Dei. In arca jussa sunt poni Lex, et manna, et virga Aaron: in Lege præcepta sunt, virga potestas significatur,

manna gratia; quia nisi cum gratia non est potestas præcepta faciendi. Verumtamen quia Lex a quovis proficiente non ex omni parte completur, propitiatorium est desuper. Ad hoc enim opus est ut propitius sit Deus, et ideo desuper ponitur, quia superexultat misericordia iudicio (*Jacobi ii, 13*). Duo vero Cherubim pennis suis obumbrant propitiatorium, id est, honorant velando; quoniam mysteria ista ibi sunt; et invicem se attendunt, quia consonant; duo quippe ibi Testamenta figurantur: et vultus eorum sunt in propitiatorium, quia misericordiam Dei, in qua una spes est, valde commendant. Denique hinc se promisit locutum Deus ad Moysen de medio Cherubim deorsum propitiatorii. Porro si creatura rationalis in multitudine scientiæ, quoniam hanc interpretationem habent Cherubim, duobus ipsis animalibus significatur; ideo duo sunt, ut societatem charitatis commendant; ideo pennis suis propitiatorium obumbrant, quia Deo non sibi tribunt pennas suas, id est, Deum honorant virtutibus, quibus præstant: et vultus eorum non sunt nisi in propitiatorium, quia cuicunque profectui ad multitudinem scientiæ spes non est, nisi in Dei misericordia.

**CVI.** [Ib. xxv, 27.] Quod ait, *Erunt annuli in thecis<sup>1</sup> subportatoriis ad tollendam mensam*, hoc intelligendum est, quod annuli essent velut thecae subportatoriorum; id est, quo subportatoria tanquam in thecas inducantur. *Erunt* quippe in thecis, ita dictum est, tanquam diceretur, Erunt pro thecis.

**CVII.** [Ib. xxvi, 1.] Decem aukorum jubet fieri tabernaculum, cum sit decalogus Legis. Aukra vero significant latitudinem, propter facilitatem. Charitas quippe plenitudo Legis est (*Rom. xiii, 10*): et non nisi charitati sunt præcepta facilia: unde ipsa dilatatio commendatur, cum dicitur, *Dilatasti gressus meos subtus me, et non sunt infirmata vestigia mea* (*Psal. xvii, 37*). Sed quoniam ista dilatatio per gratiam sit Dei; charitas enim Dei diffusa est in cordibus nostris, non per nosippos, sed per Spiritum sanctum qui datus est nobis (*Rom. v, 5*); ideo hic mystice ipse numerus etiam commendatur, qui pertinet etiam ad Spiritum sanctum, per quem Lex possit impleri. Dicitur enim aukra longitudinem habere debere in cubitis viginti octo. Iste autem numerus, quia per septenarium dividendus est, significavit, cum dicit latitudinem aukæ in cubitis quatuor. Quater enim septem sunt viginti octo. Et est etiam iste numerus perfectus; quia sicut senarius, suis partibus constat. Quod vero tam sëpe dicit, *Cherubim facies ea opere textoris*, quid aliud quam in his ornatis multitudinem scientiæ commendat, quod interpretatur *Cherubim*?

**CVIII.** [Ib. xxvi, 7.] *Et facies vela capillacia operire super tabernaculum; undecim vela facies ea.* Quæ capillacia vela sunt, id est, cilicina, undecim dicuntur

<sup>1</sup> Apud LXX, *eis thēkas tois anaphoreūsei*. Legendum ergo, in thecas, licet codices omnes habeant, in thecis subportatoriis: nempe familiari vitio librariorū, qui rursum infra easdem voces casu et genere conciliandas in vicem putarunt; nam legebatur in hac tenus editis, velut thecae subportatoriæ ubi ex MSS. aliquot reponimus, subportatoriōrum.

esse. In peccatis quippe transgressio est. Transgressio vero undenario numero significatur, quoniam transgreditur denarium, hoc est, Legem: ideo ipsa undecim per septenarium multiplicata, faciunt septuaginta septem; ubi significavit Dominus universam remissionem peccatorum, dicens, *Non solum septies, verum etiam septuagies septies* (*Matth. xviii, 22*): quot generationes reperiuntur, cum Lucas a baptismō Domini enumerans sursum versus ascendit, et pervenit per Adam usque ad Deum (*Luc. iii, 25-38*). Ad hoc enim sit significatio peccatorum in his velis, ut per confessionem exprimantur, et per gratiam quae data est Ecclesiae aboleantur, hoc est legantur: unde dicitur, *Beati quorum remissae sunt iniuriae, et quorum lecta sunt peccata* (*Psal. xxxi, 1*). Deinde jubet ea vela cooperiri pellibus arietinis rubricatis. Aries autem rubricatus, cui non occurrat Christus passione cruentatus? Significantur his etiam martyres sancti, quorum orationibus propitiatur Deus peccatis populi sui. Ipsius denique superjacuntur pelles hyacinthinae, ut significet vita eterna viriditate, tanquam vigore perpetuo.

CIX. [Ib. xxvi, 17.] *Facies duos anconicos columnas uni consistentes ex adverso: hoc est, unum hinc, et unum inde, de lateribus columnae.* Anconicos autem dicit, quos vulgo vocamus ancones, sicut sunt in columnis collarum viniarium, quibus incumbunt ligna quae cupas ferunt. Ducta est autem similitudo verbi a cubitis, ubi flectuntur manus, quibus incumbunt recumbentes, qui græce ἀνέστης vocantur.

CX. [Ib. xxvi, 21.] *Bases columnarum duas uni.* Bases non eas tantum videtur dicere Scriptura, quibus columnæ ab imo fulciuntur; sed etiam superiores, quæ capitella nos dicimus. Ideo dicit, *duas bases columnas uni in ambas partes ejus.* Nam quæ sunt ambe partes, nisi inferior et superior?

CXI. [Ib. xxvi, 25.] Quod octo columnas et bases earum sexdecim secundum supradictam rationem a posterioribus tabernaculi Scriptura dicit, cum superius sex dixerit, intelligitur annumeratis duabus angularibus octo fieri.

CXII. [Ib. xxvi, 33.] *Et dividet vobis velamen inter medium sanctum, et inter medium sanctum sanctorum:* id est, ut inter sanctum et sanctum sanctorum sit hoc velamen, de quo nunc loquitur, in quatuor columnis extensum. De hac differentia inter sanctum et sanctum sanctorum ad Hebreos Epistola loquitur (*Hebr. ix, 1-12*); quia ubi Area testimonii, ibi sanctum sanctorum, hoc est, intus ultra velum: foris autem mensa et candelabrum, et cetera quæ paulo ante dixit quemadmodum fierent, sancta dicta sunt, et non sancta sanctorum. Et significatur foris Vetus Testamentum, intus autem Novum, cum sit utrumque in lectione Veteris Testamenti, et expressum operibus, et significacione figuratum. Ac per hoc in sanctis figura est figura, quia figura est Veteris Testamenti: in sanctis autem sanctorum figura est ipsius veritatis, quia figura est Novi Testamenti. Totum quippe Vetus Testamentum in his rebus et celebrationibus, quæ ita observanda præcipiuntur, figura est.

CXIII. [Ib. xxvi, 1, 2.] De altari queritur quomodo tribus cubitis altum esse voluerit, cum tanta fere sit statura hominis altitudo. Quomodo ergo ministrabatur altari, cum gradus habere altare alio loco prohibeat? *Ne pudenda, inquit, tua reveles super illud* (*Exod. xx, 26*). Sed illic dicebat de altari quod terra vel lapidibus construendum esset, ubi gradus ipsi coadiutiati ad corpus altaris utique pertinerent: nunc vero de tabulis fieri altare præcipit, quo si apponenteret ad horam ministracionis aliquid ubi staret minister altaris, et peracto ministerio tolleretur, ad corpus altaris non utique pertineret. Item queritur quomodo super altare ligneum sacrificium quod inferebatur, posset incendi; præsentim quia concavum fieri jubet, et craticulam deponi usque ad medium ejus, id est medium concavitatis ejus, opere factum reticulato. An quoniam dixit, *Et facies cornua in quatuor angulos, ex seipso erunt cornua, et teges illa æramento, non ad sola cornua referendum est quod ait, teges illa æramento, sed ad omnia de quibus loquebatur, de altari fabricando præcipiens?*

CXIV. [Ib. xxviii, 3.] *Et tu loquere omnibus sapientibus mente, quos replevi spiritu intellectus: αἰσθητοι quidem græci habet, quem latine sensum, non intellectum dicere solemus; sed Scriptura de sensu interiori, quem intellectum vocamus, sic loqui solet, sicuti est ad Hebreos, Perfectorum est autem solidus cibus, eorum qui per habitum exercitatos habent sensus ad discernendum bonum et malum* (*Hebr. v, 14*). Ibi enim quod posuit sensus, græci habet αἰσθητοι. Quem ergo istum spiritum, nisi Spiritum sanctum debemus accipere?

[Ib. xxviii, 4.] *Et stolas quas facient, pectoralem, humeralem, et tunicam tularem, et tunicam cum corymbis.* Has appellatas stolas esse et cetera, cum superius unam stolam faciendam proposuisset, notandum est. Tunicam vero cum corymbis honestius putarunt latini interpretes dici, quam si dicerent cum cirris, qui bene dispositi ornamento esse vestibus solent.

CXV. [Ib. xxviii, 4, 16, 9, 10.] Aspidiscas in ueste sacerdotali quas dicat? utrum scutulas, quæ a scuto latine appellantur, quia et Græci scutum ἄσπιδα appellant? an vero aspidiscas propter diligenter colligandum dicit ab aspide serpente, sicut etiam murenula<sup>1</sup> appellantur? *Spithamis autem longitudo, et spithamis latitudo: Latini quidam interpretati sunt, mensuram extente palmæ a fine pollicis usque ad finem digiti minimi.* Item quod dicitur, *Sumes duos lapides onyx-*

<sup>1</sup> Edili, tunicam cum cornibus: item infra, cum cornibus honestius putarunt, etc. Mirum si cui visum est id honestius dicere. Porro MSS. constantes habent, cum corymbis: quo proprio vocabulo significantur hederarum racemii, ex Ilinio, lib. 16, cap. 34; et ex servio, ad illud Virgil. Eleg. 3, v. 39:

Difusos hedera vestit pallente corymbos.

Græca versio LXX habet hic, *χιτῶνα κορυβόλον*, id est vestem limbriatam, seu potius cirratam, aut cum cirris, ut insinuat Augustinus.

<sup>2</sup> Apud hat. et antiquiores MSS., *murenae*.

<sup>3</sup> Ita in MSS. At in excusis, *spithamis*: licet apud LXX sit in genitive casu, *Spithamēs*. Eadem voce utuntur in Isa., cap. 40, v. 12, quam Hieronymus in eum locum sic interpretatur: « *Spithamē*, inquit, id est palmus, extensus si-« gnificat manum a pollice usque ad extremum dígitum. »

chinos, et sculps in eis nomina filiorum Israel; sex nomina in lapide uno, et sex reliqua in altero, juxta ordinem nativitatis eorum, an intelligendum, ut<sup>1</sup> lapides sint de nominibus filiorum Israel secundum nativitates eorum, id est secundum ordinem quo nati sunt?

CXVI. [lb. xxviii, 22.] *Et facies super rationale finitimas complectentes opus catenatum de auro puro.* Quod latini rationale interpretati sunt, inopia linguae fecit. Grecus enim habet λόγιον, non λογίκην. Rationale autem illud solemus appellare, quod Graeci dicunt λόγιον. Sed quoniam λόγος in græca lingua ambiguum est, utrum verbum significet, an rationem, quia utriusque rei nomen est; ubi putatum est a verbo dictum λόγος, eloquium nostri interpretati sunt: nam quod habemus, *Eloquia Domini, eloquia casta* (Psal. xi, 7), Graeci habent λόγια: hic vero in veste sacerdotali, quod ex auro et hyacintho et purpura et coco duplice torto et byssso duplice torta fieri præceptum est quadratum duplex, quod esset in pectore sacerdotis, et λόγος vocaretur, incertum utrum a ratione an a verbo ductum fuerit, interpretes nostri magis a ratione dictum putantes rationale appellaverunt.

CXVII. [lb. xxviii, 50.] *Et impones super rationale iudicium demonstrationem et veritatem.* Quid sibi hoc vellet, vel in quali re vel metallo poneretur super rationale demonstratio et veritas, quoniam talia dicit fieri in veste sacerdotis, qua corporaliter sunt<sup>2</sup>, invenire difficile est. Fabulantur tamen quidam lapidem fuisse, cuius color, sive ad adversa, sive ad prospera mutatur quando sacerdos intrabat in sancta: et hoc esse quod ait, *Et afferet Aaron iudicia filiorum Israel super pectus;* ostendens videlicet in illa demonstratione et veritate, quid de illis judicaverit Dominus. Quanquam possit intelligi demonstrationem et veritatem litteris impositam super λόγον.

CXVIII. [lb. xxviii, 31.] *Et facies tunicam talarem hyacinthinam;* id est, usque ad talos dependentem. *Et erit peristomium ex ea medium,* id est, qua caput ejiciatur: hoc est enim quod Graeci dicunt περιτόπους. *Oram habens in circuitu peristomii, opus textoris, commissuram contextam;* id est, ne ipsa ora extrinsecus assuratur: hoc videtur dicere, commissuram contextam. Unde etiam addidit, *ex ipso, ut ne rumpatur;* id est, ut ex se ipsa sit ipsa ora contexta cum veste.

CXIX. [lb. xxviii, 35.] *Et erit Aaron cum cæperit fungi sacerdotio, audietur vox ejus intranti in sanctum in conspectu Domini et exeunti, ut non moriatur:* intrantis et exeuntis vocem de tintinnabulis dixit audiiri, tantumque ibi pondus observationis posuit, ut diceret, *ne moriatur.* Testimonia ergo quedam significari voluit in veste sacerdotali, qua utique significatur Ecclesia, per hæc tintinnabula, ut nota sit conversatio sacerdotis: sicut Apostolus dicit, *Circa omnes te ipsum bonorum operum præbens exemplum* (Tit. ii, 7); aut illud, *Quæ audisti a me per multos testes,*

<sup>1</sup> In MSS. post vocem, *minimi*, proxime subsequitur: *Et lapides sint de nominibus filiorum Israel secundum nativitates eorum.* Qui est Exod., cap. 28, v. 21: nisi quod LXX habeat *kata onomata*, ubi Augustinus videtur legisse *kata genemata*.

<sup>2</sup> Unus e Vatic. MSS., ut fiant.

hæc eadem commendata fidibus, et iis qui idonei sunt et alios docere (Il Tim. ii, 2.) An quid aliud? magnum tamen est, quidquid illud est. *Intranti autem et exeunti, pro intrantis et exeuntis; locutio est. Vox pro sonitu; nani tintinnabulorum magis sonus quam vox est.*

CXX. [lb. xxviii, 36-58.] *Et facies laminam auream puram, et formabis in eadem formationem signi, sanctitatem Domini<sup>3</sup>; et impones illud super hyacinthum applicem tortam; et erit super mitram: secundum inspectum mitra erit; et erit supra frontem Aarón. Et auferet<sup>4</sup> Aaron peccata sanctorum quæcumque sanctificabunt filii Israel, omnis dati sanctorum eorum.* Quomodo formetur in lamina sanctitas Domini, non video, nisi aliquibus litteris, quas quidam quatuor esse dicunt hebraicis, quod, ut Graeci appellant, τετραγράμμα, nomen Dei ineffabile credunt fuisse, vel esse adhuc usque. Sed qualibet sint, vel quomodolibet se habent illæ litteræ, ut dixi, sanctitatem Domini, vel sanctificationem, si hoc magis dicendum est, quod grecus habet ἀλφαρά, nonnisi litteris in auro formari potuisse crediderim. Ibi autem dicit sacerdotem sanctorum auferre peccata, *Quæcumque sanctificabunt.* inquit, *filii Israel omnis dati sanctorum eorum:* quod arbitror dictum in eis sacrificiis quæ offerunt pro peccatis suis; ut non sanctorum hominum intelligentius, sed sanctorum ab eo quod sunt sancta quæ offeruntur pro peccatis. Cum ergo de lamina dixisset, adjunxit atque ait, *Et auferet Aaron peccata sanctorum, quæcumque sanctificabunt filii Israel omnis dati sanctorum eorum:* id est, sacerdos auferet quæcumque offerunt pro peccatis suis, quæ dicuntur et sancta, quia sanctificantur, et peccata, quia pro peccatis offeruntur; sicut multis locis hoc ipsum evidenter Scriptura commemorat. Quod autem adjungit et dicit, *Et erit super frontem Aaron semper acceptum illis in conspectu Domini, ad laminam illam revertitur; in qua intelligitur frontis ornementum<sup>5</sup>, fiducia bonæ vite, quam qui vere perfecteque, non significatione, sed veritate sacerdos habet, solus potest auferre peccata, nec habet necessitatem offerre pro suis.*

CXXI. [lb. xxviii, 41.] De Aaron et filiis Aaron cum præciperebant, loquens ad Moysen, quomodo vestirentur, et ungerentur, quid est quod ait, *Et implebis manus eorum, ut sacerdotio fungantur mihi?* An forte munieribus, quæ offerenda sunt Deo?

CXXII. [lb. xxviii, 42.] *Et facies eis femoralia linea tegere turpitudinem corporis<sup>6</sup> eorum; a lumbis usque*

<sup>1</sup> Am. Er. et Lov.: *Et formabis in eadem formatione sanctitatem Domini.* MSS. quinque, in ea deformationem signi, sanctitatem etc. Alii duo et lat., in ea deformationem signi, sanctitatem, etc. Nonnulli, in eadem formationem signi, etc. Porro legitur apud LXX: καὶ εκτύπσεις εν αὐτῷ εκτύπων οργανα Kuriou.

<sup>2</sup> Editi, ut auferat: pauloque post, omnis datus sanctorum eorum, reposuimus ad MSS. fidem, et auferat; tuncque, omnis dati: quæ etiam lectio est LXX.

<sup>3</sup> Removimus hinc verba quedam in melioris notæ MSS. non reperta. Nem̄ e sic in editis habebatur: *Ad laminam illam revertitur, in quo advertendum si inventi potest, quæ non habeat necessitatem pro suis offerre peccatis præter hoc istum, qui solus potest omnian auferre peccata: intelligitur frontis ornementum.*

<sup>4</sup> MSS. nostri constanter, *colorie.* Græcaversio LXX, charcos.

*ad femora erunt.* Cum vestis tanta cooperiat totum corpus, quid est quod ait, *Femoralia facies linea tegere turpitudinem corporis eorum*, quasi apparere posset tanta desuper veste adhibita? Nisi quia signum esse voluit in hoc castitatis vel continentiae: quæ ideo per indumentum significatur, ut non a seipso habita, sed data intelligatur.

CXXIII. [lb. xxix, 8, 9.] Cum de filiis Aaron loqueretur: *Et indues eos, inquit, tunicas, et cinges eos zonis, et circumdabis eis cidaras.* Quam dicit cidarim vel cidaras, quoniam non est interpretatum, nec in uso modo est, ignoratur: puto tamen non esse capitum tegumen, ut nonnulli putaverunt. Neque enim dicaret, *circumdabis eis*, nisi tale aliquid esset, quod non capiti, sed corpori usui esset.

CXXIV. [lb. xxix, 9.] *Et erit illis sacerdotium mihi in sempiternum.* Quomodo dicit *in sempiternum*, de his significativis rebus, superius saepe diximus. Nam utique mutatum est hoc sacerdotium, ut illud esset in æternum secundum ordinem Melchisedec, non secundum ordinem Aaron. Ibi enim et *juratio*, et nulla Dei pœnitudo, qua significetur mutatio. *Juravit enim Dominus, et non pœnitabit eum, Tu es, inquit, sacerdos in æternum secundum ordinem Melchisedec* (*Ps. cix, 4.*). De ordine autem Aaron dictum est quidem *in sempiternum*, vel propter tempus non præceptum quounque observaretur, vel quod res significaret æternas: nusquam est tamen dictum de sacerdotio Aaron, quia juravit Dominus et non pœnitabit eum. Et ideo dictum est in illo sacerdotio secundum ordinem Melchisedec, *Non pœnitabit eum, ut significaretur, quia de sacerdotio Aaron pœnituit eum, id est, mutavit illud.*

CXXV. [lb. xxix, 9.] Quid est, *Et consummabis manus Aaron, et munus filiorum ejus?* An per manus potestatem significavit, ut aliquid etiam ipsi consecrare possent: potestas autem ipsa sanctificatione consummabatur, qua præcepti sunt sanctificari a Moysi?

CXXVI. [lb. xxix, 10.] *Et adduces vitulum ad ostium tabernaculi testimonii, et superimponet Aaron et filii ejus manus suas super caput vituli in conspectu Domini.* Ecce unde supra dictum est, consummandas esse manus eorum, id est, perficiendam potestatem, ut etiam ipsi sanctificarent, quod modo fit, cum ponunt manus suas super vitulum immolandum.

CXXVII. [lb. xxix, 18.] Quod odor suavitatis Domino saepe dicitur sacrificium de victimis pecorum in Scripturis sanctis, non utique Deus odore sumi illius delectatur; sed tantum illud quod his significatur spiritualiter Deum delectat cum spiritualiter exhibetur, quoniam ipse odor Dei spiritualiter intelligitur. Non enim sicut nos odorem corporeis naribus ducit. Sicut ergo ille olefacit, sic ista significant.

CXXVIII. [lb. xxix, 26.] *Et sumes pectusculum de ariete consummationis, quod est Aaron;* id est, hujus Aaron<sup>1</sup>. Hoc enim pertinere voluit ad summum sacerdotem.

<sup>1</sup> Editi, id est, ipsius Aaron. At MSS., hujus: quo articulo indicat Augustinus nomen Aaron hoc Exodi loco ponit in lignandi casu.

CXXIX. [lb. xxix, 28-30.] *Et erit Aaron et filii ejus legitimum æternum a filiis Israel:* cum diceret de pectusculo et brachio victimarum. More illo ergo æternum dixit, quem saepe supra commemoravimus.

*Et stola sancti, quæ est Aaron, erit filii ejus post eum, ungere eos in ipsis, et consummare manus eorum.* Septem diebus vestiet se ea sacerdos qui successerit ei de filiis ejus, qui intrabit in tabernaculum testimonii deservire in sanctis. Hæc verba multas quæstiones habent. Nam primum hic notandum est, quomodo cum stola dixerit sancti, postea pluraliter dicit *ungere eos in ipsis*, tanquam in stolis. Nam et supra multas stolas eas dixerat, quibus una constaret. Quanquam ambiguum sit utrum *in ipsis* ab eo quod sunt ipsa genere neutro, quæcumque sunt quibus illa stola compleetur, id est vestis sacerdotalis: quod magis putandum est, ex eo quod in consequentibus dicit, *Septem diebus restiet se ea sacerdos qui successerit ei;* ea scilicet omnia quæ commemoravit, cum vestem sacerdotalem describeret. Repetivit sane quod supra dixerat, *consummare manus eorum:* unde quid mihi videbatur exposui (*Supra, quæst. 125.*) Quod vero ait, *Septem diebus vestiet se ea sacerdos,* numquid aliis diebus se non vestiet? Sed illis septem continuis intelligi voluit, quibus ejus sacerdotium quodammodo dedicatur, atque hebdomadis est in ejus inchoatione festivitas. Successorem autem Aaron eum dicit, *qui intrat in tabernaculum testimonii, deservire in sanctis:* eum scilicet significans, qui non poterat esse nisi unus, non quales erant et filii Aaron cum vivo patre suo, sed qualis successor ipsius Aaron. Quomodo ergo proprium dicit hujus unius esse, *intrare in tabernaculum testimonii, deservire in sanctis,* cum et illa quæ sunt extra velum, quo velantur sancta sanctorum. sancta appellantur, et tabernaculum testimonii etiam illud vocetur, ubi sunt sancta, id est mensa et candelabrum: ubi cum deserviant et sequentes sacerdotes ad mensam et candelabrum et ipsum altare, quomodo unum dicit successorem Aaron, qui *intrat in tabernaculum testimonii deservire in sanctis?* Si enim dixisset, Deservire in sanctis sanctorum, nulla esset questio. Ad hæc enim, ubi est arca testimonii, solus unus intrabat summus sacerdos: quod etiam in Epistola ad Hebreos diligentissime commendatur. Nisi forte eo ipso quod unum dicit *intrare in tabernaculum testimonii, deservire in sanctis,* non vult utique intelligi, nisi in sanctis sanctorum; quia et ipsa utique sancta appellantur. Non enim omnia quæ sancta sunt, etiam sancta sanctorum dici possunt: illa vero quæ sunt sancta sanctorum, procul dubio utique sancta sunt. Unus autem iste qui semel in anno intrabat in sancta sanctorum, quoniam Dominum Christum significabat, apertissime supradicta ad Hebreos Epistola commendatur (*Hebr. ix, 7-11.*) Quod autem præfiguratum est in sancto sanctorum, ut super arcam quæ Legem habebat, esset propitiatorium, ubi Dei misericordia significari intelligenda est, qua propitius fit eorum peccatis<sup>1</sup> qui Legem non implet; hoc mihi videatur

<sup>1</sup> Am. Fr. et Lov.: *Misericordia significatur, intelligendum*

etiam in ipsa veste sacerdotis significari : nam et ipsa quid aliud quam Ecclesie Sacraenta significat? Quod in λογίᾳ, id est rationali in pectore sacerdotis posito judicia constituit, in lamina vero sanctificationem et ablationem<sup>1</sup> peccatorum : tanquam rationale sit in pectore simile arcæ in qua Lex erat, et lamina illa in fronte, similis propitiatorio quod super arcam erat, et ut utroque servaretur quod scriptum est, *Superexsultat misericordia iudicio* (Jacobi, ii, 13).

CXXX. [Ib. xxix, 37.] Quid est quod purificatum et sanctificatum altare septem diebus dicit quod *sanc-tum sancti erit?* Altare non quidem dicit sanctum sanctorum, sicut est illud quod velo separatur, ubi est arca testimonii : verumtamen et hoc altare extra velum positum, per sanctificationem septem dierum dicit potius, quam<sup>2</sup> per unctionem fieri sanctum sancti. Et addit, *Omnis qui tetigerit altare, sanctificabitur.*

CXXXI. [Ib. xxx, 3, 4.] Cum de annulis loqueretur altaris incensi, quod altare non inerari, sed inaurari jussit, *Et duos annulos aureos puros facies; inquit, sub tortili corona ejus, in duo latera facies in duobus lateribus:* quoniam græcus habet, εἰς τὰ δύο κλῖτην ποιήσεις τὸ τοιοῦν δυοῦ πλευρῶν. Nam κλῖτη latera sunt, et πλευραὶ latera sunt. Unde quidam Latini sic interpretati sunt, *In duas partes facies in duobus lateribus.* Non autem ait Græcus μέτρα, quod est partes, sed κλῖτη, quod latera. Nam hoc verbum est in illo psalmo, ubi scriptum est : *Uxor tua sicut vinea fertilis in lateribus domini tue* (Psal. cxxvii, 3). Ac per hoc tantum casus interest, quia prius accusativi, post vero ablativum posuit, *In duo latera facies, in duobus lateribus erunt;* id est, ad duo latera facies annulos, quoniam in duobus lateribus erunt.

CXXXII. [Ib. xxx, 4.] *Et erunt arcus amitibus (a) ita ut tollatur illud in eis.* Quos annulos dixerat, arcus dicit. Annulos quippe pro rotundis ansis posuit. Et quid est aliud annulus vel circulus, nisi undique arcus? Ideo quidam nolentes arcu dicere, thecas interpretati sunt, quibus amites inducerentur, dicentes, *Et erunt thecae amitibus;* quasi græcus hoc non posset dicere, cum etiam thecae græcum verbum sit : dixit autem φαλαῖς, quod arcus interpretatur.

CXXXIII. [Ib. xxx, 8, 10.] *Incendet super illud incensum continuationis in conspectu Domini in progenies eorum.* Continuationis incensum dicit, quod continuationem fieret, id est, nullo die pretermitteretur. Cum de altari præciperet incensi, id est, in quo incensum tantum poneretur, non holocaustum, non sacrificium, non libatio; prædixerat id ipsum incensum quotidie ponи debere : nunc autem dicit, *Et depropitiabit Aaron et quām propitiū sit peccatis eorum.* Nos hic sequimur. Nat. et Ms.

<sup>1</sup> Edū, oblationem. Ms. aliquot, abolitionem : alii, ablato-nem.

<sup>2</sup> Ms. plerique omittunt, quam. Nonnulli habent sic, dici potuisse per unctionem.

(a) id est rectib[us], ut ex Vulgata versione intelligitur.

vel exorabit, super cornua ejus semel in anno de sanguine purificationis delictorum. Depropitiabit, ab eo quod est depropitatio, quæ grecæ dicitur ἐγιασσός. Unde et intelligendum est, hoc quod semel in anno jubet fieri ad propitiandum Deum super cornua altaris incensi, id est ut de sanguine purificationis delictorum, victimarum scilicet quæ offeruntur pro delictis, semel in anno tangantur cornua altaris incensi, non pertinere ad illam appositionem incensi, quam quotidie fieri jusserset. Illa enim siebat aromatibus, non sanguine; et quotidie, non semel in anno. Non ergo sumus intellecturi, semel in anno intrare sacerdotem solere in sanctum sanctorum, sed semel in anno cum sanguine : et quotidie quidem solere intrare sine sanguine, causa incensi imponendi ; cum sanguine autem semel in anno : maxime quia sequitur et dicit, *Semel in anno purificabit illud; sanctum sanctorum est Domino.* Non ergo semel in anno ponet illic incensum, quod quotidie fieri jussum est; sed semel in anno purificabit illud, quod cum sanguine fieri præceptum est. Et post hoc adjungit, *Sanctum sanctorum est Dominus :* ac per hoc si sanctum sanctorum non extra, sed intra velum erat; etiam illud profecto altare de quo nunc agitur, quod poni jussit contra velum, intrinsecus jussit.

CXXXIV. [Ib. xxx, 12.] Quid est quod ait, *Si acciperis computationem filiorum Israel in visitatione eorum;* nisi quia jubet eos aliquando visitari et computari, id est numerari? Quod in David propterea vindicatum intelligendum est, quia Deus non jusserset (II Reg. xxiv).

CXXXV. [Ib. xxx, 26-33.] Advertendum est etiam et notandum quemadmodum unguento chrismatis omnia jussit ungī, tabernaculum scilicet et ea quæ in illo erant, et deinde erunt sancta sanctorum. Omnia scilicet cum fuerint uncta, erunt sancta sanctorum. Quid igitur distabit jam inter illa interiora, quæ velo teguntur, et cetera, si omnia cum uncta fuerint erunt sancta sanctorum, diligentius requirendum : hæc tamen notanda credidimus. Ubi etiam meminerimus, quod sicut de illo altari sacrificiorum, quod post unctionem appellari voluit sanctum sancti, continuo dictum est, *Omnis qui tangit illud, sanctificabitur :* ita de omnibus postea, quæ de illo unguento uncta, dicta sunt sancta sanctorum, eadem sententia subsecuta est, ut diceretur, *Omnis qui tangit ea, sanctificabitur.* Quod duobus modis intelligi potest ; sive tangendo sanctificabitur, sive sanctificabitur ut ei licet tangere : si tamen non licet tangere populo tabernaculum, quando afferebant hostias, vel quicumque ab eis allata offerebantur Deo. Nam consequenter non solis sacerdotibus neque solis Levitis dicendum admonet, quod ait ad Moysen, *Et filii Israel loqueris dicens :* utique filii Israel totus ille populus erat; jubet autem illis dici, *Oleum linitio unctionis, sanctum erit hoc vobis in progenies vestras :* super carnem hominis nondiminetur, et secundum compositionem hanc non facietis vobis ipsi similiter. *Sanctum est, et sanctificatio erit vobis.* Qui cumque fecerit similiter, et quicumque dabit de eo exter-

*nationi, interibit de populo suo. Jubet igitur non solis sacerdotibus, sed universo populo Israel, ut non faciant tale unguentum in usus humanos. Hoc est enim quod ait, super carnem hominis non linietur. Prohibet ergo simile fieri in usus suos, et interitum minatur si quisquam similiter fecerit, id est, unguentum ad usus suos simile consecerit, vel cuiquam hinc dederit externe nationi. Ac per hoc quod ait, Sanctificatio erit vobis, cum hoc populo Israel universo dici jubeat, non video quid intelligam, nisi quia licebat eis, quando veniebat cum suis quisque muneribus, tangere tabernaculum; et tangendo sanctificabantur propter illud oleum, quo cuncta peruncta sunt; et hinc dictum, *Omnis qui tangit sanctificabitur: non tamen sic quemadmodum sacerdotes, qui etiam ut sacerdotio fungentur, ungebantur ex illo.**

CXXXVI. [lb. xxx, 34.] Quod praecepit quibus aromaticis fiat thymiana, id est incensum, et dicit unguentario more coctum opus unguentarii: non ideo putare debemus unguentum fieri, id est unde aliquid ungatur, sed ut dictum est thymiana, vel incensum quod imponatur illi altari incensi, ubi non licebat sacrificari, et erat intus in sancto sanctorum<sup>1</sup>.

CXXXVII. [lb. xxx, 36.] Et concides de illis minutum, et pones contra testimonia in tabernaculo testimonii, unde innotescam tibi inde. Sanctum sanctorum erit vobis incensum. Ecce iterum hoc incensum, quia intus ponebatur in altari incensi quod intus erat, sanctum sanctorum dicitur: et tabernaculum testimonii proprium dicitur illud ipsum interius ubi arca erat, adhibita sane differentia cum ait, *Unde innotescam tibi inde.* Sic enim dixerat primum de propitiatorio, quod utique intus est, id est, intra velum super arcam.

CXXXVIII. [lb. xxxi, 2-5.] Quid est quod Beseeel cum juberet adhiberi operibus tabernaculi faciendis, dixit eum se repleuisse spiritu divino sapientiae, et intellectus, et scientiae in omni opere, excogitare, et architectonari, etc.? Utrum Spiritus sancti muneri etiam ista opera tribuenda sunt, quae pertinere ad opifcium videntur? an et hoc significative dictum est, utea pertineant ad divinum spiritum sapientiae, et intellectus, et scientiae, quae his rebus significantur? Tamen etiam hic cum spiritu repletus dicatur iste divino sapientiae, et intellectus, et scientiae, nondum legitur Spiritus sanctus.

CXXXIX. [lb. xxxi, 13.] Quid sibi vult, quod cum de sabbato observando praeiperet, ait, *Testamentum aeternum in me et filii Israel;* non ait, *inter me et filios Israel?* An quia sabbatum requiem significat, et requies nobis non est nisi in illo? Nam profecto filios Israel universum populum suum dicit, id est, semen Abraham: et est Israel secundum carnem, et secundum spiritum. Nam si Israel non esset dicendus, nisi ex genere carnis, non diceret Apostolus, *Vide te Israel secundum carnem* (I Cor. x, 18): ubi profecto significat esse Israel secundum spiritum qui in abscondito Iudeus est et circumsione cordis (Rom. ii, 29.) Sic

<sup>1</sup> sic melioris note MSS. At editi, erat intra sancta sanctorum.

ergo melius fortasse distinguitur, *Testamentum aeternum in me;* ut deinde aliis sensus sit, et *filiis Israel signum est aeternum,* id est, aeternae rei signum: quomodo petra erat Christus, quia petra significabat Christum (I Cor. x, 4). Non ergo ita iugendum est, *Testamentum aeternum in me et filii Israel, tanquam in Deo et filii Israel sit hoc testamentum;* sed *Testamentum aeternum in me,* quia in illo promissa est requies aeterna; et *filiis Israel signum est aeternum,* quia filii Israel acceperunt observandum signum, quo requies significatur aeterna veris Israelitum, hoc est filii promissionis et visuris Deum facie ad faciem sicuti est.

CXL. [lb. xxxi, 18.] *Et dedit Moysi statim ut cessavit loqui ad eum, in monte Sina, duas tabulas testimonii, tabulas lapideas scriptas digitis Dei.* Cum tam multa locutus sit Deus, duæ tantum tabule dantur Moysi lapideæ, quæ dicuntur tabulae testimonii futuræ in arca. Nimirum omnia certa quæ præcepit Deus ex illis decem præceptis, quæ duabus tabulis conscripta sunt, pendere intelliguntur, si diligenter quaerantur et bene intelligentur: quomodo hac ipsa rursus decem præcepta ex duobus illis, dilectione scilicet Dei et proximi, in quibus tota Lex pendet et Prophetæ (Math. xxii, 37-40).

CXLI. [lb. xxxii, 2.] Quod jubet Aaron inaures demí ab auribus uxorum atque filiarum, unde illis faceret deos, non absurde intelligitur difficilia præcipere voluisse, ut hoc modo eos ab illa intentione revocaret: factum tamen illud ipsum difficile ut esset aurum ad faciendum idolum, propter eos notandum putavi, qui contristantur, si quid tale propter vitam aeternam divinitus fieri, vel a quo animo tolerari jubetur.

CXLII. [lb. xxxii, 8.] Dominus indicans Moysi quid fecerit de vitulo populus, hoc est de idolo quod ex auro suo fecerant, dicit eos dixisse, *Hi dū tui Israel qui te eduxerunt de terra Egypti.* Quod eos dixisse non legitur, sed animum eorum hunc fuisse Deus ostendit. Ilorum quippe verborum gerebant in corde sententiam, quæ Deum latere non poterat.

CXLIII. [lb. xxxii, 14.] *Et propitiatus est Dominus de malitia quam dixit facere populo suo.* Malitiam hic pœnam intelligi voluit, sicuti est, *Aestimata est malitia exitus illorum* (Sap. iii, 2). Secundum hanc dicitur bonum et malum a Deo (Eccli. xi, 14), non secundum malitiam qua homines mali sunt. Malus enim Deus non est; sed malis ingerit mala, quia justus est.

CXLIV. [lb. xxxii, 19.] Iratus quidem Moyses videtur tabulas testimonii digito Dei scriptas collisiisse atque fregisse; magno tamen mysterio figurata est iteratio Testamenti, quoniam Vetus fuerat abolendum, et constituendum Novum. Notandum sane quanta pro populo ad Deum supplicatione laboraverit, qui tam severus in eos vindicando exstitit. Quod autem in ignem missum vitulum fusilem contrivit, et in aquam sparsit, quam populo potum dedit, quid nobis videatur

<sup>1</sup> Legendum ut MSS. et castigatores editi habent, *tabulas testimonii, tabulas lapideas.* [ *testimonii, lapideas.* ]

significare, jam alibi scriptissimus in opere contra Faustum Manichæum (*Lib. 22, cap. 95.*)

CXLV. [*Ib. xxxii, 24.*] *Et dederunt mihi, et misi in ignem, et exiit vitulus hic.* Compendio locutus est, non dicens quod ipse formaverit, ut exiret vitulus fusilis? an excusationis causa timendo mentitus est, tanquam ipse in ignem peritum aurum projecerit, atque ipso non id agente forma vituli exierit? Quod ideo non est credendum hoc eum animo dixisse, quia nec latere Moysen posset quid esset in viro<sup>1</sup>, cum quo Deus loquebatur, et fratrem de mendacio non redarguit.

CXLVI. [*Ib. xxxii, 25.*] *Et cum vidisset Moyses populum, quia dissipatus est, dissipavit enim eos Aaron, ut in gaudium venirent adversariis suis.* Notandum est quemadmodum illud totum mali quod populus fecit, ipsi Aaron tribuatur, quod eis consenserit ad facendum quod male petierant. Magis enim dictum est, *dissipavit eos Aaron, quoniam cessit eis, quam dissipaverunt se ipsi qui tantum malum flagitaverunt.*

CXLVII. [*Ib. xxxii, 31, 32.*] Cum Moyses dicit ad Deum, *Pecor, peccavit populus iste peccatum magnum, et fecerunt sibi deos aureos, et nunc siquidem remittis illis peccatum illorum, remille; sin autem, dele me de libro tuo quem scripsisti:* securus quidem hoc dixit, ut a consequentibus ratiocinatio concludatur; id est, ut quia Deus Moysen non deleret de libro suo, populo peccatum illud remitteret. Verumtamen advertendum est quantum malum in illo peccato perspexerit Moyses, quod tanta cæde crediderit expiadum, qui eos sic diligebat, ut pro eis illa verba Deo funderet.

CXLVIII. [*Ib. xxxii, 35.*] Merito queritur, cum superius populum dissipasse dictus sit Aaron, cur in ipsum vindicta nulla processerit, neque cum Moyses interdic jussit omnem qui Levitis euntibus ad portam et redeuntibus occurrisset armatis, neque cum postea factum est quod Scriptura dicit, *Et percussit Dominus populum propter facturam vituli, quem fecit Aaron:* maxime quia et hic hoc idem repetendo inculcatum est. Non enim dictum est, *Et percussit Dominus populum propter facturam vituli, quem fecerunt, sed, quem fecit Aaron:* et tamen non est percussus Aaron; quin etiam illud quod de sacerdotio ejus ante peccatum ejus Deus præcipiebat, impletum est. Sed jussit et ipsum et filios ablui; et sic ordinati sunt in sacerdotio. Ita novit ille cui parcat usque ad commutationem in melius; et cui parcat ad tempus, quamvis eum præscierit in melius non mutari; et cui non parcat ut mutetur in melius, et cui non parcat, ita ut nec mutationem<sup>2</sup> ejus exspectet: et totum hoc ad id reddit, quod Apostolus dicit exclamans, *Quam inscrutabilia sunt iudicia ejus, et investigabiles viae ejus* (*Rom. xi, 33.*)

CXLIX. [*Ib. xxxii, 1.*] *Vade ascende hinc, tu et populus tuus, quem eduxisti de terra Ægypti.* Deus iratus dicere videtur, *tu et populus tuus, quem eduxisti;* aliquo dixisset, *tu et populus meus, quem eduxi de terra Ægypti:* sed illi quando idolum poposcerunt,

ita locuti sunt, *Moyses enim hic homo qui eduxit nos de terra Ægypti, non scimus quid factum sit ei;* liberationem suam in homine constituendo defecerant. Hoc eis modo replicatur cum dicitur, *tu et populus tuus, quem eduxisti de terra Ægypti:* quod illis est criminis, non Moysi. Non enim aliud volebat Moyses, nisi ut non in illo, sed in Domino spem ponerent, et Domini misericordia se cum gratiarum actione crederent ab illa servitute liberatos: cujus tamen apud Deum tanquam fidelissimi famuli tantum erat meritum per illius gratiam, ut ei diceret Deus, *Sine me, et iratus ira conteram eos* (*Exod. xxxii, 1, 23, 10.*) Quod utrum jubentis sit cum ait, *Sine me, an quasi potentiis, utrumque videtur absurdum.* Nam et si jubebat Deus, inobedienter famulus non parcerat; et Deum hoc a servo velut pro beneficio petere non decebat, cum præsentim posset eos etiam illo nolente conterere. Ille itaque ibi sensus in promptu est, quod his verbis significavit Deus plurimum apud se prodesse illi populo, quia sic ab illo viro diligebantur, quem sic Dominus diligebat; ut eo modo admoneremur, cum merita nostra nos gravant ne diligamus a Deo, relevari nos apud eum illorum meritis posse quos diligit. Nam cum ab Omnipotente dicitur homini, *Sine me, et conteram eos,* quid aliud dicitur quam, Contererem eos, nisi diligenter abs te? Ita ergo dictum est, *Sine me,* ac si diceretur, *Noli eos diligere, et conteram eos;* quia ne id faciam dilectio tua in illos intercedit mihi. Obtemperandum autem esset Domino dicenti, *Noli eos diligere, si hoc jubendo dixisset, et non potius admonendo et exprimendo quid illum ab eorum supplicio revocaret:* nec tamen etiam illo intercedente sine flagello discipline populum dereliquit. Nescio quo enim modo, ut sic eos diligenter ipse Moyses, Deus illos occultius diligebat, qui manifeste voca terrebat.

CL. [*Ib. xxxiii, 1-3.*] Ubi dicit Deus ad Moysen, *Vade, ascende hinc, tu et populus tuus, quem eduxisti de terra Ægypti, in terram quam juravi Abraham, Isaac, et Jacob, dicens, Semini vestro dabo eam;* continuo tanquam ad ipsum Moysen adhuc loquatur, occulta conversione, quæ græce ἀποστρεψη dicitur, jam ad ipsum populum loquitur dicens: *Et simul mittam angelum mecum ante te, et ejiciet Chananæum, et Amorrhæum, et Chettæum, et Pheresæum, et Gergesæum, et Evæum, et Jebusæum;* et introducit te in terram fluentem lac et mel. Non enim ascendam tecum, quia populus dura cervice es, ut non deleam te in via. Magna sacramenti et mira profunditas, tanquam misericordiam majorem posset angelus habere quam Deus, qui populo duræ cervicis parceret; cui Deus, si cum illis esset, ipse non parceret: et tamen etiam per angelum suum, se quodammodo ab eis absente, qui nusquam esse absens potest, implere se dicit quod patribus eorum juravit; tanquam et hic ostendens hoc se ideo facere, quia illis patribus justis promisit, non quod isti digni essent. Quid ergo significat, nisi forte ideo se non esse cum eis, quia dura cervice sunt; quia non cum propitium et salubrem, nisi humilitas et

<sup>1</sup> MSS., in vero.

<sup>2</sup> Sic MSS. At editi omissa negatione habent, ut ritæ mutationem, etc.

pietas capit? Esse autem Deum cum duræ cervicis hominibus, nihil est aliud quam vindicando adesse atque puniendo: unde cum eo modo malis non adest, parcendo facit; quo pertinet illud quod dicitur, *Averte faciem tuam a peccatis meis* (*Psalmus L.*, 11): quia si advertit, evertit<sup>1</sup>. Sicut enim fluit cera a facie ignis, sic percunt peccatores a facie Dei (*Psalmus LXVII*, 5).

CLI. [lb. xxxiii, 12, 13.] *Et dixit Moyses ad Dominum, Ecce tu mihi dicas: Deduc populum hunc. Tu cutem non demonstrasti mihi quem simul mittas mecum. Tu autem dixisti mihi, Scio te præ omnibus, et gratiam habes apud me. Si ergo inveni gratiam in conspectu tuo, ostende mihi temetipsum, manifeste ut videam te, ut sim inveniens gratiam ante te, et ut sciam quia populus tuus est gens hæc. Quod habet grecus γνῶστος, hoc quidam latini interpretati sunt, manifeste, cum Scriptura non dixerit γνῶστος. Potuit ergo fortasse aptius dici, Si inveni gratiam in conspectu tuo, ostende mihi temetipsum, scienter ut videam te: quibus verbis satis ostendit Moyses, quod non ita videbat Deum in illa tanta familiaritate conspectus, ut desiderabat videre; quoniam illæ omnes visiones Dei, quæ mortaliūm præbebantur aspectibus, et ex quibus fierat sonus, quo mortalis attingeretur auditus, sic exhibebantur, assumpta sicut Deus volebat, specie qua volebat, ut non in eis ipsa ullo sensu corporis sentiretur divina natura, quæ invisibilis ubique tota est, et nullo continetur loco. Et quia in duobus præceptis, hoc est dilectionis Dei et proximi, tota Lex pendet (*Matthew. XXII*, 37-40), ideo Moyses in utroque suum desiderium demonstrabat: in dilectione scilicet Dei, ubi ait, *Si inveni gratiam in conspectu tuo, ostende mihi temetipsum, manifeste ut videam te, ut sim inveniens gratiam in conspectu tuo;* in dilectione autem proximi, ubi ait, *Et ut sciam quia populus tuus est gens hæc.**

CLII. [lb. xxxiii, 17.] Quid est quod dicit Deus ad Moysen, *Quoniam scio te præ omnibus?* namquid Deus plus aliqua scit, et aliqua minus? An secundum quod dicitur quibusdam in Evangelio, *Non uori vos* (*Ibid. xxv*, 12)? Secundum hanc enim scientiam, qua Deus dicitur scire quæ illi placent, nescire quæ displaceant, non quia ignorat ea, sed quia non approbat, sicut ars recte dicitur nescire vitia, cum improbat vitia; præ omnibus Deus Moysen sciebat, quia Deo præ omnibus Moyses placebat.

CLIII. [lb. xxxiii, 12, 17.] Notandum estne, quod prius ipse Moyses dixerat Deo, *Dixisti mihi, Scio te præ omnibus;* quod illi Deus posteaquam hoc ipse Deo dixit, legitur dixisse, ante autem non legitur; ut intelligamus non omnia esse scripta quæ cum illo Deus locutus est? Sed diligenter requirendum est in prioribus Scripturæ partibus, an vere ita sit<sup>2</sup>.

<sup>1</sup> Editiones Rat. Am. et Fr., *quia nisi avertit, advertit.* Lov. et se; tem. MSS., *quia ni i avertit, evertit.* Sed præstulinus Lectionem MSS. optimæ note Corbeiensis, Michaelini, etc.

<sup>2</sup> Iacæ ibi auocant edit. Fr. Lugd. Ven. et Lov.: *Notandum est quod prius ipse Moyses dixerat Deo, Dixisti mihi, scio te præ omnibus; quod illi Deus posteaquam hoc ipse ait legitur dixisse, ante autem non legitur, ut intelligamus non omnia esse scripta quæ cum illo Deus locutus est:*

CLIV. [lb. xxxiii, 14-25.] Cuni dixisset Moyses ad Dominum, *Ostende mihi gloriam tuam;* respondit ei Dominus, *Ego transibo ante te gloria mea<sup>3</sup>: et robo nomine Domini in conspectu tuo; et miserebor cui misertus ero, et misericordiam præstabo cui misericordiam præstitero: cum paulo ante dixisset, Ipse antecedam te, et requiem tibi dabo; quod Moyses sic videtur accepisse, Antecedam te, tanquam non ei populo qui præsens in itinere futurus esset: et ideo ait, Si nou tu ipse simul veneris nobiscum, ne me educas hinc, etc.* Deus autem neque ei hoc negavit dicens, *Et hoc tibi verbum quod dixisti faciam.* Quomodo ergo cum dixisset ei Moyses, *Ostende mihi gloriam tuam,* rursus, tanquam præcessurus et non cum eis simul futurus, videtur dicere, *Ego transibo ante te, nisi quia hoc aliud est?* Ille quippe intelligitur loqui et dicere, *Transibo ante te,* de quo dicit Evangelium, *Cum venisset hora ut transiret Jesus de hoc mundo ad Patrem* (*John. XIII*, 1): qui transitus etiam Pascha interpretari perhibetur. Hæc itaque magna omnino prophetia est. Ipse enim ante omnes sanctos transit ad Patrem de hoc seculo, parare illis mansiones regni coelorum, quas dabit eis in resurrectione mortuorum; quoniam transiturus ante omnes primogenitus a mortuis factus est (*Coloss. I*, 18).

Gratiam vero suam in eo ipso valde commendat cum dicit, *Et vocabo nomine Domini in conspectu tuo: tanquam in conspectu populi Israel, cuius Moyses cum hac audiret typum gerebat.* In conspectu enim gentis ipsius ubi que dispersæ vocatur Dominus Christus in omnibus gentibus. *Vocabo autem dixit, non Vocabor, activum verbum pro passivo ponens, genere locutionis inusitato;* in quo nimurum magnus sensus latet. Sic enim fortasse significare voluit scipsum hoc facere, id est gratia sua fieri, ut vocetur Dominus in omnibus gentibus.

Quod vero addidit, *Et miserebor cui misertus ero, et misericordiam præstabo cui misericordiam præstitero;* ibi plane expressius ostendit vocationem qua nos vocavit in suum regnum et gloriam: non pro meritis nostris, sed pro misericordia sua. Quoniam enim se gentes introducturum pollicebatur, dicens, *Vocabo nomine Domini in conspectu tuo;* commendavit hoc se misericorditer facere, sicut Apostolus dicit: *Dico enim Christum ministrum fuisse circumcisio[n]is propter veritatem Dei, ad confirmandas promissiones patrum;* *Gentes autem super misericordia glorificare Deum* (*Roman. XV*, 8, 9). Illoc ergo prædictum est, *Miserebor cui misertus ero, et misericordiam præstabo cui misericordiam præstitero.* Quibus verbis prohibuit hominem velut de propriarum virtutum meritis gloriari, ut qui gloriatur in Domino gloriatur (*II Corinthians. X*, 17). Non enim ait, *Miserebor talibus vel talibus, sed, cui misericors fuero;* ut neminem præcedentibus bonis operibus suis misericordiam tantæ vocationis meruisse

<sup>3</sup> sed diligenter inquirendum est in prioribus Scripturæ partibus, an vero ita sit. N.

<sup>4</sup> Editio, ante te in gloria mea. Abest in a MSS. et a LXX.

demonstret. Etenim Christus pro impiis mortuus est (*Rom. v, 6.*)

Sed utrum hoc idem repetere voluerit, cum addidit, *Misericordiam præstabo cui misericordiam præstitero*, vel sicut alii interpretati sunt, *cui misericors fuero*; an aliquid intersit, nescio. Quod enim græca lingua duobus verbis dictum est, διδόω, et οἰκτείποω, quod unum atque idem videtur significare, non potuit latius diversis verbis dicere, et diversis modis eamdem misericordiam repetivit. Si autem diceretur, Miserebor cui misereor, et miserebor cui misertus ero; non satis commode dici videretur. Et tamen fortius ille ipse ibi sensus est, quod aut ipsius misericordia sua firmatatem Deus ista repetitione monstravit: sicut Amen, Amen; sicut Fiat, Fiat; sicut repetitio somnii Pharaonis, pluraque similia. Aut in utrisque populis, id est Gentibus et Hebreis, hoc modo Deus prænuntiavit misericordiam se esse facturum. Quod Apostolus ita dicit: *Sicut enim vos aliquando non credistis Deo, nunc autem misericordiam consecuti estis illorum incredulitate; sic et ipsi nunc non crediderunt in vestra misericordia, ut et ipsi misericordiam consequantur. Conclusis enim Deus omnes in incredulitate, ut omnium misereatur* (*Id. xi, 30-32.*)

Deinde post hanc suæ misericordiæ commendationem respondet ad illud quod ei dictum fuerat, *Ostende mihi gloriam tuam*, vel quod supra petiverat Moyses, dicens, *Ostende mihi temetipsum manieste ut videam te. Non poteris, inquit, videre faciem meam. Non enim videbit homo faciem meam, et vivet: ostendens huic vita, quæ agitur in sensibus mortalibus corruptibilis carnis, Deum sicuti est apparere non posse; id est, sicuti est videri in illa vita potest, ubi ut vivatur, huic vita moriendum est.*

Rem interposito articulo dicente Scriptura, *Et ait Dominus, sequitur et loquitur, Ecce locus penes me. Quis enim locus non penes Deum est, qui nusquam est absens?* Sed Ecclesiam significat dicendo, *Ecce locus penes me, tanquam templum suum commendans, Et stabis, inquit, super petram* (quia super hanc petram, ait Dominus, *edificabo Ecclesiam meam* [*Matth. xvi, 18*]), *statim ut transiet gloria mea: id est, Statim ut transiet gloria mea, stabis supra petram; quia post transitum Christi, id est post passionem et resurrectionem Christi stetit populus fidelis supra petram. Et ponam te, inquit, in caverna petra: munera firmissimum significat. Alii autem interpretati sunt, in specula petra; sed græcus habet διπήν: hoc autem forasen vel cavernam rectius interpretamur.*

*Et legam manu mea super te<sup>1</sup>, donec transeam: et auferam manum, et tunc videbis posteriora mea; facies autem mea non videbitur tibi. Cum jam dixisset, Stabis super petram, statim ut transiet gloria mea, ubi intelligitur post transitum suum promisso super petram stabilitatem; quomodo accipendum est quod ait,*

<sup>1</sup> Editi, spelunca At MSS. vatic. et Gallic. cum Eugyptio in duabus MSS., specula.

<sup>2</sup> Editi, *Et legam manum meam super te.* At MSS., juxta græcum, *manu mea.*

#### PATROL. XXXIV.

*Ponam te in caverna petra, et legam manu mea super te, donec transeam: et auferam manum, et tunc videbis posteriora mea: quasi jam illo in petra constituto, tegat manu sua super eum, et deinde transeat; cum esse in petra non possit, nisi post ejus transitum? Sed recapitulatio intelligenda est rei prætermisso, quali solet uti Scriptura in multis locis. Postea quippe dixit quod ordine temporis prius est. Qui ordo ita se habet: *Tegam manu mea super te, donec transeam, et tunc videbis posteriora mea; nam facies mea non videbitur tibi: et stabis super petram statim ut transiet gloria mea, et ponam te in caverna petra.* Hoc enim factum est in eis quos tunc significabat persona Moysi, id est Israelitis, qui in Dominum Jesum, sicut Actus Apostolorum indicant, postea crediderunt, id est, statim ut transiit ejus gloria. Non posteaquam resurrexit a mortuis, et ascendit in coelum, missus desuper Spiritu sancto, cum linguis omnium gentium Apostoli loquerentur, compuncti sunt corde multi ex eis qui crucifixierant Christum: quem ut non cognovissent, et Dominum<sup>1</sup> gloriæ crucifixissent, exæctas ex parte in Israel facta est (*Rom. xi, 23*), sicut dictum fuerat, *Tegam manu mea super te, donec transeam.* Unde Psalmus dicit, *Quoniam die ac nocte gravata est super me manus tua: diem appellans, quando Christus divina miracula faciebat; noctem, quando sicut homo moriebatur, quando et illi titubaverunt qui in die crediderant. Hoc est ergo, Cum transiero, tunc videbis posteriora mea, Cum transiero de hoc mundo ad Patrem, posterius in me crediti sunt quorum typum geris.* Tunc enim compuncti corde dixerunt: *Quid faciemus?* Et jussi sunt ab Apostolis agere poenitentiam, et baptizari in nomine Iesu Christi, ut dimitterentur illis peccata eorum (*Act. ii, 37, 38*). Quod in psalmo illo sequitur, cum dictum esset, *Die ac nocte gravata est super me manus tua; id est, ut non cognoscerem⁹* (Si enim cognovissent, nunquam Dominum gloriæ crucifixissent [*I Cor. ii, 8*]): sequitur et jungit, *Conversus sum in ærumnæ mea, dum configeretur spina;* id est, cum essem corde compunctus. Deinde addidit, *Peccatum meum cognovi, et facinus meum non operui:* posteaquam viderunt quanto scelere Christum crucifixirint. Et quia receperunt consilium ut agerent poenitentiam, et in Baptismo remissionem acciperent peccatorum; *Dixi, inquit, pronuntiabo adversum me delictum meum Domino, et tu remisisti iniuriam cordis mei* (*Psal. xxxi, 4, 5*).*

Hanc autem prophetiam potius fuisse, quam locutus est Dominus ad Moysen satis res ipsa indicat; quandoquidem de petra vel caverna ejus, et de manus ejus superpositione, de visione posteriorum ejus, nihil postea visibili opere subsecutum legitur. Mox enim adjungit interposito articulo Scriptura, *Et dixit Dominus ad Moysen;* cum ipse Dominus utique etiam illa quæ supra dicta sunt loqueretur, atque inde con-

<sup>1</sup> Am. Er. et Lov., *quem sic cognovissent, nunquam Dominum, etc.* Rat. et quatuor MSS., *quem non ut cognovissent et Dominum, etc.* Alii MSS., *quem ut non cognovissent et Dominum, etc.*

<sup>2</sup> Am. Er. et Lov. omitunt particulam negativam, quam hic revocabimus ex MSS. et editione Ratisponensi.

(Vingt-un.)

textus quid deinceps Dominus dicat, *Excide tibi duas tabulas lapideas, sicut et primas, etc.*

CLV. [Ib. xxxiv, 7.] Quid est quod dictum est de Domino, *Et reum non purificabit; nisi, non eum dicit innocentem?*

CLVI. [Ib. xxxiv, 10.] Deus in monte duas rursus lapideas tabulas conscripturo dicit Moysi inter cetera, *Coram omni populo tuo faciam gloriosa. Nondum dignatur dicere, Coram omni populo meo. An ita dixit, populo tuo, quomodo cuilibet homini ejusdem populi diceretur, id est, Ex quo populo es : quomodo, Civitati tue dicimus, non cui dominaris, vel quam constitueristi, sed unde civis es? Sic enim et paulo post dicit, Omnis populus, in quibus es : alio modo quid dictam est, nisi, populus tuus? Quod autem non dixit, In quo es, consuetudo locutionis est.*

CLVII. [Ib. xxxiv, 12.] Quid est quod dicitur ad Moysen, *Attende tibi, ne quando ponat<sup>1</sup> testamentum his qui sedent super terram.* Non enim habet græcus, ne quando ponas ; sed, ne quando ponat. An forte de populo ei dicere voluit, cuius ipse duxor fuit ? Sed non ipse introduxit populum in eam terram, ubi prohibet poni testamentum cum eis qui in illa habitabant. Mirum itaque locutionis genus est, et adhuc inexpertum vel non animadversum : si tamen locutio est, ac non sensus aliquis.

CLVIII. [Ib. xxxiv, 13, 15.] Cum præciperebat Deus ad Moysen loquens, ut data terra in potestate, omnis idolatria everteretur, nec adorarentur dii alieni, ait, *Dominus enim Deus, zelans nomen, Deus zelator est :* id est, ipsum nomen quod Dominus Deus dicitur, zelans est, quia Deus zelator est. Quod non humanae perturbationis vitio facit Deus, semper atque omni modo incommutabilis atque tranquillus ; sed hoc verbo indicat, non impune plebem suam per alienos deos fornicaturam. Ductum est enim verbum tropo metaphora a zelo maritali, quod castitatem custodit uxoris. Quod nobis prodest, non Deo. Quis enim tali genere fornicationis Deo nocuerit ? sed sibi plurimum, ut pereat. Quod Deus prohibet terrore gravissimo, zelantem se appellans : cui dicitur in Psalmo, *Perdidisti omnem qui fornicatur abs te ; mihi autem adhaerere Deo bonum est* (Psal. LXXII, 27, 28). Denique sequitur : *Ne forte ponas testamentum his qui sedent super terram, et fornicentur post deos eorum.*

CLIX. [Ib. xxxiv, 20.] Quod ait, *Non videberis in conspectu meo inanis ;* sicut indicant circumstantia de quibus loquitur, *in conspectu suo :* dixit Deus in tabernaculo suo : hoc est autem, *Non ibi videberis inanis,* nunquam intrabis sine aliquo munere. Quod spiritualiter intellectum, magnum sacramentum est. Verum hæc dicebantur de umbris significacionum.

CLX. [Ib. xxxiv, 21.] Cum de sabbato præcepisset, quid est quod adduxit, *Satione et messe requiesces ?*

<sup>1</sup> Editi, *ponas.* MSS. omnes, *ponat* : uti etiam habent codices plerique lib. I. locut. lib. 2, loc. 153. Porro in græco LXX, libri alii *thes.* alii teste Nobilio ferunt, *the.*

<sup>2</sup> In editis, *De satione.* Abest de a nostris MSS., quorum unus aut alter pro *requiesces*, habet *requiesces*, sicuti LXX.

Videtur enim dicere, Tempore sationis et messis. An forte ita observandam requiem sabbati præcepit, ut nec illa tempora habeant excusationem, quæ agricolis valde sunt necessaria propter victum atque vitam ? Jussum est ergo ut etiam tempore sationis et messis, quando multum urget operatio, requiescatur in sabbato : ac sic per hæc tempora, quæ opus plurimum flagitant, significatum est, omni tempore sabbato debere cessari.

CLXI. [Ib. xxxiv, 24.] Quod dicit, *Non concupiscet quisquam de terra tua, cum ascendas videri in conspectu Dei tui, tria tempora anni<sup>1</sup>,* hoc vult intelligi, ut securus quisque ascenderet, nec de terra sua sollicitus esset, Deo promittente custodiā, quod nemo inde aliquid concupiseret, propter illum qui ascendit, ne suam inde timeret absentiam. Et hic satis ostendit quid supra dixerit, *Non apparebis in conspectu Domini Dei tui inanis,* quia in illo loco dixit ubi tabernaculum vel templum Deus fuerat habiturus.

CLXXII. [Ib. xxxiv, 25.] Quid est quod ait, *Non occides super fermentum sanguinem immolatorum meorum ?* An illa hoc loco dicit immolata sua, quæ per Pascha occiduntur, et præcipit ne tunc sit in domo fermentum, quoniam dies sunt azymorum ?

CLXXXIII. [Ib. xxxiv, 25.] Quid est quod ait, *Et non dormiet in mane immolatio solemnitas Pasche ;* nisi quod superius aperte præcepit, ne aliquid ex pecore quod immolatur, carnium relinquatur in mane ? Sed locutio feuit obscuritatem : *Dormiet enim dixit, pro Manebit.*

CLXXXIV. [Ib. xxxiv, 26.] *Non coques agnum in lacte matris sue.* Ecce dixit iterum quod quemadmodum intelligi possit ignoro. Magna tamen est de Christo prophetia, etiam si fieri ad litteram possit ; quanto magis si non potest ? In sermonibus enim Dei non sunt ad proprietatem operum omnia revocanda, sicut nec illud de petra, et caverna ejus, et manus superpositione (Exod. XXXIII, 22). Sed plane de fide narratoriæ hoc exigendum est, ut quæ dicit facta esse, vere facta sint, et quæ dicit dicta esse, vere dicta sint. Quod exigitur etiam a narratoriis Evangelii : cum enī Christum narrent quædam dixisse quæ in parabolis dixit ; tamen hæc eum dixisse non parabola, sed historica narratio est.

CLXXXV. [Ib. xxxiv, 28.] *Et erat ibi Moyses in conspectu Domini quadraginta diebus et quadraginta noctibus ; panem non manducavit, et aquam non bibit.* Quod et ante dixerat, quando tabulas accepit, quas fregit, hoc etiam modo repetit ; non recapitulando quod factum est, sed iterum factum esse commendans. Repetitio quippe Legis jam quid significet diximus. Quod autem ait, *Panem non manducavit, et aquam non bibit,* intelligitur jejunavit, a parte totum ; id est, nomine panis omnem cibum, et nomine aquæ omnem potum significante Scriptura.

CLXXXVI. [Ib. xxxiv, 28, 27, 1.] *Et scripsit in tabulis verba<sup>2</sup> Testamenti, docem verba.* De Moyse dictum est quod ipse scripserit, cui etiam Deus paulo ante di-

<sup>1</sup> Sic MSS. et græc. LXX. At editi, per tria tempora anna.

<sup>2</sup> In editis omittitur hic, *verba.* Habetur in MSS. et apud LXX.

xerat, *Scribe tibi verba hæc.* Cum vero primum Legem accepit, cuius tabulas abjecit et fregit, nec ipse excidisse dictus est tabulas lapideas, et modo dictum est, *Excide tibi duas tabulas lapideas;* nec ei dictum est ut scriberet, sicut ei modo dicitur; nec eas ipse scripsisse narratur, sicut modo narrat Scriptura, et dicit, *Scriptis in tabulis verba Testamenti, decem verba: sed tunc dictum est, Et dedit Moysi, statim ut cessavit loqui ad eum in monte Sina, duas tabulas testimonii, tabulas lapideas scriptas digito Dei* (*Exod. xxxi, 18*); deinde paulo post, *Et conversus, inquit, Moyses descendit de monte, et duæ tabulæ testimonii in manibus ejus, tabulæ lapidæ scriptæ ex utraque parte earum, hinc atque hinc erant scriptæ, et tabulæ opus Dei erant, et scriptura Dei insculpta in tabulis* (*Exod. xxxii, 15, 18*). Proinde magna oritur quæstio, quomodo illæ tabulæ, quas erat Moyses Deo utique præsciente fracturus, non hominis opus esse dicantur, sed Dei; nec ab homine scriptæ, sed scriptæ digito Dei: posteriores vero tabulæ tamdiu mansuræ, ac in tabernaculo ac templo Dei futuræ, jubente quidem Deo, tamen ab homine excise sint, ab homine scriptæ. An forte in illis prioribus gratia Dei significabatur, non hominis opus, qua gratia indigni facti sunt revertentes corde in Aegyptum, et facientes idolum; unde illo beneficio privati sunt, et propterea Moyses tabulas fregit: istis vero tabulis posterioribus significati sunt qui de suis operibus gloriabantur; unde dicit Apostolus, *Ignorantes Dei justitiam, et suam volentes constituere, justitiae Dei non sunt subjecti* (*Rom. x, 3*); et ideo tabulae humano opere exsculptæ, et humano opere conscriptæ datæ sunt, quæ cum ipsis manerent, ad eos significandos de suis operibus gloriatus, non de digito Dei, hoc est de Spiritu Dei?

Certe ergo repetitio Legis Novum Testamentum significat; illud autem Vetus significabat, unde conformatum et abolitum est: maxime quoniam cum secundo Lex datur, nullo terrore datur, sicut illa in tanto strepitu ignium, nubium et tubarum; unde tremefactus populus dixit, *Non loquatur Deus ad nos, ne moriamur* (*Exod. xx, 19*): unde significatur timor esse in Veteri Testamento, in Novo dilectio. Quomodo igitur haec solvitur quæstio, quare illæ opus Dei, istæ opus hominis; et illæ conscriptæ digito Dei, istæ scriptæ ab homine? An forte ideo magis in illis prioribus Veteris significatum est Testamentum, quia Deus ibi præcepit, sed homo non fecit? Lex enim posita est in Veteri Testamento, quæ convinceret transgressores, quæ subintravit ut abundaret delictum (*Rom. v, 20*). Non enim implebatur timore, quæ non impletur nisi charitate. Et ideo dicitur opus Dei, quia Deus Legem constituit, Deus conscripsit: nullum opus hominis, quia homo Deo non obtemperavit, et eum potius reum Lex fecit. In secundis autem tabulis homo per adiutorium Dei tabulas facit, atque conscribit; quia Novi Testamenti charitas Legem facit. Unde dicit Dominus, *Non vici Legem solvere, sed implere* (*Math. v, 17*): dicit autem Apostolus, *Plenitudo Legis charitas* (*Rom. xiii, 10*); et, *Fides quæ per dilectionem operatur* (*Gal-*

*lat. v, 6*). Factum est itaque homini facile in Novo Testamento, quod in Veteri difficile fuit, habeuti fidem quæ per dilectionem operatur; atque illo digito Dei, hoc est, Spiritu Dei intus eam in corde scribente, non foris in lapide. Unde dicit Apostolus, *Non in tabulis lapideis, sed in tabulis cordis carnalibus* (*II Cor. iii, 3*); *quoniam charitas Dei, qua veraciter impletur præceptum, diffusa est in cordibus nostris per Spiritum sanctum, qui datus est nobis* (*Rom. v, 5*). Hoc est ergo primo data Lex (ubi significatur Vetus Testamentum, quod est opus tantummodo Dei, et conscriptio digitii Dei), quod Apostolus dicit, *Itaque Lex quidem sancta, et mandatum sanctum, et justum, et bonum.* Lex ergo sancta et bona, Dei opus est: ubi homo nihil agit, quia non obtemperat; sed reatu potius premitur, Lege minante atque damante. *Peccatum enim inquit, ut appareat peccatum, per bonum mihi operatum est mortem* (*Id. vii, 12, 13*). Beatus autem homo est, cum hoc mandatum sanctum, et justum, et bonum, est etiam opus ejus<sup>1</sup>, sed per gratiam Dei.

CLXVII. [Ib. xxxv, 1.] Moyses ad filios Israel, posteaquam de monte descendit, habens alias tabulas Legis, circumposito sibi velamine propter gloriam vultus ejus, quam filii Israel non poterant intueri, *Hæc*, inquit, *verba, quæ dixit Dominus facere ea*: ambiguum positum est, utrum ea facere ipse Dominus, an illi: sed utique manifestum est quod illi; jussit quippe ille quæ fierent. Sed forte ideo sic positum est, ut ex utroque accipiatur; quia et Dominus facit, cum facientes adjuvat, secundum illud Apostoli, *In timore et tremore vestram ipsorum salutem operamini; Deus enim est qui operatur in vobis et velle, et operari, pro bona voluntate* (*Philip. ii, 12, 13*).

CLXVIII. [Ib. xxxv, 24.] *Omnis afferens démptionem, argentum et æs attulerunt démptionem Domino:* tanquam diceret, Omnis qui attulit, attulit illud atque illud, inter cætera quæ dicebat, et argentum et æs commemorans. *Démptionem* sane interpretati sunt latini, quod græcus habet ἀποκτημα. Appellata est autem demptio, eo quod sibi demeret qui Domino afferret.

CLXIX. [Ib. xxxv, 29.] Narrante Moyse commoratum est quod ei dixit Deus de Beseleel eisdem verbis ac totidem, quod eum impleverit Spiritu divino sapientie, et intellectus, et scientie ad tabernaculi opera facienda, quæ pertinent ad artes opificum<sup>2</sup>: unde quid nobis videretur jam diximus (*Supra, quæst. 138*). Sed ideo nunc hoc idem commemorandum putavi, quia non frustra eisdem omnino verbis repetitum est, quibus antea Moysi a Domino fuerat intimatum. Sane novo more hic ars architectonica perhibetur, opificum ex auro et argento et quocumque metallo, cum illa dici soleat architectonica, quæ pertinet ad fabricas ædificiorum.

CLXX. [Ib. xxxvi, 2 et 3.] *Et omnes qui sponte vellent ire ad opera, ut consummarent ea, et acceperunt a*

<sup>1</sup> Ita MSS. Editi vero, et bonum facit, horum etiam opus est.

<sup>2</sup> Corbeiensis vetus codex: *Quæ pertinent ad artes opificum. Forte leg. opificum.*

*Moys omnes demptiones*<sup>1</sup>. In notitiam tantum Moyses perulit quae Dominus opera fieri præceperit, tabernaculum scilicet cum omnibus quæ in eo essent, et vestes sacerdotales<sup>2</sup>. Commemoravit autem quosdam, quibus dixit Spiritum divinitus datum, quo illa efficere possent: et tamen multi intelliguntur sponte ad eadem opera venisse quibus neque imperatum est, nec eorum nomina commemorata sunt a Domino dicta Moysi. Non ergo illi soli hoc munus divinitus habuerunt, qui nominatim commemorantur, sed fortasse præcipue atque excellentius. Laudandus est autem in his omnibus non attractus ad opus serviliter animus, sed liberaliter et sponte devotus.

CLXXI. [lb. xxxvi, 4, et 5.] Notandum quod illi qui sapientes appellantur, effectores operum sancti, etiam moribus tales erant, ut cum ipsis susciperent omnia que populus offerebat, existimans necessaria ex quibus illa omnia completerentur, viderant plus offerri quam erat necesse, et dixerunt Moysi; atque ille per præconem ultra populum offerre prohibuit. Poterant autem, si veleant, multa auferre, sed modestia prohibuit, vel religio terruit.

CLXXII. [lb. xxxv, 2.] Posteaquam descendit Moyses de monte, opera commandantur tabernaculi construendi, et vestis sacerdotalis; de quibus faciendis antequam aliquid præciperebat, locutus est ad populum de sabbati observatione. Ubi non immerito movet, cum decem verba Legis acceperit in tabulis lapideis iterum, quas ipse excidit, ipse conscripsit; quare de sabbato solo, posteaquam descendit, populum admonuit. Si enim propterea decem præcepta Legis superfluum fuit ut populus iterum audiret; cur non fuit superfluum ut de sabbato audiret, cum et hoc in eisdem præceptis decem legatur? An et hoc simile est velamento, quo faciem obtexit, quia splendorem vulnus ejus filii Israel non poterant intueri? Nam ex decem præceptis hoc solum populo præcepit, quod figurate ibi dictum est: alia quippe ibi novem sicut præcepta sunt, etiam in Novo Testamento observanda minime dubitamus. Illud autem unum de sabbato usque adeo figurata diei septimi observatione apud Israelitas velatum fuit, et in mysterio præceptura fuit, et quodam sacramento figurabatur, ut hodie a nobis non observetur, sed solum quod significabat intueamur. In illa autem requie ubi opera servilia jubentur cessare, magna est altitudo gratiae Dei. Tunc enim sunt cum requie opera bona, cum fides per dilectionem operatur (*Galat. v, 6*): timor autem tormentum habet, et in tormento quæ requies? Unde timor non est in charitate (*I Joan. iv, 18*): charitas autem diffusa est in cordibus nostris per Spiritum sanctum qui datus est nobis (*Rom. v, 5*). Ideo sabbatum requies sancta Domino: Dei scilicet gratia tribuenda, non nobis velut ex nobis. Alioquin nostra opera sic erunt, ut sint humana, aut peccata<sup>3</sup>: aut cum timore, non cum di-

<sup>1</sup> Codices editi et MSS., *demptum æs*. Locum hunc vitiatum esse notat Nobilis, cum legi debeat, *omnes demptiones*; secundum LXX, *panta ta aphairematu*; et juxta vulgatam, *universa donaria*.

<sup>2</sup> Melioris notæ MSS., et vestis sacerdotalis.

<sup>3</sup> Editu, aut cum peccato. MSS., aut peccata.

lectione; et ideo servilia sine requie. Plenitudo autem sabbati erit in requie sempiterna. Non enim frustra institutum est et sabbatum sabbatorum (*Levit. xxv*).

CLXXXIII. [lb. xl, 9, 10.]<sup>4</sup> Superius quando prius locutus est Deus de tabernaculo ungendo, dixit eadem unctione sanctificari illa omnia, et fieri sancta sanctorum. Altare autem holocaustum eadem unctione sanctificatum, dixerat fieri sanctum sancti: et hoc interesse videbatur, quod nihil eorum dixisset sanctum sanctorum, nisi quod tantum velo separabatur a sancto, id est, ubi erat arca testamenti et altare incensi (*Exod. xxx, 26-38*). Nunc autem cum eadem repeteret, dixit de tabernaculo uncio et his quæ in illo essent, quod eadem unctione sanctificarentur, et fierent sancta: illud autem altare holocaustum, de quo prius dixerat quod fieret sanctum sancti, eadem unctione nunc dixit fieri sanctum sanctorum. Unde datur intelligi tantumdem valere quod dictum fuerat sanctum sancti, quantum valet quod dictum est sanctum sanctorum: ac per hoc et illa omnia uncta, id est totum tabernaculum, et quæcumque in eo essent, quæ prius appellaverat sancta sanctorum, tantumdem valere quod nunc ait sancta: nec unumquodque eorum dici tantummodo post istam unctionem sanctum sancti, verum etiam sanctum sanctorum, sicut altare holocaustum; ut jam nihil intersit, quantum ad hanc appellationem attinet, inter illa quæ interius intra velum fuerant, id est ubi erat arca testimonii, et cætera foris, nisi quod illa interius ita dicebantur sancta sanctorum vel sanctum sanctorum<sup>5</sup>, ut etiam ante unctionem sic appellarentur: cætera vero unctione sanctificata sunt, ut hoc nomen acciperent. Quod otio disquiendum est quid ista significant.

CLXXXIV. [lb. xl, 19.] Cum Scriptura narraret quo modo Moyses constituerit tabernaculum, *Extendit*, inquit, *aulæ super tabernaculum*: non utique desuper tectum, sed cingens columnas; quia de columnis dixerat, quod statuerit tabernaculum.

CLXXXV. [lb. xl, 29.] Cum dixit, *Et super atrium in circuitu tabernaculi et altaris*, manifestat altare holocaustum ad ostium tabernaculi forinsecus suis, ut atrio totum ambiretur, et altare esset infra atrium inter portam atrii et ostium tabernaculi.

CLXXXVI. [lb. xl, 34, 35.] Notanda est res multum mirabilis, quod nube descendente et implete tabernaculum, quæ tamen gloria Domini dicitur, non poterat Moyses intrare tabernaculum, qui in monte Sina, quando Legem primitus accepit, intravit in numerum ubi erat Deus (*Id. xix, 20*). Procul dubio ergo aliam personam tunc figurabat, aliam nunc: et tunc eorum qui participes sunt intimæ veritatis Dei; nunc autem Judeorum, quibus gloria Domini, quæ in tabernaculo est, quod est gratia Christi, tanquam nubes opponitur, non eam intelligentibus, et ideo non

<sup>4</sup> Hic ab excusis in quæstionum distinctione incipimus discedere ut sequamur MSS.

<sup>5</sup> Sic MSS. et editio Ratisponensis. Aliæ vero editiones, vel sanctum sancti.

intrant<sup>1</sup> in tabernaculum testimonii. Et hoc credendum est semel factum, mox ut constitutum est tabernaculum, significationis hujus causa, vel alicujus alterius. Neque enim semper sic erat nubes super tabernaculum, ut illuc Moyses intrare non posset; quandoquidem non removebatur nubes, nisi cum eis hoc signum dabatur disjungendi, hoc est castra movendi ex eo loco ubi erant; et accedendi quo nubes ducebat per diem, flamma per noctem (*Exod. xiii, 21*). Quæ duo vicissim etiam super tabernaculum manebant, ubi castra posuissent, nubes per diem, flamma per noctem.

#### QUEST. CLXXXVII. De Tabernaculo.

1. Quoniam liber qui Exodus dicitur, in constitutione tabernaculi sumit terminum, de quo tabernaculo etiam per superiora ejusdem libri multa dicuntur, quæ faciant difficultatem intelligendi, sicut solet omnis *textus papirus*, id est loci alicujus descriptio in omni historia facere; visum est mihi de toto ipso tabernaculo separatum dicere, quo intelligatur, si fieri potest, quale illud, et quid fuerit, interim proprietate narrationis inspecta<sup>2</sup>, et in aliud tempus dilata figura significatione: neque enim aliquid ibi fuisse putandum est, quod jubente Deo constitueretur sine alicujus magnæ rei sacramentō, cuius cognitio fidem formamque pietatis adficeret.

2. [Ib. xxvi, 1, 6.] Jubet ergo Deus Moysi facere tabernaculum decem aulæorum de byssō torta, et hyacintho, et purpura, et cocco torto, Cherubim opere textoris: αὐλαῖς quas Græci appellant, Latini aulæa perhibent, quas cortinas vulgo vocant. Non ergo decem atria fieri jussit, sicut quidam negligenter interpretati sunt: non enim αὐλαῖς, sed αὐλαῖς dixit. Opere ergo textili Cherubim jussit in aulæis fieri, quorum aulæorum longitudinem esse præcepit cubitorum viginti octo, et latitudinem cubitorum quatuor. Cohærere autem invicem aulæa, et conjungi inter se quinque hinc, et quinque inde, ut spatium quod eis cingeretur, hoc esset tabernaculi spatium. Quomodo autem inter se connecterentur eadem quina aulæa, ita præcepit, *Facies illis*, inquit, *ansas hyacinthinas in ora summa aulæi unius ex una parte in commissuram; et sic facies superiora summa ad commissuram secundam*: id est, ubi committitur aulæum aulæo, tertium scilicet secundo, quod secundum jam cum primo commissum est, id est conjunctum atque connexum, faciem contra faciem consistentia ex adverso singula; quoniā inter se jussit quina<sup>3</sup> conjungi, ut ex adverso constituerentur. Utrum autem quadratum spatium his concluderetur, an rotundum, nondum apparet; sed apparebit cum de columnis cœperit dicere, quibus pretenduntur aulæa. Non ergo amplius quam de trium connexione dicere voluit, quæ sit in

<sup>1</sup> In editis, intravit. In MSS., intrant.

<sup>2</sup> Plures MSS. interim ad proprietatem narrationis, excepta (vel expectata), et in aliud, etc. Vaticani duo: *Interim quantum ad proprietatem narrationis spectat, et in aliud.*

<sup>3</sup> Sic in Nas. et apud LXX. At in editis, *facies summa*. — In B., *facies super ora summa*. M.

<sup>4</sup> Editi, ea. MSS., quina.

duabus commissuris, secundi ad primum, et tertii ad secundum, ut ex hac veluti regula cætera jungerentur. Ansas ergo præcepit fieri primo aulæo quinquaginta, ex una parte qua illi fuerat committendum secundum; et ansas quinquaginta tertio aulæo, ex ea parte qua secundo conjungebatur: ipsum autem secundum, id est inter utrasque ansas quinquagena medium, circulos habere voluit quinquaginta aureos, utique ex una parte, per quos conjungeretur quinquaginta ansis aulæi primi; ac per hoc consequens erat ut ex alia quoque parte circulos totidem haberet, per quos conjungeretur ansis aulæi tertii. Quod breviter Scriptura ita dixit: *Et facies circulos quinquaginta aureos, et conjuges aulæum ad aulæum circulis, et erit tabernaculum unum.* Circuli ergo quinquaginta aurei secundi aulæi, inserebantur quinquaginta ansis<sup>4</sup> hyacinthinis primi aulæi; quinquaginta circuli inserebantur et quinquaginta ansis tertii aulæi; et deinceps ita cæteri connectebantur, ut quinque complecterentur, atque ex adversa parte alia similiter quinque:

3. [Ib. 7-11.] Deinde dicit, *Et facies vela capillacia operire super tabernaculum*: id est, quæ venirent super, non a parte tecti, sed supercingendo. Dicimus enim et sic aliquid superponi, non quemadmodum tectum domus, sed quemadmodum tectorum parietis, tanquam super lineam fasciam. Undecim, inquit, *vela facies ea. Longitudo veli unius erit triginta cubitorum, et quatuor cubitorum latitudo veli unius: mensura eadem erit undecim velorum. Et conjuges quinque vela in se, et sex vela in se.* Quomodo illa aulæa voluit quina conjungi, sic ista vela quinque et sex, quæ undecim erant, non decem. *Et duplicabis, inquit, velum sextum secundum faciem tabernaculi*: ne moveret<sup>5</sup> quia impariliter alterutrum incurrebant sex et quinque. Deinde dicit etiam ista vela capillacia, quemadmodum sibimet jungerentur. Et idem dicit, sed fortasse planius, *Et facies, inquit, ansas quinquaginta in ora veli unius, quod contra medium est, id est, contra secundum, quia ipsum erit medium inter primum et tertium: secundum commissuram, id est, juncturam. Et quinquaginta ansas facies super oram veli, quod conjunctum est ad secundum velum, id est super oram tertii veli, qua conjungitur secundo. Et facies circulos æreos quinquaginta, et conjuges circulos de ansis; et conjuges vela, et erit unum.* Circulos ergo medio velo voluit apponi, id est secundo, quibus quiquagenis ansis jungeretur primo et tertio. Nihil hic aliud est, nisi quod circulos non aureos, sed æreos fieri nunc præcepit. Ansas autem in aulæis hyacinthinas dixerat: in velis autem capillaciis quoniā tacuit eujusmodi essent ansæ, quid nisi capillacias eas credibilius accipimus?

4. [Ib. 12-14.] Quod deinde sequitur ita est ad intelligendum difficile, ut verear ne exponendo fiat obscurius. Dicit enim, *Et suppones in velis tabernaculi*

<sup>1</sup> In excusis deerant hic decem verba, nunc restituta MSS. qui paulo post habent, complerentur; pro, complectentur.

<sup>2</sup> Excusi, ne moveretur. MSS., ne moveret, id est, ne faceseret difficultatem.

*dimidium veli quod superaverit, subteges quod abundat de velis tabernaculi, subteges post tabernaculum. Cubitum ex hoc, et cubitum ex hoc, ex eo quod superat velis de longitudine velorum tabernaculi, erit contingens super latera tabernaculi, hinc atque hinc ut operiat. Cum sextum velum jussit duplicari secundum faciem tabernaculi, quid dicat superare in velis dimidium veli; et quid dicat, Cubitum ex hoc, et cubitum ex hoc, cum dimidium veli quindecim cubita sint, quoniam triginta cubitorum jussit esse unum velum, quis facile intelligat? Aut si propterea superat de longitudine velorum, quia prima aulae de byssso et cocco et purpura et hyacintho viginti octo cubitis longa esse præcepit, ista vero capillacia triginta cubitorum esse voluit, duobus cubitis superantur singula aulae a singulis velis capillaciis: quæ in summam ducta, excepto undecimo quod duplicari jussit, viginti cubita excrescent, quibus superatur ambitus aulæorum ambitu capillaciorum. Decem quippe velorum cubita bina, quibus longiora erant, viginti faciunt: quorum ex utroque latere decem hinc et decem inde poterant superare, non cubitum ex hoc et cubitum ex hoc, sicut Scriptura loquitur. Quapropter differenda mihi videtur hujus loci expositio, donec tabernaculum columnis omnibus, cum atrio, quod circumponitur, omni ex parte consistat. Fortassis enim per anticipationem aliquid dicit de his velis capillaciis, quod ad illa proficiat, de quibus nondum locutus est. Quod enim dicit, *Et facies vela capillacia operire super tabernaculum, utrum universum tabernaculum his velis cooperiri velit cum:trio scilicet, de quo circumponendo postea loquitur; an hoc interius tabernaculum, quod decem aulæs fieri jussit, incertum est.* Sequitur ergo et dicit, *Et facies operimentum tabernaculo, pelles arietum rubricatas.* Etiam hoc operimentum utrum universo tabernaculo fieri jussit in circuitu, an interiori tantum, similiter habetur incertum. Quod vero adjungit, *Et oportenta pelles hyacinthinas desuper, hoc non in circuitu, sed a tecto velut camera accipiendo est.**

5. [lb. 15-21.] *Et facies, inquit, columnas tabernaculo de lignis imputribilibus: decem cubitorum columnam unam, et cubiti unius et dimidii latitudinem columnæ unius; duos anconiscos columnæ uni consistentes ex adverso: sic facies omnibus columnis<sup>1</sup> tabernaculi.* Quare jussit fieri hos anconiscos, de quibus antea dixi quid essent (*Supra, quæst. 109*), non satis mihi appareat. Si enim ad columnas portandas fierent, quatuor ut minimum fierent<sup>2</sup>: si autem ubi seræ incurrerent, etiani plures fierent; nam quinas seras singulis columnis distribuit. Nisi forte in his anconiscis non aliquis usus, sed sola significatio sit, sicut in velo undecimo capillacio. Nam columnæ duos anconiscos velut brachia hinc atque hinc extendens, figuram crucis reddit. Nunc jam videamus numerum columnarum, in quibus et forma tabernaculi possit adverteri, utrum quadra, an rotunda sit, an oblongam habeat quadratum.

<sup>1</sup> Editi, *omnes columnas.* MSS. et LXX, *omnibus columnis.*

<sup>2</sup> Sic MSS. At editi excepto Rat. sic habent: *Si enim ad columnas portandas, fierent quatuor, ut in unum fierent.*

ram, lateribus longioribus brevioribus frontibus sicut pleræque basilicæ construuntur: hoc enim potius hic evidenter exprimitur. Nam ita dicit: *Et facies columnas tabernaculo, viginti columnas ab latere isto, quod respicit ad aquilonem. Et quadraginta bases urgenteas facies viginti columnis, duas bases columnæ uni in ambas partes ejus. Et latus secundum contra austrum viginti columnas, et quadraginta earum bases argenteas; duas bases columnæ uni in ambas partes ejus, et duas bases columnæ uni in ambas partes ejus.* Repetitio non moveat; quia locutionis est, ut omnes ita intelligantur de quibus non dicit. De basibus autem jam antea diximus, cur una columnæ duas habeat, quia et capita hoc loco bases vocat (*supra, quæst. 110*).

6. [lb. 22-25.] Videmus igitur vicenis columnæ porrecta duo latera tabernaculi aquilonis et austri: due sunt reliqua, orientale et occidentale, quæ si totidem columnas habuissent, procul dubio quadrum esset. Quot autem habeat, de occidentali non tacetur, de orientali tacetur: utrum quia non habuit, et sola illic sine columnis extendebantur aulae ab extrema columna unius lateris usque ad alterius alteram extremam; an aliqua causa taceantur, ut etiam tacitæ intelligantur, nescio. Postea quippe ex ipsa parte orientis decem columnæ commemorantur, sed atrii de quo post loquitur, quod huic tabernaculo circumponit jubet. Commemoratis ergo lateribus tabernaculi aquilonio et australi in vicenis columnis, deinde sequitur et adjungit, dicens: *Et retro tabernaculum per partem quæ est contra mare, facies sex columnas: et duas columnas facies in angulis tabernaculi a posterioribus, et æquales deorsum versus; et in se convenientes erunt, æquales de capitibus in commissuram unam. Sic facies ambobus duobus angulis<sup>1</sup>; æquales sint. Et erunt octo columnæ, et bases earum argenteæ sexdecim: duæ bases columnæ uni, et duæ bases columnæ uni in ambas partes ejus.* De basibus similis ratio et similis locutio est. Latus itaque occidentis, nam hoc est ad mare, columnæ octo extendit; sex mediis, et duabus angularibus quas æquales ad unam commissuram dicit esse debere; credo quod angulus duo in se latera committat, et sit columnæ angularis lateri utrique communis, ista occidentali et aquiloniæ, illa occidentali et australi. Quod autem dicit etiam æquales deorsum versus hoc utique dicit, ut ad perpendicularm librarentur, ne robustiores essent infra quam supra, sicut pleræque columnæ sunt.

7. [lb. 26-29.] Deinde dicit: *Et facies seras de lignis imputribilibus, quinque uni columnæ ex una parte tabernaculi; et quinque seras columnæ lateri tabernaculi secundo; et quinque seras columnæ posteriori lateri tabernaculi, quod est ad mare. Mirum si dubitari potest, latæ orientale columnas non habuisse in hoc interiori tabernaculo, cui postea circumponitur atrium. Singulas quasque igitur columnas omnium trium laterum habere seras quinas jubet. Et sera, inquit, media inter medias columnas pertranseat ab uno latere in aliud latus.* Hoc videtur dicere, ut de columnâ in columnam sera perveniret, et per intervallum columnarum por-

<sup>1</sup> Editi, *sic facies angulos duobus angulis.* MSS. *ambobus duobus;* secundum LXX. *amphoteris latis dusi geniculis.*

rigeretur a latere unius usque in latus alterius : ac per hoc una ex his omnibus columna non erat habitura proprias quinque seras; ad quam extremam quinque perveniebant a columna sibi proxima venientes. *Et columnas, inquit, inaurabis auro, et annulos facies aereos, in quos induces seras, et inaurabis auro seras.* Ne columnæ foraminibus cavernarentur, quo intrarent seræ, annulos fieri jussit, quibus ex utraque parte continerentur fines serarum. Proinde intelliguntur hi annulli fixis in ligno ansulis pependisse, ut extremitas partes serarum possent capere et continere.

8. [lb. 30-37.] *Et eriges, inquit, tabernaculum secundum speciem quæ monstrata est tibi in monte. Et facies velamen de hyacintho et purpura etocco torto et byso neta; opus textile facies illud Cherubim<sup>1</sup>. Et superimpones illud super quatuor columnas imputribiles inauratas auro, et capita earum aurea, et bases earum quatuor argenteæ. Et pones velamen super columnas, et induces illuc, interius quam velamen est<sup>2</sup>, arcam testimonii: et dividet vobis velamen inter medium sancti et interior medium sancti sanctorum. Et cooperies de velamine arcam testimonii in sancto sanctorum<sup>3</sup>.* Hæc omnia manifesta sunt, interius intra velamen hoc quatuor columnis impositam fuisse arcam testimonii: quam non sic operiri jussit velamine, ut super arcæ coopericum jaceret velamen, sed ut contra statueretur<sup>4</sup>. Deinde dicit: *Et pones mensam foris extra velamen; et candelabrum contra mensam in parte tabernaculi, quæ respicit ad austrum: et mensam pones in parte tabernaculi, quæ respicit ad aquilonem.* Etiam hoc planum est. Quod autem sequitur, *Et facies adductorium de hyacintho et purpura etocco torto et byso torta, opus variatoris.* *Et facies velamini quinque columnas, et inaurabis illas auro, et capita earum aurea: et confabis eis quinque bases aereas:* cui usui velamen hoc fiat quinque columnis extitum, post apparebit, nam hic non appetet. Vult enim illud esse velamen ostii tabernaculi, hujus videlicet interioris, cui circumponitur atrium. Deinde jubet altare fieri sacrificiorum et holocaustorum; et dicit quemadmodum fiat: nondum autem dicit ubi ponatur; sed hoc quoque post apparebit.

9. [lb. xxvii, 9-13.] Hinc jam de atrio loquitur usque in finem, quod circumponendum est tabernaculo illi, de quo prius constituendo locutus est. *Et facies, inquit, atrium; quod dicitur græce αὐλὴ, non αὐλαῖς:* quod quidam interpretes nostri non discernentes, et hoc et illa aulæ, quas αὐλαῖς non αὐλές; Græci dicunt, atria interpretati sunt dicentes. *Et facies tabernaculum decem atriorum, ubi decem aulaeorum dicere debuerunt.* Nonnulli autem multo imperiores, janus interpretati sunt et αὐλαῖς et αὐλαῖς. Sicut au-

<sup>1</sup> In editis, *super Cherubim*. At in MSS. et apud LXX, alisque particula, *super, legitur facies illud cherubini*. Hebraicorum est, quo præciput velamen artificis industria s; argendum imaginibus alatis, sive potius, ut habeat versio Vulgata, *pulchra varietate contexendum*.

<sup>2</sup> Sic MSS. *juxta græc. LXX: καὶ εἰσοισθε εἰκεῖ εἰστέρον του κυπεπατμαλος*. Adeoque perperam in ante excusis, et induces illud interius ubi velamen est.

<sup>3</sup> Editi, *in sanctis sanctorum*. Vaticani MSS. *juxta græc., in sancto sanctorum*.

<sup>4</sup> In editis, *contra mensam statucretur*. Abest, *mensam, MSS.*

tem in lingua latina invenimus *aulea*, quas Græci αὐλαῖς vocant; ita quam illi appellant αὐλὴ, nostri aulam vocaverunt. Sed jam non atrium isto nomine, sed domus regia significatur in latina lingua; apud Græcos autem, atrium. Ergo, *Et facies, inquit, atrium tabernaculo in latere quod respicit ad oustrum; et tenoria atrii ex byso torta; longitudi sit centum cubitorum unilateri: columnæ eorum<sup>1</sup> viginti, et bases earum aereæ viginti; et circuli earum, et arcus earum argentei.* Sic et lateri quod est ad aquilonem, tentoria centum cubitorum longitudinis; et columnæ eorum viginti, et bases earum aereæ viginti, et circuli earum, et arcus columnarum, et bases inargentatae argento. *Latitudo autem atrii quæ est ad mare, tentoria ejus quinquaginta cubitorum; columnæ eorum decem, et bases earum decem.* *Et latitudo atrii quod est ad orientem, quinquaginta cubitorum; columnæ ejus decem, et bases earum decem.*

10. Hic jam videmus commemorari columnas ab oriente, cum loquitur de atrio, et eas decem dicens cum basibus æreis, sicut dixit etiam de occidentalibus: ubi difficultissima oritur questio. Nam facile est quidem ut accipiamus ab oriente unum ordinem columnarum ad atrium pertinentium, quo tabernaculum interius per omnes quatuor partes cingitur; quia non habebat ex ea parte columnas tabernaculum interius: ab occidente autem ubi jam erant interioris tabernaculi columnæ octo, quomodo etiam istas decem, quas exterioris atrii commemorat, accepturi sumus, tanquam ab occidente duo sint ordines columnarum, interiorum octo, et exteriorum decem? Quod si ita est, longiora erunt etiam latera atrii exterioris, quam tabernaculi interioris, ut sit unde ab extremo in extremum aliis columnarum ordo dirigatur, et non incurrit in ordinem priorem ad interius tabernaculum pertinentem. Et si hoc est, consequens erit ut vicinæ illæ columnæ duorum laterum tabernaculi interioris, austri et aquilonis, intervallis brevioribus dirimantur, quam illæ vicinæ quas habet atrium exteriorius ex eisdem lateribus. Et quia illi exteriores ordines vicinarum columnarum, sicut Scriptura loquitur, centena cubita tenent; isti interiores totidem columnarum quotlibet minus cubita teneant, quoniam hoc Scriptura non expressit, consequens erit ut octo columnæ illæ tabernaculi interioris in latere occidentali rariores sint quam vicinæ illæ ejusdem tabernaculi australes et aquilonæ, ut possit comprehendendi spatium quantum sufficit decem illis aulæis circumtendens, quibus primitus dixit hoc tabernaculum fieri. Habent enim cubita vicena et octona, quæ sunt simul ducenta octoginta: quorum si centena essent in lateribus duobus austri et aquilonis, ubi vicinarum columnarum ordines sunt, quadragena utique cubita tenderentur per alia duo latera orientis et occidentis, et proportione occurrent in octo columnis cubita centum; sed non essent longiora latera exterioris atrii, quoniam centenis cubitis definita sunt; et ideo non esset quemadmodum ille ordo decem columnarum ab au-

<sup>1</sup> Editi, *earum*. At MSS. *eorum*: refertur ad tentoria.

gulo australi in angulum aquilonium includeret ordinem interiorum octo columnarum. Proinde ut atrio undique circumdetur interius tabernaculum, oportet illud esse etiam longitudinis brevioris : atque ita necesse sit vicinas ejus columnas in duobus lateribus, quibus in longum porrigitur, densius constitui, quam sunt atrii exterioris etiam ipsæ vicinæ; et rarius octo columnas tabernaculi interioris a parte occidentis, quam decem ex eadem parte atrii exterioris : quoniam quidquid minus cubitorum ex illis aulæis extenditur in columnis vicinis duorum laterum ad austrum et ad aquilonem, compensandum est latitudine orientalis et occidentalis lateris, ut ducenta octoginta cubita consummentur aulæorum. Non enim sicut de velis capillacis, ubi unum plus est, ita et de his aulæis jussit aliquid duplicari. Quapropter si tantum breviatur longitudi tabernaculi interioris, quod ab atrio exteriore posset includi, ut in vicinis ejus columnis non centena cubita tantum aulæorum ; sed verbi gratia, ut minimum nonagena et sena, ut quaternis cubitis breviora sint : hæc ipsa quaterna cubita, id est octo cubita in duos aliis lateribus utique tendenda sunt, orientali et occidentali; ac sic in illis octo columnis occidentalibus tabernaculi interioris non extenduntur cubita quadraginta, sed quadraginta quatuor, et alia quadraginta quatuor ab oriente. Cum ergo in decem columnis exterioris atrii tenduntur cubita quinquaginta, in octo autem interioris tabernaculi tenduntur cubita quadraginta quatuor, rariora inveniuntur intervalla interiorum octo columnarum quam exteriorum decem : quia si paria essent, ita in columnis octo quadraginta cubita tenderentur, sicut quinquaginta tendebantur in decem ; quoniam quod sunt proportionē octo ad decem, hoc sunt quadraginta ad quinquaginta. Quinarium quippe numerum quadraginta octies habent, quinquaginta decies.

11. [Ib. 14-16.] Nec nos moverent columnarum intervalla disparia, quod densiores in lateribus longitudinis ponerentur, ubi vicinæ sunt, rariores autem in latere longitudinis, ubi octo sunt, nisi aliud existaret quod urgeret mutare sententiam. Cum enim commemorasset longitudinem atrii ad mare habere tentoria quinquaginta cubitorum, et columnas decem, et bases earum decem ; et longitudinem atrii ad orientem item quinquaginta cubitorum, et columnas decem et bases decem ; atque his dictis perfecta videretur forma tabernaculi cum atrio suo undique ambiente, injectit aliud, quod ubi et quomodo intelligendum sit, difficilime reperitur : *Et quindecim*, inquit, *cubitorum tentiorum altitudo lateri uni* : *columnæ eorum tres*, et *bases earum tres*. *Et latus secundum*, *quindecim cubitorum tentiorum altitudo* : *columnæ eorum tres*, et *bases earum tres*. *Et portæ atrii tegumen viginti cubitorum altitudo de hyacintho et purpura et coco neto et byso torta*, varietate acu picta : *columnæ earum quatuor* et *bases earum quatuor*. Hæc ubi constituentur, perfecta illa forma tabernaculi, non video : sed plane video cumdem esse numerum columnarum decem, in tribus et tritubis et quatuor, ternis scilicet a la-

teribus et quatuor in medio. Ac per hoc tentoria illa quinquaginta cubitorum non contexta erunt, ne aditus in atrio nullus sit : sed quindenit cubitis media viginti cubita separabuntur, ut faciant portæ tabernaculi tegimen, hoc est velum, quod ornamento velamentoque dependeat, et teneat spatium quatuor columnarum, quod portæ atrii deputatum atque separatum est. Ideo velamen ipsum a lateribus quindenum cubitorum divisum atque separatum, etiam specie distingui voluit, ut opere acu picto quatuor illis coloribus variaretur. Sed latera illa quindenum cubitorum hinc atque hinc ternas columnas habentium, si ad eamdem lineæ rectitudinem portæ atrii conjungantur, non erit spatium inter decem columnas exterioris atrii et octo interioris tabernaculi, ubi sit altare quinque cubitorum, quadrum occupans spatium ; et ante ipsum altare, ubi serviatur altari ; et inter ipsum et ostium tabernaculi interioris, ubi sit labrum æneum. Sic enim poni jussum est, unde manus et pedes sacerdotes lavent, quando intrant tabernaculum, vel quando accedunt ut altari deserviant : quod nisi foris a tabernaculo in atrio intellexerimus, quomodo possunt prius lavare manus et pedes, et sic tabernaculum introire ? Foris autem ab atrio non possumus altare statuere; quia et tabernaculum et altare circumdari atrio præcepit. Restat igitur ut illa latera quindenum cubitorum hinc atque hinc, et columnarum ternarum, sic accipiamus a lateribus, ut ipsa faciant intervallum totidem cubitorum<sup>1</sup> inter portam atrii et ostium tabernaculi interioris : portam quidem patentem viginti cubitis in quatuor columnis, et habentem velum acu picto opere variatum viginti cubitorum ; ostium vero tabernaculi interioris, ubi ponatur velamen illud in quinque columnis extentum : quod utique non intra illum ordinem octe columnarum, sed extra foris ad atrium positum intelligere debemus. Tunc enim erit velum ostii tabernaculi, quod ostium tanquam valvis aperiebatur, ubi aulæa inter se circulis et ansis non conjugebantur. Aut si forte intra illum ordinem octo columnarum tabernaculi interioris, opponebatur hoc velamen in quinque columnis ostio tabernaculi, ut quando aperiebatur, interiora non nudarentur, ne a proscientibus viderentur ; quod tamen velamen sive interius ab illo ordine columnarum, sive exterius poneretur, quod non satis elucet : procul dubio distabat moderato intervallo ab eodem ordine columnarum, ne quinque columnæ ad quatuor columnas densius constipatae, intercluderent potius aditum, quam velarent.

12. Secundum istum itaque modum, et secundum hanc formam tabernaculi nihil jam opus est vicinas illas columnas laterum interioris tabernaculi ad austrum et aquilonem constituere densiores, et rariores illas octo facere que ab occidente fuerant. Decem quippe illæ atrii exterioris ab eadem parte occidentis non longum ordinem faciunt columnarum, quo includantur octo interiores, sed ternis ab utro-

<sup>1</sup> Sic MSS. At editi, aliquot cubitorum.

que latere constitutis, et quatuor in porta<sup>1</sup>, spatum concludunt, ubi et altare sit holocaustum intra portam atrii ante ostium tabernaculi; et labrum inter ostium tabernaculi et altare; et intervallum necessarium ministerio inter altare et portam atrii: et sic illud totum spatum atrii concluditur columnis decem, tribus ab aquilone, et tribus ab austro, et quatuor ab occidente, tanquam si II grecam litteram facias. Et sic adjungebatur idem spatum longiori ordini columnarum tabernaculi interioris, tanquam si ad litteram memoratam, ex ea parte qua non habet, adjungas litterae productionem qua iota dicitur; ut ejus parte qua in medio est, ab eo latere concludatur, et restent hinc atque inde ex ipso iota reliquæ partes. Poterant ergo numerari decem columnæ in illo longo ordine partis occidentalis tabernaculi interioris, sed cum illis octo adderentur duæ, quæ fuerant ultimæ in ordinibus laterum atrii aquilonis et austri. Nam et illæ decem quæ proprie ad atrium pertinerent a parte occidentis, unde et intrabatur ad tabernaculum, ternas habebant in lateribus, et quatuor in fronte, ubi porta erat, atque ita spatum usui sacrificiorum necessarium intra atrium ante tabernaculum amplectebantur. In ternis autem columnis quæ fuerant a lateribus, tentoria erant de byssô quindennorum cubitorum: in quatuor autem ubi porta erat, velum erat viginti cubitorum acu picto opere variatum.

13. [Ib. xxxviii, 9-18.] Nec moveat quod ait Scriptura, *Quindecim cubitorum tentiorum altitudo lateri uni: columnæ eorum tres, et bases earum tres. Et latus secundum quindecim cubitorum tentiorum altitudo: columnæ eorum tres, et bases earum tres. Et portæ utri legumen viginti cubitorum altitudo.* Altitudinem quippe eamdem dicit, quæ fuerat longitudo tentiorum. Eadem quippe altitudo est cum texuntur, quæ longitudo est cum tenduntur. Quod ne suspicari videamus, alio loco id ipsum Scriptura commemorans ait, *Et fecerunt atrium quod est ad austrum, tentoria atrii de byssô torta, centum per centum: id est, centum cubita tentiorum per centum cubita spati quod tenebant viginti columnæ.* Deinde sequitur: *Et columnæ eorum viginti, et bases earum viginti æreae.* *Et latus quod ad aquilonem centum per centum, et columnæ eorum viginti<sup>2</sup>, et bases earum viginti æreae: et latus quod est ad mare, aulaæ quinquaginta cubitorum: columnæ eorum decem, et bases earum decem.* Eadem dicit aulaæ quæ tentoria. *Et latus quod est ad orientem quinquaginta cubitorum tentoria.* Post hæc redit ad posteriora tabernaculi, ut ostendat quemadmodum illæ decem columnæ spatum de quo loquebatur, atrii complectebantur. *Quindecim cubitorum, inquit, quod eu a dorso.* Dorsum appellat, quia posteriora tabernaculi erant, illæ est a parte occidentis. *Et columnæ, inquit, eorum tres, et bases earum tres. Et a dorso secundo hinc et hinc secundum portam<sup>3</sup> atrii aulaæ quindecim*

<sup>1</sup> Rat. et Lov., *impar.* Am. Er. et quinque MSS., *in portam.* Alii MSS., *in porta.*

<sup>2</sup> Ediū, exceptio Rat., *viginti æreae.* Abest ærea a MSS. et LXX.

<sup>3</sup> Ediū, *partem;* pro quo MSS., *portam.* Sic etiam LXX.

cubitorum: columnæ eorum tres, et bases earum tres. Manifestum est certe eadem duo dorsa dici hoc loco, cum commemorantur omnia quemadmodum facta sint, quæ latera dicebantur, quando præcipiebatur ut fierent: latera scilicet quia hinc atque inde conjuncta portæ occidentalis<sup>4</sup> atrii spatum concludebant; dorsa vero, quod a tergo tabernaculi erat hæc pars atrii, id est a parte occidentali. Sequitur autem et dicit: *Omnia aulæ atrii de byssô torta, et bases columnarum æreae, et ansæ earum argenteæ, et capita earum inargentata argento; et columnæ inargentatae argento, omnes columnæ atrii.* Deinde adjungit quod nondum isto loco commemoraverat: *Et vela memorati atrii<sup>5</sup> opus variatoris, de hyacintho et purpura et coco neto et byssô torta; viginti cubitorum longitudinem et latitudinem.* Ecce ubi apparet eamdem dictam superius altitudinem, quæ aulæorum extensorum fuerat longitudo. Denique addit: *Et latitudinem quinque cubitorum.* Tot enim cubitis latitudinis erigebantur tentoria exterioris atrii, sicut interioris cubitis quatuor. Sic autem et superius dixerat: *Longitudo autem atrii centum per centum, et latitudo quinquaginta per quinquaginta, et altitudo quinque cubitorum ex byssô torta.* Hanc latitudinem dicens quam postea altitudinem dixit; quoniam quæ jacentium latitudo est, eadem erectorum altitudo. Sicut quod paulo ante commemoravi, que cum texuntur altitudo est, eadem cum tenduntur longitudo est.

14. [Ib. xxvi, 12, 9, 13.] Nunc jam quod distuleram, videamus; quomodo ex hac forma universi tabernaculi, quam sicut potui ante oculos collocavi, difficultas illa solvatur de capillaciis velis. Quæ fortasse ideo erat abstrusior, quia per anticipationem ibi aliquid dictum est, quod proficeret operi, de quo postea fuerat locuturus, cum atrium tabernaculo circumponendum describeret. Nunc itaque verba ipsa videamus. *Et suppones, inquit, quod superabit in velis tabernaculi, dimidium veli quod superabit subteges; quod abundat in velis tabernaculi, subteges post tabernaculum.* Hoc totum quod dictum est unum sensum habet, quia dimidium veli quod superaverit, hoc est, id quod abundaverit de velis tabernaculi, subtegendum est post tabernaculum. Quomodo ergo supereret, id est, abundet et restet dimidium veli, ex illa serio connexorum velorum oportet inquire: quoniam quinque in se, et sex in se connecti voluit, sicut superius loquens dixerat, sextum velum a facie tabernaculi duplicandum, id est ab oriente. Toties enim posteriora tabernaculi a parte occidentis esse significavit, id est ad mare. Quid igitur facies tabernaculi, nisi pars illa intelligenda est quæ est ad orientem? Pars ergo illa qua vela quinque connexa sunt, habet cubita centum quinquaginta, hoc est quinque tricena (tricenorum enim cubitorum erant singula, sicut ea Deus fieri jussérat): illa vero pars in qua erant non quinque, sed sex vela sibimet similiter connexa, cùbita habebat centum octoginta, id est sexies tricena,

<sup>4</sup> Cisterciensis Ms., *conjugata a parte occidentali.*

<sup>5</sup> Legitur apud LXX, Exodi cap. 37, *Et velamen portæ atrii.* Confer Vulgat. Exodi cap. 38, v. 18.

ac per hoc duplicato ex eis uno velo, sicut jussum est, secundum faciem tabernaculi, minuehantur in ea duplicatione cubita quindecim; quibus detractis, centum sexaginta quinque remanebant. Et ideo post centum quinquaginta cubita, quibus illi parti quinque velorum etiam ista pars sex velorum æquabatur, superabant atque abundabant cubita quindecim. Hinc enim erant a parte quinque velorum, cubita centum quinquaginta: hinc autem a parte sex velorum, duplicato uno velo secundum faciem tabernaculi, erant cubita centum sexaginta quinque. Plus ergo habebat pas ista cubita quindecim. Illoc dicit dimidium veli, quod jubet subtegi post tabernaculum, ut quia illud a facie duplicatum est, hoc dimidium redundans a posteriore parte tabernaculi non duplicaretur, sed subtegeretur, id est, omnia ipsa quindecimi cubita subtermissa tegerentur: ac sic et ipsa illi longitudini detraherentur, sicut illa itidem quindecim a facie tabernaculi unius veli duplicatione detracta sunt: eoque modo centum quinquaginta cubitis quinque velorum occurrent ex alia parte centum quinquaginta cubita sex velorum; triginta scilicet cubitis de centum octoginta detractis, a facie tabernaculi velo duplicato, et a posterioribus tabernaculis dimidio velo subtecto.

45. Jam illud quod sequitur aliud est, et aliam quæstionem infert, propter quam maxime hujus loci expositionem differendam putavi, ut prius et formam constituendi tabernaculi, et de atrio circumponendo quod scriptum est videremus. Sequitur ergo: *Cubitum ex hoc, et cubitum ex hoc, ex eo quod superat velis de longitudine velorum tabernaculi, erit contingens super latera tabernaculi hinc atque hinc, ut operiat.* Aliud est quod superabit una pars sex velorum aliam partem quinque velorum, propter ampliorem velorum numerum, unde jam diximus: aliud quod superabit de longitudine velorum, unde nunc dictum est. Ita enim non pars parti comparatur, et altera alteram superare inventitur; illa scilicet, quæ vela sex habet, illam quæ vela quinque habet; quæ ambæ ut sibimet æquarentur, a facie tabernaculi facta est unius veli duplicatio, a tergo dimidii subtectio: sed ipsa vela capillacia comparata aulæis, ex quibus decem jussit fieri interius tabernaculum quatuor coloribus textis, longiora reperiuntur cubitis binis. Ea enim erant aulæa singula cubitorum viginti octo, ista triginta: ideo hic non ait, Ex eo quod superat velis; sed, *Ex eo quod superat velis de longitudine velorum.* Quid est ergo, *Cubitum ex hoc, et cubitum ex hoc, erit contingens super latera tabernaculi,* nisi quia illa longitudo in qua binis cubitis vela capillacia longiora sunt aulæis, singulis singula, non tota in unam partem cogenda est, id est, ut quidquid superat, ad posteriora tabernaculi colligatur; sed distribuantur ex æquo, tantumque ejus ad priora tabernaculi, quantum ad posteriora tribuatur: id est, quoniam duo cubita in singulis velis eamdem quæ superat longitudinem faciunt, ut cubitum inde auferat pars ista, et cubitum illa; ita de singulis cubitis suis habebit pars ista cubita decem, et illa de suis singulis

decem; quoniam decem vela binis cubitis longiora, viginti cubitorum longitudinem faciunt, qua videntur superare serie sua seriem aulæorum?

16. Deinceps videndum est haec viginti cubita, quæ superant de longitudine velorum, cui spatio cingendo proficiant. Si enim velis capillaciis interius tabernaculum circumlegitur, ita superant, ut quid ex eis cooperiatur non sit omnino. Unde restat etiam ipsa subtegi, et subtegendo detrahi, quod Scriptura non dicit. Aulæa quippe decem, quæ habent cubita vicena et octona, quibus interius tenditur tabernaculum, circumplectuntur spatium quantum possunt circumplexi cubita ducenta octoginta: unde latera illa longiora australe et aquilonium, habentia vicinas columnas, auferunt ex his cubitis centena<sup>4</sup> cubita; restant octoginta, quæ duobus reliquis lateribus brevioribus, orientali quod non habet ordinem columnarum, et occidentali ubi erant columnæ octo, quadrægena distribuantur. Proinde in capillaciis velis, quoniam detractis triginta cubitis trecenta restabant, si trecentis cubitis capillaciorum velorum, ducenta octoginta cooperiantur aulæorum, ita supererunt viginti, ut non sit quod ex eis tegatur. Proinde duo illa cubita, quæ singula capillacia plus habent, ex quibus summa viginti cubitorum collecta est, sic distribuenda sunt, *Cubitum ex hoc, et cubitum ex hoc;* id est, ne omnia in unam partem cogantur, ut proficiant operiendis lateribus tabernaculi, sed exterioris atrii, id est, omnia illa trecenta cubita velorum capillaciorum extrinsecus tabernaculum cingant. Adjuntis quippe lateribus atrii exterioris centenum cubitorum, id est<sup>5</sup>, austri et aquilonis, quinquagena cubita supersunt orientis et occidentis, quæ omnia fiunt trecenta, quibus cooperiendis capillaciorum trecentena sufficiunt. Hoc est quod ait, *Cubitum ex hoc, et cubitum ex hoc;* id est, distributio duorum cubitorum, quibus unumquodque velum capillacium longius est, hoc est *ex eo quod superat velis de longitudine velorum, erit contingens super latera tabernaculi;* illa scilicet exteriora quæ ad atrium pertinent, *hinc atque hinc ut operiat:* nec illa ipsius atrii, quæ centenis cubitis et vicenis columnis tenduntur; ipsa enim non sunt facta longiora, quam illa interioris tabernaculi quæ decem aulæis tenduntur, et vicinas etiam ipsa columnas habent. Nam sicut interioris tabernaculi duo latera ab aquilone et austro centenis cubitis porrigitur, ita et exterioris atrii. Non ergo ad ipsa exteriora totidem columnarum latera legenda capillaciorum velorum proficit longitudo, qua longitudinem superant aulæorum. Tantum enim dant exterioribus lateribus, quantum et interioribus darent, id est cubita centena, quæ fiunt ducenta: sed quia lateribus orientis et occidentis sufficerent latera quadrægena, si tantummodo interius tabernaculum velis capillaciis cingeretur; additis autem lateribus atrii crevit tabernaculi latitudo, ut legendis lateribus

<sup>4</sup> Editi, ducenta. MSS. vero, centena: id est, duo latera auferunt sua quodque centum cubita.

<sup>5</sup> Lov., centum cubitorum, id est. Et paulo post, quinquaginta cubita, pro quinquagena, ex graviori certe typographorum lapsu.

orientali et occidentali jam non quadragena, sed quinquagena cubita sint necessaria : ad ea tegenda proficere potuit capillaciorum velorum longitudo amplior quam aulaeorum; ut non ambo cubita, quibus binis longiora sunt, ex una parte impenderentur, sed *cubitum ex hoc, et cubitum ex hoc;* ac sic haberet ex ipsa superabundantia latus orientale cubita decem, et occidentale alia decem. Viginti enim sunt bina decem : quia veli undecimi<sup>1</sup> cubita triginta dupllicatione et subtectione ab hoc ambitu detrahuntur.

17. Sed quoniam id quod latine interpretatum est, *Cubitum ex hoc, et cubitum ex hoc, ex eo quod superat velis de longitudine velorum tabernaculi, erit contingens super latera tabernaculi,* græcus habet πλάγια, quæ latini nonnulli non *latera*, sed *obliqua* interpretati sunt, merito movet, quia etsi nihil hic videatur obliquum, ubi omnes anguli quatuor laterum recti sunt; πλάγια tamen dici latera illa non possunt, quorum unum est in facie, alterum retro, id est, orientale et occidentale, sed πλάγια dici possunt a dextro et a sinistro, id est, aquilonium et australe : cum ergo non sint ea πλάγια quæ habent cubita quinquagena, quibus lateribus tegendis prolificere potuisse diximus superantem longitudinem capillaciorum velorum; quomodo erit verum, *Cubitum ex hoc, et cubitum ex hoc, ex eo quod superat velis de longitudine velorum tabernaculi, erit contingens super latera tabernaculi?* Sed nimirum de illis lateribus legendis loquitur, quæ etiam dorsa appellat quindenorum cubitorum columnarumque ternarum, quæ cum porta atrii habente cubita viginti et columnas quatuor, quinquaginta compleant cubita et columnas decem. Hæc latera ex istis suis finibus in medio posuerunt atrii portam, ex illis autem ostium tabernaculi : inter portam atrii et ostium tabernaculi spatium jacet, quantum cubita illa concludunt viginti a porta, et dextra lœvaque quindena. In eo spatio est altare holocaustatum intra portam atrii ante ostium tabernaculi; et inter altare et ostium tabernaculi labrum æreum<sup>2</sup>, ubi sacerdotes manus et pedes lavabant. Diligenter autem mensuris examinatis, fortasse in istis lateribus ternarum columnarum, quæ πλάγια græce dicta sunt, nonnulla etiam obliquitas invenitur; ut non frusta quidam interpretes nostri *obliqua* interpretarentur, quæ in græco πλάγια repererunt. Non enim vela capillacia quindenis cubitis suis possunt tegere quindena cubita tentiorum in illis lateribus, nisi posterioribus partibus tabernaculi, antequam ad illa latera deflectantur, non amplius quam dena cubita impenderint. Ac sic ex linea recta posterioris tabernaculi, id est a parte occidentis; quæ linea cum habuisset octo columnas pertinentes ad interioris tabernaculum, decem habere coepit additis lateribus atrii exterioris; et cum habuisset cubita quadragesima ad

octo columnas pertinentia, quinquaginta habere coepit in columnis decem : ex hac ergo linea cum tecta fuerint velis capillacis dena cubita ab utroque angulo venientia, restabunt in medio triginta non tecta velis capillacis, sed illis tantummodo aulaeis; in quorum triginta cubitorum medio, per quotlibet cubita tendrentur, erat ostium tabernaculi. Proinde illa latera ternarum columnarum et quindenorum cubitorum, si ex illis finibus suis quibus jungebantur portæ atrii, patebant inter se cubitis viginti, quia tantum habebat porta quæ illa latera dirimebat; ex aliis autem finibus quibus hærebant posteriori illi lineæ tabernaculi, de qua locuti sumus, habebant inter se cubita triginta; procul dubio erant obliqua : quoniam plus inter se patebant ex hac parte ubi habebant media cubita triginta, quam ex illa parte ubi habebant media cubita viginti. Ita illa decem cubita capillaciorum velorum, quod erat dimidium abundantis longitudinis, quæ proficiebant posteriori parti tabernaculi, hoc est occidentali, sicut alia decem proficiebant priori parti, id est orientali, quinis cubitis complebant tectorum laterum illorum, quæ græce πλάγια dicta sunt, inde quinque et hinc quinque. Quæ si defuissent, dena cubita tegerentur in eisdem lateribus, et quina nuda essent. Itaque, quantum mihi videtur, melius intelligitur hinc esse dictum, *Cubitum ex hoc, et cubitum ex hoc, ex eo quod superat velis de longitudine velorum tabernaculi,* non quia erant, cum hinc et inde quina essent; sed quia ex illa longitudine redundabant, in qua binis cubitis erant aulaeis capillacia longiora, ex quibus duabus cubitis uniuscujusque veli cubitum profecerat parti orientali : restabat utique alterum cubitum parti occidentali, ut cubitum ex hoc esset contingens super πλάγια tabernaculi. Unde dictum est, *hinc atque hinc ut operiat*, quia non operiebat totum, si eadem quina cubita defuissent.

18. Nunc jam quoniam satis disputatum est, quomodo illa omnia intelligenda sint, quæ in tabernaculi constitutione videbantur obscura, breviter si possumus enitamur ostendere quid sit eadem disputatione confectum. Ab occidente igitur intrabatur, et prima erat ingrediendi porta atrii, quæ patebat viginti cubitis, et habebat quatuor columnas, quibus dependebat velum viginti cubitis extentum, erectum autem cubitis quinque, quatuor illis sape commemoratis coloribus acu picto opere variato. Ilac porta ingrediens excipiebatur atrio, cuius latera dextera lœvaque quindenis cubitis et ternis columnis porrigebantur introrsus; ut in medio ponerent ostium tabernaculi interioris, in ea parte quo perveniebant, sicut in medio ponebant portam atrii, ab ea parte unde incipiebant. Hoc itaque atrium latius erat quam longius. Nam longitudo ejus erat a porta ipsius usque ad ostium tabernaculi interioris, in cubitis ferme quindecim : latitudo autem circa portam in cubitis viginti, circa ostium vero in cubitis triginta. Unde obliqua illa latera fuisse intelliguntur, quæ dextera lœvaque in columnis ternis et quindenis cubitis erant. In hoc atrio erat altare sacrificiorum quadratum, quinque scilicet cubitis lon-

<sup>1</sup> Editii, *undecim.* Verius aliquot MSS., *undecimi.*

<sup>2</sup> Hic locus in integrum restinuit ope MSS. Vaticanis, Corbeiensis et Thunaci. Nam in editis Am. Er. et Lov. sic exhibetur : *In eo spatio est altare tabernaculi, et inter ultore tabernaculi labrum, etc.* Apud Rat. et aliquot MSS. : *In eo spatio est altare tabernaculi, et inter ultore atque ostium tabernaculi labrum.*

gum, et totidem latum. Inter portam et altare spatum erat, ubi versabantur qui sacrificia imponebant altari: introrsus vero inter altare et ostium tabernaculi, locus erat cineris ante altare<sup>1</sup>, et deinde labrum æneum ubi manus et pedes sacerdotes lavabant, vel altari in atrio servituri, vel tabernaculum interius ingressuri. Tentoria porro hujus atrii in lateribus ternarum columnarum byssina erant, extenta cubitis quindenis, erecta cubitis quinis.

19. Ab hoc ergo atrio intrabatur ostium tabernaculi cum transisset altare, et labrum æneum. Intrabatur autem apertis aulæis, quibus decem, quinque hinc et quinque inde ex adverso sibimet constitutis, totum ipsum interius tabernaculum cingebatur. Quod ostium ingresso occurrebat velum, quod ad ostium fuerat oppositum, in quinque columnis extentum, variatum illis quatuor coloribus: quod velum cum faciendum præcipiteret, adductorium vocavit, credo quod curreret, ducento et reducendo, cum operiret atque aperiret ingressum. Transito isto velo, excipiebat pars tabernaculi media inter hoc velum et illud alterum interius, quod columnis quatuor fuerat impositum, ex illis quatuor coloribus factum, et separabat inter sancta que forinsecus erant, et sancta sanctorum interius posita. In hoc itaque medio spatio inter ista duo vela, mensa erat aurea, quæ habebat panes propositionis in in parte aquilonis; et contra eam candelabrum aureum septem lucernarum in parte austri. Huc usque secundis sacerdotibus licebat intrare.

20. Interius autem, id est, in sancto sanctorum ultra velum quatuor columnarum, arca erat testimonii deaurata, in qua erant tabule lapideæ Legis, et virga Aaron, et urna aurea cum manna, et propitiatorium desuper aureum, ubi stabant duo cherubim, alis obumbrantes propitiatorium et intuentes invicem et ipsum. Ante arcam vero, id est inter arcum et velum, positum erat altare incensi, quod aliquando aureum dicit Scriptura, aliquando deauratum, aureum utique appellans quia erat inauratum. Ad hæc sancta sanctorum nisi summo sacerdoti non licebat intrare quotidie propter inferendum incensum; semel autem in anno cum sanguine ad purificandum altare, et si quando forte exigebat necessitas pro peccato sacerdotis, aut universæ synagogæ, sicut in Levitico scriptum est (*Levit. xvi*). Sic intrabatur tabernaculum ab occidente, id est a porta atrii<sup>2</sup> usque ad latus orientale introrsus ubi erat arca testimonii.

21. Illoc autem interius tabernaculum, quod incipiebat non a porta atrii, sed ab ostio quod appellabatur ostium tabernaculi, et finiebatur in longum latere orientis ubi erat arca testimonii, decem aulæis concludebatur, quorum erant singula viginti octo cubitorum, quinque hinc et quinque inde, sibimet connexa ansulis et circulis, et ex adverso sibimet constituta; et columnis vicenis in lateribus longioribus aquilonis atque austri, et columnis octo a latere occidentis, a la-

tere autem orientis nullis columnis, sed solis aulæis. Quæ aulæa decem erigebantur in cubitis quatuor, et per totum circuitum tendebantur in cubitis ducentis octoginta: quorum centena in lateribus erant longioribus austri et aquilonis per vicinas columnas; quadragena vero cubita in reliquis duobus lateribus brevioribus; uno occidentis per columnas octo; altero orientis, ubi columnæ non erant, sed sola tendebantur aulæa de solis duabus angularibus columnis, mediis autem nullis: et erant hæc aulæa decem de quatuor coloribus texta. Hoc ergo interius tabernaculum circumdabatur atrio ab austro viginti columnis, et ab aquilone viginti. Quæ duo atrii latera æqualem habebant longitudinem cum lateribus interioris tabernaculi; quia et ipsa vicenæ columnis porrigebantur in cubitis totidem, id est centenis. A latere autem orientis atrium concludebatur columnis decem, cubitis quinquaginta: qui ordo columnarum rectus erat, et incurruerat in illas duas angulares interioris tabernaculi, quas solas orientis pars habebat; proinde cum ipsis complebantur decem. A latere autem occidentis habebat quidem atrium decem columnas, non tamen recto ordine, sed sicut jam ostendimus, tanquam tripartitum, quatuor a porta, et ternas a lateribus.

22. Universum autem atrium in circuitu tabernaculi tentoriis byssinis cingebatur, quæ erigebantur cubitis quinque: his supervenientib[us] vela capillacia undecim, ex una parte quinque sibimet connexa, ex alia sex. In connexione ergo quinque velorum, cubita erant centum quinquaginta; ex alia vero parte in connexione sex velorum, cubita erant centum octoginta: quoniam vela singula tricenorum fuerunt cubitorum. Sed ut alia pars alteri coæquaretur, duplum est unum velum a facie tabernaculi, id est ab oriente; et subiectum est dimidium velum a parte posteriore, id est ab occidente: atque ita subtracta sunt cubita triginta, quanta erat veli unius longitudi; et remanserunt centum quinquaginta, quot etiam ex parte altera fuerunt. Circuitus itaque velorum capillaciorum, quo cingebatur atrium tabernaculi, trecentis cubitis tendebatur, sicut circuitus decem aulæorum interioris tabernaculi cubitis ducentis octoginta. Aulæa quippe singula habebant cubita vicina et octona in longitudine; capillacia vero vela tricenaria longa erant. Quapropter ex ambitu aulæorum interioris tabernaculi, qui erat in cubitis ducentis octoginta centena cubita in lateribus longioribus erant austri et aquilonis, et quadragena in duabus brevioribus orientis et occidentis: ex ambitu autem capillaciorum velorum, quo atrium exterius tegebatur, quia ambitus erat in cubitis trecentis, centena erant in lateribus longioribus austri et aquilonis, quoniam æqualia erant lateribus tabernaculi interioris, quinquagena autem in duabus reliquis partibus orientis et occidentis. Ac per hoc duo illa cubita, quibus longius erat aulæum capillacium, non lateribus austri et aquilonis, quæ paria erant atrii exterioris et tabernaculi interioris, sed lateribus orientis et occidentis proficiebant. In eis enim lateribus creverat tabernaculi latitudo.

<sup>1</sup> Editio Bat. et MSS. quatuor omittunt, *ante altare*.

<sup>2</sup> Sic vetus codex Corbeiensis. At editi et plures MSS., a porta austri. Vaticanus Ms., a porta atrii austri.

circumposito extrinsecus atrio : sed quinquaginta cubita velorum capillaciorum a parte orientis per decem columnnarum rectum ordinem tendebantur, eisque proficiebat unum cubitum ex duobus illis, quibus eorumdem velorum major fuerat longitudo; alia vero cubita quinquaginta, quae occidentali latere debabantur, quibus alterum ex duobus illis cubitu profriciebat, non tendebantur per columnnarum ordinem rectum. Ibi enim erat illa tanquam triporticus, quae concludebat spatium atrii, ubi esset altare sacrificiorum, quatuor columnis a porta, et ternis a lateribus: se per hoc non poterant etiam portam <sup>1</sup> cingere illa

<sup>1</sup> Editi omittunt, *portam*; habent omnes MSS.

cubita quinquaginta, sed usque ad cooperienda obliqua illa latera tendebantur, quae in columnis ternis et quindenis cubitis erant. Erigebantur autem capillacia vela cubitis quatuor, eisque tegebantur atrii tentoria byssina, quorum erat erectio in cubitis quinque.

23. Pelles vero rubricatæ super capillacia vela veniebant. Desuper autem, id est, a parte tecti, vice camere tabernaculum pellibus hyacinthinis tegebatur: utrum cum atrio et spatiis illud interius, non appareat; sed credibilis est atrii spatia quæ inter exteriores et interiores columnas erant, columnam aperatum habuisse, maxime illud occidentis, ubi erat altare sacrificiorum.

<sup>1</sup> Ann. Er. et Lov., *velum*. At Rat. et MSS., *caelum*.

## LIBER TERTIUS.

Quæstiones in Leviticum.



Quæst. I. [LEVIT. CAP. V, § 1.] Si autem anima peccaverit, aut audierit vocem jurationis, et ipse testis fuerit aut viderit, aut conscientius fuerit, si non nuntiaverit, et accipiet peccatum: hoc est, Si non utique nuntiaverit <sup>1</sup>, accipiet peccatum. Quod enim additum est, et locutionis est usitatæ in Scripturis. Verum iste sensus quia obscurus est, exponendus videtur. Hoc enim videtur dicere, peccare hominem, quo audiente jurat aliquis falsum, et scilicet eum falsum jurare, et lacet. Tunc autem scit, si ei rei de qua juratur, testis fuerit, aut vidit, aut conscientius fuit; id est, aliquo modo cognovit, aut oculis suis conspexit, aut ipse qui jurat illi indicavit: ita enim potuit esse conscientius. Sed inter timorem hujus peccati, et timorem proditionis hominum, non parva existit plerumque tentatio. Possumus enim paratum ad perjurium admonendo vel prohibendo a tam gravi peccato revocare: sed si non audierit, et coram nobis de re quam novimus, falsum juraverit, utrum prodens sit, si proditus etiam in periculum mortis incurrat, difficultissima quæstio est. Sed quia non expressit cui hoc indicandum est, utrum illi cui juratur, an sacerdoti, vel cuiquam qui non solum eum persecui non potest irrogando supplicium, sed etiam orare pro illo potest; videtur mihi quod se homo solvat etiam a peccati vinculo, si indicet talibus, qui magis possunt prodessere quam obesse perjuro, sive ad corrigendum eum, sive ad Deum pro illo placandum: si et ipse confessionis adhibeat medicinam.

II. [IB. V, 2-6.] Post hoc autem peccati genus, quod de perjurio alienus non indicato commemoravit nullum pro eo sacrificium jussit offerri; sed deinde subjunxit: *Anima quæcumque tetigerit omnem rem immundam, aut morticini, aut a fera capit innundi, aut eorum quæ sunt morticina abominationum immundarum, morticinum jumentorum immundorum; aut tetigerit ab immunditia hominis, ab omni immundita ejus, quam si tetigerit, inquinabitur: et latuerit eum, post hoc autem cognoverit, et deliquerit.* Neque hic sacrificium pro

<sup>1</sup> Juxta Er. et Lov., quid hoc est, si non nuntiaverit. M.

isto genere peccati quod offerretur commemoravit, sed adhuc adjecit, et ait: *Anima quæcumque juraverit distinguens labiis malefacere, aut benefacere, secundum omnia quæcumque distinxerit homo cum jurejurando, et latuerit eum, et id cognoverit, et peccaverit unum ex his, et confessus fuerit peccatum, pro quo peccavit aduersus ipsum.* His omnibus sine aliqua interpositione sacrificii connexis et explicatis, adjungit, et dicit: *Et offeret <sup>1</sup> pro iis quæ deliquit Domino, pro peccato quo peccavit, seminam ab ovibus agnam, aut capram de capris pro peccato, et exorabit pro eo sacerdos pro peccato, et remittetur illi peccatum.* Quid est ergo quod pro latito cujusquam perjurio, et pro eo quod tangitur morticinum vel aliquid immundum, nullum sacrificium commemoravit; pro eo vero peccato ubi falsum quisquam nesciens juravit, dixit offerri agnam vel capram? An pro omnibus supra dictis hoc sacrificium oportet intelligi? Voluit enim prius omnia enumerare, et sic inferre quo sacrificio possint expiari. Sed in eis omnibus supra dictis generibus peccatorum, sunt quedam propter locutionum modos subobscurè posita, sicuti est quod ait, *morticinum jumentorum.* Ea enim quæ græce κτηνα appellantur, plerique nostrorum *jumentorum* interpretati sunt; quod nomen in latâ consuetudine eorum animalium est, quorum labores adjuvamus, maxime in portandis oneribus, sicuti sunt equi, asini, muli, camelii, et si quid hujusmodi: quæ vero Græci κτηνα vocant, tam late intelliguntur, ut omnia aut prope omnia pecora isto nomine concludantur. Et ideo novo genere locutionis, velut πλεωπαὶ, additum est in græco, *immundorum*, cum dicereatur, *jumentorum: quoniam* sunt etiam munda pecora, quæ κτηνα appellantur. Quæ autem *jumenta usus latinus* appellat, secundum Legis distinctionem nonnisi immunda sunt.

III. [IB. V, 2-6.] Item quod ait, *Anima quæcumque juraverit, distinguens labiis malefacere aut benefacere,*

<sup>1</sup> MSS. afferet. Sic etiam infra constanter, ubi in græco LXX est, oīsei.

quæritur quid dixerit, distinguens. Assidue quippe hoc verbum ponit Scriptura. Unde est et illud, *Redam vota mea, quæ distinxerunt labia mea* (*Psal. Lxv, 13-14*) : item dicitur ad Ezechielem, *Cum dicam iniquo, Morte morieris, et tu non distinxisti neque locutus es* (*Ezech. vii, 18*) : item scriptum est, *Si qua in domo patris sui constituta voverit votum, distinguens labis suis adversus animam suam* (*Num. xxx, 4*). Videtur ergo ista distinctio quasi definitio esse, qua secernitur aliquid a ceteris, quæ solo dicto non tenentur. Sic ergo accipiatur tanquam dictum sit, *Anima quæ juraverit, definiens labii maleficere aut benefacere, secundum omnia quæ definierit homo cum jurejurando, et latuerit eum, id est, nesciens faciendum esse vel non faciendum, juraverit facere : et id cognoverit, et peccaverit unum ex his*, sive quia juravit antequam cognosceret, sive quis fecit quod juravit, et cognovit postea quia non sicut faciendum neque jurandum : et confessus fuerit peccatum pro quo peccavit, id est, peccatum quod peccavit : locutio est enim. Quod autem addidit, *adversus ipsum, quid intelligitur, nisi adversus ipsum peccatum confessus fuerit, id est, confitendo peccatum accusaverit?* *Et offeret pro iis quæ deliquit Domino, pro peccato quo peccavit, feminam ab ovibus agnam.* Usitata locutione *agnam* *feminam* dicit, quasi possit esse non femina : *aut capram de capris*, sicut *agnam de ovibus*, quasi possit esse aut agna nisi de ovibus, aut capra nisi de capris. Nonnulla autem quæstio. est, imo non parva, quid sit quod assidue dicit, *Post hoc autem cognoverit, et deliquerit* : quasi tunc fiat delictum, cum fuerit cognitum. An potius quia nisi pro cognito satisficeri non potest? Sed non ait, *Post hoc autem cognoverit et paenituerit eum* : quid ergo est, *Post hoc cognoverit et deliquerit*, nisi post cognitionem deliquerit; ut si sciens fecerit quod faciendum non esset, tunc delicto purgatio debeatur? Sed non ita prælocutus est. Ea quippe videtur exsequi peccata quæ ab ignorantibus, et per hoc a nolentibus committuntur. Fortassis ergo aliquo genere locutionis *deliquerit* dictum est, delictum esse didicerit. An potius converso ordine dictum est (quia et talia genera locutionis habet Scriptura) quod per alia loca similia recto ordine dicebatur? Nam cum alibi toties scriptum sit, *Et deliquerit et cognitum fuerit ei*; hic tanquam converso, ut dixi, ordine, prius dictum est *cognoverit*, deinde et *deliquerit*. Ordine autem suæ, ita dici posset : *A prima quæcumque tetigerit omnem rem immundam aut morticini, aut a sera capti immundi, aut eorum quæ sunt morticina abominationum immundarum, morticinum jumentorum immundorum, aut tetigerit ab immun-ditâ hominis, ab omni immunditia ejus quam si tetigerit inquinetur, et si latuerit eum, et deliquerit, post hoc autem cognoverit.*

IV. [Ib. v, 7.] *Si autem non valeat manus ejus quod satis est in ovem, offeret pro peccato suo quod peccavit, duos turtures aut duos pullos columbinos Domino; unum pro peccato, et unum in holocausto.* Certe hic aperit questionem, de qua superius cum loqueretur ambigebamus. Ideo quippe videtur dicere, *unum pro pec-*

*cato, alterum in holocausto*, quoniam non offeratur sacrificium pro peccato nisi cum holocausto. Deinde cum prius seorsum de holocaustis loqueretur, commemoravit turturam, et non dixit duos (*Levit. i, 14*) : nunc vero ideo duos dicit, quia sacrificium pro peccato sine holocaustate non offerebatur. Quod ergo superius dicebat, *Et imponet super holocausta* (*Id. iv, 35*), non est dubium quod prius holocausta, deinde illud superimponebatur : nunc vero de avibus aliter dicit, ut prius offeratur pro peccato una avis, deinde altera in holocausta.

V. [Ib. v, 15.] *Quod autem ait, Anima, si latuerit eum oblivione; id est, si obliuione factum fuerit ut lateat eum, vel cam si ad animam refers, quoniam eum dicendo, ad hominem retulit. Animam quippe hic hominem dicit.*

VI. [Ib. v, 15, 16.] *Et peccaverit nolens a sanctis Domini*<sup>1</sup>. Videtur obscurè positum hoc peccati genus, sed in consequentibus aperitur, ubi dicit post oblatum<sup>2</sup> de ariete sacrificium, *Restituet illud, et quintas adjicet*. Ibi enim intelligitur hoc esse a sanctis obliuione peccare, aliquid per obliuionem usurpare quod debetur sanctis, sive sacerdotibus, sive oblationibus, vel prioritariis, vel quidquid hujusmodi.

VII. [Ib. 17-19.] *Et anima quæcumque peccaverit, et fecerit unum ab omnibus preceptis Domini, quæ non oportet fieri, et non cognoverit, et deliquerit, et non cognoverit peccatum suum<sup>3</sup>, et afferet arietem sine macula de ovibus pretio argenti in delictum ad sacerdotem : et exorbit pro eo sacerdos propter ignorantiam ejus, quam ignoravit, et ipse non scivit, et remittetur illi. Deliquerit enim delictum ante Dominum.* Excepta locutionum inusitata densitate, quæ jam propter assiduam repetitionem debent esse notissimæ, totus iste sensus obscurus est; quoniam quæritur quomodo discernatur hoc genus delicti ab eis quæ superius quadam generalitate complexus est. Videtur enim hoc ratio poscere, ut certis generibus peccatorum certa genera, quibus expientur, sacrificiorum adhibenda sint. Hoc autem quod modo commemoravi, non specialiter exprimit peccatum, sed in ea videtur generalitate versari, de qua ante cum diceret, constituit sacrificium sacerdoti vitulum, et universæ synagogæ similiiter vitulum, principi caprum, et cuicumque animæ, hoc est cuicumque homini capram, vel si voluerit ovem, tamen femininum pecus (*Levit. iv*). Deinde cœpit excepta facere quædam genera peccatorum, et nominativum exprimere pro quibus quid offerendum sit: velut de auditio et tacito cuiusquam perjurio, et de tacto morticino et immundo, et juratione falsa per ignorantiam; de ovibus agnam, aut capram de capris, aut par turturum, aut duos pullos columbinos, aut decimam partem cephi similaginis; pro eo autem pec-

<sup>1</sup> Editi: *Et si peccaverit nolens a sanctis Dominum.* At MSS. consentaneo græco carent, si, et habent, *Domini*. quoniam demum auctoritate passim lectionem græcam LXX interpretum restituimus tam frequentibus locis, ut nos ea omnia pigrat annotare.

<sup>2</sup> Editi, *quod post oblatum.* Abest *quod* a MSS.

<sup>3</sup> Sic omnes codices hoc loco: licet postea in quæst. 20, n. 5, ferant, et acceperit peccatum suum; que lectio verior est, ut liquet ex græc. LXX.

cante qui per oblivionem aliquid sanctorum usurpavit, arietem et ejusdem rei restitutionem, quintis adjectis. Nunc vero non expressa specie peccati, generaliter addens, *Anima quæcumque deliquerit, et fecerit unum ab omnibus præceptis Domini, quæ non oportet fieri* (sic in illa generalitate dicebat, *Unum ex præceptis Domini quod non siet*), *et non cognoverit, et deliquerit*, id est, per ignorantiam nolens peccaverit; arietem jubet offerri, non capram aut seminam ex ovibus, sicut superius in tali peccatorum generalitate constituerat. Quid sibi ergo vult ista perinistio? Nisi forte quod hic dicit, *Deliquit enim delicto delictum ante Dominum*, hoc quod ait, *ante Dominum*, in his voluit delictum intelligi, quæ sunt ante Dominum, id est, quibus Domino in tabernaculo deseritur: unde aliquid paulo ante dixerat, cum ait, *Peccavit a sanctis*; et intelleximus, usurpavit aliquid sanctorum, quia etiam restituji præceperat. Ac per hoc non sic tantum peccari potest in his rebus, si aliquid inde per obliionem usurpetur; sed etiam multis aliis modis potest quisque per ignorantiam delinquere in iis quæ servituti Domini exhibentur: hoc voluit postea genus delictorum generaliter commemorare, et ideo et illic et hic arietem jussit offerri. Plenæ sunt autem Scripturæ cum dicitur, *ante Dominum*, et non intelligitur nisi illud quod Domino exhibetur, sicut sacrificium, vel primitiae, vel aliqua in sacris servitus.

VIII. [lb. v, 7.] Quæritur etiam utrum ubique sit accipendum quod dictum est, si non valet manus ejus quod satis est ad ovem, offerre eum debere par tur turum, ant duos pullos columbinos; et si hoc quoque non valet, certam similaginis quantitatem. Quoniam si ubique ita licere intelligitur, non potest quidem dici, sacerdotem non habere vitulum, aut universam synagogam, aut principem non habere caprum<sup>1</sup> vel ovem: et si ita est, quid opus erat postea dicere, tacitum enjusquam perjurium, aut tactum immundum, et perjurium per ignorantiam factum purgari sacrificio agnæ et capræ, cum eadem sacrificia præcepta sint etiam in illa generalitate peccati, ad quam generalitatem etiam ista potuerunt pertinere? Si autem hinc ista discernuntur, quod licebat pro eis<sup>2</sup> turtures et columbos, vel etiam, si hoc non esset, similaginem offerri, ibi autem ubi non dictum est non licebat; non videtur subventum esse pauperibus; quoniam multa possent esse delicta non specialiter expressa, quæ ad illam generalitatem referrentur, ubi gravarentur inopes, si tantummodo capram seminam, et agnam ex ovibus, et illas aviculas<sup>3</sup>, et similaginem licebat offerri. Nisi forte quis dicat, hoc discerni ista excepta et nominativum expressa peccata ab illis quæ generaliter commemorata sunt, quia hic agnam dixit, ibi ovem, ut ætas pecorum aliquam differentiam faciat: dum tamen intelligatur pauperibus peræque subventuin, ut si non haberent ulla animalia quadrupedia, aut memoratas aves aut similaginem offerrent

<sup>1</sup> Er et Lov., *capram*. Alii codices, *caprum*.  
<sup>2</sup> Editi, *pro eo*. MSS. vero, *pro eis*.  
<sup>3</sup> Forte leg., et non illas aviculas.

pro peccatis ignorantie suæ. Si autem movet quare cum generaliter omnia ignorantie peccata concluderit, et sacrificia non pro distantia peccatorum quam non fecerat, sed pro distantia personarum distinxerit; postea voluerit etiam peccata distinguere, et pro eorum diversitate sacrificia diversa præcipere, quasi non ad illam generalitatem omnia pertinent: sic factam posterius exceptionem oportet intelligi, ut quæcumque remanserint, his exceptis quæ nominativum et speciatim commemoravit, dicta in illa generalitate intelligamus. Quem modum locutionis non est alibi reperi: sed in Scripturis sanetis tale est illud ubi Apostolus ait, *Omne peccatum quodcumque fecerit homo, extra corpus est*. Hic enim nihil videtur prætermisso peccati, quandoquidem ait, *Omne peccatum quodcumque fecerit homo*: postea tamen exceptit fornicationem, cum intulit, *Qui autem fornicatur, in corpus proprium peccat* (*I Cor. vi, 18*). Quod secundum consuetudinem nostræ locutionis ita diceretur: *Omne peccatum quodcumque fecerit homo excepta fornicatione, extra corpus est*; qui autem fornicatur, in corpus proprium peccat. Ita et hic, cum prius generaliter omnia ignorantie peccata diceret illis, quæ commemoravit, sacrificiis expianda; postea tamen exceptit illa quibus expresse et distincte positis certam sacrificiorum purgationem adhiberet, ut his exceptis quæcumque reliqua essent, ad illam generalitatem pertinenter.

IX. [lb. vi, 6, 10.] Offeret arietem ab ovibus sine macula, pretio, in quod deliquit. Non ita distinguendum est, quasi pretio in quod deliquerit, id est in quod pretium deliquit; sed si offeret arietem, pretio offerat, id est emptum. Etiam hoc enim videtur ad sacramentum alicuius significationis pertinere voluisse, quoniam pretium ipsum non definiuit. Nam si definiisset, posset videri hoc præcepisse, ne vile pecus offerretur, ut etiamsi non emeret qui offerret, tale tamen offerret quod tanti valeret. Addito autem, non solum pretio, ut emptus aries offerretur, verum etiam *siclorum sanctorum*, ita enim dicit, *Precio argenti siclorum siclo sancto* (*Levit. v, 15*), aliquot siclis ut ematur aries, non uno siclo voluit. Quid sibi autem velit, siclum sanctum, jam ubi visum est disseruimus. Quod vero cum dixisset, *Et delecti sui offeret Domino arietem ab ovibus sine macula pretio*; deinde addidit, *in quod deliquit*: intelligendum est in id offerret in quod deliquit; id est, in eam rem, propter eam rem. *Et auferet holocarpoma quod consumperit ignis, illam holocaustosim ab altari*. Quid auferet, si consumptum est? Jussit enim sacerdotem auferre post totius noctis ignem holocarpoma, id est, holocaustum quod ignis consumperit. Vel quid sibi vult etiam illud quod addidit, *illam holocaustosim*; cum hoc intelligatur holocarpoma quod holocaustosis? Nisi forte illud est verum quod in quadam græco invenimus; non enim ait, auferet holocarposim, sed auferet *catacarposim*,

<sup>4</sup> In excisis, *argenti siclorum sanctorum*. In MSS., *argenti siclorum, siclo sancto*. Porro apud LXX legitur, *arguron suclon, τὸ συκλόνην ἱαγίον*; in codicibus tamen aliquot, nobilio teste, *τὸ συκλόνην ἱαγίον*.

hoc est, reliquias holocausti quod ignis consumpsit. Ille autem reliquias, veluti est cinis et carbo, appellavit illam holocaustosim, ejus rei nomine quæ consumpta est, reliquias ipsius consumptionis appellans.

X. [lb. vi, 9.] Quod autem supra dixit, *Ista lex holocausti*, et deinde exponens quæ sit eadem lex, dicit, *Ista holocaustosis, super incensionem ejus super altare totam noctem usque in mane, et ignis altaris ardebit super illud, non extinguetur; planius esset secundum nostræ consuetudinis locutionem, si non haberet, et: nam ista conjunctione detracta ita sensus contextitur, Ista holocaustosis, super incensionem ejus super altare totam noctem usque in mane ignis altaris ardebit super illud, id est, super altare. Deinde ad cumulum exprimendæ sententiae intulit, non extinguetur: nam hoc erat jam dictum, tota nocte.*

XI. [lb. vi, 11.] *Et induet stolam aliam, et abjiciet holocarpoma extra castra in locum mundum: hoc appellat holocarpoma quod jam concrematum est; hoc autem in illo greco κατακραπτων legitur. Quidam vero latini addiderunt, quod concrematum est<sup>1</sup>, et ita interpretati sunt, Et abjiciet holocarpoma, quod concrematum est, extra castra in locum mundum.*

XII. [lb. vi, 12.] *Et ignis super altare<sup>2</sup> semper ardebit ab eo, et non extinguetur; id est, ab illo igne in quo arsit holocaustum usque in mane. Non vult enim ignem prorsus extingui, sed cum usque in mane arserit holocaustum, ablatis inde reliquiis consumptionis nec sic extingui ignem, sed inde iterum renovari, quo ardeant alia qua imponuntur.*

XIII. [lb. vi, 12 et 13.] Quod autem sequitur et dicit, *Et exuret super illud sacerdos ligna mane mane<sup>3</sup>, et stipabit super illud holocaustum, et superponet super illud adipem salutaris; et ignis semper ardebit super altare, non extinguetur: videndum est utrum mane mane quotidie voluerit intelligi, ut nullus dies prætermitteretur, quo non inveniretur holocaustum, et adeps salutaris; an mane mane, ut quocumque die imponeretur, nonnisi mane imponeretur. Si enim quotidie intellexerimus, quid, si nullus afferret? Si autem tanquam de publico vel de suo sacerdotes quotidiana holocausta procurabant; super ipsa imponebant ea quæ jussit a populo oblata pro peccatis super holocausta imponi; et non erat necesse offerenti sacrificia pro peccato, etiam holocaustum offerre super quod illud imponeretur, nisi quando par turtureum offerebatur, aut duo pulli columbini: nam ibi omnino definitum est, unum pro peccato, alterum in holocaustum offerri oportere; et prius pro peccato, deinde in holocaustum (*Levit. v, 7*). Deinde quærer potest utrum holocaustum quod mane jussit imponi, ipsum etiam per totam noctem arderet usque ad alterum mane; an illud quod ait, tota nocte ardere debere, holocaustum fuerit vespertinum, et deinde cœperit de lege holocausti dicere, ut a vespertino*

<sup>1</sup> sic MSS. At editi, consecratum.

<sup>2</sup> Editi, Et ijsmis altaris. MSS. juxta LXX, super altare.

<sup>3</sup> Editi, mane, licet et infra nonnisi semel: at MSS. et LXX iterato habent; pro quo Vulgata versio, mane per singulos dies.

holocausto inciperet: quod mirum est si taceret, nec admonereret talia vespere offerri oportere.

XIV. [lb. vi, 20.] *Et locatus est Dominus ad Moyen dicens, Istud donum Aaron et filiorum ejus, quod offerunt Domino in die quacumque unixeris eum. Alia sunt sacrificia, quæ commemoravit in Exodo, quibus per septem dies sanctificantur sacerdotes, ut sacerdotio suo fungi incipiunt (*Exod. xxix, 1*); et aliud est quod modo commemorat, quid offerat summus sacerdos, quando constitutur, id est quando ungitur. Illoc enim sequitur et dicit, In die quacumque unixeris eum. Non dixit, unixeris eos; cum etiam secundos sacerdotesungi præcipiat. Deinde dicit ipsum sacrificium, decimam partem æphi similagenis, in sacrificium sempiternum. Quærerit quomodo sempiternum, si illud eo die offertur, quo ungitur summus sacerdos, ab illo qui unctus est, nisi ut semper hoc offeratur in die quo ungitur summus sacerdos, hoc est per successiones sacerdotum? quamvis et illo modo sempiternum possit intelligi, non hoc, sed quod significat.*

XV. [lb. vi, 20, 21.] *Dimidium ejus, inquit, mane, et dimidium ejus post meridiem; quod græcus habet δειλων. In sartagine, inquit, in oleo fiet, conspersam offeret eam, fresa, id est eam similaginem. Deinde dicit fresa, si tamen hoc recte interpretatum est ex illo quod græcus habet φρεστα<sup>4</sup>, et pluraliter hoc pauit genere neutro. Non enim ait fresam, tanquam eamdem similaginem, quam dixerat conspersam. Ilæc autem fresa sacrificium de fragmentis esse dicitur. Utrum ergo fresa dicat ipsa fragmenta, id est comminuta; an ipsa minutissima similaginis fresa dixerit, non est evidens.*

XVI. [lb. vi, 21, 22.] *Sequitur autem et dicit: Sacrificium in odorem suavitatis Domino. Sacerdos unctus qui pro eo ex filii ejus, faciet illud. Propter hoc fortassis dixerat sempiternum, ut hoc faciat omnis summus sacerdos, quando succedit mortuo, eo die quo unctus fuerit; adiunxit enim et ait, Lex æterna: cum possit etiam æternum secundum id intelligi quod significat.*

XVII. [lb. vi, 23.] *Sequitur autem, Omne consummabitur; quod habet græcus οπιτελοθέτεαι, et aliqui interpres dixerunt, Omne imponetur: ubi vult intelligi esse holocaustum, quia nihil exinde remanet. Denique adjungit, Et omne sacrificium sacerdotis, holocaustum erit, et non edetur. Hoc ergo dixerat, Omne consummabitur.*

XVIII. [lb. vi, 26, 36.] *De sacrificio pro peccato cum diceret, Sacerdos, inquit, qui imponet illud, manducabit illud. Non hoc quod imponet manducabit, nam illud igni consumetur; sed quod inde remanserit: non enim holocaustum est, ut totum ardeat in altari. Dicit autem postea: Omnia quæ pro peccato sunt, ex quibus illatum fuerit a sanguine eorum in tabernaculum testimonii exorari in sancto, non edetur, sed igni concremabitur. Quonodo ergo ad sacerdotes pertinent*

<sup>4</sup> In editis et apud LXX, elicta, convoluta. Sed melius MSS. Corbeiensis, ericia, id est fresa, uti interpretatur Augustinus. Exstat eadem vox *Levit. cap. 8, v. 14, chidra ericta*, latine ægetes seu farræ communia.

manducanda, quæ remanent de sacrificiis pro peccatis? Propter quod intelligendum est hæc excepta esse, de quorum sanguine tangitur illud altare incensi in tabernaculo testimonii. Hoc enim jussit fieri superius de vitulo, quem pro peccato suo sacerdos offerret, et de vitulo quem pro peccato universæ synagogæ, ut carnes quæ remanserint, foris extra castra comburantur (*Levit. iv, 12 et 21*): hoc et modo breviter commemoravit.

**XIX.** [lb. vii, 4.] *Et ista est lex arietis qui pro delicto est, sancta sanctorum sunt*: id est ad sacerdotes pertinent manducanda.

**XX.** [lb. vii, 7.] Quid est quod de ariete pro delicto cum dixisset, legemque sacrificii exposuisset, ait, *Quomodo quod pro peccato, ita et id quod pro delicto: lex una est eorum?* Queritur inter peccatum et delictum quæ sit differentia; quoniam si nulla esset, nullo modo diceretur, *Quomodo quod pro peccato, ita et quod pro delicto*. Quamvis enim lex ejusque sacrificium nihil distet, quia lex una est eorum; tamen ipsa duo, quorum unum est sacrificium, id est peccatum et delictum, si inter se nihil differrent, et si unius rei duo nomina essent, non curaret Scriptura tam diligenter commendare unum esse utriusque sacrificium.

Fortassis ergo peccatum est perpetratio mali, delictum autem desertio boni: ut quemadmodum in laudabili vita, aliud est declinare a malo, aliud facere bonum, quod admonemur dicente Scriptura, *Declina a malo, et fac bonum* (*Psal. xxxvi, 27*); ita in damnabili, aliud sit declinare a bono, aliud facere malum; et illud delictum, hoc peccatum sit. Nam et ipsum vocabulum si discutiatur, quid aliud sonat delictum, nisi derelictum? et quid derelinquit qui delinquit, nisi bonum? Græci etiam duo nomina usitata huic pesti imposuerunt. Nam delictum apud eos et παράπτωμα dicitur et πλημέλεια. Isto ipso quippe loco Levitici πλημέλεια est. Apostolus autem ubi dicit, *Si præoccupatus fuerit homo in aliquo delicto* (*Galat. vi, 1*), παραπτώμα græcus habet: quorum nominum si origo discutiatur in παραπτώμα, tanquam decidere intelligitur qui delinquit. Unde cadaver quod Latini a cadendo dixerunt, græce πτῶμα dicitur, ἀπὸ τοῦ πτίτεν, id est ab eo quod est cadere. Qui ergo peccando malum facit, prius delinquendo a bono cedit. Et πλημέλεια simile nomen est negligentia: nam græci negligentia ἀμέλεια dicitur, quia curæ non est quod negligitur. Sic enim græcus dicit, Non euro, οὐ μέλει με. Particula ergo quæ additur πτῶ, ut dicatur πλημέλεια, præter significat, ut ἀμέλεια quod vocatur negligentia, videatur sonare sine cura; πλημέλεια præter curam, quod pene tantum est. Hinc et quidam nostri πλημέλεια non delictum, sed negligentiam interpretari maluerunt. In latina autem lingua quid aliud negligitur, nisi quod non legitur, id est non eligitur? Unde etiam legem a legendō, id est ab eligendo latini auctores appellatam esse dixerunt. His quodammodo vestigiis colligitur quid ille delinquit, qui bonum derelinquit, et relinquentia a bono cedit, quia neglit, id est, non legit.

PATROL. XXXIV.

Peccatum vero unde sit dictum, quod græce παράπτωμα dicitur, in neutra lingua mihi interim occurrit.

Potest etiam videri illud esse delictum quod imprudenter, id est ignoranter; illud peccatum, quod ab sciente committitur. Huic differentia videntur ista testimonia consonare divina: *Delicta quis intelligit* (*Psal. xviii, 15*)? Et illud, *Quoniam tu scisti imprudentiam meam: continuo quippe secutus adjunxit*, *Et delicta mea a te non sunt abscondita* (*Psal. lxviii, 6*); velut alio modo repetens eamdem sententiam. Nec ab eadem ratione discordat quod paulo ante commemoravi Apostoli dictum, *Si præoccupatus fuerit homo in aliquo delicto*: hinc enim quod præoccupatum dicit, imprudenter lapsus esse significat. Peccatum vero ad scientem pertinere apostolus Jacobas tanquam definiens ait: *Scienti igitur bonum facere, et non facienti, peccatum est illi* (*Jacobi iv, 17*). Sed sive illa, sive ista, sive aliqua alia differentia sit peccati et delicti, nisi aliqua esset, non Scriptura ita loqueretur ut diceret, *Quomodo quod pro peccato, ita et quod pro delicto: lex una est eorum*.

Indifferenter autem plerumque dicuntur, ut et peccatum nomine delicti, et delictum nomine peccati appelleretur. Neque enim cum dicitur in Baptismo fieri remissio peccatorum, non sit etiam delictorum: nec tamen utrumque dicitur, quia in illo nomine utrumque intelligitur. Sic et Dominus ait, pro multis effundi sanguinem suum in remissionem peccatorum (*Matth. xxvi, 28*): numquid quoniam non ait, et delictorum, ideo quisquam dicere audebit in sanguine ipsius delictorum non fieri remissionem? Item quod scriptum est apud Apostolum, *Nam iudicium quidem ex uno in condemnationem, gratia vero ex multis delictis in justificationem* (*Rom. v, 16*); quid alius quam nomine delictorum etiam peccata comprehensa sunt?

In hac quoque ipsa Scriptura Levitici, qua cogimur aliquam inter delictum peccatumque distantiam vel inventire vel credere, ita legitur, cum de his ipsis quæ pro peccatis offerenda jubeantur sacrificiis Deus loqueretur: *Si autem omnis, inquit, synagoga filiorum Israel ignoraverit, et latuerit verbum ab oculis synagogæ, et fecerit unum ab omnibus mandatis Domini quod non fiet, et deliquerint, et cognitum illis fuerit peccatum quod peccaverunt in eo. Ecce ubi dixit, Et deliquerint, ibi continuo peccatum quod peccaverunt addidit, hoc ipsum utique quod deliquerunt. Et paulo post: Si autem principes, inquit, peccaverit et fecerit unum ab omnibus præceptis Domini Dei sui, quod non fiet nolens<sup>1</sup>, et deliquerit. Item in consequentibus: Si autem anima, inquit, una peccaverit nolens, de populo terræ, in eo quod facit ab omnibus præceptis Domini quod non fiet, et deliquerit, et cognitum fuerit ei peccatum quod peccavit in ipso* (*Levit. iv, 13, 14, 22, 27 et 28*). Item alibi: *Animæ quæcumque juraverit distinguens labiis malefacere aut benefacere, secundum omnia quæcumque distinxerit homo cum jurejurando, et latuerit eum, et hic cognoverit, et peccaverit unum ex his; et confessus fuerit peccatum pro quo peccavit adversus ipsum, et offeret pro eis quæ deliquerit Domino, pro eo peccato quod peccavit. Et paulo*

<sup>1</sup> Ia in MSS. et apud LXX. At in editis, non fecit volens.

(Vingt-deux.)

post : *Et locutus est Dominus ad Moysen dicens, Anima, si latuerit eum obliuione, et peccaverit nolens a sanctis Domini, offeret delicti sui Domino arietem sine macula de ovibus, pretio argenti siclorum siccio sancto, pro quo deliquerit; et pro quo peccavit a sanctis, restituat, et quintas adjicet super illud, et dabit illud sacerdoti : et sacerdos exorabit pro eo in ariete delicti, et remittetur illi.* Sequitur adhuc et dicit : *Anima quæcumque peccaverit, et fecerit unum ab omnibus præceptis Domini, quæ non oportet fieri, et non cognoverit<sup>1</sup>, et deliquerit, et acceperit peccatum suum; et offeret arietem de ovibus pretio argenti in delictum ad sacerdotem : exorabitque pro eo sacerdos, pro ignorantia ejus quam ignoravit, et ipse non scivit, et remittetur illi. Deliquerit enim delictum ante Dominum (Levit. v, 4-6, 14-19).* Et adhuc ita dicit : *Et locutus est Dominus ad Moysen dicens, Anima quæcumque peccaverit et despiciens despicerit præcepta Domini, et mentitus fuerit quæ sunt ad proximum de commendatione aut de societate, aut de rapina, aut injuriam fecerit aliquam proximo, aut invenerit perditionem, et mentitus fuerit de eo, et juraverit injuste de uno ab omnibus quæcumque fecerit homo, ita ut peccet in his : et erit cum peccaverit, et deliquerit, et reddet rapinum quam rapuit, aut injuriam quam nocuit, aut commendatum quod depositum est apud eum, aut perditionem, quam invenit, ab omni re quam juravit pro ea injuste ; et restituet ipsum, et quintas ejus adjicet ad illud, cuius est ipsi reddet ; et qua die convictus fuerit delicti sui<sup>2</sup>, offeret Domino arietem ab ovibus sine macula, pretio in quod deliquerit : et exorabit pro eo sacerdos ante Dominum, et remittetur illi de uno ab omnibus quæ fecit, et deliquerit in eo (Id. vi, 1-7).* Pene ergo in omnibus factis quæ dicit esse peccata, eadem etiam delicta dicit. Quapropter et indifferenter ea dici manifestum est multis Scripturarum locis; et habere aliquid differentiae Scriptura testatur, quæ dicit. *Sicut quod pro peccato, ita et quod pro delicto.*

**XXI.** [lb. vii, 25-25.] *Omnem adipem boum et ovium et caprarum non edelis, et adeps morticinorum et a fera captorum fieri in omne opus, et cibo non edetur. Omnis qui ederit adipem a pecoribus quæ offeretis ab eis hostiam Domino, peribit anima illa de populo suo.* Dixerat superius, de adipe, *Omnis adeps Domino (Id. iii, 16); et quæsieramus utrum omnis omnino pecoris inundi duntaxat (nam de immundis nulla quæstio est) ; et quid de adipe fieret, quem vetuit in escam venire : nunc autem dixit quid fieret de adipe morticini et a fera capti, ut sit in omne opus ; omne opus, utique illud opus cui tale aliquid necessarium est. Unde remansit quæstio, quid fiat de adipe ceterorum animalium, quæ munda<sup>3</sup> sunt ad vescendum. Sed cum dicit omnem animam perire de populo suo, qui ederit adipem eorum pecorum, ex quibus Dominus offertur, videtur destinuisse illum tantum adipem de pecoribus mundis prohibitum manducari, ex quibus sit sacrificium : quanvis Iudeos audierimus nullum omnino adipem in escam sumere.*

<sup>1</sup> Deerat non in excusis ; at in MSS. et apud LXX reperitur.

<sup>2</sup> B. habent, *qua die convictus fuerit : et delicti sui.* Lectio- ni I<sup>r</sup>. et Lov. adhæremus. M.

<sup>3</sup> Editio inmundæ. MSS. melioris notæ, munda.

Sed quid Scriptura voluerit, non quid illi opinati fuerint, requirendum. Denique non inveniunt quid recte de adipe faciant, unde se abstinent, et quomodo eum projiciant, cum dictum sit, *Omnis adeps Domine ; si non adipem sacrificiorum tantum, sed etiam eorum animalium de quibus non sacrificatur, quamvis immundorum, hic volunt intelligi.*

**XXII.** [lb. vii, 29-34.] Quid sibi vult quod de sacrificiis salutaris iterum admonet, et dicit, eum qui offert donum sacrificii salutaris sui, pectusculum et brachium sacerdotibus dare debere, ita tamen, ut adeps pectusculi offeratur Domino cum pinna jecinoris<sup>1</sup>; cuni superius loquens de sacrificiis salutaris pinnam jecinoris cum adipe ventris et renum et lumborum offerri Domino præceperit (Levit. iv, 9), tacuerit autem de adipe pectusculi? An quod ibi prætermisit, hic commemorat? Quare ergo de pinna jecinoris et ibi et hic? An forte aliiquid interest quod superius de sacrificio salutaris præcepit, hic autem addidit *sui*, tanquam aliud sit salutaris, aliud salutaris *sui*?

**XXIII.** [lb. iv, 5-7, et viii, 2, 14, 15, 28.] Cum sacrificia pro peccatis prius commemoraret, vitulum dixit offerendum pro peccato sacerdotis, qui fecisset populum peccare; postea etiam quando narravit Scriptura, quemadmodum ea quæ præcepit Dominus, gesta sunt erga Aaron et filios ejus, dicitur oblatus vitulus pro peccato ; sed superius de sanguine vituli cornua tangi præcepit altaris incensi, aspergendum etiam ex ipso sanguine contra velum sanctum, reliquum vero sanguinem fundendum ad basim altaris holocaustum : postea vero quando sanctificatur Aaron, de aspersione sanguinis contra velum nihil dictum est ; de cornibus autem altaris dictum est ; sed non additum est incensi; additum est autem, effundendum sanguinem ad basem altaris ; non dixit, ad basem ejus, tanquam necesse fuisset illud altare accipere, cuius cornua sanguine tetigisset : proinde quanvis ambigue sit positum, liberum est tamen ita intelligere factum, ut fuerat ante præceptum de vitulo pro peccato; ut non ejus altaris cornua tacta intelligamus, ad cuius basem fusus est sanguis; sed tacta cornua altaris incensi, sum autem sanguinem ad basem altaris sacrificiorum.

Superius, quia generaliter præcipiebat, si sacerdos pccasset, ipsum sacerdotem unctum et consummatum, quem vult intelligi summum sacerdotem, sacrificia ista jussit offerre : nunc vero cum sanctificatur Aaron, Moyses offert et ipse accipit pectusculum impositionis, quod antea prælocutus est sacerdoti esse dandum. Inde autem puto pectusculum impositionis dictum, quia imponebatur inde adeps, sicut commemoravit superius de sacrificio salutaris. Cum ergo videatur ab Aaron cœpisse summum sacerdotium, quid patamus fuisse Moyses? Si ergo sacerdos non fuit, quomodo per illum omnia illa gerebantur? si autem fuit quomodo summum sacerdotium ab ejus fratre cœpisse destinimus? Quanquam etiam psalmus ille, ubi dictum est, *Moyses et Aaron in sacerdotibus ejus (Psal.*

<sup>1</sup> Er. et Lov. legunt, *penna jecoris*, et paulo post, *pennam jecoris*. B., *penna jecinoris*, corrupte. M.

xcviii, 6), auferat dubitationem quod sacerdos fuerit et Moyses. Vestem tamen illam sacerdotalem, quae magnum continet sacramentum, Aaron jubetur accipere et successores ejus summi sacerdotes (*Exod. xxviii*). In *Exodo* antequam omnino aliquid de sanctificandis et quodammodo ordinandis sacerdotibus praecipiatur, quando Moyse ascende in montem, jubentur non ascendere sacerdotes (*Id. xix, 24*), quos intelligere alios non possumus nisi filios Aaron; non quia jam erant, sed quia futuri erant, hoc eos jam tunc Scriptura appellavit per anticipationem, sicut sunt pleraque talium locutionum: nam et filius Nave, Jesus appellatus est (*Id. xxxiii, 11*), cum longe postea hoc nomen ei Scriptura narret impositum (*Num. xiii, 17*). Ambo ergo tunc summi sacerdotes erant, Moyses et Aaron; an potius Moyses, Aaron vero sub illo? an et ipse summus propter vestem pontificalem, ille vero propter excellentius ministerium? Nam a principio ei dicitur, *Ipse tibi quae ad populum, tu illi quae ad Deum* (*Exod. iv, 16*).

Queri etiam potest, post mortem Moysi quis ungebatur successorem summi sacerdotis, qui succedere nisi defuncto non utique poterat. An quia jam unctionis erat inter secundos sacerdotes (idem quippe fuit oleum, quo et summus et secundi ungebantur), vestem tantum sumebat ille pontifex, qua ejus summa appareret? Et si ita est, utrum ipse sumebat, an eum alias induebat, sicut et post ejus mortem Moyses filium fratris sui? Si ergo ab alio vesticabatur, num quid non poterat a secundo summus; præsertim quia talis erat vestis, ut eum ab alio indui necesse fuerit? an sic inducatur prius, ut etiam postea? Non enim semel induitus non eam ponebat; aut cum posuisset, non eam resumebat. Fieri ergo fortasse poterat, ut secundi vestirent primum, obsequendo, non excellendo. Unde autem apparebat quisnam filiorum summo sacerdoti succedere deberet? non enim primogenitum, aut majorem Scriptura destinavit: nisi intelligamus aliquo divino indicio fieri solere, sive per prophetam, sive quolibet alio modo quo consultit Deus solet: quamquam ex contentione res provenisse videatur, ut postea propterea fuerint plures summi sacerdotes, quia contendentibus excellentioribus, litis finienda causa pluribus honor ipse tribubatur.

**XXIV.** [*Ib. viii, 35.*] Quid est quod dicit Moyses ad Aaron et filios ejus, cum sanctificantur ad incundum sacerdotium, *Ad ostium tabernaculi testimonii sedebitis septem dies, die et nocte, ne moriamini?* Numquidnam credibile est, situ corporis uno loco sedere præceptos per dies septem die et nocte, unde se omnino non commoverent? Nec tamen hinc tanquam allegorice aliud significatum, quod non fieret, sed intelligetur<sup>1</sup>, cogendi sumus accipere; sed potius agnoscere locutionem Scripturarum, ubi sessionem pro habitatione et commoratione ponit. Non enim quia dictum est de Semini quod sederit in Jerusalem annos tres (*III Reg. ii, 58*), ideo putandum est per totum illud tempus in sella sedisse, et non surrexisse. Hinc et

sedes dicuntur, ubi habent commemorationem quorum sedes sunt: habitatio quippe hoc nomen accepit.

**XXV.** [*Ib. ix, 1.*] *Et factum est, die octavo vocavit Moyses Aaron, et filios ejus, et senatum Israe.* Quem quidam nostri *senatum* interpretati sunt, γέρους γραucus habet: hoc est ergo seculus interpres, quia et senatus a senio videtur dictus. Non autem apte in latine diceretur. Vocavit senectutem Israel, pro senioribus vel senioribus: quamvis eadem locutio esset si diceretur, Vocavit juventutem Israel, pro juvenibus. Sed hoc usitatum est in latina lingua, illud autem non est. Nam hoc propriè diceretur, si diceretur, Vocavit senectutem Israel. Unde quidam insolenter putantes etiam *senatum* dici, interpretati sunt *ordinem seniorum*. Compendio tamen forsitan melius diceretur, Vocavit seniorcs Israel.

**XXVI.** [*Ib. ix, 2-4.*] Moyses dicit ad Aaron: *Et senatus Israel loquere dicens, accipite hircum ex capris unum pro peccato, et arietem et vitulum et agnum omnium in holocarposim sine macula, et vitulum a bovis, et arietem in sacrificium salutarie ante Dominum, et similans conspersam in oleo; quoniam hodie videbitur Dominus in vobis.* Quatuor genera sacrificiorum de animalibus superius commendavit; holocausti, pro peccato, salutaris, et consummationis: sed consummationis ad sacerdotis sanctificationem pertinet. Tria ergo genera reliqua hic præcipiuntur offerri, et dicitur hoc senioribus Israel ut pertineat ad universum populum. Sed hoc loco sacrificium pro peccato habet tria pecora; hircum, et arietem, et vitulum: ad holocaustum vero agnus pertinet; et ad sacrificium salutaris, vitulus et aries. Quapropter non est sic distinguendum, ut pro peccato non intelligatur nisi hircus, tria vero reliqua in holocaustum, id est, aries, et vitulus, et agnus: sed potius tria prima pro peccato, id est, quod dictum est, *Accipite hircum ex capris unum pro peccato, et arietem et vitulum*, subaudiatur pro peccato; et reliquo sit agnus in holocarposim, id est in holocaustum. Quod ideo commonendum a nobis fuit, quoniam posset etiam ita distingui, ut cum dictum esset, *Accipite hircum ex capris unum pro peccato*, reliqua jam ad holocarposim pertinere dicerentur. Quod vero adjungit, *sine macula*, ad omnia referri potest. Cum ergo ambiguum sit quomodo aptius distinguatur, illa res adducit ut tria superiora pro peccato intelligantur, quoniam superius pro peccato principis hircum jussit offerri (*Levit. iv, 25*); et pro peccato cuiusque proprio, cum peccat ante Dominum, faciendo unum ex his que non oportet, præcepit arietem (*Id. v, 18*); pro peccato vero universæ synagoge vitulum (*Id. iv, 14*). Oportebat ergo ut cum senatu loqueretur quid universus populus offerre debeat, et hircus jubeatur propter principes, et aries propter proprium uniuscujusque peccatum, et vitulus propter peccatum universæ synagogæ. Aliud est enim quod in populo habet quisque peccatum suum proprium, et possunt habere omnes propria, aliud quando commune peccatum est, quod uno animo sit, et una voluntate ad aliquid multitudine comparata committitur.

<sup>1</sup> In Er. Lugd. Ven. Lov. desunt verba, sed intelligeretur. M.

Quod vero sacrificia salutaris vitulum et arietem jubet, hæc jubet que præcipua sunt: universi enim populi causa est. Præcipiens autem antea de sacrificiis salutaris, undelibet jussit offerri, sive masculum, sive feminam: dum tamen non nisi de bobus et de ovibus et capris offerrentur (*Levit. iii.*). Si autem queritur quare duo præcepit, vitulum et arietem, difficile est inventire: nisi forte vitulum voluit sacrificium salutaris universi populi; arietem autem pro unoquoque tanquam pro singulis quibusque: quia videtur etiam superius quasi duo genera salutaris sacrificii præcepisse; unum quod velut universorum esset, appellavit sacrificium salutaris; alterum autem ubi dixit, *Si quisque obtulerit sacrificium salutaris sui.* Ubi etiam differentiam reperiebamus, quia in illo quod appellavit salutaris, non commemoravit adipem pectusculi offerendum Domino, atque ipsum pectusculum et brachium dextrum danda sacerdoti: sed in illo hoc fieri jussit quod postea dicit sacrificium salutaris sui (*Supra, quæst. 22*); quod forte intelligitur singulorum quorumque privatum, non publicum universorum. Nam et Moyses oblitus sacrificia salutaris, nec dictum est ibi, salutaris sui; credo, quoniam pro populo universo oblitus. Ubi autem universi, ibi et singuli; non autem ubi singuli, continuo ibi universi. Singula enim possunt esse sine universo; universi autem non possunt nisi ex singulis quibuscumque constare. Nam singuli quique congregati vel in summam reputati, faciunt universos.

Notandum est sane, cum pro populo offeruntur sacrificia, et pro peccato sacrificia jussa esse offerri, et holocaustum, et sacrificia salutaris; pro sacerdotio autem oblatum fuisse pro peccato, et holocaustum, et consummationis, non autem salutaris: sed consummationis tunc oblatum est, quando sacerdotes sanctificati sunt ut sacerdotio fungerentur, et hæc oblitus Moyses pro Aaron et filiis ejus (*Levit. viii.*); postea vero Aaron ipse jam sanctificatus et sacerdotio fungens, offerre pro se jesus est vitulum pro peccato, et arietem in holocaustum. Non autem jesus est pro se offerre consummationis, quia tunc ideo oblatum est, ut consummaretur sanctificatione, et sacerdotio fungi posset, quo jam quoniam fungebatur, non opus erat eum iterum consummari.

**XXVII.** [lb. ix, 7-21.] *Et ait Moyses ad Aaron, Accede ad altare, et fac quod pro peccato tuo, et holocaustum tuum: et exora pro te et domo tua.* Mirum est quomodo prius dicit faciendum quod pro peccato, deinde holocaustum, cum sacrificia pro peccatis super holocausta superius jubeat imponi (*Id. iv, 55*), excepto quod de avibus præcepit (*Id. v, 8-10*). An forte hic quod prius siebat, id est holocaustum, postea commemmoravit? Non enim, quemadmodum de avibus, dixit, *Fac prius illud et postea illud;* sed, *fac illud atque illud:* quid autem prius faciendum sit, indicat superius exposita instruatio, ubi dicit super holocaustum imponi sacrificium pro peccatis. Quaquevalde moveat quod etiam ita narrat Scriptura facisse Aaron quod audivit; ut prius commemoret

eum facere pro peccato, deinde holocaustum. Quod utrum et ipse prius fecerit, an prius hoc Scriptura narraverit quod postea factum est, sicut in multis facere solet, haberetur incertum, nisi quod dixi superius legeretur, cum ageret de sacrificio pro peccato. Ita enim legitur: *Et superponet illud sacerdos super altare super holocausta Domini, et exorabit pro eo sacerdos pro peccato quod peccavit, et dimittetur illi* (*Levit. iv, 55*). Quomodo ergo posset hoc super holocausta imponi, nisi holocausta prius impuneretur? Præcepit autem hoc et de sacrificio salutaris, ut super holocausta imponeretur: sed quia hoc non ubique dicit, non per omnia sacrificia salutaris, nec per omnia sacrificia pro peccato, potest forsitan dici non hoc regulariter fuisse præceptum: sed illuc tantummodo ut fieret dictum est, id est in sacrificio salutaris, enī sit de bobus, ibi enim id præcepit; et in sacrificio pro peccato, cum sit<sup>1</sup> de femina ex ovibus: cetera vero sive si sit salutaris, sive pro peccato, non esse necesse ut super holocausta imponantur.

Movet etiam quod cum ficeret Aaron dona populi, que supra commemoravit, non omnia commemorata sunt immolata, que fuerant prædicta; sed tantum hircus pro peccato et holocaustum, ubi tamen illum agnum non expressit: duo vero alia, quae ad sacrificia pro peccato potius quam ad holocaustum pertinere diximus, tacuit, id est arietem et vitulum; nisi forte a parte totum intelligi voluit, ut solo capro commemorato etiam illa subsecuta acciperemus.

Cum de sacrificiis salutaris populi narraret, quemadmodum ea fecerit Aaron, de vitulo et ariete ait: *Et occidit vitulum et arietem sacrificii salutaris populi, et obtulerunt filii Aaron sanguinem ad eum, et affudit ad altare in circuitu, et adipem qui a vitulo, et ab ariete lumbum, et adipem tegentem super ventrem, et duos renes, et adipem qui super ipsos est, et pinnam quæ est in jecinore; et posuit adipem super pectuscula, et imposuit adipes ad altare: et pectusculum et brachium dextrum abstulit Aaron, ablutionem ante Dominum, quomodo præcepit Dominus Moysi<sup>2</sup>.* Nunc singulariter, nunc pluraliter loquitur, cum de duobus animalibus loquatur, vitulo et ariete. Quod ergo dicit *duos renes*, ab utroque animante intelligendum est, atque ita quatuor sunt; ita et cetera. Quod vero ait, *Et posuit adipes super pectuscula*, cum ipsa pectuscula non imposuerit altari, sacerdoti enim debebantur cum brachiis dextris; quid sibi vult? An intelligendum est, Et posuit adipes qui sunt super pectuscula? ipsos enim posuit, quos imponeret altari a pectusculis demptos. Nam ita et superius præceperat. Denique sequitur, *Et imposuit adipes super altare, et pectusculum et brachium dextrum abstulit Aaron ablutionem ante Dominum:* modo singulariter insrens, et pectusculum dicens, utique utrumque ex utroque animante, que pectuscula dixerat.

<sup>1</sup> In Er. Lugd. Ven. Lov., *cum sit.* M.

<sup>2</sup> Huc tres Scripturæ versiculos in ante excusis reponentes, scilicet, *Et adipem quia vitulo, etc.*, revocavimus ex *MS.*

**XXVIII.** [lb. ix, 22] Quid est quod ait, *Cum extinxisset Aaron manus super populum, benedixit eos, et descendit, cum fecisset quod pro peccato, et holocausta, et quae suarum?* Ubi autem ista fecit, nisi super altare, id est, ad altare stans eique deserviens? Inde ergo descendit ubi stabat. Nimirum illius solutio quæstionis adjuvari hoc testimonio videtur, ubi quæsieramus in Exodo quomodo serviri potuerit ad altare, quod erat altum cubitis tribus? Gradum quippe illic intelligere prohibebamur, quia id Deus vetuerat, ne super altare pudenda virilia ministrantis revelarentur, quod utique fieret, si pars altaris gradus esset, id est, si compactus adhaereret (*In Exod. quæst. 113*). Denique ibi hec vetuit, ubi de altari structili loquebatur, unum enim esset altare cum gradu cuius pars esset gradus, et ideo vetitum est; hic vero ubi altaris tanta fuerat altitudo, ut nisi sacerdos super aliquid stare, apte ministrare non posset, intelligendum est, quidquid illud erat, quod ad horam ministracionis ponebatur et auferrebat, non fuisse altaris partem, et ideo non fuisse contra præceptum, quo gradum habere prohibitum est: hoc autem qualemque fuerit, tacuit Scriptura, et ideo quæstio facta est. Sed nunc cum dicit Scriptura sacerdotem, cum fecisset sacrificia, descendisse, hoc est cum immolata impinguisset altari, utique manifestat alicubi eum stetisse unde descenderet: et quia ibi steterat, ideo trium cubitorum altari ministrando deservire potuisse.

**XXIX.** [lb. ix, 24.] *Et vidit omnis populus, et amens factus est.* Quod alii interpres dixerunt, *expavit*, conantes transferre de greco quod dicitur est, *ἐξετάσει*, unde *exortatus* dicitur, qui sepe in Scripturis latinis legitur mentis excessus.

**XXX.** [lb. ix, 24.] *Et exiit ignis a Domino, et devoravit quæ erant super altare, holocausta, et adipes.* Quid dixerit, *a Domino*, queri potest utrum quia voluntate Domini factum est, an ab eo loco ignis exiit ubi erat area testimonii. Non enim in loco aliquo ita est Dominus, quasi alibi non sit.

**XXXI.** [lb. x, 13.] Posteaquam exente igne a Domino, incensi et mortui sunt filii Aaron, qui ausi sunt in batillis suis adhibito igne alieno incensum imponere Domino; quod ideo non licet, quia ex illo igne qui divinitus in altare venerat deinceps custodi, omnia erant accendenda que in tabernaculo accendi oportebat: mortuis ergo illis ait Moyses, *Hoc est quod dixit Dominus dicens, In eis qui mihi appropinquant sanctificabor, et in onus synagoga glorificabor: eos appropinquare Domino volens intelligi, qui in tabernaculo sacerdotio fungebantur; sanctificari autem in eis etiam vindicando, sicut factum est.* Utrum ut hinc sciretur quam minus aliis parcat, si illis non parcit: quo sensu dictum est, *Si justus vice salvus erit, peccator et impius ubi parebunt* (*I Petr. iv, 18*)? An potius secundum illud, *Cui plus datur, plus exigitur ab eo?* et illud, *Servus qui non cognovit voluntatem domini sui, et facit digna plagiis, rapulabit paucos: servus autem qui cognovit voluntatem domini sui, et facit digna plagiis, rapulabit multos* (*Luc. xii,*

48, 47)? et illud, *Exiguo enim concedetur misericordia; potentes autem potentiora tormenta patientur* (*Sap. vi, 7*)? Sed ubi hoc dixerit Dominus, quod eum dixisse Moyses commemoravit, in Scriptura quæ retro est non inventur. Tale ergo est hoc, quale in Exodo, ubi dicit Dominus, *Tu dixisti, Scio te præ omnibus* (*Exod. xxxiii, 12*); quod inventur quidem Dominus ei dixisse, sed postea: sed quoniam mendaciter nunquam hoc Moyses diceret, intelligitur id ei etiam ante dixisse, quamvis scriptum non fuerit; ita et hoc. Unde apparent non omnia scripta esse quæ Deus locutus est eis, per quos nobis sancta Scriptura ejus ministrata est.

**XXXII.** [lb. x, 6, 7.] Quid est quod Aaron et reliquos filios ejus mortem illorum duorum lugere prohibens dicit, *Caput vestrum cidara non denudabis, ubi certe ostendit cidaras tegmina capitum suis;* nisi quia illa faciebant lugentes, quæ consuetudini ornatus essent contraria? Sicut enim in nostra consuetudine, quia caput apertum magis habetur, operitur in luctu; sic quia illi operimento capitum ornabantur, nudandum erat lugentibus. Quod ideo prohibet, ne lugerent eos in quorum pena sanctificatus est Dominus, id est commendatus est timor ejus. Nec ideo quia lugendi non erait, nam permittit alios lugere illos: sed quia illi lugere tunc non debebant, cum dies sanctificationis eorum agerentur, nondum completis septem, quibus eos præcepit de tabernaculo non abscedere. Quanquam possit videri, quia illo oleo fuerant sanctificati, hoc dictum esse quod nunquam quemquam lugere deberent. Ita enim dicit: *Fratres autem vestri, omnis domus Israel, plorabunt incendium, quo incensi sunt a Domino. Et ab ostio tabernaculi testimoni non exhibitis, ne morianti: oleum enim uncionis, quod est a Domino, super vos est.*

**XXXIII.** [lb. x, 9-11.] *Et locutus est Dominus ad Aaron dicens: Vinum et siceram non bibetis tu et filii tui tecum, cum intrabis in tabernaculum testimonii, aut cum accederitis ad altare, et non morieti.* Quando ergo eis bibere licet, quandoquidem in tabernaculum eis quotidie necesse erat introire et accedere ad altare, propter continuam servitutem? Quod si quisquam dicit, non omni die sacrificia imponi solere, quid dicet de ingressu in tabernaculum, qui quotidianus erat proprie candelabrum et panes propositionis super mensam ponendos? Si autem respondeatur, *in tabernaculum testimonii* nunc quod ait, illud esse intelligendum ubi erat area testimonii; etiam illuc necesse erat intrare sumnum sacerdotem propter incensum continuationis. Non enim semel in anno intrabat; sed cum sanguine purificationis semel in anno, propter incensum autem quotidie. An intelligendum est Deum præcepisse ut vinum omnino non libereat? Cur ergo non ita præcepit potius ut breviter diceret, *Vinum non bibetis; sed addidit, cum intrabis in tabernaculum, aut cum accederitis ad altare?* An quia causa non bibendi tacenda non erat, maxime quia Deus præcibus erat futuros postea tam multos etiam suos sacerdotes uno tempore, id est non

per successionem, qui tabernaculo et sacrificiis et incenso et universo illi ministerio vicibus deservient; quando utique illi non bibeant, quorum locus erat deserviendi, alii autem bibeant? An quid aliud hoc loco intelligendum est? Quoniam cum vinum et siceram sacerdotes bibere prohiberet, secutus ait, *Legitimum æternum in progenies vestras*: ambiguum est utrum superiori sensui connectatur, id est, ad vinum non bibendum pertineat; an inferiori ubi sequitur, *Distinguere inter medium sanctorum et contaminatorum, et inter medium mundorum et immundorum; et instruere filios Israel omnia legitima quæ locutus est Dominus ad eos per manum Moysi*: ut hoc sit officio sacerdotum legitimum æternum in progenies eorum. Quomodo autem dicat æternum, jam saepe diximus. Hoc quoque ambiguum positum est quod ait, *Distinguere inter medium sanctorum et contaminatorum, et inter medium mundorum et immundorum; utrum ab eo quod sunt sancta et munda, vel inquinata et immunda; an ab eo quod sunt sancti et inundi, vel inquinati et immundi*: id est utrum inter illa ipsa sacra, quæ rite vel non rite fierent, distinguere voluit sacerdotes; an inter ipsos homines probandos vel improbandos; an potius ad utrumque referendum est, sive homines, sive sacra.

**XXXIV.** [lb. x, 14.] *Pectusculum segregationis et brachium ablationis manducabitis in loco sancto.* Quavis singula singulis data sint, nimis tamen utrumque posset dici segregationis, quia utrumque sacerdoti separatur; et utrumque ablationis sive demptionis, quod græce dicitur ἀπαλρεψα, quia utrumque demitur et auferuntur eis pro quibus offertur, ut detur sacerdoti. Pectusculum sane impositionis superius legimus, et brachium ablationis; quia de brachio nihil imponebatur altari, adeps autem de pectusculo imponebatur.

**XXXV.** [lb. x, 14.] Quid est quod dicit, *De sacrificiis salutarium, cum ea dicat quæ alibi dixit sacrificia salutaris; et cum singulari numero id dixit sacrificium salutaris, cum de eadem re diceretur?* An forte hoc loco ubi ait, *A sacrificiis salutarium, sanitatum dici debuit?* Nam in illo psalmo ubi dictum est, *Exaudi nos, Deus sanitatum nostrarum* (Psal. lxiv, 6), hoc verbum habet græcus quod etiam hoc loco, id est σωτηρια, qui genitivus pluralis in græca lingua ambiguus est, utrum a salute, an a salutari nomen declinatum sit: quoniam σωτηρια dicitur salus vel sanitas, unde fit genitivus pluralis σωτηριων, salutare autem σωτηριων dicitur, et inde genitivus pluralis idem ipse est. Si ergo recte potest intelligi etiam sacrificium salutis quod est sacrificium salutaris, quoniam a salutari salus datur, et illud est salutare unde salus accipitur: non est necesse ut tanquam multorum salutarium sacrificia hic intelligamus, ubi dictum est *sacrificiis salutarium*, sed multarum forsitan sanitatum, quæ tamen ab uno salutari accipiuntur. Quod

<sup>1</sup> Hanc phrasim, mutata interpunctione, hoc modo legunt. Er. Lugd. Ven. Lov.: *Quid est quod dicit de sacrificiis salutarium: cum ea dicat quæ alibi dixit sacrificia salutaris singulari numero, id dixerit sacrificium salutaris, cum de eadem re diceretur?* M.

sit autem salutare Dei, de quo dictum est, *Calicem salutaris accipiam* (Psal. cxv, 13), et de quo Simeon dicit in Evangelio, *Quoniam riderunt oculi mei salutare tuum* (Luc. ii, 30); fides christiana novit. Possunt sane non absurde intelligi vel dici etiam sacrificia salutaria, quæ sunt salutaris.

**XXXVI.** [lb. x, 15-20.] *Et erit tibi et filiis tuis et filiabus tuis legitimum sempiternum.* Non frustra est additum, *filiabus*; quoniam quedam ad escas pertinentia sacerdotum prohibet a feminis accipi, sed a masculis jubet.

Cum quæsisset Moyses caprum oblatum pro populi peccatis, et non invenisset, quoniam fuerat incensus, et iratus esset, quod ea quæ pro peccato a populo offerrentur, constituit Dominus sacerdotibus edenda, oblatis inde adipibus et renibus; iratus autem esset non fratri suo, sed filiis ejus, credo quod ad eos suggerendi ministerium pertineret: respondit illi Aaron et ait, *Si hodie obtulerunt ea quæ pro peccato illorum sunt, et holocausta sua ante Dominum, et contigerunt mihi talia, et comedam quod est pro peccato hodie, numquid placitum erit Domino?* Et audivit Moyses, et placuit illi. Hoc videtur dixisse Aaron, quod ipso die quo primum obtulerant filii Israel pro peccato suo, non debuit a sacerdotibus manducari, sed totum incendi, non inde regulam faciens ad cetera; nam deinceps sacrificia pro peccatis ipsi edebant: sed quia hoc primum fuit ipso primo die primitus oblatum, credendum est Aaron sacerdotem hoc divina inspiratione dixisse<sup>1</sup>, ut et illud circa sacerdotes deinceps servetur quod præceperat Dominus Moysi, et hoc quod Aaron dixit tanquam divinitus dictum Moyses approbaret. Quid ergo de ceteris ejusdem diei sacrificiis, id est de ariete et vitulo, quæ diximus etiam ipsa pro peccato oblata debere intelligi? An de vitulo nulla quæstio est, quoniam oportebat sic fieri, ut de ejus sanguine quemadmodum præceptum fuerat intromitteretur, unde et tangerentur cornua altaris incensi, et consequens erat ut totus arderet? Quid ergo de ariete? An quoniam primum caprum quæsivit Moyses, quod de capro illi responsum est, hoc et de ariete intelligendum est, quem ex ordine fuerat quæsitus, nisi illud responsum sacerdotis ei placuisse? De vitulo autem quid quereret, cum ea lege fieri potuerit, quam de vitulo pro peccato universæ synagogæ præceperat Deus, sicut de vitulo pro peccato sacerdotis, id est ut totus arderet extra castra (Levit. iv, 12 et 21)? Hæc enim sunt verba irascentis Moysi ad filios fratris sui, cum hircum pro peccato quæsitus non invenisset, quia fuerat totus incensus: *Quare non comedisis illud quod fuit pro peccato in loco sancto?* Quoniam enim sancta sanctorum sunt, hoc vobis dedit edere, ut auferatis peccatum synagogæ, et exoretis pro eo ante Dominum. Non enim illatum est a sanguine ejus in sanctum ante faciem intus. Edeatis illud in loco sancto, quomodo mihi constituit Dominus. Utique cum dicit, *Non enim illatum est a sanguine ejus in sanctum ante faciem intus*, procul dubio discernit illud quod ita fit

<sup>1</sup> Nostræ omnes MSS., hoc dirina aspiratione dixerunt.

pro peccato sacerdotis, sive pro peccato universæ synagogæ, non de hirco, de quo sanguis quoniam non erat jussus inferri ad tangenda cornua intus altaris incensi, non debuit totus incendi, sed a sacerdotibus manducari. Hoc autem quare sit factum, id est ut etiam ipse totus incenderetur, respondit Aaron, et placuit Moysi.

Sane quoniam sex pecora præcepta fuerunt senioribus populi ut offerrentur pro populo, quorum prius quatuor commemoravit, hircum et arietem, et vitulum, et agnum anniculum; quorum manifestum est hircum pro peccato, manifestum est etiam agnum anniculum in holocaustum; duo vero media, arietem et vitulum, ambigue posita videramus, utrum ad sacrificium pro peccato pertinerent, et hirco adjungentur, an potius agno ut in holocaustum offerrentur, unde quid nobis videretur, suo loco exposuimus: postea vero ut sex animalia completerentur, vitulum et arietem commemoravit in sacrificium salutaris; nec tamen in consequentibus cum immolata sunt, et identidem commemorata, illa mentio pecorum ipsorum arietis et vituli, quæ inter caprum et agnum posuerat, sed tantum ille vitulus et ille aries commemorantur, quos in sacrificium salutaris offerri jusserat, ut jam non sex pecora, sed potius quatuor fuisse credantur: potest fortassis intelligi quod duo illa, quæ prius inter hircum et agnum posuerat, iterum nominavit, et non est aliis vitulus et aliis aries in sacrificium salutaris: ut cum dixisset hircum pro peccato, et arietem et vitulum non dicens in quid, id est in quam rem, agnum vero anniculum in holocaustum; postea dicere voluerit quid de vitulo et ariete faciendum esset, id est, quia neque pro peccato sicut hircus, neque in holocaustum sicut agnus, sed in sacrificium salutaris jubebantur inferri. Sed si hoc intellexerimus, manebit quæstio quare pro peccato synagogæ hircus oblatus sit, cum de sacriliis quæ pro peccatis offerenda essent ab initio Dominus loquens, vitulum offerri jusserit pro peccato synagogæ, sicut pro peccato sacerdotis, non caprum, sed vitulum; de quo vitulo etiam sanguinem, similiter ut pro peccato sacerdotis, ad tangenda cornua altaris incensi præcepit inferri (*Levit. iv, 3-18*): et quæ causa fuerit, ut pro peccato Aaron, et Moyses vitulum offerret (*Id. viii, 14*), et ipse Aaron alterum vitulum (*Id. ix, 8*), sicut pro peccato sacerdotis secundum Dei præceptum offerri oportebat; pro peccato autem populi non vitulus, sicut præceptum fuerat, sed hircus potius offeretur. Quod cum moveret, visum est nobis, ut supra diximus, quod non solus hircus pro peccato populi, sed et aries et vitulus offerri jussus est, ut ad ista tria subaudiatur, pro peccato: quia et principes erant in populo, pro quibus hircus fuerat offerendus: et singuli quique habere propria peccata potuerunt, pro quibus aries; et unum aliquod peccatum omnes, pro quo vitulus, sicut ab initio præceptum fuerat, pro peccato universæ synagogæ vitulum offerri oportebat. Ideo autem cum immolata sunt, hircus tantummodo nominatur, ut alia etiam tacita intelligerentur, locu-

tione a parte totum, quia omnia fuerant pro peccatis.

XXXVII. [Ib. xi, 53, 54.] Cum ageret de morticinis immundorum animalium, *Et omne vas fictile, inquit, in quo ceciderit ex eis intus*<sup>1</sup>, *quæcumque sunt intus immunda crunt; et illud conteretur, id est, ipsum vas. Et omnis cibus qui manducatur, in quæcumque renerit super illum aqua, immundus erit vobis.* Non quæcumque aqua intelligenda est, quæ supervenerit cibo, facit eum immundum; sed ex illo vase quod factum est immundum de morticinis immundis, si forte ipsum vas habuit aquam.

XXXVIII. [Ib. xi, 47.] *Instruere<sup>2</sup> filios Israel inter vivificantia quæ manducantur, et inter vivificantia quæ non manducantur: quæ græcus habet ζωογονούτα, nostri quidam vivificantia interpretari maluerunt, quia utcumque hoc verbum noster usus recepit, quam sacerē novum insolitus, si dici posset vivigignentia. Non enim quæ vivificant, id est vivere faciunt, sed quæ vivos fetus gignunt, id est non ova, sed pullos, dicuntur ζωογονήτα.*

XXXIX. [Ib. xii, 4.] Quid est quod ait de muliere quæ peperit, *Omne sanctum non tanget, et in sanctuarium non introbit?* Quod sanctuarium vult intelligi; cum legatur in tabernaculum non nisi sacerdotes solere ingredi, et usque ad velum interius secundum, ultra velum autem ipsum ubi erat arca, non nisi unum summum sacerdotem? An et ante tabernaculum, ubi erat altare sacrificiorum, sanctuarium dici potuit? Nam sc̄epe appellatur locus sanctus etiam ipsum atrium, cum dicitur, *In loco sancto edent ea* (*Levit. vi, 26*). Illue fortassis solebant intrare mulieres, quando offerabant dona sua, quæ imponerentur altari.

XL. [Ib. xii, 2-8.] Quid est quod dicit, *Si masculum pepererit mulier, immunda erit septem dies; secundum dies secessionis purgationis ejus immunda erit: et in die octavo circumcidet carnem præputii ejus; et triginta et tres dies sedebit in sanguine suo mundo. Omne quod sanctum est non contingit, et in sanctuarium non introbit?* Quæ differentia est inter septem dies illos quibus dicit eam immundam, et triginta tres quibus in sanguine suo mundo sedebit? Si enim jam immunda non est per triginta tres dies, quare non tangit quod sanctum est? An hoc adhuc interest, quia in sanguine est, licet mundo: ut hoc distet, quia cum immunda est, ubicumque etiam sederit, immundum facit; cum vero jam in sanguine mundo sedet, tantum quod sanctum est non ei licet tangere, et in sanctuarium intrare? Hoc est enim quod ait, *secundum dies secessionis purgationis suæ*, quod dicit alio loco, immunditiam feminæ quæ menstruis purgatur, septem dierum esse, quando omne super quod sederit immundum erit (*Id. xv, 19-23*). *Secessionis* autem dicit, quoniam secedebat aliquantum, ne omnia coinqui-

<sup>1</sup> Hic in editis deest, *intus*: quod in MSS. et apud LXX habetur.

<sup>2</sup> Editi, *Instrue*. At MSS., *Instruere*: sicuti legendum cōjiciebat Nobilius in annotationibus ad *Levit. 2*, ubi insuper monet verba isthac: *Kai sunibazein tous laulos Israël*, quæ quidem hodie LXX in excusis non habent, reperiri in aliquot codicibus inserta versiculo 47, proxime ad illud, *anameson tōn zōgoionouón*.

naret, cum perageret illos dies. Ilos dies immunditiae ejus, si feminam pareret, Lex duplicabat, et quatuordecim faciebat: reliquos autem quibus sedebat in sanguine mundo suo, etiam ipsos duplices justerat observari, id est sexaginta sex, ut omnes essent in partu masculi quadraginta, in semine octoginta. Aliqui autem codices gravi non habent, *in sanguine mundo suo*; sed, *in sanguine immundo suo*.

*Et cum adimpleti fuerint dies purgationis ejus, super filio aut super filia offeret agnum anniculum sine macula in holocaustum, et pullum columbinum aut turturam<sup>1</sup>, pro peccato, ad ostium tabernaculi testimonii ad sacerdotem: et offeret cum ante Dominum, et exorabit pro ea sacerdos, et purgabit eam a fonte sanguinis ejus. Ista lex ejus quæ peperit masculum aut feminam. Si autem non invenerit manus ejus quod satis est in agnum, et accipiet duos turtures, aut duos pullos columbinos; unum in holocaustum, et unum pro peccato: et exorabit pro ea sacerdos, et purgabit. Recte ergo superius non legendum est, Offeret agnum anniculum sine macula in holocaustum, aut pullum columbinum aut turturam pro peccato: quandoquidem poslea dicit, Si non invenerit manus ejus quod satis est ad agnum, et accipiet duos turtures: ubi plus videtur habere et; nam ea coniunctione detracta, integre sequitur, accipiet duos turtures aut duos pullos columbinos, unam avem scilicet in holocaustum, alteram pro peccato.*

Sed quo peccato? Numquid peperisse peccatum est? An hic ostenditur illa propago ex Adam, unde Apostolus dicit, *Ex uno in condemnationem; et quia per unum hominem peccatum intravit in mundum, et per peccatum mors, et ita in omnes homines pertransiit* (*Rom. v, 16, 12*)? Et hic satis apparet quemadmodum dictum sit, *Ego enim in iniurias conceptus sum, et in peccatis mater mea in utero me aluit* (*Psalm. l, 7*). Cur ergo non illud quod natum est purgari dicit Scriptura per hoc sacrificium, sed ipsam quæ peperit? An ad ipsam quidem, unde illa origo trahebatur, relata purgatio est propter sanguinis fontem; non poterat tamen sine ipsius fetus purgatione fieri, qui ex ipso sanguine exortus est? Nam quo pertinet quod superius ait, *Super filio aut super filia offeret agnum anniculum sine macula in holocaustum, et pullum columbinum aut turturam pro peccato*, si nihil per hoc sacrificium fiebat pro eis qui nascebantur?

Quod si quisquam ita distinguere comabitur, ut dicat non esse jungendum, *Super filio aut super filia offerre agnum anniculum sine macula in holocaustum, et pullum columbinum pro peccato*; sed ita potius legendum, *Et cum adimpleti fuerint dies purgationis ejus super filio aut super filia*, id est dies purgationis impleti fuerint super illo aut super illa, filio scilicet

vel filia; ut deinde ab alio sensu sequatur, *Offeret agnum anniculum sine macula in holocaustum, et pullum columbinum pro peccato*, id est, pro peccato suo, cum completi fuerint dies purgationis ejus super filio aut super filia: quisquis ergo ita distinguendum putaverit, ex Evangelio convincetur, ubi cum tale aliquid nato ex virgine Domino ficerent, magis propter consuetudinem Legis, quam propter necessitatem aliquis in eo expiandi purgandique peccati, sic legitur, *Et cum inducerent puerum Jesum parentes ejus, ut facerent secundum consuetudinem Legis pro eo* (*Luc. ii, 27*): non dictum est, pro matre ejus, sed, *pro eo*; quamvis ea fierent quæ hoc loco præcepta sunt de duobus turturibus aut duobus pullis columbinis. Sic enim baptizari ipse etiam dignatus est baptismus Joannis, qui erat baptismus poenitentia in remissionem peccatorum (*Math. iii, 13, 14*), quamvis nullum haberet ille peccatum. Merito ergo quidam nostri ita interpretati sunt etiam istum in Levitico locum, ut non dicarent, *super filio aut super filia*; sed, *pro filio aut pro filia*. Hanc enim vim hujus præpositionis esse intellexerunt hoc loco, ubi græcus ait, ἐπὶ τῷ οὐρανῷ. Sane advertendum est quam pauper Dominus nasci voluerit, ut non pro illo offerretur agnus et pullus columbinus aut turtur, sed par turturum aut duo pulli columbini, sicut in Evangelio legitur (*Luc. ii, 21*); quod Scriptura Levitici tunc jussit offerri, si non habuerit manus offerentis quod satis est in agnum.

XLI. [Ib. xiii, 20]. *Homini si cui facta fuerit in cute corporis ejus cicatrix signi lucida, et fuerit in cute coloris ejus tactus lepræ. Velut exponendo dixit posterius, unde quod primum dixerat intelligeretur, quoniam dixerat, Homini si cui facta fuerit in cute corporis ejus cicatrix signi lucida, ne cicatricem sic intelligeremus, quomodo solet esse vestigium sanati vulneris, aperuit hoc se de colore dicere, cum adjunxit, Et fuerit in cute coloris ejus tactus lepræ. Quidquid ergo illud est, coloris vitium est, quod nomine cicatricis appellat. Quod vero ait, tactus lepræ, non quod tactu color sentiatur; sed ita dicit tactum lepræ, tanquam ipse homo vel corpus ejus lepra sit tactum, hoc est maculatum atque vitiatum: sicut dici solet, Tetigit eum, vel non tetigit febris. Denique ipsam maculam, tactum vocat, et eam semper isto nomine appellat. Unde nonnulli nostri non tactum, sed maculam interpretati sunt: quo nomine quidem planius videretur sonare quod legitur; sed potuit et græcus non dicere ἀπέστη, id est tactum, sed μέρος, id est maculam, unde ἀπέστη dicit immaculatum: quoniam non ab illo solo quod in colore contingit, sed ab omni vitio purum solet Scriptura ἀπέστη dicere; unde non maculam coloris, sed omnis vitiæ notam vult intelligi, quod μέρος appellat. Posset ergo quod ad solum colorem attinet ἀπέστη dicere; quo verbo usus est Apostolus, ubi ait de Ecclesia, Non habemus maculam aut rugam (*Ephes. v, 27*). Nec μέρος autem, nec ἀπέστη dixit, sed ἀπέστη, id est tactum: quod et in græca lingua inusitate dicitur in coloribus,*

<sup>1</sup> Editi pluresque MSS. hic et infra tertio loco, *et turturam*. Corbeiensis codex et unus e Vaticani, *aut turturem*. Cui lectioni suffragantur LXX et versio Vulgata: neque porro adversatur Augustinus, uti Nobilio per eam videbatur. Postea quippe codices nonnullos reprehendit S. Doctor, non quia, *aut turturam*, sed quia, *aut pullum columbinum*, *pro*, *et pullum*, etc., exhibereat.

et tamen hoc Septuaginta interpretes non piguit græce dicere; cur ergo latinos pigerit? Quod autem dicitur *cicatrix signi*, vel ideo dicitur, quod significet aliquid; vel ideo potius, quod ipsum hominem signo quodam discernit a ceteris, hoc est, notabilem reddit.

XLII. [Ib. xiii, 3.] Quid est quod ait, *Et videbit sacerdos, et inquinabit eum?* ad quem veniet ut mundetur. Sed *inquinabit* dictum est, inquinatum pronuntiabit, si haec in eo viderit, quæ Scriptura dicit de macula lepræ.

XLIII. [Ib. xiii, 4, 7, 2.] *Si autem lucidus albus erit in cute coloris ejus<sup>1</sup>, et humilius non fuerit aspectus ejus a cute.* *Lucidus albus* subauditur tactus, id est, illa macula coloris, non pilus. Quod postea dicit, *Si autem conversa mutata fuerit significatio in cute;* hanc dicit significacionem, quod superius *signum* in latino legitur. Nam græcus et supra et hic uno eodemque verbo usus est, *signum* dicens.

XLIV. [Ib. xiii, 5 et 6.] *Et segregabit illum sacerdos septem diebus in secundo; et videbit illum sacerdos die septimo in secundo:* et ecce obscurus tactus non est conversus tactus in cute; et purgavit eum sacerdos: *signum enim est:* hoc est, purgatum eum, pronuntiabit; non enim est lepra, sed signum.

XLV. [Ib. xiii, 4 7.] *Si autem conversa mutata fuerit significatio in cute, posteaquam vidit illum sacerdos ut purget:* et visus fuerit denovo sacerdoti, et viderit eum sacerdos, et ecce commutata significatio in cute; et *inquinabit eum sacerdos: lepra est.* Etiam hic *inquinabit* dixit, inquinatum pronuntiabit: et autem plus habet, ex more locutionis Scripturæ. Hoc itaque videtur admonuisse, ut cum visus fuerit solus color albus et lucidus, discolor sano colori, adhuc probetur a sacerdote, ut si viderit etiam pilum mutatum in album colorem, et humiliorem factum cutis locum, in quo est albus color, tunc pronuntiet lepram, id est, inquietum hominem pronuntiando leprosum. Si autem, inquit, *lucidus albus fuerit in cute coloris ejus*, id est, lucidus albus fuerit ille tactus; quo nomine candem maculam appellat: et humilius non fuerit aspectus ejus a cute; et pilus non erit conversus in album, ipse autem est obscurus, id est ipse pilus, quia non est albus: et segregabit sacerdos tactum septem dies; et videbit sacerdos tactum die septimo, id est illam maculam: et ecce tactus manet ante eum; non commutatus est tactus in cute, id est, non est discolor et dissimilis inventus a cute. Ergo sanatum est quod vitiosum erat: sed adhuc jubet probari eamdem sanitatem per alios septem dies, aique ideo sequitur et dicit, *Et segregabit illum sacerdos septem dies in secundo*, id est, septem alios dies; et videbit illum sacerdos die septimo in secundo: et ecce obscurus tactus, id est, quia non albus et lucidus, ac per hoc concolor sano colori; non est mutatus tactus, in cute, sicut et paulo ante dixit, hoc est non est dissimilis a cetera cute: et purgabit eum sacerdos, id est, purgatum pronuntiabit a suspicione lepræ; non quod habuerit lepram, quam jam non habet, sed quo-

niam lepra non fuit, quod in illo lucidus et albo colore tactus, id est maculæ illius quæ apparuerat, cum exspectaretur utrum humilior fieret locus, et pilus illie in album converteretur, non contigit, sed potius ille tactus qui fuit ante lucidus et albus, obscurus inventus est, id est, similis cætero colori, non lucidus: non erat ergo lepra, *signum est enim*, non lepra, quod sic apparuerit: tamen etiam propter hoc purgatus a suspicione lepræ, *lavabit vestimenta sua*; quia et in illo signo aliquid fuit, propter quod lavanda fuerant vestimenta; et mundus erit.

XLVI. [Ib. xiii, 7, 8.] Deinde sequitur, *Si autem conversa mutata fuerit significatio in cute, posteaquam vidit illum sacerdos ut purgaret illum;* id est, posteaquam vidit eum sacerdos septimo die prius sanum, ut purgaret illum, mutata est illa significatio, id est illud signum in cute: et visus fuerit in secundo sacerdoti, id est post alios septem dies: et viderit eum sacerdos, et ecce commutata est significatio in cute, id est, non stetit in illa sanitate, in qua eum viderat post primos septem dies. *Et inquinabit illum sacerdos: lepra est.* Jam hic quoniam illud quod visum fuerat post primos septem dies sanum, non stetit in suo, sed mutatum est in pristinum vitium, lepra pronuntiatur; ita ut non illic exspectetur vel locus humilior, vel pilus in album conversus. Cum enim lepra non sit notabilis atque vitiosa, nisi varietas; hoc ipsum de vitioso colore redire ad sanum, et de sano redire ad vitiosum, ita notabile est, ut non ibi fuerit exspectandum, quod in primo exspectari precepérat, de humiliori loco et pili candore, sed jam etiam ista varietate sine dubitatione sit lepra.

XLVII. [Ib. xiii, 9-17.] Deinde sequitur: *Et tactus lepræ si fuerit in homine, veniet ad sacerdotem:* et videbit sacerdos; et ecce cicatrix alba in cute; et haec mutavit capillum album, et a sano carnis vivæ in cicatrice. Hinc si subtrahamus et, more enim locutionis Scripturarum positum est, iste erit sensus: *Et videbit sacerdos; et ecce cicatrix alba in cute;* et haec mutavit capillum album a sano carnis vivæ in cicatrice. Ordo est: *Mutavit capillum album in cicatrice a sano carnis vivæ;* id est, cum caro viva et sana habeat capillum obscurum, vel nigrum, haec cicatrix album habet. *Lepra veterascens est in cute coloris ejus:* et inquinabit eum sacerdos, id est, inquinatum pronuntiabit. Non segregabit eum, quia immundus est: hoc videtur dicere, quia ubi inventus fuerit pilus in album mutatus concolor albo vitio cutis, jam non segregatur, ut probetur; nec exspectatur utrum etiam humilior fiat locus; sed ex hoc tantum quod alba est cutis discolor cæteræ, et album habet pilum discolorem cæteris qui sunt in carne viva et sana, lepra veterascens pronuntiatur: ideo veterascens, quia jam non est probanda illis bis septem diebus. *Si autem restitutus fuerit color sanus,* et conversus fuerit albus: quoniam dixerat totum album factum per totam cutem, eo ipso jam mundum esse; quia varietas ibi jam non esset. Deinde ait, *Et quacunque die visus fuerit in eo color vivus, inquinabitur:* ubi satis ostendit varietatem improbari. Ac per

<sup>1</sup> Am. Er. et Lov., in *cute color ejus*. Rat. vero et Ms., *coloris in græco est, tou chrotos autou.*

hoc quod modo dixit, *Si autem restitutus fuerit color sanus, et conversus fuerit albus, et veniet ad sacerdotem; et videbit sacerdos: et ecce conversus tactus in album; et purgabit sacerdos tactum; mundus est.* Restitutum colorem sanum non debemus accipere, ut color sanus esset; etenim ipse erat per quem tamen siebat immundus propter varietatem. Restitutum ergo dixit colorem sanum, ut illud esset quod fuerat, id est albus sano percunite. Tunc enim rursus mundus erit, cum totus albus fuerit, quia nulla ibi varietas erit. Sed restitutum pro pereunte accipere, nimis inusitata locutio est. Magis enim videtur dicere debuisse, *Si autem restitutus fuerit color albus: nunc vero ait, restitutus sanus, et conversus fuerit albus; tanquam diceret, Sanus color si restitutus fuerit in album.*

**XLVIII.** [lb. xiii, 30.] Quid est, quod cum de lepra capitum loqueretur, eam etiam quassationem (*a*) appellavit, cum in solo colore fiat, vel cutis vel capillorum, et quod humilior aspectus ejus a cetera cote appareat, sine dolore tamen et sine ulla vexatione? An hoc quod immundum est quassationem voluit appellare pro plaga, velut hac immunditia homo percussus sit?

**XLIX.** [lb. xiii, 47 et 48.] Quid sibi vult, quod cum diceret de lepra vestimentorum aliarumque rerum ad usus hominum pertinentium, ait, *Aut in vestimento laneo, aut in vestimento stuppeo, aut in stamine, aut in lana, aut in lincis, aut in laneis;* cum jam supra dixisset, *in vestimento laneo, aut in vestimento stuppec?* Nam stuppeum est utique lineum. An illic vestimenta intelligi voluit; hic autem quodlibet laneum et quodlibet lineum? Non enim vestimenta sunt stramina jumentorum, cum sint lanea; aut vestimenta sunt retia, cum sint linea. Prius ergo specialiter de vestimentis, deinde generaliter de omnibus rebus laneis et lineis dicere voluit.

**L.** [lb. xiii, 48.] Quæritur quid dixerit, *In omni operaria pelle;* quod nonnulli interpretati sunt, *In omni confecta pelle.* Sed non ait græcus *ἔργασμα δέρματι*; ait autem *ἔργασιμη*, quod verbum etiam in Regnorum libro positum est, ubi Jonathan loquitur ad David, *Esto in agro in die operaria* (1 Reg. xx, 19), id est, in die qua sit opus. Ac per hoc etiam hic pellem operariam in qua sit opus debemus accipere, id est, alicui operi accommodatam. Sunt enim pelles quæ tantummodo ad ornamentum habentur, non ad opus.

**L1.** [lb. xiii, 48.] Quid est quod ait, *In omni vase operario pellis;* nisi quod est ex pelle factum, hoc est in omni vase pelliceo? Hoc autem isto loco vas dicit, quod Græci appellant *κεῦος*; hoc enim nomen generale est omnium utensilium. Aliud est autem quod appellatur *ἄγγελος*; nam et loc lingua vas dicitur: sed *ἄγγελος*, illud magis intelligitur vas quod liquorem capit.

**LII.** [lb. xv, 44.] Quid est quod ait, *Et quemcumque tetigerit qui fluorem seminis patitur, et manus suas non luvit aqua, lavabit vestimenta, et lavabit corpus suum*

<sup>1</sup> In editis, *quicumque tetigerit*: et infra, *quicumque non lotis* in MSS. constanter, *quemcumque*. Porro apud LXX legitur (*a*) *θρεύσα*.

*aqua, et immundus erit usque in vesperam?* Ambiguum quippe positum est quod ait, *manus suas non luvit aqua*, velut posteaquam tetigerit. Sed intelligendum est, quemcumque non lotis manibus tetigerit, ipse quem tetigerit, lavabit vestimenta, etc.

**LIII.** [lb. xvi, 46, 19.] Quid est, quod cum præcipiter quomodo intrare deberet sacerdos summus in sanctum, quod est intra velum, ait inter cetera, *Et exorabit pro sanctis ab immunditiis filiorum Israel, et ab injustitiis eorum, et de omnibus peccatis eorum?* Quomodo ergo pro sanctis, si ab immunditiis filiorum Israel et ab injustitiis eorum de omnibus peccatis eorum? An quia non ait, pro immunditiis filiorum Israel, sed ab *immunditiis*, hoc intelligendum est, *Exorabit pro sanctis ab immunditiis filiorum Israel, id est, pro eis qui sancti sunt ab immunditiis filiorum Israel, non consentientes immunditiis eorum: non quia pro ipsis tantum exorandum erat, sed quia etiam pro ipsis, ne quisquam putaret ita fuisse sanctos, ut nihil esset unde pro eis exoraretur, quamvis essent ab immunditiis filiorum Israel et ab injustitiis eorum alieni?* *De omnibus peccatis eorum, id est, quæ injustiæ venient de omnibus peccatis eorum.*

Potest et iste esse sensus, *Exorabit pro sanctis ab immunditiis filiorum Israel;* id est, ut hoc pro illis exorari intelligatur, ut ab immunditiis filiorum Israel tui essent. Sed exorabit non potest accipi, nisi quod alio verbo dicitur, propitiabit. Unde et propitiatorium vocatur, quod alii exoratorium interpretati sunt: græce autem dicitur *ἱλαστήριον*. Et quod hoc loco latinus ait, *Exorabit pro sanctis*, græcus habet *ἴπλαστρον*; quod non intelligitur nisi pro peccatis. Unde scriptum est in Psalmo, *Qui propitius fit omnibus iniuriantibus tuis* (Psal. cxii, 3). Illic ergo aptior sensus est, ut intelligatur sacerdos etiam pro his propitiare Deum, qui sancti sunt ab immunditiis filiorum Israel; et quia licet ita sancti sint ut immunditiis filiorum Israel et injustiæ non consentiant, habent tamen aliquid propter quod eis necessaria sit propitiatio Dei.

Sane in quodam græco invenimus, *Et exorabit sanctum;* non, *pro sanctis:* et illud quidem *sanctum*, genere neutro, id est τὸ ἄγνωτον. Nam posset intelligi, exorabit sanctum Deum, et nulla esset quæstio: quomodo autem possit intelligi, *exorabit hoc sanctum*, difficile est dicere, nisi forte illud sanctum quidquid est quod Deus est; quia et Spiritus sanctus, qui utique Deus est, neutro genere græce dicitur τὸ Πνεῦμα τὸ ἄγνωτον. Et forte hoc est, si tamen ille codex verior est, qui emendator videbatur, *ἴπλαστρον* τὸ ἄγνωτον, hoc est, τὸ Πνεῦμα τὸ ἄγνωτον, quod latine genere neutro dici non potest. Quamvis et in tribus aliis codicibus, uno græco et duobus latini, non invenerimus; nisi quod supra diximus, *Exorabit pro sanctis.* Quod potest et sic accipi, ut non pro sanctis hominibus, sed pro iis quæ sancta sunt intelligatur, id est tabernaculo ipso, et quemcumque in eis essent sanctificata Domino: ut hoc sit, *Exorabit pro sanctis ab immunditiis filiorum gitorum, hosōn ean hapsēta, quemcumque tetigerit;* forte per librarios hosōn mutatum est in hosōn. Quippe vulgata versio habet *Omnis quem tetigrit.*

*Israel*, propitiabit Deum pro iis quæ sanctificata sunt *Dominō*, ab immunditiis filiorum *Israel*; quia in medio eorum erat tabernaculum. Sic enim sequitur: nam cum dixisset, *Exorabit pro sanctis ab immunditiis filiorum Israel, et ab injustiis eorum, de omnibus peccatis eorum*; continuo subjecit, *Et ita faciet tabernaculo testimonii quod creatum est in eis, in medio immunditiae eorum*: ut ad hoc necessaria videatur illa propitiatio pro sanctis, id est pro tabernaculo et omnibus quæ in eis sancta dicuntur. Nam et paulo post hoc dicit de altari, quod aspersione sanguinis mundaret illud sacerdos, et sanctificaret ab immunditiis filiorum *Israel*.

LIV. [lb. xvi, 20.] *Et perficiet exorans sanctum*. Utrum perficiet sanctum? an exorans sanctum, secundum id quod supra diximus? nam et hic neutro genere græco dictum est τὸ ἔγιον. Utrum ergo exorans Dominum perficiet sanctum, id est perfecte sanctificat quod sanctificat? an perficiet, quod ait, *exorans sanctum*, id est, illud sanctum quod est τὸ Πεντεκότηρον;

LV. [lb. xvi, 20, 27, 29, 33.] De duabus hircis, uno immolando, et alio in desertum dimittendo, quem ἀποκοπατεῖ vocant (a), solet esse disceptatio: et a quibusdam ille immolandum in bono accipitur, ille autem dimittendum in malo. Non tamen iste sensus ideo confirmandus est, quia homo in ejus manu in eremum hircus dimittitur, cum redierit, lavare jesus est vestimenta sua et corpus suum aqua, et sic ingredi in castra; tanquam et hoc sit indicium cur in malo sit ille hircus accipiendus, a cuius contagione homo abluendus est. Sic enim dicit abluendum et qui alterius hirci vitulique acceperit carnes, et extra castra combusserit; quia ita de illo et de vitulo fieri jubet, de quorum immolatorum sanguine fit aspersio, et sunt pro peccatis: ac per hoc non negligenter istorum duorum hircorum distinctio in allegorica significatione tractanda est. Item cum constituissest diem decimum septimi mensis<sup>1</sup> sabbato sabbatorum, quo fieret supradicta purgatio a sacerdote illo uno qui patri succedit, ioquens de eodem sacerdote ait, *Exorabit sanctum sancti*: quod jam nescio utrum aliter accipendum sit, quam Exorabit in sancto sancti, quodam genere locutionis; in illo scilicet sancto quo solus ipse summissus sacerdos intrabat, quod est intra velum, ubi arca erat testimonii et altare incensi. Non enim cumdem locum tanquam Deum exorabit, sed quia ibi exorabit Deum, ita positum est, *Exorabit sanctum sancti*. Nam et hoc genere neutro in græco positum est, τὸ ἔγιον τὸ Πεντεκότηρον Θεοῦ; An potius *Exorabit* dictum est, Exorando purgabit? Nam sic verba contextit: *Et exorabit sanctum sancti, et tabernaculum testimonii<sup>2</sup>, et altare exorabit, et pro sacerdotibus et pro*

<sup>1</sup> Editi, *diem decimum septimum mensis*. At MSS., *septimi mēsis*: verius, ut patet ex I.XX et ex Vulg.

<sup>2</sup> Editi, *tabernaculum testimoniorum*. MSS. cum græco, *testimonii*.

(a) Hircus emissarius græco *apopompaios*, dicitur apud LXX, Levit. cap. 16, vv. 8 et 10; scilicet juxta Theodoreti observationem in Levit., quæst. 22, *de apopompomenos eis tēn erēmon*, ut qui emittatur in desertum: hiac enim apollatum esse colligit iis ex verbis Levit., cap. 16, v. 10, *ταυτικαι αυτον εἰς τὴν apoponpeni*.

*omni synagoga exorabit*. Quomodo ergo exerabit tabernaculum et altare, nisi, ut dictum est, intelligamus, exorando purgabit?

LVI. [lb. xvii, 3, 4.] Illud quod dicit, *Quicunque occiderit vitulum, aut ovem, aut capram in castris, et quicumque occiderit extra castra, et ad ostium tabernaculi testimonii non attulerit*, et in hoc constituit peccatum, et comminatur facienti; non de iis dicit quæ occiduntur ad usum vescendi, vel si quid aliud, sed de sacrificiis. Prohibuit enim privata sacrificia, ne sibi quisque quodammodo sacerdos esse audeat; sed illuc asserat, ubi per sacerdotem offerantur Deo. Ita enim nec vanis sacrificabunt: nam et hoc in ea consuetudine cavendum præmonuit. Cum ergo non liceret offerri sacrificia nisi in tabernaculo, cui templum postea successit; unde et rex *Israel* Jeroboam vaecas facere ausus est, quibus populus sacrificaret, ne hujus legis necessitate seducerentur ab eo qui sub regno ejus erant, dum pergerent Jerusalem ut in templo Dei offerrent sacrificia sua, in quo facto a Domino condemnatus est (III Reg. xii, 28-30): merito queritur quomodo licite sacrificaverit Elias extra templum Dei, quando et ignem de cœlo impetravit, et prophetas dæmoniorum convicit (Id. xviii, 56-59). Quod milii non videtur alia ratione defendi, quam illa qua defenditur et Abrahæ factum, quod filium Deo jesus voluit immolare (Gen. xxii, 3-10). Cum enim jubet ille qui legem constituit, aliquid fieri quod in lege prohibuit, jussio ipsa pro lege habetur, quoniam auctor est legis. Non enim deesse possent miracula alia preter sacrificium, quibus superarentur et convincerentur prophetæ lucorum: sed Spiritus Dei qui fuerat in Elia, quidquid in hac re fecit, contra legem esse non potest, quia dator est legis.

LVII. [lb. xvii, 10-12.] Quid est quod prohibens edendum sanguinem dicit, *Anima omnis carnis, sanguis ejus est?* Quem totum locum sic explicat: *Et homo, homo filiorum Israel, aut de proselytis qui appositi sunt in vobis, quicumque ederit omnem sanguinem; et statuam faciem meam super animam quæ manducat sanguinem, et perdam illam de populo suo. Anima enim omnis carnis, sanguis ejus est.* Et ego dedi illud votis exorar: pro animalibus vestrīs: sanguis enim ejus pro anima exorabit. Propterea dixi filiis *Israel*, *Omnis anima ex vobis non edet sanguinem; et proselytus qui appositus est in vobis, non edet sanguinem*. Numquid nam si animam pecoris sanguinem dicimus, etiam anima hominis sanguis putanda est? Absit. Quomodo ergo non ait, *Anima omnis carnis pecoris sanguis ejus est*? sed, *Anima, inquit, omnis carnis sanguis ejus est?* In omni utique carne, etiam hominis caro deputatur. An quia vitale aliquid<sup>1</sup> est in sanguine, quia per ipsum maxime in hac carne vivitur, qui in omnibus venis per corporis cuncta diffunditur, ipsam vitam corporis vocavit animam, non vitam quæ migrat ex corpore, sed quæ morte finitur? Quia locutione dici-

<sup>1</sup> Editi, *an quia et tale aliqual*. Et paulum infra, qui in omnibus venis et corporis junctura. Reponimus ex novo MSS.: *an quia vitale, etc.... per corporis cuncta*.

mus istam vitam temporalem esse, non æternam; mortalem, non immortalem: cum sit immortalis animæ natura, quæ ablatæ est ab Angelis in sinu Abraham (Luc. xvi, 22); et cui dicitur, *Hodie tecum eris in paradiso* (*Id. xxvii, 43*); et quæ in tormentis ardebat inferni (*Id. xvi, 25*). Secundum istam ergo significationem, quæ perhibetur anima etiam hæc temporalis vita, dixit apostolus Paulus, *Non enim facio animam meam pretiosiorem quam me*<sup>1</sup> (*Act. xx, 24*); ubi se ostendere voleat et mori paratum pro Evangelio. Nam secundum significationem quæ anima dicitur illa quæ migrat ex corpore, magis eam pretiosam faciebat, cui tantum meritum conquirebat. Sunt et aliae hujusmodi locutiones. Vita itaque ista temporalis maxime sanguine continetur in corpore. Sed quid est quod ait, *Dedi vobis eum ad altare Dei, exorare pro anima vestra*; tanquam anima pro anima exoret? Numquid sanguis pro sanguine, quasi de nostro sanguine solliciti simus, cum pro anima nostra volumus exorari? Absurdum est hoc.

Sed multo est absurdius ut sanguis pecoris exoret pro anima hominis, quæ mori non potest: cum manifeste Scriptura testetur in Epistola ad Hebrewos, illum sanguinem victimarum nihil profuisse ad exorandum Deum pro peccatis hominum; sed significasse aliquid quod prodesset. *Impossibile est enim*, inquit, *sanguinem hircorum et taurorum auferre peccata* (*Hebr. x, 4*). Restat itaque ut quoniam pro anima nostra exorat Mediator ille, qui omnibus illis sacrificiis quæ pro peccatis offerebantur præfigurabatur, illud appelletur anima quod significat animam.

Solet autem res quæ significat ejus rei nomine quam significat nuncupari; sicut scriptum est, *Septem spicæ, septem anni sunt*; non enim dixit, septem annos significare: et, *Septem bores, septem anni sunt* (*Gen. xli, 26*); et multa hujusmodi. Hinc est quod dictum est, *Petra erat Christus* (*1 Cor. x, 4*): non enim dixit, *Petra significat Christum*, sed tanquam hoc esset, quod utique per substantiam non hoc erat, sed per significationem. Sic et sanguis quoniam propter virtutem quandam corporulentiam animam significat, in sacramentis anima dicitur est. Verum si quiescamus putata animam pecoris esse sanguinem, non est in ista questione laborandum. Tantum ne anima hominis, quæ carnem humanam vivificat, et est rationalis, sanguis potetur, valde cavendum est, et hic error modis omnibus refutandus. Querende etiam locutiones, quibus per id quod continet, significetur id quod continetur, ut quoniam anima sanguine tenetur in corpore (nam si fuerit effusus abscedit), per ipsum optius significata sit anima, et ejus nomen sanguis accepit. Sicut ecclesia dicitur locus quo Ecclesia congregatur. Nam Ecclesia homines sunt, de quibus dicitur: *Ut exhibaret sibi gloriosam Ecclesiam* (*Ephes. v, 27*). Hoc tamen vocari etiam ipsam dominum orationum, idem apostolus testis est, ubi ait: *Numquid dom-*

*Editio Rat., pretiosam mihi.* Sic etiam MSS. melioris notæ, imo omnes, excepto uno qui habet, *pretiosiorem mihi.* In greco textu Actuum, cap. 20, v. 21, legimus *tumani emaculō*: quæ MSS. illis suffragatur.

*mos non habetis ad manducandum et bibendum? an ecclesiam Dei contemnitis* (*1 Cor. xi, 22*)? Et hoc quotidianus loquendi usus obtinuit, ut in ecclesiam prodire, aut ad ecclesiam confugere non dicatur, nisi qui ad locum ipsum parientesque prodierit vel confugerit, quibus Ecclesiæ congregatio continetur. Scriptum est etiam, *Et effundens sanguinem, qui fraudat mercedem mercenarii* (*Ecli. xxxiv, 27*). Mercedem sanguinem dixit, quoniam ea sustentatur vita, quæ nomine sanguinis appellatur.

Sed cum Dominus dicat, *Nisi manducaveritis carnem meam, et biberitis meum sanguinem, non habebitis in vobis vitam* (*Joan. vi, 54*); quid sibi vult quod a sanguine sacrificiorum, quæ pro peccatis offerebantur, tantopere populus prohibetur, si illis sacrificiis unum hoc sacrificium significabatur, in quo vera sit remissio peccatorum: a cuius tamen sacrificii sanguine in alimentum sumendo, non solum nemo prohibetur, sed ad bibendum potius omnes exhortantur, qui volunt habere vitam? Quarendum igitur quid significet, quod homo prohibetur in Lege sanguinem manducare, cumque Deo fundere jubetur. Nam de animæ natura, cur per sanguinem significata sit, quantum in praesentia satis visum est, diximus.

LVIII. [*Ib. xviii, 7, 8.*] *Turpitudinem patris tui et turpitudinem matris tue non revelabis; turpitude enim eorum est*<sup>1</sup>. Prohibet cum matre concubere: *ibi est enim turpitude patris et matris.* Nam postea prohibet et novice, ubi dicit, *Turpitudinem uxoris patris tui non revelabis; turpitude enim patris tui est*: ubi exposuit quonodo in matre utriusque sit turpitude, id est patris et matris; in novice enim tantum patris.

LIX. [*Ib. xviii, 9, 11.*] *Turpitudinem sororis tue ex patre tuo, aut ex matre tua, quæ domi est nata, vel quæ soris nata est, non revelabis turpitudinem earum*<sup>2</sup>. *Quæ domi nata est*, intelligitur ex patre: *quæ soris nata est*, intelligitur ex matre, si forte de priore viro eam mater suscepit, et cum illa in dominum venerat, quando patri ejus nupsit, quem monet Scriptura non revelet turpitudinem sororis sue. Hic videtur non prohibuisse, et quasi prætermisso concubitum cum sorore de utroque parente nata: non enim dicit, *Turpitudinem non revelabis sororis tue ex patre et matre, sed, ex patre aut ex matre.* Verum quis non videat etiam illud esse prohibitum multo maxime? Si enim non licet sororis turpitudinem revelare ex quolibet parente natæ, quanto magis ex utroque? Quid est autem quod interposita prohibitione concubitus, etiam cum suis nepibus, sive de filio, sive de filia, sequitur et dicit, *Turpitudinem filiae uxoris patris tui non revelabis?* Si enim hoc usque dixisset, intelligeremus etiam cum filia novice prohibitum tuissc concubitum, quam ex priore viro novice peperisset, nec hujus qui prohibetur soror esset, vel ex patre, vel ex

<sup>1</sup> MSS., *turpitudinem eorum*. Editi, *turpitude enim eorum est*. Neutr. lectio convenit cum Scriptura textu, in quo post *non revelabis*, proxime subsequitur, *mater tua est, non revelabis turpitudinem ejus*.

<sup>2</sup> Editi, *turpitude enim earum est*. MSS., *turpitudinem earum*: hanc lectionem confirmat græc. LXX.

matre : cum vero addidit, *Ex eodem patre soror tua es, non revelabis turpitudinem ejus*, manifestat de sorore factam esse istam prohibitionem, cum fuerit ex patre et ex noverca, de qua jam superius dixerat. An ideo iterum hoc apertius voluit prohibere, quia superius subobscurum fuit? s<sup>e</sup>p<sup>e</sup>e enim hoc facit Scriptura.

LX. [lb. xviii, 14.] *Turpitudinem fratris patris tui non revelabis, et ad uxorem ejus non introbis.* Expositus quid dixerit, *Turpitudinem fratris patris tui*, id est, patrui tui, *non revelabis*: hoc est enim, *ad uxorem ejus non introbis*. In uxore quippe patrui, voluit intelligi turpitudinem patrui; sicut in uxore patris, turpitudinem patris.

LXI. [lb. xviii, 16.] *Turpitudinem uxoris fratris tui non revelabis; turpitude fratris tui est.* Quæritur utrum hoc vivo fratre, an mortuo sit prohibitum: et non parva questio est. Si enim dixerimus de vivi fratri uxore locutam Scripturam, uno generali praecepto, quo prohibetur homo ad uxorem accedere alienam (*Exod. xx, 14*), etiam hoc utique continetur. Quid est ergo quod tam diligenter has personas, quas appellat domesticas, propriis prohibitionibus distinguit a ceteris? Non enim et quod prohibet de uxore patris, hoc est de noverca, vivo patre accipiendum est, et non potius mortuo. Nam vivo patre quis non videat multo maxime prohibitum, si cujuslibet hominis uxor aliena prohibita est maculari adulterio? De his ergo personis videtur loqui, quæ possent non habentes viros in matrimonium convenire, nisi Lege prohiberentur, sicut fertur esse consuetudo Persarum. Sed rursus, si fratre mortuo intellexerimus prohibitum esse ducere fratris uxorem, occurrit illud, quod excitandi semiinis causa, si ille sine filiis defunctus esset, jubet Scriptura esse faciendum (*Deut. xxv, 5*): ac per hoc collata ista prohibitione cum illa jussione, ne invicem adversentur, intelligenda est exceptio, id est, non licere cuiquam defuncti fratris ducere uxorem, si defunctus posteros dereliquit; aut etiam illud esse prohibitum, ne liceret ducere fratris uxorem, etiam quæ a fratre vivo per repudium recessisset. Tunc enim, sicut Dominus dicit, ad duritiam Iudeorum Moyses permiserat dare libellum repudii (*Matth. xix, 8*), et per hanc dimissionem potuit putari quod licet quisquam sibi uxorem copularet fratris, ubi adulterium non timeret, quoniam repudio discessisset.

LXII. [lb. xviii, 17.] *Turpitudinem mulieris et filie ejus non revelabis*: id est, ne putet quisquam licere sibi ducere filiam uxoris suæ. Similiter enim mulieris et filie ejus non licet revelare turpitudinem, id est ambabus nesciri, et matri et filiae.

LXIII. [lb. xviii, 17, 18.] *Filiam filii ejus et filiam filie ejus non accipies.* Etiam neptem uxoris de filio vel de filia duci prohibuit. *Uxorem super sororem*<sup>1</sup> *ejus non accipies in zelum.* Hic non prohibuit superducere, quod licebat antiquis propter abundantiam propagationis: sed sororem sorori noluit superdaci;

<sup>1</sup> sic MSS. et LXX. At editi, *Super uxorem sororem*, etc.

quod videtur secisse Jacob (*Gen. xxx, 22-28*), sive quia nondum fuerat lege prohibitum, sive quia emporis alterius fraude deceptus est, et illa magis de placito veniebat, quam posterius accepit; sed injustum erat priorem dimitti, ne faceret eam mochari. Hoc autem quod ait in zelum, utrum ideo possum est, ne sit zelus inter sorores, qui inter illas quæ sorores non essent contempnendus fuit? an ideo potius, ne propter hoc fiat, id est ne hoc animo fiat, ut in zelum sororis soror superducatur?

LXIV. [lb. xviii, 19.] *Et ad mulierem in segregations immunditiae ejus non accedes revelare turpitudinem ejus*: id est, ad menstruatam mulierem non accedes. Segregabatur enim secundum Legem, propter immunditiam. Hoc cum superius satis sufficienter prohibuerat (*Levit. xv, 19-27*), quid sibi vult quod etiam hic hoc éisdem præceptis voluit adjungere? An forte in superioribus quod jam dictum est, ne figurate accipendum putaretur, etiam hic positum est, ubi talia prohibita sunt, quæ etiam tempore Novi Testamenti remota umbrarum veterum observatione, sine dubio custodienda sunt? Quod videtur etiam per prophetam Ezechielem significasse, qui inter illa peccata quæ non figuratae, sed manifeste iniquitatis sunt, etiam hoc commemorat, ad mulierem menstruatam si quis accedat; et inter justitiae merita, si non accedat (*Ezech. xviii, 6, et xxii, 10*). Qua in re non natura damnatur, sed concipiendæ proli noxiū perhibetur<sup>2</sup>.

LXV. [lb. xviii, 20] *Et ad uxorem proximi tui non dabis concubitum seminis tui, inquinari ad eam.* Ecce ubi rursus prohibet adulterium, quod cum aliena uxore committitur, quod etiam in Decalogo prohibetur (*Exod. xx, 14*). Unde apparet illa ita prohibita, ut etiam mortuis viris suis non ducantur uxores, quarum prohibet turpitudinem revelari.

LXVI. [lb. xviii, 21.] *Et a semine tuo non dabis servire principi.* Illic non video quid intelligatur, nisi principi qui pro Deo colitur. Non enim ait δούλειαν, sed ἀπτένειαν, in græco, quod latinus non solet interpretari, nisi ut dicat servire; plurimum autem distat. Nam servire hominibus sicut servi serviant, quod non est ἀπτένεια, sed δούλεια, Scriptura non prohibet: servire autem secundum id quod est ἀπτένεια, non jubetur hominibus, nisi uni vero Deo, sicut scriptum est, *Dominum Deum tuum adorabis, et illi soli services* (*Deut. vi, 13*). Non solum autem hoc verbo, quod ait ἀπτένεια, satis significat quem principem dbeat, id est, cui cultus tanquam Deo exhibetur; verum etiam eo quod adjungit, *Et non profanabis nomen sanctum*, give Dei, de cuius populo<sup>3</sup> datur illo modo servire principi; sive nomen sanctum ipsius populi Israel, propter quod dicitur, *Sancti estote, quoniam ego sanctus sum* (*Levit. xi, 44; xix, 2; et I Petr. i, 16*). Opportunitissime etiam hic adjungit, *Ego Dominus*; hoc utique

<sup>1</sup> In omnibus prope MSS. neutrō genere, *zelum....., quod ..... contemnendum fuit.*

<sup>2</sup> Editi, prolis noxiū prohibetur. MSS., proli noxiū; et ex his i. l*torque, perhibetur.*

<sup>3</sup> Sic MSS. At editi, *sire Dei, cui popula.*

admonens, quia illi soli debetur λατρεία, id est ea servitus qua servitur Deo.

LXVII. [lb. xviii, 25.] Quod dicit, *Et exhorruit terra eos qui insident super eam*, propter mala facta eorum, quæ superius commemoravit; non ideo dictum putandum est, quod habeat terra sensum quo ista sentiat et exhorreat; sed nomine terræ homines significat, qui sunt super terram. Proinde cum hæc mala faciunt homines, inquinant terram, quia inquinantur homines qui hæc imitantur; et exhorret terra, quia exhorrent homines qui nec faciunt nec imitantur.

LXVIII. [lb. xix, 11.] *Non furtum facietis neque mentiemini, neque calumniam faciet unusquisque proximo.* Illud de furto positum est in Decalogo. Quod autem dicit, *Neque mentiemini, neque calumniam faciet unusquisque proximo*, mirum si non eo præcepto continetur, quod ibi positum est, *Neque falsum testimoniū dices adversum proximum tuum* (*Exod. xx, 15, 16*); quoniam neque calumnia sine mendacio fieri potest, quod falsi testimonii generalitate concluditur. Sed utrum hæc aliqua compensatione admittenda sint, magna quæstio est: sicut de mendacio pene omnibus videtur, quod ubi nemo læditur, pro salute mentendum est. Utrum ergo ita et de furto? an furtum fieri non potest, ubi nullus læditur? Quinimo fieri potest, etiam quando ei cui sit consultitur, tanquam si quisquam homini volenti se occidere, gladium furetur. Nam calumnia nescio utrum cuiquam ad ejus utilitatem fieri possit: nisi forte quod ad majus gaudium siebat, quo postea fruerentur, quod Joseph de scypho calumniabatur fratribus suis, quibus etiam explorationis falsum crimen intenderat (*Gen. xliv, 5, et xlvi, 9, 14*). Quanquam si definitionibus ista determinare tentemus, fortasse furtum non est, nisi quando alieno occulte ablato proximus læditur; et calumnia non est, nisi quando falsi criminis objectione proximus læditur: mendacium autem non possumus dicere tunc tantummodo esse, quando proximus læditur; cum enim falsum ab sciente dicatur, procul dubio mendacium est, sive illo quisquam, sive nemo lædatur. Proinde magna quæstio de mendacio, utrum possit aliquando justum esse mendacium, facile solveretur fortasse, si sola præcepta intueremur, non et exempla. Nam quid isto præcepto absolutius, *Non mentiemini?* Sic enim dictum est, quomodo, *Non facies tibi idolum*; quod factum non potest aliquando justum esse; et quomodo dictum est, *Non mæchaberis*: quis autem dicat aliquando mœchiam justam esse posse? Et, *Non furaberis*: secundum enim definitionem illam furti, justum esse furtum nunquam potest. Et, *Non occides* (*Exod. xx, 4, 14, 15, 13*); quoniam cum homo juste occiditur, lex eum occidit, non tu: numquid ita dici potest, Cum homo juste mentitur, lex mentitur? Sed exempla faciunt difficultatim quæstionem. Mentitæ sunt obstetricæ, et bona illis Deus retribuit (*Id. i, 19, 20*): mentita est Raab pro exploratoribus terræ, et ideo liberata est (*Josue ii, 4, et vi, 23*). An ex quo dictum est in Lege, *Non mentiemini*, ex illo intelligendum est nec in tali causa licere men-

daciun, in quali causa legitur Raab esse mentita? Sed magis credibile est, quia injustum erat mendacium, ideo prohibitu; non quia prohibitum, ideo factum injustum. Fortassis ergo, sicut de obstetricibus diximus, non hoc in eis remuneratum quod mentitæ sunt, sed quod infantes Hebræos liberaverunt, ut propter hanc misericordiam illud peccatum veniale sit factum, non tamen existimetur non suisse peccatum: sic etiam de Raab intelligendum est, remuneratam in illa liberationem exploratorum, ut propter eamdem liberationem venia sit data mendacio. Ubi autem veniam datur, manifestum est esse peccatum. Sed illud cavendum est, ne ita quisque existimet etiam cæteris peccatis, si propter liberationes hominum siant, ita veniam posse concedi. Multa enim ræta intollerabilia et nimium detestanda istum sequuntur errorum.

LXIX. [lb. xix, 15.] *Non nocebis proximo.* Si quid sit nocere et non nocere, pateret hominibus, hoc generale præceptum ad innocentiam retinendam fortasse sufficeret. Omnia enim quæ prohibentur committi in proximum, ad hoc unum referenda sunt, quod dictum est, *Non nocebis proximo*. Nam quod sequitur, *Non rapies*, nisi ad hoc referatur, ne rapiendo noceatur, aliquando evenit, ut non rapiendo quisque noceat. Nam gladius insaniensi rapiendus est, et si non fecerit quis ut oportuerit<sup>1</sup>, magis nocuerit.

LXX. [lb. xix, 17 et 18.] Quid est quod cum supra dixisset, *Non odio habebis fratrem tuum in animo tuo*: argendo argues proximum tuum, et non accipies propter ipsum peccatum, consequenter adjunxit, *Et non vindicatur manus tua?* utrum pro eo quod est, non punitur? Animo enim bono facis, cum disciplinam peccanti proximo imponis, ne accipias peccatum ejus negligendo. Ad hoc enim pertinet quod ante posuit, *Non odio habebis proximum tuum in animo tuo*. Videri enim potest ei qui arguitur, quod oderis cum, cum non sit in animo tuo. An, *non vindicatur manus tua*, hoc potius admonet, ne quaras vindicari manum tuam, nec ulciscendi libidine rapiaris? Nam quid est aliud, vindicari velle, nisi lætari vel consolari de alieno malo? Et ideo dictum est, *Non irascis filii populi tui*. Sic enim recte ira definita est, quod sit ulciscendi libido. Quidam vero codices habent, *Et non vindicabitur manus tua*: id est, ne arguendo vindicare te velis, sed potius consulere illi quem arguis.

LXXI. [lb. xix, 28.] *Et incisiones super animam non facietis in corpore vestro.* Super animam dixit, super funus mortui: de anima quippe dolor est quæ recessit. Ad hunc autem dolorem pertinet luctus, in que luctu nonnullæ gentes habent consuetudinem seccare corpora sua. Hoc fieri<sup>2</sup> Deus prohibet.

LXXII. [lb. xx, 5.] *Ita ut fornicentur in principes*<sup>3</sup>

<sup>1</sup> MSS. Michaelinus et Beccensis, *uti poluerit*.

<sup>2</sup> Editii, fieri a Judais. MSS. non habent, *a Judaris*.

<sup>3</sup> In editis excederat i articula, in, quæ restituitur ex vss. et ex textu LXX, qui in excusis quidem habet, hæc exponeamus autem, ut fornicetur; sive, ut fornicaretur ipse: in aliis tamen libris (quos hic sequitur Augustinus), pro autem, legitur autous, teste Nobilio in Nct. ad Levit., cap. 20. sic

*et populo suo.* Non de populo suo principes , sed de populo suo fornicentur. Eos quippe principes vult hic intelligi , qui pro diis colebantur : sicut Apostolus dicit , *Secundum principem potestatis aeris* (*Ephes. ii, 2*) ; et in Evangelio Dominus , *Nunc princeps hujus mundi missus est foras* (*Joan. xii, 31*) ; et , *Ecce venit princeps mundi , et in me nihil inveniet* (*Id. xiv, 50*).

LXXIII. [lb. x, 10.] *Homo, homo quicumque adulteraverit uxorem viri, aut quicumque adulteraverit uxorem proximi sui, morte moriantur :* pluraliter dixit , *morte moriantur* , hoc est qui adulteravit , et que adulterata est. Hic aliquid distare voluit inter quemlibet virum et proximum , quamvis multis locis proximum pro ouni homine ponat. Sed que est ista locutio , ut cum jam dixisset de viro , hoc idem repetierit de proximo , cum sit consequens , ut multo magis ab uxore proximi abstinentiam sit , si ab uxore cuiuslibet viri abstinentiam est ? Nam si prius de proximo dixisset , ne putaretur uxorem licere adulterare non proximi , addendum fuisse de quolibet viro : nunc vero , si quod minus est non licet ; quanto minus licet quod majus malum est ? Nam si non licet adulterare uxorem cuiuslibet viri , quanto magis proximi ? An forte ista repetitio tanquam exponit quid prius dictum sit , ut ideo intelligat homo quantum malum sit adulterare uxorem viri , quia si hoc fecerit , uxorem proximi adulterat ? Proximus est enim omnis homo homini.

LXXIV. [lb. x, 16.] *Et mulier quae accesserit ad omne pecus , ascendi ab eo , interficiet mulierem et pecus : morte moriantur ; rei sunt.* Quæritur quomodo sit reum pecus , cum sit irrationale , nec ullo modo legis capax . An quemadmodum transferuntur verba modo locutionis , quae græce appellatur ματαροπά , ab animali ad inanimale , sicut dicitur improbus ventus , vel iratum mare ; ita et sic translatum est a rationali ad irrationale ? Nam pecora inde credendum est jussa interfici , quia tali flagitio contaminata , indignam refricant facti memoriam.

LXXV. [lb. xx, 17.] *Quicumque accepert sororem suam ex patre suo, aut ex matre sua, et viderit turpidinem ejus; improprium est : exterminabuntur in conspectu generis sui.* Turpidinem sororis suæ revelavit , peccatum suum <sup>1</sup> accipient . Quid ait in hoc loco , videbit , nisi concubendo cognoverit ? sicut in Lege dicitur , *Cognovit uxorem suam* (*Gen. iv, 1, 17 et 25*) , pro eo quod est , mixtus est ei . Et quid ait , *peccatum suum accipient , cum de poena eorum loqueretur , nisi quia et ipsam poenam peccati , peccatum voluit appellare ?*

LXXVI. [lb. xx, 20, 25.] *Quicumque dormierit cum cognata sua , turpidinem cognitionis suæ revelavit : sine filii morientur.* Quæritur quoisque sit intelligenda ista cognatio , cum ex longo gradu licet utique accipere uxorem , semperque licuerit . Sed intelligendum est ex his gradibus quos prohibuit , non licere , et

*vulnus observamus in MSS. Biblio Germanensi s. et Corb. habere , ut fornicarentur : licet in editis ferat , ut fornicaretur.*

<sup>1</sup> ita editi. At MSS. hoc loco , tuum , juxta LXX omittunt.

secundum ipsos dictum , *Quicumque dormierit cum cognata sua : ubi et aliquas non commemoratas intelligendas dimisit , sicut sororem de utroque parente , sicut uxorem fratris matris , id est avunculi . Nam de uxore patrui primum prohibuit , quamvis haec non cognatio , sed affinitas perhibetur . Sed quid est , *sine filiis morientur* ; cum filii ex hujusmodi conjunctionibus et ante nati sint , et <sup>1</sup> hodieque nascantur ? An hoc intelligendum est Lege Dei constitutum , ut quicumque ex eis nati fuerint , non deputentur filii , id est nullo parentibus jure succedant ?*

*Et non execrables facietis animas et in pecoribus , et in volucribus , et in omnibus serpentibus terræ , quæ ego segregari vobis in immunditiam . Videtur hic significare non haec natura immunda esse , sed aliquo sacramento signo ; quandoquidem dicit , *que ego segregavi vobis in immunditiam* , tanquam immunda eis non essent , si eis segregata non essent .*

LXXVII. [lb. xx, 27.] *Et vir aut mulier , si forte fuerit illi ventriloquus , aut incantator , morte moriantur ambo : lapidibus lapidabitis eos ; rei sunt.* Utrum vir et mulier , an vir et ventriloquus , aut mulier et ventriloquus sive incantator . Sed hoc magis , et qui habet , et quem habet <sup>2</sup>.

LXXVIII. [lb. xxi, 7, 8.] *Mulierem fornicariam et profanam non accipient , et mulierem ejectam a viro suo ; quoniam sanctus est Domino Deo suo.* Superius , non accipient dixerat ; nunc autem , quoniam sanctus est , non , quoniam sancti sunt : de pluribus qui uno sunt tempore sacerdotibus loquebatur , et de unoquoque eorum dixit , quoniam sanctus est ; locutione qua solet uti Scriptura . Nam unum illum summum postea commemorat , qui intrabat ad sancta sanctorum . Nam et pluraliter conclusit , dicens , *Et sanctificabis eum : dona Domini Dei vestri iste offeret ; sanctus est , quoniam sanctus ego Dominus , qui sanctifico eos.* Quantum autem pertinet ad dona , quoniam dixit , *dona Domini Dei vestri ipse offret ,* non solum summus ille offerebat , sed etiam secundi sacerdotes . Ac per hoc quod ait , *Mulierem fornicariam et profanam et ejectam a viro suo non accipient ,* hoc et secundi sacerdotes prohibiti sunt : nam de summo postea dicit , qui etiam nonnisi virginem accipere jussus est .

LXXIX. [lb. xxi, 10.] *Et sacerdos magnus a fratribus suis* <sup>3</sup> : id est , qui inter fratres suos magnus est , ille scilicet unus magnus sacerdos . *Cui fusum est super caput ex oleo christo :* ipsum oleum appellat Scriptura christum .

LXXX. [lb. xxi, 10.] *Et consummatus manus induere vestimenta :* illa utique , que in ueste sacerdotali operissime describuntur .

LXXXI. [lb. xxi, 10 et 11.] *Caput non reteget cidi , et uestimenta sua non scindet , et super omnem animam mortuam non introbit.* Intelligitur ea quæ supra dixit , id est luctu facere eum prohibitum , id est , caput nudare

<sup>1</sup> Er. Lugd. Ven. Lov. omitunt , et M.

<sup>2</sup> MSS. prope omnes , et quæ habet

<sup>3</sup> Editi , coram fratribus . MSS. , a fratribus : his consentiunt LXX .

cidari, et vestimenta scindere. Vestimenta enim scindere lugentium erat antiquorum: sicut de Job scriptum est, cum ei filii ejus ruina nuntiarentur oppressi (*Job. i. 20*). Nudare autem caput cidari propterea lugentis esse potuit, quia detraetio est ornamenti. Quod vero ait, *Super omnem animam mortuam non intrabit*; quomodo dicat animam mortuam corpus mortuum, difficile est intelligere: ea tamen Scripturarum est usitata locutio, quæ nobis inusitatissima est. Nomen ergo rectricis suæ etiam corpus accipit anima destitutum, quoniam reddendum illi est in resurrectione; sicut ædisicium quod appellatur ecclesia, etiam cum inde Ecclesia exierit, qui homines sunt, nihilominus ecclesia dicitur. Sed cum corpus non accipiat animæ nomen in homine vivente, quomodo, tunc vocetur anima, cum caruerit anima, mirum est. Porro si animam mortuam intellexerimus a corpore separatam, ut ipsam separationem mortem dixisse videatur, id est ut anima mortua sit dirempta a corpore, non natura sua perdata (non enim et cum dicimus mortui peccato [*Rom. vi. 2*], natura dicitur interioris, sed quod jam peccato non utimur: ut sic intelligatur anima mortua, id est corpori mortua, quod uti eo desirerit, cum in sua natura vivat); quomodo potest quisquam intrare super animam mortuam, quod sacerdos iste prohibetur, cum quisquis intrat, super mortuum corpus intret, non super animam quæ discessit a corpore? An ipsam vitam temporalem animæ vocabulo appellavit, quæ utique mortua est in defuncto corpore, anima illa emigrante, quæ mori non potest? Non quod ipsa vita anima fuerit; sed quod per animæ presentiam, qua subsistebat, nomen ejus accepit: sicut distinximus, cum de sanguine loqueremur, quid dictum sit, *Anima omnis carnis, sanguis ejus est* (*Supra, quæst. 57*). Est enim et ipse sanguis mortuus in corpore mortui: non enim cum abscedente anima abscessit. Vetus ergo Scriptura sumnum sacerdotem etiam super patris vel matris funus intrare; quod secundum non prohibuit. Sequitur enim, *Super patrem suum et super matrem suam non inquinabitur*. Ordo est autem verborum, *Super patrem suum non inquinabitur, nec super matrem suam*.

**LXXXII.** [In xxii, 12.] *Et de sanctis non exibit*: eo procul dubio tempore quod suorum funera celebrabantur, sicut et septem diebus quibus sanctificabatur, de sanctis est exire prohibitus (*Levit. viii. 33*); non autem semper. Siue si uxores duc. re, vel filios giguere non vetabantur summi tunc sacerdotes, magna oritur questio. Cum Lex etiam conjugali concubitu immundum hominem dicat usque ad vesperam, etiam cum abluerit corpus suum aqua (*Id. xv. 16*); et jubetur summus sacerdos propter incensum continuationis bis in die quotidie intrare intra velum (*Exod. xxx. 7, 8*), ubi erat altare incensi, nec quemquam immundum ad sancta fæs esset accedere: quomodo id quotidie summus sacerdos implebat, si filios precebat? Nam si ægritudo illi accidisset, quis loco ejus tingeretur, si quis inquirat; responderi potest

quod gratia Dei non ægrotabat: numquid sic etiam de filiorum procreatione responderi potest? Unde sit consequens ut aut continens esset, aut diebus aliquibus intermitteretur incensum (*a*); aut si illud intermitti non posset, quod non nisi per summum sacerdotem necesse esset imponi, non fieret immundus coitu conjugali, merito principiæ sanctificationis sue: Aut si etiam ad ipsum pertinet, quod de omnibus filiis Aaron in consequentibus dicit, ut nullus corum accedat ad sancta, si cui aliquid acciderit immunitæ; illud profecto restat accipere <sup>1</sup>, quod nonnullis diebus non imponebatur incensum.

**LXXXIII.** [In xxii, 11.] Quod autem super funus patris sui summus sacerdos prohibetur intrare, querit potest quomodo jam esse poterat summus sacerdos, nondum mortuo patre suo, cum eos patribus succedere jucat. Ideo necesse erat nondum sepulto summo sacerdote, continuo substitui sacerdotem propter continuationis incensum, quod per sumnum sacerdotem quotidie oportebat imponi (*b*). Quanquam et illa questio de ægritudine summi sacerdotis manet, si vel moriturum necesse erat diebus aliquibus ægrotare: nisi forte et hoc ita solvatur, ut dicatur non solo summos sacerdotes, nisi subito mori, non præcedentes ægritudine; sicut de ipso Aaron Scriptura testatur (*Nun. ix. 26-29*).

**LXXXIV.** [In xxii, 15.] Advertendum est quoties dicit, *Ego Dominus, qui sanctifico eum*, loquens de sacerdote; cum hoc etiam Moysi dixerit, *Et sanctificabis eum* (*Exod. xxix. 24*). Quomodo ergo et Moyses sanctificat et Dominus? Non enim Moyses pro Domino: sed Moyses visibilibus Sacramentis per ministerium suum; Dominus autem invisibili gratia per Spiritum sanctum, ubi est totus fructus etiam visibilium Sacramentorum. Nam sine ista sanctificatione invisibilis gratiæ, visibilia Sacraenta quid prosunt? Merito autem queritur, utrum etiam ista invisibilis sanctificatio sine visibilibus Sacramentis, quibus visibiliter homo sanctificatur, pariter nihil prosit: quod utique absurdum est. Tolerabilius enim quisque dixerit, sine illis istam non esse, quam si fuerit non prodesse; cum in ista sit omnis utilitas illorum. Sed etiam hoc, quod sine illis ista esse non possit, quomodo recte dicatur, intuendum est. Nihil quippe profuit Simoni mago visibilis Baptismus, cui sanctificatio invisibilis deficit: sed quibus ista invisibilis, quoniam affuit profuit, etiam visibilia Sacraenta percepérant <sup>2</sup> similiter baptizati. Nec tamen Moyses, qui visibiliter sacerdotes sanctificabat, ubi fuerit ipse sacrificiis vel oleo sanctificatus, ostenditur: invisibiliter vero sanctificatum negare quis audeat, cuius tanta gratia præeminebat? Hoc et de Joanne Baptista dici potest: prius enim baptizator, quam baptizatus apparuit (*Matt. iii. 11, 14*). Unde eum sanctificatum nequaquam negare possumus: id tamen in eo factum visibiliter non in-

<sup>1</sup> Sic MSS. At Edili, *immunitæ pro peccato, illud restat accipere*.

<sup>2</sup> MSS. Beccensis et Michaelinus, *percepere*.

(a) *Il Retract. 2, cap. 53, n. 9.*

(b) *ibid.*

venimus antequam ad ministerium baptizandi veniret. Hoc et de latrone illo, cui secum crucifixo Dominus ait (a), *Hodie mecum eris in paradyso* (*Luc. xxiii, 43*). Neque enim siue sanctificatione invisibili tanta felicitate donatus est. Proinde colligitur invisiblem sanctificationem quibusdam affuisse atque profuisse sine visibilibus Sacramentis, que pro temporum diversitate mutata sunt, ut alia tunc fuerint, et alia modo sint: visibilem vero sanctificationem, que fieret per visibilia Sacraenta, sine ista invisibili posse adesse, non posse prodesse. Nec tamen ideo Sacramentum visibile contemnendum est: nam contemptor ejus invisibiliter sanctificari nullo modo potest. Hinc est quod Cornelius et qui cum eo erant, cum jam invisibiliter infuso sancto Spiritu sanctificati apparerent, baptizati sunt tamen (*Act. x, 44-48*): nec superflua judicata est visibilis sanctificatio, quam invisibilis jam praecesserat.

LXXXV. [lb. xxii, 1, 2.] *Et locutus est Dominus ad Moysen, dicens, Dic Aaron et filii ejus, et attendant a sanctis filiorum Israel, et non profanabunt nomen sanctum meum, quanta<sup>1</sup> ipsi sanctificant mihi. Ego Dominus. Et dices illis, In progenies vestras omnis homo quicumque accesserit ab omni semine vestro ad sancta, quæcumque sanctificaverint filii Israel Domino, et erit immunditia ejus in illo, exterminabitur anima illa a me. Ego Dominus Deus vester.* Ablata est omnis dubitatio, neminem sacerdotum vel summorum vel secundorum debuisse accedere ad sancta, si immunditia ejus in ipso esset. Erat ergo consequens continentia sacerdotis, ne propter filiorum procreationem aliquibus diebus non imponebatur continuationis incensum, quod a solis summis sacerdotibus bis in die solebat imponi, mane et vespera (*Exod. xxx, 7, 8*): quandoquidem post coitum conjugalem etiam loto corpore immundus erat usque ad vesperam (*Levit. xv, 16*), a quo id necesse erat imponi. Quod autem ait, *quæ sanctificant filii Israel*, intelligendum est, offerendo sacerdotibus offerendum per eos Dominum. Et notandum sanctificationis genus, quod sit voto et devotione offerentis. Sed utrum sicut isto modo sanctificantur ea quæ offeruntur ab hominibus, ita et ipsi homines eodem modo seipsos sanctificare dicantur, cum in aliqua re seipsos rovent, observandum est in Scripturis.

LXXXVI. [lb. xxii, 4.] *Et qui tetigerit omnem immunditiam animæ: id est, aliquid morticinum, cuius secundum Legem tactus inquinat.*

LXXXVII. [lb. xxiv, 15, 16.] *Homo, homo simaledixit Deum suum, peccatum accipiet: nominans autem nomen Domini, morte moriatur: quasi aliud sit maledicere Deum suum, aliud nominare nomen Domini; atque illud sit peccatum, hoc autem tantum nefas, ut etiam morte sit dignum. Quamvis hoc loco ita intelligendum sit, quod dictum est, *nomen Domini*, ut cum maledictio fiat, id est maledicendo nominet. Quid ergo distat inter illud peccatum et hoc tanti sceleris crimen? An forte hoc ipsum repetendo monstravit non leve illud*

esse peccatum, sed tantum scelus quod morte punendum sit? sed quia per distinctionem hoc intulit, non dicens, nominans enim, sed, *nominans autem*; subobscurem factum est. Et ideo si hoc recte intelligitur, notandum est etiam locutionis genus.

LXXXVIII. [lb. xxiv, 17.] *Et homo qui percusserit omnem animam hominis, et mortuus fuerit, morte moriatur.* Non ait, Quicumque percusserit hominem, et mortuus fuerit, sed, *animam hominis*; cum potius corpus hominis a percussore feriatur, sicut et Dominus dicit, *Nolite timere eos qui corpus occidunt* (*Math. x, 28*). Eo more ergo quo solet Scriptura, appellat animam vitam ipsam corporis, quæ sit per animam, et hinc voluit ostendere homicidam, quod hominis animam percutiat, id est percutiendo vita hominem privet. Cur ergo addidit, *Et mortuus fuerit*, si jam hoc ipso ostendit homicidium, quod animam hominis percusserit, id est vita homo a percutiente privatus sit? An exponere voluit quomodo accipendum sit, quod dixerat, hominis animam percussam, et sic ait, *et mortuus fuerit*, tanquam diceret, id est mortuus fuerit? hoc est enim, animam hominis fuisse percussam.

LXXXIX. [lb. xxv, 2-7.] *Cum introieritis in terram quam ego do vobis, et requieverit terra quæ ego do vobis, sabbata Domini. Sex annis seminabis agrum tuum, et sex annis putabis vineam tuam, et congregabis fructum ejus: anno autem septimo sabbata, requies erit terræ, sabbata Domini. Quomodo intelligendum est, Cum introieritis in terram quam do vobis, et requieverit terra; sex annis seminabis agrum tuum, etc., quasi tunc fieri præceptum sit, quando terra requieverit; cum propterea terra requiescat, quoniam hoc sit. Requiem enim terræ septimo utique anno vult intelligi, quo jussit nihil in ea quemquam operari per agriculturam. Sed nimirum longum hyperbaton facit obscuritatem huic sensui. Videtur ergo hic esse ordo verborum: Cum introieritis in terram quam ego do vobis, et requieverit terra quæ ego do vobis, sabbata Domini: quæ ab se surgunt agrum tuum non metes, et uani sanctificationis tuae non vindeniabis: annus requiescendi erit terræ. Et erunt sabbata terræ esca tibi, et pucro tuo, et puerilæ tuæ, et mercenario tuo, et inquilino qui applicitus est ad te, et pecoribus tuis, et bestiis quæ sunt in terra tua, omne quod nasceret ex eo in escam. Interposuit autem exponendo quomodo terra requiescat, et ait: Sex annis seminabis agrum tuum, et sex annis putabis vitem tuam, et congregabis fructum ejus: anno autem septimo sabbata, requies erit terræ, sabbata Domini. Agrum tuum non seminabis, et vineam tuam non putabis. Et per hoc quod ait, non putabis, omnem culturam eo anno prohibitam debemus accipere. Neque enim si putanda non est, aranda est, aut adminiculis suspenda, vel quodlibet aliud, quod ad culturam ejus pertineat, adhibendum: sed quomodo solet a parte totum intelligi, ita per putationem omnis cultura significata est. Et per agrum atque vineam, cum et illum seminari, et hanc putari prohibuit, omne agri genus intelligendum est. Neque enim in oliveto, vel*

(Vingt-trois.)

<sup>1</sup> Edit, quando. At MSS., *quanta*; juxta LXX, *hosa*.

(a) Vide Retract. lib. 2, c. 55.

quolibet alterius generis agro aliquid operandum est, de quibus tacuit. Quod vero ait, *Et erunt sabbata terræ esca tibi, et puerò tuo, et pueræ tuæ, etc.*, satis aperuit nec dominum agri prohibitum vesci eis, quæ non adhibita cultura illo anno sponte nascantur, sed fructus redigere prohibitum. Sic ergo permisus est aliquid inde in escam sumere, quomodo transiens, ut hoc solum caperet quod statim vescendo consumaret, non quod in usus reponeret.

**XC.** [Ib. xxv, 23.] *Et terra non venundabitur in profanationem*: ali codices habent, in confirmationem; quam mendositatem in alterutris prius in græco accidisse arbitror, propter verbi similem sonum: *βενούωται*; enim profanatio dicitur; *βενούωται*; autem, confirmationio. Sed ille sensus apertus est, *Et terra non venundabitur in profanationem*: id est, ne quis auderet terram, quam accepit a Deo, vendere profanis, qui ea utantur ad impietatem cultumque deorum alienorum atque falsorum. Illud autem subobscurum est, *Non venundabitur terra in confirmationem*: quod puto non intelligendum, nisi ne ita venditio confirmetur, ut eam non recipiat vendor tempore remissionis, sicut præceptum est. Quod vero sequitur, utrique sensui potest congruere, sive legatur, *Et terra non venundabitur in profanationem*; sive, in confirmationem. Secutus quippe adjunxit, *Mea enim est terra, propter quod proselyti et incolæ vos estis ante me.*

**XCI.** [Ib. xxv, 24.] *Et per omnem terram possessionis vestræ mercedem dabitis terræ*: ali codices habent, redemptionem dabitis terræ. Sensus ergo hic est: *Non venundabitur terra in profanationem*, id est, illis qui ea utantur in injuriam Creatoris; aut in confirmationem, id est, ut eam emptor perpetuo possideat, nec certo secundum Dei præceptum intervallo annorum restituat venditori. *Mea est enim*, inquit, *terra*: unde secundum meum præceptum ea uti debetis. Atque ut ostenderet suam esse, non ipsorum, quid ipsi in ea essent, consequenter adjunxit, dicens, *Propter quod proselyti et incolæ vos estis ante me*: hoc est, *Quamvis proselyti*, id est advenæ sint vobis, qui ex alienigenis adjunguntur genti vestræ; et incolæ, id est non in terra propria manentes: tamen etiam vos omnes ante me advenæ estis et incolæ. Hoc Deus dicit, sive Israelitis, quod aliarum gentium terram, quas expulit, eis dederit: sive omni homini, quoniam ante Deum qui semper manet<sup>1</sup>, et sicut scriptum est, cœlum et terram implet (*Jerem. xxiii, 24*), utique præsentia sua, omnis homo advena est nascendo, et incola vivendo; quoniam compellitur migrare moriendo.

**XCI.** [Ib. xxv, 24.] Deinde adjungit et dicit, *Per omnem terram possessionis vestræ mercedem dabitis terræ*, tanquam inquilini, vel redemptionem. Illud, nisi

<sup>1</sup> Sic MSS. At editi, homini qui ante Deum semper manet.

fallor, vult intelligi quod inde reddebat quodam modo, per cessationes septimorum quorumque annorum, et quinquagesimi anni, quem vocat remissionis: ut ipsa vacatio terræ velut merces habitationis aut redemptio esset ab illo cuius est, hoc est ab ejus creatore Deo.

**XCII.** [Ib. xxvi, 11.] *Et ponam tabernaculum meum in vobis, et non abominabitur anima mea vos*. Animam suam Deus voluntatem suam dicit. Non enim est animal habens corpus et animam; neque substantia ejus ejusmodi est, cuiusmodi creatura ejus, quæ anima dicitur, quam fecit, sicut per Isaïam ipse testatur, dicens, *Et omnem flatum ego feci (Isai. LVII, 16)*: quod eum de anima hominis dicere consequentia manifestant. Sicut ergo cum dicit oculos suos, et labia sua, et extera vocabula membrorum corporalium, non utique accipimus eum forma corporis esse definitum; sed illa omnia membrorum nomina non intelligimus, nisi effectus operationum atque virtutum<sup>1</sup>: ita et cum dicit, *Animæ meæ*, voluntatem ejus debemus accipere. Perfecte quippe simplex illa natura qua Deus dicitur, non constat ex corpore et spiritu; nec ipso spiritu mutabilis est, sicut anima: sed et spiritus est Deus, et semper idem ipse, apud quem non est commutatio (*Jacobi i, 17*). Hinc autem acceperunt Apollinaristæ occasionem, qui dicunt animam non habuisse mediatorem Dei et hominum, hominem Christum Iesum (*1 Tim. ii, 5*), sed tantum Verbum et carnem fuisse, cum diceret, *Tristis est anima mea usque ad mortem (Matth. xxvi, 58)*: sed ipso ejus actu, qui nobis per evangelicam declaratur historiam, sic apparent humanae animæ officia, ut hinc dubitare demens sit.

**XCIV.** [Ib. xxvi, 33, 36.] Quid est, quod inobedientiæ poenas cum minaretur Deus, dixit inter cetera, *Et consumet vos perambulans gladius*; deinde ait, *Et erit terra vestra deserta, et civitates vestræ erunt desertæ: tunc bene sentiet terra sabbata sua, omnes dies desolationis suæ; et vos eritis in terra inimicorum vestrorum?* Quomodo ergo consumet eos gladius, si erunt in terra inimicorum suorum? An in ipsa terra consumet, quoniam strage mortuorum facta non erunt ibi? An consumet vos, sic ait, ac si diceret, interficiet vos, ut ad istam consumptionem illi pertineant, qui gladio cadent, non omnes: quandoquidem paulo post dicit, *Et eis qui residui sunt ex vobis, superducam formidinem in cor eorum?* An secundum hyperbolæ dictum est, *consumet vos*: secundum quem loquendi modum et abundantia eorum dicta est sicut arena maris (*Gen. xxii, 17, et xxxii, 12*)? Secundum istum modum etiam dicitur, quod deinde sequitur, *Et persequetur eos sonus folii volantis*: id est, quia nimius in eis timor erit, ut et levissima quæque formident.

<sup>1</sup> Ms. Corbelensis, atque virtutem.



# LIBER . QUARTUS.

Quæstiones in Numeros.



**QUEST. I.** [Num. cap. 1, § 1-44.] Quid est quod singulis de singulis tribubus eligi jubet principes, eosque appellat *χιλιάρχος*? quos quidam latini interpres tribunos appellaverunt: *χιλιάρχοι* autem videntur a mille cognominati. Sed cum consilium Jothor sacer Moysi genero suo daret, quod etiam Deus approbat, de ordinando populo sub principibus, ut non omnes omnium causæ Moysen ultra vires enerarent, *χιλιάρχους* appellavit constituendos super milletos homines, *εκατοντάρχους* super centenos, et *πεντακοντάρχους* super quinquageros, et *δεκαδάρχους* super decenos: ab ipsis numeris, quibus præsens, cognominatos (Exod. xviii, 14-25). Numquidnam et hic sic accipiendi sunt *χιλιάρχοι*, quod singuli essent super milletos? Non utique: neque enim universus omnium populus Israel duodecim hominum millia tunc fuerunt. Singulos enim elegit de singulis tribubus, quæ duo-decim tribus procul dubio non milletos homines, sed multa millia continebant. Nomen ergo commune est cum illis, qui in Exodo appellantur *χιλιάρχοι*, quod unusquisque istorum esset mille hominum princeps: istorum autem unusquisque millium princeps, quoniam sive a mille, sive a millibus, eadem compositio nominis resonat, ut appellentur *χιλιάρχοι*.

**II.** [Ib. 1, 20-46.] Merito queritur quid sibi velit quod per omnes tribus, ubi computantur per singulas quasque filii Israel in astate militari, dicitur, secundum propinquitates eorum, secundum populum eorum, secundum domos familiarum eorum, secundum numerum nominum eorum, aliud secundum caput; et hæc quinque similiter omnino repetuntur, donec tribus omnes compleantur: quasi aliud sit, secundum propinquitates eorum, aliud secundum populos, aliud secundum domos familiarum, aliud secundum numerum nominum, aliud secundum caput; cum potius videantur aliis verbis eadem significare ista omnia. Intentionem autem movet, quia tam diligenter per omnes tribus eadem repetuntur, ut non frustra fieri quivis judicet, etiamsi non intelligat. Nimurum ergo numerus ipse aliquid insinuat sacramenti, ut hoc idem quinque varie repetatur. Nam iste numerus sicut in ipsis quinque libris Moysi, id est quinarius, in Veneri Testamento maxime commendatur. Illa vero quæ deinceps quatuor connectuntur, id est *masculina*, a viginti annis et supra, *omnis qui procedit in virtute, recognitio eorum*; quamvis et ipsa per omnes tribus eodem prorsus modo repeatantur, habent necessariam differentiam. Cum enim ageretur de numero universæ multitudinis ad unam tribum pertinentis, discernendus erat sexus, ideo positum est, *Omnia masculina*. Et ne parvuli etiam computarentur, adjunctum est, a viginti annis et supra. Rursus ne imbellis atas senectutis annumeraretur, additum est.

*omnis qui procedit in virtute. Et omnia concluduntur verbo ejus operis quod siebat, ut dicatur, recognitio eorum. Recognitio enim hec siebat, ut hominum milia computarentur. Quinque igitur illa, propinquitates, populi, domus familiarum, numerus nominum, et caput; et ista deinde quatuor, sexus, atas, virtus, recognitio, fortasse in ipso numero aliquid insinuant. Si enim horum duorum numerorum, id est quinarii et quaternarii, alter multiplicetur ex altero, id est ut quinques quaterni, aut quater quini ducantur, viginti fiunt. Quo numero etiam adolescentium atas significatur. Qui numerus commemoratur et quando intratur in terram promissionis: et dicitur illa atas viginti annorum, quæ non declinaverit in dextram aut sinistram. Ubi mihi videntur significari sancti fideles ex utroque Testamento fidem veram tenentes. Nam Vetus Testamentum quinque libris Moysi maxime excellit, et Novum quatuor Evangelii.*

**III.** [Ib. 1, 51.] Quod ait de tabernaculo distendendo<sup>1</sup>, levando, erigendo, *Et alienigena qui accesserit moriatur*; hic alienigena intelligendum est etiam ex illis filiis Israel, qui non de illa tribu fuerint<sup>2</sup>, quam tabernaculo servire precepit, id est qui non fuerit de tribu Levi. Mirum est autem quomodo abusive alienigena dicitur, quod magis alterius generis hominem significat, id est *ἄλλογενος*, et non magis *ἄλλοφυλος*, quod significat alterius tribus hominem: quo nomine magis utitur Scriptura in aliarum gentium hominibus, ut allophyli appellantur, quasi aliarum tribuum homines.

**IV.** [Ib. iv, 5-7.] *Et locutus est Dominus ad Moysen, dicens, Accipe tribum Levi; et statues eos in conspectu Aaron sacerdotis, et ministrabunt ei: et custodient custodias ejus, et custodias filiorum Israel, ante tabernaculum testimonii. Quas φύλακας græci dixit, has nostri interpres alii custodias, alii excubias interpretati sunt. Sed mirum nisi vigilæ melius dicuntur quæ solent in castris ternarum horarum observationem habere. Unde scriptum est, *Quarta autem vigilia noctis venit ad eos, ambulans super mare* (Matt. xiv, 25): hoc est, post nonam horam noctis, post tres videlicet vigilias. Et multis locis Scripturarum nostri vigilias interpretati sunt, quas Græci φύλακας vocant. Ubi nulla dubitatio est, spatia nocturni temporis significari: quod puto et hic accipiemus. Quomodo enim Levitæ jubentur observare custodias Aaron, et custodias filiorum Israel, id est φύλακας, nisi fortasse dictum est, ne putarent ab observandis vigilias, quæ proprie in castris observari solent, propter honorem quo serviebant tabernaculo, immunes se esse debere, cum et ipsos oportaret propter opera tabernaculi non*

<sup>1</sup> Excusi, distinguendo. MSS. Beccensis et Michacliaus, *distendendo*. Alii melioris note, *distringendo*.

<sup>2</sup> Juxta Er. Lugd. Ven. Iov., fuerint. M.

mihi vicissim observare vigilias, quæ observarentur in aliis circumquaque castris filiorum Israel?

V. [In iii, 10.] *Alienigena qui tetigerit, morietur.* Quærendum quomodo dixerit in Levitico, *Qui tetigerit tabernaculum sanctificabitur* (Levit. vi, 18) : cum hic dicat, *Alienigena qui tetigerit, morietur*; volens intelligi eos qui non essent de tribu Levi. An forte hic, *tetigerit*, ad obsequium dixerit servitutis, quod a solis Levitis deberi tabernaculo præcepit? hinc enim loquebatur.

VI. [Ib. iii, 12-31.] Quid est quod Levitas pro primogenitis filiorum Israel sibi Deus deputat, ita ut numeratis primogenitis populi, qui plures inventi sunt quam erat numerus Levitarum, argento redimerentur, quinque siclis pro uno datis? Quod pro pecoribus non est factum, cum et pecora Levitarum pro primogenitis pecorum Israel sibi esse voluerit. Quomodo deinceps primogenita eorum vel pecorum eorum pertinebant ad Deum, ubi jussit immunda primogenita vel humana mutari ovibus? Quomodo non et protistis deinceps primogenitis computabantur filii Levitarum (manebat enim in posteris eadem tribus, quæ posset pro primogenitis posterioribus computari); nisi quia illud justum fuit, ut qui nascerentur de illis qui jam ad portionem Domini pertinebant, datam pro primogenitis qui de Aegypto exierunt, jam Deus proprios haberet, tanquam suos de suis, nec possent pro illis juste computari, qui deinceps primogeniti Deo debebantur? De universo quippe populo, et de universis pecoribus populi data est portio Deo pro primogenitis: et hæc portio erat Levitæ et pecora eorum. Jam si quid genuissent, Dei erat; non poterat hoc tanquam a populo dari, quod jam alienum erat: ac per hoc debita deinceps primogenita Deo reddi oportebat; nec pro his computari posteros Levitarum vel pecorum eorum.

VII. [Ib. iv, 7.] Cum præcipere de tollenda mensa, jussit cum illa et panes tolli sic dicens: *Et panes qui semper super eam erunt.* Non utique isti semper super eam erunt, sed similes eorum: quia illi auferebantur, et recentes quotidie ponebantur; dum tamen sine panibus mensa non relinqueretur. Ideo dixit, *qui semper super eam erunt*: hoc est, quia semper panes, non quia illi semper.

VIII. [Ib. iv, 11.] *Et super altare aureum adoperient vestimentum hyacinthinum, et adoperient illud operimento pelliceo hyacinthino.* Posset ista locutio videri, quæ velut absurdum et non integrum latini interpres transferre noluerunt; id est, *super altare aureum adoperient vestimentum hyacinthinum*: tanquam debuerit dici, *Et altare aureum adoperient vestimento hyacinthino.* Nam *adoperient vestimentum hyacinthinum*, hoc videtur significare, quod ipsum vestimentum aliunde adoperiretur, non quod ipso vestimento adoperiretur altare<sup>1</sup>. Sed mihi videtur non tam genus locutionis esse, quam subobscurus sensus. Hoc quippe intelligi potest, *Et super altare aureum adoperient*

<sup>1</sup> Editi, aliunde operiretur altare; omisso verbis, non quod ipso vestimento adoperiretur, quæ ex MSS. restituuntur.

*vestimentum hyacinthinum*, ut ipsum vestimentum hyacinthinum alia re operiendum præcipere, quod vestimentum jam super altare esset; ac sic breviter utrumque complectetur, et vestimento hyacinthino altare operiendum, et vestimentum hyacinthinum alio tegmine operiendum. Subjunxit denique unde cooperiri vellet vestimentum hyacinthinum, cum adjectit, *Et adoperient illud operimento pelliceo hyacinthino.*

IX. [Ib. v, 6-8.] *Vir, aut mulier, quicunque fecerit ab omnibus peccatis humanis, et despiciens despezterit; et deliquerit, anima illa annuntiabit peccatum quod peccavit, et restituet delictum: caput<sup>1</sup> et quintas ejus adjiciet super illud, et reddet cui deliquit ei.* Si autem non fuerit homini proximus, ita ut reddat illi delictum ad ipsum; delictum quod redditur Domino, sacerdoti erit, excepto ariete propitiationis per quem exorabit in illo pro eo. Hic ea peccata intelligenda sunt, quorum in his rebus perpetratio est, quæ pecunia restitui possunt. Non enim aliter diceret quomodo restituenda sint, nisi damna pecuniaria fuissent. Jubet enim restitui caput et quintas, id est, totum illud quidquid est, et quintam ejus partem, excepto ariete qui fuerat offerendus in sacrificium ad expiandum delictum. Jubet autem illud quod restituitur sacerdoti esse, id est, ipsum caput et quintam, si non est proximus ei in quem commissum est. Ubi utique intelligitur tunc Domino redditum quod sit sacerdotis, si homo ipse non supersit qui damnum passus est, nec proximus ejus, quem puto hæredem intelligi voluisse. Sed de ipso homine nihil dixit Scriptura: verumtamen cum dicit, *Si non ei fuerit proximus*, sub hac brevitate insinuat, tunc queri proximum ejus, si ipse non fuerit. Si autem nec proximus erit, Domino restituetur, ne impunitum remaneat quod admissum est: quod tamen non cedat in sacrificium, sed sit sacerdotis. Sic sane verba Scripturæ distinguenda sunt, *Si autem non fuerit homini proximus, ita ut reddat illi delictum ad ipsum*: locutionis est enim quod addidit, *ad ipsum*; aut forte *ad ipsum* dixit, quod ad ipsum pertineat, id est ipse possideat. Deinde sequitur, *Delictum quod redditur Domino, sacerdoti erit*: delictum autem dicit, cum redditur ea res quæ per delictum ablata est.

X. [Ib. v, 6, 7.] Quæri autem potest, quomodo in Exodo dicitur, si quis suratus fuerit vitulum aut ovem, restituere debere quinque vitulos vel quatuor oves, si occiderit, aut vendiderit; si autem quod absulerit, salvum apud eum reperitur, duplum esse restituendum (Exod. xxii, 1, 4): cum hic restitui jubeat caput et quintam, quod longe est etiam a duplo; quanto magis a quadruplo vel quinque tanto? Nisi forte quia hic ait, *Vir, aut mulier, quicunque fecerit ab omnibus peccatis humanis*, peccata ignorante voluit intelligi humana peccata. Fieri enim potest ut parum attendendo, per negligentiam trajiciat homo

<sup>1</sup> Editi, *restituet delictum et quintas*; omisso, *caput*. Paus loque post, *ita ut reddat illi delictum ipsum*; omisso, *ad Redintegravimus utrumque locum ad MSS. qui concordat cum græco.*

rem alienam in rem suam : quod ideo peccatum est, quia si diligenter attenderetur, non admitteretur. Et hec voluit capite et quinta restitui, non sicut furta mulctari. Nam si furta et fraudes hic intellexerimus, que non per ignorantiam negligentia, sed furandi et fraudandi animo committuntur, et ideo dicta *humana*, quia in homines sunt; ille, nisi fallor, erit exitus questionis hujus, ut idco qui fecit non reddat vel duplum, quia non deprehenditur vel convincitur, sed ignorantibus a quo factum sit, vel utrum factum sit, ipse aannuntiat delictum suum. Cum enim dixisset Scriptura, *Vir, aut mulier, quicunque fecerit ab omnibus peccatis humanis, et despiciens despixerit, et deliquerit, id est, contemnendo ista commiscribit; adjunxit, et ait, Anima illa aannuntiabit peccatum quod peccavit, et restituat delictum, caput et quintas ejus: forte ergo propterea tantum, quia ipse aannuntiavit; et ideo non eo damno plectendus fuit, quo forem comprehensum vel convictum plecti oporteret.*

XI. [lb. v, 21.] Verba que Scriptura dicit mulieri a sacerdote dicenda, quando a suspicione adulterii eam maritus adducit, *Det eam Dominus in maledictum et in execramentum*, græcus habet *τρόποις*. Quo verbo videatur significari juramentum per exsecrationem; velut si quisquam dicat, Sic non mibi illud et illud contingat: vel certe ita juret, Illud et illud mihi contingat, si fecero, vel non fecero. Ita hoc dictum est, *Det te Dominus in maledictum et in execramentum*, tanquam diceretur, ut de te jurent que per exsecrationem jugabunt; sic non eis contingat, aut, hoc eis contingat, nisi hoc aut illud fecerint<sup>1</sup>.

XII. [lb. vi, 14-17.] *Et offeret munus suum Domino, agnum anniculum sine vitio in holocaustoma, et agnam anniculam sine vitio unam in peccatum.* Hoc quidam nostri interpres transferre noluerunt, veluti locutionem inusitatam vitantes, et dixerunt, *pro peccato*, non, *in peccatum*, cum sit sensus in ea locutione, qui non fuerat perturbandus. *In peccatum* quippe dictum est, quia hoc ipsum quod pro peccato offerebatur, peccatum vocabatur. Unde illud est apud Apostolum de Domino Christo, *Eum qui non noverat peccatum, peccatum pro nobis fecit* (Il Cor. v, 21): Deus Pater scilicet, Deum Filium pro nobis fecit peccatum, id est sacrificium pro peccato. Sicut ergo agnus in holocaustoma, ut ipsum pecus esset holocaustoma; sic et agna in peccatum, ut ipsum pecus esset peccatum, id est sacrificium fieret pro peccato, sicut de ariete, quod sequitur, *in salutare* dicit, tanquam ipsum sit salutare, cum sit sacrificium salutaris. Quod postea repetendo manifestat. nam et illud *pro peccato* dicit, quod prius dixerat *in peccatum*; et hoc sacrificium salutaris, quod prius dixerat, *in salutare*.

XIII. [lb. viii, 24.] *Locutus est Dominus ad Moysen, dicens, Hoc est de Levitis.* Hoc alii interpretati sunt, *Hæc est lex de Levitis*: sed quod scriptum est, *Hoc est de Levitis*, intelligitur dictum, Hoc constituo de Levitis.

<sup>1</sup> MSS. quinque et rat., nisi illud fecerint. Alii duo MSS. nisi illud de te fecerint. Am. et Er., nisi hoc illud de te fecerint.

XIV. [lb. viii, 24-26.] Deinde sequitur: *A quinto et vicesimo anno et supra, introibunt ministrare in ministerium in operibus in tabernaculo testimonii; et a quinquagenario recedet ab administratione, et non operabitur ultra (et ministrabit frater ejus) : in tabernaculo testimonii custodire custodias; opera autem non operabitur.* Hunc sensum obscurum facit *τρίπατος*, quod ita confusum est, tanquam de ipso fratre sit dictum, *custodire custodias*; cum dictum sit de illo, qui recedit ab operibus, et remanebit illuc, *in tabernaculo testimonii custodire custodias; opera autem non operabitur*; sed operabitur frater ejus, id est, qui nondum pervenit ad vetatem quinquagenariam, a viginti quinque annis incipiens operari. Ergo ita distinguendum est: *Et a quinquagenario recedet ab administratione, et non operabitur ultra, et ministrabit frater ejus.* Deinde reddit ad illum quinquagenarium, de quo loquebatur, et de illo explicat cetera, dicens, *In tabernaculo testimonii custodire custodias; opera autem non operabitur.* Quod enim ait, *custodire*, subauditur, incipiet, tanquam id uno verbo diceret, custodiet custodias. Solet enim usitate etiam in latinis locationibus insinuitum verbum ponи pro finito.

XV. [lb. ix, 6-12.] Cum Paschæ tempore quidam, qui immundi facti erant super animam hominis, id est, super mortuum, quererent quomodo Pascha facerent; quoniam oportebat eos ab immunditiis septem diebus purificari secundum Legem: consuluit Dominum Moyses, et responsum accepit, cuicunque tale aliquid accidisset, vel tam in longinquo itinere constitutus esset, ut non posset occurrere, alio mense eum facete debere Pascha, propter diem mensis quartum decimum, ubi lunæ numerus observabatur. Sed si queratur quid facerent, si forte talis immunditia etiam ad secundum mensem occurreret; arbitror id quod dictum est de secundo mense, tanquam regulariter fuisse retinendum, ut tertio mense observarent, aut certe Pascha non egisse tali necessitate, ad culpam non pertineret.

XVI. [lb. ix, 15-23.] *Et die qua statutum est tabernaculum, texit nubes tabernaculum, domum testimonii: et vespere erat super tabernaculum vetus species ignis usque mane. Ita siebat semper; nubes tegebat illud die, et species ignis nocte. Et cum ascendisset nubes a tabernaculo, et postea promovebant filii Israel: et in loco ubicumque steterat nubes, ibi castra collocabant filii Israel. Per præceptum Domini castra collocabant filii Israel, et per præceptum Domini promovebunt. Omnes dies in quibus obumbrat nubes super tabernaculum, in castris erunt filii Israel: et quando protraxerit<sup>1</sup> nubes super tabernaculum dies plures; et custodient filii Israel custodiā Dic, et non promovebunt. Et erit, cum texerit nubes dies numero super tabernaculum; per vocem Domini in castris erunt, et per præceptum Domini promovebunt. Et erit cum fuerit nubes a vespera usque mane, et ascenderit nubes mane, et promovebunt die; vel*

<sup>1</sup> Editi, protexerit. At MSS., protraxerit: juxta LXX, *ephel-kētā*.

*nocte et si ascenderit nubes*<sup>1</sup>, *promovebunt : die vel mense die abundantie nube obumbrante super illud, in castris erunt filii Israel, et non promovebunt. Quoniam per præceptum Domini promovebunt. Custodiam Domini custodierunt per præceptum Domini in manu Moysi.*

Totus hic locus diligenter exponendus est, quoniam in usitatis generibus locutionum obscuratus est.

*t die, inquit, qua statutum est tabernaculum, textit nubes tabernaculum, domum testimonii : idem tabernaculum appellavit domum testimonii. Et vespere erat super tabernaculum velut species ignis usque mane. Ita fiebat semper. Deinde diligenter exprimit, quid siebat semper, Nubes, inquit, tegebat illud die, et species ignis nocte. Et cum ascendisset nubes a tabernaculo, et postea promovebant filii Israel. Ista sententia obscura non est, nisi propter illam locutionem ubi additur, et. Ordo enim verborum integer sequitur, etiamsi desit ipsa conjunctio, ut sic dicatur, *Et cum ascendisset nubes a tabernaculo, postea promovebant filii Israel : quamvis et ipsum quod dictum est, postea, si decesset, plena posset esse sententia. Deinde sequitur, dicens, Et in loco ubicumque steterat nubes, ibi castra collocabant filii Israel.**

Hoc autem totum quod faciebant, ad præceptum Domini referens, ita complectitur : *Per præceptum, inquit, Domini castra collocabant filii Israel, et per præceptum Domini promovebunt. Præceptum Domini appellat signum ipsum quod siebat in nube, sive cum staret obumbrans tabernaculum, ut castra consistarent; sive cum ascendisset, atque ultra moveretur, ut eam elevatis castris sequerentur. Mutavit sane in hac sententia narrantis modum, et tanquam prædicens atque prænuntians verba futuri temporis habere cœpit. Neque enim ait, *Per præceptum Domini castra collocabant filii Israel; sed, collocabant* : nec ait, *per præceptum Domini promovebant; sed, promovebunt.* Et hunc modum etiam in consequentibus servat, qui modus in Scripturis est in usitatissimus. Nam verbis præteriti temporis sœpe futura prædicta esse novimus; sicut est, *Foderunt manus meas et pedes* (*Psal. xxi, 17*); et, *Sicut ovis ad immolandum ductus est* (*Isai. lxx, 7*); et innumerabilia talia : ut autem narrator rerum gestarum verbis utatur temporis futuri, sicut hoc loco, difficillime in Scripturis inveniri potest.*

Ergo posteaquam dixit, de die et nocte, quo signo promoveret populus, vel maneret; ne putarentur per noctem ambulare et per diem solere considerare, atque hoc diebus omnibus facere, secutus adjunxit, et ait, *Omnes dies in quibus obumbrat nubes super tabernaculum, in castris erunt filii Israel; et quando protrazerit nubes super tabernaculum dies plures.* Deinde admonens non hoc ex illorum necessitate fieri, sed ex Dei voluntate, *Et custodient, inquit, filii Israel custodiam Dei, id est, custodiam quam præcepit Deus; et non promovebunt.* Et tanquam diceretur, Quando ergo pro-

<sup>1</sup> *Ma* constantes MSS., cumque iis inferius concordant editi, qui hoc tantum loco habent, et *cum sic ascenderit nubes.*

movebunt? *Et erit, inquit, cum texerit nubes dies numero super tabernaculum, id est, dics certo numero, qui numerus utique Deo placet: per vocem Domini in castris erunt, et per præceptum Domini promovebunt.* Hanc videtur dicere vocem Domini signum quod dat de statione, et motu nubis; quia et vox loquentis, procul dubio signum est voluntatis. *Quod ergo ait, et per præceptum, hoc idem signum puto intelligendum.* Quanquam posset vox et præceptum Domini illud etiam accipi quod locutus est, ut solet, ad Moysen, et præcepit hoc fieri. Neque enim scirent illi promovendum esse nube proinvente, et standum esse nube stante, nisi hoc eis ante præcipere tur.

In his autem quæ dicta sunt nondum apparuit, utrum per diem tantum ambularetur, an etiam per noctem, secundum signum quod nubes motu suo dabant. Fortassis enim quamvis plures dies in castris manerent nube non promovente, potuit tamen putari nubem non solere ascendere de castris, et signum itineris dare, nisi per diem. Sequitur ergo et dicit: *Et erit, cum fuerit nubes a vespere usque mane, et ascenderit nubes mane, et promovebunt die.* Hic illa copulativa conjunctio more Scriptura posita est. Nam ea detracta plenus est sensus hoc modo : *Et erit, cum fuerit nubes a vespere usque mane, et ascenderit nubes mane, promovebunt die.* Deinde quia et nocte si nubes ascenderet promovebant, atque iter nocturnum si illud signum acciperent agebant, adjunxit et ait: *Vel nocte et si ascenderit nubes, promovebunt.* Sed locutio est in usitator: non enim tantum positum est, et; sed eo more positum est, quo non solet. Unde mihi videatur præposterus ordo verborum, sicut sœpe et in latinis locutionibus fieri solet: quod genus antistrophe dicitur. Proinde si ita dicatur, *vel et nocte si ascenderit nubes, promovebunt; aut certe ita, si et nocte ascenderit nubes, promovebunt,* planissimus sensus est.

Adhuc autem occurrebat cogitanti, ut scire vellit utrummodo cognitum est solere illos ad nubis signum diebus et noctibus ambulare, vel diebus et noctibus in castris esse, ita etiam solerent per dies tantum manere, etiam quorum noctibus ambularent: quod arbitror Scripturam in consequentibus intimasse cum dicit, *Die vel mense dici, abundante nube obumbrante super illud, in castris erunt filii Israel, et non promovebunt.* Quia enim dixerat, *vel nocte et si ascenderit nubes, promovebunt;* tanquam restabat ut diceret, die autem si non ascenderit, non promovebunt, quando quasi promovere debero videbantur: sed quia hoc etiam diebus pluribus fieri poterat, ut noctibus ambularent, promovente nube, et ea manente diebus non ambularent, ideo posuit, *die vel mense diei.* Non dixit, mense, ne ibi et noctes ejusdem mensis acciperentur; sed, *mense diei*, id est mense ex ea parte qua dies illi fuit, non ex ea qua nox. *Die ergo vel mense dici, abundante nube obumbrante,* id est, abundante in obumbrando, vel abundantius obumbrante, *super illud, illud scilicet tabernaculum, in castris erunt filii Israel, et non promovebunt.* Postremo repetit, divina auctoritate factum, cui resisti utique non debebat, adjungens :

*Quoniam per praeceptum Domini promovebunt. Custodiam Domini custodierunt, per praeceptum Domini, in manu Moysi Rediit ad verbum præteriti temporis, ut diceret, custodierunt. Quod vero in fine posuit, in manu Moysi, usitatissima in Scripturis locutio est, quia per Moysen hæc Deus præcipiebat.*

XVII. [lb. x, 7.] *Ei cum congregaveritis synagogam, tubut canetis, et non in signo. Non ergo ad hoc canendum præcipit, ut congregetur synagoga; nam si hoc sit, signum est: sed jam congregata synagoga, præcipit tuba canere, tanquam ad cantum jam pertineat; non ad dandum signum, quo dato fieri aliquid admoneat. Proinde cum hoc quod jam congregata synagoga tubis canebant, quisquam homo Novi Testamenti ad aliquid spirituale interpretatur, illi signum est, qui intelligit quare fiat; non illis qui non intelligebant, nisi quando ad hoc fiebat, ut aliquod opus indiceretur.*

XVIII. [lb. xi, 17.] *Et auferam de spiritu qui est in te, et superponam super eos; et sustinebunt tecum impetum populi, et non portabis illos tu solus. Plerique latini interpretes non ut in græco est, transtulerunt; sed dixerunt, Auferam de spiritu tuo qui est in te, et ponam super eos, aut ponam in eis; et fecerunt sensum laboriosum ad intelligendum. Putari enim potest de spiritu ipsius hominis dictum, quo humana natura completetur corpore adjuncto, quæ constat ex corpore et spiritu, quem etiam animam dicunt: de quo et Apostolus dicit, Quis enim hominum scit quæ sunt hominis, nisi spiritus hominis qui in ipso est? Sic et quæ Dei sunt, nemo scit nisi Spiritus Dei. Et quod adjungit ac dicit, Nos autem non spiritum hujus mundi accipimus, sed Spiritum qui ex Deo est (1 Cor. ii, 11, 12); ostendit utique aliud esse Spiritum Dei, cuius participes fit spiritus hominis per gratiam Dei. Quamvis posset etiam, sicut alii interpretati sunt, intelligi Spiritus Dei in eo quod dicitur, de spiritu tuo qui est in te; ut dictum sit, tuo, quia fit etiam noster qui Dei est, cum accipimus eum: sicut de Joanne dictum est, In spiritu et virtute Eliae (Luc. i, 17). Non enim anima Eliae in eum fuerat revoluta. Quod si quidam hæretica perversitate opinantur, quid dicturi sunt in eo quod scriptum est, Spiritus Eliae requievit super Elisæum (IV Reg. ii, 15); cum jam ille utique haberet animam suam (a): nisi quia dictum est de Spiritu Dei, ut etiam per illum operaretur qualia per Eliam operabatur; non ab illo recedens, ut istum posset implere; aut disperitus minus esset in illo, ut posset ex aliqua parte et in isto esse? Deus est enim qui possit esse in omnibus tantus, in quibus per illam gratiam esse voluerit. Nunc autem cum ita scriptum sit, Et auferam de spiritu qui est super te, nec dictum sit, de spiritu tuo, facilior est absolutio quæstionis: quia intelligimus nihil aliud Deum significare voluisse, nisi ex eodem Spiritu gratia illos quoque habituros adjutorium, ex quo habebat Moyses; ut et isti haberent quantum Deus vellet, non ut ideo Moyses minus haberet.*

XIX. [lb. xi, 21-23.] *Et dixit Moyses, Sexenta milia pedisum, in quibus sum in ipsis, et tu dixisti, Carnes*

(a) Confer Tertull., lib. de Anima, cap. 35.

*dabo eis, et edent mense dierum. Numquid oves et boves occidentur illis, et sufficient illis? aut omnis piscis congregabitur eis, et sufficient eis? Quæri solet utrum hoc Moyses dissidendo dixerit, an querendo. Sed si putaverimus eum dissidendo dixisse, nascetur quæstio cur hoc ei non exprobraverit Dominus, sicut exprobravit quod ad petram unde aqua profluxit, videtur de potestate Domini dubitasse. Si autem dixerimus hoc eum dixisse querendo modum quo fieret, ipsa Domini responsio, ubi ad eum dixit, Numquid manus Domini non sufficient, quasi redarguentis videtur quod iste ista non credidisset. Sed melius arbitror intelligi Dominum ita respondisse, tanquam modum futuri facti, quem ille requiriens, dicere noluerit, sed potius opere ipso suam potentiam demonstrare. Poterat enim et Marice dicenti, Quomodo fiet istud, quoniam virum non cognosco, a calumniantibus objici quod minus crediderit, cum illa modum quæsiverit, non de virtute Dei dubitaverit. Quod autem responsum est illi, Spiritus sanctus superveniet super te, et virtus Altissimi obumbrabit te, poterat et sic responderi quomodo hic, Numquid Spiritui sancto impossibile est, qui superveniet in te? ac sic idem ipse sensus conservaretur. Porro autem talia quedam dicens Zacharias, incredulitatis arguitur, et vocis oppressæ poena plectitur (Luc. i, 34, 35, 18, 19, 20). Quare, nisi quia Deus non de verbis, sed de cordibus judicat? Alioquin et ad illam petram unde aqua profluxit, poterant excusari verba Moysi, nisi in eum clara esset divina sententia quod dissidendo talia dixerit. Nam ita se ea verba habent: Audite me, increduli; numquid de petra ista educemus vobis aquam? Deinde sequitur: Et elevata Moyses manu sua percussit petram virga bis, et exiit aqua multa, et bibit synagoga et pecora eorum. Utique ad hoc congregavit populum, ad hoc illam virgam in qua tanta miracula fecerat sumpsit, eaque petram percussit, atque inde solitæ virtutis est consecutus effectus. Verba ergo illa quibus ait, Numquid ex hac petra educemus vobis aquam? possent sic accipi, tanquam diceretur, Nempe ex hac petra secundum vestram incredulitatem aqua educi non potest: ut denique percutiendo ostendetur, fieri divinitus potuisse quod illi infidelitate non crederent, maxime quia dixerat, Audite me, increduli. Ita quidem intelligi possent hæc verba, nisi Deus qui cordis inspector est, quæ animo dicta fuerint indicaret. Sequitur enim Scriptura et dicit: Et dixit Dominus ad Moysen et Aaron, Quoniam non credidistis sanctificare me in conspectu filiorum Israel, propter hoc non inducetis vos synagogam hanc in terram quam dedi eis (Num. xx, 10-12). Aper hoc intelligitur illa verba ita dixisse Moysen, tanquam ad incertum percusserit, ut si non sequeretur effectus, hoc prædictissse putaretur, cum ait, Numquid ex hac petra educemus vobis aquam? quod in animo ejus lateret omnino, nisi Dei sententia proderetur. E contrario itaque isto loco debemus intelligere verba Moysi de promissis carnibus, quærentis potius quomodo fieret, quam dissidentis fuisse; quando sententia Domini non secuta est, quæ vindicaret, sed potius quæ doceret.*

**XX.** [lb. xii, 1.] De uxore Moysi *Æthiopissa* quæ solet, utrum ipsa sit filia Jothor, an alteram duxerit, vel superduxerit : sed ipsam fuisse credibile est : de Medianis quippe erat, qui reperiuntur in Paralipomenon *Æthiopes* dicti, quando contra eos pugnavit Josaphat. Nam in his locis dicitur eos persecutus populus Israel, ubi Medianitæ habitant (II Paral. xiv, 9-14), qui nunc Saraceni appellantur. Sed nunc eos *Æthiopes* nemo fere appellat, sicut solent locorum et gentium nomina plerumque vetustate mutari.

**XXI.** [lb. xiii, 18-26.] *Et dixit ad eos, Ascendite ista eremo, et ascendetis in montem, et ridebitis terram quæ sit, et populum qui insidet super eam, si fortis est aut infirmus, si pauci sunt aut multi.* Exposuisse intelligitur, secundum quid dixerit, si potens est aut infirmus ; hoc est, si pauci sunt aut muli. Nam quomodo possent de monte prospicentes sentire humanarum virium fortitudinem ? Potest et alias sensus esse multo congruentior veritati. Quod ait, *Ascendetis in montem*, in ipsam terram dixit, quam explorare volebant. Non enim possent facile exploratores intelligi, ubi tanquam peregrinantes omnia perquirebant. Nam si de montis vertice eos putaverimus conspexisse terram, et explorasse ; quomodo possent exquirere omnia quæ Moyses exquirenda præcepit ? quomodo intrare civitates, quas eos Scriptura dixit intrasse ? quomodo de illa valle botrum tollere, propter quem et loco nomen est inditum, ut vallis Botri <sup>1</sup> diceretur ? In ipso ergo monte explorabatur terra, quia ipsa erat quæ exploraretur : et ibi erat quidam depressior locus, de qua valle botrus ablatus est.

**XXII.** [lb. xiii, 33.] *Et protulerunt pavorem terræ quam exploraverunt. Pavorem terræ dixit, non quo pavebat eadem terra, sed quem ex ea terra conceperant.*

**XXIII.** [lb. xiv, 9.] Caleb et Jesus Nave loquentes ad populum Israel ne timarent ingredi terram promissionis, dixerunt inter cetera : *Vos autem ne timueritis populum terræ, quoniam cibus nobis sunt. Abscessit enim tempus ab eis, Dominus autem in nobis; ne timueritis eos.* Quod dictum est, *Cibus nobis sunt*, intelligi voluerunt, consumemus eos. Quod vero adjunxerunt, *Abscessit enim tempus ab eis, Dominus autem in nobis* : satis diligenter non dixerunt, *Abscessit Dominus ab eis* ; impii quippe antiquitus fuerunt : sed quoniam et impis occulta dispensatione divinæ providentie datur tempus florendi atque regnandi, *Abscessit, inquiunt, tempus ab eis, Dominus autem in nobis*. Non dixerunt, *Abscessit tempus ab eis*, et nostrum successit : sed, *Dominus autem in nobis, non tempus*. Illi enim tempus habuerunt, isti Dominum Deum temporum creatorum et ordinatorem, et quibusque, ut ei placet, distributorem.

**XXIV.** [lb. xv, 24-29.] Quod præcipitur quomodo expientur peccata quæ non sponte committuntur, merito quæritur quæ sint ipsa peccata nolentium : utrum quæ a nescientibus committuntur ; an etiam possit recte dici peccatum esse nolentis, quod facere com-

<sup>1</sup> In MSS. constanter. *Botrui.* Apud LXX. Num. cap. 13, *Egyp. nos.*

pellitur : nam et hoc contra voluntatem facere dici solet. Sed utique vult propter quod facit, tanquam si pejerare nolit, et facit<sup>1</sup> cum vult vivere, si quisquam, nisi fecerit, mortem minetur. Vult ergo facere, quia vult vivere : et ideo non per scipsum appetendo ut falsum juret, sed ut falsum jurando vivat. Quod si ita est, nescio utrum possint dici ista peccata nolentium, qualia hic dicuntur expianda. Nam si diligenter consideretur, forte ipsum peccare nemo velit, sed propter aliud sit, quod vult qui peccat. Omnes quippe homines qui scientes faciunt quod non licet, vellent licere : usque adeo ipsum peccare nemo appetit propter hoc ipsum, sed propter illud quod ex eo consequitur. Hæc si ita se habent, non sunt peccata nolentium, nisi nescientium ; quæ discernuntur a peccatis voluntium.

**XXV.** [lb. xv, 30, 31.] *Et anima quæcumque peccaverit in manu superbiæ ex indigenis, aut ex proselytis, Deum hic exacerbat, et exterminabitur anima illa de populo suo ; quoniam verbum Domini contempsit, et mandata ejus disperdidit : contritione conteretur anima illa, peccatum ejus in illa.* Quæ sint peccata quæ sunt in manu superbiæ, id est superbia committuntur, Scriptura ipsa in consequentibus satis exposuit, ubi ait, *Quoniam verbum Domini contempsit.* Aliud est ergo præcepta contemnere, aliud magni quidem pendere, sed aut ignarum contra facere, aut victimum. Quæ fortasse pertineant ad illa peccata quæ a nolentibus sunt, de quibus superius quemadmodum Deo propitiato expiatentur admonuit ; ac inde subiectit peccata superbiæ, cum quisque superbiendo, id est præceptum contemnendo perperam facit. Quod genus peccati non dixit ullo genere sacrificii purgari oportere, tanquam insanabile judicans, illa duntaxat curatione quæ per sacrificia gerebatur, qualia facienda in hac Scriptura præcipiuntur : quæ si per se ipsa attendantur, nulli peccato<sup>2</sup> possunt mederi ; si autem res ipsæ quarum hæc sacramenta sunt inquirantur, in eis inveniri poterit purgatio peccatorum. Quod ergo scriptum est, *Peccator, cum veneril in profundum malorum, contemnit* (Prov. xviii, 3), iste significatus est, quem Scriptura hoc loco dicit, *in manu superbiæ delinquere.* Hoc igitur sine poena ejus qui committit, non potest aboleri ; atque ideo non potest esse impunitum, et cum poenitendo sanatur : ipsa enim afflictio poenitentis poena peccati est, quamvis medicinalis et salubris. Merito quippe magnum judicatur peccatum, cum superbia præceptum contemnit : sed e contrario, ut sanari possit, cor contritum et humiliatum Deus non spernit (Psal. l, 19). Verumtamen quia sine poena non sit, ideo hinc talia dicta sunt : *Deum, inquit, hic exacerbat ; quia Deus superbis resistit* (Jacobi iv, 6). *Et exterminabitur anima illa de populo suo ; quoniam talis omnino in numero eorum qui ad Deum pertinent, non est.* *Quoniam verbum Domini contempsit, et mandata ejus disperdidit : contritione conteretur anima*

<sup>1</sup> Editi, et MSS. uno excepto Corbelensi codice carent his verbis, tanquam si pejerare nolit, et facit.

<sup>2</sup> Editi nullo pacto. MSS. vero, nulli peccato.

*illa. Quare autem contritione conteretur, consequenter adjungit, dicens, Peccatum ejus in illa: ac per hoc si tali peccato debitam contritionem ipse sibi adhibeat penitendo, cor contritum, ut dictum est, Deus non spernet. Quamvis in græco non dictum sit hoc loco, contritione conteretur; sed, extirione exteretur anima illa: quod ita accipi potest, quasi omni modo terendo extinguatur, ac non sit. Sed prius natura immortalitatis animæ hunc intellectum recusat. Deinde si quod exteritur, omni modo efficeretur ut non sit, non dicearet de sapiente, Et gradus ostiorum ejus exterat pes tuus (Eccli. vi, 36). Verum illa discretio magis magisque consideranda est, utrum nemo peccet nisi aut ignarus, aut victus, aut contemnens; unde nunc longum est disputare.*

**XXVI.** [lb. xvi, 13, 14.] Quid est quod Dathan et Abiron, cum in seditionem consurrexisserent, vocati a Moysi, ac superbe et injuriose respondentes, Numquid pussillum hoc, quoniam eduxisti nos in terram fluentem lac et mel, interficere nos in eremo? quoniam præs nobis, princeps es<sup>1</sup>: et tu in terram fluentem lac et mel induxisti nos, et dedisti nobis sortem agri et vineas; post haec addiderunt, Oculos hominum illorum abscidisses: non ascendimus? Quorum oculos hominum dixerunt? Utrum populi Israel, tanquam dicentes, Si ista præstisisses, oculos hominum illorum abscidisses; id est, ita te diligenter, ut oculos suos eruerent, et darent tibi? Quod indicium magnum dilectionis et Apostolus dicit, Quoniam si fieri posset, oculos vestros eruissetis, et dedissetis mihi (Galat. iv, 15). Et deinde plenam contumaciam addiderunt, Non ascendimus, id est, Non veniemus; quia vocaverat eos. An potius oculos hominum illorum, dicit hostium, qui nimis acres et terribiles fuerant nuntiati: tanquam dicent, Etsi hoc fecisses, non tibi obtemperaremus; nisi quod modus verbi alias pro alio positus est, ut non dicerent, Non ascenderemus; sed, Non ascendimus, quodam genere locutionis?

**XXVII.** [lb. xvi, 20, 21.] *Et locutus est Dominus ad Moysen et Aaron, dicens: Abscedite vos de medio synagogæ istius. Notandum est tunc jubere Dominum separationem fieri corporalem, cum jam vindicta inminet malis: sic Noe cum domo sua separatur a ceteris diluvio peritidis (Gen. vii, 15); sic Lot cum suis separatur a Sodomis igne cœlitus consumendis (Id. xix, 12); sic ipse populus ab Ægyptiis marinis fluctibus obruendis (Exod. xix, 20); sic isti nunc a synagoga Chore, Abiron et Dathan, qui se primitus per seditionem abrumpere voluerunt: cum quibus tamen sancti antea viventes et conversantes, et cum ceteris quos reprobavit Deus, secundum verba quæ in eos increpans dicit, contaminari tamen ab eis minime potuerunt: nec separare se jussi sunt, quando vindictam Dominus sive differebat, sive talem adhibebat, qua innocentes periclitari hædive non possent, sicut serpentum mortibus, sicut strage mortuum, qua Deus, quem volebat, sicut volebat, alio percutiebat intacto; non sicut aqua*

<sup>1</sup> Sic in MSS. et apud LXX. At in antea editis, præst no-  
tis principis: et tu.

diluvii, aut ignea pluvia, aut aqua maris, aut hiatu terræ, quæ permixtos poterat pariter absumere: non quia et ibi Deus suos conservare non posset; sed quid opus erat tentatione miraculi ubi separatio fieri poterat, ut vel aqua, vel ignis, vel hiatus terræ, quos invenisset, auferret? Sic et in fine a zizaniis separabuntur frumenta, ut malos cremantibus flammis, justi fulgeant sicut sol in regno Patris sui (Matth. xiii, 30, 40-43).

**XXVIII.** [lb. xvi, 30.] *Quod ait Moyses de Chore et Abiron et Dathan, In visione ostendet Deus, et aperiens terra os suum absorbebit eos, quidam interpretati sunt, In hiatu ostendet Dominus: credo, putantes dictum χάσματι, quod græce positum est φάσματι, quod pro eo dictum est, ac si diceretur, In manifestatione, quod aperte oculis apparebit. Non enim sic dictum est, In visione, quemadmodum solent dici visiones, sive somniorum, sive quarumque in ecstasi figurarum; sed ut dixi, in manifestatione. Nonnulli autem aliud opinantes, In phantasmate interpretari voluerunt; quod omnino sic abhorret a consuetudine locutionis nostræ, ut nusquam fere dicatur phantasma, nisi ubi falsitate visorū sensus noster illuditur: quamvis et hoc a videndo sit dictum; sed, ut dixi, aliud loquendi consuetudo præjudicavit.*

**XXIX.** [lb. xvi, 32, 33.] *Et descenderunt ipsi, et omnia quæcumque sunt eis, viventes ad inferos. Notandum secundum locum terrenum dictos esse inferos, hoc est in inferioribus terræ partibus. Varie quippe in Scripturis et sub intellectu multiplici, sicut rerum de quibus agitur sensus exigit, nomen ponitur inferorum, et maxime in mortuis hoc accipi solet. Sed quoniam istos viventes dictum est ad inferos descendisse, et ipsa narratione quid factum fuerit satis appetat; manifestum est, ut dixi, inferiores partes terræ inferorum vocabulo nuncupatas, in comparatione hujus superioris terræ in enjus facie vivitur: sicut in comparatione cœli superioris, ubi sanctorum demoratio est Angelorum, peccantes angelos in hujus aeris detrusos caliginem Scriptura dicit tanquam carceribus inferi puniendos reservari. Si enim Deus, inquit, angelis peccantibus non pepercit, sed carceribus caliginis inferi retrudens tradidit in judicio puniendos reservari (II Petr. ii, 4): cum apostolus Paulus principem potestatis aeris diabolum dicat, qui operatur in filiis diffidentiæ (Ephes. ii, 2).*

**XXX.** [lb. xvi, 36-40.] *Et dixit Dominus ad Moysen et ad Eleazarum filium Aaron sacerdotem: Tollite thuribula aerea e medio exustorum, et ignem alienum hunc semina ibi; quia sanctificaverunt thuribula peccatorum horum in animabus suis: et fac ea laminas ductiles circumpositionem altari; quoniam oblata sunt ante Dominum et sanctificata sunt, et facta sunt in signum filii Israel, Illoc loco cur non ad Moysen et Aaron, sicut in superioribus, Dominus locutus sit, sed ad Moysen et ad Eleazarum filium Aaron, haec mihi causa interierit occurrit: quoniam questio erat de progenie sacerdotum, id est de quo genere esse deberent (unde illi ex alio genere, quia sibi usurparc sacerdotium ausi*

sunt, tam horrendo et mirabili suppicio perierunt); non ad Aaron, qui jam summus sacerdos erat, sed ad Eleazarum voluit loqui Deus, qui ei succedere debebat, et secundo jam sacerdotio fungebatur, ut eo modo seriem generis commendaret, quæ in successionibus sacerdotum esse deberet. Unde etiam in consequentibus dicit: *Et accepit Eleazar filius Aaron sacerdotis thuribula ærea, quanta<sup>1</sup> obtulerunt qui exusti sunt, et addidit ea circumpositionem altaris, memoriale filii Israel, ut non accedat quisquam alienigena, qui non est de semine Aaron, imponere incensum ante Dominum: et non erit sicut Chore et sicut conspiratio ejus, sicut locutus est Dominus in manu Moysi.* Illoc ergo modo voluit per Eleazarum Deus non sacerdotium, quod jam erat in Aaron, sed successionis sacerdotalis progeniem commendare. Quod vero ait, *Et ignem alienum hunc semina ibi, sparge intelligendum est.* Et quod addidit, *Quia sanctificaverunt thuribula peccatorum horum in animabus suis, locutione quidem inusitata expressa sententia est: sed notandum novo modo dicta sanctificata poena eorum, a quibus hoc peccatum fuerat perpetratum; quia per eos exemplum datum est ceteris, quo timarent. Circumpositionem autem altari eis fieri voluit, addidit dicens, Quoniam oblata sunt ante Dominum, et sanctificata facta sunt in signum filii Israel: non ergo in eis reprobari voluit, quod a talibus oblata sunt; sed hoc potius cogitari et attendi, ante quem oblata sint, id est quia ante Dominum, ut plus in eis valeret nomen Domini ante quem oblata sunt, quam pessimum meritum eorum a quibus oblata sunt. Hoc autem jam et in Exodo commemoraverat Scriptura, quando altare fabricatum dicit (*Exod. xxvii, 2*): unde intelligitur genera rerum gestarum distributa esse per libros, non temporum ordo contextus. Nam et de virga Aaron, quomodo res gesta sit, ut et florens et germinans electionem sacerdotii ejus divinitus indicaret, in hoc libro Scriptura narravit (*Num. xvii, 8*); et tamen de ipsa virga in Exodo dicitur, ut in sanctis sanctorum cum manna in area poneretur, quando præcipitur de tabernaculo fabricando (*Exod. xxvi*); quod utique longe ante præceptum est, quam ipsum tabernaculum fabricatum perfectumque considereret: stetit autem primo mense secundi anni, ex quo de Ægypto egressi sunt (*Id. xl, 15*), et liber iste incipit a secundo mense ejusdem anni secundi, primo die mensis: unde clarum est ista, si librorum ordinem considerenius, per recapitulationem, id est præteriorum recordationem commemorari, quæ putant, qui minus diligenter intendunt, eodem facta ordine quo narrantur.*

**XXXI.** [lb. xviii, 1.] *Et ait Dominus ad Aaron, dicens: Tu et filii tui, et domus patris tui tecum, accipietis peccata sanctorum; et tu et filii tui accipietis peccata sacerdotii vestri.* Ilæc sunt peccata quæ appellantur sacrificia pro peccatis. Proinde *peccata sanctorum* dictum est, non quæ sancti committant; sed ab eo

<sup>1</sup> Am. Er. et Lov., quæ antea Rat. et MSS., quanta: juxta LXX, hosu.

quod sunt sancta, dictum est *sanctorum*, quia in sanctis offeruntur: et peccata dicuntur sacrificia pro peccatis; ideo appellata sunt *peccata sanctorum*. Et *peccata sacerdoti vestri*, id est, eadem ipsa que offeruntur pro peccatis: sicut etiam in Levitico declarat, et pertinere debere dicit ad sacerdotem (*Levit. vi, 25, 26*).

**XXVII.** [lb. xviii, 12.] *Primogenita omnia, quæcumque fuerint in terra eorum, quantacumque attulerint Domino, tibi erunt.* Illic primogenita, non fetus primitivos pecorum dicit: nam ipsa græce πρωτότοκη nominatur, hæc autem πρωτογενής. Sed latine duabus his rebus, duo nomina reperta non sunt. Et ideo ista πρωτογενής quidam *primitias* interpretati sunt: sed *primitiae* ἀπαρχῆς dicuntur, et aliud sunt. Hæc igitur tria ita discernuntur, quia πρωτότοκη sunt *primitivi animalium fetus*, etiam hominum: πρωτογενής vero, primi fructus de terra sumpti, vel de arbore, vel de vite: *primitiae* autem de fructibus quidem, sed jam redactis ab agro; sicut de massa, de lacu, de dolio, de cupa, quæ *primitus* sumabantur.

**XXXIII.** [lb. xix.] De juventa rufa, cuius cinerem ad aquam aspersio[n]is, corumque mundationem qui mortuum tetigerint, prolificere Lex mandavit, nec tacere<sup>1</sup> permittimur; evidentissimum enim signum in ea Novi Testamenti praesigatur; nec satis digne festinantes dicere de tanto sacramento valemus. Primo enim quod ita cœpit de hac re loqui Scriptura, quem non moveat, et intentissimum faciat in altitudine sacramenti? *Et locutus est*, inquit, *Dominus ad Moysen et Aaron, dicens: Ista distinctio Legis, quæcumque constituit Dominus.* Procul dubio non est distinctio, nisi inter aliqua duo, vel plura: nam distinctionem singularitas non requirit. Nec distinctionem cuiuslibet rei commemoravit, sed addidit, *Legis*: nec cujuscumque legis: assidue quippe in Scriptura dicitur de unaquaque re, de qua legitime præcipitur, Hæc est lex illius vel illius rei; non universalis Lex, que continet omnia que legitime præcipitantur: hic vero cum dixisset, *Hæc est distinctio Legis*; securus adjunxit *quæcumque constituit Dominus*, præcipiendo utique, non creando. Nam etiam nonnulli interpres, *quæcumque præcepit Dominus*, transtulerunt. Si ergo hæc est distinctio Legis, quæcumque præcepit Dominus; procul dubio magna est ista distinctio: et recte intelligitur duo Testamenta distinguere. Eadem quippe sunt in Vetero et Novo: ibi obumbrata, hic revelata; ibi præfigurata, hic manifestata. Nam non solum Sacraenta diversa sunt, verum etiam promissa. Ibi videntur temporalia propensi, quibus spirituale præmium occulte significetur. hic autem manifestissime spiritualia promittuntur, et æterna. Temporalium autem bonorum atque carnalium, et spiritualium atque æternorum, quæ clarior certiorque distinctio est, quam passio Domini nostri Jesu Christi? in cuius morte satis constitit, non istam terrenam transitoriamque felicitatem a Domino Deo pro magno munere sperandam et optandam: quandoquidem in unigenito Filio suo, quem tanta illa perpeti

<sup>1</sup> Sic in MSS. At in excusis, tangere.

voluit, longe aliud a se peti exspectari que oportere apertissima distinctione declaravit. Hanc igitur passionem Domini nostri Iesu Christi, velut distinctionem duorum Testamentorum, hoc quod de juvenae rufa thactatione narratur, satis congrue praesigurat.

*Locutus est Dominus ad Moysen et Aaron, dicens, Ista distinctio Legis quæcumque constituit Dominus: ac deinde mandare incipit haec adjungens et dicens, Loquere filii Israel. Potest etiam ita distingui, Et locutus est Dominus ad Moysen et Aaron dicens; Ista distinctio Legis, quæcumque constituit Dominus, dicens: non quæcumque constituit Dominus creans, sicut cœlum et terram et omnia quæ in eis sunt; sed quæcumque constituit Dominus dicens, in duobus vide-licet Testamentis; ut deinde sequatur, Loquere filii Israel, et accipiunt ad te<sup>1</sup> juvenum rufum sine vitio. Juvenea rufa carnem Christi significat. Sexus semineus est, propter infirmitatem carnalem; rufa est, propter ipsam cruentam passionem. Quod autem ait, Accipiunt ad te, in ipso Moyse figuram Legis ostendit: quoniam secundum Legem sibi visi sunt occidere Christum, quia solvebat secundum ipsos sabbatum, et sicut putabant, observationes legitimas profanabat. Quod ergo sine vitio dicitur haec juvenea, mirum non est: hanc enim carnem etiam ceteræ hostie figurabant, ubi similiter sine vitio pecora immolari jubentur. Erat quippe illa caro in similitudine carnis peccati (*Rom. viii, 5*), sed non caro peccati. Verumtamen hic ubi evidenter Legis distinctionem Deus voluit commendare, parum fuit dicere, sine vito, nisi diceretur, quæ non habet in se vitium: quod si repetendi causa dictum est, fortasse non frustra est, quod eam rem ipsa repetitio firmius commendavit. Quanquam et illud non abhorret a vero, ut ideo additum intelligatur, quæ non habet in se vitium, cum jam dictum esset, juvenam sine vitio, quia in se non habuit vitium caro Christi, in aliis autem habuit, qui membra sunt ejus. Quæ enim caro in hac vita sine peccato, nisi illa sola quæ non habet in se vitium? Et non est superpositum super eam jugum. Non enim subjugata est iniuritati, cui subjugatos inveniens liberavit, et eorum vincula disrupti, ut ei dicatur, Disrupti vincula mea, tibi sacrificabo hostiam laudis (*Psal. cxv, 16, 17*). Super illius quippe carnem non est positum jugum, qui potestatem habuit ponendi animam suam et iterum sternendi eam (*Joan. x, 18*).*

*Et dabis eam, inquit, ad Eleazarum sacerdotem. Cur non ad Aaron, nisi forte ita præfiguratum est, non ad tempus quod tunc erat, sed ad posteros hujus sacerdotii passionem Domini perventuram? Et ejcident eam extra castra: sic et ejectus est Dominus passurus extra civitatem. Quod autem ait, in locum mundum; ita significatum est, quia non habuit causam malam. Et occident eam in conspectu ejus: sicut occisa est caro Christi in conspectu eorum qui jam futuri erant in novo Testamento Domini sacerdotes.*

*Et accipiet Eleazar sanguinem ejus, et asperget contra faciem tabernaculi testimonii a sanguine ejus septies.*

<sup>1</sup> Editi, a 2. At MSS. juxta LXX, ad te.

Hæc testificatio est, Christum secundum Scripturas sudisse sanguinem in remissionem peccatorum (*Rom. iii, 25; et Ephes. i, 7*). Ideo contra faciem tabernaculi testimonii, quia non aliter declaratum est, quam fuerat divino testimonio prænuntiatum: et ideo *septies*, quia ipse numerus ad mundationem pertinet spiritualem.

*Et cremabunt eam in conspectu ejus.* Puto quia crematio ad signum pertinet resurrectionis. Natura est quippe ignis ut in superna moveatur, et in eum convertitur quod crematur. Nam et ipsum cremare de græco in latinum ductum verbum est a suspensiōne (*a*). Quod vero additum est, *in conspectu ejus*, id est in conspectu sacerdotis, hoc mihi insinuatum videtur, quia illis apparuit resurrectio Christi, qui futuri erant regale sacerdotium. Jam quod sequitur, *Et pellis ejus et carnes et sanguis ejus cum stercore ejus comburetur*, id ipsum expositum est quomodo concremabitur: et significatum est quod non solum substantia mortalis corporis Christi, quæ commemoratione pellis et carniū et sanguinis intimata est; verum etiam contumelia et abjectio plebis, quam nomine stercoris significatam puto, converteretur in gloriam, quam combustionis flamma significat.

*Et accipiet sacerdos lignum cedrinum et hyssopum et coccinum, et immittet in medium combustionis juvenæ.* Lignum cedrinum spes est, quæ debet in supernis firmiter habitare. Hyssopus fides, quæ com sit herba humili, radicibus hæret in petra. Coccinum charitas, quod fervore in spiritus igneo colore testatur. Hæc tria debemus mittere in resurrectionem Christi, tanquam in medium combustionis illius, ut cum illo sit abscondita vita nostra, sicut dicit Apostolus: *Et vita vestra abscondita est cum Christo in Deo (Coloss. iii, 3)*.

*Et lavabit vestimenta sua sacerdos, et lavabit corpus suum aqua, et postea introibit in castra, et immundus erit sacerdos usque ad vesperam.* Lavatio vestimentorum et corporis quid est, nisi mundatio exteriorum et interiorum? hoc sacerdos. Deinde sequitur: *Et qui comburet eam, lavabit vestimenta sua, et lavabit corpus suum aqua, et immundus erit usque ad vesperam.* In eo qui comburit, eos figuratos arbitror, qui Christi carnem sepelierunt, resurrectioni eam veluti conflagrationi mandantes.

*Et congregabit homo mundus cinerem juvenæ, et posnet extra castra in locum mundum.* Quid dicimus cinerem juvenæ, reliquias videlicet illius interfectionis et combustionis, nisi famam quæ consecuta est passionem resurrectionem Christi? Quoniam sunt reliquiae homini pacifico (*Psal. xxxvi, 57*). Nam et cinis erat, quia velut mortuus ab infidelibus continebatur; et tamen mundabat, quia et resurrexisse a fidelibus credebatur. Et quia hæc fama apud eos maxime claruit, qui in exteris gentibus erant, et non erant de consortio Judæorum, ideo dictum esse existimo, *Et congregabit homo mundus cinerem juvenæ: mundus utique ab interfectione Christi, quæ Judæos fecerat reos.* *Et reponet in locum mundum*, id est, honorabiliter tractabit: tamen extra castra, quia extra

(a) Kremēd, suspendo.

celebrationem Judaicæ consuetudinis honor evangelicus claruit. *Et erit synagoge filiorum Israel in conservationem. Aqua aspersionis, purificatio est.* Postea declarat plenus quemadmodum ex isto cinere siebat aqua aspersionis, unde mundabantur a contactu mortuorum; quod utique significat ab iniustitate hujus moribundæ vel morticinæ vite.

Sed mirum est quod sequitur: *Et qui congregat, inquit, cinerem juvencæ, lavabit vestimenta sua; et immundus erit usque ad vesperam.* Quomodo erit ex hoc immundus, qui mundus accesserat; nisi quia et ii qui sibi videntur mundi, in fide Christiana se agnoscent quia omnes peccaverunt et egerit gloria Dei, justificati gratis per sanguinem ipsius (*Rom. iii, 23, 24*)? Hunc tamen vestimenta sua lavare dixit, non etiam corpus suum; credo, quod illius cineris congregatio et repositione in loco mundo, si hæc spiritualiter intelligentur, jam intrinsecus vult intelligi fuisse mundatum: sicut Cornelius audiens et credens quod prædicaverat Petrus, ita mundatus est, ut ante visibilem Baptismum, cum suis qui aderant, acciperet donum Spiritus sancti; verumtamen nec visibile Sacramentum contemni potuit (*Act. x, 44-48*), ut ablatus etiam extrinsecus<sup>1</sup> lavaret quodammodo vestimenta sua. *Et erit, inquit, filii Israel, et proselytis qui apponuntur, legitimum æternum.* Quid aliud ostendit, nisi baptismum Christi, quem significabat aqua aspersionis, et Judæis et Gentibus profuturum; id est filii Israel et proselytis, tanquam naturalibus ramis et inserto pinguedini radicis oleastro (*Rom. xi, 16-24*)? Quem autem non faciat intentum, quod post ablutionem de singulis quibusque dicitur, *Et immundus erit usque ad vesperam?* Neque hic tantum, sed in omnibus, aut pene in omnibus talibus mundationibus hoc dicitur. Ubi nescio utrum aliud aliud possit intelligi, nisi quod omnis homo post remissionem plenissimam peccatorum permanendo in hac vita contrahit aliud, unde sit immundus usque ad ejusdem vitæ finem, ubi ei dies iste quodammodo clauditur, quod significat vespera.

Deinde incipit Scriptura dicere, et exsequitur quemadmodum immundi facti homines, aqua illa aspersionis puriscentur: *Qui tetigerit, inquit, mortuum, omnis anima hominis immunda erit septem diebus: hic purificabitur die tertio et die septimo, et mundus erit.* Et hic nihil aliud intelligendum video, nisi contactum mortui, esse hominis iniustatem. Septem vero dierum immunditiam propter animam et corpus dictam puto; animam in ternario, corpus in quaternario. Quod quare ita sit, longum est disputare. Secundum hoc arbitror dictum per prophetam, *In tribus et quatuor impietibus non adversabor*<sup>2</sup> (*Amos i, 3*). Adjungit autem, et dicit: *Si autem non purificatus fuerit die tertio et die septimo, non erit mundus.* Omnis qui tetigerit mortuum ab omni anima hominis, et mortuus fuerit, et non fuerit purificatus; id est ante mortuus fuerit tacto

<sup>1</sup> MSS. Michaelinus et Beccensis, nec visibile sacramentum contemni potuit oblatum, quin etiam extrinsecus, etc.

<sup>2</sup> Editi, adversabor. At MSS., aversabor: juxta LXX, apophysisomai.

mortuo, quam fuerit purificatus; *tabernaculum Domini polluit: exteretur<sup>3</sup> anima illa ex Israel.* Notandum est quod difficillime reperitur in his libris aliquid evidentius de vita animæ post mortem fuisse conscriptum. Hic ergo cum dicit, si fuerit mortuus ante purificationem, manere in illo immunditiam, et exteri animam illam ex Israel, id est a consortio populi Dei; quid aliud vult intelligi, nisi manere animæ pœnam, etiam post mortem, si cum vivit, mundata non fuerit sacramento isto, quo Christi baptismus figuratur? *Quoniam aqua aspersionis, inquit, non est circumaspersa super eum, immundus est; adhuc immunditia ejus in ipso est.* Adhuc, scilicet etiam post mortem. Quod vero supra dixit, *Tabernaculum Domini polluit, quantum in ipso est utique, dixit: sicut Apostolus, Spiritum nolite extinguere* (*I Thess. v, 19*): cum extinguui ille non possit. Nam si ex hoc tabernaculum immundum factum vellet intelligi, mundari utique jubaret.

Postea vero immundos a mortuis factos, hoc est a mortuis operibus, quæ sunt omnes iniustates, ita mundari jubet: *Et accipient illi in mundo, inquit, a cinere illius exusta purificationis, et effundent super illum, id est super eumdem cinerem, aquam vivam in vase: et accipiens hyssopum, intingens in aqua vir mundus, et circumaspergens super domum, et super vasa, et super animas; quotquot fuerint illic, et super eum qui tetigerit os humanum, aut vulneratum, aut mortuum, aut monumentum; et asperget mundus super immundum in<sup>4</sup> die tertio et in die septimo: et purificabitur die septimo, et lavabit vestimenta sua, et lavabitur aqua, et immundus erit usque ad vesperam.* Alia es: aqua aspersionis, et alia utique illa qua lavabit vestimenta sua. *Et lavabitur aqua, quam puto spiritualem intelligentiam, per significationem, non per proprietatem.* Nam sine dubio visibilis erat, sicut illæ omnes umbræ futurorum. Proinde qui sacramento Baptismi recte abluitur, quod illa aspersionis aqua figurabatur, mundatur et spiritualiter, id est invisibiliter, et in carne et in anima, ut sit mundus et corpos et spiritu. Quod vero hyssopo dixit aquam aspersionis aspergi, qua herba supra diximus fidem significari; quid aliud occurrit, nisi quod scriptum est, *Fide mundans corda eorum* (*Act. xv, 9*)? Non enim prodest Baptismus, si desit fides. A viro autem mundo oīt hoc fieri, ubi significantur ministri portantes personam Domini sui, qui vere vir mundus est<sup>5</sup>. Nam et de his ministris in consequentibus dicit, *Et qui circumasperget aquam aspersionis, lavabit vestimenta sua; id est, observabit et corpos*<sup>6</sup>. *Et qui tetigerit aquam*

<sup>1</sup> Editi, exterminabitur; excepto Rat. qui cum MSS. habet, exteretur.

<sup>2</sup> Editi et aliquot MSS. post fuisse conscriptum, subjiciunt proxime, *Die tertio et in die septimo: et purificabitur, etc.*, detractis videlicet intermediis quinque et viginti versibus, quos restituimus ope veterum codicum Corbeiensis, Thusnei, et Cisterciensis, necnon auctoritate Flori seu Beda vulgaris in Comment. super Epistolam ad Hebreos, cap. 9.

<sup>3</sup> In excuso: *Portantes personas Domini sui, qui vere mundus est.* At. in MSS., *portantes personam Domini sui, qui vere vir mundus est.*

<sup>4</sup> Sic MSS. At editi, et corpus.

*asperiosis, immundus erit usque ad vesperam. Et omne quodcumque tetigerit illud immundus, immundum erit : et anima quaet tetigerit, immunda erit usque ad vesperam. Jam dixi superius quid mihi significare videatur, usque ad vesperam.*

XXXIV. [Ib. xix, 46.] *Omnis qui tetigerit super, faciem campi vulneratum, aut mortuum, aut os hominis, aut monumentum. Quæri potest quid dictum sit vulneratum, aut mortuum. Si enim aliud voluit intelligi vulneratum, aliud mortuum ; cavendum est ne putetur immundus esse etiam qui tetigerit vulneratum vivum, quod utique absurdum est. Sed quia possunt et mortui esse vulnerati, ipsos mortuos intelligitur discrevise, ut et vulneratum mortuum intelligamus, id est, vulnere peremptum aut mortuum sine vulnere.*

XXXV. [Ib. xx, 11.] *Quod de petra aqua educta est, apostolus Paulus quid esset exposuit, ubi ait, Et omnes eumdem potum spiritualem biberunt. Bibabant enim<sup>1</sup> de spirituali sequenti petra : petra autem erat Christus (I Cor. x, 4). Significata est ergo de Christo profluens gratia spiritualis, qua interior sitis irrigaretur. Sed quod virga petra percutitur, crux Christi figuratur. Ligno enim accedente ad petram, gratia manavit : et quod bis percutitur, evidentius significat crucem. Duo quippe ligna sunt crux.*

XXXVI. [Ib. xx, 13.] *Quod de aqua illa qua de petra profluxit dictum est, Hec aqua contradictionis, quia maledixerunt filii Israel ante Dominum, et sanctificatus est in ipsis : prius maledixerunt, quando locuti sunt contra beneficium Domini, quo educti erant de Ægypto ; et postea sanctificatus est in ipsis, cum illo miraculo profluentis aquæ ejus sanctitas declarata est. An forte duo genera hominum demonstravit, et contradicentium gratiae Christi, et percipientium gratiam Christi ; ut illis sit aqua contradictionis, istis sanctificationis ? Nam et de ipso Domino in Evangelio legitur, Et in signum cui contradicetur (Luc. ii, 34).*

XXXVII. [Ib. xx, 17, 19.] *Quod inter mandata Moyses ad regem Edom dicit inter cætera, Neque bibemus aquam de lacu tuo, intelligendum est gratis, id est, quia non gratis bibemus : quod postea manifestat, dicens, Si autem de aqua tua bibemus, ego et pecora mea, dabo prerium tibi.*

XXXVIII. [Ib. xx, 17.] *Non declinabis in dextera neque in sinistra : pluraliter dictum est, in ea quæ dextera sunt, vel quæ sinistra sunt.*

XXXIX. [Ib. xx, 24.] *Non introibitis in terram quam dedi filii Israel in possessionem ; quoniam exacerbabis me super aquam maledictionis. Quam dixit superius aquam contradictionis, ipsam dicit hic maledictionis : non enim ait ἀπειλούσας, sed λοιδόρας.*

XL. [Ib. xxi, 2.] *Et vorvit Israel votum Domino, et dixit, Si mihi tradideris populum istum subjectum, id est, si mihi eum tradendo subjiceris, anathemabo illum et civitates ejus. Hic videndum est, quomodo dicatur anathemabo, quod vorvetur, et tamen pro maledictio ponitur, sicut et de isto populo dicitur : unde illud est,*

*Siquis vobis evangelizaverit præterquam quod accepistis, anathema sit (Galat. i, 9). Hinc vulgo dictum est, ut devotio dicatur : nam devotare se quemquam, nemo fere dicit, nisi maledicens.*

XLI. [Ib. xxi, 3.] *Et anathemavit eum et civitatem eius : et vocatum est nomen loci illius Anathema. Hinc dictum est ut anathema, detestabile aliquid et abominabile videatur. Ut enim nihil inde victor in usus suos auferret, sed totum in pœnam luendam voveret, hoc erat anathemare, quod vulgo dicitur devotare. Origo autem hujus verbi est in græca lingua ab his rebus, quæ votæ et persolutæ, hoc est, promissæ et redditæ, sursum ponebantur in templis, ἀπὸ τοῦ ἀντιθέτων : hoc est, sursum ponere, vel figendo, vel suspendendo.*

XLII. [Ib. xxi, 13, 14.] *In itinere filiorum Israel, quo castra promovebant, atque ponebant, inter cætera scriptum est, Et inde castra collocaverunt trans Arnon in eremo<sup>1</sup>, quod exstat a limitibus Amorrhæorum. Est enim Arnon limes Moab<sup>2</sup> inter Moab et inter Amorrhæum. Propterea dicitur in libro, Bellum Domini Zoob inflammavit, et torrentes Arnon, et torrentes constituit inhabitare Er. In quo libro hoc scriptum sit, non commemoravit, neque ullus est in his quos divinae Scripturae canonicos appellamus. De talibus occasione reperiunt, qui libros apocryphos incautorum auribus et curiosorum conantur inserere, ad persuadendas fabulosas impietas. Sed hic dictum est scriptum in libro, non dictum est in cuius prophetæ vel patriarchæ sancto libro. Neque negandum est fuisse jam libros sive Chaldaeorum, unde egressus est Abraham ; sive Ægyptiorum, ubi didicerat Moyses omnem illorum sapientiam ; sive cujusque gentis alterius, in quorum librorum aliquo potuit hoc esse scriptum : qui tamen non ideo sit assumentis in eas Scripturas quibus divina commendatur auctoritas ; sicut nec propheta ille Cretensis, cuius mentionem facit Apostolus (Tit. i, 12) ; nec Græcorum scriptores vel philosophi vel poetæ, quos idem ipse apostolus magnum sane aliquid et veraciter promptum ad Athenienses loquens, dixisse confirmat : In illo enim vivimus, et movemur, et sumus (Act. xvii, 28). Licet enim divinæ auctoritati unde voluerit, quod verum invenerit, testimonium sumere ; sed non ideo omnia quæ ibi scripta sunt, accipienda confirmat. Cur autem hoc isto commemoratum sit loco, non evidenter appetat ; nisi forte, ut fines illuc inter duas gentes constituerentur, bello actum est, quod bellum ejusdem loci homines propter magnitudinem, bellum Domini esse dixerunt, ut scriberetur in aliquo eorum libro, Bellum Domini Zoob inflammavit : quod vel arserit eodem bello ista civitas, aut ad pugnandum inflammata sit, hoc est, excitata, vel si quid aliud in obscuritate loci hujus latet.*

XLIII. [Ib. xxi, 16.] *Hic est puteus quem dixit Dominus ad Moysen, Congrega populum, et dabo eis aquam*

<sup>1</sup> Codices omnes hic ferebant, in Hermon : corrupte pro, in eremo ; uti ex LXX et ex Vulgata liquet.

<sup>2</sup> Editi omitunt hic, Moab ; atque infra pro Zoob, constanter habent, Moab : quæ errata emendantur ex MSS. et ex LXX.

**bibere.** Ita hoc commemoratum est, quasi alicubi superius hoc ad Moysen dixisse Dominus legatur: sed quia nusquam reperitur, hic intelligendum est et illuc bibisse populum, qui de siccitate conquerebatur.

**XLIV.** [lb. xxi, 24, 25.] *Et percussit eum Israel vece gladii: et dominati sunt terræ ejus ab Arnon usque Jacob, et usque ad filios Ammon: quoniam Jazer termini filiorum Ammon sunt. Et accepit Israel omnes civitates istas. Et habitavit Israel in omnibus civitatibus Amorrhæorum in Ezebon.* Illic certe Israel possedit civitates Amorrhæorum, quas bello superavit; quia non eas anathemavit: nam si eas anathemasset, possidere illi non liceret, nec inde ad usus suos aliquid præde usurparet. Notandum est sane quemadmodum justa bella gerabantur. Innoxius enim transitus negabatur, qui jure humanæ societatis æquissimo patere debebat. Sed jam ut Deus sua promissa compleret, adjuvit hic Israelitas, quibus Amorrhæorum terram dari oportebat. Nam Edom cum similiiter eis transitum denegaret, non pugnaverunt cum ipsa gente Israelitæ, id est filii Jacob cum filiis Esau, duorum germanorum atque geminorum, quia terram illam Israelitis non promiserat; sed declinaverunt ab eis.

**XLV.** [lb. xxi, 27.] *Propterea dicent enigmatiste, Vnde in Ezebon, et cetera.* Qui sint enigmatistæ ideo non appareat, quia non sunt in consuetudine litteraturæ nostræ, neque in ipsis divinis Scripturis fere alio loco reperitur hoc nomen: sed quia videntur quasi canticum dicere, quo eccinerunt bellum inter Amorrhæos et Moabitas gestum, in quo Seon rex Amorrhæorum Moabitas superavit, non incredibiliter putantur isti enigmatistæ sic tunc appellati, quos poetas nos appellamus; eo quod poetarum sit consuetudo atque licentia miscere carminibus suis enigmata fabularum, quibus aliquid significare intelligentur. Non enim aliter essent enigmata, nisi illic esset tropica locutio, qua discussa perveniretur ad intellectum qui in enigmate latitaret.

**XLVI.** [lb. xxii, 4-6.] Quod dicit Scriptura, postea quam Israel vicit Amorrhæos, et possedit omnes civitates eorum, misisse legatos Balac regem Moabitum ad conducendum Balaam, a quo malediceretur Israel, satis ostenditur non omnes Moabitas venisse in conditionem Seon regis Amorrhæorum, quando eos bello superavit: si quidem remansit gens Moabitum usque ad illud tempus, ubi regnaret Balac rex Moab. Quod vero Moab dixit senioribus Madian, id est, Moabitæ senioribus Madianitarum, *Nunc ablinger synagoga hæc omnes*<sup>1</sup> *qui in circuitu nostro sunt; non una gens erat, sed vicini ad vicinos dixerunt quod pariter cœdendum esset.* Nam Moab filius fuit Lot ex una filiarum (Gen. xix, 37), Madian vero filius Abraham de Gerthura (Id. xxv, 2). Non itaque una gens erat, sed duæ vicinæ atque conterminæ.

**XLVII.** [lb. xxii, 7-15.] Quid est quod scriptum est, *Et divinationes in manibus eorum, cum de iis dicteretur quos miserat Balac ad conducendum Balaam,*

ut malediceret Israel? Numquidnam ipsi divinabant? an aliqua ferebant unde ficeret Balaam, quo posset divinare, tanquam aliqua que in sacrificiis incenderentur, aut quoquo modo impenderentur; et ideo dicte sunt divinationes, quia per hæc ille poterat divinare? an quid aliud? obscure enim dictum est. Notandum sane, quod venit Deus ad Balaam et dixit ei, *Quid homines hi penes te?* etc. Nec dictum est utrum in somnis hoc factum sit, quamvis per noctem factum satis eluceat, cum post hæc dicit Scriptura, *Et exsurgens Balaam mane.* Potest enim movere quomodo eum homine pessimo Deus locutus sit, quod etiamsi in somnis factum esse constaret, non ideo nulla quæstio remaneret, propter ipsam indignitatem. Sic et Dominus Jesus Christus ait de divite illo, qui destruere veteres apothecas et ampliores novas disponebat implere: *Dixit ad illum Deus, Stulte, hac nocte anima tua auferetur a te; hæc que præparasti cuius erunt* (Luc. xii, 20)? Ne quisquam glorietur quod ei loquitur Deus eo modo, quo talibus loquendum esse novit; quando potest hoc et reprobis fieri: quia et cum per angelum loquitur, ipse loquitur.

**XLVIII.** [lb. xxii, 42-58.] Quod ait Balaam iterum ad se missis honorationibus nuntiis, *Si dederit mihi Balac plenam domum suam argento et auro, non potero prævaricare verbum Domini, facere illud pusillum vel magnum in mente mea, nullum habet omnino peccatum:* sed quod sequitur non est sine gravi peccato. Jam enim constans esse debuit semel auditio, quod ei dixerat Dominus, *Non ibis cum eis, neque maledicere populum: est enim benedictus;* nec eis ullam spaudare, quod posset Dominus, tanquam ipse Balaam maneribus et honoribus flexus, adversus populum suum, quem benedictum esse dixerat, suam mutare sententiam. Sed ibi se victimum cupiditate monstravit, ubi loqui sibi Dominum de hac re iterum voluit, de qua ejus jam cœgoverat voluntatem. Quid enim opus erat que sequuntur adjungere: *Et nunc sustine te ibi et vos nocte hac, et sciatis quid adjiciet Dominus loqui ad me?* Proinde Dominus videns ejus cupiditatem captam devictamque muneribus, permisit eum ire, ut per jumentum quo vehebatur ejus avaritiam coerceret: hoc ipso confundens illam dementiam, quod prohibitionem Domini per angelum factam transgredivisa non audebat, quam ille cupiditate transgredivisa conaretur, quamvis eamdem cupiditatem timore suppresseret. *Venit enim Deus ad Balaam nocte, et ait illi: Si vocare te venerunt homines, exsurgens sequere eos, sed verbum quocumque locutus fuero ad te, hoc facies.* Et exsurgens Balaam mane stravit asinam suam, et abiit cum principibus Moab. Cur post istam permissionem Deum iterum non consuluit, et post illam prohibitionem iterum consulendum putavit, nisi quia ejus maligna cupiditas apparebat, quamvis timore Domini premeretur? Denique Scriptura sequitur, *Et iratus est animatione Deus, quia ibat ipse; et insurrexit angelus Dei, ut non permetteret eum in via, et cetera que sequuntur, donec asina loqueretur.* Nihil hic sane mirabilis videtur, quam quod loquente asina territus non

<sup>1</sup> In editis, *adjungeret synagogæ, hæc omnes.* In MSS., *ablinger synagoga hæc:* que est lectio LXX.

est, sed insuper ei, velut talibus monstris assuetus, ira perseverante respondit. Postea illi et angelus loquitur, arguens et improbans ejus viam: quo viso tamen exterritus adoravit. Deinde ire permissus est, ut jam per ipsum prophetia clarissima proferretur. Nam omnino permissus non est dicere quod volebat, sed quod virtute Spiritus cogebatur. Et ipse quidem reprobus mansit: nam posterior de illo sancta Scriptura ita locuta est, ut quidam reprehensibiles et reprobi viam ejus secuti dicerentur: *Secuti, inquit, viam Balaam filii Beor, qui mercedem iniustitiae dilexit* (II Petr. ii, 15.)

**XLIX.** [Ib. xxii, 22, 32.] De angelo qui locutus est Balaam in via, quo viso asina ejus progreedi non ausa est, Scriptura ita loquitur: *Et iratus est animatione Deus, quia ibat ipse; et insurrexit angelus Dei differre eum in via.* Ubi primo notandum est quenadmodum dixerit, *iratus est Deus, et insurrexit angelus Dei:* nec interposuit iratum Deum misisse angelum, sed tanquam in angelo iratum Deum significavat; quoniam veritas et justitia Dei irasci angelum fecit. Nam *insurrexit* quod dictum est, utique commotione intelligentium est. Deinde quod ait, *differre eum in via*, quod grace positum est διαθετόν, hoc et in consequentibus dicit ipse angelus, *Et ecce ego exi in dilationem tuam, ubi græcus habet διαβολήν.* Ubi fortassis accusatio congruentius intelligitur, ut hic quod dictum est *differre eum in via*, accusare accipiatur. Unde creditur etiam diabolus appellatus, tanquam accusator latine dicendus sit: non quia nemo possit etiam bene recteque accusare; sed quoniam diabolus amat accusare, utique inadvertit stimulis agitatus, quale illi in Apocalypsi testimonium perhibetur (Apoc. xii, 9, 10). Positum est autem hoc verbum et in comedìa, unde latinum esse non dubium est, sub eadem significacione, vel certe vicina, ubi de patre irato dicitur filio:

orationem sperat invenisse se,

Qua differat te.

(Terentius in Andr., act. 2, scen. 4.)

Sicut autem hic intelligi, differat, velut hac atque illac ferat tempestate verborum, quasi disperpat et dissipet; quod utique ille accusando videbatur esse facturus. Sed etsi *differre eum in via* sic intellexerimus, quia distulit angelus ejus festinationem remorando, ut ei quod opns erat et demonstraret, et dicceret; non absurdum est hujus verbi etiam sub ista significatione positio.

**L.** [Ib. xxii, 23-29.] *Et cum vidisset asina angelum Dei resistentem in via, et evaginatum gladium in manu ejus, et declinavit asina de via, et ibat in campum.* Campus iste adhuc extra macerias vinearum fuit. *Et percussit asinam in virga, ut corrigeret eam in via.* Et stetit angelus Dei in sulcis vinearum, maceria hinc, et maceria hinc. Merito queritur, si hinc atque inde maceriae in medio ponebant viam, sicut fieri solet; quomodo ibi stans angelus dicitur stetisse in sulcis vinearum: neque enim in via inter macerias potuerunt sulci esse vinearum. Sed ordo verborum est, ut *corrigeret eam in via, maceria hinc, et maceria hinc.* In hac ergo

via corrigere voluit asinam Balaam, ut inter macerias ambularet. Interpositum est autem, *Et stetit angelus Dei in sulcis vinearum*, in una scilicet vinearum, quæ in medio ponebant viam. *Et cum vidisset asina angelum Dei, compressit se ad parietem*, id est ad maceriam illius utique vineæ, in qua non erat angelus, quoniam ab alia parte erat in sulcis vinearum. *Et compressit pedem Balaam ad parietem, et adjecit adhuc cædere eam.* Et apposuit angelus Dei, et adjiciens<sup>1</sup> substitut in loco angusto; jam non in sulcis vinearum, sed inter ipsas macerias, id est in via: *in quo non fuit declinare dextram<sup>2</sup> neque sinistram.* Et cum vidisset asina angelum Dei, consedit<sup>3</sup> sub Balaam. Cæsa enim, retro non ibat; in parietem non se premebat, quoniam non ab altera parte terrebatur, sed in media via in angusto angelus erat: restabat ergo ut subsideret. *Et iratus est Balaam, et percutiebat asinam virga.* Et aperuit Deus os asinæ, et ait ad Balaam: *Quid feci tibi, quia percussisti me tertio hoc?* Et ait Balaam asinæ: *Quia illuminasti mihi; et si haberem gladium in manu mea, jam transfixissem te.* Nimurum iste tanta cupiditate cerebatur, ut nec tanti monstri miraculo terreretur, et responderet quasi ad hominem loquens, cum Deus utique non asinæ animam in naturam rationalem vertisset, sed quod illi placuerat, ex illa sonare fecisset, ad illius vesaniam cohibendam: illud fortasse præfigurans, quia stulta mundi electurus erat Deus, ut confunderet sapientes (I Cor. i, 27), pro illo spirituali et vero Israel, hoc est promissionis filiis.

**L1.** [Ib. xxiii, 5.] *Et factus est Spiritus Dei super illum;* id est, super Balaam. Non factus est Spiritus Dei, tanquam factura sit Spiritus Dei; sed *factus est super illum*, id est, factum est ut super illum esset: quomodo, *Qui post me venit, ante me factus est*, id est, factum est ut ante me esset, ut præponeretur mihi; *quia prior me,* inquit, *erat* (Joan. i, 30): et sicut, *Dominus factus est adiutor meus* (Psal. xxix, 11); non enim Dominus factura est, sed factum est ut me adjuvaret: *et, Factus est Dominus refugium pauperum* (Psal. ix, 10), id est, factum est ut ad eum refugerent pauperes: et, *Facta est super me manus Domini* (Ezech. i, 5, et iii, 22), id est, factum est ut super me esset; et multa talia in Scripturis reperiuntur.

**LII.** [Ib. xxv, 4, 7, 8.] *Et dixit Dominus ad Moy-sen: Accipe duces populi, et ostenta eos Domino contra solem;* et anseretur ira animationis Domini ab Israel. Iratus est Deus de fornicationibus Israel, et carnalibus et spiritualibus; nam et filiabus Moab se impudice miscuerant, et idolis fuerant consecrati: hoc ad Moy-sen dixit, ut ostentaret Domino duces populi contra solem. In quo verbo intelligitur eos jussos esse crucifi, ut hoc sit, *Ostenta eos Domino contra solem*, id est palam in conspicuo lucis hujus. Nam græcus ait παραδειγμάτων, quod dici posset, Exempla; quia παράδειγμα exemplum dicitur. Nam præter Septuaginta

<sup>1</sup> Apud LXX, καὶ ἀπέβησεν, et abiens.

<sup>2</sup> Sic MSS. juxta LXX. At editi, *in qua non fuit declinare in dextram.*

<sup>3</sup> Editi, concidit. MSS. vero, *conscedit*: apud LXX, συνεκu-thisen.

**Interpretes**, Aquila perhibetur dixisse, *confige*, vel potius *sursum confige*, quod est ἀνέπυγον; Symmachus autem verbo evidentiore, *suspende*. Mirum est sane, quod Scriptura narrare destiterit utrum hoc fuerit ex præcepto Domini impletum: quod contemni potuisse non video, aut si contemptum est, impune contemni. Si autem factum est et tacitum, cur ex eo quod Phinees filius Eleazar transfixit adulteros, placatum fuisse Dominum Scriptura testatur, plagiisque cessasse; quasi crucifixis ducibus, sicut præceperat Dominus, adhuc indignatio perseverans alio modo placanda videretur: cum procul dubio falsum esse non posset, quod prænuntiaverat et promiserat Dominus, dicens, *Accipe duces populi, et ostenta eos Domino contra solem; et avertetur ira animationis Domini ab Israel?* Si ergo factum erat, quis dubitet iram Domini aver-sam fuisse ab Israel? Quid itaque opus erat ut adhuc Phinees ad placandum Deum sic in adulteros vindicaret, eique testimonium Scriptura perhiberet quod eo modo placaverit Dominum? Nisi forte intelligamus, cum illud de ducibus populi Moyses, quod præceperat Dominus, implere disponeret, eum voluisse etiam secundum Legem talia punire flagitia et sacrilegam audaciam, ut juberet quemque interficere proximum suum diis alienis nefarie consecratum, atque interea etiam illud Phinees faceret, ac sic ira Domini jam placata, non opus fuisse duces populi crucifigi. Hæc sane severitas illi tempori congrua, quantum malum sit fornicationis et idolatriæ, prudentium fidei satis evi-denter ostendit.

LIII. [lb. xxvii, 13, 14.] Eam causam mortis Moysi dicit Dominus, quam etiam fratrī ejus. Ambobus enim etiam hoc ante prædixerat, quod ideo non intrarent cum populo Dei in terram promissionis, quia non cum sanctificaverunt coram populo ad aquam contradictionis (*Num. xx, 12*); id est quia dubitaverunt de dono ejus, quod posset aqua de petra profluere, sicut exposuimus in eo ipso Scripturæ loco (*Supra, quæst. 19*). Hujus autem rei mysterium datur intelligi, quia nec sacerdotium quod prius institutum est, cuius personam gerebat Aaron, nec ipsa Lex cuius personam gerebat Moyses, introducunt populum Dei in terram hæreditatis æternæ; sed Jesus, in quo typus erat Domini Jesu Christi, id est gratia per fidem. Et Aaron quidem ante defunctus est, quam Israel in aliquam partem terræ promissionis intraret; Moyse autem ad-huc vivente capta est terra Amorrhæorum atque possessa, sed Jordanem cum eis non est transire permis-sus. Ex aliqua enim parte Lex observatur in fide christiana. Ibi enim sunt etiam præcepta, quæ hodieque observare Christiani jubemur. Sacerdotium vero illud et sacrificia nullam partem tenent hodie fidei christianæ, nisi quod in umbris futurorum acta atque transacta sunt. Cum vero ambobus fratribus, id est Aaron et Moysi, dicitur ut apponantur ad populum suum, manifestum est non esse in illos iram Dei, quæ separat a pace sanctæ societatis æternæ. Unde manifestatur, non so-lum officia, sed etiam mortes eorum signa fuisse futurorum, non supplicia indignationis Dei.

LIV. [lb. xxviii, 18, 19.] *Et locutus est Dominus ad Moysen, dicens: Accipe ad te ipsum Iesum filium Nave, hominem qui habet Spiritum in seipso; et impones manus tuas super eum, et statues eum in conspectu Eleazar sacerdotis, et mandabis ei in conspectu omnis synagogæ, etc.* Notandum est, quod cum jam haberet Spiritum in seipso Iesu Nave, sicut Scriptura testatur (ubi quid aliud quam Spiritum sanctum debemus accipere? non enim de spiritu hominis hoc diceret, quem nullus erat qui non habebat), jesus est tamen Moyses ei manus imponere; ne quisquam homio, qualibet præpollens gratia, sacramenta<sup>1</sup> consecrationis audeat recusare.

LV. [lb. xxviii, 20.] *Quid est quod cum Deus præciperet Moysi de Iesu Nave, ait inter cætera, Et dabis de gloria tua super eum?* Nam græca locutione τις οὐκέτης habet, quod tantumdem valet ac si diceret *de glo-ria*, id est ἀπὸ τῆς δόξης. Latini autem nonnulli interpretati sunt, *dabis gloriam tuam*; non, *de gloria tua*. Sed sive illud esset, ut *gloriam tuam* diceret, non ideo eam non habiturus erat Moyses; nec quia dixit, *de gloria*, ideo minutum est quod habebat. Sic enim ac-cipiendum est, ac si diceret, *Facies eum socium glo-riæ tue: non autem hujusmodi res, quasi partiliter divisæ, minuuntur; sed totæ sunt omnibus, totæ sim-gulis qui carum habent societatem.*

LVI. [lb. xxx, 3.] *Homo, homo quicumque voverit votum Domino, aut juraverit juramentum, aut definie-rit definitionem de anima sua, non profanabit verbum suum: omnia quicumque exierint ex ore ejus faciet.* Non hoc ad omnem jurationem pertinet, sed ad eam ubi quisque de anima sua voverit alicujus utique rei absti-nentiam, qua ei licebat uti per Legem, sed per votum sibi ipse efficit non licere.

LVII. [lb. xxx, 4-6.] *Si autem mulier voverit votum Domino, aut definierit definitionem in domo patris sui in juventute sua, et audierit pater ejus vota ejus, et de-finitiones ejus, quas definivit adversus animam suam, et tacuerit pater ejus; et stabunt omnia vota ejus, et omnes definitiones ejus, quas definivit adversus animam suam, manebunt ei.* Si autem abnuens abnuerit pater ejus, qua-cumque die audierit omnia vota ejus, et definitiones ejus, quas definivit adversus animam suam, non stabunt: et Dominus emundabit eam, quia abnuit pater ejus. Quo-niam quidem de muliere, quæ adhuc in juventute sua in domo patris est, loquitur, merito hic queritur etiama de voto virginitatis; mulieres quippe etiam vir-gines in Scriptura appellari solere notissimum est: et videtur etiam Apostolus de patre loqui, cum dicit, *Servet virginem suam; et, Det nuptum virginem suam* (*1 Cor. vii, 37, 38*), et cætera hoc modo: ubi non-nulli intellexerunt, *virginem suam*, *virginitatem suam*; nulla tamen hoc simili Scripturarum locutione demon-strant, cum sit inusitatissima. Quod autem ait, *adver-sus animam suam*, non sic accipiendum est, quasi ani-mæ noceat talibus votis; sed *adversus animam* dicitur, *adversus animalem delectationem*, sicut etiam de je-junio præcipiens superiorius ait, *Et affligitis animas re-straras* (*Num. xxix, 7*).

<sup>1</sup> Editi, sacramentum. MSS., sacramenta.

LVIII. [lb. xxx, 6.] Quod autem ait, *Et Dominus mundabit eam, quia abnuit pater ejus; emundabit dixit, a voti non impleti criminis absolvet: sicut in multis locis dicitur, Et mundabit eum sacerdos, id est inmundum habebit, mundum judicabit; sicuti est et illud, Mundatione non mundabis ream, id est, Non dices mundum eum qui immundus est.*

LIX. [lb. xxx, 7-10.] Si autem facta fuerit viro, et vota ejus super eam secundum distinctionem labiorum ejus, quanta definitivit adversus animam suam; et audierit vir ejus, et tacuerit ei quacumque die audierit: et ita stabunt omnia vota ejus, et definitiones ejus, quas definitivit adversus animam suam, stabunt. Si autem abnuens abnuerit vir ejus in quacumque die audierit omnia vota ejus, et definitiones ejus, quas definitivit adversus animam suam, non manebunt: quoniam vir abnuit ab ea et Dominus mundabit eam. Feminam sub patre antequam nubat, et sub viro nuptam, noluit Lex ita vovere aliquid Deo adversus animam suam, id est in aliquarum rerum licitarum atque concessarum abstinentia, ut in eisdem votis feminae valent<sup>1</sup> auctoritas, sed virilis; ita ut si adhuc innuptæ jam concesserat pater vota persolvere, si antequam persolverit nupserit, et viro ejus hoc cognitum non placuerit, non persolvat, et sit viuus sine peccato, quia Dominus mundabit eam, sicut dicit, id est mundam judicabit: neque hoc contra Deum fieri putandum est, cum ipse Deus hoc præteperit, hoc voluerit.

Sequitur autem de viduis, vel a viro abjectis, id est non sub potestate viri constitutis, aut patris; et eorum vota ad persolvendum libera esse dicit hoc modo: *Et votum, inquit, viduae et expulsar, quæcumque voverit adversus animam suam, manebunt ei.* Deinde dicit de nuptia, si in domo viri sui jam constituta aliquid tale voverit. De illa enim prius dixerat, quæ in domo patris voverat, et antequam redderet nupserat. De hac ergo quæ in domo mariti vovit, ita loquitur: *Si autem in domo viri ejus votum ejus, aut definitio, quæ adversus animam ejus cuncte jurejurando; et audierit vir ejus, et tacuerit ei, et non abnuerit ei; et stabunt omnia vota ejus, et omnes definitiones, quas definitivit adversus animam suam, stabunt adversus eam.* Si autem circumauerens circumauerat vir ejus, quacumque die audierit omnia, quæcumque exierint ex labiis ejus, secundum vota ejus et secundum definitiones, quæ adversus animam ejus, non manent ei: vir ejus circumabstulit, et Dominus mundabit eam. Omne votum et omne iurandum vinculi affigere animam, vir ejus statuet ei, et vir ejus circumauerat. Si autem tacens tacuerit ei diem ex die, et statuet ei omnia vota ejus, et definitiones, quæ super ipsam, statuet ei; quoniam tacuit ei, die quo audivit. Si autem circumauerens circumauerat vir ejus post diem quem audivit; et acciperet peccatum suum.

Manifestum est ita voluisse Legem feminam esse sub viro, ut nulla vota ejus, quæ abstinentiae causa voverit, reddantur ab ea, nisi auctor vir fuerit permit-

tendo. Nam cum ad peccatum ejusdem viri pertinere volnerit, si prius permiserit, et postea prohibuerit; etiam hic tamen non dixit ut faciat mulier quod voverat, quia permissa prius a viro fuerat. Viri dixit esse peccatum, quia abnuit quod prius concesserat: non tamen mulieri vel ex hoc permissum dedit, ut cum prius ei vir concesserit, postea si prohibuerit, contemnatur.

Utrum autem ista etiam ad vota continentiae et a concubitu abstinentiae pertineant, merito queritur, ne forte ea tantum intelligenda sint adversus animam voveri, quæ sunt in cibis et potionibus. Quod videtur et illud significare, ubi Dominus ait, *Nonne anima plus est quam esca* (Matth. vi, 25) ? et cum de jejunio præcipitur, ita præcipitur, *Affligitis animas vestras* (Num. xxix, 7). Nescio autem utrum alicubi legi possit, adversus animam dici votum quod de abstinentia concubitus fuerit: maxime quia cum hic Lex auctoritatem viro tribuat, non mulieri quæ viro subdita est, ut tunc persolvenda sint vota mulieris, si vir approbaverit; si autem renuerit, non debeantur: Apostolus tamen, cum de concubitu conjugatarum loqueretur, non ibi majorem auctoritatem viro quam feminæ dedit; sed, *Uxori, inquit, vir debitum reddat, similiter et uxor viro: uxor non habet potestatem corporis sui, sed vir; similiter autem et vir non habet potestatem corporis sui, sed mulier* (1 Cor. vii, 5, 4). Quando ergo in hac re parem utriusque esse voluit potestatem, puto quod nobis intelligendum insinuat, istam de concubendo vel non concubendo regulam non pertinere ad ea vota, ubi non habent parem vir et mulier potestatem, sed viri major est, ac prope ejus solius est. Non enim ait Lex virum non debere reddere vota sua, si uxor prohibuerit; sed uxorem, si vir prohibuerit. Unde non mihi videtur in hujusmodi votis et definitionibus atque obligationibus, quæ adversus animam sunt, etiam ista debere accipi, quæ inter se vir et uxor de concubendo, vel de abstinentia concubendi placita habuerint.

Deinde quia et istæ justificationes dicuntur, et minimum in illis justificationibus, quæ in Exodo sub hoc nomine aliæ commemorantur, multa præcipi, quæ accipi ad proprietatem non possint, nec in Novo Testamento observentur; sicut de aure servi pertundenda (Exod. xxi, 6), et si quid ejusmodi est: non absurdè etiam hic aliquid figurate dictum intelligitur, ut quoniam sunt multæ abstinentiae ceremoniarum irrationalibiles, et aliquando etiam inimicæ veritati, hoc fortasse hic intelligi voluerit, tunc ratas esse, cum rationalibiles fuerint; hoc est, cum eas approbaverit ratio, quæ ad vicem viri debet regere omnem animalem motionem, quæ sit non tantum in appetendo, verum etiam in abstinentendo: ut si mente et ratione decernitur, tunc fiat; si autem improbatur consilio rationis, non fiat. Quod si ratio quod prius recte faciendum esse decreverit, post improbat, sit peccatum consilii: etiam sic tamen non nisi rationi metio illa consentiat.

LX. [lb. xxxi, 5, 6.] *Quid est, Et misit eos Moyses (Vingt-quatre.)*

<sup>1</sup> Apo. Er. et Lov., non prævaleat. Rat., non valeat. Abst. non MSS., e quibus plerique habent, vulcas.

*mille ex tribu et mille ex tribu cum virtute eorum?*  
Utrum virtutem eorum vult intelligi, principes eorum? an virtutem a Domino eis datam, vel per ipsum Moyses impetratam? an potius virtutem eorum dicit<sup>1</sup>, ea quibus virtus eorum sustentaretur?

LXI. [lb. xxxi, 8.] Potest videri quæstio, quomodo quando Israelite Madianitas debellaverunt, interfictum dicat Scriptura Balaam, qui fuerat conductus ad maledicendum populum Israel: cum superius quando benedicere coactus est, ha eamdem actionem Scriptura concluserit, cum ait, *Et surgens Balaam abiit reversus in locum suum, et Balac abiit ad semetipsum* (*Num. xxiv, 25*). Si ergo redierat ad locum suum Balaam, quomodo hic imperfectus est, cum de tam longinquo, id est de Mesopotamia venerit? An forte reversus est ad Balac, et hoc Scriptura non dixit? Quanquam etiam possit in locum suum rediisse intelligi, quod ab ipso loco ubi sacrificia faciebat, in eum locum reversus est unde illuc exierat, id est, ubi tantum peregrinus habebat hospitium. Non enim dictum est in domum suam, aut, in patriam suam; sed, *in locum suum*. Habet autem et quisque peregrinus locum suum, ubi ad tempus habitat. De ipso autem Balaam qui eum conduxerat, non dictum est, ad locum suum, sed, *ad semetipsum*; id est, ubi dominans habitabat. Posset ergo dici *ad locum suum*, et dominans, et peregrinus: *ad semetipsum* autem, non video quomodo posset dici peregrinus, cum ad hospitium suum venisset.

LXII. [lb. xxxi, 9.] *Et prædam egerunt mulieres Madian, et suppellecitem eorum, et pecora eorum, et omnia quæ possederant, et virtutem eorum deprædati sunt.* Cum iam dixisset mulieres, suppellecitem, et pecora, et omnia quæ possidebant; quid deinde addit, *et virtutem eorum deprædati sunt?* Nimirum enim hæc intelligenda est virtus, de qua et supra dictum est, missis millenos de singulis tribubus cum virtute eorum. An forte cibus quo sustentabantur, virtus eorum appellata est, quo subministrato vires suppetunt, et quo subtracto vires deficiunt? Unde per prophetam Deus cum minaretur, ait: *Aueram virtutem panis, et virtutem aquæ* (*Isai. iii, 1*). Et Moyses ergo cum annona miserat illos millenos, quod dictum est, *cum virtute*

*te eorum;* et isti Madianitis victis etiam hoc eorum inter caetera fuerant deprædati.

LXXXIII. [lb. xxxi, 15, 16.] *Utquid vivificasti omne spiritum?* Hæc enim fuerunt filii Israel<sup>1</sup>, secundum verbum Balaam, ut recedere sacerdentes et despicerent verbum Domini propter Phogor. Hoc consilium malignum, ut eis ad illecebram seminas supponerentur, per quas non solum corporaliter, sed etiam spiritualiter in adorando idolo fornicarentur, quando dederit Balaam Scriptura non dixit; et tamen appareat factum esse, cum hic commemoratur. Sic ergo potuit et redire ipse Balaam, qui jam ierat in locum suum, ut non locum ejus<sup>2</sup> intelligamus peregrinationis hospitium; quamvis hoc Scriptura tacuerit.

LXIV. [lb. xxxv, 11, 12.] Quid est quod ait, *Et erunt civitates vobis refugia a vindicante sanguinem, et non morietur is qui occidit, quoadusque stet in conspectu synagogæ in judicium;* cum de iis loquatur, qui nolentes occiderint, et alibi dicat, tunc ununquemque in tali causa confugientium exire liberum de civitate quo confugerat, cum sacerdos maximus fuerit defunctus? Quonodo ergo hic dicit, *Et non morietur is qui occidit, quoadusque stet in conspectu synagogæ in judicium;* nisi quia ideo judicatur ut tunc ei licet esse in civitate refugii, si manifestum factum fuerit in judicio quod nolens occiderit?

LXV. [lb. xxxv, 19, 12.] Quid est quod ait, *Qui vindicat sanguinem, ipse interficiet homicidam; cum occurrerit ei, iste interficiet eum?* Sic enim sonat male intelligentibus, quasi passim et sine judicio data fuerit ulti mortis propinquai sui, licentia occidendi ejus interfectorum. Sed hoc intelligi voluit, quia secundum id quod supra dictum est, qui occiderit, consigiat ad unam de civitatibus refugiorum, quoadusque stet in judicium, ne ante inventus a propinquuo occidatur; quia etsi nolens occidit, præter illas civitates inventus occiditur. Cum vero in judicium steterit in aliqua eorum civitatem, et judicatus fuerit homicida in aliqua eorum in quas fugere conceditur, esse ibi non sinitur; tum demum jam judicatum, ubicunque compertum, propinquuo licet occidere. Neque enim oīus est eum ad judicium deduci, cum jam fuerit judicatus homicida, et propterea de illis civitatibus pulsus sit.

<sup>1</sup> Editi, *virtutem eorum*, quia dedit ea quibus virtus, etc. substituimus lectionem MSS. nisi quod ex iis nonnulli habent, *quibus virtus*.

<sup>2</sup> In editis, *Hoc enim fecerunt filii Israel*. In MSS., *hæc enim* (scilicet, leminina) *fuerunt filii Israel*. Apud LXX, *autem gar esan lois huius Israel*.

<sup>3</sup> Sic MSS. At editi, *ut modo locum ejus*.

## LIBER QUINTUS.

Quæstiones in Deuteronomium.

QUEST. I. [DEUT. cap. 1, § 29, 50.] In eo quod commenmorat Moyses, dixisse se populo timenti hostes inhabitantes terram, quo introducendus fuit, *Ne pavetis, neque timeatis ab eis: Dominus Deus noster, qui præcedit ante faciem vestram, ipse simul débellabit eos vobiscum*: satis ostenditur ita esse adjutorum Deum, ut eham homines agant aliquid.

II. [lb. 11, 50.] *Et noluit Seon rex Ezebon transire nos per ipsum, quoniam induraverat Dominus Deus noster spiritum ejus, et confortavit cor ejus, ut traduceretur in manus tuas, sicut in hac die.* Hæc dicens Moyses, dum populum alloquitur, tale aliiquid commenmorat, quale dicebatur in Exodo, *Ego indurati cor Pharaonis* (*Exod. x, 1*); et quod in Psalmis legitur, *Conseruit cor*

*eorum, ut odiissent populum ejus (Psal. civ. 25).* Nec inceperit hic causa indurationis hujus, cum dicatur, *ut tradiceretur in manus tuas, sicut in hac die*: id est, *ut vinceretur a te; quod non fieret, nisi resisteret; non autem resisteret, nisi corde obdurato.* Cujus rei iustitiam si quassierimus, inscrutabilia sunt judicia Dei (*Rom. xi, 35*): iniurias autem non est apud Deum (*Ib. ix, 14*). Sane notandum est, consortatum cor posse diei etiam in malo.

III. [Ib. iii, 2.] *Verumtamen Og rex Basan reliquus factus est a Raphaīn.* Hoc nomine, quod est Raphaīn, gigantes significari in hebreā lingua dicunt qui eam noverunt. Unde quod habent plerique codices *derelectus est a Raphaīn*, planius utique dicitur, *reliquus factus est*, ut ipse ex illis remansisse intelligatur: cuius etiam consequenter longitudo et latitudo ferrei lecti commemoratur, ad ejus magnitudinem commendandam.

IV. [Ib. iv, 16.] *Ne feceritis iniquitatem, et faciatis vobis ipsis sculptilem similitudinem, omnem imaginem.* Quid intersit inter similitudinem et imaginem queri solet. Sed hic non video quid interesse voluerit, nisi aut duobus istis vocabulis unam rem significaverit, aut similitudinem dixerit, si, verbi gratia, fiat statua vel simulacrum habens effigiem humanam, non tamen aliojus hominis exprimantem lineamenta, sicut pictores vel statuarii faciunt, intuentes eos quos pingunt seu singulant. Hanc enim imaginem dici nemo dubitaverit: secundum quam distinctionem omnis imago etiam similitudo est, non omnis similitudo etiam imago est. Unde si gemini inter se similes sint, similitudo dici potest alterius eujuslibet in altero, non imago. Si autem patri filius similis sit, etiam imago recte dicitur; ut sit prototypus, unde illa imago expressa videatur: quarum aliae sunt ejusdem substantiae, sicut filios; aliae non ejusdem, sicut pictura. Unde illud quod in Genesi scriptum est, *Fecit Deus hominem ad imaginem Dei;* manifestum est ita dictum, ut non ejusdem substantiae sit imago qua facta est. Si enim ejusdem esset, non facta, sed genita diceretur. Sed quod non addidit, Et similitudinem, cum superiorius dictum esset, *Faciamus hominem ad imaginem et similitudinem nostram (Gen. i, 27, 26);* quibusdam visum est similitudinem aliiquid amplius esse quam imaginem, quod homini reformando per Christi gratiam postea servaretur. Miror autem si non propterea postea imaginem solam voluit commemorare, quia ubi imago, continuo et similitudo est. Unde et hic Moyses similitudinem et imaginem fieri vetat, secundum eam fortasse rationem quam diximus. In Decalogo autem generaliter dicitur, nullam fieri debere similitudinem (*Exod. xx, 4*), nec imago commemoratur. Cum enim nulla similitudo sit, procul dubio nec imago sit; quoniam si imago, utique et similitudo. Non autem si sit similitudo, continuo sit et imago: tamen si nulla similitudo, sequitur ut nulla imago. Denique ubi prohibuit similitudinem et imaginem, hominis intelligi voluit, ubi et similitudo fieri potest, non hujus aut illius, sed eujuslibet hominis; et imago, id est hujus

proprie, vel illius hominis. Cum vero de pecoribus diccretur atque irrationalibus animantibus, solam similitudinem dixit: quis enim reperiri potest, qui sibi unum constitutum canem, vel quid ejusmodi, quem intuens ejus imaginem pingat, aut singat? quod de hominibus usitatissimum est.

V. [Ib. iv, 18.] Quid est autem quod ait, *Similitudinem omnis piscis, quæcumque sunt in aquis sub terra.* An et aquam, propter tractabilem corpulentiam, terram intelligi voluit, et secundum hoc in eo quod scriptum est, *fecit Deus cælum et terram (Gen. i, 1),* et aquas debemus accipere? Assidue quippe Scriptura his duabus partibus commemoratis, universum mundum vult intelligi, secundum illud, *Auxilium meum a Domino, qui fecit cælum et terram (Psal. cxx, 2),* et innumerabilia ejusmodi. An ideo dictum est, *sub terra,* quod terra nisi superior aquis esset, habitari utique ab hominibus et animalia terrena habere non posset?

VI. [Ib. iv, 19.] *Et ne suspiciens in cælum, et videntes solem et lunam et stellas et omnem ornatum cæli, errantes adores ea, et servias illis, quæ distribuit Dominus Deus tuus ea, omnibus gentibus, quæ sunt sub cælo.* Non ita dictum est, tanquam Deus præcepérat ea coli a gentibus, a solo autem populo suo non coli: sed aut ita dictum est, quod Deus præscierit gentes culturae exhibitas his cœlestibus et tamen hoc præsciens creaverit ea; cum vero populum suum futurum esse præsciverit, qui ista non coleret: aut *distribuit dictum est, ut intelligatur usus, qui commendatur in Genesi, Ut sint in signis, et in temporibus, et in diebus, et in annis (Gen. i, 14);* quem usum in eis communem habet populus Dei cum omnibus gentibus, non autem cultum quem habent aliae gentes.

VII. [Ib. iv, 23.] *Ne obliscamini testamentum Domini Dei restri, quod disposuit ad vos, et faciatis vobis metipsis sculptilem similitudinem omnium quæcumque constituit tibi Dominus Deus tuus.* Illic certo generaliter loquens similitudinem posuit, imaginem tacuit; quoniam si nulla sit similitudo, profecto nec imago: quia ubi imago, continuo similitudo; quamvis non ubi similitudo, continuo imago.

VIII. [Ib. iv, 52, 53.] Querendum quomodo dictum sit, *Interrogate dies priores, qui fuerunt priores te, ex die qua creavit Deus hominem super terram, et a summo cœli usque ad summum cœli.* Subauditur enim, interrogate. Videtur autem significare totum orbem terrarum. Sed cur, *a summo cœli usque ad summum cœli* dicat, non, *a summo terræ usque ad summum terræ,* non est facile dignoscere. Talis enim quoddam locutio est et in Evangelio cum dicit Dominus, quod congregabuntur electi ejus a summis celorum usque ad terminos eorum (*Matth. xxiv, 31*). Nisi forte hic nec in hominibus nec in Angelis auditum esse vult intelligi, quod in hoc populo factum singulariter commendat: hoc enim sequitur, *Si factum est secundum verbum magnum hoc, si auditum est tale quid: si audivit genrocem Dei viventis loquentis e medio ignis, quemadmodum audisti tu, et vixisti<sup>1</sup>.* Quod si ita est, ut nec in regiū, et vidisti. ut viss., et rixisti. sic etiam LXX et Vulgata

hominibus nec in Angelis hoc dicat auditum; quid est ergo illud in Evangelio, *A summis cælorum usque ad terminos eorum*, cum sine dubio Dominus hoc ait, eum de novissima electorum suorum congregatione loqueretur?

IX. [lb. v, 24.] Quid est quod ait, *Dominus Deus vester disposuit ad vos testamentum in Horeb: non patribus vestris disposuit Dominus testamentum hoc, sed ad vos, vos hic omnes viventes hodie; facie ad faciem locutus est Dominus ad vos in monte e medio ignis?* An quia illi qui non ingrediuntur in terram promissionis (mortui sunt enim omnes) non pertinent ad hoc testamentum, quorum tunc recognitio facta est, cum a viginti annis etatis et supra numerarentur usque ad quinquaginta annos habiles ad bellum? Quonodo ergo illis locutus est Dominus, qui hodie vivunt? An quia ex viginti annis et infra potuerunt multi tunc esse, qui hoc bene meminissent, alieni ab illa poena, quam Deus constituit illis qui tunc numerati sunt, non intrare in terram promissionis; et hos utique appellat, qui quamvis viginti annorum et supra non essent, quando Deus in monte loquebatur, ut numerari tunc possent, potuerunt tamen esse decem et novem et infra usque ad puerilem ætatem, que posset illa quæ facta et dicta sunt et videre, et audire, et memoria relinere?

Sed quid est quod ait, *Facie ad faciem<sup>2</sup> locutus es Dominus ad vos;* quos paulo ante maxime admonere curavit, quod nullam similitudinem viderint, sed solam vocem de medio ignis audierint? An propter rerum evidentiam, et quodammodo præsentiam manifestatæ divinitatis, de qua dubitare nemo posset, his verbis usus est? Quod si ita est, quid prohibet de ipso Moyse hoc intelligi, in eo quod de illo dictum est, quod facie ad faciem locutus sit cum eo Dominus (*Exod. xxxiii, 11*), ut nec ipse aliquid oculis viderit præter ignem? An aliquid amplius vidisse intelligitur, quia scriptum est eum intrasse in nebulam vel nimbum ubi erat Deus (*Id. xxiv, 18*)? Sed etsi aliiquid amplius vidit, quam illi; non eum tamen mortalibus oculis vidisse Dei substantiam ex illis ejus verbis intelligi potest, quibus ait Deo: *Si inveni gratiam ante te, ostende mihi temetipsum, ut scienter videam te* (*Id. xxxiii, 15*). Neque enim arbitrandum est hunc populum, cui Moyses loquebatur, sic tunc vidisse Deum facie ad faciem, quando in monte loquebatur e medio ignis, quemadmodum Apostolus dicit in fine nos esse visuros, ubi ait: *Videamus nunc per speculum in enigmate, tunc autem facie ad faciem.* Quid autem hoc, et quantum esset, consequenter aperuit, dicens: *Nunc scio ex parte, tunc autem cognoscam sicut et cognitus sum* (*I Cor. xiii, 12*). Quod etiam ipsum caute accipiendum est, ne tantam putetur habiturus homo cognitionem Dei, quantum nunc habet hominis Deus; sed pro suo modo ita perfectam, ut ei nihil adhuc exspectetur addendum: ut quam perfecte nunc Deus novit hominem, sed tamen sicut Deus hominem, ita tunc per-

fete noverit homo Deum, sed tamen sicut homo Deum. Neque enim quia dictum est, *Estate perfecti, sicut Pater vester cælestis perfectus est* (*Matth. v, 48*), ideo æqualitatem Patris, quam Verbum habet unigenitum, sperare debemus: quamvis non defuerint qui et hoc futurum putaverint, nisi forte quid dicant parum intelligimus (a).

X. [lb. v, 5, 6, 24.] Quid est quod ait, *Et ego stabam inter Dominum et vos in tempore illo, annuntiare vobis verba Domini;* tanquam in loco esset Dominus, hoc est in monte unde illi voces audiebant? Quod sic accipiendum est, ut non ex hoc suspicemur Dei substantiam in ullo aliquo esse corporali loco, qui est ubique totus, nec per locorum intervalla propinquat aut recedit: sed demonstrationes ejus in ea creatura, quæ non est quod ipse, non aliter humanis sensibus exhibentur. Unde Dominus volens auferre ab hujusmodi suspicionibus mentem nostram, quibus putatur Deus loco aliquo contineri: *Veniet, inquit, hora, quando neque in monte hoc, neque in Jerosolymis adorabitis Patrem. Vos adoratis quod nescitis: nos adoramus quod scimus; quia salus ex Judeis est.* Sed tenui hora et nunc est, quando veri adoratores adorabunt Patrem in spiritu et veritate. Nam et Pater tales queri qui adorent cum: *Spiritus est Deus, et eos qui adorant eum, in spiritu et veritate oportet adorare* (*Joan. iv, 21-24*). Medium ergo se dixit Moyses non inter Dei substantiam et populum intervallo aliquo loci; sed quia per eum placuit populo audire cætera Dei verba, posteaquam vehementer est territus, audita de medio ignis voce Dei dicentis Decalogum legis.

Sed merito queritur quomodo accipiuntur hæc verba Deuteronomii, dicente Moyse, *Et ego stabam inter Dominum et vos in tempore illo, annuntiare vobis verba Domini;* quoniam timuistis a facie ignis, et non ascendistis in montem, dicens, *Ego sum Dominus Deus tuus, et cætera:* que jam verba Dei sunt, quæ Decalogus continet. Quid ergo vult quod addidit, *dicens?* Si enim putaverimus hyperbaton, ut ordo verborum sit, *Et ego stabam inter Dominum et vos in tempore illo, annuntiare vobis verba Domini, dicens, Ego sum Dominus Deus tuus:* non erit verum. Non enim hæc verba per Moysen populus, sed de medio ignis audiuit: quod cum sustinere non posset auditio Decalogo, postulavit ut per Moysen cætera audiret. Restat ergo ut quod positum est, *dicens,* pro eo positum intelligamus, ac si esset, *Cum diceret;* ut iste sit sensus, *Et ego stabam inter Dominum et vos in tempore illo, annuntiare vobis verba Domini;* quoniam timuistis a facie ignis, et non ascendistis in montem, cum diceret, *Ego sum Dominus Deus tuus:* ut subaudiatur, cum diceret utique Dominus. Cum enim hæc verba diceret Dominus, quæ consequenter ex Decalogo cuncta commemorat, tunc timuit populus a facie ignis, et non ascendit in montem, et rogavit ut per Moysen potius verba Domini audiret (*Exod. xx, 18, 19*).

<sup>2</sup> MSS. Phœbes, *faciem ad faciem:* uti græc., *προσέγον λατα προσδοκου.*

(a) Confer Epist. 92, n. 5, et 147, n. 36.

Quae verba Moyses commemorat in Deuteronomio dicta sibi a populo, cum audire jam nolent vocem Dei, sed per eum peterent sibi dici quae dicebat Deus; id est, *Ecce ostendit Dominus Deus noster nobis gloriam suam, et vocem ejus audivimus e medio ignis, et cetera*: non eadem prorsus leguntur in Exodo, ubi primum narrata sunt, que modo repetuntur. Unde intelligamus, quod aliquoties jam commemoravi, non esse in mendacio deputandum, si aliis quibuslibet verbis eadem voluntas manifestatur, propter Evangelistarum etiam verba, que ab imperitis et calumniosis tanquam repugnantia reprehenduntur. Neque enim magnum erat Moysi attendere quae in Exodo scripserat, et eisdem omnino verbis illa repetere, nisi pertinaret ad sanctos doctores nostros hoc ipsum insinuare dissentibus, ut nihil aliud in verbis loquientium querant, nisi voluntatem propter quam enuntiandam verba instituta sunt.

XI. [lb. v, 29.] Quid est quod ait Moyses dictum sibi esse a Domino de populo Ilebræo, *Quis dabit esse sic cor eorum in eis, ut timeant me, et custodiant mandata mea?* An hic jam vult intelligi, gratia sua concedi hoc beneficium, ut sit in hominibus justitia Dei ex side, non quasi propria, velut ex Lege? Hoc enim et per prophetam significat, dicens, *Ausseram eis cor lapideum, et dabo eis cor carneum* (Ezech. xi, 19, et xxxvi, 26): quod propter sensum dictum est, quem caro habet, et lapis non habet, verbo utique translatu. Hoc ipsum et alibi dicit: *Ecce dies venient, dicit Dominus, et consummabo super domum Israel et super domum Juda testamentum novum; non secundum testamentum quod disposui ad patres eorum in die qua apprehendi manum eorum, ut educerem eos de terra Ægypti. Quoniam hoc est testamentum quod disposui ad eos, post dies illos: dans leges meas in cor eorum, et in mente eorum superscribam eas, et iniquitatum eorum et peccatorum eorum non memor ero amplius* (Jerem. xxxi, 31-34). Hoc enim discernit Novum Testamentum a Veteri, quod in Veteri data est Lex in tabulis lapideis, in Novo autem in corribus, quod sit per gratiam. Unde et Apostolus dicit, *Non in tabulis lapideis, sed in tabulis cordis carnalibus: et alio loco, Idoneos nos, inquit, fecit ministros Novi Testamenti, non litteræ, sed spiritus*<sup>1</sup> (II Cor. iii, 5, 6).

XII. [lb. vi, 13.] Quod ait de Domino, *Et in nomine ejus jurabis, non ita præceptum accipiendum est, quasi jurari jusserit; sed in alterius alicujus Dei nomine jurari prohibuit.* Melius autem sit si secundum Evangelium nec juraveris (Math. v, 34); non quia mala est vera juratio, sed ne in perjurium incidatur facilitate jurandi. Qui enim jurat, non solum verum, sed etiam falsum jurare potest: qui autem omnino non jurat, a perjurio longe ambulat.

XIII. [lb. viii, 2.] *Et recordaberis omnem viam quam<sup>2</sup> durit te Dominus Deus tuus in deserto, ut affli-*

<sup>1</sup> Sic optimæ notæ MSS. juxta Apostolum in greco, ou grammatis, allâ pneumatou. At editi, non littera, sed sp̄c̄t̄ iu-

<sup>2</sup> Editi, r̄m̄ per quam. Abest, per, a MSS. et a greco LXX.

geret te, et tentaret te, et cognita saceret quæ in corde tuo sunt, si observabis mandata ejus, an non. Ille apertius dictum est, quod alibi genere locutionis obscurum est, ubi legitur, *Tentat vos Dominus Dcūs vester, ut sciat si diligitis eum* (Deut. xiii, 3). Intelligitur enim positum esse, ut sciat, pro eo quod est, ut sciri faciat; quod modo dilucide dictum est, *Ut tentaret te, et cognita saceret quæ in corde tuo sunt: non enim ait, et cognoscet; quod quidem si dixisset, intelligendum erat, cognita saceret.*

XIV. [lb. ix, 6-8.] *Et scias hodie quia non propter justias tuas Dominus Deus tuus dat tibi terram bonam, istam hæreditare; quoniam populus dura cervice es.* Certe isti sunt qui propterea non meruerunt porire in deserto, quia nescierunt dexteram aut sinistram<sup>3</sup>: ecce jam dura cervice appellantur. Unde videndum est illud in sacramento esse dictum, non quod istorum merita commendata sint. Nam ne quis existimet subito istos vituperabiles factos, qui merito fuissent ante laudati, paulo post eis dicitur: *Memor esto, ne obliviscaris, quanta exacerbasti Dominum Deum tuum in deserto; ex qua die existis<sup>4</sup> de terra Ægypti, donec venistis in locum hunc, increduli perseverastis quæ ad Dominum.* Quod si quidam eorum tales erant, quidam vero fideles et boni, etiam sic non utique illis datur terra promissionis, qui nesciunt dexteram aut sinistram, ut hoc sic intelligamus quasi non offendirent Deum. Nam et patres corum, qui mortui sunt, nec in eamdem terram intrare permissi sunt, tales inveniuntur fuisse, ut in eis essent quidam etiam boni. Propter quod Apostolus, non omnes, sed quosdam eorum dicit offendisse, in quibus, corum peccata commemorat (I Cor. x, 5-10). Similes quippe istos parentibus suis, ita evidentius docet et ista Scriptura Deuteronomii, quod consequenter adjungit, et dicit: *Et in Horeb exacerbasti Dominum. Ubi certe illi exacerbaverunt, qui propter eadem mala merita sua non sunt in terram promissionis inducti.*

XV. [lb. x, 1-4.] *In illo tempore dixit Dominus ad me, Excide tibi duas tabulas lapideas quemadmodum priores, et ascende ad me in montem; et facies tibi arcām ligneam: et scribam in tabulis verba quæ erant in tabulis prioribus, quas contrivisti; et immittes eas in arcām. Et feci arcām ex lignis imputribilibus, et excidi duas tabulas lapideas sicut priores, et ascendi in montem, et duæ tabulæ in duabus manibus meis. Et scripsit in tabulis secundum scripturam priorem decem verba, quæ locutus est Dominus ad vos in monte e medio ignis: et dedit eas Dominus mihi.* Non immerito quereretur quomodo haec in Deuteronomio dicantur, Moyse recolente ac repellente quæ gesta sunt; cum in Exodo, ubi primum haec dicta et facta narrantur, ita sit scriptum, *Et dixit Dominus ad Moysen, Scribe tibi verba haec; et enim in verbis his posui Testamentum tibi et Isracl.* Et

<sup>3</sup> Yss. hic et inferioris, dextra et sinistra: id est bonum et malum, uti legitur Num. cap. 14, v. 25; et Deut. cap. 1, v. 30.

<sup>4</sup> sic MSS. juxta LXX. At editi excepto Rat. proseguuntur in singulari, existi, venisti, incredulus perseverasti: pauloque post, exacerbasti.

*erat ibi Moyses in conspectu Domini quadraginta diebus et quadraginta noctibus; panem non manducavit, et aquam non bibit, et scripsit in tabulis verba Testamenti, decem verba. Cum ergo in Exodo ipse Moyses in tabulis decem Legis verba scripsisse narretur, quomodo hic in Deuteronomio Deus in tabulis eadem verba scripsisse recolitur?*

Denique illud quod in Exodo, cum transeunter tractaremus, et quid nobis in ea differentia visum fuerit litteris mandaremus, cur priores tabulae, quæ contritæ sunt, digito Dei scriptæ referantur; secundas autem tamdiu in area tabernaculoque mansuras, ipse Moyses scripsisse dicatur: ita per hanc differentiam duo Testamenta significata esse diximus, ut in Veteri Testamento Lex commendaretur tanquam opus Dei, ubi homo nihil fecerit, eo quod Lex timore non posset impleri: quoniam cum vere sit opus legis, charitate fit, non timore; quæ caritas gratia est Testimenti Novi. Ideo in secundis tabulis homo legitur scripsisse verba Dei, quia homo potest facere opus Legis per charitatem justitiae, quod non potest per timorem paenæ (*Lib. Quæstionum in Exod., quæst. 166.*)

Nunc ergo cum legitur in Deuteronomio de secundis tabulis ita dictum, *Et excidi duas tabulas lapideas sicut priores, et ascendi in montem, et duas tabulae in duabus manibus meis. Et scripsit in tabulis secundum scripturam priorem decem verba: non enim ait, Et scripsi; sed, scripsit, hoc est, Deus; sicut paulo ante dixerat verba Dei sibi dicta, Excide tibi duas tabulas lapideas quemadmodum priores, et ascende ad me in montem; et facies tibi arcum ligneum: et scribam in tabulis verba quæ erant in tabulis prioribus: discutienda nascitur quæstio, quod utrasque tabulas, id est et priores et secundas, Deus hic legitur scripsisse, non homo. Sed si in ipso quoque Exodo verba Dei legantur, ubi jubet easdem tabulas secundas excidi a Moyse, nihil aliud invenitur, quam ipsum Deum se eam promisisse scripturum. Nam ita scriptum est: Et dixit Dominus ad Moysen, Excide tibi duas tabulas lapideas sicut et priores, et ascende ad me in montem: et scribam in tabulis verba quæ erant in tabulis prioribus, quas tu contrivisti. Excepto itaque libro Deuteronomii, quæstionem istam etiam solus liber Exodi continet, quomodo dixerit Deus, Et scribam in tabulis verba quæ erant in tabulis prioribus; cum paulo post legatur, Scribe tibi verba hæc; etenim in verbis his posui Testamentum tibi et Israel. Et erat ibi Moyses in conspectu Domini quadraginta diebus et quadraginta noctibus; panem non manducavit, et aquam non bibit, et scripsit in tabulis verba Testamenti, decem verba. Si enim superius quod dictum est, Scribe tibi verba hæc; etenim in verbis his posui Testamentum tibi et Israel, ad superiora pertinet, quæ Deus ita præcipiebat, ut non in duabus lapideis tabulis scriberentur, sed in illo libro Legis, ubi multa conscripta sunt; certe illud quod sequitur, Et erat ibi Moyses in conspectu Domini quadraginta diebus et quadraginta noctibus; panem non manducavit, et aquam non bibit, et scripsit in tabulis verba Testamenti, decem verba (Exod. xxxiv, 1, 27,*

28), satis manifestat eumdem Moysen in tabulis haec decem verba scripsisse, non Deum. Nisi forte violenter quidem, sed certa necessitate compellimur, ubi dictum est, *Et scripsit in tabulis verba Testamenti, decem verba, non Moyses subaudire, sed Dominum;* supra enim positum est, *Et erat ibi Moyses in conspectu Domini: ut a Domino, in cuius conspectu erat Moyses, quadraginta diebus et quadraginta noctibus panem non manducans, et aquam non bibens, scripta intelligentur haec decem verba in tabulis, sicut ante pro miserat.*

Quod si ita est, non quidem illa differentia duorum Testamentorum, quæ nobis visa est, in his verbis commendari potest, quando et priores et secundas tabulas scripsit, non homo, sed Deus: verumtamen illa certe distantia non habet dubitationem, quod priores tabulas et Deus fecit, et Deus scripsit. Non enim tunc dictum est ad Moysen, *Excide tibi duas tabulas: sed ita potius legitur, Et conversus Moyses descendit de monte, et duas tabulae testimonii in manibus ejus: tabulae lapideæ scriptæ ex utraque parte, hinc atque hinc erant scriptæ; et tabulae opus Dei erant, et scriptura scriptura Dei est sculpta in tabulis (Id. xxxii, 15, 16).* Jam enim superius dixerat easdem tabulas scriptas digito Dei, sic loquens: *Et dedit Moysi statim ut cessavit loqui ad eum, in monte Sina duas tabulas testimonii, tabulas lapideas scriptas digito Dei (Id. xxxi, 18).* Ibi ergo et tabulae opus Dei erant, et scriptura carum digito Dei facta. Secundas autem tabulas ipse Moyses jubetur excidere; ut ipsæ certo opere humano intelligentur excise, quamvis eas Deus ipse scripserit, sicut promisit cum juberet excidi. Porro autem si diligentius attendamus, ideo utrumque dictum esse in secundis tabulis, quia et Deus facit per gratiam suam opus Legis in homine, et homo per fidem suam suscipiens gratiam Dei, pertinens ad Testamentum Novum, cooperator est adjuvantis Dei (ideo autem in primis solum opus Dei commemoratur, quia Lex spiritualis est, et Lex sancta, et mandatum sanctum et justum et bonum [Rom. vii, 12]: ideo vero nullum opus hominis ibi commemoratur, quia infideles non contemperantur adjutorio gratiae, sed ignorantes Dei justitiam et suam volentes constituere justitiae Dei non sunt subjecti [Id. x, 3]; unde illis Lex ad condemnationem valet, quod significat contritio tabularum); profecto non cogimur violento intellectu subaudire quod Deus scripserit, ubi Scriptura dicit, *Et erat ibi Moyses in conspectu Domini quadraginta diebus et quadraginta noctibus; panem non manducavit et aquam non bibit, et scripsit in tabulis verba Testamenti: ubi valde sonat scripsisse Moysen.* Sed ideo superius Deus se promisit scripturum, et in Deuteronomio non solum ita promisisse, verum etiam ipso scripsisse narratur, ut significetur quod ait Apostolus, *Deus enim est qui operatur in nobis et velle, et operari, pro bona voluntate: hoc est, in eis qui exinde gratiam suscipiunt, et non suam justitiam volunt statuere, sed justitiae Dei subjecti sunt, ut ipsi sint in Christo justitia Dei.* Nam et illic Apostolus utrumque dicit, et Deum

operari, et ipsos. Nam si ipsi non operabantur, quomodo eis dicebat, *Cum timore et tremore vestram ipsorum salutem operamini* (*Philipp.* n. 13, 12)? Operatur ergo ille, cooperamur nos: non enim auferit, sed adjuvat bona voluntatis arbitrium.

XVI. [lb. x, 8, 9.] *In illo tempore distinxit Dominus tribum Levi, portare arcālē testamenti Domini, assistere coram Domino, ministrare, et orare in nomine ejus usque in hunc diem.* Propter hoc non est Levitis pars et sors cum fratribus suis; *Dominus ipse pars ejus est, sicut dixit ei.* Nisi per hanc tribū significaret universum regale sacerdotium, quod ad Novum pertinet Testamentum, nullo modo ausus esset dicere homo, qui ex eadem tribū non erat, *Pars mea Dominus* (*Psal. lxxi, 26;* et in alio psalmo, *Dominus pars hereditatis mea* (*Psal. xv, 5).*

XVII. [lb. xi, 20.] Quid est quod praecepit Moyses commendans verba Domini, et ait, *Scribetis ea super limina domorum restrarum et januarum vestrarum: cum hoc secundum proprietatem nemo fecisse Israelitarum commenoretur, vel legatur; qui nec quisquam potest, nisi forte dividat ea per multas partes donis sua?* An hyperbolica commendatio est, sicut multa dicuntur?

XVIII. [lb. xii, 11.] Quocaudum quomodo jubeat decimationes omnium fructuum et primitiva pecorum non manducari, nisi in civitate ubi templum erit, cum eas Levitis dari in Lege praeceperit.

XIX. [lb. xiii, 1 et 3.] Si autem surrexit in te propheta, seu somniator somnians, et dederit tibi signum vel prodigium, et venerit signum sive prodigium quod locutus est ad te, dicens, *Eamus, et serviamus diis aliis, quos nescitis: non audiatis verba prophetæ illius, vel somniantis somnum illud;* quoniam tentat Dominus Deus vestros, scire an diligatis Dominum Deum vestrum ex toto corde vestro, et ex tota anima vestra. Hoc quidam interpres latini non ita posuerunt, *scire an diligatis;* sed, *ut sciat an diligatis.* Quamvis eadem sententia videatur: verumtamen illud quod dictum est, *scire,* filius ad illos refertur; ut sic accipiamus, *tentat vos scire,* ac si diceretur, tentando vos facit scire. Ubi sane intelligi voluit, etiam illa quæ a divinantibus non secundum Deum dicuntur, si acciderint quæ dicuntur, non accipie ad sic, ut sciat quæ præcipiuntur ab eis, aut volunt quæ voluntur ab eis. Nec præter suam potestatem Deus ostendit esse quod ista contingunt: sed quasi quereretur cur ea permittat, causam temptationis exposcit, ad cognoscendam eorum dilectionem, utrum eam habeant erga Deum suum; cognoscendam vero ab ipsis potius, quam ab illo qui seit omnia antequam sint.

XX. [lb. xiv, 28, 29, et xv, 1.] Post tres annos produces omnem decimum fructum tuorum, in illo anno pones illud in civitatibus tuis, et veniet Levita, quia non est ei pars neque sors tecum; et advena et pupillus et vidua, quæ in civitatibus tuis; et manducabunt, et saturabuntur; ut benedicat te Dominus Deus tuus in omnibus operibus tuis quæcumque feceris. Ex ista decima non dixit ut ipse manducet cum suis; ac per hoc Levitis et

advenis et pupillus et vidua can jussit impendi. Sed obscure positum est, quia non est distincta ista decima ab illa quam voluit cum Levitis in eo loco manducari, quem Dominus elegisset templo<sup>1</sup> suo. Sed in ea interpretatione, quæ est ex hebræo, apertius hoc distinctum reperimus. Ait enim: *Anno tertio separabis aliam decimam ex omnibus quæ nascentur tibi eo tempore, et repones intra januas tuas; venietque Levites, qui aliam non habet partem nec possessionem tecum, et peregrinus et pupillus et vidua, qui intra portas tuas sunt, et comedent, et saturabuntur; ut benedicat tibi Dominus Deus tuus in cunctis operibus manuum tuarum, quæ feceris.* Primo hoc ipsum planius est quod ait, *Anno tertio;* intelligitur enim uno anno interposito: in Septuaginta autem, quoniam *Post tres annos* dixit, incertum est utrum eos medios esse voluerit, ut quinto quoque anno fieret. Deinde cum ait, *Et separabis aliam decimam,* satis ostendit extra esse illam quam voluit eum ipsum qui offert, manducare cum suis et Levitis in eo loco quem Dominus elegisset. Et hanc cuim aliam<sup>2</sup> decimam intra januas suas cum ponere præcepit, non ad eum locum deferre, ubi Dominus se voluit invocari. *Et veniet,* inquit, *Levites, qui non habet partem nec possessionem tecum, et peregrinus et pupillus et vidua, qui intra portas tuas sunt, et comedent.* Hinc certe manifeste verum est, non istam decimam Deum fieri voluisse communem ei qui offert, et his quibus impendenda est; sed illis solis erogari eam jussit, qui aliud non haberent, in quibus præcipue Levitem posuit. *Post septem annos facies remissionem.* Hic certe manifestatur, quomodo et superius dixerit, *Post tres annos.* Non enim et hos septem annos medios esse voluit: unoquoque anno eam fieri præcepit, tanquam sabbatismum annorum.

XXI. [lb. xv, 9.] Attende tibi ipsi, ne fiat verbum occultum in corde tuo iniquitas, dicens, *Appropiat annus septimus, annus remissionis; et malignetur oculus tuis in fratrem tuum egenum, et non tribuas ei: et exclamabit adversum te ad Dominum, et erit in te peccatum magnum.* Magnifice occultum verbum hoc dixit; quoniam nemo audet hoc dicere qui potuerit cogitare, ideo non esse mutuum dandum indigenti, quoniam appropinquat annus remissionis, cum Deus propter misericordiam utrumque præceperit, et commodari cum quisque indiget, et remitti anno remissionis. Quomodo ergo misericorditer remissurus est illo anno quo remittendum est, si crudeliter cogitat illo tempore dandum non esse quo dandum est?

XXII. [lb. xv, 12.] Si autem venundatus fuerit tibi frater tuus Hebreus aut Hebreæ, servit tibi sex annis, et septimo dimittit eum liberum a te. Ilos emptos non anno remissionis remitti voluit, quem septimum quemque observari oportebat ab omnibus; sed anno septimo emptionis ejus, quotocunque anno illorum septimus iste annus occurseret.

XXIII. [lb. xv, 19.] Omne primogenitum quod natum

<sup>1</sup> Editi et duo MSS., tempore. Ceteri vss., templo.

<sup>2</sup> Am. Fr. et Lov., et aliam. Abest coniunctio a Mas. et ab editione Ratisponensi.

*fuerit in ipsis tuis, et in oibus tuis, masculina<sup>1</sup> sanctificabis Domino Deo tuo.* Quærendum utrum quæ græce dicuntur πρωτότοκος, nec latine dici nisi primogenita potuerunt, in his tantum intelligenda sint, quæ naescuntur ex matribus: ipsa enim proprio pariuntur potius quam gignuntur. Parere quippe est τίτειν, quod est ex feminis, unde πρωτότοκος dicitur: gignere autem est γέννα, unde proprie Latine primogenitus dicitur. Ex feminis autem dabantur primitiva, id est quæ prima pariebantur, non quæ prima gignebeantur a viris, si forte ex viduis quæ jam pepererant gignerentur. Non enim aliter essent quæ aperirent vulvam, quod proprium voluit esse Lex eorum quæ primo nata Domino debebantur. Si ergo est in his verbis certa distinctio, non frustra Dominus non dicitur a Patre πρωτότοκος, sed μονογενής, id est unigenitus, quod est unus: a mortuis autem primogenitus quidem latine dicitur, quia non potuit latinum verbum ita componi secundum loquendi consuetudinem; græce autem πρωτότοκος dicitur, non πρωτογενής: tanquam Pater generit æqualem sibi, creatura vero pepererit. Nam et quod dicitur *primogenitus omnis creaturæ* (*Coloss. 1, 18, 15*), quod ibi πρωτότοκos græco legitur, potest ita intelligi secundum novam creaturam, de qua dicit Apostolus, *Si qua igitur in Christo nova creatura* (*II Cor. v, 17*): ex quâ ille primitivus est, quia primitus ita resurrexit, ut jam non moriatur, nec ei mors ultra dominetur (*Rom. vi, 9*); quod novæ creaturæ, quæ in illo est, futurum promittitur in fine. Sed ista distinctio non temere affirmando, sed in Scripturis diligenter perscrutanda est. Movet enim quemadmodum dici potuit in Proverbii, *Primogenite, tibi dico, fili* (*Apud LXX, Prov. xxiv, vel xxxi*); id est, ex cuius persona dictum intelligatur. Si enim ex Dci Patris persona ad Christum dicitur (cui sententiae utrum sequentia consonent vix est a scerere), eundem dicit primogenitum quem unigenitum: primogenitum, quia etiam nos filii Dci sumus; unigenitum vero, quoniam solus ille de substantia Patris et Patri æqualis atque coeternus est. Mirum est autem utram inter parere et gignere evidentissimis documentis sacra Scriptura distinguat.

**XXIV.** [Ib. xvi, 2.] *Et immolabis Pascha Domino Deo tuo, oves et boves.* Quid sibi vult hoc, quod addidit, *boves;* cum immolationem Paschæ de ove tantummodo commendaverit, quam jussit accipi ex oibus et hædis vel ex capris? quod mystice accipitur propter Christum, cuius ex justis et peccatoribus est origo carnalis. Non enim ait, *Ex oibus aut capris,* licet proprie non possit intelligi ovis ex capris: sed ne forte Judæi dicherent subaudiendum caprum si dictum esset, Aut ex capris; dictum est, *ex oibus et capris* (*Exod. xii, 5*). Quid ergo hic sibi volunt boves? An propter alia sacrificia quæ ipsis diebus azymorum sunt immolanda?

**XXV.** [Ib. xvi, 9-11.] Quærendum quomodo præcepit observari quod ait: *Septem septimanas integras dinumerabis tibi ipsi, inchoare te falcem injicere in mes-*

<sup>1</sup> Editi, masculinum. At MSS. cum græco, masculina.

sem: incipies numerare septem septimanas, et facies diem festum septimanarum Domino Deo tuo, prout tuæ manus tua, quæcumque Dominus tibi dederit, secundum quod benedic te Dominus Deus tuus; et epulaberis ante Dominum Deum tuum. Si enim ab universo populo hæc pentecoste jussa est observari, numquid omnes uno die credendum est falcem jussos mittere in messem? Si autem sibi quisque observat istam quinquagesimam, dinumerans ab illo die quo falcem mittit; non una est universo populo: illa vero una est quæ computatur ab immolatione Paschæ usque in diem datæ Legis in Sina.

**XXVI.** [Ib. xvii, 14 et 15.] *Si autem intraveris in terram quam Dominus Deus tuus dat tibi in sorte, et hæreditaveris eam, et habitaveris in ea, et dices, Constituam super me principes, sicut et cæteræ gentes quæ circa me sunt; constituendo constituës super te principem, quem elegerit Dominus Deus tuus ipsum: ex fratribus tuis constituës super te principem; non poteris constituere super te hominem alienum, quia non est frater tuus.* Quæri potest cur displicuerit populus Deo, quando regem desideravit (*I Reg. viii, 7*), cum hic inveniatur esse permisus. Sed magis hinc intelligendum est, merito non fuisse secundum voluntatem Dei, quia fieri hoc non præcepit, sed desiderantibus permisit. Verumtamen præcepit, ne fieret alienus, sed frater, id est, ex eodem populo indigena non alienigena. Quod autem ait, *non poteris*, intelligendum est, non debebis.

**XXVII.** [Ib. xvii, 17.] *De rege cum loqueretur ait, Non multiplicabit sibi uxores, ut non discedat cor ejus: et argenteum et aurum non multiplicabit sibi valde.* Unde queritur utrum David contra hoc præceptum non fecerit: non enim unam habuit uxorem (*II Reg. v, 13*). Nam de Salomone manifestum est quod transgressus fuerit hoc præceptum, et in feminis, et in auro, et in argento. Sed hinc potius intelligitur permisum fuisse regibus, ut plures haberent quam unam: multiplicare enim prohibiti sunt: quæ prohibitio non habet transgressionem, si paucæ fuerint, sicut David fuerunt; non autem multæ, sicut Salomonii. Quamvis cum addidit, *ut non discedat cor ejus*, hoc magis videtur præcepisse, ne multiplicando perveniat ad alienigenas feminas: per quas factum est in Salomone, ut discederet cor ejus a Deo (*III Reg. ii, 1-4*). Multiplicatio tamen generaliter ita prohibita est, ut etiamsi ex Ilebris solis eas multiplicasset, contra hoc præceptum fecisse merito argui posset.

**XXVIII.** [Ib. xviii, 6-8.] *Si autem supervenerit Levites ex una civitatum tuarum, ex omnibus filiis Israel, ubi ipse incolit, secundum quod cupit anima ejus in locum quem elegerit Dominus, id est, si desideraverit ire ad locum ubi Dominus invocatur; et ministrabit nomini Domini Dei sui, sicut omnes fratres ejus Levitæ, qui astant ibi coram Domino: partem partitam edet, præter venditionem, quæ est secundum familiam.* Quam dicat venditionem, obscurum est: nisi forte quia decimationes et primogenita præcepit vendi ab eis qui in longinquο habitatent, ne multa cogerentur portare ad locum invocationis Domini, vel pecora ducere, ut

illie ab eis denso emerentur ex eodem pretio; et iusserat habere ibi partem Levitam, qui maneret in civitate, unde ille decimationes et primogenita debebantur. Et ideo dixit secundum familiam hoc deberi Levite, quoniam ex successione qua succedit parentibus suis, hoc circa eum servari oportet, quod parentibus exhibutum est.

**XXIX.** [Ib. xviii, 11.] Quoniam portentorum inspectores prohibet esse in populo Dei, querendum est quonodo ista portenta quae inspici prohibentur, discernantur ab eis quae divinitus ita dantur, ut quid significant dici debeat: sicut omnia miracula, que in Scripturis reperiuntur significantia quod pertineat ad regulam fidei; sicut dicimus quid significaverit vellus in area compluta siccum, vel in secca area complutum (*Judic.* vi, 37-40); aut virga Aaron quae floruit (*Num.* xvii, 8), et nubes attulit; et cetera hujusmodi. Sicut autem discernuntur divinationes, quas consequenter prohibet, a predictionibus vel annuntiationibus Prophetarum, sic illæ inspectiones prodigiorum a significationibus divinorum miraculorum discernendæ sunt.

**XXX.** [Ib. xx, 4.] Quoniam Dominus Deus rester, qui præcedit vobiscum, simul debellabit vobiscum inimicos vestros, et salvos faciet vos. Ecce quemadmodum et in spiritualibus conflictibus sperandum et petendum est adjutorium Dei, non ut nos nihil faciamus, sed ut adjuti cooperemur. Sic enim ait, debellabit vobiscum, ut etiam ipsos acturos quod agendum esset ostenderet.

**XXXI.** [Ib. xx, 5-7.] Et loquentur scribæ ad populum dicentes, Quis est homo qui ædificavit domum novam, et non dedicavit eam? vadat, et revertatur in domum suam, ne moriatur in bello, et homo alius dedicet eam. Et quis est homo qui pastinavit vineam, et non est epulatus ex ea? vadat, et revertatur in domum suam, ne moriatur in bello, et homo alius epuletur ex ea. Et quis est homo qui sponsavit uxorem, et non accepit eam? vadat, et redeat in domum suam, ne moriatur in bello, et homo alius accipiat eam. Possunt movere ista, quasi meliore conditione moriantur in bello, qui jam dedicaverunt ædificia sua, jamque epulati sunt de novellis, jamque duxerunt sponsas suas, quam ii qui nondum. Sed quoniam his rebus tenetur humanus affectus, et magni testimantur hæc ab hominibus; intelligendum est ad hoc ista dici in bellum procedentibus, ut quisquis animo his tenetur, appareat cum revertitur, ne propter hoc minus fortiter agat, dum timet ne ante moriatur, quam domum dedicaverit, aut de novella sua biberit, aut sponsam suam duxerit. Nam utique quantum ad feminam pertinet, melius alteri nubilæ quam vidua: sed hæc, ut dixi, instituta sunt propter virorum animos explorandos.

**XXXII.** [Ib. xxii, 5.] Non erunt vasæ viri super nubilem: vasa bellica vult intelligi, id est, arma. Nam quidam etiam hoc interpretati sunt.

**XXXIII.** [Ib. xxii, 13-21.] Si autem quis acceperit uxorm, et habitaverit cum ea, et oderit eam, et imponat ei occasionis verba, et detulerit ei nomen malignum, et

dixerit, Mulierem hanc accepi, et accedens ad eam non inreni ejus virginalia: et accipiens pater pueræ, et mater, producent virginalia puellaræ ad seniores ad portam, et dicet pater pueræ senioribus, Filiam meam hanc dedi homini huic uxori, et odio habens eam, ipse nunc imponit ei occasionis verba dicens, Non inreni filia tuæ virginalia: et ecce virginalia filia meæ. Et replicabunt pallium coram senibus civitatis illius. Et accipient senes civitatis hominem illum, et castigabunt eum, et damnificabunt eum centum siccis, et dabunt patri adolescentulæ; quia protulit nomen malum super virginem Israëlitam: et ipsius erit uxor; non poterit dimittere eam perpetuo tempore. Si autem verum factum sit hoc verbum, et non inveniantur virginalia puellaræ, et producent adolescentulam ad januam domus patris ipsius, et lapidabunt eam viri civitatis ejus in lapidibus, et moriatur; quoniam fecit impudentiam in filiis Israel, prostitueret domum patris sui: et auferes malignum ex robis ipsiis. Satis hinc appareat quemadmodum subditas feminas viris, et pene famulas Lex esse voluerit uxores: quod dicens adversus uxorem vir testimonium unde lapidaret illa, si hoc verum esse demonstraretur; ipse tamen non vicissim lapidatur, si hoc falsum esse constiterit; sed tantummodo castigatur, et damnificatur, eisque perpetuo jubetur adhærere qua carere voluerat. In aliis autem causis, cum qui testimonio falso cuiquam nocuerit, quem, si probaretur, jussit occidi, eadem poena plecti jubet, qua fuerat, si verum esset, iste plectendus.

**XXXIV.** [Ib. xxii, 28, 29, 19.] Si autem invenerit aliquis puellam virginem quæ sponsata non est, et vim faciens ei dormierit cum ea, et inventus fuerit; dabit homo qui dormivit cum ea, patri pueræ quinquaginta didrachmæ<sup>1</sup> argenti, et ipsius erit uxor; quia humiliavit eam: non poterit dimittere eam per omne tempus. Merito queritur utrum ista poena sit, ut non eam possit dimittere per omne tempus, quam inordinate atque illicite violavit. Si enim ob hoc intelligere voluerimus eam non posse, id est, non debere dimitti per omne tempus, quia uxor effecta est, occurrit illud quod permisit Moyses dare libellum repudiū, et dimittere (*Deut.* xxiv, 1). In his autem qui illicite vitiant, noluit licere, ne ad ludibrium fecisse videatur, et potius finxisse quod eam uxorem duxerit, quam vere placitoque duxisse. Hoc et de illa jussum est, cui fuerit vir calumniatus de virginibus non inventis.

**XXXV.** [Ib. xxiii, 3, 4.] Non intrabit Ammanites et Moabites in Ecclesiam Domini, et usque ad decimam generationem non intrabit in Ecclesiam Domini, et usque in æternum. Questio est, quonodo intraverit Ruth quæ Moabitæ fuit (*Ruth.* i, 22), de qua etiam caro Domini originem ducit (*Matth.* i, 5). Nisi forte istam mystice prophetaverit intraturam, quod ait, usque ad decimam generationem. Computantur enim generationes ex Abraham, quando fuit et Lot qui genuit Moabitæ et Ammanitas ex filiabus (*Gen.* xix, 37, 38); et inveniuntur cum ipso Abraham compleri deceun genera-

<sup>1</sup> In excusis, quinquaginta didrachmata. In aliquot MSS. ut in græco, didrachma. In aliis, didrachmas.

rationes usque ad Salmon, qui genuit Booz, qui maritus secundus fuit Ruth. Sunt enim iste, Abraham, Isaac, Jacob, Judas, Phares, Esrom, Aram, Aminadab, Naason. Salmon : Salmon quippe genuit Booz, qui vidua duxit Ruth : ac per hoc videtur post decimam generationem genus scissse in Ecclesia Domini pariendo filio, ipso Booz. Sed eur additum sit, et usque in aeternum, merito adhuc queritur. An quia deinceps nulla anima de Ammanitis et Moabitis intravit in illam Ecclesiam populi Hebreorum, posteaquam ista generatione decima propheetia completa est? An potius ita dictum est, et usque ad decimam generationem, ut omnino semper intelligi voluerit, per denarii numeri quamidam universitatem, ut hoc exposuerit quodammodo addendo et dicendo, et usque in aeternum? Quod si ita est, Ruth contra praeceptum vetitum videatur admissa. An Ammanitas prohibuit admitti, non Ammanitidas, id est, viros inde, non feminas? maxime quia cum evertissent Israelitae ipsam gentem, omnes viros occidere jussi sunt, feminas autem non, nisi eas que noverant concubitum viri (*Num. xxxi, 17, 18*); quoniam ipsae in fornicationem seduxerant populum: virgines autem salvas esse voluerunt, non eis imputantes culpam qua everti illa gens meruit; quam etiam hic commemoravit, velut quereretur cur Moabitae et Ammanitas admitti noluerit in Ecclesiam Domini: subiunxit enim, *Eo quod non obviaverint vobis cum panibus et aqua in via, cum exiretis de Aegypto, et quia conduxerunt adversum te Balaam filium Beor de Mesopotamia, ut malediceret te. His culpas nec tunc, quando illa gens debellata est, feminis imputaverunt, quas salvas conservare maluerunt.*

**XXXVI.** [lb. xxiii, 15, 16] *Non trades puerum domino suo, qui appositus est tibi a domino suo:* non quod dominus ejus eum apposuerit, id est, coniunctum dicit; potius enim depositum diceret; sed appositorum dixit a domino suo, id est, huic adjunctum, cum ab illo abscessisset: non ergo suscipi, sed reddi potius prohibuit fugitivos. Hoc quidem putari potest, nisi intelligamus genti et populo ista dici, non uni homini. Ex alia itaque gentem refugientem ad istam gentem cui loquebatur, hominem a domino suo, id est, a rego suo, reddi prohibuit: quod etiam alienigena servavit Achis rex Geth, quando ad eum refugit David a facie domini sui, hoc est, regis Saül (*I Reg. xxi, 10*). Aperiissime autem hoc explanat, cum dicit de ipso refuga, *In robis habitabit, in omni loco ubi placuerit ei.*

**XXXVII.** [lb. xxiii, 17.] *Non erit meretriz a filiabus Israel, et non erit fornicans a filiis Israel.* Ecce ubi manifeste prohibuit fornicari et viros et feminas etiam cum non alienis conjugibus; peccatum esse demonstrans misceri non conjugibus suis, quando et meretrices esse, et ad meretrices accedere prohibet, quarum publice venalis est turpitudo. In Decalogo autem moechiae nomine non videtur hoc aperte prohibuisse, quoniam moechia non nisi adulterium intelligi solet. Unde quid nobis videretur, ibi tractavimus (*Quast. in Exod., quast. 71*).

**XXXVIII.** [lb. xxiii, 18, 17.] *Non offeres mercedem meretricis, neque commutationem canis in donum Domini Dei tui ad omne votum, quoniam abominatione Domino Deo tuo est, et utrumque:* quod ita intelligitur, quoniam abominatione Domino Deo tuo est, et hoc non unum horum, sed utrumque. De cane quippe veteri commutationem primogenitorum, quam jubet fieri de aliis immundis animalibus, id est, equis et asinuis, et si quid est eorum quae adjuvant hominem, et latine a juvando jumenta dicuntur. De cane autem noluit; utrum et de porco, et quare noluerit, requirendum est: et si de omnibus talibus noluit<sup>1</sup>, quare solum canem isto loco exceperit fecerit. De mercede autem meretricis ut diceret, videtur ea esse causa, quia superius prohibuerit esse meretricem de filiabus Israël, aut quemquam filiorum Israël uti meretrice: et ne subrepereret cogitationi, expiari posse hoc peccatum, si aliquid inde offerretur in templum, dicendum fuit quod sit abominatione Domino.

**XXXIX.** [lb. xxiv, 7.] *Morietur sur ille,* id est, qui suratus est hominem; et auferetis malignum ex vobis ipsis. Assidue hoc dicit Scriptura, cum jubet occidi malos: qua locutione usus est etiam Apostolus, cum diceret, *Quid enim mihi de iis qui foris sunt judicare? Nonne de iis qui intus sunt, vos judicatis? Auferite malum ex vobis ipsis* (*I Cor. v, 12, 13*). Nam græcus habet τὸν πονηρὸν, quod etiam hic scriptum est: hoc autem potius malignum solet interpretari, quam malum. Nec ait, τὸν πονηρὸν, id est, hoc malignum; sed τὸν πενήντα, quod est, bunc malignum. Ex quo appareat cum voluisse intelligi, qui aliquid tale commisit, ut excommunicatione sit dignus. Hoc enim nunc agit in Ecclesia excommunicatio, quod agebat tunc interfectio. Quamvis et aliter illud apostolicum possit intelligi, ut unusquisque malum vel malignum ex se ipso sit jussus auferre. Qui sensus acceptabilior esset, si hoc malum, vel hoc malignum, non autem hunc malignum in græco inveniretur: nunc vero creditibus est de homine dictum, quam de vitio. Quanquam possit eleganter intelligi etiam homo auferre a se malum hominem, quoniammodum dictum est, *Exire vos veterem hominem:* quod exponens ait, *Qui surabatur, jam non fuerit* (*Ephes. iv, 22, 28*).

**XL.** [lb. xxiv, 8.] *Secundum legem omnem quam raverint vobis sacerdotes Levita.* Hic appareat omnem sacerdotem Levitam fuisse; quamvis non omnis Levites sacerdos fuerit.

**XLI.** [lb. xxiv, 10-13.] *Si debitum fuerit in proximo tuo, debitum quodcumque, non intrabis in dominum ejus pignerare pignus: foris stabis, et homo apud quem debitum tuum est, proferet tibi pignus foras. Si autem homo egret, non dormies in pignore ejus, redditione reddes ei vestimentum suum circa occasum solis; et dormies in vestimento suo, et benedic te, et tibi erit misericordia coram Domino Deo tuo.* Non immerito videtur ad opus misericordie pertinere ut non intret pignerator in dominum, ne flat perturbatio debitori: sed ex hoc etiam

<sup>1</sup> In excusis, rotulit. Ad quinque melioris note MSS. reponimus, notulit.

ipsum debitorem admonet: pignus foras proferre creditoris. Quod vero jubet egenti pignus eodem die restituui, ut in eo dormiat qui non habet ubi dormiat, merito movet, ut requiratur eorū non potius creatorū praecepit ut non austerat pignus, quod eodem die oportet ut restituat. Quod si ad compellendum debitorem fieri voluerit, quomodo se urgeat ad reddendum, cum sciat pignus eodem dic se recepturum? An forte hoc fieri voluerit propter memoriam, ne obliviscatur reddere, et tunc non reddat si vere non habuerit: maxime quia creditoris sui misericordia vincitur, cui esse non debet ingratus, si pignus receperit in quo dormiat; simul et creditor cum ille non reddiderit, debet eum credere non habere, qui hac etiam indiget misericordia, ut pignus ei propterea restituatur, quod aliud non habet ubi dormiat?

**XLI.** [lb. xxiv, 16.] *Non morientur patres pro filiis, et filii non morientur pro patribus: unusquisque in suo peccato morietur.* Ecce non solum Prophetæ hoc dixerunt (Ezech. xviii, 17), verum etiam Lex dicit, sua culpa quemque interimendum, non autem patris sui, aut filii sui. Quid est ergo quod alibi dicitur, *Deus reddens peccata patrum in filios, in tertiam et quartam progeniem?* An de filiis nondum natis illud intelligitur, propter originale peccatum, quod etiam ex Adam traxit genus humanum; hic autem de filiis jam natis est facta distinctio, ut unusquisque in suo peccato moriatur? Non enim trahit aliquid ex patre, qui jam natus erat, quando pater ejus peccavit. Sed cum et ibi dicit, *his qui oderant me* (Exod. xx, 5); manifestum est etiam illam conditionem posse mutari, si filii parentum suorum facta non fuerint imitati. Nam et illud ex Adam temporaliter redditur, quia omnes propter hoc moriuntur; non autem in æternum eis qui fuerint per gratiam spiritualiter regenerati, in eaque permanserint usque in finem. Quamvis et illud merito queri possit, si redditur peccata patrum in filios his qui oderunt Deum, cur in tertiam et quartam generationem, vel prætermissa prima et secunda, vel non etiam in easteras permanente impietate et imitatione malorum parentum. An per hunc numerum, quoniam se; tenarius intelligitur, universitatem significare voluit: et ideo non ipsum potius septenarium posuit, ut diceret in septimam generationem, ac sic omnis intelligeretur; quia causam perfectionis hujus numeri hoc modo potius intimavit? Ideo namque prohibetur perfectus, quia ex his duobus constat, ternario scilicet primo impari toto, et quaternario primo pari toto. Unde esse et illud propheticum existinuo, quod assidue repetitur, *In tribus et quatuor impietatis non versabor* (Amos i, 3); per quod voluit impietates universas potius quam tres vel quatuor intelligi.

**XLII.** [lb. xxiv, 17.] *Non declinabis judicium ad tenet, et orphani, et viduæ.* Non pignerabis vestimentum viduæ. Cur non ait, Et non pignerabis vestimentum eorum? Quæ enim causa est ut trium istorum judicium declinare vntuerit, pignus autem austerri vestimentum solius viduæ, non et illorum? Nisi quia judicia omnium facienda propterea commendavit, quia

non habent a quibus defendantur sive advena, quia in terra aliena est; sive orphanus, id est paupillus, quia parentibus caret; sive vidua, quia maritum non habet: pignus vero cum prohibet vestimentum auferri vidua, puto quod satis eleganter admonet, eas vere dicendas esse viduas, que etiam pauperes sunt. Id enim et Apostolus evolenter ostendit, ubi ait: *Si qua autem vidua filius et nepotes habet, discat prium dominum suum pie tractare, et mutuam vicem parentibus reddere: hoc enim acceptum est coram Domino.* Quæ autem vere vidua est, et desolata, speravit in Dominum, et persistit in orationibus nocte et die. Hanc vere viduam dixit, que non habet a quibus sustentetur; quia non solum viro, sed etiam posteris atque omni ope destituta est: divitem quippe non diceret desolatam. Pauperi itaque pignus non est auferendum vestimentum: nam et hoc ipso quod vestimentum prohibet auferri, pauperem ostendit. Neque enim creditor non potius auferret argentum, vel si quid aliud, quam vestimentum. Porro si occurrit animo, Quid, si multa habeat vestimenta non necessaria, sed superflua? quomodo intelligitur vere vidua, hoc est non solum desolata, verum etiam que non<sup>1</sup> in deliciis agit? quam subiecti dicens, *Quæ autem in deliciis agit, vivens mortua est* (I Tim. v, 4-6). Hanc quippe opposuit, tanquam e contrario vere vidua, tanquam talis non sit vera vidua. Quocumque autem divites alias nuptias experiri noluerunt, continentia in eis laudatur, non desolatio commendatur. Haec quippe maritis tantum viduate sunt, non aliis rebus.

**XLIV.** [lb. xxiv, 19.] Quod admonet, ut in messo oblitum manipulum nemo colligat, et olivam vel uvam relictam nemo repeatat diligentius neglecta colligere, et dicit egentibus dimittenda; occurrit forsitan cogitationi, Quid, si haec que ab agrorum dominis dimittuntur, non egentes, sed improbi colligant? Sed considerandum primo illum misericordia facere, qui hoc animo dimittit, ut egentes habeant quod dimittitur. Deinde cum haec populo præcipiuntur, simul admonentur illi qui non indigent, ista non querere. Quod si quiescerint, quid aliud quam res alienas, et, quod gravius est, pauperum invadere judicandi sunt? Utique ergo commemorantur<sup>2</sup> his præceptis, et quorum agri sunt, ut misericorditer ea relinquant; et qui indigentes non sunt, ut inde se abstineant: quando utrumque dicitur, et a quibus dimittenda sint, et quibus dimittenda sint.

**XLV.** [lb. xxv, 1-3.] *Si autem fuerit altercatio inter homines, et accesserint ad judicium, et judicaverint, et justificaverint justum.* Judices intelligendi sunt judicare, non illi qui dicti sunt altercationem habere. Deinde sequitur: *Et reprehenderint impium.* Et erit, si dignus fuerit plagis, qui impie agit; constitues eum in conspectu judicium, et flagellabunt eum ante se, secundum impietatem ejus: numero quadraginta flagellabunt eum; non apponent. Si autem apposuerint flagellare eum super

<sup>1</sup> Edili, que in deliciis agit: omissa negante particula, que interponitur in posterioribus MSS.

<sup>2</sup> Er., commententur.

rationes usque ad Salmon, qui genuit Booz, qui maritus secundus fuit Ruth. Sunt enim iste, Abraham, Isaac, Jacob, Judas, Phares, Esrom, Aram, Aminadab, Naason. Salmon : Salmon quippe genuit Booz, qui videtur duxit Ruth : ac per hoc videtur post decimam generationem genus fecisse in Ecclesia Domini pariendo filios ipse Booz. Sed cur additum sit, et usque in aeternum, merito adhuc queritur. An quia deinceps nulla anima de Ammanitis et Moabitis intravit in illam Ecclesiam populi Hebreorum, posteaquam ista generatione decima propheta completa est? An potius ita dictum est, et usque ad decimam generationem, ut omnino semper intelligi voluerit, per denarii numeri quamdam universitatem, ut hoc exposuerit quodammodo addendo et dicendo, et usque in aeternum? Quod si ita est, Ruth contra praeceptum vetitum videatur admissa. An Ammanitas prohibuit admitti, non Ammanitidas, id est, viros inde, non feminas? maxime quia cum evertissent Israelitae ipsam gentem, omnes viros occidere jussi sunt, feminas autem non, nisi eas que noverant concubitum viri (*Num. xxxi, 17, 18*); quoniam ipsae in fornicationem seduxerant populum: virgines autem salvas esse voluerunt, non eis imputantes culpam qua everti illa gens meruit; quam etiam hic commemoravit, velut quereretur cur Moabitas et Ammanitas admitti noluerit in Ecclesiam Domini: subiunxit enim, *Eo quod non obviaverint vobis cum panibus et aqua in via, cum exiretis de Aegypto, et quia conducturunt adversum te Balaam filium Beor de Mesopotamia, ut malediceret te. His culpas nec tunc, quando illa gens debellata est, feminis imputaverunt, quas salvas conservare maluerunt.*

**XXXVI.** [Ib. xxiii, 15, 16] *Non trades puerum domino suo, qui appositus est tibi a domino suo:* non quod dominus ejus cum apposuerit, id est, commendaverit; potius enim depositum diceret; sed appositum dixit a domino suo, id est, huic adjunctum, cum ab illo abscessisset: non ergo suscipi, sed reddi potius prohibuit fugitivos. Hoc quidem putari potest, nisi intelligamus genti et populo ista dici, non uni homini. Ex alia itaque gentem refugientem ad istam gentem cui loquebatur, hominem a domino suo, id est, a rego suo, reddi prohibuit: quod etiam alienigena servavit Achis rex Geth, quando ad eum refugit David a facie domini sui, hoc est, regis Saül (*1 Reg. xxi, 10*). Apertissime autem hoc explanat, cum dicit de ipso refuga, *In vobis habitabit, in omni loco ubi placuerit ei.*

**XXXVII.** [Ib. xxiii, 17.] *Non erit meretrix a filiabus Israel, et non erit fornicans a filiis Israel.* Ecce ubi manifeste prohibuit fornicari et viros et feminas etiam cum non alienis conjugibus; peccatum esse demonstrans miseri non conjugibus suis, quando et meretrices esse, et ad meretrices accedere prohibet, quarum publice venalis est turpitudo. In Decalogo autem moechite nomine non videtur hoc aperte prohibuisse, quoniam moechia nonnisi adulterium intelligi solet. Unde quid nobis videretur, ibi tractavimus (*Quæst. in Exod., quæst. 71*).

**XXXVIII.** [Ib. xxiii, 18, 17.] *Non offeres mercedem meretricis, neque commutationem canis in donum Domini Dei tui ad omne votum,* quoniam abominatio Domino Deo tuo est, et utrumque: quod ita intelligitur, quoniam abominatio Domino Deo tuo est, et hoc non unum horum, sed utrumque. De cane quippe veteri commutationem primogenitorum, quam jubet veteri de aliis immundis animalibus, id est, equis et asinis, et si quid est eorum quae adjuvant hominem, et latine a juvando jumenta dicuntur. De cane autem noluit; utrum et de porco, et quare noluerit, requirendum est: et si de omnibus talibus noluit<sup>1</sup>, quare solum canem isto loco exceperit. De mercede autem meretricis ut diceret, videtur ea esse causa, quia superius prohibuerit esse meretricem de filiabus Israel, aut quemquam filiorum Israel uti meretrice: et ne subrepereret cogitationi, expiari posse hoc peccatum, si aliquid inde offerretur in templum, dicendum fuit quod sit abominatio Domino.

**XXXIX.** [Ib. xxiv, 7.] *Morietur sur ille,* id est, qui suratus est hominem; et auferetis malignum ex vobis ipsis. Assidue hoc dicit Scriptura, cum jubet occidi malos: qua locutione usus est etiam Apostolus, cum diceret, *Quid enim mihi de iis qui foris sunt judicare? Nonne de iis qui intus sunt, vos judicatis? Auferite malum ex vobis ipsis* (*1 Cor. v, 12, 13*). Nam gravis habet τὸ πονηρόν, quod etiam hic scriptum est: hoc autem potius malignum solet interpretari, quam malum. Nec ait, τὸ πονηρόν, id est, hoc malignum; sed τὸ πονηρόν, quod est, hunc malignum. Ex quo appareat eum voluisse intelligi, qui aliquid tale comovisit, ut excommunicatione sit dignus. Hoc enim nunc agit in Ecclesia excommunicatio, quod agebat tunc interfectio. Quamvis et aliter illud apostolicum possit intelligi, ut unusquisque malum vel malignum ex se ipso sit jussus auferre. Qui sensus acceptabilior esset, si hoc malum, vel hoc malignum, non autem hunc malignum in greco inveniretur: nunc vero creditibilis est de homine dictum, quam de vitio. Quanquam possit eleganter intelligi etiam homo auferre a se malum hominem, quoniammodum dictum est, *Exire vos veterem hominem:* quod exponens ait, *Qui furabatur, jam non fuerit* (*Ephes. iv, 22, 28*).

**XL.** [Ib. xxiv, 8.] *Secundum legem omnem quam raverint vobis sacerdotes Levita.* Hic appareret omnem sacerdotem Levitam fuisse; quamvis non omnis Levites sacerdos fuerit.

**XLI.** [Ib. xxiv, 10-13.] *Si debitum fuerit in proximo tuo, debitum quodcumque, non intrabis in donum ejus pignorare pignus: foris stabis, et homo apud quem debitum tuum est, proferet tibi pignus foras.* Si autem homo eget, non dormies in pignore ejus, redditione reddes ei vestimentum suum circa occasum solis; et dormies in vestimento suo, et benedic te, et tibi erit misericordia coram Domino Deo tuo. Non immerito videtur ad opus misericordiae pertinere ut non intret pignorator in dominum, ne fiat perturbatio debitori: sed ex hoc etiam

<sup>1</sup> In excusis, volvit. Ad quunque melioris note MSS. reponimus, notuit.

ipsum debitorem admonet: pignus foras proferre creditoris. Quod vero jubet egenti pignus eodem die restituiri, ut in eo dormiat qui non habet ubi dormiat, merito moveat, ut requiratur cur non potius creatori praeceperit ut non auferat pignus, quod eodem die oportet ut restituat. Quod si ad compellendum debitorem fieri voluerit, quomodo se urgeat ad reddendum, cum sciat pignus eodem die se recepturum? An forte hoc fieri voluerit propter memoriam, ne oblitiscatur reddere, et tunc non reddat si vere non habuerit: maxime quia creditoris sui misericordia vincitur, cui esse non debet ingratus, si pignus receperit in quo dormiat; simul et creditor cum ille non reddiderit, debet eum credere non habere, qui hac etiam indiget misericordia, ut pignus ei propterea restituatur, quod aliud non habet ubi dormiat?

**XLI.** [lb. xxiv, 16.] *Non morientur patres pro filiis, et filii non morientur pro patribus: unusquisque in suo peccato morietur.* Ecce non solum Prophetæ hoc dixerunt (Ezech. xviii, 17), verum etiam Lex dicit, sua culpa quemque interimendum, non autem patris sui, aut filii sui. Quid est ergo quod alibi dicitur, *Deus reddens peccata patrum in filios, in tertiam et quartam progeniem?* An de filiis nondum natis illud intelligitur, propter originale peccatum, quod etiam ex Adam traxit genus humanum; hic autem de filiis jam natis est facta distinctio, ut unusquisque in suo peccato moriatur? Non enim trahit aliquid ex patre, qui jam natus erat, quando pater ejus peccavit. Sed cum et ibi dicit, *his qui oderunt me* (Exod. xx, 5); manifestum est etiam illam conditionem posse mutari, si filii parentum suorum facta non herentur imitati. Nam et illud ex Adam temporaliter redditur, quia omnes propter hoc moriuntur; non autem in æternum eis qui fuerint per gratiam spiritualiter regenerati, in eaque permanserint usque in finem. Quamvis et illud merito queri possit, si redditur peccata patrum in filios his qui oderunt Deum, cur in tertiam et quartam generationem, vel prætermissa prima et secunda, vel non etiam in eæterna permanente impietate et imitatione malorum parentum. An per hunc numerum, quoniam se; tenarius intelligitur, universitatem significare voluit: et ideo non ipsum potius septenarium posuit, ut dicaret in septimam generationem, ac sic omnis intelligeretur; quia causam perfectionis hujus numeri hoc modo potius intimavit? Ideo namque prohibetur perfectus, quia ex his duobus constat, ternario sci-licet primo impari toto, et quaternario primo pari toto. Unde esse et illud propheticum existimo, quod assidue repetitur, *In tribus et quatuor impietatisbus non versabor* (Amos i, 3); per quod voluit impietas universas potius quam tres vel quatuor intelligi.

**XLII.** [lb. xxiv, 17.] *Non declinabis judicium ad tenet, et orphani, et viduæ.* Non pignerabis vestimentum viduæ. Cur non ait, Et non pignerabis vestimentum eorum? Quæ enim causa est ut trium istorum judicium declinare vñcerit, pignus autem auferri vestimentum solius viduæ, non et illorum? Nisi quia judicia omnium facienda propterea commendavit, quia

non habent a quibus defendantur sive advena, quia in terra aliena est; sive orphanus, id est pupillus, quia parentibus caret; sive vidua, quia maritum non habet: pignus vero cum prohibet vestimentum auferri viduæ, puto quod satis eleganter admonet, eas vere dicendas esse viduas, que etiam pauperes sunt. Id enim et Apostolus evidenter ostendit, ubi ait: *Si qua autem vidua filiæ et nepotes habet, discat pri-mum dominum suam pie tractare, et mutuam vicem par-tibus reddere: hoc enim acceptum est coram Domino.* Quæ autem vere vidua est, et desolata, sperarit in Dom-inum, et persistit in orationibus nocte et die. Hanc vere viduam dixit, que non habet a quibus sus-tentetur; quia non solum viro, sed etiam posteris atque omni ope destituta est: divitem quippe non diceret desolatam. Pauperi itaque pignus non est auferendum vestimentum: nam et hoc ipso quod vestimentum prohibet auferri, pauperem ostendit. Neque enim ero-ditor non potius auferret argentum, vel si quid aliud, quam vestimentum. Porro si occurrerit animo, Quid, si multa habeat vestimenta non necessaria, sed super-flua? quomodo intelligitur vere vidua, hoc est non solum desolata, verum etiam quæ non<sup>1</sup> in deliciis agit? quam subiecti dicens, *Quæ autem in deliciis agit, vivens mortua est* (I Tim. v, 4-6). Haec quippe oppo-suit, tanquam e contrario vere viduæ, tanquam talis non sit vera vidua. Quæcumque autem divites alias nuptias experiri nonuerunt, continentia in eis laudatur, non desolatio commendatur. Haec quippe maritis tantum viduatæ sunt, non aliis rebus.

**XLIV.** [lb. xxiv, 19.] Quod admonet, ut in messe oblitum manipulum nemo colligat, et olivam vel uvam relictam nemo repeatat diligentius neglecta colligere, et dicit egentibus dimittenda; occurrit forsitan cogita-tioni, Quid, si haec quæ ab agrorum dominis di-mittuntur, non egentes, sed improbi colligant? Sed considerandum primo illum misericordia facere, qui hoc animo dimittit, ut egentes habeant quod dimitti-tur. Deinde cum haec populo præcipiuntur, simul ad-monentur ii qui non indigent, ista non querere. Quod si quiescierint, quid aliud quam res alienas, et, quod gravius est, pauperum invadere judicandi sunt? Ut ri-que ergo commemorantur<sup>2</sup> his preceptis, et quorum agri sunt, ut misericorditer ea relinquant; et qui indigentes non sunt, ut inde se abstineant: quando utrumque dicitur, et a quibus dimittenda sint, et qui-bus dimittenda sint.

**XLV.** [lb. xxv, 1-3.] *Si autem fuerit altercatio inter homines, et accesserint ad judicium, et judicaverint, et justificaverint justum.* Judices intelligendi sunt judicare, non illi qui dicti sunt altercationem habere. Deinde sequitur: *Et reprehenderint impium.* Et erit, si dignus fuerit plagis, qui impie agit; constitues eum in conspec-tu judicium, et flagellabunt eum ante se, secundum im-pietatem ejus: numero quadraginta flagellabunt eum; non apponent. Si autem apposuerint flagellare eum super

<sup>1</sup> Edili, quæ in deliciis agit: omessa negante particula, que interponitur in posterioribus MSS.

<sup>2</sup> Er., commonetur.

*has plagas plures, deturpabitur frater tuus coram te.* Valde advertendum est quod cum ea peccata plagi commendanda præceperit, quæ digua non sunt mortis supplicio vindicari, et hoc tam paucis plagiis; eum tamen qui cæditur, appellavit impium vel impie agentem: ut neverimus, non sicut plurimi loquuntur, locutas esse Scripturas; quas incuriosius legimus, cum putamus adulterium non esse impietatem, quia in hominem videtur peccasse qui hoc fecerit, cum illud peccatum morte plecti jubeat Lex (*Deut. xxii, 22*); et his peccatis graviores esse dicimus impietas, cum sint carum quedam quæ flagelli plagiis quadraginta puniuntur. Est itaque levis impietas, quæ verbere digna est; et est gravior quæ morte digna est: ita etiam illa peccata quæ non in Deum, sed in hominem videntur admitti, sunt morte digna quedam; sunt alia corruptione, seu verbere, seu venia<sup>1</sup> faciliore. Ita enim locutos esse Septuaginta interpres constat, ut etiam illius qui plagiis dignus est, impietatem vocaverint.

**XLVI.** [Ib. xxv, 5.] Si autem habitaverint fratres in unum, et mortuus fuerit unus ex eis, semen autem non fuerit ei; non erit uxor defuncti foris non appropianti<sup>2</sup>: frater viri ejus intrabit ad eam, et accipiet eam sibi uxorem, et cohabitabit ei. Et erit, insans quicunque natus fuerit, constituetur ex defuncti nomine, et non delebitur nomen ejus ex Israel. Videtur hoc præcepisse Lex de fratri uxore ducenda, non ob aliud, nisi ut semen suscitet fratri qui sine liberis defunctus est. Quod autem ait, *Constituetur ex defuncti nomine, et non delebitur nomen ejus ex Israel*, id est nomen defuncti; ex hoc videtur dictum, ut ille qui nascitur, hoc nomine appelletur, quo appellabatur defunctus, cui quodam modo propagatur. Unde nobis visum est magis secundum adoptionis morem solvere in Evangelio quaestionem de duobus patribus Joseph (*De Cons. Evang. lib. 2, c. 5*), quorum unum commemorat Matthæus, eum scilicet qui genuit Joseph (*Math. 1, 16*); alterum Lucas, eum cuius filius erat<sup>3</sup> Joseph (*Luc. iii, 23*): quoniam nullius eorum nomen Joseph accepit. Nisi forte hoc dictum est, *Constituetur ex defuncti nomine*, non ut ejus nomen accipiat, sed ut ex ejus nomine, id est tanquam filius, non ejus cuius semine est genitus, sed illius defuncti cui semen suscitatum est, haeres constituitur. Quod enim additum est, *Et non delebitur nomen ejus ex Israel*, potest ita intelligi, non quod nomen ejus puer consequenter accipiat; sed quod ille non sine posteritate mortuus esse videbitur, et ideo permanet ejus nomen, hoc est memoria. Neque enim etiam si ipse filium genuisset, nomen suum ei fuerat impositurus, ut nomen ejus non deleretur ex Israel: sed ex hoc utique non deleretur, quia non sine liberis ex hac vita emigraret; et hoc jubetur ex ejus uxore frater ejus implere, quod ille non potuit. Nam etsi frater non fuisset, et propinquus ducebat uxorem ejus, qui sine filiis mortuus esset, ad suscitandum semen fratri suo: sicut fecit Booz ducendo Ruth, ut semen

excitaret propinquu suo, cuius fuerat illa uxor, nec de illo pepererat; et tamen qui de illa natus est, ex nomine quidem defuncti constitutus est, quia filius ejus est dictus, atque ita factum est ut nomen defuncti non deleretur ex Israel, nec tamen ejus nomine appellatus est (*Ruth iv, 13-17*).

QUAESTIO DE DUOBUS PATRIBUS JOSEPH. *Math. ii, 16; Luc. iii, 23.*

Quæ cum ita sint, abundantius duobus modis solvi potest evangelica quaestio, ut unus eorum quos diversos commemorant Matthæus et Lucas, ita fuerit propinquus alteri ad ducendam ejus-uxorem, ut alios etiam sursum versus parentes atque majores iste, alios ille habere potuerit. Nam si fratrum filii fuissent, unum habuissent avum; quod non ita est: nam secundum Matthæum, Mathan est avus Joseph; secundum Lucam vero, non Mathan, sed Mathath. Quod si quisquam putat esse tantam similitudinem nominis, ut ab scriptoribus in una littera erratum sit, ut fieret tam parva et pene nulla diversitas; quid de istorum patribus dicturus est? Nam secundum Lucam Mathath filius fuit Levi; secundum Matthæum autem, Mathan ex Eleazar genitus invenitur: atque ita inde sursum versus diversi sunt patres et avi; et deinde majores usque ad Zorobabel, qui fere est vigesimus sursum ab Joseph apud Lucam, apud Matthæum antem undecimus. Qui propterea idem ipse esse creditur, quia pater ejus apud utrumque Evangelistam Salathiel invenitur: quamvis fieri potuerit, ut alias fuerit eodem nomine, habens ejusdem nominis patrem, cuius et ille habuit. Nam et inde sursum versus diversi sunt: alium quippe habet Zorobabel avum apud Lucam, qui est Neri: alium apud Matthæum, qui est Jechonias; atque inde superioris nusquam est consonantia, quoisque veniatur ad David, apud Matthæum per Salomonem, apud Lucam per Nathan. Difficillimum autem videtur non fuisse aliquem propinquorem qui duceret uxorem fratris sui, quam eum qui ex David esset consanguineus tam longinquo gradu, non aliqua infra propinquitate conjunctus; cum sit apud Lucam David pene quadragesimus a Joseph, apud Matthæum autem ferme vicesimus septimus. Aut si propinquus ad uxores defunctorum ducendas etiam illi quærebantur, qui ex feminarum sanguine propinquabant, fieri potuit ut esset aliquis ita propinquus, qui Joseph genuerit de uxore propinquu suo, qui sine liberis decepsit: ac sic ei esset alter ex natura pater, alter ex Lege; in quorum patribus et avis et deinde majoribus ideo nulla propinquitas appareret, quod non ex maribus, sed ex feminis propinquarent. Verumtamen si ita esset, nec David aliquando unus pater occurreret. Aut si quisquam potuisse contendit, ubi ponimus quod consuetudo Scripturæ non est feminas in genealogia pro maribus ponere, sicut eas nullus Evangelista interposuit? Ubi enim commemorantur matres, non ponuntur nisi cum patribus (a). Ac per hoc aut ita propinquior defuit ad uxorem defuncti sibi copalandam, ut origo cognationis David<sup>1</sup> repeteretur: aut adoptio fecit alterum patrem

<sup>1</sup> Editi, *pœna*. At MSS., *venia*.

<sup>2</sup> Editi, *uxor defuncti fratris non alteri nubet appropianti*. Exceduntur ad MSS. et ad LXX.

<sup>3</sup> MSS. due Vaticanæ, *filius non erat*.

<sup>1</sup> Editi, *a David*. Delendum, *a*, quo MSS. carent.

(a) II Retract. c. 25. n. 3.

quem possit habere Joseph.

**XLVII.** [lb. xxvi, 14.] *Quid est quod inter illa quæ jubet dicere hominem, qui in dandis decimis, et quæ eunque dare vel impendere jussus est, omnia mandata complevit, etiam hoc cum laude et commendatione sua dicere jubet, Non dedi ex eis mortuo? An per hoc prohibet parentalia, quæ observare gentes solent?*

**XLVIII.** [lb. xxviii, 13, 14.] *Non præterib[us] ab omnibus verbis quæ ego mando tibi hodie, dextra<sup>1</sup> aut sinistra ire post deos alienos, servire illis. Quæri potest quomodo possit intelligi ire in dextra, qui post deos alienos ierit servire illis; cum dextra in laude ponatur, illud autem nunquam laudabiliter fieri possit: nam et quod reprehenditur in via vitæ, qui declinat in dextra, non ibi ea reprehenduntur quæ dextra sunt, sed ille qui declinat in ea, id est, qui sibi arrogat quæ Dei sunt. Ideo dicitur in Proverbiis: Non declines in dextra aut in sinistra: vias enim quæ a dextris sunt novit Dominus; perversæ autem sunt quæ a sinistris. Ergo bonæ sunt dextræ, quas novit Dominus. Novit enim Dominus vias justorum (Psal. 1, 6), sicut in Psalmo legitur. Cur ergo dictum sit, Ne declines in dextra, eos quæ ostendit addendo, Ipse enim rectos faciet cursus tuos. Absit autem ut dextræ, quas novit Dominus, negemus esse rectas: sed, ut dixi, declinare in eas est, non illius gratia, sed sibi tribuere velle quod rectum est. Denique, ut dixi, adjungit et dicit, Ipse enim faciet rectos cursus tuos, et omnia itinera tua in pace producet (Prov. iv, 27).*

Quapropter hoc quod isto loco Deuteronomii, de quo agimus, dictum est: *Non præterib[us] ab omnibus verbis quæ ego mando tibi hodie, dextra aut sinistra ire post deos alienos, servire illis*, non ideo dictum est, quia dii alii possunt etiam in dextris accipi; sed aut terrena loca significata sunt, quia et in dextra et in sinistra habebant gentes alias deos colentes: aut hoc de diis aliis separatum promuntiandum est, ut duo sint sensus; unus videlicet, *Non præterib[us] ab omnibus verbis quæ ego mando tibi hodie, dextra aut sinistra*, secundum illum scilicet intellectum, quem supra exposui; alius autem sit sensus, *ire post deos alienos, servire illis*, ut et sic subaudiatur, *Non præterib[us] ab omnibus verbis quæ ego mando tibi hodie*. Quem totum sensum si dicere velimus, superiora verba, quæ utrique sensui sunt communia, repetituri sumus; ut quomodo illic dicitur, *Non præterib[us] ab omnibus, quæ ego mando tibi hodie, dextra aut sinistra*, sic et istic repetatur, *Non præterib[us] ab omnibus quæ ego mando tibi hodie*<sup>2</sup>, *ire post deos alienos, servire illis*. Prætereundo enim a verbis quæ mandata sunt, etiam hoc sit, ut eatur post deos alienos. Non enim hoc solum mandatum est, aut hoc solum præteriri Deus non vult, quod mandavit, ne post deos alienos eatur, sed omnia quæ mandavit: hoc tamen ita præcipue, ut post generalitatem præcepti quo admonuit non esse prætereundum ab omnibus verbis

mandatorum suorum, etiam hoc seorsum commendare voluerit.

Potest hoc quod ait, *dextra aut sinistra*, etiam sic intelligi, ut nec eorum causa, quæ propter felicitatem appetuntur, nec eorum quæ propter infelicitatem fugiuntur, ire mandaverit post deos alios: id est, nec pro iis quæ amantur, nec contra ea quæ odio habentur, a diis aliis auxilium esse posendum: aut certo illo modo, ut vel concilientur, quo prosint<sup>3</sup>; vel placentur, ne noceant. Nam et de quibusdam scriptum est in Psalmo, *Quorum os locutum est vanitatem, et dextera eorum dextera iniurias*: ideo quia his rebus opinantur fieri hominem beatum, quas et boni et mali possunt habere; et ideo dextera est iniurias, quia iniqui sunt, qui eam dexteram putant. Non enim est vera dextera, sed dextera est eorum quorum os locutum est vanitatem. *Beatum dixerunt populum cui haec sunt*, cum potius, sicut mox adjungit et docet, *Beatus sit populus cuius Dominus Deus ipsius* (Psal. cxliii, 8, 15). Haec est vera dextera, æquitatis, non iniurias. Non est ergo cundum post deos alienos, neque in dextra, ut existimet homo ex ipsis se fieri beatum; neque in sinistra, ut existimando ipsis adversantibus se fieri miserum, ad hoc eos colat ut avertat. Aut certe si dextera intelligimus æterna, sinistra vero temporalia bona; nec propter illa, nec propter ista eos colendos sancta Scriptura hoc loco admonuisse creditur.

**XLIX.** [lb. xxix, 4.] *Haec verba Testamenti quod mandavit Dominus Moysi, statuere filii Israël in terra Moab, præter Testamentum quod testatus est eis in Horeb. Ostendit unde appellatus sit liber Deuteronomium, quasi secunda Lex; ubi magis illius repetitio est, quam aliquid aliud: pauca enim sunt, quæ ibi non sint in eo quod primum datum est. Nec tamen appellantur haec duo Testamenta, quamvis ita haec verba sonare videantur: utrumque enim unum est Testamentum, quod in Ecclesia dicitur Vetus. Nam si propter haec verba duo Testamenta dicenda essent, jam non duo, sed plura essent, excepto Novo. Multis enim locis Scriptura dicit Testamentum: sicut illud quod saepe est ad Abraham de circumcisione (Gen. xvii, 4), vel illud superius ad Noe (Id. ix, 9).*

**L.** [lb. xxix, 2-4.] *Et vos vidistis omnia quæcumque fecit Dominus Deus vester in terra Ægypti coram vobis Pharaoni, et omnibus servis ejus, et omni terræ illius, tentationes magnas, quas viderunt oculi tui, signa et prodigia illa magna, et manum validam. Et non dedit Dominus Deus vobis cor scire, et oculos videre, et aures audire usque in diem istam. Quomodo ergo ait superius, *Vos vidistis temptationes magnas, quas viderunt oculi tui*, si non dedit Dominus eis oculos videre, et aures audire; nisi quia viderunt corpore, et corde non viderunt? quia oculi dicuntur et cordis: propterea inde coepit, *Et non dedit Dominus Deus vobis cor scire*. Ad hoc pertinent duo quæ sequuntur, et oculos videre, et aures audire, id est intelligere, et obtemperare. Quod vero dicit, *Et non dedit Dominus Deus vobis*;*

<sup>1</sup> Editi, in dextra. Abest, in, a MSS. et a LXX.

<sup>2</sup> Desiderabantur hic verba illa: sic et istic repetatur, *Non præterib[us] ab omnibus quæ ego mando tibi hodie*; quæ reperiuntur in Codd. Sorbonico et Flemigiano.

<sup>3</sup> Sic MSS. At excusi, veluti consuluntur, quæ prosint.

nullo modo increpans et arguens hoc diceret, nisi ad eorum quaque culpam pertinere intelligi vellet, ne quisquam se ex hoc excusabilem putet. Simul enim ostendit et sine adjutorio Domini Dei eos intelligere et obedire non posse oculis cordis, et auribus cordis: et tamen si adjutorium Dei desit, non ideo esse excusabile hominis vitium; quoniam iudicia Dei quamvis occulta, tamen justa sunt.

L1. [lb. xxix, 5. 6.] *Et adduxit vos quadraginta annos in deserto: non inventaverunt vestimenta vestra, et calcamenta vestra non sunt altrita a pedibus vestris; panem non manducavistis, vinum et siceram non bibistis, ut sciretis quia iste Dominus Deus vester.* Hic apparet tantum vini in suis impedimentis potuisse portare Israëlitas, quando exierunt de Aegypto, quod possent cito consumere. Nam si omnino nihil secum tulissent, unde esset illud de quo dictum est, *Sedit populus manducare et bibere, et surrexerunt ludere?* Non enim hoc de aqua diceretur, cum et ipsius Moysi manifestissima verba sint, non fuisse illam vocem principium hæli, sed principium vini (*Exod. xxxii, 6, 18*).

L2. [lb. xxix, 18-21.] *Nunquid est aliquis inter vos vir, aut mulier, aut familius<sup>1</sup>, vel tribus, cuius mens declinavit a Domino Deo vestro, ire servire diis gentium illarum? Num qua est in vobis radix sursum germinans in felle et amaritudine? Et erit, cum audierit verba maledictionis hujus, et opinabitur in corde suo, dicens, Sancta mihi sint, quoniam in errore cordis mei incedo: ut non simul perdat peccator eum<sup>2</sup> qui sine peccato est; volet Deus propitiare ei, sed tunc incendet ira Domini, et zelus ejus in homine illo, et adhærebunt in eo omnia maledicta Testamenti hujus, quæ scripta sunt in libro Legis hujus. Ita dictum est, *Nunquid est in vobis?* ut tanquam requirentem intelligamus, ne forte sit. Si quis autem esset, eum terruit vehementer, ne forte quisquam diceret in corde suo, audiens illa maledicta, *Sancta mihi sint*, id est, maledicta sancta mihi sint: quoniam in errore cordis mei incedo, id est, absit ut mihi ista eveniant, non mihi sint haec mala, sed sancta, id est propitia et innoxia; quoniam in errore cordis mei incedo, cundo scilicet post deos gentium, et eis tanquam impune serviendo. Non, inquit, erit sic. *Non perdat simul peccator eum qui sine peccato est:* tanquam diceret, Cavete ne cui vestrum talia persuadeat, qui talia cogitat. *Nolet Deus propitiare ei,* sive talia cogitanti, sive illi cui talia fuerint persuasa, sicut ipse opinatus est dicendo, *Sancta mihi sint;* et quasi hoc modo avertendo a se vim illius maledicti. *Sed tunc accendatur ira Domini, et zelus ejus in homine illo*, quando putabit eam se avertere, ista in corde suo dicendo. *Et adhærebunt in eo omnia maledicta Testamenti hujus, quæ scripta sunt in libro Legis hujus.* Non possunt quidem omnia evenire uni homini: non enim clam toties mori potest, quot genera mortis hic dicta*

<sup>1</sup> Editio et plures MSS., *aut familius*. Paulus post, *nequam est in eo radix*. Locum hunc redintegrant, et cum LXX corrigant codices aliquot melioris note.

<sup>2</sup> Editio, *non simul perdat peccatorem et eum*, est. At MSS. Juxta LXX: *Non simul perdat peccator eum qui sine peccato est.* Haec lectio nem conformat exppositio, que mox ab Augustino subjicietur.

sunt; sed omnia dixit, pro quibuslibet, et non sit immunis ab omnibus, cui evenerint aliqua eorum quibus pereat. Quod autem ait, *Ut non simul perdat peccator eum qui sine peccato est;* quod græcis habet ἀπαράτης, non sic accipendum est, tanquam ab omni prorsus peccato mundum et immunem hoc dixerit ἀπαράτης, id est sine peccato; sed eum qui sine peccato isto esset, de quo loquebatur: sicut dicit Dominus in Evangelio, *Si non renissem, et locutus eis fuisset, peccatum non haberent* (*Ioan. xv, 22*); non utique omne, sed hoc peccatum quo non crediderunt in eum. Dicit etiam Deus ad Abimelech de S. I. uxore Abraham, *Scio quia in mundo corde fecisti hoc* (*Gen. xx, 6*): non utique mundum illius cor ita voluit intelligi, ut similis eis esset, de quibus dictum est, *Beati mundo corde, quoniam ipsi Deum videbunt* (*Matth. v, 8*); sed ab illo peccato, de quo agebatur, mundum cor habebat, quoniam quantum ad ipsum pertinebat, non concupiverat conjugem alienam.

L3. [lb. xxx, 6.] *Et circumpurgabit Dominus cor tuum, et cor seminis tui, diligere Dominum Deum tuum ex toto corde tuo, et ex tota anima tua, ut viras tuas Evidens pollicitatio gratiae: promittit cuim Deus se esse facturum quod solet jubere ut fiat.*

L4. [lb. xxx, 11-14.] *Quia mandatum hoc, quod ego mando tibi hodie, non est supra modum, neque longe abs te est: non in caelo est, dicens, id est, ut dicas, Quis ascendet nobis in celum, et accipiet nobis illud, et audientes illud faciemus? Neque trans mare est, dicens, id est, ut dicas, Quis transfretabit nobis trans mare, et accipiet nobis illud, et audientes illud faciemus? Prope est verbum hoc valde in ore tuo, et in corde tuo, et in manibus tuis facere illud. Illoc esse verbum fiduciæ dicit Apostolus: quod ad Novum pertinet Testamentum. Sed queri potest, cur ea superius mandata dixerit, que scripta sunt in libro Legis hujus (*Deut. xxix, 21*): nisi quia his omnibus spiritualia significantur ad Novum Testamentum pertinentia, si bene intelligantur. Item queri potest cur hoc quod hic positum est, *Neque trans mare est, ut dicas, Quis transfretabit nobis trans mare, et accipiet nobis illud*, Apostolus dixerit, *Aut quis descendet in abyssum;* atque id expōnens ad junxit, *Hoc est Christum a mortuis reducere:* nisi quia mare appellavit totam in hoc saeculo vitam, quæ morte transitur, ut quodam modo mare similitur, et trans mare mors ipsa appelletur, velut trans istam vitam, quæ maris vocabulo significatur. Deinde quod hic additum est, *et in manibus tuis;* non ait Apostolus, nisi, in ore tuo et in corde tuo. Et hoc usque in finem exsecutus est, dicens, *Corde enim creditur ad justitiam, ore autem confessio fit ad salutem* (*Rom. x, 7, 8, 10*). Merito quod ex hebræo translatum est, quantum a nobis inspici potuit, non habet, *in manibus tuis.* Nec frustra tamen hoc a Septuaginta interpretibus additum existimo: nisi quia intelligi voluerunt etiam ipsas manus, quibus significantur opera, in corde accipi debere, ubi est fides quæ per dilectionem operatur (*Galat. v, 6*). Nam si forinsecus ea quæ Deus jubet, manibus sicut, et in corde non sicut, nemo est tam*

773  
insulsus, qui præcepta arbitretur impleri. Porro si charitas, quæ plenitudo est Legis (*Rom. xiiii, 10*), habitet in corde, etiamsi manibus corporis quisquam non possit operari, pax illi est utique cum hominibus bona voluntatis (*Luc. xi, 14*).

LV. [lb. xxxii, 5.] *Peccaverunt non ei filii vituperabiles.* Quod in græco est *τέκνα πεπεινά*, quidam interpretati sunt sicut hic, id est, *filiī vituperabiles*; quidam, *filiī commaculati*; quidam, *filiī vitiōsi*. Unde non magna questio, imo nulla est. Sed illud merito ad querendum movet, si generaliter dictum est, *Peccaverunt non ei*, quoniam qui peccat, non ei peccat, id est, non Deo nocet, sed sibi; quomodo intelligendum sit quod in Psalmo legitur, *Tibi soli peccavi* (*Psal. l, 6*); et in Jeremia, *Tibi peccavimus, patientia Israel, formine* (*Jerem. xiv, 7, 8*); et iterum in Psalmo, *Sana animam meam, quia peccavi tibi* (*Psal. xl, 5*): et utrum hoc sit peccare Deo, quod peccare in Deum. Unde ait Ileli sacerdos: *Si in Deum peccaverit, quis orabit pro eo* (*I Reg. ii, 23*)? Dicam ergo interim quid mihi in presentia videatur. Intelligent fortasse aliquid melius, qui melius haec sapiunt, aut etiam nos alio tempore, quantum adjuverit Dominus. Peccare in Deum, est in iis peccare quæ ad Dei cultum pertinent. Nam hoc quod commemoravi, nihil aliud indicat: sic enim peccabant filii Heli, quibus hoc pater eorum dixit. Sic existimandum est peccari etiam in homines qui pertinent ad Deum: nam hoc Deus legitur dixisse ad Abimelech de Sara, *Propterea pepercisti tibi, ne peccares in me* (*Gen. xx, 6*). Peccare autem Domino, vel potius peccasse Domino<sup>1</sup> (nisi forte alicubi scriptum occurrit quod huic sensui resistat), hi mihi videntur non immrito dici, qui piam pœnitentiam peccati sui nunc agunt, ut glorificetur ignoscens Dominus. Causant quippe reddens David cur dixerit, *Tibi soli peccavi, et matam coram te feci*; subjecit et ait, *Ut justificeris in sermonibus tuis, et vincas cum judicaris*: sive cum dicit Deus, *Judicate inter me et vineam meam* (*Isai. v, 3*): sive de Domino Jesu Christo intelligatur, qui solus verissime dicere potuit, *Venit enim princeps mundi, et in me non habet quidquam* (id est, quidquam peccati quod morte sit dignum); *sed ut cognoscat mundus quia diligo Patrem, et sicut mandatum dedit mihi Pater, sic facio; surgite, eamus hinc* (*Joan. xiv, 30, 31*): tanquam diceret, Etiamsi levissima peccata mortis supplicio persequatur princeps mundi, in me non habet quidquam, sed surgite, eamus hinc, id est, ut patiar; quia in eo quod patior, voluntatem impleo Patris mei, non pœnam solvo peccati mei. Et quod Jeremias ait, *Tibi peccavimus, patientia Israel*, Domino utique suppliciter dicitur in pœnitentia cum spe salutis ex venia<sup>2</sup>. Et quod dictum est, *Sana animam meam, quia peccavi tibi*, hoc idem agitur ut Deus ignoscendo glorificetur: quia magna est ejus misericordia super con-

sistentes sibi et redeentes ad se, qui dicunt se nolle mortem peccatoris, quantum<sup>3</sup> ut revertatur et vivat (*Ezech. xxxiii, 11*). Hinc et ipse David non solum in Psalmo, verum etiam cum eum Deus argueret per prophetam, non sine spe propitiationis Domini respondit, *Peccavi Domino* (*II Reg. xii, 15*). Medico enim vulneratus videtur quodammodo, qui ut sanetur se subdit manibus medici, ut in eo medicinae opus impleteatur. In hoc autem cantico prævidebat Propheta futuros quosdam, qui sic fuerant peccatori Deum offendendo magnis iniqualib[us] suis, ut nec pœnitentiam agere vellent, et ad Deum redire ut sanarentur: de quibus etiam alibi dicitur, *Quoniam caro sunt, et spiritus ambulans, et non revertens* (*Psal. LXXVII, 59*). Potest etiam sic intelligi, *Peccarerunt non ei*, secundum id quod non ei nocuerunt peccato suo, sed sibi.

LVI. [lb. xxxiii, 1-3.] *Et hæc benedictio quam benedixit Moyses homo Dei filios Israel, priusquam defungeretur.* Et dixit, *Dominus ex Sina venit, et alluxit ex Seir nobis: festinavit ex monte Pharan cum multis milibus Cades.* Ad dexteram ejus Angeli cum eo, et pepercit populo suo. *Et omnes sanctificati sub manus tuas, et hi sub te sunt.* Et accepit de verbis ipsius Legem, quam mandavit nobis Moyses, hæreditatem congregationibus Jacob. *Et erit in dilecto princeps, congregatis principibus populorum simul tribubus Israel.* Non negligenter prætereunda est ista proprietia. Apparet quippe ista benedictio ad novum populum pertinere, quem Dominus Christus sanctificavit; ex eius persona ista dicuntur a Moyse, non ex persona ipsius Moysi, quod in consequentibus evidenter apparet. Nam si propterea dictum est, *Dominus ex Sina venit*, quia in monte Sina Lex data est; quid sibi vult quod sequitur, et *alluxit ex Seir nobis*: cum Seir mons Idumeæ sit, ubi regnavit Esau? Deinde cum Moyses filios Israel benedicat his verbis, sicut Scriptura prædixit, quomodo idem dicit, *Et accepit de verbis ipsius Legem, quam mandavit nobis Moyses?* Nimirum ergo prophætia est, ut diximus, populum novum Christi gratia sanctificatum prænuntians, ideo sub nomine filiorum Israel, quia semen est Abraham, hoc est, filii sunt promissionis, et interpretatio ejus est, Videns Deum. Dominus ergo qui ex Sina venit, Christus intelligendus est, quoniam Sina interpretatur, Tentatio. Venit ergo ex tentatione passionis, crucis, mortis. *Et alluxit ex Seir.* Seir interpretatur, Pilosus, quod significat peccatorem; sic enim natus est Esau odio habitus (*Gen. xxv, 25*): sed quoniam qui sedebat in tenebris et in umbra mortis, lux orta est eis (*Isai. ix, 2*); ideo alluxit ex Seir. Simul etiam non adsurde intelligitur esse prædictum, ex gentibus quæ significantur per nomen Seir, quia mons est pertinens ad Esau, venturam gratiam Christi populo Israel. Unde dicit Apostolus: *Ita et hi nunc non crediderunt in vestra misericordia, ut et ipsi misericordiam consequantur* (*Rom. xi, 51*). Ipsi ergo

<sup>1</sup> In editis, tantum ut revertatur. In MSS. vero, *quantum*; juxta LXX, *os apostrepst*.

<sup>2</sup> Editi, *qua benedixit*: et inferius, *hæreditatem congregationis Jacob*: pauloque post, *simil cum tribubus Israel*. Ibi in locis sequuntur MSS. qui cum græco LXX converuant.

<sup>3</sup> MSS. *malignum*.

<sup>4</sup> Sic MSS. At Am. Er. et Lov., *et venia*. Rat., *et venia*.

dicunt, *Alluxit ex Seir nobis, et festinavit ex monte Pharan*, id est, ex monte fructifero : id enim interpretatur *Pharan*, quo significatur Ecclesia. *Cum multis millibus Cades*. Et Mutata interpretatur *Cades*, et Sanctitudo. Mutata sunt ergo multa millia, et sanctificata per gratiam, cum quibus venit Christus ad Israelitas postea colligendos. Sequitur et dicit, *Ad dexteram ejus Angelii cum eo* : hoc non indiget expositione. *Et pepercit*, inquit, *populo suo* : donans remissionem peccatorum. Inde ad ipsum convertit sermonem atque ait, *Et omnes sanctificati sub manus tuas, et hi sub te sunt* : non utique superbientes, et suam justitiam volentes constituere; sed agnoscentes gratiam, ut justitiae Dei subjiciantur (*Rom. x, 5*). *Et accepit*, inquit, de verbis ipsius Legem : populus utique de quo ait, *Et pepercit populo suo*. Accepit ergo de verbis ipsius Legem, quam mandavit, inquit, *nobis Moyses* : hoc est, populus ejus de verbis ejus accepit Legem, quia de doctrina ejus intellexit Legem eam ipsam quam mandavit nobis Moyses. Ipse quippe ait in Evan-

gelio : *Si crederetis Moysi, credaretis et mihi*; *de me enim ille scripsit (Joan. v, 46)*. Non enim accepit populus ille Legem quam non intellexit; sed tunc accepit, quando intellexit de verbis ejus, carens velamine veteri, conversus ad Dominum : *hanc dicit hereditatem congregationibus Jacob*, que intelligenda est non terrena, sed cœlestis; non temporalis, sed eterna. *Et erit*, inquit, in dilecto princeps : ipse utique in dilecto populo erit princeps Dominus Jesus : *congregatis principibus populorum*, id est, gentium : *similis tribubus Israel*, ut impleatur quod supra dictum est, *Lætamini gentes, simul cum populo ejus*; *quia cœcitas ex parte in Israel facta est, donec plenitudo gentium intraret, et sic omnis Israel salvis fieret (Rom. xv, 10, et xi, 25)*.

LVII. [lb. xxxiii, 17.] Cum Joseph benediceret, ait inter cœtera, *Primogenitus tauri pulchritudo ejus*. Quod non ita legendum est, tanquam dixerit, primogenitus tauri; sed, cum sit primogenitus, pulchritudo ejus tauri est : propter crucis cornua, de Domino intelligitur figuratio.

## LIBER SEXTUS.

Quæstiones in Jesum Nave (a).



QUEST. I. [Jos. cap. 1, § 5.] Dominus dicit ad Jesum Nave, *Et sicut crav cum Moysè, ita ero et tecum*. Non solum autem hoc testimonio, sed etiam in Deuteronomio multis documentis probatur Moyses ita defunetus, ut Dei famulus et Deo placens : quamvis in eo illa vindicta completa sit, ne terram promissionis intraret (*Deut. xxxii, 48 52, et xxxiv, 4, 5*). Ex quo datur intelligi, Dominum etiam bonis servis suis in aliquo succensem, et temporaliter vindicare, et tamen in eorum habere numero, quæ sunt in domo ejus vasa in honorem utilia Domino (*II Tim. ii, 21*), quibus datus est promissa sanctorum.

II. [lb. i, 11; iii, 7.] Quæstio est, quomodo posteaquam locutus est Dominus ad Jesum Nave, exhortans et confirmans eum, seque promittens cum illo futurum, mandaverit idem Jesus populo per scribas, ut præparent cibaria, quod post tres dies Jordanem fuerant transituri, cum inveniantur post multo plures dies transisse Jordanem. Cum enim hæc populo mandasset, misit exploratores in Jericho, quoniam Jordane trajecto ipsa proxima civitas occurrebat : illi autem diverterunt ad Raab mulierem fornicariam, et ab illa occultati, atque a rege quæsiti et minime inventi, eadem dimittente illos per fenestram, et monente ut triduo laterent in montanis, quatuor dies videntur esse consumpti ; inde posteaquam nuntiaverunt quæ circa illos gesta fuerint, promovit Jesus cum populo universo de loco ubi erat diluculo ; qui cum venisset ad Jordanem, divertit et mansit : tunc rursus populus admonetur ut post triduum se præparet transire Jordanem, arca Domini præcedente. Hinc ergo

(a) In hujus libri 6 titulo legendum, *Jesum Nave*, ut in MSS.; non, *Josue*, ut in editis reperitur. [*Osne*.]

intelligitur humanam fuisse dispositionem, quam fecit populo nuntiari, ut cibaria præparent, tanquam post tres dies memoratum fluvium transituri. Potuit enim hoc sicut homo sperare fieri posse, si exploratores celeriter revertissent. Quibus tardantibus intelligitur, quamvis Scriptura tacuerit, ex divina dispositione cœtera impleta, ut jam inciperet apud populum glorificari Jesus, et ostendi quod cum illo Dominus esset, sicut fuerat cum Moysè. Nam et hoc illi dicitur fluvium transituro, sicut scriptum est : *Et dixit Dominus ad Jesum, In die isto incipiam exaltare te coram omnibus filiis Israel, ut sciant quoniam sicut eram cum Moysè, sic ero et tecum*. Nec incredibile debet videri, etiam illos cum quibus Deus loquebatur, aliquid ex humana dispositione agere voluisse, in qua sibi Deum tamen fidarent<sup>1</sup> esse rectorem, eorumque ex illius a quo regabantur providentia, consilia fuisse mutata. Nam et Moyses ipse utique tanquam homo putaverat esse faciendum, ut causas populi sic audiret, quemadmodum et sibi et illis, onus intolerabile subeundo, prodere non posset : ejusque dispositio divinitus, et hoc ipsum socero ejus suggestore et monente, atque hanc admonitionem Deo approbante, mutata est (*Exod. xviii, 14-26*).

III. [lb. iii, 3, 4, 15.] Scribæ populo dicunt, *Cum videritis arcam testimonii Domini Dei nostri, et sacerdotes nostros<sup>2</sup> et Levitas tollentes eam, proficiscimini de locis vestris ; et ite post eam : sed longum intervallum sit inter vos et illam, quantum duo millia cubitorum stabitis, ne propinquetis ei, ut sciatis viam quam ibitis in eam*. Non enim abiistis viam ab hesterna et nudiustertiana die.

<sup>1</sup> MSS. Decem et editio Ratisponensis, viderent.

<sup>2</sup> Sic MSS. At editi, *Dei vestri et sacerdotes vestros*.

Longe jussum est arcam præcedere, ut posset a populo videri. Tam grande quippe agmen, si post eam proximum pergeret, non eam videret præire, nec nosset qua sequeretur. Ex hoc autem facto intelligendum est, quod columna illa nubis, quæ solebat movendis castris signum dare, et iter ostendere (*Exod. xiii, 21*), iam recesserat, nec eis apparebat: hinc factum est ut etiam triduum illud ex humana dispositione prædiceretur (*Supra, quæst. 2*). Nunc ergo duce Jesu arcam Domini sequuntur nube subtracta tanquam velamine ablato. *Jordanis autem plenus erat per totam crepidinem suam, sicut in diebus messis tritici.* Hoc incredibile videtur regionibus nostris: ibi autem, sicut perhibent qui neverunt, in initio veris est messis tritici; tunc autem ille fluvius repletus amplius quam per hiemem.

IV. [lb. iv, 7.] *Et erunt vobis lapides isti memoriale filii Israel usque in æternum.* Quomodo in æternum, cum cœlum et terra transeant (*Matth. xxiv, 35*)? An quoniam æternum aliquid significant hi lapides, cum ipsi æterni esse non possint? Quamvis possit quod in græco est, ἀνταντοις, dici latine, et usque in seculum, quod non est consequens ut intelligatur æternum.

V. [lb. iv, 15 et 16.] *Et dixit Dominus ad Jesum, dicens: Manda sacerdotibus portantibus arcam testamenti testimonii.* Solet dici arca testamenti, vel arca testimonii: nunc dicta est arca testamenti testimonii, ut non solum arca, sed etiam ipsum testamentum, appellaretur testamentum testimonii. Hinc enim dicit Apostolus: *Nunc autem sine Lege iustitia Dei manifestata est, testimonium habens per Legem et Prophetas* (*Rom. vii, 21*). In cuiusdam enim rei alterius venturæ testimonium datum fuerat illud, quod dicitur Testamentum Vetus.

VI. [lb. v, 2-7.] *Dixit Dominus ad Jesum; Fac tibi ipsi cultos de petra acutos, vel, sicut habet græcus, de petra acuta, et sedens circumcidere filios Israel iterum.* In hoc præcepto queritur cur dixerit, iterum. Non enim unus homo bis circumcidendus erat: sed quia unus populus erat in quibusdam circumcisus, in quibusdam non circumcisus, ideo dictum est iterum, ut circumcisus iterum circumcidetur, non homo, sed populus. Nam et sequentia id ostendunt. Dicit enim Scriptura: *Et fecit Jesus cultos petrinos sibi ipsi acutos, et circumcidit filios Israel in loco qui vocatur Collis præputiorum.* Hoc autem modo circumpurgavit Jesus filios Israel, qui aliquando fuerant in via, et qui aliquando incircumssi erant eorum qui exierant ex Ægypto; omnes istos circumcidit Jesus. *Quadragesima enim et duabus annis conversatus est Israel in deserto Mabaritide,* et ideo incircumssi erant illorum plurimi pugnatorum qui exierunt de terra Ægypti qui inobedientes fuerant mandatis Dei, in quibus et definierat Dominus eis, ne riderent illi terram quam juraverat Dominus patribus eorum dare illis, terram fluentem lac et mel. Pro his autem substituit filios eorum, quos circumcidit Jesus, eo quod fuissent in itinere incircumssi. Manifestum est ergo non omnes fuisse, sed quosdam. Quidam enim de Ægypto exēuntium filii in illo populo incircumssi erant, quos potuit circumcidere Jesus; illorum scili-

cet filios qui generant in deserto, et contempserunt eos circumcidere, quod inobedientes erant legi Dei. Nulla itaque causa est cur ii qui putant rebaptizandos eos qui habent christiani Baptismi sacramentum, hoc testimonio Legis adjuvari se putent: quia nullus bis numero unus homo est circumcisus; sed populus qui jam fuerat in quibusdam circumcisus, in quibusdam vero adhuc incircumcisus erat. Et si aliquo modo id fieri posset, ut bis circumcidì hominem Deus juberet; numquid possunt dicere ideo fuisse præceptum, quia illi ab Ægyptiis fuerant circumcisi, aut ab aliquibus hereticis ab Israëlitarum societate segregatis? Cum vero satis etiam appareat quare sit a Deo dictum; nullum hic possunt homines erroris sui patrocinium reperire.

VII. [lb. v, 15-13.] Quando Jesus vidit virum contra se stantem evaginato gladio, et eo respondente dicit quod esset princeps militiae virtutis Domini; et prostratus in terram dixit, *Quid præcipis tuo famulo?* queri potest utrum angelo se prostraverit, eumque dixerit dominum; an potius intelligens a quo missus fuerat, ipsum Dominum dixerit, eique se prostraverit. Erat autem, sicut legitur, Jesus in Jericho, non utique in ipsa civitate, cujus muri nondum ceciderant, quod mox futurum erat, ut in eam possent intrare; sed in agro ad eam pertinente: nam interpretatio quæ est ex hebreo, sic habet.

VIII. [lb. vii.] In eo quod factum est ut Achar de tribu Juda furaretur de anathemate civitatis Jericho contra præceptum Domini; et propter ejus peccatum tria millia quæ missa fuerant in Gai, dederunt terga hostibus, et occisi sunt ex eis triginta sex viri; et populo graviter territo, Jesus cum senioribus se prostravit ad Dominum, eique responsum est ideo factum esse, quod peccaverit populus; minatus est etiam Deus non se cum eis futurum, nisi abstulerint anathema de se ipsis; et quod ostensus est qui fecerat, nec solus occisus, sed cum omnibus suis: queri solet quomodo juste pro alterius peccatis in alios vindicetur; maxime quia in Lege Dominus dixit, nec patres pro filiorum, nec filios pro patrum peccatis esse pauciendos (*Deut. xxiv, 16*)? An aliud judicantibus hominibus est præceptum, ne quemquam pro altero puniant; Dei autem judicia non sunt ejusmodi, qui alto et invisibili consilio suo novit quatenus extendat otiam temporalem horum pœnam salubrènque terrem? Non enim aliquid dirum<sup>1</sup>, quantum attinet ad universi mundi administrationem, contingit mortalibus, cum moriuntur quandoque morituri: et tamen apud eos qui talia metuunt, disciplina sanctatur, ut non se solum quisque curet in populo, sed invicem sibi adhibeant diligentiam, et tanquam unius corporis et unius hominis alia pro aliis sint membra sollicita. Nec tamen credendum est, etiam pœnis quo post mortem irrogantur, alium pro alio posse damnari; sed in his tantum rebus hanc irrogari pœnam, quæ finem fuerant habituæ, etiam si non eo modo finirentur. Similiter etiam ostenditur quantum conexa sit i. populi societas ipsa universitas, ut non in seipsis singuli, sed et

<sup>1</sup> Editi, durum.

(Vingt-cinq.)

tanquam partes in toto existimentur. Per unius igitur peccatum mortemque paucorum admonitus est populus universus, tanquam in corpore universo quærere quod admissum est. Simul etiam significatum est quantum mali fieret, si universa illa congregatio pœcasset; quando ne unus quidem ita potuit judicari<sup>1</sup>, ut ab eo possent ceteri esse securi. At vero, si Achar ab aliquo inventus atque comprehensus, et illius criminis reus ad judicium Jesu fuisse adductus, nequamquam putandum est hominem judicem vel pro illo vel cum illo quemquam alium, qui societate facti ejus minime teneretur, fuisse puniturum. Neque enim ei mandatum Legis licetbat excedere, quod datem est hominibus, ne judicio suo, quod in hominem homini jussum sive permisum est, alterum pro alterius peccato arbitretur esse plectendum. Longe autem secretiore justitia judicat Deus, qui potens est etiam post mortem, quod homo non potest, vel liberare vel perdere. Visibiles igitur afflictiones hominum sive mortes, quoniam his quibus ingeruntur, et obesse et prodesse possunt, novit Dominus in occulto providentie sue quemadmodum juste quibusque dispensem, etiam cum aliorum peccata in aliis videtur ulcisci. Pœnas vero invisibilis, quæ non nisi nocent, et prodesset non possunt, ita nullus Deo judice pro alienis peccatis luit, sicut homine judice luere nullus nisi pro sua culpa istas visibiles debet. Hoc enim præcepit homini judicii Deus, in his quæ ad humanum judicium pertinent vindicanda<sup>2</sup>, quod in suo judicio facit ipse, quo potestas non aspirat humana.

IX. [Ib. vii, 15 et 25.] Merito queritur, cum Dominus propter illum qui de anathemate furtum fecerat, præceperit eum qui fuisse ostensus, igni cremari, cur cum ostensum Jesus lapidari potius a populo fecerit. An ita eum mori oportuit, quemadmodum Jesus, qui proprius Dominum sequebatur, Domini verba jubentis intelligere potuit? Sic enim alias quisquam non facile potuit. Unde magis querendum est cur lapidationem ignem appellaverit Dominus, quam credendum Jesum aliud fecisse quam jusserrat Dominus. Nam neque ad intelligendum verba Domini quisquam potuit esse sapientior, neque ad faciendum quisquam obedientior. Proinde ignis nomine pœnam potuisse significari, Scriptura testis est in Deuteronomio, ubi dicitur ad filios Israel, *Et eduxit vos de fornace ferrea ex Ægypto* (Deut. iv, 20): ubi utique duram tribulationem intelligi voluit.

Dux autem mihi causæ occurrunt (non ut ambœ sint, sed ut altera ex eis), cur non ille cum suis omnibus evidenti igne crematus sit. Si enim peccatum ejus Dominus tale esse judicavit, quod supplicio illo expiatum non puniret in æternum, propter ipsum expiationem et purgationem congruentia illa pœna ignis nomen accepit. Neque ad hunc intellectum quisquam tendere admoneretur, si eum proprie visibilis Ignis exureret; sed in eo quisque remaneret, quod aperiebat impletum, nec aliquid ultra quereret:

<sup>1</sup> vs. Cisterciensis, *vindicari*.

<sup>2</sup> sic Rat. et Am. Al. Am. Fr. et Lov., *judicanda*.

nunc vero cum propter Dei verba et factum Jesu, a quo prævaricari illa verba non possent, rectissime dicitur etiam lapidationem ignem fuisse; eleganter agnoscitur illa pena hominem, ne in posterum peccato illo interiret, fuisse purgatum. Quod significant etiam vasa in Levitico, quæ jubentur igne purgari. Si autem tale fuit illud peccatum, propter quod cum etiam post istam vitam gehenna susciperet; ideo Jesus cum voluit lapidari, ut quod a Domino dictum est, igni cremabitur, illud admoneret intelligi, quod Dominus faceret, non quod ab ipsis esset faciendum. Si enim dixisset Dominus, Igni enim cremabitur et omnia ejus; huic sensu locus nullus esset: cum vero ita possum est, ut magis videatur Deus quod ei futurum esset prædictissime, quam quod ei ab hominibus debaret fieri præcepisse; melius non potuit facere Jesus, qui divina verba sicut tantus propheta intellexit, qui etiam hoc ipsum prophetice fecit, quam ut illum lapidibus potius quam flammis interimeret, ne in illis ignibus verba Domini viderentur impleta, quæ ob aliud dicta volebat intelligi.

Nec movere debet quod non ipsum tantum, sed etiam omnia quæ sunt ejus, Deus cremanda igni prædixerit. Sic enim ait, *Igni cremabitur, et omnia quæcumque sunt ei*. Omnia enim quæcumque sunt ei, opera ejus possunt intelligi, quæ cum illo dixit esse concremenda: non sicut dicit Apostolus de quibusdam operibus igne consumptis, *ipse autem satrus erit* (I Cor. iii, 15); si hujus peccatum ita intelligendum est, ut etiam æterno igne puniatur. Filios ergo ejus et filias cum pecoribus et omnibus quæ habebat, populus quidem cum eum puniret, simul lapidibus obruit: non tamen hoc judicio humano, sed prophetico spiritu fecit Jesus; sive ita intelligens, *omnia quæ sunt ei*, ut nec filios censeret exceptos, lapidationis etiam pœnam pro igne ingerens; sive opera ejus que post mortem Dens in illo fuerat crematurus, non solum per extera quæ illi erant, verum etiam per filios ejus significans.

Nec ideo sane credendum est eos pro peccato patris, a quo innocentes erant, etiam post mortem supplicio inferni ignis incensos. Mors quippe ista quæ omnes manet, quamvis de primo peccato veniat, tamen quia ita nati sumus, ut necessario moriendum sit, accelerata quibusdam est utilis. Unde legitur de quodam: *Raptus est, ne malitia mutaret intellectum ejus* (Sap. iv, 11). Quo ergo judicio Dei, vel misericordia, fuerit irrogata sive filii ejus, sive illis triginta sex viris, cum omnes ab ejus peccato alienifuerint, latet apud eum apud quem non est iniurias (Rom. ix, 14). Verum illud in promptu est, quod et populum terribiliter oportebat querere quod admissum est; et tanto vehementius timuerunt ceteri factum ejus imitari, quanto magis humana exhorret infirmitas, et in tam magnum tamque justum populi odium dari, et eis quos ad spem propagandi generis se relicturum putabat, peccato suo secuni consumptis suis posteris emori.

X. [Ib. viii, 2.] Quod Deus jubet loquens ad Jesum, ut constituat sibi retrorsus insidias, id est insidiantes

**bellatores ad insidianum hostibus , hinc admonemur non injuste fieri ab his qui justum bellum gerunt : ut nihil homo justus præcipue cogitare debeat in his rebus , nisi ut justum bellum suscipiat , cui bellare fas est ; non enim omnibus fas est . Cum autem justum bellum suscepit , utrum aperta pugna , utrum insidiis vincat , nihil ad justitiam interest . Justa autem bella definiri solent , quæ ulciscuntur injurias , si qua gens vel civitas , quæ bello petenda est , vel vindicare neglexerit quod a suis improbe factum est , vel reddere quod per injurias ablatum est . Sed etiam hoc genus belli sine dubitatione justum est , quod Deus imperat , apud quem non est iniqutus , et novit quid cuique fieri debeat . In quo bello duxtor exercitus vel ipse populus , non tam auctor belli , quam minister judicandus est .**

**XI. [lb. viii, 4-8.]** Jesus mittens ad Gai debellandum triginta millia bellatorum , ait illis : *Vos insidiabitimi post civitatem , et non longe eritis a civitate , et eritis omnes parati : et ego et omnis populus qui mecum est , accedemus ad civitatem . Et erit , cum exierint qui commorantur in Gai , in obriam nobis , sicut antea , et jugiemus a facie illorum . Et cum exierint post nos , adducemus illos de civitate , et dicent , Fugiunt isti a facie nostra , sicut antea . Vos autem exsurgentis ex insidiis et ibitis in civitatem . Secundum verbum istud facietis . Ecce præcipio vobis . Quærendum est utrum omnis voluntas fallendi pro mendacit deputanda sit ; et si ita est , utrum possit justum esse mendacium , quo ille fallitur , qui dignus est falli : et si ne hoc quidem mendacium justum reperitur , restat ut secundum aliquam significationem hoc , quod de insidiis factum est , ad veritatem referatur .*

**XII. [lb. ix, 3 13.]** Quod Gabaonitæ venerunt ad Jesum cum vetustis panibus et saccis , ut putarentur , sicut sinxerant , de terra venisse longinqua , quo eis parceretur (constitutum enim erat a Domino , ne alicui terras illas inhabitanti parcerent , quo ingrediebantur ) : nonnulli codices et græci et latini habent , *Et accipientes saccos veteres super humeros suos ;* alii vero qui veraciores videntur , non habent , *super humeros , sed , super asinos suos .* Similitudo enim verbi in græca lingua mendorositatem facilem fecit , et ideo latina quoque exemplaria variata sunt : *επειν* quippe et *επειν* non multum ab invicem dissonant , quorum prius humerorum nomen est , posterius asinorum . Ideo est autem de asinis credibilius , quoniam se a sua gente longinqua missos esse dixerunt : unde apparet eos fuisse legatos , et ideo magis in asinis quam in humeris necessaria portare potuisse ; quia nec multi esse poterant ; et non solum saccos , sed etiam utres eos portasse Scriptura commemorat .

**XIII. [lb. ix, 19.]** Quæri potest quomodo jurationem servandam esse crediderint Hebræi Gabaonitis , quibus ita juraverant , tanquam de longinqua terra venientibus , sicut illi mentiti fuerant . Sciebant enim se debellandos , si cognitum esset Hebreis in ea terra eos habitare , quam promissam fuerant interfictis habitantibus retenturi . Mentientibus ergo quod de

longinqua terra ad eos venissent , juraverunt eis Israelite . Posteaquam vero cognoverunt ibi eos habitare , ubi omnes quos invenerant secundum Dei præceptum debellare oportebat , noluerunt tamen frangere jurationem : et licet eos mentitos esse didicissent , parcere maluerunt jurationis causa ; cum possent utique dicere se tantum illis jurasse <sup>1</sup> , quos eos esse crediderant , id est de longinquorum venientes ; cum vero aliud cognoverunt , præceptum circa eos Domini implendum erat , ut sicuti cæteri expugnarentur . Deus autem hoc approbat , nec parcentibus succensuit : quamvis eum non interrogassent quinam illi essent , et ideo eos illi fallere valuerint . Unde non importune utique credendi sunt , etsi fallere homines pro sua salute voluerunt , non tamen fallaciter Deum timuisse in populo ejus : propterea nec succensuit Dominus jurantibus aut parcentibus , adeo ut postea Gabaonitas ipsos tanquam populi sui homines de domo Saul vindicaverit , sicut Regnorum ostendit historia (II Reg. xxi, 1-9) . Et quoniam juratio sic servata est , quamvis in hominibus qui mentiti sunt , ut ad clementiam sententia flecteretur , non displicuit Deo . Nam si e contrario jurassent aliquos se interfecturos , quos Gabaonitas in terra promissionis esse putavissent , et postea didicissent eos esse ab illa terra extraneos , et de longinquuo ad se venisse , nullo modo arbitrandum est , quod eos essent debellaturi causa jurationis implendæ : cum propter ipsam parcendi clementiam sanctus David , etiam post verba quibus se Nabal interfectorum esse juraverat , utique sciens quem fuerat interfectorus , parcere maluit , nec in re duriore implere juramentum (I Reg. xxv , 22 , 53) ; magis Deo placere existimans , si quod ira perturbatus ad nocendum juraverat , non fecisset , quam si perfecisset .

**XIV. [lb. x, 7, 8.]** Cum obsessi Gabaonitæ a regibus Amorræorum , misissent ad Jesum , ut sibi subveniret ; ita Scriptura sequitur , et dicit : *Et ascendit Jesus a Galgala , ipse et omnis populus bellatorum cum illo , omnis potens in fortitudine . Et dixit Dominus ad Jesum , Noli timere illos ; in manus enim tuas tradidi eos : non subsistet ex illis quisquam coram vobis .* Ubi neque consultus est Dominus utrum eundum ad eos esset ; sed ultra suis recte subvenire volentibus , futuram victoram prænuntiavit . Sic ergo posset , quamvis non consultus , de ipsis Gabaonitis admonere , qui essent , cum se longinquos esse mentirentur , nisi ei placuisset illa juratio , quæ subjectis parcere cogeret . Crediderant enim Deo , quem audierant suo populo promisso quod illas gentes subverteret , eorumque terram obtineret ; et hanc eorum fidem non eos prodendo <sup>2</sup> remuneravit quodam modo .

**XV. [lb. x, 5, 6.]** Quæritur quemadmodum rex civitatis Jerusalem Adonibezech et cæteri quatuor cum quibus obsedit Gabaonitas , secundum Septuaginta interpres , primo reges Jebusæorum cum ad eos ob-sidendo convenerunt , postea vero reges Amorræorum dicantur ab ipsis Gabaonitis , quando nuntios

<sup>1</sup> Miss. , se tanquam illis jurasse .

<sup>2</sup> Sic Miss. cum Rat. et Am. At Er. et Lov., perderentur .

miserunt ad Jesum, ut eos de obsidione liberaret. Sicut autem inspicere potuimus in ea interpretatione quæ ex hebreo est, utrobius Amorrhæorum dicuntur: cum constet Jebusæorum fuisse regem civitatis Jerusalem, quia ipsa est dicta Jebus tanquam illius gentis metropolis; et septem gentes scepissime Scriptura commemoret, quas promisit Deus exterminaturum se esse a facie populi sui, ex quibus una perhibetur Amorrhæorum. Nisi forte hoc nomen universale fuerat omnium, aut potius majoris partis: ut non una, sed plures in his septem hoc nomine tenerentur; quamvis esset etiam una de septem, quæ Amorrhæorum proprie vocaretur sicut est pars quædam quæ proprie dicitur Libya, quamvis hoc nomen universæ Africæ competit; et pars quædam quæ proprie dicitur Asia, quamvis Asiam vel dimidium terrarum orbem quidam, vel alii tertiam partem orbis posuerint. Nam, quod constat, et Chananæi tanquam una gens in illis septem commemorantur, et tamen universa illa terra originaliter terra Chanaan vocatur.

XVI. [lb. xi, 14 et 15.] *Non dimisit in ea Jesus quidquam spirans, sicut præcepit Dominus Moysi pueru tuo, et Moyses similiter præcepit Jesu, et sic fecit Jesus: non est transgressus quidquam ab omnibus quibus constituit Dominus Moysi.* Propter hoc nullo modo putanda est ista crudelitas, quod nullum vivum in civitatibus sibi traditis dimittebat Jesus, quia Deus hoc fuisse. Qui autem existimant hinc Deum ipsum fuisse crudelem, et propter hoc Veteris Testamenti verum Deum fuisse auctorem nolunt credere, tam perverse de operibus Dei quam de peccatis hominum judicant, nescientes quid quisque pati dignus sit, et magnum putantes malum cum casura dejiciuntur, mortalesque moriuntur.

XVII. [lb. xi, 19.] *Et non erat civitas quæ non erat tradita filiis Israel.* Quæritur quomodo hoc verum sit, cum nec temporibus postea Judicum, nec temporibus Regum omnes omnino illarum septem gentium civitates capere potuerint Hebræi. Sed aut sic intelligendum est, quod ad nullam civitatem bellando accessit Jesus quam non coperit: aut certe nulla non capta est, sed earum quæ in regionibus supra commemoratis fuerunt. Enumerate sunt enim regiones, in quibus fuerunt civitates de quibus facta est ista conclusio, *Et omnes cepit in bello.*

XVIII. [lb. xi, 20.] *Quia per Dominum factum est confortari cor eorum, ut obviam irent ad bellum ad Israel, ut exterminarentur; ita ut non daretur eis misericordia, sed ut exterminarentur, sicut dixit Dominus ad Moysen.* Ita dictum est hoc per Dominum factum confortari cor eorum, hoc est obdurari cor eorum, sicut de Pharaone (*Exod. vii, 3, 22, et viii, 19*); quod divino altoque judicio juste fieri minime dubitandum est, cum deserit Deus et possidet inimicus: quod sic accipiemund est quemadmodum et ibi. Sed hic aliud movet, quomodo dictum sit ad hoc eis confortatum cor, ut exsurerent in bellum adversus Israel, et ob hoc eis non præberent misericordiam: quasi præbenda esset, si non bellarent; cum Deus

præcepit nulli eorum esse parcendum; et ob hoc Gabaonitis pepercerint, quia se de longinqua terra venisse flingentes eorum jurationem tenuerant. Sed quoniam quibusdam ultro præbuerunt Israelitæ misericordiam, quamvis contra Dei mandatum; ad hoc dictum esse intelligendum est, istos ita bellasse, ut non eis parceretur, nec ab eis ipsis Israelitæ neglecto Dei mandato ad misericordiam fleterentur. Quod quidem duce Jesu, qui omnia diligenter divina præcepta servabat, non est credendum fieri potuisse: verumtamen nec ipse istos tam cito delevisset, nisi conspirantissime contrairent; atque ita fieri posset ut eis ab illo minime debellatis, qui Dei præcepta implere curabat, remansissent ad illud tempus, quando eis possent parcere post mortem Jesu, qui non tanta cura Dei mandata faciebant. Nam et adhuc eodem vivente quibusdam illi pepercerunt, tantummodo eos ditioni suæ subjungentes: quosdam vero nec vincere potuerunt. Verum hæc non illo duce facta sunt; sed cum jam senex vacaret a bello, tantummodo eis terras dividens; ut ipsi jam illo non bellante, divisas sibi terras partim jam hoste vacuas tenerent, partim pugnando caperent. Et quod vincere aliquos minime potuerunt, providentia divina fuisse, opportune Scripturarum certis apparebit locis.

XIX. [lb. xvi, 10.] *Et non perdidit Ephraem Chanaæum qui habitabat in Gazer: et habitabat Chanaæus in Ephraem usque in diem istum, donec ascendit Pharao rex Ægypti, et cepit civitatem, et incendit eam in igni; et Chanaæos, et Pherezos, et qui habitabant in Gazer transpunctit; et dedit eam Pharao in dotem filiae suæ.* Quod de Pharaone rege dictum est, miror si prophetice dictum intelligere debenius; cum hæc historia illis temporibus conscripta credatur, quibus erant gesta illa recentia. Quid autem magni eligi potuit quod prophetice diceretur, cum præterita narrentur, taceanturque futura majora, et maxime necessaria? Proinde potius existimandum est Septuaginta interpres, qui auctoritate prophetica ex ipsa mirabili consensione interpretati esse perhibentur, hæc addidisse; non tanquam futura prænuntiantes, sed quia illo tempore ipsi erant, quo facta esse meminerant, et in libris Regnorum legerant (*III Reg. iv, 34, apud LXX; ix, 16, in Vulgata*). Etenim regum temporibus factum est. Quod ideo credibilis nobis visum est, quoniam inspeximus interpretationem quæ est ex hebreo, et hoc ibi non invenimus: sicut nec illud quod dictum est de Jericho, quod Hoza qui eam reparasset, incurrit maledictum quod dixerat Jesus. Sic enim scriptum est, et adjuravit Jesus in illa die: *Maledictus homo qui resuscitabit et ædificabit civitatem illam: in primogenito suo fundabit eam, et in novissimo suo imponet portas ejus* (*Josue vi, 26*): huc usque invenitur in interpretatione ex hebreo. Illud autem quod sequitur, *Et ita fecit Hoza qui ex Bethel; in Abiron primogenito fundavit eam, et in resalvato<sup>1</sup> norissimo impo-*

<sup>1</sup> Rat. et Lov., et in se salvato. MSS. duo Vaticanani, totidemque ex nostris, et in resalvato. Apud LXX, kai en to diax-tendi. Atticensis Cisterciensis vetus codex habet hic, et in se

*suis portas ejus (In Vulgata III Reg. xvi, 5): hoc illuc non legitur. Unde apparet a Septuaginta interpositum, qui factum esse noverant.*

XX. [Ib. xix, 47 (a).] *Et Amorrhæus permansit ut habitaret in Elom et in Salumin, et gravata est manus Ephraem super eos, et facti sunt illis tributarii. Hoc jam contra Dominum præceptum siebat, et adhuc vivebat Jesus, sed dux corum in illis præliis jam præsenectute non erat. Propter hoc dictum est, a Domino factum ut confortaretur cor illorum, qui simul consipraverunt ire in bellum contra Jesum, ne ista illis misericordia præberetur, etiam contra Dei præceptum (Josue xxi, 20), si remansissent non expugnati, et senescente sive defuncto Jesu relinquerentur expugnandi a filiis Israel, qui eis contra præceptum Domini possent p̄rcere, quod ille non faceret.*

XXI. [Ib. xxi, 41-45.] *Merito queritur, cum Israel non solum usque ad diem mortis Jesu, verum etiam postea, non eradicaverit gentes quæ terram promissionis tenebant, quamvis ex parte illis debellatis in eadem promissa hæreditate consistenter, quonodo intelligendum sit quod dictum est, Et dedit Dominus Israeli omnem terram quam juraverat dare patribus eorum, et hæreditaverunt eam, et habitaverunt in ea. Et requiem dedit illis Dominus in circuitu, sicut juraverat patribus eorum: non resistit quisquam ante faciem illorum ab omnibus inimicis eorum; omnes inimici eorum tradidit Dominus eis in manus eorum. Non decidit ex omnibus verbis bonis quæ locutus est Dominus filii Israel; omnia adveniunt.*

Diligenter ergo universa consideranda sunt. Et primum videndum quod gentium terra promissa sit Israelitis. Septem quidem gentes assidue videntur commemorari, sicut in Exodo legitur: *Et dixit Dominus ad Moysen, Vade, et ascende hinc tu et populus tuus, quos eduxisti de terra Ægypti, in terram quam juravi Abraham et Isaac et Jacob, dicens, Semini vestro dabo eam: et simul mittam ante faciem tuam angelum meum, et ejiciet Amorrhacum, et Cethœum, et Pheresœum, et Gergesœum, et Eœum, et Jebusœum, et Chananaœum (Exod. xxxiii, 1, 2).* Harum ergo septem gentium terram videtur Deus Patribus promisisse. Scriptum est etiam in Deuteronomio multo expressius: *Si autem accesseris ad civitatem expugnare eam, et evocaveris eos cum pace, siquidem pacifica responderint tibi, et aperuerint tibi, omnes populi qui inventi fuerint in civitate erunt tibi tributarii et obedientes: si autem non obedierint tibi, et fecerint ad te bellum, et circumsedebis eam; et tradet eam Dominus Deus tuus in manus tuas, et interficies omne masculinum ejus in nece gladii, præter mulieres; et supelleciliem, et omnia pecora, et omnia quecumque fuerint in ciritate, et omnia utensilia prædaberis tibi; et edes sal nato.* Quæ lectio collata ad lib. 3 Regum, can. 16, v. 3, ubi in Vulgata versione legitur, et in Segub novissimo suo: in arabica, et in sagub natu minimo, etc., inducit ut suspectum græcum, diasòthenit, profectum esse ex mendoso latine, adeoque additamentum illud non a Septuaginta interpositum, ut credit Augustinus, sed a latinis postmodum fuisse interpositum.

(a) Apud LXX.

*omnem prædationem inimicorum tuorum, quos<sup>1</sup> Dominus Deus tuus dabit tibi. Sic facies omnibus civitatibus quæ longe sunt a te valde, quæ non sunt a civitatibus gentiumistarum. Ecce autem ex civitatibus istis, quas Dominus Deus tuus dat tibi hæreditare terram eorum, non vivificabis omnem vivum, sed anathemabis eos; Cethœum, et Amorrhœum, et Chananaœum, et Pheresœum, et Eœum, et Jebusœum, et Gergesœum, quemadmodum mandavit tibi Dominus Deus tuus (Deut. xx, 10-17). Et hic iistarum septem gentium terram promissam in hæreditatem, quam debellatis usque ad internationem eisdem gentibus Israelitæ possiderent, manifestum est. Cæteras enim quæ longinquias extra istas gentes invenirentur, voluit fieri tributarias eorum, si non resisterent: si autem resisterent, etiam ipsas interfici, et in perditionem dari, exceptis pecoribus et quæ in prædam possent venire. Item alio loco in Deuteronomio ita legitur: Et erit, cum induxerit te Dominus Deus tuus in terram in quam intras ibi<sup>2</sup> hæreditare eam, et abstulerit gentes magnas et multas a conspectu tuo, Cethœum, et Gergesœum, et Amorrhœum, et Pheresœum, et Chananaœum, et Eœum, et Jebusœum, septem gentes magnas et multas et fortiores vobis; et tradet eos Dominus Deus tuus in manus tuas, et percuties eos, exterminio exterminabis eos. Non dispones ad eos testamentum, neque miscrearis eorum, neque matrimonii jungamini cum eis: filiam tuam non dabis filio ejus, et filiam ejus non sumes filio tuo, etc. (Deut. vii, 1-5).*

Proinde his atque aliis Scripturarum locis sc̄pe ostenditur, harum septem gentium terras ita accepisse in hæreditatem filios Israel, ut non cum eis qui easdem terras tenebant, sed pro eis illuc habitarent. Verumtamen in Genesi non istæ tantum septem gentes, sed undecim promittuntur semini Abraham. Sic enim legitur: *In die illa die posuit Dominus Deus testamentum ad Abraham, dicens, Semini tuo dabo terram hanc, a flumine Ægypti usque ad flumen magnum, flumen Eu-phratem, Cenœos, et Cencœos, et Cetmonœos, et Cethœos, et Pheresœos, et Raphaim, et Amorrhœos, et Chananaœos, et Eœos, et Gergesœos, et Jebusœos (Gen. xv, 18-21).* Quæ ita solvit quæstio, ut intelligamus hanc præcessisse prophetiam, quod in eos finis regnum fuerat porrecturus et dilatatus Salomon, de quo ita scriptum est: *Et omne propositum Salomonis, quo destinaverat ædificare in Jerusalem et Libano et in omni terra potestatis suæ: omnis populus qui derelictus est a Cethœo, et Amorrhœo, et Pheresœo, et Eœo, et Jebusœo, qui non erant ex Israel, ex filiis eorum qui residui erant cum eis in terra, quos non consumperant filii Israel, et subjugavit eos Salomon in tributum usque in diem hunc (III Reg. x, 22, apud LXX; in Vulgata ix, 19-21).* Ecce residua populorum debellandorum atque omnino ex Dei præcepto perdendorum subjugavit Salomon in tributum, quos utique secundum Dei præceptum perdere debuit: sed tamen subjugati tanquam

<sup>1</sup> Sic MSS. et LXX. At editi, quam.

<sup>2</sup> Am. Er. et Lov., *intrab̄is*. Lat. et MSS. duo, *intrab̄itis*. Alii quidam MSS., *intras* iti, juxta LXX.

tributarii possessi sunt, Paulo post autem ita legitur: *Et erat dominans in omnibus regibus a flumine usque ad terram Philistinum, et usque ad fines Aegypti* (III Reg. x, 26, apud LXX; iv, 21, in Vulgata). Ecce ubi impletum est quod in Genesi Deus ad Abraham loquens, promittensque prædicterat. A flumine quippe hic intelligitur ab Euphrate: magnum enim flumen in illis locis, etiam proprio nomine non addito, potest intelligi. Neque enim de Jordane hoc accipi potest, cum et extra Jordanem et ultra Jordanem jam terras Israelite obtinuerant et ante regnum Salomonis. Ergo a flumine Euphrate ex partibus orientis, usque ad fines Aegypti, que pars illis erat ab occidente, regnum Salomonis Scriptura Regnorum dixit fuisse porrectum. Tunc ergo amplius subjugatum est, quam septem ille gentes tenebant; ac per hoc tunc in servitatem redactae sunt, non septem, sed undecim gentes. Quod enim in Regnorum libris scriptum est, usque ad fines Aegypti a flumine, cum Scriptura ab oriente usque ad occidentem quantum porrectum esset regnum, vellet ostendere; hoc idem in Genesi, cum ab occidente usque ad orientem præfueretur, dictum est, a flumine Aegypti usque ad flumen magnum Euphratem. Flumen quippe Aegypti, qui finis est distaminans regnum Israel ab Aegypto, non est Nilus, sed alias est non magnus fluvius, qui fluit per Rhinocoruram civitatem, unde jam ad orientem versus incipit terra promissionis. Sic ergo fuerat constitutum filii Israel, ut septem gentium terras, exterminatis et perditis illis gentibus, ipsi inhabitarent; aliis autem regnarent subditis atque tributariis usque ad flumen Euphratem. Et quamvis in hoc Deo non obtemperassent, quia et ex illis quas exterminare deberent, obedientes aliquos fecerant; Deus tamen temporibus Salomonis fidem sue promissionis implevit.

Nunc itaque in libro Iesu Nave quod considerare suscepimus, quomodo erit verum, *Et dedit Deus Israeli omnem terram quam juraverat dare patribus eorum, et hereditaverunt eam?* quomodo adhuc vivente Iesu omnem terram dedit, cum etiam reliquias illarum septem gentium nondum superavissent? Nam quod sequitur, *et hereditaverunt eam*, verum est; quia ibi erant, ibique consederant. Deinde quod adjungit, *Et requiem dedit illis Dominus in circuitu, sicut juraverat patribus eorum*, verum est; quia vivo adhuc Iesu non eis quidem cedebant reliquiae illarum gentium, sed nulla earum eos in terris ubi consederant, bello lassessere audebat. Ideo dictum est et quod deinde adjungitur, *Non restitit quisquam ante faciem illorum ab omnibus inimicis eorum.* Quod vero sequitur, *Sed omnes inimicos eorum tradidit Dominus illis in manus eorum;* hos intelligi voluit inimicos, qui obviam ire in bellum ausi sunt. Deinde quod dicit, *Non decidit ex omnibus verbis bonis que locutus est Dominus filii Israel; omnia advenerunt;* ita vult intelligi, quia cum jam illi contra preceptum

<sup>1</sup> Ita in veteris codicibus et in editione nat. scribitur. et apud Br. et Lov., Rhinocoruram: apud Am., Rhinocoruram.

Domini fecissent, quibusdam parcendo ex illis septem gentibus, et eos obedientes faciendo, adhuc tamen inter eos salvi erant. Ideo cum dixisset, *ex omnibus verbis*, addidit, *bonis;* quia nondum evenerant maledicta contemptoribus et transgressoribus constituta. Restat ergo ut quod ait, *Dedit Dominus Israeli omnem terram quam juraverat dare patribus eorum,* secundum hoc intelligatur, quia etsi adhuc erant ex illis gentibus reliquie conterenda et exterminanda, vel ex aliis usque ad flumen Euphrat, aut subjugandas si non resisterent, aut perdendas si resisterent; tamen in usum eorum relictæ sunt, in quibus exercerentur, ne carnalibus affectibus et cupiditatibus infirmi, repentinam tanquam rerum temporalium prosperitatem modeste ac salubriter sustinere non possent, sed elati citius interirent, quod opportune alio loco demonstrabitur. Omnis ergo illis terra data est; quia et illa pars que nondum fuerat in possessionem data, jam data fuerat in quamdam exercitationis utilitatem.

XXII. [Ib. xxr, 42.] Quod ait, *Non restitit quisquam ante faciem illorum ab omnibus inimicis eorum,* queri potest quomodo verum sit, cum de tribu Dan superioris scriptum sit, quod eos hostes eorum non permisserint descendere in vallem, et prævaluerint eis in montibus (Josue xix, 48, apud LXX). Sed quod diximus cum duodecim filios Jacob Scriptura in Mesopotamia natos commemorasset, ubi non fuerat natus Benjamin (Quæst. in Gen., quæst. 117); hoc etiam hic intelligendum est, quia pro universo populo undecim tribus deputatae sunt, ea regula quæ aliis Scripturarum locis nobis satis innotuit. Causa autem si queritur, cur hæc tribus in ea sorte quæ illi obvenit, non obtinuerit sufficientes terras, et ab eis a quibus tenebantur afflita sit; in Dei quidem secreto consilio esse credendum est. Verumtamen cum Jacob filios suos benediceret, talia dixit de isto Dan, ut de ipsa tribu existimetur exsurrecturus Antichristus (Gen. xlxi, 17). Unde nunc dicere plura non suspiciunus, cum etiam sic solvi possit hæc questio, quia *non restitit quisquam ante faciem illorum ab omnibus inimicis eorum*, cum simul sub unius ducis imperio bellum gerent, antequam singulis tribubus sua descendenda dividerentur loca.

XXIII. [Ib. xxii, 23.] *Et in sacrificiis salutarium nostrorum.* Quia pluraliter dicta sunt sacrificia, pluraliter etiam salutaria. Ubi advertendum est diligentius, quemadmodum diei soleat sacrificium salutaris; quoniam si Christum acceperimus, quoniam ipse dictus est *Salutare Dei* (Luc. ii, 30), non occurrit quemadmodum pluraliter possit hoc verbum intelligi. Unus enim Dominus noster Jesus Christus (I Cor. viii, 6): quamvis dicantur christi per ejus gratiam, sicut in Psalmo legitur, *Nolite tangere christos meos* (Psal. civ, 15). Sed utrum salutares dici possint, vel salutaria, non facile audendum est<sup>1</sup>: solus enim ipse Salvator corporis.

XXIV. [Ib. xxiii, 14.] Quod dicit Jesus de sua pro-

<sup>1</sup> Editi, duodecim. At nostri omnes MSS., undecim.

<sup>2</sup> Vaticani MSS., audiendum est

pinquante morte, *Ego autem recurro viam, sicut et omnes qui super terram*; in ea interpretatione quæ est ex hebreo invenimus, *ingredior viam*. Ita ergo accipendum est quod Septuaginta dixerunt, *recurso*, sicut dictum est homini, *Donec revertaris in terram unde sumpus es* (*Gen. iii, 19*); ut secundum corpus dictum intelligatur. Secundum animam vero, si voluerimus illa accipere, quemadmodum in Ecclesiaste positum est, *Et spiritus revertetur ad Deum qui dedit eum* (*Eccle. xii, 7*); non arbitror de omnibus posse dici, sed de iis qui sic vixerint, ut ad Deum redire mereantur, tanquam ad auctorem a quo creati sunt. Neque enim hoc et de illis recte intelligi potest, de quibus dicitur, *Spiritus ambulans et non revertens* (*Psal. lxxvii, 59*). Iste autem vir sanctus Jesus Nave si non addidisset, *sicut et omnes qui super terram*, nulla esset quaestio; neque enim aliud de illo crederemus, quam quo eum dignum esso legimus: cum vero additum est, *sicut et omnes qui super terram*; mirum si hoc, quod latinus interpres *recurso* posuit, non magis *percurso vel excurso* dicendum est, si hoc potest dici quod græcus habet ἀκορπίων. Omnes enim percurrunt, vel excurrunt hujus vita viam, cum ad eius suam pervenerint. Sed quia hoc verbum positum est, ubi parentes Rebeccæ dicunt ad servum Abrahæ, *Ecce Rebecca; accipiens recurre, et sit uxor domini tui* (*Gen. xxiv, 51*); ideo et hic ita hoc verbum interpretatum est.

XXV. [lb. xxiv, 3.] Quod Septuaginta interpretes habent, *Et assumpsi patrem vestrum Abraham de trans Iumen, et deduxi eum in omnem terram*; interpretatio quæ est ex hebreo habet, *et induxi eum in terram Chanaan*. Mirum est ergo si Septuaginta pro terra Chanaan, omnem terram ponere voluerunt, nisi intuentes prophetiam, ut magis ex promissione Dei tanquam factum accipiatur, quod certissime futurum in Christo et in Ecclesia prænuntiabatur, quod est verum semen Abrahæ; non in filiis carnis, sed in filiis promissionis.

XXVI. [lb. xxiv, 11.] *Et bellaverunt adversus vos qui habitabant Jericho*. Quæri potest quomodo id verum sit, cum clavis portis se murorum ambitu tantummodo tuerentur. Sed recte dictum est, quia et claudere adversus hostem portas, ad bellum pertinet. Non enim miserunt legatos qui poscerent pacem. Unde si dictum esset, Pugnaverunt adversum vos, falsum esset. Neque enim bellum continuas pugnas habet, sed aliquando crebras, aliquando raras, aliquando nullas. Bellum est tamen quando est quodammodo armata dissensio<sup>1</sup>.

XXVII. [lb. xxiv, 12.] Quid est, quod inter cætera quæ Jesus Nave erga Israelitas Dominum fecisse commemorat, dicit, *Misit ante vos vespas, et ejecit illos a facie vestra*<sup>2</sup>: quod etiam in libro Sapientiæ legitur (*Sap. xii, 8*), nec tamen uspiam factum esse in iis

quæ gesta sunt, invenitur? An forte translato verbo, vespas intelligi voluit acorrimos timoris aculos, quibus quodammodo voluntibus rumoribus pungebantur, ut fugerent, aut aerios occultos spiritus, quod in Psalmo dicit, *Per angelos maligños* (*Psal. lxxvii, 49*)? Nisi forte quis dicat, non omnia quæ facta sunt, esse conscripta; et hoc quoque visibiliter factum, ut veras vespas velit intelligi.

XXVIII. [lb. xxv, 19.] Quid est, quod dixit Jesus ad populum, *Non poteritis servire Domino, quia Deus sanctus est*. An quia illius sanctitati perfecta servitudo quodammodo contemporari, humanæ fragilitati impossibile est? Quo audito, isti non solum ejus eligere servitatem, sed etiam de adjutorio ejus et misericordia præsumere debuerunt: quam ille intellexit, qui dicit in Psalmo, *Ne intres in judicium cum servo tuo; quoniam non justificabitur in conspectu tuo omnis rivens* (*Psal. cxlii, 2*). Isti autem de se potius presumere delegerunt, quod Deo possent sine ulla offensione servire, ut jam tunc inciperent, quod de illis expressit Apostolus: *Ignorantes enim Dei justitiam, et suam volentes constituere justitiae Dei non sunt subjecti* (*Rom. x, 3*). Ita eis jam Lex subintrabat, ut abundaret delictum, et postea superabundaret gratia per Dominum Christum (*Id. v, 20, 21*), qui finis est Legionis, ad justitiam omni credenti (*Id. x, 4*).

XXIX. [lb. xxiv, 23.] Quid est quod ait idem Jesus loquens ad populum, *Et nanc circumcauferte deos alienos qui sunt in vobis, et dirigite corda vestra ad Dominum Deum Isracl*. Non enim credendi sunt adhuc habuisse apud se aliqua gentium simulacra, cum superius eorum obedientiam prædicaverit: aut vero si haberent, post tantas Legis conminationes, illa eos prospera scquerentur; cum sic in eos vindicatum sit, quod unus eorum de anathemate furtum fecerat. Deinde Jacob dixit hoc eis qui cum illo exierant de Mesopotamia, ubi sic idola colebantur, ut et Rachel paterna suraretur (*Gen. xxxi, 19*): sed post illam admonitionem Jacob, dederunt quæ habebant (*Id. xxxv, 2, 4*); unde apparuit hoc eis ita dictum esse, quia sciebat eos habere ille qui dixerat. Nunc vero post hanc admonitionem Jesu Nave nullus totæ aliquid protulit. Nec tamen putandum est hoc illum inaniter præcepisse; non enim ait, *Et nunc auferete deos alienos si qui sunt in vobis; sed omnino tanquam sciens esse, qui sunt, inquit, in vobis*. Proinde Prophetæ sanctus in cordibus eorum esse cernebat cogitationes de Deo alienas a Deo, et ipsas admonebat auferri. Quisquis enim talen cogitat Deum qualis non est Deus, alienum Deum utique et falsum in cogitatione portat. Quis est autem qui sic cogitet Deum quemadmodum ille est? Ac per hoc relinquunt sideribus, quamdiu peregrinantur a Domino (*Il Cor. v, 6*), auferre a corde suo irruentia vana phantasmata, quæ se cogitantibus ingerunt, velut talis aut talis sit Deus, qualis utique non est: et dirigere cor ad illum sideriter, ut quemadmodum et quantum nobis expedire novit, ipse se insinuet per Spiritum suum, donec assumatur omne mendacium, unde dictum est, *Omnis*

<sup>1</sup> Sic omnes MSS. At editi, quando portas hostibus claudimur: et quodammodo armata dissensio.

<sup>2</sup> Hic post, et ejecit illos, addimus ex MSS., a facie vestra. In græco nunc est, ὡπὸ πρόσωπον ἡμῶν, a facie nostra.

*homo mendax (Psal. cxv, 11); et transacta non solum impia falsitate, veruna etiam ipso speculo et ænigmate, facie ad faciem cognoscamus, sicut et cogniti sumus: quemadmodum Apostolus dicit, Videmus nunc per speculum in ænigmate, tunc autem facie ad faciem: nunc scio ex parte; tunc autem cognoscam sicut et cognitus sumus (I Cor. xiii, 12).*

XXX. [Ib. xxiv, 25-27.] *Et disposuit Jesus testamentum ad populum in illo die, et dedit illi Legem et iudicium in Silo coram tabernaculo Domini Dei Israel. Et scripsit verba haec in libro Legis Dei; et accepit lapidem magnum, et astituit illum Jesus sub terebintho ante Dominum. Et dixit Jesus ad populum: Ecce lapis iste erit vobis in testimonium, quia hic audivit omnia quæ dicta sunt a Domino, quæcumque locutus est ad vos hodie, et hic erit vobis in testimonium in novissimis diebus, cum mentiti fueritis Domino Deo vestro.* Hæc verba qui non in superficie tantum audiunt, sed aliquanto altius perscrutantur, nequaquam tantum yirum tam insipientem putare debent, ut verba Dei quæ locutus est populo, inanimum lapidem audisse crediderit: qui etiam si ab artifice in hominis similitudinem effigiatus esset, inter illos utique deputaretur, de quibus in Psalmo canitur, *Aures habent, et non audient (Psal. cxiii, 6).* Neque enim idola Gentium aurum et argentum sola non audiunt, et, si lapidea sint, audiunt. Sed per hunc lapidem profecto illum significavit, qui fuit lapis offensionis non credentibus Judæis, et petra scandali; qui cum reprobaretur ab ædificantibus, factus est in caput anguli (Psal. cxvi, 22, et I Pet. ii, 7, 8): quem presfiguravit et illa petra quæ potum sidenti populo, ligno percussa profudit (Exod. xvii, 6); de qua dicit Apostolus, *Bibebant autem de spirituali sequenti petra; petra autem erat Christus (I Cor. x, 4).* Unde et cunctis petrinis populum circumcidit iste duxor egregius (Josue v, 2, 3): qui cultri petrini cum illo etiam sepulti sunt, ut profundum mysterium demonstrarent posteris profuturum. Sic ergo et istum lapidem, quamquam visibiliter statutum, spiritualiter debemus accipere, in testimonium futurum Judæis infidelibus, hoc est mentientibus; de quibus dicit Psalmus, *Inimici Domini mentiti sunt ei (Psal. LXXX, 16).* Neque enim frustra, cum jam Dei famulus Moyses, vel potius per eum Deus disposuisset ad populum testamentum, quod in arca erat, quæ dicta est arca testamenti, et in libris Legis tanta sacramentorum et præceptorum multiplicitate conscriptis (Exod. xxiv, 3, etc.); tamen etiam hic dictum est, *Disposuit Jesus ad populum testamentum in illa die.* Repetitio quippe testimenti Novum Testamentum significat; quod significat et Deuteronomium,

quod interpretatur Secunda lex; quod significant et prioribus conftractis tabule renovatae (Exod. xxxiv, 1, 4). Multis enim modis significandum quod uno modo implendum fuit. Jamvero quod sub terebintho statutus est lapis, hoc significat, quod virga ad petram, ut aqua proflueret; quia neque hic sine ligno statutus est lapis. Ideo autem subter, quia non fuissest in cruce exaltatus, nisi humilitate subjectus; vel quod illo tempore, quo id faciebat Jesus Nave, adhuc obumbrandum mysterium fuit. Terebinthi etiam lignum medicinale lacrymam exsudat, que arbor a Septuaginta interpretibus hoc loco posita est, quamvis secundum alios interpres quercus legatur.

Mirum est sane quod saltem in novissimis suis verbis, quibus populum allocutus est Jesus homo Dei, nihil eos objurgavit, ex eo quod his gentibus pepercerunt, quas Dominus usque ad internectionem cum anathemate perdendas esse præcepit. Sic enim scriptum est: *Et factum est, postquam invaserunt filii Israel, et fecerunt Chananeos obaudientes, exterminio autem eos non exterminaverunt (Josue xvii, 13).* Nam primo id eos non potuisse, Scriptura testata est: sed nunc posteaquam prævaluerunt, ita ut facerent obaudientes, quod non etiam exterminaverunt, utique contra præceptum Domini factum est: quod non est cuiquam factum, cum Jesus exercitum duceret. Cur ergo non eos objurgavit allocutione novissima, quod in hoc Domini præcepta neglexerunt? An forte quia prius dixit eos Scriptura non potuisse, utique antequam prævalerent, etiam cum prævaluissent timuisse credendi sunt, ne forte paratis obaudire si parcere noluissent, acrius eos adversum se ex ipsa desperatione pugnare compellerent, et eos superare non possent? Hunc ergo eis humanum timorem Dominus noluit imputare, et si apparet in eo quædam subdefectio fidei, quæ si fortis in eis esset, ea sequerentur quæ ipsum Jesum bellantem secuta sunt. Quia vero non in eis tanta fides fuit, etiam cum adversariis suis prævaluerint, pugnare cum eis usque ad internectionem eorum timore non ausi sunt. Quem timorem, ut dixi, non de malitia, neque de superbia vel contemptu præcepti dominici, sed de animi infirmitate venientem, noluit eis Dominus imputare, cum eis per Jesum novissima loqueretur. Unde et Apostolus: *Alexander, inquit, querarius multa mala mihi ostendit; reddet illi Dominus secundum opera ipsius.* De his autem qui eum periclitantem, non malitia, sed timore deseruerant, ita locutus est: *In prima mea defensione nemo mihi affit, sed omnes me dereliquerunt; non illis imputetur (II Tim. iv, 14, 16).*

## LIBER SEPTIMUS.

Quæstiones in Judeces.



QUEST. I. [JUD. CAP. 1.] In fine libri Jesu Nave breviter narrator porrexit historiam, quo usque filii Israel ad colendos deos alienos declinaverunt: in hoc autem

libro ad ordinem redditur, quomodo consequentia gesta fuerint post mortem Jesu Nave. Non ergo ab illo tempore incipit liber, quo populus ad colenda simulacra

desfluxit; sed a prioribus interpositis temporibus, quibus ea gesta sunt, post quæ ad illa pervenit.

II. [ib. 1, 1-5.] *Et factum est postquam defunctus es Jesus, interrogabant filii Israel in Domino<sup>1</sup> dicentes: Quis ascendet nobiscum ad Chananæum dux ad debellandum eum<sup>2</sup>? Et dixit Dominus: Judas ascendet; ecce dedi terram in manu<sup>3</sup> ipsius.* Ilic queritur utrum aliquis homo Judas vocabatur, an ipsam tribum, ita ut solet, sic appellavit. Sed illi qui interrogaverant Dominum, post mortem Jesu Nave ducem requirebant; unde putatur unius expressum hominis nomen. Verum, quia non solet duces nominare Scriptura cum constituuntur, nisi commemorata etiam origine parentum, et constat post Jesum duces habuisse populum Israel, quem primus est Gothoniel filius Cenez; rectius intelligitur nomine Judæ, tribum Juda fuisse significatam. Ab ipsa enim tribu voluit Dominus incipere conteri Chananæos. Et cum populus de duce interrogasset, ad hoc valuit responsio Domini, ut scirent Deum noluisse<sup>4</sup> ab universo populo bellari adversus Chananæos. Dicit ergo, *Judas ascendet.* Et sequitur Scriptura narrans, *Et dixit Judas ad Simeon fratrem suum: utique tribus ad tribum.* Non enim adhuc vivabant illi filii Jacob qui dicti sunt Judas et Simeon, inter ceteros fratres suos propriis nominibus appellati; sed dixit tribus Juda ad tribum Simeon, *Ascende tecum in sortem meam, et bellemus in Chananæo<sup>5</sup>, et ibo etiam ego tecum in sortem tuam.* Manifestum est auxilium sibi tribum Juda alterius tribus postulasse, quod redderet, cum et illi in sua sorte habere inciperent necessarium.

III. [ib. 1, 9-12.] *Et dixit Caleb: Quicumque percussit Civitatem litterarum, et ceperit eam, dabo ei filiam meam Azum uxorem<sup>6</sup>.* Jam hoc et in libro Jesu Nave commemoratum est (*Josue xv, 16*): sed utrum Jesu vivente factum sit, et nunc per recapitulationem repetitum; an post ejus mortem posteaquam dictum est, *Judas ascendet*, et cœpit Judas debellare Chananæos, in quo bello ista omnia gesta narrantur, merito quæritur. Sed credibilius est post mortem Jesu factum, tunc autem per prolepsim, id est per preoccupationem commemoratum, quemadmodum et alia. Nunc enim cum res gestæ adversus Chananæos tribus Juda exponerentur, ita se narrationis ordo continet, inter cetera Jude facta bellica, de quo post mortem Jesu dixerat Dominus, *Judas ascendet*; *Et postea descendenterunt filii Juda pugnare ad Chananæum, qui habitabat in montana et austri et campestrem.* Et abiit Judas ad Chananæum inhabitantem in Chebron, et exiit Chebron ex aduerso. Nomen autem erat Chebron Cariatharbocæ-

<sup>1</sup> Editi, *Dominum*. MSS., *in Domino*. Apud LXX, *dia tou Kurion*. Istud locutionis genus notatur in Locutionum libro 7.  
<sup>2</sup> Am. Er. et plerique MSS., *ad bellundum eum*: forte pro *in* cum; juxta LXX, *polemēsai pros auton*.  
<sup>3</sup> In Sorbonicus Ms. *juxta LXX*. At alii codices, *in manus*.  
<sup>4</sup> Editi, *voluisse*. MSS., *noluisse*.  
<sup>5</sup> Editi, *in chananæos*. At MSS. *in chananæo*: sic legisse Augustinum liquet ex Locutionum libro 7.  
<sup>6</sup> Ms. omnes, *filiam meam in uxorem*: omissa nomine, *Azum*.

*pher*<sup>1</sup>, et percussit *Sess et Achuman et Cholmi filios Enach*: et ascenderunt inde ad inhabitantes Dabir. *Nomen autem Dabir quod erat ante Civitas litterarum. Et dixit Caleb: Quicumque percusserit Civitatem litterarum, et acceperit eam, dabo ei filiam meam in uxorem.* Constat ergo ex hoc ordine gestarum rerum tam perspicuo, post mortem Jesu hoc esse factum. Tunc vero cum civitates datae ipsi Caleb commemorarentur, progressus ex occasione narrator, quod postea factum est preoccupavit. Nec tamen frustra arbitror hoc de filia Caleb data in vitoris præmium, bis numero Scripturarum commemorare voluisse.

IV. [ib. 1, 14, 15.] *Alia nascitur quæstio de filia Caleb*, quod in libro Jesu Nave sic de illa dicitur, *Et factum est, cum ingredieretur ipsa, et consilium habuit cum eo dicens, Petam patrem meum agrum. Et exclamavit de asino, et cætera: ubi agrum petiit a patre, atque concessus est (Josue xv, 18, 19).* Hic autem, *Et factum est*, inquit, *cum ingredieretur ipse, monuit eam Gothoniel<sup>2</sup>, ut peteret a patre suo agrum.* Sed in eo quod dictum ibi est, *cum ingredieretur ipsa*; et hic dictum est, *cum ingredieretur ipse<sup>3</sup>*, nihil contrarium est: simul enim ingrediebant viam. Quod vero ibi dictum est, *consilium habuit cum eo*, id est cum viro suo, dicens, *Petam patrem meum agrum; et exclamavit de asino, et petiit*; in eo quod habuit consilium, ibi monita est ut peteret: quorum alterum ibi dictum est, alterum hic. Utrumque autem ita diceretur, *Et consilium habuit cum eo dicens, Petam patrem meum agrum*: ille autem monuit eam; et exclamavit de asino. Porro autem quod ibi agrum refertur petuisse, nec nomen ipsius agri tacitum est; hic vero cum agrum petere monita fuerit a viro suo, non agrum petuisse dicitur, *clamans de subjugali*, quod ibi dictum est de asino, sed *redemptionem aquæ*, eo quod in terram austri fuisset tradita; subjicitque Scriptura, *Et dedit ei Caleb secundum cor ejus redemptionem excelsorum et redemptionem humilium*; quid sibi velit obscurum est: nisi forte ager ipse ideo petebatur, ut haberet de fructibus ejus unde aquam redimeret, cuius inopia in illis regionibus erat, quo nupta ducebatur. Sed, *dedit ei Caleb redemptionem excelsorum, et redemptionem humilium*, non video quid subaudiamus, nisi fluentorum, excelsorum videlicet in montanis, humilium in eam; exatribus sive in vallibus.

V. [ib. 1, 18, 19.] *Et non hæreditavit Judas Gazam et finem ejus, et Ascalonem et finem ejus, et Accaron et finem ejus, et Azotum et adjacentia ejus.* Et erat Dominus cum Juda, et hæreditavit montem, quoniam non potuit hæreditare inhabitantes in valle, quoniam Rechab obstitit eis, et currus erant ei ferrei. Quod in libro Jesu Nave, cum illum locum tractarem, ubi scriptum est, *Et dedit Dominus Israeli omnem terram*, cum multis ejus partes nondum possiderent, dixi ita posse intelligi omnem terram datam, quia ea quæ data non est in possessionem, data est in quamdam exortationis

<sup>1</sup> Am. Er. et Lov., *Cariatharbe vel Sepher*. At MSS. et Rat., *Cariuthar vox sepher*. Apud LXX, *Kariutharboc sepher*.

<sup>2</sup> Thuanus codex hic et infra, *movit eam*. Græc. LXX, *epescens autem*.

utilitatem (*Quæst. in Josue, quæst. 21*): hoc multo evidenter hic appareret, quandoquidem commemorantur civitates quas non hæreditavit Judas, et dicitur, *Erat Dominus cum Juda, et hæreditavit montem, quoniam non potuerunt hæreditare inhabitantes in valle.* Quis enim non intelligat etiam hoc ipsum ad id pertinuisse, quod erat Dominus cum Juda, ne totum repente obtinendo extolleretur? Quod enim adjungit, *quoniam Rechab obstitit eis, et currus erant ei ferrei;* quos currus timuerit, dictum est, non Dominus qui erat in Juda, sed ipse Judas: eur autem timuerit, *eam quo Dominus erat, si queritur, hoc est quod prudenter intelligendum est, refringere!* Deum propitium etiam in cordibus suorum nimis prosperitatis excessus, ut in usum eorum convertat inimicos, non solum quando vincuntur inimici, sed etiam quando metuantur; illud ad commendandam largitatem suam, illud ad eorum reprimendam elationem. Nam utique inimicus sanctorum est angelus satanae; quem tamen sibi datum colaphizantem dicit Apostolus, ne magnitudine revelationum extolleretur (*II Cor. XII, 7*).

**VI.** [Ib. 1, 20.] *Et dederunt Caleb Chebron, sicut locutus est Moyses; et hæreditavit inde tres civitates filiorum Enach, et abstulit inde tres filios Enach.* Jam hoc dictum est in libro Jesu Nave (*Josue XV, 13, 14*), quoniam illo vivo factum est; sed hic recapitulando commemoratum est, cum de tribu Juda, unde fuit Caleb, Scriptura loqueretur.

**VII.** [Ib. 1, 21, 8.] Quæratur quomodo dictum sit, *Et Iebusæum habitantem in Jerusalem non hæreditaverunt filii Benjamin, et habitavit Iebusæus cum filiis Benjamin in Jerusalem usque in hodiernum diem, cum superiorius legatur eadem civitas a Juda capta et incensa, interfectis in ea Iebusæis?* Sed cognoscendum est istam civitatem communem habuisse duas tribus, Judam et Benjamin, sicut ostendit ipsa divisio terrarum, quæ facta est a Jesu Nave (*Ibid. 63, et xviii, 28*). Ipsa est enim Iebus quæ Jerusalem: ideo duæ istæ tribus remanserunt ad templum Domini, quando ceteræ, excepta Levi quæ sacerdotalis fuit et terras in divisionem non accepit, separaverunt se a regno Juda cum Jeroboam. Intelligentum est ergo a Juda quidem civitatem captam et incensam, interfictis qui illi reperti fuerant: sed non omnes Iebuseos esse extintos; sive quia erant extra illam civitatem, sive quia fugere potuerunt: quos reliquos Iebuseos admissos esse a filiis Benjamin, quibus cum Juda erat civitas illa communis, in ea simul habitare. Quod ergo dictum est, *Non hæreditaverunt Iebusæum filii Benjamin,* intelligentum est quod nec tributarios eos facere potuerunt, sive voluerunt. Aut certe *non hæreditavit Iebusæum,* dictum est, quia non sine illo tenuit terram quæ ab illo possidebatur.

**VIII.** [Ib. 1, 27.] *Et non hæreditavit Manasses Bethsan, quæ est Scytharum civitas.* Ipsa hodie perhibetur Scythopolis dici. Potest autem movere, quomodo in illis partibus multum ab Scythia diversis potuerit esse Scytharum civitas. Sed similiter potest movere, quo-

<sup>4</sup> Sic Mas. et editio Rat. Aliæ vero editiones, *restringere.*

modo tam longe a Macedonia Macedo Alexander considerit Alexandriam civitatem; quod utique fecit longe lateque bellando: ita etiam, cum Scythæ aliquando bellando in longinqua progrederentur, istam condere potuerunt. Nam legitur in historia gentium, universam pene Asiam Scytha aliquando tenuisse, cum regi Ægyptiorum illi qui eis ultiro bellum indixerat, irent obviam, quorum adventu territus, in suum se regnum recepit.

**IX.** [Ib. 1, 27.] *Et non hæreditavit Manasses Bethsan, quæ est Scytharum civitas, neque filias ejus.* Filias ejus dicit civitates quas ipsa quasi metropolis instituerat.

**X.** [Ib. 1, 28.] *Et factum est, quando prævaluit Israel, et posuit Chananeum in tributum, et auferens non absulit eum.* Jam tale aliquid dictum est in libro Jesu Nave, pene ipsis verbis (*Josue. xvii, 13*). Proinde aut hic per anacephalæcosim dicitur, aut illuc per prolepsim dictum est; id est, aut hic recapitulando, aut illuc preoccupando.

**XI.** [Ib. 1, 54.] *Et contribulavit Amorrhæus filios Dan in monte, quoniam non permisit eos descendere in vallem.* Et hoc similiter, aut in libro Jesu Nave preoccupando commemoratum est (*Id. xix, 48, sec. LXX*), aut hic recapitulando.

**XII.** [Ib. II, 1.] *Et ascendit angelus Domini super Clauthmona montem.* Scriptor libri hoc nomine appellavit locum, quia postea scripsit: nam quando angelus Domini super cum ascendit, nondum sic appellabatur. A ploratione quip nomen accepit, eo quod græce *πλούθιδες* ploratio dicitur. Ibi enim populus flevit, cum audisset ab angelo verba Domini vindicantis in eos, quod inobedientes fuissent, quia non exterminaverunt populos secundum preceptum ejus, quibus prævaluuerunt, eligentes eos facere tributarios, quam interimere et perdere, quemadmodum jusseral Dominus. Quod sive contemptio Dei mandato, sive timore fecerint, ne hostes adversum se acrius pugnare pro salute obtinenda, quam pro tributo non dando cogerent, sine dubio peccaverunt, vel spernendo quod divinitus imperatum est, vel non præsumendo quod eos posset, qui imperaverat, adjuvare. Quod ideo per Jesum noluit eis dicere (si tamen adhuc eo vivente jam cœperat fieri<sup>4</sup>, et non potius præoccupando commemoratum fuerat quod illo mortuo fieri cœpit), quia hoc omnibus voluit exprobrare per angelum: nondum autem omnes id fecerant vivente Jesu, etsi aliqui forte jam cœperant. Credibilis est tamen nihil tale fieri cœptum vivente Jesu Nave, tantumque terrarum sub illo tenuisse filios Israel, quantum eis ad considendum sufficeret, quamvis in sortibus suis haberent unde crescendo et convalescendo adhuc adversarios exterminarent. Proinde post mortem Jesu, posteaquam prævaluerunt ut hoc possent facere, maluerunt eos habere tributarios secundum voluntatem suam, quam interimere et perdere secundum voluntatem Dei: propter hoc ad eos corripiendos angelus missus est. Quod vero commen-

<sup>4</sup> Edili: *Eo vivente jam fieri præceperat.* Verius Vaticani codices, *jam cœperat fieri.*

moratum est in libro Jesu Nave (*Josue xin, 51, 3*), magis existimo præoccupando commemoratum, quod post ejus mortem vel futurum esse jam ipse noverat propheticus spiritu, si ab illo liber conscriptus est, qui appellatur Jesu Nave; vel si ab alio scriptus est, jam factum esse sciebat post mortem Jesu, quod in illo libro præoccupando commemoravit.

XIII. [Ib. ii, 3.] Quid est quod angelus Domini inter cetera divinae comminationis dicit, *Non adjiciam transmigrare populum quem dixi ejicere; non auferam eos a facie vestra: et erunt vobis in angustias, et dii eorum erunt vobis in scandalum*; nisi ut intelligamus nonnulla etiam de ira Dei venire peccata? Ut enim dii gentium, inter quas non a se exterminatas Israelitæ habitare voluerunt, essent eis in scandalum, id est, facerent eos scandalizari in Domino Deo suo, eoque offenso vivere, indignans hoc comminatus est Deus; quod certe manifestum est magnum esse peccatum.

XIV. [Ib. ii, 6, 8.] *Et dimisit Jesus populum, et abierrunt filii Israel unusquisque in domum suam, et unusquisque in hereditatem suam<sup>1</sup>, hereditare terram.* Hoc per recapitulationem iterari nulla dubitatio est (*Id. xxiv, 28, 29*). Nam et mors ipsius Jesu Nave etiam in hoc libro commemoratur, ut tanquam ab exordio cuncta breviter insinuantur, ex quo eis Dominus dedit terram, et quemadmodum sub ipsis judicibus vixerint, quæve perpessi sint; atque iterum redditur ad ipsorum judicium ordinem, ab eo qui primus est constitutus.

XV. [Ib. ii, 10.] *Et surrexit generatio altera post eos, qui non scierunt Dominum, et opera ejus quæ fecit Israel.* Exposuit quomodo dixerit, *non scierunt Dominum*; in illis videlicet preclaris et mirabilibus operibus, per quæ factum est ante illos ut Israel sciret Dominum.

XVI. [Ib. ii, 15.] *Et serierunt Baal et Astartibus.* Solut dici Baal nomen esse apud gentes illarum partium Jovis, Astarte autem Junonis, quod et lingua Punica putatur ostendere. Nam Baal Punici videntur dicere Dominum; unde Baalsamen, quasi Domiprum cœli intelliguntur dieero: Samen quippe apud eos cœli appellantur. Juno autem sine dubitatione ab illis Astarte<sup>2</sup> vocatur. Et quoniam istæ linguae non multum inter se differunt, merito creditur hic de filiis Israel hoc dicere Scriptura, quod Baal servierunt et Astartibus, quia Jovi et Junonibus. Nec movere debet quod non dixit Astarti, id est Junoni; sed tanquam multæ sint Junones, pluraliter hoc nomen posuit. Ad simulacrorum enim multitudinem referri voluit intellectum, quoniam unumquodque Junonis simulacrum Juno vocabatur; ac per hoc tot Junones, quod simulacula intelligi voluit. Varietatis autem causa existimo Jovem singulariter, Junones pluraliter commemorare voluisse. Nam eadem causa plurium simulacrorum etiam Joves pluraliter dici possent. Hoc autem, id est, nomine plurali Junones, in gracis secundum Septuaginta reperimus, in latinis autem singulariter erat. Quorum in illo qui

non habebat Septuaginta interpretationem, sed ex hebreo erat, Astaroth legimus; nec Baal, sed Baalim. Quod si forte aliud in hebreo vel syra lingua nomina ista significant, deos tamen alios fuisse constat et falsos, quibus Israel servire non debuit.

XVII. [Ib. ii, 10-23, et iii, 1, 4.] *Et vendidit eos in manu inimicorum suorum in circuitu.* Quæri solet quare dixerit, vendidit, tanquam aliquod pretium intelligatur datum. Sed et in Psalmo legitur, *Vendidisti populum tuum sine pretio* (*Psal. xlvi, 15*); et apud prophetam, *Gratis venditi estis, et non cum argento redimemini* (*Isai. lii, 3*). Quare ergo venditi, si gratis et sine pretio, et non potius donati? An forte Scripturarum locutio est, ut venditus etiam qui donatur dici possit? Hic autem sensus est optimus in eo quod dictum est, *Gratis venditi estis*; et, *Vandidisti populum tuum sine pretio*: quia illi quibus tradidisti populum, impii fuerunt, non Deum colendo tradi sibi illum populum meruerunt, ut ipse eultus tanquam pretium videretur. Quod vero dictum est, *Neque cum argento redimemini*; non ait, Neque cum pretio, sed, *Neque cum argento*; ut pretium redemptionis intelligamus, quale dicit apostolus Petrus, *Non enim argento et auro redempti estis, sed pretioso sanguine Agni immaculati* (*1 Petr. i, 18, 19*). In argento enim Propheta omnem pecuniam significavit, ubi ait, *Non cum argento redimemini*; quoniam pretio quidem sanguinis Christi, non tamen pretio pecunia-rio fuerant redimendi.

In eo quod Dominus dicit, *Et ego non apponam auferre virum a facie ipsis de gentibus quas reliquit Jesus filius Nave, et dimisit ad tentandum in eis Israel, si observabunt viam Domini abire in ea<sup>3</sup>, quemadmodum custodierunt patres eorum, an non: et dimisit Dominus gentes has, ut non auferret illas tunc; et non tradidit illas in manu Jesu*, satis ostenditur causa, quare non Jesus omnes illas gentes bellando deleverit; quia hoc si fieret, non essent in quibus isti probarentur. Poterant autem esse ad utilitatem ipsis, si tentati in eis, non reprobi invenirentur; eisque talibus inventis, quales eos esse debere præceperat Dominus, jam gentes illæ auferrentur a facie corum, si ita viverent, nec bellis eos exerceri oportaret. Verba enim Domini huc usque accipienda sunt: *Propter quod tanta dereliquit gens haec testamentum meum, quod mandavi patribus eorum, et non obedierunt voci meæ: et ego non apponam auferre virum a facie ipsis, id est adversarium.* Cetera vero verba scriptoris sunt, exponentis unde dixerat Dominus non se ablaturum virum de gentibus quas reliquit Jesus filius Nave. Deinde subjungens qua causa dereliquerit, *Et dimisit, inquit, ad tentandum Israel, si observent viam Domini abire in ea, quemadmodum custodierunt patres eorum, an non;* eos volens intelligi patres custodisse viam Domini, qui fuerunt cum Jesu, id est eo tempore quo ille vivebat. Generationem quippe alteram superius retulit surrexisse post illos, qui vixerunt cum Jesu, et ab ipsis cœpisse transgressiones quæ offenderunt Dominum; pro quibus tentandis, id

<sup>1</sup> Eanti carebant hisce verbis, et unusquisque in hereditatem suam; que MSS. auctoritate restitutus.

<sup>2</sup> MSS. tres. Estut. duo alii, start.

<sup>3</sup> Editi, in eam: panloque post, in manus Jesu: quibus locis sequitur lxx, cum MSS.

est probandis, relictæ fuerant gentes, nec exterminate per Jesum.

Deinde ne putaretur hoc Jesus consilio suo tanquam humano egisse, ut gentes illæ relinquerentur, subjungit Scriptura: *Et dimisit Dominus gentes has, ut non auferret illas celeriter; et non tradidit eas in manu Iesu.* Deinde sequitur: *Et haec gentes quas reliquit Jesus<sup>1</sup>, ut tentaret in eis Israel, omnes qui nescierunt omnia bella Chanaan: verum, propter generationes filiorum Israel, docere illos bellum.* Erat ergo ista causa in eorum tentatione, ut bellare discerent; id est, ut tanta pietate et obedientia legis Dei bellarent, quanta patres eorum qui Domino Deo etiam bellando placuerunt: non quia optabile aliquid est bellum, sed quia pietas laudabilis est in bello. Quod autem sequitur, *Verum qui ante illos nescierunt illas; quid, nisi gentes vult intelligi, quas nescierunt bellando qui fuerunt ante istos; quorum temptationi, hoc est probationi relictæ sunt?* Deinde commemorans quæ sint, *Quinque, inquit, satrapias alienigenarum;* quas in libris Regnorum manifestius exprimit (*I Reg. vi, 5, 16*). Satrapiae autem dicuntur quasi parva regna, quibus satrapæ<sup>2</sup> prærant: quod nomen in illis partibus cuiusdam honoris est, sive fuit. *Et omnem, inquit, Chananam, et Sidoniam, et Evarum inhabitantem Libanum, ante montem Hermon usque ad Caboemath<sup>3</sup>:* et factum est, ut tentaretur in ipsis Israel; tanquam diceret, Hoc autem factum est, ut tentaretur in ipsis Israel: *scire si audient mandata Domini;* non ut sciret Deus omnium cognitor, etiam futurorum, sed ut scirent ipsi, et sua conscientia vel gloriarentur, vel convincerentur utrum audirent mandata Domini, quæ mandavit patribus eorum in manu Moysi. Quoniam ergo manifestati sibi sunt non se obedisse Deo, in iis gentibus quæ ad eorum temptationem, id est exercitationem atque probationem, fuerant derelictæ; propterea dixit Deus vel illa in quibus aperte missus angelus et expresse locutus est<sup>4</sup>, vel paulo ante, ubi ait, *Propter quod tanta dereliquerit gens hæc testamentum meum, quod mandavi patribus eorum, et non obedierunt voci meæ: et ego non apponam auferre virum a facie ipsorum.*

Dictum est autem in Deuteronomio ex persona Dei loquentis de ipsis gentibus adversariis: *Non ejiciam illos in anno uno, ne fiat terra deserta, et multiplicentur in te bestiæ feræ: paulatim ejiciam illos, donec multiplicemini, et crescat et hereditatis terram* (*Exod. xxii, 29, 30*). Poterat hanc promissionem suam servare Dominus erga obedientes, ut exterminatio gentium illarum, crescentibus Israelitis partibus fieret, cum eorum multitudine terras unde adversarii exterminarentur deseratas esse nou sineret. Quod autem ait, *ne multiplicentur in te bestiæ feræ*, mirum si non bestiales quodammodo cupiditates et libidines intelligi voluit, quæ solent de repentina successu terrenæ felicitatis existere. Neque

<sup>1</sup> *Editi, reliquit Dominus.* At plerique et melioris notæ MSS., *reliquit Jesus*: uti LXX in Complutensi editione habeant; sicque Theodoretus, quest. 8 in *Judices*.

<sup>2</sup> *Mss., satrapæ.*

<sup>3</sup> *Sic MSS. At editiones, aut montem Hermon usque ad Caboemath: præter Lov. quæ habent, Cabemeth.*

<sup>4</sup> *Sequimur hic Er. Lov. B. habent, et locutus est propositio est. M.*

enim Deus homines exterminare poterat, et bestias non poterat, vel perdere, vel pasci potius non permittere.

XVIII. [Ib. iii, 9.] *Et excitavit Dominus salvatorem Israel, et salvavit eos.* Deinde velut quereretur quem salvatorem, *Gothoniel*, inquit, *filium Cenez.* Accusativum enim casum hic debemus accipere, tanquam dicaret Gothonilem. Advertendum est autem quod salvatorem dicat etiam hominem, per quem Deus salvos faciat. Nam *clamaverunt filii Israel ad Dominum: et excitavit Dominus salvatorem Israel, et salvavit eos, Gothoniel filium Cenez, fratrem Caleb juniores ipsius: et exaudivit eos.* Inter illa autem quæ appellantur ὑπερβάται, hoc genus rarum est, quoniam habet et illud quod Græci vocant ὑπερπολύτες. Quod enim ait postea, *et exaudivit eos, si prius ponatur, fit sermo lucidior.* Nam ordo est, *Et clamaverunt filii Israel ad Dominum, et exaudivit eos, et excitavit Dominus salvatorem Israel.* Deinde quod hic interpositum est, *et salvavit eos, et postea dictum est, Gothoniel, aut Gothonilem filium Cenez, si ita diceretur, planius fieret, Et excitavit Dominus salvatorem Israel Gothoniel filium Cenez, et salvavit eos.*

XIX. [Ib. iii, 11.] Quadraginta annos quievisse terram promissionis a bellis sub Gothoniele judice Scriptura testatur: quantum temporis primordia Romani imperii sub Numa Pompilio tantummodo rege pacata habere potuerunt.

XX. [Ib. iii, 19, 20.] Quæri potest utrum mentitus fuerit Aod judex, quando occidit Eglom regem Moab. Cum enim solus soli insidiaretur ut eum percuteret, hoc illi ait, *Verbum occultum mihi est ad te, rex; ut ille a se omnes qui cum illo fuerant removeret.* Quod cum factum esset, iterum dixit Aod, *Verbum Dei mihi ad te, rex.* Sed potest non esse mendacium, quandoquidem verbi nomine solet etiam factum appellare Scriptura; et revera ita erat. Quod autem dixit, *Verbum Dei*, intelligendum est hoc illi Dæum ut faceret præcepisse, qui eum populo suo excitaverat salvatorem, sicut illis temporibus talia fieri divinitus oportebat.

XXI. [Ib. iii, 17.] Merito queritur quomodo fuerit *exilis valde rex Eglom, et conculserint adipes vulnus,* quando percussus est. Sed intelligendum est ea locutione dictum, quæ solet a contrario intelligi, sicut dicitur lucus, quod minime luceat; et abundare respondeatur, quod non est; et benedixit regi, pro male-dixit, sicut scriptum est in Regnorum libro de Nabuthe (*III Reg. xi, 10, 13*). Nam in ea interpretatione quæ non secundum Septuaginta, sed ex hebreo est, ita invenimus, *Erat autem Eglom crassus nimis.*

XXII. [Ib. iii, 23.] *Et exiit Aod foras<sup>1</sup> et transiit ob-servantes, et clausit januas domus superioris super eum, et coarctavit.* Hoc recapitulando dictum est, quod fuerat prætermissum. Nam prius hoc fecisse intelligendum est, et sic de superiori descendisse, et transiisse observantes.

XXIII. [Ib. iii, 25.] Quomodo pueri regis Eglom

<sup>1</sup> *Mss. plures, aod foras.* Nonnulli tamen cum editis habent, *ad foras.*

clavi aperuerint quod Aod clavi non clauserat, potest movere: aut si ille clavi clauserat, quomodo secum eam non auferret, ut isti nec clavi aperire possent. Proinde aut alia clavis allata est, aut tale clausuræ genus fuit quod sine clavi posset claudi, nec sine clavi aperiri. Nam sunt quedam talia, sicut ea quæ veruclata<sup>1</sup> dicuntur.

**XXIV.** [Ib. iii, 50.] Sub iudice Aod octoginta annos pacem habuit Israel in terra promissionis, duplicato scilicet tempore quam fuit memorabile sub Romano-rom rege Numa Pompilio.

**XXV.** [Ib. iii, 31.] *Et post eum surrexit Samegar filius Aneath*<sup>2</sup>, et percussit alienigenas in sexcentos viros præter vitulos boum; et salvavit Israel. Quomodo post Aod iste pro Israel pugnaverit, et dictus sit salvasse Israel, potest esse quæstio. Non enim rursus fuerant captivati, vel jugo servitutis innexi. Sed intelligendum ita dictum, *salvavit*, non quia nocuerit aliquid hostis, sed ne permitteretur nocere; quoniam credendum est bello cœpisse tentare, et hujus victoria suis de pulsum. Sed quid sibi velit quod addidit, *præter vitulos boum*, obscurum est. An forte et bonum stragem pugnando fecit, et ita dictum est eum occidisse sexcentos viros, præter illud quod fecit de bobus occisis? Sed quare vitulos? An græcæ locutionis consuetudo est, etiam vitulos eos appellare, qui grandes sunt? Nam ita loqui vulgo in Ægypto perhibentur; sicut apud nos pulli appellantur gallinae cuiuslibet ætatis. Non autem habet interpretatio ex hebræo, *præter vitulos boum*, sicut ista que secundum Septuaginta est: sicut habet illa ex hebræo, *vomere occisos sexcentos viros*, quod ista non habet.

**XXVI.** [Ib. iv, 8.] Quid est quod respondens Barac Peboræ ait, *Si ibis, ibo; et si non ieris tecum, non ibo*: quoniam nescio diem in qua prosperat angelum Dominus tecum; quasi a prophetissa diem audire non potuerit? nec illa diem respondit, sed perrexit cum illo. Et quid est, *prosperat angelum Dominus tecum?* An hic demonstratum est, quia et Angelorum actus prosperantur, id est adjuvantur a Domino, ut feliciter cedant? an locutionis est, *prosperat angelum tecum*, id est, facit tecum prospera per angelum?

**XXVII.** [Ib. iv, 15.] *Et pavescit Dominus Sisaram et omnes currus ejus.* Ecce quemadmodum commendat Scriptura agere Deum in cordibus, ut det exitum rebus, quem constituit. Utique enim pavescit vel obstupecscit Sisaram, ut tradaret eum.

**XXVIII.** [Ib. iv, 22.] Ubi Jabel mulier quæ occidit Sisaram, cum locuta esset ad Barac qui eum quererebat, scriptum est de ipso Barac, quia *intravit ad eam*: animadvertisendum est non esse consequens ut cum Scriptura dicit de viro quod intravit ad aliquam feminam, jam etiam concubuisse credatur. Assidue quippe sic loquitur Scriptura, *intravit ad eam*, ut nolit intelligi nisi quod ei mixtus sit. Illic ergo proprio dictum est, *intravit ad eam*, id est in domum ejus intravit,

non ut per hæc verba intelligatur conciditus.

**XXIX.** [Ib. v, 7 et 8.] In Cantico Debboræ dicuntur, *Defecerunt habitantes in Israel, defecerunt donec surrexit Debbara, donec surrexit mater in Israel, elegerunt ut panem hordeaceum deos novos: tunc expugnaverunt civitates principum.* Hic intermixtus ordo verborum obsecratatem facit, et quæstionem movet. Quomodo enim intelligatur, *Elegerunt ut panem hordeaceum deos novos*, *tunc expugnaverunt civitates principum*; quasi tunc eis faverit Deus ad expugnandas civitates principum, quando elegerunt ut panem hordeaceum deos novos? Sed in aliis jam Scripturarum locis saepè didicimus quemadmodum stant hyperbata; quorum directione cum verba ad ordinem redeunt, sensus explanatur. Iste ergo est ordo: *Defecerunt habitantes in Israel; defecerunt, elegerunt ut panem hordeaceum deos novos, donec surrexit Debbara, donec surrexit mater in Israel: tunc expugnaverunt civitates principum.*

**XXX.** [Ib. v, 8.] Quæri potest quomodo dictum sit, *Elegerunt ut panem hordeaceum deos novos*; cum panis hordeaceus quamvis sit in comparatione triticei panis abiciendus, tamen etiam ipse pascat, et vitale alimentum sit: dñi autem novi, quos dicuntur elegisse, qui defecerunt a Deo vivo, non possunt in alimentis animæ deputari, sed potius in venenis. An hactenus accipienda est similitudo, quatenus valet ut propter hoc solum dictum intelligatur, quia sicut plerumque fastidio fit, ut eligenda rejiciantur, et aspernanda delectent; ita vitio pravæ voluntatis tanquam languore fastidii, cum esset Deus eorum verus, in falsis elegi- rent nihil aliud quam novitatem spreta veritate<sup>3</sup>; atque ita cibum mortiferum tanquam panem hordeaceum elegerunt, non se arbitrantes inde perituros, sed etiam inde vitam velut esca innoxia licet villore sumptuos? Secundum opinionem ergo corum similitudo posita est, animique languorem, non secundum veritatem. Nam dñi novi nullis sunt cibis vitalibus comparandi.

**XXXI.** [Ib. vi, 8, 11.] *Et factum est, quando clamaverunt filii Israel ad Dominum propter Midian, et misit Dominus virum prophetam ad filios Israel, et dixit eis. Cur non dicatur nomen hujus prophetæ, quod valde Scripturis insitatum est, latens causa est; non tamen nullam esse arbitror. Sed quia post verba quibus exprobavit inobedientiam populo, sequitur Scriptura dicens, Et venit angelus Domini, et sedet sub queru, quæ erat in Ephra: non absurde intelligitur iste angelus significatus nomine viri, ut posteaquam hæc verba dixit, venerit ad querum memoratam, et ibi sederit. Nomine enim virorum solere appellari Angelos notum est (Gen. xix, 10): quamvis eum qui esset angelus, appellatum esse prophetam, non facile nec evidenter occurrat: eum sane qui propheta esset, dictum angelum legimus (Matth. xi, 10): sed si Angelorum dicta prophetica nota sunt, id est quibus futura prænuntiaverunt; cur non possit angelus prophetæ nomine nuncupari? Verum tamen, ut dixi, ex-*

<sup>1</sup> Sic in omnibus MSS. At in editis, verudata.

<sup>2</sup> Excusi, Samegar. MSS. Samegar: atque ex his nonnulli, filius Anead. At LXX, Samegar filius Dinach.

<sup>3</sup> Sic MSS. Editii vero: *sibi falsos elegerunt nihil aliud quam novitatem et spreta veritate.*

pressum et manifestum de hac re testimonium non occurrit.

**XXXII.** [lb. vi, 12.] Quod angelus dicit ad Gedeon, *Dominus tecum potens in fortitudine*, nominativus causus est, non vocativus. Illoc est, *Dominus potens tecum est*; non, tu potens.

**XXXIII.** [lb. vi, 14.] Advertendum est dixisse angelum tanquam ex Domini auctoritate, *Nome ecce misi te?* cum loqueretur ad Gedeon. Quis enim eum misit, nisi qui ad eum angelum misit? Debora vero ait ad Barac, *Nonne mandavit Dominus Deus Israel tibi (Judic. iv, 6)?* Illic autem non dictum est, *Nonne ecce misit te Dominus?* sed, *Nonne ecce misi te?*

**XXXIV.** [lb. vi, 15.] Ubi respondet Gedeon ad angelum, *In me, Domine;* hoc est, In me intende: *In quo salvabo Israel?* ecce mille mei humiliiores in *Mannasse*: intelligitur præpositus suis mille hominum, quos grecè *χλαρχούς* appellat Scriptura? an quid aliud?

**XXXV.** [lb. vi, 18-22.] Animadvertisendum est quod Gedeon non ait angelo, Offeram tibi sacrificium; sed ait, *Offeram sacrificium meum, et ponam in conspectu tuo.* Unde intelligendum est non eum angelo, sed per angelum sacrificium offerre voluisse. Quod et ipse angelus evidenter ostendit, qui non ab eo sacrificium tanquam sibi sumpsit; sed ait illi: *Accipe carnes et azymos, et pone ad petram illam, et jus effunde. Et cum hoc fecisset Gedeon, extendit angelus Domini summum virgæ quæ erat in manu ejus, et tetigit carnes et azymos; et accensus est ignis de petra, et comedit carnes et azymos.* Ita ctiam ipse Angelus in sacrificio quod obtulit Gedeon, officium ministrantis implevit: ignem quippe homo minister ut homo sine miraculo subjecisset, quem mirabiliter ut angelus iste subjecit. Denique tunc cognovit Gedeon quod Angelus Domini esset: nam hoc Scriptura continuo subdidit, *Et vidit Gedeon quoniam angelus Domini est.* Prius ergo tanquam cum homine loquebatur, quem tamen hominem Dei eredit, ut coram ipso sacrificium vellet offerre, velut adjuvandus ejus praesentia sanctitatis.

**XXXVI.** [lb. vi, 20.] Quare potest quare Gedeon ausus fuerit sacrificium offerre Deo præter locum ubi jusserrat Deus? Præter tabernaculum quippe suum Deus prohibuerat sacrificari sibi (*Deut. xii, 13*); cui tabernaculo templum postea successit: tempore autem quo fuit Gedeon, tabernaculum Dei erat in Silo; atque ideo illic tantum legitime posset sacrificari. Sed intelligendum est quod illum angelum primo prophetam putaverat, et tanquam Deum in illo consuluerat de offerendo sacrificio: quod ille si prohibuisset, non utique fieret; sed quoniam approbavit, et ut fieret annuit, Dei auctoritatem Gedeon in faciendo secutus est. Ita quippe Deus legitima illa constituit, ut leges non sibi, sed hominibus daret. Unde quodcumque præter illa ipse præcepit, non a transgressoribus, sed potius a piis et obedientibus impletum intelligendum est: sicut Abraham de immolando filio (*Gen. xxii, 2*). Nam et sic Elias extra tabernaculum Domini ad convincendos sacerdotes idolorum sa-

crificavit (*III Reg. xviii, 30-58*): quod ex præcepto Domini fecisse intelligendus est, qui ei tanquam prophetæ revelatione atque inspiratione jussit ut faceret. Quanquam tanta consuetudo præter tabernaculum sacrificandi crebuerat, ut etiam Salomon in excelsis sacrificasse inveniatur, nec ejus sacrificium suis reprobatum (*Id. iii, 4-15*). Et tamen notantur reges, qui inter opera laudabilia sua non destruxerunt excelsa, ubi contra Legem Dei populus sacrificare consueverat: et qui destruxit, majore prædicatione laudatur. Ita Deus consuetudinem populi sui, qui præter ejus tabernaculum, tamen non diis alienis offerebant, sed Domino Deo suo, sustinebat potius quam vetabat, etiam sic exaudiens offerentes. Illoc autem quod Gedeon fecit, quis non intelligat per angelum procuratum, ut prophetice fieret, in qua propheta petra illa commendaretur? Cui quidem petra non sacrificatum est, sed de illa ignis commemoratur exiisse, quo sacrificium consumeretur. Sive enim per aquam, quam percussa petra effudit in eremo (*Num. xx, 2*), sive per ignem, donum Spiritus sancti significatur, quod ditissime Dominus Christus effudit super nos. Nam et in Evangelio significatum est hoc donum per aquam, ubi ipse Dominus ait, *Si quis sit, veniat et bibat: qui credit in me, sicut dicit Scriptura, flumina de ventre ejus fluent aquæ vivæ; ubi Evangelista subjunxit, Hoc autem dicebat de Spiritu quem accepturi erant credentes in eum (Joan. vii, 37-59).* Significatum est et per ignem, ubi veniente illo super congregatos legitur, *Vise sunt illis linguae divisæ relut ignis, qui et insedit super unumquemque eorum (Act. ii, 3): et ipse Dominus ait, Ignem veni mittere super terram (Luc. xii, 49).*

**XXXVII.** [lb. vii, 6.] *Et factus est numerus eorum qui lambuerunt manu sua, lingua sua, trecenti viri.* Plerique latini codices non habent, *manu sua*, sed tantummodo, *lingua sua*, quoniam sic intellexerunt quod supra dictum est, *sicut canes*: grecus autem habet utrumque, *manu sua, lingua sua*, ut intelligatur quod manu aquam raptam in os projiciebant; et hoc erat simile bibentibus canibus, qui non ore apposito, sicut boves, aquam ducunt quam bibunt, sed lingua in os rapiunt, sicut etiam isti intelliguntur fecisse, sed cum manu in os aquam projicerent, quam lingua exciperent. Nam et interpretatio ex hebreo planius id habet his verbis, *Fuit itaque numerus eorum qui manu in os projiciente aquam lambuerant, trecenti viri.* Neque enim solent homines ita libere, ut sine ope manus, lingua, sicut canes, aquam hauriant: aut <sup>1</sup> vero istis præceptum fuerat ut hoc facerent: sed cum ad bibendum descendissent ad aquam, multi genu flexo biberunt, quod facilis et minore labore fieret; pauci vero quia non flexo genu se incurvaverunt, ut canes liberunt, sed aqua manu in os jaeta. Quorum numerus, quia trecenti erant, signum insinuat crucis propter litteram T grecam, qua iste numerus significatur; per quam etiam gentes magis in crucifixum credituras præfiguratum est, quod littera grecæ est.

<sup>1</sup> In Lov., at. M.

Unde Græcorum nomine Apostolus omnes gentes significat, cum dicit, *Judaœ primum et Græco* (*Rom. ii, v. 10*), et, *Judaïs et Græcis* (*I Cor. i, 24*); sæpe ita commemorans circumcisionem et præputium, quod in linguis gentium græca ita excellat, ut per hanc omnes decenter significantur. Iste numerus et in vernaculis Abraham animadvertisendus est, per quos fratrem ab hostibus liberavit, quando eum Melchisedech in magno mysterio benedixit. Quod enim exuberant illie decem et octo (nam trecenti decem et octo suis referuntur [*Gen. xiv, 14-20*]), videtur mili significatum quo etiam tempore fieret, id est tertio, quod futurum erat sub gratia. Nam primum est ante Legem, secundum sub Lege, tertium sub Gratia. Singula vero tempora scenario numero significata sunt propter perfectionem: nam ter semi, decem et octo sunt. Unde et illa mulier decem et octo annos habebat in insirmitate, quam curvam Salvator cum invenisset, erexit, et a diaboli alligamento, ut Evangelium indicat, solvit (*Luc. xiii, 11-13*). Nam quod ita isti probati sunt, per quos vinceret Gedeon, ut similes in bibendo canibus dicerentur, significat quod contemptibilia et ignobilia elegit Dominus (*I Cor. i, 28*): pro contemptu enim habetur canis. Unde dicit, *Non est bonum tollere panem filiorum, et mittere canibus* (*Matth. xv, 26*): et David ut se tanquam contemptibilem adjiceret, canem se appellavit loquens ad Saül (*I Reg. xxiv, 45*).

**XXXVIII.** [Ib. vii, 11.] Quid sibi vult quod scriptum est, *Gedeon descendit ipse, et Phara puer ejus, in partem quinquaginta, qui erant in castris*: quod latini quidam codices habent, *in eam partem in qua erant quinquageni custodes in castris*; alii vero, *in partem quinquagesimam in castra?* Obscurum quippe dictum plures sententias interpretum fecit. Sed aut ea pars castrorum erat, quam servabant quinquaginta custodes; aut, si quinquageni intelligendi sunt circumquaque servasse, in unam partem isti descenderunt ubi erant quinquaginta.

**XXXIX.** [Ib. vii, 13.] Quod ille qui proximo suo somniu narravit, quod audivit Gedeon, ut de victoria futura confirmaretur, dixit se vidisse mensam panis hordeacei, volventem in castris, et percutientem tabernaculum Madian, et subvertentem; hoc intelligendum arbitror quod de canibus, quia per contemptibilia mundi (quod significat mensa panis hordeacei) Salvator superbos fuerat confusurus.

**XL.** [Ib. vii, 20.] Quod exclamari jussit Gedeon a trecentis suis, *Gladius Domino et Gedeon*, id est hunc Gedeon, hoc significat, quod gladius id erat operatus quod Domino placaret et Gedeon.

**XLI.** [Ib. viii, 26, 27.] Quæri solet quid sit Ephud, vel Ephod: quod quidem si sacerdotale est indumentum, quod plerique dicunt, vel potius superindumentum, quod ἐπιδύναμα græce dicitur, vel ἐπωπίς, quod magis superlumerale interpretari latine potest; merito movet quomodo de tanto auro Gedeon id fecerit. Nam ita scriptum est: *Et factum est pondus maurus aurearum quis petierat, sicli mille septingenti*

*auri, præter brachialia et torques et oportenta purpurea, quæ erant super reges Madian, præter torques quæ erant in cervicibus camelorum ipsorum: et fecit illud Gedeon in ephud, et statuit illud in civitate sua in Ephra; et fornicatus est omnis Israel post illud ibi; et factum est Gedeon et domui ejus in scandalum. Quomodo ergo ista vestis de tanto auro fieri potuit? Nam et mater Samuelis fecit filio suo, sicut legimus, ephud bar, quod nonnulli interpretati sunt ephud lineum, quando eum dedit Domino in templo nutrientem (*I Reg. ii, 18*): ubi evidentius appetat hoc genus esse indumenti. An ideo dictum est, *statuit illud in civitate sua*, ut hinc intelligeretur aureum suis factum? Non enim dictum est, posuit, sed *statuit*; quoniam ita erat solidum et validum ut statui posset, hoc est, positum stare.*

Hoc ergo illicitum cum fecisset Gedeon, *fornicatus est post illud omnis Israel*, id est, seqnendo illud contra Legem Dei: ubi non frustra queritur, cum idolum non fuerit, id est, cuiusquam Dei falsi et alieni simulacrum, sed ephud, id est, unum de sacramentis tabernaculi quod ad vestem sacerdotalem pertineret, quomodo fornicationem Scriptura dicat populi ista sequentis atque venerantis. Ideo scilicet quod preter tabernaculum Dei, ubi erant ista quæ ibi fieri jussaret Deus, extra simile aliquid fieri fas non erat. Ideo sequitur et dicit Scriptura, *Et factum est Gedeon et domui ejus in scandalum*, id est, ut ab offenso Deo discederet: quia et hoc quoddam genus idoli quodam modo erat, quod extra Dei tabernaculum quolibet manufactum pro Deo coleretur; cum illa ipsa quæ jussa sunt in tabernaculo fieri ad Dei potius cultum referrentur, quem pro Deo aliiquid corum, aut pro Dei simulacro colendum haberetur.

Quanquam per ephud vel ephod, ea locutione quæ significat a parte totum, omnia possint intelligi quæ constituit Gedeon in sua civitate, veluti ad colendum Deum similia tabernaculo Dei: et propterea per hoc, quia hoc est sacerdotalis honoris insigne, quod sæpe Scriptura commemorat; ut hoc sit peccatum Gedeon, quod extra Dei tabernaculum fecerit aliquid simile, ubi coleretur Deus: non quod solidio auro velut adorandum constituerit ephud; sed quod ex auro ipso, quod esset de præda, fecerit ea quæ pertinerent ad ornamenta vel instrumenta sacrariorum, quæ omnia per ephud significata sunt, propter excellentiam, ut dixi, vestis sacerdotalis. Nam et ipsum ephud non quidem ex auro solo fieri præceptum est, si hoc est superhumeralis sacerdotalis vestis: verumtamen etiam aliquid auri habet. Nam ex auro et hyacintho et purpura et coccino et bysso ut fieret, divinitus imperatum est (*Exod. xxxix, 2*): sed quia hoc ita posuerunt Septuaginta interpres, ut commemoratis omnibus quæ de spoliis accepérat Gedeon, inferrent, *Et fecit illud Gedeon in ephud*; videtur ita dictum, tanquam ex toto illo quod commemoratum est, hoc factum esse credatur: cum possit etiam illie intelligi locutio quæ significat a toto partem, ut quod dictum est, *Fecit illud in ephud*, intelligatur. fecit inde ephud, vel, fecit ex eo

ephud; non scilicet illud totum consumens in ephud, sed ex illo quantum sufficiebat impendens. Nam in illa interpretatione quæ ex hebræo est, sic legitur, *Fecitque ex eo Gedeon ephud.* Quod enim apud Septuaginta scriptum est *ephud*, hoc in hebræo perhibetur dici *ephod*. Non autem omnes sacerdotcs tali utcebantur superhumerali, quod esset ex auro et hyacintho et purpura et coccino et bysso, sed solus summus sacerdos. Unde illud quod de Samuele commenmoravimus factum illi ab ejus matre, non erat utique tale: quoniam cum datus est nutriendus, non erat summus sacerdos, utique puer. Unde, ut dictum est, ephud bar appellatur, vel potius ephud bat, sicut asserunt qui hebreæam linguam noverunt, et interpretatur ephud lineum. Sed Gedeon existimo illud fecisse, quod erat præcipuum summi sacerdotis indumentum atque ornamentum, per quod et cetera significata sunt opera sacrarii, quod in sua civitate præter Dei tabernaculum constituerat; et propter hoc peccatum factum est illi et domui ejus in scandalum, ut sic interiret (quod postea Scriptura narrat) tanta ejus numerositas filiorum (*Judic. ix, 5*).

XLI. [Ib. viii, 27, 28.] Non prætereunda oritur quæstio, quomodo quieverit terra quadraginta annos in diebus Gedeon, cum post victoriam qua liberavit Hebreos, ex auro spoliorum fecerit abominationem, et post illam fornicatus sit omnis Israel, et fuerit illi et domui ejus in scandalum. Quomodo ergo post hoc tantum nefas, quod et Gedeon et populus admisit, requievit terra quadraginta annos; cum hoc Scriptura soleat ostendere, cum a Domino Deo populus fornicaretur, tunc potius pacem illos perdere, non acquirere; et hostibus subjugari, non ab hostium infestatione muniri? Sed intelligendum est, sicut soleat Scriptura, per prolepsim, id est per præoccupacionem dixisse, quod fecerit ephud contra Dei Legem Gedeon ex illo auro, quod fuerat hostibus devictis atque prostratis ablatum, quia uno loco dicere voluit et unde erat aurum, et quid de illo factum sit: sed postea factum est in fine dierum Gedeon hoc peccatum, quando consecuta sunt etiam mala quæ deinde Scriptura contexuit, posteaquam commemoravit quot annis in diebus Gedeon terra conquiererit; quos annos recapitulando commemoravit, id est, ad ordinem revertendo quem præterverterat, prius dicendo de illo scandalo quod novissime factum est.

XLIII. [Ib. viii, 53.] *Et factum est cum esset mortuus Gedeon, et aversi sunt filii Israel, et fornicati sunt post Baalim: et posuerunt ipsi sibi Baalberith testamentum, ut esset eis ipse in deum.* Et Baalim et Baalberith idola intelligenda sunt. Major itaque transgressio et fornicatio commissa est a populo post mortem Gedeon, quam illo vivo propter ephud: quoniam et illud, etsi illicite factum erat, tamen de sacramentis tabernaculi erat; ista vero post idola fornicatio non habet vel falsam paternæ religionis defensionem. Unde etiam illud ephud, si non in fine temporis Gedeon, sed ante factum est, ita Deus patienter tulit, ut pax in terra perseveraret: quia tunc factum erat

quod prohibuerat, non tamē longe recessum erat ab illo, qui tale aliquid in tabernaculo suo atque in honorem suum fieri jusserat. Nunc vero graviora commissa, et apertissimam post idola fornicationem populi esse noluit impunitam.

XLIV. [Ib. ix, 14, 15.] Quod inducitur rhamnus, id est quoddam spinarum genus, in similitudinem dicere omnibus lignis convenientibus eam ut regnaret super ea, *Si in veritate ungitis me vos, regnare super vos, venite, confidite in protectione mea: et si non, exeat ignis de rhamno, et comedat cedros Libani:* obscurus sensus est, sed eum inventa distinctio manifestat. Non enim ita legendum est, *Et si non exeat ignis de rhamno: sed subdistinguendum, Et si non, ac deinde inferendum, exeat ignis de rhamno;* id est, *Et si non confiditis in protectione mea, aut, Et si non in veritate ungitis me regnare super vos, exeat ignis de rhamno, et comedat cedros Libani.* Commixtus enim verba sunt quid facere possit, si voluerint eam regnare super se. Verum quia non ait, *Exibit ignis de rhamno, et manducabit cedros Libani*, sed ait, *Exeat, et manducet;* obscurius factum est quam si sola distinctio lateret. Vehementioris autem comminationis est, et quodam modo præsentioris efficacie, si quis dicat, *Si non vis facere quod volo, sæviat in te ira mea, id est jam sæviat; ut quid eam teneo? quam si dicat, sævet, promissivo modo pœnam intentans futuram.*

XLV. [Ib. ix, 23.] *Et emisit Deus spiritum malignum inter Abimelech et inter viros Sichimorum.* Illoc verbuna, utrum imperantem, an permittentem Deum significet, non facile definiri potest. Quod enim hic positum est, *Emisit, græcus habet ἐξαντεῖλεν* quod etiam est in Psalmis ubi legitur, *Emilte lucem tuam (Psal. xl, 3)*: quanquam in quibusdam locis interpretes nostri, et ubi est in græco ἐξαντεῖλεν, misit interpretati sunt, non, *emisit.* Potest ergo et sic intelligi, ut spiritum malignum Deus tanquam ire inter eos volentem emiserit, id est, potestatem dederit maligno spiritui ad eorum pacem perturbandam. Usque adeo autem etiam mitti a Domino malignum spiritum propter justitiam vindicandi non absurdum visum est, ut quidam id quod est ἐξαντεῖλεν, etiam immisit interpretati sint.

XLVI. [Ib. ix, 32, 33.] Verba quæ misit ad nuntios Abimelech Zebul princeps civitatis Sichimorum, etiam id habent: *Et nunc surge nocte tu et populus tuus lesum, et insidiare in agro.* Et erit mane simul ut oriens sol, maturabis, et tendes super civitatem. Quod latini quidam habent maturabis, quidam vero manicabis, græcus habet quod dici posset non uno verbo, *diluculo surges.* Et fortasse hinc sit dictum, maturabis, a matutino tempore, quamvis etiam aliis temporibus dici soleat ad rem accelerandam. Manicabis autem latinum verbum esse mihi non occurrit. Sed illud movet, quod cum dixisset, *simul ut oriens sol, addidit, diluculo surges;* cum ipsum diluculum quod græce dicitur *ἥλιος*, tempus ante solem significet, quod jam usitatissime dicitur, cum albescere coepit. Sic itaque

<sup>1</sup> Sic MSS. At editi: *cuasit dicat sævialem vermissimo modo.*

intelligendum est, ut quod positum est *mane*, ipsum diluculum intelligatur. Additum est autem, *sicut uiroritur sol*, ut exprimeretur non jam orto sole faciendum, sed ubi fulgor apparuerit solis orientis. Non enim aliunde albescit diluculum; nisi cum cœperit partem cœli, quam videmus ab oriente, lux solis ad eam rediuntis attingere. Hinc est quod etiam in Evangelio unam atque eamdem rem alius evangelista dicit diluculo factam, cum adhuc obscurum esset (*Joan. xx, 1*), alias oriente sole (*Marc. xvi, 2*); quia et ipsa lux quantulacumque diluculi sole utique siebat oriente, id est ad ortum veniente, et fulgorem suum de sua presentiae propinquitate jactante. Quam lucem quidam idiotæ solis non esse putaverunt, sed illam esse quæ primitus condita est, antequam Deus quarto die conderet solem.

**XLVII.** [lb. x, 1.] *Et surrexit post Abimelech, qui salutem ficeret Israel Thola filius Phua, filius patris fratris ejus, vir Issachar.* Filium patrum ejus, dixit *filium patris fratris ejus*, cum ordinatus et usitatus atque apertius diceretur, filium fratris patris ejus: filius enim erat patrui ejus, sicut evidenter in ea interpretatione quæ ex hebreo est, invenitur. Non ergo quod dictum est *patris fratris*, ab eo declinatum est quod est in nominativo pater fratris, sed ab eo quod est patris frater, hoc est enim patruus. Nam sive ponatur in nominativo, hic pater fratris, sive ponatur hic patris frater, genitivum facit hujus patris fratris. Verum altera oritur quæstio, quomodo fuerit patruus Abimelech *vir Issachar*, id est vir de tribu Issachar, cum Abimelech patrem habuerit Gedeon, qui Gedeon de tribu fuit Manasse. Quomodo ergo *l'huia* et Gedeon fratres fuerunt, ut possit esse Phua patruus Abimelech, cuius patrui filius Thola succederet, secundum istam narrationem, ipsi Abimelech? Potuerunt ergo Gedeon et Phua unam habere matrem, ex qua diversis patribus nascerentur, et fratres essent unius matris filii, non unius patris. Solebant enim nubere feminæ de aliis tribibus in alias tribus. Unde et Saül cum esset de tribu Benjamin, dedit filiam suam David homini de tribu Juda (*I Reg. xviii, 27*): et sacerdos Joiade<sup>1</sup>, utique homo de tribu Levi, duxit filiam Ioram regis, hominis de tribu Juda (*II Paral. xii, 11*). Illic factum est, ut Elizabeth et Mariam cognatas in Evangelio legamus (*Luc. i, 36*), cum fuerit Elizabeth de filiabus Aaron: ex quo intelligitur de tribu Levi et filiabus Aaron aliquam nupsisse in tribum Juda, unde ita fieret inter ambas illa cognatio, ut Domini caro non salum de regia, verum etiam de sacerdotali stirpe propagaretur.

**XLVIII.** [lb. xi, 24.] Inter cætera quæ Jephite mandat per nuntios regi filiorum Ammon, etiam hoc dicit: *Nonne quæcumque hæreditavit tibi Chamos deus tuus, hæc hæreditabis; et omnia quæcumque hæreditavit Dominus Deus noster a facie vestra, hæc hæreditabis?* Quod quidam latini sic interpretandum putaverunt, ut dicarent, *Nonne quæcumque dedit tibi in hæreditatem Chamos deus tuus, hæc possidebis?* ubi videri potest con-

<sup>1</sup> in Man., *Jude*, seu *Jude*. Apud LXX, *Iadab*.

firmasse Jephite deum istum, qui vocatur Chamos, potuisse aliquid dare in hæreditatem cultoribus suis. Quidam vero sic habent, *Nonne quæcumque possedit Chamos deus tuus, hæc possidebis?* et hoc ita sonat, quasi aliquid potuerit possidere. An forte secundum hoc dictum est, quod sub Angelis constitute sunt gentes, juxta Canticum Moysi famuli Dei (*Deut. xxxii, 8, sec. LXX*)? Numquidnam ergo ille angelus, sub quo erant filii Ammon, Chamos appellatus est? Quis hoc audeat affirmare, cum possit intelligi secundum ejus opinionem dictum, quia putabat deum suum hoc possidere, vel in possessionem sibi dedisse? Magis autem iste sensus eluet in iis verbis quæ græcus habet, *Nonne quæcumque hæreditavit tibi Chamos Deus tuus, hæc hæreditabis?* ut in eo quod positum est, *tibi*, intelligatur ita dictum, ac si diceretur, sicut videbitur tibi. Tibi enim hæreditavit qui hoc putas, non quod ille aliquid posset hæreditare. Denique in eo quod sequitur, *Et omnia quæcumque hæreditavit Dominus Deus noster*, non dixit, hæreditavit nobis, tanquam dicaret, sicut nobis videtur; sed, vere hæreditavit, a facie vestra; quoniam abstulit ipsis, et his dedit: *hæc inquit, hæreditabis*.

**XLIX.** [lb. xi.] De filia Jephite quod eam pater in holocausta obtulit Deo; quoniam in bello voverat, si vicisset, eum se haulocausta oblaturum, qui sibi de domo exiens occurrit; quod cum vovisset, vicit; et occurrente sibi filia, quod voverat reddidit: sollet esse magna et ad dijudicandum difficultissima quæstio; quibusdam quid sibi hoc velit nosse cupientibus et pie querentibus; quibusdam vero qui Scripturis his sanctis imperita impietate adversantur, hoc maxime in criminis vocantibus, quod Legis et Prophetarum Deus etiam humanis sacrificiis fuerit delectatus. Quorum calumniis sic primitus respondemus, ut Deum Legis et Prophetarum, atque ut expressius dicam, Deum Abraham et Deum Isaac et Deum Jacob nec illa sacrificia delectaverint, ubi pecorum holocausta offerebantur; sed quod significativa fuerint et quedam umbrae futurorum, res ipsas nobis quæ his sacrificiis significabantur, commendare voluisse: fuisse autem etiam istam utilē causam cur illa mutantur, nec modo juberentur, imo prohiberentur offerri, ne vere secundum carnalem affectum talibus Deum delectari putaremus.

Sed utrum etiam humanis sacrificiis significari futura oportuerit, merito queritur: non quod mortes hominum quandoque moritrorum in hac causa exhorrescere et formidare deberemus, si illi qui hæc de se fieri gratauerint, in aeternam remunerationem commendarentur Deo: sed si hoc verum esset, hoc genus sacrificiorum Deo non displiceret; displaceceret autem Deo satis evidenter eadem Scriptura testatur. Nam cum omnia primogenita sibi dicari, et sua esse voluerit atque præceperit; redimi tamen a se voluit primogenita hominum (*Exod. xiii, 2, 12, 15*), ne immolandos Deo crederent filios suos, quos natos primitus suscepissent. Deinde hoc apertius ita loquitur, quod humana holocausta sic Deus improbet, ut pro-

hibeat, detestans ea in aliis gentibus, et populo suo præcipiens ne audeat imitari : Si autem, inquit, exterminaverit Dominus Deus tuus gentes, in quas tu intras hæreditare terram eorum a conspectu tuo, et hæreditabis eos, et habitabis in terra eorum; attende tibi ipsi, ne exquiras sequi eos, postquam exterminati fuerint a facie tua, ne exquiras deos eorum dicens, Quemadmodum faciunt gentes diis suis, faciam et ego : non facies ita Dominu Deo tuo. Abominamenta enim quæ Dominus odit, fecerunt diis suis; quoniam et filios suos et filias suas comburunt igni diis suis (*Deut. xii, 29-31*).

Quid evidenter ostendi potest his sanctæ Scripturæ testimoniis, ut alia hujuscemodi omittam, quam Deum a quo hæc Scriptura humano generi contributa est, non solum non diligere, verum etiam odisse talia sacrificia, in quibus homines immolantur? Illa plane diligit et coronat, cum quisque justus iniquitatem patiens usque ad mortem pro veritate decertat, vel ab inimicis, quos pro justitia offendit, occiditur, retribuens eis bona pro malis, id est pro odio dilectionem. Talem dicit Dominus sanguinem justum, a sanguine Abel usque ad sanguinem Zachariae<sup>1</sup> (*Matt. xxiii, 35*). Præcipue autem quod sanguinem fudit ipse pro nobis, et sacrificium scipsum obtulit Deo; sic utique obtulit, ut ab inimicis pro justitia occideretur : hunc imitata martyrum gullia usque ad mortem pro veritate certarunt, et ab inimicis saevientibus immolata sunt; de quibus dicit Scriptura, *Tanquam aurum in fornace probavit illos, et sicut holocausti hostiam accepit illos* (*Sap. iii, 6*). Unde et Apostolus dicit, *Ego enim jam immolator* (*Il Tim. iv, 6*).

Sed non sic Jephthe de filia fecit holocausta Domino; sed sicut præceptum fuerat pecora offerri, et prohibitum fuerat homines immolari. Magis hoc illi simile videtur quod fecit Abraham, quod Dominus specialiter fieri præcepit (*Gen. xxii*), non generali lege ut talia sibi sacrificia fierent aliquando mandavit, immo etiam fieri omnino prohibuit. Distat itaque hoc quod Jephthe fecit a facto Abrahæ, quoniam ipse jussus obtulit filium: iste autem fecit quod et Lege vetabatur, et nullo speciali jubebatur imperio. Deinde non solum in sua Lege postea, verum etiam tunc Deus in ipso Abrahæ filio talibus sacrificiis quam non delectaretur ostendit; cum patrem ejus fidem jubendo probaverat, a filii tamen interfectione prohibuit, ac arietem, quo sacrificium licite secundum veterum congruam temporibus consuetudinem completeretur, ap- posuit.

Si autem hoc quemquam movet, quomodo pie crediderit Abraham Deum sacrificiis talibus delectari, si hæc illicite offeruntur Deo; et ideo putat recte credisse etiam Jephthe quod tale sacrificium Deo possit esse acceptum: primo consideret aliud esse ultro vovere, aliud jucundi obtemperare. Non enim, si aliquid præter morem in domo a domino institutum servo jubetur, atque id laudabilis obedientia facit, ideo non est

plectendus, si hoc facere sponte præsumperit. Deinde habebat quod crederet Abraham, ut propter divinum imperium non parceret filio, non credens Deum tales victimas libenter accipere, sed hoc eum propterea jussisse, ut resuscitaret occisum, et hinc aliquid tanquam Deus sapiens demonstraret. Nam hoc de illo etiam in Epistola legitur, quæ inscribitur ad Hebreos; et fides ejus, quia hoc de Deo crediderit, quod posset filium ejus suscitare, laudatur (*Hebr. xi, 17-19*). Iste vero et Deo non jubente neque poscente, et contra legitimum ejus præceptum, ultro sacrificium vovit humanum. Sic enim scriptum est : *Et vovit Jephthe rotum Domino, et dixit : Si traditione tradideris mihi filios Ammon in manu mea, et erit quicumque exierit de januis domus meæ in obviam mihi, in reverendo me in pace a filiis Ammoni, et erit, Domino offeram eum holocausto.*

Non utique his verbis pecus aliquod vovit, quod secundum Legem holocausta posset offerre. Neque enim est aut sicut consuetudinis, ut redcuntibus cum victoria de bello ducibus pecora occurrerent. Quantum autem attinet ad multa animalia, canes solent dominis blando famulatu alludentes currere in obviam: de quibus ille in suo voto cogitare non posset, ne in injuriam Dei aliquid, non solum illicitum, verum etiam contemptibile et secundum Legem inimundum vovisse videretur. Nec ait, Quocumque exierit de januis domus meæ in obviam mihi, offeram illud holocausta; sed ait, *quicumque exierit offeram eum*: ubi procul dubio nihil aliud quam hominem cogitavit; non tam fortasse unicam filiam: quanquam illam in tanta paterna gloria quis posset anteire, nisi forte uxor? Nam quod non dixit, quæcumque, sed *quicumque exierit de januis domus meæ*, solet Scriptura masculinum genus pro quolibet sexu ponere: sicut de Abraham dictum est, *Surgens a mortuo* (*Gen. xxiii, 5*); cum ejus uxor mortua fuisset.

Quia ergo de hoc voto atque facto nibil videret Scriptura judicasse, sicut de Abraham, quando filium jussus obtulit, apertissime judicavit; sed tantummodo scriptum reliquisse legentibus judicandum, quemadmodum de facto Judæ filii Jacob, quando ad nurum quidem suam nesciens intravit, verum quantum in ipso fuerat fornicatus est, quia meretricem putavit (*Jd. xxviii, 15*), neque approbavit hoc Scriptura, neque reprobavit, sed justitia et lege Dei consulta astimandum pensandumque dimisit: quia ergo de isto Jephthe facto in neutram partem sententiam Scriptura Dei protulit, ut noster intellectus in judicando exerceretur, possemus jam dicere Deo displicuisse tale votum, et ad illam perductum esse vindictam, ut patri potissimum filia unica occurreret; quod si sperasset atque voluisset<sup>1</sup>, non continuo, ut eam vidi, sci-disset vestimenta sua, et dixisset, *Heu me, filia mea, impedisti me; in offendiculum facta es in oculis meis*. Deinde sexaginta dierum tam longa dilatione data filia sue Dominus ab unicæ chariasime nece cum cum noui prohibuerit, sicut prohibuit Abra-

<sup>1</sup> *Vaticani duo MSS. : Dilectionem talem, quod dicit Dominus sanguinem justum a sang. ab. usque ad sang. Zachariae requirendum.*

<sup>1</sup> *Editi, vorisset. MSS. melioris notæ, volvisset.*

homines, donec perficiendo quod voverat seipsum percuteret orbitate gravissima, Deum autem nequaquam hominis immolatione placaret: et ideo hujuscemodi patri poenam suis e retributam, ne impunitum talis voti relinquatur exemplum, ut aut magnum aliquid se vovere Deo putarent homines, cum victimas humanas voverent, et, quod est horribilis, filiorum; aut non vera, sed potius simulata eadem vota essent, cum velut exemplo Abrahæ sperarent qui vovissent, Deum prohibitum talia vota compleri.

Possimus, inquam, hæc dicere, nisi ab ista sententia duo nos præcipue divinarum Scripturarum testimonia retardarent; ut hanc rem gestam et in libris tanta auctoritatis memoria commendatam, diligentius quantum Dominus adjuvat, et cautius perscrutemur, ne in ullam partem judicium temerarium proferamus. Unum, quod in Epistola ad Hebreos iste Jephite inter tales commemorarer, ut eum culpare vereamur, ubi sic scriptum est: *Et quid adhuc dicam? Deficit enim noster tempus enarrandi de Gedeon, Barac, Samson, et Jephite, et David, et Samuel, et Prophetis; qui per fidem vice- runt regna, operantes justitiam consecuti sunt promissio- nes* (Hebr. xi, 32). Alterum, quod ubi de illo ista narrantur, quod tale voverit et impleverit votum, præmisit Scriptura dicens, *Et factus est super Jephite Spiritus Domini, et perrexit Galaad et Manasse, et transiit speculum Galaad, et de specula Galaad ad trans filios Ammon, et votum vovit Jephite Domino, et cætera ad hoc ipsum votum pertinenter; ut omnia quæ deinceps facta sunt, tanquam opera Spiritus Domini, qui super eum factus est, intelligenda videantur.* Ista testimonia nos compellunt querere potius cur factum sit, quam facile improbare quod factum est.

Sed primo illud quod ex Epistola quæ ad Hebreos est, commemoravi, inter illos laudabiles viros qui ibidem recoluntur, non solum est Jephite, verum etiam Gedeon, de quo similiter Scriptura dicit, *Spiritus Domini confortavit Gedeon* (Judic. vi, 34): et tamen ejus factum, quod de illo auro prædæ operatus est ephud, et fornicatus est post illud omnis Israel, et factum est domui Gedeon in scandalum (*Id. viii, 27*), non solum laudare non possumus; verum etiam quia Scriptura hic apertissime judicavit, reprobare minime dubitamus: nec tamen ex hoc ulia sit injuria Spiritui Domini, qui cum confortavit, ut hostes populi ejus tanta facilitate superaret. Cur ergo inter illos commemoratur, *qui per fidem vice- runt regna, operantes justitiam*; nisi quia sancta Scriptura, quorum fidem atque justitiam veraciter laudat, non hinc impeditur eorum etiam peccata, si qua novit, et oportere judicat, notare veraciter? Nam et in eo quod ideam Gedeon signum petens, sicut ipse locutus est, tentavit in vellere (*Id. vi, 39*), nescio utrum non fuerit transgressus præceptum quod scriptum est, *Non tentabis Dominum Deum tuum* (*Deut. vi, 16*): verum tamen etiam in ejus tentatione Dominus quod prænuntiare volebat ostendit; in compluto scilicet vellere ut area tota circumquaque sicca, figurare primum populum Israel ubi erant sancti cum gratia cœlesti, tanquam

pluvia spirituali; et postea compluta area sicco vellere, figurare Ecclesiam toto orbe diffusam, habentem non in vellere tanquam in velamine, sed in aperto cœlestem gratiam, illo priore populo velut ab ejusdem gracie rore alienato atque siccato. Nec tamen frustra inter fideles et operantes justitiam, propter bonam fidelemque vitam, in qua eum credendum est esse defunctum, tale in Epistola ad Hebreos meruit testimonium.

Utrum autem quia postea quæ dictum est, *Factus est super Jephite Spiritus Domini, ea secuta sunt, ut votum illud voveret, atque hostes vinceret, et quod voverat redderet, Spiritui Domini omnia deputanda sint, ut perinde habeatur et hoc sacrificium, tanquam id Dominus sicut Abrahæ fieri jussit, non facile dixerim; cum utique de Gedeon possit hæc afferri differentia, quia p[ro]st peccatum quod fecit, quando fecit ephud post quod universus populus fornicatus est, nulla est ejus commemorata prosperitas: postea vero quam Jephite votum vovit, illa est insignis ejus victoria consecuta, propter quam adipiscendam voverat, et qua adepta quod voverat solvit.* Rursus enim considerandum est, quia Gedeon, etsi non postea quæ dictum est facit ephud, tamen postea quæ tentavit Dominum, quod utique peccatum est, magna strage hostibus caesis atque superatis populo acquisivit salutem. Si enim scriptum est: *Et dixit Gedeon ad Dominum, Non irascatur indignatio tua in me, et loquar nihil semel, et tentabo adhuc semel in vellere, et cætera.* Item quippe Dei metuebat, quia noverat tentando se peccare, quod Deus in Lege sua manifestissime prohibebat. Hoc tamen peccatum ejus et mirabilis signi evidētia et magna victoriae prosperitas liberationis que populi consecuta est. Jam enim Deus statuerat afflito populo subvenire, atque hujus dñcis, quem ad hoc opus assumpserat, utebatur animo non solum fidei et p[ro]st, verum etiam subdeficiente et delinquenti, et ad prænuntianda quæ volebat, et complenda quæ dixerat.

Non enim per istos tantum, qui effami peccaverunt, inter justos tamen narrantur, sed etiam per ipsum Saülom omni modo reprehatum, multa Deus populo suo præstitit, in quem insilivit etiam Spiritus Dei, et prophetavit; non cum juste ageret, sed cum in virum sanctum David innocentemque saviret (*I Reg. xix, 20-23*). Agit enim Spiritus Domini et per bonos et per malos, et per scientes et per nescientes, quod agendum novit, et statuit: qui etiam per Caipham acerrimum Domini persecutorem, nescientem quid dixerit, insignem protulit prophetiam, quod oportet Christum mori pro gente (*Joan. xi, 49-51*). Quis enim egit nisi Spiritus Domini, curans prænuntiare ventura, ut judici Gedeon tentare volenti Dominum, et non credenti quod ei fuerat per manum ejus de salute populi jam locutus, hoc potissimum de vellere prius compluto, postmodum sicco, et de area primum sicca, postea rigida veniret in mentem? Ut quod subdefecit a fide, infirmitati ejus delictioque deputetur; quod vero etiam tali ejus animo ad hoc quod generi

humano significari oportebat usus est Deus, ad ejus intelligatur misericordiam et mirabilem providentiam pertinere.

Si quis autem dicit omnia scientem fecisse et dixisse Gedeon ex revelatione prophetica, ut per eum signa talia monstrarentur; nec defecisse a fide; et quod ei jam promiserat Dominus credidisse; sed actione prophetica in vellere voluisse tentare, atque ita illius temptationem suis inculpabilem, sicut dolim Jacob (*Gen. xxvii, 15, 16*); et illud quod Domino ait, *Nor trascatur indignatio tua in me, non ideo dixisse quod iram ejus timeret, sed quod eum consideret non irasci, cum ea faceret quæ Spiritu ejus di- etante facienda esse tanquam propheta sentiret: dicat ut videtur, dum modo illud quod de facto ephud Scriptura ipsa culpavit, quodlibet significet, non audiat excusare a peccato.* Nam et illud quod trecenti viri ad signum crucis ipso numero pertinentes, hydrias fictiles acceperunt, eisque ardentes faculas incluserunt, quibus hydriis fractis repente lumina numerose micantia tantam hostium multitudinem terroruerunt (*Judic. vii, 16-22*), tanquam ex suo arbitrio videtur fecisse Gedeon; non enim Scriptura dicit Dominum admonuisse ut hoc ficeret: et tamen tam grande signum quis ejus animo atque consilio facendum, nisi Dominus, inspiravit? Qui præfiguravit sanctos suos thesaurum evangelici luminis in vasis fictilibus habituros, sicut Apostolus dicit, *Habemus autem thesaurum istum in vasis fictilibus* (*Il Cor. iv, 7*): quibus in passione martyrii tanquam vasculis fractis, major eorum gloria fulgor emicuit, quæ impios evangelice prædicationis inimicos inopinata illis Christi claritate superavit.

Seu ergo per scientes, seu per nescientes, præfigurationem prædicatione inque futurorum Spiritus Domini propheticis temporibus operatus est: nec ideo peccata corum dicendum est non fuisse peccata; quia et Deus, qui et malis nostris bene uti novit, etiam ipsis eorum peccatis usus est ad significanda quæ volunt. Proinde si propterea peccatum non fuit, sive cuiuslibet necis humanæ, sive etiam parricidale sacrificium vel vovere, vel reddere, quia magnum aliquid et spirituale significavit; frustra Deus talia prohibuit, et se odisse testatus est; quoniam et illa quæ fieri jussit, utique ad aliquam significationem rerum spiritualium magnarumque referuntur. Cur ergo illa prohiberet, quandoquidem poterant propter eamdem rerum earumdem significationem, propter quam et ista licite siebant, nihilominus licite fieri; nisi quia nec tale aliquid significantia quale expedit credere, humana Deo sacrificia placuerunt, quando non pro iustitia quisque ab iniuris, quia recte vivere voluit aut peccare noluit, interimitur, sed homo ab homine tanquam electa hostia more pecoris immolatur?

Quid si, ait aliquis, quoniam pecorum victimæ jam eo ipso quo fuerant usitatæ, quamvis et ipsæ a recte intelligentibus ad significationem spiritualium referrentur, minus tamen faciebant intentos ad magnum sacramentum Christi et Ecclesie requirendum; pro-

pterea Deus re insigni et inopinata volens quasi dormientes hominum animos excitare, eo magis quo talia sibi sacrificia offerri veterat, curavit sibi ejusmodi aliquid offerendum, ut ipsa admiratio magnam generet quæstionem, et magna quæstio ad perscrutandum magnum mysterium studium pœnitentis erigeret, pie vero scrutans mens hominis altitudinem prophetæ, velut hamo pisces Dominum Christum de profundo Scripturarum levaret? Huic nos rationi et considerationi non obsistimus. Sed alia quæstio est de animo voventis, alia de providentia Dei qualicumque animo ejus optime utentis. Quamobrem si Spiritus Domini qui factus est super Jepheth, ut hoc voveret omnino præcepit, quod quidem Scriptura non aperuit; tamen si hoc ille præcepit, cuius non licet jussa contempnere, non solum insipientia culpanda non est, verum etiam laudanda obedientia est. Illoc enim, etiamsi se homo ipse interimat, quod utique humana voluntate atque consilio facere nefas est, profecto intelligendum est obedienter fieri potius quam seceleste, si divinitus jussum est: de qua quæstione satis in primo libro de Civitate Dei disputavimus (*De Civit. Dei, lib. I, c. 21*). Si autem Jepheth humanum secutus errorem, humanum sacrificium vovendum putavit, ejus quidem peccatum de unica filia jure punitur est, quod etiam ipse verbis suis satis videtur ostendere, ubi ait, *Hec me, filia mea, impediisti me; in offendiculum facta es in occulis meis;* discussis etiam vestimentis suis. Verumtamen etiam hic ejus error habet aliquam laudem fidei, qua Deum timuit, ut quod voverat redderet, nec divini in se judicii sententiam declinavit; sive sperans Deum prohibitorum, sicut fecit Abraham, sive ejus voluntatem etiam non prohibentis intellectam facere potius quam contemnere statuens.

Quanquam et hic merito quæri potest utrum verius intelligitur hoc Deum nolle fieri, et in eo potius Deo, si non fieret, obediretur, quoniam hoc se nolle et in Abraham filio et in legitima prohibitione monstraverat. Verumtamen si propterea Jepheth non ficeret, sibi potius in unica pepercisse, quam Dei voluntatem secutus esse videretur. Magis ergo intellexit in eo quod ei filia occurrit, ultorem Deum, justæque pœna se fideliter subdidit, timens sæviorem tanquam de tergiversatione vindictam. Credebat enim etiam bona et virginis animam filiæ bene recipi, quod non seipsa voverat immolandam, sed voto et voluntati non restiterat patris, et Dei fuerat secuta iudicium. Mors enim sicut nec sibi a quoquam sponte, nec cuiquam sponte inferenda est; ita, Deo jubente, recusanda non est, cuius constitutione quocumque temporis obeunda est: nec quisquam qui eam perpetu detrectat, ut omnino evitetur, sed tantummodo ut differatur, laborat<sup>1</sup>. Hac autem festinantibus nobis de predicta quæstione satis esse utcumque discussa pro hac quidem parte visa sunt.

Nunc jam quid Spiritus Domini, sive per nescientem Jepheth sive per scientem, sive per ejus impru-

<sup>1</sup> Quæ sequuntur, sciaret, haec autem festinantibus, etc., usque ad nunc fiam, absunt a MSS. Vaticanis et Gallicanus.

dentiam sive per obedientiam, sive per offensionem tive per fidem, in hac re gesta præfiguraverit, quantum Deus adjuvat, requiramus, breviterque pendamus. Admonet enim nos et urget quodam modo iste sanctum Scripturarum locus cogitare quemdam potentem virtute. Talis enim dicitur Jephite, quod nomen interpretatur Aperiens. Dominus autem Christus, sicut indicat Evangelium discipulis suis *aperuit sensum, ut intelligerent Scripturas* (*Luc. xxiv, 45, 27*). Hunc Jephite fratres ejus reprobaverunt, et de paterna domo expulerunt, objicientes ei quod esset filius fornicariæ, tanquam ipsi essent de uxore legitima nati. Illoc etiam egerunt adversus Dominum principes sacerdotum et Scribe et Pharisæi, qui de Legis observatione gloriari videbantur, tanquam ille solveret Legem, et ideo veluti non esset legitimus filius. Et quanquam de sancta quidem Virgine corpus assumpserat, quod fidelibus notum est; tamen ejus mater, quantum ad gentem pertinet, etiam illa Judaica synagoga dici potest. Revolat qui voluerit propheticos Libros, et videat quoties et quanta verbi severitate atque indignatione Domini, illa gens velut impudica mulier de suis fornicationibus arguatur. Unde est etiam illud in hoc libro recentissimum, vel cum post ephud quod fecit Gedeon, omnis Israel legitur fornicatus, vel quod abierunt post deos gentium quibus erant circumdati. Unde in illos divina ira commota est, ut per annos decem et octo contererentur a filiis Ammon (*Judic. viii, 27, et x, 6, 8*). Sed numquid non ex eadem gente Israel etiam illi nati erant sacerdotes, et Scribe, et Pharisæi, quos in eis diximus fuisse præfiguratos, qui Jephite, tanquam isti Dominum Christum, veluti non legitimum filium persecuti expulerunt? Sed in eo similitudo adumbrata est, quod isti, ut dixi, veluti Legis observatores, eum qui contra præcepta Legis facere videbatur, tanquam legitimi non legitimum, jure sibi visi sunt ejecisse. Secundum hoc enim plebs illa dicta est fornicari, quod Legis præcepta non servans, tanquam viro non exhibebat fidem.

Sic autem scriptum est de Jephite, *Et creverunt filii uxoris, et ejecerunt Jephite*. Verbum quod positum est, *creverunt*, significat in figura, prævaluerunt: quod in Iudeis impletum est, qui prævaluerunt infirmitati Christi, quia ita voluit, ut ab eis quæ oportebat passione perferret; sicut hoc idem significans Jacob prævaluit angelo, cum quo ut id ipsum portenderet luctabatur (*Gen. xxxii, 24-28*). Dixerunt ergo ad Jephite, *Non hereditabis in domo patris nostri, quoniam filius mulieris fornicariæ tu*. Tanquam dicerent quod Evangelium loquitur, *Non est iste homo a Deo, qui sic solvit sabbatum* (*Joan. ix, 16*): scilicet autem velut jactantes legitimos filios Domino dixerunt, *Nos ex fornicatione non sumus nati; unum patrem habemus Deum* (*Id. viii, 41*). *Et fugit Jephite a facie fratrum suorum, et habitavit in terra Tob*. Fugit, quoniam se quantus esset abscondi; fugit, quoniam eos saevientes latuit: *Si enim cognovissent, nunquam Dominum gloria crucifixissent* (*I Cor. ii, 8*). Fugit, quoniam morientis infirmitatem viderunt, virtutem autem resurgentis non viderunt.

Habitavit autem in terra bona, vel, ut expressius dicamus, opima. Quod enim græce ἡρός, hoc latine opimum dicitur: id autem interpretatur Tob. Ubi mihi videtur intelligenda ejus a mortuis resurrectio. Nam quæ terra magis opima, quain terrenum corpus excellentia immortalitatis et incorruptionis in-dutum?

Quod autem dicitur de Jephite, quia posteaquam fui-gens a facie fratrum suorum habitavit in terra Tob, colligebant ad eum viri latrones, et obambulabant cum ipso; quanquam et ante passionem objectum fuerit Domino, quod cum publicavis et peccatoribus manducaret, quando respondit, non esse necessarium sanis medicum, sed agricola (*Math. ix, 11, 12*); et inter iniquos deputatus est (*Isai. liii, 12*), quando inter latrones crucifixus est, et unum ex eis de cruce in paradisum translutus (*Luc. xxiii, 35, 43*): tamen posteaquam resurrexit, et esse eripit, secundum id quod supra exposimus, in terra Tob, collecti sunt ad illum scelerati homines propter remissionem peccatorum; qui cum illo ambulabant, quia secundum ejus præcepta vivebant. Neque hoc fieri desinit usque nunc, et deinceps, quoque ad eum consurgunt mali, ut justificet impios qui ad eum convertuntur, et dicant iniqui vias ejus (*Psal. L, 15*).

Jam illud, quod hi qui abjecerant Jephite (erat enim Galaadites), conversi sunt ad eum, et quiesciverunt eum, per quem liberarentur ab inimicis suis; quan- clara præfiguratione significat, quod hi qui abjecerunt Christum, ad eum rursus conversi, in illo reperirent salutem! sive illi intelligantur quos Petrus apostolus cum de ipso scelere arguisset, sicut in Actibus Apostolorum legitur, et hortatus esset ut ad eum converterentur, quem fuerant persecuti, compuncti sunt corde, et ab illo quem a se alienaverant, desideraverunt salutem (quid est autem liberari ab inimicis, nisi a peccatis? sic enim illis ait, *Agite penitentiam, et baptizetur unusquisque vestrum in nomine Domini Iesu Christi; et remittentur vobis peccata vestra* (*Act. ii, 22-38*): sive illa potius significetur, quæ in fine speratur vocatio gentis Israel. Magis quippe ipsa videtur apparere in eo quod dicitur, *Et factum est post dies: quod utique post tempus significat; et per hoc iusinuat non illud intelligendum quod recenti Domini passione est, sed quod postea futurum est*. Quo videtur etiam id pertinere, quod seniores Galaad venerunt ad Jephite, ut per ætatem senilem posteriora et novissima tempora accipienda sint. Interpretatur autem Galaad Abjiciens, sive Revelatio. Quorunq; utrumque satis apte huic rei congruit; quia primo Dominum Christum abjecerunt, eisque postea revelabitur.

Quod vero contra filios Ammon dux querebatur Jephite, quibus victis liberarentur, qui eo dñe adversus illos beliare cupiebant, quoniam interpretatur Ammon Filius populi mei, sive Populus mœroris; profecto aut illi significantur inimici, qui ex ipsa gente perseverantes in infidelitate prædicti sunt; aut omnino omnes genitores prædestinati, ubi erit eis fletus et stridor dentium (*Math. xxv, 30*), tanquam populo

mæroris. Quanquam populus mæroris, etiam diabolus et angeli ejus non inconvenienter intelliguntur; sive quia æternam misericordiam eis quos decipiunt acquirunt; sive quia et ipsi æternæ misericordiae deputati sunt.

Eleganter sane, ad exprimendam multo evidentius prophetiam, Jephthe respondit senioribus Galaad: *Nonne vos odio habuistis me, et ejecistis me de domo patris mei, et emisisistis me a vobis? et quid est quod venistis, quando tribulati estis?* Tale aliquid figuratum est in Joseph, quem fratres vendentes abjecerunt (*Gen. xxxvii*, 28); et cum fame tribularentur, ad ejus opem misericordiamque conversi sunt (*Id. xlvi xi. iv.*). Hic vero multo amplius elucet significatio futurorum, quod non ipsi prorsus fratres qui ejecerunt Jephthe, ad eum venerunt; sed Galaad seniores pro universo illo populo eidem supplicantes. Sicut eadem gens dicitur Israel, sive in eis qui tunc fuerunt, Christumque reprobaverunt, sive in eis qui ad ejus opem postea reversi sunt. Populo enim dicitur inimico, sive in majoribus sive in posteris suis longa odia trahenti atque servant, tandemque converso in eis qui tunc convertendi sunt, *Nonne vos odio habuistis me, et ejecistis me de domo patris mei?* Hoc enim eis visum est qui persecuti sunt, quod ejecerunt Christum de domo David, in qua regni ejus non erit finis (*Luc. i*, 33).

*Et dixerunt seniores Galaad ad Jephthe: Non sic modo venimus ad te.* Tanquam dicent Judæi conversi ad Christum: Tunc venimus ut persequemur, modo venimus ut sequamur. Proficiuntur etiam adversus inimicos eum futurum sibi caput. Respondet ille, si eorum vicerit inimicos, quod erit eis in principem: quod Gedeon noluit, cum id Israelitæ voluissent. Respondit quippe illis: *Princeps vester Dominus erit* (*Judic. viii*, 22, 23). Rex enim nomine principis significatur: quod nondum habebat gens illa tempore Judicium. Cœperunt autem habere Saûlem (*I Reg. x*, 1) et deinceps successores ejus alios, qui in libris Regnorum leguntur. Nam in Deuteronomio cum eis præcipitur qualem debeant habere regem, si hoc eis placuerit (*Dcut. xvii*, 14), non ibi rex, sed princeps appellatur. Sed quia iste Jephthe illum figurabat, qui verus est rex, quod etiam in titulo scriptum fuit, qui cruci ejus affixus est, quem Pilatus delere vel emendare non ausus est (*Ioan. xix*, 19-22); ideo credendum est esse dictum, *Ero vobis in principem.* Illi autem dixerant, *Eris nobis in caput:* quoniam caput viri Christus (*I Cor. xi*, 3), et ipse est caput corporis Ecclesie (*Ephes. v*, 23). Denique posteaquam eos liberavit Jephthe ab omnibus inimicis, non vis factus est rex, ut intelligeremus, illud quod dictum est, ad prophetiam potius pertinuisse de Christo, quam ad ipsum proprie Jephthe, de quo Scriptura narrationem ita concludit: *Et judicavit Jephthe Israel sex annis, et mortuus est Jephthe Galaadites, et sepultus est in civitate sua Galaad* (*Judic. xii*, 7). Judicavit ergo Israel sicut cæteri Judices: non ibi regnavit ut princeps, sicut hi qui Regnorum voluminibus continentur.

Jamvero quod posteaquam eis idem Jephthe dux constitutus est, misit nuntios ad hostes prius pacis verba portantes, illud ostenditur quod ait Apostolus,

in quo Christus loquebatur: *Si fieri potest, quod ex vobis est, cum omnibus hominibus pacem habentes* (*Rom. xii*, 18). Verba porro ipsa quæ mandavit Jephthe, omnia pertractare nimis longum est, festinantibus nobis: videntur tamen mihi sic intelligenda, quantum attinet ad significationem futurorum, ut in eis advertatur doctrina Christi, admonens nos quemadmodum sit ambulandum, hoc est, vivendum inter eos qui non secundum propositum vocati sunt. Novit enim Dominus qui sunt ejus (*II Tim. ii*, 19).

Jamvero quod cum esset debellatur inimicos, factus est super eum Spiritus Domini, significatur Spiritus sanctus imperitus membris Christi.

Quod autem *pertransiit Galaad et Manasse, et transitus speculam Galaad, et ab specula Galaad ad trans filios Ammon*, proficiuntur significantur membra Christi ad victoriam de inimicis reportandam. Galaad quippe interpretatur Abjiciens, Manasse Necessitas. Transeundi sunt ergo a proficiuntibus abjicientes, id est contemnentes: transcendua et necessitas, ne forte cum transierit qui proficit contemnentes, cedat torrentibus. Transeunda etiam specula Galaad, quoniam Galaad etiam *Revelatio interpretatur*. Est autem specula altitudo ad prospicendum, vel despiciendum, id est desuper aspicendum. Specula itaque Galaad congruerit mihi videtur significare superbiam revelationis: unde dicit *Ap. apostolus*, *Et in magnitudine revelationum ne exollar* (*I Cor. xii*, 7). Ergo et ipsa transcendua est, id est, non est in ea manendum propter cadendi periculum. His pertransitis, facile superantur inimici: quod significat dicendo, *Et ab specula Galaad transiit ad filios Ammon*, de quibus inimicis jam supra dictum est.

*Et vorvit Jephthe votum, et dixit: Si traditione tradideris mihi filios Ammon in manu mea, et erit quicunque exierit de januis domus meæ in obriam mihi in reverendo me in pace a filiis Ammon, et erit Dominio, et offeram eum holocausta.* Quenlibet in hoc loco cogitaverit Jephthe secundum cogitationem humanam, non videtur unicam filiam cogitasse; alioquin non diceret, cum illam cerneret occurrisse, *Heu me, filia mea, impediti me;* in offendiculum facta es in oculis meis. Impediti enim ita dictum est, tanquam ad hoc se impeditum indicaverit, ne illud quod cogitarat impleret. Sed quem potuit cogitare primitus occurrentem, qui filios alios non habebat? An conjugem cogitavit, et ut hoc fieret Deus noluit, et ut non relinqueret impunitum, ne quis deinceps id auderet; et ut magna providentia, ex hoc quoque ipso quod accidit, sacramentum Ecclesiæ figuraret? Ex utroque igitur prophætia coaptata est; et ex eo quod vovens cogitavit, et ex eo quod nolenti contigit. Si enim conjugem cogitavit, conjux Christi Ecclesia est. Propterea relinquit homo patrem et matrem, et adhaerbit uxori sue; et erunt duo in carne una. Sacramentum hoc magnum est, inquit Apostolus, *ego autem dico in Christo et in Ecclesia* (*Ephes. v*, 31, 32). Sed quia hujus Jephthe conjux virgo esse non potuit, in eo quod filia potius occurrit, et inulta non remansit prohibitum sacrificium voventis audacia, et virginitas Ecclesiæ figurata est.

Nec abhorret a vero, quod aliae nomine eadem significatur Ecclesia: nam cuius alterius typum gerbat etiam illa mulier, cui post tactam simbriam suam sanare, ait Dominus, *Filia, fides tua te salvam fecit; vade in pace* (*Matth. ix, 20-22*)? Et certe, unde nullus ambigit, discipulos suos sponsi filios appellavit, se aperiissimo indicans sponsum: *Non possunt, inquit, jejunare filii sponsi, quamdui cum illis est sponsus; venient autem dies cum auferetur ab eis sponsus, et tunc jejunabunt*<sup>1</sup> (*Ibid., 15*). Holocaustoma ergo erit Ecclesia, quam virginem castam beatus Apostolus appellat (*II Cor. xi, 2*), quando in resurrectione mortuorum siet in universa, quod scriptum est, *Absorpta est mors in victoriā*. Tunc tradet regnum Deo et Patri (*I Cor. xv, 54, 21*). Quod regnum ipsa Ecclesia est, rex ipse cuius figuram vovens ille gestabat. Sed quoniam tunc siet, cum completa fuerit sexta ætas saeculi, ideo sexaginta dierum a virginitate dilatio postulata est. Ex omnibus quippe ætatis Ecclesia congregatur. Quarum prima est, ab Adam usque ad diluvium: secunda a diluvio, id est, a Noe usque ad Abraham: tertia ab Abraham usque ad David: quarta a David usque ad transmigrationem in Babyloniam: quinta ab hac transmigratione usque ad Virginis partum: sexta inde usque in hujus saeculi finem. Per quas sex ætates tanquam per sexaginta dies slevit sancta virgo Ecclesia virginalia sua: quia licet virginalia, tamen fuerant peccata deflenda; propter quæ universa ipsa virgo toto orbe diffusa quotidie dicit, *Dimitte nobis debita nostra* (*Matth. vi, 12*). Eodem autem sexaginta dies, duos menses maluit appellare, quantum existimo, propter duos homines; unum per quem mors, alterum per quem resurrectio mortuorum; propter quos etiam duo Testamenta dicuntur.

Quod vero factum est in præceptum in Israel, ex diebus in dies conveniebant lamentari filiam Jephie Gallaitem, quatuor dies in anno: non puto significare aliquid post impudicum holocaustoma, quod erit in vitam æternam; sed præterita tempora Ecclesiae, in quibus erant beati lugentes. Quatrius autem figurata est ejus universitas, propter quatuor partes orbis, per quas longe lateque diffusa est. Ad historiæ vero proprietatem, non arbitror hoc decrevisse Israelitas, nisi quia intelligebant in ea re judicium Dei magis ad percutiendum patrem suis de promptam, ne tale votare sacrificium deinceps ullus auderet. Nam quare luctus et lamentatio decerneretur, si votum illud lætitiae fuit?

Si autem et illud, quod populus Ephraem postea ab eodem Jephite debellatus est, ad judicium Dei, quod erit in fine, referendum est, sicut ipse Dominus dicit, *Eos qui noluerunt me regnare sibi, adducite et interficie coram me* (*Luc. xix, 27*); nec ibi quadraginta duo millia, quæ cediderunt, vacanti numero commemorata sunt (*Judic. xii, 4, 6*). Sicut enim illi duo menses propter sexaginta dies senarium numerum sex ætatum significant: ita et ibi sexies septenarius ductus hoc idem figurat, quantum ad sex ætates saeculi pertinet; sexies enim septem quadraginta duo sunt. Nec

frustra et ipse Jephite sex annis populum judicavit.

L. [Ib. xiii, 4.] Quæri potest quomodo dixerit angelus ad matrem Samson, cum annuntiaret ei filium futurum, quia sterilis erat, *Et nunc observa, et non bibas vinum et siceram, non mandices omne immundum*. Quid est enim immundum? nisi forte dissolutio disciplina, quæ esse cœperat in Israel, etiam ad ea manducanda eos labefecerat, quæ prohibuerat Deus in generibus animalium (*Deut. xiv, 3-19*). Cur enim non credatur etiam hoc eos multo proclivius facere potuisse, qui etiam ad cultum idolorum transgrediebantur?

L. [Ib. xiii, 6.] Quod mater Samson viro suo indificans quicquidmodum illi angelus annuntiaverit filium futurum, dixit, *Et interrogabam eum unde esset, et nomen suum non annuntiavit mihi*, quæri potest utrum verum dixerit; quoniam hoc non legitur, cum ei angelus loqueretur. Sed intelligentum est hoc ibi Scripturam tacuisse, hic autem commemorasse quod ibi tacuerat. Illud etiam quod non alt, *Interrogavi eum quid vocaretur, et nomen suum non annuntiavit mihi*, sed ait, *Interrogavi unde esset; videtur inconsequens quod addidit, et nomen suum non annuntiavit mihi*. Non enim nomen ejus interrogaverat, cum quereret unde esset, sed locum vel civitatem, cum hominem putaret. Nam et hominem Dei eum appellavit, specie tamen vel habitu angelo similem, hoc est, quia tanquam præclarum vidi, sicut ipsa narravit. Sed si ita distinguatur, *Et interrogabam eum unde esset, et nomen suum, ut subaudiatur, interrogabam eum*, et postea inseratur, *non annuntiavit mihi, non habet quæstionem*: ad utrumque enim referri potest, quod ait, *non annuntiavit mihi*, id est, nec unde esset, nec nomen suum.

LII. [Ib. xiii, 7, 5.] Item quod ait eadem mulier, dictum sibi esse ab angelo, quoniam Nazareus Dei erit puer a ventre usque ad diem mortis suæ, non legitur ab angelo dictum. Et quod legitur dictum, *Ipse incipiet salvum facere Israel de manu Phillistinorum*, non est a muliere commemoratum. Itaque et aliquid non dixit, quod audivit; et tamen nihil credenda est dixisse quod non audivit: sed Scripturam potius non omnia verba angelii posuisse, cum ipsum mulieri loquentem inserceret narrationi. Ideo autem dictum est, *a ventre usque ad diem mortis suæ*, quia Nazarei dicebantur in Lege, ad tempus qui votum habebant, secundum ea quæ Scriptura per Moysen præceperat (*Num. vi, 2-21*). Unde est hoc, quod huic jussum est ut ferrum non ascenderet in caput ejus, et vincum et siceram non liberet. Hoc enim tota vita sua observavit Samson, quod illi qui vocati sunt Nazarei certis diebus observabant; votentes votumque reddentes.

LIII. [Ib. xiii, 16, 15, 1.] Quod dicit Scriptura, *Quoniam ignoravit Manus quia angelus Dei est*, manifestum est etiam ejus uxorem hominem credidisse. Quod ergo ei dixit, *Vim faciamus tibi nunc, et faciamus in conspectu tuo hædum caprarum*, tanquam hominem invitavit, sed ita ut hoc cum illo epularetur, quod sacrificium fecisset. Nam facere hædum capra-

rum non solet dici, nisi cum sit sacrificium. Denique et ille ita respondit, *Si vim feceris mihi, non manducabo de panibus tuis*; ubi ostendit se fuisse ad epulas invitatum. Deinde addidit, *Et si feceris holocaustum, Domino offeres illud*. Utique ideo dixit, *Si feceris holocaustum, quia ille dixerat, Faciamus in conspectu tuo hædum caprarum*. Non autem omne sacrificium holocaustum erat; nam de holocausto non manducabatur, quia totum incendebatur, et ideo vocabatur holocaustum. Sed angelus etiam non manducaturus, holocaustum potius fieri admonuit, non tamen sibi, sed Domino: propter hoc maxime, quia gens Israel illo tempore consueverat, quibuslibet diis falsis sacrificare; unde et tunc offendat Deum, ut traderetur inimicis per quadraginta annos.

LIV. [Ib. xiii, 16-23.] Quid sibi vult, quod posteaquam manifestest est Manue et uxori ejus angelus, qui cum eis loquebatur, dixit idem Manue uxori suæ, *Morte moriemur, quoniam Deum vidimus*; ex illa scilicet Legis sententia, ubi scriptum est, *Nemo potest faciem meam videre et vivere* (Exod. xxxiii, 20)? Opinabantur ergo ut homines, Deum se vidisse, tanto utique miraculo facto, quod in igni sacrificii stetit, qui cum illis prius quasi homo loquebatur. Sed Deum in angelo, an Deum ipsum angelum appellabant? Sic enim scriptum est: *Et sumpsit Manue hædum caprarum, et sacrificium; et obtulit super petram Domino mirabilia facienti; et Manue et uxor ejus exspectabant*. Et factum est dum ascenderet flamma desuper altare ad cælum, et ascendit angelus Domini in flamma. Et Manue uxorque illius exspectabant; et ceciderunt super faciem suam super terram. Et non apposuit ultra angelus Domini apparere ad Manue et ad uxorem ejus. Tunc cognovit Manue quoniam angelus Domini est; et dixit Manue ad uxorem suam, *Morte moriemur, quoniam Deum vidimus*. In his ergo verbis quia non dixit, Morte moriemur, quoniam angelum Domini vidimus, sed, Deum vidimus, oritur quæstio, utrum in angelo intellegant Deum, an eundem angelum Deum vocabant. Illud enim tertium, quod Deum putaverant qui erat angelus, dici non potest, apertissime dicente Scriptura, *Tunc cognovit Manue quoniam angelus Domini est*. Sed unde metuebat mortem? Non enim Scriptura in Exodo dixerat, *Nemo videt faciem angeli, et vivet*, sed, *faciem meam dixit*, cum Deus loqueretur. An et in hoc ipso quod in angeli præsentia Deum cognoverat Manue, ita perturbatus est, ut mortem timeret? Quod autem illi uxor sua respondit, *Si vellet Dominus mortificare nos, non accepisset de manu nostra holocausta et sacrificium, nec illuminasset nos omnia hæc*; sed nec audita fecisset nobis hæc: utrum ipsum angelum crediderunt accepisse sacrificium, quia viderunt eum in altaris flamma stetisse? an per hoc intellexerunt accepisse Dominum, quia hoc fecit angelus, ut se ostenderet angelum? Quodlibet autem horum sit, jam tamen an-

gelus dixerat, *Si autem facis holocaustum, Domino offer illud*; hoc est, non mihi, sed Domino. Quod ergo stetit angelus in altaris flamma, magis significasse intelligendus est illum magni consilii Angelum in forma servi (*Isai. ix, 6*), hoc est, in homine quem suscepturnus erat, non accepturum sacrificium; sed ipsum sacrificium futurum.

LV. [Ib. xv, 8, 15.] Quid est quod dictum est, quod percussit alienigenas Samson tibiam super femur? quis enim habet tibiam super femur, cum tibia deorsum versus non sit, nisi a genu usque ad talum? Deinde si locum corporis significaret, ubi eos vulneravit, numquidnam omnes quos percussit, in uno corporis loco fuerant vulnerati? Quod si esset credibile, possemus forsitan suspicari eum pugnasse tibia alicuius animalis tanquam fuste, et ea illos super femur percussisse: sicut de illo scriptum est, quod maxilla asini mille occiderit. Sed neque illud, ut dixi, credibile est, quod pugnans unum tantum locum observaverit ubi eos percuteret: et non ait Scriptura, Percussit eos tibia super femur, sed *tibiam super femur*. Nimis ergo inusitata locutio facit obscuritatem. Ita enim dictum est, ac si diceretur, Percussit eos valde mirabiliter, id est, ut admirando stupentes tibiam super femur ponerent; tibiam scilicet unius pedis super femur alterius, sicut solent sedere, qui mirando stupent. Tanquam si diceretur, Percussit eos manum ad maxillam; id est, tanta cæde, ut manum ad maxillam; tristi admiratione ponerent. Ille sensum ita se habere etiam interpretatio qua est ex hebreo, satis edocet nam ita legitur, *Percussit eos ingenti plaga, ita ut stupentes suram femori imponerent*. Tale est enim, ac si diceret, tibiam femori imponerent; quoniam sura utique retrorsus cum tibia est.

LVI. [Ib. xv, 19.] Quid est quod ait Samson viris Juda, *Jurate mihi ne interficiatis me vos, et tradite me eis, ne forte occurratis in me vos?* Quam locutionem ita nonnulli interpretati sunt, ne forte veniatis adversum me vos. Sed hoc eum ne ab his interficeretur dixisse, illud indicat, quod in Regnorum libro scriptum est, jubente Salomone ut homo occideretur, et dicente, *Vade, occurre illi* (III Reg. ii, 29). Quod ideo non intelligitur, quia non est consuetudinis apud nos ita dici. Sic enim quod militares potestates dicunt, *Vade, alleva illum, et significat, Occide illum*, quis intelligat, nisi qui illius locutionis consuetudinem novit? Solet et vulgo apud nos dici, *Compendiavit illi*<sup>1</sup>; quod est, occidit illum: et hoc nemo intelligit, nisi qui audire consuevit. Haec est enim vis generalis omnium locutionum, ut quemadmodum ipse lingue, non intelligantur, nisi audiendo vel legendo discantur.

<sup>1</sup> In excusis scribatur, *compediavit illi*. ut in plurisque ac melioris notæ MSS., *compendiavit*.



## DE SUBSEQUENTI OPERE

Vide librum 2, cap. 13, Retractationum, t. 1, col. 635, a verbis, Liber cuius est titulus, Annotationes in Job, usque ad verba, Ei super terram. M

Estatim subsequentis opusculi non hic significavit Augustinus, nisi ipsa Retractationum serie, in qua locum illi opusculo medium tribuit inter libros circiter annum 400 elaboratos, recensuitque illud aliquando ante opus quod contra Petilianum litteras, Anastasio in Romana cathedra sedente, ex lib. 2, c. 31, adeoque non serius anno 402 conscriptum fuit.

# S. AURELII AUGUSTINI HIPPONENSIS EPISCOPI ANNOTATIONUM IN JOB

Liber nullus (a).

8:03 11:00 11:00 8:

[*Job cap. 1.*] *Et opera magna erant ei super terram : quia operabatur de ipsis operibus. Faciebant convivium quotidie, donec eorum numerus impleretur. Signum est charitatis. Et offerebat pro eis victimas, secundum eorum numerum. Intelligentium, alias esse peculiares confessiones, quasi singulas victimas ; aliud vero sacrificium pro omnium et pro omnibus peccatis, quod significat dicens<sup>1</sup> : Ne forte peccaverint filii mei, et maledixerint Deo in cordibus suis. Bene additur, *Ne forte* ; quia in corde eos maledixisse suspicabatur. Et ecce venerunt Angeli Dei, ut starent coram Deo. Affectione animae ad veritatem non potuit aliter narrari, nisi temporaliter et localiter quadam modo diceretur. Et venit equidem diabolus cum eis. Utrum quia non potuit, nisi per eos audire, dictum est, cum eis. Et dicit Dominus diabolo : Unde ades ? Collatio præteritæ actionis cum eo, unde permittitur aliquid deinceps agere, responsio ad interrogationem est : ipsa vero interrogatio vis divina est, in qua non permittitur agere quod libet. In cogitationibus enim impii interrogatio erit (*Sap. 1, 9*), ad manifestandum eum nobis. Sed mitte manum tuam, et tange omnia quæ habet : da potestatem. Nisi in faciem tuam benedixerit tibi. Pendens locutio, id est, Si non tibi in faciem benedic tactis rebus suis, quasi subaudiretur, quid jubes ? Et discessit diabolus a facie Domini : a consultatione ad actionem. Et venerunt hostes et ceperunt eos. Secundum Iude, Qui nunc operatur in filiis diffidentiarum (*Ephes. 11, 2*), etiam istos excitavit. Notandum autem quomodo in hominibus habuerit potestatem, et in elementis, sed tamen datum a Deo. Nudus exiit de utero matris meæ.*

Notandum quam consolatoria<sup>2</sup> loquatur, quamvis secundum consuetudinem luctum fecerit.

[*Ib. n.*] Ecce trado illum tibi ; tantum animam ejus custodi : ne vitam eripere posse præsumeret. Et tulit sibi testam, ut raderet saniem. Per passionem Domini significat radi peccata confitentium.

[*Ib. iii.*] Et nox in qua dixerunt, Conceptus est homo. Aliquæ superiores potestates, quæ hoc scire potuerunt. Nox illa sint tenebrae : ne patiatur jam quæ passus est. Nox illa sint tenebrae ; id est, sit oblivioni. Neque requirat eam Dominus desuper. Non reparetur per immortalitatem ; id est, pereat mortalitas. Nec veniat in eam lumen : lumen memoriarum. Sed excipiunt illum tenebrae et umbra mortis : vita ista, quæ umbra est futuræ poenæ ; ut sit sensus, Justus qui lumen est, non eam videat, sed tenebrae, hoc est peccatores et carnales tribulationes de vita ista. Et conturbent eam, quasi amaritudines diei : præcepta bonæ vitæ, vel dies judicij, quibus perturbantur carnales. Et noctem illam accipiunt tenebrae : perpetuae. Non sit in diebus anni : justis spiritualibus qui sole fruuntur, et maiores sunt. Sed nox illa sit dolor : quia dolorem facit diligentibus se. Neque numeretur in diebus mensium. Justi in Ecclesia propter lunam tanquam minorem : ad quos dicitur, Et ego, fratres, non potui vobis loqui quasi spiritualibus (*1 Cor. 11, 1*) ; ut ipse Paulus sit de diebus anni. Sed maledicat illam maledicens illi dici : Dominus, qui maledicet amantes carnalia. Tenebrescant sidera noctis illius : eminentes in peccatis. Permaneat, et in lucem non veniat. Quia non convertentur, dicit per prophetam<sup>3</sup>. Quia non conclusit portas ventris ma-

ADMONTIO PP. BENEDICTINORUM.

Recensitus fuit hic liber ad MSS. Victorinæ bibliotheca duos, Regiae unum, Navarrici Collegii unum, ad Beccensem et floraceensem, ad variantes lectiones ex uno Ms. Belgico descriptas : necnon ad editiones Am. Er. et Lov.

Comparavimus præterea eas omnes editiones initio Retr. et Confess., t. 1, memoratas. M.

<sup>1</sup> Sic Ms. Regius. At Victorinus codex, quod significat Denum. Am. Er. et duo MSS., quod significat Dominum. Lov., quod significat ante Dominum.

<sup>2</sup> Duo MSS., consolatoria.

<sup>3</sup> Editi, per Prophetam. At MSS., per prophetam.

(a) scriptus circiter an. Christi 400.

*tris mæcæ : civitatem terrenam , quam significat Babylon. Concluderentur enim portæ , si non laudaretur peccator in desideriis anime sue (Psal. ix , 2, 4). Quare enim in ventre non obii ? antequam eminerem tibi per aliquam actionem. Conceptus enim ad spem pertinet. Ex utero exii , et non protinus perii ? Hujus ergo figura intelligenda est in his verbis , qui in talibus concupiscentiis fuerat inveteratus. Et utquid constituerunt mihi genia : ut ibi confirmarer ? Quare ubera suxi ? doctrine nutrientes ad nequitiam. Nunc utique dormiens quiescerem : mortiendo huic mundo. Cum regibus honoratis terræ : in Ecclesia. Qui gloriabantur in gladiis. Unde est , Et gladium spiritus , quod est verbum Dei (Ephes. vi , 17). Aut cum principibus , quibus multum fuit aurum : sapientia. Qui compleverunt domos suas argento : eloquio Domini. Aut tanquam abortivum prolapsum de vulva matris : ut nunquam emineret. Aut tanquam infantes qui non viderunt lucem : ad nobilitatem aliquam non pervenerunt. Ibi impii deposuerunt furorem suum : in morte ab hoc mundo. Ibi requieverunt fatigati corpore : aut fatigati corpore non animo , aut finem corporalium consecuti. Non audierunt vocem exactoris. Juxta tradet te exactori (Luc. xii , 58) , inde est ; hec est donata illis esse peccata : de impiis quippe dicebat. *Pusillus et magnus ibi est.* De uno dictum puto bene intelligi , secundum illud quod qui se humiliat , exaltabitur (Id. xiv , 11). Et servus non timens Dominum sum. Sive secundum illud , Vis non timere potestum? Bonum fac (Rom. xiii , 3) ; sive secundum illud , Consummata dilectio foras mittit timorem (I Joan. iv , 18). Utquid enim datur eis qui in amaritudine sunt , lux ? peccatorum honor. Et vita animabus quæ sunt in doloribus ? in dolorum materia , hoc est in peccatis. Quæ desiderant mortem , et non contingit illis : adoptionem fructus peccati. Mors viro requies , cuius vita abscondita est : vel quia coram Deo vel quia paucis nota. De ea vero jam morte accipendum , per quam morimur in mundo. In illa enim non est re quies. Conclusit enim Deus adversus eum : non eum dando in desideria cordis sui. Ante escas quippe meas gemitus adest : ante gaudium ciborum Dei tribulationes præcedere. Et fleo coartatus timore : videns quia evitare non possum que timui. Timor enim quem verebar , venit mihi : adversa quæ de misericordia Dei ad correptionem sunt. Neque in pace , neque in silentio , neque in requie. Falsa enim fuerunt , propter quæ timebat. Venit enim mihi ira : vindicta , secundum quam justus vix salvus fit (I Petr. iv , 18).*

[lb. iv.] Verba Eliphaz. Pondus autem verborum tuorum quis sustinebit ? Illic ergo dicit se cogi ad loquendum , quia non sustinet dicta ejus. Nonne timor tuus stultus est ? Paratus enim ad hæc esse debueras , si aliis veraciter suadebas. Nec talia bene timuisti ; cum dicentes , Timor enim quem verebar , venit mihi (Job iii , 25). Et spes tua et simplicitas vite tua quasi stultitia : quia ista bona putantur. Frenitus leonis et vox leonæ : ipse diabolus , et superbiæ civitas , quæ sœpe etiam bestiæ more a Prophetis ponitur. Et gaudium draconum extin-

<sup>1</sup> In editis , adoptionem. In MSS. , aacptionem.

ctum est : superborum et insidiosorum. Myrmicoleon periit , eo quod non haberet escam. Quia in novissimo non erunt , quis inducens comedat. Separabuntur enim pii ab impiis. Illic autem errat , quod ea quæ de diabolo audierat prophetata , de Job intelligebat. Myrmicoleon vero accipiens est , vel quia utrumque in eo est , cum et rapit et occulte perseguitur frumenta , quæ sublato oculo facit non germinare ; vel quia avaris et in terra thesaurizantibus dominatur ; vel quia justos perseguitur , quasi formicas præparantes sibi escas sextate ad hiemem , quibus non pascoetur , cum boni ab impiis fuerint separati. Et catuli leonum divisi sunt ab invicem. Conspiratio principum civitatis illius dissipata est , qui nati sunt de illa societatis civitate et diabolo ; vel quia se invicem vastaverunt. Inde est , Exsurget gens contra gentem<sup>1</sup> (Marc. xiii , 8). Nihil horum tibi accidisset : vel illa damna et orbitas et plaga vulneris ; vel te non penetraret dolor animi , quia et te consolareris , si alii ex corde dixisses , Numquid non capit auris mea ab eo magnifica ? Quia ista quæ dicit , ex revelatione se dicit dicere. Et spiritus in faciem mihi occurrit. Quasi flatum sensisse vult intelligi : nam negat in consequentibus suis figuram. Reminisceendum ita etiam Spiritum in Apostolos descendisse. Quid enim ? numquid homo coram Domino mundus erit ? Aut haec audisse se dicit ; aut dicit ideo se horruisse , quia nemo mundus coram Domino ; aut ideo sic vidisse , quia nemo coram Deo ita mundus est<sup>2</sup> , ut Deum ut est videat. Modo mundus secundum perfectionem accipiens , ut quod superius negat mundum hominem perire , secundum quemdam modum intelligamus. Si contra servos suos non credit . Quod evenit cum diceret Elias , Domine , Prophetas tuos occiderunt : et dicit illi , Reliqui mihi septem milia virorum (III Reg. xix , 14, 18). Non enim inde septem milia virorum iam munda erant. Nam angeli dicti sunt et Prophetæ. Et adversus Angelos suos pratum quid reperit. Vel quod adversus eos dicitur , vel quod ipsi dicunt. Hoc tamen potest etiam de veris Angelis accipi. Habitantes autem domos luteas : quorum converratio non est in cœlis. Percussit illos tanquam linea. Aut aliqua corruptio percussit eos tanquam linea , aut Deus eos percussit : vel haec linea , vel sicut percudit linea , hoc est , latenter intrinsecus corruptione ab eis ipsis exorta per concupiscentias carnales , hoc est habitatione in domibus luteis. Et a mane usque ad vesperam ultra non sunt. Aut ultra sæculum hoc non sunt , aut a prosperis rebus usque ad tribulationem : prænam enim consecuti sunt. Eo quod non possent sibi ipsis subvenire , perierunt : cum in se habent spem. Interierunt , quia non habebant sapientiam : non in se sperandi<sup>3</sup>.

[lb. v.] Invoca autem , si quis tibi respondeat. Illis enim respondetur , qui mundi sunt coram Deo. Etenim stultum perimit ira : indignatio , qua quisque angitatur , tanquam inique sibi aliquid acciderit , dum non cogitat usque adeo se immundum esse coram Deo , ut in-

<sup>1</sup> Am. Er. et plerique MSS.: Exsurget gens supra vel contra gentem. Evangelium in græco , ethnos épi ethnos.

<sup>2</sup> In excusis excederant isthæc verba , aut ideo sic vidisse , quia nemo coram Deo ita mundus est : quæ huc revocantur ex MSS. Floriacensi et Beccensi.

<sup>3</sup> Er. legit , sperando. M.

vocanti non Angelī respondere, aut se demonstrare dignati sint. Qui enim hoc non cogitat, stultus est, et ira irrationabili interimitur. Aut idcirco Angelos non audire, non videre potest stultus, quia ira interemptus est, et a zelo occisus. Errantem autem occidit zelus : ad imitandum peccatores. Ego autem vidi stultos, radicem mittentes. Stultos nunc impios accipiendum, ut e contrario sapientia hominis pietas sit, sicut in consequentibus dicitur. Et conterantur super januas infirmorum : humilium, cum recepti fuerint in cubiculum a sponso, et stulti foris remanserint (*Math. xxv*)? Quæ enim illi congregaverunt, justi comedent. Et de Judæis potest intelligi, congregantibus prophetias, quas Gentiles potius comederunt; et de his qui facientes comedunt quæ alii præcipiunt et non faciunt. Ipsi vero de malis non liberabuntur : quamvis prædicent non esse facienda. Exhauriatur fortitudo eorum : qua superbunt adversus infirmos. Exhauriatur autem, ut jam incipiat laborare. Non enim prodies de terra labor : id est de creatura non conquerantur, sed de se. Sed homo in labore nascitur. Secundum id dictum est, nascitur, secundum quod in laboriosam vitam ex quieta quisque convertitur. Pulli autem vulturis altissime volitant. Vultur bene intelligitur Dominus, quia altitudine prophetæ vidit mortalitatem nostram, qua descendens pasceretur, convertens nos in corpus suum. Pulli ergo vulturis, filii sponsi dicti sunt : altissime autem volitantes, conversationem in cœlis habentes (*Philipp. iii, 20*), ut a labore liberentur in quo homo nascitur. Secuti sunt quippe vocem dicentes, Venite ad me, omnes qui laboratis (*Matth. xi, 28*). Possunt et pulli vulturis in malo intelligi aerie potestates, quæ mortibus, hoc est peccatis, pascentur. Quoniam hujusmodi prævaricatores angelii non sunt perducti ad humilitatem mortalitatis multum laboriosam, in qua homo nascitur, valde illi superbunt, hoc est altissime volitant. Qui dat pluviam superficiem terræ : tanquam conscientibus faciat misericordiam. Ut non faciat manus eorum veritatem. Non faciant quod promittunt, minantes dominari infirmis. In die occurrit illis tenebrae : ut Judæis, qui Dominum non cognoverunt quis esset. Aut tanquam in nocte palpabunt in meridie : sicut videntes signa, tamen dubitant dicentes, Propheta est; alii, Seducit populum (*Joan. vii, 40-42*) : quando nec ad lucernam videre voluerunt. Et pereant in bello : in temptationibus. Et egrediatur de manu potentis infirmus : diaboli. Sit autem infirmo spes. Illi enim fortes rem hic querunt. Beatus autem vir quem arguit Dominus. In hoc enim errat, quia videtur sibi Job<sup>1</sup>, quia iniquitatibus suis huc patiatur, cum ex hoc beatus sit, quia in hac vita cum arguitur, habet corrigendi possibilitatem. Et in septimo non te tangat malum. Sacramentum sabbati. In fane te liberabit a morte. Verbo enim alit, et facit firmum ad temptationes. In prælio vero de manu ferri solvet te : de potestate vinculorum. A flagello lingue

abscondet te : ne sentias contumelias ; non ne patiaris<sup>2</sup>. Injustos et iniquos deridebis : ut sapientia perditionem iniquorum irridebit (*Prov. i, 20*). Et ferocias bestias non timebis : id est, Judæos non timebis ; quia tibi Gentes obaudient. Hoc autem de Domino accipienda sunt. Eliphaz hic errat, quia putat de Job intelligenda, quæ ei revelata sunt, cum totum Domino competit. Quia cum lapidibus agri habebis fædus. Lapidès agri, quia in Gentibus nulla ordinatio Legis fuit, ut quasi de ædificio lapides essent. Bestiae enim seræ pacata erunt tibi. Sive de Judæis, sive de Gentibus. Deinde scies quod in pace erit domus tua : id est, Ecclesia. Et filii tui erunt tanquam omnis herba in campo : sine ariditate. Et venies in sepulcrum tanquam frumentum maturum : post passionem. Ecce hæc ita exquisivimus. Hic auctoritas hujus prophetæ confirmatur. Tu vero scito temetipsum, quid egeris. Non enim injuste hæc tibi Deus permisit accidere.

[Ib. vi.] Verba Job. Sed ut ridetur, verba sunt mala. Non enim verba Job de impatientia sunt flagelloruim, cum significant dolorem, non peculiarem Job, sed quem habuit de omni genere humano. Sagittæ enim Domini in corpore meo sunt. Verba Dei, quibus anima transfigitur, cum cogitur ad confessionem. Quarum furor bibit sanguinem meum. Tollunt enim peccatum. Cum enim incipio loqui, stimulant me. Quod enim loquor, illæ cogunt. Quid enim? numquid frustra onager clamabit, nisi escam requirens? ut inde famem patiatur, quia liber esse voluit. Aut bos mugiet, cum habeat in præsepi cibos? Asino cibaria labore bovis præparantur, sicut Gentibus labore Prophetarum et Apostolorum, qui utique Judæi fuerunt. Itaque hæc verba cibum desiderantis sunt, id est auxilium, non impatientis ad dolorem. Numquid potest sine sale edi panis? Quasi ei diceretur, Cur sic ea per figuræ dicis? respondet, quia si ex persona sua ea diceret, insolsa essent. Aut est sapor in sermonibus vanis? Vanos sermones hominem dicit; quia panis verba Dei sunt, sed panis cœlestis. Sic nec anima mea potest cessare. Quomodo non potest sine sale edi panis, sic nunc ministerium præbeo verbo Dei; propter illud, Quomodo audient sine prædicante (*Rom. x, 14*)? Fetidas enim escas meas video sicut est odor leonis. Nam verba mea fetida sunt sicut leo : vel propter superbiam; per quam jactantes putent; vel propter quod amplexantes carnalia, setorem leonis habent, qui propriis verbis gaudent. Quod si det, et <sup>3</sup>veniat postulatio mea. Postulationem dicit, rem quam petebat. Et spem mean det Dominus. Sic enim confidens ob spem post tribulationem venturæ consolationis, opportune tentatur. Bene autem spem dicit; quia cum res venerit, jam tentatio non erit necessaria, Sit mihi civitas sepulcrum, super cuius muros saliebam. Societatem illam Babyloniam vult sibi sepulcrum : non ut eum obruat, sed ut sciat quia mortuos legit quicumque in illa fuerint, de enijs tanquam firmamento et muninice superbiebat. N' n

<sup>1</sup> Editi: Nonne patieris injustos etc.? At MSS., nonne prauis? infustos, etc.

<sup>2</sup> Editi cum vulgata: Quod dicit ut? At MSS.: Quod si dicit et. At ad LXX, si enim dicit et.

<sup>3</sup> Sic MSS. habent. Editi vero, ridetur sibi quod Job iniquitibus.

*parcam. Non enim mentitus sum : verba sunt sancta Dei mei.* Quia non alia dixit quam audivit a Deo. Id est de homine generaliter prophetantis, quia auxilio indiget in confessione. *Quæ est enim virtus mea, ut sufferram?* Quod significabat vulnus ejus. Aut quod tempus meum, ut sustineat anima mea? Quia imminente morte terrentur homines, ut convertantur, et confiteantur Deo putredinem peccatorum, cuius consideratione se dicit cogi ad confessionem. *Numquid virtus lapidum virtus mea?* Duros et impenetrabiles jaculis verborum Dei, qui non moventur ad confundendum. Aut non in ipso confidebam, cum mihi bene esset: id est, cum essem immortalis ad imaginem Dei. Sed adjutorium a me recessit. Factus mortalis volens in me confidere. *Et visitatio Domini me despexit.* Secundum quod dictum est, *Aut filius hominis, quoniam visitas eum* (Psal. viii, 5). Propinqui mei non respererunt me. Horru Angelis. *Tanquam torrens deficiens.* Misericordia enim aliquando inundavit me; et siccavi, et non fui mihi fons. Aut *sicut fluctus transierunt me:* tanquam sint consolationes potus. Qui me metuebant, nunc irruerunt super me: diabolus cum angelis suis. Perii, et *exsul de domo mea factus sum:* aut de habitatione ecclesi, aut de conscientia. Idcirco foras extra domum suam sedebat. *Vias Themanorum videte, semitas Sabæorum intuemini.* Illos significat, qui in temporalibus confidunt, de quibus se, id est, hominem quem significat, dicit non præsumere. *Nunc autem et vos insurrexitis in me sine misericordia:* putantes beatitudinem hominum, si carnalibus abundant. Quia insultabant, potius quam compatiebantur. Sed videntes *rulum meum, timete.* Intelligentes quid significet, timete futuras poenas. *Quid enim? numquid aliquid vos petii? aut fortitudine vestra indigeo?* Quia coram eo infirmus est, qui eum potest salvare. *Docete me, et ego obmutescam.* Idcirco enim patientes debuerunt esse ad doctrinam ejus, quia ipsi eum docere non poterant. *Sed, ut video, parva veri hominis verba dicitis.* Eum dicit verum hominem, qui personam significat agentis poenitentiam, conversione ad Deum, cuius parva verba dicebant. *Non enim a vobis auxilium peto.* Verus enim homo a Deo petit auxilium. Ille enim verus est qui constetur. Unde est, *Qui facil veritatem, tenit ad lucem* (Joan. iii, 21). *Neque enim elocutionem sermonis vestri sustinebo.* Dei enim se locutionem dixit sustinere, qua instruatur. *Verumtamen super pupillum<sup>1</sup> irruistis.* Quod ad vos pertinet, insultare mihi voluistis, quamvis non intellexeritis quid significet. Quia neque Job, quem videbant, insultare debuerant; ideo, *Verumtamen<sup>2</sup>.* *Nunc autem insipientes vacate mihi:* non habentes quod me doceatis. *Et rursum justitiae adestate.* Quia primo videbantur sibi justitia cogi ad loquendum. *Non est enim in ore meo iniquitas; et sauces meæ nonne sapientiam meditabantur?* Dicit se non Deum accusasse, sed hominem induxisse accusantem iniquitates suas, sicut superiorius sermo ejus in-

<sup>1</sup> Lov., super pupillum. Am. Er. et plures MSS., super pupillum; juxta Vulg. et LXX.

<sup>2</sup> Editi, ideo venient tamen. Regius codex, ideo venerantur tamen. Alii MSS., ideo verumtamen: supple, dicit Job.

tellectus est. Hanc dicit meditationem sapientiae.

[Ib. vii.] *Numquid non tentatio est vita humana super terram?* Hic jam apertius ostendit ex cuius significatione superiorius loqueretur. Tentationem vero dicit tanquam stadium certaminis, ubi vincit homo, vel vincitur. *Et sicut quotidiani mercenarii vita ejus:* temporalem mercedem exspectant, ut jam eorum qui justicie suæ fructum in futurum exspectant, non sit vita super terram. *Aut tanquam servus metuens dominum suum, et consecutus umbram.* Quod significat absconditio Adæ a facie Domini, et tectio foliorum de quibus umbrat, quam relicto Deo consecutus est homo. *Aut tanquam mercenarius qui exspectat mercedem operis sui.* Iste a superiori hoc differt, quod superior habuit, hic autem habere desiderat ipsa temporalia. *Sic et ego exspectavi menses vanos.* Jam ad umbram dixit vanos, id est temporalia bona. *Et noctes dolorum date sunt mihi:* in quibus et lux amittitur sapientia, et materies est pœnarium. Si dormiero, dico, Quando dies? et si surrexero, rursum, Quando vesper? Quando cupiditatem negotii patitur homo in otio, et otii in negotio. Repleor autem doloribus a cœspere usque ad mane: quo occidit a Deo. Unde et ad vesperam deambulans Deus eos dimisit (Gen. iii, 7, 8): quod significat dolentes, quibus nulla exspectatio est remedi, nisi mane. De quo dicitur, *Mane astabo tibi* (Psal. v, 5); id est, quando post judicium mane Deus revelabitur justis. Unde et Dominus vespere sepelitur, et mane resurgit (Joan. xix et xx). Hanc ergo vitam tanquam lucifero potest comparare. *Et concrætit corpus meum putredine vermium:* vermium multitudine. *In fundo glebas terræ<sup>1</sup>, radens saniem.* Expressio cupiditatum vel curarum confessionis, in qua gaudent iniqui; quod ad occasionem redigunt peccandi, qua alii per pœnitentiam constentur: unde sunt canes, qui Lazari vulnera lingebant (Luc. xvi, 21). *Et vita mea exilior est quam loqua.* Minus enim facio quam loquor. Recordare ergo quia spiritus est vita mea: id est, in fame<sup>2</sup> spirituali. *Et non revertar ad visibilita.* Non me cognoscet oculus videntis: quia mutabor; ut videntem hic, diabolum accipiamus invidenter. *Oculi tu in me, et non subsisto.* Interficiis enim in me vitam carnalem in qua fuit. *Tanquam nubes expurgata de celo:* aut per cœlum purgata; quomodo dicimus de ferro purgata: ut hic significaverit auxilium sibi fuisse de celo, ut purgaretur: aut certe ut jam non sit nubes, sed in aerem purum extenuetur, tanquam radiis solis expurgata, ut obscuritas carnis et sanguinis non sit in celo. Non enim caro et sanguis regnum Dei possidebunt, cum corruptibile hoc induerit incorruptionem, et absorbebitur mors in victoriam (1 Cor. xv, 50, 53, 54). *Si enim homo descenderit ad inferos, ultra non ascendet.* Ad hoc ergo recordare, ut non descendas. *Et non revertetur amplius in domum suam:* id est, ad requietum suam. *Propterea itaque et ego non parcam ore meo:* constendo, cum tempus est. *Utrumque mare sum ego, aut draco?* Non enim sicut impios aut diabolus

<sup>1</sup> Sic MSS. juxta LXX. At editi, in fundo globos terræ.

<sup>2</sup> Er. et Lov., in vita. Am. et MSS., in fame.

repulisti. *Quia statuisti super me custodiam*: ut non me moveam ad perturbationem, ut sunt maris termini. *Quia dixi, Consolabitur me lectus meus : carnalia, in quibus requiescebat. Et referam ad meipsum consolationem in toro meo.* Ad te enim debo referre consolationem meam. *Exterres me per somnia, et per visionem me obstupefacis*: per tribulationes vite hujus, quæ ita somnia sunt, quomodo et bona vita hujus somnia. *Absolves a spiritu meo animam meam*: propter visibles terrors, a quibus liberabitur anima metuens venire ad eos. *Et a morte ossa mea repuli.* Nam ierant in mortem ossa mea, nisi his exterritus fortior essem et patiens, quod est ossium firmitas. *Non enim in sempernum vivam, ut patienter feram.* Brevitate vite, et metu moris me correxi. Unde inconvertibilis diabolus, quia non moritur, sed damnatur. *Initium sapientiae timor* (*Ecli. I, 16*), inde est. *Discede a me ; vana est enim vita mea*: quia non suffero tentationes. *Aut quia senu tuo intendisti in eum*: propter quod rationalis est. Unde illud, *Nos autem sensum Domini habemus* (*Cor. II, 16*). Rationalis vero munus dicit extensionem intellectus. *Et in reuiae judicabis eum*: dignum requie. *Usquequo me non dimittis ? vincitum tribulationibus.* Neque deseris, donec deglutiam salivam meam? in dolore ac flagellis contineam et absorbeam voluptatum fluxus, per tribulationes admonitus. *Si ego peccavi, quid possum tibi facere?* Sensus hic est, Si peccavi, nihil possum tibi facere. An forte loquendo molesti tibi sunt homines? Tu ergo qui scis sensum, quare constituisti hominem, ut loqueretur adversus te, ut esset tibi oneri? Si autem peccatum hominis, nec facto nec dicto tibi nocet, quare non oblivisceris peccatum ejus, sed purgas illum potius; nisi quia illa quæ supra dicta sunt, ad bonitatem tuam referuntur? *Quid est enim homo, quod exaltasti eum?* Quæ non intelligentes amici ejus, putaverunt ab eo Deum reprehendi. Si enim non propterea facis mihi tentationes ut colibeam fluxos motus meos, ut mibi ita consulas; quæ alia causa est ut corripas hominem? Non enim nocere tibi potest quia peccat; aut sentis quasi adversitatem loquelæ ejus, cum scias sensum humanum, et utique posses quod tibi adversarium est non constituere. *Et quare non es oblitus iniquitatis meæ*: si non ea causa ut mibi prodissent tentationes istæ, ut bonitatis tuae sit totum, et quod me corripis? *Nunc autem in terram ibo.* Cum enim purges peccatum meum, restat mibi tamen adhuc in terram ire per mortem corporalem. *Nam englabo, et ultra non ero*: in hac terra.

[lb. viii.] Verba Baldad Sauchitis. *Misit in manu iniquitates eorum.* In manu misit, aut in viuicta, aut suppuratione debitores eos, id est peccatores demonstravit. *Et restituet tibi vitam justitiae*: quæ debetur justitiae, id est beatam. *Et erunt priora tua minima*: in comparatione posteriorum, quæ infinita erunt. *Aut numquid non hi decebunt te, et referent tibi?* Quoniam nonnullorum major est auctoritas. Jam et hic de Christo dicturus auditu narrat, quomodo Eliphaz nar-

<sup>1</sup> Editi, in manum: moxque, aut supplantationem. At MSS., in manu, juxta l.XX: et postea, aut suppuratione.

vit revelationem. *Numquid viret scirpus sine aqua?* Ita ergo et impii arescent sine misericordia Dei. *Adhuc in sua radice consistit, et non metetur*: si aquam non habeat. *Antequam bibat omnis herba, nonne arescit?* nisi bibat: non enim aliquando viruit impius. *Atque araneis complebitur tabernaculum ejus*: opera inutilia. Jam vero de Judæis et Domino videtur dicere. *Quod si et suffulet donum suam, non stabit*: aut Scripturis sanctis, aut spe promissionis Domini, aut regnum ipsum. *Et cum cœperit, non permanebit*: sequi Deum; quod Judæis evenit, qui secuti non sunt incipientes. *Huius enim est ante solem*: carnalium fluxu putrescentes<sup>1</sup>. *Ante solem vero, sub tribulationibus, ut ante, sub significet, sicut dicimus, Ante me fac.* *Et de putredine ejus germen ejus ascendet.* Nisi enim illi tam mali essent, non per passionem exaltaretur Dominus, qui de illis secundum carnem natus est (*Rom. IX, 5*). *In congregationibus lapidum dormit.* Majores enim illum crucifigunt. *Et in medio lapillorum viret*: humilium, de quibus fuerunt Apostoli. *Si deglutietur, locus mentietur eum.* Si absconditur quod Filius Dei sit, dicetur quia non est Filius Dei. Opus est ergo ut ipse sese indicet: in hoc enim loco non possunt divina cognosci. *De terra autem alterum germinabit*: vel Dominus resurgendo, vel alterum genus piorum, id est Christianorum. *Dominus enim non probabit innocentem.* An, non reprobabit? vel illud, *Impium non probabit innocentem?* Nec ultimi munus: id est, sacrificia quæ habebant Judæi. *Veracium autem os implabit risu*: confitentium. *Et tabernaculum impii non permanebit*: vel ipsum templum, vel regnum.

[lb. ix.] Verba Job. *Vere scio qui ita est*; id est, quia secundum iniquitates meas haec mihi restituit: sed non sicut vos arbitramini; sed quia nemo est in conspectu ejus justus. *Non respondebunt ei unum de mille.* In omnibus quippe couvincet. *Qui in vetustatem perducit montes, et nesciunt*: id est ad infirmitatem; ut est, *In veteravi in omnibus inimicis meis* (*Psalm. VI, 8*). *Qui vertit eos in ira.* Irascendo eos vertit, id est, ut aliud inveniant quam appetierant, cum qui se exaltat, humiliabitur (*Luc. XIV, 11*). *Qui commovet orbem a fundamentis*: per vocationem, quæ facta est, per quam comitoti sunt excellentes in mundo. *Et columnæ ejus movebuntur.* Qui præcipit soli, et non oritur: ut aut sapientia non intelligatur, aut qui scripserunt; ut est, *Signa librum* (*Dan. XII, 4*). *Qui extendit eulum solus*: Ecclesiam, quæ proprie Dei sedes est, quam extendit per totum orbem; *solus*, ad significandam unitatem Trinitatis. Nam utique per Filium in Spiritu sancto omnia facta sunt. *Et ambulat super mare tanquam super terram.* Super terram, id est, firmator confirmans Ecclesiam in sæculo, vel subjiciendo sibi peccatores, in quibus non niueritur, non cedendo tentationibus eorum. *Si transgressus me fuerit, non videbo.* Si altior me fuerit, aut celeritate perstrinxerit me, non eum agnoscam. Opus est ergo ut et congruat infirmitati meæ, et non me deserat. *Si enim morti tradi-*

<sup>1</sup> In excisis, putrescens. In MSS., putrescentes: referunt ad Judæos.

*derit, quis avertet?* Mort. enim tradit, cum vel transgreditur, vel transit ut nesciatur. Hoc est mors animæ, ut Deum nesciat. *Ipsius enim inavertibilis ira.* Aliorum enim potest averti a potentiore. *Ab ipso subdita sunt cætera sub caelo*<sup>1</sup>: excepto ipso caelo, id est rationali creatura, quia si ipsa sibi cætera subdidisset, nunquam per ea, quæ sibi subdidicerat, puniri retur: quia vero Deus ei illa subdidit, punitur per ea, quando offendit eum qui subdidit. *Quod si etiam justus fuero, non exaudiet me:* rogans eum, præsumens de mea justitia. Comparans enim ea his quæ apud se sunt incommutabilibus et perpetuis, tanquam injustum me non exaudiens. Ergo ejus mihi misericordia necessaria est. *Judicium ejus rogabo:* quia ego judicare non possum me justum esse. Unde est, *Sed neque meipsum judico; qui autem judicat me, Dominus est* (I Cor. iv, 3, 4). Si vero invocavero, et non exaudierit; non credam quoniam exaudivit vocem meam. Cum judicium ejus rogo, si non exaudierit, non credam quod vel aliquando exaudierit me: occultis enim eauis me audivit, non merito deprecationis meæ. Aut certe, non credam non me exauditum vunc: aliquando enim exauditus sum. Aut ita, Quia si exaudierit quod peto, credam etiam exauditum me: nam si non credidero, quamvis fiat quod peto, tamen non exauditus sum; ut signum exauditionis credititas postulant sit. *Ne forte in turbine me conterat.* Propterea quero judicium ejus, ne in turbine me conterat. *Multas enim tribulationes meas fecit sine causa:* quorum causa me latuit. Aut certe consilientis vox est, dagellis Dei consilientis non se esse correctum, et idcirco posse turbine conteri, quasi majori suppicio. *Non enim sinit me respirare:* tam multæ sunt tribulationes meæ. *Etenim quia potest, obtinet.* Vincit, ut voluntatem ejus faciam, non meam. *Quod etiæ fuero justus, os meum impia loquetur:* si me justum putavero. *Verumtamen auferetur vita mea.* Quamvis nesciam si impie egri, tamen auferetur vita mea, ut patiar quæ nolo, aut non faciam quæ volo. *Unum est quod dixi, magnum et potentem disperdit ira.* Id est, propter hoc unum sunt tribulationes hominibus, ut magnus ibi potensque nemo videatur, præsumens de viribus suis. *Quia nequam homines in magna morte erunt:* non in mediocri, in qua sunt etiam justi, cum tribulantur, et ab eis deridentur. *Terra tradita est in manus impiorum:* aut corpus justorum, vix anima, cum eos persecuntur, aut quando impiorum dominari permittitur. Potest et accipi homo peccator in manus diaboli secundum mortalitatem suam. *Faciens judicium (a) ejus operit:* aut ipsius impiorum judicium, aut iusti; in hoc enim tempore opertum est. Aut certe hoc ipso facit judicium ejus, id est, eo illum punit, quo occultat ei providentiam suam: ut est, *Præ magnitudine iræ suæ non requiret* (Psal. ii, 25). Vcl eo iustum vindicat, quo occultat persecutori ejus judi-

<sup>1</sup> In LXX: καὶ τὰ κυρ' οὐρανον, τει ꝑι σὺν κατῳ. Sed credamus labem allatam eorum versioni, quæ forte habebat, κελητὶς ἡμερεπανας, adiutores superbitæ: quod hebreo textu consonat.

(a) Utebat mendacio codice: nam apud LXX legitur, facies iudicium; in vulgata, vultum iudicium.

cium suum, id est providentiam suam, ut arctius peccatorum laqueis per impunitatem capiatur. *Quod si non est, quis ergo est?* Potest hoc de Domino intelligi, qui et deritus est, et cuius terra, hoc est, corpus traditum est in manus Judgeorum, et cuius iudicium faciens occultavit majestatem ipsius. *Quod si ipse non est, quis ergo est?* qui majora faciat, quam fecit ipse? Vel sic, *Quod si non facit Deus iudicium justi vel impiorum, quis potest facere?* *Vita autem mea levior est cursore.* Tanquam fugitivos dicit homines a justitia discendentes; ut ille filius minor profectus in regionem longinquam (Luc. xv, 15). *Aut quasi aquila volantis, et querentis escam.* De superioribus, in quibus naturaliter animæ rationales beatæ sunt, id est operibus justitiae, inclinaverunt se ad terrenas voluptates. *Quod si et locutus fuero, obliviscor dum loquer. Locutio quemadmodum affectum habuit ad exteriora, sic anima domini progreditur ad ea quæ foris sunt, cupiditate fruendi creatura, obliviscitur interiorum Creatorem.* Declinans in faciem ingemiscam. Illam enim declinationem dolores sequuntur. *Commotore omnibus membris:* timor, quo incipit recurrere. *Et quia sum impius, quare non sum mortuus, et laboro?* Scio, subandis. Aut dicit se laborare, quia impietati mortuus non est. *Et mundatus fuero mundis manibus:* aut Dei manibus, aut suis; id est, bonis operibus per regenerationem. *Satis in sorde me tinxisti:* in istam mortalitatem perductum. *Et execratum me est vestimentum meum:* immortalitas, qua cupimus supervestiri (II Cor. v, 4); sed quia non possumus in hac corruptione, ideo dicit, *Execratum me est vestimentum meum. Non es enim homo, sicut ei: ego, cui contradicam.* Homini enim possem demonstrare justitiam meam; in tuo autem iudicio invenior iustus. *Utinam esset nobis arbiter!* Videtur blasphemare, nisi illum Mediatorem Dei et hominum (I Tim. n, 5) optare intelligatur, ut per eum alleget preces suas. Hoc modo enim ille audit inter utrumque positus, et arguit hominem. Filio enim omne iudicium Pater dedit (Joan. v, 22). *Et qui argueret, et qui audiaret inter utrumque.* Avertat a me virginem suam. Transcat timor Legis, ut adoptionis libertate et charitate illi conjungar. *Non enim sum tecum:* quia his haereo quæ foris sunt.

[Ib. x.] *Proferam contra me sermones.* Hoc consilientis sunt. *Et dicam ad Dominum, Noli me docere impium esse.* Noli me tentare ultra quam possua ferre, nec mihi sinas accidere, quibus mihi impietas persuaderat. *Aut bonum est tibi, si inique egero?* Non est autem tibi bonum, si inique egero: non ergo in iuste me ita constitui. *Quia despicias opus quod manus tuæ fecerunt?* Si quod despicias opus manus tuarum. *Ad consilium impiorum animadvertisisti?* sed non ejus impietas quæ hominibus appareat. Et, *Ad consilium impiorum animadvertisisti?* non quia placet illi ut inique agant. *Aut sicut homo perspicit, perspicis?* quia utique non sicut homo perspicis; ideo in consilio impiorum animadvertisisti. Est enim impietas quam tu solus vides, et ab hominibus non videtur. *Aut humana est vita tua?* id est, brevis, ut non possis de perpetuitate ju-

dicere. *Et peccata mea investigasti.* Non enim latere te poluerunt quæ latent homines. *Scis enim me nihil impie fecisse.* Nam quantum ad homines, nihil impie feci. *Sed quis est qui de manibus tuis eripiat?*<sup>1</sup> iudicantis. Sicut Deus judicas, cum vides etiam eas impietas quæ homo non videt. *Postea vero mutatus percussisti me:* se scilioet mutato, non Deo; quia mutatus homo mutatum Deum sentit, ut per tenebrarum diuturnitatem mutati oculi mutatum solem sentiunt. *Memor esto quia de luto fixisti me.* Tua ergo misericordia indigeo. *In terram me iterum convertes:* morte, quæ poena est peccati. *Nonne tanquam lac mulsisti me?* Quia etiam jam mortalibus præbuit misericordiam, cum homines de hominibus informi primordio formavit. *Hæc ergo cum in te sint, scio quia omnia potes:* quia tantæ bonitatis sunt, ut carnalem quoque substantiam operentur. *Quod si et peccavero, custodies me:* aut ut me non perdas, aut ne lateat peccatum meum. *Et si iustus fuero, non possum respirare:* in contemptu hominem. Nam tu vides peccata quæ homines latent. *Plexus enim eum opprobrio:* in conspectu tuo. *Et capior sicut leo ad occasionem.* Est superbiæ peccatum quod homines latet, quando etiam in factis laudabilibus possit obrepere. *Iterum autem commutatus savissime crucias me:* post poenam peccati, qua mortalis factus est homo. Secundum has dicit tribulationes, quæs in hac vita homines patiuntur; quia repente plerisque accidunt tribulationes, quæ turbant quietem ipsius vitæ mortalis, cum in salute est, vel in securitate rerum quamvis temporali, quam misericordiæ Dei deputavit. *Instaurans in me tormenta mea.* Quia jam ipsa mortalitas tormentum est, de qua tribulationes aliae flunt. *Quare ergo de ventre eduxisti me?* de obscuritate ad notitiam, quæ sola majoris miseriae est materia, cum subvertitur: hanc generationem superius etiam commemoravit. *Et essem tanquam non fuisse:* penitus ignotus. Unde est, *Vocat ea quæ non sunt, tanquam quæ sunt* (*Rom. iv, 17*), id est, secundum iguñilitatem. *Aut numquid non est tempus parvum vitæ meæ?* Non enim propter longitudinem vita meæ mortuus non sum; cum utique parvum sit quod vivo. *Patere me, donec requiescam pusillum.* Post misericordiam quæ de limo fecisti me, et mutatum mortalitate percessisti me, et ipsa mortalitate consolatus es me, deinde exerceisti me tribulationibus. Patere ergo me, ut requiescam in te: *Antequam eam in poenas reverti non licet.* Ab his enim quas supra commemoravit, licet reverti, si se homo ad Deum converterit. Vult autem requiescere antequam eat in poenas alternas, ad hoc utique, ut non eat. Quemadmodum si dicamus alicui, Corrige te, antequam damnaberis: non enim eum se corixerit, damnabitur. *Ubi non est lux, nec est videre vitam hominum.* Illa est enim vita hominum, ubi est lumen verum, quod illuminat omnem hominem (*Joan. i, 9*). Alia est terra viventium, alia terra morientium.

[*Ib. xi.*] Verba Sophar Minoëi. *Aut numquid videbitur eloquens justus rose?* Putat enim, Job verbis magis

<sup>1</sup> Sic Ms. eam LXX. At editi, eripiatur.

quam operibus abundare. *Bentus natus homo, brevis vita.* Sententiam suam illi replicat, quam vult intelligi loquaciter dictam et inaniter. *Cum nemo sit qui contradicat tibi.* Quia quando dicebat, nemo ei contradixit. *Sed quomodo Dominus loquatur ad te.* Ea loquere potius, quibus misereatur tui Deus. *Quia duplex erit super te:* corripiendo, et eonsolando. *Et tunc scies quia digne redditæ sint tibi a Domino quæ peccasti:* post correctionem sequente illuminatione. *Aut vestigium Domini invenies:* ut velis Deum reprehendere. *Sublime est cælum, et quid facies?* ut invenias sacramenta coeli. Non enim debes eum reprehendere, cujus opera non comprehendis. *Quis dicet illi, Quid fecisti?* Et hoc enim recte erit factum, si Deus hoc fecerit: quia facere aliquid ille nisi recte non potest. *Ipse enim novit opera hominum iniquorum.* Non iniqui operis est. Unde vult intelligi quia stulta hic, quem iniquum putat, reprehenderit Deum: sic enim eum loqui existimavit. *Homo vero aliter natu sermonibus.* Modo illi placet Deus, modo illi displicet; cuin apud Deum sit firmitas. *Et vir natus mulieris tanquam onager erit in deserto:* cupiditate libertatis, impatiens dominatoris atque domitoris. *Et extendens ad eum manus tuas:* ut acceptet opera tua. *Si iniquum quid est in manu tua.* Ipsa duo repetivit, sed ordine mutato. *Et iniquitas in domo tua non maneat.* Hoc dixit cor. *Sic enim fulgebit facies tua tanquam aqua:* pura conscientia. *Tanquam fluctum qui non præterit, et non terroris:* nisi omnes tangat in hac vita. *Et oratio tua tanquam lucifer erit:* ante illuminationem præbit; quasi et ista ad prophetiam sanctæ civitatis vel ad populum Dei pertinentia, audita, vel revelata dicuntur, sicut a superioribus amicis ejus dicta sunt. *Et rogabunt faciem tuam multi.* Omnia ista de Ecclesiæ.

[*Ib. xii.*] Verba Job. *Sed justus vir et sine crimine venit in derisum.* De Domino intelligendus est. Sensus: Non ergo mirum si et ego vobis in derisum veni. *Et domus ejus ut devastaretur ab iniquis:* Ecclesia a persecutoribus. *Imo vero nullus confidit, cum sit nequam, se impunitum futurum:* quia judicium a domo Bei (*I Petr. iv, 17*). *Tanquam inquisitio in eos non sit futura:* non confidant. *Sed tamen interroga quadrupedia, si tibi respondeant.* Ideo recte inquirit iniquos, quia ex operibus potuerunt cognoscere Creatorem, et colere debuerunt. Non enim creaturarum responsione doceri debuerant; cum acceperint rationem qua ista cognoscerent. *Si non in manu ejus est anima omnium viventium.* Hinc ergo scitur, quia ipse omnia creavit, quia anima omnium viventium in manu ejus. *Et spiritus omnis carnis hominis:* omnis carnis humana, id est rationalis anima. *Auris enim sermones dijudicant.* Quemadmodum sensus sensibilia dijudicat, ita spiritualia spiritus, qui deluit cognoscere, quoniam in manu Domini est, opera Domini. *In multo tempore sapientia est.* Non utique in multo tempore; sed apud Dominum, a quo petenda est. *Si destruxerit, quis aedicabit?* propter virtutem destruxerit, et propter sapientiam clauserit, ut ad eam non perveniat. *Si prohibuerit aquam,* siccabit terram: sapientiam ipsam,

terram vero hominem. Quod si et emiserit, perdet evertens terram. Multis enim sapientibus factis turbabuntur peccatores. Qui ducit consultores captivos. Subjugat enim sibi eos qui se consulunt. Judices autem terrae in pavorem misit: aut Judaeos, aut Pilatum, aut sensu terreno judicantes. Qui collocat reges super sedes: id est, Apostolos. Et circundedit ballo lumbos eorum: id est, continentia. Qui emitit sacerdotes captivos: ut ab hominibus ducantur; et significantur Judaei. Qui permutat labia fidelium. Permutat in bonum, ut non de justitia sua, sed de gratia ejus presumant. Et intelligentiam senum cognovit. Cui placet intelligentia secum. Unde est, *Cogniti estis a Deo* (*Galat. iv, 9*): cui adversarium est, *Non novi vos* (*Matth. xxv, 12*). Et bene coepit a fide, et pervenit ad intelligentia canos. Qui revelat profunda de tenebris: aperiendo prophetias. Et produxit in lucem umbram mortis: id est, fecit ut cognosceretur vita ista, quia umbra mortis est. Decipiens gentes, et perdens eas: putantes quod nocerent Ecclesiae Dei, cum sibi nocerent; quod de impiis intelligentium est. Sternens gentes, et in viam dicens eas: ad humilitatem, tanquam illum asinum. Reconcilians corda principum populi terrae: sibi reconcilians vel Judaeos vel reges terrae, qui primo persecabantur Ecclesiam. Seduxit<sup>1</sup> autem eos in viam quam non novabantur: subruendo Legis opera, ut simpliciter intelligerentur; hinc eis visus est peccator. Quo errore tenebri sunt tanquam ebrios.

[Ib. xiii.] Et arguat in conspectu ejus, si voluerit: ut arguat seipsum; quod est confessionis. Et curatores malorum omnes vos. Bonos enim non potestis consolatione curare. Audite ergo objurgationem oris mei: in vos. Et ante conspectum ejus profertis dum: cum vultis vos videri justos, quod non estis. An subtrahitis ipsis judices fieri? Nunquid potestis dissimilare, et non judicare, quia de vobis verum dico? Si enim omnia faciatis, adjiciemini ei: id est, etiamsi omnia precepta faciatis, inveniet in vobis quod arguat. Nemo enim justus in conspectu ejus. Quod si et occulte personas mirati fueritis: suas, seipsos justificando, non solum ad homines, sed etiam ad seipsos. Corpus autem luteum: ut fragilitatis saltem vestrae consideratione timeatis. Apprehendens meas carnes dentibus meis. Non mihi parcam, ut non solum vos arguam, sed etiam me. Et animam meam ponam in manu: inspiciendam, ut nihil celer, sive ut computem peccata mea. Licit occidat me ille qui potens est, qui et coepit: quamvis occidat peccata mea. Tamen loquar, et coram eo arguam me: non me justificabo, abscondens peccata mea. Ecce ego appropinquo judicio meo: ut judicem de me; quasi ipsa sit hominis justitia, in confessione sibi non parcere. Tunc a facie tua non abscondar: quemadmodum absconduntur peccatores. Manum aufer a me: ut nihil in me sit castigandum, et sit in me charitas. Et timor tuus non me terreat. Quot sunt iniuriae meae? Hinc potest videri illud dixisse, *Animam meam ponam in manu mea*: ad computandum. Aut pu-

<sup>1</sup> Editu, eduxit. Manuscripti vero, seduxit. Apud LXX, explanese.

tas me esse contrarium tibi? Cum utique infirmus sum, et quasi hoc metuis, ne si justificatus fuero, par tibi sim; cuin folium sim. Ergo est aliqua latens causa, quando haec non est. Et imposuisti mihi peccata iuventutis. Ut haec sit causa, quare dicat abscondi a se peccata sua, quia superbierit, quod est peccatum iuventutis. Et posuisti in compede pedem meum: in vinculo mortalitatis. Et radices pedum meorum contemplatus es: cupiditates meas. Qui veterasco sic uter: ut vim novum portare non possim: aut (ut<sup>1</sup> panno novo consui) velut vestimentum quod a lineis consumatum est.

[Ib. xiv.] Homo enim natus ex muliere, brevis vita, et plenus iracundia: poena<sup>2</sup>. Et hunc fecisti venire in judicium coram te. Quamvis ita mortalitatis sit, et ipse habet tamen unde rationem reddat: exigitur enim de illo quod potest, quamvis perparum possit. Dignum enim sunt menses ejus apud te. Eo enim quod temporalis est, de peccato convincitur: nam aeternum illum tu feceras. Discede ab eo; sine, requiescat: secundum opinionem carnalis et animalis hominis, cui totum bonum haec vita est. Et ideo sibi vult pari, ut fruatur hac vita. Est enim arboris spes. Irridenter haec pronuntianda. Utique enim magis est spes homini: quod carnales nolunt credere. Vir vero cum mortuus fuerit, abiit. Et hic ironice. Tempore enim minutum mare; nam post impletur. Dicit autem de his locis, ubi accessus et recessus fit, vel quod omnia littora latenter minuantur et augmentur, horis lunari bus scilicet, cum oritur luna, vel nobis vel aliis usque ad medium caelum<sup>3</sup> crescit, et inde minuitur. Usquequo caelum est, non consuetur: ad novum<sup>4</sup>, id est ipsi caelo. Alque utinam apud inferos me custodisses. Usque adeo est spes resurrectionis, ut jam et his carerem vita: incertis. Et abscondisses me, donec requiesceret ira tua. Hinc est, Abscondere pusillum, donec transeat ira Domini (*Isai. xxvi, 20*); id est, donec transeat ista mortalitas, et ad resurrectionem veniatur. Si enim mortuus fuerit homo, vivet. Nam haec non est vita. Consummatis diebus vita sue: tunc vivet. Deinde vocabis, et ego respondebo tibi: obediens tibi, sine impedimento mortalitatis. Signasti in sacculo iniuriae meas: ut redires mihi. Annostasti si quid invitus errari: etiam hoc annostasti. Invitum autem errare poena peccati est. Et quidem mons cadens defluit. Ita et homo ex altitudine et firmitate sua cecidit. Et petra veterascit in loco suo: ut homo in genere suo et conditione sua. Et alluvione frequentium gurgitum: quasi et homo ita ad exitatem perductus sit, cum crebris cupiditatum alluvionibus atteritur. Spem vero hominis perdidisti. Gradus fecit de monte ad petram, a petra ad lapides, a lapidis ad arenam; quia has minutiones carnales patiuntur. Et bene jam perdidisti dixit. Impulisti enim in finem: in consumptionem. Ut pereat spes ista qua carnales gaudent. Mutasti faciem ejus, diministi eum: cum imagi-

<sup>1</sup> Er. Lov. non habent ut. M.

<sup>2</sup> Sic melioris note MSS. At editi, brevi vivens tempore, plenus iracundia plene.

<sup>3</sup> In excusis, ad medium mensem. Verius in MSS., ad medium caelum.

<sup>4</sup> Er. et Lov., non consuetur ad novum, sine commate. M.

Dei in eo exterritata est. *Et cum multi fuerunt filii ejus, recessit*: quia moritur, quamvis propagetur soboles. *Sed carnes ejus super eum doluerunt*: id est, tam conditionem suam homo carnaliter dolet, et animaliter luget. Spiritualis enim novit, quia etsi exterior homo corrumpitur, sed interior renovatur de die in diem ( II Cor. iv, 16 ): quia hoc fieri sentit in seipso.

[lb. xv.] Verba Eliphaz Themanitis. *Et implevit dolore ventrem*. Spiritus enim scientiae per consolationem sanat potius a doloribus : tu autem qui imples ventrem dolore, non spiritu scientiae respondes. *Nonne tu repulisti timorem?* Deum non timuisti, in eum talia dicens. *Et elegisti linguam malorum*: qua homines male dicunt. *Quid enim? numquid primus homo natus es?* quia tantum superbis. *Aut ante colles concretus es?* Etiam montes nomine collium accipiendos, id est, ante omnes virtutes, spiritus potentes. *Sed et senex et decrepitus in nobis est*. Qui sciat etiam quae nos nescimus, est inter nos, *Quid ausum fuit cor tuum?* et quid sustinuerunt oculi tui? speraverunt. *Quid enim est homo ut sit sine crinione?* quod et tu dixisti. *Si in sanctis ejus non est fides*: propter incertam temporum, quibus plerumque falluntur, ut multa dicant, et non faciant. *Et celum non est mundum ante eum*: pro his qui habitant in celo; aut certe celum pro ipsis sanctis ponitur, quia in his habitat Deus. *Quae sapientes dixerunt, et non celaverunt parentes suos*. Quia etiam Judæis Apostoli prædicaverunt. *Ipsis solis data est terra*: inhabita tanda. *Nec supervenit illis quisquam extraneus*: nec sanctus homo vel angelus; id est, in securitate possidebunt. *Cum putaverint se esse jam in pace*. Ita dicit, quasi hoc putet ipsi Job evenisse. *Non credit converti a tenebris*: non credit ut convertatur a peccatis. *Et decretus est in escam vulturum*: aeriarum potestatum, quae mortibus peccatorum pascuntur. *Sicut dux in prima acie decidet*. Audax est, et non fert tribulationes. *Quia elevavit manus contra Deum*. An, quia elevavit? *Etcucurrit contra eum contumeliose*: adversaria faciendo quam præcepit. *In crassa cervice sculi sui*: præsumens de protectione sua. *Quia operuit faciem ejus in adipe suo*. Per adipein, id est, per exaltationem superbiae sive abscondit a se Deum. *Et fecit capistrum super femora*: ut libidinibus suis colligaretur, quo vinculo duceretur ad mortem. *Quae enim illi paraverunt, alii auferunt*: ipsum etiam regnum terrenum, vel quamcumque spem temporalem, quam cum toto mundo justi accipient. *Et non ditabitur, nec permanebit substantia ejus*: impii scilicet. Non immittet super terram umbram: id est, non viret. *Sed stirpem ejus arefaciet ventus*: tentatio. *Præcisio ejus ante horam corrumperetur*: priusquam sperat. *Decidat tanquam flos olive*. Decidat a pace, vel quia meliora hos sequuntur, quemadmodum florem fructus. *Testimonium enim impii, mors: signum*. *Et ignis comburet domus eorum qui munera accipiunt*. Hui sunt enim impii qui munera temporalia præponunt justitiæ. *Concipiet et in ventre gemitus*. Ea quæ sperat, in poenam illi proficiunt.

<sup>1</sup> Quid, juxta Er. et Iov. M.

[lb. xvi.] Verba Job. *Audivi talia multa*: non solum quæ vos dicitis. *Consolatores malorum omnes*. Malos potestis consolari, quia ipsi vos imitantur, non bonos: et est vocativus. A nullo enim vestrum audivi aliquid boni. *Quid enim? numquid ordo in sermonibus est spiritus? superbiae*. Aut in quo molestum tibi erit? quamvis non ames quod dicas. *Et ego secundum vos loquor*: quomodo digni estis. *Si subiecta esset anima vestra pro mea*. Si vos pateremini quod ego; loquerer sermonibus, non factis: ita nihil est loqui quod non facitis<sup>1</sup>. *Si enim loquar, non dolebo vulnere*. Ostendistis vos neque in loquendo, neque in tacendo prudentes esse. Nam sapientes et cum loquuntur, in consolationibus condoleantur; vel in confessione sua loquentes, dolent vulnus suum; vel cum laccent, prudenter laccent. *Nunc autem lassavit me, et fecit stultum, et putrem*: ut non contra vos loquar, Deus fregit superbiam; ut stultus factus sapiens fiam. *Apprehendisti me, et in testimonium factus sum*. Convicisti me de peccatis meis, et adversum me ego sum testis. *Et surrexit super me mendacum meum*: cum mihi justus videbar. *Contra faciem meam responderi*. Hinc est, *Statuam te ante faciem tuam* (Psal. XLIX, 21). *Iracundia usus dejecit me*. Benedixit, usus iracundia; non enim eam patitur: dejecit autem tanquam superbum. *Fremuit super me dentibus*. Oligurgavit me; ut dentes pro verbis intelligentur. *Sagittæ piratarum ejus super me deciderunt*. Aerias potestates quibus utitur Deus, et eis permittit ut aut exerceantur boni, aut puniantur mali. Piratæ autem, quia in hec mari navigantibus insidiabantur. *Acie oculorum irruit*. Non dissimulavit a peccatis meis, tanquam innuit ut punirer. Ipse enim tanquam lumen est, punitoribus ostendens puniendos. Ruina mihi fuit aspectus ejus. Aut ita: Fecit ut viderem peccatum meum; ante enim non sic mihi ad sensum perductum fuit. *Acrius percussit me in genibus, et simul concurrerunt in me*. Leo enim percutiente, illi concurrerunt angeli satanæ. *In pace cum essem, discerpserit me*. Ab ipsa pace aut a memetipso discerpserit, ut ab adversariis et sibi adversantibus dilacerarer. *Et tenens comam meam divulsit*: per peccata mea me adversum me divisit. *Statuit me sicut signum*: in quem jacularentur, ut solet signum ponи jaculantes, quo jacuia dirigant. *Circumdederunt me lanceis, emittentes in renes meos*; non pepercérunt: propter desideria carnalia, quæ sibi impacta dici, per malas persuasiones ab angelis malis. *Effuderunt in terra fel meum*: ut terrena bona zclarer in illo qui his abundant. *Dejecerunt me prostratione magna*: ne carnalem prostrationem intelligeremus. *Cilicum assurunt corio meo*: peccata interiora, quibus reminiscitur se fuisse in bonis. *Et super palpebras meas umbra mortis*. Volo videre, et impedit me consuetudo carnalis. *Terra ne operiat super sanguinem carnis meæ*: id est, ne si immunda fuerit oratio mea optando terrena, accedat cumulus terræ super vinculum mortalitatis meæ; quod significavit nomine sanguinis: id est, ne cupiditate terrena majoribus calamitatibus voluntarii peccati operiar, quod est illud naturale peccatum de condi-

<sup>1</sup> MSS., quod facitis: absque negatione.

tione mortali, *Nec sit locus clamori meo*. Intercludatur meritum orationis meæ. *Et nunc ecce in cœlis est testis meus*. De Domino videtur dicere, quia nondum in terram descenderat. *Et conscius meus in excelsis*: propter participationem mortalitatis. *Dijudicetur vir cum Domino*. Veniat Dominus, ut cum eo vir judicetur, tanquam Joannes cum Christo. In quorum dijudicatione intelligitur quid distet inter hominem perfectum, et Deum hominem factum. *Sicut filius hominis ad proximum suum*: Dominus homine suscepto, ad eum qui inciderat in latrones (*Luc. x, 30*). Anni enim dinumerati venerunt mihi: quod mihi per Christum subveniatur plenitudine temporum (*Galat. iv, 4*). *Et viam per quam non revertar, ingrediar*: viam renuntiandi sæculo.

[lb. xvii.] *Defeci agitatus spiritu*: ordo, Defeci spiritu, laboribus concussus. *Oro ut sepiari, et non contingit mihi*: ut absorbeatur mortale a vita. Ingemiscimus enim gravati, in quo nolumus spoliari, sed supervestiri (*II Cor. v, 4*); id est, mutemur potius quam moriamur. Quod utique, quamvis hoc homo cupiat, non contingit. Debet enim mortem condemnatione peccati. *Preces adhibeo cum labore, et quid feci*: nonnihil feci<sup>1</sup> impetrans. *Furati sunt externi bona mea*. Ipsam immortalitatem, qua spoliatur, significat, qui semivivus a latronibus est relictus. *Quis ei iste?* qui mihi subvenitur est, Dominum significans. Sed ideo dicit, *Quis est?* quia inter homines futurus erat, ut vix ab eis discerneretur. *Ad manum meam liget*: vinculo charitatis, ut custodiat me, et ducat quo vult. *Quia cor eorum abscondisti a prudentia*. Qui eum non cognoverunt abscondisti. Propter hoc non exaltabis eos, Quia humiles non fuerunt, ideo cœcata sunt, et non potuerunt humilitate Christi exaltari. *Parti annuntientur mala*. Quod cœcitas ex parte in Israel facta est (*Rom. xi, 25*), sive quia eis mala videbantur quia Christus annuntiabat, ut dicerent, *Seducit turbas* (*Joan. vii, 12*); sive per Prophetas quæ annuntiata sunt de cœcitate Israel, non utique toti, sed parti acciderunt. *Et oculi super filios eorum tabuerunt*: admiratione miraculorum, quibus dictum est, *Si ego in Beelzebub ejicio daemonia, filii vestri in quo ejiciunt* (*Matth. xii, 27*)? *Posuisti autem me in loquaciam nationibus*: hominem quem redemisti, id est, Ecclesiam de qua loquerentur nationes, sive quæ loqueretur nationibus. *Et in r̄sum illis deveni*: aut nationibus, cum ci detraherent; aut Judæis, qui loquebantur nationibus. *Obscurati sunt ob iram oculi mei*. Obscurati sunt oculi Ecclesie, id est Apostoli, cum intellecti non sunt ab iis qui hac pena erant puniendi. *Et expugnatus sum valde ab omnibus*. Tam Judæi enim quam Gentes expugnaverunt Ecclesiam. *Et mirati sunt super hoc veraces*: vel quare potestas data sit impiis in Ecclesiam<sup>2</sup>, vel quare ab impiis Evangelium agitum non sit. *Justus autem super inimicum consurgat*: qui temporaliter cadit persecutionibus, ut postea infidelibus dominetur. *Et purus*

<sup>1</sup> Sic MSS. Beccensis et Floriacensis. At editi: *Preces adhibeo cum labore: et quid feci?* non mihi feci.

<sup>2</sup> admirati sunt, juxta Er. Iugd. Ven. M.

<sup>3</sup> In B. Ecclesia. Fr. Iugd. Ven., Ecclesiæ. M.

manibus sumat audaciam: spei audaciam, ut confiteatur Christum et in persecutio. Non enim invenit in nos veritatem. Omnibus enim tam Judæis quam aliis gratia necessaria est. *Et convulsæ sunt compages cordis mei*. ut non eadem peccata mea. *Noctem in diem posuerunt*: impii. Unde est, *Væ illis qui dicunt quod bonum est malum, et malum bonum*; qui ponunt tenebras lucem, et lucem tenebras (*Isai. v, 20*). Si sustinuero, *inseri domus mea erunt*: pertulero peccata mea, ut non confitear. *Interitum appellavi patrem meum*. Non ero filius vitæ. Appellavit autem Deus. *Matrem meam<sup>4</sup> et sororem tabem*. Ex eo quod inseparabiliter habent, tanquam cognati. *Quæ est enim mihi jam spes?* subanditur. Si sustinuero. *Aut bona mea ridebo?* quibus seductus converti noluit, et sustinuit peccatorem.

[lb. xviii.] Verba Baldad Sauchitis. *Et lumen impiorum extinguetur*. Noli ergo mirari si et tuum tanquam impii lumen extinctum est. *Lux ejus fuerunt tenebrae in domo*: claritas domus ejus; id est, aut diabolus aut Antichristus. *Et lucerna super cum extinguetur*: exiguum et terrenum lumen. Accipiant infimi substantiam ejus. Quæ habere ille voluit<sup>5</sup>, habeant humiles. *Immissus est enim pes ejus in lacum*. Ipse enim captus est, Dominum persequendo. *Confortavit super eum sitiens*: ut vincant eum esurientes et sitiens justitiam. *Absconditus est super terram funiculus ejus*: quo capiatur, hoc est, ea quæ illi quasi concedantur. *Et captio ejus in semita*: quæ transit. *Per circuitum perdant eum dolores*: undique. *Et multi circa pedes ejus veniant in angustia sanis*: multi qui eum sequuntur, vel qui ei obsequuntur. *Comedantur rami pedum ejus*: doctrinarum ejus, id est, quæ it. *Rumpatur de habitaculo ejus sanitas*: tranquillitas hujus vitæ. *Et teneat eum necessitas causa regalis*: opportunitas punitionis ejus, quæ valebit ad gloriam Dei, propter quod modo illi permittitur cupiditas sua. Causam regalem dicit, quia se Christum jactabit. *Habitet in tabernaculo ejus in nocte ejus*. Necessitas cause regalis cruciet conscientiam ejus; appetitio tyrannidis: in nocte, in supplicio cœcitatris ejus, quando damnatur. *Aspergentur speciosa ejus sulphure*: quibus placebat, igne fetido concrementur. *Et de sursum irruet messio ejus*: a Deo. *Et non sit nomen ejus in facie platearum ubi erat*: tollatur de memoria populi. *Et non sit cognoscibilis<sup>6</sup> in populo suo*. Ad tantam dejectionem veniat, ut a suis non agnoscatur. *Nec resalvetur sub caelo domus ejus*. Aliqui enim resalvabuntur. *Sed in populo ejus vivant alteri*. Alii subjugetur populus ejus.

[lb. xix.] Verba Job. *Et destruitis me verbis*. Insimulatis me, qui me consolari debuistis. Scitote tantum quia Deus fecit mihi sic: apud quem possum de peccato convinci, non apud homines. *Et vallum sumum circa me circumdedit*. Fossa circa muros est; quo

<sup>4</sup> Lov. ferunt, appellavi autem Deus matrem meam. sine interpolatione. Sic etiam Er., qui legit tamen, appellavit, ut certi editi. M.

<sup>5</sup> Editi, noluit. Manuscripti, voluit.

<sup>6</sup> sic in MSS. At in editis, cognominatio.

coactus sum ad confessionem. *Ecce video opprobria, et non loquor.* Utilitatem dicit confessionis; quia si vellet ridere peccatum suum, et non illud proloqui, clamaret, et non exaudiretur. *In vultu meo tenebras posuit.* Illuminationem vultus mei abstulit a me; quod contingit aversis. *Et abstulit coronam de capite meo:* dignitatem spiritualem, quam dat sapientia. *Et disrupt me undique, et abii.* Omnia tenebam, et abstulit illa a me: adversus illud quod acceperat virtutem continendi omnia. *Et arbitratus est me tanquam inimicum.* Sic me judicavit, quasi ei nocerem, si ei par essem. *Et circumdederunt tabernaculum meum;* cor et conscientiam. *Fratres mei recesserunt:* in spe correctionis, quia fratres sunt: quamvis primo correctionem meam aspernati sint; et eos securi qui sibi aliena, hoc est perniciosa, suaderent. *Et amici mei immisericordes facti sunt:* in malis spiritualibus, qui non condolent proximis suis, sed potius eos irrident; quos no*n*i irriderent in malis carnalibus constitutos. *Et scientes nomen meum oblii sunt me:* non me cognoscentes, quod mutatus sum. *Vicini domus, et ancille meae:* cum quibus secreta communicabam; adulatores, qui recedunt ab eo qui confitetur Deo: ipsi enim dicuntur ancillari. *Servum meum vocavi, et non respondit:* aut corpus, aut eos qui ei ad mala serviebant. *Os meum deprecabatur<sup>1</sup>, et robabam uxorem meam:* tanquam dicens, *Quare tristis es, anima mea? et quare conturbas me* (*Psalm. xli, 12*)? id est, cupiens ut ei consentiat, *Invocavi blandiens filios uteri mei:* quos genuerat, persuadens eis spem saeculi. *Et quos dilexeram, consurrexerunt in me:* in illa vita. *In cule computruerunt carnes meae.* Amore eorum quae forinsecus sentiuntur, computruerunt interiora mea. Nam utique leve est, si ad litteram accipiamus, tanquam scabiem habuerit. *Et ossa mea in dentibus meis sunt.* Firmitas et fortitudo mea in verbis est, non in factis. *Miseremini mei, miseremini mei, o amici.* Angelos videtur postulare, ut pro eo deprecentur, aut certe sanctos ut pro pœnitente orient. *Manus enim Domini est quæ teligit me.* Manu Domini se tactum dicit, ut dolor et vulnus suum, quod sine sensu ei fit. *Quidare me persequimini, sicut et Dominus?* detestamini et horretis sicut Dominus; vel objurgatis, cum jam confitear. *De carnis meis non satiamini.* Non gaudetis, si carnaliter vivam. *Stilo ferreo et plumbum:* ut quemadmodum cedit plumbum stilo ferreo, sic cedant sermonibus meis corda hominum. *Aut in testimonium in petris sculptantur:* ut illi ea discant, qui firmi sunt ad evangelizandum. *Scio enim quia eternus est qui me resoluturus est:* quia potest me reparare. *Quorum ego mihi conscius sum:* quia merui illa. *Quæ oculus meus vidit, et non aliis.* Hoc est, *Nemo scit quid agatur in homine, nisi spiritus qui in ipso est* (*I Cor. ii, 11*). *Et omnia mihi consummata sunt in sanguine:* in interioribus ubi nemo videt, in conscientia. *Quod si et dixeritis, Quid dicenus contra eum?* Secundum quod dictum est etiam spiritualibus, intendens te ipsum, ne et tu teneris (*Galat. vi, 1*). *Et*

<sup>1</sup> Edit, deprecabar. MSS. *juxta LXX.* deprecabatur.

radicem sermonis inveniemus in eo: ut de ipsis<sup>2</sup> eum convincamus. *Ira enim super iniquos veniet.* Qui se extollunt super peccatores, et putant se tales esse non posse, ipsos dicit iniquos.

[lb. xx.] Verba Sophar Minæl. *Non enim intelligitis magis quam ego.* Ad alios se convertit, qui cum eo Job consolabantur. *Eruditionem confusionis meæ audiam.* Oblique vult ut Job audiat eruditionem confusionis sue: tunc enim potest etiam spiritum sapientiae consequi. Hæc autem locutio solemnis est, cum dicimus, Bonum est mihi ut caveam, nam male mihi erit; cum volumus ut alius caveat. *Numquid hæc nosti a sæculi?* Ex quo sunt sæcula, scis hæc. Et hæc putat quod Job ignoret tanquam impius. *Oculus videbit, et non adjicet.* Non enim videbitur. *Filios ejus disperdat impius:* sive imitatores ejus, sive seductos ab eo. *Et manus ejus succendantur doloribus:* operibus ejus crucientur. *Ossa ejus impleta sunt juventute ejus.* Superbit de firmitate sua. *Abscondet eam sub lingua sua.* Non illam demonstrabit tanquam dolosus, ut tacite illa utatur. *Parcat ei, et non relinquat eam.* Amans eam, et nolens ea carere, non eam persecutur: aut, parcat ei Dominus, et hac impunitate non eam relinquat. *Et tenebit eam in medio gutture suo:* tanquam quod eum delectat. *Et non poterit subvenire sibi.* Non ideo se liberabit. *Fel aspidis in ventre ejus:* in interioribus, in occultis habens nocendi malitiam. *Divitiae inique congregatae evomentur:* cum tormento interiorum et pressura cordis. *De domo ejus protrahet eum angelus.* Quandocumque manifestabuntur occulta ejus per tribulationes. *Et furore draconum fulgebit<sup>3</sup>:* ut ille qui primo occultus fuit, tribulationibus proditus, furore draconum fulgeat jam palam. *Interficiat illum lingua colubri.* Seducat eum diabolus. *Et non videat mulctrum pecorum:* fructus ovium, id est, justitiae opera non faciat, ut se inde intelligat posse redimi. *Neque pabula mellis et butyri:* opera bona cum charitate et hilaritate cordis, et largitate præbentis. Butyrum enim lac pingue est. *In vanum et frustra laboravit:* quia non intelligit hæc de his operando, quæ ad misericordiam pertinent. Unde et Dominus butyrum et mel dicitur manducare (*Isai. vii, 15*), quia hæc illi in humilibus ejus præbentur. *Quæ egerunt ut durum quid:* quod mandi non potest, nec glutiri. Durum nescio quid est, puto, iniquitas vel superbia. *In desiderio suo non salvabitur:* quia iniqua desideravit. *Non erunt reliquæ de cibis ejus.* Transierunt cupiditates ejus. *Cum putaverit se repletum esse, coarctabitur.* Non tam satietas est de plenitudine cupiditatum, quam pressura. *Si quo modo impleat ventrem suum.* Talis necessitas ei veniet, ut dubitet utrum impleat ventrem suum; cum utique ista ideo queratur, ut pellatur necessitas. Hoc autem dixit, quia tanto plus cupidus, quanto plus habuerit. *Et emitte super eum furem iracundiam:* quia non vidi facere opera bona. *Vulneret eum sagitta ærea:* perpetua.

<sup>1</sup> Er., ut de ipsis. M.

<sup>2</sup> MSS. aliquot, furem: sed omnes habent postea, fulgebit, sicut legisset videtur Augustinus, licet nunc apud LXX habeatur, sugit: in Vulgata, sugit.

*Periranseat corpus ejus jaculum.* Penetret eum tentatio, ut et de his quæ sperat, et de his quæ relinquit, vulneretur, tanquam a pectore per tergum trajectus. *Fulgura in tabernaculis ejus:* terrores repentinii in cogitationibus ejus. *Lædat advena domum ejus:* diabolus, qui adventivus est ad tentandum; si quidem habeat homo etiam proprias tentationes. *Et detegat calum iniquitates ejus:* coeleste judicium. *Et possessio bonorum ejus ab episcopo*<sup>1</sup>. Ille illi largietur Deus.

[lb. xxi.] Verba Job. *Et non sit mihi a vobis haec consolatio:* qua putatis bonis temporalibus gaudendum, cum communia sint piis et impiorum; et si quando quis iniquus esset, hinc in eum vindicari: cum Iacob dicat usque ad sepulcrum permanere bona ista impiorum, et non in eos per ea vindicari. *Quid enim? numquid humana est castigatio mea?* A Deo est mihi castigatio. Itaque et ipse potest consolari, non vos. *Aut quare non irascar?* Nolite ergo me ita consolari: nam impiorum utique felicitatem video. *Respicite ad me,* et admiramini: tanquam inania dicentem. *Si enim recordar, perturbor.* Indignitates humanæ vite, rediens ad affectum præteritum<sup>2</sup> ab isto in quo nunc est, confitetur. *Et tenentur carnes meæ doloribus:* carnaliter doleo. *Quare impiorum vivunt?* Quærerit ab eis causam, quia dicebant hic in impiorum vindicari. *Et permanent, sicut vetustate, oves eorum:* quo modo possunt vetustate perseverare; non enim semper erunt. *Erant autem in manibus eorum bona.* Non tulit eis bona ipsa, cum haec dicentes. *Imo vero, impiorum lucerna extinguetur:* claritas temporalis, etiamsi non sicut isti intelligebant. *Deficiant filii ejus bona ejus:* bona quæ eis persuasit, temporalia scilicet, aut Antichristi, aut diaboli. Videant oculi ejus necem suam. Significat et hanc prosperitatem ignorari ab his qui hac gaudent: in futuro autem ad sensum etiam impiorum perducetur. *Quia nulla voluntas ejus in domo sua post eum:* quia in conscientia sua Dominum non consecuti sunt in tribulationibus. *Licet numerus mensium ejus dimidiatus sit:* quamvis presentem coluerit Deum, tamen quia non et futura speravit, quod est plenus mensium numerus. *Ipsæ enim homicidia judicat.* Quia impiorum persuaseriūt impietatem per dilectionem carnalium impiatum, futuro saeculo utique occidunt. Non tamen talia homicidia judicant homines, sed solus Deus. *Hic morietur in robre simplicitatis suæ.* Videtur exsequi occulta homicidia, commemorans largum unum, et alium avarum; quia homines abundantes, et largi putantur et boni. *Intestina ejus plena sunt adipe:* habet letitiam. *Et medulla eorum diffunditur:* intestinorum; quia non tenet intra se bona sua, sed impedit illa vel in se, vel in aliis. *Itaque scio vos audacter mihi insistere.* Non enim considerate dicitis. *Quia dicitis,* *Ubi est domus principis?* vel impiorum vel superbi; quia putabant hic eis auctorri bona, cum plerique etiam

<sup>1</sup> Editi, ab ipso. At MSS., ab episcopo: juxta LXX, para tou episcopo.

<sup>2</sup> MSS., ad effectum perterritum. Am. et Fr., ad affectum perterritum. Pauloque post Floriacensis codex habet, in quo uinc est, cum confitetur.

pleni his vitam finierint per ea puniendi. *Et ubi est relamen in tabernaculis impiorum?* honor. *Interrogat eos qui transcurunt per viam:* qui non delectantur via, sed transeunt per eam. *Et signa eorum non ignorabitis:* vel impiorum quæ dant transcurentes, dicentes quid eis<sup>3</sup> futurum sit; vel a quibus cognoscantur impiorum. *Quis annuntiabit coram eo viam ejus?* Coram impio viam suam nemo, nisi Dominus annuntiat fiducialiter, quia ipse ei respondet. *Et tamen et ipse Dominus in sepulcrum deductus est.* Ita merces pietatis non hic speranda est. *Et super acervum vigilavit.* Ante enim ipse resurrexit, quam acervus resurgeret resurgentium. *Dulces fuerunt ei lapides torrentis:* quos strenuum non subvertit, id est discipulos suos. *Et post eum omnis homo sequitur, et ante eum innumerabiles.* Aut post eum omnis homo, id est, unus homo: et ante eum innumerabiles, qui nunc in numero hominum deputati sunt. Aut post eum turba credentium, et ante eum Patriarchæ et Prophetæ. *Quomodo ergo consolamini me inaniter?* præsentia bona vel mala suadentes.

[lb. xxii.] Verba Eliphaz Themanitis. *Nonne Dominus est qui docet sensum et scientiam?* Quasi dixerit Job non eum recte judicare; cum utique reprehendi Deus non possit, nisi per intelligentiam, qua superior est, siquidem ab ipso detur homini. *Et veniet tecum iudicium?* ut compareris ei. *Lumen tuum in tenebras conversum est:* dignitas. *Et dormientem te aqua operuit:* securum inundatio tribulationis. *An per nebulam diuidicat?* quasi per nebulam videre non possit. *Nubes libitulum ejus, et non videbitur.* Latent eum quæ in terra sunt. *Et ambitum cœli percurrit:* figuram, non et terram. *Ergone semitam sæculi custodis?* Quasi Job putabit a Deo res humanas non curari. *Quia capti sunt immaturi:* secundum se immaturi. Putabant enim se in perpetuum permansuros. Aut certe antequam pervenirent ad sapientiam: sed quia hoc audierant, non quia ista sentiebant isti amici Job. *Et cogitatio impiorum longe est ab eo, et implet domos eorum bonis.* Est longe ab eo cogitatio impiorum, quia non sic facit sicut sperat impiorum; id est, aut quia placet ei impictas, aut non videt eam. *Videntes justiores erunt:* intelligentes; quamvis isti non intellexerint, putantes quia hic redditur impiorum. *Et incipit ab eo super aggerem in petram:* adversus id quod dixit, *Flumen currrens fundamenta eorum.* *Quia humiliavit semetipsum:* ipsum lumen. *Et dices,* *Elatus est in superbiam:* adversus superbos. *Eritis innocentem, et salvaberis munditia manuum tuarum.* Noli delicere in bonis operibus, quia curat Deus humana.

[lb. xxiii.] Verba Job. *Et quidem scio quia de manu mea est increpatio:* de peccatis meis. *Et manus mea gravis facta est super gemitum meum.* Ideo me percussisti<sup>4</sup>, ut doleam. *Et venire usque ad solium ejus.* Ut

<sup>1</sup> Sic Er. Lugd. Ven. In B., et M.

<sup>2</sup> MSS. tres, deputandi.

<sup>3</sup> sic MSS. At editi, percussisti

sim tam sanctus, ut perveniam ad eorum numerum, qui sedes ejus sunt. Tunc enim possum dicere vera, et audire: unde et cœli dicuntur sancti. *Et cognoscam causationes quas loquetur mihi: redditio[n]es causarum, quibus se omnia juste judicare demonstrat. Et sentiam quæ annuntiat mihi: jam proximus ei. An in multa virtute dijudicabit mecum: ut per potentiam resistat mihi? Nequaquam. Tamen in terrore non abutatur me: propter peccata mea, pro quibus timeo modo, cum sum in terrore, non abutatur me. Cæterum cum ad eum venero: in illa libertate qua ego annumerabor sollio ejus, omnia amabo, et non mihi resistet virtus ejus; quamvis modo possit me abuti, utpote peccatore: id est, faciat de me quod vult, etiam cum poena mea, juste tamen. Veritas enim et increpatio est ab eo: id est, non injuste increpat. Educit in finem judicium meum. Eliam si modo corripit, postea manifestabit. Nam si primus ambularero, postea non ero. Non arroganter sperem, non infideliter desperem: hoc est, non declinare dextra aut sinistra. Inde est, Si ascendero in cælum, tu ibi es (Psal. cxxxviii, 8). Quis me inde potest pellere? etc. A lava quid aget, non apprehendam. Superiora repetit. A lava autem dicit non se apprehensurum deditum temporalibus. Convertetur ad dexteram, et non videbo. Ideo non debeo esse a lava. Convertetur autem dixit, quia ipse in spiritualibus est, unde ego me aporto, si a lava fuero. Scit ipse viam meam: ut etiam per tribulationes me duxerit, sequare. Probat me sicut aurum: in tribulationibus<sup>1</sup>. Egrediar in præceptis ejus. De tenebris meis exeam, sed tamen in præceptis ejus. Si autem ipse judicavit sic: ut per tribulationes me tanquam aurum probet. Propterea ad eum festinavi: quia me tribulavit, ideo relictis temporalibus ad eum festinavi. Et commonitus sollicitus fui de eo: ut his poenis carnalibus æterna supplicia devitarem. Idcirco a facie ejus turbabor. Modo turbabor, ut caveam cogitans futurum judicium, ubi erit ejus manifestatio. Et Dominus mollivit cor meum. Et ipsum timere, quo cavel futuras poenas, misericordiae Dei deputat. Non enim sciret superventuras poenas et tenebras malis, nisi Dominus molliret cor ejus presentibus tribulationibus: adversus illud, quod indurat Deus cor Pharaonis (Exod. vii, 3).*

[Ib. xxiv.] Quare Dominum non latuerunt horæ: Quamobrem, vel, Itaque. Finem transgressi sunt: Christum. Et inclinaverunt pauperes a via justa: ut vel imitarentur eos, vel inde arbitrarentur non esse divinum judicium, quia impunitam videbant malitiam qua eis nocebant relinquentes justitiam. Simul absconditi sunt mites terra: cum his qui declinaverunt a via justa, absconditi sunt mites, ne mihi ferrent auxilium. Nam tria sunt genera hominum in Ecclesia, cum sit persecutio: alii enim consentiunt, alii suagunt, alii patiuntur, quorum personam sustinet Job. Et irruerunt asini feri in agro super me. Stulti et indomiti, et ob hoc superbi, irruerunt super me confitentem, scilicet Ecclesiam. Et exeuntes ad opus suum. Hoc enim opus est eorum, ut in me irruant, id est, ad

<sup>1</sup> *Mss. tres, tentatinibus.*

hoc deputati sunt a Deo. *Suavis factus est ei parit in adolescentes.* Impio et persecutori suavem panem dicit, id est, persecutionem, qua libenter fruebatur, cum eam ficeret adolescentibus: ut adolescentes aut pro animatoribus voluptatum accipiant, quia ipsi facile talibus consentiunt; aut pro eis qui tantum in Ecclesia profecerunt, ut pueritiae quidem simplicitatem transierint, sed nondum pervenerint ad robur illud virile, quo etiam persecutor contemnitur. *Agrum ante tempus non suum demessuerunt.* Aut genera dicit persecutionum, ut aliquem agri damno terrorent: aut pro agro Ecclesia intelligenda, quam ante maturitatem persecutionibus mettere voluerunt, id est, antequam simul zizania crescerent, ut tempore messis separarentur (Matth. xiii, 29, 30). *De stillicidiis montium madescient:* confugientes nudi ad speluncas, ubi saxa distillant. *Rapuerunt ab ubere pupillum.* Pupilli et vidua plerumque ex persona Ecclesie accipiendi: est populus sub tormento. *Et eum qui ceciderat, humiliaverunt:* desertum vel auxilio Dei, vel alicujus; quod est magna stetitæ, non talibus parcere. *In angustiis insidiati sunt inique:* in necessitatibus. *De civitate et de domibus ejiciebantur.* Ab eis ejiciebantur alii. *Anima vero parvolorum in gemitu valde:* fuit. *Ipse autem Deus eorum curam non habuit:* impiorum, quia modo curam eorum non habendo, fecit eos desperare de Judicio Dei; quia impune mala faciebant. *Et ideo in tenebras traditi sunt:* ignorantiae judicii Dei. *Et repente ut sur:* eos occupabit dies ille. *Oculus adulteri observat tenebras.* Ostendere vult in quas tenebras tradantur impii per impunitatem: non enim eas quas captant adulteri, et exterius qui male faciunt per noctem, ne agnoscantur per diem; sed illas quas etiam mane<sup>2</sup> super eos sunt. *Suffudit in tenebris domos.* Alia mala facta commenorat. *Per diem obsignaverunt semelipsos:* occultaverunt. *Non cognoverunt lucem,* quia simul eis manet<sup>3</sup> umbra mortis: non quia nox recessit, propterea eos deseruit umbra mortis. *Levis est super faciem aquæ:* ad comparationem terræ, splendidiiores accipiendi sunt, quos lux penetrat et imago levitatis; et ideo levis est super eos umbra mortis. Nam et ipsi portant eam per conditionem carnis. *Vel, Levis est super faciem aquæ dixit,* super eos qui in Baptismo consistuntur. *Maledicatur pars eorum super terram.* Sterile sit quod delegerunt. *De sinu enim pupillorum rapuerunt:* de corde infirmorum verbum, per malam passionem. *Deinde rememoratum est peccatum ejus:* quod putabat in oblivionem venire. *Conteratur sicut lignum inscincabile omnis iniquus:* quod non sanat<sup>4</sup>. Sterili enim non fecit bene: quæ sine consolatione filiorum est. *Consurgens ergo non credit contra vitam suam:* non credit adversus vitam suam; debuit enim credere malam se habere vitam, et eo ipso consurgere. *Cum infirmari cœperit, non speret sanitatem:* tribulari. *Sed cedit in languorem.* Tales enim impius consolationes querit in rebus acerbis, quibus infirmior fiat. *Emar-*

<sup>2</sup> *Editi, male. Mss., mane.*

<sup>3</sup> *sic editi et VSS. AT LXX, op[er]i, mane.*

<sup>4</sup> *Loy. sanctar. Alii codices editi et Mss., sanct.*

*sicut sicut malva in østu altitudo ejus : quia non tulit øestum tribulationis; malva autem, propter infirmitatem. Aut sicut de stipula spica decidens sponte ejus. Quia mane erat in culmine ipsius. Ipse enim sibi elegit tales consolationes quibus pejus infirmetur. Alioquin quis est qui loquatur mendacium me dicere? si et aliter sunt.*

[Ib. xxv.] Verba Baldad Sauchitis. Quid enim exordium quam timor ab eo? Ista subjunctio videtur illis verbis consentire, quibus dicit Job, *Idecirco a facie ejus turbabor, considerabo, et timebo ab eo* (Job xxii, 15). Nemo putet esse moram piratis. Sine mora secundum permisum ejus tentant. In quem enim non venient insidiæ ab eo? hoc est, cum ipse permittit. Insidias autem dicit tentationes. Aut quomodo erit homo justus coram Domino? Ergo juste eum tentari permittit. Vel quomodo se mundabit natus ex muliere? nisi enim a Deo mundatus fuerit, impundus est. Si luna præcipit, et non luceat. Quoniam si exigant rationes et ordo providentiae ipsius, ut luna non luceat, præcipiet ut non luceat, et non lucebit. Sed quare? Utrum inde vult videri non mundam lunam coram eo, quia præcipit ei, et non luceat? an forte rationalis animæ natura figurata hic insinuatur, eui sol intelligibilis est lumen illud verum, quod illuminat omnem hominem (Joan. i, 9)? Et quoniam tanto magis luna luet terrenis aspectibus, quanto magis recedit a sole; cum autem propinquat soli, intermititur terris: intelligamus animæ divinitus præcipi, ut superata nativitate terrena atque mortali, qua splendor ejus appetit terreno sensu videntibus, appareat et propinquet, subjungiturque sapientiæ, quo ejus luce secretissime exsultans, caveat facere justitiam suam coram hominibus, ut videatur ab eis (Matth. vi, 1), sed cum glorietur, in Domino glorietur (I Cor. i, 31). Quia et cum appetat hominibus, dono Creatoris appetat, *Nec stellæ sunt mundæ apud eum*: in comparatione ejus.

[Ib. xxvi.] Verba Job. Cui ades: vel quem adjuturus es? cum indignans tanquam injustitiae corum, putaret eos a Deo puniendos. Verum sibi ipse loquens seipsum revocat, ut Deo potius dimittat judicium eorum, ne aut adesse Deo videatur, aut adjuvare cum velle, quasi invalidum, ad coercendos vel corrigitos homines; aut consilium dare, quid cum illis agat; aut sequi cum, tanquam assecuturus causam quare dolos homines esse et vivere patiatur, cum superet omnem animam querentem virtute incomprehensibili; aut quasi annuntiare illi aliiquid de illis, cum ab ipso habent homo et spiramen, cum aliiquid enuntiat. *Nunquid gigantes redigentur in nihilum?* Non ergo mirandum si istis Deus parcit, quando gigantes non redigit in nihilum. Et ne diceretur, Sed ad inferos detrusi sunt; subjecit quia infernum videt Deus: et tamen eos ibi ordinavit ubi esse meruerunt; sicut justos sive nunc sicut sunt, sive postea sicut erunt, quamvis eos nunquam removeat a facie sua, quia omnia nuda sunt coram eo; ita ut proximos gigantes etiam istos consolatores superbos accipias. Subter-

aquam et proximi eorum. An Subter aquam, subaudiendum, tenentur, vel aliquid tale? Et non est relamen perditioni. Etiam perditio eum non latet. Extends aquilonem super nihilum. Potest aquilo diabolum significare, et terra peccatorem; quoniam et illi et illi inanis est spes. Suspendens terram super nihilum: in aerem. Ligans aquam in nubibus suis: propter obscuritatem propheticæ. Et non est scissa nubes sub eo: sub veritate quam habuit nubes, quæ non scinditur Scripturas intelligentibus: non enim adversaria dicuntur, sicuti putant non intelligentes. Qui tenet faciem solis (a) ne agnosceretur ab impiis sol justitiae. Et extendit super eum nubem suam: carnem quam Dominus suscepit. Præceptum circumdedit super faciem aquæ: populos. Usque ad consummationem lucis: hujus vite finem, hoc est finem sæculi, aut quoisque consummentur, id est, perficiantur homines, quibus dictum est, *Fuistis enim aliquando tenebræ; nunc autem lux in Domino* (Ephes. v, 8). Columnæ cœli contremuerunt, et obstupuerunt ab increpatione ejus: quod contigit Petro per Paulum (Galat. ii, 11). Virtute sua sedavit mare: placavit sæculum, a quo persecutionem patiebatur Ecclesia. Unde etiam columnas cœli contremuisse ab increpatione ejus, potest hoc modo intelligi, ut robustissimi Ecclesie contremuerint pro infirmis, ab increpatione Domini permittentis tentationes persecutionis. Columna enim clamat: *Quis infirmatur, et ego non infirmor? quis scandalizatur, et non ego uror* (II Cor. xi, 29)? Prudentia ejus vulneratus est cætus. Vulneratum dicit diabolum dolore, quo ei justi non cedeant. Et claustra cœli metuunt eum: vel Angeli, vel qui acceperunt claves regni cœlorum. Præcepto autem perenit draconem desertorem. Eundem dixit et cætum. Sed nunc ostendit quomodo sit vulneratus, cum acceperunt præceptum, qui ei renunciaverunt. Ecce hæ partes viæ ejus: qua ad Deum venitur. Virtutem autem tonitrus ejus quis sciet, quando faciet? Tonitrum dicit evidentissimam vocem manifestationis ejus: aut illam forte vocem, quam dedit per filium tonitrus, *In principio erat Verbum, et Verbum erat apud Deum, et Deus erat Verbum* (Joan. i, 1): ut sit ordo, *Quando faciet, utrum quis sciet virtutem tonitrus ejus?*

[Ib. xxvii.] Et spiritus divinus in naribus meis. Ille ostenditur propheticæ cum dicere que dicit, et propheticæ cognoscere quia isti consolatores ejus dolopleni sunt. Absit a me justos vos dicere, donec moriar. etiam usque ad mortem persecutini me, quia vos libere reprehendo. Nec enim separabo innocentem: ne vos autem. Nec enim conscius sum mihi iniquum quid commisisse. Illi enim solent plerumque aliis parcer, qui metuunt sibi aliiquid verum objici. Quæ enim spes est impio? Quid expectat? Ne quis putaret male cum optasse inimicis suis, hic aperuit quo animo dixerit. Impietatem quippe illorum vult everti, et perire superbiam: quod sit cum solvit ab impietate anima quæ tenebatur rea; solvit autem per confessionem

<sup>1</sup> sic in MSS At in editis, secretissima.

<sup>1</sup> Fr. legit, nec, pro, ne. sc.

(a) Mendum in codice Augustini: si quidem apud LXX legitur, thronum; in Vulgata, solit.

punitus hominis, et gratiam ignoscentis Dei. Ergo, *Quæ enim est spes impio?* interrogatio : et responsio, *Quia exspectat, et confidit in Domino, si forte solvatur<sup>1</sup>, aut preces ejus exaudiat Dominus.* Potest quidem et alius sensus occurtere in his verbis, sed non ita contextitur et libro et fidei, ut quasi totum ex desperatione sit, quod spem prorsus non habeat impius : cum adversus hoc scriptum sit, *Credenti autem in eum qui justificat impium, deputatur fides ejus ad justitiam (Rom. iv, 5).* Et ideo quod sequitur, gratia Domini dicere intelligitur. *Aut si evenerit ei necessitas : ideo debemus exspectare gratiam solventis.* Numquid enim in necessitate, id est in tentatione, *habuit fiduciam, meritorum in conspectu Dei?* *Aut si invocaverit exaudiens eum?* si tanquam fiducia operum suorum invocat, quæ nulla sunt. *Quapropter annuntiabo vobis quid sit in manu Domini : quid disponat Deus.* *Ecce omnes nostis quia vane vana loquimini :* ob hoc gratia jam exspectanda est. Quomodo enim allegavit merita operum suorum vane vana loquens? *Possessio vero potentium veniet ab Onnipotente super eos :* ut possident eos potentes, id est, diabolus et angeli ejus. Potentes autem ideo dicit, quia isti infirmabuntur sequentes vanitatem, ut in eos illi prævaleant duces et principes vanitatis : quomodo et Dominus fortè eum appellat (*Luc. xi, 21*), non ob aliud nisi quia tenet invalidos. *Quod si multi fuerint filii ejus, in occisionem erunt.* Filios ejus dicit, qui eum ad seducendum imitantur, falsorum dogmatum persuasorem in damnationem. *Si autem juvenes facti fuerint, indigebunt :* id est, si confirmati fuerint in errore, indigebunt ; non enim eos satiavit vanitas. *Et qui circa eum sunt, morte morientur :* qui simillimi ei sunt ad seducendum. *Et viduis eorum non miserebitur :* plebis quas seduxit cum eis, viri morte desertis, quasi fidem illis conjugalem in erroris promissione servaverit. *Quod si et collegerit ut terram argentum :* id est, si prudentes et sapientes, cum adhuc terra et lutum sunt, id est, cum adhuc stulta et carnalia sentiunt, eis consenserint ; postea correcti et cognoscentes ad justos convertentur. *Erunt enim domus eorum sicut tineæ et aranæ, quæ servavit :* cor, vel conscientiam. Aut domus dixit munimenta quibus se protegunt, verum astuta et latebrosa, sed invalidissima, sicut tineæ solliculus quo se abscondit, et aranæ caverna, in quam se recipiendo cooperit, et claudit eam. *Quæ servavit* autem, intelligitur se ipsa in illa caverna ; quia non omnes aranæ hoc faciunt : propter spontaneam et interiorum corruptionem iniquæ cogitationis, et propter inutilia opera, quæ quasi diligenter in domo servavit sibi impius. *Dives dormiet, et non adjicet :* quia post mortem non adjicet ad ipsas impietas divitias. *Oculos suos aperuit, et non est.* In resurrectione enim non inveniet seipsum divitem, quod putaverat. *Tollet eum æstus, et abibit :* aut æstus maris, tribulatio sæculi ; aut æstus quo arescunt herbae, quæ radicem non habent. *Et ventilabit eum de loco suo :* aut de spe sua ;

<sup>1</sup> In LXX, σόθεσται, salvabitur. Vulgata vero locum cum vertit per verbum, liberet.

aut Deus eum ventilabit de loco suo, ut non sit in loco Dei, hoc est, in populo quem inhabitavit Deus. *Et projiciet super eum, et non parcer : tanquam aggerem poenarum.* *Plaudet super manibus suis :* sicut dictum est, *Et ego perditioni eorum superridebo (Prov. i, 26) :* non enim superlugebit perditionem impiorum.

[lb. xxviii.] *Est enim argenti locus unde fit :* prudentes, qui magis in actione sunt. *Locus autem auro, ubi purgatur :* sapientes, qui in contemplatione sunt. *Ferrum enim de terra fit.* Ille metalla indifferenter accipienda in bono sunt, nam ideo ferrum dixit, quia nihil interest, quasi superius de ferro diceret : quamvis ferrum possint fortes intelligi. Revera enim nulla distinctio est in sapientia hominum quam in ea sunt. *Es autem similiter ut lapides excluditur :* quia totum de terra separatur : ut ostendat propterea esse bonos malis mixtos ad tempus, quia de ipsis malis secluduntur <sup>1</sup> boni, et per illos purgantur tanquam metalla operi vel ædificio necessaria ; cum ipsa terra opus habeant aliquari ac formari, unde et separandi sunt, ut post hanc separationem habeat terra locum atque ordinem suum, sicut impii per damnationem pro meritis suis. *Et omnem finem ipse invenit :* quid quo perducet. *Invenit autem dixit, instituit. Lapis tenebrae et umbra mortis.* Lapis, id est, Vetus Testamentum tenebris et umbræ mortis datum est, id est carnalia sectantibus, quamvis ab uno Deo haec exspectarent : unde superbientes non discidebant torrentem, id est non transibant per lapsum temporalium ad aliquam soliditatem, sed ipso lapsu cerebantur. *Et facta est discissio torrentis a cinere :* hoc est, a conscente peccata sua, et non superbiente de meritis operum : quod factum est per gratiam Novi Testamenti. *Discissio torrentis a cinere :* ab hominibus. *Et commoti sunt ab hominibus :* adulantibus non increpante Deo, ab ipsa (a) quæ eis promissa erant perdendo primatum suum. *Terra de qua egressus est panis :* subaudiendum, Ipos dico commotos de quibus, tanquam de terra, panis Domini exiit. *Et eam incensurus est :* insidie colesti judicio Dominus <sup>2</sup>. *Locus sapphiri lapides ejus :* ordo, locus sapphiri, id est, pretiosi et necessarii ædificio civitatis coelestis. *Et aggeres aurum ei :* aurum ei non modicum est, sed aggeres. Semitam quam non cognovit avis : humilitatem Domini. *Nec vidit eam oculus vulturis :* diaboli. *Non transit super eam leo :* per fortitudinem superbientis. *In durissimo lapide extendit manum suam.* Potens est enim Deus de lapidibus excitare filios Abrahæ (*Matt. iii, 9*). *Et ripas fluminum disrupt :* ut totum irrigaret. Flumina enim dicit prædicatores verbi. Voluerunt quippe ripis suis contineri, ut tantum circumcisio prædicarent. *Omne vero pretiosum vidit oculus meus :* humanus, per Verbum carnem factum. *Altitudinem fluminum revelavit.* Virtutes tolerandi persecutions in martyrio occulta et altæ sunt in homine, donec persecutions

<sup>1</sup> Ita Regii codicis ope castigamus : scilicet legebatur in editis, sedicuntur.

<sup>2</sup> MSS. tres, Romani.

(a) Furtasse ob ipsa.

temptatione revelentur. Ostenditque virtutem suam in lumine : in eis quibus dixit, *Vos estis lux mundi* (*Matth. v. 14*). Per quos etiam pars Iudeorum non parva conversa est. *Abyssus dixit*, *Non est in me*. Ideo in abysso constituti homines eam invenire non poterunt, quia in ea non est. *Non dabitur aurum inclusum pro ea* : id est thesaurus. *Non erit deterior auro Ophir* – tanquam si diceret, *Vel sic eam querite, siquidem deterior non sit auro Ophir*. *Non aquabatur ei aurum et vitrum*. Aut intelligendum aliquod vitrum speciosum ; aut quia sunt homines qui vitrum plus diligant quam sapientiam. *Et commutatio ejus vasa aurea* : non sunt, subaudis. *Et excelsa et Gabis non erunt in memoria* : oblivioni erunt in comparatione ejus. *Aut excelsa et Gabis*, tanquam superba quæcumque non sint in memoria, ut per humilitatem trahas de absconditis sapientiam. *Sapientia unde inventa est?* dicit, quia non potuit eam invenire homo nisi per gratiam, ideo ad Deum convertendum esse eorū. *Latet ab oculis omnis hominis* : quia non est insensibilis. *Perditio et mors dixerunt* : perditi et mortui, cum in deliciis vivunt. *Dominus comendavit viam ejus* : humilitatem, quæ abscondita est a volucribus cœli. *Et ipse novit locum ejus*. Locus sapientiae quis, nisi Pater est? Cum enim dicitur, *Ego in illo, et ille in me* (*Joan. x. 58*); invicem sibi quasi loca sunt. *Ipse enim omne quod est sub cælo, perspicit*. Hoc modo ea novit, quo fecit, et non sensibiliter. *Ventorum libramenta atque mensuras* (*a*). Tota creatura per partem significatur. Et bene, pondere, mensura, et numero omnia dixit facta (*Sap. xi. 21*), in quibus intelligitur Creator. *Quando fecit, sicut vidit, enumeravit*. Non extra vidit ut faceret; sed in semetipso, sicut artifex. *Et viam tempestatum vocibus : tempestatum pro tentationum positum est*; tentationum autem, pro his qui tentantur : quomodo dicerentur voces naufragii, pro vocibus naufragorum. *Tunc vidit eam, et exposuit eam*. In prædestinatione Dominus vidit viam qua se converterent tentati. *Paravit et investigavit* : in prædestinatione, non <sup>2</sup> in actione.

[lb. xxix.] *Quisnam me restituet in menses priorum dierum?* Hinc ex persona dici videntur Ecclesiæ simul cum capite Christo, tanquam totus ipse homo loquatur tempore abundantie tribulationum et temptationum, tanquam his diebus, de quibus Dominus dicit : *Venient dies quando optabiis videre unum de diebus istis, et non vid. viis* (*Luc. xvii. 22*). Eo enim tempore quo Dominus erat in terra, nulla erat sollicitudo, quamvis adhuc populo parvo christiano, qui constabat ex his qui in eum crediderant, ex quibus erant plus quam quingenti fratres, quibus etiam post resurrectionem apparere dignatus est, sicut Apo-

<sup>1</sup> Editi, *gravis*, corrupte pro *Gabis*, voce hebræa, quam quidem LXX retinuerunt; Symmachus vero vertit, *hyperēmenia*: Vulgata, *enitenia*: Hieronymus de nominibus hebraicis in Job interpretatur, *alitudinem confusionis*: alii tamen ignotum quoddam gemmæ genus significare putant.

<sup>2</sup> Floriacensis codex optimæ notæ, caret hic particula negativa.

(a) sic legisse videtur Augustinus, pro *aqua*, sive *aqua-rum mensuras*, que vera Scripturæ lectio est.

stolus dicit (*I Cor. xv. 6*). Nulla ergo tunc erat sollicitudo, ne aut a malis male gubernaretur Ecclesia, aut heresum vel schismatum lanlaretur insidiis. Nam nec ipsas corporales persecutio[n]es passa est; non aliquas pertulit vel intrinsecus vel extrinsecus adversitates. Loquitur itaque Job ex persona hominis, hoc est, populi ad Novum Testamentum pertinentis, desiderantis illos dies, sicut predixerat Dominus. Et fortasse ideo *menses* appellavit, non annos, quia ex quo elegit Dominus discipulos, usque ad passionem, non anni, sed menses fuerunt. *Cum lucebat lucerna ejus super caput meum* : vel carnem Domini visibiliter præsentem, vel verbum ex ore præsentis corporaliter. *Cum verbum Domini insiperet domum meam* ad diligentiam custodiendi conversationem. *Et circum me pueri mei* : qui obsequabantur humiliter necessaria administrantes. *Cum fluoret per vias meas butyrum* : per mores meos exultationem fidei et bonorum operum. *Cum montes mei abundarent lucte* : Prophete bene parvulis exparentur. *Cum exirem matutinus in civitate* : aut cum jam claritas lucesceret, transactis tenebris timoris; aut in exordio Ecclesie, ut non satis occultus, non satis manifestus. *Et in plateis ponebatur mihi sella* : a turbis deferebatur mihi docendi auctoritas. *Videntes me adolescentes abscondebantur* : dediti concupiscentiis. *Senes autem assurgebant* : prudentes. *Et potentes cessaverunt loqui* : superbientes de doctrinis suis. *Quia auris audirit, et beatificarit me*. Populus quem non cognovi servivit mihi, in auditu auris obedivit mihi (*Psal. xvii. 45*). *Et oculus videns me declinavit*: Iudeorum non credentium. *Et os ridens benedixit me* : ejus animæ que diaboli conjugio renuntiavit. Ecce cerebatur mortuus filius unicus matris sue, que erat vidua (*Luc. vii. 12*). *Et restiebar judicio sicut chlamyde* : in præferendis spirituibus, carnalibus, nesciat sinistra quid faciat dextera tua (*Matth. vi. 3*), id est, qua intentione operetur : operta enim sinistra, dextra exserta est in vestitu chlamydis; quod facit, qui recte judicat quo sit referendum quod operatur. *Judicium quod non noveram exquisiri*. Ecce nos dimisimus omnia, et secuti sumus te; quid nobis erit (*Id. xix. 27*)? Dicit felicitatis sua suis, quod habuerit a quo quereret de futuro judicio. *Confregi molas iniquorum* : ut jam non devarent plebem de cibo panis. *Ætas mea senescet*; *sicut arbor palmæ, multo vivam tempore* : prolongabitur, et ero sicut arbor palmæ in honore sempiterno, et celsitudine, et rectitudine. *Et ros morabitur in messe mea*. Ex quo seminatur et germinat ager, messis dicitur. *Gloria mea nova mecum* : id est, Novi Testamenti. *Et arcus meus in manu mea gradietur* : faciam quod præcipio. *Et in sermone meo non adcerunt*. Perfectionem Evangelii significat : nam sermo Synagogæ datus indiguit adjectione. *Sed gavis sunt cum loquerer eis* : quia prior locutio timorem habebat, sequens charitatem. *Quod si et riderem ad*

<sup>1</sup> Floriacensis Ms., cum *Dominus*.

*eos, non credebant . de his que in parabolis ita loquebatur, ut non intelligeretur; non tamen sicut verba sonare videbantur, vana dicere putaretur. Hic est risus Saræ (Gen. xviii, 10), qui significabat omnia eos in prophetia fecisse: unde qui figurate aliquid dicunt. Elegi eorum viam, et sedi princeps: aut suscipiendo mortalitatem, aut cum publicanis et peccatoribus convivando, sed ita ut princeps eis essem ad salutem. Et habitabam sicut rex cinctus fortius: qui suis diuinissimis eum secuti sunt. Quasi consolans tristes. Eos dicit qui spe gaudebant, cum de presenti vita erant tristes. Beati lugentes (Matth. v, 5), ut dictum est; et, Quasi tristes, semper autem gaudentes (II Cor. vi, 10): qui non possunt<sup>1</sup> tenere illam magnitudinem, de qua dictum est, Qui autem fecerit et sic docuerit, magnus vocabitur in regno cœlorum (Matth. v, 19).*

[lb. xxx.] *Nunc autem derident me infimi, nunc monent me minores tempore: quia et postea nati sunt in Ecclesia tales, et non proficiunt plurimum. Monent me autem dixit, quia per honores ecclesiasticos accipiunt potestatem praedicandi populo, quæ ipsi non faciunt. Quorum spernebam parentes. Parentes eorum dixit, quorum imitatione filii sunt, quibus tunc dicebatur, Væ robis, Scribæ et Pharisæi hypocritæ (Id. xxii, 13). Et virtus manuum eorum quasi nihilum mihi erat: patetnum potestas, qui tunc usque adeo plurimum poterant, ut crucifigerent Dominum. In eo peribat omnis vita: quia non se vel in fine correxerunt. Egestate et fame instabiles: a variis desideriis insatiabilibus. Qui fugiebant in desertum heri: conserendo se ad excusationem Legis, quam non simpliciter intelligebant; et quia in deserto acceperant, fugientes in desertum heri. Sicut enim hodie pertinet ad Novum Testamentum, sic ad Vetus heri: de Novo enim dictum est, Hodie si vocem ejus audieritis, nolite obdurare corda vestra (Psal. xciv, 8); et, Filius meus es tu, ego hodie genui te (Psal. ii, 7). Qui rodebant cortices arborum: quia figuræ Legis, quibus vina tegebantur<sup>2</sup>, pro cibo habebant. Quorum erat cibus radix herbarum: sacramenta quæ corporaliter jussi erant celebrare, tanquam terræ inhærentia; ex quibus tamen simplicis intelligentiae fructus surgeret, et supra terram in libertatem ferretur, quo illi pervenire non poterant. Inhonorati, et abjecti, et egentes omni bono: amiso primatus honore, ab spe promissionis; quia et ipsum terrenum donum pro meritis suis amiserant, et regnum cœlorum non tenent. Qui radices lignorum manducabant, propter magnam famam. Quod de radicibus herbarum dicimus est, propter fructum frumenti, hoc de radicibus lignorum intelligendum est, propter fructum vini et olei. Nam omnes istos spirituales fructus accepit Ecclesia, quorum radices terre implicate sacramenta erant, quæ corporaliter Judæi observare cogebantur, sabbatum, circumcisionem, et victimas, et cetera hujusmodi spiritualium ciborum. Insurrexerunt super measures: qui ad honores indebitos, qui justorum sunt*

proprii, per tenebrosas fallacias pervenerunt. *Quorum domus erant cavernæ petrarum: qui concupiscentias suas defendebant, et tegebant quibusdam obscuritatibus divinorum Librorum. Et inter arbores clamabant. Manifesta erant peccata eorum, quamvis ea Scripturarum obscuritate, quasi umbris arborum, tegere conarentur. Hic est, Clamor Sodomorum ascendit ad me (Gen. xviii, 20). Et plerisque locis pro manifestis peccatis clamorem ponit Scriptura: ut verbum sit quidquid corde concipitur; clamor, cum procedit in factum. Qui sub stirpibus terra manebant. Non saltem in stirpibus, sed etiam inferius stirpibus manere possunt intelligi, qui vel carnaliter præcepta custodiunt. Stirpes enim sunt non jam ipsi fructus, sed uide surgunt partes fructiferæ, vel arborum, vel herbarum: si tamen fructiferum genus est, quia et non fructiferi generis stirpes dicuntur. Filii stultorum et ignobilium: Judæorum; nam hos dixit superius parentes eorum propter imitationem, quia et isti sub Dei nomine ambulant, quem non colunt. Stultos autem et ignobiles dicit Judæos, qui e contrario, non solum se confidabant esse duces cœcorum, sed etiam filios esse Abraham, quo patre se esse jactabant nobiles. Sed cum audiunt, Cœci sunt, duces cœcorum (Matth. xv, 14); stulti demonstrantur: et cum audiunt, Si filii Abraham estis, facta Abraham facite (Joan. viii, 39); degenerando demonstrantur ignobiles. Nomen et honor extinctus a terra. Erat enim, sed extinctum est. Nunc autem cithara eorum ego sum: horum, quorum illi patres sunt, qui me ad aurem habebant, non ad cor. Et me habent ad fabulam: inanem et inutili narrationem et auditionem, quamvis me et narrant, et audiunt. Abominati sunt me, discedentes procul: longe facti a justitia peccando, et præcepta justitiae malis moribus execrando. Nec in faciem meam pepercerunt spuere. Execranda facies namque Christi est his, qui præcepta ejus cum contemptu exhorrent. Vel, male me innotescere fecerunt morum suorum pravitate. Aperiens enim pharetram suam affixit me: secretaria rerum, unde tentationes existunt. Et frenum in faciem meam miserunt: ut eis invitus consentirem, portans eos ducentes quo vellet, ad ima sua. Et a dextris germinantes consurrexerunt: et favendo et bene monendo exorti sunt quidem, ut suas cupiditates explerent, non persequendo. Pedes meos vinterunt compedibus: officiorum ecclesiasticorum, ut non eos possent fugere. Contritæ sunt semitæ meæ: ut non apparerent, per quas solent boni ambulare, non querentes sua, sed Christi (Philipp. ii, 20). Exiit enim me stola: auctoritate pristina, cui cedi solet; quod contingit multitudine et consuetudine peccatorum prævalente. Et jaculis suis vulnerarit me: præceptis, quibus video mala, et quia coercere non possum, crucior. Abusus est me sicut voluit: etiam calamitate et miseria mea usus est ad justitiam suam Deus, sicut voluit. Doloribus involutus sum: et in me, et in aliis patior. Foris pugnare, intus timores (II Cor. vii, 5). Quis infirmatur, et ego non infirmor (Id. xi, 29)? Et iterantur dolores mei, discedit sicut spiritus, spes mea. Quasi inane ali-*

<sup>1</sup> Omissa hic in editis negationem restituimus ex MSS.

<sup>2</sup> Er. et Lov., utilia tegebantur. M.

quid conversi ad spem temporalium, habentes quod premitto. *Et sicut nubes transiit salus mea*: non sperantes salutem promissam, amere presentis salutis. *Et nunc super me effundetur anima mea*: precando<sup>1</sup>. *Nocte vero ossa mea conftracta sunt*: firmitatem quam habuit, dixit sibi erectam. *Et nervi mei dissoluti sunt*: actiones præteritæ. *In multa virtute apprehendit stolam meam*: ad deimonstrandam virtutem suam, modo affligendo, et postea reparando. *Et quasi ora vestimenti mei circumdedit me*: iudicium mihi reliquit auctoritatis. *In terra et cinere pars mea*: in poenitentia, quia extreum. *Steterunt et consideraverunt me*: et me jacente, superbi steterunt, querentes quid in me reprehenderent. *Et projecisti me a salute*. Illos dolet, qui spem reparationis amiserunt. *Domus enim est omni mortali terra*. Ideo se dicit mortem metuere, quia conversatio ejus non sit in celo (*Philipp.* iii, 20), secundum plures qui mali sunt in Ecclesia, et terrene vivunt. *Atque utinam possem me ipsum interficere*: ut morerer seculo. *Aut rogarem alium, et saceret mihi hoc*: vel angelum meliorem, vel Deum per quem corrigerer. *Ego bona prestolabar*. Dolet, quia repente sibi ista evenerunt. *Venter meus effebuit, et non tacebit*: interiora, vel memoria qua recordatur quid fuerit primo, et quomodo afflita est in gemitibus. *Et steti in cœtu clamans*: quia non in frequenti audita est eorum qui se nolebant corriger. *Cutis mea innigrata est valde*: ex his quæ forinsecus patiebatur. *Versa est in luctum cithara mea*: opera bona, quibus laudabat Deum gaudens.

[*Ib. xxxi.*] *Testamentum feci oculis meis*. Numquid cœpi sperare visibilia? *Ut non cogitem de virgine*: ut subaudiatur, absit. Hinc jam incipit merita Ecclesie commemorare, in his qui perseverant in fine in temptationibus magis, abundante iniustitate, et refrigesciente charitate multorum (*Matth.* xxiv, 12, 13). *Et non cogitabo de virgine*: incorruptione sapientiae, vel justitiae. *Et quæ est alia pars Dei desuper?* subauditur, non cogitabo. Aut ita: *Et quæ est, nisi illa?* *Si incessi cum irrisoribus*. Jam bonis qui sunt in Ecclesia difficile est non talibus sociari<sup>2</sup>. *Vel si festinavit ad dolum pes meus*: hypocrisis. *Seram et alii fructus meos edant*: quomodo Iudeis contigit, id est, ea dicere quæ alii faciant, magis quam ipsi. *Sine stirpe sim super terram*: ut facile arescam. Ille enim in terra tanquam in petra firmus est, qui facit quod dicit. *Si secutum est cor meum mulierem*: ut suam quereret gloriam in populo Dei, potius quam Dei, cui uni jure debetur. *Aut si obsedi januas ejus*: insidiouse captavi desideria plebis ejus, vel timorem, quibus ageretur, ut mihi potius serviret quam Deo. *Placeat quoque uxor mea alteri*: fama mea diabolo, cui quando placuerit, displicemus Deo. Ille enim malis nostris gaudet. *Et filii mei humiliantur*: facta, vel imitatores mei. *Furor enim animæ meæ est indomitus, commaculare viri uxorem*: mihi eam vindicando. *Quod si et*

<sup>1</sup> Edili, peccando. MSS., precando.

<sup>2</sup> Sic Er. Lugd. Ven. Lov. In B. (*jam de bonis qui sunt in Ecclesia*). *Difficile est non talibus sociari*. M.

*despxi judicium famuli mei aut ancillæ, cum judicarentur apud me*: secundum quod dictum est, *Secularia igitur judicia si habueritis* (*I Cor. vi, 4*). Famulos autem dixit, laicos adhuc secularibus deditos. *Quod si et visitationem, quod responsum dabo?* in tribulatione, quam conscientiam habeo, quia ista despici? Nonne sicut ego concepus sum in utero, et illi? in Sacramentis. Eadem enim omnibus prædicantur<sup>1</sup>, eadem credunt. *Et fuimus similiter in ventre?* Non enim illo aliter renuntiat, quam ille, qui plene servitur est Deo. *Et de ventre matris meæ dux eis sui*. Ab initio enim sui hæc<sup>2</sup> operatur Ecclesia. *Aut si despici nudum pereuntem, et non operui*. Si non sive remissionis peccatorum, tanquam tunieam non habentem, velavi a nuditate feditatis, id est peccati, pereuntem. Jam enim desperat multitudine peccatorum. *Et hinc est, Et quorum tecta sunt peccata* (*Psal. xxxi, 1*). *Infirmorum si non benedixerunt mihi humeri*: spe immortalitatis, tanquam pallio desuper cooperiti. Ne autem post fidem remissionis peccatorum sufficere putarent præteriorum pœnarum metu carere, et inciperent sperare temporalia, bene adjectit: *De tonsura ovium mearum calefacti sunt*, quod a frigore spei terrenæ, illorum vindicati sunt consideratione, si carnalia per renuntiationem postierunt, exemplo gregis detonsarum (*Cant. iv, 2*). Si levavi super pupillum manum meam: qui non inveniendo patrem, poterat creaturam vel hominem sequi. *Fidens, quia mihi est adjutorium nullum*: volens eis dominari. *Discedat humerus meus a jugulo meo*: quod his contingit, qui se ab Ecclesia separant, dum volunt populis dominari, ut præcisionem præcisionis patiantur. Per humerum autem aut brachium, significantur actiones. *Timor enim continuat me*: ne levaret manum super pupillum. *Et a pondere ejus non sustinabo*: si hoc velim ut pupillum opprimam. *Posui aurum robur meum*: numquid præsumpsi de doctrina aut sapientia Dei? *Quod si et in lapide pretioso fidebam*: quasi de operibus meis. *Si et lætatus sum, cum esset mihi census multis*: quasi de meo; ut qui gloria tur, in Domino gloriatur (*II Cor. x, 17*). *Si et in innumerabilibus posui animam meam*<sup>3</sup> (*Subaudiendum ad omnia, Discedat ab humero meo brachium meum*): quod amarer<sup>4</sup> a multis *Et deceptum est clam cor meum*: ordo. *Si et in innumerabilibus posui animam meam, et deceptum est clam cor meum*: si consensi tali cogitationi, ut in me præstamerem. *Quod si et osculatus sum manum meam, ponens ad os meum*: galvus sum tanquam de operibus meis. *Quod si et galvus sum super ruina inimici mei*: Ecclesie, ut sunt perse cutores Ecclesie. *Audiat auris mea maledictionem meam*: perducatur ad sensum meum. *Opprobro sim in populo meo diffamatus*: plebi sanctorum, ut se paretur tanquam illusus. *Quod si saepè dixerunt ancilla*

<sup>1</sup> Er. et Lov. Sic legunt hunc locum, eadem enim in sacramentis omnibus prædicantur. M.

<sup>2</sup> Sic MSS. At editi, *Ab initio enim sui. Nec*, etc.

<sup>3</sup> In LXX, manum meam: suffragatur Vulgata.

<sup>4</sup> Am. et Er., quod amaretur.

*meū : adulatores. Quis dat nobis ut carnibus ejus satiemur? cum satis bonus essem : ut imitarentur felicitatem carnalem in me. Non tamen hæc gessi; ne dicent enim hæc, non me præbebam in talibus bonum. Foris non madebat hospes : recipiebam peregrinum in seculo. Quod si ei sponte peccans, abscondi peccatum meum. Voluntarie enim peccantibus nobis, postquam accepimus scientiam veritatis (Hebr. x, 26). Aut si dimisi infirmum sinu vacuo exire januam meam : ut ideo exierit januam, quia sinu vacuo fuit. Quis mihi tribuat auditorem? Quis mihi præstet ut audiar? Magnum Domini si non timui : qua scripsit, Si non dimiseritis, nec Pater vester dimittet vobis (Matth. vi, 15). Conscriptionem si quam habeo : ordo, Conscriptionem si quam habeo. Et si non disrupti eam super humeros meos, et coronatus legam super humeros meos levans : et coronatus publice legam, id est, adversus faciem meam. Statuam te ante faciem tuam (Psal. xlix, 21). Quia populi corona confundar; quia non feci mandatum Domini, quod me fecisse jam dixeram, negando primo me habere conscriptionem, quæ mihi postea objicitur. Si super me unquam terra gemuit: stipendiarii Ecclesiæ, quod malus sum. Aut sulci ejus ploraverunt simul : quo semina recipiuntur, et unde fructus dantur; quia et malus sum, et mala semina seminabam : ideo simul. Aut si et virtutem ejus comedii solus sine pretio: ipsa misericordia, qua participat catechizanti qui catechizatur (Galat. vi, 6); hoc est, solus, non retribuens ei qui daret. Aut si animam Domini terræ decipiens contristavi : non me dignum exhibens passioni ejus qui pro me animam fudit. Nolite constristare Spiritum sanctum in vos (Ephes. iv, 30). Pro tritico germinet mihi urtica : pro spirituibus doctoribus magistri prurientium auditu per confricaciones hominum mente corruptorum, et a veritate destitutorum (I Tim. vi, 5). Et pro hordeo spina : pro carnalibus obedientibus peccatores et resistentes. Erat enim Job in conspectu suo justus; in conscientia sua.*

[lb. xxxii.] Verba Eliu Buzitis. Deus abjecit <sup>1</sup> eum, et non vir: ut hanc dicam causam, cur tacuerint. Et sermonibus vestris non respondebo ei. Ego enim talia dicam, ut mihi, quemadmodum vobis, respondere non possit. Quia ergo exspectavi, et non sunt locuti: quasi ad Job conversus dicit. Venter meus sicut ute muso plenus. Commendat hunc Scriptura, quia in prophetia locuturus sit. Et veluti follis ærarii disruptus: ad duritiam solvendam, de vi loquor; inde et iratus dicitur. Non enim opus esset ut ego loquerer, si vos ei responderitis. Alioquin et me tineat edent: aut sicut vos aut sicut omnes qui mirantur personas.

[lb. xxxiii.] Mundum est cor meum in verbis: non duplex. Spiritus divinus qui me fecit: subaudis, est; ut sit, Spiritus divinus est qui me fecit. Quomodo ergo dicas, Justus sum, et non exaudiuit me? quasi adversario dixerit Job. Semel enim loquitur Dominus: quasi vocationem omnium justorum semel fecit Dominus,

<sup>1</sup> MSS. aliquot, adjecu.

et temporaliter circa singulos hoc agit divina providentia. Per somnum, aut in visitatione nocturna: aut in ignorantia aut in tribulatione. Aut sicut incidit savus timor in homines, cum dormiunt in cubiculis: securi. Et corpus ejus a ruina eruat: translate sicut ossa. Et peperit animæ ejus a morte: cum eum converterit, parcat ei. Quia ventrum est bellum, et iterum arguet eum in infirmitate in cubili: post conversionem jam probat, ne de se præsumat. Et multitudine ossium ejus emarcuit: fiducia de se. Omnemque escam non poterit sumere: consolationem de temporalibus. Et renovabit corpus suum, sicut litura in pariete: mutationem vitæ: et hic translate, propter ædificium, id est, in societatem. Et molliet carnes suas sicut parvuli: ne sit durus superbia, secundum quod Eliu videtur, tentatur Job humilis per innovationem. Et intravit facie hilari cum professione: paratus ad tentationes. Salva animam meam, ne veniam in corruptionem: hic tentatio mortis. Vices tres cum viro: conversionis, probationis, mortis. Sed eruit animam meam de morte: quia adhuc hæc mortis restat, Ut anima mea in lumine collaudet eum. Jam ergo orationes cessabunt, quia nulla erit indigentia.

[lb. xxxiv.] Respondens autem Eliu, dixit. Quomodo dicitur, Et adjecit. Et qui habetis scientiam, auribus percipite: spiritualibus. Quia auris sermones probat: ista carnis. Quid est bonum, quia dixit Job, Justus sum? Quid boni dixit quia dixit? Et in judicio meo mentitus est. Hinc est, Ego bona præstolabar (Job xxx 26): ideo præter spem, quod est, mentitus est. Quis est vir ut Job? Adhuc verba Job sunt. Dixit enim, Non visitabitur qui ambulaverit cum Deo. Hic illum putat deceptum, quia hoc sperans illa omnia fecerit: aut certe, quod in bonum non putat visitari eum qui ambulaverit cum Domino. Absit a Domino impietas: aut ut non visitet in bono, qui cum eo ambulaverit; aut etiam si visitaverit in tentatione, impie et injuste agat. Impius est qui dicit regi, Injuste agis. Tu autem non debes illud dicere, qui non es impius. Bene, qui dicit; non, qui dixerit, ne jam etiam ob hoc esset: quomodo dicitur, Factum est, qui hoc facit. Impissime, principibus: tanquam Angelis dicat, Nisi Michael princeps vester, impissime agitis. Aut si ita impissime dicitur principibus, quanto magis regi? Abusi sunt enim inique cum excluderentur infirmi. Male usi sunt exclusione sua, cum propter infirmitatem excluderentur ab ea visione, qua videntur omnia divinitus ordinatissime ordinari et administrari. In eo autem male usi sunt, quia spiritum suum sequi maluerunt, Deum ista non curare: ex hoc enim illis vane veniet, ut in necessitatibus suis clament et rogent hominem, cum Deum rogare debuerunt. Neque erit locus, et non est umbra mortis, ut latitent qui faciunt iniqua. Non ad hoc est umbra mortis ut latitent: ut est, Non sensu habent sapientiam (Id. xxxii, 9); quia non senectus est causa sapientiae: et, Hæreticum ne salutes (Tit. iii, 10), ne inde, quia hæreticus est. Et evertet noctem, et humiliabuntur: ut supra eos sit quod sub ipsis erat; id est, premat eos quod subditum illis erat. Et extinxit impios; lucere sibi ridebantur. Et justitas

*ejus non cognoverunt.* Dicit quid boni Deus fecerit de iniuitate eorum : *ut perseratur ad eum clamor pauperis.* *Ipse quietem dubit, et quis poterit condemnare?* Non qualem querunt homines quae illis tribulationibus turbatnur. Si Deus justificat, quis est qui condemnet (*Rom. viii, 33, 34*)? *Et contra hominem simul : adversus Gentiles et Judeos.* Qui regnare facit hominem *hypocritam propter perversitatem populi : cui dicitur, Qui ergo doces alium, te ipsum non doces* (*Id. ii, 21*). *Abeque me video ; tu ostende mihi : te reprehendens, me ipsum forte reprehendendum esse non video?* Interroganter pronuntiadum. *Si iniuitatem operatus sum, non adjiciam : correptus a te. Numquid a te exigit eam, quia repulisti ? quia reprehendisti. Et vir sapiens audiet verbum meum : Deum omnia curare.* Job autem non in sapientia locutus est : putando quod aliquid sibi inique divinitus acciderit.

[*Ib. xxxv.*] *Quare hoc existimasti in iudicio ? quare hoc judicasti ? Tu quis es, qui dixisti, Justus sum, ante conspectum Domini ? Ante conspectum Domini dixisti, Justus sum. Utrumque enim reprehensibile est in homine : unum, si aut superbe dicatur, aut falsum sit justum eum esse, etiam secundum humanam justitiam ; alterum autem, quia nunquam vere dici ab homine potest, quod ante conspectum Dei sit Justus, cui comparatus quilibet iniquus est. Aut dicas, Quid prodest tibi, aut quid faciam, si peccavi ? Hoc enim ei videtur Job dixisse Deo, quasi aut Deo proposit peccatum ejus, ut isto dolore ad impietatem cogatur, ubi ait, Nolite me docere impium esse : aut bonum est tibi si inique ego* (*Job x, 2, 3*) ? aut Deo noceat peccando, et ideo illum sic insecuratur Deus quasi hostem suum premens, ne aliquid ab illo mali patiatur. Nam hoc etiam dixerat, *Si ego peccavi, quid possum tibi facere* (*Id. vii, 20*) ? Ad utrumque ergo Eliu respondit, consequentibus verbis. *Ego dubio tibi responsum, et tribus amicis meis. Aspice in cœlum, et vide ; respice in nubes quam alter sint a te. Si peccasti, quid agis ? Confirmat quod ab eo dictum est, Si ego peccavi, quid possum tibi facere. Aut si multa injusta fecisti, quid poteris facere ? Plus est, multa injusta fecisti, quam quod superioris dixit, peccasti. Sed tamen quid poteris facere Deo ; quando ne nubes quidem potes lacerare ? Et si justus es, quid dabis ei ? E contrario, quomodo justitia tua nihil ei prodest, sic iniustitia nihil nocet. Aut quid de manu tua accipiat ? etiamsi dare velis; propter sacrificia, quæ stulti putant Deum sumere velut eis indigenem. Viro simili tui impietas tua, et filio hominis justitia tua : vel illa nocet, vel haec prodest. Sed his verbis confirmavit potius, quam refellit sententiam quam dixit Job, Si ego peccavi, quid possum tibi facere ? Consequenter ergo oportet ut ostendat quare in hac vita homines affliguntur iniuriis malorum, inter quos etiam diabolus cum angelis suis numeratur, princeps injuriarum et iniuitatum omnium. Cum enim Deo non possint nocere peccantes, cur eos tradit in potestate affligendos malis ? et exponit deinceps, dicens, A multitudine clamabunt, vociferabuntur a brachio multorum. Et non dixit, Ubi es ! Deus qui fecit me ? Ad hoc*

enim patientur hoc, ut Deum querant, non ut inaniter vociferentur. Quod autem ait, *fecit me, pro documento est*, quia querentem se non relinquit, quem ipse fecit. Qui distribuit custodias nocturnas : tempora hujus saeculi sub certis potestatibus ordinata, quia nec in ista erroris nocte relinquit hominem sine custodia, qui eum fecit. Qui separat me a quad upedibus terræ, et a volatilibus cœli sapientiorem me fecit. Sic enim querendus est Dominus in afflictionibus vite hujus, ut non ab eo terrena bona desideremus ; quia jam bestiis meliores sumus, antequam illa accipiamus. *Ibi clamabunt ; et non audies. Ibi, dixit, in multitudine, in afflictione clamantium, et a brachio multorum : aut certe, Ibi, propter hoc ; sicut est, Ibi ceciderunt qui operantur iniuitatem* (*Psal. xxxv, 13*). *Et non audies quod dixit, de eo dixit. Ab iniuriis malorum : subaudiendum, clamabunt. Vana enim non vult Dominus videre.* Non vult subvenire vana potentibus, et non ideo vociferantibus in afflictione ut bona sempiterna percipient, cum propterea separati sint a quadrupedibus terræ, et sapientiores facti volatilibus cœli : sed vociferantur, quia non sunt in hujus saeculi iniuitate felices. *Ipse enim Omnipotens perspicit eos qui faciunt justitiam, et salvum me faciet.* Sicut ipse videt facientes, qui cordis intima perspicit, sic ea salute salvos facit, quam ipse videt in occulto. Quia nec oculus videt, nec auris audivit, nec in cor hominis ascendit, quæ preparavit Deus diligentibus se (*I Cor. ii, 9*). Ideo etiamsi perturbetur vana salus hominis, dat tamen auxilium de tribulatione Pater, qui videt in abscondito (*Matth. vi, 4*). *Judicare itaque eum, si potes colaudare eum, sicuti est.* Hoc enim visus est Job dicere, cum ait, *Utinam esset nobis arbiter* (*Job ix, 33*) ! *Et nunc quia non est visitans iram suam, nec cognovit delicta vehementer.* Cognovit ad vindictam. Unde est, *Quoniam iniuitatem meam ego cognosco : et in codem loco, Averte faciem tuam a peccatis meis* (*Psal. L, 5, 11*). Cognovit ergo delicta ; nam ideo patiuntur homines tribulationes in hoc saeculo : sed non vehementer, quia partibus corrigitur dat locum penitentiae. *Et Job vane aperuit os suum ; in ignorantia sua verba multiplicat.*

[*Ib. xxxvi.*] *Sustine me pusillum, ut te doceam : adhuc enim in me sunt sermones : suscipiens scientiam meam de longe.* Quoniam quamdiu sumus in hoc corpore, peregrinamur a Domino (*II Cor. v, 6*). *Operibus autem meis quæ justa sunt, loquar.* Ne dicatur ei, quod peccatori dicit Deus, *Quid la enarras justitias meas, et assumis testamentum meum per os tuum ? Tu vero odis eruditorem* (*Psal. XLIX, 16, 17*) ? Ergo hic operibus loquendum est : nam scientia de longe suscipitur ex parte et in ænigmate. Cum autem venerit quod perfectum est, quod ex parte est auferetur (*I Cor. XIII, 12*) ; et non jam de longe erit, quoniam videbimus cum sicuti est (*I Joan. III, 2*). *In veritate, et non injusta verba injuste intelliges.* Ea ipsa quæ patiebatur Job, verba Dei dicit esse in veritate, et non injusta : sed ab isto injuste intelligi existimat, quem putat conqueri se in merito pati, cum etiam de justorum tri-

bulatione dictum sit, *Tempus est ut judicium incipiat a domo Domini* (I Petr. iv, 17). *Et scito quia Dominus non abiciet innocentem*: quamvis corripiat quem diligit, et flagellet omnem filium quem recipit (Hebr. xii, 6). *Fortis robore cordis, non viviscat impium*: quamvis ad tempus ei parcere videatur. Et bene. *Fortis robore cordis*, quia tunc eum non viviscabit, quando seræ<sup>1</sup> pœnitentiae locum queret cum lacrymis, et non inventiet, nec flectet ad misericordiam fortiter judicantem, quem modo misericorditer admonentem contemnit. *Et judicium pauperibus dabit*: quo judicent eos a quibus patiuntur iniquitatem. Et bene *pauperum*, ut superius *impium* divitem intelligas, id est superbum. *Non auferet a justo oculos ejus*. Etiam cum eum velut in fornace probat tentatione tribulationis (Eccli. xxvii, 6), non ei auferet intelligentiam, qua cognoscitur et colitur Deus. Ex quo satis ostendit impiorum pœnam esse ipsam exactitatem, etiam cum videtur eis parci. *Et cum regibus in solio*: subauditur, sedere eos fecit, hoc est, justos. Reges autem dicit qui carnem suam regunt; unde est illud, *Quis est rex qui vadit committere bellum cum alio rege* (Luc. xiv, 31), etc. *Et sedere eos fecit in perpetuum, et exaltabuntur*. Et hic subauditur quod supra dixit, *cum regibus in solio*. *Exaltabuntur autem dixit, quoniam humiliati sunt*. *Et qui compediti sunt compedibus*. A quo vinculo dicit Apostolus sibi bonum esse dissolvi, et esse cum Christo (Philipp. i, 23); id est, retinacula hujus vite, in qua corpus quod corruptitur, aggravat animam (Sap. ix, 15). *Copientur in funibus paupertatis*. Convincientur longis consuetudinibus delectationum carnalium, quæ sunt de rerum indigentia, quibus mortalis vita sustentatur et agitur. *Et annuntiantur eis opera eorum*. Non utique bona, sive ista ipsa concupiscentia, de quibus dicitur, *Scio quia non habitat in carne mea bonum* (Rom. vii, 18); quæ etiamsi non regnent in nostro mortali corpore ad obediendum eis, non tamen desunt: sive quibus ad hæc venire homo meruit ex traduce peccati. *Et delicta, cum fuerint roborati*. Ipsa sunt opera quæ supra dixit. Non enim infirmis facile possunt annuntiari, id est manifestari; sed iis qui jam ita profecerunt, ut transierint omnem istam iniquitatem, quæ vulgo nota est in apertissimis operibus flagitiosis et facinorosis. *Sed justum exaudiet*: eum scilicet qui ex fide vivit (Habac. ii, 4), ut gratia Dei deputet, non meritis suis, non solum quod secundum vita istius modum justificatus est, sed etiam quod restat, ut ab universo delictorum malo liberetur: quæ<sup>2</sup> annuntiat veritas fidelibus, cum fuerint roborati, quando capientur in funibus paupertatis; adhuc enim compediti sunt compedibus, nondum exaltati, ut sedeant in solio cum regibus in perpetuum. *Et dixit, quia convertentur ab iniuritate*. *Et dixit*, subaudiendum est, Deus. Si audierint, et servierint, complebunt dies suos in bonis, et annos suos in gloria. Tunc vero nullum peccatum erit in homine, quia nulla erit mortis contentio, id est,

indigentia mortalitatis, que facta est de peccato, cum jam dicetur, *Ubi est, mors, contentio tua* (I Cor. xv, 55)? *Impios vero non faciet salvos*; eo quod noluerunt scire Dominum. Hoc ad Gentes magis videtur pertinere. *Et cum monerentur, inobedientes erant*. Hoc ad Iudeos, et omnes qui eis per inobedientiam similes sunt, etiam in Ecclesia. *Et hypocrite corde ponent furem*: quo Dominum crucifixerunt. *Non clamabunt, quia ligavit eos*: honore nominis super omnes gentes. *Moriatur ergo in juventute anima eorum*: in superbia, qua se extollebant veluti de meritis operum suorum. *Et vita eorum vulneretur ab angelis*. Commodius accipitur a nuntiis veritatis, quorum aliis odor vitae in vitam, aliis odor mortis in mortem (II Cor. ii, 16). *Quod tribulaverint infirmum et invalidum*: illud infirmum Dei, quod fortius est hominibus (I Cor. i, 25). *Judicium vero mansuetorum statuet*: ipse Dominus, exemplib. mansuetudinis suæ differens etiam vindictam imitantum se, sed tamen certo futuram. *Et quia decepit te ab ore inimici abyssus*. Decepit, sicut visum est persecutoribus ejus, profunditas bujus saeculi Christum ab ore falsi testis: ad ipsum enim Dominum convertit sermonem. *Effusi subter eam*: subaudiendum, deceperunt te; gravati enim terrenis cupiditatibus subter abyssum effusi dicti sunt. *Et descendit mensa tua plena pinguedine*: Sacramentum corporis et sanguinis ejus, panis qui de celo descendit (Joan. vi, 50). *Non deficit justos judicium*. Quamvis edant pauperes, et saturentur, ad imitandas passiones Domini, parati deplitudine charitatis; non tamen ideo non facit judicium ipsorum cito. *Et ira super impios erit, propter impietatem munerum quæ accipiebant iniquitatibus*. Omnia munera dicit, quæcumque commoda temporalia, propter quæ commoda iniquitates fiunt. *Non te avertat voluntas animi*. Domino dicitur, non monentis auctoritate aut jubantis audacia, sed locutione prophetæ per imperatum modum futura prædicentis; sicut est, *Accingere gladium tuum super femur, potentissime* (Psal. XLIV, 4). *A precibus infirmorum*: cum in necessitate fuerint, clamantium, *Infelix ego homo, quis me liberabit de corpore mortis hujus* (Rom. vii, 24)? *Et omnes qui habent fortitudinem*: præsumentes de operibus suis, et suam justitiam volentes constituere (Id. x, 3). *Noli extrahere per noctem*. Manifestum sit quod eos a populo tuo seceris, sive illos superbos qui de oliva fracti sunt, sive sarmenta de vite amputata, unde haereses et schismata exorta sunt. *Ut ascendant populi pro eis*: ut inserantur infirma hujus mundi, confusis fortibus (I Cor. i, 27). Quoniam qui se humiliat, exaltabitur; et qui se exaltat, humiliabitur (Luc. xiv, 11). *Sed cura ne quid facias indecens*: ne nomen Domini Dei et doctrina blasphemetur, dum dicunt, quorum judicium justum est, *Faciamus mala ut veniant bona* (Rom. iii, 8). *Hoc enim elegisti super inopiam*. Non solum elegisti inopiam consistentis, sed super hanc vitam ac morum decus, ut doctrina salutaris ornetur in omnibus. *Ecce Deus consolabitur, vel, roborabitur in fortitudine sua*. *Quia etsi crucifixus est ex infirmitate, sed vivit ex virtute Dei* (II Cor. XIII, 4). *Quis enim est sicut ille*

<sup>1</sup> Editi, sero. MSS. vero, seræ. Sic inferius ad cap. 37, v. 4. vocatur sera infidelium pœnitentia in die judicij.

<sup>2</sup> Fr. et Lov., quem. M.

*potens? vel quis est qui discutiat opera ejus?* tanquam judicans de illo, cum ipse sit iudex vivorum et mortuorum. *Aut quis est qui dicat, Egit inique?* *Memento quia magna sunt opera ejus, quae laudaverunt viri: Evangelistæ atque omnes prædicatores verbi, ministerio suo vita congruentes.* *Omnis homo respicit ad eum:* memor infirmitatis humanae. *Quicumque compunguntur homines: pœnitentia peccatorum, homines sunt.* *Ecce Deus multus, et nesciemus.* *Multus,* quia sicut abundavit peccatum, superabundavit gratia (*Rom. v, 20*). *Nesciemus autem ex persona eorum dictum est,* quorum ex parte excitas facta est, donec plenitudo gentium intraret (*Id. xi, 25*). *Numerus annorum ejus infinitus:* propter æternitatem positum est. *Ei autem numerabiles stillæ pluviae.* Hoc enim, quod homines<sup>3</sup> prædicatores implevit Evangelium, numerabile est usque in consummationem sæculi, donec auferatur scientia quæ ex parte est, et veniat quod perfectum est, facie ad faciem (*I Cor. xiii, 12*). *Effundetur imber per semitas suas.* Non enim viæ majorum capient eum. *Fluent nubes, et tenebrascunt super homines plurimos.* Quia etsi obvelatum est Evangelium, in his qui pereunt est obvelatum. *Horam constituit iumentis, et sciunt cubilis ordinem.* Quoniam cognovit bos possessorem suum, et asinus præsepe domini sui (*Isai. i, 3*). *In his omnibus non obstupescit animus ejus.* Initium sapientiae timor Domini (*Psal. cx, 10*). *Nec mutatur cor tuum a corpore:* ut elevatum a terra sursum habeatur ad Dominum. *Si cogitaverit extendere nebulum:* ut qui vident, cœci fiant (*Joan. ix, 59*). *Æque ut per tabernaculum expandit eam.* In carne quippe mortali tanquam tabernaculo habitans, per eam non est agnitus a persecutoribus, dum eis cessit, et eam extendit atque expandit in cruce. *Ecce:* fundit super omnia lucem suam, quam absconderat, cum excitas ex parte in Israel fieret, effundit super omnes gentes. *Et radices maris contexit.* Cupiditatem sæculi redarguit. Non enim ad abscondendum lux contegit, sed ad manifestandum. In eis enim judicavit populos, ostendendo illis peccata eorum per lucem veritatis. *Dabit escam plurimis:* utique agnoscentibus, cum arguuntur peccata sua, et esurientibus ac sitiensibus justitiam. *In manibus<sup>3</sup> contexit lumen.* Si ab eo quod sunt immanes; his qui non dimittunt peccata hominibus, cum sibi a Deo dimiti velint: si autem ab eo quod sunt manus; his qui de manibus suis, hoc est de operibus, extolluntur, scipios justificantes. *Contexit enim lumen,* ad hoc dixit, ne videatur ab eis; quia execratum est insipiens cor eorum (*Rom. i, 21*). *Et mandavit de eo in contrarium:* ut qui faciunt veritatem, vel dimittendo ut dimittatur eis, vel confitendo mala sua ut gratia Dei subdantur, ipsi veniant ad

lucem ut manifestentur opera eorum, quoniam in Deo sunt operata (*Joan. iii, 21*), non in ipsis. Contrarius est enim et immanni misericors, et superbo humili. *Ut nuntiaret super illo amico suo:* super illo lumine, hoc est, de illo quod contexit, ut abscondebet immanni et ingratu; ut id annuntiaret, id est, aperiret, non jam servo sub Lega, sed reconciliato per gratiam; aut *amico suo,* imitatori suo: quia et filius hominis non venit ministrari, sed ministrare (*Matth. xx, 28*). *Possessionem contra eum qui ascendere nituntur:* ut ipsum lumen possideant, qui se a terrenis extra-hunt. Ipsi enim annuntiatur, qui adhuc enituntur ascendere; quia cum ascenderint, non opus erit an-nuptiato facie ad faciem videntibus. *Contra eum vero quod ait, ascendere nituntur,* non quasi adversantes, sed obviam euntes; sicut Apostolus dicit, *In obviam Christo* (*I Thess. iv, 16*).

[lb. xxxvii.] *Sed et in hoc obstupuit cor meum:* admiratione. *Et evulsum est de loco suo:* de terrenis rebus, quibus delectabatur, ut sursum habeatur ad Dominum. *Audite sonum terroris et vocis ejus.* Hinc eum apparet ista in spiritu dicere. Nam incipit dicere cur evulsum sit cor ejus de loco suo, auctoritate scilicet Evangelii per totum orbem terribiliter sonantis, *Pœnitentiam agite; appropinquavit enim regnum cœlorum* (*Matth. iii, 2*). *Et strepitu oris illius excent:* ad eos utique qui foris sunt, in deflectionibus rerum visibilium. *Subter universum cœlum circuit, et lumen ejus in finibus terræ:* dum Ecclesia per omnes gentes diffunditur. *Post eum fremet vox.* Post primum adventum ejus novissima tuba secundi adventus ejus in claritate tonabit (*I Cor. xv, 52, et I Thess. iv, 15*). *In sonitu superbie suæ.* Superbiæ pro celsitudine posuit; quia primus adventus in humilitate fuit. *Et non poterit investigari, cum audita fuerit vox ejus.* Nunc ergo queratur Dominus, dum inveniri potest (*Isai. lv, 6*), hoc est, comprehendendi ad salutem per fidem non fictam. Tunc enim non poterit, cum venerit judicare, et audita fuerit vox ejus dicentis, *Ite in ignem æternum* (*Matth. xxv, 41*). Quoniam sera tunc erit, et insinuosa insidium pœnitentia. *Tonabit fortis in voce sua mirabiliter.* Quia non fortitudinis ejus, sed infirmitatis nostræ ex participatione mortalitatis vox illa fuit primi adventus ejus, de quo dictum est, *Quod infirmum est Dei, fortius est hominibus* (*I Cor. i, 25*). *Fecit enim magna quæ nesciebamus.* Hec in primo adventu; et ideo postea ad exigenda quæ dedit, iudex venturus est. *Quæ nesciebamus autem,* dictum est ex persona eorum quos latuit divinitas Domini, in infirmitatem carnis intuentes. *Præcipiens nubi, Esto super terram:* carni sue, ut per Sacramentum accipiatur, in memoria ejus (*Luc. xxii, 19, 20*), ad imitationem humilitatis et informationem charitatis. *Et tempestas pluviae, et tempestas imbrum potestatis ejus.* Est enim nubes quidem super terram: sed quando exprimatur ad irriganda corda per pluviam imbruesque sermonis, quod fit cum sacramenta intelliguntur, non in nostra, sed in ipsis potestate est. *In manu omnis hominis signat.* Significat ei per opera ejus quam reus sit, ut

<sup>1</sup> Edisi, qui dicat ei inique: et paulo post, quem laudaverunt. Substitutum lectionem MSS. quæ cum LXX et vulgata concordat.

<sup>2</sup> Floriacensis codex, quod per homines.

<sup>3</sup> Edisi, immunitibus. MSS. vero, in manibus. Circa hoc Augustinus idecirco haerebat, quod a veteribus constauerit per nesciis soleret vox ipsa composita immunitus: sive etiam in antiquis libris pasim repertas immensus, inbus, indatus, inpanis, etc. Porro in Graeco LXX habetur, ἐπιχειρῶν.

sciat omnis homo infirmitatem suam, et clamet, *In felix ego homo, quis me liberabit de corpore mortis huius* (Rom. vii, 24)? *Introierunt autem bestiae sub protectione, et quieverunt in cubili.* Introierunt autem peccatores sub indulgentia gratiae, et quieverunt in conscientia, remissis peccatis. *De promptuariis supervenit tempestas:* tentatio de occulto rerum ordine. *Et de promptuariis frigus:* de secretis judicium in eos qui non perseverant; ut refregescat eorum charitas ex abundantia iniquitatis (Math. xxiv, 12, 15). Merito enim contingit eis, dum spem suam non in Deo, sed in hominibus ponunt. *Et ab spiritu Dei dabatur glacies.* Non solum ex abundantia iniquorum frigescent, qui spem ponunt in hominibus; sed etiam ex operibus bonis eorum, in quibus est spiritus Dei, durescunt quidam quasi glacie livoris, quibus est Paulus odor mortis in mortem (Il Cor. ii, 16). Et ad hæc quis idoneus, ut intelligat quoniam recte ac juste ab spiritu Dei dabatur glacies? Sicut enim carnalibus homines laudantibus contingit ex hominum iniquitate frigescere desperando; ita carnalibus ab hominibus laudari cupientibus contingit ex hominum justitia durescere invideando. *Gubernat autem aquam qualiter illi placuerit:* ut pluat super unam civitatem, et super aliam non pluat (Amos iv, 7); quod ad imbre attinet spiritualem, pro subditarum aut non subditarum meritis animarum. *Et frumentum irrigavit nubes.* Simus ergo frumentum<sup>1</sup>, si cupimus irrigari. *Dissenavit nubem lucem suam:* Evangelium incarnationis suæ. *Et ipsa per circuitum vertitur;* per orbem terre ipsa tractatur. *In gubernaculis ad operandum omnia que mandaverit ei.* Gubernacula in quibus illa nubes per circuitum vertitur, predicatores sunt verbi, per quos Ecclesie gubernantur ad operanda omnia mandata Dei. *Hæc constituta sunt ab eo super terram:* a Domino nostro Iesu Christo. *Sive in tribu, sive in terra sua.* Sive in tribu Juda, unde secundum carnem natus est, et passus, et resurrexit, et ascendit in cœlum: ex hac enim geniti erant Apostoli, et multi fratres prope inventi et salvi facti; sive ante passionem ejus per ipsum vocati, sive post ascensionem per Apostolos in ipsa Jerusalem, atque in Ecclesiis Judææ, quæ erant in Christo, sicut commemorat apostolus Paulus, propter veritatem Dei, ad confirmandas patrum promissiones. *Sive in misericordia inveniri voluerit eam:* illam nubem scilicet in misericordia voluerit inveniri a credentibus Gentibus. Hoc enim sequitur, *Gentes autem super misericordiam glorificare Deum* (Rom. xv, 8, 9). Auribus percipe hæc, Job. Quasi renovat intentionem, dicturus de vocatione Gentium. *Sta, et commovere virtutem Domini.* Noli moveri mente, aliquid tibi tribuendo. Scimus quia Deus posuit opera sua: reprobans utique gloriantes de operibus suis. Cum faceret lucem de tenebris: cum justificaret impios. Fueritis enim aliquando tenebrae; nunc autem lux in Domino (Ephes. v, 8). *Scit differentiam nubium:* Evangelistarum aliorum sibi ante passionem, aliorum post passionem credentium. *Et*

*ingentes lapsus malorum:* non eorum qui clapsi sunt crucifigentes eum, ut eos postea poeniteret, et baptizarentur in eo; sed eorum lapsus qui nec corrigi potuerunt, perseveranter etiam postea persequentes Ecclesiam: horum enim non parvi, sed ingentes lapsus sunt. *Tua vero stola est valida*<sup>1</sup>: dignitas superba; tanquam in eum quippe dicitur, qui de operibus suis audet extolli. *Quiescente terra ab austro, firmabis cum eo cœlos, qui æqualter ad videndum fusi sunt?* Ab austro terram congruenter intelligimus eos qui de Judæis crediderunt in Christum. Sicut enim sol ab aquilonari terra remotior est, australi autem vicinior; ita quos prope inventos dicit Apostolus luci Evangelistarum (Ephes. ii, 17), non absurde accipiuntur terra ab austro. Sicut autem cœlos Evangelistas solemus accipere, ut est, *Cœli enarrant gloriam Dei;* de his enim dictum est, *In omnem terram exivit sonus eorum, et in fines orbis terræ verba eorum* (Psal. xviii, 2, 5): ita terras recte accipimus plebes, quibus evangelizatum est. Et quoniam plebes quæ de Judæa crediderunt, posteaquam quieverunt executes de hac terra<sup>2</sup> (nunc enim hic non sunt), firmata est tamen auctoritas Evangelistarum in Ecclesiis quæ sunt ex Gentibus, firmata autem misericordia Dei, non jam opitulante auctoritate Ecclesiarum Judææ, quæ in Christum est; propterea sensus hic est, ut per interrogationem pronuntietur: *Numquid tu quiescente terra ab austro;* id est, jam non existente in hac vita plebe ulla christiana ex Judæis, firmabis cum eo Evangelistas, et divinarum Scripturarum libros, qui per misericordiam Dei non solis Judæis, sed etiam Gentibus æqualter ad videndum fusi sunt? Gratiam quippe Dei commendat et misericordiam, ne quis de meritis glorieatur, quæ Judæorum erat superbia. *Quare doce me quid dicamus ei, et requiescamus multa dicentes.* Quia non est quod ei dicant convicti, nullum se habere meritum per scipios, sed ejus indigere misericordia. *Nunquid liber aut scriba assistis mihi, ut stans faciam hominem tacere?* Quare ergo non dicis, si habes quod dicas? Non enim quasi dictanti mihi excipis, ut tu nihil dicas; sed utique colloquimur. *Omnibus autem non est visibile lumen, quod resulget in nubibus.* Redit ad ea quæ dicebat de spe remissionis peccatorum et illuminationis gratiae per misericordiam Dei: resulget enim lumen in nubibus. Non tamen ipsarum nubium proprium est; illuminantur enim. Aliud est enim quod fulget suo lumine, aliud quod resulget illustratum. Sed non est omnibus visibile. Multi enim putant lumine suo fulgere animas, cum sapientes sunt. Unde sunt illi, qui dicentes se esse sapientes, stulti facti sunt (Rom. i, 22). *Et spiritus transit, et mundabit eas.* Illic spiritum dixit, de quo dictum est, *Ab increpatione spiritus iræ tuæ* (Psal. xvii, 16); et, *A spiritu tuo quo fugiam* (Psal. cxxxviii, 7)? Per correptiones enim tentationum ostenditur hominibus meritum eorum, quia ipsi peccatis suis tenebrae sunt, et egent gloria Dei (Rom. iii, 22), ut illius lumine illustrari velint,

<sup>1</sup> In editis deerant isthæc verba, irrigavit nubes. Simus ergo frumentum: quæ manuscriptorum ope restituuntur.

<sup>2</sup> In LXX, *thermē, calida*: sic etiam Vulgata.

<sup>3</sup> In aliquot MSS., de hac rita.

illi dantes honorem, non sibi; atque ita deposita superbia, mündentur a delicto magno: nam Spiritus sanctificationis non transit, sed manet. *Ab aquilone nubes coloris aurei.* Ab sceleratissima impietate, et a Deo longe remota, veniunt tamen mundati atque conversi, et illuminati sapientia: unde, nisi per gratiam, qua non merita attenduntur, sed peccata dimittuntur? Unde ille cum sibi vellet ignosci, *Doceam, inquit, iniquos vias tuas, et impii ad te convertentur* (*Psalm. L, 15*): tanquam nubes ab oriente vel aquilone jam coloris aurei, illuminatis tenebris suis. *In his est magna gloria et honor Omnipotens.* Cui plurimum dimittitur, plurimum diligit. Quoniam potest et impium justificare qui est omnipotens. *Et non invenimus alium similem virtuti ejus.* Solus enim hic peccatum non fecit, nec inventus est dolus in ore ejus (*I Peter. II, 22*). Solus enim Deus verax, omnis autem homo mendax (*Psalm. cxv, 11*): unde vicit, cum judicaretur, Deus homo factus. *Qui juste judicial, non putas exaudire eum?* Non itaque homo de venia desperando, addat peccata peccatis, tanquam addictus jam damnationi, quia certus est de justitia Dei, sub qua non potest esse impunitus. Ita enim Deus juste judicat, ut etiam exaudiat veniam deprecantes; et tanto magis, quanto magis juste judicat. Non enim justi judicii est, pœnitentes supplices miscere cum iis qui recusant humilitatem et satisfactionem pœnitentiae. *Propterea timebunt eum homines:* si se homines esse meminerint, constitendo peccata sua; quia adhuc homines sunt, quibus dicitur, *Nonne homines estis? Timebunt quoque eum et sapientes corde:* ne sibi tribuendo quod acceperunt, et dicendo se esse sapientes, stulti siant. Potest enim auferri superbis, quod datur humilibus. Quapropter et sapientes quamvis cordis illuminatione, non lingue iactatione sapientes sint et reges, spiritualiter judicantes terram, ipsi autem a nemine judicentur (*I Cor. II, 15*), serviant tamen Domino in timore, et exsultent cum tremore, ne percent de via recta (*Psalm. II, 11, 12*). Deus est enim, qui operatur in eis et velle et operari, pro bona voluntate (*Philipp. II, 13*).

[*lb. xxxviii.*] *Et posteaquam quievit Eliu loqui, dixit Dominus ad Job per turbinem nubis.* Etiam si hoc modo vox iata facta est, quo modo ad Moysen, vel quo modo cum se Dominus tribus discipulis in monte ostendisset (*Matth. XVII, 1-5*); tamen quod non dictum est simpliciter, per nubem, sed, *per turbinem nubis*, hoc significari arbitror, quod non per sanam carnem interrogatus, hoc est, tentatus est Job, sed per tribulationem perturbationemque carnis. *Quis est qui celat me consilium, continens sermones in corde, et me putat dare?* Nemo est ergo qui se immeritum pati aliquid asperum dicat; quia si non factis, saltem verbis peccatur; et si non verbis, saltem timeraria presumptione intus in corde, vel sermonibus cogitationum: et quoniam Deum non latent, nemo flagellatus dicat indigne se accipere disciplinam, quasi ultra non

<sup>1</sup> Sie vss. juxta LXX. At editi, *qui celat meum consilium contineat sermones, etc.*

sit, quo per illam proficiat. Sciendum est enim, sic in principio libri hujus diabolo laudatum Job testimonio. Dei, et in fine tribus amicis ejus, ut tamen nosset Deus quantum ei decesset ad perfectionem, quo etiam laudabiles secundum hanc vitam viros, et Deo jam placentes, paterna flagella perducunt; quæ noluit ab Apostolo removere, dicens, *Sufficit tibi grata mea; nam virtus in infirmitate perficitur* (*II Cor. XII, 9*). Accingere tanquam vir lumbum tuum. Significat ad hoc pati dura et amara Dei servos in hoc saeculo, ut omnes affectiones suas a terrenarum delectationum fluxu colligant, atque constringant. *Interrogabo te; tu autem responde mihi. Ubi eras cum fundarem terram?* Hinc jam commendare incipit eminentiam Domini nostri Jesu Christi, quia in ipso est salus omnium persecutorum venenata suasione serpentis, ne in se sibi quisque esse salutem patet. Ille enim Deus, non sicut dictum est, *Dii estis, et filii Altissimi* (*Psalm. LXXXI, 6*); sed cui rapina non sit esse reuelatum Patri (*Philipp. II, 6*): et filius hominis, non sicut filii hominum in quibus non est salus (*Psalm. CLV, 3*); sed praeparticipibus suis (*Psalm. XLIV, 8*). Non enim justus tantum, sicut Job, sicut Paulus, sicut Ecclesia; sed etiam justificans tanquam unigenitus a Patre, plenus gratia et veritate (*Joan. I, 14*). Ad insinuandam ergo differentiam divinae humanitatis ejus, in quo princeps hujus mundi nihil invenit (*Id. XIV, 50*), quia in passione, quæ non rapuit, tunc exsolvebat (*Psalm. LXVIII, 5*), et justificationem sanctorum per peccatorum remissionem, quibus sanctis in unum redactis fit corpus ejus Ecclesia, cuius et particula est Job secundum historiam quia justificatus, et figura universæ, per prophetiam incipit dicere quæ dicturus est. *Ubi eras cum fundarem terram?* Utrum quia nondum erat, an quia non per eum fundata est, sicut per unicum Filium? et terram istam, an ipsam Ecclesiam? ipsa enim accepit lapidem angularem (*Ephes. II, 20*), de quo mox dicturus est. *Indica mihi, si nosti scientiam.* Haec enim quæ a Domino pro nobis temporaliter gesta sunt, ad scientiam pertinent. *Quis possit mensures ejus si nosti?* secundum distributionem donorum spiritualium. Unicuique enim nostrum data est gratia secundum mensuram donationis Christi. Propter quod dicit: *Ascendens tu altum, captivavit captivitatem, dedit dona hominibus* (*Id. IV, 7, 8*). Quia si totum corpus oculus, ubi auditus (*I Cor. XIII, 17*)? Secundum mensuram quippe unusquisque partis incrementum corporis facit, in ædificationem sui in charitate<sup>1</sup> (*Ephes. IV, 16*). *Aut quis est qui inducit super eam funiculum?* ut eam faceret hereditatem suam, distinguens ab eis quibus dicit, *Non novi vos* (*Matth. VII, 23*). Novit enim Dominus qui sunt ejus (*II Tim. II, 19*). *Aut super quo circuli ejus fixi sunt?* Quia constringunt eam, ne disolvatur, divini Libri fixi super Dominum; quia quisquis eos sine illo interpretari voluerit, fluitet atque erret necesse est. *Quis est autem qui misit lapidem angularem super eam?* quem reprobaverunt ædificantes (*Psalm. CXVII, 22*). *Quando facta sunt sidera stellæ.* si-

<sup>1</sup> Manuscripti, in charitatem.

mul baptizata tot millia verbo vitæ , inter peccatores tanquam in tenebris fulgentia. *Laudaverunt me voce magna omnes Angeli mei : Evangelistæ. Conclusi portis mare : populos amaricantes amore terrenorum. Sed quare portis ? An forte ut non solum modum haberet exercendi justos persecutionibus, sed etiam ut liceret justis inde egredi ? Cum fremeret ex utero matris suæ , volens progredi : cum irasceretur in concilio Babyloniæ civitatis , fornicantis amore hujus saeculi , volens extendere persecutio[n]es suas ad perdendos de terra eos de quibus dictum est, *Non peto ut tollas eos de saeculo, sed ut tollas eos a malo (Joan. xvii, 15).* Circumposui illi nubem operimentum. Non enim boni tantum, sed etiam mali multi amatoresque hujus saeculi , Sacramento corporis Christi subjecti sunt : cuius auctoritate a sautorum persecutione reprimuntur. *Et nebula obvolvi illud : ignorantia , qua terrenam inde exspectant felicitatem , terrenamque infelicitatem timent ; et propterea timent quos , nisi ita esset , persequerentur. Non enim solum dictum est, Edent pauperes et saturabuntur , et laudabunt Dominum qui requirunt eum ; sed etiam dictum est, Manducaverunt, et adoraverunt omnes divites terræ (Psal. xxi, 27, 30).* Et posui illi terminos , imponens claustra et portas : terminos quibus sævitia cohabeatur, non ut nihil affligat, sed quo usque exerceat; claustra , ut injusti non progressiantur ; portas , ut ab eis justi egrediantur. *Et dixi, Huc usque venies, et non transibis. Sicut ipse diabolus modum accepit, quo usque affligeret Job ; ita illud mare quo usque persequeretur Ecclesiam. Sed in temelipso communientur fluctus tui : alterna vastatione discordiarum atque bellorum. Aut numquid tecum lucem constitui matutinum ? id est, cum consilio tuo tempus resurrectionis prædestinavi ? Aut cognovit lucifer ordinem suum ? subaudiendum est, Numquid tecum ? Dominum autem luciferum dicit, propter ipsum matutinum resurrectionis exortum. Non enim de alio dici potuit, Et lucifer oriatur in cordibus vestris (II Petr. i, 19). Ipse agnovit ordinem suum, ut esset primitiæ dormientium, primogenitus a mortuis (I Cor. xv, 20), caput Ecclesiæ, secuturo etiam corpore in futura resurrectione sanctorum. Apprehendere pennas terræ : dictum est , Si recipiam pennas meas in directum (Psal. cxxxviii, 9); virtutes utique spirituales fidelium , quibus a saecularibus suspenduntur illecebros. Excutere impios ex ea. Ad hoc enim prior tanto ante resurrexit agnoscens ordinem suum, ut fidem resurrectionis insinuaret, atque per ipsas pennas Ecclesiæ ubique prædicatus, ministerio circumvallationum nuntiorum , juste apprehendat eas in opus judicandi duodecim tribus Israel, cum venerit excutere impios ex Ecclesia , qui nunc ante judicium permissi tolerantur. Et tu sumens terræ lutum figurasti animal ? sive ipsum Adam commemoret, sive quod nunc sexta ætate saeculi , sicut tunc sexto die, de peccatoribus, tanquam de luto terræ, homo factus est secundum imaginem ejus qui creavit eum (Gen. i, 27, et ii, 7). Non utique hoc fecit Ecclesia , sed in hoc potius facta est per Verbum opportuno tempore in-**

PATROL. XXXIV.

ernatum , per quod facta sunt omnia (Joan. i, 3). *Et famosum eum posuisti super terram ? Magis iste homo famosus positus super terram, qui sexta ætate saeculi factus est, quam ille qui sexta die, antequam essent cæteri homines , per quos diffamaretur : nisi forte , quia nunc ita innotuit. Et abstulisti ab impiis ludem ?* sicut ille qui venit, ut qui non vident, videant ; et qui vident, cæci siant (Id. ix, 39). *Aut brachium superborum comminuisti ? potentiam eorum , sicut ille qui infirma mundi elegit, ut confunderet fortia (I Cor. i, 27).* *Aut venisti ad fontem maris ?* sicut ille, cui vénienti patuit consitendo quidquid occultum erat in cordibus impiorum , qui credendo in eum justificati sunt. Nam quem fontem maris melius accipimus , nisi secretum unde erumpit omnis hæc amarissima impietas, quæ ingentes fluctus jam manifestorum malorum operum concitat, quæ vident homines in apertis factis, qui fontem ipsum videre non possunt ? *Aut in vestigiis abyssi ambulas ?* Abyssus hic recte intelligitur vita saecularis, quæcumque est in profundo malorum , quo, sicut scriptum est, cum venerit peccator contemnet (Prov. xviii, 3). Quia ipsi quoque desperatissimi, subjecti gratiæ per remissionem <sup>1</sup> peccatorum salvi facti emerserunt, et receperunt Christum : non in abyssum quo premebantur ; sed in locum ejus, ut ubi ambulabat calcans eos, ambulet inhabitans eos Christus ; *in vestigiis abyssi*, remanentibus per memoriam peccatorum suorum, ut dum recolunt ubi fuerint, amplius diligent quem receperunt, a quo sibi tanta dimissa sunt (Luc. vii, 41-47). *Aut tibi aperiuntur metu portæ mortis ?* Omnibus enim morientibus aperiuntur portæ mortis, sed non metu, sicut uni illi qui destruendæ mortis causa mortuus est. Aut certe aperiuntur ad resurgendum. *Aut janitores inferni videntes te, timuerunt ?* sicut illum unum, in quo nihil dignum morte princeps mundi <sup>2</sup> invenit, quem tam cito dimiserunt, quem inviti admiserunt. Inferi autem janitores, aliquæ inferiores potestates morti præpositæ intelligendæ sunt. *Aut cognovisti latitudinem sub caelo ?* sicut cognovit qui per illam diffudit Ecclesiam. *Narra ergo mihi quanta quæque sint.* Quis enim hoc sciat, nisi quem ille docuerit ? *Aut in qua terra habitat lux ?* Ille enim docet, quia manifestatio verborum ejus illuminat, et intelligere facit infantes (Psal. cxviii, 130). *Aut quis tenebrarum locus ?* Illoc quoque ille docet, qui dicit, Accedite ad eum, et illuminamini (Psal. xxxiii, 6). Illic enim ostendit eos tenebrescere qui recedunt, dum nolunt esse infantes. Initium enim superbiæ hominis, apostatare a Deo (Eccli. x, 14). Inde qui non glorificaverunt <sup>2</sup> Deum, aut gratias egerunt, evanuerunt in cogitationibus suis, et obscuratum est insipiens cor eorum (Rom. i, 21), et facti sunt tenebrarum locus. Nisi forte ille est tenebrarum locus, qui excipit perseverantes in peccatis, ut ipsi sint tenebrae, quarum ille est locus, quem vere nullus hominum novit. Similiter et terra, in qua habitat lux, potest intelligi terra illa viventium,

<sup>1</sup> Am. Er. et plerique MSS., *gratia remissionis*.

<sup>2</sup> Floriacensis codex, *princeps mortis*. Paulo post Am. Er. et plerique MSS., *quem inviti admiserunt*.

(Vingt-huit.)

id est, beatitudo exceptura perseverantes in fide et spe et charitate, qui fuerunt aliquando tenebrae, nunc autem lux in Domino (*Ephes.* v, 8). *Si duxis me in fines eorum?* quo usque pervenient qui tales sunt. Quid est enim ubi non sit sapientia Dei, quae attingit a fine usque ad finem fortius, et disponit omnia suaviter (*Sap.* viii, 1)? Cui utique nullus hominum comparandus est. *Quod si et nosti semitas eorum; numquid scis quia tunc natus es, et numerus annorum tuorum multus?* Quod si et nosti semitas impiorum, qui vel tenebrae sunt vel tenebrarum locus; quia omnes etiam qui jam ad Deum conversi sunt, in ipsis semitis ambulaverunt, antequam acciperent a Deo gratiam, qua justificat impium: numquid scis tamen quia tunc tibi exstitit causa mortaliter nascenti in hoc saeculo, cum easdem semitas inierunt primi omnium hominum parentes, qui prævaricatione impii manibus et verbis accesserunt mortem, ut omnes in Adam morerentur? Non enim ex quo quisque in hac vita apparuit, computandus est numerus annorum ejus tam parvus, sed ex quo facta est prima mortalitatis nativitas. Cum enim, verbi gratia, natus est Abraham, tunc omnes in illo Hebrei nati sunt. Numerus ergo annorum unicuique multus est secundum mortalitatis originem, quæ exorta est in semitis impiorum. Quis autem meminit suis esse, aut cum esset, scire potuit esse se in lumbis patris sui? Quandoquidem nec illud tempus quisquam recolit, quo non in parentibus, sed in seipso natus est; quo tempore certe nemo dubitat, quod jam erat, et vivebat, et sentiebat. Omnia autem scit illa Sapientia quæ format omnia, non tantum illa super colestia, sed etiam ista mortalia. Et quia Christus Dei Virtus est et Dei Sapientia (*1 Cor.* i, 24), scit ista ille, qui etiam mortaliter natus est, non conditione mortali, quia in mortuis liber, sed miseratione mortali, ut a morte faceret liberos. *Aut venisti in thesauris nivis?* id est, ad eam cognitionem pervenisti, sicut ille sciebat etiam oportunas causas imminentium scandalorum secretas atque abditas? Nam inde appellat thesauros, ad probanda et exercenda spiritualium corda, cum exclamaret: *Væ mundo a scandalis! oportet enim venire scandalum;* *væ autem illi homini per quem scandalum venit* (*Matth.* xviii, 7)! Per superbiam quippe elati in alto, more nivis congelascunt, et cadunt; ex quorum iniuitate abundante refrigerescit charitas multorum: qui autem sustinent Dominum viriliter agentes (*Psal.* xxvi, 14), et spiritu ferventes (*Rom.* xii, 11), perseverent usque in fine, et salvi erunt (*Matth.* xxiv, 13). *Aut thesauros grandinis vidisti?* Grando sunt illi iniqui, quando non solum torpent, nullum fervorem spiritus habentes, sed etiam obstinata duritia persequeantur vel irruendo contundunt. *Quæ reposita sunt tibi in tempus inimicorum, et in diem pugnae et belli?* Vel hinc quis non videat cuius personam in prophetia gestet Job? Non enim huic unius homini reposita sunt ista in tempus inimicorum, et in diem pugnae et belli, sed utique unico populo Dei. Tempus quippe inimicorum est, donec transeat iniquitas, quæ quanto magis abundant, tanto magis adversus diabolum acrius pugnandum atque

bellandum est, ne charitas perseverantium refrigerescat. *Unde autem procedit pruina?* Quis hoc lovit, nisi quia haec ut initia parturitionum sunt? Pruina quippe minutissima grando est. *Et dispergitur auster sub celo?* Austrum, quamvis mortalibus carnis gravis sentitur, non tamen uspiam memini in sanctis Libris mali aliquid significare, sicut aquilonem nunquam in bono: illum, quia ex ea parte flat qua lux claret; istum, quia ex ea unde lux est remotior. *Dispergitur ergo auster sub celo,* ut aduersus illas omnes iniuitates auxilium aliquid intelligatur Dei, quandiu nondum in celo, sed sub celo sumus. *Quis præparavit flumen validæ pluviae, et viam vocibus tempestatis?* Vide quemadmodum tria illa breviter complexa sint, quæ Dominus in temptationibus ponit contemnenda his qui adflicant super petram, et perniciosa his qui adflicant super arenam (*Id.* vii, 24-27). Pluviam commemoravit, et flumen, et voces tempestatis, ubi ventos intelligimus. Pluvia ergo tentatur, qui ex ipsa celsitudine Scripturarum divinarum peccandi occasionem prave intelligendo accipit: tanquam si audiens, *Cui modicum dimittitur, modicum diligit* (*Luc.* vii, 42, 43), dicat sibi, *Faciamus mala, ut veniant bona* (*Rom.* iii, 8); et permaneat in peccato, ut gratia abundet (*Id.* v, 20): et multa hujusmodi, quibus se homines sermonem divinum male interpretando subvertunt, impunitatem sibi promittentes, quando misericordia Dei in divinis Libris commendatur. Flumine autem, quando ab hominibus qui haec ita intellexerunt et acceperunt, tentatur: flumen enim nunc dicit illud quod de pluvia colligitur, et torrens vocatur, cum ait, *Quis præparavit ravidæ pluviae flumen?* quod impletat, et qua currat<sup>1</sup>. Sicut sunt vasa iræ perfecta ad perditionem (*Id.* ix, 22), quæ illo modo quo dixi, Scripturas accipiunt. Per illos enim habet liberiorem cursum<sup>2</sup> perniciosa illa interpretatio, quam agri fructiferi non recipient; et tanto maiore impetu impellit, et dejicit, et trahit quod instabile invenerit, quanto videtur de auctoritate divina suscepta. Ventis vero tentatur, quem perflant<sup>3</sup> inanes suasiones hominum superborum, id est, ex propria auctoritate verba vana jactantium. Qui ergo judicio Dei præparatur ad perditionem, non obtemperando verbis ejus, quod est super arenam adfliccare, non resistit ventis talibus, et cadendo fit via vocibus tempestatis. *Validæ autem pluviae dictum arbitror, difficilis ad capiendum,* id est, ad intelligendum. *Ut pluat super terram ubi non est vir:* subaudiendum est, *Quis præparavit?* Per virum autem videtur Legem significare, quæ data est Iudeis. Ergo super Gentes intelligimus imbre Evangelii. *In deserto, ubi non est homo:* in ipsis Gentibus, ubi non erat aliqua auctoritas cognoscens Deum. *Ut satiet<sup>4</sup> invium et inhabitabile, et ut germinet herbae riror.* Multi filii desertorum, magis quam ejus quæ habet virum (*Ioseph.* lii, 1). In omnibus autem his quatuor versibus, subaudiendum est, *Quis præparavit?* *Quis est pluviae*

<sup>1</sup> Sic MSS. At editi, *quod impletatur et quod currit.*

<sup>2</sup> Floriacensis Ms., *labilem cursum.*

<sup>3</sup> Am. Er. et aliquot MSS., *quem inflant.*

<sup>4</sup> Editi, *faciat.* MSS. cum LXX, *satiat.*

pater? sicut sponsus, qui filios suos misit prædicatione regni cœlorum irrigare terram. *Et quis est qui peperit glebas roris?* bene suscipientes illam prædicationem. Sic enim ait *glebas roris*, quomodo dicuntur vasa vini ad hoc facta, ut vinum suscipiant. *De cuius utero procedit glacies?* Utrum glacies in bono accipienda est, propter stabilitatem et a fluxu continentiam, ut ita dictum sit, *De cuius utero procedit glacies*, quemadmodum illud, *Quis est pluviae pater?* An uterus pro secreto positus est, ut *de ejus utero procedat glacies*, sicut dedit illos Deus in reprobrum sensum (*Rom. 1, 28*)? An potius de *illius utero procedit glacies*, qui persuadendo impietatem, qua intrinsecus plenus est, facit frigescere et durescere amissio calore charitatis? quis enim hunc novit, sicut ille, qui ait duris et resistantibus Evangelio, *Vos ex patre diabolo estis* (*Joan. viii, 44*)? *Aut pruinam in cœlo quis genuit?* *qua descendit sicut aquæ flumen.* Quod de glacie in ultimo sensimus, hoc et de pruina accipiendo puto. Nec tamen frustra est additum, *in cœlo*, ut ex ipsis qui præsunt, intelligatur, imitantibus sane bonos nuntios veritatis, qui transfigurant se sicut ministri iustitiae (*II Cor. xi, 15*). Quo pertinet, quod adjunctum est, *qua descendit sicut aquæ flumen.* *Aut faciem impii quis tabescit?* id est, confundit: quis, nisi ille qui quos justificavit, ipsos et glorificavit (*Rom. viii, 30*)? *Aut intellexisti nexus Pleiadis, et septum Orionis aperuisti?* An aperies *Mazuroth*<sup>1</sup> in tempore suo, et vesperum super ædificationem ejus induces? Num et astrologia perseruanda est, ad cognoscendum proprietates istorum siderum, ut hunc locum intelligere possimus? Miror si hoc congruit sermoni nostro, et certe nimis longum est: transimus ergo ad alia. An quibusdam sideribus nominatis, figura locutionis qua intelligitur a parte totum, omnia sidera accipienda sunt? (Si tamen et *Mazuroth* sidus est, quod interpretatum nec in grecia lingua invenimus: nam *Hebreum* esse nomen, satis appareat.) Ita enim a parte totum intelligitur et quod scriptum est, *Ante luciferum genui te* (*Psalm. cix, 3*). Non enim Lucifer in omni creatura prior est conditus, ut ante Luciferum, ante omnem creaturam dictum videatur: sed per Luciferum omnia sidera, quod est a parte totum; et per omnia sidera omnia tempora intelliguntur (de sideribus enim scriptum est, *Et sint in signis et in temporibus* [*Gen. 1, 14*]); ut Dominus natus ante omnia tempora, non utique natus in tempore, et ob hoc Patri coeternus insinuaretur. Pleiadis ergo, et Orionis, et *Mazuroth*, et Vesperi commemoratio, cuncta sidera intelligenda de compendio persuadet. Si enim uno Lucifero, quanto magis tot nominatis etiam cætera accipi per hujusmodi locutionem licet? Cur ergo alibi dictum est, *intellexisti nexus*; alibi, *aperuisti*; alibi, *aperiens in tempore suo*; et alibi, *super ædificationem ejus induces?* Propria sunt ista singulorum ex ordine commemoratorum. An recte dici posset etiam, Septuaginta Pleiadis aperuisti, et intellexisti nexus Orionis? Atque ita et alia duo commutari possunt<sup>2</sup>:

<sup>1</sup> Sic MSS. et LXX. At editi, *an aperies Arcturos.*

<sup>2</sup> Ep. et Lov., *commemorari possunt.* M.

sicut illud in Psalmo, *Qui habitat in cœlis irridebit eos, et Dominus subsannabit eos* (*Psalm. 11, 4*), nihil sententiae deperiret, etiamsi ita diceretur, Qui habitat in cœlis subsannabit eos, et Dominus irridebit eos. Sicut enim qui habitat in cœlis, ipse est Dominus; ita, sive Pleiadis nomen, sive Orionis, in eadem significacione est, si per utrumlibet omnia sidera intelliguntur. Omnium itaque siderum nomine, omnes in Ecclesia tales intelligendi sunt, qui conversationem habent in cœlis (*Philipp. iii, 20*). Nexus eorum intelliguntur, quibus et invicem sibi et Deo connectuntur ne cadant. Charitas autem nunquam cadit (*I Cor. xiii, 8*). quis autem hoc nosset, nisi ille ostendisset, qui ait, *Mandatum novum do vobis, ut vos invicem diligatis* (*Ioan. XIII, 34*); et, *Qui me diligit, diligitur a Patre meo* (*Id. xiv, 21*)? Septum eorum est quo sepiuntur divina Scriptura quam non transgreduntur. quis autem hanc aperit, nisi ad quem transiit, ut auseratur velamen? Tempus aperitionis est eorum, id est demonstrationis et manifestationis, cum veniet Dominus, et illuminabit abscondita tenebrarum, et manifestabit cogitationes cordis, et tunc erit laus unicuique a Deo (*I Cor. iv, 5*). Solus enim ipse hoc faciet in tempore suo: quia cum ipse apparuerit vita nostra, et nos cum illo apparebinus in gloria (*Coloss. III, 4*). Induct autem eos super ædificationem eorum, qui eos faciet hoc possidere quod hic ædificaverint. Si cuius enim opus permanenserit, quod super ædificavit, mercedem accipiet (*I. Cor. iii, 14*). *Scis commutationes cœli?* Utrum in deterius, sicut ii qui cognoscentes Deum, non sicut Deum glorificaverunt? Noluerunt enim esse sedes Dei; ac per hoc mutati sunt, cum evanuerunt in cogitationibus suis (*Rom. 1, 21*). An in melius? Qui omnes quidem resurgemus, non tamen omnes immutabimur. Qui autem immutabuntur, manifestum est, cum ait, *Et nos immutabimur* (*I Cor. xv, 51, 52*). Cum enim justi immutabuntur, cœlum immutabitur; quia thronus Dei cœlum est (*Matth. v, 34*), et sapientia Verbum Dei, et Deus erat Verbum, et thronus sapientiae anima justi. An utrumque potius? Non enim commutationem cœli, sed *commutationes* dixit. *Aut omnia qua sub cœlo<sup>3</sup> pariter fiunt.* Sicut enim hujus mutationes afficiunt ea qua sub cœlo sunt, ita et cum mutantur justi, sive in deterius, sive in melius, afficiunt carnales ad utrumque. *Vocabis nubem vōce:* aut interiore; aut illa qua dictum est, *Sequere me* (*Joan. xxi, 19*); aut illa qua dictum est, *Saule, Saule, quid me persequeris* (*Act. ix, 4*)? *Et in tremore aquæ validæ obedient tibi:* populi potentes, cum audiunt, *In timore et tremore vestram ipsorum salutem operamini:* *Deus est enim qui operatur in vobis et velle et operari, pro bona voluntate* (*Philipp. ii, 12, 13*). *Mittes vi flumina<sup>4</sup>, et ibunt.* Flumina, inquit, *de ventre ejus fluent aquæ vivæ* (*Joan. vii, 38*). Vi autem dicit, fiducia, qua persecutores non timueront; quia et qui vim faciunt, diripiunt regnum cœlorum (*Matth. xi, 12*). *Aut dicent tibi, quid est?* id est, numquid abs te quæ-

<sup>3</sup> Editi, *qua sub cœlo sunt.* Abcas, sunt, a Ms. Floriacensia.

<sup>4</sup> In LXX, *keramous, fulmina. Vulgata, fulgura.*

rent vel voluntatem jussionis tue, sicut Saulus ait, *Quid me jubes facere* (*Act. ix, 6*)? aut spem mercedis sue, sicut dixerunt, *Ecce dimissimus omnia, et secuti sumus te; quid ergo erit nobis* (*Matth. xix, 27*)? *Quis dedit mulieribus texturæ sapientiam, ei varietatum scientiam?* Texit et apud Salomonem mulier vestimenta viro suo (*Prov. xxxi, 10-24*). Opera ergo intelligenda sunt Ecclesiarum, quibus honoratur Deus. Nam et ipsa textura, id est, infirmos fratres, tanquam lanuginantem trainam firmorum atque erectorum spiritualium<sup>1</sup>, quasi staminum contextione constringere maximum et singulare opus est Ecclesiarum. Et varietatum scientia ad id valet, ut, tanquam in polynito ea est varietas colorum, qua non turbetur decus unitatis; sic in fratribus ita sint dona diversa, ut nullæ invidiae discrepantia cohærent sibi, sufferentes invicem in dilectione, studentes servare unitatem spiritus in vinculo pacis (*Ephes. iv, 2, 3*). *Aut quis est qui numeret nubes sapientia?* Novit enim Dominus qui sunt ejus (*Il Tim. ii, 19*): quis autem hoc hominum, inquit, novit? *Et organa cœli in terram declinavit?* Angelos cœlestes, per quos divinae voces enuntiari solent. Non enim ceciderunt sicut ille unus, sed flexu obedientiæ declinati sunt in terram; maxime cum et ipse Dominus esset in terra. Nam evangelista inquit, *Et Angeli ministrabant ei* (*Matth. iv, 11*). *Dif-fusus est autem sicut terra cinis, et agglutinavit eum sicut lapidibus cibum*<sup>2</sup>. Diffusa est late atque abundanter humilitas pœnitentie, ad hoc ut Dominus qui superbis resistit, humilibus autem dat gratiam (*I Pet. v, 5*), cohæreret eis tanquam glutine charitatis, homo hominibus; ut mediator esset Dei et hominum (*Il Tim. ii, 5*), seipsum illis dans cibum per Sacramentum corporis et sanguinis sui, stulta mundi tanquam lapides eligens, ut confundat sapientes (*I Cor. i, 27*). Angelis enim cibus est in quantum est Verbum Dei apud Deum: lapidibus autem ut cibus esset, Verbum caro factum est, et habitavit in nobis (*Joan. i, 1, 44*). Ergo agglutinabitur hominibus, precedente pœnitentia, tanquam cinis diffundatur faciens ei viam. Illic illi qui dicebat, *Facite ergo fructus dignos pœnitentia;* et ne dixeritis vobis, *Patrem habemus Abraham: potens est enim Deus de lapidibus suscitare filios Abrahæ* (*Matth. iii, 8, 9*): quibus lapidibus eum tanquam cibum agglutinandum esse nuntiabat. Si autem non præcedit humilitas pœnitendi, non agglutinabitur, quia excelsa a longe cognoscit (*Psal. cxxxvii, 6*). *Aut cupies leoni escas, aut animas draconum replebis?* De diabolo dictum est, *Et concubabis leonem et draconem* (*Psal. xc, 13*): propter insidias et iram. Omnes ergo angelii ejus leonibus et draconibus comparantur. Ille autem capit eis escas, et animas eorum replet, qui de impietate convictos tradit in ejus potestatem. Volunt enim latere impietatem suam, sed cum producuntur, utique capiuntur, ut sint in potestate diaboli et angelorum ejus, quibus consenserunt. *Pavidi enim sunt in cubilibus suis:* in latebris insidiarum suarum. Nam si

pavidi non essent, quis subsisteret? Pavent autem illius imperium, sub quo exclamarunt, *Quid venisti ante tempus perdere nos?* Et quemadmodum de porcis manifestum est, quod in eos non issent, nisi permisisti essent (*Marc. i, 24*, et *v, 11-13*), sic intelligendum est nihil eos in quemquam posse nisi permisso: permitti autem justitia, qua reguntur omnia, sive probationis causa, sive vindictæ, vel ad damnationem, vel ad correctionem irrogare. *Et sedent in silvis insidiantes.* Non enim quiescit in eis voluntas nocendi, etiam cum potestas non datur. Observant autem in insidiis in tam silvosa densitate occasionum carnarium quis capiatur divinis legibus, id est, convincatur de peccato suo, ita ut coruim escæ deputari mereatur. *Quis autem præparavit corvo escam?* *pulli enim ejus ad Dominum clamantes, et errantes, et escum querentes:* ut est in Psalmo. *Et pullis corvorum invocantibus eum* (*Psal. cxlvii, 9*). Cui sententia est locus iste simillimus. Nec in malo possunt intelligi, quia invocant eum. Significantur ergo nigri, hoc est peccatores nondum dealbati remissione peccatorum. Sed ideo pulli, quia jam humiles: ideo errantes, quia nondum cognoverunt veritatem, quam tamen pie querunt, cum ad Dominum clamant. *Præparari autem corvo esca potest,* propter ejus præscientiam, qui novit etiam nondum humilem quemque conversum iri: sed tamen pulli, hoc est, humiles ad Dominum clamant.

[lb. xxxix.] *Si cognovisti tempus parandi tragelaphorum petras?* τράγος hircus est, λαός cervus: tragelaphus ergo compositum ex hirco et cervo animal. Significat igitur mentem servientem legi Dei secundum interiorem hominem. Videt autem, quantum adhuc ex parte hircus est, aliam legem in membris suis repugnantem legi mentis suæ, et captivantem se in lege peccati (*Rom. vii, 22, 23*). Peperit autem talibus petras opportuno tempore, ille qui firmamenta solida exemplorum in Scripturis posuit, in quibus et quiescentes de se non desperent, quorum caro concupiscit adversus spiritum et spiritus adversus carnem, donec vivacitate cervi serpentinis suasionibus superatis spiritu vivant, et spiritum sectentur (*Galat. v, 17, 18*), ne regnet peccatum (unde similitudo hirci dicitur) in eorum mortali corpore, ad obedientium desideriis ejus (*Rom. vi, 12*). *Aut partus cervarum custodisti?* Ecclesiarum in numero spiritualium, materno affectu imitationem suam persuadentium, quibus jam nihil possunt serpentines opiniones nocere: tamen et tales custodiuntur, non de se, sed de Deo præsumentes. *Et numerasti menses partus eorum?* Non enim pariunt nisi per Evangelium, quod a baptismo suo Dominus usque ad passionem et ascensionem suam certis mensibus magisterii sui auctoritate prædicavit. *Et dolores eorum solvisti?* Non enim sine dolore dicebatur, *Filii mei, quos iterum parturio, donec Christus formetur in vobis* (*Galat. iv, 19*). Se-vluntur autem isti dolores cum fuerit partus editus, id est, veritas persuasa eis pro quibus ita ingemiscitur, id agente in interioribus conscientiæ verbo Dei. *Et nu-*

<sup>1</sup> Er. et Lov., electorum spiritualium. M.

<sup>2</sup> In LXX, ἡρπετὸν κύβον, sicut lapide cubum.

<sup>1</sup> Lov., parat. At Am. Er. et nostri omnes MSS., peperit.

*tristis hinnulos earum sine metu? in lacte sacramento-  
rum non timidos. Non enim acceperunt spiritum ser-  
vitutis iterum in timore (Rom. viii, 15). Partus earum  
emittit<sup>1</sup>: in libertatem uberioris pascuae spiritualis.  
Abrumpent filii earum: vincula concupiscentiarum sœ-  
cularium. Multiplicabuntur in tritico: solidiore cibo  
sapientiae, post nutrimenta lactis. Exhibunt, et non  
revertentur eis. Exhibunt, tanquam ex angustiis doctrinæ,  
quæ per homines incipientibus traditur; et non  
revertentur matribus suis, non jam opus habentes  
lacte, nec doctoribus hominibus indigentes. Sane isti  
tres versus non per interrogationem pronuntiandi  
sunt. *Quis autem est qui dimisit onagrum liberum?* Mi-  
rum nisi eos per onagrum significat, qui pauci ab omni  
negotio liberi Deo serviant. *Et vincula ejus quis resol-  
vit?* affectionum carnalium atque popularium. *Posui  
enim habitaculum desertum et tabernacula ejus salsugi-  
nem:* unde clamet, *Sitivit in te anima mea* (Psalm. LXII,  
2.) *Irridens multitudinem civitatis:* quam Babyloniam  
Scriptura dicit; perambularem per latam viam,  
quæ dicit ad perditionem (Matthew. vii, 13). *Et que-  
relam exactoris non audiens:* nemini quidquam debens.  
*Consideravit montes pascue sue:* magnitudinem re-  
velationum. *Et post omne viride querit:* omne sempiter-  
num. *Voleat autem monoceros servire tibi?* superbus  
dignitate hujus sœculi; quia et tales subjugavit Chris-  
tus, et ministros Ecclesiæ constituit: *μονόκερος;* enim  
unicornis est, quod superbiam significat. *Aut dormire  
super præsepe tuum?* sicut super illius humilitatem,  
qui etiam in præsepi est infans positus (Luc. ii, 7).  
req̄uiescit securitate veniae peccatorum, et obli-  
vione durarum male conscientiæ. *Et alligabit in loris  
jugum suum?* jugum lene portans alligatum loris, hoc  
est, in auctoritatibus eorum qui carnem mortificaverunt  
atque domuerunt. Unde et Joannes zona pellicea cin-  
gebatur (Matthew. iii, 4), non asperis restibus pecca-  
torum. *Aut ducet tibi sulcos in campo?* aperiet pectora  
plebis obedientis ad obtinendum regnum Dei. *Confi-  
dis autem in eo, quia mutata est virtus ejus?* ut non va-  
nitatem humanæ laudis et honoris etiam in Eccle-  
siæ ministerio requirat, sicut requirebat in sœculo.  
*Aut dimittes ei opera tua?* sicut ille, pro quo se dicit  
Apostolus legatione fungi, exhortans pro Christo re-  
conciliari Deo. (II Cor. v, 20). *Et credes ei, quia red-  
det tibi semen tem?* Nihil ex eo suo dominatui vindica-  
bit. Sementem quippe dicit opus seminandi. *Et in  
aream tuam inferet?* Ut sit inter illos, quibus ipse Do-  
minus præcipit rogandum Dominum messis, ut mittat  
operarios in messem suam (Luc. x, 2): non autem  
ut sibi velit aream facere, sicut princeps haeresum et  
schismatum, et quicumque non Dei gloriam querunt,  
sed suam. Difficillimum est enim ut velit iste monoce-  
ros, sed tamen et hoc præstat atque efficit in homi-  
nis animo, qui facit mirabilia solus (Psalm. LXXI, 18),  
consilia destruens, et omnem altitudinem extollen-  
tem se adversus scientiam Dei, et captivans omnia  
intellectum ad obedientiam suam (II Cor. x, 4, 5).  
*Penna struthionum mixta est alis herodionis et accipi-**

<sup>1</sup> Sic MSS. juxta LXX. Edili vero, euntes.

*tris.* Tardis ingenio, quos significant struthiones,  
quia volare non possunt, donatum esse per ejus gra-  
tiam qui stulta mundi elegit (I Cor. i, 27), ut equa-  
rentur ingeniosorum cleritati pariter credentium,  
qui per alias aves quas commemoravit significantur,  
per hunc versum intelligentum est. *Et reliquit in  
terra ova sua.* Jam incipit de struthione dicere, id est  
de his quos per hoc animal significat. Non enim mi-  
scerentur pennæ eorum tardæ alis velocium avium  
ad pariter volandum, nisi spem priorem in terra re-  
linquerent, quam per ova significat. *Et in pulvere ca-  
lefunt.* Quia etsi id quod sperbat in sœculo non at-  
tenderit, plerunque faventibus amatoribus sœculi,  
qui pulveri comparantur, provenit. *Et oblita est quia  
pes disperdet ea, et bestia agri conculcabit ea.* Quod si  
et adversa eujusquam cupiditas et iniqui hujus  
mundi perturbent, et obterant spem ejus talēm,  
tanquam ova ejus quæ relinquit in terra; ita non cu-  
rat, ut tanquam oblita non sentiat. *Obduruit contra  
filios suos, ne sint ejus:* etiam si jam non spes sit sicut  
ova, sed res ipsa, sicut filii jam nati, hoc est sili-  
citas temporalis, fortiter contemnit eam, nolens eam:  
suam esse felicitatem; quia illam veram desiderat.  
*Frustra laboravit absque ullo timore.* Illoc antequam  
convertatur: laborat enim spe sœculi sine fructu, et  
quod est insipientius, sine ullo timore, dum præsus-  
mit in rebus incertis. *Quia despexit eam Deus in sa-  
pientia, et non distribuit ei intellectum.* Quid enim  
stultius, quam fidere in vanitate, et laborare ad ac-  
quirenda peritura sine ullo timore amittendi? Conci-  
piunt enim plerique hunc affectum, quibus longa fe-  
licitas sœculi provenit, præsertim si ab avis et atavis  
perpetua successione ducatur, ut se repente infeli-  
ces fieri posse non credant. Et quia magni solent ap-  
parere in terra, non tamen pennis virtutum coelesti  
conversatione frui, recte struthionibus comparantur.  
Sed attende quod sequitur: *Cum tempus fuerit, in ultim  
evolabit, et irridebit equitem et ascensorem.* Posteaquam  
venit plenitudo temporis (Galat. iv, 4), ut præcipe-  
retur divitibus hujus sœculi, non superbe sapere, nec  
sperare in incerto divitarum, sed in Deo vivo (I Tim.  
vi, 17), coeperunt sursum cor habere ad Dominum,  
et deridere superbos persecutores, quos Dominus  
projicit in mare: tunc enim penna struthionis mixta  
velocibus avibus, cœlum petit, et cætera quæ de hoc  
animali supra dicta sunt, flunt. *An tu circumdedisti  
equo virtutem?* Martyrem videtur describere, intrepidi-  
cum et alacrem testem salutaris, non tamon  
virtutis propria, sed qua eum circumdedit Dominus.  
*Et inseruisti collo ejus hinnitum?* Induite vos armatu-  
ram Dei, ut possitis resistere in die malo (Ephes. vi,  
11). *Et glorie pectoris ejus audacia<sup>2</sup>.* Haec est audacia  
qua Isaïas audet et dicit<sup>3</sup> (Isai. LXV, 1; Rom. x, 20).  
Gloria vero pectoris est conscientia (II Cor. i, 12)  
opus hominis probans, ut in semetipso habeat  
quisque gloriam et non in altero (Galat. vi, 4). Pro-

<sup>2</sup> Floriacensis codex, *audaciæ*.

<sup>3</sup> Apud Lov., post, dicit, additur: *Inventus sum a non quæ-  
rentibus me: palam apparui illis qui me non interrogabant;  
quod totum abest ab Am. Er. et MSS.*

*diens<sup>1</sup> in campo luxuriat. In lucem libertatis exiens, facilitate boni operis in latitudine charitatis exsultat. Et procedit in prælum cum virtute: aduersus tentationes adversitatum. Occurrensque jaculo contemnit: quia circumposita sunt ei arma, in quibus est illud scutum fidei, in quo ignita inimici jacula extinguntur (Ephes. vi, 16). Nec se avertit a ferro: vel a morte visibili, vel qui sunt et duri ad non consentiendum veritati, et acuti ad persequendum a quibus se non avertit, quia ipsos etiam ut diligit jubetur. Super ipsum enim gaudet arcus et gladius. Per confessionem quippe ejus asseritur et commigatio Dei, quæ invisibilis pœnas longe prenuntiat, et testificatio verbi, quæ omnes tanquam coinius errores debellat. Aliud est enim minari, quod longe futura sunt supplicia peccatorum, quod est tanquam arcu tela intendere; aliud tanquam manu ad manum gladio verbi praesentes debellare cupiditates. Lanceæ hastæque tremore. Quid est quod lanceæ hastæque tremore super ipsum gaudet arcus et gladius? An quia nisi et ipse tremit, hoc est, timeat futuram mortem, quam jaculatur divina justitia, non potest presentem contemnere, quam persecutor minatur, ut intrepidam habeat confessionem, et prædicet cum fiducia veritatem, cui non possint inimici resistere: atque ita super eum gaudeat, hoc est, per ipsum libere asseratur doctrina Dei, per quam minatur impiis futurum interitum, et interficit presentem iniquitatem? Nisi enim gaudium spei nostræ cum tremore damnationis esset, in nobis negligens esset ipsa securitas et superba præsumptio; neque in Psalmo nobis diceretur, *Exsultate ei cum tremore* (Psal. ii, 11). Et iracundia everlit terram. Apud semetipsum irascens, ad evertendas in se terrenas concupiscentias et timores carnales, quibus quisque a tolerantia passionis avertitur. In hac sententia forte dictum est, *Irascimini et nolite peccare* (Psal. iv, 5). Cum iracundia enim saluberrima se debet quicunque correctione corripere, dicens, *Utquid tristis es, anima mea? et quare conturbas me?* Spera in Deum, quia confitebor illi. Quia enim ore confessio fit ad salutem (Rom. x, 10), statim sequitur, *Salutare vultus mei Deus meus* (Psal. xli, 6, 7). Nec credet, donec clamaverit tuba. Ante tempus quippe temptationis, etiamsi eversa est terrena trepidatio, non appareat, nec facile credendum est, nisi tempus ipsum temptationis docuerit. Cum autem tuba cecinerit, dicet, *Euge.* Cum tempus temptationis venerit, tunc vero placebit ei anima ejus, si gloriatur in tribulationibus; quia tribulatio patientiam operatur, patientia vero probationem, probatio vero spem (Rom. v, 3, 4): ut jam non dicat animæ suæ irascens, *Utquid conturbas me?* sed glorians dicat, *Lauda, anima mea, Dominum* (Psal. cxlv, 2). Et procul odoratur pugnam: non quasi in hominibus persequentibus qui videntur, sed procul, hoc est, longe ab oculis; sciens quia non est ei colluctatio aduersus carnem et sanguinem, sed aduersus principes et potestates, et rectores mundi, tenebrarum harum, aduersus spiritualia nequitiae in cœlestibus (Ephes. vi,*

<sup>1</sup> Iud LXX, anorussōn, fodens.

12), hoc est procul. Apte autem dictum est, *odoratur*, propter principem potestatis aeris hujus. Odores quippe olfactu sentiuntur, sive boni, sive mali. *Odoratur* ergo *pugnam*, qui intelligit principem potestatis acris hujus operari in filiis dissidentiæ (Ephes. ii, 2), quorum persequentium iras aut insidias patitur, ut aduersus spiritualia nequitiae spiritualibus armis dimicet, non corporalibus aduersus carnem et sanguinem, id est malos et perditos homines, quos carneis oculis videt. *Tonitrum ducum et clamorem*: subaudiendum est, odoratur. Tonitrum autem propter ipsum aerem puto dictum esse, in quo clausa spiritualia nequitiae versantur. Non enim rectores mundi propterea dicti sunt hi spiritus, quia cœlum et terram regunt, sed sicut ipse exponit Apostolus. Etenim ne ita intelligeretur, subjecit statim quid dixerit rectores mundi; *tenebrarum harum*, inquit, hoc est impiorum: quibus ad Dominum conversis dixit, *Fuistis enim aliquando tenebræ; nunc autem lux in Domino* (Id. v, 8). In voluntate enim cujusque est, utrum tenebræ sit, an lux: sed cum tenebræ, in seipso, hoc est, peccatis quæ ipsius sunt propria; cum autem lux, non in seipso sed in Domino, a quo illuminatur, ut quemadmodum dixit Isaïas, tenebre ejus sint velut meridies (Isai. lvii, 10). Dicitur et in Psalmis, *Iluminabis tenebras meas* (Psal. xvii, 29). Quos ergo dicit Apostolus rectores tenebrarum, ipsi et in hoc verso dicti sunt duces. Ducuntur enim et ab his tenebræ, hoc est impii, ut persequantur pios, id est, eos qui persecutionem patiuntur propter justitiam, non eos qui patiuntur propter impietas et iniquitates suas. Dicunt autem talium clamorem dicit odorari martyrem: non quia sonitus aliquis inde auditur auribus corporis, sed quia cordis auribus per fidem clament, quanta diabolus et angeli ejus aduersus Dei servos machinantur: unde ait Apostolus, *Non enim ignoramus astutiam ejus* (II Cor. ii, 11). Aduersus quem clamorem ducum, surdæ utique sunt aures infidelium. *Numquid in sapientia tua plumescit accipiter?* sicut in sapientia Dei, quæ est Christus, novus homo paulatim innovatur, conversationem habiturus in cœlestibus. *Expansis pennis immobilis, respiciens ad austrum?* explicatis ab omni impedimento seculari virtutibus geminæ dilectionis, permanens inconcussus in fide; non tamen in hoc ipso de seipso præsumens, sed sperans in Deum, et in illum revocans intentionem, a quo ipse charitatis ardor inspiratur, ut fortitudinem suam ad ipsum custodiat (Psal. lviii, 10), dicens, *Nonne Deo subjecta erit anima mea?* ab ipso enim salutare meum, etenim ipse est Deus meus et salutaris meus, susceptor meus; non movebor amplius (Psal. lxi, 2, 3). *Ac tuo præcepto exaltatur aquila?* sicut ejus præcepto, qui ait, *Cum exaltatus fuero, omnia traham ad me* (Joan. xii, 32). Pro nobis enim moriturus, et corpus resurrectione levaturus in cœlum: *Ubi fuerit, inquit, cadaver, illuc congregabuntur et aquilæ* (Matth. xxiv, 28). Satiat enim in bonis cœlestibus desiderium ejus, cuius sicut aquilæ juvenis renovabitur (Psal. cii, 5). Potest et exaltatio aquilæ ad id pertinere, quod ait Aposto-

*Ius, Sive enim mente excessimus Deo; ut versus qui etiam ibi sequitur de vultore, ad id pertinet quod etiam ibi sequitur, Sive temperantes sumus, vobis. Sequitur enim, Aut vultur super nidum suum in petra sedens morabitur, quia ex affectu dictum videtur non sublimia contemplandi mentis excessu, sed inferioribus consolendi per temperantiam qua humanis rebus congruit; ut impii qui pro mortuis habentur, justificati per verbum, hoc est, quasi ore devorati convertantur in corpus Ecclesiae. Vultur enim de mortuis pascitur; et ideo super nidum suum, ubi tanquam fetus ponit opera huic vitae necessaria. Ideo autem in petra, quia cum divisset Apostolus, Sive temperantes sumus, vobis; continuo subjunxit, Charitas enim Christi compellit nos (II Cor. v, 13, 14): petra autem erat Christus (I Cor. x, 4). Et bene sedens morabitur, secundum id quod dictum est, Compellor autem ex duobus, concupiscentiam habens dissolvit et esse cum Christo; multo enim magis optimum, ut hoc ad exaltationem aquilae pertineat; ad vulturem vero sedentem in nido, et morantem, Manere in carne necessarium propter vos (Philipp. 1, 23, 24). Et quia petra etiam tota Ecclesia bene intelligitur, propter etiam Simonem, qui ob hoc a Domino petrus appellatus est (Marc. iii, 16), summitas petrae est caput Ecclesiae. Ad hoc additur versus qui sequitur: In summittate petrae et in caverna. Summitas enim refertur ad id quod est caput, caverna vero ad id quod vita nostra abscondita est cum Christo in Deo (Coloss. iii, 3). Et cum ibi fuerit, querit escas: de quibus dictum est Petro, Macta, et manduca (Act. xi, 7), ut incorporaret Ecclesiae credituros ex Gentibus. Longe oculi ejus respiciunt; et pulli ejus voluntur in sanguine. Spe futuræ immortalitatis in vitam æternam intentionem suam longe porrigit: quanvis opera ejus in carnis infirmitate voluntur, id est, dubiis motibus jactetur, dum incertum habet humana ignorantia ex iis quæ misericorditer facit, quid cui prosit ad Deum, cum tamen longe oculis prospicientibus propter æternam salutem sincera charitate dispensat. Sed cum invenerit iste talis operator et dispensator eos qui per affectum quo renuntiant diabolo, jam mortui sint huic saeculo; sine dubitatione aliqua eis exhibet oris ministerium in opere sermonis, quo eos in corpus Ecclesiae jam paratissimos trajiciat: et ideo sequitur, Ubi cumque fuerint cadavera, confestim reperiuntur.*

*Respondit Dominus, et dixit. Quod nunc Dominus tanquam repetit sermonem, cum ipse loqueretur, intelligitur Job ad ea quæ dicta sunt, obstatuisse in silentio, et quievisse, ut nihil amplius dicere auderet. Ergo duobus qui sequuntur versibus exhortatur eum Dominus ad respondendum. Numquid qui disputat cum Omnipotente, quiescit? hoc est, Quare tu quiesces cum Omnipotente disputans? Arguens Deum respondebit ita? se baudiendum est, numquid; ut sit sensus, Numquid arguit Deum qui disputans respondebit? Quærendo enim cum Omnipotente disputatur, non convincendo*

*aut refellendo. Non ergo quia Omnipotens est, ideo quiescentem est a disputando cum eo. Neque enim ad arguendum ab eo aliquid per disputationem tanquam ab ipsa veritate requiritur. Potest et sic intellegi, Numquid qui disputat cum Domino, quiescit? id est, quia non quiescit qui cum Omnipotente disputat, non est cum eo disputandum ut quiescatur. Solet enim disputans contradicere: qui autem contradicit Deo, quiescere non potest, hoc est, non invenit quietem, nisi in ejus voluntate sine ulla contradictione consentiat. Arguens enim Deum respondebit ita; id est, cum disputando respondet Deo, arguit Deum, et propterea non pervenit ad quietem. Unde dictum est, O homo, tu quis es qui respondeas Deo (Rom. ix, 20)? Sed quid tale fecerat Job? Non enim Deus sic illum accipit tanquam contradicente sibi, sicut amici ejus non intelligentes; cum tale testimonium illi perhibeat, et in capite libri, et in fine. An propter personam quam Job gestabat dictum est, hoc est, corporis Domini, quod est Ecclesia, in qua multa infirmorum pars est, non quidem desperatorum, sed tamen adiutorum in proiectu suo periclitantium, quibus pene commoventur pedes, et quorum paulo minus effunduntur gressus, dum zelant in peccatoribus, pacem peccatorum intuentes? Qui dicunt: Quomodo scivit Deus, et si est scientia in Altissimo? Ecce ipsi peccatores, et abundanter in saeculo obtinuerunt divitias. Numquid vane justificavi cor meum, et lavi in innocentibus manus meas, et fui flagellatus tota die, et arguitio mea in matutinum (Psal. LXXII, 2-14). Nam hinc potius Job ipse videtur responderem sequentibus versibus.*

*Respondens autem Job dixit: Quid ergo judicer commonitus et increpatus a Domino, audiens talia, cum nihil sim? id est, quid ergo mihi judicium comparo, cum me commonet et arguit Dominus, si ei contradicam; audiens talia, id est, intelligens quanta justitia et misericordia tecum sic agatur, cum per me ipsum utique nihil sim? Quod responsum dabo? id est, quid potero contradicere veritati? Manum ponam ad os meum, id est, tenebo et cohibeo loquacitatem meam. Semel locutus sum; iterum non adjiciam. Nisi in mysterio accipiator, quomodo semel locutus est Job, qui toties locutus est? Aut quomodo iterum non adjiciet, post paululum locutus? Sed locutio hic intelligenda est progressus animæ in hæc exteriora, quo relinquit Deum, et ei desistit. Unde major iste progressus, etiam clamor in Scriptura appellatur, cum dicit Deus clamorem Sodomorum ad se pervenisse (Gen. xviii, 20). Cui locutioni atque clamori contrarium est beatissimum illud silentium, de quo dicitur, Et silebit sine timore ab omni malignitate. Bene itaque dicit semel se locutum continua quadam locutione in tota vita veteris hominis, cum esset spiritus ambulans, et non revertens (Psal. LXXVII, 39). Nunc autem manum imponens ori, ne ultra progrediatur, promittit se non adiicare iterum, ne recedat a Deo. Amen.*



# ADMONITIO

## IN LIBRUM CUI TITULUS SPECULUM.



Scripturam sacram speculi vice esse nobis propositam observat Gregorius in lib. 2 Moral. cap. 4; adeoque hanc, ubi virogum illustrium gestis narrandis insistit, non eorum peccata et lapsus, omninoque nihil silentio præterire notat, quo minus ad informandos mores exempla cuique homini presto sint opportuna. Verumtamen istud speculi munus habet Scriptura alio itidem ex capite; imo id sibi vindicata ea maxime parte, qua vita præcepta continentur; quibus videlicet in conspectu positis, si ulla est in moribus labes, si decus speciesque non ementita pietatis in animo insidet, facilius dijudicatur. Hæc itaque præcepta S. doctoris Augustini studio collecta fuisse in unum librum, cui Speculo nomen ab ipso inditum est, fidem facit Possidius in ejus vita, cap. 28; quo loco recensitis ante Retractationum libris, continententer subjicit: *Quique prodesse omnibus volens, et volentibus multa librorum legere et non valentibus, ex utroque divino Testamento, Vetere et Novo, præmissa præfations præcepta divina seu vetita ad vitæ regulam pertinentia excerpit, atque ex his unum codicem fecit: ut qui vellet legeret, atque in eo vel quam obediens Deo, inobediente esse agnoscet: et hoc opus voluit Speculum appellare.* Tum vero Vandalorum in Africam irruptionem, quæ ad annum Christi 428 pertinet, brevi post tempore contingisse refert. Unde intelligas opus istud esse anni fere 427, quod subinde inter opuscula Retractationum libris posteriorius edita numeratur in antiquis codicibus, ut in Retractationum fine Tom. 4 annotatum fuit. Eundem librum probe cognitum se habuisse significat Cassiodorus senator in lib. de Institutione div. Script. cap. 18, hisce verbis: *Liber ejusdem Augustini quasi philosophiæ moralis, quem pro moribus instituendis atque corrigendis ex divina auctoritate collegit, Speculumque nominavit, magna intentione legendus est.*

Porro cum ad vulgi usum istud pius opus compararet S. Doctor, eo noluit nisi faciliores intellectu præceptiones comprehendendi. Quo etiam consilio adductum credimus, ut versione uteretur non ex græco LXX, quam sequi solebat, sed ex hebræo, quod hanc demum comperisset esse illa multis in locis planiorem. Nam hoc nomine eam aliquoties laudat in postremis suis libris Qæstionum in Heptateuchum, ac præsertim in quarto de Doctrina Christiana libro, quem tribus aliis adjiciens anno 426, aut 427, sic testimonium ex propheta Amos prolatus loquitur in cap. 7: *Non autem, ait, secundum LXX Interpretæ, qui etiam ipsi divino Spiritu interpretati, ob hoc aliter videntur nonnulla dixisse, ut ad spiritualem sensum scrutandum magis admoneretur lectoris intentio, unde etiam obscuriora nonnulla, quia magis tropica, sunt eorum: sed sicut ex hebreo in latinum eloquium presbytero Hieronymo utriusque linguae perito interpretante translata sunt.* Præterea, si quæ forsitan ex congestis in Speculum sententiis contrariæ viderentur, conciliare decreverat et illustrare propositis postea qæstionibus: quas quidem in MSS. codicibus frustra quæsivimus; cumque de hoc labore nihil dicat Possidius, qui de ipsa vel præfatione Speculi tacendum non existimavit, haud immerito creditur Augustinum ab eo explendo præpeditum fuisse.

Aliud non ita pridem Hieronymi Vignerii cura prodit Speculum sub Augustini nomine; in quo sententiae Scripturarum revocantur ad certa quædam capita instituta variis de rebus sacram doctrinam spectantibus, adeo ut non tam vite instituendæ consilio, quam erudiendi animi causa, comparatum esse videatur. Quocirca istud minus cum eo convenit Speculo, quod et Possidii verbis et Augustini præfatione describitur: planeque oportet sicuti nostrum hoc genuinum, ita Vignieranum illud spurium habeamus.

# S. AURELII AUGUSTINI

## HIPPONENSIS EPISCOPI

## de Scripturâ sacrâ

# SPECULUM<sup>(a)</sup>

## Præfatio.

Quis ignorat in Scripturis sanctis, id est, Legitimis, canonica præditis, quædam sic esse posita, ut tantum Propheticis, Evangelicis, et Apostolicis, auctoritate scirentur et crederentur; ut est quod in principio seculi

ADMONITIO PP. BENEDICTINORUM.

In Gallicanis MSS. nonnisi duobus repertum est, Regia Bibliotheca uno, altero Carnutensis Ecclesiæ: quorum codicium ope, necnon collatis ad eosdem codices editionibus Am, Er. et Lov. restitutur in integrum multis in locis.

Comparavimus præterea eas omnes editiones initio Retr. et Confess., t. 1. memoratas. M

(a) Scriptum sub annum Christi 427.

*Deus cœlum et terram (Gen. i, 1), et quod in principi erat Verbum (Joan. i, 1), et quæcumque facta divina vel humana tantummodo cognoscenda narrantur : quædam vero sic esse jussa, ut observarentur et fierent, vel prohibita, ne fierent; ut est, *Honora patrem et matrem*; et, *Non mæchaberis (Exod. xx, 12, 14, et Matth. xv, 4; v. 27, 28)*? Horum autem quæ jubendo et vetando scripta sunt, alia sunt sacramentorum velata mysteriis, quæ multa Veteris Testamenti populo illi facienda mandata sunt, neque a populo christiano nunc fiunt, sed tantummodo intelligenda requiruntur atque tractantur : sicuti est sabbatum ad visibilem vacationem (*Deut. v, 12*), sicut azyma in pane sine fermento, Pascha in ovis occisione (*Exod. xii*) ; sicut tot genera sacrificiorum eborumque vitandorum, et neomeniae, et annuae solemnitates, quas observant nunc usque Iudei ; et illæ justifications, quæ non ad opera justitiae proprie pertinent, sed aliquid significare intelliguntur. Quis enim christianus septimo anno cogit servum reddere libertati ; et si discedere ille noluerit, ejus auriculam subula pertundere ad postem (*Id. xxi, 2, 6*), et cætera hujusmodi ? Alia vero etiam nunc facienda sunt, si facienda præcepta sunt; nec facienda, si prohibita ; qualia sunt illa quæ dixi, *Honora patrem et matrem*; et, *Non mæchaberis*. De his igitur quæ ita sunt posita in Litteris sacris, vel jubendo, vel vetando, vel sinendo, ut etiam nunc, id est tempore Novi Testamenti, ad vitam piam exercendam moresque pertineant, hoc opus quod in manus sumpsi componere aggressus sum ; ut quantum me Deus adjuvat, omnia talia de canonice Libris colligam, atque ut facile inspici possint, in unum tanquam Speculum congeram. Oportuit enim sic ea poni ab auctoribus nostris, quemadmodum posita sunt, ut præcepta narrationibus vel disputationibus propriis figurata, et figuratis propria miscerentur, dum rerum gestarum ordo servatur, aut respondet adversis, aut qui docendi sunt instruantur, aut occultorum inventione quodammodo renovantur hi qui prompta et aperta fastidunt : nos autem in hoc opere nec infidelem vel adducimus vel ædificamus ad fidem ; nec exercemus quibusdam salubribus difficultatibus ingenium intentionemque diseentium ; sed eum qui jam credens obedire Deo voluerit, ut hic se inspiciat, admonemus, quantumque in bonis moribus operibusque profecerit, et quantum sibi desit, attendat. Sic enim potest et de his quæ habet gratias agere; et de his quæ non habet, ut habeat satis agere ; ac propter illa servanda curam precesque fidelis pietatis adhibere. In his autem omnibus quæ inspicienda ponere institui, quæcumque inter se videbuntur esse contraria, postea propositis quæstionibus exponenda atque solvenda sunt. Sane supplicia male factorum, et præmia recte factorum, quamvis nonnulla commemoranda existimaverim, tamen in Novo Testamento dissimilia veteribus esse quis nesciat? Ab ipsa igitur Lege quæ data est per Moysen, divinorum præceptorum, qualia nos commemoraturos esse promisimus, aggrediamur exordium.*

### DE LIBRO LEGIS, QUÆ EXODUS NOMINATUR.

[Cap. xx.] Non facies tibi sculptile, neque omnem similitudinem quæ est in cœlo desper, et quæ in terra deorsum, nec eorum quæ sunt in aquis sub terra : non adorabis ea, neque coles. Item : Non assumes nomen Domini Dei tui in vanum : nec enim habebit insontem Dominus eum qui assumpserit nomen Domini Dei sui frustra. Et paulo post : Honora patrem tuum et matrem, ut sis longevus super terram quam Dominus Deus tuus dabit tibi. Non occides. Non mœchaberis. Non furtum facies. Non loqueris contra proximum tuum falsum testimonium. Non concupisces domum proximi tui, nec desiderabis uxorem ejus ; non servum, non ancillam, non bovem, non asinum, nec omnia quæ illius sint. Item post Decalogum altis in locis, hæc in eodem libro reperiuntur præcepta vivendi : Non facietis mecum <sup>1</sup> deos argenteos, nec deos aureos facietis vobis.

Et aliquanto post [xxi.] : Qui percusserit hominem volens occidere, morte moriatur. Qui autem non est insidiatus, sed Deus illum tradidit in manus ejus, constitua tibi locum quo fugere debeat. Si quis de industria occiderit proximum suum per insidias, ab altari meo evelles cum, ut moriatur. Qui percusserit patrem suum et matrem, morte moriatur. Qui furatus fuerit hominem, et vendiderit eum, convictus nocte, morte moriatur. Qui maldixerit patri suo aut matri, morte moriatur. Si rixati fuerint viri, et percusserit alter proximum suum lapide vel pugno, et ille mortuus non fuerit, sed jacuerit in lectulo ; si surrexerit et ambulaverit foris super baculum suum, innocens erit qui percussit : ita tamen ut operas ejus et impensas in medicos restituat. Qui percusserit servum suum vel ancillam virga, et mortuus fuerit in manibus ejus, criminis reus erit : sin autem uno die supervixerit vel duobus, non subjacebit poenæ ; quia pecunia illius est. Si rixati fuerint viri, et percusserit quis mulierem prægnantem, et abortivum quidem fecerit, sed ipsa vixerit; subjacebit damno, quantum expetierit maritus mulieris, et arbitrii judicarint : sin autem mors ejus fuerit subsecuta ; redret animam pro anima, oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, livorem pro livore. Si percusserit quispiam oculum servi sui aut ancillæ, et luscos eos fecerit ; dimitet liberos pro oculo quem eruit. Dentem quoque si excusserit servo, aut ancillæ suæ ; similiter dimittet eos liberos. Si bos cornu petierit virum aut mulierem, et mortui fuerint ; lapidibus obruetur, et non comedentur carnes ejus ; dominus quoque bovis innocens erit. Quod si bos corrupeta fuerit ab heri et nudistertius, et contestati sunt dominum ejus, nec reclusit eum, occideritque virum ac mulierem ; et bos lapidibus obruetur, et dominum illius occident. Quod si pretium ei fuerit impositum, dabit pro anima sua quidquid fuerit postulatus.

<sup>1</sup> Particula, *mecum*, non reperitur in editis, abestque nunc a versione Vulgata. Sed cām habent MSS. hujus operis ; habet hebreus textus, imo etiam Vulgata versio in Corbeiana volumine ante 800 annos descripto.

Filium quoque et filiam si cornu percusserit, similis sententiae subjacebit. Si servum ancillanque invaserit, trigesita siclos argenti dabit domino; bos vero lapidibus obruetur. Si quis aperuerit cisternam, et foderit, et non operuerit eam, cecideritque bos aut asinus in eam; dominus cisternæ reddet pretium jumentorum: quod autem mortuum est, ipsius erit. Si bos alienus bovem alterius vulneraverit, et ille mortuus fuerit; vendent bovem vivum, et dividunt pretium; cadaver autem mortui inter se dispergunt. Sin autem sciebat quod bos cornu petra esset ab heri et nudiustertius, et non custodivit eum dominus suus; reddet bovem pro bove, et cadaver integrum accipiet.

[xxii.] Si quis furatus fuerit bovem aut ovem, et occiderit, vel vendiderit; quinque boves pro uno bove restituit, et quatuor oves pro una ove. Si effringens fur domum, sive suffodiens fuerit inventus, et accepto vulnere mortuus fuerit; percussor non erit reus sanguinis. Quod si orto sole hoc fecerit, homicidium perpetravit, et ipse morietur. Si non habuerit quod proferto reddat, venundabitur. Si autem inventum fuerit apud eum quod furatus est vivens, sive bos, sive asinus, sive ovis; duplum restituet. Si laeserit quispiam agrum vel vineam, et dimiserit jumentum suum, ut depascatur aliena: quidquid optimum habuerit in agro suo, vel in vinea, pro damni aestimatione restituet. Si egressus ignis invenerit spicas<sup>1</sup>, et comprehendenter acervos frugum, sive stantes segetes in agris; reddet damnum qui ignem succenderit. Si quis commendaverit animal pecuniam aut vas in custodiā, et ab eo qui suscepérat, furto ablata fuerint; si invenitur fur, duplum reddet: si latet, dominus dominus applicabitur ad deos, et jurabit quod non extenderit manū in rem proximi sui, ad perpetrandam fraudem, tam in bove quam in asino, et ove ac vestimento, et quidquid damnum inferre potest, et ad deos utriusque causa perveniet; et si illi judicaverint, duplum restituet proximo suo. Si quis commendaverit proximo suo asinum, bovem et ovem, et omne jumentum ad custodiā, et mortuum fuerit, aut debilitatum, vel captum ab hostiis<sup>2</sup>, nullusque hoc viderit; jusjurandum erit in medio; quod non extenderit manū ad rem proximi sui; suscipietque dominus juramentum, et ille reddere non cogetur. Quod si furto sublatum fuerit, restituet damnum domino. Si comedest a bestia, deferet ad eum quod occisum est, et non restituet. Qui a proximo suo quidquam horum mutuum postulaverit, et debilitatum aut mortuum fuerit, domino non praesente; reddere compelletur. Quod si in præsentiarum fuit dominus, non restituet, maxime si conductum venerat pro mercede operis sui. Si quis seduxerit virginem, neclum desponsatam, et dormierit cum ea; dotabit eam, et habebit eam uxorem. Si pater virginis dare noluerit, reddat pecuniam juxta modum dotis

<sup>1</sup> Ita hic in omnibus codicibus, quibus Bibliorum volumen Corbeiense consentit. At in hebreo et apud LXX, *invenit spinas*. Sic etiam Vulgata post Romanam correctionem faciem Sixti V auctoritate.

<sup>2</sup> Editi, a bestiæ. MSS vero, ab hostiis; quæ lectio verior

quam virgines accipere consueverunt. Maleficos non patieris vivere. Qui coierit cum jumento, morte meriatur. Qui immolat diis, occidetur, præter Dominum soli. Advenam non contristabis, neque affliges eum: advenæ enim fuistis in terra Ægypti. Vidure et pupilli non nocebitis. Si læseritis eos, vociferabuntur ad me, et ego exaudiā clamorem eorum, et indignabitur furor meus, percutiamque vos gladio et errant uxores vestræ viduæ, et filii vestri pupilli. Si pecuniam mutuam dederis populo meo pauperi, qui habitat tecum, non urgebis eum quasi exactor, nec usuris opprimes. Si pignus a proximo tuo acceperis vestimentum, ante solis occasum redde ei; ipsum enim est solum quo operitur indumentum carnis ejus, nec habet aliud in quo dormiat: si clamaverit ad me, exaudiā eum, quia misericors sum. Diis non detrahes, et principi populi tui non maledices. Decimas tuas et primicias non tardabis offerre. Primogenitum filiorum tuorum dabis mihi.

*Et paulo post [xxiii.]*: Non suscipes vocem mendacii, nec junges manum tuam, ut pro impio dicas falsum testimonium. Non sequeris turbam ad faciendum malum, nec in judicio plurimorum acquiesces sententiae, ut a vero devies<sup>3</sup>. Pauperis quoque non misereberis in judicio. Si occurris bovi iniuncti tul, aut asino erranti, reduc ad eum. Si videris asinum odientis te jacere sub onere, non pertransibis, sed sublevabis cum eo. Non declinabis in judicio pauperis. Mendacium fugies. Insontem et justum non occides; quia aversor impium. Ne accipias munera, quæ excusat etiam prudentes, et subvertunt verba justorum. Peregrino molestus non eris: scitis enim advenarum animas, quia et ipsi peregrini fuistis in terra Ægypti. *Et post quædam interposita, cum de alienigenis loqueretur*: Non adorabis deos eorum, neque coles eos. Non facies opera eorum, sed destrues eos, et confringes statuas eorum: servietisque Domino Deo vestro.

*Et post multa in eodem libro de diis Gentium [xxxiv.]*. Sed aras eorum destrue, confringe statuas, lucosque succide. Noli adorare deum alienum; Dominus zelotes nonnen ejus, Deus est æmulator. Ne ineas pactum cum hominibus illarum regionum; ne cum fornicati fuerint cum diis suis, et adoraverint simulacula eorum, vocet te quispiam, ut comedas de immolatis. Nec uxorem de siliabus eorum accipies filiis tuis; ne postquam ipse fuerint fornicatae, fornicari faciant ei filios tuos in deos suos. Deos conflatis non facies tibi. *Et paulo post*: Primitias frugum terræ tuæ offeres in domo<sup>4</sup> Domini Dei tui.

*Hæc de libro Legis, qui Exodus nominatur, colligenda existimavi. Nunc eodem modo inspiciamus in sequenti Levitico.*

#### DE LEVITICO.

[Cap. xviii.] *Omnis homo, inquit, ad proximam*

<sup>4</sup> In editis, a vero Deo devies. Abest, ne, a MSS. hujus libri, neconon a sacris Bibliis.

<sup>3</sup> Carnutensis Ecclesie Ms. habet hic, *in negotio*: sieque legebatur in Bibliis Corbi, versionis Vulgatae.

<sup>3</sup> MSS. in domina.

sanguinis sui non accedet, ut revelet turpitudinem ejus. Ego Dominus. Turpitudinem patris tui, et turpitudinem matris tuae non discooperies : mater tua est, non revelabis turpitudinem ejus. Turpitudinem uxoris patris tui non discooperies; turpitude enim patris tui est. Turpitudinem sororis tuae ex patre, sive ex matre, quae domi vel foris genita est, non revelabis. Turpitudinem filiae filii tui vel neptis ex filia, non revelabis ; quia turpitude tua est. Turpitudinem filiae uxoris patris tui, quam peperit patri tuo, et est soror tua, non revelabis. Turpitudinem sororis patris tui non discooperies; quia caro est patris tui. Turpitudinem sororis matris tuae non revelabis; eo quod caro sit matris tuae. Turpitudinem patrui tui non revelabis, nec accedas ad uxorem ejus, quae tibi affinitate conjungitur. Turpitudinem durus tuae non revelabis ; quia uxor filii tui est; nec discooperies ignominiam ejus. Turpitudinem uxor fratri tui non revelabis ; quia turpitude fratri tui est. Turpitudinem uxoris tuae et filiae ejus non revelabis. Filiam filii ejus, et filiam filiae illius non sumes, ut reveles ignominiam ejus; quia caro illius sunt, et talis coitus incestus est. Sororem uxoris tuae in pellicatum illius non accipies, nec revelabis turpitudinem ejus adhuc illa vivente. Ad mulierem quae patitur menstrua, non accedes, nec revelabis fœditatem ejus. Cum uxore proximi tui non coibis, nec seminis commixtione maculaberis. De semine tuo non dabis ut consecratur idolo Moloch, nec pollues nomen Dei tui. Ego Dominus. Cum masculo non commisceberis coitu femineo ; quia abomination est. Cum omni pecore non coibis, nec maculaberis cum eo. Mulier non succumbet jumento, nec miscerbitur ei; quia scelus est. Nec polluamini in omnibus his.

*Et post aliquantum [xix.]*: Unusquisque matrem et patrem suum timeat. *Et post unum versum* : Nolite converti ad idola, nec deos conflatis faciatis vobis. Ego Dominus Deus vester. *Et post paululum* : Nec remanentes. *inquit*, spicas colliges, neque in vinea tua racemos et grana decidentia congregabis; sed pauperibus et peregrinis carpenda dimites. Ego Dominus Deus vester. Non facietis furtum. Non mentiemini. Nec decipiet unusquisque proximum suum. Non perjurabis in nomine meo, nec pollues nomen Dei tui. Ego sum Dominus. Nec facies calumniam proximo tuo, nec vi opprimes eum. Non morabitur opus mercenarii tui apud te usque in mane. Non maledices surdo, nec coram cæco pones offendiculum : sed ut mebis Dominum Deum, quia ego sum Dominus. Non facies quod iniquum est, nec injuste judicabis. Nec consideres personam pauperis, nec honores vultum potentis : juste judica proximo tuo. Non eris criminator et susurro in populis. Non stabis contra sanguinem proximi tui. Ego Dominus. Ne oderis fratrem tuum in corde tuo : sed publice argue eum, ne habeas super illo peccatum. Non queras ultiōnem, nec memor eris injuriæ civium tuorum. Diliges amicum tuum sicut te ipsum. Ego sum Dominus, Leges meas custodite. Et

paulo post : Non comedetis cum sanguine<sup>1</sup>. Non augrabimini, nec observabitis somnia. Neque in rotundum attondebitis comam, nec radetis<sup>2</sup> barbam. Et super mortuo non incidetis carrem vestram : neque figurās aliquas et stigma faciōtis vobis. Ego Dominus. Ne prostituas filiam tuam, ne contaminetur terra, et impleatur piaculo. *Et post unum versum* : Ego Dominus. Ne declinetis ad magos, nec ab hariolis aliquid sciscitemini, ut polluamini per eos. Ego Dominus Deus vester. Coram cano capite consurge, et honora personam senis, et time Deum tuum. Ego sum Dominus. Si habitaverit advena in terra vestra, et moratus fuerit inter vos, ne exprobretis ei; sed sit inter vos quasi indigena, et diligetis cum quasi vosmetipsos : fuistis enim et vos advenae in terra Aegypti. Ego Dominus Deus vester. Nolite facere aliquid iniquum in iudicio, in regula, in pondere, in mensura. Statera justa, et æqua sint pondera; justus modius, æquusque sextarius. Ego Dominus Deus vester, qui eduxi vos de terra Aegypti. Custodite omnia præcepta mea, et universa iudicia, et facite ea. Ego Dominus.

[xx.] Locutusque est Dominus ad Moysen, dicens, Hæc loqueris filiis Israel : Homo de filiis Israel, et de advenis qui habitant in Israel, si quis dederit de semine suo idolo Moloch, morte moriatur ; populus terræ lapidabit eum : et ego ponam faciem meam contra illum, succidamque eum de medio populi sui, eo quod de semine suo dederit Moloch, et contaminaverit sanctuarium meum, et polluerit nomen sanctum meum. Quod si negligens populus terræ, et quasi parvipendens imperium meum, dimiserit hominem qui dedit de semine suo Moloch, nec voluerit enim occidere ; ponam faciem meam super hominem illum, et cognationem ejus ; succidamque et ipsum et omnes qui consenserant ei, ut fornicarentur cum Moloch de medio populi sui. Anima quæ declinaverit ad magos et hariolos, et fornicata fuerit cum eis ; ponam faciem meam contra eam, et interficiam illam de medio populi sui. Sanctificamini, et estote sancti ; quia ego sanctus sum Dominus Deus vester. Custodite præcepta mea, et facite ea. Ego Dominus qui sanctifico vos. Qui maledixerit patri suo aut matri, morte moriatur. Patri matrique qui maledixerit<sup>3</sup>, sanguis ejus sit super eum. Si moechatus fuerit vir cum uxore alterius, et adulterium perpetraverit cum conjugi proximi sui ; morte moriantur et moechus et adultera. Qui dormierit cum noverca sua, et revelaverit ignominiam patris sui ; morte moriantur ambo : sanguis eorum sit super eos. Si quis dormierit cum nuru sua, uterque moriatur ; quia scelus operati sunt : sanguis eorum sit super eos. Qui dormierit cum masculo coitu femineo, uterque operatus est nefas ; morte

<sup>1</sup> Editi, carnem cum sanguine. At MSS. parente, carnem, quæ nec in latinis Bibliis nisi mendosis repertur.

<sup>2</sup> Carnutensis codex, nec eradicetis. Alii juxta Vulgatam, radetis. Hoc modo si legebat Augustinus, mirari subit cur istud præceptum transtulerit in hanc collectiōnem, quæ præter præcepta ad veteris et novi Testamenti tempus peræqua spectantia continere nihil debebat. Porro LXX vertunt, oude phthorete tén̄ opsin tol̄ pogónas, neque corruptis aspectum barbae restræ.

<sup>3</sup> In castigatoribus Billiis, patri matrique maledixit.

moriatur : sanguis eorum sit super eos. Qui supra uxorem filiam duxerit matrem ejus, scelus operatus est ; vivus ardebit cum eis, nec permanebit tantum nefas in medio vestri. Qui cum jumento et pecore coierit, morte moriatur : pecus quoque occidite. Mulier quæ succubuerit cuiilibet jumento, simul interficietur cum eo ; sanguis eorum sit super eos. Qui acceperit sororem suam, filiam patris sui, vel filiam matris suæ, et viderit turpitudinem ejus, illaque conspexerit fratris ignominiam, nefariam rem operatis sunt ; occidentur in conspectu populi, eo quod turpitudinem suam mutuo revelaverint ; et portabunt iniqutatem suam. Qui coierit cum muliere in fluxu menstruo, et revelaverit turpitudinem ejus, ipsaque aperuerit fontem sanguinis sui, interficiantur ambo de medio populi sui. Turpitudinem materteræ et amitæ tuæ non discooperies. Qui hoc fecerit, ignominiam carnis suæ nudavit ; portabunt ambo iniqutatem suam. Qui coierit cum uxore patrui vel avunculi sui, et revelaverit ignominiam cognationis suæ ; portabunt ambo peccatum suum ; absque liberis morientur. Qui duxerit uxorem fratris sui, rem facit illicitam : turpitudinem fratris sui revelavit ; absque filiis erunt. *Et in alio loco :* Vir sive mulier, in quibus pythonicus vel divinationis fuerit spiritus, morte moriatur ; lapidibus obruent eos : sanguis eorum sit super illos.

*Itemque in alio loco, cum de summo sacerdote loqueretur [xxi.] :* Virginem, inquit, ducet uxorem ; viuam et repudiataam, et sordidam atque meretricem non accipiet, sed puellam de populo suo : ne commisceat stirpem generis sui, vulgo gentis suæ ; quia ego Dominus qui sanctifico eum.

*Et post multa [xxiv.] :* Homo qui maledixerit Deo suo, portabit peccatum suum. Et qui blasphemaverit nomen Domini, morte moriatur : lapidibus opprimet eum omnis multitudo, sive ille civis, sive peregrinus fuerit. Qui blasphemaverit nomen Domini, morte moriatur. Qui percusserit et occiderit hominem, morte moriatur. Qui percusserit animal, reddat vicarium, id est, animam pro anima. Qui irrogaverit maculam cuiilibet civium suorum, sicut fecit, fiat ei : fracturam pro fractura, oculum pro oculo, dentem pro dente restituit ; qualem inflixerit maculam, talem sustinere cogetur. Qui percusserit jumentum, reddet aliud. Qui percusserit hominem, punietur. *Æquum judicium sit inter vos, sive peregrinus, sive civis peccaverit ; quia ego sum Dominus Deus vester.*

*Et post aliquantum [xxvi.] :* Non facietis vobis idolum et sculptile, nec titulos erigetis, nec insignem <sup>1</sup> lapidem ponetis in terra vestra, ut adoretis eum. Ego enim sum Dominus Deus vester.

*Hoc de Levitico. Nunc de libro cuius nomen est Numeri, quæ visa sunt commemoranda ponemus.*

#### DE NUMERIS.

[Cap. xxvn.] Homo cum mortuus fuerit absque filio, ad filiam ejus transibit hæreditas. Si filiam non habuerit, habebit successores fratres suos. Quod si

<sup>1</sup> Sic MSS. juxta Vulgatam. At editi, in signum.

et fratres non habuerit, dabitis hæreditatem fratribus patris ejus. Sin autem nec patruos habuerit, dabitur hæreditas iis qui ei proximi sunt : critque hoc filii Israël sanctum lege perpetua, sicut præcepit Dominus Moysi.

*Et post multa [xxxv.]* Ad unius testimonium nullus condemnabitur. Non accipietis pretium ab eo qui reus est sanguinis.

*Hoc de Numeris invenimus, quæ inspicienda putavimus. Deuteronomium deinceps considerabimus.*

#### DE DEUTERONOMIO.

[Cap. i.] Nulla erit distantia personarum : ita parvum audietis ut magnum, nec accipietis cujusquam personam; quia Dei judicium est.

*Et plurimis interpositis, ubi Decalogum repetit [iv.]* Custodite igitur sollicite animas vestras. Non vidistis aliquam similitudinem in die qua locutus est Dominus vobis in Horeb de medio ignis : ne forte decepti faciatis vobis sculptam similitudinem, aut imaginem masculi vel feminæ ; similitudinem omnium jumentorum quæ sunt super terram, vel avium sub cœlo volantium ; atque reptilium quæ moventur in terra, sive piscium qui sub terra morantur in aquis ; ne forte oculis elevatis ad cœlum videas solem et lunam, et omnia astra cœli, et errore deceptus adores, et colas quæ creavit Dominus Deus tuus in ministerium cunctis gentibus, quæ sub cœlo sunt. *Et paulo post :* Cave, inquit, ne quando obliviscaris pacti Domini Dei tui, quod pepigit tecum ; et facias tibi sculptam similitudinem eorum, quæ fieri Dominus prohibuit : quia Dominus Deus tuus ignis consumens est, Deus æmulator.

*Et alio loco [v.] :* Non habebis deos alienos in conspectu meo. Non facies tibi sculptile, nec similitudinem omnium quæ in cœlo sunt desper, et quæ in terra deorsum, et quæ versantur in aquis sub terra. Non adorabis ea, neque coles. Ego enim sum Dominus Deus tuus, Deus æmulator, reddens iniqutatem patrum in filios in tertiam et quartam generationem, iis qui oderunt me; et faciens misericordiam in multa millia diligentibus me, et custodientibus præcepta mea. Non usurpabis nomen Domini Dei tui frustra : quia non erit impunitus, qui super re vanâ nomen ejus assumpserit. *Et post paululum :* Honora, inquit, patrem tuum et matrem, sicut præcepit tibi Dominus Deus tuus ; ut longo vivas tempore, et bene sit tibi in terra quam Dominus Deus tuus datus est tibi. Non occides, neque mochaberis, furtunque non facies, nec loqueris contra proximum tuum falsum testimonium. Non concupisces uxorem proximi tui, non domum, non agrum, non servum, non ancillam, non bovem, non asinum, et universa quæ illius sunt.

*Et alibi in eodem libro [vi.] :* Diliges Dominum Deum tuum ex toto corde tuo, et ex tota anima tua, et ex tota fortitudine tua. *Et paulo post :* Cum comedieris et saturatus fueris, cave diligenter ne obliviscaris Domini, qui eduxit te de terra Ægypti de domo servitutis. Dominum Deum tuum timebis, et ipsi soli

servies, ac per nomen illius jurabis. Non ibitis post deos alienos cunctarum gentium quae in circuitu vestro sunt : quoniam Deus xemulator, Dominus Deus tuus in medio tui ; ne quando irascatur furor Domini Dei tui contra te, et auferat te de superficie terrae. Non tentabis Dominum Deum tuum.

*Item paulo post, cum de alienigenis loquitur [vii.] :* Neque socialibus cum eis conjugia; filiam tuam non dabis filio ejus, nec filiam illius accipies filio tuo. Quia seducet filium tuum ne sequatur me, et ut magis seruat diis alienis : irascereturque furor Domini, et delebit te cito. Quin potius haec facietis eis : aras eorum subvertite, confringite statuas, lucosque succidite, et sculptilia comburite. *Et post aliquantulum :* Sculptilia eorum igne combures. Non concupisces argentum et aurum de quibus facta sunt, neque assunes ex eis tibi quidquam, ne offendas; propterea, quia abominationis est Domini Dei tui. Nec inferes quidpiam ex idolo in domum tuam ; ne sis anathema, sicut et illud est : quasi spurciuem detestaberis, et velut inquinamentum ac sordes abominationi habebis; quia anathema est.

*Et alio in loco [viii.] :* Observa, et cave ne quando obliviscaris Domini Dei tui, et negligas mandata ejus, atque judicia, et ceremonias, quas ego praecepio tibi hodie : ne postquam comederas et satiates fueris, domos pulchras aedificaveris, et habitaveris in eis; habuerisque armenta et ovium greges, argenti et auri cunctarumque rerum copiam, elevetur cor tuum, et non reminiscaris Domini Dei tui. *Et post paucos versus :* Ad extreum, *inquit*, misertus est tui ; ne diceres in corde tuo, Fortitudo mea et robur manus meae haec mihi omnia praestiterunt : sed recorderis Domini Dei tui, quod ipse tibi vires praebuerit.

*Et post aliquantum [xi.] :* Ut ipsi comedatis, ac satienuini. Cavete ne forte decipiatur cor vestrum, et recedatis a Domino Deo, serviatisque diis alienis, et adoretis eos ; iratusque Dominus claudat celum.

*Et post aliquantum [xii.] :* Subvertite omnia loca in quibus coluerunt gentes, quas possessuri estis, deos suos, super montes excelsos et colles, et subter <sup>1</sup> omne lignum frondosum. Dissipate aras eorum, et confringite statuas; lucos igne comburite, et idola comminuite : disperdite nomina eorum de locis illis. *Et quibusdam interpositis, cum de alienigenis loquere-* *tur :* Cave ne imiteris eas, postquam te fuerint introuente subversae, et requiras ceremonias earum, dicens, Sicut coluerunt gentes iste deos suos, ita et ego colam. Non facies similiter Domino Deo tuo. Omnes enim abominationes quas aversatur Dominus, ficerunt diis suis, offerentes filios et filias, et comburentes igni. Quod praecepio tibi, hoc tantum facito Domino; nec addas quidquam, nec minuas.

[xiii.] Si surrexerit in medio tui prophetes, aut qui somnium vidisse se dicat, et praedixerit signum atque portentum; et evenerit quod locutus est, et dixerit tibi, Eamus et sequamur deos alienos, quos ignoras, et serviamus eis ; non audias verba prophetae

illius, aut somniatoris : quia tentat vos Dominus Deus vester, ut palam fiat utrum diligatis eum, an non, in toto corde et in tota anima vestra. Dominum Deum vestrum sequimini, et ipsum timete : mandata illius custodite, et audite vocem ejus : ipsi servietis, et ipsi adhaerebitis. Propheta autem ille aut factor somniorum interficietur ; quia locutus est, ut vos averteret a Domino Deo vestro, qui eduxit vos de terra Aegypti, et redemit de domo servitutis ; ut errare te faceret de via quam tibi praeceperat Dominus Deus tuus ; et auferes malum de medio tui. Si tibi voluerit persuadere frater tuus, filius matris tuae, aut filius tuus, vel filia, sive uxor quae est in sinu tuo, aut amicus quem diligis ut animam tuam, clam dicens, Eamus et sequamur deos alienos, quos tu ignoras et patres tui, cunctarum in circuitu gentium, que juxta vel procul sunt ab initio usque ad fines terre ; non acquiescas ei, neque audias, neque parcat ei oculus tuus, ut miserearis, et occultes eum : sed statim interficies ; sit prius manus tua super eum ; et post te <sup>1</sup> omnis populus mittat manum : lapidis obrutus necabitur, quia te voluit abstrahere a Domino Deo tuo.

*Et post paululum [xiv.] :* Non vos incidetis, neque facietis calvitium super mortuo : quoniam populus sanctus es Domino Deo tuo.

*Et alio loco [xv.] :* Si unus, *inquit*, de fratribus tuis, qui moratur intra portas civitatis tuae, in terra quam Dominus Deus tuus datus est tibi, ad paupertatem venerit ; non obdurabis cor tuum, nec contrahas manum : sed aperies eam pauperi, et dabis mutuum quo eum indigere perspexeris. Cave ne forte subrepat tibi impia eogitatio, et dicas in corde tuo, Appropinquat septimus annus remissionis ; et avertas oculos a paupere fratre tuo, nolens ei quod postulat mutuum commodare ; ne clamet contra te ad Dominum, et fiat tibi in peccatum : sed dabis ei ; nec ages quidpiam callide in ejus necessitatibus sublevandis : ut benedicat tibi Dominus Deus tuus in omni tempore, et in cunctis ad quae manum miseris. Non decurunt pauperes in terra habitationis tuae : idcirco ego praecepio tibi ut aperias manum fratri tuo egeno et pauperi, qui tecum versatur in terra.

*Et post aliquantum [xvi.] :* Judices et magistros constitues in omnibus portis tuis, quas Dominus Deus tuus dederit tibi, per singulas tribus tuas, ut judicent populum justo iudicio : nec in alteram partem declinet. Non accipias personam, nec munera ; quia munera excœcant oculos sapientium, et mutant verba justorum. Juste quod justum est persecueris, ut vivas, et possideas terram quam Dominus Deus tuus dedit tibi. *Et post pauca :* Non facies tibi, atque constitues statuam, quae odit Dominus Deus tuus.

*Item post pauca [xvii.] :* Cum reperti fuerint apud te intra unam portarum tuarum, quas Dominus Deus tuus dabit tibi, vir aut mulier, qui faciant malum in conspectu Domini Dei tui, et transgrediantur pactum illius, ut vadant, et serviant diis alienis, et adorent eos , solem et lunam et omnem militiam coeli, quas

<sup>1</sup> In latinis castigatoribus Bibliis, et postea.

<sup>2</sup> Si MSS. juxta vulgatam. At editi, super.

non præcepi; et hoc tibi fuerit nuntiatum, audiensque inquisieris diligenter, et verum esse repereris, et abominatio facta est in Israel: educes virum ac mularem, qui rem sceleratissimam perpetraverunt, ad portas civitatis tuae, et lapidibus obruentur. In ore duorum aut trium testium peribit, qui interficietur. Nemo occidatur uno contra se dicente testimonium. Manus testium prima interficiat eum, et manus reliqui populi extrema mittatur; ut auferes malum de medio tui. *Item post aliquantum*: Qui autem superbierit nolens obedire sacerdotis imperio, qui ex tempore ministrat Domino Deo tuo, et decreto<sup>1</sup> judicis; moriatur homo ille: et auferes malum de Israel; cumclusque populus audiens timebit, at nullus deinceps intumescat superbiam.

*Et post quædam interposita, cum de alienigenis admoneret [xviii.]*: Cave, inquit, ne imitari velis abominationes illarum gentium. Nec inveniatur in te, qui iustret filium suum aut filiam ducens per ignem, aut qui hariolos sciscitur, et observet somnia atque auguria; nec sit maleficus, nec incantator, neque pythones consulas nec divinos, et quæras a mortuis veritatem. Omnia enim hæc abominatur Dominus.

*Et post aliquantum [xix.]*: Non stabit testis unus contra aliquem, quidquid illud peccati et facinoris fuerit: sed in ore duorum aut trium testium stabit omne verbum. Si steterit testis mendax contra hominem, accusans eum prævaricationis; stabunt ambo, quorum causa est, ante Dominum in conspectu sacerdotum et judicium, qui su-rint in diebus illis: cumque diligentissime perscrutantes invenerint falsum testem dixisse contra fratrem suum mendacium; reddent ei sicut fratri suo reddere cogitavit; et auferes malum de medio tui: ut audientes cæteri timorem habeant, et nequaquam talia audeant facere. Non misereberis ejus; sed animam pro anima, oculum pro oculo, dentem pro dente, manum pro manu, pedem pro pede exigies.

*Et alibi in eodem libro [xxi.]*: Si genuerit homo filium contumacem et protervum, qui non audiat patris ac matris imperium, et coercitus obedire contempserit; apprehendent eum, et deducent ad seniores civitatis illius, et ad portam judicii, dicentque ad eos, Filius noster iste protervus et contumax est, monita nostra audire contempsit, comissionibus vacat et luxurie atque conviviis: lapidibus eum obruet populus civitatis, et morietur; ut auferatis malum de medio vestri, et universus Israel audiens pertimescat.

*Et post pauca [xxii.]*: Non videbis bovem fratris tui aut ovem errantem, et præteribis; sed reduces fratrem tuum: etiamsi non est propinquus tuus frater, nec nosci eum, duces in domum tuam, et erunt apud te quamdiu querat ea frater tuus; et recipiat. Similiter facies de asino et vestimento, et de omni re fra-

<sup>1</sup> Lov., ex decreto: uti olim quibusdam in Biblia legebatur. At Am. Er. et MSS., et decreto: subintellige, nolens obedire; nam hebreus textus sic fere sonat: Qui fecerit in superbia ad non audiendum ad sacerdotem.... vel ad judicem, morietur, etc. At græc. LXX, ut non obediatur sacerdoti.... vel judici, etc.

tris tui quæ perierit: si inveneris eam, ne negligas quasi alienam. Si videris asinum fratris tui aut bovem cecidisse in via, non despicies, sed sublevabis cum eo. Non induetur mulier veste virili, nec vir utetur veste feminæ: abominabilis enim apud Dominum est qui facit haec. *Item post pauca*: Cum ædificaveris domum novam, facies murum tecti per circuitum; ne effundatur sanguis in domo tua, et sis reus labente alio et in præceps ruente. *Item paulo post*: Si duxerit vir uxorem, et postea eam odio habuerit; quæsiceritque occasiones quibus dimittat eam, oljiciens ei nomen pessimum, et dixerit, Uxorem hanc accepi, et ingressus ad eam non inveni virginem: tollent eam pater et mater ejus, et serent secum signa virginitatis ejus ad seniores urbis, qui in porta sunt; et dicet pater, Filiam meam dedi huic uxori, quam quia odit, impunit ei nomen pessimum, ut dicat, Non inveni filiam tuam virginem: et ecce haec sunt signa virginitatis filiae meæ. Expandent vestimentum coram senioribus civitatis: apprehendentque senes urbis illius virum, et verberabunt illum; condemnantes insuper centum siclos argenti, quos dabit patri puella; quoniam diffamavit nomen pessimum super virginem Israel: habebitque eam uxorem, et non poterit dimittere omni tempore vita sue. Quod si verum est quod objicit, et non est in puella inventa virginitas; ejicient eam extra fores domus patris sui, et lapidibus obruent viri civitatis ejus, et morietur; quoniam fecit nefas in Israel, ut fornicaretur in domo patris sui: et auferes malum de medio tui. Si dormierit vir cum uxore alterius, uterque moriatur, id est adulter et adultera; et auferes malum de Israel. Si puellam virginem desponderit vir, et invenerit eam aliquis in civitate, et concubuerit cum illa; educes utrumque ad portam civitatis illius, et lapidibus obruentur; puella, quia non clamavit, cum esset in civitate; vir, quia humiliavit uxorem proximi sui: et auferes malum de medio tui. Sin autem in agro repererit vir puellam quæ sponsata est, et apprehendens concubuerit cum illa, ipse morietur solus: puella nihil patietur, nec est rea mortis: quoniam sicut latro consurgit contra fratrem suum, et occidit animam ejus; ita et puella perpessa est: sola erat in agro, clamavit, et nullus affuit qui liberaret eam. Si invenerit vir puellam virginem, quæ non habet sponsum, et apprehendens concubuerit cum ea, et res ad judicium venerit; dabit qui dormivit cum ea, patri puellæ centum siclos argenti, et habebit eam uxorem, quia humiliavit eam: non poterit dimittere cunctis diebus vitæ suæ. Non accipiet homo uxorem patris sui, nec revelabit experimentum ejus.

*Et post paululum [xxiii.]*: Non erit meretrice de filiabus Israël, nec scortator de filiis Israël. *Et post paululum*: Non fenerabis fratrem tuum ad usuram pecuniam, nec fugies, nec quamlibet aliam rem; sed alieno. *Et post paucos versus*: Cum voveris votum Domino Deo tuo, non tardabis reddere; quia requiret illud Dominus Deus tuus, et si moratus fueris, reputabitur tibi in peccatum. Si nolueris polliceri, absque peccato eris: quod autem semel egressum est de labiis tuis, obser-

valis, et facies sicut promisisti Domino Deo tuo, et propria voluntate et ore tuo locutus es.

*Et paulo post [xxiv.]*: Non accipies loco pignoris inferiorem et superiore molam, quia animam suam apposuit<sup>1</sup> tibi. Si deprehensus fuerit homo sollicitans fratrem tuum de filiis Israel, et vendito eo accipiens<sup>2</sup> pretium, interficietur : et auferes malum de medio tui. *Et post paucos versus*: Cum repetis, *inquit*, a proximo tuo rem aliquam quam debet tibi, non ingredieris domum ejus, ut pignus auferas; sed stabis foris, et ille tibi proferet quod habuerit. Sin autem pauper est, non pernoctabit apud te pignus; sed statim reddes ei ante solis occasum, ut dormiens in vestimento suo benedicat tibi, et habeas justitiam coram Domino Deo tuo. Non negabis mercedeem indigentis et pauperis fratris tui, sive advenae qui tecum moratur in terra, et intra portas tuas est : sed eadem die reddes ei pretium laboris sui, ante solis occasum; quia pauper est, et ex eo sustentat animam suam : ne clamet coram te ad Dominum, et reputetur tibi in peccatum. Non occidentur patres pro filiis, nec filii pro patribus; sed unusquisque pro suo peccato morietur. *Et post paucos versus*: Quando messueris segetem in agro tuo, et oblitus manipulum reliqueris; non reverteris ut tollas illum : sed advenam et pupillum et viduam auferre patieris; ut benedicat tibi Dominus Deus tuus in omni opere manuum tuarum. Si fruges colliges olivarum, quidquid remanserit in arboribus, non reverteris ut colligas; sed reliquias advenae, pupilli<sup>3</sup>, ac viduae. Si vindemiaris vineam tuam, non colliges remanentes racemos; sed cedent in usus advenae, pupilli, ac viduae. Memento quod et tu servieris in Aegypto, et idcirco præcipiam tibi ut facias hanc rem.

[xxv.] Si fuerit causa inter aliquos, et interpellaverint judices; quem justum esse perspexerint, illi justitiae palmam dabunt; quem impium, condemnabunt impietatis. Sin autem qui peccavit dignum viderint plagis; prosternent, et coram se facient verberari. Pro mensura peccati erit et plagarum modus: ita duntaxat, ut quadragenarium numerum non excedant, ne foede laceratus ante oculos tuos obeat<sup>4</sup> frater tuus. *Et post paululum*: Si habuerint inter se iugum viri, et unus contra alterum rixari coeperint, volensque uxor alterius eruere virum suum de manu fortioris, miserit manum, et apprehenderit verenda ejus; abscondes manum illius, nec flecteris super eam ultra misericordia. Non habebis in sacculo diversa pondera, maius et minus; nec erit in domo tua modius major et minor. Pondus habebis justum et verum; et modius æqualis et verus erit tibi.

*Et post pleraque [xxvi.]*: Maledictus homo qui facit sculptile et confatile, abominationem Domini, opus manuum artificum, ponitque illud in abscondito:

<sup>1</sup> Ita Speculum in omnibus libris: quibus consentit vetus Bibliorum volumen Corb. At in Bibliis sixti auctoritate castigata legitur, opposuit.

<sup>2</sup> Ediū, accipiet. Manuscripti, accipiens. Vulgata, acceptit.

<sup>3</sup> In sacris Bibliis, beat.

et respondebit omnis populus, et dicet, Amen. Maledictus qui non honorat patrem suum et matrem: et dicet omnis populus, Amen. Maledictus qui transfert terminos proximi sui: et dicet omnis populus, Amen. Maledictus qui errare facit eucum in itinere: et dicet omnis populus, Amen. Maledictus qui pervertit iudicium advenae, pupilli, et viduae: et dicet omnis populus, Amen. Maledictus omnis qui dormit cum uxore patris sui, et revelat operimentum lectuli ejus: et dicet omnis populus, Amen. Maledictus qui dormit cum omni iunctio: et dicet omnis populus, Amen. Maledictus qui dormit cum sorore sua, filia patris sui, vel matris sue: et dicet omnis populus, Amen. Maledictus qui dormit cum socru sua: et dicet omnis populus, Amen. Maledictus qui clam percusscerit proximum suum: et dicet omnis populus, Amen. Maledictus qui accipit munera, ut percutiat animam sanguinis innocentis: et dicet omnis populus, Amen.

*Huc usque de libris Moysi quæ visa sunt ponenda, posuimus. In his vero quæ sequuntur et appellantur, Jesu Nave, Judicum, Regnum, Paralipomenon, rerum gestarum potius historia legitur quam præcepta vivendi. Hæc tamen paucissima de libro Jesu Nave prætereunda in hoc opere non putavi.*

#### DE JESU NAVE.

[Cap. xxii.] Revertimini, et ite in tabernacula vestra, et in terram possessionis, quam tradidit vobis Moyses famulus Domini trans Jordanem: ita duntaxat ut custodiatis attente, et opere compleatis mandatum et legem, quam præcepit vobis Moyses servus Domini; ut diligatis Dominum Deum vestrum, et ambuletis in omnibus viis ejus, et observetis mandata illius, adhæreatisque ei, ac seruiatis ei in omni corde et anima vestra.

*Et in alio loco [xxiii.]*: Ne postquam intraveritis, inquit, ad gentes quæ inter vos future sunt, juretis in nomine deorum earum, et serviatis eis, et adoretis illos: sed adhæreatis Domino Deo vestro, quod fecistis usque in diem hanc.

*De libro autem Psalmorum multa ponenda sunt, quauris eadem saepè repeatantur: sed habbo modum, quantum potero, ne hoc opus quod memoria maxime tenendum est, in nimium longitudinem perget.*

#### DE PSALMIS.

*In psalmo I. Beatus vir qui non abiit in consilio impiorum, et in via peccatorum non stetit, et in cathedra derisorum non seddit. Sed in lege Domini voluntas ejus, et in lege ejus meditabitur die ac nocte. In psalmo II. Nunc ergo, reges, intelligite; erudimi, judices terræ. Servite Domino in timore, et exultate cum tremore. Adorate pure (a), ne forte*

*(a) Sequitur versionem Hieronymi, qui primo quidem Psalmos, quos juxta LXX jam olim Ecclesia decantat, emendauit receperit; postmodum vero nova ex hebreo translatione Psalterium integrum latinitate donavit: qua de re exstat ipsius ad sopliorium Epistola, ejusdemque operis mentionem facit etiam Augustinus in Epistola ad Audacem nunc 261, n. 5; denique hujuscem versiculi interpretationem, *adorate pure*, suam agnoscit Hieronymus, vindicatque in lib. I aduersus Russium. In ceteris, confer Psalterium Eusebii.*

irascatur, et percutis de via. Cum exarserit post pavulum furor ejus, beati omnes qui sperant in eum. *In psalmo iv.* Filii viri, usquequo, incliti mei, ignorinjose diligitis vanitatem, querentes mendacium? *Et paulo post:* Irascimini, et nolite peccare: loquimini in cordibus vestris super cubilia vestra, et tacete. Sacrificate sacrificium justitiae, et confidite in Domino. *In psalmo v.* Quoniam non es Deus volens iniqutatem. Nec habitabit juxta te malignus; non stabunt iniqui in conspectu oculorum tuorum. Odisti omnes operantes iniqutatem, perdes loquentes mendacium. Virum sanguinum et dolosum abominabitur Dominus. *In psalmo xiv.* Domine, quis peregrinabitur in tentorio tuo? et quis habitabit in monte sancto tuo? Qui ingreditur sine macula, et operatur justitiam, loquiturque veritatem in corde suo: qui non est facilis in lingua sua, neque fecit amico suo malum, et opprobrium non sustinuit super vicino suo. Despicitur oculis ejus improbus<sup>1</sup>, timentes autem Dominum glorificat. Jurat ut se affligat, et non mutat. Pecuniam suam non dedit ad usuram, et munera adversus innoxium non accepit. Qui facit haec, non morbitur in æternum. *In psalmo xxiii.* Quis ascendet in montem Domini? aut quis stabit in loco sancto ejus? Innocens manibus et mundo corde, qui non exaltavit frustra animam suam, et non juravit dolose. Accipiet benedictionem a Domino, et justitiam<sup>2</sup> a Deo salutari suo. *In psalmo xxvi.* Lux mea Dominus et salutare meum, quem timebo? Dominus fortitudo vite meæ, quem formidabo? *Et post quatuor versus<sup>3</sup>:* Si steterint adversum me castra, non timebit cor meum. Si surrexerit contra me bellum, in hoc ego confidam. Unum petii a Domino, et hoc requiram: ut habeam in domo Domini, omnibus diebus vitæ meæ; ut videam pulchritudinem Domini, et attendam templum ejus. *Et alio loco:* Tibi dixit cor meum, Quesivi vultum ejus; faciem tuam, Domine, requiram. *Et postea:* Exspecta Dominum, confortare, et roboretur cor tuum, et sustine Dominum. *In psalmo xxvii.* Ne tradas me cum impiis, et cum operantibus iniqutatem; qui loquuntur pacem cum amicis suis, et est malum in corde eorum. *In psalmo xxx.* Confortamini, et roboretur cor vestrum, omnes qui exspectatis Dominum. *In psalmo xxxi.* Nolite fieri sicut equus et mulus, quibus non est intelligentia. In chamo et freno maxillas eorum constringe, qui non approximant ad te. Multi dolores impii; confidentem autem in Domino misericordia circumdabit. Lætamini in Domino et exultate, justi; et gaudete, omnes recti corde. *In psalmo xxxii.* Laudate, justi, Dominum; rectos decet laudatio. *Et alio loco:* Beata gens cuius Dominus Deus ejus, populus quem elegit Dominus in hereditatem sibi. *In psalmo xxxiii.* Benedicam Dominum in omni tempore; semper laus ejus in ore meo. *In Do-*

mino laudabitur anima mea; audiant mites et latenter. Magnificate Dominum mecum, et exalteamus nomen ejus pariter. *Et post paucos versus:* Gustate et videte, quia bonus Dominus; Leatus vir qui sperat in eo. Timete Dominum, sancti ejus; quoniam non est inopia timentibus eum. Leones indiguerunt<sup>4</sup>, et esurierunt; querentibus autem Dominum, non deerit omne bonum. Venite, filii, audite me; timorem Domini docebo vos. Quis est vir qui velit vitam, diligens videre dies bonos? Custodi linguam tuam a malo, et labia tua ne loquantur dolum. Recede a malo, et fac bonum; quære pacem, et perseguere eam. *Et post septem versus<sup>5</sup>:* Juxta est Dominus contritis corde, et contractos spiritu salvabit. *In psalmo xxxvi.* Noli contendere cum malignis, neque temuleris facientes iniqutatem. Quoniam sicut herba velociter conterentur; et sicut olus viride arescent. Spera in Domino, et fac bonum; peregrinare in terra, et pacisci fide. *Et dicitur in Domino, et dabit tibi petitiones cordis tui.* Volve<sup>6</sup> super Dominum viam tuam, et confide in eo, et ipse faciet. Et educet sicut lumen justitiam tuam, et judicium tuum sicut meridiem. Tace Domino, et exspecta eum: noli contendere adversus eum qui proficit in via sua, adversus virum qui facit quæ cogitat. Dimitte iram, et relinque furorem; noli contendere, ut male facias. Quoniam qui male faciunt, interibunt; exspectantes autem Dominum, ipsi hereditabunt terram. Adhuc enim modicum, et non erit impius; et cogitabis de loco ejus, et non subsistet. Mites autem hereditabunt terram, et delectabuntur in multitudine pacis. *Et paulo post:* Melius est parum justo, super divitias impiorum multas. Quia brachia impiorum confringentur; sublevat autem iustos Dominus. *Et post aliquantum:* Recede a malo, et fac bonum. *Et alibi:* Exspecta Dominum, et custodi viam ejus; et exaltabit te, ut possideas terram. Custodi simplicitatem, et vide rectum; quia erit ad extremum viro pax. *In psalmo xxxix.* Beatus vir qui posuit Dominum<sup>7</sup> confidentiam suam, et non est aversus ad superbias pompasque mendacii. *In psalmo xl.* In Domino gaudabimus tota die, et in nomine tuo in æternum confitebimur. *Et paulo post:* Omnia haec venerunt super nos; et non sumus oblii tui, nec mentiti fuimus in pacto tuo. Non est conversum retro cor nostrum, nec declinaverunt gressus nostri a semita tua. Quoniam dejecisti nos in loco draconum, et operuisti nos umbra mortis. Si oblii sumus nominis Dei nostri, et expandimus manus nostras ad Deum alienum; numquid non Deus investigabit istud? ipse enim novit cogitationes cordis. Quoniam propter te morti-

<sup>1</sup> Sic MSS. juxta Hieronymi Psalterium. At editi hic habebant, *divites indiguerunt*.

<sup>2</sup> Editi, et post quartus versus. At MSS., et post septem. sic in editis plerunque numerus mendose exprimebatur, et alter atque in MSS. quod semel monuisse sufficerit.

<sup>3</sup> In editis omissitur, et: habetur in Regio Ms. et in psalterio Hieronymi.

<sup>4</sup> Lov., voluta. Alii codices editi et scripti, volve, juxta Psalt. Hieronym.

<sup>5</sup> Ita in MSS. et in Psalt. Hieron. At in editis, hic, qui post sunt in Dicunt.

<sup>1</sup> Sic ad MSS. fidem correxi: ubi in editis legebatur: *Despicit oculus ejus improbos.*

<sup>2</sup> Editi, misericordiam. MSS. vero juxta Hieronymi Psalterium, *justitiam.*

<sup>3</sup> In prius editis, et post tertius versus. Reponimus ex MSS., et post quatuor.

ficiati sumus tota die, reputati sumus ut grex occisionis. *In psalmo xlvi.* Canite Deo, canite: canite regi nostro, canite. Quia rex universæ terræ Deus, canite erudite. *In psalmo lxxix.* Immola Deo laudem, et reddite Altissimo vota tua. Et invoca me in die tribulationis: liberabo te, et glorificabis me. Impio autem dixit Deus, Quid tibi est cum narratione præceptorum meorum, ut assumas pacatum meum in ore tuo? Qui odisti disciplinam, et projecisti verba mea post te. Si videbas furem, consentiebas ei; et cum adulteris erat pars tua. Os tuum dimisisti ad malitiam; et lingua tua concinnavit dolum. Sedens adversum fratrem tuum loqueraris; et adversum filium matris tuæ fabricabar opprobrium. Hæc fecisti, et tacui: existimasti futurum me similem tui; arguam te, et proponam ante oculos tuos. Intelligite hoc, qui obliviscimini Deum; ne forte capiam, et non sit qui liberet. Qui immolat confessionem, glorificat me; et qui ordinate ambulat, ostendam ei salutare Dei. *In psalmo l.* Ab iniuitate mea, et a peccato meo munda me. Quoniam iniuitatem meam ego cognovi, et peccatum meum contra me est semper. *Et alibi:* Sacrificium Deo spiritus contribulatus: cor contritum et humiliatum Deus non despicias. *In psalmo li.* Quid gloriaris in malitia, potens? Misericordia Domini tota est die. Insidias cogitat lingua tua, quasi novacula acuta faciens dolum. Dilexisti malum magis quam bonum, mendacium magis quam loqui justitiam. Dilexisti omnia verba ad devorandum, lingua dolosa. Sed Deus destruet te in sempiternum; terrebit te, et evellet te de tabernaculo, et eradicabit te de terra viventium. Videbunt justi, et timebunt, et super eum ridebunt: Ecce vir qui non posuit Deum fortitudinem suam: sed speravit in multitudine divitiarum suarum; confortatus est in insidiis suis. Ego autem sicut oliva virens in domo Dei, speravi in misericordia Dei, in sæculum sempiternum. Confitebor tibi in sæculum, quoniam fecisti; et exspectabo nomen tuum, quoniam bonum in conspectu sanctorum tuorum. *In psalmo lxii.* Sperate in eo omni tempore, populi; effundite coram illo, cor vestrum<sup>1</sup>: Deus spes nostra est. Verumtamen vanitas filii Adam, mendacium filii viri: in stateris dolosis fraudulenter agunt simul. Nolite confidere in calunnia, et in rapina ne frustremini. Divitiae si affluxerint, ne apponatis cor. *In psalmo lxxiii.* Lætabitur justus in Domino, et sperabit in eo. *In psalmo lxxviii.* Quia propter te portavi opprobrium; operuit confusio faciem meam. Alienus factus sum fratribus meis, et peregrinus filii matris meæ. Quia zelus dominus tuæ comedit me, et opprobrium exprobrantium tibi cecidit super me. Et flevi in jejunio animam meam; et factum est in opprobrium mihi. Et posui vestimentum meum saccum; et factus sum illis in parabolam. Contra me loquebantur qui sedebant in porta, et cantabant bibentes vinum. *Et aliquanto post:* Laudabo nomen Dei in cantico, et magnificabo eum in confessione. Et placebit Deo super vitulum novellum, cornua efferentem et ungulas. Videntes mansueti læ-

tabuntur. Qui queritis Dominum, vivet aulnia vestra. Quoniam exaudivit pauperes Dominus. *In psalmo lxxxii.* Quia ecce qui elongant se a te, peribunt; perdidisti omnem fornicantem a te. Mibi autem appropinquare Deo bonum est: posui in Domino Deo spem meam, ut narrem omnes annuntiationes tuas. *In psalmo lxxv.* Vovete, et reddite Domino Deo vestro; omnes qui in circuitu ejus sunt, offerent dona terribili, auferent spiritum ducum, terribili regibus terræ. *In psalmo lxxvi.* Ausculta, populus meus, legem meam; inclinate aurem vestram ad verba oris mei. Aperiam in parabola<sup>2</sup> os meum, loquar anigmata antiqua. *Et alio loco:* Et narrabunt filii suis, ut ponant in Deo spem suam, et non obliiscantur cogitationem ejus, et mandata ejus custodian. *In psalmo lxxx.* Laudate Deum fortitudinem nostram, jubilate Deo Jacob. *Et alio loco:* Israel si audieris me, non sit in te deus alienus, et non adores deum peregrinum. Ego sum Dominus Deus tuus. *In psalmo lxxxi.* Usquequo judicatis iniuitatem, et facies impiorum suscipitis? Judicate pauperi et pupillo, egeno et inopi juste facite. *In psalmo lxxxiii.* Beati qui habitant in domo tua, adhuc laudabunt te. Beatus homo cuius fortitudo est in te, semita in corde ejus: transeuntes in valle fletus, fontem<sup>3</sup> ponent eam. Benedictionem quoque amicietur doctor<sup>4</sup>: ibunt de fortitudine in fortitudinem; parebunt apud Deum in Sion. *Et paulo post:* Quoniam melior est dies in atris tuis super millia. Elegi abjectus esse in domo Dei mei, magis quam habitare in tabernaculis impietatis. *In psalmo xcii.* Bonum est consilieri Domino, et psallere nomini tuo, Altissime. *In psalmo xciiii.* Intelligite, stulti in populo; et insipientes, aliquando discite. *Et paulo post:* Beatus vir quem erudieris, Domine, et de lege tua docueris eum. Ut quiescat a diebus afflictionis, donec fodiatur impio interitus. *In psalmo xciv.* Venite adoremus, et curvenur, flectamus genua ante faciem Domini factoris nostri. *Et post duos versus:* Illodie si vocem ejus audieritis, nolite obdurare corda vestra; sicut in contradictione, sicut in die temptationis in deserto. *In psalmo xcvi.* Cantate Domino canticum novum, cantate Domino, omnis terra. Cantate Domino, benedicte nomini ejus: annuntiate de die in diem salutare ejus. Narrate in gentibus gloriam ejus, in universis populis mirabilia ejus. *Et post sex versus:* Afferte Domino, familiæ populorum, afferte Domino gloriam et fortitudinem. Afferte Domino gloriam nomini ejus; levate munera, et introite in atria ejus. Adorate Dominum in decore sanctuarii. *In psalmo xcvi.* Qui diligitis Dominum, odite malum. *Et post tres versus:* Lætamini, justi, in Domino, et conlitemini memoriae sanctæ ejus. *In psalmo xcviij.* Jubilate Domino, omnis terra; vociferamini, et laudate, et canite. *In psalmo xcviij.* Exaltate Dominum Deum nostrum, et adorate scabellum pedum ejus, quia sanctus est<sup>5</sup>. *In psalmo xcix.* Jubilate Domino, omnis terra, servite Domino in lætitia. Ingredimini coram illo in laude.

<sup>1</sup> Sic MSS. et Psalt. Hieron. At editi hic, in parabolis.

<sup>2</sup> Editi, doctus. MSS. cum Psalt. Hieron., doctor.

<sup>3</sup> Sic MSS. et Psalt. Hieron. At editi, sanctum est.

(Vingt-neuf.)

<sup>4</sup> Editi, corda vestra. MSS. juxta Psalt. Hieron., cor eorum.

Scitote quoniam Dominus ipse est Deus; ipse fecit nos, et ipsius sumus<sup>1</sup>. Et post unum versum: Ingredimini portas ejus in gratiarum actione, atria ejus in laude; constemini ei. In psalmo c. Deambulabo in simplicitate cordis mei in medio domus mea. Non ponam coram oculis meis verbum Belial. Facientem declinationes odivi, nec adhæsit mihi. Cor pravum recedet a me; malum nesciam. Loquentem in abscondito contra proximum suum, hunc interficiam<sup>2</sup>. Superbum oculis et altum corde, cum hoc esse non potero. Oculi mei ad fideles terræ, ut habitent mecum: ambulans in via simpliciter, hic ministrabit mihi. Non habitabit in medio dominus meæ faciens malum<sup>3</sup>: loquens mendacium non placebit in conspectu oculorum meorum: Mane perdam omnes impios terræ, ut interficiam de civitate Domini universos qui operantur iniquitatem. In psalmo cii. Misericordia autem Domini, ab æterno et usque in æternum super timentes eum. Et justitia ejus super filios filiorum, iis qui custodiunt pactum ejus, et recordantur præceptorum ejus ad facienda ea. In psalmo civ. Constitemini Domino, et invocate nomen ejus; notas facite populis cogitationes ejus. Canite ei, et psallite illi: loquimini in universis mirabilibus ejus. Exsultate in nomine sancto ejus; lætetur cor quærentium Dominum. Quærite Dominum et virtutem ejus, quæritate faciem ejus jugiter. Recordamini mirabilem ejus, quæ fecit, signorum et judiciorum oris ejus. In psalmo cvii. Paratum cor meum, Deus; cantabo et psallam: sed et gloria mea. Consurge, psalterium et cithara; consurgam. mane. Confitebor tibi in populis, Domine, cantabo te in nationibus. In psalmo cx. Confitebor Domino in toto corde meo, in consilio justorum et congregatione. Et in alio loco: Principium sapientiae timor Domini: doctrina bona cunctis qui faciunt eam; laus ejus perseverans jugiter. In psalmo cxi. Beatus vir qui timet Dominum; in mandatis ejus volet nimis. Et post quinque versus: Bonus vir clemens et fenerans, dispensabit verba sua in judicio; quia in æternum non commovebitur. In memoria sempiterna erit justus; ab auditu malo non timebit. Paratum cor ejus confidens in Domino; firmum cor ejus, non timebit donec aspiciat in hostibus suis. Dispersit, dedit pauperibus: justitia ejus permanet in æternum; cornu ejus exaltabitur in gloria. Impius videbit et irascetur, dentibus frendet, et tabescet: desiderium impiorum peribit. In Psalmo cxii. Laudate, servi, Dominum, laudate nomen Domini. Sit nomen Domini benedictum, a modo et usque in æternum. Ab ortu solis usque ad occasum ejus, laudabile nomen Domini. In psalmo cxiii. Idola Gentium argentum et aurum, opus manuum hominum. Os habent, et non loquentur; oculos habent, et non videbunt. Aures habent, et non audient, etc. Et paulo post: Similes illis sicut qui faciunt ea, et omnes qui confidunt in eis. Israel confidit in Domino; auxiliator et protector

<sup>1</sup> Editi, et non ipsi nos. MSS. juxta Psalt. Hieron., et ipsius sumus.

<sup>2</sup> Legebatur in prius excusis, Non ponebam coram oculis meis verba Belial....nec adhæsit mihi cor pravum. Receden tem a me malum nesciebam....hunc interficiebam. Hos versus ad MSS. et ad Psalt. Hieron. emendavimus.

<sup>3</sup> In psalterio Hieronymi, faciens dolorem.

eorum est. Dominus Aaron confidit in Domino; auxiliator et protector eorum est. Timentes autem Dominum confidunt in Domino; auxiliator et protector eorum est. In psalmo cxv. Credidi propter quod locutus sum, ego afflictus sum nimis. Et post aliquantum: Quid reddam Domino pro omnibus quæ retribuit mihi? Calicem salutaris accipiam, et nomen Domini invocabo. Gloriosa in conspectu Domini mors sanctorum ejus. Et post tres versus: Tibi immolabo hostiam laudis, et in nomine Domini invocabo. Vota mea Domino reddam in conspectu omnis populi ejus; in atris domus Domini, in medio tui, Jerusalem. In psalmo cxvi. Laudate Dominum, omnes gentes; collaudate eum, universi populi. In psalmo cxvii. Constitemini Domino, quoniam bonus, quoniam in æternum misericordia ejus. Dicat nunc Israel, quoniam in æternum misericordia ejus. Dicat domus Aaron, quoniam in æternum misericordia ejus. Dicant qui timent Dominum, quoniam in æternum misericordia ejus. Cum tribularer invocavi Dominum, et exaudiuit me in latitudine Dominus. Et post quinque versus: Melius est sperare in Domino, quam sperare in homine. Melius est sperare in Domino, quam sperare in principiis. Et post octo versus: Fortitudo mea et laus mea Dominus, et factus est mihi in salutem. Vox laudis et salutis in tabernaculis justorum. In psalmo cxviii. Beati immaculati in via, qui ambulant in lege Domini. Beati qui custodiunt testimonia ejus, in toto corde requirunt eum. Et alio loco: Et ambulabo in spatio, quia præcepta tua quæsivi. Et loquar in testimoniis tuis coram regibus, et non confundar. Et delectabor in mandatis tuis, quæ dilexi. Et levabo manus meas ad mandata tua, quæ dilexi; et loquar in præceptis tuis. Et post quatuor versus: A lege tua non declinavi. Recordatus sum judiciorum tuorum a seculo, Domine, et consolatus sum. Horror obtinuit me ab impiis, quia dereliquerunt legem tuam. Carmina erant mihi præcepta tua, in domo peregrinationis meæ. Recordatus sum in nocte nominis tui, Domine, et custodivi legem tuam. Hoc factum est mihi, quia præcepta tua custodivi. Pars mea, Domine<sup>4</sup>, dixi, ut custodiam verbum tuum. Deprecatus sum vultum tuum in toto corde; miserere mei secundum eloquium tuum. Recogitavi vias meas, et converti pedes meos ad testimonia tua. Festinavi, et non neglexi custodire mandata tua. Funes impiorum implicaverunt me; legem tuam non sum oblitus. Medio noctis surgebam ad confitendum tibi, super judicia justificacionis tuæ. Particeps ego sum omnium timentium te, et custodientium præcepta tua. Et post paucos versus: Ego autem in toto corde servabam præcepta tua. Interassatum est velut adeps cor eorum, et ego in lege tua meditabar. Bonum mihi quia afflictus sum, ut disserem præcepta tua. Melior mihi est lex oris tui super millia auri et argenti. Et post paucos versus: Quia lex tua meditatio mea. Et post paululum: Ego autem loquar in præceptis tuis. Et post paululum: Præcepta tua non sum oblitus. Et post duos versus:

<sup>4</sup> Edili. Dominus. MSS., Domine.

Foderunt mihi superbi soveas, quæ non erant juxta legem tuam. *Et post duos versus*: Paulo minus consumperunt me in terra; ego autem non dimisi præcepta tua. *Et post septem versus*: Nisi quod lex tua delectatio mea, forte periisse in pressura mea. In sempiternum non obliviscar præceptorum tuorum; quia per ipsa viviscasti me. Tuus ego sum, salva me; quoniam præcepta tua quæsivi. Me exspectaverunt impii, ut perderent me; testimonium tuum considerabo. Omnis consummationis vidi finem; latum mandatum tuum nimis. Quam dilexi legem tuam! tota die haec meditatio mea. *Et paulo post*: Ab omni semita mala prohibui pedes meos, ut custodiarem verba tua. A judicis tuis non recessi, quia tu illuminasti me. Quam dulce gutturi meo eloquium tuum! super mel ori meo. Præcepta tua considerabam; propterea odivi omnem semitam mendacii. Lucerna pedi meo verbum tuum, et lux semitæ meæ. *Et post septem versus*: Anima mea in manu mea semper, et legis tuæ non sum oblitus. Posuerunt impii laqueum mihi, et a præceptis tuis non aberravi. Hæreditas mea testimonia tua in sempiternum; quia gaudium cordis mei sunt. Inclinavi cor meum, ut facherem justificationes tuas, propter aeternam retributionem. Tumultuos odivi, et legem tuam dilexi. Protectio mea et scutum meum tu es: verbum tuum exspectavi. Recedite a me, maligni, et custodi mandata Dei mei. *Et post septem versus*: Quasi scoriam computasti omnes impios terræ; propterea dilexi testimonia tua. Horripilavit a timore tuo caro mea, et judicia tua timui. Feci judicium et justitiam, ne derelinquas me iis qui calumniantur me. *Et post paucos versus*: Propterea dilexi mandata tua super aurum et topazium. Propterea in universa præcepta tua direxi; omnem semitam mendacii odio dabui. Mirabilia testimonia tua; idecirco custodivit ea anima mea. *Et post duos versus*: Os meum aperui, et respiravi; quia mandata tua desiderabam. *Et alio loco*: Consumpsit me zelus meus, quia oblii sunt verborum tuorum hostes mei. Probatu sermo tuus nimis, et servus tuus dilexit illum. Parvulus ego sum et contemptibilis; sed præcepta tua non sum oblitus. *Et post tres versus*: Mandata tua voluntas mea. *Et paulo post*: Vide afflictionem meam, et eripe me; quia legis tuæ non sum oblitus. *Et post sex versus*: Multi qui persecuntur me, et affligunt me; a testimonioribus tuis non declinavi. Vidi prævaricatores tuos, et moerebam; quia verbum tuum non custodierunt. Vide quoniam præcepta tua dilexi, Domine; juxta misericordiam tuam vivisca me. *Et post quatuor versus*: Gaudens ego sum in eloquio tuo, sicut qui invenit spolia multa. Mendacium odio babui, et detestatus sum; legem autem tuam dilexi. Septies in die laudavi te, super judiciis justitiae tuæ. Pax multa diligentibus legem tuam, et non est illis scandalum. Exspectabam salutare tuum, Domine, et mandata tua feci. Custodivit anima mea testimonia tua, et dilexit ea nimis. Custodivi præcepta tua et testimonia tua, quia omnes viæ meæ in conspectu tuo. *Et post octo versus*: Sit manus tua auxiliatrix

mea; quia præcepta tua elegi. Desideravi salutare tuum, Domine, et lex tua voluntas mea est<sup>1</sup>. *Et post duos versus*: Erravi quasi ovis perdita; quære servum tuum, quia mandatorum tuorum non sum oblitus. *In psalmo cxxix*. Ego pacifica loquebar, et illi debellabant ea. *In psalmo cxxi*. Rogate pacem Jerusalem, sit bene iis qui diligunt eam. *Et post duos versus*: Propter fratres meos et proximos meos, loquebar pacem tibi. Propter domum Domini Dei nostri, quærebam bona tibi. *In psalmo cxxii*. Ad te levavi oculos meos, qui habitas in cœlis. Ecce sicut oculi servorum ad manus dominorum suorum, sicut oculi ancillæ ad manum dominæ suæ; sic oculi nostri ad Dominum Deum nostrum, donec misereatur nostri. *In psalmo cxxiv*. Qui confidunt in Domino, quasi mons Sion; immobilis in æternum inhabitabilis Jerusalem. *In psalmo cxxvi*. Beatus omnis qui timet Dominum, qui ambulat in viis ejus<sup>2</sup>. *In psalmo cxxxix*. Sustinui Dominum, sustinuit anima mea, et verbum ejus exspectavi. *In psalmo cxxx*. Domine, non est exaltatum cor meum, neque elati sunt oculi mei; et non ambulavi in magnis et in mirabilibus super me. Si non proposui, et silere feci animam meam; sicut ablactatus ad matrem suam, ita ablactata ad me anima mea. Exspecta, Israel, Dominum, a modo et usque in æternum. *In psalmo cxxxii*. Ecce quam bonum est et quam decorum, habitare fratres in unum. *In psalmo cxxxiii*. Ecce benedicte Domino, omnes servi Domini; qui statis in domo Domini, in atriis domus Dei nostri. In noctibus levate manus vestras ad sanctum<sup>3</sup>, et benedicte Domino. *In psalmo cxxxiv*. Laudate nomen Domini; laudate, servi, Dominum. Qui statis in domo Domini, in atriis domus Dei nostri. Laudate Dominum, quoniam bonus Dominus; canite nomini ejus, quoniam decens. *Et post pauca*: Idola Gentium argentum et aurum, opera manuum hominum. Os habent, et non loquentur; oculos habent, et non videbunt, etc. *Et paulo post*: Similes illis sicut qui faciunt ea, et omnes qui confidunt in eis. Domus Israel, benedicte Domino; dominus Aaron, benedicte Domino; timentes Dominum, benedicte Domino. *In psalmo cxxxv*. Confitemini Domino, quoniam bonus, quoniam in æternum misericordia ejus. Confitemini Deo deorum, quoniam in æternum misericordia ejus. Confitemini Domino dominorum, quoniam in æternum misericordia ejus. *Et in fine psalmi*: Confitemini Deo cœli, quoniam in æternum misericordia ejus. *In psalmo cxxxvi*. Si oblitus fuero tui, Jerusalem, in obliuione sit dextera mea. Adhæreat lingua mea gutturi meo, si non recordatus fuero tui, Jerusalem. Si non proposuero Jerusalem in principio latitiae meæ. *In psalmo cxxxviii*. Nonne odientes te, Domine, odivi, et contra adversarios tuos distabui? Perfecto odio oderam illos; inimici facti sunt mihi. *In psalmo cxxxix*. Ne des, Domine,

<sup>1</sup> Sic MSS. et Psalt. Hieron. At editi, *meditatio mea est*.

<sup>2</sup> Editi, *Featis onibus qui timent Dominum, qui ambulati in ritu ejus*. Sequimur MSS. et Psalt. Hieronymi.

<sup>3</sup> Editi, *in sancta*. MSS. juxta Psalt. Hier., *ad sanctum*.

desideria impii; scelera ejus ne effundantur, et ele-  
veniuntur. *Et post quatuor versus*: Vir linguosus non  
dirigetur in terra. In psalmo cxl. Corripiat me justus  
in misericordia, et arguat me: oleum amaritudinis  
non impinguet caput meum. *Et post quinque versus*:  
Quoniam ad te, Domine, oculi mei: in te speravi;  
ne evacues animam meam. In psalmo cxli. Voce  
mea ad Dominum clamavi, voce mea ad Dominum  
deprecatus sum. Effundam in conspectu ejus elo-  
quium meum, tribulationem meam coram illo annun-  
tiabo. *Et post sex versus*: Clamavi ad te, Domine;  
dixi, Tu es spes mea, pars mea in terra viven-  
tium. In psalmo cxlii. Meditabar omnia opera tua,  
facta manu tuarum loquebar. Expandi manus meas  
ad te; anima mea quasi terra sitiens ad te. *Et post tres*  
*versus*: Fac me audire mane misericordiam tuam,  
quoniam in te confido. Notam fac mihi viam in qua  
ambulo, quoniam ad te levavi animam meam. Libera  
me de inimicis, Domine: a te protectus sum. In psal-  
mo cxliii. Libera me, et erue me de manu filiorum  
alienorum; quorum os locutum est vanitatem, et  
dextera eorum dextera mendaciae. Ut sint filii nostri  
quasi plantatio crescens in adolescentia sua. Filiae  
nostræ quasi anguli ornati ad similitudinem templi.  
Promptuaria nostra plena, et supereffundentia ex hoc  
in illud. Pecora nostra in millibus, et innumerabilia  
in compitis nostris: tauri nostri pingues. Non est in-  
terrupio, et non est egressus, et non est ululatus in  
plateis nostris. Beatus populus cuius talia sunt; bea-  
tus populus cuius Dominus Deus ejus. In psalmo cxlv.  
Exaltabo te, Domine, Deus meus, rex, et benedicam  
nomini tuo in æternum et ultra. In omni die bene-  
dicam tibi, et laudabo nomen tuum in sempiternum  
jugiter. *Et post duos versus*: Generatio ad generatio-  
nem laudabit opera tua, et fortitudines tuas annun-  
tiabunt. Decorem gloriae magnitudinis tuæ, et verba  
mirabilium tuorum loquar. Et fortitudinem horribilium  
tuorum loquentur, et magnitudines tuas narrabunt.  
Memoriam multæ bonitatis tuæ loquentur, et justitias  
tuas laudabunt. *Et post tres versus*: Et sancti tui bene-  
dicunt tibi. Gloriam regni tui dicent, et fortitudines  
tuas loquentur. Ut ostendant filiis hominum fortitu-  
dines ejus, et gloriam decoris regni ejus. *Et paulo*  
*post*: Juxta est Dominus omnibus qui invocant eum  
in veritate. Placitum timentium se faciet, et clamo-  
rem eorum audiet, et salvabit eos. Custodit Dominus  
omnes diligentes se; et universos impios conteret.  
Laudem Domini loquetur os meum, et benedicet omnis  
caro nomini sancto ejus in æternum et jugiter. In  
psalmo cxlv. Lauda, anima mea, Dominum: laudabo  
Dominum in vita mea, cantabo Deo meo, quamdiu  
sum. Nolite confidere in principibus, in filio hominis  
cui non est salus. *Et post duos versus*: Beatus cuius  
Deus Jacob auxiliator ejus, spes ejus in Domino Deo  
suo. In psalmo cxvi. Laudate Dominum, quoniam  
deus est: canticum Dei nostri<sup>1</sup>, quoniam decorum  
est, pulchra laudatio. *Et post paucos versus*: Susci-  
piens mansuetos Dominus; humilians impios usque

ad terram. Canite Domino in confessione, canite Deo  
nostro. *Et post quatuor versus*: Non est in fortitudine  
equi voluntas ejus, neque in tibi viri placebitur ei.  
Placebitur Domino in iis qui timent eum, et expe-  
ctant misericordiam ejus. In psalmo cxviii. Reges  
terræ et omnes populi, principes et universi judices  
terræ, juvenes et virgines, sepes cum pueris laudent  
nomen Domini. In psalmo cxlix. Cantate Domino  
canticum novum; laus ejus in congregazione sanctorum.  
Lætetur Israel in factore suo, filii Sion exsultent  
in rege suo. *Et post tres versus*: Exaltabit mansuetos  
in Jesu. Exsultabunt sancti in gloria, laudabunt in  
cubilibus suis; exaltationes Dei in gutture eorum. In  
psalmo cl. Laudate Dominum in sanctis ejus, laudate  
eum in fortitudine potentiae ejus. Laudate eum in  
fortitudinibus ejus, laudate eum juxta multitudinem  
magnificentie suæ. *Et in fine psalmi*: Omne quod spi-  
rat laudet Dominum.

*Hæc de libro Psalmorum colegimus, in quibus suam*  
quisque vitam, si proficere affectat, inspiciat. Ubi lecto-  
rem admonemus, ut ea quæ de Psalmis posui, tanquam  
unum psalmum contextum legat, tacitis verbis meis, quæ  
ad hoc interposui, ut si voluerit, inspiciat ubi sit scriptum  
quod posui, id est, quo vel in quo loco ejusdem psalmi.  
*His enim prætermis* qui lectione continuata inspererit  
sola verba Psalmorum, multo jucundius, et ob hoc utilius  
ex divinis officiatur eloquii. Nunc de libris Salo-  
monis quæ videbuntur huic operi necessaria, colligemus:  
ac primum de Proverbis; qui liber si bene intelligatur,  
ad mores pios informandos pene totus valebit. Sed ea  
quæ obscura sunt prætermitto: habeant ea, quibus exerceantur,  
lectores dilectoresque spiritualium litterarum; nos in hoc opere statuimus illa ponere quæ ad agendum  
vitam facile intellecta referantur. Quamvis multis videri  
possim apertissima prætermissem; nonnullaque hinc  
potius clausa sunt, unde putantur esse perspicua. Quid  
enim tam clarum videtur, et quid tam inepte fit, si ad  
proprietatem velis accipere, quod ibi scriptum est, Ab  
aqua aliena abstine te, et de fonte alieno ne bibe-  
(a)? Aut quid valet ad mores corrigendos, nisi illic  
intellectus altior requiratur, quod dictum est, Pauperitas  
virum humiliat, manus autem fortium locupletat (Prov.  
x, 4)? Cum et non esse pauperem, et esse manibus for-  
tem, non sit in bonorum hominum potestate, sed et multis  
provenerit pessimis; et hoc proverbium male intellectum,  
possit provocare pauperes fortis, ut rapinis se existimat  
debere ditescere. Quis non autem rideat, si propriæ po-  
situm putaverit quod ibi legitur, Non enim nascentur  
filii malignis (Id. xxiv, 20)? Omnia ergo talia relin-  
quemus, et ea quibus suadetur aliquid aliquanto diutius,  
cum id quod suadetur atque præcipitur non sit obscu-  
rum, et id potius sit ponendum in hoc Speculo, ubi se  
illi inspiciant, quibus jam persuasum est, bene ac laudo-

(a) vulgata versio caret hac sententia, *Ab aqua aliena*, etc., quæ quidem erat Augustino familiaris, saepèque ab ijsso in congressu cum Douatistis prave eam usurpatibus explicata: habetur apud LXX, Prov. cap. 9 sub vers. 18. Ex eorumdem interpretatione ipsi in mentem veniebant alia hic subiecta testimonia, nisi quod LXX istud efficerent in plurali, *cheires de anti-cion plouitzousin, manus fortium locupletau*

<sup>1</sup> sic MSS. et l'ant. Hieron. Editi, Deo nostro.

*biliter vivere, sed ut hoc faciant, quæ sibi optanda atque observanda sint, queruntur. Hæc itaque de Proverbiis Salomonis ponenda credimus.*

## DE PROVERBIIS.

[Cap. I.] *Timor Domini principium scientiæ. Sapientiam atque doctrinam stulti despiciunt. Audi, fili mi, disciplinam patris tui, et ne dimittas legem matris tuæ. Et post quatuordecim versus, cum de homicidio loqueretur : Ipsi, inquit, contra sanguinem suum insidiabantur, et moluntur fraudes contra animas suas. Sic semitæ omnis avari animas possidentium rapiunt. Item post quatuor versus : Usquequo, parvuli, diligitis infantiam, et stulti ea que sibi sunt noxia cupiunt, et imprudentes odunt scientiam ? Et post undecim versus : Tunc invocabunt me, et non exaudiam ; mane consurgent, et non invenient me : eo quod exosam habuerint disciplinam, et timorem Domini non suscepserint, nec acquieverint consilio meo, et detraxerint universæ correptioni mee. Comedent igitur fructus viæ suæ, suisque consiliis saturabuntur. Aversio parvolorum interficiet eos, et prosperitas stultorum perdet illos. Qui autem me audierit, absque terrore requiescat, et abundantia perfruetur, malorum timore sublatio.*

*Et post tres versus [ii.] : Si enim sapientiam invocaveris, et inclinaveris cor tuum prudentiæ; si quæsieris eam quasi pecuniam, et sicut thesauros effoderis illam : tunc intelliges timorem Domini, et scientiam Dei invenies ; quia Dominus dat sapientiam, et ex ore ejus scientia et prudentia. Custodiet rectorum salutem, et proteget gradietes simpliciter : servans semitas justitiæ, et vias sanctorum custodiens. Tunc intelliges justitiam, et judicium, et æquitatem, et omnem semitam bonam. Si intraverit sapientia cor tuum, et scientia animæ tuae placuerit ; consilium custodiet te, et prudentia servabit te ; ut eruaris de via mala, et ab homine qui perversa loquitur. Qui derelinquent iter rectum, et ambulant per vias tenebrosas : qui latentur cum maleficerint, et exultant in rebus pessimis : quorum viæ perversæ, et infames gressus eorum. Ut eruaris a muliere aliena, et ab extranea que mollit sermones suos, et reliquit ducem pubertatis suæ, et pacti Dei sui oblita est.*

*Et post tredecim versus [iii.] : Misericordia et veritas non te deserent : circumda eas gutturi tuo, et describe in tabulis cordis tui ; et invenies gratiam et disciplinam bonam coram Deo, et hominibus. Habe fiduciam in Domino ex toto corde tuo, et ne innitaris prudentiæ tuae. In omnibus viis tuis cogita illum, et ipse diriget gressus tuos. Ne sis sapiens apud temetipsum. Time Deum, et recede a malo. Et post unum versum : Honora Dominum de tua substantia, et de primitiis omnium frugum tuarum. Et post duos versus : Disciplinam Domini, fili mi, ne abjicias ; nec desicias, cum ab eo corriperis. Quem enim diligit Dominus, corrigit ; et quasi pater in filio complacet sibi. Beatus homo qui invenit sapientiam, et qui affluit prudentia. Melior est acquisitio ejus negotiatione argenti, et auro primo fructus ejus : pretiosior est cunctis opibus ; et omnia quæ desiderantur, huic non valent compa-*

rari. *Et post decem versus : Fili mi, ne effluant haec ab oculis tuis : Custodi legem atque consilium. Et post novem versus : Noli prohibere benefacere eum qui potest ; si vales, et ipse benefac. Ne dieas amico tuo, Vade, et revertere, et eras dabo tibi ; cum statim possis dare. Ne moliaris amico tuo malum ; cum ille in te habeat fiduciam. Ne contendas adversus hominem frustra. Et post septem versus : Illusores ipse deludet, et mansuetus dabit gratiam.*

*Et post quadraginta tres versus<sup>1</sup> [iv.] : Omni custodia serva cor tuum ; quia ab ipso vita procedit. Remove a te os pravum, et detrahentia labia sint procul a te. Oculi tui recta videant ; et palpebrae tue precedant gressus tuos. Dirige semitam pedibus tuis, et omnes viæ tue stabilientur. Ne declines in dexteram aut in sinistram. Averte pedem tuum a malo. Vias enī que a dextris sunt novit Dominus ; perverſæ vero sunt quæ a sinistris sunt. Ipse autem rectos facit cursus tuos, itinera autem tua in pace producit.*

[v.] *Fili mi, attende sapientiam meam, et prudentiæ meæ inclina aurem tuam ; ut custodias cogitationes, et disciplinam labia tua conservent. Favus enim distillans labia meretricis, et nitidius oleo guttur ejus. Novissima autem illius amara quasi absinthium, et acuta quasi gladius biceps. Pedes ejus descendunt in mortem, et ad inferos gressus illius penetrant.*

*Et post nonaginta septem versus [vi.] : Non concupiscat pulchritudinem ejus cor tuum, ne capiaris nutibus illius. Preimum enim scorti, vix unius est panis : mulier autem viri pretiosam aninam capit. Numquid abscondere potest homo ignem in sinu suo, ut vestimenta illius non ardeant ? aut ambulare super prunas, ut non comburantur plantæ ejus ? Sic qui ingreditur ad mulierem proximi sui, non erit mundus cum tegerit eam. Non grandis est culpa, cum quis furatus fuerit : furatur enim, ut esurientem impletat animam ; deprehensus quoque reddet septuplum, et omnem substantiam domus suæ tradet. Qui autem adulter est, propter cordis inopiam perdet animam suam.*

*Et post quatuor versus [vii.] : Fili mi, custodi sermones meos, et præcepta mea reconde tibi. Serva mandata mea, et vive, et legem meam quasi pupillum oculi tui.*

*Et post quinquaginta septem versus [viii.] : Intelligite, parvuli, astutiam ; et insipientes, animadvertiscet. Et post duos versus : Veritatem meditabitur guttur meum, et labia mea detestabuntur impium<sup>2</sup>. Et post*

<sup>1</sup> Pigebat annotare circa versionem recensionem errata quam frequentissima, quæ videlicet postquam in Amerbachianam editionem semel inducta sunt, alias deinceps editiones reluctantibus MSS. codicibus constanter occuparunt. Attamen de insignioribus aliquot castigationibus non silentium videtur hoc loco. Nam in editis pro : *Et post quadraginta tres, legebatur* ; *Et post viginti quatuor* : item infra ubi habes : *Et post nonaginta septem, iu illis habebas* ; *Et post plures versus* : atque ubi nunc : *Et post quinquaginta septem* ; ibi ferebatur : *Et post aliquod versus* : quibus locis aliisque propemodum innumeris restituimus lectionem MSS. unde intelligi facilius queat cujusnam rationis, cujusve mensurae versus illi fuerint, qui computantur ab Augustino.

<sup>2</sup> MSS. : *scrutare*.

<sup>3</sup> sic MSS. iuxta Vulgatam. At editi habebant : *Et labia mea non attestabuntur impium.*

*tres versus* : Accipite disciplinam meam et nou pecuniam ; doctrinam magis quam aurum dilige. Melior est enim sapientia cunctis pretiosissimis ; et omne desiderabile ei non potest comparari. *Et post duos versus* : Timor Domini odit malum ; arrogantiam, et superbiam, et viam pravam, et os bilingue detestatur. *Et post sex versus* : Ego diligentes me diligo ; et qui mane vigilant ad me, invenient me. Mecum sunt divitiae et gloria, opes superbae et justitia. Melior est fructus meus auro et pretioso lapide, et genimina mea argento electo. In viis justitiae ambulo, in medio semitarum judiciorum ; ut ditem diligentes me, et thesauros eorum repleam. *Et post viginti tres versus* : Beatus homo qui audit me, qui vigilat ad fores meas quotidie, et observat ad portas ostii mei. Qui me invenerit, inveniet vitam, et hauriet salutem a Domino. Qui autem in me peccaverit, hædet animam suam. Omnes qui me oderunt, diligunt mortem.

*Et post novem versus [ix.]* : Relinquite infantiam, et vivite, et ambulate per vias prudentiae. Qui erudit derisorem, ipse sibi facit injuriam ; et qui arguit impium, generat maculam sibi. Noli arguere derisorem, ne oderit te : argue sapientem, et diliget te. Da sapienti occasionem, et addetur ei sapientia. Doce justum, et festinabit accipere. Principium sapientiae timor Domini, et scientia sanctorum, prudentia.

*Et post decem et octo versus [x.]* : Non proderunt thesauri iniquitatis ; justitia vero liberabit a morte. *Et post quatuor versus* : Qui congregat in messe, filius sapiens est : qui autem stertit æstate, filius confusio- nis. *Et post quatuor versus* : Sapiens corde præcepta suscipiet : stultus cœditur labiis. Qui ambulat simpli- citer, ambulat considerenter : qui autem depravat vias suas, manifestus erit. Qui annuit oculo, dabit dolorem : stultus labiis verberabitur. Vena vita, os justi ; et os impiorum operit iniquitatem. Odium suscitat rixas ; et universa delicta operit charitas. In labiis sapientis invenietur sapientia ; et virga in dorso ejus qui indi- get corde. Sapientes abscondunt sapientiam : os autem stulti confusione proximum est. *Et post quatuor versus* : Via vita custodiendi disciplinam : qui autem increpationes relinquit, errat. Abscondunt odium labia mendacia. Qui profert contumeliam, insipiens est. In multiloquio peccatum non deerit : qui autem moder- ratur labia sua, prudentissimus est. Argentum electum lingua justi : cor impiorum pro nihilo. Labia justi erudiunt plurimos : qui autem indocti sunt, in cordis egestate morientur. Benedictio Domini divites facit, nec sociabitur eis afflictio. Quasi per risum stultus operatur scelus : sapientia autem est viro prudentia. Quod timet impius, veniet super eum : desiderium suum justis dabitur. *Et post duos versus* : Sicut acetum dentibus, et fumus oculis ; sic piger iis qui miserunt eum. Timor Domini apponet dies ; et anni impiorum breviabuntur. Exspectatio justorum, lætitia : spes autem impiorum peribit. Fortitudo simplicis via Domini ; et pavor iis qui operantur malum. Justus in æternum non commovebitur : impii autem non habitabunt in terra. Os justi parturiet sapientiam : lingua pravorum

peribit. Labia justi considerant placita, et os impiorum perversa.

[ xi. ] Statera dolosa, abominatio apud Deum ; et pondus aquum, voluntas ejus. Ubi fuerit superbia, ibi erit et contumelia : ubi autem humilitas, ibi et sapientia. Simplicitas justorum diriget eos ; et supplantatio perversorum perdet illos. Non proderunt divitiae in die ultionis : justitia autem liberabit a morte. Justitia simplicis diriget viam ejus ; et in impietate sua corrueat impius. Justitia rectorum liberabit eos ; et in insidiis suis capientur iniqui. Mortuo homine impio, nulla erit ultra spes, et exspectatio sollicitorum peribit. *Et post quinque versus*<sup>1</sup> : Qui despicit amicum suum, indigens corde est : vir autem prudens tacebit. Qui ambulat fraudulenter, revelat arcana : qui autem fidelis est animi<sup>2</sup>, celat commissum. Ubi non est gubernator, populus corrueat : salus autem, ubi multa consilia. Affligetur malo, qui fidem facit pro extra- neo : qui autem cavet laqueos, securus erit. *Et post duos versus* : Benefacit animæ sue vir misericors : qui autem crudelis est, etiam propinquos abjicit. *Et post tres versus* : Abominabile Domino pravum cor ; et voluntas ejus in iis qui simpliciter ambulant. Manus in manu, non erit innocens malus : semen autem justorum salvabitur. *Et post duos versus* : Desiderium justorum omne bonum est : præstolatio impiorum furor. Alii dividunt propria, et ditiones sunt : alii rapiunt non sua, et semper in egestate sunt. Anima quæ benedicit, impinguabitur : et qui inebriat, ipse quoque inebriabitur. Qui abscondit frumenta, maledicetur in populis : benedictio autem super caput vendentium. Bene consurgit diluculo, qui querit bona : qui autem investigator malorum est, opprimetur ab eis. Qui confidit in divitiis suis, hic corrueat : justi autem quasi virens folium germinabunt. *Et post quatuor versus* : Si justus in terra recipit, quanto magis impius et peccator ?

[ xii. ] Qui diligit disciplinam, diligit scientiam : qui autem odit increpationes, insipiens est. Qui bonus est, hauriet a Domino gratiam : qui autem confidit in cogitationibus suis, impie agit. Non roborabitur homo ex impietate, et radix justorum non commovebitur. *Et post aliquot versus*<sup>3</sup> : Desiderium impii, munimentum est pessimorum : radix autem justorum proficiet. Propter peccata labiorum ruina proximat malo : effugiet autem justus de angustia. De fructu oris sui unusquisque replebitur bonis, et juxta opera manuum suarum retribuetur ei. Via stulti, recta in oculis ejus : qui autem sapiens est, audit consilia. *Et post quatuor versus* : Est qui promittit, et quasi gladio pungitur conscientiae : lingua autem sapientium sanitas est. Labium veritatis firmum erit in perpetuum : qui au-

<sup>1</sup> Regius codex, *Et post iii versus*. Carnutensis : *Et post iv versus*. Forte legendum, *Et post viii versus*.

<sup>2</sup> In Regio Ms. loco *azimi*, habetur, *amici*. Ultraque vox simul recepta est in Bibliis Sixti auctoritate castigatis. At- tamen, *amici*, deest in vetusto Bibliorum codice Cor- beleiensi.

<sup>3</sup> In MSS. : *Et post decem versus* : plures tamen interjecti esse videntur, nisi forte isti versus erant solito prolixiores.

tem testis est ropentinus, concinnat linguam mendacem. Dolus in corde cogitantum mala : qui autem ineunt pacis consilia, sequetur eos gaudium. Non contristabit justum quidquid ei acciderit : impii autem replebuntur malo. Abominatio Domini<sup>1</sup>, labia mendacia : qui autem fideliter agunt, placent ei. Homo versatus celat scientiam : et cor insipientium provocabit stultitiam. *Et post duos versus* : Miseror in corde viri humiliabit illum, et sermone bono laetificabitur. Qui negligit damnum propter amicum, justus est : iter autem impiorum decipiet eos. Non inventiet fraudulentus lucrum, et substantia hominis erit auri pretium. In semita justitiae vita : iter autem devium ducit ad mortem.

[xiii.] Filius sapiens, doctrina patris : qui autem illosor est, non audit cum arguitur. De fructu oris sui homo saturabitur bonis : anima autem prævaricatorum iniqua. Qui custodit os suum, custodit animam suam : qui autem inconsideratus est ad loquendum, sentiet mala. Vult et non vult piger : anima autem operantium impinguabitur. Verbum mendax justus detestabitur : impius autem confundit et confundetur. Justitia custodit innocentis viam : impietas vero peccatores supplantat. Est quasi dives, cum nihil habeat ; et est quasi pauper, cum in multis divitiis sit. Redemptio animæ viri, divitiae suæ : qui autem pauper est, increpationem non sustinet. Lux justorum laetificat : lucerna impiorum extinguetur. Inter superbos semper iugia sunt : qui autem agunt cuncta consilio, reguntur sapientia. Substantia festinata minuetur : quæ autem paulatim colligitur manu, multiplicabitur. Spes quæ differtur, affligit animam : lignum vite desiderium veniens. Qui detrahit alicui rei, ipse se in futurum obligat : qui autem timet præceptum, in pace versabitur. Lex sapienti fons vitae, ut declinet a ruina mortis. Doctrina bona dabit gratiam : in itinere contemptorum vorago. *Et post aliquot versus*<sup>2</sup> : Qui parcit virgæ suæ, odit filium suum : qui autem diligit illum, instanter erudit. Justus comedit, et replet animam suam : venter autem impiorum insaturabilis.

*Et post duos versus* [xiv.] : Ambulans recto itinere, et timens Deum, despiciet ab eo qui infami graditur via. In ore stulti virga superbiae : labia sapientium custodiunt eos. *Et post duos versus* : Testis fidelis non mentietur : profert mendacium testis dolosus. Quarit derisor sapientiam, et non invenit : doctrina sapientium facilis. Vade contra virum stultum, et nescito labia imprudentiae<sup>3</sup>. Sapientia callidi est intelligere viam suam ; et imprudentia stultorum errans. Stultus illudet peccatum : inter justos morabitur gratia. Cor quod novit amaritudinem animæ suæ, in gaudio ejus non miscebitur extraneus. Domus impiorum delebitur : tabernacula vero justorum germinabunt. Est via quæ videtur homini justa ; novissima autem ejus deducunt ad mortem. Risus dolore misce-

bitur, et extrema gaudii luctus occupat. *Et post tres versus* : Sapiens timet, et declinat malum : stultus transilit, et confidit. Impatiens operabitur stultitiam ; et vir versatus odiosus est. *Et post quatuor versus* : Qui despiciet proximum suum, peccat : qui autem miseretur pauperis, beatus erit. Errant qui operantur malum : misericordia et veritas preparant bona. In omni opere<sup>4</sup> erit abundantia : ubi autem verba sunt plurima, frequenter egestas. *Et post quatuor versus* : In timore Domini fiducia fortitudinis ; et filii ejus erit spes. Timor Domini fons vitae, ut declinet<sup>5</sup> a ruina mortis. *Et post duos versus* : Qui patiens est, multa gubernatur prudentia : qui autem impatiens est, exaltat stultitiam suam. Vita carnium sanitas cordis : putredo ossium invidia. Qui calumniatur egenteam, exprobrat factori ejus : honorat autem eum, qui miseretur pauperis.

*Et post septem versus* [xv.] : Responsio mollis framgit iram : sermo durus suscitat furorem. Lingua sapientium ornat scientiam : os fatuorum ebullit stultitiam. *Et post septendecim versus* : Non amat pestilenum qui se corripit, nec ad sapientes graditur. *Et post duodecim versus* : Melius est parum cum timore Domini, quam thesauri magni et insatiabiles. Melius est vocari ad olora cum charitate, quam ad vitulum saginatum cum odio. Vir iracundus provocat rixas : qui patiens est mitigat suscitatas. Iter pigrorum quasi sepes spinarum : via justorum absque offendiculo. Filius sapiens laetificat patrem : et stultus homo despicit matrem suam. *Et post duos versus* : Dissipantur cogitationes ubi non est consilium : ubi vero plures sunt consiliarii, confirmantur. Laetatur homo in sententia oris sui ; et sermo opportunus est optimus. Semita vite super eruditum, ut declinet de inferno novissimo. *Et post quatuor versus* : Conturbat domum suam, qui sectatur avaritiam : qui autem odit munera, vivet. Mens justi meditabitur obedientiam : os impiorum redundat malis. Longe est Dominus ab impiis ; et orationes justorum exaudiet. Lux oculorum laetificat animam : fama bona impinguat ossa. Auris quæ audit increpationes vite, in medio sapientium commorabitur. Qui abjicit disciplinam, despicit animam suam : qui autem acquiescit increpationibus, possessore est cordis. Timor Domini, disciplina sapientiae ; et gloriam præcedit humilitas.

[xvi.] Hominis est animum præparare, et Dei gubernare linguam. Omnes viæ hominum patent oculis ejus : spirituum ponderator est Dominus. Revela Domino opera tua, et dirigentur cogitationes tuæ. Universa propter semetipsum operatus est Dominus : impium quoque ad diem marum. Abominatio Domini omnis arrogans : etiam si manu ad manum fuerit<sup>6</sup>, non erit innocens. Misericordia et veritate redimitur iniqüitas, et in timore Domini declinatur a malo. Cum

<sup>1</sup> MSS., in omni opere bono.

<sup>2</sup> In sacris Bibliis castigatoribus, declinet.

<sup>3</sup> In Vulgata nunc legitur, manus ad manum : et infra post, non erit innocens, interponitur haec sententia : fratrem via bonæ, facere justitiam etc.; quæ nec est in hebreæ, nec in antiquis Corb. Bibliis versionis Vulgata : ascita est ex LXX.

<sup>4</sup> Vulgata: Abominatio est Domino.

<sup>5</sup> Regius codex: Et post xii versus.

<sup>6</sup> Vulgata, et nescit labia prudentiae.

placuerint Domino viæ hominis, inimicos quoque ejus convertet ad pacem. Melius est parum cum justitia, quam multi fructus cum iniuitate. Cor hominis disponit viam suam; sed Domini est dirigere gressus ejus. Divinatio in labiis regis; in judicio non errabit os ejus. Pondus et statera judicia Domini sunt, et opera ejus omnes lapides saeculi<sup>1</sup>. Abominabiles regi qui agunt impie; quoniam justitia firmatur solium. Voluntas regum labia justa: qui recta loquitur, dirigetur. Indignatio regis nuntii mortis; et vir sapiens placabit eam. In hilaritate vultus regis, vita; et clementia ejus, quasi imber serotinus. Posside sapientiam, quia auro melior est: et acquire prudentiam, quia pretiosior est argento. Semita justorum declinat mala; custos animæ sua servat viam suam. Contritionem preeedit superbia; et ante ruinam exaltatur spiritus. Melius est humiliari cum misib; quam dividere spolia cum superbis. Eruditus in verbo reperiet bona; et qui in Domino sperat, beatus est. Qui sapiens corde est, appellabitur prudens; et qui dulcis eloquio, majora percipiet.

*Et post septendecim versus:* Melior est patiens viro forti; et qui dominatur animæ suæ, expugnatore urbium. Sortes mittuntur in sinum; sed a Domino temperantur.  
 [xvii.] Melior est buccella sicca cum gaudio, quam domus plena victimis cum jurgio. Servus sapiens dominabitur filiis stultis, et inter fratres hereditatem dividet. Sicut igne probatur argentum, et aurum camino; ita corda probat Dominus. Malus obedit lingua inique, et fallax obtemperat labiis mendacibus. Qui despiciat pauperem, exprobrat factori ejus; et qui ruina letatur alterius, non erit impunitus. Corona senum filii filiorum; et gloria filiorum patres sui. Non decent stultum verba composita, nec principem labium mentiens. Gemma gratissima expectatio præstolantis; quocumque se verterit, prudenter intelliget. Qui celat delictum, querit amicitias: qui altero sermone repeatit, separat foederatos. Plus proficit correptio apud prudentem, quam centum plagæ apud stultum. Semper jurgia querit malus: angelus autem crudelis mitetur contra eum. Expedit magis ursæ occurrere raptis setibus, quam fatuo confidenti sibi in stultitia sua. Qui reddit mala pro bonis, non recedet malum de domo ejus. Qui dimittit aquam, caput est jurgiorum; et antequam patiatur contumeliam, judicium deserit. Et qui justificat impium, et qui condemnat justum, abominabilis est uterque apud Deum.

*Et post sexdecim versus:* Munera de sinu impius accipit, ut pervertat semitas judicii. In facie prudentis lucet sapientia: oculi stultorum in finibus terræ.

*Et post tres versus<sup>2</sup>:* Qui moderatur sermones suos, doctus et prudens est, et pretiosi spiritus vir eruditus.

*Et post duos versus [xviii.]:* Occasiones querit qui vult recedere ab amico; omni tempore erit exprobra-

<sup>1</sup> Legendum, *sacculi*, non *sacuti*: et paulo infra, *diligetur*, non *dirigetur*: quæ mendæ etiam in sacra Biblia irreperant.

<sup>2</sup> *Mss. : Et post xvii versus:* insigni lapsu amanuensium; aut certe codex ille Proverbiorum, qui ab Augustino legebatur, sententias eo loci plures quam sacra Biblia exhibebat.

bilis. *Et post sex versus:* Accipere personam impii non est bonus, ut declines a veritate judicii. *Et post sex versus:* Qui mollis et dissolutus est in opere suo, frater est sua opera dissipantis. Turris fortissima nomen Domini: ad ipsam currit justus, et exaltabitur. *Et post duos versus:* Antequam conteratur, exaltatur cor hominis; et antequam glorificetur, humiliatur. *Et post septem versus:* Justus est prior accusator sui; venit amicus ejus, et investigabit eum. Contradictiones comprimit sors, et inter potentes quoque dijudicat. Frater qui adjuvatur a fratre, quasi civitas firma, et judicia quasi vectes urbium. *Et post duos versus:* Mors et vita in manu linguae; qui diligunt eam, comedent fructus ejus. Qui invenit mulierem bonam, inventum bonum; et hauiet jucunditatem a Domino<sup>3</sup>. Cum obsecrationibus loquetur pauper; et dives effabuntur rigide. Vir amabilis ad societatem, magis amicus erit quam frater.

[xix.] Melior est pauper qui ambulat in simplicitate sua, quam dives torquens labia, et insipiens. Ubi non est scientia animæ, non est bonus; et qui festinus est, pedibus offendit. Stultitia hominis supplat gressus ejus, et contra Deum servet animo suo. Divitiae addunt amicos plurimos: a paupere autem et quos habuit separantur. Testis falsus non erit impunitus; et qui mendacia loquitur, non effugiet. Multi colunt personam potentis, et amici sunt dona tribuentis. Fratres hominis pauperis oderunt eum; insuper et amici procul recesserunt ab eo. Qui tantum verba sequatur, nihil habebit: qui autem possessor est mentis, diligit animam suam. *Et post decem versus:* Pigredo immittit soporem, et anima dissoluta esuriet. Qui custodit mandatum, custodit animam suam; qui autem negligit vias suas, mortificabitur. Feneratur Domino qui miseretur pauperis, et vicissitudinem suam reddet ei. Erudi filium tuum, ne desperes. *Et post sex versus:* Homo indigens misericors est; et melior pauper quam vir mendax. Timor Domini ad vitam, et in plenitudine commorabitur absque visitatione pessimi<sup>4</sup>. *Et post duos versus:* Pestilente flagellato stultus sapientior erit: sin autem corripueris sapientem, intelliget disciplinam. Qui affligit patrem, et fugit<sup>5</sup> matrem, ignominiosus est et infelix. Non cesses, fili, audire doctrinam, nec ignores sermones scientiae. Testis iniquus deridet judicium; et os impiorum devorat iniquitatem. Parata sunt derisoribus judicia, et mallei percutientes stultorum corporibus.

[xx.] Luxuriosa res vinum, et tumultuosa ebrietas: quicunque in his delectatur, non erit sapiens. *Et post aliquos versus:* Pondus et pondus, mensura et mensura, utrumque abominabile est apud Deum. Ex studiis suis intelligitur puer, si munda et si recta sint opera

<sup>1</sup> In editis addebat hic: *Qui expelli multierem bonam, expellit bonum: qui autem tenet adulteram, stultus est et insipiens*: quod etiam in Vulgata nunc interpositum est ex LXX. Sed in antiquis Bibliis Corb. non reperitur, neque in hebreo: abest quoque ab Augustini Speculo in MSS. qui mox prosequuntur sic, *cum obsecratione*, etc.

<sup>2</sup> Apud Vulgatam, *pessima*: quanquam in Bibliis Corb., *pessimi*.

<sup>3</sup> Legendum, *fugit*, ut in Bibliis emendatis. Porro Regius codex pro, *fugit*, habet hic, *confundit*.

*ejus. Et post duos versus : Non diligere somnum , ne te egestas opprimat : aperi oculos tuos, et saturare panibus : Et post septendecim versus : Abominatio est apud Deum pondus et pondus ; statera dolosa non est bona.*

*Et post viginti quinque versus [xxi.] : Qui obturat aurem suam ad clamorem pauperis, et ipse clamabit, et non exaudietur. Munus absconditum extinguit iras, et donum in sinu indignationem maximam. Gaudium justo est facere judicium ; et pavor operantibus iniquitatem. Vir qui erraverit a via doctrinæ, in cœtu gigantum reputabitur. Et post novem versus : Qui custodit os suum et linguam, custodit ab angustiis animam suam. Superbus et arrogans vocatur indoctus , qui in ira operator superbiam. Desideria occidunt pigrum ; noluerunt enim quidquam manus ejus operari. Tota die concupiscit et desiderat : qui autem <sup>1</sup>justus est trahet, et non cessabit. Hostiae impiorum abominabiles ; quia offeruntur ex scelere. Testis mendax peribit : vir bene dieens <sup>1</sup>, loquetur victoriam.*

*Et post quinque versus [xxii.] : Melius est nomen bonum, quam divitiae multæ. Et post quindecim versus : Qui pronus est ad misericordiam , benedicetur : de panibus enim suis dedit pauperi <sup>2</sup>. Ejice derisorem, et exhibet cum eo jurgium , cessabuntque causæ et contumelie. Et post quatuor versus : Dicit piger, Leo est foris, in medio platearum occidendus sum. Et post tres versus <sup>3</sup> : Qui calumniatur pauperem ut augeat divitias suas, dabit ipse ditiori, et egebit. Et post octo versus : Non facias violentiam pauperi , quia pauper est, neque conteras egenum in porta ; quia Dominus judicabit causam ejus, et configet eos qui confixerunt animam ejus. Noli esse amicus homini iracundo : neque ambules cum viro furioso : ne forte discas semitas ejus, et sumas scandalum animæ tuæ. Noli esse cum illo qui desigunt manus suas, et qui vadet se offerunt pro debitis.*

*Et post aliquantum [xxiii.] : Noli subtrahere a puer disciplinam : si enim percusseris eum virga, non morietur. Tu virga percuties eum, et anxiām ejus de inferno liberabis. Et post octo versus : Noli esse in convivis potatorum, nec in comedientibus eorum qui carnes ad vescendum conserunt. Et post viginti versus : Ne intuearis vinum quando flavescit, cum splendoruerit in vitro color ejus. Ingreditur blande ; sed in novissimo mordebit ut coluber , et sicut regulus venena diffundet.*

*Et post septem versus [xxiv.] : Ne æmuleris, inquit, viros malos, nec desideres esse cum eis ; quia rapinas meditatur mens eorum, et fraudes labia eorum loquuntur. Item post sexdecim versus : Erue eos qui ducentur ad mortem, et qui trahuntur ad interitum liberare ne cesses. Si dixeris , Vires non suppetunt : qui inspector est cordis, ipse intelligit ; et servatorem*

<sup>1</sup> In sacris Bibiliis, vir obediens.

<sup>2</sup> Hoc loco LXX interponunt: *victoriam et honorem acquirere qui dat manera*, etc. <sup>3</sup> quæ sententia immissa est in Vulgata ; cum non sit in hebræo, neque in Corbeiensi codice versionis licet vulgata.

<sup>4</sup> Ms. Regius : *Et post uersus.*

animæ tuæ nihil fallit , reddetque homini Juxta opera sua. Item post novem versus : Cum ceciderit inimicus tuus, ne gaudeas, et in ruina ejus ne exsultet cor tuum : ne forte videat Dominus, et displiceat ei, et auferat ab eo iram suam. Ne contendas cum pessimis <sup>1</sup>, nec æmuleris impios. Et post duos versus : Time Dominum, fili mi, et regem; et cum detractoribus non commiscearis : quoniam repente consurget perditio eorum ; et ruinam utriusque quis novit ? Haec quoque sapientibus : Cognoscere personam in judicio , non est bonum. Qui dicit <sup>2</sup> impio, Justus es ; maledicent ei populi, et detestabuntur eum tribus. Qui arguunt, laudabuntur, et super ipsos veniet benedictio. Labia deosculabitur qui recta verba respondet. Et post duos versus : Ne sis testis frustra contra proximum tuum, nec lactes quemquam labiis tuis. Nec dicas, Quomodo fecit mihi, sic faciam ei : reddam unicuique secundum opus suum. Per agrum hominis pigrum transivi, et per vineam viri stulti ; et ecce totum repleverant urticæ, operuerant superfciem ejus spinæ : et mæceria lapidum destructa erat. Quod cum vidisem, posui in corde meo, et exemplo didici disciplinam.

*Et post viginti versus [xxv.] : Quæ viderunt oculi tui, ne proferas in jurgio cito ; ne postea emendare non possis, cum de honestaveris amicum tuum. Causam tuam tracta cum amico tuo, et secretum extraneo non reveles, ne forte insultet tibi cum audierit, et reprobare non ccesset. Mala aurea in lectis argenteis, qui loquitur verbum in tempore suo. Inauris aurea et margarita fulgens, qui arguit sapientem et aurem obedientem. Et post septendecim versus : Acetum in nitro est , qui cantat carmina cordi pessimo <sup>3</sup>. Si esurierit inimicus tuus , ciba illum ; et si sitierit, da ei aquam bibere : prunas enim congregabis super caput ejus, et Dominus reddet tibi. Et post decem versus : Sicut urbs patens et absque murorum ambitu, sic vir qui non potest in loquendo cohibere spiritum suum.*

*Et post duos versus [xxvi.] : Sicut avis ad alia <sup>4</sup> transvolans, et passer quo libet vadens, sic maledictum frustra prolatum in quempiam superveniet. Flagellum equo, et chanus asino, et virga dorso imprudentium. Ne respondeas stulto juxta stultitiam suam, ne efficiaris ei similis. Responde stulto juxta stultitiam suam, ne sibi sapiens esse videatur. Et post decem versus : Sicut canis qui revertitur ad vomitum suum, sic imprudens qui iterat stultitiam suam. Vidisti horinam sapientem sibi videri ; magis illo spem habebit stultus. Dicit piger, Leo est in via, et leæna in itineribus. Sicut ostium vertitur in cardine suo, ita piger in lectulo suo. Abscondit piger manus sub ascella sua, et laborat si ad os suum eas converterit. Sapientior sibi piger videtur septem viris loquentibus sententias. Sicut qui apprehendit auribus canem, sic qui transit impatiens*

<sup>1</sup> Carnutensis Ms., cum impiis.

<sup>2</sup> Sic etiam Vulgata in MSS. Bibl. Corp. At in editis Bibliis habet in plurall, qui dicunt, etc.

<sup>3</sup> Nihil hic minus quam in hebræo et antiquis Bibiliis Corp. At in editis Bibliis additur ad huncce versum: *Sicut linea vestimento*, etc.

<sup>4</sup> Editi, ad alta. At Carnut. Ms. , ad altæ : sicut in Bibiliis non mendosis legitur.

et commiscetur rixæ alterius. Sicut noxius est qui mittit lanceas et sagittas in mortem, sic vir qui fraudulenter nocet amico suo, et cum fuerit deprehensus dicit, Ludens feci. Cum defecerint ligna, extinguetur ignis; et susurrone subtracto, jurgia conquiescent. Sicut carbones ad prunas, et ligna ad ignem, sic homo iracundus suscit rixas. Verba susurratoris quasi simplicia, et ipsa pervenient ad intima ventris. *Et post tres versus*: Labii suis intelligitur inimicus, cum in corde tractaverit dolos. Quando submiscerit vocem suam, ne credideris ei; quoniam septem nequitile sunt in corde illius. Qui operit odium fraudulenter, revelabitur malitia ejus in concilio. Qui sedit soveam, incidet in eam; et qui volvit lapidem, revertitur ad eum. Lingua fallax non amat veritatem; et os lubricum operatur ruinas.

[xxvii.] Ne glorieris in crastinum<sup>1</sup>, ignorans quid superventura pariat dies. Laudet te alienus, et non os tuum; extraneus, et non labia tua. *Et post quatuor versus*: Melior est manifesta correptio, quam amor absconditus. Meliora sunt vulnera diligentis, quam fraudulentia odientis oscula. *Et post tres versus*: Amicum tuum, et amicum patris tui ne dimiseris. *Et post aliquos versus*: Infernus et perditio non replentur: similiter et oculi hominum insatiabiles. Quomodo probatur in conflatorio argentum et in fornace aurum, sic probatur homo in ore laudantis<sup>2</sup>. Si contuderis stultum in pila, quasi ptisanas feriente desuper pilo, non auferetur ab eo stultitia ejus.

*Et post aliquot versus*<sup>3</sup> [xxviii.]: Vir pauper calumnians pauperes, similis est imbri vehementi, in quo paratur fames. Qui derelinquent legem, laudant impium: qui custodiunt, succenduntur contra eum. Viri mali non cogitant judicium: qui autem requirunt Dominum, animadvertunt omnia. Melior est pauper ambulans in simplicitate sua, quam dives in pravis itineribus. *Et post duos versus*: Qui coacervat divitias usuris et senore, liberali in pauperes congregat eas. Qui declinat aurem suam ne audiat legem, oratio ejus erit execrabilis. Qui decipit justos in via mala, interitu suo corrueat, et simplices possidebunt bona ejus. *Et post quatuor versus*: Qui abscondit scelera sua, non dirigetur: qui autem confessus fuerit et reliquerit ea, misericordiam consequetur. Beatus homo qui semper est pavidus: qui vero mentis est durae, corrueat in malum. *Item post duodecim versus*: Vir fidelis multum laudabitur: qui autem festinat ditari, non erit innocens. Qui cognoscit in judicio faciem, non facit bene; iste et pro buccella panis deserit veritatem. Vir qui festinat ditari et aliis invidet, ignorat quod egestas superveniet ei. Qui corripit hominem, gratiam postea inveniet apud eum, magis quam ille qui per linguæ blandimenta decipit. Qui subtrahit aliquid a patre suo et a matre, et dicit, Hoc non est peccatum, particeps homicidæ est. Qui se jactat et dilatat, jurgia concitat:

<sup>1</sup> Ms., in crastino.

<sup>2</sup> In Bibliis prelo editis additur hic: *cor tristis inquietum, etc.*, quod abest ab hebreo et ab antiquis Bibl. Corbeiensibus.

<sup>3</sup> Carnutensis codex: *Et post xx versus*.

qui autem sperat in Domino, sanabitur. Qui confidit in corde suo, stultus est: qui autem graditur sapienter, ipse salvabitur. Qui dat pauperi, non indigebit: qui despicit deprecantem sustinebit penuriam.

*Et post decem versus* [xxix.]: Homo qui blandis fictisque sermonibus loquitur amico suo, recte expandit gressibus ejus. *Et post viginti duos versus*: Servus verbis non potest crudiri; quia quod dicit intelligit, et respondere contemnit. Vidi hominem velocem ad loquendum? stultitia magis speranda est, quam illius correptio. *Et post quatuor versus*: Superbum sequitur humilitas, et humilem suscipiet gloria. Qui cum fure partitur, odit animam suam; adjurantem audit, et non indicat. Qui timet hominem, cito corrueat: qui autem sperat in Domum, sublevabitur. Multi requirunt faciem principis, et a Domino judicium egreditur singulorum. Abominantur justi virum impium; et abominantur impii eos qui in recta sunt via.

*Et post quatuordecim versus* [xxx.]: Duo rogavi, ne deneges mihi antequam moriar: Vanitatem et verba mendacia longe fac a me. Mendicitatem et divitias ne dederis mihi; tribue tantum victui meo necessaria: ne forte saturates illiciar ad negandum, et dicam, Quis est Dominus? aut egestate compulsus furor, et perjuriorum nomen Dei mei. Ne accuses servum ad dominum suum, ne forte maledicat tibi, et corruas.

*Et post aliquantum* [xxxi.]: Aperi os tuum, deceras quod justum est, et judica inopem et pauperem.

Satis sint ista de Parabolis. Deinde librum alium Salomonis, qui vocatur Ecclesiastes, intuentes, similiter ea quæ in illo invenerimus hunc operi apta, monstrabimus.

#### DE ECCLESIASTE.

[Cap. ii.] Et vidi quia tantum præcederet sapientia stultitiam, quantum differt lux a tenebris. Sapientis oculi in capite ejus: stultus in tenebris ambulat.

*Et post aliquantum* [iv.]: Custodi pedem tuum ingrediens domum Dei<sup>1</sup>. Multo enim melior est obedientia quam stultorum victimæ, qui nesciunt quid faciant mali.

[v.] Ne temere quid loquaris, neque cor tuum sit velox ad proferendum sermonem coram Deo. Deus enim in cœlo, et tu super terram; idcirco sint pauci sermones tui. Multas curas sequuntur somnia, et in multis sermonibus invenitur stultitia. Si quid vovisti Deo, ne moreris reddere; displicet enim ei infidelis et stulta promissio: sed quodcumque voveris redde: multo melius est non vovere, quam post votum promissa non reddere. Ne dederis os tuum ut peccare facias carnem tuam, neque dicas coram angelo, Non est providentia: ne forte iratus Deus super sermone tuo dissipet cuncta opera manuum tuarum. Ubi multa sunt somnia, plurimæ vanitates et sermones inumeri: tu vero Deum time. *Et post sex versus*: Avarus non impletur pecunia; et qui amat divitias, fructus non capiet ex eis.

<sup>1</sup> In Vulgata versione additur, et appropinquat usus antiquus.

*Et post aliquantum [vii.] Melius est ire ad domum lucis, quam ad domum convivii : in illa enim finis cunctorum admonet hominum, et vivens cogitat quid futurum sit. Melior est ira risu : quia per tristitiam vultus corrigitur animus delinquentis. Cor sapientium, ubi tristitia est ; et cor stultorum ubi luctitia. Melius est a sapiente corripi, quam stultorum adulatio decipi : quia sicut sonitus spinarum ardentium sub olla, sic risus stulti. Et post quatuor versus : Melior est patiens arrogante. Ne velox sis ad irascendum ; quia ira in sinu stulti requiescit. Ne dicas, Quid putas cause est quod priora tempora meliora fuere, quam nunc sunt? stulta est enim hujuscemodi interrogatio. Et post tres versus : Hoc autem plus habet eruditio et sapientia, quod vitam tribuunt possessori suo.*

*Et aliquanto post [viii.] : Ego os regis ob servo, et praecepta juramenti Dei. Ne festines recedere a facie ejus, neque permaneas in opere malo. Et paulo post, Ex eo quod peccator, inquit, centies facit in alium, et per patientiam sustentatur, ego cognovi quod erit bonum timentibus Deum, qui verentur faciem ejus. Non sit bonum' impio, nec prolongentur dies ejus ; sed quasi umbra transeant, qui non timent faciem Dei.*

*Et post aliquantum [ix.] : Dicebam ego meliorem esse sapientiam fortitudine. Et post quatuor versus : Melior est sapientia quam arma bellica : et qui in uno peccaverit, multa bona perdet.*

*Et post duos versus [x.] : Pretiosior est sapientia et gloria parva, ad tempus stultitia. Et post tredecim versus : Qui fodit soveam, incidet in eam ; et qui dissipat sepem, mordebit eum coluber. Qui transvert lapides, affligetur in eis ; et qui scindit ligna, vulnerabitur ab eis. Si retusum fuerit ferrum, et hoc non ut prius, sed hebetatum fuerit ; multo labore exacuetur, et post industriam sequetur sapientia. Si mordet serpens in silentio, nihil eo minus habet qui occulce detrahit. Verba oris sapientis gratia, et labia insipientis precipitabunt eum.*

*Et paulo post [xi.] : Lætare ergo, juvenis, in adolescentia tua ; et in bono sit cor tuum in diebus juventutis tuæ, et ambula in viis cordis tui, et in intuitu oculorum tuorum ; et scito quod pro omnibus his adducet te Deus in judicium. Aufer iram a corde tuo, et amove malitiam a carno tua. Adolescentia enim et voluptas vana sunt.*

[xii.] Memento Creatoris tui in diebus juventutis tuæ. Et post aliquos versus<sup>1</sup> : Deum time, et mandata ejus observa.

#### DE CANTICO CANTICORUM.

Restat ille liber Salomonis, cuius inscriptio est, *Canticum cantorum.* Sed de illo in hoc opus quid transferre possumus, cum totus amores sanctos Christi et Ecclesiæ figurata locutione commendet, et prophetica pronuntiet altitudine<sup>2</sup> nisi quod in eo, quamvis sit ad intelligendum difficilimus, possumus tamen facile advertere, quantum sit divina illa et divinitus inspirata cha-

ritas appetenda, quantique pondenda : quandoquidem non ibi semel dicitur, sed alio atque alio loco iterum ac tertio repetitur [Capp. ii, iii, viii.] : Adjuro vos, filiae Jerusalem, per capreas cervosque camporum, ne suscitatis neque evigilare faciatis dilectam, donec ipsa velit. Adjuro vos, filiae Jerusalem, in virtutibus et viribus agri, si levaveritis charitatem quoadusque velit (a). Ecclesia quippe, in qua utique sumus, his verbis exhortatur filias suas, hoc est, scipsam in plurimis constitutam. Ipsa est ager Dei fructuosissimus, cuius virtutes et vires magna sunt, ad quas amando Christum martyres pervenerunt. Nam quo usque vult ille dilectæ suæ in hac interim vita charitatem levari<sup>3</sup>, nisi quo usque ipse docuit verbo, et suo est hortatus exemplo, dicens, Majorem hac charitatem nemo habet, quam ut animam suam ponat quis pro amicis suis (Joan. xv, 13) : et quod dixit efficiens? Unde ne ad ipsum solum hoc pertinere videretur, ait Joannes in Epistola sua, Sicut Christus pro nobis animam suam posuit, sic et nos debemus animas pro fratribus ponere (I Joan. iii, 16) : hoc ergo est, quoad usque velit.

Legitur etiam in eodem Cantico [ii.] : Ordinate in me charitatem.

Christus quoque ipse ibi dicit [vi.] : Pulchra es, amica mea, suavis et decora sicut Jerusalem.

Et alibi [vii.] : Quam pulchra es et quam decora, charissima, in deliciis!

Et alio loco [viii.] : Pone me ut signaculum super cor tuum, ut signaculum super brachium tuum : quia fortis est ut mors dilectio, dura sicut infernus amulatio. Et post unum versus : Aquæ multæ non potuerunt<sup>4</sup> extinguere charitatem, nec flumina obruent illam. Si dederit homo omnem substantiam domus suæ pro dilectione, quasi nihil despiciet<sup>5</sup> eam.

#### DE LIBRO JOB.

[Cap. xxiv.] Quid noverunt eum, ignorant dies illius. Alii terminos transtulerunt, diripuerunt greges, et rapuerunt eos. Asinum pupillorum abegerunt, et abs-tulerunt pro pignore bovem viduæ. Et post quinque versus : Agrum non suum demetunt; et vineam ejus quem vi oppresserunt, vindemiant. Nudos dimittunt homines, indumenta tollentes, quibus non est operimentum in frigore. Et post duos versus : Vim fecerunt depravantes papillos, et vulgum pauperem spoliaverunt. Nudis et incidentibus absque vestitu et esurientibus tulerunt spicas. Et post duos versus : De civitatibus fecerunt viros gemere; et anima vulneratorum clamavit; et Deus insultum abire non patitur. Ipsi fuerunt rebelles lumini : nescierunt vias ejus, nec reversi sunt per semitas illius. Et post viginti et unum versus : Conteratur quasi lignum infructuosum. Pavit enim sterilem, et quæ non parit; et viduæ bene non fecit. Detraxit fortem in fortitudine sua.

<sup>1</sup> MSS., levare.

<sup>2</sup> Sic Vulgata in editis. At in MSS. Bibliis Corb., poterunt. Apud LXX, nudor poli ou duneseta.

<sup>3</sup> MSS. duo, despiciunt.

(a) Istud et alterum proxime subiectum testimonium juxta LXX, reliqua vero juxta Vulgatam profert.

<sup>4</sup> Regius Ms.: Et post xxxii versus.

*Et post aliquantum [xxix.]*: Auris audiens beatificabat me; et oculus videns testimonium reddiebat mihi, quod liberasse pauperem vociferantem, et pupillum cui non esset adjutor. Benedictio perituri super me veniebat, et cor viduae consolatus sum. Justitia induit sum, et vestivi me sicut vestimento et diademate judicio meo. Oculus fui caco, et pes claudio. Pater eram pauperum; et causam quam nesciebam, diligenter investigabam. Conterebam molas iniqui, et de dentibus illius auferem prædam.

*Et aliquanto post [xxx.]*: Si ambulavi in vanitate, et festinavimus in dolo pes meus; appendat me in statera justa, et sciat Deus simplicitatem meam. Si declinavit gressus meus de via; et si secutus est oculus meus cor meum<sup>1</sup>, et in manibus meis adhæsit macula. *Et post duos versus*: Si deceptum est cor meum super mulierem; et si ad ostium amici mei insidiatus sum. *Et post duos versus*: Hoc enim nefas est, et iniquitas maxima. Ignis est usque ad perditionem devorans, et omnia eradicans genimina. Si contempsisti judicium subire cum servo meo et ancilla mea, cum disceptarent adversum me. *Et post quatuor versus*<sup>2</sup>: Si negavi quod volebant pauperibus, et oculos viduae exspectare feci. Si comedi buccellam meam solus, et non comedit pupillus ex ea. Quia ab infantia mea crevit mecum miseria, et de utero matris mee egressa est mecum. Si despexi pereuntem, eo quod non habuerit vestimentum, et absque operamento pauperem. Si non benedixerunt mihi latera ejus, et de velleribus ovium mearum calefactus est. Si levavi super pupillum magnum meum, etiam cum vidarem me superiorem in portis. *Et post quinque versus*: Si putavi aurum robur meum, et gydrozo dixi, Fiducia mea. Si luctatus sum super multas divitias meas, et quia plurima reperit manus mea. *Et post sex versus*: Si gavisus sum ad ruinam ejus qui me oderat, et exultavi quod invenisset eum malum. *Et post quatuor versus*: Foris non mansit peregrinus; ostium meum viatori patuit. Si abscondi quasi homo peccatum meum, et celavi in sinu meo iniquitatem meam. Si expavi ad multitudinem nimiam, et despectio propinquorum terruit me; et non magis tacui, nec egressus sum ostium. Quis mihi tribuat auditorem, ut desiderium meum Omnipotens audiat, et librum scribat ipse qui judicat; ut in numero meo portem illum, et circumdem<sup>3</sup> quasi coronam mihi? Per singulos gradus meos pronuntiabo illum, et quasi principi<sup>4</sup> offeram eum. Si adversum me terra mea clamat, et eum ipsa sulci ejus deflent. Si fructus ejus comedи absque pecunia, et animam agricolaram afflxi.

Nunc jam de libris Prophetarum quæ sunt huic opere necessaria colligamus. Ac primum de his Prophetis qui proper brevitatem voluminum suorum Minorē vocantur. Ergo apud Osee prophetam ista comperimus.

<sup>1</sup> Legendum ut in melioribus Bibl.: Si secutum est oculus meos cor meum.

<sup>2</sup> Regius codex: Et post vi versus.

<sup>3</sup> MSS. Omitunt, et circumdem.

<sup>4</sup> Ms. Regius, principem.

## DE LIBRO OSSEE.

[Cap. iv.] Audite verbum Domini, filii Israel, quia judicium Domino cum habitatoribus terræ. Non est enim veritas, et non est misericordia, et non est scientia Dei in terra. Maledictum, et mendacium, et homicidium, et furtum, et adulterium inundaverunt, et sanguis sanguinem tetigit. *Et post duodecim versus*: Quia tu scientiam repulisti, repellam te, ne sacerdotio fungaris mihi. *Et post quindecim versus*: Quoniam Dominum reliquerunt in non custodiendo. Fornicatio, et vinum, et ebrietas auferunt cor. *Et post septendecim versus*: Quoniam ipsi cum meretricibus versabantur, et cum effeminitis sacrificabant. Et populus non intelligens vapulabit. Si fornicaris tu, Israel, non delinquat saltem Juda. Et nolite ingredi in Gaigala; et ne ascendatis in Bethave; neque juraveritis, Vivit Dominus.

*Et post aliquot versus*<sup>1</sup> [v.]: Non dabunt cogitationes suas, ut revertantur ad Dominum Deum suum; quia spiritus fornicationis in medio eorum, et Dominum non cognoverunt.

*Et post sexaginta et unum versus* [vi.]: Judicia tua quasi lux egredientur. Quia misericordiam volui et non sacrificium, et scientiam Dei plus quam holocausta.

*Et post aliquantum* [x.]: Seminate vobis in justitia, et metite in ore misericordiae: innovate vobis novale. Tempus autem requirendi Dominum, cum venerit qui docebit vos justitiam.

*Et post septuaginta octo versus* [xii.]: Et tu ad Dominum Deum converteris<sup>2</sup>: misericordiam et judicium custodi; et spera in Domino Deo tuo semper.

*Et post quinquaginta et unum versus* [xiii.]: Ego autem Dominus Deus tuus eduxi te de terra Aegypti<sup>3</sup>; et dominum absque me nescies, et salvator non est praeter me.

*Et post triginta novem versus* [xiv.]: Converttere, Israel, ad Dominum Deum tuum; quoniam corruisti in iniquitate tua. Tollite vobiscum verba, et convertimini ad Dominum: dicite ei, Omnem iniquitatem aufer, et accipe bonum, et reddemus vitulos labiorum nostrorum.

## DE LIBRO JOEL.

[Cap. 1.] Expergiscimini ebrii, et flete, et ululate, omnes qui bibitis vinum in dulcedine; quoniam periiit ab ore vestro. Gens enim ascendit super terram meam fortis et innumerabilis.

*Et post aliquantum* [ii.]: Nunc ergo dicit Dominus, Convertimini ad me in toto corde vestro, in jejunio et in fletu, et in planctu; et scindite corda vestra, et non vestimenta vestra: et convertimini ad Dominum Deum vestrum; quia benignus et misericors est.

## DE LIBRO AMOS.

[Cap. ii.] Haec dicit Dominus: Super tribus scele-

<sup>1</sup> Ms. Regius: Et post viii versus.

<sup>2</sup> Ms. Regius, convertere.

<sup>3</sup> Vulgata, Deus tuus ex terra Aegypti: prætermisso, eduxi te; quod ex LXX acceptum est.

ribas Iuda, et super quatuor non convertam eum; eo quod abjecerint legem Domini, et mandata ejus non custodierint. Deceperunt enim eos idola sua, post quae abierunt patres eorum. *Et post duos versus*: Hæc dicit Dominus: Super tribus sceleribus Israel, et super quatuor non convertam eum; pro eo quod vendiderint pro argento justum, et pauperem pro calceamentis. Qui conterunt super pulverem terræ capita pauperum, et viam humilium declinant. Et filius ac pater ejus ierunt ad puellam, ut violarent nomen sanctum meum. *Et post unum versum*: et vinum, inquit, damnatorum bibebant in domo Dei sui.

*Et aliquanto post [v.]*: Quia hæc dicit Dominus domui Israel: Quarite me, et vivetis. *Et post tres versus*: Quærите Dominum, et vivite. *Et post octo versus*: Odio habuerunt in porta corripientem, et loquentem perfecte abominati sunt. Idcirco pro eo quod diripiebatis pauperem, et prædam electam tollebatis ab eo. *Et post tres versus*: Quia cognovi multa scelera vestra, et fortia peccata vestra. Hostes justi, accipientes munus, et pauperes in porta deprimentes. *Et post duos versus*: Quærite bonum et non malum, ut vivatis; et erit Dominus Deus exercituum vobis, sicut dixistis. Odite malum, et diligite bonum, et constituite in porta judicium; si forte misereatur Dominus exercituum reliquiis Joseph.

*Et post aliquot versus [vi.]*: Qui dormitis in lectis eburneis, et lascivitis in stratis vestris. Qui comeditis agnum de grege, et vitulum de medio armenti. Qui canitis ad vocem psalterii: sicut David putaverunt se habere vasa cantici; bibentes in phialis vinum, et optimo unguento delibuti, et nihil patiebantur super contritione Joseph.

*Et post aliquantum [viii.]*: Audite hoc qui conteritis pauperem, et desicere facitis egenos terræ, dicentes: Quando transibit messis<sup>1</sup>, et venumdabimus merces; et sabbatum, et aperiemus frumentum: ut iniuimus mensuram, et augeamus siculum, et supponamus stateras dolosas; ut possideamus in argento egenos et pauperes pro calceamentis, et quisquiliis frumenti vendamus.

#### DE LIBRO MICHAÆÆ.

[Cap. II.] Væ qui cogitatis inutile, et operamini malum in cubilibus vestris. In luce matutina faciunt illud; quoniam contra Deum manus eorum. Et concupierunt agros, et violenter tulerunt, et domos rapuerunt; et calumniabantur virum et domum ejus, virum et hereditatem ejus.

*Et post aliquantum [III.]*: Audite hæc, principes domus Jacob, et judices domus Israel, qui abominamini judicium, et omnia recta pervertitis. Qui ædificatis Sion in sanguinibus, et Jerusalem in iniuitate. Principes ejus in muneribus judicabant; et sacerdotes ejus in mercede docebant; et prophetæ ejus in pecunia divinabant, et super Dominum requiescebat, dicentes: Numquid non Deus in medio nostrum? Non venient super nos mala.

*Et post aliquantum [VI.]*: Indicabo tibi, o homo,

<sup>1</sup> in sacris Bibiliis, mensis.

quid sit bonum, et quid Dominus querat a te: utique facere judicium, et diligere misericordiam, et sollicitum ambulare cum Deo tuo. *Et post tres versus*: Adhuc ignis in domo impii, thesauri iniuitatis, et mensura minor iræ plena. Numquid justificabo stateram impiam, et sacerdelli pondera dolosa? In quibus divites ejus replete sunt iniuitate, et habitantes in ea loquebantur mendacium, et lingua eorum fraudulenta in ore eorum.

*Et post duodecim versus [vii.]*: Væ mihi, quia factus sum sicut qui colligit in autumno racemos vindemiae. Non est botrus ad comedendum, præcoquas fucus desideravit anima mea. Perit sanctus de terra, et rectus in hominibus non est: omnes in sanguine insidiantur; vir fratrem suum venatur ad mortem: malum manuum suarum dicunt bonum. Princeps postulat, et judex in reddendo est, et magnus locutus est desiderium animæ suæ.

#### DE LIBRO HABACUC.

[Cap. I.] Contra me factum est judicium, et contradicō potentior. Propter hoc lacerata est lex, et non pervenit usque ad finem judicium: quia impius prævalet adversus justum, propterea egreditur judicium perversum.

*Et paulo post [II.]*: Justus autem in fide sua vivet. Et quomodo vinum potantem decipit, sic erit vir superbus, et non decorabitur. *Et post aliquantum*: Quid prodest sculptile, quia illud sculpsit fector suus conflatile et imaginem falsam; quia speravit in signamento fector ejus, ut faceret simulacra muta? Væ qui dicit ligno, Expergiscere; Surge, lapidi tacenti. Numquid ipse docere poterit? Ecce iste coopertus est auro et argento, et omnis spiritus non est in visceribus ejus. Dominus autem in templo sancto suo: sileat a facie ejus omnis terra.

#### DE LIBRO SOPHONIÆ.

[Cap. I.] Disperdam, inquit, de loco hoc reliquias Baal, et nomina ædiutorum cum sacerdotibus; et eos qui adorant super tecta militiam coeli, et adorant, et jurant in Domino, et jurant in Melchom; et qui avertuntur de post tergum Domini; et qui non quæsierunt Dominum, nec investigaverunt eum. Silete a facie Domini; quia juxta est dies Domini. *Et post sexdecim versus*: Et erit in tempore illo, scrutabor Jerusalem in lucernis, et visitabo super viros desertos in facibus suis, qui dicunt in cordibus suis, Non faciet bene Dominus, et non faciet male.

*Et post aliquot versus<sup>1</sup> [II.]*: Convenite, congregamini, gens non amabilis, priusquam pariat jussio quasi pulverem transeuntem diem, antequam veniat super vos ira furoris Domini, antequam veniat super vos dies furoris Domini. Quærite Dominum, omnes mansueti terræ, qui judicium ejus estis operati. Quærite justum, quærite mansuetum; si quomodo abscondamini in die furoris Domini.

*Et post aliquantum [III.]*: Et derelinquam in medio tui populum pauperem et egenum; et sperabunt in nomine Domini reliquiae Israel: non facient iniui-

<sup>1</sup> Ms. Regius: *Et post xviii versus.*

tatem, nec loquentur mendacium, et non invenietur in ore eorum lingua dolosa.

#### DE LIBRO ZACHARIÆ.

[Cap. v.] *Cum de volumine loqueretur, quod vidit in spiritu : Et dixit ad me, Hæc est maledictio, quæ egreditur super faciem omnis terræ, quia omnis fur, sicut ibi scriptum est, judicabitur, et omnis jurans, ex hoc similiter judicabitur. Educam illud, dicit Dominus exercituum, et veniet ad domum furis, et ad domum jurantis in nomine meo mendaciter ; et commorabitur in medio domus ejus, et consumet eum, et ligna ejus, et lapides ejus.*

*Et post aliquantum [vii.] : Et factum est verbum Domini ad Zachariam dicens, Hæc ait Dominus exercituum dicens : Judicium verum judge, et misericordiam et miserationes facite unusquisque cum fratre suo ; et viduam et pupillum et advenam et pauperem nolite calumniari, et malum vir fratri suo non cogitet in corde suo.*

*Item post aliquantum [viii.] : Loquimini veritatem unusquisque cum proximo suo : veritatem et judicium pacis judge in portis vestris ; et unusquisque malum contra amicum suum ne cogitatis in cordibus vestris, et juramentum mendax ne diligatis. Omnia enim hæc sunt quæ odi, dicit Dominus.*

#### DE LIBRO MALACIIÆ.

[Cap. i.] *Filius honorat patrem, et servus dominum suum : si ergo pater ego sum, ubi est honor meus ? et si dominus ego sum, ubi est timor meus, dicit Dominus exercituum ?*

*Et paulo post [ii.] : Ego dedi vos contemptibiles et humiles omnibus populis, sicut non servasti vias meas, et acceperisti faciem in Lege. Numquid non pater unus omnium nostrum ? numquid non Deus unus creavit nos ? Quare ergo despicit unusquisque fratrem suum, violans pactum patrum nostrorum ? Transgressus est Judas, et abomiuatio facta est in Israël, et in Jerusalem ; quia contaminavit Judas sanctificationem Domini quam dilexit, et habuit filiam dei alieni. Disperdet Dominus virum qui fecerit hoc, magistrum et discipulum de tabernaculis Jacob, et offerentem manus Domino exercituum. Et hoc rursum fecistis : operiebatus lacrymis altare Domini, fletu et magitu, ita ut ultra non respiciam ad sacrificium, nec accipiam placabile quid de manu vestra. Et dixistis, Quam ob causam ? Quia-Dominus testificatus est inter te et uxorem pubertatis tue, quam tu despisti : et hæc particeps tua et uxor foederis tui. Nonne uans fecit, et residuum spiritus ejus ? Et quid unusquisque querit, nisi semen Dei ? Custodite ergo spiritum vestrum ; et uxorem adolescentiae tue noli desplicere. Cum odio habueris eam, dimicet, dicit Dominus Deus Israel : operiet autem iniquitas vestimentum ejus, dicit Dominus exercituum. Custodite spiritum vestrum, et nolite desplicere. Laborare fecistis Dominum in sermonibus ve-*

<sup>1</sup> vulgata versio : *Et quid unus querit, etc. LXX autem : Quod aliud præter semen querit Deus ?*

stris, et dixistis, In quo eum fecimus laborare ? In eo cum diceretis, Omnis qui facit malum, bonus est in conspectu Domini, et tales ei placent ; aut certe ubi est dies iudicij ?

*Et post quindecim versus [iii.] : Et accedam ad vos, inquit, in judicio, et ero testis velox maleficiis et adulteris et perjuris, et qui calumniantur mercedem mercenarii, viduas<sup>1</sup> et pupillos, et opprimunt peregrinum, nec timuerunt me, dicit Dominus exercituum. Ego enim Dominus, et non mutor ; et vos filii Jacob non estis consumpti. A diebus enim patrum vestrorum recessistis a legitimis meis, et non custodistis. Revertimini ad me, et revertar ad vos, dicit Dominus exercituum. Et post quindecim versus : Invaluerunt super me verba vestra, dicit Dominus : Et dixistis, Quid locuti sumus ? Dixistis, Vanus est qui servit Deo : et quod emolumenatum, quia castodivimus præcepta ejus, et quia ambulavimus tristes coram Domino exercituum ? Ergo nunc beatos dicimus arrogantes : siquidem sedisicati sunt facientes iniquitatem<sup>2</sup>, et tentaverunt Deum, et salvi facti sunt. Tunc locuti sunt timentes Deum, unusquisque cum proximo suo. Et attendit Dominus, et audivit, et scriptus est liber monumenti coram eo, timentibus Dominum, et cogitantibus noinem ejus : et erunt mibi, ait Dominus exercituum, in die qua ego facio, in peculium ; et parcam eis, sicut parcit vir filio suo servienti sibi. Et convertimini<sup>3</sup>, et videbitis quid sit inter justum et impium, et inter servientem Deo et non servientem ei.*

*[iv.] Ecce enim dies veniet succensa quasi caminus, et erunt omnes superbi et omnes facientes iniquitatem, stipula ; et inflammabit eos dies veniens, dicit Dominus exercituum, quæ non relinquet eis radicem et germen. Orietur vobis timentibus nomen meum sol justitiae, et sanitas in penitus ejus : et egrediemini, et salletis sicut vituli de armento ; et calcabitis impios, cum fuerint cini sub planta pedum vestrorum, in die qua ego facio, dicit Dominus exercituum.*

#### DE LIBRO ISAIÆ.

[Cap. l.] *Lavamini, mundi estote, aufferte malum cogitationum vestrarum ab oculis meis. Quiescite perverse agere, discite benefacere, querite judicium, subvenite oppresso, judicate pupillo, defendite viduam ; et venite et arguite me, dicit Dominus. Et post octo versus : Argentum tuum versus est in scoriam ; vinum tuum mixtum est aqua. Principes tui socii furum : omnes diligent munera, sequuntur retributiones, pupillo non judicant, et causa viduæ non ingreditur ad eos.*

*Et paulo post [ii.] : Dominus Jacob, venite, ambulemus in lumine Domini. Projecisti enim populum tuum, domum Jacob ; quia repleti sunt ut olim, et*

<sup>1</sup> sic MSS. juxta vulgatam. At editi, et humanitatem viduas.

<sup>2</sup> In sacris Bibliis additur, contra te.

<sup>3</sup> Hic et paulo infra pro, iniquitatem, habetur in sacris Bibliis, impietatem.

<sup>4</sup> Sacra Biblia, convertemini.

**augures** habuerunt ut Philistini, et pueris alienis adhaeserunt. *Et post tres versus*: Repleta est terra ejus idolis; opus manuum suarum adoraverunt, quod fecerunt digiti eorum. *Et post quinque versus*: Quia dies Domini exercitum super omnem superbum et excelsum, et super omnem arroganteum, et humiliabitur.

*Et paulo post [in.]*: Populum meum exactores sui spoliaverunt, et mulieres dominatae sunt eis. Popule meus, qui beatum te dicunt, ipsi te decipiunt, et viam gressuum tuorum dissipant. *Et post aliquos versus*: Vos enim depasti estis vineam meam, rapina pauperis in domo vestra. Quare atteritis populum meum, et facies pauperum commolitis, dicit Dominus exercitum? *Et dixit Dominus*: Pro eo quod elevate sunt filiae Sion, et ambulaverunt extento collo, et nutibus oculorum ibant, et plaudebant, ambulabant, et in pedibus suis composito gradu incedebant.

*Et paulo post [v.]*: Vx qui conjungitis domum ad domum, et agrum ad agrum copulatis usque ad extremum loci (ut auferatis proximo: *Symmachus et Theodosius*, donec deficiat, vel non sit locus, *transstulerunt*): numquid habitabitis vos soli in medio terra? In auribus meis sunt haec, dicit Dominus exercitum. *Et post tres versus*: Vx qui consurgitis mane ad ebrietatem sectandam, et potandum usque ad vesperam, ut vino aestuetis. Cithara, et lyra, et tympanum, et tibia, et vinum in conviviis vestris; et opus Domini non respicitis, nec opera manuum ejus consideratis. *Et post septendecim versus*: Vx qui dicitis malum bonum, et bonum malum; ponentes tenebras lucem, et lucem tenebras; ponentes amarum in dulce, et dulce in amarum. Vx qui sapientes estis in oculis vestris, et coram vobismelipsis prudentes. Vx qui potentes estis ad bibendum vinum, et viri fortes ad miscendam ebrietatem. Qui justificatis impium pro muneribus, et justitiam justi aufertis ab eo.

*Et aliquanto post [x.]*: Vx qui condunt leges iniqas, et scribentes injustitiam scripserunt, ut opprimerent in judicio pauperes, et vim facerent cause humilium populi mei; ut essent viduae praeda eorum, et pupillios diriperent.

*Et post paululum [xi.]*: Requiescat super eum spiritus Domini, spiritus sapientiae et intellectus, spiritus consilii et fortitudinis, spiritus scientiae et pietatis, et replebit eum spiritus timoris Domini. Non secundum visionem oculorum judicabit, neque secundum auditum aurium arguet: sed judicabit in judicio pauperes, et arguet in æquitate pro mansuetis terra; et percutiet terram virga oris sui, et spiritu labiorum suorum

<sup>5</sup> Regius Ms., usque ad terminos loci: vulgata vero, usque ad terminum loci. Deinde ille ideam codex cum vulgata præriter caret his verbis, ut auferatis proximo: quæ quidem verba ex LXX, non abeque exscriptoris lapsu, adiecta sunt: et fas est opinari annotiunculanum hic sive ab Augustino, sive ab alio insertam fuisse ex Commentariis Hieronymi, qui nimur ad hunc locum id observat: « Pro eo ait quod « nos diximus usque ad terminum loci, LXX translulerunt « hinc tot pléson aphélonum tñ, id est, ut auferant aliquid a proximo; Symmachus et Theodosius, donec deficiat; vel, « non sit locus: ut deficiente terra nequaquam saturetur à avaritia. »

interficiet impium. Et erit justitia cingulum lumborum ejus, et fides cinctorum renum ejus.

*Et post sexaginta versus [xii.]*: Ecce Deus salvator meus, fiducialiter agam, et non timebo. Quia fortitudo mea et laus mea Dominus Dens, et factus est mihi in salutem. Haurietis aquas in gaudio de fontibus Salvatoris: et dicetis in illa die, Confitemini Domino, et invocate nomen ejus, notas facite in populis adventiones ejus, mementote quoniam excelsum est nomen ejus. Cantate Domino, quoniam magnifice fecit, annuntiate hoc in universa terra. Exulta et lauda, habitatio Sion; quia magnus in medio tui sanctus Israel.

*Et post quadraginta versus [xiii.]*: Et quiescere faciam superbiam infidelium, et arrogantiam fortium humiliabo.

*Item post aliquantum [xvii.]*: Dicit Dominus Deus Israel: In die illa inclinabitur homo ad factorem suum, et oculi ejus ad sanctum Israel respicient; et non inclinabitur ad altaria quæ fecerunt manus ejus, et quæ operati sunt digitii ejus; non respiciet lucos, et delubra.

*Et post aliquantum [xxii.]*: Vocabit, inquit, Dominus Deus exercitum in die illa ad fletum et ad planctum, et ad calvium, et ad cingulum sacci. Et ecco gaudium et lætitia occidere vitulos, et jugulare arietes, comedere carnes, et bibere vinum. Comedamus, et bibamus; cras enim moriemur. Et revelata est in auribus meis vox Domini exercitum: Si dimittetur iniquitas haec vobis, donec moriamini, dicit Dominus Deus exercitum.

*Item post aliquantum [xxvi.]*: Aperite portas, et ingrediatur gens justa, custodiens veritatem. Vetus error abiit; servabis pacem; pacem, quia in te speravimus. Speratis in Domino in seculis æternis, in Domino Deo forti in perpetuum. *Et post sex versus*: In semita judiciorum tuorum, Domine, sustinuimus te; nomen tuum et memoriale tuum in desiderio animæ. Anima mea desideravit te in nocte; sed et spiritu meo in praecordiis meis de mane vigilabo ad te. Cum feceris judicia tua in terra, justitiam discent habitatores terræ. Misereamur impio, et non disceret facere justitiam. In terra sanctorum iniqua gessit, et non videbit gloriam Dei.

*Et post aliquantum [xxix.]*: Desecit qui prævalebat, consummatus est illusor, et succisi sunt omnes qui vigilabant super iniquitatem, qui peccare faciebant homines in verbo.

*Et post decem versus [xxx.]*: Vx, filii desertores, dicit Dominus, ut faceretis consilium, et non ex me; et ordiremini telam, et non per spiritum meum; ut adderetur peccatum super peccatum. *Et paulo post*: Haec dicit Dominus Deus sanctus Israel, Si revertamini et quiescatis, salvi eritis. In silentio et in spe erit fortitudo vestra; et noluistis. *Et post viginti versus*: Contaminabis laminas sculptilium argenti tui, et vestimentum conflatis auri tui, et disperges ea sicut imunditiam menstruate.

*Et post aliquantum [xxxii.]*: Convertimini, sicut in

profundum recesseratis, filii Israel. In die enim illa abiiciet vir idola argenti sui, et idola auri sui, quæ cicererunt vobis manus vestræ in peccatum.

*Item post aliquantum [xxxiii.]* : Et erit sudes in temporibus tuis, divitiae salutis sapientia et scientia, timor Domini ipse thesaurus ejus. *Et paulo post* : Quis poterit habitare de vobis cum igne devorante ? quis habitabit ex vobis cum ardoribus sempiternis ? Qui ambulat in justitiis, et loquitur veritatem ; qui projicit avaritiam et calumniam<sup>1</sup>, et excutit manus suas ab omni munere ; qui obturat aures suas ne audiat sanguinem, et claudit oculos suos ne videat omne<sup>2</sup> malum. Iste in excelsis habitabit ; munita saxorum sublimitas ejus. Panis ei datus est, et aquæ ejus fideles sunt.

*Et post aliquantum [xliv.]* : Memento horum, Jacob et Israel, quoniam servus meus es tu : formavi te, servus meus es tu, Israel, ne obliviscaris mei. Delevi ut nubem iniquitates tuas, et quasi nebulam peccata tua ; revertere ad me, quoniam redemi te.

*Item post aliquantum [xlvi.]* : Mementote istud, et confundamini ; redite, prævaricatores, ad cor. Recordamini prioris sæculi ; quoniam ego Deus, et non est ultra deus, nec est similis mei.

*Et aliquanto post [l.]* : Quis ambulavit<sup>3</sup> in tenebris, et non est lumen ei ? Speret in nomine Domini, et innatur super Deum suum.

*Item post aliquantum [li.]* : Audite me, qui scitis justum, populus<sup>4</sup> ; lex mea in corde eorum. Nolite timere opprobria hominum, et blasphemias eorum ne timieatis. Sicut enim vestimentum, sic comedet eos vernis ; et sicut lanam, sic devorabit eos tinea : salus autem mea in sempiternum erit, et justitia mea in generationes generationum.

*Et post aliquantum [lv.]* : Quærите Dominum dum inveniri potest, invocate eum dum prope est. Derelinquat impius viam suam, et vir iniquus cogitationes suas, et revertatur ad Dominum ; et miserebitur ejus, et ad Deum nostrum, quoniam multus est ad ignorandum.

*Et post viginti versus [lvi.]* : Hæc dicit Dominus, Custodite judicium, et facite justitiam, quia juxta est salus mea ut veniat, et justitia mea ut reveletur. Beatus vir qui facit hoc, et filius hominis qui apprehendit istud ; custodiens sabbatum ne polluat illud, custodiens manus suas ne faciat omne malum.

*Et post non multum [lvii.]* : Qui consolamini in diis subter omne lignum frondosum, immolantes parvulos in torrentibus, subter eminentes<sup>5</sup> petras. In partibus torrentis pars tua. Hæc est sors tua ; et ipsis obtulisti

libamen<sup>6</sup>, obtulisti sacrificium. Numquid super his non indignabor ?

*Item post aliquantum [lviii.]* : Me etenim de die in diem querunt, et scire vias meas volunt, quasi gens quæ justitiam fecerit, et quæ judicium Dei sui non dereliquerit. Rogant me judicia justitiae, appropinquare Deo volunt. Quare jejunavimus, et non aspexisti ? humiliavimus animas nostras, et nescisti ? Ecce in die jejuniu vestri invenietur voluntas vestra, et omnes debitores vestros repetitis. Ecce ad lites et contentiones jejunatis, et percutitis pugno impie. Nolite jejunare sicut usque ad hanc diem, ut audiatur in celso clamor vester. Numquid tale est jejuniu, quod elegi, per diem affligere hominem animam suam ? numquid contorquere quasi circulum caput sum, et saccum et cinerem sternere ? Numquid istud vocabis jejuniu et diem acceptabilem Domino ? Nonne hoc est magis jejuniu quod elegi ? Dissolve colligationes impietatis, solve fasciculos deprimentes. Dimitte eos qui confracti sunt, liberos ; et omne onus disrumpe. Frange esurienti panem tuum, et egenos vagosque induc in domum tuam : cum videris nudum, vesti eum, et carnem tuam ne despixeris. *Et post quatuor versus*<sup>7</sup> : Si abstuleris de medio tui catenam, et desieris digitum extendere, et loqui quod non prodest : cum effuderis esurienti animam tuam ; et animam afflictam repleveris ; orietur in tenebris lux tua, et tenebræ tue erunt sicut meridies ; et requiem tibi dabit Dominus semper.

*Et post multa [lxv.]* : Populus qui ad iracundiam provocant me, ante faciem meam semper ; qui immolant in hortis, et sacrificant super lateres ; qui habitant in sepulcris, et in delubris idolorum dormiunt. *Et post duos versus* : Qui dicunt, Recede a me, non appropinques mihi, quia immundus es. Isti fumus erunt in furore meo, ignis ardens tota die. Ecce scriptum est coram me : non tacebo, sed reddam, et retribuam in sinu eorum, iniquitates vestras, et iniquitates patrum vestrorum simul, dicit Dominus. Qui sacrificaverunt super montes et super colles, exprobarerunt mihi, et remetiar opus eorum primum in sinu eorum. *Et post decem versus* : Et vos, inquit, qui dereliquistis Dominum, qui oblii estis montem sanctum meum, qui ponitis fortunæ mensam, et libatis super eam : numerabo vos in gladio, et omnes in cæde corruebis ; pro eo quod vocavi vos, et non respondistis, locutus sum, et non attendistis : et faciebatis malum in oculis meis, et quæ nolui elegistis.

*Et paulo post [lxvi.]* : Hæc dicit Dominus, Cœlum sedes mea, et terra scabellum pedum meorum. Quæ est ista donus quam ædificabitis mihi ? et quis iste locus quietis meæ ? Ounia hæc manus mea fecit, et facta sunt universa ista, dicit Dominus. Ad quem autem respiciam, nisi ad pauperculum, et contritum spiritu, et trementem sermones meos ? *Et post sex versus* :

<sup>1</sup> vulgata versio, ex calunnia. Syriaca et arabica, et oppressionem. LXX, et iniquitatem.

<sup>2</sup> Abesi, omne, a sacro texu in Bibliis.

<sup>3</sup> sacra Biblia, qui ambulavit ; idque Hieronymus de Christo interpretatur : « Qui non habuit speciem, inquit, nec gloriam, sed in similitudine carnis peccataricis suscepit formam servi. » Attamen Augustinus videtur legisse, quis ambulari, ac de homine in peccatorum squalorum tenebris agente intellexisse.

<sup>4</sup> Vulgata, populus meus. Abesi, meus, ab hebreo et ab antiquis Bibliis Corbeiensibus, necnon ab editis omnibus et MSS. hujus operis.

<sup>5</sup> Editi, imminentes. At MSS. iuxta Vulgatam, eninentes.

<sup>6</sup> vulgata, effudiisti libamen.

<sup>7</sup> Regius Ms., post vii versus. Editi, post quartas : forte pro, post quatuor. Sic aliquanto infra ubi nunc legitur : *Et post sex versus* ; editi habeant : *Et post sextus versus* : Ms. Regius. *Et post vii versus*.

Ego illusiones corum eligam, et quæ timebant adducam eis : quia vocavi, et non erat qui responderet ; locutus sum, et non audierunt ; feceruntque malum in oculis meis, et quæ nolui elegerunt. Audite legem Domini, qui tremitis ad verbum ejus. Dixerunt fratres vestri odientes vos et abjicientes propter nomen meum, Gloriosetur Dominus, et videbimus in letitia vestra ; ipsi autem confundentur.

## DE LIBRO JEREMIAE.

[Cap. II.] Audite verbum Domini, domus Jacob, et omnes cognationes domus Israel. Hæc dicit Dominus : Quid invenerunt patres vestri in me iniquitatis, quia elongaverunt a me, et ambulaverunt post vanitatem, et vani facti sunt ? *Et post decem versus* : Hereditatem meam posuistis in abominationem. Sacerdotes non dixerunt, Ubi est Dominus ? Et tenentes legem nescierunt me, et pastores prævaricati sunt in me, et prophetæ prophetae verunt in Baal, et idola sequuti sunt. *Et paulo post* : Numquid oblisces virgo ornamenti sui, aut sponsa fascie pectoralis suæ ? Populus vero meus oblitus est mei diebus innumeris. Quid niteris bonam ostendere viam tuam ad querendam dilectionem, quæ insuper et malitias tuas docuisti vias tuas ; et in aliis tuis inventus est sanguis animarum pauperum et innocentium ? Non in fossis inveni eos, sed in omnibus quæ supra memoravi. Et dixisti, Absque peccato et innocens ego sum, et propterea avertatur furor tuus a me. Ecce ego judicio contendam tecum, eo quod dixeris, Non peccavi. Quam vilis es facta nimis, iterans vias tuas ! et ab Aegypto confundaris, sicut confusa es ab Assur. Nam et ab ista egredieris, et manus tuæ erunt super caput tuum ; quoniam obtrivit Dominus confidentiam tuam.

*Et paulo post* [III.] : Convertimini, filii, revertentes, dicit Dominus, quia ego vir vester.

*Item paulo post* [IV.] : Si converteris<sup>1</sup>, Israel, ait Dominus, ad me convertere. Si abstuleris offendicula tua a facie mea, non cominoveberis. Et jurabis, Vivit Dominus, in veritate, et in judicio, et in justitia ; et benedicent eum gentes, ipsumque laudabunt. *Et paulo post* : Stultus populus meus me non cognovit : filii insipientes sunt, et recordes ; sapientes sunt ut faciant mala ; bene autem facere nescierunt.

*Et post triginta versus* [V.] : Circuite vias Jerusalem, et aspicite, et considerate, et querite in plateis ejus, an inveniatis virum facientem judicium, et querentem fidem, et propitius ero ei. Quod si etiam, Vivit Dominus, dixerint, et hoc falso jurabunt. Domine, oculi tui respiciunt fidem. Percussisti eos, et non doluerunt ; attrivisti eos, et renuerunt accipere disciplinam : induraverunt facies suas super petram, noluerunt reverti. Ego autem dixi, Forsitan pauperes sunt, et stulti, ignorantes viam Domini, judicium Dei sui. Ibo igitur ad optimates, et loquar eis ; ipsi enim cognoverunt viam Domini, judicium Dei sui : et ecce magis hi simul confregerunt jugum, ruperunt vincula. *Et post sex versus* : Filii tui dereliquerunt

<sup>1</sup> Vulgata nunc, revertens : at in antiquis Bibliis Corb. anti hic, convertens.

## PATROL. XXXIV.

me, et jurant in iis qui non sunt dii. Saturavi eos, et moechati sunt, et in domo meretricis luxuriabantur. Equi amatores, et admissarii facti sunt, unusquisque ad uxorem proximi sui hinnebant. Numquid super his non visitabo, dicit Dominus ? et in gente tali non ulciscetur manus mea ? *Et post quadraginta versus* : Qui posui arenam terminum mari, præceptum semiperatum quod non præteribit ; et commovebuntur, et non poterunt, et intumescent fluctus ejus, et non transibunt illud. Populo autem huic factum est incredulum, et exasperans : recesserunt, et abiérunt ; et non dixerunt in corde suo, Metuamus Dominum Deum nostrum. *Et post paucos versus*<sup>2</sup> : Inventi sunt, inquit, in populo meo impii, insidiantes quasi aucipes, laqueos ponentes et pedicas ad capiendos viros. Sicut discipula plena avibus, sic domus coruæ plenæ dolo : ideo magnificati sunt et dilatati ; incrassati sunt et impinguati ; et præteriorunt sermones meos pessimè. Causam pupilli non dixerunt<sup>3</sup>, et judicium pauperum non judicaverunt. Numquid super his non visitabo, dicit Dominus ? aut super gentem hujusmodi non ulciscetur anima mea<sup>4</sup> ? Stupor et mirabilia facta sunt in terra. Prophetæ prophetabant mendacium, et sacerdotes applaudebant manibus suis, et populus meus dilexit talia : quid igitur siet in novissimo ejus ?

*Et post triginta versus* [VI.] : Cui loquar ? et quem contestabor, ut audiat ? Ecce incircuncisæ aures eorum, et audire non possunt : ecce verbum Domini factum est illis in opprobrium, et non suscipiunt illud.

*Et paulo post* [VII.] : Audite verbum Domini, omnis Juda, qui ingredimini per portas has, ut adoretis Dominum. Hæc dicit Dominus exercituum Deus Israel : Bonas facite vias vestras et studia vestra, et habitabo vobis in loco isto. Nolite confidere in verbis mendacii, dicentes : Templum Domini, templum Domini, templum Domini est. Quoniam si bene direxeritis vias vestras et studia vestra, si feceritis judicium inter virum et proximum ejus, advenæ et pupillo et viduæ non feceritis calumniam, nec sanguinem innocentem effuderitis in loco hoc, et post deos alienos non ambulaveritis in malum vobismetipsis ; habitabo vobis in loco isto, in terra quam dedi patribus vestris, a sæculo usque in sæculum. Ecce vos confiditis vobis

<sup>1</sup> Ms. Regius, et post vii versus.

<sup>2</sup> Vulgata, Causam viduæ non judicaverunt, causam pupilli non direxerunt. Sic etiam Hieronymus, nisi quod i se omittit vocem, viduæ ; quæ vox nec est in hebreo, et a secunda manu addita iuit in antiquis Bibliis Corbeiensibus.

<sup>3</sup> Hic in Regio Ms. inseruntur isthæ verba : *Iuns exponit quod supra dixerat, ibi ad optimates et loquar eis ; forsitan ipsi cognoverunt viam Domini : et ecce magis ii pariter confrerunt jugum, ruperunt vincula. Nunc describit, qui sunt optimates, prophetæ videlicet et sacerdotes, quorum alii futura prædicunt, alii facienda ex lege decernunt. Et ecce, inquit, illis mendacium propheticantibus sacerdotes manibus aplauserunt. Et ut ostendatur populus non esse sine culpa, quis a talibus abducatur, scriptum est, Et populus meus dilexit talia ; quondam meus, sed postquam dilexit talia meus esse desiderat. Quid igitur facient, cum novissimum tempus judicii advenierit, stte captiuitatis necessitas, unde stupor et mirabilia facta sunt, quia nec in principiis, nec in populo inventus sit, qui recta sentiret. Excerpta hæc sunt ex Hieronymi in Jeremiam Commentario.*

(Trente.)

in sermonibus mendacii, qui non proderunt vobis, fūrari, occidere, adulterare, jurare mendaciter, libare Baalim, et ire post deos alienos, quos ignoratis. Et venistis, et scistis coram me in domo hac, in qua invocatum est nomen meum; et dixistis, Liberati sumus, eo quod fecerimus omnes abominationes istas. Ergo <sup>1</sup> spelunca latronum facta est domus ista, in qua invocatum est nomen meum in oculis vestris? Ego, ego sum, ego vidi, dicit Dominus. Ite ad locum meum in Silo, ubi habitavit nomen meum a principio, et videte, quæ fecerim ei propter malitiam populi mei Israel. Et nunc quia fecisti omnia opera hæc, dicit Dominus, et locutus sum ad vos, mane consurgens et loquens, et non audistis; et vocavi, et non respondistis: faciam domui huic, in qua invocatum est nomen meum, et in qua vos habetis fiduciam, et loco quem dedi patribus vestris, sicut feci Silo; et projectionem vos a facie mea, sicut projeci omnes fratres vestros universum senum Ephraim. Tu ergo noli orare pro populo hoc, nec assumas pro eis laudem et orationem, et non obsistas mihi; quia non exaudiam te. Nonne vides quid isti faciant in civitatibus Juda, et in plateis Jerusalem? Filii colligunt ligna, et patres succendent ignem, et mulieres consergent adipem, ut faciant placenta regine cœli, et libent diis alienis, et me ad iracundiam provocent. Numquid me ad iracundiam provocant, dicit Dominus? nonne semetipsos in confusione vultus sui?

*Et paulo post [viii.]*: Numquid qui cadit, non resurget? Et qui aversus est, non revertetur? Quare ergo aversus est populus iste in Jerusalem aversio contentiosa? Apprehenderunt mendacium, et noluerunt reverti. Attendi, et auscultavi; nemo quod bonum est loquitur: nullus est qui agat penitentiam super peccato suo, dicens, Quid feci? *Et post norem versus*: Quomodo dicitis, Sapientes nos sumus, et lex Domini nobiscum est? Vere mendacium operatus est stylus mendax scribarum. Confusi sunt sapientes, perterriti et capti sunt. Verbum enim Domini proceperunt, et sapientia nulla est in eis.

*Et paulo post [ix.]*: Quis dabit me in solitudine diversorum viatorum, et derelinquam populum meum, et recedam ab eis? quia omnes adulteri sunt et cœtus prævaricatorum; et extenderunt linguam suam quasi arcum mendacii, et non veritatis: confortati sunt in terra, quia de malo ad malum egressi sunt, et me non cogoloverunt, dicit Dominus. Unusquisque se a proximo suo custodiat, et in omni fratre suo non habeat fiduciam: quia omnis frater supplantans supplantabit, et omnis amicus fraudulenter incedet; et vir fratrem suum deridebit, et veritatem non loquentur. Docuerunt enim linguam suam loqui mendacium, ut inique agerent laboraverunt. Habitatio tua in medio dolii. In dolo renuerunt scire me, dicit Dominus. Propterea hæc dicit Dominus exercituum: Ecce ego confabo, et probabo eos. Quid enim aliud faciam a facie filii populi mei? Sagitta vulnerans lingua co-

rum, dolum locuta est in ore suo: pacem cum amico suo loquitur, et occulte ponit insidias. Numquid super his non visitabo, dicit Dominus? aut in gente tali non ulciscetur anima mea? *Et paulo post*: Hæc dicit Dominus: Non glorietur sapiens in sapientia sua, et non glorietur fortis in fortitudine sua, et non glorietur dives in divitiis suis; sed in hoc glorietur qui gloriatur, scire et nosse me, quia ego sum Dominus, qui facio misericordiam et judicium et justitiam in terra. Hæc enim placent mihi, ait Dominus.

*Et post sextdecim versus [x.]*: Hæc dicit Dominus: Juxta vias gentium nolite discere, et a signis cœli nolite metuere quæ timent gentes; quia leges populorum vanæ sunt. Quia lignum de saltu præcidit opus manus artificis in ascia: argento et auro decoravit illud; clavis et malleis compegit, ut non dissolvatur. In similitudinem palmæ fabricata sunt, et non loquentur: portata tollentur, quia incedere non valent. Nolite ergo timere ea, quia nec male possunt facere, nec bene. Non est similis tui, Domine; magnus es tu, et magnum nomen tuum in fortitudine. Quis non timebit te, o Rex gentium? Tuum est enim decus inter cunctos sapientes gentium, et in universis regnis eorum nullus est similis tui. Pariter insipientes et fatui probabuntur. Doctrina vanitatis eorum lignum est. Argentum involutum de Tharsis assertur, et aurum de Ophaz, opus artificis et manus ærarii. Hyacinthus et purpura indumentum eorum, opus artificium universa hæc. Dominus autem Ducus verus est, ipse Deus vivens, et rex sempiternus. Ab indignatione ejus commovebitur terra, et non sustinebunt gentes comminationem ejus. Sic ergo dicetis eis: Dii qui cœlos et terram non fecerunt, percant de terra, et de his quæ sub cœlo sunt.

*Et aliquanto post [xvi.]*: Hæc dicit Dominus, Maledictus homo qui confidit in homine, et ponit carnem brachium suum, et a Domino recedit cor ejus. Erit enim quasi myrica in deserto, et non videbit cum venerit bonum; sed habitabit in siccitate in deserto in terra salsuginis et inhabitabili. Benedictus vir qui confidit in Domino, et erit Dominus fiducia ejus. Erit quasi lignum quod transplantatur super aquas, quod ad humorem mittit radices suas; et non timebit cum venerit aestus: et erit solium ejus viride, in tempore siccitatis non erit sollicitum, nec aliquando desinet facere fructum.

*Item aliquanto post [xxii.]*: Hæc dicit Dominus, Facite judicium et justitiam, et liberate vi oppressum de manu calumniatoris; et advenam, et pupillum, et viduam nolite contristare, neque opprimatis inique; et sanguinem innocentem ne effundatis in loco isto.

*Et paulo post [xxiii.]*: Væ pastoribus qui dispersant et dilacerant gregem pascuæ meæ, dicit Dominus. Ideo hæc dicit Dominus Deus Israhel ad pastores qui pascunt populum meum, Vos dispersistis gregem meum, et ejecistis eos, et non visitastis: ecce ego visitabo super vos malitiam studiorum vestrorum, ait Dominus. *Item paulo post*: Hæc dicit Dominus exercituum, Nolite audire verba prophetarum qui pro-

<sup>1</sup> Vulgata: Numquid ergo?

phant vobis et decipiunt vos. Visionem cordis sui loquuntur, non de ore Domini. Dicunt his qui blasphemant me, Locutus est Dominus, Pax erit vobis: et omni qui ambulat in pravitate cordis sui dixerunt, Non veniet super vos malum. Quis enim affuit in consilio Domini? *Et post undecim versus*: Non mittembam prophetas, et ipsi currebant; non loquebar ad eos, et ipsi prophetabant. Si stetissent in consilio meo, et nota fecissent verba mea populo meo, avertissem utique eos a via sua mala, et a pessimis cogitationibus suis. *Et post qualuor versus*: Audivi quae dixerunt prophetæ, prophetantes in nomine meo mendacium, atque dicentes, Somniavi, somniavi. Usquequo istud est in corde prophetarum vaticinatum mendacium, et prophetantium seductiones cordis sui; qui volunt facere ut oblitiscatur populus meus nominis mei, propter somnia cordis sui<sup>1</sup>, quæ narrat unusquisque ad proximum suum, sicut oblii sunt patres eorum nominis mei propter Baal? Propheta qui habet somnum, narret somnum; et qui habet sermonem meum, narret sermonem meum vere. Quid paleis ad triticum, dicit Dominus? Numquid non verba mea sunt quasi ignis, dicit Dominus, et quasi malleus conterens petram? Propterea ecce ego ad prophetas, ait Dominus, qui furantur verba mea unusquisque a proximo suo. Ecce ego ad prophetas, ait Dominus, qui assumunt linguis suas, et aiunt, Dicit Dominus. Ecce ego ad prophetas somniantes mendacium, ait Dominus, qui narraverunt ea et seduxerunt populum meum in mendacio suo et in miraculis suis, cum ego non misissem eos, nec mandassem eis; qui nihil profuerunt populo hinc, dicit Dominus.

*Et paulo post [xxv.]*: Et misit Dominus ad vos omnes servos suos Prophetas, consurgens diluculo mittensque; et non audistis, neque inclinastis aures vestras ut audiretis, cum diceret: Revertimini unusquisque a via sua mala, et a pessimis cogitationibus vestris; et habitabitis in terra quam dedit Dominus vobis et patribus vestris, a seculo et usque in saccum; et nolite ire post deos alienos, ut serviatis eis adoretisque eos, neque me ad iracundiam provocetis in operibus manuum vestiarum, et non affligam vos. Et non audistis me, dicit Dominus.

*Et aliquanto post [xviii.]*: Maledictus qui facit opus Domini fraudulenter.

*Item post aliquantum [Thren. iii.]*: Bonus est Dominus sperantibus in eum, animæ querentibus illum. Bonum est præstolari cum silentio salutare Domini. Bonum est viro cum portaverit jugum ab adolescentia sua. Sedebit solitarius et tacebit; quia levavit super se<sup>2</sup>. Ponet in pulvere os suum, si forte sit spes. Dabit percutienti se maxillam, saturabitur opprobriis; quia non repellat in sempiternum Dominus.

#### DE LIBRO EZECHIELIS.

[Cap. iii.] Cum autem pertransisset septem dies,

<sup>1</sup> In sacris Bibiliis, *somnia eorum*.

<sup>2</sup> sic MSS. juxta Vulgatam in Bibiliis nec mendosis. At editi habeant, *elevavit se super se*.

factum est verbum Domini ad me dicens: Fili hominis, speculatori dedi te domui Israel, et audies de ore meo verbum, et annuntiabis eis ex me. Si me dicente ad impium, Morte morieris, non annuntiaveris ei, neque locutus fueris, ut avertatur a via sua impia, et vivat; ipse impius in iniuitate sua morietur, sanguinem autem ejus de manu tua requiram. Si autem tu annuntiaveris impio, et ille non fuerit conversus ab impietate sua, et a via sua impia; ipso quidem in iniuitate sua morietur, tu autem animam tuam liberasti. Sed et si conversus justus a justitia sua fecerit iniuitatem, ponam offendiculum coram eo, ipse morietur, quia non annuntiasti ei. In peccato suo morietur, et non erunt in memoria justitiae ejus quas fecit; sanguinem vero ejus de manu tua requiram. Si autem annuntiaveris justo, ut non peccet justus, et ille non peccaverit; vivens vivet, quia annuntiasti ei, et tu animam tuam liberasti.

*Et post aliquantum [ix.]*: Et dixit Dominus ad eum, Transi per medianum civitatem in medio Jerusalem, et signa Tau super frontem virorum gementium et dolorantium super cunctis abominationibus quæ sunt in medio ejus. Et illis dixit audiente me, Transite per medianum civitatem sequentes eum, et percutite; non parcat oculus vester, neque miscreamini: senem, adolescentulum, et virginem, et parvulum, et mulieres interficite usque ad internectionem. Omnem autem super quem videritis Tau, ne occidatis: et a sanctuario meo incipite.

*Et aliquanto post [xiii.]*: Pro eo quod inorere fecisti cor justi mendaciter, quem ego non contrastavi, et confortasti manus impii, ut non revertetur a via sua mala, et viveret.

*Item post aliquantum [xvi.]*: Ecce haec fuit iniurias Sodomæ sororis tue, superbia, saturitas panis, et abundantia, et otium ipsius, et filiarum ejus; et manum egeno et pauperi non porrigeant: et elevantes sunt, et fecerunt abominationes coram me; et abstulii eas, sicut vidisti.

*Et post paululum [xviii.]*: Vir si fuerit justus, et fecerit judicium et justitiam; in montibus non comedatur, et oculos suos non levaverit ad idola demus Israel; et uxorem proximi sui non violaverit, et ad mulierem menstruatam non accesserit; et hominem non contrastaverit, pignus debitori reddiderit, per vim nihil rapuerit; panem suum esurienti dederit, et nudum operuerit vestimento; ad usuram non commodaverit, et amplius non acceperit; ab iniuitate averterit manum suam, judicium verum fecerit inter virum et virum; in præceptis meis ambulaverit, et judicia mea custodierit, ut faciat veritatem: hic justus est; vita vivet, ait Dominus Deus. Quod si genuerit filium latronem effudentem sanguinem, et fecerit unum de istis; et haec quidem omnia non facientem, sed in montibus comedentem, et uxorem proximi sui polluentem; egenum et pauprem contumacem, rapientem rapinas, pignus non redditem; et ad idola levantem oculos suos, abominationes facientem; ad usuram dantem, et amplius accipientem;

numquid vivet? Non vivet: cum universa detestanda  
haec fecerit, morte morietur; sanguis ejus in ipso  
erit. Quod si genererit filium, qui videns omnia pec-  
cata patris sui quæ fecit, timuerit, et non fecerit si-  
mile eis; super montes non comederit, et oculos  
suos non levaverit ad idola domus Israel; et uxorem  
proximi sui non violaverit; et virum non contrista-  
verit, pignus non retinuerit, et rapinam non rapue-  
rit; panem suum esurienti dederit, et nudum ope-  
ruerit vestimento; a pauperis injuria averterit manum  
suam, usuram et superabundantiam non acceperit;  
judicia mea fecerit, et in præceptis meis ambulaverit:  
hic non morietur in iniuitate patris sui, sed vita vi-  
vet. Pater ejus quia calumniatus est, et vim fecit  
fratri, et malum operatus est in medio populi sui;  
ecce mortuus est iniuitate sua. Et dicitis, Quare non  
pertavit filius iniuitatem patris? Videlicet quia filius  
judicium et justitiam operatus est; omnia præcepta  
mea custodivit et fecit illa: vita vivet. Anima quæ  
peccaverit, ipsa morietur. Filius non portabit iniuita-  
tem patris, et pater non portabit iniuitatem filii.  
Justitia justi super eum erit, et impietas impii erit  
super eum. Si autem impius egerit pœnitentiam ab  
omnibus peccatis suis quæ operatus est, et custodie-  
rit universa præcepta mea, et fecerit judicium et ju-  
stitiam, vita vivet, et non morietur. Omnim iniqui-  
tatum ejus quas operatus est, non recordabor; in  
justitiam sua quam operatus est vivet. Numquid volun-  
tatis meæ est mors impii, dicit Dominus Deus, et  
non ut convertatur a via suis, et vival? Si autem  
avertitur se justus a justitia sua, et fecerit iniuitatem  
secundum omnes abominationes quas operari solet  
impius; numquid vivet? Omnes justitiae ejus quas fe-  
cerat, non recordabuntur. In prævaricatione sua qua  
prævaricatus est, et in peccato suo quod peccavit, in  
ipsis morietur. Et dixistis, Non est æqua via Domini.  
Audite ergo, dominus Israel: Numquid via mea non est  
æqua, et non magis via vestrae pravae sunt? Cum  
enim avertitur se justus a justitia sua, et fecerit ini-  
uitatem, morietur in eis: in injustitia quam operatus  
est morietur. Et cum avertitur se impius ab impietate  
sua quam operatus est, et fecerit judicium et ju-  
stitiam, ipse animam suam vivificabit. Consideravit  
enim, et avertit se ab omnibus iniuitatibus suis  
quas operatus est; vita vivet, et non morietur. Et  
dicunt filii Israel, Non est æqua via Domini. Numquid  
viae meæ non sunt æqua, dominus Israel, et non magis  
viae vestrae pravae? Idecirco unumquemque juxta vias  
suis judicabo, dominus Israel, ait Dominus Deus. Con-  
vertimini, et agite pœnitentiam ab omnibus iniuitatibus  
vestris, et non erit vobis in ruinam iniuitas.  
Projicite a vobis omnes prævaricationes vestras, in  
quibus prævaricati estis, et facite vobis cor novum et  
spiritum novum: et quare moriemini, dominus Israel?  
Quia nolo mortem morientis, dicit Dominus Deus: re-  
vertimini, et vivite<sup>1</sup>.

*Et aliquanto post [xxii.]*: Ecce principes Israel  
singuli in brachio suo fuerunt in te ad effundendum

<sup>1</sup> Regius codex, et vices.

sanguinem. Patrem et matrem contumeliis affecerunt  
in te; advenam calumniati sunt in medio tui; pupil-  
lum et viduam contrastaverunt apud te. Sanctuaria  
mea sprevistis, et sabbata mea polluitis<sup>1</sup>. Viri detrac-  
tores fuerunt in te ad effundendum sanguinem; et  
super montes comederunt in te: scelus operati sunt  
in medio tui. Vercundiora patris disceoperuerunt in  
te, immunditiam menstruae humiliaverunt in te. Et  
unusquisque in uxorem proximi sui operatus est  
abominationem: et sacerdos nurum suam poluit nefarie;  
frater sororem suam, filiam patris sui oppressit in te.  
Munera acceperunt apud te ad effundendum sanguinem;  
usuram et superabundantiam accepisti, et  
avare proximos tuos calumniabar, meique oblita es,  
ait Dominus Deus. *Et post paululum*: Et factum est  
verbum Domini ad me dicens: Filii hominis, dic ei,  
Tu es terra immunda, et non compluta in die furoris.  
Conjuratio prophetarum in medio ejus. Sicut leo ru-  
giens capiensque prædam, animam<sup>2</sup> devoraverunt,  
opes et pretium acceperunt, viduas ejus multiplicaverunt  
in medio illius. Sacerdotes ejus contempserunt  
legem meam, et polluerunt sanctuaria mea: inter  
sanctum et profanum non habuerunt distantiam, et  
inter pollutum et immundum non intellexerunt. *Et*  
*post duos versus*: Principes ejus in medio illius quasi  
lupi rapientes prædam, ad effundendum sanguinem,  
et ad perdendas animas, et avare sectanda luera.  
Prophetæ autem ejus liniebant eos absque tempera-  
mento, videntes vana, et divinantes mendacium, di-  
centes, Ille dicit Dominus Deus; cum Dominus non  
sit locutus. Populi terræ calumniabantur calumniam,  
et rapiebant violenter, egenum et pauperem affli-  
gebant, et advenam opprimebant calumnia absque  
judicio. Et quæsivi de eis virum qui interponeret  
sepem, et staret oppositus contra me pro terra, ne  
disperderem eam; et non inveni. Et effudi super eos  
indignationem meam, et in igne iræ meæ consumpsi  
eos. Viam eorum in caput eorum reddidi, ait Dominus  
Deus.

*Et aliquanto post [xxxiii.]*: Et factum est verbum  
Domini ad me dicens, Fili hominis, loquere ad filios  
populi tui, et dices ad eos, Terra cun induxero super  
eam gladium, et tulerit populus terre virum unum de  
novissimis suis, et constituerit eum super se specu-  
latorem; et ille viderit gladium venientem super  
terram, et cecinerit buccina, et annuntiaverit populo:  
audiens autem quisquis ille est sonitum buccinae, et  
non se observaverit, venerisque gladius, et tulerit  
eum; sanguis ipsius super caput ejus erit. Sonitum  
buccinae audivit, et non se observavit; sanguis ejus  
in ipso erit. Si autem se custodierit, animam suam  
salvabit. Qued si speculator viderit gladium venien-  
tem, et non insonerit buccina, et populus non se  
custodierit, venerisque gladius, et tulerit de eis ani-  
mam: ille quidem in iniuitate sua captus est;  
sanguinem autem ejus de manu speculatoris requiram.

<sup>1</sup> Sic etiam apud Hieronymum et in MSS. Biblii Corb. At in  
excusis Biblii, sprevisti, et sabbata mea polluisti.

<sup>2</sup> vulgata, antinas; quiaquam illa in Corb. Bibl. habet, animam.

Et tu , fili hominis , speculatorum dedi te domui Israël : audiens ergo ex ore meo sermonem , annuntiabis eis ex me . Si me dicente ad impiūm , Impie , morte morieris ; non fueris locutus , ut se custodiat impius a via sua : ipse impius in iniquitate sua morietur ; sanguinem autem ejus de manu tua requiram . Si autem annuntiante te ad impiūm , ut a viis suis convertatur , et non fuerit conversus a via sua : ipse in iniquitate sua morietur ; porro tu animam tuam liberasti . Tu ergo , fili hominis , dic ad domum Israël , Sic locuti estis dicentes , Iniquitates nostrae et peccata nostra super nos sunt , et in ipsis nos tabescimus ; quomodo ergo vivere poterimus ? Dic ad eos , Vivo ego , dicit Dominus Deus , nolo mortem impii , sed ut revertatur <sup>1</sup> impius a via sua mala , et vivot : convertimini a viis vestris pessimis ; et quare moriemini , domus Israël ? Tu itaque , fili hominis , dic ad filios populi tui : Justitia justi non liberabit eum in quacumque die peccaverit ; et impietas impii non nocebit ei in quaquamque die conversus fuerit ab impietate sua : et justus non poterit vivere in justitia sua , in quaquamque die peccaverit . Etiamsi dixerit justo quod vita viva , et consilis in justitia sua fecerit iniquitatem ; omnes justitiae ejus oblivious tradentur , et in iniquitate sua quam operatus est , in ipsa morietur . Si autem dixerit impius , Morte morieris , et egerit paenitentiam a peccato suo , feceritque judicium et justitiam , pignus restituerit ille impius , rapinamque reddiderit , in mandatis vitæ ambulaverit , nec fecerit quidquam injustum ; vita vivet , et non morietur . Omnia peccata ejus quæ peccavit non imputabuntur ei . Judicium et justitiam fecit , vita vivet . Et dixerunt filii populi tui : Non est æqui ponderis via Domini . Et ipsorum via injusta est . Cum enim recesserit justus a justitia sua , feceritque iniquitates , morietur in eis . Et cum recesserit impius ab impietate sua , feceritque judicium et justitiam , vivet in eis . Et dicitis : Non est recta via Domini . Unumquemque juxta vias suas iudicabo , de vobis domus Israël . Et post quadraginta norem versus : Et tu , fili hominis , fili populi tui qui <sup>2</sup> loquuntur de te junta muros et in ostiis domorum , et dieunt unus ad alterum , vir ad proximum suum , dicentes , Venite , et audiamus qui sit sermo egrediens a Domino . Et veniunt ad te , quasi si ingrediatur populus ; et sedent coram te , populus meus , et audiunt sermones tuos , et non faciunt eos : quia in canticum oris sui vertunt illos , et avaritiam suam sequitur cor eorum . Et es eis quasi carmen musicum <sup>3</sup> , quod suavi dulcique sono canitur ; et audiunt verba tua , et non faciunt ea <sup>4</sup> . Et cum venerit quod predictum est ; ecce enim venit ; tunc scient quod prophetae fuerit inter eos .

[xxxiv.] : Et factum est verbum Domini ad me dicens , Fili hominis , propheta de pastoribus Israël ; propheta , et dices pastoribus , Hoc dicit Dominus Deus , Væ

pastoribus Israël , qui pascibant semetipsos , Nonne greges pascuntur a pastoribus ? Lac comedebatis , et lanis operiebamini , et quod crassum erat occidebatis <sup>1</sup> , gregem autem meum non pascibatis . Quod infirmum fuit non consolidastis ; et quod ægrotum , non sanastis ; quod fractum est , non alligastis ; et quod abjectum est , non reduxistis ; quod perierat , non quæsistis : sed cum austeritate imperabatis eis et cum potentia . Et dispersæ sunt oves meæ , eo quod non esset pastor : et facte sunt in devorationem omnium bestiarum agri , et dispersæ sunt ; et erraverunt greges mei in cunctis montibus , et in universo colle excelsø ; et super omnem faciem terræ dispersi sunt greges mei . Et non erat qui requireret : non erat , inquam , qui requireret . Propterea , pastores , audite verbum Domini : Vivo ego , dicit Dominus Deus , quia pro eo quod facti sunt greges mei in rapinam <sup>2</sup> , et oves meæ in devorationem omnium bestiarum agri , eo quod non esset pastor ( neque enim quæsierunt pastores gregem meum ; sed pascibant pastores semetipsos , et greges meos non pascibant ) : propterea , pastores , audite verbum Domini : Hæc dicit Dominus Deus , Ecce ego ipse super pastores , requirem gregem meum de manu corum , et cessare eos faciam , ut ultra non pascant gregem , nec pascant amplius pastores semetipsos ; et liberabo gregem meum de ore eorum , et non erit eis ultra in escam . Et post aliquantum : Vos autem , greges mei , hæc dicit Dominus Deus , Ecce ego judico inter pecus et pecus crictum et hircorum <sup>3</sup> . Nonne satis vobis erat pascua bona depasci ? Insuper et reliquias pascuarum vestrarum concubastis pedibus vestris ; et cum purissinam aquam bibebetis , reliquam pedibus vestris turbabatis : et oves meæ his quæ concubata pedibus vestris fuerant , pascabantur ; et quæ pedes vestri turbaverant , hæc bibebant . Propterea hæc dicit Dominus Deus ad eos <sup>4</sup> : Ecce ego ipse judico inter pecus pingue et macilenta ; pro eo quod lateribus et humeris impingebatis , et cornibus vestris ventilabatis omnia infirma pecora , donec dispergerentur foras .

Et post aliquantum [xlvi.] : Hæc dicit Dominus Deus , Sufficiat vobis , principes Israël ; iniquitatem et rapinas intermittite , et judicium , et justitiam facite , et separate confinia vestra a populo meo , dicit Dominus Deus . Statera justa et cœphi justum erit vobis et beatus justus .

Ista de libris posuimus , quos et Judæi canonicos habent , in quibus eorum invenimus aliqua quæ huic opere convenient . Sed non sunt omittendi et hi quos quidem ante Salvatoris adventum constat esse conscriptos , sed eos non receptos a Judæis recipit tamen ejusdem Salvatoris Ecclesia . In his sunt duo qui Salomonis a pluribus appellantur , propter quandam , sicut existimo , eloquii similitudinem . Nam Salomonis non esse , nihil dubitant quique doctiores . Nec tamen ejus qui Sapientia

<sup>1</sup> In Vulgata , convertatur : pauloque post ingeminato verbo dicunt , convertinā , Convertinā a rīs , etc .

<sup>2</sup> In omnibus MSS. deest pronomen , qui .

<sup>3</sup> Regius codex , carmen musicum .

<sup>4</sup> MSS. , et audiunt verba tua , et non facient .

<sup>1</sup> MSS. , comedebatis .

<sup>2</sup> Regius codex , greges meæ dati sunt in rapinam .

<sup>3</sup> MSS. , arietem et hircum .

<sup>4</sup> Sic etiam apud Hieronymum et in MSS. Bibliis Corb. At in prelo editis habet Vulgata , ad vos .

*dicitur, quisnam sit auctor appareat (a). Illum vero alterum quem vocamus Ecclesiasticum, quod Jesus quidam scripsit, qui cognominatur Sirach, constat inter eos qui eundem librum totum legerunt. De libro ergo Sapientiae ista huic operi congruere visa sunt.*

#### DE LIBRO SAPIENTIÆ.

[Cap. 1.] Diligite justitiam, qui judicatis terram. Sentite de Domino in bonitate, et in simplicitate cordis querite illum. Quoniam invenitur ab his qui non tentant illum; appareat autem eis qui sibi habent in illum. Perversæ enim cogitationes separant a Deo: probata autem virtus corripit insipientes. Quoniam in malevolam animam non introibit sapientia, nec habitabit in corpore subditio peccatis. Sanctus enim Spiritus disciplinæ effugiet fictum; et auferet se a cogitationibus quæ sunt sine intellectu; et corripiet a superveniente iniustitate. Benignus est enim spiritus sapientiae, et non liberabit maledictum<sup>1</sup> a labiis suis; quoniam rerum illius testis est Deus, et cordis ejus scrutator est verus, et linguae illius auditor. Quoniam spiritus Domini replevit orbem terrarum, et hoc quod continet omnia. scientiam habet vocis. Propter hoc qui loquitur iniqua, non potest latere, sed nec præterier illum corripiens judicium. In cogitationibus enim impù interrogatio erit: sermonum autem illius auditio ad Dominum veniet, ad correptionem iniquatum illius. Quoniam auris zeli audit omnia, et tumultus murmurationum non abscondetur. Custodite ergo vos a murmuratione, quæ nihil prodest; et a detractione parcite lingue: quoniam responsum obscurum<sup>2</sup> in vacuum non ibit. Os autem quod mentitur, occidit animam.

*Et paulo post [iii.]*: Qui confidunt in illum, intelligent veritatem; et fideles in dilectione acquiescent illi: quia donum et pax est electis illius. Impii autem secundum quæ cogitaverunt, correptionem habebunt, qui neglexerunt justitiam<sup>3</sup>, et a Domino recesserunt. Sapientiam enim et disciplinam qui abjicit, infelix est. *Et post sex versus*: Quoniam felix sterilis et incognitata, quæ nec civit torum in delicto; habebit fructum in respectione animalium<sup>4</sup>; et spado qui non operatus est per manus suas iniquitatem, nec cogitavit adversus Dominum nequissima.

*Et post aliquantum [vi.]*: Audite ergo. reges, et intelligite; discite, judices, finium terre justitiam<sup>5</sup>. Præbete aures, vos qui continetis multitudines, et placetis vobis in turbis nationum. Quoniam data est a Domino potestas vobis, et virtus ab Altissimo, qui

<sup>1</sup> *sacra Biblia, maledicunt.*

<sup>2</sup> *Vulgata, sermo obscurus.*

<sup>3</sup> *In Vulgata, qui neglexerunt justum: in græco, οἱ ἀνελέητοι του δικαίου.*

<sup>4</sup> *Carmenensis codex juxta vulgatam in editis et in Corb. MSS. Bibliis, animalium sanctiarum. Abest, sanctuarum, a græco.*

<sup>5</sup> *Vox, justitiam nec in Vulgata, nec in græco reperitur.*

(a) De hujus libri auctore non sic loquebatur Augustinus in lib. 2 de Doctrina Christiana, cap. 8, n. 13, sed cum speculum istud concinnaret, jam depositarit opinionem primam qua illic sapientia librum ab Iesu Sirach scriptum fuisse assertuerat. Confer lib. 2 Retract., c. 4, necon annotationem in predictum locum, lib. 2 de Doctrina Christiana.

interrogabit opera vestra, et cogitationes scrutabitur<sup>1</sup>. Quoniam cum essetis ministri regni ipsius, non recte judicatis, neque custodistis legem justitiae, neque secundum voluntatem Dei ambulastis. Horrende et cito apparebit vobis; quoniam judicium durissimum, his qui præsunt, sicut. Exiguo enim conceditur misericordia; potentes autem potenter tormenta patientur. Non enim subtrahet personam cujusquam Dominus, nec reverebitur magnitudinem cujusquam; quoniam pusillum et magnum ipse fecit, et aequaliter illi cura est de omnibus. Fortioribus autem fortior instat cruciatus. Ad vos autem, mali reges<sup>2</sup>, sunt hi sermones mei, ut discatis sapientiam, et non excidatis. Qui enim custodierint justitiam juste<sup>3</sup>, justificabuntur; et qui didicerint ista, invenient quid respondeant. Concupiscite ergo sermones meos, diligite illos, et habebitis disciplinam. Clara est enim, et quæ nunquam marcescat sapientia; et facile videtur ab his qui diligunt eam; et invenitur ab his qui querunt illum. Praeoccupat qui se concupiscunt, ut illis se priorem ostendat. Qui de luce vigilaverit ad illum, non laborabit: assidente enim illum inveniet foribus suis. Cogitare enim de illa sensus est consummatus; et qui vigilaverit pro illa, cito erit securus. Quoniam dignos se ipsa circumvit querens, et in viis ostendet se illis hilariter, et in omni providentia occurrit illis. Initium enim illius verissima est disciplinæ concupiscentia. Cura ergo disciplinæ dilectio est; et dilectio custoditio legum illius est: custoditio autem legum confirmatio<sup>4</sup> incorruptionis est; incorruptio autem facit esse proximum Deo. Concupiscentia itaque sapientie deducit ad regnum perpetuum. Si ergo delectamini sedibus et stemmatibus, reges populi, diligite sapientiam, ut in perpetuum regnetis.

*Et paulo post [viii.]*: Et si justitiam quis diligit, labores hujus magnas habent virtutes. Sobrietatem enim et sapientiam docet, et justitiam et virtutem, quibus utilius nihil in vita hominibus.

*Nunc jam de libro qui Ecclesiasticus dicitur, ponenda sunt quæ videntur. De quo hic etiam ea dixisse depater, quæ de Proverbiorum libro sum prælocutus; quamvis in isto Ecclesiastico plura repererim huic operi necessaria.*

#### DE ECCLESIASTICO.

[Cap. 1.] Timor Domini scientiae religiositas. Religiositas custodiet et justificabit cor, jucunditatem atque gaudium dabit. Timenti Dominum bene erit, et in diebus consummationis illius benedicetur. Plenitudo sapientiae est timere Deum, et plenitudo a fructibus illius. *Et post duos versus*: Corona sapientie timor Domini. *Et post quatuor versus*: Radix sapientie est timere Dominum: rami enim illius longævi. In thesauris sapientiae intellectus est, et scientiae reli-

<sup>1</sup> Sic MSS., juxta Vulgatam. At editi cerebant, et in cogitationibus scrutabatur.

<sup>2</sup> *Abest vox, mali, a vulgata. Porro in græco pro voce, reges, legitur, turannos.*

<sup>3</sup> *In Vulgata, iusta iuste: in græco, hosiōs ta hostia.*

<sup>4</sup> *Sic in editis et MSS. juxta græc., bebiōsis. At in Vulgata legitur, consummatio.*

giositas: exsecratio autem peccatoribus sapientia. Tumur Domini expellit peccatum. Nam qui sine timore est, non potest justificari<sup>1</sup>. Ira cuncta enim animositas illius, subversio illius est. Sapiens<sup>2</sup> usque in tempus sustinebit patiens, et postea redditio jucunditatis. Bonus sensus usque in tempus abscondet verba illius, et labia multorum enarrabunt sensum illius. Concupiscentia sapientiam, serva justitiam; et Deus praebebit illam tibi. Sapientia enim et disciplina timor Domini; et quod beneplacitum est illi, fides et mansuetudo, et adimplebit thesauros tuos<sup>3</sup>. Non sis incredibilis timori Domini, et ne accesseris ad illum dupli corde. Ne fueris hypocrita in conspectu hominum, et non scandalizeris labiis tuis. Attende in illis, ne forte eadas, et addueas animae tuae confusione; et revelet Deus abscondita tua, et in medio synagogae elidat te. Quoniam accessisti maligne ad Dominum, et cor tuum plenum est dolo et fallacia.

[ii.] Fili, accedens ad servitutem Dei, sta in timore et justitia, et prepara animam tuam ad tentationem; et deprime cor tuum, et sustine. Declina aurem tuam, et excipe verba intellectus, et ne festines in tempus<sup>4</sup> obductionis. Sustine sustentacionem Dei, conjungere Deo, et sustine, ut crescat in novissimo vita tua. Omne quod tibi applicitum fuerit, accipe; et in dolore sustine, et in humilitate tua patientiam habe. Quoniam in igne probatur aurum et argentum; homines vero receptibiles<sup>5</sup> in camino humiliationis. Crede Deo, et recuperabit te; et dirige viam tuam, et spera in illum. Serva timorem illius, et in illo veterasce. Metuentes Dominum, sustinetis misericordiam ejus; et non deflectatis ab illo, ne cadatis. Qui timetis Dominum, credite illi, et non evanescitur merces vestra. Qui timetis Dominum, sperate in illum, et in oblectatione<sup>6</sup> veniet vobis misericordia. Qui timetis Deum, diligite illum, et illuminabuntur corda vestra. Respicite, filii, nationes hominum, et scitote: quis speravit in Domino, et confusus est?<sup>7</sup> permansit in mandatis ejus, et derelictus est? et quis illum invocavit, et despexit illum? Quoniam pius et misericors est Deus, et remittet in tempore tribulationis peccata omnibus exquirientibus se in veritate. Vae dupli corde<sup>8</sup>, et labiis sceleris, et manibus malefacentibus, et peccatori terram ingredienti duabus viis. Vae dissolutis corde, qui non credunt Deo; ideo non proteguntur ab eo. Vae his qui perdidierunt sustinentiam, qui dereliquerunt vias rectas, et diverterunt in vias pravas. Et quid facietis, cum inspicere coepit Deus? Qui timet Dominum, non erunt incredibiles verbo illius; et qui diligunt

illum, conservabunt viam illius. Qui timent Dominum, inquirent quae beneplacita sunt illis; et qui diligunt eum, replebuntur lege ipsius. Qui timent Dominum, preparabunt corda sua, et in conspectu illius sanctificabunt animas suas. Qui timent Dominum, custodiunt mandata illius, et patientiam habebunt usque ad inspectionem illius, dicentes, Si paenitentiam non egerimus, incidentis in Dei manus, et non in manus hominum. Secundum enim magnitudinem illius, sic et misericordia ipsius cum ipso.

[iii.] Filii sapientiae, ecclesia justorum; et nationes illorum, obedientia et dilectio. Judicium patris audite, filii dilecti<sup>9</sup>, et sic facite, ut salvi sitis. Et post duos versus: Qui diligit Deum, exorabit pro peccatis, et continebit se ab illis; in oratione dierum exaudietur. Et sicut qui thesaurizat, ita et qui honorificat matrem suam. Qui honorificat patrem, jucundabitur in filiis. Qui honorat patrem suum, vita vivet longiore; et qui obaudit patri, refrigerabit matrem. Qui timet Deum, honorat parentes; et quasi dominis serviet his qui se generunt. In opere et sermone et omni patientia honora patrem tuum, ut superveniat tibi benedictio a Domino<sup>10</sup>. Et post tres versus: Ne glorieris in contumelia patris tui. Et post tres versus: Fili, suscipe senectam patris tui, et ne contristes cum in vita illius. Et si defecerit sensu, veniam da, et ne spernas eum in tua virtute. Et post quatuor versus: Quam malae famae est, qui derelinquit patrem! et est maledictus a Deo, qui exasperat matrem. Fili, in mansuetudine opera tua perfice, et super hominum gloriam diligenteris. Quanto magnus es, humiliata in omnibus; et coram Deo invenies gratiam: quoniam magna potentia Dei solius, et ab humilibus honoratur. Altiora tene quæsieris, et fortiora te ne scrutatus fueris: sed quæ præcepit tibi Deus, illa cogita semper; et in pluribus operibus ejus ne fueris curiosus. Non enim est tibi necessarium ea quæ abscondita sunt<sup>11</sup>, videre oculis tuis. Et post tres versus: Multos enim implanavit<sup>12</sup> suspicio eorum, et in vanitate detinuit sensus illorum. Cor durum male habebit in novissimo; et qui amat periculum, in illo peribit. Cor ingrediens duas vias, non habebit successus; et pravicordius<sup>13</sup> in illis scandalizabitur. Cor nequam gravabitur in doloribus; et peccator adjiciet ad peccandum. Et post duos versus: Cor sapiens intelligitur in sapientia; et auris bona audiet cum omni concupiscentia sapientiam. Sapiens cor et intelligibile abstinebit se a peccatis, et in operibus justitiae successus habebit. Ignem ardensem extinguit aqua; et eleemosyna resistit peccatis;

<sup>1</sup> Vulgata, non poterit.

<sup>2</sup> Vox sapiens abest a sacris Bibliis.

<sup>3</sup> Regius codex, et adimplebit sermones tuos. Vulgata, et adimplebit thesauros illius.

<sup>4</sup> vulgata, in tempore: juxta græcum, en kairō.

<sup>5</sup> MSS., acceptabiles.

<sup>6</sup> vulgata, in oblectationem: juxta græcum, eis euphrosynē.

<sup>7</sup> sic editi et MSS. juxta græc. At vulgata, quia nullus spernat, etc... quis enim permanet, etc.

<sup>8</sup> Vulgata: Et renditet in die tribulationis peccata, et protector est omnibus exquirientibus se, etc. Græcus vero textus sic sonat: Et remittit peccata, et salvas in tempore tribulatorum. I'æ cordibus timidis.

<sup>9</sup> In Bibliis excusis deest vox, *dilecti*: habetur in antiquis Bibl. Corbeiensibus.

<sup>10</sup> Vulgata juxta græcum, ab eo. In Bibliis tamen scriptis Corb. habetur, a Deo.

<sup>11</sup> MSS., necessarium scrutari ea quæ abscondita sunt: et omittunt, videre oculis tuis.

<sup>12</sup> Pulchre respondet græco, *pollois gar eplanēsen*. Vulgata vero habet, *Multos quoque supplantari*. Quanquam Vulgata auctor in hoc ipso libro, cap. 45, v. 12, verbum *eplanēsen* verit, *implanavit*: id est, decepit, in errorem induxit.

<sup>13</sup> Ms. Regius, *prati cordis*; juxta Vulgatam in excusis, quæ tamen in antiquis Corb. Bibl. habet, *pravicordius*.

et Deus prospector ejus<sup>1</sup> qui reddit gratiam, meminit in posterum<sup>2</sup>; et in tempore casus tui invenies firmamentum.

[iv.] Fili, eleemosynam pauperis ne fraudes, et oculos tuos ne transvertas a paupere. Animam esurientem ne despixeris, et non exasperes pauperem in inopia sua. Cor inopis ne afflixeris, et non protrahas datum angustianti. Rogationem contribulati ne abjicias, et non avertas faciem tuam ab egeno. Ab inope non auferas oculos tuos propter iram, et non derelinquas querentibus tibi retro maledicere. Maledicentis enim tibi in amaritudine animæ exaudietur deprecatio illius. Exaudiet autem eum, qui fecit illum. Congregationi pauperum affabilem te facito, et presbytero humilia animam tuam, et magnato humiliia caput tuum. Declina pauperi sine tristitia aurem tuam, et redde debitum tuum, et responde illi pacifica in mansuetudine. Libera eum qui injuriam patitur, de manu superbi; et non acide feras in anima tua. In judicando esto misericors, pupilli ut pater, et pro viro matri illorum; et eris velut filius Altissimi obaudiens, et miserebitur tui magis quam mater. Sapientia filii suis vitam inspiravit, et suscepit inquirentes se et praebit in via justitiae. Et qui illam diligat, diligit vitam; et qui vigilaverint ad illam, complecentur placorem ejus<sup>3</sup>. Qui tenerint illam, vitam hereditabunt, et quo introibit benedicet Deus. Qui servient ei, obsequentes erunt sancto; et eos qui diligunt illam, diligit Deus. Qui audit illam, judicat<sup>4</sup> gentes; et qui intuetur illam, permanebit confidens. Si crediderit ei, hereditabit illam, et erunt in confirmatione creaturæ illorum. Quoniam in tentatione ambulat cum eo, et in primis eligit eum. Timorem et metu et probationem inducit super illum, et cruciabit illum in tribulatione doctrinæ suæ; donec tentet illum in cogitationibus illius, et credat animæ illius. Et firmabit illum, et iter adducet<sup>5</sup> directum ad illum, et laetificabit illum; et denudabit abscondita sua illi, et thesaurizabit super illum scientiam et intellectum justitiae. Si autem oberraverit, derelinquet illum, et tradet eum in manus inimici sui. Fili, conserva tempus, et devita a malo. Pro anima tua non confundaris dicere verum. Est enim confusio adducens peccatum, et est confusio adducens gloriam et gratiam. Non accipias faciem adversus faciem tuam, nec adversus animam tuam mendacium. Non revercaris proximum tuum in casu suo, nec retineas verbum in tempore<sup>6</sup> salutis. Non abscondas sapientiam tuam in decore ejus. In lingua

<sup>1</sup> Sequimur Fr. Lugd. Ven. Iov. In B., *tui ejus*. M.

<sup>2</sup> Vulgata, *Meministi ejus in posterum*. Abest, ejus, a greco et a latinis Bibliis Corb. Continuo post in omnibus Bibliis legitur, et in tempore casus sui inveniet firmamentum.

<sup>3</sup> Regius codex, complebuntur dulcore ejus. Græcus textus, *emphæthesontai euphrosunes*.

<sup>4</sup> Vulgata nunc, *judicabit*: et paulo infra, *in confirmatione creaturæ illius*. At in antiquis Corb. Bil. I. conuenit uterque locus cum hoc S. eccl. 1.

<sup>5</sup> MSS., et jam adducet. Græc., *kai palin epanexei kai euthenian pros auton, et rursus redibit recta ad illum*.

<sup>6</sup> falti, *in tempus*. At MSS., *in tempore*, juxta Vulgatam; que in subsequenti versiculo, *pro, et doctrina in verbis veritatis, præter, et doctrina in verbo sensu*. Græcus vero textus, *en rematis glossis, in verbo lingua*.

enim agnoscitur sapientia et sensus, et scientia et doctrina in verbis veritatis, et firmamentum in operibus justitiae. Non contradicas veritati ullo modo, et de mendacio ineruditiois tuae confundere. Non confundaris confiteri peccata tua, et ne subjecias te homini pro peccato. Noli resistere contra faciem potentis, nec coreris contra iustum fluvii<sup>7</sup>. In justitia agnizare pro anima tua, et usque ad mortem certa pro justitia; et Deus expugnabit pro te inimicos tuos. Noli citatus esse in lingua tua, et inutilis et remissus in operibus tuis. Noli esse sicut leo in domo tua, evertens domesticos tuos, et opprimens subjectos tibi. Non sit porrecta manus tua ad capiendum, et ad dandum collecta.

[v.] Noli attendere ad possessiones iniquas, et ne dixeris, *Est mihi sufficiens vita*. Nihil enim proderit in tempore vindictæ et obductionis. Non sequaris concupiscentiam cordis<sup>8</sup>, et ne dixeris, *Quomodo potui?* aut quis me subjicit propter facta mea? Deus enim vindicans vindicabit. Et ne dixeris, *Peccavi*, et quid accidit mihi triste? Altissimus enim est patiens reditor. De propitiatu peccatorum<sup>9</sup> noli esse sine metu; neque adjicias peccatum super peccatum: et ne dicas, *Miseratio Dei magna est*; multitudinis peccatorum in eorum miserebitur. Misericordia enim et ira ab illo cito proximat, et in peccatores respicit ira illius. Non tardes converti ad Dominum, et ne differas de die in diem. Subito enim veniet ira illius, et in tempore vindictæ disperdet te. Noli anxius esse in divitiis injustis: nihil enim proderunt tibi in die obductionis et vindictæ. Non ventiles te in omni vento, et non eas in omni via<sup>10</sup>. Sic enim peccator probatur duplice lingua. Esto firmus in via Dei, et in veritate sensus tui et scientia; et prosequatur te verbum pacis et justitiae. Esto mansuetus ad audiendum verbum Dei, ut intelligas; et cum sapientia feras<sup>11</sup> responsum verum. Si est tibi intellectus, responde proximo: sin autem, sit manus tua super os tuum; ne capiaris verbo indisciplinato, et confundaris. Honor et gloria in sermone sensati: lingua vero imprudentis subversio est ipsius. Non appelleris susurro in vita tua, et in lingua tua ne capiaris, et confundaris. Super furem enim est confusio, et poenitentia, et denotatio pessima super bilinguem: susurratori autem odium, et inimicitia, et contumelia. Justifica pusillum, et magnum similiter.

[vi.] Noli fieri pro amico inimicus proximo: impropterum enim et contumeliam malus hereditabit, et omnis peccator invidus et bilinguis. Non te extollas in cogitatione animæ tua, velut taurus; ne forte elidatur virtus tua per stultitiam. *Et post septem versus:* Multi pacifici sint tibi; et consiliarius sit tibi unus de

<sup>7</sup> sic MSS. juxta græc., et Vulgat. At editi habebant, *fudminis*.

<sup>8</sup> Vulgata: *Ne sequaris in fortitudine tua concupiscentiam cordis tui*.

<sup>9</sup> In latinis Bibliis, *De propitiato peccato*. In greco textu, *peri exilismou*, *De propitiatu*; omissa voce, *peccatorum*.

<sup>10</sup> sic editi et MSS. juxta græc. At Vulgata habet, *in omnem ventum.... in omnem riam*.

<sup>11</sup> Regius codex, fer. Græcus, *phileggon*. Vulgata, *profersas*.

mille. Si possides amicum, in tentatione posside eum; et non facile credas illi temetipsu<sup>1</sup>. Est enim amicus secundum tempus suum, et non permanebit in die tribulationis: et est amicus qui egreditur<sup>2</sup> ad iniuriam: et est amicus qui odium et rixam et convia denudabit. Est autem amicus socius mensæ, et non permanebit in die necessitatis. Amicus si permanuerit fixus, erit tibi quasi coæqualis, et in dominis tuis fiducialiter ager. Si humiliaverit se contra te, et a facie tua absconderit se, unaninem habebis amicitiam bonam. Ab inimicis tuis separare; et ab amicis tuis attende. Amicus fidelis protectio fortis: qui autem invenit illum, invenit thesaurum. Amico fidelis nulla est comparatio, et non est digna ponderatio auri et argenti contra bonitatem fidei illius. Amicus fidelis, medicamentum vite et immortalitatis; et qui metunt Dominum, inveniunt illum. Qui timet Deum, neque habebit amicitiam bonam; quoniam secundum illum erit amicus illius. Fili, a juventute tua excipe doctrinam, et usque ad canos invenies sapientiam. Quasi is qui arat et seminat, accede ad illum, et sustine bonos fructus illius. In opere enim illius exiguum laborabis, et cito edes de generationibus illius. Nam aspera est nimium sapientia indoctis hominibus, et non permanebit in illa excors<sup>3</sup>. Quasi lapidis virtus probatio erit in illis, et non demorabuntur projicere illum. Et post duos versus: Quibus autem agnita est, permanet<sup>4</sup> usque ad conspectum Dei. Audi, fili, et accipe consilium intellectus, et ne abjicias consilium meum. Injice pedem tuum in compedes illius, et in torquem ejus collum tuum. Subjice humerum tuum, et porta illum, et ne acederis vinculis ejus. In omni animo tuo accede ad illum, et in omni virtute tua serva vias ejus. Investiga illum, et manifestabitur tibi; et continens factus ne dereliqueris eam: in novissimis enim invenies requiem in ea, et convertetur tibi in oblectationem; et erunt tibi compedes in protectionem fortitudinis et bases virtutis, et torques illius in stolam gloriae. Et post quatuor versus: Fili, si attenderis mihi, disces<sup>5</sup>; et si accommodaveris animam tuam, sapiens eris. Et si inclinaveris aurem tuam, excipes doctrinam; et si dilexeris audire, sapiens eris. In multitudine presbyterorum prudentium sta, et sapientiae illorum ex corde conjungere, ut omnem narrationem Dei possis audire, et proverbia laudis ne effugiant te. Et si videris sensatum, evigila ad illum, et gradus ostiorum illius exterat pes tuus. Cogitatum habe in præceptis Dei, et in mandatis illius maxime assiduus esto; et ipse dabit cor tibi, et concupiscentia sapientiae dabitur tibi.

[vii.] Noli facere mala, et non te apprehendent. Discede ab iniquo, et deficient mala abs te. Non semines mala in sulcis injustitiae, et non metes ea in septuplum. Noli querere ab homine<sup>6</sup> ducatum, ne-

<sup>1</sup> Vox, temetipsum, abest a sacris Biblilis.

<sup>2</sup> Vulgata, qui convertitur.

<sup>3</sup> Mss., permanet.

<sup>4</sup> Editio, permanet. At. Mss. juxta Vulgatam, permanet.

<sup>5</sup> In editio, disces eam. Abegi, eam, a Mss. iunius libri, necnon a sincerioribus Biblilis.

<sup>6</sup> Sic etiam in antiquis Corb. Biblilis. Nunc autem Vul-

que a rege cathedram honoris. Non te justifices ante Deum; quoniam agnitor cordis ipse est: et penes regem noli velle videri sapiens. Noli querere fieri index, nisi si vales virtute irrumperem iniquitates<sup>1</sup>; ne forte extremicas faciem potentis, et ponas scandala in agilitate tua<sup>2</sup>. Non pecces in multitudinem civitatis, nec te immittas in populum: neque allig-duplicia peccata; nec enim in uno eris immunis. Noli esse pusillanimis in anima tua. Exorare, et facere eleemosynam non despicias. Ne dicas, In multitudine munerum meorum respiciet Dominus, et offerente me Deo altissimo, suscipiet munera mea. Non irrideas hominem in amaritudine anime: est enim qui humiliat et exaltat Deus<sup>3</sup>. Noli arare mendacium ad-versus fratrem tuum, neque in amicum similiter facias. Noli velle mentiri omne mendacium: assiduitas enim illius non est bona<sup>4</sup>. Noli verbosus esse in multitudine presbyterorum. Et post duodecim versus: Non laedas servum operantem in veritate, neque mercenarium dantem animam suam. Servus sensatus sit tibi dilectus quasi anima tua: non defraudes illum libertate, neque inopem relinquas illum. Et post duos versus: Filii tibi sunt? erudi illos, et curva illos a pueritia illorum. Pecora tibi sunt? attende illis<sup>5</sup>. Filiae tibi sunt? serva corpus illarum, et non ostendas hilarem faciem tuam ad illas. Trade filiam, et grande opus feceris; et homini sensato da illum. Mulier si est tibi secundum animam tuam, non projicias illum; et odibili non credas te in toto corde. Honora patrem tuum, et gemitus matris tuae ne obliviscaris. Memento enim quoniam nisi per illos natus non fuisses<sup>6</sup>; et retribue illis, quomodo et illi tibi. In tota anima tua time Deum, et sacerdotes illius sanctifica. In omni virtute dilige Deum<sup>7</sup>, qui te fecit; et ministros ejus non derelinquas. Honora Deum ex tota anima tua; et honorifica sacerdotes. Et post sex versus: Et pauperi porrige manum tuam, ut percipiatur benedictio<sup>8</sup> tua. Gratia datus<sup>9</sup> in conspectu omnis viventis, et a mortuo non prohibeas gratiam. Non desis plorantibus in consolatione<sup>10</sup>, et cum lugentibus ambula. Non te pigeat visitare infirmum: ex his enim in dilectione firmaberis. In omnibus operibus tuis memorare novis-

gata in excusis habet, a Domino; juxta Græc. para Eu-  
riou.

<sup>1</sup> In prius editis, virtutem irrumperem iniquitatis. Emenda-  
vimus ad Mss. qui cum Vulgata concordant.

<sup>2</sup> Habebat sic Vulgata in antiquis Corb. et aliis plerisque  
Biblilis: sed substitutum est, in æquitate tua; juxta græc.  
en euthymethi son.

<sup>3</sup> Vulgata, et exaltat circumspector Deus.

<sup>4</sup> Regius Ms., non bona; prætermisso, est: sic etiam Bi-  
blia Corb. Porro in græco legitur, ouk eis agathion, non in  
bonum.

<sup>5</sup> Redintegrandus iste locus ad Vulgatam, in qua versici-  
lus 24 est, i ecora tibi sunt? attende illis, et si sunt utilia,  
perseverant apud te. Tum sequitur v. 25, Fili tibi sunt? etc.

<sup>6</sup> vox natus, abest a Mss. Speculi, et ab antiquis Biblilis  
Corbeiensibus.

<sup>7</sup> sacra Biblia, dilige eum qui te fecit.

<sup>8</sup> vulgata, propitiatio et benedictio. Abest, propitiatio, a  
græco textu.

<sup>9</sup> vulgata, dati: ac paulo post, et mortuo, prætermissa  
præpositione a, cum qua his locis convenit regius codex  
Speculi.

<sup>10</sup> Codices Mss. hujus operis, in rogatione.

sima tua , et in eternum non peccabis.

[viii.] Non litiges cum homine potente ; ne forte incidas in manus illius. Non contendas cum homine locoplete , ne forte contra concitet litem tibi<sup>1</sup>. Multos enim perdidit aurum ; et usque ad cor regum exten-dit , et convertit. Non litiges cum homine linguoso , et non strues<sup>2</sup> in ignem illius ligna. *Et post duos ver-sus* : Ne despicias hominem avertentem se a peccato , neque impropores ei : memento quoniam omnes sumus in correptione. Ne spernas hominem in sua se-necta : etenim ex nobis senescunt. Noli de mortuo inimico tuo gaudere<sup>3</sup> , sciens quoniam omnes mori-mur , et in gaudium nolumus venire. Ne despicias narrationem presbyterorum sapientium , et in prover-biis illorum conversare. Ab ipsis enim disces doctri-na intellectus<sup>4</sup> , et servire magnatis sine querela. Non te prætereat narratio seniorum ; et ipsi enim didicerunt a patribus suis. Quoniam ab ipsis disces intellectum , et in tempore necessitatis responsum<sup>5</sup>. *Et post sexdecim versus* : Cum satuis ne consilium ha-beas : non enim poterunt diligere nisi quæ ipsis pla-cent. Coram extraneo ne facias consilium : nescis enim quid pariet.

*Et post duos versus [ix.]* : Non zeles mulierem si-nus tui. *Et post septem versus* : Virginem ne concu-piscas<sup>6</sup> , ne forte scandalizeris in decore ejus. Non des fornicariis animam tuam in ullo , ne perdas te et hæreditatem tuam. *Et post duos versus* : Averte faciem tuam a muliere compa , et non circumspicias spe-ciem alienam. *Et post duodecim versus* : Ne derelin-quas amicum antiquum : novus enim non erit similis illi. Vinum novum amicus novus ; veterascet , et cum suavitate bubes illud. Non zeles gloriam et opes pec-catoris : non enim scis quæ futura sit ipsis subversio. Non placeat tibi iniuria injustorum<sup>7</sup>. *Et post duos ver-sus* : Longe abesto ab homine potestatem habente occidendi , et non suspicaberis timorem mortis. Et si accesseris ad illum , noli aliquid committere ; ne forte auferat vitam tuam. *Et post quatuor versus* : Et cum sapientibus et prudentibus tracta. Viri justi sint tibi convivæ ; et in timore Dei sit gloriatio tibi.

*Et post quinquaginta tres versus<sup>8</sup> [x.]* : Semen ho-minum honorabitur hoc quod timet Deum : semen autem hoc exonorabitur hominum , quod præterit mandata Domini. In medio fratrum illorum rector in honore ; et qui timent Dominum , erunt in oculis illius. Gloria divitium , honoratorum , et pauperum , timor Dei est. Non despicias hominem justum pau-

<sup>1</sup> sic in MSS. At in editis legebatur, *contra te consistat li-tem* : in Vulgata, *contra te constitutum*.

<sup>2</sup> Regius cod. , et non struas : juxta græc. καὶ μὲν επιστο-bases.

<sup>3</sup> Abest, *inimico tuo*, a græco textu, necnon a Regio Ms. Speculi : at iste codex postea sic habet , et in gaudium ini-micorum nolumus venire:

<sup>4</sup> vulgata in excusis, *disces sapientiam et doctrinam intel-lectus* : at in antiquis Corb. Bibliis convenit hic cum Augu-stini Speculo et cun græco.

<sup>5</sup> Sacra Biblia, *dare responsum*.

<sup>6</sup> vulgata, *ne conspicias*. Græc. μὲν καταμανθάνει.

<sup>7</sup> Sic Carnutensis codex juxta Vulgatam. At editi habeant hic, *justorum*.

<sup>8</sup> Ita Regius Ms. Carnutensis vero, *Et post liv versus*.

perem , et non magnificaveris<sup>9</sup> virum peccatorem divitem. Magnus , et judex , et potens est in honore , et non est major illo qui timet Deum. Servo sensato liberi servient : vir prudens et disciplinatus non murmurabit correptus. *Et post quinque versus* : Fili , in mansuetudine serva animam tuam , et da illi hono-rem secundum meritum suum.

*Et post sex versus [xi.]* : Sapientia humiliati exal-tabit caput ipsius , et in medio magnatorum consedens illum faciet. Non laudes virum in specie sua , neque spernas hominem in visu suo. Brevis in volatilibus est apis , et in tium dulcoris habet fructus illius. In vestitu ne glorieris unquam , nec in die honoris tui extollaris. *Et post sex versus* : Priusquam interroges , non vituperes quemquam ; et cum interrogaveris , corripe juste. Priusquam audias , ne respondeas ver-bum ; et in medio seniorum<sup>10</sup> ne adjicias loqui. De ea que te non molestat , ne certaveris ; et in iudicio percatorum ne consistas. Fili , ne in multis sint actus tui ; et si dives fueris , non cris immunis a delicto. Si enim secutus fueris , non apprehendes ; et non effu-gies , si præcurreris. *Et post viginti versus* : Ne manseris in operibus peccatorum : fide autem in Deo , et mane in loco tuo. *Et post aliquot versus* : Ante mortem ne laudes hominem quemquam. *Et post unum verbum* : Non omnem hominem inducas in dominum tuam : multæ enim insidiæ dolosi sunt. Sicut enim eructant præcordia infantium<sup>11</sup> , et sicut perdix in-ducitur in foveam , et ut caprea in laqueum , sic et cor superborum ; et sicut prospector videns casum proximi sui. Bona enim in mala convertens insidiatur , et in electis imponet maculam. Ab scintilla una auge-tur ignis , et ab uno doloso augetur sanguis. Homo vero peccator sanguini insidiatur. Attende tibi a pesti-fero ; fabricat enim mala : ne forte inducat super te subsannationem in perpetuum. Admitte ad te alienigenam , et subvertet te in torpore<sup>12</sup> , et alienabit te a tuis propriis.

[xii.] Si benefeceris , scito cui benefeceris , et crit gratia in bonis tuis multa. Benefac justo , et invenies retributionem magnam ; et si non ab ipso , certe a Deo. Non est eis bene qui assidui sunt in malis , et clemosynas non danti ; quoniam et Altissimus odio habet peccatores , et misertus est pœnitentibus. Da misericordi , et ne suscepereis peccatorem. Benefac humili , et ne dederis impio. Prohibe panes illi dari , ne in ipsis potentior te sit : nam duplicita mala in-venies in omnibus bonis<sup>13</sup> ; quoniam et Altissimus odio habet peccatores , et impiis reddet vindictam. *Et post*

<sup>9</sup> editi , non magnificare : emendayimus ad Reg. Ms. , non magnificaveris ; quanquam idem codex Iaulo ante habet , *Ne despicer*. Conciinnius Vulgata , noli despicer ; tuncque , noli magnificare.

<sup>10</sup> Legendum ut in Bibliis Sixti auctoritate correctis , ser-monum ; juxta Græc. λογῶν. Paulo post pro , ne certaveris , MSS. hujus libri pariter cum Vulgata pref. sunt , ne certeris.

<sup>11</sup> Vulgata in excusis , fœtentiū : in antiquis Corb. Bibliis , fœtantium.

<sup>12</sup> Sacra Biblia, *in turbine*.

<sup>13</sup> Regius codex , in hominibus non bonis : Vulgata juxta græcum post , in omnibus bonis , addit , quecumque feceris illi : quod tamen abest a Corb. Bibliis.

**quatuor versus :** Non credas inimico tuo in aeternum : sicut enim aëramentum, aeruginat nequitia illius. Et si humiliatus vadat curvus, adjice animum tuum<sup>1</sup>, et custodi te ab illo. Non statuas illum penes te, nec sedeat ad dexteram tuam; ne conversus stet in loco tuo<sup>2</sup>: ne forte conversus in locum tuum, inquirat cathedram tuam, et in novissimo agnoscas verba mea, et in sermonibus meis stimuleris. Quis miseretur incantatori a serpente percusso, et omnibus qui appropiant bestiis? Sic et qui comitatur cum viro iniquo, et obvolutus est in peccatis ejus : una hora tecum permanebit; si autem declinaveris, non supportabit. In labiis suis induleat inimicus, et in corde suo insidiatur, ut subvertat te in foveam. In oculis suis lacrymatur inimicus ; et si invenerit tempus, non satiabitur sanguine. Si incurrerint mala tibi, invenies cum illic priorem. In oculis suis lacrymatur inimicus, et quasi adjuvans suscitiet plantas tuas. Caput suum movebit, et plaudet<sup>3</sup> manu; et multa susurrans commotabit vultum suum.

*Et post sexaginta et unum versus [xiii.] :* Bona est substantia, cui non est peccatum in conscientia : et nequissima paupertas in ore impii.

*Et post tres versus [xiv.] :* Beatus vir qui non est lapsus verbo ex ore suo, et non est stimulatus in tristitia delicti. Felix qui non habuit animi sui tristitiam, et non excidit ab spe sua. Viro cupido et tenaci sine ratione est substantia; et homini livido ad quid aurum? *Et post quatuordecim versus :* Fili, si habes, benefac tecum, et Deo dignas obligationes offer. Memor esto quoniam mors non tardat, et testamentum inferorum, quia demonstratum est tibi : testamentum enim hujus mundi morte morietur. Ante mortem benefac amico tuo, et secundum vires tuas exporrige da pauperi. *Et post sexdecim versus :* Beatus vir qui in sapientia morabitur, et qui in justitia sua meditabitur<sup>4</sup>, et in sensu suo cogitat circumspectionem Dei: Qui excogitat vias illius in corde suo, et in absconditis illius intelligens.

*Et post viginti quinque versus [xv.] :* Homines stulti non apprehendent illam; et homines sensati obvia- bunt illi. Homines stulti non videbunt illam; longe enim abest a superbia et dolo. Viri mendaces non erunt memores illius; et viri veraces invenientur in illa, et successum habebunt usque ad inspectionem Dei. Non est speciosa laus in ore peccatoris; quoniam a Deo profecta est sapientia. Sapientiae enim Dei astabit laus; et in ore fidei abundabit, et dominator eam illi dabit. Non dixeris, Per Deum abest; que enim odit ne feceris. Non dicas, Ille me impla-

navit : non enim necessarii sunt illi homines impi. Omne execramentum erroris odit Deus, et non erit amabile timentibus illum. Deus ab initio constituit hominem, et reliquit illum in manu consilii sui. Adjecit mandata et praecepta sua : si volueris servare mandata, conservabunt te, et in perpetuum fidem placitam facere. Apposuit tibi aquam et ignem; ad quod voles porrige manum tuam. Ante hominem vita et mors, bonum et malum; quod placuerit ei, dabitur illi. Quoniam multa sapientia Dei, et fortis in potentia, videns omnes sine intermissione. Oculi Dei ad timentes eum, et ipse agnoscat omnem operam hominis. Nemini mandavit impie agere; et nemini dedit spatium peccandi. Non enim concupiscit multitudinem filiorum infidelium et inutilium.

[xvi.] *Et ne jucunderis in filiis impiis, si multiplicentur :* non oblecteris super ipsos, si non est timor Dei cum illis. Non credas vita illorum, et ne resper- xeris in labores illorum. Melior est enim unius timens Deum, quam mille filii impiis : et utile mori sine filiis, quam relinquere filios impios. *Et post viginti et unum versus :* Non dicas, A Deo abscondar, et ex summo quis mei memorabitur?

*Et paulo post [xvii.] :* Non sunt absconsa testamenta per iniquitatem illorum, et omnes iniquitates eorum in conspectu Dei. Eleemosyna viri quasi signaculum cum ipso, et gratiam hominis quasi pupillam conser- vabit : et postea resurget, et retribuet illis retribu- tionem unicuique in caput illorum, et convertet in interiores partes terrae. Poenitentibus autem dedit viam justitiae, et confirmavit deficientes sustinere, et destinavit illis sortem veritatis. Convertere ad Deum, et relinque peccata tua : precare ante faciem, et minue offendiculum<sup>5</sup>. Reverttere ad Deum, et avertire ab injustitia tua, et nimis odito execrationem. *Et post novem versus :* Quam magna misericordia Dei, et propitiatio illius convertentibus ad se! Nec enim omnia possunt esse in hominibus; quoniam non est immortalis filius hominis.

*Et post triginta versus [xviii.] :* Miscretur excipien- tium doctrinam miserationis, et qui festinant in judiciis ejus. Fili, in bonis non des querelam, et in omni dato non des tristitiam verbi mali. Nonne ardorem refrigerabit ros? Sic et verbum melius quam datum. Nonne ecce verbum supra datum bonum? et ultraque<sup>6</sup> cum homine justificato. Stultus acriter improperabit, et datus indisciplinati tabescere facit oculos. Ante judicium para justitiam tibi, et antequam loquaris disce. Et ante languorem adhibe medicinam, et ante judicium interroga te ipsum; et in conspectu Dei invenies propitiationem. Ante languorem humilia te, et in tempore infirmitatis ostende conversationem tuam. Non impediaris orare semper, et non verecaris usque ad mortem justificari; quoniam merces Dei

<sup>1</sup> Sic Regius codex juxta vulgatam. Editi vero, abjectum tuum : ut etiam habet Bibliorum codex Corbeiensis.

<sup>2</sup> Ex Vulgata in excisis expunctum est illud, ne conversus stet in loco tuo : quod in omnibus exemplaribus hujus operis et in antiquis Corb. Bibl. reperitur; positum forte pro eo quod in greco legitur, μέτα ανατρεψας σε στέ επι τον λόγον σου.

<sup>3</sup> Sic etiam olim Bibl. Corb. Nunc autem Vulgata, plan- det.

<sup>4</sup> Abest, sua, a Regio codice : abest etiam, suo, post ro- cem, sensu.

<sup>5</sup> Consonat grecum. At Vulgata praefert, precare ante fa- ciem Domini, et minue offendicula : Regius Ms., ante faciem ejus. In subsequenti versiculo idem codex cum Carnutensi, refer te ad Deum. Favet grec. epanage.

<sup>6</sup> Ita Ms. et Corb. Bibl. juxta grec. At editi cum Vulgata, sed ultraque.

manet in æternum. Ante orationem prepara animam tuam, et noli esse quasi homo qui tentat Deum. *Et post sex versus*: Homo sapiens, in omnibus metuet, et in diebus delictorum attendet ab inertia. *Et post quinque versus*: Post concupiscentias tuas non eas, et a voluntate tua avertere. Si præstes animæ tue concupiscentias ejus, faciet te in gaudium inimicis. Ne oblecteris in turbis, nec immodicis delecteris.

*Et post quinque versus [xix.]*: Et qui spernit modica, pauplatis decidet. Vinum et mulieres apostatare faciunt sapientes, et arguant sensatos. *Et post aliquot versus*: Qui credit cito, levis corde est, et inminorabitur; et qui delinquit in animam suam, insuper habebitur. *Et post duos versus*: Et qui odit loquacitatem, extinguit malitiam. *Et post octo versus*: Audisti verbum adversus proximum; commoriatur in te, fidens quoniam non te disrumpet. A facie verbi parturit fatuus, tanquam gemitus partus infantis. Sagitta infixa femori carnis, sic verbum in ore<sup>1</sup> stulti. Corripe amicum, ne forte non intellexerit, et dicat, Non feci; aut si fecit, ne iterum addat facere. Corripe proximum, ne forte non dixerit; et si dixerit, ne forte iteret. Corripe amicum; sape enim sit commissio: et non omni verbo credas. Est qui labitur in lingua sua, sed non ex animo. Quis est enim qui non deliquerit in lingua sua? Corripe proximum antequam committeris; et da locum timori Altissimi: quia omnis sapientia timor Dei, et in illa timere Deum. *Et post quinque versus*: Melior est homo qui desicit sapientia, et deficiens sensu in timore, quam qui abundat sensu, et transgreditur legem Altissimi.

*Et post sexdecim versus [xx.]*: Quam bonum est argere quam irasci! *Et post aliquot versus*: Et qui protestatem sibi assumit injuste, odietur. *Et post octo versus*: Sapiens in verbis seipsum amabilem facit. *Et post sexdecim versus*: Lapsus falsæ lingue quasi qui de pavimento cadens, sic casus malorum festinanter veniet. Homo acharis quasi fabula vana, in ore disciplinatorum<sup>2</sup> assidua erit. Ex ore fatui reprobabatur parabola: non enim illam dicit in tempore suo. *Et post duos versus*: Est qui perdit animam suam præ confusione, et ab imprudenti persona perdet eam; personæ autem acceptance perdet se. Est qui præ confusione promittit amico, et lucratus est eum inimicum gratis. Opprobrium nequam in homine mendacium, et in ore indisciplinatorum assidue erit. Potior fur, quam assiduitas viri mendacis: perditionem autem ambo hereditabunt. Mores hominum mendacium sine honore, et confusio illius cum ipso<sup>3</sup> sine intermissione. Sapiens in verbis producet scipsum. *Et post quatuor versus*: Xenia et dona exæcant oculos judicium, et quasi mutus in ore avertit correptiones eorum. Sapientia absconsa, et thesaurus invisus, que utilitas in utrisque? Melior est in hominibus qui abs-

condit insipientiam suam, quam qui abscondit sapientiam suam.

[xxi.] Fili, peccasti; ne adjicias iterum: sed et de præteritis deprecare, ut tibi remittantur. Quia i a facie colubri fuge precata; et si accesseris ad illa suscipient te. Dentes leonis, dentes ejus, interficientes animas hominum: quasi rhombata bis acuta omnis iniquitas; plague illius non est sanitas. *Et post quatuor versus*: Qui odit correptionem, vestigium est peccatoris; et qui timet Deum, convertetur ad eorum. *Et post quinque versus*: Via peccantium complantata<sup>4</sup> lapidibus; et in fine illorum inferi et tenebre et pœnæ. Qui custodit justitiam, continebit sensum ejus. Consummatio timoris Dei, sapientia et sensus. *Et post aliquos versus*: Verbum sapiens quodcumque audierit sciens, laudabit, et ad se adjicet: audiet luxuriosus, et displicebit illi, et projicet illud post dorsum suum. Narratio fatui quasi sarcina in via: nam in labiis sensati invenietur gratia. Os prudentis queritur in Ecclesia, et verba illius cogitabunt in cordibus suis. *Et post duos versus*: Compedes in pedibus stulto doctrina, et quasi vincula manuum supra manus dexteram. Fatuus in risu exaltat vocem suam: vir autem sapiens vix tacite ridebit. Ornamentum aureum prudenti doctrina, et quasi brachiale in brachio dextro. *Et post octo versus*: In ore fatuorum cor illorum, et in corde sapientum os illorum. Dum male-dicit impius diabolum, maledicit ipse animam suam. Susurro coquinabit animam suam, et in omnibus odietur; et qui manserit<sup>5</sup>, odiosus erit: tacitus et sensus honorabitur.

[xxii.] In lapide luteo lapidatus est piger, et omnes loquentur super aspernationem illius. *Et post quatuor versus*: Filia prudens hereditas viro suo: nam quæ confundit, in contumeliam fit genitoris. Patrem et virum confundit quæ andax est, et ab impiis non inminorabitur; ab utrisque autem inhonorabitur. Musica in luctu, importuna narratio: flagella et doctrina, in omni tempore sapientia. Qui docet fatuum, quasi qui conglutinat testam. Qui narrat verbum non attenti, quasi qui excitat dormentem de gravi sonno. Cum dormiente loquitur, qui enarrat stulto; et in fine dicit<sup>6</sup>, Quis est hic? Super mortuum plora; deficit enim lux ejus: et super fatuum plora; deficit enim ei sensus. Modicum plora super mortuum, quoniam requievit; nequissimi enim nequissima vita super mortem fatui. Luctus mortui septem diebus: fatui autem et impii, omnes dies vite illorum. *Et post vi-ginti et unum versus*: Mittens lapidem in volatilia, dejicit illa: sic et qui conviciatur amico, dissolvet amicitiam. Ad amicum etsi produxeris gladium, non desperes; est enim regressus. Ad amicum si ape-rueris os triste, non timeas: est enim concordatio;

<sup>1</sup> In verioribus Bibliis, *complanata*: ubi vox, *complanta*, pro græco, *homolismenè*.

<sup>2</sup> Sic etiam in antiquis Corb. Bibliis. At nunc in excessis Vulgati præfert, et qui cum eo manserit.

<sup>3</sup> Editi juxta Vulgatam, qui narrat stulto sapientiam et in fine narrationis dicit. At MSS. carent vocibus, sapientiam et narrationis: que etiam a græco absunt.

<sup>4</sup> vulgata, in corde.

<sup>5</sup> Sacra Biblia, *indisciplinatorum*.

<sup>6</sup> Legendum juxta Vulgatam, et confusio illorum cum ipsis; vel in priore parte vers. castigandum est juxta græc.: nos hominis mendacis.

exceptio convicio, et improposito, et superbia, et mysterii revelatione, et plaga dolosa; in his omnibus effugiet amicus. *Et post decem versus*: Quis dabit oris meo custodiam, et super labia mea signaculum certum, ut ne cadam ab ipsis, et lingua mea perdat me.

**Ixxii.]** Domine pater, et dominator vite meæ, non relinquas me, et ne sinas me cadere in illis. Quis superponet in cogitatu meo flagella, et in corde meo doctrinam sapientiæ, ut ignorationibus eorum non parcant mihi, et non appareant delicta illorum; ne adincreaserint ignorantiae meæ, et multiplicentur delicta mea, et peccata mea abundant, et incidant in conspectu adversariorum, et gaudeat inimicus meus? Domine pater, et Deus vite meæ, ne derelinquas me in cogitatu illorum. Extollentiam oculorum meorum ne dederis mihi, et omne desiderium averte a me<sup>1</sup>. Afer a me ventris concupiscentias; et concubitus concupiscentiae ne apprehendant me; et animæ irreverenti et infronitate ne tradas me. Doctrinam oris audite, filii; et qui custodierit illam, non periret labiis suis, nec scandalizabitur in operibus nequissimis. In vanitate sua apprehenditur peccator, et superbus et maledicus scandalizabitur in illis. Jurationi non assuescat os tuum; multus enim casus in illa. Nominatio vero Dei non sit in ore tuo assidua, et nominibus sanctorum non admiscearis; quoniam non eris immunitus ab eis. Sicut enim servus interrogatus assidue, a labore non minuitur; sic omnis jurans et nominans in toto, a peccato non purgabitur. Vir multum jurans implebitur iniustitate, et non discedet a domo illius plaga. Et si frustraverit<sup>2</sup>, delictum illius super ipsum erit; et si dissimulaverit, delinquit dupliciter. Et si in vacuum juraverit, non justificabitur: replebitur enim retributione<sup>3</sup> demus illius. *Et post quatuor versus*: Indiscipline non assuescat<sup>4</sup> os tuum: est enim in illa verbum peccati. Memento patris et matris tue; in medio enim magnatorum consistis: ne forte obliscatur te Deus in conspectu illorum, et assiduitate tua infatuatus improprium patiaris, et maluisses non nasci, et diem nativitatis tuæ maledicas. Homo assuetus in verbis impropriis, in omnibus diebus suis non eruditetur. Duo genera abundant in peccatis, et tertium adducit iram et perditionem. Anima calida quasi ignis ardens non extinguetur, donec aliquid glutiat; et homo nequam in ore carnis suæ non desinet, donec incendat ignem. *Et post duos versus*: Omnis homo qui transgreditur lecum suum, contemnens in animam suam, et dicens, Quis me videt? tenebre circumdant me, et parietes cooperiunt me, et nemo circumspicit me; quem verear? delictorum meorum non memorabitur Altissimus, et non

<sup>1</sup> In editis, desiderium pravum averte a me. Abest vox, pravum, a vss. et a sacra Biblio.

<sup>2</sup> Ediit, Et si frustraverit fratrem. Abest, fratrem, a græco et a Vulgata, necnon a Regio Ms. qui codex pro, frustraverit, habet, frust: a juraverit.

<sup>3</sup> Hic in editis additur, pessima, quo verbo MSS. et sacra Biblio carent.

<sup>4</sup> Carnutensis codex, Indiscipline non assuescat. Regius, Indiscipline jurationi vel loquiela. Græcus denun. textus in quibusdam Bibl. sonat, indiscipline temeraria; in aliis, intemperantiae jurantem.

intelliget, quoniam non videt oculus illius: quoniam expellit<sup>1</sup> a se timorem Dei hujusmodi hominis timor, et oculi hominum timentes illum. Et non cognovit quoniam oculi Domini plus multo lucidiores super solem, circumspicientes omnes vias hominum et profundum abyssi, et hominum corda intuentes in absconditas partes.

*Et paulo post [xxv.]*: Quæ in juventute tua non congregasti, quomodo invenies in senectute tua? Quam speciosum canitiei judicium, et presbyteris cognoscere consilium! Quam speciosa veteranis sapientia, et glorijs intellectus et consilium! Corona seruum multa peritia, et gloria illorum timor Dei. *Et post decem versus*: Timor Dei super omnia se superposuit. Beatus cui donatum est habere timorem Dei. Qui timet illum<sup>2</sup>, cui assimilabitur? *Et post viginti versus*: Ne respicias mulieris speciem, et non concupisca mulierem in specie.

*Et post triginta tres versus [xxvi.]*: Mulier ebriosa ira magna; et contumelia, et turpitudi illius non contegetur. Fornicatio mulieris in extollentia oculorum et in palpebris illius agnosceret. In filia non avertento se<sup>3</sup>, firma custodiam, ne inventa occasione utatur se<sup>4</sup>. Ab omni irreverentia oculorum<sup>5</sup> cave; et ne mireris si te neglexerit. *Et post quatuor versus*: Gratia mulieris sedule delectabit virum suum, et ossa illius impinguabit disciplina illius. Datus Dei mulier sensata et tacita: non est immutatio eruditæ animæ. Gratia super gratiam, mulier sancta et pudorata. Omnis autem ponderatio non est digna continentis animæ. *Et post duodecim versus*: Et qui transgreditur a justitia ad peccatum, Deus paravit eum ad rhomphaeum.

*Et post quatuor versus [xxvii.]*: Et qui querit locupletari, avertit oculum suum. *Et post tres versus*: Conteretur<sup>6</sup> delictum. Si non in timore Domini teneris te instanter, cito subvertetur domus tua. Sicut in pertusura<sup>7</sup> cribri remanebit pulvis, sic aporia hominis in cogitatu illius. Vasa siguli probat fornaix, et homines justos tentatio tribulationis. Sicut rusticatio de ligno ostendit fructum illius, sic verbum ex cogitatu hominis cordis. Ante sermonem non collaudes virum: haec enim tentatio est hominum. Si sequaris justitiam, apprehendes illam, et indues quasi poderem honoris; et habitabis cum ea, et proteget te in semipaternum, et in die agnitionis invenies firmamentum. Volatilia ad sibi similia convenient, et veritas ad eos qui operantur illam revertetur. Leo venationi insidiatur semper, sic peccata operantibus iniuriam. Homo sanctus in sapientia manet sicut sol: nam stultus sicut luna im-

<sup>1</sup> Regius codex: *Et non intelligit quoniam videt, etc. Vulgata: Et non intelligit quoniam omnis videt oculus illius, quoniam expellit a se, etc.*

<sup>2</sup> sacra Biblia, *Qui tenet illum*.

<sup>3</sup> Ediit, *non advertente se*: MSS. cum Vulgata, *non avertente se*.

<sup>4</sup> Er. Lugd. Ven. Lov. habent, *abutitur se*. M.

<sup>5</sup> Vulgata, *oculorum ejus*. Attamen abest, *ejus*, a Corb. Biblio.

<sup>6</sup> Carnut. codex, *Convertetur*. Vulgata, *conteretur cum delinqüente delictum*.

<sup>7</sup> MSS., *in pertusura*, *sive pertusura*. Vulgata, *in percussu*.

mutatur. In medio insensatorum serva verbum temporis : in medio autem cogitantum assiduus esto. Narratio peccantium odiosa, et risus eorum in delictis peccati. Loquela multum jurans horripilationem capiti statuet, et irreverentia ipsius obturatio aurum. Effusio sanguinis in rixa superborum, et maledictio illorum auditus gravis. Qui denudat arcana amici, perdit fidem, et non inveniet amicum ad animum suum. Dilige proximum, et conjungere fide cum illo : quod si deundaveris abscondita illius, non persequaris post eum. Sicut enim homo qui perdit amicum suum, sic qui perdit amicitiam proximi sui. Et sicut qui dimisit avem de manu sua, sic reliquisti proximum tuum, et non eum capies. Non illum separaris, quoniam longe abest. Effugit enim quasi caprea de laqueo ; quoniam vulnerata est anima ejus ; et ultra eum non poteris colligare. Et maledicti est concordatio : denudare autem amici mysteria, desperatio est animae infelicis. Annuens oculis fabricat iniqua, et nemo eum abieciet. In conspectu oculorum tuorum condulebit os tuum, et super sermones tuos admirabitur : novissime autem pervertet os tuum, et in verbis tuis dabit scandalum. Multa odivi, et non coequavi ei ; et Dominus odiet illum. *Et post duos versus* : Qui loveam sedit, decidet in illam ; et qui statuit lapidem proximo, offendet in eo ; et qui laqueum alii parat, peribit in illo. Facient nequissimum consilium, super illum devolvetur ; et non agnoscat unde adveniet illi. Illusio, et improperium superborum, et vindicta sicut leo insidiabitur illi. Laqueo peribunt qui oblectantur casu justorum.

*Et post tres versus* [xxviii.] : Qui vindicari vult, a Deo inveniet vindictam, et peccata illius servans servabit. Relinque proximo tuo nocenti te, et tunc deprecanti tibi peccata solventur. Homo homini reservat iram, et a Deo querit medelam ! In hominem similem sibi non habet misericordiam, et de peccatis suis deprecatur ! Ipse cum caro sit, reservat iram, et propitiationem petit a Deo ! Quis exorabit pro delictis illius ? Memento novissimorum, et desine inimicari : tabitudo enim, et mors iniminet in mandatis Dei. Memorare timorem Dei, et non irascaris proximo. Memorare testamenti Altissimi, et despice ignorantiam proximi. Abstine te a lite, et minues peccata. Homo enim iracundus incendit item ; et vir peccator turbabit amicos, et in medio pacem habentium immittit inimicitiam. *Et post quatuor versus* : Certamen festinatum incendit ignem, et lis festinans effundit sanguinem, et lingua testificans adducit mortem. Si sufflaveris<sup>2</sup>, quasi ignis exardebit ; et si exspueris super illum, extinguetur : et utraque ex ore proficiscuntur. Susurro et bilinguis maledictus : multos enim turbavit pacem habentes. Lingua tertia multos commovit, et dispersit illos a gente in gentem. Civitates muratas divitium destruxit, et domos magnatorum effudit. Virtutes populorum concidit, et gentes fortes dissolvit. Lingua tertia mulieres viratas ejicit<sup>3</sup>, et privavit illas

<sup>1</sup> Regius Ms., Sic qui reliquisti.

<sup>2</sup> Vulgata, Si sufflaveris in scintillam, quasi ignis, etc.

<sup>3</sup> Duo viss., mulieres fortes ejecit.

de taboribus suis. Qui respicit illam, non habebit requietum, nec habebit amicum in quo requiescat. *Et post aliquot versus*<sup>4</sup> : Verbis tuis facito stateram, et frenos ori tuo rectos ; et attende ne forte labaris in lingua, et cadas in conspectu inimicorum insidiantium tibi, et sit casus tuus insanabilis in mortem.

[xxix.] : Qui facit misericordiam, fenerat proximo ; et qui praevalet manu, mandata servat. Fenera proximo tibi in tempore necessitatis illius ; et iterum rede proximo tuo in tempore suo. Confirma verbum, et fideliter age cum illo ; et in omni tempore invenies quod tibi necessarium est. Multi quasi inventionem estimaverunt fenus, et presisterunt molestiam iis qui se adjuverunt. *Et post tredecim versus* : Verumtamen super humilem animo fortior esto, et pro eleemosyna non trahas illum. Propter mandatum assume pauperem, et propter inopiam illius ne dimittas eum vacuum. Perde pecuniam tuam propter fratrem et amicum, et non abscondas illam sub lapide in perditionem. Pone thesaurum tuum in praecipitis Altissimi ; et proderit tibi magis quam aurum. Conclude eleemosynam in corde pauperis ; et haec pro te exorabit ab omni male : super scutum potentis et super lanceam adversus inimicum tuum pugnabit. Vir bonus fidem facit pro proximo suo ; et qui perdiderit confusionem, derelinquet sibi<sup>5</sup>. Gratiam fidejussoris ne obliscaris ; dedit enim pro te animam suam. Repromissorem fugit peccator et immunundus. Bona repromissoris sibi ascribit peccator, et ingratus sensu derelinquit liberantem se. Vir repromittit de proximo suo, et cum perdiderit reverentiam, derelinquetur ab eo. Repromissio nequissima multos perdidit diligentes<sup>6</sup>, et commovit illos quasi fluctus maris. Viros potentes gyrans migrare fecit, et vagati sunt in gentibus alienis. Peccator transgrediens mandata Domini, incidet in promissionem nequam. *Et post unum versum* : Recupera proximum secundum virtutem tuam, et attende tibi ne incidas.

*Et post sextdecim versus* [xxx.] : Qui diligit filium suum, assiduat illi flagella, ut laetetur in novissime suo<sup>7</sup>. Qui docet filium suum, laudabitur in illo. *Et post decem versus* : Equus indomitus evadit durus, et filius remissus evadit praeceps. Lacta filium, et paventem te faciet ; lude cum illo, et contristabit te. Non corrideas illi, ne doleas, et in novissimo obstupescant dentes tui. Non des illi potestatem in juventute, et ne despicias cogitatus illius. Curva cervicem ejus in juventute, et tunde latera ejus dum infans est ; ne forte induret, et non credat tibi, et erit tibi dolor animæ. Doce filium tuum, et operare in illo, nam in turpitudine illius confundaris<sup>8</sup>. Melior est pauper sanus et fortis viribus, quam dives imbecillus et flagellatus malitia. Salus anime in sanctitate justitiae melior est omni auro et argento ; et corpus validum,

<sup>1</sup> Regius Ms. *Et post xxxm versus*.

<sup>2</sup> Carnutensis codex, derelinquet tibi. Sed alii melius, de-  
relinquet sibi ; subaudi, proximum. Nam grucus textus ita  
sonat : *Et qui perdidit verecundiam, derelinquet illam*.

<sup>3</sup> Legendum ut in sacris Biblis, dirigentes.

<sup>4</sup> In Vulgata post, novissimo suo, additur, et non palpat  
proxinorum ostia : quod a graco abest.

<sup>5</sup> Vulgata, ne in turpitudinem illius offendas.

quoniam census immensus. Non est census super censum salutis corporis; et non est oblectatio super cordis gaudium. Melior est mors quam vita amara, et requies æterna quam languor perseverans. Bona abscondita in ore clauso, quasi appositiones epularum circumpositæ sepulcro. *Et post quinque versus*: Tristitiam non des animæ tuæ, et non affligas temetipsum in consilio tuo. Jucunditas cordis hæc est vita hominis, et thesaurus sine defectione sanctitatis, et exsultatio viri est longævitatis. Miserere animæ tuæ placens Deo, et contine; et congrega cor tuum in sanctitate ejus, et tristitia longe expelle a te. Multos enim occidit tristitia, et non est utilitas in illa. Zelus et iracundia minuent dies, et ante tempus senectam adducit cogitationis.

*Et post decem versus [xxxii.]*: Qui aurum diligit, non justificabitur; et qui insequitur consumptionem, replebitur ex ea. Multi dati sunt in auri casus<sup>1</sup>, et facta est in specie illius perditio illorum. Lignum offensionis est aurum sacrificantium: vñ illis qui sectantur illud, et omnis imprudens deriperet<sup>2</sup> in illo. Beatus dives qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Quis<sup>3</sup> probatus est in illo, et perfectus est? et erit illi gloria æterna. Qui potuit transgredi, et non est transgressus; et facere mala, et non fecit: ideo stabilita sunt bona illius in Domino, et eleemosynas illius enarrabit Ecclesia sanctorum. *Et post aliquot versus*: Uttere quasi hono frugi, iis que tibi apponuntur, ut noui, cum manducas multum, odio habearis. Cessa prior disciplinæ causa, et noli nimis esse, ne forte offendas. Etsi in medio multorum sedisti, prior illis non extendas manum tuam, nec prior poscas bibere. Quam sufficiens est homini eruditio vinum exiguum. *Et post aliquot versus*: Diligentes in vino noli provocare; multos enim exterminavit vinum.

*Et post viginti sex versus [xxxiii.]*: Loquere major natu; decet enim te primum verbum diligenti scientiam<sup>4</sup>; et non impediendas musicam. Ubi auditus non est, effundas sermonem; et importune noli extollи sapientia tua. *Et post quinque versus*: Adolescens, loquere in tua causa, vix cum necesse fuerit<sup>5</sup>. Si bis interrogatus fueris, habeat caput responsum tuum. In multis esto quasi inscius, et audi tacens simul et quærens. In medio magnatorum loqui non presumas<sup>6</sup>; et ubi sunt senes, non multum loquaris. Ante grandinem præbit coruscatio, et ante verecundiam præbit gratia, et pro reverentia accedet tibi bona

gratia<sup>7</sup>. Praecurre autem prior in domum tuam, et illic avocare, et illic lude, et age conceptiones tuas, et non in delictis et verbo superbo. Et super his omnibus benedicito Deum, qui fecit te, et inebriantem te ab omnibus bonis suis. Qui timet Deum, excipiet doctrinam ejus; et qui vigilaverint ad illum, invenient benedictionem. Qui querit legem, replebitur ab ea; et qui insidiose agit, scandalizabitur in ea. Qui timent Dominum, invenient iudicium justum, et justitiam quasi lumen accendent. Peccator homo devitabit correptionem, et secundum voluntatem suam inveniet comparationem. Vir consilii non disperdet intelligentiam. *Et post quatuor versus*: Fili, sine consilio nihil facias; et post factum non poenitebis. *Et post paucos versus*: Qui credit Deo, attendet mandatis; et qui confidit in illo, non minorabitur.

[xxxiii.] Timenti Dominum non occurrent mala: sed in tentatione Deus illum conservabit, et liberabit a malis. Sapiens non odit mandata et justitias; et non illidetur quasi navis in procella. Homo sensatus credit legi Dei, et lex illi fidelis. Qui interrogationem manifestat, parabit verbum.

*Et post paululum [xxxiv.]*: Vana spes, et mendacium viro insensato; et somnia extollunt imprudentes. Et quasi qui apprehendit umbram, et sequitur ventum; sic et qui attendit ad visa mendacia. Hoc secundum visio somniorum, ante faciem hominis similitudo hominis. Ab immundo quid mundabitur? et a mendace quid verum dicetur? Divinatio erroris, et auguria mendacia, et somnia male facientium, vanitas est. Et sicut parturientis cor tuum phantasias patitur, nisi ab Altissimo fuerit emissa visitatio: ne dederis in illis cor tuum. Multos enim errare fecerunt somnia, et exciderunt sperantes in illis. Sine mendacio consummabitur verbum, et sapientia in ore fidelis contemplabitur<sup>8</sup>. *Et post quinque versus*: Multa vidi enarrando<sup>9</sup>, et plurimas verborum consuetudines. Aliquoties usque ad mortem periclitatus sum horum causa, et liberatus sum gratia Dei. Spiritus timentium Deum queritur, et in respectu illius benedicentur<sup>10</sup>. Spes enim illorum in salvamentu illos; et oculi Dei in diligentes se. Qui timet Dominum, nihil trepidabit, et non pavebit; quoniam ipse est spes ejus. Timentis Dominum, beata est anima. Ad quem respicit? et quis est fortitudo ejus? Oculi Domini super timentes eum: protector potentiae, firmamentum virtutis, tegimen ardoris et umbraculum meridianum<sup>11</sup>; deprecatio offensionis et adjutorium casus; exaltans animam et illuminans oculos, dans sanitatem et vitam et benedictionem. Immolantis ex iniquo oblato est maculata, et non sunt beneplacitæ subsannationes injustorum. Dominus solus sustinen-

<sup>1</sup> Grace., eis plena charin chrusiou, in casum propter aurum.

<sup>2</sup> Regius codex, decipietur.

<sup>3</sup> Cousonal græc. lis edokimasthē. At vulgata præfert, qui prebatus est.

<sup>4</sup> Regius Ms., dilige scientiam. Carnutensis, diligenter scientiam. Vulgata, diligenter scientia. Denique græc. sonal, et diligenter scientia

<sup>5</sup> Regius codex caret his verbis, cum accesso fuerit: quæ a vulgata quidem absunt, sed non a græco textu.

<sup>6</sup> Regius codex et sacra Biblia caret verbo, loqui.

<sup>7</sup> In vulgata, versiculus 13 capituli 5 sic facit: *Et hora surgendi non te trices; praecurre autem, etc.*

<sup>8</sup> Vulgata: Consummabitur verbum legis, et sapientia in ore fideli complanabitur. Ms. codices speculi, in ore fidei.

<sup>9</sup> Legendum, ridi in errando: sive uti in sacris Biblis, ridi errando.

<sup>10</sup> Vulgata, benedicetur

<sup>11</sup> Vulgata, meridianum.

tibus se in via veritatis et iustitiae. Dona iniquorum non probat Altissimus, nec respicit in oblationibus iniquorum, nec in multitudine sacrificiorum eorum propitiabitur peccatis. Qui offert sacrificium ex substantia pauperum, quasi qui victimat filium in conspectu patris sui Panis indigentium, vita pauperis est; qui defraudat illum, homo sanguinum est. Qui auferat in sudore panem, quasi qui occidit proximum suum. Qui effundit sanguinem, et qui fraudem facit mercenario, fratres sunt. Unus edificans et unus destruens, quid prodest illis nisi labor? Unus orans, et unus maledicens, cuius vocem exaudiet Deus? Qui baptizatur a mortuo, et iterum tangit illum, quid proficit lavatio illius? Sic homo qui jejunat in ecclesiis suis, et iterum eadem facit, quid proficit humiliando se? orationem ejus quis exaudiens?

[xxxv.] Qui conservat legem, multiplicat orationem. Sacrificium salutare est attendere mandatis, et discedere ab omni iniquitate; et propitiationem littare sacrificii super injusticias, et deprecatione pro peccatis, recedere ab injustitia. *Et post paucos versus*: Non apparebis in conspectu Dei vacuus. Hec enim omnia propter mandata Domini sunt. Oblatio justi impinguat altare, et odor suavitatis est in conspectu Altissimi. Sacrificium justi acceptum est, et memoriariam ejus non oliviscetur Dominus. Bono animo gloriam redde Deo, et non minuas primitias manuum tuarum. In omni dato hilarem fac vultum tuum, et in exultatione sanctifica decimas tuas. Da Altissimo secundum datum ejus, et in bono oculo ad inventio nem facito manuum tuarum; quoniam Dominus retribuens est, et septies reddet tantum tibi. Noli offerre munera prava; non enim suscipiet illa. Noli respicere sacrificium injustum; quoniam Dominus iudex est, et non est apud illum gloria personae. Non accipiet Dominus personam in pauperem, et preicationem hesi exaudiet. Non despiciet preces pupilli, nec viduae, si effundat loquaciam gemitus. Nonne lacryma ad maxillam descendit, et exclamatio a maxilla ascendit propter illud quod descendit super illum? *Et post quatuor versus*: Oratio humilantis se, nubes penetrabit.

*Et post aliquantum [xxxvii.]*: Cum viro sancto assiduus esto, quemcumque cognoveris observantem timorem Dei, cuius anima est secundum animam tuam. *Et post quinque versus*: Et in his omnibus deprecare Altissimum, ut dirigit in veritate viam tuam. *Et post viginti et unum versus*: Fili, in vita tua tenta animam tuam; et si fuerit nequam, non des illi potestatem. Non enim omnibus omnia expediunt, et non omni animae omne genus placet. Noli avidus esse in omni epulatione, et non te effundas super omnem escam.

*Et post quatuor versus [xxxviii.]*: Honora medicum propter necessitatem; etenim illum creavit Altissimus. A Deo enim est medela, et a rege accipiet donationem. Disciplina medici exaltabit caput ipsius, et in conspec-

<sup>1</sup> sacra Biblia: Nonne lacrymæ viduæ ad maxillam descendunt, et exclamatio ejus super deducentem eas?

etu magnatorum collaudabitur. Altissimus creavit de terra medicinam<sup>1</sup>, et vir prudens non abhorrebit il lam. Nonne a ligno indulcata est aqua amara? Ad agnitionem hominum virtus illius, et dedit homini scientiam Altissimus, honorari in mirabilibus suis. In hic curans mitigavit dolorem ipsum<sup>2</sup>. *Et post quatuor versus*: Fili, in tua infirmitate non desperes; sed ora Dominum, et ipse curabit te. Averte a delicto, et dirige manus, et ab omni delicto munda cor tuum. *Et post unum versus*: Et impingua oblationem, et da locum medico; etenim illum Dominus creavit: et non discedat a te; quoniam opera ejus sunt necessaria. Est enim quando in manus illorum incurras: ipsis vero Domini deprecabuntur, ut dirigat requiem eorum et sanitatem propter conversationem illorum<sup>3</sup>. *Et post unum versus*: Fili, in mortuum produc lacrymas, et quasi dira passus incipe plorare. Et secundum iudicium contege corpus illius, et non despicias sepulturam illius. Propter delaturam amare fer luctum illius una die, et consolare propter tristitiam; et sic luctum secundum meritum ejus uno die vel duobus, propter detractionem. A tristitia enim festinat mors, et cooperiet virtutem, et tristitia cordis flectet cervicem. *Et post unum versus*: Non dederis in tristitiam cor tuum. *Et post novem versus*: Sapientia scriba in tempore vacuitatis, et qui minoratur actu sapientiam percipiet.

*Et paulo post [xxxix.]*: In voce dico, Obaudite me, divini fructus aquarum, et quasi rosa plantata super rivum fructificate<sup>4</sup>. Quasi Libanus odorem suavitatis habete. Florete flores quasi lily, date odorem, et frondete in gratiam, et collaudate canticum, et benedicite Dominum in operibus suis. Date magnificentiam nomini ejus, et consitemini illi in voce labiorum vestrorum, in canticis labiorum et citharis; et sic dicetis in confessione: Opera Domini universa bona valde. In verbo ejus stetit aqua sicut congeries, et in sermone oris ejus sicut exceptoria aquarum. Quoniam in precepto ipsius placor sit, et non est minoratio in salute illius. Opera omnis carnis coram illo, et non est quidquam absconditum ab oculis ejus. A saeculo et usque in saeculum respiciet<sup>5</sup>; et nihil est mirabile in conspectu ejus. Non est dicere, Quid est hoc? aut quid est illud? omnia enim in tempore suo querentur.

*Et paulo post [xl.]*: Gratia sicut paradisus in benedictionibus, et misericordia in saeculum permanet. *Et post duodecim versus*: Fratres in adjutorium in tempore tribulationis, et super eos misericordia liberabit.

*Et post paululum [xi.]*: Sapientia enim abscondita, et thesaurus occultus, quae utilitas in utrisque? Melior est homo qui abscondit stultitiam suam, quam homo qui abscondit sapientiam suam.

*Et aliquando post [lxiii.]*: Benedicentes Dominum,

<sup>1</sup> In sacris Biblia, medicamenta,

<sup>2</sup> Vulgata: Mitigabit dolorem, et unguentarius ipsum. Præterea in v. 9, pro, non desperes, habet, ne despicias te ipsum.

<sup>3</sup> MSS., propter conversionem illorum.

<sup>4</sup> In Vulgata habetur: Dicit, Obaudize me, dirini fructus et quasi rosa plantata super rivos aquarum fructificate.

<sup>5</sup> Vulgata, respici.

exalte illum quantum potestis; major est omni laude. Exaltantes eum replemini virtute.

*Et post multa [lx.]*: Appropiate ad me, indocti, et congregamini in domum disciplinæ. Quid adhuc retardatis? et quid adhuc dicitis in his? animæ vestre sicuti vehementer. Aperui os meum, et locutus sum: Comparete vobis sine argento sapientiam<sup>1</sup>, et collum vestrum subjecite jugo, et suscipiet anima vestra disciplinam. In proximo enim est invenire eam. Videite oculis vestris, quoniam modice laboravi, et inveni nibi multam requiem. Assunite disciplinam in multo numero argenti, et copiosum aurum possidete in ea. Lætetur anima vestra in misericordia ejus, et non confundemini in laude ipsius. Operamini opus vestrum ante tempus, et dabit vobis mercedem vestram in tempore suo.

*De libro Tobiae ista ponenda credidimus.*

#### DE TOBIÆ LIBRO.

[Cap. iv.] Honorem habebis matri tue omnibus diebus vitae ejus. Memor enim esse debes, quæ et quanta pericula passa sit propter te in utero suo. *Et post duos versus*: Omnibus autem diebus vitae tue Deum in mente habe, et cave ne aliquando peccato consentias, et prætermissas præcepta Dei tui. Ex substantia tua fac eleemosynam, et noli avertere faciem tuam ab ullo paupere: ita enim fiet, ut nec a te avertatur facies Domini. Quo modo potueris, ita esto misericors. Si multum tibi fuerit, abundantier tribue: si exiguum fuerit, etiam exiguum libenter impertire stude. Præmium enim tibi bonum thesaurizas in die necessitatis. Quoniam eleemosyna ab omni peccato et a morte liberat, et non patitur animam ire in tenebras. Fiducia magna erit coram summo Deo eleemosyna omnibus, qui faciunt eam. Attende tibi, fili, ab omni fornicatione, et præter uxorem tuam: nunquam patiaris crimen scire. Superbiam autem nunquam in tuo sensu aut in tuo verbo dominari permittas: in ipsa enim initium sumpsit omnis perditio. Quicumque aliquid tibi operatus fuerit, statim mercedem ei restitue; et merces mercenarii apud te omnino non maneat. Quod ab alio odis fieri tibi, vide ne alteri tu aliquando facias. Panem tuum cum esurientibus egenis comedere, et de vestimentis tuis nudos tege. *Et post duos versus*: Consilium semper a sapiente perquire. Omni tempore bencdic Deum, et pete ab eo, ut vias tuas dirigat, et omnia consilia tua in ipso permaneant. *Et post septem versus*<sup>2</sup>: Noli timere, fili mi: pauperem quidem vitam gerimus, sed multa bona habebimus, si timuerimus Deum, et recesserimus ab omni peccato, et fecerimus bene.

*Et post multa [xii.]*: Tunc Raphael dixit eis occulite: Benedicite Deum cœli, et coram omnibus viventibus confitemini illi, quoniam fecit vobiscum misericordiam suam. Etenim sacramentum regis abscondere bonum est: opera autem Dei revelare et confiteri, honorificum est. Bona est oratio cum jejunio, et eleemosyna magis quam thesauros auri recondere. Quoniam

eleemosyna a morte liberat, et ipsa est quæ purget peccata, et facit invenire vitam æternam. Qui autem faciunt peccatum et iniuriam, hostes sunt animæ suæ.

*Et paulo post [xiv.]*: Audite ergo, filii mei, patrem vestrom: Servite Domino in veritate et inquirete ut faciatis quæ sunt placita illi; et filiis vestris mandate, ut faciant justicias et eleemosynas, ut sint memores Dei, et benedicant eam in omni tempore, in veritate et in tota virtute sua.

*Jam nunc quoniam non omnes libri canonici Veteris que Testamenti<sup>3</sup> huic operi nostro necessaria dederunt; neque ii qui dederunt ex omnibus suis locis conveniebat ut darent, sed ex eis tantum ubi apertiora morum bonorum præcepta comperimus; sive ubi utilia jubentur, sive ubi contraria prohibentur: ad sacras Litteras evangelicas et apostolicas transeamus. Caput in canone Testamenti Novi notissima et præclarissima quatuor Evangelia tenuerunt, in quorum primo, quod secundum Matthæum est, ea quæ nobis sunt ad hoc opus, quod suscepimus, congrua, videamus.*

#### DE EVANGELIO SECUNDUM MATTHÆUM.

[Cap. v.] Videns autem Dominus turbas, ascendit in montem: et cum sedisset, accesserunt ad eum discipuli ejus. Et aperiens os suum docebat eos, dicens: Beati pauperes spiritu; quoniam ipsorum est regnum cœlorum. Beati mites; quoniam ipsi possidebunt terram. Beati qui lugent; quoniam ipsi consolabuntur. Beati qui esuriunt et sitiunt justitiam; quoniam ipsi saturabuntur. Beati misericordes; quoniam ipsi misericordiam consequentur. Beati muudo corde; quoniam ipsi Deum videbunt. Beati pacifci; quoniam filii Dei vocabuntur. Beati qui persecutionem patiuntur propter justitiam; quoniam ipsorum est regnum cœlorum. Beati estis cum maledixerint vobis homines<sup>4</sup>, et persecuti vos fuerint, et dixerint omne malum adversum vos mentientes, propter me: gaudete et exultate, quoniam merces vestra copiosa est in cœlis; sic enim persecuti sunt Prophetas qui fuerunt ante vos. Vos estis sal terræ: quod si sal evanuerit, in quo salictur? Ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas ascendi supra montem posita: neque ascendunt lucernam, et ponunt eam sub modio; sed super candelabrum, ut luceat omnibus qui in domo sunt. Sic luceat lux vestra coram hominibus, ut videant vestra bona opera, et glorificant Patrem vestrum qui in cœlis est. Nolite putare quoniam veni solvere Legem, aut Prophetas: non veni solvere, sed adimplere. Amen dico vobis, donec transeat cœlum et terra, iota unum, aut unus apex non præteribit a Lege donec omnia flant. Qui ergo solverit unum de mandatis istis minimis, et docuerit sic homines, minimus vocabitur in regno cœlorum: qui autem fecerit et docuerit, hic magnus vocabitur in regno cœlorum. Dico autem vobis, quoniam nisi abundaverit justitia vestra plus quam

<sup>1</sup> Vox, sapientiam, abest a MSS. necnon a sacris Bibliis.

<sup>2</sup> Regius Ms.: *Et post viii versus.*

Scribarum et Pharisaeorum, non intrabitis in regnum celorum. Audistis quia dictum est antiquis, Non occides : qui autem occiderit, reus erit iudicio. Ego autem dico vobis, quia omnis qui irascitur fratri suo, Reus erit iudicio : qui autem dixerit fratri suo, Racha ; reus erit concilio : qui autem dixerit, Fatue ; reus erit gebennæ ignis. Si ergo offeras munus tuum ad altare, et ibi recordatus fueris, quia frater tuus habet aliquid adversum te ; relinque ibi munus tuum ante altare, et vade prius reconciliari fratri tuo, et tunc veniens offeres<sup>1</sup> munus tuum. Esto consentiens adversario tuo cito, dum es in via cum eo ; ne forte tradat te adversarius iudici, et judex tradat te ministro, et in carcere mittatur. Amen dico tibi, non exies inde donec reddas novissimum quadrantem. Audistis quia dictum est antiquis, Non moechaberis. Ego autem dico vobis, quia omnis qui videbit mulierem ad concupiscendum eam, jam moechatus est eam in corde suo. Quod si oculus tuus dexter scandalizat te, erue eum, et projice abs te. Expedit enim tibi ut unum pereat membrorum tuorum, quam totum corpus tuum mittatur<sup>2</sup> in gehennam. Et si dextera manus tua scandalizat te, abscide eam, et projice abs te. Expedit enim tibi ut unum pereat membrorum tuorum, quam totum corpus tuum eat in gehennam. Dictum est autem, Quicumque dimiserit uxorem suam, det illi libellum repudii. Ego autem dico vobis, quia omnis qui dimiserit uxorem suam, excepta fornicationis causa, facit eam moechari : et qui dimissam duxerit, adulterat. Item audistis quia dictum est antiquis, Non perjurabis : reddes autem Domino juramenta tua. Ego autem dico vobis, non jurare omnino, neque per coenun, quia thronus Dei est ; neque per terram, quia scabellum pedum ejus est ; neque per Jerosolymam, quia civitas est magni regis ; neque per caput tuum iuraveris ; quia non potes unum capillum album facere aut nigrum. Sit autem sermo vester, Est, est ; Non, non : quod autem his abundantius est, a malo est. Audistis quia dictum est, Oculum pro oculo, et dentem pro dente. Ego autem dico vobis, non resistere malo ; sed si quis te percuserit in dexteram maxillam tuam, præbe illi et alteram : et ei qui vult tecum in iudicio contendere, et tunicam tuam tollere, dimitt ei et pallium. Et quicumque te angariaverit ire mille paasus, vade cum illo alia duo. Qui petit a te, da ei : et volentem<sup>3</sup> mutuari a te, ne avertaris. Audistis quia dictum est<sup>4</sup>, Diliges proximum tuum, et odies inimicum tuum. Ego autem dico vobis, Diligithe inimicos vestros, benefacite iis qui vos oderunt, et orate pro persecutibus, et calumniatis vos : ut sitis filii Patris vestri qui in celis est, qui solem suum oriri facit super malos et bonos, et pluit super justos et injustos. Si enim diligitis eos qui vos diligunt, quam mercedem habebitis? nonne et publicani hoc faciunt? Et si salu-

taveritis fratres, vestros tantum, quid amplius facitis? nonne et Ethnici hoc faciunt? Estote ergo vos perfecti, sicut et Pater vester celestis perfectus est.

[vi.] Attendite ne justiam vestram faciatis cum hominibus, ut videamini ab eis : aliquin mercedem non habebitis apud Patrem vestrum qui in celis est. Cum ergo facis eleemosynam, noli tuba canere ante, sicut hypocritæ faciunt in synagogis et in vicis, ut honorificentur ab hominibus. Amen dico vobis, receperunt mercedem suam. Te autem faciente eleemosynam, nesciat sinistra tua quid faciat dextera tua, ut sit eleemosyna tua in absconso : et Pater tuus qui videt in absconso, reddet tibi. Et cum oratis, non eritis sicut hypocritæ, qui amant in synagogis et in angulis platearum stantes orare ; ut videantur ab hominibus. Amen dico vobis, receperunt mercedem suam. Tu autem cum oraveris<sup>5</sup>, intra in cubiculum tuum, et clauso ostio ora Patrem tuum in absconso : et Pater tuus qui videt in absconso, reddet tibi. Orantes autem nolite multum loqui, sicut Ethnici : putant enim quia in multiloquio suo exaudiantur. Nolite ergo assimilari eis, scit enim Pater vester quid opus sit vobis<sup>6</sup>, antequam petatis eum. Sic ergo orabitis : Pater noster qui es in celis; sanctificetur nomen tuum. Adveniat regnum tuum. Fiat voluntas tua sicut in celo et in terra. Panem nostrum supersubstantialem<sup>7</sup> da nobis hodie. Et dimitte nobis debita nostra, sicut et nos dimittimus debitoribus nostris. Et ne nos inducas in temptationem : sed libera nos a malo. Si enim dimiseritis hominibus peccata eorum, dimittet vobis Pater vester celestis delicta vestra. Si autem non dimiseritis hominibus, nec Pater vester dimittet vobis precatia vestra. Cum autem jejunatis, nolite fieri sicut hypocrite tristes. Exterminant enim facies suas, ut appareant hominibus jejunantes. Amen dico vobis, perceperunt mercedem suam. Tu autem cum jejunas, unge caput tuum, et lava faciem tuam ; ne videaris hominibus jejunans, sed Patri tuo qui est in absconso : et Pater tuus qui videt in absconso, reddet tibi. Nolite thesaurizare vobis thesauros in terra, ubi ærugo et tinea demolitur, et ubi fures effodiunt et furantur. Thesaurizate autem vobis thesauros in celo, ubi neque ærugo neque tinea demolitur, et ubi fures non effodiunt nec furantur. Ubi enim est thesaurus tuus, ibi est et cor tuum. Lucerna corporis tui est oculus<sup>8</sup>. Si fuerit oculus tuus simplex, totum corpus tuum lucidum erit : si autem oculus tuus nequam fuerit, totum corpus tuum tenebrosum erit. Si ergo lumen quod in te est tenebra sunt, ipsæ tenebrae quanto erunt! Nemo potest duobus dominis servire : aut enim unum odio habebit, et alterum diligit ; aut unum sustinebit, et alterum contemnet. Non potestis Deo servire et

<sup>1</sup> In Ms. Carthagensi et antiquis Corb. Bibl., cum oratis. Hoc eodem versiculo post, ostio, additur, tao, in Corb. Bibl. et in gracco.

<sup>2</sup> Regius codex, quibus opus sit vobis. Græc. hñm chreian echeta.

<sup>3</sup> Editi, quotidianum.. At MSS. cum sacris Biblis, super-substantiale.

<sup>4</sup> Sic omnes codices hujus Speculi. At Vulgata: *Lucerna corporis tui est oculus tuus*. Græca autem littera non solum aliud quam: *Lucerna corporis est oculus*.

<sup>1</sup> Regius codex, offer ; juxta græcum, prospere.

<sup>2</sup> MSS. eat.

<sup>3</sup> Sic editi et MSS. codices hujus operis ; juxta græcum, ion thelonia apò soi danciasthæd. At Vulgata, volenti mutuari a te. Postea vero Regius codex pro; ne avertaris, habet, ne avertas : in græco eat, mè apòstrophës.

<sup>4</sup> Editi addunt hic, antiquis : que vox a MSS. abest et a sacris Biblis.

mammonæ. Ideo dico vobis, ne solliciti sitis animæ vestræ quid manducetis, neque corpori vestro quid induamini. Nonne anima plus est quam esca, et corpus plus quam vestimentum? Respicite volatilia cœli, quoniam non serunt, neque metunt, neque congregant in horrea, et Pater vester cœlestis pascit illa: nonne vos magis pluris estis illis? Quis autem vestrum cogitans potest adjicere ad staturam suam cubitum unum? Et de vestimento quid solliciti estis? Considerate lilia agri quomodo crescunt: non laborant, neque nent. Dico autem vobis, quoniam nec Salomon in omni gloria sua coopertus est sicut unum ex istis. Si autem fenum agri quod hodie est, et cras in clibanum mittitur, Deus sic vestit; quanto magis vos modice fidei?<sup>1</sup> Nolite ergo solliciti esse dicentes, quid manducabimus? aut quid bibemus? aut quo operiemur? Hæc enim omnia Gentes inquirunt: scit enim Pater vester quia his omnibus indigetis. Querite ergo primum regnum Dei et justitiam ejus, et hæc omnia adjicientur vobis. Nolite ergo solliciti esse in crastinum. Crastinus enim dies sollicitus erit sibi ipsi: sufficit diei malitia sua.

[vii.] Nolite judicare, ut non judicemini. In quo enim iudicio iudicaveritis, iudicabimini; et in qua mensura mensi fueritis, remetietur vobis. Quid autem vides festucam in oculo fratris tui, et trabem in oculo tuo non vides? Aut quomodo dicis fratri tuo, Sine ejiciam festucam de oculo tuo: et ecce trabes est in oculo tuo? Hypocrita, ejice primum trabem de oculo tuo; et tunc videbis ejicere festucam de oculo fratris tui. Nolite sanctum dare canibus, neque misericordias vestras ante porcos, ne forte conculcent eas pedibus suis, et conversi disrumpant vos. Petite, et dabitur vobis; querite, et invenietis; pulsate, et aperiatur vobis. Omnis enim qui petit, accipit; et qui querit, invenit; et pulsanti aperietur. Aut quis ex vobis homo, quem si petierit filius suus panem, numquid lapidem porrigit ei? Aut si pisces petierit, numquid serpentem porrigit ei? Si ergo vos, cum sitis mali, nostis bona data dare filiis vestris; quanto magis Pater vester, qui in cœlis est, dabit bona potentibus? Omnia ergo quæcumque vultis ut faciant vobis homines, et vos facite eis: hæc est enim Lex et Prophetæ. Intrate per angustam portam; quia lata porta et spatiosa via, que dicit ad perditionem, et multi sunt qui intrant per eam. Quam angusta porta et arcta via, que dicit ad vitam, et pauci sunt qui inveniunt eam. Attendite a falsis prophetis, qui veniunt ad vos in vestimentis ovium, intrinsecus autem sunt lupi rapiaces. Ex fructibus eorum cognoscetis eos. Numquid colligunt de spinis uvas, aut de tribulis ficus? Sic omnis arbor bona fructus bonos facit; mala autem arbor, fructus malos facit. Non potest arbor bona fructus malos facere, neque arbor mala fructus bonos facere. Omnis arbor quæ non facit fructum bonum exculetur, et in ignem mittetur. Igitur ex fructibus eorum cognoscetis eos. Non omnis qui dicit mihi, Domine, Domine, intrabit in regnum cœlorum: sed qui

<sup>1</sup> Sic MSS. juxta Vulgatam. At editi, minime fidei.

facit voluntatem Patris mei qui in cœlis est, ipse intrabit in regnum cœlorum. Multi dicent mihi in illa die, Domine, Domine, nosne in nomine tuo prophetavimus, et in tuo nomine daemonia ejecimus, et in tuo nomine virtutes multas fecimus? Et tunc confitebor illis, quia nunquam novi vos: discedite a me qui operamini iniquitatem. Omnis ergo qui audit verba mea hæc, et facit ea, assimilabitur viro sapienti, qui aedificavit domum suam supra petram: et descendit pluvia, et venerunt flumina, et flaverunt venti, et irruerunt<sup>1</sup> in domum illam, et non cecidit; fundata enim erat supra petram. Et omnis qui audit verba mea hæc, et non facit ea, similis erit viro stulto, qui aedificavit domum suam supra arenam: et descendit pluvia, et venerunt flumina, et flaverunt venti, et irruerunt in domum illam, et cecidit, et fuit ruina ejus magna.

Et paulo post [x.]: Gratis accepistis, gratis date. Nolite possidere aurum, neque argentum, neque pecuniam in zonis vestris; non peram in via, neque duas tunicas, neque calceamenta, neque virgam: dignus est enim operarius cibo suo. In quamcumque civitatem aut castellum intraveritis, interrogate quis in ea dignus sit, et ibi manete donec exeat. Intrantes autem in domum, salutate eam dicentes, Pax huic domui<sup>2</sup>. Et si quidem fuerit domus illa digna, veniet pax vestra super illam: si autem non fuerit digna, pax vestra ad vos revertetur. Et quicumque non receperit vos, neque audierit sermones vestros, executes foras, de domo vel de civitate, executite pulvrem de pedibus vestris. Amen dico vobis, tolerabilius erit terræ Sodomorum, et Gomorrhæorum in die iudicii, quam illi civitati. Ecce ego mitto vos sicut oves in medio Inporum. Estote ergo prudentes sicut serpentes, et simplices sicut columbæ. Cavete autem ab hominibus. Trident enim vos in conciliis, et in synagogis suis flagellabunt vos; et ad praesides et reges ducemini propter me, in testimonium illis et gentibus. Cum autem tradent vos, nolite cogitare quomodo aut quid loquamini: dabitus enim vobis in illa hora quid loquamini. Non enim vos estis, qui loquimini; sed Spiritus Patris vestri, qui loquitur in vobis. Tradet autem frater fratrem in mortem, et pater filium; et insurgent filii in parentes, et morte eos afficiant. Et critis odio omnibus hominibus<sup>3</sup> propter nomen meum. Qui autem perseveraverit usque in finem, hic salvus erit. Cum autem consequentur vos in civitate ista, fugite in aliam. Amen dico vobis, non consummabitis<sup>4</sup> civitates Israel, donec veniat Filius hominis. Non est discipulus super magistrum, nec servus super dominum suum. Sufficit discipulo, ut sit sicut magister

<sup>1</sup> MSS., incidentur. Græc., prosépon.

<sup>2</sup> Sic editi juxta Vulgatam. At MSS. carent his verbis, dicens, Pax huius domus; quia nec in græco textu habentur, nec apud Hieronymum. Quin inquit cum Hieronymus eum in locum dicit, «Occulte salutationem hebrei ac syri sermonis e expressit; » significat salutationis formulam explicitè prolatam a Mattheo non fuisse, sed tantum implicite, eo videlicet quod subsequitur, veniet pax vestra super eum. Sed exprimitur a Iuca, cap. 10, v. 8.

<sup>3</sup> vox, hominibus, abeat a Regio codice, neconon a græco textu, et a Vulgata: sed exstat tamen in vetustis Corp. Bibliis.

<sup>4</sup> Regius codex, mercurialis.

ejus ; et servo , sicut dominus ejus. Si patrem familias Belzebul vocaverunt, quanto magis domesticos ejus ? Ne ergo timueritis eos. Nil enim opertum est quod non revelabitur , et occultum quod non sciatur. Quod dico vobis in tenebris , dicite in lumine ; et quod in aure auditum , prædicte super tecta. Et nolite timere eos qui occidunt corpus , animam autem non possunt occidere : sed potius cum timete , qui potest et animam et corpus perdere in gehennam. Nonne duo passeris asse veneunt , et unus ex illis non cadet super terram sine Patre vestro ? Vestri autem et capilli capitatis omnes numerati sunt. Nolite ergo timere ; multis passeribus meliores estis vos. Omnis ergo qui confitebitur me coram hominibus , confitebor et ego eum coram Patre meo qui in cœlis est. Qui autem negaverit me coram hominibus , negabo et ego eum coram Patre meo qui in cœlis est. Nolite arbitrari quia venerim pacem mittere in terram : non veni pacem mittere , sed gladium. Veni enim separare hominem adversus patrem suum , et filiam adversus matrem suam , et nurum adversus socrum suam ; et inimici hominis , domestici ejus. Qui amat patrem aut matrem plus quam me , non est me dignus : et qui amat filium aut filiam super me , non est me dignus. Et qui non accipit crucem suam et sequitur me , non est me dignus. Qui invenit animam suam , perdet illam ; et qui perdidit animam suam propter me , inveniet eam. Qui recipit vos , me recipit ; et qui me recipit , recipit eum qui me misit. Qui recipit prophetam in nomine prophetæ , mercedem prophetæ accipiet ; et qui recipit justum in nomine justi , mercedem justi accipiet. Et quicumque potum dederit uni ex minimis istis , calicem aquæ frigide tantum in nomine discipuli , amen dico vobis , non perdet mercedem suam.

*Et paulo post [xi.] :* Cui autem similem aestimabo generationem istam ? Similis est pueris sedentibus in foro , qui claimantes coequalibus , dicunt : Cecinimus vobis , et non saltastis ; lamentavimus , et non planxistis. Venit enim Joannes neque manducans , neque bibens ; et dicunt : Dæmonium habet. Venit Filius hominis manducans , et bibens ; et dicunt : Ecce homo vorax , et potator vini , publicanorum et peccatorum amicus. Et justificata est sapientia a filii suis. *Et post paululum :* Venite ad me , omnes qui laboratis , et onerati estis ; et ego reficiam vos. Tollite jugum meum super vos , et discite a me quia mitis sum et humilis corde ; et invenietis requiem animabus vestris. Jugum enim meum suave est , et onus meum leve est.

*Item post paululum [xii.] :* Si autem sciretis quid est , Misericordiam volo , et non sacrificium , nunquam condemnassetis innocentes. *Et post paululum :* Qui non est mecum , contra me est ; et qui non congregat mecum , spargit. Ideo dico vobis , omne peccatum et blasphemia remittetur hominibus : Spiritus autem blasphemia non remittetur. Et quicumque dixerit verbum contra Filium hominis , remittetur ei : qui autem dixerit contra Spiritum sanctum , non remittetur ei , neque in hoc sæculo , neque in futuro. Aut facite arborem bonam , et fructum ejus bonum ; aut facite

arborem malam , et fructum ejus malum : siquidem ex fructu arbor cognoscitur. Progenies viperarum , quomodo potestis bona loqui , cum sitis mali ? Ex abundantia enim cordis os loquitur. Bonus homo de bono thesauro cordis sui profert bona<sup>1</sup> ; et malus homo de malo thesauro profert mala. Dico autem vobis , quoniam omne verbum otiosum quod locuti fuerint homines , reddent rationem de eo in die judicii. Ex verbis enim tuis justificaberis , et ex verbis tuis condemnaberis.

*Et post aliquantum [xv.] :* Audite , et intelligite. Non quod intrat in os , coquinat hominem : sed quod procedit ex ore , hoc coquinat hominem. *Et paulo post :* Respondens autem Petrus , dixit ei , Edissere nobis parabolam istam. At ille dixit , Adhuc et vos sine intellectu estis ? Non intelligitis quia omne quod in os intrat , in ventrem vadit , et in secessum emititur : quæ autem procedunt de ore , de corde exēnt , et ea coquinant hominem ? De corde enim exēnt cogitationes male , homicidia , adulteria , fornicationes , furtæ , falsa testimonia , blasphemiae. Hæc sunt quæ coquinant hominem : non lotis autem manibus inanducare , non coquinat hominem.

*Item post aliquantum [xvi.] :* Tunc dixit Jesus discipulis suis , Si quis vult post me venire , abneget semetipsum , et tollat crucem suam , et sequatur me. Qui enim voluerit animam suam salvam facere , perdet eam : qui autem perdidit animam suam propter me , inveniet eam. Quid enim prodest homini , si mundum universum lucretur , animæ vero suæ detrimentum patiatur ? aut quam dabit homo commutationem pro anima sua ? Filius enim hominis venturus est in gloria Patris sui cum Angelis suis , et tunc reddet unicuique secundum opera ejus.

*Item aliquanto post [xviii.] :* Amen dico vobis , nisi conversi fueritis , et efficiamini sicut parvuli , non intrabitis in regnum cœlorum. Quicumque ergo humiliaverit se sicut parvulus iste , hic est major in regno cœlorum. Et qui suscepit unum parvulum talem in nomine meo , me suscipit. Qui autem scandalizaverit unum de pusillis istis , qui in me credunt , expedit ei ut suspendatur mola asinaria in collo ejus , et demergatur in profundum maris. Væ mundo a scandalis ! Necesse est enim ut veniant scandalâ : veruntamen vœ homini per quem scandalum venit ! Si autem manus tua vel pes tuus scandalizat te , abscide eum , et projice abs te. Bonum est tibi ad vitam ingredi debilem vel claudum<sup>2</sup> , quam duas manus vel duos pedes habentem mitti in ignem æternum. Et si oculus tuus scandalizat te , erue eum , et projice abs te. Bonum est tibi cum uno oculo in vitam intrare , quam duos oculos habentem mitti in gehennam ignis. Videte ne contemnatis unum ex his pusillis : dico autem vobis , quia Angeli eorum in cœlis semper vident faciem Patris mei , qui in cœlis est. Venit enim Filius hominis sal-

<sup>1</sup> Vulgata non habet , *cordis sui* : licet græcæ textæ ferat , tēs kardias , addito in quibusdam codicibus auto , ut apud Chrysostomum.

<sup>2</sup> In editis omnissum fuerat , vel claudum ; quod hic in MSS. utu et in sacris Bibl. reperitur.

vere quod perierat. *Et paulo post* : Si autem peccaverit in te frater tuus, vade et corripe eum inter te et ipsum solum. Si te audierit, lucratus es fratrem tuum : si autem te non audierit, adhibe tecum adhuc unum vel duos; ut in ore duorum testium, vel trium, stet omne verbum. Quod si non audierit eos, dic Ecclesie : si autem et Ecclesiam non audierit, sit tibi sicut ethnicus et publicanus. Amen dico vobis, quaecumque alligaveritis super terram, erunt ligata et in cœlo ; et quæcumque solveritis super terram, erunt soluta et in cœlo. Iterum dico vobis, quia si duo ex vobis consenserint super terram, de omni re quamcumque petierint, sicut illis a Patre meo qui in celis est. Ubi enim sunt duo vel tres congregati in nomine meo, ibi sum in medio eorum. Tunc accedens Petrus ad eum, dixit : Domine, quoties peccabit in me frater meus, et dimittam ei? usque septies? Dicit illi Jesus : Non dico tibi usque septies, sed usque septuagies septies. Ideo assimilatum est regnum cœlorum homini regi, qui voluit rationem ponere cum servis suis : et cum crepisset rationem ponere, oblatus est ei unus qui debebat decem millia talenta; cum autem non haberet unde redderet, jussit eum dominus ejus venundari, et uxorem ejus, et filios, et omnia quæ habebat, et reddi. Procidens autem servus ille orabat eum, dicens : Patientiam habe in me, et omnia reddam tibi. Misertus autem dominus servi illius, dimisit eum, et debitum dimisit ei. Egressus autem servus ille invenit unum de conservis suis, qui debebat ei centum denarios, et tenens suffocabat eum dicens : Redde quod debes. Et procidens conservus ejus, rogabat eum, dicens : Patientiam habe in me, et omnia reddam tibi. Ille autem noluit; sed abiit, et misit eum in carcere, donec redderet debitum. Videntes autem conservi ejus quæ siebant, contristati sunt valde; et venerunt, et narraverunt domino suo oīnnia, quæ facta fuerant. Tunc vocavit illum dominus suus, et ait illi : Serve nequam, omne debitum dimisi tibi, quoniam rogasti me; nonne ergo oportuit et te misereri conservi tui, sicut et ego tui misertus sum? Et iratus dominus ejus, traxit eum tortoribus, quondusque redderet universum debitum. Sic et Pater meus cœlestis faciet vobis, si non remiseritis unusquisque fratri suo de cordibus vestris.

*Et paulo post* [xix.] : Et accesserunt ad eum Pharisei, tentantes eum, et dicentes : Si licet homini dimittere uxori suam quamcumque ex causa? Qui respondens ait eis : Non legistis quia qui fecit<sup>1</sup> ab initio, masculum et feminam fecit eos; et dixit : Propter hoc dimittet homo patrem et matrem, et adhærebit uxori sua; et erunt duo in carne una. Itaque jam non sunt duo, sed una caro. Quod ergo Deus coniunxit, homo non separat. Dicunt illi : Quid ergo Moyses mandavit dare libellum repudii, et dimittere? Ait illis : Quoniam Moyses ad duritiam cordis vestri permisit vobis

<sup>1</sup> Editū, quia qui fecit hominem. At MSS. carent voce, hominem; quam addere non solet Augustinus, uti jam a nobis observatum fuit: quanquam vero hæc vox nunc in Vulgata exstet, abest tamen ab antiquis Corb. Biblia, et a græco.

dimittere uxores vestras; ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, et aliam duxerit, moechatur; et qui dimissam duxerit, moechatur. Dicunt illi discipuli ejus : Si ita est causa hominis cum uxore, non expedit nubere. Qui dixit : Non omnes capiunt verbum istud, sed quibus datum est. Sunt enim eunuchi, qui de matris utero sic nati sunt; et sunt eunuchi, qui facti sunt ab hominibus; et sunt eunuchi qui seipsos eunuchizaverunt propter regnum cœlorum : qui potest capere, capiat. Tunc oblati sunt ei parvuli, ut manus eis imponeret, et oraret : discipuli autem increpabant eos. Jesus vero ait eis : Sinite parvulos, et nolite eos prohibere ad me venire. Talium est enim regnum cœlorum. Et cum imposuisset eis manus, abiit inde. Et ecce unus accedens ait illi : Magister bone, quid boni faciam, ut habeam vitam æternam? Qui dixit ei : Quid me interrogas de bono? Unus est bonus Deus. Si autem vis ingredi ad vitam, serva mandata. Dicit ei : Quæ? Jesus autem dixit : Non homicidium facies, Non adulterabis, Non facies furtum, Non falsum testimonium dices, Honora patrem tuum et matrem, et; Diliges proximum tuum sicut te ipsum. Dicit illi adolescens : Omnia hæc custodivi<sup>1</sup>, quid adhuc mili deest? Ait illi Jesus : Si vis perfectus esse, vade, vende quæ habes, et da pauperibus, et habebis thesaurum in cœlo; et veni, sequere me. Cum autem audiisset verbum adolescens, abiit tristis: erat enim habens multas possessiones. Jesus autem dixit discipulis suis : Amen dico vobis, quia dives difficile intrabit in regnum cœlorum. Et iterum dico vobis : Facilius est camelum per foramen acus transire, quam divitem intrare in regnum cœlorum. Auditis autem his, discipuli mirabantur valde, dicentes : Quis ergo potest salvus esse? Aspiciens autem Jesus, dixit illis : Apud homines hoc impossibile est, apud Deum autem omnia possibilia sunt. Tunc respondens Petrus dixit ei : Ecce nos reliquimus oīnnia, et secuti sumus te, quid ergo erit nobis? Jesus autem dixit illis : Amen dico vobis, quod vos qui secuti estis me, in regeneratione cum sederit Filius hominis in sede majestatis sue, sedebitis et vos super sedes duodecim, judicantes duodecim tribus Israel. Et omnis qui reliquerit domum, vel fratres, aut sorores, aut patrem, aut matrem, aut uxori, aut filios, aut agros proprios nomen meum, cunctum accipiet, et vitam æternam possidebit. Multi autem erunt primi novissimi, et novissimi primi.

*Et paulo post* [xx.] : Sicut Filius hominis non venit ministrari, sed ministrare, et dare animam suam redēptionem pro multis.

*Et aliquanto post* [xxii.] : Reddite ergo quæ sunt Cæsar, Cæsari; et quæ sunt Dei, Deo. *Et alibi* : Diliges Dominum Deum tuum in toto corde tuo, et in tota anima tua, et in tota mente tua. Hoc est maximum et primum mandatum. Secundum autem simile est huic : Diliges proximum tuum sicut te ipsum. In

<sup>1</sup> Vulgata in excusis addit, a juventute mea : quod hic loci non habet Augustini Speculum, neque vetusta Corb. Biblia, nec textus græcus.

nis duobus mandatis universa Lex pendet et Prophetæ.

*Et post paucos versus [xxii.]*: Tunc Jesus locutus est ad turbas et ad discipulos suos, dicens: Super cathedram Moysi sederunt Scribe et Pharisæi. Omnia ergo quæcumque dixerint vobis, servate et facite; secundum opera vero eorum nolite facere: dicunt enim, et non faciunt. Alligant autem onera gravia et importabilia, et imponunt in humeros hominum; digito autem suo nolunt ea movere. Omnia vero opera sua faciunt, ut videantur ab hominibus. Dilatant enim pharisaïa sua, et magnificant simbrios. Amant autem primos recubitus in ecclesis, et primas cathedras in synagogis, et salutationes in foro, et vocari ab hominibus rabbi. Vos autem nolite vocari rabbi: unus est enim magister vester; omnes autem vos fratres estis. Et patrem nolite vobis vocare super terram: unus est enim Pater vester, qui in cœlis est. Nec vocemini magistri; quia magister vester unus est Christus. Qui major est vestrum, erit minister vester. Qui autem se exaltaverit, humiliabitur; et qui se humiliaverit, exaltabitur. *Et paulo post*: Væ vobis, Scribe et Pharisæi hypocritæ, quia decimatis mentham et anethum et cymimum, et reliquistis quæ graviora sunt Legis; judicium, et misericordiam, et fidem. Haec oportuit facere, et illa non omittere. Duces cæci, excolantes culicem, cameum autem glutientes. Væ vobis, Scribe et Pharisæi hypocritæ, quia mundatis quod de foris est calicis et paropsidis; intus autem pleni sunt rapina, et omni immunditia<sup>1</sup>. Pharisæi cæci, munda prius quod intus est calicis et paropsidis, ut fiat et id quod de foris est mundum. Væ vobis, Scribe et Pharisæi hypocritæ, quia similes estis sepuleris dealbatis, quæ a foris parent hominibus species, intus vero plena sunt ossibus mortuorum et omni spurcitæ. Sie et vos a foris quidem parent hominibus justi, intus autem pleni estis hypocrisi et iniquitate. Væ vobis, Scribe et Pharisæi hypocritæ, quia ad dicatis sepulera Prophetarum, et ornatis monumenta justorum; et dicitis, Si fuissimus in diebus patrum nostrorum, non essemus socii eorum in sanguine Prophetarum. Itaque testimonio estis vobismetipsis, quia filii estis eorum qui Prophetas occiderunt: et vos implete mensuram patrum vestrorum. Serpentes, genimina viperarum, quomodo fugietis a judicio gehenna? Ideo<sup>2</sup>, ecce ego mittio ad vos prophetas, et sapientes, et scribas; et ex illis occidetis, et crucifigetis, et ex eis flagellabitis in synagogis vestris, et persequemini de civitate in civitatem: ut veniat super vos omnis sanguis justus, qui effusus est super terram, a sanguine Abel justi, usque ad sanguinem Zachariae filii Barachie, quem occidistis inter templum et altare. Amen dico vobis, venient haec omnia super generationem istam.

*Et paulo post [xxiv.]*: Et quoniam abundabit iniqitas, refrigescet charitas multorum: qui autem per-

<sup>1</sup> Regius Ms., plena sunt rapina, etc. Græc., *gémousin ex arpaçës*. vulgata, pl. ni estis rapina et immunditia: prætermisso, omnia, quæ nec in græco legitur.

<sup>2</sup> Edili, taceo dico vobis. At MSS. et sacra Biblia carent, dico robi.

severaverit usque in finem, hic salvus erit. *Et post aliquantum*: Estote parati, quia nescitis qua hora Filius hominis venturus est. Quis putas est fidelis servus et prudens, quem constituit Dominus sius supra familiam suam, ut det illis cibum in tempore? Beatus ille servus, quem cum venerit dominus ejus, invenerit sic facientem. Amen dico vobis, quoniam super omnia bona sua constituet eum. Si autem dixerit malus servus ille in corde suo, Moram facit Dominus meus venire; et cœperit percutere conservos suos, manducet autem et bibat cum ebriis: veniet dominus servi illius in die qua non sperat, et hora qua ignorat; et dividet eum, partemque ejus poset cum hypocritis: illic erit fletus et stridor dentium.

*Et post paululum [xxv.]*: Vigilate itaque, quia nescitis diem neque horam. *Item post paululum*: Cum autem venerit filius hominis in maiestate sua, et omnes Angeli cum eo; tunc sedebit super sedem maiestatis sue, et congregabuntur ante eum omnes gentes, et separabit eos ab invicem, sicut pastor segregat oves ab hædis; et statuet oves quidem a dextris suis, hædos autem a sinistris. Tunc dicet rex iis qui a dextris ejus erunt: Venite, benedicti Patris mei, possidete paratum vobis regnum a constitutione mundi. Esurivi enim, et dedistis mihi manducare: sitiui, et dedistis mihi bibere: hospes eram, et collegistis me: nudus, et cooperauistis me: infirmus, et visitastis me: in carcere eram, et venistis ad me. Tu ne respondebunt ei justi dicentes: Domine, quando te vidimus esurientem, et pavimus te; sitiensem, et dedimus tibi potum? Quando autem te vidimus hospitem, et collegimus te; aut nudum, et cooperuimus? Aut quando te vidimus infirmum, aut in carcere, et venimus ad te? Et respondens rex, dicit illis: Amen dico vobis, quamdiu fecistis uni de his fratribus meis nimis, mihi fecistis. Tunc dicet et iis qui a sinistris erunt: Discedite a me, maledicti, in ignem æternum, qui paratus est diabolo et angelis ejus. Esurivi enim, et non dedistis mihi manducare: sitiui, et non dedistis mihi potum: hospes fui, et non collegistis me: nudus, et non cooperauistis me: infirmus, et in carcere, et non visitastis me. Tunc respondebunt ei et ipsi, dicentes: Domine, quando te vidimus esurientem, et sitiensem, et hospitem, aut nudum, aut infirmum, vel in carcere, et non ministravimus tibi? Tunc respondebit illic, dicens: Amen dico vobis, quamdiu non fecistis uni de minoribus his, nec mihi fecistis. Et ibunt hi in supplicium æternum, justi autem in vitam æternam.

*Et post aliquantum [xxvi.]*: Vigilate, et orate, ut non intretis in temptationem.

#### DE EVANGELIO SECUNDUM MARCUM.

[CAP. VII.] Advocans iterum turbam, dicebat illis: Audite me omnes, et intelligite. Nihil est extra hominem introiens in eum, quod possit eum coquinare; sed quæ de hominē procedunt, illa sunt quæ comunicant hominem. Si quis habet aures audiendi, au-

<sup>1</sup> Sacra Biblia, quia qua nescitis hora.

dicit. Et cum introisset in domum a turba, interrogabant eum discipuli ejus parabolam. Et ait illis: Sic et vos imprudentes estis? Non intelligitis quia omne extrinsecus introiens in hominem, non potest eum communicare<sup>1</sup>; quia non intrat in cor ejus, sed in ventrem<sup>2</sup>, et in secundum exit, purgans omnes escas? Dicebat autem, quoniam quae de homine exeunt, illa communicant hominem. Ab intus enim de corde hominum exeunt cogitationes malae, procedunt adulteria, fornicationes, homicidia, furtiva, avaritia, nequitia, dolus, impudicitia, oculus malus, blasphemiae, superbia, stultitia. Omnia haec mala ab intus procedunt, et communicant hominem.

*Et alio loco [viii.]*: Convocata turba cum discipulis suis, dixit eis: Si quis vult me sequi<sup>3</sup>, deneget se ipsum, et tollat crucem suam, et sequatur me. Qui enim voluerit animam suam salvam facere, perdet eam: qui autem perdiderit animam suam propter me et Evangelium, salvam eam faciet. Quid enim prodiderit homini, si lucretur mundum totum, et detrimentum faciat animae suae? aut quid dabit homo commutationem pro anima sua? Qui enim me confusus fuerit et mea verba in generatione ista adultera et peccatrice, et Filius hominis confundet eum<sup>4</sup> in gloria Patris sui cum Angelis suis.

*Et alibi [ix.]*: Et accipiens puerum, statuit eum in medio eorum; quem cum complexus esset, ait illis: Quisquis unum ex hujusmodi pueris receperit in nomine meo, me recipit; et quicumque me suscepere, non me suscepit, sed eum qui me misit. *Et paulo post*: Quisquis enim potum dederit vobis calicem aquae<sup>5</sup> in nomine meo, quia Christi estis; amen dico vobis, non perdet mercedem suam. Et quisquis scandalizaverit unum ex his pusillis creditibus in me, bonum est ei magis si circumdaretur mola asinaria collo ejus, et in mare mitteretur. *Et post paululum*: Habete in vobis saltem, et pacem habete inter vos.

*Et paulo post [x.]*: Et accedentes Pharisaei interrogabant eum, Si licet viro uxorem dimittere, tentantes eum. At ille respondens, dixit eis: Quid vobis praeccepit Moyses? Qui dixerunt: Moyses permisit libellum repudii scribere, et dimittere. Quibus respondens Jesus ait: Ad duritiam cordis vestri scripsit vobis praeceptum istud; ab initio autem creaturae masculum et feminam fecit eos Deus. Propter hoc relinquet homo patrem suum et matrem, et adhærebit uxori sue; et erunt duo in carne una. Itaque jam non sunt duo, sed una caro. Quod ergo Deus coniunxit, homo non separet. Et in domo iterum discipuli ejus de eodem interrogaverunt eum. Et dicit illis: Quicumque dimiserit uxorem suam, et aliam duxerit, adulterium committit super eam; et si uxor dimiserit virum suum,

<sup>1</sup> *Ven., coinquinare*; et *paulo post*, *coinquinant. M.*

<sup>2</sup> *Vulgata, sed in ventrem vidi.*

<sup>3</sup> *Vulgata, exirent, abest a Vulgata: sed existat in codicibus huius speculi, e quibus Regius Ms. post, cogitationes male, prosequitur, inde procedunt.*

<sup>4</sup> *Regius codex juxta graecum, post me sequi: sic etiam antiqua Corb. Biblia.*

<sup>5</sup> *Vulgata, confundetur eum.*

<sup>6</sup> *In editio adiebatur, frigidae: quod abest a Ms. et a sacra Biblia.*

et alii nupserit, mochatur. *Et post quatuor versus*: Sinite parvulos venire ad me, et ne prohibueritis eos. Taliū est enim regnum Dei. Amen dico vobis, quisquis non receperit regnum Dei velut parvulus, non intrabit in illud. Et complexans eos, et imponens manus super illos, benedicebat eos. *Et cum egressus esset in viam, praecurrens*<sup>7</sup> *quidam genu flexo ante eum, rogabat eum: Magister bone, quid faciam, ut vitam æternam percipiam?* Jesus autem dixit ei: *Quid me dicis bonum?* Nemo bonus, nisi unus Deus. Praecepta nosti? Ne adulteres, Ne occidas, Ne fureris, Ne falsum testimonium dixeris, Ne fraudem feceris, Honora patrem tuum et matrem. At ille respondens, ait illi: *Magister, haec omnia servavi a juventute mea.* Jesus autem intuitus eum, dilexit eum; et dixit illi: *Unum tibi deest: vade, quæcumque habes vende, et da pauperibus, et habebis thesauros in cœlo;* et veni, sequere me. Qui contristatus in verbo, abiit moerens: erat enim habens multas possessiones. Et circumspiciens Jesus, ait discipulis suis: *Quam difficile qui pecunias habent, in regnum Dei introibunt!* Discipuli autem obstupescabant in verbis ejus. At Jesus rursus respondens, ait illis: *Filioli, quam difficile est confidentes in pecuniis in regnum Dei introire!* Facilius est camelum per foramen acus transire, quam divitem intrare in regnum Dei. Qui magis admirabantur, dicentes ad seipso: *Et quis potest salvus fieri?* Et intuens illos Jesus, ait: *Apud homines impossibile est, sed non apud Deum: omnia enim possibilia sunt apud Deum.* Et coepit Petrus ei dicere: *Ecce nos reliquimus omnia, et secuti sumus te.* Respondens Jesus ait: *Amen dico vobis, nemo est qui reliquerit domum, aut fratres, aut sorores, aut matrem, aut patrem, aut filios, aut agros propter me et propter Evangelium, qui non accipiat centies tantum nunc in tempore hoc; domus, et fratres, et sorores, et matres, et filios, et agros, cum persecutionibus; et in sæculo futuro vitam æternam.* Multi autem erunt primi novissimi, et novissimi primi. *Et paulo post*: *Scitis quia hi qui videntur principari Gentibus, dominantur eis, et principes eorum potestatem habent ipsorum.* Non ita est autem in vobis: sed quicumque voluerit fieri major, erit vester minister; et quicumque voluerit in vobis primus esse, erit omnium servus. Nam et Filius hominis non venit ut ministraret ei, sed ut ministraret, et daret animam suam redemtionem pro multis.

*Et aliquanto post [xi.]*: Et respondens Jesus, ait eis: *Habete fidem Dei; amen dico vobis, quicumque dixerit huic monti, Tollere et mittere in mare; et non habetaverit in corde suo, sed crediderit, quia quicumque dixerit, Fiat, sicut ei.* Propterea dico vobis: *Omnia quæcumque orantes petitis, credite quia accipietis, et venient<sup>8</sup> vobis.* Et cum stabitis ad orandum, dimittite si quid habetis adversus aliquem; ut et Pater vester qui in celis est, dimittat vobis peccata vestra. Quod si vos non dimiseritis, nec Pater vester qui in celis est, dimittet vobis peccata vestra.

<sup>7</sup> *Vulgata, procurrens. Graec., prosdrambō, accurrens.*

<sup>8</sup> *Vulgata, et evenient.*

*Item post aliquantum [xii.]*: Respondens autem Jesus, dixit illis : Reddite igitur quæ sunt Cæsaris, Cæsari ; et quæ sunt Dei, Deo. *Et alio loco* : Et accessit unus de Scribis, qui audierat illos conquirentes, et videns quia bene illis responderit, interrogavit eum , quod esset primum omnium mandatum. Jesus autem respondit ei, Quia primum omnium mandatum est, Audi, Israel, Dominus Deus tuus Deus unus est ; et, Diliges Dominum Deum tuum ex toto corde tuo, et ex tota anima tua , et ex tota mente tua , et ex tota virtute tua : hoc est primum mandatum. Secundum autem simile est illi : Diliges proximum tuum tanquam te ipsum. Majus horum aliud mandatum non est. Et ait illi Scriba : Bene , magister , in veritate dixisti, quia unus est Deus, et non est alias præter eum ; et ut diligatur ex toto corde , et ex toto intellectu , et ex tota anima , et ex tota fortitudine : et diligere proximum tanquam scipsum , majus est omnibus holocaustis et sacrificiis. Jesus autem videns quod sapienter respondisset, dixit illi : Non es longe a regno Dei. Et nemo jam audebat eum interrogare. *Et paulo post* : Cavete a Scribis, qui volunt in stolis ambulare ; et salutari in foro, et in primis cathedralis sedere in synagogis , et primos discubitus in cornis : qui devorant domos viduarum sub obtentu prolixæ orationis , hi accipiunt<sup>1</sup> prolixius judicium. Etsedens Jesus contra gazophylacium, aspiciebat quomodo turba jactaret æs in gazophylacium : et multi divites jactabant multa. Cum venisset autem una vidua pauper, misit duo minuta , quod est quadrans : et convocans discipulos , ait illis, Amen dico vobis, quoniam vidua hæc pauper plus omnibus misit, qui miserunt in gazophylacium. Omnes enim ex eo quod abundabat illis miserunt; hæc vero de penuria sua omnia quæ habuit misit, totum victimum suum.

*Et paulo post. [xiii.]*: Et cum duxerint vos tradentes, nolite præcogitare quid loquamini, sed quod datum fuerit vobis in illa hora, id loquimini. Non enim estis vos loquentes, sed Spiritus sanctus. *Et post paululum*: Et eritis odio omnibus propter nomen meum. Qui autem sustinuerit in finem, hic salvus erit. *Et alio in loco* : Videte, vigilate, et orate ; nescitis enim quando tempus sit. Sicut homo qui peregre prosector, reliquit dominum suam, et dedit servis suis potestatem cuiusque operis, et janitori præcepit ut vigilet. Vigilate ergo : nescitis enim quando dominus domus veniat; sero, an media nocte, an galli cantu, an mane : ne cum venerit repente, inveniat vos dormientes. Quod autem vobis dico, omnibus dico, Vigilate.

#### DE EVANGELIO SECUNDUM LUCAM.

[Cap. ii.] Gloria in altissimis Deo, et in terra pax hominibus bonæ voluntatis.

*Et aliquanto post [iii.]* : Et interrogabant eum turbæ, dicentes, Quid ergo faciemus? Respondens autem, dicebat illis : Qui habet duas tunicas, det non habenti; et qui habet escas, similiter faciat. Venerunt

<sup>1</sup> Vulgata, accipient.

autem et publicani ut baptizarentur, et dixerunt ad illum : Magister, quid faciemus? At ille dixit ad eos: Nihil amplius quam quod constitutum est vobis, faciat. Interrogabant autem eum et milites, dicentes : Quid faciemus et nos? Et ait illis : Neminem concutiatis, neque calumniam faciat, et contenti estote stipendiis vestris.

*Et post aliquantum [vi.]*: Beati pauperes ; quia vestrum est regnum Dei. Beati qui nunc esuritis ; quia saturabitimini. Beati qui nunc fletis ; quia ridebitis. Beati eritis, cum vos oderint homines, et cum se paraverint vos, et exprobraverint, et ejecerint nomen vestrum tanquam malum , propter Filium hominis. Gaudete in illa die, et exultate; ecce enim merces vestra multa est in cœlo : secundum enim hæc faciebant Prophetis patres eorum. Verumtamen vœ vobis divitibus quia habetis consolationem vestram. Vœ vobis qui saturati estis ; quia esuriens. Vœ vobis qui ridetis nunc ; quia lugebitis, et flebitis. Vœ cum benedixerint vobis ; omnes homines<sup>1</sup> : secundum hæc faciebant pseudoprophetis patres eorum. Sed vobis dico, qui auditis : Diligite inimicos vestros, benefacie iis qui vos oderunt. Benedicite maledicentibus vobis. Orate pro calumniantibus vos. Et qđi te percudit in maxillam , præbe et alteram ; et ab eo qui aufer tibi vestimentum tuum, etiam tunicam noli prohibere. Omni autem petenti te , tribue ; et qui aufer quæ tua sunt , ne repetas. Et prout vultis ut faciant vobis homines, facite illis similiter. Et si diligitiseos qui vos diligunt , quæ vobis est gratia ? nam et peccatores diligentes se diligunt. Et si beneficeritis iis qui vobis benefaciunt, quæ vobis est gratia ? siquidem et peccatores hoc faciunt. Et si mutuum dederitis iis a quibus speratis recipere, quæ gratia est vobis ? nam et peccatores peccatoribus fenerant, ut recipiant æqualia. Verumtamen diligite inimicos vestros ; benefacie, et mutuum date nihil inde sperantes : et erit merces vestra multa , et eritis filii Altissimi ; quia ipse benignus est super ingratos et malos. Estote ergo misericordes, sicut et Pater vester misericors est. Nolite judicare, et non judicabimini. Nolite condemnare, et non condemnabimini. Dimittite, et dimittimini. Date, et dabitur vobis. Mensuram bonam, et consertam, et coagitatam, et supereffluentem dabunt in simum vestrum. Eadem quippe mensura , quæ mensi fueritis , remetietur vobis. Dicebat autem illis et similitudinem : Numquid potest circu exēcum ducere? nonne ambo in soveam cadunt? Non est discipulus super magistrum : perfectus autem omnis erit, si sit sicut magister ejus. Quid autem videt festucam in oculo fratri tui, trabem autem quæ in oculo tuo est, non consideras ? Aut quomodo potes dicere fratri tuo, Frater, sine ejiciam festucam de oculo tuo ; ipse in oculo tuo trabem non vides? Hypocrita, ejice primum trabem de oculo tuo , et tunc perspicias ut educas festucam de oculo fratri tui. Non est enim arbor bona quæ facit fructus na-

<sup>1</sup> Vox, omnes, abest nunc a Vulgata ; sed existabat in antiquis Corb. Biblisi, et in greco.

los, neque arbor mala faciens fructum bonum<sup>1</sup>. Unaquaque arbor de fructu suo cognoscitur. Neque enim de spinis colligunt fructus, neque de rubo vindemiant uvas. Bonus homo de bono thesauro cordis sui profert bonum; et malus homo de malo thesauro profert malum. Ex abundantia cordis os loquitur. Quid autem vocatis me, Domine, Domine; et non facitis quae dico? Omnis qui venit ad me, et audit sermones meos, et facit eos, ostendam vobis cui similis sit. Similis est homini aedificanti domum, qui fodit in altum, et posuit fundamentum supra petram. Inundatione autem facta, illis est flumen domui illi, et non potuit eam movere; fundata enim erat super petram. Qui autem audit, et non facit, similis est homini aedificanti domum suam supra terram sine fundamento: in quam illius est fluvius, et continuo cecidit, et facta est ruina domus illius magna.

*Et post aliquantum [vii.]*: Cui ergo similes dicam homines generationis hujus? et cui similes sunt? Similes sunt pueris sedentibus in foro, et loquentibus ad invicem, et dicentibus: Cantavimus vobis tibiis<sup>2</sup>, et non saltastis; lamentavimus, et non plorastis. Venit enim Joannes Baptista neque manducans panem, neque bibens vinum; et dicitis: Daemonium habet. Venit Filius hominis manducans, et bibens; et dicitis: Ecce homo devorator, et bibens vinum, amicus publicanorum et peccatorum. Et justificata est sapientia ab omnibus filiis suis.

*Item post aliquantum [viii.]*: Est autem haec parabola: Semen est verbum Dei. Qui autem secus viam sunt, ii sunt qui audiunt: deinde venit diabolus, et tollit verbum de corde eorum, ne credentes salvi fiant. Nam qui supra petram, qui cum audierint, cum gaudio suscipiunt verbum; et hi radices non habent, quia<sup>3</sup> ad tempus credunt, et in tempore temptationis recedunt. Quod autem in spinas cecidit, ii sunt qui audierunt, et a sollicitudinibus et divitiis et voluptatibus vitae eunt suffocantur, et non referunt fructum. Quod autem in bonam terram, ii sunt qui in corde bono et optimo audientes verbum retinent, et fructum afferunt in patientia. Nemo autem lucernam accendens, operit eam vase, aut subtus lectum ponit; sed supra candelabrum ponit, ut intrantes videant lumen. Non enim est occultum quod non manifestetur, nec absconditum quod non cognoscatur, et in palam veniat. Videte ergo quomodo audistis<sup>4</sup>. Qui enim habet dabit illi; et quicumque non habet, etiam quod putat se habere, auferetur ab illo.

*Et post aliquantum [ix.]*: Convocatis autem duodecim Apostolis, dedit illis virtutem et potestatem super omnia demonia, et ut languores curarent. Et misit illos praedicare regnum Dei, et sanare infirmos. Et ait ad illos: Nihil tuleritis in via, neque virgam neque peram,

<sup>1</sup> Regius codex, *fructus bonos*.

<sup>2</sup> In Regio Ms. deest hic, *tibiis*: neque additur ista vox Barth. 11, v. 17; cum tamen graciun, *éulésanen*, quod verbum utroque loco habetur, non sit simpliciter, *cecinitus*, sed, *cecinnimus tibiis*.

<sup>3</sup> In sacris Bibliis, *qui ad tempus*.

<sup>4</sup> Vulgata in excusis, *auditis*. In antiquis autem Corb. Bibliis, *auditisi*.

neque panem, neque pecuniam, neque duas tunicas habeatis. Et in quacumque domum intraveritis, ibi manete, et inde ne exeat. Et quicumque non receperint vos, exeunte de civitate illa, etiam pulverem pedum vestrorum excutite in testimonium super illos. *Item post aliquantum*: Dicebat autem ad omnes: Si quis vult post me venire, abneget semetipsum, et tollat crucem suam quotidie<sup>1</sup> et sequatur me. Qui enim voluerit animam suam salvam facere, perdet illam. Nam qui perdiderit animam suam propter me, salvam faciet illam. Quid enim proficit homo, si lucretur universum mundum, se autem ipsum perdat, et detrimentum sui fiat<sup>2</sup>? Nam qui me erubuerit et meos sermones, hunc Filius hominis erubescet, cum venerit in maiestate sua, et Patris, et sanctorum Angelorum. *Et alio loco*: Intravit autem cogitatio in eos, quis eorum major esset. At Jesus videns cogitationes cordis illorum, apprehendens puerum statuit eum secus se, et ait illis: Quicumque suscepit puerum istum in nomine meo, me recipit; et quicumque me receperit, recipit eum qui me misit. Nam qui minor est inter omnes vos, hic major est. *Et post aliquantum*: Ait autem ad alterum, Sequere me. Ille autem dixit: Domine, permitte mihi primum ire, et sepelire patrem meum. Dixitque ei Jesus: Sine ut mortui sepeliant mortuos suos; tu autem vade, annuntia regnum Dei. Et ait alter: Sequare te, Domine; sed primum permitte mihi renuntiare iis qui<sup>3</sup> domi sunt. Ait ad illum Jesus: Nemo mittens manum suam in aratum, et respiciens retro, aptus est regno Dei.

*Et post paululum [x.]*: Ecce ego mitto vos sicut agnos inter lupos. Nolite portare sacculuni, neque peram, neque calcamenta, et neminem per viam salutaveritis. In quacumque domum intraveritis, primum dicite, Pax huic domui: et si ibi fuerit filius pacis, requiescat super illum pax vestra; sin autem, ad vos revertetur. In eadem autem domo manete edentes et bibentes quae apud illos sunt; dignus enim est operarius mercede sua. Nolite transire de domo in dominum. Et in quacumque civitatem intraveritis, et suscepit vos, manducate quemque apponuntur vobis; et curate infirmos qui in illa sunt, et dicate illis: Appropinquavit in vos regnum Dei. In quacumque civitatem intraveritis, et non receperint vos, execute in plateas ejus dicite: Etiam pulverem qui adhaesit nobis de civitate vestra, exterrimus in vos; tamen hoc scitote, quia appropinquavit regnum Dei. Dico vobis, quia Sodomis in die illa remissius erit quam illi civitati. *Et post paululum*: Verumtamen in hoc nolite gaudere, quia spiritus vobis subjiciuntur: gaudete autem, quod nomina vestra scripta sunt in celis. *Et post paululum*: Ecce quidam legisperitus surrexit, tentans illum, et dicens: Magister, quid faciendo vitani aeternam possidebo? At ille dixit ad eum: In Lege quid scriptum est?

<sup>1</sup> In MSS. Regio et Carnutensi non additur, *quotidie*.

<sup>2</sup> Vulgata, *faciat*.

<sup>3</sup> Sic etiam in Corb. Bibliis habebat Vulgata; licet nunc in excusis ferat, *his quae domi sunt*; neutro genere, non masculino.

quomodo legis? Ille respondens dixit: Diliges Dominum Deum tuum ex toto corde tuo, et ex tota anima tua, et ex omnibus viribus tuis, et ex omni mente tua, et proximum tuum sicut te ipsum. *Et paulo post:* Quis horum trium videtur tibi proximus fuisse illi, qui incidit in latrones? At ille dixit: Qui fecit misericordiam in illum. Et ait illi Jesus: Vade, et tu fac similiter. *Et post paululum:* Martha, Martha, sollicitas et turbaris erga plurima: porro unum est necessarium. Maria optimam partem elegit, quae non auseatur ab ea.

*Item post paululum [xi.]:* Cum oratis, inquit, dicite, Pater, sanctificetur nomen tuum. Adveniat regnum tuum. Panem nostrum quotidianum da nobis hodie<sup>1</sup>. Et dimitte nobis peccata nostra, sicutdem et ipsi dimitimus omni debenti nobis. Et ne nos inducas in tentationem. Et ait ad illos: Quis vestrum habebit amicum, et ibit ad illum media nocte, et dicet illi: Amice, comoda mihi tres panes, quoniam amicus meus venit de via ad me, et non habeo quod ponam ante illum: et ille de intus respondens, dicat: Noli mihi inobedire esse: jam ostium clausum est, et pueri mei cum me sunt in cubili; non possum surgere et dare tibi. Et ille si perseveraverit pulsans, dico vobis, ctsi non dabit illi Surgens, eo quod amicus ejus sit; propter improbitatem tamen ejus surget, et dabit illi quotquot habet necessarios. Et ego vobis dico: Petite et dabitur vobis: querite, et invenietis: pulsate, et aperietur vobis. Omnis enim qui petit, accipit; et qui querit, invenit; et pulsanti aperietur. Quis autem ex vobis patrem petit panem, numquid pro pisces serpentem dabit illi? aut pisces, numquid pro pisces serpentem dabit illi? aut si petierit ovum, numquid porrigit illi scorpionem? Si ergo, cum sitis mali, noster bona data dare filii vestris; quanto magis Pater vester de celo dabit spiritum bonum peccantibus se. *Et paulo post:* Factum est autem cum haec diceret, extollens vocem quendam mulier de turba, dixit illi: Beatus venter qui te portavit, et ubera quae suxisti. At ille dixit: Imo beati qui audiunt verbum Dei, et custodiunt illud. *Et paulo post:* Et cum loqueretur, rogavit illum quidam Phariseus, ut pranderet apud se: et ingressus recubuit. Phariseus autem coepit intra se reputans dicere, quare non baptizatus esset ante prandium. Et ait Dominus ad illum: Nunc vos, Pharisæi, quod de foris est calicis et catini, mundatis; quod autem intus est vestrum, plenum est rapina et iniquitate. Stulti, nonne qui fecit quod de foris est, etiam quod intus est fecit? Verumtamen quod superest, date eleemosynam, et ecce omnia munda sunt vobis. Sed vœ vobis Pharisæis, quia decimatis mentham, et rutam, et omne olsus, et præteritis judicium et charitatem Dei. Haec autem oportuit facere, et illa non omittere. Vœ vobis, Pharisæi, quia diligitis primas cathedras in synagogis, et salutationes in foro. Vœ vobis, quia estis ut monumenta quae non parent, et homines ambulantes supra nesciunt. Respondens autem quidam ex legispe-

ritis, ait illi: Magister, hæc dicens, etiam nobis contumeliam facis. At ille ait: Etiam vobis legisperitis vœ; quia oneratis homines oneribus quae portare non possunt<sup>2</sup>, et ipsi uno digito vestro non tangitis sarcinas.

*Et alio loco [xii.]:* Attende a sermone Pharisæorum, quod est hypoerisis. *Et paulo post:* Dico autem vobis amicis meis, ne terreni ab illis qui occidunt corpus, et post haec non habent amplius quid faciant. Ostendam autem vobis quem timeatis. Timeat eum qui postquam occiderit, habet potestatem mittere in gehennam: ita dice vobis, hunc timeat. Nonne quinque passeris veneunt dipondio, et unus ex illis non est in oblivione coram Deo? Sed et capilli capitùs vestri omnes numerati sunt. Nolite ergo timere; multis passeribus pluris estis. Dico autem vobis: Omnis quicunque confessus fuerit me coram hominibus, et Filios hominis constitutus in illo<sup>3</sup> coram Angelis Dei; qui autem negaverit me coram hominibus, denegabitur coram Angelis Dei. Et omnis qui dicit verbum in Filium hominis, remittetur illi: ei autem qui in Spiritum sanctum blasphemaverit, non remittetur. Cum autem inducent vos in synagogas, et ad magistratus, et potestates, nolite solliciti esse qualiter aut quid respondeatis, aut quid dicatis: Spiritus enim sanctus docebit vos in ipsa hora, quæ oporteat dicere. Ait autem ei quidam de turba: Magister, dic fratri meo ut dividat mecum hereditatem. At ille dixit ei: Homo, quis me constituit judicem, aut divisorem supra vos? Dixitque ad illos: Videte, et cavete ab omni avaritia; quia non in abundantia cuiusquam vita ejus est, ex his quæ possidet. Dixit autem similitudinem ad illos, dicens: Hominis cuiusdam divitis uberes fructus ager attulit; et cogitabat intra se, dicens, Quid faciam, quia non habeo quo congregem fructus meos? Et dixit, Hoc faciam: destruam horrea mea, et majora faciam, et illuc congregabo omnia quæ nata sunt mihi, et bona mea; et dicam animæ meæ, Anima, habes multa bona posita in annos plurimos, requiesce, comedere, bibe, epulare. Dixit autem illi Deus: Stulte, haec nocte animam tuam repetunt a te; quæ autem parasti cuius erunt? Sic est omnis qui sibi thesaurizat, et non est in Deum dives. Dixitque ad discipulos suos: Ideo dieo vobis, nolite solliciti esse animæ vestræ, quid manducetis; neque corpori, quid vestiamini. Anima plus est quam esca, et corpus quam vestimentum. Considerate corvos, quia non seminant, neque metunt; quibus non est cellarium, neque horreum; et Deus pascit illos: quanto magis vos pluris estis illis? Quis autem vestrum cogitando potest adjicere ad stateram suam cubitum unum? Si ergo neque quod minimum est potestis, quid de ceteris solliciti estis? Considerate lilia<sup>4</sup> quomodo crescunt; non laborant, neque mentiuntur. Dico autem vobis, nec Salomon in omni

<sup>1</sup> Regius codex hic, quæ portari non possunt. Sic euam antiqua Corb. Biblia. Græcus vero textus, dubstacta: id est, difficulta portatu.

<sup>2</sup> Ita codices omnes hujus Speculi; juxta græcum, homologè en autò, qui etiam proxime ante habet, hoc en homologè en emoi.

<sup>3</sup> Editi, lilia agri. Abest, agri, a Regio Ms. necnon a scriptis Bibliis, quæ eadem voce etiam in subsequenti versiculis carent.

<sup>4</sup> In vetustis Corb. Bibliis, quotidie; juxta græc., τὸ καθ' ἄνθην.

gloria sua vestiebat sicut unum ex istis. Si autem serum agri quod hodie in agro est, et cras in elibum mittitur, Deus sic vestit; quanto magis vos pusillae fidei? Et vos nolite querere quid manducetis, aut quid bibatis; et nolite in sublime tolli. Ille enim omnia gentes mundi inquirunt: Pater autem vester scit quoniam his indigetis. Verumtamen querite regnum Dei<sup>1</sup>, et haec omnia adjicientur vobis. Nolite timere, pusillus grex; quia complacuit Patri vestro dare vobis regnum. Vendite quae possidetis, et date elemosynam. Facite vobis sacculos qui non veterascunt, thesaurum non deficientem in celis; quo sur non appropiat, neque linea corrumpt. Ubi enim thesaurus vester, ibi et cor vestrum erit. *Et post paululum*: Et vos estote parati; quia qua hora non putatis Filius hominis veniet<sup>2</sup>. Ait autem ei Petrus: Domine, ad nos dicis hanc parabolam, an et ad omnes? Dixit autem Dominus: Quis, putas, est fidelis dispensator et prædens, quem constituit dominus supra familiam suam, ut det illis in tempore trilici mensuram? Beatus ille servus, quem cum venerit dominus, invenerit ita facientem. Vere dico vobis, supra omnia quae possidet, constituet illum. Quod si dixerit servus ille in corde suo, Moriamur facit dominus meus venire, et cœperit persecutere pueros et ancillas, et edere, et bibere, et inebrari: veniet dominus servi illius in die qua non sperat, et hora qua nescit, et dividet eum, partemque ejus cum infidelibus ponet. Ille autem servus, qui cognovit voluntatem domini sui, et non præparavit, et non fecit secundum voluntatem ejus, vapulabit multis: qui autem non cognovit, et fecit digna plagis, vapulabit paucis. Omni autem cui multum datum est, multum queretur ab eo; et cui commendaverunt multum, plus repetunt ab eo. *Item paulo post*: Hypocritæ, faciem terræ et cœli nostis probare; hoc autem tempus quomodo non probatis? Quid autem et a vobis ipsis non judicatis quod justum est?

*Et aliquanto post* [xiii.] : Contendite intrare per angustum portam: quia multi, dico vobis, querent intrare, et non poterunt.

*Et alio loco* [xiv.] : Dicebat autem ad invitates parabolam, intendens quomodo primos accubitus eligent, dicens ad illos: Cuma invitatus fueris ad nuptias, non discumbas in primo loco; ne forte honoratio te sit invitatus ab eo, et veniens is qui te et illum vocavit, dicat tibi, Da huic locum; et tunc incipias cum rubore novissimum locum tenere. Sed cum vocatus fueris, vade, recumbe in novissimo loco; ut cum venerit qui te invitavit, dicat tibi, Amice, ascende superius: tunc erit tibi gloria coram simul discubentibus. Quia omnis qui se exaltat, humiliabitur; et qui se humiliat, exaltabitur. Dicebat autem et ei qui se inviterat: Cum facis prandium vel coenam, noli vocare amicos tuos, neque fratres tuos, neque cognatos, ne-

<sup>1</sup> Vulgata habet nec, querite primum regnum Dei et justitiam eius: at in antiquis Corb. Bibl. caret hiis verbis, prius, et justitiam eius; quæ a greco etiam textu absunt, et ab omnibus codicibus hec Speculi.

<sup>2</sup> In MSS. et in antiquis Corb. Bibliis, venit. In greco, erethet.

que vicinos divites; ne forte et ipsi te reinvitant, et fiat tibi retributio. Sed cum facis convivium, voe: pauperes, debiles, claudos, cæcos, et beatus eris, quia non habent retribuere tibi: retribuetur enim tibi in retributione<sup>1</sup> justorum. *Et paulo post*: Si quis venit ad me, et nou odi patrem suum et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et qui non bajulat crucem suam, et venit post me, non potest meus esse discipulus. Quis enim ex ipsis volens turrim ædificare, non prius sedens computat sumptus qui necessarii sunt, si habeat ad perficendum; ne posteaquam posuerit fundamentum, et non poterit perficere, omnes qui vident incipiunt illudere ei, dicentes quia hic homo coepit ædificare, et non potuit consummare? Aut quis rex iterum committere bellum adversus alium regem, non sedens prius cogitat, si possit cum decem milibus occurrere ei, qui cum viginti milibus venit ad se? Alioquin adhuc illo longe agentem, legationem mittens, rogat ea quæ pacis sunt. Sic ergo omnis ex ipsis, qui non renuntiat ornatibus quæ possidet, non potest meus esse discipulus.

*Et post aliquantum* [xvi.] : Et ego vobis dico, Facite vobis amicos de mammona iniquitatis, ut cum defeceritis, recipient vos in æterna tabernacula. Qui fidelis est in minimo, et in majori fidelis est; et qui in modico iniquus est, et in majori iniquus est. Si ergo in iniquo mammona fideles non fuistis; quod vestrum est quis dabit vobis<sup>2</sup>? Nemo servus potest duobus dominis servire: aut enim unum odiet, et alterum diliget; aut uni adhæredit, et alterum contemnet. Non potestis Deo servire et mammonæ. Audiebant autem haec omnia Pharisæi, qui erant avari; et deridebant illum. Et ait illis: Vos estis qui justificatis vos coram hominibus; Deus autem novit corda vestra: quia quod hominibus altum est, abominationis est ante Deum. *Et post paucos versus*: Omnis qui dimicat uxori suam, et dicit alteram, moechatur.

*Et post paululum* [xvii.] : Impossibile est ut non veniant scandala; vae autem illi per quem veniant! Utilius est illi, si lapis molaris imponatur circa collum ejus, et projiciatur in mare, quam ut scandalizet unum de pusillis istis. Attendite vobis: si peccaverit frater tuus, increpa illum; et si penitentiam egerit, dimitte illi. Et si septies in die peccaverit in te, et septies in die conversus fuerit ad te, dicens, Pœnitet me, dimitte illi.

*Et alio loco* [xviii.] : Dixit autem ad quosdam, qui in se confidebant tanquam justi, et aspernabantur ceteros, parabolam istam: Duo homines ascenderunt in templum ut orarent; unus Pharisæus, et alter Publicanus. Pharisæus stans haec apud se orabat: Deus, gratias ago tibi, quia non sum sicut ceteri ho-

<sup>1</sup> Vulgata, in resurrectione. Græc., en tē anastasei.

<sup>2</sup> Locutus ex sacris Bibliis redintegratus hunc in modum: Si ergo in iniquo mammona fideles non fuistis; quod vestrum est, quid credetis vobis? Et si in alieno fideles non fuistis; quod vestrum est, quis dabit vobis?

minum, raptore, injusti, adulteri, veluti etiam hic Publicanus : jejuno bis in sabbato, decimas do omnium quæ possideo. Et Publicanus a longe stans, nolebat nec oculos ad cœlum levare; sed percutiebat pectus suum, dicens : Deus, propitius esto mihi peccatori. Dico vobis, descendit hic justificatus in domum suam ab illo. Quia omnis qui se exaltat, humiliabitur; et qui se humiliat, exaltabitur. Afferebant autem ad illum et infantes, ut eos tangeret. Quod cum videbant discipuli, increpabant illos. Jesus autem convocans illos, dixit : Sinite pueros venire ad me, et nolite eos vetare. Taliū est enim regnum Dei. Amen dico vobis, quicumque non acceperit regnum Dei sicut puer, non intrabit in illud. Et interrogavit eum quidam princeps, dicens : Magister bone, quid faciens vitam æternam possidebo? Dixit autem Jesus : Quid me dicas bonum? Nemo bonus, nisi solus Deus. Mandata nosti? Non occides, Non mœchaberis, Non furum facies, Non falsum testimonium dices, Honora patrem tuum et matrem. Qui ait : Hæc omnia custodiavi a juventute mea. Quo auditio, Jesus ait ei, Adhuc tibi unum deest : omnia quæcumque habes vende, et da pauperibus, et habebis thesaurum in celo; et veni, sequere me. His illo auditis, contristatus est; quia dives erat valde. Vident autem illum Jesus tristem factum, dixit : Quam difficile qui pecunias habent, in regnum Dei intrabunt! Facilius est enim camelum per foramen acus transire, quam divitem intrare in regnum Dei. Et dixerunt qui audiebant : Et quis potest salvus fieri? ait illis : Quæ impossibilia sunt apud homines, possibilia sunt apud Deum. Ait autem Petrus : Ecce nos dimisimus omnia, et secuti sumus te. Qui dixit eis : Amen dico vobis, nemo est qui reliquit dominum, aut parentes, aut fratres, aut uxorem, aut filios, propter regnum Dei, et non recipiat multo plura in hoc tempore, et in sæculo venturo vitam æternam.

*Et alibi [xix.]* : Stans autem Zachæus, dixit ad Dominum : Ecce dimidium bonorum meorum, Domine, do pauperibus, et si quid aliquem defraudavi, reddo quadruplum. Ait Jesus ad eum : Quia hodie salus domini huic facta est, eo quod et ipse filius est Abrahæ. Venit enim Filius hominis querere et salvum facere quod perierat.

*Et post aliquantum [xx.]* : Reddite ergo quæ sunt Cæsaris, Cæsari; et quæ sunt Dei, Deo. *Et alio loco* : Audiente autem omni populo, dixit discipulis suis : Attendite a Scribis, qui ambulare volunt in stolis, et amant salutationes in foro, et primas cathedras in synagogis, et primos discubitus in conviviis; qui devorant domos viduarum, simulantes longam orationem : hi accipient damnationem majorem.

[xxi.] Respiciens autem videt eos qui mittebant munera sua in gazophylacium divites : videt autem et quamdam viduam pauperculam mittentem æra minuta duo; et dixit, Vere dico vobis, quia vidua haec pauper plus quam omnes misit. Nam et omnes hi ex abundanti sibi miserunt in munera Dei : haec autem ex eo quod deest illi, omnem victimum suum quem habuit, misit. *Item alio loco* : Ponite ergo in cordibus

vestris, non præmeditari quemadmodum respondeatis. Ego enim dabo vobis os et sapientiam, cui non poterunt resistere et contradicere omnes adversarii vestri. Trademini autem a parentibus, et fratribus, et cognatis, et amicis, et morte afflent ex vobis; et eritis odio omnibus propter nomen meum : et capitulus de capite vestro non peribit. In patientia vestra possidebitis animas vestras. *Et post aliquantum* : Attendite autem vobis, ne forte graventur corda vestra a crapula et ebrietate, et curis hujus vitæ, et superveniant in vos repentina dies illa. Tanquam enim laqueus superveniet in omnes qui sedent super faciem omniterræ. Vigilate itaque omni tempore orantes, ut digni habeamini fugere omnia ista, quæ futura sunt, et stare ante Filium hominis.

*Item post aliquantum [xxii.]* : Facta est autem contentio inter eos, quis eorum videretur esse major. Dixit autem eis : Reges gentium dominantur eorum, et qui potestatem habent super eos, benefici vocantur. Vos autem non sic : sed qui major est in vobis, fiat sicut junior<sup>1</sup>; et qui præcessor est, sicut ministrator. Nam quis major est, qui recumbit, an qui ministrat? nonne qui recumbit? Ego autem in medio vestrum sicut qui ministrat. *Et alio in loco* : Orate ne in trentis in tentationem.

#### DE EVANGELIO SECUNDUM JOANNEM.

[Cap. v.] Quomodo potestis vos credere, qui gloriam ab invicem accipitis, et gloriam quæ a solo Deo est non queritis?

*Et post aliquantum [viii.]* : Dixit autem Jesus, Nec ego te condemnabo. Vade, et amplius jam noli peccare. *Et paulo post* : Si vos manseritis in sermone meo, vere discipuli mei eritis, et cognoscetis veritatem, et veritas liberabit vos. *Et post paululum* : Amen, amen dico vobis, quia omnis qui facit peccatum, servus est peccati. *Et alibi* : Amen, amen dico vobis, si quis sermonem meum servaverit, non videbit mortem in æternum.

*Et post aliquantum [xii.]* : Qui amat animam suam, perdet eam; et qui odit animam suam in hoc mundo, in vitam æternam custodit eam. Si quis mihi ministrat, me sequatur; et ubi sum ego, illic et minister meus erit. Si quis mihi ministraverit, honorificabit eum Pater meus. *Et alio loco* : Dilexerunt enim gloriam honinum magis quam gloriam Dei.

*Et alibi [xiii.]* : Vos vocatis me, Magister, et Domine; et bene dicitis, sum etenim : si ergo ego lavo pedes vestros Dominus et magister, et vos debetis alter alterius lavare pedes. Exemplum enim dedi vobis, ut quemadmodum ego feci vobis, ita et vos faciatis. *Et paulo post* : Mandatum novum do vobis, ut diligatis invicem, sicut dilexi vos, ut et vos diligatis invicem. In hoc cognoscet omnes quia mei discipuli estis, si dilectionem habueritis ad invicem.

*Et paulo post [xiv.]* : Si diligitis me, mandata mea servate. *Et post paululum* : Qui habet mandata mea

<sup>1</sup> Editi cum Vulgata, sicut minor. At MSS., sicut junior : sicut etiam in antiquis Corb. Biblia; juxta græcum, his ð neoteros.

*et servat ea, ille est qui diligit me : qui autem diligit me, diligitur a Patre meo; et ego diligam eum, et manifestabo ei meipsum.* *Et post tres versus*<sup>1</sup>: *Si quis diligit me, sermonem meum servabit ; et Pater meus diligit eum, et ad eum veniemus, et mansionem apud eum faciemus. Qui nos diligit me, sermones meos non servat.*

*Et paulo post [xv.] :* *Manete in me, et ego in vobis. Sicut palmes non potest facere fructum a seme tipso, nisi manserit in vite ; sic nec vos, nisi in me manseritis. Ego sum vitis, vos palmites : qui manet in me, et ego in eo, hic fert fructum multum. Quia sine me nihil potestis facere. Si quis in me non manserit, mittetur foras, sicut palmes, et arescet ; et colligent eum, et in ignem mittent, et ardet. Si manseritis in me, et verba mea in vobis manserint ; quodcumque volueritis petetis, et sicut vobis. In hoc clarificatus est Pater meus, ut fructum plurimum afferatis, et efficiamini mei discipuli. Sicut dilexit me Pater, et ego dilexi vos : manete in dilectione mea. Si præcepta mea servaveritis, manebitis in dilectione mea : sicut et ego Patris mei præcepta servavi, et maneo in ejus dilectione. Haec locutus sum vobis, ut gaudium meum in vobis sit, et gaudium vestrum impleatur. Hoc est præceptum meum, ut diligatis invicem, sicut dilexi vos. Majorem hac dilectionem nemo habet, quam ut animam suam quis ponat pro amicis suis.* *Et paulo post :* *Haec mando vobis, ut diligatis invicem.*

*Haec de quatuor Evangelii in hoc opere ponenda existimavi : ubi intelligi potest, tres evangelistas, Matthæum scilicet et Marcum et Lucam, ideo nobis plura dedisse præcepta vivendi ; quia eam maxime secuti sunt partem, quæ activa dicitur. Quia vero Joannes contemplativam magis tenuit, ideo cum ejus evangelium supereminat cæteris, multo pauciora tam in eo morum præcepta comperimus. Hinc jam de illo libro cui titulum dederunt, Actus Apostolorum, commemorabimus quæ invenimus omnino paucissima. Eo quippe rerum gestarum continetur historia, quibus adfiscatur fides, magisque ibi exempla quam præcepta conscripta sunt.*

#### DE LIBRO ACTUUM APOSTOLORUM.

[Cap. xv.] *Jacobus ergo loquens :* *Propter quod, inquit, ego judico non inquietari eos qui ex Gentibus convertuntur ad Dominum ; sed scribere ad eos ut abstineant se a contaminationibus simulacrorum, et fornicatione, et suffocatis, et sanguine. Et paulo post :* *Visum est enim Spiritui sancto et nobis, nihil ultra imponere vobis oneris, quam haec necessaria ; ut abstineatis vos ab immolatis simulacrorum, et sanguine, et suffocato, et fornicatione, a quibus custodientes vos, bene agelis. Valete.*

*Et post multa, cum Paulus apostolus præpositis Ecclesiæ, quos congregaverat<sup>2</sup>, loqueretur [xx.] :* *Attende, inquit, vobis, et universo gregi, in quo vos Spiritus sanctus posuit episcopos, regere Ecclesiam Dei, quam acquisivit sanguine suo. Et paulo post idem*

*ad eodem :* *Argentum, aut aurum<sup>3</sup>, aut vestem nullius concupivi, ipsi scitis ; quoniam ad ea quæ mihi opus erant, et iis qui mecum sunt, ministraverunt manus istæ. Omnia ostendi vobis, quoniam sic labentes oportet suscipere infirmos, ac meminisse verbi Domini Jesu, quoniam ipse dixit, Beatus est magis dare quam accipere.*

*Et alio loco, cum Jacobus et qui cum eo erant, Paulo apostolo loquerentur, dixerunt ei [xxi.] :* *Vides, frater, quot millia sunt in Judæis, qui crediderunt ; et omnes emulatores sunt Legis. Audierunt autem de te, quia discessionem doceas a Moyse eorum, qui per Gentes sunt, Judæorum, dicens non debere eos circumcidere filios suos, neque secundum consuetudinem ingredi. Quid ergo est ? Uique oportet convenire multitudem ; audient enim te supervenisse : hoc ergo fac quod tibi dicimus. Sunt nobis viri quatuor votum habentes super se ; his assumptis, sanctifica te cum illis, et impende in illis ut radant capita : et scient omnes quæ de te audierunt, falsa sunt, sed ambulas et ipse custodiens Legem. De iis autem qui crediderunt ex Gentibus, nos scripsimus, judicantes ut abstineant se ab idolis immolato, et sanguine, et suffocato, et fornicatione.*

*Hæc de libro Actuum Apostolorum, nostro huic operi congruentia, quæ hic poneremus, satis esse comperimus. Ubi videmus Apostolos, eis qui ex Gentibus crediderunt, nulla voluisse onera veteris Legis imponere, quantum attinet ad corporalis abstinentiam voluptatis ; nisi ut observarent ab his tribus, id est, ab eis quæ idolis immolarentur, et a sanguine, et a fornicatione. Unde nonnulli pueri tria tantum crimina esse mortifera, idolatriam, et homicidium, et fornicationem ; ubi utique et adulterium, et omnis præter uxorem concubitus intelligitur. quasi non sint mortifera crimina quæcumque alia sunt præter hæc tria, quæ a regno Dei separant, aut inaniter et fallaciter dictum sit, Neque fures, neque avari, neque ebriosi, neque maledici<sup>4</sup>, neque rapaces regnum Dei possidebunt (I Cor. vi, 10). Sed oportet nos repressa disputatione nostra, ad Epistolas apostolicas jam venire, et videre etiam in ipsis quid huic operi convenienter aptetur.*

#### DE EPISTOLA B. PAULI APOSTOLI AD ROMANOS.

[Cap. i.] *Non enim erubesco Evangelium. Virtus enim Dei est in salutem omni credenti, Judeo primum et Græco. Justitia enim Dei in eo revelatur ex fide in fidem, sicut scriptum est, Justus autem ex fide vivit<sup>5</sup>. Revelatur enim ira Dei de cœlo super omnem impietatem et injustitiam hominum eorum, qui veritatem<sup>6</sup> in injustitia detinent : quia quod notum est Dei, manifestum est in illis ; Deus enim illis manifestavit. Invisibilia enim ipsis, a creatura mundi, per ea quæ facta sunt, intellecta conspicuntur, sempiterna quo-*

<sup>1</sup> sic etiam in Corb. Bibliis : at in Bibliis excusis, et aurian.

<sup>2</sup> In editis, malefici. At in Regio Ms. ut in sacris Bibliis, maledici.

<sup>3</sup> Græce est hic et Habac. cap. 2, v. 4, ἔσεται, n̄rēt.

<sup>4</sup> Hic in Vulgata additur, Dei ; quæ tamē vox abest a græco.

<sup>1</sup> Regius codex : *Et post trii versus.*  
<sup>2</sup> Regius Ms., *quos consecraverat.*

que ejus virtus et divinitas; ut sint inexcusabiles: quia cum cognovissent Deum, non sicut Deum glorificaverunt, aut gratias egerunt; sed evanuerunt in cogitationibus suis, et obscuratum est insipiens cor eorum. Dicentes enim se esse sapientes, stulti facti sunt: et mutaverunt gloriam incorruptibilis Dei, in similitudinem imaginis corruptibilis hominis, et volucrum, et quadrupedum, et serpentium. Propter quod tradidit illos Deus in desideria cordis eorum, in immunditiam, ut contumelias afficiant corpora sua in semetipsis. Qui commutaverunt veritatem Dei in mendacium; et coluerunt, et servierunt creature potius quam Creatori, qui est benedictus in saecula. Amen. Propterea tradidit illos Deus in passiones ignominiae. Nam feminæ eorum immutaverunt naturalem usum, in eum usum qui est contra naturam. Similiter autem et masculi relictio naturali usu feminæ, exarserunt in desideriis suis in invicem, masculi in masculos turpitudinem operantes; et mercedem, quam oportuit, erroris sui in semetipsis recipientes. Et sicut non probaverunt Deum habere in notitia; tradidit eos Deus in reprobum sensum, ut faciant quæ non convenient; repletos omni iniquitate, malitia, fornicatione, avaritia, nequitia; plenos invidia, homicidio, contentione, dolo, malignitate; susurrones, detractores, Deo odibiles, contumeliosos, superbos, elatos, inventores malorum, parentibus non obedientes, insipientes, incompositos, sine affectione, absque fœdere, sine misericordia. Qui enī justitiam Dei cognovissent, non intellexerunt quoniam qui talia agunt, digni sunt morte; non solum qui ea faciunt, sed et qui consentiunt facientibus.

[ii.] Propter quod inexcusabilis es, o homo omnis, qui judicas. In quo enim judicas alterum, te ipsum condemnas; eadem enim agis, quæ judicas<sup>1</sup>. Scimus enim quoniam judicium Dei est secundum veritatem in eos qui talia agunt. Existimas autem hoc, o homo, qui judicas eos qui talia agunt, et facis ea, quod tu effugies judicium Dei? An divitias bonitatis ejus et patientiae et longanimitatis contemnis? Ignoras<sup>2</sup> quoniam benignitas Dei ad pœnitentiam te adducit? Secundum duritiam autem tuam, et impoenitens cor, thesaurizas tibi iram in die iræ et revelationis justi judicij Dei, qui reddet unicuique secundum operas ejus: his quidem, qui secundum patientiam boni operis, gloriam et honorem et incorruptionem quærentibus, vitam æternam; his autem, qui ex contentione<sup>3</sup>, et qui non acquiescent veritati, credunt autem iniquitati, ira et indignatio. Tribulatio et angustia in omnem animam hominis operantis malum, Judæi primum et Græci. Gloria autem, et honor, et pax omni operanti bonum, Judæo primum et Græco. *Et post paululum:* Non enim auditores Legis justi sunt apud Deum, sed factores Legis justificabuntur. *Item paulo post:* Qui ergo alium doceas, te ipsum non doceas: qui prædictas

non furandum, furaris, qui dicis non mœchandum, mœcharis; qui abominaris idola, sacrilegium facis; qui in Lege gloriariis, per prævaricationem Legis Deum inhonoras. Nomen enim Dei per vos blasphematur inter Gentes, sicut scriptum est.

*Et aliquanto post [v.]*: Justificati igitur ex fide, pacem habeamus ad Deum per Dominum nostrum Jesum Christum: per quem et accessum habemus fide in gratia ista<sup>4</sup>, in qua stamus, et gloriamur in spe gloria filiorum Dei. Non solum autem, sed et gloriamur in tribulationibus, scientes quia tribulatio patientiam operatur, patientia autem probationem, probatio vero spem, spes autem non confundit: quia caritas Dei diffusa est in cordibus nostris per Spiritum sanctum, qui datus est nobis.

*Et alio loco [vi.]*: Non ergo regnet peccatum in vestro mortali corpore, ut obediatis concupiscentiis ejus. Sed neque exhibeatis membra vestra arna iniqutatis peccato: sed exhibete vos Deo, tanquam ex mortuis viventes, et membra vestra arna justitiae Deo. *Et post paululum:* Humanum dico propter infirmitatem carnis vestrae. Sicut enim exhibuistis membra vestra servire immunditiae et iniqutati ad iniqutatem; ita nunc exhibete membra vestra servire justitiae in sanctificationem.

*Et alio loco [viii.]*: Ergo, fratres, debitores sumus non carni, ut secundum carnem vivamus. Si enim secundum caruem vixeritis, moriemini: si autem spiritu facta carnis mortificaveritis, vivetis. Quicumque enim Spiritu Dei aguntur, hi filii sunt Dei. *Et post paululum:* Hæredes quidem Dei, coheredes autem Christi; si tamen compatiamur, ut et congloriscemur. *Et post paululum:* Si autem quod non videmus, speramus; per patientiam expectamus. *Et post paucos versus:* Scimus autem quoniam diligentibus Deum omnia cooperantur in bonum. *Et paulo post:* Quis nos separabit a charitate Christi? tribulatio? an angustia? an persecutio? an famæ? an nuditas? an periculum? an gladius? Sicut scriptum est, Quia propter te mortificamur tota die, estimati sumus ut oves occisionis. Sed in his omnibus superanus, propter eum qui dilexit nos. Certus sum enim quia neque mors, neque vita, neque angeli, neque principatus<sup>5</sup>, neque instantia, neque futura, neque fortitudo, neque altitudo, neque profundum, neque creatura alia poterit nos separare a charitate Dei, quæ est in Christo Iesu Domino nostro.

*Et alio loco [x.]*: Corde enim creditur ad justitiam: ore autem confessio fit ad salutem. Dicit enim Scriptura: Omnis qui credit in illum, non confundetur. Non enim est distinctio Judæi et Græci. Nam idem Dominus omnium, dives in omnes qui invocant illum. Omnis enim quicumque invocaverit nomen Domini, salvus erit.

*Et alio loco [xi.]*: Tu autem fide sis<sup>6</sup>: noli altum sapere, sed time. Si enim Deus naturalibus ramis non

<sup>1</sup> Am et Fr., qui judices. Græc., ho krinō.

<sup>2</sup> In vetustis Corb. Bibliis participium est, ignorans: juxta græcum, agnoōn.

<sup>3</sup> Vulgata in excusis, quærum vitam æternam; his autem qui sumi ex contentione: at illa in antiquis Corb. Bibliis, nihil differt ab hoc Speculo.

<sup>4</sup> In sacris Bibliis, per fidem in gratiam istam.

<sup>5</sup> Hic sacra Biblia addunt, neque virtutes.

<sup>6</sup> Vulgata, sis. Græc., estēcas.

pepercit, ne forte nec tibi parcat. Vide ergo bonitatem et severitatem Dei : in eos quidem qui ceciderunt, se- veritatem ; in te autem bonitatem<sup>1</sup>, si permanseris in bonitate.

*Et paulo post [xii.]* : Obsecro itaque vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. Et nolite conformari huic seculo ; sed reformamini in novitate sensus vestri : ut probetis quae sit voluntas Dei bona, et placens, et perfecta. Dico enim per gratiam quae data est mihi, omnibus qui sunt inter vos, non plus sapere quam oportet sapere, sed sapere ad sobrietatem, unicuique sicut Deus divisit mensuram fidei. Sicut enim in uno corpore multa membra habemus, omnia autem membra non eundem actum habent : ita multi unum corpus sumus in Christo, singuli autem alter alterius membra. Habentes autem donationes secundum gratiam, quae data est nobis, differentes ; sive prophetiam secundum rationem fidei ; sive ministerium, in ministrando ; sive qui docet, in doctrina ; qui exhortatur, in exhortando ; qui tribuit, in simplicitate ; qui praest, in sollicitudine ; qui miseretur, in hilaritate : dilectio sine simulatione, odientes malum, adbarentes bono ; charitatem fraternitatis invicem diligentes, honore invicem prevenientes ; sollicitudine non pigri, spiritu ferventes, Domino servientes, spe gaudentes, in tribulatione patientes, orationi instantes, necessitatibus sanctorum communicantes, hospitalitatem sciantes. Benedicte perseverantibus vos, benedicte, et nolite maledicere. Gaudere cum gaudientibus, flere cum flentibus. Id ipsum invicem sentientes. Non alta sapientes, sed humilibus consentientes. Nolite esse prudentes apud vosmetipsos. Nulli malum pro malo reddentes : providentes bona, non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes. Non vosmetipsos defendantes, charissimi ; sed date locum iræ. Scriptum est enim, Mihi vindictam, ego retribuam, dicit Dominus. Sed si esurierit inimicus tuus, ciba illum ; si sitiit, potum da illi : hoc enim faciens, carbones ignis congeres super caput ejus. Noli vinci a malo, sed vince in bono malum.

[xiii.] Omnis anima potestatis sublimioribus subdita sit. Non est enim potestas nisi a Deo. Quae autem sunt a Deo, ordinata sunt<sup>2</sup>. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Nam principes non sunt timori boni operis, sed mali. Vis autem non timere potestatem? Bonum fac, et habebis laudem ex illa. Dei enim minister est tibi in bonum. Si autem malum feceris, time : non enim sine causa gladium portat. Dei enim minister est, vindicta in iram ei qui malum agit. Ideo necessitate subjecti estote, non solum propter

iram, sed et propter conscientiam. Ideo enim et tributa prestatis. Ministri enim Dei sunt, in hoc ipsum servientes. Reddite omnibus debita ; cui tributum, tributum ; cui vectigal, vectigal ; cui timorem, timorem ; cui honorem, honorem. Nemini quidquam debeat, nisi ut invicem diligatis. Qui enim diligit proximum, Legem implevit. Nam, Non adulterabis, Non occides, Non furaberis, Non falsum testimonium dices. Non concupiscas, et si quod est aliud mandatum, in hoc verbo instauratur. Diliges proximum tuum sicut te ipsum. Dilectio proximi malum non operatur. Plenitudo ergo Legis est dilectio. Et hoc scientes tempus, quia hora est jam nos de somno surgere. Nunc enim proprior est nostra salus, quam cum credidimus. Nox processit, dies autem appropinquavit. Abjiciamus ergo opera tenebrarum, et induamur arma lucis : sicut in die, honeste ambulemus, non in comessationibus et ebrietatibus, non in cubilibus et impudicitiis, non in contentione et æmulatione ; sed induimini Dominum Iesum Christum. Et carnis curam ne feceritis in desideriis.

[xiv.] Infirmum autem in fide<sup>3</sup> assumite, non in disceptationibus cogitationum. Alius enim credit manducare omnia : qui autem infirmus est, olera manducet. Is qui manducat, non manducantem non spernat : et qui non manducat, manducantem non judicet ; Deus enim illum assumpsit. Tu quis es qui judices alienum servum? Suo domino stat, aut cadit : stabit autem ; potens est enim Deus statuere illum. Nam alius judicat diem inter diem, alius judicat omnem diem. Unusquisque in suo sensu abundet. Quis sapit diem, Domino sapit : et qui manducat, Domino manducat ; gratias enim agit Deo. Et qui non manducat, Domino non manducat, et gratias agit Deo. Nemo enim nostrum sibi vivit, et nemo sibi moritur. Sive enim vivimus, Domino vivimus : sive morimur, Domino morimur. Sive ergo vivimus, sive morimur, Domini sumus. In hoc enim Christus et mortuus est, et resurrexit, ut et mortuorum et vivorum dominetur. Tu autem, quid judicas fratrem tuum? aut tu quare spernis fratrem tuum? Omnes enim stabimus ante tribunal Dei<sup>4</sup>. Scriptum est enim, Vivo ego, dicit Dominus, quoniam mihi flectetur omne genu, et omnis lingua consitebitur Deo. Itaque unusquisque nostrum pro se ratione reddet Deo. Non ergo amplius invicem judicemus. Sed hoc magis judicate, ne ponatis offendiculum fratribus vel scandalum. Scio et confido in Domino Jesu, quia nihil commune per ipsum, nisi ei qui existimat quid commune esse, illi commune est. Si enim propter cibum fratertuu contristatur, jam non secundum charitatem ambulas. Noli cibo tuo illum perdere, pro quo Christus mortuus est. Non ergo blasphemetur bonum nostrum. Non enim est regnum Dei esca et potus, sed justitia et pax et gaudium in Spiritu sancto. Qui enim in hoc servit Christo, placet Deo,

<sup>1</sup> In Vulgata, post, *bonitatem*, additur, *Dei* : quod a græco abest.

<sup>2</sup> Sic olim habuit Vulgata : at nunc emendatus, *charitate*. Rem aliquanto infra, loco, *mihi vindictam*, habet, *mihi vindicta*.

<sup>3</sup> Editi habebant, in fidem. At MSS. juxta Vulgatam, in fide.

<sup>4</sup> Vulgata in excusis, ante tribunal Christi : at illa cum hoc speculo concordat in antiquis Corb. Bibliis ; in quibus etiam subsequenti versiculo habet, *mihi flectet* ; juxta græcum, *emot campsei*.

<sup>5</sup> In sacris Bibliis, *ordinatae sunt* : subaudi potestates.

**et probatus est hominibus.** Itaque quæ pacis sunt, seciemur, et quæ ædificationis sunt in invicem<sup>1</sup>. Noli propter escam destruere opus Dei. Omnia quidem munda sunt; sed malum est homini qui per offendiculum manducat. Bonum est non manducare carnem, et non bibere vinum: neque in quo frater tuus offenditur<sup>2</sup>, aut scandalizatur, aut infirmatur. Tu fidem habes<sup>3</sup> penes temetipsum? habe coram Deo. Beatus qui non judicat semetipsum in eo quod probat. Qui autem discernit, si manducaverit, damnatus est; quia non ex fide. Omne autem quod non est ex fide, peccatum est.

[xv.] **Debeimus autem nos firmiores imbecillitates infirmorum sustinere, et non nobis placere.** Unusquisque nostrum<sup>4</sup> proximo suo placeat in bonum ad ædificationem. Etenim Christus non sibi placuit, sed, sicut scriptum est, *Improperia improverant tibi ceciderunt super me.* Quæcumque autem scripta sunt, ad nostram doctrinam scripta sunt, ut per patientiam et consolationem Scripturarum spem habcamus. Deus autem patientiae et solatii det vobis id ipsum sapere in alterutrum secundum Jesum Christum, ut unanimes uno ore honorificetis Deum et Patrem Domini nostri Iesu Christi. Propter quod suscipite invicem, sicut et Christus suscepit vos in honorem Dei. **Et aliquanto post:** Probaverunt enim Macedonia et Achaia collationem aliquam facere in pauperes sanctorum, qui sunt in Jerusalem. Placuit enim eis, et debitores sunt eorum. Nam si spiritualium eorum participes facti sunt Gentiles, debent et in carnalibus ministrare eis. **Et post paucos versus:** Obsecro igitur vos, fratres, per Dominum nostrum Iesum Christum, et per charitatem Spiritus<sup>5</sup>, ut ad juvetis me in orationibus pro me ad Deum.

**Et paulo post [xvi.] :** Rogo autem vos, fratres, ut observetis eos qui dissensiones et offendicula, præter doctrinam quam vos didicistis, faciunt; et declinate ab eis. Hujusmodi enim Christo Domino nostro non serviant, sed suo ventri, et per dulces sermones et benedictiones seducunt corda innocentium. Vestra enim obedientia in omnem locum divulgata est. Gaudeo igitur in vobis: sed volo vos sapientes esse in bono, et simplices in malo.

#### DE EPISTOLA B. PAULI AD CORINTHIOS.

[Cap. i.] **Obsecro autem vos, fratres, per nomen Domini Iesu Christi,** ut id ipsum dicatis omnes, et non sint in vobis schismata. Sitis autem perfecti in eodem sensu, et in eadem sententia. Significatum est enim mihi de vobis, fratres mei, ab his qui sunt Chloes, quia contentiones inter vos sunt. Hoc autem dico, quod unusquisque vestrum dicit, Ego quidem sum

<sup>1</sup> In editis et in Vulgata post, *invicem*, additur, *custodiamus*: quod verbum abest a MSS. et ab antiquis Corb. Bibl., nec est in græco.

<sup>2</sup> In Carnutensi Speculi codice et in Corb. Bibliss, *offendit*, in græco, *proscopete*: id est, impingit.

<sup>3</sup> Er. Iugd. Ven. Lov. ferunt: *Tu fidem quam habes. M.*

<sup>4</sup> Sic Speculi codices, juxta græco., *hemon*. At Vulgata, *vestrum*.

<sup>5</sup> *Vulgata, sancti Spiritus.* Abest, *sancti*, a Speculi codicibus, et a græco.

Pauli, ego autem Apollo, ego vero Cephae, ego autem Christi. Divisus est Christus? Numquid Paulus crucifixus est pro vobis? aut in nomine Pauli baptizati estis? **Et post paululum:** Ex ipso autem vos estis in Christo Iesu, qui factus est sapientia nobis a Deo, et justitia, et sanctificatio, et redemptio: ut quemadmodum scriptum est, Qui gloriatur, in Domino glorietur.

**Et alio loco [iii.] :** Cum enim sit inter vos zelus et contentio, nomine carnales estis, et secundum hominem ambulatis? Cum enim quis dicit, Ego quidem sum Pauli; alias autem, Ego Apollo: nomine homines estis? **Et post paululum:** Nescitis quia templum Dei estis, et Spiritus Dei habitat in vobis? Si quis autem templum Dei violaverit, disperdet illum Deus. Templum enim Dei sanctum est quod estis vos. Nemo seducat: si quis videtur inter vos sapiens esse in hoc seculo, stultus fiat ut sit sapiens. Sapientia enim hujus mundi stultitia est apud Deum.

**Et post paucos versus [iv.] :** Itaque nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium; et tunc laus erit unicuique a Deo. Hoc autem, fratres, transfiguravi in me et Apollo propter vos; ut in nobis discatis, ne supra quam scriptum est, unus adversus alterum infletur pro alio. Quis enim te discernit? Quid autem habes quod non acceperisti? Si autem acceperisti, quid gloriaris quasi non acceperis? **Et post paululum:** Usque in hanc horam et esurimus, et sitiimus, et nudi sumus, et colaphis cædimur, et instabiles sumus, et laboramus operantes manibus nostris. Maledicimur, et benedicimus: persecutionem patimur, et sustinemus: blasphemamur, et obsecramus. Tanquam purgamenta hujus mundi facti sumus omnium peripsema usque adhuc. Non ut confundam vos haec scribo, sed ut filios meos charissimos moneo.

**Item post paululum [v.] :** Omnino auditur inter vos fornicatio, et talis fornicatio, qualis nec inter Gentes, ita ut uxorem patris aliquis habeat. Et vos inflati estis, et non magis iunctum habuistis, ut tollatur de medio vestrum, qui hoc opus fecit. Ego quidem absens corpore, praesens autem spiritu, jam judicavi ut praesens, eum qui sic operatus est, in nomine Domini nostri Iesu Christi congregatis vobis et meo spiritu, cum virtute Domini Iesu, tradere hujusmodi satanæ<sup>1</sup> in interitum carnis, ut spiritus salvus sit in die Domini nostri Iesu Christi. Non est bona gloriatio vestra. Nescitis quia modicum fermentum totam massam corruptit? Expurgate vetus fermentum, ut sitis nova conspersio, sicut estis azymi. Etenim Pascha nostrum immolatus est Christus. Itaque epulemur non in fermento veteri, neque in fermento malitiæ et nequitiae, sed in azymis sinceritatis et veritatis. Scripsi vobis in epistola, ne commiscamini fornicariis: non utique fornicariis hujus mundi, aut avaris, aut rapacibus, aut idolis servientibus: alioquin debueratis de hoc mundo exiisse. Nunc autem scripsi vobis, non commisceri, si is qui frater nominatur, est fornicator, aut avarus, aut idolis servientibus.

<sup>1</sup> Am. Er. et Ms. Rogius omittunt *satanæ*.

**aut maledicus, aut ebriosus, aut rapax, cum ejusmodi nec cibum sumere. Quid enim mihi de iis qui foris sunt judicare? Nonne de iis qui intus sunt, vos judicatis? Nam eos qui foris sunt, Deus judicabit. Auferte malum ex vobis ipsis.**

[vi.] **Audet aliquis vestrum habens negotium adversus alterum, judicari apud iniquos, et non apud sanctos? An nescitis quoniam sancti de hoc mundo judicabunt? Et si in vobis judicabit mundus, indigni estis qui de minimis judicetis? Nescitis quoniam angelos judicabimus? quanto magis saecularia? Saecularia igitur judicia si habueritis, contemptibiles qui sunt in Ecclesia, illos constituite ad judicandum. Ad verecundiam vestram dico. Sic non est inter vos sapiens qui-quam, qui possit judicare inter fratrem suum? sed frater cum fratre judicio contendit, et hoc apud infideles? Jam quidem omnino delictum est in vobis, quod judicia habetis inter vos. Quare non magis injuriam accipitis? quare non magis fraudem patimini? Sed vos injuriam facitis, et fraudatis, et hoc fratribus. An pescitis quia iniqui regnum Dei non possidebunt? Nolite errare: neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt. Et post paululum: Nescitis quoniam corpora vestra membra Christi sunt? Tollens ergo membra Christi, faciam membra meretricis? Absit. An nescitis quoniam qui adhæret meretrici, unum corpus efficitur? Erunt enim, inquit, duo in carne una. Qui autem adhæret Domino, unus spiritus est. Fugite fornicationem. Omne peccatum quocumque fecerit homo extra corpus est: qui autem fornicatur, in corpus suum peccat. An nescitis quoniam membra vestra templum est Spiritus sancti, qui in vobis est, quem habetis a Deo; et non estis vestri? Empti enim estis pretio magno: glorificate et portate Dominum in corpore vestro.**

[vii.] **De quibus autem scripsistis mihi, bonum est homini mulierem non tangere: propter fornicationem<sup>1</sup> autem unusquisque suam uxorem habeat, et unaquaque suum virum habeat. Uxori vir debitum reddat; similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier. Nolite fraudare invicem, nisi forte ex consensu ad tempus, ut vacetis orationi; et iterum revertimini in id ipsum, ne tentet vos satanas propter incontinentiam vestram. Hoc autem dico secundum indulgentiam, non secundum imperium. Volo autem omnes homines<sup>2</sup> esse sicut me ipsum: sed unusquisque proprium habet dominum ex Deo; alias quidem sic, alias vero sic. Dico autem non nuptis et viduis, bonum est illis si sic manent, sicut et ego. Quod si non se continent, nubant. Melius est enim nubere, quam uriri. His autem qui matrimonio junci sunt, præcipio, non ego, sed Do-**

minus, uxorem a viro non discedere: quod si discessit, manere innuptam, aut viro suo reconciliari. Et vir uxorem non dimittat. Nam ceteris ego dico, non Dominus, si quis frater uxorem habet infidelem, et haec consentit habitare cum illo, non dimittat illam. Et si qua mulier<sup>3</sup> habet virum infidelem, et hic consentit habitare cum illa, non dimittat virum. Sanctificatus est enim vir infidelis in muliere fideli; et sanctificata est mulier infidelis in viro fideli. Alioquin filii vestri immundi essent: nunc autem sancti sunt. Quod si infidelis discedit, discedat. Non est enim servituti subjectus frater aut soror in ejusmodi: in pace autem vocavit nos Deus. Unde enim scis, mulier, si virum salvum facies? aut unde scis, vir, si mulierem salvam facies? nisi unicuique sicut divisit Dominus. Unumquemque sicut vocavit Deus ita ambulet; sicut in omnibus Ecclesiis doceo. Circumcisus aliquis vocatus est? non adducat præputium. In præputio aliquis vocatus est? non circumcidatur. Circumcisio nihil est, et præputium nihil est: sed observatio mandatorum Dei. Unusquisque in qua vocatione vocatus est, in ea permaneat. Servus vocatus es? non sit sibi curae: sed et si potes liber fieri, magis utere. Qui enim in Domino vocatus est servus, libertus est Domini: similiter qui liber vocatus est, servus est Christi. Prelio empti estis; nolite fieri servi hominum: Unusquisque in quo vocatus est, frater<sup>4</sup>, in hoc permaneat apud Deum. De virginibus autem præceptum Domini non habeo; consilium autem do, tanquam misericordiam consecutus a Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acceperis uxorem, non peccasti: et si nupserit virgo, non peccavit; tribulationem tamen carnis babelunt hujusmodi. Ego autem vobis parco. Hoc itaque dico, fratres: tempus breve est; reliquum est, ut et qui habent uxores, tanquam non habentes sint; et qui flent, tanquam non flentes; et qui gaudent, tanquam non gaudentes<sup>5</sup>; et qui utuntur hoc mundo, tanquam non utantur. Præter enim figura hujus mundi. Volo autem vos sine sollicitudine esse. Qui sine uxore est, sollicitus est quae Domini sunt, quomodo placeat Deo. Qui autem cum uxore est, sollicitus est quae sunt hujus mundi, quomodo placeat uxori; et divisus est. Et mulier innupta et virgo cogitat quae Domini sunt, ut sit sancta et corpore et spiritu. Quae autem nupta est, cogitat quae sunt mundi, quomodo placeat viro. Porro hoc ad utilitatem vestram dico: non ut laqueum vobis injiciam, sed ad id quod honestum est, et quod facultatem præbeat sine impedimento Dominum obsecrandi<sup>6</sup>. Si quis autem turpem se vi-

<sup>1</sup> Hic in Vulgata additur, *fidelis*: quod tamen verbum abest a Corb. Biblis et a græco.

<sup>2</sup> In sacris Biblis, *fratres*.

<sup>3</sup> Hoc loco desiderantur isthæc verba, et qui emunt, tanquam non posidentes.

<sup>4</sup> In Regio Speculi codice, *observandi*: quod verbum in plerisque Biblis ante Sixti correctionem habebatur: porro in Corbeiensiis legitur, *Domino observandi*; forte pro. *Domino observandi*. In græco est, allâ pros to euschemon.

(Trente-deux)

<sup>1</sup> Regius codex, propter fornicationes; juxta græcum.  
<sup>2</sup> sic etiam in antiquis Corb. Biblis, juxta græc. At Vulgata nunc loco, *homines*, habet *vos*.

deri existimat super virginem suam, quod sit superadulta, et ita oportet fieri; quod vult faciat; non peccat, si nubat. Nam qui statuit in corde suo firmus, non habens necessitatem, potestatem autem habet suæ voluntatis, et hoc judicavit in corde suo servare virginem suam, bene facit. Igitur et qui matrimonio jungit virginem suam, bene facit; et qui non jungit, melius facit. Mulier alligata est legi quanto tempore vir ejus vivit: quod si dormierit vir ejus, liberata est; cui vult, nubat, tantum in Domino. Beator autem erit, si sic permanserit, secundum meum consilium. Puto autem quod et ego Spiritum Dei habeam.

[viii.] De iis autem quæ idolis sacrificantur, scimus quia omnes scientiam habemus. Scientia inflat: charitas vero ædificat. Si quis se existimat scire aliquid, nondum cognovit quemadmodum oporteat eum scire. Si quis autem diligit Deum, hic cognitus est ab eo. De escis autem quæ idolis immolantur, scimus quia nihil est idolum in mundo. *Et post paululum:* Sed non in omnibus est scientia. Quidam autem conscientia usque nunc idoli, quasi idolothytum manducant; et conscientia ipsorum cum sit infirma, polluitur. Esca autem nos non commendat Deo. Neque enim si non manducaverimus, desiciemus; neque si manducaverimus, abundabimus. Videamus autem ne forte hæc licentia vestra offendiculum fiat infirmis. Si enim quis viserit cum qui habet scientiam, in idolio recumbentem; nonne conscientia ejus cum sit infirma, ædificabitur ad manducandum idolothyta? Et peribit infirmus in tua scientia frater, propter quem Christus mortuus est. Sic autem peccantes in fratres, et percutientes conscientiam eorum infirmam, in Christum peccatis. Quapropter si esca scandalizat fratrem meum, non manducabo carnem in æternum, ne fratrem meum scandalizem.

*Et post pauca [ix.]:* Numquid non habemus potestatem manducandi et bibendi? numquid non habemus potestatem sororem mulierem circumducendi, sicut et cæteri Apostoli, et fratres Domini, et Cephas? aut solus ego et Barnabas non habemus potestatem hoc operandi? Quis militat sois stipendiis unquam? quis plantat vineam, et de fructu ejus non edit? quis pascit gregem, et de lacte gregis non manducat? Numquid secundum hominem hæc dico? an et Lex hæc non dicit? Scriptum est enim in Lege Moysi, Non alligabis os bovi trituranti. Numquid de bobus cura est Deo? An propter nos hoc utique dicit? Nam propter nos utique scripta sunt: quoniam debet in spe qui arat arare, et qui triturat in spe fructus percipiendi. Si nos vobis spiritualia seminavimus, magnum est si carnalia vestra metamus? Si alii potestatis vestre participes sunt, non potius nos? Sed non usi sumus hæc potestate: sed omnia sustinemus ne quod offendiculum demus Evangelio Christi. Nescitis quoniam quæ in sacramento operantur, quæ de sacrario sunt, edunt. et qui

*καὶ επροσέδρον τῷ Κυρίῳ ἀπειπάσθως:* quod Hieronymus in primo libro adversus Jovinianum verit, sed ad id quod horrendum est, et intente facit servire Domino absque ulla distractione; quanquam grecam proprietatem latino sermone non explicari dici.

altario deserviunt, cum altario participantur<sup>1</sup>. Ita et Dominus ordinavit iis qui Evangelium annuntiant, de Evangelio vivere. Ego autem nullo horum usus sum. Non scripsi autem hæc, ut ita fiant in me. Bonum est enim mihi magis mori, quam ut gloriam meam quis evacuet. Nam et si evangelizavero, non est mihi gloria: necessitas enim mihi incumbit; vœ enim mihi est, si non evangelizavero. Si enim vœs hoc ago, mercedem habeo: si autem invitus, dispensatio mihi credita est. Quæ est ergo merces mea<sup>2</sup>? Ut Evangelium prædicans, sine sumptu p̄nare Evangelium Christi<sup>3</sup>, ut non abutar potestate mea in Evangelio. Nam cuī liber essem ex omnibus, omnium me servuin feci, ut plures lucrifacerem. Et factus sum Iudeus tanquam Iudeus, ut Iudeos lucrarer: iis qui sub Lege sunt, quasi sub Lege essem, cum ipse non essem sub Lege, sed sub gratia<sup>4</sup>, ut eos qui sub Lege erant lucrifacrem: iis qui sine Lege erant tanquam sine Lege essem, cum sine Lege Dei non essem, sed in Lege essem Christi, ut lucrifacrem eos qui sine Lege erant. Factus sum infirmis ut infirmus, ut infirmos lucrifacrem. Omnibus omnia factus sum, ut omnes lucrifacrem<sup>5</sup>. Omnia autem facio propter Evangelium, ut particeps ejus efficiar. Nescitis quod hi qui in stadio currunt, omnes quidem currunt, sed unus accipit bravium? Sic currite ut comprehendatis. Omnis autem qui in agone contendit, ab omnibus se abstinet: et illi quidem ut corruptibilem coronam accipiant, nos autem incorruptam. Ego igitur sic curro, non quasi in certum; sic pugno, non quasi aerem verberans: sed castigo corpus meum et in servitutem redigo, ne forte cum aliis prædicaverim, ipse reprobus efficiar.

[x.] Nolo enim vos ignorare, fratres, quoniam patres nostri omnes sub nube fuerunt. *Et post paucos versus:* Sed non in pluribus eorum bene placitum est Deo: nam prostrati sunt in deserto. Hæc autem in figura facta sunt nostri, ut non simus concupiscentes malorum, sicut et illi concupierunt. Neque idololatre efficiamini, sicut quidam ex ipsis, quemadmodum scriptum est, Sedit populus manducare et bibere, et surrexerunt ludere. Neque fornicemur, sicut quidam ex ipsis fornicati sunt, et ceciderunt una die viginti tria millia. Neque tentemus Christum, sicut quidam corum tentaverunt, et a serpentibus perierunt. Neque murmuraveritis, sicut quidam eorum murmuraverunt, et perierunt ab exterminatore. Hæc autem omnia in figura contingebant illis: scripta sunt autem ad correptionem nostram, in quos fines sæculorum de venerunt. Itaque qui se existimat stare, videat ne errat. Tentatio vos non apprebendat, nisi humana. Fidelis autem Deus est, qui non patietur vos tentari supra id quod potestis; sed faciet eum tentatione

<sup>1</sup> Consonant antiqua Corb. Biblia. At Vulgata nunc, partcipant.

<sup>2</sup> In græco quoque exstat vox, Christi: non tamen in Vulgata.

<sup>3</sup> Grecus textus caret hisce verbis, cum ipse non essem sub Lege, sed sub gratia. Vulgata vero nonnisi istis, sed sub gratia: quæ pariter cum antecedentibus ascita videantur ex Epistola ad Rom., cap. 8, vv. 14 et 15.

<sup>4</sup> Vulgata, facerem salvos.

etiam proventum, ut possitis sustinere. Propter quod, charissimi mihi, fugite ab idolorum cultura. *Et paulo post*: Sed quæ immolant Gentes, dæmonis immolant, et non Deo. Nolo autem vos socios fieri dæmoniorum. Non potestis calicem Domini bibere, et calicem dæmoniorum. Non potestis mensæ Domini participes esse, et mensæ dæmoniorum. An æmulamur Dominum? Numquid fortiores illo sumus? Omnia mihi licent, sed non omnia expedient. Omnia mihi licent, sed non omnia ædificant. Nemo quod suum est querat, sed quod alterius. Omne quod in macello venit, manducate, nihil interrogantes propter conscientiam. *Et paulo post*: Si quis autem dixerit, illoc immolatum est idolis; nolite manducare, propter illum qui indicavit, et propter conscientiam. Conscientiam autem dico non tuam, sed alterius. Ut quid enim libertas mea judicatur ab alia conscientia? Si ego cum gratia particeps, quid blasphemor pro eo quod gratias ago? Sive ergo manducatis, sive bibitis, vel aliud quid facitis, omnia in gloriam Dei facite. Sine offensione estote Iudeis, et Gentibus, et Ecclesiæ Dei: sicut et ego per omnia omnibus placebo, non querens quod mihi utile est, sed quod multis, ut salvi fiant.

[xi.] Imitatores mei estote, sicut et ego Christi. *Et post paululum*: Omnis vir orans aut prophetans velato capite, deturpat capit suum. Omnis autem mulier orans aut prophetans non velato capite, deturpat caput suum. *Et post aliquantum*: Hoc autem præcipio non laudans, quod non in melius, sed in deterius convenitis. Primum quidem convenientibus vobis in ecclesiam, audio scissuras inter vos esse, et ex parte credo. Nam oportet et hereses esse, ut et qui probati sunt, manifesti fiant in vobis. Convenientibus ergo vobis in unum, jam non est dominicam cœnam manducare. Unusquisque enim suam cœnam præsumit ad manducandum; et alius quidem esurit, alius autem ebrius est. Numquid domos non habetis ad manducandum et bibendum? aut Ecclesiam Dei contemnitis, et confunditis eos qui non habent? Quid dicam vobis? laudo vos? In hoc non laudo. *Et post aliquos versus*: Itaque quicumque manducaverit panem<sup>1</sup>, vel biberit calicem Domini indigne, reus erit corporis et sanguinis Domini. Probet autem scipsum homo, et sic de pane illo edat, et de calice bibat. Qui enim manducat et bibit indigne, judicium sibi manducat et bibit, non dijudicans corpus Domini. Ideo inter vos multi infirmi, et imbecilles, et dormiunt multi. Quod si nosmet ipsos dijudicaremus<sup>2</sup>, non utique judicaremur. Dum judicamur autem, a Domino corripimur, ut non cum hoc mundo ducimur. Itaque, fratres mei, cum convenientis ad manducandum, invicem exspectate. Si quis esurit, domi manducet, ut non in judicium convenientis. Cetera autem cum venero, disponiam.

*Et alio loco [xii.]*: Sed Deus temperavit corpus, ei cui deerat, abundantiorem tribuendo honorem; ut non sit schisma in corpore, sed in idipsum pro invicem sollicita sint membra. Et si quid patitur unum membrum, compatiuntur omnia membra: sive glo-

ratur<sup>3</sup> unum membrum, congaudent omnia membra. Vos autem estis corpus Christi, et membra de membro. Et quosdam quidem posuit Deus in Ecclesia, primum apostolos, secundo prophetas, tertio doctores, inde virtutes, exinde gratias curationum, gubernationes, opitulationes, genera linguarum, interpretationes sermonum. Numquid omnes apostoli? numquid omnes prophetæ? numquid omnes doctores? numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur? *Æmulamini autem charismata meliora*: et adhuc excellentiorem vobis viam demonstro.

[xiii.] Si linguis hominum loquar, et Angelorum, charitatem autem non habeam, factus sum velut æramentum sonans aut cymbalum tinniens. Et si habuero prophetiam, et noverim mysteria omnia et omnem scientiam; et si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, et si tradidero corpus meum ut ardeam, charitatem autem non habuero, nihil mihi prodest. Charitas patiens est, benigna est. Charitas non æmulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniuriam, congaendet autem veritati. Omnia susserit, omnia credit, omnia sperat, omnia sustinet. Charitas nunquam excidit. *Et post aliquos versus*: Nunc autem manent fides, spes, charitas, tria haec: major autem his est charitas.

[xiv.] Sectamini autem charitatem. *Et paulo post*: Quoniam æmulatores estis spirituum, ad ædificationem Ecclesiæ querite ut abundetis. *Item post paululum*: Fratres, nolite pueri effici sensibus, sed malitia parvuli estote, sensibus autem perfecti estote. *Et alio loco*: Quid ergo est, fratres? Cum convenientis, unusquisque vestrum psalmum habet, doctrinam habet, apocalypsim habet, linguam habet, interpretationem habet? omnia ad ædificationem fiant. *Et post aliquos versus*: Mulieres in ecclesiis taceant: non enim permittitur illis loqui, sed subditas esse, sicut et Lex dicit. Si quid autem volunt discere, domi viros suos interrogent. Turpe est enim mulieri loqui in Ecclesia. An a vobis verbum Dei processit, aut in vos solos devenit?

*Et post paululum [xv.]*: Nolite seduci: corrupti mores bonos colloquia mala. Evigilate, justi<sup>4</sup>, et nolite peccare. Ignorantiam enim Dei quidam habent: ad reverentiam vobis loquer. *Et post paululum*: Itaque, fratres mei dilecti, estote stabiles et immobiles, abundantes in opere Domini semper, scientes quod labor vester non est inanis in Domino.

[xvi.] De collectis autem quæ flunt in sanctos, sicut ordinavi in Ecclesiis Galatiæ, ita et vos facite. Per unum sabbati unusquisque vestrum apud se ponat, reconuens quod ei bene placuerit: ut non cum ve-

<sup>1</sup> Carnutensis codex, glorificantur; juxta græc., docta zeta. id est, gloria afficitur.

<sup>2</sup> Græc., Επειπετε διαιδοις ενιγιλετε ιυστε.

<sup>3</sup> vulgata, juxta græcum, panem hunc.

nero, tunc collecte siant. Cum autem præsens fuero, quos prohaveritis, per epistolam hios mittam perferre gratiam vestram in Jerusalem. Quod si dignum fuerit ut et ego eam, mecum ibunt. Veniam autem ad vos cum Macedoniam pertransiero. Nam Macedoniam pertransibo. Apud vos autem forsitan remanebo, vel etiam hiemabo, ut vos me deducatis quocumque iero. Nolo enim vos modo in transitu videre: spero autem me aliquantum temporis manere apud vos, si Dominus permiserit. Permanebo autem Ephesi usque ad Pentecosten. Ostium enim nulli apertum est magnum et evidens, et adversarii multi. Si autem venerit Timotheus, videte ut sine timore sit apud vos. *Et post paululum:* Vigilate, state in fide, viriliter agite, et confortamini. Onnia vestra in charitate siant.

#### DE EPISTOLA II B. PAULI AD CORINTHIOS.

[Cap. I.] Nam gloria nostra haec est, testimonium conscientiae nostræ, quod in simplicitate<sup>1</sup> et sinceritate Dei, et non in sapientia carnali, sed in gratia Dei conversati sumus in mundo.

*E: post paululum [II.]:* Si quis autem contristavit me<sup>2</sup>, non me contristavit; sed ex parte, ut non onerem, omnes vos. Sufficit illi qui ejusmodi est, objurgatio haec quæ sit a pluribus; ita ut e contrario magis donetis et consolemini, ne forte abundantiore tristitia absorbeatur, qui ejusmodi est. Propter quod obsecro vos, ut confirmetis in illum charitatem. Ideo enim scripsi, ut cognoscam experimentum vestrum, an in omnibus obedientes sitis. Cui autem aliquid donasti, et ego. Nam et ego quod donavi, si quid donavi, propter vos in persona Christi; ut non circumveniamur a satana: non enim ignoramus cogitationes ejus.

*Et alio loco [IV.]:* Ideo habentes hanc administrationem<sup>3</sup>, juxta quod misericordiam consecuti sumus, non deficimus; sed abdicamus occulta dedecoris, non ambulantes in astutia, neque adulterantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo. *Et post paucos versus:* Non enim nosme: ipsos prædicamus, sed Jesum Christum Domipum nostrum, nos autem servos vestros per Jesum. *Et paulo post:* Habetus autem thesaurum istum in vasis scilicibus, ut sublimitas sit virtutis Dei, et non ex nobis. In omnibus tribulationem patimur, sed non angustiamur; apriamur, sed non destituimur; persecutionem patiunur, sed non derelinquimur<sup>4</sup>; dejiciuntur, sed non perimus: semper mortificationem Jesu in corpore nostro circumferentes, ut et vita Jesu in corporibus nostris manifestetur. Semper enim nos qui vivimus,

<sup>1</sup> In Biblio Sixti v. jussu recognitis, post, in simplicitate, additur, cordis: sed hæc vox aberat ab antiquis Corb. et a græco, necnon ab omnibus codicibus hujus Speculi.

<sup>2</sup> Hoc loco, me, non est in Regio codice, nec in græco; siveque diuina expunctum e Vulgata, quæ illud in vetustis Biblio Corb. et in aliis plerisque addiebat.

<sup>3</sup> vulgata nunc in editis, habentes administrationem; prætermissa voce, hanc. At in antiquis Corb. Bibl. ferebat, habentes hanc ministracionem; juxta græcum, tén diaconian tanēn.

<sup>4</sup> Apud Lev. interpositum hic fuerat ex Gemblacensi codice, humiliatur, sed non confundimur; quod nec in MSS. nostris aliisque editionibus speculi, nec in sacris Bibliis nisi forte quibusdam interpolatis, reperiebatur.

in mortem tradimur propter Jesum, ut et vita Jesu manifestetur in carne nostra mortali. Ergo mors in nobis operatur, vita autem in vobis. Habentes autem cumdem spiritum fidei, sicut scriptum est, Credidi propter quod locutus sum, et nos credimus propter quod et loquimur. *Et post sex versus:* Propter quod non deficimus; sed licet is qui intus est homo noster corrumpatur, tamen is qui intus est renovatur de die in diem. Id enim quod in praesenti est momentaneum et leve tribulationis nostræ, supra modum in sublimitate<sup>5</sup> æternum gloriae pondus operatur in nobis: non contemplantibus nobis quæ videntur, sed quæ non videntur. Quæ enim videntur, temporalia sunt: quæ autem non videntur, æterna sunt.

*Et post paululum [VI.]:* Adjuvantes<sup>6</sup> autem adhortamur, ne in vacuum gratiam Dei recipiatis. Ait enim, Tempore accepto exaudivi te, et in die su'utis adjuvante. Ecce nunc tempus acceptabile, ecce nunc dies salutis. Nemini dantes ullam offensionem, ut non vituperetur ministerium nostrum: sed in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non facta, in verbo veritatis, in virtute Dei; per arma justitiae, a dextris et a sinistris, per gloriam et ignobilitatem, per infamiam et famam; ut seductores et veraces, sicut qui ignoti et cogniti; quasi morientes, et ecce vivimus; ut castigati et non mortificati; quasi tristes, semper autem gaudentes; sicut egentes, multos autem locupletantes; tanquam nihil habentes, et omnia possidentes. *Et post paucos versus:* Dilatamini et vos. Nolite jugumducere cum infidelibus. Quæ enim participatio justitiae cum iniuitate? aut quæ societas luci ad tenebras? Quæ autem conventio Christi ad Belial? aut quæ pars fidei cum infidei? Qui autem consensus templo Dei cum idolis? Vos enim estis templum Dei vivi, sicut aicit Dominus: Quoniam inhabitabo in illis, et inambulabo inter eos, et ero illorum Deus, et ipsi erunt mihi populus. Propter quod exite de medio eorum, et separamini, dicit Dominus, et immundum ne tetigeritis; et ego recipiam vos, et ero vobis in patrem, et vos eritis mihi in filios et filias, dicit Dominus omnipotens.

[VII.] Iles igitur habentes promissiones, charissimi, mundemus nos ab omni inquinamento carnis et spiritus, perficientes sanctificationem in timore Dei. *Et post paululum:* Quoniam et si contristavi vos in epistola, non me pœnitit: et si pœnitieret, videns quod epistola illa etsi ad horam vos contristavi, nunc gaudeo, non quia contristati estis, sed quia contristati estis ad pœnitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, pœnitentiam

<sup>5</sup> Regius codex et Corb. Biblia, supra modum in sublimitatem; juxta græcum, kath' uperbolēn eis uperbolēn.

<sup>6</sup> Regius codex, adjurantes.

In salutem stabilem operatur. Sæculi autem tristitia mortem operatur. Ecce enim hoc ipsum secundum Deum contristari vos, quantam in vobis operatur solitudinem?

*Et post paucos versus [viii.]*: Notam autem vobis facimus, fratres, gratiam Dei, quæ data est in Ecclesiis Macedonice, quod in multo experimento tribulationis abundantia gaudii ipsorum<sup>1</sup>, et altissima paupertas eorum abundavit in divitias simplicitatis eorum. Quia secundum virtutem (testimonium illis reddo), et supra virtutem voluntarii fuerunt, cum multa exhortatione obsecrantes nos gratiam, et communicationem ministerii quod sit in sanctos: et non sicut speravimus, sed semelipsos dederunt, primum Dominum, deinde nobis per voluntatem Dei; ita ut rogaremus Titum, ut quemadmodum coepit, ita et perficiat in vobis<sup>2</sup> etiam gratiam istam. Sed sicut in omnibus abundatis fide, et sermone, et scientia, et omni sollicitudine, insuper et charitate vestra in nos, ut et in hac gratia abundetis: non quasi imperans dico, sed per aliorum sollicitudinem etiam vestre charitatis ingenium borum comprobans<sup>3</sup>. Scitis enim gratiam Domini nostri Iesu Christi, quoniam propter vos egernus factus est, cum esset dives, ut inopia illius vos divites essetis. Et consilium in hoc do. Hoc enim vobis utile est, qui non solum facere, sed et velle cœpistis ab anno priori. Nunc vero et facto perficite, ut quemadmodum promptus est animus voluntatis, ita sit et perficiendi ex eo quod habetis. Si enim voluntas prompta est, secundum id quod habet accepta est, non secundum id quod non habet. Non enim ut aliis sit remissio, vobis autem tribulatio; sed ex æqualitate, in praesenti tempore vestra abundantia illorum inopiam suppleat, ut et illorum abundantia vestra inopie sit supplementum, ut fiat æqualitas, sicut scriptum est: Qui multum, non abundavit; et qui modicum, non minoravit. Gratias autem Deo, qui dedit eamdem sollicitudinem pro vobis in corde Titi: quoniam exhortationem quidem suscepit, sed cum sollicitior esset, sua voluntate profectus est ad vos. Misimus autem cum illo fratrem, cuius laus est in Evangelio per omnes Ecclesias. Non solum autem, sed et ordinatus ab Ecclesiis comes peregrinationis nostræ, in hac gratia<sup>4</sup>, quæ ministratur a nobis ad Domini gloriam et destinatam voluntatem nostram: devitantes hoc, ne quis nos vituperet in hac plenitude, quæ ministratur a nobis<sup>5</sup>. Providemus enim bona non solum coram Deo, sed etiam coram hominibus.

<sup>1</sup> Vulgata nunc Lahet, *ipsorum fuit*; sed carebat, *fuit*, in Corb. Bibliis et in græco, necnon in codicibus hujus Speculi.

<sup>2</sup> Regius codex, *perficiat in vos*: pauloque post, *sollicitudine et charitate vestra in nobis*; prætermisso, *insuper*: quibus locis ad græc. quadrat.

<sup>3</sup> Am. et Fr. hic, *ingenuum bonum comprobans*. In græco unum tantum verbum est *gnēsis*: quod *ingenitatem*, sive *sinceritatem* significat.

<sup>4</sup> Sic etiam Corb. Biblia ferentur. At nunc in Vulgata legitur, *in hanc gratiam*. In græco, *sim tē chariti tauē*.

<sup>5</sup> Hic in editis addebatur, *in Domini gloriam*; quod a Miss. et a sacris Bibliis absit. Paulus infra, pro: *Et post aliquos versus*, habet Regius codex: *Et post novem versus*.

*Et post aliquos versus [ix.]*: Nam de ministerio quod sit in sanctos, ex abundanti est mihi scribere vobis. Scio enim promptum animum vestrum, pro quo de vobis glorior apud Macedones; quoniam Achaia parata est ab anno præterito, et vestra æcumulatio provocavit plurimos. Misi autem fratres, ut ne quod gloriatur de vobis, evanescetur in hac parte: ut, quicquidem dixi, parati sitis; ne cum venerint mecum Macedones, et invenerint vos imparatos, erubescamus nos (ut non dicam vos) in hac substantia. Necessarium ergo existimavi rogare fratres, ut præveniant ad vos, et præparent re promissam benedictionem hanc paratam esse, sic quasi benedictionem, non quasi avaritiam. Hoc autem dico: qui parce seminat, parce et metet; et qui seminat in benedictionibus, de benedictionibus et metet. Unusquisque prout destinavit in corde suo, non ex tristitia, aut ex necessitate. Hilarem enim datorem diligit Deus. Potens est autem Deus omnem gratiam abundare facere in vobis, ut in omnibus semper omnem sufficientiam habentes, abundetis in omne opus bonum, sicut scriptum est: Dispersit, dedit pauperibus, justitia ejus manet in æternum<sup>6</sup>. Qui autem administrat semen seminanti, et panem ad manducandum præstabit, et multiplicabit semen vestrum, et augebit incrementa frugum justitiae vestrae; ut in omnibus locupletati abundetis in omnem simplicitatem, quæ operatur per nos gratiarum actionem Deo: quoniam ministerium hujus officii, non solum supplet ea quæ desunt sanctis, sed etiam abundat per multas gratiarum actiones in Domino, per probationem ministerii hujus; glorificantes Deum in obedientia confessionis vestrae<sup>7</sup>, et simplicitate communicationis in illos et in omnes; et ipsum obsecratione pro vobis, desiderantium vos propter eminentem gratiam Dei in vobis. Gratias ago Deo<sup>8</sup> super inenarrabili dono ejus.

*Et alio loco [x.]*: Qui autem gloriatur, in Domino gloriatur. Non enim qui scipsum commendat, ille probatus est; sed quem Deus commendat.

*Et post aliquantum [xi.]*: Ministri Christi sunt? et ego<sup>9</sup>: ut minus sapiens dico, plus ego. In laboribus plurimis, in carcerebus abundantius, in plagiis supra modum, in mortibus frequenter: a Judeis quinques quadragenas, una minus, accepi. Ter virgis cæsus sum, semel lapidatus sum, ter naufragium feci; nocte et die in profundo maris fui: in itineribus æpe, periculis fluminum, periculis latronum, periculis ex genere, periculis ex Gentibus, periculis in civitate, periculis in solitudine, periculis in mari, periculis in falsis fratribus: in labore et ærumna, in vigiliis multis, in fame et siti, in jejuniis multis, in frigore et nuditate: præter illa quæ extrinsecus sunt, instantes.

<sup>6</sup> Sic MSS. cum antiquis Corb. Bibliis. At editi habebant sicuti nunc Vulgata, in *seculum seculi*: quoniam in græco sit tantum, *eis ton aionā*.

<sup>7</sup> Hic in sacris Bibliis additur, in *Evangelium Christi*.

<sup>8</sup> Vulgata, *Gratias Deo: prætermisso, ago*. Græc. autem, *charis de tō Thed.*

<sup>9</sup> Redundat, et ego: quod quidem in Vulgata etiam hic repetebatur; sed merito per Bibliorum castigatores expunctum fuit, cum id textus græcus non habeat.

tia mea quotidiana, sollicitudo omnium Ecclesiarum. Quis infirmatur, et ego non infirmor? quis scandalizatur, et ego non uror? Si gloriari oportet, quæ infirmitatis meæ sunt gloriabor.

*Et post paululum [xii.]*: Libenter igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis multis<sup>1</sup> proChristo. Cum enim infirmor, tunc potens sum. *Et post aliquos versus*: Ecce tertio paratus sum venire ad vos, et non ero gravis vobis. Non enim quero quæ vestra sunt, sed vos. Nec enim debent filii parentibus thesaurizare, sed parentes filii. Ego autem libentissime impendam, et superimpendar ipse pro animabus vestris, licet plus vos diligens, minus diligar. *Et post aliquos versus*: Timeo enim ne forte cum venero, non quales volo inveniam vos, et ego inveniar a vobis qualem non vultis: ne forte contentiones, æmulationes, animositates, dissensions, detractiones, susurrations, inflationes, seditiones sint inter vos; ne iterum cum venero, humiliet me Deus apud vos, et lugeam multos ex iis qui ante peccaverunt, et non egerunt poenitentiam super immunditia<sup>2</sup> et impudicitia quam gesserunt.

*Et alio loco [xiii.]*: Oremus autem Deum, ut nihil malum faciat: non ut nos probati pareamus, sed ut vos quod justum est faciat<sup>3</sup>. *Et post sex versus*: De cetero, fratres, gaudete, perficimini, exhortamini, idipsum sapite, pacem habete; et Deus dilectionis et pacis erit vobiscum.

#### DE EPISTOLA B. PAULI AD GALATAS.

[Cap. i.] Si adhuc hominibus placere, Christi servus non essem.

*Et post aliquantum [v.]*: Nam in Christo Jesu neque circumcisio aliquid valet, neque præputium; sed fides quæ per dilectionem operatur. *Et alio loco*: Vos autem in libertatem vocati estis<sup>4</sup>, fratres: tantum ne libertatem in occasionem carnis detis, sed per charitatem spiritus servite invicem<sup>5</sup>. Omnis enim Lex in uno sermone impletur: Diliges proximum tuum sicut te ipsum. Quod si invicem mordetis et comeditis, videte ne ab invicem consumamini. Dico autem<sup>6</sup>: Spiritu ambulate, et desideria carnis non perficietis. Caro enim concupiscit adversus spiritum, spiritus autem adversus carnem. Hæc enim sibi invicem adversantur, ut non quæcumque vultis, illa faciat. Quod si spiritu ducimini, non estis sub Lege. Manifesta autem sunt opera carnis, quæ sunt, fornicatio, immunditia<sup>7</sup>, luxuria, idolorum servitus, beneficia,

<sup>1</sup> sacra Biblia non addunt, *multis*.

<sup>2</sup> Hic sacra Biblia interponunt, et fornicatione.

<sup>3</sup> vulgata, *quod bonum est*. Grec., *τὸ καλὸν*.

<sup>4</sup> Sic MSS. hujus Speculi, juxta vulgatam. At editi, in libertate. In græco est, *ἐπ' εἰλιθερίᾳ*.

<sup>5</sup> vox, *spiritus*, abest a vetustis Corb. Bibliis et a Græco.

<sup>6</sup> Editi post, *Dico autem, addunt, in Christo*: quod nec in MSS. est, nec in sacris Bibliis nisi forte interpolatis,

<sup>7</sup> In vulgata inseritur hic, *impudicitia*: quæ vox a vetustis Corb. Bibliis abest. Repertum quidem a J. Hieronymo, sed subracta voce, *luxuria*. In græco autem nominatur primum, *adulterium*; tum, *fornicatio*; deinde alia ut hic recensentur omisso nomine, *impudicitia*.

inimicitæ, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comessationes, et his similia: quæ prædicto vobis, sicut prædicti, quoniam qui talia agunt, regnum Dei non possidebunt<sup>8</sup>. Fructus autem spiritus est charitas, gaudiū, pax, patientia, longanimitas, bonitas, benignitas<sup>9</sup>, fides, modestia, continentia. Adversus hujusmodi non est lex. Qui autem Christi sunt, carnem suam crucifixerunt cum vitiis et concupiscentiis. Si spiritu vivimus, spiritu et ambulemus. Non efficiamur inanis gloriae cupidi, invicem provocantes, invicem invidentes.

[vi.] Fratres, etsi præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans te ipsum, ne et tu tenteris. Alter alterius onera portate, et sic adimplebitis legem Christi. Nam si quis existimat se aliquid esse, cum nihil sit; ipse se seducit. Opus autem suum probet unusquisque, et sic in semetipsa tantum habebit gloriam, et non in altero. Unusquisque enim onus suum portabit. Communicet autem is qui catechizatur verbum<sup>10</sup>, ei qui se catechizat, in omnibus bonis. Nolite errare: Deus non irridetur. Quæ enim seminaverit homo, haec et metet: quoniam qui seminat in carne sua, de carne et metet corruptionem; qui autem seminat in spiritu, de spiritu et metet vitam æternam. Bonum autem facientes non deficiamus; tempore enim suo metemus non deficiente. Ergo dum tempus habemus, operemur bonum ad omnes, maxime autem ad domesticos fidei.

#### DE EPISTOLA B. PAULI AD EPHESIOS.

[Cap. iv.] Obscro itaque vos, fratres, ego vincus in Domino, ut digne ambuletis vocatione qua vocati estis, cum omni humilitate et mansuetudine, cum patientia supportantes invicem in charitate, solliciti servare unitatem spiritus in vinculo pacis. *Et alio loco*: Hoc itaque dico, et testificor in Domino, ut jam non ambuletis sicut et Gentes ambulant, in vanitate sensus sui, tenebris obscuratum habentes intellectum, alienati a vita Dei per ignorantiam, quæ est in illis prædicta cæcitatem cordis ipsorum: qui desperantes semetipsos tradiderunt impudicitæ in operationem immunditiae omnis et avaritiae<sup>11</sup>. Vos autem non ita didicistis Christum: si tamen illum audistis, et in ipso docti estis, sicut est veritas in Jesu. Deponite<sup>12</sup> vos secundum pristinam conversationem veterem hominem, qui corrumperit secundum desideria

<sup>8</sup> Vulgata, *non consequentur*, Græc., ou *cleronomésosin*.

<sup>9</sup> In Vulgata superadduntur duo vocabula, scilicet hoc loco, *mansuetudo*; postremo, *castitas*: sicut fructus spiritus sunt duodecim. At in vetustis Corb. Bibliis non sunt plus undecim, quia omittuntur, *mansuetudo*: in græco autem non plus novem, quia absunt, *patientia* et *castitas*, neque vocabulis, *mansuetudo* ac *modestia*, respondet nisi unum prædicta.

<sup>10</sup> Sic etiam in Corb. Bibliis juxta græcum, *τὸν λόγον*. At in Vulgata nunc est auferendi casu, *catechizatur verbo*.

<sup>11</sup> Pro, et avaritiae, babet nunc Vulgata, in avaritiam: Corb. Biblia, in avaritia; juxta græcum, en pœneçia.

<sup>12</sup> Vulgata, *deponere*: quanquam illa in Corb. Bibliis habuit a prima manu, *deponere*. Porro in græco ev. *σπίθησθαι μήτις, deponisse vos*: et consequenter *αναστῆσθαι*, *renovatos fr̄ise, endusasthai, indusse*: ubi vulgata infinitus in imperativa mutatis praetert, *renovantū, induitū*.

**erroris.** Renovamini autem spiritu mentis vestrae ; et induite novum hominem , qui secundum Deum creatus est in justitia et sanctitate veritatis. Propter quod deponentes mendacium , loquimini veritatem unusquisque cum proximo suo ; quoniam sumus invicem membra. Irascimini , et nolite peccare. Sol non occidat super iracundiam vestram. Nolite locum dare diabolo. Qui surabatur , jam non furetur ; magis autem laboret operando manibus suis quod bonum est , ut habeat unde tribuat necessitatem patienti. Omnis sermo malus ex ore vestro non procedat ; sed si quis bonus ad ædificationem opportunitatis <sup>1</sup> , ut det gratiam audientibus. Et nolite contristare Spiritum sanctum Dei , in quo signati estis in die redemptionis <sup>2</sup> . Omnis amaritudo , et ira , et indignatio , et clamor , et blasphemia tollatur a vobis , cum omni malitia. Estote autem invicem benigni , misericordes , donantes invicem , sicut et Deus in Christo donavit vobis.

[v.] Estote ergo imitatores Dei , sicut filii charissimi ; et ambulate in dilectione , sicut et Christus dilexit nos , et tradidit semetipsum pro nobis oblationem et hostiam Deo in odorem suavitatis. Fornicatio autem , et omnis immunditia , aut avaritia , nec nominetur in vobis , sicut decebat sanctos ; aut turpitudo , aut stultiloquium , aut scurrilitas quæ ad rem non pertinet ; sed magis gratiarum actio. Hoc enim scitote intelligentes , quod omnis fornicator , aut immundus , aut avarus , quod est idolorum servitus , non habet hereditatem in regno Christi et Dei. Nemo vos seducat inanibus verbis : propter hæc enim venit ira Dei in filios dissidentes. Nolite ergo effici participes eorum. Eratis enim aliquando tenebræ ; nunc autem lux in Domino : ut filii lucis ambulate (fructus enim lucis est in omni bonitate et justitia et veritate) , probantes quid sit beneplacitum Deo. Et nolite communicare operibus in fructuosis tenebrarum : magis autem redarguite. Quæ enim in occulto sunt ab ipsis , turpe est et dicere. Omnia autem quæ arguuntur , a lumine manifestantur. Omne enim quod manifestatur , lumen est. Propter quod dicit : Surge qui dormis , et exsurge a mortuis , et illuminabit tibi Christus <sup>3</sup> . Videte itaque , fratres , quomodo cautæ ambuletis , non quasi insipientes , sed ut sapientes , redimentes tempus ; quoniam dies mali sunt. Propterea nolite fieri imprudentes , sed intelligentes quæ sit voluntas Dei. Et nolite ineberi vino , in quo est luxuria : sed implemini Spiritu sancto <sup>4</sup> , loquentes vobis metipsis in psalmis et hymnis et canticis spiritualibus , cantantes et psallentes in cordibus

<sup>1</sup> Vulgata , ad ædificationem fidei. At codices omnes humani Speculi , ad ædificationem opportunitatis ; juxta Hieronymum , qui hunc in locum id observat : « Pro eo , ait , quod nos posuimus ad ædificationem opportunitatis , hoc est quod dicitur grece , τέσις χρειας , in latinis codicibus propter euphoniam mutavit interpres , et posuit , ad ædificationem fidei . »

<sup>2</sup> Vulgata , in diem redemptionis : suffraganto greco , eis emerat.

<sup>3</sup> Loco , τίβι , in vulgata est , te : licet grece legatur , επιτίκαιοι οι οἱ χριστοὶ , illuccescet ; sive uī Hieronymus interpretatur , oriente tibi Christus.

Sic etiam Vulgata in excusis. At in antiquis Corb. Biblitis non additur . sancto : quod pariter Hieronymus greco interpretans prætermisit.

vestris Domino , gratias agentes semper pro omnibus in nomine Domini nostri Iesu Christi , Deo et Patri , subiecti invicem in unitate Christi. Mulieres viris suis subditæ sint , sicut Domino : quoniam vir caput est mulieris , sicut Christus caput est Ecclesie , ipse Salvator corporis ejus <sup>5</sup> . Sed sicut Ecclesia subiecta est Christo , ita et mulieres viris suis in omnibus. Viri , diligite uxores vestras , sicut et Christus dilexit Ecclesiam , et seipsum tradidit pro ea , ut illam sanctificaret , mundans lavacro aquæ in verbo <sup>6</sup> : ut exhiberet ipse sibi gloriosam Ecclesiam , non habentem maculam aut rugam , aut aliquid ejusmodi ; sed ut sit sancta et immaculata. Ita et viri debent diligere uxores suas , ut corpora sua. Qui suam uxorem diligit , seipsum diligit. Nemo unquam carnem suam odio habuit ; sed nutrit et fovet eam , sicut et Christus Ecclesiam : quia membra sumus corporis ejus , de carne ejus et de ossibus ejus. Propter hoc relinquet homo patrem et matrem suam , et adhucerebit uxori suæ ; et erunt duo in carne una. Sacramentum hoc magnum est : ego autem dico in Christo et in Ecclesia. Verumtamen et vos singuli , unusquisque uxorem suam sicut seipsum diligit : uxor autem limeat virum.

[vi.] Filii , obedite parentibus vestris in Domino. Hoc enim justum est. Honora patrem tuum et matrem , quod est primum mandatum in promissione , ut bene sit tibi , et sis longævus super terram. Et , patres , nolite ad iracundiam provocare filios vestros , sed educate eos in disciplina et correptione Domini. Servi , obedite dominis carnalibus cum timore et tremore , in simplicitate cordis vestri , sicut Christo : non ad oculum servientes , quasi hominibus placentes ; sed ut servi Christi , facientes voluntatem Dei ex animo , cum bona voluntate servientes ut Domino , et non hominibus : scientes quoniam unusquisque quodcumque fecerit bonum , hoc recipiet a Domino , sive servus , sive liber. Et vos , domini , eadem facite illis , remittentes minas ; scientes quia et illorum et uester Dominus est in celis , et personarum acceptio non est apud eum. De cætero , fratres , confortamini in Domino , et in potentia virtutis ejus. Induite vos armaturam Dei , ut possitis stare adversus insidias diaboli : quia non est nobis collectatio adversus carnem et sanguinem ; sed adversus principes et potestates , adversus mundi rectores , tenebrarum harum , contra spiritualia nequitiae in coelestibus. Propterea accipite armaturam Dei , ut possitis resistere in die mala , et in omnibus perfecti stare. State ergo succincti lumbos vestros in veritate , et induiti loriceam justitiae , et calcati pedes in præparatione Evangelii pacis : in omnibus sumentes scutum fidei , in quo possitis omnia tela nequissimi igna extinguere ; et galeam salutis assumite , et gladium spiritus , quod est verbum Dei , per omnem orationem et obsecrationem orantes omni tempore in spiritu , et in ipso

<sup>4</sup> Pronomen , ejus , abest a MSS. hujus Speculi , nec in greco reperitur , nec apud Hieronymum.

<sup>5</sup> Sic etiam apud Hieronymum , non addita voce , tunc : quæ quidem vox , post , in verbo , legatur nunc in Vulgata , non autem in textu greco.

vigilantes in omni instantia et obsecratione, pro omnibus sanctis; et pro me, ut detur mihi sermo in apertione oris mei cum fiducia notum facere mysterium Evangelii, propter quod legatione fungor in catena<sup>1</sup>, ita ut in ipso audeam prout oportet me loqui.

#### DE EPISTOLA B. PAULI AD PHILIPPENSES.

[Cap. I.] Quia in nullo confundar, sed in omni fiducia, sicut semper, et nunc magnificabitur Christus in corpore meo, sive per vitam, sive per mortem. Mihi enim vivere Christus est, et mori lucrum. Quod si vivere in carne, hic mihi fructus operis est; et quid eligam, ignoro. Coaretor enim e duobus: desiderium habens dissolvi et cum Christo esse, multo magis melius; permantere autem in carne, necessarium propter vos. *Et post sex versus:* Tantum digne Evangelio Christi conversamini, ut sive cum venero et videro vos, sive absens audiam de vobis, quia statis in uno spiritu unanimes, collaborantes fidei Evangelii. Et in nullo terreamini ab adversariis, quae est illis causa perditionis, vobis autem salutis: et hoc a Deo. Quia vobis donatum est pro Christo, non solum ut in eum credatis, sed ut etiam pro illo patiamini: idem certamen habentes, quale et vidistis in me, et nunc auditis de me.

[n.] Si qua ergo consolatio in Christo, si quod solatium charitatis, si qua societas spiritus, si qua viscera et miserationes<sup>2</sup>, implete gaudium meum, ut idem sapiatis, eamdem charitatem habentes, unanimes, idipsum sentientes. Nihil per contentionem, neque per inanem gloriam; sed in humilitate superiores sibi invicem arbitrantur. Non quae sua sunt singuli considerantes; sed ea quae aliorum. Hoc enim sentite in vobis, quod et in Christo Jesu, qui cum in forma Dei esset, non rapinam arbitratus est esse secundum Deo: sed semetipsum exinanivit formam servi accipiens, in similitudinem hominum factus, et habitu inventus ut homo; humiliavit semetipsum, factus obediens usque ad mortem, mortem autem crucis. Propter quod et Deus illum exaltavit, et donavit illi nomen quod est super omne nomen: ut in nomine Jesu omne genu flectatur, coelestium, terrestrium, et infernorum, et omnis lingua confiteatur quia Dominus Jesus Christus in gloria est Dei Patris. Itaque, charissimi mei, sicut semper obedistis, non ut in praesentia mei tantum, sed multo magis nunc in absentia mea, cum metu et tremore vestram salutem operamini. Deus est enim qui operatur in vobis et velle, et perficere, pro bona voluntate. Omnia autem facite sine murmurationibus et hesitationibus, ut sitis sine querela, et simplices filii Dei, sine reprehensione in medio nationis pravae et perversae; inter quos luceatis sicut luminaria in mundo: verbum vitae continentis ad gloriam mihi in diem Christi<sup>3</sup>;

<sup>1</sup> Editi, in catena ista, ita ut At Regius codex et sacra Biblia carent pronomine, ista.

<sup>2</sup> Vulgata, viscera miserationis. Græc. *splagchna kai oiktirnoi*.

<sup>3</sup> Consonal græcus textus. At Vulgata præfert, ad gloriam nican in die Christi.

quia non in vacuum cucurri, neque in vacuum labravi. Sed et si immolar supra sacrificium et ministerium fidei vestrae, gaudeo et congratulor omnibus vobis. Idipsum autem et vos gaudeete, et congratulani mihi. Spero autem in Domino Jesu Timotheum cito mittere ad vos, ut et ego bono animo sim, cognoscens quæ circa vos sunt. Neminem enim habeo tam unanimum, qui sincera affectione pro vobis sollicitus sit. Omnes enim sua querunt, non quæ sunt Iesu Christi. Experimentum autem ejus cognoscite, quoniam sicut patri filius, mecum servivit in Evangelio. Hunc igitur spero me mittere, mox ut videro quæ circa me sunt. Confido autem in Domino, quoniam et ipse veniam ad vos cito. Necessarium autem existimavi Epaphroditum fratrem et cooperatorem et commilitonem meum, vestrum autem apostolum, et ministrum necessitatis meæ, mittere ad vos: quoniam quidem omnes vos desiderabat, et mœstus erat propter quod audistis illum infirmatum. Nam et infirmatus est usque ad mortem, sed Deus misertus est ejus: non solum autem ejus, verum etiam et mei, ne tristitiam super tristitiam haberem. Festinans ergo misi illum, ut viso eo iterum gaudieatis, et ego sine tristitia sim. Excipite itaque illum cum omni gaudio in Domino; et ejusmodi cum honore h. betote: quoniam propter opus Christi usque ad mortem accessit, tradens animam suam, ut impleret quod vobis deerat erga meum obsequium.

*Et paulo post [iii.]:* Fratres, ego me non arbitror apprehendisse: unum autem, quæ quidem retro sunt oblitiseens, ad ea vero quæ sunt priora extendens me, ad destinatum persequor, ad bravium supernæ vocationis Dei in Christo Jesu. Quicumque ergo perfecti, hoc sentiamus; et si quid aliter sapitis, et hoc vobis Deus revelabit: verumtamen ad id<sup>4</sup> quod pervenimus, ut idem sapiamus, et in eadem permaneamus regula. Imitatores mei estote, fratres; et observate eos qui ita ambulant, sicut habetis formam nostram. Multi enim ambulant, quos sepe dicebam vobis, nunc autem et stens dico, inimicos crucis Christi: quorum finis interitus; quorum Deus ventus, et gloria in confusione ipsorum; qui terrena saipiunt. Nostra autem conversatio in cœlis est.

*Et post tredecim versus [iv.]:* Gaudete in Domino semper; iterum dico, gaudete. Modestia vestra nota sit omnibus hominibus. Dominus enim prope est. Nihil solliciti sitis: sed in omni oratione et obsecratione cum gratiarum actione petitiones vestrae innocentiant apud Deum. Et pax Dei, quæ exsuperat omnem sensum, custodiat corda vestra et intelligentias vestras in Christo Jesu. De cætero, fratres, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bone famæ; si qua virtus, si qua laus<sup>5</sup>, hæc cogitate: quæ et didicistis, et accepistis, et audi-

<sup>4</sup> Abest, id, a sacrâ Bibliâ; neque in illis particula, et post verbum, sapiamus, reperitur.

<sup>5</sup> Apud Lov. additum fuerat hic, disciplinæ, juxta Vulgam: sed Am. Er. et Regius codex vocem istam cum græco præterirent.

stis, et vidistis in me, haec agite; et Deus pacis erit vobiscum. Gavisus sum autem in Domino vehementer, quoniam tandem aliquando refloruitis pro me sentire, sicut et sentiebatis: occupati autem eratis. Non quasi propter penuriam dico. Ego enim didici, in quibus sum, sufficiens esse. Scio et humiliari; scio et abundare: ubique et in omnibus institutus sum, et satiari, et esurire, et abundare, et penuriam pati: omnia possum in eo qui me confortat. Verumtamen bene fecisti communicantes tribulationi meae. Seitis autem et vos, Philippenses, quod in principio Evangelii, quando profectus sum a Macedonia, nulla mihi Ecclesia communicavit in ratione dati et accepti, nisi vos soli: quia et in Thessalonici et semel et bis in usum mihi misistis. Non quia quæro datum, sed requiro fructum abundantem in rationem vestram<sup>1</sup>. Habeo autem omnia, et abundo. Repletus sum, acceptis ab Epaphrodito quæ misistis, odorem suavitatis, hostiam acceptabilem, placentem Deo.

#### DE EPISTOLA I B. PAULI AD THES- SALONICENSES.

[Cap. II.] Ipsi scitis, fratres, introitum nostrum ad vos, quia non inanis fuit: sed ante passi multa<sup>2</sup> et contumeliis affecti, sicut scitis, in Philippis, fiduciam habuimus in Deo nostro loqui ad vos Evangelium Dei in multa sollicitudine. Exhortatio enim nostra non de errore, neque de immunditia, neque in dolo: sed sicut probati sumus a Deo, ut crederetur nobis Evangelium, ita loquimur; non quasi hominibus placentes, sed Deo, qui probat corda nostra. Neque enim aliquando suimus in sermone adulacionis, sicut scitis: neque in occasione avaritiae, Deus testis est: neque querentes ab hominibus gloriam, neque a vobis, neque ab aliis. Cum possemus vobis oneri esse, ut Christi Apostoli: sed facti sumus parvuli in medio vestrum, tanquam si nutrix foveat filios suos. Ita desiderantes vos, cupide volebamus tradere vobis non solum Evangelium Dei, sed etiam animas nostras; quoniam charissimi nobis facti estis. Memores enim facti estis, fratres, laboris nostri et fatigationis: nocte et die laborantes, ne quem vestrum gravaremus, prædicavimus in vobis Evangelium Dei. Vos testes estis et Deus, quam sancte, et juste, et sine querela vobis, qui credidistis, affluimus: sicut scitis, qualiter unumquemque vestrum, tanquam pater filios suos, deprecantes vos, et consolantes, testificati sumus ut ambuletis digne Deo, qui vocavit vos in suum regnum et gloriam. Ideo et nos gratias agimus Deo sine intermissione; quoniam cum accepissetis a nobis verbum auditus Dei, accepistis illud non ut verbum hominum, sed sicut est vere verbum Dei, qui operatur in vobis, qui credidistis. Vos enim imitatores facti estis, fratres, Ecclesiarum Dei, quæ sunt in Iudea, in Christo Jesu; quia eadem passi estis et vos a contribulibus vestris, sicut et ipsi a Iudeis.

*Et alio loco [iv.]*: De cetero ergo, fratres, rogamus

<sup>1</sup> Editi antea juxta Vulgatam, in ratione restra. At MSS. juxta græcum et antiqua Biblia, in rationem restram

<sup>2</sup> Vox, multa, a sacris Bibliis abeat.

vos, et obsecramus in Domino Jesu, ut quemadmodum accepistis a nobis quomodo vos oporteat ambulare, et placere Deo, sic et ambuletis, ut abundetis magis. Scitis enim quæ precepta dederimus vobis per Dominum Jesum. Haec est enim voluntas Dei, sanctificatione vestra, ut abstineatis vos a fornicatione; ut sciat unusquisque vestrum suum vas possidere in sanctificatione et honore, non in passione desiderii, sicut et gentes quæ ignorant Deum; et ne quis supergredietur, neque circumveniat in negotio fratrem suum: quoniam vindicta est Deus de his omnibus, sicut prædiximus vobis, et testificati sumus. Non enim vocavit nos Deus in immunditiam, sed in sanctificationem. Itaque qui haec spernit, non hominem spernit, sed Deum: qui etiam dedit Spiritum suum sanctum in vobis. De charitate autem fraternitatis non necesse habemus scribere vobis: ipsi enim vos a Deo didicistis ut diligatis invicem. Etenim facitis illud in omnes fratres in universa Macedonia. Rogamus autem vos, fratres, ut abundetis magis; et operam delis, ut quietis; et ut vestrum negotium agatis, et operemini manibus vestris, sicut præcepimus vobis: ut honeste ambuletis ad eos qui foris sunt, et nullius aliquid desideretis. Nolumus autem vos ignorare, fratres, de dormientibus, ut non contristemini, sicut et cæteri qui spem non habent.

*Et post aliquos versus [v.]*: Igitur non dormiamus, sicut et cæteri: sed vigilamus et sobrii simus. Qui enim dormint, nocte dormiunt; et qui ebrii sunt, nocte ebrii sunt. Nos autem qui dici sumus, sobrii simus; indui loricam fidei et charitatis, et galeam spem salutis. Quoniam non posuit nos Deus in iram, sed in acquisitionem salutis, per Dominum nostrum Jesum Christum: qui mortuus est pro nobis, ut sive vigilamus, sive dormiamus, simul cum illo vivamus. Propter quod consolamini invicem, et adflicate alterutrum, sicut et facitis. Rogamus autem vos, fratres, ut noveritis eos qui laborant inter vos, et presunt vobis in Domino, et monent vos, ut habeatis illos abundantius in charitate, propter opus illorum; pacem habete cum eis. Rogamus autem vos, fratres; corripite inquietos, consolamini pusillanimos, suscipe infirmos, patientes estote ad omnes. Videte ne quis malum pro malo alicui reddat: sed semper quod bonum est sectamini in invicem, et in omnes. Semper gaudete: sine intermissione orate; in omnibus gratias agite. Haec enim voluntas Dei est in Christo Jesu, in omnibus vobis. Spiritum nolite extinguere. Proprietatis nolite spernere. Omnia autem probate: quod bonum est tenete. Ab omni specie mala abstinete vos.

#### DE EPISTOLA II B. PAULI AD THES- SALONICENSES.

[Cap. 1.] Gratias agere debemus Deo semper pro vobis, fratres, ita ut dignum est; quoniam supercrevit fides vestra, et abundat charitas uniuscujusque vestrum in invicem: ita ut nos ipsi in vobis gloriemur in Ecclesiis Dei, pro patientia vestra et fioe in omnibus persecutionibus vestris et tribulationibus, quas sustinetis in exempli justi iudicii Dei, ut digni

habeamini regno Dei, pro quo et patimini. Si tamen justum est apud Deum, retribuere tribulationem iis qui vos tribulant; et vobis qui tribulamini, requiem nobiscum, in revelatione Domini Jesu de cœlo cum Angelis virtutis ejus, in flamma ignis, dantis vindictam iis qui non noverunt Deum, et qui non obediunt Evangelio Domini nostri Jesu Christi. Qui penas dabunt in interitum <sup>1</sup> æternas, a facie Domini, et a gloria virtutis ejus, cum venerit glorificari in sanctis suis, et admirabilis fieri in omnibus qui crediderunt, quia creditum est testimonium nostrum super vos in die illo. In quo etiam eramus semper pro vobis, ut dignetur vocazione vos sua Deus noster, et impleat omnem voluntatem honestatis<sup>2</sup>, et opus fidei in virtute: ut clarificeatur nomen Domini nostri Jesu Christi in vobis, et vos in illo, secundum gratiam Dei nostri, et Domini Jesu Christi.

*Et alio loco [iii.]*: Denuntiamus aucten vobis, fratres, in nomine Domini nostri Jesu Christi, ut subtrahatis vos ab omni fratre ambulante inordinate, et non secundum traditionem quam acceperunt a nobis. Ipsi enim scitis quemadmodum oporteat imitari nos: quoniam non inquieti fuimus inter vos, neque gratis panem manducavimus ab aliquo; sed in labore et fatigacione, nocte ac die operantes, ne quem vestrum gravaremus. Non quasi non habuerimus potestatem; sed ut nosmetipsos formam daremus vobis ad imitandum nos. Nam et cum essemus apud vos, hoc denuntiabamus vobis, quoniam si quis non vult operari, nec manducet. Audiivimus enim inter vos quosdam ambulare inquiete, nihil operantes, sed curiose agentes. His autem qui eiusmodi sunt, denuntiamus, et obsecramus in Domino Jesu Christo, ut cum silentio operantes, suum panem manducent. Vos autem, fratres, nolite desicere benefacientes. Quod si quis non obdierit verbo nostro per epistolam, hunc noteate, et non commisceamini cum illo, ut confundatur. Et nolite quasi inimicum existimare, sed corripite ut fratrem.

#### DE EPISTOLA B. PAULI AD COLOSSENTES.

[Cap. iii.] Igitur, si consurrexistis cum Christo, quæ sursum sunt querite, ubi Christus est in dextera Dei sedens: quæ sursum sunt sapientia, non quæ super terram. Mortui enim estis, et vita vestra abscondita est cum Christo in Deo. Cum autem Christus apparuerit vita vestra, tunc et vos apparebitis cum ipso in gloria. Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam, et avaritiam, quæ est idolorum servitus: propter quæ venit ira Dei super filios incredulitatis. In quibus et vos ambulastis aliquando, cum viveretis in illis. Nunc autem deponite et vos omnia, iram, indignationem, malitiam, blasphemiam; turpem sermonem de ore vestro ne emiseritis<sup>1</sup>. Nolite mentiri invicem; expoliantes vos veterem hominem cum

<sup>1</sup> Sic MSS. At editi, *dabunt in teritus*. Vulgata, *dabunt in interitu*.

<sup>2</sup> In editis addebatur, *sue*: quæ vox abest a MSS. et a sacris Bibliis.

<sup>3</sup> Regius Speculi codex et sacra Biblia caron his verbis, ne emiseritis: itemque voce *Dei*, quæ hic in v. 40, post, in agnitionem, legitar.

actibus ejus, et induentes novum, eum qui renovatur in agnitionem Dei, secundum imaginem ejus, qui creavit eum: ubi non est Gentilis et Judæus, circumcisio et preputium, Barbarus et Scytha, servus et liber; sed omnia et in omnibus Christus. Induite ergo vos sicut electi Dei, sancti et dilecti, viscera misericordiae, benignitatem, humilitatem, modestiam, patientiam; supportantes invicem, et donantes vobis ipsis, si quis adversus aliquem habet querelam: sicut et Dominus donavit vobis, ita et vos facite<sup>1</sup>. Super omnia autem haec charitatem habete, quod est vinculum perfectio- nis: et pax Christi exsultet in cordibus vestris, in qua et vocati estis in uno corpore; et gratia estote. Verbum Christi habitet in vobis abundantanter, in omni sapientia docentes et commonetes vosmetipsos psalmis, hymnis et cantibus spiritualibus, in gratia can- tantes in cordibus vestris Deo. Omne quocumque facitis in verbo aut in opere, omnia in nomine Domini nostri Jesu Christi, gratias agentes Deo et Patri per ipsum. Mulieres, subditæ estote viris, sicut oportet in Domino. Viri, diligite uxores vestras, et nolite amari esse ad illas. Filii, obedite parentibus per omnia; hoc enim placitum est in Domino. Patres, nolite ad indignationem provocare filios vestros, ut non pusillo animo fiant. Servi, obedite per omnia dominis carna- libus, non ad oculum servientes, quasi hominibus pla- centes; sed in simplicitate cordis, timentes Dominum. Quocumque facitis, ex animo operamini, sicut Do- mino, et non hominibus; scientes quod a Domino accipietis retributionem hereditatis. Domino Christo servite. Qui enim facit injuriam, recipiet id quod inique gessit; et non est personarum acceptio apud Deum.

[iv.] Domini, quod justum est ei æquum, servis præstare; scientes quoniam et vos Dominum habetis in celo. Orationi instate, vigilantes in ea cum gratia- rum actione: orantes simul et pro nobis, ut Deus aperiat nobis ostium sermonis ad loquendum mysterium Christi, propter quod etiam vincetus sum, ut manifestem illud ita ut oportet me loqui. In sapientia ambulate ad eos qui foris sunt, tempus redimentes. Sermo vester semper in gratia sale conditus sit, ut sciatis quomodo oporteat vos unicuique respondere.

#### DE EPISTOLA I B. PAULI AD TIMOTHEUM.

[Cap. i.] Finis autem præcepti est charitas de corde puro, et conscientia bona, et fide non ficta. A quibus quidam aberrantes, conversi sunt in vaniloquium, volentes esse legis doctores, non intelligentes neque quæ loquuntur, neque de quibus affirmant. Scimus autem quoniam bona est lex, si quis ea legitime utatur: scientes hoc<sup>2</sup>, quia justo lex non est posita, sed injustis et non subditis, impiis et peccatoribus, aequali- ratis et contaminatis, parricidis et matricidis, homi- cidis, fornicariis, masculorum concubitoribus, plagiariis, mendacibus, perjuris; et si quid aliud sanctæ doctrinæ adversatur, quæ est secundum Evangelium gloriae beati Dei, quod creditum est mihi.

<sup>1</sup> Verbum, *facite*, abest a Regio codice et a sacris Bibliis.

<sup>2</sup> Vulgata, *sciens hoc*. Græc., *eiōs*.

*Et post paululum* [ii.] : Obscero igitur primum omnium fieri obsecrationes, orationes, postulationes, gratiarum actiones, pro omnibus hominibus : pro rebus, et omnibus qui in sublimitate sunt ; ut quietam et tranquillam vitam agamus, in omni pietate et castitate. *Item post paululum* : Volo ergo viros orare in omni loco, levantes puras manus sine ira et disceptatione. Similiter et mulieres in habitu ornato, cum verecundia et sobrietate ornantes se, non in tortis crinibus, aut auro, aut margaritis, vel veste pretiosa; sed, quod decet mulieres, promittentes pietatem per opera bona. Mulier in silentio discat cum omni subjectione. Docere autem mulieri non permitto, neque dominari in virum, sed esse in silentio.

*Et post aliquot versus* [iii.] : Oportet ergo episcopum irreprehensibilem esse, unius uxoris virum, sobrium, prudentem, ornatum, pudicum, hospitale, doctorem : non vinolentum, non percussorem, sed modestum; non litigiosum, non cupidum, sed suae domui bene praepositum, filios habentem subditos cum omni castitate. Si quis autem domui suae praesesse nescit, quomodo Ecclesie Dei diligentiam habebit? Non neophyllum, ne in superbiam elatus in judicium incidat diaboli. Oportet autem et illum testimoniun habere bonum ab iis qui foris sunt, ut non in opprobrium iudicat et laqueum diaboli. Diaconos similiter pudicos, non bilingues, non multo vino deditos, non turpe lucrum sectantes, habentes mysterium fidei in conscientia pura. Et hi autem probentur primum, et sic ministrant, nullum crimen habentes. Mulieres similiter pudicas, non detrahentes, sobrias, fideles in omnibus. Diaconi sint unius uxoris viri, qui filiis suis bene praesunt<sup>1</sup> et suis domibus. Qui enim bene ministraverint, gradum bonum sibi acquirunt<sup>2</sup>, et multam fiduciam in fide quae est in Christo Jesu.

*Et post duodecim versus* [iv.] : Spiritus autem manifeste dicit quia in novissimis temporibus discedent quidam a fide, attendentes spiritibus erroris, et doctrinis demoniorum, in hypocrisi loquentium mendacium, et cauteriatam habentium suam conscientiam, prohibentium nubere, abstinere a cibis quos Deus creavit ad percipiendum cum gratiarum actione fidelibus, et iis qui cognoverunt veritatem. Quia omnis creatura Dei bona, et nihil abiciendum quod cum gratiarum actione percipitur. Sanctificatur enim per verbum Dei et orationem. Hæc proponens fratribus, bonus eris minister Christi Jesu, nutritus verbis fidei et bonæ doctrinæ quam assecutus es. Ineptas autem et aniles fabulas devita. Exerce te ipsum ad pietatem. Nam corporalis exercitus ad modicum utilis est: pietas autem ad omnia utilis est, promissionem habens vitæ quæ nunc est, et futuræ. Fidelis sermo et omni acceptance dignus. In hoc enim laboramus et maledicimus, quia speramus in Deum vivum, qui est salvator omnium hominum, maxime fidelium. Præcipe hæc, et deca. Nemo adolescentiam tuam contemnat: sed exemplum

esto fidelium, in verbo, in conversatione, in charitate, in fide, in castitate. Dum venio, attende loctioni, exhortationi, doctrinæ. Noli negligere gratiam quæ in te est, quæ data est tibi per prophetiam, cum impositione manuum presbyterii. Hæc meditare, in his esto, ut profectus tuus manifestus sit omnibus<sup>3</sup>. Attende tibi et doctrinæ, insta in illis: hoc enim faciens, et te ipsum salvum facies, et eos qui te audiunt.

[v.] Seniorem ne increpaveris, sed obsecra ut patrem; juvenes, ut fratres; anus, ut matres; juventinas, ut sorores, in omni castitate. Viduas honora, quæ vere viduae sunt. Si qua autem vidua filios aut nepotes habet; discant<sup>4</sup> primum domum suam regere, et mutuam vicem reddere parentibus: hoc enim acceptum est coram Dco. Quæ autem vere vidua est et desolata, sperat in Deum, et instat<sup>5</sup> obsecrationibus et orationibus nocte et die. Nam quæ in deliciis est, vivens mortua est. Et hoc præcipe, ut irreprehensibles sint. Si quis autem suorum, et maxime domesticorum curam non habet, fidei negavit, et est infidelis deterior. Vidua eligatur non minus sexaginta annorum, que fuerit unius viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est. Adolescentiores autem viduas devita. Cum enim luxuriæ fuerint in Christo, nubere volunt; habentes damnationem, quia primam fidei irritam fecerunt. Simul autem et otiosæ discunt circumire domos; non solum otiosæ, sed et verbosæ, loquentes quæ non oportet. Volo autem juniores nubere, filios procreare, matresfamilias esse, nullam occasionem dare adversario maledicti gratia. Jam enim quedam conversæ sunt retro post satanam. Si quis fidelis<sup>6</sup> habet viduas, subministret illis, ut non gravetur. Ecclesia, ut iis quæ vere viduae sunt sufficiat. Qui bene praesunt presbyteri, duplice honore digni habeantur: maxime qui laborant in verbo et doctrina. Dicit enim Scriptura, Non infrenabis<sup>7</sup> os bovi tritauri; et, Diagnus est operarius mercede sua. Adversum presbyterum accusationem noli recipere, nisi sub duobus et tribus testibus. Peccantes coram omnibus argue, ut et ceteri timorem habeant. Testor coram Deo et Christo Jesu et electis Angelis, ut hæc custodias sine præjudicio, nihil faciens in alteram partem declinando. Manus cito nemini imposueris, neque communicaveris peccatis alienis. Te ipsum castum custodi. Noli adhuc aquam bibere, sed vino modo utere, propter stomachum tuum, et fre-

<sup>1</sup> Regius codex, manifestus est in omnibus; juxta græcum, en p̄stis.

<sup>2</sup> Sic omnes codices Speculi; juxta græcum, manifestus. At Vulgata, discat, numero singulari.

<sup>3</sup> Vulgata, speret et instet. Græca scriptura, ἐπίκει καὶ προσμένει, speravit et instat: hinc Regius codex, littera v per libarios, ut sepius sapienter contingit, mutata in b, habet, speravit.

<sup>4</sup> In vetustis Corb. Bibliis: si quis fidelis rel si qua fidelis; juxta græcum, et tis pistos ē pistē.

<sup>5</sup> Sic etiam Corb. Bibl. At nunc Vulgata, non alligabis.

<sup>1</sup> Vulgata, præsint. Sic etiam Lngd. M.

<sup>2</sup> Vulgata, acquirant. At codices hujus Speculi, acquirunt; suffragante græco, peripoiouintai.

quentes tuas infirmitates. Quorundam hominum peccata manifesta sunt, precedentia ad judicium: quosdam autem et subsequuntur. Similiter et facta bona manifesta sunt; et quae aliter se habent, abscondi non possunt.

[vi.] Quicumque sunt sub jugo servi, dominos suos omni honore dignos habeant<sup>1</sup>, ne nomen Domini et doctrina blasphemetur. Qui autem fideles habent dominos, non contemnunt, quia fratres sunt; sed magis serviant, quia fideles sunt et dilecti, qui beneficiorum participes sunt: haec doce, et exhortare. Si quis aliter docet, et non aquiescit sanis sermonibus Domini nostri Iesu Christi, et ei quae secundum pietatem est doctrinæ, superbis<sup>2</sup>, nihil sciens, sed languens circa questiones et pugnas verborum, ex quibus oriuntur invidie, contentiones, blasphemiae, suspicione male, conflicitiones hominum mente corruptorum, et qui privati sunt veritate; existimantium quæstum esse pietatem. Est autem quæstus magnus, pietas cum sufficientia. Nihil enim intulimus in hunc mundum: haud dubium quia nec auferre quid possumus. Habentes autem alimenta, et quibus tegamur, his contenti simus. Nam qui volunt divites fieri, incident in tentaciones, et in laqueum diaboli, et desideria multa inutilia et nociva, quæ mergunt homines in interitum et perditionem. Radix enim omnium malorum est cupiditas, quam quidam appetentes erraverunt a fide, et inseruerunt se doloribus multis. Tu autem, o homo Dei, haec fugi: sectare vero justitiam, pietatem, fidem, charitatem, patientiam, mansuetudinem. Cetera bonum certamen fidei; apprehendere vitam æternam, in qua<sup>3</sup> vocatus es, et confessus bonam confessionem coram multis testibus. Præcipio tibi coram Deo, qui vivisicit omnia, et Christo Iesu, qui testimonium reddidit sub Pontio Pilato bonam confessionem, ut serves mandatum sine macula, irreprehensibile, usque in adventum Domini nostri Iesu Christi. Et post paucos versus: Divitibus hujus saeculi præcipe, non superbe sapere neque sperare in incepto divitiarum, sed in Deo, qui præstat nobis omnia abunde ad fruendum; bene agere, divites fieri in operibus bonis, facile tribuere, communicare, thesaurizare sibi fundamentum bonum in futurum, ut apprehendant veram vitam. O Timothee, depositum custodi, devitans profanas vocum novitates et oppositiones falsi nominis scientiae, quain quidam promittentes circa fidem exciderunt. Gratia tecum. Amen.

#### DE EPISTOLA II B. PAULI AD TIMOTHEUM.

[Cap. i.] Non enim dedit nobis Deus spiritum timoris, sed virtutis et dilectionis et sobrietatis. Noli itaque erubescere testimonium Domini nostri, neque me vinculum ejus; sed collabora Evangelio secundum virtutem Dei. Et post paucos versus: Formam habe sanorum verborum, quæ a me audisti in fide et dilectione in Christo Iesu. Bonum depositum custodi per Spiritum sanctum, qui habitat in nobis.

<sup>1</sup> Vulgata, arbitrentur.

<sup>2</sup> Legendum cum Vulgata, superbis est; vel, superbis: iuxta græcum, tetuphorat.

<sup>3</sup> Græca scriptura, eis ἐν, in quam.

*Et paulo post [ii.]*: Tu ergo, fili mi, confortare in gratia, quæ est in Christo Iesu; et quæ audisti a me per multos testes, haec commenda fidelibus hominibus, qui idonei erunt et alias docere. Labora siue bonus miles Christi Iesu. Nemo militans Deo, implicat se negotiis secularibus, ut ei placeat, cui se probavit. Nam et qui certat in agone, non coronatur nisi legitime certaverit. Laborantem agricolam oportet primum de fructibus accipere. Intellige quæ dico: dabit enim tibi Dominus intellectum in omnibus. Meior esto Dominum Iesum Christianum resurrexisse a mortuis ex semine David, secundum Evangelium meum; in quo labore usque ad vincula, quasi male operans: sed verbum Dei non est alligatum. Ideo omnia sustineo propter electos, ut et ipsi salutem consequantur, quæ est in Christo Iesu, cum gloria cœlesti. Fidelis sermo: Nam si commortui suinus, et convivemus; si sustinebimus<sup>4</sup>, ei conregnabimus; si negabimus, et ille negabit nos; si non credimus, ille fidelis permanet, negare scipsum non potest. Hoc commune, testificans coram Deo. Noli verbis contendere, in utili utile, nisi ad subversionem audientium. Sollicite autem cura te ipsum probabilem exhibere Deo, operarium inconfusibilem<sup>5</sup>, recte tractantem verbum veritatis. Profana autem et vaniloquia devita: multum proficiunt<sup>6</sup> ad impialem; et sermo eorum ut cancer serpit. *Et post sex versus*: Cognovit Dominus qui sunt ejus; et discedat ab iniuitate omnes qui invocant<sup>7</sup> nomen Domini. In magna autem domo non solum sunt vasa aurea et argentea, sed et lignea et stellaria; et quædam quidem in honorem, quædam autem in contumeliam. Si quis ergo mundaverit se ab istis, erit vas in honorem sanctificatum, et utile Domino ad omne opus bonum paratum. Juvenilia autem desideria fugi: sectare vero justitiam, fidem, charitatem, pacem cum iis qui invocant Dominum de corde puro. Stultas autem et sine disciplina quæstiones devita, sciens quod generant lites. Servum autem Domini non oportet litigare, sed mansuetum esse ad omnes, docibilem, patientem, cum modestia corripiantem eos qui resistunt<sup>8</sup>: nequando det illis Deus pœnitentiam ad cognoscendam veritatem, et resipiscant a diaboli laqueis, a quo captivi tenentur ad ipsius voluntatem.

[iii.] Hoc autem scito, quod in novissimis diebus instabunt tempora periculosa; et erunt homines seipso amantes, cupidi, elati, superbi, blasphemi, parentibus non obedientes, ingratii, scelesti, sine affectione, sine pace, criminatores, incontinentes, immittentes, sine benignitate, prodiitores, protervi, tunidi,

<sup>1</sup> Carnutensis codex et Corb. Biblia, si sustinemus. Paulo post, loco, si nequibus, habet Regius codex, juxta Vulgatam, si nequus unus.

<sup>2</sup> MSS., operarium irreprehensibilem. Pacl. infra Regius Ms. et editio Er., et inaniloquia devita. sic etiam Corb. Biblia.

<sup>3</sup> Huic lectioni suffragatur græcus textus. At Vulgata præfert, multum enim proficiunt.

<sup>4</sup> Sacra Biblia, et discedat ab iniuitate omnis qui nominat.

<sup>5</sup> Vulgata, resistunt veritati. Vox tamen, veritati, abest a græco et a codicibus hujus operis, excepto Ms. Gemblensis.

voluptatum amatores magis quam Dei, habentes speciem quidem pietatis, virtutem autem ejus abnegantes : et hos devita. Ex iis enim sunt qui penetrant domos, et captivas ducunt mulierculas oneratas peccatis, quae ducuntur variis desideriis ; semper discentes, et nunquam ad scientiam veritatis pervenientes. *Et post octo versus :* Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passiones, quælia mihi facta sunt Antiochiae, Iconio, Lystris ; quales persecutiones sustinui, et ex omnibus me eripuit Dominus. Et omnes qui volunt pie vivere in Christo Jesu, persecutionem patientur. Mali autem homines et seductores proscilient in pejus, errantes, et in errorem mittentes. Tu vero permane in iis quæ didicisti, et credita sunt tibi, sciens a quo didiceris. Et quoniam ab infancia sacras Litteras nosti, quæ te possunt instruere ad salutem, per fidem quæ est in Christo Jesu. Omnis Scriptura divinitus inspirata, est utilis ad docendum, ad arguendum, ad corrigendum<sup>1</sup>, ad erudiendum in justitia : ut perfectus sit homo Dei, ad omne opus bonum instructus.

[iv.] Testificor coram Deo et Christo Jesu, qui iudicaturus est vivos et mortuos, et per adventum ipsius et regnum ejus, prædicta verbum, insta opportune, importune ; argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coacevabunt sibi magistros, prurientes auribus ; et a veritate quidem auditum avertent, ad fabulas autem convertentur. Tu vero vigila, in omnibus labora, opus fac evangeliæ, ministerium tuum imple<sup>2</sup>. Ego enim jam delibor, et tempus meæ resolutionis instat. Bonum certamen certavi, cursum consummavi, fidem servavi : in reliquo reposita est mihi justitiae corona, quam reddet mihi Dominus in illa die justus judex ; non solum autem mihi, sed et iis qui diligunt adventum ejus.

#### DE EPISTOLA B. PAULI AD TITUM.

[Cap. 1.] Illujus rei gratia reliqui te Grecæ, ut ea quæ desunt, corrigas, et constitutas per civitates presbyteros, sicut ego tibi disposui. Si quis sine crimine est, unius uxoris vir, filios habens fideles, non in accusatione luxurie, aut non subditos. Oportet enim episcopum sine crimine esse, sicut Dei dispensatorem ; non superbum, non iracundum, non vinolentum, non perensorem, non turpis lucri cupidum<sup>3</sup> : sed hospitaliter, benignum, sobrium, justum, sanctum, continentem, amictum item eum qui secundum doctrinam est fidelem servum mem, et potens sit exhortari in doctrina sapia, et eos qui contradicunt arguere. *Et post aliquos versus :* Quam ob causam increpa illos dure, ut sani sint in fide, non intendentis Judaicis fabulis, et mandatis hominum aversantium se a veritate. *Omnia munda mundis :* coquinatis autem et infidelibus

<sup>1</sup> In vulgata, *ad corripiendum* : in græco, *pròs epanorthósin, ad correctionem*.

<sup>2</sup> Nihil supra in græcis Bibliis : at in latinis additur, *sobrias esto*.

<sup>3</sup> Regius codex, *non turpe lucrum sectantem*.

bus nihil mundum : sed inquinare sunt et mens eorum, et conscientia. Confitentur se nosse Deum, factis autem negant ; cum sint abominati et incredibilis, et ad omne opus bonum reprobi.

[ii.] Tu autem loquere quæ decent sanam doctrinam. Senes, ut sobri sint, pudici, prudentes, sani in fide, in dilectione, in patientia. Anus similiter in habitu sancto, non criminatrices, non vino multo servientes, bene docentes, ut prudentiam doceant adolescentulas, ut viros suos ament, filios diligent, prudentes, eastas<sup>1</sup>, domus curam habentes, benignas, subditas suis viris, ut non blasphemetur verbum Dei. Juvenes similiter hortare ut sobri sint. In omnibus te ipsum præbe excipulum bonorum operum in doctrina, in integritate, in gravitate. Verbum sanum, irreprehensibile : ut is qui ex adverso est, vereatur, nihil habens malum dicere de nobis<sup>2</sup>. Servos dominis suis subditos esse, in omnibus placentes, non contradicentes, non fraudantes, sed in omnibus fidem bonam ostendentes, ut doctrinam salvatoris nostri Dei ornent in omnibus. Apparuit enim gratia Dei salvatoris<sup>3</sup> omnibus hominibus, erudiens nos, ut abnegantes impietatem et secularia desideria, sobrie et juste et pie vivamus in hoc sæculo, exspectantes beatam spem et adventum glorie magni Dei et Salvatoris nostri Jesu Christi, qui dedit sciné ipsum pro nobis, ut nos redimeret ab omni iniquitate, et mundaret sibi populum accepabilem, sectatorem bonorum operum. Hæc loquere, et exhortare, et argue cum omni imperio. Nemo te contemnat.

[iii.] Admone illos, principibus et potestatibus subditos esse, dicto obedire, ad omne opus bonum paratos esse : neminem blasphemare, non litigiosos esse, sed modestos, omnem ostendentes mansuetudinem ad omnes homines. *Et post paucos versus :* Fidelis sermo est ; et de his volo te confirmare, ut curent bonis operibus præses qui credunt Deo. Hæc sunt bona et utilia hominibus. Stultas autem quæstiones, et genealogias, et contentiones, et pugnas legis devita : sunt enim inutiles et vanæ. Hæreticum hominem post unam et secundam correctionem devita, sciens quia subversus est qui ejusmodi est, et delinquit proprio iudicio condemnatus.

#### DE EPISTOLA B. PAULI AD PHILEMONEM.

Gaudium enim magnum habui et consolationem in charitate tua, quia viscera sanctorum requieverunt per te, frater. *Et paulo post :* Quem ego volueram tecum detinere, ut pro te mihi ministraret in vinculis Evangelii : sine consilio autem tuo nihil volui facere, uti ne velut ex necessitate bonum tuum esset, sed voluntarium.

#### DE EPISTOLA AD IIEBRÆOS.

[Cap. iii.] Videte, fratres, ne forte sit in aliquo ve-

<sup>1</sup> Vulgata addit, *sobrias* : cui verbo nihil hic in græco respondeat.

<sup>2</sup> Regius codex, *de robis* : juxta græcum.

<sup>3</sup> Vulgata, *saluatoris nostri* : abest, *nostri*, a codicibus Speculi, et a græco textu. Imo in græco cum articulo terminino est nominandi casu è sôlérios, quo gratia ipsa salutis seu salutifera signatur.

strum cor malum incredulitatis, discedendi a Deo vivo: sed adhortamini vosmetipos per singulos dies, donec hodie cognominatur, ut non obduretur quis ex vobis fallacia peccati Participes enim Christi effecti suntes; si tamen initium substantiae ejus usque ad finem firmum retineamus, dum dicitur, Hodie si vocem ejus audieritis, nolite obdurare corda vestra, quicquid admodum in exacerbatione.

*Et post paucos versus [iv.]*: Timeamus ergo, ne forte relieta pollicitatione introcundi in requiem ejus, existimetur aliquis ex vobis deesse. Etenim et nobis nuntiatum est, quemadmodum et illis: sed non profuit illis sermo auditus, non admixtus<sup>1</sup> fidei ex iis quæ audierunt. *Et alio loco*: Ilabentes ergo pontificem magnum, qui penetravit cœlos, Jesum filium Dei, teneamus confessionem. *Et post tres versus*: Adeamus ergo cum fiducia ad thronum gratiæ, ut misericordiam consequamur, et gratiam inveniamus in auxilio opportuno.

*Et paulo post [vi.]*: Non enim injustus Deus, ut obliviscatur operis vestri et dilectionis, quam ostendistis in nomine ipsius; qui ministrasti sanctis, et ministratis. Cupimus autem unumquemque vestrum eamdem ostentare sollicitudinem ad explectionem spei<sup>2</sup> usque in finem: ut non segnes efficiamini, verum imitatores eorum qui fidei et patientia hereditabant promissiones. *Et post septem versus*: Homines enim per majorem sui jurant, et omnis controversia eorum finis ad confirmationem est juramentum.

*Et post aliquantum [x.]*: Teneamus spei nostræ confessionem indeclinabilem (fidelis enim est qui re-promisit), et consideremus invicem in provocationem charitatis et honorum operum: non deserentes collectionem nostram, sicut est consuetudinis quibusdam; sed consolantes, et tanto magis quanto videritis appropinquantem diem. Voluntarie enim peccantibus nobis post acceptam notitiam veritatis, jam non relinquitur hostia pro peccatis. Terribilis namque quedam expectatio iudicii, et ignis æmulatio, quæ consumptura est adversarios. Irritam quis faciens Legem Moysi, sine ulla miseratione duobus vel tribus moritur testibus: quanto magis putatis deteriora mereri supplicia, qui Filium Dei conculcaverit, et sanguinem Testamenti pollutum duxerit, in quo sanctificatus est, et Spiritui gratiae contumeliam fecerit? Scimus enim qui dixit, Mihi vindictam, et ego reddam<sup>3</sup>; et iterum, Quia judicabit Dominus populum suum. Horrendum est incidere in manus Dei viventis. Rememoramini autem pristinos dies, in quibus illuminati magnum certamen sustinuitis passionum. Et in altero quidem opprobriis et tribulationibus spectaculum facti, in altero autem socii taliter conversantium effecti. Nam et vincitis compassi estis, et rapinam bonorum vestrorum

<sup>1</sup> In Bibliorum codice Corbeiensi, necnon in Complutensi editione legitur, non admixtis; ut istud participium non ac sermonem, sed ad illos quibus sermo non profuit, referatur: cui lectio suffragantur græca quædam exemplaria. Confer Theophilacti Commentarii.

<sup>2</sup> Lov., fidei: refragantibus editis aliis et MSS. qui cum sacris Bibliis habent, spei.

<sup>3</sup> Vulgata: Misi vindictam, et ego retribuam.

rum cum gaudio suscepistis, cognoscentes vos habere meliorem et manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est, ut voluntatem Dei facientes, reportetis promissionem. Adhuc enim modicum aliquantulumque, qui venturus est veniet, et non tardabit. Justus autem meus ex fide vivit<sup>4</sup>: quod si subtraxerit se, non placebit anima mea.

*Et aliquanto post [xii.]*: Ideoque et nos tantam habentes impositam nubem testium, deponentes omnem pondus et circumstans nos peccatum, per patientiam curramus ad propositum nobis certamen, aspicientes in auctorem fidei et consummatorem Jesum: qui proposito sibi gaudio, sustinuit crucem, confusione contempta, atque in dextera sedis Dei sedet. Recogitate enim eum, qui tales sustinuit a peccatoribus adversum semetipsum contradictionem, ut ne fatigemini animis vestris deficientes. Nondum enim usque ad sanguinem restititis adversum peccatum repugnantes: et obliiti estis consolationis, quæ vobis tanquam filiis loquitur dicens, Fili mi, noli negligere disciplinam Domini, neque fatigeris dum ab eo argueris. Quem euim diligit Dominus, castigat: flagelat autem omnem filium, quem recipit. In disciplina perseverate; tanquam filiis vobis offert se Deus. Quis enim filius quem non corripit pater? Quod si extra disciplinam estis, cujus participes facti sunt oinnes; ergo adulteri, et non filii estis. Deinde patres quidem carnis nostra habuimus eruditores, et verbamur: non multo magis obtemperabimus Patri spirituum; et vivemus? Et illi quidem in tempore paucorum dierum secundum voluntatem suam erudiebant nos; hic autem ad id quod utile est, in recipiendo sanctificationem ejus. Omnis autem disciplina in praesenti quidem videtur non esse gaudii, sed mœroris; postea autem fructum pacatissimum exercitatis per eam reddet justitiae. Propter quod remissas manus et soluta gena erigite, et gressus rectos facite pedibus vestris; ut non claudicans quis erret, magis autem sanetur. Pacem sequimini cum omnibus, et sanctimoniam, sine qua nemo videbit Deum. Contemplantes ne quis desit gratiae Dei, ne qua radix amaritudinis sursum germinans impediatur, et per illum inquinentur multi: ne quis fornicator, aut profanus, ut Esau, qui propter unam escam vendidit primitiva sua.

*Et alio loco [xiii.]*: Charitas fraternalis maneat in vobis, et hospitalitatem nolite obliisci. Per hanc enim placuerunt<sup>5</sup> quidam, angelis hospitio receptis. Memenisse vincorum, tanquam simul vinci, et laborantium, tanquam et ipsi in corpore manentes. Honorabile conubium in omnibus, et torus immaculatus: fornicatores enim et adulteros judicabit Deus. Sint mores sine avaritia, contenti praesentibus. Ipse enim dixit, Non te deseram neque derelinquam: ita ut confidenter dicamus, Dominus mihi adjutor est, non timebo quid

<sup>4</sup> In græco hic et Habac. cap. 2, v. 4, legitur: διδεται, vivet.

<sup>5</sup> Vulgata in Bibliis non mendosis, latuerunt.

**faciat mihi homo.** Mementote præpositorum vestrum, qui vobis locuti sunt verbum Dei: quorum intuentes exitum conversationis, imitamini fidem. Jesus Christus heri et hodie, ipse et in sæcula. Doctrinis variis et peregrinis nolite abduci. Optimum est enim gratia stabilire cor, non escis, quæ non profuerunt ambulantibus in eis. Habemus altare, de quo edere non habent potestatem qui tabernaculo deserviunt. Quorum enim animalium infertur sanguis pro peccato in sancta per pontificem, horum corpora cremantur extra castra. Propter quod et Jesus, ut sanctificaret per suum sanguinem populum, extra portam passus est. Exeamus igitur ad eum extra castra, impropterum ejus portantes. Non enim habemus hic manentem civitatem, sed futuram inquirimus. Per ipsum ergo offeramus hostiam laudis semper Deo, id est fructum labiorum consitentium nomini ejus. Beneficentiae autem et communionis nolite oblivisci: talibus enim hostiis promeretur Deus. Obedite præpositis vestris, et subiacete eis; ipsi enim pervagilant, quasi rationem pro animabus vestris reddituri: ut cum gaudio hoc faciant, et non gementes; hoc enim non expedit vobis. Orate pro nobis. Confidimus autem, quia bonam conscientiam habemus in omnibus bene volentes conversari.

#### DE EPISTOLA I PETRI.

[Cap. I.] Modicum nunc si oportet contristari in variis temptationibus, ut probatio vestrae fidei multo pretiosior sit auro, quod per ignem probatur. *Et alio loco:* Propter quod succineti lumbos mentis vestrae, sobrii perfecte sperate in eam, quæ offertur vobis, gratiam, in revelatione <sup>1</sup> Jesu Christi: quasi filii obedientie, non configurati prioribus ignorantiae vestrae desideriis, sed secundum eum qui vocavit vos sanctum, ut et ipsi in omni conversatione sancti sitis; quoniam scriptum est, Sancti eritis, quoniam ego sanctus sum. Et si Patrem invocatis eum, qui sine acceptione personarum judicat secundum uniuscujusque opus, in timore incolatus vestri tempore conversationis. *Et post aliquos versus:* Animas vestras castilicantes in obedientia charitatis, in fraternitatis amore, simplici ex corde invicem diligite attentius, renati <sup>2</sup>.

*Et post paucos versus [II.]*: Deponentes igitur omnem malitiam, et omnem dolum, et simulationes, et invidas, et omnes detractiones, sicut modo geniti infantes rationabile sine dolo lac concupiscite. *Et post pauculum:* Charissimi, obsecro vos tanquam advenas et peregrinos abstinere vos a carnalibus desideriis, quæ militant adversus animam. Conversationem vestram inter Gentes habentes bonam, ut in eo quod detrectant de vobis tanquam de malefactoribus, ex bonis operibus vos considerantes glorifificant Deum in die visitationis. Subjecti estote omni humano ordinationi <sup>3</sup> propter Deum; sive regi, quasi præcel-

<sup>1</sup> Sic etiam in antiquis Corb. Bibl. Juxta græcum, en apocalypset. At in excusis Vulgata habet, in revelationem.

<sup>2</sup> Regius codex omittit, renati.

<sup>3</sup> Interpres videtur legisse, taxei, pro etiæ, quod est,

lenti; sive ducibus, tanquam ab eo missis ad vindictam malefactorum, laudem vero bonorum. Quia sic est voluntas Dei, ut benefacientes obmutescere faciat imprudentium hominum ignorantiam: quasi liberi, et non quasi velamen habentes malitia libertatem, sed sicut servi Dei. Omnes honorate, fraternitatem diligite, Deum timete, regem honorificate. Servi, subditi estote in omni timore dominis vestris; non tantum bonis et modestis, sed etiam dyscolis. Hæc est enim gratia, si propter conscientiam Dei sustinet quis tristias, patiens injuste. Quæ enim gloria est <sup>1</sup>, si peccantes et colaphizati suffertis? Sed si bene facientes patimini, et patienter sustinetis; haec est gratia apud Deum. In hoc enim vocati estis: quia et Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus. Qui cum malediceretur, non malediebat; cum pateretur, non communabatur: tradebat autem judicanti se injuste <sup>2</sup>. Qui peccata nostra ipse pertulit in corpore suo super lignum, ut peccatis mortui, justitiae vivanus, hujus <sup>3</sup> livore sanati estis. Eratis enim sicut oves errantes, sed conversi estis nunc ad pastorem et episcopum animatum verstrorum.

*Et alio loco [III.]*: Similiter et mulieres subditæ sint viris suis, ut et si qui non credunt verbo, per mulierum conversationem sine verbo fuerint, considerantes in timore castam conversationem vestram. Quarum sit non extrinsecus capillatura, aut circumdatio auri, aut indumenti vestimentorum cultus: sed qui absconditus est cordis homo in incorruptibilitate quieti ac modesti spiritus, qui est in conpectu Dei locuples. Sic enim aliquando et sanctæ mulieres, sperantes in Deo, ornabant se, subjectæ propriis viris: sicut Sara obediebat Abrahæ, dominum eum vocans. Cujus estis filiae bene facientes, et non timentes ullam perturbationem. Viri similiter cohabitantes, secundum scientiam, quasi infirmiori vaseculo mulierib[us] imparientes honorem, tanquam et cohæredibus gracie vitæ, ut non impediantur orationes vestrae. In fide autem omnes unanimis, compatiens, fraternitatis amatores, misericordes, modesti <sup>4</sup>, humiles: non reddentes malum pro malo, vel maledictum pro maledicto, sed e contrario benedicentes; quia in hoc vocati estis, ut benedictionem hereditate possideatis. Qui enim vult vitam diligere, et videre dies bonos, coercent linguam suam a malo, et labia ejus ne loquantur dolum. Declinet autem a malo, et faciat bonum; inquirat pacem, et sequatur eam. Quia oculi Domini super justos, et aures ejus in preces eorum. Vultus autem Domini super facientes mala. Et quis est qui vobis noceat, si boni emulatores fueritis? Sed et si quid patimini propter justitiam, beati. Timorem autem eorum ne ti-

<sup>1</sup> Sic MSS. cum sacris Bibliis. At editi, *gratia est*. In altera parte ejusdem versiculi Vulgata non habet, *patimini*, et.

<sup>2</sup> In græco est, τὸ κρινοῦ διαιδεῖ, *judicant iuste*.

<sup>3</sup> Vulgata, cuius. Cræsus, od.

<sup>4</sup> Verbum, *modesti*, abest a Regio codice et a Corb. Bibl: neque in græco textu pro his duobus, *modestus*, *humilis*, aliud est quam, *philophrones*.

mueritis, ut non conturbanini. Dominum autem Christum sanctificate in cordibus vestris, parati semper ad satisfactionem omni poscenti vos rationem de ea, quæ in vobis est, spe: sed cum modestia et timore, conscientiam habentes bonam, ut in eo quod detrahunt vobis, confundantur qui calumniantur vestram bonam in Christo conversationem. Melius est enim benefacientes, si velit Dei voluntas, pati, quam malefacientes.

*Et post aliquos versus [iv.]*: Christo igitur passo in carne, et vos eadem cogitatione armamini: quia qui passus est in carne, desit a precatis, ut jam non hominum desideriis, sed voluntati Dei, quod reliquum est in carne vivat temporis. Sufficit enim præteritura tempus ad voluntatem gentium consummandam, his qui ambulaverunt in luxuriis, desideriis, vinolentiis, comedationibus, potionibus, ebrietatibus<sup>1</sup>, et illicitis idolorum cultibus. *Et post aliquos versus*: Estote itaque prudentes, et vigilate in orationibus. Ante omnia mutuam in vobis meti ipsiis charitatem continuam habentes: quia charitas operit multitudinem peccatorum. Hospitales invicem, sine murmuratione. Unusquisque sicut accepit gratiam, in alterutrum illam administrantes, sicut boni dispensatores multiformis gratiae Dei. Si quis loquitur, quasi sermones Dei; si quis ministrat, tanquam ex virtute quam administrat Deus: ut in omnibus honorilicetur Deus, per Jesum Christum Dominum, cui est gloria et imperium in sæcula sæculorum. Charissimi, nolite peregrinari<sup>2</sup> in fervore, qui ad tentationem vobis sit; nolite pavere quasi aliquid novi vobis contingat: sed communicantes Christi passionibus gaudete, ut et in revelatione gloriae ejus gaudeatis exultantes. Si exprobramini in nomine Christi, beati eritis<sup>3</sup>: quoniam quod est honoris, gloriae, et virtutis Dei, et qui est ejus spiritus, super vos requiescat. Nemo autem vestrum patiatur quasi homicida, aut fur, aut maledicus, aut alienorum appetitor. Si autem ut christianus, non erubescat: glorificet autem Deum in isto nomine; quoniam tempus est ut incipiat judicium de domo<sup>4</sup> Dei. Si autem primum a vobis, quis filius eorum qui non credunt Dei Evangelio? et si justus vix salvabitur, impius et peccator ubi parebunt? Itaque et ii qui patiuntur secundum voluntatem Dei, fidei Creatori commendent animas suas in benefactis.

[v.] Seniores ergo qui in vobis sunt, obsecro con-senior et testis Christi passionis, qui et ejus quæ in futuro revelanda est gloriae communicator, pascite qui in vobis est gregem Dei, providentes non coacte, sed sponte secundum Deum: neque turpis lucri gratia, sed voluntarie; neque ut dominantes in clisis, sed forme facti gregis ex animo. Et cum apparuerit

<sup>1</sup> Redundat vox, ebrietatibus, nec est in siaceroribus Bibliis.

<sup>2</sup> MSS. pro, nolite peregrinari, habent, nolite mirari: quod nou minus quadrat ad græcum, μὴ χειρίζεσθε, id est, ne commoveamini ut sit re nova et ipsolita. Naro et paulo post, ὡς ξένοι, vertit interpres, quasi novi aliquid; quibus verbis quod hic præmititur, nolite pavere, abest a sacris bibliis.

<sup>3</sup> Regius codex græco consentiens non addit, eritis

<sup>4</sup> Vulgata, a domo. Græc., ἀπὸ τοῦ οἴκου.

princeps pastorum, percipiatis immarcescibilem gloriam coronam. Similiter, adolescentes, subditi estote senioribus. Omnes autem invicem humilitatem insinuate; quia Deus superbis resistit, humiliis autem dat gratiam. Humiliamini igitur sub potenti manu Dei, ut vos exalte in tempore visitationis. Omnes sollicitudinem vestram projicientes in eum; quoniam ipsi cura est de vobis. Sobrii estote, vigilate: quia adversarius vester diabolus, tanquam leo rugiens circumuerit quærens quem devoret. Cui resistite fortes in fide, scientes eamdem passionem ei, quæ in mundo est, vestre fraternitati fieri. Deus autem omnis gratiae, qui vocavit nos in æternam suam gloriam in Christo Iesu, modicum passos, ipse perficiet, confirmabit, solidabitque. Ipsi gloria et imperium in sæcula sæculorum. Amen.

## DE EPISTOLA II PETRI.

[Cap. i.] Per quem<sup>1</sup> maxima nobis et pretiosa promissa donavit, ut per hæc efficiamini divinæ consortes naturæ, fugientes ejus quæ in mundo est concupiscentiæ corruptionem. Vos autem curam omnem subinferentes, ministrate in fide vestra virtutem; in virtute autem, scientiam; in scientia autem, abstinentiam; in abstinentia autem, patientiam; in patientia autem, pietatem; in pietate autem, fraternitatis amorem; in amore autem fraternitatis, charitatem. Hæc enim vobis cum adsint<sup>2</sup> et supererint, non vacuos, nec sine fructu vos constituent in Domini nostri Iesu Christi cogitatione<sup>3</sup>. Cui enim non præsto sunt hæc, cæcus est, et manu tentans, oblivionem accipiens purgationis veterum suorum delictorum. Quapropter, fratres, magis satagite, ut per bona opera certam vestram vocationem et electionem faciatis. Hæc enim facientes non peccabitis aliquando.

*Et post paululum [ii.]*: Sicut et in vobis erunt magistri mendaces, qui introducent sectas perditionis, et cum qui emit eos, Deum negabunt<sup>4</sup>, superducentes sibi celerem perditionem. Et multi sequentur eorum luxurias, per quos via veritatis blasphemabitur, et in avaritia sicutis verbis de vobis negotiabantur. Quibus judicium jam olim non cessat, et perditio eorum non dormitat. *Et alio loco*: Novit Dominus pios de tentatione eripere, iniquos vero in diem judicii reservare cruciandos. Magis autem eos qui post carnem in concupiscentia immunditia ambulant, dominationemque contemnunt: audace, sibi placentes, sectas non metunt introducere<sup>5</sup>, blasphemantes. Ubi angeli fortis-

<sup>1</sup> Sic editi juxta Vulgatam: quæ tamen in Corb. Biblia habebat, per quam. Et ita Speculum in Gemblacensi codice: at in Regio, per quæ: juxta græcum δῖον: quoniam hoc possit ad præcedentes voces, gloria et virtute referri; et veri, per quas.

<sup>2</sup> Editi, si vobiscum adsint. Sic etiam nunc Vulgata. At i particula, si, aberat ab aliquis Corb. Bibl. et et Regio Ms. Speculi, neque necessaria est, dummodo non conjunctim legatur, vobiscum. In græco sic εα. ταῦτα γρ. οὐν ὑπαρχόντα.

<sup>3</sup> Regius codex et Corb. Biblia, favente græco, cognitio-nem.

<sup>4</sup> Am. Er. et duo MSS. juxta Vulgatam, negant.

<sup>5</sup> Regius codex et Corb. Biblia pro, introducere, habent, facere: sed neutrum verbum expressum est et græco textu, qui nil aliud continet quam, duxus ou tremulus

tudine et virtute cum sint majores, non portant adversus se execrabilis judicium. Hi vero velut irrationalia pecora naturaliter in captionem et perniciem, in iis que ignorant blasphemantes, in corruptione sua peribunt, percipientes mercedem injustitiae, voluptate existimantes diei delicias, coinquinationes et malicie deliciis afflentes, in conviviali suis luxuriantes vobiscum, oculos habentes plenos adulterii et incessabilis delicti, pellicientes animas instabiles, cor excretatum in avaritia habentes, maledictionis filii, derelinquentes rectam viam erraverunt. *Et post paucos versus*: Superba enim vanitatis loquentes, pelliciunt in desideriis carnis luxuriae, eos qui paululum effugunt, qui in errore conversantur, libertatem illis promittentes, cum ipsi servi sint corruptionis. A quo enim quis superatus est, hujus et servus est. Si enim refugientes coinquinationes mundi in cognitione Domini nostri salvatoris Jesu Christi, his rursus impliati superantur; facta sunt eis posteriora deteriora prioribus. Melius enim erat illis non cognoscere viam justitiae, quam post agnitionem, retrorsum converti ab eo, quod illis traditum est, sancto mandato. Contigit enim illis illud veri proverbii: Canis reversus ad vomitum suum; et, Sus lota in voluntate luti.

*Et post aliquantum [iii.]*: Cum haec omnia dissolventia sint, quales oportet esse vos in sanctis conversationibus et pietatibus, exspectantes et properantes in adventum diei Dei. *Et paulo post*: Charissimi, haec exspectantes satagitie immaculati et inviolati inveniri in pace, et Domini nostri longanimitatem, salutem arbitramini. *Et alio loco*: Vos igitur, fratres, praescientes custodite, ne insipientium errore traducti, excidatis a propria firmitate. Crescite vero in gratia et in cognitione Domini nostri et salvatoris Jesu Christi. Ipsi gloria, et nunc et in diem aeternitatis. Amen.

#### DE EPISTOLA JACOBI.

[Cap. 1.] Omne gaudium existimat, fratres mei, cum in tentationibus varias incideritis; scientes quod probatio fidei vestrae patientiam operatur: patientia autem opus perfectum habet, ut sitis perfecti et integri, in nullo deficientes. Si quis autem vestrum indiget sapientia, postulet a Deo, qui dat omnibus affluerter, et non improferat; et dabitur ei. Postulet autem in fide, nihil hascitana. Qui enim hascit, similis est fluctui maris, qui a vento movetur et circumfertur. Non enim aestimet homo ille quod accipiat aliquid a Domino. Vir duplex animo, inconstans in omnibus viis suis. Glorietur autem frater humilis in exaltatione sua, dives autem in humilitate sua; quoniam sicut flos seni transiet. Exortus est enim sol cum ardore, et arescit fenum, et flos ejus decidit, et decor vultus ejus deperit: ita et dives in itineribus suis

blasphemantes, quod nonnullis ita sonat: glorijs, id est, dignitate praestantes tiro, non reverentur maledicis appetentes; seu, maledicis appeterere. Contra Epistolam Judae, v. 8, ubi in vulgata legitur: Dominationem autem spernit, misericordiam autem blasphemant: in greco vero haec ipsa verba sunt, doxas de blasphemousin.

PATROL. XXXIV.

marcescat. Beatus vir qui suffert tentationem; qui, cum probatus fuerit, accipiet coronam vitae<sup>1</sup>, quam repromisit Deus diligentibus se. *Et post paululum*: Nolite itaque errare, fratres dilectissimi. Omne datum optimum, et omne donum perfectum desursum est, descendens a Patre luminum. *Et post paucos versus*: Scitis, fratres mei dilectissimi: Sit autem omnis homo velox ad audiendum, tardus ad loquendum, et tardus ad iram. Ira enim viri justitiae Dei non operatur. Propter quod abjicientes omnem immunditiam et abundantiam malitiae, in mansuetudine suscipite insitum verbum, quod potest salvare animas vestras. Estote autem factores verbi, et non auditores tantum, fallentes vosmetipsos. Quia si quis auditor est verbi, et non factor, hic comparabitur viro consideranti vultum nativitatis sue in speculo: consideravit enim se, et abiit, et statim oblitus est qualis fuerit. Qui autem perspexerit in lege perfectae libertatis<sup>2</sup>, et permanserit in ea, non auditor oblivious factus, sed factor operis, hic beatus in facto suo erit. Si quis autem putat se religiosum esse, non refrenans linguam suam, sed seducens cor suum, hujus vana est religio. Religio munda et immaculata apud Deum et Patrem haec est: visitare pupilos et viduas in tribulatione eorum, et immaculatum se custodire ab hoc saeculo.

[ii.] Fratres mei, nolite in personarum acceptione habere fidem Domini nostri Jesu Christi glorie. *Et post aliquos versus*: Audite, fratres mei dilectissimi: nonne Deus elegit pauperes in hoc mundo, divites in fide, et haereses regni quod repromisit Deus diligentibus se? Vos autem exonorastis pauperem. Nonne divites per potentiam opprimunt vos, et ipsi trahunt vos ad judicia? Nonne ipsi blasphemant bonum nomen, quod invocatum est super vos? Si tamen legem perficitis regalem secundum Scripturas, Diliges proximum tuum sicut te ipsum, bene facitis. Si autem personas accipitis, peccatum operamini, redarguti a lego quasi transgressores. *Et post paucos versus*: Judicium enim sine misericordia illi qui non fecit misericordiam. Superexsultat autem misericordia iudicio<sup>3</sup>.

*Et post aliquantum [iii.]*: Nolite plures magistri fieri, fratres mei, scientes quoniam majus iudicium sumitis. In multis enim offendimus omnes. Si quis in verbo non offendit, hic perfectus est vir. Potest etiam freno circumducere totum corpus. *Et alio loco*: Ligiam autem nullus hominum domare potest: inquiet-

<sup>1</sup> Sic MSS. cum sacris Bibliis. At editi habebant, accepit ultim.

<sup>2</sup> Carnutensis codex, in lege perfectam libertatem. At vulgata versio suffragante greco habet, in legem perfectam libertatis. Hoc eodem verso particule in ea, post verbum permanserit, non adduntur in editis Am. et Er., neque in greco.

<sup>3</sup> Vulgata nunc: Superexsultat autem misericordia iudicium. Codices vero huius Speculi, necon Corb. Biblia loco, iudicium, habent, iudicio; nec male, si legatur superexsultat, uti passim in aliis August. libris; juxta graecum, haec cutacauchata eleos criseds. Porro in Er. habetur sic, superexsultet.

<sup>4</sup> Editi, potest enim. At MSS. juxta vulgatam, potest etiam. In greco est, duraus chalinaqbḡsai cui holon id dñm: id est, potens freno moderari et iustum corpus.

(Trente-trois.)

tum malum, plena veneno morifero. In ipsa benedicimus Deum et Patrem, et in ipsa maledicimus homines, qui ad similitudinem Dei facti sunt. Ex ipso ore procedit benedictio, et maledictio. Non oportet, fratres mei, haec ita fieri. *Et post paucos versus*: Quis sapiens et disciplinatus inter vos, ostendat ex bona conversatione operam suam<sup>1</sup> in mansuetudine sapientiae? Quod si zelum amarum habetis, et contentiones sunt in cordibus vestris; nolite gloriari et mendaces esse adversus veritatem. Non est ista sapientia desursum descendens, sed terrena, animalis, diabolica. Ubi enim zelus et contentio, ibi inconstantia et omne opus pravum. Quae autem desursum est sapientia, primum quidem pudica est, deinde pacifica, modesta, suadibilis, bonis consentiens, plena misericordia et fructibus bonis, dijudicans sine simulatione<sup>2</sup>. Fructus autem justitiae in pace seminatur facientibus pacem.

[iv.] Unde bella et lites in vobis? Nonne ex concupi-  
centiis vestris, quae militant in membris vestris? *Item post paucos versus*: Petitis, et non accepitis, eo quod male petatis, ut in concupisci-  
entiis vestris insumatis. Adulteri, nescitis quia amicitia hujus mundi inimica est Dei? Quicumque ergo voluerit amicus esse hujus saeculi, inimicus Dei constituitur. *Et paulo post*; Proprius quod dicit: Deus super-  
perbis resistit, humiliibus autem dat gratiam. Subdit ergo estote Deo: resistite autem diabolo, et fugiet a vobis. Appropinquate autem Deo, et appropinquabit vobis. Emundate manus, peccatores; et purificate corda, duplices animo. Miseri estote, et lugete, et plorate. Ritus vester convertatur in luctum, et gaudium in macerorem. Humiliamini in conspectu Domini, et exaltabit vos. Nolite detrahere alterutrum, fratres. *Et post paucos versus*: Unus est legislator et judex, qui potest perdere et liberare. Tu autem quis es, qui judicas proximum? Ecce nunc qui dicitis, Hodie au-  
erastino ibimus in civitatem illam, et faciemus ibi qui-  
dem annum, et mercabimur, et lucrum faciemus; qui ignoratis quid erit in crastinum<sup>3</sup>. Quae est enim vita vestra? Vapor est ad modicum parens; deinceps extermi-  
nabitur. Pro eo ut dicatis: Si Dominus voluerit; et, Si vixerimus, faciemus hoc aut illud. Nunc autem exultatis in superbiis vestris: omnis exultatio talis maligna est. Scienti igitur bonum facere, et non facien-  
ti, peccatum est illi.

[v.] Agite nunc, divites, plorate ululantes in miseriis quae advenient vobis. Divitiae vestrae putrefactae sunt, et vestimenta vestra a tineis comesta sunt. Au-  
rum et argentum vestrum aeruginavit, et arugo eorum in testimonium vobis erit, et manducabit carnes ve-  
stras sicut ignis. Thesaurizasti vobis iram in novissi-  
mis diebus<sup>4</sup>. Ecce merces operariorum qui messuc-

<sup>1</sup> MSS. duo cum vulgata, *operationem suam*.

<sup>2</sup> Vulgata, *non judicans, sine simulatione*. Graeca scriptura, *adincritos kai anupocritos*.

<sup>3</sup> Vulgata, *quid sit in crastino*: in Corb. Bibliis, *quid pa-  
rud crastinum*.

<sup>4</sup> Regius Ms. et Editio Am. Ex. omittunt *vobis iram*; quae verba et a graeco absunt.

runt regiones vestras, qui fraudati sunt a vobis clama-  
mant<sup>1</sup>; et clamor ipsorum in aures Domini sabaoth introit. Epulati estis super terram, et in luxuris enu-  
tristis corda vestra. In die occasionis adduxistis<sup>2</sup>, occi-  
distis justum, et non restitut vobis. Patientes igitur  
estote, fratres, usque ad adventum Domini. *Et paulo post*: Patientes estote et vos, confirmate corda ve-  
stra; quoniam adventus Domini appropinquavit. Nolite  
ingeniscere, fratres, in alterutrum, ut non judicemini.  
*Et alio loco*: Ante omnia autem, fratres mei, noli c  
jurare, neque per cœlum, neque per terram, neque  
aliud quocumque juramentum: sit autem sermo ve-  
ster. Est est, Non non; ut non sub iudicio decidatis. Tristatur aliquis vestrum? oret: æquo animo est?  
psallat. Infirmatur quis in vobis? inducat presbyteros Ecclesiae, et orent super eum, ungentes eum oleo in  
nomine Domini: et oratio fidei salvabit infirmum, et  
allevabit<sup>3</sup> eum Dominus; et si in peccatis sit, remit-  
tentur ei. Confitemini ergo alterutrum peccata vestra,  
et orate pro invicem, ut salvemini. Multum enim valet  
deprecatio justi assidua. *Et post aliquot versus*: Fra-  
tres mei, si quis ex vobis erraverit a veritate, et con-  
verterit quis eum, scire debet quoniam qui converti-  
fecerit peccatorem ab errore viæ suæ, salvabit ani-  
mam ejus a morte, et operiet multitudinem peccato-  
rum.

#### DE EPISTOLA JOANNIS I.

[Cap. 1.] Si dixerimus quoniam societatem habe-  
mus cum eo, et in tenebris ambulanus; mentimur,  
et veritatem non facimus: si autem in luce ambula-  
mus, sicut et ipse in luce est; societatem habemus ad  
invicem, et sanguini. Iesu Christi, Filii ejus, emundat nos ab omni peccato. Si dixerimus quoniam peccatum  
non habemus; ipsi nos seducimus, et veritas in nobis  
non est. Si confiteamur peccata nostra, fidelis et justus  
est, ut remittat nobis peccata nostra<sup>4</sup>, et emundet nos  
ab omni iniquitate. Si dixerimus quoniam non pec-  
cavimus; mendacem facimus cum, et verbum ejus non  
est in nobis.

[ii.] Filioli mei, haec scribo vobis, ut non peccetis:  
sed et si quis peccaverit, advocatum habemus apud  
Patrem, Jesum Christum justum; et ipse est propria-  
tatio pro peccatis nostris: non pro nostris autem  
tantum, sed etiam pro totius mundi. Et in hoc scimus  
quoniam cognovimus eum, si mandata ejus observe-  
mus. Qui dicit se nosse eum, et mandata ejus non ca-  
stodit, mendax est, et in hoc veritas non est. Qui  
autem servat verbum ejus, vere in hoc charitas Dei  
perfecta est. In hoc scimus quoniam in ipso sumus;  
si in eo maneamus<sup>5</sup>. Qui dicit se in illo manere, de-  
bet sicut ille ambulavit et ipse ambulare. *Et post ali-  
quot versus*: Qui dicit se in luce esse, et fratrem suum  
redit, in tenebris est usque adhuc. Qui diligit fratrem

<sup>1</sup> In Vulgata, *quaæ fraudata est a vobis, clamat*.

<sup>2</sup> Legendum ut in emendationibus Biblii, *addixisti*,

juxta graec. *catedicasate*, id est, condemnasti.

<sup>3</sup> Sic etiam in vetustis Corb. Bibl. At in excusis habet nunc

Vulgata, *alleviabit*.

<sup>4</sup> Non additur, *nosta*, in Regio codice, nec in textu

graeco.

<sup>5</sup> Sacra Biblia carent his verbis, *si in eo maneamus*.

sum, in lumine manet, et scandalum in eo non est. Qui autem odit fratrem suum, in tenebris est, et in tenebris ambulat, et nescit quo eat; quoniam tenebrae obsecraverunt oculos ejus. *Et paulo post*: Nolite diligere mundum, neque ea que in mundo sunt<sup>1</sup>: quoniam omne quod est in mundo, concupiscentia carnis est, et concupiscentia oculorum, et superbia vite, que non est ex Patre, sed ex mundo est; et mundus transmisit, et concupiscentia ejus. Qui autem facit voluntatem Dei, manet in aeternum<sup>2</sup>. *Et alio loco*: Omne mendacium non ex veritate est.

*Et post paululum [iii.]*: Charissimi, nunc filii Dei sumus, et nondum apparuit quid erimus. Scimus quoniam cum apparuerit, similes ei erimus; quoniam videbimus eum sicuti est. Et omnis qui habet hanc spem in eo, sanctificat se, sicut et ille sanctus est. Omnis qui facit peccatum, et iniuriam facit: et peccatum est iniuriam. Et scitis quoniam ille apparuit, ut peccata<sup>3</sup> tolleret, et peccatum in eo non est. Omnis qui in eo manet, non peccat: et omnis qui peccat, non vidiit eum, nec cognovit eum. Filioli, nemo vos seducat. Qui facit iustitiam, justus est, sicut et ille justus est. Qui facit peccatum, ex diabolo est: quoniam ab initio diabolus peccat. In hoc apparuit Filius Dei, ut dissolvat opera diaboli. Omnis qui natus est ex Deo, peccatum non facit; quoniam semen ipsius in eo manet: et non potest peccare; quoniam ex Deo natus est. In hoc manifesti sunt filii Dei, et filii diaboli. Omnis qui non est justus, non est ex Deo, et qui non diligit fratrem suum: quoniam haec est annuntiatio quam audistis ab initio, ut diligatis alterutrum<sup>4</sup>. *Et post paucos versus*: Nolite mirari, fratres, si odit vos mundus. Nos scimus quoniam translati sumus de morte in vitam, quoniam diligimus fratres: qui non diligit, manet in morte. Omnis qui odit fratrem suum, homicida est. Et scitis quoniam omnis homicida non habet vitam aeternam in se manentem. In hoc cognoscimus charitatem Dei, quoniam ille pro nobis animam suam posuit: et nos debemus pro fratribus animas ponere. Qui habuerit substantiam mundi<sup>5</sup>, et viderit fratrem suum necessitatem habere, et clausebit viscera sua ab eo, quomodo charitas Dei manet in eo? *Filioli, nisi nos diligamus verbo nec lingua, sed opere et veritate*. In hoc cognoscimus, quoniam ex veritate sumus, et in conspectu ejus suademus corda nostra: quoniam si reprehenderit nos cor nostrum, major est Deus corde nostro, et novit omnia. Charissimi, si cor nostrum non reprehenderit nos, fiduciam habemus ad Deum, et quidquid petierimus, accipiemus ab eo: quoniam mandata ejus custodimus, et ea quae placita sunt coram eo, facimus. Et hoc est mandatum ejus, ut credamus in nomine Filii ejus Iesu Christi, et diligamus alterutrum, sicut dedit mandatum.

<sup>1</sup> Hic deest pars altera versiculi 15: *Si quis diligit mandatum, non est charitas Patris in eo.*

<sup>2</sup> Additum in editis fuerat, sicut et Deus manet in aeternum: quod a Speculi MSS. et a sacris Bibliis abest.

<sup>3</sup> In sacris Bibliis additur, nostra.

<sup>4</sup> Regius codex, *ut diligamus*; juxta graecum.

<sup>5</sup> Vulgata, *hujus mundi*, cum demonstrativo pronomine, quod tamen abest etiam a Corb. Bibliis.

tum nobis. Et qui servat mandata ejus, in illo manet, et ipse in eo. Et in hoc scimus quoniam manet in nobis de Spiritu quem nobis dedit.

[iv.] Charissimi, nolite omni spiritui credere, sed probate spiritus si ex Deo sunt: quoniam multi pseudopropheci exierunt in mundum. In hoc cognoscitur spiritus Dei: omnis spiritus qui constitutus Jesum Christum in carne venisse, ex Deo est; et omnis spiritus qui solvit Jesum, ex Deo non est, et hic est antichristus, de quo audistis quoniam venit; et nunc iam in mundo est. Vos ex Deo estis, filioli, et vicistis eos<sup>1</sup>; quoniam major est qui in vobis est, quam qui in mundo. Ipsi de mundo sunt, ideo de mundo loquuntur, et mundus eos audit. Nos ex Deo sumus: qui novit Deum, audit nos; qui non est ex Deo, non audit nos. In hoc cognoscimus spiritum veritatis, et spiritum erroris. Charissimi, diligamus invicem: quoniam charitas ex Deo est; et omnis qui diligit, ex Deo natus est, et cognoscit Deum. Qui non diligit, non novit Deum, quoniam Deus charitas est. *Et paulo post*: Charissimi, si sic Deus dilexit nos, et nos debemus alterutrum diligere. Deum nemo vidiit unquam. Si diligamus invicem, Deus in nobis manet, et charitas ejus in nobis perfecta est. *Item paulo post*: Quisquis confessus fuerit quoniam Jesus est Filius Dei, Deus in eo manet, et ipse in Deo. Et nos cognovimus, et credidimus charitati quam habet Deus in nobis. Deus charitas est, et qui manet in charitate, in Deo manet, et Deus in eo. In hoc perfecta est charitas Dei nobiscum, ut fiduciam habeamus in die judicii: quoniam sicut ille est, et nos sumus in hoc mundo. Timor non est in charitate, sed perfecta charitas foras mittit timorem: quoniam timor poenam habet. Qui autem timet, non est perfectus in charitate<sup>2</sup>. Nos ergo diligamus Deum, quoniam ipse prior dilexit nos. Si quis dixerit quoniam diligo Deum, et fratrem suum oderit, mendax est. Qui enim non diligit fratrem suum quem videt, Deum quem non videt quomodo potest diligere? Et hoc mandatum habemus ab eo, ut qui diligit Deum, diligat et fratrem suum.

[v.] Omnis qui credit quoniam Jesus est Christus, ex Deo natus est: et omnis qui diligit eum qui generavit, diligit et eum qui natus est ex eo. In hoc cognoscimus quoniam diligimus natos Dei, cum Deum diligamus, et mandata ejus faciamus. Haec est enim charitas Dei, ut mandata ejus custodiamus: et mandata ejus gravia non sunt. Quoniam omne quod natum est ex Deo, vincit mundum. *Et post paululum*: Haec est fiducia quam habemus ad eum, quia quodcumque petierimus secundum voluntatem ejus, audit nos: et scimus quoniam audit nos. *Et post tres versus*: Qui scit fratrem suum peccare peccatum non ad mortem, potat<sup>3</sup>, et dabit ei vitam, peccantibus non ad mortem.

<sup>1</sup> Sic Speculi codices juxta graecum. At Vulgata, *vicisti* eum.

<sup>2</sup> Sic MSS. cum sacris Bibliis. At Editio negationem collocauit in priore membro propositionis: *Quia autem non timet, est perfectus in charitate.*

<sup>3</sup> Editio Am., petet; moxque cum ceteris bujus Speculi codicibus, *et dabit ei vitam peccantibus non ad mortem*; juxta graecum, *ajēsei, kai dōsei auto dōēn, tōis amartia-*

Est peccatum ad mortem ; non pro illo dico ut roget quis<sup>1</sup>. Omnis iniquitas peccatum est , et est peccatum non ad mortem<sup>2</sup>. Scimus quoniam omnis qui natus est ex Deo, non peccat ; sed generatio Dei conservat eum , et malignus non tangit eum. *Et alio loco : Filiioli , custodite vos a simulacris.*

#### DE EPISTOLA JOANNIS II.

Non tanquam mandatum novum scribens tibi , sed quod habuimus ab initio , ut diligamus alterutrum. Et hec est charitas , ut ambulemus secundum mandata ejus. Hoc mandatum est , ut quemadmodum audistis ab initio , in eo ambuletis. *Et post paucos versus : Omnis qui recedit , et non permanet in doctrina Christi , Deum non habet : qui permanet in doctrina , hic et Filium et Patrem habet. Si quis venit ad vos , et hanc doctrinam non affert , nolite recipere eum in dominum , nec Ave ei dixeritis. Qui enim dicit illi Ave , communica operibus ejus malignis.*

#### DE EPISTOLA JOANNIS III.

Charissime , fideliter facis quidquid operaris in fratres , et hoc in peregrinos , qui testimonium reddiderunt charitati tuae in conspectu Ecclesiae : quos beneficies deducens<sup>3</sup> digne Deo. Pro nomine enim ejus profecti sunt , nihil accipientes a Gentibus. Nos ergo debemus suscipere hujusmodi , ut cooperatores simius veritatis. *Et post paululum : Charissime , noli imitari malum , sed quod bonum est. Qui bene facit , ex Deo est : qui male facit , non vidit Deum.*

#### DE EPISTOLA JUDÆ APOSTOLI.

Subintroierunt enim quidam homines , qui olim prescripti sunt in hoc judicium , inipi , Domini nostri gratiam transferentes in luxuriam , et solum dominatio-

nousi mē prōs thanaton. At Vulgata habet nunc , petat , et dabūt̄ ei vita peccanti , etc.; quanquam in antiquis Corb. Biblīis ferebat , et dabūt̄ ei ritam peccanti , etc.

<sup>1</sup> In Nss. non additur , quis ; nec est in græco.

<sup>2</sup> Sic Speculi codices , excepto Regio Ms. qui pariter cum Vulgata caret hic negativa particula : haec tamen in græco textu habetur , et in hunc sensum ducit glossa ordinaria.

<sup>3</sup> Huic lectioni astipulatur græca scriptura. At Vulgata latina in excusis praefert , beneficiens deducens : in Corb. Bibl. , beneficiens deducens.

torem et Dominum nostrum Jesum Christum negligentes. *Et paulo post : Hi sunt in epulis suis macule , convivantes sine timore , semetipsos paſcentes. Et alio loco : Hi sunt murmuratores querulosi , secundum desideria sua ambulantes; et os eorum loquitur blasphemiam<sup>4</sup> , mirantes personas questus causa. Vos autem , charissimi , memores estote verborum quae predicta sunt ab Apostolis Domini nostri Jesu Christi , qui dicebant vobis , quoniam in novissimo tempore venient illusores , secundum desideria sua ambulantes in impietate<sup>5</sup>. Hi sunt qui segregant semetipsos , animales , spiritum non habentes. Vos autem , charissimi , superadificantes vosmetipsos sanctissimam vestram fidem , in Spiritu sancto orantes , ipsos vos in dilectione Dei servate , exspectantes misericordiam Domini nostri Jesu Christi , in vitam aeternam. Et hos quidem arguite iudicatos; illos vero salvate de igne rapientes : aliis autem miseremini in timore , odientes et eam , quæ carnalis est , maculatam tu-nicam.*

#### DE LIBRO APOCALYPsis JOANNIS.

[Cap. II.] *Si homines , ino quia homines intelliguntur moneri , cum Angeli monentur , in omnibus eisdem preceptis discimus falsos fratres per patientiam sustinendos propter nomen Dei , et per paenitentiam ad prima opera bona redeundum , et usque ad mortem persecutions pro fide tolerandas , et in charitate serviendum<sup>6</sup>.*

*Circa autem finem libri , cum de sancta civitate loqueretur [xxi.] : Non intrabit , inquit , in eam aliquid coinquinatum , et faciens abominationem et meudacium.*

*Et alibi [xxii.] : Beati qui lavant stolas suas in sanguine Agni , ut sit potestas eorum in ligno vite , et portis intrent civitatem. Foris canes , et venefici , et impudici , et homicidiæ , et idolis servientes , et omnes qui amat et facit mendacium. Ego Jesus nisi angelum meum testificari haec vobis.*

<sup>4</sup> Vulgata in excusis , loquitur superba : in Corb. Bibl. loquitur superbiam : Græce est , latè hyperogca.

<sup>5</sup> Corb. Biblia , pro in impietate , habent , impietatum ; juxta græcum. Nunc tamen Vulgata fert , in impietibus.

<sup>6</sup> Regius codex , fernendum.

## ADMONITIO IN LIBROS DE CONSENSU EVANGELISTARUM.



Hoc in opere S. Augustinus Evangelium a Paganorum calumniis defendendū suscipit. Ei quidem statim ab ipsa promulgatione multum apud populos omnes auctoritatē ac fidēi cum patrata divinitus tot miracula , tum corporea specie illapsus , ut illud suo nomine sanctificet , Spiritus sanctus concilarat ; sed non defuere , a quibus impugnaretur. Primum enim tormentorum atque suppliciorum virū , qua dire in primos Christianos ascevitum , sustinuit ; deinde immunitates illas excepit doctrinæ pariter atque historiæ , quam afflati divino sacri quatuor Scriptores de eo texuerant , criminatio : utrumque incassum. Enimvero , quemadmodum primis suis conatus nihil aliud consecuti sunt evangelicæ veritatis adversarii , nisi ut illa certior exploratorque redderetur , divino Spiritu martyribus , qui eam suo sanguine assererent , vires suggestente : sic idem ille Spiritus præstantissimorum virorum mentes ardore succedit , quo refutatis multa cum eruditionis laude Idololatrarum calumniis , majorem ei firmitudinem ac dignitatem compararent. Porro illud in primis criminis dabatur , inter se nequitam consentire sacros historicos . « Hoc enim solent , » ait Augustinus , « quasi palmarē sue vanitatis

» objicere, quod ipsi Evangelistæ inter seipso dissidentiant » (*Lib. 1, cap. 7, n. 10*). Ethnicis quod ad certos locos succinebant Manichœi, quos, ut videre licet in libris contra Faustum, Evangelii additos fuisse calumniabantur. Atqui Augustino non satis fuit ea conciliare de quibus item movebant isti heretici, contra quos potissimum Vetus Testamentum defendebat; verum, ut Novi quoque Testamenti propugnator merito jure audiret, quatuor Evangelistarum, tam in gestis recensendis, quam in ordine ipso narrationis summae concordiam demonstrare est aggressus.

Fieri sane non potuit quin ei lucubratio hæc magno staret. Hinc illam in Tractatu 112 in Joannem, n. 1, laboriosas litteras vocat; ac rursus in Tractatu 117, n. 2, res ibi esse operosissime disputatas dicit. Scilicet destitutus erat iis adjumentis, quibus instructi fuere quotquot postea in idem illud argumentum desudarunt, qui tamen ipsi vestigiis ejus insistentes, vix quidquam alicuius momenti invenere, quod ille non dixisset. Hoc opus libris de Trinitate, quos jam inchoarat, intermissis, consecit labore continuo, ex libro 2 Retractionum, cap. 16, nec porro ante anni 399 exitum; cum in libro 1, cap. 27, testetur idola tum temporis legum ab imperatoribus latarum auctoritate confrangi. Expressam enim legem hac de re nullam habentus iis superiorem, que anno 399 promulgatae, atque executioni demandatae in Africa fuerunt (*De Civit. Dei*, lib. 18, cap. 54): quibus nondum constitutis, evertendi simulacra, nisi ex eorum quorum erant, consensu, jus penes se haud quaquam esse fatebatur Augustinus (*Serm. 62, cap. 11, n. 17*).

Librum primum insumit his revincendis, qui cum Christum viri longe sapientissimi loco haberent, aut verius, habere simularent, Evangelio fidem derogabant; eo scilicet praetextu, quod non ab ipso Christo scriptum esset, sed ab ejus discipulis, quos ei divinitatem affinxisse dicebant, neque ab illo accepisse doctrinam quam deorum abdicando cultu ipsi prædicarunt. In libro secundo Matthæum Evangelistam usque ad eam narrationem ex ordine considerat, cumque eo collatis Marco, Luca et Joanne, demonstrat perpetuam inter eos reperiri consensionem. Liber tertius est de eorumdem quatuor Evangelistarum a eam narratione ad Evangelii finem concordia. Quartus denique de iis quæ peculiaria sunt Marco, Luca et Joanni. Opus in Corbeicensi codice ante 900 vel 1000 annos exarato inscribitur, « Aurelii Augustini episcopi de Concordia Evangelistarum : » sic et in aliis plerisque MSS. In iis omnibus autem libri quicunque, primo excepto, dividuntur in capitula, quorum lemmata in librorum fronte praefixa sunt.

*Vide lib. 2, cap. 16, Retractionum, col. 636, a verbis, Per eosdem annos, usque ad col. 637, verbis, Divinas auctoritates.* M.

# S. AURELII AUGUSTINI HIPPONENSIS EPISCOPI *De Consensu* EVANGELISTARUM LIBRI QUATUOR<sup>(a)</sup>.

## LIBER PRIMUS.

Dicto breviter de Evangelistarum auctoritate, numero, ordine ac varia scribendi ratione, Augustinus, priusquam de eorumdem consensu agat, illis hoc libro occurrit qui vel moventur cur Christus ipse nihil scriperit, vel fingunt scriptos ab ipso fuisse libros de magicis; quique adversus evangelicam doctrinam jactant Christi discipulos non tantum magistro suo amplius tribuisse quam re vera erat, dicendo illum Deum; sed etiam deorum cultum prohibendo, non hoc docuisse quod ab ipso didicissent. Contra quos doctrinam Apostolorum ex Prophetarum eloquii vindicat, ostendens Deum Israel solum colendum esse, qui solus a Romanis quod deos alios colli secum vetaret, ante non receptus, jam demum Romanum in erium suo nomine subjugavit, atque auid omnes gentes, ut per suos Prophetas futurum promiserat, idola communivit per Evangelii prædicationem.

### CAPUT PRIMUM. — *Evangeliorum auctoritas.*

1. Inter omnes divinas auctoritates, quæ sanctis

Litteris continentur, Evangelium merito excellit.

Quod enim Lex et Prophetæ futurum prænuntia-

ADMONITIO PP. BENEDICTINORUM.

De Consensu Evangelistarum libri quatuor recogniti sunt de novo ad codices MSS. Vaticanæ bibliothecæ quatuor, Colbertinæ duos, Beccensis et Cisterciensis totidem, Ecclesiæ Laudunensis unum, Item S. Genovefæ Parisiensis, Navarræ Collegii, et D. de S. George canon. comitis Lugdunensis unum, ad Corbeensem optimæ manu et ante 900 aut 1000 annos descriptum, ad probæ note Albinensem, Audoenensem, Fiscannensem, Floriacensem, Fossatensem, Gemmeticensem, Germanensem, Pratellensem, Remigiensem, Silvæ-najorensem, Vindocinensem : ad variantes lectiones ex quinque Belgicis Lovaniensium Theologorum opera collectas: prætereaque ad antiquiores editiones Bad. seu Rat. Er. et Lev.

*Comparavimus præterea omnes editiones initio Retr. et Confess., t. 1, memoratas. M.*

(a) Scripti versus Christi annum 400.

verum, hoc redditum<sup>1</sup> atque completum in Evangelio demonstratur. Cujus primi prædicatores Apostoli fuerunt, qui Dominum ipsum et Salvatorem nostrum Jesum Christum etiam præsentem in carne viderunt. Qui<sup>2</sup> non solum ea quæ ex ore ejus auditæ vel ab illo sub oculis suis operata, dicta et facta meminerant; verum, etiam quæ priusquam illi per discipulatum adhserant, in ejus nativitate, vel infantia, vel pueritia, divinitus gesta et digna memoria, sive ab ipso, sive a parentibus ejus, sive a quibuslibet aliis, certissimis indiciis et fidelissimis testimoniis requirere et cognoscere potuerunt, imposito sibi evangelizandi manere, generi humano annuntiare curarunt. Quorum quidam, hoc est Matthæus et Joannes, etiam scripta de illo, quæ scribenda visa sunt, libris singulis ediderunt.

2. Ac ne putaretur, quod attinet ad percipiendum et predicandum Evangelium, interesse aliquid utrum illi annuntient, qui eundem Dominum hic in carne apparentem discipulatu famulante secuti sunt, an ii qui ex illis fideliter comperta crediderunt; divina propriaevidentia procuratum est per Spiritum sanctum, ut quibusdam etiam ex illis qui primos Apostolorum sequebantur, non solum annuntiandi, verum etiam scribendi Evangelium tribueretur auctoritas: hi sunt Marcus et Lucas. Ceteri autem homines, qui de Domini vel Apostolorum actibus aliqua scribere conati vel au-i sunt, non tales suis temporibus extiterunt, ut eis fidem haberet Ecclesia, atque in auctoritatem canoniceam sanctorum Librorum eorum scripta recipere: nec solum quia illi non tales erant, quibus narrantibus credi oporteret; sed etiam quia scriptis suis quedam fallaciter indiderunt, quæ catholica atque apostolica regula fidei et sana doctrina condemnat.

#### CAPUT II. — *Ordo Evangelistarum, et scribendi ratio.*

3. Isti igitur quatuor Evangelistæ universo terrarum orbe notissimi, et ob hoc fortasse quatuor, quoniam quatuor sunt partes orbis terræ, per cuius universitatem Christi Ecclesiam dilatari, ipso sui numeri sacramento quodammodo declararunt, hoc ordine scripsisse perhibentur. Primum Matthæus, deinde Marcus, tertio Lucas, ultimo Joannes. Unde alius eis fuit ordo cognoscendi atque prædicandi, alius autem scribendi. Ad cognoscendum quippe atque prædicandum, primi utique fuerunt qui secuti Dominum in carne præsentem, dicentes audierunt, facientesque viderunt; atque ex ore ad evangelizandum missi sunt. Sed in conscribendo Evangelio, quod divinitus ordinatum esse credendum est, ex numero corum quos ante passionem Dominus elegit, primum atque ultimum locum duo tenuerunt; primum Matthæus, ultimum Joannes: ut reliqui duo qui ex illo numero non erant, sed tamen Christum in illis loquentem secuti erant, tanquam filii amplectendi, ac per hoc in loco medio constituti, utroque ab eis latere munirentur.

<sup>1</sup> MSS. quatuor, revelatum.

<sup>2</sup> Ed. Er. et plerique MSS., rufus.

4. Horum sane quatuor solus Matthæus hebreo scripsisse perhibetur eloquio, ceteri græco. Et quamvis singuli suum quemdam barrandi ordinem tenuisse videantur, non tamen unusquisque eorum velut alterius præcedentis ignarus voluisse scribere reperitur, vel ignorata prætermissee quæ scripsisse alius invenitur; sed sicut unicuique inspiratum est, non superfluum cooperationem sui laboris adjunxit. Nam Matthæus suscepisse intelligitur incarnationem Domini secundum stirpem regiam, et plerisque secundum hominum præsentem vitam facta et dicta ejus. Marcus cum subsecutus, tanquam pedissequens et breviator ejus videtur. Cum solo quippe Joanne, nihil dixit; solus ipse, per pauca; cum solo Luca, pauciora; cum Mattheo vero, plurima; et multa pene totidem atque ipsis verbis, sive cum solo, sive cum ceteris consonante. Lucas autem circa sacerdotalem Domini stirpem atque personam magis occupatus apparel. Nam et ad ipsum David non regium stemma secutus ascendit, sed per eos qui reges non fuerunt, exiit ad Nathan filium David (*Luc. iii, 31*), qui nec ipse rex fuit. Non sicut Matthæus, qui per Salomonem regem descendens (*Matth. i, 6*), ceteros etiam reges ex ordine persecutus est, servans in eis, de quo postea loquenur, mysticum numerum.

CAPUT III. — *Matthæus cum Marco ad regiam, Lucas ad sacerdotalem Christi personam intentionem retulit.*

5. Dominus enim Jesus Christus unus verus rex et unus verus sacerdos, illud ad regendos nos, istud ad expiandos, has duas personas apud Patres<sup>1</sup> singillatim commendatas suam figuram egisse declaravit, sive titulo illo qui cruci ejus superfixus erat, *Rex Iudeorum*; unde arcano instinctu Pilatus respondit, *Quod scripsi scripsi* (*Joan. xix, 19-22*): prædictum quippe erat in Psalmis, *Ne corrumpas tituli inscriptionem* (*Psal. lxxiv, 1*): sive quod ad personam sacerdotis attinet, in eo quod nos offerre atque accipere docuit; unde prophetam<sup>2</sup> de se præmi: it dicentem, *Tu es sacerdos in aeternum secundum ordinem Melchisedech* (*Psal. cix, 4*). Multisque aliis documentis divinarum Scripturarum rex et sacerdos Christus appareat. Hinc et ipse David, cuius non frustra crebrius filius dictus est, quam filius Abrahæ, et quem communiter tenuerunt Matthæus et Lucas, ille a quo per Salomonem descenderet, iste ad quem per Nathan ascenderet, quanquam aperte rex fuit, figuravit tamen e sacerdotis personam, quando panes propositiones manducavit, quos non licet manducare nisi soli sacerdotibus (*I Reg. xxi, 6; Matth. xii, 5*). Huc accedit quod solus etiam Lucas Mariam commemorat ab Angelo manifestatam cognatam fuisse Elisabeth<sup>3</sup>, quæ uxor erat Zacharie sacerdotis. De quo idem scripsit, quod eam de filiabus Aaron, hoc est de tribu sacerdotum habebat uxorem (*Luc. i, 36, 5*).

6. Cum ergo Matthæus circa regis, Lucas circa

<sup>1</sup> Editi, apud antiquos Patres. Abest, antiquos, a MSS.

<sup>2</sup> MSS. duo, prophetam.

<sup>3</sup> Sic editi Bad. et Er. suffragantibus MSS. omnibus. At Loy, commemorat manifeste cognatam fuisse Elizabeth.

sacerdotis personam gereret intentionem, utrique humanitatem Christi maxime commendarunt. Secundum hominem quippe Christus et rex et sacerdos effectus est, cui dedit Deus sedem David patris sui, ut regni ejus non esset finis (*Luc. i, 32, 53*), et esset ad interpellandum pro nobis mediator Dei et hominum homo Christus Jesus (*1 Tim. ii, 5*). Non autem habuit tanquam breviatorem conjunctum Lucas, sicut Marcum Matthaeus. Et hoc fortasse non sine aliquo sacramento, quia regum est non esse sine comitum obsequio<sup>1</sup>: unde ille qui regiam personam Christi narrandam susceperebat, habuit sibi tanquam comitem adjunctum, qui sua vestigia quodammodo sequeretur. Sacerdos autem quoniam in sancta sanctorum solus intrabat, propterea Lucas, cuius circa sacerdotium Christi erat intentio, non habuit tanquam socium subsequentem, qui suam narrationem quodammodo breviaret.

CAPUT IV. — *Joannes ipsius divinitatem exprimendam curavit.*

7. Tres tamen isti Evangelistæ in his rebus maxime diversati sunt, quas Christus per humanam carnem temporaliter gessit: porro autem Joannes ipsam maxime divinitatem Domini, qua Patri est æqualis, intendit, eamque præcipue suo Evangelio, quantum inter homines sufficere credidit, commendare curavit. Itaque longe a tribus istis superius fertur, ita ut hos videas quodammodo in terra cum Christo homine conversari; illum autem transcendisse nebulam, qua tegitur omnis terra, et pervenisse ad liquidum cœlum, unde acie mentis acutissima atque firmissima videret, in principio Verbum Deum apud Deum, per quem facta sunt omnia; et ipsum agnosceret carnem factum, ut habitaret in nobis (*Joan. i, 1, 3, 14*): quod acceperit carnem, non quod fuerit mutatus in carnem. Nisi enim carnis assumptio servata incommutabili divinitate facta esset, non diceretur, *Ego et Pater unum sumus* (*Id. x, 30*): neque enim Pater et caro unum sunt. Et hoc de seipso Domini testimonium solus idem Joannes commemoravit; et, *Qui me vidit, vidit et Patrem*<sup>2</sup>; et, *Ego in Patre, et Pater in me est* (*Id. xiv, 9, 10*); et, *Ut sint unum, sicut et nos unum sumus* (*Id. xvii, 22*); et, *Quicumque Pater facit, haec eadem et Filius facit similiter* (*Id. v, 19*); et si qua alia sunt, quæ Christi divinitatem, in qua æqualis est Patri, recte intelligentibus intiment, pene solus Joannes in Evangelio suo posuit: tanquam qui de pectore ipsius Domini, super quod discubere in ejus convivio solitus erat (*Id. xiii, 23*), secretum divinitatis ejus uberior et quodammodo familiarius biberit.

CAPUT V. — *Virtutes duæ; circa contemplativam Joannes, circa activam Evangelistæ alii versantur.*

8. Proinde cum duæ virtutes propositæ sint animæ humanæ, una activa, altera contemplativa; illa qua itur, ista qua pervenitur; illa qua laboratur, ut cor mundetur ad videndum Deum; ista qua vacatur et videtur Deus: illa est in preceptis exercendæ vita

<sup>1</sup> MSS. duo et editio Rat., id est, que Augustini Ratisponensis studio recognita est, habent, *sne comitatus obsequio*.

<sup>2</sup> sic melioris note MSS. juxta græcum, o ἐόρακὸς εἶνε, ἐόρακε τὸν πατέρα. At editi: *qui me videt, videt et Patrem*.

hujus temporalis, ista in doctrina vite illius sempiternæ. Ac per hoc illa operatur, ista requiescit; quia illa est in purgatione peccatorum, ista in lumine<sup>3</sup> purgatorum. Ac per hoc in hac vita mortali, illa est in opere bonæ conversationis; ista vero magis in fide, et apud perpaucos per speculum in enigmate, et ex parte in aliqua visione incommutabilis veritatis (*I Cor. xiii, 12*). Hæ duæ virtutes in duabus uxoribus Jacob figurate intelliguntur. De quibus aduersus Faustum Manicheum pro modulo meo, quantum illi operi sufficere videbatur, disserui (*Lib. 22, cap. 52*). Lia quippe interpretatur, Laborans; Rachel autem, Visum principium<sup>4</sup>. Ex quo intelligi datur, si diligenter advertas, tres Evangelistas temporalia facta Domini et dicta quæ ad informandos mores vitæ præsentis maxime valerent, copiosius persecutos, circa illam activam virtutem suis versatos; Joannem vero facta Domini multo pauciora narrantem, dicta vero ejus, ea præsertim quæ Trinitatis unitatem et vitæ aeternæ felicitatem insinuarent, diligentius et uberioris conscribentem, in virtute contemplativa commendanda, suam intentionem prædicationemque tenuisse.

CAPUT VI. — *Quatuor animalia ex Apocalypsi de quatuor Evangelistis alii aliis aptius intellexerunt.*

9. Unde mihi videntur, qui ex Apocalypsi illa quatuor animalia ad intelligendos quatuor Evangelistas interpretati sunt, probabilius aliquid attendisse illi qui leonem in Matthæo, hominem in Marco, vitulum in Luca, aquilam in Joanne intellexerunt, quam illi qui hominem Matthæo, aquilam Marco, leonem Joanni tribuerunt. De principiis enim librorum quendam conjecturam capere voluerunt, non de tota intentione Evangelistarum, quæ magis fuerat perscrutanda. Multo enim congruentius ille qui regiam Christi personam maxime commendavit, per leonem significatus accipitur: unde et in Apocalypsi cum ipsa tribu regio leo commemoratus est, ubi dictum est, *Vicit leo de tribu Juda* (*Apoc. v, 5*). Secundum Matthæum enim et Magi narrantur venisse ab Oriente ad regem, querendum et adorandum, qui eis per stellam natus apparuit: et ipse rex Herodes regem formidat infante, atque ut eum possit occidere, tot parvulos necat (*Matth. ii, 1-18*). Quod autem per vitulum Lucas significatus sit, propter maximam victimam sacerdotis, neutri dubitaverunt. Ibi enim a sacerdote Zacharia incipit sermo narrantis; ibi cognatio Mariæ et Elisabethi commemoratur (*Luc. i, 5, 36*); ibi sacramenta primi sacerdotii in infante Christo impleta narrantur (*Id. ii, 22-24*): et quæcumque alia possunt diligenter adverti, quibus appareat Lucas intentionem circa sacerdotis personam habuisse. Marcus ergo, qui neque stirpem regiam, neque sacerdotalem vel coguationem vel consecrationem narrare voluit, et tamen in eis versatus ostenditur quæ homo Christus operatus est, tantum hominis figura in illis quatuor animalibus

<sup>1</sup> Unus e vaticinis MSS., in illuminatione . . .

<sup>2</sup> Editio excepto Rat., visus principium. At MSS., visum principium: sic etiam in lib. 22 contra Faustum, cap. 52, legitur; addita hacce interpretatione, sire r'ebum, ait Augustinus, ex quo videtur p. in ipium.

significatus videtur. Hęc autem animalia tria sive leo, sive homo, sive vitulus, in terra graduntur: unde isti tres Evangelistae in his maxime occupati sunt, quę Christus in carne operatus est, et quę praecepta mortalis vite exercendę carnem portantibus tradidit. At vero Joannes super nubila infirmitatis humanę velut aquila volat, et lucem incommutabilis veritatis acutissimis atque firmissimis oculis cordis in-tuetur (a).

**CAPUT VII.** — *Causa suscepti operis de Evangelistarum consensu. Occurrunt tis qui dicunt Christum nihil scripsisse, discipulos vero ejus Deum illum praedicando, mentitos fuisse.*

10. Ilas Domini sanctas quadrigas, quibus per orbem vectus subigit populos leni suo jugo et sarcinae levi, quidam vel impia vanitate vel imperita temeritate calumniis appetunt, ut eis veracis narrationis derogent fidem, per quos christiana religio disseminata per mundum, tanta fertilitate provenit, ut homines infideles jam inter seipso calumnias suas mussitare vix audeant, compressi fide Gentium et omnium devotione populorum. Verumtamen, quia nonnullos adhuc calumniosis disputationibus suis, vel retardant a fide ne credant, vel jam credentes, quantum potuerint, agitando perturbant; nonnulli autem fratres salva fide nosse desiderant quid talibus respondeant questionibus, vel ad prosectum scientiae suę, vel ad illorum vaniloquia refellenda; inspirante atque adjuvante Domino Deo nostro (quod utinam et ipsorum saluti prosit), hoc opere demonstrare suscepimus errorem vel temeritatem eorum qui contra Evangelij quatuor libros, quos Evangelistae quatuor singulos conscripserunt, satis argutas criminationes se proferre arbitrantur: quod ut fiat, quam non sibi adversentur idem scriptores quatuor, ostendendum est. Hoc enim solent quasi palmare<sup>1</sup> suę vanitatis objicere, quod ipsi Evangelistae inter seipso dissident.

11. Sed illud prius discutiendum est, quod solet nonnullos movere, cur ipse Dominus nihil scripserit, ut alii de illo scribentibus necesse sit credere. Hoc enim dicunt illi vel maxime pagani, qui Dominum ipsum Jesum Christum culpare aut blasphemare non audent, eique tribuunt excellentissimam sapientiam, sed tamen tanquam homini: discipulos vero ejus dicunt magistro suo amplius tribuisse quam erat, ut eum Filium Dei dicerent, et Verbum Dei per quod facta sunt omnia, et ipsum ac Deum Patrem unum esse; ac si qua similia sunt in apostolicis Litteris, quibus eum cum Patre unum Deum colendum esse iudicimus. Honorandum enī tanquam sapientissimum virum putant; colendum autem tanquam Deum negant.

12. Cum ergo quærunt quare ipse noui scripserit, videntur parati fuisse hoc de illo credere, quod de se ipse scripsisset, non quod alii de illo pro suo arbitrio predicasent. A quibus quero, cur de quibusdam nobilissimis philosophis suis hoc crediderint, quod de illis eorum discipuli scriptum memorie reliquerunt,

<sup>1</sup> Edili, palmam. Multus aliquot MSS., palmare.

(a) Tract. 30 in Joan., n. 5.

cum de se ipsi nihil scripsissent? Nam Pythagoras, quo in illa contemplativa virtute nihil tunc<sup>1</sup> habuit Graecia clarus, non tantum de se, sed nec de illa re aliquid scripsisse prohibetur. Socrates autem, quem rursus in activa, qua mores informantur, omnibus preterulerunt, ita ut testimonio quoque Dei sui Apollinis omnium sapientissimum pronuntiatum esse non taceant, Aesopi fabulas pauculis versibus persecutus est, verba et numeros suos adhibens rebus alterius, usque adeo nihil scribere voluit, ut hoc se coactum imperio sui dæmonis fecisse dixerit, sicut nobilissimus discipulorum ejus Plato commemorat: in quo tamen opere maluit alienas quam suas exornare sententias. Quid igitur cause est cur de istis hoc credant, quod de illis discipuli corum litteris commendarunt, et de Christo nolint credere quod ejus de illo discipuli conscripserunt; præsertim cum ab eo cæteros homines sapientia superatos esse fateantur, quamvis eum fateri Deum nolint? An vero illi, quos isto multo inferiores fuisse non dubitant, veraces de se discipulos facere potuerunt, et iste non potuit? Quod si absurdissime dicitur, credant de illo quem sapientem fatentur, non quod ipsi volunt, sed quod apud eos legunt, qui ea quę scripserunt, ab illo sapiente didicere.

**CAPUT VIII.** — *Si fama narrante Christus creditur sapientissimus, cur majori fama prædicante non creditur Deus.*

13. Deinde dicant, unde saltem quod sapientissimus fuerit, nosse vel audire potuerunt. Si fama disseminante, certiorne de illo nuntia fama est<sup>2</sup>, quam discipuli ejus, quibus eum prædicantibus ipsa per totum mundum fama fragravit? Postremo famam præferant famæ, et ei famæ de illo credant que major est. Ea quippe fama, quę de catholica Ecclesia, quam stupent toto orbe diffusam, mirabili claritate dispergitur, tenues istorum rumores incomparabiliter vincent: ea porro fama tam magna, tam celebris, ut eam timendo isti trepidas et tepidas contradictiunculas in sinu suo rodant, jam plus metuentes audiri, quam volentes credi, Filium Dei Unigenitum et Deum prædicat Christum<sup>3</sup>, per quem facia sunt omnia: si ergo famam eligunt testem, cur non hanc eligunt, quę tanta claritate præfulget? Si scripturam, cur non evangelicam, quę tanta auctoritate præpollet? Nos certe haec de diis eorum credimus, que habet et scriptura eorum antiquior, et fama celebrior. Quę si adoranda sunt, cur ea rident in theatris? Si autem ridenda sunt, plus ridendum est cum adorantur in templis. Restat ut ipsi velint testes esse de Christo, qui sibi auferunt meritum sciendi quid loquantur, loquendo quod nesciunt. Aut si aliquos libros se habere dicunt, quos eum scripsisse asserant, prodant eos nobis. Profecto enim utilissimi et saluberrimi sunt,

<sup>1</sup> Particula, tunc, deest in sex MSS.

<sup>2</sup> Quatuordecim MSS., de illo fama nuntiata est.

<sup>3</sup> Et. et Iov., tam celebris est, ut eam timendo, etc. quam nolentis credi Filium Dei unigenitum et Deum prædicari Christum etc: dissentientibus MSS. prope omniis et antiquiori editione Ral., quorum hic lectionem restituimus.

quos, ut ipsi fatentur, vir sapientissimus scripsit. Si autem timent eos proferre, utique mali sunt; porro si mali sunt, non eos sapientissimus scripsit: sapientissimum autem Christum fatentur; non ergo Christus tale aliquid scripsit.

CAPUT IX. — *Quidam fingunt Christum scripsisse libros de magicis.*

14. Ita vero isti desipiunt, ut illis libris quos cum scripsisse existimant, dicant contineri eas artes quibus eum putant illa fecisse miracula, quorum fama ubique percreboit: quod existimando seipso produnt quid diligent, et quid affectent; quandoquidem Christum propterea sapientissimum putant fuisse, quia nescio quae illicita noverat, quae non solum disciplina christiana, sed etiam ipsa terrena reipublicæ administratio jure condemnat. Et certe qui tales Christi libros se legisse affirmant, cur ipsi nulla talia faciunt, qualia illum de libris talibus fecisse mirantur?

CAPUT X. — *Eosdem libros Petro et Paulo inscriptos quidam delirant.*

15. Quid quod etiam divino iudicio sic errant quidam eorum, qui talia Christum scripsisse vel credunt vel credi volunt, ut eosdem libros ad Petrum et Paulum dicant, tanquam epistolari titulo prænotatos. Et fieri potest ut sive inimici nominis Christi, sive qui ejusmodi exsecrabilibus artibus de tam gloriose nomine pondus auctoritatis dare se posse putaverunt, talia sub Christi et Apostolorum nomine scripserint: in qua fallacissima audacia sic excecati sunt, ut etiam a pueris, qui adhuc pueriliter in gradu Lectorum christianas Litteras norunt, merito rideantur.

16. Cum enim vellent tale aliquid fingere Christum scripsisse ad discipulos suos, cogitaverunt ad quos potissimum scribere potuisse facile crederetur, tanquam ad illos qui ei familiarius adhaerissent, quibus illud quasi secretum digne committeretur: et occurrit eis Petrus et Paulus, credo quod pluribus locis simul eos cum illo pictos viderent; quia merita Petri et Pauli etiam propter eumdem passionis diem celebrius solemniter<sup>1</sup> Roma commendat. Sic omnino errare meruerunt, qui Christum et Apostolos ejus non in sanctis codicibus, sed in pictis parietibus quæsierunt: nec mirum si a pingentibus fugentes decepti sunt. Toto enim tempore quo Christus in carne mortali cum suis discipulis vixit, nondum erat Paulus discipulus ejus, quem post passionem suam, post resurrectionem, post ascensionem, post missum de cœlis Spiritum sanctum, post multorum Judæorum conversionem et mirabilem fidem, post lapidationem Stephani diaconi et martyris, cum adhuc Saulus appellaretur, et eos qui in Christum crediderant, graviter persequeretur, de cœlo vocavit, et suum discipulum atque apostolum fecit (*Act. ix, 1-30*). Quomodo igitur potuit libros, quos antequam moreretur eum scripsisse putari volunt, ad discipulos, tanquam familiarissimos, Petrum et Paulum scribere, cum Paulus nondum fuerit discipulus ejus?

<sup>1</sup> In tribus MSS., celeberrinum solemniter. Apud Er. et Lov., celebrius et solemniter; addito, et, quod abest ab aliis codicibus.

CAPUT XI. — *In eos qui somniant Christum magica arte populos ad se convertisse.*

17. Illud quoque attendant qui magicis artibus tanta eum potuisse, et nomen suum ad populos in se convertendos arte ipsa consecrasse delirant, utrum potuerit magicis artibus tantos Prophetas divino Spiri- tu, antequam in terra nasceretur, implicere, qui de illo talia futura prælocuti sunt, qualia jam præterita in Evangelio legimus, et qualia in orbe terrarum præsentia nunc videmus. Neque enim si magicis artibus fecit ut coleretur et mortuus, magus erat antequam natus: cui prophetando venturo gens una deputata est, cuius reipublicæ tota administratio prophetia esset illius regis venturi, et civitatem cœlestem ex omnibus gentibus condituri.

CAPUT XII. — *Judæorum Deus, illis subjugatis, ideo non fuit a Romanis receptus, quod is juberet se soli coli simulacris deletis.*

18. Proinde illius Hebrææ gentis ad prophetandum Christum, sicut dixi, deputata nullus alias deus erat, nisi Deus unus, Deus verus, qui fecit cœlum et terram et omnia quæ in eis sunt: quo offenso sæpe suis hostibus subdebantur; nunc etiam pro gravissimo scelere occisi Christi, ex ipsa Jerosolyma, quod erat regni eorum caput, penitus eradiciati, et Romano imperio subjugati sunt. Solebant autem Romani deos gentium quas subjugabant, colendos propitiare<sup>2</sup>, et eorum sacra suscipere. Hoc de Deo gentis Hebrææ, cum eam vel oppugnaverunt vel vicerunt, facere noluerunt. Credo quod videbant, si ejus Dei sacra recipieren, qui se solum, deletis etiam simulacris, colijuberet, dimittenda esse omnia quæ prius colenda suscepserant, quorum religionibus imperium suum crevisse arbitrabantur. In quo eos plurimum fallacia dæmonum decipiebat: nam utique intelligere debebant, occulta Dei veri voluntate, penes quem rerum summa potestas est, sibi datum et auctum regnum, non illorum deorum favore; qui si aliquid in hac re potestatis habuissent, suos potius protexissent, ne a Romanis superarentur, aufipos eis Romanos edomitos subjugassent.

19. Neque enim possunt dicere pietatem ac mores suos a diis gentium quas vicerunt, dilectos et electos. Nunquam hoc dicent, si primordia sua recolant, fascinorosorum asyli et Romuli fraticidium. Neque enim quando asylum constituerunt Remus et Romulus, ut quisquis eujuslibet sceleris reus eo confugisset, inultum haberet commissum, præcepta paenitentiae dederunt ad sanandas animas miserorum; ac non potius collectam timentium manum contra suas civitates, quarum leges timebant, mercède impunitatis armarunt: aut quando Romulus fratrem, qui nihil in eum mali perpetrarat, occidit, justitiam vindicandi, ac non principatum dominandi cogitavit. Itane istos mores dilexerunt dii, hostes suarum civitatum favendo hostibus earum? Quin potius nec illas deserendo preserunt, nec ad istos transeundo eos aliquid adjuverunt; quia non habent in potestate regnum dare et

<sup>2</sup> MSS. quinque, colendo propitiare.

austerre : sed Deus unus et verus hoc agit occulto iudicio , non continuo beatos factorus , quibus terrae regnum dederit ; nec continuo miseros , quibus a lemerit ; sed beatos vel miseros propter aliud et aliunde faciens , temporalia regna atque terrena quibus voluerit , et quamdiu voluerit , secundum prædestinationis ordinem seculorum , vel sinendo vel donando distribuit.

**CAPUT XIII. — Iudeos cur Deus passus est subjugari.**

20. Unde nec illud possunt dicere : Cur ergo Deus Hebreorum , quem summum et verum Deum dicitis , non solum eis Romanos non subjugavit , sed nec ipsis Hebreos , ne a Romanis subjugarentur , adjuvit ? Precesserunt enim manifesta peccata eorum , propter quæ illis hoc eventurum Prophetæ tanto ante prædicterunt ; et maxime quia in pio furore Christum occiderunt , in quo peccato aliorum occitorum peccatorum meritis execrati sunt : et quod illius passio esset Gentibus profutura , eadem prophætica contestatione prædictum est . Nec alia re magis claruit , illius gentis regnum , et templum , et sacerdotium , et sacrificium , et unctionem illam mysticam , quod *xp̄ia* græce dicitur , unde Christi nomen elucet , et propter quam reges suos christos ipsa gens appellabat , non fuisse nisi prænuntiando Christo deputata , quam quod occasi Christi resurrectio posteaquam coepit credentibus Gentibus prædicari , illa omnia cessaverunt , nescientibus Romanis per quorum victoriam , nescientibus Iudeis per quorum subjugationem factum est ut illa cessarent .

**CAPUT XIV. — Deus Hebreorum victis illis se victum non esse ostendit idolorum eversione , et Gentium omnium ad ipsius cultum conversione.**

21. Rem sane mirabilem non advertunt pueri Paganii qui remanserunt , Deum Hebreorum offensum a vietiis , nec receptum a victoribus , nunc prædicari et coli ab omnibus gentibus . Ipse est enim Deus Israel , de quo tanto ante Prophetæ plebem Dei sic allocutus est : *Et qui eruit te , Deus Israel universæ terræ vocatur* (*Isai. liv. 5*). Ille factum est per nomen Christi venientis ad homines ex semine ipsius Israel , qui nepos fuit Abraham , a quo gens cœpit Hebreorum (a) : nam et ipsi Israel dictum est , *In semine tuo benedictentur omnes tribus terræ* (*Gen. xxviii. 14*). Ille ostenditur Deus Israel , Deus uetus qui fecit cœlum et terram , et res humanas juste ac misericorditer curat , ita ut nec præcludat justitia misericordiam , nec impedit misericordia justitiam , quod non ipse sit vicius in Hebreo populo suo , quia regnum sacerdotiumque ejus Romanis expugnandum delendumque permisit : quandoquidem per Christi Evangelium , veri regis et sacerdotis , quod illo regno et sacerdotio futurum prefiguravit , nunc ipse Deus Israel ubique delet idola gentium ; quæ utique ne delerentur , recipere sacra ejus Romani voluerunt , sicut receperunt deorum altiarum gentium quas vicerunt . Ita et regnum sacerdotiumque prophæticæ gentis abstulit , quia jam

(a) II Retract. c. 16.

qui per eam promittebatur , advenerat ; et Romanum imperium , a quo gens illa victa est , per Christum regem suo nomini subjungavit , atque ad evertenda idola , propter quorum honorem sacra ejus recepta non erant , christianæ fideli robore ac devotione convertit .

22. Puto quia hæc de se futura , ut per tot Prophætas , et per cuiusdam etiam gentis regnum ac sacerdotium prænuntiarentur , non magicis artibus fecit Christus , antequam esset in hominibus natus . Nam et illius jam deleti regni populus ubique dispersus mirabilis Dei providentia , quamvis sine ulla unctione regis sacerdotisque remanserit , in quo chrismate Christi nomen apparebat , tenet tamen reliquias quarundam observationum suarum : Romania autem sacra illa de idolorum cultu nec vicius ac subjugatus acceptit , ut Libros prophæticos ad testimonium gerat Christi , ac sic de inimicorum codicibus probetur <sup>1</sup> veritas prophetati Christi . Quid ergo miseri adhuc Christum male laudando seipso indicant <sup>2</sup> ? Si aliqua magica sub ejus nomine scripta sunt , cum vehementer his artibus Christi doctrina inimica sit ; hinc potius intelligent quantum sit illud nomen , quo addito etiam illi qui contra ejus præcepta vivunt , suas nefarias artes honorare conantur . Sicut enim diversis hominum erroribus multi etiam varias haereses adversus veritatem sub ejus nomine considerunt ; ita sentiunt etiam inimici Christi , ad suadendum quod proferunt contra doctrinam Christi , nullum sibi esse pondus auctoritatis , si non habeat nomen Christi .

**CAPUT XV. — Pagani Christum laudare compulsi , in ejus discipulos contumeliosi.**

23. Quid quod isti vani Christi laudatores et christianæ religionis obliqui obtrectatores propterea non audent blasphemare Christum , quia quidam philosophi eorum , sicut in libris suis Porphyrius Siculus prodidit , consuluerunt deos suos quid de Christo responderent , illi autem oraculis suis Christum laudare compulsi sunt ? Nec mirum , cum et in Evangelio legamus eum dæmones fuisse confessos (*Luc. iv. 41*) : scriptum est autem in Prophætis nostris , *Quoniam dñi Gentium dæmonia* (*Psal. xciv. 5*). Ac per hoc isti ne contra deorum snorum responsa conentur , continent blasphemias a Christo , et eas in discipulos ejus effundunt : mihi autem videtur , quod illi dñi Gentium , quos philosophi Paganorum consulere potuerunt , etiam si de discipulis Christi interrogarentur , ipsis quoque laudare cogerentur .

**CAPUT XVI. — Apostoli de subvertendis idolis nihil a Christo vel a Prophetis diversum docuerunt.**

24. Verumtamen isti ita disputant , quod hæc evenio templorum , et damnatio sacrificiorum , et confratio simulacrorum non per doctrinam Christi fiat , sed per discipulorum ejus , quos aliud quam ab illo didicerunt , docuisse contendunt ; ita volentes christianam fidem , Christum honorantes laudantesque , convellere : quia utique per discipulos Christi et facta et dicta Christi auctoritatæ sunt , quibus constat reli-

<sup>1</sup> MSS. sex , profertur veritas .

<sup>2</sup> Editio Ital. et quinque MSS. , judicant .

gio christiana, adhuc istis jam paucissimiis, nec jam oppugnansibus, sed tamen adhuc mussitantibus ini-  
mica. Sed si nolunt credere Christum talia docuisse,  
Prophetas legant, qui non solum superstitiones idolo-  
rum everti præceperunt, verum etiam christianis  
temporibus hanc eversionem futuram prædixerunt.  
Qui si sefellerunt, cur tanta manifestatione comple-  
tur? si verum dixerunt, cur tantæ divinitati resisti-  
tur?

CAPUT XVII. — *In Romanos qui Deum Israel solum rejecerunt.*

25. Verumtamen diligentius ab istis quærendum est, quemnam putent esse Deum Israel; cur eum colendum non receperint, sicut aliarum gentium deos, quas Romanum subegit imperium; præsertim cum eorum sententia sit, omnes deos colendos esse sa-  
pienti. Cur ergo a numero cæterorum iste rejectus est? Si plurimum valet, cur ab eis solus non colitur? si parum aut nihil valet, cur contritis eorum simulacris ab omnibus gentibus solus pene jam colitur? Numquam hujus questionis vinculo eximi poterunt, qui cum maiores et minores deos colant, quos deos putant, hunc Deum non colunt, qui prævaluit omnibus quos colunt. Si enim magnæ virtutis est, cur existi-  
matus est improbandus? si parvæ nulliusve virtutis est, cur tantum potuit improbatu? Si bonus est, cur a cæteris bonis solus separatur? si malus est, cur a tot bonis unus non superatur? Si verax est, cur ejus præcepta respuuntur? si mendax est, cur ejus prædicta complentur?

CAPUT XVIII. — *Hebræorum Deus a Romanis non receptus, quia se solum coli voluerit.*

26. Postremo, quod volunt de illo sentiant. Numquid Romani etiam malos deos colendos non putant, qui Pallori et Febri fana fecerunt? qui et ἀγεθοὺς da-  
monas invitandos<sup>1</sup>, et ριχτοὺς demonas placandos monent? Quodlibet ergo de illo existiment, cur eum solum sibi nec advocandum nec propitiandum esse duxerunt? Quis est Deus iste vel Ita ignotus, ut in tam multis diis solus adhuc non inveniatur; aut Ita notus, ut a tam multis hominibus jam solus colatur? Nihil ergo restat ut dicant cur hujus Dei sacra recipere noluerint; nisi quia solum se coli voluerit, illos autem deos Gentium, quos isti jam colebant, coli prohibuerit. Sed hoc ipsum magis ab eis requirendum est, quenam vel qualem putent esse istum Deum, qui noluerit coli deos alios, quibus isti templi et simula-  
cra fecerunt; tantumque potuerit, ut plus valeret ejus voluntas ad eorum simulacula evertenda, quam illorum ad ejus sacra non recipienda. Certe sententia illius eorum philosophi proditur, quem sapientissimum omnium hominum etiam oraculo suis fir-  
marunt Socratis enim sententia est, unumquemque deum sic coli oportere, quomodo se ipse colendum esse præceperit. Proinde istis summa necessitas facia est non colendi Deum Hebræorum; quia si alio modo eum colere vellent, quam se colendum ipse dixisset,

<sup>1</sup> Editi, invitando. At MSS., invitando: quibus faciet quod subsequitur, cur etiam solum sibi nec advocandum.

non utique illum colerent, sed quod ipsi fixissent: si autem illo modo vellent quo ipse diceret, alios sibi colendos non esse cernebant, quos ille coli prohibebat. Ac per hoc respuerunt unius veri Dei cultum, ne multos falsos offendenter; magis arbitrantes sibi ob-  
futuram fuisse istorum iracundiam, quam illius benevolentiā profuturam.

CAPUT XIX. — *Hunc esse verum Deum.*

27. Sed fuerit ista vana necessitas, et ridenda ti-  
miditas: nunc querimus quid de isto Deo sentiant homines, quibus placet omnes deos colendos esse. Si enim iste colendus non est, quomodo coluntur omnes, cum iste non colitur? si autem colendus est, non omnes colendi sunt; quia nisi solus colatur, iste non colitur. Ali forte dicturi sunt istum non esse Deum, cum illos deos dicant, qui, sicut nos creditus, nihil possunt, nisi quod illius judicio permittuntur; non ut alii prosint, sed ut nec laedere valeant, nisi eos quos ita laedendos esse ille judicat, qui omnia potest? Sicut autem ipsi coguntur fateri, minora certe quam ille potuerunt. Si enim dii sunt, quorum vates con-  
sulti ab hominibus, ut non dicam sefellerunt, proxima tamen privatis negotiis responderunt; quomodo non est Deus, cuius vates non solum ea quæ ad tempus consulebantur congrue responderunt, verum etiam unde non consulebantur de universo genere huma-  
no, atque omnibus gentibus ea tanto ante prædixerunt, quæ nunc et legimus et videmus? Si Deum dicunt, quo impleta Sibylla fata<sup>2</sup> cecinit Romanorum; quomodo non est Deus, qui et Romanos et omnes nationes in se unum Deum per Christi Evangelium credituras, et omnia patrum suorum simulacula eversuras, sicut prænuntiavit, exhibuit? Postremo, si illos deos dicunt, qui nunquam ausi sunt per vates suos contra istum Deum aliquid dicere; quomodo non est Deus qui per vates suos istorum simulacula non solum everti jussit, verum etiam in omnibus Gentibus evensum iri prædictum ab eis qui illis desertis se unum colere juberentur, et jussi famularentur?

CAPUT XX. — *Contra Deum Hebræorum nihil a Pa-  
ganorum ratibus prædictum reperitur.*

28. Aut legant, si possunt, vel aliquam Sibyllarum, vel quemlibet aliorum vatum suorum prædictisse hoc futurum, ut Deus Hebræorum Deus Israel ab omnibus gentibus coleretur, et quod eum cultores aliorum deorum recte antea respuissent; futuras etiam litteras Prophetarum ejus in auctoritate ita sublimi<sup>3</sup>, ut his obtemperaretur: legant ista, si possunt, ex aliquibus libris vatum suorum. Omitto enim dicere quod ea que in illorum libris leguntur, pro nostra, hec est, christiana religione testimonium dicunt, quod a sanctis Angelis, et ab ipsis nostris Prophetis audire potuerunt: sicut et presentem in carne Christum etiam daemonia coacta sunt confiteri. Sed haec omittedo, que cum proferimus, a nostris facta esse contendunt:

<sup>1</sup> In septem MSS., facta.

<sup>2</sup> Sex MSS., futurum... sublimari.

ipsi omnino, ipsi urgendi sunt, ut proferant a vatis deorum suorum contra Deum Ilebrorum aliquid prophetatum; sicut nos tot et tanta de libris Prophetarum nostrorum contra deos eorum et iussa observamus, et praedicta recitamus, et facta monstramus. Quæ illi jam perpauci qui remanserunt, malunt dolere completa, quam illum Deum agnoscere, qui potuit prænuntiare complenda: cum in suis diis falsis, quæ sunt vera daemonia, nihil aliud pro magno appetant, quam cum aliquid eorum responsis sibi futurum esse didiceris.

CAPUT XXI. — *Hic solus Deus colendus, qui cum alios coli prohibeat, coli non prohibetur ab aliis.*

29. Quæ cum ita sint, cur non potius miseri intellegunt illum esse Deum verum, quem sic vident a suorum deorum societate sejunctum, ut quem Deum fateri coguntur, qui omnes deos colendos esse profertur, cum ceteris colere non sinantur? Cum ergo simul coli non possint, cur non ille eligitur, qui istos coli vetat, relictis istis qui illum coli non vetant? Aut si vetant, legatur. Quid enim magis populis eorum in templis eorum debuit recitari, ubi nihil unquam tale personavit? Et utique prohibitio tam multorum contra unum, quam unius contra tam multos, notior et potentior<sup>1</sup> esse deberet. Nam si hujus Dei cultus est impius, inutiles sunt dii, qui homines ab impietate non prohibent: si vero pius est hujus cultus, quoniam in illo præcipitur ne isti colantur, impius est cultus eorum. Si autem tam dissidenter istum coli prohibent, ut plus audiri timeant<sup>2</sup>, quam prohibere audeant; hoc ipso quis non sapiat, quis non sentiat, illum esse potius eligendum, qui istos coli tam publice prohibet, qui eorum simulacra everti jussit, predixit, evertit, quan istos, quos ut ille non colatur, jussisse nescimus, prædictisse non legimus, valuisse aliquid non videmus? Rogo, respondeant; quis est Deus iste, qui omnes Deos Gentium sic persequitur, qui omnia eorum sacra sic prodit, sic extinguit?

CAPUT XXII. — *Opinio Gentium de Deo nostro.*

30. Quid interrogem homines qui evanuerunt cogitando quis iste sit? Alii dicunt, Saturnus est: credo propter sabbati sanctificationem, quia isti eum diem Saturno tribuerunt. Varro autem ip-orum, quo doctorem apud se neminem inveniunt, Deum Judæorum Jovem putavit, nihil interesse censens quo nomine nuncupetur, dum eadem res intelligatur: credo illius summitate deterritus. Nam quia nihil superius solent colere Romani quam Jovem, quod Capitolium eorum satis aperteque testatur, eunque regem omnium deorum arbitrantur; cum animadverteret Judæos summum Deum colere, nihil aliud potuit suspicari quam Jovem. Sed sive qui Saturnum, sive qui Jovem Deum Judæorum putant, dicant quando Saturnus prohibere ausus est coli alterum Deum; nec ipsum Jovem, qui eum regno expulisse perhibetur, patrem filius. Qui

si tanquam potentior et victor placuit cultoribus suis, Saturnum victimam expulsumque non colant. Sed neque istum coli Jovis prohibuit; et quem vincere potuit, deum tamen esse permisit.

CAPUT XXIII. — *De Jove et Saturno quid magat sint Pagani.*

31. Iste, inquit, fabulae sunt aut interpretanda a sapientibus, aut ridendæ: nos autem Jovem colimus, de quo ait Maro,

*Jovis omnia plena;*  
(*Eclig. 3, v. 60.*)

id est, omnia vivificantem spiritum. Merito ergo et Varro Jovem opinatus est coli a Judæis, quia dicit per prophetam, *Cœlum et terram ego impleo* (*Jerem. xxii, 24*). Quid illud quod idem poeta dicit æthera? quomodo accipiunt? Sic enim ait:

*Tum Pater omnipotens secundis imbribus Æther,  
Conjugis in gremium læte descendit.*  
(*Georg. lib. 2, vv. 324, 325.*)

Ætherem quippe non spiritum, sed corpus esse dicunt sublime, quo cœlum super aerem distenditur. An poete conceditur nunc secundum Platonicos, ut non corpus, sed spiritus, nunc secundum Stoicos loqui, ut corpus sit Deus? Quid igitur in Capitolio colunt? Si spiritum, si denique ipsum cœlum corporum, quid illuc facit scutum illud Jovis, quod appellant Ægida? Nempe origo nominis hujus ita redditur, quia Jovem a matre occultatum capra nutritivit: an et hoc poete mentiuntur? Numquid et Capitolia Romanorum, opera sunt poetarum? Quid sibi autem vult ista non poetica, sed plane mimica varietas, deos secundum philosophos in libris querere, secundum poetas in templis adorare?

32. Sed numquid etiam ille Euhemerus poeta fuit, qui et ipsum Jovem et Saturnum patrem ejus, et Plutonem atque Neptunum fratres ejus, ita planissime homines fuisse prodit, ut eorum cultores gratias magis poetis agere debeant, quia non ad eos dehonestandos, sed potius ad exornandos nulla sinixerunt? quamvis et ipsum Euhemerum ab Ennio poeta in latinam linguam esse conversum Cicero commemoret (*Lib. 1 de Nat. Dior.*). Numquid et ipse Cicero poeta fuit, qui eum, cum quo in Tusculanis disputat, tanquam secretorum conscientia admonet dicens: *Si vero scrutari reterat, et ex eis quæ Scriptores Græciæ prodiderunt, eruere coner, ipsi illi majorum gentium dii qui habentur, hiuc a nobis profecti in cœlum reperientur. Quærum demonstrentur sepultra in Græcia; reminiscere, quoniam es iniciatus, quæ tradantur mysteriis: tum denique quæm hoc late pateat intelliges* (*Tuscul. 4*). Hic certe istorum deos homines fuisse satis constitutur, in cœlum autem pervenisse benevolè suspicatur: quanquam et hunc honorem opinionis ab hominibus eis esse delatum, non dubitavit publice dicere, cum de Romulo loqueretur: *Qui hanc urbem, inquit, condidit, Romulum ad deos immortales benevolentia famaque sustulimus* (*In Catilin. orat. 5*). Quid igitur mirum est, si hoc fecerunt antiquiores homines de Jove et Saturno et ceteris, quod Romani de Romulo, quod de-

<sup>1</sup> MSS. quinque, pector.

<sup>2</sup> Editi, audere timeant. Sed verius MSS., audiri timeant: scilicet daemones verebantur ne Deus verus, si ejus cultua prohiberent, per eos iros innotesceret.

inque jam recentioribus temporibus etiam de Cæsare facere voluerunt? Quibus et Virgilius adulacione in carminis addidit, dicens :

Ecce Dionae processit Cæsaris astrum.  
(*Eclig. 9, v. 47.*)

Videant ergo ne forte historica veritas sepulra falsorum deorum ostendat in terra; vanitas autem poetica stellas eorum non fit, sed fingit in celo. Neque enim revera stella illa Jovis est, aut illa Saturni; sed post eorum mortem sideribus ab initio mundi conditis haec nomina imposuerunt homines, qui illos mortuos, quasi deos habere voluerunt. De quibus quid tantum mali castitas, aut quid tantum boni voluptas commenuit, ut inter astra, quæ cum sole et luna circumeunt, Venus habeat stellam, et Minerva non habeat?

33. Sed fuerit et Cicero academicus incertior quam poeta, qui sepultra deorum commemorare ausus est, litterisque mandare: quamvis hoc non ex opinione propria præsumpsit, sed ex ipsorum sacerorum traditione commemoraverit. Numquid et Varro vel tanquam poeta fingit, vel tanquam Academicus dubie ponit, quod dicit talium deorum sacra ex cuiusque eorum vita vel morte, qua inter homines vixerunt vel obierunt, esse composita? Numquid et Leon ille sacerdos Ægyptius, poeta vel academicus fuit, qui Macedoni Alexandro, diversam quidem a Græcorum opinione istorum deorum originem, verumtamen ita prodiit, ut eos homines suisse declaret?

34. Sed quid ad nos?<sup>1</sup> Dicant se Jovem, non hominem mortuum colere, nec homini mortuo Capitolium dedicasse, sed spiritui vivificanti omnia, quo mundus impletur, et scutum ejus in honorem nutricis ejus factum de pelle caprina, interpretentur ut volunt. Quid dicunt de Saturno? quem<sup>2</sup> Saturnum colunt? Nonne ille est qui primus ab Olympo venit,

Arma Jovis fugiens, et regnis exsul ademptis.  
Qui genus indocile et dispersum montibus altis  
Composuit legesque dedit, latumque vocari  
Maluit, his quoniam latuisset tutus in oris?  
(*Aeneid. lib. 8, v. 320-324.*)

Nonne ipsum ejus simulacrum, quod coopto capite singitur, quasi latenter indicat? nonne ipse Italus ostendit agriculturam, quod falce demonstrat? Non, inquit: nam videris si fuit ille<sup>3</sup> homo et rex quidam, de quo Iota narrantur; nos tamen Saturnum interpretamur Universam tempus, quod græcam etiam vocabulum ejus ostendit: vocatur enim *zōros*, quod aspiratione addita, etiam temporis nomen est; unde et latine Saturnus appellatur, quasi saturetur annis. Quid jam cum istis agendum sit, nescio, qui conantes in melius interpretari nomina et simulacula deorum suorum, fatentur majorerem deum suum et patrem cæterorum tempus esse. Quid enim aliud indicant, quam omnes deos suos temporales esse, quorum patrem ipsum tempus constituant?

35. Erubuerunt hinc philosophi eorum recentiores

Platonici, qui jam christians temporibus fuerunt; et Saturnum aliter interpretari conati sunt, dicentes appellatum *χρόνος*, velut a satietate intellectus, eo quod græce satietas *χρέος*, intellectus autem sive mens *νοῦς* dicitur: cui videtur suffragari et latinum nomen, quasi ex prima latina parte et græca posteriore compositum, ut diceretur Saturnus, tanquam satur esset, *νοῦς*. Viderunt enim quam eset absurdum, si filius temporis Jupiter haberetur, quem deum aeternum vel putabant vel putari volebant. At vero secundum istam novellam interpretationem, quam veteres corum si habuissent, mirum si Ciceronem Varronemque latuisset, Saturni filium Jovem dicunt, tanquam ab illa summa mente profluentem spiritum, quem volunt esse velut animam mundi hujus, omnia coelestia et terrena corpora implentem. Unde illud Marouis est, quod paulo ante commemoravi, *Jovis omnia plena*. Numquid non, si possent isti, sicut ipsam interpretationem, ita etiam superstitionem hominum commutarent, et aut nulla simulacra, aut certe Saturno potius quam Jovi Capitolia constituerent? Neque enim ullam animam rationalem sapientem fieri disputant, nisi participatione summæ illius incommutabilis sapientiae; non solum cujusquam hominis animam, sed ipsius etiam mundi, quam dicunt Jovem. Nos vero, esse quondam summam Dei sapientiam, cuius participatione fit sapiens quæcumque anima sit vere sapiens, non tantum concedamus, verum etiam maxime prædicamus. Utrum autem universa ista corporalis moles, qua mundus appellatur, habeat quædam animam, vel quasi animam suam, id est rationalem vitam, qua ita regatur sicut unumquodque animal, magna atque abdita questio est: nec affirmari debet ista opinio, nisi comperta quod vera sit; nec refelli, nisi conperta quod falsa sit. Quid autem hoc ad hominem, etiam si semper eum lateat; quandoquidem nulla anima sit sapiens vel beata ex alia quacumque anima, sed ex illa sola summa atque incommutabili Dei sapientia?

36. Romani tamen, qui non Saturno, sed Jovi Capitolium condiderunt; vel aliae nationes, que Jovem præcipue supra cæteros deos colendum esse palaverunt, non hoc quod isti senserant: qui secundum istam suam novam opinionem, et summas arces<sup>4</sup>, si quidquam in his rebus potestatis habuissent, Saturno potius dedicarent; et Mathematicos vel Genethliacos maxime delerent, qui Saturnum, quem sapientum effectorem isti dicere, maleficum deum inter alia sidera constituerunt. Quæ opinio tantum contra illos in animis humanis prævaluit, ut nec nominare illam velint, sciem potius quam Saturnum appellantes: tam timida superstitione, ut jam Carthaginenses pene vico suo nomen metaverint, Vicum senis crebrius, quam Vicum Saturni appellantes.

CAPUT XXIV. — *Non omnes Deos colunt, qui Deum Israel rejicunt; nec eum colunt, qui alios colunt.*

37. Notum est ergo, quid colere convincantur, et

<sup>1</sup> Editi: *Sed quid ad nos si dicant.* At a MSS. abest, si.  
<sup>2</sup> Editi: *Qui Saturnum colunt.* MSS. vero, quem.  
<sup>3</sup> Editi: *Nan tanetsi fuerit ille.* MSS. vero: *Nan videris si fidi.*

<sup>4</sup> Er. et Lov., artes: dissentientibus MSS. et Rat.

quid colorare concerunt adoratores simulacrorum. Verum et ab ipsis novitiis Saturni interpretatoribus requirendum est, quid de Deo sentiant Hebreorum. Etiam ipsis enim placuit omnes deos cum gentibus colere, cum eos superbos puderet pro peccatorum suorum remissione humiliari sub Christo. Quid ergo sentiunt de Deo Israel? Quem si non colunt, non omnes deos colunt: si autem colunt, non colunt sicut se coli jussit, quia et alios colunt, quos coli ille prohibuit. Per eos enim vates ista prohibuit, per quos haec ipsa quæ nunc a Christianis eorum simulacula patiuntur, futura prædictit. Sive enim Angeli ad illos Prophetas missi sint, qui eis Deum omnium creatorem unum verum Deum, cui universa subjecta sunt, et per sensibilium rerum congruam speciem figurate ostenderent, et quemadmodum se coli præciperet, indicarent; sive aliquorum in eis mentes per Spiritum sanctum ita sublimata sint, ut eo visu ea viderent, quo et ipsi Angeli vident: constat tamen eos illi Deo servisse, qui alios deos coli prohibuit; servisse autem fidem pietatis in regno et sacerdotio reipublicæ suæ, et Christum venturum verum regem ac sacerdotem significantibus sacris.

**CAPUT XXV.** — *Dii falsi alios coli secum non prohibent. Deum Israel esse Deum verum convincitur ex operibus ejus et prædictis et impletis.*

38. Porro autem in diis Gentium (quos isti dum colere volunt, illum qui cum ipsis coli non potest, colere nolunt), dicant quid causæ est ut nullus eorum inventatur qui alterum coli prohibeat, cum eos in diversis officiis muneribusque constituant, et rebus ad quemque proprie pertinentibus præsides esse velint. Si enim Jupiter non prohibet Saturnum coli, quia non est ille homo, qui illum hominem patrem de regno expulit, sed aut cœli corpus, aut spiritus implens cœlum et terram; et ideo non potest prohibere coli mentem supernam, ex qua dicitur emauasse: si ea ratio nec Saturnus Jovem coli prohibet, quia non ab eo rebellante superatus est, sicut ille a Jove nescio quo, cuius arma fugiens venit in Italiam; sed favet prima mens animæ a se genitæ: saltem Vulcanus prohibet coli Martem uxoris adulterum, Hercules Junonem persecutricem suam. Quæ ista inter eos est tam foeda consensio, ut nec Diana virgo casta coli prohibeat, non dicam Venerem, sed Priapum? Nam si unus homo et venator et agricultor esse voluerit, servus erit amborum: quibus tamen vel vicina tempora fabricare erubescit. Sed interpretentur Dianam virtutem quam volunt, interpretentur et Priapum secunditatis deum<sup>2</sup>, ita sane ut in fetandis feminis pudeat Junonem talem habere adjutorem. Dicant quod placet, interpretentur quod sapiunt; dum tamen omnia eorum argumenta perturbet Deus Israel. Qui cum illos omnes coli prohibuerit, et a nullo eorum coli prohibitus sit, eorumque simulacris et sacræ eversionem præceperit, predixerit, fecerit; satis ostendit illos falsos atque fallaces,

et se esse verum ac veracem Deum.

59. Istos autem jam paucos deorum multorum falsorumque cultores, quis non miretur nolle obtemperare illi, de quo cum ab eis queritur quisnam sit Deus, quodlibet opinatio respondent, Deum tamen esse negare non auderet? quia si negent, operibus ejus et prædictis atque completis facilime convincuntur. Neque enim ea dico, quæ liberum sibi putant esse non credere, quia ipse in principio fecit cœlum et terram, et omnia quæ in eis sunt (*Gen. i*). Neque illa nimis antiqua, quod Enoch transtulit (*Id. v*, 24), quod impios diluvio delevit, quod Noe justum domumque ejus per lignum inde liberavit (*Id. vii*). Ab Abraham in hominibus facta ejus exordior. Huic enim facta est per angelicum oraculum manifesta promissio, quam nunc videmus impleri. Huic quippe dictum est, *In semine tuo benedicentur omnes Gentes* (*Id. xxii*, 18): ex cuius semine populus Israel, unde virgo Maria quæ peperit Christum, in quo benedici omnes Gentes audiunt jam negare si possunt. Haec promissio facta est etiam ad Isaac filium Abraham (*Id. xxvi*, 4). Haec et ad Jacob nepotem Abraham (*Id. xxviii*, 14), qui etiam Israel appellatus est, ex quo universus ille populus et propagatus et nominatus est, ut hujus populi Deus appellaretur Deus Israel: non quod ipse non sit Deus omnium Gentium, sive nescientium, sive iam scientium; sed quia in isto populo voluit manifestius apparere virtutem promissorum suorum. Ille enim populus primo in Ægypto multiplicatus, et de illa servitate per Moysen in multis signis portentisque liberatus, debellatis plurimis Gentibus terram etiam promissionis accepit, in qua regnavit per reges suos de tribu Iudeo exortos. Qui Judas unus fuit ex duodecim filiis Israel nepotis Abraham; atque inde Iudei cognominati, multa ipso Deo adjuvante fecerunt, multa pro peccatis suis ipso flagellante perpessi sunt, donec veniret semen cui promissum est, in quo benedicerentur omnes gentes, et patrum suorum simulacula sponte confringerent.

**CAPUT XXVI.** — *Idololatria per Christi nomen et Christianorum fidem juxta prophetias eversa.*

40. Neque enim temporibus christianis, sed tanto ante prædictum est quod per Christianos impletur. Ipsi Iudei qui remanserunt inimici nominis Christi, de quorum etiam futura perfidia in illis propheticis Litteris tacitum non est, ipsi habent et legunt prophetam dicentem: *Domine Deus meus, et refugium meum in die malorum, ad te gentes venient ab extremo terra, et dicent, Vere mendacia coluerunt patres nostri simulacula et non est in illis utilitas* (*Jerem. xvi*, 19). Ecce nunc sit, ecce nunc gentes ab extremo terra veniunt ad Christum ista dicentes, et simulacula frangentes. Et hoc enim magnum est, quod Deus præstiti Ecclesiæ sue ubique diffusæ, ut gens Iudea merito delata et dispersa per terras, ne a nobis haec composta putarentur, codices prophetiarum nostrarum ubique portaret<sup>1</sup>; et inimica fiduci nostræ, testis fieret

<sup>1</sup> Sic in MSS. At in editis, *colere*.

<sup>2</sup> Lov., *fæditatis*. Editi autem alii et nostri MSS., *secunditatis*.

<sup>1</sup> Editi: *Codices prophetarum nostrorum ubique portantur*. At plures MSS., *prop. taurum nostrum*.

veritatis nostrae. Quomodo ergo discipuli Christi docuerunt quod a Christo non didicerunt, sicut stulti desipiendo jactant, ut deorum gentilium et simulariorum superstitione deleretur? Numquid et illas prophetias quae nunc leguntur in codicibus inimicorum Christi, possunt dici finxisse discipuli Christi?

41. Quis enim haec evertit, nisi Deus Israel? Ipsi enim populo dictum est per divinas voces factas ad Moysen: *Audi Israel, Dominus Deus tuus Deus unus est* (*Deut. vi, 4*). Non facies tibi idolum, neque cuiusquam similitudinem, neque in caelo sursum, neque in terra deorsum (*Exod. xx, 4*). Ut autem etiam evertat ista, ubi potestatem acceperit, sic ei præcipitur: *Non adorabis deos illorum, sed neque servies eis; non facies secundum opera ipsorum, sed deponendo depones, et confringendo confringes simulacra eorum* (*Id. xxiii, 24*). Quis autem dicat Christum atque Christianos non pertinere ad Israel, cum Israel nepos fuerit Abraham, cui primo, et deinde Isaac filio ejus, et deinde ipsi Israel nepoti ejus dictum est, quod jam commemoravi, *In semine tuo benedicentur omnes Gentes?* Quod fieri jam videmus in Christo, cum inde exorta sit illa virgo, de qua propheta populi Israel et Dei Israel cecinit, dicens: *Ecce virgo concipiet et pariet filium, et vocabunt nomen ejus Emmanuel.* Interpretatur autem Emmanuel, *Nobiscum Deus* (*Istai. vii, 14; Matth. i, 23*). Deus ergo Israel qui prohibuit alios deos coli, qui prohibuit idola fabricari, qui præcepit everti, qui per prophetam prædictis gentes ab extremo terræ dicturas, *Vera mendacia coluerunt patres nostri simulacula, in quibus non est utilitas;* ipse per Christi nomen et Christianorum fidem istarum omnium superstitionum eversionem jussit, promisit, exhibuit. Frustra ergo miseri, quia blasphemare Christum etiam a diis suis, hoc est, a dæmonibus nomen Christi metuentibus prohibiti sunt, volunt ab eo doctrinam istam facere alienam, qua Christiani contra idola disputant, easque omnes falsas religiones ubi potuerint eradicant.

**CAPUT XXVII.** — *Urget idololatrarum reliquias, ut denum serviant vero Deo idola ubique subvertenti.*

42. De Deo Israel respondeant, quem docere ista et jubere, non tantum Christianorum, sed et Judeorum Libri testantur: de ipso consulunt deos suos, qui Christum blasphemari prohibuerunt; de Deo Israel, si audent, aliqua contumeliosa respondeant. Sed quos consulunt? aut ubi jam consulunt? Libros sporum legant. Si Deum Israel Jovem putant, sicut Varro scripsit (ut interim secundum eorum opinionem loquar), cur ergo Jovi non credunt idola esse delenda? Si Saturnum putant<sup>1</sup>, cur eum non colunt? Aut cur non sic colunt, quemadmodum se coli per eos vates præcepit, per quos ea quae prædictis, implevit? Cur ei non credunt simulacula evertenda esse, et alios deos colendos non esse? Si nec Jovis<sup>2</sup>, nec Saturnus est (quia si unus eorum esset, contra sacra Jovis et Saturni eorum tanta non diceret); quis ergo

<sup>1</sup> Er. et Lov.: *Si saturnum Deum putant.* Sed melius hat. et MSS.: *Si saturnum putant:* subaudi, Deum Israel.

<sup>2</sup> Lov., Jupiter. Alii editi et MSS., Jovis: pro nominandi causa, ut supra, n. 30.

est, qui propter deos alios solus ab istis non colunt, et eversis diis aliis, tam evidenter efficit ut solus colatur, humiliata omni superba altitudine, quæ se adversus Christum exerat pro idolis, persecutus interficiensque Christianos? Nunc certe querunt, ubi se abscondant, cum sacrificare volunt; vel ubi deos ipsos suos retrudant<sup>3</sup>, ne a Christianis inveniantur atque frangantur. Unde hoc, nisi a timore legum atque regum, per quos Deus Israel suam exserit potestatem, jam subditos Christi nomini? sicut longe ante promisit, dicens per Prophetam: *Et adorabunt eum omnes reges terræ; omnes gentes servient illi* (*Psal. lxxi, 11*).

**CAPUT XXVIII.** — *Prædicta idolorum rejectio.*

43. Nempe jam completur quod per prophetam identidem canitur, quod remissurus esset impiam plebem suam (non quidem totam, quia multi et ex Israelitis crediderunt in Christum; nam inde erant et Apostoli ejus), et humiliatus omnem superbum atque injuriosum, ut ipse solus exaltaretur, id est, solus altus et potens hominibus manifestaretur: donec projicerentur a credentibus idola, et a non credentibus absconderentur; cum ejus timore terra confringitur, id est, terreni homines timore franguntur, timendo legem vel ipsius, vel eorum qui credentes in eum, gentibusque regnantes, talia sacrilegia proliferent.

44. Hæc enim, quæ ut facilius intelligerentur, breviter prælocutus sum, propheta sic dicit: *Et nunc tu, domus Jacob, venite, et ambulemus in luce Domini. Remisit enim plebem suam domum Israel; quoniam repleta est, sicut ab initio, regio eorum auguriis, sicut alienigenarum; et filii multi alienigenæ nuti sunt illis. Repleta est enim regio eorum argento et auro, nec erat numerus thesaurorum illorum. Et repleta est terra equis, nec erat numerus curruum illorum. Et repleta est terra abominationibus operum manuum ipsorum, et adoraverunt ea quæ fecerunt digiti eorum. Et inclinavit se homo, et humiliavit se vir, et non remittam illis. Et nunc intrate in petras, et absconde vos in terra a facie timoris Domini, et a maiestate Virtutis ejus, cum surrexerit confringere terram. Oculi enim Domini excelsi, homo autem humilius; et humiliabitur altitudo hominum, et exaltabitur Dominus solus in illa die. Dies enim Domini sabaoth supra omnem injuriosum et superbum, et supra omnem altum et humiliatum<sup>4</sup>, qui humiliabuntur; et supra omnem cedrum Libani excelsorum et elatorum, et supra omnem arborem Libani Basan, et super omnem montem, et super omnem collinem altum, et super omnem navem maris, et super omnem spectaculum navi: decoris. Et humiliabitur, et cadet contumelia hominum*.

<sup>3</sup> Nat. et Fr., recludent.

<sup>4</sup> Legendum videtur, et elatum; cum in grecis sit, metēron. Paulo post in editis legebat: *Et supra omnem cedrum Libani excelsum et elatum.* At in MSS. habetur, *εὖσ σορὸν et elatorum:* juxta LXX, τὸν ἕψελὸν καὶ μέτερόν; qui sic prosequuntur, καὶ επὶ παν δένδρον βαλανῷ Ιασίν, et super omnem arborem glandis Basan: ubi Augustinus pro baldanou, legit libanou. Ille denique post illa verba, et super omnem collinem altum, omittitur versulus 15: *Et super omnem turrim altum, et super omnem murum altum.*

*et exultabitur Dominus solus in illa die. Et manibus fabricata omnia abscondent in speluncis, et in scissuris petrarum, et in cavernis terrae a facie timoris Domini, et a maiestate Virtutis ejus, cum exsurrexerit confringere terram. Illa enim die projiciet homo abominationes aureas et argenteas, quae fecerunt ut adorarent supervacanea et noscia; ut intrent in foramina solidarum petrarum, et in scissuras petrarum, a facie timoris Domini, et a maiestate Virtutis ejus, cum exsurrexerit comminuere terram (Isai. 11, 5-21).*

**CAPUT XXIX.** — *Deum Israel quidni colant pagani, si eum vel præpositum elementorum esse opinantur.*

45. Quid dicunt de isto Deo sabaoth, quod interpretatur Deus virtutum vel exercituum; quia illi serviant virtutes et exercitus Angelorum? quid dicunt de isto Deo Israel, quia Deus est illius populi, de quo venit semen, in quo benedicerentur omnes Gentes? Cur solum non colunt, qui omnes deos colendos esse contendunt? cur ei non credunt, qui alias deos falsos et ostendit, et evertit? Audivi quendam eorum dicere, se regisse apud nescio quem philosophum, quod ex his quae Judæi in suis sacramentis agerent, intellexisset quem Deum colerent: « Præpositum, inquit, istorum clementorum, quibus iste visibilis et corporis mundus exstructus est: » cum in Scripturis sanctis Prophetarum ejus aperte ostendatur, illum Deum colendum præceptum esse populo Israel, qui fecit cœlum et terram, et a quo est omnis vera sapientia. Sed quid opus est hinc diutius disputare, cum ad id quod ago sufficiat, quod illi qualibet præsumptione opinantur de illo Deo, quem Deum esse negare non possunt? Si enim præpositorus est elementorum quibus mundus iste consistit, cur non ipse potius colitur, quam Neptunus, qui solius maris præpositorus est? quam denique Silvanus, qui solorum agrorum atque silvarum? quam Sol, qui solius diei, vel etiam universi cœlestis caloris? quam Luna, quæ solius noctis, vel etiam humoris potestate præfulget? quam Juno, quæ solum aerem tenere perhibetur? Certe enim isti partium præpositi, quicumque sunt, necesse est ut sub illo sint, qui omnium elementorum et universæ hujus molis præposituram gerit. At iste illos omnes coli prohibet: cur ergo isti contra præceptum majoris illorum, non solum eos colere volunt, sed propter istos illum nolunt? Adhuc non inveniunt quid de isto Deo Israel constanter liquidoque pronuntient; nec unquam invenient, donec eum inveniant Deum solum verum, a quo creata sunt omnia.

**CAPUT XXX.** — *Deus Israel impletis prophetiis jam ubique innotuit.*

46. Proinde quidam Lucanus magnus eorum in carmine declamator, credo et ipse diu querens, sive per suas cogitationes, sive per suorum libros, quisnam esset Iudaorum Deus; et quia non pie querebat, non inveniens; maluit tamen incertum Deum quem non inveniebat, quam nullum Deum dicere, cuius tam magna documenta sentiebat. Ait enim:

*Et dedita sacris  
Incerti Judea Dei.*

*(Lucanus, lib. 2, sub finem.)*

Et nondum Deus iste sanctus et verus Deus Israel, nondum per Christi nomen tanta in omnibus gentibus fecerat, quanta usque in hodiernum diem post Lucani tempora consecuta sunt. Nunc vero quis tam durus non flectatur? quis tam torpidus<sup>1</sup> non ignescat, cum impletur quod scriptum est, quia non est qui se abscondat a calore ejus? quando jam clarissima luce manifestantur quæ in eodem psalmo, unde versiculum istum commemoravi, tanto ante prædicta sunt? Cœlorum enim nomine Apostoli Christi significati sunt, quod in eis Deus presideret, ut Evangelium annuntiarent. Jam ergo cœli enarraverunt gloriam Dei, et opera manuum ejus annuntiavit firmamentum. Dies diei eructavit verbum, et nox nocti annuntiavit scientiam. Jam non sunt loquela neque sermones, quorum non audiantur voces eorum. Jam in omnem terram exivit sonus eorum, et in fines orbis terræ verba eorum. Jam in sole, hoc est in manifestatione, posuit tabernaculum suum, quod est Ecclesia ipsius. Quia, ut hoc faceret, ipse, sicut ibi sequitur, tanquam sponsus processit de thalamo suo, id est, conjugatum Verbum carni humanæ processit de utero virginali. Jam exultavit ut gigas, et cucurrit viam. Jam a summo cœli facta est egressio ejus, et recursus ejus usque ad summum cœli. Et ideo rectissime sequitur versus, quem paulo ante commemoravi, *Et non est qui se abscondat a calore ejus (Psal. xviii, 1-7).* Et adhuc isti fragiles contradictiunculas garrientes eligunt isto igne, sicut stipula in cinereum verti, quam sicut aurum a sorde purgari: cum et deorum falsorum jam fallacia monumenta frustrata sint, et illius incerti Dei veracia promissa certa jam facta sint.

**CAPUT XXXI.** — *Prophetia de Christo impleta.*

47. Desinant ergo dicere malii laudatores Christi, qui nolunt esse christiani, quod Christus non docuerit deos eorum deseriri, et simulacra confringiri. Deus enim Israel, de quo prædictum est quod Deus universæ terræ vocabitur, et Deus universæ terræ jam vocatur; hoc per Prophetas futurum prædictum, hoc per Christum congruo tempore implevit. Certe enim si jam Deus Israel, Deus universæ terræ vocatur, necesse est ut fiat quod jussit, quando qui jussit, innotuit. Quia vero per Christum et in Christo innotuit, ut Ecclesia ejus per orbem diffunderetur, et per ipsam Deus Israel universæ terræ vocaretur, paulo superius apud eumdem prophetam legant qui volunt imo et a me commemoretur. Neque enim ita longum est, ut oporteat prætermitti. Dicuntur enim multa de presentia et humilitate et passione Christi, et corpore ejus, cui caput est, id est de Ecclesia ejus, cum appellatur tanquam sterilis quæ non pariebat. Per multis enim annos Ecclesia, quæ futura erat in omnibus Gentibus in filiis suis, hoc est in sanctis suis, non apparuit, nondum Christo annuntiato per Evangelistas, eis quibus non est annuntiatus per Prophetas: et dicitur plures filios desertæ futuros, quin eis quæ

<sup>1</sup> Er. et Lov., tepidus. Rat. et MSS., torpidus.

habet virum; cuius viri nomine significata est Lex, vel Rex quem accepit primus populus Israel: nec accepterant gentes Legem eo tempore, quo propheta loquebatur; neque Rex Christianorum apparuerat adhuc Gentibus, ex quibus tamen Gentibus longe fertilior et numerosior sanctorum multitudo provenit. Ita ergo dicit Isaías, incipiens ab humilitate<sup>1</sup> Christi, et se postea convertens ad alloquendam Ecclesiam usque ad eum versum quem commemoravimus, ubi ait, *Et qui eruit te, ipse Deus Israel, universæ terræ vocabitur: Ecce, inquit, in intellectu erit<sup>2</sup> puer meus, et exaltabitur, et honorificabitur vehementer. Quomodo multi mirabuntur super te, sic tamen et in honesta videbitur ab omnibus species tua, et honor tuus ab hominibus. Ita enim mirabuntur gentes multæ super eum, et continebunt reges os suum. Quoniam quibus non est nuntiatum de illo, videbunt; et qui non audierunt, intelligent. Domine, quis creditit auditui nostro? et brachium Domini cui revelatum est? Nuntiavimus coram illo, ut puer, ut radix in terra sicutient: non est species illi, neque honor. Et vidimus illum, et non habuit speciem neque decorem: sed rultus ejus abjectus et deformis, positio ejus ab omnibus hominibus; homo in plaga, et qui sciat ferre infirmitates, propter quod et avertit se facies ejus, injuriata est, nec magni aestimata est. Hic infirmitates nostras portat, et pro nobis in doloribus est. Et nos existimavimus illum in doloribus esse, et in plaga et in pena. Ipse autem vulneratus est propter peccata nostra, et infirmatus est propter iniquitates nostras. Eruditio pacis nostræ in eum, livore ejus sanati sumus. Omnes ut oves erravimus, et Dominus tradidit illum pro peccatis nostris. Et ipse quoniam male tractatus est, non aperuit os: ut ovis ad immolandum ductus est, et ut agnus ante eum qui se tenderet fuit sine voce, sic non aperuit os suum. In humilitate sublatum est judicium ejus. Generationem ejus quis enarrabit? Quoniam tolletur de terra vita ejus: ab iniquitatibus populi mei ductus est ad mortem. Dabo ergo malos propter sepulturam ejus, et divites propter mortem ejus; ob hoc quod iniquitatem non fecerit, nec dolorem in ore suo. Dominus vult purgare illum de plaga. Si dederitis vos ob delicta vestra animam vestrum, videbitis senen longissimæ ritæ. Et vult Dominus auferre a doloribus animam ejus, ostendere illi lucem, et figurare per sensum, justificare justum bene servientem pluribus; et peccata illorum ipse sustinebit. Propterea ipse hereditabit complures, et fortium partetur spolia. Propter quod iradita est ad mortem anima ejus, et inter iniquos aestimata est: et ipse peccata multorum sustinuit, et propter iniquitates eorum traditus est. Delectare, sterilis quæ non parit; exulta et clama, quæ non parturis; quia multi filii desertæ, magis quam ejus quæ habet virum. Dixit enim Dominus, Dilata locum tabernaculi tui, et aulas<sup>3</sup> tuas confige; non est quod parcas: porrige longius funiculos, et palos validos constitue. Etiam atque*

<sup>1</sup> sic editio Rat. suffragantibus MSS. At Er. et Lov., ab humanitate.

<sup>2</sup> MSS. Septem, intellectum intelliget.

<sup>3</sup> Er. et Lov., caulus. Rat. vero et MSS. prope omnes habent, aulas: quibus consentiunt codices non pauci in Epist. 103, n. 43; quo tamen loco post editionem Lov. legitur, aulae.

etiam in dexteram atque sinistram partem extende. Sed men enim tuum hereditabit gentes, et civitates quæ deserte erant, inhabitabis, non est quod metuas. Praevaleris enim, nec erubecas quod detestabilis fueris. Confusione enim in perpetuum oblivisceris, ignominiae ridiculatis tuæ non eris memor: quoniam ego Dominus qui facio te, Dominus nomen ei; et qui eruit te, ipse Dux Israel, universæ terræ vocabitur (Isai. lvi, 13-14, 5).

48. Quid contra hanc evidentiam expressionemque rerum et predictarum et impletarum dici potest? Si de Christi divinitate discipulos ejus putant esse mentitos, numquid de Christi passione dubitabunt? Resurrexisse non solent credere: at illa omnia ab hominibus humana perpassum etiam libenter credunt, quia hominem tantummodo credi volunt. Ille itaque sicut ovis ad immolandum ductus, ille inter iniquos depatus, ille vulneratus propter peccata nostra; cuius livore sanati sumus, cuius facies injuriata est, nec magis estimata, palmis exesa, et sputis illata, cuius deformis in cruce positio: ille ab iniquitatibus populi Israel ductus ad mortem; ille qui non habebat speciem neque decorem, quando colaphis percutiebatur, quando spinis coronabatur, quando pendens irridebatur; ille qui, sicut agnus coram tonante non habet vocem, sic non aperuit os suum, cum ei diceretur ab insultantibus, *Prophetiza nobis, Christe* (Matth. xxvi, 27; Marc. xiv, xv; Luc. xxii, xxiii, et Joan. xviii, xix): nempe jam exaltatus est, jam honorificatus est vehementer. Nempe jam mirantur gentes multæ super eum. Jam continuuerunt reges os suum, quo adversus Christianos leges sævissimas promulgabant. Nempe quibus non est nuntiatum de illo, jam vident, et qui non audierunt jam intelligent (Rom. xv, 16-21). Quoniam gentes quibus non annuntiaverunt Prophetæ, magis ipsæ vident quam vera nuntiata sint per Prophetas. Et qui non audierunt ipsum Isaiam loquentem, jam in Litteris ejus de quo ista sit locutus, intelligent. Nam et in ipsa gente Iudaorum quis credidit auditui Prophetarum, aut brachium Domini, quod est Christus ipse, qui per eos annuntiabatur, cui revelatum est (Joan. xii, 37, 38, et Rom. x, 16); quando manibus suis ea scelera in Christo admiscebant, quæ futura prædixerant Prophetæ quos habebant? Nempe jam hereditate possidet multis, et fortium partitor spolia, cum ea quæ diabolus et dæmones possidebant, per ecclesiarum suarum fabricas, et quoslibet necessarios usus, illis expensis proditisque distribuit.

#### CAPUT XXXII. — Apostolorum contra idolatriam doctrina vindicatur ex prophetiis.

49. Quid ergo ad hæc dicunt perversi laudatores Christi, et Christianorum obtrectatores? Numquid ut ista per Prophetas tanto ante prædicentur, Christus magicis artibus fecit, aut discipuli ejus ista finxerunt. Numquid ut delectetur<sup>4</sup> Ecclesia diffusa per gentes quondam sterilis, nunc in pluribus filiis, quam illa Synagoga quæ Legem sive Regem tanquam virum ac-

<sup>4</sup> In prius editis, dilatetur. At in MSS., delectetur: quo quidem alludit primum Augustinus ad illud, *Delectare steriles*; explicatus postea aliud Prophetæ dictum, *Dilata agnum tabernaculi tu: t: t.*

operat : numquid ut sic dilatet locum tabernaculi sui omnes nationes et linguas ocepsans, ut longius quam Romani imperii jura tenduntur, usque in Persas et Indos aliasque barbaras gentes funiculos porrigit ; ut in dexteram per veros christianos, et in sinistram per fictos christianos in tam multis populis nomen ejus extendatur ; ut scmen ejus hereditet gentes, ut civitates quae a vero Dei culto et a vera religione desertae fuerant, jam nunc inhabitent ; ut non timuerit hominum minas et furias, quando in sanguine martyrum tanquam honore purpureo vestiebatur, ut prævaleret tam multis tamque vehementibus et potentibus persecutoribus suis ; ut non erubesceret quod detestabilis fuerit, quando magnum erat crimen fieri vel esse christianum ; ut confusione in perpetuum obliviscatur, quia ubi abundaverat peccatum, superabundavit gratia (*Rom. v. 20*) ; ut ignominiae viduitatis sue memor non sit, quia pauplum derelicta et opprobrio subjecta<sup>1</sup>, tam eminenti gloria restorescit : numquid postremo ut Dominus qui fecit eam, et a dominatu diaboli et demonum eruit eam, ipse Deus Israel universæ terre jam vocetur, discipuli Christi fixerunt, quod Prophetæ, quorum Libri nunc in manibus inimicorum Christi habentur, tam longe antequam Christus filius hominis fieret, prædixerunt ?

50. Hinc ergo intelligent, quod ne tardissimis quidem atque obtusissimis<sup>2</sup> obscurum dubiumve relinquitur : hinc, inquam, intelligent Christi perversi laudatores et christianæ religionis execratores, etiam Christi discipulos contra deos eorum ea didicisse atque docuisse quae doctrina continet Christi ; quia Deus Israel, qui hæc omnia quæ isti colere volunt, abominanda atque evertenda in Libris Prophetarum præcepisse invenitur, ipse Deus universæ terræ, sicut tanto ante promisit, per Christum et Christi Ecclesiam jam vocatur. Si enim Christum mira dementia suspicantur deos eorum coluisse, ac per hos eum tanta potuisse ; numquid et Deus Israel deos eorum coluit, qui de se per omnes gentes colendo et de illis abominandis atque evertendis (*Deut. vii. 5*), per Christum quod promisit implevit ? Ubi sunt dñi eorum ? ubi vaticinia fanaticorum, et divinationes pythonum ? ubi auguria, vel auspicia, vel aruspicia, vel oracula demonum ? Cur non profertur ex istiusmodi antiquis libris admonitum aliquid et predictum contra christianam fidem, et contra Prophetarum nostrorum expressam jam in omnibus gentibus tam perspicuam veritatem ? Offendimus, inquit, deos nostros, et deseruerunt nos ; illo aduersus nos Christiani præluerunt, et humanarum rerum felicitas defessa<sup>3</sup> ac deminuta dilabitur. Hoc sibi certe per Christianos fuisse eventurum, legant ex libris vatum suorum : sed ea legant, ubi si non Christus, quia cum deorum suo-

rum volunt fuisse cultorem, saltem Deus Israel improbatas et testatus sit, quem constat istorum eversorem. Sed nunquam hoc proferent, nisi quod modo forte confinxerint. Quod cum protulerint apparerit, eo ipse certe, quod tanta res tam ignota proferatur, quæ utique debuit antequam hoc quod prædictum est, accidisset, in deorum templis<sup>4</sup> omnium gentium recitari, ut præstuerentur et præmonerentur qui nunc volunt<sup>5</sup> esse christiani.

CAPUT XXXIII. — *In eos qui rerum humanarum felicitatem per christiana tempora deminutam esse conqueruntur.*

51. Deinde quod de felicitatis rerum humanarum deminutione per christiana tempora conqueruntur, si libros philosophorum suorum legant, ea reprehensionem, quæ nunc eis etiam recusantibus et murmurantibus substrahuntur, tum vero magnam laudem reperient temporum christianorum. Quid enim eis minunitur felicitatis, nisi quod pessime luxurioseque abutebantur in magnam Creatoris injuriam ? Nisi forte hinc sunt tempora mala, quia per omnes pene civitates cadunt theatra, caveat turpitudinem et publicas profesiones flagitorum<sup>6</sup> ; cadunt et foras vel mœnia, in quibus dæmonia colebantur. Unde enim cadunt, nisi inopia rerum, quarum lascivo et sacrilego usu constructa sunt ? Nonne Cicero eorum cum Rosciū quemdam laudaret histrionem, ita peritum dixit, ut solus esset dignus qui in scenam deberet intrare ; ita virum bonum, ut solus esset dignus qui eo non debebat accedere (*Cic. Orat. pro Roscio*) ? quid aliud aperiissime ostendens, nisi illam scenam esse tam turpem, ut tanto minus ibi esse homo debeat, quanto fuerit magis vir bonus ? et tamen dñi eorum tali dedecore placabantur, quale a viris bonis removendum esse censebat. Est etiam hinc ejusdem ipsius Ciceronis aperta confessio, ubi ait, sibi Floram matrem ludorum celebritate placandam (*Cic. in Verrem, act. 5*). In quibus ludis tanta exhiberi turpitude consuevit, ut in eorum comparatione ceteri honesti sint, a quibus tamen etiam ipsis agendis viri boni prohibentur. Quæ ista est Flora mater, qualis dea est, quam celebrior et habenis effusioribus laxata conciliat et propitiat turpitudi ? Quanto jam honestius in scenam Roscius intrabat, quam Cicero deam talem colebat ? Si deminuta rerum copia, quæ in hac celebranda funduntur, dñi Gentium offenduntur, appareat quales sint qui talibus delectantur. Si autem ipsi irati ista minuant, utilius irascuntur quam placantur. Quapropter, aut philosophos suos arguant, qui talia in luxuriosis hominibus reprehenderunt ; aut deos suos frangant, qui talia de suis cultoribus exegerunt : si tamen jam inveniunt vel quos frangant, vel quos abscondant : Christianorum vero temporibus defectum rerum secundarum quibus in turpia et noxia defluebant, blasphemando imputare desistant, ne magis nos unde amplius Christi potestas laudetur, admoneant.

<sup>1</sup> Sic optime vetus codex Corbeiensis ; id enim respondet Prophetæ verbis ante allatis : *Ignominiae viduitatis tuae non eris memor. [opprobriis objectu.]*

<sup>2</sup> In antiquis codicibus constanter scriptum est, *obtusissimis.*

<sup>3</sup> Lat., *depressa*. Editi vero alii, suffragantibus MSS., *desessa.*

<sup>4</sup> In editione Ratisponensi additum, *antribus.*

<sup>5</sup> Sic Rat. et aliquot MSS. At Lev. et Ex., *nolent.*

<sup>6</sup> Editi habeant, *flagitorum* : pro quo vss. *flagitorum.*

CAPUT XXXIV. — *Epilogus superiorum.*

52. Multa hinc dicrem, nisi me jam librum istum concludere, atque ad propositam intentionem redire, suscepti operis necessitas cogerer. Cum enim evangelicas quæstiones, ubi videntur quibusdam quatuor Evangelistæ non inter se constare, solvere aggredier, ut potui expositis intentionibus singulorum, primo mihi discutiendum occurrit, quod nonnulli querere solent, cur ipsius Christi nulla scripta profaramus. Ita enim volunt et ipsum credi nescio quid alius scripsisse quod diligunt, nihilque sensisse contra deos suos, sed eos potius magico ritu coluisse: et discipulos ejus non solum de illo fuisse mentitos, dicens illum Deum per quem facta sunt omnia, cum aliud nihil quam homo fuerit, quamvis excellentissimæ sapientie; verum etiam de diis eorum non hoc docuisse quod ab illo didicissent. Unde factum est ut eos de Deo Israel potius urgremus, qui per Ecclesiam Christianorum ab omnibus gentibus colitur, et istorum sacrilegas vanitates ubique jam evertit, sicut per Prophetas suos tanto ante prædictit, et per Christi nomine, in quo benedici omnes gentes promiserat, ea quæ prædictit, implevit. Ex quo intelligere debent nec Christum aliud de diis eorum vel nosse vel docere potuisse, quam Deus Israel per Prophetas suos jussit atque prædictit, per quos ipsum Christum promisit et misit; in cuius nomine secundum pollicitationem quam Patribus fecit, cum benedicentur omnes gentes, factum est ut et ipse Deus Israel, universæ terræ vocaretur: nec discipulos ejus a sui magistri doctrina deviasse, cum deos Gentium coli prohiberent, ne vel insensatis simulacris supplicaremus, vel societatem cum dæmoniis haberemus, vel creaturæ potius quam Creatori religionis obsequio serviremus.

CAPUT XXXV. — *Mediatoris mysterium antiquis per prophetiam, nobis per Evangelium prædicatur.*

53. Quapropter, cum sit ipse Christus Sapientia Dei, per quem creata sunt omnia, cumque nullæ mentes rationales sive Angelorum sive hominum, nisi participatione ipsius sapientes fiant, cui per Spiritum sanctum, per quem charitas in cordibus nostris diffunditur, inhæremus, quæ Trinitas unus Deus est; consultum est divina providentia mortalibus, quorum temporalis vita in rebus orientibus et occidentibus occupata tenebatur, ut eadem ipsa Dei Sapientia ad unitatem personæ sue homine assumpto, in quo temporaliter nasceretur, viveret, moreretur, resurgeret, congrua saluti nostræ dicendo et faciendo, patiendo et sustinendo, fieret et deorsum hominibus exemplum redeundi, et eis qui sursum sunt Angelis exemplum manendi. Nisi enim et in animæ rationalis natura temporaliter aliquid oriretur, id est, inciperet esse quod non erat, nunquam ex vita pessima et stulta ad sapientem atque optimam perveniret. Ac per hoc,

eam rebus æternis contemplantium veritas perfruatur, rebus autem ortis fides credentium debatur, purgatur homo per rerum temporalium fidem, ut æternarum percipiat veritatem. Nam et quidam eorum nobilissimus philosophus Plato, in eo libro quem Timæum vocant, sic ait: « Quantum ad id quod ortum est æternitas valet, tantum ad fidem veritas. » Duo illa sursum sunt, æternitas et veritas: duo ista deorsum, quod ortum est, et fides. Ut ergo ab initio ad summam revocemur, atque id quod ortum est recipiat æternitatem, per fidem veniendum est ad veritatem. Et quia omnia quæ in contrarium pergunt, per aliquid medium reducuntur, et ab æterna justitia temporalis iniquitas nos alienabat; opus ergo erat media justitia temporalis, quæ medietas, temporalis esset de imis, justa de summis<sup>1</sup>, atque ita se nec abrumpens a summis, et contemporanea imis, ima redderet summis. Ideo Christus mediator Dei et hominum dictus est, inter Deum immortalem et hominem mortalem Deus et homo (I Tim. ii, 5), reconcilians hominem Deo, manens id quod erat, factus quod non erat. Ipse est nobis fides in rebus ortis, qui est veritas in æternis.

54. Hoc magnum et inenarrabile sacramentum, hoc regnum et sacerdotium antiquis per prophetiam revelabatur, posteris eorum per Evangelium prædicatur. Oportebat enim ut aliquando in omnibus gentibus redderetur, quod diu per unam gentem promittebatur. Proinde qui Prophetas ante descensionem suam præmisit, ipse et Apostolos post ascensionem suam misit. Omnibus autem discipulis suis per hominem quem assumpsit, tanquam membris sui corporis caput est. Itaque cum illi scripserunt quæ ille ostendit et dixit, nequaquam dicendum est quod ipse non scripserit; quandoquidem membra ejus id operata sunt, quod dictante capite cognoverunt. Quidquid enim ille de suis factis et dictis nos legere voluit, hoc scribendum illis tanquam suis manibus imperavit. Illoc unitatis consortium et in diversis officiis concordium membrorum sub uno capite ministerium quisquis intellexerit, non aliter accipiet quod narrantibus discipulis Christi in Evangelio legerit, quam si ipsam manum Domini, quam in proprio corpore gestabat, scribentem conspexerit. Quamobrem illa potius jam videamus qualia sint, quæ putant Evangelistas sibi in ipsis scripsisse contraria (quod parum intelligentibus videri potest); ut his questionibus dissolutis, ex hoc quoque appareat, illius capitinis membra, non solum idem sentiendo, verum etiam convenientia scribendo, in corporis ipsius unitate germanam servasse concordiam.

<sup>1</sup> sic olim ferebat editio Ratisponensis; sed hanc germanam certe lectionem in posterioribus editionibus contra manuscriptorum fidem mutaverant ad hunc modum: *Quæ medietas temporalis esset de imis mixta et summis.*



## LIBER SECUNDUS.

**¶** quo Matthœi Evangelium usque ad eœnæ narrationem ex ordine pertractat Augustinus, cumque eo comparat alia Marci, Luce et Joannis Evangelia, demonstrans perpetuam inter quatuor Evangelistas reperiri consensionem



**PROLOGUS.** — 1. Quoniam sermone non brevi et admodum necessario, quem libro uno complexi sumus, refutavimus eorum vanitatem, qui discipulos Christi Evangelium conscribentes, ideo contemnendos putant, quia ipsis Christi quem licet non ut Deum, tamen ut hominem sapientia longe præ exteris excellentem honorandum esse non dubitant, nulla scripta proferruntur a nobis; et eum talia scripsisse videri volunt, qualia perversi diligent, non qualibus lectis et creditis a perversitate corrigi possunt: nunc jam videamus ea quæ quatuor Evangelistæ de Christo scripserunt, quæ madmodum sibi atque inter se congruant; ne quid ex hoc in fide christiana offendiculi patientur, qui curiosiores quam capaciores sunt, quod non utemque perfectis, sed quasi diligentius perscrutatis evangelicis Libris, inconvenientia quedam et repugnantia se deprehendisse existimantes, magis ea contentiose objectanda, quam prudenter consideranda esse arbitrantur.

**CAPUT PRIMUM.** — *Quare usque ad Joseph generatores Christi commemorentur, cum de illius semine Christus non sit natus, sed de Virgine Maria.*

S. Matthæus evangelista sic orsus est: *Liber generationis Jesu Christi, filii David, filii Abraham* (*Matth. 1, 1*). Quo exordio suo satis ostendit, generationem Christi secundum carnem se suscepisse narrandam. Secundum hanc enim Christus filius hominis est, quod etiam se ipse sçpissime appellat (*Id. viii, 20, et ix, 6*), commendans nobis quid misericorditer dignatus sit esse pro nobis. Nam illa superna et æterna generatio, secundum quam Filius Dei unigenitus est ante omnem creaturam, quia omnia per ipsum facta sunt, ita ineffabilis est, ut de illa dictum a propheta intelligatur, *Generationem ejus quis enarrabit* (*Isai. lvi, 8*)? Exsequitur ergo humanam generationem Christi Matthæus, ab Abraham generatores commemorans, quos perducit ad Joseph virum Mariæ de qua natus est Jesus. Neque enim fas erat ut ob hoc eum a conjugio Mariæ separandum putaret, quod non ex ejus concubitu, sed virgo peperit Christum. Hoc enim exemplo magnifice insinuat fidibus conjugatis, etiam servata pari consensu continentia, posse permanere vocarique conjugium, non permixto corporis sexu, sed custodito mentis affectu: presentim quia nasci eis etiam filius potuit sine ullo complexu carnali, qui propter solos gignendos filios adhibendus est. Neque enim propterea non erat appellandus Joseph pater Christi, quia non eum concubendo generat, quandoquidem recte pater esset etiam ejus quem non ex sua conjugie procreatum, aliunde adoptasset.

5. Putabatur quidem Christus etiam *aliter filius Joseph*, tanquam ex ejus omnino carne progenitus;

sed ab eis hoc putabatur, quos Mariæ latebat virginitas. Nam Lucas ait: *Et ipse Jesus erat incipiens quasi annorum triginta, ut putabatur, filius Joseph* (*Luc. iii, 25*). Qui tamen Lucas non ejus parentem solam Mariam, sed ambos parentes ejus appellare minime dubitavit, ubi ait: *Puer autem crescebat et confortabatur plenus sapientia, et gratia Dei erat in illo. Et ibant parentes ejus per omnes annos in Jerusalem in die solemni Paschæ*. Sed ne quisquam hic parentes consanguineos potius Mariæ cum ipsa matre ejus intelligendos putet, quid ad illud respondebit, quod ipse item Lucas superior dixit. *Et erat pater ejus et mater mirantes super iis quæ dicebantur de illo* (*Id. ii, 40, 41, 33*)? Cum igitur ipse narret, non ex concubitu Joseph, sed ex Maria virgine natum Christum; unde eum patrem ejus appellat, nisi quia et virum Mariæ recte intelligimus sine commixtione carnis, ipsa copulatione conjugii; et ob hoc etiam Christi patrem merito conjunctius, qui ex ejus conjugi natus sit, quam si esset aliunde adoptatus? Unde manifestum est illud, quod ait, *Ut putabatur, filius Joseph*, propter illos dixisse, qui eum ex Joseph, sicut alii homines nascuntur, natum arbitrabantur

**CAPUT II.** — *Quomodo sit Christus filius David, cum ex Joseph filii David concubitu non sit natus.*

4. Ac per hoc, etiam si demonstrare aliquis posset, Mariam ex David nullam consanguinitatis originem ducere, sat erat secundum istam rationem accipere Christum filium David, qua ratione etiam Joseph pater ejus recte appellatus est: quanto magis, cum evidenter dicat apostolus Paulus, ex semine David secundum carnem Christum (*Rom. 1, 3*), ipsam quoque Mariam de stirpe David aliquam consanguinitatem duxisse, dubitare utique non debemus. Cujus semine quoniam nec sacerdotale genus lacetur, insinuante Luca, quod cognata ejus esset Elisabeth, quam dicit de filiabus Aaron (*Luc. 1, 36, 5*); firmissime tenendum est carnem Christi ex utroque genere propagatam, et regum scilicet et sacerdotum, in quibus personis apud illum populum Ilebræorum etiam mystica unctione figurabatur, id est, chrisma, unde Christi nomen eluet, tanto ante etiam illa evidetissima significatione prænuntiatum.

**CAPUT III.** — *Quare alios progeneratores Christi Matthæus enumerat, alios Lucas.*

5. Quos autem movet, quod alios progeneratores Matthæus enumerat, descendens a David usque ad Joseph (*Matth. 1, 1-16*), alios autem Lucas ascendens a Joseph usque ad David (*Luc. iii, 25-38*), facile est, ut adveriant duos patres habere potuisse Joseph, unum a quo genitus, alterum a quo fuerit adoptatus (*a*). Antiqua est enim consuetudo adoptandi etiam

(a) II retract. cap. 18.

in illo populo Dei, ut sibi filios facerent quos non ipsi genuissent. Nam excepto quod filia Pharaonis Moysen adoptaverat (*Exod. ii, 10*) (illa quippe alienigena fuit), ipse Jacob nepotes suos ex Joseph natos, verbis manifestissimis adoptavit dicens: *Nunc itaque filii tui duo, qui facti sunt tibi priusquam ad te venirem, mei sunt: Ephraim et Manasse, tanquam Ruben et Simon erunt mihi. Natos autem si genueris postea, tibi erunt* (*Gen. xlvi, 5, 6*). Unde etiam factum est ut duodecim tribus essent Israel, excepta tribu Levi, quae templo serviebat; cum ea quippe tredecim fuerunt, cum duodecim fuissent filii Jacob. Unde intelligitur Lucas patrem Joseph, non a quo genitus, sed a quo fuerat adoptatus, suscepisse in Evangelio suo, cuius progenitores sursum versus commemoraret, donec exiret ad David. Cum enim necesse sit, utroque evangelista vera narrante, et Matthæo scilicet et Luca, ut unus eorum ejus patris originem tenuerit qui genuerat, alter ejus qui adoptaverat Joseph, quem probabilius intelligimus adoptantis originem tenuisse, quam eum qui noluit Joseph genitum dicere ab illo cuius eum filium esse narrabat? Commodius enim filius ejus dictus est, a quo fuerat adoptatus, quam diceretur ab illo genitus cuius carne non erat natus. Matthæus autem dicens, *Abraham genuit Isaac, Isaac genuit Jacob*, atque ita in hoc verbo quod est, *genuit*, perseverans donec in ultimo diceret, *Jacob autem genuit Joseph*; satis expressit ad eum patrem se perduxisse ordinem<sup>1</sup> generantium, a quo Joseph non adoptatus, sed genitus erat.

6. Quanquam si etiam Lucas genitum diceret Joseph ab Heli, nec sic nos hoc verbuni perturbare deberet, ut alind crederemus quatinus ab uno evangelista gignentem, ab altero adoptantem patrem fuisse commemoratum. Neque enim absurde quisque dicitur non carne, sed charitate genuisse, quem filium sibi adoptaverit: aut vero etiam nos quibus dedit Deus potestatem filios ejus fieri, de natura atque substantia sua nos genuit, sicut unicum Filium, sed utique dilectione adoptavit. Quo verbo Apostolus saepè uti non ob aliud intelligitur (*Rom. viii, 15, et ii, 4*), nisi ad discernendum Unigenitum ante omnem creaturam, per quæ facta sunt omnia, qui solus de substantia Patris natus est, secundum æquitatem divinitatis hoc omnino quod Pater: quem missum dicit ad suscipiendam carnem ex illo genere, quo et nos secundum naturam nostram sumus, ut illo participante mortalitatem nostram per dilectionem, nos efficeret participes divinitatis suæ per adoptionem. Ita enim dicit: *Cum autem venit plenitudo temporis, misit Deus Filium suum factum ex muliere, factum sub Lege, ut eos qui sub Lege erant redimeret, ut adoptionem filiorum recipieremus* (*Galat. iv, 4, 5*). Et tamen dicimus etiam nati ex Deo, id est, accepta potestate ut filii ejus efficiamur, qui jam homines eramus: efficiamur autem per gratiam, non per naturam. Nam si per naturam filii essemus, nunquam aliud fuissimus. Cum

enim dixisset Joannes, *Dedit eis potestatem Filios duciri, iis qui credunt in nomine ejus; secutus ait, Qui non ex sanguinibus, neque ex voluntate carnis, neque ex voluntate viri, sed ex Deo nati sunt*. Ita quos dixit accepta potestate factos Dei filios, quod illa adoptio significat quam Paulus commemorat, eosdem dixit natos ex Deo. Atque ut apertius ostenderet qua gratia factum sit, *Et Verbum, inquit, caro factum est, et habitat in nobis* (*Joan. i, 12-14*): tanquam diceret, Quid mirum si filii Dei facti sunt cum caro essent, propter quos unicus caro factus est, cum Verbum esset? Hac sane magna distantia, quia nos effecti filii Dei mutamur in melius, ille autem Filius Dei cum filius hominis factus esset, non est mutatus in deterrimus, sed assumpsit quod erat inferius. Dicit et Jacobus: *Voluntarie genuit nos verbo veritatis, ut simus initium aliquod creaturæ ejus* (*Jacobi i, 18*). Ne scilicet in eo quod ait, *genuit*, hoc nos fieri putrenimus quod ipse est, ideo principatum quendam in creatura nobis hac adoptione concessum sat ostendit.

7. Non ergo alienum esset a veritate, etiamsi Lucas ab illo esse Joseph-genitum diceret, a quo fuerat adoptatus. Etiam sic quippe genuit eum, non ut homo esset, sed ut filius esset: sicut nos genuit Deus, ut filii ejus simus, quos fecerat ut homines essemus. Unicum autem genuit, non solum ut Filius esset, quod Pater non est; sed etiam ut Deus esset, quod et Pater est. Sed plane si hoc verbo etiam Lucas uteretur, omni modo esset ambiguum quis eorum adoptantem, quis ex propria carne gignentem patrem commemorasset: quomodo etsi neuter eorum diceret, *genuit*, sed et iste eum filium illius, et ille illius diceret, nihilominus esset ambiguum quis eorum illum de quo natus, quis illum a quo adoptatus erat commemorasset. Nunc vero cum alter dicit, *Jacob genuit Joseph*; alter, *Joseph qui fuit filius Heli*: etiam ipsa verborum differentia quid singuli suscepissent eleganter intimaverunt. Sed hoc facile sane, ut dixi, posset occurtere homini religioso, qui quodlibet aliud querendum potius judicaret, quam evangelistam crederet esse mentitum; facile, inquam, occurreret, ut videret quibus causis unus homo duos patres habere potuerit: hoc et illis calumniosis occurreret, nisi litigare quam considerare maluissent.

CAPUT IV. — *Quare quadraginta generationes, excepto ipso Christo, inventiuntur apud Matthæum, cum quatuordecim triplicet.*

8. Illud autem quod deinceps insinuandum est, revera ut adverte et videri posset, lectorem attentissimum et diligentissimum requirebat. Acute quippe animadversum est, Matthæum, qui regiam in Christo instituerat insinuare personam, exceptio ipso Christo, quadraginta homines in generationum serie nominasse. Numerus autem isto illud tempus significat, quo in hoc seculo et in hac terra regi nos oportet a Christo secundum disciplinam laboriosam, qua flagellat Deus, ut scriptum est, *omnem filium quem recipit* (*Hebr. xii, 6*): de qua dicit Apostolus, per tribulationem oportere nos intrare in regnum Dei (*Act. xiv,*

<sup>1</sup> sic in MSS. At in editis, *originem*.

<sup>2</sup> Plurique et antiquiores MSS., *recipiamus*.

21). Quam significat etiam illa *virga ferrea*, de qua in Psalmo legitur, *Reges eos in virga ferrea*; cum superius dixisset, *Ego autem constitutus sum rex ab eo super Sion montem sanctum ejus*. Reguntur enim etiam boni in *virga ferrea*, de quibus dicitur, *Tempus est ut judicium incipiat a domo Domini; et si initium a nobis, qualis finis erit eis qui non credunt Dei Evangelio? et si justus vitæ salvus erit; peccator et impius ubi parebunt* (*I Petr. iv, 17, 18*)? Ad quos pertinet quod sequitur: *Tanquam vas figuli conteres eos* (*Psul. ii, 9*). Reguntur enim boni per hande disciplinam; mali vero comminuantur: qui tanquam iudicem ipsi commemorantur propter una atque eadem sacramenta<sup>1</sup>, quæ habent communia mali cum bonis.

9. Quia ergo numerus iste laboriosi hujus temporis sacramentum est, quo sub disciplina regis Christi adversus diabolum dimicamus, etiam illud declarat, quod quadraginta dierum jejunium, hoc est humiliactionem animæ, consecravit et Lex et Prophetæ per Moysen et Eliam, qui quadragenis diebus jejunaverunt (*Exod. xxxiv, 28*, et *III Reg. xix, 8*); et Evangelium per ipsius Domini Jejunium, quibus diebus quadraginta etiam tentabatur a diabolo (*Math. iv, 1, 2*), quid aliud quam per omne hujus saeculi tempus temptationem nostram in carne sua, quam de nostra mortalitate assumere dignatus est, præfigurans? Post resurrectionem quoque non amplius quam dies quadraginta cum discipulis in hac terra esse voluit (*Act. i, 3*), huic eorum vitæ adhuc humana conversatione commixtus, et cum illis alimenta mortalium, quamvis jam non moriturus, accipiens: ut per ipsos quadraginta dies significaret, se occulta præsentia quod promiserat impleturum, quando ait, *Ecce ego vobiscum sum usque in consummationem sæculi* (*Math. xxviii, 20*). Cur autem iste numerus hanc temporalem vitam terrenamque significet, illa interim causa de proximo occurrit, quamvis si alia fortasse secretior, quod et tempora annorum quadripartiti vicibus currunt, et mundus ipse quatuor partibus terminatur, quas aliquando ventorum nomine Scriptura commemorat, ab Oriente et Occidente, Aquilone et Meridie (*Zach. xiv, 4*). Quadraginta autem, quater habent decem. Porro ipsa decem ab uno usque ad quatuor progrediente numero consummantur.

10. Ad hunc igitur mundum, et ad istam terrenam mortalemque vitam hominum, ad nos regendos in tentatione laborantes, venientem regem Christum Matthæus suscipiens, exorsus est ab Abraham, et enumeravit quadraginta homines. Ab ipsa enim gente Hebreorum, quæ a ceteris gentibus ut distinguetur, Deus de terra sua et de cognatione sua separavit Abraham (*Gen. xii, 1, 2*), Christus venit in carne; ut et hec ad eum distinctius prophetandum et prænuntiandum maxime pertineret, quod promittebatur ex qua esset gente venturus. Cum enim quaterdenas generationes tribus distinxisset articulis, dicens ab Abraham usque ad David generationes esse quatuor-

<sup>1</sup> Duo MSS. Vaticani, cæteris refragantibus, propter unum sicut eadem sacramenta.

decim, et a David usque ad transmigrationem Babylonæ alias quatuordecim, totidemque alias usque ad nativitatem Christi (*Math. i, 17*); non tamen eas duxit in summam ut diceret, Fiunt omnes quadraginta duæ. Unus quippe in illis progeneratoribus bis numeratur, id est Jechonias, a quo facta est quædam in extraneas gentes deflexio, quando in Babyloniam transmigratum est. Ubi autem ordo a rectitudine scilicet prioris ordinis, et in capite ipsius deflexionis. Et hoc ipsum jam præfigurabat Christum a circumsione ad præputium, tanquam ab Jerusalem ad Babyloniam quodammodo migraturum, et hinc atque hinc utriusque in se creditibus tanquam lapideum angularem futurum. Hæc tune in figura præparabat Deus rebus in veritate venturis. Nam et ipse Jechonias, ubi angulus iste præfiguratus est, interpretatur Præparatio Dei. Sic ergo jam non quadraginta duæ, quod faciunt ter quatuordecim, sed propter unum bis numeratum, quadraginta una generationes fiunt, si et ipsum Christum annumeremus, qui huic regende vite nostre temporali atque terrena, tanquam numero quadragenario regaliter præsidet.

11. Quem ad istam mortalitatem nobiscum participandam quia descendenter voluit significare Matthæus, ideo et ipsas generationes ab Abraham usque ad Joseph et usque ad ipsius Christi nativitatem, descendendo commemoravit ab initio Evangelii sui. Lucas autem non ab initio Evangelii sui, sed a baptismo Christi, generationes enarrat, nec descendendo, sed ascendendo, tanquam sacerdotem in expiandis peccatis magis assignans; ubi eum vox de celo declaravit, ubi testimonium Joannes ipsi perhibuit, dicens, *Ecce qui tollit peccata mundi* (*Joan. i, 29*). Ascendente autem transit et Abraham, et pervenit ad Deum, cui mundati et expiati reconciliatur. Merito et adoptionis originem ipse suscepit, quia per adoptionem efficiuntur filii Dei, credendo in filium Dei. Per carnalem vero generationem Filius Dei potius propter nos filius hominis factus est. Satis autem demonstravit non se ideo dixisse, Joseph filium Ieli, quod de illo genitus, sed quod ab illo fuerat adoptatus; cum et ipsum Adam filium Dei dixit, eum sit fac us a Deo, sed per gratiam quam postea peccando amisit, tanquam filius in paradiſo constitutus sit.

12. Quapropter in generationibus Matthæi, significatur nostrorum susceptio peccatorum a Domino Christo: in generationibus autem Luce, significatur abolitio nostrorum peccatorum a Domino Christo. Ideo ens ille descendens enarrat, iste ascensens. Quod enim dicit Apostolus, *Misit Deus Filium suum in similitudinem carnis peccati*; haec est susceptio peccatorum: quod autem addit, *Ut de peccato dannaret peccatum in carne* (*Rom. viii, 3*); haec est expiatio peccatorum. Proinde Matthæus ab ipso David per Solomonem descendit, in cuius matre ille peccavit (*II Reg. xi, 4*): Lucas vero ad ipsum David per Nathan ascendit; per quem prophetam Deus peccatum illius

expavit (H. Reg. xn, 4-14) (a). Ipse quoque numerus quem Lucas exsequitur, certissime prorsus abolitionem indicat peccatorum. Quia enim Christi aliqua iniqüitas, qui nullam habuit, non est utique conjuncta iniqüitatibus hominum, quas in sua carne suscepit; ideo numerus penes Maubœum, excepto Christo, est quadragenarius. Quia vero justitiae suæ Patrisque nos expiatos ab omni peccato purgatosque conjungit, ut fiat quod ait Apostolus, *Qui autem adhæret Domino, nunc spiritus est* (1 Cor. vi, 17); ideo in eo numero qui est penes Lucam, et ipse Christus a quo incepit enumeratio, et Deus ad quem pervenit, connumerantur, et sit numerus septuaginta septem, quo significatur omnium prorsus remissio et abolitio peccatorum. Quam etiam ipse Dominus per hujus numeri mysterium evidenter expressit, dicens remittendum esse peccanti, non solum septics, sed etiam septuages seplies (Matth. xviii, 22).

43. Nec frustra iste numerus ad peccatorum omnium pertinet mundationem, si diligentius inquiratur. Deuterius quippe tanquam justitiae numerus in decem preceptis Legis ostenditur. Porro peccatum est Legis transgressio; et utique transgressio denarii numeri congruenter undenario figuratur: unde et vela ciliicia jubentur in tabernaculo undecim fieri (Exod. xxvi, 7); quis autem dubitet ad peccati significacionem cilicium pertinere? Ac per hoc quia universum tempus septenario dierum numero volvitur, convenienter undenario septies multiplicato ad numerum septuagesimum et septimum cuncta peccata pervenient. In quo numero etiam sit plena remissio peccatorum, expiante nos carne sacerdotis nostri, a quo nunc iste numerus incipit; et reconciliante nos Deo, ad quem nunc iste numerus pervenit per Spiritum sanctum, qui in columbariæ specie in hoc baptismo, ubi numerus iste commemoratur, apparuit (Luc. iii, 22).

CAPUT V. — *Quomodo Matthæi ordini congruæ ordo Lucæ in his quæ de conceptu et de infantia vel pueritia Christi alias prætermittit, alias commemorat.*

44. Post enumeratas generationes Matthæus ita sequitur: *Christi autem generatio sic erat. Cum esset responsaria mater ejus Maria Joseph, antequam convenirent, inventa est in utero habens de Spiritu sancto.* Hoc quemadmodum factum sit, quod hic prætermisit, Lucas exposuit post commemoratum conceptum Joannis, ita narrans: *In mense autem sexto missus est angelus Gabriel a Deo in civitatem Galilææ, cui nomen Nazareth, ad virginem despontatam viro cui nomen erat Joseph, de domo David; et nomen virginis Maria. Et ingressus angelus ad eam dixit: Ave, gratia plena; Dominus tecum, benedicta tu in mulieribus. Quæ cum riddisset<sup>1</sup>, turbata est in sermone ejus, et cogitabat qualis esset ista salutatio. Et ait angelus ei: Ne timeas, Maria; invenisti enim gratiam apud Deum: ecce concipies in utero, et paries filium, et vocabis nomen ejus Iesum:*

<sup>1</sup> Editi hic et infra, audisset. At plerique et melioris notæ MSS. constanter habent, ridisset; juxta græcum textum, *de fidoosa.*

(a) II Retract. cap. 16.

*hic erit magnus, et filius Aliissimi vocabitur; et dabit illi Dominus Deus sedem David patris ejus, et regnabit in domo Jacob in æternum, et regni ejus non erit finis. Dicit autem Maria ad angelum: Quomodo sicut istud, quoniam virum non cognosco? Et respondens angelus, dixit ei: Spiritus sanctus superveniet in te, et Virtus Altissimi obumbrabit tibi; ideoque et quod nascetur sanctum<sup>2</sup>, vocabitur Filius Dei: et cetera, que ad id quod nunc agitur non pertinent. Hoc ergo Matthæus commemoravit dicens de Maria, *Inuenta est in utero habens de Spiritu sancto*: nec contrarium est quia Lucas exposuit id quod Matthæus prætermisit; cum de Spiritu sancto Mariam concepisse uterque testetur: sicut non est contrarium quia Matthæus deinceps connectit quod Lucas prætermittit. Sequitur enim, et dicit Matthæus: *Joseph autem vir ejus cum esset justus, et nollet eam traducere, voluit occulte dimittere eam.* Hæc autem eo cogitante, ecce angelus Domini in somnis apparuit ei, dicens: *Joseph, fili David, noli timere accipere Mariam conjugem tuam; quod enim in ea natum est, de Spiritu sancto est.* Pariet autem filium, et vocabis nomen ejus Jesum: ipsa enim salrum faciet populum suum a peccatis eorum. *Hoc autem totum factum est, ut impleretur quod dictum est a Domino per prophetam dicentem, Ecce virgo in utero habebit, et pariet filium, et vocabitur<sup>3</sup> nomen ejus Emmanuel, quod est interpretatum, Nobiscum Deus. Exsurgens autem Joseph a somno, fecit sicut præcepit ei angelus Domini; et accepit conjugem suam: et non cognoscebat eam, donec perperit filium suum primogenitum; et vocavit nomen ejus Iesum. Cum ergo natus esset Jesus in Bethleem Iudeæ in diebus Herodis regis, et cetera.**

45. De civitate Buthleem Matthæus Lucasque consentiunt: sed quonodo et qua causa ad eam venerint Joseph et Maria, Lucas exponit, Matthæus prætermittit. Contra, de Magis ab Oriente venientibus Lucas tacet, Matthæus dicit, ita contexens: *Ecce Magi ab Oriente venerunt Jerosolymam, dicentes: Ubi est qui natus est rex Iudaorum? vidimus enim stellam ejus in Oriente, et venimus adorare eum. Audiens autem Herodes rex turbatus est; et cetera, usque ad eum locum, ubi scriptum est de ipsis Magis quod responso accepto in somnis, ne redirent ad Herodem, per aliam viam reversi sunt in regionem suam.* Hoc totum Lucas prætermittit, sicut Matthæus non narravit quod Lucas narrat, in præsepi positum Dominum; et quod pastoribus eum natum angelus nuntiaverit; et quod multitudo militis celestis facta est cum angelo lassitudinem Deum; et quod venerunt pastores, et viderunt verum esse quod eis angelus nuntiaverat; et quod die circumcisionis sue nomen accepit; et quæ post impletos dies purgationis Marie idem Lucas narrat, quod attulerint eum ad Jerusalem, et de Simeone vel

<sup>1</sup> In editis, *ex te sanctum*. Absit, *ex te*, a tribus Vatianis MSS. et a Gallicanis pleris que, nec in grecis t. xlii hiabet.

<sup>2</sup> Editi, *vocabitur*. At viss., *vocabunt*: excepto Andocensis, qui habet, *vocabis*. Sic in grecis exemplaribus varie legitur, *kalouσou* et *kalēscis*.

Anna, que dixerint de illo in templo, posteaquam cognoverunt eum impleti Spiritu sancto: omnia haec taceat Matthaeus.

16. Unde merito queritur quando facta sint, sive quæ Matthæus prætermittit et Lucas dicit, sive quæ Lucas prætermittit et Matthæus dicit. Quandoquidem Matthæus, regressis in regionem suam Magis qui venerant ab Oriente, sequitur et narrat, Joseph ab angelō admonitum ut cum infante in Ægyptum fugeret, ne ab Herode necaretur; deinde Herodem, illo non invento, a bimatu et infra pueras occidisse: defuncto autem Herode rediisse ab Ægypto, et auditio quod Archelaus in Iudea regnare: pro Herode patre suo, habitasse cum puer in Galileæ civitate Nazareth: que omnia Lucas tacet. Nec ideo contrarium videri potest, quod vel hic dicit quæ ille prætermittit, vel ille commemorat quæ iste non dicit. Sed queritur quando fieri potuerint quæ contextit Matthæus de profectione in Ægyptum atque inde regressione post Herodis mortem, ut jam in civitate Nazareth habitatent, quo eos Lucas, posteaquam perfecerunt in templo circa priorem omnia secundum Legem Domini, reversos esse commemorat. Hic proinde cognoscendum est quod deinceps ad cetera talia valeat, ne similiter moveant animumque conturbent, sic unumquemque Evangelistam contextere narrationem suam, ut tanquam nihil prætermittentis series digesta videatur: tacitis enim quæ non vult dicere, sic ea quæ vult dicere, illis quæ dicebat adjungit, ut ipsa continuo sequi videantur: sed cum alter ea dicit quæ alter tenuit, diligenter ordo consideratus indicat locum ubi ea potuerit, a quo prætermissa sunt, transilire, ut ea quæ dicere intenderat ita superioribus copularet. tanquam ipsa nullis interpositis sequentur. Ac per hoc intelligitur Matthæus, ubi ait somnio admonitos Magos ne redirent ad Herodem, et per aliam viam regressos in regionem suam; illuc prætermisso quæ Lucas narravit gesta circa Dominum in templo, et dicta a Simeone et Anna: ubi rursus Lucas prætermittens profectionem in Ægyptum, quam narrat Matthæus, tanquam conueniam contextuit regressionem ad civitatem Nazareth.

17. Si quis autem velit unam narrationem ex omnibus, quæ de Christi nativitate et infancia vel pueritia in utrinque narratione ab alterutro seu dicuntur seu prætermittuntur, ordinare sic potest: Christi autem generatio sic erat (Matth. 1, 18). Fuit in diebus Herodis regis Iudeæ sacerdos quidam nomine Zacharias, de rice Abia: et uxor illi de filiis Aaron, et uomen ejus Elisabeth. Erant autem justi ambo ante Deum, incedentes in omnibus mandatis et justificationibus Domini sine querela. Et non erat illis filius, eo quod esset Elisabeth sterilis, et ambo processissent in diebus suis. Factum est autem cum sacerdotio fangeretur in ordine vicis suæ ante Deum, secundum consuetudinem sacerdotii, sorte exit ut incensum poneret ingressus in templum Domini: et omnis multitudo populi erat orans per hanc hora incensi. Apparuit autem illi angelus Domini, unus a dextris altaris incensi: et Zacharias turbatus

est videns, et timor irruit super eum. Ait autem ad illum angelus: Ne timeas, Zacharia, quoniam exaudita est deprecatio tua, et uxor tua Elisabeth pariet tibi filium, et vocabis nomen ejus Joannem: et erit gaudium tibi, et exsultatio, et multi in nativitate ejus gaudebunt: erit enim magnus coram Domino: et vinum et siceram non bibet; et Spiritu sancto replebitur adhuc ex utero matris sue: et multos filiorum Israel convertet ad Dominum Deum ipsorum: et ipse procedet ante illum in spiritu et virtute Eliæ, ut convertat corda patrum in filios, et incredulos ad prudenteriam justorum, parare Domino plebem perfectam. Et dixit Zacharias ad angelum: Unde hoc sciam? ego enim sum senex, et uox mea processit in diebus suis. Et respondens angelus dixit ei: Ego sum Gabriel qui adsto ante Deum, et missus sum loqui ad te, et haec tibi evangelizare: et ecce eris lacens, et non poteris loqui usque in diem quo haec siant, pro eo quod non credidisti verbis meis, quæ implebuntur in tempore suo. Et erat plebs exspectans Zachariam, et mirabantur quod tardaret ipse in templo. Egressus autem non poterat loqui ad illos, et cogoverunt quod visionem vidisset in templo. Et ipse erat inuensis illis, et permanxit mutus. Et factum est, ut impletu sunt dies officii ejus, abiit in domum suam. Post hos autem dies concepit Elisabeth uxor ejus, et occultabat se mensibus quinque, dicens: Quia sic mihi fecit Dominus in diebus, quibus respexit auferre opprobrium meum inter homines. In mense autem sexto, missus est angelus Gabriel a Deo in civitatem Galilææ, cui nomen Nazareth, ad virginem despousatam viro cui nomen erat Joseph, de domo David; et nomen virginis Maria. Et ingressus angelus ad eam dixit: Ave, gratia plena; Dominus tecum, benedicta tu in mulieribus. Quæ cum vidiisset, turbata est in sermone ejus, et cogitabat qualis esset ista salutatio. Et ait angelus ei: Ne timeas, Maria, invenisti enim gratiam apud Deum: ecce concipies in utero, et paries filium, et vocabis nomen ejus Jesum: hic erit magnus, et filius Altissimi vocabitur; et dabit illi Dominus Deus sedem David patris ejus, et regnabit in domo Jacob in æternum, et regni ejus non erit finis. Dixit autem Maria ad angelum: Quomodo si sit istud, quoniam virum non cognosco? Et respondens angelus dixit ei: Spiritus sanctus supereredit in te, et virtus Altissimi obumbrabit tibi; idoque et quod nascetur sanctum, vocabitur Filius Dei: et ecce Elisabeth cognata tua, et ipsa concepit filium in senectute sua; et hic mensis est sextus illi quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Et discessit ab illa angelus. Exsurgens autem Maria in diebus illis, abiit in montana cum festinatione in civitatem Iuda: et intravit in domum Zacharie, et salutavit Elisabeth. Et factum est, ut audivit salutationem Mariae Elisabeth, exsultavit insans in utero ejus; et repleta est Spiritu sancto Elisabeth, et exclamarit voce magna, et dixit: Benedicta tu inter mulieres, et benedictus fructus ventris tui. Et unde hoc mihi, ut reniat mater Domini me ad me? Ecce enim ut facta est vox salutationis tuæ in

**a**uribus meis, exsultavil in gaudio insans in utero meo : et beata quæ credidisti, quoniam perficiuntur ea quæ dicta sunt tibi a Domino. Et ait Maria : Magnificat anima mea Dominum. Et exsultavit spiritus meus in Deo salutari meo. Quia respexit humilitatem ancillæ suæ; ecce enim ex hoc beatam me dicent omnes generationes. Quia fecit mihi magna qui potens est, et sanctum nomen ejus. Et misericordia ejus in progenies et progenies timentibus eum. Fecit potentiam in brachio suo, dispersit superbos mente cordis sui. Deposuit potentes de sede, et exaltavit humiles. Esurientes implevit bonis, et divites dimisit inanes. Suscepit Israel puerum suum, memorari misericordiæ suæ. Sicut locutus est ad patres nostros, Abraham et semini ejus in sæcula. Mansit autem Maria cum illa quasi mensibus tribus, et reversa est in domum suam (Luc. 1, 5-36) : et inventa est in utero habens de Spiritu sancto. Joseph autem vir ejus, cum esset justus, et nollet eam traducere, voluit occulte dimittere eam. Hæc autem eo cogitante, ecce angelus Domini in somnis apparuit ei dicens : Joseph, fili David, noli timere accipere Mariam conjugem tuam : quod enim in ea natum est, de Spiritu sancto est. Pariet autem filium, et vocabis nomen ejus Jesum : ipse enim salvum faciet populum suum a peccatis eorum. Hoc autem totum factum est, ut adimpleretur quod dictum est a Domino per prophetam dicentem : Ecce Virgo in utero habebit et pariet filium, et vocabitur nomen ejus Emmanuel, quod est interpretatum, Nobiscum Deus. Exsurgens autem Joseph a sonno, fecit sicut præcepit ei angelus Domini, et accepit conjugem suam : et non cognoscebat eam (Matth. 1, 18-25). Elisabeth autem impletum est tempus parendi, et peperit filium. Et audierunt vicini et cognati ejus, quia magnificauit Dominus misericordiam suam cum illa, et congratulabantur ei. Et factum est in die octavo, venerunt circumcidere puerum, et vocabant eum nomine patris ejus Zachariam. Et respondens mater ejus, dixit : Nonquam, sed vocabitur Joannes. Et dixerunt ad illam : Quia nemo est in cogitatione tua qui vocetur hoc nomine. Innuebant autem patri ejus quem vellet vocari eum. Et postulans pugillarem scripsit, dicens : Joannes est nomen ejus. Et mirati sunt universi. Apertum est autem illoco os ejus et lingua ejus, et loquebatur benedicens Deum. Et factus est timor super omnes vicinos eorum ; et super omnia montana Iudeæ divulabantur omnia verba hæc. Et posuerunt omnes qui audierant in corde suo, dicentes : Quid<sup>1</sup> putas puer iste erit ? Etenim manus Domini erat cum illo. Et Zacharias pater ejus impletus est Spiritu sancto, et prophetauit, dicens : Benedictus Dominus, Deus Israel, quia visitavit et fecit redemptionem plebis suæ. Et erexit cornu salutis nobis, in domo David pueri sui. Sicut locutus est per os sanctorum, qui a sæculo sunt, Prophetarum ejus. Salutem ex inimicis nostris, et de manu omnium qui oderunt nos. Ad faciendam misericordiam cum patribus nostris, et memorari testamenti sui san-

cti. Jusjurandum quod juravit ad Abram patrem nostrum, daturum se nobis. Ut sine timore de manu inimicorum nostrorum liberati serviamus illi, in sanctitate et justitia coram ipso, omnibus diebus nostris. Et tu, puer, Propheta Altissimi vocaberis : præcis enim ante faciem Domini parare vias ejus, ad dandam scientiam salutis plebi ejus in remissionem peccatorum eorum. Per viscera misericordiæ Dei nostri in quibus visitavit nos Oriens ex alto. Illuminare iis qui in tenebris et in umbra mortis sedent, ad dirigendos pedes nostros in viam pacis. Puer autem crescebat, et confortabatur spiritu ; et erat in desertis usque in diem ostensionis sue ad Israel. Factum est autem in diebus illis, exiit edictum a Cæsare Augusto, ut describeretur universus orbis. Hæc descripicio prima facta est præside<sup>1</sup> Syrino Syrino. Et ibant omnes ut profiterentur singuli in suam civitatem. Ascendit autem et Joseph a Galilæa de civitate Nazareth in Iudeam civitatem David, quæ vocatur Bethleem, eo quod esset de domo et familia David, ut profiteretur cum Maria despontata sibi uxore prægnante. Factum est autem cum essent ibi, impleti sunt dies ut pareret : et peperit filium suum primogenitum, et pannis eum involvit ; et reclinavit eum in præsatio ; quia non erat eis locus in diversorio. Et pastores erant in eadem regione vigilantes et custodientes vigiliæ noctis supra gregem suum : et ecce angelus Domini stetit juxta illos, et claritas Dei circumfusit illos, et timuerunt timore magno. Et dixit illis angelus : Nolite timere : ecce enim evançelizo vobis gaudium magnum, quod erit omni populo ; quia natus est vobis hodie Salvator, qui est Christus Dominus, in civitate David. Et hoc vobis signum : invenietis infantem pannis involutum, et positum in præsepio. Et subito facta est cum angelo multitudine militiæ celestis, laudantium Deum et dicentium : Gloria in altissimis Deo, et in terra pax hominibus bonæ voluntatis. Et factum est ut discesserunt ab eis angeli in cœlum, pastores loquebantur ad invicem : Transeamus usque Bethleem, et videamus hoc verbum quod factum est, quod Dominus ostendit nobis. Et venerunt festinantes, et invenerunt Mariam et Joseph, et infantem positum in præsepio. Videntes autem cognoverunt de verbo quod dictum erat illis de puerò hoc. Et omnes qui audierunt mirati sunt, et de iis quæ dicta erant a pastoribus ad ipsos. Maria autem conservabat omnia verba hæc, conserens in corde suo. Et reversi sunt pastores glorificantes et laudantes Deum in omnibus quæ audierant et viderant, sicut dictum est ad illos. Et postquam consummati sunt dies octo ut circumcidetur puer, vocatum est nomen ejus Jesus, quod vocatum est ab angelo priusquam in utero conciperetur (Luc. 1, 57, 11, 21). Et ecce Magi ab Oriente venerunt Jerosolymam, dicentes : Ubi est qui natus est rex Iudeorū ? vidimus enim stellam ejus in Oriente, et venimus adorare eum. Audiens autem Herodes rex turbatus est, et omnis Jerosolyma cum illo. Et congregans omnes principes sacerdotum et Scribas populi,

<sup>1</sup> Vetus et Colbertinis MSS. : quis ? Alli codices, quid : et sic in antiquis Corb. bibliis; nempe quia grece est, si neutrō generē concordans cum voce, lo ratiōnē, que puerum significat.

In aliquot MSS. et editione natisponensi, a præside. Apud Fr. et Lov., sub præside. Sed in pluribus et melioris notis MSS. atque præc. estime est, præside ; id est, præsidenti agente, justæ grec., ἐγένετο τὸν παῖδα.

sciret ab eis ubi Christus nasceretur. At illi dixerunt ei, In Bethleem Iudea: sic enim scriptum est per prophetam, Et tu Bethleem terra Iudea, nequaquam minima es in principibus Iudea; ex te enim exierit dux qui regat populum meum Israel. Tunc Herodes clam vocatis Magis, diligenter didicit ab eis tempus stellarum quae apparuit eis. Et mittens eos in Bethleem dixit: Ite, et interrogate diligenter de puerō; et cum inveneritis reūniate mihi, ut et ego veniā adorem eum. Qui cum audiissent regem, abiérunt: et ecce stella quam viderant in Oriente, antecedebat eos, usque dum veniens staret supra ubi erat puer. Videntes autem stellam, gavisi sunt gaudio magno valde. Et intrantes domum, invenerunt puerum cum Maria matre ejus: et procidentes adoraverunt eum; et apertis thesaūis suis obtulerunt ei munera, aurum, thus et myrram. Et responso accepto in somnis, ne redirent ad Herodem, per aliam viam regressi sunt in regionem suam (Matth. 2, 1-12). Qui cum recessissent, postea quām impleti sunt dies purgationis matris ejus, secundum Legem Moysi, tulerunt illum in Ierusalem, ut sisterent eum Domino: sicut scriptum est in Lege Domini, Quia unū masculinum adaperiens vulvam, sanctum Domino vocabitur. Et ut darent hostiam secundum quod dictum est in Lege Domini, par turturem, aut duos pullos columbarum. Et ecce homo erat in Ierusalem, cui nomen Simeon, et homo iste justus et timoratus, expectans consolationem Iudea, et Spiritus sanctus erat in eo: et responsum accepserat a Spiritu sancto, non visurum se mortem, nisi prius vidaret Christum Domini: et venit in Spiritu in templum. Et cum inducerent puerum Jesum parentes ejus, ut facerent secundum consuetudinem Legis pro eo, et ipse accepit eum in amplexus suos, et benedixit Deum, et dixit: Nunc dimittis servum tuum, Domine, secundum verbum tuum in pace. Quia viderunt oculi mei salutare tuum, quod parasti ante faciem omnium populorum. Lumen ad revelationem Gentium, et gloriam plebis tuae Iudea. Et erant pater ejus et mater mirantes super his quae dicebantur de illo. Et benedixit illos Simeon, et dixit ad Mariam matrem ejus: Ecce positus est hic in ruinam et resurrectionem multorum in Iudea, et in signum cui contradicetur; et tuam ipsius animam pertransibit gladius, ut revelentur ex multis cordibus cogitationes. Et erat Anna prophetissa filia Phanuel de tribu Aser: hæc processerat in diebus multis, et vixerat cum viro suo annis septem a virginitate sua; et hæc vidua usque ad annos octoginta quatuor, quæ non discedebat de templo, jejuniis et obsecrationibus serviens nocte ac die. Et hæc, ipsa hora superveniens, confitebatur Domino, et loquebatur de illo omnibus qui exspectabant redēptionem Iudea<sup>1</sup>. Et ut persecerunt omnia secundum Legem Domini (Luc. 2, 22-59), ecce angelus Domini apparuit in somnis Joseph, dicens: Surge, et accipe puerum et matrem ejus, et fuge in Egyptum, et esto ibi usque dum dicam tibi; futurum est enim ut He-

rodes querat puerum ad perducendum eum. Qui cōsurgens accepit puerum et matrem ejus nocte, et cessit in Egyptum. Et erat ibi usque ad obitum Herodis: ut adimpleretur quod dictum est a Domino per prophetam dicentem, Ex Egypto vocavi filium meum. Tunc Herodes videns quoniam illusus esset a Magis, iratus est valde: et mittens occidit omnes pueros, qui erant in Bethleem, et in omnibus finibus ejus, a bimatu et infra, secundum tempus quod exquisierat a Magis. Tunc adimpleretur quod dictum est per Jeremiam prophetam dicentem: Vox in Rama audita est, ploratus et ululatus multus, Rachel plorans filios suos, et noluit consolari quia non sunt. Defuncto autem Herode, ecce apparuit angelus Domini in somnis Joseph in Egypto, dicens: Surge et accipe puerum, et matrem ejus, et rade in terram Iudea; defuncti sunt enim qui quererant animam pueri. Qui surgens accepit puerum et matrem ejus, et venit in terram Iudea. Audiens autem quod Archelaus regnaret in Iudea pro Herode patre suo, timuit illo ire. Et admonitus in somnis, cessit in partes Galilæe: et veniens habitavit in civitate quæ vocatur Nazareth, ut adimpleretur quod dictum est per Prophetas, Quoniam Nazareus vocabitur (Matth. 2, 13-23). Puer autem crescebat et confortabatur plenus sapientia, et gratia Dei erat in illo. Et ibant parentes ejus per omnes auros in Ierusalem in die solemni Paschæ. Et cum factus esset annorum duodecim, ascendentibus illis in Ierusalem secundum consuetudinem diei festi, consummatisque diebus cum redirent, remansit puer Jesus in Ierusalem, et non cognoverunt parentes ejus. Existimantes autem illum esse in comitatu, venerunt iter diei, et requirebant eum inter cognatos et notos. Et non invententes, regressi sunt in Ierusalem requirentes eum. Et factum est post triduum invenient illum in templo sedentem in medio doctorum, audiētatem illos et interrogantem eos. Stupabant autem omnes qui audiebant eum, super prudentia et responsis ejus. Et videntes admirati sunt. Et dixit mater ejus ad illum: Fili, quid fecisti nobis sic? Ecce pater tuus et ego dolentes quereremus te. Et ait ad illos: Quid est quod me quereratis? Nesciebatis quia in his quæ Patris mei sunt, oportet me esse? Et ipsi non intellexerunt verbum quod locutus est ad illos. Et descendit cum eis, et venit Nazareth, et erat subditus illis. Et mater ejus conservabat omnia verba hæc in corde suo<sup>2</sup>. Et Jesus proficiebat sapientia, et auctore, et gratis apud Deum et homines (Luc. 2, 40-52).

CAPUT VI.—De ordine prædicationis Joannis Baptiste inter omnes quatuor.

18. Jam hinc de prædicatione Joannis narrati incipit, quām omnes quatuor cōmemorant. Nam et Matthæus post illa verba, quæ ultima ejus posui, ubi commemoravit ex propheta testimonium, Quoniam Nazareus vocabitur, sequitur et adjungit: In diebus autem illis venit Joannes Baptista prædicans in deserto Iudeæ, etc. (Matth. 3, 1). Et Marcus qui nihil de nativitate vel infantia vel pueritia Domini narravit, hinc Evangelii sumpsit initium, id est, a Joannis prædicatione. Sic enim exorsus est: Initium Evangelii Iudeæ

<sup>1</sup> Editi, redēptionem Iudea. At MSS. magno consensu ferunt, redēptionem Iudea: quibuscum etiam concordat vetustissimus Bibliorum codex Corbeiensis. Porro in græco textu est, lutrōsin en terousalēm, redēptionem in Ierusalēm, addita præpositione in, quæ propter m̄ præcedentis litteræ concursum facile excederit librariorum incuria.

<sup>2</sup> Editi: conferens in corde suo. Abest conferens 2 vss.

*Christi filii Dei : sicut scriptum est in Isaia propheta, Ecce mitto angulum meum ante faciem tuam , qui preparabit riām tuām ante te. Vox clānantis in deserto, Parate viam Domini , rectas facite semitas ejus. Fuit Joannes in deserto baptizans et prædicans baptismum poenitentiae in remissionem peccatorum, etc. (Marc. i, 1-4). Et Lucas post verba ubi ait, Et Jesus proficiebat sapientia , et aetate , et gratia apud Deum et homines, de Joannis predicatione jam sequitur dicens : Anno autem quinto decimo imperii Tiberii Cæsaris, procurante Pontio Pilato Iudeam, tetrarcha autem Galilææ Herode, Philippo autem fratre ejus tetrarcha Iturææ et Trachonitidis regionis , et Lysania Abilinæ tetrarcha , sub principibus sacerdotum Anna et Caipha , factum est verbum Domini super Joannem Záchariæ filium in deserto, etc. (Luc. iii, 1, 2). Joannes quoque apostolus in Evangelistis quatuor eminentissimus, posteaquam dixit de Verbo Dei, qui est ipse Filius ante omnia sœcula creaturae, quia omnia per ipsum facta sunt , intulit continuo de Joannis predicatione ac testimonio dicens : Fuit homo missus a Deo, cui nomen erat Joannes (Joan. i, 6). Unde jam videndum est, de ipso Joanne Baptista quatuor Evangelistarum narrationes quemadmodum inter se non discordent : non ut hoc a nobis per omnia requiratur aut exigatur, quod modo fecimus de primordiis nati ex Maria Christi, quemadmodum inter se Matthæus Lucasque consentiant, ut ex utriusque narratione unam facheremus , demonstrantes tardioribus quemlibet eorum commemorando quod alter tacet, vel tacendo quod alter commemorat, non impedire intellectum veracis narrationis alterius ; ut hoc exemplo, sive ut a me factum est , sive alio modo commodius fieri possit, videat unusquisque et in ceteris talibus locis fieri posse quod hic factum esse perspicerit.*

49. Jam ergo, ut dixi, videamus quatuor Evangelistarum de Baptista Joanne consensus. Matthæus ita sequitur : In diebus autem illis venit Joannes Baptista prædicans in deserto Iudeæ. Marcus non dixit, In diebus illis; quia nullam seriem rerum ante premiserat, in quarum rerum diebus intelligeretur dicere, si dicceret, In illis diebus. Lucas autem per potestates terrenas signantius ipsa tempora expressit prædicacionis vel baptismi Joannis dicens : Anno autem quinto decimo imperii Tiberii Cæsaris, procurante Pontio Pilato Iudeam, tetrarcha autem Galilææ Herode , Philippo autem fratre ejus tetrarcha Iturææ et Trachonitidis regionis , et Lysania Abilinæ tetrarcha , sub principibus sacerdotum Anna et Caipha , factum est verbum Domini super Joannem Záchariæ filium in deserto. Nec tamen intelligere debemus hos dies, id est hoc tempus harum potestatum, significasse Matthæum cum dicaret, In diebus illis ; sed in multo longioris temporis spatio voluisse accipi, quod ait, In diebus illis. Mox enim ut narravit reversum de Ægypto Christum mortuo Herode ; quod utique tempore infantiae vel pueritiae ejus factum est , ut possit constare quod Lucas de illo, cum duodecim annorum esset , gestum narravit in templo Jerusalem (Luc. ii, 42 50) : cum ergo infantem vel puerum ex Ægypto revocatum commemorasset

Matthæus, continuo intulit, In diebus autem illis venit Joannes Baptista, non utique tantummodo lo pueritie illius dies insinuans, sed omnes dies ab ejus nativitate usque ad tempus quo prædicare ac baptizare cœpit Joannes, quo jam tempore Christi juvenilis <sup>1</sup> ætas inventitur ; quia coævi erant ipse et Joannes, et triginta ferme annorum narratur suisce cum ab illo baptizatus esset.

#### CAPUT VII. — *De duobus Herodibus.*

20. Sed plane de Herode solet movere nonnullos quod Lucas narravit, in diebus baptismi Joannis Herodem suisce tetrarcham Galilee, quando etiam Dominus juvenis baptizatus est (Luc. iii, 1-21); Matthæus autem, mortuo Herode, dicit puerum Jesum ab Ægypto remessae : quod utrumque verum esse non potest, nisi duo suisce intelligentur Herodes. Quod cum fieri potuisse nemo nesciat, qua exortate insanunt, qui procliviores sunt ad calumniandum evangelicæ veritati, quam paululum consideratores, ut duos homines eodem vocabulo appellatos intelligent ? cuius rei exemplis plena sunt omnia. Nam iste posterior Herodes prioris Herodis filius suisce prohibetur; sicut Archelaus, quem Matthæus in Iudeæ regnum patri mortuo successisse commemorat (Matth. ii, 19-22); sicut Philippus, quem fratrem tetrarchæ Herodis et ipsum Iturææ tetrarcham Lucas insinuat. Rex enim fuit Herodes ille qui querebat animam pueri Christi; Herodes autem alias filius ejus, non rex, sed tetrarcha dictus est, quod nomen præcum a parte regni quarta indutum resonat.

CAPUT VIII. — *Quomodo Matthæus dicat timuisse Joseph ire cum infante Christo in Jerusalem, propter Archelaum ; et non timuisse ire in Galilæam, ubi erat tetrarcha Herodes frater ejus.*

21. Nisi forte hinc rursus quispiam moveatur, cum Matthæus dixerit ideo timuisse Joseph cum puero redeunte ire in Iudeam, quia pro patre suo Herode Archelaus filius ejus ibi regnabat ; quomodo potuerit ire in Galilee, ubi alias filius ejus Herodes tetrarcha erat, sicut Lucas testatur. Quasi vero ipsa sint tempora, quibus tunc puero timebatur, que nunc Lucas commemoravit, que usque adeo mutata erant, ut in ipsa Iudea non iam rex esset Archelaus, sed Pontius Pilatus, qui non rex Iudeorum, sed præses erat : cujus temporibus agentes sub Tiberio Cæsare filii maioris Herodis, non regnum habebant, sed tetrarchiam. Quod utique nondum factum erat, quando Joseph timens Archelaum in Iudea regnantem, se in Galileeum cum puer contulit, ubi et civitas ejus erat Nazareth.

CAPUT IX. — *Quomodo dicat Matthæus ideo esse in Galilæam Joseph cum infante Christo quia timuit Archelaum pro suo patre regnante in Jerusalem ; cum Lucas dicat ideo esse in Galilæam, quia ibi et Nazareth civitas eorum.*

22. Au forte et hoc movet, quomodo dicat Matthæus, properea cum pueru Jesu parentes ejus esse in Galileeum, quia metu Archelai in Iudeam ire noluerunt, cum properea magis esse in Galileeum videantur,

<sup>1</sup> MSS., *juvenalis ætas*. Sic passim pro *juvenilis*.

quia civitas eorum erat Nazareth Galilee, sicut Lucas non tacuit? Sed intelligendum est, ubi angelus in somnis in Aegypto dixit ad Joseph, *Surge, et accipe puerum et matrem ejus, et vade in terram Israel*, sic intellectum esse primo a Joseph, ut putaret jussum se esse pergere in Iudeam; ipsa enim primitus intelligi potuit terra Israel: porro autem posteaquam compedit illuc regnare filium Herodis Archelaum, noluit obiecere se illi periculo, cum posset terra Israel etiam sic intelligi, ut et Gathæ illuc deputaretur, quia et ipsam populus Israel incolebat. Quanquam et alio modo solvi possit haec questio, quia potuit videri parentibus Christi cum puero, de quo talia per angelica responsa cognoverant, non esse habitandum nisi in Jerusalem, ubi erat templum Domini; et propterea redeuntes ex Aegypto, illuc eos ituros fuisse, et illuc habituros, nisi Archelai presentia ternerentur. Neque enim divinitus jubebantur ibi habitare, ut de Archelao quod timebant deberent contempnere.

CAPUT X. — *Quomodo Lucas dicit*, ibant parentes ejus per omnes annos in Jerusalem in die solemnii Pasche cum illo puero; cum dicat Matthæus quod metu Archelai timuerint illuc ire ab Aegypto redcantes.

23. An et hoc aliquis dicit: Quomodo ergo, sicut Lucas narrat, ibant parentes ejus per omnes annos pueritiae Christi in Jerusalem, si Archelai timore illuc prohibebantur accedere? Hoc mihi dissolvere non esset difficile, nec si aliquis Evangelistarum expressisset, quamdui ibi regnaret Archelaus. Fieri enim poterat ut per diem festum inter tam ingentem turbam latenter ascenderent, mox reversuri, ubi tamen aliis diebus habitare metuerent: ut hec solemnitate pretermissa essent irreligiosi, nec continua mansione conspicui. Cum vero etiam de regno Archelai quam fuerit diurnum, omnes tacuerint, iste quoque intellectus patet, ut quod Lucas dicit per omnes annos eos ascendere solitos in Jerusalem (*Luc. II, 41*), tunc accipiamus factitatum, cum iam non timaretur Archelaus. Quod si Archelai regnum aliquanto diurnius ulla præter Evangelium prodit historia, cui fides habenda videatur; illud quod superius dixi sufficerit, quod ita timebant parentes pueri habitationem in Jerusalem, ut tamen propter Dei timorem festivitatem solemnem non prætermitterent, in qua latere faciliter possent: neque enim incredibile est, captatis temporibus opportuni vel dierum vel horarum, accedere homines ad ea loca in quibus esse formidant.

CAPUT XI. — *Quomodo potuerint, completis diebus purgationis matris Christi, sicut Lucas dicit, ascendere cum illo in templum ad peragenda solemnia, si secundum Matthæum jam Herodi, per Magos notum erat eum natum, pro quo, cum eum quereret, tot occidit infantes.*

24. Hinc etiam illa solvitur questio, si aliquem movet, cum jam sollicitus esset ille major Herodes perculsus Magorum nuntio, quod rex Iudeorum natus fuisset, quomodo potuerint completis diebus purgationis matris ejus tuto cum illo ascendere in templum, ut fierent circa eum secundum Legem Poniani

quæ Lucas comminuerat. Quis enim non videat, etiam illum unum dierum regem multis occupatum latere potuisse? Si autem illud verisimile non videtur, quod Herodes qui valde sollicitus exspectabat, quid sibi Magi de puero renuntiarent, post tam multos dies se sensit illusum, ut transacto tempore purgationis matris ejus, et peracta circa infantem solemnitate primogenitorum in templo Jerusalem, post etiam profectionem eorum in Aegyptum, in mentem illi venerit querere animam pueri, et necare tot parvulos: si hoc ergo movet, omitto dicere quot et quantis occupationibus regia cura distendi potuerit, et per plurimos dies ab illa intentione vel averti omnino, vel impeditiri. Neque enim enumerari possunt causæ quibus hoc potuerit accidere; quas tamen multas et magnas esse potuisse nemo ita rerum humanarum inexpertus est, ut aut neget, aut dubitet. Cujus enim cogitationi non occurrat, quam multa alia terribilia regi manutri potuerint seu vera seu falsa, ut qui regem ita sa-tem post aliquot annos sibi vel filiis suis adversarium timuerat, aliorum magis propinquantium periculorum terroribus agitatus, ab illa cura mentem abruptam in aliis proxime cavendis potius occuparet? Ut ergo haec omittam, illud dico, posteaquam nihil Herodi Magi renuntiaverunt, eum credere potuisse, illos fallaci stellæ visione deceptos, posteaquam non invenerunt quem natum putaverant, erubuisse ad se redire, atque ita eum timore depulso ab inquirendo ac persequendo puero quievisse. Cum ergo post purgationem matris ejus in Jerusalem cum illo venissent, et ea gesta essent in templo, quæ a Luca narrantur (*Luc. II, 22-39*), quia verba Simeonis et Annae de illo prophetantium, cum cœpissent ab eis qui audierant prædicari, ad pristinam intentionem revocatura erant animum regis, admonitus per somnum Joseph cum infante et matre ejus fugit in Aegyptum. Deinde vulgatis rebus, quæ in templo factæ dictæque fuerant, Herodes se a Magis sensit illusum; ac deinde ad Christi mortem cupiens pervenire, multos infantes, sicut Matthæus narrat, occidit (*Matth. II, 16-18*).

CAPUT XII. — *De verbis Joannis inter omnes quatuor.*

25. Matthæus vero de Joanne ita contextit: *In diebus autem illis venit Joannes Baptista prædicens in deserto Iudeæ, et dicens: Pœnitentiam agite, appropinquavit enim regnum cœlorum. Hic est enim qui dictus est per Isaiam prophetam dicentem: Vox clamantis in deserto, Parate viam Domini, rectas facite semitas ejus* (*Id. III, 1-5*). Marcus quoque et Lucas consentiunt hoc Isaiae testimonium esse de Joanne (*Marc. I, 3*, et *Luc. III, 4*). Nam plura verba etiam consequentia ex eodem propheta Lucas comminuerat, cum de Baptista Joanne narraret. Joannes autem evangelista ipsum Joannem Baptistam de seipso idem testimoniū Isaiae protulisse comminuerat (*Joan. I, 25*) sicut nunc Matthæus dixit quedam Joannis verba, quæ alii non dixerunt. *Prædicens, inquit, in deserto Iudeæ, et dicens: Pœnitentiam agite, appropinquavit enim regnum cœlorum:* hæc verba Joannis alii prætermisserunt. Jam vero quod sequitur Matthæus ei adjungit,

*Hic est enim qui dictus est per prophetam Isaiam dicens: Vox clamantis in deserto, Parate viam Domini, rectas facite semitas ejus, ambiguus positum est, nec eluet utrum ex persona sua idem Matthaeus hoc commemoraverit, an adhuc verba ejusdem Joannis sententia adjunxerit, ut totum hoc Joannes dixisse intelligatur, Pœnitentiam agite, appropinquavit enim regnum cœlorum: hic est enim qui dictus est per Isaiam prophetam, et extera. Neque enim hoc movere debet quia non ait, Ego sum enim, qui dictus sum per Isaiam prophetam; sed ait, Hic est enim, qui dictus est. Solet quippe esse talis locutio<sup>1</sup> et ipsorum Evangelistarum Matthæi et Joannis. Nam et Matthæus dixit, Invenit hominem sedentem in telonio (Math. ix, 9); nec dixit, Invenit me: et Joannes, Hic est, inquit, discipulus qui testimonium perhibet de his, et scripsit hanc; et sciimus quia rerum est testimonium ejus (Joan. xxi, 21); non dixit, Ego sum, aut, Verum est testimonium meum. Dominus autem ipse expressissime dicit, Filius hominis (Math. ix, 6, et xvi, 27), aut Filius Dei (Joan. v, 25); et non dicit, Ego: et, Oportebat, inquit, Christum pati et resurgere a mortuis tertio die (Luc. xxiv, 46); non ait, Oportebat me pati. Potuit ergo et Joannes Baptista, cum dixisset, Agite pœnitentiam, appropinquavit enim regnum cœlorum, de seipso adjungere quae sequuntur, Hic est enim qui dictus est per Isaiam prophetam, etc., ut post verba ejus Matthæus ita narrationem contexat, Ipse autem Joannes habebat vestimentum de pilis camelorum, etc. Quod si ita est, non mirum si et interrogatus quid diceret de seipso, sicut narrat Joannes Evangelista, Ego, ait, vox clamantis in deserto (Joan. i, 23); sicut jam dixerat, præcipiens ut agerent pœnitentiati. De vestitu ergo ejus et victu ita Matthæus sequitur, dicens: Ipse autem Joannes habebat vestimentum de pilis camelorum, et zonam pelliceam circa lumbos ejus. Esca autem ejus erat locusta et mel silvestre. Illo et Marcus dicit pene totidem verbis, cæteri autem duo tacent.*

26. Sequitur ergo Matthæus, et dicit: Tunc exhibet ad eum Jerosolyma, et omnis Iudæa, et omnis regio circa Jordanem, et baptizabantur in Jordane ab eo, consentes peccata sua. Videns autem multos Pharisæorum et Sadœcorum venientes ad baptismum suum, dixit eis: Progenies viperarum, quis demonstravit vobis fugere a futura ira? Facite ergo fructum dignum pœnitentiae: et ne relitis dicere intra vos, Patrem habemus Abraham; dico enim vobis, quoniam potest Deus ex lapidibus isis suscitat filios Abraham. Jam enim securis ad radicem arborum posita est: omnis ergo arbor quæ non facit fructum bonum, excidetur et in ignem mittetur. Ego quidem vos baptizo in aqua in pœnitentiam: qui autem post me venturus est, fortior me est, cuius non sum dignus calceamenta portare; ipse vos baptizabit in Spiritu sancto et igni: cuius ventilabrum in manu sua, et permundabit arcum suam, et congregabit triticum suum in horreum, paleas autem comburet igni inextinguibili. Hec omnia dicit et Lucas, eadem pene verba Joannis exprimens. Et ubi aliquid varium est in verbis, ab eadem tamen

<sup>1</sup> Sic MSS. et Rat. At Fr. et Lov., esse quasi de aliis locutio.

sententia non receditur: velut cum dicit Matthæus Iohannem dixisse, Et ne relitis dicere intravos, Patrem habemus Abraham; ille autem, Et ne carperitis dicere, Patrem habemus Abraham. Iste, Ego quidem vos baptizo in aqua in pœnitentiam; ille interponit interrogationem turbaram, quid facerent, et eis respondentem Joannem de bonis operibus, tanquam de fructibus penitentie, quod Matthæus omisit: deinde in cordibus suis cogitantibus de illo utrum ipse esset Christus eum dicit respondisse, Ego quidem aqua baptizo eos; non dixit, in pœnitentiam. Deinde Matthæus, Qui autem, inquit, post me venturus est, fortior me est: ille vero, Venit autem, inquit, fortior me. Item Matthæus, Cuius non sum, inquit, dignus calceamenta portare: ille autem, Cuius non sum dignus solvere corrigiam calceamentorum ejus. Quod et Marcus dicit, cum extera laceat: nam post commemoratum habitum et victum ejus, secutus ait, Et prædicabat dicens: Venit fortior me post me, cuius non sum dignus procumbens solvere corrigiam calceamentorum ejus. Ego baptizavi vos aqua, ille vero baptizabit vos Spiritu sancto. De calceamentis ergo hoc a Luca dicit, quod addidit, procumbens. De baptismio autem hoc ab utroque, quia non dixit, et igni, sed tantum, in Spiritu sancto. Sicut enim Matthæus, ita et Lucas dixit, et eodem ordine, Ipse vos baptizabit in Spiritu et igni: nisi quod Lucas non addidit, sancto, (a), sicut Matthæus dixit, in Spiritu sancto et igni (Math. iii, 3-12, Marc. i, 6-8, et Luc. iii, 7-17). His tribus attestatur Joannes evangelista, cum dicit: Joannes testimonium perhibet de ipso, et clamat dicens, Hic erat quem dixi, Qui post me venit, ante me factus est, quia prior me erat (Joan. i, 31). Sic enim ostendit, tunc eum hoc dixisse, quando eum illi dixisse commemorant; repetitio autem et commemorasse quod jam dixisset, cum ait, Hic erat quem dixi, qui post me venit.

27. Si ergo queritur quæ verba potius Joannes Baptista dixerit, utrum quæ Matthæus, an quæ Lucas eum dixisse commemorat, an quæ Marcus in ipsis paucis quæ illum dixisse posuit, tacens extera; nullo modo hinc laborandum esse judicat, qui prudenter intelligit ipsas sententias esse necessarias cognoscendæ veritati, quibuslibet verbis fuerint explicative. Quod enim alius alium verborum ordinem tenet, non est utique contrarium. Neque illud contrarium est, si alius dicit quod alius prætermittit. Ut enim quisque meminerat, et ut cuique cordi erat vel brevius vel prolixius, eamdem tamen explicare sententiam, ita eos explicasse manifestum est.

28. Et in hoc satis appetet quod ad rem maxime pertinet, quoniam veritas Evangelii, verbo Dei, quod supra omnem creaturam aeternum atque incommutabile permanet, per creaturam temporalibus signis et linguis hominum dispensato, summum culmen auctoritatis obtinuit; non nos debere arbitrari mentiri quemquam, si pluribus rem quam audierunt vel videbunt reminiscebuntur, non eodem modo atque eisdem verbis, eadem tamen res fuerit indicata; aut sive mu-

(a) Nunc tamen Lucas in Bibliis græcis et in latinis habet additum, sancto.

tetur ordo verborum, sive alia pro aliis quæ tamen idem valeant verba proferantur; sive aliquid vel quod recordant non occurrit, vel quod ex aliis quæ dicuntur possit intelligi, minus dicatur; sive aiornum quæ magis dicere statuit narrandorum gratia, ut congruus temporis modus sufficiat, aliquid sibi non totum explicandum, sed ex parte tangendum quisque suscipiat; sive ad illuminandam declarandamque sententiam, nihil quidem rerum, verberum tamen aliquid addat, eai auctoritas narrandi concessa est; sive rem bene tenens non assequatur, quamvis id conetur, memoriter etiam verba que audivit ad integrum enunciare. Quisquis autem dicit Evangelistis certe per Spiritus sancti potentiam id debuisse concedi, ut nec in genere verborum, nec in ordine, nec in numero discreparent; non intelligit, quanto amplius Evangelistarum excellit auctoritas, tanto magis per eos fuisse firmandam ceterorum hominum vera loquentium securitatem: ut pluribus eamdem rem forte narrantibus, nullo modo quisquam eorum de mendacio recte arguatur, si ab altero ita discrepaverit, ut possit etiam Evangelistarum exemplo praecedente defendi. Cum enim fas non sit, Evangelistarum aliquem mentitum fuisse, vel existimare vel dicere; sic apparebit nec eum fuisse mentitum, cui recordanti tale aliquid acciderit, quale illis accidisse monstratur. Et quanto magis ad mores optimos pertinet cavere mendacium, tanto magis tam eminentie auctoritate regi debebamus, ne putaremus esse mendacia, cum sic inter se variari aliquorum narrationes inveniremus, ut inter Evangelistas variatae sunt. Simil etiam, quod ad doctrinam fidem maximè pertinet, intelligeremus non tam verborum quam rerum querenda vel amplectenda esse veritatem, quando eos qui non eadem locutione utuntur, cum rebus sententiisque non discrepant, in eadem veritate constituisse approbamus.

29. Quid ergo in his quæ de narrationibus Evangelistarum collata proposui, putandum est esse contrarium? An quod alias dixit, *cujus non sum dignus calceamenta portare*; aliud vero, *corrigiam calceamenti solvere*? Non enim verbis, aut verborum ordine, aut aliquo genere locutionis, sed etiam re ipsa videtur aliud esse calceamenta portare, aliud corrigiam calceamenti solvere. Merito ergo quæri potest quid Joannes dixerit non sc dignum esse; utrum calceamenta portare, an corrigiam calceamenti solvere. Si enim alterum horum dixit, ille verum videtur narrasse qui hoc potuit narrare quod dixit; qui autem aliud, etsi non est mentitus, certe vel obliuissimus, aliud pro alio dixisse putabitur. Omnem autem falsitatem abesse ab Evangelistis decet, non solum eam quæ meatiendo promittit, sed etiam eam quæ obliviscendo. Itaque si ad rem pertinet, aliquid aliud intelligere ex eo quod dictum est, *calceamenta portare*; et aliquid aliud ex eo quod dictum est, *corrigiam calceamenti solvere*: quid aliud accipiendum recte existimaveris, nisi Joannem utrumque dixisse, sive aliud alio tempore, sive contextum? Potuit enim sic dicere, *Cujus non sum dignus corrigiam calceamenti solvere*, nec calceamenta portare;

ut unus Evangelistarum hinc aliud, ali vero aliud, omnes tamen verum narraverint. Si autem nihil intendit Joannes, cum de calceamentis Domini diceret, nisi excellentiam ejus et humilitatem suam; quodlibet horum dixerit, sive de solvenda corrigia calceamentorum, sive de portandis calceamentis, eamdem tamen sententiam tenuit, quisquis etiam verbis suis per calceamentorum commemorationem eamdem significacionem humilitatis expressit, unde ab eadem voluntate non aberravit. Utilis igitur modus et memoria maxime commendandus, cum de convenientia dicimus Evangelistarum, non esse mendacium, cum quisque etiam dicens aliquid aliud quod etiam ille non dixit de quo aliquid narrat, voluntatem tamen ejus hanc explicat, quam etiam ille qui ejus verba commemorat. Ita enim salubriter discimus, nihil aliud e se quarendum, quam quid velit ille qui loquitur.

#### CAPUT XIII.—*De baptizato Iesu.*

50. Sequitur ergo Matthæus, et dicit: *Tunc venit Jesus a Galilæa in Jordanem ad Joannem, ut baptizaretur ab eo. Joannes autem prohibebat eum, dicens: Ego a te debo baptizari, et tu venis ad me?* Respondens autem Jesus, dixit ei: *Sine modo; sic enim decet nos implere omnem justitiam.* Tunc dimisit eum. Attestantur et exteri venisse Jesum ad Joannem. Baptizatum item tres commemorant: sed tacent quod Matthæus ait, dixisse Dominum Joannem, vel Joanni Dominum respondisse (*Matth. iii, 15-13, Marc. i, 9; Luc. iii, 21, et Joan. i, 32-34*).

#### CAPUT XIV.—*De verbis vocis factæ de celo super baptizatum.*

51. Deinde sequitur Matthæus: *Baptizatus autem confessim ascendit de aqua.* Et ecce aperti sunt ei cœli, et vidit Spiritum Dei descendenter sicut columbam, et venientem super se. Et ecce vox de cœlis dicens: *Hic est Filius meus dilectus, in quo mihi complacui.* Hoc et alii duo, Marcus et Lucas, similiter narrant: sed de verbis vocis quæ de cœlo facta est, variant locutionem, salva tamen sententia. Quod enim Matthæus ait dictum, *Hic est Filius meus dilectus*, et alii duo dicunt, *Tu es Filius meus dilectus*, ad eamdem sententiam explicandam valet, sicut superius tractatum est. Vox enim cœlestis unum horum dixit, sed Evangelista ostendere voluit ad id valere quod dictum est, *Hic est Filius meus*, ut illis potius qui audiebant indicaretur quod ipse esset Filius Dei, atque ita dictum referre voluit, *Tu es Filius meus*, ac si diceceret illis, *Hic est Filius meus*. Non enim Christo indicabatur quod sciebat: sed audiebant qui aderant, proprios quos etiam ipsa vox facta est. Jam vero quod aliis dicit, *in quo mihi complacui*; aliis, *in te complacui*, aliis, *in te complacuit mihi* (*Matth. iii, 16, 17; Marc. i, 10, 11, et Luc. iii, 22*): si quæreris quid horum in illa voce sonuerit, quodlibet accipe, dummodo intelligas eos qui non eamdem locutionem retulerunt, eamdem retulisse sententiam. Quæ diversitas locutionum ad hoc etiam utilis est, ne uno modo dictum minus intelligatur, et aliter quam res se habet, interpretetur. Quod enim dictum est, *in quo mihi complacuit*

enī, si velit quis ita intelligere, ut Deus in Filio sibi placuisse videatur; admonetur ex eo quod dictum est, *in te complacui*. Si rursus ex hoc uno intelligat quisque, in Filio Patrem placuisse hominibus; admonetur ex eo quod dictum est, *in te complacuit mihi*. Ex quo satis apparet, quilibet Evangelistarum cœlestis vocis etiam verba tenuerit, alios ad eamē sententiam familiarius explicandam verba variasse: ut intelligatur hoc dictum esse ab omnibus, tanquam diceretur, *In te placitum meum constitui, hoc est, per te gerere quod mihi placet*. Illud vero quod nonnulli codices habent secundum Lucam, hoc illa voce sonuisse quod in Psalmo scriptum est, *Filius mens es tu, ego hodie genui te* (*Psal. ii, 7*); quanquam in antiquioribus codicibus grecis non inventari perhibetur, tamen si aliquibus sive dignis exemplaribus confirmari possit, quid aliud quam utrumque intelligendum est quolibet verborum ordine de cœlo sonuisse?

**CAPUT XV.** — *Quomodo secundum Joannem Evangelistam dicat Joannes Baptista, Ego non noveram eum; cum secundum alios inveniatur quod jam noverat eum.*

32. Quod autem secundum Joannem de columba dicitur, non quando factum est narratur, sed verba Joannis Baptiste referuntur commemorantis quid videbit. In quo queritur, quemadmodum dictum sit, *Et ego non noveram eum, sed qui misit me baptizare in aqua, ille mihi dixit, Super quem videris Spiritum descendenter et manenter super eum, hic est qui baptizat in Spiritu sancto* (*Joan. i, 33*). Si enim tunc cum cognovit, cum columbam vidit descendenter super eum, querendum est quomodo dixerit venienti ut baptizaretur, *Ego magis a te debeo baptizari* (*Matth. iii, 14*): hoc enim ei dixit antequam columba descendebat. Ex quo apparet, quamvis eum iam nosset, nam etiam in utero matris exsultavit, cum ad Elisabeth Maria venisset (*Luc. i, 41*), aliquid tamen in eo quod nondum noverat, columbae descensione didicisse, quod ipse scilicet baptizaret in Spiritu sancto propria quadam et divina potestate: ut nullus homo qui accepisset a Deo Baptismum, etiamsi aliquem baptizaret, posset dicere suum esse quod traderet, vel a se dari Spiritum sanctum.

**CAPUT XVI.** — *De tentato Iesu.*

33. Sequitur Matthæus, et dicit: *Tunc Jesus ductus est in desertum a Spiritu, ut tentaretur a diabolo. Et cum jejunasset quadraginta diebus et quadraginta noctibus, postea esurit. Et accedens tentator dixit ei: Si filius Dei es, dic ut lapides isti panes fiant. Qui respondens dixit: Scriptum est, Non in pane solo vivit homo<sup>1</sup>, sed in omni verbo quod procedit de ore Dei, etc, usque ad id quod dictum est, Tunc reliquit eum diabolus; et ecce Angeli accesserunt et ministrabant ei. Totum hoc similiter Lucas narrat, etsi non eodem ordine. Unde incertum est quid prius factum sit, utrum regna terræ prius demonstrata sint ei, et postea in*

pinnam templi levatus sit; an hoc prius, et illud postea. Nihil tamen ad rem, dum omnia facta esse manifestum sit: et quod aliis verbis easdem sententias Lucas explicat, non semper commendandum est quam nihil depereat veritati. Marcus autem attestatur quidem eum in deserto a diabolo esse tentatum quadraginta diebus et noctibus; sed tacet quid ei dictum sit, quidve responderit. Item quod Lucas prætermisit, iste non tacit, quod Angeli ministrabant illi (*Matth. iv, 1-11, Marc. i, 12, 13, et Luc. iv, 1-13*): Joannes vero totum istum locum prætermisit.

**CAPUT XVII.** — *De vocatione apostolorum piscantium.*

34. Sequitur narrans Matthæus, *Cum autem audisset quod Joannes traditus esset, secessit in Galileam:* hoc et Marcus dicit, et Lucas (*Matth. iv, 12; Marc. i, 14, et Luc. iv, 14*); sed Lucas de Joanne tradito nihil hoc loco dicit. Joannes autem Evangelista, prinsquam iret Jesus in Galileam, dicit Petrum et Andream mansisse cum illo uno die, et tunc Petro nomen impositum, cum antea Simon vocaretur. Sequenti item die jam volentem exire in Galileam, invenit e Philippum, et ei dixisse ut sequeretur eum: inde ventum est ut etiam de Nathanaele narraret. Die autem tertio in Galilea constitutum, fecisse illud in Cana de aqua in vinum conversione miraculum (*Joan. i, 39, ii, 11*). Quæ omnia cœteri Evangelistæ prætermisserunt, id contextentes narrationibus suis, quod Jesus reversus in Galileam sit: unde intelligitur fuisse interpositos aliquot dies, quibus illa de discipulis gesta sunt, quæ interponuntur a Joanne. Non est autem contrarium ei loco, ubi Matthæus narrat Dominum dixisse Petro, *Tu es Petrus, et super hanc petram ædificabo Ecclesiam meam* (*Matth. xvi, 18*). Nequoniam hoc nomen tunc accepisse intelligendus est, sed tunc potius, quando ei Joannes dictum esse commemorat, *Tu vocaberis Cephas, quod interpretatur Petrus* (*Joan. i, 42*): ut eum hoc nomine appellaret postea Dominus dicens, *Tu es Petrus*. Non enim ait, *Tu vocaberis Petrus, sed, Tu es Petrus*; quod ei jam dictum erat antea, *Tu vocaberis*.

35. Deinde contextit narrationem Matthæus, et dicit: *Et relicta civitate Nazareth, venit et habitavit in Capharnaum maritima, in finibus Zabulon et Nephtalim, et cetera, quoisque sermo terminetur, quem habuit in monte. In quo contextu narrationis attestatur ei Marcus de discipulorum vocatione, Petri et Andreæ, et paulo post Jacobi et Joannis. Sed cum Matthæus continuo conjungeret narrationem prolixum illius sermonis quem in monte habuit, posteaquam multos curavit, et eum multæ turbæ securæ sunt, Marcus interposuit alia, quia docebat eos in synagoga, et stupebant super doctrinam ejus. Tunc ipse dixit, quod et Matthæus post illum prolixum sermonem, quia erat docens eos quasi potestatem habens, et non sicut Scribæ. Narravit etiam de homine a quo expulsus est immundus spiritus; deinde de socru Petri. In his autem Lucas ei consentit (*Matth. iv, 13; vii, 29; Marc. i, 16-31, et Luc. iv, 31-50*); Matthæus vero de isto dæmonio ni-*

<sup>1</sup> *Editio Rat. et unus e Colb. MSS. vivet homo; in futuro, juxta graecum reserat: favente hebreo textu Deut. cap. 8, v. 5.*

bit narravit; de soeru autem Petri non tacait, sed postea (*Matth. viii. 14, 15*).

56. In hoc autem loco, quem nunc consideramus, idem Matthæus post vocationem discipulorum, quibus piscantibus jussit ut eum sequerentur, narrat eum circuisse Galilæam, docentem in synagogis, et prædicantem Evangelium, et sanantem omnem languorem; et collectis ad eum turbis, ascendisse in montem, et usum fuisse illo sermone prolixo. Dat ergo locum intelligendi, tunc facta esse qua Marcus post electionem eorumdem discipulorum narrat, cum circuaret Galilæam, et doceret in synagogis eorum: tunc etiam de soeru Petri: sed eum postea commeniorasse quod prætermiserat, quamvis non omnia præmissa in narrationem revocaverit.

57. Sane potest movere, quomodo Joannes dicat, non in Galilæa, sed juxta Jordanem, primo Andream secutum esse Dominum cum alio, cuius nomen taceatur, deinde Petrum ab illo nomen accepisse, tertio Philippum vocatum ut eum sequeretur: ceteri autem tres Evangelistæ de punctione vocatos eos dicant satis inter se convenienter, maxime Matthæus et Marcus. Nam Lucas Andream non nominat, qui tamen intelligitur in ea navi fuisse secundum Matthæi et Marci narrationem, qui breviter hoc perstringunt, quemadmodum gestum sit: quod Lucas apertius explicavit, commemorans ibi etiam miraculum super captura piscium, et quod ex ipsa navi Dominus prius fuerit locutus ad turbas. Hoc etiam videtur distare, quod tantum Petro a Domino dictum commemorat, *Ex hoc jam homines eris capiens*; quod illi ambobus fratribus dicetur esse narrarunt. Sed potuit utique prius hoc Petro dici, cum de capta ingenti multitudine piscium miraretur, quod Lucas insinuavit; et ambobus postea, quod illi duæ commenioraverunt. Ilud ergo quod de Joanne diximus, diligenter considerandum est: non enim parva repugnantia putari potest, cum et locorum plurimum intersit, et temporis, et ipsius vocationis. Nam si juxta Jordanem, antequam Jesus isset in Galilæam, ad testimonium Joannis Baptistarum secuti sunt eum duo, quorum erat unus Andreas, qui fratrem suum Simonem continuo adduxit ad Jesum, quando et nomen ut Petrus vocaretur accepit; quomodo ab aliis Evangelistis dicitur quod eos in Galilæa pescantes invenerit, atque ad discipulatum vocaverit (*Matth. iv. 13-23*; *Marc. i. 16-20*; *Luc. v. 1-11*, et *Joan. i. 35-44*)? nisi quia intelligendum est, non sic eos vidiisse tunc Dominum juxta Jordanem, ut ei jam inseparabiliter cohererent, sed tantum cognovisse quis esset, cumque miratos ad propria remicasse.

58. Nam et in Cana Galilæa cum fecisset de aqua vinum, dicit idem Joannes, quod crediderint in eum discipuli ejus. Quod ita narrat: *Et die tertio nuptiae factæ sunt in Cana Galilææ, et erat mater Iesu ibi. Vocatus est autem et Jesus et discipuli ejus ad nuptias* (*Joan. ii. 1, 2*). Qui utique si tunc in eum crediderunt, sicut paulo post dicit, nondum erant discipuli cum ad nuptias votati sunt. Sed illo more locutionis hoc dictum est, quo loquimur, cum dicimus apostolum

Paulum in Tarso Cilicie natum (*Act. xxii. 5*): neque enim tunc jam erat apostolus. Ita discipulos Christi invitatos ad nuptias cum audimus, non jam discipulos, sed qui futuri erant discipuli intelligere debemus. Jam enim utique discipuli Christi erant, quando ista narrata atque conscripta sunt; et ideo sic de illis locutus est temporum præteriorum narrator.

59. Quod autem dicit idem Joannes, *Post hoc descendit Capharnaum ipse, et mater ejus, et fratres ejus, et discipuli ejus; et ibi manserunt non multis diebus* (*Joan. ii. 12*); incertum est utrum jam illi adhsererant, etiam Petrus et Andreas et filii Zebedei. Matthæus enim primo narrat quod venerit, et habitaverit in Capharnaum; et postea quod eos de navibus pescantes vocaverit: iste autem, quod cum illo Capharnaum venerint discipuli ejus. An forte Matthæus quod prætermiserat recapitulavit: quia non ait ipse, *Post hoc ambulans juxta mare Galilææ, vidi duos fratres*; sed sine ulla consequentis temporis differentia, *Ambulans autem, inquit, juxta mare Galilææ, vidi duos fratres*, et cetera? Proinde sieri potest ut postea narraverit, non quod postea factum erat, sed quod prius prætermiserat, ut cum illo intelligantur venisse Capharnaum, quo Joannes dicit et ipsum et matrem et discipulos ejus venisse. An potius alii discipuli fuerunt; sicut cum jam Philippus sequebatur, quem sic vocaverat, ut diceret ei, *Sequere me?* Quo enim ordine vocati sint omnes duodecim Apostoli, in Evangelistarum narrationibus non appareat, quandoquidem non tantum ordo vocationis, sed nec ipsa vocatione commemorata est omnium, sed tantum Philippi, et Petri, et Andreæ, et filiorum Zebedei, et Matthæi publicani, qui etiam Levi vocabatur (*Matth. iv. 18-22*, et *ix. 9*; *Marc. i. 16-20*, et *ii. 14*; *Luc. v. 1-11*, et *Joan. i. 25-44*). Singillatim tamen ab eo nomen et primus et solus Petrus accepit (*Joan. i. 42*). Nam filios Zebedei non singillatim, sed simul ambos appellavit filios tonitruis (*Marc. iii. 17*).

40. Sane animadvertendum est quod Scriptura evangelica et apostolica non solos illos duodecim appellat discipulos ejus, sed omnes qui in eum credentes, magisterio ejus ad regnum cœlorum eruditabantur. Ex quorum multitudine elegit duodecim, quos et Apostolos nominavit, sicut Lucas commeniorat. Ipse quippe paulo post ait: *Et descendens cum illis stetit in loco campestri, et turba discipulorum ejus, et multitudo copiosa plebis* (*Luc. vi. 13-17*). Non utique diceret turbam discipulorum, homines duodecim. Aliis quoque Scripturarum locis hoc evidenter appetat, discipulos ejus omnes appellatos qui ab eo discerent quod ad æternam vitam pertineret.

41. Quæri autem potest quomodo binos vocaverit de naviculis pescatores, primo Petrum et Andream; deinde progressus paululum, alias duos filios Zebedei, sicut narrant Matthæus et Marcus: cum Lucas dicat ambas eorum naviculas impletas magna illa capture piscium, sociosque Petri commenoret Jacobum et Joannem filios Zebedei votatos ad adjuvandem, cum retia extrahere plena non possent, simulque mi-

ratos tantam multitudinem piscium, quae capta erat: et cum Petro tantum dixisset, *Noli timere, ex hoc jam homines eris capiens;* sinnul eum tamen subductis ad terram navibus secutos fuisse. Unde intelligendum est hoc primo esse factum quod Lucas insinuat; nec tunc eos a Domino vocatos, sed tantum Petro fuisse predictum quod homines esset captiui. Quod non ita dictum est, quasi jam pisces nunquam esset captiui: nam et post resurrectionem Domini legimus eos esse piscatos (*Joan. xxi, 5*). Dictum est ergo quod deinceps captiui esset homines; non dictum est quod jam non esset captiui pisces. Unde datur locus intelligere eos ad captiuium piscium ex more remeasse, ut postea fieret quod Matthæus et Marcus narrant, quando eos binos vocavit, et ipse iussit ut eum sequerentur, primo duobus Petro et Andreae, deinde alii duobus filiis Zebedæi. Tunc enim non subductis ad terram navibus tanquam cura redeundi, sed ita eum secuti sunt, tanquam vocantem ac jubentem ut eum sequerentur.

CAPUT XVIII. — *De tempore secessionis ejus in Galilæam.*

42. Illud etiam requirendum est, quomodo Joannes evangelista, antequam Joannes Baptista missus esset in carcerem, dicit Jesum esse in Galilæam (Postea enim quam commemoravit, quod in Cana Galilææ fecit de aqua vinum, et descendit Capharnaum cum matre et discipulis, et ibi manserunt non multis diebus,) dicteum deinde ascendisse Jerosolymam propter Pascha; post haec venisse in Iudeam terram et discipulos ejus, et illic demoratum cum eis et baptizantem: ubi secutus ait, *Erat autem et Joannes baptizans in Enon juxta Salim, quia aquæ multæ erant illuc; et adueniebant, et baptizabantur: nondum enim missus erat in carcerem Joannes [Joan. ii, 13, et iii, 22-24];* Matthæus autem dicit, *Cum autem audisset quod Joannes traditus esset, secessit in Galilæam* (*Math. iv, 12*). Similiter et Marcus: *Posteaquam autem traditus est, inquit, Joannes, venit Jesus in Galilæam* (*Marc. i, 13*). Lucas etiam nihil quidem dicit de tradito Joanne, sed tamen et ipse post baptismum et temptationem Christi dicit eum esse in Galilæam, sicut illi duo. Nam ita contextit narrationem suam: *Et consummata omni tentatione, diabolus recessit ab illo usque ad tempus. Et regressus est Jesus in virtute Spiritus in Galilæam, et fama exiit per universam regionem de illo* (*Luc. iv, 13, 14*). Unde intelligitur hos tres evangelistas non Joanni evangelistæ contraria narrasse, sed prætermisso primum Domini adventum in Galilæam posteaquam baptizatus est, quando illuc aquam convertit in vinum; tunc enim nondum erat traditus Joannes: eum vero adventum ejus in Galilæam connexusse narrationibus suis, qui post Joannem traditum factus est; de quo ejus reditu in Galilæam ipse Joannes evangelista sic loquitur: *Ut ergo cognovit Jesus quia audierunt Pharisæi quia Jesus plures discipulos facit et baptizat quam Joannes (quoniam Jesus non baptizaret, sed discipuli ejus), reliquit Judæam, et abiit iterum in Galilæam* (*Joan. iv, 1-3*). Tunc ergo intelligimus jam fuisse

traditum Joannem, Judæos vero audisse quod plures discipulos faceret et baptizaret, quam fecerat et baptizaverat Joannes.

CAPUT XIX. — *De illo sermone prolixo quem secundum Matthæum habuit in monic.*

43. Jam nunc de illo sermone prolixo, quem secundum Matthæum in monte habuit Dominus, videamus utrum ei cæteri Evangelistæ nihil adversari videantur. Marcus quippe non eum commemoravit omnino, nec aliquid ejus simile dixit, nisi quasdam sententias, non contextim, sed sparsim, quas Dominus locis aliis repetivit. Reliquit tamen locum in textu narrationis suæ, ubi intelligamus hunc dictum esse sermonem, sed ab eo prætermisso: *Et erat, inquit, prædicans in synagogis eorum, et omni Galilæa, et dæmonia ejiciens.* In hac prædicatione quam dicit eum habuisse in omni Galilæa, intelligitur etiam sermo iste habitus in monte, cuius commemorationem facit Matthæus. Namque idem Marcus ita sequitur. *Et venit ad eum leprosus deprecans eum, et genuflexo dixit: Si vis, potes me mundare* (*Marc. i, 59, 40*), et cætera de hoc leproso mundato talia connectit, ut ipse intelligatur, quem Matthæus commemorat tunc esse mundatum, quando post illum sermonem Dominus de monte descendit. Sic enim ait Matthæus: *Cum autem descendisset de monte, secutæ sunt cum turbæ multæ. Et ecce leprosus, veniens adorabat eum, dicens: Domine, si vis, potes me mundare* (*Math. viii, 1, 2*), et cætera.

44. Ilujus leprosi etiam Lucas meininit (*Luc. v, 12, 15*), non sane hoc ordine, sed ut solent prætermissa recordari, vel posterius facta præoccupare, sicut divinitus suggerebantur, quæ antea cognita, postea recordando conserberent. Verumtamen idem Lucas sermonem etiam ipse Domini prolixum narravit, ubi etiam sic exorsus est, ut in isto Matthæus. Illic enim dixit: *Beati pauperes spiritu, quoniam ipsorum est regnum cœlorum: et ille: Beati pauperes, quia vestrum est regnum Dei.* Deinde multa quæ sequuntur etiam in Lucæ narratione similia sunt. Et ad extremum sermonis ipsa conclusio prorsus eadem reperitur, de homine prudente quæ adiicit super petram, ei de stulto qui adiicit super arenam: nisi quod in flumen tantum dicit illis domui, non et pluviam et ventos, sicut Matthæus. Posset ergo facilime credi eumdem etiam ipse Domini interposuisse sermonem, aliquas autem prætermisso sententias, quas Matthæus posuit: item alias posuisse, quas iste non dixit; quasdam etiam non iisdem verbis, custodita tamen veritatis integritate, similiter explicasse.

45. Posset hoc, sicut dixi, facilime credi, nisi moveret quod Matthæus in monte dicit hunc habitum esse sermonem a Domino sedente; Lucas autem in loco campestri a Domino stante. Hæc itaque diversitas facit videri alium fuisse illum, alium istum. Quid enim prohiberet Christum alibi quædam repetere quæ jam antea dixerat, aut iterum quædam facere quæ antea jam fecerat? Non sane istos duos sermones, quorum unum Matthæus, alterum Lucas inseruit, longa temporis distantia separari, hinc probabiliter

(Trente-cinq.)

credatur, quod et ante et postea quedam similia vel eadem ambo narrarunt, ut non absurde sentiatur eorum narrationes hæc interponentium in eisdem locis et diebus esse versatas. Nam Matthæus hoc ita dicit : *Et seculæ sunt eum turbæ multæ de Galilæa, et Decapolis, et Jerosolymis, et Iudæa et de trans Jordanem.* Videns autem turbas ascendit in montem ; et cum sedisset, accesserunt ad eum discipuli ejus. Et aperiens os suum docebat eos dicens : *Beati pauperes spiritu, quoniam ipsorum est regnum cœlorum, et cætera* (Matth. iv, 25; vii, 29). Ille potest videri multas turbas vitare voluisse, et ob hoc ascendisse in montem, tanquam secendo a turbis, ut solis suis discipulis loqueretur. Cui rei videtur attestari etiam Lucas, ita narrans : *Factum est autem in illis diebus, exiit in montem orare, et erat pernoctans in oratione Dci. Et cum dies factus esset, vocavit discipulos suos, et elegit duodecim ex ipsis, quos et Apostolos nominavit : Simonem, quem cognominavit Petrum, et Andream fratrem ejus, Jacobum et Joannem, Philippum et Bartholomœum, Matthæum et Thomam, Jacobum Alphæi et Simonem qui vocatur Zeletes, Judam Jacobi et Judam Scarioth, qui fuit proditor. Et descendens cum illis atet in loco campestri, et turba discipulorum ejus, et multitudo copiosa plebis, ab omni Iudæa, et Jerusalem, et maritima, et Tyri<sup>1</sup>, et Sidonis, qui venerant ut audirent eum et sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere, quia virtus de illo exibat, et sanabat omnes. Et ipse elevatis oculis in discipulos suos dicebat : Beati pauperes, quia vestrum est regnum Dei, etc.* (Luc. vi, 12-49). Hic potest intelligi cum in monte duodecim discipulos elegit ex pluribus, quos Apostolos nominavit, quod Matthæus præterinquit, tunc illum habuisse sermonem quem Matthæus interposuit, et Lucas tacuit, hoc est in monte ; ac deinde cum descendisset, in loco campestri habuisse alterum similem, de quo Matthæus facit, Lucas non lacet : et utrumque sermonem eodem modo esse conclusum.

46. Quod autem Matthæus isto sermone terminato sequitur et dicit, *Et factum est, cum consummasset Jesus verba hæc, admirabantur turbæ super doctrina ejus, potest videri discipulorum turbas dixisse, ex quibus illos duodecim elegerat. Quod vero mox ait, Cum autem descendisset de monte, seculæ sunt eum turbæ multæ : et ecce leprosus veniens adorabat eum,* potest intelligi post utrumque sermonem factum fuisse, non solum quem Matthæus, verum etiam quem Lucas interponit. Neque enim appetit post descensionem de monte quantum temporis fuerit interpositum ; sed hoc solum voluit significare Matthæus, post illam descensionem multas turbas fuisse cum Domino, quando leprosum mundavit, non quantum temporis interfuerit : præsertim cum eumdem leprosum Lucas jam in civitate posito Domino dicat esse mundatum, quod Matthæus dicere non curavit.

47. Quanquam etiam illud possit occurgere, in ali-

<sup>1</sup> Nos cum editis, et maritima et Tyri. At aliquot MSS., et maritima Tyri : omisso, et, quod a græco etiam abest.

qua excelsiore parte montis primo cum solis discipulis Dominum fuisse, quando ex eis illos duodecim elegit : deinde cum eis descendisse, non de monte, sed de ipsa montis celsitudine in campestrem locum, id est, in aliquam æqualitatem, quæ in latere montis erat, et multas turbas capere poterat ; atque ibi stetisse donec ad eum turbæ congregarentur : ac postea cum sedisset, accessisse propinquius discipulos ejus, atque ita illis cæterisque turbis præsentibus unum habuisse sermonem, quem Matthæus Lucasque narrarunt, diverso narrandi modo, sed eadem veritate rerum et sententiarum, quas ambo dixerunt. Jam enim præmonimus, quod et nullo prætermittat unicuique sponte videndum fuit, si quis prætermittat aliquid quod alius dicat, non esse contrarium ; nec si alius alio modo aliquid dicat, dum eadem rerum sententiarumque veritas explicetur : ut quod Matthæus ait, *Cum autem descendisset de monte, simul etiam de illo campestri loco qui in latere montis esse potuit, intelligatur.* Deinde Matthæus de leproso mundato narrat, quod etiam Marcus et Lucas similiter.

CAPUT XX. — *Quomodo dicat Matthæus Centurionem ad eum accessisse pro puero suo, cum Lucas dicat quod amicos ad eum miserit.*

48. Post hæc Matthæus sequitur, et dicit : *Cum autem introisset Capharnaum, accessit ad illum Centurio, rogans eum, et dicens : Domine, puer meus jacet in domo paralyticus, et male torquetur, et cætera, usque ad eum locum ubi ait, Et sanatus est puer ex illa hora* (Matth. VIII, 5-13). Ille de puero Centurionis etiam Lucas commemorat : non, sicut iste, post leprosum mundatum, quem ille postea recordatus commemoravit, sed post finem illius prolixioris sermonis, quod ita conjungit : *Cum autem implesset omnia verba sua in aures plebis, intravit Capharnaum : Centurionis autem cuiusdam servus male habens erat moriturus, qui illi erat pretiosus, etc., usque in eum locum quo sanatus est* (Luc. VII, 4-10). Hic intelligendum est, cum implesset quidem omnia verba sua in aures plebis, intrasse Christum Capharnaum, hoc est, quia non antequam hæc verba terminasset intravit : sed non esse expressum post quantum temporis intervallum cum istos sermones terminasset intraverit Capharnaum. Ipso quippe intervallo leprosus ille mundatus est, quem loco suo Matthæus interponit, iste autem postea recordatur.

49. Jam ergo videamus utrum sibi de hoc servo Centurionis Matthæus Lucasque consentiant. Matthæus enim dicit : *Accessit ad eum Centurio, rogans eum, et dicens : Puer meus jacet in domo paralyticus.* Cui videtur repugnare quod ait Lucas : *Et cum audisset de Jesu, misit ad eum seniores Iudæorum, rogans eum ut veniret, et salvaret servum ejus.* At illi cum venissent ad Jesum rogabant eum sollicite, dicentes ei : *Quia dignus est, ut hoc illi præstes : diligit enim gentem nostram, et synagogam ipse aedicavit nobis.* Jesus autem ibat cum illis : et cum jam non longe esset a domo, misit ad eum Centurio amicos dicens : *Domine, noli vexari : non enim dignus sum ut sub tectum meum in-*

tres; propter quod et meipsum non sum dignum arbitrus ut venire ad te: sed dic verbo, et sanabitur puer meus. Si enim hoc ita gestum est, quomodo erit verum quod Matthæus narrat, Accessit ad eum quidam Centurio, cum ipse non accesserit, sed amicos misericordia? nisi diligenter advertentes intelligamus Matthæum non omni modo deseruisse usitatum morem loquendi. Non solum enim dicere solemus accessisse aliquem, etiam antequam perveniat illuc quo dicitur accessisse; unde etiam dicimus, Parum accessit, vel multum accessit, eo quo appetit pervenire: verum etiam ipsam perventionem cuius adipiscendæ causa acceditur, dicimus plerumque factam, etsi eum ad quem pervenit, non videat ille qui pervenit; cum per amicum pervenit ad aliquem, cuius ei favor est necessarius. Quod ita tenuit consuetudo, ut jam etiam vulgo perventores appellentur, qui potentium quorumlibet tanquam inaccessibilis animos, per convenientium personarum interpositionem, ambitionis arte pertingunt. Si ergo ipsa perventio usitate dicitur per alios fieri, quanto magis accessus per alios fieri potest, qui plerumque infra perventionem remanet, quando potuerit quisque plurimum quidem accedere, sed tamen non potuerit pervenire? Non ergo absurde Matthæus, etiam quod vulgo possit intelligi, per alios facto accessu Centurionis ad Dominum, compendio dicere voluit, Accessit ad eum Centurio.

50. Verunitamen non negligenter intuenda est etiam sancti Evangeliste altitudo mysticæ locutionis, secundum quam scriptum est in Psalmo, Accedite ad eum, et illuminamini (Psal. xxxiii, 6). Proinde quia fidem Centurionis, qua vere acceditur ad Jesum, ipse ita laudavit ut diceret, Non inveni tantam fidem in Israel; ipsum potius accessisse ad Christum dicere voluit prudens Evangelista, quam illos per quos verba sua miserat. Porro autem Lucas ideo totum quemadmodum gestum esset aperuit, ut ex hoc intelligere cogemur, quemadmodum eum accessisse dixerit aliis qui mentiri non potuit. Sic enim et illa mulier quæ fluxum sanguinis patiebatur, quamvis simbriam vestimenti ejus tenuerit, magis tamen tetigit Dominum, quam illæ turbæ a quibus premebatur (Luc. viii, 42-48). Ut enim hæc quo magis credidit, eo magis tetigit Dominum; ita et Centurio quo magis credidit, eo magis accessit ad Dominum. Jam cætera in hoc capitulo quæ alter dicit, et alter prætermittit, superfluo pertractantur; cum ex illa regula primitus commendata nihil inveniantur habere contrarium.

#### CAPUT XXI. — De socru Petri quo ordine narratum sit.

51. Sequitur Matthæus et dicit: Et cum venisset Jesus in domum Petri, vidit socrum ejus jacentem et febricitantem: et tetigit manum ejus, et dimisit eam febris; et surrexit, et ministrabat eis (Math. viii, 14, 15). Hoc quando factum sit, id est, post quid vel ante quid, non expressit Matthæus. Non enim post quod narratur, post hoc etiam factum necesse est intelligatur. Nimirum tamen iste hoc recoluisse intelligitur, quod prius omiserat. Nam id Marcus narrat (Marc. i, 29-31, ante quam illud de leproso mundato commemoret,

quod post sermonem in monte habitum, de quo ipse tacuit, videtur interposuisse. Itaque et Lucas post hoc factum narrat de socru Petri (Luc. iv, 38, 39.), post quod et Marcus, ante sermonem etiam ipse, quem prolixum interposuit, qui potest idem videri quem dicit habitum in monte Matthæus. Quid autem interest quis quo loco ponat, sive quod ex ordine inserit, sive quod omissum recolit, sive quod postea factum ante præoccupat; dum tamen non aduersetur eadem vel alia narranti, nec sibi, nec alteri? Quia enim nullius in potestate est, quamvis optime fideliterque res cognitas, quæ quisque ordine recordetur (quid enim prius posteriusve homini veniat in mentem, non est ut volumus, sed ut datur); satis probabile est quod unusquisque Evangelistarum eo se ordine credidit debuisse narrare, quo voluisse Deus ea ipsa quæ narrabat ejus recordationi suggerere, in eis duntaxat rebus, quarum ordo, sive ille, sive ille sit, nihil minus auctoritati veritatis evangelice.

52. Cujus autem Spiritus sanctus dividens propria unicuique prout vult (I Cor. xii, 11), et ideo mentes quoque sanctorum propter Libros in tanto auctoritatis culmine collocandos, in recolendo quæ scriberent sine dubio gubernans et regens, alium sic, alium vero sic narrationem suam ordinare permiserit, quisquis pia diligentia quæsiverit, divinitus adjutus poterit inventire. Hoc tamen non est hujus operis manus, quod nunc suscepimus, tantum ut demonstremus Evangelistas neque sibi neque inter se repugnare, quolibet ordine, vel easdem res, vel alias factorum dictorumque Christi unusquisque eorum potuerit voluerit narrare. Quapropter ubi ordo temporum non appareat, nihil nostra interesse debet, quem narrandi ordinem quilibet eorum tenuerit: ubi autem apparel, si quid moverit quod sibi aut alteri repugnare videatur, utique considerandum et enodandum est.

#### CAPUT XXII. — De ordine rerum quas post hoc narrant utrum nil inter se dissentiant Matthæus, Marcus et Lucas.

53. Sequitur ergo Matthæus dicens: Vespere autem facto, obtulerunt ei multis dæmonia habentes: et ejiciebat spiritus verbo, et omnes male habentes curavit; ut adimpleretur quod dictum est per Isaiam prophetam dicentem, Ipse infirmitates nostras accepit, et ægrotationes portavit (Math. viii, 16-18). Hoc ad eisdem diei tempus pertinere satis indicat, cum conjungit, Vespere autem facto. Sic et Marcus cum de ipsa socru Petri sanata dixisset, Et ministrabat eis; hoc idem subiecit: Vespere autem facto cum occidisset sol, affreberant ad eum omnes male habentes, et dæmonia habentes; et erat omnis civitas congregata ad januam: et curavit multis qui vexabantur variis languoribus; et dæmonia multa ejiciebat; et non sinebat ea loqui, quoniam sciebant eum. Et diluculo valde surgens egressus est et abiit in desertum locum (Marc. i, 31-35). Videtur hic ordinem tenuisse Marcus, ut post illud quod dictum est, Vespere autem facto, dcinde diceret, Et diluculo valde surgens. Quamvis nec illud necesse sit, ubi dicitur, Vespere autem facto, ejusdem diei vesperum ac-

cipere; nec ubi dicitur, *diluculo*, ejusdem noctis diluculum: tamen utcumque videri potest hic rerum generarum ordo servatus, propter digestum ordinem temporum. Lucas quoque cum de socru Petri narrasset, non ait ipse, *Vespere autem facto*; sed tamen quod idem significaret adjunxit, dicens: *Cum sol autem occidisset, omnes qui habebant infirmos variis languoribus, ducebant illos ad eum: at ille singulis manus imponens curabat eos. Exibant etiam daemonia a multis clamantia et dicentia, Quia tu es Filius Dei. Et increpans, non sinebat ea logui, quia sciebant ipsum esse Christum. Facta autem die, egressus ibat in desertum locum* (*Luc iv, 40-42*). Et hic videmus eumdem prorsus ordinem temporum custoditum, quem compemus apud *Marcum*. *Matthæus autem qui videtur non ordine quo gestum est, sed quo prætermisso recitat, hoc de socru Petri commemorasse, posteaquam narravit quid ipso die, facto etiam vespere, gestum sit, jam non subjungit diluculum, sed ita narrat: Videns autem Jesus turbas multas circum se, jussit ire trans fretum.* Jam hoc aliud est, non illud quod *Marcus* et *Lucas* contexunt, qui post vesperum diluculum ponunt. Quod ergo hic dictum est, *Videns autem Jesus turbas multas circum se, jussit ire trans fretum*, aliud eum recordatum interposuisse debemus accipere, quod die quodam cum vidisset Jesus turbas multas circum se, jussit ire trans fretum.

**CAPUT XXII.** — *De illo qui ait Domino, Sequar te quocumque ieris, et alitis quæ juxta sunt, quo ordine sarrentur a Matthæo et Luca.*

54. Deinde quod subjungit, *Et accedens unus Scriba ait illi: Magister, sequar te quocumque ieris, usque ad illud ubi ait, Dimitte mortuos sepelire mortuos suos* (*Math. viii, 19-22*); hoc similiter narrat et *Lucas*. Sed ille post plura, nec ipse sane expresso ordine temporum, sed recordantis modo: utrum quod prius omisit, an quod posterius etiam factum quam sunt ea quæ sequuntur, preoccupavit, incertum est. Ita enim dicit: *Factum est autem ambulantibus illis in via, dixit quidam ad illum, Sequar te quocumque ieris.* Et respondit ei prorsus eadem quæ *Matthæus* commemorat. Quod autem *Matthæus* dicit tunc istud gestum esse, quando jussit ut irent trans fretum, *Lucas* vero, ambulantibus illis in via, non est contrarium; quia in via utique ambularunt, ut venirent ad fretum. Et de illo qui petit primum sepellire patrem suum, *Matthæus* et *Lucas* omnino consentiant. Quod enim *Matthæus* primo ejusdem verba posuit hoc propter patrem suum petentis, et deinde Domini dicentis, *Sequere me*, *Lucas* autem primo Domini dicentis, *Sequere me*, et deinde illius hoc petentis, ad sententiam nihil interest. Commemoravit *Lucas* et alium dixisse, *Sequar te, Domine, sed primum permitte nihili renuntiare his qui domi sunt*<sup>1</sup>; de quo tacet *Matthæus*. Inde jam *Lucas* in aliud perrexit, non in illud quod ordine temporis sequebatur. *Post hanc autem, in-*

*quit, designarit Dominus et alios septuaginta duos* (*Luc. ix, 57; x, 1*). Post hæc quidem, manifeste; sed quanto temporis intervallo posthæc fecerit illud Dominus, non appareat. In ipso tamen intervallo sit quod deinceps *Matthæus* subjungit: nam idem *Matthæus* ordinem temporum adhuc tenet, ita narrans:

**CAPUT XXIV.** — *De transfretatione ejus, ubi dormivit in navicula, et de expulsis daemoniis, quos permisit in porcos, quomodo ea quæ gesta vel dicta sunt, convenienter inter Matthæum, Marcum et Lucam.*

55. *Et ascende eo in naviculam, secuti sunt eum discipuli ejus: et ecce motus magnus factus est in mari; usque ad illud ubi ait: Et venit in civitatem suam.* Ista duo facta continuatim quæ narrat *Matthæus* de tranquillitate mari, posteaquam ventis imperavit Jesus a somno excitatus, et de illis qui habebant sœvum daemoniorum, ruptisque vinculis agebantur in desertum, similiter narrant *Marcus* et *Lucas* (*Math. viii, 23-34, Marc. iv, 36; v, 17, et Luc. viii, 22-37*): verbis aliis dictis sunt ab alio atque alio quædam sententiae, non tam aliae, velut illud quod eum dicit dixisse *Matthæus*, *Quid timidi estis? ne cùm habetis fidem?* id est, illam perfectam, velut granum sinapis: hoc ergo et ille ait, *modicæ fidei*. *Lucas* autem, *Ubi est fides vestra?* Et totum quidem dici potuit, *Quid timidi estis? Ubi est fides vestra? Modicæ fidei.* Unde aliud hic, aliud ille commemorat. Et illud quod excitantes eum dixerunt, *Matthæus* sic, *Domine, salva nos, perimus*: *Marcus, Magister, non ad te pertinet quia perimus*? *Lucas, Præceptor, perimus*: una eademque sententia est excitantium Dominum, volentiumque salvari; nec opus est querere quid horum potius Christo dictum sit. Sive enim aliquid horum trium dixerint, sive alia verba quæ nullus Evangelistarum commemoravit, tantumdem tamen valentia ad eamdem sententiam veritatem, quid ad rem interest? Quanquam et hoc fieri potuit, ut pluribus eum simul excitantibus, omnia haec, aliud ab alio diccerentur. Item quod sedata tempestate dixerunt secundum *Matthæum*, *Qualis est hic, quia venti et mare obediunt ei?* Secundum *Marcum*, *Quis putas est iste, quia et ventus et mare obediunt ei?* Secundum *Lucam*, *Quis putas hic est, quia et ventis imperat et mari, et obediunt ei?* quis non videat unam esse sententiam? Tantumdem enim prorsus valet, *Quis putas est iste?* et, *Qualis est hic?* et ubi non est dictum, *imperat, ubique consequenter intelligitur, quia imperanti obeditur.*

56. Quod vero *Matthæus* duos dicit fuisse, qui legionem illam daemonum patiebantur, quæ in porco ire permissa est, *Marcus* autem et *Lucas* unum commemorant: intelligas unum eorum fuisse personæ alicuius clarioris et famosioris, quem regio illa maxime dolebat, et pro cuius salute plurimum satagebat. Hoc volentes significare duo Evangelistæ, solum commemorandum judicaverunt, de quo facti hujus famalatius præclariusque fragraverat. Nec quod verba daemonum diverse ab Evangelistis dicta sunt, habet aliquid scrupuli; cum vel ad unam redigi sententiam, vel omnia dicta possint intelligi. Nec quia pluraliter

<sup>1</sup> Sic MSS. et editio Ratisponensis, quibus consentit Augustini Speculum, et Corbeiensis Biblia. At Er. et Lov. habent, *tis quæ domi sunt.*

apud Matthæum, apud illos autem singulariter loquitur; cum et ipsi narrent quod interrogatus quid vocaretur, legiōnē se esse respondit, eo quod multa essent dæmonia. Nec quod Marcus dixit circa montem fuisse gregem porcorum, Lucas autem in monte, quidquam repugnat. Grex enim pororum tam magnus fuit, ut aliquid ejus esset in monte, aliquid circa montem. Erant enim duo millia pororum, sicut Marcus expressit.

CAPUT XXV. — *De paralytico cui dicit, Dimittuntur tibi peccata, et, Tolle grabatum tuum, maxime utrum locus ubi hoc factum est, conveniat inter Matthæum et Marcum; quia Matthæus dicit in civitate sua, Marcus autem in Capharnaum.*

57. Hinc ergo sequitur Matthæus, adhuc temporum ordinem servans, atque ita narrationem contexit: *Et ascendens in naviculam transfretavit, et venit in civitatem suam. Et ecce offerebant ei paralyticum jacentem in lecto, etc., usque ad illud quod ait, Videntes autem turbæ, timuerunt et glorificaverunt Deum, qui dedit potestatem tales hominibus (Matth. ix, 1-8).* De hoc paralytico dixerunt etiam Marcus et Lucas. Quod ergo Matthæus dicit Dominum dixisse, *Confide, fili, dimittuntur tibi peccata tua;* Lucas autem non dixit, *Fili, sed, homo, ad sententiam Domini expressius insinuandam valet: quia homini dimittebantur peccata, qui hoc ipso quod homo erat, non posset dicere, Non peccavi; simul etiam ut ille qui homini dimittebat, intelligeretur Deus. Marcus autem hoc dixit quod et Matthæus; sed non dixit, *Confide. Potunt quidem et ita dici: Confide, homo; dimittuntur tibi peccata, fili:* aut, *Confide, fili; dimittuntur tibi peccata, homo;* aut quolibet verborum ordine congruenti.*

58. Illud sane potest movere, quod de isto paralytico Matthæus ita narrat: *Et ascendens in naviculam transfretavit, et venit in civitatem suam. Et ecce offerebant ei paralyticum jacentem in lecto:* Marcus autem non hoc in ejus civitate factum dicit, quæ utique Nazareth vocatur, sed in Capharnaum; quod ita narrat: *Et iterum intravit in Capharnaum post dies: et audiuit est quod in domo esset; et convenerunt multi, ita ut non caperet neque ad januam: et loquebatur eis verbum. Et venerunt ferentes ad eum paralyticum, qui a quatuor portabatur. Et cum non possent offerre eum illi præ turba, nudaverunt tectum ubi crat, et patens facientes submisserunt grabatum in quo paralyticus jacebat. Cum vidiisset autem Jesus fidem illorum, etc. (Marc. ii, 1-12)* Lucas autem non commemorat quo in loco factum sit, sed ita dicit: *Et factum est in una dierum, et ipse se debat docens: et erant Pharisei sedentes, et legis doctores, qui venerant ex omni castello Galilææ et Iudeæ et Jerusalem: et virtus erat Domini ad sanando eos. Et ecce viri portantes in lecto hominem qui erat paralyticus, et quererent eum inferre, et ponere ante eum: et non invenientes qua parte illum inferrent præ turba, ascenderunt supra tectum, et per tegulas submisserunt illum cum lecto in medium ante Jesum. Quorum fidem ut vidit, dixit: Homo, remittuntur tibi peccata tua, etc. (Luc. v, 17-26).* Remanet igitur quæstio in-

ter Marcum et Matthæum, quod Matthæus ita scribit, tanquam in civitate Domini factum sit, Marcus autem in Capharnaum. Quæ difficilis solveretur, si Matthæus etiam Nazareth nominaret: nunc vero cum potuerit ipsa Galilæa dici civitas Christi, quia in Galilæa erat Nazareth: sicut universum regnum in tot civitatibus constitutum, dicitur Romana civitas; cumque in tot gentibus constituta civitas sit, de qua scriptum est, *Gloriosissima dicta sunt de te, civitas Dei (Psal. lxxxvi, 3);* et eum ipse prior populus Dei in tot civitatibus habitans, etiam una domus dictus sit domus Israel (*Isai. v, 7; Jerem. iii, 20, et Ezech. iii, 4*): quis dubitaverit in civitate sua hoc fecisse Jesum, cum hoc fecerit in civitate Capharnaum civitate Galilææ, quo transfretando redierat de regione Gerasenorum, ut veniens in Galilæam, recte diceretur venisse in civitatem suam, in quocumque oppido esset Galilæa; præsentim quia et ipsa Capharnaum ita excellebat in Galilæa, ut tanquam metropolis haberetur? Quod si prorsus non licaret accipere civitatem Christi, vel ipsam Galilæam, in qua erat Nazareth, vel ipsam Capharnaum, quæ sicut caput Galilææ civitatibus eminebat; diceremus Matthæum prætermisso quæ gesta sunt, posteaquam venit Jesus in civitatem suam, donec veniret Capharnaum, et hoc adjunxisse de sanato paralytico: sicut in multis ita faciunt, prætermittentes media, tanquam hoc continuo sequatur, quod sine ulla præmissionis suæ significatione subjungunt.

CAPUT XXVI. — *De vocatione quoque Matthæi, utrum Marco et Lucæ qui dicunt Levin Alphæi, idem Matthæus congruat.*

59. Hinc ergo sequitur Matthæus, dicens: *Et cum transiret inde Jesus, vidi hominem sedentem in telonio, Matthæum nomine, et ait illi, Sequere me: et surgens secutus est euni (Matth. ix, 9).* Hoc Marcus ita narrat, eumdem etiam ipse ordinem tenens post illius paralytici sanitatem: *Et egressus est, inquit, ad mare, omnisque turba veniebat ad eum, et docebat eos. Et cum præteriret, vidi Levi<sup>1</sup> Alphæi sedentem ad telonium, et ait illi, Sequere me: et surgens secutus est eum (Marc. ii, 13, 14).* Nil hic repugnat; ipse est enim Matthæus qui et Levi. Lucas etiam hoc post eumdem paralyticum sanatum ita subiungit: *Et post hac exiit, et vidit publicanum nomine Levi sedentem ad telonium, et ait illi, Sequere me. Et relictis omnibus, surgens secutus est eum (Luc. v, 27, 28).* Hinc autem probabilius videtur quod hæc præmissa recordando Matthæus commemorat: quia utique ante illum sermonem habitum in monte, credendum est vocatum esse Matthæum. In eo quippe monte tunc Lucas commemorat omnes duodecim ex plurimis discipulis electos, quos et Apostolos nominavit (*Id. vi, 13*).

CAPUT XXVII. — *De convivio ubi objectum est et quod cum peccatoribus manducaret, et quod non junarent discipuli ejus, quod videtur alius alios di-*

<sup>1</sup> In plerisque MSS., *Lerin Alphæi.* Sic etiam in veteribus Corbeicensibus Bibliis.

cerc a quibus objectum sit, et de verbis eorum, responsusque Domini, utrum Matthæus, Marcus et Lucas congruant.

60. Sequitur itaque Matthæus, et dicit: *Et factum est discubente eo in domo, ecce multi publicani et peccatores venientes, discubebant cum Jesu, et discipulis ejus, etc., usque ad illud ubi ait, Sed vinum nostrum in utres novos mittunt, et ambo conservantur* (*Math. ix, 10-17*). Illic Matthæus non expressit in cuius domo discubebat Jesus cum publicanis et peccatoribus: unde posset videri non hoc ex ordine subjunxisse, sed quod alio tempore factum est recordatus interposuisse, nisi Marcus et Lucas qui hoc omnino similiter narrant, manifestarent in domo Levi, hoc est Matthæi, discubuisse Jesum, et dicta illa omnia quæ sequuntur. Ita enim Marcus hoc idem dicit, eundem ordinem servans: *Et factum est, cum accumberet in domo illius, multi publicani et peccatores simul discubebant cum Jesu* (*Marc. ii, 15-22*). Cum ergo dicit, *in domo illius*; exprimit utique illum, de quo superiorius loquebatur, id est Levi. Sic et Lucas cum dixisset, *Ait illi, Sequere me: et relictis omnibus surgens securus est eum; continuo subiecit, Et fecit ei convivium magnum Levi in domo sua; et erat turba multa publicanorum et aliorum, qui cum illis erant discubentes* (*Iuc. v, 27-59*). Manifestum est itaque in cuius domo ista gerebantur.

61. Jam ipsa verba videamus, vel quæ Domino dicta, vel quæ ab illo responsa omnes isti tres Evangeliste posuerunt. Matthæus: *Et videntes, inquit, Pharisæi, dicebant discipulis ejus: Quare cum publicanis et peccatoribus manducat magister vester?* Totidem pene verbis hoc ait et Marcus: *Quare cum publicanis et peccatoribus manducat et bibit magister vester?* Praetermissum est ergo a Matthæo quod iste addidit, *et bibit: sed quid ad rem, cum plena sit sententia, insinuans pariter convivantes?* Lucas autem aliquanto differentius hoc videtur commemorasse: *Et murmurabant, inquit, Pharisæi et Scribæ eorum, dicentes ad discipulos ejus: Quare cum publicanis et peccatoribus manducatis et bibitis?* Non utique magistrum eorum volens<sup>1</sup> illuc intelligi; sed simul omnibus, et ipsi et discipulis ejus hoc objectum insinuans: non tamen ei dictum, sed illis, quod et de ipso et de illis acciperetur. Nam utique et ipse Lucas ita dicit Dominum respondisse, *Non veni vocare justos, sed peccatores in poenitentiam: quod non eis respondisset, nisi quod dixerant, manducatis et bibitis, ad ipsum maxime pertineret.* Propterea etiam Matthæus et Marcus de illo discipulis ejus hoc objectum esse narrarunt, quia et cum de discipulis dicebatur, magistro magis objiciebatur, quem sectando imitabantur. Una ergo sententia est, et tanto melius insinuata, quanto quibusdam verbis, manente veritate, variata. Item quod Matthæus refert Dominum respondisse, *Non est opus valetibus medicus, sed male habentibus.* Euntes autem discite quid est, *Misericordiam volo, et non sacrificium.*

<sup>1</sup> Sic MSS. cum Er. At Rat. et Eccl. volens: mendose.

Non enim veni vocare justos, sed peccatores; Marcus quoque et Lucas eisdem pene verbis eamdem sententiam tenuerunt, nisi quod ambo non interponunt illud ex propheta testimonium, *Misericordiam volo, quam sacrificium.* Lucas autem cum dixisset, *Non veni vocare justos, sed peccatores,* addidit, *in poenitentiam:* quod ad explanandam sententiam valet, ne quisquam peccatores ob hoc ipsum quod peccatores sunt, diligi arbitretur a Christo: cum et illa similitudo de ægrotis bene intimet quid velit Deus vocando peccatores, tanquam medicus ægros, utique ut ab iniuitate tanquam ab ægritudine salvi siant; quod fit per poenitentiam.

62. Item quod dicit Matthæus, *Tunc accesserunt ad eum discipuli Joannis, dicentes: Quare nos et Pharisæi jejunamus frequenter?* Marcus similiter intulit, dicens, *Et erant discipuli Joannis et Pharisæi jejunantes; et veniunt, et dicunt illi: Cur discipuli Joannis et Pharisæorum jejunant, tui autem discipuli non jejunant?* nisi quod iste putari potest addidisse Pharisæos, quod simul cum discipulis Joannis hoc dixerint, cum Matthæus tantum discipulos Joannis hoc dixisse perhibeat. Sed verba ipsa quæ illos dixisse apud Marcum legitur, magis indicant alios hoc dixisse de aliis; id est, convivas qui aderant venisse ad Jesum, quia jejunabant discipuli Joannis et Pharisæi, et hoc ei de illis dixisse: ut quod ait, *veniunt, non de ipsis dixerit, de quibus interposuerat, Et erant discipuli Joannis et Pharisæi jejunantes;* sed cum isti essent jejunantes, veniunt illi, quos hoc movet, et dicunt illi, *Cur discipuli Joannis et Pharisæorum jejunant, tui autem non jejunant?* Quod Lucas evidenter expressit, ita hoc idem intimans, cum dixisset quid eis responderit Dominus de vocatione peccatorum, tanquam ægrotorum: *At illi, inquit, dixerunt ad eum, Quare discipuli Joannis jejunant frequenter, et obsecrations faciunt, similiter et Pharisæorum, tui autem eduni et bibunt?* Ergo et hic, sicut Marcus, alios de aliis hoc dixisse narravit. Unde ergo Matthæus, *Tunc accesserunt ad eum discipuli Joannis dicentes: Quare nos et Pharisæi jejunamus?* nisi quia et ipsi aderant, et omnes certum, ut quisque poterat, hoc objicerunt: quorum sententia diverso loquendi modo, sed tamen a veritate non alieno, a tribus Evangelistis insinuata est.

63. Item illud de sponsi filiis, quia non jejunabunt quamdiu cum eis est sponsus, similiter interposuerunt Matthæus et Marcus: nisi quod Marcus filios nuptiarum appellavit, quos ille sponsi; quod ad rem nihil interest. Filios quippe nuptiarum non tantum sponsi, sed etiam sponsæ intelligimus. Eadem ergo est aperta sententia, non altera adversa. Lucas autem non ait, *Numquid possunt filii sponsi jejunare?* sed ait, *Numquid potestis filios sponsi, dum cum illis est sponsus, facere jejunare?* in quo et ipse ad aliud quiddam insinuandum, eamdem sententiam eleganter aperuit. Sic enim intelligitur eosdem ipsos qui loquuntur suis facturos, ut lugentes jejunarent filii sponsi, quoniam ipsi essent sponsum occisuri. Quod

autem dixit Matthæus, *lugere*; hoc Marcus et Lucas, *jejunare*: quia et ille postea, *tunc jejunabunt*, ait; non, tunc lugebunt. Verum illo verbo significavit de tali jejuniu Dominum locutum, quod pertinet ad humilitatem tribulationis: ut illud alterum, quod pertinet ad gaudium mentis in spiritualia suspensæ, atque ob hoc alienatae quodammodo a corporalibus cibis, posterioribus similitudinibus Dominus significasse intelligatur, de panno novo et de vino novo, id ostendens quod animalibus atque carnalibus circa corpus occupatis, et ob hoc veterem adhuc trahentibus, hoc genus jejunii non congruat; quas similitudines et alii duo similiter explicarunt. Jam enim satis in promptu est nihil esse contrarium, si quid alias dicit, quod alias prætermittit, seu verbi, seu rei; dum vel ab eadem sententia non recedatur, vel quæ sorte alia ponitur, alii non aduersetur.

CAPUT XXVIII. — *De filia Archisynagogi resuscitata, et muliere quæ tetigit fimbriam vestimenti ejus: utrum ordo quo dicta sunt nihil cuiquam eorum aduersetur, u quibus dicta sunt; et maxime de verbis Archisynagogi, quibus rogavit Dominum.*

64. Sequitur deinde Matthæus adhuc temporum ordinem servans: *Hæc illo loquente ad eos, ecce princeps unus accessit, et adorabat eum dicens: Filia mea modo defuncta est; sed veni, impone manum tuam super eam, et vivet, etc.*, usque ad illud ubi ait, *Et surrexit puella: et exiit fama hæc in universam terram illam* (*Matt. ix, 18-26*). Dicunt hoc et alii duo, Marcus et Lucas; sed ab isto ordine jam recedunt. Alibi enim hoc recordantur atque inserunt, id est, eo loco ubi reddit transfretando a regione Gerasenorum, post expulsa et in porcos permissa daemonia. Nam hoc Marcus ita conjungit post illud apud Gerasenos factum: *Et cum transcendisset, inquit, Jesus in navi rursus trans fretum, convenit turba multa ad illum: et erat circa mare. Et venit quidam de archisynagogis, nomine Jairus, et videns eum procidit ad pedes ejus*, etc. (*Marc. v, 21-43*). Ac per hoc intelligendum est, hoc quidem de archisynagogi filia factum esse, cum transcendisset Jesus in navi rursus trans fretum: sed quanto post, non appareat. Nisi enim fuisset intervallum, non esset quando fieret quod modo narravit Matthæus in convivio domus suæ: tanquam de alio quippe narravit, more Evangelistarum, quod de se ac domi suæ gestum erat: post quod factum nihil aliud continuo sequitur, quam hoc de archisynagogi filia. Sic ipse enim contexit ut ipse transitus aperie indicet hoc consequenter narrari, quod et consequenter factum est: quandoquidem cum superioris commemorasset, quæ de panno novo et de vino novo Jesus dixerit, continuo subiecit, *Hæc illo loquente ad eos, ecce princeps unus accessit;* ac per hoc si hæc illo loquente accessit, nihil aliud factorum dictorumque ejus interpositum est. In narratione autem Marci, patet locus ubi interponi alia potuerunt, sicut jam ostendimus. Similiter et Lucas cum post narratum apud Gerasenos miraculum transit ad narrandum de archisynagogi filia, non sic transit ut renitur Matthæo, qui post illas de panno

et vino similitudines hoc gestum esse demonstrat, dicens, *Hæc illo loquente.* Iste quippe cum terminasset quod apud Gerasenos factum narraverat, hoc modo transiit in aliud: *Factum est autem, inquit, cum reddisset Jesus, exceptum illum turbæ: erant enim omnes expectantes eum. Et ecce vir cui nomen Jairus, et ipse princeps synagogæ erat, et cecidit ad pedes Jesu*, etc. (*Luc. viii, 40-56*.) Sic intelligitur, quod turbæ quidem illa continuo exceperit Dominum, quippe quem redditum exspectabat: quod vero adjunxit, *Et ecce vir cui nomen erat Jairus*, non continuo factum accipendum est, sed prius illud de convivio publicanorum, sicut narrat Matthæus; cui rei sic conjungit hoc, ut non possit aliud factum consequenter intelligi.

65. In hac ergo narratione, quam nunc consideramus suscepimus, de illa quidem quæ fluxum sanguinis patiebatur, omnes isti tres Evangelistæ sine ulla quæstione concordant. Neque enim interest ad rei veritatem, quod ab alio aliquid tacitum, ab alio dicitur; nec quod Marcus dicit, *Quis tetigit vestimenta mea?* et Lucas, *Quis me tetigit?* Alter enim dixit usitate, alter proprie, eamdem tamen eterque sententiam. Nam usitatus dicimus, *Conscindis me, quam, Conscindis vestimenta mea;* cum tamen in aperto sit quid velimus intelligi.

66. At vero cum Matthæus archisynagogum, non moritoram, vel morientem, vel in extremo vitæ positam filiam suam narrat Domino nuntiasse, sed omnino defunctam; illi autem duo, morti jam proximam, nondum tamen mortuam, usque adeo ut dicant venisse postea qui mortuam nuntiarent, et ob hoc jam non debere vexari magistrum, tanquam sic veniret, ut manum imponendo mori non sineret, non ut qui posset mortuam suscitare: considerandum est, ne repugnare videatur, et intelligendum brevitatis causa Matthæum hoc potius dicere voluisse, rogatum esse Dominum ut faceret quod cum fecisse manifestum est, ut scilicet mortuam suscitaret: attendit enim non verba patris de filia sua, sed quod est potissimum, voluntatem; et talia verba posuit, qualis voluntas erat. Ita enim desperaverat, ut potius eam vellet reviviscere, non credens vivam posse inveniri, quam morientem reliquerat. Duo itaque posuerunt quid dixerit Jairus: Matthæus autem, quid voluerit atque cogitaverit. Utrumque ergo petium est a Domino, ut vel morientem salvam faceret, vel mortuam suscitaret: sed cum instituisset Matthæus totum breviter dicere, hoc insinuavit patrem rogantem dixisse, quod et ipsum certum est voluisse, et Christum fecisse. Sane si illi duo vel quisquam eorum, patrem ipsum commemorasset dixisse, quod sui domo venientes dixerant, ut jam non convexaretur Jesus, quod puella mortua fuisset, repugnaret ejus cogitationi verba quæ posuit Matthæus: nunc vero et illud suis nuntiantibus, ei prohibentibus ne jam magister veniret, non legitur quod ille consenserit. Ac per hoc et illud quod ei Dominus ait, *Noli timere, crede tantum, et salva erit*, non dissidentem reprehendit, sed credentem robustius confirmavit. Talis quippe in illo fides erat, qualis et

in illo qui ait, *Credo, Domine; adjuva incredulitatem meam* (*Marc.* ix, 25).

67. Quæ cum ita sint per hujusmodi Evangelistarum locutiones varias, sed non contrarias, rem plane utilissimam discimus, et per necessarium; nihil in cujusque verbis nos debere inspicere, nisi voluntatem, cui debent verba servire; nec mentiri quemquam, si alii verbis dixerit quid ille voluerit, cujus verba non dicit: ne miseri ancipes vocum, apicibus quodammodo litterarum putent ligandam esse veritatem; cum utique non in verbis tantum, sed etiam in cæteris omnibus signis animorum, non sit nisi ipse animus inquirendus.

68. Quod autem nonnulli codices habent secundum Matthæum, *Nou enim mortua est mulier, sed dormit*, cum eam Marcus et Lucas duodecim annorum pueram fuisse testentur; intelligas hebreo more locutum esse Matthæum. Nam et alii Scripturarum locis hoc inventur, non eas tantum quæ virum passæ fuerant, sed omnino feminas etiam intactas atque integras, mulieres appellari: sicut de ipsa Eva scriptum est, *Formavit eam in mulierem* (*Gen.* ii, 22); et illud in libro Numerorum, ubi jubentur custodiri mulieres quæ nescierant cubile masculi, id est virgines, ne interficiantur (*Num.* xxxi, 18): qua locutione etiam Paulus ipsum Christum ait *factum ex muliere* (*Galat.* iv, 4). Hoc enim melius intelligimus, quam ut illam duodecim annorum jam uuptam, vel virum expertam fuisse credamus.

**CAPUT XXIX.** — *De duobus cæcis et muto dæmonio, quæ solus Matthæus dicit.*

69. Sequitur Matthæus, et dicit: *Et transeunte inde Iesu, seculi sunt eum duo cæci clamantes, et dicentes: Miserere nostri, fili David, et cætera, usque ad illud ubi ait, Pharisæi autem dicebant: In principe dæmoniorum ejicit dæmones* (*Matth.* ix, 27-34). Hoc de duobus cæcis et de muto dæmonio, solus Matthæus ponit. Illi enim duo cæci, de quibus et alii narrant (*Marc.* x, 46-52, et *Luc.* xviii, 35-43), non sunt isti, sed tamen simile factum est: ita ut si ipse Matthæus non etiam illius facti meminisset (*Matth.* xx, 29-34), posset putari hoc quod nunc narrat, dictum fuisse etiam ab aliis duobus. Quod commendare memorie diligenter debemus, esse quedam facta similia; quod probatur, cum idem ipse evangelista utrumque commemorat: ut si quando talia singula apud singulos invenerimus, atque in eis contrarium, quod solvi non possit, occurrat nobis non hoc esse factum, sed aliud simile, vel similiter factum.

**CAPUT XXX.** — *Ubi turbarum misertus misit discipulos suos, dans eis postestatem sanitatum præstandarum, et eis multa mandavit, ordinans quemadmodum viverent: ubi querendum est quomodo Matthæus Marco et Lucæ congruat maxime de virginum secundum Matthæum dicit non ferendam, secundum Marcum autem solam ferendam; et de habitu calceamentorum atque vestium.*

70. Sane deinceps non appareat ordo rerum gestarum. Nam post haec duo facta, de cæcis et muto dæ-

monio, ita sequitur: *Et circumibat Jesus civitates omnes et castella, docens in synagogis eorum, et prædicans regnum Evangelii, et curans omnem languorem, et omnem infirmitatem. Videns autem turbas, miseritus est eis; quia erant vexati, et jacentes, sicut oves non habentes pastorem. Tunc dicit discipulis suis: Messis quidem multa, operarii autem pauci: rogate ergo Dominum messis, ut ejiciat<sup>1</sup> operarios in messem suam. Et convocatis duodecim discipulis suis, dedit illis potestatem spirituum immundorum, et cætera, usque ad aliud ubi ait, Amen dico vobis non perdet mercedem suam* (*Id. ix, 35; x, 42*). In hoc toto loco, quem nunc commemoramus, multa inonuit discipulos suos: sed utrum cum ex ordine Matthæus subjunxerit, an ei ordo narrandi recordatio sua fuerit, sicut dictum est, non appareat. Hunc locum breviter videtur perstrinxisse Marcus, et cum sic ingressus est, dicens: *Et circumibat castella in circuitu docens. Et convocavit duodecim, et capiit eos mittere binos; et dabat illis potestatem spirituum immundorum, et cætera, usque ad illud ubi ait, Exclitate pulverem de pedibus vestris, in testimonium illis* (*Marc.* vi, 6-11). Sed antequam hoc narraret Marcus, prius post resuscitatum filium archisynagogi, illud narravit, ubi Dominum in patria sua mirabantur, unde illi esset tanta sapientia et virtutes, cum ejus cogitationem nossent: quod Matthæus post admonitionem istam discipulorum, et post alia multa commemorat (*Matth.* xiii, 54). Itaque incertum est, utrum hoc quod agitur in ejus patria, Matthæus omissum revocaverit; an Marcus recordatum anticipaverit; quisnam eorum ordinem rei gestæ, et quis recordationis suæ tenuerit. Lucas autem continuo post resurrectionem filii Jairi, subiungit hunc locum de potestate et admonitione discipulorum (*Luc.* ix, 1-6), tam breviter sane quam Marcus: neque ipse ita, ut hoc sequi etiam in rerum gestarum ordine appareat. In nominibus ergo discipulorum, Lucas, qui eos alio loco nominat<sup>2</sup>, cum prius eliguntur in monte, a Matthæo non discrepat, nisi in nomine Jude Jacobi (*Id. vi, 14-16*), quem Matthæus Thaddæum appellat; nonnulli autem codices habent Lebbeum<sup>3</sup>. Quis autem unquam prohibuerit duobus vel tribus nominibus hominem unum vocari?

71. Solet item queri, quomodo Matthæus et Lucas commemoraverint dixisse Dominum discipulis ut nec virgam ferrent, cum dicat Marcus, *Et præcepit eis ne quid tollerent in via, nisi virgam tantum; et sequatur etiam ipse, non peram, non panem, neque in zona æs: ut ostendat in eodem loco versari narrationem suam, in quo et illorum qui dixerunt nec virgam ferendam. Quod ita solvit, ut intelligamus sub alia significazione dictam virgam, quæ secundum Marcum ferenda est; et sub alia illam quæ secundum Matthæum et Lucam non est ferenda: sicut sub alia significazione*

<sup>1</sup> Editi, mittat. *Mss. vero, ejiciat.* In græco est, *ekbolē*.

<sup>2</sup> Editio kapisponensis et novemdecim *Mss.*, alio nomine nominat.

<sup>3</sup> In quinque *Mss.*, *Lebdæum*: corrupte, ut patet ex græco textu qui *Matth.* cap. 10, v. 3, habet, *kai lebbæios o epiklēthes thaddæios*, et *lebbæus* qui vocatur *thadæus*.

intelligitur tentatio, de qua dictum est, *Deus neminem tentat (Iacob. 1, 13); et sub alia de qua dictum est, Tentas vos Dominus Deus vester, ut sciatis si diligitis eum (Deut. xii, 3)*; illa seductionis est, haec probationis. Sicut judicium aliter accipitur, de quo dictum est, *Qui bene fecerunt, in resurrectionem vitæ; qui male fecerunt, in resurrectionem judicii (Ioan. v, 29)*; et aliter, de quo dictum est, *Judica me, Deus, et discerne causam meam de gente non sancta (Psal. xlii, 1)*: illud enim judicium damnationis est, hoc discriptionis.

72. Et multa alia sunt verba quæ non habent unam significationem, sed diversis locis congruerter posita, diverso modo intelliguntur, et aliquando cum expositione dicuntur: ut est illud, *Nolite pueri effici sensibus, sed malitia puruli estote, ut sensibus perfecti sitis (I Cor. xiv, 20)*. Hoc enim breviter clausa sententia dici potuit, Nolite esse pueri, sed estote pueri. Et illud, *Si quis putat se sapientem esse in vobis in hoc sacculo, stultus fiat, ut sit sapiens (Id. iii, 18)*: quid animaliud dixit, quam, Non sit sapiens, ut sit sapiens? Aliquando autem clause ita dicuntur, ut exerceant inquirentem: ut est quod ait ad Galatas, *In vicem onera vestra portate, et sic adimplebitis legem Christi. Qui enim putat se esse aliquid, cum nihil sit, se ipsum seducit. Opus autem suum probet unusquisque, et tunc in semetipsa habebit gloriam, et non in altero. Unusquisque enim proprium onus portabit (Galat. vi, 2-5)*. Nisi oneris nomen sub diversis significationibus acceperis, procul dubio putabis eundem sibi in loquendo esse contrarium, et hoc in una sententia tam vicine positis verbis: qui cum paulo ante diceret, *Alter alterius onera portate; postea dixit, Unusquisque proprium onus portabit*. Sed alia sunt onera participande infirmitatis, alia reddenda rationis Deo de actibus nostris: illa cum fratribus sustentanda communicantur, haec propria ab unoquoque portantur. Ita et virga intelligitur spiritualiter, de qua dicebat Apostolus, *In virga veniam ad vos (I Cor. iv, 21)*? et corporaliter, sive ad equum qua utimur sive ad aliquid aliud opus fuerit: ut interim omittam et alias hujus nominis figuratas significaciones.

73. Utrumque ergo accipiendum est a Domino Apostolis dictum, et ut nec virgam ferrent, et ut non nisi virgam ferrent. Cum enim secundum Matthæum dicere eiis, *Nocte possidere aurum, neque argentum, neque pecuniam in vestris; non peram in via, neque duas tunicas, neque calceamenta, neque virgam*; continuo subjecit, *Dignus est enim operarius cibo suo*. Unde satis ostendit cur eos haec possidere ac ferre noluerit: non quod necessaria non sint sustentationi hujus vitæ; sed quia sic eos mittebat, ut eis haec deberi demonstraret ab illis ipsis quibus Evangelium credentibus annuntiarent, tanquam stipendia militantibus, tanquam fructum vineæ plantatoribus, tanquam lac gregis pastoribus. Unde Paulus dicit: *Quis militat suis stipendiis unquam? quis plantat vineam, et de fructu ejus non edit? quis pascit gregem, et de lacte gregis non percipit?* Hinc enim loquebatur de iis quæ necessaria sunt predicatoribus

Evangelii: unde paulo post dicit, *Si nos robis spirituadis seminavimus, magnum est si vestra carnalia metemus? Si alii potestatis vestrae participant, non magis nos? sed non sumus usi hac potestate*. Unde apparet haec non ita præcepisse Dominum, tanquam Evangelistæ vivere aliunde non debeant, quam eis præbentibus quibus annuntiant Evangelium; alioquin contra hoc præceptum fecit idem apostolus, qui victimum de manuua suarum laboribus transigebat, ne cuiquam gravis esset (*I Thess. ii, 9*): sed potestatem dedisse, in qua scirent sibi ista deberi. Cum autem a Domino aliquid imperatur, nisi fiat, inobedientiae culpa est: cum autem potestas datur, licet cuique non uti, et tanquam de suo jure eedere. Hoc ergo Dominus loquens discipulis, id agebat, quod ipse Apostolus paulo post apertius ita explicat: *Nescitis quoniam qui in templo operantur, quæ de templo sunt edunt? qui altari deserunt, altari compartiuntur? Sic et Dominus ordinavit iis qui Evangelium annuntiant, de Evangelio vivere: ego autem nullius horum usus sum (I Cor. ix, 7-15)*. Cum itaque dicit ita Dominum ordinasse, se autem usum non esse, utique ostendit utendi potestatem datam, non impositam serviendi necessitatem.

74. Hoc ergo ordinans Dominus, quod eum ordinasse dicit Apostolus, qui Evangelium annuntiant, de Evangelio vivere, illa Apostolis loquebatur, ut securi non possiderent, neque portarent huic vitæ necessaria, nec magna, nec minima. Ideo posuit, *nec virgam*, ostendens a fidelibus suis omnia deberi ministris suis, nulla superflua requirentibus. Ac per hoc addendo, *Dignus est enim operarius cibo suo*, prorsus aperuit et illustravit unde et quare haec omnia loqueretur. Hanc ergo potestatem virgæ nomine significavit, cum dixit, *ne quid tollerent in via, nisi virgam tantum*. Potuit enim etiam sic breviter dici, *Nihil necessariorum vobiscum feratis, nec virgam, nisi virgam tantum*: ut illud quod dictum est *nec virgam*, intelligatur, ne minimas quidem res; quod vero adjunctum est, *nisi virgam tantum*, intelligatur, quia per potestatem a Domino acceptam, quæ virgæ nomine significata est, etiam quæ non portantur non deerunt. Utrumque ergo Dominus dixit, sed quia non utrumque unus evangelista commemoravit, putatur ille qui virgam sub alia significatione positam tollendam dixit, ei qui virgam rursus aliud significantem non tollendam dixit, esse contrarius; sed jam ratione redditum non putetur.

75. Sic et calceamenta cum dicit Matthæus in via non esse portanda, curam prohibet, qua ideo portanda cogitantur, ne desint. Hoc et de duabus tunicis intelligentum est, ne quisquam eorum præter eam quam esset indutus, aliam portandam putaret, sollicitus ne opus esset, cum ex illa potestate posset accipere. Proinde Marcus dicendo calceari eos sandaliis vel soleis, aliquid hoc calceamentum mysticæ significationis habere admonet, ut pes neque tectus sit, neque nudus ad terram; id est, nec occultetur Evangelium, nec terrenis commodis iunitatur. Et quod non portari vel haberi duas tunicas, sed expressius indui prohibet dicens, *Et ne induerentur duabus tunicis*; quid eos mo-

net nisi non dupliciter, sed simpliciter ambulare?

76. Ita Dominum omnia dixisse, nullo modo dubitandum est, partim proprie, partim figurate: sed Evangelistas, alia istum, alia illum inscruisse scriptis suis; quedam vero eadem vel duos, vel tres eorum quæ slibet, vel omnes quatuor posuisse: nec sic tamen omnia esse conscripta, quæ ab illo seu dicta seu facta sunt. Quisquis autem putat non potuisse Dominum in uno sermone quedam figurare, quedam proprie ponere eloquia, cetera ejus inspiciat; videbit quam hoc temere atque inerudit arbitretur. Potest enim iste (ut unum aliquid dicam quod animo interim occurrit), quoniam monet ut non sciat sinistra quod facit dextra (*Math. vi, 3*), et ipsas eleemosynas, et quidquid illuc aliud præcipit, figurare accipendum putare.

77. Sane rursus admonoco, quod oportet meminisse lectorum, ne tali admonitione sæpissime indigeat, aliis atque aliis sermonum suorum locis Dominum multa iterasse quæ alibi jam dixerat; ne forte ipsorum locorum ordo cum ex alio evangelista non convenerit, aliqui eorum hinc putet esse contrarium; cum intelligere debeat iterum alibi dici, quod jam alibi dictum erat: nec tantum de dictis, verum etiam de factis observari debere. Nihil enim prohibet hoc idem iterum factum credere: calumniari autem Evangelio, dum non credit iterum factum, quod iterum fieri non potuisse nemo convincit, sacrilegæ vanitatis est.

CAPUT XXXI. — *Ubi Joannes Baptista misit ad Dominum de carcere discipulos suos, quid Matthæus et Lucas dicunt.*

78. Sequitur Matthæus, et dicit: *Et factum est, cum consummasset Jesus, præcipiens duodecim discipulis suis, transiit inde, ut doceret, et prædicaret in civitatibus eorum. Joannes autem cum audisset in vinculis opera Christi, mittens duos de discipulis suis, ait illi: Tu es qui venturus es, an alium exspectamus? etc., usque ad illud ubi ait, Et justificata est sapientia a filii suis (*Math. xi, 1-19*). Hunc totum locum de Joanne Baptista, quod miserit ad Jesum, et cuiusmodi responsum acceperint illi quos misit, et quidquid post eorum abscessum de Joanne Dominus dixit, interponit et Lucas (*Luc. vii, 18-35*): non quidem ipso ordine, sed quis eorum recordationis sure, quis rerum ipsarum hic ordinem teat, non appetet.*

CAPUT XXXII. — *Ubi exprobravit civitatibus quod non egerint pænitentiam, quod et Lucas dicit: ubi quærendum est quemadmodum illi Matthæus ipso ordine congruat.*

79. Sequitur Matthæus, et dicit: *Tunc cœpit exprobrare civitatibus, in quibus factæ sunt plurimæ virtutes ejus, quia non egissent pænitentiam, etc., usque ad illud ubi ait, Terre Sodomorum remissius erit in die iudicii, quam tibi (*Math. xi, 20-24*). Etiam hoc commemorat Lucas (*Luc. x, 12-15*), continuato cuidam sermoni Domini etiam hæc ex ipsius ore conjungens: unde magis videtur ipse hoc ordine illa commemorare, quo a Domino dicta sunt; Matthæus autem sure recordationis ordinem tenuisse: aut si illud quod idem Matthæus ait, Tunc cœpit exprobrare civitatibus, sic ac-*

cipiendum putatur, ut punctum ipsum temporis voluisse credatur exprimere in eo quod dictum est, *Tunc*, non autem ipsum tempus aliquanto latius quo hæc multa gerebantur et dicebantur; quisquis hoc credit, eredat etiam hoc esse bis dictum. Cum enim et apud unum Evangelistam inveniantur quedam quæ bis dixerit Dominus; sicut apud eundem Lucam de non tollenda pera in via et similiter ceteris, duobus locis dictum a Domino invenitur (*Luc. ix, 3, et x, 4*): quid mirum si et aliquid aliud bis dictum singillatim a singulis dicatur eodem ordine quo dictum est, et ideo diversus ordo apparet in singulis, quia et tunc quando et ille, et tunc quando iste commemorat, dictum est?

CAPUT XXXIII. — *Ubi vocat ad tollendum jugum et sarcinam suam, quemadmodum Matthæus a Luca non discrepet in narrandi ordine.*

80. Sequitur Matthæus: *In illo tempore respondens Jesus dixit: Confiteor tibi, Pater, Domine cœli et terræ, quia abscondisti hæc a sapientibus et prudentibus, etc., usque ad illud ubi ait, Jugum enim meum suave est, et onus meum leve (*Math. xi, 25-30*). Hujus loci et Lucas meminit, sed ex parte. Non dicit enim ipse, Venite ad me, omnes qui laboratis, et alia quæ sequuntur. Semel autem hoc dictum a Domino, sed Lucam non totum quod dictum est commemorasse, credibile est. Matthæus enim dicit, In illo tempore respondens Jesus dixit, posteaquam exprobravit civitatibus: Lucas autem post illam exprobationem civitatum interponit quedam, non tamen multa; atque hoc ita subjungit, In ipsa hora exsultavit Spiritu sancto, et dicit (*Luc. x, 21*). Unde etiam si Matthæus non In illo tempore dicaret, sed In ipsa hora, tam pauca interponit Lucas in medio, ut etiam eadem hora dictum non absurdè videatur.*

CAPUT XXXIV. — *Ubi discipuli spicas vellentes manducaverunt, quemadmodum inter se congruant Matthæus, Marcus et Lucas in narrandi ordine.*

81. Sequitur Matthæus, et dicit: *In illo tempore abiit Jesus sabbato per sata; discipuli autem ejus esurientes cœperunt vellere spicas, et manducare, etc., usque ad illud ubi ait, Dominus est enim Filius hominis etiam sabbati (*Math. xii, 1-8*). Illoc quoque sine ulla repugnante quæstione cominemoratur et a Marco et a Luca (*Marc. ii, 23-28, et Luc. vi, 1-5*): sed illi non dicunt, In illo tempore. Unde fortassis magis Matthæus rei gestæ hic ordinem tenuit, illi autem recordationis sure: nisi latius accipiatur quod dictum est, In illo tempore, id est, quo hæc multa et diversa gerebantur.*

CAPUT XXXV. — *De illo qui manum aridam cum haberet, sabbato curatus est, quemadmodum narratio Matthæi concordet cum Marco et Luca, vel rerum ordine, vel Domini et Judæorum verbis.*

82. Sequitur ergo Matthæus, ita narrans: *Et cum inde transisset, venit in synagogam eorum. Et ecce homo manum habens aridam, et cetera, usque ad illud ubi ait, Et restituta est sanitati sicut altera (*Math. xi, 9-15*). De isto sanato, qui manum habebat aridam, etiam Marcus et Lucas non laccent (*Marc. iii, 4-5, et Luc. vi, 6-10*). Posset autem putari eo die factum ei*

de spicis et de isto sanato , quoniam et sabbatum hic commemoratur ; nisi Lucas aperciisset alio sabbato factum esse de sanitate aride manus : Proinde quod oit Matthæus , *Et cum inde transisset, venit in synagogam eorum, non quidem venit nisi cum inde transisset, sed post quot dies in synagogam eorum venerit, posteaquam a segete illa transivit, an recta continuoque illic ierit, non expressum est.* Ac per hoc locus datur narrationi Lucae , qui dicit alio sabbato hujus manus sanatam . Sed potest movere, quomodo Matthæus dixerit, quod ipsi interrogaverint Dominum , *Si licet sabbato curare, volentes invenire accusandi occasionem; ipse vero illis de ove proposuerit similitudinem, dicens, Quis erit ex vobis homo qui habeat oves unam, et si ceciderit haec sabbatis in foream, nonne tenebit, et levabit eam? Quanto melior est homo ove? Itaque licet sabbatis bene facere;* cum Marcus et Lucas illos potius a Domino interrogatos esse perhibeant, *Licet sabbato bene facere, an male? animam salvam facere, an perdere?* Itaque intelligendum est quod illi prius interrogaverint Dominum , *Si licet sabbato curare:* deinde quod intelligens cogitationes eorum, aditum accusandi querentium, constituerit in medio illum quem suerat sanatus, et interrogaverit quæ Marcus et Lucas eum interrogasse commemorant; ac tunc illis tacentibus, proposuisse similitudinem de ove, et conclusisse quod licet sabbato bene facere; postremo circumspectis eis cum ira , sicut Marcus dicit, contristatum super excitata cordis eorum, dixisse homini, *Exende manum tuam.*

CAPUT XXXVI. — Considerandum utrum ab isto cuius arida manus sanata est, ita digrediantur hi tres Evangelistæ ut in nullo sibi adversentur ipso narrationis ordine.

83. Sequitur Matthæus, ita contexens narrationem suam : *Exeuntes autem Pharisæi consilium faciebant adversus eum, quomodo eum perderent. Jesus autem sciens, recessit inde; et secuti sunt eum multi, et curavit eos omnes: et præcepit eis ne manifestum eum facerent. Ut adimpleretur quod dictum est per Isaiam prophetam dicentem, et cætera, usque ad illud ubi ait, Et in nomine ejus gentes sperabunt ( Matth. xii, 14-21 ). Hoc solus iste commemorat, illi duo in alia perrexerunt. Ordinem sane rei gestæ videtur Marcus aliquantulum tenuisse, qui dicit Jesum cognita maligna adversum se dispositione Judeorum, secessisse ad mare cum discipulis suis, et ad eum turbas confluxisse, et sanasse eum plurimos ( Marc. iii, 7-12 ). Unde autem coepit in aliud ire, non quod ordine sequeretur, vix appareret : utrum ubi dicit convenisse ad eum turbas; potuit enim hoc jam et alio tempore : an ubi dicit, *ascendit in montem.* Quod et Lucas videtur commemorare dicens, *Factum est autem in illis diebus, exiit in montem orare (Luc. vi, 12):* dicendo enim, *in illis diebus, satis ostendit non continuo factum.**

CAPUT XXXVII. — *De muto et cæco qui dæmonium habebat, quomodo Matthæus Lucasque consentiant.*

84. Matthæus ergo sequitur et dicit : *Tunc oblatus*

*est ei dæmonium habens, cæcus et mutus; et curavit eum, ita ut loqueretur et videret ( Matth. xii, 22 ).* Illoc non isto ordine, sed post alia multa Lucas commemorat, et mutum dicit tantum non etiam cæcum ( Luc. xi, 14 ) : sed non ex eo quod aliquid tacet, de alio dicere putandus est : ea enim sequentia etiam ipse contextit quæ Matthæus.

CAPUT XXXVIII. — *Ubi ei dictum est quod in Beelzebut ejicit dæmonia, quidquid ex ipsa occasione locutus est de blasphemia adversus Spiritum sanctum, et de duabus arboribus, utrum in nullo Matthæus a duabus aliis, maxime a Luca, dissentiat.*

85. Sequitur Matthæus, dicens : *Et stupebant omnes turbæ, et dicebant: Numquid hic est filius David? Pharisæi autem audientes dicerunt: Hic non ejicit dæmones nisi in Beelzebub principe dæmoniorum. Jesus autem sciens cogitationes eorum dixit eis: Omne regnum divisum contra se, desolabitur, etc., usque ad illud ubi ait, Ex verbis tuis justificaberis, et ex verbis tuis condemnaberis ( Matth. xii, 23-37 ).* Marcus non ex occasione illius muti subjicit dictum de Jesu quod in Beelzebub ejiceret dæmonia; sed post alia quædam , quæ solus commemorat, hoc quoque subnectit, sive alio loco id recolens et adjungens, sive aliquid prætermittens, et deinde ad hunc ordinem rediens ( Marc. iii, 22-30 ). Lucas autem pene totidem verbis hoc dicit quod Matthæus ( Luc. xi, 14-26 ) : et quod digitum Dei appellat Spiritum Dei, ab eadem sententia non recedit; quin potius et aliquid docet, ut non verimus quemadmodum intelligamus ubicumque Scripturarum legerimus digitum Dei. In aliis autem, quæ non hic dicunt Marcus et Lucas , nulla controversia est; nec in his quæ aliquanto aliter dicunt, quia eadem sententia est.

CAPUT XXXIX. — *Quod respondit petentibus signum, de Jona propheta et de Ninivitis, et de Regina Austræ, et de spiritu immundo, qui cum exierit ab homine, reddit et invenit domum mundatam, quomodo Matthæus Lucae congruat.*

86. Sequitur Matthæus , et dicit : *Tunc responderunt ei quidam de Scribis et Pharisæis dicentes: Magister, volumus a te signum videre, etc., usque ad illud ubi ait, Sic erit et generationi huic pessimæ ( Matth. xii, 38-45 ).* Haec etiam Lucas narrat eo quidem loco, sed aliquanto dispari ordine ( Luc. xi, 16-37 ). Nam illud quod petierunt signum a Domino de cœlo, supra commemoravit post illud de muto miraculum : et non ibi retulit, quid eis ad hoc Dominus respondisset; sed postea cum turbæ concurrissent, dicit hoc fuisse responsum eis, quos dat intelligi superius a se commemoratos, quod de cœlo signum quærebant : et hoc annectit posteaquam interposuit de muliere quæ dixit Domino, *Beatus venter qui te portavit.* Hanc autem mulierem interponit, cum de sermone Domini commemorasset, quod spiritus immundus exiens ab homine , reddit, et invenit mundatam domum. Post mulierem ergo illam, cum diceret responsum esse turbis de signo quod de cœlo quærebant, interposita similitudine Jona prophetae, deinde continuato sermone ipsius Domini, commemorat dictum de regina

Austri, et de Ninivitis : ita aliquid potius commemo-  
ravit quod Matthæus tacuit, quam aliquid prætermisit  
eorum que hoc loco ille narravit. Quis autem non  
videat superfluo queri, quo illa ordine Dominus  
dixerit ; cum et hoc discere debeamus per Evangelistarum excellentissimam auctoritatem, non esse  
mendacium, si quisquam non hoc ordine cujusquam  
sermonem digesserit, quo ille a quo processit, cum  
ipsius ordinis nihil intersit ad rem, sive ita, sive ita  
sit ? Et adhuc Lucas productorem hunc Domini ser-  
monem indicat, et in eo quadam commemorat,  
qualia Matthæus in sermone illo qui est habitus in  
monte (*Matth. v-vii*), quæ bis dicta intelligimus, et  
ibi scilicet, et hie. Terminato autem isto sermone,  
in aliud pergit Lucas : in quo utrum ordinem rerum  
gestarum servarit, incertum est. Ita enim connectit :  
*Et cum loqueretur, rogavit eum quidam Phariseus ut pranderet apud se.* Non autem ait, *Cum haec loque-  
retur; sed, cum loqueretur.* Nam si dixisset, *Cum haec loque-  
retur,* necessario cogerer intelligere hoc ordine  
non tantum a se suisse narrata, verum et a Domino  
gesta.

CAPUT XL. — *Ubi ei nuntiata est mater et fratres ejus, utrum a Marco et Luca ordo ipse non discrepet.*

87. Sequitur ergo Matthæus, et dicit : *Adhuc eo loquentes ad turbas, ecce mater ejus et fratres stabant foris, querentes loqui ei, etc., usque ad illud ubi ait, Quicumque enim fecerit voluntatem Patris mei qui in celis est, ipse meus frater et soror et mater est* (*Matth. i, 46-50*). Hoc sine dubio consequenter gestum intelligere debemus. Præmisit enim, cum ad hoc narrandum transiret, *Adhuc eo loquente ad turbas :* quid est autem, *Adhuc, nisi illud quod loquebatur?* Non enim dixit, *Et eo loquente ad turbas, ecce mater ejus et fratres;* sed, *Adhuc eo loquente :* quæ cum dicit, cogit intelligi, hæc loquente, quæ superius in-  
dubitatebat. Nam et Marcus post illud quod de blasphemia Spiritus sancti, quid Dominus dixerit retulit, *Et ve-  
niant, inquit, mater ejus et fratres* (*Marc. iii, 31-35*) : prætermissis quibusdam, que in eodem textu ser-  
monis Domini et Matthæus prolixius Marco, et Lucas prolixius Matthæo posuerunt. Lucas autem non hujus  
rei gestæ ordinem tenuit, sed præoccupavit hoc, et recordatum ante narravit. Denique hoc sic interpo-  
suit, ut solutum appareat a nexus et superiorum et posteriorum. Post commemorationis enim quasdam par-  
abolas Domini, ita hoc de matre et fratribus ejus re-  
cordatorem interposuit : *Venerunt autem ad illum, in-  
quit, mater et fratres ejus : et non poterant ad eum adire  
præ turba : non expressit quando ad eum venerint.* Rursus cum et hinc transit, ita loquitur : *Factum est  
autem, inquit, in una dierum, et ipse descendit in naviculam, et discipuli ejus* (*Luc. vii, 19-22*). Et hic  
utique cum dicit, *Factum est in una dierum,* satis indi-  
cet, non necesse esse ut hæc dies intelligatur in  
qua hoc gestum est, vel illa quæ continuo sequitur.  
Nihil itaque habet repugnantiae cum exeteris duobus  
quod Matthæus de matre et fratribus Domini narrat,

neque in verbis Domini, neque in ipso ordine rerum  
gestarum.

CAPUT XII. — *Quod ex navicula turbis locutus est  
de illo cuius in seminando aliud cecidit in via, etc.,  
et de illo cui superseminalata sunt zizania, et de grano  
sinapis, et de fermento ; et quod in domo locutus est,  
de thesauro abscondito in agro, et de margarita, et de  
sagena missa in mare, et de proferente da thesauro  
novo et vetera, quomodo Marco et Lucæ Matthæus  
consentiat, vel in his quæ cum illo dixerunt, vel nar-  
rationis ordine.*

88. Sequitur Matthæus : *In illo die exiens Jesus de domo, sedebat secus mare : et congregata sunt ad eum turbæ multæ, ita ut in naviculam ascendens sederet : et omnis turbis stabat in littore ; et locutus est eis multa in parabolis dicens, et extera, usque ad illud ubi ait, Ideo omnis scriba doctus in regno cœlorum, similis est homini patrisfilias, qui profert de thesauro suo nova et vetera* (*Matth. xiii, 1-52*). Post illud quod narratum est de matre et fratribus Domini, hoc continuo ges-  
tum esse, et eum ordinem Matthæum etiam in nar-  
rando tenuisse, ea res insinuat, quia cum illuc trans-  
iret, ita contexuit ut diceret, *In illo die exiens Je-  
sus de domo, sedebat secus mare, et congregata sunt ad eum turbæ multæ.* Cum enim dicit, *In illo die (nisi forte dies, more Scripturarum, tempus significet),* satis indicat aut hoc consequenter gestum, aut noua  
multa interponi potuisse ; maxime quia et Marcus  
eum ordinem tenet (*Marc. iv, 1-34*) : Lucas autem  
post illud quod narrat de matre et fratribus Domini,  
in aliud transit, nec eo transitu connexionem aliquam  
facit, qua huic ordini repugnare videatur (*Luc. viii,  
22*). Omnimus ergo horum quæ Matthæus Dominum  
locutum esse narravit, quæ cum illo dixerunt Marcus  
et Lucas, non habent repugnantiae quæstionem ; quæ  
autem ipse solus dixit, multo magis sine controver-  
sia sunt : nec in ipso ordine, quamvis aliquanto di-  
versum alijs alium teneat, partim gestarum rerum,  
partim recordationis sive, video quid vel cui quisque  
adversetur.

CAPUT LXII. — *Quod venit in patriam suam, et mirabantur doctrinam, cum genus ejus contemnerent : quomodo consentiat Marco et Lucæ Matthæus, maximè utrum narrandi ordo nihil alteri adver-  
setur.*

89. Sequitur ergo Matthæus : *Et factum est cum con-  
sumasset Jesus parolas istas, transit inde : et ve-  
niens in patriam suam, docebat eos in synagogis eorum*<sup>1</sup>, etc., usque ad illud ubi ait, *Et non fecit ibi vir-  
tutes multas propter incredulitatem illorum* (*Matth.  
xiii, 53-58*). A superiore sermone parabolaram sic  
transit, ut non ostendat consequentis ordinis neces-  
sitatem : præsertim quia Marcus ab istis parabolis,  
non in quod iste, sed in aliud tendens, in quod et  
Lucas ita contexuit narrationem, ut credibilius os-  
tendatur hoc esse potius consequenter gestum, quod  
ipsi duo continuanter adjungunt, de navi scilicet in

<sup>1</sup> MSS. tres, in synagoga eorum : juxta gracum textum.

qua dormiebat Jesus , et de illo miraculo expulsorum daemoniorum apud Gerasenos (*Marc.*, iv, 55; v, 17, et *Luc.* viii, 22-37), quæ due Matthæus jam superius recolens interposuit (*Matth.* viii, 23-34). Nunc ergo quæ in patria sua Dominus dixerit vel ei dicta sint , videamus utrum cum aliis duobus Marco et Luca concordent. Nam Joannes longe in diversis et dissimili- bus narrationis suæ locis vel dicta esse Domino talia (*Joan.* vi, 42), vel eum dixisse commemorat , qualia hoc loco tres cæteri meminerunt.

90. Et Marcus quidem eadem prope commemorat hic omnia quæ Matthæus, nisi quod Dominum fabrum et Marie filium dicit a civibus suis dictum (*Marc.* vi, 1-6), non, sicut Matthæus, fabri filium. Nec mirandum est, cum utrumque dici potuerit : eo enim et fabram credebant, quo fabri filium. Lucas autem cædem rem gestam latius indicat, et plura ibi commemorat ; nec longe post baptismum et temptationem ejus hoc inserit, sine dubio præoccupans quod multis rebus interpositis postea gestum est : unde quisque possit advertere, quod huic tam magnæ questioni , quam de consensu Evangelistarum enodandam Deo adjuvante suscepimus, plurimum necessarium est, non nescientes aliquid eos prætermisssisse , aut nescientes quemadmodum se ordo rerum gestarum haberet, alium potius ordinem suæ recordationis tenuisse ; quod hinc evidentissime intelligi potest, quia Lucas antequam aliquid narraret Dominum fecisse Capharnaum, præoccupavit hunc locum , quem nunc consideramus, ubi cives ejus et potentiani virtutis in eo stupebant, et ignobilitem generis contemnebant. Nam hoc eum dicit eis dixisse, *Uique dicetis mihi : Medice, cura te ipsum : quanta audivimus facta in Capharnaum, fac et hic in patria tua ;* cum secundum ejusdem ipsius Lucæ narrationem nihil adhuc legatur fecisse Capharnaum. Quod quia longum non est, et facillimum est et pernecessarium, totum inserimus, unde ad hoc narrandum et quomodo venerit. Posteaquam baptizatum et tentatum Dominum indicavit, ita sequitur : « Et consummata omni tentatione, diabolus recessit ab illo usque ad tempus. Et regressus est Jesus in virtute Spiritus in Galileam : et fama exiit per universam regionem de illo. Et ipse docebat in synagogis eorum , et magnificabatur ab omnibus. Et venit Nazareth, ubi erat nutritus, et intravit secundum consuetudinem suam die sabbati in synagogam, et surrexit legere. Et traditus est illi liber prophetae Isaiae. Et ut revolvit librum, invenit locum ubi scriptum erat : Spiritus Domini super me; propter quod unxit me , evangelizare pauperibus misit me , prædicare captiuis remissionem , et cœcis visum, dimittere confractos in remissionem, prædicare annum Domini acceptum et diem retributionis. Et cum pli- casset librum, reddidit ministro, et sedidit. Et omnium in synagoga oculi erant intendeentes in eum. Cœpit autem dicere ad illos, Quia hodie impleta est hec scriptura in auribus vestris. Et omnes testimonium illi dabant, et mirabantur in verbis gratiæ, quæ pro- cedebant de ore ipsius, et dicebant : Nonne hic est

filius Joseph? Et ait illis , Utique dicetis mihi hanc similitudinem : Medice, cura te ipsum. Quanta au- divimus facta in Capharnaum, fac et hic in patria tua (*Luc.* iv, 13-23), et cætera, donec peragat totum ipsum narrationis suæ locum. Quid ergo evidenter, quam hoc eum scientem præoccupasse narrandum, cum utique jam magna ab illo in Capharnaum facta fuisse et ipse noverit, et ipse commemoret, quæ se nondum narrasse utique scit? Neque enim tantum ab ejus baptismo progressus est, ut oblitus putetur non- dum se aliquid commemorasse de iis quæ in Caphar- naum gesta fuerant : modo enim cœpit post bapti- smum aliquid narrare de Domino.

CAPUT XLIII. — *Quemadmodum inter se convenient*  
*Matthæus, Marcus et Lucas de verbis Herodis cum*  
*audisset de mirabilibus Domini, vel de ipso narratio-*  
*nonis ordine.*

91. Sequitur Matthæus : *In illo tempore audivit He- rodes tetrarcha famam Jesu, et ait pueris suis : Hic est Joannes Baptista; ipse surrexit a mortuis, et ideo vir- tutes operantur in eo* (*Matth.* xiv, 1, 2). Marcus hoc idem et eodem modo dicit, sed non codem ordine (*Marc.* vi, 14-16). Nam posteaquam discipulos Dominus misit, dicens eis ne quid in via ferrent, nisi virgam tantum, terminato eo sermone, quantum ab illo commemo- ratum est, etiam hoc subjicit, nulla tamen facta neces- sitate, qua hoc etiam consequenter gestum esse intel- ligere cogeremur : sicut nec Matthæus; *In illo enim tempore dixit, non, In illo die, vel hora : nisi quod Marcus non quod Herodes dixerit, sed, Dicebant, in- quid, quia Joannes Baptista surrexit a mortuis : Mat- thæus vero de ipso Herode, Ait, inquit, pueris suis. Lucas etiam cum narrandi ordinem, quem Marcus, tenens, nec ipse sane etiam rerum gestarum euendein ordinem fuisse credi cogens, ita hoc idem commemo- rat : Audivit autem, inquit, Herodes tetrarcha omnia quæ fiebant ab eo, et hæsitabat, eo quod diceretur a quibusdam quia Joannes surrexit a mortuis ; a quibus- dam vero, quia Elias apparuit ; ab aliis autem, quia propheta unus de antiquis surrexit. Et ait Herodes : Joannem ego decollavi ; quis est autem iste de quo ego audio talia ? Et quereret videre eum* (*Luc.* ix, 7-9). In his verbis Lucas quoque Marco attestatur, ad hoc dun- taxat quod alii dixerint, non Herodes, Joannem a mortuis surrexisse. Sed quia hæsitantem commemo- ravit Herodem, verbaque ejus ita postea posuit dicen- tis, *Joannem ego decollavi ; quis est autem iste de quo audio ego talia ?* intelligendum est aut eum post hanc hæsitationem confirmasse in animo suo quod ab aliis dicebatur, cum ait pueris suis, sicut Matthæus narrat, *Et ait pueris suis : Hic est Joannes Baptista ; ipse sur- rexit a mortuis, et ideo virtutes operantur in eo :* aut ita pronuntianda sunt haec verba, ut hæsitantem adhuc indicent. Si enim diceret, Numquidnam hic est, aut, Numquid forte hic est Joannes Baptista? non opus esset admonere aliquid de pronunciatione, qua dubi- tans atque hæsitans intelligatur. Nunc quia illa verba desunt, utroque modo pronuntiari potest; ut aut con- firmatum eum ex aliorum verbis, credentem dixisse

accipiamus; aut adhuc, sicut Lucas commemorat, hæsitantem: presertim quia et Marcus, qui superius dixerat, ab aliis suis dictum quod Joannes a mortuis resurrexit, in extremo tamen ipsum Herodem dixisse non lacet, *Quem ego decollari Joannem, hic a mortuis resurrexit.* Quæ item verba duobus modis prouuntari possunt, ut aut confirmantis, aut dubitantis intelligantur. Cum autem Lucas posteaquam hoc commemoravit, in aliud transeat; duo isti, Matthæus et Marcus ex hac occasione narrant quemadmodum sit ab Herode Joannes occisus.

**CAPUT XLIV.** — *De Joanne inclusu, vel etiam occiso, quo ordine ab his tribus narretur.*

92. Sequitur ergo Matthæus, et dicit: *Herodes enim tenuit Joannem, et alligavit eum, et posuit in carcерem propter Herodiadem, uxorem fratris sui, etc., usque ad eum locum ubi ait, Et accedentes discipuli ejus, tulerunt corpus<sup>1</sup>, et sepelierunt illud; et venientes nuntiaverunt Jesu (Matth. xiv, 3-12).* Marcus hoc similiter narrat (*Marc. vi, 17-29*): Lucas autem non eodem ordine id recordatur, sed circa ipsum baptisnum quo Dominus baptizatus est. Unde hoc præoccupasse intelligitur et ipse ex occasione, ut ibi narraret quod multo post factum est. Cum enim commemo-rasset Joannis verba de Domino, quod ventilabrum in manu ejus, et mundabit aream suam, frumenta recondet in horreum suum, paleas autem comburet igni inexstingibili: continuo subiecit, quod non continuo factum esse Joannes evangelista apertissime exponit, cum commemorat, posteaquam baptizatus esset Jesus, isse illum in Galileam, quando fecit de aqua vinum; et inde post paucorum dierum in Capharnaum habitationem, rediisse ad Iudeam terram, et ibi baptizasse multos circa Jordanem, antequam missus esset Joannes in carcерem (*Joan. ii, 1, 12, et iii, 22-24*). Quis autem non putet, qui minus<sup>2</sup> in his litteris eruditus est, tanquam post illa verba de ventilabro et de area mundata, continuo sit a Joanne offensus Herodes, et cum in carcерem miserit? Non autem hoc ordine ista narrata quo gesta sunt, et alibi jam probavimus, et hoc ipso loco non quilibet alias, sed idem Lucas hoc probat (*Luc. iii, 15-21*). Si enim post verba illa continuo Joannes in carcерem missus est, quomodo post ipsam commemorationem Joannis in carcерem missi baptizatus est Jesus, secundum ipsius Luce narrationem? Proinde manifestum est, ex occasione recordatum præoccupasse, et ante multa quæ priusquam Joanni hoc fieret, gesta narraturus erat, hoc præoccupatum in sua narratione premisisse. Sed nec illi duo Matthæus et Marcus eo rerum ordine de Joanne in carcерem misso in sua narratione posuerunt, quo factum appareret etiam in eorum scriptis: nam et ipsi dixerunt, tradito Joanne Dominum Isse in Galileam (*Matth. iv, 12, et Marc. i, 14*); et post multa quæ fecit in Galilea, veniunt ad Herodis

admonitionem vel hæsitationem, quod Joannes, quem decollavit, a mortuis resurrexit (*Matth. xiv, 1, 2, et Marc. vi, 14-16*); et ex hac occasione narrant omnia quæ de Joanne contigerunt inclusu et occiso.

**CAPUT XLV.** — *Ad miraculum de quinque panibus quo ordine ab omnibus, et quemadmodum ventum sit.*

93. Sequitur ergo Matthæus, cum dixisset nuntiatum esse Christo quod Joannes occisus sit, et ita narrationem contextit: *Quod cum audisset, inquit, Jesus, secessit inde in navicula in locum desertum seorsum. Et cum audissent turbae seculæ sunt eum pedestres de civitatibus. Et exiens vidi turbam multam, et misertus est eis, et curavit languidos eorum (Matth. xiv, 13, 14).* Illoc continuo post Joannis passionem factum esse commemorat. Unde post hæc, facta sunt illa quæ primo narrata sunt, quibus motus Herodes dixit, *Joannen ego decollavi.* Illa enim posteriora debent intelligi, quæ ad Herodem pertulit fama, ut moveretur, et hæsitaret quisnam iste esse posset, de quo audiret talia, cum Joannem ipse occidisset. Marcus autem posteaquam passionem Joannis narravit, commemorat discipulos missos rediisse ad Jesum, et renuntiasse illi omnia quæ egerant et docuerant; et Dominum eis (quod ipse solus commémorat) dixisse ut requiescerent pusillum in deserto, et ascendisse cum eis in navem, et isse: et turbas hoc videntes prævenisse eos illuc; quarum misertum Dominum docuisse multa; et hora jam progrediente factum esse ut de quinque panibus et duobus piscibus omnes qui aderant pascerentur (*Marc. vi, 30-44*). Quod miraculum omnes quatuor Evangelistæ commemoraverunt. Lucas etiam qui jam longe supra de Joannis passione narraverat (*Luc. iii, 20*), ex occasione qua diximus, nunc posteaquam commemoravit illam Herodis hæsitationem de Domino quisnam esset, hoc continuo subiungit quod Marcus, id est, rediisse ad illum Apostolos, et narrasse illi quæcumque fecerant, et assumptis eis secessisse in locum desertum, atque eo securas turbas, et locutum esse de regno Dei, et eos qui cura indigebant sanasse: atque inde etiam ipse<sup>3</sup> die declinante commemorat miraculum de quinque panibus factum (*Id. ix, 10-17*).

94. At vero Joannes, qui multum ab eis tribus Evangelistis eo distat, quia magis in sermonibus quos Dominus habuit immoratur, quam in factis quæ mirabiliter fecit, posteaquam commemoravit eum relicta Iudea abiisse iterum in Galileam, quod tunc intelligitur factum, cum et alii Evangelistæ dicunt cum Joanne tradito isse in Galileam; posteaquam ergo id commemoravit Joannes, in transitu ejus per Samariam multa quæ locutus est ex occasione illius Samarianæ quam invenit ad puteum, contextit narrationi sue: et post duos dies dicit cum inde exiisse in Galileam, deinde venisse in Cana Galilee, ubi fecerat de aqua vinum, et sanasse filium reguli cuiusdam (*Joan. iv, 3, 5, 43-54*). Alia vero, quæ illum in Galilea fecisse atque dixisse alii dixerunt, Joannes facit: sed sane,

<sup>1</sup> Editi, corpus ejus. Abest. ejus, a MSS. et a græco.

<sup>2</sup> Editi, nisi qui minus, etc. Abest, nisi, a MSS. ut sit iste sensus, Quis autem, si minus in his litteris eruditus est, non jutet.

<sup>3</sup> Er. et Lov. seruit, ipso die. M.

quod illi tacuerunt, dicit ascendisse eum in die festo Jerosolymis, et fecisse ibi miraculum illud de homine qui triginta octo annos habebat in infirmitate, nec habebat hominem a quo in piscinam deponeretur, in qua variis valetudinibus affecti sanabantur; et ex hac occasione multa eum locutum fuisse commemorat. Post haec eum dicit abiisse trans mare Galilææ, quod est Tiberiadis, et secutam multitudinem magnam: deinde abiisse in montem, et ibi sedisse cum discipulis suis, proximo Pascha die festo Iudeorum: tum levatis oculis et visa multitudine maxima, pavisse eam de quinque panibus et duobus piscibus (*Ioch. v-vi, 13*); quod et cæteri Evangelistæ dicunt. Ac per hoc, prætermisso illum per quæ illi narrando ad hujus miraculi commemorationem venerunt, certum est: verumtamen tanquam ex alia narrationis via, cum et illi tacnissent quæ iste dixisset, ad hoc miraculum de quinque panibus occurserunt sibi et illi tres qui pene pariter ambulabant, et iste qui sermōnum Domini alta consecans, per alia quæ illi tacuerunt circumvolavit quodammodo, et eis ad miraculum de quinque panibus pariter commemorandum, non multo post ab eis rursus in altiora revoluturus occurrat.

**CAPUT XLVI. — In ipso de quinque panibus miraculo quemadmodum inter se omnes quatuor convenient.**

95. Sequitur ergo Matthæus, et ad ipsum de quinque panibus factum narrationem suam ex ordine ita perducit: *Vespere autem facto accesserunt ad eum discipuli ejus dicentes: Desertus est locus, et hora jam præteriit; dimitte turbas, ut euntes in castella emant sibi escas. Jesus autem dixit eis: Non habent necesse ire; date illis vos manducare, etc., usque ad illud ubi ait, Manducantium autem fuit numerus quinque millia virorum, exceptis mulieribus et parvulis (Matth. xiv, 15-21).* Illoc ergo miraculum quod omnes quatuor Evangelistæ commemorant (*Marc. vi, 34-44, et Luc. ix, 12-17*), et putantur inter se aliquid discrepare, considerandum atque tractandum est, ut ex hoc etiam ad cætera similia regulæ locutionum discantur, quibus tam diversis eadem tamen sententia retinetur, et eadem rerum veritas custoditur. Et inchoanda quidem est consideratio, non a Matthæo secundum ordinem Evangelistarum, sed a Joanne potius, a quo ita expressa est ista narratio, ut etiam nomina discipulorum diceret, cum quibus de hac re locutus est Dominus. Ita enim dicit: *Cum sublevasset ergo oculos Jesus, et vidisset quia multitudo maxima venit ad eum, dicit ad Philippum: Unde ememus panes ut manducent hi? Hoc autem dicebat tentans eum; ipse enim sciebat quid esset facturus. Respondit ei Philippus: Ducentorum denariorum panes non sufficiunt eis, ut unusquisque modicum quid accipiat. Dicit ci unus ex discipulis ejus, Andreas frater Simonis Petri: Est puer unus hic, qui habet quinque panes hordeaceos et duos pisces; sed hæc quid sunt inter tantos? Dixit ergo Jesus: Facite homines discubere. Erat autem senum multum in loco: discubuerunt ergo viri numero quasi quinque millia. Accipit triplex panes Jesus, et cum gratias egisset, distribuit dis-*

*cumbentibus: similiter et ex piscibus quantum volebant. Ut autem impleti sunt, dixit discipulis suis: Colligite quæ superaverunt fragmenta, ne pereant. Collegerunt ergo, et impleverunt duodecim cophinos fragmentorum ex quinque panibus hordeaceis, quæ superuerunt his qui manducaverant (Joan. vi, 5-13).*

96. Non hic queritur quod iste dixit, eujusmodi essent panes; hordeaceos enim fuisse non tacuit, quod cæteri tacuerunt: neque hoc queritur, quod iste non dixit, fuisse ibi etiam præter quinque millia virorum, mulieres et parvulos, quod dicit Matthæus. Et omnino jam certum esse debet, et regulariter teneri in talibus quæstionibus, neminem moveri oportere, cum ab alio dicatur quod ab alio prætermittitur. Sed queritur quomodo ea quæ dixerunt, vera sint omnia, ne narrationem alterius narrans aliud alter excludat. Si enim Dominus, secundum narrationem Joannis, prospectis turbis, quæsivit a Philippo, tentans eum, unde illis escæ dari possent; potest movere quomodo sit verum, quod alii narraverunt, prius dixisse Domino discipulos, ut dimitteret turbas, quo possent sibi alimenta emere de proximis locis: quibus ille respondit secundum Matthæum, *Non habent necesse ire; date eis vos manducare.* Cui etiam Marcus-Lucasque consentiunt, tantum hoc prætermittentes quod ait, *Non habent necesse ire.* Intelligitur ergo post hæc verba Dominum inspississe multitudinem, et dixisse Philippo quod Joannes commemorat, isti autem prætermiserunt. Deinde quod Philippus apud Joannem respondit, hoc Marcus a discipulis responsum esse commemorat, volens intelligi hoc ex ore cæterorum Philippum respondisse: quanquam et pluralem numerum pro singulari usitissime ponere potuerunt. Quod ergo ait Philippus, *Ducentorum denariorum panes non sufficiunt eis, ut unusquisque modicum quid accipiat;* hoc est dicere, quod ait Marcus, *Euntes ememus ducentis denariis panes, et dabimus eis manducare.* Quod autem commemorat idem Marcus dixisse Dominum, *Quot panes habetis?* prætermiserunt cæteri. Quod autem Andreas apud Joannem de quinque panibus et duobus piscibus suggestit, hoc cæteri pluralem numerum pro singulari ponentes, ex discipulorum persona retulerunt. Et Lucas quidem responsionem Philippi et responsionem Andree in unam sententiam constrinxit: quod enim ait, *Non sunt nobis plus quam quinque panes et duo pisces,* Andreas retulit responsionem: quod vero adjunxit, *Nisi forte nos emamus, et emamus in omnem hanc turbam escas,* videtur ad responsionem Philippi pertinere; nisi quod de ducentis denariis tacuit: quanquam et in ipsis Andreæ sententia potest hoc intelligi. Cum enim dixisset, *Est puer unus hic, qui habet quinque panes hordeaceos, et duos pisces;* adjunxit etiam ipse, *Sed hæc quid sunt inter tantos?* hoc est dicere, *Nisi forte nos eamus, et emamus in omnem hanc turbam escas.*

97. Ex qua universa varietate verborum, rerum autem sententiarumque concordia, satis apparet, salubriter nos doceri, nihil querendum in verbis nisi loquentium voluntatem: cui demonstrandæ invigiare

debent omnes veridici narratores, cum de homine, vel de angelo, vel de Deo aliquid narrant; horum enim voluntas verbis promi potest, ne de ipsa inter se aliquid discrepent.

98. Sane prætermittere non oportet hoc loco inten-tum et ad cætera, quæ talia forte occurserint, facere lectorem, quia Lucas dixit quinquegenos jussos esse discubere, Marcus vero et quinquegenos et centenos. Quod hic ideo non movet, quia unus partem dixit, alter totum: qui enim etiam de centenis retulit, hoc retulit quod ille prætermisit; nihil itaque contrarium est. Verumtamen si alius de quinquegenis tantum commemoraret, alius tantum de centenis, valde videretur esse contrarium; nec facile dignosceretur utrumque dictum esse, unum autem ab altero, alterum ab altero esse commemoratum: et tamen attentius consideratum inveniri debuisse quis non fatetur? Hoc ideo dixi, quia existunt sæpe aliqua ejusmodi, quæ parum intendentibus et temere judicantibus contraria videantur, et non sint.

CAPUT XLVII. — *Quod ambulavit super aquas, quomodo qui hoc dixerunt inter se conveniant; et quomodo ab illo loco digrediantur, ubi turbas de quinque panibus pavit.*

99. Sequitur Matthæus, et dicit: *Et dimissa turba ascendit in montem solus orare. Vespere autem factio, solus erat ibi: navicula autem in medio mari jactabatur fluctibus; erat enim contrarius ventus. Quarta autem vigilia noctis venit ad eos ambulans supra mare. Et ridentes eum supra mare ambulantem turbati sunt, dicentes: Quia phantasma est, etc., usque ad illud ubi ait, Venerunt et adoraverunt eum dicentes: Vere Filius Dei es (Matth. xiv, 23-33).* Marcus quoque hoc idem post narratum de quinque panibus miraculum ita sequitur: *Et cum sero esset, erat navis in medio mari, et ipse solus in terra. Et videns eos laborantes in remigando, erat enim ventus contrarius eis, etc. (Marc. vi, 47-54), similiiter, nisi quod de Petro super aquas ambulante nihil dixit. Hoc autem ne moveat præcavendum est, quod Marcus dixit de Domino, cum ambularet super aquas, et volebat præterire eos. Quomodo enim hoc intelligere potuerunt, nisi quia in diversum ibat, eos volens tanquam alienos præterire, a quibus ita non agnoscebatur, ut phantasma putaretur? Quod ad mysticam significationem referri, quis usque adeo tardus est, ut nolit advertere? Sed tamen turbatis et exclamantibus subvenit, dicens, *Confidite, ego sum; nolite timere.* Quomodo ergo eos volebat præterire, quos paventes ita confirmat, nisi quia illa voluntas præterundi ad eliciendum illum clamorem valebat, cui subveniri oportebat?*

100. Joannes etiam adhuc cum istis aliquantum immoratur. Nam post narratum de quinque panibus miraculum, ipse quoque hoc de laborante navicula, et de ambulatione Domini super aquas non tacet, ita contexens: *Jesus ergo cum cognovisset quia venturi essent, ut raperent eum, et facerent cum regem, fugit iterum in montem ipse solus. Ut autem sero factum est, descendenterunt discipuli ejus ad mare: et cum ascendis-*

*sent navem, venerunt trans mare in Capharnaum. Et tenebrae jam factæ erant, et non venerat ad eos Jesus. Mare autem vento magno flante exsurgebat, etc. (Joan. vi, 15-21).* Nihil hic contrarium videri potest, nisi quod Matthæus dimissis turbis eum dicit ascendisse in montem, ut illic solus oraret: Joannes autem, in monte suisso, cum eisdem turbis quas de quinque panibus pavit<sup>1</sup>. Sed cum et ipse Joannes dicat post illud miraculum fugisse eum in montem, ne a turbis tenetur, quæ eum volebant regem facere; utique manifestum est quod de monte in planiora descenderant, quando illi panes turbis ministrati sunt. Et ideo non est contrarium quod ascendit rursus in montem, sicut et Matthæus et Joannes dicunt: nisi quod Matthæus dicit, *ascendit*; Joannes autem, *fugit*: quod esset contrarium, si fugiens non ascenderet. Nec illud repugnat quod Matthæus dixit, *ascendit in montem solus orare;* Joannes autem, *Cum cognovisset, inquit, quia venturi essent, ut facerent cum regem, fugit iterum in montem ipse solus.* Neque enim causa orandi contraria est causa fugiendi: quandoquidem et hinc Dominus, transfigurans in se corpus humilitatis nostræ, ut conforme ficeret corpori glorie suæ (Philipp. iii, 21), id quoque docebat, hanc esse nobis magnam causam orandi, quando est causa fugiendi. Nec illud adversum est, quod Matthæus prius eum dixit iussisse discipulos ascendere in naviculam, et procedere eum trans fretum, donec dimitteret turbas, ac deinde dimissis turbis ascendisse in montem solum orare; Joannes vero prius eum fugisse commemorat solum in montem, ac deinde, *Ut autem sero factum est, inquit, descendenterunt discipuli ejus ad mare; et cum ascendissent navem,* etc. Quis enim non videat hoc recapitulando Joannem postea dixisse factum a discipulis, quod jam Jesus jusserrat antequam fugisset in montem; sicut solet in sermone ad aliquid prætermissum rediri quodammodo? Sed quia ipse redditus, maxime in brevitate ac puncto temporis factus, non commemoratur; putant plerumque qui audiunt, hoc etiam postea factum esse quod postea dicitur. Sic etiam quos dixerat ascendisse navem, et venisse trans mare in Capharnaum, dicit ad eos in mari laborantes venisse Dominum ambulantem super aquas: quod utique prius in ipsa navigatione factum est, qua veniebant Capharnaum.

101. Lucas autem post narratum de quinque panibus miraculum pergit in aliud, et ab ordine isto digreditur. Neque enim aliquid de navicula illa commemorat, et de via Domini super aquas: sed eum dixisset: *Et manducaverunt omnes, et saturati sunt, et sublatum est quod supersuit illis fragmentorum coplini duodecim; deinde subjunxit, Et factum est, cum solus esset orans, erant cum illo et discipuli, et interrogavit illos dicens: Quem me dicunt esse turbae (Luc. ix, 17, 18)?* jam deinceps aliud narrans, non quod illi

<sup>1</sup> Sic in aliquot melioris note MSS. At in aliis duodecim MSS. habetur, *in monte fuisse, cum easdem turbas de quinque, etc.* In editis autem Er. et Lov., *in monte fugisse, cum easdem turbas de quinque, etc.*

tres, qui Dominum ambularem super aquas venisse ad navigantes discipulos retulerunt. Nec ideo putari debet in illo monte, quo eum dixit Matthæus ascendiisse, ut solus oraret, dixisse discipulis, *Quem me dicunt esse turbae* (Lucas enim videtur in hoc congruere Matthæo, quia dixit, *cum solus esset orans*; cum ille dixisset, *ascendit in montem solus orare*)? sed omnino alibi, cum solus oraret, et essent cum illo discipuli, hoc interrogavit. Solum quippe Lucas fuisse dixit, non sine discipulis, sicut Matthæus et Joannes, quando ab illo discesserunt, ut præcederent eum trans mare. Iste namque apertissime adjunxit, *Erant cum illo et discipuli*. Proinde solum dixit, *sine turbis*, quæ cum illo non habitabant.

CAPUT XLVIII. — *Quomodo Matthæus et Marcus*

*Joanni non adversentur in eo quod ab eis tribus narratur quid posteaquam transfretarunt factum sit.*

102. Sequitur Matthæus, dicens: *Et cum transfretassent, venerunt in terram Genesar. Et cum cognovissent eum viri loci illius, miserunt in universam regionem illam, et obtulerunt ei omnes male habentes: et rogabant eum, ut rel simbriam vestimenti ejus tangerent; et quicumque tetigerunt, salvi facti sunt. Tunc accesserunt ad eum ab Jerosolymis Scribæ et Pharisæi dicentes: Quare discipuli tui transgredientur traditionem seniorum? Non enim lavant manus suas, cum panem manducant, etc., usque ad illud ubi ait, Non lotis autem manibus manducare, non coquinat hominem* (Matth. xiv, 34; xv, 20). Hæc et Marcus commemorat sine aliqua repugnantie quæstione (Marc. vii, 1-23): quidquid enim diverso modo ab alio dicitur, ab eadem sententia non recessit. Joannes autem ab navicula, ad quam Dominus super mare ambulans venit, posteaquam exierunt in terram, more suo in sermonem Domini intentus, eum ex occasione panis multa præcipueque divina locutum esse commemorat; postque ipsum sermonem rursus in aliud atque aliud ejus narratio sublimiter fertur (Joan. vi, 22-72). Nec tamen in eo quod ab istis digreditur, aliquid ordini istorum, illius in alia transitus adversatur. Quid enim prohibet intelligere et illos esse sanatos a Domino, de quibus narrant Matthæus et Marcus; et illis qui eum secuti sunt trans mare, hæc eum locutum esse, quæ prædicat Joannes: quandoquidem Capharnaum, quo dicuntur secundum Joannem transfretasse, juxta stagnum est Genesar, ad quam terram secundum Matthæum dicuntur exisse?

CAPUT XLIX. — *De muliere Chananæa quæ dixit, Et canes edunt de micis cadentibus de mensa dominorum suorum, quomodo inter se Matthæus Lucasque consentiant.*

103. Sequitur itaque Matthæus post illum sermonem Domini, ubi de non lotis manibus cum Pharisæis egit, atque ita conserit narrationem, ordinem, quantum ipse transitus indicat, rerum etiam quæ consecutæ sunt servans: *Et egressus, inquit, inde Jesus recessit in partes Tyri et Sidonis. Et ecce mulier Chananæa a finibus illis egressa, clamavit dicens ei: Miserere mei, Domine, fili David; filia mea male a dæmonio vexatur. Qui non respondit ci verbum, etc.*

PATROL. XXXIV.

usque ad illud ubi ait, *O mulier, magna est fides tua; fiat sicut vis. Et sanata est filia ejus ex illa hora* (Matth. xv, 21-28). Ille de muliere Chananæa etiam Marcus commemorat, eundem rerum gestarum ordinem servans; nec afferens aliquam repugnantem quæstionem, nisi quod in domo dicit fuisse Dominum cum ad illum venit eadem mulier profilia sua rogans (Marc. vii, 24-50). Matthæus autem posset quidecum facile intelligi de domo tacuisse, eamdem tamen rem commemorasse: sed quoniam dicit discipulus Domino ita suggestisse, *Dimitte illam, quoniam clamat post nos; nihil videtur aliud significare, quam post ambulantem Dominum mulierem illam deprecatorias voces emisse. Quomodo ergo in domo, nisi quia intelligendum est dixisse quidecum Marcum quod intraverit ubi erat Jesus, cum eum prædixisset fuisse in domo? Sed quia Matthæus ait, Non respondit ei verbum; dedit agnoscere, quod ambo tacuerunt, in eo silentio egressum fuisse Jesum de domo illa: atque ita cætera contextuntur, quæ jam in nullo discordant. Quod enim Marcus commemorat ei Dominum respondisse de pane filiorum non mittendo canibus, illis interpositis, dictum est, quæ Matthæus dicta non tacuit: id est, quia discipuli rogaverunt eum pro illa; et quia respondit non se esse missum nisi ad oves quæ perierunt domus Israel; et quia illa venit, id est, consecuta est, et adoravit eum dicens, Domine, adjuva me: tunc deinde dictum est quod Evangelisti ambo commemorant.*

CAPUT L. — *Cum de septem panibus pavit turbas, utrum inter se Matthæus Marcusque convenient.*

104. Sequitur Matthæus ita narrans: *Et cum transisset inde Jesus, venit secus mare Galilææ; et ascendens in montem, sedebat ibi. Et accesserunt ad eum turbæ multæ, habentes secum mutos, claudos, cacos, debiles, et alias multos; et projecerunt eos ad pedes ejus, et curavit eos: ita ut turbæ mirarentur, videntes mutos loquentes, claudos ambulantes, cacos videntes; et magnificabant Deum Israel. Jesus autem convocalis discipulis suis dixit: Misereor turbæ, quia triduo iam perseverant mecum, et non habent quod manducent, etc., usque ad illud ubi ait, Erant autem qui manducaverunt quatuor millia hominum, extra parvulos et mulieres* (Matth. xv, 29-38). Hoc aliud miraculum de septem panibus et paucis pisciculis etiam Marcus commemorat eodem pene etiam ordine, nisi quia interponit quod nullus aliis dicit, de surdo cui Dominus aures aperuit, spuens et dicens, *Effeta, quod est, adaperire* (Marc. vii, 31; viii, 9).

105. Ille sane non ab re fuerit admonere in hoc miraculo de septem panibus, quod duo evangelistæ Matthæus Marcusque posuerunt, quia si aliquis eorum id dixisset, qui de illis quinque panibus non dixisset, contrarius ceteris putaretur. Quis enim non existimat unum idemque factum esse; non autem integre et veraciter, sive ab illo, sive ab aliis, sive ab omnibus fuisse narratum, sed aut illum pro quinque panibus septem dum falleretur commemorasse, aut illos pro septem quinque, aut utrosque mentitos, vel oblivione deceptos? Hoc et de duodecim eophinis, et de septem

(Trente-six.)

sportis opinaretur quasi contrarium : hoc de quinque millibus, et de quatuor millibus eorum qui pascerentur. Sed quia illi qui miraculum de septem panibus narraverunt, nec illud de quinque tacuerunt, neminem movet, et utrumque factum omnes intelligunt. Hoc ideo diximus, ut sicubi simile invenitur factum a Domino, quod in aliquo alteri Evangelistae ita repugnare videatur, ut omnino solvi non possit, nihil aliud intelligatur quam utrumque factum esse, et aliud ab alio commemoratum : sicut de centenis, et quinquagenis discubentibus commendavimus; quia si non etiam illud utrumque apud unum inveniremus, contraria singulos dixisse putaremus (*a*).

CAPUT LI. — *Quod dicit Matthæus inde eum venisse in fines Magedan, quomodo congruat Marco; et in eo quod petentibus signum respondit iterum de Jona.*

106. Sequitur Matthæus, et dicit : *Et dimissa turba ascendit in naviculam et venit in fines Magedan, etc.* usque ad illud ubi ait, *Generatio mala et adultera signum querit, et signum non dabitur ei, nisi signum Jo-næ prophetæ* (Matth. xv, 39; xvi, 4). Hoc jam et alibi dixit idem Matthæus (*Id. xii, 39*). Unde etiam atque etiam retinendum est, sepius Dominum eadem dixisse; ut quod existente contrario solvi non potuerit, bis dictum intelligatur. Hunc sane ordinem etiam Marcus tenens, post illud de septem panibus miraculum, hoc idem subjicit quod Matthæus, nisi quod Dalmatutha, quod in quibusdam codicibus legitur, non dixit Matthæus, sed Magedan (*Marc. viii, 10-12*). Non autem dubitandum est eundem locum esse sub utroque nomine. Nam plerique codices non habent etiam secundum Marcum, nisi Magedan. Nec illud moveat, quod Marcus non dicit responsum esse querentibus signum de cœlo, idem quod Matthæus de Jona, sed ait Dominum respondisse, *Signum non dabitur ei*. Intelligendum est enim quale petebant, hoc est, de cœlo : prætermisit autem dicere de Jona, quod Matthæus commemoravit.

CAPUT LII. — *De fermento Pharisæorum, quomodo cum Marco conveniat, vel re vel ordine.*

107. Sequitur Matthæus : *Et relictis illis abiit. Et cum venissent discipuli ejus trans fretum, obliti sunt panes accipere.* Qui dixit illis : *Intuemini, et cavete a fermento Pharisæorum et Saducæorum, etc.*, usque ad illud ubi ait, *Tunc intellexerunt quia non dixerit carendum a fermento panum, sed a doctrina Pharisæorum et Saducæorum* (Matth. xv, 5-12). Hæc eadem etiam Marcus et eodem ordine digerit (*Marc. viii, 13-21*).

CAPUT LIII. — *Cum interrogavit discipulos, quem illum dicent homines, utrum nihil inter se repugnent Matthæus, Marcus et Lucas, rebus aut ordine.*

108. Sequitur Matthæus : *Venit autem Jesus in partes Cesarea Philippi, et interrogabat discipulos suis dicens : Quem me dicunt homines esse Filium hominis ? At illi dixerunt : Alii Joannem Baptistam, alii autem Eliam, alii vero Jeremiam, aut unum ex Prophete-*

<sup>1</sup> In editis exciderat, me; quod hic in optimæ notæ MSS. habetur, et in græco.

(a) Vide supra, cap. 46.

tis, etc., usque ad illud ubi ait, *Et quodcumque solteris super terram, erit solutum et in cœlis* (Matth. xvi, 13-19). Hoc eodem pene ordine Marcus narrat, sed interposuit primo de cœxo illuminato, quod solus ipse commemorat, de illo qui dixit Domino, *Video homines sicut arbores ambulantes* (*Marc. viii, 22-29*). Lucas autem post miraculum illud de quinque panibus hoc recordatur, atque inserit (*Luc. ix, 18-20*) : cuius recordationis ordo, sicut supra jam ostendimus, nihil reprignat ordini istorum. Sed potest illud moveare, quod Lucas Dominum interrogasse discipulos suos, quem illum dicent homines, tunc dixit, cum esset solus orans, et adessent etiam ipsi : porro autem Marcus in via dicit illos hoc ab eodem interrogatos. Sed eum movet, qui nunquam oravit in via <sup>1</sup>.

109. Jam etiam dixisse me recolo, ne quis arbitretur quod hic Petrus nomen acceperit, ubi illi ait, *Tu es Petrus, et super hanc petram ædificabo Ecclesiam meam*. Non enim accepit hoc nomen, nisi ubi Joannes commemorat ei dictum esse, *Tu vocaberis Cephas, quod interpretatur Petrus* (*Joan. i, 42*). Unde nec illo loco, ubi Marcus duodecim discipulos nominat, commemorans, dixit appellatos Jacobum et Joannem filios tonitru, arbitrandum est nomen accepisse Petrum; quia dixit illic quod imposuerit ei nomen ut vocaretur Petrus (*Marc. iii, 16-19*) : hoc enim recordando dixit, non quod tunc factum sit.

CAPUT LIV. — *Ubi prænuntiavit discipulis passionem suam, quæ sit inter Matthæum, Marcum et Lucam convenientia.*

110. Sequitur Matthæus, et dicit : *Tunc præcepit discipulis suis, ut nemini dicent quia ipse esset Jesus Christus. Exinde cepit Jesus ostendere discipulis suis quia oporteret eum ire Jerosolymam, et multa pati a senioribus et Scribis, etc., usque ad illud ubi ait, Non sapis ea quæ Dei sunt, sed ea quæ hominum* (Matth. xvi, 20-25). Hæc eodem ordine subnectunt Marcus et Lucas (*Marc. viii, 30-35*, et *Luc. ix, 21, 22*) : sed Lucas de Petro, quod passioni Christi contradixerit, tacet.

CAPUT LV. — *Ubi subjungunt iidem tres quomodo præceperit Dominus ut post eum qui voluerit veniat, quam secum concordent.*

111. Sequitur Matthæus : *Tunc Jesus dixit discipulis suis : Si quis vult post me venire, abneget semetipsum, et tollat crucem suam, et sequatur me, etc., usque ad illud ubi ait, Et tunc reddet unicuique secundum opus ejus* (Matth. xvi, 24-27). Ille et Marcus subjungit eundem ordinem servans : sed ipse non dicit de Filio hominis venturo cum Angelis suis, ut reddat unicuique secundum opus suum. Commemorat tamen etiam illud dixisse Dominum, *Qui enim me confusus fuerit, et mea verba, in generatione ista adultera et peccatrice, et Filius hominis confundetur cum cum venerit in gloria sua cum Angelis sanctis* (*Marc. viii, 34-38*). Quod intelligi potest ad eamdem sententiam pertinere, quæ dixit Matthæus, ut reddat unicuique secun-

<sup>1</sup> Et. et Lev. : Qui putat quod nunquam oratus in ea AL. RAL. 1886. non habent, putat quod.

dum opus suum. Lucas quoque eadem eodemque ordine annetit, non multum diverso verborum modo, eadem tamen sententiarum veritate similissimus<sup>1</sup> (*Luc. ix., 23-26*).

CAPUT LVI. — *Quod se Dominus tribus discipulis in monte ostendit cum Moysè et Elia, quomodo inter se congruant tres isti ordine et rebus, et maxime propter numerum dierum, quia Matthæus et Marcus dicunt post sex dies factum, quod Lucas post octo.*

412. Sequitur Matthæus : *Amen dico vobis, sunt quidam de hic stantibus, qui non gustabunt mortem donec videant Filium hominis venientem in regno suo. Et post dies sex assumpsit Jesus Petrum, et Jacobum, et Joannem fratrem ejus, et duxit illos in montem excelsum seorsum, etc., usque ad illud ubi ait, Nemini dixeritis visionem, donec Filius hominis a mortuis resurget. Hæc visio Domini in monte coram tribus discipulis, Petro, Jacobo et Joanne, ubi etiam de calo illi testimonium paternæ vocis perhibitum est, a tribus Evangelistis eodem ordine commemoratur, et ad easdem omnino sententias (*Matth. xvi., 28; xvii., 9; Marc. viii., 59; ix., 9, et Luc. ix., 27-56*) : sed cetera secundum ea genera locutionum diversa, sine ulla sententiarum diversitate, quæ multis locis superius demonstravimus, videri a legentibus possunt.*

413. Quod autem Marcus post sex dies factum dicit, sicut Matthæus, Lucas autem post octo, non contemnendi sunt, si quos movet, sed ratione redditæ instruendi. Dics enim quando enuntiamus dicentes : *Post tot dies; aliquando non annumeramus eum in quo loquimur, et eum quo res ipsa futura est, quam prænuntiamus vel pollicemur, sed medios, post quos revera plenos atque integros illud futurum est. Hoc fecit Matthæus et Marcus; excepto eo die quo hæc loquebatur Jesus, et illo quo exhibuit memoratam in monte visionem, medios dies intuentes dixerunt, Post sex dies: quod ille annumeratis finalibus, id est primo atque ultimo, dixit, Post octo dies, eo loquendi modo quo pars pro toto commemoratur.*

414. Item quod Lucas ait de Moyse et Elia, *Et factum est, dum discederent ab illo, ait Petrus ad Jesum: Preceptor, bonum est nos hic esse, et cetera, non debet putari contrarium ei quod Matthæus Marcusque illa conjunxerunt, Petrum hoc suggestisse quasi adhuc Moysem et Elias cum Domino loquerentur. Non enim expresserunt, quod tunc; sed tacuerunt potius, quod iste addidit, illis discendentibus hoc Petrum de tribus tabernaculis faciendis Domino suggestisse. Addidit etiam Lucas, intrantibus illis in nubem, factam esse vocem de nube; quod illi non dixerunt, sed nec contradixerunt.*

CAPUT LVII. — *Ubi de adventu Eliae locutus est eis, quæ sit convenientia inter Matthæum et Marcum.*

415. Sequitur Matthæus : *Et interrogaverunt eum discipuli dicentes: Quid ergo Scribæ dicunt quod Eliam sporetat primum venire? At ille respondens ait eis: Elias quidem venturus est, et restituet omnia: dico autem vobis quia Elias jam venit, et non cognoverunt eum,*

<sup>1</sup> *Rat. et duo Mss. sententiam veritatem similissimam*

*sed fecerunt in eo quæcumque voluerant; sic et Filius hominis passus est ab eis. Tunc intellexerunt discipuli quia de Joanne Baptista dixisset eis (*Matth. xvii., 10-13*). Hoc idem Marcus, etiam hunc ordinem servans, commemoravit et in nonnulla diversitate verborum, nusquam tamen ab ejusdem sententiae veritate discessit (*Marc. ix., 10-12*): sed ipse non addidit, intellexisse discipulos quod Joannem Dominus significasset, dicendo quod Elias jam venerit.*

CAPUT LVIII. — *De illo qui ei obtulit filium suum, quem discipuli sanare non potuerant, quemadmodum tres isti consentiant etiam ordine narrationis.*

416. Sequitur Matthæus, et dicit : *Et cum venisset ad turbam, accessit ad eum homo genibus provolutis ante eum, dicens: Domine, miserere filii mei, quia lanatus est, et male patitur, etc., usque ad illud ubi ait, Hoc autem genus non ejicitur nisi per orationem et jejunium (*Matth. xvii., 14-20*). Hoc et Marcus et Lucas eodem etiam ordine memorant, sine ulla repugnantia: quæstione (*Marc. ix., 16-28, et Luc. ix., 38-43*).*

CAPUT LIX. — *Ubi de passione sua cum eis dixisset, contrastati sunt, quod tres ipsi eodem ordine commemorant.*

417. Sequitur Matthæus, dicens : *Conversantibus autem eis in Galilæa, dixit illis Jesus: Filius hominis tradendus est in manus hominum; et occident eum, et tercia die resurget. Et contrastati sunt vehementer (*Matth. xvii., 21, 22*). Hoc eodem ordine Marcus Lucas quo commemorant (*Marc. ix., 29-31, et Luc. ix., 44, 45*).*

CAPUT LX. — *Ubi de ore piscis solvit tributum, quod Matthæus solus dicit.*

418. Sequitur Matthæus, dicens : *Et cum venissent Capharnaum, accesserunt qui didrachma accipiebant, ad Petrum, et dixerunt ei: Magister vester non solvit didrachma? Ait, Etiam, etc., usque ad illud ubi ait, Invenies statorem; illum sumens da eis pro me et te (*Matth. xvii., 25-26*). Hoc solus iste commemorat, quo interposito eundem ordinem sequitur, in quo cum eo etiam Marcus et Lucas pariter ambulant.*

CAPUT LXI. — *Dc puerō parvulo quem proposuit imitandum, de scandalis mundi, de membris corporis scandalizantibus, de angelis parvolorum qui vident faciem Patris, de una ove ex ovibus centum, de fratre corripiendo in secreto, de solvendis ligandisque peccatis, de concordia dxorum et congregatione trium, de dimittendis peccatis usque septuagies septies, de servo cui dimissum est multum debitum, et ipse parvum non dimisit conseruo, Matthæus quemadmodum cœteris non repugnat.*

419. Sequitur ergo idem Matthæus, et dicit : *In illa hora accesserunt discipuli ad Jesum dicentes: Quis, putas, major est in regno caelorum? Et advocans Jesus parvulum, statuit eum in medio eorum, et dixit: Amen dico vobis, nisi conversi fueritis, et efficiamini sicut parvuli, non intrabitis in regnum caelorum, usque ad illud ubi ait, Sic et Pater meus cœlestis faciet vobis, si non remiseritis unusquisque fratri suo de cordibus vestris (*Matth. xviii.*). Ex isto aliquanto prolixiore Domini sermone non omnia, sed quedam Marcus eundem*

sequens ordinem posuit; quædam etiam ipse, que Matthæus non dicit, inseruit (*Marc.* ix, 35-49). Totus autem sermo quoisque eum considerandum suscepimus, a Petro solo interpellatur, quærerente quoties fratri debeat ignosci. Talia enim Dominus loquebatur, ut satis elueat, etiam hoc quod Petrus interrogavit, eique responsum est, ad eundem pertinere sermonem. Lucas autem, nisi illud de parvulo quem constituit ante discipulos imitandum, cum de sua magnitudine cogitarent, nihil hoc ordine servato commemorat (*Luc.* ix, 46-48). Si qua enim alia similiter dixit, que et in isto sermone sunt posita, alibi et ex aliis occasionibus dicta recoluit: sicut Joannes de remissione peccatorum, quod tenebuntur, si cui tenuerint; et dimittentur, si cui dimiserint, post resurrectionem a Domino dictum commemorat (*Joan.* xx, 25); cum Matthæus in hoc sermone Dominum hoc dixisse meminerit, quod et Petro antea dictum fuisse idem ipse testatur (*Matth.* xvi, 19). Eadem itaque saepe ac pluribus locis Jesum dixisse, necubi moveamur, si ordo dictorum quibusdam repugnare putabitur, sicut jam toties commendavimus, meminisse debemus, ne hoc semper admonere necesse sit.

**CAPUT LXII.** — *Quando interrogatus est utrum licet simmittere uxorem, quemadmodum inter se consentiant Matthæus et Marcus, maxime de ipsis interrogacionibus vel Domini vel Judæorum atque responsis, in quibus videntur aliquantulum variare.*

120. Sequitur Matthæus, ita narrans: *Et factum est, cum consummasset Jesus sermones istos, migravit a Galilæa, et venit in fines Judææ trans Jordanem: et sequæ sunt eum turbæ multæ, et curavit eos ibi. Et accesserunt ad eum Pharisei, tentantes eum, et dicentes: Si licet homini dimittere uxorem suam quacunque ex causa, etc., usque ad illud ubi ait, Qui potest capere capiat (*Id.* xix, 1-12).* Hoc et Marcus commemorat, eundem ordinem tenens (*Marc.* x, 1-12). Sane videndum est, ne repugnare videatur, quod idem Marcus a Domino dicit interrogatos Phariseos, quid ei Moyses præceperit, atque ita illos interroganti respondisse de permesso sibi libello repudii: cum Matthæus dixerit verbis Domini, quibus ostenderat ex Lege Deum conjunxisse masculum et feminam, et propterea non eos debere ab homine separari, illos retulisse responsionem, *Quid ergo Moyses mandavit dari libellum repudii, et dimittere?* Quibus iterum ait, *Quoniam Moyses ad duritiam cordis vestri permisit vobis dimittere uxores vestras: ab initio autem non sic fuit.* Nam et Marcus hanc Domini responsionem non tacet, sed posteaquam ei responderunt interroganti de libello repudii.

121. In quo ordine vel modo verborum hoc intelligere debemus, ad rei veritatem nihil interesse utrum Domino separationem prohibenti et sententiam suam de Lege firmanti, ipsi intulerint quæstionem de libello repudii per eundem Moysen sibi permisso, per quem et illud scriptum est, quod Deus conjunxit masculum et feminam (*Gen.* ii, 24); an hoc idem illi de præcepto Moysi eos interroganti responderint. Nam et voluntas ejus ita se habebat, ut non eis redderet

rationem cur illud Moyses permisit, nisi prius ipsi hoc commemorasset; que voluntas ejus, ea quam Marcus posuit, interrogatione sgnificata est: et illorum voluntas ipsa erat, ut de auctoritate Moysi, quoniam mandavit dari libellum repudii, tanquam concluderent eum separationem sine dubio velatum; hoc enim dicti etiam tentantes accesserant. Que voluntas eorum sic expressa est per Matthæum, ut non eos esse commemoraret interrogatos, sed ultra intulisse de mandato Moysi, quo velut convincerent Dominum separationem conjugum prohibenteum. Cum ergo voluntas loquentium, cui debeat verba servire, ab Evangelista utroque monstrata sit, nihil interest quam diversus inter ambos fuerit narrandi modus, dum ab eadem veritate neuter abcederet.

122. Potest etiam hoc intelligi, quod, sicut dicit Marcus, prius eos de uxore dimittenda interrogantes Dominus vicissim interrogaret, quid eis præceperit Moyses: qui cum respondissent, Moyses permisit libellum repudii scribere, et dimittere, respondit eis de ipsa Lege per Moysen data, quomodo Deus instituerit conjugium masculi et feminæ, dicens ea que ponit Matthæus, id est, *Non legistis quia qui fecit ab initio, masculum et feminam fecit eos, et cætera.* Quibus auditis illi id quod ei primo interroganti responderant, repaterunt, dicentes, *Quid ergo Moyses mandavit dari libellum repudii, et dimittere?* Tunc Jesus causam ostendit esse duritiam cordis ipsorum, quam Marcus brevitas causa prius ponit, tanquam illi priori, quam Matthæus intermisit, eorum responsioni redditam; nihil deperire judicans veritati, quemcumque loco eisdem ipsis verbis quebis dixerant responderetur, quoniam ipsis verbis eam reddiderat Dominus.

**CAPUT LXIII.** — *De parvulis quibus manus imposuit, de divite cui dixit, Vende omnia tua; de vinea quo conducti sunt operarii per horas diversas, quemadmodum Matthæus duabus aliis non repugnet.*

123. Sequitur Matthæus: *Tunc oblati sunt ei parvuli, ut manus eis imponeret, et oraret: discipuli autem increpabant eos, et cætera, usque ad illud ubi ait, Multi enim sunt vocati, pauci autem electi (*Matth.* xix, 15; xx, 16).* Hunc cum Matthæo Marcus ordinem tenuit (*Marc.* x, 13-31), sed de conductis operariis ad vineam solus Matthæus interponit. Lucas autem cum commemorasset illud quod eis dixit querentibus inter se quisnam major esset, adjunxit de illo quem viderant ejicientem dæmonia, cum eum non sequeretur: inde jam digreditur ab istis duobus, ubi ait eum firmasse faciem suam ut iret in Jerusalem (*Luc.* ix, 46-51); ac post multa interposita occurrit eis rursus ad commemorandum istum divitem cui dicitur, *Vende omnia que habes* (*Id.* xviii, 18-30); quem nunc isti commemorant ex ordine quo pariter eunt. Nam ibi etiam Lucas de istis parvulis, antequam divitis faciat mentionem, quemadmodum et isti, non prætermittit. De illo ergo divite qui quærerit, quid boni faciat ut vitam æternam consequatur, potest videri distare aliquid quod secundum Matthæum dicitur, *Quid me interrogas de bono?* secundum illos autem, *Quid me dicas bonum?* Nam,

*Quid me interrogas de bono? ad illud magis referri potest, quod ait ille querens, Quid boni faciam? Ibi enim et bonum nominavit, et interrogatio est: Magister autem bonae, nondum est interrogatio. Commodeissime ergo intelligitur utrumque dictum, Quid dicis me bonum; et, interrogas me de bono?*

CAPUT LXIV. — *Ubi secreto duodecim discipulis de passione sua prædixit, et mater filiorum Zebedæi cum filiis suis petuit ut unus eorum ad dexteram ejus, alter ad sinistram sederet, quomodo noui repugnet Matthæus aliis duobus.*

124. Sequitur Matthæus, et dicit: *Et ascendens Jesus Jerosolymam assumpsit duodecim discipulos secreto, et ait illis: Ecce ascendimus Jerosolymam, et filius hominis tradetur principibus sacerdotum et Scriptis; et condemnabunt eum morte, et tradent eum Gentibus ad deludendum et flagellandum et crucifigendum; et tertia die resurget. Tunc accessit ad eum mater filiorum Zebedæi cum filiis suis, adorans, et petens aliquid ab eo, etc., usque ad illud ubi ait, Sicut Filius hominis non venit ministrari, sed ministrare, et dare animam suam redemptiōnē pro multis (Matth. xx, 17-28).* Hunc cum illo ordinem etiam Marcus tenet, filios Zebedæi perhibens dixisse quod ab eis, non per eos ipsos, sed per matrem dictum esse Matthæus expressit, cum illa eorum voluntatem attulisset ad Dominum. Unde magis ipsos quam illam dixisse quod dictum est, Marcus breviter intimavit. Denique et Dominus, et secundum Matthæum et secundum Marcum, ipsis potius quam matri respondit. Lucas autem posteaquam ex eodem ordine commemoravit, quæ de passione et de resurrectione sua duodecim discipulis prædixerit, pretermittit ea quæ isti commemorant, post quæ interposita occurrunt ei ad Jericho (Luc. xviii, 31-55). Quod autem dixerunt Matthæus et Marcus de principibus gentium, qui dominantur subiectis, non ita futurum inter illos, sed cum qui erit major etiam servum aliorum futurum: dicit tale aliquid et Lucas, sed non eo loco (*Id. xxii, 24-27*): et cordo ipse indicat, iterum esse eamdem sententiam a Domino dictam.

CAPUT LXV. — *De cæcis Jericho illuminatis, quemadmodum non adversetur Matthæus vel Marco, vel Lucas.*

125. Sequitur Matthæus: *Et egredientibus eis ab Jericho, secuta est eum turba multa. Et ecce duo cæci sedentes secus viam audierunt quia Jesus transiret, et clamaverunt, dicentes: Domine, miserere nostri, fili David, etc., usque ad illud ubi ait, Et confestim viderunt, et secuti sunt eum (Matth. xx, 29-34).* Hoc et Marcus commemorat, sed de uno cæco factum (Marc. x, 46-52). Quæ ita solvit quæstio, ut illa soluta est de duobus, qui legiōnem dæmonum patiebantur in regione Gerasenorum (*Supra, cap. 24, n. 56*). Nam duorum etiam cæcorum, quos modo interposuit, unum fuisse notissimum et in illa civitate famosissimum, ex hoc etiam satis apparet, quod et nomen ejus et patris ejus Marcus commemoravit: quod in tot superiorius sanatis a Domino non facile occurrit, nisi cum Jairum archi-

synagogum etiam nomine expressit, cuius filiam resuscitavit Jesus (*Marc. v, 22-43*). In quo etiam magis iste sensus apparet, quia et ille archisynagogus utique in loco isto nobilis fuit. Procul dubio itaque Bartimæus iste Timari filius ex aliqua magna felicitate dejectus, notissimæ et famosissimæ misericordiæ fuit, quod non solum cæcus, verum etiam mendicus sedebat. Illic est ergo quod ipsum solum voluit commemorare Marcus, cuius illuminatio tam claram famam huic miraculo comparavit, quam erat illius nota calamitas.

126. Lucas vero quamvis omnino eodem modo factum, tamen in alio cæco intelligendus est par commemorare miraculum, et ejusdem miraculi parem modum. Ille quippe hoc factum dicit, cum appropinquaret Jericho (*Luc. xviii, 35-43*): at isti cum egredieretur ab Jericho. Sed nomen civitatis et facti similitudo putari suadet semel esse factum: sed Evangelistas in hoc sibi adversari, quod alias dicat, *Cum appropinquaret Jericho, alii, Cum egredieretur ab Jericho, non sane hoc persuadet, nisi eis qui proclivius credi volunt mentiri Evangelium, quam duo similia similiterque miracula fecisse Jesum. Quid autem sit credibilius, et quid potius verum, et omnis fidelis filius Evangelii facillime videt; et omnis contentiosus saltem cum admonitus fuerit, vel tacendo, vel etiam si tacere noluerit, cogitando sibi ipse respondet.*

CAPUT LXVI. — *De asina pullo, quomodo Matthæus ceteris congruat, qui solum pullum commemorant.*

127. Sequitur Matthæus, et dicit: *Et cum appropinquarent Jerosolymis, et venissent Bethphage ad montem Oliveti, tunc Jesus misit duos discipulos, dicens eis: Ite in castellum quod contra vos est, et statim invenietis asinam alligatam et pullum cum ea, etc., usque ad eum locum ubi ait, Benedictus qui venit in nomine Domini, Hosanna in altissimis (Matth. xxi, 1-9).* Hoc etiam Marcus narrat eodem ordine custodito (*Marc. xi, 1-10*). Lucas autem in Jericho immoratur, quædam commemorans quæ isti prætermiscent, de Zachæo principe Publicanorum, et quædam in parabolis dicta. Post hæc et ipse occurrit eis ad hujus pulli commemorationem, in quo sedit Jesus (*Luc. xix, 1-38*). Nec moveat quod Matthæus asinam dicit et pullum, cæteri autem de asina tacent. Imo etiam recordanda est illa regula, quam de quinquagenis et centenis discubentibus, cum quinque panibus turbæ pascerentur, supra insinuavimus (*Supra, cap. 46, n. 98*): quæ insinuata, non deberet hoc jam permovere lectorem, nec si Matthæus ita de pullo tacuiset, quemadmodum illi de asina tacuerunt, ut maxime contrarium putaretur, quod unus asinam dixit, alii pullum asinæ; quanto minus moveri oportet, quia unus ita commemoravit asinam, de qua cæteri tacuerunt, ut tamen pullum non taceret, de quo illi dixerunt? Ubi ergo utrumque factum potest intelligi, nulla repugnatio est, nec si alius aliud, et aliud alius commemoraret: quanto minus ubi alius unum, alius utrumque?

128. Joannes quoque cum faciat quemadmodum Dominus discipulos suos ad hæc animalia sibi adducenda miserit, interponit tamen breviter hoc de pullo,

cum testimonio etiam prophetæ, quod Matthæus adhibet (*Joan. xii, 14, 15*). In quo etiam testimonio propheticō aliquantum diversa Evangelistarum locutio ab ea quidem sententia non recedit: sed potest movere quod hoc Matthæus sic adhibet, ut asinam dicat commemorasse prophetam; non autem ita se habet, vel quod Joannes interponit, vel codices ecclesiastici interpretationis usitatæ. Cujus rei causa illa mihi videtur, quod Matthæus hebræa lingua perhibetur Evangelium conscripsisse. Manifestum est autem interpretationem illam quæ dicitur Septuaginta in nonnullis se aliter habere quam inveniunt in hebræo, qui eam linguam neverunt, et qui interpretati sunt singuli eosdem Libros hebreos. Hujus item distantiae causa si queratur, cur tanta auctoritas interpretationis Septuaginta multis in locis distet ab ea veritate quæ in hebræis codicibus invenitur; nihil occurrere probabilius existimo, quam illos Septuaginta ex spiritu interpretatos, quo et illa quæ interpretabantur dicta fuerant: quod ex ipsa eorum miribili quæ prædicatur consensione firmatum est. Ergo et ipsi nonnulla in eloquio variando, et ab eadem voluntate Dei, cuius illa dicta erant, et cui verba servire debebant non recedendo, nihil aliud demonstrare voluerunt, quam hoc ipsum quod nunc in Evangelistarum quatuor concordi quadam diversitate miramur, qua nobis ostenditur non esse mendacium, si quisquam ita diverso modo aliquid narret, ut ab ejus voluntate cui consonandum et consentiendum est, non recedat. Quod nosse et moribus utile est, propter cavenda et indicanda mendacia; et ipsi fidei, ne putemus quasi consecratis sonis, ita muniri veritatem, tanquam Deus nobis quemadmodum ipsam rem, sic verba quæ propter illam sunt dicenda, commendet; cum potius ita res quæ dicenda est, sermonibus per quos dicenda est<sup>1</sup>, præferatur, ut istos omnino querere non deberemus, si eam sine his nosse possemus, sicut illam novit Deus, et in ipso Angeli ejus.

CAPUT LXVII. — *De expulsis templo videntibus et ementibus, quemadmodum tres iei non repugnant Joanni qui hoc idem longe alibi dicit.*

129. Sequitur Matthæus, et dicit: *Et cum intrasset Ierosolymam, commota est universa civitas, dicens: Quis est hic? Populi autem dicebant: Hic est Jesus propheta a Nazareth Galilææ. Et intravit Jesus in templum Dei, et ejiciebat omnes vendentes et ementes in templo, etc., usque ad eum locum ubi ait, Vos autem fecistis illam speluncam latronum. Hoc de turbis videntium ejectis e templo, omnes commemorant, sed Joannes longe diverso ordine (Matth. xxi, 10-13; Marc. xi, 15-17; Luc. xix, 45, 46; et Joan. ii, 1-17). Nam post testimonium Baptiste Joannis de Jesu, cum eum commemorassetisse in Galiliam, quando aquam convertit in vinum, inde post commemorationem paucorum in Capharnaum dierum, dicit eum ascendisse in Ierosolymam, cum esset Pascha Iudeorum, et facto flagello de resticulis expulisse de templo ven-*

<sup>1</sup> In duodecim MSS. et in editione Ratisbonensi: *Quæ discenda est, sermonibus per quos discenda est.*

dentes. Unde manifestum est, non semel, sed iterum hoc esse a Domino factum: sed illud primum commemoratum a Joanne, hoc ultimum a ceteris tribus.

CAPUT LXVIII. — *De aresfacta arbore fculnea, et quæ juxta narrata sunt, quomodo non repugnet Matthæus cæteris, et maxime Marco de ordine narrationis.*

130. Sequitur Matthæus: *Et accesserunt ad eum cœci et claudi in templo, et sanavit eos. Videntes autem principes sacerdotum et Scribæ mirabilia quæ fecit, et pueros clamantes in templo et dicentes, Hosanna filio David; indignati sunt, et dixerunt ei: Audis quid isti dicunt? Jesus autem dicit eis: Utique; nunquam legisti, quia ex ore infantum et lactentium persecisti laudem? Et relictis illis, abiit foras extra civitatem in Bethaniam, ibique mansit. Mane autem revertens in civitatem, esurivit: et videntes fici arborem unam secus viam, venit ad eam, et nihil invenit in ea, nisi folia tantum; et ait illi: Nunquam ex te fructus nascatur in sempiternum; et aresfacta est continuo fculnea. Et videntes discipuli mirati sunt dicentes: Quomodo continuo aruit? Respondens autem Jesus, ait eis: Amen dico vobis, si habueritis fidem et non hæsitaveritis, non solum de fculnea facietis, sed et si monti huic dixeritis, Tolle te, et jacta te in mare, fiet: et omnia quæcumque petieritis in oratione credentes, accipietis (Matth. xxi, 14-23).*

131. Hoc et Marcus consequenter dicit, sed non euendum ordinem tenet. Primo enim quod eum Matthæus in templum dixit intrasse, et ejecisse vendentes et ementes, non commemorat Marcus, sed circumspectis omnibus, cum jam vespera esset, exisse dicit in Bethaniam cum duodecim; et alia die cum exirent a Bethania esuriisse, et arbori fici maledixisse: quod et Matthæus commemorat. Et subiungit idem Marcus, quod venerit Jerosolymam, et cum introisset in templum, ejecit vendentes et ementes, quasi altero die, non primo factum esset (Marc. xi, 11-17). Sed quia Matthæus ita connectit, *Et relictis illis, abiit foras extra civitatem in Bethaniam*, unde mane revertentem in civitatem arbori maledixisse coïmmemorat; probabilius creditur ipse potius tenuisse ordinem temporis de vendentibus et ementibus ejectis de templo. Cum enim dicit, *Et relictis illis, abiit foras; quibus relictis intelligi poterit, nisi cum quibus superius loquebatur, indignantibus quod pueri clamarent, Hosanna filio David?* Prætermisit ergo Marcus quod primo die factum est, cum intravit in templum; et recordatum interposuit, cum dixisset quod non invenerit aliquid in fculnea præter folia, quod secundo die factum est, sicut ambo testantur. Miratos autem esse discipulos quod arbor aruerit, et eis Dominum respondisse de fide et de monte in mare transferendo, non ipso secundo die quo dixit arbori, *Jam non amplius in æternum quisquam ex te fructum manducet*, sed tertio die dicit. Ipso quippe die secundo commemoravit idem Marcus de templo ejectos vendentes, quod primo die factum prætermisserat. Ipso ergo secundo die dicit facta vespera egressum de civitate, et cum mane transirent, vidisse discipulos sicut aridam factam a radicibus, et

recordatum Petrum dixisse ei, *Rabbi, ecce fucus cui maledixisti, aruit*: tunc eum de potentia fidei respondisse. Matthæus autem tanquam secundo die hoc totum factum sit, id est, et dictum arbori, *Nunquam exte fructus nascatur in sempiternum; et aresfactam esse continuo; et videntibus hoc discipulis atque mirantibus illud de virtute fidei fuisse responsum. Unde intelligitur, Marcum quidem secundo die commemorasse quod primo die factum prætermiserat, de templo scilicet ejectos vendentes et ementes: Matthæus vero cum commemorasset quod altero die factum est, de arbore maledicta quando mane revertebatur a Bethania in civitatem, prætermisit ea quæ Marcus commemoravit, venisse illum in civitatem, et vespere exiisse, et mane cum transirent, discipulos arboreum aridam fuisse miratos; et ei quod secundo die gestum erat, quo arbor maledicta est, adjunxit illud quod tertio die gestum est, ejus ariditatem miratos esse discipulos, et de potentia fidei a Domino audisse: sic ea conjungens, ut nisi ex Marci narratione cogamur intendere, ubi et quid Matthæus prætermiserit, non possit agnosciri. Cum ergo dixisset Matthæus, *Et relictis illis, abiit foras extra civitatem in Bethaniam, ibique mansit. Mane autem revertens in civitatem, esurivit: et ridens sibi arborem unam secus viam, venit ad eam, et nihil invenit in ea, nisi folia tantum; et ait illi: Nunquam abs te fructus nascatur in sempiternum; et aresfacta est continuo ficalnea; prætermisso ceteris ad eundem diem pertinentibus, adjunxit statim. Et videntes discipuli mirati sunt dicentes: Quomodo couinuo aruit? quod alio die viderunt, alio die mirati sunt. Intelligitur autem non tunc aruisse quando viderunt, sed continuo cum maledicta est. Neque enim arescentem, sed penitus aresfactam viderunt, ac sic eam continuo in verbo Domini aruisse intellexerunt.**

CAPUT LXIX. — *Cum Dominum interrogaverunt Iudei, in qua potestate ista faceret, quomodo inter se consentiant isti tres.*

132. Sequitur Matthæus, et dicit: *Et cum venisset in templum, accesserunt ad eum docentem principes sacerdotum et seniores populi dicentes: In qua potestate hæc facis? Et quis dedit tibi hanc potestatem? Respondens Jesus dixit illis: Interrogabo vos et ego unum sermonem; quem si dixeritis mihi, et ego vobis dicam in qua potestate hæc faciam. Baptismus Joannis unde erat? etc., usque ad illud ubi ait, Nec ego vobis dico in qua potestate hæc facio (Matth. xxi, 23-27). Hoc totum et alii duo Marcus et Lucas totidem pene verbis explicaverunt (Marc. xi, 27-55, et Luc. xix, 47; xx, 8): nec in ordine inter se videntur aliquid discrepare, nisi unde superius locutus sum, quod prætermisis quibusdam Matthæus ad alterum diem pertinentibus ita contextit narrationem, ut nisi advertatur, possit putari ipsum in secundo die adhuc versari, Marcum autem in tertio. Lucas vero non quasi ex ordine dies persequens hoc subjunxit, sed cum commemorasset ejectos de templo cimentes et vendentes, prætermisit quod exhibat in Bethaniam, et regrediebatur in civitatem, et quod de ficalnea factum est, et quod miran-*

*tibus discipulis de Ædei virtute responsum est: atque his prætermisis intulit dicens, Et erat docens quotidie in templo. Principes autem sacerdotum et Scribæ et principes plebis quererent illum perdere: et non inventiebant quid facerent illi. Omnis enim populus suspensus erat audiens illum. Et factum est in una dierum, docente illo populum in templo et evangelizante, convenerunt principes sacerdotum et Scribæ cum senioribus, et aiunt dicentes ad illum: Dic nobis in qua potestate hæc facis? etc., quæ etiam duo illi commemorant. Unde apparet, nihil eis etiam ipso ordine repugnare, quando id quod dicit factum in una dierum, ea dies intelligitur, in qua id gestum illi etiam retulerunt.*

CAPUT LXX. — *De duabus quibus imperaverit pater ut irent in vineam, et de vince quæ locata est aliis agricolis, quomodo non aduersetur Matthæus illis duabus; cum quibus eundem ordinem tenet, et maxime in hac parabola quam omnes tres dicunt de vinea locata, propter responsionem eorum quibus dicebatur, ubi aliquantum videtur variare.*

133. Sequitur Matthæus: *Quid autem vobis videtur? Homo<sup>1</sup> habebat duos filios, et accedens ad primum dixit, Fili, vade, hodie operare in vinea mea: ille autem respondens, ait, Nolo; postea autem paenitentia motus, abiit. Accedens autem ad alterum dixit similiter: at ille respondens, ait, Eo, Domine; et non it, etc., usque ad illud ubi ait, Et qui ceciderit super lapidem istum, constringetur: super quem vero ceciderit, conteret eum (Matth. xxi, 28-44). Marcus et Lucas non commemorant de duabus istis filiis, quibus imperatur est ut irent atque operarentur in vinea: sed quod post hoc narrat Matthæus de vinea quæ locata est agricolis, qui percuti sunt servos missos ad se, et postea dilectum filium occiderunt, et ejecerunt extra vineam; etiam illi ambo non tacent, eodem ordine custodito (Marc. xii, 1-11, et Luc. xx, 9-18), id est, postea quam de baptismo Joannis interrogati Iudei se neesse dixerunt, et respondit eis, Nec ego dico vobis in qua potestate hæc facio.*

134. Nullius ergo hic repugnantie quæstio nascitur, nisi quod Matthæus, cum dixisset quod Dominus interrogaverit Iudeos, *Cum venerit dominus vineæ, quid faciet agricolis illis?* illos respondisse subjungit atque dixisse, *Malos male perdet, et vineam locabit alii agricolis qui reddant ei fructum temporibus suis.* Quod Marcus non ab ipsis responsum esse commemorat, sed Dominum hoc consequenter locutum post interrogationem suam, ipsum sibi quodammodo respondisse: ita enim dicit, *Quid ergo faciet dominus vineæ?* *Veniet, et perdet colonus, et dubit vineam alii. Sed facile potest intelligi vel illorum vocem ita subjunctam, ut non interponeretur, Illi dixerunt, aut, Illi responderunt, sed tamen intelligeretur; aut ideo responsionem istam Domino potius attributam, quia cum verum dixerunt, etiam de illis hoc ipse respondit qui veritas est.*

135. Sed illud magis movet, quod Lucas non solum

<sup>1</sup> Edit: *Homo quidam habebat. Abest, quidam, a MSS. et a græco.*

eos hoc respondisse non dicit, hæc etiam verba ipse quoque sicut Marcus Domino attribuens, verum etiam contraria retulisse responsum, dicentes, *Absit.* Ita enim narrat: *Quid ergo faciet illis dominus vineæ?* *Veniet, et perdet colonos istos, et dabit vineam aliis.* *Quo audito dixerunt illi: Absit. Ille autem aspiciens eos uit: Quid est ergo hoc quod scriptum est, Lapidem quem reprobaverunt ædificantes, hic factus est in caput anguli?* Quomodo ergo secundum Matthæum illi, quibus hæc loquebatur, dixerunt, *Malos male perdet, et vineam locabit alii agricolis, qui reddant ei fructum temporibus suis;* cum secundum Lucam talibus verbis contradixerint dicentes, *Absit?* Et revera quod secutus Dominus ait de lapide reprobato ab ædificantibus, et facto in caput anguli, ita illatum est, ut hoc testimonio convincerentur illi parabolæ contradicentes. Nam et ipse Matthæus hoc sic commemorat dictum, tanquam contradicentibus, cum ait, *Nunquam legistis in Scripturis, Lapidem quem reprobaverunt ædificantes, hic factus est in caput anguli? Quid est enim, Nunquam legistis, nisi quia hoc responderant, quod esset contrarium?* Ille et Marcus significat, qui hæc ipsa verba ita resert, *Nec Scripturam hanc legistis, Lapidem quem reprobaverunt ædificantes, hic factus est in caput anguli?* Quæ sententia secundum Lucam magis apparel loco suo dicta, post illorum contradictionem qua dixerunt, *Absit.* Tantundem enim valet, sicut hoc etiam ipse ponit, *Quid est ergo hoc quod scriptum est, Lapidem quem reprobaverunt ædificantes, hic factus est in caput anguli?* Hanc enim sententia voluntatem intimat, sive *Nunquam legistis*, sive *Nec hoc legistis*, sive *Quid est ergo hoc quod scriptum est.*

156. Restat ergo ut intelligamus in plebe quæ audiatur, quosdam respondisse quod Matthæus commemorat dicens, *Aiunt illi: Malos male perdet, et vineam suam locabit alii agricolis;* quosdam vero illud quod Lucas non tacuit, hoc est, *Absit.* Iis ergo qui illud Domino responderant, illi alii responderunt, *Absit;* sed illorum responsio quibus isti retulerunt, *Absit,* propterea Domino tributa est et a Marco et a Luca, quia, sicut dixi, per eos veritas ipsa locuta est, sive per nescientes si mali erant, sicut per Caipham, qui nesciens quid dixerit, cum esset pontifex, prophetavit (*Joan. xi, 49-51*); sive per scientes ac jam intelligentes atque credentes. Ibi enim erat etiam illa multitudine, per quam jam erat impleta illa prophetia, cum venienti magna celebritate occurrentes acclamarent, *Benedictus qui venit in nomine Domini* (*Psal. cxvii, 26; Matth. xxi, 9.*)

157. Nec moveat quod idem Matthæus principes sacerdotum et seniores populi dixit accessisse ad Dominum, et quæsivisse in qua potestate hæc faceret, et quis ei dederit hanc potestatem, quando eos de baptismo Joannis vicissim interrogavit unde esset, de cœlo an ex hominibus; quibus respondentibus quod nescirent, ait, *Nec ego vobis dico in qua potestate hæc facio.* Inde enim secutus est contextim loquendo, et ait: *Quid autem vobis videtur? Homo habebat duos filios, etc., sine ulla cujusquam rei vel personæ inter-*

positione, secundum Matthæum sermo contextitur, usque ad hoc quod de locata agricolis vinea commemoratur. Potest enim putari omnia cum principiis sacerdotum et senioribus populi locutum fuisse, a quibus fuerat de sua potestate interrogatus. Quiunque si tentantes et inimici quæsierant, non in eis possum intellegi qui crediderant, atque illud clarum ex propheta testimonium Domino perhibuerant; qui etiam modo respondere potuissent, non nescientes, sed credentes, *Malos male perdet, et vineam locabit alii agricolis.* Illoc omnino movere non debet, ut ideo putemus non fuisse credentes in illa multitudine, quæ tunc Domini parabolæ audiebat. Tacuit nam ne idem Matthæus brevitatis causa, quod Lucas non tacet, parabolam istam scilicet non ad eos solos dictam, qui de potestate interrogaverant, sed ad plebem. Sic enim ait, *Cœpit autem dicere ad plebem parabolam hanc: Homo plantavit vineam, etc.* In hac ergo plebe intelligendum est etiam illos esse potuisse, qui sic cum audirent, quomodo qui dixerant, *Benedictus qui venit in nomine Domini;* et ipsos vel ex ipsis fuisse qui responderunt, *Malos male perdet, et vineam locabit alii agricolis.* Quorum responsionem non solum propterea Domino tribuerunt Marcus et Lucas, quod hoc ipse dixisset, quia veritas est<sup>1</sup>, que etiam per malos atque nescientes sepe loquitur, oculo quodam instinctu mentem hominis movens, non sanctitatis illius merito, sed jure proprie potestatis: verum etiam quia tales esse potuerunt, ut non frustra in ipso corpore Domini jam sicut membra deputarentur, ut merito eorum vox illi tribueretur, cuius membra erant, quia jam baptizaverat plures quam Joannes (*Joan. iv, 1*), et habebat turbas discipulorum, sicut ipsi Evangeliste sepe testantur, et unde erant etiam illi quingenti fratres, quibus eum apostolus Paulus post resurrectionem presentatum esse commemorat (*I Cor. xv, 6*): præsertim quia et secundum cuandem Matthæum non ita dictum est, *Aiunt illi, Malos male perdet,* ut in eo quod positum est, *illi,* pluralis numerus accipiens sit, tanquam eorum fuerit ista responsio, qui cum de sua potestate dolose interrogaverant; sed, *Aiunt illi, dictum est, id est, illi ipsi Domino, singulari pronomine, non plurali, quod in codicibus græcis sine ullo scrupulo ambiguitatis appareat (a).*

158. Est quidam sermo Domini apud evangelistam Joannem, ubi hoc quod dico, facilius possit intelligi. Dicebat ergo, inquit, *Jesus ad eos qui crediderunt ei, Iudeos: Si vos manseritis in sermone meo, vere discipuli mei eritis; et cognoscetis veritatem, et veritas liberabit vos.* Et responderunt ei: *Semen Abrahæ sumus, et nemini servivimus unquam: quomodo tu dicis, Liberi eritis?* Respondit eis Jesus: *Amen, amen dico vobis, quia omnis qui facit peccatum, servus est peccati: servus autem non manet in domo in æternum; filius autem manet in æternum:* si ergo vos Filius liberaverit, vere liberi eritis. Scio quia filii Abrahæ estis, sed queritis

<sup>1</sup> Lov., ipse dixisset qui veritas est. Cæteri libri, quia reritis est.  
(a) Græc., autò.

*me interficere, quia sermo meus non capit in vobis (Joan. viii, 51-57).* Non utique illis diceret, *quæritis me interficere*, qui in eum jam crediderant, quibus dixerat, *Si vos manseritis in sermone meo, vere discipuli mei eritis*: sed quia hoc ad eos dixerat, qui jam in eum crediderant, ea vero multitudo præsens erat quæ plures habebat inimicos, etiam non exprimente Evangelista qui essent qui responderunt, ex hoc ipso quod responderunt, et quod deinde ab illo audire meruerunt, satis apparet quæ verba quibus sint tribuenda personis. Sicut ergo in hac multitudine secundum Joannem erant qui jam crediderant in Jesum, erant etiam qui cum occidere quererantur: sic in illa de qua nunc loquimur, erant qui dolose Dominum interrogaverant, in qua potestate illa faceret<sup>1</sup>; erant etiam qui non dolose, sed fideliter acclamaverant, *Benedictus qui venit in nomine Domini*: ac per hoc erant qui diccerent, *Perdet illos, et vineam suam dabit aliis.* Quæ vox recte etiam ipsius Domini suisse intelligitur, sive propter veritatem quæ ipse est<sup>1</sup>, sive propter membrorum ejus cum suo capite unitatem. Erant etiam qui talia respondentibus diccerent, *Absit, quia intelligebant in scipsos esse parabolam dictam.*

**CAPUT LXXI.** — *De nuptiis filii Regis ad quas turbæ invitatae sunt, quem Matthæus ordinem tenuerit, propter Lucam qui tale quiddam alibi dicit.*

139. Sequitur Matthæus: *Et cum audissent principes sacerdotum et Pharisæi parolas ejus, cognoverunt quod de ipsis diceret: et quærentes cum tenere, timuerunt turbas; quoniam sicut prophetam eum habebant. Et respondens Jesus dixit iterum in parabolis eis, dicens: Simile factum est regnum cælorum homini regi, qui fecit nuptias filio suo, et misit servos suos vocare invitatos ad nuptias, et nolebant venire, etc., usque ad illud ubi ait, Multi enim sunt vocati, pauci vero electi (Matth. xxi, 45; xxii, 14).* Parabolam istam de invitatis ad nuptias, solus Matthæus narrat: simile quiddam etiam Lucas commemorat; sed non est hoc, sicut et ordo ipse indicat, quoniam et illud nonnullam hujus similitudinem gerat (Luc. xiv, 16-24). Quod vero post illam parabolam de vinea et occiso filio patrisfamilias subnectit Matthæus, cognovisse Iudeos quod in eos totum dictum fuerit, et insidias coepisse moliri, hoc etiam Marcus Lucasque testantur eundem ordinem retinenter (Marc. xii, 12, et Luc. x, 19): sed inde ipsi pergit in aliud, ex hoc suhjungentes quod et Matthæus post istam, quam solus interposuit de nuptiis parabolam, ex ordine inseruit.

**CAPUT LXXII.** — *De nummo Cæsari reddendo, cuius habeat imaginem, et de muliere quæ septem, fratribus nupserat, quemadmodum tres isti concordent.*

140. Sequitur ergo Matthæus: *Tunc abeuntes Pharisæi censilium inierunt ut caperent eum in sermone. Et mittunt ei discipulos suos cum Herodianis, dicentes: Magister, scimus quia verax es, et viam Dei in veritate doces, et non est tibi cura de aliquo; non enim respicias personam hominum: dic ergo nobis, quid tibi videtur, licet censum dari Cæsari, an non? et cætera, usque ad*

illud ubi ait, *Et audientes turbæ mirabantur in doctrina ejus (Matth. xxii, 15-23).* Hec duo Domini responsa, unum de nummo propter tributum reddendum Cæsari, alterum de resurrectione propter illam mulierem quæ septem sibimet succendentibus fratribus nupserat, Marcus et Lucas similiter narrant, nec in ordine aliquid discrepant (Marc. xii, 13-27, et Luc. xx, 20-40). Post parabolam quippe illam de conductoribus vineæ, et de Judæis in quos dicta est, insidias preparantibus, quæ onnes tres commemoraverunt, prætermittunt hi duo Marcus et Lucas parabolam de invitatis ad nuptias, quam solus Matthæus interposuit: et cum illo jam sequuntur, narrantes hæc duo, de tributo Cæsaris, et de muliere septem singillatim virorum, eodem prorsus ordine, sine aliqua repugnante questione.

**CAPUT LXXIII.** — *De illo cui commendata sunt duo præcepta dilectionis Dei et proximi, qui ordo sit narrantium Matthæi et Marci, ne a Luca discrepare videantur.*

141. Sequitur ergo Matthæus, et dicit: *Pharisæi autem audientes quod silentium imposuisset Sadducæis, convenerunt in unum; et interrogavit eum unus ex eis Legis doctor, tentans eum: Magister, quod est mandatum magnum in Lege? Ait illi Jesus: Diliges Dominum Deum tuum in toto corde tuo, et in tota anima tua, et in tota mente tua: hoc est maximum et primum mandatum. Secundum autem simile est huic: Diliges proximum tuum sicut te ipsum. In his duabus mandatis universa Lex pendet et Prophetæ (Matth. xxii, 34-40).* Hoc et Marcus commemorat, eundem ordinem servans (Marc. xii, 28-34). Nec moveat quod Matthæus dicit tentantem fuisse illum a quo Dominus interrogatus est; Marcus autem hoc tacet, et in fine ita concludit<sup>1</sup>, quod ei Dominus sapienter respondentem dixerit, *Non longe es a regno Dei.* Fieri enim potest ut quoniam tentans accéserit, Domini tamen responsione correctus sit. Aut certe ipsam tentationem non accipiamus malam, tanquam decipere volentis inimicum; sed cautam potius, tanquam experiri amplius volentis ignotum. Neque enim frustra scriptum est, *Qui facile credit, levis corde est, et minorabitur (Eccli. xix, 4).*

142. Lucas autem non hoc ordine, sed longe alibi tale aliquid interponit (Luc. x, 25-57): utrum autem hoc recordetur, an alias ille sit cum quo similiter de duabus istis præceptis Dominus egerit, prorsus incertum est: hinc autem etiam recte videtur aliis esse, non solum propter ordinis multam differentiam, sed quia etiam ipse dicitur respondisse Domino interroganti, et in sua responsione commemorasse duo ista præcepta; et cum ei dixisset Dominus, *Hoc fac, et vives*, ut illud saceret quod magnum esse in Lege ipse responderat, secutus Evangelista ait, *Ille autem volens se justificare dixit: Et quis est meus proximus?* Tunc Dominus narravit de illo qui descendebat ab Jerusalem in Jericho, et incidit in latrones. Unde quia et tentans prædictus est, et duo præcepta ipse respondit, et post admonitionem Domini dicentis, *Hoc fac, et*

<sup>1</sup> Editi: *Lucus autem hoc tacit, et in fine Marcus ita concludit: mendose.*

<sup>1</sup> In MSS. non additur, quæ ipse est.

vives, non bonus commendatur cum dicitur de eo, *Ille autem volens se justificare*; iste autem quem pari oratione Matthæus Marcusque commemorant, tam bene commendatus est, ut ei dicere Dominus, *Non longe es a regno Dei*: probabilius creditur hunc alium esse, non illum.

**CAPUT LXXIV.** — *Quod Judæi interrogantur de Christo, cuius eis filius videatur, utrum non repugnet Matthæus aliis duobus; quia secundum istum dicitur, Quid vobis videtur de Christo? cuius est filius? cui responderunt, David: secundum illos autem, Quomodo dicunt Scribæ Christum filium esse David?*

143. Sequitur Matthæus: *Congregatis autem Pharisæis, interrogavit eos Jesus, dicens: Quid robis videtur de Christo? cuius filius est? Dicunt ei: David. Ait illis: Quomodo ergo David in spiritu vocat eum Dominum, dicens, Dixit Dominus Domino meo, sede a dextris meis, donec ponam inimicos tuos scabellum pedum tuorum? Si ergo David vocat cum Dominum, quomodo filius ejus est? Et nemo poterat ei respondere verbum, neque ausus fuit quisquam ex illa die eum amplius interrogare* (Matth. xxii, 41-46). Hoc consequenter et eodem ordine Marcus quoque commemorat (Marc. xii, 35-37). Lucas etiam, tantummodo de illo tacet, qui interrogavit Dominum, quod esset mandatum primum in Lege: hoc autem pretermissio, eumdem etiam ipse ordinem servat; et hoc de Christo, quonodo sit filius David, quæsisse a Judæis Dominum pariter narrat (Luc. xx, 41-44). Nec interest ad sententiam, quod secundum Matthæum, cum interrogasset Jesus quid eis videretur de Christo, cuius esset filius, illi responderunt, *David*, tum demum intulit, quomodo cum David dicere Dominum; secundum illos autem duos, Marcum et Lucam, nec interrogati esse, nec responderdisse inveniuntur. Intelligere enim debemus, post eorum responsionem sententiam ipsius Domini a duobus Evangelistis insinuatam, quomodo ab illo dicta sit, his audientibus quos volebat suo magisterio utiliter informare, et a Scribarum alienare doctrina: qui de Christo illud solum sapiebant, quod secundum carnem factus erat ex semine David, non cum autem intelligebant Dæum, propter quod erat Dominus ipsius David. Ideo tanquam de illis errantibus Dominus ad istos sermonem faciens, quos volebat ab illorum errore liberari, secundum hos duos Evangelistas commemoratur: ut quod illis dictum est, *Quomodo dicitis, sicut Matthæus narrat, sic accipiatur, non tanquam ad illos, sed tanquam de illis ad eos potius dictum sit, quos volebat instruere.*

**CAPUT LXXV.** — *De Pharisæis sedentibus super cathedram Moysi, et dicentibus quæ non faciunt, cæterisque in eos dem Pharisæos a Domino dictis, utrum sermo Matthæi congruat aliis duobus, et maxime Lucæ, qui non hoc ordine, sed alibi similem commemorat.*

144. Sequitur Matthæus, ita narrationis ordinem tenens: *Tunc Jesus locutus est ad turbas et ad discipulos suos, dicens: Super cathedram Moysi sedentur Scribæ et Pharisæi: omnia ergo quæcumque dixerint*

*rint robis, servate et facite; secundum vero opera eorum nolite facere. Dicunt enim et non faciunt, etc., usque ad illud ubi ait, Non me videbitis modo donec dicatis, Benedictus qui venit in nomine Domini (Matth. xxiii). Similem sermonem habuisse Dominum adversus Pharisæos et Scribas Legisque doctores, Lucas quoque commemorat, sed in domo ejusdam Pharisæi, qui eum vocaverat ad convivium. Quod ut narraret, dicens erat a Matthæo, circa illum locum, ubi ambo commemoraverant quod dictum est a Domino, de signo Iona trium dierum et noctium, et de regina Austri, et de Ninivitis, et de spiritu immundo qui redit et invenit mundatam domum: post quem sermonem dicit Matthæus, Adhuc eo loquente ad turbas, ecce mater ejus, et fratres stabant foris, querentes loqui ei (Id. xii, 33-46); Lucas autem in eo sermone Domini, commemoratis etiam quibusdam quæ Matthæus dixisse Dominum pretermisit, ab ordine quem cum Matthæo tenuerat ita digreditur: Et cum loqueretur, inquit, rogavit illum quidam Pharisæus ut pranderet apud se; et ingressus recubuit. Pharisæus autem cœpit intra se reputans dicere, quare non baptizatus esset ante prandium. Et ait Dominus ad illum: Nr vos, Pharisæi, quod de foris est calicis et catini, mundatis. Atque hinc jam cætera in eosdem Pharisæos et Scribas et Legis doctores talia dicit, qualia Matthæus hoc loco, quem nunc considerandum suscepimus (Luc. xi, 29-32). Quanquam ergo ita ista Matthæus commemoraret, ut quamvis dominum illius Pharisæi non nominet, non tamen locum exprimat ubi dicta sint, quo repugnet aliquid illi domui: tamen quia jam venerat Dominus in Jerusalem a Galilea, et post ejus adventum ita superiora usque ad hunc sermonem contextuntur, ut probabilius accipientur in Jerusalem gesta, Lucas autem illud narrat, cum adhuc Dominus iter ageret in Jerusalem; videntur mili similes duo esse sermones, quorum ille alterum, alterum iste narravit.*

145. Sane considerandum est quomodo hic dictum sit, *Non me videbitis modo donec dicatis, Benedictus qui venit in nomine Domini; cum secundum eundem Matthæum jam hoc dixerint* (Matth. xxi, 9). Et Lucas enim dicit hoc esse responsum a Domino illis qui eum monuerant ut inde iret, quoniam vellet cum Herodes occidere. Ibi etiam adversus ipsam Jerusalem ea prorsus verba ab illo esse dicta commemorat, quæ hic Matthæus. Sic enim narratur secundum Lucam: *In ipsa die accesserunt quidam Pharisæorum, dicentes illi: Exi, et vade hinc; quia Herodes vult te occidere. Et ait illis: Ite, dicate rupi illi, Ecce ejus dæmonia, et sanitates perficio hodie et cras, et tertia consummatio: verumtamen oportet me hodie et cras et sequenti ambulare, quia non capit prophetam perire extra Jerusalem. Jerusalem, Jerusalem, quæ occidit Prophetas, et lapidas eos qui mittuntur ad te, quoties volui congregare filios tuos quemadmodum aris nidi suum sub pennis, et notiisti? Ecce relinquetur vobis domus vestra deserta. Dico autem vobis, quia non videbitis me, donec veniat*

<sup>1</sup> Editi, et tertia die consumunor. Abest die a MSS. et a græco.

*cum diceris, Benedictus qui venit in nomine Domini* (Luc. xiii, 31-35). Narrationi quidem hoiac Lucæ non videtur adversari, quod turbæ dixerunt, Domino veniente ad Jerusalem, *Benedictus qui venit in nomine Domini*: secundum quippe Lucæ ordinem nondum illuc venerat, et nondum dictum erat. Sed quia non dicit quod inde tunc abscesserit, ut non veniret nisi eo tempore quo jam illud diceretur (perseverat quippe in itinere suo, donec veniat Jerusalem, atque illud quod ait, *Ecce ejus dæmonia, et sanitates perficio hodie et cras, et tertia consummatio, mystice ab illo et figurate dicta intelliguntur; neque enim eo die passus est, qui est ab hoc dic tertius, cum continuo dicat, Oportet me hodie et cras et sequenti ambulare*), cogit profecto etiam illud mystice intelligi quod ait, *Non videbitis me, donec veniat cum diceris, Benedictus qui venit in nomine Domini*, de illo suo adventu, quo in claritate venturus est, hoc signans, ut illud quod ait, *Ejus dæmonia, et sanitates perficio hodie et cras, et tertia consummatio, referatur ad corpus ejus, quod est Ecclesia*. Expelluntur enim dæmonia, cum relictis paternis superstitionibus credunt in eum gentes: et perficiuntur sanitates, cum secundum ejus præcepta vivitur, posteaquam fuerit diabolo et huic saeculo renuntiatum, usque in finem resurrectionis, qua tanquam tertia consummabitur, hoc est ad plenitudinem angelicam per corporis etiam immortalitatem perficietur Ecclesia. Quapropter ordo iste Matthæi nequam putandus est in aliquid aliud esse digressus: sed Lucas magis intelligendus est, vel preoccupasse quæ gesta sunt in Jerusalemi, et recordando interpoluisse, antequam ejus narratio Dominum produceret Jerusalem; aut eidem civitati jam propinquantem talia respondisse monentibus ut caveret Herodem, qualia Matthæus eum dicit etiam turbis locutum, cum jam pervenisset in Jerusalem, atque illa omnia peracta essent quæ supra narrata sunt.

CAPUT LXXVI.—*Cum prænuntiavit templi eversionem, quomodo aliis duobus narrandi ordine congruat.*

446. Sequitur Matthæus, et dicit: *Et egressus Jesus de templo ibat: et accesserunt discipuli ejus, ut ostenderent ei ædificationes templi. Ipse autem respondens dixit illis, Videtis hæc omnia? Amen dico vobis, non relinquetur hic lapis super lapidem qui non destruatur* (Math. xxiv, 1, 2). Marcus etiam commemorat hoc eodem pene ordine, post aliquantam digressionem, ad hoc factam, ut commemoraret de vidua, quæ misit duo minuta in gazophylacium (Marc. xii, 41; xiii, 2), quod cum eo Lucas solus commemorat. Nam etiam secundum Marcum, posteaquam illud Dominus egit cum Iudeis, quomodo acciperent Christum filium David, ea narrantur quæ dicit de cavendis Phariseis et hypocrisi eorum: quem locum Matthæus latissime persecutus est, et plura ibi dicta narravit: atque ideo post eundem locum quem breviter perstrinxit Marcus, et copiose digessit Matthæus, nihil amplius Marcus intulit, sicut dixi, quam de illa vidua pauperrima et uberrima; ac deinde

subjungit ea quibus Matthæo iterum cohæreret, dicens de templi futura eversione. Lucas quoque post illud de Christo, quomodo esset filius David, pauca de cavenda hypocrisi Phariseorum commemorat. Inde sicut Marcus pergit ad viduam, quæ duo minuta in gazophylacium misit. Deinde subjungit de templi futura eversione, quod Matthæus et Marcus<sup>1</sup> (Luc. xx, 46; xxi, 6).

CAPUT LXXVII.—*De sermone quem habuit in monte Oliveti, quærentibus discipulis quando erit consummatio, quemadmodum tres isti inter se congruant.*

147. Sequitur Matthæus dicens: *Sedente autem eo super montem Oliveti, accesserunt ad eum discipuli secreto, dicentes: Dic nobis quando hæc erunt, et quod signum adventus tui, et consummationis sæculi. Et respondens Jesus, dixit eis: Videte ne quis vos seducat. Multi enim venient in nomine meo dicentes, Ego sum Christus, et multos seducent, etc., usque ad illud ubi ait, Et ibunt hi in supplicium æternum, justi autem in vitam æternam. Nunc jam istum prolixum sermonem Domini secundum tres Evangelistas, Matthæum, Marcum et Lucam consideremus. Euntem quippe tenentes ordinem pariter ista contexunt (Math. xxiv, 5; xxv, 46, Marc. xiii, 4-57, et Luc. xxi, 7-56). Dicunt quidem hic etiam aliqua singuli propria, in quibus nulla est repugnantia metuenda suspicio: de his autem quæ pariter dicunt, necibi sibimet adversari putentur, videndum est. Neque enim dici potest, si aliquid tale occurrit, aliud esse atque alibi a Domino similiter dictum, quando eodem loco rerum ac temporum, omnium trium versator narratio. Sane quod earundem sententiarum a Domino dictarum, non cumdem omnes ordinem servant, nihil ad rem pertinet vel intelligendam vel insinuandam, dum ea quæ ab illo dicta referuntur, non sibimet adversentur.*

148. Quod ergo Matthæus ait, *Et prædicabitur hoc Evangelium regni in universo orbe in testimonium omnibus gentibus, et tunc veniet consummatio; etiam Marcus eodem ordine ita commemorat, Et in omnes gentes primum oportet prædicari Evangelium: non dixit, et tunc veniet consummatio; sed hoc significat quod ait, primum, id est, Et in omnes gentes primum oportet prædicari Evangelium: quia illi de sine interrogaverant. Cum ergo dicit, Primum oportet in omnes gentes prædicari Evangelium, significat utique, primum, antequam veniat consummatio.*

149. Item quod Matthæus ait, *Cum ergo videritis abominationem desolationis, quæ dicta est a Daniele propheta, stantem in loco sancto, qui legit intelligat; hoc Marcus dicit ita, Cum autem videritis abominationem desolationis stantem ubi non debet, qui legit intelligat: in qua mutatione verbi exposuit eamdem sententiam: ideo quippe ubi non debet, quia in loco sancto non debet. Lucas autem non ait, Cum autem videritis abominationem desolationis, stantem in loco sancto; aut, ubi non debet: sed ait, Cum autem videritis circumdari ab*

<sup>1</sup> Post has voces, quod Matthæus et Marcus, addidit Mes, secreto discipulis dominum interrogantibus quod signum sui adventus esset.

*exercitu Jerusalem, tunc scitote quia appropinquavit desolatio ejus.* Tunc erit ergo abominatio desolationis in loco sancto.

150. Quod autem ait Matthæus, *Tunc qui in Iudea sunt, fugiant ad montes; et qui in tecto, non descendat tollere aliquid de domo sua; et qui in agro, non revertatur tollere tunicam suam;* totidem pene verbis hoc etiam Marcus commenmorat. Lucas autem, *Tunc qui in Iudea sunt, inquit, fugiant in montes:* hoc sicut illi duo; cætera vero aliter. Sequitur enim, et dicit, *Et qui in medio ejus, discedant; et qui in regionibus, non intrent in eam: quia dies ultioris hi sunt, ut impluantur omnia quæ scripta sunt.* Satis diversum videtur quod illi duo dixerunt. *Et qui super tectum, non descendat tollere aliquid de domo sua;* et quod iste dicit, *Et qui in medio ejus, discedant: nisi forte quia perturbatio magna erit tam magno instanti periculo, illi quos inclusisset obsidio, quod significat dicendo, qui in medio ejus, in tecto erunt attoniti et volentes videre quid impendat, vel qua evadendum sit.* Sed quomodo ait, *discedant, quando supra dixit, cum autem videritis circumdari ab exercitu Jerusalem?* Nam illud quod sequitur, *Qui in regionibus, non intrent in eam,* videtur ad congruam pertinere admonitionem; et potest observari, ut qui extra sunt non in eam intrent: qui autem in medio sunt, quomodo discedant, ab exercitu jam civitate circumdata? An hoc est esse in medio ejus, quando jam ita periculum urget, ut temporaliter ad presentem vitam tuendam non possit evadi; et quoniam tunc parata debet esse anima ac libera, nec carnalibus desideriis occupata et oppressa, hoc significat quod ab illis duobus dictum est, *in tecto, vel super tectum:* ut quod iste ait, *discedant, id est non jam hujus vite desiderio cupiantur, sed in aliam vitam migrare parati sint;* hoc illi duo dixerint, *non descendat tollere aliquid de domo,* id est nullo affectu inclinetur in carnem tanquam aliquid inde commodi percepturus: et quod iste ait, *Qui in regionibus, non intrent in eam,* id est, qui jam bono corde proposito extra illum facti sunt, non eam rursus carnali cupiditate desiderent; hoc illi dixerint, *Et qui in agro est, non revertatur retro tollere vestimentum suum, tanquam iterum involvi curis quibus erat exutus?*

151. Quod vero ait Matthæus, *Orate autem, ut non fiat fuga vestra hieme vel sabbato;* hinc Marcus partem dixit, partem tacuit: *Orate vero, inquit, ut hieme non fiant.* Lucas autem hoc non dixit, sed tamen dixit aliquid solus, quo mihi videatur hanc ipsam, quæ ab istis obscure posita est, illustrasse sententiam: ait enim, *Attendite autem vobis, ne forte graventur corda vestra in crapula, et ebrietate, et curis hujus vitæ, et supervenient in vos repentina dies illa: tanquam laqueus enim superneniet in omnes qui sedent super faciem orbis terræ. Vigilate itaque, omni tempore orantes, ut digni habeamini fugere ista omnia quæ futura sunt.* Hæc intelligitur fuga, quam Matthæus commenmorat, quæ non debet fieri hieme vel sabbato. Ad hiemem autem pertinent curæ hujus vitæ, quas Lucas aperte posuit: *ad sabbatum vero crapula et ebrietas. Curæ quippe tristes*

sunt velut hiems: crapula vero et ebrietas, carnali letitia luxuriaque cor submergit atque obruit; quod malum sabbati nomine propterea significatum est, quia haec erat jani, sicuti et nunc est Iudeorum pessima consuetudo, illo die deliciis affluere, dum spirituale sabbatum ignorant. Aut si aliquid aliud in illis secundum Matthæum et Marcum verbis intelligendum est, aliquid aliud etiam Lucas dixerit, dum tamen nulla repugnante questio moveatur. Neque enim nunc Evangelia exponenda suscepimus, sed a falsitatis vel fallacia calumniis defendenda. Alia vero quæ in hoc sermone Matthæus posuit communia cum Marco, nihil habent questionis: quæ autem cum Luca, non in hoc sermone Lucas ea posuit, cuius huic ordo concordat; sed alibi talia vel recordatur atque inserit præoccupando, ut prius commenmoret quæ postea a Domino dicta sunt; vel bis a Domino dicta facit intelligi, et nunc secundum Matthæum, et tunc secundum ipsum.

CAPUT LXXVIII. — *Quod commenmorant Matthæus et Marcus ante biduum futuræ Paschæ, et postea dicunt quod in Bethania fuit, quomodo non repugnet Joanni, qui cum ipsis narrat hoc idem quo factum est in Bethania, et dicit, Ante sex dies Paschæ.*

152. Sequitur Matthæus: *Et factum est, cum consumasset Jesus sermones hos omnes, dixit discipulis suis: Scitis quia post biduum Pascha fiet, et Filius hominis tradetur ut crucifigatur (Matth. xxvi, 1, 2).* Huic attestantur alii duo Marcus et Lucas, ab eodem ordine non recedentes (*Marc. xiv, 1, et Luc. xxii, 1*). Neque hoc tanquam a Domino dictum insinuant; hoc enim intimare prætermiserunt: ex sua tamen persona et Marcus dicit, *Erat autem Pascha et azyma post biduum;* et Lucas, *Appropinquabat autem dies festus azymorum, qui dicitur Pascha.* Sic ergo appropinquabat, ut esset post biduum, sicut alii duo apertius consonant. Joannes vero tribus quidem locis commenmoravit ejusdem diei festi propinquitatem, cum alia quedam duobus superioribus locis narraret: tertio autem loco appetit ejus narratio circa ipsa versari tempora, ubi hoc etiam illi tres intimant, id est imponentis jam dominicæ passionis (*Joan. xi, 55, xii, 1, et xiii, 1*).

153. Sed hoc videri potest parum diligenter intuentibus esse contrarium, quod Matthæus et Marcus posteaquam dixerunt Pascha post biduum futurum, deinde commenmorerunt quod erat Jesus in Bethania, ubi de unguento illo pretioso dicitur: Joannes autem ante sex dies Paschæ dicit Jesum venisse in Bethaniam, de unguento eadem narraturus (*Id. xii, 1*). Quomodo ergo secundum illos duos, post biduum futurum erat Pascha, cum posteaquam id dixerunt, inveniantur cum Joanne in Bethania illud de unguento quod ipse narrantes, tunc autem ipse dicat post sex dies futurum Pascha? Sed qui ita moventur non intelligent Matthæum et Marcum illud quod in Bethania de unguento factum erat recapitulando posuisse, non post illam de biduo prædicacionem suam, sed ante jam factum cum adhuc sex dies

essent ad Pascha. Non enim quisquam eorum cum dixisset, post biduum futurum Pascha, sic adjunxit de illo facto in Bethania, ut diceret, Post hæc cum esset in Bethania: sed Matthæus quidem, *Cum autem esset*, inquit, *Jesus in Bethania*; Marcus autem, *Cum esset Bethaniæ*: quod utique intelligitur et antequam illa dicerentur quæ ante biduum Paschæ dicta sunt. Sicut ergo ex Joannis narratione colligitur, ante sex dies Paschæ venit in Bethaniam: ibi factum est illud convivium ubi de unguento pretioso fit commemorationis; inde venit Jerosolymam sedens super asellum; deinde postea geruntur ea quæ narrant post hunc adventum ejus Jerosolymis gesta. Ex illo ergo die quo venit in Bethaniam atque illud de unguento factum est, usque ad diem quo ista omnia gesta atque dicta sunt, intelligimus, etiam Evangelistis non commemorantibus, consummatum fuisse quatriduum, ut occurseret dies quem ante biduum Paschæ duo definierunt. Lucas autem cum ait, *Appropinquabat autem dies festus azymorum*, non expressit biduum: sed hanc propinquitatem, quam commemoravit, in ipso intervallo bidui debemus accipere. Joannes vero cum dicit, *Proximum erat Pascha Iudeorum* (*Joan. xi, 55*), non hoc biduum vult intelligi, sed sex dies ante Pascha. Proinde, cum quedam post hoc dictum commemo-rasset, tunc jam volens ostendere quam proximum fuisse Pascha dixisset: *Jesus ergo ante sex dies, inquit, Paschæ, venit in Bethaniam, ubi fuerat Lazarus mortuus, quem suscitavit Jesus* (*Id. xii, 1, 2*). Fecerunt autem ei canam ibi. Hoc illud est quod commemorant recapitulantes Matthæus et Marcus, cum jam dixissent post biduum futurum Pascha. Recapitulando ergo ad illum diem redeunt in Bethaniam, qui erat ante sex dies Paschæ, et narrant quod Joannes de cœna et unguento: unde venturus erat Jerosolymam, et peracsis illie quæ narrata sunt, perventurus ad diem qui erat ante biduum Paschæ, unde isti digressi sunt, ut recapitulando commemorarent quod ante in Bethania de unguento gestum est; cuius rei peracta narratione, illuc iterum redeunt, unde digressi fuerant, id est, ut jam sermo Domini narretur, quem habuit ante biduum Paschæ. Nam si tollamus de medio quod gestum in Bethania digredientes ab ordine recolendo et recapitulando narrarunt, et ipsum ordinem contexamus, ita sermo dirigitur secundum Matthæum dicente Dominum: *Scitis quia post biduum Pascha fiet, et Filius hominis tradetur, ut crucifigatur. Tunc congregati sunt principes sacerdotum et seniores populi in atrium principis sacerdotum, qui dicebatur Caiphas, et consilium fecerunt ut Jesum dolo tenerent, et occiderent. Dicebant autem, Non in die festo; ne forte tumultus fieret in populo. Cum autem esset Jesus in Bethania, in domo Simonis leprosi, accessit ad eum mulier habens alabastrum unguenti pretiosi, et effudit super caput ipsius recumbentis*, etc., usque ad illud ubi ait, *Dicitur et quod hæc fecit in memoriam ejus* (*Matth. xxvi, 3-13*). Nunc jam de muliere atque unguento pretioso quod in Bethania gestum est, consideremus. Lucas enim quavis simile factum commemoret, nomenque conveniat ejus, apud quem convivabatur Dominus; nam et ipsum Simonem dicit: tamen quia non est contra naturam vel contra morem hominum, ut si potest unus homo habere nomina duo, multo magis possint et unum nomen habere homines duo; potius credibile est aliud fuisse illum Simonem non leporum, in cuius domo hoc in Bethania gerebatur. Nam nec Lucas in Bethania rem gestam dicit, quam narrat: et quavis non commenoret civitatem aut castellum, ubi factum sit; tamen non videtur in eodem loco versari ejus narratio. Nihil itaque aliud intelligentum arbitror, nisi non quidem aliam fuisse mulierem, quæ peccatrix tunc accessit ad pedes Jesu, et osculata est, et lavit lacrymis, et tersit capillis, et unxit unguento; cui Dominus adhibita similitudine de duobus debitoribus, ait dimissa esse peccata multa, quoniam dilexit multum: sed camdem Mariam bis hoc fecisse, semel scilicet quod Lucas narravit, cum primo accedens cum illa humilitate et lacrymis meruit peccatorum remissionem (*Luc. vii, 36-40*). Nam hoc et Joannes, quavis non sicut Lucas quemadmodum factum esset narraverit, tamen ipsam Mariam commendans com-

cundum Marcum autem, eodem Bethaniæ convivio, quod recapitulando et ipse interposuit, similiter prætermisso, ita se ordo narrationis tenet: *Erat autem Pascha et azyma post biduum; et quærebant summi sacerdotes et Scribæ quomodo eum dolo tenerent, et occiderent. Dicebant enim, Non in die festo; ne forte tumultus fieret populi. Et Judas Scariothes, unus ex duodecim, abiit ad summos sacerdotes, ut proderet eum* (*Marc. xiv, 1-10*), etc. Etiam hic inter illud quod dictum est, *Ne forte tumultus fieret populi, et illud quod adjunximus, Et Judas Scariothes unus ex duodecim, positum est illud de Bethania, quod recapitulando dixerunt. Lucas sane ipsam rem gestam in Bethania præterniisit. Hæc diximus propter sex dies ante Pascha, quos dixit Joannes, cum in Bethania rem gestam narraret; et biduum ante Pascha, quod Matthæus et Marcus dixerunt, cum post hoc a se dictum illud ipsum in Bethania quod Joannes, commemorarent.*

**CAPUT LXXIX.** — *De cena in Bethania ubi mulier unguento pretioso Dominum perfudit, quomodo inter se congruant Matthæus, Marcus et Joannes, et quomodo Lucæ non adversentur tale aliquid alio tempore commemoranti.*

454. Sequitur ergo Matthæus ab eo loco, ubi finem feceramus considerandæ narrationis, et dicit: *Tunc congregati sunt principes sacerdotum et seniores populi in atrium principis sacerdotum, qui dicebatur Caiphas, et consilium fecerunt ut Jesum dolo tenerent, et occiderent. Dicebant autem, Non in die festo; ne forte tumultus fieret in populo. Cum autem esset Jesus in Bethania, in domo Simonis leprosi, accessit ad eum mulier habens alabastrum unguenti pretiosi, et effudit super caput ipsius recumbentis*, etc., usque ad illud ubi ait, *Dicitur et quod hæc fecit in memoriam ejus* (*Matth. xxvi, 3-13*). Nunc jam de muliere atque unguento pretioso quod in Bethania gestum est, consideremus. Lucas enim quavis simile factum commemoret, nomenque conveniat ejus, apud quem convivabatur Dominus; nam et ipsum Simonem dicit: tamen quia non est contra naturam vel contra morem hominum, ut si potest unus homo habere nomina duo, multo magis possint et unum nomen habere homines duo; potius credibile est aliud fuisse illum Simonem non leporum, in cuius domo hoc in Bethania gerebatur. Nam nec Lucas in Bethania rem gestam dicit, quam narrat: et quavis non commenoret civitatem aut castellum, ubi factum sit; tamen non videtur in eodem loco versari ejus narratio. Nihil itaque aliud intelligentum arbitror, nisi non quidem aliam fuisse mulierem, quæ peccatrix tunc accessit ad pedes Jesu, et osculata est, et lavit lacrymis, et tersit capillis, et unxit unguento; cui Dominus adhibita similitudine de duobus debitoribus, ait dimissa esse peccata multa, quoniam dilexit multum: sed camdem Mariam bis hoc fecisse, semel scilicet quod Lucas narravit, cum primo accedens cum illa humilitate et lacrymis meruit peccatorum remissionem (*Luc. vii, 36-40*). Nam hoc et Joannes, quavis non sicut Lucas quemadmodum factum esset narraverit, tamen ipsam Mariam commendans com-

memoravit, cum jam de Lazaro resuscitando cœpisset loqui, antequam veniret in Bethaniam. Quod ita ibi narrat: *Erat autem quidam, inquit, languens Lazarus a Bethania de castello Mariae et Marthæ sororis ejus. Maria autem erat quæ unxit Dominum unguento, et extersit pedes ejus capillis suis, cuius frater Lazarus infirmabatur (Joan. xi, 1, 2).* Hoc dicens Joannes attestatur Lucæ, qui hoc in domo pharisei cuiusdam Simoni factum esse narravit. Jam itaque hoc Maria fecerat. Quod autem in Bethania rursus fecit, aliud est, quod ad Lucæ narrationem non pertinet, sed pariter narratur a tribus, Joanne scilicet (*Id. xii, 1-8*), Matthæo et Marco (*Marc. xiv, 3-9*).

155. Inter istos igitur tres, Matthæum, Marcum et Joannem, quemadmodum hoc conveniat attendamus, de quibus non est dubium quod eamdem rem narrent gestam in Bethania, ubi etiam discipuli, quod omnes tres commemorant, murmuraverunt adversus mulierem tanquam de perditione pretiosissimi unguenti. Quod ergo Matthæus et Marcus caput Domini unguento illo perfusum dicunt, Joannes autem pedes, regula illa ostenditur non esse contrarium, quam demonstravimus, eum de quinque panibus pasceret turbas. Ibi enim quia non defuit qui et quinquagenos, et centenos discubuisse commemoraret, cum alias quinquagenos dixerit, non potuit videri contrarium: potuisset autem si alias centenos tantum posuisset, sicut alias quinquagenos, et tamen debuit inveniri utrumque factum esse. Quo exemplo informari nos oportuit, sicut illic admonui, etiam ubi singuli Evangelistæ singula commemorant, utrumque factum intelligere (*Supra, cap. 46, n. 98*). Proinde et hic non solum caput, sed et pedes Domini accipiamus perfusisse mulierem. Ni i forte quoniam Marcus fracto alabastro perfusum caput commemorat, tam quisquam absurdus et calumniosus est, ut aliquid in vase fracto neget remanere potuisse, unde etiam pedes perfundebret. Sed cum iste contendet sic esse fractum, ut nihil ibi residui fieret, nitens adversus veritatem Evangelii; quanto melius et religiosius contendit alius non e se ita fractum, ut totum effunderet, nitens pro veritate Evangelii? Ille autem columniator si tam pertinaciter cœcus est, ut Evangelistarum concordiam de alabastro fracto frangere conetur, prius accipiat perfusos pedes antequam illud fractum esset, ut in integro remaneret, unde etiam caput perfunderetur, ubi fractura illa totum effunderet. A capite quippe nobis ordinate consuli agnoscimus, sed ordinate etiam nos a pedibus ad caput ascendimus.

156. Cetera facti bujus nullam mihi videntur habere questionem. Quod enim alii dicunt discipulos murmurasse de unguenti effusione pretiosi, Joannes autem Judam commemorat, et ideo quia sur orat; manifestum puto esse discipulorum nomine eumdem Judam significatum, locutione illa quam de Philippo in quinque panibus insinuavimus, plurali numero pro singulari usurpato (*Ibid., n. 96*). Potest etiam intelligi quod et alii discipuli aut senserint hoc, aut dixerint, aut eis Iuda dicente persuasum sit, atque omnium

voluntatem Matthæus et Marcus etiam verbis expresserint; sed Judas propterea dixerit, quia sur erat, ceteri vero propter pauperum curam; Joannem autem de solo illo id commemorare voluisse, cuius ex hac occasione furandi consuetudinem creditit intima mandam.

CAPUT LXXX. — *Ubi mittit discipulos ut præparent ei manducare Pascha, quomodo inter se congruant Matthæus, Marcus et Lucas.*

157. Sequitur Matthæus: *Tunc abiit unus de duodecim qui dicitur Judas Scarioth, ad principes sacerdotum, et ait illis: Quid vultis mihi dare, et ego vobis eum tradam? At illi constituerunt ei triginta argenteos, etc., usque ad illud, ubi ait, Et fecerunt discipuli sicut constituit illis Jesus, et paraverunt Pascha (Matth. xxvi, 14-19).* Nihil in hoc capitulo contrarium putari potest Marco et Lucæ, qui hoc idem similiter narrant (*Marc. xiv, 10-16, et Luc. xxii, 3-13*). Quod enim dicit Matthæus *Ite in civitatem ad quendam, et dicate ei: Magister dicit, Tempus meum prope est, apud te facio Pascha cum discipulis meis,* eum significat quem Marcus et Lucas dicunt patremfamilias vel dominum domus, in qua eis cœnaculum demonstratum est, ubi pararent Pascha: quod ergo interposuit Matthæus, *ad quendam, tanquam ex persona sua studio brevitas illum compendio voluit insinuare.* Si enim diceret dixisse Dominum, *Ite in civitatem, et dicate ei, Magister dicit, Tempus meum prope est, apud te facio Pascha;* tanquam civitati dicendum esset, acciperetur. Ac per hoc non ex Domini, cuius mandatum narrabat, sed ex sua persona interposuit, ad quendam jussisse Dominum ut irent, ne haberet necesse totum dicere, cum hoc illi ad insinuandam jubentis sententiam sufficere videretur. Nam neminem sic loqui, ut dicat, *Ite ad quendam, quis nesciat?* Si enim diceret, *Ite ad quemcumque, aut, ad quemlibet;* posset esse integra locatio, sed non esset certus homo ad quem mitterentur (a): cum eum certum ostendant, quamvis tacito ejus nomine, Marcus et Lucas. Sciebat quippe Dominus ad quem mitteret. *Et ut eum etiam illi quos mitterebat, invenire possent, præmonuit quod indicium sequerentur, de homine gestante aquæ lagenam vel amphoram, ut eum secuti, ad domum quam volebat, venirent.* Cum itaque non hic posset dici, *Ite ad quemlibet, quod integritas quidem locutionis admittit, sed hoc loco rei hujus quæ insinuabatur veritas non admittit;* quanto minus hic dici potuit, *Ite ad quendam, quod omnia nunquam recta locutione dici potest?* Sed plane discipulos a Domino, non ad quemlibet, sed ad quendam hominem, id est, ad certum aliquem missos esse manifestum est. Quod nobis ex persona sua recte potuit Evangelista narrare, ut dicceret, *Misit eos ad quendam, ut dicerent ei, Apud te facio Pascha.* Potuit etiam sic, *Misit eos ad quendam dicens: Ite, dicate ei, Apud te facio Pascha.* Ac per hoc cum verba Domini posuisset dicentis, *Ite in civitatem; interposuit ipse, ad quendam:* non quia hoc

(a) Haec difficultas locum non habet in græco: *πρὸς τὸν δοκίμαντα.*

Dominus dixerit, sed ut ipse nobis insinuaret tacito nomine suis quemdam in civitate, ad quem Domini discipuli mittebantur, ut prepararent Pascha. Ac sic post haec ex persona sua interpositionem duorum verborum, sequitur ordinem verborum Domini dicentis, *Et dicit ei, Magister dicit.* Jam enim si queras, Cui recte respondet, Illi cuidam homini, ad quem misisse insinuavit Evangelista, cum ex persona sua interposuisset, ad quemdam: minus quidem usitata locutio, sed tamen sic intellecta integerima est; aut si habet aliquid proprietatis hebreæ lingua, qua prohibetur scripsisse Matthæus, ut etiam totum ex persona Domini dictum locutionis integritate non careat, viderint qui neverunt. Sane ita posset etiam latine dici, si diceretur, Ite in civitatem ad quemdam, quem vobis demonstraverit homo qui vobis occurrerit lagenam aquæ portans: hoc modo jubenti sine ambiguitate posset obtemperari. Velut etiam si diceret, Ite in civitatem ad quemdam qui manet illo aut illo loco, in tali vel tali domo; cum expressione loci et designatione domus; posset intelligi, posset fieri. His autem

ataque hujusmodi cæteris tacitis indicis qui dicit, Ito ad quemdam, et dicit ei, ideo non potest audiri, quia certum aliquem vult intelligi, cum dicit, ad quemdam, et non exprimit quomodo dignoscatur. Quod si ex persona Evangelistæ dictum illud interpolatum acceperimus, erit quidem necessitate brevitatis subobscura locutio, sed tamen integra. Quod vero Marcus lagenam dicit, quam Lucas amphoram; ille vasis genus, ille modum significavit: uteque tamen veritatem sententiae custodivit.

158. Sequitur Matthæus: *Vespere autem facto discubebat cum duodecimi discipulis; et edentibus illis dixit: Amen dico vobis, quia unus vestrum me tradidurus est.* Et contrastati valde, cœperunt singuli dicere: *Numquid ego sum, Domine?* etc., usque ad illud ubi ait, *Respondens autem Judas qui tradidit eum, dixit: Numquid ego sum, Rabbi?* Ait illi: *Tu dixisti (Matth. xxvi, 20-25).* In his quæ consideranda nunc propositum, nihil afferunt quæstionis etiam cæteri Evangelistæ, qui talia commemorant (*Marc. xiv, 17-21: Luc. xxii, 14-23, et Joan. xiii, 21-27*).

## LIBER TERTIUS.

In quo Evangelistarum a cœnæ narratione ad Evangelii finem concordia, collato simul ordineque digesto singulorum contextu, demonstratur.



**PROLOGUS.**—1. Jam quoniam omnium quatuor narrationi in eversatur loco, in quo necesse est eos usque in finem pariter ambulare, nec multum digredi ab invicem, sicuti forte alius aliquid commemorat, quod alius prætermittit; videtur mihi expeditius nos demonstrare posse omnium Evangelistarum convenientiam, si ab hoc jam loco omnium omnia contexamus, et in unam narrationem faciemque <sup>1</sup> digeramus. Sic ergo arbitrator commodius faciliusque id quod suscepimus explicari, ut aggrediamur narrationem omnia commemo-rantes, cum eorum Evangelistarum attestatione, qui ex his omnibus <sup>2</sup> quisque quod potuit aut quod voluit commemoravit: ut tamen ab omnibus hæc omnia differentur, quæ demonstrandum est in nullo sibi esse contraria.

**CAPUT PRIMUM.**—*De cœna Domini et de expresso traditore ejus, quemadmodum inter se quatuor conveniant.*

2. Hinc igitur incipiamus secundum Matthæum: *Cœnantibus autem eis, accepit Jesus panem, et benedixit, ac fregit, deditque discipulis suis, et ait: Accidie, et comedite; hoc est corpus meum (Matth. xxvi, 20-26).* Hæc et Marcus Lucasque commemorant (*Marc. xiv, 17-22, et Luc. xxii, 14-23*). Quod enim Lucas de calice bis commemoravit, prius antequam panem daret, deinde posteaquam panem dedit; illud quod superius dixit, præoccupavit ut solet; illud vero quod ordine suo posuit, non commemoraverat superius: utrumque autem conjunctum hanc senten-

tiam facit, quæ et illorum est. Joannes autem de corpore et sanguine Domini hoc loco nihil dixit, sed plane alibi multo uberioris hinc Dominum locutum esse testatur <sup>1</sup> (*Joan. vi, 32-64*). Nunc vero cum Dominum a cœna surrexisse et pedes discipulorum lavisse commemorasset, redditæ etiam ratione cur eis hoc fecerit, in qua Dominus adhuc clause significaverat per testimonium Scripturæ, ab eo se tradi qui manducaret ejus panem; venit ad hunc locum, quem tres cæteri pariter insinuant: *Cum hæc dixisset, inquit, Jesus, turbatus est spiritu, et protestatus est, et dixit: Amen, amen dico vobis, quia unus ex vobis tradet me.* Aspiciebant ergo, sicut idem ipse Joannes subnectit, *ad invicem discipuli, hæsitantes de quo dicere (Id. xiii, 2-52).* Et contrastati, sicut Matthæus et Marcus dicunt, cœperunt ei singillatim dicere: *Numquid ego sum?* At ipse respondens ait, sicut Matthæus sequitur, *Qui intingit mecum manum in paropside, hic me tradet.* Et sequitur idem Matthæus ita subnectens: *Filius quidem hominis vadit, sicut scriptum est de illo: vos autem homini illi, per quem Filius hominis tradetur!* bonum erat ei si natus non fuisset homo ille: in his et Marcus hoc etiam ordine consonat. Deinde Matthæus subjungit: *Respondens autem Judas, qui tradidit eum, dixit: Numquid ego sum, Rabbi?* Ait illi: *Tu dixisti.* Etiam hic non expressum est, utrum ipse esset. Potest enim adhuc intelligi, tanquam, Non ego dixi: potuit etiam hoc sic dici a Juda et a Domino responderi, ut non omnes adverterent.

<sup>1</sup> MSS. optimæ note Corbelensis et Remigiensis, præter alios paucos, omittunt, *hinc Dominum locutum esse testatur*: at habent tamen cum ceteris verbis illa, sed plane alibi multo uberioris.

<sup>2</sup> Apud Rat. et Er., seriemque.

Sic MSS. At editi Er. et Lev., cum eorumdem Evangelistarum attestatione quid ex his, etc.

5. Deinde sequitur Mattheus et inserit mysterium corporis et sanguinis a Domino discipulis datum, sicut et Marcus et Lucas. Sed cum tradidisset calicem, rursus de traditore suo locutus est, quod Lucas persequitur dicens : *Verumtamen ecce manus tradentis me, mecum est in mensa : et quidem Filius hominis secundum quod definitum est vadit; verumtamen va homini illi per quem tradetur!* Illic jam intelligendum est illud consequi quod Joannes narrat, isti autem praetermisserunt; sicut Joannes quedam praetermisit quae illi dixerunt. Cum ergo post traditum calicem dixisset Dominus, quod a Luca positum est, *Verumtamen ecce manus tradentis me mecum est in mensa, etc., conjungitur* illud secundum Joannem : « Erat ergo recumbens unus ex discipulis ejus in sinu Iesu, quem diligebat Jesus : innuit ergo huic Simon Petrus, et dixit ei : Quis est de quo dicit? Itaque cum recubuisse illi supra pectus Jesu, dicit ei : Domine, quis est? Respondit Jesus : Ille cui ego intuitum panem porrexero. Et cum intinxisset panem, dedit Iudee Simonis Scarioth. Et post bucellam, tunc introiit in illum satanas. »

4. Hic videndum est, ne non solum Luce, qui jam dixerat intrasse satanam in cor Iudee, quando pactus est tunc cum Iudeis, ut cum accepta pecunia traderet, sed etiam sibi ipse Joannes repugnare videatur, qui jam dixerat superius, antequam istam bucellam acciperet. *Et cena facta, cum jam diabolus immisisset in cor ut traderet eum Judas.* Quomodo enim intrat in cor, nisi immittendo iniquas persuasiones cogitationibus iniquorum? Sed nunc intelligere debemus a diabolo Judam plenius esse possessum : sicut contra in bono, illi qui jam acceperant Spiritum sanctum, quando eis post resurrectionem insufflavit dicens, *Accipite Spiritum sanctum* (*Joan. xx, 22*); postea eum, cum desuper missus esset die Pentecostes, utique plenius acceperunt. Post bucellam ergo tunc introiit in eum satanas : « Et, » sicut contextim Joannes ipse commemorat, « dicit ei Jesus : Quod facis, fac etius. Hoc autem nemo scivit discubentium ad quid dixerit ei. Quidam enim putabant, quia loculos habebat Judas, quia dixit ei Jesus<sup>1</sup>, Eme ea que opus sunt nobis ad diem festum; aut egenis ut aliquid daret. Cum ergo accepisset ille bucellam, exiit continuo. Erat autem nox. Cum ergo exisset, dicit Jesus : Nunc clarificatus est Filius hominis, et Deus clarificatus est in eo : et si Deus clarificatus est in eo, et Deus clarificabit eum in semelipso, et continuo clarificabit eum. »

#### CAPUT II.— *De predicta negatione Petri, quemadmodum ostenduntur nihil inter se repugnare.*

5. « Filioli, adhuc modicum vobiscum sum. Quæretis me; et, sicut dixi Iudeis, quo ego vado vos non potestis venire: et vobis dico modo. Mandatum novum do vobis, ut diligatis invicem, sicut dilexi vos, ut et vos diligatis invicem. In hoc cognoscent omnes quia mei discipuli estis, si dilectionem habueritis ad invicem. Dicit ei Simon Petrus : Domine, quo vadis? » Nempe hic manifestum est, ex illis verbis motum esse Petrum ut diceret, *In nomine, quo vadis?* quia dicentem audierat, *Quo ego vado vos non potestis venire.* Respondit Jesus eidem Petro : *Quo ego vado non potes me sequi modo; sequaris autem postea.* Tunc ille : *Quare non possum, illquit, sequi te modo? animam meam pro te ponam.* Huic presumptioni respondit Dominus futuram ejus negationem. Lucas autem cum commemorasset dixisse Dominum, *Simon, ecce satanas expelit te, ut*

lectionem habueritis ad invicem. Dicit ei Simon Petrus : Domine, quo vadis? Respondit Jesus : Quo ego vado non potes me modo sequi; sequeris autem postea. Dicit ei Petrus : Quare non possum te sequi modo? animam meam pro te ponam. Respondit Jesus : Animam tuam pro me pones? amen, amen dico tibi, non cantabit gallus donec ter me neges» (*Joan. xiii, 33-38*). Hoc de predicta negatione sua Petro non solus Joannes, ex cuius Evangelio modo ista interposui, sed et ceteri tres commemorant (*Matth. xxvi, 50-55; Marc. xiv, 26-51, et Luc. xxii, 31-34*). Non sane omnes ex una eademque occasione sermonis ad eam commemorandam veniunt: nam Mattheus et Marcus pari prorsus ordine et eodem narrationis sue loco eam subnectunt ambo, posteaquam Dominus egressus est ex illa domo, ubi manducaverant Pascha; Lucas vero et Joannes, antequam inde esset egressus. Sed facile possemus intelligere aut illos duos eam recapitulando posuisse, aut istos præoccupando; nisi magis moveret quod tam diversa, non tantum verba, sed etiam sententias Domini præmittunt, quibus permotus Petrus illam præsumptionem proficeret, vel cum Domino vel pro Domino moriendi, ut magis engant intellegi ter eum expressisse præsumptionem suam diversis locis sermonis Christi, et ter illi a Domino responsum quod eum esset ante galli cantum ter negaturus.

6. Neque enim incredibile est, aliquantum disjunctionis intervallis temporis Petrum commotum esse ad præsumendum, sicut ad negandum; vel ei Dominum aliquid ter similiter respondisse: quandoquidem etiam contextim, nullis aliis interpositis rebus aut verbis, post resurrectionem ter illum interrogaverit utrum cum amet, et ei ter hoc idem respondentem etiam ipse mandatum de pascendis ovibus suis unum idemque ter præceperit (*Joan. xxi, 15-17*). Hoc autem esse credibilius, quod ter ostenderit præsumptionem suam Petrus, et de trina sua negatione ter a Domino audierit, ex ipsis Evangelistarum verbis, quae a Domino dicta diverse ac diversa commemorant, sic probatur. Ecce meminerimus quod nunc interposui ex Evangelio Joannis; hoc certe dixerat: « Filioli, adhuc modicum vobiscum sum. Quæretis me; et, sicut dixi Iudeis, quo ego vado vos non potestis venire: et vobis dico modo. Mandatum novum do vobis, ut diligatis invicem, sicut dilexi vos, ut et vos diligatis invicem. In hoc cognoscent omnes quia mei discipuli estis, si dilectionem habueritis ad invicem. Dicit ei Simon Petrus : Domine, quo vadis? » Nempe hic manifestum est, ex illis verbis motum esse Petrum ut diceret, *In nomine, quo vadis?* quia dicentem audierat, *Quo ego vado vos non potestis venire.* Respondit Jesus eidem Petro : *Quo ego vado non potes me sequi modo; sequeris autem postea.* Tunc ille : *Quare non possum, illquit, sequi te modo? animam meam pro te ponam.* Huic presumptioni respondit Dominus futuram ejus negationem. Lucas autem cum commemorasset dixisse Dominum, *Simon, ecce satanas expelit te, ut*

<sup>1</sup> Sic MSS. Editi autem, *persuasiones cogitationum iniquarum.*

<sup>2</sup> MSS. prope omnes, dicit ei Jesus. Duo e Val. et Rul., dixerit. Græc., legi.

*cribrare sicut triticum : ego autem rogavi pro te, ut non deficiat fides tua ; et tu, aliquando conversus, confirma fratres tuos ; tunc subiecit Petrum respondisse, Domine, tecum paratus sum et in carcerem et in mortem ire. Et ille dixit : Dico tibi, Petre, non cantabit hodie gallus, donec ter abneget nosse me. Quia hoc aliud sit, aliud illud unde Petrus ad presumendum permotus sit, quis non videat ? At vero Matthæus, Et hymno dicto, inquit, exierunt in montem Oliveti. Tunc dicit illis Jesus : Omnes vos scandalum patiemini in me in ista nocte. Scriptum est enim, Percutiam pastorem, et dispergerunt oves gregis. Postquam autem resurrexero, præcedam vos in Galilæam. Sic prorsus et Marcus. Quid habent etiam hæc verba vel sententiæ simile illis<sup>1</sup>, vel quibus secundum Joannem, vel quibus secundum Lucam, Petrus retulit præsumptionem suam ? Et hic ergo ita sequitur : Respondens autem Petrus, ait illi : Etsi omnes scandalizati fuerint in te, ego nunquam scandalizabor. Ait illi Jesus : Amen dico tibi, quia in hac nocte antequam gallus cantet, ter me negabis. Ait illi Petrus : Etiam si oportuerit me mori tecum, non te negabo. Similiter et omnes discipuli dixerunt.*

7. Hæc pene ipsis verbis etiam Marcus commemo rat, nisi quod non generaliter, sed distinctius, quem admodum futurum esset, expressit dictum a Domino, Amen dico tibi, quia tu hodie in nocte hac, priusquam bis gallus vocem dederit, ter me es negaturus. Cum itaque omnes dicant prædixisse Dominum quod eum Petrus esset negaturus antequam gallus cantaret, non autem omnes dicant quoties gallus cantaret, Marcus hoc solus narravit expressius. Unde nonnullis videtur non congruere ceteris, quia parum attendunt, et maxime corum obnubilatur intentio, cum adversus Evangelium animo induuntur hostili. Tota enim Petri negatio, trina negatio est. In eadem namque perman sit trepidatione animi, propositoque mendacii, donec admonitus quid ei prædictum sit, amaro fletu et cordis dolore sanaretur. Hæc autem tota, id est trina negatio, si post primum galli cantum inciperet, falsum dixisse viderentur tres : quorum Matthæus dixit, Amen dico tibi, quia in hac nocte, antequam gallus canci, ter me negabis ; Lucas autem, Dico tibi, Petre, non cantabit hodie gallus, donec ter abneget nosse me ; Joannes autem, Amen, amen dico tibi, non cantabit gallus, donec ter me neges. Diversis enim verbis et verborum ordine eamdem explicaverunt sententiam dixisse Dominum, quod antequam gallus cantaret, ter eum Petrus esset negaturus. Rursus si totam trinam negationem ante peregisset, quam cantare gallus inciperet, superfluo dixisse Marcus deprehenderetur ex persona Domini, Amen dico tibi, quia tu hodie in nocte hac, priusquam gallus bis vocem dederit, ter me negaturus es. Quid enim attinebat dicere, priusquam bis, quando, si ante primum galli cantum tota illa trina negatio completeretur, simul et ante secundum, et ante tertium, et ante omnes galli cantus ejusdem

noctis completa inveniretur, quæ ante ipsum primum completa probaretur ? Sed quia ante primum galli cantum coepit est illa trina negatio, attenderunt illi tres, non quando eam completurus esset Petrus, sed quanta<sup>2</sup> futura esset, et quando coepit ; id est, quia trina, et quia ante galli cantum : quanquam in animo ejus, et ante primum galli cantum tota possit intelligi. Quamvis enim verbis negantis ante primum coepit, ante secundum autem galli cantum peracta sit tota illa trina negatio ; tamen affectione animi et timore Petri ante primum tota concepta est<sup>3</sup>. Noc interest quantis morarum intervallis trina voce enunciata sit, cum cor ejus etiam ante primum galli cantum tota possederit, tam magna scilicet formidine imbita, ut posset Dominum, non solum semel, sed iterum et tertio interrogatus negare, ut rectius diligenterisque attendantibus<sup>4</sup>, quomodo jam moechatus est mulierem in corde suo qui eam viderit ad concupiscendum (Matth. v, 28); sic Petrus quandocumque verbis ederet timorem, quem tam vehementer animo conceperat, ut perdurare posset usque ad tertiam Domini negationem, tota trina negatio ei tempori deputanda est, quando eum trinæ negationi sufficiens timor invasit : ex quo etiam si post primum galli cantum inciperent, pulsato interrogationibus pectore, verba illa negationis erympere, nec sic absurde atque mendaciter ante galli cantum ter negasse diceretur, quando ante galli cantum tantus timor obsederat mentem, qui eum<sup>5</sup> posset usque ad tertiam negationem perducere. Multo minus igitur movere debet, quia trina negatio etiam trinis negantis vocibus ante galli cantum coepit, et si non ante primum galli cantum peracta est. Tanquam si alicui diceretur, Hac nocte, antequam gallus cantet, ad me scribes epistolam, in qua mihi ter conviciaberis : non utique si eam ante omnem galli cantum scribere inciperet, et post primum galli cantum finiret, ideo dicendum erat falsum suis prædictum. Marcus ergo de ipsarum vocum intervallis planius elocutus est, qui dixit ex persona Domini, Priusquam bis gallus vocem dederit, ter me es negaturus. Ita gestum esse apparebit, cum ad eumdem locum narrationis evangelicæ venerimus, ut etiam illic ostendatur Evangelistas sibi congruere.

8. Si autem queruntur ipsa omnino verba quæ Petro Dominus dixerit; neque inventari possunt, et superfluo queruntur; cum sententia ejus, propter quam cognoscendam verba proferuntur, etiam in diversis Evangelistarum verbis possit esse notissima. Sive ergo diversis sermonum Domini locis commotus Petrus singillatim ter enuntiaverit præsumptionem suam, et ter ei Dominus suam negationem prædixerit, sicut probabilius indagatur; sive aliquo narrandi ordine possint omnium Evangelistarum commemorationes in unum redigi, quibus demonstretur semel Dominum prædixisse Petro præsumenti quod eum negaturus

<sup>1</sup> Lov., quando. Sed melius editi alii et MSS., quanta.

<sup>2</sup> Ita MSS. et Rat. At Er. et Lov., coepit est.

<sup>3</sup> In sex MSS. additum hic est, videtur.

<sup>4</sup> In MSS. prope omnibus et Rat., eam.

(Trente-sept.)

<sup>5</sup> Sic legendum cum MSS. et editione Ratisponensi; non autem ut apud Er. et Lov., qui habet etiam hæc verba vel sententiam similem.

abierunt retrorsum, et ceciderunt in terram. Iterum ergo eos interrogavit: Quem queritis? Illi autem dixerunt: Jesum Nazarenum. Respondit Jesus: Dixi vobis quia ego sum: si ergo me queritis, sinite hos abire. Ut impletur sermo quem dixit, Quia quos dedisti mihi, non perdidi ex ipsis quemquam (Joan. xviii, 2-11).

16. Videntes autem, sicut Lucas dicit, ii qui circa ipsum erant, quod futurum erat, dixerunt ei: Domine, si percutimus in gladio? Et percussit unus ex ipsis, quod omnes quatuor dicunt, servum principis sacerdotum, et amputavit auriculam ejus, sicut Lucas et Joannes dicunt, dexteram. Qui autem percussit, secundum Joannem Petrus erat: quem percussit autem, Malchus vocabatur. Deinde quod Lucas dicit, Respondens Jesus ait: Sinite usque huc; et adjunxit quod Matthaeus commemorat, Converte gladium tuum in locum suum. Omnes enim qui acceperint gladium, gladio peribunt. An putas quia non possum rogare Patrem meum, et exhibebit mihi modo plus quam duodecim legiones Angelorum? Quomodo ergo implebuntur Scripturæ, quia sic oportet fieri? His verbis adjungi potest quod illum eo loco dixisse Joannes commemorat, Calicem quem dedit mihi Pater, non vis bibam illum? Tunc, sicut Lucas dicit, tetigit auriculam illius qui percussus erat, et sanavit eum.

17. Nec moveat quasi contrarium sit quod Lucas dixit, interrogantibus discipulis si percuterent in gladio, Dominum respondisse, Sinite usque huc: quasi post illam percussionem ita dictum fuerit, ut placuerit ei usque huc factum, sed amplius fieri noluerit; cum in verbis quæ Matthæus posuit, intelligatur potius totum factum quo usus est gladio Petrus, Dominus displicuisse. Illud enim verius est, quod cum eum interrogassent dicentes, Domine, si percutimus in gladio? tunc respondit, Sinite usque huc: id est, non vos moveat quod futurum est; permittendi sunt buc usque progreedi, hoc est, ut me apprehendant, et impleantur quæ de me scripta sunt. Sed inter moras verborum interrogantium Dominum et illius respondentis, Petrus defensionis aviditate et majori pro Domino commotione percussit: sed non potuerunt etiam simul dici, quæ simul fieri potuerunt. Non enim diceret, Respondens autem Jesus, nisi illorum interrogationi responderet, non facto Petri. Nam de facto Petri quid judicaverit, Matthæus solas dixit. Ubi etiam non dixit Matthæus, Respondit Jesus Petro, Converte gladium tuum; sed dixit. Tunc ait illi Jesus, Converte gladium tuum: quod post factum apparet dixisse Dominum. Illud vero quod Lucas posuit, Respondens autem Jesus ait, Sinite usque huc, illis qui interrogaverant responsum esse accipiendum est: sed quia, ut diximus, inter verba interrogantium et respondentis Domini, facta est uno ictu percussio, hoc ordine judicavit esse narrandum, ut etiam inter verba interrogationis et responsionis eam insereret. Non est ergo contrarium hoc ei quod dixit Matthæus, Omnes enim qui acceperint gladium, gladio peribunt, id est, qui usi fuerint gladio. Videri autem posset contrarium, si Dominus ex illa response, saltem usque ad unum,

nec ipsum lethale vulnus, usum tamèn gladii spontaneum approbasse demonstraretur. Quanquam etiam Petro dictum totum congruenter intelligi possit, ut sic connectatur et quod Lucas et quod Matthæus retulit, quemadmodum supra commemoravi, Sinite usque huc; et, converte gladium tuum in locum suum. Omnes enim qui acceperint gladium, gladio peribunt, etc. Quomodo autem sit intelligendum, Sinite usque huc, iam exposui: et si aliter melius potest, ita sit; dum tamen Evangelistarum veritas constet.

18. Postea sequitur Matthæus, et commemorat eum in illa hora dixisse turbis: Tanquam ad latronem existis cum gladiis et justibus comprehendere me. Quotidie apud vos sedebam docens in templo, et non me tenuistis. Tunc addidit etiam verba quæ Lucas ponit: Sed hæc est hora vestra, et potestas tenebrarum. Hoc autem totum factum est, sicut Matthæus dicit, ut impletur Scripturæ Prophetarum. Tunc discipuli omnes relicto se fugerunt; sicut et Marcus dicit. Sequebatur autem illum unus adolescens amictus sindone, sicut idem Marcus commemorat; et cum tenuissent eum, rejecta sindone nudus profugit ab eis.

CAPUT VI. — *De his quæ gesta sunt cum diceretur Dominus ad dominum principis sacerdotum, et quæ in ipsa domo cum nocte perductus esset, et maxime de Petri negatione, quemadmodum inter se omnes congruant.*

19. At illi tenentes Jesum duxerunt ad Caiphæ, principem sacerdotum, ubi Scribæ et seniores convenerant, sicut Matthæus dicit (Matth. xxvi, 57-75). Sed primo ad Annam ductus est, sacerdotum Caiphæ, sicut Joannes dicit (Joan. xviii, 12-27). Marcus autem et Lucas nomen non dicunt pontificis (Marc. xiv, 53-72, et Luc. xxii, 54-62). Ductus est autem ligatus, cum adessent in illa turba tribunus et cohors et ministri Iudeorum, sicut Joannes commemorat. Petrus autem sequebatur eum a longe usque in atrium principis sacerdotum: et ingressus intro sedebat cum ministris, ut videret fineam, sicut dicit Matthæus. Et calefaciebat se ad ignem, sicut in eo loco narrationis dicit Marcus. Illoc et Lucas commemorat, quod Petrus sequebatur a longe: accenso autem igne in medio atrio, et circumsedentibus illis, erat Petrus in medio eorum. Et Joannes dicit, quod sequebatur Jesum Simon Petrus, et aliis discipulis. Discipulus autem ille alias erat notus pontifici, et introiit cum Jesu in atrium pontificis, sicut Joannes dicit. Petrus autem stabat ad ostium foris, secundum euudem Joannem. Exiit ergo discipulus alias, qui erat notus pontifici, et dixit ostiarie, et introduxit Petrum, sicut idem Joannes dicit. Sic enim factum est, ut intus esset et Petrus in atrio, sicut et alii dicunt.

20. Principes autem sacerdotum et omne consilium, sicut Matthæus dicit, quererant falsum testimonium contra Jesum, ut eum morti traducerent: et non intenerunt, cum multi falsi testes accessissent. Convenientia enim testimonia non erant, sicut Marcus dicit, cum euudem locum commemoraret. Norissime autem renerunt duo falsi testes, sicut dicit Matthæus, et dixerunt: Hic dixit, Possum destruere templum Dei, et post

*triduum redificare*<sup>1</sup> illud. Alios etiam Marcus commemorat dixisse, *Nos audivimus eum dicentem, Ego dissolvam templum hoc manu factum, et post triduum attud non manu factum ædificabo*: et ideo non erat conveniens testimonium illorum, sicut idem Marcus ibidem dicit. *Et surgens princeps sacerdotum, ait illi: Nihil respondes ad ea quæ isti adversum te testificantur? Jesus autem tacebat. Et princeps sacerdotum ait illi: Adjuro te per Deum vivum, ut dicas nobis, si tu es Christus Filius Dei. Dicit illi Jesus: Tu dixisti; haec Matthæus. Marcus autem eadem aliis verbis dicit, nisi quod tacet quod eum adjuraverit princeps sacerdotum: sed tantum valere ostendit quod ei dicit Jesus, *Tu dixisti, quantum si diceret, Ego sum*. Sequitur enim, ut ait idem Marcus: *Jesus autem dixit illi, Ego sum. Et vi-debitis Filium hominis a dextris sedentem virtutis, et venientem cum nubibus caeli*. Hoc dicit etiam Matthæus, sed non dicit respondisse Jesum, *Ego sum. Tunc princeps sacerdotum scidit vestimenta sua, dicens: Blasphemavit; quid adhuc egemus testibus?* quod Matthæus commemorat, et sequitur, *Ecce nunc audistis blasphemiam. Quid vobis videtur? At illi respondentes dixerunt: Reus est mortis*. Hoc etiam testatur et Marcus. Et sequitur Matthæus: *Tunc expuerunt in faciem ejus, et colaphis eum ceciderunt. Alii autem palmas in faciem ei dederunt, dicentes: Prophetiza nobis, Christe, quis est qui te percussit?* Hoc dicit et Marcus: commemorat etiam quod ei faciem velaverunt. De his quoque Lucas attestatur.*

21. Hæc intelligitur passus Dominus usque ad mane in domo principis sacerdotum, quo prius adductus est, ubi etiam Petrus tentatus est. Sed de Petri tentatione, quæ inter has Domini contumelias facta est, non eodem ordine omnes narrant: nam ipsas primo commemorant Matthæus et Marcus, deinde Petri tentationem; Lucas vero explicat prius tentationem Petri, tum demum has Domini contumelias: Joannes autem incipit Petri tentationem dicere, et interponit quadam de contumeliis Domini, et adjungit quod inde missus est ad Caiphæm pontificem; et inde recapitulat, ut explicet quam cœperat tentationem Petri in domo, quo primo adductus est, et reddit ad ordinem, ubi ostendat quemadmodum ductus sit Dominus ad Caiphæm.

22. Sic ergo Matthæus sequitur: *Petrus vero sedebat foris in atrio, et accessit ad eum una ancilla dicens: Et tu cum Iesu Galilæo eras? At ille negavit coram omnibus dicens: Nescio quid dicas. Exeunte autem illo januam, vidit illum alia ancilla, et ait his qui erant ibi: Et hic erat cum Iesu Nazareno. Et iterum negavit cum juramento, Quia non nori hominem. Et post pusillum accesserunt qui stabant, et dixerunt Petro: Vere et tu ex illis es; nam et loquela tua manifestum te facit. Tunc caput detestari et jurare, quia non novisset hominem: et continuo gallus cantavit: haec dicit Matthæus. Intelligitur autem quod posteaquam exiit foras, cum jam semel negasset, gallus cantavit primus, quod Matthæus. tacet, et Marcus dicit.*

23. Non autem foris ante januam iterum negavit,

sed cum rediisset ad focum: quando autem redierit, non opus erat commemorare. Marcus ergo sic illud narrat: *Et exiit foras ante atrium, et gallus cantavit. Rursus autem cum vidisset illum ancilla, caput dicere circumstantibus, Quia hic ex illis est. At ille iterum negavit. Haec vero ancilla nou eadem, sed alia est, sicut dicit Matthæus. Sane hoc quoque intelligitur, quia in secunda negatione a duobus compellatus est: et ab ancilla scilicet, quam commemorant Matthæus et Marcus; et ab alio, quem commemorat Lucas. Sic enim hoc narrat Lucas: Petrus vero sequebatur a longe. Accenso autem igne in medio atrio, et circumsedentibus illis, erat Petrus in medio eorum. Quem cum vidisset ancilla quedam sedentem ad lumen, et eum suisset intuita, dixit: *Et hic cum illo erat. At ille negavit cum, dicens: Mulier, non novi illum. Et post pusillum alius videns eum, dixit: Et tu de illis est.* Hoc ergo quod Lucas ait, *Et post pusillum, jam egredens erat Petrus januam, et primus gallus cantaverat;* jamque redierat, ut quemadmodum dicit Joannes, ad focum stans iterum negaret. Joannes enim in prima negatione Petri, non solum de primo galli cantu tacet, sicut cœteri, excepto Marco; sed etiam quod sedentem ad ignem coguoverit ancilla, non commemorat. Hoc enim tantum ait, *Dicit ergo Petro ancilla ostiaria: Numquid et tu de discipulis es hominis istius? Dicit ille: Non sum.* Deinde interponit quæ gesta sunt cum Iesu in eadem domo, quæ commemoranda arbitratus est, ita narrans: *Stabant autem servi et ministri ad prunas, quia frigus erat; et calefaciebant se: erat autem cum eis et Petrus stans, et calefaciens se.* Hic ergo jam intelligitur exiisse foras Petrum, et rediisse: primo enim sedebat ad ignem; et postea jam rediens, stare cœperat.*

24. Sed forte ait aliquis: Nondum exierat, surrexerat autem exiturus. Hoc potest dicere qui putat foris ante januam secundo interrogatum negasse. Videamus ergo Joannis sequentia: *Pontifex ergo, inquit, interrogavit Iesum de discipulis suis, et de doctrina ejus. Respondit ei Jesus: Ego palam locutus sum mundo, ego semper docui in synagoga, et in templo, quo omnes Ju-dæi convenient, et in occulto locutus sum nihil: quid me interrogas? interroga eos qui audierunt quid locutus sum ipsis: ecce ii sciunt quæ dixerim ego. Hæc autem cum dixisset, unus assistens ministrorum dedit alapam Jesu, dicens: Sic respondes pontifici? Respondit ei Jesus: Si male locutus sum, testimonium perhibe de malo; si autem bene, quid me cœdis? Et misit eum Annas ligatum ad Caiphæm pontificem. Hic sane ostenditur quod Annas pontifex erat: nondum enim missus erat ad Caiphæm, cum jam illi diceretur, Sic respondes pontifici? Et hos duos, Annam et Caiphæm pontifices, commemorat etiam Lucas in initio Evangelii sui (*Luc. iii, 2*). His dictis Joannes reddit ad quod cœperat de negatione Petri, id est: ad eamdem dominum, ubi gesta sunt quæ narravit, et unde ad Caiphæm missus est Jesus, ad quem ab initio ducebatur, sicut dixit Matthæus. Commemoravit autem ista Joannes quæ interposuit recapitulans de Petro, et ad eam narrationem rediens, ita dicit, ut compleat trinam negationem: *Erat autem Simon Petrus stans, et calefaciens se. Dixerunt ergo ci-**

<sup>1</sup> Plerique MSS., *redificare*: juxta græc., *oicodomēsat*.

*Numquid e. tu ex discipulis ejus es? Negavit ille, et dixit: Non sum.* Hoc igitur loco invenimus, et non ante januam, sed ad focum stantem, secundo negasse Petrum: quod fieri non posset, nisi jam rediisset, posteaquam foras exierat. Neque enim Jam exierat, et foris eum vidit altera ancilla: sed cum exierat, cum vidi, id est, cum surgeret ut exiret, animadvertisit eum, et dixit his qui erant ibi, id est, qui simul erant ad ignem intus in atrio, *Et hic erat cum Jesu Nazareno.* Ille autem qui foras exierat, hoc audito, rediens juravit illis contra nitentibus, *Quia non novi hominem.* Nam et Marcus sic ait de eadem ancilla: *Et cœpit dicere circumstantibus, Quia hic ex illis est.* Dicebat enim non illi, sed his qui illo exeunte ibi remanserant, sic tamen ut ille audiret: unde rediens, et rursus ad ignem stans, resistebat negando verbis eorum. Deinde in eo quod Joannes ait, *Dixerunt, Numquid et tu ex discipulis ejus es? quod redeundi et stanti dictum intelligimus, quod quoque confirmatur, non illam tantum alteram ancillam, quam commemorant in hac secunda negatione Matthæus et Marcus, sed et alium quem commemorat Lucas, cum Petro id egisse;* unde Joannes dicit, *Dixerunt ergo ei. Quapropter sive posteaquam illo exeunte dixit ancilla his qui secum erant in atrio, quia hic ex illis est,* hoc auditio ille regressus est, ut se quasi purgaret negando: sive, quod est creditibius, non audivit quid de illo dictum fuerit, cum foras exiret, et posteaquam rediit, dixerunt ei ancilla, et ille alias quem Lucas commemorat, *Numquid et tu ex discipulis ejus es? et dixit, Non sum:* pertinacius insistente illo de quo Lucas ait, atque dicente, *Et tu de illis es;* cui Petrus ait, *O homo, non sum.* Liquido tamen colligitur, collatis de hac re omnibus Evangelistarum testimonii, non ante januam secundo Petrum negasse, sed intus in atrio ad ignem. Matthæum autem et Marcum, qui commemoraverunt exisse cum foras, regressum ejus brevitatis causa tacuisse.

23. Nunc jam de tertia negatione inspiciamus eorum congruentiam, quam Matthæum solum jam explicasse meminerimus. Sequitur ergo Marcus et dicit: *Et post pusillum rursus qui adstabant, dicebant Petro: Vere ex illis es; nam et Galilæus es.* Ille autem cœpit anathematizare et jurare, *Quia nescio hominem istum quem dicitis.* Et statim iterum gallus cantavit. Lucas autem ita secutus, hoc idem narrat: *Et intervallo facto quasi horæ unius, aliis quidam affirmabat, dicens: Vere et hic cum illo erat; nam et Galilæus est.* Et ait Petrus: *Homo, nescio quid dicas.* Et continuo adhuc illo loquente, cantavit gallus. Joannes secutus de tertia Petri negatione, ita explicat: *Dicit unus ex servis pontificis, cognatus ejus cuius abscondit Petrus auriculum: Nonne ego te vidi in horto cum illo?* Iterum ergo negavit Petrus, et statim gallus cantavit. Quod igitur Matthæus et Marcus dicunt, post pusillum, quantum esset hoc temporis, manifestat Lucas dicendo, *Et intervallo facto quasi horæ unius: de hoc autem intervallo tacet Joannes.* Item quod Matthæus et Marcus non singulari, sed plurali numero enuntiant eos qui cum Petro agebant, cum Lucas unum dicat, Joannes

quoquo unum, eumque cognatum ejus, cuius abscondit Petrus auriculum; facile est intelligere, aut pluralem numerum pro singulari, usitata locutione usurpare Matthæum et Marcum; aut quod unus maxime tanquam sciens, et qui cum viderat, affirmabat, cœlent autem scenti ejus fidem, Petrum simul urgebant: unde duos Evangelistas compendio pluralem numerum posuisse; alios autem duos eum solum significare voluisse, qui præcipuus in hoc erat. Jam vero illud quod Matthæus ipsi Petro dictum fuisse ascrit, *Vere et tu ex illis es; nam et loquela tua manifestum te facit;* sicut Joannes eidem Petro dictum asseverat, *Nonne ego te vidi in horto cum illo?* Marcus autem inter se illos de Petro locutos dicit, *Vere ex illis est; nam et Galilæus est (a);* sicut et Lucas, non Petro, sed de Petro dicit, *Alius quidam affirmabat dicens: Vere et hic cum illo erat; nam et Galilæus est:* aut sententiam intelligimus tenuisse eos qui compellatum dicunt Petrum; tantumdem enim valuit quod de illo eorum illo dicebatur, quantum si illi diceretur: aut utroque modo actu, et alios illum, alios alium modum commemorasse. Galli autem cantum post tertiam negationem secundum intelligimus, sicut Marcus expressit.

26. Sequitur ergo Matthæus, ita dicens: *Et recordatus est Petrus verbi Jesu quod dixerat, Priusquam gallus cantet, ter me negabis: et egressus foras. flevit amare.* Marcus autem ita dicit: *Recordatus est Petrus verbi quod dixerat ei Jesus, Priusquam gallus cantet bis, ter me negabis: et cœpit flere.* Lucas autem sic ait: *Et conversus Dominus respexit Petrum: et recordatus est Petrus verbi Domini, sicut dixerat, Quia priusquam gallus cantet, ter me negabis: et egressus foras, Petrus flevit amare.* Joannes de recordatione et fletu Petri tacet. Sane in eo quod ait Lucas, quod *conversus Dominus respexit Petrum;* quomodo accipiendo sit, diligentius considerandum est. Quamvis enim dicantur etiam interiora atria, tamen in exteriore atrio fuit Petrus inter servos, qui simul se ad ignem calefacabant: non est autem credibile quod ibi audiebatur Dominus a Judæis, ut corporalis fieret illa respectio. Namque cum dixisset Matthæus, *Tunc expuerunt in faciem ejus, et colaphis eum ceciderunt; alii autem patmas in faciem ei dederunt, dicentes: Prophetiza nobis, Christe; quis est qui te percussit?* Secutus est dicens, *Petrus vero sedebat foris in atrio;* quod non diceret, nisi illa cum Domino intus agerentur: et quantum colligitur in narratione Marci, non solum in interioribus, sed etiam in superioribus domus agebantur. Nam posteaquam Marcus talia narravit, secutus ait, *Et cum esset Petrus in atrio deorsum.* Sicut ergo eo quod Matthæus ait, *Petrus vero sedebat foris in atrio,* ostendit quod illa intus agerentur: sic eo quod dixit Marcus, *Et cum esset Petrus in atrio deorsum,* ostendit non solum in interioribus, sed etiam in superioribus gesta

(a) Forte legendum, *Marcus autem in quibusdam edicibus inter se illos, etc.* Nam paulo supra non secus ac in sacris Bibiliis habetur hunc ipsum Marci locum retulit Ang. in hac verba, *dicebant retro, Vere ex illis es, etc., quibus illa uox de retro inter se, sed ipsi Petro locuti narrantur.*

quæ dixerat. Quomodo ergo respexit Petrum Dominus facie corporali? Quapropter mihi videtur illa respectio divinitus facta, ut ei veniret in mentem quoties jam negasset, et quid ei Dominus predixisset, atque ita misericorditer Domino respiciente pœniteret cum, et salubriter ficeret: sicut quotidie dicimus, Domine, respice me; et, Respexit eum Dominus, qui de aliquo periculo vel labore divina misericordia liberatus est: et sicut dictum est, *Respice, et exaudi me (Psal. xii, 4)*; et *Converte, Domine, et libera animam meam (Psal. vi, 5)*: ita dictum arbitror, *Conversus Dominus respexit Petrum, et recordatus est Petrus verbi Domini.* Denique cum frequentius soleant in narrationibus suis ponere Jesum quam Dominum, modo Lucas Dominum posuit dicens, *Conversus Dominus respexit Petrum, et recordatus est Petrus verbi Domini;* Matthæus autem et Marcus, quia de ista respectione tacuerunt, non verbi Domini, sed verbi Jesu cum recordatum esse dixerunt: ut etiam ex hoc intelligamus illam respectiōnē a Jesu, non humanis oculis, sed divinitus factam.

**CAPUT VII.** — *De his quæ mane gesta sunt, priusquam Pilato traderetur, quomodo Evangelista inter se non discreperent; et de testimonio Jeremiæ quod Matthæus propter Domini pretium interposuit, cum hoc in ejusdem prophetæ Scriptura non inveniatur.*

27. Sequitur ergo Matthæus, et dicit: *Mane autem facto, consilium inierunt omnes principes sacerdotum et seniores populi adversus Jesum, ut eum morti tradarent: et vincitum adduxerunt eum, et tradiderunt Pontio Pilato præsidi (Math. xxvii, 1-10).* Marcus similiter: *Et confessim mane, inquit, consilium facientes summi sacerdotes cum senioribus et Scribis et universo concilio, vincientes Jesum duxerunt et tradiderunt Pilato (Marc. xv, 4).* Lucas autem posteaquam complevit narrando Petri negationem, recapitulavit quæ cum Domino gesta sunt, jam ut appareat, circa mane, atque ita contextuit narrationem: *Et viri qui tenebant illum, illudabant ei, cæderentes; et velaverunt eum, et percutiebant faciem ejus, et interrogabant eum, dicentes: Propheta sis; quis est qui te percussit? Et alia multa blasphemantes dicebant in eum.* Et ut factus est dies, convenierunt seniores plebis et principes sacerdotum et Scribæ; et duxerunt illum in concilium suum, dicentes: *Si tu es Christus, dic nobis.* Et ait illis: *Si vobis dixero, non credetis mihi; si autem et interrogavero, non respondebitis mihi, neque dimittetis: ex hoc autem erit Filius hominis sedens a dextris virtutis Dei.* Dixerunt autem omnes: *Tu ergo es Filius Dei?* Qui ait: *Vos dicitis, quia ego sum.* At illi dixerunt: *Quid adhuc desideramus testimonium? Ipsi enim audivimus de ore ejus. Et surgens omnis multitudo eorum duxerunt eum ad Pilatum (Luc. xxii, 63; xxiii, 1).* Ilæc omnia narravit Lucas; ubi intelligitur quod etiam Matthæus et Marcus narraverunt, quod interrogatus sit Dominus utrum ipse esset Filius Dei, et quod dixerit, *Dico vobis, amodo videbilis Filium hominis sedentem a dextris virtutis*<sup>1</sup>, et venientem in nubibus caro, jam luce-

<sup>1</sup> *Filiū, virtutis Dei. Altamen vocem, Dei, hoc loco, non*

scente dic gestum, quando Lucas dicit, *Et ut factus est dies: atque ita narrat similia, etsi quid etiam ipse commemorat quod illi tacuerunt.* Nocte autem intelligimus per falsos testes actum esse cum Domino, quod breviter commemoraverunt Matthæus et Marcus, Lucas tacuit, qui enarravit quæ circa mane sunt gesta. Nam et illi, id est Matthæus et Marcus, contexerunt narrationem in iis quæ cum Domino acta sunt usque ad mane: sed postea redierunt ad narrandam Petri negationem; qua terminata redierunt ad mane, ut inde cætera contexerent, quoisque perducerent<sup>1</sup> quæ cum Domino acta erant, sed nondum commemoraverant quod mane factum esset (*Math. xxvi, 59-75, et Marc. xiv, 53-72*). Joannes quoque, cum ea quæ cum Domino gesta sunt ex quanta parte visum est, et Petri negationem totam commemorasset, *Adducunt ergo, inquit, Jesum ad Caiphā in prætorium. Erat autem mane (Joan. xviii, 28): ubi intelligimas aut aliquam fuisse causam quæ coegerit Caiphā esse in prætorio, nec esse præsentem cum aliis principes sacerdotum haberent de Domino quæstiōnem; aut in domo ejus fuisse prætorium (a): tamen ad ipsum ab initio ducebatur, ad quem in extremo perductus est. Sed quia jam tanquam convictum reum adducebant, Caiphā autem jam antea visum fuerat ut Jesus moreretur, nulla mora interposita est quin occidens Pilato traderetur. Quæ igitur per Pilatum cum Domino gesta sunt, ita Matthæus narrat.*

28. Ac primum excurrit inde, ut commemoraret exitum Judæ traditoris, quem solus narravit, ita dicens: *Tunc videns Judas, qui eum tradidit, quia damnatus esset, pœnitentia ductus, retulit triginta argenteos principibus sacerdotum et senioribus, dicens: Peccavi, tradens sanguinem justum.* At illi dixerunt: *Quid ad nos? tu videris. Et projectis argenteis in templo, recessit; et abiens, laqueo se suspendit.* Principes autem sacerdotum acceptis argenteis, dixerunt: *Non licet eos mittere in corbonam, quia pretium sanguinis est.* Consilio autem initio, emerunt ex illis agrum siguli in sepulturam peregrinorum: propter hoc vocatus est ager illæ Acheldemach, hoc est, *Ager sanguinis, usque in hodiernum diem.* Tunc impletum est quod dictum est per Jeremiānū prophetam dicentem: *Et accepserunt triginta argenteos pretium appretiati, quem appretiaverunt filii Israel*<sup>2</sup>, et dederunt eos in agrum siguli, sicut constituit nūhi Dominus.

29. Si quis autem movertur quod hoc testimonium non invenitur in Scriptura Jeremiā prophetæ, et ideo putat fidei Evangelistæ aliquid derogandum; primo neverit non omnes codices Evangeliorum habere quod per Jeremiā dictum sit, sed tantummodo per prophetam. Possimus ergo dicere his potius codicibus videmus in MSS., nec eam in antiquis Corbeiensibus Biblīis representat versio Vulgata seu *Math. cap. 26, v. 64; seu Marc. cap. 14, v. 62*, quibus locis abest etiam a textu greco.

<sup>1</sup> In septem MSS., perdurerant.

<sup>2</sup> In sacris Biblīis, *a filiis Israel.*

(a) Hujus lectiōnis difficultatem, ab exemplari scilicet protectam non sincero, quadamquidem in sacris Biblīis non ad Caiphā, sed a Caiphā, græc., apō tētā Kāiphā legimus. expedire conatur iterum in *Joan. Tract. 114*.

esse credendum, qui Jeremiæ nomen non habent; dictum est enim hoc per prophetam, sed Zachariam: unde putatur, codices esse madosos qui habent nomen Jeremiæ, quia vel Zacharie habere debuerunt, vel nullius, sicut quidam, sed tantum *per prophetam dicentem*, qui utique intelligitur Zacharias. Sed utatur ista defensione, cui placet: mihi autem cur non placeat, hæc causa est, quia et plures codices habent Jeremiæ nomen; et qui diligentius in græcis exemplaribus Evangelium consideraverunt, in antiquioribus græcis ita se perhibent invenisse: et nulla fuit causa cur adderetur hoc nomen, ut madositas flevet; cur autem de nonnullis codicibus tolleretur, fuit utique causa, ut hoc audax imperitia saceret, cum turbaretur quæstione, quod hoc testimonium apud Jeremiam non inveniretur.

30. Quid ergo intelligendum est, nisi hoc actum esse secretiore consilio providentie Dei, qua mentes Evangelistarum sunt gubernata? Potuit enim fieri ut animo Matthæi Evangelium conscribentis pro Zacharia Jeremias occurseret, ut fieri solet, quod tamen sine nulla dubitatione emendaret, saltem ab aliis admonitus, qui ipso adhuc in carne vivente hoc legere potuerunt, nisi cogitaret recordationi sue, quæ sancto Spiritu regebat, non frustra occurrisse aliud pro alio nomen prophete, nisi quia ita Dominus hoc scribi constituit. Cur autem ita constituerit Dominus, prima illa causa utilissima debet facillime cogitari, etiam sic esse insinuatum ita omnes sanctos Prophetas uno spiritu locutos mirabili inter se consensione constare, ut hoc multo amplius sit, quam si omnium omnia Prophetarum uno unius hominis ore dicerentur: et ideo indubitanter accipi debere quæcumque per eos Spiritus sanctus dixit, et singula esse omnium, et omnia singulorum. Cum igitur, et quæ dicta sunt per Jeremiam tam sint Zacharie quam Jeremie, et quæ dicta sunt per Zachariam tam sint Jeremie quam Zacharie; quid opus erat ut emendaret Matthæus, cum aliud pro alio sibi nomen occurrens a se scriptum relegisset; ac non potius sequens auctoritatem Spiritus sancti, a quo mentem suam regi plus nobis ille utique sentiebat, ita hoc scriptum relinquaret, sicut eum admonendo constituerat ei Dominus, ad informandos nos tantam verborum suorum inter Prophetas esse concordiam, ut non absarde, imo congruentissime etiam Jeremiæ deputaremus quod per Zachariam dictum reperirenius? Si enim hodie quisquam volens alicujus verba indicare, dicat nomen alterius a quo dicta non sint<sup>1</sup>, qui tamen sit amicissimus et familiaritate conjunctissimus illi cuius verba dicere voluit; et continuo recordatus ait: pro alio se dixisse, ita se colligat atque corrigat, ut tamen dicat, Bene dixi; quid aliud intuens, nisi tantam inter ambos esse concordiam, inter illum scilicet eniçius verba dicere voluit, et alium cuius ei nomen pro illius nomine occurrit, ut tale sit hoc istum dixisse, quale si ille dixisset? quanto magis hoc de Prophetis sanctis intelligendum et maxime commendandum fuit, ut omnium libros

tanquam unius unum librum acciperemus, in quo nulla rerum discrepantia crederetur, sicut nulla inventaretur, et in quo major esset constantia veritatis, quam si omnia illa unus homo quamlibet doctissimus loqueretur? Quod ergo hinc argumentum suinere co[n]tantur vel infideles vel imperiti homines, quasi ad ostendendam dissonantiam sanctorum Evangelistarum, hoc potius debent assumere fideles et docti ad ostendendam unitatem sanctorum etiam Prophatarum.

31. Est et alia causa, quæ mihi videtur alio tempore diligentius retractanda, ne amplius sermonem protendamus, quam bujus operis terminandi necessitas flagitat, cur hoc nomen Jeremiæ in testimonio Zacharie sic manere permisum, vel potius sancti Spiritus auctoritate præceptum sit. Est apud Jeremiam, quod emerit agrum a filio fratris sui, et dederit ei argentum; non quidem sub hoc nomine pretii quod positum est apud Zachariam, triginta argenteis; verumtamen agri emptio non est apud Zachariam: quod autem prophetam de triginta argenteis ad hoc interpretatus sit Evangelista, quod modo de Domino completum est, ut hoc esset pretium ejus, manifestum est; sed ad hoc pertinere etiam illud de agro empto quod Jeremias dixit, hinc potuit mystice significari, ut non hic Zacharie nomen poneretur, qui dicit triginta argenteis, sed Jeremiæ, qui dixit de agro empto; ut lecto Evangelio atque invento nomine Jeremie, lecto autem Jeremiam et non invento testimonio de triginta argenteis, invento tamen agro emplo, admoneatur lector utrumque conferre, et inde sensum enucleare prophetæ, quomodo pertineat ad hoc quod in Domino impletum est. Nam illud quod subiectit huic testimonio Matthæus cum ait, *Quem appetiaverunt filii Israel, et dederunt eos in agrum figuli, sicut constituit mihi Dominus*, nec apud Zachariam nec apud Jeremiam reperitur. Unde magis ex persona ipsius Evangelista accipiendum est eleganter et mystice insertum, quia hoc ex Domini revelatione cognoverit ad hanc rem, quæ de Christi pretio facta est, huiusmodi pertinere prophetam. Liber quippe empti agri apud Jeremiam jubetur mitti in vas fictile (*Jerem. xxxii, 9-44*), et emitur hic de pretio Domini ager figuli, et hoc ad sepulturam peregrinorum, tanquam ad permissionem quietis eorum qui in hoc seculo peregrinantes concepeliuntur Christo per Baptismum. Nam et illam emptionem agri hoc significare Jeremie dixit Dominus, quia erit permanens de cæpitivitate liberatorum in illa terra. Hæc tanquam delineanda<sup>1</sup> arbitratus sum, cum admonerem quid in his propheticis testimonitis in unum redactis et evangelice narrationi collatis, diligentius attentiusque requiratur. Hæc interposuit Matthæus de Iuda traditore.

CAPUT VIII. — *De his quæ apud Pilatum gesta sunt, quomodo inter se nihil dissentiant.*

32. Deinde sequitur, et dicit: « Jesus autem stetit ante præsidem, et interrogavit eum præses, dicens:

<sup>1</sup> In quatuor v.s., delibanda.

<sup>1</sup> In MSS. prope omnibus, alterius a quo dicta sint.

**Tu es rex Iudeorum?** Dicit ei Jesus : Tu dicis. Et cum accusaretur a principibus sacerdotum et senioribus, nihil respondit. Tunc dicit illi Pilatus : Non audis quanta adversum te dicunt testimonia? Et non respondit ei ullum verbum, ita ut miraretur praeses vehementer. Per diem autem solemnum consueverat praeses dimittere populo unum vincum quem voluerent : habebat autem tunc vincum insignem, qui dicebatur Barabbas. Congregatis ergo illis dixit Pilatus : Quem vultis dimittam vobis; Barabbam, an Jesum qui dicitur Christus? Sciebat enim quod per invidiam tradidissent eum. Sedente autem illo pro tribunal, misit ad illum uxor ejus dicens : Nihil tibi et justo illi, multa enim passa sum hodie per visum propter eum. Principes autem sacerdotum et seniores persuaserunt populis ut peterent Barabbam, Jesum vero perderent. Respondens autem praeses ait illis : Quem vultis vobis de duabus dimitti? At illi dixerunt : Barabbam. Dicit illis Pilatus : Quid igitur faciam de Jesu, qui dicitur Christus? Dicunt omnes : Crucifigatur. Ait illi praeses : Quid enim mali fecit? At illi magis clamabant, dicentes : Crucifigatur. Videns autem Pilatus quia nihil proficeret, sed magis tumultus fieret, accepta aqua lavit manus coram populo, dicens : Innocens ego sum a sanguine justi hujus; vos videritis. Et respondens universus populus, dixit : Sanguis ejus super nos et super filios nostros. Tunc dimisit illis Barabbam; Jesum autem flagellatum tradidit eis ut crucifigeretur. Haec narravit Matthaeus per Pilatum gesta de Domino (*Math. xxvii, 11-26*).

33. Marcus quoque pene iisdem verbis et rebus concinit. Verba autem Pilati, quibus respondit populo petenti ut solemniter unus vincus dimitteretur, ita refert : *Pilatus autem respondit eis, et dixit : Vultis dimittam vobis regem Iudeorum?* Matthaeus autem sic ait : *Congregatis ergo illis, dixit Pilatus : Quem vultis dimittam vobis; Barabbam, an Jesum qui dicitur Christus?* Nulla quæstio est, quod tacet ipsos petuisse ut aliquis eis dimitteretur : sed quæri potest quæ verba Pilatus dixerit; utrum quæ a Mattheo, an quæ a Marco referuntur. Aliud enim videtur esse, *Quem vultis dimittam vobis, Barabbam, an Jesum qui dicitur Christus?* aliud, *Vultis dimittam vobis regem Iudeorum?* Sed quia christos reges dicebant, et qui dixit illum an illum, manifestum est eum quæsse an vellent sibi dimitti regem Iudeorum, id est Christum; nihil interest sententia, quod hic tacuit Marcus de Barabba, hoc solum volens dicere quod ad Dominum pertinebat; quandoquidem in eorum responsione satis et ipse ostendit, quem sibi dimitti voluerint : *Pontifices, inquit, concitaverunt turbam ut magis Barabbam dimitteret eis :* sequitur autem, et dicit, *Pilatus autem iterum respondens, ait illis : Quid ergo vultis faciam regi Iudeorum?* Unde iam satis appareat, quod id Marcus velit ostendere, dicendo regem Iudeorum, quod Matthaeus dicens Christum. Non enim dicebantur christi reges, nisi Iudeorum : namque in eo etiam loco Matthaeus ait, *Dicit illis Pilatus, Quid igitur faciam de Jesu, qui dicitur Christus?* Ergo sequitur Marcus, *At illi iterum*

*clamaverunt, Crucifice eum : quod ille ait, Dicunt omnes, Crucifigatur. Et sequitur Marcus, Pilatus vero dicebat eis, Quid enim mali fecit? At illi magis clamabant, Crucifice eum. Illoc Matthæus non dixit : sed quoniam dixit, *Videns autem Pilatus quia nihil proficeret, sed magis tumultus fieret ; dixit etiam eum lavisse manus coram populo, ut innocentem se a sanguine justi significaret;* quod item et Marcus et alii tacent : satis ostendit etiam Matthæus egisse presidem cum populo, ut dimitteretur. Quod breviter significavit Marcus in eo quod refert Pilatum dixisse, *Quid enim mali fecit?* Deinde sic etiam ipse concludit, quæ per Pilatum cum Domino gesta sunt : *Pilatus autem, inquit, volens populo satisfacere, dimisit illis Barabbam, et tradidit Jesum flagellis casum, ut crucifigeretur :* haec apud presidem gesta narravit Marcus (*Marc. xv, 2-15*).*

34. Lucas apud Pilatum gesta sic narrat : *Cœperunt autem accusare illum, dicentes : Hunc invenimus subvertentem gentem nostram, et prohibentem tributa dari Cæsari, et dicentem se Christum regem esse.* Illoc illi duo Evangelistæ non dixerunt, cum tamen dicerent quod eum accusabant. Ergo iste etiam ipsa crimina quæ falsa objecerunt, aperuit. Tacuit autem quod ei dixit Pilatus, *Non respondes quidquam?* Vide in quantis te accusant : sed plane sequitur, et dicit quod etiam illi dixerunt, *Pilatus autem interrogavit eum, dicens : Tu es rex Iudeorum?* At ille respondens ait : *Tu dicis.* Illoc autem Matthæus et Marcus commemoraverunt, antequam dicerent compellatum Jesum quod eis accusantibus non responderet. Nihil autem interest veritatis, quo ordine Lucas ista retulerit : quemadmodum nihil interest si alius aliquid tacet, quod alius commemorat; quemadmodum in consequentibus dicit : *Ait autem Pilatus ad principes sacerdotum et turbas : Nihil invenio causæ in hoc homine.* At illi invalescebant, dicentes : *Commovet populum, docens per universam Iudeam, et incipiens a Galilæa usque huc.* Pilatus autem audiens Galilæam, interrogavit si homo Galilæus esset; et ut cognovit quod de Herodis potestate esset, remisit cum ad Herodem, qui et ipse Ierosolymis erat in illis diebus. Herodes autem viso Jesu, gavisus est valde : erat enim cupiens ex multo tempore videre eum, eo quod audiret multa de illo; et sperabat signum aliquod videre ab eo fieri. Interrogabat autem illum multis sermonibus : at ipse illi nihil respondebat. Stabant etiam principes sacerdotum et Scribæ, constanter accusantes eum. Sprevit autem illum Herodes cum exercitu suo, et illusit induit ueste alba, et remisit ad Pilatum. Et facti sunt amici Herodes et Pilatus in ipsa die : nam antea inimici erant ad invicem. Haec omnia, id est, quod a Pilato ad Herodem Dominus missus est, et quæ ibi gesta sunt, Lucas solus indicat; etiam si aliquid ibi ait simile, quod in aliis narrationum locis apud alios possit inveniri : ceteri autem ea tantum dicere voluerunt quæ apud Pilatum gesta sunt, quo usque Dominus crucifigendus traderetur. Rediens ergo Lucas ad ea quæ apud presidem gerebantur, unde digressus erat, ut narraret quod apud Herodem actum

est, ita sequitur: *Pilatus autem convocatis principibus sacerdotum et magistratibus et plebe, dixit ad illos: Obtulistis mihi hunc hominem quasi avertenter populum, et ecce ego coram vobis interrogans, nullam causam inveni in homine isto ex his in quibus eum accusatis.* Hic intelligimus eum prætermisso quemadmodum a Domino quæsierit, quid accusatoribus responderet. *Sed neque Herodes, inquit: nam remisi vos ad illum, et ecce nihil dignum morte actum est ei. Emendatum ergo illum dimittam.* Necessè autem habebat dimittere eis per diem festum unum. *Exclamavit autem simul universa turba dicens, Tolle hunc, et dimittite nobis Barabbum: qui erat propter seditionem quamdam factam in civitate et homicidium missus in carcerem.* Iterum autem *Pilatus locutus est ad illos, volens dimittere Jesum.* At illi suclamabant dientes: *Crucifige, crucifige eum.* Ille autem tertio dixit ad illos: *Quid enim mali facit iste? nullam causam mortis invenio in eo: corripiam ergo illum, et dimittam.* At illi instabant vocibus magnis, postulantes ut crucifigeretur, et invalescebant voces eorum. Matthæus huic conatu Pilati, quo saepius cum eis egit, volens ut dimitteretur Jesus, paucissimis verbis satis attestatus est, ubi ait, *Videns autem Pilatus quia nihil proficeret, sed magis tumultus fieret: quod non diceret nisi multum ille nitus esset; quamvis tacuerit, quoties hoc efficere tentaverit, ut erueret Jesus furori eorum.* Et Lucas itaque ita concludit quod actum est apud præsidem: *Et Pilatus, inquit, adjudicavit fieri petitionem eorum. Dimisit autem illis eum qui propter homicidium et seditionem missus fuerat in carcerem, quem petebant; Jesum vero tradidit voluntati eorum (Luc. xxii, 2-25).*

35. Nunc eadem secundum Joannem consideremus, id est, quæ per Pilatum facta sunt. *Et ipsi, inquit, non introierunt in prætorium, ut non contaminarentur, sed manducarent Pascha.* Exiit ergo Pilatus ad eos foras, et dixit: *Quam accusationem afferitis adversus hominem hunc? Responderunt et dixerunt ei: Si non esset hic malefactor, non tibi tradidissemus eum.* Illoc videndum est, ne contrarium sit ei quod Lucas dicit, certa in eum dicta esse crimina; et dicit quæ dicta sint: *Cœperunt autem, inquit, accusare illum, dicentes: Hunc invenimus subvertentem gentem nostram, et prohibentem tributa dari Cæsari, et dicentem se Christum regem esse.* Quod vero nunc secundum Joannem commemoravi, videntur Judei noluisse dicere crimina, cum dixisset eis Pilatus, *Quam accusationem afferitis adversus hominem hunc?* Responderunt enim, *Si non esset hic malefactor, non tibi tradidissemus eum:* videlicet ut eorum auctoritatem secutus, quid ei objiceretur desineret querere; sed ob hoc tantum nocentem crederet, quod sibi ab eis tradi meruisset. Ergo intelligere debemus, et hoc dictum esse, et illud quod Lucas commemoravit. Multa enim dicta, et multa responsa sunt, unde cuique eorum quantum visum est decerpit, et in narratione sua posuit quod satis esse judicavit. Nam et ipse Joannes dicit quædam quæ objecta sunt, quæ suis locis videbimus. Itaque sequitur: *Dixit ergo eis Pilatus: Accipite eum vos, et secundum legem vestram iudi-*

*cate eum. Dixerunt ergo ei Judæi, Nobis non licet interficere quemquam: ut sermo Jesu impleteatur, quem dixit, significans qua esset morte moriturus. Introiit ergo iterum in prætorium Pilatus, et vocavit Jesum, et dixit ei: Tu es rex Judæorum? Et respondit Jesus, A temetipso hoc dicas, an alii tibi dixerunt de me? Et hoc videbatur non convenire illi quod ab aliis commemoratum est, Respondit Jesus, Tu dicas; nisi in consequentibus ostenderet et illud dictum esse. Unde ostendit ea quæ nunc dicit, a cæteris potius Evangelistis tacita quam a Domino dicta non esse. Attende ergo cætera: Respondit, inquit, Pilatus: Numquid ego Judæus sum? Gens tua et pontifices tradiderunt te mihi: quid fecisti? Respondit Jesus: Regnum meum non est de mundo hoc: si ex hoc mundo esset regnum meum, ministri mei utique decertarent ut non traderer Judeis; nunc autem regnum meum non est hinc. Dicit itaque ei Pilatus: Ergo rex es tu? Respondit Jesus: Tu dicas, quia rex sum ego. Ecce quando ventum est ad id quod alii Evangelistæ commemoraverunt. Sequitur ergo, item dicente adhuc Domino, quod cæteri tacuerunt. « Ego in hoc natus sum, et ad hoc veni in mundum, ut testimonium perhibeam veritati. Omnis qui est ex veritate, audit vocem meam. Dicit ei Pilatus: Quid est veritas? Et cum hoc dixisset, iterum exiit ad Judeos, et dicit eis: Ego nullam invenio in eo causam. Est autem consuetudo vobis ut unum dimittam vobis in Pascha: vultis ergo dimittam vobis regem Judæorum? Clamaverunt rursum omnes, dicentes, Non hunc, sed Barabbum: erat autem Barabbas latro. Tunc ergo apprehendit Pilatus Jesum, et flagellavit. Et milites plectentes coronam de spinis, imposuerunt capiti ejus, et ueste purpurea circumdederunt eum: et veniebant ad eum, et dicebant, Ave rex Judæorum; et dabant ei alapas. Exiit iterum Pilatus foras, et dicit eis: Ecce adduco eum vobis foras, ut cognoscatis quia in eo nullam causam invenio. Exiit ergo Jesus portans coronam spineam, et purpureum uestimentum, et dicit eis: Ecce homo. Cum ergo vidissent eum pontifices et ministri, clamabant dicentes: Crucifige, crucifige<sup>1</sup>. Dicit eis Pilatus: Accipite eum vos, et crucifigite; ego enim non invenio in eo causam. Responderunt ei Judæi: Nos legem habemus, et secundum legem debet mori, quia Filium Dei se fecit. » Illoc potest congruere ei quod Lucas commemorat in accusatione Judæorum dictum, « Hunc invenimus subvertentem gentem nostram, » ut adjungatur, « Quia Filium Dei se fecit. » Sequitur itaque Joannes, et dicit: « Cum ergo audisset Pilatus hunc sermonem, magis timuit: et ingressus est prætorium iterum, et dicit ad Jesum: Unde es tu? Jesus autem responsum non dedit ei. Dicit ergo ei Pilatus: Mihi non loqueris? Nescis quia potestatem habeo crucifigere te, et potestatem habeo dimittere te? Respondit Jesus: Non haberes potestatem adver-*

<sup>1</sup> In editis additur, *eum*: quæ vox a MSS. abest et a vetustis Corbeiensibus Bibliis, nec reperitur in græco. Itac itaque, et alias quasdam particularis, præsertim quod eas repetita eadem sententia non constanter nec ubique haberent editi, antiquorum exemplariorum auctoritate removimus.

sus me ullam, nisi tibi datum esset desper. Propterea qui tradidit me tibi, maior peccatum habet. Exinde querrebat Pilatus dimittere eum. Judæi autem clamabant dicentes: Si hunc dimittis, non es amicus Cæsaris; omnis qui se regem facit, contradicit Cæsari. » Huius potest congruere quod Lucas in eadem accusatione Judæorum ita narrat: cum dixissent, *Invenimus eum subvertentem gentem nostram; adjecit, et prohibentem tributa dari Cæsari, et dicentem se Christum regem esse.* Ex quo solvit illa questio, qua putar: poterat Joannes dixisse nullum a Judæis Domino crimen objectum, quando responderunt et dixerunt ei, *Si non esset hic malefactor, non tibi tradidissimus eum.* Sequitur ergo Joannes, et dicit: « Pilatus ergo cum audivisset hos sermones, adduxit Iudas Jesum, et sedis pro tribunali in loco qui dicitur Lithostrotos, Hebraice autem Gabbatha. Erat autem parascive Paschæ hora quasi sexta, et dicit Judæis: Ecce rex vester. Illi autem clamabant: Tolle, tolle, crucifige eum. Dicit eis Pilatus: Regem vestrum crucifigam? Responderunt pontifices: Non habemus regem, nisi Cæsarem. Tunc ergo tradidit eis illum ut crucifigeretur: » hec narravit Joannes per Pilatum gesta (*Joan. xviii, 28; xix, 16.*).

**CAPUT IX.** — *De illusione qua illusus est a cohorte Pilati, quomodo non dissonent tres qui hoc dicunt, Matthæus, Marcus et Joannes.*

36. Consequens est jam, ut ipsam Domini passionem secundum quatuor Evangelistarum testimonia videamus, quam Matthæus sic incipit: « Tunc milites praesidis suscipientes Jesum in prætorium, congregaverunt ad eum universam cohortem; et exeuntes eum, chlamydem coccineam circumdederunt ei; et plectentes coronam de spinis, posuerunt super caput ejus, et arundinem in dextera ejus: et genu flexo ante eum illudebant, dicentes: Ave, rex Judæorum » (*Math. xxvii, 27-31*). Hoc Marcus in eodem loco narrationis ita dicit: « Milites autem duxerunt eum intro in atrium prætorii, et convocant totam cohortem; et induunt eum purpuram, et imponunt ei plectentes spineam coronam: et coepérunt salutare cum, Ave, rex Judæorum: et percutiebant caput ejus arundine, et consuebant eum; et ponentes genua, adorabant eum» (*Marc. xv, 16-20*). Intelligitur itaque quod Matthæus ait, « Chlamydem coccineam circumdederunt ei, » hoc Marcum dixisse, indutum purpuram. Pro regia enim purpura, chlamys illa coccinea ab illudentibus adhibita erat: et est rubra quedam purpura coco similima. Potest etiam fieri, ut purpuram etiam Marcus commemoraverit, quam chlamys habebat, quamvis esset coccinea. Lucas hoc prætermisit. Joannes autem antequam diceret quod eum Pilatus crucifigendum tradiderit, commemoravit hoc dicens: « Tunc ergo apprehendit Pilatus Jesum et flagellavit. Et milites plectentes coronam de spinis, imposuerunt capiti ejus, et ueste purpurea circumdederunt eum: et veniebant ad eum, et dicebant, Ave, rex Judæorum; et dabant ei alapas » (*Joan. xix, 1-3*). Unde appetat Matthæum et Marcum recapitulando istud commemorasse, non

quod tunc factum sit, cum eum Pilatus jam crucifigendum tradidisset: Joannes enim apud Pilatum dicit hæc gesta satis evidenter; unde isti quod præterierant recoluerunt. Ad hoc pertinet etiam quod consequentor dicit Matthæus: « Et expuentes in eum acceperunt arundinem, et percutiebant caput ejus: et postquam illuscruunt ei, exuerunt eum chlamydem, et induerunt eum vestimentis ejus, et duxerunt cum vi crucifigerent. » Illoc quod exuerunt chlamydem, et induerunt eum vestimentis ejus, in fine factum intelligitur, cum jam duceretur. Marcus hoc ita dicit: « Et postquam illuserunt ei, exuerunt illum purporam, et induerunt eum uestimentis suis.

**CAPUT X.** — *Quomodo non repugnet quod Matthæus, Marcus et Lucas angariatum dicunt, qui portaret ejus crucem; cum Joannes dicat quod eam Jesus ipse portaverit.*

37. Sequitur ergo Matthæus: « Exeuntes autem invenerunt hominem Cyrenæum, nomine Simonem; hunc angariaverunt ut tolleret crucem ejus » (*Math. xxvi, 32*). Marcus quoque: « Et educunt illum, » inquit, « ut crucifigerent eum. Et angariaverunt prætereuntem quempiam Simonem Cyrenæum venientem de villa, patrem Alexandri et Risi, ut tolleret crucem ejus » (*Marc. xv, 20, 21*). Illoc Lucas ita dicit: « Et cum ducerent eum, apprehenderunt Simonem quemdam Cyrenensem venientem de villa, et imposuerunt illi crucem portare post Jesum » (*Luc. xxiii, 26*). Joannes autem sic narrat: « Suscepérunt autem Jesum, et eduxerunt: et bajulans sibi crucem exiit in eum qui dicitur Calvariae locum, hebraice Golgotha, ubi eum crucifixerunt » (*Joan. xix, 16-18*). Unde intelligitur quod ipse sibi portabat crucem, cum exiret in locum memoratum. Simon autem ille in itinere angariatus est, de quo tres commemorant, cui postea data est crux portanda usque ad locum. Ita utrumque factum invenimus; primo id quod Joannes dixit, deinde quod exteri tres.

**CAPUT XI.** — *De potu quem dederunt ei priusquam commemoratu esset ejus crucifixio, quomodo conveniat inter Matthæum et Marcum.*

38. Sequitur itaque Matthæus: « Et venerunt, inquit, in locum qui dicitur Golgotha, quod est Calvariae locus: de hoc loco apertissime consentiunt. Deinde adjungit idem Matthæus: « Et dederunt ei vinum bibere cum felle mixtum, et cum gustasset, noluit bibere » (*Math. xxvii, 33, 34*). Hoc Marcus ita narrat: « Et dabant ei bibere vinum myrratum; et non accepit » (*Marc. xv, 23*). Hoc intelligendum est Matthæum dixisse, *cum felle mixtum*: fel quippe pro amaritudine posuit; myrratum enim vinum amarissimum est: quanquam fieri possit ut et fel et myrra vinum amarissimum redderent. Quod ergo ait Marcus, *non accepit*; intelligitur, non accepit ut biberet. Gustavit autem, sicut Matthæus testis est; ut quod idem Matthæus ait, *noluit bibere*, hoc Marcus dixerit, *non accepit*; tacuerit autem quod gustaverit.

**CAPUT XII.** — *De divisione vestimentorum ejus, quomodo inter se omnes convenient.*

39. Sequitur Matthæus : « Postquam autem crucifixerunt eum, diviserunt vestimenta ejus sortem mittentes (a); et sedentes, servabant eum » (*Matth. xxvii, 35, 36*). Hoc idem Marcus sic : « Et crucifigentes eum diviserunt vestimenta ejus, mittentes sortem super eis, quis quid tolleret » (*Marc. xv, 24*). Hoc Lucas sic ait : « Dividentes vero vestimenta ejus miserunt sortes; et stabat populus spectans » (*Luc. xxiii, 34, 35*). Brevisiter a tribus dictum est; Joannes autem distinctius hoc explicat quemadmodum gestum sit : « Milites ergo, » inquit, « cum crucifixissent eum, acceperunt vestimenta ejus, et fecerunt quatuor partes, unicuique militi partem, et tunicam. Erat autem tunica inconsutilis desuper contexta per totum. Dixerunt ergo ad invicem, Non scindamus eam, sed sortiamur de illa cuius sit : ut Scriptura impleretur dicens, Partiti sunt vestimenta mea sibi, et in vestem meam miserunt sortem » (*Joan. xix, 25, 27*).

**CAPUT XIII.** — *De hora dominice passionis, quemadmodum non inter se dissentiant Marcus et Joannes, propter tertiam et sextam.*

40. Sequitur Matthæus : *Et imposuerunt super caput ejus causam ipsius scriptam: Hic est Jesus rex Iudeorum* (*Matth. xxvii, 37*). Marcus autem priusquam hoc dixisset, *Erat autem, inquit, hora tertia, et crucifixerunt eum* (*Marc. xv, 25*); hoc enim subjungit cum de vestium divisione dixisset : quæ res diligentissime consideranda est, ne magnum faciat errorem. Sunt enim qui arbitrentur hora quidem tertia Dominum crucifixum; a sexta autem hora tenebras factas usque ad nonam, ut consumptæ intelligentur tres horæ ex quo crucifixus est, usque ad tenebras factas. Et posset quidem hoc rectissime intelligi, nisi Joannes diceret, hora quasi sexta Pilatum sedisse pro tribunali in loco qui dicitur Lithostrotos, hebraice autem Gabbatha. Sequitur enim : *Erat autem parasse Paschæ, hora quasi sexta, et dicit Iudeis: Ecce rex vester. Illi autem clamabant: Tolle, tolle, crucifige eum. Dixit eis Pilatus: Regem vestrum crucifigam? Responderunt pontifices: Non habemus regem nisi Cæsarem. Tunc ergo tradidit eis illum ut crucifigeretur* (*Joan. xix, 13-16*). Si igitur hora quasi sexta Pilato sedente pro tribunali traditus est crucifigendus Iudeis, quomodo hora tertia crucifixus est, sicut verba Marci non intelligentes quidam putaverunt?

41. Prius enim qua hora crucifigi potuerit videamus; deinde videbinus cur hora tertia crucifixum dixerit Marcus. Hora erat quasi sexta cum traditus est crucifigendus a Pilato sedente, ut dictum est, pro tribunali. Non enim jam plena sexta erat, sed quasi sexta, id est, peracta quinta aliquid etiam de sexta esse coepit. Nunquam autem isti dicere, Quinta et quadrans, aut quinta et triens, aut quinta et semis, aut aliquid

(a) Hic Augustinus silentio præterit verba illa versionis vulgatae, ut impleretur quod dictum est per prophetam dicens, *Distrinxunt sibi vestimenta mea, etc.*, que in antiquis libris non exstare, et secundum Hieronymum de Matthæi textu non esse observavit jum pridem Nicolaus de Lira: habentur tamen in vetus. Corb. Bibiliis.

hujusmodi. Habent enim istum morem Scripturæ, uta parte totum ponant, maxime in temporibus : sicut de octo illis diebus, post quos eum dicunt ascendisse in montem (*Luc. ix, 28*), quorum medios intuentes Matthæus et Marcus dixerunt, *Post dies sex* (*Matth. xvii, 1, et Marc. ix, 1*). Præsentim quia tam moderate idem Joannes locutus est, ut non diceret, sexta; sed, *quasi sexta* : quod si ita non diceret, sed tantummodo sextam diceret, possemus nos ita intelligere, quemadmodum loqui solent Scripturæ, sicut dixi, a parte totum, ut peracta quinta et inchoata sexta gererentur hæc quæ narrata sunt in crucifixione Domini nostri, donec completa sexta illo pendente fierent tenebre, quibus tres Evangelistæ attestantur, Matthæus, Marcus et Lucas (*Matth. xxvii, 45; Marc. xv, 33, et Luc. xxiii, 44*).

42. Quæranus jam consequenter, eur dixerit Marcus, cum commemorasset quod crucifigentes eum divisorunt vestimenta ejus, mittentes sortes super eis quis quid tolleret, et secutus adjunxerit, *Erat autem hora tertia, et crucifixerunt eum*. Jam certe dixerat, *Et crucifigentes eum divisorunt vestimenta ejus* (*Marc. xv, 24*) : sic etiam ceteri attestantur, quod eo crucifixo vestimenta divisa sunt. Si ejus rei geste tempus voluit commemorare Marcus, sufficeret dicere, *Erat autem hora tertia* : utquid adjunxit, *et crucifixerunt eum*, nisi quia voluit aliquid recapitulando significare, quod quæsitum inveniretur, cum Scriptura ipsa illis temporibus legeretur, quibus universæ Ecclesie notum erat qua hora Dominus ligno suspensus sit, unde posset hujus vel error corrigi, vel mendacium refutari? Sed quia sciebat a militibus suspensum Dominum, non a Iudeis, sicut Joannes apertissime dicit (*Joan. xix, 23*), occulite ostendere voluit eos magis crucifixisse qui clamaverunt ut crucifigeretur, quam illos qui ministerium principi suo secundum suum officium prebuerunt. Intelligitur ergo fuisse hora tertia cum clamaverunt Iudei ut Dominus crucifigeretur, et veracissime demonstratur tunc eos crucifixisse quando clamaverunt : maxime quia nolebant videri se hoc fecisse, et propter ea eum Pilato tradiderant, quod eorum verba satis indicant, secundum Joannem. Cum enim dixisset eis Pilatus, *Quam accusationem assertis adversus hominem hunc? responderunt, et dixerunt ei: Si non esset hic malefactor, non tibi tradidissemus eum. Dixit ergo eis Pilatus: Accipite eum vos, et secundum legem vestram judicate eum. Dixerunt ergo ei Iudei; nobis non licet interficere quemquam* (*Id. xvii, 29-31*). Quod ergo maxime videri fecisse nolebant, hoc eus hora fecisse tertia Marcus ostendit; verissime judicans magis fuisse Domini necatricem lingam Iudeorum, quam militum manus.

43. Quisquis autem dixerit non fuisse horam tertiam, cum hoc Iudei primitus clamaverunt, insanisse se ostendit inimicum Evangelii; nisi forte aliter potuerit eamdem dissolvere questionem : non enim habet unde convincat non fuisse tunc horam tertiam; et ideo veridico Evangelistæ potius credendum, quam contentiosis suspicionibus hominum. Unde, inquis, probas horam tertiam fuisse? Respondeo, Quia credo

**Evangelistis** : quibus et tu si credis, ostende quemadmodum et hora sexta et hora tertia potuerit Dominus crucifigi? De sexta enim, ut fateamur, narratione Joannis urgemur; tertiam Marcus commemorat: quibus si uteque nostrumi credit, ostende tu aliter quemadmodum fieri utrumque potuerit; libentissime requiescam. Non enim sententiam meam, sed Evangelii diligo veritatem. Atque utinam etiam plures ab aliis inveniantur hujus exitus questionis: quod donec fiat, utere mecum isto si placet. Si enim nullus alias exitus potuerit inveniri, solus iste sufficiet: si autem potuerit, cum demonstratus fuerit, eligemus. Tantum non putes consequens esse ut quilibet omnium quatuor Evangelistarum mentitus sit, aut in tanto et tam sancto culmine auctoritatis erraverit.

**44.** Si autem quis dixerit se inde convincere non fuisse horam tertiam, cum illud Iudei clamaverunt, quia posteaquam dixit idem Marcus, *Pilatus autem iterum respondens ait illis: Quia ergo vultis faciam regi Iudeorum? At illi iterum clamaverunt: Crucifige eum;* non interponitur aliquid morarum ab eodem Marco in ejus narratione, et continuo ad id pervenitur, ut traduceretur ad crucem Dominus a Pilato, quod Johannes hora quasi sexta factum esse commemorat: intelligat qui hoc dicit, multa prætermissa esse, quæ in medio gesta sunt, cum Pilatus ageret querens quomodo eum a Judæis eriperet, et adversus eorum ineanissimam voluntatem quibuscumque modis potuit, instantissime niteretur. Matthæus enim ait, *Dicit illis Pilatus: Quid igitur faciam de Jesu, qui dicitur Christus?* Dicunt omnes: *Crucifigatur:* tunc fuisse dicimus horam tertiam. Quod autem Matthæus sequitur, et narrat, *Videns autem Pilatus quia nihil proficeret, sed magis tumultus fieret;* et in conatibus Pilati ad eripiendum Dominum, et in tumultu Iudeorum contrariantium, consumplum tempus duarum horarum intelligimus, et cœptam fuisse sextam, qua nondum terminata gesta sunt quæ ab eo tempore quo Pilatus Dominum tradidit, usque ad tenebras factas narrantur. Quod autem Matthæus supra commemorat, *Sedente autem illo pro tribunali, misit ad illum uxor ejus dicens: Nil tibi et justo illi; multa enim passa sum hodie per teum propter eum (Matth. xxvii, 22, 23, 24, 19);* postea sederat pro tribunali Pilatus, sed inter illa quæ prius gesta narrabat, recordatus Matthæus quod de Pilati uxore dixit, voluit hoc ibi interponero, ut præstirueret qua maxime causa Pilatus nec novissime volebat eum tradere Judæis.

**45.** Lucas autem narrat, cum dixisset Pilatus, *Eminentum ergo illum dimittam, exclamasse universam turbam, Tolle hunc, et dimitte nobis Barabbam:* sed fortasse nondum dixerant, *Crucifige.* Iterum autem Pilatus, secundum cumdem Lucam, *locutus est ad illos, volens dimittere Jesum:* at illi suclamabant dientes, *Crucifige, crucifige illum:* tunc intelligitur fuisse hora tertia. Quod ergo sequitur Lucas, et dicit, *Illi autem tertio dixit ad illos: Quid enim mali fecit iste? nullam causam mortis inventio in eo: corripiam ergo illum, et dimittam.* At illi instabant vocibus magnis, postulantes ut crucifigeretur; et invalesco-

bant voces eorum (*Lue. xxiii, 16-23*); satis etiam ipse significat magnum tumultum fuisse; et post quantum morarum illi tertio dixerit, *Quid enim mali fecit?* licet intelligere quantum indagandæ veritati satis est: et postea quod ait, *Instabant vocibus magnis, et invalescebat voces eorum,* quis non videat ideo facium, quia videbant Pilatum nolle eis tradere Dominum? Et quia hoc magnopere nolebat, non utique in momento temporis cessit, sed vel duce horæ et aliquid amplius in illa cunctatione transcurrit.

**46.** Joannem quoque interroga, et vide quanta fuerit Pilati illa cunctatio et recusatio tam foedi ministerii: idem namque multo explicatus ea narrat<sup>1</sup>, quamvis nec ipse utique dicat omnia, in quibus duæ horæ et de sexta aliquid præterfluxit. Tunc cum flagellasset Jesum, et a militibus veste illusoria, multis que illusionibus male tractari permisisset (credo ut hoc modo saltem eorum furorem mitigaret, ne usque ad mortem scire pertenderent), « *Exitit iterum Pilatus foras, et dicit eis: Ecce adduco eum vobis foras, ut cognoscatis quia in eo nullam causam invenio. Exit ergo Jesus portans spincam coronam et purpureum vestimentum.* » Et dicit eis: *Ecce homo;* » ut illa velut ignominiosa specie visa placarentur. Sed adjungit, et dicit: « *Cum ergo vidissent eum pontifices et ministri, clamabant dientes: Crucifige, crucifige:* » tunc horam tertiam fuisse dicimus. Attende quæ sequantur: « *Dicit eis Pilatus: Accipite eum vos, et crucifigite;* ego enim non invenio in eo causam. Responderunt ei Iudei: *Nos legem habemus, et secundum legem debet mori;* quia Filium Dei se fecit. Cum ergo audisset Pilatus hunc sermonem, magis timuit: et ingressus est prætorium iterum, et dicit ad Jesum: *Unde es tu?* Jesus autem responsum non dedit ei. Dicit ergo ei Pilatus: *Mihi non loqueris? Nescis quia potestatem habeo crucifigere te, et potestatem habeo dimittere te?* Respondit Jesus: *Non haberes potestatem adversus me ullam, nisi tibi datum esset desuper.* Propterea qui tradidit me tibi, magis peccatum habet. Exinde Pilatus querebat dimittere eum. » In hoc igitur quod querebat Pilatus dimittere eum, quantum temporis putamus fuisse consumptum, quanta prætermissa quæ vel a Pilato dicebantur, vel a Iudeis contradicebantur, quousque dicerent Iudei unde ille commoveretur, et cederet? Ita enim sequitur: « *Iudei autem clamabant dientes: Si hunc dimittis, non es amicus Cæsari;* omnis qui se regem facit, contradicit Cæsari. Pilatus ergo cum audisset hos sermones, adduxit foras Jesum, et seddit pro tribunali in loco qui dicitur Lithostrotos, hebraice autem Gabbatha. Erat autem parasceve Paschæ, hora quasi sexta. » Ab illa ergo voce Iudeorum qua primo dixerunt, *Crucifige,* cum esset hora tertia, usque ad hoc quo sedit pro tribunali, per medias moras cunctationis Pilati et tumultuantium Iudeorum, duæ horæ præterierant, et peracta quinta jam de sexta aliquid cooperat. Dicit ergo Iudei: *Ecce*

<sup>1</sup> Codices plures, explicatus enarrat, quamvis. Et infra: pro: *Tunc cum flagellasset, MSS. magno consensu habeunt: Tamen cum flagellasset.*

*rex uester. Illi autem clamabant: Tolle, tolle, crucifige eum.* Sed nequejam commotus Pilatus timore calumniæ facile cedebat. Tunc enim uxor ejus ad eum miserat sedentem pro tribunali: quod præoccupavit Matthæus, qui hoc solus commemoravit antequam ad eum locum narrationis veniret, ut ibi hoc poneret, ubi opportunum judicavit. Tentans itaque adhuc Pilatus, ne quid proficeret, dixit eis: *Regem vestrum crucifigam?* Responderunt pontifices: *Non habemus regem nisi Caesarem.* Tunc ergo tradidit eis illum ut crucifigeretur (*Joan. xix, 4-16*). Et dum pergit, et dum crucifigitur cum duobus latronibus, dum uestes ejus dividuntur, et in sortem illa tunica mittitur<sup>1</sup>, atque inter hæc variis conviciis illuditur (similis enim cum illa gererentur, etiam convicia jaciebantur), completa est hora sexta, et factæ sunt tenebræ, quas Matthæus, Marcus et Lucas commemorant.

47. Jam itaque corruat impia pertinacia, et credat Dominum Jesum Christum, et tercia hora crucifixum lingua Judæorum, et sexta manibus militum: quia in tumultu Judæorum, et Pilati æstibus, duæ atque amplius horæ præterierunt a voce qua dixerunt, *Crucifige.* Sed ipse Marcus, qui maxime brevitatis sectator est, breviter voluit intimare Pilati voluntatem et conatum pro Domini vita. Cum enim dixisset, *At illi iterum clamaverunt, Crucifige eum,* ubi ostendit quod jam clamaverant, cum vellent sibi dimitti Barabbam: adjunxit, *Pilatus vero dicebat eis, Quid enim mali fecit* (*Marc. xv, 13, 14*)? Hoc modo breviter insinuavit quid diu gestum est. Memor tamen etiam ipse quod vellet intelligi, non ait, Pilatus vero dixit eis; sed ait, *Pilatus vero dicebat eis, Quid enim mali fecit?* Quia si dicerebat, dixit; quasi semel dictum intelligeremus: quia vero ait, dicebat; satis intimavit intelligentibus, multis modis et saepè dictum esse, quoque inciperet hora sexta. Cogitemus ergo quam breviter hoc dixerit Marcus in comparatione Matthæi, quam breviter Matthæus in comparatione Lucæ, quam breviter Lucas in comparatione Joannis, cum tamen alia atque alia quisque commemoraret; quam denique breviter ipse Joannes in comparatione rerum quæ gestæ sunt, et morarum cum illa gererentur: et sine insania resistendi credamus duas horas et quiddam in illo intervallo transire potuisse.

48. Quisquis autem dixerit potuisse Marcum, si ita esset, eo tempore dicere fuisse horam tertiam, quo erat hora tertia, cum vox Judæorum de crucifigendo Domino sonisset, dicere etiam quod eum tunc ipsi crucifixerint; nimis superbe leges narratoribus veritatis imponit. Sic enim potest dicere, si haec ipse narraret, eo modo eodemque ordine ab omnibus debuisse narrari, quo ipse narravit. Dignetur ergo consilio Marci evangelista superari consilium suum, qui eo loco id ponendum judicavit, quo loco divina inspiratione suggestum est. Recordationes enim eorum ejus manu gubernatae sunt, qui gubernat aquam, sicut scriptum est, qualiter illi placuerit. Fluitat enim humana memoria per varias cogitationes, nec in eujusquam

<sup>1</sup> MSS. duo, et sors in illam tunicam mittitur.

potestate est quid et quando ei veniat in mentem. Cum ergo illi sancti et veraces viri quasi fortuita recordationum suarum propter narrationis ordinem occultæ Dei potestati, cui nihil fortuitum est, commisissent, non oportet quemquam hominum dicere longe abiectum ab oculis Dei et longe peregrinatorem, Hoc loco poni debuit, quod valde ignorat cur eo loco Deus poni voluerit. *Quia et si obvelatum est evangelium nostrum,* ait Apostolus, *in iis qui pereunt obvelatum est* (*Il Cor. iv, 3*). Et cum dixisset, *Aliis quidem sumus odor vita in vitam, aliis odor mortis in mortem;* subiecit statim, *Et ad hæc quis idoneus* (*Id. ii, 16*)? id est, quis idoneus intelligere quam justè fiat? Quod idem Dominus dicit: *Ego veni, ut qui non vident, videant; et qui vident, cacci fiant* (*Joan. ix, 39*). Ipsa est enim altiudo divitiarum scientiæ et sapientiæ Dei, qua sit ex eadem massa aliud vas in honorem, aliud in contumeliam; et dicitur carni et sanguini, *O homo tu quis es qui respondeas Deo* (*Rom. ix, 21, 20*)? Quis ergo et in hac re cognoscit intellectum Domini, aut quis consiliarius illi fuit (*Id. xi, 33, 34*), ubi sic gubernavit corda reminiscentium Evangelistarum, et in Ecclesiæ fastigio tanto auctoritatis culmine sublimavit, ut per haec ipsa quæ in eis contraria videri possunt, multi excæcentur, digne traditi in concupiscentias cordis sui, et in reprobum sensum (*Id. i, 24, 28*); et muli exercerentur ad eliminandum pium intellectum secundum occultam Omnipotentis justitiam? Dicit enim propheta Domino: *Nimis profundæ factæ sunt cogitationes tue; vir imprudens non cognoscat, et stultus non intelligat haec* (*Psal. xci, 6, 7*).

49. Peto autem, et admoneo eos qui hæc legunt, per nos adjuvante Domino elaborata, ut hujus sermonis quem hoc loco interponendum arbitratus sum, in omni simili quæstionum difficultate meminerint, ne superius eadē repetenda sint. Facile autem videbit qui sine impietatis duritia voluerit attendere, quam opportuno loco Marcus hoc de tercia hora posuerit, ut ibi quisque recordetur qua hora Judæi crucifixerunt Dominum, qui volebant in Romanos vel principes vel milites transferre ipsum facinus, ubi factum ministrorum militum commemoratum est. Ait enim, *Et crucifigentes eum divisorunt vestimenta ejus, mittentes sororem super eis, quis quid tolleret:* qui hoc<sup>1</sup>, nisi milites, sicut Joannes manifestat? Ergo ne quisquam cogitationem tanti criminis, aversus a Judæis, in milites illos converteret, *Erat autem, inquit, hora tertia et crucifixerunt eum;* ut illi cum potius crucifixisse inventantur, quos hora tertia ut crucifigeretur clamare potuisse, diligens inquisitor inveniet, cum adverteret hoc quod a militibus factum est, hora sexta factum esse.

50. Quanquam non desint qui paraseves, quam Joannes commemoravit dicens, *Erat autem parasse Paschæ, hora fere sexta,* horam diei tertiam velint intelligi, qua sedet Pilatus pro tribunali: ut eadem tercia completa videatur, quando crucifixus est; atque illo jam pendente in ligno, aliae tres horæ perfactæ sint, et reddiderit spiritum: ut ab ea hora qua de-

<sup>1</sup> In editis additur, *ficerunt*: quod abest a MSS.

functus est, id est diei sexta, tenebrae fierent usque ad nonam. Dicunt enim, die quidem illo quem dies sabbati sequebatur, parasceven fuisse Paschæ Judæorum, quod ab eodem sabbato jam inciperent Azyma : sed tamen verum Pascha, quod jam in passione Domini gerebatur, non Judæorum, sed Christianorum, cœpisse præparari, id est, parasceven habere, ab hora noctis nona, in eo quod Dominus a Judæis occidens præparabatur. Parasceve quippe interpretatur præparatio. Ab illa ergo nona noctis hora usque ad ejus crucifixionem occurrit hora parasceves sexta secundum Joannem, et hora diei tertia secundum Marcum : ut non Marcus horam illam recordatam recapitulando commemoraverit, qua clamaverunt Judæi, *Crucifige, crucifige*; sed eam prorsus horam tertiam dixerit, qua Dominus est fixus in ligno. Quis fidelis non huic faveat solutioni quæstionis, si modo possit aliquis articulus conjici ab hora nona noctis, unde cœpisse parasceven Paschæ nostri, id est præparationem mortis Christi, congruentur intelligamus? Si enim dicamus eam cœpisse quando a Judæis apprehensus est Dominus ; adhuc noctis primæ partes crant : si quando ad dominum perductus est socii Caiphæ, ubi et auditus est a principibus sacerdotum; adhuc gallus non cantaverat, quod ex Petri negatione colliginus, quæ, cum jam audiretur, facta est : si autem quando Pilato traditus est ; jam mane fuisse apertissime scriptum est. Restat ergo ut intelligamus tunc cœpisse istam parasceven Paschæ, id est præparationem mortis Domini, quando responderunt omnes principes sacerdotum apud quos primo audiebatur, et dixerunt, *Reus est mortis*; quod apud Matthæum et Marcum invenitur (Matth. xxvi, 66, et Marc. xiv, 64) : ut recapitulando intelligentur de Petri negatione postea dixisse quod antea factum erat. Non enim absurde conjectur, tempore eo, quando, ut dixi, reum mortis pronuntiaverunt, horam nonam noctis esse potuisse : ex qua hora usque ad horam qua sedet Pilatus pro tribunali, quasi hora sexta fuit, non diei, sed parasceves, id est præparationis immolationis Domini, quod verum Pascha est : ut plena sexta ejusdem parasceves, quæ plena diei tertia occurrebat, Dominus suspenderetur in ligno. Sive ergo hoc potius intelligendum eligatur, sive Marcus tertiam horam recoluerit, eamque maxime ad condemnationem Judæorum in Domini crucifixione commemorare voluerit, qua intelliguntur clamare potuisse ut cruciferetur, ut ipsos potius crucifixisse acciperemus, quam eos quorū manibus in ligno suspensus est ; sicut ille Centurio magis accessit ad Dominum, quam illi amici quos misit (a) : procul dubio quæstio soluta est de hora Dominicæ passionis, quæ maxime solet et contentiosum concitare impudentiam, et infirmorum imperitiam perturbare.

CAPUT XIV. — *De duobus latronibus cum illo crucifixis, quomodo omnes concordent.*

51. Sequitur Matthæus, et dicit : *Tunc crucifixi sunt cum eo duo latrones, unus a dextris, et unus a sinistris*

(a) Vid. supra, lib. 2, cap. 20.

(*Math. xxvii, 38*). Et Marcus similiter et Lucas (*Marc. xv, 27, et Luc. xxiii, 33*). Nec Joannes aliquam fecit quæstionem, quamvis latrones eos non dixerit : ait enim, *Et cum eo alios duos, hinc et hinc, medium autem Jesum* (*Joan. xix, 18*). Esset autem contrarium, si cum illi dixissent latrones, iste diceret innocentes.

CAPUT XV. — *De his qui Domino insultaverunt, quomodo inter se consonent Matthæus, Marcus et Lucas.*

52. Sequitur Matthæus, et dicit : *Prætererunt autem blasphemabant eum, moventes capita sua, et dicentes : Qui destruis templum, et in triduo illud redificas, salva temetipsum ; si Filius Dei es, descende de cruce.* Huic Marcus pene ad eadem verba consonat. Sequitur deinde Matthæus, et dicit : *Similiter et principes sacerdotum illudentes cum Scribis et senioribus dicebant : Alios salvos fecit, seipsum non potest salvum facere.* Si rex Israel est, descendat nunc de cruce, et credimus ei : *confidit in Deum, liberet nunc eum si vult ; dixit enim, Quia Filius Dei sum* (*Math. xxvii, 39-43*). Marcus et Lucas, quamvis alia verba dicant, ad eamdem tamen sententiam concinunt, cum aliis prætermittit, quod aliis commemorat (*Marc. xv, 29-32, et Luc. xxiii, 35-37*). De principibus enim sacerdotum quod insultaverint Domino crucifixo pariter non tacent ; quamvis seniores tacuit Marcus : Lucas autem quia principes dixit, nec addidit sacerdotum, magis nomine generali omnes primates complexus est, ut ibi possint intelligi et Scribæ et seniores.

CAPUT XVI. — *De latronum insultatione, quomodo non repugnant Matthæus et Marcus Lucæ, qui dixit unum eorum insultasse, alium credidisse.*

53. Sequitur Matthæus, et dicit : « Id ipsum autem et latrones qui crucifixi erant cum eo, improverabant ei » (*Matth. xxvii, 44*). Nec Marcus discrepat, hoc idem dicens aliis verbis (*Marc. xv, 32*). Lucas autem potest putari repugnare, nisi genus locutionis satis usitatum non obliviscamur. Ait enim Lucas : « Unus autem de iis qui pendebant latronibus blasphemabat eum, dicens : Si tu es Christus, salvum fac temetipsum et nos. » Et sequitur idem ipse, atque ita contextit : « Respondens autem alter, increpabat illum, dicens : Neque tu times Deum, quod in eadem damnatione es. Et nos quidem justi, nam digna factis recipimus ; hic vero nihil mali gessit. Et dicebat ad Iesum : Domine, memento mei cum veneris in regnum tuum. Et dixit illi Jesus : Amen dico tibi, hodie mecum eris in paradyso» (*Luc. xxiii, 39-43*). Quomodo ergo, sicut Matthæus dicit, « Latrones qui crucifixi erant cum eo, improverabant ei » ; vel, sicut Marcus dicit, « Et qui cum eo crucifixi erant, conviciabantur ei : » quandoquidem unus eorum conviciatus est, secundum Lucæ testimonium, alter et compescuit eum, et in Dominum creditit ? nisi intelligamus Matthæum et Marcum breviter perstringentes hunc locum, pluralem numerum pro singulari posuisse : sicut in Epistola ad Hebreos legimus pluraliter dictum, *Clause-*

<sup>1</sup> Editi, rati ! qui. At veteres MSS. et textus græcus carent particula, rati.

runt ora leonum, cum solus Daniel significari intelligatur; et pluraliter dictum, *Secti sunt* (*Hebr. xi, 53-37*), cum de solo Isaia tradatur. In Psalmo etiam quod dictum est, *Astiterunt reges terre, et principes convenerunt in unum*, etc., pluralem numerum pro singulari positum, in Actibus Apostolorum exponitur: nam reges propter Herodem, principes propter Pilatum intellexerunt, qui testimonium ejusdem psalmi adhibuerunt (*Psal. ii, 2; Act. iv, 26, 27*). Sed quia et Pagani solet columnari Evangelio, videant quemadmodum locuti sint auctores eorum, Phœdras, Medeas et Clytemnestras, cum singula fuerint. Quid autem usitatus, verbi gratia, quam ut dicat aliquis, *Et rustici mihi insultant; etiam si unus insultet?* Tunc enim esset contrarium quod Lucas de uno manifestavit, si illi dixissent ambos latrones conviciatos Dominum; ita enim non posset sub numero plurali unus intelligi: cum vero dictum est, *latrones*, vel, *qui cum eo crucifixi erant, nec additum est, ambo; non solum si ambo fecissent, posset hoc dici, sed etiam quia unus hoc fecit, potuit usitato locutionis modo per pluralem numerum significari.*

**CAPUT XVII. — De potu aceti, quomodo inter se omnes consentiant.**

54. Sequitur Matthæus et dicit: *A sexta autem hora tenebræ factæ sunt super universam terram usque ad horam nonam* (*Math. xxvii, 45-49*). Hoc et duo alii contestantur (*Marc. xv, 33-36*, et *Luc. xxiii, 44, 45*): addidit autem Lucas etiam unde factæ sint tenebræ, id est solem obscuratum. Sequitur Matthæus: *Et circa horam nonam clamavit Jesus voce magna, dicens: Eli, Eli, lamma sabacthani? hoc est, Deus meus, Deus meus, utquid dereliquisti me? Quidam autem illic stantes et audientes, dicebant: Eliam vocat iste. Marcus* pene ad eadem verba, ad eamdem tamen sententiam non pene, sed omnino consentit. Sequitur Matthæus: *Et continuo currens unus ex eis acceptam spongiam implevit acetum, et inposuit arundini, et dabat ei bibere. Sic et Marcus dicit: Currens autem unus, et implens spongiam acetum, circumponensque calamo, potum dabat ei dicens: Sinite, videamus si veniat Elias ad deponendum eum. Quod quidem de Elias, non ipsum qui obtulit spongiam cum acetum, sed cœteros dixisse Matthæus narravit: ait enim, Cœteri vero dicebant: Sine, videamus an veniat Elias liberans eum; unde intelligimus et illum et cœteros hoc dixisse. Lucas autem antequam de latronis insultatione narraret, hoc de aceto ita commemoravit: Illudebant autem ei et milites accedentes, et acetum offerentes illi, et dicentes: Si tu es rex Iudeorum, salvum te fac* (*Luc. xxiii, 36, 57*). Semel complecti voluit quod a militibus factum et dictum est. Ubi mouere non debet, quod non unum eorum dixit acetum obtulisse: genus enim locutionis enuit, de quo supra tractavimus, pluralem pro singulari ponens (*Superiori cap. 46*). Hoc autem de aceto etiam Joannes commemoravit, ubi ait: *Postea sciens Jesus quia jam omnia consummata sunt, ut consummaretur Scriptura, dicit: Sitio. Vas autem positum erat acetum plenum: illi autem spongiam plenam acetum hys-*

*sopo circumponentes obtulerunt ori ejus (Joan xix, 28, 29).* Sed quod apud eudem Joannem invenitur dixisse, *Sitio*, et quia vas ibi erat acetum plenum, noumirum est si cœteri tacuerunt.

**CAPUT XVIII. — De vocibus Domini quas continuo moriturus emisit, quomodo non repugnent Matthæus et Marcus Lucæ, et ipsi tres Joanni.**

55. Sequitur Matthæus: *Jesus autem iterum clamans voce magna, emisit spiritum* (*Math. xxvii, 50*). Marcus similiter: *Jesus autem emissa voce magna, expiravit* (*Marc. xv, 37*). Lucas autem quid ipsa voce magna dixerit, declaravit; dixit enim: *Et clamans voce magna Jesus, ait: Pater, in manus tuas commendando spiritum meum; et haec dicens expiravit* (*Luc. xxiii, 46*). Joannes vero sicut tacuit illam vocem primam, *Eli, Eli, quam Matthæus et Marcus retulerunt;* tacuit etiam istam quam Lucas solus indicavit, illi autem duo nomine vocis magnæ significaverunt, id est, *Pater, in manus tuas commendando spiritum meum:* quod eum voce magna dixisse et ipse Lucas similiter attestatus est, ut intelligeremus hanc fuisse vocem magnam, quam Matthæus et Marcus commemoraverunt. Sed dixit Joannes quod nullus illorum trium, cum dixisse, *Consummatum est*, cum acetum accepisset: quod eum ante ipsam vocem magnam dixisse intelligimus. Haec sunt enim verba Joannis: *Cum ergo accepisset Jesus acetum, dixit, Consummatum est; et inclinato capite tradidit spiritum* (*Joan. xix, 30*). Inter illud quod ait, *Consummatum est*, et illud quod ait, *et inclinato capite tradidit spiritum*, emissâ est illa vox magna quam tacuit iste, cœteri autem tres commemoraverunt. Hoc enim appetat esse ordinis, ut ante dicaret, *Consummatum est*, cum perfectum in illo esset quod de illo prophetatum era, et tanquam ad hoc expectaret, qui utique cum vellet moreretur, deinde commendans tradidit spiritum. Sed quovis ordine quilibet arbitretur dici potuisse, hoc magnopere cendum est, ne cui videatur quisquam Evangelistarum alteri repugnare, si vel tacuit quod alias dixit, vel dixit quod alias tacuit.

**CAPUT XIX. — De scissione veli quomodo non dissentiant Matthæus et Marcus a Luca, quo ordine factum sit.**

56. Sequitur Matthæus: *Et ecce velum templi scissum est in duas partes, a summo usque deorsum* (*Math. xxvi, 51*). Et Marcus sic: *Et velum templi scissum est in duo, a sursum usque deorsum* (*Marc. xv, 38*). Lucas autem similiter hoc ait: *Et velum templi scissum est medium* (*Luc. xxiii, 45*); sed non eodem ordine. Volens enim miraculum miraculo adjungere, cum dixisset, *Sol obscuratus est, continuo subjungendum existinnavit, Et velum templi scissum est medium: præoccupans videlicet quod exspirante Domino factum est, ut deinde recapitulans exsequeretur et de potu aceti, et de illa voce magna, et de ipsa morte, quæ ante scissionem veli post tenebras facta intelliguntur. Matthæus enim, qui cum dixisset, *Jesus autem iterum clamans voce magna, emisit spiritum, continuo subjecit, Et ecce velum templi scissum est*, satis expressit*

tunc esse scissum, cum Jesus emisisset spiritum. Si autem non addidisset, *Et ecce, sed simpliciter dixisset, Et velum templi scissum est; incertum esset utrum ipse et Marcus hoc recapitulando commemorassent, Lucas autem ordinem tenuisset; an Lucas recapitulasset quod illi ordine posuissent.*

CAPUT XX. — *De admiratione Centurionis et eorum qui cum illo erant, quomodo inter se consentiant Matthæus, Marcus et Lucas.*

57. Sequitur Matthæus : « *Et terra mota est, et petrae scissae sunt, et monumenta aperta sunt, et multa corpora sanctorum qui dormierant, surrexerunt; et exentes de monumentis post resurrectionem ejus, venerunt in sanctam civitatem, et apparuerunt multis.* » Illeque solus dixit, non est metuendum ne cuiquam cæterorum repugnare videantur. Sequitur idem ipse : « *Centurio autem et qui cum eo erant custodientes Iesum, viso terra motu et iis quæ fiebant, timuerunt valde, dicebentes : Vere Filius Dei erat iste* » (*Matth. xxvii, 51 54*). Marcus sic : « *Videns autem Centurio, qui ex adverso stabat, quia sic clamans expirasset, ait : Vere homo hic Filius Dei erat* » (*Marc. xv, 59*). Lucas sic : « *Videns autem Centurio quod factum fuerat, glorificavit Deum dicens : Vere hic homo iustus erat* » (*Luc. xxiii, 47*). Non est contrarium quod Matthæus viso terra motu dicit admiratum Centurionem, et eos qui cum illo erant, cum Lucas dicat hoc eum admiratum, quod emissa illa voce expirasset, ostendens quam in potestate habuerit quando moreretur : in eo quippe quod idem Matthæus non solum dixit, viso terra motu, sed etiam addidit, et iis quæ facta erant; integrum locum fuisse demonstravit Lucas, ut diceret Centurionem ipsam Domini mortem fuisse miratum; quia et haec inter illa est, quæ tunc mirabiliter facta erant. Quanquam etsi Matthæus illud non addidisset, intelligendum erat, cum multa miranda facta fuerint, et omnia Centurio et qui cum eo erant, mirari potuerint, liberum fuisse narrantibus quid quisque illum miratum commemorare voluisset: nec eos ibi repugnare, cum alias illud, alias illud diceret fuisse miratum; quando omnia fuerat illi miratus. Quod autem alias ait Centurionem dixisse, *Vere Filius Dei erat iste*, alias autem, *Vere homo hic Filius Dei erat*; non movebit eum cui non exciderunt tam multa superius similiter dicta et exposita: ad unam quippe sententiam utraque verba concurrunt; nec quod alias tacuit, *homo*, alias dixit, ullo modo contrarium est. Magis quod Lucas non ait Centurionem dixisse, *Filius Dei erat, sed, justus erat*, potest putari diversum: sed vel utrumque dictum a Centurione intelligere debemus, et aliud illos, aliud istum commemorasse; vel fortasse Lucani exprimere voluisse sententiam Centurionis, quomodo dixerit Jesum Filium Dei. Forte enim non eum Unigenitum æqualem Patri Centurio intellexerat; sed ideo Filium Dei dixerat, quia justum crediderat, sicut multi justi dicti sunt filii Dei. Quod autem etiam ipse Lucas dixit, *Videns autem Centurio quod factum erat*, in eo genere inclusit omnia quæ in illa hora mirabiliter facta erant,

PATROL. XXXIV.

tanquam unum mirabile factum commemorans, cuius quasi membra et partes erant omnia illa miracula. Jam vero quod Matthæus addidit eos qui cum Centurione erant, alii autem hoc tacuerunt; cui non apparet ex notissima regula non esse contrarium, cum alius dicit quod alius tacet? Et quod Matthæus dixit, *timuerunt valde*; Lucas autem non dixit, *timuit*, sed, *glorificavit Deum*; quis non eum intelligat timendo glorificasse?

CAPUT XXI. — *De mulieribus quæ ibi stabant, quomodo Matthæus, Marcus et Lucas, qui dixerunt eas a longe stetisse, non repugnent Joanni, qui nominavit unam earum juxta crucem stetisse.*

58. Sequitur Matthæus : « *Erant autem ibi mulieres multe a longe, quæ secutæ erant Iesum a Galilæa, ministrantes ei; inter quas erat Maria Magdalene, et Maria Jacobi et Joseph mater, et mater filiorum Zebedæi* » (*Matth. xxvii, 55 et 56*). Marcus sic : « *Erant autem et mulieres de longe aspicientes; inter quas erat Maria Magdalene, et Maria Jacobi minoris et Joseph mater, et Salome; et cum esset in Galilæa, sequebantur eum, et ministabant ei, et aliae multæ que simul cum eo ascenderant Jerosolymam* » (*Marc. xv, 40, 41*). Inter hos nihil video quod contrarium possit putari: quid enim interest ad veritatem, quod quasdam mulieres pariter, quasdam singuli nominaverunt? Lucas quoque ita narrationem contextit: *Et omnis turba eorum qui simuaderant ad spectaculum istud, et videbant quæ siebant, percutientes pectora sua revertebantur. Stabant autem omnes noti ejus a longe, et mulieres quæ secutæ fuerant eum a Galilæa, hæc videntes* (*Luc. xxiii, 48, 49*). Unde superioribus duobus de mulierum præsentia satis consentit, quamvis nullam earum nominatim exprimat; de turba etiam quæ simul aderat, et videntes quæ siebant tundebant pectora sua, et revertebantur, consentit Matthæo, quamvis seorsum annexuerit, *Centurio autem et qui cum eo erant*: quapropter tantummodo de notis ejus qui stabant a longe solus invenitur dixisse. Nam et Joannes commemoravit de præsentia seminarum antequam Dominus emisisset spiritum, ita narrans: *Stabant autem juxta crucem Iesu mater ejus, et soror matris ejus Maria Cleophae, et Maria Magdalene. Cum vidisset ergo Jesus matrem et discipulum stantem quem diligebat, dicit matri sue : Mulier, ecce filius tuus. Deinde dicit discipulo : Ecce mater tua. Et ex illa hora accepit eam discipulus in sua* (*Joan. xix, 25-27*). Qua in re nisi apertissime Matthæus quoque et Marcus Mariam Magdalenen nominassent, possemus dicere, alias a longe, alias juxta crucem fuisse; nullus enim eorum, præter Joannem, matrem Domini commemoravit: nunc ergo quomodo intelligitur eadem Maria Magdalene, et a longe stetisse cum atiis mulieribus, sicut Matthæus et Marcus dicunt, et juxta crucem fuisse, sicut Joannes dicit; nisi quia in tanto intervallo erant, ut et juxta dici possent, quia in conspectu ejus præsto aderant, et a longe in comparatione turbæ propinquius circumstantis cum Centurione et militibus. Possumus etiam intelligere, quo illeque quæ simul aderant cum matre Domini, postquam

(*Trente-huit*)

eam discipulo commendavit, abire jam cooperant, ut a densitate turbæ se exuerent, et cetera quæ facta sunt longius intuerentur; ut ceteri Evangelistæ qui post mortem Domini eas commemoraverunt, jam longe stantes commemorarent.

CAPUT XXII. — *De Joseph qui corpus Domini petiit a Pilato, quomodo omnes consentiant, et quomodo a seipso Joannes non dissentiat.*

59. Sequitur Matthæus: « Cum sero autem factum esset, venit quidam homo dives ab Arimathia, nomine Joseph, qui et ipse discipulus erat Iesu; hic accessit ad Pilatum, et petiit corpus Iesu: tunc Pilatus jussit reddi corpus » (*Matth. xxvii, 57, 58*). Marcus sic: « Et cum jam sero esset factum, quia erat parasseve, quod est ante sabbatum, venit Joseph ab Arimathia, nobilis decurio, qui et ipse erat exspectans regnum Dei; et audacter introiit ad Pilatum, et petiit corpus Iesu. Pilatus autem mirabatur si jam obiisset: et accessito Centurione interrogavit eum si iam mortuus esset; et cum cognovisset a Centurione, donavit corpus Joseph » (*Marc. xv, 42-45*). Lucas sic: « Et ecce vir nomine Joseph, qui erat decurio, vir bonus et justus (hic non consenserat consilio et actibus eorum), ab Arimathia civitate Iudeæ, qui exspectabat et ipse regnum Dei; hic accessit ad Pilatum, et petiit corpus Iesu » (*Luc. xxiii, 50-52*). Joannes autem posteaquam narravit de cruribus fractis eorum qui cum Domino crucifixi erant, et de latere Domini lancea percusso, quod totum solus dixit, subiungit consentiens cæteris, ita narrans: *Post hæc autem rogavit Pilatum Joseph ab Arimathia, eo quod esset discipulus Iesu, occulitus autem propter metum Iudeorum, ut tolleret corpus Iesu: et permisit Pilatus. Venit ergo, et tulit corpus Iesu* (*Joan. xix, 38*). In hoc nihil exstat in quo aliquis eorum alicui repugnare videatur. Sed aliquis forsitan querat quomodo a semetipso Joannes ipse non discrepet, contestans cum ceteris quod Joseph petierit corpus Iesu, et solus dicens quod occultus fuisset discipulus Domini propter metum Iudeorum: merito enim movet, cur ille qui propter timorem occultus discipulus erat, ausus sit petere corpus ejus, quod nullus eorum qui cum palam sequebantur, auderet. Sed intelligentum est, istum fiducia dignitatis hoc fecisse, qua prædictus poterat familiariter intrare ad Pilatum: in extremo autem illo officio funeri exhibendo minus curasse de Iudeis, quamvis soleret in Domino audiendo eorum inimicitiias devitare.

CAPUT XXIII. — *De sepultura ejus, quomodo tres a Joanne non dissentiant.*

60. Sequitur Matthæus: « Et acceperio corpore, Joseph involvit illud in sindone munda, et posuit illud in monumento suo novo, quod exciderat in petra: et advolvit saxum magnum ad ostium monumenti, et abiit » (*Matth. xxvii, 59, 60*). Marcus sic: « Joseph autem mercatus sindonem, et deponens eum involvit sindone, et posuit eum in monumento quod erat excisum de petra; et advolvit lapidem ad ostium monumenti » (*Marc. xv, 46*). Lucas sic: « Et depositum involvit in sindone, et posuit eum in monumento exciso,

in quo nondum quisquam positus fuerat » (*Luc. xxiii, 53*). Ex his tribus nulla questio dissensionis oriri potest: Joannes autem sepulturam Domini, non a solo Joseph, sed a Nicodemo quoque curatam fuisse commemorat. Consequenter enim a Nicodemo incipiens, ita narrat: « Venit autem et Nicodemus, qui venerat ad Jesum nocte primum, ferens mixturam myrræ et aloes quasi libras centum. » Deinde sequitur adjungens ipsum Joseph, et dicit: « Acceperunt ergo corpus Iesu, et ligaverunt eum linteis cum aromatibus, sicut mos Iudeis est sepelire. Erat autem in loco ubi crucifixus est, hortus; et in horto monumentum novum, in quo nondum quisquam positus erat: ibi ergo propter parasseven Iudeorum, quia iuxta erat monumentum, posuerant Iesum » (*Joan. xix, 39-42*). Neque hic aliquid repugnat recte intelligentibus. Neque enim illi qui de Nicodemo tacuerunt, affirmaverunt a solo Joseph Dominum sepultum, quamvis solius commemorationem fecerint; aut quia illi una sindone a Joseph involutum dixerunt, propterea prohibuerunt intelligi et alia linteal potuisse affirri a Nicodemo et superaddi, ut verum narraret Joannes, quod non uno linteo, sed linteis involutus sit: quamvis et propter sudarium quod capiti adhibebatur, et institas quibus corpus totum alligatum est, quia omnia de lino erant, etiam si una sindon ibi fuit, verissime dici potuit, *ligaverunt eum linteis*. Linteal quippe generaliter dicuntur quæ lino texuntur.

CAPUT XXIV. — *De his quæ circa tempus resurrectionis Domini facta sunt, quemadmodum omnes non inter se dissentiant.*

61. Sequitur Matthæus: « Erat autem ibi Maria Magdalene et altera Maria sedentes contra sepulcrum » (*Matth. xxvii, 61*). Quod Marcus ita dicit: « Maria autem Magdalene et Maria Joseph aspiciebant ubi ponetur » (*Marc. xv, 47*). Unde nihil eos ex hoc dissentire manifestum est.

62. Sequitur Matthæus: « Altera autem die, quæ est post parasseven, convenerunt principes sacerdotum et Pharisæi ad Pilatum, dicentes: Domine, recordati sumus quia seductor ille dixit adhuc vivens, Post tres dies resurgam: jube ergo custodiri sepulcrum usque in diem tertium; ne forte veniant discipuli ejus, et surentur eum, et dicant plebi, Surrexit a mortuis; et erit novissimus error peior priore. Ait illis Pilatus: Habetis custodiæ, ite, custodite sicut scitis. Illi autem abeuntes munierunt sepulcrum, signantes lapidem, cum custodibus » (*Matth. xxvii, 62-66*). Hoc solus Matthæus narrat, nullo aliorum narrante aliquid quod huic videatur esse contrarium.

63. Deinde sequitur idem Matthæus, et dicit: « Vespre autem sabbati, quæ lucescit in primam sabbati<sup>1</sup>, venit Maria Magdalene et altera Maria videre sepulcrum. Et ecce terræ motus factus est magnus. Angelus enim Domini descendit de celo, et

<sup>1</sup> Editi, in prima sabbati. At optimæ note MSS. Corbeiensis, Floriacensis, etc., constanter habent, in primam. Codex grecus, eis manu sabbaton, in unam sabbatorum.

accendens revolvit lapidem, et sedebat super eum. Erat autem aspectus ejus sicut fulgor, et vestimenta ejus sicut nix. Præ timore autem ejus exterriti sunt custodes, et facti sunt velut mortui. Respondens autem angelus dixit mulieribus : Nolite timere, vos : scio enim quod Jesum qui crucifixus est, queritis ; non est hic, surrexit enim sicut dixit : venite, et videte locum ubi positus erat Dominus. Et cito euntes dicite discipulis ejus quia surrexit ; et ecce precedit<sup>1</sup> vos in Galilæam ; ibi eum videbitis : ecce dixi vobis » (*Math. xxviii, 1-15*). Huic Marcus consonat (*Marc. xvi, 1-11*). Sed potest movere quomodo secundum Matthæum angelus super lapidem sedebat revolutum a monumento : Marcus enim introeuntes eas in monumentum dicit vidisse juvenem sedentem in dextris coopertum stola candida, et obstupuisse : nisi intelligamus aut Matthæum tacuisse de illo angelo, quem intrantes viderunt ; Marcus vero de illo tacuisse, quem foris viderunt sedentem super lapidem : ut duos viderint, et a duobus singillatim audierint quæ dixerunt angeli de Iesu, prius ab illo quem foris viderunt sedentem super lapidem, deinde ab illo quem viderunt intrantes in monumentum, sedentem a dextris ; quo ut intrarent, illius qui foris sedebat verbis exhortate sunt dicentes, *Venite, et videte locum ubi positus erat Dominus* : quo venientes, ut dictum est, et intrantes viderunt eum de quo Matthæus tacet, Marcus autem loquitur, sedentem a dextris, a quo talia similiter audierunt. Aut certe intrantes in monumentum in aliqua sepla maceriaz debemus accipere, qua communium locum tunc fuisse credibile est in aliquo spatio ante petram, qua excisa locus factus fuerat sepulcrum : ut ipsum viderint in eodem spatio sedentem a dextris, quem dicit Matthæus sedentem super lapidem, quem terræ motu ab ostio monumenti revolverat, id est a loco sepulcri, quod effossum erat in petra.

64. Item queri potest, quemadmodum Marcus dicat, *At illæ exentes fugerunt de monumento ; invaserat enim eas tremor et pavor : et nemini quidquam dixerunt ; timebant enim* ; cum dicat Matthæus, *Et exierunt cito de monumento cum timore et gaudio magno, currentes nuntiare discipulis ejus* : nisi intelligamus ipsorum angelorum nemini ausas fuisse aliquid dicere, id est, respondere ad ea quæ ab illis audierant, aut certe custodibus quos jacentes viderunt. Nam illud gaudium quod Matthæus commemorat, non repugnat timori de quo Marcus dicit : debuimus enim utrumque in illarum animo factum intelligere, etiamsi ipse Matthæus de timore non diceret ; cum vero et ipse dicat, *Exierunt cito de monumento cum timore et gaudio magno*, nihil ex hac re quæstionis remanere permittit.

65. De hora quoque ipsa qua venerunt mulieres ad monumentum, non contemnenda exoritur quæstio. Cum enim Matthæus dicat, *Vespere autem sabbati, quæ lucescit in primam sabbati, venit Maria Magdalene et altera Maria videre sepulcrum* : quid est quod dicit

<sup>1</sup> vulgata versio, *precedet* : pauloque post, *ecce prædicti vobis*. At editi et MSS. codices hujus operis ferunt, *precedit* : tum ex iis plerique MSS. *ecce dixi vobis*; juxta græcum, *proage*, et *epon*.

Marcus, *Et valde mane una sabbatorum veniunt ad monumentum, oriente jam sole?* In quo quidem a cæteris duobus, id est, Luca et Joanne non discrepat. Quod enim dicit Lucas, *valde diluculo* ; et Joannes, *mane cum adhuc tenebrae essent* : hoc intelligitur Marcus dicere, *valde mane, oriente jam sole*, id est cum cœlum ab orientis parte jam albesceret ; quod non sit utique nisi solis orientis vicinitate : ejus enim est ille fulgor qui nomine auroræ appellari solet. Ideo non repugnat illi qui ait, *cum adhuc tenebrae essent*. Die quippe sur gente, aliqua reliquia tenebrarum tanto magis extenuantur, quanto magis oritur lux. Nec sic accipiendum est quod ait, *valde mane*, tanquam sol ipse videretur jam super terras : sed potius sicut dicere solemus eis quibus volumus significare temperius aliiquid faciendum. Cum enim dixerimus, *Mane*, ne putent jam sole supra terram conspicuo nos dicere, ad hoc plerumque addimus, *Valde mane* ; ut illud quod etiam albescente vocatur, intelligent : quanquam et hoc usitatum sit, ut post galli cantum sæpe repetitum, cum conjectare homines cœperint diem jam propinquare, dicant, *Jam mane est* ; et cum post hoc verbum attenderint, et jam oriente, id est jam de proximo adveniente in has partes sole, cœlum rubescere vel albescere viderint, addant qui dicebant, *Mane est*, et dicant, *Valde mane est*. Quid autem interest, dum sive illo sive isto modo nihil aliud intelligamus a Marco appellatum *mane*, nisi quod Lucas appellavit *diluculo* ; et hoc *valde mane*, quod ille *valde diluculo*, et quod Joannes *mane cum adhuc tenebrae essent* ; *sole autem jam oriente*, id est ; ortu suo jam cœlum illuminare incipiente ? Quomodo ergo his tribus congruat Matthæus, qui nec diluculo, nec mane, sed *vespere ait sabbati, quæ lucescit in primam sabbati*, attentius indagandum est. A parte quippe prima noctis, quod est vesper, ipsam noctem voluit significare Matthæus, cuius noctis fine venerunt mulieres ad monumentum. Ea vero causa intelligitur eamdem noctem sic appellasse, quia jam a vespera licebat afferre aromata, transacto utique sabbato. Ergo quoniau sabbato impediabantur, ut non ante facerent, ab eo tempore nominavit noctem, ex quo eis licere coepit ut facerent, quocumque veillent tempore ejusdem noctis. Sic itaque dictum est, *vespere sabbati*, ac si diceretur, *nocte sabbati*, id est nocte quæ sequitur diem sabbati : quod ipsa verba ejus satis indicant. Sic enim ait : *Vespere autem sabbati, quæ lucescit in primam sabbati* : quod fieri non potest, si tantummodo primam noctis partculam, id est solum initium noctis, intellexerimus dicto vesper signifikatam ; neque enim ipsum initium lucescit in primam sabbati, sed ipsa nox quæ luce incipit terminari. Nam terminus primæ partis noctis, secundæ partis initium est ; lux autem terminus totius noctis est : unde non potest dici *vesper lucescens in primam sabbati*, nisi nomine vesperi nox ipsa intelligatur quam lux terminat. Et usitatus loquendi modus divinæ Scripturæ est, a parte totum significare<sup>1</sup> : a vespero ergo noctem significavit, cuius extremum est diluculum. Diluculo enim venerunt illæ mulieres ad

<sup>1</sup> In B. deest vox, *significare*. Fr. et Lov. secuti sumus.

monumentum ; ac per hoc ea nocte venerunt, quæ significata est nomine vesperi. Tota enim significata est eo nomine, ut dixi ; et ideo quacumque ejus noctis parte venissent, ea utique nocte venissent : cum ergo venerunt parte ejus noctis extrema, ea procul dubio nocte venerunt. Vespe autem quæ lucescit in primam sabbati, non potest nisi tota ipsa nocte intelligi : eo igitur vespe venerunt, quæ ipsa nocte venerunt ; ipsa autem nocte venerunt, quæ noctis ipsius quamvis extrema parte venerunt.

66. Nam et ipsum triduum, quo Dominus mortuus est et resurrexit, nisi isto loquendi modo, quo a parte totum dici solet, recte intelligi non potest<sup>1</sup>. Ipse quippe ait, *Sicut enim Jonas fuit in ventre celi tribus diebus et tribus noctibus; sic erit Filius hominis in corde terræ tribus diebus et tribus noctibus* (*Matth. XII, 40*). Computantur<sup>2</sup> autem tempora, sive ex quo tradidit spiritum, sive ex quo sepultus est, et non occurrit ad liquidum ; nisi medium diem, hoc est sabbatum totum diem accipiamus, id est cum sua nocte, illos autem qui eum in medio posuerunt, id est paraseven et priuam sabbati, quem diem dominicum dicimus, a parte totum intelligamus. Quid enim juvat quod quidam his angustiis coarctati, et istum locutionis modum, id est a parte totum, in sanctarum Scripturarum solvendis quæstionibus plurimum valere nescientes, noctem voluerunt annumerare tres illas horas a sexta usque ad nonam quibus sol obscuratus est, et diem tres horas alias quibus iterum terris est redditus, id est a nona usque ad ejus occasum ? Sequitur enim nox futuri sabbati, qua cum suo die computata, erunt jam duæ noctes et duo dies ; porro autem post sabbatum sequitur nox primæ sabbati<sup>3</sup>, id est illucescentis diei dominici, in qua tunc Dominus resurrexit : erunt ergo duæ noctes et duo dies, et una nox, etiamsi tota posset intelligi, nec ostenderemus quod illud diluculum pars ejus extrema sit ; quapropter nec annumeratis illis sex horis, quarum tribus sol contenebratus est, et tribus eluxit, constabit ratio trium dierum et trium noctium. Restat ergo ut illo Scripturarum usitatissimo loquendi modo, quo a parte totum intelligitur, inveniamus extreum diem<sup>4</sup> tempus paraseves, quo crucifixus et sepultus est Dominus, et ex ipsa extrema parte totum diem cum sua nocte, qui jam peractus fuerat, accipiamus : medium vero, id est sabbati diem, non a parte, sed integre totum : tertium rursus a parte sua prima, id est a nocte totum cum suo diurno tempore ; ac sic erit triduum : quemadmodum illi octo dies post quos ascendit in montem, quorum medios integros attendentes Matthæus et Marcus dixerunt, *Post sex dies* ; quod Lucas dixit, *Post octo dies* (a).

67. Nunc jam cætera videamus, quemadmodum

<sup>1</sup> Hic in editis interponebatur : *Hinc magna redditur ratio verbi Domini* : quod abest a MSS.

<sup>2</sup> Er. et Lov., computentur : et inferius, nisi ad medium diem. M.

<sup>3</sup> Editi, *primi sabbati* : et paulo post, *diei dominicae*.

<sup>4</sup> Unus e Vatic. MSS., *primum diem*.

(a) *Supra*, lib. 2, cap. 58, n. 413.

Matthæo congruant. Lucas enim apertissime duos angelos dicit visos fuisse a mulieribus, quæ venerunt ad monumentum, quorun singulos intellexeramus commemoratos a duobus ; unum a Matthæo, id est, illum qui extra monumentum sedebat in lapide ; alterum a Marco, id est illum qui intra monumentum sedebat a dextris. Sed Lucas ita narrat : *Et dies erat parasceva, et sabbatum illucescebat. Subsecutæ autem mulieres, quæ cum ipso venerant de Galilæa, viderunt monumentum, et quemadmodum positum erat corpus ejus ; et reverentes paraverunt aromata et unguenta : et sabbato quidem siluerunt secundum mandatum : Una autem sabbati valde diluculo venerunt ad monumentum, portantes quæ paraverant aromata ; et invenerunt lapidem revolutum a monumento ; et ingressæ non invenerunt corpus Domini Jesu : et factum est dum mente consternatae essent de isto, et ecce duo viri<sup>1</sup> steterunt secus illas in ueste fulgenti. Cum timerent autem et declinarent vultum in terram, dixerunt ad illas : Quid quæritis viventem cum mortuis? non est hic, sed surrexit : recordamini qualiter locutus est vobis, cum adhuc in Galilæa esset, dicens : Quia oportet Filium hominis tradi in manus hominum peccatorum, et crucifigi, et die tertia resurgere. Et recordatæ sunt verborum ejus, et regressæ a monumento nuntiaverunt hæc omnia illis undecim, et cæteris omnibus* (*Luc. XXIII, 54 ; XXIV, 12*). Quomodo ergo singuli visi sunt sedentes, unus secundum Matthæum fors super lapidem ; et alter secundum Marcum intus a dextris ; cum secundum Lucam duo steterint secus illas, quamvis similia dixerint ? Possumus quidem adhuc intelligere unum angelum visum a mulieribus, et secundum Matthæum, et secundum Marcum, sicut supra diximus : ut eas ingressas in monumentum sic accipiamus, in aliquod scilicet spatum quod erat aliqua maceria communittum, ut intrari posset ante illum saxeum sepulcri locum, atque ibi vidisse angelum sedentem supra lapidem revolutum a monumento, sicut dicit Matthæus, ut hoc sit sedentem a dextris, quod dicit Marcus ; deinde intus ab eis, dum inspicerent locum in quo jacebat corpus Domini, visos alios duos angelos stantes, sicut dicit Lucas, similia locutos ad earum exhortandum animum et ædificandam fidem.

68. Sed videamus et illa quæ Joannes dicit, utrum vel quemadmodum his congruant. Sic ergo narrat Joannes : *Una autem sabbati Maria Magdalene venit mane, cum adhuc tenebræ essent, ad monumentum, et vidi lapidem sublatum a monumento. Cucurrit ergo, et venit ad Simonem Petrum, et ad alium discipulum quem amabat Jesus, et dicit eis : Tulerunt Dominum de monumento, et nescimus ubi posuerunt eum. Exit ergo Petrus et ille alius discipulus, et venerunt ad monumentum. Currebant autem duo simul, et ille alius discipulus præcucurrit citius Petro, et venit primus ad monumentum : et cum se inclinasset, vidi posita linteamina, non tamen introiit. Venit ergo Simon Petrus sequens eum, et introiit in monumentum ; et*

<sup>1</sup> Sic Editi. At MSS., et ecce ; juxta græcum.

vidit linteamina posita, et sudarium quod fuerat super caput ejus, non cum linteaminibus positum, sed separatum involutum in unum locum. Tunc ergo introiit et ille discipulus, qui venerat primus ad monumentum, et vidit, et credidit. Nondum enim sciebant Scripturam, quia oportet eum a mortuis resurgere. Abierunt ergo iterum ad semetipsos discipuli. Maria autem stabat ad monumentum foris plorans: dum ergo fleret, inclinavit se, et prospexit in monumentum; et vidit duos angelos in albis sedentes, unum ad caput et unum ad pedes, ubi positum fuerat corpus Iesu. Dicunt ei illi: Mulier, quid ploras? Dicit eis: Quia tulerunt Dominum meum, et nescio ubi posuerunt eum. Haec cum dixisset, conversa est retrorsum, et vidit Iesum stantem, et non sciebat quia Jesus est. Dicit ei Jesus: Mulier, quid ploras? quem quaeris? Illa existimans quia hortulanus est, dicit ei: Domine, si tu sustulisti eum, dicio mihi ubi posuisti eum, et ego eum tollam. Dicit ei Jesus: Maria. Conversa illa dicit ei: Rabboni, quod dicitur Magister. Dicit ei Jesus: Noli me tangere, nondum enim ascendi ad Patrem meum: vade autem ad fratres meos, et dic eis, Ascendo ad Patrem meum et Patrem vestrum, et Deum meum et Deum vestrum. Venit Maria Magdalene annuntians discipulis, Quia vidi Dominum, et haec dixit mihi (Joan. xx, 1-18). In hac Joannis narratione dies vel tempus quo ventum est ad monumentum, cum cæteris convenit; illud etiam quod duo angelii visi sunt, concordat cum Luca: sed quod ille stantes dicit angelos visos, iste autem sedentes, et cetera quæ illi non dicunt, quomodo hic possint intelligi non discrepare a cæteris, et quo ordine gesta sint, nisi diligenter considerentur, repugnantia possunt videri.

69. Quapropter hæc omnia quæ circa tempus resurrectionis Domini facta sunt, secundum omnium Evangelistarum testimonia in una quadam narratione, quantum nos Dominus adjuverit, quemadmodum geri potuerint, ordinemus. Prima sabbati diluculo, sicut omnes consentiunt, ventum est ad monumentum. Jam factum erat quod solus Matthæus commemorat de terræ motu et lapide revoluto conterratisque custodibus, ita ut in parte aliqua velut mortui jacerent. Venit autem, sicut Joannes dicit, Maria Magdalene, sine dubio cæteris mulieribus<sup>1</sup>, quæ Domino ministraverant, plurimum dilectione ferventior, ut non immerito Joannes solam commemoraret, tacitis eis quæ cum illa fuerunt, sicut alii testantur. Venit ergo, et ut vidit lapidem sublatum a monumento, antequam aliquid diligentius inspiceret, non dubitan ablatum inde esse corpus Iesu, currit, sicut dicit idem Joannes, et nuntiavit Petro atque ipsi Joanni. Ipse est enim discipulus quem amabat Jesus. At illi currere coeperunt ad monumentum, et præveniens Joannes inclinavit se, et vidit posita linteamina, nec intravit: Petrus autem consecutus intravit in monumentum, et vidit linteamina posita, et sudarium quod fuerat super caput

ejus, non cum linteaminibus positum, sed separatim involutum. Deinde et Joannes intravit, et vidit similiter, et credit quod Maria dixerat, sublatum esse Dominum de monumento. « Nondum enim sciebant Scripturam, quia oportebat eum a mortuis resurgere. Abierunt ergo iterum ad semetipsos discipuli. Maria autem stabat ad monumentum foris plorans, » id est ante illum saxei sepulcri locum, sed tamen intra illud spatium quo jam ingressæ fuerant: hortus quippe illic erat, sicut idem Joannes commemorat (Id. xix, 41). Tunc viderunt angelum sedentem a dextris super lapidem revolutum a monumento, de quo angelo narrant Matthæus et Marcus. « Tunc eis dixit, Nolite timere, vos: scio enim quod Iesum qui crucifixus est quaeritis; non est hic, surrexit enim sicut dixit: venite et videte locum ubi positus erat Dominus. Et cito euntes dicite discipulis ejus, quia surrexit; et ecce præcedit vos in Galilæam, ibi cum videbitis; ecce dixi vobis: quibus similia Marcus quoque non tacuit. Ad hæc verba Maria dum fleret, inclinavit se et prospexit in monumentum, et vidit duos angelos, sicut dicit Joannes, in albis sedentes; unum ad caput, et unum ad pedes, ubi positum fuerat corpus Iesu. « Dicunt ei illi: Mulier, quid ploras? Dicit eis: Quia tulerunt Dominum meum, et nescio ubi posuerunt eum. Hic intelligendi sunt surrexisse angeli, ut etiam stantes viderentur, sicut eos Lucas visos suis commemorat, et dixisse secundum eumdem Lucam timentibus mulieribus et vultum in terram declinantibus, « Quid quaeritis viventem cum mortuis? non est hic, sed surrexit: recordamini qualiter locutus est vobis, cum adhuc in Galilæa esset, dicens, Quia oportet Filium hominis tradi in manus hominum peccatorum, et crucifigi, et die tertia resurgere. Et recordatae sunt verborum ejus. Post hæc conversa est retrorsum Maria, et vidit Iesum stantem, sicut dicit Joannes, et non sciebat quia Jesus est. Dicit ei Jesus: Mulier, quid ploras? quem quaeris? Illa existimans quia hortulanus est, dicit ei: Domine, si tu sustulisti eum, dicio mihi ubi posuisti eum, et ego eum tollam. Dicit ei Jesus: Maria. Conversa illa dicit ei: Rabboni, quod dicitur magister. Dicit ei Jesus: Noli me tangere: nondum enim ascendi ad Patrem meum: vade autem ad fratres meos, et dic eis, Ascendo ad Patrem meum et Patrem vestrum et Deum meum et Deum vestrum. » Tunc egressa est a monumento, hoc est ab illo loco ubi erat horti spatium ante lapidem effossum: et cum illa aliae, quas secundum Marcum invaserat tremor et pavor; et nemini quidquam dicebant. Tunc iam, secundum Matthæum, « ecce Jesus occurrit illis dicens: Avete. Illæ autem accesserunt et tenuerunt pedes ejus, et adoraverunt eum. » Sic enim colligimus et angelorum allocutionem bis numero eas habuisse venientes ad monumentum, et ipsius Domini: semel scilicet illuc quando Maria hortulanum putavit; et nunc iterum cum eis occurrit in via, ut eas ipsa repetitione firmaret, atque a timore recrearet. « Tunc ergo ait illis: Nolite timere, ite, nuntiate fratribus meis, ut eant in Galilæam; ibi me videbunt. Venit ergo Maria Magda-

<sup>1</sup> Editi, cum cæteris mulieribus. At MSS. carent particula, cum.

Iene annuntians discipulis quia vedit Dominum, et hæc ei dixit : non solum ipsa, sed et aliae, quas Lucas commemorat, quæ nuntiaverunt hæc discipulis undecim, et ceteris omnibus. Et visa sunt ante illos sicut deliramentum verba ista, et non credebat illis. » Ilii et Marcus attestatur. Nam posteaquam commemoravit eas trementes et paventes exiisse a monumento, et nemini quidquam dixisse, adjunxit quod resurgens Dominus apparuerit mane prima sabbati, primo Marie Magdalenæ, de qua ejecerat septem dæmonia; et quia illa vadens nuntiavit iis qui cum eo fuerant lugentibus et flentibus; et quia illi audientes quod viveret, et visus esset ab ea, non crediderunt. Sane Matthæus etiam illud inseruit, abscedentibus mulieribus quæ illa omnia viderant et audierant, venisse etiam quosdam in civitatem de illis custodibus qui jacuerant vefut mortui, et nuntiasse principibus sacerdotum omnia quæ facta erant, hoc est quæ etiam illi sentire potuerunt : illos vero congregatos cum senioribus consilio acceptio, pecuniam copiosam dedisse militibus, ut dicerent quod discipuli ejus venissent, eumque surati essent illis dormientibus; pollicentes etiam securitatem a præside qui eos custodes dederat : et illos, accepta pecunia fecisse sicut erant edocti, divulgatumque esse verbum istud apud Judæos usque in hodiernum diem.

CAPUT XXV. — *In eo quod se postea discipulis manifestavit, quomodo sibi omnes Evangelistæ non aduersentur, collatis testimoniis et de apostolo Paulo et de Actibus Apostolorum.*

70. Jam post resurrectionem quemadmodum apparuerit Dominus discipulis, considerandum est, non solum ut elucescat etiam ex hac re convenientia quatuor Evangelistarum (*Math. xxviii., Marc. xvi., Luc. xxiv., et Joan. xx., xxi.*), verum etiam ut cum Paulo apostolo consonent, qui de hac re in prima ad Corinthios Epistola ita loquitur : *Tradidi enim vobis in primis quod et accepi, quia Christus mortuus est pro peccatis nostris, secundum Scripturas, et quia sepultus est, et quia resurrexit tertia die secundum Scripturas : et quia apparuit Cephæ, postea duodecim<sup>1</sup>, deinde apparuit plus quam quingentis fratribus simul, ex quibus plures manent usque vdhuc, quidam autem dormierunt ; postea apparuit Jacobo, deinde Apostolis omnibus ; novissime<sup>2</sup> autem omnium quasi abortivo apparuit et mihi (I Cor. xv., 38).* Hunc autem ordinem nullus Evangelistarum tenuit : unde considerandum est utrum ordo quem illi tenerunt, huic non aduersetur : nam nec ille omnia, nec isti omnia dixerunt ; quæ autem dixerunt omnes utrum nihil inter se repugnet tantum videndum est. Lucas enim solus quatuor Evangelistarum, non dicit a mulieribus visum Dominum, sed tantummodo angelos : Matthæus autem dicit quod eis occurserit redeuntibus a monumento : Marcus quoque dicit primo visum esse Marie Magdalenæ,

<sup>1</sup> Editi, undecim. At MSS. duodecim; juxta græc., totis dodeca.

<sup>2</sup> In decem MSS. , novissimo : his infra, n. 88, consentebant editi.

sicut et Joannes ; sed quomodo sit ei visus non dicit, quod explicatur a Joanne. Lucas autem non solum tacet, ut dixi, cum apparuisse mulieribus, sed etiam duos, quorum unus fuit Cleophas, talia dicit locutos cum illo antequam agnoscerent eum, tanquam mulieres nihil se aliud quam angelos vidisse nuntiavarent, qui dicebant eum vivere. Ita enī narrat : *Ecce duo ex illis ibant ipsa die in castellum, quod erat in spatio stadiorum sexaginta ab Jerusalem, nomine Emaus ; et ipsi loquebantur ad invicem de his omnibus quæ acciderant : et factum est dum loquerentur, et secum quererent, et ipse Jesus appropinquans ibat cum illis ; oculi autem illorum tenebantur ne eum agnoscerent. Et ait ad illos : Qui sunt hi sermones, quos confertis ad invicem ambulantes, et estis tristes ? Et respondens unus cui nomen Cleophas, dixit ei : Tu solus peregrinus es in Jerusalem, et non cognovisti quæ facta sunt in illa his diebus ? Quibus ille dixit : Quæ ? Et dixerunt : De Iesu Nazareno, qui fuit vir propheta, potens in opere et sermone coram Deo et omni populo ; et quomodo eum tradiderunt summi sacerdotes et principes nostri in damnationem mortis, et crucifixerunt eum. Nos autem sperabamus quia ipse esset redempturus Israel : et nunc super hæc omnia, tertia dies est hodie quo hæc facta sunt. Sed et mulieres quædam ex nostris terruerunt nos, quæ ante lucem fuerunt ad monumentum, et non invento corpore ejus, venerunt, dicentes se etiam visionem angelorum vidisse, qui dicunt eum vivere. Et abierunt quidam ex nostris ad monumentum, et ita invenerunt sicut mulieres dixerunt, ipsum vero non viderunt.<sup>3</sup> Hæc secundum Lucam ita narrant, ut meminisse ac recolere potuerunt quod a mulieribus dictum erat, vel a discipulis qui cucurrerant ad monumentum, quando eis nuntiatum est quod ablatum inde sit corpus ejus. Et ipse quidem Lucas Petrum tantum dicit cucurrisse ad monumentum, et procumbentem vidisse linteum sola posita, et abiisse secum mirantem quod factum fuerat. Hoc autem de Petro commemorat, priusquam barret de his duobus quos invenit in via, posteaquam narravit de mulieribus quæ viderant angelos, et ab eis audierant quod resurrexisset Jesus, tanquam tunc Petrus ad monumentum cucurrit. Sed intelligitur hoc Lucas recapitulando posuisse de Petro. Tunc enim cucurrit Petrus ad monumentum, quando et Joannes, cum tantummodo a mulieribus, præcipue a Maria Magdalene nuntiatum eis fuerat de corpore ablato; tunc autem illa nuntiaverat, quando vidit lapidem avulsum a monumento : et postea facta sunt hæc de visione angelorum, atque ipsius Domini, qui bis numero apparuerat mulieribus ; semel ad monumentum, et iterum occurrentibus a monumento. Hoc autem antequam duobus illis in via visus fuisset, quorum erat unus Cleophas. Namque et Cleophas loquens cum Domino quem nondum agnoscebat, non Petrum dixit esse ad monumentum; sed, abierunt quidam ex nostris, inquit, ad monumentum, et ita irrenerunt sicut mulieres dixerunt : quod et ipse recapitu-*

<sup>3</sup> In prius excusis, non invenerunt. At in Gallicantis et Vaticinis MSS., non viderunt : faveente græco, ouk eidon.

lando intelligitur dixisse, illud scilicet quod primo mulieres nuntiaverant Petro et Joanni de ablato corpore Domini. Ac per hoc cum ipse Lucas Petrum dixerit cucurrisse ad monumentum, et Cleophas dixisse ipse retulerit quod quidam eorum ierant ad monumentum, intelligitur attestari Joanni, quod duo ierint ad monumentum; sed Petrum solum primo commemoravit, quia illi primitus Maria nuntiaverat. Item potest movere quod Petrum non intrarem, sed procumbentem dicit idem Lucas vidisse sola linteamina; et discessisse mirantem; cum Joannes dicat se potius ita vidisse, hoc est discipulum illum quem diligebat Jesus, non intrasse in monumentum, quo prior venerat, sed cum se inclinasset vidisse posita linteamina: sed et scipsum postea dicit intrasse. Ita et Petrus intelligendus est primo procumbens vidisse, quod Lucas commemorat, Joannes tacet; post autem ingressus, sed ingressus tamen antequam Joannes intraret, ut omnes verum dixisse sine ulla repugnatio reperiantur.

71. Ordo ergo rerum qui esse potuit, quemadmodum Dominus, excepto quod jam mulieribus locutus erat, etiam maribus discipulis visus fuerit, secundum testimonia non solum quatuor Evangelistarum, sed etiam Pauli apostoli, contexendus et demonstrandus est. Omnium ergo virorum primo apparuisse intelligitur Petro, ex his duntaxat omnibus quos Evangelistae quatuor et Paulus apostolus commemoraverunt. Cæterum si apparuit alicui eorum prius quam Petro, quod omnes tacuerunt, quis vel dicere audeat vel negare? Neque enim et Paulus dixit, Apparuit primo Cepha; sed, *Apparuit, inquit, Cepha, postea duodecim, deinde apparuit plus quam quingentis fratribus simul.* Sic autem non appareat quibus duodecim, quemadmodum nec quibus quingentis. Fieri enim potest ut de turba discipulorum fuerint isti duodecim nescio qui. Nam illos quos Apostolus nominavit, non jam duodecim, sed undecim diceret, sicut nonnulli etiam codices habent; quod credo perturbatos homines emendasse, putantes de illis duodecim Apostolis dictum, qui jam Juda extincto undecim erant. Sed sive illi codices verius habeant qui undecim habent, sive alios quosdam duodecim discipulos Paulus velit intelligi<sup>1</sup>, sive sacramum illum numerum<sup>2</sup> etiam in undecim stare voluerit; quia duodenarius in eis numerus ita mysticus erat, ut non posset in locum Judæ nisi alias, id est Matthias, ad conservandum sacramentum ejusdem numeri subrogari (*Act. 1, 26*); quodlibet ergo eorum sit, nihil inde existit quod veritati velistorum alicui veracissimo narratori repugnare videatur: probabiliter tamen creditur posteaquam Petro apparuit, deinde apparuisse istis duobus, quorum erat unus Cleophas, de quibus Lucas tolem narrat, Marcus autem breviter ita perstringit: *Post hæc autem, inquit, duobus ex eis aribilantibus osteneus est in alia effigie, euntibus in villam.* Castellum quippe illud non

<sup>1</sup> MSS., sive alios quosdam duodecim apostolus Paulus velit intelligi.

<sup>2</sup> Quinque MSS., sive sacramentum illius numeri.

absurde accipimus etiam villam potuisse appellari; quod nunc jam appellatur ipsa Bethleem, quæ civitas antea vocitata est; quamvis nunc sit honoris amplioris, nomine Domini, qui in illa natus est, sic per Ecclesias omnium gentium diffamato. Et in codicibus quidem græcis magis agrum invenimus (*a*) quam villam: agri autem nomine non castella tantum, verum etiam municipia et coloniae solent vocari extra civitatem, quæ caput et quasi mater est cæterarum, unde metropolis appellatur.

72. Quod autem ait Marcus, eis in alia effigie Dominum apparuisse; hoc Lucas dicit, quod eorum oculi tenebantur ne agnoscerent eum. Oculis quippe eorum acciderat aliiquid, quod ita manere permisum est usque ad fractionem panis, certi mysterii causa, ut eis in illo alia ostenderetur effigies, et sic eum non nisi in fractione panis agnoscerent, sicut Luca narrante monstratur. Pro merito quippe mentis eorum, adhuc ignorantis quod oportebat Christum mori et resurgere, simile aliiquid eorum oculi passi sunt, non veritate fallente, sed ipsis veritatem percipere non valentibus, et aliud quam res est opinantibus; ne quisquam se Christum agnovisse arbitretur, si ejus corporis participes non est, id est Ecclesia, cuius unitatem in sacramento panis commendat Apostolus, dicens, *Unus panis, unum corpus multi sumus* (*I Cor. x, 17*): ut cum eis benedictum panem porrigeret, aperirentur oculi eorum, et agnoscerent eum; aperirentur uique ad ejus cognitionem, remoto scilicet impedimento, quo tenebantur ne eum agnoscerent. Neque enim clausis oculis ambulabant; sed inerat aliiquid quo non sinerentur agnoscare quod videbant: quod scilicet et caligo et aliquis humor efficere solet. Non quia Dominus non poterat transformare carnem suam, ut alia revera esset effigies, non quam solebant illi contueri; quandoquidem et ante passionem suam transformatus est in monte, ut facies ejus claresceret sicut sol (*Math. xvii, 2*): quale vult enim corpus de qualcumque corpore verum de vero facit, qui de aqua vera verum vinum fecit (*Joan. ii, 7-11*); sed non ita fecerat, cum apparuit illis duobus in alia effigie. Non enim sicut erat apparuit eis<sup>1</sup>, quorum oculi tenebantur ne agnoscerent eum. Non autem incongruenter accipimus hoc impedimentum in oculis eorum a satana fuisse, ne agnosceretur Jesus: sed tamen a Christo est facta permissione usque ad sacramentum panis; ut unitate corporis ejus participata, removeri intelligatur impedimentum inimici, ut Christus possit agnoscere.

73. Nam ipsos esse istos de quibus et Marcus narrat, credendum est; quia dicit ipsos euntes nuntiassesse cæteris: sicut Lucas dicit eos surgentes eadem hora,

<sup>1</sup> Editi: *Non enim aliter quam erat, sed sicut erat apparuit eis.* At MSS. parentis his vocibus, *aliter quam erat sed*; quæ imprudenter additæ fuerant, non probe intellecto verbo, *apparuit*, quod hic pro, *risus est*, ponit Augustinus; et Christum, quando illis duobus in alia effigie visus fuit, non propterea transformata sua carne effigiem aliam revera præse tulisse probat hac ratione, quia si videntium oculi tenebantur ne eum agnoscerent, sequitur ut non in ipsa quam præ se ferebat effigie visus eis fuerit.

(a) *Eis agron.*

regressos esse Jerusalem, et invenisse congregatos undecim, et eos qui cum ipsis erant, dicentes quod surrexit Dominus vere, et apparuit Simonis; et tunc etiam ipsis narrasse quae gesta erant in via, et quomodo eum cognoverint in fractione panis. Jam ergo erat fama quod resurrexerat Jesus, ab illis mulieribus facta, et a Simone Petro, cui jam apparuerat: hoc enim isti duo invenerunt loquentes ad quos in Jerusalem venerunt. Fieri itaque potest ut timore prius in via noluerint dicere quod eum audierant resurrexisse, quando tantummodo angelos dixerunt visos esse mulieribus: ignorantes enim cum quo loquerentur, merito possent esse solliciti ne quid passim de Christi resurrectione jactantes in manus incidenter Judeorum. Quod autem ait Marcus, *Annuntiaverunt ceteris, nec illis crediderunt*; cum Lucas dicat, quod jam inde loquebantur vere resurrexisse Dominum, et Simoni apparuisse: quid intelligendum est, nisi aliquos ibi fuisse qui hoc nolent credere? Cui autem non elueat prætermisso Marcus quae Lucas narrando explicavit, hoc est, quae cum illis locutus fuerit Jesus antequam agnoscerent eum, et quomodo eum in fractione panis agnoverint? Quandoquidem mox ut dixit eis apparuisse in alia effigie cunctibus in villam, continuo conjunxit, *Et illi cuntes nuntiaverunt ceteris, nec illis crediderunt*: quasi possent nuntiare quem non agnoverant; aut possent agnoscere, quibus alia effigies ejus apparuerat. Quomodo ergo eum agnoverint, ut nuntiare possent, Marcus sine dubio prætermisit. Quod ideo memorie commendandum est, ut assuescamus advertere Evangelistarum morem ita prætermittentium quae non commemorant, et conjungentium quae commemorant, ut eis qui usum in hac consideratione non habent, non aliunde maxime error oriatur, quo putent eos non sibi congruere.

74. Lucas ergo sequitur, et dicit: «Dum haec autem loquuntur, Jesus stetit in medio eorum, et dicit eis: Pax vobis; ego sum, nolite timere. Conturbati vero et conterriti existimabant se spiritum videre. Et dixit eis: Quid turbati estis, et cogitationes ascendunt in corda vestra? Videte manus meas et pedes meos, quia ipse ego sum: palpate, et videte, quia spiritus carnium et ossa non habet, sicut me videtis habere. Et cum hoc dixisset, ostendit eis manus et pedes.» Hanc ostensionem Domini post resurrectionem intelligitur et Joannes commemorare, sic loquens: «Cum esset ergo sero die illo una sabbatorum, et fores essent clausæ ubi erant discipuli congregati propter metum Judeorum, venit Jesus, et stetit in medio, et dicit eis: Pax vobis. Et hoc cum dixisset, ostendit eis manus et latus.» Ac per hoc his verbis Joannis possunt conjungi ea quae Lucas dicit, idem autem Joannes prætermittit. Ita enim Lucas sequitur: «Adhuc autem illis non creditibus, et mirantibus præ gaudio, dixit: Habetis hic aliquid quod manducetur? At illi obtulerunt ei partem piscis assi et favum mellis. Et cum manducasset coram eis, sumiens reliquias dedit eis.» Ilis item verbis possunt adjungi quae Lucas latet, dicit autem Joannes: «Gavisi sunt ergo discipuli

viso Domino. Dixit ergo eis iterum: Pax vobis; et misit me Pater et ego mitto vos. Hoc cum dixisset, insufflavit, et dixit eis: Accipite Spiritum sanctum: quorum remiseritis peccata, remittuntur eis; et quorum detinueritis, detenta sunt.» Ilis rursus adjungimus quae Joannes prætermisit, Lucas commemorat: «Et dixit ad eos: Haec sunt verba quæ locutus sum ad vos, cum adhuc essem vobiscum, quoniam necesse est impleri omnia quæ scripta sunt in Lege Moysi et Prophetis et Psalmis de me. Tunc apernit illis sensum, ut intelligerent Scripturas, et dixit eis: Quoniam sic scriptum est, et sic oportebat Christum pati, et resurgere a mortuis die tertia; et prædicari in nomine ejus penitentiam et remissionem peccatorum in omnes gentes, incipientibus ab Jerusalem: vos autem estis testes horum. Et ego mitto promissum Patris mei in vos: vos autem sedete in civitate quoadusque induamini virtutem ex alto.» Ecce quomodo commemoravit et Lucas promissionem Spiritus sancti, quam non invenimus a Domino factam, nisi in Evangelio Joannis (*Joan. xiv, 26, et xv, 20*). Quod non prætereunter advertendum est, ut meminerimus quemadmodum sibi Evangelista invicem attestantur de quibusdam etiam quæ ipsi non dicunt, et tamen dicta neverunt. Post haec Lucas quae gesta sunt omnia prætermisit, nec omnino commemorat, nisi quando Jesus ascendit in celum: atque id tamen ita conjungit quasi hoc sequatur haec verba quæ dixit, cum hoc gestum sit una sabbatorum, quo die Dominus resurrexit; illud autem quadragesimo die, sicut idem ipse Lucas in Apostolorum Actibus narrat (*Act. i, 2-9*). Quod autem dicit Joannes, non cum illis fuisse tunc apostolum Thomam, cum secundum Lucam duo illi, quorum erat unus Cleophas, regressi Jerusalem, invenerint congregatos undecim, et eos qui cum ipsis erant; procul dubio intelligendum est quod inde Thomas exierit, antequam eis Dominus haec loquentibus appareret.

75. Hinc jam Joannes aliam commemorat sui demonstrationem a Domino discipulis factam post dies octo, ubi erat et Thomas qui prius eum non viderat. «Et post dies octo,» inquit, «iterum erant discipuli ejus intus, et Thomas cum eis: venit Jesus januis clausis, et stetit in medio, et dixit: Pax vobis. Deinde dicit Thomæ: Infer digitum tuum huc, et vide manus meas, et affe manum tuam, et mitte in latus meum, et noli esse incredulus, sed fidelis. Respondit Thomas et dixit ei: Dominus meus et Deus meus. Dicit ei Jesus: Quia vidisti me, credidisti: beati qui non videbunt, et crediderunt. Hanc secundam Domini visionem erga discipulos factam, id est quam secundo loco Joannes commemorat, apud Marcum possemus agnoscere, breviter eam sicuti assolet perstringentem, nisi moveret quod ibi ait, *Novissime recumbentibus illis undecim apparuit*: non ideo quia Joannes tacuit recumbentes, potuit enim hoc prætermittere; sed quia iste dixit, *Novissime*, quasi ultra jam non eis apparuerit; cum adhuc Joannes tertiam sit ejus narraturus demonstra-

<sup>1</sup> Sic MSS. juxta græc., apostell. At editi habent future tempore, mātam.

tionem ad mare Tiberiadis : deinde quod dicit idem Marcus, Exprobans illis incredulitatem istorum, et duritiam cordis, quia his qui viderant eum resurrexisse, non crediderant : illis videlicet duobus, quibus in villam euntibus apparuit, posteaquam resurrexit; et Petro, cui primitus eum appareisse apud Lucam investigatum est; fortasse et Marie Magdalene, et aliis mulieribus quae cum illa erant, quando eis et ad monumentum apparuit, et inde redeuntibus in itinere occurrit. Nam ita contextit narrationem idem Marcus, cum commemorasset breviter de duobus illis, quibus apparuit in villam euntibus, quod nuntiassent ceteris, nec illis creditum esset : Novissime, inquit, recumbentibus illis undecim apparuit, et exprobavit incredulitatem eorum et duritiam cordis, quia his qui viderant eum resurrexisse non crediderant. Quomodo ergo novissime, quasi jam ultra eum non viderint? Novissimum quippe illud est, quo Dominum Apostoli in terra viderunt, quando ascendit in cœlum; quod factum est quadragesimo die post ejus resurrectionem. Numquidnam tunc exprobatur erat quod non credidissent eis qui eum viderant resurrexisse, quando jam et ipsi post resurrectionem toties eum viderant, et maxime ipso die resurrectionis ejus, id est una sabbati jam circa noctem, sicut Lucas Joannesque commemorant? Remanet igitur ut intelligamus eundem diem resurrectionis ejus, id est unam sabbati, quando enim post diluculum vidi Maria et aliae cum illa mulieres, quando etiam Petrus, quando et illi duo quorum unus erat Cleophas, quos videtur etiam idem Marcus commemorare, quando jam circa noctem illi undecim (præter Thomam) et qui cum eis erant, quando eis et isti quod viderant narraverunt, nunc etiam Marcum more suo breviter commemorare voluisse ; et ideo dixisse, Novissime, quia ipso die hoc novissimum fuit, jam ita plente nocturno tempore, posteaquam illi de castello, ubi eum in fractione panis agnoverant, redierunt in Jerusalem, et invenerunt, sicut dicit Lucas, illos undecim, et eos qui cum illis erant, jam colloquentes de resurrectione Domini, et quod visus fuerit Petro : quibus et ipsi narraverunt quod in via gestum erat, et quomodo eum cognoverint in fractione panis. Sed erant ibi utique non credentes : unde verum est quod Marcus dicit, Nec illis crediderunt. His ergo jam, sicut Marcus dicit, discubentibus, et adhuc inde, sicut Lucas dicit, loquentibus, stetit in medio coram Dominus, et ait illis, Pax vobis, sicut Lucas et Joannes : fores autem clausæ erant, cum ad eos intravit, quod solus Joannes commemorat. Verbis itaque Domini quæ tunc eum locutum esse discipulis Lucas Joannesque dixerunt, interponitur et illa exprobatio de qua Marcus dicit, quod non crediderint eis qui eum resurrexisse viderant.

78. Sed hoc rursus movet, quomodo discubentibus undecim dicit Dominum apparuisse Marcus, si illud tempus est diei dominici jam noctis initio, quod Lucas Joannesque meminerunt. Aperte quippe Joannes dicit non cum eis tunc fuisse apostolum Thomam, quem credimus exiisse inde antequam Dominus ad eos intraret, posteaquam illi duo redeentes de ea-

stello cum ipsi undecim collocuti sunt, sicut apud Lucam invenitur. Sed Lucas in sua narratione dat locum quo possit intelligi, dum hæc loquerentur, prius inde exiisse Thomam, et postea Dominum intrasse. Marcus autem qui dicit, Novissime recubentibus illis undecim apparuit, etiam Thomam illic fuisse cogit fateri. Nisi forte, quamvis uno absente, undecim tamen voluit appellare, quia eadem tunc apostolica societas hoc numero numerabatur, antequam Matthias in locum Iudeæ subrogaretur. Aut si hoc durum est sic accipere, illud ergo accipiamus, post multas demonstrationes ejus quibus per dies quadraginta discipulis presentatus est, eum etiam novissime recubentibus illis undecim apparuisse, id est ipso quadragesimo die : et quoniam jam erat ab eis ascensurus in cœlum, hoc eis illo die maxime exprobare voluisse, quia his qui viderant eum resurrexisse non crediderant, antequam ipsi eum viderent; cum utique post ascensionem suam prædicantibus illis Evangelium, etiam gentes quod non viderunt fuerant credituræ. Post illam quippe exprobationem, secutus ait idem Marcus : Et dixit eis : Euntes in mundum universum, prædicate Evangelium omni creaturæ : qui crediderit, et baptizatus fuerit, salvus erit; qui vero non crediderit, condemnabitur. Hoc ergo prædicaturi, quoniam qui non crediderit condemnabitur, cum id utique non crediderit quod non vidit; nonne ipsi primitus fuerant objurgandi, quod antequam Dominum videnter, non crediderunt eis quibus prius apparuerat?

77. Hanc autem novissimam fuisse corporaliter in terra representationem Domini Apostolis etiam illud admonet ut credamus, quod ita sequitur idem Marcus : Signa autem eos qui crediderint, hæc sequentur : in nomine meo dæmonia ejicient, linguis loquentur novis; serpentes tollent, et si mortiferum quid biberint, non eis nocebit; super ægrotos manus imponent, et bene habebunt. Deinde subjungit : Et Dominus quidem postquam locutus est eis, assumptus est in cœlum, et sed sit a dextris Dei. Illi autem profecti, prædicaverunt ubique, Domino cooperante, et sermonem confirmante sequentibus signis. Cum ergo dicit, Et Dominus quidem postquam locutus est eis, assumptus est in cœlum; satis vindetur ostendere novissimum cum illis in terra hunc eum habuisse sermonem : quamvis non omnino ad id coarctare videatur. Non enim ait, Postquam hæc locutus est eis; sed, postquam locutus est eis : unde admittit, si necessitas cogeret, non istam fuisse novissimam locutionem, nec istum fuisse novissimum diem quo eis in terra præsens fuit, sed ad omnia quæ eum eis omnibus illis diebus locutus est, posse pertinere quod dictum est, postquam locutus est eis, assumptus est in cœlum. Sed quia ea quæ supra diximus, magis suadent hunc novissimum diem fuisse, quam ut intelligantur undecim qui Thoma absente decem fuerunt; ideo post hanc locutionem quam Marcus commemorat, adjunctis etiam consequenter illis verbis, vel discipulorum vel ipsius, quæ consummabantur in Actibus Apostolorum (Act. 1, 4-8), credendum est assumptum Dominum in cœlum, qua-

dragesino scilicet die post diem resurrectionis ejus.

78. Joannes autem, quamvis fateatur multa se prætermissee quæ fecit Jesus, voluit tamen etiam tertiam ejus representationem discipulis post resurrectionem factam commemorare ad mare Tiberiadis, septem scilicet discipulis, Petro, Thomæ, Nathanaeli, filiis Zebedæi, et aliis duobus quos nominatim non expressit, cum pescarentur; quando jussu ejus retia mittentes in dextram partem, extraxerunt magnos pisces centum quinquaginta tres; quando etiam Petrum ter interrogavit utrum ab illo amaretur, et ei pascendas commendavit oves suas, et de ejus ipsius passione prædixit, et de ipso Joanne ait, *Sic<sup>1</sup> eum volo manere donec veniam*. Ad hoc Joannes Evangelium suum terminavit.

79. Jam nunc querendum est quando primum visus sit a discipulis in Galilæa; quia et hoc quod tertio narrat Joannes, in Galilæa factum est ad mare Tiberiadis: quod facile videt qui recolit illud miraculum de quinque panibus, quod ita narrare incipit idem Joannes: *Post hæc abiit Jesus trans mare Galilææ, quod est, Tiberiadis* (*Joan. vi, 1*). Ubi autem putari potest primum a discipulis post resurrectionem videri debuisse, nisi in Galilæa? si recolantur verba illius angeli qui secundum Matthæum venientibus ad monumentum mulieribus ita loquitur, *Nolite timere, vos: scio enim quod Jesus qui crucifixus est queritis; non est hic, surrexit enim sicut dixit: venite, et videte locum ubi positus erat Dominus*. Et cito euntes dicite discipulis ejus quia surrexit; et ecce præcedit vos in Galilæam; ibi eum videbitis: ecce dixi vobis: item secundum Marcum, sive ipse sit angelus sive alius, *Nolite, inquit, expavescere: Jesum queritis Nazarenum crucifixum; surrexit, non est hic: ecce locus ubi posuerunt eum*. Sed ite, dicite discipulis ejus et Petro, quia præcedit vos in Galilæam: ibi eum videbitis sicut dixit vobis? Hæc verba ita videntur sonare, quod Jesus non erat se demonstratus post resurrectionem discipulis, nisi in Galilæa. Quam demonstrationem nec ipse Marcus commemoravit, qui eum dixit mane prima sabbati apparuisse primo Mariae Magdalene, et illam nuntiasse discipulis, his qui cum eo fuerant lugentibus et flentibus; illos autem non credidisse: post hæc deinde duobus ex his apparuisse euntibus in villam, et illos cæteris nuntiasse; quod factum est, sicut Lucas et Joannes coattestantur, in Jerusalem, eodem ipso die resurrectionis, jam noctis initio: deinde venit ad illam ejus manifestationem, quam novissimam dicit, recumbentibus illis undecim: post hanc dicit eum assumptum in cœlum; quod factum scimus in monte Oliveti, non longe ab Jerusalem: nusquam igitur commemorat Marcus completum quod ab angelo prænuntiatum esse testatur. Matthæus vero nihil aliud dicit, nec ullum alium locum omnino commemorat, vel ante vel postea, ubi discipuli, poste aquam resurrexit, viderint Dominum, nisi in

<sup>1</sup> Lov., si; juxta textum græcum eam. At Rat. Er. et omnes MSS., sic: atque Augustinum ita legisse patet infra, lib. 4, u. 20.

Galilæa secundum angeli prædictionem. Denique cum insinuasset quid ab angelo mulieribus dictum sit, et illis abeuntibus subjecisset quid de corruptis ad mentionem custodibus gestum sit; continuo tanquam nihil aliud sequeretur (quia et revera sic erat dictum ab angelo, *Surrexit, et ecce præcedit vos in Galilæam; ibi eum videbitis*, ut nihil aliud sequi debuisse videatur), Undecim autem, inquit, discipuli abierunt in Galilæam, in montem ubi constituerat illis Jesus: et videntes cum, adoraverunt; quidam autem dubitaverunt. Et accedens Jesus locutus est eis, dicens: *Data est mihi omnis potestas in cœlo et in terra: euntes ergo docete omnes gentes, baptizantes eos in nomine Patris, et Filiæ, et Spiritus sancti; docentes eos servare omnia quæcumque mandavi vobis*. Et ecce ego vobiscum sum omnibus diebus usque ad consummationem sæculi. Ita Matthæus clausit Evangelium suum.

80. Ac per hoc, si aliorum consideratae narrationes ad diligentiore inquisitionem non compellerent, nihil aliud arbitramur nisi Dominum post resurrectionem nusquam præter in Galilæa primum esse a discipulis visum. Item, si Marcus de illa prænuntiatione angeli tacuisset, posset cuiquam putari Matthæus ideo dixisse discipulos abiisse in Galilæam in montem, atque ibi adorasse Dominum, ut impletum videretur quod ipse per angelum mandatum ac prænuntiatum esse narraverat. Nunc autem et Lucas et Joannes satis dilucide manifestantes ipso die resurrectionis ejus visum esse Dominum in Jerusalem a discipulis suis, unde ita longe est Galilæa, ut uno die ab eis utroque loco videri non posset; et Marcus illam quidem prædictionem angeli similiter narrans, in Galilæa vero visum a discipulis Dominum post resurrectionem nusquam commemorans: vehementer cogunt quærere quemadmodum dictum sit, *Ecce præcedit vos in Galilæam; ibi eum videbitis*. Nam et ipse Matthæus si omnino non diceret undecim discipulos abiisse in montem in Galilæam, ubi constituerat eis Jesus, et illuc eum vidiisse atque adorasse, nihil ex hac prædictione completum ad litteram putaremus, sed totum figurata significazione prædictum: sicut illud secundum Lucam, *Ecce hodie et cras ejicio daemonia, et sanitates perficio, et tertia consummor*; quod ad litteram certum est non esse completum (a). Item si angelus dixisset, *Præcedit vos in Galilæam; ibi primum eum videbitis*; aut, ibi tantum eum videbitis; aut, non nisi ibi eum videbitis; cæteris Evangelistis Matthæus sine dubio repugnat: cum vero dictum est, *Ecce præcedit vos in Galilæam; ibi eum videbitis*; nec expressum est quando id futurum esset, utrum quampotius antequam alibi ab eis visus esset; an posteaquam eum alicubi etiam præterquam in Galilæa vidiissent: idque ipsum quod discipulos Matthæus dicit esse in Galilæam in montem, non exprimit diem, nec narrandi ordinem ita contextit, ut necessitatè ingerat nihil aliud intelligendi, quam hoc primitus factum: non adversatur quidem narrationibus cæterorum, et dat eis intelligendis atque accipiendis locum; verumtamen quod

(a) vide supra, lib. 2, cap. 78, n. 143.

Dominus non ubi primum se demonstratus erat, sed in Galilæa, ubi necessario postea visus est, se vindendum mandavit, et per angelum dicentem, *Ecce præcedit vos in Galilæam; ibi eum ridebitis; et per seipsum dicens, ite, nuntiate fratribus meis ut eant in Galilæam; ibi me videbunt;* quemvis fidem facit intentum ad quærendum in quo mysterio dictum intelligatur.

81. Sed prius considerandum est quando etiam corporaliter in Galilæa videri potuerit, dicente Matthæo: *Undecim autem discipuli abierunt in Galilæam, in montem ubi constituerat illis Jesus: et videntes eum adoraverunt; quidam autem dubitaverunt.* Quia enim non ipso die quo resurrexit manifestum est: nam in Jerusalem visum esse eo die initio noctis Lucas et Joannes apertissime consonant; Marcus autem non aperte. Quando ergo viderunt Dominum in Galilæa? non secundum id quo dicit Joannes, ad mare Tiberiadis; tunc enim septem fuerunt, et piscantes inventi sunt: sed secundum id quo dicit Matthæus, ubi erant undecim in monte, quo eos secundum prædictionem angeli Jesus præcesserat. Nam ita narrare appetet, quod illic cum repererint, quia utique secundum constitutum præcesserat. Non ergo ipso die quo resurrexit, neque in consequentibus octo diebus, post quos dicit Joannes discipulis apparuisse Dominum, ubi eum primo vidit Thomas, qui eum non viderat die resurrectionis ejus. Nam utique si intra eosdem octo dies eum in monte Galilææ jam illi undecim viderant, quomodo post octo dies eum primum vidit Thomas, qui in illis undecim fuerat? Nisi quis dicat non illos undecim qui jam tunc Apostoli vocabantur, sed discipulos illic undecim fuisse, ex multo numero discipulorum. Soli quippe adhuc vocabantur Apostoli illi undecim, sed non soli erant discipuli. Potest ergo fieri ut non omnes, sed aliqui eorum ibi fuerint; alii vero discipuli cum eis, ita ut undecim completerentur: ac sic non ibi fuisse Thomam, qui post illos dies octo primo Dominum vidit. Marcus quippe quando illos undecim memoravit, non utecumque undecim, sed *illis*, inquit, *undecim apparuit.* Lucas etiam, *Regressi sunt, inquit, Jerusalem, et invenerunt congregatos undecim, et eos qui cum ipsis erant.* Et iste ostendit illos undecim, hoc est, Apostolos fuisse. Nani cum adjunxit, *et eos qui cum ipsis erant;* satis utique declaravit eminentius illos undecim appellatos cum quibus erant cæteri: ac per hoc illi intelliguntur qui jam vocabantur Apostoli. *Hoc proinde fieri potuit, ut ex numero Apostolorum et aliorum discipulorum, undecim discipuli completerentur, qui viderint intra illos octo dies in Galilææ monte Jesum.*

82. Sed occurrit aliud quod obsistat: Joannes enim quando commemoravit non in monte ab undecim, sed ad mare Tiberiadis a septem piscantibus visum esse Deinuin, *Hoc jam tertio, inquit, manifestatus est Jesus discipulis suis, cum resurrexisset a mortuis.* Si autem accepterimus intra illos octo dies, antequam Thomas eum vidisset, ab undecim quibusque discipulis Dominum visum; non erit hoc ad mare Tiberiadis tertio mani-

festatum esse, sed quarto. Quod quidem cavendum est, ne quis existimet tertio Joannem dixisse, tanquam tres sole factæ fuerint manifestationes ejus: sed hoc intelligendus est ad numerum dierum retulisse, non ad numerum ipsarum manifestationum; nec continuorum dierum, sed per intervalla, sicut idem ipse testatur. Nam primo ipso die resurrectionis sua, excepto quod a mulieribus visus est, id est quod in Evangelio claret, ter se manifestavit; semel Petro, iterum duobus illis quorum unus erat Cleophas, tertio plurimis jam inde colloquientibus noctis exordio: sed hoc totum Joannes ad unum diem referens semel computat; iterum autem, hoc est alio die, quando eum vidit et Thomas; tertio vero ad mare Tiberiadis, hoc est tertio die manifestationis ejus, non tertia manifestatione. Ac per hoc post hæc omnia cogimur intelligere factum esse, quod eum in monte Galilææ secundum Matthæum discipuli undecim viderunt, quo eos secundum constitutum præcesserat, ut impleretur etiam ad litteram quod et per angelum et per seipsum prædixerat.

83. Invenimus itaque apud quatuor Evangelistas decies commemoratum Dominum visum esse ab hominibus post resurrectionem. Semel, ad monumentum mulieribus (*Joan. xx, 14*). Iterum, eisdem regredientibus a monumento in itinere (*Matth. xxviii, 9*). Tertio, Petro (*Luc. xxiv, 55*). Quarto, duobus euntibus in castellum (*Ibid. 15*). Quinto, pluribus in Jerusalem ubi non erat Thomas (*Joan. xx, 19-24*). Sexto, ubi eum vidit Thomas (*Ibid. 26*). Septimo, ad mare Tiberiadis (*Id. xxi, 1*). Octavo, in monte Galilææ, secundum Matthæum (*Matth. xxviii, 16, 17*). Nono, quod dicit Marcus, *Novissime recumbentibus*, quia jam non erant in terra cum illo convivaturi (*Marc. xvi, 14*). Decimo, in ipso die, non jam in terra, sed elevatum in nube, cum in cœlum ascenderet; quod Marcus et Lucas commemorant: Marcus quidem post illud, quod eis discubentibus apparuit, ita continuans ut diceret: *Et Dominus quidem postquam locutus est eis, assumptus est in cœlum* (*Ibid. 19*): Lucas autem pretermis omnibus quæ per quadraginta dies agi ab illo cum discipulis potuerunt, illi primo diei resurrectionis ejus quando in Jerusalem pluribus apparuit, conjungit tacite novissimum diem quo ascendit in cœlum, ita narrans: *Eduxit autem illos foras in Bethaniam, et elevatis manibus suis benedixit eis: et factum est, cum benediceret eis, recessit ab eis, et serbatur in cœlum* (*Luc. xxiv, 50, 51*). Viderunt ergo eum præter quod in terra viderant, etiam dum ferretur in cœlum. Toties ergo in evangelicis Libris commemoratus est ab hominibus visus, antequam ascendisset in cœlum; in terra scilicet novies, et in aere semel ascendens.

84. Sed non omnia scripta sunt, sicut Joannes fateatur (*Joan. xxi, 25*). Crebra enim erat ejus cum illis conversatio per dies quadraginta, priusquam ascendisset in cœlum (*Act. i, 3*): non tamen eis per omnes quadraginta dies continuos apparuerat. Nam post diem primum resurrectionis ejus, alios octo dies intervenisse dicit Joannes, post quos eis rursus apparuit. Tertio autem ad mare Tiberiadis, fortassis continuo conse-

quenti die; nihil enim repugnat: et deinde quando voluit, constituens eis, quod et ante prædixerat, ut eos in Galilæa montem præcederet: atque omnino per illos quadraginta dies quoties voluit, quibus voluit, quemadmodum voluit; sicut Petrus dicit, quando eum Cornelio et iis qui cum illo fuerant, prædicabat, *Qui simul, inquit, manducavimus et bibimus cum illo, posteaquam resurrexit a mortuis, per dies quadraginta* (*Act. x, 41*): non quod quotidie per dies quadraginta cum illo manducassent et bibissent; nam erit contrarium Joanni, qui octo illos dies interposuit quibus eis visus non est, ut tertio manifestaretur ad mare Tiberiadis. Inde jam etiam si quotidie illis visus et cum illis convivatus est, nihil repugnat. Et fortasse ideo dictum est, *per quadraginta dies*, qui quater deni sunt in mysterio vel totius mundi vel totius temporatis sæculi, quia et illi primi decem dies, in quibus erant illi octo dies, a parte totum possunt more Scripturarum non dissone computari.

85. Conferatur ergo et quod ait apostolus Paulus, utrum nihil afferat quæstionis: *Resurrexit, inquit, tertio die secundum Scripturas, et apparuit Cephae*. Non dixit, Primo apparuit Cepha; nam esset contrarium, quod primo mulieribus apparuisse in Evangelio legitur. Postea, inquit, *duodecim*<sup>1</sup>: quibuslibet, qua hora libet, ipso tamen resurrectionis die. Deinde *apparuit plusquam quingentis fratribus simul*: sive isti cum illis undecim erant congregati clausis ostiis propter metum Iudeorum, unde cum exiisset Thomas, venit ad eos Jesus; sive post octo illos dies quando libet; nihil habet adversi. Postea, inquit, *apparuit Jacobo*: non tunc autem primum accipere debemus visum esse Jacobo, sed aliqua propria manifestatione singulariter. Deinde Apostolis omnibus: nec illis tunc primum, sed jam ut familiarius conversaretur cum eis usque ad diem ascensionis sue. *Novissime autem omnium*, inquit, *quasi abortivo apparuit et mihi* (*I Cor. xv, 4-8*): sed hoc jam de cœlo post non parvum tempus ascensionis sue.

86. Nunc jam videamus quod distuleramus, cuius mysterii gratia secundum Matthæum et Marcum resurgens ita mandaverit, *Præcedum vos in Galilæam; ibi me videbitis* (*Math. xxvi, 52, xxviii, 7, et Marc. xiv, 28, xvi, 7*): quod et si completum est, tamen post multa completum est, cum sic mandatum sit (quoniam sine præjudicio necessitatis), ut aut hoc

<sup>1</sup> Lov., *undecim*. At MSS. In hoc Apostoli testimonio habent constanter, *duodecim*; consentientibus hic loci editionibus Rat. et Er., licet iidem MSS. codices paulo post ferant, *cum illis undecim*.

solum, aut hoc primum expectaretur fieri debuisse. Procul dubio ergo quoniam vox est ista non Evangelistæ narrantis quod ita factum sit, sed angeli ex mandato Domini et ipsius postea Domini, Evangelistæ autem narrantis, sed quod ita ab angelo et a Domino dictum sit, propheticæ dictum accipiendum est. Galilæa namque interpretatur vel Transmigratio, vel Revelatio. Prius itaque secundum transmigrationis significationem, quid aliud occurrit intelligendum, *Præcedit vos in Galilæam; ibi eum videbitis*; nisi quia Christi gratia de populo Israel transmigratura erat ad Gentes? Quibus Apostoli prædicatorum Evangelium nullo modo crederentur, nisi eis ipse Dominus viam in cordibus hominum præpararet: et hoc intelligitur, *Præcedit vos in Galilæam*. Quod autem gaudentes mirarentur disruptis et evictis difficultatibus, aperiri sibi ostium in Domino per illuminationem fidelium; hoc intelligitur, *ibi eum videbitis*, id est, ibi ejus membra invenietis, ibi vivum corpus ejus in iis qui vos suscepient agnoscentis. Secundum illud autem quod Galilæa interpretatur Revelatio, non jam in forma servi intelligendum est, sed in illa in qua æqualis est Patri (*Philipp. ii, 6, 7*): quam promisit apud Joannem dilectoribus suis, cum diceret, *Et ego diligam eum, et ostendam me ipsum illi* (*Joan. xiv, 21*). Non utique secundum id quod jam videbant, et quod etiam resurgens cum cicatricibus, non solum videndum, sed etiam tangendum postmodum ostendit: sed secundum illam ineffabilem lucem, qua illuminat omnem hominem venientem in hunc mundum, secundum quam luet in tenebris, et tenebræ eum non comprehendunt (*Id. i, 9, 5*). Illuc nos præcessit, unde ad nos veniens non recessit, et quo nos præcedens non deseruit. Illa erit revelatio tanquam vera Galilæa, cum similes ei erimus; ibi eum videbimus sicuti est (*I Joan. iii, 2*). Ipsa erit etiam beatior transmigratio ex isto sæculo in illam æternitatem, si ejus præcepta sic amplectamur, ut ad ejus dexteram segregari mereamur. Tunc enim ibunt sinistri in combustionem æternam, justi autem in vitam æternam (*Matth. xxv, 33, 46*). Hinc illuc transmigrabunt, et ibi eum videbunt, quomodo non vident impii. Tolletur enim impius, ut non videat claritatem Domini (*Isai. xxvi, 10*): et impii lumen non videbunt. *Hæc est autem*, inquit, *vita æterna, ut cognoscant te unum verum Deum, et quem misisti Iesum Christum* (*Joan. xvii, 5*); sicut in illa æternitate cognoscetur, quo servos perducet per formam servi, ut liberi contemplentur formam Domini.

## LIBER QUARTUS.

De iis quæ peculiaria sunt Marci, Luce et Joannis.

PROLOGUS. -- 1. Nunc quoniam Matthæi narrationem contextim considerantes, et ei tres alios conserentes usque in finem, in nullo eos vel sibi vel inter se repugnare docuimus, Marcum similiter videamus; ut exceptis iis quæ cum Matthæo dixit, de quibus jam quod disserendum videbatur absolvimus, cetera ejus in-

specta atque collata, nulli eorum repugnare monstrantur usque ad coenam Domini. Nam inde jam omnia omnium quatuor quemadmodum sibi convenient usque in finem considerata tractavimus.

CAPUT PRIMUM. -- *In Evangelio Marci, exceptis his quæ cum Matthæo dixit, quomodo nulla repugnantia*

demonstretur ab initio usque ad illud ubi ait, Et ingrediuntur Capharnaum, et statim sabbatis docebat eos : quod cum Luca dicit.

2. Sic ergo incipit Marcus : *Initium Evangelii Jesu Christi Filii Dei, sicut scriptum est in Isaia propheta, etc., usque ad illud ubi ait, Et ingrediuntur Capharnaum, et statim sabbatis ingressus synagogam docebat eos (Marc. i, 1-21).* In hac tota contextione omnia superiora cum Mattheo considerata sunt : hoc autem Marcus quia ingressus Capharnaum in synagogam eorum docebat eos sabbatis, cum Luca dixit (*Luc. iv, 31*) ; sed nihil habet quæstionis.

CAPUT II.—*De homine a quo spiritus immundus ejec-  
tus est convexans eum, quomodo Lucæ qui hoc cum  
eo dixit, non repugnet.*

3. Sequitur Marcus, et dicit : *Et stupebant super doctrinam ejus : erat enim docens eos quasi potestatem habens, et non sicut Scribæ. Et erat in synagoga eorum homo in spiritu immundo, et exclamavit, dicens : Quid nobis et tibi, Jesu Nazarene? venisti perdere nos, etc., usque ad cum locum ubi ait, Et erat prædicans in synagogis eorum, et in omni Galilæa, et dæmonia ejiciens (Marc. i, 22-39).* Et in hoc toto loco quamvis sint quedam, que cum solo Luca dixit, tamen jam tractata sunt, cum Matthæi narrationem continuam teneremus ; quia in ipsum ordinem sic incurserant, ut ea pretermittenda non arbitrarer. Sed Lucas de spiritu immundo ait quod sic exierit ab homine, ut nihil ei noceret : Marcus autem, *Et discerpens eum, inquit, spiritus immundus, exclamans voce magna, exit ab eo.* Potest ergo videri contrarium : quomodo enim *discerpens*, vel, sicut aliqui codices habent, *convexus eum*, cui nihil nocuit secundum Lucam ? Sed et ipse Lucas, *Et cum projecisset illum, inquit, dæmonium in medium, exiit ab illo, nihilque ei nocuit (Luc. iv, 33-35)*. Unde intelligitur hoc dixisse Marcum, *con-  
vexus eum, quod Lucas dixit, cum projecisset cum in medium : ut quod secutus ait, nihilque ei nocuit, hoc intelligatur, quia illa jactatio membrorum atque vexatio non eum debilitavit, sicut solent exire dæ-  
monia, etiam quibusdam membris amota vexatione elisis*<sup>1</sup>.

CAPUT III.—*De nomine Petri, quomodo etiam at-  
que etiam commendetur, non repugnare Joanni, qui  
dixit quando hoc nomen accepit.*

4. Sequitur idem Marcus : *Et venit ad eum leprosus deprecans eum, et genu flexo dixit : Si vis, potes me mundare, etc., usque ad illud ubi ait, Et clamabant dicen-  
tes : Tu es filius Dei. Et vehementer comminabatur eis ne manifestarent illum (Marc. i, 40; iii, 12).* Huic quod ultimum posuimus simile aliquid et Lucas dicit, sed sine aliqua repugnantia quæstione (*Luc. iv, 41*). Sequitur Marcus : *Et ascendens in montem vocavit ad se quos voluit ipse, et venerunt ad eum : et fecit ut essent duodecim cum illo, et ut mitteret eos prædicare ; et de-  
dit illis potestatem curandi infirmitates, et ejiciendi dæ-  
monia. Et imposuit Simoni nomen Petrus, etc., usque*

ad illud ubi ait, *Et abiit, et cœpit prædicare in Deca-  
poli quanta sibi fecisset Jesus, et omnes mirabantur (Marc.  
iii; v, 20).* De nominibus discipulorum jam et antea me locutum scio, cum Matthæi sequerer ordinem (*Supra, lib. 2, c. 17 et 53*) ; et hic rursus admoneo, ne quisquam putet nunc accepisse nomen Simonem, ut Petrus vocaretur, et sit contrarium Joanni qui longe ante illi dictum esse commemorat, *Tu vocaberis Cephas, quod interpretatur Petrus (Joan. i, 42)* : ipsa enim verba Domini commemoravit, quibus ei nomen imposuit ; Marcus autem hoc loco id recapitulando commemoravit, cum ait, *Et imposuit Simoni nomen Petrus.* Cum enim vellet nomina duodecim Apostolorum enumerare, et necesse haberet Petrum dicere, breviter insinuare voluit quod non hoc antea vocaretur, sed hoc ei Dominus nomen imposuerit, non tunc, sed quando Joannes ipsa verba Domini posuit. Cetera nihil cuiquam repugnat, et antea jam pertractata sunt.

CAPUT IV.—*Quod dixit, Quanto magis eis præci-  
piebat ut tacerent, tanto magis plus dicebant, quo-  
modo non repugnet præscientiæ ipsius, quæ in Evan-  
gelio commendatur.*

5. Sequitur Marcus : *Et cum transcendisset Jesus in navi rursus trans fretum, convenit turba multa ad illum, et erat circa mare, etc., usque ad illud ubi ait, Et conve-  
nientes Apostoli ad Iesum, renuntiaverunt illi omnia quæ egerant et docuerant (Marc. v, 21; vi, 30).* Hoc ultimum dixit cum Luca, nihil discordans (*Luc. ix, 10*) : cetera jam ante tractata sunt. Sequitur Marcus : *Et ait illis : venite seorsum in desertum locum, et requie-  
scite pusillum, etc., usque ad illud ubi ait, Quanto au-  
tem eis præcipiebat, tanto magis plus prædicabant, et co-  
amplius admirabantur, dicentes : Bene omnia fecit ; et sur-  
dos fecit audire, et mutos loqui (Marc. vi, 31, vii, 57).* In his cum Luca Marcus nihil est quod repugnare videatur : et superiora omnia jam consideravimus, quando eos Mattheo conferebamus. Sed cavendum est ne quisquam arbitretur, hoc quod in ultimo ex Evangelio Marci posui, repugnare omnibus qui eum aliis ejus plerisque factis et dictis ostendunt scisse quid ageretur in hominibus, id est, quod eum cogitationes et voluntates eorum latere non poterant : sicut apertissime Joannes dicit, *Ipse autem Jesus non credebat semet-  
ipsum eis, eo quod ipse nosset omnes, et quia opus ei non  
erat ut quis testimonium perhiberet de homine : ipse enim  
sciebat quid esset in homine (Joan. ii, 24-25).* Sed quid mirum si præsentes hominum voluntates videbat, qui etiam futuram<sup>1</sup> Petro prænuntiavit, quam tune utique non habebat, quando pro illo vel cum illo paratum se mori præsumebat (*Math. xxvi, 35-55*) ? Quæ cum ita sint, quomodo huic ejus tantæ scientiæ et præscien-  
tiæ non est contrarium quod Marcus dicit, *Præcepit il-  
lis ne cui dicerent : quanto autem eis præcipiebat, tanto  
magis plus prædicabant?* Si enim sciebat eos, sicut ille qui notas habebat et præsentes et futuras hominum

<sup>1</sup> MSS. septem, membris amputatis aut evulsis. Alii, aut eiisis.

<sup>1</sup> Editi, futuram negationem. At MSS. non addunt, negationem, cuius loco subaudiendum est, voluntatem.

voluntates, tanto magis prædicaturos, quanto magis ne prædicarent eis præcipiebat; ut quid hoc præcipiebat? Nisi quia pigris volebat ostendere, quanto studiosius quantoque ferventius cum prædicare debeant, quibus jobet ut prædicent, quando illi qui prohibebant, tacere non poterant.

CAPUT V. — *De quo suggestit Joannes, quod in nomine ejus ejiceret dæmonia non sociatus discipulis, et dixit, Nolite prohibere eos: qui enim contra vos non est, pro vobis est; quomodo non repugnet illi sententiæ ubi ait, Qui non est mecum, adversus me est.*

6. Sequitur Marcus: « In illis diebus iterum cum turba multa esset<sup>1</sup>, nec haberent quod manducarent, » etc., usque ad illud ubi ait, « Respondit illi Joannes dicens: Magister, vidimus quemdam in nomine tuo ejicientem dæmonia, qui non sequitur nobiscum, et prohibuimus eum. Jesus autem ait: Nolite prohibere eum: nemo est enim qui faciat virtutem in nomine meo, et possit cito male loqui de me; qui enim non est adversum vos, pro vobis est» (*Marc. viii, 1; ix, 39*). Hoc Lucas similiter narrat (*Luc. ix, 49, 50*), nisi quod ipse non dicit, « Nemo est enim qui faciat virtutem in nomine meo, et possit cito male loqui de me: » nulla est ergo inter eos quæstio cuiusquam repugnantiae. Sed videndum est ne hoc illi sententiæ Domini putetur contrarium ubi ait, *Qui mecum non est, adversus me est; et qui mecum non colligit, spargit* (*Matth. xii, 30*, et *Luc. xi, 23*). Quomodo enim iste non erat adversus eum, qui cum illo non erat, de quo Joannes suggestit quod cum illis eum non sequebatur, si adversus illum est qui non est cum illo? aut si adversus illum erat, quomodo dicit discipulis, *Nolite prohibere: qui enim non est adversus vos, pro vobis est?* An hoc interesse aliquis dicit, quia hic discipulis ait, *Qui non est adversus vos, pro vobis est;* ibi autem de seipso locutus est, *Qui mecum non est, adversus me est?* Quasi vero possit cum illo non esse qui discipulis ejus tanquam membris ejus sociatur: alioquin quomodo verum erit, *Qui vos recipit, me recipit* (*Matth. x, 40*); et, *Quando uni ex minimis meis fecisti, mihi fecisti* (*Id. xxv, 40*)? aut potest etiam non esse adversus eum, qui fuerit adversus discipulos ejus? Nam ubi crit illud, *Qui vos spernit, me spernit* (*Luc. x, 16*); et, *Quando uni ex minimis meis non fecisti, neque mihi fecisti* (*Matth. xxv, 45*)? et, *Saule, Saule, quid me persequeris* (*Act. ix, 4*)? cum discipulos ejus persequeretur? Sed nimis hoc vult intelligi, in tantum cum illo non esse aliquem, in quantum est adversus illum; et in tantum adversus illum non esse, in quantum cum illo est. Exempli gratia, sicut iste ipse qui in nomine Christi virtutes faciebat et in societate discipulorum Christi non erat, in quantum operabatur virtutes in illius nomine, in tantum cum ipsis erat, et adversus eos non erat; in quantum vero eorum societati non adhærebat, in tantum cum ipsis non erat, et adversus eos erat. Sed quia illi hoc eum facere prohibuerant, in quo cum ip-

sis erat, dixit eis Dominus, *Nolite prohibere.* Illud enim prohibere debuerunt, quod extra eorum erat societatem, ut illi unitatem Ecclesie suadent; non illud in quo cum illis erat, nomen scilicet Magistri et Domini eorum in dæmoniorum expulsione commendans. Sicut catholica Ecclesia facit, non improbars in hæreticis Sacraenta communia; in his enim nobiscum sunt, et adversus nos non sunt: sed improbat et prohibet divisionem ac separationem, vel aliquam adversam paci veritatique sententiam; in hoc enim adversus nos sunt, quia in hoc nobiscum non sunt, et nobiscum non colligunt, et ideo spargunt.

CAPUT VI. — *Quod in occasione hujus qui in nomine Christi ejiciebat dæmonia, quamvis cum discipulis non sequeretur, Marcus amplius quam Lucas Dominum dixisse narravit, quomodo ostendatur ad hoc ipsum pertinere quod illum in nomine suo virtutem facientem vetuit prohiberi.*

7. Sequitur Marcus et dicit: « Quisquis enim potum dederit vobis calicem aquæ in nomine meo, quia Christi estis, amen dico vobis, non perdet mercedem suam. Et quisquis scandalizaverit unum ex his pusillis credentibus in me, bonum est ei magis si circumdaretur mola asinaria collo ejus, et in mare mittetur. Et si scandalizaverit te manus tua, abscide illam: bonum est tibi debilem introire in vitam, quam duas manus habentem ire in gehennam, in ignem inextinguibilem: ubi vermis eorum non moritur, et ignis non extinguitur, » etc., usque ad illud ubi ait, « Habete in vobis saltem, et pacem habete inter vos » (*Marc. ix, 40-49*). Hæc Marcus Dominum locutum, posteaquam illum qui in nomine ejus ejiciebat dæmonia et cum discipulis non eum sequebatur, vetuit prohiberi, contextim commemorat; aliqua ponens quæ nullus alias Evangelistarum posuit, aliqua vero quæ Matthæus quoque posuit, et aliqua itidem quæ et Matthæus et Lucas: sed illi ex aliis occasionibus, et alio rerum ordine, non hoc loco ubi de illo suggestum est, qui cum discipulis Christi non eum sequebatur, et dæmonia in ejus nomine ejiciebat. Unde mihi videtur etiam hoc loco Dominus secundum Marci fidem ideo dixisse quæ aliis etiam locis dixit, quia satis pertinebant ad hanc ipsam ejus sententiam, qua vetuit prohiberi virtutes in nomine suo fieri, etiam ab illo qui cum discipulis cum non sequebatur. Sic enim contextit: *Qui enim non est adversus vos, pro vobis est: quisquis enim potum dederit vobis calicem aquæ in nomine meo, quia Christi estis, amen dico vobis, non perdet mercedem suam.* Unde ostendit etiam illum de quo Joannes suggesterat, et unde iste ejus sermo exortus est, quod non ita separabatur a societate discipulorum, ut eam tanquam hæreticus improbaret: sed sicut solent homines nondum audere Christi suscipere Sacraenta, et tamen nomini favere christiano, ita ut Christianos etiam suscipiant, et non ob aliud eis, nisi quia christiani sunt, obsequantur, de qualibus dicit, quod non perdunt mercedem suam. Non quia jam tuti atque securi sibi debent videri ex hac benevolentia, quam erga Christianos habent, etiamsi Christi baptismos non

<sup>1</sup> In editis addebatur, *cum Iesu*: quod a MSS. et a sacris Bibliis absens.

abulantur, nec unitati ejus incorporentur : sed quia ita jam Dei misericordia gubernantur, ut ad ea<sup>1</sup> quoque perveniant, atque ita securi de hoc saeculo abscedant. Qui profecto, et priusquam Christianorum numero socientur, utiliores sunt, quam ii qui cum iam christiani appellantur, et christianis Sacramentis imbuti sint, talia suadent, ut quibus ea persuaserint secum in eternam poenam pertrahant : quos membrorum corporalium nomine tanquam manum vel oculum scandalizantem jubet erui a corpore, hoc est ab ipsa unitatis societate, ut sine his potius veniatur ad vitam, quam cum eis eatur in gehennam. Hoc ipso autem separantur a quibus separantur, quod eis mala suadentibus, hoc est scandalizantibus non consentitur. Et si quidem omnibus bonis, cum quibus eis societas est<sup>2</sup>, etiam de hac perversitate innotescunt, ab omnium penitus societate, atque ab ipsa divinorum Sacramentorum participatione separantur : si autem quibusdam ita noti sunt, pluribus autem ista eorum est ignota perversitas; ita tolerandi sunt, sicut ante ventilationem palea toleratur in area, ut neque illis ad iniquitatis communionem consentiatur, neque propter illos bonorum societas deseratur : hoc faciunt qui habent in seipsis salem, et pacem habent inter se.

**CAPUT VII.** — *Hinc usque ad coenam Domini unde omnia omnium considerari coepérunt, nullam de Marco questionem esse tractatam.*

8. Sequitur Marcus : *Et inde exsurgens venit in fines Iudeæ ultra Jordanem, et conveniunt iterum turbae ad eum, et sicut consueverat iterum docebat illos, etc., usque ad illud ubi ait, Omnes enim ex eo quod abundabat illis miserunt : hæc vero de penuria sua omnia quæ habuit misit, totum victimum suum (Marc. x, 4; xii, 44).* In hac tota contextione omnia superiora considerata sunt, ne quid viderentur habere contrarium, quando cum Matthæi ordine cæteros conferebamus : hoc autem de vidua paupercula quæ duo minuta misit in gazophylacium, duo soli dicunt, Marcus et Lucas (Luc. xxi, 1-4), sed sine ulla quæstione concordant. Hinc jam usque ad coenam Domini, unde omnium omnia considerata tractavimus, non dicit et Marcus quod cogat cum aliquo comparari, ad inquirendum ne quid repugnare videatur.

**CAPUT VIII.** — *De Lucæ Evangelio, quomodo principium ejus congruat principio libri Actuum Apostolorum.*

9. Nunc ergo deinceps Lucæ Evangelium ex ordine pertractemus, exceptis eis quæ habet cum Matthæo Marcoque communia ; quoniam illa jam omnia pertractata sunt. Sic ergo incipit Lucas : *Quoniam quidem multi conati sunt ordinare narrationem quæ in nobis completæ sunt rerum, sicut tradiderunt nobis qui ab initio ipsi viderunt et ministri fuerunt sermonis : r̄sum est et mihi assecuto a principio omnibus<sup>3</sup> diligenter*

*ex ordine tibi scribere, optime Theophile, ut cognoscas eorum verborum, de quibus eruditus es, veritatem (Luc. i, 1-4).* Hoc principium ad Evangelii narrationem nondum pertinet. Admonet autem ut neverimus eundem Lucam etiam illum librum scripsisse, qui Actus Apostolorum vocatur, non solum quia Theophilus nomen etiam illuc inest ; nam posset fieri, ut et alius aliquis Theophilus esset, et si idem ipse esset, ab alio ad illum aliquid scriberetur, sicut a Luca Evangelium : sed quia et ibi ita exorsus est ut diceret, *Primum quidem sermonem feci de omnibus, o Theophile, quæ capít Jesus facere et docere, usque in diem quo Apostolis quos elegit per Spiritum sanctum mandans jussit prædicare Evangelium (Act. i, 1 et 2)* ; dedit intelligi quod jam scripsit Evangelii librum unum ex quatuor, quorum est in Ecclesia sublimis auctoritas. Nec ideo quia dixit de omnibus se fecisse sermonem, quæ cœpit Jesus facere et docere usque in diem quo mandavit Apostolis, putari debet omnia scripsisse in Evangelio suo quæ Jesus cum Apostolis in terra versatus fecit et dixit ; ne sit contrarium Joanni, qui ait multa alia fecisse Jesum, quæ si scriberentur, mundum totum non potuisse capere illos libros (Joan. xxi, 25) : cum etiam constet ab aliis evangelistis non pauca narrata, quæ Lucas ipse narrando non attigit. De omnibus ergo facit sermonem, eligendo de omnibus unde faceret sermonem, quæ judicavit apta et congrua sufficere officio dispensationis suæ. Et quod dicit multos conatos ordinare narrationem, quæ in nobis completæ sunt rerum, videtur significare nonnullos, qui non potuerunt hoc susceptum munus implere : ideo autem dicit sibi visum esse ex ordine diligenter scribere, quoniam multi conati sunt ; sed eos debemus accipere, quorum in Ecclesia nulla existat auctoritas, quia id quod conati sunt, implere, minime potuerunt. Iste autem non solum usque ad resurrectionem assumptionemque Domini perduxit narrationem suam, ut in quatuor auctoribus evangelicæ Scripturæ dignum labore suo haberet locum : verum etiam deinceps quæ per Apostolos gesta sunt, quæ sufficere credidit ad edificandam fidem legentium vel audientium, ita scripsit, ut solus ejus liber fide dignus haberetur in Ecclesia de Apostolorum actibus narrantis, reprobatis omnibus qui non ea fide qua oportuit, facta dictaque Apostolorum ausi sunt scribere. Eo quippe tempore scripserunt Marcus et Lucas, quo non solum ab Ecclesia Christi, verum etiam ab ipsis adhuc in carne manentibus Apostolis probari potuerunt.

**CAPUT IX.** — *Quomodo ostendatur, quod de piscibus captis Lucas commemoravit non pertinere ad illud quod videtur simile Joannes narrasse post Domini resurrectionem, atque inde jam usque ad coenam Domini, unde omnium omnia usque in finem considerata sunt, nullam etiam ex Evangelio Lucæ tractatam esse questionem.*

10. Sic ergo narrare Lucas incipit Evangelium : *Fuit in diebus Herodis, regis Iudeæ, sacerdos quidam nomine Zacharias, de vice Abia ; et uxor illi de filiabus*

<sup>1</sup> Ita in aliquot MSS. At in editis, quo apostolos elegit.

<sup>2</sup> In plerisque MSS., notitia est.

<sup>3</sup> MSS. quatuor, *omnia*. Ceteri cum editis habent, *omnibus* : sic etiam antiqua Corbeiensis Biblia; juxta græcum, p̄sin.

*Aaron, et nomen ejus Elisabeih, etc., usque ad eum locum ubi ait, Ut cessavit autem loqui, dixit ad Simonem : Duc in altum, et laxate retia vestra in capturam (Luc. 1, 5; v. 4).* Hoc totum non habet ullam repugnantiae questionem. Joannes quidem videtur simile aliquid dicere, sed illud longe aliud est, quod factum est post resurrectionem Domini ad mare Tiberiadis (Joan. xxi, 1-11). Ibi enim non solum ipsum tempus valde diversum est, sed etiam res ipsa plurimum di- stat. Nam retia illuc in dexteram partem missa, cunctum quinquaginta tres pisces ceperunt; magnos quidem: sed pertinuit ad Evangelistam dicere, quod cum tam magni essent, retia non sunt disrupta, respicientem scilicet ad hoc factum, quod Lucas commemorat, ubi praे multitudine piscium retia rumpabantur. Jam cætera similia Joanni Lucas non dixit, nisi circa Domini passionem et resurrectionem: qui totus locus a cœna ipsius usque ad finem sic a nobis tractatus est, ut omnium collatis testimoniis nihil eos dissentire doccreamus.

CAPUT X. — *De Joanne evangelista, quid a cæteris tribus distet.*

41. Joannes est reliquus, qui jam non restat cui conferatur. Quidquid enim singuli dixerunt, que ab aliis non dicta sunt, difficile est ut habeant aliquam repugnantiae questionem. Ac per hoc liquido constat tres istos, Matthæum scilicet, Marcum et Lucam, maxime circa humanitatem Domini nostri Iesu Christi esse versatos, secundum quam et rex et sacerdos est. Et ideo Marcus, qui in illo mysterio quatuor antimallum (Apoc. iv, 6, 7), hominis videtur demonstrare personam, vel Matthæi magis comes videtur, quia cum illo plura dicit propter regiam personam quæ incomitata esse non solet, quod in primo libro commemoravi (Lib. 1, cap. 3); vel quod probabilius intelligitur, cum ambobus incedit. Nam quamvis Matthæo in pluribus, tamen in aliis nonnullis Luce magis con- gruit: ut hoc ipso demonstretur ad leonem et ad vitulum, hoc est, et ad regalem quam Matthæus, et ad sacerdotalem quam Lucas insinuat personam, id quod Christus homo est, pertinere, quam figuram Marcus gerit pertinens ad utrumque. Divinitas vero Christi qua æqualis est Patri, secundum quod Verbum est et Uetus apud Deum, et Verbum caro factum ut habitaret in nobis (Joan. 1, 11-4), secundum quod ipse et Pater unus sunt (Id. x, 50), a Joanne maxime commendanda suscepta est; qui sicut aquila in his quæ Christus sublinius locutus est, immoratur, nec in terram quodammodo nisi raro descendit. Denique quamvis matrem Christi se nosse plane testetur, tamen nec in ejus nativitate cum Matthæo et Luca aliquid dicit, nec ejus baptismum cum tribus commemorat, sed tantummodo ibi testimonium Joannis alte sublimiterque commendans, relictis eis pergit cum illo ad nuptias in Cana Galilææ: ubi quamvis ipse Evangelista matrem ejus fuisse commorem, ille tamen dicit, *Quid mihi et tibi est, mulier* (Id. ii, 1-11)? non repellens de qua suscepit carnem, sed suam tunc maxime insinuans divinitatem, quam conversurus in vinum: quæ divi-

nitas illam etiam feminam fecerat, non in illa facta erat.

12. Inde post paucos dies factos in Capharnaum, redit ad templum, ubi eum commemorat dixisse de templo corporis sui, *Solvite templum hoc, et in tribus diebus excitabo illud* (*Ibid.*, 12-22): ubi maxime insinuat non solum quia Deus erat in templo Verbum caro factum; verum etiam, quia eandem carnem ipse resuscitavit, non utique nisi secundum id quod unus est cum Patre, nec separabiliter operatur: cum ceteris locis fortassis omnibus Scriptura non dicat, nisi quod Deus illum suscitaverit; nec alicubi sic expressum est, quod cum Deus resuscitarit Christum, etiam ipse se resuscitavit, quia cum Patre unus Deus est, sicut hoc loco ubi ait, *Solvite templum hoc, et in tribus diebus suscitabo illud*.

13. Inde cum illo Nicodemo quam magna, quam divisa locutus est! Inde rursus pergit ad testimonium Joannis, et commendat amicum sponsi non gaudere nisi propter vocem sponsi. Ubi admonet animam humnam non de seipso sibi lucere, nec beari, nisi incomutabilis participatione sapientiae. Inde ad mulierem Samaritanam, ubi commemoratur aqua unde qui bibet non sitiet in æternum. Inde rursus in Cana Galilee, ubi fecerat de aqua vinum: ubi eum commemorat dixisse regulo, cuius filius infirmabatur, *Nisi signa et prodigia videritis, non creditis* (*Id. iii, 1-iv, 54*); usque adeo super omnia mutabilia volens mentem credentis attollere, ut nec ipsa miracula, que quamvis divinitus de mutabilitate corporum sint, a fidelibus queri velit.

14. Inde Jerosolymam redit; sit sanus triginta octo annorum languidus. Ex hac occasione quæ dicuntur! quain diu dicuntur! Ibi dictum est, *Quærebant eum Judæi interficere, quia non solum solvebat sabbatum, sed et patrem suum dicebat Deum, æqualem se faciens Deo*: ubi satis ostenditur quam non usitate, sicut solent sancti homines dicere, dixerit patrem suum Deum, sed quod ei sit æqualis insinuans: quippe paulo superius dixerat eis de sabbato calumniantibus, *Pater meus usque modo operatur, et ego operor*. Ibi exarserunt, non quia patrem suum diceret Deum; sed quod ei æqualis vellet intelligi, dicendo, *Pater meus usque modo operatur, et ego operor*: consequens esse ostendens, ut quoniam Pater operatur, et Filius operetur; quia Pater sine Filio non operatur. Ibi enim et paulo post ait, jam illis ob hoc irascentibus, *Quæcumque enim ille fecerit, hæc et Filius similiter facit* (*Id. v*).

15. Inde tandem descendit Joannes ad illos tres cum eodem Domino in terra gradientes, ut quinque millia hominum panibus quinque pascantur: ubi tamen solus commemorat quod cum veleant eum regem facere, solus fugit in montem. Quia in re nihil milii aliud videtur animam rationalem commonere voluisse, nisi eo se nostræ menti rationique regnare, quo est in excelsis, nulla cum hominibus communione naturæ, solus, quia unicus Patri: hoc autem mystrium deorsum repentes carnales homines fugit, quia

valde sublimis est; unde illos et ipse fugit in montem, qui regnum ejus terreno animo requirebant; unde et alibi dicit, *Regnum meum non est de hoc mundo* (*Joan. xviii*, 36): neque etiam hoc nisi Joannes ipse commemorat, volatu quodammodo aethereo supereminens terris, et gaudens luce solis justitiae. Ab illo itidem monte post miraculum de quinque panibus factum, cum iisdem tribus paululum remoratus, donec mare transissent, quando ambulavit super aquas, continuo rursus se in verbum Domini attollit, quam magnum, quam prolixum, quam diu supernum et excelsum, ex occasione panis exortum, cum dixisset turbis, *Amen, amen dico vobis, quæritis me, non quia signa vidistis, sed quia edistis de panibus, et satiati estis: operamini non cibum qui perit, sed qui permanet in vitam aeternam*: et inde jam talia diutissime atque excelsissime. Tunc ab ista verbi celsitudine ceciderunt, qui post eum deinceps non ambulaverunt; cui sane inhaeserunt, qui potuerunt intelligere, *Spiritus est qui vivificat, caro autem nihil prodest* (*Id. vi*): quia utique et per carnem spiritus prodest<sup>1</sup>; et solus spiritus prodest; caro autem sine spiritu nihil prodest.

**46.** Deinde suis fratribus, id est cognatis carnis suæ, suggesteribus ut ascendat ad diem festum, quo possit innotescere multitudini; quanta altitudine respondit, *Tempus meum nondum advenit; tempus autem vestrum semper est paratum. Non potest mundus odisse vos; me autem odit, quia ego testimonium perhibeo de illo, quia opera ejus mala sunt!* Hoc est ergo, *Tempus vestrum semper est paratum*, quia vos diem istum concupiscitis, de quo propheta dicit, *Ego autem non laboravi subsequens te, Domine: et diem hominis non concupi; tu scis* (*Jerem. xvii*, 16): hoc est volare ad lucem Verbi, et concupiscere illum diem quem videre concupivit Abraham, et vidit, et gavisus est (*Joan. viii*, 56). Inde jam ad diem festum cum ascendisset in templum, que illum Joannes locutum esse commemorat, quam mirabilia, quam divina, quam excelsa! quod ipsi venire non possent quo esset iterus; quod et ipsum nossent, et unde esset scirent; et esset verus qui eum miserit, quem illi nescirent: tanquam dicerebant, *Et unde sim scitis, et unde sim nescitis.* Quo quid aliud voluit intelligi, nisi secundum carnem notum se illis esse potuisse, et gentem, et patriam<sup>2</sup>; secundum divinitatem autem incognitum? Ibi etiam de dono Spiritus sancti locutus, ostendit quis esset, quando munus altissimum dare potuisset (*Id. vii*).

**47.** Rursus illuc de Oliveti monte regredientem, que et quanta narrat locutum, post veniam illi adulterorum datum, que velut lapidanda oblata illi a tentatoribus fuerat; quando digito scribebat in terra, tanquam illos tales in terra scribendos significaret, non in caelo, ubi monuit discipulos se scriptos esse gaudenter (*Luc. x*, 20); aut quod se humiliando, quo!

<sup>1</sup> Sic in septuaginta MSS. At in editis, et carni spiritus prodest.

<sup>2</sup> Fr. Lügl. Ven. Lov., et gente et patria. M.

capitis inclinatione monstrabat, signa in terra faceret; aut quod jam tempus esset ut in terra que fructum daret, non in lapide sterili, sicut antea, lex ejus conserberetur! Ergo post hanc lucem mundi se dixit, et qui eum sequeretur non ambulaturum in tenebris, sed habiturum lucem vitae. Dixit etiam se esse principium, quod et loqueretur eis. Quo nomine utique se distinxit ab illa luce quam fecit, tanquam lux per quam facta sunt omnia: ut illud quod se dixerat lucem mundi, non sic acciperetur quemadmodum discipulis ait, *Vos estis lux mundi.* Illi enim tanquam lucerna, que non est ponenda sub modio, sed super candelabrum (*Matth. v*, 14, 15), sicut et de Joanne Baptista, *Ille erat, inquit, lucerna ardens et lucens* (*Joan. v*, 35): sed ipse sicut principium, de quo dictum est, *Nos omnes de plenitudine ejus accepimus* (*Id. i*, 16). Ibi dixit se Filium esse veritatem<sup>1</sup>, quæ nisi liberaverit, nemo erit liber (*Id. viii*, 4-56).

**48.** Inde posteaquam illuminavit a nativitate cœcum, ex ipsa occasione in prolixo ejus sermone demoratur Joannes, de ovibus, et pastore, et janua, et de potestate ponendi animam suam et iterum sumendi eam, in quo excellentissimam potestatem suæ divinitatis ostendit. Inde cum Encarnia in Jerosolymis fierent, commemorat ei dixisse Iudeos: *Quousque animam nostram tollis? si tu es Christus, dic nobis palam.* Atque inde sumpta opportunitate sermonis, que etiam sublimis dixerit, narrat. Ibi dixit, *Ego et Pater unus sumus.* Inde jam resuscitatum ab eo Lazarum prædicat, ubi dixit, *Ego sum resurrectio et vita: qui credit in me, etiam si mortuus fuerit, rivet; et omnis qui vivit et credit in me, non morietur in aeternum.* In quibus verbis quid nisi altitudinem divinitatis ejus agnoscimus, cuius in aeternum participatione vivemus? Inde iterum Joannes occurrit in Bethania Matthæo et Marco (*Matth. xxvi*, 6-13, et *Marc. xiv*, 3-9), ubi factum est illud de unguento pretioso, quo pedes ejus a Maria caputque perfusum est (*Joan. ix*, 4-xii, 8): atque hinc deinceps usque ad passionem et resurrectionem Domini cum tribus Evangelistis Joannes graditur, sed in locis eisdem narratione versante.

**19.** Cæterum quod ad sermones Domini attinet, non cessat se attollere in ea que ille ab hinc etiam sublimiter diuturneque locutus est. Nam et quando eum voluerunt videre Gentiles per Philippum et Andrew, habuit excelsum sermonem, quem aliorum Evangelistarum nullus inseruit: ibi præclara iterum de luce illuminante et lucis filios faciente commemorat (*Id. xii*, 20-50). Deinde in ipsa cena, de qua Evangelistarum nullus tacuit, quam multa et quam excelsa verba ejus Joannes commemorat, que alii tacuerunt! non solum de commendatione humilitatis, quando pedes discipulorum lavit; sed cum expressus per buccellam traditor ejus exisset, remenantibus cum illo undecim, in sermone ipsius mirabiliter suspendo maximeque diuturno idem Joannes inmoratus est, ubi dixit, *Qui vidit me, vidit et Patrem:* ubi multa

<sup>1</sup> Ita omnes Nas. et Er. At Lov., veritatis. Rat., et veritatem.

(Trente-neuf.)

locutus est de Spiritu sancto paracleto quem missus eis erat; et de sua clarificatione quam habuit apud Patrem priusquam mundus esset; et quod unum nos saceret in se, sicut ipse et Pater unum sunt; non ut ipse et Pater et nos unum, sed nos unum sicut ipsi unum: multaque alia mireque sublimia, de quibus disserere sicut dignum est, etiam si essemus idonei, in hoc tamen opere non id nos suscepisse quis non advertat (*Joan. xiii xv*)? quod alibi fortasse reddendum est, hic certe non est expetendum. Commendare quippe volumus amatoribus verbi Dei et studio-  
sis sanctae veritatis, quamvis ejusdem Christi qui verus et verax est, annuntiator atque praedicator Iohannes in Evangelio suo fuerit, cuius et cæteri tres qui scripserunt Evangelium, et cæteri Apostoli qui non quidem ipsam narrationem scribendam suscep-  
perunt, in ea tamen prædicatione sui officii munus impleverunt: longe tamen hunc in Christi altiora sub-  
vectum ab ipso initio libri sui, raro fuisse cum cæteris, id est, primo circa Jordanem propter testimonium Iohannis Baptiste; inde trans mare Tiberiadis, quando turbas de quinque panibus pavit, et super aquas ambulavit; tertio in Bethania, ubi unguento pretioso fidelis feminæ devotione perfusus est; donec inde illis occurreret ad passionis tempus, quod cum eis erat necessario narraturus: ubi tamen ipsam Dominicam cœnam, de qua nullus eorum tacuit, multo opulentius tanquam de cellorio Dominici pectoris, ubi discubere solebat, exhibuit. Ipsum deinde Pilatum verbis altioribus percutit, dicens regnum suum non esse de hoc mundo, regemque se natum, et ad hoc venisse in hunc mundum, ut testimonium perhibeat veritati (*Id. xviii, 36 et 37*). Mariam quoque post resurrectionem mystica altitudine vitans<sup>1</sup>, *Noli me, inquit, tangere: nondum enim ascendi ad Patrem* (*Id. xx, 17*). Discipulis etiam insufflando dedit Spiritum sanctum (*Ibid. 22*), ne ipse Spiritus qui Trinitati con-  
substantialis et coæternus est, tantummodo Patris esse, non etiam Filii Spiritus putaretur.

20. Postremo suas oves Petro se amanu, eumque amorem ter confiteni commendans, dicit eundem Joannem siccse velle manere donec veniat (*Id. xxi, 15 et 23*): ubi etiam mihi videtur alto docuisse mysterio, istam ipsam<sup>2</sup> Iohannis evangelicam dispensationem, qua in lucem liquidissimam Verbi sublimiter fertur, ubi Trinitatis æqualitas et incommutabilitas videri posset, et qua maxime proprietate distet a cæteris homo cuius susceptione Verbum caro factum est, perspicue cerni cognoscique non posse, nisi cum ipse Dominus venerit: ideo sic manebit donec veniat; manebit autem nunc in fide cœlentium, tunc autem facie ad faciem contemplandam erit (*1 Cor. xiii, 12*), cum apparuerit vita nostra, et nos cum ipso apparebimus in gloria (*Coloss. iii, 4*). Quisquis autem arbitratur homini vitam istam mortalem adhuc agenti posse contingere, ut demoto atque discusso omni nubilo phant-

tasiarum corporalium atque carnalium, serenissima incommutabilis veritatis luce potiatur, et mente penitus a consuetudine viæ hujus alienata illi constanter et indeclinabiliter hæreat; nec quid querat, nec quis querat intelligit: credat ergo potius sublimi auctoritati minimeque fallaci, quamdiu sumus in corpore peregrinari nos a Domino, et ambulare per fidem, nondum per speciem (*II Cor. v, 6, 7*); ac sic perseveranter retinens atque custodiens fidem, spem et charitatem, intendat in speciem ex pignore quod accepi-  
mus sancti Spiritus, qui nos docebit omnem veritatem (*Joan. xvi, 13*), cum Deus qui suscitavit Jesum Christum a mortuis, vivificabit et mortalia corpora nostra per inhabitantem Spiritum ejus in nobis (*Rom. viii, 10, 11*). Prius autem quam viviscetur hoc quod mortuum est propter peccatum, procul dubio corruptibile est, et aggravat animam (*Sap. ix, 15*); et si quando adjuta excedit hanc nebulam, qua legitur omnis terra (*Ecli. xxiv, 6*), id est, hanc carnalem caliginem, qua legitur omnis vita terrena, tanquam rapida corusca-  
tione perstringitur, et in suam infirmitatem reddit, vi-  
vente desiderio quo rursus erigatur, nec sufficiente munditia qua figatur. Et quanto quisque hoc magis potest, tanto major est: quanto autem minus, tanto minor. Si autem nihil adhuc tale mens hominis ex-  
perta est, in qua tamen habitat Christus per fidem, instare debet minuendis finiendisque cupiditatibus hujus sæculi, moralis virtutis actione, tanquam in comitatu trium illorum Evangelistarum cum mediatore Christo ambulans: eumque qui Filius Dei semper est, propter nos filium hominis factum, ut sempiterna virtus ejus et divinitas nostræ infirmitati et mortalitati contemporata de nostro nobis in se atque ad se faceret viam, cum magna spei lætitia fideliter teneat. Ne peccet, a rege Christo regatur; si forte peccaverit, ab eodem sacerdote Christo expietur: atque ita in actione bonæ conversationis et vite nutritus<sup>3</sup>, pennis geminæ dilectionis tanquam duabus aliis validis evectus a terris, ab eodem ipso Christo Verbo illumi-  
netur, Verbo quod in principio erat, et Verbum apud Deum erat, et Verbum Deus erat (*Joan. i, 1*); etsi per speculum et in ænigmate, longe tamen sublimius ab omni similitudine corporali. Quapropter, quamvis in illis tribus activæ, in Iohannis autem Evangelio dona contemplativæ virtutis eluceant eis qui hæc dignoscere sunt idonei; tamen et hoc Iohannis, quoriam ex parte est, sic manebit donec veniat quod perfectum est (*1 Cor. xiii, 12, 9, 10*). Et alii quidem datur per Spi-  
ritum sermo sapientiae, alii sermo scientiae secundum eundem Spiritum (*Id. xii, 8*); alius diem Domini sapit (*Rom. xiv, 6*), alius de pectore Domini liquidius aliquid bibit, alius levatus usque ad tertium cœlum, ineffabilia verba audit (*II Cor. xii, 2-4*): omnes tamen, quamdiu sunt in corpore, peregrinantur a Domino (*Id. v, 6*); et omnibus bonæ spei fidelibus in libro vite scriptis servatur quod dictum est, *Et ego diligam eum,*

<sup>1</sup> Er. Lov. et MSS., *ristans*. Sed melius editio Pat., *vitans*.

<sup>2</sup> Duo MSS., *secretam ipsam*. Paulus post MSS. tres et Pat., *verbi sublimitate fertur*.

<sup>3</sup> In septem MSS. probæ note et apud Eusebium, *mariis pennis*.

*et ostendam me ipsum illi (Joan. xiv, 21). Verumtamen in hac peregrinatione quantum in rei hujus intelligentia vel scientia quisque profecerit, tanto magis caveat diabolica vita, superbiam et invidentiam. Meminerit hoc ipsum Evangelium Joannis quam multo amplius erigit ad contemplationem veritatis, tam multo*

amplius præcipere de dulcedine charitatis. et quia illud præceptum verissimum ac saluberrimum est, *Quanto magnus es, tanto humili te in omnibus (Eccl. iii, 20); qui evangelista Christum longe cæteris altius commendat, apud eum discipulis pedes lavat (Joan. xiii, 5).*

## ADMONITIO

IN SUBSEQUENTES LIBROS DE SERMONE DOMINI IN MONTE.



Ad Christi annum 393, sive 394, pertinet hoc opus, ab Augustino presbyterii sui tempore elaboratum. Quippe in primo Retractionum libro, cap. 19, post recensitam illam, quam in Hippone-regensi anni 393 concilio habuit de Fide et Symbolo disputationem, recordatus Augustinus libri sui de Genesi ad literam imperfecti, neque alia quam que ex ante laudato concilio sumi possit, atlati assignata nota, facit proximo loco mentionem hujus operis in isthac verba : *Per idem tempus de Sermone Domini in monte secundum Matthæum duo volumina scripsi.*

Porro uno volume explicat primam ejusdem sermonis partem contentam Matthæi capite quinto : altero, posteriore in sequentibus capitibus sexto et septimo comprehensam. Cur autem ex toto Evangelio istum in primis sermonem tractandum suscepit, eam videtur in operis initio subindicare causam, quod ipsum nempe *omnibus præceptis quibus christiana vita informatur, perfectum esse intellexisset.* Quæ quidem præcepta omnia, ea qua referuntur apud Matthæum serie sic exponit, ut illa ad priores septem sententias de Beatis in ipsius sermonis exordio pronuntiatas pertinere, iisque ex ordine respondere demonstret.

Pollentius plurimis post annis hoc opus evolvens, aliquot difficultates de uxore quæ a viro suo discessisset, offendit, easque sancto Doctori propositus, quas ille priore de Adulterinis Conjugiis libro enodavit.

Vide librum 1, cap. 19, Retractionum, col. 614, a verbis, *Per idem tempus de Sermone Domini, usque ad col. 617, verbis, Quem locutus est Dominus.* M.

## S. AURELII AUGUSTINI

HIPPONENSIS EPISCOPI

## DE SERMONE DOMINI IN MONTE SECUNDUM MATTHÆUM

### LIBRI DUO <sup>(a)</sup>.



### LIBER PRIMUS.

Explicatur prior pars sermonis a Domino in monte habili, contenta Matthæi capite quinto.



CAPUT PRIMUM. 1. Sermonem queni locutus est Dominus noster Jesus Christus in monte, sicut in Evangelio secundum Matthæum legimus, si quis pie sobrieque consideraverit, puto quod inveniet in eo, quantum ad mores optimos pertinet, perfectum vitæ

christianæ modum : quod polliceri non temere audiemus, sed ex ipsis ejusdem Domini verbis conjicentes. Nam sic ipse sermo concluditur, ut appareat in eo præcepta esse omnia quæ ad informandam vitam pertinent. Sic enim dicit : « Omnis ergo qui au-

ADMONITIO PP. BENEDICTINORUM.

Nis castigandis libris adhibuimus MSS. Arbanensem, Arnulfensem, Cisterciensem, Colbertinum, Corbeiensem, Floriacensem, Genniticensem, Lyrensem, Michaelinum, Praeellensem, Sagensem, Vindocinensem, Vaticanos duos, Beccenses totidem, et Lovaniensium Theologorum variantes lectiones ex sex Belgicis : necnon supra Laudatas editiones Er. et Lov., quibus hic accessit editio Joannis Amerbachii perfecta Basilea, an. 1576, et altera Jacobi Marechallii Lugdun. an. 1590. Codiculuum insuper Eupypii abbatis excerpta in MSS. Corbeiensi ac Germanensi, et Flori collectionem in alio Corbeiensi.

Comparavimus præterea eas omnes editiones initio Retr. et Confess., t. 1, memoratas. M,

(a) Scripti circiter Christi, anno 393.

dit verba mea hæc et facit ea, similabo eum viro sapienti qui ædificavit domum suam supra petram: descendit pluvia, venerunt flumina, flaverunt venti, et offendunt in domum illam, et non cecidit; fundata enim erat super petram. Et omnis qui audit verbâ mea hæc et non facit ea, similabo eum viro stulto qui ædificavit domum suam super arenam: descendit pluvia, venerunt flumina, flaverunt venti, et offendunt in domum illam, et cecidit; et facta est ruina ejus magna. Cum ergo non dixit, qui audit verba mea hæc; satis, ut arbitror, significavit, hæc verba quæ in monte locutus est, tam perfecte instruere vitam eorum qui voluerint secundum ea vivere, ut merito comparentur ædificanti super petram. Hoc dixi, ut appareat istum sermonem omnibus præceptis quibus christiana vita informatur, esse perfectum: nam de hoc capitulo diligentius suo loco tractabitur.

2. Hujus igitur sermonis initium sic assumitur: *Cum vidisset autem turbas multas, ascendit in montem, et cum sedisset, accesserunt ad eum discipuli ejus; et aperiens os suum docebat eos, dicens.* Si qua ritur quid significet mons, bene intelligitur significare majora præcepta justitiae; quia in hora erant que Iudeis data sunt. Unus tamen Deus per sanctos Prophetas et famulos suos, secundum ordinatissimam distributionem temporum, dedit minora præcepta populo quem adhuc timore alligari oportebat; et per Filium suum, majora populo quem charitate jam liberari convenerat. *Cum autem minora minoribus, majora majoribus dantur, ab eo dantur qui solus novit congruentem suis temporibus generi humano exhibere medicinam.* Nec mirum est quod dantur præcepta majora propter regnum cœlorum<sup>1</sup>, et minora data sunt propter regnum terrenum, ab eodem uno Deo qui fecit cœlum et terram. De hac ergo justitia que major est, per prophetam dicitur, *Justitia tua sicut montes Dei* (*Psalm. xxxv, 7*): et hoc bene significat, quod ab uno magistro solo docendis tantis rebus idoneo, docetur in monte. Sedens autem docet, quod pertinet ad dignitatem magisterii: et accedunt ad eum discipuli ejus, ut audiendis illius verbis t̄ i essent etiam corpore viciniores, qui præceptis adimplendis etiam animo propinquabant. *Et aperiens os suum, docebat eos, dicens.* Ista circumlocutio qua scribitur, *Et aperiens os suum, fortassis ipsa mors commendat aliquanto longiorem futurum esse sermonem:* nisi forte non vacet quod nunc eum dictum est aperuisse os sumi, quod ipse in Legi veteri aperire solet ora Prophetarum.

5. Quid ergo dicit? *Beati pauperes spiritu; quoniam ipsorum est regnum cœlorum.* Legimus scriptum de appetitione rerum temporalium, *Omnia vanitas et præsumptio spiritus* (*Eccle. i, 14. sec. LXX*); præsumptio autem spiritus, audaciam et superbiam significat: vulgo etiam magno spiritus superbi habere dicuntur; et recte, quandoquidem spiritus etiam ventus vocatur. Unde scriptum est, *Ignis, grando, nix, glacies, spiritus tempestatis*<sup>2</sup> (*Psalm. cxlviii, 8*). Quis vero

nesciat superbos inflatos dici, tanquam vento distentos? Unde est etiam illud Apostoli: *Scientia inflat, charitas vero ædificat* (*I Cor. viii, 1*). Quapropter recte hic intelliguntur *pauperes spiritu*, humiles et timentes Deum, id est, non habentes iustitiam spiritum<sup>3</sup>. Nec aliunde omnino incipere oportuit beatitudinem; siquidem per ventura est ad summam sapientiam: *Initium autem sapientie timor Domini* (*Ecclesiastes. i, 16*); quoniam et e contrario, *Initium omnis peccati superbia inscribitur* (*Id. x, 15*). Superbi ergo appetant et diligent regna terrarum: *Beati autem pauperes spiritu, quoniam ipsorum est regnum cœlorum.*

CAPUT II. — 4. *Beati milites; quoniam ipsi hæreditate possidebunt terram:* illam credo terram, de qua in Psalmo dicitur, *Spes mea es tu, portio mea in terra regientium* (*Psalm. cxli, 6*). Significat enim quandam soliditatem et stabilitatem hæreditatis perpetuas, ubi anima p̄ r̄ bonum affectum, tanquam locus suo requiescit, sicut corpus in terra; et inde cibo suo aliatur, sicut corpus ex terra: ipsa est requies et vita sanctorum. Mites autem sunt qui cedunt improbitatis, et non resistunt malo, sed vincunt in bono malum (*Roman. xii, 21*). Rixentur ergo immites, et dimicent pro terrenis et temporalibus rebus: *Beati autem milites; quoniam ipsi hæreditate possidebunt terram,* de qua pelli non possint.

5. *Beati lugentes; quoniam ipsi consolabuntur.* Luctus est tristitia de amissione charorum: coaversi antea ad Deum, ea quæ in hoc mundo clara amplectebantur, amittunt: non enim gaudent his rebus, quibus ante gaudebant; et donec fiat in illis amor aeternorum<sup>4</sup>, nonnulla molestia sauciantur: consolabuntur ergo Spiritu sancto, qui maxime propterea paracletus nominatur, id est consolator, ut temporalement amitten tes aeterna letitia perfruantur.

6. *Beati qui esuriunt et sitiunt justitiam; quoniam ipsi saturabuntur.* Jam istos amatores dicit veri et inconcessi boni. Illo ergo cibo saturabuntur, de quo ipse Dominus dicit, *Meus cibus est ut faciam voluntatem Patris mei, quod est justitia: et illa aqua, de qua quisquis biberit, ut idem dicit, sicut in eo sors aquæ satientis in vitam aeternam* (*John. iv, 34, 14*).

7. *Beati misericordes; quoniam ipsorum misericordia est.* Beatos esse dicit qui subveniunt misericordia, quoniam eis ita rependitur, ut de miseria liberantur.

8. *Beati mundi corde; quoniam ipsi Deum videbunt.* Quam ergo stulti sunt qui Deum istis exterioribus oculis querunt, cum corde videatur, sicut alibi scriptum est, *Et in simplicitate cordis quærite illum* (*Sapientia. i, 1*). Hoc est enim mundum cor, quod est simplex cor: et quenadmodum lumen hoc videri non potest, nisi oculis mundis; ita nec Deus videtur, nisi mundum sit illud quo videri potest.

<sup>1</sup> Lov. cum quatuor MSS., *inflatum spiritum*. Cæteri codices, *inflatam*.

<sup>2</sup> In Corbeiensi codice, *dilectio aeternorum*. Paulo infra editus legebatur, *ut temporalia amittere*: in duobus Belgicis vss., *ut temporalement amittere luctum*. Sed melius in uno Vat. et decem Gallicanis, *ut temporalement amittere*: subaudi, letitiam.

<sup>3</sup> Ed it, *misericordia Deus*. Abest vox, *Deus*, a vss. et ab Evangelio

<sup>1</sup> Septem MSS., *propter regnum terrarum*.

<sup>2</sup> Sic MSS. At editi, excepto Mar., *spiritus procellarum*.

**O. Beati pacifici; quoniam ipsi filii Dei vocabuntur.** In pace perfectio est, ubi nihil repugnat; et ideo filii Dei pacifici, quoniam nihil resistit Deo<sup>1</sup>; et utique filii similitudinem patris habere debent. Pacifici autem in semetipsis sunt, qui omnes animi sui motus componentes et subjicientes rationi, id est menti et spiritui, carnalesque concupiscentias habentes edomitius, sunt regnum Dei: in quo ita sunt ordinata omnia, ut id quod est in homine praecepit et excellens, hoc imperet ceteris non reluctantibus, quae sunt nobis bestiisque communia; atque id ipsum quod excellit in homine, id est mens et ratio, subjiciatur potiori, quod est ipsa veritas unigenitus Filius Dei. Neque enim imperare inferioribus potest, nisi superiori se ipse subjiciat. Et haec est pax quae datur in terra hominibus bonae voluntatis (*Luc. ii, 14*); haec vita consummata perfectique saientis. De hujusmodi regno pacatissimo et ordinatissimo missus est foras princeps hujus saeculi, qui perversis inordinatisque dominatur. Ilac pace intrinsecus constituta atque firmata, quaecumque persecutions ille qui foras missus est, forinsecus concitaverit, auget gloriam quae secundum Deum est; non aliquid in illo cedelio labefactans, sed deficiens machinis suis innotescere faciens quanta firmitas intus exstructa sit. Ideo sequitur: *Beati qui persecutionem patiuntur propter justitiam; quoniam ipsorum est regnum caelorum.*

CAPUT III. — 10. Sunt autem omnes iste octo sententiae. Jam enim cetera compellans loquitur ad illos qui aderant, dicens: *Beati eritis, cum vobis maledicent, et persecutent vos.* Superiores autem sententias generaliter dirigebat: non enim dixit, *Beati pauperes spiritu*, quoniam vestrum est regnum caelorum; sed, *quoniam ipsorum est*, inquit, *regnum caelorum*: neque, *Beati mites*, quoniam vos possidebitis terram; sed, *quoniam ipsi possidebunt terram*. Et ita ceteras usque ad octavam sententiam, ubi ait: *Beati qui persecutionem patiuntur propter justitiam; quoniam ipsorum est regnum caelorum.* Inde jam incipit loqui praesentes compellans, cum et illa que supra dicta sunt, ad eos etiam pertinerent, qui praesentes audiebant; et haec postea quae videntur praesentibus specialiter dici, pertineant etiam ad illos qui absentes vel post futuri erant. Quapropter iste sententiaria numerus diligenter considerandus est. Incipit enim beatitudo ab humilitate: *Beati pauperes spiritu*, id est, non inflati, dum se divinae auctoritati subdit anima, timens post hanc vitam ne perget ad poenas, etiamsi forte in hac vita sibi beata esse videatur. Inde venit ad divinarum Scripturarum cognitionem, ubi oportet eam se mitem prebtere pietate, ne id quod imperitis videtur absurdum vituperare audeat, et per vicibus concertationibus efficiator indocilis. Inde jam incipit scire quibus nodis saeculi hujus per carnalem consuetudinem ac peccata teneatur: itaque in hoc tertio gradu, in quo scientia est, lugetur amissio summi boni, quia inhæretur extremis. In quarto au-

tem gradu labor est, ubi vehementer incumbitor ut sese animus avellat ab eis quibus pestifera dulcedine inexus est: hic ergo esurit et sitiatur justitia, et nullum necessaria est fortitudo; quia non relinquitur sine dolore quod cum delectatione retinetur. Quinto autem gradu perseverantibus in labore datur evadendi consilium; quia nisi quisque adjuvetur a superiore, nullo modo sibi est idoneus ut sese tantis misericordiarum implicamentis expedit: est autem justum consilium, ut qui se a potentiore adjuvari vult, adjuvet infirmorem in quo est ipse potentior: itaque *Beati misericordes; quia ipsorum miserebuntur.* Sexto gradu est cordis munditia, de bona conscientia bonorum operum valens ad contemplandum summum illud bonum, quod solo puro et sereno intellectu cerni potest. Postremo est septima ipsa sapientia, id est contemplatio veritatis, pacificans totum hominem, et suscipiens similitudinem Dei, quae ita concluditur: *Beati pacifici; quoniam ipsi filii Dei vocabuntur.* Octava tanquam ad caput reddit; quia consummatum perfectumque ostendit et probat: itaque in prima et in octava nominatum est regnum caelorum, *Beati pauperes spiritu; quoniam ipsorum est regnum caelorum;* et, *Beati qui persecutionem patiuntur propter justitiam; quoniam ipsorum est regnum caelorum:* cum jam dicatur, *Quis nos separabit a charitate Christi? tribulatio? an angustia? an persecutio? an fames? an nuditas? an periculum? an gladius (*Rom. viii, 55*)?* Septem sunt ergo quae perficiunt: nam octava clariscat, et quod perfectum est demonstrat, ut per hos gradus perficiantur et ceteri, tanquam a capite rursum exordiens.

CAPUT IV. — 11. Videtur ergo mihi etiam septiformis operatio Spiritus sancti, de qua *Iosias* loquitur (*Isai. xi, 2, 3*), his gradibus sententiisque congruere. Sed interest ordinis: nam ibi enumeratio ab excellentioribus coepit, hic vero ab inferioribus. Ibi namque incipit a sapientia, et desinit ad timorem Dei: sed initium sapientiae timor Domini est. Quapropter si gradatim tanquam ascendentis numeremus, primus ibi est timor Dei, secunda pietas, tertia scientia, quarta fortitudo, quintum consilium, sextus intellectus, septima sapientia. Timor Dei congruit humilibus, de quibus hic dicitur, *Beati pauperes spiritu*, id est non inflati, non superbi: quibus Apostolus dicit, *Nisi altum sapere, sed time (*Rom. xi, 20*)*; id est, noli extolliri. Pietas congruit mitibus: qui enim pie querit, honorat sanctam Scripturam, et non reprehendit quod nondum intelligit, et propterea non resistit, quod est mitem esse: unde hic dicitur, *Beati mites.* Scientia congruit intelligentibus, qui jam cognoverunt in Scripturis quibus malis vincti teneantur, quae tanquam bona et utilia ignorantes appetiverunt: de quibus hic dicitur, *Beati qui lugent.* Fortitudo congruit esurientibus et sitiensibus: laborant enim desiderantes gaudium de veris bonis, et amore in terrenis et corporalibus avertere cupientes: de quibus hic dicitur, *Beati qui esurunt et sitiunt justitiam.* Consilium congruit misericordibus: hoc enim unum remedium est de tantis.

<sup>1</sup> Sic Am. Er. et omnes MSS. At Lov., nihil in ictus resistit Deo.

<sup>2</sup> In decem MSS., non interponitur, est.

malis evadendi, ut dimittamus, sicut nobis dimitti voluntus; et adjuveremus in quo possumus alios, sicut nos in quo non possumus cupimus adjuvari: de quibus hic dicitur, *Beati misericordes*. Intellectus congruit mundis corde, tanquam purgato oculo, quo cerni possit quod corporeus oculus non vidit, nec auris audivit, nec in cor hominis ascendit (*Isai. LXIV, 4*; et *I Cor. II, 9*): de quibus hic dicitur, *Beati mundi corde*. Sapientia congruit pacificis, in quibus jam ordinata sunt omnia, nullusque motus adversus rationem rebellis est, sed cuncta obtemperant spiritui hominis, cum et ipse obtemperet Deo (a): de quibus hic dicitur, *Beati pacifici*.

12. Unum autem præmium quod est regnum cœlorum, pro his gradibus varie nominatum est. In primo, sicut oportebat, positum est regnum cœlorum, quod est perfecta summaque sapientia animæ rationalis. Sie itaque dictum est, *Beati pauperes spiritu*; quoniam ipsorum est regnum cœlorum: tanquam diceretur, *Initium sapientiae timor Domini*. Mitibus hereditatis data est, tanquam testamentum patris cum pietate querentibus: *Beati miles*; quoniam ipsi hereditate possidebunt terram. Eungentibus consolatio, tanquam scientibus quid amiserint, et quibus mersi sint: *Beati qui lagent*; quoniam ipsi consolabuntur. Esurientibus et sitiensibus saturitas, tanquam refectio laborantibus fortiterque certantibus ad salutem: *Beati qui esuriunt et sitiunt justitiam*; quoniam ipsi saturabuntur. Misericordibus misericordia, tanquam vero et optimo consilio utensibus, ut hoc eis exhibeatur a potentiore, quod invalidioribus exhibent. *Beati misericordes*; quoniam ipsorum miserebuntur. Mundis corde facultas videndi Deum, tanquam purum oculum ad intelligenda aeterna gerentibus. *Beati mundi corde*; quoniam ipsi Deum videbunt. Pacificis Dei similitudo, tanquam perfecte sapientibus formatisque ad imaginem Dei per regenerationem renovati hominis: *Beati pacifici*; quoniam ipsi filii Dei vocabuntur. Etista quidem in hac vita possunt compleri, sicut completa esse in Apostolis credimus (b). Nam illa omnimoda in angelicam formam mutantio, quæ post hanc vitam promittitur, nullis verbis exponi potest. *Beati ergo qui persecutionem patiuntur propter justitiam*; quoniam ipsorum est regnum cœlorum. Hæc octava sententia, quæ ad caput reddit, perfectumque hominem declarat, significatur fortasse et circumcisione octavo die in Veteri Testamento; et Domini resurrectione post sabbatum, qui est utique octavus, idemque primus dies; et celebratione octavarum feriarum, quas in regeneratione novi hominis celebramus; et numero ipso Pentecostes. Nam septenario numero septies multiplicato, quo sunt quadragesima novem, quasi octavus additur, ut quinquaginta compleantur et tanquam redeatur ad caput: quo die missus est Spiritus sanctus, quo in regnum cœlorum illicimus, et hereditatem accipimus, et consolamur; et pascimur, et misericordiam consequimur, et muniamur, et pacificamur; atque ita perfecti, omnes

extrinsecus iudas molestias pro veritate et justitia sustinemus.

CAPUT V. — 13. *Beati eritis*, inquit, *cum vobis maledicent, et persecutentur vos, et dicent omne malum adversum vos, mentientes, propter me. Gaudete et exsultate, quoniam merces vestra multa est in cœlis*. Animadvertis quisquis delicias hujus saeculi et facultates rerum temporalium querit in nomine christiano, intrinsecus e-se beatitudinem nostram; sicut de anima ecclesiastica ore propheticō dicitur: *Omnis pulchritudo filiæ regis intrinsecus* (*Psal. XLIV, 14*): nam extrinsecus maledicta et persecutions et detractiones promittuntur: de quibus tamen magna merces est in cœlis, quæ sentitur in corde patientium, eorum qui jam possunt dicere, «Gloriamur in tribulationibus; scientes quoniam tribulatio patientiam operatur, patientia autem probationem, probatio vero spem, spes autem non confundit; quia charitas Dei diffusa est in cordibus nostris per Spiritum sanctum qui datus est nobis» (*Rom. V, 3-5*). Non enim ista porpeti fructuosum est, sed ista pro Christi nomine non solum aequo animo, sed etiam cum exsultatione tolerare. Nam multi heretici, nomine christiano animas decipientes, multa talia patiuntur: sed ideo excluduntur ab ista mercede, quia non dictum est tantum, *Beati qui persecutionem patiuntur*; sed additum est, *propter justitiam*: ubi autem sana fides non est, non potest esse justitia; quia justus ex fide vivit (*Habac. II, 4*, et *Rom. I, 17*). Neque schismatici aliquid sibi ex ista mercede promittant; quia similiter ubi charitas non est, non potest esse justitia: dilectio enim proximi malum non operatur (*Rom. XIII, 10*), quam si haberent, non dilaniarent corpus Christi, quod est Ecclesia (*Coloss. I, 24*).

14. Quæri autem potest quid intersit quod ait, *Cum vobis maledicent, et, Omne malum dicent adversum vos*; cum maledicere, hoc sit, malum dicere. Sed aliter maledictum jactatur cum contumelia coram illo cui maledicitur, sicut Domino nostro dictum est, *Nonne verum dicinus, quia Samaritanus es, et demonium habes* (*Joan. VIII, 48*)? aliter cum absentis fama creditur, sicut de illo item scribitur, *Alii dicebant, Non, sed seducit populum* (*Id. VII, 12*). Persequi autem, est viam inferre, vel insidiis appetere: quod fecit qui eum tradidit, et qui cum crucifixerunt. Sine quod etiam hoc non est nude positum, ut diceretur, *Et dicent omne malum adversum vos*, sed additum est, *mentientes*; additum etiam, *propter me*: propter eos additum puto, qui volunt de persecutionibus et de famæ sue turpitudine gloriari; et ideo dicere ad se pertinere Christum, quia multa de illis dicuntur mala; cuin et vera dicantur, quando de illorum errore dicuntur: et si aliquando etiam nonnulla falsa jactantur, quod temeritate hominum plerumque accidit, non tamen propter Christum ista patiuntur. Non enim Christum sequitur, qui non secundum veram fidem et catholicam disciplinam Christianus vocatur.

15. *Gaudete, inquit, et exsultate, quoniam merces vestra multa est in cœlis*. Non hic cœlos dici posse su-

(a) *In Retract. cap. 10, n. 1.*

(b) *Ibid. n. 2.*

periores partes hujus visibilis mundi. Non enim merces nostra, quae inconcussa et æterna esse debet, in rebus volubilibus et temporalibus collocanda est. Sed in cœlis dictum puto, in spiritualibus firmamentis, ubi habitat sempiterna justitia : in quorum comparatione terra dicitur anima iniqua, cui peccanti dictum est, *Terra es, et in terram ibis* (*Gen. iii, 19*). De his cœlis dicit Apostolus : *Quoniam conversatio nostra in cœlis est* (*Philipp. iii, 20*). Sentunt ergo jam i-tam mercedem, qui gaudent spiritualibus bonis : sed tunc ex omni parte perficietur, cum etiam hoc mortale induerit immortalitatem. *Ita enim persecuti sunt, inquit, et Prophetas qui ante vos fuerunt.* Nunc persecutionem generaliter posuit, et in maledictis et in dilaceratione famæ ; et bene exemplo adhortatus est, quia vera dicentes solent persecutionem pati : nec tamen ideo Prophetæ antiqui timore persecutionis a veritatis prædicatione defecerunt.

CAPUT VI. — 16. Rectissime itaque sequitur, *Vos estis sal terræ* : ostendens fatuos esse judicandos, qui temporalium bonorum vel copiam sc̄iantes, vel inopiam metuentes, amittunt æterna, quæ nec dari possunt ab hominibus, nec auferri. *Itaque si sal infatuum fuerit, in quo salietur?* id est, si vos per quos condiendi sunt quodammodo populi, metu persecutionum temporalium amiseritis regna cœlorum ; qui erunt homines per quos a vobis error auferatur, cum vos elegerit Deus, per quos errorem auferat cœtorum ? Ergo *ad nihilum valet sal infatuum, nisi ut mittatur foras, et calcetur ab hominibus.* Non itaque calcatur ab hominibus qui patitur persecutionem, sed qui persecutionem timendo infatuatur. Calcari enim non potest nisi inferior : sed inferior non est qui quamvis corpore multa in terra sustineat, corde tamen fixus in celo est.

17. *Vos estis lumen mundi.* Quomodo dixit superior *sal terræ*, sic nunc dicit *lumen mundi*. Nam neque superior ista terra accipienda est, quam pedibus corporis calcamus, sed homines qui in terra habitant, vel etiam peccatores, quorum condiendis et extinguidis putoribus apostolicum salem Dominus misit. Et hic mundum non cœlum et terram, sed homines qui sunt in mundo vel diligunt mundum, oportet intelligi, quibus illuminandis Apostoli missi sunt. *Non potest civitas abscondi super montem constituta :* id est, fundata super insignem magnamque justitiam, quam significat etiam ipse mons in quo disputat Dominus. *Neque accendent lucernam, et ponunt eam sub modo.* Quid putamus ? ita esse dictum *sub modo*, ut occultatio tantum lucernæ accipienda sit, tanquam si diceret, *Nemo accedit lucernam, et occultat illam ?* an aliquid etiam modius significat, ut hoc sit ponere lucernam *sub modo*, superiora facere corporis commoda, quam prædicationem veritatis ; ut ideo quisque veritatem non prædicet, dum timet ne aliquis in rebus corporalibus et temporalibus molestie patiatur ? Et bene modius dicitur, sive propter retributionem mensuræ, quia ea quisque recipit quæ gesit in corpore, *ut illic*, inquit Apostolus, *recipiat*

*unusquisque quæ gessit in corpore* (*II Cor. v, 10*) : et tanquam de hoc modo corporis alio loco dicitur, *In qua enim mensura mensi fueritis, in eu remetietur vobis* (*Math. vii, 2*) : sive quoniam temporalia bona, quæ in corpore peraguntur, certa dierum mensura et inchoantur et transeunt, quam fortasse significat modius ; æterna vero et spiritualia nullo tali fine coercentur (*a*) : *Non enim ad mensuram dat Deus spiritum* (*Joan. iii, 34*). Sub modo ergo lucernam ponit, quisquis lucem bonæ doctrinæ commodis temporalibus obscurat et tegit. *Sed super candelabrum.* Super candelabrum autem, qui corpus suum ministerio Dei subhicit, ut superior sit prædicatio veritatis, et inferior servitus corporis : per ipsam tamen corporis servitutem excelsior luceat doctrina, quæ per officia corporalia, id est per vocem et linguam et ceteros corporis motus in bonis operibus insinuatur discen-tibus. Super candelabrum ergo ponit lucernam, cum dicit Apostolus, *Non sic pugno tanquam aerem cœdens ; sed castigo corpus meum, et servituti subjicio, ne forte aliis prædicans ipse reprobis inveniar* (*I Cor. ix, 26, 27*). Quod vero ait, *Ut luceat omnibus qui in domo sunt*, dominum puto dictam habitationem hominum, id est ipsum mundum, propter id quod superior ait, *Vos estis lumen mundi* : aut si dominum quisque vult accipere Ecclesiam, nec hoc est absurdum.

CAPUT VII. — 18. *Sic luceat*, inquit, *lumen vestrum coram hominibus*, ut videant bona facta vestra, et glorificant Patrem vestrum qui in cœlis est. Si tantummodo diceret, *Sic luceat lumen vestrum coram hominibus*, ut videant bona facta vestra ; finem constituisse videretur in laudibus hominum, quas querunt hypocrite, et qui ambiant ad honores, et captant inanis-sinam gloriam. Contra quos dicitur. « Si adhuc hominibus placerem, Christi servus non essem » (*Galat. i, 10*) : et per prophetam, « Qui hominibus placent, confusi sunt, quia Deus nihil fecit illos ; » et iterum, « Deus confregit ossa hominibus placentium » (*Psal. lvi, 6*) : et rursum Apostolus, « Non efficiamur inanis gloriae cupidi » (*Galat. v, 26*) ; et ipse iterum, « Probet autem se homo, et tunc in semetipso habebit gloriam, et non in altero » (*Id. vi, 4*). Non ergo tantum dixit, « ut videant bona facta vestra ; » sed addidit, « et glorificant Patrem vestrum qui in cœlis est : » ut hoc ipsum quod homo per bona opera placet hominibus, non ibi finem constituat ut hominibus placeat ; sed referat hoc ad laudem Dei, et propterea placeat hominibus ut in illo glorificetur Deus. Hoc enim laudantibus expedit, ut non hominem, sed Deum honorent : sicut in ipso homine qui portabatur<sup>1</sup>, Dominus ostendit, ubi admiratæ turbæ paralytico sanato virtutes ejus, sicut in Evangelio scriptum est, « Timuerunt et glorificaverunt Deum, qui dedit potestatem talem hominibus » (*Math. ix, 8*). Cujus imitator apostolus Paulus dicit : « Tantum au-

<sup>1</sup> In undecim MSS. et in editis Am. et Er., *quem portabat*  
Apud Mar., *quem portabant*.

(a) I Retract. cap. 19, n. 5.

tem audientes erant quodam qui aliquando nos persequebatur, nunc evangelizat sicutem quam aliquando vastabat; et in me glorificabant Deum (Galat. i, 23, 24).

19. Posteaquam ergo cohortatus est audientes ut se prepararent ad omnia sustinenda pro veritate atque justitia, et ut non absconderent bonum quod accepturi erant, sed ea benevolentia disserent, ut ceteros docerent, non ad laudem suam, sed ad gloriam Dei bona sua opera referentes; incipit eos jam informare et docere quid doceant, tanquam si quererent dicentes: Ecce volumus et omnia sustinerebro tuo nomine, et doctrinam tuam non abscondere; sed quid est hoc ipsum quod vetas abscondi, et pro quo jubes omnia tolerari? numquid alia dicturus es contra ea quae in Legi scripta sunt? Non, inquit. *Nolite enim putare, quoniam veni solvere Leam aut Prophetas: non veni solvere, sed implere.*

CAPUT VIII. — 20. In hac sententia sensus duplex est; secundum utrumque tractandum est. Nam qui dicit, *Non veni solvere Legem, sed implere;* aut addendo dicit quod minus habet, aut faciendo quod habet: illud ergo prius consideremus, quod primo posui. Nam qui addit quod minus habet, non utique solvit quod invenit, sed magis persicendo confirmat: et ideo sequitur, et dicit, *Amen dico vobis, donec transeat celum et terra, iota unum aut unus apex non transiet a Legi, donec omnia fiant.* Dum enim sunt etiam illa que adduntur ad perfectionem, multo magis sunt illa que premissa sunt ad inchoationem. Quod autem sit, *Iota unum, aut unus apex non transiet a Legi,* nihil potest aliud intelligi nisi vehemens expressio perfectionis (*a*), quando per litteras singulas demonstrata est: inter quas litteras iota minor est ceteris, quia uno ductu sit; apex autem est etiam ipsius aliqua in summo particula. Quibus verbis ostendit in Legi ad effectum etiam minima quaque perduci. Deinde subicit: *Qui enim solverit unum de mandatis istis minimis, et docuerit sic homines, minimus vocabitur in regno celorum.* Mandata ergo minima significantur per unum iota et unum apicem. Qui ergo solverit et docuerit sic, id est, secundum id quod solvit, non secundum id quod invenit et legit, *minimus vocabitur in regno celorum:* et fortasse ideo non erit in regno celorum, ubi nisi magni esse non possunt. Qui autem fecerit et docuerit sic (*b*), hoc est, qui non solverit, et docuerit sic, secundum id quod non solvit, *magnus vocabitur in regno celorum.* Qui vero *magnus vocabitur in regno celorum,* sequitur ut etiam sit in regno celorum, quo magni admittuntur: ad hoc enim pertinet quod sequitur.

CAPUT IX. — 21. *Dico enim vobis, quia nisi abundaverit justitia vestra plus quam Scribarum et Phariseorum, non intrabis in regnum celorum:* id est, nisi non solum illa minima Legis praecepta impleveritis quae inchoant hominem, sed etiam ista quae a me adduntur, qui non veni solvere Legem, sed implere,

(*a*): *Retract. cap. 19, n. 3.*

(*b*): In greco legebat *outo*, pro *onto*.

(*c*): *Retract. cap. 19, n. 3.*

non intrabis in regnum celorum (*c*). Sed dicas nulli: Si de illis mandatis minimis cum superiorius loqueretur, dixit minimum vocari in regno celorum quisquis unum eorum solverit, et secundum suam solutionem docuerit; maximum autem vocari quisquis ea fecerit, et sic docuerit, et ex eo jam in regno celorum suorum esse quia magnus est: quid opus est addi preceptis Legis minimis, si jam in regno celorum potest esse, quia magnus est quisquis ea fecerit, et sic docuerit? Quapropter sic est accipienda illa sententia, *Qui autem fecerit et docuerit sic, magnus vocabitur in regno celorum:* id est, non secundum illa minima, sed secundum ea quae ego dicturus sum. Quae sunt autem ista? Ut abundet justitia, inquit, vestra super Scribarum et Phariseorum; quia nisi abundaverit, non intrabis in regnum celorum. Ergo qui solverit illa minima, et sic docuerit, minimus vocabitur: qui autem fecerit illa minima, et sic docuerit, non jam magnus habendus est et idoneus regno celorum; sed tamen non tam minimus quam ille qui solvit: ut autem sit magnus atque illi regno aptus, facere debet et docere, sicut Christus nunc docet, id est, ut abundet justitia ejus super Scribarum et Phariseorum. Justitia Phariseorum est, ut non occidant; justitia eorum qui intraturi sunt in regnum Dei, ut non irascantur sine causa: minimum est ergo non occidere; et qui illud solverit, minimus vocabitur in regno celorum: qui autem illud impleverit ut non occidat, non continuo magnus erit et idoneus regno celorum, sed tamen ascendit aliquem gradum; perficietur autem, si nec irascatur sine causa: quod si perficerit, multo remotior erit ab homicidio. Quapropter qui docet ut non irascamur, non solvit Legem ne occidamus, sed implet potius, ut et foris dum non occidimus, et in corde dum non irascimur, innocentiam custodiamus.

22. *Audistis ergo, inquit, quia dictum est antiquis, Non occides: qui autem occiderit, judicio reus erit. Ego autem dico vobis, quia omnis qui irascitur fratri suo sine causa, reus erit iudicio: qui autem dixerit fratri suo, Racha, reus erit concilio: qui autem dixerit, Fatus, reus erit gehennæ ignis.* Quid interest inter reum iudicium, et reum concilio, et reum gehennæ ignis? Nam hoc postremum gravissimum sonat, et admonet quedam gradus factos a levioribus ad graviora, donec ad gehennam ignis veniretur. Et ideo si levius est reum esse iudicio quam reum esse concilio; item levius est reum esse concilio, quam esse reum gehennæ ignis; oportet levius esse intelligatur irasci sine causa fratri, quam dicere Racha, et rursus levius esse dicere Racha, quam dicere Fatus. Non enim reatus ipse habet gradus, nisi gradatim etiam peccata commemorantur.

23. Unum autem hic verbum obscurum positum est, quia nec греческое nec латинское есть *Racha*: cetera vero in sermone nostro usitata sunt. Nonnulli autem de греческом трактуют волеют interpretationem hujus vocis, putantes pannosum dici *Racha*, quoniam греческое *πάνος*; dicitur: a quibus tamen cum queritur

quid dicatur græce pannosus, non respondent *Racha*; deinde posset latinus interpres ubi posuit *Racha*, pannosum ponere, nec uti verbo quod et in latina lingua nullum sit, et in græca inusitatum. Probabilius est ergo quod audiri a quodam Hebreo, cum id interrogasset : dixit enim esse vocem non significantem aliquid, sed indignantis animi motum exprimentem. Haec interjectiones grammatici vocant particulas orationis significantes commoti animi affectum : velut cum dicitur a dolente, *Ileu*; vel ab irascente, *Hem*. Quæ voce quarumque linguarum sunt proprie, nec in aliam linguam facile transferuntur : quæ causa utique coegerit tam græcum interpretem quam latinum vocem ipsam ponere, cum quomodo eam interpretaretur non inveniret.

24. Gradus itaque sunt in istis peccatis, ut primo quisque irascatur, et eum motum retineat corde conceptum : jam si extorserit vocem indignantis ipsa commotio, non significantem aliquid, sed illum animi motum ipsa eruptione testantem, qua feriatur ille cui irascitur; plus est utique quam si surgens ira silentio premeretur : si vero non solum vox indignantis audiatur, sed etiam verbum quo jam certam ejus vituperationem in quem profertur, designet et notet, quis dubitet amplius hoc esse, quam si solus indignationis sonus ederetur? Itaque in primo unum est, id est, ira sola; in secundo duo, et ira, et vox quæ iram significat; in tertio tria, et ira, et vox quæ iram significat: et in voce ipsa, certæ vituperationis expressio. Vide nunc etiam tres reatus, judicii, concilii, gehennæ ignis. Nam in judicio adhuc defensioni datur locus: in concilio autem quanquam et judicium esse soleat, tamen quia interesse aliquid hoc loco satteri cogit ipsa distinctio, videtur ad concilium pertinere sententiae prolatione; quando non jam cum ipso reo agitur, utrum damnandus sit, sed inter se qui judicant conferunt quo suppicio damnari oporteat quem constat esse damnandum: gehenna vero ignis, nec damnationem habet dubiam, sicut judicium; nec damnati poenam, sicut concilium; in gehenna quippe ignis certa est et damnatio et poena damnati. Videntur ergo aliqui gradus in peccatis et in reatu: sed quibus modis invisibiliter exhibeantur<sup>1</sup> meritis animarum, quis potest dicere? Audiendum est itaque quantum intersit inter justitiam Pharisæorum, et istam maiorem quæ in regnum cœlorum introducit, quod cum sit gravius occidere quam verbo irrogare convicium, ibi occisio reum facit judicio, hic autem ira facit reum judicio, quod trium illorum peccatorum levissimum est: quia illuc questionem homicidii inter homines agitant; hic autem omnia divino judicio dimittuntur, ubi finis damnatorum est gehenna ignis. Quisquis autem dixerit quod graviore suppicio in majore justitia punitur homicidium, si gehenna ignis punitur convicium, cogit intelligi esse differentias gehennarum.

25. Sane in tribus istis sententiis subauditio verborum intuenda est. Habet enim prima sententia

<sup>1</sup> Lov., exhibeantur poenæ. Abest, poenæ, ab aliis editi, et MSS.

omnia verba necessaria, ut nihil subaudiatur: *Qui irascitur*, inquit, *fratri suo sine causa, reus erit judicio*. In secunda vero cum ait, *Qui autem dixerit fratri suo, Racha, subauditur, sine causa, et ita jungitur, reus erit concilio* (*a*). Jam in tertia ubi ait, *Qui autem dixerit, Fatue, duo subaudiuntur, et fratri suo, et sine causa*. Ille est unde defenditur, quod Apostolus Galatas vocat stultos (*Galat. iii, 1*), quos etiam fratres nominat: non enim id facit sine causa. Ideo autem hic frater subaudiendus est, quia de inimico postea dicitur quomodo etiam ipse tractandus sit majore justitia.

CAPUT X. — 26. Deinde hic sequitur: *Si ergo obtuleris munus tuum ad altare, et illuc recordatus fueris quod frater tuis habet aliquid adversum te; relinque ibi munus tuum ante altare, et vade, prius reconciliare fratri tuo*<sup>1</sup>: et tunc veniens offer munus tuum. Ille utique appetat de fratre dictum superius: quoniam sententia quæ sequitur, ea conjunctione connectitur ut superiori attestetur: non enim ait, *Si autem obtuleris munus tuum ad altare; sed ait, Si ergo obtuleris munus tuum ad altare*. Nam si irasci fas non est fratri suo sine causa, aut dicere *Racha*, aut dicere *Fatue*, multo minus fas est animo tenere aliquid ut in odium indignatio convertatur. Quo pertinet etiam quod alio loco dicitur, *Non occidat sol super iracundiam vestram* (*Ephes. iv, 26*). Jubemur ergo illaturi munus ad altare, si recordati fuerimus aliquid adversum nos habere fratrem, munus ante altare relinquere, et pergere ac reconciliari fratri, deinde venire et munus offerre. Quod si accipiatur ad litteram, fortassis aliquis credit ita fieri oportere, si praesens frater sit, nou enim diutius differri potest, cum munus tuum relinquere ante altare jubearis: si ergo de absentie, et quod fieri potest, etiam trans mare constituto aliqui! tale veniat in mentem, absurdum est credere ante altare munus relinquendum, quod post terras et maria pererrata offeras Deo. Et ideo prorsus intro ad spiritualia refugere cogimur, ut hæc quod dictum est sine absurditate possit intelligi.

27. Altare itaque spiritualiter in interiori Dei templo ipsam fidem accipere possumus, cuius signum est altare visibile. Quodlibet enim munus offerimus Deo, sive prophetiam, sive doctrinam, sive orationem, sive hymnum, sive psalmum, et si quid tale aliud spiritualium donorum animo occurrit, acceptum esse non potest Deo, nisi fidei sinceritate fulciatur, et ei fixe atque immobiliter tanquam<sup>2</sup> imponatur, ut possit integrum atque illibatum esse quod loquimur. Nam multi heretici non habentes altare, id est veram fidem, blasphemias pro laude dixerunt; terrenis videlicet opinionibus aggravati, votum suum tanquam in terram projicientes. Sed debet esse sana etiam offerentis intentio. Et propterea cum tale aliquid oblaturi sumus in corde nostro, id est in interiori Dei templo; *Templum enim Dei sanctum est*, inquit, *quod estis vos* (*I Cor. iii, 17*); et,

<sup>1</sup> Am. Er. et plures MSS., reconciliari fratri tuo. At Lov., reconciliare. Optime, suffragante græco, *diallagetha*.

<sup>2</sup> Hic Lov. addit., *altari*; qua voce carent ceteri codices.

(a) I Retract. cap. 19, n. 4.

*In interiore homine habiture Christum per fidem in cordibus vestris (Ephes. iii, 17) : si in mentem venerit quod aliquid habeat adversum nos frater, id est, si nos eum in aliquo laesimus; tunc enim ipse habet adversum nos : nam nos adversus illum habemus, si ille nos laesit ubi non opus est pergere ad reconciliationem; non enim veniam postulabis ab eo qui tibi fecit injuriam, sed tantum dimittes, sicut tibi dimitti a Domino cupis, quod ipse commiseris : pergendum est ergo ad reconciliationem, cum in mentem venerit quod nos forte fratrem in aliquo laesimus; pergendum autem non pedibus corporis, sed motibus animi, ut te humili affectu prosternas fratri, ad quem chara cogitatione cucurreris, in conspectu ejus cui munus oblatus es. Ita enim etiam si praesens sit, poteris eum non simulato animo lenire, atque in gratiam revocare veniam postulando, si hoc prius coram Deo feceris, pergens ad eum non pigro motu corporis, sed ecclerim dilectionis affectu; atque inde veniens, id est, intentionem revocans ad id quod agere coeperas, offeres munus tuum.*

28. Quis autem hoc facit, ut fratri suo vel non irascatur sine causa, vel *Racha* non dicat sine causa, vel cum fatuum non appellat sine causa, quod totum superbissime admittitur; vel forte si in aliquo horum lapsus fuerit, quod est unum renum, supplici animo veniam deprecetur; nisi qui quis inanis factantie spiritu non inflatur<sup>1</sup>? *Beati ergo pauperes spiritu; quoniam ipsorum est regnum cœlorum. Nunc jam videamus quid sequitur.*

CAPUT XI. — 29. *Esto, inquit, adversario tuo benevolus cito dum es in via cum eo; ne forte te tradat adversarius judici, et judex tradat te ministro, et in carcere militaris. Amen dico tibi, non exies inde, donec reddas novissimum quadrantem. Judicem intelligo: Pater enim non judicat quemquam, sed omne judicium dedit Filio (Joan. v, 22). Ministrum intelligo: Et Angeli, inquit, ministrabant ei (Matth. iv, 11) : et cum Angelis suis venturum credimus ad judicandos vivos et mortuos. Carcerem intelligo; poenas vide-licet tenebrarum, quas alio loco exteriore vocat (Id. viii, 12) : credo propterea quod intrinsecus sit in ipsa mente, vel etiam si quid secretius cogitari potest, gaudium divinorum præriorum; de quo dicitur servo bene merito, *Intra in gaudium Domini tui (Id. xxv, 23)*: quemadmodum etiam in hac ordinatione reipublicæ, vel a secretario, vel a prætorio judicis extra mittitur qui in carcere traditur.*

30. De solvendo autem novissimo quadrante, potest non absurde intelligi aut pro eo positum quod nihil relinquitur impunitum; sicut loquentes etiam dicimus, Usque ad faciem, cum volumus exprimere aliquid ita exactum, ut nihil relinqueretur: vel ut significarentur nomine quadrantis novissimi, terrena peccata. Quarta enim pars distinctorum membrorum hujus mundi, et ea novissima, terra invenitur, ut in-

<sup>1</sup> Lov., deprecetur; quod quisquis non fecerit, inanis factantie spiritu inflatur. Sed liquidior est nostra lectio, et a veteris libris probata.

ciplias a cœlo, secundum aërem numères, aquam terram, quartam terram. Potest ergo convenienter videri dictum, *Donec solvas novissimum quadrantem*, donec luas terrena peccata: hoc enim et peccator audit, *Terra es, et in terram ibis (Gen. iii, 19)*. *Donec solvas* autem quod dictum est, miror si non eam significat poemam quæ vocatur æterna. Unde enim solvit illud debitum, ubi jam non datur penitendi et correctius vivendi locus? Ita enim fortasse hic positum est, *Donec solvas*, quomodo in illo ubi dictum est, *Sede ad dexteram meam, donec ponam omnes inimicos tuos sub pedibus tuis (Psal. cix, 1)*; non enim cum fuerint inimici sub pedibus positi, desinet ille sedere ad dexteram: aut illud Apostoli, *Oportet enim illum regnare, donec ponat omnes inimicos suos sub pedibus suis (I Cor. xv, 25)*; non enim cum positi fuerint, desinet regnare. Quemadmodum ergo ibi intelligitur, de quo dictum est, *Oportet eum regnare, donec ponat inimicos sub pedibus suis*, semper regnaturum, quoniam semper illi crunt sub pedibus: ita hic accipi potest, de quo dictum est, *Non exies inde, donec solvas novissimum quadrantem*, semper non exiturum esse; quia semper solvit novissimum quadrantem, dum semper tinas terrenorum peccatorum luit. Neque ita dixerim, ut diligentiore tractationem videar admissae de poenis peccatorum, quomodo in Scripturis dicantur æternæ: quoniam quolibet modo vitande sunt potius quam sciendæ.

31. Sed videamus jam quis sit ipse adversarius, cui jubemur esse benevoli cito, cum sumus cum illo in via. Aut enim diabolus est, aut homo, aut caro, aut Deus, aut præceptum ejus. Sed diabolo non video quomodo jubemur benevoli esse, id est concordes aut conscientes. Namque alii quod græce positum est εὐεστός, interpretati sunt *concors*, alii *consentiens*: sed neque benevolentiam diabolo jubemur exhibere; ubi enim benevolentia, ibi amicitia: neque quisquam dixerit amicitiam cum diabolo esse faciendam; neque concordare cum illo expedit, cui semel renuntiando bellum indiximus, et quo victo coronabimur; neque consentire illi jam oportet, cui si nunquam consensimus, nunquam in istas incidissemus miserias. De homine autem, quoniam jubeamur cum omnibus, quantum in nobis est, pacem habere, ubi utique et benevolentia, et concordia, et consensio potest intelligi; non video tamen quomodo accipiam ab homine nos judici tradi, ubi Christum judicem intelligo, ante cujus tribunal omnes oportet exhiberi, sicut dicit Apostolus (II Cor. v, 10): quoniam ergo judici traditurus est, qui ante judicem pariter exhibebitur? Aut si propterea traditur quisque judici, quia hominem laesit, quamvis illo non tradente qui Iesus est; multo commodius accipitur a lege ipsa reum tradi judici, contra quam fecit, cum hominem laederet. Quia et si occidendo quis nocuerit homini, non erit jam tempus quo concordet cum eo; quia jam non est cum illo in via, id est in hac vita: nec tamen ideo non sahibitur penitendo, et ad illius misericordiam cum sacrificio tribulati cordis refugiendo qui donat peccata conver-

sis ad se, et qui plus gaudet de uno paenitente, quam de nonoginta novem justis (*Luc. xv, 7*). Carni vero multo minus video quomodo benevoli vel concordes vel consentientes esse jubeamur. Magis enim peccatores amant carnem suam, et concordant cum illa, et consentiunt ei: qui vero eam servituti subjiciunt, non ipsi ei consentiunt, sed eam sibi consentire cogunt.

32. Fortasse ergo jubemur Deo consentire, et illi esse benevoli, ut ei reconciliemur, a quo peccando aversi sumus, ut adversarius noster dici possit. Quibus enim resistit, recte dicitur eorum adversarius: *Deus enim superbis resistit, humilibus autem dat gratiam* (*Jacobi iv, 6*); et, *Initium omnis peccati superbia; initium autem superbiae hominis, apostatare a Deo* (*Ecli. x, 13, 14*): et Apostolus dicit, *Si enim cum inimici essemus, reconciliati sumus Deo per mortem Filii ejus, multo magis reconciliati salvi erimus in vita ipsius* (*Rom. v, 10*). Ex quo intelligi potest, nullam naturam malam inimicam Deo esse, quandoquidem ipsi reconciliantur qui inimici fuerunt. Quisquis ergo in hac via, id est in hac vita, non fuerit reconciliatus Deo per mortem Filii ejus, tradetur judici ab illo; quia *Pater non judicat quemquam, sed omne iudicium dedit Filio*: atque ita cetera quae in hoc capitulo scripta sunt consequuntur, de quibus jam tractavimus. Unum solum est quod huic intellectui difficultatem facit, quomodo possit recte dici in via nos esse cum Deo, si hoc loco ipse accipiens est adversarius impiorum, cui jubemur cito reconciliari: nisi forte quia ipse ubique est, nos etiam cum in hac via sumus, cum illo utique sumus. *Si enim ascendero in cælum, inquit, tu ibi es; si descendero in infernum, ades; si recipiam pennas meas in directum, et habitabo in novissima maris; etenim illuc manus tua deducet me, et continebit me dextera tua* (*Psal. cxxxviii, 8-10*). Aut si non placet impios dici esse cum Deo, quanquam quisquam non praesto sit Deus; quemadmodum non dicimus caecos esse cum luce, tametsi oculos eorum lux circumfundat; unum reliquum est, ut hic adversarium preceptum Dei, intelligamus. Quid enim sic adversatur peccare volentibus quam præceptum Dei, id est lex ejus et Scriptura divina, qua data est nobis ad hanc vitam, ut sit nobiscum in via, cui non oportet contradicere, ne nos tradat judici; sed ei oportet consentire cito? Non enim quisquam novit quando de hac vita exeat. Quis autem consentit Scripturæ divinæ, nisi qui legit vel audit pie, deferens ei culmen auctoritatis, ut quod intelligit, non propter hoc oderit quod peccatis suis adversari sentit; sed magis diligit correptionem suam, et gaudeat quod morbis suis, donec sanentur, non parcitur: quod vero aut obscurum, aut absurdum illi sonat, non inde concepit contradictionum certamina, sed oret ut intelligat; benevolentiam tamen et reverentiam tante auctoritati exhibendam esse meminerit? Sed quis hoc facit, nisi quisquis ad testamentum patris aperiendum et cognoscendum,

<sup>1</sup> Am. Er. et Lov., in norissino. At MSS. necnon editio Mar., in norissano; juxta græcum LXX, eis la eschala.

non huius minitatione acerbus, sed pietate mitis accesserit? *Beati ergo miles; quoniam ipsi hereditate possidebunt terram*. Videamus sequentia.

CAPUT XII.—33. *Audistis quia dictum est antiquis, Non moechaberis. Ego autem dico vobis, quia omnis qui viderit mulierem ad concupiscendum eam, jam moechatus est eam in corde suo. Justitia ergo minor est, non moechari corporum conjunctione: justitia vero major regni Dei, non moechari in corde*. Quisquis autem non moechatur in corde, multo facilius custodit ne moechetur in corpore. Illud ergo confirmavit qui hoc præcepit: non enim venit Legem solvere, sed implere. Sane considerandum est quod non dixit, *Omnis qui concupiverit mulierem; sed, qui viderit mulierem ad concupiscendum eam*, id est, hoc sine et hoc animo attenderit ut eam concupiscat: quod jam non est titillari delectatione carnis, sed plene <sup>1</sup> consentire libidini; ita ut non refrenetur illicitus appetitus, sed si facultas data fuerit, satietur.

34. Nam tria sunt quibus impletur peccatum; suggestione, delectatione, et consensione. Suggestio, sive per memoriam sit, sive per corporis sensus, cum aliquid videmus, vel audimus, vel olfacimus, vel gustamus, vel tangimus. Quo si frui delectaverit, delectatio illicita refrrena est. Velut cum jejunamus et visis cibis palati appetitus assurgit, non sit nisi delectatione: sed huic tamen non consentimus, et eam <sup>2</sup> dominantis rationis iure cohibemus. Si autem consensio facta fuerit, plenum peccatum erit, notum Deo in corde nostro, etiamsi facto non innothescat hominibus. Ita ergo sunt isti gradus, quasi a serpente suggestio fiat, id est, lubrico et volubili, hoc est temporali corporum <sup>3</sup> motu; quia et si quanta phantasmata intus versantur in anima, de corpore forinsecus tracta sunt; et si quis occultus præter istos quinque sensus motus corporis animam tangit, est etiam ipse temporalis et lubricus; et ideo quanto illabitur occulitus ut cogitationem contingat, tanto convenientius serpenti comparatur. Tria ergo haec, ut dicere cœperam, similia sunt illi gestæ rei quæ in Genesi scripta est, ut quasi a serpente fiat suggestio et quædam suasio; in appetitu autem carnali, tanquam in Eva, delectatio; in ratione vero, tanquam in viro, consensio: quibus peractis, tanquam de paradiſo, hoc est, de beatissima luce justitiae in mortem homo expellitur (*Gen. iii, 1*); justissime omnino. Non enim cogit qui suadet. Et omnes naturæ in ordine suo gradibus suis pulchra sunt: sed de superioribus in quibus rationalis animus ordinatus est, ad inferiora non est declinandum. Nec quisquam hoc facere cogit; et ideo si fecerit, justa Dei lege punitur: non enim hoc committit invitus. Verum tamen delectatio ante consuetudinem <sup>4</sup> vel nulla est, vel tam tenuis ut prope nulla sit: cui consentire ma-

<sup>1</sup> In omnibus prope MSS., plane.

<sup>2</sup> Editio Mar. et Lov., ceteris librisрагantibus, si eam.

<sup>3</sup> MSS. decem, corporatum.

<sup>4</sup> Sic MSS. et Mar. At Ains. Er. et Lov., sine justa defensione punitur.

<sup>5</sup> Sic Am. Er. et MSS., uno tantum excepto. At Mar. et Lov., ante consuetudinem.

gnum peccatum est, cum illicita est. Cum autem quisque conenserit, committit peccatum in corde. Si autem etiam in factum processerit, videtur satiri et extingui cupiditas: sed postea cum suggestio repetitur, major accenditur delectatio; quae tamen adhuc multo minor est quam illa quae assiduis factis in consuetudinem vertit. Hanc enim vincere difficillimum est: et tamen etiam ipsam consuetudinem, si se quisque non deserat, et christianam militiam non resurmit, illo duce atque adjutore superabit; ac sic in pristinam pacem<sup>1</sup> atque ordinem et vir Christo, et mulier viro subjicitur (*I Cor. xi, 5, et Ephes. v, 25*).

35. Sicut ergo tribus gradibus ad peccatum pervenitur, suggestione, delectatione, consensione; ita ipsius peccati tres sunt differentiae, in corde, in facto, in consuetudine, tanquam tres mortes: una quasi in domo, id est cum in corde consentitur libidini; altera jam prolata quasi extra portam, cum in factum procedit assensio; tertia, cum vi consuetudinis male tanquam mole terrena premitur animus, quasi in sepulcro jam putens. Quae tria genera mortuorum Dominum resuscitasse, quisquis Evangelium legit, agnoscit. Et fortasse considerat quas differentias habeat etiam ipsa vox resuscitantis, cum alibi dicit, *Puella, surge (Matth. ix, 25)*; alibi, *Juvenis, tibi dico, surge (Luc. vii, 14)*; alibi, *Infrenuit spiritu, et flevit, et rursus fremuit, et post deinde voce magna clamavit, Lazare veni foras (Joan. xi, 33-44)*.

36. Quapropter, nomine moechantium qui hoc capitulo commemorantur, omnem carnalem et libidinosam concupiscentiam oportet intelligi. Cum enim tam assidue idololatriam Scriptura fornicationem dicat, Paulus autem apostolus avaritiam idololatriæ nomine appellat (*Coloss. iii, 5, et Ephes. v, 5*); quis dubitet omnem malam concupiscentiam recte fornicationem vocari, quando anima neglecta superiora lege qua regitur, inferiorum naturarum turpi voluptate, quasi mercede, prostituta corrumpitur? Et ideo quisquis carnalem delectationem adversus rectam voluntatem suam rebellare sentit per consuetudinem peccatorum, cuius indomita<sup>2</sup> violentia trahitur in captivitatem, recolat quantum potest quallem pacem peccando amiserit, et exclamat, *Infelix ego homo, quis me liberabit de corpore mortis hujus? Gratia Dei per Jesum Christum (Rom. vii, 24, 25)*. Ita enim cum se infelicem exclamat, lugendo implorat consolatoris auxilium. Nec parvus est ad beatitudinem accessus, cognitio infelicitatis sue: et ideo, *Beati etiam lugentes; quoniam ipsi consolabuntur*.

CAPUT XIII. — 37. Deinde sequitur, et dicit: *Si autem oculus tuus dexter scandalizat te, erue eum, et projice abs te: expedit enim tibi ut pereat unum membrorum tuorum, quam totum corpus tuum eat in gehennam*. Hic vero magna opus est fortitudine ad membra praecendenda. Quidquid enim est quod significat oculus, sine dubio tale est quod vehementer diligitur.

<sup>1</sup> Am. Ep. et Lov., potestatem. MSS., consentiente Mar., prarem

<sup>2</sup> I. decem vss., indomita.

Solet enim et ab eis qui vehementer volunt exprimere dilectionem suam, ita dici, *Diligo eum ut oculos meos, aut etiam plus quam oculos meos*. Quod autem additum est, *dexter, tortasse ad augendam vim dilectionis valet*. Quanquam enim ad videndum isti oculi corporis communiter intendantur, et si ambe intendantur, requiriter possint; amplius tamen formidant homines dextrum amittere. Ut iste sit sensus: Quidquid illud est quod ita diligis, ut pro dextre oculo habeas, si scandalizat te, id est, si tibi impedimentum est ad veram beatitudinem, erue illud, et projice abs te. Expedit enim tibi ut pereat unum horum, que ita diligis ut tanquam membra habereant, quam totum corpus tuum eat in gehennam.

38. Sed quoniam sequitur de manu dextera, et similiter dicitur, *Si dextera manus tua scandalizat te, abscide eam, et projice abs te: expedit enim tibi ut pereat unum membrorum tuorum, quam totum corpus tuum eat in gehennam*; cogit querere diligentius quid dixerit oculum. In qua quæstione nihil mihi occurrit congruentius, quam dilectissimum amicum; nam hoc est utique quod membrum recte possumus appellare, quod vehementer diligimus: et hunc consiliarium; quia oculus est, tanquam demonstrans iter; et in rebus divinis, quia dexter est: ut sinister sit dilectus quidem consiliarius, sed in rebus terrenis, ad necessitatem corporis pertinentibus; de quo scandalizante superfluum erat dicere, quandoquidem nec dextra parendum sit. In rebus autem divinis consiliarius scandalizans est, si in aliquam perniciosa hæresiu nomine religionis atque doctrine conatur inducere. Ergo et dextera manus accipiatur dilectus adjutor et minister in divinis operibus: nam quemadmodum in oculo contemplatio, sic in manu recte actio intelligitur; ut sinistra manus intelligatur in operibus que huic vitæ et corpori sunt necessaria.

CAPUT XIV. — 39. *Dictum est autem, Quicumque dimiserit uxorem suam, det illi libellum repudii*. Hæc justitia minor est Phariseorum, cui non est contrarium quod Dominus dicit, *Ego autem dico vobis, Quicumque dimiserit uxorem suam excepta fornicationis causa, facit eam mœchari; et qui solutam a viro duxerit, mœchatur*. Non enim qui præcepit dari libellum repudii, hoc præcepit, ut uxor dimittatur: sed, *Qui dimiserit, inquit, det illi libellum repudii*; ut iracundiam teneriarum projiciens uxorem libelli cogitatio temperaret. Qui ergo dimittendi moram quæsivit, significavit quantum potuit duris hominibus, se noile discidium. Et ideo ipse Dominus alio loco de hoc interrogatus, ita respondit: *Hoc Moyses propter duriam vestram fecit (Matth. xix, 8)*. Quantumvis enim durus esset qui vellet dimittere uxorem, cum cogitaret libello repudi datu jam sine periculo eam posse innbere alteri, facile placaretur. Dominus ergo ad illud confirmandum ut non facile uxor dimittatur, solam causam fornicationis exceperit: cæteras vero universas molestias, si que forte exsisterint, jubet pro fide conjugali et pro castitate fortiter sustineri; et mœcham dici, etiam virum qui eam duxerit, que soluta

est a viro. Cujus rei apostolus Paulus terminum ostendit, quia tamdiu observandum dicit, quamdiu vir ejus vivit : illo autem mortuo, dat nubendi licentiam (*Rom. vii, 2, 3*). Hanc enim etiam ipse regulam tenuit, et in ea non suum consilium, sicut in nonnullis monitis, sed praeceptum Domini jubentis ostendit, cum ait : *Eis autem qui sunt in conjugio præcipio, non ego, sed Dominus, mulierem a viro non discedere ; quod si discesserit, manere innuptam, aut viro suo reconciliari : et vir uxorem non dimittat* (*I Cor. vii, 10, 11*). Credo, simili forma, ut si dimiserit non ducat aliam, aut reconcilietur uxori. Fieri enim potest ut dimittat uxorem causa fornicationis, quam Dominus exceptam esse voluit. Jamvero si nec illi nubere conceditur vivo viro a quo recessit, neque huic alteram ducere viva uxore quam dimisit; multo minus fas est illicita cum quibuslibet stupra committere. Beatoria sane conjugia judicanda sunt, quæ sive filii procreatis, sive etiam ista terrena prole contempta, continentiam inter se pari consensu servare potuerint : quia neque contra illud præceptum sit, quo Dominus dimitti conjugem vetat; non enim dimittit, qui cum ea non carnaliter, sed spiritualiter vivit : et illud servatur, quod per Apostolum dicitur, *Reliquum est ut qui habent uxores, quasi non habentes sint* (*Ibid. 29*).

CAPUT XV. — 40. Illud magis solet sollicitare animum parvolorum, qui tamen secundum præcepta Christi jam vivere gestiunt, quod alio loco ipse Dominus dicit, *Quisquis venit ad me, et non odit patrem suum, et matrem, et uxorem, et filios, et fratres, et sorores, insuper et animam suam, non potest meus esse discipulus* (*Luc. xiv, 26*). Videri enim potest contrarium minus intelligentibus, quod hic vetat dimitti uxorem, excepta causa fornicationis, alibi vero discipulum suum negat esse posse quemquam qui non oderit uxorem. Quod si propter concubitus diceret, non etiam patrem, et matrem, et fratres in eadem conditione poneret. Sed quam verum est quod *regnum cœlorum vim patitur, et qui vim faciunt, diripiunt illud* (*Matth. xi, 12*)! Quanta enim vi opus est, ut homo diligit inimicos, et oderit patrem, et matrem, et fratres, et filios, et fratres! Utrumque enim jubet, qui ad regnum cœlorum vocet. Et quomodo hæc non sint contraria inter se, ipso duce ostendere facile est; sed ea intellecta implere difficile: quanquam et hoc eodem ipso adjuvante facillimum. Regnum enim aeternum quo discipulos suos, quos etiam fratres appellat, vocare dignatus est, non habet hujusmodi necessitudines temporales. Non enim est *Iudeus*, neque *Grucus*, neque *masculus*, neque *femina*, neque *servus*, neque *liber*; sed *omnia et in omnibus Christus* (*Galat. iii, 28*, et *Coloss. iii, 11*). Et ipse Dominus dicit: *In resurrectione enim neque nubent, neque uxores ducent; sed erunt sicut Angeli Dei in cælis* (*Matth. xxii, 30*). Oportet ergo ut quisquis illius regni vitam jam hic meditari voluerit, oderit non ipsos homines, sed istas necessitudines temporales, quibus ista que transitura est vita fulcitur, quæ nascendo et moriendo peragitur: quod qui non odit, nondum amat illam vitam ubi nulla erit conditio nascendi atque

moriendi, quæ copulat terrena conjugia.

41. Itaque si aliquem bene christianum, qui tamen habet uxorem, quamvis cum ea adhuc filios generet, interrogem, utrum in illo regno habere velit uxorem; memor utique promissorum Dei et vitæ illius, ubi corruptibile hoc induet incorruptionem, et mortale hoc induet immortalitatem (*I Cor. xv, 53, 54*): jam magno vel certe aliquo amore suspensus, cum execratione respondebit, se vehementer id nolle. Rursus si interrogem, utrum uxorem suam post resurrectionem accepta angelica immutatione<sup>1</sup> quæ sanctis promittitur, secum ibi vivere velit; tam vehementer se id velle quam illud nolle respondebit. Sic invenitur bonus christianus diligere in una semina creaturam Dei, quam reformari et renovari desiderat; odisse autem conjunctionem copulationemque corruptibilem atque mortalem: hoc est, diligere in ea quod homo est, odiere quod uxor est. Ita etiam diligit inimicum, non in quantum inimicus est, sed in quantum homo est; ut hoc ei velit provenire quod sibi, id est, ut ad regnum cœlorum correctus renovatusque perveniat. Hoc et de patre et de matre et exteris vinculis sanguinis intelligendum est, ut in eis oderimus quod genus humanum nascendo et moriendo sortitum est (*a*), diligamus autem quod nobiscum potest ad illa regna perduci, ubi nemo dicit, *Pater meus*; sed omnes uni Deo, *Pater noster*: nec, *Mater mea*; sed omnes illi Jerusalem, *Mater nostra*: nec Frater meus; sed omnes de omnibus, *Frater noster*: conjugium vero cum illo simul nobis in unum redactis, quasi unius conjugis erit, qui nos de prostitutione hujus sæculi sui sanguinis effusione liberavit. Necesse est ergo ut oderit ea quæ transeunt discipulus Christi, in iis quos secum ad ea venire desiderat, quæ semper manebunt; et tanto magis hæc in eis oderit, quanto magis eos diligit.

42. Potest igitur christianus cum conjugie concorditer vivere; sive indigentiam carnalem cum ea supplens, quod secundum veniam, non secundum imperium<sup>2</sup> dicit Apostolus; sive filiorum propagationem, quod jam nonnullo gradu potest esse laudabile; sive fraternalm societatem, sine ulla corporum commixtione, habens uxorem tanquam non habens, quod est in conjugio Christianorum excellentissimum atque sublime: ut tamen oderit in ea nomen temporalis necessitatibus<sup>3</sup>, et diligat spem sempiternæ beatitudinis. Odimus enim sine dubio, quod certe ut aliquando non sit optamus, sicut istam ipsam presentis sæculi vitam, quam temporalem si non odissemus, non desideraremus futuram, quæ non est tempori obnoxia. Pro hac enim vita posita est anima, de qua ibi dictum est, *Qui non oderit insuper et animam suam, non potest esse meus discipulus* (*Luc. xiv, 6*). Huic namque vita cibis est necessarius iste corruptibilis, de quo ipse

<sup>1</sup> Sic MSS. et editi, præter Mar. et Lov., qui habent, *immortalitate*.

<sup>2</sup> In omnibus MSS., *non secundum debitum*.

<sup>3</sup> Am. Er. et Lov., *oderit in ea omnes temporales necessitates*. At MSS., *oderit in ea nomen temporalis necessitatis*. Sic etiam Mar. ubi pro necessitatibus, legatum videtur, *necessitudinis*.

(a) *I Retract.*, cap. 19, n. 3.

*Dominus dicit, Nonne anima plus est quam esca (Matth. vi, 25)? id est, hæc vita cui necessaria est esca. Et quod dicit, ut animam suam ponat pro ovibus suis (Joan. x, 13); hanc utique vitam dicit, cum se pro nolis moriturum esse pronuntiat.*

CAPUT XVI.—45. Exoritur hic altera questio, cum Dominus causa fornicationis permittat dimitti uxorem, quatenus hoc loco intelligenda sit fornicatio: utrum quoque intelligunt omnes, id est, ut eam fornicationem credamus dictam quæ in stupris committitur; an quemadmodum Scripturæ solent fornicationem vocare, sicut supra dictum est, omnem illicitam corruptionem, sicut est idolatria vel avaritia, et ex eo jam omnis transgressio legis propter illicitam concupiscentiam (a). Sed consulamus Apostolum, ne aliquid temere dicamus: *His qui sunt in conjugio, inquit, præcipio, non ego, sed Dominus, uxorem a viro non discedere; quod si discesserit, manere innuptam, aut viro suo reconciliari.* Potest enim fieri ut discedat ea causa qua Dominus permittit. Aut si feminæ licet virum dimittere etiam præter causam fornicationis, et non licet viro; quid respondebimus de hoc quod dixit posterius, *Et vir uxorem ne dimittat?* Quare non addidit, excepta causa fornicationis, quod Dominus permittit; nisi quia similem formam vult intelligi, ut si dimiserit (quod causa fornicationis permittitur), maneat sine uxore, aut reconcilietur uxori? Non enim male reconciliaretur vir illi mulieri, quam cum lapidare nemo ausus esset, dixit ei Dominus: *Vade, et vide deinceps ne pecces* (Id. viii, 11). Quia et qui dicit, Non licet dimittere uxorem, nisi causa fornicationis; cogit retinere uxerem, si causa fornicationis non fuerit; si autem fuerit, non cogit dimittere, sed permittit: sicut dicitur, Non licet mulieri nubere alteri, nisi mortuo viro; si ante viri mortem nupserit, rea est: si post viri mortem non nupserit, non est rea; non enim jussa est nubere, sed permissa. Si ergo pars forma est in isto iure conjugii inter virum et mulierem, usque adeo ut non tantum de feminâ, idem Apostolus dixerit, *Mulier non habet potestatem sui corporis, sed vir;* sed etiam de illo non tacuerit dicens, *Similiter et vir sui corporis potestatem non habet, sed mulier;* si ergo similis forma est, non oportet intelligi licere mulieri virum dimittere, nisi causa fornicationis, sicut et viro.

44. Considerandum est itaque quatenus fornicationem intelligere debeamus, et consulendus, ut cooperamus, Apostolus. Sequitur enim et dicit, *Cæteris autem ego dico, non Dominus.* Hic primo videndum est quibus cæteris; dicebat enim superius ex Domini persona iis qui sunt in conjugio, nunc vero ex sua persona cæteris dicit: ergo fortasse iis qui non sunt in conjugio: sed non hoc sequitur. Ita enim subiungit: *Si quis frater habet uxorem infidelem, et hæc consentit habitare cum illo, non dimittat illam.* Ergo etiam nunc iis dicit qui sunt in conjugio. Quid sibi ergo vult quod ait, cæteris: nisi quia superioris eis loquebatur, qui sic copulati erant, ut pariter in fide Christi essent; cæteris vero nunc dicit, id est eis qui sic copulati sunt,

(5) I Petrac. cap. 19, n. 6.

ut non ambo fideles sint? Sed quid eis dicit? Si quis frater habet uxorem infidelem, et hæc consentit habitare cum illo, non dimittat illam: et si qua mulier habet virum infidelem, et hic consentit habitare cum illa, non dimittat virum. Si ergo non præcipit ex Domini persona, sed ex sua persona monet, ita est hoc bonum, ut si quis aliter fecerit, non sit præcepti transgressor: sicut de virginibus paulo post dicit, præceptum Domini se non habere, consilium autem dare; atque ita laudat virginitatem, ut arripiat eam qui voluerit, non tamen ut si non fecerit, contra præceptum fecis e judicetur. Aliud enim est quod jubetur, aliud quod monetur, aliud quod ignoscitur. Jubetur mulier a viro non discedere; quod si discesserit, manere innuptam aut viro suo reconciliari: aliter ergo non licet facere. Monetur autem vir fidelis, si habet uxorem infidelem consentientem secum habitare, non eam dimittere: licet ergo et dimittere; quia non est præceptum Domini, ne dimittat, sed consilium Apostoli: sicut monetur virgo non nubere; sed si nupserit, consilium quidem non tenebit, sed contra præceptum non faciet. Ignoscitur cum dicitur, *Hoc autem dico secundum veniam, non secundum imperium.* Quapropter, si licet ut dimittatur conjux infidelis, quamvis melius sit non dimittere, et tamen non licet secundum præceptum Domini ut dimittatur conjux nisi causa fornicationis, fornicatio est etiam ipsa infidelitas.

45. Quid enim tu dicas, Apostole? Certe ut vir fidelis consentientem secum habitare mulierem infidelem non dimittat. Ita, inquit. Cum ergo loc et Dominus præcipiat, ne dimittat vir uxorem, nisi causa fornicationis, quare hic dicas, *Ego dico, non Dominus?* Quia scilicet idolatria quam sequuntur infideles, et quilibet noxia superstitione, fornicatio est. Dominus autem permisit causa fornicationis uxorem dimitti: sed quia permisit, non jussit, dedit locum Apostolo monendi, ut qui voluerit non dimittat uxorem infidelem, quo sic fortasse possit fieri fidelis. *Sanctificatus est enim,* inquit, *vir infidelis in uxore*<sup>1</sup>; et *sanctificata est mulier infidelis in fratre.* Credo, jam provocerat ut nonnullæ feminæ per viros fideles, et viri per uxores fideles in fidem venirent; et quamvis non dicens omnina, exemplis tamen hortatus est, ad confirmandum consilium suum. Deinde sequitur: *Alioquin filii vestri immundi essent; nunc autem sancti sunt* (I Cor. xvii). Jam enī erant parvuli christiani, qui sive auctore uno ex parentibus, sive utroque consentiente sanctificati erant: quod non fieret, nisi uno credente dissociaretur conjugium, et non toleraretur infidelitas conjugis usque ad opportunitatem credendi. Illoc est ergo consilium ejus, cui credo dictum esse, *Si quid supererogaveris, rediens reddam tibi* (Luc. x, 35).

46. Porro si infidelitas fornicatio est, et idolatria infidelitas, et avaritia idolatria, non est dubitandum et avaritiam fornicationem esse. Quis ergo jam quam-

<sup>1</sup> Editi, in uxore fidei: et paulo post, in fratre fidei. At MSS. in utroque loco carent voce, fidei: que ab Apostoli græco textu absunt; nec in latino erat, teste Augustino, infra, cap. 23.

libet illicitam concupiscentiam potest recte a fornicationis genere separare, si avaritia fornicatio est? Ex quo intelligitur, quod propter illicitas concupiscentias, non tantum quae in stupris cum alienis viris aut feminis committuntur, sed omnino quaslibet, quae animam corpore male utentem a lege Dei aberrare faciunt, et perniciose turpiterque corrumphi, possit sine crimine et vir uxorem dimittere, et uxor virum: quia exceptam facit Dominus causam fornicationis; quam fornicationem, sicut supra consideratum est, generalem et universalem intelligere cogimur.

47. Cum autem ait, *excepta causa fornicationis*; non dixit cuius ipsorum, viri, an feminæ. Non enim tantum fornicantem uxorem dimittere conceditur, sed quisquis eam quoque uxorem dimittit, a qua ipse cogitur fornicari, causa fornicationis utique dimittit. Velut si aliquem cogat uxor sacrificare idolis, qui talen dimittit, causa fornicationis dimittit, non tantum illius, sed et sua: illius, quia fornicatur; sua, ne fornicetur. Nihil autem iniquius, quam fornicationis causa dimittere uxorem, si et ipse convincitur fornicari. Occurrit enim illud, *In quo enim alterum judicas, temetipsum condemnas: eadem enim agis quæ judicas* (*Rom. 11, 4*). Quapropter, quisquis fornicationis causa vult abjecere uxorem, prior debet esse a fornicatione purgatus: quod similiter etiam de semina dixerim.

48. Quod autem dicit, *Quisquis solutam a viro duxerit, mœchatur; quæri potest utrum quomodo mœchatur ille qui ducit, sic et illa quam dicit. Jubetur enim et illa manere innupta, aut viro reconciliari: sed si discesserit, inquit, a viro. Multum autem interest utrum dimittat, an dimittatur. Si enim ipsa virum dimiserit, et alteri nupserit; videtur cupiditate mutantandi conjugii virum priorem reliquisse, quæ sine dubio adulterina cogitatio est. Si autem dimittatur a viro, cum quo esse cupiebat; mœchatur quidem qui eam duxerit, secundum Domini sententiam, sed utrum et ipsa tali criminis teneatur, incertum est. Quamvis multo minus inveniri possit quomodo cum vir et mulier pari consensu sibi misceantur, unus eorum mœchus sit, et non sit alter. Huc accedit, quia si mœchatur ille ducento eam quæ soluta est a viro, quamquam non dimiserit, sed dimissa sit, ipsa eum facit mœchari, quod nihilominus Dominus vetat. Ex quo colligitur, sive dimissa fuerit, sive dimiserit, oportere illam manere innuptam, aut viro reconciliari*

49. Rursum queritur utrum si uxorius permisso, sive sterilis, sive quæ concubitum pati non vult, adbibuerit sibi alteram vir, non alienam, neque a viro sejunctam, possit esse sine crimine fornicationis? Et in historia quidem Veteris Testamenti invenitur exemplum; sed nunc præcepta majora sunt, in quæ per illum gradum generatio humana pervenit: tractanda illa sunt ad distinguendas actes dispensationis divine providentiae, quæ humano generi ordinatissime subvenit; non autem ad vivendi regulas usurpandas<sup>1</sup>. Sed tamen utrum quod ait Apostolus, *Mulier non ha-*

*bet potestatem sui corporis, sed vir; similiter et vir non habet potestatem sui corporis, sed mulier; possit in tantum valere, ut permittente uxore, quæ maritalis corporis potestatem habet, possit vir cum altera, quæ nec aliena uxor sit, nec a viro disjuncta, concubere: sed non ita est existimandum, ne hoc etiam feminam, viro permittente, facere posse videatur, quod omnium sensus excludit.*

50. Quanquam nonnullæ cause possint existere, ubi et uxor, mariti consensu, pro ipso marito hoc facere debere videatur: sicut Antiochiae factum esse perhibetur ante quinquaginta ferme annos, Constantii temporibus (a). Nam Aeyndinus tunc praefectus, qui etiam consul fuit, cum quemdam libræ auri debitorum fisci exigeret, nescio unde commotus, quod plenumque in istis potestatibus periculosum est, quibus quodlibet licet, aut potius putatur licere, communis est jurans et vehementer affirmans, quod si certo dñe quem constituerat, memoratum aurum non exsolvet, occideretur. Itaque cum ille teneretur immanni custodia, nec se posset debito illo expedire, dies me tuendus imminere et propinquare cœpit. Et forte habebat uxorem pulcherrimam, sed nullius pecuniae qua subveniret viro: cuius mulieris pulchritudine cum quidam dives esset accensus, et cognovisset maritum ejus in illo discrimine constitutum, misit ad eam pollicens pro una nocte, si ei misceri vellet, se auri libram daturum. Tum illa quæ se sciret non habere sui corporis potestatem, sed virum suum, pertulit ad eum dicens parata in se esse pro marito id facere, si tamen ipse conjugalis corporis dominus, cui tota illa castitas deberetur, tanquam de re sua pro vita sua vellet id fieri. Egit ille gratias, et ut id fieret imperavit, nullo modo judicans adulterinum esse concubitum, quod et libido nulla et magna mariti charitas se jubente et volente flagitaret. Venit mulier ad villam illius divitis, fecit quod voluit impudicus: sed illa corpus non nisi marito dedit, non concubere, ut solet, sed vivere cœpieni. Accepit aurum: sed ille qui dedit, fraude subtraxit quod dederat, et supposuit simile ligamentum cum terra. Quod ubi mulier jam doni sue posita invenit, prosiluit in publicum eadem mariti cœlitate clamatura quod fecerat, qua facere coacta est: interpellat praefectum, satetur omnia, quam fraudem passa esset ostendit. Tum vero praefectus primo se reum, quod suis minis ad id ventum esset, pronuntiat, tanquam in alium sententiam dicens, de Aeyndini bonis auri libram fisco inferendam; illam vero mulierem dominam in eam terram, unde pro auro terram acceptisset, induci. Nihil hinc in aliquam partem disputo; licet cuique estimare quod velit: non enim de divinis auctoritatibus deprompta historia est: sed tamen narrato facto, non ita respuit hoc sensus humanus, quod in illa muliere, viro jubente, commissum est, quemadmodum antea, cum sine ullo exemplo res ipsa poneretur, horruimus. Sed in hoc Evangelii capitulo nihil fortius considerandum est, quam tantum malum

(a) Circiter Christi annum 345: quippe hoc scribebat sub an. 395.

<sup>1</sup> In Corbeiensi codice, ad ritendi regulam usurpanda.

esse fornicationis, ut cum tanto vinculo sibi conjugia constringantur, haec una causa solutionis excepta sit: quae sit autem fornicatio, jam tractatum est.

CAPUT XVII. — 51. Iterum, inquit, audistis quia dictum est antiquis, Non pejerabis, reddes autem Domino iusjurandum tuum. Ego autem dico vobis, non jurare omnino, neque per cælum, quia thronus Dei est; neque per terram, quia scabellum est pedum ejus; neque per Jerosolymam, quia civitas est magni regis; neque per caput tuum juraveris, quia non potes facere capillum unum album aut nigrum. Sit autem sermo vester, Est, est; Non, non: quod autem amplius est, a malo est. Justitia Pharisæorum est, non pejerare: hanc confirmat qui vetat jurare, quod pertinet ad justitiam regni cœlorum. Sicut enim falsum loqui non potest qui non loquitur, sic pejerare non potest qui non jurat. Sed tamen quoniam jurat qui adhibet testem Deum, diligenter considerandum est hoc capitulum, ne contra praeceptum Domini Apostolus fecisse videatur, qui saepe hoc modo juravit, cum dicit, Que autem scribo vobis, ecce coram Deo, quia non mentior (Galat. 1, 20): et iterum, Deus et Pater Domini nostri Iesu Christi, qui est benedictus in saccula, scit quia non mentior (II Cor. xi, 31). Telle est etiam illud, Testis enim mihi est Deus, cui servio in spiritu meo in Evangelio Filii ejus, quomodo sine intermissione memoriam vestri facio semper in orationibus meis (Rom. 1, 9, 10). Nisi forte quis dicat tunc habendam esse jurationem, cum per aliquid dicatur per quod juratur: ut non juraverit, quia non dixit, per Deum; sed dixit, Testis est Deus. Ridiculum est hoc putare: tamen propter contentiosos aut multum tardos<sup>1</sup>, ne aliquid interesse quis patet, sciat etiam hoc modo jurasse Apostolum dicentem, Quotidie morior, per vestram gloriam (I Cor. xv, 31). Quod ne quis existimet ita dictum, tanquam si diceretur, Vesta gloria me facit quotidie mori; sicut dicitur, Per illos magisterium doctus factus est, id est, illius magisterio factum est ut perfecte doceretur: græca exemplaria dijudicant, in quibus scriptum est, Νη τὴν κακῶν ὑμετέραν, quod non nisi a jurante dicitur. Ita ergo intelligitur præcepisse Dominus ne juretur, ne quisquam sicut bonum appetat iusjurandam, et ase iudicatae jurandi ad perjurium per consuetudinem delabatur. Quapropter qui intelligit, non in bonis, sed in necessariis jurationem habendam, refrenet se quantum potest, ut non ea utatur, nisi necessitate, cum videt pigros esse homines ad credendum, quod eis utile est credere, nisi juratione firmentur<sup>2</sup>. Ad hoc itaque pertinet quod sic dicitur, Sit autem sermo vester, Est, est; Non, non: hoc bonum est, et appetendum. Quod autem amplius est, a malo est; id est, si jurare cogeris, scias de necessitate venire infirmitatis eorum quibus aliquid suades: que infirmitas utique malum est, unde nos quotidie liberari deprecamur, eum dicimus, Libera nos a malo (Matth. vi, 13). Itaque non dixit, Quod autem amplius est, malum est;

<sup>1</sup> In undecim MSS., propter calumpniosos aut multum tardos.

<sup>2</sup> In tribus MSS., firmetur

tu enim non malum facis, qui bene uteris juratione, quæ etsi non bona, tamen necessaria est ut alteri persuades quod utiliter suades: sed a malo est, illius cuius infirmitate jurare cogeris. Sed nemo novit nisi qui expertus est, quam sit difficile et consuetudinem juriandi extinguere, et nunquam temere facere quod nonnunquam facere necessitas cogit.

52. Queri autem potest, cum diceretur, Ego autem dico vobis non jurare omnino, cur additum sit, neque per cælum, quia thronus Dei est, et cetera, usque ad id quod dictum est, neque per caput tuum. Credo propterea, quia non putabant Judæi se teneri iurerandi, si per ista jurassent: et quoniam audierant, Reddes autem Domino iusjurandum tuum; non se putabant Domino debere iusjurandum, si per cælum aut terram, aut per Jerosolynam, aut per caput sumum iurarent: quod non vitio præcipientis, sed illis male intelligentibus, factum est. Itaque Dominus docet nihil esse tam vile in creaturis Dei, ut per hoc quisque pejerandum arbitretur; quando a summis usque ad ina divina providentia creata regantur, incipiens a throno Dei usque ad capillum album aut nigrum. Neque per cælum, inquit, quia thronus Dei est; neque per terram, quia scabellum pedum ejus est: id est, cum juras per cælum aut terram, non te arbitreris non debere Domino iusjurandum tuum; quia per eum iurare convinceris cuius cælum thronus est, et cuius scabellum terra est. Neque per Jerosolynam, quia civitas est magni regis: melius quam si diceret, mea; cum tamen hoc dixisse intelligatur. Et quia ipse utique Dominus est, Domino iusjurandum debet, qui per Jerosolynam jurat. Neque per caput tuum juraveris. Quid enim poterat quisque magis ad se pertinere arbitrari, quam caput suum? Sed quomodo non trahi est, ubi potestatem faciendi unius capilli albi aut nigri non habemus? Ergo Deo debet iusjurandum ineffabiliter tenenti omnia, et ubique praesenti, quisquis etiam per caput suum jurare voluerit: et hic etiam cetera intelliguntur, quæ omnia utique dici non poterant; sicut illud commemoravimus dictum ab Apostolo, Quotidie morior, per vestram gloriam. Quam jurationem ut Domino se debere ostenderet, addidit, quam habeo in Christo Jesu.

53. Verumtamen propter carnales dico, non oportet opinari quod dictum est cælum thronus Dei, et terra scabellum pedum ejus, quod sic habeat Deus collocata membra in cælo et in terra, ut nos cum sedemus; sed illa sedes judicium significat: et quoniam in hoc universo mundi corpore maximam speciem cælum habeat, et terra minimam; tanquam praesentior sit excellenti pulchritudini vis divina, minimam vero ordinet in extremis atque in insimis, sedere in cælo dicitur terramque calcare. Spiritualiter autem sanctas animas cœli nomen significat; et terra, peccatrices: et quoniam spiritualis omnia judicat, ipse autem a nemine judicatur (I Cor. ii, 13), convenienter dicitur sedes Dei: peccator vero cui dictum est, Terra es, et in terram ibis (Gen. iii, 19); quia per justitiam meritis digna tribuentem, in insimis ordinatur, et qui

<sup>1</sup> In lege manere noluit, sub lege punitur <sup>2</sup>, congruerter accipitur scabellum pedum ejus.

CAPUT XVIII. — 54. Sed jam ut istam quoque concludamus summam, quid laboriosius et operosius dici aut cogitari potest, ubi omnes nervos industriae suae animus fidelis exerceat, quam in vitiosa consuetudine superanda? præcidat membra impedientia regnum cœlorum, nec dolore frangatur: toleret in conjugali fide omnia, quæ quamvis sint molestissima, crimen tamen illicitæ corruptionis, id est, fornicationis non habent: veluti si uxorem quisque habeat, sive sterilem, sive deformem corpore, sive debilem membris, vel cœcam, vel surdam, vel claudam, vel si quid aliud, sive morbis et doloribus languoribusque confectam, et quidquid excepta fornicatione cogitari potest vehementer horribile, pro fide et societate sustineat; neque solum talem non abjiciat, sed etiam si non habeat, non ducat eam quæ soluta est a viro, pulchram, sanam, divitem, secundam. Quæ si facere non licet, multo minus sibi licere arbitretur ad ullum alium illicitum concubitum accedere: fornicationemque sic fugiat, ut ab omni turpi corruptione sese extrahat. Verum loquatur, neque id jurationibus crebris, sed morum probitate commendet: rebellantes adversum se omnium malarum consuetudinum innumerabiles turbas, de quibus ut omnes intelligerentur, paucæ commemoratione sunt, confugiens ad arcem christiane militiae, tanquam de loco superiore prosterat. Sed quis tantos labores inire audeat, nisi qui sic flagrat amore justitiae, ut tanquam fame et siti vehementissime accensus, et nullam sibi vitam donec ea satietur existimans, vim facial in regnum cœlorum? Non enim aliter esse poterit fortis ad toleranda omnia, quæ in præcidendis consuetudinibus laboriosa et ardua et omnino difficultia sæculi hujus amatores putant. Beati ergo qui esuriant et sitiunt justitiam; quoniam ipsi saturabuntur.

55. Verum tamen in his laboribus cum quisque difficultatem patitur, et per dura et aspera gradum faciens circumvallatus variis temptationibus, et hinc atque hinc insurgere præterite vitæ moles <sup>3</sup> intueas, timet ne aggressa implere non possit, arripiat consilium, ut auxilium mereatur. Quid est autem aliud consilium, nisi ut infirmitatem aliorum ferat, et ei quantum potest epituletur, qui suæ divinitus desiderat subveniri? Consequenter itaque præcepta misericordiæ videamus. Mitis autem et misericors unum videntur: sed hoc interest, quod mitis, de quo superius tractatum est, pietate non contradicit divinis sententiis que in sua peccata proferuntur, neque illis Dei sermonibus quos nondum intelligit; sed nullum beneficium præstat ei cui non contradicit nec resistit: misericors autem ita non resistit, ut propter ejus correctionem id facial, quem redderet resistendo pejorem.

CAPUT XIX. — 56. Sequitur ergo Dominus, et dicit: Audiestis quia dictum est, Oculum pro oculo, et dentem pro dente. Ego autem dico vobis, non resistere

adversus malum: sed si quis te percusserit in dexteram maxillam tuam, præbe illi et alteram; et qui voluerit tecum judicio contendere et tunicam tuam tollere, remittit illi et vestimentum; et qui te angariaverit mille passus, vade cum illo alia duo. Omni potenti te da, et qui voluerit a te mutuari, ne aversatus fueris. Pharisaorum justitia minor est non excedere in vindicta modum, ne plus rependat quisque quam accepit: et magnus hic gradus est. Nemo enim facile invenitur qui pugno accepto pugnum reddere velit; et uno a conviciante verbo auditio, unum et quod tantumdem valeat reserro contentus sit: sed sive ira perturbatus immoderatus vindicat; sive quia justum putat, eum qui læsit prior gravius lædi, quam læsus est qui non læserat. Talem animum magna ex parte refrenavit lex, in qua scriptum est, Oculum pro oculo, et dentem pro dente, quibus nominibus significatur modus, ut injuriam vindicta non transeat. Et hæc est pacis inchoatio: perfecta autem pax est, talem penitusolle vindictam.

57. Inter illud ergo primum quod præter legem est ut majus malum pro minore malo reddatur, et hoc quod Dominus perficiendis discipulis dixit, ne pro malo ullum malum reddatur; medium quendam locum tenet, ut tantum reddatur quantum acceptum est, per quod a summa discordia ad summam concordiam pro temporum distributione transitus factus est. Quisquis ergo malum infert prior studio lædendi et nocondi, vide quantum distet ab eo qui ne læsus rependit. Quisquis autem nulli prior male fecit, sed tamen læsus rependit gravius, vel voluntate vel facto, recessit aliquantum a sunnita iniquitate, et processit ad summam justitiam, et tamen nondum tenet quod lex quæ per Moysem data est imperavit. Qui ergo tantum reddit quantum accepit, jam donat aliquid: non enim tantam poenam meretur nocens, quantam ille qui ab eo læsus innocens passus est. Hanc ergo inchoatam, non severam, sed misericordem justitiam ille perfici, qui legem venit implere, non solvere. Duos ergo adhuc gradus qui intersunt, intelligendos reliquit, et de ipso summo misericordiæ culmine dicere maluit. Nam est adhuc quod facial, qui non implet istam magnitudinem præcepti, quæ pertinet ad regnum cœlorum; ut non reddit tantum, sed minus, velut pro duabus pugnis unum, aut pro evulso oculo aurum præcidat. Hinc ascendens qui omnino nihil rependerit, propinquat præcepto Domini, nec tamen adhuc ibi est. Parum enim adhuc videtur Domino, si pro malo quod acceperis, nihil rependas mali, nisi etiam amplius sis paratus accipere. Quapropter non ait, Ego autem dico vobis, non reddere malum pro malo; quanquam hoc etiam magnum præceptum sit: sed ait, non resistere adversus malum; ut non solum non rependas quod tibi fuerit interrogatum, sed etiam non resistas quo minus aliud irrogatum.

Hoc est enim quod etiam consequenter exponit: Sed si quis te percusserit in dexteram maxillam tuam, præbe illi et alteram: non enim ait, Si quis te percusserit, noli tu percutere; sed, Para te adhuc percutienti. Quod ad misericordiam pertinere, hi maxime sentiunt, qui eis quos multum diligunt, tau-

(Quarante.)

<sup>1</sup> Arnulfensis codex, sub lege ponitur.

<sup>2</sup> Sic MSS. et Mar. At. Am. Er. et Lov. nunc molestias.

quam filii vel quibuslibet dilectissimis suis ægotantibus serviunt vel parvulis vel placenticis : a quibus multa saepe patiuntur, et si corum salus id exigit, præbent se etiam ut plura patientur, donec vel ætatis vel morbi infirmitas transeat. Quos ergo Dominus medicus animarum, curandis proximis instruebat, quid eos aliud docere posset, nisi ut eorum quorum saluti consulere vellent, imbecillitates æquo animo tolerarent? Omnis namque improbitas ex imbecillitate animi venit : quia nihil innocentius est eo qui in virtute perfectus est.

58. Quæri autem potest quid sibi velit dextera maxilla. Sic enim in exemplaribus græcis, quibus major fides habenda est, invenitur : nam multa latina, maxillam tantum habent, non etiam dexteram. Facies est autem qua quisque cognoscitur : et legimus apud Apostolum, *Toleratis enim si quis vos in servitatem redigat, si quis devorat, si quis accipit, si quis extollitur, si quis in faciem vos cœdit* : deinde continuo subjungit, *Secundum ignobilitatem dico* (*Il Cor. xi, 20, 21*) ; ut exponat quid sit in faciem cœdi, hoc est contemni atque despici. Quod quidem non ideo dicit Apostolus, ut illos non sustincent; sed ut se magis qui eos sic diligenter, ut scipsum pro eis vellet impendi (*Id. xii, 15*). Sed quoniam facies non potest dici dextera et sinistra, et tamen nobilitas et secundum Deum et secundum hoc sæculum potest esse; ita distribuitur tanquam in dexteram maxillam et sinistram, ut in quocumque discipulo Christi contemptum fuerit quod christianus est, multo magis in se contemni paratus sit, si quos hujus sæculi honores habet. Sicut idem Apostolus, cum in eo persequerentur homines nomen christianum, si taceret de dignitate quam habebat in sæculo, non præbuerat alteram maxillam cœdientibus dexteram. Non enim dicendo, *Civis Romanus sum* (*Act. xxii, 25*), non erat paratus hoc in se contemni quod pro minimo habebat, ab eis qui in illo nomen tam pretiosum et salutare contempserant. Numquid enim ideo minus postea vincula toleravit, quæ civibus Romanis non licebat imponi, aut quemquam de hac injuria voluit accusare? Et si qui ei propter civitatis Romanæ nomen pepercérunt, non tamen ille ideo non præbuit quod ferirent, cum eos a tanta perversitate corrigeret cuperet patientia sua, quos videbat in se sinistras partes magis quam dexteras honorare. Illud est enim tantum attendendum, quo animo faceret omnia, quam benebole et clementer in eos a quibus ista patiebatur. Nam et pontificis jussu palma percussus, quod contumeliose visus est dicere, cum ait, *Percutiet te Deus, paries dealbate, minus intelligentibus convicium sonat; intelligentibus vero prophetia est.* Paries quippe dealbatus, hypocrisis est, id est simulatio sacerdotalem præferens dignitatem, et sub hoc nomine tanquam candido tegmine interiorem quasi luteam turpitudinem occultans. Nam quod humilitatis solit, mirabiliter custodivit, eum ei dicereatur, *Principi sacerdotum maledicis?* respondit, *Nescivi, fratres, quia principes est sacerdotum; scriptum est enim, Principi paries tui non maledicere* (*Act. xxiii, 5-5*). Ubi ostendit

quanta tranquillitate illud dixisset, quod iratus dixisse videbatur, quod tam cito, tam mansuete respondit, quod ab indignantibus et perturbatis fieri non potest. Et in eo ipso intelligentibus verum dixit, *Nescivi quia princeps est sacerdotum* : tanquam si diceret, Ego alium scivi principem sacerdotum, pro cuius nomine ista sustinco, cui maledicere fas non est, et cui vos maledicitis, cum in me nihil aliud quam ejus odistis nomen. Sic ergo oportet non simulate ista jactare<sup>1</sup>, sed in ipso corde esse ad omnia præparatum, ut possit canere illud propheticum : *Patatum cor meum, Deus, patatum cor meum* (*Psal. lvi, 8*). Multi enim alteram maxillam præbere neverunt, diligere vero illum a quo feriuntur ignorant. At vero ipse Dominus, qui utique præcepta quæ docuit primus implevit, percutienti se in maxillam ministro sacerdotis non præbuit alteram; sed insuper dixit : *Si male locutus sum, exprobra de male; si bene, quid me cœdis* (*Joan. xviii, 23*)? Non tamen ideo paratus corde non fuit, non solum in alteram maxillam cœdi pro salute omnium, sed etiam toto corpore crucifigi.

59. Ergo et illud quod sequitur, *Et qui voluerit tecum judicio contendere, et tunicam tuam tollere, remitte illi et vestimentum, ad præparationem cordis, non ad ostentationem<sup>2</sup> operis præceptum recte intelligitur.* Sed de tunica et vestimento quod dictum est, non in eis solis, sed in omnibus faciendum est, quæ aliquo jure temporaliter nostra esse dicimus. Si enim necessariis hoc imperatum est, quanto magis superflua contemnere convenit? Verumtamen ea quæ nostra dixi, eo genere includenda sunt, quo Dominus ipse præscribit, dicens, *Si quis vult judicio tecum contendere, et tunicam tuam tollere.* Omnia ergo illa intelligantur, de quibus judicio nobiscum contendit potest, ita ut a nostro jure in jus illius transeant, qui contendit vel pro quo contendit; sicuti est vestis, domus, fundus, jumentum, et generaliter omnis pecunia. Quod utrum etiam de servis accipiendum sit magna quæstio est. Non enim christianum oportet sic possidere servum, quomodo equum aut argenteum : quanquam fieri possit ut majore pretio valeat equus quam servus, et multo magis aliquid aureum vel argenteum. Sed ille servus, si rectius et honestius et ad Deum colendum accommodatus abs te domino educatur, aut regitur, quam ab illo potest qui eum cupit auferre; nescio utrum quisquam dicere audeat, ut vestimentum eum debere contemni. Hominem namque homo tanquam seipsum diligere debet, cui ab omnium Domino, sicut ea, quæ sequuntur ostendunt, etiam ut inimicos diligit imperatur.

60. Sane animadvertisendum est omnem tunicam vestimentum esse, non omne vestimentum tunicam esse. Vestimenti ergo nomen plura significat quam nomen tunicæ. Et ideo sic dictum esse arbitror, *Et qui voluerit tecum judicio contendere, et tunicam tuam tollere, remitte illi et vestimentum;* tanquam si diceret, Qui voluerit tunicam tuam tollere, remitte illi et si

<sup>1</sup> Duodecim MSS., *insultare*.

<sup>2</sup> Sic MSS. At editi, *ostensionem*.

quid aliud indumenti habes. Ideo nonnulli pallium interpretari sunt, quod græce positum est *τάπειον*.

61. *Et qui te angariaverit, inquit, mille passus, vade cum illo alia duo.* Et hoc utique non tam ut pertribus agas, quam ut animo sis paratus. Nam in ipsa christiana historia, in qua est auctoritas, nihil tale invenies factum esse a sanctis, vel ab ipso Domino, cum in homine quem suscipere dignatus est, vivendi nobis præberet exemplum; cum tamen oranibus fere locis eos invenias paratos fuisse æquo animo tolerare quidquid eis imprebe fuisse ingestum. Sed verbi gratia dictum putamus, *Vade cum eo alia duo?* antea compleri voluit, quo numero significatur perfectio; ut meminerit quisque cum hoc facit, perfectam se implere justiam, misericorditer perferrendo infirmitates eorum quos vult sanos fieri? Potest videri propterea etiam tribus exemplis hæc præcepta insinuasse: quorum primum est, si quis te percusserit in maxillam; secundum, si quis tunicam tollere voluerit; tertium, si quis mille passus angariaverit: in quo tertio exemplo simpliciter duplum additur, ut triumphum compleatur. Qui numerus hoc loco si non, ut dictum est, significat perfectionem; illud accipiatur, quod in principiendo tanquam tolerabilius incipiens paulatim creverit, donec perveniret usque ad duplum aliud perferrendum. Nam primo præberi voluit alteram maxillam, cum fuerit dextra percussa, ut minus perferrere paratus sis quam pertulisti. Quidquid enim dextera significat, et charinus est utique quam id quod sinistra significat, et qui in re chariore aliquid pertulit, si et in viliore perferat, minus est. Deinde illi qui tunicam vult tollere, jubet et vestimentum remitti: quod aut tantumdem est, aut non multo amplius; non tamen duplum. Tertio de mille passibus, quibus addenda dicit duo millia, usque ad duplum aliud perferas jubet: ita significans, sive aliquanto minus quam jam fuit, sive tantumdem, sive amplius quisque improbus in te esse voluerit, æquo animo tolerandum esse.

CAPUT XX. — 62. In his sane generibus trium exemplorum nullum genus injuriae prætermissum esse video. Namque omnia in quibus improbatam aliquam patimur, in duo genera dividuntur: quorum alterum est quod restitu non potest; alterum quod potest. Sed in illo quod restitu non potest, vindictæ solatiæ queri solet. Quid enim prodest quod percussus repercutis? Numquid propterea illud quod in corpore Iesum est, restituitur in integrum? Sed tumultus animus talia fomenta desiderat: sanum autem firmamque ista non juvant; quin potius misericorditer perferebam alterius infirmitatem judicat, quam alieno suppicio suam mitigandam, quæ nulla est.

63. Neque hic ea vindictæ prohibetur, quæ ad correctionem valet: etiam ipsa enim pertinet ad misericordiam; nec impedit illud propositum, quo quisque paratus est ab eo quem correctum esse vult, plura perferre. Sed huic vindictæ referendæ non est idoneus, nisi qui odium quo solent flagrare qui se vindicare desiderant, dilectionis magnitudine superaverit<sup>1</sup>. Non

<sup>1</sup> Octo MSS., *dilectionis mansuetudine superaverit.*

enim metuendum est ne odisse parvulum filium parentes videantur, eum ab eis vapulat peccans, ne peccet ulterius. Et certe perfectio dilectionis ipsius Dei Patris imitatione nobis proponitur, cum in sequentibus dicatur, *Diligite inimicos vestros, benefacite his qui oderunt vos, et orate pro eis qui vos persecuntur:* et tandem de ipso dicitur per prophetam, *Quoniam enim diligit Dominus, corripit; flagellat autem omnem filium quem recipit* (*Prov. iii, 12*). Dicit et Dominus: *Servus qui necit voluntatem domini sui, et facit digna plagi, vapulabit paucam; servus autem qui scit voluntatem domini sui, et facit digna plagi, vapulabit multa* (*Lac. xii, 48, 47*). Non ergo queritur, nisi ut et ille vindicet, cui rerum ordine potest data est; et ea voluntate vindicet, qua poter in parvulum filium, quem per ultatem odisse nondum potest. Hinc enim aptissimum exemplum ducitur, quo satis appareat posse peccatum amore potius vindicari, quam impunitum relinqui: ut illum in quem vindicat non poena miserum, sed correctione beatum velit; paratus tamen, si opus sit, æquo animo plura tolerare ab eo illata, quem vult esse correctum, sive in eum habent potestatem coercendi, sive non habeat.

64. Magni autem et sancti viri, qui jam optime serrent mortem istam quæ animam dissolvit a corpore, non esse formidandam, secundum eorum tamem animi qui illam timerent, nonnulla peccata morte punierunt, quod et viventibus utilis metus incuteretur, et illis qui morte puniebantur, non ipsa mors noceret, sed peccatum, quod augerè posset, si viverent. Non temore illi judicabant, quibus tale judicium donaverat Deus. Inde est quod Elias multos morte affecit, et propria manu (*III Reg. xviii, 40*), et igne divinitus impetrato (*IV Reg. i, 10*): quod et alii multi magni et divini viri eodem spiritu consulendi rebus humanis non temere fecerunt. De quo Elia cum exemplum dedissent discipuli, Domino commemorantes quid ab eo factum sit, ut etiam ipsis daret potestatem peleñdi de cœlo ignem ad consumendum eos qui sibi hospitium non præberent; reprehendit in eis Dominus non exemplum prophetæ sancti, sed ignorantiam vindicandi, quæ adhuc erat in rudibus (*Lac. ix, 52-56*): animadvertis eos non amore correctionem, sed odio desiderare vindictam. Itaque posteaquam eos docuit quid esset diligere proximum tanquam seipsum, infuso etiam Spiritu sancto, quem decem diebus completis post ascensionem suam desuper, ut promiserat, misit (*Act. ii, 1-4*), non defuerunt tales vindictæ, quamvis multo rarius quam in Veteri Testamento. Ibi enim ex majore parte servientes timore premebantur; hic autem maxime dilectione liberi nutriebantur. Nam et verbis apostoli Petri Ananias et uxori ejus, sicut in Actibus Apostolorum legimus, exanimes ceciderunt, nec resuscitati sunt, sed sepulti (*Id. v, 1-10*).

65. Sed si huic libro hæretici (a) qui adversantur Veteri Testamento, notant credere, Paulum apostolum quem nobiscum legunt, intueantur dicentes de quodam peccatore quem tradidit satanæ in interitum car-

(a) Manichæi.

nis, ut anima salva sit (I Cor. v, 5). Et si nolunt hic inortem intelligere (fortasse enim incertum est), quamlibet vindictam per satanam factam ab Apostolo facientur: quod non eum odio, sed amore fecisse manifestat illud adjectum, ut anima salva sit. Aut in illis libris quibus ipsi magnam tribuant auctoritatem, animadverant quod dicimus, ubi scriptum est apostolum Thomam imprecatum cūdām, a quo palma percussus esset, atrocissime mortis supplicium, anima tamen ejus commendata, ut in futuro ei sēculo parceretur: enī a leone oecisi, a cātero corpore diserptam manū canis intulit mensis in quibus convivabatur Apostolus. Cui scripturæ licet nobis non credere; non est enim in catholicō canōne: illi tamen eam et legunt, et tanquam incorruptissimam verissimamque honorant, qui adversus corporales vindictas quae sunt in Veteri Testamento, nescio qua cæcitate acerrime sc̄eviunt, quo animo ei qua distributione temporum facte sint omnino nescientes.

66. Tenebitur ergo in hoc injuriarum genere, quod per vindictam luitur, iste a Christianis modus<sup>1</sup>, ut accepta injuria non surget in odium, sed infirmitatis misericordia paratus sit animus plura perpeti; nec correctionem negligat, qua vel consilio, vel auctoritate, vel potestate utī potest. Aliud injuriarum genus est, quod in integrum restituī potest: cujus duas species, una ad pecuniam, altera ad operam pertinet. Quapropter illius de tunica et vestimento, hujus de angaria mille passuum et dymum millium exempla suhjecta sunt: quia et reddi vestimentum potest; et quem adjuveris opera, potest te etiam ipse, si opus fuerit, adjuvare. Nisi forte ita potius distinguendum est, ut prius quod positum est de percussa maxilla, omnia significet quae sic ingeruntur ab improbis, ut restitui non possint nisi vindicta: secundum quod positum est de vestimento omnia significet quae possunt restitui sine vindicta; et ideo forte additum est, *Qui voluerit &cūm iudicio contendere*, quia quod per iudicium afferatur, non ea vi putatur auferri, cui vindicta debeatur: tertium vero ex utroque confessum sit, ut et sine vindicta et cum vindicta possit restitui. Nam qui operam indebitam violenter exigit sine ullo iudicio, sicut facit qui angariat hominem improbe, et cogit se illicite adjuvari ab invito, et poenam improbitatis potest luere, et operam reddere, si hanc ille repeatat qui improbum pertulit. In his ergo omnibus generibus injuriarum Dominus docet patientissimum et misericordissimum, et ad plura perferenda paratissimum animum christiani esse oportere.

67. Sed quoniam parum est non nocere, nisi etiam præstes beneficium quantum potes, consequenter adjungit, et dicit: *Omni petenti te da, et qui voluerit mutuari a te, ne aversatus fueris. Omni petenti, inquit; non, omnia petenti: ut id des quod dare honeste et juste potes.* Quid si enim pecuniam petat, qua innocentem conetur opprimere? quid si postremo stuprum petat? Sed ne multa persequar quae sunt

<sup>1</sup> MSS. tres, iste christianus modus. Paulo post, in omnibus fere MSS., surget odium, prætermissa præpositione, in.

innumerabilia, id profecto dandum est quod nec tibi nec alteri noceat, quantum sciri aut credi ab homine potest: et cui justa negaveris quod petit, indicanda est ipsa justitia, ut non cum inanem dimittas. Ita omni petenti te dabis, quamvis non semper id quod petit dabis; et aliquando melius aliquid dabis, cum petentem injusta correxeris.

68. Quod autem, ait, *Qui voluerit a te mutuari, ne aversatus fueris;* ad animum referendum est. Hilarem enim dolorem diligit Deus (II Cor. ix, 7). Mutuatur autem omnis qui accipit, etiam si non ipse solutus est: cum enim misericordibus Deus plura restituat, omnis qui beneficium præstat, feneratur. Aut si non placet accipere mutuante nisi eum qui accipit redditurus, intelligendum est Dominum duo ipsa genera præstandi esse complexum. Namque aut donamus quod damus benevolē, aut reddituro comenodamus. Et plerumque homines, qui proposito divino præmio donare parati sunt, ad dandum quod mutuum petitur pigriflunt, quasi nihil recepturi a Deo, cum rem quae datur, ille qui accipit exsolvat. Recite itaque ad hoc beneficij tribuendi genus nos divina hortatur auctoritas dicens, *Et qui voluerit a te mutuari, ne aversatus fueris:* id est, ne propterea voluntatem alienes ab eo qui petit, quia et pecunia tua vacabit<sup>1</sup>, et Deus tibi non redditurus est, cum homo redidicerit; sed cum id ex præcepto Dei facis, apud illum qui hac jubet, infructuosum esse non potest.

CAPUT XXI.—69. Deinde adjungit, et dicit: *Andistis quia dictum est, Diliges proximum tuum, et oderis inimicum tuum. Ego autem dico vobis, diligite inimicos vestros, benefacite his qui vos oderunt, et orate pro eis qui vos persequuntur: ut sitis filii Patris vestri qui in cælis est, qui solem suum oriri jubet super bonos et malos, et pluit super justos et injustos. Si enim dilexeritis eos qui vos diligunt, quam mercedem habebitis? nonne et Publicani hoc faciunt? Et si salutaveritis fratres vestros tantum, quid amplius faciatis? nonne et Ethnici hoc ipsum faciunt? Estote ergo vos perfecti, sicut et Pater vester qui in cælis est, perfectus est. Nam sine ista dilectione, qua etiam inimicos et persecutores nostros diligere jubeatur, ea quae superius dicta sunt implere quis potes? Perfectio autem misericordiae, qua plurimum anima laboranti consulitur, ultra dilectionem inimici porrigit non potest; et ideo sic clauditur: Estote ergo vos perfecti, sicut et Pater vester qui in cælis est, perfectus est. Ita tamen ut Deus intelligatur perfectus tanquam Deus, et anima perfecta tanquam anima.*

70. Gradum tamen esse anquem in Pharisæorum justitia, quae ad Legem veterem pertinet, hinc intelligitur, quod multi homines eos etiam a quibus diligunt oderunt; sicut luxuriosi filii parentes coercitores luxurie suæ: ascendit ergo aliquem gradum qui proximum diligit, quamvis adhuc oderit inimicum. Ejus autem imperio, qui venit Legem implere, non solvere, perficiet benevolentiam et beniguitatem, cum eam usque ad inimici dilectionem perduxerit. Nam ille gradus quamvis nonnullus sit, tam parvus est<sup>1</sup>, nam-

<sup>1</sup> sic MSS. At editi, pecunia tua te vacuat.

**ut cum** Publicanis etiam possit esse communis. Nec quod in Lege dictum est, *Oderis inimicum tuum, vox jubentis justo accipienda est, sed permittentis infirmo.*

71. Oritur hic sane nullo modo dissimulanda queratio, quod huic praeceptio Domini, quo nos hortatur diligere inimicos nostros, et benefacere his qui nos oderunt, et orare pro his qui nos persequuntur, multæ aliae Scripturarum partes minus diligenter et sobrie considerantibus videntur adversæ; quia et in Prophetis inventiuntur multæ imprecations adversus inimicos, quæ maledictiones putantur: sicut est illud, *Fiat mensa eorum in laqueum* (*Psal. LXXXI*, 23); et cætera quæ ibi dicuntur: et illud, *Fiant filii ejus pupilli, et uxor ejus vidua* (*Psal. CVIII*, 9); et quæ alia vel supra vel infra in eodem psalmo in personam Iudeæ per Prophetam dicuntur. Multa alia usquequa in Scripturis reperiuntur, quæ videantur esse contraria et huic praecepto Domini, et illi apostolico, quo ait, *Benedicite, et nolite maledicere* (*Rom. XII*, 14): cum et de Domino scriptum sit quod maledixerit civitatibus quæ verbum ejus non acceperunt (*Math. XI*, 20-24, et *Luc. X*, 15-16); et memoratus Apostolus de quodam ita dixerit, *Reddet illi Dominus secundum opera illius* (*II Tim. IV*, 14).

72. Sed hæc facile solvuntur, quia et Prophetæ per imprecationem quid esset futurum eecinuit, non optauit votu, sed spiritu prævidentis; ita et Dominus, ita et Apostolus: quanquam in horum etiam verbis non hoc invenitur quod optaverint, sed quod prædixerint. Non enim cum ait Dominus, *Væ tibi, Caipharnaum*, aliud sonat nisi aliquid ei mali eventorum merito infidelitatis: quod futurum Dominus non malevolentia optabat, sed divinitate cernebat. Et Apostolus non ait, Reddat; sed, *Reddet illi Dominus secundum opera ejus*: quod verbum prænuntiantis est, non imprecantis. Sicut et de illa hypocrisi Iudeorum, de qua jam dictum est, cui eversionem immovere cernebat, dixit, *Percutiet te Deus, paries dealbate* (*Supra, cap. 49, n. 58*). Prophetæ autem maxime solent figura imprecantis futura prædicere, sicut figura præteriti temporis ea quæ ventura erant serpe cœcerunt: sicut est illud, *Quare fremuerunt gentes, et populi meditati sunt inania* (*Psal. II*, 1)? Non enim dixit, Quare frement gentes, et populi meditabuntur inania; cum ea non quasi jam transacta meminisset, sed ventura prospiceret. Tale etiam illud est, *Diviserunt sibi vestimenta mea, et super vestimentum meum misserunt sortem* (*Psal. XXI*, 19): et hic enim non dixit, Divident sibi vestimenta mea, et super vestimentum meum mittent sortem. Nec tamen de his verbis quisquam calumniatur, nisi qui non sentit varietatem istam figurarum in loquendo nihil veritati rerum minuere, et plurimum addere affectibus animorum.

CAPUT XXIII. — 73. Sed illud magis urget istam questionem, quod dicit apostolus Joannes, *Si quis sit peccare fratrent suum peccatum non ad mortem, postulabit, et dabit illi Dominus ritum qui peccat non ad mortem: est autem peccatum ad mortem; non pro illo dico ut roget* (*I Joan. V*, 16). Aperte enim ostendit

esse quosdam fratres pro quibus orare non nobis præcipitur, cum Dominus etiam pro persecutoribus nostri: orare jubeat. Nec ista quæstio solvi potest, nisi latetur esse aliqua peccata in fratribus, quæ inimicorum persecutione graviora sint. Fratres autem Christianos significare, multis divinarum Scripturarum documentis probari potest. Manifestissimum tamen illud est, quod Apostolus ita ponit, *Sanctificatus est enim vir infidelis in uxore, et sanctificata est mulier infidelis in fratre*. Non enim addidit, nostro; sed manifestum existimavit, cum fratris nomine Christianum intelligi voluit, qui infidelem haberet uxorem. Et ideo paulo post dicit, *Quod si infidelis discedit, discedat: non autem servit subjectus est frater vel soror in iusmodi* (*I Cor. VI*, 14, 15). Peccatum ergo fratris ad mortem puto esse, cura post agnitionem Dei per gratiam Domini nostri Jesu Christi. quisque oppugnat fraternitatem, et adversus ipsam gratiam, qua reconciliatus est Deo, inadvertit facibus agitatur (a). Peccatum autem non ad mortem est, si quisquam non amorem a fratre alienaverit, sed officia fraternitatis debita per aliquam infirmitatem animi non exhibuerit. Quapropter et Dominus in cruce ait, *Pater, ignosce illis, quia nesciunt quid faciunt* (*Luc. XXIII*, 34): nondum enim gratia Spiritus sancti participes facti societatem sanctæ fraternitatis inierant. Et beatus Stephanus in Actibus Apostolorum orat pro eis a quibus lapidatur (*Act. VII*, 59); quia nondum Christo crediderant, neque adversus illam communem gratiam dimicabant. Et apostolus Paulus propterea, credo, non orat pro Alexandro, quia jam frater erat, et ad mortem, id est, inadvertit fraternitatem oppugnando, peccaverat. Pro his autem qui non abruperant, amorem<sup>1</sup>, sed timore succubuerant, orat ut eis ignoroscatur. Sic enim dicit: *Alexander ærarius multa mihi mala ostendit; reddet illi Dominus secundum opera ejus: quem et tu devita; valde enim restitit nostris sermonibus*. Deinde subjungit pro quibus orat, ita dicens: *In prima mea deservione nemo mihi affulit, sed omnes me dereliquerunt: non illis imputetur* (*II Tim. IV*, 14-16).

74. Ista differentia peccatorum Judam tradentem a Petro negante distinguit: non quia penitenti non sit ignoscendum, ne contra illam sententiam Domini veniamus, qua præcipit semper ignoscendum esse fratri petenti ut sibi frater ignoscatur (*Luc. XVII*, 3): sed quia illius peccati tanta labes est, ut deprecandi humilitatem subire non possit, etiam si peccatum suum mala conscientia et agnosceret et enunciare cogatur. Cum enim dixisset Judas, *Peccavi, quod traslderim sanguinem justum*; facilius tamen desperatione currit ad laqueum (*Math. XXVI*, 4, 5), quam humilitate veniam deprecatus est. Quapropter multum interest quali penitentia ignoscatur Deus. Multi enim multo citius se fatentur peccasse, atque ita sibi succendent ut vehementer se peccasse nolent; sed ta-

<sup>1</sup> Post hæc, non abruperant amorem, in editis additur, ad mortem: quod ahest a Miss.

(a) *I Retract. cap. 49, n. 7.*

men animum ad humiliandum et obterendum cop, implorandamque veniam non deponunt: quam mentis affectionem, propter peccati magnitudinem, jam de damnatione illos habere credendum est.

75. Et hoc est fortasse peccare in Spiritum sanctum, id est, per malitiam et invidiam, fraternalm oppugnare charitatem post acceptam gratiam Spiritus sancti, quod peccatum Dominus neque hic, neque in futuro saeculo dimittit dicit. Unde queri potest utrum in Spiritum sanctum Iudei peccaverint, quando dixerunt quod in Beelzebub principe daemoniorum daemonia Dominus expelleret: utrum hoc in ipsum Dominum dictum accipiamus, quia de se dicit alio loco, *Si enim patrem familias Beelzebub vocaverunt, quanto magis domesticos ejus (Matth. x., 25)*? An quoniam de magna invidentia dixerint, ingrat tam presentibus beneficiis, quamvis nondum christiani fuerint, tamen propter ipsam invidentiae magnitudinem in Spiritum sanctum peccasse credendi sunt? Non enim hoc colligitur de verbis Domini. Quamvis enim eodem loco dixerit, «Quicumque enim dixerit verbum nequam adversus Filium hominis, remittetur ei: qui autem dixerit verbum adversus Spiritum sanctum, non remittetur ei, neque in hoc saeculo, neque in futuro; » tamen videri potest ad hoc eos monuisse, ut accedant ad gratiam, et post acceptam gratiam non ita peccent, ut nunc peccaverint. Nunc enim in Filium hominis dixerunt verbum nequam, et potest eis dimitti, si conversi fuerint, et ei crediderint; et Spiritum sanctum acceperint: quo accepto si fraternitatibz invidere, et gratiam quam acceperunt oppugnare voluerint, non eis dimitti, neque in hoc saeculo neque in futuro. Nam si eos sic haberet condemnatos, ut nulla spes illis reliqua esset, non adhuc monendos judicaret, cum addidit dicens: *Aut facite arborem bonam, et fructum ejus bonum: aut facite arborem malam, et fructum ejus nulum (Id. xii., 24-33).*

76. Sie itaque acci: iatur diligendos inimicos esse, et benefaciendum his qui nos oderunt, et orandum pro his qui nos persecuntur, ut pro quibusdam etiam fratrum peccatis intelligatur non praeceptum esse ut oremus; ne per imperitiam nostram divina Scriptura (quod fieri non potest) a se dissentire videatur. Sed utrum sicut pro quibusdam non est orandum, ita etiam contra aliquos orandum sit, nondum satis apparuit. Generaliter enim dictum est, *Benedicte, et nollite maledicere: et illud, Nemini malum pro malo reddentes (Rom. xii., 14, 17)*. Pro quo autem nonoras, non etiam contra illum oras: potes enim videre certam ejus poenam, et penitus desperatam salutem, et non quia odisti eum, ideo pro illo non oras; sed quia sentis nihil te posse proficere, et orationem tuam non vis repellere a justissimo judge. Sed quid agimus de his contra quos oratum a sanctis accepimus, non ut corrigentur, nam hoc modo potius pro ipsis oratum est; sed ad illum ultimam damnationem: non sicut contra Domini traditorem per prophetam; nam illa, ut dictum est, prædictio futurorum, non optatio supplicii fuit: nec sicut ab Apostolo contra Ale-

xandrum; nam et inde jam satis dictum est: sed sicut in Apocalypsi Joannis legimus martyres orare ut vindicentur (*Apoc. vi., 10*); cum ille primus martyr ut lapidatoribus suis ignosceretur, oraverit.

77. Sed hinc non oportet moveri. Quis enim audiat affirmare, cum illi sancti candidati se vindicari petierint, utrum contra ipsos homines, an contra regnum peccati petierint? Nam ipsa est sineira et plena justitiae et misericordiae vindicta martyrum, ut revertatur regnum peccati, quo regnante tanta perpessi sunt. Ad cuius eversionem nislitur Apostolus, dicens: *Non ergo regnet peccatum in vestro mortali corpore (Rom. vi., 12)*. Destruitur autem et evertitur peccati regnum, partim correctione huminam, ut caro spiritui subjiciatur; partim damnatione perseverantium in peccato, ut ita justitia ordinentur, ut justis cum Christo regnantiibus molesti esse non possint. Intervenient apostolum Paulum; nonne tibi videtur in seipso Stephanum martyrem vindicare, cum dicit: *Non sic pugno, tanquam aerem cardens; sed castigo corpus meum, et servituti subjicio (I Cor. ix., 26, 27)*? Nam hoc in se utique prosternebat, et debilitabat, et vietum ordinabat, unde Stephanum exeterosque Christianos fuerat persecutus. Quis ergo convincti martyres sanctos non talis suam vindictam a Domino esse deprecatus, cum etiam finem hujus saeculi, in quo tanta exitia pertulerunt, ad suam vindictam potuerint licenter optare? Quod qui orant, et pro inimicis suis orant qui sanabiles sunt, et contra illos non orant<sup>1</sup> qui insanabiles esse vulnerunt: quia Dens quoque puniendo illos non est malevolus tortor, sed justissimus ordinat. Sine ulla ergo dubitatione diligamus inimicos nostros, beneficiamus his qui oderunt nos, et oremus pro eis qui nos persequuntur.

CAPUT XXIII. — 78. Quod autem consequenter possum est, *Ut sitis filii Patris vestri qui in celis est*, ex illa regula intelligendum est, qua et Joannes dicit, *Dedit illis potestatem filios Dei fieri (Joan. i., 12)*. Unus enim naturaliter Filius est, qui nescit omnino peccare: nos autem potestate accepta efficiuntur filii, in quantum ex que ab illo præcipiuntur implemus. Unde apostolica disciplina adoptionem appellat, qua in æternam hereditatem vocamur, ut coheredes Christi esse possimus (*Rom. viii., 17, et Galat. iv., 5*). Filii ergo efficiuntur regeneratione spirituali, et adoptiamur in regnum Dei, non tanquam alieni, sed tanquam ab illo facti et creati: ut unum sit beneficium, quo nos fecit esse per omnipotentiam suam, enī ante nihil essemus; alterum quo adoptavit, ut cum eo tanquam filii vita æterna pro nostra participatione frueremur. Itaque non ait, *Facite ista, quia estis filii*; sed, *Facite ista, ut sitis filii*.

79. Cum autem ad hoc nos vocat per ipsum Unigenitum, ad similitudinem suam nos vocat. Ille enim, sicut consequenter dicit, *solem suum oriri facit super bonos et malos, et pluit super justos et injustos*. Sive solem suum non istum cœrcis oculis visibilem acci-

<sup>1</sup> Unde et MSS. rinctum.

<sup>2</sup> VSS. duo, et contra illos orant; omissa negatione.


pias, sed illam sapientiam, de qua dicitur, *Candor est enim lucis æternæ* (*Sap. vii*, 26); de qua item dicitur, *Ortus est mihi justitiae sol; et iterum, Vobis autem qui timetis nomen Domini, orietur sol justitiae* (*Malachi. iv*, 2): et etiam pluviam accipias irrigationem doctrinæ veritatis, quia bonis et malis apparuit, et bonis et malis evangelizatus est Christus. Sive istum solem mavis accipere non solum hominum, sed etiam pecorum corporeis oculis propalatum; et istam pluviam qua fructus gignuntur, qui ad refectionem corporis dati sunt: quod probabilius intelligi existimo: ut ille sol spiritualis non oriatur, nisi bonis et sanctis; quia hoc ipsum est, quod plangunt iniqui in illo libro qui Sapientia Salomonis inscribitur, *Et sol non ortus est nobis* (*Sap. v*, 6): et illa pluvia spiritualis non irriget nisi bonos; quia malos significavit vinea, de qua dictum est, *Mandabo nubibus meis ne pluant super eam* (*Isai. v*, 6). Sed sive hoc sive illud intelligas, magna Dei bonitate sit, quæ nobis imitanda præcipitur, si filii Dei esse volumus. Quantum enim hujus vitaे solatium afferat lux ista visibilis, et pluvia corporalis, quis tam ingratus est ut non sentiat? Quod solatium videmus et justis in hac vita et peccatoribus communiter exhiberi. Non autem ait, *qui facit solem*

*oriri super bonos et malos*; sed addidit, *suum*, id est, quem ipse fecit atque constituit, et a nullo aliquid sumpsit ut faceret, sicut in Genesi de omnibus luminalibus scribitur (*Gen. i*, 16); qui proprie potest dicere sua esse omnia quæ de nihilo creavit: ut hinc admoneremur quanta liberalitate inimicis nostris ex precepto ejus præstare debeamus quæ nos non creavimus, sed de muneribus ejus accepimus.

80. Quis autem potest vel paratus esse ab infirmis injurias sustinere, quantum corum saluti prodest; et malle amplius iniuriantis alienæ perpeti, quam id quod perpessus est reddere; omni petenti a se aliquid, vel id quod petit, si habetur, et si recte dari potest, vel consilium bonum, vel benevolum dare animum, nec se avertere ab eo qui mutuari cupit; diligere inimicos, benefacere his qui se oderunt, orare pro eis qui se persequuntur? quis ergo haec facit, nisi plene perfecteque misericors? Quo uno consilio miseria devitatur, opitulante illo qui ait, *Misericordiam volo magis quam sacrificium* (*Osee vi*, 6): Beati ergo misericordes; quia ipsorum miserebitur. Sed jam comode fieri puto, ut hic lector tam longo volumine fatigatus respiret aliquantum, et ad cetera se reficiat in alio libro consideranda.

## LIBER SECUNDUS.

In posteriore partem sermonis Domini: in monte, contentam Matthœi cap. sexto et septimo.



**CAPUT PRIMUM.**— 1. Misericordiam, usque ad cuius tractationem liber primus terminum accepit, sequitur cordis mundatio, unde iste sumit exordium. Cordis autem mundatio est, tanquam oculi<sup>1</sup> quo videtur Deus; cuius simplicis habendi tantam curam esse oportet, quantam ejus rei dignitas flagitat, quæ tali oculo conspici potest. Iuic autem oculo magna ex parte mundato difficile est non subrepere sordes alias de his rebus quæ ipsas bonas nostras actiones comitari solent, veluti est laus humana. Si quidem non recte vivere, perniciosum est: recte autem vivere, et nolle laudari, quid est aliud quam inimicum esse rebus humanis, quæ utique tanto sunt miseriiores, quanto minus placet recta vita hominum? Si ergo inter quos vivis, te recte viventem non laudaverint, illi in errore sunt: si autem laudaverint, tu in periculo; nisi tam simplex cor habueris et mundum, ut ea quæ recte facis, non propter laudes hominum facias; magisque illis recta laudantibus gratuleris, quibus id quod bonum est placet, quam tibi ipsi; quia recte viveres, etiam si nemo laudaret: ipsamque laudem tuam tunc intelligas utiliem esse laudantibus, si non te ipsum in tua bona vita, sed Deum honorarent, cuius sanctissimum templum est quisquis vivit bene; ut illud impleatur quod ait David, *In Domino laudabitur anima mea; audiant mites, et jucundentur* (*Psal. xxxiii*, 5). Pertinet ergo ad oculum mundum non intueri in recte faciendo laudes hominum, et ad eas referre quod recte facis, id est, propterea recte

<sup>1</sup> Sic Mas. At editi, tanquam oculus.

facere aliquid, ut hominibus placeas. Sic enim etiam simulare bonum libebit, si non attenditur nisi ut homo laudet; qui quoniam videre cor non potest, potest etiam falsa laudare. Quod qui faciunt, id est, qui bonitatem simulant, duplice corde sunt. Non ergo habet simplex, id est, mundum cor, nisi qui transcendit humanas laudes, et illum solum intuetur, cum recte vivit, et ei placere nititur, qui conscientia solus inspector est. De cuius conscientia puritate quidquid procedit, tanto est laudabilius, quanto humanas laudes minus desiderat.

2. *Cavete ergo, inquit, facere justitiam vestram coram hominibus, ut videamini ab eis:* id est, cavete hoc animo juste vivere, et ibi constituere bonum vestrum, ut vos videant homines. *Alioquin mercedem non habebitis apud Patrem vestrum qui in cœlis est:* non si ab hominibus videamini; sed si propterea juste vivatis, ut ab hominibus videamini. Nam ubi erit, quod in principio sermonis hujus dictum est, *Vos estis lumen mundi?* Non potest civitas abscondi super montem constituta; neque accendunt lucernam et ponunt eam sub medio, sed super candelabrum, ut luceat omnibus qui in domo sunt. *Sic luceat lumen vestrum coram hominibus, ut videant bona facta vestra.* Sed non ibi constituit finem; addidit enim, et glorificant Patrem vestrum, *qui in cœlis est* (*Matth. v*, 14-16). Hic autem, quia hoc reprehendit, si ibi sit finis recte factorum, id est, si propterea recte faciamus, ut tantum videamur ab hominibus; postea quia dixit, *Cavete facere justitiam vestram coram hominibus, ut videamini ab eis*, nihil addidit. In quo appetet, non

hoc eum prohibuisse ut recte fiat coram hominibus, sed ne ob id forte recte fiat coram hominibus, ut videamus ab eis, id est, ut hoc intueamur, et ibi finem nostri propositi colloquemus.

3. Nam et Apostolus dicit, *Si adhuc hominibus placet, Christi servus non essem* (*Galat. i, 10*); cum alio loco dicat, *Placete omnibus per omnia, sicut et ego omnibus per omnia placebo* (*I Cor. x, 32, 33*). Quod qui non intelligunt, contrarium putant; cum ille se dixerit non placere hominibus, quia non ideo recte faciebat ut placeret hominibus, sed ut Deo, ad cuius amorem corda hominum volebat convertere, eo ipso quo placebat hominibus. Itaque et non se placere hominibus recte dicebat, quia in eo ipso ut Deo placeret intuebatur: et placendum esse hominibus recte præcipiebat, non ut hoc appeteretur tanquam merces recte factorum; sed quia Deo placere non posset, qui non se iis quos salvos fieri vellet præberet imitandum: imitari autem illum qui sibi non placuerit, nullo pacto quisquam potest. Sicut ergo non absurde loqueretur, qui diceret, In hac opera qua navem quæro, non navem quæro, sed patriam: sic et Apostolus convenienter diceret, In hac opera, qua hominibus placebo, non hominibus, sed Deo placebo, quia non hoc appeto, sed ad ut resero ut me imitentur, quos salvos fieri volo. Sicut dicit de oblatione que sit in sanctos, *Non quia quæro datum, sed inquiero fructum* (*Philipp. iv, 17*): id est, Quod quæro datur vestrum, non hoc quæro, sed fructum vestrum. Hoc enim indicio apparere poterat quantum proscississent in Deum, cum id libenter offerrent<sup>1</sup>, quod non propter gaudium de muneribus, sed propter communionem charitatis ab eo quærebatur.

4. Quanquam et cum addit, et dicit, *Alioquin mercedem non habebitis apud Patrem vestrum qui in celis est*, nihil aliud demonstrat nisi id nos cavere oportere, ne humanam laudem pro nostrorum operum mercede quæramus, id est, ea nos beatos effici arbitremur.

CAPUT II. — 5. *Cum ergo facis eleemosynam, inquit, noli tuba canere ante te, sicut hypocritæ faciunt in synagogis et in vicis, ut glorificantur ab hominibus.* Nihil, inquit, sic velle innotescere, ut hypocrite. Manifestum est autem hypocritas non quod oculis prætentunt hominum, id etiam corde gestare. Sunt enim hypocrite simulatores, tanquam pronuntiatores personarum alienarum, sicut in theatris fabulis. Non enim qui agit partes Agamemnonis in tragœdia, verbi gratia, sive alicujus alterius ad historiam vel fabulam que agitur pertinentis, vere ipse est; sed simulat eum, et hypocrita dicitur. Sic in Ecclesia, vel in omni vita humana, quisquis se vult videri quod non est, hypocrita est. Simulat enim justum, non exhibet; quia totum fructum in laude hominum ponit, quam possunt etiam simulantes percipere, dum fallunt eos quibus videntur boni, ab eisque laudantur. Sed tales ab inspectore cordis Deo mercedem non accipiunt, nisi fallacie supplicium: ab hominibus autem, inquit, *perceperunt mercedem suam*; rectissime his dicetur, Recedita a me, operarii dolosi; nomen

meum habuistis, sed opera mea non fecistis. Illi ergo percepérunt mercedem suam, qui non ob aliud eleemosynam faciunt, nisi ut glorificantur ab hominibus: non si glorificantur ab hominibus, sed si ideo faciant ut glorificantur, sicut superius tractatum est. *Laus enim humana non appeti a recte faciente, sed subsequi debet recte facientem*: ut illi præficiant, qui etiam imitari possunt quod laudant; non ut hic puto aliquid eos sibi prædæsse, quem laudant.

6. *Te autem faciente eleemosynam, non sciat sinistra tua quid faciat dextera tua.* Si intellexeris sinistram infideles dici, videbitur nulla esse culpa, placere fidelibus velle: cum prorsus nibilominus in quorumlibet hominum laude fructum et finem boni operis constitutæ prohibeamur. Quod autem ad id pertinet ut te limitentur, quibus recte facta tua placuerint, non tantum fidelibus, sed etiam infidelibus exhibendum est, ut laudandis bonis operibus nostris Deum honore, et veniant ad salutem. Si autem sinistram inimicum pataveris, ut nesciat inimicus tuus cum eleemosynam facis; cur ipse Dominus inimicis Iudeis circumstantibus misericorditer sanavit homines? cur apostolus Petrus, sanato eo quem ad portam Speciosam, debilem miseratus est, etiam iras inimicorum in se atque in alios Christi discipulos pertulit (*Act. iii, iv*)? Deinde si non oportet scire inimicum, cum eleemosynam facimus, quomodo cum ipso inimico faciemus, ut illud impleamus præceptum, *Si esurierit inimicus tuus, ciba illum, si siticrit, potum da illi* (*Prov. xxv, 21*)?

7. Tertia solet esse carnalium opinio, tam absurdâ et ridenda, ut non eam commemorarem, nisi expertus essem non paucos eo errore detineri, qui dicunt sinistre nomine uxorem significari: ut quoniā in re familiarī tenuiores pecuniarum solent esse feminæ, lateat eas cum aliquid misericorditer viri earum egenis impendunt propter domesticas lites. Quasi vero soli viri christiani sint, et non hoc præceptum etiam feminis datum sit. Cui ergo sinistre jubetur femina occultare opus misericordia sue? An etiam vir sinistra erit feminæ? quod absurdissime dicitur. Aut si quispiam putat invicem sibi sinistras esse; si ab altero ita ergetur aliquid de re familiarī, ut si contra alterius voluntatem, non erit christianum tale conjugium: sed necesse est ut quisquis eorum eleemosynam facere voluerit ex præcepto Dei, quemcumque adversum habuerit, inimicus sit præcepto Dei, et ideo inter infideles deputetur: præceptum est autem de talibus, ut bona sua conversatione ac moribus lucifaciat uxorem maritus fidelis, vel maritum mulier fidelis; quapropter non sibi debent occultare bona opera sua, quibus invitandi sunt ad invicem, ut alter alterum possit ad christiane fidei communionem invitare. Nec surta facienda sunt, ut promereatur Deus. Quod si occultandum est aliquid, quamdiu alterius infirmitas æquo animo id non potest sustinere, quod tamen non injuste atque illicite sit; non tamen ipsam nunc sinistram significari totius capitulo consideratione facile apparent, in qua simul invenietur quam sinistram vocet.

8. *Carete, inquit, facere justitiam vestrem coram*

<sup>1</sup> Omnes MSS., facerent

*hominibus ut videamini ab eis : alioquin mercedem non habebitis apud Patrem vestrum qui in cœlis est. Generaliter hic justitiam nominavit, deinde particulariter exequitur. Est enim pars aliqua justitiae opus quod per eleemosynam sit, et ideo connectit dicendo, Cum ergo facias eleemosynam, noli tuba canere ante te, sicut hypocritæ faciunt in synagogis et in vicis, ut glorificantur ab hominibus. Ad hoc respicit quod superius ait, Cave te facere justitiam vestram coram hominibus, ut videamini ab eis. Quod autem sequitur, Amen dico vobis, percepimus mercedem suam, ad illud respicit quod supra posuit, Alioquin mercedem non habebitis apud Patrem vestrum qui in cœlis est. Deinde sequitur, Te autem faciente eleemosynam. Cum dicit, Te autem, quid aliud dicit, quam, Non quomodo illi? Quid ergo mihi jubet? Te autem faciente, inquit, eleemosynam, non sciat sinistra tua quid faciat dextera tua. Ergo illi sic faciunt, ut sciat sinistra eorum quid faciat dextera eorum. Quod igitur in illis culpatum est, hoc tu facere veteris. In illis autem hoc culpatum est, quod ita faciunt ut laudes hominum querant. Quapropter nihil consequentius sinistra videtur significare, quam ipsam delectationem laudis. Dextera autem significat intentionem implendi præcepta divina. Cum itaque conscientia facientis eleemosynam miseat se appetitio laudis humanæ, sit sinistra conscientia operis dexteræ: Nesciat ergo sinistra tua quid faciat dextera tua, id est, non se miseat conscientiae tue laudis humanæ appetitio, cum in eleemosyna facienda divinum præceptum contendis implere.*

9. *Ut sit eleemosyna tua in abscondito. Quid est, in abscondito, nisi in ipsa bona conscientia, quæ humanis oculis demonstrari non potest, nec verbis aperiri? Quandoquidem multi multa mentiuntur. Quapropter si dextera intrinsecus agit in abscondito, ad sinistram pertinent omnia exteriora, quæ sunt visibilia et temporalia. Sit ergo eleemosyna tua in ipsa conscientia tua, ubi multi eleemosynari faciunt bona voluntate, etiam si pecuniam, vel si quid aliud, quod inopis largiendum est, non habent. Multi autem foris faciunt, et intus non faciunt qui vel ambitione, vel alicujus rei temporalis gratia volunt misericordes videri, in quibus sola sinistra operari existimanda est. Item alii quasi medium inter utrosque locum tenent, ut et intentione quæ in Deum est eleemosynam faciant, et tamen inserat se huic optimæ voluntati nonnulla etiam laudis vel cuiuscun rei fragilis et temporalis cupiditas. Sed Dominus noster multo vehementius prohibet solam sinistram in nobis operari, quando etiam miseri eam velat operibus dexteræ: ut scilicet non modo sola temporalium rerum cupiditate caveamus eleemosynam facere; sed nec ita in hoc opere attendamus Deum, ut sese misceat vel adjungat exteriorum appetitio commodorum. Agitur enim de corde mundando, quod nisi fuerit simplex, mundum non erit. Simplex autem quomodo erit si duabus dominis servit, nec una intentione rem æternarum purifical aciem suam, sed eam mortalium quoque fragiliusque rerum amore obnubilat?*

*Sit ergo eleemosyna tua in abscondito; et Pater tuus qui videt in abscondito reddet tibi. Rectissime omnino et verissime. Si enim præmium ab eo exspectas qui conscientie solus inspector est, sufficiat tibi ad promerenduni præmium ipsa conscientia. Multa latina exemplaria sic habent, Et Pater tuus qui videt in abscondito, reddit tibi palam: sed quia in græcis, que priora sunt, non invenimus, palam (a), non putavimus hinc esse aliquid disserendum.*

10. *Et cum oratis, inquit, non eritis sicut hypocritæ, qui amant in synagogis et in angulis platearum stantes orare, ut videantur ab hominibus. Neque hic videri ab hominibus nefas est; sed ideo hæc agere ut videaris ab hominibus: et superfluo toties eadem dicuntur, cum sit jam una regula custodienda, qua cognitum est, non si hæc sciunt homines, fornicandum esse aut fugiendum; sed si hoc animo siant, ut fructus in eis expectatur placendi hominibus. Servat etiam ipse Dominus eadem verba, cum adjungit similiter, Amen dico vobis, percepimus mercedem suam; hinc ostendens id se prohibere, ne ea merces appetatur, qua stulti gaudent cum laudantur ab hominibus.*

11. *Vos autem cum oratis, inquit, introite in cubicula vestra. Quæ sunt ista cubicula, nisi ipsa corda, quæ in Psalmo etiam significantur, cum dicitur, Quæ dicitis in cordibus vestris, et in cubilibus vestris compungimini (Psal. iv, 5)? Et claudentes ostia orate, ait, Patrem vestrum in abscondito. Parum est intrare in cubicula, si ostium pateat importunis, per quod ostium ea quæ foris sunt improbe se immergunt, et interiora nostra appetunt. Foris autem diximus esse omnia temporalia et visibilia, quæ per ostium, id est per carnalem sensum, in cogitationes nostras penetrant, et turba vanorum phantasmatum orantibus obstrepunt. Claudendum est ergo ostium, id est, carnali sensui resistendum est, ut oratio spiritualis dirigatur ad Patrem, quæ sit in intimis cordis, ubi oratur Pater in abscondito. Et Pater, inquit, vester qui videt in abscondito, reddit vobis. Et hoc tali clausula terminandum fuit: non enim hoc monet nunc ut oremus, sed quomodo oremus; neque superius, ut faciamus eleemosynam, sed quo animo faciamus quoniā de corde mundando, præcipit, quod non mundat, nisi una et simplex intentio in æternam vitam solo et puro amore sapientiae.*

12. *Orantes autem nolite, ait, multum loqui, sicut Ethnici: arbitrantur enim quod in multiloquio suo exaudiuntur. Sicut hypocitarum est præbere se spectandos in oratione, quorum fructus est placere hominibus; ita Ethnicorum, id est Gentilium, in multiloquio se putare exaudiri. Et revera omne multiloquium a Gentilibus venit, qui exercendæ lingua: potius quam mundando animo dant operam. Et hoc nugatorii studii genus etiam ad Deum prece flectendum transferre conantur, arbitrantes sicut hominem judicem verbis adduci in sententiam. Nolite itaque illis esse, dicit unus et verus magister. Scit enim Pater vester quid vobis necessarium sit, antequam petatis*

(a) Contra hodie in græcis invenitur, non in latinit.

*ab eo.* Si enim verba multa ad id proferuntur, ut instruantur et doceatur ignarus, quid eis opus est ad rerum omnium cognitorem, cui omnia quae sunt, eo ipso quo sunt, loquuntur, seseque indicant facta; et ea quae futura sunt ejus artem sapientiamque non latent, in qua sunt et quae transierunt, et quae transitura sunt, omnia presentia, et non transeuntia?

13. Sed quoniam, quamvis pauca, tamen verba et ipse dicturus est quibus nos doceat orare; queri potest, cur vel his verbis paucis opus sit ad eum qui scit omnia antequam siant, et novit, ut dictum est, quid nobis sit necessarium, antequam petamus ab eo? Hic primo respondet, non verbis nos agere debere apud Deum, ut impetreremus quod volumus, sed rebus quas animo gerimus, et intentione cogitationis, cum dilectione pura et simplici affectu: sed res ipsas verbis nos ducuisse Dominum nostrum, quibus memorie mandatis eas ad tempus orandi recordemur.

14. Sed rursus queri potest, sive rebus, sive verbis orandum sit, quid opus sit ipsa oratione, si Deus jam novit quid nobis necessarium sit: nisi quia ipsa orationis intentio cor nostrum serenat et purgat, capi- ciusque efficit ad excipienda divina munera, quae spiritualiter nobis infunduntur. Non enim ambitione precum nos exaudit Deus, qui semper paratus est dare suam lucem nobis, non visibilem, sed intelligibilem et spiritualem: sed nos non semper parati sumus accipere, cum inclinamur in alia, et rerum temporalium cupiditate tenebramur. Fit ergo in oratione conversio cordis ad eum, qui semper dare paratus est, si nos capiamus quod dederit; et in ipsa conversione purgatio interioris oculi, cum excluduntur ea quae temporaliter cupiebantur, ut acies cordis simplificis ferre possit simplicem lucem, divinitus<sup>1</sup> sine ullo occasu aut immutatione fulgentem: nec solum ferro, sed etiam manere in illa; non tantum sine molestia, sed etiam cum ineffabili gudio, quo vere ac sinceriter beata vita perficitur.

CAPUT IV. — 15. Sed jam considerandum est quae nos orare ille præcepit, per quem et discimus quid oremus, et consequimur quod oramus. *Sic itaque orate vos*, inquit: *Pater noster qui es in cœlis, sanctificetur nomen tuum: adveniat regnum tuum: fiat voluntas tua sicut in cœlo et in terra: panem nostrum quotidianum da nobis hodie: et dimille nobis debita nostra, sicut et nos dimittimus debitoribus nostris: et ne nos inferas in tentationem; sed libera nos a malo.* Cum in omni depreciatione benevolentia concilianda sit ejus quem deprecamur, deinde dicendum quid deprecemur; laude illius ad quem oratio dirigitur, solet benevolentia conciliari, et hoc in orationis principio poni solet: in quo Dominus noster nihil aliud nos dicere jussit, nisi, *Pater noster qui es in cœlis.* Multa enim dicta sunt in laudem Dei, quae per omnes sanctas Scripturas varie lateque diffusa poterit quisque considerare, cum legit: *nusquam tamen invenitur præceptum populo Israel ut dicaret, Pater noster, aut ut oraret Patrem Deum;*

<sup>1</sup> *Mss. vaticani duo et unus Corbelensis, lucem divinitatis.*

sed Dominus eis insinuatus est, tanquam servientibus, id est, secundum carnem adhuc viventibus. Hoc autem dico, cum mandata Legis acciperent, quae observare jubebantur: nam Prophetæ saepè ostendunt eumdem Dominum nostrum etiam Patrem eorum esse potuisse, si ab ejus mandatis non aberrarent: sicuti est illud, *Filios genui, et exaltavi; ipsi autem spreverunt me (Isai. 1, 2);* et illud, *Ego dixi, Dii estis, et filii Excelsti omnes*<sup>1</sup> (*Psal. LXXXI, 6*); et illud, *Si Dominus sum, ubi est timor meus? et si Pater sum, ubi est honor meus (Malach. 1, 6)?* et alia permulta, ubi arguuntur Iudei, quia filii esse peccando noluerunt: exceptis eis quae in prophetia dicuntur de futuro populo christiano, quod Patrem Deum esset habiturus, secundum illud evangelicum, *Dedit eis potestatem filios Dei fieri (Joan. 1, 12)*: apostolus autem Paulus dicit, *Quandiu haeres parvulus est, nihil distat a servo; et spiritum adoptionis nos accepisse commemorat, in quo clamamus, Abba, Pater (Rom. viii, 15-23, et Galat. iv, 1-6).*

16. Et quoniam quod vocamur ad æternam haereditatem, ut simus Christi cohæredes, et in adoptionem filiorum veniamus, non est meritorum nostrorum, sed gratie Dei; eamdem ipsam gratiam in orationis principio ponimus, cum dicimus, *Pater noster.* Quo nomine et charitas excitatur; quid enim charius filii debet esse quam pater? et supplex affectus, cum homines dicunt Deo, *Pater noster:* et quædam impenetrandi præsumptio, que petituri sumus; cum priusquam aliquid peteremus, tam magnum donum acceptimus, ut sinamus dicere, *Pater noster, Deo.* Quid enim jam non det filiis petentibus, cum hoc ipsum ante dederit, ut filii essent? Postremo quanta cura animum tangit, ut qui dicit, *Pater noster*, tanto Patre non sit indignus? Si enim quisquam plebeius senatorem grandioris ætatis ab eo ipso patrem vocare permittatur; sine dubio trepidabit, nec facile audebit, cogitans humilitatem generis sui, et opum indigentiam, et plebejæ personæ vilitatem: quanto ergo magis trepidandum est appellare Patrem Deum, si tanta est labes, tantæque sordes in moribus, ut multo justius eas a sua conjunctione Deus expellat, quam ille senator cuiusvis mendici egestatem? Quandoquidem ille hoc contemnit in mendico, quo et ipse potest rerum humanarum fragilitate devenire: Deus autem in sordidos mores nunquam cadit. Et gratias misericordiae ipsius, qui hoc a nobis exigit, ut *Pater noster* sit; quod nullo sumptu, sed sola bona voluntate comparari potest. Admonentur etiam hic divites, vel genere nobiles secundum sæculum, cum christiani facti fuerint, non superbire adversus pauperes et ignobiles; quoniam simul dicunt Deo, *Pater noster:* quod non possunt vere ac pie dicere, nisi se fratres esse cognoscant.

CAPUT V. — 17. Utatur ergo voce Novi testamenti populus novus, ad æternam haereditatem vocatus, et dicat, *Pater noster qui es in cœlis:* id est, in sanctis et justis. Non enim spatio locorum continetur Deus. Sunt enim cœli excellētia quidem mundi cognoscant.

<sup>1</sup> *Mss. deceun, et filii Aliissimi: vos autem sicut homines mortali, et sicut unus ex principibus cadetis.*

pora, sed tamen corpora, quæ non possunt esse nisi in loco : sed si in cœlis tanquam in superioribus mundi partibus locus Dei esse creditur melioris meriti sunt aves, quarum vita est Deo vicinior. Non autem scriptum est, Prope est Dominus excelsis hominibus, aut eis qui in montibus habitant : sed scriptum est, *Prope est Dominus obtritis corde (Psal. xxxii, 19)*; quod magis pertinet ad humilitatem. Sed quemadmodum terra appellatus est peccator, cum ei dictum est, *Terra es, et in terram ibis (Gen. iii, 19)* : sic cœlum justus e contrario dici potest. Justis enim dicitur, *Tempium enim Dei sanctum est, quod estis vos (I Cor. iii, 17)*. Quapropter si in templo suo habitat Deus, et sancti templum ejus sunt; recte dicitur, *qui es in cœlis, qui es in sanctis*. Et accommodatissima ista similitudo est, ut spiritualiter tantum interesse videatur inter justos et peccatores, quantum corporaliter inter cœlum et terram.

18. Cujus rei significandæ gratia, cum ad orationem stamus, ad orientem convertimur, unde cœlum surgit : non tanquam ibi habitet Deus, quasi cæteras mundi partes deseruerit<sup>1</sup> qui ubique præsens est, non locorum spatiis, sed majestatis potentia<sup>2</sup>; sed ut admoneatur animus ad naturam excellentiorem se convertere, id est ad Deum, cum ipsum corpus ejus quod est terrenum, ad corpus excellentius, id est ad corpus coeleste convertitur. Convenit etiam gradibus religionis, et plurimum expedit, ut omnium sensibus et parvolorum et magnorum bene sentiatur de Deo. Et ideo qui visibilibus adhuc pulchritudinibus dediti sunt, nec po sunt aliquid incorporeum cogitare, quoniam necesse est cœlum præferant terræ; tolerabilius est opinio eorum, si Deum quem adhuc corporaliter cogitant, in cœlo potius credant esse, quam in terra : ut cum aliquando cognoverint dignitatem animæ cœlesti etiam corpus excedere, magis eum querant in anima, quam in corpore etiam cœlesti ; et cum cognoverint quantum distet inter peccatorum animas et justorum, sicut non audebant, cum adhuc carnaliter saperent, eum in terra collocare, sed in cœlo, sic postea meliori fide vel intelligentia magis eum in animis justorum quam in peccatorum requirant. Recte ergo intelligitur quod dictum est, *Pater noster qui es in cœlis, in cordibus justorum esse dictum, tanquam in templo sancto suo. Simil etiam ut qui orat, in se quoque ipso velit habitare quem invocat : et cum hoc affectat, tenet justitiam ; quo munere invitatur ad inhabitandum animum Deus.*

19. Jam videamus quæ sint petenda. Dictum est enim quis sit qui petitur, et ubi habitet. Primum autem omnium quæ petuntur hoc est, *Sanctificetur nomen tuum*. Quod non sic petitur, quasi non sit sanctum nomen Dei, sed ut sanctum habeatur ab hominibus : id est, ita illis innotescat Deus, ut non existiment aliquid sanctius, quod magis offendere timeant. Neque enim quia dictum est, *Nomus in Iudea Deus, in Israel*

<sup>1</sup> Er. Lugd. Ven. Lov. legunt, non tanquam ibi sit Deus, et quasi cæteras mundi partes deseruerit. M.

<sup>2</sup> Sic MSS. At erit, *majestatis potentia*.

*magnum nomen ejus (Psal. lxxv, 1)*; sic intelligendum est quasi alibi minor sit Deus, alibi major : sed ibi magnum est nomen ejus, ubi pro suæ majestatis magnitudine nominatur. Ita ibi dicitur sanctum nomen ejus, ubi cum veneratione et offensionis timore nominatur. Et hoc est quod nunc agitur, dum Evangelium adhuc usque per diversas gentes innotescendo, commendat unius Dei nomen per administrationem Filii ejus.

CAPUT VI. — 20. Deinde sequitur, *Adveniat regnum tuum*. Sicut ipse Dominus in Evangelio docet, tunc futurum esse judicij diem, cum Evangelium prædicatum fuerit in omnibus gentibus (*Matth. xxiv, 14*) : quæ res pertinet ad sanctificationem nominis Dei. Non enim et hic ita dictum est, *Adveniat regnum tuum*, quasi nunc Deus non regnet. Sed forte quis dicat, *Adveniat dictum esse in terram*. Quasi vero non etiam ipse nunc regnet in terra, semperque in ea regnaverit a constitutione mundi. *Adveniat ergo accipiendum est, manifestetur hominibus*. Quemadmodum enim etiam præsens lux absens est cæcis, et eis qui oculos claudunt ; ita Dei regnum, quamvis nunquam discedat de terris, tamen absens est ignorantibus. Nulli autem licet ignorare regnum Dei, cum ejus Unigenitus non solum intelligibiliter, sed etiam visibiliter in homine Dominico de cœlo venerit judicatorus vivos et mortuos (a). Post quod judicium, id est, cum discretio et separatio justorum ab injustis facta fuerit, ita inhabitabit justos Deus, ut non opus sit quemquam doceri per hominem, sed sint omnes, ut scriptum est, *docabiles Deo (Isai. liv, 13; Joan. vi, 45)*. Deinde beata vita omni ex parte perficietur in sanctis in æternum, sicuti nunc cœlestes Angeli sanctissimi atque beatissimi, solo Deo illustrante sapientes et beati sunt ; quia et hoc promisit Dominus suis : *In resurrectione erunt, inquit, sicut Angeli in cœlis (Matth. xxii, 30)*.

21. Et ideo post illam petitionem qua dicimus, *Adveniat regnum tuum*, sequitur, *Fiat voluntas tua sicut in cœlo et in terra* : id est, sicut est in Angelis qui sunt in cœlis, voluntas tua, ut omnimodo tibi adhaereant teque perfruantur, nullo errore obnubilante sapientiam eorum, nulla miseria impediente beatitudinem eorum ; ita fiat in sanctis tuis qui in terra sunt, et de terra, quod ad corpus attinet, faci sunt, et quamvis in cœlestem habitationem atque immutationem, tamen de terra assumendi sunt. Ad hoc respicit etiam illa Angelorum prædictio, *Gloria in excelsis Deo, et in terra pax hominibus bona voluntatis (Luc. ii, 14)* : ut cum præcesserit bona voluntas nostra, que vocantem sequitur, perficiatur in nobis voluntas Dei, sicuti est in cœlestibus Angelis ; ut nulla adversitas resistat nostræ beatitudini, quod est pax. Item *Fiat voluntas tua*, recte intelligitur, obediatur præceptis tuis : *sicut in cœlo et in terra*, id est, sicut ab Angelis, ita ab hominibus. Nam fieri voluntatem Dei, cum obtemperatur præceptis ejus, ipse Dominus dicit, cum ait, *Mens cibus est ut faciam voluntatem ejus qui*

(a) *I Retract. cap. 19, n. 8.*

*me misit (Joan. iv, 34); et sœpe, Non veni facere voluntatem meam, sed voluntatem ejus qui me misit (Joan. vi, 38); et cum ait, Ecce mater mea, et ecce fratres mei, et quicumque fecerit voluntatem Dei, hic mihi est frater, et mater, et soror (Math. xii, 49 et 50).* Qui ergo faciunt voluntatem Dei, in illis utique sit voluntas Dei: non quia ipsi faciunt ut velit Deus; sed quia faciunt quod ille vult, id est, faciunt secundum voluntatem ejus.

22. Est etiam ille intellectus: *Fiat voluntas tua sicut in celo et in terra, sicut in sanctis et justis, ita etiam in peccatoribus.* Quod adhuc duobus modis accipi potest: sive ut oremus etiam pro inimicis nostris; (quid enim sunt aliud habendi, contra quorum voluntatem christianum et catholicum nomen auget?) ut ita dictum sit, *Fiat voluntas tua sicut in celo et in terra, tanquam si diceretur, Faciant voluntatem tuam sicut justi, ita etiam peccatores, ut ad te convertantur: sive ita, Fiat voluntas tua sicut in celo et in terra, ut sua cuique tribuantur; quod fieri extremo iudicio, ut justis præmium, peccatoribus damnatio retribnatur, cum agni ab hædis separabuntur (Id. xxv, 33 46).*

23. Ille etiam non absurdus, imo et fidei et spei nostræ convenientissimus intellectus est, ut cœlum et terram accipiamus, spiritum et carnem. Et quoniam dicit Apostolus, *Mente servio legi Dei, carne autem legi peccati (Rom. vii, 25);* videmus factam voluntatem Dei in mente, id est, in spiritu: cum autem absorpta fuerit mors in victoriā, et mortale hoc induerit immortalitatem, quod fieri carnis resurrectione, atque illa immutatione quæ promittitur justis, secundum ejusdem apostoli prædicationem (*I Cor. xv, 42, 55*): fiat voluntas Dei et in terra, sicut in cœlo: id est, ut quemadmodum spiritus non resistit Deo, sequens et faciens voluntatem ejus; ita et corpus non resistat spiritui vel animæ, quæ nunc corporis infirmitate vexatur, et in carnalem consuetudinem prona est: quod erit summæ pacis in vita æterna, ut non solum velle adjaceat nobis, sed etiam perficere bonum. *Nunc enim velle, inquit, adjacet mihi; perficere autem bonum non:* quia nondum in terra sicut in cœlo, id est, nondum in carne sicut in spiritu facta est voluntas Dei. Nam et la miseria nostra fit voluntas Dei, cum ea patimur per carnem, quæ nobis mortalitatis jure debentur, quam peccando meruit nostra natura: sed id orandum est, ut sicut in cœlo, ita et in terra fiat voluntas Dei; id est, ut quemadmodum corde condelectamur legi secundum interiorē hominem (*Rom. vii, 18, 22*), ita etiam corporis immutatione facta, huic nostræ delectationi nulla pars nostra terrenis doloribus seu voluptibus aduersetur.

24. Nec illud a veritate abhorret, ut accipiamus, *Fiat voluntas tua sicut in celo et in terra, sicut in ipso Domino nostro Iesu Christo, ita et in Ecclesia: tanquam in viro qui Patris voluntatem implevit, ita et in semina quæ illi desponsata est. Cœlum enim et terra convenienter intelligitur, quasi vir et femina; quoniam terra cœlo secundaute fructifera est.*

CAPUT VII. — 25. Quarta petitio est, *Panem no-*

*strum quotidianum da nobis hodie.* Panis quotidianus, aut pro iis omnibus dictus est, quæ hujus vite necessitatē sustentant, de quo cum præciparet, sit, *Nolite cogitare de crastino;* ut ideo sit additum, *da nobis hodie:* aut pro Sacramento corporis Christi, quod quotidie accipimus: aut pro spirituali cibo, de quo idem Dominus dicit, *Operamini escam quæ non corruptitur;* et illud, *Ego sum panis vite, qui de celo descendī (Joun. vi, 17, 41).* Sed horum trium quid sit probabilius, considerari potest. Nam forte quispiam moveatur, cur oremus pro his adipiscendis quæ huic vite sunt necessaria, veluti est victus et tegumentum, cum ipse Dominus dicat, *Nolite solliciti esse quid edatis, vel quid induamini.* An potest quisque de ea re pro qua adipiscenda orat, non esse sollicitus; cum tanta intentione animi oratio dirigenda sit, ut ad hoc totum illud referatur quod de claudendis cubiculis dictum est, et illud quod ait, *Quærите primum regnum Dei et justitiam ejus, et hæc omnia apponentur vobis?* Non ait utique, Quærite primum regnum Dei, et deinde ista quærere; sed, *hæc omnia, inquit, apponentur vobis,* scilicet etiam non quærentibus. Quonodo autem recte dicatur non quærere aliquis, quod ut accipiat intentissime Deum deprecatur, nescio utrum inveniri queat.

26. De Sacramento autem corporis Domini ut illi non moveant quæstionem, qui plurimi in orientalibus partibus, non quotidie coenæ dominicæ communicant, cum iste panis quotidianus dictus sit: ut ergo illi taceant, neque de hac re suam sententiam defendant vel ipsa auctoritate ecclesiastica<sup>1</sup>, quod sine scandalo ista faciunt, neque ab eis qui ecclesiis præsunt facere prohibentur, neque non obtemperantes damnantur; unde probatur non hunc in illis partibus intelligi quotidianum panem; nam magni peccati crimine arguerentur, qui ex eo non accipiunt quotidie: sed ut de istis, ut dictum est, nihil in aliquam partem disseamus, illud certe debet occurrere cogitantibus, regulam nos orandi a Domino accepisse, quam transgredi non oportet vel addendo aliiquid, vel prætereundo. Quod cum ita sit, quis est qui audiat dicere, semel tantum nos orare debere orationem dominicam; aut certe etiam si iterum vel tertio, usque ad eam tantum horam qua corpori Domini communicamus, postea vero non sic orandum per reliquas partes diei? Non enim jam dicere poterimus, *da nobis hodie*, quod jam accepimus: aut poterit quisque cogere, ut etiam ultima diei parte Sacramentum illud celebremus.

27. Restat igitur ut quotidianum panem accipiamus spiritualem, præcepta scilicet divina, quæ quotidie oportet meditari et operari. Nam de ipsis Dominus dicit, *Operamini escam quæ non corruptitur.* Quotidianus autem iste cibus nunc dicitur, quamdiu ista vita temporalis per dies decedentes succedentesque peragitur. Et revera quamdiu nunc in superiora, nunc in inferiora, id est, nunc in spiritualia, nunc in car-

<sup>1</sup> Hic apud Lov. additur, *sic contenti*: quod ahesta catenis co. libibus editis et Msc.

1281  
nalia animi affectus alternat, tanquam ei qui aliquando pascitur cibo, aliquando famem patitur; quotidie panis necessarius est, quo reficiatur esuricens, et relabens erigatur. Sicut itaque corpus nostrum in hac vita, ante illam scilicet immutationem, cibo reficitur, quia sentit dispendium: sic et animus, quoniam temporalibus affectibus quasi dispendium ab intentione Dei patitur, praecepterum cibo reficiatur. *Da nobis hodie* autem dictum est, quamdiu dicitur hodie, id est, in hac temporali vita. Sic enim cibo spirituali post hanc vitam saturabimur in aeternum, ut non tunc dicatur quotidianus panis; quia ibi temporis volubilitas, quæ diebus dies succedere facit, unde appelletur quotidie, nulla erit. Ut autem dictum est, *Hodie si vocem ejus audieritis* (*Psal. xciv*, 8); quod interpretatur Apostolus in Epistola quæ est ad Hebreos, Quamdiu dicitur hodie (*Hebr. iii*, 13): ita et hic accipendum est, *Da nobis hodie*. Si quis autem etiam de victu corporis necessario, vel de Sacramento Dominicæ corporis istam sententiam vult accipere, oportet ut coniuncte accipientur omnia tria; ut scilicet quotidianum panem simul petamus, et necessarium corpori, et sacramentum visibilem, et invisibilem verbi Dei<sup>1</sup>.

CAPUT VIII.—28. Sequitur quinta petitio, *Et dimitte nobis debita nostra, sicut et nos dimittimus debitoribus nostris*. Debita, peccata dici manifestum est, vel illo quod ait idem Dominus, *Non exies inde donec reddas novissimum quadrantem* (*Matth. v*, 26); vel illo quo debitores appellavit qui ei nuntiati sunt extincti, vel in ruina turris, vel quorum sanguinem Herodes sacrificio miscuit. Dixit enim putare homines quod illi ultra modum debitores essent, id est peccatores; et addidit, *Amen dico vobis, nisi paenitentiam egeritis, similiter moriemini* (*Luc. xii*, 4-5). Non hic ergo quisque urgetur pecuniam dimittere debitорibus, sed quemque in eum alius peccaverit. Nam pecuniam dimittere illo potius jubemur præcepto, quod superius dictum est, *Si quis tibi tunica tollere voluerit, et judicio tecum contendere, remitte ei et vestimentum* (*Matth. v*, 40): nec ibi necesse est omni pecuniario debitori dimittere debitum, sed ei qui reddere noluerit, in tantum ut velit etiam litigare; *Servum autem Domini*, ut ait Apostolus, *non oportet litigare* (*II Tim. ii*, 24). Qui ergo vel sponte vel conventus pecuniam debitam reddere noluerit, dimittenda illi est. Duas enim ob res nolet reddere, vel quod non habeat, vel quod avarus sit reique aliena cupidus: utrumque autem pertinet ad inopiam; nam illa inopia est rei familiaris, hæc animi. Quisquis itaque tali dimittit debitum, inopi dimittit, opusque christianum operatur, manente illa regula, ut in animo paratus sit amittere quod sibi debetur. Nam si modeste ac leniter omni modo egerit, ut sibi restituatur, non tam intenders fructum pecuniae, quam ut hominem corrigat, cui sine dubio perniciosum est habere unde reddat, et non reddere; non solum non peccabit, sed proderit etiam plurimum, ne ille dum alienam pecuniam lu-

crum facere vult, damnum fidei patiatur; quod tanto est gravius, ut nulla sit comparatio. Ex quo intelligitur etiam in ista quinta petitione, qua dicimus, *Dimitte nobis debitum nostra, non de pecunia quidem dici*. sed de omnibus quæ in nos quisque possit, ac per hoc etiam de pecunia. Peccat namque in te, qui tibi pecuniam debitam, cum habeat unde reddat, recusat reddere. Quod peccatum si non dimiseris, non poteris dicere, *Dimitte nobis, sicut et nos dimittimus*: si autem ignoveris, vides etiam de pecunia dimittenda admoneri eum cui tali prece orare præcipitur.

29. Illud sane tractari potest, ut quoniam dicimus, *Dimitte nobis debita nostra, sicut et nos dimittimus*, tunc convincamur contra istam regulam fecisse, si eis non dimittamus, qui veniam petunt, quia et nos veniam petentibus nobis a benignissimo Patre dimitti volumus. Sed illo rursus præcepto, quo jubemur orare pro inimicis nostris (*Matth. v*, 44), non pro his jubemur qui veniam petunt. Jam enim qui tales sunt, non sunt inimici. Nullo modo autem quisquam vere dixerit orare se pro eo cui non ignoverit. Quapropter fatendum est omnia peccata dimittenda esse quæ in nos admittuntur, si volumus nobis a Patre dimitti quæ admittimus. Nam de vindicta superius, ut arbitrator, satis disputatum est (*Supra, lib. I, ec. 19 et 20*).

CAPUT IX.—30. Sexta petitio est, *Et ne nos inferas in temptationem*. Nonnulli codices habent, *inducas*, quod tantundem valere arbitrari: nam ex uno græco quod dictum est, *τιστέγετε*, utrumque translatum est. Multi autem precando ita dicunt, *Ne nos patiaris induci in temptationem*; exponentes videlicet quomodo dictum sit, *inducas*. Non enim per seipsum inducit Deus, sed induci patitur cum quem suo auxilio deseruerit, ordine occultissimo ac meritis. Causis etiam sœpe manifestis dignum judicat ille quem deserat, et in temptationem induci sinat. Aliud est autem induci in temptationem, aliud tentari. Nam sine temptatione probatus esse nullus potest, sive sibi ipsi, sicut scriptum est, *Qui non est tentatus, qualia scit* (*Ecli. xxiv*, 9, 11)? sive alii, sicut Apostolus ait, *Et temptationem vestram in carne mea non sprevistis* (*Galat. iv*, 13, 14): hinc enim eos firmos ipse cognovit, quod eis tribulationibus, quæ Apostolo secundum carnem acciderant, non sunt a charitate deflexi. Nam Deo noti sumus et ante omnes temptationes, qui scit omnia antequam flant.

31. Quod itaque scriptum est, *Tental vos Dominus Deus vester, ut sciat si diligitis eum* (*Deut. xiii*, 3); illa locutione positum est, *ut sciat*, pro eo quod est, ut scire vos faciat: sicut diem ketum dicimus, quod ketos faciat: frigus pigrum, quod pigros facit; et innumerabilia hujusmodi, quæ sive in consuetudine loquendi, sive in sermone doctorum, sive in Scripturis sanctis reperiuntur. Quod non intelligentes heretici qui Veteri Testamento adversantur, velut ignorantiae vitio notandum putant cum de quo dictum est, *Tental vos Dominus Deus vester*: quasi in Evangelio de Domino scriptum non sit, *Hoc autem dicebat tentans eum*;

<sup>1</sup> Sic plerique MSS. At editi, et sacramentum visibile et invisibile verbi Dei.

*nam ipse sciebat quid esset facturus (Jean. vi, 6).* Si enim noverat cor ejus quem tentabat, quid est quod voluit videre tentando? Sed profecto illud factum est, ut ipse sibi notus fieret qui tentabatur, suamque desperationem condemnaret, saturatis turbis de pane Domini, qui eas non habere quod ederent existimaverat.

32. Non ergo hic oratur, ut non tentemur, sed ut non inferamur in temptationem: tanquam si quispiam cui necesse est igne examinari, non oret ut igne non contingatur, sed ut non exuratur. Vasa enim signili probat fornax, et homines justos tentatio tribulationis (Eccli. xxvii, 6). Joseph ergo tentatus est illecebria stupri, sed non est illatus in temptationem (Gen. xxxix, 7-12): Susanna tentata est, nec ipsa inducta vel illata in temptationem (Dan. xiii, 19-24); multique alii utriusque sexus: sed Job maxime, cuius admirabilem stabilitatem in Deo Domino suo, eam illi heretici hostes Veteris Testamenti ore sacrilego irridere voluerint, illud praeceteris ventilant, quod satanas petierit eum tentandum (Job 1, 11). Quærunt enim ab imperitis hominibus talia intelligere nequaquam valentibus, quomodo satanas cum Deo loqui potuerit: non intuentes (non enim possunt, cum superstitione et contentione cæcati sint) Deum non loci spatium mole corporis occupare; et sic alibi esse, alibi non esse, vel certe hic habere partem aliam, et alibi aliam: sed maiestate ubique præsto esse, non per partes divisum, sed ubique perfectum. Quod si carnaliter intuentur quod dictum est, *Cælum mihi thronus est, et terra scabellum pedum meorum (Isai. lxvi, 1)*; cui loco et Dominus attestatur dicens, *Non juretis, neque per cælum, quia thronus Dei est; neque per terram, quia scabellum est pedum ejus (Math. v, 34-53)*: quid mirum si in terra diabolus constitutus, ante pedes Dei stetit, et coram illo aliquid locutus est? Nam quando illi valent intelligere, nullam esse animam, quamvis perversam, que tamen ullo modo ratiocinari potest, in cuius conscientia non loquatur Deus? Quis enim scripsit in cordibus hominum naturalem legem, nisi Deus? De qua lege Apostolus ait: *Cum enim Gentes, quæ Legem non habent, naturaliter quæ legis sunt faciunt, huius Legem non habentes ipsi sibi sunt lex, qui ostendunt opus legis scriptum in cordibus suis, contestante conscientia ipsorum, et inter se invicem cogitationum accusantium, aut etiam excusantium, in die qua judicabit Dominus occulta hominum (Rom. ii, 14-16)*. Quapropter si omnis anima rationalis etiam cupiditate cœcata, tamen cum cogitat et ratiocinatur, quidquid in ea ratiocinatione verum est, non ei tribuendum est, sed ipsi lumini veritatis, a quo vel tenuiter pro sui capacitate illustratur, ut verum aliiquid in ratiocinando sentiat; quid mirum si diaboli anima prava cupiditate perversa, quidquid tamen verum de justo viro cogitavit, cum eum tentare vellet, ipsius Dei voce, id est, ipsius veritatis voce audisse prohibetur? Quidquid autem falsum, illi cupiditate tribuitur, qua diaboli nomen accepit. Quanquam etiam per creaturam corporalem atque visibilem Deus plerunque locutus est

seu bonis seu malis, tanquam omnium Dominus et rector, et pro cuiusque rei meritis ordinator: sicut per Angelos, qui hominum quoque aspectibus apparuerunt; et per Prophetas dicentes, Hæc dicit Dominus. Quid ergo mirum, si quanquam non in ipsa cogitatione, per aliquam certe creaturam tali operi accomodataam Deus locutus cum diabolo dicitur?

33. Nec dignitatis esse arbitrentur, et quasi justitiae meritum, quod cum illo Deus locutus est: quoniam locutus est cum anima angelica, quanquam stulta et cupida, tanquam si loqueretur cum anima humana stulta et cupida. Aut ipsi dicant quomodo locutus est cum illo divite, cuius cupiditatem stultissimam arguere voluit, dicens: *Stulte, huc nocte anima tua expostulatur a te; hæc quæ preparasti, cuius erunt (Luc. xii, 20)*? Certe hoc ipse Dominus in Evangelio dicit, cui heretici isti, ve-llint, nclint, colla submittunt. Si autem hoc moventur, quod tentandum justum Satanus petit a Deo; non ego expono quare sit factum, sed ipsos cogo exponere quare sit dictum in Evangelio ab ipso Domino discipulis, *Ecce Satanas petiit vos vexare quomodo triticum: et Petro ait, Ego autem postulavi ne deficiat fides tua (Id. xxi, 31, 52)*. Cum autem hoc exponunt mihi, simul illud quod a me querunt exponunt sibi. Si vero non valuerint hoc exponere, non audeant id quod in Evangelio sine offensione legunt<sup>1</sup>, in aliquo libro cum temeritate culpare.

34. Funt igitur temptationes per satanam non potestate ejus, sed permisso Domini, ad homines aut pro suis peccatis puniendos, aut pro Domini misericordia probandos et exercendos. Et interest plurimum in qualem quisque temptationem incidat. Non enim in tam leuem incidit Judas, qui vendidit Dominum, in quallem incidit Petrus, cum territus Dominum negavit. Sunt etiam temptationes humanæ, credo, cum bono quisque animo, secundum humanam tamen fragilitatem, in aliquo consilio labitur, aut irritatur in fratrem studio corrigendi, paulo tamen amplius quam christiana tranquillitas postulat: de quibus Apostolus dicit, *Tentatio vos non apprehendat, nisi humana; cum ideo dicat, Fidelis Deus, qui vos non sicut tentari supra quam potestis ferre; sed faciet cum temptatione etiam proventum, ut possitis tolerare (1 Cor. x, 13)*. In qua sententia satis ostendit non id nobis orandum esse ut non tentemur, sed ne in temptationem inducamur. Inducimur enim, si tales acciderint quas ferre non possumus. Sed cum temptationes periculosæ in quas inferri atque induci perniciosum est, aut prosperis rebus temporibus, aut adversis orientur, nemo frangitur adversarum molestia, qui prosperarum delectatione non capit.

35. Ultima et septima petitio est, *Sed libera nos a malo*. Orandum est enim ut non solum non inducamur in malum, quo caremus, quod sexto loco petitur; sed ab illo etiam liberemur, quo jam inducti sumus. Quod cum factum fuerit, nihil remanebit formidolosum, nec omnino metuenda erit ulla tentatio. Quod tamen in hac vita quamdiu istam mortalitatem cir-

<sup>1</sup> Sic vss. At editi, sine offensione non intelligunt.

cunferimus, in quam serpentina persuasione inducti sumus, non sperandum est posse fieri; sed tamen aliquando futurum sperandum est, et haec est spes quae non videtur: de qua cum loqueretur Apostolus, ait, *Spes autem quae videtur, non est spes* (*Rom. viii, 24*). Sed tamen sapientia, quae in hac quoque vita concessa est, fidelibus servis Dei non est desperanda. Ea est autem, ut id quod Domino revelante fugiendum esse intellexerimus, cautissima vigilancia fugiamus; et id quod Domino revelante appetendum esse intellexerimus, flagrantissima charitate appetamus. Ita enim reliquo mortalitatis hujus onere ipsa morte deposito, ex omni hominis parte opportuno tempore persicetur beatitudo, quae in hac vita inchoata est, et cui capessendae atque obtinendae aliquando nunc omnis conatus impenditur.

**CAPUT X.** — 36. Sed harum septem petitionum consideranda et commendanda distinctio est. Nam cum vita nostra temporaliter nunc agatur, atque speretur æterna, et cum æterna priora sint dignitate, quamvis temporalibus prius actis ad illa transeatur; trium primarum petitionum imprecatio quanquam in hac vita, quae isto saeculo agitur, exordium capiant (nam et sanctificatio nominis Dei ab ipso humilitatis Domini adventu agi coepit; et adventus regni ejus, quo in claritate venturus est, non jam finito saeculo, sed in fine saeculi manifestabitur; et perfectio voluntatis ejus, sicut in celo et in terra, sive justos et peccatores celum et terram intelligas, sive spiritum et carnem, sive Dominum et Ecclesiam, sive omnia simul, ipsa perfectione nostræ beatitudinis, et ideo saeculi terminatione complebitur), tamen omnia tria in æternum manebunt. Nam et sanctificatio nominis Dei sempiterna erit, et regni ejus nullus est finis, et perfectæ nostræ beatitudini æterna vita promittitur. Permanebunt ergo ista tria consummata atque cumulata in illa vita quae nobis promittitur.

37. Reliqua vero quatuor quae petimus, ad temporalem istam vitam pertinere mihi videntur. Quorum primum est, *Panem nostrum quotidianum da nobis hodie*. Hoc ipso enim quod dictus est quotidianus panis, sive spiritualis significetur, sive in Sacramento aut in victu isto visibilis, ad hoc tempus pertinet, quod appellavit *hodie*: non quia spiritualis cibus non est sempiternus; sed quia iste qui quotidianus dictus est in Scripturis, sive in strepitu sermonis, sive quibusque temporalibus signis exhibetur animæ: quae omnia tunc utique non erunt, cum omnes erunt dociles Deo (*Iust. liv, 13; Joan. vi, 45*), et ipsam ineffabilem lucem veritatis non motu corporum significantes, sed puritate mentis haurientes. Nam fortasse et propterea panis dictus est, non potus, quia panis frangendo atque mandendo, in alimentum convertitur, sicut Scripturæ aperiendo et disscrendo animam paescunt; potus vero paratus, sicuti est, transit in corpus: ut isto tempore panis sit veritas, cum quotidianus panis dicitur; tunc autem potus, cum nullo labore disputandi et sermocinandi, quasi frangendi atque mandendi, opus erit, sed solo haustu sincerae et per-

spicere veritatis. Et peccata nunc nobis dimittuntur, et nunc dimittimus; que harum quatuor reliquarum secunda petitio est: tunc autem nulla erit venia peccatorum, quia nulla peccata. Et tentationes temporalem istam vitam infestant; non autem erunt, cum perfectum erit quod dictum est, *Abscondes eos in abscondito vultus tui* (*Psal. xxx, 21*). Et malum, a quo liberari optamus, et ipsa liberatio a malo ad hanc utique vitam pertinet, quam et justitia Dei mortalem meruimus, et unde ipsius misericordia liberamur.

**CAPUT XI.** — 38. Videtur etiam mihi septenarius iste numerus harum petitionum congruere illi septenario numero, ex quo totus iste sermo manavit. Si enim timor Dei est quo beati sunt panperes spiritu, quoniam ipsorum est regnum cœlorum; petamus ut sanctificetur in hominibus nomen Dei, timore casto permanente in saecula saeculorum (*Psal. xviii, 10*). Si pietas est qua beati sunt mites, quoniam ipsi habent possidebunt terram; petamus ut veniat regnum ejus, sive in nos ipsos, ut mitescamus, nec ei resistamus; sive de cœlo in terras in claritate adventus Domini, quo nos gaudebimus, et laudabimur<sup>1</sup>, dicente illo, *Venite, benedicti Patris mei, accipite regnum quod vobis paratum est ab origine mundi* (*Math. xxv, 34*). In Domino enim, inquit propheta, *laudabitur anima mea; audient mites, et jucundentur* (*Psal. xxxiii, 2*). Si scientia est qua beati sunt qui lugent, quoniam ipsi consolabuntur, oremus ut fiat voluntas ejus sicut in celo et in terra, quia cum corpus tanquam terra, spiritui tanquam celo, summa et tota pace conservet, non lugebimus: nam nullus alius hujus temporis luctus est, nisi cum adversum se ista configunt, et cogunt nos dicere, *Video aliam legem in membris meis, repugnantem legi mentis meæ*; et lacuum nostrum lacrymosa voce testari, *Miser ega homo, quis me liberabit de corpore mortis ejus* (*Rom. vii, 23, 24*)? Si fortitudo est qua beati sunt qui esurunt et sitiunt justitiam, quoniam ipsi saturabuntur; oremus ut panis noster quotidianus detur nobis hodie, quo sufficiat atque sustentati, ad plenissimam illam saturitatem venire possimus. Si consilium est que beati sunt misericordes, quoniam ipsorum miserebuntur; dimittamus debita debitoribus nostris, et oremus ut nobis nostra dimittantur. Si intellectus est quo beati sunt mundi corde, quoniam ipsi Deum videbunt; oremus non induci in temptationem, ne habeamus duplex cor, non appetendo simplex bonum, quo referamus omnia quae operamur, sed simul temporalia et terrena<sup>2</sup> secundo. Tentationes enim de his rebus quae graves et calamitosæ videntur hominibus, non in nos valent, si non valcent illæ quae blanditiis earum rerum accidunt, quas homines bonas et lætandas putant. Si sapientia est qua beati sunt pacifici, quoniam ipsi filii Dei vocabuntur (*Math. v, 3-9*); oremus ut liberemur a malo; ipsa enim liberatio liberos nos faciet, id est filios Dei, ut spiritu adoptionis clamemus, *Abba,*

<sup>1</sup> Editi Mar. et Lov., *laudabimus*. Am. et Er., *laetabimur*. Ali MSS., *laudabimur*.

<sup>2</sup> Duo e Valio. MSS., *temporalia et æterna*.

Pater (*Rom. viii, 15, et Galat. iv, 6.*)

39. Sane non negligenter prætereundum est quod ex omnibus iis sententiis, quibus nos orare Dominus præcepit, eam potissimum commendandam esse iudicavit, quæ pertinet ad dimissionem peccatorum : in qua nos misericordes esse voluit, quod unum est consilium miserias evadendi. In nulla enim alia sententia sic oramus, ut quasi paciscamur cum Deo : dicimus enim, *Dimittite nobis sicut et nos dimittimus*. In qua pactione si mentimur, totius orationis nullus est fructus. Sic enim dicit : *Si enim dimiseritis hominibus delicta eorum, dimittet et vobis Pater vester qui in cœlis est. Si autem non dimiseritis hominibus, neque Pater vester dimittet vobis peccata vestra.*

CAPUT XII. — 40. Sequitur de jejunio præceptum, pertinens ad eamdem cordis mundationem, de qua nunc agitur. Nam et in hoc opere cavendum est ne subrepot aliqua ostentatio et appetitus laudis humanæ, qui duplicit cor, et non sinat mundum et simplex esse ad intelligendum Deum. « Cum autem jejunatis, inquit, nolite fieri, sicut hypocritæ, tristes : exterminant enim vultum suum, ut videantur hominibus jejunantes. Amen dico vobis, perceperunt mercedem suam. Vos autem jejunantes ungite capita vestra, et facies vestras lavate, ne videamini hominibus jejunantes, sed Patri vestro qui est in abscondito : et Pater vester qui videt in abscondito, reddet vobis. » Manifestum est his præceptis omnem nostram intentionem in interiora gaudia dirigi, ne foris quærentes mercedem huic sæculo conformemur, et amittamus promissionem tanto solidioris atque firmioris, quanto interioris beatitudinis, qua nos elegit Deus conformes fieri imaginis Filii ejus (*Rom. viii, 29.*)

41. In hoc autem capitulo maxime animadverendum est, non in solo rerum corporearum nitore atque pompa, sed etiam in ipsis sordibus luctuosis esse posse jactantiam ; et eo periculosiorem, quo sub nomine servitutis Dei decipit. Qui ergo immoderato cultu corporis atque vestitus vel cæterarum rerum nitore præfulget, facile convincitur rebus ipsis, pomparum sæculi case sectator, nec quemquam fallit dolosa imagine sanctitatis : qui autem in professione Christianitatis inusitato squalore ac sordibus intentos in se oculos hominum facit, cum id voluntate facit, non necessitate patitur, ceteris ejus operibus potest conjici utrum hoc contemptu superflui cultus, an ambitione aliqua faciat ; quia et sub ovina pelle cavendos lupos Dominus præcepit ; sed ex fructibus, inquit, *corum cognoscetis eos*. Cum enim cœperint aliquibus tentationibus ea ipsa illis subtrahi vel negari, quæ isto velamine vel consecuti sunt, vel consequi cœpiunt, tunc necesse est appareat utrum lupus in ovina pelle sit, an ovis in sua. Non enim propterea ornatus superfluo debet aspectus hominum mulcere christianus, quia illum parcum habitum ac necessarium etiam simulatores sœpius usurpant, ut incautos decipient : quia et ille oves non debent pelles suas deponere, si aliquando eis lupi se contegunt.

42. Quæri ergo solet quid sit quod ait, *Vos autem*

*cum jejunatis, ungite capita vestra, et facies vestras lavate, ne videamini hominibus jejunantes.* Non enim quispiam recte præceperit, quamvis faciem quotidiana consuetudine lavemus, unctis etiam capitibus cum jejunamus, nos esse debere. Quod si turpissimum omnes fatentur, intelligendum est hoc præceptum ungendi caput, et faciem lavandi, ad interiorum hominem pertinere. Ungere ergo caput, ad lætitiam pertinet ; lavare autem faciem, ad munditiam : et ideo caput ungit qui lætatur interius mente atque ratione. Hoc enim recte accipimus caput, quod in anima præeminet, et quo cætera hominis regi et gubernari manifestum est. Et hoc facit qui non foris quærit lætitiam, ut de laudibus hominum carnaliter gaudeat. Caro enim quæ subjecta esse debet, nullo modo est totius naturæ humanae caput. *Nemo quidem unquam carnem suam odio habuit*, sicut Apostolus dicit, cum de diligenda uxore præcipit (*Ephes. v, 25-33*) : sed caput mulieris vir, cui viro caput est Christus (*I Cor. xi, 3*). Interius ergo gaudeat in jejunio suo, eo ipso quo sic se jejunando avertit a voluptate sæculi ut sit subditus Christo, qui secundum hoc præceptum caput uncium habere desiderat. Ita enim et faciem lavabit, id est, cor mundabit, quo visurus est Deum, non interposito velamine propter infirmitatem contractam de sordibus ; sed firmus et stabilis, quoniam mundus et simplex. *Lavamini, inquit, mundi estote, auferte nequias ab animis vestris, atque a conspectu oculorum meorum* (*Isai. 1, 16*). Ab his igitur sordibus facies nostra lavanda est, quibus Dei aspectus offenditur. Nos enim revelata facie gloriam Domini speculantes, in eamdem imaginem transformabimur (*II Cor. iii, 18*).

43. Sæpe etiam cogitatio necessariarum rerum ad istam vitam pertinentium, sauciat et sordidat interiorum oculum nostrum ; et plerunque cor duplicat, ut ea quæ videmur cum hominibus recte facere, non eo corde faciamus quo Dominus præcipit, id est, non quia eos diligimus, sed quia commodum ab eis aliquid propter necessitatem præsentis vite adipisci volumus. Debemus autem benefacere illis propter salutem ipsorum aeternam, non propter temporale commodum nostrum. Inclinet ergo Deus cor nostrum in testimonia sua, et non in emolumentum (*Psal. cxviii, 36*). Finis enim præcepti est charitas de corde puro, et conscientia bona, et fide non ficta (*I Tim. i, 5*). Qui autem propter suam in hac vita necessitatem fratrem consulit, non utique charitate consulit ; quia non illi, quem debet tanquam seipsum diligere, sed sibi consulit : vel potius nec sibi ; quandoquidem hinc sibi facit duplex cor, quo impeditur ad videndum Deum ; in qua sola visione beatitudo est certa atque perpetua.

CAPUT XIII. — 44. Recte ergo sequitur, et præcipit, qui mundando cordi nostro instat, dicens : « Nolite vobis condere thesauros in terra, ubi tinea et comestura exterminant<sup>1</sup>, et ubi fures effodiunt et

<sup>1</sup> Sic habent MSS. et Mar., necnon Cyprianus in lib. 3, ad Quirinum. At Ann. Er. et Lov., *ubi aerugo et tinea exterminant, et reliqua* : suppressis, ut solent, ceteris verbis scri

furnantur : thesaurizate autem vobis thesauros in celo, ubi neque tinea neque comedura exterminant, et ubi fures non effodiunt nec furantur. Ubi enim est thesaurus tuus, ibi erit et cor tuum. » Ergo si in terra erit cor, id est, si eo corde quisque operetur aliquid, ut terrenum commodum adipiscatur, quomodo erit mundum, quod in terra volutatur? Si autem in celo, mundum erit, quia munda sunt quæcumque cœlestia. Sordescit enim aliquid, cum inferiori miscetur naturæ, quamvis in suo genere non sordide ; quia etiam de puro argento sordidatur aurum, si misceatur : ita et animus noster terrenorum cupiditate sordescit, quamvis ipsa terra in suo genere atque ordine munda sit. Cœlum autem hoc loco non corporeum acceperimus, quia omne corpus pro terra habendum est. Totum enim mundum debet contemnere, qui sibi thesaurizat in celo. In illo ergo celo de quo dictum est, *Cœlum cœli Domini (Psal. cxiii, 16)*, id est, in firmamento spirituali, non enim in eo quod transiet, constituere et collocare debemus thesaurum nostrum et cor nostrum, sed in eo quod semper maneat : cœlum autem et terra transient (*Math. xxiv, 58*).

45. Et hic manifestat de mundando corde se cuncta ista præcipere, cum dicit : « Lucerna corporis tui oculus tuus est. Si ergo oculus tuus simplex fuerit, totum corpus tuum lucidum erit. Si autem oculus tuus nequam est, totum corpus tuum tenebrosum erit. Si ergo lumen quod in te est, tenebrae sunt, tenebrae quante? » Qui locus sic intelligendus est, ut noverimus omnia opera nostra tunc esse munda et placere in conspectu Dei, si siant simplici corde, id est, intentione superna sine illo charitatis; quia et plenitudo legis charitas (*Rom. xiiii, 10*). Oculum ergo hic accipere debemus ipsam intentionem qua facimus quidquid facimus : quæ si munda fuerit et recta, et illud aspiciens quod aspiciendum est; omnia opera nostra, quæ secundum eam operamur, necesse est bona sint. Quæ omnia opera totum corpus appellavit; quia et Apostolus membra nostra dicit quædam opera, quæ improbat, et mortificanda præcipit dicens, *Mortificate ergo membra vestra quæ sunt super terram, fornicationem, immunditiam, avaritiam (Coloss. iii, 5)*, et cetera talia.

46. Non ergo quid quisque faciat, sed quo animo faciat, considerandum est. Hoc est enim lumen in nobis, quia hoc nobis manifestum est bono animo nos facere quod facimus : omne enim quod manifestatur, lumen est (*Ephes. v, 13*). Nam ipsa facta quæ ad hominum societatem a nobis procedunt, incertum habent exitum; et ideo tenebras eas vocavit. Non enim novi, cum pecuniam porrigo indigenti et petenti, quid inde aut facturus sit, aut passurus; et fieri potest ut vel faciat ex ea, vel propter eam patiatur aliquid malum, quod ego cum darem, non evenire voluerim, neque hoc animo dederim. Itaque si bono animo feci, quod mibi cum facherem, notum erat, et ideo lumen vocatur; illuminatur etiam factum meum, qualemque a nobis passum hoc in opere magna religione restituuntur ex nos.

PATROL. XXXIV.

cumque exitum habuerit : qui exitus quoniam incertus et ignotus est, tenebrae appellatae sunt. Si autem malo animo feci, etiam ipsum lumen tenebrae sunt. Lumen eam dicitur, quia novit quisque quo animo faciat, etiam cum malo animo facit : sed ipsum lumen tenebrae sunt, quia non in superna dirigitur simplex intentio, sed ad inferiora declinatur, et duplice corde quasi umbram facit. *Si ergo lumen quod in te est, tenebrae sunt, tenebrae quantæ?* hoc est, Si ipsa cordis intentio, qua facis quod facis, quæ tibi nota est, sordidatur appetitu rerum terrenarum et temporalium, atque excatur; quanto magis ipsum factum, cuius incertus est exitus, sordidum et tenebrosum est? quia etsi bene alicui proveniat, quod tu non recta et munda intentione facis ; quomodo tu feceris, tibi imputatur, non quomodo illi provenerit.

CAPUT XIV. — 47. Quod autem sequitur, et dicit, *Nemo potest duobus dominis servire*, ad hanc ipsam intentionem rescreendum est, quod consequenter exponit, dicens : *Aut enim unum odio habebit, et alterum diligeret; aut alterum patietur, et alterum contemnet.* Quæ verba diligenter consideranda sunt : nam qui sint duo domini, deinceps ostendit, cum dicit, *Non potestis Deo servire et mammonæ*. Mammona apud Ilebræos divitiae appellari dicuntur. Congruit et punicum nomen : nam lucrum, punice mammon dicitur. Sed qui servit mammonæ, illi utique servit, qui rebus istis terrenis merito sua perversitatis præpositus, magistratus hujus sæculi a Domino dicitur (*Joan. xii, 31, et xiv, 50*). *Aut ergo hunc odio habebit homo, et alterum diligeret*, id est, Deum; *aut alterum patietur, et alterum contemnet*. Patitur enim durum et perniciosum dominum, quisquis servit mammonæ; sua enim cupiditate implicatus, subditur diabolo : et non eum diligit; quis enim est qui diligit diabolum? sed tamen patitur : sicut in majore aliqua domo, qui ancillæ alienæ conjunctus est, propter cupiditatem suam duram patitur servitatem, etiam si non diligit eum, cuius ancillam diligit.

48. *Alterum autem contemnet*, dixit; non, odio habebit. Nullius enim fere conscientia Deum odisse potest (*a*) : contemnit autem, id est, non timet eum, quasi de ejus bonitate securus est. Ab hac negligientia et perniciosa securitate revocat Spiritus sanctus, cum per Prophetam dicit, *Fili, ne adjicias peccatum super peccatum, et dicas, Miseratio Dei magna est (Eccli. v, 5, 6)*; et, *Ignoras quia patientia Dei ad paenitentiam te invitat (Rom. ii, 4)*? Cujus enim tanta misericordia commemorari potest, quam ejus qui omnia donat peccata conversis, et oleastrom facit participem pinguedinis olivæ? et cuius tanta severitas, quam ejus qui naturalibus ramis non pepercit, sed propter infidelitatem fregit illos (*Id. xi, 17-24*)? Sed quisquis vult diligere Deum, et cavere ne offendat, non se arbitretur duobus dominis posse servire, et intentionem cordis sui rectam ab omni duplicitate explicet : ita enim sentiet de Domino in bonitate, et in simplicitate

(a) *I Retract. cap. 19, n. 8.*

(Quarante-une.)

cordis queret illum (*Sap.* i, 4).

CAPUT XV.—49. *Ideo, inquit, dico vobis, non habere sollicitudinem animæ vestræ quid edatis, neque corpori vestro quid induatis.* Ne forte, quamvis jam superflua non querantur, propter ipsa necessaria cor duplacet, et ad ipsa conquirenda nostra detorqueatur intentio, cum aliquid quasi misericorditer operamur; id est, ut cum consulere alicui videri volumus, nostrum emolumen-tum ibi potius, quam illius utilitatem atterdamus: et ideo nobis non videamur peccare, quia non superflua, sed necessaria sunt quoꝝ consequi volumus. Dominus autem admonet ut meminerimus multo amplius nobis Deum dedisse, quod nos fecit et composuit ex anima et corpore, quam est alimentum atque tegumentum, quorum gura nos duplicare cor non vult. *Nonne, inquit, anima plus est quam esca?* Ut tu intelligas eum qui dedit animam, multo facilius escam esse daturum. *Et corpus quam vestimentum,* id est, plus est: ut simili-ter intelligas, eum qui corpus dedit, multo facilius daturum esse vestimentum.

50. Quo loco queri solet utrum ad animam cibus iste perlineat, cum anima incorporea sit, iste autem cibus corporeus. Sed animam hoc loco pro ista vita positam neverimus, cujus retinaculum est alimentum istud corporeum. Secundum hanc significationem dictum est etiam illud: *Qui amat animam suam, perdet illam* (*Joan.* xii, 25). Quod nisi de hac vita acceperimus, quam oportet pro regno Dei perdere, quod potuisse Martyres claruit, contrarium hoc præceptum erit illi sententia qua dictum est: « Quid prodest homini, si totum mundum lucretur, animæ autem suæ detrimentum faciat » (*Matth.* xvi, 26)?

51. « Respicite, inquit, volatilia coeli, quoniam non serunt, neque metunt, neque congregantur in horrea; et Pater vester cœlestis pascit illa: nonne vos pluris estis illis? » id est, carius vos valetis. Quia utique rationale animal, sicuti est homo, sublimius ordinatum est in rerum natura, quam irrationalibia, sicut sunt aves. « Quis autem, vestrum curans, inquit, potest adjicere ad staturam suam cubitum unum? Et de vestimento quid solliciti estis? id est, cuius potestate atque dominatu factum est ut ad hanc staturam corpus vestrum perduceretur, ejus providentia etiam vestiri potest; non autem vestra eura factum esse ut ad hanc staturam veniret corpus vestrum, ex hoc intelligi potest, quod si curetis, et velitis adjicere unum cubitum huic statuæ, non potestis: illi ergo etiam tegendi corporis curam relinquite, cuius videtis cura factum esse ut tantæ statuæ corpus habeatis.

52. Dandum autem erat etiam documentum propter vestimentum, sicut datum est propter alimentum. Itaque sequitur, et dicit: « Considerate lilia agri quomodo crescunt; non laborant neque nent: dico autem vobis quia nec Salomon in omni gloria sua sic vestitus est ut unum ex his. Si autem fenum agri, quod nodis est et cras in ciborum mittitur, Deus sic vestit; quanto magis ergo vos, modice fidei? » Sed ista documenta non sicut allegoriae discutienda sunt, ut queramus quid significant aves coeli, aut lilia agri;

posita sunt enim, ut de rebus minoribus majora persuaderentur: sicuti illud est de judice qui nec Deum timebat, nec hominem reverebatur, et tamen sepe interpellanti viduæ cessit, ut ejus causam consideraret; non propter pietatem aut humanitatem, sed ne tedium pateretur. Non enim ullo modo ille injustus judex personam Dei allegorice sustinet: sed tamen quantum Deus, qui bonus est et justus, curet depre-antes se, hinc conjici Dominus voluit, quod nec in-justus homo eos qui illum assiduis precibus tundunt, vel propter tedium devitandum, potest contemnere (*Luc.* xviii, 2-8).

CAPUT XVI.—53. « Nolite ergo, inquit, solliciti esse, dicentes, Quid edemus, aut quid bibemus, aut quid re-stiemur: hæc enim omnia Gentes querunt. Scitemus Pa-ter vester quia horum omnium indigetis. Quærite ergo primum regnum Dei et justitiam ejus, et hæc omnia apponentur vobis. » Hic manifestissime ostendit non hæc esse appetenda, tanquam talia bona nostra, ut propter ipsa debeamus bene facere, si quid facimus, sed tam-en esse necessaria. Quid enim intersit inter bonum quod appetendum est, et necessarium quod sumendum est, hac sententia declaravit, cum ait, « Quærito primum regnum Dei et justitiam ejus, et hæc omnia apponentur vobis. » Regnum ergo et justitia Dei bonum nostrum est, et hoc appetendum, et ibi finis constituendus, propter quod omnia faciamus quecumque facimus. Sed quia in hac vita militamus, ut ad illud regnum pervenire possimus, quæ vita sine his necessariis agi non potest; « Apponentur vobis hæc, » inquit, « sed vos regnum Dei et justitiam ejus primum querite. » Cum enim dixit illud « primum, » significavit quia hoc posterius querendum est, non tempore, sed dignitate: illud tanquam bonum nostrum, hoc tanquam necessarium nostrum; necessarium autem propter illud bonum.

54. Neque enim, verbi gratia, ideo debemus evan-gelizare, ut manducemus; sed ideo inanducare, ut evangelizemus: nam si propterea evangelizamus, ut manducemus, vilius habemus Evangelium quam cibum; et erit jam bonum nostrum in manducando, necessarium autem in evangelizando. Quod etiam Apostolus prohibet, cum dicit licere sibi quidem, et permisum esse a Domino, ut qui Evangelium annuntiant, de Evangelio vivant, id est, de Evangelio habeant ea quæ huic vitæ sunt necessaria; sed tamen se non esse abusum hac potestate. Erant enim multi qui occasionem habere cupiebant acquirendi et vendendi Evangelium, quibus eam volens amputare Apostolus, manibus suis victimum suum toleravit (*Act.* ix, 34). De his enim alio loco dicit, « Ut amputem occa-sionem, iis qui querunt occasionem » (*II Cor.* xi, 12). Quanquam etiam si, ut cæteri boni apostoli, permisum Domini de Evangelio viveret, non ideo in eo victa constitueret finem evangelizandi, sed magis ipsius victus sui finem in Evangelio collocaret: id est, ut superius dixi, non ideo evangelizaret, ut pervenires ad cibum, et si qua sunt alia necessaria; sed ideo ista sumeret, ut illud impletet, ne non volens, sed ne-cessitate evangelizaret. Hoc enim improbat, cum dicit:

« Nescitis quoniam qui in templo operantur, quae de templo sunt edunt; et qui altario deserviunt, altaria compariuntur: sic et Dominus ordinavit iis qui Evangelium annuntiant, de Evangelio vivere: ego autem nullius horum usus sum. » Ille ostendit permissum esse, non jussum; alioquin contra præceptum Domini fecisse tenebitur. Deinde sequitur, et dicit: « Non autem scripsi haec, ut ita siant in me. Bonum est mihi magis mori, quam gloriam necam quisquam inanem faciat. » Hoc dixit, quia jam statuerat, propter quosdam occasionem querentes, manibus suis victimum transigere. Si enim evangelizavero, inquit, non est mihi gloria: id est, si evangelizavero, ut ista siant in me, id est, si propterea evangelizavero, ut ad illa perveniam, et finem Evangelii in cibo et potu et vestitu collocavero. Sed quare non est ei gloria? Necessitas enim, inquit, mihi incumbit; id est, ut ideo evangelizem, quia unde vivam non habeo, aut ut acquiram temporalem fructum de prædicatione æternorum: sic enim jam necessitas erit in Evangelio, non voluntas. Væ enim mihi est, inquit, si non evangelizavero. Sed quomodo debet evangelizare? Scilicet ut in ipso Evangelio et in regno Dei ponat mercedem: ita enim potest non coactus evangelizare, sed volens. Si enim robens, inquit, hoc facio, mercedem habeo; si autem invitatus, dispensatio mihi credita est (1 Cor. ix, 15-17): id est, si coactus inopia carum rerum, quae temporali vita sunt necessariae, prædicto Evangelium, alii per me habebunt mercedem Evangelii, qui Evangelium ipsum me prædicante diligent; ego autem non habeo, quia non ipsum Evangelium diligo, sed ejus premium in illis temporalibus constitutum. Quod nefas est fieri, ut non tanquam filius ministret quisque Evangelium, sed tanquam servus cui dispensatio credita est; ut tanquam alienum eroget, nihil inde ipse accipiat præter cibaria, que non de participatione regni, sed ad sustentaculum misere servitatis dantur extrinsecus. Quanquam alio loco et dispensatorem se dicat. Potest enim et servus in filiorum numerum adoptatus, eam rem in qua cohæredis sortem meruit, fideliter dispensare participibus suis. Sed nunc ubi ait, Si autem invitatus, dispensatio nūhi credita est; talem dispensatorem intelligi voluit, qui alienum dispensat, unde ipse nihil accipiat.

55. Ergo quicumque res propter aliud aliquid queritur, sine dubio inferior est, quam id propter quod queritur: et ideo illud primum est propter quod istam rem queris, non ista res quam propter illud queris. Quapropter si Evangelium et regnum Dei propter cibum querimus, priorem facimus cibum, et posterior regnum Dei; ita ut si non desit cibus, non queramus regnum Dei: hoc est primum querere cibum, et deinde regnum Dei, id est, hoc priore loco ponere, illud posterior. Si autem ideo queramus cibum, ut habeamus regnum Dei, facimus quod dictum est, Quærite primum regnum Dei et justitiam ejus, et haec omnia apponentur vobis.

CAPUT XVII. — 56. Quarentibus enim primum regnum et justitiam Dei, id est, hoc preponentibus exterioris rebus, ut propter hoc cetera queramus, non

debet subesse sollicitudo ne illa desint que hinc vitæ propter regnum Dei sunt necessaria. Dixit enim superius, Scit Pater vester quod horum omnium indigetis. Et ideo cum dixisset, Quærite primum regnum Dei et justitiam ejus, non dixit, Deinde ista querite; quamvis sint necessaria: sed ait, haec omnia apponentur vobis, id est consequentur, si illa queratis, sine ullo vestro impedimento: ne cum ista queritis, illinc avertamini; aut ne duos fines constituatis, ut et regnum Dei propter se appetatis, et ista necessaria; sed haec potius propter illud: ita vobis non deerunt. Quia duobus dominis servire non potestis. Duobus autem dominis servire conatur, qui et regnum Dei pro magno bono appetit, et haec temporalia. Non poterit autem simplicem habere oculum, et uni Domino Deo serviro, nisi quæcumque sunt cetera, si sunt necessaria, propter hoc unum assumat, id est propter regnum Dei. Sicut autem omnes militantes accipiunt annonam et stipendum, sic omnes evangelizantes accipiunt victum et tegumentum. Sed non omnes propter salutem reipublicæ militant, sed propter illa que accipiunt: sic et non omnes propter salutem Ecclesiæ ministrant Deo, sed propter haec temporalia, que tanquam annonam et stipendia consequantur; aut et propter hoc, et propter illud. Sed supra jam dictum est, Non potestis duobus dominis servire. Ergo simplici corde tantummodo propter regnum Dei debemus operari bonum ad omnes; non autem in hac operatione, vel solam, vel cum regno Dei mercedem temporalium cogitare: quorum omnium temporalium nomine crastinum posuit, dicens, Nolite cogitare de crastino<sup>1</sup>. Non enim dicitur crastinus dies, nisi in tempore, ubi præterito succedit futurum. Ergo cum aliquid boni operamur, non temporalia, sed æterna cogitemus: tunc erit illud bonum et perfectum opus. Crastinus enim dies, inquit, sollicitus erit sibi ipsi: id est ut cum oportuerit sumas cibum vel potum, vel indumentum, cum ipsa scilicet necessitas urgere coepit. Aderant enim haec, quia novit Pater noster quod horum omnium indigeamus. Sufficit enim, inquit, diei malitia sua: id est, sufficit quod ista sumere urgebit ipsa necessitas. Quam propterea malitiam nominatam arbitros, quia penalitatem est nobis: pertinet enim ad hanc fragilitatem et mortalitatem, quam peccando inerimus (a). Huius ergo prenæ temporalis necessitatis noll addere aliquid gravius, ut non solum patiaris harum rerum indigentiam, sed etiam propter hanc explendam milites Deo.

57. Hoc autem loco vehementer cavendum est, ne forte cum viderimus aliquem servum Dei providerere ista necessaria desint, vel sibi, vel eis quorum sibi cura commissa est, judicemus eum contra præceptum Domini facere, et de crastino esse sollicitum. Nam et ipse Dominus, cui ministrabant Angeli (Matth. iv, 11), tamen propter exemplum, ne quis postea se adulteretur, cum aliquem servorum ejus animadvertisset ista necessaria procurare, loculos

<sup>1</sup> In vsc. prope omnibus, Nolite solliciti esse de crastino.  
(a) I. Retract. cap. 19, n. 9.

habere dignatus est cum pecunia<sup>1</sup>, unde usibus necessariis quidquid opus fuisset preberetur : quoram loculorum custos et fur, sicut scriptum est, Judas fuit, qui eum tradidit (*Joan. xii, 6*). Sieut et apostolus Paulus potest videri de crastino cogitasse, cum dixit : « De collectis autem in sanctos, sicut ordinavi Ecclesiis Galatice, ita et vos facite : secundum unam sabbati unusquisque vestrum apud se ponat thesaurizans, quod ei placuerit, ut non cum venero, tunc collectae fiant. Cum autem advenero, quoscumque probaveritis per epistolam, hos mittam perferre gratiam vestram in Jerusalēm : quod si dignum fuerit ut et ego cam, mecum ibunt. Veniam autem ad vos, cum Macedoniam transiero; nam Macedoniam pertransibo : apud vos autem forsitan remanebo, vel etiam biemabo, ut vos me deducatis quocumque iero. Nolo enim vos nunc in transitu videre : spero enim me aliquid temporis manere apud vos, si permiserit Dominus. Permaneo autem Ephesi usque ad Pentecosten » (*1 Cor. xvi, 1-8*). Item in Actibus Apostolorum scriptum est, ea quae ad victimum sunt necessaria, procurata esse in futurum propter imminentem famam. Sic enim legimus : « In illis autem diebus descendederunt ab Ierosolymis prophetæ Antiochiam, eratque magna exultatio. Congregatis autem nobis, surgens Iudas ex illis nomine Agabus, significabat per Spiritum, famem magnam futuram in universo mundo, quæ et facta est sub Claudio Cæsare. Discentium autem ut quisque abundabat, statuerunt unusquisque eorum in ministerium mittere presbyteris habitantibus in Iudea fratribus, qui et miserunt per manum Barnabæ et Sauli » (*Act. xi, 27-30*). Et quod naviganti eidem apostolo Paulo imposita sunt utensilia, quæ osterebantur (*Id. xxviii, 10*), non ad unum tantum dicim videtur. victus esse procuratus. Et quod idem scribit, *Qui surabatur, jam non suretur; magis autem labore operans manibus suis bonum, ut habeat unde tribuere cui opus est*<sup>2</sup> (*Ephes. iv, 28*) : male intelligentibus non videtur servare præceptum Domini, quod ait, *Respicite volatilia cœli, quoniam non serunt, neque metunt, neque congregant in horrea; et, Considerate lilia agri quomodo crescent; non laborant neque nent; cum istis præcipit ut laborent, operantes manibus suis, ita ut habeant quod etiam aliis possint tribuere.* Et quod saepe de scipso dicit, quod manibus suis operatus sit, ne quem gravaret (*I Thess. ii, 9*, et *II Thess. iii, 8*) ; et de illo scriptum est quod conjunxit se Aquilæ propter artis similitudinem, ut simul operarentur unde victimum transigerent (*Act. xviii, 2, 3*) : non videtur imitatus aves cœli et lilia agri. His et hujusmodi Scripturarum locis, satis appareat Dominum nostrum non hoc improbare, si quis humano more ista procuret; sed si quis propter ista Deo militet, ut in operibus suis non regnum Dei, sed istorum acquisitionem intueatur.

58. Ad hanc ergo regulam hoc totum præceptum

<sup>1</sup> MSS. octo, *quibus portabatur pecunia.*

<sup>2</sup> Am. Fr. et Lov., *Descendentium. Verius Mar. et MSS., Dilectionem.*

<sup>3</sup> Sic MSS. juxta græcum textum Apostoli. At Am. Fr. et Lov., *vide tribuat cui opus est quod bonum est.*

redigitur, ut etiam in istorum provisione regnum Dei cogitemus, in militia vero regni Dei ista non cogitemus. Ita enim etiamsi aliquando defuerint, quod plerumque propter exercitationem nostram Deus sinit, non solum non debilitant propositum nostrum, sed etiam examinatum probatumque confirmant. « Gloriamur enim, inquit, in tribulationibus, scientes quod tribulatio patientiam operatur, patientia autem probationem, probatio autem spem, spes vero non confundit ; quia charitas Dei diffusa est in cordibus nostris per Spiritum sanctum qui datus est nobis » (*Rom. v, 3-5*). In commemoratione autem tribulationum ac laborum suorum idem apostolus non tantum in carceribus et naufragiis, atque hujusmodi multis molestiis, sed etiam in fame et siti, in frigore et nuditate se laborasse commemorat (*Il Cor. xi, 23-27*). Quod cum legimus, non aestimemus Domini promissa titubasse, ut famam ac sitim et nuditatem pateretur Apostolus, querens regnum et justitiam Dei, cum dictum sit nobis, *Quarite primum regnum Dei et justitiam ejus, et haec omnia apponentur vobis* : quandoquidem ista sicut adjutoria novit ille medicus, cui semel nos totos commisimus, et a quo habemus promissionem vite praesentis et futuræ, quando apponat, quando detrahatur, sicut nobis judicat expedire ; quos et consolando et exercendo in hac vita, et post hanc vitam in perpetua requie stabilendos atque firmando gubernat, ac dirigit. Non enim et homo, cum plerumque jumento suo cibaria detrahit, deserit illud cura sua, ac non potius curando hæc facit.

CAPUT XVIII. — 59. Et quoniam cum ista vel procurantur in futurum, vel si causa non est quare illa impendas, reservantur, incertum est quo animo fiat, cum possit simplici corde fieri, possit et duplice, opportune hoc loco subiectum : *Nolite judicare, ne judicetur de vobis: in quo enim iudicio iudicaveritis, iudicabitur de vobis; et in qua mensura mensi fueritis, remetietur vobis.* Hoc loco nihil aliud nobis præcipi existimo, nisi ut ea facta quæ dubium est quo animo fiat, in meliorem pertem interpretetur. Quod enim scriptum est, *Ex fructibus eorum cognoscetis eos*, de manifestis dictum est, quæ non possunt bono animo fieri : sicut sunt stupra, vel blasphemiae, vel furtæ, vel ebriositates, et si quæ sunt talia, de quibus nobis iudicare permittitur, dicente Apostolo, *Quid enim nati de iis qui foris sunt iudicare? Nonne de iis qui intus sunt vos iudicatis?* (*1 Cor. v, 12*) ? De genere autem eborum, quia possunt bono animo et simplici corde sine viro concupiscentiæ quicunque humani cibi indifferenter sumi, prohibet idem apostolus iudicari eos qui carnibus vescebantur et vinum bibeant, ab eius qui se ab hujusmodi alimentis temperabant : *Qui manducat, inquit, non manducantem non spernat; et qui non manducat, manducantem non iudicet.* Ibi etiam ait : *Tu quis es, qui judices alienum servum? dominus suo stat, aut cadit* (*Rom. xiv, 3, 4*). De talibus enim rebus quæ possunt bono et simplici et magno animo fieri, quanvis possint etiam non bono, volebant illi cum homines essent, in occulta cordis ferre senten-

tiam, de quibus solus Deus judicat.

50. Ad hoc pertinet etiam illud quod alio loco dicit : *Nolite ante tempus quidquam judicare, quoadusque reniat Dominus, qui et illuminabit abscondita tenebrarum, et manifestabit cogitationes cordis : et tunc laus erit unicuique a Deo* (*I Cor. iv, 5*). Sunt ergo quædam facta media, quæ ignoramus quo animo siant, quia et bono et malo fieri possunt, de quibus temerarium est judicare, maxime ut condemnemus. Horum autem veniet tempus ut judicentur, cum *Dominus illuminabit abscondita tenebrarum, et manifestabit cogitationes cordis*. Item alio loco dicit idem apostolus : *Quorundam hominum peccata manifesta sunt, præcedentia ad judicium ; quædam autem et subsequuntur*. Manifesta ea dicit, de quibus clarum est quo animo siant : hæc præcedunt ad judicium ; id est, quia si fuerit ista subsequutum judicium, non est temerarium. Subsequuntur autem illa quæ occulta sunt; quia nec ipsa latebunt tempore suo. Sic et de bonis factis intelligendum est. Nam ita subjungit : *Similiter et facta bona manifesta sunt ; et quacumque aliter se habent, abscondi non possunt* (*I Tim. v, 24, 25*). De manifestis ergo judicemus ; de occultis vero Deo judicium relinquamus : quia et ipsa abscondi non possunt, sive mala sive bona, cum tempus advenerit quo manifestentur.

61. Duo sunt autem in quibus temerarium iudicium cavere debemus ; cum incertum est quo animo quidque factum sit, vel cum incertum est qualis futurus sit qui nunc vel bonus vel malus appareat. Si ergo quispiam, verbi gratia, conquestus de stomacho jejunare noluit, et tu id non credens edacitatis id vitio tribueris, temere judicabis. Item si manifestam edacitatem ebriositatemque cognoveris, et ita reprehenderis quasi nunquam ille possit corrigi atque mutari, nihilominus temere judicabis. Non ergo reprehendamus ea quæ nescimus quo animo siant ; neque ita reprehendamus quæ manifesta sunt, ut desperemus sanitatem ; et visitabimus judicium de quo nunc dicitur, *Nolite judicare, ne judicetur de vobis*.

62. Potest autem movere quod ait, *In quo enim iudicio judicaveritis, judicabitur de vobis ; et in qua mensura mensi fueritis, in ea remelietur vobis*. Numquid enim si nos iudicio temerario judicaverimus, temere etiam de nobis Deus judicabit ? aut numquid si in mensura iniqua mensi fuerimus, et apud Deum iniqua mensura est, unde nobis remetietur ? nam et mensuræ nomine ipsum iudicium significatum arbitrator. Nullo modo Deus vel temere judicat, vel iniqua mensura cuiquam rependit : sed hoc dictum est, quoniam temeritas qua punis alium, eadem ipsa te puniat necesse est. Nisi forte arbitrandum est quod iniquitas ei noceat aliquid in quem procedit, ei autem nihil a quo procedit : in eo vero sepe nihil nocet ei, qui patitur injuriam, ei autem qui facit necesse est ut noceat. Quid enim nocuit martyribus iniqüitas persequentiū? ipsis autem persecutoribus plurimum. Quia etsi aliqui corum correcti sunt, eo tamen tempore quo persequebantur, excæcabat illos malitia corum. Sic et temerarium iudicium plerisque nihil nocet ei de-

quo temere judicatur ; ei autem qui temere judicat, ipsa temeritas necesse est ut noceat. Ista regula etiam illud dictum arbitrator : *Omnis qui percusserit gladio, gladio morietur* (*Matth. xxvi, 52*). Quam multi enim gladio percutiunt, nec tamen gladio moriuntur, sicut neque ipse Petrus ? Sed ne istum venia peccatorum talem evasisse poenam quis putet, quanquam nihil absurdius, quam ut majorem putet gladii poenam esse potuisse, quæ Petro non accidit, quam crucis quæ accidit : quid tamen de latronibus dicturus est, qui cum Domino crucifixi sunt ; quia et ille qui meruit veniam, posteaquam crucifixus est meruit (*Luc. xxiii, 33-43*), et alter omnino non meruit ? An forte omnes quos occiderant, crucifixerant ; et propterea hoc etiam ipsati meruerunt ? Ridiculum est hoc putare. Quid ergo aliud dictum est, *Omnis enim qui gladio percusserit, gladio morietur*, nisi quia ipso peccato anima moritur, quodcumque commiscerit ?

CAPUT XIX. — 63. Et quoniam de temerario et iniquo iudicio nos hoc loco Dominus monet : vult enim ut simplici corde et in unum Deum intento faciamus quæcumque facimus ; et multa incertum est quo corde siant, de quibus judicare temerarium est ; maxime autem hi temere judicant de incertis, et facile reprehendunt, qui magis amant vituperare et damnare, quam emendare atque corrigere ; quod vitium vel superbiæ est, vel invidiæ : consequenter subjecit, et dicit, *Quid autem vides festucam in oculo fratris tui, trabem autem in oculo tuo non vides ? Ut si forte, verbi gratia, ira ille peccavit, tu odio reprehendas : quantum autem inter festucam et trabem, quasi tantum inter iram distat et odium. Odium enim est ira inveterata, quasi que vetustate ipsa tantum robur acceperit, ut merito appelletur trabes. Fieri autem potest ut si irascaris homini, velis eum corrigit ; si autem oderis hominem, non potes eum velle corriger.*

64. *Quomodo enim dicas fratri tuo, Sine ejicam festucam de oculo tuo, et ecce trabes est in oculo tuo ? Hypocrita, ejice primum trabem de oculo tuo, et tunc videbis ejicere festucam de oculo fratris tui* : id est, primum abs te expelle odium, et deinde poteris jam eum quem diligis, emendare. Et bene ait, *Hypocrita*. Accusare enim vitia, officium est bonorum virorum et benevolorum : quod cum mali faciunt, alienas partes agunt ; sicut hypocritæ, qui tegunt sub persona quod sunt, et ostentant in persona quod non sunt. Hypocriticarum ergo nomine simulatores acceperis. Et est vere multum cavendum et molestum simulatorum genus, qui cum omnium vitiorum accusationes odio et livore suscipiant, etiam consultores videri se volunt. Et ideo pie cauteque vigilandum est, ut, cum aliquem reprehendere vel objurgare nos necessitas coegerit, primum cogitemus utrum tale sit vitium, quod nunquam habuimus, vel quo jam caruimus : et si nunquam habuimus, cogitemus nos homines esse, et habere potuisse ; si vero habuimus, et non habemus, tangat memoriam communis infirmitas, ut illam reprehensionem aut objurgationem non odium, sed mi-

sericordia præcedat : ut sive ad correctionem ejus, propter quem id facimus, sive ad perversionem valuerit (nam incertus est exitus), nos tamen de simplicitate oculi nostri securi simus. Si autem cogitantes nosmetipsos invenerimus in eo esse vitio, in quo est ille quem reprehendere parabamus, non reprehendamus, neque objurgemus : sed tamen congemiscamus ; et non illum ad obtemperandum nobis, sed ad pariter conandum<sup>1</sup> invitamus.

65. Nam et illud quod dicit Apostolus, « Factus sum Iudeis tanquam Iudeus, ut Iudeos lucifacrem; his qui sub Lege sunt, quasi sub Lege, cum non sim ipse sub Lege, ut eos qui sub Lege erant lucifacrem; his qui sine Legesunt, quasi sine Lege, cum sine lege Dei non sim, sed sim in lege Christi, ut lucifacrem eos qui sine Lege sunt. Factus sum infirmis infirmus, ut infirmos lucifacrem : omnibus omnia factus sum, ut omnes lucifacrem : » non utique simulatione faciebat, quemadmodum quidam intelligi volunt, ut eorum detestanda simulatio tanti exempli auctoritate muniatur; sed hoc faciebat charitate; qua ejus infirmitatem, cui volebat subvenire, tanquam suam cogitabat. Hoc enim et præstruit dicens : *Cum enim liber sim ex omnibus, me omnium servum feci, ut plures lucifacrem* (Cor. ix, 19-22). Quod ut intelligas non simulatione, sed charitate fieri, qua infirmis hominibus tanquam nos simus compati-mur, ita monet alio loco, dicens : *Vos in libertatem vocati estis, fratres; tantum ne libertatem in occasionem carnis detis, sed per charitatem servite invicem* (Galat. v, 13). Quod fieri non potest, nisi alterius infirmitatem quisque habeat quasi suam, ut eam æquanimiter ferat, donec ab ea liberetur ille cuius curat salutem.

66. Karo ergo et in magna necessitate objurgationes adhibenda sunt, ita tamen ut etiam in his ipsis non nobis, sed Deo ut serviatur instemus. Ipse est enim finis : ut nihil duplici corde faciamus, auferentes trabem de oculo nostro, inadvertiae, vel malitiae, vel simulationis, ut videamus ejicere festucam de oculo fratris. Videbimus enim eam oculis columbae, quales hi sponsa Christi prædicantur (Cant. iv, 1), quam sibi elegit Deus gloriosam Ecclesiam, non habentem ma-eulam neque rugam (Ephes. v, 27), id est mundam et simplicem (a).

CAPUT XX. — 67. Sed quoniam potest nonnullos Dei præceptis obtemperare cupientes nomen simplicitatis decipere, ut sic putent vitiosum esse aliquando verum occultare, quomodo vitiosum est aliquando falso dicere, atque hoc modo aperiendo ea quæ hi quibus aperiuntur sustinere non possunt, amplius no-ceant quam si ea penitus semperque occultarent, re-clissime subjungit : *Nolite sanctum dare canibus, neque miseritis margaritas vestras ante porcos, ne forte conculcent eas pedibus suis, et conversi disrumpant vos.* Qui a et Dominus quoniam nihil mentitus sit, vera tamen aliqua occultare se ostendit, dicens : *Adhuc multa habeo vobis dicere; sed adhuc non potestis illa portare*

(Joan. xvi, 12). Et apostolus Paulus : *Non potest, inquit, vobis loqui quasi spiritualibus, sed quasi carnali-bus. Tanquam parvulis in Christo, lac vobis potum dedi, non escam; neque enim poteratis : sed neque nunc potestis; adhuc enim estis carnales* (I Cor. iii, 1, 2).

68. In hoc autem præcepto quo prohibemur sanctum dare canibus, et mittere ante porcos margaritas nostras, diligenter querendum est quid sit sanctum, quid margarite, quid canes, quid porci. Sanctum est, quod violare atque corrumpere nefas est : cuius utique sceleris conatus et voluntas tenetur rea, quamvis illud sanctum natura inviolabile atque incorruptibile maneat. Margarite autem, quæcumque spiritualia magni testimanda sunt ; et quia in abdito latent, tanquam de profundo eruntur, et allegoriarum integumentis quasi apertis conchis inveniuntur. Licet itaque intelligi quod una eademque res et sanctum et margarita dici potest : sed sanctum ex eo quod non debet corrumpi, margarita ex eo quod non debet contemni. Conatur autem quisque corrumpere quod non vult esse integrum : contemnit vero quod viles ducit, et quasi infra se esse existimat ; et ideo calcari dicitur quidquid contemnitur. Quapropter canes quoniam insilunt ad dilacerandum, quod autem dilacerant integrum esse non sinunt ; *Nolite*, inquit, *sanctum dare canibus* : quia etsi dilacerari et corrumpi non potest, et manet integrum atque inviolabile ; illi tamen quid velint cogitandum est, qui aeriter atque inimicissime resistunt, et quantum in ipsis est, si fieri possit, conantur perire veritatem. Porci vero quamvis non ita ut canes morsu appetant, passim tamen calcando coquinant : « Non ergo miseritis margaritas vestras ante porcos, ne forte conculcent eas pedibus suis, et conversi disrumpant vos. » Canes ergo pro oppugnatoribus veritatis, porcos pro contemplatoribus positos non incongrue accipimus.

69. Quod autem ait, *Conversi disrumpant vos, non ait, ipsas margaritas disrumpant.* Illas enim conculcando, etiam cum convertuntur ut adhuc aliiquid audiunt, disrumpunt tamen eum a quo jam missas margaritas conculcaverunt. Non enim facile inveneris quid gratum ei esse possit, qui margaritas calcaverit, id est, cum magno labore divina inventa contempserit. Qui autem tales docet quomodo non disrumpatur indignando et stomachando, non video. Utrumque autem animal immundum est, et canis et porcus. Cavendum est ergo ne quid aperiatur ei qui non capit : melius enim querit quod clausum est, quam id quod apertum est aut infestat aut negligit. Neque vero alia causa reperitur cur ea quæ manifesta et magna sunt, non accipiunt<sup>2</sup> præter odium et contemptum, quorum propter unum canes, propter alterum porci nominati sunt. Quæ tamen omnis immunditia rerum temporaliuum dilectione concipitur, id est, dilectione hujus seculi, cui jubemur renuntiare ut mundi esse possimus. Qui ergo mundum et simplex cor habere appetit, non debet sibi reus videri, si aliiquid occultat.

<sup>1</sup> Haec MSS. At editi excepto Mar., carentur.  
<sup>2</sup> (a) I retract. cap. 10, n. 9.

<sup>1</sup> Editi, accipiuntur. At MSS., accipiunt : subauditur, illi-

quod ille qui occultat, capere non potest. Nec ex eo arbitrandum est licere mentiri. non enim est consequens ut cum verum occultatur, falsum dicatur. Agentum ergo primum est ut impedimenta detrahantur, quibus efficitur ut non capiat; quia utique si propter sordes non capitur, mundanus est vel verbo vel opere, quantum fieri a nobis potest.

70. Quod autem Dominus noster quendam dixisse invenitur, que multi qui aderant, vel resistendo vel contemnendo non acceperunt; non putandus est sanctum dedisse canibus, aut margaritas misisse ante porcos: non enim dedit eis qui capere non poterant, sed eis qui poterant, et simul aderant; quos propter aliorum immunditiam negligi non oportebat. Et cum eum tentatores interrogabant, respondebatque illis, ita ut quid contradicerent non haberent, quamvis venenis suis contabescerent potius, quam illius cibo saturarentur; alii tamen qui poterant capere, ex illorum occasione multa utiliter audiebant. Hoc dixi, ne quis forte, cum interroganti respondere non potuerit, hac sententia sibi excusatus videatur, si dicat nolle se sanctum dare canibus, vel ante porcos mittere margaritas. Qui enim novit quid respondent, debet respondere, vel propter alios, quibus desperatio suboritur, si propositam questionem solvi non posse crediderint: et hoc de rebus utilibus, et ad instructionem salutis pertinentibus. Multa sunt enim que inquire ab otiosis possunt, supervacua et irania, et plerumque noxia, de quibus tamen nonnullum dicendum est: sed hoc ipsum aperiendum et explicandum, cur inquire talia non oporteat. De rebus ergo utilibus aliquando ad id respondendum est quod interrogamus: sicut Dominus fecit, cum eum Sadducei de muliere interrogassent, que septem viros habuit, cuius corum in resurrectione futura esset. Respondit enim quod in resurrectione neque uxores ducent, neque nubent, sed erunt sicut Angeli in celis. Aliquando autem ille qui interrogat, interrogandus est aliud, quod tamen si dixerit, ipse sibi ad id quod interrogavit, respondeat: si autem dicere noluerit, non videatur iis qui adsunt injustum, si et ipse quod interrogavit, non audiatur. Nam et illi qui interrogaverunt tentantes, utrum reddendum esset tributum, interrogati sunt aliud, id est, cuius haberet numen imaginem, qui ab ipsis prolatus est; et quia dixerunt quod interrogati erant, id est, Cæsaris imaginem habere numnum, ipsi sibi quodammodo responderunt id quod Dominum interrogaverunt: itaque ille ex eorum responsione ita conclusit, *Reddite ergo Cæsari quod Cæsaris est, et Deo quod Dei est* (*Matth. xxii, 15-24*). Cum autem principes sacerdotum et seniores populi interrogassent in qua potestate illa faceret, interrogavit eos de baptismate Joannis; et cum nollent dicere, quod contra se videbant dici, de Joanne autem nihil mali dicere audebant propter circumstantes; *Nec ego vobis dicam, inquit, in qua potestate huc facio* (*Id. xxi, 23-27*): quod justissimum apparuit circumstantibus. Hoc enim se dixerunt nescire quod non nescibant, sed dicere nolebant. Et revera justum erat ut qui sibi volebant

responderi quod interrogaverant, prius ipsi facerent quod erga se fieri postulabant: quod si fecissent, ipsi sibi utique respondissent. Ipsi enim miserant ad Joannem querentes quis esset; vel potius ipsi missi erant sacerdotes et levitæ, putantes quod ipse esset Christus, quod ille se negavit esse, et de Domino testimonium perhibuit (*Jean. i, 19-27*): de quo testimonio si confiteri vellent, ipsi se docerent in qua ptestate illa faceret Christus; quod quasi nescientes interrogaverant, ut calunnianandi aditum reperirent.

CAPUT XXI. — 71. Cum igitur præceptum esset ne sanctum detur canibus, et margaritas ante porcos mittantur, potuit auditor occurrere et dicere, conscius ignorantie atque infirmitatis suæ, et audiens præcipi sibi ne daret, quod scipsum nondum accepisse sentiebat: potuit ergo occurrere ac dicere, *Quod sanctum me dare canibus, et quas margaritas me mittere ante porcos vetas, cum adhuc ea me habere non videam?* opportunissime subiecit, dicens, « *Petite, et dabitur vobis; querite, et invenietis; pulsate, et aperietur vobis.* » Omnis enim qui petit, accipit; et qui querit, invenit; et pulsanti aperietur. » Petitione pertinet ad impetrandam sanitatem firmitatemque animi, ut ea que præcipiuntur, implere possimus: inquisitio autem, ad inveniendani veritatem. Cum enim beata via actione et cognitione compleatur, actio facultatem virium, contemplatio manifestationem rerum desiderat: horum ergo primum petendum, secundum querendum est; ut illud detur, hoc inveniatur. Sed cognitio in hac vita, vita prius quam ipsius possessionis<sup>1</sup> est: sed cum quisque veram viam invenerit, perveniet ad ipsam possessionem; que tamen pulsanti aperietur.

72. Ut ergo tria ista, id est, petitione, inquisitio, pulsatio, manifesta siant, sub aliquo exemplo ponamus aliquem infirmis pedibus ambulare non posse: prius ergo sanandus et sanmandus est ad ambulandum; et ad hoc pertinet, quod dixit, *Petite.* Quid autem prodest quod ambulare jam, vel etiam currere potest, si per devia itinera erraverit? secundum est ergo, ut inveniat viam que dicit eo quo vult pervenire: quam cum tenerit, et pervenerit ad eum ipsum locum<sup>2</sup> ubi habitare vult, si clausum invenerit; neque ambulare potuisse, neque ambulasse ac pervenisse profuerit, nisi aperiatur: ad hoc ergo pertinet quod dictum est, *Pulsate (n).*

73. Magnam autem spem dedit et dat ille qui promittendo non decipit: ait enim, *Omnis qui petit, accipit; et qui querit, invenit; et pulsanti aperietur.* Ergo perseverantia opus est, ut accipiamus quod petimus, et inveniamus quod querimus, et quod pulsamus aperiatur. Quemadmodum autem egit de volatilibus coeli et de liliis agri, ne victum nobis vestitumque desperaremus adficietur, ut spes a minoribus ad

<sup>1</sup> Et. et Lov., possessio. Sed melius MSS. et antiquiores editi, *possessionis est.*

<sup>2</sup> Editi et MSS., *tenerit et peregerit, eum ipsum locum:* excepta sola editione Lov., que habet, *et perrenetur ad eum ipsum locum.*

(n) I Retract. cap. 19, n. 9.

majora consurgeret; ita et hoc loco, « Aut quis erit, ex vobis, inquit, homo, quem si petierit filius ejus panem, numquid lapidem porriget ei? aut si pisces petierit, numquid serpentem porriget ei? Si ergo vos, cum si. is mali, noster bona data dare filii vestris, quanto magis Pater vester qui in cœlis est, dabit bona potentibus se? » Quomodo mali dant bona? Sed malos appellavit dilectores adhuc scilicet hujus et peccatores. Bona vero quæ dant, secundum eorum sensum bona dicenda sunt, quia haec pro bonis habent. Quanquam et in rerum natura ista bona sint, sed temporalia et ad istam vitam insinuam peritentia: et quisquis ea malus dat, non de suo dat; Domini est enim terra et plenitudo ejus (*Psalm. xxiii, 1*) qui fecit cœlum et terram, mare et omnia quæ in eis sunt (*Psalm. cxlv, 6*). Quantum ergo sperandum est daturum Deum nobis bona potestibus, nec nos posse decipi, ut accipiamus aliud pro alio, cum ab ipso petimus, quando etiam nos, cum sinus mali, novimus id dare quod petimus? non enim decipimus filios nostros; et qualiacumque bona damus, non de nostro, sed de ipsius damus.

CAPUT XXII.—74. Firmitas autem et valentia quædam ambulandi per sapientiae viam, in bonis moribus constituta est, qui perducuntur usque ad mundationem simplicitatemque cordis, de qua jam diu loquens ita concludit: *Omnia ergo quæcumque vultis ut faciant vobis homines bona, ita et vos facite illis: haec est enim Lex et Prophetæ* (*Matth. vii, 12*). In exemplaribus grecis sic invenimus, *Omnia ergo quæcumque vultis ut faciant vobis homines, ita et vos facite illis*. Sed ad manifestationem sententiae puto a latinis additum *bona*. Occurrebat enim quod si quisquam flagitiouse aliquid erga se fieri velit, et ad hoc referat istam sententiam, veluti si velit aliquis provocari ut immoderate libeat et se ingurgitet poculis, et hoc prior illi faciat a quo sibi fieri cupit, ridiculum est hunc putare istam implevisse sententiam. Cum ergo hoc moveret, ut arbitror, additum est ad manifestationem rei unum verbum, ut posteaquam dictum est, *Omnia ergo quæcumque vultis ut faciant vobis homines*, adderetur *bona*. Quod si deest exemplaribus grecis, etiam illa emendanda sunt: sed quis hoc audeat? Intelligendum est ergo plenam esse sententiam et omnino perfectam, etiam si hoc verbum non addatur. Id enim quod dictum est, *quæcumque vultis*, non usitate ac passim, sed proprie dictum accipi oportet. Voluntas namque non est nisi in bonis: nam in malis flagitosisque factis cupiditas proprie dicitur, non voluntas. Non quia semper pro proprio loquuntur Scripturæ, sed ubi oportet ita omnino proprium verbum tenent, ut non aliud sinant intelligi.

75. Videtur autem hoc præceptum ad dilectionem proximi pertinere, non etiam ad Dei, cum alio loco duo præcepta esse dicat, in quibus tota *Lex pendet et Prophetæ*<sup>1</sup>. Nam si dixisset, *Omnia quæcumque vultis fieri vobis, haec et vos facite*; hac una sententia utrumque illud præceptum complexas esset: cito enim

diceretur, diligi se velle unumquemque, et a Deo, et ab hominibus: itaque cum hoc ei præcipere tur, ut quo tibi fieri vellet, hoc ficeret; id utique præcipere tur, ut diligenter Deum et homines. Cum vero expressius de hominibus dictum est, *Omnia ergo quæcumque vultis ut faciant vobis homines, ita et vos facite illis*; nihil aliud dictum videtur, quam, *Diliges proximum tuum tanquam te ipsum*. Sed non est negligenter attendendum quod hic subjicit, *Haec est enim Lex et Prophetæ*. In his autem duobus præceptis, non tantum ait, Lex pendet et Prophetæ; sed etiam addidit, *tota Lex et Prophetæ*<sup>2</sup> (*Matth. xxii, 37-40*); pro eo quod est tota prophetia: quodcum hic non addidit, servavit locum alteri præcepto, quod ad dilectionem Dei pertinet. Hic autem quoniam præcepta simplicis cordis excequitur, et erga eos metuendum est ne habeat quisque duplex cor, quibus occultari cor potest, id est erga homines; id ipsum præcipiendum fuit. Nemo enim fere est qui velit quemquam duplice corde secum agere. Id autem fieri non potest, id est, ut simplici corde homo homini aliquid tribuat, nisi ita tribuat, ut nullum ab eo temporale commodum exspectet, et ea intentione faciat, de qua superius sauis tractavimus, cum de oculo simplici loqueremur.

76. Mundatus ergo oculus simplexque redditus, aptus et idoneus erit ad intuendam et contemplandam interiorem lucem suam. Iste enim oculus cordis est. Hunc autem oculum tales habet ille qui finem bonorum operum suorum, ut vere bona opera sint, non in eo constituit ut hominibus placeat, sed etiam si provenerit ut eis placet, ad eorum salutem potius hoc resert et ad gloriam Dei, non ad inanem jactantiam suam; neque propterea boni aliquid ad salutem proximi operatur, ut ex eo compareat ea quæ huic vita transigendæ sunt necessaria; neque temere animum hominis voluntatemque condemnat in eo facto in quo non apparet quo animo et voluntate sit factum; et quidquid officiorum exhibet homini, hac intentione exhibet qua sibi exhiberi vult, id est, ut non ab eo aliquid commodi temporalis exspectet: ita erit cor simplex et mundum in quo queritur Deus. « Beati ergo mundi corde<sup>3</sup>; quoniam ipsi Deum videbunt» (*Id. v, 8*).

CAP. XXIII.—77. Sed hoc quia paucorum est, iam incipit de investiganda et possidenda sapientia loqui, quod est lignum vitae: cui<sup>4</sup> utique investigandæ ac possidendæ, id est contemplandæ, talis oculus per omnia superiora perductus est, quo videri jam possit arcta via et angusta porta. Quod ergo deinceps dicit, « Introite per angustam portam; quia lata porta<sup>5</sup> et spatiosa via quæ ducit ad perditionem; et multi sunt qui introeunt per eam: quam angusta est porta, et arcta via quæ ducit ad vitam; et pauci sunt qui eam inveniunt!» non ideo dicit, quia jugum Domini asperum est, aut sarcina gravis; sed quia labores finire

<sup>1</sup> Hoc loco rursum additur, *omnes*, iu duobus vaticinis vss.

<sup>2</sup> MSS. plures hic et alibi, sed non constanter, *manus cordes*.

<sup>3</sup> MSS., *cuius*. Sic etiam Mar. et Am.

<sup>4</sup> Mar. et MSS. uno tantum excepto, *quam lata porta*.

<sup>5</sup> In editione Mar. et decem vss., et onunc Prophetæ.

pauci volunt<sup>1</sup>, minus credentes clamanti, « Venite ad me, omnes qui laboratis, et ego vos reficiam. Tollite jugum meum super vos, et discite a me quoniam misericordia mea levis est» (*Math. xi, 28-30*) (hinc autem iste sermo sumpsit exordium, de humilibus et misericordie: quod jugum lene et levem sarcinam multi respouunt, pauci subeunt; coquæ fit arcta via<sup>2</sup> quæ dicitur ad vitam, et angusta porta qua intratur in eam).

CAPUT XXIV.—78. Hic ergo illi qui promittunt sapientiam cognitionemque veritatis quam non habent, præcipue cavendi sunt; sicut sunt heretici, qui se plerumque pauci ate commandant. Et ideo cum dixisset paucos esse qui inventiāt angustam portam et arctam viam, ne se illi supponant nomine paucitatis, statim subiecit: « Cavete a pseudopropheticis, qui veniunt ad vos in vestitu ovium, intrinsecus autem sunt lupi rapiaces. » Sed isti non fallunt oculum simplicem, qui arborem dignoscere ex fructibus novit. Ait enim: « A fructibus corum cognoscetis eos. » Deinde similitudines adjungit: « Numquid colligunt de spinis uvas, aut de tribulis ficas? Sic omnis arbor bona fructus bonos facit; mala autem arbor malos fructus facit; non potest arbor bona malos fructus facere; neque arbor mala fructus bonos facere. Omnis enim arbor quæ non facit fructum bonum, excidetur, et in ignem mittetur. Igitur ex fructibus eorum cognoscetis eos. »

79. Quo loco illorum error maxime cavendum est, qui de his ipsis duabus arboribus duas naturas opinantur esse, quarum una sit Dei, altera vero neque Dei, neque ex Deo. De quo errore in aliis libris et iam disputatum est ubiheret, et si adhuc parum est, disputabitur: nunc autem, non eos adjuvare duas istas arbores, docendum est. Primum, quia de hominibus eum dicere tam clarum est, ut quisquis præcedentia et consequentia legerit, miretur eorum exercitatem. Deinde attendunt quod dictum est, « Non potest arbor bona fructus malos facere; neque arbor mala fructus bonos facere, » et ideo putant neque animam malam fieri posse ut in melius commutetur, neque in deterius bonam; quasi dictum sit. Non potest arbor bona mala fieri, neque arbor mala bona fieri: sed dictum est, « Non potest arbor bona malos fructus facere; neque arbor mala bonos fructus facere. » Arbor est quippe ipsa anima, id est, ipse homo, fructus vero opera hominis: non ergo potest malus homo bona operari, neque bonus mala. Malus ergo si vult bona operari, bonus primo fiat. Sic alio loco evidenter dicit ipse Dominus: « Aut facite arborēm bonam, aut facite arborēm malam. » Quod si duas naturas istorum his duabus arboribus figuraret, non diceret, *Facite*: quis enim hominum potest facere naturam? Deinde etiam ibi cum ipsarum duarum arborum mentionem fecisset, subiecit: « Hypocritæ, quomodo potestis bona loqui, cum sitis mali » (*Id. xii, 33, 34*). Quamdiu ergo quisque malus est, non potest facere fructus bonos: si enim bonos fructus fecerit, jam mali non erit. Sic verissime dici potuit. Non potest esse nix calida: cum enim calida esse cœperit, non jam eam nivem, sed aquam vocamus. Potest ergo fieri ut quæ nix fuit, non sit; non autem potest fieri ut nix calida sit. Sic potest fieri ut qui malus fuit, non sit malus; non tamen fieri potest ut malus bene faciat. Qui etiam si aliquando utilis est, non hoc ipse facit, sed fit de illo, divina providentia procurante, sicut de Pharisæis dictum est, « Quæ dicunt, facite: quæ autem faciunt, facere nolite. » Hoc ipsum quod bona dicebant, et ea quæ dicebant, ut iter audiebantur et siebant, non erat illorum: *Super cathedram enim, inquit, Moysi sedent* (*Id. xxiii, 5, 8*). Per divinam ergo providentiam legem Dei prædicantes, possent esse audientibus utiles,

cum sibi non essent. De talibus alio loco per prophetam dictum est, « Seminatis triticum, et spinas metetis<sup>3</sup> (*Jerem. xii, 13*): quia bona præcipiunt, et mala faciunt. Non ergo qui eos audiebant et faciebant quæ ab eis dicebantur, de spinis legebant uvas; sed per spinas de vite legebant uvas: tanquam si manum aliquis per sepem mittat, aut certe de vite, quæ sepi saceruit involuta, uoram legat<sup>4</sup>, non spinarum est fructus iste, sed vitis.

80. Rectissime sane queritur quos fructus nos attendere voluerit, quibus cognoscere arborem possumus. Multi enim quædam in fructibus deputant, quæ ad vestitam ovium pertinent, et hoc modo a lupis decipiuntur: sicuti sunt vel jejunia, vel orationes, vel elemosynæ; quæ omnia nisi fieri etiam ab hypocritis possent, non superioris dicaret, *Cavete justitiam vestram facere coram hominibus, ut videamini ab eis*. Qua sententia præposita, ipsa tria exsequitur, elemosynam, orationem, jejunium. Multi enim multa pauperibus, non misericordia, sed ambitione largiuntur; et multi orant, vel potius videntur orare, non intuentes Deum, sed hominibus placere cupientes; et multi fejunt, et mirabiliē abstinentiam prætentunt eis quibus ista difficultia videntur, et honore digna existimantur: et hujuscemodi dolis eos capiunt, dum aliud ostentant ad decipiendum, aliud exserunt ad deprædandum vel interficiendum eos qui sub isto vestitu ovino lupos videre non possunt. Hi ergo non sunt fructus de quibus cognosci arborem monet. Ista enim cum bono animo in veritate fiunt, propriæ sunt ovium vestes; cum autem malo in errore, non aliud quam lupos contegunt. Sed non ideo debent oves odisse vestimentum suum, quia plerunque illo se occultant lupi.

81. Qui sunt ergo fructus quibus inventis cognoscamus arborem malam, dicit Apostolus: « Manifesta autem sunt opera carnis, quæ sunt fornicationes, immunditia, luxuria, idolorum servitus, veneficia, inimicitia, contentiones, emulationes, animositates, dissensiones, heres, sectæ<sup>5</sup>, invidice, ebrietates, comedationes, et his similia; quæ prædicto volbis, sicut prædicti, quoniam qui talia agunt, regnum Dei non possidebunt. Et qui sunt fructus per quos cognoscamus arborem bonam, idem ipse consequenter dicit: *Fructus autem Spiritus est charitas, gaudium, pax, longanimitas, benignitas, bonitas, fides, mansuetudo, continentia* (*Galat. v, 19-23*). Sane sciendum est, hic gaudium proprie possum; mali enim homines non gaudere, sed gestire dicuntur proprie: sicut superius diximus voluntatem proprie possum, quam non habent mali, ubi dictum est, *Omnia quæcumque vulnus ut faciant vobis homines, haec et vos facite illis*. Ex ista proprietate verbi, qua gaudium non dicitur nisi in bonis, etiam propheta loquitur, dicens: *Non est gaudere impius, dicit Dominus* (*Isai. lvi, 21, sec. LXX*). Ita quoque posita est fides, non quæcumque utique, sed vera fides: et cætera quæ hic posita sunt, habent quasdam imagines suas in malis hominibus et deceptioribus; ut omnino fallant, nisi quisque jam mundum oculum et simplicem habuerit, quo ista cognoscat. Optimo itaque ordine primo actum est de mundando oculo, et deinde dicta sunt quæ caveantur.

CAPUT XXV.—82. Sed quoniam quævis quisque oculo mundo sit, id est, simplici et sincere corde vivat, non potest tamen cor alterius intueri; quæcumque in factis vel dictis apparere non potuerint, tentationibus aperiuntur. Tentatio autem duplex est; aut in spe adipiscendi aliquod commodum temporale, aut in terrore amittendi. Et maxime cavendum est ne tendentes ad sapientiam, quæ in solo Christo inveniri potest, in quo sunt omnes thesauri sapientiae

<sup>1</sup> In B., finiri pauci volunt. Er. Lugd. Ven. et Lov. securi sumus. M.

<sup>2</sup> sic MSS. At editi, excepto Mar.. habent, quoniam jugum lene et levem sarcinam multi respuant, pauci subeunt; et quod sit arcta rta.

<sup>3</sup> Novem MSS., *Seminatis triticum, et spinas metetis*.

<sup>4</sup> Sic Er. In B., *aut certe de vite quæ sepi fieri involuta, uoram legal*. M.

<sup>5</sup> Ex septem MSS. additur, *sectæ*; quæ vox in editis, ederat.

et scientie abscondit (*Coloss.* ii, 3); cavendum ergo est, ne ipso Christi nomine ab hereticis vel quibuslibet male intelligentibus et sancti hujus amatoribus decipiatur. Nam ideo sequitur, et monet, dicens, *Non omnis qui dicit mihi, Domine, Domine, intrabit in regnum cœlorum: sed is qui facit voluntatem Patris mei qui in cœlis est. ipse intrabit in regnum cœlorum:* ne putemus ad illos fructus jam pertinere, si quis Dominum nostro dicat, *Domine, Domine;* et ex eo nobis arbor bona videatur. Sed illi sunt fructus, facere voluntatem Patris q[uod] in cœlis, eujus facienda se ipsum exemplum præbere dignatus est.

83. Sed merito potest utriusque quomodo huic sententiæ conveniat illud Apostoli ubi ait, *Nemo in Spiritu Dei loquens, dicit anathema Jesu; et nemo potest dicere, Dominum Jesum, nisi in Spiritu sancto* (*I Cor.* xii, 3): quia neque aliquis habentes Spiritum sanctum possimus dicere non introituros in regnum cœlorum, si perseveraverint usque in finem; neque illos qui dicunt, *Domine, Domine,* et tamen non intrant in regnum cœlorum, possimus dicere habere Spiritum sanctum. Quomodo ergo nemo dicit, *Dominum Jesum, nisi in Spiritu sancto,* nisi quia proprie Apostolus posuit verbum quod est, *dicit,* ut significet voluntatem atque intellectum dicentis? Dominus vero generaliter posuit verbum quod ait, *Non omnis qui dicit mihi, Domine, Domine, intrabit in regnum cœlorum.* Videtur enim dicere etiam ille qui nec vult, nec intelligit quod dicit: sed ille proprie dicit, qui voluntatem ac mentem suam sono vocis enuntiat. Sicut paulo ante quod dictum est *gaudium in fructibus Spiritus*<sup>1</sup>, proprie dictum est; non eo modo quo alibi dicit idem apostolus, *Non gaudet super iniquitatem* (*I Cor.* xiii, 6): quasi quisquam possit super iniquitatem gaudere: quia illa elatio est animi turbide<sup>2</sup> gestientis, non gaudium; nam hoc soli boni habent. Ergo dicere videtur etiam illi qui non hoc quod sonant et intellectu cerunt et voluntate agunt, sed voce tantum sonant: secundum quem modum Dominus ait, *Non omnis qui dicit mihi, Domine, Domine, intrabit in regnum cœlorum.* Vere autem ac proprie illi dicunt, a quorum voluntate ac mente non abhorret prolatio sermonis sui, secundum quam significationem dixit Apostolus: *Nemo potest dicere, Dominum Jesum, nisi in Spiritu sancto.*

84. Atque illud ad rem maxime pertinet, ne decipiatur tendentes ad contemplationem veritatis, non solum nomine Christi, per eos qui nomen habent et facta non habent, sed etiam quibusdam factis atque miraculis: qualia propter infideles cum fecerit Dominus, monuit tamen ne talibus decipiatur, arbitrantes ibi esse invisibilis sapientiam, ubi miraculum visible viderimus. Adjungit ergo, et dicit: *Multi mihi dicent in illa die, Domine, Domine, nonne in nomine tuo prophetavimus, et in nomine tuo dæmonia ejecimus, et in nomine tuo virtutes multas fecimus? Et tunc dicam illis: Nunquam vos cognovi; recedite a me, qui operamini iniquitatem.* Non ergo cognoscet nisi eum qui operatur iniquitatem. Nam et ipsos discipulos suos prohibuit gaudere de talibus, id est, quod dæmonia illis subjecta fuerint: *Sed gaudete, inquit, quia nomina vestra scripta sunt in cœlis* (*Luc.* x, 20); credo, in illa civitate Jerusalem que est in cœlis, in qua non nisi justi sanctique regnabunt. *An nescitis,* ait Apostolus, *quoniam iniqui regnum Dei non possidebunt* (*I Cor.* vi, 9)?

85. Sed fortasse quis dicat non posse iniquos visitilia illa miracula facere, et mentiri potius illos credit, qui dicturi sunt, *In nomine tuo prophetavimus, et dæmonia ejecimus, et virtutes multas fecimus.* Legat

<sup>1</sup> Am. Fr. et Lov. addunt, *sanceti*; quod a Mar. et MSS. absit.

<sup>2</sup> Duo e Vulgantis Vis., turpiter.

ergo quanta fecerint resistentes famulo Dei Moysi magi Ægyptiorum (*Exod.* vii, viii): aut si hoc non vult legere, quia non in nomine Christi fecerunt, legal que ipse Dominus dicit de pseudopropheticis, ita loquens: *Tunc si quis vobis dixerit, Ecce hic est Christus, aut illuc, nolite credere.* Surgeant enim pseudochristi et pseudoprophekte, et dabunt signa magna et prodigia, ita ut in errorem inducantur etiam electi: ecce prædicti vobis» (*Math.* xxiv, 23-25).

86. Quam ergo mundo et simplici oculo opus est, ut inventiarum via sapientiae, cui tantæ malorum et perversorum hominum deceptions erroresque obstrepunt, quos omnes evadere, hoc est venire ad certissimam pacem et immobilem stabilitatem sapientie! Vehementer enim inquietandum est, ne studio altercandi et contendendi quisque non videat quod a paucis videri potest, ut parvus sit strepitus contradicuum, nisi etiam ipse sibi obstrepat. Quo pertinet etiam illud quod Apostolus dicit: *Servum autem Domini non oportet litigare; sed mittem esse ad omnes, docibilem, patientem, in modestia corripientem diversa sentientes: ne forte det illis Deus penitentiam ad cognoscendam veritatem* (*II Tim.* ii, 24, 25). Beati ergo pacifici; quoniam ipsi filii Dei vocabuntur (*Math.* v, 9).

87. Conclusio ergo hujus totius sermonis quam terribiliter inseratur, valde attendendum est: *Omnis ergo, inquit, qui audit verba mea haec et facit ea, similis est viro sapienti qui ædificavit domum suam super petram.* Non enim quisque firmat quod audit vel percipit, nisi faciendo. Et si petra Christus est, sicut multa Scripturarum testimonia prædicant (*I Cor.* x, 4), ille ædificat in Christo, qui quod audit ab illo, facit. *Descendit pluvia, venerunt flumina, flaverunt renti, et offenderunt in domum illam, et non cecidit*<sup>1</sup>; *fundata enim erat supra petram.* Non ergo iste metuit ullas caliginosas superstitiones; (quid enim aliud intelligitur pluvia, cum in mali alienij significations ponitur?) aut rumores hominum, quos ventis comparatos puto; aut vita hujus fluvium, carnalibus concupiscentijs tanquam fluentem super terram. Horum enim trium, qui prosperitatibus inducit, adversariis frangit; quorum nihil metuit qui fundatam habet dominum super petram, id est, qui non solum audit precepta Domini, sed etiam facit. Et his omnibus periculose subjacet qui audit et non facit: non enim habet stabile fundamentum; sed audiendo et non faciendo ruinam ædificat. Ait enim consequenter: *Et omnis qui audit verba mea haec et non facit ea, similis erit viro stolido qui ædificat domum super arenam: descendit pluvia, venerunt flumina, flaverunt venti, et offenderunt in domum illam, et cecidit; et facta est ruina ejus magna.* Et factum est cum consumasset Jesus verba haec, admirabantur turbæ super doctrinam eius: erat enim docens eos, quasi potestatem habens, non quasi Scribae eorum<sup>2</sup>. Hoc est quod ante dixi per prophetam esse significatum in Psalmis, cum diceret: *Fiducialiter agam in eo: eloqua Domini, eloqua casta; argentum igne examinatum, probatum terræ, purgatum septuplum* (*Psal.* xi, 6, 7). Propter quem numerum admonitus sum etiam præcepta ista ad septem illas referre sententias, quas in principio sermonis hujus posuit, de beatis cum diceret; et ad illas septem operationes Spiritus sancti, quas Isaïas propheta commemorat (*Isai.* xi, 2, 3); sed sive iste ordo in his considerandus sit, sive aliquis alius, facienda sunt quæ audivimus a Domino, si volumus ædificare super petram.

<sup>1</sup> Sic Mar. At editi, excepto Mar., non potuerunt illam noscere.

<sup>2</sup> Apud Am. Fr. et Lov. additur, *et Pharisei.* Id tamen hic nullum in Ms. reperimus, nec apud Mar. Est quidem in versione Vulgata, sed non exstat in textu græco.

EXPLICIT TOMI TERTII PARS PRIOR.

Parisijs. — Ex Typis J.-P. MIGNE.